


9.18 M. 5

De thesore.

De thesore.



A H M A.O.I.





9.18. M.5

12  
X  
55



5  
x  
22



# PANOPLIA SACERDOTALIS:

S E U

DE VENERANDO

## SACERDOTUM HABITU,

EORUMQUE MULTIPLICI MUNERE  
AC OFFICIO IN ECCLESIA DEI.

*Auctore* ANDREA DU SAUSSAY *Episcopo Tullensi.*

EDITIO NOVA.



P A R I S I I S,

Apud SEBASTIANUM MABRE-CRAMOISY, Regis Typographum,  
viâ San-Jacobæâ, sub Ciconiis.

M. D C. L X X X I.

*Cum Privilegio Regis, & Theologorum Approbatione.*



PANOP  
211100112

211100112



211100112

211100112

211100112

211100112



VERBO INCARNATO,  
DOMINO NOSTRO  
**JESU CHRISTO,**  
VERO DEO ET HOMINI,  
ÆTERNI PATRIS UNIGENITO:  
**MARIÆ**  
BENEDICTÆ MATRIS,  
AC VIRGINIS PERPETUÆ  
SOLI FILIO,  
UNICOQUE DEI ET HOMINUM  
MEDIATORI:  
SACERDOTI IN ÆTERNUM,  
FUTURORUM BONORUM  
PONTIFICI,  
ANIMARUM NOSTRARUM PASTORI  
AC EPISCOPO:  
IMMORTALI ECCLESIAE SPONSO,  
SUPREMOQUE CAPITI,  
SEPTEM SACRAMENTORUM AUCTORI,  
BONORUM OMNIUM LARGITORI:  
CHRISTIANI SACERDOTII  
FUNDATORI,  
AC PRINCIPI SACRATISSIMO,  
SUPER OMNIA TREMENDO,  
ADORANDO, DILIGENDO.

# OPERIS SYNOPSIS.

## PRIMÆ PARTIS PANOPLIÆ SACERDOTALIS LIBER PRIMVS.

*De Amictu.* à pag. 1. ad 13.

- |  |   |
|--|---|
| <b>CAP. I.</b> <b>D</b> E nomine <i>Amictus</i> .<br>pag. 1.                                     | <b>CAP. IV.</b> De usu <i>Amictus</i> sacri. 4                    |
| <b>CAP. II.</b> An <i>superhumera</i> le, vel<br><i>Ephod</i> , idem sit quod <i>Amictus</i> . 2 | <b>CAP. V.</b> De modo <i>Amictus</i> assu-<br>mendi.             |
| <b>CAP. III.</b> De <i>Mitella</i> , seu orna-<br>to <i>Amictu</i> Ecclesiastico. 4              | <b>CAP. VI.</b> De <i>Amictus</i> mystica &<br>moralis theoria. 8 |

## LIBER II.

*De Podere, seu Alba, vel linea tunica talari.* 13. ad 34.

- |   |  |
|---|--|
| <b>CAP. I.</b> <b>E</b> TYMOLOGIA nomi-<br>nis. 13  | <b>CAP. VI.</b> Cur potius ex lino, quàm<br>lana, talaris tunica Sacerdotalis<br>contextitur? 21       |
| <b>CAP. II.</b> De <i>Antiquitate usus tuni-<br/>ca linea talaris seu Alba in Eccle-<br/>sia.</i> 14  | <b>CAP. VII.</b> De forma <i>Alba</i> &<br><i>Amictus</i> Sacerdotalis. 22                             |
| <b>CAP. III.</b> An <i>Camisia</i> , seu cami-<br>sum, apud Ecclesiasticos scriptores,<br>idem sit quod <i>poderis</i> , seu <i>Alba</i> :<br>id est linea tunica talaris, seu su-<br>perlicium, vel rochetum? 16 | <b>CAP. VIII.</b> De colore niveo <i>Alba</i> ,<br>seu de candore talaris tunica Sa-<br>cerdotalis. 23 |
| <b>CAP. IV.</b> De tunica talaris, seu Sa-<br>cerdotalis, <i>Alba</i> scilicet, materia,<br>lino & bysso, eorumque discrimi-<br>ne. 19  | § I. Candidus color designat Innocen-<br>tiam. <i>ibid.</i>  |
| <b>CAP. V.</b> An ex alia materia, vel<br>bysso, fas sit in sacrificio, divinis mi-<br>nistris contestam Albam gerere? 20   | § II. Libertatem. 24   |
|   | § III. Pacem. 25   |
|   | § IV. Nuptias Agni. 26   |
|   | § V. Martyrum gloriam. 27  |
|   | § VI. Gaudium Beatorum. 29   |
|   | <b>COROLLARIUM</b> , De <i>Alba</i> my-<br>stica origine, & tropologico usu. 31                        |



## OPERIS SYNOPSIS.

- obcuntibus, casula etiam, seu planeta est in usu: idcoque ab eorum Interpretibus sacrorum rituum sacros inter ornatus connumeratur. 121
- CAP. X. De materia Casulae, seu planetae. 122
- CAP. XI. De forma Casulae Sacerdotalis. 125
- CAP. XII. De usu Casulae Sacerdotalis. 131
- CAP. XIII. Casulam approbatam à Deo, nonnullis gratiae suae spectatis testimoniis &c. 132
- ARTIC. I. De Casula, seu veste Sacerdotali, quam S. Hildephonsus Toletanus Praeantistes, singulari gratificatione à Beatissima Virgine accipere promeruit. 133
- ARTIC. II. De Casula data à B. Virgine S. Bonito Episcopo Aruernensi, seu Claramontano, in signum sibi gratiae eius pietatis & puritatis. 135
- ARTIC. III. Eodem munere honoratum fuisse S. Thomam Cantuariensem ab eadem sanctissima Virgine Dei-genitrice Maria, ad triumphalis eius agonis honorificationem. 138
- CAP. XIV. De Casula morali significatione. ibid.
- CAP. XV. De Planeta, seu Casulae mystica theoria. 140

## LIBER VII.

### De Cappa, seu Pluviali.

à pag. 143. ad 157.

- CAP. I. **C**APPA undedicta? Pluviale itidem? 143
- CAP. II. Cappae variae species. 144
- CAP. III. De differentia Cappae, & Casulae, seu Pluvialis & Planetae, diversaeque illarum forma & usu. 145
- CAP. IV. Diversae itidem Cappae Ecclesiasticae species: Cardinalitia, Episcopalis, & Papalis. 146
- CAP. V. Extra sacrificium, Cappa in Officiis Ecclesiasticis usitator est ornatus, isque non nuperus. 148
- CAP. VI. In dedicatione Ecclesiarum, Pontifex Consecrator, non casula utitur, sed tantum Cappa, seu pluviali. 151
- CAP. VII. Petri Molinai Calvinista ministri petulantia, impiæque dicacitas circa Dei Patris imaginem, in Ecclesia Catholica pio usu acceptam, Cappa Sacerdotali, & regali corona triplici insignitam, castigatur. 153
- COROLLARIUM ex Petro Blessensi, serm. 41. habito in synodo, dum Archidiaconi officio fungebatur. Seu, Parænesis Spiritus S. ad Sacerdotem, diuina mysteria celebrantem, de Panoplia Sacerdotali. 155

## APPENDIX

De Cappa pueri Iesu, seu de veste puerili Domini Seruatoris, quæ in Argentoiolo Monasterio aservatur. 157. ad 182.

CHARTA Episcoporum interioris Franciæ, de ipsa veste Domini, in eisdem Ecclesiæ Argentoiolensis hieroglyphylacio ab antiquis temporibus reposita & honorata. 157

NOTÆ ET OBSERVATIONES in Authenticum præsignatum, continent paragraphos 19. usque ad digressiunculam sequentem. à pag. 158. ad 163

DIGRESSIVNCULA Polemica contra Calvinum. de veste Domini quæ iam pridem apud idem Argentolium digna cum veneratione servatur. 163

CONTINUATIO NOTARVM à §. 20. ad 44. inclusivè. à pag. 168. ad 182.

COROLLARIUM. 180. 181

LIBER VIII.

De sancto Calice.

à pag. 181. ad 281

CAP. I. **D**E nomine calicis, & eius origine, ac significatu. 182

CAP. II. Antiqui nummi, seu scli Hebraici, mystica ad formam calicis figura, & inscriptionis elucidatio, urna insuper in qua manna servabatur, ad formam calicis efficta (figurâ in alio scli expressâ) descriptio. 184

CAP. III. De materia & forma Calicis, quo Christus Eucharistiam instituendo usus est; deque loco, quo is nunc usque observatur. 186

CAP. IV. An Calices fuerint passim vitrei in primitiva Ecclesia, stata lege, usque passim recepto? 189

ARTIC. I. An id statuerit Zepherinus Pontifex? ibid.

ARTIC. II. Alicubi vitreos calices, quin etiam chrySTALLINOS fuisse in usu circa seculum 4. Ecclesia, & infra. 191

CAP. V. Num lignei Calices, usu fuerint ab Ecclesia pridem recepti? ubi obiter etiam de corneis. 195

CAP. VI. Aureos & argenteos calices usitatos in Ecclesia primitiva, etiam furentem aduersus fideles ethnica superstitione; postmodum vero constanti ritu fuisse aureos, argenteos, vel saltem stanneos, abrogatis quibuscumque ligneis, vitreis, cupreis, &c. 197

CAP. VII. Gemmatos fuisse dudum quosdam Calices. 199

CAP. VIII. Calices pretiosos iam olim Deo offerri consuevisse, ad altaris celebrandum venerabile mysterium. 201

CAP. IX. Calices recenseri inter principia Ecclesiarum ornamenta, & re-

ligiosè seruari, atque pro sacra pompa ad altare maius appendi, & ostentari in solennioribus festis. 202

CAP. X. Sacro ritu consecratos calices, non posse sine sacrilegij piaculo temerari; plexo que non semel violatione diuina eorumdem, & ceterorum vasorum sacrorum violatores. 205

ARTIC. I. De Calicis Eucharistiae consecrandæ dedicandi, propria consecratione, à solo Episcopo faciendâ ordinario iure: extraordinario autem à simplici Sacerdote, Papæ auctoritate suffulto. ibid. & seq.

ARTIC. II. Consecratos Calices solenni Ecclesie ritu, reuerenter à piis semper seruatos: at econtra impiorum fuisse iam olim morem eos deperdari, profanare, diripere: sed ut plurimum non sine vindictina Dei iusticie patenti indicio. 207

CAP. XI. An Calicis benedictio seu consecratio sit immobilis, quamdiu integer perseuerat, quacumque ex materia sit consecratus. 211

CAP. XII. A quibusnam Calix licitè possit contrectari? 213

CAP. XIII. An pœna aliqua canonica imminet Sacerdoti, diuinam mysteria celebranti in vase non consecrato? 216

CAP. XIV. De unitate Calicis in altari, ubi obiter observatur, pluries in una eademque Ecclesia, eodem die sacrificium Eucharistiae fuisse oblatum à diuersis Sacerdotibus, sub ipsis primis Ecclesie sæculis. Et varia species calicum recensentur tam ratione materiae & formæ, quam denominationis & usus. 217. & seq.

ART. I. De unitate Calicis in Missa. 217

ARTIC. II. Varias referens calicum species & denominationes. 221

§ I. Calix sanctus. ibid.

§ II. Calix ministerialis. 223

§ III. Calix praeipuus. 224

# OPERIS SYNOPSIS.

- § IV. Calix pendentilis. 225  
 § V. Calix fundatus. 226  
 § VI. Calices maiores. ibid.  
 § VII. Calix aureus. ibid.  
 § VIII. Calices gemmei. 227  
 § IX. Calices argentei. ibid.  
 § X. Calix argenteus deauratus. 228  
 § XI. Calices Baptismi & Pœnitentie. 229  
 § XII. Calix reticulatus. ibid.  
 § XIII. Calix catenatus. ibid.  
 § XIV. Calix ansatus. ibid.  
 § XV. Calix tetragonus. 230  
 § XVI. Calix imaginatus. ibid.  
 CAP. XV. De positione & situ Calicis sancti in altari. 231  
 CAP. XVI. Miscellanea de Calice. 234. & seq.  
 § I. Ex Calice sancto sanguinis Domini instillandi in os infantum, mos fuit primitiva Ecclesia : quem insigni miraculo illustratum refert S. Cyprianus in celebri sermone de lapsis. ibid. &c.  
 § II. Calicem sanctum non manu, sed ore dumtaxat laici, etiam summates contingebant. 236  
 § III. Quotidiano ministerio, calice scilicet & patena parua, cum Evangeliorum codice ad collum appenso, servatus fuit à naufragio S. Maximus discipulus S. Martini, deinde Abbas Cainonensis in diocesi Turonensi, ex Gregor. Turon. de gloria Conf. c. 22. ibid.  
 § IV. Subdiaconus acetum supponens in sancto calice pro vino, diuinitus desegitur. Ex eod. Greg. Turon. ibid. c. 65. 237  
 § V. Anathema scriptam aduersus Pyrrhum Constantinop. Antistitem, Monothelitarum hærescos antesignanum, à Theodoro Papa: intincto calamo in sancto calice, & pretioso liquore Dominici sanguinis vice atramenti, ad sacrorum apicum exarationem infuso. ibid.  
 § VI. In Calicem S. Lupi Archiepiscopi Senonensis, sacrificantis, speciosa gemma celitus immissa. 238  
 § VII. S. Leo summus Pontifex, diuinitus euocatus ab Episcopatu Tullensi, ad summum Ecclesie principatum, quot annis sessurus esset in s. de Apostolica, & aliquot eius successores : per symbolum aureorum calicum quos B. Petrus ipsi apprensus, in manus dedit, accepit mysticum indicium. ibid. & seq.  
 § VIII. Henricus II. Imperator, tam graui morbo affectus, ut ipsi vix adhuc

- in pectore vitalis halitus superesset : repente sanatus est à S. Laurentio sibi apparente, & à calice aureo, aquam refrigerantem super eum aspergente. 239  
 § IX. Victore II. celebrante, toxicâ imbutus calix, in quo consecratus erat sanguis Domini, de more ut adoraretur, leuari non potuit ab ipso Pontifice : unde veneficus hypodiaconus confestim arreptus à demone, reatum suum fateri compulsus est; Pontifexque fide subnixus, à preparato sibi veneno, diuina virtute euasit. 240  
 § X. In Calicem iniectis Cardinalium schedulis, electionis Pontificis Romani fieri scrutinium : ita enim habet ceremoniale Romanum, approbatum speciali decreto, à Gregorio XV. Pont. Max. Constitut. 19. edita anno 1621. qua incipit, Decretum Romanum Pontificem. 241  
 § XI. Rex Francorum Christianiss. in die consecrationis sua Rhemis, communicat post missæ sacra solennia, ad summum altare, de manu Archiepiscopi Rhemensis, sub utraque specie : Etenim post sumptum sub specie panis adorandum Corpus Domini, eundem sanctum sanguinem ab Archiepiscopo sibi exhibitum in Calice sancto, quo communicauit ipse Pontifex cum ministris. 243  
 § XII. In Regali Monasterio S. Dionysij in Francia, Ministri Altaris, Diaconus & Subdiaconus communicant ex speciali privilegio, cum Abbate, vel alio Sacerdote celebrante, corpus & sanguinem Domini sub utraque specie, hausto de sancto calice ipso sanguine sacro per canulam auream consecratam, Papali scilicet more, de quo constat in ceremoniali Romano. Ex Antiqq. Abbatia S. Dionys. Iac. Dublet. l. 1. c. 48. 244. & seq.  
 § XIII. S. Philippi Nery mira circa sanctos Calices deuotio. 246  
 § XIV. Calix sanguine Martyrum imbutus, ab Angelo ostensus est in signum persecutionis Anglicana Ecclesia, futuraque eius pacis, cum impletus fuerit, indicium. ibid. & seqq.  
 § XV. Hostia quæ consecratur feriâ s. in Cæna Domini, ad Communionem Sacerdotis in die Parasceves (qua ex præsantificatis tantum licet diuinis participare) non in vase solari, sed in sancto Calice asseruari debet. Ex Manuali sacrarum Cæremon. iuxta ritum S. R. E. part. 5. c. 9. 248. & seqq.



## OPERIS SYNOPSIS.

<p>§ XVI. Calices esse indicia Sacerdotij, didicit celesti visu, Sancta Lide uigilis virgo, qua sub Eugenio IV. vita admirabilis cursum feliciter consummauit. Ex lib. 1. vitæ eius, sub finem. 251</p> <p><b>CAP. XVII. Quæstio, de signis quæ fiunt super calicem sanctum, deque eius elevatione, &amp; repositione, ab Iuone Carnotensi, &amp; Micrologo discussa.</b> 252</p> <p><b>CAP. XVIII. In forma consecrationis Calicis Domini, cur potius quam in consecratione Panis Eucharistiae, dicitur, Mysterium fidei; cum duæ species non conficiant nisi unum idemque sacramentum.</b> 254</p> <p><b>CAP. XIX. De arcanis Calicis, &amp; tropologia; seu de diuersis Calicibus in sacra Scriptura designatis, eorumque tam bona, quam mala significatione.</b> à pag. 256. ad 268</p> <p><b>ARTIC. I. De Calicis, in diuinis litteris mystica moralique theoria, in bono sensu.</b> 256</p> <p>§ I. Calix hereditatis. ibid.</p> <p>§ II. Calix inebrians, quàm præclarus! 257</p> <p>§ III. Calix aquæ &amp; ignis, qui &amp; intellectus &amp; sapientia. 259</p> <p>§ IV. Calix mixtus. ibid. &amp; seq.</p> <p>§ V. Calix salutaris, seu salutis. 260</p> <p>§ VI. Calix passionis, seu Martyrij. ibid. &amp; seq.</p> <p>§ VII. Calix benedictionis. 262</p> <p>§ VIII. Calix Domini. 263</p>	<p><b>ARTIC. II. De Calicis sequiori, in Scriptura sacra, significatione.</b> 264</p> <p>§ I. Calix iræ Dei. ibid.</p> <p>§ II. Calix furoris Domini. 265</p> <p>§ III. Calix dextera Domini, id est potentia, peccatores patientis. ibid.</p> <p>§ IV. Calix inebriationis. 266</p> <p>§ V. Calix saporis. ibid.</p> <p>§ VI. Calix Demaniorum. ibid.</p> <p>§ VII. Calix Babylonis, seu abominationis. 267</p> <p>§ VIII. Calix ignominia, meroris, atque tristitia. ibid.</p> <p><b>CAP. XX. Arcana quædam sacri Calicis ex Scriptura, Patribus &amp; Theologis, ac historia Ecclesiastica.</b> 268</p> <p><b>ARTIC. I. Prophetia Iacob, de sanguine una.</b> ibid.</p> <p><b>ARTIC. II. Cur Passionem suam &amp; memoriale mortis suæ, poculum scilicet sanguinis sui, Christus D. Calicis nomine insignierit.</b> 269</p> <p><b>ARTIC. III. Calix plenus mixto, iustitia &amp; misericordie Dei hieroglyphicum.</b> 270</p> <p><b>ARTIC. IV. Calix sanguinis Domini, symbolum etiam diuinæ iræ, &amp; gratiæ.</b> ibid.</p> <p><b>ARTIC. V. In sancto Calice, mysterium lateris Christi in cruce percussæ representatur.</b> 271. &amp; seq.</p> <p><b>ARTIC. VI. De Communione intincta; probatane, vel damnata fuerit?</b> 274</p> <p><b>ARTIC. VII. In sancto Calice esse vinum quod lasificat cor hominis.</b> 278</p> <p><b>ARTIC. VIII. De lacteo Calice, seu vino quod germinat virgines.</b> 279</p>
--	---

## LIBER IX.

### De Patena sacri Calicis.

à pag. 281. ad 300.

<p><b>CAP. I. PATENA</b> quid &amp; unde dicta? 281</p> <p><b>CAP. II. Patena consecrata, in sacrificio Eucharistiae usus solennis.</b> 282</p> <p><b>CAP. III. De usu patenæ in administratione corporis Domini.</b> 284</p> <p><b>CAP. IV. De Patena &amp; Pyxidis</b></p>	<p>differentia, patenarumque, etiam quoad usum Eucharistiae, diuersitate; ubi etiam de Columbibus aureis, aut argenteis, ciboribus pretiosis, in quibus super altare Corpus Domini reponi ad cultum consueuerat. 285</p> <p style="text-align: right;">De</p>
--	---



## OPERIS SYNOPSIS.

<p><i>De Columbis argenteis, aureisque, in quibus recondebatur Corpus Domini.</i> 286</p> <p><i>De turriculis, seu turribus pretiosis, in quibus reponi itidem consueverat.</i> 287</p> <p><i>De ciboriis etiam pretiosis.</i> 288</p> <p><b>CAP. V.</b> <i>De Patenis chrisimalibus.</i> 290</p> <p><b>CAP. VI.</b> <i>Patena, quasi thalamus est Corporis Christi e cruce depositi, in sancto die Parasceues.</i> 292</p> <p><b>CAP. VII.</b> <i>Exhibito Corpore Domini super Patenam, S. Bernardus Daemonem expellit, &amp; Guillelmum Pictavia Comitem, Deo &amp; Ecclesia rebellem profternit, &amp; conuertit.</i></p>	<p style="text-align: right;"><i>ibid. &amp; seq.</i></p> <p><b>CAP. VIII.</b> <i>De mysteriis Patenæ sacra, ex priscis interpretibus Ecclesiasticorum rituum sanctæ Romanæ Ecclesiæ.</i> 295</p> <p><b>CAP. IX.</b> <i>De mysteriis Patenæ, ritu Græco, secundum theoriam S. Basilij; nec non etiam Syriaco more, &amp; iterum Latino usu.</i> 296</p> <p><b>CAP. X.</b> <i>De Patenæ mysteriis iuxta ordinem diuini officij Gothici Musarabum.</i> 297</p> <p><b>CAP. XI.</b> <i>De Mystico ritu patenæ apud Indos.</i> 299</p> <p><b>COROLLARIUM</b> <i>de patena. ibid.</i></p>
---	---

# PANOPLIÆ SACERDOTALIS PARS ALTERA.

*De multiplici Sacerdotum munere ac officio in Ecclesia Dei.*

## LIBRI V.

Ex Pontificali Rom. tit. de Ordinatione Presbyteri, in admonitione ad Ordinandos.

Sacerdotem oportet OFFERRE, BENEDICERE, PRÆESSE, PRÆDICARE, ET BAPTIZARE. à pag. 301. ad 365

## LIBER PRIMVS.

*De officio Sacerdotis, quatenus ad offerendum Deo sacrificium ordinatur, seu de munere offerendi.* à pag. 305. ad 542.

**CAP. I.** **C**ORPVS & sanguinem I. Domini, esse id sacrificium, quod in Missa propriè offertur & sacrificatur. 305

**ARTIC. I.** *Vnicum, & proprium noui Testamenti sacrificium esse Christi Corpus & sanguinem, nec aliâ potuisse hostiâ legem gratiæ consecrari & propagari. Ad quam oblationem, legis antiqua omnia sacrificia, ut ad rem umbra, ad archetypum figuræ referebantur, & in ea consummantur.* 306

**ARTIC. II.** *Propter eximiam hostiæ dignitatem, quæ à Sacerdotibus noui Testa-*

*menti iugiter immolatur, iisdem, & inferioribus altaris ministris, perpetuam continentiam fuisse iniunctam.* 315

**CAP. II.** *De obiecto sacrificij Christiani, videlicet, quod Deo uni & trino, solique debetur & offertur.* 322

**CAP. III.** *De ministro huius sacrificij. ubi demonstratur, quod licet Christus sit qui præcipuè illud offert, tamen Sacerdos propriè quoque id offerat, sed Christi nomine, cuius vires gerit, & personam representat.* 330

# OPERIS SYNOPSIS.

- CAP. IV. Quo enucleatius agitur de ipso Sacerdotali Ministro.** 332
- ARTIC. I. Sacerdotem Deo offerre ut Christi Ministrum, iidemque populo fidei dispensare ex officio, hostiam salutarem.** ibid. & seq.
- ARTIC. II. Vicem Christi gerit summi Sacerdotis, Episcopus ac Presbyter, in hoc sacrificio.** 335
- ARTIC. III. Sacerdos in novi aeternique Testamenti sacrificio personam Domini induit.** 337
- ARTIC. IV. Sacerdotem celebrantem divina mysteria, verè esse omnipotentia Christi organum.** 343
- CAP. V. Qualiter Sacerdos offerre debet, ut dignè & fructuosè suo officio defungatur.** 346
- ARTIC. I. Sacrificium Eucharistiae est mundè offerendum.** 349
- § I. De cordis & manuum Offerentis munditia.** ibid.
- § II. De confessione à Sacerdote Missam celebraturo praeiudicanda.** 351
- ARTIC. II. Rectè.** 361
- DIGRESSIVNCULA aduersus Petrum Molinæum, intensionem Sacerdotum Missæ sacrificium celebrantium, ad turpe lucrum & pudendum commercium, impudenti calumniâ detorquentem.** 362
- ART. III. Legitimè.** 371
- DIGRESSIVNCULA De Canone Missæ.** 372 & seq.
- CAP. VI. Sacerdotem acceptius Deo sacrificium offerre non posse, quàm si Christum offerentem in ipsa sui immolatione imitetur.** 384
- ARTIC. I. Sacerdos offerendo Christi corpus & sanguinem, eius non tantum præceptum implere debet: sed & exemplum sequi, ut suum sacrificium sit plenum & perfectum.** ibid.
- ARTIC. II. Christi exemplo offerat Sacerdos incruentam hostiam, in odorem suauitatis.** 385
- ARTIC. III. Sacerdos offerendo incruentum Missæ sacrificium, passionem Domini potissimum imitetur.** 389
- ARTIC. IV. De ipsa ratione, modoque imitationis mortis & passionis Domini, quibus uti debet Sacerdos celebrando incruentum Missæ sacrificium.** 392
- § I. Imitandum ante omnia, feruens Christi desiderium.** ibid.
- § II. Agonia Christi, contritio Sacerdotis.** 394
- § III. Christus in procinctu suæ Passionis confortatus fuit ab Angelo: opem angelicam Sacerdos tremenda mysteria celebraturus imploret, qua indiget plurimum.** 396
- § IV. Sanctorum etiam suffragiis postulet adiuuari, cum & Christus qui passionem suam ab oratione incepit, Petrum, Iacobum & Ioannem orare & vigilare secum voluerit, ad præbendum exemplum expectanda Sanctorum comprecationis, quando sacrificium Deo est offerendum.** 399
- § V. Imprimis gloriosa semperque Virginis Maria Genitricis Dei suffragia imploranda sunt à Sacerdote.** 401
- § VI. Christum sese totum hoc in sacrificio (ut in cruce) aeterno Patri offerentem Sacerdos celebraturus potissimum imitetur.** 405
- PUNCTVM I. Quæstio celebris, de re in qua consistit sacrificij Missæ formalis ratio.** 406
- PUNCTVM II. Consecratio & oblatio Sacerdotis Missæ sacrificium celebrantis.** 409
- CAP. VII. Pro quibusnam Missæ sacrificium offerri potest?** 415
- ARTIC. I. De Sanctis in calo beatis.** 416
- ARTIC. II. De fidelibus defunctis in purgatorio detentis.** 420
- ARTIC. III. De Damnatis.** 426
- ARTIC. IV. De infidelibus & impiis.** ibid. & seq.
- ARTIC. V. De Iudeis incredulis.** 429
- ARTIC. VI. De Hæreticis & schismaticis.** 432
- ARTIC. VII. De Excommunicatis atque induratis peccatoribus.** 434
- ARTIC. VIII. De fidelibus viventibus, seu populo sancto Dei.** 436
- CAP. VIII. Quo fine Missæ sacrificium offerendum est.** 440
- ARTIC. I. Missæ sacrificium offertur præsertim ad Deum colendum summo obsequio & honore.** ibid.



## OPERIS SYNOPSIS.

<p><b>ARTIC. II.</b> <i>Idem offertur ad Deum placandum, &amp; peccata nostra expiandum.</i> 445</p> <p><b>DIGRESSIVNCULA POLEMICA,</b> <i>pro vero Eucharistia sacrificio, eoque propitiatorio. contra Petrum Molinzum.</i> 448</p> <p><b>ARTIC. III.</b> <i>Hoc ipsum sacrificium im- petratorum esse.</i> 472</p> <p><b>ARTIC. IV.</b> <i>Effectum sacrificium lau- dis &amp; gratiarum actionis.</i> 470</p> <p><b>CAP. IX.</b> <i>De loco sacrificij.</i> 474</p> <p><b>ART. I.</b> <i>sem Disceptatiuncula, de alta- rium antiquissimo usu in Ecclesia: ma- teria. forma, sine, situ, singularitate, &amp; pluralitate. aduersus Petrum Moli- narum, Caluinistarum rigidiorum in Gallia antesignanum.</i> 475</p> <p><b>§ I.</b> <i>An altaris nomen, pro primordiali Mensæ vocabulo sensim irrepperit?</i> ibid.</p> <p><b>§ II.</b> <i>An altaria, primis Ecclesie sæculi fuerint tantum lignea.</i> 478</p> <p><b>§ III.</b> <i>De forma Altaris, atque sine ad aueum erigitur: ac itidem de situ.</i> 482</p> <p><b>§ IV.</b> <i>Quod etsi plerumque unum, tamen plura tam olim in Ecclesia altaria erant.</i> 483</p> <p><b>ARTIC. II.</b> <i>An in omni loco, ritè &amp; ca- nonicè sacrificari possit?</i> 488</p> <p><b>§ I.</b> <i>An Missæ sacrificium possit in navi, su- pra mare, vel super flumen celebrari?</i> 489</p> <p><b>§ II.</b> <i>De Altari portatili.</i> 492</p> <p><b>CAP. X.</b> <i>De legitimo sacrificij Missæ celebrandi tempore.</i> 496</p> <p><b>ARTIC. I.</b> <i>Vtrum omni die liceat Sacer- dotibus, diuinum Missæ sacrificium ce- lebrare?</i> ibid.</p> <p><b>ARTIC. II.</b> <i>An sint aliqui dies, qui- bus vetitum sit lege aliqua, diuinâ, vel Ecclesiasticâ, offerre incruentam Missæ sa- crificium.</i> 497</p> <p><b>§ I.</b> <i>De feria 5. in Cena Domini.</i> ibid.</p>	<p><b>§ II.</b> <i>De feria 6. in Parasceue.</i> 499</p> <p><b>§ III.</b> <i>De Sabbato sancto in vigilia Pas- che.</i> 501</p> <p><b>ARTIC. III.</b> <i>De hora Canonicè prescri- pta, ad ritè celebrandum venerabile Mis- sæ sacrificium.</i> 503</p> <p><b>CAP. XI.</b> <i>De Sacerdotali debito of- ferendi: seu, de obligatione sin- gularum Presbyterorum Missæ ce- lebrandi sacrificium, ex officio Ordinis.</i> 508</p> <p><b>ARTIC. I.</b> <i>Quò discutitur questio scitu non indigna, num Presbyter sit Sacer- dos?</i> ibid. &amp; seq.</p> <p><b>ARTIC. II.</b> <i>An Sacerdos quilibet tenea- tur ex officio, saltem aliquoties in anno, Missæ sacrificium celebrare?</i> 520</p> <p><b>§ I.</b> <i>Vtrum omnis Sacerdos ad celebra- ndum quotidie teneatur.</i> 521</p> <p><b>§ II.</b> <i>An liceat Sacerdoti, plures missas eo- dem die, præter diem Natalis Domini celebrare.</i> 523</p> <p><b>§ III.</b> <i>An vera sit eorum opinio, qui Sa- cerdotem volunt, celebrando aliquoties venerabili Missæ sacrificio, nullo iure a- stringi.</i> 525</p> <p><b>PUNCTVM I.</b> <i>Præceptum dari perem- ptorium, quo singuli Sacerdotes, Missæ sacrificium, aliquoties saltem celebrare obligantur.</i> 526. &amp; seqq.</p> <p><b>PUNCTVM II.</b> <i>Præceptum illud obli- gare sub peccato mortali.</i> 533</p> <p><b>PUNCTVM III.</b> <i>Num sufficiat Sacer- doti ad muneri suo, præceptoque satis- faciendum, de celebrando aliquoties saltem venerabili Missæ sacrificio, si ter, vel quater tantum in anno, hoc munus diuinum exequatur.</i> 535</p> <p><b>PUNCTVM IV.</b> <i>Qua ratione Sacerdos legitimè excusari potest: non solum à quotidiana, sed etiam à frequenti adeo celebrationis obligatione.</i> 538</p>
--	--

## LIBER II.

*De Munere Benedicendi. à pag. 542. ad 639*

**CAP. DIVERSA verbi**  
**I. Benedicere, acce-**

**ptio: secundum sacram Scripturam.**  
**542**

6 ij

# OPERIS SYNOPSIS.

- CAP. II. Ordinari Sacerdotem ad benedicendum. 543
- CAP. III. Primarium esse munus Sacerdotis, Deo benedicere. 546
- CAP. IV. Sacerdotem benedicere populo, vice Christi. 549
- CAP. V. De iis personis, quibus ex officio Presbyter benedicit. 550
- ARTIC. I. De Catechumenis adultis, & regenerandis infantibus. ibid.
- ARTIC. II. De Energumenis. 551
- ARTIC. III. De Pœnitentibus. 552
- ARTIC. IV. De Coniugio copulandis. ibid.
- ARTIC. V. De Lectoribus, sacras Lectiones in diuino officio recitantibus. 554
- ARTIC. VI. De Diacono, Euangelium in venerabili Missa sacrificio pronunciantem. 555
- ARTIC. VII. De Populo, venerabili Missa sacrificio assistente. 557
- ARTIC. VIII. De Infirmis. 560
- CAP. VI. De Rebus, quas in subsidium humani generis, in ordine ad salutem animæ, vel corporis sanitatem, Sacerdos benedicit. 563
- ARTIC. I. De benedictione rerum inanimatarum in genere. ibid.
- ARTIC. II. De benedictione Aquæ. ibid.
- § I. De benedictione aquæ Baptismalis. ibid. & seq.
- § II. De Aqua piaculari, quæ benedicta vulgò dicitur, ea scilicet quæ cum salis permixtione, diebus Dominicis, in Parochiis, à propriis earum Sacerdotibus benedicitur. 664
- ARTIC. III. De benedictione salis. 566
- ARTIC. IV. De benedictione ignis. 569
- ARTIC. V. Benedictio incensi. 570
- ARTIC. VI. Benedictio panis in Missa parochiali. 573
- ARTIC. VII. Benedictio vini, lactis, & mellis. 575
- ARTIC. VIII. Benedictio olei. 576
- ARTIC. IX. Benedictio Cerei Paschalis. 579
- ARTIC. X. Benedictio Cereorum & Candelarum in festo Purificationis intemeratæ Virginis sanctissimæ Dei-genitricis Mariæ. 583
- ARTIC. XI. Benedictio Cinerum, feriâ 4. in capite Ieiunij. 586
- ARTIC. XII. Benedictio palmarum, seu ramorum, Dominicâ quæ Pascha resurrectionis Christi proximè antecedit, solito more à Sacerdote peragenda. 589
- ARTIC. XIII. Benedictio agni in Pascha. 593
- ARTIC. XIV. Benedictio onorum & cæses in solemnitate Paschali. 594
- ARTIC. XV. Benedictio viti, fabæ, frumenti, & nouarum frugum. ibid.
- ARTIC. XVI. Benedictio ad quodcumque comestibile. 595
- ARTIC. XVII. Benedictio Mensæ. 600
- ARTIC. XVIII. Benedictio segetum. 600
- ARTIC. XIX. Benedictio noui purei. 601
- ARTIC. XX. Benedictio nouæ domus, & cuiuslibet loci. 602
- ARTIC. XXI. Benedictio nauis. 605
- ARTIC. XXII. Benedictio campanæ, seu tintinnabuli. 606
- ARTIC. XXIII. Benedictio thalami coniugalis. 608
- ARTIC. XXIV. Benedictio sepulchri. 609
- § I. De benedictione sepulchri Sanctorum, seu loculi, aut arculæ, cui sacra eorum reliquæ, ad seruandum debito cum honore, in altaris mediusullo reconduntur. ibid.
- § II. De benedictione sepulchri fidelium. 610
- ARTIC. XXV. Benedictio cuiuscumque rei, ad hominis subsidium utilis. 612
- CAP. VII. De absolutione Sacramentali, quam Patres pœnitentiû benedictione pœnitentium ibid.
- CAP. VIII. De modo utendi potestate, quâ Deo reconciliantur pœnitentes, per absolutionis & benedictionis Sacerdotalis officium. 615
- INSTRUCTIO CONFESSARIORVM, seu, Methodus ad ritè pœnitentia Sacramentum administrandum.
- à S. Carolo Boromæo, tit. S. Præcedis Cardinale, ac Mediolanensi Archiepisc. in suorum gratiam Italicè conscripta, deinde verò à Religiosis doctisque viris Latinè reddita. à pag. 618. ad 639



LIBER III.

De officio Praesidendi. à pag. 639. ad 667

CAP. I. SACERDOTIVM, esse or-	ART. I. Debitum gregis erga Pastore. ibid.
I. I. S. dinem principantem. 639	ARTIC. II. Officium Pastoris erga gre-
CAP. II. Altari Sacerdotem praef-	gem suum. 650
se. 642	§ I. Sollicitudo Pastoris. 651
CAP. III. Sacerdotis proprium esse	§ II. Prudentia. 653
officium praesse sacris. 647	§ III. Patientia. 659
CAP. IV. De Praefectura animarum,	§ IV. Amor Dei. 661
quibus praesidet proprius Sacerdos. 648	CAP. V. Pastoris officium esse, ouibus
	suis, bonorum operum exemplis pra-
	ire. 663

LIBER IV.

De Officio Pradicandi. à pag. 667. ad 831

CAP. I. QVANTA dignitas sit,	grediatur. 713
I. I. pradicare verbum Dei? 667	CAP. VIII. Opem Beatissimae Vir-
CAP. II. Evangelica pradicationis,	ginis Dei genitricis deuote postulan-
Episcopum praecipuum esse dispensa-	dam esse, etiam publice, iuxta piam
torem. 672	iam olim receptam Ecclesiae Catholicae
ARTIC. I. Quo iure, & quibus rationum	consuetudinem. 716
momentis, Episcopus ad id muneris obli-	ARTIC. I. Sanctissimam ipsam Virginem,
gatur? ibid.	Apostolorum & Euangelistarum Magi-
ARTIC. II. An casus, causaque aliquot	stram verè extitisse. ibid. & seq.
legitima subsint, quibus Episcopus fiat	ARTIC. II. Pradicatorum esse quoque
actualis huius obligationis expers? 685	opulatricem: & hinc pium morem exor-
CAP. III. Presbyteris etiam ius pra-	tum, ut à salutatione Angelica conciones
dicationis competere, tam institutio-	suas auspicentur. 719
ne diuinâ, quàm vniuersalis Ecclesiae	CAP. IX. De morali eius dispositione,
consensu & perenni usu. 689	qui accedit ad pradicandi verbi diui-
CAP. IV. Obiectiones cum solutio-	ni ministerium. 721
nibus. 698	ARTIC. I. Concionatori vitia prius muga-
ARTIC. I. De obligatione pradicandi,	landa in seipso, quàm in populo insectan-
quâ Presbyteri animarum regimini pra-	da. ibid.
fecti, ipso hoc titulo obstringuntur. 700	ARTIC. II. An Concionator, qui extra
CAP. V. De aetate legitima Pradica-	statum gratiae pradicat verbum Dei, morta-
toris Evangelici. 705	lis culpa incurras reatum. 723
CAP. VI. An iuuenilis aetas, ex di-	ARTIC. III. Non solum sceleris purum, sed
ctis, omnino à studio & officio pra-	virtute praestantem, & pietate conspi-
dicationis excludatur. 710	cuum Pradicatorem esse oportet. 725
CAP. VII. De auxilio diuino, ante	ARTIC. IV. Concionatorem, quatuor vir-
omnia expetendo Sacerdoti, ut pra-	tutibus Cardinalibus, pradisum esse debe-
dicationis officium piè & feliciter ag-	re. 727
	§ I. De iustitia. ibid. & seq.
	§ II. De fortitudine. 731
	§ III. De Prudentia. 736

# OPERIS SYNOPSIS.

PUNCTUM I. De 8. virtutis Prudentia, Concionatori necessariis actibus.

737

ACTVS I. Terrena despiciere, Deique imprimis quaterere gloriam, & propriam ac populi salutem. ibid.

ACTVS II. Diuinarum & humanarum rerum coniungere notitiam: vicibusque alternis meditationi & actioni immorari.

738

ACTVS III. Mala cauere, & bona eligere. 741

ACTVS IV. Media ad finem recte eligere & ostendere, ut bonus finis qui intenditur, obtineri possit. 743

ACTVS V. Veri finis cognitio & usus. 745

ACTVS VI. Præteritorum recordatio, consideratio presentium, & futurorum prævisio. 750

ACTVS VII. Moderatio lingue. 751

ACTVS VIII. Non alta sapere, sed humilibus consentire, & ad audientium captum, sermonem contemperare. 752

§ IV. De Temperantia. 753

ARTIC. V. De reliquis virtutibus Concionatori necessariis. 756

CAP. X. De Sede, seu Cathedra Prædicatoris. 758

CAP. XI. De scientia Prædicatoris. 762

CAP. XII. De Eloquentia. 768

ARTIC. I. An Apostoli, & signatim sanctus Paulus, expertes fuerint facultatis Eloquentia. ibid.

ARTIC. II. Quibus legibus & documentis Apostolus Paulus, in Timotheo suo, prædicatorem Evangelicum instituerit. 770

CAP. XIII. De recta dicendi docendique ratione à SS. Ecclesie Patribus, sacro Concionatori tradita & præscripta. 772

§ I. Ex S. Cypriano, tract. de Oratione Dominica, in ipso exordio. ibid.

§ II. Ex Origene, hom. 3. in cap. 13. Eze-

chiel.

773

§ III. Ex S. Basilio, in Moralibus c. 23. ibid.

§ IV. Ex S. Gregorio Nazianz. Orat. 1. inter initium & med. ubi ostendit quàm sit difficile recte concionari. ibid. & seq.

§ V. Ex S. Ioan. Chrysostomo, homil. 30. in Acta. 775

§ VI. Ex S. Ambrosio, Enarratione in Ps. 118. Octonario XI. ibid.

§ VII. Ex eodem, in 1. Cor. 1. ad illa verba Apostoli, Non in sapientia verbi, ut non euacuetur crux Christi. 776

§ VIII. Ex S. Hieronymo, epist. 2. quæ est ad Nepotianum. ibid.

§ IX. Ex S. Augustino, lib. 4. de doctrina Christiana. 778

§ X. Ex S. Gregor. Magno, in Pastoralis, part. 1. cap. 8. 779

Ibid. part. 2. cap. 4. ibid.

Ibid. cap. 6. in fine. ibid.

Ex eodem, super Ezechielem. ibid.

Ex eodem in Moralibus. ibid.

Ex eodem in libros Regum. 780

Ex eodem homil. 30. super Evangelia. ibid.

Ex eodem in iam citato Pastoralis. ibid.

Ex eodem in homiliis. ibid.

Ex eodem in Moralium libro 20. cap. 1. ibid.

Idem lib. 9. Moral. c. 1. ibid.

§ XI. Ex S. Bernardo, in serm. 18. super Cantica. 780. & seq.

CAP. XIV. Spiritu compunctionis, magis quàm dictionis elegantia, posse concionatorem, auditores suos commouere; ideoque potissimum in eo considerari gemitum Columbæ, & vocem turturis. 782

ARTIC. I. De vi & modo Eloquentiæ sacræ. ibid. & seq.

ARTIC. II. De spiritu compunctionis, sine quo eloquentia concionanti parum proficit. 785

ARTIC. III. De gemitu columbæ, eiusque simplicitate, aliisque proprietatibus à Concionatore imitandis. 786



## OPERIS SYNOPSIS.

**ARTIC. IV.** De voce turturis, eiusque à columba, multiplici differentia, & Concionatoris tam mystica, quàm morali cum turture conformitate. 789

**CAP. XV.** De subiecto, seu materia propria prædicationis. 795

**ARTIC. I.** De materia ipsa in genere. ibid.

**ARTIC. II.** Scripturam sacram, librum esse Sacerdotalem, à Christi ministris sedulo meditandum, singulariter profitendum, & solidè ac perspicuè prædicandum. 797

**§ I.** Sacra Scriptura liber est Sacerdotalis. ibid.

**§ II.** A Concionatore sedulo meditandus. 799

**§ III.** Vnicè profitendus. 804

**§ IV.** Solidè ac perspicuè prædicandus. 805

**CAP. XVI.** De Scripturæ Sacræ excellentia ac multiplici utilitate. 807. & seq.

**CAP. XVII.** De doctrina SS. PP. à Prædicatore, vigili studio vestiganda, atque in concione instanter & honorificè Christiano populo proponenda. 816

**CAP. XVIII.** Vti licere sacro Concionatori humanæ littæræ apparatus: sed quasi adminiculo duntaxat, verbo Dei, & traditioni Ecclesiæ, doctrinaque PP. adherenti, tamquam fundamentali principio. 819

**CAP. XIX.** De modo & forma legitime prædicandi, Concionatoribus à sacris Conciliis præscripta. 825

**ARTIC. I.** Ex Concilio Occumenico Lateranensi, sub Innocentio III. c. 3. cuius titulus est, ut excommunicentur qui sine licentia prædicant. ibid.

**ARTIC. II.** Ex Concil. item Lateranensi incepto sub Iulio II. at verò absoluto sub Leone X. sess. 11. ubi de officio veri Prædicatoris. ibid.

**ARTIC. III.** Ex Concilio Provinciali Senonensi Parisiis celebrato, Præside Antonio à Prato, Cardin. tit. S. Anastasia & Archiep. Senon. anno 1528. sedente Clemente VII. 825

**ARTIC. IV.** Ex Concil. Colonienfi, sub Hermannò Archiepiscopo, celebrato sub Paulo III. an 1536. Pars 6. est tota de disseminatione verbi Dei. ibid.

**ARTIC. V.** Ex Occumenico Concil. Tridentino, sess. 5. sub ipso Paulo III. in decreto de reform. c. 2. 826

**ARTIC. VI.** Ex Concill. Gallicana Ecclesiæ post Concil. Trid. celebratis. 827

**CAP. XX.** Regule breues, sed peraptæ ad rectè prædicandum, verbi Dei Concionatoribus præscriptæ, à S. Carolo Boromæo S. R. E. Tit. S. Præsed. Cardinale & Legato, Mediolanensi Archiep. & promulgatæ in suæ provincie primis Comitibus, primo scilicet Concil. Mediol. sub tit. de prædicatione verbi Dei. 829

## LIBER V.

### De Ministerio Baptismi.

à pag. 831. ad 861

**CAP. I.** **A**N Christus Baptismi sit minister primus & principalis. 831

**CAP. II.** Sitne ita necessarium, ministrum baptismi esse hominem, ut Angelus hoc Sacramentum conferre non possit? 835

**CAP. III.** Episcopum esse primum & principalem ministrum ordinarium baptismi. 837

**CAP. IV.** Presbyterum esse etiam ordinarium & legitimum ministrum huius Sacramenti. 840

**CAP. V.** Diaconum esse subsidarium ministrum baptismi. 843

**CAP. VI.** De inferioribus Clericis, utrum ius quoddam habeant sui ordinis titulò, conferendi baptismum? 845

**CAP. VII.** De laicis: Num eis in-



# OPERIS SYNOPSIS.

- stante necessitate, absente Episcopo, vel Sacerdote (quibus ex officio munus baptizandi competit;) quin & Diacono; ac inferioribus Clericis, baptismum ministrare liceat?* 846
- CAP. VIII. *Mulieribus an liceat, in casu necessitatis baptizare.* 849
- CAP. IX. *De Hæreticis baptismum ministrantibus.* 851
- CAP. X. *De Baptismo collato ab infidelibus, cum recta intentione servatâ formâ, & materiâ legitimè adhibitâ.* 854
- CAP. XI. *De intentione Ministri.* 855
- CAP. XII. *De ieiunio olim à sacris Ecclesie Ministris, baptismum conferentibus, observato: & sobrietate ab iis quietamnum illum administrant, studiosè colenda.* 856
- CAP. XIII. *De linitione chrismatis in vertice baptismi candidatorum, seu infantium, seu adultorum, à Presbytero facienda.* 857
- CAP. XIV. *Parænesis ad Sacerdotem, baptismum ex officio ministrantem.* 861



## AVCTOR LECTORI

*super sequentes appendices.*

864

### APPENDIX PRIOR.

*De Christi inuocatione & adoratione, necnon totius diuinæ Trinitatis supremo cultu in sanctissimo Missæ sacrificio.*

*Contra Petr. Molinaum Ministrum Caluinistam. à pag. 865. ad 880*

ART. HORRENDAM esse Molinai I. *imposturam, quòd Carthaginensis Concilij III. Patres prohibuerint, can. 23. Christum Dominum in altari inuocari ac etiam adorari.* 865

ARTIC. II. *Nouas hereses in Arianismum vergere, sicque Molinaum de Sacramentaria scèta, in Arianam impietatem sensim esse delapsum.* 870

ARTIC. III. *Christo Domino, ut Deus est verus cum Patre & Spiritu sancto, iure sacrificium Eucharistia offerri.* 872

ARTIC. IV. *Spiritus sancto idem offerri pariter venerabile sacrificium: proinde & toti indiuidua Trinitati.* 873

§ I. *De Spiritu sancto.* ibid.

§ II. *De sancta & indiuidua Trinitate.* 877

### APPENDIX ALTERA.

*De Adoratione Corporis Domini in sacro-sancto altaris Mysterio.*

*Contra Molinaum.* 880. ad 929

§ I. *DE testimonio S. Dionysij Arcopagita.* 881. & seq.

§ II. *De testim. S. Cyrilli Hierosolymit.* 887. & seqq.

§ III. *De testim. S. Gregorij Nyss.* 892. & seq.

§ IV. *De testimonio SS. Ambrosij & Augustini.* 894. & seq.

§ V. *De testimonio S. Hieron.* 898. & seq.

§ VI. *De testimonio S. Ioan. Chrysostomi.* 900. & seqq.

§ VII. *De testimonio Theodoret.* 905. & seqq.

§ VIII. *De testimonio S. Hieronymi iterum, cuius auctoritate abutitur Molinaus.* 913. & seqq.

§ IX. *Molinaum falsò criminari SS. PP. Augustinum & Hieronymum, quòd fuerunt auctores distinctionis sapius ab ipso inducta & inculcata: videlicet, inter Christi corpus verum & naturale, & corpus sacramentale seu representatiuum, quod in Eucharistia tantum esse Molinaus ipse contendit.* 916. & seqq.

§ X. *Distinctionem illam falsissimam esse & perniciosissimam.* 920. & seqq.

SOLI DEO HONOR ET GLORIA.

PANO-



PANOPLIÆ  
SACERDOTALIS


PARS PRIOR,

QUÆ EST

DE VENERANDO

*SACERDOTUM HABITU.*

THE NATIONAL  
ARCHIVES  
COLLECTION  
OF  
THE  
UNITED STATES  
GOVERNMENT



I

PRIMÆ PARTIS  
PANOPLIÆ  
SACERDOTALIS  
LIBER PRIMVS  
DE AMICTV.

---

CAPVT I.

*De nomine Amictus.*



MICTVS generatim sumitur in sacris litteris pro omni indumento, totoque habitu corporis. hinc Psalm. 103. 6. *Sicut vestimentum amictus eis.* Thren. 4. 2. *Amicti auro primo*, id est auro textili purissimo induti: sic & 2. Mach. 3. 26. *apparuerunt duo iuvenes virtute decori, optimi gloria, speciosique amictu.* Similiter in nouo Testamento legimus Heb. 1. 12. *velut amictum mutabis eos,* &c. Id est velut vestimentum quod induitur & exuitur sine corporis vlla læsione aut immutatione, Apoc. 7. 9. *Beati cum Christo regnantes, à dilecto eius discipulo triumphantes conspecti sunt, amicti stolis albis, & palma in manibus eorum.* Ibidem 10. 1. apparuit Angelus, *amictus nube.* 12. 1. *Mulier amicta sole* 18. 16. *Sponsa amicta bysso.* Sed quid plura? totus summi Sacerdotis apparatus amictus nomine continetur, Eccles. 50. 12. *in ascensu altaris sancti, dedit gloriam, sanctitatis amictum.*

Verum in Panoplia Sacerdotali, nouæ Legis amictus, pro speciali parte sacri vestitus vsurpatur, scilicet pro veste illa linea quam primum Sacerdos capiti imponit & humero iniicit sacrum factururus. Amalaris Fortunatus lib. 2. de Eccles. offic. c. 40. *Est primum, inquit, vestimentum nostrum, quo collum undique cingimus.* Cuius etiam, differentes de sacerdotali habitu, expressim meminerunt Rupertus Abbas Tuiricnsis

A



lib. 1. de diuinis officiis c. 19. Hugo de S. Victore lib. 2. de Sacram. p. 4. Alexander Alensis part. 4. q. 26. Innocentius III. lib. 1. Myſter. Miſſ. c. 35. Honorius Auguſtoduneniſis lib. 1. Gemmæ animæ, ſeu de antiquo Miſſæ ritu c. 201. S. Bonauentura in expoſitione myſter. Miſſæ; Durandus Rationalis lib. 3. c. 12. & recentiores paſſim.

Reperitur & apud Latinos veteres amiculum memoratum, idque Reginarum fuiſſe *regillum*. quanquam S. Iſidorus Originum lib. 19. c. 25. cuius titulus eſt, *de palliis ſæminarum*, ſequiorem in partem amiculum accipit: *Amiculum eſt, inquit, meretricum pallium lineum. Hoc apud veteres matronæ in adulterio depreheſæ induebantur, ut in tali amiculo potiùs quàm in ſtola polluerent pudicitiam. Erat enim hoc apud veteres ſignum meretriciæ veſtis: nunc in Hiſpania honeſtatis.* Hæc S. Iſidorus. Ceterum Cardin. Baronij hæc verba non ineptè referri poſſunt, quæ habet in notis Martyrologij ad diem 7. Maij (ad Natalem Flaviæ Domitillæ in ipſo fine) *Amiculum (ait) dictum eſſe pallium lineum quod uſui erat meretricibus, quo & amiciebantur matronæ in adulterio depreheſæ, Iſidorus teſtatur: Verùm amiculum pro omni velaminis genere frequentius uſurpatum reperi.* Idque diis datum, illud Valerij Max. inſinuat, *detracto etiam Ioui Olympio magni ponderis aureo amiculo, inieclòque ei laneo pallio;* Vnde etiam licet elicere fuiſſe pallij genus; nam auctore Feſto, genus veſtimenti eſt à circumiectu dictum. Certè amictus, amictorium, & amiculum, ſi vocis originem ſpectemus à verbo amicio prodeunt, quod veſtire & operire ſonat. Quia tamen ancipitis ſignificationis erat amiculum, cùm bono & malo ſignificatu ſumi poſſet, abſtinuit prudenter Eccleſia ab hoc nomine in designatione veſtis ſacerdotalis: Et quamvis amictorium neutiquam malè audiat, tamen quia indicat veſtimentum puellare, candidum & ſubtiliſſimum ex lino, quo ſolet puellarum pectus operiri, ut ex Martiale in diſtichis conſtat: uti idcirco Eccleſia noluit hoc nomine, ſed maluit opertorium capitis Sacerdotis *amictum* nuncupare, cuius ſignificatio tam in ſacris quàm in profanis litteris paſſim quid honeſtum innuit, nec vnquam vergit in rei cuiuſpiam indecentis pronam acceptionem. Atque hætenus de nomine.

## CAPVT II.


*An Superhumerales, vel Ephod, idem ſit quod amictus?*



ROMISCVE Rituales auctores nonnulli, iam olim amictum ſacerdotalem pro humerali ſiue ſuperhumerali acceperunt. Quin Alcuinus amictus non meminit hoc nomine; at ſuperhumeralis duntaxat, titulo *de ſingulis veſtibus*: verùm hæc de humerali præbyterorum non agit, at de Ephod ſeu ſuperhumerali Hebræici Sacerdotis. At titulo ſequenti, quo de Epiſcopalibus diſſerit indumentis. *Post ſandalias, inquit, in Eccleſia veſtimentis ſequitur ſuperhumerales, quod ſit ex lino puriſſimo.* poſtea ſcribit de podere, ſeu alba; poſtea

sequitur poderis, ait, *quæ vulgò alba dicitur*. Honorius Augustodunensis lib. 1. de antiquo Missæ ritu c. 201. *Hinc* ( post lotionem manuum ) *humerales, quod in lege Ephod, apud nos amictus dicitur, sibi imponit*. Sanctus Hieronymus ep. 128. signatim ait: *Vbicumque in Exodo, seu in Levitico, superhumerales legitur, sciamus apud Hebræos Ephod appellari: hoc autem esse Pontificis vestimentum in quadam epistola scripsisse me memini*; Videlicet in epistola ad Fabiolam de veste Sacerdotali. Ex recentioribus, La Cerda c. 51. Aduersariorum sacrorum nu. 18. paucis multa complexus, *Amictus*, inquit, *humerales & superhumerales, idem omnino sunt*; Non tamen mentem aperit circa præsentem quæstionem: An scilicet idem sit cum Ephod Hebræorum? Honorius præfatus id disertè asserit. Discutienda est igitur eiusmodi opinio: ex cuius examine, lemmatis huius tota decisio pendet. Ceterum huic dirimendæ confert plurimum diatriba nostra inserta lib. 5. part. 1. Panopliæ Clericalis c. 5. quo de sacris conferendæ Tonsturæ ritibus tractantes, disquirimus, *num superlicium, vel superpellicium Ecclesiasticum idem sit cum Ephod veteris legis?* vbi hoc problema negatiuè resolvimus: Tametsi verò videar ibidem annuisse iis qui eandem esse rem Ephod cum amictu existimant; attamen, ea demum opinio mihi attentius meditati, non esse vera visa est: Tum quòd Ephod illud proprium solius esset Pontificis, amictus verò omnium altaris ministrorum commune sit indumentum: tum quòd amictus sit ex lino, Ephod autem ex auro, hyacintho, & purpura, coccòque bis tincto & bysso retorta contextum esset, Exod. 28. Ceterum non materia tantum, sed & forma longè differt Ephod ab amictu. Eleganter Sanctus Hieronymus ep. 128. ad Fabiolam, de veste Sacerdotali, Ephod seu superhumerales prisci Pontificis describit: *Auri lamina*, inquit, *id est bractea, mira tenuitate tenduntur, ex quibus secta fila torquentur, cum sub tegmine trium colorum hyacinthi, cocci, purpura, & cum stamine byssino efficitur palliolum miræ pulchritudinis, perstringens fulgore oculos, in modum caracallarum, sed absque cucullis*. Quid quæso hoc cum ornatu commune habet noster Sacerdotalis amictus? Verum suprà signata dissensio facilè conciliari potest, si dicamus, reuera hunc ipsum nostrum amictum nihil affinitatis habere cum Ephod veteris Pontificis, sed nonnihil conuenire cum Ephod simplici, cuius vsus ceteris Sacerdotibus concessus erat: *Aliud est enim* ( ait sanctus Hieronymus vbi suprà ) *Ephod, ex quatuor coloribus, id est hyacintho, bysso, cocco, purpura, & ex auro habere contextum, quod omnis scriptura testatur sacrum quoddam esse, & solis conueniens Pontificibus: Aliud in similitudinem sacerdotum simplex & lineum*. Sicut igitur amictus noster simplex lineus prorsus differt à splendido illo superhumerali pontificio, quod solius summi Sacerdotis proprium erat; ita persimilis haud abs re censeri debet simplici illi totòque lineo humerali, quod secundi ordinis Sacerdotibus pridem erat in vsu. Idem gestatum fuisse à Samuèle, quin & Dauide, S. ipse Hieronymus insinuat. *Nec statim occurrat*, inquit, *quod Samuel, qui Leuita fuit, scribitur in regnorum primo, habuisse ætatis adhuc paruula, Ephod-bad, id est superhumerales lineum: cum David quoque ante arcam Domini idem portasse referatur*.

## CAPVT III.

*De Mitella, seu ornato Amictu Ecclesiastico.*

AMICTUM quidem omnibus sacris ministris cum alba concessum, sunt plerique qui velint mitræ loco fuisse, mitellamque ideo etiam appellatum. Cui opinioni fauet Ecclesiæ Parisiensis mos perantiquus, etiamnum perdurans, quo Sacerdos cum ministris sacris operando mysteriis, amictum cum stola sic ornatum gerit, ut supra ipsum videre sit ex holoserico, vel textura aurea, aliave pretiosa materia, opificio casule, vel dalmaticarum consimili assutam plagulam, decenter verticem cooperientem, & frontem sacri Mystæ adumbrantem, ut non abs re ad instar infulæ cuiusdam imposita ad decorum augendum sacri ministerij, videri possit. Persimilis ornatus super utriusque manicæ extremitatem intextus, atque in albæ, quam *paratam* vocant, antica ac postica parte extrema confertus, non modicam conciliat mystici apparatus decentiæ venustatem. Nec modò in Cathedratica, iamque Metropolitana Basilica mos hic iam pridem inualuit: in eiusdem vrbs præcipuis Ecclesiis Collegiatis ac Paræcialibus huc usque perseverat; imò in aliis Galliarum Cathedralicis aliisque insignibus templis idem hodièque servatur: quem acceptum esse à peruetusta Maiorum theoria patenti indicio sunt antiquæ Sacerdotum & Pontificum imagines, eorum tumulis inscriptæ vel parietibus appictæ. Ceterum amictus ornatu vfos pridem Romanos, testis est Virgilius 3. *Æneidos*, ubi ait:

*Purpureo velare comas adopertus amictu:*

Non huic tamen acceptum habent Christiani Sacerdotes amictum suum, ut ex præmissis perspectum est.

## CAPVT IV.

*De usu Amictus sacri.*

NON semper Sacerdos & quivis minister sacro utitur amictu. At nunquam induit albam quin priùs amictum sibi imponat. hinc phrasis illa frequens in Rituali Romano, Tit. *de Benedictionibus*, in ritu benedicendi & imponendi primarium lapidem, &c. *Sacerdos indutus amictu, alba, cingulo, stola, &c.* Hæcque alia, cum reconciliaturus est Ecclesiam: *Tunc procedat indutus amictu, alba, cingulo, stola, &c.* & in reconciliatione Cœmeterij violati: *Adhibitis aliis Sacerdotibus & Clericis indutis superpelliceis, in sacristia, aut alio decenti loco, vestitur amictu, alba, &c.* Et in Pontificali Romano, Tit. *de Confirmandis*: *Pontifex infantes, pueros, vel alios, sacri baptismatis undâ perfusos confirmare*



volens paratus supra rochetum, vel si sit religiosus, supra superpellicum amictu, stola pluuiali, &c. Et Tit. de ordin. Subdiaconi, Archidiaconus vocat ceteros ordinandos, &c. quibus accedentibus ordinat eos, videlicet Diaconandos, paratos amictu, alba, cingulo & manipulo, stolam in manu sinistra, dalmaticam super brachium dextrum, & candelam in manu dextera tenentes contra cornu Epistolæ altaris faciebus altari versis: & presbyterandos paratos amictu, alba, cingulo, manipulo, stola in modum Diaconi, &c. Et in consecratione electi in Episcopum: Item paramenta omnia pontificalia coloris temporis & officio Missæ conuenientis, videlicet sandalia, amictus, alba, cingulum, crux pectoralis, stola, tunicella, dalmatica, chirotheca, planeta, mitra auriphrygiata, annulus pontificalis, baculus pastoralis, & manipulus. Item de benedictione Abbatis. Deinde vadit electus ad capellam suam, in qua paratus amictu, alba, cingulo & stola, in modum Presbyteri, ac pluuiali, &c. Per plures possent rubricæ sacrorum eiusmodi rituum annotari, sed ne Lectori moueatur fastidium, lubens has prætereo, præsertim cum ex his quæ expressæ sunt, haud difficile ceteræ coniici possint, in Pontificali sparsim descriptæ, quæ cum iis nonnihil habent (saltem in genere) affinitatis.

## CAPUT V.

## De modo amictus assumendi.



MODVS hic in Missali Romano sub Titulo, Ritus celebrandi Missam, hac serie legitur præscriptus, Ac primum accipiens amictum circa extremitates, & chordulas, osculatur illum in medio, ubi est crux, & ponit super caput, & mox declinat ad collum, & eo vestium collaria circumtegens, ducit chordulas sub brachiis, & circumducens per dorsum ante pectus reducit & ligat: tum alba induitur caput submittens, &c. Sanè omnes huius praxis mysticæ sunt particulae, si seriò considerentur.

Et 1. quidem non ab alio sumit amictum Sacerdos, sed illum sibimet imponit: quia scilicet spontaneus debet ad sacrificium tremendum accedere, quemadmodum Christus non coactus cruentum crucis sacrificium immolauit, imò ut ait Propheta (Isa. 53.) Oblatus est, quia ipse voluit. Ad quæ verba Prophetica, piè & eleganter S. Bernardus, ser. 3. de Purificat. B. Virginis, Oblatus est, inquit, non quia homo meruit, non quia Iudæus præualuit, sed quia ipse voluit. Voluntariè sacrificabo tibi Domine, quia voluntariè oblatus es pro mea salute, non pro tua necessitate: sed quid fratres nos offerimus, aut quid retribuimus illi pro omnibus, quæ retribuit nobis? ille obtulit pro nobis hostiam pretiosiore quam habuit, nimirum quia pretiosior esse non potuit. Et nos ergo faciamus quod possumus, optimum quod possumus offerentes illi, quod sumus, utique nosmetipsi: ille semetipsum obtulit. Tu quis es, qui te ipsum offerre cunctis? quis mihi tribuat, ut oblationem meam dignetur maiestas tanta suscipere?

2. Statuit rubrica, ut Sacerdos accipiens amictum circa extremita-

A ii)

## 6 PANOPLIÆ SACERDOTALIS PARS I.

tes & chordulas (scilicet vt ab vtroque extremo commodè possit humeris superiniici,) osculetur illum in medio vbi est crux. Videlicet ad innuendum quòd prima cogitatio Sacerdotis ad Christi cruentum sacrificium recolendum accedentis oblatione incruenta, debeat esse ipsius Dominicæ Passionis seria meditatio, quemadmodum monuit Apostolus 1. Cor. 11. dicens, *Mortem Domini annunciabitis donec veniat*, &c. Crux verò est passionis ipsius proprium & speciale signaculum, quam osculari, eandem colere, suauari, & eximio sit prosequi amoris & honoris affectu. Quem in sensum hîc referri debet nostra hæc animaduersio lib. 5. Panopliæ Episcopalis, pag. 352. in marg. ad illa verba. Impropria igitur esse locutionem, magisque abusiua, si ipsa manuum deosculatio aliis quàm Sacerdotibus (quorum manus sacratæ sunt) à quoquam Christiano tribuatur. Huc non ineptè retuleris illud sancti Ambrosij, *Oris osculum, est pietatis pignus*, lib. 6. hexam. c. 9. Nam & osculari & adorare plerumque promiscua sunt: Etenim apud Latinos adorare, est ad os admouere, premeréque osculis & amore & reuerentia. Plinius hinc lib. 28. c. 2. *Inter adorandum, ait, dexteram ad osculum referimus*. videndus & Minutius in Octauio. Apud Hebræos idem vsus fuit: Consulendi sacri Interpretes ad illud Iob, *Si osculatus sum manum meam ore meo*. Praxis fauet Ecclesiastica circa crucis cultum: hætenus enim crucem osculari & adorare pari obseruantia in Ecclesia vsitatum fuit, vnde solemni eius adorationi, eiusdem osculatio reperitur passim fuisse annexa. Ex veteri ordine Rom. Cæremoniali, & Pontificali, hoc planè liquet, communique Latinæ Ecclesiæ more, Græcorum nec alius vsus etiam cùm Imperio potirentur, reuera fuit. Curopalata lib. de Offic. aulæ Constantinopolitanæ, vbi de officio Matutino magnæ Dominicæ Paschatis. *Protopapa*, inquit, & *Archidiacono* sistentibus in prothyris *Tribunalis*, hoc quidem Euangelium, illo verò crucem ferente, ingreditur Imperator & primum quidem osculatur Euangelium & crucem. Et rursus quidem vbi agit de lustratione & menstrua benedictione Imperatoris: *Accipiens*, ait, *Protopapas* crucem ab *Archidiacono* ponit eam super frontem Imperatoris dicique preces: deinde Imperator osculatur crucem, & omnes qui circumstant acclamant πολυχρόνιον, ad multos annos; Postea *Protopapas* crucem quidem dat *Archidiacono*, urceolum verò à protopsalte accipiens, benedictionemque (scu materiam benedictionis) digitis vt mos est attingens, circumcingit frontem & oculos Imperatoris; dum autem benedictionis ex ampulla sit particeps, omnes iterum clamant, ad multos annos. Hæc aliâque plura notatu digna iam memoriæ consignauimus, in opusculo scilicet pro ritus defensione deosculationis pedum summi Pontificis c. 4. Vbi maximè notanda veniunt verba hæc Nicolai I. sua in responsione ad Bulgaros c. 7. & 8. *Igitur crucem Domini, passionem eius venerantes osculamini, & pro eius amore, si necessitas exigit eadem cogitatione armamini*. Quod documentum par est, vt Sacerdos sacris operaturus menti incutiat; nam vt mortis Domini recordetur, in sacra Liturgiæ prolegomenis admonetur, dum assumit amictum, illum in medio vbi crux est, deosculari.

3. Sequitur in formula, *Et ponis super caput*: Non scilicet vt caput ip-

sum obnubilet, sed iugo se Domini volens subiiciat, caputque quod animæ sedes est crucis salutifero communiat sigillo: insignia S. Augustini verba huc satis aptè referri possunt ex serm. 177. de tempore circa med. *Tulit David baculum in manu sua, & exiit contra Goliath. Et in illo quidem tunc figuratum est, quod in Domino Iesu Christo completum est; Venit enim verus David Christus qui contra spiritualement Goliath, id est contra diabolum pugnaturus, crucem suam ipse portauit. Videte fratres ubi David Goliath percussit. in fronte utique, ubi crucis signaculum non habebat, sicut enim baculus typum crucis habuit, ita etiam & lapis ille de quo percussus est, Christum Dominum figurabat. Super caput igitur Sacerdos diuinum opus aggrediens amictum iniicit cruce signatum, ut hoc Domini caractere se quasi galea communiat, simulque præcipuo insigniat ornatu. Pulchrè ut asolet Chrysostomus, in demonstratione, quòd Christus Deus est, tom. 5. *Cruce quæ olim maledictionis, abominationis & extremi supplicij symbolum erat, diadematis & coronis clarior facta est, neque enim sic coronatur caput aurea corona, ac cruce ornatur, quæ omni cultu est dignior. Succinit huic ori aureo præcipuus doctor Ecclesiæ (S. August. in Ps. 54. ad v. 1.) Attende, inquit, gloriam crucis ipsius, iam in fronte regum crux illa fixa est, cui inimici insultauerunt: effectus probauit virtutem; domuit orbem non ferro, sed ligno; ligno inquam, quod inimicis, contumeliis dignum visum fuerat.**

4. *Et mox declinat ad collum & eo vestium collaria circumtegens, &c.* Scilicet ut imitatione Iacob regumento eiusmodi nuda colli protegat, patrisque quam ambit benedictionem mystico hoc sibi conciliet amictu.

5. *Et ducit chordulas sub brachiis:* Chordulæ illæ geminæ sunt, quæ sub duobus brachiis inflectuntur: Ut quid? rursus S. Bernardum (ubi citatur suprâ §. 1. huius capituli) obsecro audiamus: *Quis mihi tribuat, inquit, ut oblationem meam dignetur maiestas diuina suscipere? duo minuta habeo, Domine, corpus & animam dico, utinam hæc tibi perfectè possim in sacrificium laudis offerre? bonum enim mihi longèque gloriosius atque vtilius est, ut tibi magis offerar, quàm deferar mihi ipsi, nam ad me ipsum anima mea conturbatur, in te verò exultabit spiritus meus, si tibi veraciter offeratur.*

6. *Et circumducens per dorsum, ad pondus peccati excutiendum, & onus subeundum pœnitentiæ;* iuxta illud David, *quoniam ego in flagella paratus sum*, Ps. 37. vel potiùs ad refrendandam Christi in nos charitatis memoriam, de quo Isaias ait, *Posuit Dominus in eo iniquitatem omnium nostrum; Ipse vulneratus est propter iniquitates nostras, attritus est propter scelera nostra, disciplina pacis nostræ super eum & liuore eius sanati sumus;* Seu ut Watablus vertit, *& in liuore eius nobis medicatum est.* hoc est (scitè ait Scholiastes non postremus) pretiosum pharmacum, quod non ex herbarum succis, non ex adipe bestiarum, non ex alieno corpore & sanguine, sed ex cruore proprio Christus confecit; hoc pharmacum in sacramentis à se institutis recondidit. Inde enim Sacramenta iustificandi sanandique animæ morbos vim habent, scilicet ex liuore, sanguine, & vulneribus ipsius Domini, quæ rectè Propheta nuncupat, *fontes saluatoris.* At ij omnes in Eucharistiæ sacrificio pariter ac sacramento tanquam in scaturigine continentur:



## 8 PANOPLIÆ SACERDOTALIS PARS I.

per quod spiritualis dulcedo in suo fonte gustatur, in hoc enim totus existit Christus; In reliquis verò sacramentis virtus tantum ex eo participata. Vide S. Thomam opusc. 57.

7. *Ante pectus reducit & ligat.* Pulchrè Origenes hom. 5. in Leuit. obseruat victimarum pectusculum cum armo dextro fuisse propriam portionem Sacerdotis, iuxta istud diuinum pragmaticum Leuitici 7. 34. *Pectusculum enim eleuationis & armum separationis tuli à filiis Israël, & dedi Aaron sacerdoti, & filiis eius lege perpetua ab omni populo Israël;* Notat enim solerti quo solet acumine, pectusculum symbolum fuisse fidei, sanæ doctrinæ, & cordatæ sapientiæ, sicut armum dextrum fortitudinis: *Quod ergo, ait, Sacerdotis pectus aut quale? plenum sit sapientia, plenum scientia, plenum omni diuina intelligentia, imò plenum Deo; quale brachium? multa sollicitudo, labor, vigilia, quibus conuertat peccatorem, qui proinde offerat hostiam salutaris, &c. In qua hostia pars sacerdotis efficitur pectusculum, ut sit indicium quod pectus & cor, quod antè malè cogitabat, sacerdotis labore conuersum, recepit bonas cogitationes, &c. Hæ porro ne defluant Sacerdoti, necesse ipsi est, easdem astringere firmo continentia nexu.*

### CAPVT VI.

#### *De Amictus sacri mystica & morali theoria.*



**O**MNES Ecclesiasticos ordines gradatim ad altare ascendere, inque sacerdotio terminari, extra quod non datur progressus, quia potestas consecrandi Eucharistiam, in omnibus quæ auctoritatem spectant ordinis, prorsus est suprema: Et doctrina est sancti Dionysij, & constans est Theologorum sententia. Actus sacerdotij proprius sacrificium est. nullum porro in Ecclesia aliud est reale sacrificium, quàm hoc ipsum quod in se continet omnes differentias hostiarum, mortisque Christi vnicum est mnemosynon. Alio loco ostendisse meminimus \* sic passionem Domini in Missa celebrari, seu,

\* *Infra Parte 2. lib. 1.*

ut ait Apostolus, *annunciari*: ut expressum, viuumque & animatum eius sit simulachrum.

*Gabriel Biel. sup. can. Miss. lect. 11. Soto ad 4. sent. dist. 23. q. 2. art. 4.*

1. Porro velatum fuisse Christum patientem cum colaphizaretur, res est ex Euangeliorum testimoniis prorsus perspicua, *Expuerunt in faciem eius* (ait S. Matthæus c. 26.) *& colaphis eum ceciderunt*: alij autem *palmas in faciem eius dederunt dicentes, Prophetiza nobis Christe, quis est qui te percussit.* At nisi Christus fuisset velatus, ineptum planè fuisset sic eum interrogare, qui enim apertis fuisset oculis æquè ac qui percutiebant, ipsos alaparum notare impactores facile potuisset. Verum S. Marcus citra omnem ambiguitatem Christum fuisse velo coopertum pronunciat, ne percussores animaduertere, facieque distinctos nomine vel figura ire posset designatum: *Et ceperunt* (ait c. 14. 65.) *conspuere eum & velare faciem eius, & colaphis eum cadere, & dicere ei Prophetisa: & ministri alapis eum cadebant.* Adæquatè siquidem Christus primorum parentum

rentum noxam eluit; quamvis acerbitate & patientiæ merito eandem longè exsuperârit. Peccauit primùm Eua generis humani non tam genitrix, quàm peremptrix; exitioso oculorum veritam in arborem coniectu: *Vidit mulier* (inquit diuinus historiographus) *quod bonum esset lignum ad vescendum & pulchrum oculis, aspectuque delectabile, & tulit de fructu eius & comedit, deditque viro suo*, Genes. 3. 6. Quæ expendens acuta mente verba theodidactus Bernardus; de gradibus humilitatis gradu 1. *Quid Eua*, inquit, *tuam mortem tam intentè intueris? quid illò tam crebrò vagantia lumina iacis? quid spectare libet, quod manducare non licet? Oculos inquis, tendo, non manum. Non est interdictum ne videam, sed ne comedam. Hoc etsi culpa non est, culpæ tamen indicium est. Te enim intenta ad aliud, latenter interim in cor tuum serpens illabitur, blandè alloquitur: blanditiis rationem, mendaciis timorem compescit, nequaquam, inquiens moriemini: auget curam, dum excitat gulam: acuit curiositatem, dum suggerit cupiditatem: Offert tandem prohibitum & aufert concessum; porrigit pomum & subripit paradisum: haurit virus peritura & perituros paritura. Hoc oculorum Eux virus vt expurgaret Christus peccati destructor, auctórque gratiæ, sua in passione velari voluit suæque lumina premi, vt nos oculorum vagos doceret vibratus cohibere. In cuius rei memoriam sacerdos diuina celebraturus velo amicitur, Christi effigiem patientis vt ipso amictu referat. Attigisse mihi videtur hanc obseruationem Rupertus Abbas lib. 1. de diuinis officiis c. 19. his verbis, *Sacerdos in sacrificio altaris, capitis sui, scilicet Christi, cuius membrum est, personam gerens, quodam amictu caput suum obnubit.**

Sed hîc obiici posse videtur diuinum ad Ezechielem oraculum; *Amictu ora non velabis.* 24. 17. maximè in lege Euangelica, qua in morte Christi oriente, velum Templi scissum est, *Nimirum* (sicut ait pereleganter S. Leo serm. 8. de passione Domini) *vt sancta sanctorum ab indignis pontificibus recederent, & figura in veritatem, prophetia in manifestationem, & lex in Euangelium verteretur.* Euacuatur enim in Christo (ait Apostolus 2. Cor. 3. 14.) velamen quo Mosaicæ legis priscum fœdus obtectum erat. Quod spectans acuto intellectu Sugerius Abbas S. Dionysij, in templi huius regalis vitrearum fenestrarum situ depingendum Moysen velo obductum iussit, cui vt lumen Christi gratiæ pateat, detrahit Paulus Apostolus velamentum, hac subiuncta mystico simulachro epigraphæ, pio magis quàm eleganti verborum contextu expressa.

*Quod Moyses velat, Christi doctrina reuelat:  
Denudat legem, qui spoliat Moysen.*

Verùm indutus amictu sacro caput sacerdos, huic mysticæ theoriæ non repugnat, siquidem non obnubit vultum, nec regit oculos illo amictu; facie quinimò prorsus discooperta sacris operatur, sic ipso amictu disposito, vt postica pars capitis à vertice in humeros circumtectâ sit, antica prorsus libera ab omni obnubilatione: adeò vt in memoriam Dominicæ passionis deferat quidem retro velamentum, sed verò ob Euangelij splendorem facie omnis experte obicis, per-

spiciuâque prorsus appareat : quod præfatus Rupertus se quoque affectum meditatione sua loco designato insinuat : *Sacerdos*, inquit, *quodam amictu caput suum obnubit, donec super os casula illum reuoluat, &c.*

II. Amictum insuper esse symbolum magni sacramenti pietatis, quod manifestatum est in carne : Id est filij Dei Incarnationis, seu absconditæ diuinitatis in carne & per carnem, id est humanitatem, reuelatæ, auctor est Innocentius III. lib. 1. *mysteriorum Missæ* c. 35. quo sic eloquitur : *Amictus autem quo Sacerdos caput suum obnubit, illud significat quod in Apocalypsi describitur c. 10. Angelum Dei fortem descendisse de cælo, amictum nube. Et in Isaia, ecce Dominus ascendet super nubem candidam: Veniens autem ad saluationem mundi Dei filius, magni consilij angelus, amictus est nube dum diuinitatem abscondit in carne. Nam caput viri Christus, caput Christi Deus: hoc ergo carnis latibulum amictus sacerdotalis significat; Quod illam per Syndonem (aliàs orale, de quo idem Innocentius eodem lib. c. 53.) expressius designatur, qua summus Pontifex caput obducit. Es pulchrè quidem quod per calceamentum pedum hoc ipsum per amictum capitis designatur; quia diuinitas in carne latuit, & per carnem innotuit. Nam cum notus esset in Judæa Deus, & in Israel magnum nomen eius; in Idumæam extendit calceamentum suum, & ante conspectum gentium reuelauit iustitiam suam. Mysticam eandem rationem de amictu tradunt Rupertus Tuitiensis lib. 1. de diuinis officiis, c. 19. Durandus in Rationali lib. 3. c. 12. Et alij ferè passim rituum sacrorum interpretes cap. 1. huius tractatus designati.*

III. Latentis etiam Christi in Eucharistia (cuius mysterium celebrare aggreditur sacerdos dum sacras vestes induit) amictum quem primum sibi imponit symbolum esse, haud absimili ratione dici potest: In hoc siquidem mysterio sub speciebus panis & vini, totus Christus existit, realiter quidem, at tamen inuisibiliter; adeò vt his inuolucris obductus, nec ab Angelo possit videri, multo minùs ab homine, mole carnis adhuc grauato; cum enim hoc mysterium sit Sacramentum fidei, ad hocque institutum vt humanum intellectum captiuum per fidem adducat in obsequium Christi; necesse erat vt signo sic & re constaret, vt signa conspicua essent: res verò sub hoc realiter exhibita, prorsus tamen lateret, quo exerceretur fides, eoque maior fieret, quominus esset sensibus subnixa, quin & quo magis carnalis sensus sibi aduersari & humanam oblectari rationem experiretur. Id notat & docet sanctus Thomas opusc. 57. *Accidentia* (inquit) *sine subiecto in hoc Sacramento existunt, vt fides locum habeat, dum visibile inuisibiliter sumitur sub aliena specie occultatum.* Et plura quidem delitescere sub velo specierum sensibilibus in Eucharistia, quàm in Incarnationis mysterio, rectè idem monet S. Thomas in orat. quæ incipit *Adoro te deuotè latens deitas, &c.* Enimverò, quum Christus in carne apud homines versabatur, solus homo patebat, at latebat Deus: ad quem ideo Isaïas (c. 45. 15.) acclamat *Verè tu es Deus absconditus, Deus Israel, Saluator.* At in Sacramento altaris Deus simul & homo lateret: quem ideo S. Dionysius sic adoratur, vt itidem oret, velamen illud sacramentale parumper remouere velit, quo saltem in momento visi-



bilis appareat oculis cupidis maiestatis eius conspiciendæ, & utrôque intuitu externo, internôque adorandæ: O diuinissimum, inquit, & sacrosanctum Sacramentum, obducta tibi significantium signorum operimenta dignanter aperi, & perspicue nobis fac appareas; nostrosque spirituales oculos singulari & aperto tuæ lucis fulgore imple. de Eccles. hierarch. c. 3.

IV. Amictus est organi diuinæ laudis ornatus. Hoc Amalarius docet lib. 2. de Eccles. offic. c. 40. Amictus est, inquit, primum vestimentum nostrum, quo collum undique cingimus, in collo est namque vox: Porro hoc quod continet omnia (id est homo) scientiam habet vocis, scilicet non modò rationis vsum, at scientiam & officium laudationis diuinæ; ad hoc enim homo creatus est, ait sapienter S. Irenæus, ut esset organum diuinæ glorificationis. Missa verò laudis sacrificium est. Huc spectans S. Augustinus in Ps. 49. v. 23. ad hæc verba, sacrificium laudis honorificabit me, & ibi via qua ostendam illi salutare Dei. Quod est autem (subdit) sacratius laudis sacrificium, quàm in actione gratiarum? Et unde Deo maiores reddenda sunt gratia, quàm pro ipsius gratia per Iesum Christum Dominum nostrum? quod totum fideles in Ecclesiæ sacrificio sciunt, cuius umbra fuerunt omnia priorum genera sacrificiorum.

v. Per amictum (inquit præfatus Amalarius) intelligimus custodiam vocis, de qua Psalmista dicebat, dixi custodiam vias meas, ut non delinquam in lingua mea. Et alibi, pone Domine custodiam ori meo; in isto itaque primo vestimento, vocis castigatio adumbratur.

VI. Amictus, quia super humeros circumquaque diffunditur, operum fortitudinem designat, quemadmodum Innocentius III. docet lib. 1. myst. Missæ c. 30. Lotis, inquit, manibus, (sacerdos) assumit amictum, qui super humeros circumquaque diffunditur, per quem operum fortitudo significatur. Humeri quippe fortes sunt ad opera peragenda, secundum illud Patriarchæ, Supposuit humerum ad portandum, & factus est tributis seruiens, Geneleos 49.

VII. Hugo à S. Victore Eruditionis Theologicæ lib. 1. c. 45. Tom. 3. amictum vult esse signaculum spei; In humerali spes, inquit, æternorum intelligitur. Rationem autem huius dictaminis non aliam assignat, quàm hanc Pauli Apostoli vocem, Et galeam salutis assumite: sed hæc verba potius timorem, quàm spem indicant; ideo munimus siquidem caput, ne vllò ictu lædatur: quamobrem Ecclesia, quæ citata verba Apostoli in ipsa amictus assumptione usurpat, hunc in modum iubet sacerdotem precari; Impone Domine capiti meo galeam salutis ad expugnandos diabolicos incursus.

VIII. Aptius idem Hugo custodiam sensuum (paulò infrà) per amictum ipsum intelligit. Caput, ait, cooperimus, ut omnibus sensibus, quorum plenitudo in capite est, spe æternorum, Deo seruiamus.

IX. Idem Hugo etiam iugum Domini per amictum exponit; humeros, inquit, quibus onera portantur, eo velamur, ut iugum Domini patienter ferre doceamur.

X. Per amictum denique etiam reor linteum illud, seu sudarium designari, quo Christi iacentis in sepulchro, fuit caput inuolutum;

de quo Ioannes c. 20. de seipso loquens; Et cum se inclinasset, vidit posita linteamina: non tamen introiit. Venit ergo Simon Petrus sequens eum, & vidit linteamina posita & sudarium quod fuerat super caput Iesu, non cum linteaminibus positum, sed separatim inuolutum in unum locum. Scilicet ut non perturbatè & festinanter id factum esse, sed detenter & percommode, ut resurrectionis diuina sapientia & virtute factæ esset signum. Cæterum aurea S. Gregorij verba de hoc sudario, quo obuelatum fuerat Christi caput in sepulchro, hinc referenda existimo: Quid esse fratres credimus. (ait hom. 22. in Euangelia) quod sudarium capitis Domini cum linteaminibus non inuenitur in monumento? nisi quia Paulo attestante, caput Christi Deus, & diuinitatis incomprehensibilia Sacramenta ab infirmitatis nostræ cognitione disiuncta sunt, eiusque potentia creatura transcendit naturam? Et notandum quod non solum separatim, sed & inuolutum inueniri dicitur in unum locum: linteam enim quod inuoluitur, eius nec initium nec finis aspicitur: Rectè ergo sudarium capitis inuolutum inuentum est, quia celsitudo diuinitatis, nec capit esse nec desinit, nec per initium nascitur, nec termino coangustatur: Bene autem additur in unum locum, quia in scissura mentium Deus non est; Deus quippe in virtute est & unitate, & illi habere eius gratiam merentur, qui se ab inuicem per sectarum scandala non diuidunt. Sed quia solet per sudarium laborantium sudor detergi, potest etiam sudarij nomine exprimi labor Dei, qui in se quidem semper quietus atque incommutabilis permanet, sed tamen laborare se denuntiat, cum duras hominum prauitates portat, unde per Prophetam dicit (Hier. 6.) laboraui sustinens: Deus autem dum apparuit in carne, laborauit ex nostra infirmitate. Quem laborem passionis eius dum increduli viderunt, eum venerari noluerunt, quem enim videbant carne mortalem, indignati sunt credere immortalem esse diuinitate. Vnde etiam Hieremias ait (Thren. 3.) reddes eis vicem Domine iuxta opera manuum suarum, dabis eis scutum cordis laborem tuum. Ne enim predicationis spicula eorum corda penetrarent, dum passionis eius laborem indignati sunt, quasi eundem laborem illius pro scuto tenuerunt, ut eo ad se transire eius verba non permitterent, quocum laborare usque ad mortem viderunt. Quid autem nos, nisi capitis nostri membra sumus? Per linteamina igitur corporis laborum ligamenta signantur, quæ nunc electos omnes, id est eius membra constringunt. Sudarium ergo quod super eius caput fuerat, seorsim inuenitur: quia ipsa redemptoris nostri passio, longè à nostra passione disiuncta est: quoniam ipse sine culpa pertulit, quod nos cum culpa toleramus: ipse sponte morti succumbere voluit, ad quam nos venimus inuiti. Hactenùs S. Gregorius solerter & doctè.

Cæterum Serarius in rebus Moguntiacis ex MS. veteri narrat sanctam Bilhildem, accepisse à Cunigunde principe fœmina, Sudarium quo Christi Domini caput & facies in sepulchro tecta fuissent: Eiusque partem alibi notat seruari Moguntia in altò Virginum Monasterio, & quotannis postridie Paschatis ex ambone quodam facibus prælucentibus explicari, & populo monstrari. Atque hactenùs satis de sacerdotali Amictu.





# PANOPLIÆ

## SACERDOTALIS

### LIBER SECVNDVS

DE PODERE, SEV ALBA,  
vel linea Tunica talari.

#### CAPVT I.

##### *Etymologia nominis.*



**P**ODERIS nomen tē tantū in sacris literis legitur. Ecclesiastici 27. v. 9. Si sequaris iustitiam apprehendes illam, & indues quasi poderem honoris, & inhabitabis cum ea, & proteget te in sempiternum. Sap. 18. 24. de Aaron summo sacerdote; In veste poderis quam habebat totus erat orbis terrarum, & parentum magnalia, in quatuor ordinibus lapidum erant sculpta, magnificentia tua in diademate capitis &c. Apoc. 1. 13. Vidi similem filio hominis vestitum podere, & praeinctum ad mammillas zona aurea.

Lineæ tunicæ talaris quoad nomen frequentior in diuino Codice mentio occurrit: quæ erat prima vestis Sacerdotalis, eaque communis tam inferioribus sacerdotibus, quàm ipsi Pontifici, sicut videre est Exod. 28. 4. & 40. 29. 5. 8. 39. 27. Leuit. 6. 10. 13. 10. 5. 16. 4. 2. Esd. 7. 76. &c. Idem est verò talaris tunica & poderis; vnde Septuaginta quoties tunica linea & talaris memoratur, semper ποδήνη appellant, id est tunicam vsque ad pedes demissam. Huc spectans Isidorus originum lib. 19. c. 21. Poderis, inquit, est tunica Sacerdotalis linea, corpori astricta vsque ad pedes descendens, unde & nuncupatur; ποδας enim Græci pedes dicunt.

Sciendum imprimis ex Iosepho lib. 3. antiq. c. 8. & S. Hieronymo in epist. ad Fabiolam de veste Sacerdotali, duplicem fuisse tunicam Sacerdotalem apud Hebræos; vnam communem omnibus sacerdotibus, alteram propriam Pontificis: Hæc hyacinthina erat,



de qualiàs opportuniùs; Illa verò erat linea, vt pote contexta ex bysso, dicebaturque Hebraicè כֶּתֶם, hoc est linea, linum enim *Chethon* Hebraicè nominatur: hæc adhærebat corpori, tamque arcta erat, strictisque manicis, vt nulla omnino in veste esset ruga; tam longa, vt vsque ad pedes descenderet; vnde & ποδήρης dicebatur.

Albæ nomen nusquam reperitur in Scripturis sacris: Occurrit verò passim in Scriptoribus Ecclesiasticis, qui de amictu Sacerdotali tractauerunt, eodem significato, quo linea, talaris tunica, vel ποδήρης. Alcuinus de diuinis offic. c. Quid significant vestimenta? *Postea* (inquit) *sequitur Poderis, quæ vulgò alba dicitur.* Sic quoque Amalarius Fortunatus de Eccles. off. lib. 2. c. 18. inscripto, *de Alba*; Rhabanus Maurus lib. de ord. Antiphon. c. 16. cuius est titulus *de Podere*, id est de tunica linea: ita & Iuo Carnotensis in sermonibus de rebus Ecclesiasticis: synodali sermone, quo tractat de significatione indumentorum Sacerdotalium; *Hæc vestis byssina* (inquit) *Græcè ποδήρης, id est talaris appellatur, quia à collo vsque ad talos extenditur, & ita est arcta & membris corporis temperata, vt sua forma testificetur, Sacerdotem nihil habere dissolutum, nihil remissum, sed ad omne opus bonum esse expeditum.* Rupertus de diuinis offic. lib. 1. c. 20. de alba, & Innocentius III. *Mysteriorum Miss.* lib. 1. c. 36. eodem titulo, denique recentiores passim. Ex quibus planè liquet poderem, tunicam lineam talem, & Albam penitus eandem rem esse, quæ variis vocabulis designatur. Tunica hæc enim linea dicitur ποδήρης, quòd talaris sit; alba verò à colore, quia byssina est & tota candida. Atque hæcenus de nomine.

## CAPVT II.

*De antiquitate vsus tunica linea talaris, seu alba in Ecclesia.*

**V**T scitu dignum, sic doctis in rebus Ecclesiasticis compertum est, S. Iacobum Apostolum, dictum fratrem Domini, non aliis vsum vestibus, quàm lineis, quo amictu sacris operabatur. Quod igitur simplici tantum sindone vteretur, inde factum vt ad eius imitationem successores Hierosolymitani Episcopi, haud circumspectè induti subinde incesserunt, sed simplici candida veste: licèt eiusdem Ecclesiæ Clerici sericis aliisque splendidis vestibus vti consueuissent. Verùm non sola sindone in sacris vsum, at podere Sacerdotali, B. Iacobum insignem, diuina mysteria celebrasse argumento est ipsa eius poderis seu talaris tunica, vel stola linea, quam subinde misit munere pretioso S. Ignatio Constantinopolitano Patriarchæ, Theodosius sanctæ ciuitatis Archiepiscopus, prout patet ex eius ad ipsum Ignatium, synodica recitata in VIII. synodo generali Act. 1. quæ cætera inter sic habet. *Inter ea sperans penes sacratissimam & solertissimam affectionem tuam impetrare quæ cordi sunt, poderem, & superhumerales cum mitra, pontificalem stolam S. Iacobi Apostoli & fratris Domini primi Archiepisco-*

porum (scilicet Hierosolymitanæ Sedis,) qua antecessores mei Patriarcha, circumamicti semper in Sancta Sanctorum ingrediebantur sacerdotio fungentes &c. qua & ego indutus sum, eandem gerens tuo desiderabili & honorabili mihi capiti, ex amore & dilectionis gratia transmissi &c. Poderem igitur gessit S. Iacobus, & post eum Hierosolymitani Episcopi?

Sed & S. Stephanum, qui ut testis est vir Apostolicus Ignatius, in sacris Iacobo ministravit, sicut Linus Petro, & Timotheus Paulo, stola seu tunica candida, ut pote linea, usum in diuino officio patenti argumento est, ipsa eius stola seu tunica linea, quam Hierosolymis acceptam à Macario præsule S. Helena Vesuntionem insigni dono transmissit ad Siluestrum huius urbis Episcopum, prout obiter ex monumentis Ecclesiæ Vesuntionensis in Panoplia Episcopali meminimus lib. 6. c. 3. fusiùsque enarramus in Commentariis Martyrologij nostri Gallicani, ad tertium Nonas Augusti, qui dies ipsius B. Protomartyris inuentioni sacer est.

Insigne est S. Hieronymi testimonium, morem esse Ecclesiasticum, ut Episcopi, Sacerdotes & ministri sacris operantes, albis operimentis sint induti, lib. 1. dialog. aduers. Pelagianos. *Vnde adiungis* Tom. 2. p. 165. (ait) *gloriam vestium & ornamentorum Deo esse contrariam; si Episcopus, Presbyter, & Diaconus, & reliquus ordo Ecclesiasticus in administratione sacrificiorum cum candida veste processerint; Concilium Carthaginense IV. celebratum anno 398. Anastasio I. Papa sedente can. 41. disertis verbis statuit, ut Diaconus tempore oblationis tantum, vel lectionis, alba putatur. S. Chrysostomus in cap. 6. Matth. hom. 83. candidissimæ tunicæ, hoc est albæ, seu poderis meminit, qua sacri induti mystæ diuina munera dispensabant, Idcirco vos Deus tanto (inquit) voluit honore decorare, ut hæc diligentissimè discernatis, hæc est dignitas vestra, hæc stabilitas, hæc corona; non quia tunicam induti candidissimam per Ecclesiam ambuletis. Narbonense Concilium quod anno 589. sub Pelagio II. S. Gregorij antecessore confedit, albæ gerendæ non modò à sacratissimis ministris, at inferioribus etiam Clericis tempore incruenti sacrificij expressam facit mentionem: Hæc maximè pro Dei timore (ait illa synodus) & modo disciplinæ canonice elegimus custodienda vel tenenda; ut dum missa celebratur, nullus Presbyter, aut Diaconus absque aliqua infirmitate dum missa perficitur: de altario egredi audeat: Nec Diaconus aut Subdiaconus certè, vel Lector antequam Missa consummatur, alba se præsumat exuere. Romæ tamen aliquandiu postea mos iste adhuc receptus non erat, ut infra Diaconum quispiam Clericus albâ insigniretur. S. Gregorius hoc primus priuilegiū indulgit Subdiaconis, ut lineas tunicas portarent, unde ergo (inquit lib. 7. ep. 64. ad Ioannem Syracusanum) habent hodie Subdiaconi, lineis ut in tunicis procedant? nisi quia hoc à matre sua Romana Ecclesia perceperunt. Ambiguum esse reor si verba hæc vitæ S. Fulgentij à quodam eius discipulo scriptæ ad Felicianum Episcopum c. 18. de podere seu tunica linea talari sacra intelligenda sint. Suae autem continentia Deo teste fiduciam gerens, in qua tunica dormiebat, in ipsa sacrificabat, & in tempore sacrificij mutanda esse potius corda quàm vestimenta dicebat. Probabilius tamen est dicta cuiusmodi de tunica Ecclesiastica accipienda esse, quàm*


## 16 PANOPLIÆ SACERDOTALIS PARS I.

de vsuali dumtaxat, siquidem idem auctor paulò antè gessisse casulam sanctum hunc Episcopum meminit, at quæ pretiosa non esset nec superbi coloris, idque ex humilitatis studio: verisimile autem non est illum gessisse casulam, & albam inter sacrificandum non gestasse; nec obstat quod ipse in illa dormiret, quandoquidem monastico more id faciebat; *nec ita* (ait auctor) *factus est Episcopus ut esse desisteret monachus, sed accepta Pontificis dignitate, professionis præterita seruauit integritatem*: Vnde subiungit narrator, *Orario quidem sicut omnes Episcopi nullatenus utebatur, pelliceo cingulo tanquam monachus utebatur*. At qui orarium excipit, id est stolam; albam non excipit, quam postea expressè meminit ab eo gestatam, in qua non tantum dormiret, sed etiam sacrificaret.

Exciderat hîc penè mihi perantiqua S. Siluestri Papæ effigies, quam expressam ex vetustissimo codice membraneo lib. 1. Panopliæ nostræ Clericalis c. 8. protulimus. In qua sanctissimus ipse Pontifex sacro in apparatu conspicitur, podere, seu tunica talari linea indutus, quæ dalmaticæ supponitur, super quam iniecta casula seu planeta cernitur Sacerdotalis. Est porrò codex ille liturgicus ad vsum Leodiensis Ecclesiæ à septingentis circiter annis exaratus, quemadmodum colligitur ex characteribus & nominibus Sanctorum in Kalendario consignatis, in quo nullus est qui ante annum millesimum honoribus sacris celebratus non fuerit: Nec dubium quin ipse Codex ex antiquioribus fuerit descriptus, proinde & expressæ in eo sacre imagines ex magis vetustis exemplaribus depromptæ. Cæterum hîc etiam obseruare iuuat in Concilio Rhemensis can. 4. apud Burchardum, ex antiqua Ecclesiæ politia disertè prohiberi Presbyteris *absque amictu, alba, stola, manipulo & casula Missam celebrare*.

## CAPVT III.

*An Camisia, vel Camisium, apud Ecclesiasticos scriptores idem sit quod poderis seu alba, id est linea tunica talaris, seu superlicium aut rochetum.*



SIDORVS promiscuè sumenda esse, poderem & tunicam Sacerdotalem lineam cum camisia, se censuisse insinuat, loco superiùs designato, vbi postquam descripsit poderem, seu tunicam ipsam talarem lineam, immediatè subiungit, *Hac vulgò camisia vocatur*. Cuius nominis vim expendens eodem loco, c. 22. sub finem, *Camisias vocamus* (inquit) *quod in iis dormimus in camis, id est in stratis nostris*. Idemque alio loco, *Cama est breuis lectus & circa terram*, Gracè enim χαμηλὴ humi dicunt. Graci enim uerò dicunt Camas, siue potius Cameunas dixerunt strata humilia & lectulos humi propiores, quòd homines veluti χαμηλὴ iacerent. Hîc tamen vix sibi Isidorus constare videtur: si enim camisia tunica



tunica est illa linea interior, aliàs dicta subucula, seu indusium, seu interula in qua dormimus in stratis: alia est igitur à podere seu tunica Sacerdotali linea, qua induti sacris Ecclesiastici mystæ operantur: Quod & agnouisse videtur ipse Isidorus, siquidem cùm poderem regulisset sub inscriptione de veste Sacerdotali, camisiam subinde collocauit sub titulo, de vestium cæterarum nominibus.

Sed conciliationi huius difficultatis locus patet ex distinctione camisiæ sacræ, & vsualis. Sacra ab vsuali tulit, propter formæ similitudinem, vocabulum. hoc nos docet sanctus Hieronymus scribens ad Fabiolam de veste Sacerdotali; Vbi enim tractat de podere, seu linea tunica talari Sacerdotum legalium; fuisse strictam ait, & corpori adhærentem, similémque militum camisiis, quæ sic aptæ membris & astrictæ erant corpori, vt nihil militares exercitationes impedirent. Succinit B. Hieronymo Alcuinus lib. de offic. diu. c. de singulis vestibus hoc tenore, *Tunica linea vestis erat interior, quam camisiam dicimus, vel supparum; hæc stricta dicitur quoniam adhærebat corpori, & ita erat strictis manicis vt nulla ei omninò ruga inesset, sicut solent milites habere tunicas lineas, sic aptas membris, vt expediti sint dirigendo iaculo, tenendo clypeum, librando gladium, qualem & Ioab habuisse legitur strictam ad mensuram habitus corporis sui, pro qua nunc Sacerdotes & Clerici albas habent.* Igitur iudice Alcuino camisia & alba identificantur, simulque ipsa alba quæ ad camisiæ formam contexta est, nihil differt à podere, seu linea tunica talari.

Verùm nodus hæret in eo quod camisiam, seu vt loquitur camisiam & supparum itidem promiscua esse superius asseuerat. At supparum & alba apud nos multum differunt; nam supparum Gallicè *surplis*, seu *surpels*, est forma vestis Ecclesiasticæ lineæ, latis profusisque manicis, atque ab humeris ad genua tantum protensa, quæ extra sacrificium gestari solet à Sacerdotibus & ministris, in choro & extra, vbi Ecclesiastico aliquo munere (præter Eucharistiæ consecrationem) funguntur: Sed alba est tunica talaris ab humeris ad pedes vsque defluens, strictis manicis; sine qua altaris mysterium non licet Sacerdoti celebrare, nec eidem solemniter ministrare, Diacono, vel Subdiacono fas est, quemadmodum aliàs citatis canonibus ostendimus.

Cæterum apud Anastasium in vita Benedicti III. recenseri comperimus camisas albas sigillatas holoserice cum chrysoclauro. Casaubonus ad illud Lampridij in Alexandro, *In linea autem aurum mitti etiam dementiam iudicabat, cùm asperitati adderetur rigor*: Iure, ait, damnatas ab Alexandro lineas auro clauatas propter asperitatem & rigorem, & propterea se valde mirari, cur apud Anastasium legantur *camisia auro clauata*, quas ait, non ad vsum comparatas, sed ad ornatum ædium sacrarum.

Verùm nihil aliud illæ camisiæ fuerunt, quàm lineæ tunicæ sacrificantium, & ad vsum sacrorum, non ad ornatum templorum: in quibus auri rigor & asperitas non erat gestantibus incommoda, cùm super alias vestes, nempe communes iniicerentur; secus tempore Alexandri, cùm lineæ nudis carnibus admoouerentur, quas auri rigor & asperitas lædebat.

*Vide Orlanum  
Ferrarium, de  
res vestiariis lib.  
3 c. 5.*


Vulgare fuit prouerbium apud Gallos non ita diu exoletum, *Vous estes fille de Cheualier, vous auez la chemise dorée*: mos enim erat apud primariæ nobilitatis fæminas, aurum camisiis intexere in superiori orificio circa collum, & brachiorum commissuram, seu manus & brachij iuncturam: quo ornatu depictas plerasque heroïnas superioris sæculi, Parisiis in Regia & magnatum ædibus licet conspicerè. At quoad camisas albas, sigillatas holosericis cum chrysoclauo, quarum meminit Anastasius, harum adhuc superesse vestigium in Galliæ maioribus & Collegiatis, quin & Luteriæ in insignioribus paræcialibus Ecclesiis, in quibus solennioribus festis, Sacerdotes & sacri ministri induiti albis paratis, ut vocant, sacra mysteria celebrant: obseruasse meminimus, in Panoplia Episcopali lib. 1. inscripto de mitræ antiquitate, c. 3. his verbis, quæ quòd ad rem, quam tractamus illustrandam conferant, hîc non superuacaneum visum est retexere. *Parisiensis Ecclesiæ mos per antiquus etiamnum perdurat, quo Sacerdos cum ministris sacris operando, amictum cum alba sic ornatum gerit, ut supra ipsum videre sit, ex holoserico vel textura aurea, aliâve pretiosa materia opificio casulæ vel dalmaticarum consimili assumptam plagulam decenter verticem cooperientem & frontem sacri mystæ adumbrantem, ut non abs re ad instar infulæ cuiusdam imposita ad decorum augendum ministerij videri possit.* Persimilis ornatus super vtriusque manicæ extremitatem intextus, atque in albæ, quam paratam vocitant, antica & postica parte extrema confertus non modicam conciliat mystici apparatus decentiæ venustatem. Nec modò in cathedratica, iamque Metropolitana Basilica mos hic iampridem inualuit, in eiusdem vrbs præcipuis Ecclesiis collegiatis & paræcialibus huc vsque perseuerat; imò in nonnullis Galliarum cathedraticis, aliisque insignibus templis idem hodièque seruatur, quem acceptum à peruetusta maiorum theoria, indicio sunt antiquissimæ Sacerdotum ac Pontificum imagines eorum tumulis insculptæ, vel parietibus appictæ.

Cæterùm hîc haud opus videtur de supparorum, seu superliciorum ab alba discrimine dissertare, cùm in Panoplia Clericali nuper edita, ex professo de eiusmodi vestis Ecclesiasticæ origine, usu, materia, forma, eiusdémque non modò à linea tunica talari, sed etiam ab Ephod, seu superhumerali Hebræorum sacerdotum, differentia, accuratè scripserimus, nec palato sapiat, crambem, ut aiunt, requere.



## CAPVT IV.

*De tunica talaris Sacerdotalis, albæ scilicet materia, lino  
& bysso, eorūque discrimine.*



PRIMUM SCIAS esse res byssum & linum nonnulli sunt qui censeant: at differunt profectò, vt genus & species, nihil enim aliud est byssus quàm species subtilissimi & candidissimi lini; optimum linum est enim byssus, 1. propter miram tenuitatem. 2. propter eximium candorem & splendorem. 3. propter densam filorum nervositatem & æqualem texturam. Huiusmodi linum quacunque ex prouincia sit, byssus crit. Olim pretiosissimum erat; nam Achaica byssus, auri pondere vendebatur; sed Pausanias ait Iudaicam byssum fuisse Achaica meliorem & præstantiorem. Delrio in Genesim, byssum in veteri Testamento celebratam (Genes. 41. 42. Exod. 28. 39. 39. 27. 1. Paralip. 15. 27. 2. Paralip. 5. 12. 3. Esd. 3. 6. Esther. 1. 6.) & in nouo Testamento apud Lucam 19. 16. & in Apoc. 19. 4. & 14. nihil aliud fuisse quàm linum nascens in Ægypto & Palæstina, in plantæ cuiusdam folliculis (similibus folliculis papauerum) indeque fieri telam omnium tenuissimā, subtilissimam, candidissimam. Mirum quod addunt, illam instar amianti igne non consumi, sed purgari, vnde & Plinius byssum hanc comparat albesto lapidi, qui ardet, & non comburitur, sed purgatur: Hancque etiamnum notam esse Venetis, esseque telæ nostræ Cameracensi candore & subtilitate persimilem, in eo tantum illa præstantiorem, quòd nostra flammis iniecta consumitur, illa verò flammis non cedat.

Audiendum tamen hîc reor Hieronymum Prado, qui in Ezechielem, ad c. 16. v. 10. sic scribit: *Byssus est linum candidissimum & molliissimum, siue est lanugo arboris, quæ medium quid est inter lanam & linum; nam origine est linum, mollitie verò est lana, & texta linum refert, ait Pollux: est inquam lanugo arboris nuci inclusa, quam vulgò gossypium vel xylon, Flandri & Galli, coton, vocant, ex qua fit tela gossypina aut byssina in Ægypto & Palæstina, & etiamnum fit in Creta, Sicilia, & Hispania.* Ita ex Polluce & Plinio lib. 10. c. 1. Prado vbi suprâ; qui pergit vt euincat non omnem byssum esse linum, sed ex lana aliquando confici: dicit itaque hanc lanuginem putà gossypium, siue byssum tinctam fuisse colore aliquando purpureo, illamque vocari purpuram Exod. 25. aliquando ianthino, tumque ibidem vocari hyacinthum; aliquando coccineo, tumque vocari coccum: byssum verò esse & vocari quando nullo colore tingitur, sed natiuo suo candidissima æquè ac molliissima est. Probat verò suam persuasionem ex Deut. 22. 11. vbi vetatur ne tela fiat ex lana & lino. Ergo in cortinis tabernaculi & sacris vestibus, non potuit lana lino intexi, ac consequenter byssus hæc tabernaculi, non fuit linum, sed lana siue gossypium. Secundò, quia (inquit) si byssus fuit linum, lana inde confecta non fuisset terfa & pura, nec enim fila ex lino ita bibunt succum hyacinthi vel purpuræ, vt luceant: ita au-



tem bibit lana siue gossypium, quod colore saturatum splendet. Verùm byssum à gossypio disertè Plinius distinguit lib. 19. c. 1. Et locus Exodi indicatus argutias Pradi planè retundit & refutat; siquidem textus sic habet: *Hæc autem sunt, quæ (Domino oblata) accipere debetis, aurum & argentum & æs, hyacinthum & purpuram, coccumque bis tinctum, & byssum.* byssus igitur res à præsignatis diuersa erat. Clariùs id patet Exod. 26. 31. *Facies velum de hyacintho, purpura, coccoque bis tincto & bysso retorta.* Et infra, *Facies & tentorium in introitu tabernaculi de hyacintho, & purpura, coccoque bis tincto & bysso retorta, opere plumarij.* Igitur hyacinthum, purpura, & coccus bis tinctus, erat lana his coloribus imbuta; nam & Apostolus Hebr. 9. coccinum tabernaculi disertè appellat *lanam coccineam* v. 19. Byssus verò natiuo candore splendens linum erat selectum, pretiosum, optimum, de quo rectè ideo Ioannes Fungerus in Etymologio trilingui; *byssus est, inquit, genus candidissimi lini ex quo fiebant vestes subtilissima.* Hebraicè בור bus, idem quod בור bad, linum candidissimum, hinc Græci & Latini βύσσος, βύσσις, byssus, byssinus ab Hebræa voce.

Nec obstat quod obiicit Prado, Deut. 22. 11. *Non indueris vestimento quod ex lana, linoque contextum est.* Siquidem aliud est vestimentum vsuale & priuatum; aliud verò sacrum & mysticum; in cultu tabernaculi multa à Deo præcipiebantur, quæ in cæteris vsibus prohibebat. Nam alioquin quòd byssus linum sit, liquidò patet ex 2. Regum c. 6. v. 14. ubi de Dauide legimus, *erat accinctus Ephod lineo.* At linum istud fuisse byssum ex 1. Paralip. planè constat c. 15. v. 17. ubi res eadem sic recensetur; *Porro David erat indutus stola byssina.*

His ita discussis, duæ quæstiunculæ hoc loco dirimendæ oriuntur circa materiam albæ, seu talaris tunicæ Sacerdotalis:


1. An non liceat ex lana vel serico albam contextam gerere in ministerio altaris?

2. Cur potius ex lino quàm lana, tunica eiusmodi talaris contexta in diuino mysterio gerenda sit.

Eas igitur suo ordine expendamus.

## CAPUT V.

*An ex alia materia quàm lino, vel bysso, fas sit in sacrificio, diuinis ministris contextam albam gerere?*



RABANVS Maurus lib. 1. institut. Clericorum c. 33. ubi de expansione sindonis, seu corporalis super altare deserit: *Quod (inquit) ex lino puro textum esse debet, & non ex serico vel purpura, neque ex panno tincto, sicut à Siluestro Papa institutum inuenimus, quia in Euangelio legitur sindone munda inuolutum esse à Iosepho corpus Saluatoris, & sudarium capitis eius post resurrectionem Domini, non cum lintheaminibus positum, sed seorsum inuolutum inueniri.* Hæc Rabanus; sed statutum Siluestri quod memorat, in eius decretis non inuenitur.

Id potius ex institutione manasse reor Eusebij Pontificis, qui immediate ante Milriadem Siluestri prædecessorem, S. R. E. præsidebat; huius enim decretum ea de re refert hac serie Burchardus lib. 3. c. 99. *Hoc inter cetera prædicta consultu omnium constituimus, ut sacrificium altaris non in serico panno, aut tincto quisquam celebrare præsumat, sed in puro lineo ab Episcopo consecrato, terreno scilicet lino procreato atque contexto, sicut corpus Domini nostri Iesu Christi, in sindone lineæ munda sepultum fuit.* Recitatur totidem verbis ab Iuone part. c. 134. & recensetur à Gratiano de consec. dist. 2. c. *Consulto.* Verum de talari tunica Sacerdotali expressas sanctiones eiusmodi non habemus; nullum enim reperi canonem, qui hanc ex lino duntaxat fieri præciperet, alia ex textura confectam prohiberet. Sed nomen albæ iam diu in Ecclesia usurpatum pro podere, seu talari tunica, satis denotat materiæ qualitatem, vñsque Ecclesiæ perennis tanta constantia ab omni antiquitate obseruatus, vim legis inducit. Vnde Glossa *albis* in Clement. *Ne in agro, §. rursus sic habet, Albis: non ponitur pro colore, sed pro veste sacra, de qua sequitur versus. Dicitur urbs Alba, vestitur Presbyter alba.*

## CAPUT VI.


*Cur potius ex lino quàm lana, talaris tunica Sacerdotalis contextitur?*

**N**ON modò apud Hebræos sub lege Dei, sed etiam apud Gentiles, præsertim Ægyptios, tunica byssina vel lineæ erat religionis symbolum, eratque sacerdotum mysticæ vestis; vnde Apuleius in apologia de lineo textu: *Sacerdotalis, inquit, est vestitus & amictus.* Et Herodotus lib. 2. n. 46. Sacerdotes Ægyptij vestem tantum lineam gerunt, nec aliam eis induere fas est. Apud Christianos eundem morem cum religione natum superius ostendimus: hinc porro non expendimus rationes quæ à colore lini, candore nimirum deriuantur, de quibus infra etiam sub titulo de colore sumus dicturi, at tantum causas quasdam isthic ibimus indagatum, quæ intrinsecam lini naturam, ut pote materiæ ipsam spectant, & à quibus conuenientia quam quærimus indicatur. Vna hæc ratio videtur præcipua, videlicet quòd linum aptè significet sacerdotum sanctimoniam. 1. quòd sit mundissimum; tum quia multò melius detergit sordes, quàm lana, tum quia lauari sæpe potest, quod vix lana patitur, sine graui coloris & materiæ detrimento. 2. quia lana, & sericum tingi & fucari possunt, at linum simplicitatis amans, tincturam omnem & fucum respuit: Est ergo symbolum animi simplicis & candidi, qui omnem fictionem respuit, qualis debet esse in Sacerdote fides, candor, simplicitas, integritas, & morum innocentia. 3. Linum licet tenue, neruosum tamen est & robustum, adeò ut à pros in eius retia se induentes concidat; tales debent esse nerui, & robur Sacerdotis. 4. Linum, ut scitè Plinius ait,

semper iniuriâ fit melius; sic vera sanctitas sacerdotum aduersis probatur, quin si vera sit, crescit & augetur. Iniuriæ quas linum tolerat donec ad optatum candorem & splendorem perueniat, plurimæ sunt, & certè non leues, scilicet euelli solet, siccari, macerari fluuio, iterum siccari, tundi malleo stupario, decorticari, scindi spatâ lignea, pecti ferreis hamis, neri, in filo poliri, illidi crebro in silice ex aqua, texti & tundi clauis. Hinc linum est optimum patientiæ & consequenter sanctitatis (*nam patientia opus perfectum habet*, Iacob. 1. 4. & ipsa est, ait S. Ambrosius, *perfectio charitatis*) symbolum. Has ob causas Apostoli lineam albam in sacris, Aaronis imitatione retinuerunt.

*Lib. 5. Com. in  
Luc. 6. 6.*

## CAPVT VII.

*De forma alba & amictus Sacerdotalis.*

**I**N Appendice Manualis sacrarum Cæremoniarum iuxta ritum S. R. E. sub titulo, de forma & mensuris Ecclesiasticæ suppellectilis &c. præcipuè ad Missam congruentibus iuxta regulam præscriptam à S. Carolo in Actis Mediolanensis Ecclesiæ ad totius Ecclesiæ utilitatem, in lib. 1. & 2. instructionum fabricæ & suppellectilis Ecclesiasticæ promulgatarum in prouinciali Concilio Mediolanensi III. à sancta Sede Apostolica confirmato; Albam hac forma & mensura efficiendam reperimus; Alba è tela linea sit, longè producta cubitos quatuor, latè sexdecim ac paulò ampliùs circumquaque pateat; manicas habeat longitudine selsqui cubitali, hoc est cubito cum dimidio, latitudine ab humeris pene cubitali, quæ vsque ad manus sensim angustius ducantur: in summa veste & in extremis manicis aliquid sit dumtaxat acu paululum ac tenuiter elaboratum, nimius enim labor in iis ornandis vanitatem sapit & leuitatem.

Cæterùm quia amictus est albæ appendix, operæ pretium videtur hîc eius etiam formam ex iisdem institutionibus exprimere; Amictus è tenui tela sit longitudine circiter cubitorum duorum; latitudine vero selsqui cubitali: in duobus angulis eius anterioribus assuantur funiculi commodè longi vt reduci ante pectus queant, & cum iis fieri nodus, in medio crux acu pingatur vnciarum duarum, longè ab extremitate, digitis duobus in parte superiori: extremitates illius, præterquam ex ea parte quæ collum ambit, aliquo modesto opere ornari possunt. In Gallia nostra fiunt in quatuor angulis amictus, quatuor foramina, vt funiculi in duobus apponantur, & postea iidem in aliis reponantur, quando scilicet vna ora ipsius amictus aliquam maculam contraxerit è collo sacerdotum. Item crux in medio ipsius pingitur acu, non ad oram, ne fortè maculæ in osculo ipsius aliquam nauseam celebraturis pariant. Hæc ad verbum exscribere placuit, vt hîc suo loco tam albæ, quàm amictûs propria forma atque dimensio, à cupido quoque obseruatore Ecclesiasticæ institutionis conspiceretur.



## CAPVT VIII.

*De colore niueo Alba: seu de candore talaris tunice  
Sacerdotalis.*

**I**N Panoplia nostra Clericali parte 2. lib. 4. c. 6. de colore albo & candido, eiusque tam naturalibus proprietatibus, quàm mysticis & tropologicis significationibus scripsimus accuratè. Quamobrem hoc videtur superuacaneum, quæ iam abundè tractauimus, hîc quasi de nouo retexere. Verùm superest adhuc aliqua differendi seges, adeo ut nec me pudeat subiungendis quibusdam additamentis hîc parumper immorari; nec lectori fore fastidiosum censeam hæc analecta perlustrare, cum à dictorum repetitione quæ suppetiarum vice additurus sum, sint penitus aliena: quamuis à communi lemmate nullatenus dissona reperientur. Ut igitur cum ordine progrediamur, albi coloris seu candidi significationes quasdam quæ præcipuè ad mores, mysticæque theoriæ spectant, hîc breuem per seriem recensere aggrediemur.

## §. I.

*Candidus color designat Innocentiam.*

**C**ANDOR lucis est, ut nigror tenebrarum; lux verò iustitiæ est amica, tenebræ verò scelerum: hinc illud Euangelicum, *qui male facit odit lucem, & non venit ad lucem, ut non arguantur opera eius: Qui autem facit veritatem, venit ad lucem ut manifestentur opera eius, quia in Deo sunt facta.* Ioan. 3. 20. Celebris mos fuit apud Ethnicos, ut rei criminis, atrati prodirent; sic incessit Lentulus Prætor conspiracy in Rempublicam Romanam postulatus. Econtrà non sine diuina prouidentia effectum, ut Christus nostræ salutis parens, ab Herode remissus sit ad Pilatum candida veste indutus; quod etsi per ludibrium ab impio Rege actum fuerit, tamen Pilatus prudenter pro testimonio Christi innocentie accepit: *Nullam causam* (ait ad Sacerdotum principes Luc. 23.) *inueni in homine isto ex his in quibus eum accusatis. Sed neque Herodes, nam remisi vos ad illum, & ecce nihil dignum morte actum est ei.* Mira est perennique memoratu digna S. Hieronymi de nigro colore passim in scripturis pro labe, & reatu sumpto, animaduersio: Ad hæc enim verba Amos propheta, *Nunquid non & vos filij Æthiopum estis mihi filij Israël* c. 9. Sic maximus ille Ecclesiæ Doctor commentatur, *in omnibus scripturis Æthiopes dicuntur, qui penitus in vitia demersi sunt.* Quid quod fictus candor, sub quo nigror latet, pro velamento nequitie, etiam in sacris literis accipi solet: hinc hypocritas Dominus assimilât sepulchris dealbatis: *Vae vobis Scriba & Pharisei, hypocrite, quia similes estis sepulchris dealbatis, quæ à foris*

## 24 PANOPLIÆ SACERDOTALIS ·PARS I.

Isai. 1.

parent hominibus speciosa, intus verò plena sunt ossibus mortuorum, & omni spurcitia: sic & vos, à foris quidem paretis hominibus iusti, intus autem pleni estis hypocrisi & iniquitate. Matth. 23. 27. Cygnus ab altari Domini proscritur, ne offeratur in sacrificium: imò Dei populus eius vsu, esúque interdicitur, Leuit. 11. 18. Deut. 14. 16. Nec alia ratio, quàm quòd hypocrisis latentisque (sub specie candoris) atræ nequitiae symbolum esse videtur: sub plumis siquidem candidissimis cutem nigerrimam gerit. Absit hoc à Sacerdote; in quo maximè requirit Apostolus, ut sit impollutus & innocens, quin & irreprehensibilis & sine crimine. At si stola candida coopertus ad diuina mysteria accederet, intus verò haberet nigram animam, & atramque, seu ut aliàs idem Apostolus ait, *cauterizatam conscientiam*: tantum abest ut idoneus foret offerre Deo dona & munera pro peccatis; quin potius audiret à Domino, *Ne offeras ultra, sacrificium frustra: incensum tuum abominatio est mihi*. Christus summus aternusque Sacerdos, per Spiritum sanctum obtulit seipsum immaculatum Deo, in odorem suauitatis. Ad hunc archetypum Sacerdos qui Christi ipsius in altari vices gerit, sese componere debet: Curare igitur, enitique pro virili in conspectu Dei sine macula apparere, amictus lumine, sicut vestimento, nec solùm externo candore nitens, at magis interno splendore, & decore. Cùm emundaret sancta Iudas Machabæus, elegit sacerdotes sine macula, voluntatem habentes in lege Dei, 1. Machab. 4. Nec enim sufficit, ait Chrysostomus, hom. 83. in Matth. ut Sacerdotes & cæteri religionis ministri in Ecclesia albam, & splendentem tunicam circumeant induti, at multo magis oportet ut interno animi candore & conscientiae puritate coram Deo appareant fulgentes, *Omnes candidatos* (ait Seneca ad Lucillum, ep. 3.) *viros bonos* dicimus: Qui enim petebant magistratum, idcirco candidati prodire solebant in publicum, ut integritatem, probitatemque ex colore omnium purissimo præ se ferrent. Meminerint Sacerdotes ad altare se offerre (ut loquitur S. Ambrosius) *sacrificium virginitatis*. Par est eos igitur Angelica puritate nitere, nam semper est Angelis cognata virginitas.

### §. II.

#### *Libertatem.*

**I**N manumissione albam vestem dari solitam, innumera veterum testimonia declarant: inter quæ illustre hoc mihi semper visum est Tertulliani lib. de resurrect. carnis. *Vestis albæ nitore, & aurei annulli honore, & patroni nomine & tribu, meritisque famulus libertate donatus honoratur*. Christus in vltima cœna Eucharistiæ mysterium instituens Apostolos suos (quibus, ut docet S. Augustinus in Psal. 44. Episcopi, & Presbyteri successerunt) Sacerdotes consecrauit, tum verò etiam manumisit, *Iam, inquit, non vos dicam seruos, sed amicos*. Et ego dispono vobis sicut disposuit mihi pater meus regnum, ut edatis & bibatis super mensam meam in regno meo. De altari participare licet etiam fidelibus laicis, sed

sed non aliter quam præsentium manu, fas eis est Eucharistiam sumere. At Sacerdotes non solum sumunt, sed etiam dant cæteris munus diuinum. Præterea hoc eorum singulare priuilegium est, ut Iuo & Burchardus ex canonicis sanctionibus norant, ut super altare communicent, quod nec Regibus umquam fuit concessum. Alba igitur induuntur, ut manumissi à Christo summo imperatore, omniumque Regum Domino, atque in consortium sacræ dignitatis assumpti, reliqua à vulgi turba dignoscantur. Pulchrè hîc iterum Tertullianus lib. 5. aduersus Marcionem, ad hæc Apostoli verba, *qua libertate Christus Gal. 4. 31. nos manumisit.* Nonne cum constituit manumissorem, qui fuit Dominus? alienos enim seruos nec alba manumisit. Grande profectò priuilegium cum Sacerdotio confertur, ut qui hoc honore nobilitatur à Domino, manumissus non modò sit, sed manumittendi alios siue per baptismum, siue per absolutionem sacramentalem, siue denique per sacram ordinationem, ius & auctoritatem ipsa consecratione recipiat. Spectauit huc Ambrosius, initio lib. 9. in Lucam. *Non poterat pullus qui ligatus erat, solui nisi iussu Domini. Soluit eum manus Apostolica, talis actus, talis vita, talis gratia. Esto talis & tu, ut possis ligatos soluere.*

## §. III.

*Pacem.*

CONSTAT album colorem ad pacem significandam magno vni fuisse: hinc Æneas apud Virgilium lib. 3. ex candore equorum qui in conspectu Italiæ apparuerant, pacis omen fecit. Pacem peti vel nunciari candido signo vel veste, plerisque exemplis videre licet apud Homerum, Cæsarem, Liuium, Ammianum, Tacitum, & alios præcos scriptores. Porro ex posteris, sed præcipuis, Genebrardus lib. 4. Chronographiæ, sub annum 1495. narrat Tamerlanem illum, cui bellorum gloria Magni nomen peperit: ubi prælium hostibus ostenderet, tria signa per tres continenter dies sustulisse; alterum candidum, quo pacis & deditiois dabat optionem; nigrum alterum, quo luctuosum penitentia exitum & triste supplicium minabatur: tertium denique coccineum, quo cruentum bellum ostentabat igni ferroque miscendum. Quo die Christus resurgens à mortuis pacem suis Apostolis nunciauit, apparuit ad eius tumulum, iam trophæum deuictæ mortis, Angelus in stola candida: quæ erat partæ iam pacis à Christo & salutis instauratæ indicium. Sacerdos Angelus Domini exercituum est, accedit ad altare, ut incruento quod oblaturus est, sacrificio diuinam placet iram, misericordiam verò nobis conciliet; vnde in candido, hoc est pacifico habitu, diuinis sese sistit obtutibus, rogaturus quæ pacis sunt, votisque potitus, hanc in Dei nomine populo supplicanti gratiam annunciat, *Pax, inquit, Domini sit semper vobiscum;* mutuòque affectu vicem ei populus rependit, dicens, *Et cum Spiritu tuo, &c.* Antiquissimus est profectò hic in Ecclesia ritus, ad quem S. Gregorius Nazianzenus respiciens, orat. 3. de pace, *In principio pax, inquit, amica, non re duntaxat,*

D



## 26 PANOPLIÆ SACERDOTALIS PARS I.

*sed nomine quoque ipso incunda, quam nunc populo dedi & recepi. Mutua est enim doni illius, quod omne donum superat, ad precatio; unde Hilarius in Carm. de off. Miss. ait de Sacerdote.*

*Implorat pacem, qua sit uterque quod alter,  
Concordesque velint, atque sequantur idem.*

### §. IV.

#### Nuptias Agni.

**C**OLOR apparatus sponsæ, candor est. Missis procul profanis nuptiis, de sponsæ agni connubiali ornatu hoc audiuit cœlestis præconium S. Ioannes Apoc. 17. 7. *Gaudeamus & exultemus & demus gloriam ei, quia venerunt nuptiæ agni, & uxor eius preparauit se, & datum est illi, ut cooperiat se byssino splendenti & candido.* Certè in Eucharistia Christus sua cum Ecclesia coniugalis amoris fœdera concelebrat. Vnde S. Ambrosius ad illa verba Cant. 1. *Osculetur me osculo oris sui; Sponsa, inquit, sacramenta miratur & optat, dum ait, Osculetur me osculo oris sui; Ore enim diuinum hoc munus sumitur, & per tam admirabile casti amoris commercium unionis Christi cum Ecclesia mysterium peragitur; sublimi id acumine Apostolus insinuat, Ephes. 5. Nemo, inquit, carnem suam unquam odio habuit, sed nutrit & fouet eam: sicut & Christus Ecclesiam, quia membra sumus corporis eius, de carne eius, & de ossibus eius: Per illud scilicet sacrosanctum mysterium, de quo Christus ipse ait, Qui manducat meam carnem, & bibit meum sanguinem, in me manet & ego in eo.* Ad has igitur celebrandas nuptias, unionis scilicet connubiale fœdus, nimirum membrorum inter se, & corporis cum capite, Sacerdos vice Christi diuinis operaturus ad altare procedit, ideoque candida fulget veste, quæ est nuptialis amictus, ne scilicet si atratus prodiret, repulsam pateretur, dicente Domino, *Amice quomodo huc venisti non habens vestem nuptialem?* Festiuè pridem Sidonius Apollinaris quosdam sui temporis irridebat, qui nescio quo nouitatis pruritu contra mores receptos passim omnia præposterè facitabant, *Nam libenter incedunt (inquit) armati ad epulas, albat ad exequias, pelliti ad Ecclesias, pullati ad nuptias;* nimirum contra omnium penè gentium consuetudinem, siquidem albus color nuptiis assignatur: hinc illud Theodorici Regis apud Cassiodorum, lib. 4. Variarum, epist. 1. circa med. more gentium suscepisse pretia destinata, *equos argenteo, colore vestitos, quales esse decuit nuptiales.* Quo ex more, non sine sale, tyrones illos militiæ secularis sugillat Ioannes Sarisberien-sis, Polycratici lib. 6. cap. 4. sub finem, qui ad bella procedebant, quasi ad nuptias dealbati: Pari nomine ac iure illos cum Sidonio perstricturus, qui pullati procedebant ad nuptias; ostendens eos (ait hoc ipso Sidonij citato loco Petrus Venerabilis lib. 5. ep. 16.) in tantum moribus & actu confusos, ut apparatus funereum nuptiali, nuptialem funereo, peruerso ordine permutarent.

Extat apud me processus Criminalis (ut aiunt) à Senatu Rothomagen-si, supremo decreto regij Consistorij ad nostrum Tribunal Ec-

Epist. 7. lib. 5.

eleiasticum remissus, in quo de execrando magia scelerare agitur; exscriptæ rei gestæ cum acta perlegerem, inter horrenda quæ in magorum nocturnis cum dæmonibus conuenticulis sacrilegia fiunt, id præ cæteris annotavi: quòd tremendum Missæ sacrificium soleant æmulari, impia sacrorum Ecclesiæ rituum imitatione; diabolus enim (ut scitè pridem ait Tertullianus) est simia Dei: sed quia itidem perpetuò diuinis placitis aduersatur (semper enim contendit *vias Domini subvertere rectas*) in ipsa sacrilega diuinorum mysteriorum æmulatione, affectata contrarietate delectatur. hinc est quod pseudomystæ qui nefanda sacra horrendis modis peragunt, vestibus quidem Sacerdotilibus vtuntur; at casulis sine cruce; lineis verò talaribus tunicis, non albis sed nigris; inferorum scilicet copiis (quarum duces sunt principes tenebrarum) peraptè congruenti colore. Vulgare est dictum Zuinglij, de spiritu à quo se doctum nocturnis colloquiis fatebatur: *Ater autem an albus fuerit*, (inquit) *nil memini*: Sed profectò ater erat, qui verba Christi, *hoc est corpus meum*, meridiana luce clariora, tetraë explicationis caligine obscurare miserum illum apostatam, magnum illud pietatis sacramentum abolitum ire meditantem, tam infausta suggestionem edocuit.

Pulchrè Anastasius Synaita lib. 6. Hexameron: *Byssus* (inquit) *plusquam nix resulget, idcircoque est symbolum lucis, quæ procedit ex luce verbi Dei*. In diuina actione Sacerdos (ait magnus Doctor Ambrosius) *non suis verbis, sed sermonibus utitur Christi*, cuius verba sunt verba lucis, eloquia veritatis. At econtrà verba diaboli sunt verba mendacij. Decet igitur magos infernales symmystas, verba diaboli in execrandis suis mysteriis deprompturos, attratos & pullatos prodire. At verò Christi Sacerdotibus, qui filij sunt lucis & operarij veritatis, candor proprius est, tam in veste mystica, quàm in ore & pectore. Hos decet sanè prisca ipsius apophthegmatis esse memores, *Byssinis vtendum verbis cum principe*, id est oportere cum eo apertè & manifestè loqui; verè, sincerè, candidè; liquidem in bysso subobscurum nihil & umbratum apparet, sed alba & candida omnia. Albatus igitur & candidus prodeat Sacerdos ad sacrificium, in quo verba Dei prolaturus, & cum ipso Deo collocuturus est.

Vide Plutarch.  
in Apophtheg-  
mat.

## §. V.

*Martyrum gloriam.*

**E**T ecce equus albus, & qui sedebat super eum, vocabatur fidelis & verax, *Apoc. 19.* & cum iustitia iudicat & pugnat. Et exercitus qui sunt in cælo, sequebantur eum, in equis albis, vestiti byssino albo & mundo: Haud obscurum cuiquam esse potest quis sit dux ille cœlestis, quem supernus exercitus triumphali apparatu decoratus sequitur: propriis enim cohonestatur titulis, *Rex Regum & Dominus dominantium*. Sed ambigi potest, quinam illi milites sunt, qui cum eo triumphant niuè candore micantes? Verùm Christus ipse rem aperit, dum ait, ibidem, *qui vicerit* (prove

D ij

## 28 PANOPLIÆ SACERDOTALIS PARS I.

*Apoc. 7.*

isti scilicet pugiles vicerunt) *vestietur vestimentis albis*. Turba est igitur hæc inclyta Martyrum, quam speculator ipse gloriæ cœlestis Ioannes ingenti cum lætitia & admiratione conspexit: *Vidi (inquit) turbam magnam, quam dinumerare nemo poterat ex omni tribu &c. Stantes in conspectu Dei, & induti erant alba veste, & palma in manibus eorum*. At cum abluisse stolas suas dicantur *in sanguine agni*, quâ fieri potest ut nihilo minus dealbati prodeant? numquid sanguis candidus est sicut lac, ut dealbare possit? nonne per se cruentat & potius quod tingit purpurat, quàm nitere facit? ita quidem: verum hoc sanguinis agni proprium est; ut quod lauat, non modò expurget, sed nitidum candidumque efficiat. Nec modò hoc præstat agni illius salutaris cruor, qui propitiatio fuit mundi, at pro eo effusus in pugna fidei, spei, & charitatis, sanguis, pugiles ipsos non cruentat, sed miro fulgentes honore, nitore & candore reddit, iisdemque confert immortalis gloriæ candidam. Appositè ad hæc Tertullianus in aureo opusculo, quod conscripsit de militis Christiani corona. *Totus (inquit) de Apostolo armatus & de martyrij candida, laureâ melius coronatus, donatium Christi in carcere expectat*. Et S. Cyprianus lib. de lapsis, fere ab initio, *Adest militum Christi cohors candida, qui persecutionis urgentis ferociam turbulentam, stabili congressione frugerunt*. Et S. Augustinus lib. 2. de fide ad Catechum. *In isto sanguine dum sancti martyres stolas suas lauerunt, candidas eas fecerunt*. Quamobrem ipse cum Catechista suo Ambrosio, de Martyrum coronis & triumphis Deo gratias agens, rectè concinit, *Te Martyrum candidatus laudat exercitus*.

*Aduersus Vigilant.*

Cæterum in Missa non modò mors Domini annūciatur, sed commemoratur ibidem mors Sanctorum eius *in conspectu Dei pretiosa*; hinc S. Hieronymus, *martyrum sepulchra, Christi vocat altaria*. Hinc Sacerdos sacrificium inchoaturus, altare in medio osculatur, ubi martyrum veneranda pignora sunt condita, *Oramus te, inquit, Domine, per merita Sanctorum, quorum reliquie hîc sunt, ut indulgere digneris peccata mea*. Hinc in ipso canone ante & post consecrationem sacra illorum nomina commemorat, de quorum pugnis & coronis, Deo auctori eorum victoriæ, gratias rependit, quibuscum partem æterna in luce sibi & cæteris supplicibus concedi postulat. *Nobis quoque peccatoribus famulis tuis de multitudine miserationum tuarum sperantibus partem aliquam & societatem donare digneris cum tuis sanctis Apostolis & Martyribus, Ioanne, Stephano &c. & cum omnibus Sanctis tuis, intra quorum nos consortium non æstimator meriti, sed venia quasumus largitor admitte, Per Christum Dominum nostrum*.

Quia igitur ambit Sacerdos pro se & circumstanti populo supernæ ciuitatis municipatum, Senatûs cœlestis confessum, & diuinæ consortium militiæ, dealbatus ad altare procedit, albâque indutus sacrificat, utpote candidatus perennis triumphî, & gloriæ, quam Sancti pro Christo fortiter certantes & feliciter superantes reportarunt; *Sancti siquidem (ait Apostolus Heb. 11.) per fidem vicerunt regna, operati sunt iustitiam, adepti sunt repromissiones*. Hoc modo nobis propalata est Sanctorum via, via lactea & lucida, qua ad cælum itur.



## §. VI.

*Gaudium beatorum.*

**I**NDUIT se (Iudith ad virtutis mirabile facinus progressura) vesti- Iudith. 10. 3.  
16. 9.  
*mentis iucunditatis suæ*, seu, ut ipsa ait in cantico suo, *exuit se vestimen-*  
*to viduitatis, & induit se vestimento lætitiæ in exultatione filiorum Israel.* Pul-  
 lam vestem fuisse funeris & mœroris insigne suprà consignauimus.  
 At verò albam vestem esse indumentum iucunditatis, ex iis quæ de  
 nuptiarum ornatu notauimus facile est colligere. Ex vtraque littera-  
 tura, hîc obsecro, quædam selecta consignemus; Nemo peritus est  
 Latinæ antiquitatis, qui albis vestibus vîos fuisse pridem Romanos  
 rebus in lætis nesciat. Hinc est quòd Horatius lib. 2. Sat. 2. festos  
 dies albis vestibus agitari præcipiat. Latinus etiam Pacatus in pane-  
 gyri ad Theodosium laudationis ansam arripit, quòd aduentanti, è  
 præcipua nobilitate viri, albis vestibus induti obuiam prodierint.  
*Quid ergo referam festum* (inquit) *liberæ nobilitatis occursum conspicuos veste*  
*niuea Senatores?* Et Vopiscus in Florianò, cùm lætitiæ ingentis signi-  
 ficationem augere atque amplificare in animum induxisset: hinc præ-  
 cipuè insistit, quòd albarum vestium plurima copia facta esset. *Tan-*  
*tum illud dico* (sic ait Vopiscus) *ea esse lætitiæ elatos, ut domibus suis omnes*  
*vestes albas cederent, albatî sederent.*

Nuncium nunquam magis lætum eo esse potuit, quod Angelus  
 Christi præco resurrectionis, ipso eius rediuiui die, sollicitis de eius  
 fama & gloria sanctis mulieribus prædicauit, *Surrexit, inquit, Dominus*  
*non est hic; sed nuncius ille cœlestis, tum habitu candidatus erat.* Ap-  
 positè prorsus ac suauiter S. Gregorius hom. 21. in Euangelia, verba  
 hæc edisserens sacri contextus, *Et introeuntes in monumentum viderunt*  
*iuuenem sedentem in dextris coopertum stola candida &c.* Rectè (inquit) An-  
 gelus qui nunciare perennem eius vitam venerat, in dextera sedebat:  
 Qui stola candida coopertus apparuit, quia festiuitatis nostræ gau-  
 dia nunciauit: Candor enim vestis splendorem nostræ denunciat so-  
 lennitatis. Nostræ dicamus, an suæ? sed ut fateamur veriùs, & suæ di-  
 camus & nostræ, illa quippe redemptoris nostri resurrectio & nostra  
 festiuitas fuit, quia nos ad immortalitatem reduxit: & angelorum fe-  
 stiuitas extitit, quia nos reuocando ad cœlestia, eorum numerum  
 impleuit.

Color albus ac niger contrariè, ut notum est, opponuntur: At Lib. de mortal.  
 niger color mœroris index & mortis, ut S. Cyprianus per visum ad-  
 monitum se scribit. Cùm enim feruente sæua pestilitate, ad propin-  
 quorum multiplicata funera fideles atras vestes mortis & luctus in-  
 dices ex sæculi more assumerent, indèque scandalum gentibus orire-  
 tur, Christianis impropèrantibus, æternæ vitæ fidem quam prædica-  
 uerant & prædicabant, hoc mortis luctu & mœroris indicio quasi pa-  
 renti signo diffidentia eleuari: Acriter morem hunc S. Cyprianus  
 reprehendit, seque diuinitus admonitum asseuerat, ut pia magis exem-

pla suaderet; *Nobis quoque ipsis minimis*, inquit, & extremis quoties reuelatum est, quàm frequenter atque manifestè de Dei dignatione præceptum est, ut contestarer assiduè, & publice prædicarem, fratres nostros non esse lugendos, accersitione Dominica de sæculo liberatos, cum sciamus non eos amitti, sed præmitti; recedentes præcedere, ut proficiscentes, ut nauigantes solent: desiderari eos debere, non plangi. Nec accipiendas hîc esse atras vestes, quando illi ibi indumenta alba iam sumpserint. Gloriæ igitur & felicitatis Sanctorum in cœlo beatorum, albæ vestes sunt propria insignia, gaudij proinde & lætitiæ sempiternæ, qua potiuntur apud Deum conspiciui sunt indices.

Lib. 4. dialog.

At verò Eucharistia pignus est vitæ æternæ dicente Domino, *Qui manducat hunc panem, viuet in æternum*, Ioan. 6. vnde eleganter & appositè Optatus Mileuitanus hoc mysterium vocat, *pignus salutis æternæ, tutelam fidei, & spem resurrectionis*: Quid porro Sacerdos ad altare dum accedit aggreditur; nisi tanti boni nobis aditum reserare, pignus consignare, primitias æterni huius gaudij impertiri? Præclare ad hæc S. Gregorius: *Quis fidelium habere dubium possit in ipsa immolationis hora ad Sacerdotis vocem cælum aperiri, in illo Iesu Christi mysterio, Angelorum choros adesse, summis ima sociari, terrena cœlestibus iungi, unum quid ex inuisibilibus & visibilibus fieri?* Nuncius est, & administer tanti gaudij Sacerdos, Christi futurorum ut pote bonorum Pontificis Vicarius. Quo igitur magis apto congruoque apparatu sacris altaribus assistere potest, quàm candido decoratus amictu, quo Angeli nunciij pacis & veri gaudij, semper conspiciui piorum conspectibus apparuerunt?

Applaudit & gratulatur affatim S. Hieronymus Iulianæ, ep. 34. nec inter eius infimas laudes numerat, quòd filiarum mortem æquo animo ferens citò vestem lugubrem in candidam lætitiæ commutârît, *Laudent* (inquit) *te alij, & tuas contra diabolum victorias panegyricis profectuantur, quod in quadagesimo die dormitionis earum lugubrem vestem mutaueris, & dedicatio ossium Martyris candida tibi vestimenta reddiderit.* Dedicatio ossium Martyris itaque luctuosæ vestis vsum intercudit: & Christi corporis & sanguinis consecratio, pullatum Sacerdotem assistere Dei conspectui, operari sacris, & mysterium æternæ salutis celebrare pateretur? ut musica in luctu importuna narratio, sic in mysterio tantæ gratiæ & benedictionis niger ac funebris amictus indecens profectò appareret.

Accedit quòd Eucharistiæ sacrificium non modò mortis Domini, sed & eius resurrectionis, ascensionis, regni que perenne mnemosynon est. Mors absorpta est in victoriâ, quamobrem hoc in mysterio de ea quotidie Christus triumphat, nobis infundit gratiam & vitam, ac gloriam initiat; vnde sub speciebus panis & vini hic adest ad modum gloriosi corporis; quia ut Ecclesia canit, *Mentes implet gratia, & in futura gloria nobis pignus datur.* Tanti beneficii se pro toto corpore Ecclesiæ, Sacerdos candidatum proficitur: quamobrem qui extra sacrificium pullatus incedit, dealbatus diuinum hoc celebrat mysterium, futuræ scilicet suæ nostræque immutationis symbolum. Al-

Iudit hîc nonnihil B. Hieronymi de S. Paula defuncta locus insignis; *O beata (inquit) rerum communio! fleuit, ut semper rideret, vestita cilicio est, ut nunc vestimentis albis uteretur, & diceret, Scidisti saccum meum, & induisti me letitia*, ep. 27.

Cæterum est fortassis quòd quis miretur, nos hîc profligare nigrum colorem ab altari & sacrificio Christiano: cùm tamen atrum ipsum colorem, inter Ecclesiasticos colores recensuerimus, parte 2. Panopliæ Clericalis, libro 4. c. 3. art. 4. §. 2. cuius est titulus, De usu nigri coloris in ritibus Ecclesiæ: vbi explicamus hanc Romani Liturgici Rubricam. *Nigro colore (S. R. E.) utitur feria 6. in Parasceue & in officiis omnibus & Missis defunctorum.* Item de usu huiusce coloris in die cinerum & feria 6. in Parasceue, necnon in visitatione Cæmeterij. Verùm hæc non repugnant præmissis. Nam si de extrema veste Sacerdotali putasula vel pluuiali sermo sit, vltro fatemur nigri coloris usum admittendum esse. Si de intima, qualis est alba & amictus, palam est nonnisi candidi coloris usum posse adhiberi. Quamquam etiam mos obtinuerit, ut suprâ dictis diebus, quibus color niger quoad casulam vel pluuiale usurpatur in diuinis officiis, merum nigrum assumi non soleat. Album enim semper admiscetur; & nigro supereminet, cruce videlicet candidi coloris prolixâ casulæ intextâ: limbisque siue fimbriis, tam atro quàm albo colore permixtim confertis: cùm alba semper subiaceat, candido colore (lino semper in hærenti) conspicua.

## COROLLARIUM.

*De Albæ mystica origine, & tropologico usu.*

**E**TIAM SI poderis, seu talaris tunica linea, prisce legis Sacerdotibus nunquam fuisset in usu: (quæ lex scilicet umbra fuit & figura legis Euangelicæ) attamen in nouo Testamento debuisset alba vestis à Sacerdotibus usurpari, tum propter præactas significationes, tum præsertim ob Christi, qui Sacerdotij noui caput, exemplar & archetypus est, congruam imitationem. Christus in Transfiguratione sua dealbatus, Apostolis inter Prophetas apparuit, *Vestimenta eius alba facta sunt, sicut nix*, scribit S. Matthæus c. 17. sed ait S. Marcus, *facta sunt* Mar. 9. *splendentia & candida nimis, velut nix, qualia fullo non potest super terram candida facere.* Porro S. Lucas, *vestitus eius factus est albus & resurgens.* Luc. 9. In vltima cœna quam nouæ legis perenne sacrificium dedicauit, *lintheo præcinxit se.* Et in passione sua (cuius Missa proprium memoriale est) illusus ab Herode, fuit veste alba indutus. In natiuitate sua ab immaculata matre inuolutus linteolis, in præsepio positus est. Idem verò Dominus in sepulchro sindone munda à Ioseph nobili decurione inuoluitur. Porro resurgens à mortuis nuncios suæ gloriæ Angelos stolis amictos candidis destinauit. Vidit Maria Magdalena (inquit S. Ioannes c. 19.) duos Angelos in albis sedentes, vnum ad caput, & vnum ad pedes vbi fuerat positum corpus Iesu. Dicit Lucas apparuisse hos duos Angelos virili specie *in veste fulgenti*, hoc est byssina



## 32 PANOPLIÆ SACERDOTALIS PARS I.

& candida; Duos itidem apparuisse refert, cum ipse Dominus in cœlos conscendit, *Ecce duo viri astiterunt iuxta illos in vestibus albis*, ἐν ἁγίοις λευκοῖς, *in veste alba*. Deum vno solo colore albo delectari, auctore Pierio, Persarum sapientes asseriebant. Quantum reuera Christus candido colore delectatus fuerit, signatis ex eius gestis apparet.

Eapropter Ecclesia in sacris colorem hunc diuinis Ministris, in mysticis vestibus gerendum iam pridem attribuit; quem morem longæuo vsu sua ætate propagatum S. Hieronymus, lib. 1. aduersus Pelagianos, qui morem istum vix ferebant, disertè asseuerat: *Quæ sunt ergo inimiciæ contra Deum, (inquit) si Episcopus, Presbyter, & Diaconus, & reliquus ordo Ecclesiasticus in administratione sacrificiorum, cum candida veste processerint?*

I. Puritatem etiam significari reor per albæ nitorem. Rerum naturalium tractatores narrant fuisse antiquitus quandam speciem lini, quam Græci *asbestinum*, Latini linum viuum appellabant. Ex hoc tela contexebatur, & tunicæ fiebant, quæ igni non tantum non absumebantur, sed in illum coniectæ sordibus exustis, magis quàm si aquis fuissent ablutæ, splendescabant, Regum quoque funera in eiusmodi adurebantur tunicis, ne corporis fauilla cum reliquo cinere misceretur. Linum hoc cui principatus toto in orbe erat, Plinius lib. 19. c. 1. tradit, rarum inuentu, difficile textu esse propter breuitatem, inuentum æquare pretia margaritarum. Perijt tandem hæc lini viui species. Cuius vtiā significatio in nostris Sacerdotibus & Clericis reuirefcat. In Sacerdote, & sacrorum quouis ministro nihil præstantius esse potest puritate mentis & corporis, ad quam vt ad præcipuum sacræ dignitatis decus, candor nitorque tunicæ talaris suo ex instituto refertur; Vnde quando albam induit Sacerdos, ex præscripta sibi ab Ecclesia lege, Deum supplex sic orat, *Dealbame Domine, & munda cor meum, ut in sanguine agni dealbatus gaudiis perfruar sempiternis*. Oraculum enim Christi Domini est, nihil coinquinati in regnum cœlorum admitti posse, proinde nec in Dei sanctuarium (quod superni templi typus est) nemo intrare debet, nisi puro sit corde & casta mente. Meminerit igitur Sacerdos ad altare accedens, diuini huius moniti, *Pauete ad Sanctuarium meum*, Leuit. 26. 2. *Sancti estote, quoniam ego sanctus sum*, Leuit. 11. 44.

Lib. 2. de offic.  
Eccles. c. 18.  
Vide Innocen-  
tium III. lib. 1.  
Mysteriorum  
Missæ c. 51.

II. Philosophatur Amalarius Fortunatus super forma lineæ tunicæ sacerdotalis, quæ strictis esse manicis debet, totoque contextu non diffusa admodum, sed arcta, citatque Bedam in lib. de tabernaculo. hoc documentum ex stricta eiusmodi forma depromptum. Hæc linea, manus ac brachia debet stringere Sacerdotis, ne quid nisi vtile faciant; pectus, ne quid inane cogitet; ventrem, ne delicias ultra modum appetendo, gulosus fiat: subiecta ventri membra, ne lasciuiendo totam Sacerdotalis habitus pulchritudinem corrumpat; genua, ne ab orationis instantia torpeat; tibiae & pedes, ne currant ad malum.


III. Idem tamen Fortunatus notat inter albas nostras, & tunicas talaris priscae legis Sacerdotum non contemnendum discrimen, quod

quòd istæ quidem strictæ erant, nostræ verò ambitu sint diffusæ. In eo distat (inquit) vestimentum illud à nostro, quòd illud strictum est, nostrum verò largum; Etenim hi in veteri testamento spiritu seruitutis erant adstricti, de quo dicebat Paulus: non enim accepistis spiritum seruitutis iterum in timore, sed spiritum adoptionis filiorum. Ac ideo sic illorum strictum, nostrum largum, propter libertatem qua Christus nos liberauit.

iv. Alcuinus per tunicam talarem, operiscuiusque boni perfectionem intelligit, lib. de diuinis officiis c. Quid significant vestimenta. Studere igitur Sacerdos admonetur, ipsa quam gestat in sacris, linea tunica talari, non solum sacrificium quod incipit, accuratim celebrare & pleno tenore consummare: at etiam esse in omni bono perfectus, iuxta illud Apostoli ad Timotheum, Tu verò vigila, in omnibus labora, opus fac Euangelista, ministerium tuum imple, 2. ep. 4. & ep. 1. 4. Exemplum esto fidelium in verbo, in conuersatione, in charitate, in fide, in castitate. Dum venio attende lectioni, exhortationi, & doctrina: Hæc meditare, in iis esto, ut profectus tuus manifestus sit omnibus. Attende tibi & doctrina, insta in illis; Hoc enim faciens, & teipsum saluum facies, & eos qui te audiunt.

v. Rabanus Maurus, lib. de ord. Antiphon. c. 16. per longitudinem albæ, perseuerantiam exponit: Hæc (ait) ad talos usque descendit, quia usque ad finem vitæ huius, bonis operibus insistere debet Sacerdos, præcipiente ac promittente Domino, esto fidelis usque ad mortem, & dabo tibi coronam vitæ. Eapropter vas electionis Paulus suum Timotheum ardore pleno, hoc hortatu compellat, Certa bonum certamen, apprehende vitam æternam, in qua vocatus es. Præcipio tibi coram Deo, qui viuificat omnia, & Christo Iesu, qui testimonium reddidit sub Pontio Pilato, bonam confessionem, ut serues mandatum sine macula, irreprehensibile, usque ad aduentum Domini nostri Iesu Christi, quem suis temporibus ostendet beatus & solus potens, Rex Regum, & Dominus dominantium; qui solus habet immortalitatem, & lucem inhabitat inaccessibleem &c. Ipsi honor & imperium sempiternum: Amen.

1. Timoth. 6.  
12. &c.






# PANOPLIÆ SACERDOTALIS LIBER TERTIVS.

DE ZONA,

*Qua Sacerdos albâ indutus, ut operetur sacris, præ-  
cingitur: vel quiuis assistens tremendo  
sacrificio Clericus.*

## CAPVT I.

*De nomine Zona, Cinguli, & Balthei.*



**I**NTER Sacerdotalia vestimenta tam veteris quàm nouæ legis, cingulum seu zona, signatim numeratur, tametsi frequentius apud Hebræos Sacerdotes ipsum, quo utebantur cinctorium in sacro habitu, baltheus dici soleat, Exod. 28. 4. *Facient vestimenta sancta fratri tuo Aaron, & filius eius, ut Sacerdotio fungantur mihi: Hac autem erunt vestimenta quæ facient, rationale, & superhumerales, tunicam, & lineam strictam, cidarim & baltheum.* Et infra, *Facies baltheum opere plumarij.* Et c. 29. 5. *Constringes baltheo. & vers. 9. cingesque baltheo Aaron.* Leuit. 8. 13. *Et filios cinxit baltheis.*

Cingulum à cingendo dici volunt Varro, Nonius Marcellus, & alij Latini: Hebræi *Chagor* vocant: Chaldæi *Zunara*; Græci ζώνη, ζώνη, ζώνη, & verbum ζώνω, quod est cingere.

Cinguli nomen in sacris paginis veteris Testamenti, plus profanis vsibus quàm sacris officiis aptari consuevit. Patet ex Prou. 31. 24. *Cingulum tradidit Chananeo.* Et Isaïæ 22. *Vocabit Dominus Deus exercituum in die illa ad fletum, ad planctum, ad caluitium, & ad cingulum sacci.*


Zonæ vocabulum semel dumtaxat, & iterum in sacra Scriptura



pro parte sacri habitus assumitur, Leuit. 16. 4. de Aaron legimus, *Tunica linea vestiatur, feminalibus lineis verenda celabit, accingetur zona linea.* At Apoc. 1. Christus dilecto suo apparet *zona aurea ad mammillas praeinctus.* S. Hieronymus in epist. 128. Tom. 3. ad Fabiolam, de veste Sacerdotali, promiscuè sumit zonam, vel cingulum cum baltheo; *Tertium genus est, inquit, vestimenti quod illi appellant אבנט abnet, nos cingulum, vel baltheum, vel zonam possumus dicere.* Et reuerà in Pentateucho, baltheus sacerdotalis etiam cingulum appellatur, Exod. 39. 29. Leu. 8. 8. & zona Leuit. 16. 4. quæ etiam pro synonymis habet Alcuinus lib. de diuinis officiis c. de singulis vestibus: *Hæ duæ vestes, inquit, id est tunica byssina stricta, & tunica hyacinthina, baltheo astrictæ erant, quod erat cinguli genus.* Et c. quid significant vestimenta; *Deinde, inquit, sequitur zona, quæ cingulum dicitur, qua restringitur poderis, ne laxè per pedes diffuat; ita & Rabanus lib. de Institut. Clericor. c. 17. Tertium ait, vestimentum est cingulum seu baltheum, quo utuntur, ne tunica ipsa defluat, & gressum impediat.* Et Walfridus lib. de rebus Ecclesiast. c. 24. *Numero (inquit) suo (nostræ sacræ vestes) antiquis respondent, quia sicut ibi tunica superhumeralis linea, superhumerale, rationale, baltheus, feminalia, tiara, & lamina: sic hic dalmatica, alba, mappula, orarium, cingulum, sandalia, casula, & pallium.* Ita quoque Iuo Carnotensis sermone synodali, de significationibus indumentorum sacerdotalium: *Moyse Aaron fratrem suum &c. vestiuit tunica, & praeinxit zona.* Et infra, *Zona tunicam stringit.* Eodémque modo Honorius Augustodunensis lib. 1. de antiquo Missæ Ritu c. 203. *Et hinc cingulo cingitur (inquit) quod in lege Baltheus, apud Græcos Zona dicitur.* Quicquid sit de rebus, diuersa sunt certè vocabula, Baltheus siquidem dicitur apud Hebræos *abnet*: Cingulum, *Ezor*. Vnde Græcis *σείς*, & *σείζω* firmo seu fulcio, cingendo lumbos. Zona Hebræis dicitur *chaghor*, & *mezach*, Græcis *ζώνη*.

## CAPVT II.

## De Balthei, Cinguli, &amp; Zona differentia.



**I**AMDVDM notauit Alcuinus, baltheum & zonam, res diuersas esse, *Pro baltheo, (inquit, lib. de diuinis officiis c. de singulis vestibus) quod erat cinguli genus &c. nunc zonarum quas Romanas appellant vsus receptus est.* Quibus verbis cingulum generale nomen esse innuit, quodcunque cinctorij genus complectens: Balthei verò, & zonæ vocabula esse specifica, quibus proprius quidam cingendi modus designatur. Attamen generali etiam significato, baltheum vsurpari pro omni cinguli specie, res est litterariæ antiquitatis peritis satis nota; Nam etsi sint qui baltheum, & cingulum esse virile tantum censcant, zonam verò muliebrem, certum est tamen baltheum tam viris quàm feminis coaptari, est enim baltheus cingulum

non modò sacerdotale, & militare, sed etiam femineum. Etsi verò Iurisperiti zonam inter muliebria ornamenta numerent, viris quoque non impropriè hæc ipsa tribuitur tam apud sacros quàm profanos auctores, prout ex locis qui subinde occurrent, fiet etiam non inquirenti perspectum. Non igitur baltheus & zona tam differunt sexûs ipso delectu, quàm materia & forma, quibus contexti solebant apud veteres, qui promiscuè passim vtrumque usurpabant vocabulum. Attamen Alcuinus signato loco existimat baltheum à zona esse diuersum longè alia ratione, respectu scilicet originis: Hebræis enim baltheum fuisse primum in usu, zonam verò Romanis; à quibus postmodum vbique sacro usu recepta fuerit; sed vix mihi illa probatur autumatio; enimuerò ex sacræ Scripturæ locis suprâ signatis patet in vtroque Testamento, & nomen, & usum balthei, & zonæ pariter apud Hebræos inoleuisse, (zonarum autem quædam latæ sunt, aliæ strictæ, mediæ nonnullæ): Romanis verò baltheum quoque iam pridem vsitatum, vel ex hoc patet Virgilij testimonio, 12. *Æneid.*

.... *Infelix humero quum apparuit alio*

*Baltheus.*

Et hoc Quintiliani dicto, *Sinus togæ velut baltheus.*

## CAPVT III.

*De materia & forma.*

**B**ALTHEVM, inquit Varro, est cingulum è corio bullis ornatum. Militarem (quem Gallicè vocitamus *Baudrier*) sic describit Isidorus lib. 19. Originum c. 33. *Baltheus cingulum militare est dictus, propter quod ex eo signa dependent ad demonstrandam legionis militaris summam: id est sex millium sexcentorum, ex quo numero & ipsi consistunt; unde & baltheus dicitur non tantum quo cingitur, sed etiam quo arma dependent.* Sacerdotalem porrò S. Hieronymus epist. ad Fabiolam prælaudata hunc exprimit in modum, *Tertium, inquit, genus est vestimenti, quod illi appellant abnet, nos cingulum vel baltheum, vel zonam possumus dicere. Babylonij nouo vocabulo hemeianin vocant. Diuersa vocabula ponimus ne quis erret in nomine. Hoc cingulum in similitudinem pellis colubri quo exuit senectutem, sic in rotundum textum est, ut marsupium longius putes. Textum est autem subtegmine cocci, purpuræ, hyacinthi, & stamine byssino, ob decorem, & fortitudinem, ita polymita arte distinctum, ut diuersos flores ac gemmas artificis manu non textas, sed additas arbitreris. Lineam tunicam, de qua suprâ diximus inter umbilicum & pectus, hoc stringunt baltheo, qui quatuor digitorum habens latitudinem, & ex una parte ad crura dependens, cum ad sacrificia cursu, & expeditione opus est, in laeuum humerum retorquetur.* Hactenus S. Hieronymus more suo eleganter & accuratè.

Balthei formam instar serpentis tortilem, & sinuosam sic Valerius describit lib. 3. *Argonautarum,*

..... Quæ cerulus ambit

Baltheus, & gemini committunt ora dracones.

Zonas muliebres ad hanc accessisse formam videtur colligi ex verbis sponsi, Cant. 1. v. 10. *Murenulas aureas faciemus tibi vermiculatas argento*: Cingulum, utpote femineum sponsæ pollicetur, speciosum & auro argentoque micans. Hoc cinctu pretioso feminae ad mammillas præcingi siquidem consueverant. Huc spectat istud Apulei Milesiorum 2. de Phochide, Linea tunica nudule amicta & ruscea fasciola, altiusculè sub ipsis mammillis succintula, illud cibarium vasculum floridis manibus rotabat in circulum. Hinc Lucanus lib. 10. ornatum Cleopatraz pectus sic memorat.

*Candida Sidonio pralucet pectora filo,*

*Quod Nilotis acus, compressum pectine secum*

*Soluit, & extensa laxavit stamina velo.*

Apud Hebræos zonas eiusmodi fuisse muliebres patet ex Ieremia c. 2. v. 32. *Nunquid obliuiscetur virgo ornamentis suis, aut sponsa fasciæ pectoralis suæ*; quam dono scilicet nuptiali à marito susceperat. Et verò eiusmodi zonas quàm mirè haberent filia Hierusalem in deliciis inuit illud Isaïæ, quo Deus eisdem propter luxum in habitu comminatur, *Et erit pro suavi odore factor, & pro zona funiculus, & pro crispanti crine caluitium.* c. 3. v. 24. Ex quo liquet quantum erat funiculus horri, tantum fuisse zonam honori & decoro.

Iosephus Antiquitatum lib. 3. c. 8. disertè monet zonam non fuisse pridem minimum ornatum in habitu pontificis. Porro ut erat duplex eius tunica, linea scilicet & hyacinthina, ita duplicem quoque fuisse zonam qua astringi solebat; *Et quidem tunica linea, ait, accingebatur circa pectus, paulò inferius axillis: zona lata quatuor digitos intus inani ita contexta, ut serpentis exuuium videri posset, floribus etiam picturata puniceis, purpureis, hyacinthinis & byssinis, stamen verò è sola byssino constabat, quæ semel atque iterum circa pectus reuoluta ad talos usque defluebat tantisper dum Sacerdotes à sacris feriabantur; idque ad ornatum conferre videbatur; cum verò sacris esset ministrandum, ne ventilata impedimento esset super humerum lauum retorquebatur; dicebatúrque hæc zona Hebraicè אבנט, Babylonij hanc bemeianin vocabant; nos cingulum vel baltheum, (inquit S. Hieronymus ad Fabiolam) possumus appellare.* Tunicam verò hyacinthinam astringebat zona alia, coloribus (ait idem Iosephus) supradictis similis: hoc est ex filis byssinis, purpureis, coccineis atque hyacinthinis contexta, nisi quòd aureis quoque filis erat intertexta; nec verò eiusmodi zona soli tunicæ hyacinthinæ stringendæ seruiebat, sed superhumeralè & rationale cum eadem tunica colligabat.

Christus rediuius & triumphans cum dilecto suo Ioanni apparet visus in sacerdotali habitu, vestitus podere, erat præcinctus ad mam- *Apo. 1. 13.*  
millas zona aurea, ab illis nimirum duabus, quibus vetus utebatur pontifex dissimilis, quæ filis varij coloris erant contextæ, harum altera quibusdam dumtaxat aureis filis conspicua. At hæc zona Christi tota erat aurea: muliebrem ornatum & maternum referens amorem,

E iij



# 38 PANOPLIÆ SACERDOTALIS PARS I.

vnde ad mammillas erat constricta. Illi igitur fuisse consimilem verisimile videtur, quam sponsæ in Canticis dilectus eius pollicebatur, *Murenulas aureas faciemus tibi*, inquit, *vermiculatas argento*: Argentum enim, ut canit Statius 4. Thebaid.

—*Fuluo moriens ignescit in auro.*

Murenæ sunt  
feminae omnes,  
& concipiunt  
ex masculis vi-  
peris, at nonni-  
si murenas pa-  
riunt.

Marc. 12. 25.  
Luc. 12. 36.

Murenæ ex viperis gignuntur, ut notat ex Marco Licinio & Plinio lib. 32. c. 2. Ioannes Bastamantinus tom. 1. de reptilibus verè animantibus sacrae Scripturae lib. 3. c. 1. n. 4. Haud vacat igitur mysterio quod Christus præcinctus sit ad mammillas instar sponsæ zona aurea, seu murenula, aut cingulo ad speciem murenulae (quæ vipereo veneno caret & tota suavis est) confecto ex auro purissimo, id enim insinuat, cum essemus (ut ait Apostolus) *natura filij iræ*, utpote serpentis soboles antiqui, & ut ait præcursor Domini, *genimina viperarum*; Christi merito, charitate & gratia quæ per aurum signatur, regeneratos in novam creaturam, effectos fuisse filios gratiæ, filios lucis, filios iustitiæ, regni que gloriæ, iure sancitæ in sanguine ipsius Christi adoptionis hæredes. *Erunt enim sicut angeli Dei in celo*: Angeli verò visi sunt à dilecto Domini in superno sanctuario, non modò vestiti lino mundo & candido, quod eximiam eorum designat puritatem: at præcincti etiam circa pectora zonis aureis, Apoc. 15. Cur Christus ad mammillas? illi circa pectora? nempe quòd materno in sinu Christus eos sibi affixos gerat, materno lacte pascat, maternoque foueat amore: illi verò solo subiunctivæ dilectionis affectu, & debitæ gratitudinis obsequio sese splendido pectore innuant ipsimet esse obstrictos. Non abdit illud Homeri de Iunone, Iliad 14.

*Ζώνην δὲ τοῖς ἐκείνῳ θυγατρὶς ἀπέειπεν.*

*Cinxit autem cingulum, centum fimbriis concinnatum.*


In cingulo etenim lepores omnes feminei amictus emicant, & qui ex eo pendent ornatus, eo ipso quod ei cohærent insigniores ac speciosiores habentur: honoris ergo & decoris gratia fiunt Electi zonæ Christi appendices, qui de ipsis idcirco ait Isa. 66. 12. *ad vbera portabimini. Quomodo si cui mater blandiatur, ita ego consolabor vos* &c. *videbitis, & gaudebit cor vestrum.*

Christi vicem in Ecclesia gerit Sacerdos: quamobrem eodem decoratur amictu; Vestitur enim podere & præcingitur sacra zona: quæ pridem aurea fuit, & ad speciem murenularum, quas sponsus in Canticis celebrat, erat efformata. Testis est enim Anastasius in Leone III. eiusmodi ornatus fuisse tunc in usu Romanæ Ecclesiæ: datas enim memorat ab illo Pontifice, *Murenas prasinales pretiosissimas duas*; item *murenâ trifidem auream, quæ habet buticulas* (sicut sunt orbiculi) *triginta tres*; item *murenas tres mortuas cum pettinante earum*. Erant hæc monilia oblonga murenarum instar. Pettinantem verò ipse Anastasius vocat radiolos pectinatim insertos.



## CAPVT IV.

*De profano vsu Zona, balthei, cinguli &c. huiusque variis nominibus ac acceptionibus.*



ANCTVS Isidorus lib. 19. Originum, c. 33. quo tractat de Cingulis, non modò pleraque illorum vocabula refert, sed etiam formas ita describit, vt vsus quoque singulorum etsi obiter, perspicuè tamen recenscat. Seriem illius indiculi nos hìc ita persequemur vt subiunctis aliquot additamentis, quæ ipse S. Isidorus compendio suo expressit, fiant dilucidiora ac vberiora, non sint tamen superflua, nec ab eius dictis dissentanea:

I. *Cinctus*, inquit, est lata zona, & minùs lata *semicinctum*, & utrisque minima *cingulum*. Nam à *cincto* per diminutionem *cingulum* nominatur: *Cincto* autem iuuenes in exercitatione campestri verecunda velabant, unde & *campestris* dicebatur.

Notatum fuit in Cæsare quòd laxiore cinctura vteretur, siue vt Græci dicunt *κακὸς ζώνη* adposset: huc spectat istud Macrobij, lib. 11. Ita toga præcingebatur, vt trahendo lacinam, velut mollis incederet, vt Sylla tanquam prouidus dixerit Pompeio, *caue tibi illum puerum male præcinctum*. Cui succinit Dion Cassius, & Suetonius. At non hìc agitur de laxiore zona, sed de latiore, qualem Hortensius ille gerebat, de quo idem Macrobius, *In præcinctu*, inquit, *omnem decorem ponebat*: quemadmodum Curtius lib. 3. Persarum regis mollitiem notauit, quòd zona aurea muliebriter accinctus, acinacem suspenderat. Tam viris tamen quàm feminis zonam fuisse speciosam, vsu maximè cùm connubia inirentur, istud innuit Claudiani in Epithalamio Hònorij & Mariæ.

*Certatimque nouis onerant connubia donis  
Cingula Timothee, rarum Galatea monile  
Et grauibz spalate baccis diadema ferebat.*

De cinctu Romano & Gabino non indiligenter scripsit Octavius Ferrarius lib. 1. de re vestiaria c. 13. & 14. & lib. 3. c. 7. &c.

II. *Baltheus* cingulum militare est dictus; propter quod ex eo signa dependent, ad demonstrandam legionis militaris summam, id est sex millium sexcentorum, ex quo numero & ipsi consistunt; unde & *baltheus* dicitur, non tantùm quo cingitur, sed etiam à quo arma dependent. Hactenus S. Isidorus. In Scripturis sacris etiam sumitur baltheus pro cingulo militari, 3. Reg. 2. 5. *Posuit cruorem praelij in baltheo suo, qui erat super lumbos suos*: Quin etiam pro regio, Iob. 12. 18. *Baltecum regum dissoluit, & præcingit fune renes eorum*: Pro corrigiis siquidem quas Gallicè *courroyes* vocitamus, etiam sumitur baltheus: Hinc Ioannes Fungerus notat in Etymologico trilingui, *Baltheus*, *Sospatro* teste, *Thuscum* est vocabulum: Plinio funiculum & in neutro genere, lora ad alligandum apta, vt etiamnum à materia

zonas coriaceas, *courroyes* Gallicè dicimus; Varro balthcum dicit esse cingulum è corio bullatum; attamen in loco Iob præsignato, opponitur funiculo balthcus, siquidem pro honorifico insigni sumitur balthcus, funiculus verò pro signo humiliationis & mœstitiæ.

Cingulum certè tam apud sacros, quàm profanos Scriptores accipi solet pro balthco seu cinctu militari. Apud profanos, habebant Consules & Reges fasces & secures: Dionys. Halicarnass. lib. 2. Livius 1. habebant Senatores Romani latum clauum, seu laticlauium & calceum lunatum, Bud. latè, ad leg. fin. de Senat. P. nostri purpuram, Equites Romani annulum. Plinius l. 33. nostri calcar aureum & torquem. Militare potissimum insigne, cingulus erat à quo ensis pendebat, vnde de proximo cingendus pro cincto habebatur. id est, priuilegio militari gaudebat, L. filius familias 44. de militari testam. in p. inde & testamentum militare, in procinctu factum dicitur, cum aciem intraturi milites se gladiis accingentes quomodocumque poterant disponebant, Plutarch. in Coriol. §. 1. de testam. & §. illis, de milit. testamen. apud Iustinian. dicimus & renunciare priuilegio cinguli milites, cum eiurant priuilegium militare, nempe quod cingulo indicatur L. fin. de apparit. Mag. militiæ l. 12. C. tit. 35. Ita enim & deposito cingulo priuilegium cessat, l. 2. vbi de ratiocin. agi opt. lib. 3. C. Tit. 2. Hinc factum, translatitiæ vt & dignitatis & honoris insignia, etiam aliorum quàm militum dicantur cingulum, l. 2. vt ordo dignitatum seruet. l. 12. C. Tit. 8. l. omnes 9. de metall. eodem l. C. Tit. 41. &c. Ita & cingulum est militiæ, & cingulum dignitatis, Iustin. in l. Siquis in conscribendo. 29. de pact. l. 2. C. Tit. 3. In Ecclesiæ politia eiusdem nominis eadem est acceptio; Hinc Concilij Nicæni I. can. 12. *Quicumque vocati per gratiam, primum quidem ardorem fidemque suam ostenderunt, & cingulum militiæ deposuerunt: postea verò vt canes ad suum vomitum reuersi sunt, ita vt & aliqui & pecuniam darent, & beneficiis militiam repeterent, hi decem annis iaceant post triennij auditionis tempus.* Apud Gregor. Turon. lib. 5. c. 27. exauctorati Episcopi, dicuntur discincti Episcopatu: quasi cingulo exuti præfecturæ sacræ militiæ, locus est insignis: *Anno (inquit Gregorius) 4. Childeberti, qui fuit 18. Guntchramni & Chilperici Regum, apud Cauillonum ciuitatem Synodus acta est ex iussa, principis Guntchramni, discussisque diuersis causis contra Salonium & Sagittarium Episcopos, iteratur antiqua illa calamitas: Obiiciuntur eis crimina, & non solum de adulteriis, verum etiam de homicidiis accusantur, sed hæc per pœnitentiam purgari censentes Episcopi: illud est additum, quod essent rei maiestatis & patriæ proditores; Qua de causa ab Episcopatu discincti, in basilicam B. Marcelli sub custodia detruduntur, ex qua per fugam lapsi, discesserunt per diuersa vagantes, donec in ciuitatibus eorum alij subrogati sunt.* Apud Sidonium lib. 1. ep. 7. de Aruandi cuiusdam casu; prius cinctus custodia, quàm potestate discinctus, id est, exauctoratus: Apud quem etiam legimus lib. 5. epist. 7. *reuerentiam Clericis, cinctis iura, discinctis priuilegia &c.* Cincti etenim iudices, erant in actu positi: discincti, qui potestate exierant; quemadmodum doctissimus ibidem obseruat Sauaro, probatque in notis suis eruditissimis.

III. *Zona*, Græcum est: quam illi ζώνη, nos cingulum nuncupamus. At si promiscuæ res sunt, zona & cingulum: parum refert de nominis discrimine. Verùm suprâ de vtriusque & nominis, & rei ipsius differentia pauca quidem, at non pœnitenda obseruatu consignauimus.

IV. *Strophium* est cingulum aureum cum gemmis: de quo ait Cinna, *strophio lactentes cinctæ papillas*. Et Prudentius, *nomen hoc gemmæ strophio illigatæ*. At à Paulo Diacono in hymno S. Ioannis Baptistæ, *strophium* sumitur pro zona etiam pellicea, ita canit enim de eiusdem B. Præcursoris habitu,

*Præbuit hirtum tegumen camelus  
Artubus sacris; strophium bidentes;  
Cui latex haustum, sociata pastum  
Mella locustis.*

*Strophium* propriè est fascia pectoralis: quæ virginalem tumorem cohibet papillarum. Catullus,

*Non tereti strophio lactentes stringe papillas.*

Hic autem pro cingulo ac zona sumitur, quo & significato ponitur ab Isidoro; à quo differt Paulus Diaconus, quòd ille velit *strophium* propriè esse cingulum aureum cum gemmis: hic verò quodcumque cingulum, etiam sine vlllo ornatu v. g. pelliceum, quale erat illud quo S. Ioannes Baptista præcinctus erat, ut patet ex Euangelio Matth. 3. & Marc. 1.

V. *Calculus*, cinguli genus à coacto loro dictum: ita Isidorus. Sed mirum dictum: quæ enim consonantia calculi nominis, cum verbo *cogo*? aut adiectiuo *coacto*? *Calculus* certè apud Latinos auctores probæ notæ legitur in masculino, nusquam in neutro: & quanquam vox illa ad multos trahatur significatus, præter propriam & naturalem originem: nullam tamen in horum quouis sumatur, affinitatem habet cum cingulo vel zona; nisi fortè pro fibula assumatur ab Isidoro, qua stringi potest cingulum, & quodvis cincturæ genus: fibula enim propriè est ornamentum cinguli ad vestem subligandam, quò spectat illud Virgilij, *Æneid. 1.*

*Aurea purpuream subnectit fibula vestem.*

At cinguli nexus non est ipsum cingulum.

VI. *Fibula*, Græcum est, quam illi ζώνη, nos cingulum appellamus. Ita B. Isidorus: sed quàm fibula à cingulo differat, ex superiori obseruatione patet.

VII. *Subfibulum*, *subligaculum*. Sed ut vocabula diuersa sunt, res quoque sunt diuersæ; Nam *subfibulum*, seu *subfubulum*, vestimentum est album prætextum, quadrangulum oblongum, quod in capite Vestales Virgines sacrificantes (auctore Festo) habebant, idque fibula comprehendebatur. *Subligaculum* verò amiculi genus, quo femora, & partes pudendæ teguntur: Quò spectat illud Ciceronis *Offic. 1. Scenicorum more, tantam habet veterum disciplina verecundiam, ut in scenam sine subligaculo prodeat nemo.*

VIII. *Redimiculum* est succinctorium, siue brachile nuncupamus, quod di-



uidens per ceruicem, & à lateribus colli diuisum, utrarumque alarum sinum ambit, atque hinc inde succingit, ut constringens latitudinem vestiat corpus, atque coniungendo componat: Hoc vulgò brachile, atque brachiale vocant, quamuis nunc non brachiorum, sed renum sit cingulum. Succinctorium autem vocatum, quod ut dictum est, sub brachij ductum alarum sinum ambit, atque hinc inde succingit. Haetenùs S. Isidorus; in cuius verbis est quod animaduertas aliqua à communi sententia discrepare: siquidem redimiculum propriè est ornamentum à mitra muliebri, vel sacerdotali dependens, quod genus etiam Græco vocabulo *μυρία* appellamus; de hoc ornamento Virgilius 9. Æneidos

*Et tunicae manicas, & habent redimicula mitræ.*

Et Ovidius 4. Fastorum,

*Aurea marmoreo redimicula deiice collo.*

Brachiale, Gallicè *Brasseler*, quoniam cingit brachium ornatùs gratiâ paulò supra manus iuncturam, seu nodum, quo manus cum brachio iungitur, coarctatque brachij inuolucra.

IX. *Fascia*, est quæ tegitur pectus, & papillæ comprimuntur, atque crispante cingulo angustius pectus arctatur: & dicta fascia, quod in modum fasciculi corpus alligat: Hinc & fasciola quibus vulnera colligantur. De fascia pectorali, quæ zona est muliebris, dictum est suprâ.

X. *Vitta* dicta, quod ea pectus vincitur, instar vitis ligantis: vitta propriè est quam vocant Gallicè *petite bandelette*, *ruban*, quæ crinibus innecti solebant ne diffuerent. De quibus Capella; Vittæ sunt quæ crinibus innectuntur, quibus fluentes religantur capilli; & vittæ dictæ quod vinciant. Hinc Propertius,

*Vinxit & acceptas altera vitta comas.*

De quibus nos part. 2. Panopl. Clerical. lib. 4. part. 1. c. 6. art. 2. §. 1. ad illa verba sponsi ad dilectum, Cant. 4. *Sicut vitta coccinea labia tua*, &c. differuimus. De iis satis luculenter Ioannes Fungerus in Trilingui Etymologico.

XI. *Limbus* est, quem nos *ornaturam* dicimus. Est etenim fascia extremitatem vestium circumquaque ambiens ornatus gratiâ, de quo Virgilius 4. Æneidos,

*Sidonium picto chlamydem circumdata limbo.*

XII. *Fasciola*, est quæ ambit extremitates vestium, aut ex filis auro contexta assutâque extrema parte vestimenti, vel chlamydis. Idem est igitur quod limbus, sic verò censuit ipse S. Isidorus, adducto Virgilij proximè citato versu: in quo caput ipsum absoluit de cingulis: quorum ipso indice suo, non tantum expressit varia vocabula, sed & vsus diuerfos consignauit.



## CAPVT V.

*De usu sacro : scilicet memorato in sacris Scripturis, & à Sanctis priuatim usurpato.*

## ARTICVLVS I.

*De Cinctura varia nuncupatione, & diuerso usu in Scripturis sacris memorato.*



**H**ic de vocabulis accuratim dicere non est opus, quibus cincturæ diuersæ species in sacris litteris designantur; in his enim peruiæ sunt hæ nuncupationes baltheus, zona, cingulum, cinctorium, semicinctium, fascia, vitta, murenula, &c. quemadmodum versatis in vtriusque Testamenti lectione constat.

De Balthei usu, S. Hieronymus ep. ad Fabiolam de veste sacerdotali. Exod. 29. 13. Leuit. 8. 13. *Baltheo*, inquit, *lineam tunicam inter umbilicum, & pectus stringunt*, scilicet ne nimium diffluat, sacrisque operanti Sacerdoti obici sit, & oneri. pertinet etiam ad panopliam habitus militaris, 1. Reg. 18. 3. *Dilexit Ionathas David quasi animam suam, &c. & exspoliavit se tunica qua erat indutus, & dedit eam David, & reliqua vestimenta sua usque ad gladium & arcum suum, & usque ad baltheum.* Huc spectat & illud Reg. 3. 2. 5. *Posuit cruorem belli in baltheo suo, qui erat circa lumbos eius.* sic sumitur pro signo belli, & insigni militiæ, 4. Reg. 3. 21. *omnes qui accincti erant baltheo.* Chaldæi videntur fuisse ornatûs in baltheis cupidiore. Ezech. 23. 14. 15. *Imagines Chaldaeorum expressas coloribus, & accinctos baltheis renes.*

Zonæ itidem usus generalis est accinctio seu præcinctio: hinc Leuit. 16. 4. *Aaron tunica linea vestietur, &c. accingetur zona linea.* Eccles. 45. 9. *Circumcinxit eum zona gloriæ:* ad differentiam scilicet zonæ vsualis, de qua Psal. 108. 19. *sicut zona qua semper præcingitur.* Ad ornatum etiam assumitur Apoc. 15. 6. *Exierunt septem Angeli habentes septem plagas de templo, vestiti lino mundo, & candido, & præcincti circa pectora zonis aureis.* Idcirco cum adhuc aduersus filias Ierusalem Isaias prophetat, Et Isa. 3. 24. *erit pro suavi odore fætor, & pro zona funiculus, & pro crispanti crine caluitium, & pro fascia pectorali cilicium.* Sed virorum zona non tam ornata, quàm vsui magis necessario erat, in ea enim nummos deferre solebant, vnde in ἀχρηστίας, prouerbium vetus, *perdidit zonam.* De Vitellio ait Suetonius, *Zona se aureorum plena circumdedit:* Quod etiam ex Æliano liquet cum ait, *Caupo observauit an hospes Zonam secum portaret auro grauem:* Quod vetuit Christus suis discipulis, Matth. 10. 9. *Nolite, inquit, possidere aurum, neque argentum, neque pecuniam in zonis vestris: siue in crumenis è zonis pendentibus.* Et Marc. 6. 8. *Præcepit eis,*

F ij

## 44 PANOPLIÆ SACERDOTALIS PARS I.

ne quid tollerent in via nisi virgam tantum, non peram, non panem, neque in zona es. De aliis zonæ vsibus ex suprâ notatis, de eius nomine, materia & forma, illiusque à balthæo, & cingulo differentia peruium est nonnulla obseruatu digna elicere.

Cinguli nomen in sacris litteris quibusdam locis consignatur, scilicet Exod. 39. 29. Leuit. 8. 8. Prou. 31. 24. Isa. 5. 27. 22. 12. & 21. 23. 10. Ex quibus eius vsus facillè colligi potest. Verùm etiam non pauca de eo annotauimus cap. 4. Ex quibus ibidem eius vsus multiplex perspicuè apparet; vti & de semicinctio, cuius semel tantum in tota Scriptura diuina nomen inuenitur, nimirum Act. 19. 12. Et de fascia pectorali, quæ memoratur Isa. 3. 24. & Ierem. 2. 31. & de vitta cuius non raro fit mentio in scripturis, siquidem occurrit Exod. 28. 28. 37. 39. 39. 31. Num. 15. 38. Eccles. 12. 6. Cant. 4. 3. Isa. 3. 23. Eccles. 44. 18. Denique de murenula, cuius tribus locis sacra pagina meminit, Num. 31. 50. Cant. 1. 11. Isa. 33. 20. De quibus singulis cincturæ generibus suprâ etiam quædam diximus scholiis ad S. Isidori doctrinam de Cingulis, quæ extat eius lib. 19. Originum, c. 33.

### ARTICVLVS II.

#### De Sanctorum Zonis.

##### §. I.

#### De Zona Domini.

Seruatur linteam istud Romæ in basilica Lateranensi. Vide reliquiarum signata loca, in fine Topographiæ Martyrum.

**D**OMINVM se præcinxisse post vltimam cœnam, vt discipulorum pedes ablueret, testatur, qui aderat S. Ioannes Euangelij c. 13. sed non zona præcinxit se, at linteum. *Surgit à cœna* ( inquit ) *& ponit vestimenta sua*, ( proinde & cingulum ) *& cum accepisset linteam præcinxit se: deinde misit aquam in peluim, & cœpit lauare pedes discipulorum, & extergere linteum, quo erat præcinctus.* Fuisse autem Iudæis in Palæstina morem inter agendum, aut ambulandum præcingi, ne obici vestes essent & oneri, colligitur ex epist. S. Hieronymi ad Marcellam, quæ tum eam prouinciam incolebat: qua sanctus ipse pater Palæstinæ quoque incola, ei consulit vt pro more patriæ gerat cingulum laneum: Sit, inquit, cingulum laneum, & tota simplicitate purissimum, quod possit magis adstringere vestimentum, quàm scindere. Lancam quoque zonam gestatam fuisse à Domino, eius particula indicio est, quæ Vesuntione seruatur & conspicitur. Chiffletius in *Crisi historica*, de linteis sepulchralibus Christi Seruatoris. Cingulum, inquit, Dominicum per Theodosium ( II. ) Imperatorem missum seruatur ( saltem pars eius ) in S. Ioannis Euangelistæ sacrario, argentea hierotheca conclusum palmaris longitudinis, latitudinis pollicaris, orientalis textura, coloris purpurei subobscuri, cum hoc titulo pæfixo, *Decingulo Domini.* Et parte 2. Vesuntionis in Chelidonio, pag. 107. Cingulum illud Christi quod propriissimè cingulum est, seu zona quadam habetur saltem ex parte, in argentea lepsanotheca in sacrario S. Ioannis. In cuius rei te-

stimonium profert apographum vetus sacrarum reliquiarum, quas pio munere præfatus Imperator Theodosius, eiusque mater Galla Placidia Vefunctionem misit; in quo cingulum Domini specialiter recensetur. Item hymnum perueterem, qui sic habet,

*Magnificemus Virginem,  
Cuius habemus pectinem,  
Crines, Cingulum filij  
Sui cumulum gaudij.*

Notandum verò quod vir ipse doctus, Crisostomus suæ citatæ pag. 57. & 58. admonuit, Zona stricta, seu cingulo, Christum esse vsum extra controuersiam est; nam Hebræi qui laxiores vestes gestabant, eas cingulis constringebant. Præcepit ipse discipulis suis ne æs ferrent in zona. Quòd verò zona Domini non admodum lata fuerit, etiam indicat sacrum pignus Vefunctione seruatum, sicut notauit præfatus Chiffletius, *zonam ipsam Domini*, quæ ibi ostenditur, esse *latitudinis dumtaxat pollicaris*.

## §. II.

*De Zona Beatissimæ Deiparæ Virginis.*

**C**ALVINVS in pestilentissimo libello, quem apographen seu recensionem reliquiarum inscripsit, admodum ægrè fert quòd venerandarum reliquiarum sanctissimæ Virginis ita studiosi simus: Postquam igitur pleraque virulento stylo, impiòque spiritu & putido ore euomuit, aduersus pium Ecclesiæ Catholicæ in pignora sacra, quæ in terris supersunt, beatissimæ ipsius Virginis affectum; irrisitque impia dicacitate cultum eiusdem capillorum, lactis, indusij, peplici, annuli, vestium, imaginum, pectinis, frontalis fasciæ, aliarumque ipsius reliquiarum, in zonas reliquum virus conuertit: Siquis verò (inquit) à me sciscitetur, quid de eius frontali fasciâ sentiam, verum sit, necne eiusdem pignus, impigrè respondebo, idem mihi de hac prorsus videri, ac de eius zona quæ apud Pratum visitur, aliòque iudem cingulo quod ostendi solet apud Dominam de Monteferrato: nempe supposititia hæc esse pignora; de quibus annis plusquam quingentis post ipsius Virginis Mariæ obitum, nulla extitit apud homines memoria. hætenus impius hagiomachus.

Cæterum hic non est locus ea minutim excutiendi quæ de singulis eiusmodi reliquiis impostor ille blaterat. De zona dumtaxat hîc opportunè, sed obiter dicam. Extat sanè apud Surium, encomium Euthymij monachi in adorationem venerandæ zonæ sanctissimæ Deiparæ & fasciarum Domini, nec non in anniuersarium diem dedicationis templi in Calcopratiis apud Cōstantinopolim, propter collocationem sanctæ capsæ prædictæ continentis: in quo encomio hæc habentur; *Ecce enim post tuum festum pretiosæ tuæ & adorandæ zonæ, huius quoque tui templi dedicationem concorditer peragimus, ut qui sumus serui & debitores, ô optima; Subinde legitur quòd zona ipsa beatissimæ Virginis, annis 900. & amplius incorrupta permanserit, & ibi recondita à tempore Arcadij magni*



Theodosij filij. At verò Arcadius regnare cœpit cum Honorio fratre anno Domini 395. Mentitur itaque Calvinus, cū effutire non veretur zonæ Virginis & aliarum eiusmodi ipsius reliquiarum, nullam fuisse notitiam ab excessu ipsius sanctissimæ Deiparæ per annos 500. & suprà. Nec est quòd cauilletur, Euthymium illum solum esse suorum dictorum testem; cū celebris sit hac de re in Ecclesia Orientali traditio; zonæque ipsius apud Græcos venerationis per antiquæ peremptoria sit illustrium Auctorum adstipulatio. Et traditio quidem, ex eo quod in illorum Menologio consignatur festo venerationis eiusdem zonæ, satis est manifesta; ita enim notatur die 31. Augusti, *Constantinopoli in Chalcoprateio depositio zonæ sanctæ Deigenitricis Mariae, & dedicatio templi eiusdem: ædificati scilicet à Pulcheria Augusta, Theodosij iunioris sorore, prout Nicephorus antiquis ex monumentis commemorat, lib. 15. hist. Eccles. c. 14. Celeberrima* (inquit) *hæc Pulcheria multas per vitam præclare res gessit, multa publica hospitum & pauperum condidit domicilia. Tria quoque Dei matri ex ipsis fundamentis templa erexit, quorum unum est in Chalcoprateio siue fabrorum foro, sacri tumuli nomen habens. In hoc veluti thesaurum Deigenitricis deposuit zonam, de qua paucis libro proximo, c. 2. mentionem fecimus. S. Germanus Constantinopolitanus Patriarcha, Nicephoro longè antiquior, ut pote qui ante annos 900. claruit, venerationis eiusdem zonæ iam olim in ipsa imperiali Vrbe, cui sacro iure præerat, celebris non modò meminit: at ipse in eadem solennitate elegantem sermonem habuit, qui etiam nunc extat apud Surium sub hac epigraphe: Sancti patris nostri Germani Archiepiscopi CP. Encomium in adorationem venerandæ zonæ sanctissimæ Deiparæ; & in depositionem sanctarum reliquiarum, fasciarum Domini Dei & saluatoris nostri Iesu Christi, nec non Encenia templi, in quo illa deposita fuerunt: Scilicet (ut prænotatum est) à Pulcheria Theodosij iunioris sorore. Extat & alia commemoratio eiusdem zonæ apud Græcos, ut ex eorundem Menologio patet, in quo sic legitur die 31. Augusti: Commemoratio pretiosæ zonæ sanctissimæ Deiparentis Mariæ repositæ in venerabili eius ade, cū zona ipsa relata est ab Episcopatu Zela sub Justiniano Imperatore, & factum miraculum per impositionem pretiosæ zonæ super reginam Zoen, coniungem Leonis Imperatoris. Menologium seu Calendarium editum à Genebrardo in fronte commentariorum in Psalmos, ita habet, *ultima die Augusti, depositio zonæ sanctæ Deigenitricis. Nec modò Græci zonæ Dominæ nostræ iamdudum festum agunt: at Rutheni qui utuntur ritu Græco, in quorum Kalendario signata die hæc verba sunt, Positio cinguli beatæ Virginis Mariæ: sed etiam Syri, ut constat ex Breuiario Maronitarum die suprà signata, hac serie, festum zonæ genitricis Dei Mariæ.**

In Occidente seriùs huius festi inoleuit celebratio: quam primus consignavit Molanus in additionibus ad Vsuardi Martyrologium pridie Kal. Septembris eiusmodi indiculo: *Die 31. depositio venerandæ zonæ sanctissimæ Deiparæ: addens suis verbis; ideòque aliis characteribus, In anniuersario die dedicationis Templi in Chalcoprateis. In cuius dici annotationibus subinsinuat se id ex Græcorum diptychis mutuatum,*

vadésque huius ritus citat Germanum & Euthymium præcitatos. Coluenerius Molanum secutus est in Kalendario sacratissimæ Virginis, ipsamet die.

Nos etiam in Martyrologio Gallicano, ultimo ipso die Augusti, quo sic notauimus: *Suessione veneratio immaculatæ zonæ sanctæ Deigenitricis, quæ capta Constantinopoli per Francos, ex templo eius in Blachernis deprompta, cum pretiosis aliis Christiana pietatis pignoribus, per Niuelonem Episcopum Sueffionensem allata, atque in perpetuam venerationem collocata est in ipsius sanctissimæ Deiparæ Virginis Abbatiali ade, sub Virginum sacrarum custodia, cum pepi ipsius beatissimæ parte.* Ita nos ibi. Quæ ipsa die in notis & Commentario, quædam etiam scitu & lectu non contemnenda obseruauimus.

Porro non abs re zonam ipsius gloriosæ Virginis Deiparæ insignitam fuisse immaculatæ titulo, est quòd Lectorem pium monitum faciam; id enim duplici de causa epithetum ipsimet zonæ præfixi: Nempe quòd vteri fuerit virginalis & intemerati, intactus quoque & numquam virili manu discinctus circulus; insuper quòd diuina virtute, incorruptus fuerit conseruatus, insuperque decoratus eximie puritatis splendore. Cuius rei testis authenticus ipse Euthymius est in præcitato zonæ eiusdem Virginalis encomio, quo sic effatur: *Hodie proponatur, honoretur, & adoretur zona quæ diuina virtute cælos superat, & resplendet plus quàm radij solares, manésque integra & intacta plurimorum annorum curriculis, nongentorum inquam & amplius.* Et infra; *Saluæque, illæsa, & impollutæ, ut videtis, permansit vsque in hodiernum diem, nullomodo fædata, aut obfuscata, aut eius colore villo modo mutato, sed resplendens supra niuem.*

Quid ad hæc Calvinus pignoris adeo pretiosi despector, irrisorque Catholicæ pietatis perpetuus? Deus ipse, & germanitatis tanti pignoris, & grati sibi eiusdem cultus auctor & testis est. Nec enim ista quæ refert oculatus testis Euthymius, & vniuersa Orientalis Ecclesia perenni adstipulatione confirmat, alia quàm diuina virtute (quæ mendacio & imposturæ numquam patrocinator) fieri potuerunt. Æquum est igitur hominem subditum esse Deo, & vbi Deus non verbis modò, sed factis loquitur, humanam argutiam silere, prorsusque fræno par est debitæ supremæ maiestati subiectionis coerceri. Quemadmodum enim cum super languidos deferebantur à corpore Pauli Apostoli sudaria & semicinctia, recedebant ab eis langores &c. (ut scribit S. Lucas, Act. 19.) Deus & suæ veritatis mandatum obsignabat, & sui Apostoli pignorum indicabat germanitatem; Pignorum, inquam, quorum omnis excellentia & dignitas ex corporis ipsius Apostoli profluebat contactu. Ita (si tamen vllus tantillæ comparationi locus est) dum zonæ suæ benedictæ genitricis testimonium præbuit, tot miraculis obsignatum, palam ostendit præfractis quantumlibet incredulis, zonam ipsam suæ ipsius sanctissimæ parentis pignus verum esse: cultumque eius, quem Calvinus & cæteri nouatores ingenito sibi (ex antiqui serpentis spiraculis, aduersus conterentem exitiale ca-

put, benedictam inter mulieres intactamque parentem) odio, tantum sibi esse gratum & acceptum, quantum ipsis exosum.

Sed instat Calvinus: Est quod commentum redoleat cingulorum Virginis multiplicitas, sunt enim duæ apud Papistas veneratione insignes Deiparentis zonæ, altera apud Pratum, altera apud Montisferrati partheniam. Addere debuerat, aliam esse Aquisgrani, aliam Attrebat, aliam Tungris, aliam Sueffione. Sex igitur esse zonas Virginis, celebres sacri cultus observantiâ, sed quid tum? vixit sanctissima Virgo ut minimum annos 53. si quolibet anno zonam mutavit, ut vsuvenit ex gestatione eiusdem cinguli continua, etiamsi infantili & puerili ætate fasciis tantum ei, vel vittis tenuioribus opus fuerit: nonne zonas potuit ut minimum successivè habere plusquam triginta? Adhæc quid sex obsecro faciunt? si seriis ludicra miscere licet, peto à Caluino, quot galeros vicissim gesserit? Si quadraginta dixerò, unde me absurditatis conuincat, non video; vnum siquidem etsi caput habuerit, plurima successivè capitis operimenta, quæ quotidiano teruntur vsu, certè gessit, pluramque etiam quàm diximus, habere potuit. At in rebus sacris pudet me tam ineptis ludere argutiis.

## §. III.

*De zona sancti Ioannis Baptiste.*

**I**PSE autem Ioannes (ait S. Matthæus c. 3.) habebat vestimentum de pilis camelorum, & zonam pelliceam circa lumbos suos. At miri sunt hîc Novatores, qui ut tam spectabile exemplum asperitatis vestitus obnubilent, hoc genere indumenti vsum Ioannem ad lautitiam & delicias ludicrè fabulantur. Vestis Ioannis (ait David Chytræus) erat contexta ex pilis cameli, similis ei, quam hodie vulgò à camelis vocamus Kamol, (Gallicè Camelot) vel Scamelot, Anglicè Camblet, Latine Undulatam: Non fuit sordida vestis, neque etiam valde pretiosa, sed mediocris & rorans, venusta & decens, & in his locis & moribus, id est bene congrua, urbana, ac civilis. Peracutè scilicet, ac si diceret victum Ioannis, quem fuisse subiungit sacer Euangelista, locustas & mel silvestre, fuisse etiam ad delicias exquisitum. Propè accedit huc Bucerus, dum sic Euangelistæ ipsius testimonium & Ioannis elogium extenuat. Fuit Ioannes in deserto vilioribus hoc est deserti incolis assuetus cibus & vestibus, panno ex pilis camelorum confectò vestitus, ne quis existimet in morem nostrorum Monachorum peculiare sibi aliquod cibi, & vestimenti genus delegisse. Eodem génio Calvinus, qui Buceri discipulus quondam fuit, in indice reliquiarum, sugillat Romanam Ecclesiam, quòd Romæ in Ecclesia Lateranensi venerandum obiiciat spectatoribus, S. Ioannis Baptistæ cilicium. Vestis, inquit, Ioannis quoniam in Euangelio fuisse confecta perhibetur ex camelorum pilis, fingitur à Papistis fuisse cilicium: at toga erat, non sagulum cilicinum: Vestimentum scilicet pœnitentiæ, tam Caluino & asseclis eius exosum & inuisum, quàm Sanctis utriusque Testamenti familiare & acceptum. Magdeburgenses Centuriastæ idem iter terunt: aiunt enim Ioannis vestem non alterius fuisse mate-

*materiae aut formae, quàm quæ ceteris incolis qui loca montana habitabant usu communis erat. At si res ita se haberet, quænam obsecro, peculiaris laus S. Ioanni ab Euangelistis tribueretur, sanctitatem eius specialiter prædicantibus à vestitûs asperitate, & victûs ratione insolita? Mel siluestre & locustæ sũntne hominum etiam agrestium epulæ? ut esca his vsitata Ioannes victitasse dici possit: vel si hæc vulgaris erat, Ioannis fuisse propria in Euangelio signatim memoretur. Totus Euangelij contextus Ioannis austeritatem clamat, ex qua natam insinuat eius sanctitatis existimationem. Meminisse isti nouitij glossatores saltem debuissent Domini effatûs, asserentis Ioannem fuisse Eliam, quia venerat in Eliæ virtute & spiritu, pariter quoque & habitu; quo enim schemate indutus erat Elias 4. Reg. 1. Scriptura patenter innuit, *Vir pilosus, scilicet, & zona pellicea accinctus renibus.* An hoc cinctu ad delicias & ornatum, Elias utebatur? ut Ioannes qui venit in eius spiritu censeri queat, eiusmodi specimen habitûs vsurpasse specialis ornamenti gratia? Faceti sunt Nouatores dum sic ineptiunt; sed pessimum dicendi genus est, dicit B. Hieronymus, *trahere ad se Scripturam repugnantem*: impium verò de verbo Dei ludere, quin propriæ conscientiæ vim inferre, & quidem in odium patentis veritatis. Manifestum siquidem est ex Euangelio Ioannem, prodromum Domini, præconem pœnitentiæ, habitu, spiritu, voce, opere, loco, victûque expressisse suæ prædicationis genium, habitu totus hispida ab Euangelistis depingitur, spiritu nihil aliud quàm peccati horrorem prodens, voce terrorem iudiciorum Dei incutiens, clamore excitans ad lachrymas, gemitus, & fructus dignos pœnitentiæ; actu nihil aliud ipse præferens, quàm quod ipsis hominibus suadebat, deliciarum scilicet, & cuiusvis peccati odium, puritatis amorem, vitæ asperioris, at continentioris studium. Ideo pellibus indutus, ideo zona pellicea præcinctus, ideo clamans in deserto, melle siluestri, & locustis pastus, nihilque spirans quàm eximiæ sanctitatis ardorem: vnde à Domino in Euangelio opponitur aulicis regum domesticis, qui mollibus vestiuntur, defluuntque prorsus in peccati pruritum & illecebras carnis: cum hic quasi portentum quoddam pœnitentiæ, sola asperitate victûs & vestitûs oblectaretur. Sed hic Ioannis apparatus, nouis hominibus non placet, foetetque illis nimium delicatulis ipse Ioannes in pellibus, in deserto, in ipso victu; quamobrem omnia in illo permutant, (ut olim in Ioseph fecisse Pharaon legitur) ut dignus sit tandem qui in ipsorum conspectu comis & urbanus appareat. Hinc eius ex solitudine amœna viridaria, domos speciosas, spatiosas ædes fabricant; locustas in marinos cancos conuertunt; vestes ex pilis camelorum, scutulatam, undulatamque esse vestem fabulari non verentur; mirum cur & zonam pelliceam in pretiosum balthœum, vel militare aut regale cingulum non transmutant, ut Ioannes totus suavis & speciosus ipsorum in obtutibus euadat, qui antehac hirsutus, austerusque utpote siluarum incola & pœnitentiæ præco, ideâque omnis mortificationis, in oculis ipsius Herodis apparuit.*



## 50 PANOPLIÆ SACERDOTALIS PARS I.

nænas: pudeátque nouatores tam puerilium ineptiarum, imò putidorum commentorum, à quibus perspicua in Euangelio veritas prorsus abhorret, longèque abest Christiana simplicitas. Cæterum satis superque pro instituto huius opusculi, de habitu & zona S. Ioannis Baptistæ.

### §. IV.

#### *De cingulis Sancti Petri.*

**A**IT Dominus ad Petrum, Ioan. ult. *Cum esses iunior cingebas te, & ambulabas ubi volebas: cum autem senueris, extends manus tuas, & alius te cinget.* Iussit deinde Angelus ipsi Petro discussis in Herodis carcere eius vinculis, *præcingere &c. & circumda tibi vestimentum tuum, & sequere me.* Cingulo igitur Iudæorum more vestes suas Petrus præcingebat, circumdabátque sibi, quo ad incedendum expeditior fieret; consueuerant enim Palæstini oblongas vestes gestare, ut nunc Orientales passim gerunt, quas cum quiescebant, solutas relinquerent; cum quid operis itinerisve faciebant, religarent & attollerent: huc referunt quidam illud prouerbum ex 3. Reg. 20. 11. *Non gloriatur æquè accinctus, ut discinctus:* hoc est is qui adhuc in belli discrimine versatur, perinde ac is qui iam victoriâ potitus arma deposuit. Ponderat S. Augustinus in Psal. 92. verbum *præcingere*, & sic ab aliis quæ cinctum spectant, hunc in modum distinguit, ut cingi sit operaturi, accingi pugnaturi, succingi ituri, præcingi ministraturi. At ex dicto Angeli ad Petrum perspicuum est, præcingi esse itidem profecturi, ait enim *præcingere, & sequere me.*

Si Domini verba expendantur accuratiùs, Petrus duplici cingulo cinctus fuit; proprio scilicet vsuali quo vestimenta constringuntur, vel religantur, ne defluant nimium infra poplites, & de hoc ait: *cum esses iunior cingebas te, & ibas ubi volebas:* altero pœnali, catenis scilicet, quibus fuit ab Herode constrictus & à Nerone: de eiusmodi enim cingulis ait ipse Dominus, *cum autem senueris, alius te cinget, & ducet quò tu non vis, significans,* ait S. Ioannes c. ult. *qua morte esset clarificaturus Deum:* Extensis enim manibus in cruce occubuit pro fide Domini sui ipse Petrus, ad quam vinctus ferreis nexibus, tractus fuerat: Hoc cingulo scilicet militari donatus à supremo Duce Christo, qui eum suæ passioni (ait eleganter Tertullianus) *adequari* voluerat.

Ferrea ista zona, longè pretiosior omni auro, S. Augustino, non absre visa est; Merito, inquit serm. 28. de Sanctis, *per omnes Christi Ecclesias auro pretiosius habetur ferrum illud pœnalia vinculorum.* Felices sanè illi nexus, qui de manicis & compedibus in coronam mutandi, Apostolum contingentes, martyrem reddiderunt: *Felicia vincula quæ reum suum usque ad Christi crucem, non tam condemnatura quàm consecratura miserunt.* Nec minùs appositè Arator Subdiaconus, Romanæ vrbi pridem gratulabatur, Catenis Petri, uti pretiosis cingulis, validisque in circuitu suo propugnaculis exornatæ & communatæ: ita enim poëta sacer, suauiter car-

mine, lib. 1. in Act. Apostolor. c. 24. in fine modulatur.

*His solidata fides, bis est tibi Roma Catenis,*

*Perpetuata salus; harum circumdata nexu*

*Libera semper eris, quid enim non vincula praestent?*

*Quae tetigit, qui cuncta potest absolvere, cuius*

*Hac inuicta manu, vel relligiosa triumpho*

*Mœnia, non ullo penitus quatientur ab hoste,*

*Claudit iter bellis, qui portam pandit in astris.*

Acumen istud cincturæ Romanæ vrbis, per Petri vincula fortunatissima, S. Ioannes Chrysostomus primus prodiderat serm. 32. in epist. ad Rom. in morali exhortatione: vnde illud fortassis Arator excerpfit, versibusque, quos recitauimus elegantissimis expressit.

#### §. V.

#### *De sancti Pauli Zona, & semicinctiis.*

**D**E zona Pauli, sic legimus in Actis, c. 21. *Et cum moraremur per dies aliquot, superuenit quidam à Iudea propheta nomine Agabus. Is cum venisset ad nos tulit zonam Pauli, & alligans sibi pedes & manus dixit, hac dicit Spiritus sanctus, virum cuius est zona hac, sic alligabunt in Ierusalem Iudei, & tradent in manus gentium.* More gentis enim Paulus zona præcinctus incedebat. At fortè intra domum se discinxerat, vnde occasionem eiusdem zonæ assumendæ Agabus hic arripuit, qua vt practico signo, eoque rei quam meditabatur, consentaneo, sensa animi quæ diuino afflatu conceperat, efficacius exprimeret: sic Ieremias, 27. 1. vt captiuitatem populi sui prænunciaret, iussus est *vincula & catenas in collo suo ponere.*

Impotenti animo fert Caluinus in reliquiarum indiculo, Pauli catenam inter eiusdem reliquias censer, Romæque ostendi in eius Ecclesia. Petit verò ironicè, vnde sumi potuerit ferreus iste nexus? Quasi verò Paulus Romam missus à Ierosolymis, vincula sua non pertulerit, quæ Agrippæ Regi gloriabundus ostenderat: *Opto apud Deum, ait, non tantum te, sed etiam omnes qui audiunt hodie fieri tales, qualis ego sum, exceptis vinculis his.* Act. 26. 29. à quibus scilicet acceptum titulum, *Vincti Christi Iesu*, ipsi apostolatui anteferebat; quamobrem cum deum Romam perductus fuisset vinctus, honoris non reatûs signum esse asserbat ipsam catenam qua erat constrictus: *Propter spem enim Israel* (ait Act. 28. circumstantibus Iudæis) *hac catena circumdatus sum.* A Paulo ipso igitur Roma accepit, catenam illam quam ipse vinctus à Ierosolymis pro suæ fidei attulit testimonio, pignusque ibidem à se assertæ veritatis, & suæ in Romanos charitatis reliquit, vt sanctus Chrysostomus serm. 32. in epist. ad Rom. insinuat, quo loco catenam Pauli, cum Petri catena connectit: quin Apostolicam illam bigam, binam zonam, seu cincturam Romanæ esse Ecclesiæ, vrbisque eleganter ait, *Qualibus coronis duabus ornatur vrbs ista? qualibus catenis aureis cincta est? quales habet fontes? quales columnas Ecclesiæ?*

Sed obsecro, rursus cum Caluino colloquia misceamus; ait eodem opusculo, quo (si quo alio) *aperuit os suum in blasphemias ad Deum, blasphemare nomen eius, & tabernaculum eius, & eos qui in caelo habitant.* Apoc. 13. 6. &c. nos exquisitè omnia Sanctorum monimenta perscrutatos, ut quicquid fecerunt, gesserunt, perpessi sunt in superstitionis adorationis argumentum, quin & obiectum idololatriæ traheremus, ideoque res etiam ridiculas tribuisse Sanctis, quas in manifestæ stultitiæ, vel impietatis pudendam exercitationem traduxerimus; Nihil rerum etiam minimarum prætermisisse ad Sanctos spectantium, quibus cultum non impenderimus religiosum: sic nos certatim conquississe atque suis locis coluisse calceos & cilicium S. Ioannis Baptistæ, Barbam S. Petri, Catenam S. Pauli: cur non addidit & zonam? nempe quia locum indigitare non potuit, quo cum veneratione ipsa seruetur. Unde patet non omnia Sanctorum pignora à nobis fuisse quæsitæ, nec inuenta, sed ea dumtaxat quæ à maioribus per manus successiuas seruata & tradita posteris sunt, quæque superno munere contigit iam olim reperiri, non sine iudicio diuinæ approbationis. Certè non nisi perperam garrere, quicquid libet effutire, calumniari, cauillari Caluinus consuevit; passim ideo quæ reputat ineluctabilia argumenta, nihil aliud sunt quàm ineptæ & pueriles argutiæ. Zonam habuisse Paulum ut penulam ex Scripturis habemus, quo loco sint ignoramus, nec admodum anxie inquirimus, tametsi reperire si contingeret, certoque constaret iudicio, vera pignora esse tanti Apostoli, ea qua par esset reuerentia eadem susciperemus, quemadmodum certas eiusdem & aliorum Sanctorum reliquias honoramus, sed eo modo quo docet & præscribit Ecclesia Catholica, quæ falli vel fallere nescit, cum sit columna veritatis, omniumque Christi fidelium vnica mater & magistra.

Cæterum extat obseruatu digna admodum epistola Isidori Pelusiota scripta Hieraci cuidam, de miraculis reliquiarum Martyrum, quarum cultum ille vir alioqui in sæculo clarus reprehendebat: *Si te istud offendit* (inquit Isidorus lib. 1. ep. 55.) *quod Martyrum corporum cinerem, propter eorum erga Deum charitatem atque constantiam, honore afficiamus: eos qui ab ipsis medicinam accipiunt interroga; atque quot morbis remedium afferant intellige: sic fiet, ut non modò, quod à nobis fit, non inuideas, cauillisque incessas, verumetiam quod rectè & cum laude fit, imiteris.* Hæc ad se dicta Caluinus ac quisquis eius assecla, meritò est quod reputet, ut discat non aspernari quod Deus ipse honorat. & quod signis ac virtutibus probat, non carpere, sed ea qua decet obseruantia venerari.

Sanè magnas virtutes, non solùm per manum Pauli Apostoli Deus operabatur, at etiam per eas res, quæ eius sancti corporis contactu erant consecratæ, ita ut (scribit S. Lucas qui aderat, Act. 19. 12.) *super languidos deferebantur à corpore eius sudaria & semicinctia, & recedebant ab eis langores, & spiritus nequam egrediebantur;* Si eiusmodi pignora habemus, peto à Caluino & eius sectariis, an piaculum foret eo in pretio habere, quo condecet instrumenta diuinæ virtutis & misericordiæ,

pignoraque chara Apostoli gentium, Vasis electionis? Si enim paterna vestis & annulus (ait S. Augustinus lib. 1. de Ciuit. Dei, c. 13. Tom. 5.) ac siquid eiusmodi, tanto charius est posteris, quanto erga parentes maior extitit affectus: nullo certè modo ea spernenda sunt, quæ Sancti, Dei gratiæ cooperatores, nostræque curatores salutis, nobis in suæ memoriæ & dilectionis pignus reliquerunt; maximè cum per hæc Deus ad suam gloriam, & Sanctorum suorum honorificentiam, tot dignatus sit suæ omnipotentiae opera, & sanitarum beneficia, diuinam opem in infirmitatibus suis sub ipsorum Sanctorum patrocínio implorantibus impertiri. Si pium visum est Moyli virgam in arca fœderis honorificè collocare, è qua diuina virtus effulserat, cur non religiosum arbitrabimur eiusmodi diuinæ gloriæ & bonitatis adminicula, in honore habere, quæ & monimenta sunt Sanctorum glorificationis, simulque pignora illorum perennis in nos beneuolentiæ & opitulationis?

## §. VI.

## De S. Polycarpi viri Apostolici Zona.

**M**ISSO Curione ad populum, Proconsul inbet voce magna protestari Polycarpum tertio confessum Christianum se esse. Quo audito vniuersa multitudo tam gentilium quàm Iudeorum Smyrnæ ciuitatis cum ingenti furore acclamabant; hic est totius Asiæ doctior & pater Christianorum, noster autem subuersor Deorum, ipse est qui multos docet ne immolent, nève adorent Deos: Et post hæc verba acclamabant Philippo munerario, vt Leonem Polycarpo dederet, qui respondit non sibi licere, quia iam editionis suæ munus expleffet. Tunc illi omnes pariter conclamarunt vt Polycarpus viuus arderet. Oportebat enim visionem eius quam de ardenti cervicali vidit, impleri: quæ cum dicto citius gererentur, ipsis populis ligna vel de balneis, vel de publicis quibusque locis & sarmenta congregantibus, præcipuè Iudeis ardentius ad hoc de more feruentibus, cum omni velocitate extractus est rogos. Tum depositis senior indumentis, ac zona resoluta, calceamenta quoque pedibus tentabat educere.

Zona hæc B. Polycarpi Smyrnæ Pontificis, vnâque Christi Sacerdotis & hostiæ, zona Aaronis longè pretiosior fuit, de qua ait Ecclesiasticus c. 45. Excelsum fecit illum, & statuit ei testamentum æternum, beatificauit illum in gloria, & circumcinxit eum zona gloriæ, stolam gloriæ induit illum, & coronauit eum in vasis virtutis. Ille etenim ornatus tantum exterior erat, quo etiam ante mortem iussu Dei, Aaron exutus est, vt filius eius eodem indueretur: At Polycarpi decus internum fuit, æternumque perdurat. Nudus tamen Polycarpus suum holocaustum per egit: (sic enim Actorum eius series martyrium eius nuncupat) at laude etiam in hoc Simone filio Oniæ Pontificis superior: qui vt ait idem Ecclesiasticus, c. 50. fuit quasi thus redolens in diebus æstatis: hyeme siquidem tamen exustus sit Polycarpus, quouis thymiamate in conspectu Dei fuit suauior; Moriens enim (sic testes in Actis referunt) non erat vt caro ardens, sed tanquam si aurum & argentum in fornace canderet: tum præterea odorem naribus hausimus tanquam thuris incensi, vel pretiosissimi vnguenti fragrantis &c.

Ex eius Acti-  
proconsulari-  
bus à Ioanne  
Fabro editis:  
inter agones  
Martyrum,  
mense Ianua-  
rio.



## §. VII.

*De cingulis, seu zonis veterum monachorum in Palaestina, Aegypto, Africa, &c.*

**E**X more Ascetarum, qui in Palaestina degebant, scribit eiusdem regionis incola, sanctus Hieronymus ad Marcellam: *Sit cingulum lancum & tota simplicitate purissimum, quod possit magis astringere vestimentum quam scindere.* Idem in præfatione Regulæ S. Pachomij, de eius discipulis; *Baltheolum habebis (ait) unusquisque lineum.* Auctor est S. Fulgentius Ruspensis Episcopus in Africa, monachos sui æui exemplo S. Ioannis Bapt. consuevisse pelliceo uti cingulo. Idemque confirmat S. Dorotheus in Doctrina sua 1. quæ est de renunciatione, ubi de se sui que temporis monachis loquens, *Habemus, inquit zonam pelliceam circa renes nostros. Id signum est ad opus quodque accincti, ut quamprimum simus, & parati; laboraturus enim quis primò accingitur, & sic demum opus aggreditur.* Paulinus epist. 7. ad Seuerum, monachos fuisse quosdam ait *sagulis palliatos, nec baltheo, sed rete succinctos, nec improba attonfos capitis fronte crinitos, sed certa informitate, capillum ad cutem casos, & inaequaliter semitonfos.* S. Basilii zonæ usum vniuersim monachis commendat. Ex professo scripsit Cassianus de Monachorum Aegyptiorum cingulo, scilicet toto cap. 2. lib. 1. de Cœnobiorum institutis. Palladius in Lausiaca historia zonas vocat cingula ipsorum monachorum Aegypti; additque illic à B. Pachomio præscriptum ut ad sacram synaxim, Sabbato & Dominica die ut moris est, accedentes, zonas soluerent & pellem ouillam seu melotem deponerent, & cum sola cuculla accederent, quo scilicet maiorem ac peculiarem reuerentiam honestiorémque habitum inter sacra officia ferrent. S. Benedictus monachorum Occidentis parens, hanc cinguli monastici præscriptionem suæ Regulæ indidit c. 22. *Ut vestiti dormiant monachi, & cincti cingulis aut funibus, ut parati sint semper, & facto signo absque mora surgentes festinent se inuicem præuenire ad opus Dei.*

## §. VIII.

*De sancti Gregorij zona.*

**I**OANNES Diaconus in vita S. Gregorij lib. 4. c. 80. memoriz prodidit eum in exilitate balthei, quæ vnius pollicis mensuram non excederet, speciem propositi regularis olim à S. Benedicto statuti, (cuius vitam ipse describens, regulam quoque laudauerat) seruauisse, eiusmodi cum baltheo inuentum fuisse eius corpus plusquam ducentis annis ab eius obitu, paulò antè idem auctor meminerat. *Huius beatissimi Gregorij venerabile corpus à Gregorio IV. Sedis Apostolicæ Præsule &c. translatus, ante nouellum Secretarium constructis absidibus sicut modò cernitur, sub altaris sui nominibus collocatur &c. In qua (translatione) pallium*

eius, & phylacteria, sed & baltheus eius consuetudinaliter osculatur. &c. quæ singillatim considerata & antiquitatem viri, & mediocritatem habitus, & speciem regularis propositi signis perspicuis representant. &c.

## CAPVT VI.

## De Zona, seu Cingulo Sacerdotali.

**I**N nouo Testamento quondam haud fuisse morem non videtur, Sacerdotibus in diuino ministerio vtendi zonis, seu cingulis, eo quòd Cœlestinus I. qui ante annos 1200. Sedi Apostolicæ præfuit, in epist. i. ad Episcopos prouinciæ Viennensis & Narbonensis, quosdam Sacerdotes vt auctores nouitatis reprehendat, qui amicti palliis, & lumbos præcincti in Ecclesia ministrabant. At si quæ scribit hic pontifex, attentius considerentur, facile erit perspicere non rem ipsam, sed superstitionem, qua illi Sacerdotes sic agebant, fuisse ab hoc pontifice perstrictam: *Amicti pallio, inquit, & lumbos præcincti credunt se scripturæ fidem, non per spiritum, sed per litteram completuros; Nam si ad hoc ista præcepta sunt vt taliter seruentur, cur non fiant pariter quæ sequuntur Luc. 12. 35. Vt lucernæ ardentes in manibus vnà cum baculo teneantur? habent suum ista mysterium, & intelligentibus ita clara sunt, vt ea magis quæ decet significatione seruentur. Nam in lumborum præcinctiōe castitas, in baculo regimen pastorale, in lucernis ardentibus boni fulgor operis, de quo dicitur, opera vestra luceant, indicantur: Nec modò puerilis illos arguit Pontifex ineptiæ, & stultæ, Euangelicæ sententiæ intelligentiæ, quam nimis crassè accipiebant, at patenti in super nouitatis, præsertim in Gallicana Ecclesia, quæ Rom. typum passim æmulata, à nouis & peregrinis doctrinis ac ritibus semper abhorruit. Habeant tamen istum (inquit) forsitan cultum, morem potius quàm rationem sequentes, qui remotioribus habitant locis, & procul à cæteris degunt. Vnde hic habitus in Gallicanis Ecclesiis, vt tot annorum, tantorūque pontificum in alterum habitum consuetudo vertatur.*

Prisca enim consuetudo inoleuerat, vt diuini ministri induti albis sacris operarentur, quemadmodum ex testimonio S. Hieronymi constat, lib. i. cont. Pelagianos, & Concil. Carthaginensi can. 41. At alba sine zona vel cingulo commodè & decenter gestari nequit (ideo Christus rediuiuus & triumphans, dilecto suo vilus est vestitus podere, simulque ad mammillas zona paret præcinctus): vnde rituales Scriptores etiam vetustissimi, zonam cum alba & amictu inseparabili recensione coniunxerunt, quemadmodum ex eorum testimoniis signatis in huius opusculi limine, euadit manifestum. Perperam igitur agebant illi Viennensis & Narbonensis Galliæ Sacerdotes, qui pro alba pallium, pro zona linea, cingulum fortè laneum aut pelliceum sacro in ministerio vsurpabant, iureque idcirco nouitatis à B. Cœlestino Papa insimulantur, & insipidæ interpretationis Dominici docu-

menti, qui cū suis ait discipulis, *sint lumbi vestri praeincti, & lucernæ ardentes in manibus vestris*; continentia illis cultum, & bonorum operum studium, affectūque solertem pietatis & iustitiæ illis commendat: nec quicquam cogitat de materiali rerum huiusmodi gestatione, longè à spirituali intellectu remota: Quamobrem aculeatè sic concludit Cœlestinus: *Nam si studere incipiamus nouitati, traditum nobis à patribus ordinem calcabimus, ut locum superuacuis superstitionibus faciamus. Rudes ergo fidelium mentes ad talia non debemus inducere.* Ita insulsam excludit nouitatem Pontifex sanctissimus.

Cæterum præter Scriptorum antiquorum, qui de Ecclesiæ ritibus scripserunt, testimonia; in Ecclesiarum sacrariis veterum Sacerdotum & Pontificum superstant Panopliæ sacræ insignia pleraque: in iis verò planetæ præclaræ non tantum, & stolæ seu oraria, manipuli, amictus, & albæ: sed zonæ itidem lineæ, quibus inter sacra mysteria præcingebantur. In nostro Martyrologio Sanctorum Galliæ, 3. nonas Nouembris, ubi de S. Pirminio Episcopo Metensi disserimus, qui sub Gregorio II. summo Pontifice, ab eo missus in Germaniam, Alemānis verbum gratiæ prædicauit: (scilicet ante annos vt minimum 900. supra triginta) meminimus obseruasse inter pontificalis eius Panopliæ veneranda pignora adhuc eius dalmaticam viridis coloris asseruari, cum sacro eiuscingulo, quod prægnantibus mulieribus adhibetur, iisdem in partūs enixu solatium afferre solet\*. S. Hilarium Episcopum Pietauiensem\*, Patronum statuunt mulierum parturientium, ne mortuos pariant fœtus.

\* Florariū MS. & Viola Sanctorum.

\* Vide Bolandū tom. 1. 13. Ianuarij, col. 6. sub ipso initio.

Petrus Molinæus Calvinistæ sectæ antesignanus minister, sacrorumque Ecclesiæ Catholicæ derisor præcipuus, hoc miraculum non carpsit, nec enim prætermisisset scurrili quo solet modo insectari, si alicubi animaduertisset: à simili etenim eius se prodit genius gloriæ Sanctorum semper & vbique hostis. In famoso opere cui nomen indidit *Nouitas Paparū*, seu in responsione ad Cardinalem Perronium pro magnæ Britannia Rege, lib. 1. c. 15. sect. 27. cuius est titulus de reliquiis, quæ prægnantibus mulieribus opitulantur, hunc in modum scribit: *Tertullianus lib. de anima, c. 39. ait in more habuisse Ethnicorum mulieres, fasciis sibi præcingere uteros, quæ ante idolorum aras contexebantur: Cuius ethnica superstitionis imitatione Parisiis in suburbio S. Germani Prætextis grauida femina se zona sanctæ Margaretae præcingere consueuerunt.* Hactenus Molinæus, appositè quidem vt videtur, at ineptè tamen, quin & impiè potiùs; cū Christi martyrem & virginem in idolum (quod iuxta Apostolum nihil est) iniuria vertat, & quæ superstitionis ethnicae sunt, traducat perperam ad pietatis Christianæ mores. Certè si ex eo quod mulieres ethnicae non zonas, vt hallucinatus Molinæus somniat, sed infulas confectas apud idola vteris prægnantibus imponebant, quo faustus sui puerperij successus euaderet: hinc fas est collectum ire grauidas mulieres Christianas quæ solatij gratiâ, ad patrocinia Martyris confugiunt, ethnicam superstitionem imitari: itidem licebit arguere superstitionis ethnicae fideles, qui infantes sa-

sacro faciunt lauacro expiari; diabolus enim qui Dei est simia, speciem etiam Baptismi, quin & Eucharistiæ & Confirmationis æmulatus est, ut ipse Tertullianus non vno loco insinuat, signatim lib. de baptismo, c. 5. & præscriptionum c. 40.

Cæterum dum sic Catholicos calumniatur Molinæus, non videt eo ipso sese Ethnicorum genium affectari, qui odio sanctæ fidei, veris Dei cultoribus imponebant, Martyres pro diis adorare, iisque diuinos honores quos diis detraxerant, impendere. Quam virulentam calumniam sancti Patres quanto studio & consensu confutarunt, versatus in eorum monumentis nemo est qui vel ignorare possit, vel ire audeat inficiatum. (Vide Eusebium lib. 8. c. 6. histor. Gregor. Naz. aduersus Iulianum orat. 3. circa medium, Cyrill. Alexand. contra eundem l. 6. S. Hieron. aduersus Vigilant. S. August. lib. 20. contra Faustum Man. cap. 21. & lib. 10. de Ciuit. Dei c. 4. &c.) Abeat igitur Molinæus cum suis ethnicis, quibus se non absimilem, si fateri erubescit, saltem apud se vel inuitus agnoscat: iisdem enim calumniis & falsis criminationibus Ecclesiam impetit, quibus eam dudum circapiam Sanctorum venerationem impij illi persecutores onerabant; parique contemptu scita eius spernit, adeo ut meritò cum illis censeri debeat iuxta Domini iudicium, *qui Ecclesiam non audierit, sit tibi sicut ethnicus & publicanus*. Sed nihilominus eundem non pudet, zonas Sanctorum cum pellibus hircinis comparare, quibus luperci pridem palmas mulierum percutiebant, ut fierent grauidæ. Bone Deus! quàm ridiculam ineptiam! quàm insulsam, imò impiam comparisonem!

Testis & relator est S. Lucas Act. 19. à corpore B. Pauli cum Ephesi moraretur, delata fuisse *sudaria & semicinctia* super languidos, quorum tactu recedebant langores tetrique spiritus abigebantur. Si super prægnantem mulierem hæc semicinctia fuissent applicata, nonne hinc solatium ut cæteri languidi tam sacri pignoris tactu, quàm huic insitæ Dei nutu virtutis, potuisset experiri? Inde tamen quàm absurdum, quod infert Molinæus, effutire, id fieri videlicet ex ethnicæ superstitionis imitatione & vi hircinæ pellis. sic garriunt, sic delirant hæretici, *nescientes*, ait Apostolus, *neque de quibus loquantur, neque de quibus affirmant*. At ut addit, *ultrà non proficient, insipientia enim eorum omnibus manifesta erit*. 2. Timoth. 3. 9.

Cæterum ut ad zonam Sacerdotalem redeamus, è qua huc sumus per occasionem digressi, extat in Actis S. Birini Episcopi Dorcestriensis in Anglia, quo missus fuit ab Honorio I. summo Pontifice ad opus Euangelistæ exequendum, circa annum Domini 630. brevis recensio ornamentorum eius Pontificiorum & Sacerdotalium, quibus adhuc in sepulchro indutum erat corpus eius, cum mandato Honorij II. de terra leuatum fuit anno 1224. Inter quæ cum duæ stolæ numerentur, potius stola vna, & vna zona videntur fuisse repertæ: nec enim Sacerdos aut Pontifex stola duplici utitur in sacro apparatu; zonæque ut antiquitus ferebatur, nonnihil cum stola conuenientiæ habebat; decoræ enim erant admodum zonæ Episcopales, adeo ut ad for-



## 58 PANOPLIÆ SACERDOTALIS PARS I.

mam murenularum aurearum de quibus mentio fit in Canticis, contexterentur; quamobrem in lib. Pontificali ab Anastasio, in Leone III. zonæ eiusmodi murenarum nomine recensentur: *Murena præfinales* (inquit) *pretiosissimas duas; item murenam trifilem auream, qua habet buticulas* (id est orbiculos) *triginta tres.* Auget coniecturam quod in apparatu S. Birini numeratur crumena quædam serica, itémque *pera ex una parte auro contexta.* In quibus scilicet dudum sacra mysteria gesserat: at verò crumena ad zonam suspensa gestari solet.

Anno 1647.

Ebroicis cùm essem anno proximè elapso mense Septembri, inuisetémque Monasterium celebre S. Taurini: inter sacra eius Ecclesiæ pignora, cingulum mihi vel pars eiusdem, eisque qui me comitabantur, ostensum est: at non sacrum, sed vsuale quo scilicet sanctus ille Episcopus (qui eò à S. Clemente, vel B. Dionysio, primus Euangelista salutis æternæ missus est) in priuato habitu præcingebatur. Est lancum cingulum seu potiùs semicinctium: vix enim pollicis latitudinem excedit, colorisque est violacei non subobscuri, sed clarioris & propè ad cæruleum accedens, quod vim nactum ex corporis sancti Antistitis contactu, medelam iamdudum præstitit agris, nonnullaque effecit mira.

In postrema Translatione S. Norberti Archiepiscopi Magdeburgensis, & institutoris Ordinis Præmonstratensis, facta anno 1626. ad iussionem Ferdinandi II. Imperatoris, cùm è tumulo vbi sanctus ipse Confessor iacebat in Ecclesia Cœnobitica S. Mariæ Præmonstratensis, venerabile corpus eius extractum fuit, vt Pragam deportaretur cultu condigno potiturum inter Catholicos, quo diu inter hæreticos Magdeburgenses, vtpote subtractionis filios, caruerat: ipsum eius sacratissimum corpus panoplia Sacerdotali, pontificiæque adornatum repertum est; præter pallium etenim & pluuiæ, superhumerales, stola, manipulus, alba ab humeris adhuc in pedes defluens non sine zona, inuenta sunt cum pedo pastoralis & pontificali annulo, quemadmodum in actis de ea Translatione confectis plenius memoratur, quæ extant edita in Bibliotheca Præmonstratensi lib. 7.

### CAPVT VII.

#### *De Zona sacra mystico & morali significatu.*



**P**VLCBRE & sapienter Innocentius III. in prologo super libros quos edidit mysteriorum Missæ; *Eius officium, inquit, consistit in quatuor, scilicet in personis, operibus, verbis & rebus: Tres autem sunt ordines personarum, celebrantes, ministrantes & circumstantes: Tres operum species, scilicet gestus, actus & motus; Tres diuersitates verborum, videlicet orationes, modulationes & lectiones: Tres rerum materies, scilicet ornamenta, instrumenta & elementa: Hæc omnia diuinis plena sunt mysteriis.*

Hic de ornamentis seu sacris vestibus tractare aggressi sumus; ve-

rūm hoc in librō specialiter de zona differimus, cuiuscūm originem, materiam, formam, vsūque descriperimus superioribus capitulis, isto tantū superest de eius mystica & morali significatione inire sermonem.

Certē in diuinis litteris reperitur zona linea, Leuit. 16. 4. pellicea, 4. Reg. 1. 8. Matth. 4. 3. & aurea, Apoc. 1. 23. 15. 6. item zona muliebris, diuersa à fascia pectorali, Isa. 3. 24. militaris, 1. Reg. 18. 4. & Sacerdotalis, quæ sola hīc spectanda venit. Constat certē Sacerdotalem zonam, qua linea tunica, quæ vocatur poderis, cingebatur, latam digitos quatuor, ex byssino itamine, discolori picturatam flore, intrus inanem, itaque contextam, vt serpentis exuium videri possit: longitudinis tantæ fuisse, vt semel iterūque circa pectus reuoluta, deflueret vsque ad talos, ideoque dum Sacerdos rem sacram faceret, super humerum læuum proliceret, ne ventilata impediret.

Zonam Sacerdotalem in Ecclesia Christiana ab hac differre, quæ baltheus dicebatur, primus notauit omnium Alcuinus, vt suprā ait, *Pro baltheo, nunc zonarum quas Romanas appellant, vsus receptus est.* Vbi non de zonis Romanorum antiquis, de quibus suprā nonnihil obseruatum: at de zonis quibus Sacerdotes Christiani, ceterique altaris Ministri, dum induti albā, diuina officia celebrant, Alcuinum loqui ex iis eiusdem verbis patet: *nunc vsus receptus est zonarum quas Romanas vocant*, id est vsu haberi solitas in Romana Ecclesia, quæ omnium forma & typus est.

Murenarum instar quasdam zonas Ecclesiasticas fuisse effigiatas, suprā ex Anastasio consignauimus: at paucas & quas solius summi Pontificis fuisse proprias, ex ipsa earum paucitate, cū duas vel tres tantū ipse in Romano sacrario fuisse insinuet, promptum est intelligere: de quibus ideo non locutus videtur Alcuinus: at de iis quæ sacris Ecclesiæ ministris dum sacris operabantur, communi erant in vsu. Has verò fuisse lineas & pertextas ad instar funiculi, quemadmodum huc vsque sunt per vniuersum Occidentem, mihi dubium non videtur. Tum quod in ritibus sacris Ecclesia constans esse solet, maximè verò in theoriis & ritibus diuini sacrificij. At verò quæ zonæ etiamnum supersunt Sacerdotales ex antiquo vsu huiusmodi sunt formæ, quæ à Maioribus accepta huc vsque retinetur.

Accedit quòd si Nicolao de Lyra adhibeatur fides, Christus pro cingulo, seu zona, funiculo utebatur, quo scilicet, vt ipse Lyranus putat eiecerit de templo vendentes, iuxta illud Ioannis 12. *¶ cum fecisset quasi flagellum de funiculis.* Verū Lucas Brugenſis aliter de hoc flagello cenſet, ad eundem versum Euangelij, ita enim notat: *Flagellum*: vox ista Latina, Græcè & Syriacè vsurpatur, corruptè tamen ex vulgi consuetudine *φεγγύλιος*, Syriacè *pheraglo*: de funiculis, quos illic scilicet inuenit, pecorum venditorum atque immolatorum. Nec secus Cardinalis Toletus ad eundem locum; *Funiculos*, inquit, quibus animalia forſan ligata erant, collegit, *¶ in formam flagelli componens, negotiatores omnes simul & animalia, boues & oues eiecit.* Accedit quòd

superiùs notatum fuit, cingulo Christum fuisse vsum laneo, subuiolacei coloris, cuius pars aliqua etiamnum Vefuntione visitur & colitur. Non hinc igitur desumpta forma cinguli Sacerdotalis, sed alia ex cāsa, quæ hîc nullatenus prætereunda videtur.

Certum est Panopliam Sacerdotalem institutam fuisse ad tragicum Christi patientis apparatus exprimendum. Cum enim Missa mystica sit commemoratio Christi mortis, Sacerdôsque hoc in sacrificio vicem eius obeat: omnino consentaneum erat institutioni ipsius sacrificij, vt quod referebat Sacerdos actu, etiam externo habitu repræsentaret. In Panoplia nostra Clericali, apparatus ipsius Sacerdotalis mysticas significationes & genuinas conuenientias cum Christi patientis apparatu, accuratim descripsisse meminimus; quas hîc retextum ire quia prolixum foret, haud esse idcirco reor operæ pretium.

Obsignat Paulus Apostolus scribens ad Colossenses suas litteras, c. 4. 18. hac clausula, *Memores estote vinculorum meorum*: Multo magis nos vinculorum Christi oportet esse memores, de quibus dilectus eius discipulus, qui aderat cum ad immolationem sicut ouis duceretur, ita scribit c. 18. *Comprehenderunt Iesum & ligauerunt eum, & c. 19. misit eum Annas ligatum ad Caiphā pontificem*. Siquidem in horum vinculorum memoriam indiciūque, Sacerdos passionis Christi mysterium celebraturus, præcingitur, non zona aurea, non cingulo pretioso, at huius formæ cinctura quæ instar funiculi est, ideoque non serica, nec lanea, sed linea esse debet.

*Sup. Cantic.*

Parùm hoc attendunt delicatuli aliquot Sacerdotes, qui huius sæculi luxum etiam in sacris imitati, Panopliam mysticam, quæ Christi passionem repræsentat, in fastum & pompam vertunt, dolorum Christi & opprobriorum, quorum tam schema ferre debent, quàm pœnarum aculeos persentire, adeo immemores: vt zonam, quæ vinculorum Christi monimentum est, eo sibi esse decoro velint, qui potiùs luxum muliebrem, quàm Sacerdotalem dignitatem & grauitatem spirat. *Quàm fœdum est* (ait Theodidactus Bernardus) *sub spinato capite membra videre delicata!* & quàm ineptum cernere Sacerdotem, viuum Christi patientis simulacrum, zonam sericam & auream, pro funiculo quo alligatus fuit immaculatus agnus, redemptor mundi Christus, gerere in ipso eius immolationis mysterio, quod in Missa celebratur. Zona igitur Sacerdotalis, funiculi est instar, quo Christus in passione sua alligatus fuit.

Sed Rabanus lib. non semel laudato, de diuinis officiis, censet per zonam, qua linea Clericorum tunica, seu alba circa renes & infra pectus coercetur, discretionem significari. *Zona* (inquit) *quæ cingulum dicitur, qua restringitur poderis, ne laxè per pedes diffluat, per quam designatur discretio omnium virtutum*: Virtutes enim sine discretionem, non virtutes, sed vitia sunt, nam virtutes in quodam meditullio sunt constitutæ.

Rabanus ait esse symbolum castitatis, lib. 1. institut. Clericor. c. 17.

Idem docet Innocentius III. lib. 1. mysteriorum Missæ, c. 15. Idem docet Stephanus Eduensis, opere de Sacramento altaris, c. 10. & S. Bernardus in sententiis, & Beda de 7. ordinibus. Essetque videtur hæc præcipua zonæ Sacerdotalis significatio; Ex intentione Ecclesiæ siquidem in Missali Rom. Sacerdos assumens zonam, ita ex formula sibi præscripta orat: *Præcinge me Domine, cingulo puritatis, & extingue in me ardorem libidinis, ut maneat in me virtus continentia & castitatis.* In antiquis Missalibus Ecclesiarum Galliæ, paululum variat hæc oratio, siquidem hunc in modum habet, *Præcinge Domine cingulo fidei & virtute castitatis lumbos cordis & corporis mei, & extingue in eis flammam libidinis, ut iugiter maneat in ipsis tenor castitatis. Per Christum &c.*

*Vide Turonense Missale edisium ann. 1540. in Alphabeto Sacerdotum fol. 81. 82. & 83.*

Honorius Augustodunensis, cingulum, seu zonam in mystico habitu, docet designare mentis custodiam & conscientiam: Gemmæ animæ, seu de antiquo Missæ ritu, c. 203. Ex hinc, ait, cingulo cingitur, quod in lege baltheus, apud Græcos zona dicitur. Per cingulum quod circa lumbos præcingitur, & alba ne defluat, & gressum impediatur, adstringitur, mentis custodia, vel conscientia accipitur, quia luxuria restringitur, & castitas cohibetur, ne ad carnalia dilabatur, & gressus bonorum operum impediatur, & ipsa concupiscentia de vita ad ruinam impellatur.

Ordo Ecclesiasticus genus militiæ est, ut in Panopliâ Clericali plerisque locis diximus, argumentisque variis ostendimus: hinc distinctio celebris in Iure, *Militia secularis, & militia Clericalis*, Can. aliquantos dist. 51. can. siquis post. Ibidem can. Sanctorum dist. 70. & Cap. præterea de Præbendis, & Cap. audientia de sent. Excom. Et cap. degradatio §. actualis de pœnis lib. 6. Ex quo axiomate pleraque documenta elici possunt ad Clericos instruendos præceptis sacræ militiæ; copiosamque doctrinæ segetem hac de materia suppeditat Ioan. Sarisberiensis, in Polycratico, seu de nugis curialium, lib. 6. c. 12. cui titulus est, *Quare cingulo priuentur milites, & quod exauctoratus non habet aliquid cum gladio, telove commercium: Et quare gladius insertus est cingulo?* De Cingulo monachi agit Cassianus lib. 1. de Institutis Cœnobiorum c. 2. & rursus cap. 9.

De zonarum denique in litteris sacris insignium generali tropologia piè, pulchrè, quamvis strictim & breuiter, S. Bernardus in sententiis hunc in modum disserit: *Tria sunt, inquit, quæ nos restringunt & cohibent, & quasi cinctoria dici possunt: Corporea mortis memoria, quæ est zona pellicea, quæ cingebatur Elias & Ioannes: Probabilitas & decor pudicitie, quæ cingitur Aaron accedens ad Deum: Amor religionis & iustitiæ, quæ est zona aurea, & ea præcingitur Iesus ad mammillas. Cui sit honor & gloria in æternum.*







# PANOPLIÆ

## SACERDOTALIS

### LIBER QVARTVS.

#### DE MANIPVLO.

#### CAPVT PRIMVM.

##### *De Nomine.*



**M**ANIPVLVS in re militari, minor est centuria: Ammian. lib. 17. Vbi cum post centurias constituit, etiamsi olim amplior eius numerus centuriâ fuerit, teste Cinerio, apud Agellium lib. 16. c. 4. auspiciu nominis sui deducit inde, quod pariter iunctis manibus militarent, auctore Vegetio, de re militari l. 2. Et ab hoc nomine descendit miles manipularis, si modò fœni fasciculum intelligas. Ouidius Fastorum 3.

*Pertica suspensos portabat longa maniplos:*

*Inde manipularis nomina miles habet.*

Affines sunt huic acceptioni, Wandelberti monachi Prumiensis, metrici Martyrologij quod circa annum 840. eluxit, celebris auctoris, insignes hi versus, quos de sancta Vrsula & eius sodalibus cecinit:

*Tunc numerosa simul Rheni per litora fulgent*

*Christo virgineis erecta trophæa manipulis,*

*Agrippinæ urbi, quarum furor impius olim*

*Millia mactauit, ductricibus inclita sanctis.*

In signum lætitiæ, ob egressum de Ægypto, & initam possessionem terræ promissæ, primitiui frugum manipuli offerendi Deo erant in Paschate, Leuit. 23. 10. Quod Victor Antiochenus in Marc. c. 4. tropologicè interpretatur de bonis operibus, quorum mercedem Iusti sunt in iudicij die post multos labores, cum magna lætitia percepturi; quo spectat illud Ps. 125. *Euntes ibant & flebant mittentes semina*

*sua; venientes autem venient cum exultatione portantes manipulos suos: Quem in sensum eundem citat locum S. Cyprianus de Exhortatione Martyrij, c. 12. Collineat quoque in eundem significatum, usurpari solita à Sacerdote, apparatus sacrum induente dum manipulum assumit, celebris hæc oratio, Merear Domine portare manipulum fletus & doloris, ut cum exultatione percipiam mercedem laboris.*

Mappulam idem insigne mysticum Rituales Auctores prisci denominant; ita Alcuinus lib. de diuinis offic. c. quid significant vestimenta. *Mappula*, inquit, *quæ in sinistra parte gestatur.* Rabanus lib. 1. instit. Clericorum c. 18. *Quartum verò; ait, mappula, siue mantile Sacerdotis indumentum est, quod vulgò phanonem vocant.* At mappulam simpliciter vocat Walfridus Strabo, lib. de rebus Ecclesiasticis, c. 24. Est autem mappula diminutivum à mappa, qua seu mantili manuum sordes in mensa abstergimus. Quo sensu Durandus scribit, *habebant sancti Patres dum sacra tractabant, & sacramenta conficiebant, mappulas & parva mantilia pro manibus tergendis.* Hoc ipsum refert vocabulum Venerabilis Beda, Tract. de septem ordinibus, qui extat inter eius collectanea, seu florum opusculo, cap. de 7. ordinibus.

*Phanonem* ait Alcuinus iam sua ætate *manipulum*, vulgò fuisse appellatum. Scribit Durandus *Fenonem*, nec aliud esse censet quàm mappulam albam & nitidam. La Cerda hoc nomen Germanicum esse arbitratur, aduersariorum sacrorum c. 94. n. 29. significarèque linteamen illud quod dependet ex hastilibus, *Veronæ linteamina serica*, inquit, *& depicta, ex hastis dependentia & in supplicationibus deferri solita, Confanones vocantur;* quæ ex Onuphrio mutuatus est, ita scribente in interpretatione vocum obscurarum Ecclesiasticarum, *Fanon etiam appellabatur linteamen illud (quæ vox Germanica esse videtur) à quibus (Germanicis scilicet) vela illa ex hastilibus dependentia fanon usque hodie appellantur.* Guillelmus Darantes, cum fanone candido, exponit, cum mappula alba & nitida. *Hodie Veronæ in patria mea linteamina serica, & depicta ex hastis dependentia & in supplicationibus deferri solita confanones vocantur.* Hactenus Onuphrius.

Cæterum manipulus etiam sudarium dicitur, ut ex Amalario constat lib. 2. de officiis Ecclesiast. c. 24. cuius titulus est de sudario ipso; de qua acceptione vocis, reique usu opportuniùs infra.




## CAPVT II.

*De Materia.*

Vnus satis recens inoleuit, vt manipulus Sacerdotalis, quo vtuntur etiam Diaconi, quin & Subdiaconi, eiusdem sit materiæ ac stola seu orarium, ipsaque casula seu planeta; Adeo vt si ex serico stola & casula efformata sit, manipulus seu fanon eodem ex panno conficiatur; similiter si ex auro textili seu Attalico, vel alia quauis textura. Vnus ferè iam vniuersalis id ostendit; adeo vt futile sit, prorsusque superuacaneum, exquisitioris solertiâ indaginis hoc ipsum euitum ire. An verò recentior ille vsus, quo manipulus potius ad ornatum confici solet, quàm ad mysterium, propter quod gestari debet, significandum, primordiali eius institutioni sit conueniens, nec ne, facilè ex dictis colligi potest. Sanè apud veteres ex lino erat manipulus non ex serico, vel alio panno quouis: linteum profectò extergendis sordibus vel sudoribus longè aptius est, quàm pannus quilibet laneus, sericus, aut textus ex auro.

## CAPVT III.

*De Forma.*

In antiquis picturis & sculpturis, quibus Pontifices, Sacerdotes & Leuitæ in apparatu sacro conspiciuntur, cernere est, stolam & manipulum alia forma ab iis gestari quàm hodie quæ est in vsu; latæ etenim nunc sunt stolæ, itidémque manipuli; cùm olim stricta essent forma, vt quæ vix duos pollices excederet. Nec in ima parte erat stola vel mappula porrectior, at linea vtrinque æquali à summo in imum limbum defluebat: longior tamen dudum erat manipulus, qui nunc parùm dumtaxat à cubito descendit: videntur enim veteres in sacro ornatu spectasse semper passionis Christi memoriam, ideóque stolam, & manipulum, cum zona, ad vinculorum eius referendam speciem accommodasse; Accedit verò propius forma stricta ad funium & vinculorum similitudinem, quàm expansa; linumque quàm lana, vel sericum, aut aurum textile, melius refert funiculos & nexus. Attamen quia stolæ & manipuli aliæ sunt significationes, formæ ideo variârunt, quarum propria cum singulis conuenientia, ex dicendis in sequenti capitulo, facilius innotescet.

Ceterum Helgaldus Floriacensis in epitome vitæ Regis Roberti, pretiosum manipulum ab eo donatum refert Ecclesiæ matri sanctæ Crucis

Crucis Aurelianensis, quam eximio amoris affectu diligebat. *Urceolum* (inquit) ex *Onychino* factum quod comparaerat Rex ditissimus, pretio sex librarum, iterum ipsi sanctæ Crucis loco contulit simul cum alio argenteo, & manipulo. Non exprimit quidem Helgaldus ex qua materia contextum esset, sed pretiosæ hoc fuisse texturæ, facile colligi potest ex eo quod immediate prænotat de Sacerdotali ornatu, quem idem Rex Robertus dedit eidem Ecclesiæ Aurelianensi ad Pontificalis apparatus decorum. Nihilominus (inquit) Dominum Oldoricum Episcopum in Sacerdotali vestimento sic honoravit, ut adstans in sacrificio Domini circumtectus ex omni parte, auro & purpura videretur.

## CAPVT IV.

## De usu Manipuli &amp; abusu.



E porrectione libri Epistolarum, quem ordinando Subdiacono tradit Episcopus, his verbis, *Accipe librum Epistolarum, & habe potestatem legendi eas in Ecclesia sancta Dei tam pro viuis quam pro defunctis, In nomine Patris & Filij & Spiritus Sancti, Amen.* Notanda est sententia Amalarij Fortunati, lib. 1. de off. Eccles. c. 11. *Miror,* inquit, *qua de re sumptus usus in Ecclesia nostra (scilicet Occidentali, & Latina) ut Subdiaconus, legat lectionem ad Missam, cum hoc non reperiatur ex ministerio sibi dato in consecratione commissum, neque ex libris canonicis, neque ex nomine suo Subdiaconus, ut monstratum est, quia sub Diacono positus est.* Neque etiam habetur in Concilio IV. Carthaginensi, c. 5. qui de modo ordinandi Subdiaconum expressus est.

At de manipulo sic habet disertè illa canonica sanctio; *Subdiaconus cum ordinatur, quia manus impositionem non accipit, patenam de manu Episcopi accipiat vacuam & calicem vacuum: De manu autem Archidiaconi urceolum cum aqua, & mantile & manutergium.* Mantile enim, mappula, manipulus, & phanon vocabula promiscua sunt, apud Rituum Ecclesiasticorum interpretes. Verùm in veteri ordine Romano sub titulo, *Qualiter in Romana Ecclesia Presbyteri, Diaconi, Subdiaconi eligendi sunt,* Episcopus ipse manipulos Subdiaconis tradit, sic enim in fine eorum ordinationis legitur: *Et Episcopus dat eis mappulas dicendo: In vestitione harum mappularum, subnixè te Domine deprecamur, ut hi famuli tui sic operentur in temporali conuersatione, quatenus exemplo piorum patrum, in futuro mereantur perenniter gaudere, Per Dominum &c.* Dicit hodie Episcopus dum immittit manipulum in sinistrum brachium cuilibet Subdiacono: *Accipe manipulum, per quem designatur fructus bonorum operum, in nomine &c.* In degradatione autem Subdiaconi ipsemet Episcopus aufert eius manipulum dicens, *Depone manipulum, quia per fructus bonorum operum quos designat, non expugnasti spirituales insidias inimici.* Sed cum Subdiaconus restituitur, manipulus quoque ei redditur ab Episcopo cum cæteris proprii ordinis insignibus: Rubrica enim præliminaris formulæ de-



gradationis expresse monet ut si restitutio fiat, insignia cuique Clerico detracta, sigillatim & solenniter ei coram altari restituantur, *Et si sit Subdiaconus recuperabit tunicellam & manipulum.*

Regula est generalis, Missalis libri; *Quotiescumque celebrans vitur pluuiali deponit manipulum: Et ubi pluuiale haberi non potest in benedictionibus quæ sunt in altari, celebrans stat sine planeta cum alba & stola.* Ideoque vel non accepto, vel deposito manipulo. *Pluuiali autem vitur in processionibus & benedictionibus quæ sunt in altari. Item in officio Laudum, & Vesperarum quando solenniter dicuntur. Eodem vitur assistens celebranti in Missa Pontificali. Item quando celebrans post Missam defunctorum facit in fine absolutionem.*

*Rubrica generalis Missal. Rom. c. 19.*

*Pontif. Rom. de bened. campanæ.*

Tamen in benedictione campanæ hoc singulare videtur, quod Diaconus paratis omnibus huius ritus adminiculis, accipit amictum, albam, cingulum, manipulum, stolam & dalmaticam &c. At Episcopus paratur amictu, alba, cingulo, stola, pluuiali &c. & mitra simplici, & baculum manu gestat, non assumpto manipulo. Nec solum differt à Diacono, sed & à Presbytero in usu manipuli etiam ad altare; nam in ritu seruando celebrationis Missæ, c. i. expresse dicitur, Manipulum quoque non accipit Episcopus ante stolam, nisi in Missis defunctorum, sed accipit ad altare cum in confessione dicit, indulgentiam, illumque prius osculatur. Quod discrimen non alia ratione inuentum cenleo, quam ad notificandam spectantibus & differentiam ordinum Ecclesiæ, & præminentiam Pontificiæ dignitatis, non tantum super Diaconatum, sed etiam super Presbyteratum, qui ordo \* Episcopali proximè accedit, & ei nullo medio coniunctus est.

\* Accipe hic nomen ordinis, pro gradu Ecclesiasticæ dignitatis, non autem pro characterē Sacerdotij.

In benedictione & impositione primarij lapidis pro Ecclesia ædificanda, Episcopus etsi amictum, albam, cingulum, stolamque accipiat, manipulum tamen non sumit, sed pluuiali semper, super albam & stolam induitur. Item in dedicatione & consecratione Ecclesiæ, (in qua nec manipulum gerit Diaconus) item in Ecclesiæ & Cæmeterij reconciliatione: Item in reconciliatione solenni pœnitentium, quæ fit in Cœna Domini: Nam tum non casulam habet, sed pluuiale gerit violacei coloris. At in perueteri Pontificali MS. Gallicani ritus, quod possideo, præliminaris Rubrica hoc extat tenore: *Feria IV. in capite ieiunij. Omnibus horis decantatis Pontifex induitur alba, stola, manipulo & cappa serica nigra, baculo pastorali & mitra alba simplici &c. cineres benedicit.* In cœna verò Domini, sic habet Rubrica primordialis; *Decantatis omnibus horis usque ad magnam Missam, Pontifex indutus amictu, stola alba, manipulo, cappa serica nigra, baculo pastorali cum mitra alba & simplici eat ad maiorem portam Ecclesiæ Clero processionaliter procedente, & introducat pœnitentes, quemlibet accipiendo per dexteram manum &c.* Mendum tamen irrepsisse videtur in Rubricæ huius seriem; Quid enim conuenientiæ habet cappa nigra cum stola & manipulo candidi coloris? Quamobrem ritus istius graphicè expressa repræsentatio in eodem codice, Pontificem cum Presbyteris assistentibus cappis non atris at splendidis, ea die depingit hac sub effigie.

*Episcopi pœnitentes reconcilians FERIA V. in Cœna Domini vetus figura.*



At in consecratione Chrismatis, oleique Catechumenorum, & infirmorum, Pontifex manipulum habet, quia & casula indutus est, sicut & duodecim Presbyteri ipsi cooperantes in hac insigni actione, Subdiaconus etiam manipulum gerit, librum portans Evangeliorum ante pectus suum, dum Episcopus cum Presbyteris & Diaconis, Subdiaconisque & Acolythis ad mensam solenni apparatu procedit, inter sedem & altare paratam, cui tres ampullæ mystici liquoris consecrandi impositæ sunt. Verum est peculiaris ratio, cur Pontifex Presbyterique, & Diaconi, ac Subdiaconi ferant manipulos in hac solenni actione, sit enim infra Missarum solennia, vnde omnibus suis ornamentis insigniuntur, iisque pretiosis, propter diei solennitatem & actionis ipsius singularem celebritatem, quæ conspicua sic in præsignato vetusto Pontificali Gallicano exhibetur.

*In Pontif. Rom.*

*Consecrationis Chrismatis, & Olei Catechumenorum ac infirmorum, antiqua representatio.*



Cæterum ut ad manipulum redeam, cur in sinistro brachio poni soleat ac debeat: si ratio quaeritur, haud arduum fuerit postulato eiusmodi respondere. Alcuinus, c. Quid significant uestimenta, dicit, *Mappulam sinistra imponi, qua detergantur narium, oculorumque superflui humores, ut mortalitatis nostræ admoneamur, atque vitæ huius tadio affecti, ad æternæ gaudium aspiremus*. Non hinc longè abludunt Amalarius Fortunatus, Alexander Alensis, & S. Bonaventura. Mihi verò plana ratio esse videtur, quòd si in dextera manipulus poneretur, esset Subdiacono ministranti impedimento, nec ita functiones suas ad altare posset expeditè & commodè exercere, puta pallam de calice leuare & reponere, libri folia vertere &c. quæ officia sanè liberius ac facilius dextera manu obeuntur. Addi potest, cum pars sinistra hominis sit illa quæ minus habet de calore & naturali vigore, unde homo non ita lubenter ac bene sinistrâ, ac dextrâ operatur: hac de causa mappulâ operiri & foueri, ut intelligamus humanæ naturæ infirmitatem, eam esse, qua boni omnis operis, imò & cogitationis sumus incapaces, nisi diuinæ gratiæ auxilio adiuuemur. At hac ope nixi, nihil boni esse quod cogitare & explere non valeamus, iuxta illud Apostoli, *Omnia possum in eo qui me confortat &c.*

Sunt qui putent læuam esse dextera nobiliorem, iuxta illud Proverb. 3. *Longitudo dierum in dextera eius, & in sinistra illius diuitiæ & gloria*. Hinc in sacris picturis dexteram Paulo assignari, ut minori, læuam Petro ut maiori, unde mos defluxit ut in Synodali confesso, Apostolicæ Sedis Legati læuam semper teneant, inde vsitata phrasis Synodica; *Ad læuam confidentibus Legatis Apostolicæ Sedis &c.* Verum absolute loquendo sinistra est dextrâ inferior, ut toto sacre Scripturæ contextu, vsûque ipso rerum humanarum satis patet. Quòd igitur Petrus ad læuam pingatur\*, indicio eius humilitatis hoc factum est, iuxta illud Domini, *Qui maior est in vobis, fiat sicut minor*. Ortus est hinc præcipuus Papæ titulus, *seruus seruorum Dei*. Quæ etiam causa est cur Papæ Vicarij, in Synodis non in dextera, sed in sinistra confideant. Nec obstat Prouerbiorum citatus locus; nam longitudo dierum, quæ ponitur in dextera, maius bonum est diuitiis, & euanidâ earum gloriâ quæ in sinistra collocantur. Accedit quòd manipulus ornamenti genus sit, ut euincit Augustinus Eugubinus, lib. contra Vallam de donatione Constantini, num. 45. & elicitur ex edicto ipsius donationis, can. Constantinus, dist. 96. Quare igitur ponitur in sinistro brachio, non in dextro? Apostolum audiamus, *Quæ putamus* (inquit) *ignobilia esse membra corporis, his honorem abundantiorum circumdamus*. 1. Cor. 12. 23. Ponimus igitur manipulum ornatûs gratia in sinistra parte corporis, quæ sanè dextrâ debiliore est, & minùs digna.

Cæterum tempore Lantfranci prælaudati, mos iam olim inoleuerat, ut Monachi albis induti inter diuina præconia, manipulum etiam gestarent. Nam in Cænobiis Monachorum (inquit) etiam Laici (scu fratres Conuersi, vel Oblati) cum albis induuntur, ex antiqua Patrum institutione solent ferre manipulum. Vbi per antiquam Patrum institutionem, ve-

\* De hac Apostolorum pictura differuimus ex professo, in tractatu nondum edito, cui titulus est, *Petrus & Paulus*, lib. 2. c. 4.

Eadem epist.

terum Abbatum constitutionem intelligit: quam tamen nec refert, nec indicat. Quicquid sit, antiquata fuit illa consuetudo in Concilio II. Pictaviensi habito ex Decreto Paschalis II. Papæ, per Ioannem & Benedictum Cardinales anno 1109. sic enim ibi statutum est can. 5. *Vt nemo Monachorum deinceps manipulis utatur, nisi fuerit Subdiaconus ordinatus.*

## CAPVT V.

*De morali & mystica Manipuli significatione.*

T ab ultima significatione exordiamur, qua manipulum pro sudario usurpari, hocque ipso cenferi nomine præmonuimus: audiendus occurrit differens de sensu huius nuncupationis, Amalarius Fortunatus lib. 2. de Ecclesiasticis officiis, c. 24. *Sudarium significat, inquit, studium mundandæ cogitationis, quo naturales & velut ingenuitas, nostras distillationes studemus tergere, siue propter effusionem lacrymarum tergendam fertur sudarium, ut in Martyrologio Bedæ legitur, quod pater noster Arsenius, propter redundationem lacrymarum tergendam, sudarium semper in sinu, vel in manu habuerit. In manu sinistra portatur, ut ostendatur in temporali vita tadium nos pati superflui humoris, hoc est carnales delectationes. Et iterum, Sudarium ad hoc portamus, ut eo detergamus sudorem qui fit ex labore proprii corporis, quod legimus usitatum fuisse circa corpus Christi, unde legitur, & sudarium quod fuit circa caput eius. sudor tadium nostro corpori est, si non esset tadium, non toties tergeretur; habet aliquoties mens tadium, dicente Psalmista, Dormitauit anima mea præ tadio. Tadium in anima, quasi sudor in corpore. Tadium animi aliquando fieri solet ex conscientia peccatorum, aliquando ex accidentibus, ut est omne flagellum quod ab alieno corpore patitur: aliquoties ex infirmitate proprii corporis, quæ infirmitas aliquoties accidere solet ex peccatis. Quando tadium ex infirmitate peccatorum frontem nostræ conscientie tegit, habeamus sudarium ex lino castigatum & mundum, qualia sunt verba Dauid prophete, Cor mundum crea in me Deus, & spiritum rectum innoua in visceribus meis. Et si fuerit infirmitas ex approbatione sicut in Iob, dicamus quod dicit, Sicut Domino placuit ita factum est, sit nomen Domini benedictum. Sic & nos quando hoc tadio afficimur, ne maiore tristitia absorbeamur, in consolationem nostri, quasi quoddam sudarium, exempla sanctorum Patrum ad corroborandam patientiam & detergendum tadium sumamus. Per sudarium intelligimus, mundos affectus & pios in labore. Hactenus Amalarius.*

Mappulæ significationem Alcuinus ad eosdem fermè significatus refert citato haud semel lib. de diuinis officiis, cap. Quid significant vestimenta. Nec ab hoc defleunt prisca cæteri sacrorum rituum interpretes superius notati. Eò redeunt siquidem ferè vniuersi, quò spectauit Ecclesia, dum assumenti Sacerdoti mysticum manipulum, hanc oratiunculam præscripsit, *Merear Domine portare manipulum fletus & doloris, ut cum exultatione percipiam mercedem laboris.* Dicebat Apostolis Do-



minus, *Messis quidem multa, operarij verò pauci*, Luc. 10. 2. quò messis copiosior, eò metentium labor magis excrescit: quòque ij exiliori numero sunt, operis eò grauius euadit pondus, & laborantium augetur æstus. Sudent igitur diuini ministri in mysticæ messis cultura & collectione, iuxta illud propheta, *Euntes ibant & flebant mittentes semina sua*, Ps. 125. at *bonorum laborum gloriosus est fructus*. Sap. 3. 15. Vnde sequitur, *Venientes autem venient cum exultatione, portantes manipulos suos*; quamobrem Isaias Christo pacis principi & patri futuri sæculi gratulabundus occinit, c. 9. *Latabuntur coram te, sicut qui latantur in messe, sicut exultant victores captâ prædâ, quando diuidunt spolia*.

Mappulam idcirco Ecclesia demum in manipulum militarem, ac victorialem corollam vertit. Quapropter hodie non tam luctus, quàm gaudij & gloriæ Sacerdotalis est manipulus indicium, vt plurimum sericeus, imò textura aurea fulgens. Quasi iam datur pro corona, quam Tertullianus pridem nota occasione arrepta scribendi de *corona militis*, non in capite quamdiu hîc viuimus, sed in manu vel brachio gestandam esse pulcherrimè docuit, disputationem tum celebrem hoc initio exorsus, *Proximè facta est liberalitas præstantissimorum Imp̃p. Expungebantur in castris milites laureati; Adhibetur quidem illic magis Dei miles, ceteris constantior fratribus, qui se duobus dominis seruire non posse præsumpserat, solus libero capite, coronamento in manu otioso &c. Tribuno defertur, & persona iam ex ordine accesserat. Statim Tribunus: Cur, inquit, tam diuersus habitu? Negauit ille cum ceteris sibi licere: Causas expostulatus, Christianus sum, respondit. Omilitem in Deo gloriosum! suffragia exinde, & res apud acta, & reus apud Præfectos. Ibidem grauissimas penulas posuit reuelari auspiciatus &c. Et nunc ruffatus sanguine suo &c. totus de Apostolo armatus, & de martyrij candida laurea melius coronatus, donatiuum Christi in carcere expectat. Et versus extremam oram opusculi; Certè &c. uti tu nunc laurea, & myrto, & olea, & illustriore quaque fronde, & quod magis vsui est, centenariis quoque rosis ex horto Mida lectis, & vtrisque liliis, (cruentis scilicet & candidis) & omnibus violis coroneris, etiam gemmis forsitan & auro: Vt & illam Christi coronam æmuleris, quæ postea ei obuinit: quia & fauos post fellâ gustauit; nec antè rex gloriæ à cælestibus salutat est, quàm rex Iudæorum in cruceem proscriptus: minoratus primò à Patre modicum quid citra Angelos, & ita gloria & honore coronatus. Si ob hac caput ei tuum debes, tale si potes eis repende, quale suum pro tuo obtulit: aut nec floribus coroneris, si spinis non potes, quia floribus non potes: Serua Deo rem suam inattaminatam. Ille eam si volet coronabit; imò & vult; denique inuitat; Qui vicerit, inquit, dabo ei coronam vitæ. Eò spectat prorsus illa Sacerdotalis oratio, *Merear Domine portare manipulum fletus & doloris, ut cum exultatione percipiam mercedem laboris*.*

De manipulis animarum, quos Sacerdotes & pastores pro credito sibi diuinitus sanctificationis officio colligere pro virili debent, vt venienti Christo ad iudicium gratum in munus offerant, si præmiorum quæ fidelibus seruis tum retribuet, compotes fieri cupiunt, præclarè ait S. Gregorius hom. 17. in Euangelia, *Ecce, dicit Dominus, negotiamini dum venio: quale ei animarum lucrum de nostra negotiatione (nos*

pastores animarum, Deique ministri ) monstrabimus? quot eius conspectui animarum manipulos de prædicationis nostræ segete illaturi sumus? ponamus ante oculos nostros illum tantæ districtiōis diem, quo iudex veniet &c. Ecce in maiestate terribili inter Angelorum & Archangelorum choros videbitur. Ibi Petrus cum Iudæa conuersa, quam post se trahet, apparebit. Ibi Paulus conuersum, ut ita dixerim, mundum ducens. Ibi Andreas post se Achaïam, ibi Ioannes Asiam, ibi Thomas Indiam in conspectu sui iudicis conuersam ducet, ibi omnes Dominici gregis arietes cum animarum lucris apparebunt. Hæc fratres vobiscum sollicitè cogitate, hæc (animarum studia) & proximis vestris impendite, omnipotenti Deo fructum vos reddere de negotio quod accepistis, parate: Sed ista quæ dicimus, melius apud eum orando, quam loquendo obtinebimus.

Huc collineat sæpè iam laudata Sacerdotis ad sacrificium se præparantis oratio, *Mercear Domine, portare manipulum fletus & doloris, ut cum exultatione percipiam mercedem laboris.* Sic suos manipulos sancti Pontifices & Sacerdotes portauerunt, & post fletus & dolores huius vitæ mercedem laboris cum æterno gaudio susceperunt. Ita superiori sæculo alter ille Ambrosius Mediolanensis sanctus Carolus Borromæus suum pertulit manipulum, quem ingenti munere pietatis dono ad se missum Canonici Aurelianenses, Sede vacante, omni cum honore susceperunt ipso anno celebris in ea vrbe Iubilæi, scilicet 1600. quemadmodum qui huius nobilis Ecclesiæ Decanus tunc erat memoriæ prodidit, lib. 16. Annalium ipsius Ecclesiæ Aurelianensis, Carolus Sausseius his planè verbis. Eodem anno & sequentibus, reliquæ multe Sanctorum nobis (antè, sacris pignoribus ab hæreticis Calvinistis ferè penitus spoliatis) transmissæ sunt donis singularibus, ex Rhemensis primùm Ecclesiæ, deinde ex Sueffionensi, Beluacensi, & aliis: Tum ex Monasterio de Aliouillari de carne sanctæ Helenæ; Tandem ex Cænobio sancti Trudonis in Hasbania os nobilissimum è brachio sancti Eucherij Episcopi Aurelianensis: Et ex Ecclesiæ Mediolanensi particula carnis & MANIPVLVS VIRIDIS COLORIS sancti Caroli Cardinalis Borromæi Archiepiscopi Mediolanensis. quæ & pretiosis inclusæ sunt thecis, & suo ordine enumerantur in Codicibus Aurelianensis Ecclesiæ. Hactenus Sausseius, vir sanè pius: qui deinde factus Parisiensis canonicus, & S. Iacobi à Carnificeria Pastor, ab eadem Ecclesiæ Mediolanensi, Stolum ipsius sancti Caroli obtinuit, quam summa celebritate collocauit in sua S. Iacobi Ecclesiæ, perpetua veneratione colendam.

Hic verò mihi memoria excidere non patior Caroli Cardinalis à Lotharingia toto orbe illustrissimi, symbolicum numisma, hac excusum specie\*.

Extat extypon in Gallia Metallica vol. 1.

Quo emblemate pius, prudensque Princeps insinuare voluit, Sacerdotij Christiani formidabilem fidei inimicis vigorem: gladium siquidem igneum & versatilem, esse Dei verbum; brachium manipulo instructum, signaculo crucis insigne, Sacerdotalem designare auctorita-



tem : qua hostium Ecclesiæ impietas comprimitur , diuinæque lex vindicatur & gloria. Allusisse etiam videtur ad Cherubim , quem olim posuit Deus in aditu horti Eden ad custodiendum lignum vitæ , cum gladio flammeo & versatili , quo feriret temerè insipientes. Nec mysterio vacat quod Angeli , haud alij , quàm ex hoc ordine , fuerint huic officio præfecti : Cherubim enim vigilantissimi sunt & perspicacissimi , vnde à scientia vocabulum sortiuntur , quia sunt vindices omnis scientiæ Dei quam Adam temerè concupierat ; scientia porro est dos propria sacerdotis , iuxta illud Malach. 2. *Labia Sacerdotis custodient scientiam , & populi requirent legem de ore eius , Angelus enim Domini exercituum est.* Quamobrem Dominus vñ dicit Pharisæis *quia abstulerant clauem scientiæ.* Atque hæc de manipulo Ecclesiastico , satis pro instituto esse possunt , cum vix plura inter scrutandum priscos auctores , datum mihi fuerit reperire.





PRIMÆ PARTIS  
**PANOPLIÆ**  
**SACERDOTALIS**  
 LIBER V.  
 DE STOLA SACRA.

CAPVT PRIMVM.

*Quid Stola apud veteres; & quibus iam olim eiusdem  
 vsus competebat?*



**I**N sacris litteris varia est nominis stolæ acceptio. 1. enim sumitur pro omni veste, Isaia 63. 1. *Iste formosus in stola sua*, id est in habitu suo, & incessu. 2. pro tunica muliebri, Iudith. 16. 10. *accepit stolam nouam, ad decipiendum illum*. 3. etiam pro veste virili, eaque vulgari, Genes. 45. 21. Ioseph iussit singulis (fratribus suis) *proferri stolas binas*. 4. pro habitu sacro, & tunica Sacerdotali, 3. Esdr. 4. 54. Darius sacram stolam iussit dari omnibus Sacerdotibus, qui præcedunt, vt in ea deseruirent, & cap. 5. 45. *dedit stolas Sacerdotales centum*. Et cap. 7. 9. *Steterunt Sacerdotes & Leuitæ amicti stolis, per tribus*. 2. Machab. 3. 15. *Sacerdotes ante altare cum stolis Sacerdotalibus &c. inuocabant de cælo Deum*. 1. Machab. 10. 12. *Induit se ( summus Sacerdos ) Ionathas, stola sancta &c.*

Apud sæculi auctores, etiam aliquando stola sumitur pro omni veste, siquidem, teste Nonio, veteres sumebant stolam pro omni quod corpus tegeret: aliquando etiam pro veste virili; apud Ciceronem Philippica 2. *Sumpisti virilem togam, quam statim stolam reddidisti*. Eodem planè sensu apud Petronium: *Quid ille alter, qui die togæ virilis, stolam tanquam togam assumpsit*. Certè Quintiliani æuo eodémque teste, non ultra medium crus togæ porrectæ erant: Inde iam ætate Ciceronis profusæ ad modum stolæ, ad talos vsque cæperunt produci, vnde ipse ait Tullius, *Togam statim stolam reddidisti*; stola enim semper fuit talaris, nec aliud erat, quàm salaris tunica; Quæ matronarum (vt notat Isi-



# 74 PANOPLIÆ SACERDOTALIS PARS I.

dorus l. 1. Orig. c. 25. ) proprium insigne & operimentum fuit. Tertul-  
 lianus de pallio c. 4. *Matrona sine stola in publico*; Adeo ut etiam apud  
 Ethnicos, impudicæ mulieris ( prout laxati sine vitta crines ) tunica  
 brevis indicium fuerit, quò spectans Tibul. eleg. 6.

*Quamuis non vitta ligatos*

*Impediat crines, nec stola longa pedes.*

Matronæ siquidem & mulieres quævis honestæ, stola ad imos pedes  
 demissa utebantur, cuius imam partem insita assuta ambiebat. Fuit  
 etiam vestis Sacerdotalis; Nam linea vestis, id est tunica talaris, li-  
 nea utriusque stola, vestis erat sacrificantium. Cœpit mos hic apud Ægy-  
 ptios, sed subinde ubique viguit: hinc sacrificatorum cœtus apud  
 Poëtas, *Linigera turba*, & *liniger grex*, dici solet; & apud Suetonium,  
 lineus dicitur amictus Isiacorum.

## CAPVT II.

*Iuonis Carnotensis, de Stola, sententia excutitur, afferentis  
 hunc ornatum non fuisse in usu apud prisca  
 legis Sacerdotes.*



**V** T V N T V R & stola, (ait Iuo præfatus, de rebus Eccle-  
 siast.) quæ alio nomine orarium vocatur, quæ vetus Sacerdo-  
 tium non utebatur. Verùm hæc assertio reuinci videtur  
 perspicuis Scripturæ sacre auctoritatibus, quibus aper-  
 ta fit mentio stolæ Sacerdotalis apud Hebræos; Præ-  
 ter enim loca superiori capite ex 1. Machab. 10. 21. &  
 2. 3. 15. signata, necnon 3. Esdræ 4. 54. 5. 45. 7. 9. extant alia perspicua  
 Eccles. 45. 9. siquidem legimus: *Excelsum fecit Aaron fratrem eius* (scili-  
 cet Moyse) & similem sibi de tribu Leui: & statuit ei testamentum æternum,  
 & dedit illi Sacerdotium gentis, & beatificauit illum in gloria &c. induit eum  
 stolam gloriæ, & coronauit eum in vasis virtutis. Et c. 50. v. 11. de Simone  
 Oniæ filio, summo Sacerdote, *Quasi olua pullulans & cypressus in alti-  
 tudinem se extollens, in accipiendo ipsum stolam gloriæ, & vestiiri illum in con-  
 summationem virtutis.*

Verùm sententiæ Iuonis istæ auctoritates neutiquam aduersantur:  
 his siquidem in Scripturæ locis manifestè stola sumitur pro tunica,  
 vel lineâ, vel hyacinthina, quæ à Deo decoratum fuisse antiquæ le-  
 gis Pontificem omnis Scriptura testatur. Cæterum ipso adducto lo-  
 co ex c. 45. Ecclesiastici id fit quàm perspicuum: ea enim serie sacer-  
 contextus habet; *Circum pedes & femoralia & humerale posuit ei: & cinxit  
 eum tintinabulis aureis plurimis in gyro: dare sonitum in incessu suo, audire  
 facere sonitum in templo, in memoriam filiis gentis sue, stolam sanctam auro &  
 hyacintho & purpura, opus textile &c.*

Sicque intelligi posse videtur quæ de stola S. Iacobi Apostoli E-  
 piscopi Hierosolymæ primi, Ecclesiastica produnt monimenta, in  
 VIII. Synodi primordiis, actione scilicet 1. epistola legitur synodica,  
 itidemque munifica Theodosij Patriarchæ sanctæ ciuitatis ad Igna-

rium regis vrbis Primarcham, ( extat apud Binium Tom. 3. Concil. p. 1. pag. 612. & 613. ) qua sibi eius conciliandæ beneuolentiæ affectu, dono ei pretioso mittit Pontificalem stolam S. Iacobi Apostoli, & fratris Domini &c. Stola enim ista nihil aliud fuisse videtur quàm poderis seu tunica linea talaris, qua vsum fuisse semper Beatum ipsum Apostolum S. Hieronymus refert ex Hegesippo, vicino ( vt ait in Catalogo c. 4. ) *Apostolicorum temporum* in hunc modum; *Hic de utero matris sanctus fuit, vinum & siceram non bibit, carnem nullam comedit: nunquam attonsus est, nec unctus unguento, nec usus balneo: huic soli licitum erat ingredi Sancta Sanctorum; siquidem vestibus laneis non utebatur, sed lineis, solusque ingrediebatur templum.* De hac stola S. Iacobi ab eius successoribus sanctæ Ciuitatis Hierarchis gestari solita, pleraque alia notatu digna signauimus lib. 6. Panopliæ Episcopalis c. 3. At verò si hæc stola fuit poderis, planum est nihil habuisse affinitatis cum stola nostra Sacerdotali, quæ, vt constat, differt omninò à linea tunica talari.

## CAPVT III.

*An stola nostra, qua distincta vestis est à podere seu tunica linea talari, fuerit in usu ab ipsa Apostolorum ætate?*

**P**LERISQUE doctis superfluum fortassis videbitur, hac de re mouere quæstionem, cum persuasum habeant Apostolis, nec Apostolicis viris vestes illas sacras, mysticosque ornatus fuisse in usu, qui à posterioribus tantum sæculis vsurpari ab altaris ministris demum consueuerunt. Præcinit huic cœtui Honorius Augustodunensis in Gemma animæ, seu lib. 1. de antiquo Missæ ritu, cap. 89. vbi ait, *Apostolos & eorum successores in quotidianis vestibus & ligneis calicibus, Missas celebrauissè &c.* Si enim in vulgaribus indumentis Apostoli, eorumque successores rem diuinam celebrabant; hinc certè fit consecrarium, neque stola, neque podere, neque tunica Sacerdotali, vllòve insignes ornatu sacris eosdem ( quin & proximos eorum successores ) operatos. Verum in Panoplia nostra Episcopali lib. 6. c. 3. hanc Honorij sententiam procul à vero esse ostendimus constantibus testimoniis Hegesippi, Eusebij Cæsariensis, & S. Epiphaniij, ac beati Hieronymi: imò ipsius Honorij confessione, qui subsequenter ait; *Sed Clemens tradente Petro Apostolo vsum sacrarum vestium ex lege sumpsit, & Stephanus Papa in sacris vestibus Missas celebrari constituit.* Sed si Petrus vsum sacrarum vestium in diuina actione tradidit, Clemens verò eius ex institutione, sacra vestimenta gestari à diuinis ministris in tremenda actione docuit ac detreuit: Quomodo prius Honorij effatum verum esse potest? videlicet quòd Apostoli & eorum successores Missas in ordinariis vestibus celebrarint: An Petrus Apostolus non erat, qui & ipse eorum erat

apex? vel tradebat Petrus quod ipse non seruabat? aut solus morem inuexit, quem cæteri Apostoli nescirent aut spernerent: ipse verò non seruabat? vel Clemens eius successor non fuit? imò discipulus & præcipuus cooperarius. Quis verò est Ecclesiasticæ historiæ tantisper sciens, qui ignoret Stephanum Papam & martyrem non instituisse ut Sacerdotes in vestitu sacro Missas peragerent: at dumtaxat vetuisse, ne extra diuinum officium & loca sacra, mysticis vestibis vterentur? disertis sanè id verbis testantur Luitprandus Ticinensis in lib. de vitis Pontificum, Damasus seu Anastasius de viris eorundem, in ipso Stephano: hocque ipsum Romana Ecclesia patenter testatur in eiusdem Pontificis & Martyris officio die Aug. 2. Lect. 2.

Porro vestigia pleraque etiamnum supersunt in Ecclesiasticis monumentis, sacra stola gestata, ipso Apostolorum & Apostolicorum virorum æuo. Superiori capite meminimus stolæ S. Iacobi fratris Domini, & sanctæ ciuitatis primi Episcopi, cum aliis eius sacris indumentis pretioso dono transmissæ, à Theodosio Hierosolymorum Patriarcha ad S. Ignatium Constantinopolitanum Antistitem. Quamuis enim quibusdam videri posse præmonuerimus, stolam sumi pro tunica linea, qua semper vsus memoratur ipse S. Apostolus; nihilominus verba ipsa Synodicæ Theodosij ad Ignatium apertè euincunt, stolam istam fuisse rem distinctam à tunica illa linea, seu podere Sacerdotali, quandoquidem vtriusque in illis litteris propria fit mentio; in hunc enim modum loquitur Theodosius ad Ignatium scribens: *Interea sperans, penes sacratissimam & solertissimam affectionem tuam impetrare quæ cordi sunt: Poderem (en tunica talaris linea) & superhumerales cum mitra, Pontificalem stolam S. Iacobi Apostoli & fratris Domini, primi Archiepiscoporum, (huius Ecclesiæ) qua antecessores mei Patriarchæ circumamicti semper in Sancta Sanctorum ingrediebantur, qua & ego indutus sum eandem gerens, tuo desiderabili & honorando mihi capiti, ex amore & dilectionis copia transmissi, quatenus sanctifica suauitate & tactu sanctissimorum locorum, utpote dignus perfruaris.* Hactenus Theodosius.

Stolæ quoque S. Stephani Hierosolymæ primi Archidiaconi & protomartyris, à Macario Hierosolymorum Episcopo datæ S. Helenæ, & ab ea transmissæ Vefuntionem ad B. Hilarium, specialem observationem consignauimus in Martyrologio Gallix 3. Nonas Augusti, ex monumentis Ecclesiæ Vefuntionensis: plura in commentariis eiusdem diei, fauente Deo dicturi. Tamen hîc nodus hæreat, quandoquidem dubium semper subsit, num sacrum huiusmodi pignus fuerit stola, vel tunica linea talaris: cùm hæc sit vestis, illa verò fascia quædam, seu plagula, super tunicam lineam, seu albam iniecta, à collo ad pectus, hincque ad genua vsque defluens, pari textura, ac planeta, seu casula cui subiuncta hæret, confecta. Verus MS. Codex à Chiffletio citatus part. 2. suæ Vefuntionis n. 5. p. 35. & 38. hoc sacrum B. Stephani spoliū designat dalmaticæ nomine: quæ sanè in sacris vix esse cœperat in vsu, Apostolorum sæculo, quo S. Stephanus effulsit: Melius igitur datum S. Helenæ à Macario pium munus,

scilicet B. Stephani indumentum seu ornatus, de stola vel tunica intelligi debet; quæ si promiscuè accipiendæ sunt, vel distinctè, prorsus est incompertum. Meminit certe Eusebius Cæsariensis stolæ Sacerdotalis ab Episcopis gestatæ in Synodo Tyriensi lib. 10. hist. Ecclesiæ. 3. quo recitat panegyrim dictam Paulino Episcopo Tyriensi, & eius Coepiscopis in Encæniis templi ab eo extructi, & quidem distinctæ à podere, seu linea tunica talari: Sic enim eos pius Encomiastes compellat atque affatur, *Amici Dei & Sacerdotes, qui sacrosancto indumento podere cælesti, gloriæ corona, & diuino chrismate, denique Sacerdotali Spiritus sancti stola decorati estis.* Sed verò extra omne dubium non est, an hæc spirituali analogia quadam, vel litterali sensu ab auctore dicta fuerint, nec ne? Propriè tamen sine tropo hæc ipsa pronunciata esse probabilius censui, Panopl. Episcop. lib. 1. cap. 3. pag. 38. & 39. quam in promptu quisque perlegere potest.

## CAPUT IV.

## De forma stola vsualis apud Veteres.



**S**TOLA, quæ primario vsu fuit propria matronarum vestis, haud aliud erat quàm tunica talaris, seu vestis ab humeris antè & retrò ad pedes vsque profusa. Terentius Varro lib. 7. de lingua Latina, togam & tunicam tribuit viro, pallium & stolam mulieri. Huc spectat Vlpianus lib. 23. de aur. & arg. leg. *Muliebria vestimenta sunt, inquit, quæ matrisfamilie causa sunt comparata, quibus vir non facîle vti potest, sine vituperatione, veluti stola.* Succenset huic quocirca non immeritò Martialis, qui honestum eiusmodi habitum, ut pote matronarum proprium, impudicis concedebat mulieribus:

*Quis Floralia vestit, & stolatum  
Permittit meretricibus pudorem?*


Collineat celebre illud Tertulliani dictum lib. de pallio: *Habes quod Cecina Senerus, grauiter senatui impressit, matrona sine stola in publico.* Quia propudiosum erat videre mulierem prodire in publicum sine talari veste, quæ totum corpus tegeret antè & retrò, ab humeris demissa vsque ad imos pedes. Hanc sic describit Isidorus Orig. lib. 19. c. 25. *Stola matronale operimentum, cooperto quod capite, & scapula à dextro latere in laeuum humerum mittitur. Stola autem Græcè vocatur quòd superemittatur:* Dicitur stola à voce *σολή*, quæ Græcis à *τίλλομαι*, id est induo, deducitur, totum enim inuestit corpus, honestoque decorat ornatu; quamobrem apud veteres passim stolatus sumebatur pro honesto; nec alia de causa attributa matronis hæc vestis, quàm eo quòd honestatis & pudoris muliebris insigne erat, siquidem demissa erat vsque ad talos, & institâ ad oram ornata; de institâ eiusmodi Horatius 1. ser. satyr. 2.

*Quarum subsutâ talos tegit institâ veste,  
imam enim partem institâ seu fascia assuta ambiebat.*



## CAPVT V.

*De forma Stola sacra; & an idem sit ornatus cum Orario?  
Deque duplici genere Orarij, ac Stola.*



**S**TOLA est apud auctores Ecclesiasticos, sacra vestis, longa, non lata, à collo demissa, & ad anteriora descendens usque infra genua sacri mystæ diuino ministerio defungentis. Huius ornatus hoc nomine rituum sacrorum prisci interpretes expressim meminerunt, Alcuinus de diuinis officiis cap. Quid significant vestimenta: Amalarius Fortunatus, de Ecclesiasticis officiis lib. 2. c. 20. inscripto de Stola; Rhabanus Maurus lib. de ord. Antiphonarij c. 19. Rupertus de diuinis officiis lib. 1. c. 21. Iuo Carnotensis serm. de significatione indumentorum Sacerdotalium: Hugo Victorinus de Sacram. part. 4. lib. 2. cap. 4. Innocentius III. lib. 1. Mysteriorum Missæ cap. 54. & alij recentiores.

Sunt qui velint stolam olim fuisse Sacerdotum vestem, quæ cotpus tegeret: desuisse verò esse in vsu, cum alba deferri cœpit: hinc Durandus Rationalis lib. 3. c. 5. ait, *stolam mutatam esse in torquem*, hoc est in eam formam, qua hodie Sacerdotes vbique vtuntur.

Idem esse stolam quod orarium expressè censet Alcuinus, loco præsignato; *Sequitur, inquit, orarium, id est stola*; ita & Rhabanus lib. de ordine Antiphonarij c. 19. inscripto *de orario, id est stola*: sic & Honorius Augustodunensis lib. 1. de Missæ antiquo ritu, c. 204. *Deinde circumdat, ait, collum suum stola, quæ & orarium dicitur*; Eaque ferme communis est auctorum etiam posteriorum sententia: Quæ tamen difficultate non caret, si accuratiùs examinetur. Etenim orarium non fuisse videtur ornatum Sacerdotalem, sed vestem vsualem, tam Sacerdotum, quàm Clericorum inferiorum. Durus est sanè Canonis Triburiensis contextus, relatus 17. q. 4. c. 25. (Refertur etiam à Burchardo lib. 6. c. 10. cum hac annotatiuncula in margine: *Ex Concilio Triburiensi, cui interfuit Rex Arnulphus: anno scilicet 895. Formoso Papa sedente*) *Vt Presbyteri non vadant, nisi stola aut orario induti*: hîc enim videtur stola ab orario distingui, & stolam nec orarium induci pro sacro ornatu, sed triuiali veste: Cùm antiquo decreto Stephani Pape & Martyris vetitum sit Sacerdotibus vestes sacras, proinde & stolam extra sacra deferre: *Vestimenta Ecclesiastica, ait, quibus Domino ministratur, cultusque diuinus omni cum honorificentia & honestate à Sacerdotibus, reliquisque Ecclesiæ ministris celebratur, & sacra debent esse & honesta: Quibus aliis in vsibus, cum Deo eiusque seruitio consecrata sint, nemo debet frui, quàm in Ecclesiasticis & Deo dignis officiis, quæ neque ab aliis debent contingi, nisi à sacratis hominibus.* Et habetur in c. *Vestimenta*, de consec. dist. 1. Breuiùs idem refert decretum ex antiquis monumentis Damasus in

Pontificali tit. 24. *Hic constituit, inquit, Sacerdotes & Leuitas ut vestes sacras \* in usu quotidiano non uti, nisi in Ecclesia tantum.* Concinius Luitprandus scribit Ticinensis in opusculo de vitis Rom. Pontif. cap. 24. *Constituit ne Sacerdotes & Leuita vestimentis Ecclesiasticis in aliis vsibus uterentur, quàm Ecclesiasticis officiis.* Sic & recitat Ecclesia Romana in natali officio eiusdem S. Stephani die 2. Augusti lect. 2. & quotquot scriptores eiusdem statuti meminerunt.

\* Phrasis incongrua, vel locus corruptus.

Vel igitur errauit Triburiensis Synodus, sanciens vbique & semper Sacerdotes stolam aut orarium gerere: aut stolam & orarium ab eo Concilio non accipi pro ornatu sacro, vel veste, perspicuum est. Certe Concilium Moguntiacum diu ante hoc Triburiense, scilicet anno 813. celebratum iubet c. 28. ut Presbyteri assidue utantur orariis, ita enim statuit: *Presbyteri sine intermissione utantur orariis, propter differentiam Sacerdotij dignitatis; Quibus verbis idem decernere videtur, quod Concilium Triburiense præcitatum.* At conciliandæ huic antinomix confert nonnihil luminis canon, *Nullus*, editus in Quinisexta synodo, quam Gratianus perperam pro sexta assumit, & inscribit 21. q. 4. c. 2. qui sic habet, *Nullus eorum qui connumerantur in Clero, vestimentum indecens habeat, siue in ciuitate degens, siue in itinere ambulans, sed stolis utantur quæ concessæ sunt Clericis &c.* Vbi Glossa *stolis*, id est veste talari, superpelliceo, vel cappa. Ex quo liquet præter sacram stolam, aut orarium, quo utebantur Sacerdotes & Diaconi in sacrificio: tam his, quàm cæteris Clericis fuisse priuati indumenti genus, quod extra sacra gerebant, communi viris Ecclesiasticis usu; quem canones prænotati commendant nomine stolæ & orarij. Intelligendum igitur esse canonem Triburiensem de triuali stola & orario, id est talari & honesto habitu externo, quem solebant Clerici proferre priuato incessu, in vulgus priuatimque prodeuntes, quemadmodum ex canone præsignato Trullani Concilij fit perspectum. In hunc verò sensum reor non posse Moguntiacum canonem inflecti: propter hanc eius clausulam scilicet, *ob differentiam Sacerdotij dignitatis; Talaris enim vestis omnibus Clericis communis erat; quamobrem ex eius gestatione dignosci non poterat Sacerdos à Clerico minore, vel etiam Diacono, aut Subdiacono.* Igitur de stola sacra seu orario canon iste accipiendus est; quem tamen non est quòd quis causetur decreto Stephani Papæ & Martyris aduersari de non gerendis extra sacra vestibus mysticis; quandoquidem verba eiusmodi, *Presbyteri sine intermissione utantur orariis*, intelligi debent in sacrificio, eo pacto videlicet ut nunquam diuinum mysterium celebrent sine orario sacro, id est stola illa mystica, de qua semper in diuina actione gerenda à Sacerdote, canones nonnulli in synodis antiquis editi sunt.

Verustissimum Concilium Laodicenum, quod sub Siluestro Papa & Constantino Magno confedit, c. 23. prohibet minoribus Clericis stolam, seu orarium perferre, *Quoniam non oportet Lectores, aut Psaltes, orario uti, & sic legere aut psallere.* Imò nec Subdiacono licet, cum & ipsi Diacono idem prohibeatur superiori canone (can. 22.) *Ministrum*

*non oportet orario uti: eo scilicet modo, quo illud gerit Sacerdos, scilicet ab utroque humero pendens & recta linea à pectore ad genua usque productum: siquidem Diaconus eo quod Euangelium in Ecclesia recitat, orario utitur, sed alio ritu, quem hunc in modum describit Toletana IV. synodus, Vnum orarium oportet leuitam gestare in sinistro humero, propterea quod orat, id est predicat: dextram autem partem oportet habere liberam, ut expeditius ad ministerium Sacerdotale discurrat. At Sacerdos honorificentiori modo hunc ipsum ornatum gerit, quemadmodum statutum vel testatum potius legimus in Concilio III. Bracarensi c. 3. hac verborum serie, Vt sacrificium oblaturus, aut sacramentum corporis & sanguinis D. N. Jesu Christi sumpturus, non aliter accedat, quam orario utroque humero circumseptus, ita ut de uno eodemque orario, cervicem pariter & utrumque humerum premens, signum in suo pectore præparet crucis; cuius nimirum memoriale est Eucharistiæ sacrificium. Episcopus verò stolam seu orarium aliter ac Sacerdos simplex gestare solet, non scilicet cancellatum ante pectus, sed rectà ab utroque humero defluens in genua; Enimvero encolpium, seu pectoralem crucem à collo super pectus pendentem defert, ut opus ei non sit orarium inflectere in modum crucis, prout decussatum gerit simplex Sacerdos. Hinc in Pontificali Romano sub titulo de consecratione electi in Episcopum: Cum procedit consecrandus signatim cauetur, ut stolam ferat (non in modum Episcopi cum nondum sit ordinatus, sed) in modum Sacerdotis. Post editam verò professionem fidei, Missamque inceptam & productam usque ad finem Gradualis, ita præceptum legitur; Episcopi assistentes ducunt electum ad capellam suam, & ibi deposito pluiali, Acolythi induunt illum sandalia ipso psalmos & orationes legente consuetas, si prius illa non accepit; Tum accipit crucem pectoralem, & stola ei aptatur, ut ab humeris dependeat.*

Competit igitur Diacono, Presbytero, & Episcopo, stola sacra, seu orarium, proprio cuique modo gestandum. hinc est quòd dum horum ordinum priuilegio exuuntur, videlicet degradatione solenni summoventur ab ordine, hoc ornatu priuantur celebri exauktionis ritu.

De Diacono exuendo tam insigni, quam priuilegio ordinis hunc in modum habet Pontificale Romanum; *Ablata dalmatica Pontifex degradator amouet degradando stolam de humeris, proiciens eam post tergum, dicens; stolam candidam quam acceperas immaculatam in conspectu Domini perferendam, quia non sic cognito mysterio, exemplum conuersationis tuæ fidelibus præbuiisti, ut plebs dicata Christi nomine posset exinde imitationem acquirere, iuste à te amouemus, omne Diaconatus officium tibi prohibentis.*

Quando verò eam amouet à Presbytero, Pontifex degradator dicit; *Signum Domini per hanc stolam turpius abiecasti, ideoque ipsam à te amouemus, quem inhabilem reddimus ad omne Sacerdotale officium exercendum.*

In degradatione Episcopi, nihil de auferenda stola præscribitur, quia stola tam Episcopo, quam Presbytero communis est, nec confertur

fertur Episcopo ordinando propriè vt specialis ornatus, at dumtaxat mitra, Euangelium, annulus, baculus, chirothecæ, quæ res ideo ipsi auferuntur, cùm suo deiicitur gradu, hoc est apice Pontificali. At postea, stola & reliquis sacris vestibus exuitur, cùm abdicatur ipso Sacerdotio, & cæteris ordinibus gradatim. Verùm quando sua dignitate, Antistes, aliquâ iniuriâ spoliatus, restituitur in decus pristinum, signatim reddendam ei stolam seu orarium; similiter Presbytero, consequenter & Diacono, promulgatum legitur his verbis in Concilio IV. Toletano, can. 27. *Episcopus, Presbyter, aut Diaconus à gradu suo iniuste deiectus, si in sancta synodo innocens inueniatur, gradus amissos recipiat coram altari, de manibus Episcoporum: si Episcopus est, orarium, annulum, & baculum: si Presbyter, orarium & planetam: si Diaconus, orarium & albam &c.*

## CAPVT VI.

*De nomine Orarij.*

**A**B orando dictum, sunt qui arbitrentur, non obscuri nominis rituum sacrorum interpretes; quos suprâ speciali nomenclatura designauimus. Quam sententiam à Concilio IV. Toletano mutuati videntur, in quo sic legitur definitum, c. 59. *Vnum orarium oportet Leuitam gestare in sinistro humero, propterea quod orat, id est prædicat.* Vnde rituales auctores eliciunt orarium sic esse dictum, quòd concessum sit oratoribus seu prædicatoribus Euangelij.

Nimius forem si singulorum hac de re verba, continua isthic serie irem retextum, maximè cùm infrâ opportuniore loco, ratio ista debeat expendi, scilicet vbi de stolæ sacræ seu orarij mystico, aut morali significato, ex Ecclesiasticorum auctorum scitis differendum erit. Verùm isto loco etymologiæ signatæ rationem habere ratam nequeo. Malè siquidem exscriptum fuisse orarium arbitror, potiusque scribendum fuisse reor *aurarium*, quòd scilicet iste ornatus sacer non stola lanea, non tunica linea: sed ornatus sit Sacerdotum insignis, fulgidusque, vtpote aureus, stamine scilicet contextus pretioso ac specioso, quo vti Diacono non licet, vt constat ex can. 39. præfati Concil. IV. Tolet. sic sancientis, *Caucan tergo Leuita, gemino vti orario, sed vno tantum & puro, nec ullis coloribus, aut auro ornato.* Quòd enim Diaconus non sit in ordine principante, (vt ait doctus Espenceus) sed dumtaxat in ordine ministrante, splendido adeò ornatu ipsum insigniri non decebat. Aurarium igitur dici debet eiusmodi ornamentum, seu ornatum aureum: vnde apud Burchardum, lib. 6. c. Presbyter; dicitur *stola oraria*, seu potius *aurea*; Qualis ea erat, quam tempore famis, Cyrillus Hierosolymitanus pretio distraxit, vt egenorum inopiæ subueniret. Quod ei piaculo Ariani vertentes, inter accusationis capita, ob quæ illum abdicarunt Episcopatu, connumerarunt. Rem gestam paucis, sed lucidis verbis Theodoretus, lib. 2. c. 27.



hist. Eccles. denarrat; quam Socrates & Sozomenus obiter referendo, arctius quàm par sit perstrinxerunt. Sed precipuam (inquit) indignationem mouit composita de Cyrillo fabula; nam cum laudatissimus Rex Constantinus in honorem Hierosolymitanae Ecclesiae, dedisset Macario Episcopo in urbe illa vestem sacram, qua insignitus ministerio sacri baptismatis fungeretur; hæc fuerat pretiosa contexta auro, vendidisse eam Cyrillum memorabant, mercatumque eam quendam Cantatorem scenicum, qui illa indutus, intersaltandum collapsus interierit &c. Sed hoc vltimum, vt rectè notat Theodoretus, fabula erat; siquidem Cyrillus tempore egestatis stolam illam pretiosam vendiderat, pio iuuandi dumtaxat miserorum inopiam, affectu; qui emerant fortè abusi sunt ea, at hæc eorum impietas, Cyrilli culpa non fuit. Quòd enim quando vrget summa necessitas, liceat sacra vasa, vestesque ad afflictæ plebis solatium distrahere, res est apud Theologos constantissima: ex quibus videndus Bellarminus lib. 3. de Ecclesia triumphante, c. 6. §. ad quartum, & lib. 2. de Missa, c. 14. tit. de vasis sacris §. sed Calvinus &c. Cæterum stolam esse proprium ministri baptismi ornatum apud Latinos, & ex vsu communi Ecclesiae Occidentalis patet, & ex lege in Rituali Romano præscripta.

Porro apud Græcos mos idem viger; Quando orat Sacerdos pro Catechumenis insignem orario adesse Diaconum, Balsamo testatur: (Vide Euchologium Græcorum recentius editum, p. 110. col. 6.) Multò magis cum baptisantur; Assistit enim Diaconus solenni officio Pontifici vel Sacerdoti baptisanti, vt ex ipso Græcorum Euchologio patet, (Ex Cod. Barberino S. Marci Euchologii, nouæ edit. p. 359.) vbi describitur officium sacri baptismatis. Orarium autem, seu stolam æquè vsu receptam à Græcis ac Latinis, res est à Græcorum rituum interpretibus testatissima; adeo vt etiam de etymologia nominis Orarij philosophentur, contendantque suam hanc esse vocem: Simon Thessalonicensis, vbi præstituit esse potissimum Diaconi ornamentum, inde etiam dictum putat, ὡραρίου καλεῖται διὰ τὸ ὡραῖον τὸ διάκονοι τῇ χερί, ἐν τῇ δόξῃ τοῦ τοῦ καὶ τοῦ Θεοῦ. Orarium vocatur, vt quod Diaconum gratiæ venustate ornet, & gloriæ Dei decore illustrem reddat. At Balsamon orarium inquit, gestare ad solos Diaconos spectat; (scilicet ex inferioribus Sacerdote Clericis) hi enim Sacerdotibus assistentes & sanctarum orationum mysteria, & piorum exclamations obseruantes, eis qui sunt in ambone Diaconis, per orarium significant, quando fieri debeat pronuntiatio seu exclamatio, hoc est tempus protensæ orationis pro Catechumenis reliquisque aliis, & appellatum est, ὡραρίου διὰ τὸ ὡρεῖν, quod est custodio, obseruo.


Verùm Beda Venerabilis, opusc. de septem ordinibus, Orarium ab orando, hoc est precando, existimat originem suam duxisse, Vt bene, inquit, orationibus conueniat Orarium, tanquam conueniens vestimentum officio; nec enim assumi debet à sacris ministris, nisi solennis orationis tempore. Arcudius de concordia Ecclesiae Occidentalis & Orientalis in septem Sacramentorum administratione, lib. 6. c. 10. paulò ante finem, rationem assignans, cur stola Diaconi orarium nuncupetur: Quòd Diaconus, inquit, acceptâ extremitate stolæ tribus digitis, inuitat populum

\*Vide Eucholog.  
p. 110.

ad orandum, cantores ad psallendum, Pontificem ad incipiendum sacrum: & in summa indicat horas atque ostendit tempus, quo aliquid est faciendum. At Diaconissa nihil tale aggredi poterant. Hactenus ex Græcorum ritu Arcudius.

## CAPVT VII.

De materia Orarij, & eius ab orali Pontificio discrimine.



VI ab ore deducunt orarium, pro fascia linea sumunt, siue linteum volunt esse oblongum, ori tergendum accommodum. Apud Græcos germana hæc videtur significatio; siquidem orarium idem illis sonat ac *οὐροῦ ἐκμαγών*, linteum ori tergendum paratum.

Sed hoc sensu denotari potius manipulum, quàm orarium seu stolam, perspicuum est. Manipulus enim, & mappula, & sudarium dici solet, *Sudarium ad hoc portamus*, (Amalarius ait lib. 2. de Eccles. officiis, c. 24.) *ut eo detergamus sudores, & sordes manuum.* quod & Durandus obseruat, *Sancti Patres*, inquit, *dum sacra tractabant, & Sacramenta conferebant, mappulas & parua mantilia habebant pro manibus tergendis, quin & abstergendis lacrymis, ut ex gestis patet S. Arsenij, de quo venerabilis Beda in Martyrologio 14. Kal. Augusti: Propter copiam, inquit, & affluentiam lacrymarum quas perpetuò effundebat, manipulum seu sudarium semper in sinu & in manu habuisse quo fletum tergeret.*

Orarium sic itaque sumitur, pro linteo ori parato, quo facies abstergitur. Doctissimus Goarius in notis ad Missam S. Ioannis Chrysostomi, auspiciò monet oraria legi in actis S. Cypriani, eius demortui sanguini excipiendò à fratribus apposita, quæ certè nihil aliud erant, quàm linteamina; verùm quænam sunt illa acta non indicat. Orarij certè nomen in actis vulgatis à Pammelio, non occurrit; in actis à S. Augustino & Paulo Diacono visis & citatis, sic tantùm legitur, *Linteamina verò & manualia à fratribus ante eum mittebantur.* Extergendis quas fundebat lacrymis præbita hæc fuisse à piis spectatoribus, Paulus Diaconus in eiusdem B. Martyris passione disertè scribit; *Oravit cum lacrymis*, inquit, *& à fratribus linteamina offerebantur, unde oculos sibi tergebat.*

Sed Cardinalis Bellarmini verba insignia huc percommode referri possunt: *Id habet* (inquit lib. 1. de Sanctorum beatitudine, c. 11.) *præxist Ecclesie, mox ac Martyres defuncti erant, currebant fideles ad reliquias rapiendas &c. Certatim etiam adhibuisse fideles vascula & linteamina colligendo Martyrum pretioso cruori, testis est Aurelius Prudentius in lib. de Coronis.* Sed pro linteis eiusmodi sumi apud Prudentium vel quosvis præfatos auctores, Orarium non reperio.

Verum est in Concilio I. Bracarenfi, can. 9. sancitum esse, *orarium ut habeat Subdiaconus, sed Diaconus infra tunicam id absconditum habeat; Subdiaconus superposito scapula orario utatur.* Cùm enim antiquiori lege, de-

creto scilicet vetustissimi Concilij Laodicensi prohibitum sit, orarium seu stolam ab alio infra Presbyterum, quàm Diacono geri: neque potuerit Bracarense Concilium, quod prouinciale tantum fuit, tantæ auctoritatis Concilij ac fuit Laodicenum, canones rescindere: absurdum videtur ut ius orarij Bracarensis synodus Subdiaconis concesserit, quod Laodicenum Concilium ad eos spectare non posse edixerat, imò vniuersalis Ecclesiæ praxis, semper huc vsque denegauerat, hætenusque nusquam concessit, at constanter interdixit.

Dici posset hîc orarium sumi pro sudario seu manipulo, qui tam Subdiacono, quàm Diacono est vsu communis; sed repugnat textus canonis statuentis, *ut Subdiaconus superposito scapulae orario utatur*: Manipulus enim non imponitur scapulæ, sed brachio sinistro. Satiùs igitur fuerit respondere, orarium hîc non poni pro sacro, sed triuali, quemadmodum à Concilio Triburiensi usurpatum est, sicut fuit supra à nobis expositum, quin & euictum.

Hinc in rectam ut lineam redeamus: Orarium sacrum, seu stolam mysticam, quidam (ut præsignauimus) volunt nihil aliud esse, quàm fasciam lineam, seu linteum oblongum ori tergendum accommodum; qua persuasionem confundunt orarium cum sudario, seu stolam cum manipulo; sed abs re, ut patet ex dictis. At palam linostimam qua Siluester memoratur iussisse Diaconos uti ad læuam, nihil aliud esse aiunt, quàm orarium, quod lineum ideo fuisse volunt. Verùm nec inde quod prætendunt consequuntur; distinguendum enim iterum est de orario. Onuphrius Panuinus in interpretatione vocum obscurarum Ecclesiasticarum, ex quorundam quos minimè designat sententiâ, innuit orarium esse velum quod Romanus Pontifex, & Archiepiscopi, super humeros imponunt. Verùm velum istud non dicitur orarium, sed orale: de quo sic scribit Innocentius III. lib. 1. *Myfterior. Miss. c. 53. Romanus autem Pontifex post albam & cingulum assumit orale, quod supra caput inuoluit, & replicat super humeros*. Perpendamus si hoc ornamentum Pontificale non sit illud Phrygium, de quo hunc in modum meminit Sugerius in vita Ludouici Grossi Regis, inter medium & finem, ubi agit de susceptione Innocentij II. Papæ apud S. Dionysium ab eodem Rege piè, ac verè regaleriter facta, in Paschali celebritate. *Cænâ ergo Domini apud nos, more Romano, & sumptuoso donatiuo, quod Presbyterium nominatur, celebratâ: venerandam Domini crucifixionem venerando profecutus, sanctissimæ Resurrectionis vigilas honore debito pernoctauit. Summo verò mane extrinseca via ad Ecclesiam \* Martyrum in strata, cum multo collateralium collegio, quasi secretò commeauit: ibique more Romano seipsos preparantes, multo & mirabili ornatu circumdantes, capiti eius Phrygium, ornamentum Imperiale, instar galeæ, circulo aureo circinnatum imponunt, albo & palliato equo insidentem educunt &c. odas personando, festiuè geminati procedunt*. Vbi Phrygium istud videretur asserere idem esse cum mitra, quæ in Pontificali Romano Galea appellatur. Quod si ita est, longè aliud fuit ab orario, quod secundum Onuphrium, vel stola sacra, vel velum est, à capite Pontificis infra mitram defluens in hu-

\* S. Denys de Lestrie, Prieuré situé à S. Denys en France: lieu où il fut inhumé avec SS. Rustique & Eleuthère: & duquel depuis il fut transféré avec eux par Dagobert, en la grande Eglise qu'il bastit exprès: & en laquelle leurs Reliques précieuses ont esté venerées, & conseruées jusqu'à présent.

meros. Cæterum lintheum illud æquè differt à stola, ac ab ipsa mitra, cui supponi solebat, ut in mitra conspicitur Innocentij IV. quæ Auenione ostenditur.

Vt dicam ingenuè quod sentio; ex lemmate s. huius opusculi cùm euidenter pateat, orarium sacrum haud aliud esse, quàm stolam mysticam, qua Sacerdos & Diaconus (diuersimodè tamen) in diuino ministerio uti solent: stola verò sit ornatus Sacerdotis splendidus: (Nam Diacono picturatam coloribus, vel auro textam stolam gerere Toletana IV. synodus c. 40. prohibuit, ob ministerij quod Sacerdoti præbet humilitatem) hinc certè consecræuim stolam ipsam, seu orarium, fasciam non esse lineam, nec itidem lintheum oblongum, tergendò ori paratum: sed plagulam decoram, ornatûs & ministerij causâ poderi seu albæ, tunicæ scilicet talari lineæ impositam, suppositam verò casulæ, quod ad lineas dependentes, tametsi ea parte casulæ ipsi superemineat, qua collo circumflexa cohæret, eodémque stamine seu textura fieri solet quo ipsa casula; iampridem enim, ut notat Durandus, *Stola in torquem mutari cæpit.*

## CAPVT VIII.

*De usu Stole, seu Orarij in Ecclesia Dei, Apostolica ætati coæuo, abhincque perpetuo tam apud Græcos, quàm Latinos: eiusdémque necessitate, districto Ecclesiæ præcepto, innixa.*



**O** RARIA (inquit eruditissimus Goarius in Missam S. Ioannis Chrysostomi) *Apostolica institutione primùm fuisse in Ecclesiam inducta, ex actis S. Clementis Metensis apud S. Antoninum, part. 1. tit. 6. c. 26. & ex Bulengero, lib. 1. c. 38. certo iure tenet Gauantus.* Hæc quidem observatio magni est momenti ad declarandam ornatûs Sacerdotalis, de quo agimus, antiquitatem; quæ ex actis S. Clementis præindicatæ ætatem Apostolicam, qua claruit, attingit. Erat enim hic B. Clemens patruelis S. Clementis Romani Pontificis, Apostolorum coadiutoris & successoris, ut monumenta Ecclesiæ Metensis manifestè produnt, constansque abhinc traditio Annalibus etiam Ecclesiasticis à Baronio inserta sufficienter persuadet.

Si nomini tenaciùs hæreamus, in actis S. Clementis Metensis, à S. Antonino loco signato memoratis, non fit mentio orarij, sed stolæ; sic enim refert, ubi liberatam recitat ciuitatem Metensem, simul ab ethnicis superstitionibus, & draconis immanis exitioso halitu, ac ferali incurso: *Sequenti autem die celebratis Missarum solenniis, & cunctis adstantibus sacra communionem refectis, ad locum cavernæ sequente omni populo accessit, cum psalmis & orationibus; præcepitque in nomine Iesu Christi & adiurauit, ut draco ille cum omni sua prole mansuesceret, ipsumque sequeretur stolâ suâ circumligatus, qui usque ad flumen deductus, ut imperauerat Sanctus,*



omninò disparuit; sicque locus ille ab omni serpentum malitia mundatus est, ut vix parvus vermiculus ibi reperiatur. Hactenùs S. Antoninus ex actis prædictis.

Ex quibus & Petrus Exquilinus Episcopus, lib. 10. Catalogi Sanctorum, c. 113. breuiùs rem gestam complexus: *Deinde (ait) ad amphitheatrum accessit, ubi inuocato Christi nomine, draconem aliis maiorem, stola sua circa collum cinxit, eumque vii mansuetum cabalum post se trahere cepit, omnibus, ut à Sancto docti fuerant, Kyrie eleison, clamantibus & Clementem sequentibus: ipse usque ad flumen urbi contiguum, quod Salia dicitur, draconem traxit, & in eodem fluuio demersit, &c.*

Suprà diu asseruatam Hierosolymis prænotauimus stolam S. Iacobi Apostoli, primi sanctæ ciuitatis Episcopi, diuersam ab eius podere seu tunica linea, cum ipsa & eius superhumerali à Theodosio Antistite Hierosolymitano transmissam pretioso munere ad S. Ignatium regiæ ciuitatis Patriarcham. Item meminimus stolæ S. Stephani, quam Helena Augusta à Macario Episcopo Hierosolymitano sibi datam Vefuntionensi Ecclesiæ pia munificentia transmisit. Stolæ S. Vincentij à Rege Francorum Childeberto I. ex Hispania in Galliam translata, & Parisiis in ea quam eius titulo extruxit, Basilica collocata infrà miras coruscationes referemus. In Actis S. Valerij Archidiaconi Lingonensis & Martyris à Wandalis Gallias inuadentibus obtruncati, legimus, cùm esset in sui agonis procinctu, apparuisse ei Angelum stolam candidam ipsi deferentem in proximæ pignus victoriæ, idque in Fastis Gallicis die ipso quo lauream martyrij promeruit, nimirum 11. Kal. Nouembris, speciali nota obseruasse meminimus. In panegyrico ad Paulinum Episcopum Tyriensem apud Eusebium super Encæniis magnæ basilicæ ab eo erectæ, adfuisse Episcopos legimus stola Sacerdotali insignes, cæteraque panoplia sacra conspicuos. S. Genebaldum Episcopum I. Laudunensem in signum pœnitentiæ stolam Episcopalem deposuisse, quam, post exactam in pœnitentia septennem exercitationem, tandem in cœna Domini diuino iussu recepit à S. Remigio vnà cum plena officij Episcopalis potestate, eius ex historia consignauimus in nostro Martyrologio Gallicano, Nonis Septembris, quo die felici excessu ad beatas sedes commigravit. Honorius I. circa annum Domini 630. S. Birinum subinde Episcopum Dorcestriensem Euangelicæ prædicationis gratiâ in Angliam misit, qui Christi gloriam ibi multis signis & virtutibus amplificans, feliciter officio legationis impleto, circa annum 667. vitam hanc labilem cum immortali commutauit; iacuit in tumulo usque ad tempora Honorij III. hoc est annis circiter 600. nam Honorius III. ipse anno 1216. Pontificatum adeptus est; cuius iussu corpus sancti huius Confessoris è sepulchro leuatum fuit ad debitam venerationem, anno ipsius Papæ 8. qui fuit Domini 1222. in cuius inuentione non solùm membra integra reperta sunt, sed panoplia Pontificalis ferè tota, in hacque duæ stolæ; ita enim illa acta habent: *Quasito sepulchro & aperto, presentibus Abbate & Canonicis inue-*

nerunt corpus Episcopi integrum cum duplici stola & infula rubra è panno serico, atque cum cruce è metallo confecta, pectori eius imposita, denique cum calice ad umbilicum eius posito. Et infra, vbi de Translatione, Carne in cineres redacta, inuentus quoque est annulus, itémque crux plumbea super pectus eius, calix paruus, particula vestimentorum eius, due stole, sed non integræ &c. Hic est quod non absre mireris verba hæc, calix paruus\*: Eodem enim sæculo claruit S. Eligius Nouiomenfis Episcopus, cuius calix aureus, (ab ipso confectus, nam ante præsulatum aurifaber erat peritissimus) in monasterij Kalensis prope Lutetiam sacrario seruatur, mihiq; à paucis diebus traditus visendus & contrectandus, huius est magnitudinis quæ heminam minorem exæquat: totus verò aureus & lapillis pretiosis per circuitum labri ad extra decoratus, encaustóque artificiosè eliquato, infusóque coruscans.

\* Documento est, iste paruus calix: aliquando Sacerdotem, sine communicantibus, sub vtraque specie, iam tunc, diuina mysteria celebrasse.

Ipsomet sæculo eluxit omni sanctitatis splendore S. Hubertus Episcopus Leodiensis, ex cuius actis indubitatis, hæc in eius natali, 3. Nonas Nouembris signauimus memoranda, *Caterum de stola S. Huberti cælitus accepta, etsi in dies ibidem aliquid dematur, ea tamen non minuitur, neque decrescit, quod vt perenne miraculum est, ita & perpetuum meritum tantum apud Deum Cælitis, monumentum.*

Si luberet per singulas centurias excurrere, facile esset ex Sanctorum historiis innumera propemodum tam constantis vsus signare monimenta: sed fastidiosum esset tam prolixæ indagini immorari, quam si præstare, operam perderem & oleum. Enimuerò sicut in fidei dogmatibus confirmandis longè differunt Patrum sententiæ, ab eorundem testimoniis; nam dum de rebus, proprio ex iudicio eloquuntur, priuati tantum arbitrij pondus habent: at verò cum non ex suo sensu, sed ex iudicio moréque Ecclesiæ quicquam asserunt, iam non spectantur vt ex sua opinione loquentes, at vt testes oculati attenduntur praxis & iudicij Ecclesiæ sanctæ, *que columna est & firmamentum veritatis*: vnde eorum suffragia nequaquam vt sensata priuatæ cuiuspiam personæ, sed viua Ecclesiæ oracula censenda sunt. Ita planè de stolæ sacre vsu (quo ad modum probationis, non autem rei de qua agitur, ipsum pondus) dici potest. Tractarunt de Ecclesiæ ritibus auctores plerique non obscuri nominis, de quibus quum theoria & mystica analogia propria ex mente differunt, priuati audiunt rei de qua agunt, tractatores tantum: sed verò, cum de re ipsa quæ geritur in Ecclesia Dei, prout suis perspiciebant oculis, referunt, iam non interpretum, sed testium personam gerunt, induuntque publicæ fidei auctoritatem. Quamobrem cum de vsu mystici orarij, vel stolæ Sacerdotalis, aut Leuiticæ, facienda occurrit indagatio, nullum genus probationis eo efficacius esse potest, (post Conciliorum, Pontificum & Patrum expressam auctoritatem) quod perhibent scriptores de ritu huius ornatus suis sub oculis, in Ecclesia Catholica obseruato.

At verò vix res vlla alia designari potest, de qua tractatores rerum Ecclesiasticarum disseruerint, quæ eorum luculentioribus testimoniis obsignetur; siquidem præter Patres & Concilia, qui huius (vt

ex præmissis patet) meminerunt: tractant de ipsa stola ex instituto, sua quique ætate, in propriis *de rerum sacrarum rituumque* opusculis. scilicet,

Venerabilis Beda, ubi de 7. ordinibus: Albinus Flaccus, Alcuinus lib. de diuinis officiis, tit. Quid significant vestimenta? Rabanus Maurus, lib. 2. de instit. Cleric. Amalarius Fortunatus lib. 2. de Ecclesiast. officiis c. 20. inscripto de Stola; Walfridus Strabo lib. de ritibus Eccles. c. 24. Rupertus Abbas Tuitiensis de diuinis officiis lib. 1. cap. 27. Honorius Augustodunensis de antiquo Missæ ritu lib. 1. cap. 204. Iuo Carnot. sermone synodico, de significationibus indumentorum Sacerdotalium: Hugo à sancto Victore de Sacram. part. 4. lib. 2. c. 4. Stephanus Eduensis lib. de Sacramento altaris, c. 10. Innocentius III. lib. 1. de Myster. Miss. c. 54. Durandus lib. Rationalis, c. 5. Theodorus Balsamo, ad Synodum Nicænam, c. 22. S. Bonauentura in expositione mysterij sacræ missæ; Et quoque abhinc sacros ritus propriis commentariis explicarunt.


Consule Paludanum, Soto, & ceteros passim, in dist. 4. 13. Siluestrum, verbo Missa: Nauarrum, c. 25. n. 84.

Sed argumenti huius vim augent admodum libri ipsi vtriusque Ecclesiæ Græcæ & Latinæ Rituales, ut sunt Euchologium Græcorum, Rituale Romanum, & Pontificale, libèrque sacrarum cæremoniarum, in quibus cernere licet vix vllum sacrum munus à Sacerdote exerceri, quin stola sit insignitus. Profectò sacrificium tremendum nunquam, absque amictu, alba, zona, manipulo, stola, & casula celebratur: sunt enim, ut Theologi consentiunt, sex ista vestimenta simpliciter necessaria necessitate præcepti Ecclesiastici, ad hoc sacrum mysterium ritè & congruenter obeundum: Quod eliciunt ex cap. Ecclesiast. d. 23. ubi præcipitur Sacerdoti sub pœna excommunicationis, *ut cum sacrificat, stola utatur*. Ex quo sumitur argumentum à simili, vel à paritate rationis ad cætera vestimenta, de quibus vide cap. *Vestimenta* dist. 1. & dist. 23. c. *Vinum*. dist. 95. c. *Episcopus* 11. q. 3. c. *degradatio*, de pœnis in 6. Verùm cur stola specialiter præcipitur? Nisi quia præcipuum Sacerdotis ornamentum est. Unde fit ut cæteris amotis vel omissis, stola vel semper assumatur, vel retineatur. In sacris cæremoniis cauetur aliquoties deponendum esse manipulum, retenta stola; quæ plerumque sine alba & amictu, zona & manipulo sola adhibetur super rochetum, vel superlicium, in iis officiis, quæ extra sacrificium fiunt à Sacerdote. Nam nullum Sacramentum (exceptâ pœnitentiâ) ministrare potest absque stolæ ornatu; qua etiam uti debet in omnibus benedictionibus & exorcismis, ut ex Rituali & Cæremoniali, Missalique & Pontificali Romano prorsus sit perspectum: adeo ut minime opus sit speciali inductione id ostendere.



## CAPVT IX.

*De Stola mystico ac morali significatu.*

I.  VI stolam idem esse putant ac orarium, & vtrumque pro sacro ornatu vsurpant, inde etiam dictum orarium arbitrantur, quòd proprium sit insigne oratorum Ecclesiæ, quibus scilicet competit prædicare verbum diuinum: solis autem Sacerdotibus, & Diaconis (inferiori quodam modo) hoc conuenit munus; cuius & ideo minoribus Clericis insigne in Laodiceno Concilio prohibetur, sicut superius notatum est. Alcuinus primus eorum est qui censuerit orarij vocabulum ex hoc officio deriuari. Rabanus cum secutus est, qui de hoc ipso nomine & vsu, hunc in modum ratiocinatur: *Quintum quoque, inquit, est, quod orarium dicitur, licet quidam stolam vocent; hoc enim genere vestis solummodò eis personis uti est concessum, quibus prædicandi officium delegatum. Benè etiam oratoribus Christi orarium habere conuenit, & ipsi sedulo ad verbi ministerium cohortantur, & plebs ipsis commissa, iudicium salutare conspiciens ad meditationem legis concurrere feruentius admonetur. Fauet Concilium IV. Toletanum huic interpretationi, c. 59. qui sic habet; Vnum orarium oportet Leuitam gestare in sinistro humero, propterea quod orat, id est prædicat. Sed hac de etymologia orarij, supra quæ videbantur notanda, consignauimus.*

II. Stolam verò innuere iugum Domini, Amalarius docet: *Stolam (inquit) accipit Diaconus quando ordinatur ab Episcopo, ipsa enim utitur in opere ministerij. Per stolam designatur onus leue ac suaue, de quo Dominus dicit, Tollite iugum meum super vos, iugum enim meum suaue est & onus meum leue; Per iugum, Euangelium intelligimus, de quo dicit Hieronymus in Euangelio Matthæi; quomodo leuius lege Euangelium? Cum in lege homicidium, in Euangelio ira damnetur. Et paulò post, In lege multa præcepta sunt, quæ Apostolus non posse compleri plenissimè docet; in lege opera requiruntur, quæ qui fecerit viuet in eis. In Euangelio voluntas requiritur, quæ si etiam effectum non habuerit, tamen premium non amittit. Idem censet Honorius lib. I. de antiquo Missæ ritu, c. 204. ubi ait, Deinde circumdat collum suum stola, quæ & orarium dicitur, per quam obedientia Euangelij intelligitur. Euangelium quippe est suaue Domini iugum, obedientia verò lorum: quasi ergo Sacerdos ad iugum Christi loris ligatur, dum collum eius stola circumdatur. Estque hæc interpretatio formulæ ordinationis Presbyteri conformis, sic enim ait Episcopus ordinator, Presbyterum ordinandum alloquens, dum stolam ei in vtroque humero imponit, Accipe, inquit, iugum Domini, iugum enim eius suaue est, & onus eius leue.*

III. In eodem Pontificali, stola dicitur, *signum Domini*, quasi character exterior, quo insignitus, ostenditur potens Sacerdotalium functionum, ita enim ait Pontifex in degradatione Presbyteri: *Signum*



*Domini per hanc stolam (inditum) turpiter abiecasti, ideoque ipsam à te amouemus, quem inhabilem reddimus ad omne Sacerdotale officium exercendum.*

IV. Honorius iam non semel laudatus, esse etiam indicium arbitratur innocentiae: hæc eius verba sunt citato libro, c. 205. cuius est titulus, de Innocentia. *Per stolam quoque innocentia exprimitur, quæ in primo homine amissa, per vitulum saginatum, occisum recipitur: Beati qui hanc stolam à criminum labe custodiunt, vel maculatam lacrymis lauant, quia potestas eorum est in ligno vite; siquidem, in Christo, amissam gloriam possidebunt. hac enim Patriarchæ ante legem utebantur, & primogenita dicebantur: Erat autem vestis Sacerdotalis, quam maiores natu cum benedictione patris, ut Jacob ab Isaac, inducebant, & victimas Deo ut pontifices offerebant: unde dicitur, vende mihi primogenita tua. Et iterum, Stola Esau, stola dicitur missa, erat enim vestis candida pertingens ad vestigia; sed postquam cepit portari alba, mutata est, ut hodie cernitur, stola. Hactenus Honorius. In cuius verbis pleraque sunt, quæ opus habent non leui discussione: peruium siquidem est aduertere in eius dictis stolam sumi pro tunica, vel alia quavis veste qua corpus tegitur, cum tamen ipse (ut ex capitulis præmissis, & suppositis patet) specialibus sub epigraphis differat, de alba & de stola, ut propè post, de casula; quin & in Pontificali Romano, ubi agitur de degradatione solenni (quam alij actuale depositionem vocitant) distinctè fiat stolæ priuatio à tunicæ spoliatio. Porro stola seorsim sumitur pro innocentiae signo, in Diaconi degradatione: ita enim Pontifex alloquitur exuendum Leuitam suo principali ordinis ornatu: *Stolam candidam quam acceperas immaculatam in conspectu Domini perfrendam, quia non sic cognito mysterio, exemplum conuersationis tuæ fidelibus præbuisi, ut plebs dicata Christi nomine posset exinde imitationem acquirere, iuste à te amouemus, omne Diaconatus officium tibi prohibentes.* Sed in Diacono, hæc est propria allocutio Pontificis. Etenim in ablatione stolæ quæ fit in degradatione Presbyteri, aliis utitur verbis ipse Pontifex, ut ex præmissis fit perspectum: hinc enim stola dicitur *signum Domini*, illic *innocentiae*. Augustius quàm sit signum Domini, innocentiae indicio ipsa diuersa vocabula palam designant, resque signata per se loquitur. Nam signum Domini quid aliud est in Presbytero, quàm signaculum diuinæ potestatis, cuius organum præcipuum esse Sacerdotem, Theologorum nemo in controuersiam vocat, postquam S. Hieronymus dixit Presbyterum esse *diuinæ omnipotentiae organum*, & B. Augustinus, ordinationem Presbyteri esse propriè opus Dei: Quasi in creando Sacerdote Deus Opt. Max. non minùs quàm in creatione mundi, immensam vim suæ omnipotentiae manifestaret. At in Diacono non item. Enimuerò non constituitur in ordine principante, sed in ordine ministrante; à ministerio siquidem Diaconorum ordo incepit, quemadmodum elici potest ex cap. 6. Actuum Apostolorum; unde S. Hieronymus in Epistola ad Euagrium, de Diaconorum minimè ferendo proprii gradus excessu, Diaconum haud aliud esse prædicat, quàm *mensarum & viduarum ministrum*, id est illarum ut dispensatorem & æconomum, sic istarum tutorem & custodem; seruan-*

dis verò mutua cum integritate viduis, insignis cum necessaria sit castimonia, ut ex doctrina patet S. Leonis serm. habito in natali S. Laurentij: idcirco SS. Patres discrimen inter stolam Sacerdotis & Leuitæ non obscurum esse voluerunt. Splendidam siquidem, adeoque auream stolam esse sanxerunt Sacerdotis. At verò Diaconi seu Leuitæ lineam tantum, ad candorem & nitorem significandum; quo par est insignitum esse, qui pudicitiae viduarum seruandæ sui iure officij præfectus est. Quò spectans Concilium IV. Toletanum, c. 40. simplicem stolam, hoc est lineam & candidam Diacono attribuit, coloribus pictam prohibuit, aut auro micantem.

v. Nec vna hac in re stolæ Sacerdotalis à Leuitica distinctio obseruanda venit: signum est in Sacerdote mansuetudinis ac humilitatis, sed in Diacono subiectionis; subobscurè id innuit Amalarius, ubi supra, *Sciat se Diaconus* (inquit) *in stola superposita collo, ministrum Euangelij esse, non præpositum*. Quibus verbis haud aliud intelligit, quàm Diaconum in Ecclesia ordinem principantem non habere, sed mero ministerio fungi; legere quidem Euangelium, at id prædicare non illi competere ex officio: stola uti, sed non ut indicio prælationis, at signo subiectionis; quamobrem hanc dum ordinatur super vnum humerum dumtaxat, sinistrum scilicet, accipit, ut sit expeditior ad ministerium obeundum. Concilij Antissiodorensis anno 578. celebrati, canon 13. eò spectat hoc tenore, *Non licet Diacono velo, vel palla scapulas suas inuolui*. Cuius canonis ut sensus genuinus patefiat, reuocandum est in memoriam decretum sancti Siluestri, *Vt Diaconi linostima* (hoc est orario lineo, seu stola, ut supra innuimus) *ad leuam vterentur*. Aduersus hoc decretum igitur Diaconi aliqui committebant, qui vel orario vtrumque cooperiebant humerum, vel imposita stola sinistro humero, scapulas ambas inuoluebant velo, vel palla, ne denudatio humeri dextri cui imponere stolam nefas erat, oculis spectantium obuersaretur. Cogit hos in ordinem idcirco Antissiodorensis antedicta Synodus, lege, decreto sancti Siluestri consona, dum scilicet eis prohibet vtrumque humerum velo vel palla inuoluere: quandoquidem ipsis tantum hic sanctissimus Pontifex permiserat, *palla linostima sinistrum humerum tegere*.

vi. In Sacerdote non habet locum eiusmodi restrictio; Quin cum ordinatur, utrique eius humero stolam imponit Pontifex. Præscriptum hunc ritum cernimus in Pontificali Romano, titulo de ordinatione Presbyteri, solenni oratione præmissa: *Pontifex sedet accepta mitra, & reflectit orarium siue stolam ab humero sinistro cuiuslibet, capiens partem quæ retro pendet, & imponens super dextrum humerum aptat eam ante pectus in modum crucis singulis dicens, Accipe iugum Domini; iugum enim eius suauis est & onus eius leue*. Pulchrè ad hæc Innocentius III. mysterior. Missæ c. 54. *Post hæc stolam, quæ alio modo vocatur orarium, super collum sibi Sacerdos imponit, ut iugum Domini se suscepisse significet, quæ à collo per anteriora descendens, dextrum & sinistrum latus adornat, quia per arma iustitiæ à dextris & à sinistris, id est in prosperis & aduersis Sacerdos debet esse munitus; stola*

quippe significat sapientiam vel patientiam, de qua scriptum habetur, *Patientia vobis necessaria est, ut reportetis promissiones.*

VII. Idem verò Pontifex Innocentius, eodem lib. c. 38. stolam signum esse docet obedientiæ & seruitutis. *Stola quæ super amictum collo Sacerdotis incumbit, obedientiam & seruitutem significat, quam Dominus omnium propter salutem seruorum subiuit. Nam cum in forma Dei esset, non rapinam arbitratus est esse se æqualem Deo; exinanivit enim seipsum formam serui accipiens, factus obediens usque ad mortem. Causam quippe mortalitatis nec contraxit origine, nec commisit in opere: quia quod non rapuit, hoc exoluit. Dedit enim illi calicem pater: non index, amore non ira, voluntate non necessitate, gratia non vindicta. Hic est ille Jacob, qui parens præcepto patris Isaac, & consilio matris suæ Rebeckæ, seruiuit Laban, ut Rachel & Liam duceret in coniugium. Quæ verba eadem serie Innocentius ex Ruperto exscripsit lib. 1. de diuinis officiis, c. 21. Verum paulo luculentius Rupertus, subnectit enim, Sic filius Dei præcepto patris & consilio Spiritus sancti obediens, seruiuit mundo, subiectis eius humeris peccata portando, ut Synagogam de Iudeis, & Ecclesiam de gentibus assumeret. Cum ergo Sacerdos stolam accipit, meminisse debet & scire, quia grande iugum licet suaue.*

VIII. Verum si stola, seu orarium, est prædicantium insigne, ut citati primo loco auctores censuerunt; mystica ex eo elicitur ratio, quòd stola ipsa à collo duabus lineis hinc inde ad genua dependet: scilicet quoniam omnis scriptura diuinitus inspirata utilis est ad docendum: defursum enim verbum veritatis, verbum gratiæ & salutis descendit, omnisque diuina scriptura duabus partibus constat, nimirum vetere & nouo Testamento, Lege & Euangelio, utrumque verò duobus præceptis charitatis continetur, dilectionis Dei scilicet & proximi. Instare porro ex officio debet Sacerdos iis incutiendis fidelibus Christi, tam eorū auribus, quàm cordibus, importunè, opportunè inclamando, arguendo, obsecrando: & quod summum est seipsum præbere exemplū fidelium in verbo & conuersatione: debitor enim est doctrinæ salutis & sanctæ operationis iustis & iniustis, fidelibus & infidelibus, stultis & sapientibus, sanis & infirmis, diuitibus & pauperibus, omnia omnibus debet fieri, ut omnes Christo lucrifaciat, suæque & eorum salutis perpetui studio insistere, iuxta illud Apostoli suum Timotheum (1. Timot. 4. 16.) edocentis: *hec meditare, in iis esto, ut profectus tuus manifestus sit omnibus, (sicut stola à collo in anteriora dependens vtraque ex parte patet) Attende tibi & doctrinæ, insta in illis (Nec enim satis est inhiare scientiæ, & aliorum instructioni ac ædificationi, perenni studio esse defixum, nisi salutis propriæ curam ipse geras) Hoc enim faciens & teipsum saluum facies, & eos qui te audiunt.* Hic finis est ministerij sanctificationis, quo Deus suos Sacerdotes honorauit. Id porro est quod Ecclesia enixis à Deo precibus efflagitat; cuius vota Pontifex Deo offerens in ordinatione Presbyterorum sic orat: *Da quæsumus omnipotens pater, in hos famulos tuos Presbyterij dignitatem, innoua in visceribus eorum spiritum sanctitatis, ut acceptum à te Deus, secundi meriti munus obtineant, censuramque morum exemplo suæ conuersationis insinuent: sint prouidi cooperato-*

res ordinis nostri, eluceat in eis totius forma iustitiæ, ut binam \* dispensa- \* bonam  
tionis rationem sibi credita reddituri, æternæ beatitudinis præmia consequantur.  
Per eundem Dominum nostrum &c. Deinde postquam iis stolam utrique  
humero imposuit, supràque contulit casulam, ita prosequitur preces;  
Deus sanctificationum omnium auctor, cuius vera consecratio plenæque benedi-  
ctio est: tu Domine super hos famulos tuos quos ad Presbyterij honorem dedica-  
mus, munus tuæ benedictionis infunde, ut gravitate actuum & censura vivendi  
proben se seniores, his instituti disciplinis, quas Tito & Timotheo Paulus ex-  
posuit, ut in lege tua die ac nocte meditantes, quod legerint credant, quod credi-  
derint doceant, quod docuerint imitentur: iustitiam, constantiam, misericordiam  
fortitudinem, ceterasque virtutes \* in se ostendant, exemplo præbeant, admonitione  
confirmant, ac purum & immaculatum ministerij sui donum custodiant, & per ob-  
sequium plebis tuæ, panem & vinum in corpus & sanguinem filij tui immacula-  
ta benedictione transformant, & inuiolabili charitate in virum perfectum in  
mensuram ætatis plenitudinis Christi, in die iusti & æterni iudicii Dei, conscientia  
pura, fide vera, Spiritu sancto pleni resurgant. Per Dominum nostrum &c.

\* Innocentius  
III. ait stolam  
ideo ante pe-  
ctus Sacerdotis  
inflecti; atque  
cum zona nexi-  
bus quibusdam  
colligari, quia  
virtutes virtu-  
tibus socian-  
tur, lib. 1. c. 34.

Atque hætenus satis pro instituto de stolæ tam mystica theoria,  
quàm morali significatione.

## CAPUT X. ET VLTIMUM.

*De Sanctorum per stolam Sacerdotalem, & Leviticam,  
miris operationibus.*

IM aliquam diuinam insitam esse stolæ Sacerdotali, Ec-  
clesia nonnullis innuit indiciis. Siquidem dum super  
ægotum Euangelicam Sacerdos aliquam lectionem re-  
citat: (qui mos iam inoleuerat tempore Origenis, ut ipse  
suis in Celsum libris asseuerat, cui astipulantur S. Au-  
gustinus tract. 7. in Ioann. S. Hieronymus in cap. 23.  
Matth. S. Chrysostomus in 1. Cor. hom. 43. & in orat. quod Christus  
sit Deus.) stolæ extremam partem super caput supplicis extendit, ab-  
solutæque lectione Euangelica, ipsam stolæ extremitatem veneratio-  
nis gratiâ eidem præbet osculandam. In Rituali Romano tit. de ex-  
orcizandis; Sacerdos auxilio diuinò piis precibus implorat, superpelliceo &  
stola violacea, cuius extrema pars ad obsessi collum circumponatur, indutus: &  
coram se habens obsessum ligatum (si fuerit periculum) eum, se, & astantes  
communiat signo crucis &c. Ut quid verò ad obsessi collum Ecclesia iu-  
bet circumponi Sacerdotalem stolam? quam nec Diacono portare fas sit.  
eruditissimo Duranti si credimus, de risibus Ecclesiæ Catholicæ lib. 2. c. 9.  
Stola præcipuum est insigne Sacerdotij, ideoque eius auctoritatis vim  
exerere non modicam, Ecclesia ipsa existimat. At profectò non abs-  
re, sicut patet ex Sanctorum qui fide & opere Deo placuerunt, tam  
dictis quam gestis, quorum selecta quædam exempla, operæ precium  
censui hîc in gratiam pij lectoris expromere.



## §. I.

*Ex Actis S. Clementis I. Metensis Episcopi, relatis à S. Antonino  
part. 1. tit. 6. c. 26. & Petro Episcopo Exquilino, lib. 10.  
Catalogi Sanctorum, cap. 113.*

**D**E serpente stolâ circumligato, tracto, & in flumen demerso per ipsum sanctum Episcopum, S. Clementis Romani Pontificis patrualem, vide suprâ c. 8. ipso sub initio, quo rem gestam propriis Scriptorum verbis expressimus.

## §. II.

*Ex Actis S. Marcelli Episcopi Parisiensis: 'Qui etate compar fuit  
S. Silvestro Papa, auctore Fortunato Episcopo.*

**E**XEQVAMVR & illud triumphale mysterium, quod cum sit ultimum ordine, anteponitur in virtute. Matrona quadam prosapia quidem nobilis, opinione vilis, malo maculans crimine, quod fulgebat ex genere: Postquam dies fugitiua vite rapta luce conclusit, ad tumulum pompa comitante, sed non profutura processit: quo condita (horresco de ea hoc referens) contigisse post funera, quia duplex nascitur lamentatio de defuncta. Ergo ad consumendum eius cadaver cepit serpens immanissimus frequentare, & ut dicam clarius, mulieri, cuius membra bestia deuorabat, ipse draco factus est sepultura: sic infelices exequias serpentibus baiulus impendebat, ut post mortem quiescere non liceret: & cui vite finis in uno loco iacere concesserat, semper mutabatur in pœna. O casum execrabilem, & valde timendum! mulier quæ coniugij integritatem non seruauit in mundo, integra non meruit iacere in sepulchro &c. Tunc ex eius familia qui in ciuitate manebant, audientes strepitum & pariter concurrentes, viderunt ingentem belluam, de tumultosis anfractibus exeuntem, & vasta mole cadaver flagellante labantem: Quo nimis perterriti homines de suis sedibus migrauerunt. Hoc cognito B. Marcellus intelligens de hoste triumphum acquirere, collecta plebe de ciuitate progreditur, & relictis ciuibus in prospectu populi solus Christo duce ad locum pugnaturus accessit, & cum coluber rediret ad tumulum, obuantes se inuicem, dante orationem B. Marcello, ille capite supplici cepit veniam blandiente cauda precari: Tunc B. Marcellus caput eius baculo ter percusiens, misso in ceruicem serpentis orario, triumphum suum ante ciuium oculos extrahebat. sic in spirituali theatro spectante \* solus cum dracone pugnavit. Hinc confortatus populus cucurrit ad Episcopum cupiens hostem suum videre captiuum. Tunc præcedente Pontifice, bestiam fere tribus millibus omnes persecuti sunt, reddentes gratias Domino & soluentes exequias inimico. Deinde increpans eum B. Marcellus dixit, Ab hac die, aut deserta tene, aut in mare te demerge: Mox dimissa bellua, nulla eius ulterius indicia sunt inuenta. Meminit obiter huius historiae S. Gregorius Turon. lib. de gloria Confessorum hunc in modum, Marcellus Parisiacæ urbis Episcopus, qui quondam, ut in eius vita legitur, serpentem immensum hoc depulit ab oppido, & nunc in ipsius ciuitatis vico quiescit &c.

\* deest, populo,

Affinia ita sunt hæc Acta S. Clementis, & B. Marcelli, ut vix consimilia magis dari possint, exceptis enim circumstantiis locorum, personarum & temporis: quoad actæ rei substantiam prorsus adæquantur. In utrisque siquidem draco vel serpens Sacerdotali stola constringitur, extrahitur, & demergitur in aquarum vortices. Nihil porro familiarius est in sacris litteris, quàm Diabolum draconis magni & serpentis antiqui vocabulis designari: hinc in forma exorcizandi in Rituali Romano præscripta, legitur Euangelium in quo Dominus recitatur dixisse Apostolis, *Ecce dedi vobis potestatem calcandi supra serpentes & scorpiones, & super omnem virtutem inimici*: (Luc 10.) hæcque subiungitur oratio: *Omnipotens sempiterne Deus, Verbum Dei Patris, Christe Iesu, Deus & Dominus uniuersa creatura, qui sanctis Apostolis tuis dedisti potestatem calcandi super serpentes & scorpiones, qui inter cetera mirabilium tuorum præcepta dignatus es dicere, demones effugate*. Et in postremo exorcismo ita Sacerdos dæmonem alloquitur & compellit; *Discede seductor, tibi eremus sedes est, tibi habitatio serpens est*. Pridem sic etiam Sacerdos compellabat dæmonem teste Prudentio in Apotheosi.

..... Torquetur Apollo

Nomine percussus Christi, nec fulmina verbi

Ferre potest .....

Intonat Antistes Christi, fuge callide serpens.

Serpens est enim diabolus, qui primum odij sui virus in hominem ore serpentis euomuit, hæcque figura persæpe abusus est ad humanum genus infestandum. Nec dubium quin Metis, & Parisiis sub eadem figura grassaretur, perque exitiosa hæc animalia suum virus spargeret, in incolarum exitium. In hac igitur specie à SS. Clemente & Marcello ligatur Sacerdotali stola, manúque Pontificali tractus & expulsus est. Cùm collo energumeni iniicit stolam Sacerdos, ut præcipit Ritualis liber, non tam hominem hoc vinculo ligat, quàm pseudo-dæmonem illum infestantem sacro nexu constringit. Cuius virtutem rursum innuit iste ritus eodem in libro expressus: *Deinde Sacerdos muniens se & obsessum signo crucis, circumposita parte stola ad collum eius, & dextera manu sua capiti eius imponens, constanter & cum magna fide dicat. † Ecce crucem Domini, fugite partes aduersæ. Vicit Leo de tribu Iuda, radix David, Draconem scilicet illum immanem, de quo prædictum erat psal. 90. Super aspidem & basiliscum ambulabis, & conculcabis leonem & draconem*.

### §. III.

Ex Actis S. Mauri Abbatis & Leuitæ, discipuli S. Benedicti,  
à Fausto eius aquali & socio conscriptis, & à Bonifacio  
Papa probatis, Cap. 2.

**D**V M quodam tempore sanctissimus Benedictus à quodam nobilissimo secundum seculi dignitatem viro exoratus fuisset, ut ad domum eius dignaretur per semetipsum accedere, quo uxorem eius & filium, quem nuper enixa

fuerat, à demonio, quo grauissimè pariter vexabantur, suis sanctis meritis & orationibus liberaret; & Sanctus Domini pro eo quod ei familiaris pro aliquibus operibus ab eo religiosè gestis existeret, ire non distulisset: beatissimus Maurus, qui tunc in nostro Monasterio, imperio sanctissimi Patris, Præpositi, ac totius Cænobij procuratoris & administratoris post ipsum fungebatur officio, cum fratribus ad fruges colligendas longiusculè à monasterio est egressus. A quo opere dum ad sextam operationis horam cum eisdem rediret fratribus, antequam ad portam ventum fuisset monasterij, claudum quendam & mutum puerum inuenit in itinere. Cùmque pater & mater pueri, eius pedibus aduoluti, & cum clamore valido & lachrymis, terribile Dei nomen obtestantes, ut filium suum eis sanum redderet, genua eius firmissimè utrisque constringentes manibus, precarentur, refugit pauore nimio: tale attentare miraculum, se peccatorem esse, nec talis ullo modo operis effectorem vociferans posse fieri. Maximè ( inquit ) cùm hæc Sanctorum sint opera Apostolorum, aliorumque perfectorum, quorum exempla credendo & imitando sectantur. Nos ergo hæc ab eo dici audientes, simul & perfectam, Deoque acceptam ad talia peragenda eius vitam & meritum sufficere cognoscentes, iuncti parentibus pueri, pro restitutione ægroti eum rogare cœpimus: At ille ut erat piissimus, lachrymis perfusus, atque in orationem prostratus, postquam diutissimè orauit, stolam, cum qua eodem anno iubente magistro suo sanctissimo, ordinatus ad ministerium fuerat Leuiticum, & quam iuxta morem gratiâ sanctitatis, primo indefinenter ferebat anno, collo protulit, & super caput infirmi, crucis signum faciens posuit, atque ad cælos oculos dirigens dixit: Domine Iesu Christe, qui discipulis tuis polliceri dignatus es dicens, Amen dico vobis, quia omnia quæcumque orantes petieritis, credite quia accipietis & venient vobis: Ostende etiam nunc, quia & nos serui tui exigui licet & peccatores, in te, & in verbis tuis sanctis prout ipse largiri dignaris, eandem fidem habemus. Et hæc dicens, ait ad debilem, In nomine sanctæ & indiuiduæ Trinitatis, adiutus meritis sanctissimi magistri nostri, sta sanus & incolumis super pedes tuos reclus: & continuò sospitati redditus, cœpi rectissimè ante nos pergere, ac Deum voce exultationis & laudis benedicere dicens, Benedictus Deus, creator omnium qui me redintegrare dignatus est meritis sanctissimi serui sui Benedicti, per beatissimum seruum eius Maurum. Perfectissimus ergo Benedictus, cùm reuersus ad monasterium sanatis pro quibus ierat fuisset, nobisque narrantibus & laudantibus Deum, ea quæ contigerant comperisset, in magna deinceps admiratione ac veneratione Beatissimum Maurum habere cœpit; nec iam loco discipuli censebat æstimandum, quem ita Deo proximum censebat effectum. Hactenùs Faustus oculatus testis, in vita S. Benedicti.

## §. IV.

*Ex Francorum historia, de Stola S. Vincentij Archidiaconi & Martyris.*

*Ado Viennensis, in Chronico, atate 6. sub ann. Domini 527.*

**C**HILDEBERTVS, & Clotarius Reges Francorum Hispanias vastant: Casaraugustam circumdantes obsident: sed ciues tunicam S. Vincentij marty-

martyris circumferentes misericordiam rogabant; qua de re flexi reges Childebertus & Clotarius, pace composita, in munera stolam beatissimi Vincentij martyris à Casaraugustanis acceperunt. Parisios reuersus Childebertus, Ecclesiâ in venerationem beatissimi Vincentij martyris constructa, eandem ipsam stolam in eadem ipsa Ecclesia reposuit. Vide Gregor. Turon. hist. Franc. lib. 3. c. 29.

Aymonius censuit stolam quam suscepit Childebertus à Casaraugustanis ipsam esse tunicam S. Vincentij. Pontifex (Casaraugustæ scilicet) nihil moratus eiusdem indyti *Lenite & Martyris*, stolam, id est tunicam, regibus offert, quam illi condigno honore suscipientes, obsidionem iuxta promissum soluant; At fallitur, dum (lib. 2. de gestis Franc. c. 19.) stolam cum tunica confundit. Palam est enim res diuersas fuisse tam ex Adonis supra citatis verbis, quàm Sigeberti hoc patenti testimonio ad annum 542.

Lotharius & Childebertus, fratres, obfessa in Hispaniis Casaraugusta, ciuibus Deum orantibus & circumlata Vincentij Martyris tunica, accepta ab eis pio munere ipsius Martyris stola, redeunt adquisita Hispania parte maxima. Hinc enim palam est Casaraugustanos tunicam & stolam S. Vincentij tum apud se habuisse: Regibus nostris dedisse quidem stolam, at tunicam penes se retinuisse, cuius præsidio ab obsidione tam graui erepti fuerant.

Hispani Scriptores asserunt fuisse byssinam auro intertextam, candidam: nec totam datam Childeberto, sed partem reseruata fuisse, quæ etiamnum ostenditur Casaraugustæ, materia byssina, colore candida, cruore Martyris respersa.

## §. V.

*Ex Actis antiquissimis Sanctorum Martyrum Iuliani, Celsi, Antonij, & Sociorum, qui Antiochia tempore Diocletiani passi sunt 8. Ianuarij die, cap. 13.*

**E**A nocte cum in Dei laudibus epularentur Iulianus sanctus, & Socijeius, in ipso media noctis silentio, adest multitudo Sanctorum cum Sacerdotibus, qui iam martyrij palmam adepti fuerant, omnes stolis albis induti, &c. in qua multitudine sola vox Alleluia resonabat &c.

## §. VI.

*Ex Actis MSC. Sanctorum Martyrum Fructuosi, Episcopi Taraconensis, Augurij & Eulogij Diaconorum, qui sub Valeriano & Galieno coronati sunt.*

**Æ**MILIANO etiam qui eos damnauerat, Fructuosus pariter cum Diaconibus suis ostendit se in stolis repromissionis, increpans pariter & insultans nihil illi profuisse, quod frustra exutos à corpore in terra crederet futuros, quos cerneret gloriosos. O beati Martyres! qui igne probati sunt, ut aurum pretiosum, vestiti lorica fidei & galea salutis, qui coronati sunt diademate, & corona immarcescibili &c.



Prudentius in hymno de ipsis Martyribus : de stolis quibus post gloriosum agonem insignes apparuerunt, ita cecinit,

*Sed ne reliquias resuscitandas,  
Et mox cum Domino simul futuras,  
Discretis loca diuidant sepulchris;  
Cernuntur stolis niueis amicti,  
Mandant restitui, caueoque claudi  
Mastim marmore, puluerem sacratum.*

## §. VII.

*Ex Actis S. Valerij Diaconi, in Martyrologio Gallicano  
relatis, die 22. Octobris.*

**A** sancto Desiderio Lingonensi Episcopo, Archidiaconus, ob castæ mentis decora creatus est. Persecutione autem Wandalorum ingruente, hanc ut declinaret, cum aliis iter Sequanicum ingressus, ad Alpium Iuriensium perrexit partes; ibi aliquantulum temporis, dum vis persecutionis deferuesceret exacturus. Ac inde vergens quo cæperat itinere, peruenit ad locum, quem incolæ ex antiquo portum Buxinum appellant, ubi à barbaris illis interceptus, vir in Christi confessione immobilis, dignaque fidei victima, obtruncatione capitis immolatur. Cui Angelus in protinctu agonis apparens, stolam obtulit candidam in proxima pignus victoria.

## §. VIII.

*Ex gestis S. Huberti, Episcopi Leodiensis, ibidem relatis,  
die 3. Nouembris.*

**P**ro voto Romam profectus est, ad Apostolorum limina adoranda; ubi dum existit, Lambertus (Episcopus Traiectensis) ab impiis propter veritatis testimonium & assertionem iustitiæ immolatur. Ipso die Sergius Papa diuino nuncio admonitus Hubertum cælitus designatum, renitentem quamuis consecrauit mactati Episcopi successorem, qui stolâ à superno missa honoratus, ad Sedem destinatam veniens, à Traiectensibus multa cum reuerentia suscipitur, & à Clero in cathedra Pontificali collocatur. Et infra: Cæterum de stola sancti Huberti cælitus accepta, etsi in dies ibidem aliquid dematur, ea tamen non minuitur, neque decrescit: quod ut perenne miraculum est, ita & perpetuum meritum tanti apud Deum cælitis monimentum.

Extat ad cal-  
cem Appendi-  
cis ad ipsum  
Martyrol. Gall.  
p. 1244. & 1245.  
numero 34.

*Ex nomenclatura Sanctorum Galliæ Medicorum, qui dona  
opitulationum habent, & contra diuersos morbos,  
aduersosque casus patrocinantur.*

**H**UBERTVS Leodiensis Episcopus Confessor, curat à morsu canum rabidorum: scilicet sacræ suæ stolæ applicatione, seu modicæ eius partis contactu.

## §. IX.

*Ex Actis S. Leonis Papæ IX. antea Episcopi Tullensis, quæ  
Wibertus Archidiaconus conscripsit, lib. 1. c. 4.*

**C**V M ibidem pariter educarentur prædicti pueri, Domini Brunonis (is ipse est Leo IX.) genitrix somnio eiusmodi edocetur de futura promotione filij sui. Nam videbat quasi seipsam à parte Pontificalis Camera (Tullensis) venerandam Basilicam Beatissimi Protomartyris Stephani, credi: sanctæque memorie præsulem Gerardum, in vita & post mortem clarificatum miraculis, occurrere sibi, ac soluentem à propria ceruice orarium, quod vulgò stola dicitur, eidem reposuisse in manica. Quod utique, ceu coniici potest, illud portendebat quod filium ipsius non tam Sedis suæ, quàm boni studij successorem cælitus præstitebat. Nam cum quintus à B. Gerardo, reuerendus Bruno computetur, & non ab aliquo sequacium eius videtur præelectus, quoniam Deo annuente eum præ illis est imitatus.

Cæterum mihi non contemnenda obseruatio hîc exciderat, ipsa ex veneranda antiquitate deprompta: siquidem Elias Cretensis in orat. 1. S. Gregorij Nazianzeni, quæ inscribitur *Apologeticus*; notat Sacerdotalem eius stolam, ea habitam obseruantia, ut non liceret nisi sacris ministris eam attingere: gestare autem fas cuiquam non erat, propter singularem tanti Pontificis & doctoris reuerentiam.





PRIMÆ PARTIS  
**PANOPLIÆ**  
**SACERDOTALIS**  
 LIBER SEXTVS.  
 DE CASVLA.

CAPVT PRIMVM.

*Variis nominibus plerumque, res easdem apud Ecclesiasticos  
 Auctores designari.*

*S. Augustin. de  
 Genesi ad lite-  
 ram.*



COGNITIONEM rerum perire, nisi earum no-  
 men sciueris, eximia est sancti Isidori senten-  
 tia: Nomen enim à noscendo dictum est, vn-  
 de nomen vult S. Augustinus dictum quasi no-  
 tamen, seu indicem rei, quam aliqua cum con-  
 uenientia designat. Nomina enim apud veteres  
 ratione aliqua ponebantur. Tritior est, quâ vo-  
 cabulum vi ipsa vocis, suâque ipsa etymologia  
 rei cui imponitur, consonat. Hinc ansam ar-  
 ripuit præfatus Isidorus, libros contexendi ety-  
 mologiarum seu originum; pluresque etiam recentiores, qui ety-  
 mologica, onomastica, aliâque id genus opuscula de vocabulorum  
 origine & significato conscripserunt.

Vnus fuit superiori ætate Onuphrius, solertissimus certè antiqui-  
 tatis Ecclesiasticæ indagator, qui tractatum edidit de vocum Eccle-  
 siasticarum interpretatione, quæ obscuræ vel barbaræ videntur, qua-  
 tuor in particulas digestum: Prima inscribitur *de officiis seu magistra-*  
*tibus Ecclesiasticis*; secunda *de sacris ædibus & partibus earundem*; tertia  
*de illarum ornatu*; quarta *de generibus vestium*: de quibus, vt eruditè,  
 tamen arctiùs quàm optandum fuisset, Vir ille doctissimus disseruit;  
 per modum siquidem indicis potiùs quàm tractatus de his agit,  
 quæ prænotat in titulis. Duo autem passim obseruat, siquidem vel  
 elicit lumen ex etymologia ipsius nominis, vel si hæc deficit, obscu-

rum nomen alio notiore vocabulo dilucidat. Vix enim sunt res, aut munera, vestes, vel ornatus, in usu Ecclesiæ, quæ diuersis nominibus non denotentur. Sed duo passim annotat, tametsi plura sint, quibus res eadem designatur. Non hîc per singula exspatiari licet, quandoquidem de vestibus sacris Sacerdotum agimus, iis ex instituto opere, par est nos immorari.

Constat ex præcedentibus opusculis, velamen illud quo mysta facer obnubit caput, *amictum* vocitari, *anabolagium*, vel *anaboladium*, *humerales* & *superhumerales*, *mitellam* etiam & *amiculum*: Lineam tunicam talarem, *albam* dici; *camisiam* vel *camisum*, & antiquiori denominatione, *poderem*: Zonam qua præcingitur, *cingulum*, *balthæum* vocitari: Sinistri brachij ornatum, dici *manipulum*, *mappulam*, *fanonem*: Fasciam illam quam à collo cancellatam super pectus, indeque ad genua vtrunque gerit defluentem, *stolam* appellari, nec non *orarium*. Porro vestis superior Sacerdotalis, quæ quod cæteris superimponatur, præcipuûsque sit Sacerdotis ornatus, in Pontificali absolutè dicitur *vestis Sacerdotalis*. De quibus, quoniam hoc tractatu de sacro illo vestimento dissertamus, sigillatim impræsentiarum est dicendum.

## CAPUT II.

## De penula, planeta, &amp; Casula vocabulis.



Væ postremæ voces apud Scriptores Ecclesiasticos, qui de ritibus sacris tractauere, tritæ sunt & insignes: Prima, videlicet penula, à S. Paulo usurpata legitur 2. Timoth. 4. vbi scribit, *Penulam, quam reliqui Troade apud Carpum, veniens affer tecum*. Hoc solo Scripturæ loco eiusmodi vocula exarata reperitur. Nec leui æstu defudant interpretes, quo Pauli assequantur mentem, qua de re scilicet sit isthic elocutus. Celebriores horum sententiæ inferiùs proprio sub lemmate excutientur; hîc de sola nominis significatione, cardo vertitur. Si huius originem attendimus, Græcam esse palam est, dictam nimirum penulam *ἀπὸ τοῦ φαίνεσθαι, ὅλον*, quia scilicet tota videtur, & totum corpus oberrat. Hinc & planetam dici Onuphrius censet; *Casula*, inquit, aliàs *planeta*, genus vestis, in sacris à Christianis Sacerdotibus usurpata *ἀπὸ τῆς πλάνης*, id est ab errore dicta, quoniam cum latissimo initio & manicis absque esset, eius limbus super brachia & scapulas proiectus errabundus totum corpus circumiret. Alludit igitur hæc nuncupatio ad sydera erratica, quæ Planetas vocitamus, incertum quòd cursum habeant, innatæque sibi oberratione ab astris, quæ fixa sunt, discernantur\*.

Rabanus Maurus eò nomen ipsum Casulæ reflectit; *Septimum*, inquit, *Sacerdotale indumentum est Casula, quæ sicut casa quædam, alia omnia regit & complectitur*. Hac igitur acceptione, *casula* quasi *parua casa* dicta est. Frequenter in veterum Regum Franciæ Capitularibus\* occur-

\* Planetæ sunt stellæ errantes, dictæ, quòd præter motum primi mobilis, quo ab Oriente ad Occidentem rapiuntur, peculiarem quandam illique contrarium cursum tenent, variis, & vtilissimis conuersionibus, quas Astronomia demonstrat.

\* Cap. l. i. c. 68. & l. 4. c. 75.



runt vocabula, casamentum, casata, casati homines & casales, quæ à casa deriuantur; casamentum enim est domus rustica; casales, serui domestici. In testamento Caroli Magni casates, seu casati pro iis sumuntur, qui à Dominis suis casas & domicilia obtinebant. In eodem fit mentio de mancipiis non casatis, id est nondum donatis casamento seu habitaculo rustico. Pro prædio beneficiario subinde casamentum inualuit, quod clientelari iure nobiles etiam tenebant à feudorum dominis: hinc illud S. Bernardi, ep. 39. ad Theobaldum Campaniæ Comitem; *Nostrium, inquit, ac vestrum pariter Episcopum* (id est Lingonensem) *abundantiori, ut decet, honore suscipiatis, & de casamento quod tenetis, homagium quod debetis, reuerenter ei & humiliter offeratis.* Cæterum casa, à qua deducuntur casati & casamentum, domicilium est cum prædio, hinc illud S. Paulini, *Age & apud sanctum Presbyterum, fratrem Exuperium, ut in casa Ecclesie terrulam, qua victum suum procuret accipiat.* ep. 21. quæ 2. est ad Amandum, circa finem. A casa igitur dicta est casula quasi parua casa, qua totum corpus tegitur, ut domo eius habitator circumdatur.

Cæterum Marianus Victorius Episcopus Amerinus in scholiis suis eruditissimis in Epistolas S. Hieronymi, ep. 4. quæ de morte Nepotiani inscripta est, explicans hæc eius postrema verba, *Hanc tunicam, qua induebar in mysterio Christi &c. Tunicam hinc, inquit, qua ad altare vii Presbyter, in mysterio Christi utebatur, pro ea quam capsulam seu planetam vocitamus intelligit.* A capsula igitur capsulam deducit, quo nomine Sacerdotalem hanc tunicam ac vestem censet vocitandam esse; capsula verò est arcula seu repositorium, cuius meminit Gregorius Turon. lib. 3. histor. c. 11. *viginti Euangeliorum capsas detulit.* Sicut igitur Euangelij Codex capsula pretiosa inuoluitur, ita & Sacerdos capsula quasi thecula circumtegitur. Sed satis de nomine.

## CAPVT III.

## De antiquitate Casula, seu planeta, aut penula Sacerdotalis.



**H**ABUIT Romæ in Academia Basiliana, idibus Septembris anno 1638. in frequenti Auditorio luculentam dissertationem de vtraque penula, Ioannes Baptista Donius, Patricius Florentinus, quæ typis subinde mandata, Parisiis iterum edita fuit apud Sebastianum Cramoisy Architypographum Regium, curante Gabriele Naudæo Parisino, omnis selectioris & politioris litteraturæ antistite, qui liminari epistola aureum hoc opusculum non sine merita auctoris commendatione Ioanni Francisco Slingelendo nuncupauit. Quo in tractatu serie quidem dictorum breui at doctrina locupletissimo, præfatus eius auctor Donius vtramque penu-

lam ethnicam & Christianam antiquissimam esse demonstrat; illam enim disertè commemoratam à Tullio facundiæ Romanæ principe, à Plinio, Seneca, Ouidio, Martiale, Iuvenale, Quintiliano, Spartiano, aliisque insignis famæ Scriptoribus, qui profanæ antiquitatis prima lumina extiterunt; hanc verò, scilicet Christianam, qua nostri Sacerdotes sacris operantes mysteriis uti solent, tantæ esse itidem antiquitatis asseuerat, ut à primis propè nascentis Ecclesiæ temporibus cœpisse adhiberi reperiatur. Quæ sententiæ huic fulciendæ subternat adminicula, loco suo indicabimus.

Verùm ex aduerso stat Octavius Ferrarius, qui lib. 1. *de re vestitaria*, quem cum cæteris fermè ante septennium edidit Patavij. Is enim duo digna notatu pronunciata habet, 1. Penulam haud idem esse quod sit planeta, seu casula. 2. Casulam non esse Sacerdotale indumentum verus, sed referendum esse inter nonnulla posterioris ævi additamenta; siquidem ab initio Christianæ Religionis diuinos ministros communi vestitos indumento diuina mysteria celebrasse. Accersit sibi verò suffragium ex verbis Walfridi Strabonis, quem ait, doctrina ac sanctitate præstantem, ante annos ferè 800. floruisse. Porro sic elocutum lib. de rebus Ecclesiasticis c. 24. *Vestes etiam Sacerdotales, per incrementa ad eum qui nunc habetur, auctæ sunt ornatum: Nam primis temporibus communi indumento vestiti Missas agebant, sicut & hætenus quidam Orientalium facere perhibentur.* Sed lib. nostro 6. Panopl. Episcop. c. 3. præuertimus huic argumento ex citatis dictis deprompto Walfridi, quæ sua fermè fecit, vel saltem quoad sensum sibi usurpauit Honorius Augustodunensis, Gemmæ animæ, seu de antiquo Missæ ritu lib. 1. c. 19. ubi ait, *Apostoli & eorum successores in quotidianis vestibus & ligneis calicibus Missas celebrauerunt: Quæ quàm à vero sint procul, subiunctis ex verbis eiusdem Honorij licet elicere, continuo etenim addit, Sed Clemens tradente Petro Apostolo, usum sacrarum vestium ex lege sumpsit; Si enim tradente Petro Clemens in sacris vestibus Liturgiam celebrari fecit, quomodo verum esse potest quod præfixit Honorius secutus Strabonem, in communibus vestibus primis Ecclesiæ temporibus, adeoque Apostolorum ætate, sacra fuisse peracta: cum Petrus ipse Apostolorum primas, diuinis Ministris sacras vestes adhibendas esse præceperit; cuius iussa Clemens passim obseruari curauerit? Clemens, inquam, vir ille Apostolicus, quem Petrus sibi successorem in Ecclesiæ vniuersalis præfectura designauit, Paulus verò suum Coadiutorem iam vitæ libro adscriptum, indelebili præconio celebrauit.*

Sed misso Honorio, cum tam patenti sua contradictione, Walfridus Strabo à quo mutuauit errorem, auctoritate Hegesippi, Eusebij, S. Epiphaniij, ac B. Hieronymi, aliorumque primorum Ecclesiasticæ antiquitatis testium, quos in præsignata Panoplia Episcopali passim produximus, manifestè refellitur: hi enim ferè rei ipsius quam referunt, spectatores aut saltem primarij exceptores disertè produnt Apostolos in sacris, podere, lamina aurea, aliisque Sacerdotij

Christiani insignibus usos fuisse : à vero igitur prorsus deflectit quod ait Walfridus, primis temporibus communi indumento vestitos Christi ministros diuina mysteria celebrasse.

Cum Walfrido igitur impingit Ferrarius qui eum sequitur; nec se auctoritate Iuonis est, quod niti sibi iure persuadeat; ait Iuo *casulam, seu planetam communem esse vestem*. Vt quid? Eo quòd triuialis, omnibusque tam laicis, quàm Clericis promiscua esset, ac quibusque vñbus a quocumque adhiberetur? Minimè verò, nam hanc ibidem numerat Iuo inter sacra vestimenta, quibus extrà diuinum opus vti nefas erat; siquidem vt ipse refert eodem loco ex Walfrido & Amalario Ferrarius, Stephanus Papa & Martyr, sancti Cypriani synchronus, vestibus vti sacris diuinis ministris extra sacra iam olim prohibuerat celebri decreto, quod ab omnibus omnium ætatum Scriptoribus, qui de rebus ab eo gestis meminerunt, commendatur. Accedit quod ibidem notat Ferrarius, diu ante Iuonem, scilicet in Concilio Ratisbonensi, anno 742. celebrato statutum esse, *Ne Presbyteri, vel Diaconi, sagis more Laicorum, sed casulis utantur, ritu seruorum Dei*. Casula igitur erat iam ministrorum Dei propria, quamobrem cùm vestis communis ab Iuone appellatur, non eo vti que quo censet Ferrarius sensu accipi debet, vt esset tam Laicis, quàm Clericis promiscua, tamque profanis quàm sacris officiis accommodata: sed quod non modo Sacerdotem vnde quaque ornaret, at quod alias vestes quas cumque, puta albam, manipulum, stolam, zonam suo ambitu operiret: idcirco eo ornatu (ait Iuo) *designari charitatem*, quæ vt casula aliis omnibus indumentis Sacerdotalibus supereminet, hâsque sua amplitudine circumtegit, sic aliis omnibus virtutibus antecellit charitas, quæ etiam, vt ait Apostolus, tantæ est capacitatis, *vt operiat multitudinem peccatorum*. Sed memoratus à Ferrario Walfridus Strabo ad se me reuocat, dum sic ait citato in Opusculo, c. 24. *Sacerdotes dalmaticis ante casularum usum induebantur; postea verò cùm casulis vti cepissent, dalmaticas Diaconibus concesserunt*. Ita intrepidè Walfridus, qui tamen pronuntiationis suæ nullos suffragatores accersit, vtinam vades haberet firmandæ suæ assertioni idoneos: multum enim hoc si munitur axioma, afferret lucis indagandæ Sacerdotalis casulæ origini. Quæ si ex quo dalmaticis vti cœperunt Diaconi, iam Sacerdotum propria erat, annosæ admodum vetustati profectò referenda venit. Nam primis Ecclesiæ sæculis, usos fuisse Diaconos dalmaticis in Pano-pl. Episcop. toto lib. 6. quo de Dalmatica disseritur, cap. præsertim 3. euidenter ostendimus. Porro Walfridus non sibi constat, enimverò quod ait Sacerdotes assumptis demum casulis dalmaticas Diaconis concessisse, minimè conuenit cum eo quod paulò post subiungit, *retentas fuisse à Sacerdotibus Dalmaticas cum casulis*: sua enim ætate non tantùm Episcopos, sed plerosque Presbyteros dalmaticam sub casula gestasse. At de paradoxis Walfridi & Honorij satis superque.


Sed alterum Ferrarij pronuntiatum hîc attentius considerari debet,

*Iacob. 5. 20.*

bet, cap. enim 36. lib. 1. vbi de penula & planeta seu casula cum Baronio litigat, *Penulam*, inquit, *fuisse inter sacras vestes non negauerim, sed eandem esse ac planetam, hoc est quod fateri non possum.* Tum adductis de forma planetæ seu casulæ S. Isidori & præfati Honorij Augustodunensis sententiis, subiungit Persuasionis suæ potiore rationem; *Ex his apparet, inquit, planetam seu casulam, quæ olim in usu, vestem fuisse laxam, rotundam, circumclusam, quæ totum corpus inuoluebat, & utrinque à lateribus inter scapulas reiciebatur, quæ omnia ostendunt togam fuisse, non penulam: Nam penula, ut & lacernæ, chlamydes, saga & reliqua pallia, aperta erant, & fibula vel in humeris, vel in cervice necessebantur: Casula tota clausa, ut & toga. Præterea planeta vestis laxior & rotunda; penula angusta & corpori adpressa.* Verùm hoc argumentum, quod à forma ducit, opportunius infra discutietur, vbi sub proprio lemmate de forma ipsa penula, planeta & casula, nobis erit ex instituto differendum. Hic aduertisse sufficiat Ferrarium eò adductum fuisse ut penulam idem esse indumentum sacrum, ac planetam seu casulam detrectaret, ne cogeretur concedere penulam à S. Paulo, 2. Timoth. 4. commemorari, ceu vestem sacram qua in diuinis consuëssent uti. Igitur hic è re nata locus Apostoli excutiendus occurrit, quia sicut absque eius dilucidatione dirimi hæc controuersia non potest, ita ex eius explicatione huic conciliandæ quæstioni plurimum luminis sit procul dubio accessurum.

## CAPVT IV.

*An mystica vestis Sacerdotalis, sub penula vocabulo Apostolus scribens ad Timotheum meminerit?*



D Timotheum dilectum suum S. Paulus hæc inter alia scribit 2. ep. c. 4. *Τὸν φιλόσω ὁ ἀπέλιπον ἐν Τρωάδι παρὰ Κάρπῳ, ἐρχόμενος φέρε, ὃ καὶ βιβλία, μέγιστα τὰς μεμβράνας.* Penulam quam reliqui Troade apud Carpum affer tecum & libros, maximè autem membranas. Quæ verba etsi satis plana

& perspicua videantur, in varias tamen opiniones de genuino eorum sensu, tam priscos quàm neotericos interpretes coniecerunt. Tota difficultas ex sano intellectu vocis *penula* pendet, quam aliter atque aliter loci huius scrutatores exponunt.

Cardinalis Baronius Tom. 1. Annal. ad ann. 59. tractans ex professo de hac Apostoli penula, vulgarem non esse vestem, penulam nimirum gaulapinam vel scorteam, cuius meminerunt veteres; Cicero ad Atticum lib. 13. Spartianus in Hadriano, Lampridius in Alexandro, Tacitus in Dialog. de orat. Martialis Epigram lib. 14. ante omnia asserit: tum ad duas refert opinionationes, loci signati ep. 2. Pauli ad Timotheum, veterum interpretum iudicia.

Priorem esse innuit, quæ per penulam, volumen legis intelligat Græcè enim legitur *φιλόσω volumen*, quam acceptionem se obser-



uâsse commemorat S. Hieronymus scribens ad Damasum ep. 125. q. 2. ubi ait, *Volumen Hebræum replico, quod Paulus Φελόντιω iuxta quosdam explicat.* Vbi tamen patet S. Hieronymum hanc opinionem suo calculo non approbare, quam non suam sed quorundam esse idcirco designat. Sic recenset S. Chrysostomus homil. 10. in ep. 2. ad Timoth. c. 4. aliorum opinionem, qui per penulam, thecam librorum accipiendam esse existimabant; at aliud est volumen, aliud theca librorum: non arridet Baronio eorum persuasio, qui penulam pro theca accipiendam putant; at magis placet ea sententia quæ pro penula volumen intelligit, censetque vetus fuisse Testamentum seu volumen legis valde authenticum, quo fortè ad reuincendum Iudæos & obfirmandos fideles sibi adferri Romam demandabat. Sunt tamen qui probabilius esse putent, arculam, seu thecam qua libri conduntur per penulam ab Apostolo designari, auctoritate ducti Syri interpretis, qui verterit *Bet Ketabe*, id est thecam librorum, cui Hesychius succenturiari videtur, qui Φελόντις interpretatur, εἰληπτικὸν μὲν ὅρασις ἢ γλωσσόκομος. Parùm verò refert, an per penulam volumen sumendum legis, vel thecam librorum quispiam contendat, stare enim hæc simul possunt: potuit siquidem in theca librorum esse volumen istud Hebræum, quod vetus fuisse Testamentum Baronius arbitratur; sed vix verba Apostoli hunc sensum pati videntur, quorum enim Codicem legis librorum ad se transmitti peteret, & *libros, maximè autem membranas*, & librorum thecam, si hæc in theca condita erant? satis enim tum fuisset scribere, *Affer librorum thecam*, in iis enim fuisset ipsum volumen legis & cæteri libri, ipsæque membranæ quas instantiùs Apostolus sibi afferri postulabat.

Altera igitur sententia (quam etsi probabilem censet Baronius, priore tamen inferiorem existimat) ea est quæ penulam pro veste sacra exponit, qua Apostolus inter orandum vteretur, putantque hanc esse planetam seu casulam, qua etiamnum Sacerdotes dum operantur sacris, indui solent, quæ nimirum dicta sit ab Apostolo penula ἀπὸ τῆ φαρισαϊκῆς, ὅλον, quia scilicet tota videtur & totum corpus oberrat; vnde & planeta dicitur ἀπὸ τῆς πλάνης, id est ab oberrando: fauere verò aiunt huic sententiæ Tertullianum lib. de orat. c. 12. cuius tamen locum vix aspexisse videntur, ita enim habet ea de re auctor hic antiquissimus. *Sed quoniam unum aliquod attigimus vacuæ observationis non pigebit cætera quæque denotare, quibus meritò vanitas exprobranda est. Siquidem sine ullius aut Dominici aut Apostolici praecepti auctoritate fiunt. Huiusmodi enim non religioni, sed superstitioni deputantur, affectata & coacta, & curiosi potius quàm rationalis officij, certè vel eo coercenda, quod gentilibus adequent, ut est quorundam positus penulis orationem facere, sic enim adeunt ad idola nationes; quod utique si fieri oportet, Apostoli qui de habitu orandi docent, comprehendissent, nisi si qui putant Paulum penulam suam in oratione penes Carpum reliquisse. Ex quo satis liquidò constat Tertullianum non sensisse penulam esse vestem sacram, qua Apostolus in oratione vteretur, cum è contra mos esset apud veteres penulam inter orandum*

deponere. De penula Pauli sunt igitur alia duæ sententiæ.

Prima est putatitij Ambrosij ad hunc locum, Haymonis Episcopi Halberstatensis ibidem, & auctoris qui commentarios scripsit in epistolas B. Pauli, inter opera S. Anselmi Cantuariensis relatos: ij enim per penulam intelligunt vestem senatoriam ipsi Paulo à patre relictam, qua ciues Romani & externi ciuitate donati cum Romam veniebant, utebantur, Senatores enim penulati incedeabant, vnde illud Lampridij in Commodo, *Et contra consuetudinem penulatos iussit Senatores non togatos ad munus conuenire: quod funeribus solebat.* Et hic locus Spartiani in Seuero, vbi ait, *Penulis intra urbem frigoris causa, ut senes vterentur permisit, cum id vestimenti genus semper itinerarium fuisset aut pluuia.* Paulus autem ciuis erat Romanus, ut ipse coram Centurione Hierosolymis protestatus est, Act. 22. & quia nobilis, erat inquit Senatorij ordinis. Quasi verò omnis ciuis Romanus, itidem Senator esset, aut tum Senatoria veste, eaque paterna Paulo opus esset, qui vinctus Romæ, propè moriturus erat cruento martyrio? Et iam suppressa toga, esset penula, Senatoria vestis, quam nonnisi à Commodo centum supraque annis post necem Apostoli, præter consuetudinem, Senatoribus tributam, Lampridius supra auditus commemorat.

Altera igitur sententia longè verior est, scilicet S. Chrysostomi ad citatum locum Apostoli, penulam pro pallio interpretantis: *Pallium* (ait) *hic penulam dicit:* Pallium enim Apostolis fuisse familiare, qui Hebræi essent, non solum verustissimæ illorum icones monumento sunt, sed & Molanus lib. de sanctarum imaginum usu, eruditè demonstrat: qua de re etiam nonnulla signauimus in Panoplia Clericali, vbi de quadruplici differuimus pallio, Iudaico scilicet, vulgari, philosophico & Clericali. Accedit quòd Lucianus qui tempore Apostolorum vixit (in Philop.) Palliatos incessisse Christianos, ipsosque adeo illorum Duces, Apostolos utique, suo more deridendo commemorat. Insignis extat liber Tertulliani de Pallio, quod fide Christi suscepta, relicta toga induerat. Cæterum S. Chrysostomi interpretationi de pallio pro penula non modò Theophylactus iuratus sectator eius assentitur, verum consentit etiam sanctus Hieronymus lib. 3. contra Pelagianos inter initium & medium, vbi adducto S. Pauli loco de penula, hanc pro lacerna, istudque pro penula promiscuè sumit, lacerna verò erat genus pallij fimbriati, quo utebantur Equites, ut Isidorus tradit & Martialis lib. 14.

*Amphithreales nos commendamur ad usus*

*Cum tegit argentes nostra lacerna togas.*

Pluuio tempore, pro pallio penulam supra tunicam sumebant, quæ vestis externa frigus & pluuiam arcebat: quò pertinet istud Iuuenalis Satyr. 5.

.... *Et multo stillaret penula nimbo.*

Et Lampridius in Seuero, *Penulis*, inquit, *intra urbem frigoris causa ut senes vterentur permisit, cum id vestimenti genus semper itinerarium aut plu-*

\* Ad Philemon.  
v. 9. 2. Timoth.  
4. 21.

uia fuisset. Duplicis autem erant generis penulæ, villosa altera, altera scôrtea: vtramque memorat Martialis epig. lib. 14. Hoc genus igitur vestis reliquerit Paulus Troade apud Carpum. Senex igitur cùm esset & hyems instaret, petit ad se transmitti, qui vinctus Romæ agebat. Vnde concidit argumentum Baronij, qui vt opinionem de theca libraria per penulam designata ceu magis probabilem obfirmet, aduertendum monet, siue de sacra veste, siue de vulgari quispiam penulam interpretetur, non satis bene cum Apostoli verbis conuenire; facile enim erat Apostolo Romæ conficere eiusmodi vestes absque eo quòd velit ex Asia per Timotheum ad se deferri. Non sic autem de legis volumine, quod cùm sacro-sanctum haberetur, haud facile librariis ad describendum committendum erat. Meminisse enim oportebat Baronium, pauperem fuisse Apostolum, qui dum pressuras suas commemorat, disertè testatur se vtplurimum perpessum esse aëris iniurias, in nuditate. Senex igitur cùm iam esset & inter vinctos constrictus, petit ad se deferri penulam quam Troade apud Carpum amicum reliquerat; cùm vt contra imminētis hyemis iniurias corpus suum communiat, tum vt ipse in carcere nemini grauis sit, sed vt ipse se vestiatur proprio indumento. Hanc rationem acutè peruidit & signanter notauit S. Chrysostomus loco citato dicens,


\* Τὴν ἐκείνου  
ζήτησιν μὴ ἀπο-  
δύναμι παρ' ἐν-  
αυτοῦ. ὅτι ἐν τῷ  
αὐτοῦ ἵματι τοῦτου  
πολλὰ πειράματα  
τοῦ σώματος, καὶ  
ἀνιστοῦ ἐν πύρεσιν,  
λύματα καὶ τὰς  
ἀσθενείας ἐξ ἑαυτοῦ δι-  
είλετο· γινώσκοντες  
ἐν ταῖς χεῖρας  
μου καὶ τὰς οὐ-  
μὲν ἐμὰς ὑπο-  
τάσσαι αἱ χεῖρες αὐ-  
τοῦ.  
S. Chrysost. in  
2. ep. ad Tim. c.  
4. homil. 10.

\* Penulam querit, ne hanc ab aliis accipere sit opus; vides enim id magno studio curantem, cùm alibi dicit Ephesius loquens, Scitis quia necessitatibus meis, & iis qui mecum erant, ministrauerunt manus istæ. De penula igitur vulgari, verbâ Apostoli intelligenda sunt, non de sacra veste orationi destinata; quemadmodum S. Hieronymus apertè docet, lib. vt præsignauimus, 3. aduersus Pelagianos, sic etenim huius controuersię decisionem pronunciat; Putasne Apostolum Paulum eo tempore quo scribebat: Lacernam siue penulam quam reliqui Troade apud Carpum, veniens affer, ac libros, & maximè membranas; de celestibus cogitasse mysteriis, & non de iis quæ in usu communis vitæ vel corporis necessaria sunt? Da mihi hominem, qui non esuriat, non sitiat, neque algeat, non doleat, non febricitet, non torminibus & urinae difficultatibus torqueatur, & ego concedam posse hominem, nihil aliud nisi de virtutibus cogitare.

Cæterum etsi ad summōs iuris apices causam hanc expenderimus, non est quòd Nouatorum quispiam sibi inde blandiatur, quasi Apostolos sacro vestitu vsos in diuinis planè inficiemur: contrarium siquidem ex professo in Panoplia Episcopali asseruimus ex podere & stola S. Iacobi, fratris Domini, & petalo seu frontali lamina aurea sancti Ioannis Apostoli, beatique Stephani protomartyris tunica seu stola linea. De casula porrò seu planeta S. Petri, infra authenticum testimonium proferemus, etiam Dei digito obsignatum. Verum cur negent Nouatores Paulum in sacris planeta vsum, quum S. Petrus sacram eiusmodi vestem gesserit, verum vt fatear non capio: maximè cùm sanctus ipse Paulus omnia fieri in Ecclesia cum ordine commendaret, præsertim circa Eucharistiæ mysterium, de cuius ritibus celebrandi, ad Corinthios disertè scribit, se cùm ad eos venerit, ea quæ decent dispositurum.

## CAPVT V.

*Casulam seu planetam à S. Petro gestatam fuisse Antiochia, cum ibi Pontificatum summum ageret, ante suum in Occidentem progressum.*



*S*ed testimonium hominum accipimus, testimonium Dei maius est, inquit dilectus Domini, ep. 1. c. 3. Sanè si Tertullianus vel Eusebius litteris mandasset, S. Petrum indutum casula, seu quauis alia sacra veste, diuinis fuisse operatum, vix quisquam esset propter testium auctoritatem, qui id in dubium verti posse arbitraretur. At de casula S. Petri extat diuinum testimonium, ipso Dei digito obsignatum, diuina scilicet virtute, quæ veritatem sacri huius pignoris patenti miraculo declarauit, confirmatum: igitur citra pietatis Christianæ offensionem, nemo potest de re adeo certa ambigere. Hoc præfixo axioma, lemmatis nostri demonstrationem aggredior.

Antiquissima est Parisiis S. Petri Basilica constructa à Clodoueo, 1. Francorum Christiano Rege, in qua ipse iacet, demùmque S. Genouefa virgo condita, ob miraculorum quibus in tumultu emicuit splendorem, sensim vt propria tutelaris coli promeruit. Hanc in sacram Ædem, quæ monti Parisiensi insidet, iam pridem S. Petri vestis Sacerdotalis, quam planetam seu casulam vocitant, allata fuerat, summæque veneratione obseruata; cum S. Hugo Cluniacensis Abbas deuotionis ergò hanc Ecclesiam Lutetiæ percelebrem visitans, tantum pignus Apostolorum principis, singulari reuerentia excoluit, fidèque huius germanitatis subnixus, eiusdem applicatione homini longæua ægritudine, iamque extrema, grauato, beneficium sanitatis impertitus est. Rem gestam refert Hugo Cluniacensis monachus, ipsius B. Hugonis coætaneus, in eius vita, quam Patrum Cluniacensium conuentui dedicauit, sic enim recitat: *Parisiarum urbem Sanctus intrauit, ubi ad Ecclesiam sanctæ Genouefæ Missas celebraturus ascendit. Quibus expletis accepta Petri Apostoli planeta, quæ ab Antiochia olim delata, in præfata seruatur Ecclesia. O vtinam inquit haberemus agrotum, in quo virtutis Apostolicæ caperemus experimentum! quibus relatis, Robertus sua probitate illis in partibus satis notus, sed diutino membrorum officio destitutus, illuc se deferri præcipit, quo Sanctum adesse cognouit. Deponitur debilis ante Sanctum, prece supplici querit ab eo suffragium. Pater Hugo miseretur, tenensque Apostoli planetam, Dominum deprecatur; quam super agrum planetam eleuauit, & cum dulci melodia ait: Petrus Apostolus dixit paralytico; Roberte sanes te Dominus Iesus Christus, surge & sterne tibi? qui continuo surrexit. In his verbis Robertus illico totus conualuit, sanus egreditur & gratias agit. Hactenus Hugo Cluniacensis monachus, rei quam enarrat contemporaneus scriptor. sed anonymus, asceta itidem Cluniacensis in relatione miraculorum sancti ipsius Hu-*



gonis Abbatis sic eandem refert miram eiusdem Beati viri actionem. Pater venerandus, fiducia, inquit, de fonte pietatis hausta, ex planeta B. Petri Antiochia habita, quam accepit in manibus, cepit Antiphona cantare principium, in qua continetur curatio illius Æneæ, quem Petrus, pauper substantia, sed diues potentia, sanasse legitur in actibus Apostolorum; quod est tale: Petrus Apostolus dixit paralytico, & adiecit modulando; Roberte sanet te Dominus Iesus Christus, surge & sterne tibi; Qui videlicet Robertus continuo surrexit, ac si illa vox non alterius fuisset, nisi Petri Apostoli. Celebre fuisse hoc mirandum opus, in Regia patratum vrbe, Hildebertus Episcopus Ceno-manensis, qui postea fuit Turonensis Archiepiscopus, doctrina & pietate eodem tempore perillustis, in ea quam conscripsit gestorum ipsius B. Hugonis collectione (& Pontio Cluniacensi Abbati, eiusdem B. Hugonis successori nuncupauit) itidem commemorat; Vbi hanc planetam fuisse Petri Apostoli, tam ex opere diuinitus edito asserit, quam ex veterum (vt disertè ait) relatione. Meminit eiusdem planetæ Sugerius Abbas S. Dionysij in relatione quam scripsit ad Eugenium III. Pontificem, super eiusdem Papæ iussu, à se facta Canonicorum expulsionem sæcularium ex Ecclesia S. Genouefæ, propter prauos eorum mores; quos abeundo etiam queritur thesauros eiusdem Ecclesiæ (signatim verò ipsam casulam S. Petri) deplorabili sacrilegio deprædatos; Qui in iniquitate inuoluti (inquit) nequitia excæcati, thesauros furtim sublatis, videlicet 12. marcas auri, & reliquias eiusdem Ecclesiæ, videlicet casulam S. Petri, (pro quo, eos regia potestate, nisi eis pro reuerentia vestra Celsitudinis parceremus, tanquam fures aut raptores tenuissemus) nullo modo reddere voluerunt.

## CAPVT VI.

*Ioannis Caluini obiectiones contra Casulam sancti Petri  
discutiuntur.*



ESTILENTISSIMVM libellum inter plerosque perniciosos tractatus, Ioannes Caluinus famosus hæresiar-cha, Galliæ propudium, orbis incendium, superiori sæculo euulgauit, INDICEM RELIQUIARVM, inscriptum: in quo quicquid pignorum Sancti in terris suæ in nos charitatis reliquerunt, abolere nullis non adhibitis artibus machinisque conatur. Tanto furore aduersus cultum sanctarum reliquiarum debacchatus, vt furis agitatus potius videatur, quam vlla vi argumentationum uti, ac niti; aut tantillo duci rectæ rationis lumine: quo cum se destitui aliquando deprehendat, ad ironias, irrisiones, cachinnos, putidæque scommata totus conuersus, id agere potissimum se prodit, vt quod sui nominis anagramma sonat, infau-istaque reddit litterarum eiusdem expressio (mutato tantum earumdem situ\*) Lucianum impium omnis numinis, sanctitatisque derisorem,

\* Lucianus, literis paululum inuersis fit, Caluinus.

prorsus in se exhibeat rediuium. Siquidem impotenti illa infania sacrilegòque spiritu quo feruet, eò vsque abripitur vt Christum ipsum in membris suis, quæ obscenè recenser, vestibùsque & quibusuis redemptionis nostræ ab ipso peractæ monumentis atque pignoribus, scurriliter derideat: benedictamque eius genitricem, immaculatam Virginem, Spiritus sancti sacrarium, impiis turpibusque dictariis laceßere, lacerare, in derisumque & opprobrium traducere non vereatur. Sponsum eius inde aggressus, tum ad Angelos digressus, hinc in Præcursores Domini pari rabie irruens, Apostolos eodem furore adoriatur, quorum principes beatissimos tot ironiis appetit, sub derisionis exuiarum ipsorummet inuolucris, vt nihil diabolo (qui Sanctorum calumniator est & summus impiorum omnium magister) prorsus reliquerit, quo Apostolica culmina acrius impetere, tetriusque laceßere, aut fœdius deturpare, dæmon ipse vnquam præsumat. Non est huius loci singula quæ effutit Calvinus expendere: illa dumtaxat notasse satis fuerit, quæ ad præfixum lemma pertinere videntur.

Postquam igitur habenis laxis impiæ dicacitatis, effusè derisit S. Petri, Apostolici Senatus primatis barbam, maxillam, cerebrum; caput, ossa collisit; de crepida lusit, cachinnos mouit de Cathedra, mox de casula eius seu planeta, putidas subinde nœnias habet \*, & garritus effutit.

*Romæ, inquit, item ostenditur ipsius S. Petri Cathedra Episcopalis &c. Casula itidem. At mos iste nondum inoleuerat vt personati Episcopi, larvas eiusmodi induerent, & mimicos ludos in Ecclesia agerent. Ita Calvinus.*

Verum quoad Cathedram spectat Petri, mirum est quod visum sit Caluino illam impetere: *Sedens Dominus docebat discipulos suos*, vt S. Matthæus memoriæ prodidit c. 15. Cuius verba perpendens S. Augustinus lib. 1. de sermone Domini in monte sub initium, *Sedens autem Dominus docet* (inquit) *quod pertinet ad Magistris dignitatem*. Docere autem omnes gentes mandauit Apostolis suis, cum ad Patrem rediret. Petrus sacri huius Collegij Primarcha erat, Matth. 10. Docere illi igitur imprimis competebat, cur non igitur & docendo sedere? sane Tertullianus vt docendi munus, ita cathedræ insidendi honorem, Apostolis hoc ex usu adscribit, præscriptionum c. 36. *Percurre, inquit, cathedras Apostolicas, apud quos ipsæ Cathedræ Apostolorum suis locis possidentur*. Ita Optatus lib. 2. contra Parmenian. *Negare, inquit, non potes scire te, in urbe Roma Petro primo Episcopalem Cathedram esse collocatam*. At exceptum fortè ierit Calvinus se non inficiandum censere Petrum docendo alicui cathedræ insedis, sed dumtaxat hanc nunc vsque fuisse conseruatam. Vt quid? quòd nimirum lignea erat? Verum & crux Domini erat lignea, cuius in hunc vsque diem insignes portiones spectatissimis locis asseruantur authenticis suæ germanitatis monumentis obsignatæ, quin & illustratæ diuinæ virtutis plerisque testimoniis. Sed hæc Calvinus non recipit. esto, quia diuina ei testimonia non arrident; sed fortè recipit humana: neque enim audeat

\* Gallicè extat apud me Caluini pestifer ille de reliquiis Sanctorum Tractatus: sed verba eius ad amulsum phrasi Latina exprimere quàm syncerè curauim.

eò desperatæ impudentiæ prorumpere, ut neget omnia. In Ecclesiastica historia nonnihil Eusebio defert, ipsum igitur adeo non inuitus audiat lib. 7. hist. Eccles. c. 19. *Etenim sedem Jacobi Apostoli qui primus ab ipso seruatore & Apostolis Hierosolymitana Ecclesiæ Episcopatum accepit, quem & diuina scriptura fratrem Domini nominari tradunt, ad hoc usque temporis seruata, fratres isthic, qui successionē ordinariā subsecuti sunt, omnibus manifestè monstrant, sicut circa sanctos viros pietatis gratiā, cum veteres, tum & præsentēs competentem honorem seruauerunt & hodie quoque seruant.* Hactenus Eusebius grauissimus, siquis & ipse vetustissimus antiquitatis Ecclesiasticæ enarrator. Sed si Iacobi Cathedra Hierosolymis tanto piorum studio seruata fuit, cur non & Petri Romæ sedentis cathedra pari cura potuit conseruari? sed effugit Calvinus: Neque enim tam de cathedra doctrinæ se altercari insinuat, quàm de Episcopali sede, seu throno; *Eiusmodi enim solia, inquit, tum Episcopi non ambiebant.* Et quidem ab ambitu illos abhorruisse non diffiteor, inficior tamen ita demissè illos sensisse de Sacerdotij Christi dignitate, honore & gloria, ut omnem abiecerint pontificatus sacri eminentiam. Inter martyria Episcopatus honorem pleno vigore Sacerdotali sustinebant, ut apud S. Cyprianum videre est, qui passim in scriptis potestatem & decus Episcopatus astruit & defendit. Iamque in cathedris sedebant sacri nostri antistites, honoris causâ, candidis velaminibus ornatis: Hinc Pontius sancti ipsius Cypriani Diaconus in eius actis signatim habet: *Sed ubi ventum est ad prætorium, nondum procedente Proconsule, secretior locus datus est, illic cum post iter longum nimio sudore madidatus federet; sedile autem erat fortuito linteo tectum, ut & sub ictu passionis, Episcopatus honore frueretur.* Inter ipsos igitur martyriorum agones, Episcopi honore Episcopatus in Ecclesia eminebant, soliis ornatis insidebant, sedisque decore dignitatis indicabant maiestatem. Impiè igitur pariter ac imperitè Calvinus eo nomine Episcopos nostros calumniatur, quòd sedis Episcopalis splendore, cultum sibi vendicet indebitum, velutque idola adorari se faciant, quandoquidem Episcopi etiam martyrio illustres idem decus Episcopatus possidere, iamdudum inter ipsa fidei certamina ut legitimum, & Pontificali honori debitum non dubitauerint; ipsèque S. \* Augustinus, quem fastus aut immodestiæ insimulare nemo vel deploratæ mentis audeat, sui temporis sit testis communi Ecclesiæ more, ideòque iure habuisse Episcopos, gradatas absides, cathedrasque velatas, quas & Pacianus antiquior ep. 2. contra Nouatianos vocat *linneas sedes*. Sed de Episcoporum sacris tribunalibus occasione Cathedræ sancti Petri satis superque: de quibus & aliàs dixisse nonnulla meminimus lib. de Episcopali Monogamia & vnitæ Ecclesiastica.

\* Epist. 203. ad Maximinum.

Iam de casula ipsius S. Petri discutere operæ pretium est, quæ Calvinus more suo ogganniat. *Quoad Casulam eius spectat, (inquit) est quod Papistarum inscitiam merito deploramus. Hos dicere non pudet, Petrum gessasse casulam: quia scilicet mores ætatis Apostolicæ prorsus ignorant; tempus sanè nondum aduenerat ut ministri Ecclesiæ diuina laruati celebrarent, mimicisque ludis*

*dis (ut postmodum factum est, sitque nunc usque) in sacris lasciuiarentur.*

Verum ignosci à Caluino mihi non postulo. Ignorauit ipse quantâ inscitâ antiquitatis Ecclesiasticæ laboraret. Inter scripturientes hæreticos nullus fuit, qui maiori præsumptione se iactaret penitissimæ cognitionis historiæ Ecclesiasticæ, Patrûmque doctrinæ: at fuit nemo penitus qui minùs scita Patrum nouerit, parciùs scripta eorum euoluerit, rituum Ecclesiæ fuerit minus sciens. Doctos & peritos iudices appello; sexcentis exemplis si per tempus liceret possem putidæ eius ignorantix plerasque laves ostendere, prodere pudendos lapsus, excacatæque præsumptionis ausus temerarios palam facere. At hoc me piget, puderetque ipsum Caluinum suæ inscitix ac temeritatis, si hac ætate uiueret in tanto omnis eruditionis lumine, quo innumera eius errata, hæcque grauissima oculatis queisque, perpetua cum eius nominis infamia patefacta sunt. Polemicos Theologos si quis consuluerit, myriades eiusmodi lapsuum, errorum, mendaciorum ab iis euictorum planè reperiet. Cæterum præmisso hoc monitu, ad Caluini obiectionem de vestibulis sacris lubens regredior, quas ignotas fuisse Apostolico sæculo, primisque subinde Ecclesiæ temporibus audacter affirmat.

At hic etiam crassa eius ignorantia patenter se prodit: Si enim primæ antiquitatis Ecclesiæ legit scriptores, quî sit ut nesciat Iacobum Apostolum, cognomento fratrem Domini, primum Hierosolymorum antistitem, podere indutum, seu linea tunica talari Sacerdotali sacris operatum? testatur apud Eusebium Egesippus vicinus Apostolicorum temporum, ipsèque Eusebius lib. 7. c. 28. hist. Eccles. Addit Epiphanius hæres. 78. etiam bracteam in fronte gestasse, seu laminam auream, quæ insigne erat Pontificalis dignitatis, quam in signum eiusdem Pontificalis honoris Ephesi S. Ioannem gestasse Polycrates & ipse Ephesiorum Episcopus, apud Eusebium lib. 5. c. 23. sacræ historiæ, & S. Hieronymum in catalogo commemorat disertis verbis. Porro in octaua synodo Oecumenica, act. 1. epistola recitatur Theodosij sanctæ Ciuitatis Episcopi, ad Ignatium CP. qua in pignus honoris & sanctæ amicitix huic ille transmittit poderem & superhumerales, cum mitra & stola Pontificali ipsius S. Iacobi Apostoli, quibus insigniti erant eius successores in Hierosolymitana Ecclesia, diuina obeuntes mysteria. Hinc patet quàm ignarus Calvinus fuerit sacræ antiquitatis, & quàm ineptè garriat, temerèque effutiat vestes sacras in diuinis muneribus numquam Apostolos usurpasse. Cuinam obsecro fidem est quòd æquiori iure præbeamus? An soli Caluino tot errorum parenti, tot falsitatum artificii? an primævis illius Ecclesiæ historiæ oraculis Egesippo, Eusebio, Polycrati, Epiphanio, Hieronymo, quin & Oecumenicæ synodo testimonium Theodosij Hierosolymitani Patriarchæ sua auctoritate obsignanti? Hos certè si omnes testes Calvinus damnauerit insanix, libenter respondebo, Malo cum tantis Patribus insanire, quàm tibi assentiri, vni soli, totque in fraudibus, calumniis, iniuriis, erroribus, deprehenso.



Attamen petitioni principij vaser altercator semper insistit; *Antequam*, inquit, *Papista euictum habeant casulam Petro in usu fuisse, dum sacra celebraret: necessum est probatum eant, Apostolos histrionicis vestibus fuisse indutos ut nostræ ætatis Sacerdotes, cum diuino ministerio fungerentur?* At iam ex præmissis plana patet responsio; nec enim nostri Sacerdotes in re diuina aliis vtuntur vestibus, quàm sacris, quibus, vt ostensum est, ipsi Apostoli sacris operantes vti sunt, maximè Petrus, quo tradente (scribit Honorius Augustodunensis) Clemens vsum sacrarum vestium in diuinis præcepit. Stephanus autem postea ne vsibus profanis, vilibusque paterent, extra sacra loca gestari à Clero prohibuit, vt constanti multorum testium fide (sicut docti nôrunt) proditum est.

Porro quod Calvinus, *id quod Deus sanctificauit, profanum appellare non veretur*: diuina mysteria ludis mimicis, & sacra diuinorum ministrorum indumenta histrionicis laruis impiâ derisione comparando: horrore potius quàm responsione dignum est. Illusisse Domino Pilatum & Herodem, ridiculis à se induto vestibus non nescimus. Sacerdotes actu & habitu passionis Domini memoriam quotidiano in sacrificio celebrant; *Sequuntur eum extra castra* (vt monet Apostolus) *improperium eius ferentes*: Deridet eos Calvinus, vt olim carnifices Christo ludibriosè induto & coronato, sannis & scommatibus putidis insultarunt. Abeat igitur cum illis vias suas: nobis satis erit cum Propheta occinere, *Beatus vir qui non abiit in consilio impiorum*, ( in autographo, *derisorum* ) *Et in via peccatorum non stetit, & in cathedra pestilentie non sedit*; Vbi doctissimus legit Genebrardus *ἀίμας* pestium, pestilentum hominum & derisorum, qui humana diuinâque rident impietate sua. Hæc Caluini cathedra, hæc schola, è qua tot portenta impietatis, tot irreligionum agmina, ingenti cum animarum exitio prodierunt.

At fortè instabit, tametsi ostenderimus sacras vestes in diuino ministerio ipso Apostolorum tempore, adeoque ipsis Apostolis fuisse in usu: nihil de casula S. Petri attamen eatenus fuisse probatum. Sed præterquam quòd nobis necesse fuit Caluini impetum sequi, ea nimirum quæ obiicit, ordine quo proponit refellendo: iam de B. Petri casula argumentum præuertimus; siquidem superiori capite tractauimus de ipsa S. Petri casula, quam ante 600. annos fuisse seruata Parisiis, atque non modò annosa Maiorum traditione pro genuina habitam; at insigni miraculo à Deo approbatam insuper demonstrauimus. Speciale nihil attulit Calvinus contra hanc casulam, sed generatim duntaxat contra vestes sacras disputat, futilibus adeo argutiis, ridiculisque obiectionibus, vt iis refellendis pigeat, pudeatque vel pauca bonæ horæ momenta impendisse, quum nec dignæ essent quæ recenserentur.

Cæterum ex responsis nostris apertè constat Apostolos sacris insignibus amictos diuina mysteria celebrasse, adeoque B. Petrum ritus huius traditionem Clementi vt promulgaret commendasse: à quo Ecclesiæ in depositum consignata, postmodum fuerit nunc usque perenni obseruantia custodita. Quòd si Calvinus dato quòd

Petrus ipse vestibus sacris usus fuerit, de sola casula voluerit acrius contendere, an inter Sacerdotales vestes quas Petrus gerebat, aliqua esset quæ hoc nomine censeretur; tum quum de re constet, soloque de nomine controuersia supersit, non anxie de ipso nomine disputandum esse reor. satis est enim ad Caluinum refutandum, qui casulam negat: hoc solo nixus falso principio quod Apostoli nunquam mysticis indumentis usi fuerint; quod Petrus vestibus sacris indutus diuina mysteria non celebrârit (inter quas tamen fuisse casulam seu planetam Maiorum traditio superius memorata, diuinæque confirmatio eius germanitatis miraculo celebri obsignata, sufficienti argumento esse potest: ) Cui accedunt antiquissimæ picturæ, quibus S. Petrus illo insignis ornatu, ea qua dudum forma gerebatur, repræsentatus conspicitur. Ex quibus en vnam hîc proferimus, in pij lectoris gratiam, quæ ex vetustissimo Codice liturgico ad usum Ecclesiæ Leodiensis, in membranis exarato, desumpta: his ferè lineamentis expressa cernitur viuis insuper coloribus tincta, quos hîc per tempus non licuit, graphicè adumbrato operi superfundere.



En Petri Apostolorum principis, primique vt eum appellat Eusebius Cæsariensis, *Christianorum Pontificis* mysticus apparatus, eo sche-



mate depictus, quo diuinis operari consueuerat. Quod si inquirat Calvinus, vnde pictura hæc originem duxit? audiat ipsum Eusebium de ipsius Petri imaginibus à Maioribus acceptis, & summo studio ad posteros conseruatis, lib. 7. historiarum, c. 18. vbi de *Statua Domini apud Casaream Philippi, quam Pancadem vocant, ab hemorroissa muliere, quam sanauerat, in memoriam beneficij erecta, & miraculis huc usque cum scriberet illustrata*, verba faciens: *Mansit autem, inquit, ad nostra usque tempora, sicut & ab illis videri potest, qui in eam ciuitatem commigrant, nec mirum videri debet eos qui ex gentibus olim à seruatore nostro curati sunt, ita fecisse; quando & Apostolorum illius imagines Pauli videlicet & Petri, & denique ipsius Christi, in tabulis coloribus depictas asseruari vidimus.* Quemadmodum igitur ex iis prototypis genuina expressa facierum lineamenta à Maioribus quasi per manum ad posteros peruenisse certum est: ex quibus sacræ antiquitatis monumentis, diu admodum post Eusebium Nicephorus in sua quoque historia Ecclesiastica Domini N. Iesu Christi, sanctissimæque eius genitricis, & Apostolorum icones graphicè describit, ad suam usque ætatem conseruatas: ita & horum habitus siue sacri, siue communis speciem haud dubium est Maiores ad piam posteritatem eadem pietatis industriâ transmisisse: quamobrem & ipse Eusebius vestimenti imaginis ipsius Domini formam signanter obseruat. quidni igitur & Petri, cuius vultus figuram tanta constantia expressam vbique similem conspiciamus: etiam vestium formam, maximè autem qua solebat sacra peragere, pari studio custoditam & propagatam ad posteras ætates rationi consentaneum est agnoscere? Nec sanè magis repugnat à tempore Apostolorum ad annos 800. subinde peruenisse; quàm hinc ad nos usque transiisse incorruptam; Ea enim pictura cuius imitationem ibi referimus ante annos 700. & ampliùs delineatam manifestè prodit Codicis, cui inserta hæret antiquitas, certis etiam characteribus suæ vetustatis huc usque conspicua, cuius indicia alibi non semel consignauimus. Extat apud Baronium tom. 4. antiquissimum numisma Theodosij senioris Imperatoris, apparitionem illi factam sanctorum Apostolorum Ioannis & Philippi paulò ante victoriam, quam diuinitus obtinuit contra tyrannum Eugenium referens: in qua ipsi Apostoli conspiciuntur induti Sacerdotali habitu, quemadmodum etiam se obtulisse spectabiles ipsi Theodosio Theodoretus commemorat, hist. lib. 5. c. 24. Quid mirum igitur, si circa annum 900. S. Petrus Sacerdotali apparatu expromeretur insignis, cum iam anno Domini 394. S. Ioannes Euangelista qui Ephesi pontificalem laminam in fronte portauit, (vt superiùs ostensum est) & sanctus Philippus Apostolus, etiam cum tonsura in vertice, Sacerdotali induti amictu, recepto ex Maiorum more venerandæ antiquitatis traditione suffulto, etiam in imperialibus numismatis exprimerentur.

Verùm Calvinus qui horum ignarus fuit, iam meliùs edoctus, vel inuitus fortè concedet Apostolos sacris vestibus in diuinis vsos fuisse, adeoque S. Petrum ex Maiorum traditione præmemorata gessisse casu-


lam seu planetam. At fortè percontabitur, qua ratione firmatum ire possimus, illam ipsam esse quam ipse gestauerit, & quidem Antiochiæ: hincque illam aliquando Lutetiam Parisiorum fuisse traductam, & in ipsius Basilica de monte repositam, & tamdiu asseruatam? sed verò ex dictis peruia, plana, & solida responsio ad hoc obiectum patet, nempe id constanter fuisse Parisiis creditum non ex rumore volatili, sed Maiorum perenni relatione tandem illustri miraculo, quod ex Hildeberto, aliisque contemporaneis testibus deprompsimus, hoc est, diuino testimonio confirmata.

Cæterùm adhuc fortè instabit, quia solenne ei est, à multiplicatione præsentia earundem reliquiarum, in diuersis locis, aduersus illarum veritatem præscribere: vera sancti Petri casula seu planeta esse non poterat quæ seruabatur Parisiis: nam Romæ casula S. Petri iampridem custodita colitur; vel si genuina ea est quæ deposita legitur quondam Parisiis, suppositiciam esse necessum est quæ Romæ habetur. Quæ argumentatio quàm insulsa sit & inutilis, perspicax nemo non videt, plures enim gessisse casulas sanctum Petrum diuersis præsertim locis quid implicat? habuit duas catenas, alteram qua Hierosolymis ab Herode, alteram qua Romæ à Nerone legitur fuisse deuinctus: sic duas vicissim casulas, seu planetas habere potuit, alteram v.g. Antiochiæ, alteram Romæ. Et in gestis S. Hugonis Cluniacensis suprà relatis disertè notatur, eam quæ Parisiis in Basilica ipsius S. Petri de monte collocata erat, eò fuisse ab Oriente delatam; hanc enim illam esse qua Antiochiæ ipse B. Petrus usus fuerat: quæ igitur Romæ habetur aliam esse facile concedi potest, qua scilicet indutus ibi diuina mysteria celebrârit. Verùm si etiam hæc quæ seruatur Romæ eadem esse diceretur, quam ipse sanctus Apostolus Antiochiæ dum sederet, gestauerat, nihil adhuc Calvinus obtineret aduersus sancti huius pignoris quod olim Lutetiæ ostendebatur, germanitatem: siquidem ex epistola prænotata Sugerij Abbatis S. Dionysij ad Eugenium III. Papam, palam est, ipsam casulam, cuius applicatione S. Hugo miraculum tam celebre fuerat in eadem Ecclesia S. Petri Parisiis operatus; fuisse cum plerisque eiusdem sacre Ædis cimeliis, adeoque toto eiusdem thesauro à Canonicis sæcularibus (cùm auctoritate Apostolica ab ipso Sugerio inde expellerentur) furtim sublatam, nec restitutam postmodum reperio. Distractam igitur aliò fuisse, & sic Romam fortè translata coniectura est minimè improbabilis, maxime cum Canonici illi sæculares Eugenij Papæ indignationem formidarent, cuius potestatem atque iustitiam Sugerius aduersus ipsos iisdem litteris implorat. Verisimile est igitur illos supplices Romam adiisse, & petita venia à summo Pontifice, quo eum placarent, ipsi sacrum hoc munus obtulisse: quod Pontifex propter B. Petri memoriam gratanter suscepit, deque consensu (vt pium est credere) Canonicorum Regularium, qui in locum sæcularium substituti fuerant, retinuerit.



## CAPVT VII.

*Apud veteres nomine vestis Sacerdotalis intellectam fuisse planetam seu Casulam: & vicissim per planetam seu Casulam, vestem ipsam Sacerdotalem designari.\**



**S**ANCTVS Hieronymus in Nepotiani Epitaphio, vbi amicitiae pignus commemorat, quod sibi moriens Presbyter ille sanctus legauit: *Quis crederet, inquit, in tali illum tempore, nostrae necessitudinis, & luctante anima, studiorum scire dulcedinem? Apprehensa manu auunculi, hanc, inquit, tunicam, qua induebar in ministerio Christi, mitte dilectissimo mihi, ætate patri, fratri collegio: & quicquid à te nepoti debebatur in illum transfer, quem mecum pariter diligebas: atque in talia verba defecit.* Vbi doctissimus scholiastes Marianus Victorius Amerinus Episcopus, *Tunicam hinc (inquit) qua ad altare, vti Presbyter in ministerio Christi utebatur, pro ea quam casulam ac planetam vocamus intelligit; Misit autem eam Hieronymo, quia ipse etiam Presbyter erat, ut in tremendis Christi sacrificiis ea vti posset. Et cum clara hinc de cunctis Ecclesiae vestibus ac vasis memoria fiat, non desunt tamen hæretici, qui ea irrideant ac subsannent. Illa est igitur vestis Sacerdotalis quam Episcopus ordinando Presbytero imponit, hac solenni verborum formula, Accipe vestem Sacerdotalem\*, per quam charitas intelligitur: potens est enim Deus ut augeat tibi charitatem & opus perfectum. R. Deo gratias.* In libro Sacramentorum S. Gregorij hæc formula non habetur, signatur tamen impositio vestis seu casulae, postquam Pontifex immediatè dicit, *Benedictio Patris, & Filij, & Spiritus sancti descendat super te, ut sis benedictus in ordine Sacerdotali, ut offeras placabiles hostias &c.* At in Codice Ratoldi Abbatis Corbeiensis 26. qui librum Sacramentorum accuratiùs describendum curauit ante annos ferè 700. sic expressa legitur, Pontificis casulas ordinandis imponentis, super eos deprecatio, *Benedictio post casulas super omnes: Benedictio Dei Patris, & Filij, & Spiritus sancti descendat super vos, & his vestibus Sacerdotalibus induti, protecti & muniti esse debeatis ab omnibus impugnationibus malignorum spirituum, & sitis benedicti in nomine Domini nostri, & offeratis hostias placabiles pro peccatis atque offensionibus omnipotenti Deo, cui est honor & gloria, &c.* In antiquo Pontificali ad vsum Metropoleos Senonensis, quod exaratum in membranis possideo, breuior hæc formula legitur; *Postquam reflexit Episcopus stolam super humerum dextrum cuiusque, vestit eos casula circa collum complicata, & ad partem anteriorem portenta dicens legendo ad unumquemque sic, veste nuptiali induat te Dominus. Et respondeat ordinandus, Deo gratias. Et infra post osculum pacis, explicat Episcopus casulam super humeros ordinati, & dicit, Ora pro me frater; hic verò respondet, Dominus vobis retribuat.*


Imponendi verò Sacerdoti ordinando planetam seu casulam mos, quàm antiquus & celebris in Ecclesia fuerit, patet vel ex hoc can. 27.

\* Casulam sic appellat Petrus Blefensis serm. 41. in Synodo.

Concil. IV. Toletan. ante mille annos celebrati, sedente Honorio I. &c. Presbyter si à gradu suo iniuste deiectus in sancta synodo reperiatur &c. recipiat coram altario de manu Episcopi orarium & planetam. Quæ sanctio in ius commune Ecclesiæ relata legitur II. q. 3. c. Episcopus, Presbyter &c. Hanc porrò ante Gratianum recensuerat Iuo Carnotensis part. 5. sui decreti, c. 367. eodem tenore.

## CAPVT VIII.

*Casulam, seu planetam inter Panopliæ Sacerdotalis partes  
potiori loco, priscos rituum sacrorum Interpretes  
Latinos, recensuisse.*



ANCTVS Isidorus Hispalensis qui de Ecclesiasticis officiis duos insignes libros conscripsit, de vestimentis Clericorum nihil in iis tractauit: fortassis eo quod in libris Originum de cuiusuis generis indumentis tam sacris quam profanis ex professo disseruerat. Libro igitur 19. c. 24. cuius titulus est, de palliis virorum, casulæ meminit & planetæ, his verbis, *Casula est vestis cucullata, dicta per diminutionem à casa; quasi minor casa &c. sic & Græci planetas dictas volunt, quia horis \* errantibus euagantur, unde & stellæ planetæ id est vagæ, suo \* ris errore motuque discurrunt.* Quibus verbis potius etymologiam attingit vocabuli casulæ seu planetæ, formamque vestis huius designat, quam vsum sacrum vel profanum exponit aut distinguit.

At venerabilis Beda in Collectan. tit. de septem ordinibus, disertè meminit casulæ, quam inter vestes Sacerdotalis, vt summam & præcipuam reponit; *Septimum, inquit, vestimentum est quod casulam vocant, hanc Græci planetam dicunt, quia suprema omnium vestimentorum & suo munimine alia tegit.* In ordine Romano, vbi de ordinatione Presbyteri, post orarij reflexionem super humerum dextrum ordinandi, mox sequitur: *Hic vestiatur cum casula dicens, stola innocentie induat te Dominus. Accipe vestem Sacerdotalem &c.* Et sub titulo, qualiter Episcopus debeat ordinari, post Epistolæ lectionem & Gradualis concentum, sic habetur: *Tunc egrediatur Episcopus designatus ad sacrarium cum duobus Episcopis & Archidiacono cum Subdiaconibus & Acolythis, & induant ipsum electum cambagos, sandalia, manicas, dalmaticam, planetam.* Et infra, *Episcopi casulis induti &c. iuxta altare &c.* vbi promiscuè vestem Sacerdotalem præcipuam, appellari patet casulam & planetam.

Albinus Flaccus Alcuinus Bedæ discipulus lib. de officiis Ecclesiasticis sub titulo de more eligendi Episcopum secundum veteres, seu qualiter Episcopus ordinetur in Romana Ecclesia, expressè notat Electum antequam Pontifici, à quo consecrandus est, præsentetur, induendum esse ab Archidiacono dalmatica & casula &c. quam, sub periocha, *Quid vestimenta significant?* inter sacros ornatus potiori loco reponit: mox ad

pallium digressus, quod super Casulam solet à Metropolitibus gèstari, ad Archiepiscopi & eius suffraganeorum discrimen.

Amalarius Fortunatus, Episcopus Treuirensis, lib. 2. de Ecclesiasticis officiis, c. 19. de casula differere aggrediens, *Casulam*, inquit, *quæ est generale indumentum sacrorum ducum, ante ceteras vestes quæ sequuntur, (scilicet dalmaticam, tunicellam, pallium) præponimus &c. Casula dupla est, post tergum super humeros, & ante pectus &c.*

Rabanus Maurus, Archiepiscopus Moguntinus, lib. de institutione Clericorum, c. 21. prænotato de Casula, *Septimum*, inquit, *indumentum, quod casulam vocant: dicta est autem per diminutionem à casa, eo quod totum hominem tegat, quasi minor casa: hanc Græci planetam nominant. hæc supremum omnium indumentorum est, & cetera omnia interiorius per suum munimen tegit & seruat.*

Walfridus Strabo in libello de rebus Ecclesiasticis, c. 24. inscripto *de vasis & vestibus sacris*, ubi numerum vestium veteris & noui Testamenti refert & exæquat, nouæ legis indumenta hæc octo recenset, *albam, mappulam, orarium, cingulum, sandalia, dalmaticam, casulam & pallium*: Casulam verò insinuat esse propriam Sacerdotum, sicut dalmaticam Diaconorum.

Iuo Carnotensis Episcopus, in sermone synodico *de significationibus indumentorum Sacerdotalium* inter medium & finem, postquam de tunica linea talari, seu alba, amictu, seu superhumerali, zona, stola seu orario \*, quæ notatu censuit, digna proposuit: tum de casula subiungit, *his omnibus indumentis superponitur casula, quæ alio nomine planeta vocatur*; Demùmque monet, vt dalmatica proprium est insigne Diaconorum, sic casulam esse Presbyterorum.


\* Mappulæ postea meminit.

Honorius Augustodunensis lib. 1. de antiquo Missæ ritu, c. 207. expressè etiam tractat de casula supremo Sacerdotis indumento & ornatu. Sic & Rupertus Abbas Tuitiensis lib. 1. de diuinis officiis, cap. 22. supremum inter Sacerdotales vestes locum casulæ adiudicat; ita & Petrus Blefensis serm. 41. in synodo inter medium & finem, enumeratis aliis mysticis vestibus, sic Presbyterum alloquitur, *Planeta quæ & casula dicitur, totum te circumdat & protegit, & ceteris supereminet.* Hugo à sancto Victore eodem sæculo clauit, aliquantulum Petro Blefensi senior, qui eadem prærogatiuâ casulæ meminit lib. 1. de Sacrament. c. 5. *Casula quæ planeta dicitur, inquit, omnibus indumentis superponitur &c.* Innocentius III. sequentis sæculi præcipuum lumen, pari modo de sacris vestimentis differens lib. 1. Mysteriorum Missæ, c. 58. *Postremo*, inquit, *super omnes vestes induit casulam, vel planetam.* Eodem lib. paulò superius, scilicet c. 42. iam de casula quædam præmiserat, tam casulam quàm planetam pro re promiscua, quin eadem prorsus, enumerans.



## CAPVT. IX.

*Græcis Sacerdotibus diuina obeuntibus, casula etiam seu planeta est in usu: ideoque ab eorum interpretibus sacrorum rituum sacros inter ornatus connumeratur.*



I Isidoro credimus & Bedæ, eandem vestem, quam casulam dicimus, Græci planetam vocitant quasi erratilem, scilicet ἀπὸ τῆς πλάνης, ab errore, quod scilicet corpus sacri mystæ totum oberret & circumregat. Casulæ tamen vocabulum in eodem significato, à Græcis vsurpatum comperitur. Extat tom.

6. Bibliothecæ sanctorum Patrum, ordo instituendi Diaconum quando ministrat Sacerdoti in Liturgia, compositus & expressus à Philotheo Episcopo Constantinopolitano, vbi hæc inter alia legimus: *Cum verò cantauerit Gloria &c. & tunc ingreditur Sacerdos & induit pethrachelium, & fascidam, & casulam, & fit introitus. Et infra, Egreditur etiam retro Sacerdos demissam portans casulam, & sic abeunt in assurtum locum. Sed inferius, Sacerdos aperiens sanctas portas demissum phelonium gestans, &c. Et adhuc postea: At Sacerdos demissè phelonium gestans & Euangelium ante pectus portans, exit & stat in medio templi, Diacono ad dexteram eius existente cum cerco ardente.*

Quid sit phælonium vel phænolium, Franciscus Halerius præclarum Sorbonæ lumen, in opusculo, quod libris de sacris electionibus subtexit, de consuræ Clericalis conferendæ ritu, artic. 4. vbi de impositione superpellicei differit, obiter inquirat, citatòque Euchologio, indicatòque itidem in margine dictionario Græco-barbaro Meursij, de voce phælonis, mox ait: Vestimenti genus Ecclesiastici est, & diuersas patitur interpretationes. sacco ipsum comparat Simon Thessalonicensis \*, qui manicas non habet, vnde iis lincis indumentis comparari potest, quæ in pluribus regionibus Clerici deferunt, manicas non habentibus. Et quia ipse Halerius insinuasse in præmissis videri poterat se censere, apud Græcos phælonium idem esse, quod superpellicum vel supellicium appellamus, causam subinde innuit, ob quam hæc opinio minùs probabilis apparet: Scio, inquit, inter superpellicia nostra & phanolia plures differentias notari posse, ut quòd phanolia aliquando essent purpurea, quòd quæ à Patriarchis & Episcopis gestarentur, crucibus intertextæ forent; sed sufficit mihi quamcumque vestem sacram Clerico faciendo imponi, aequè à Græcis ac Latinis. Hactenus doctissimus Halerius, qui vt patet, nonnisi obiter de phælonio meminit. Cæterùm ex Philotheo superius laudato liquet, phælonium non esse vestem simplicis Clerici, at nec Diaconi, nec Sacerdotis actû sacrificantis, potiùsque esse planetam seu casulam, quandoquidem pro eodem mystico ornatu à Philotheo ipso insinuatur. Cum enim antè dixisset, *Ingreditur*

\* Lib. de templo.




Sacerdos & induit casulam & fit introitus; Et subinde, egreditur & c. demissam portans casulam: postmodum addit, Sacerdos aperit sanctas portas demissum phelonium gestans: Et infra, At Sacerdos demissè phelonium gestans & Euangelium portans &c. Vbi satis perspicuum est idem indumentum esse phelonium, ac casulam, secundum Philothei mentem & rei ipsius usum.

Accedit quod censet Halerius phelonium Episcopale, esse supremum illud indumentum quo apud Græcos, insignes visuntur sacri Mystæ, diuinis operantes; illud autem nihil aliud est quam ipsa casula seu planeta, doctissimo Goario iudice, qui in eruditissimis suis notationibus in Missam S. Ioannis Chrysostomi, ad hanc vocem τὸ Φαιώλιον, & Φαιώλιον, Φελόνιον quoque (iungit) sicut & Φελώμις, & Φελώμις scribitur: & litteris transpositis Φαιώλιον, & Φαιώλις, atque etiam Φαιώλιον, & Φαιώλις, occurret pro Scriptorum, vel Auctorum varietate: quaquomodo scribatur, casulam seu planetam interpretamur; in utraque enim Ecclesia & eundem usum & eandem formam Φαιώλιον, & casulam obtinuisse &c. De hac forma & usu postea.

## CAPVT X.

## De materia Casula seu planeta.



VI volunt penulam cum casula idem indumentum esse, facile de materia penulæ è qua fieri solebat, in familiari habitu apud veteres, antequam ad sacra mysteria celebranda assumeretur, sese expediunt. Duplex enim cum esset penulæ species, ratione materiæ, scilicet scortea & gausapina; scortea erat è crassiori lana, ad quam spectat illud Martialis:

*Ingrediare viam, cælo licet usque sereno,*

*Ad subitas nusquam scortea desit aquas.*

Et hoc Plinij, Appule lanæ, breues villo, nec nisi penulis viles &c. Gausapinæ at verò ex prolaxis villis fiebant, de quibus & istud Martialis,

*Is mihi candor inest, villorum gratia tanta,*

*Vt me vel media sumere mense velis.*

Scilicet, ut rectè ex his obseruat Donius, vestis fuit ponderosior, quæque commoditate magis, quàm elegantia commendaretur.

At in sacris non item; siue enim penula idem sit quod planeta, aut casula, dubio procul est ornatus gratia ad conciliandam mysteriis maiestatem, vestem illam supremam Sacerdotis, quam quidam penulam dicunt, alij iique longè plures & potiores casulam seu planetam passim appellant, ex pretiosa materia confici iam olim vsu receptum. Antiquæ id picturæ quæ in Ecclesiis visuntur, atque priscis in Codicibus expressæ sunt liquidò demonstrant; sed & illud Flodoardi testimonium de Hincmaro Archiepiscopo Rhemensi, lib. 3. historiarum illius Sedis, cap. 20. Amalarico religioso Archiepiscopo (Turonensi)

compatiens tribulationibus ipsius, & consolans patientiam, atque congaudens sanctitati eius, quem chariorem inter charos se delegisse significat, mittens ei quædam pretiosa ornamenta, casulam scilicet diaprasinam, quam habebat unicam, & munuscula cum solidis centum. S. Bonifacius epist. 3. meminit casula holoserica. In Testamento S. Remigij versus finem, *Vrsi Archidiaconi familiaribus usus obsequiis*, inquit, dono ei donum textilis, casulam subtilem, & aliam pleniorē. S. Chrysostomi extat apostrophe ad Sacerdotes, hom. 60. ad popul. Antioch. qua insinuat veste splendenti indutos, corpus Domini solitos fidelibus dispensare. Extant in Monasterio S. Dionysij cum sacris ossibus B. Peregrini I. Episcopi Antissiodorensis & Martyris, particulæ nonnullæ de eius casula, quæ ex serico constat textili, cærulei coloris, stellulis crocei coloris interstinctis conspicua. Repertum fuit ante annos 15. in Iotrensi regio ac perantiquo Monasterio Virginum, in crypta sacræ ædiculæ beati Pauli I. Eremitæ corpus integrum S. Agilberti Episcopi Parisiensis, qui ante 1000. circiter annos sedet, & erat frater S. Theodechildis I. huius Parthenones Abbatis; iacens in tumulo lapideo, pontificalibus vestimentis indutum, quibus supereminebat casula ex serico & auro textili confecta, ad cuius extremas oras appensæ defluebant fimbriæ aureæ, adhuc ita fulgidæ ac si recēns contextæ essent. has conspexi, & conreclavi cum reliquo sancti Pontificis sacro ornatu, annulo maximè aureo, gemmato, sculpto, elegantérque elaborato, de quo in Panoplia Episcopali, lib. 3. qui de Episcopali annulo totus est, c. 2. notatu quædam digna memoriæ posterorum consignavi. In translatione corporis S. Norberti, Magdeburgô Pragæ Bohemiæ metropolim, facta anno 1626. iussu Ferdinandi II. Imperatoris, repertum fuit eius venerabile corpus subtus altare conditum in Cœnobio S. Mariæ Virginis, quondam ordinis Præmonstratensis, toto adhuc pontificio apparatu exornatum. In actis tum conscriptis auctoritate publica, quibus

*Casula: Vestis superior quæ parte maxima superest, punicei coloris serica erat, aureis filis florum vel rosarum instar interspersa; quæ totum corpus cum brachiis ad plantas usque conuestiebat vestis, sub hac transversæ manus ad modum crucis pectori superpositæ: vestis eadem obuoluta, duabus argenteis acubus superiori parte gemmeo opere exornatis connectebatur &c. stola, manipulus, pallium pontificale, potiore parte integra; annulus etiam aureus saphiro insignis reperiēbatur &c. hæc ibi. Fuisse Adhelaïdem coniugem Hugonis Regis Francorum, matrem Roberti Pij in donariis texendis Sacerdotalium vestium admodum industriam, atque in conferendis munificam, memoriæ prodidit Helgaudus Monachus Floriacensis, in Epitome vitæ ipsius Roberti Regis, ubi hæc inter cætera leguntur: Mater quoque eius supradicta Adhelaïdis, admiranda satis in sancta deuotione Regina &c. fecit sancto Pontifici Martino (id est ad vsum eius Ecclesiæ donauit) casulam auro operatam optimo, inter scapulas maiestatem veri Pontificis continentem, Cherubim quoque ac Seraphim colla Dominatori omnium submittentia; in pectore verò agnum Dei, nostræ redemptionis hostiam; quatuor è regione præfigens*

Extant in Bibliotheca Præmonstratensi, lib. 2. pag. 410. & seqq.

animalia Dominum gloria adorantia. Fecit & eidem Beato Confessori cappam unam intextam auro, duas verò ex argento. Speciali autem suo post Dominum amicorum amico, Beato videlicet Dionysio, casulam miro itidem opere factam contulit. Cui & aliud ut tantam decebat sceminam, ornamentum contexuit, quod vocatur orbis terrarum, illi Caroli Calui dissimillimum, qui scilicet aliud eidem \* beatissimo Martyri Franciæ Apostolo ac Protectori obtulerat. Idem Helgaudus paulò post de Roberto Rege, eiusdem Adhelaidis filio: Dominum Odolricum Episcopum (scilicet Aurelianensem) in Sacerdotali vestimento, (casula scilicet) sic honoravit, ut assans in sacrificio Domini circumtectus ex omni parte auro & purpura videretur. Posteriores Reges in hanc Ecclesiam deuoti pleraque alia Sacerdotalis Panopliae insignia, præclaraque ornamenta eidem eximia pietate contulerunt: sed quæ hæreticorum furor (qui ipsam, toto orbe, sanctæ Crucis illustrem Basilicam opus magnificentissimum Roberti Regis solo tenuerunt) horrenda impietate diripuit. Quod restatum fecit Annalista insignis huius Ecclesiæ, lib. 15. sub Ioanne X. Antistite ad calcem inuentarij reliquiarum, quas ab eius Sacratio illi sectarij funestis ausibus abstulerunt die 2. Maij ann. 1562. Ex harum omnium reliquiarum (inquit, n. 14.) thecis ossa Sanctorum demum extracta &c. tandem verò aurum omne ponderis 49. marcharum, & argentum 833. & eo amplius, quin & vestes omnes & ornamenta sacra, auro & argento pretiosissimi, quæ colorum facis pertexta, profano sacrilegio direpta sunt: Eodémque modo per omnes Ecclesias urbis, Diæcesis, & totius Galliæ ab eis factitatum est incredibili & luctuoso honoris Dei & Ecclesiæ sponsæ suæ dehonestamento, constata ex illis moneta publica. At hoc

\* Extrat apud Carolum Saufsey lib. 4. Annal. Eccles. Aurel. sub Cænobij Aurel. gloria, n. 5. & seqq. Et apud Quercetanum Tom. 4. Scriptorum historiarum Francorum.

\*\* Fortè sub capparum nomine, Casulas etiam includit.

In testamento Leodebodi S. Aniani Abbatis\*, quod sub Clodouxo II. Francorum Rege anno Domini 623. conditum est, ab eo hæc legata prædictæ Ecclesiæ S. Aniani censentur; Pari modo vasa dono argentea, anacleta pensentia libris 13. & uncias duas; sandalia 2. ad Missas, & oralia ad mensam, una cum cappis\*\*, & omni apparatu (à quo abesse planetæ seu casulæ, quæ præcipuæ sunt vestes Sacerdotales, non poterant) & vela 2. acu picta.

Caroli Magni Regis Christianissimi & Imperatoris, pia quoque munificentia in eiusmodi studio emicuit ornandi Ecclesias pretiosis Sacerdotum vestimentis, quibus maximè locupletauit, quam regiò sumptu decoréque construxerat basilicam Sanctissimæ Virginis Dei-paræ Aquisgranensem: ita enim qui aderat refert Eginardus, Sacrorum vasorum ex auro & argento, vestimentorumque Sacerdotalium tantam in ea copiam procurauit, ut in sacrificiis celebrandis, ne ianitoribus quidem, qui ultimi Ecclesiastici ordinis sunt, priuato habitu ministrare necesse fuisset.

Iuonis Carnotensis extat sermo synodicus inter alios eius sermones de rebus Ecclesiasticis. quo tractat de significationibus indumentorum Sacerdotalium, ex quorum splendore & gloria elicit morum nitorem, vitæque innocentiam, qua præfulgere Christiano populo Sacerdotes & Episcopi suæ ex dignitatis titulo obstringuntur: Deindumentis ergo Sacerdotalibus (inquit) vel de Pontificalibus diligenter confi-

derandum est, quid in moribus Sacerdotum significet illa varietas vestium, quid fulgor auri, quid nitor gemmarum, cum nihil ibi esse debeat ratione carens, sed forma sanctitatis, & omnium imago virtutum. Haftenus Iuo Carnotensis, piè ac eleganter.

## CAPVT XI.

## De forma Casula Sacerdotalis.

**R**EMORAM hinc in ipso dissertationis aditu nobis iniicit doctissimus Stephanus Duranti, dudum Senatus Tolosani primarius Præses: qui lib. 2. de ritibus Ecclesiæ Catholicæ, c. 9. quo tractat de sacris vestimentis, ex forma elicit planetam, à casula rem diuersam esse. deinde ipsam casulam quæ hodie in usu est, discrepare admodum à casula quæ pridem in sacris usitata fuit: Quia verò (inquit) antiquitus casula, auctore Onuphrio, cum latissimo initio, & sine manicis erat, cuiusque limbus super brachia & scapulas proiectus errabundus totum corpus circumibat, planeta ab errore dicebatur; quæ tamen apud me (ait Duranti) suspecta sunt. Nondum legi Græcum Auctorem, in quo *πλανήτης* pro casula usurpetur: deinde nullus antiquorum Latinorum planetæ pro casula meminit; sanè etate nostra ac superioribus aliquot seculis, casula ab utraque parte concisa ante & retro sine errore ullo producitur usque ad talos, adeoque accisa, atque in aliam speciem deformata, ut si cum antiqua casula unde defluxit componatur, vix suum tueatur nomen. Lindanus lib. 4. Panopliæ Evangelicæ, c. 56. Ad hæc casula vulgò cappa appellari solet, ea ut quidam existimant ratione, quòd cætera indumenta totumque hominem capiat, contegâtque. At mihi probabilius videtur, quod casulam ut tugurium significat, Rustici cappam appellare consueverint. Vnde coniicio casulam dum sacrum vestimentum notat, cappam quoque appellatam. Plura de casula Amalarius Fortunatus lib. 6. de Eccles. off. c. 19. & lib. 3. c. 3. Durandus in Rationali lib. 3. c. 7. Haftenus Duranti: quæ expensione sunt digna.

Siquidem 1. quod dicit suspecta sibi esse, quæ Onuphrius censuit de identitate planetæ & casulæ; eo quòd apud Græcos auctores nihil de planeta pro casula repperit: non est quòd Onuphrio litem moueat hoc asserenti, sed S. Isidoro idem dicenti annis fere mille, antequam calamo manum Onuphrius admouisset. At dissensionis ansam præcidit Donius rectè iudicans, planetæ nomen non à Græcis fontibus deriuatum, sed è Latinæ scaturiginis meatibus profluxisse: Sed cum, inquit, apud Latinos natum sit hoc vocabulum, eoque tempore quo Græcæ linguæ non erat adeo frequens usus: crediderim potius eius radices in Latine quærendas, quoniam sic appellata fuerit quòd plana esset, hoc est nullis vel paucis plicis corrugata. Veruntamen quicquid sit de origine nominis, certum est apud Græcos casulam æquè ac apud Latinos iampridem in usu sacrorum esse, cumque demissa est (quemadmodum eam gerit



Sacerdos ante diuinam actionem inceptam, & post eam peractam). ita planam esse, vt non incongruè à voce Latina planeta dici possit, vtpote vix vllis aut paucis admodum plicis corrugata, sicut videre est in hac pictura à doctissimo Goario, ex visu rem exprimente in scholiis suis eruditissimis in Euchologium Græcorum à se editum, hunc in modum exhibita.

In ordine sacri  
ministerij pag.  
31.



II. Quod ait Duranti, antiquorum Latinorum neminem planetæ pro casula meminisse, palam euincit eius memoriæ lapsum, hîc enim non agitur de auctoribus quibusque, at de Latinis interpretibus sacrorum, rituum: porro inter hos scriptores, Venerabilem Bedam iure suo, prærogatiuâ antiquitatis eminere, Duranti inficiari nolle. Disertè verò ipse Beda in Collectaneis, tit. de septem ordinibus, sic ait, *Septimum vestimentum est quod casulam vocant, hanc Græci planetam dicunt.* Quid quod ordo Romanus antiquus manifestè planetam pro casula ponit, locis suprâ signatis c. 8.

III. Quod affert ex Lindano de dissimilitudine casulæ nostræ ab antiqua, aduersus pronunciatum suum facit; siquidem etsi nomen diuersum sit, casulam innuit eandem olim formam habuisse, qua constabat planeta; nam dissimilitudinem, parem nomine, ab vtraque antiqua planeta ac casula Duranti arguit. Cæterum non diffitetur Goarius præfatus casulam nostram à veteri planeta & casula aliquatenus discrepare, verum rectè negat hinc sequi vix nomen priscum planetæ vel casulæ, sibi tueri posse: Immeritò propterea Guillelmus Lindanus cum querulis aliquibus renouandæ in omnibus antiquitatis cupidus, modernam casulæ dimidiatæ, vt ait, & tunicatæ formam incusat, quasi eidem vsui & proposito, ac antiquum Græcorum *ῥαπῶδιον*, deseruire nequirit, quæ propter expandenda siue commodè mouenda brachia, à lateribus conscissa est, & breuior facta. Itane Geometrica amussis Ecclesiasticarum vestium figuram à consuetudine, tempore, Pontificum iudicio petendam, delineabit & moderabitur? Non desit certe casula Latina, etiam imminuta, in ipsam vocem Græcam, vt ab ea nuncupetur, ius habere. Rectè huc vsque Goarius, & solerter ac eleganter. Verum iure inficias iri non posse censeo, quoad casulam con-

scissam vel decurtatam, aliquod discrimen ipso iure admittendum esse. Honorius Augustodunensis diffusam sic casulam (ut Philotheus Græcanicus Patriarcha denominat) apud Latinos describit \* *Casula* &c. *Quæ planeta dicitur, quod errabundus limbus eius utrimque in brachia subleuetur. Hac in pectore & inter humeros duplicatur; in utroque brachio triplicatur.* Cum igitur casulæ seu planetæ pondus & amplitudo sacrificanti esset oneri, eo quod æqualiter antè & retrò, ac utroque latere in ima defluens, paribus oris Sacerdotem, diuina munera populo adoranda exhibentem nimium constringeret: magis commodo accessum iri visum est, tam Sacerdotis quàm suffragantium ei ministrorum, si pondus ipsum extenuaretur, aliquid amplitudinis decisum ireret, & quia Sacerdotis actio à brachiorum motu, manuúmque eleuatione potissimum pendebat, ipsa sacra vestis supra cubitos utrinque conscinderetur, quò expeditiùs super viuificam hostiam salutis signa diuinus Mysta efformaret, itidémque ipsam redemptionis nostræ victimam in diuinæ Maiestati munus oblatum attolleret. Quæ decisio non ita recens mihi existimanda videtur, ac passim apparet. Enimuerò iam eius initium licet conspiciere in S. Siluestri imagine, ex antiquissimis iconis expressa, quæ Liturgico Codici ad vsum Ecclesiæ Leodiensis, ante annos fermè 700. graphicè delineato, cernitur parata hoc qui sequitur genuino, quàm proximè accessum iri potuit, caractere.

\* *Gemma animæ* cap. 27. lib.

*S. Siluestri I. Papa in Pontificali apparatu existentis, vetus & genuina figura.*

Ex membraneo deprompta Cod. M S C. qui annos 650. superat, & apud me seruat.



Hac in figura videre est, casulam seu planetam non adæquatè rō-  
tundam esse; à parte enim anteriori (haud dubium pariformiter in  
postica) definit in acumen; haud ita tamen decisam, vt adhuc non  
defluat super cubitos, quin brachiorum vsque commissuram Sacer-  
dotis, plicásque & rugas ideo quasdam ex plexu, ad motum brachio-  
rum, manuúmque eleuationem, seu protensionem, necessariò paten-  
tes exhibeat. vnde adhuc erat necessum Diacono tum sacrificio mi-  
nistranti, diuinam attollenti supremum ad cultum hostiam, vel my-  
sticum poculum, Sacerdoti, defluentis in eius brachia manuúmque one-  
ris pondus, quo minutum iret, alleuiare extremæ oræ sacræ vestis ele-  
uatione. De quo more ritúque adhuc in Rom. Cæremoniali, sub rit. de  
officio Diaconi, hæc rubrica extat: *Dum celebrans genuflectit post consecra-  
tionem hostiæ, statim posteriorem planeta partem per infimam partem in medio, ca-  
pit sinistra & eleuat: Et statim facta eleuatione antequam celebrans genuflectat, eam deponit, sine oculis, dexterá verò celebrantem circa brachium dextrum susten-  
tat dum surgit.* Et infra, *Dum celebrans consecrato calice genuflectit, ipse iterum  
capit planetam (Diaconus) & eam eleuat vt prius.* Viget adhuc in virenti  
obseruantia eiusmodi praxis, sed quæ sanè iam videri possit minùs  
necessaria, cùm causa cessarit, propter quam extremæ oræ casulæ  
fiebat per Diaconum eleuatio: nam adeo decisa est vt plurimum  
vestis illa Sacerdotalis, vt vix quoad vtrumque latus infra humeros  
dependeat, tantùm abest vt pertingat vsque ad cubitos. Qua in re  
nonnihil decidisse decori ipsi planetæ & decentiæ Sacerdotali orna-  
tui, iam penè prorsus denudatis brachiis celebrantis, est ingenuè quod  
fatear; Id verò minimè contigisse ex vlllo Pontificum iudicio, Eccle-  
siæque lege, sed ex priuato genio quorundam, qui occasione vitandi  
incommodi, quod patiebatur Sacerdos ex planetæ amplitudine &  
limborum nimia protensione, quid decidendum ab vtroque latere  
non abs re existimantes, haud tamen seruato iusto moderamine, aliud  
in extremum declinarunt: nimium siquidem materiæ detraxerunt ab  
vtraque parte, & sic vestem ipsam Sacerdotalem deformârunt, vt  
non solum differat plurimum ab antiqua forma, verùm prorsus de-  
flexerunt à mystica ratione, cur ipsa suprema vestis cæteras omnes,  
totúmque ab humeris corpus Sacerdotis circumtegeret. Esse siquidem  
planetam seu casulam signaculum charitatis quæ supereminet cæte-  
ris quævisque virtutibus atque donis, communis est (vt infra patebit)  
priscorum & neotericorum interpretum Catholicæ Ecclesiæ rituum,  
sententia. Aliquod igitur temperamentum (vt mihi quidem videtur  
saluo prudentiorum iudicio) adhibendum esset, adeo vt nimio onere  
Sacerdos non grauaretur, nec præpediretur à brachiorum, manuúm-  
que libero motu actúque, & tamen decoro consuleretur ne denuda-  
ta prorsus brachia ab humeris apparerent, ipsaque casula suæ signi-  
ficationis rationem aliqua ex parte retineret.

Circa formam casulæ discrimen notat Donius inter Græcam &  
Latinam, *Quòd in illa, inquit, ab antiqua consuetudine complures crebraque  
cruces depingi consueverint, in nostra verò vnica tantùm, eaque ampliori for-*  
ma

ma ex latiori fascia à summo ad imum pertingens, quam alia transversum secat. Et verum est quidem in antiquis Patrum Orientalium picturis conspersas crucibus sacras earum vestes conspici. Hinc in libro nostro de sacro ritu præferendi crucem maioribus Ecclesiæ Prælati, cap. 1. notasse dudum meminimus, Pontium à Leone à Corduba, Episcopum Placentinum, qui Romæ S. Epiphaniij libellum de animalibus edidit, ex antiquis monumentis protulisse expressam ad viuum (ut aiunt) eiusdem sanctissimi Antistitis imaginem, cuius superiorem vestem cernere est totam crucibus decoratam. Sed tamen hinc observasse iuvat apud Græcos non ab omnibusex æquo sacrificantibus casulam gestari insignitam salutiferæ crucis signaculis. Simeon Thessalonicensis Archiepiscopus, qui ante annos 600. librum insignem de septem Ecclesiæ Sacramentis scripsit, aliâque opuscula pleraque ad Ecclesiasticas theorias & praxes spectantia, libro de Templo, disertè asserit, sua ætate casulas crucibus conspersas fuisse proprias Episcoporum. Inferiores pontifices (inquit, id est Episcopi) casula crucibus undique plena induuntur. (Metropolitæ enim saccum deferunt, quod genus vestimenti est ad colobij formam propè accedens) tri-  
 tūque idcirco sermo, multicrucium eam appellat & Passionis Domini signum est; hæcque clarè docet Pontificem eum imitari, qui per passionem & crucem veram iustitiam consummavit. Idem verò auctor lib. de Sacramentis (quem M. S. C. ait Posssevinus in Apparatu, se vidisse in Bibliotheca Imperiali, Viennæ) Nullus Sacerdos Pontifice excepto apud Græcos cruces fert in casula, & in capite ferre, sicut nec supergremiali se ornare potest: His autem qui ceteris sunt præfecti solum in capite crucem & in sacro faciendo supergremiale assumere permittitur; quandoquidem unâ cum Sacerdotis dignitate, iudicis quoque potestatem sunt adepti, aut ministerio quodam Ecclesiastico & præcellenti sunt insignes.

Prodiit Parisiis  
apud Rob. Ste-  
ph. ann. 1628.

apud Gearium,  
p. 113.

Hac necessaria observatione præmissa quoad Græcorum morem, alia animadversio iridem circa ritum Latinorum adhibenda venit. Dicit Donius in nostra casula vnicam tantum crucem efformari, eamque ampliori forma, ex latiori fascia à summo ad imum pertingente, quam alia transversum secat. Id passim fieri apud nos Latinos non abnuo, sed hæret mihi in eo aqua, quod ipse Donius subiungit: Hanc Itali anteriori plagæ assuunt, Galli vero posteriori; Nec deest utrique consuetudini sua ratio & probabilis causa. Quicquid sit etenim de Italorum more, certè etiam in Gallia usus iste, non est ab Italico adeo diuersus, nam etiam visuntur apud nos casulæ crucis signum à summo ad imum vestis Sacerdotalis ferentes in anteriori parte: sed quæ hac forma constant Episcoporum sunt propriæ; sicut quæ à tergo præferunt propriæ sunt Presbyterorum. Ritus tritior tamen in Gallia is est, quo casulis in parte posteriori vel crux sola, vel Christus in cruce pendens assuuntur. Sed ut rectè monet Donius, non deest utrique consuetudini de cruce à fronte, vel à tergo intexta Sacerdotali vesti, sua ratio & probabilis causa. Christus super humeros sibi impositam gestavit crucem, quò spectat Propheticum illud: factus est principatus eius su-

Isai. 9.

R



per humerum eius. At in corde & super pectus quasi speculum gerebat Apostolus, cuius vox erat: *Nihil me arbitratus sum scire inter vos, nisi Iesum & hunc crucifixum. Respiciite in auctorem fidei & consummatorem Iesum, qui proposito sibi gaudio sustinuit crucem. Recogitate eum qui talem sustinuit à peccatoribus aduersus semetipsum contradictionem; ut ne fatigemini animis vestris deficientes.* In hoc igitur speculum Sacerdos debet annunciaturus mortem Domini in tremendo mysterio, suos defigere obrutus, mentisque omnes cogitatus & affectus conuertere, quin & seipsum Christo crucifixo percipere iri confixum, iuxta quod ait Apostolus:

Hebr. 12. 3.

Gal. 2. 20. & 6.  
14

*Christo confixus sum cruci; uiuo ego iam non ego, uiuit in me Christus: Absit mihi gloriari nisi in cruce Domini mei Iesu Christi, per quem mihi mundus crucifixus est, & ego mundo. Nec enim satis est ut Sacerdos incruentum celebrando sacrificium, Christi commemoret passionem, at operæ simul pretium est, ut seipsum cum Christo crucifixo offerat Deo hostiam viuam, sanctam, Deo placentem, quod ita profectò fiet, si Christi ipsius crucifixi se conformem imaginis, diuinam hanc actionem exequendo præstiterit. Pulchrè id docet Petrus Blesensis in rhythmico tractatu, quem inscripsit de Sacrosanctis venerabilis Sacramenti Eucharistiae mysteriis, c. 7. cui titulus est, Quòd Presbyter in consecratione sacrificium commemorans, & imitans cum lacrymis passionem Christi, sit Christus & crucifixus, & sacrificans ac sacrificatus. Series verò est huiusmodi:*

*Adstans ara pro sacris Presbyter orat;  
Mentem cælestem Deus implet, gratia rorat.  
Compluit à superis diuina potentia totum,  
Quicquid Presbyteri sacrat admirabile votum:  
Nihil aliud sacrificex est quàm Christi simulachrum:  
Dum tractat corpus Christi cum sanguine sacrum,  
Dúmque suos oculos in cælum cordaque figit,  
Extendendo manus & brachia se crucifigit,  
Et dum quæ fuerit mors Christi flendo retractat,  
Facta sua carnis Domino velut in cruce maculat.  
Sic Christum, Christus offert homo victima factus,  
Sicque crucem patitur, dum commemorat crucis actus,  
Qui recto Christus, quomodo crucifixus & unctus,  
Per fidei membrum, cum Christi corpore iunctus.*

Eadem mente cecinisse legitur Hildebertus celebris ille Ceno-  
manensis Episcopus, & subinde Turonensis Archiepiscopus, qui  
Blesensi præluxit, in carmine de officio Missæ; sic enim de crucis  
mysterio tam quod gerit habitu, quàm actu consignat Sacerdos su-  
per tremenda mysteria, ipse modulatur Hildebertus in carmine de  
officio Missæ, ad illa verba, Te igitur clementissime pater &c.

*Intrabat Præsul vitulorum sanguine sacrum,  
Intrauit proprio Christus & ipse polum,  
Intrat agens sacrificex in sanguine semper ad aram  
Effusi semper sanguinis ipse memor.  
Nam quoties fufum verbo, cruce, mente retractat,*

*Hunc specie toties in sacrosancta gerit.  
Quippe velut quidam cruor est, meminisse cruoris,  
Huius nos memores, crux iterata facit.*

## CAPVT XII.

*De vsu Casulae Sacerdotalis.*

**A**NTE sexcentos annos, incesit Ioannem Rothomagensem Archiepiscopum pia cupido inquirendi, *quisnam esset vsus legitimus sacrarum vestium?* nonnullaque de earum rectè gerendarum ritu, à se annotata transmisit ad Lantfrancum celebris famæ Archiepiscopum Cantuariensem: sciscitando ab eo quid de iis sentiret, obsecrandoque subiunctim, ut quæ ipse de eiusmodi rebus censebat, sibi renunciare litteris dignaretur; ab hoc igitur hoc responsum tulit, quod inter epistolas ipsius Lantfranci etiamnum extat in epist. 3.

Domino, merito sanctitatis insigniter \* offerendo, Ioanni Normannorum Archiepiscopo: Lantfrancus indignus vocari Episcopus, bene cæptis meliora connectere.

\* rectius offerendo

GRATIAS ago colenda Benignitati vestrae, quia non solum præsens præsensem me indeficienti amore dilexistis, verum etiam absens pro absente paternam vos curam gerere, salubri admonitione euidenter ostendistis. Absit à me, longèque à sensibus meis hunc errorem auertat diuina Clementia, ut molestum mihi sit, si quis respectu salutis meae sollicitudinem gerat, si ea quæ de actibus meis sibi displicent, pietate motus indicare non differat; si aliter me corrigere non potest, verbis quoque obiurgare præsentem, aut litteris increpare absentem non negligat; sed amicus à me potius iustus existimabitur, qui in misericordia corripit me & increpat; hostis autem peccator, qui oleo prauæ adulationis, capui meum aut impingat, aut impinguare laborat, &c.

Quicquid verò sanctitas vestra de stola scripsit, multum mihi placuit, nec unquam displicuit: sed quod subiunxit, quia ad dedicandam Ecclesiam Episcopus processurus sacris vestibus ex institutione Episcopalis ordinis. debeat esse indutus, atque in expositione ipsarum sacrarum vestium casulam posuit, valde stupui, quia tale aliquid me nunquam \* vidisse, meminisse non potui. Diuersos enim diuersarum Ecclesiarum præsules, Ecclesias dedicare saepe conspexi, omnibusque, quæ ab eis facta sunt quantum potui curam adhibui; qui etsi in nonnullis dissimilia egerint, omnes tamen cappis induti usque ad celebrationem Missæ, debita seruitia, sine casula expleuerunt. Denique S. Leo Romanæ Sedis summus Antistes, Romericensis me præsente Ecclesiam dedicauit, cunctaque quæ ante Missam fieri ordo depoposcerat, sine casula consummauit. Hactenus Lantfrancus Archiepiscopus venerabilis, harumque rerum quas enarrat, non tam censor, quàm spectator, testisque omni fide dignissimus.

\* rectius vnde quam

R ij

Ex cuius dictis hoc resultat liquidum, 1. Quòd inter sacras vestes præcipua sit casula Sacerdotalis. 2. Quòd adeo sit diuinæ actioni addicta, ut extra sacrificium pro quolibet officio etiam consecrationis Ecclesiæ non debeat ab Episcopo gestari. 3. Quòd eappa usu recepta sit, ut vice casulæ ornatui esset Sacerdotis vel Episcopi, quæcumque alia officia solenniter extra sacrificium obeuntis.

Sed contra eiusmodi axiomata erit fortasse qui obiiciat, in die sacra Parasceues non sit sacrificium, & tamen Sacerdos casulam sacris in cæremoniis deferre. Adde igitur, ad altare, non quidem in adoratione Crucis, quando enim eò processurus est, casulam ad altare deponit, nec resumit, nisi ad viuificam hostiam, quæ ex præsanctificatis in Cœna Domini muntribus ad hoc reservata fuit, ut ipsa die Parasceues à Sacerdote consummaretur. Hanc igitur ut adorandam, sumendamque ad altare referat ex sacrario, ubi reposita fuerat antecedenti die; casulam quam deposuerat: ut alios perageret ritus, reassumens, eo usque indutam gerit, quoad diuinâ peractâ synaxi, illicò ipsam deponat; nec illa die pro qualibet alia cæremonia, etiam cum crux ad sacrarium referenda est, solet resumere.

Nec est quod iterum quispiam obiiciat: usu receptum est, ut in festo Corporis Christi Sacerdos extra Ecclesiam indutus omnibus vestibus sacris, ipsaque casula perornatus adsit præsitque sollemnissimæ Processioni, quæ fieri illa die toto orbe Christiano stabili ritu consuevit. Nam responsio perspicua est: Eo enim tum apparatu Sacerdos extra sacra adyta procedit, quia diuinam ipsam hostiam superno venerandam cultu, sacris in manibus portat, in qua Christus realiter existit, qui æternæ nostræ salutis hostia simul, & ara, Sacerdos & sacrificium est.

## CAPVT XIII.

*Casulam Sacerdotalem approbatam à Deo nonnullis gratia sue spectatis testimoniis: Eandemque eximio munere datam à Beatissima Virgine Deigenitrice Maria plerisque viris sanctitate illustribus, signatim verò S. Hildephonso Archiepiscopo Tolentino, perpetua eius virginitatis acerrimo defensori, in premium pij laboris: nec-non B. Bonito Episcopo Aruernensi, propter ipsius insignis puritatis honorem. Itémque S. Thoma Cantuariensi, in pignus gloriosi agonis & coronæ quam propediem ex insigni martyrio reporsaturus erat.*



VNVS cœleste Casulam esse Sacerdotalem, plerisque historiæ Ecclesiasticæ monumentis liquet, esse fidelium memoriæ consignatum. Pauca tamen, sed illustria quædam hæc de re exempla in præfixi lemmatis confirmationem, hinc operæ pretium profertemus.

## ARTICVLVS I.

*De Casula seu veste Sacerdotali, quam S. Hildephonsus Toletanus Praantistes, singulari gratificatione à Beatissima Virgine accipere promeruit.*

**D**E S. Hildephonso Episcopo Toletano, qui sedebat circa annum 658. Vitaliano Papa Ecclesiae vniuersali praesidente : Zixilla, alias Cixilla, qui sequenti saeculo eidem Ecclesiae praefuit, in eius vita commemorat, quam ex Maiorum relatione gestarumque rerum authenticis monimentis collegit & descripsit.

His excussis, alia adhuc miracula Spiritus sanctus per eum in ipso Dominico Aduentu non post multos dies, peregit. Sed quia omnia longa sunt recensere, quae eius temporibus in Toletana vrbe dominus Urbanus & dominus Euantius per eum facta narrabant, vel ex multis pauca aggrediamur : Quamuis qui mecum hoc audierunt, cum hac legerint, dolebunt pratermisisse me tam multa & magna quae mecum sciunt. Superueniente verò die sancta & semper Virginis Mariae, ante tres dies, tribus diebus letanias peregit, & Missam quae in eius laude decantaretur, perfecit, quae est septima. Ast ubi ventum est ad eius sanctam solennitatem, Rex minus de timore Dei sollicitus, & de suis iniquitatibus bene conscius, ad audienda solennia de more accessit. Nam seruus Dei Hildephonsus maiori adhuc munere fretus, dum Domina sua, cui Deo Praesule seruiebat, celebritatem orans susciperet, & in laude genitricis Dei summo cum cordis affectu harmoniae modulatione composita Musica appeteret, & libellum Virginitatis more synonymo testimoniiis veteris & noui Testamenti plenum, comptè ederet, & digna facundia & magnificentia iam praefata Domina sua exornaret; dum ante horas matutinas solito more ad obsequia Deo peragenda consurgeret, & vigilias suas Domino consecraret, Diacono vel Subdiacono ante eum faculis praecedentibus, subito ostia aperientes, & Ecclesiam intuentes, atque splendore caelestis oculos defigentes, lumen quod ferre non valuerant cum tremore effugientes, lampadas quas manibus tenebant, reliquerunt, & sua vestigia per quae venerunt, adeuntes, penè mortui reuersi sunt ad sodales. Sollicite omnis congregatio requirit, quid de Dei seruo ageretur cum Angelicis choris, quid tam iubito expauerint custodes, & terga ab ostio Ecclesiae dantes reuersi sunt ad proprias sedes?

At ille sibi bene conscius, ante altare S. Virginis procidens, reperit in cathedra ipsam Dominam sedentem, ubi solitus erat Episcopus residere, & populum salutare. Quam cathedram nullus Episcopus adire tentauit, nisi postea dominus Sisibotus, qui statim Sedem ipsam perdens exilio relegatus est. Et eleuatis oculis aspexit in circuitu eius, & vidit omnem absidam Ecclesiae repletam Virginum turmis, de cantationibus David modulata suauitate aliquid decantantibus. Aspicieusque in eum (ut ipse sibi consciis & bene carissimis referebat) hac eum allocuta est voce : Propera in occursum meum serue Dei rectissime, accipe munusculum de manu mea, quod de thesauro filij mei tibi attuli, sic enim tibi opus est, ut benedictione tegminis, quae tibi danda est, in meo tantum die utaris. Et



\* lataberis

quia oculos fidei fixos in meo semper seruitio tenens permansisti, & laudem meam ( diffusa in labiis tuis gratia ) dulciter in cordibus fidelium depinxisti: & vestimentis Ecclesie iam in hac vita ornatus eris, & in futuro in promptuariis mei: cum aliis filij mei seruis lactaberis \*. Et hæc dicens ab oculis eius, unâ cum Virginibus, & luce qua venerat remeavit. Remansit igitur Dei seruus intantum sollicitus de gloria adipiscenda, inquantum præsciis de sibi donata palmæ victoria &c. Hactenûs Zixila.

Idem prænarrauerat S. Iulianus ipsius S. Hildephonfi Diaconus, demûmque in Toletano Præfulatu meritissimus successor, præfatione in librum eiusdem de laudibus intemeratæ Virginis Mariæ. Sed & Rodericus & ipse Toletanus Antistes, lib. 3 de rebus Hispaniæ, c. 22. rem diuinitûs actam hunc in modum recenset: Postquam hostium gloriæ immaculatæ ipsius Virginis nefarios ausus notauit. Cum plerasque, inquit, partes Hispaniæ infecissent virginitatem B. Virginis infamantes, Beatus Hildephonfus illis occurrens, sacrarum scripturarum testimoniis & lingua melliflua, & gratia in labiis suis diffusa eorum dogmata confutauit, & ab Hispaniis confusos abegit. unde & in festo gloriosæ Virginis quod in Hispaniis 15. Kal. Ianuarij celebratur, cum ipse ad Matutinale officium comitatus Clero & populo & multis luminaribus ad Ecclesiam conuenisset, apparuit ei B. Virgo, choris Apostolorum, Martyrum atque Virginum comitata, & sic ait; Quia fide certa, conscientia pura, lumbos tuos virginitatis cingulo cinxisti, & gratia labiis tuis diffusa, Virginitatis meæ gloriam in cordibus fidelium depinxisti: accipe vestem de thesauris filij mei, ut etiam in hac vita vestimento gloriæ adornaris, & ea in meis & filij mei solennitatibus vestiariis. Et his dictis cum glorioso cætu quo apparuerat ad gloriam filij remeauit. Beatus autem Hildephonfus de promissis securus, suscepto munere securus remansit. Hac autem veste nullus post eum uti præsumpsit, nisi Sisibertus Archiepiscopus, qui culpâ suâ ab illa sede propulsus, fuit exilio relegatus. Hactenûs Rodericus \*: qui lib. 4. c. 3. de eiusdem

\* Huius hoc breue extat, sed celebre Epitaphium, Hortæ in Arragonia, vbi sepultus est, Mater Nana-ra, Nutrix Castellæ, Schola Parisius, Sedes Toletum, Hortus Mansoleum, Requies calum.

sacræ vestis translatione hæc memoriæ prodidit, Urbanus autem Sinderedi successor &c. arcam reliquiarum & scripta B. Hildephonfi & Iuliani Pomerij & vestem sacram, quam B. Virgo dederat Hildephonso, cum iam videret in Hispaniis destructionem Ecclesiæ & populi Christiani, ad Asturias dicitur detulisse, & de loco in locum, ut persecutio exposcebat, à fidelibus ferebatur. Et c. 8. eiusdem lib. vbi de piis operibus agit Alphonfi Castiliæ Regis, maximeque de templorum instauratione apud Ouetum, ita scribit; In altari etiam S. Michaelis posuit arcam reliquiarum, quam Rex Pelagius & Urbanus Episcopus urbis regiæ (Toleti scilicet) tempore perditionis Hispaniæ ad Asturias transtulerunt; ad quam hodie ex vniuersis partibus deuotè concurrunt populi Christiani, laudantes Dei beneficia quæ Dominus Iesus Christus ibidem suis fidelibus impartitur; Et in eadem Ecclesia dicitur esse vestis illa gloriosissima, quam Beata Virgo contulit glorioso Pontifici Hildephonso &c.

Deceptus est igitur Vaseus qui in Chronico Hispaniæ ad annum 662. hanc vestem usque hodie ( inquit ) summa cum religione in adytis Ecclesiæ Toletanæ seruari: addens tamen, quanquam non desunt, qui in Ouetensi Ecclesia esse dicunt. At hoc ipsa Toletana Ecclesia non inficiatur. Ablatæ quin sibi sacræ huius vestis ut iugiter dolet, sic &

possessi aliquando pretiosi huius pignoris memoriam conseruat, quam designat bino indicio: Primum est candidissimus lapis, in quo sacratissimi Beatæ Mariæ pedes steterunt, qui ab omnibus, deuotissimis osculis honoratur, super cuius ferream cratem sequentes versus lingua Castellana leguntur:

*Quando la Reina del cielo  
Puso los pies en el suelo,  
En esta piedra los puso  
De besailla tened vso,  
Para mas vuestro consuelo.*

Hoc est, Quando Regina cœli posuit pedes in solo, in hac petra eos posuit: osculandi habete vsum ad maiorem consolationem. Secundum est sigillum ipsius insignis Ecclesiæ Toletanæ, in quo sacratissima Virgo tribus Angelis circumdata, confidentis situ, planetam ipsi B. Hildephonso ante se genuflexo imponit cum huiusmodi verbis: *Quoniam mente pura & fide firma, in meis laudibus permansisti, accipe vestem de thesauris filij mei, qua in hac vita orneris.* Celebravit igitur S. Hildephonsus diuina hac cœlesti veste ornatus; nec ab illo quicquam ausus inter sacra eadem vti (quemadmodum nec in cathedra sedere, in qua sanctissima Deipara federat, vt Rodericus suprâ citatus insinuat) præter Silbertum \*, qui, anno iam dicto, succedens in locum Iuliani Archiepiscopi, temerario ausu, illam prædecessorum religione adhuc intactam, contrectare atque eam inducere non formidauit, at non impunè, vt suprâ fuit obseruatum.

\* alijs Silbertum

Tanti momenti Ecclesia fecit hoc donum, quo Virgo beatissima S. Hildephonsum honorauit, vt in sacris Tabulis Romani Martyrologij, rem diuinè gestam consignauerit 10. Kal. Februarij his verbis, *Toleti S. Hildephonsi Episcopi, qui ob singularem vitæ integritatem, susceptamque defensionem aduersus hæreticos Deigenitricis virginitatem impugnantes, ab eadem candidissima veste donatus est, ac demum sanctitate celebris in cælum vocatus.* Aliis verbis Cardinalis Bellarminus rem ipsam enarrat libro de Scriptoribus Ecclesiasticis in S. Hildephonso sub annum 658. vbi ait, *Ob singularem deuotionem erga beatissimam Dei matrem, & defensionem perpetuæ virginitatis eiusdem Virginum Regina, meruit iste felix Antistes non solum in terris intueri eam diuino splendore fulgentem, sed etiam ab ea donari præclara veste Sacerdotali: Et quod summo gaudio animam eius repleuit, certus reddi de veste gloriæ post beatam mortem consequenda, &c.*

## ARTICVLVS II.

*De Casula data à beatissima Virgine S. Bonito Episcopo  
Aruernensi, seu Claromontano, in signum sibi gratæ  
eius pietatis & puritatis.*

**S**ANCTVS Bonitus Episcopus Aruernensis cùm aliquando solus in templo profusis animæ affectibus oraret, diuina utpote

myſteria mox celebraturus, à Beatiffima Virgine Maria ſplendidiffimo Angelorum & ſanctorum ſociata cœtu, in amoris ac fauoris ſui arrham; caſulam ſeu planetam, eximio munere accipere promeruit, Cuius materia & texturæ modus à nullo hominum dignoſci poteſt. Eſt autem eximij candoris, miræ leuitatis & lenitatis, quæ in hunc uſque diem ibi religioſè ſeruatur, & populo oſtenditur. Rem geſtam ex priſcis monimentis prolixè refert Vincentius lib. 7. c. 97. hiſt. Ex quo Petrus Exquilinus Epiſcopus lib. 2. c. 82. & M. Marullus lib. 2. c. 4. Huius at obiter meminimus in Martyrologio Gallicano, 18. Kal. Februarij, quo eius ſancta colitur memoria, hac verborum ſerie: *Deinde corpus eius venerabile ad principem adem traſſatum fuit, in qua hætenus religioſè aſſeruatur, ubi caput eius in liſſanotheca conditum pretioſa, d' uotis ſupolicibus palam exhibetur percolendum, unà cum eiufdem ſanctiſſimi Antiftitis caſula, quam mirâ texturâ conſertam, cœleſti munere ſanctiſſima Deipara, tradi ur accepiff.* Breuiter quoque eiufdem meminit do-

\* Editæ apud Petrum Durādum Typographum Regium, Aruernis prodierunt, anno Domini 1607.

ctiſſimus Sauarro Præſes Aruernenſis in Originibus \* Claromontanis: ſic enim ait in Catalogo Epiſcoporum Aruernorum, n. 30. quo Epitomen refert vitæ iplius S. Boniti: *Quant au miracle de ſa Chafuble, qui ſe voit encores à Clairmont d'une tiffure admirable, que l'on tient par tradition eſtre enuoyée du Ciel à S. Bonnet par la Vierge, l'auteur de ſa vie n'en a rien écrit: Toutes fois le vieux prologue en rythme Latine, ſon hiſtoire au rapport de Vincent; Exquilin, Surius, Marullus, en font ſç. Sic autem ad verbum habet Rythmus ille antiquus exſcriptus ex M S. Codice Carth. Colon.*

1. Præſul erat Deo gratus,  
Ex Francorum gente natus;  
Bonum erat ei nomen,  
Quod deſignat bonum omen.  
Ille iuxta Dei legem  
Custodiuit ſuum gregem,  
Sanctitatis dans exemplum,  
Michaelis petit Templum.  
Solut loco in obſcuro,  
Orat Deum corde puro;  
Tundit pectus, agit cœtus;  
Inter preces fundit ſletus.  
Quæ conuenit plebs abſcedit,  
Et ad ſua quiſque redit;  
Ille ſolus ibi iacet,  
Vt diuina laudi vacet.  
Custos loca perſcrutatur,  
Nequis ibi relinquatur:  
Hic manere ſolus audet;  
Nec ſe capi poſſe gaudet.  
Dum ex corde Deo p'allit,  
Perſcrutantes ſeruos fallit.

Hi recedunt, iſte orat,  
Culparumque memor plorat.  
31. Hora noctis intempèſtâ,  
Dum reuoluit ſua geſta,  
Oblectatur dulci melo,  
Descendente quaſi cælo.  
Admiratus tanto ſono,  
Tam ſuaui gaudet tono,  
Dum precatur Dei numen  
Videt lætè fuſum lumen.  
Et cœleſtis adeſt cœtus,  
Inde virum ſubit metus,  
Angelorum chorus præit,  
Et vexilla ſacra vehit.  
Subſequantur ſancti Dei,  
Quos precantur omnes rei,  
Inceditque, vt feſtiua,  
Mater Dei, ſicut diua.  
Quæ rogata, quis cantaret?  
Quiſve Miſſam celebraret?  
Bono, inquit, hoc concedo;  
Illum enim dignum credo.

Verba

Verba Praesul audiebat,  
 Séque praesens retrahebat;  
 Ipse lapis, cedens ei,  
 Servat signum huius rei.  
 Statim sancti Bonum querunt,  
 Et quasitum inveniunt:  
 Quem vestitum vestem claram  
 Statuerunt contra aram.  
 Hic caelesti veste dives,  
 Caeli stabat inter ciues:  
 Patriarcha hunc ducebant,  
 Et Propheta praecinebant.  
 Incedebat sic deductus,  
 Memor tantum sui luctus:  
 Et accedens aram petit,  
 Quam cum suis ante stetit.  
 Hic accepta manu pura,  
 Offert ipse Deo thura:  
 Resonabant dulces meli,  
 Praecinente tuba caeli.  
 Ut diuinum opus digne  
 Vir peregit, & benigne,  
 Virgo mater, viro ve tem  
 Pro mercede dat caelestem,  
 Agit grates, reddit vota,  
 Laudat Deum mente tota:  
 Et quam virgo sibi dedit,  
 Sumit vestem, & abscedit.  
 His oculis ita gestis,  
 Creuit fama data vestis:  
 Ille quidem nihil celat,  
 Sed quod vidit hoc reuelat.  
 XII. Alter quidam credens male  
 Pro merito quiddam tale.  
 Praecessoris ad exemplum,  
 Illud quidem petit templum.  
 Intrat solus valde sero,  
 Habebatur multo mero,  
 Ex labore longo fessus,  
 Graui somno sit depressus.  
 Hinc aurora lucem dedis,  
 Et cum somno mox recedit;  
 Capiteque mox erecto,  
 Se in suo videt lecto.  
 Signo crucis se muniuit,  
 Thalamoque mox exiuit:

Spectat seruos, & salutat,  
 Et errare sese putat.  
 Tandem Praesul in se redit,  
 Vocat seruos, & confedit,  
 Et quod secum fuit gestum  
 Suis facit manifestum.  
 O quam pia, quam benigna,  
 Omni quoque laude digna,  
 Christi Mater haec intacta,  
 Per quam sunt tot mira facta?  
 Quae sic parcens negligentem,  
 Sanum reddit suae genti,  
 Malens illum poenitere,  
 Quam pro culpa mox delere.  
 Bonum autem vigilantem,  
 Nec incautum excubantem  
 Sic dilexit, ut caelestem  
 Largiretur ei vestem,  
 Volens cum celebrare  
 Opus Dei salutare.  
 IV. Ne quis putet hoc commentum  
 Esse, ecce argumentum;  
 Duras adhuc vestimentum,  
 Nullum ferens detrimentum.  
 Aruernensis urbs perdiues,  
 Quae & multos habet ciues,  
 Orienti tota patens,  
 Occidenti parti latens.  
 Fama fuit satis clara,  
 Belli quippe non ignara:  
 Clarus mons haec nuncupatur,  
 Apertè ea reseruatur.  
 Illa Boni bona vestis,  
 Raro visa nisi festis,  
 Suauissimi est odoris,  
 Et nitentis est coloris.  
 Multa quoque lenitatis,  
 Sed & mirae leuitatis.  
 Modus vero contexturae,  
 Cuius artis vel facturae  
 Sit introrsus & extrorsus,  
 Ignoratur quidem prorsus.  
 Dominus Praesul hoc Hubertus  
 Noruicensis est expertus,  
 Qui dicebat hanc vidisse,  
 Hanc & manu tetigisse.

\* Excidisse ali-  
 quid videtur,  
 nam correption-  
 nis huius Epi-  
 scopi non ap-  
 pareret indicium.



Ergo qui non credis verè,  
 Rem quam dico, sic habere,  
 Vade & fac tibi fidem,  
 Vestem videns hanc ibidem,  
 Et nunc tibi fiet satis,  
 Laudem scire quam non sapis.  
 Enarrare tunc memento

Corde puro & intento  
 Verùm ne obliuiscaris  
 Stella maris salutaris.  
 Cuius dono non priuatur,  
 Quisquis ei famulatur:  
 Ipsi, atque nato eius  
 Salus, honor, atque virtus.

## ARTICVLVS III.

*Eodem munere honoratum fuisse S. Thomam Cantuariensem à  
 sanctissima Virgine Deigenitrice Maria, ad triumphalis  
 eius agonis honorificationem.*

**C**ASULAM purpuream in dilectionis symbolum & martyrij pignus pulcherrima pixide inclusam accepit sanctus Thomas Cantuariensis Archiepiscopus, demùmque inclytus Martyr, Beatissimæ Deigenitricis, Reginae Sanctorum, munere singulari, cui impense deuotus erat. Rem gestam ex authenticis monumentis fuisse enarratam quisquis accuratiùs scire voluerit, reperiet in Speculo exemplorum dist. 9. exemplo 122. & apud Antoninum des Lions lib. 2. de cultu Beatæ Mariæ, elegia octaua.

## CAPVT XIV.

*De Casula morali significatione.*

**P**RO sacrorum rituum interpretes ea est ferè communis sententia, quòd Sacerdotes ornatus, virtutum quibus Sacerdos, vel Episcopus præditus esse debet, sint propria indicia: *Hæc quippe ornamenta* (ait Iuo ferm. de significatione Sacerdotalium indumentorum) *non sunt ipse virtutes, sed virtutum insignia, quibustanquam scripturis admonentur utentes, quid debeant appetere, quid vitare, & ad quem finem facta sua dirigere.* Quia verò in iis summa & præcipua est casula, eâ quoque præcipuum animi decus gestantis designari, vnanimi consensu docent ipsi Ecclesiasticarum Theoriarum expositores, scilicet Alcuinus, Amalarius, Rabanus, Iuo, Honorius, Innocentius & posteriores passim. Nec mero arbitratu sic sentiunt, at doctrinæ suæ plerasque rationes assignant.

Prima, & generalis ea est, quòd sicut casula omnibus superponitur sacris indumentis, totum ambit & inuoluit, tegit ac protegit Sacerdotem; sic charitas quæ est vinculum perfectionis, omnibus præeminet virtutibus, quas omnes sua sublimitate transcendit, sua amplitudine complectitur, sua pulchritudine decorat, sua fulcit & corroborat potestate: *Casula* (inquit Alcuinus) *quæ super omnia indumenta*

ponitur, significat charitatem, quæ alias virtutes excellit. De qua Apostolus &c. maior autem horum est charitas. Sic & Rabanus, Institut. Clericorum lib. 1. c. 21. Hanc ergo vestem (inquit) possumus intelligere charitatem, quæ cunctis virtutibus supereminet, & earum decorem suo tutamine protegit & illustrat. Nec enim ullus erit iam virtutum splendor, si non eas charitatis irradiaverit fulgor; quod ostendit Apostolus dicens, Si linguis hominum loquar & Angelorum &c. Et si habuero omnem fidem, charitatem autem non habuero, nihil mihi prodest &c. charitas patiens est, benigna est &c. omnia suffert, omnia credit, omnia sperat, omnia sustinet.

Secunda, ex forma colligitur. Qui mutatam casulæ formam queri solent, antiquitatis per omnia vindices, hoc nomine maximè expostulant, quòd sensim exciderit præcipua vestis ipsius sacra significatio: decurtatam enim adeo nunc esse & deformatam, ut ea ipsa scissura, qua ab utroque latere diuiditur, charitatem ampliùs non possit designare, quæ sua amplitudine & indiuidua textura omnes vnit & connectit illustratque virtutes. Donius sic explicat antiquæ eius formæ à recenti discrimen: Caterum, inquit, proauorum ætate eiusdem ferè formæ apud nostros fuit sicut um hoc vestimentum, quam apud Græcos hodièque conspiciamus: rotundum videlicet, æquatòque in ambitum gyro, non autem in duas semicircundas plagas, anteriorem ac posteriorem diuisum; quam in speciem paulatim degenerauit dum sacrificaturi onus illud brachiorum pertæsi, & commoditati magis quàm \* decori studentes, sensim ab utroque latere eam reiecerint, donec cubito tenus pertingeret. At hæc resectio non ita recens, cum auctores mediæ ætatis reperiamus eadem ferè forma casulam suam iam ætate constantem describentes, nec eo quod ab utroque latere aperta fuit hæc sacra vestis, eius propterea significatio desit; ea enim qua extat forma, charitatem semper duplici ratione indicat, tum quòd semper cæteris Sacerdotalibus ornamentis superimponatur: tum quòd duplici qua constat parte, genuinum charitatis officium insinuat. Hinc Iuo citato sermone asserit, Casulam in Presbyteris eos admonere adimplendæ dilectionis, quæ scilicet in amore Dei & proximi perficitur, In his enim duobus mandatis, ait Dominus, pendent lex & Propheta; quemadmodum ad casulam seu planetam morali sensu applicat Innocentius III. lib. 1. de Myst. Missæ, c. 58.

Tertia, ex ipsa forma desumitur, duplicis scilicet plagæ, anterioris & posterioris, qua scilicet censet Amalarius Fortunatus, lib. 2. de Eccles. off. c. 19. significari duplicem Sacerdotis operationem, mentis scilicet & corporis, puram & sanctam, Deoque & rebus sacris totam addictam esse debere. Designari præterea doctrinam & veritatem, videlicet doctrinam exterius ad fideles instruendum, veritatem interius ad sincerè credendum & fideliter Deo in suo munere seruendum: doctrinam quoad instructionem, veritatem quoad intentionem. Casula (inquit) dupla est, post tergum inter humeros, & ante pectus. Per humeros opera exprimuntur. In eis duplex sit vestimentum, quia sic debemus bona opera foris proximis ostendere, ut eadem intus integra incorruptaque coram Domino seruemus. In pectore duplex, quia in eo utrumque debet

esse, & doctrina & veritas; veritas interiùs, doctrina ad homines. Hac duo duplicia sunt coniuncta, quia tunc bene ministratur, cum opus & ratio in unum conueniunt. Opus ad humeros, ratio ad pectus. Ita ille.

Quarta, ex usu peti potest. Stola, manipulus, alba, zona, amictus extra sacrificium in plerisque Ecclesiasticis officiis à Sacerdote usurpantur. At casula nunquam vitur Sacerdos nisi in sacrificio. Nec sine illa diuinum hoc mysterium celebrare potest, ut ex canonicis sanctionibus constat. Significare sacrum hoc vestimentum, morum innocentiam, qua fulgere debet Sacerdos diuino munere functurus, sunt ideo qui sentiant; ex quibus Innocentius III. loco suprà citato: *Et hac est ( inquit ) vestis nuptialis de qua loquitur Dominus in Euangelio: Amice quomodo huc intraisti non habens vestem nuptialem? Quò spectare etiam Ecclesia videtur \**, quæ in ritu abdicandi Sacerdotis, exui eum iubet hac veste, dicente ei Episcopo, *Veste Sacerdotali, charitatem signante, te merito expoliamus, quia ipsam & omnem innocentiam exuisti.*

\* Pontific. Rom.  
in degrad. ab or-  
din. presbyt.

## CAPVT XV.

*De planeta seu Casula mystica theoria.*

**S**ANCTVS Germanus Patriarcha Constantinopolita-  
nus, in Theoria rerum Ecclesiasticarum, πάλιν ( inquit )  
πελόνητον ἐμφανίζει τὴν ἀπὸ κοκκίνου πορφύρας, ὡς περ τῷ Ἰησοῦ ἐν  
ἀσκήσει ἐμπαιζόμενους ἐφύρτισται. Penula autem ostendit vestem  
purpuream seu coccineam, quam impij homines illudentes Iesum  
obsculerunt. Nec refert quòd forma sit penulæ sacræ,  
seu casulæ à chlamyde specie nonnihil dissimilis: non enim ad for-  
mam spectauit S. Germanus, sed ad significationem. Sacerdos in sa-  
crificio, Christi ut gerit vices, mortisque eius memoriam celebrat,  
sic & eius passionis speciem tam actu repræsentat quàm habitu, prout  
aliàs accuratiùs ostendimus. Quemadmodum igitur zona & manipu-  
lus stolæque, Christi vincula referunt, linea tunica vestem albam qua  
per ludibrium ab Herode indutus fuit, in memoriam reuocat: sic  
casula, seu planeta, vel penula, purpuream vestem, seu chlamydem  
coccineam, qua in Pilati prætorio à militibus delusus fuit, meditan-  
tium Christi mortem, in hoc tremendo mysterio obicit oculis:  
Quamuis igitur non sit forma prorsus eadem chlamys cum planeta  
seu casula: tamen in hoc conuenit quòd ut Christi patientis corpus  
chlamyde coopertum fuit, sic & Sacerdotis eiusdem ibi mysticè im-  
molati personam referentis, corpus, casula superiniecta cæteris qui-  
busque eius sacris indumentis, amicit atque circumteget. Nec porro  
obstat quòd chlamys Christo imposita fuerit in signum contumeliæ:  
Sacerdoti verò casula seu planeta conferatur ab Episcopo, ut sit di-  
gnitatis honorificum indicium. Sicut enim sacrificij incruenti omnis  
vis & virtus à sacrificio cruento quod peregit Christus in cruce, pro-  
fluit & dimanat: sic omnis honor apparatus Sacerdotalis ab oppo-

briis, & contumeliis illis procedit, quas Christus in passione sua perpeffus est. Vnde eleganter ait S. Leo, ipsa instrumenta Christi patientis supplicij, transiisse in triumphalia eius victoriæ ornamenta; vt qui sua morte promeruerit, vt infirmitas quam susceperat, transiret in virtutem, mortalitas in immortalitatem, & contumelia verteretur in gloriam.

Serm. 2. de Ascens. Domini.

II. Sicut Apostolus nos passim admonet, vt Christum induamus, quo ei arctè, & inhaerenter copulemur: ita Christus ipse, quo nos sibi strictius coniungat, nos velut proprios amictus assumit ac induit, & eiusmodi vestimento quasi eximio ornatu gloriatur. In transfiguratione sua effulsit eius vestimentum sicut nix, cur quæso sic fieri ei placuit? nisi vt spes Ecclesiæ sanctæ hoc visu obfirmaretur? Vt totum Christi corpus (ait S. Leo) agnosceret quali esset commutatione donandum, & eius sibi honoris consortium membra promitterent, qui in capite præfulserat. Igitur Ecclesia, vt mysticum Christi corpus, ita & proprium eius est indumentum: vestis enim illa candida sicut nix ipsam Ecclesiam designabat; Quam Christus dilexit, (ait Apostolus Ephes. 5.) & seipsum tradidit pro ea, vt illam sanctificaret, mundans eam lauacro aquæ in verbo vitæ, vt exhiberet ipse sibi gloriosam Ecclesiam, non habentem maculam, aut rugam, aut aliquid huiusmodi, sed vt sit sancta & immaculata. Hanc, quod discindere, & inquinare Arius dudum contendisset, Christus veste detrita & lacera, questus de eius nefario ausu, B. Petro Alexandrino Episcopo, indutus apparuit.

Serm. de Transfig. Domini.

III. Hoc ex theoremate de mystico Christi vestimento, Innocentius III. lib. 2. Myst. Missæ, c. 42. de Sacerdotali casula memorabile documentum expressit: Casula, inquit, vel planeta magni Sacerdotis, est vniuersalis Ecclesia, de qua dicit Apostolus, quotquot in Christo baptizati estis, Christum induistis. Hoc est illud Aaron vestimentum, cuius in oram unguentum descendit; sed à capite descendit in barbam, & à barba descendit in oram. Quoniam de plenitudine eius spiritus, nos omnes accepimus, primum Apostoli, postmodum ceteri. Quod autem casula cum unica sit & integra, extensione manuum, in anteriorem, & posteriorem partem quodammodo diuiditur; designat & antiquam Ecclesiam quæ passionem Christi præcessit, & nouam quæ passionem Christi subsequitur; nam qui præibant, & qui sequebantur clamabant dicentes, Osanna filio David, Benedictus qui venit in nomine Domini. Quam theoriam Innocentius ex Ruperto deprompsit, eam qui fusiùs exponit lib. 1. de diuinis offic. c. 21. vbi insuper addit casulam, quæ integra & vndique clausa est, sua forma demonstrare fidei Catholicæ vnitatem ac integritatem.

Gal. 3.

IV. In Pontificali Romano casula dicitur vestis Sacerdotalis, cum enim ordinando presbytero illam Episcopus imponit, Accipe, inquit, vestem Sacerdotalem. sanè alba est etiam vestis Sacerdotalis, sed est presbytero communis cum cæteris altaris ministris: at casula est Sacerdotis propria, est igitur insigne tantæ dignitatis, vt chlamys coccinea dudum erat speciale regis maiestatis ornamentum, ideoque per ludibrium Christo à Romanis militibus impositum, qui regium



ius & nomen in eo victo, & flagellato, tam scurriliter quàm impiè deridebant. Walfridus Strabo, libro vnico quem scripsit de rebus Ecclesiasticis, cap. 24. sub finem, Sacerdotes dalmaticis (ait) ante casularum vsum indui consuetos, postea cùm casulis vti cœpissent dalmaticas Diaconis concessisse. Verùm hanc opinionem Strabonis monoculam, erronèamque esse planè euicimus Panopliæ Episcopalis lib. 6. c. 4. hocque in Opusculo insuper perspectum fecimus, casulæ Sacerdotalis vsum tantæ esse antiquitatis, vt ab Apostolis originem duxerit; *Sine hac* (inquit Rabanus Maurus, lib. 1. de Institut. Clericorum) *nec Sacerdos ipse ad altare appropinquare debet, nec munus offerre, nec preces fundere, &c.* de hoc itaque speciali virtutum indumento vsurpari meritò posse videtur, quod Apostolus epist. ad Coloss. scribit, *Induite vos ergo sicut electi Dei sancti & dilecti, viscera misericordiæ, benignitatem, humilitatem, modestiam, patientiam, &c. super omnia autem hæc, charitatem habete, quæ est vinculum perfectionis.* En quantarum virtutum (quibus ornari debet Sacerdos offerens ad altare munus diuinæ propitiationis, & redemptionis nostræ hostiam salutare) vestis ipsa Sacerdotalis indicium est: Quàm diues igitur erit, quàm pulcher, quàm splendidus, quàm gratus, & acceptus oculis diuinæ Maiestatis, si hac adornatus panoplia Sacerdos rem diuinam acturus, ad altare accedit? Dum Antistes mysticas vestes benedicît, eas inter orandum appellat, insignia Sacerdotalis gloriæ. Sed cuiusnam gloriæ, num quæ è rei pretio, & splendore suum decus mutuetur? S. Chrysostomum, obsecro Sacerdotes, audite! *Propterea vos Deus* (inquit) *hoc insigniuit honore, vt talia mysteria discernatis* (hoc est dispensetis cum eximia animi puritate, summoque metui & reuerentia,) *Hoc vestra dignitas, hoc securitas, hoc omnis corona. Non vt albam, & splendentem tunicam circumeatis induti.* Licet enim ad reuerentiam diuinis mysteriis, sacrificioque simul, & Sacerdotio conciliandam voluerit Deus, vt tanto cum externi etiam ornatûs decore, procedat Sacerdos, ad cœlestis muneris dispensationem: tamen sacer hic apparatus, speciosa hæc vestis Sacerdotalis etsi dignitatis sit indicium, potissimum interioris ornatus monumentum est, Panopliæ scilicet virtutum, quibus altari se sistens Sacerdos præditus esse debet; hoc eius verum decus est, honor singularis, perfecta gloria, & perennis corona.

Coloss. 3. 12.

Hom. 60. ad populum Antioch.






PRIMÆ PARTIS  
**PANOPLIÆ**  
**SACERDOTALIS**  
 LIBER VII.

*DE CAPPA, seu PLUVIALI.*

CAPVT PRIMVM.

*Cappa, unde dicta? Pluuiale itidem.*



**T**RIVIALE est hoc nomen à multis retro sæculis; tametsi ante mille, aut centum super annos vix in vsu fuerit. A Francis primùm inuectum censet Baronius in notis ad tertium Idus Iunij; vbi expendit Capellæ vocabuli originem: reiecta siquidem illorum opinatione qui capellam deductam à capiendo arbitrantur, voce scilicet partim Latina, partim Græca, quasi *capiens* λαός: propria ex sententia subiungit, Francum vocabulum potius esse putatur, à cappa deriuatum, quæ tegumen significat, quod veluti tentorium factum, secum veherent Reges cum essent in expeditione ad vsum rerum sacrarum; vel quod scribit Durandus lib. 2. c. 10. n. 8. dicta Capella à Cappa S. Martini, quam religionis ergò, Reges procedentes ad prælium secum portarent, presbyterorum scilicet selectorum ministerio, quos ideò Capellanos ait fuisse nuncupatos.

Sunt alij sacræ antiquitatis scrutatores, quibus minimè placet eiusmodi deriuatio: Cappam enim, vel à verbo capere dictam existimant, quòd totum capiat hominem; vel à capite, cum in luctu eâ caput inuoluant, qui eiusmodi vestimento induuntur. Verùm funebris illa vestis, non cappa vocitatur, at est togæ species, cuius pars neutiquam est illud capitis tegumentum, quod humeris superinie-

Autem, exomidem, seu cucullum appellamus in Monachorum habitu spectabilem. Non igitur à capite dictam cappam arbitror, nec simpliciter à capiendo, tum enim cum p simplici exprimenda esset: at cum gemino scribi solet, ut ex usu constat. Accedit quòd licet totum corpus ferè includat illa vestis, totum artamen hominem haud capit, est enim ab anteriori parte à summo usque ad imum dissecta, adeò ut gerentis pateat pectus, & ab humeris usque ad pedes corporis anterior constructio. Barbarum igitur reor vocabulum totum esse, cuius origo à fontibus Græcis Latinisque non possit ideo delibari. Quòd si tamen ludere liceat in eiusmodi vocibus, compositumque esse nomen quispiam contendat, huic ultro concedam dictam esse cappam à duabus semiiunctis vocibus, *cap.* videlicet, & *pa.* quasi capit patrem, quia vestis est Monachi vel Sacerdotis, quos honorificentia causâ Christiani, patres appellare solent.

Cæterum cappam illud ipsum esse vestimenti genus, quod Ecclesiastici Scriptores Pluviale vocitant, infra ex dicendis patebit: Pluviale verò dictum ut ipsa vox sonat, à pluvia existimat Octavius Ferrarius lib. 1. de re Vestiaria c. 39. *Hac vulgi voce (inquit) pluviale dicitur, quia pluvia tempore sumebatur.* Quamvis à recta linea non parum deflectat, dum ipsum pluviale cum penula seu planeta confundit, quemadmodum ex utriusque tam accurata, quam certa distinctione fiet infra perspectum.

## CAPUT II.

*Cappa, varia species.*

EST cappa Monastica, Laïca, Clericalis & Ecclesiastica. De Monastica, quæ vestis est superior Monachi, præter ea quæ passim leguntur de Cappa S. Martini, apud gestorum eius narratores, hunc in modum scribit Cæsius in historia illustrium miraculorum, lib. 4. c. 97. *Tandem accessit ad Priorem, petens sibi cappam dari.* De Laïca idem, etiam lib. 3. de latrone quodam. *Equum hospitis (inquit) valde bonum stravit, cappam eiusdem induit, ascendit, & abiit.* Idemque lib. 1. c. 38. *Videntes illum fratres cappam ritam atque vetustam indutum, æstimantes eum scholarem pauperem & vagam, suscipere renuerunt.* Porro de cappa quæ Clericis per Canones uti licet in priuato habitu pro pallio, fusè dictum est in Panoplia nostra Clericali. De Ecclesiastica autem, quæ iam est Sacerdotum ornatus extra sacrificium, infra proprio loco disseram, scilicet cap. 5. ubi de eius usu, & origine. Interim est quòd lectorem admoncam tantæ celebritatis esse huiusmodi ornatum: ut ab eius gestatione solennitatis magnitudo dignosci à minori cultu alterius cuiusque festiuitatis consueuerit. In antiquis Kalendariis Ecclesiæ Remensis festa per cereorum minorem, vel maiorem numerum discriminantur. v. g. 14. Ianuarij, *Hilarij Episcopi,*

*scopi & Confessoris semidupl. 7. cereorum. 17. Antonij Abb. semid. 5. cereorum. die 7. Febr. Helena Regina electa, semid. 9. cereorum. Sed in Kalendario Archimonaſterij S. Remigij itidem Remenſis, per Capparum ab Albis differentiam, diei feſti dignitas deſignatur; ſic octaua S. Remigij celebranda denotatur in Cappis: Conuerſio S. Pauli, in Albis: feſtum S. Agathæ Virginis & Martyris, in Cappis: cathedra S. Petri in Albis: Inuentio S. Crucis, in Cappis: tranſlatio S. Nicolai, in Albis, &c.*

## CAPVT III.

*De differentia Cappa & Caſula, ſeu pluuialis & planeta, diuerſaque illarum forma, & uſu.*



EXTRA inter præclara Lantfranci Archiepiſcopi Cantuarienſis monimenta, inſignis eius epiſtola ad Ioannem Metropolitum Rothomagenſem, quem Archiepiſcopum Normannorum pro ſalutatione quæ limini ſcriptionis præfigitur, appellat. in qua quidem cum de nonnullis agit Eccleſiaſticis ritibus, de quibuſdam ſacris veſtibus, ornamentis que differit, videlicet de ſtola, de cappa, & caſula, manipulo, aliis que diuini officij adminiculis, quorum aliis lucubrationibus originem, uſum, & ſignificationem explicauimus proprio cuique tractatu. Illius verò Epiſtolæ illuſtris eſt & appoſitus ad rem de qua agitur locus, ubi de ſtola, caſula, & cappa, illarum que diſtinctione ac uſu ſacris in officiis diuerſo differit ex profeſſo: Digna mihi viſa ſunt eius verba quæ hîc prodirent in conſpectum. Quicquid verò (ait) ſanctius veſtra de ſtola ſcripſit, mihi placuit, nec unquam diſplicuit. Sed quod ſubiunxit, quia ad dedicandam Eccleſiam Epicoſus proceſſurus, ſacris veſtibus ex inſtitutione Epicoſpalis ordinis debeat eſſe indutus, atque in expoſitione ipſarum ſacrarum veſtium, Caſulam poſuit: valde ſtupui, quia tale aliquid me nunquam vidiffe meminiffe non potui. Diuerſos enim diuerſarum prouinciæ præſules Eccleſias dedicare ſæpe conſpexi, omnibus que, quæ ab eis facta ſunt, quantum potui curam adhibui, qui eſi in nonnullis diſſimilia egerint, omnes tamen in cappis induti uſque ad celebrationem Miſſæ debita ſeruitia ſine caſula explerunt. Denique S. Leo Romana Sedis ſummus Antiſtes Romericeſem me præſente Eccleſiam dedicauit, cunctaque quæ ante Miſſam fieri ordo depopocerat ſine caſula conſummauit.

Hæc quæ vidit teſtatur Lantfrancus; ſed ritus quem ex viſu deſcribit rationem non aſſignat. Hæc mihi probabilis videtur, quòd Caſula ſeu planeta veſtis eſt Sacerdotalis ſoli ſacrificio appropriata, unde Sacerdoti ab Epicoſo imponitur in ipſa ordinatione. Sed Cappa ſeu pluuiale non ita traditur, at aſſumi ſolet ab ipſo Sacerdote extra ſacrificium in cæteris officiis & cæremoniis, quæ longè ſunt ab ipſius ſacrificij eminentia: quamobrem ipſum pluuiale ſeu cappa ab inferioribus miniſtris aliquoties geſtatur, at planeta nonniſi à Pontifice vel Sacerdote uſurpari poteſt, quia iis ſolis ſacrificium licet Eu-

T



charistiæ offerre, cui celebrando casula seu planetâ peculiari vsu dedicata est. Eiusmodi vestem Nepotianus moriens S. Hieronymo, vt ipse refert, legauit in ipsius Nepotiani Epitaphio, *Hanc tunicam quam utebar in ministerio Christi, mitte dilectissimo mihi, etate patri, fratri collegio: & quicquid à te nepoti debebatur affectus, in illum transfer, quem mecum pariter diligebas.* Marianus Victorius sub oram vitæ S. Hieronymi, sacram eiusdem tunicam ait seruari Romæ, cum eius venerando corpore iuxta præsepe Domini in Ecclesia sanctæ Mariæ Maioris: Sed an eadem sit quam Nepotianus moriens ipsi in pignus amicitiae speciali dono legauit, vel alia, idem Marianus minimè insinuat.

Porro non tantùm ex diuerso vsu casulæ & pluuiæ, seu planetæ & cappæ, vtriusque sese patenter prodit discrimen, verùm etiam ex diuersa forma vtriusque. Planeta est Sacerdotalis vestis, quæ cæteris indumentis sacris, scilicet amictui, albæ, zonæ, manipulo, stolæ superimponi solet: fissa est ab utroque latere, ab humeris ad extremum limbum qui ad genua & paulò infrà defluit: Sacerdotalis cruce insignitur à tergo, Pontificia ab anteriori facie, à summo ad imum. Latè patere debet, cubitos circiter duos, longè tres: fascia quæ assui solet, vel distingui in ipsamet planeta, lata erit vnciis octo ad minimum. Funiculi addi solent, seu lineæ sericæ, in ea parte qua pectus regitur, ita oblongæ vt reduci possint ante pectus ad firmandam planetam ne defluat à tergo.

Pluuiæ est Ecclesiastica vestis quæ totum inuoluit sacrum Mystam, anteriori parte duntaxat aperta, ab humeris ad imos vsque talos protenditur, longitudine cubitorum trium & vnciarum sex circiter constans, & pro semicirculari ratione latè patens, à parte anteriori à summo ad extremum: hinc & inde auriphrygio decoratur, à posteriori parte caputium auriphrygiatum, quod anteriori respondeat habet: Lancinæ verò, hoc est fimbriæ Romano ritu latiores esse debent circa caputium, breuiiores in oris pluuiæ extremis. Fibula anteriori connecti debet pluuiæ, additis binis, seu ternis vncinis maioribus. Globuli laciniari pendentes à caputio non sunt ampliùs in vsu Romani Cleri sæcularis.

## CAPVT IV.

*Diuersa iserum Cappa Ecclesiastica species: Cardinalitia, Episcopalis, & Papalis.*



PLUUIALE, cappam itidem appellari, superiori capite insinuauimus: quæ Ecclesiastici ornamenti species à sacrorum Ministris in diuinis officiis cæremoniisque gestari solet. At alia est Ecclesiastici indumenti species, quæ extra diuinum officium à Cardinalibus & Prælatis consuevit usurpari, de qua passim occurrit mentio in Cæremoniali Cardinalium & Episcoporum.

De Cardinalibus constat, in celebrioribus confessibus & publicis

actionibus extra sacra officia, cappa indutos consueuisse insigniri. Octavius Ferrarius lib. 1. de re vestiaria c. 39. ubi tractat de Cardinalium vestitu, hunc ita describit, *Patres purpurati* (inquit) *hodie lineam quidem habent, sed duplicem: interiorem, quæ subucula, deinde thoracem, mox tunicam talarem, aut alteram lineam, siue Ephod, (Rochet) postremo loco non tunicam solutam, ut tenet Baronius, sed vel togam, vel togæ per similem vestem, nam fusa est & symmate prodiga, totumque hominem inuoluit, & licet ad pectus aperta, brachio tamen sinistro ut veterum toga subducitur ac contrahitur, & ideo cappa appellatur, vel quod hominem capiat, vel à capite cum in luctu ea caput inuoluant ut in veteri toga. Quod autem humeris superiniicitur exomidis species est, siue cuculli, qualis simplicior in Monachorum habitu visitur: ea autem tunica, vestis vulgò dicitur: Haftenus Ferrarius.*


De Cappa verò Episcopali sic legitur lib. 1. Cæremonialis c. 2. & 3. ubi de primo accessu Episcopi, vel Archiepiscopi ad suam diocesim vel prouinciam agitur, *Præparabit quæ in itinere & ingressu suo usui esse possunt, ut vestes Episcopales ordinarias, cappam Pontificalem violaceam, vel si sit regularis, coloris habitus sui, Pontificalem pileum &c. libros necessarios uti Pontificale & Cæremoniale, ac paramenta etiam sacra pro ingressu necessaria, ut pluuiale album cum stola & mitra pretiosa, amictum, albam, cingulum, anulum, baculum pastorem & alia &c. Et infra, Deposito itinerario habitu induit cappam Pontificalem: tumque in ipso ad ciuitatem accessu, in aliquo sacello, vel loco parato honesto depositâ cappâ, capit paramenta sacra, videlicet amictum, albam, cingulum, crucem pectoralem, stolam, pluuiale album, anulum, ac demum mitram pretiosam, conscendêrque equum serico albo undique tectum, & decenter ornatum. Et c. 1. eiusdem lib. §. 12. Quoad cappas verò, quibus Episcopi in suis Diocesibus utuntur, id erit obseruandum, ut regulariter sint lanceæ & violaceæ, & non alterius coloris. In festis tamen quæ in Breuiario vocantur primæ Classis, excepto triduò ante Pascha, poterit Episcopus uti cappa ex cameloto violacei semper coloris: quibus quidem cappis circa collum pellicula albæ, & ante pectus confutæ sunt, quæ deinde vigilia Pentecostes, aut citius, aut tardius, pro diuersitate locorum, aut prout Episcopo videbitur, præintimatis etiam Canonicis qui cappis utuntur, quo die mutari debeant, remouentur: & loco pellicularum, sericum rubrum opponitur. Ibid. §. 14. Extra diocesim, & extra Ecclesiam suam, Episcopus non utitur cappa, præterquam in Romana Curiâ, cum in diuinis Pontifice maximo, vel sacro Cardinalium Collegio præsentè, assistit.*

Cæterum de cappa Romani Pontificis hoc extat illustre Petri Damiani Cardinalis Episcopi Ostiensis, ad Cadaolum pseudo-pontificem scribentis testimonium: *Habes nunc forsitan mitram, habes iuxta morem Romani Pontificis, rubeam Cappam: caue, &c. Porro de Cappa Papali, notatu hoc dignum monumentum obseruâsse memini apud Wibertum Archidiaconum lib. 2. vitæ S. Leonis Papæ IX. ex Episcopo Tullensi, c. 8. Dum autem pro regni pace sollicitè laborans, ibidem aliquandiu moraretur, diuina prædestinatio ei in somnis reuelare voluit, quid sibi in futurum portenderetur. Nam sibi videbatur, quod stans in edito, familiares suos ad se de periculo confugientes reciperet, eisque super pluuiali veste, quæ*

cappa vocitatur, inclusis, sanguine eorum sibi vestes infici conspiceret: qua visione certus redditus, multitudinem sibi suisque affuturam, & sicut triticum in area Domini recondendum, ad tentationem sese præparat sustinendam. Itaque repedans in Italiam, Concilium apud Mantuam habendum constituit: quod factio quorundam Pontificum, seueritatem eius insti iudicij timentium perturbauit. Nam familie eorum faultrices scelerum, subitum contra Domini Apostolici familiam mouerunt tumultum, securè astantem ante basilicam, in qua publicum habebatur Concilium, ita ut vir sanctus cogeretur à medio confessu surgere, & ante portam ad sedandum strepitum procedere. Cuius præsentiam non reueriti, Deo odibiles, eo magis, magisque in nequitia pertinaces, nitebantur ad eum exanimatos confugientes, ante oculos ipsius confodere, & à valuis Ecclesiæ, ut ibi tutarentur, repellere: ita ut impetus sagittarum & saxorum circa eiusdem Sancti aures & ora volitaret, atque quosdam eius veste defendi cupientes vulneraret. Vestis illa, pluuiiale, seu cappa pontificalis erat, qua Papa indutus, Concilio solet præsidere.

## CAPVT V.

*Extra sacrificium, Cappa in officiis Ecclesiasticis vsitatio est ornatus, isque non nuperus.*



VANDO cœperit Cappæ vsus in Ecclesia, vix ex priorum Auctorum monumentis licet dignoscere. De cappa S. Martini, illustre est Walfridi Strabi, qui ante annos 800. clauit, testimonium cap. vlt. de Exordiis & incrementis rerum Ecclesiasticarum: *Dicti sunt (inquit) primitus Capellani à cappa S. Martini, quam Reges Francorum ob adiutorium victoriæ in præliis solebant secum habere: quam ferentes & custodientes cum cæteris Sanctorum reliquiis Clerici, Capellani cœperunt vocari.* Et Scriptor antiquus, Monachus anonymus S. Galli: *Quendam optimum dictatorem & scriptorem in Cappellam suam assumpsit, quo nomine Francorum Reges propter Cappam S. Martini, quam secum ob sui tuitionem, & hostium oppressionem, iugiter ad bellum portabant, sancta sua appellare solebant.* Hæc illi. Sed de qua cappa S. Martini loquantur illi auctores: num de sacra, quæ in Ecclesiasticis officiis gestari solet, an de ea quæ pars est eminentior monastici habitûs: planè est incompertum.

Antiquum tamen nonnihil esse vsum Cappæ Sacerdotalis, quamuis de eo ornatu sileant ferè vetustiores Ecclesiasticarum rerum tractatores: elicio tum ex insigni illo ritu vbique in Ecclesia recepto, cuius meminit Lantfrancus Archiepiscopus Cantuariensis, ep. 15. præcitata: tum ex testamento Leodebodi Abbatis, condito sub Clodoueo secundo Rege, anno Dominicæ Incarnationis DC. XXIII. mense Iunio, in quo legat pius ille vir, Basilicæ \* S. Aniani Aurelianensis, inter cætera diuini cultûs adminicula; *Sandalia duo ad Missas & oralia ad mensam, unà cum cappis, & omni apparatu, & vela duo acu picta.* Item ex iis verbis Helgaldi Monachi, in Epitome vitæ Roberti Re-

\* Epist. Lantfranci 15.

gis, de piis muneribus, ab Adelaide eius matre, sacris plerisque locis, erogatis. Fecit ( inquit ) sancto Pontifici Martino, casulam auro operatam optimo, inter scapulas maiestatem veri Pontificis continentem; Cherubim quoque ac Seraphim colla dominatori omnium submittentia. In pectore verò Agnum Dei, nostræ redemptionis hostiam: quatuor è regione præfigens animalia Dominum gloriæ adorantia. Fecit & eidem Beato Confessori, Cappam unam intextam auro, duas verò ex argento. Et infra dum recenset donaria pretiosa, quibus Robertus ipse Rex, dilectissimam sibi Ecclesiam ipsius Beati Aniani cumulavit; Dedicationis eius solennitate enarrata, subiungit quæ sequuntur: Peractâ oratione ad sua quisque letus regreditur, & de suis donariis locus insigniter nobilitatur: in quatuor scilicet palliis pretiosissimis, & urceo argenteo, & capella, quam post obitum suum Deo omnipotenti, & sanctissimo Confessori delegavit Aniano. Capella autem huius piissimi, prudentissimi, potentissimi Regis Roberti talis fuit: Cappa octodecim bonæ, optimæ, & bene paratæ. Libri Euangeliorum aurei duo, & alij duo parvi, cum Missali uno transmarino, bene parato, ebore & argento\*, &c.

\* In Concil. II. Pictaviensi celebrato iussu Paschalis II. Papæ per Ioan. & Benedictum Cardinales, anno 1109. pro reformat. morum, c. 3. prohibetur Archiepisc. ne ab Episcopis; & Episcopis, ne ab Abbatibus Cappas, &c. exigant in consecratione eorum, sub excommunicationis interminatione.

Porro conferre nonnihil videtur commendationi piæ memoriæ eiusdem Roberti Regis, quod notatum reperi in lib. MSC. De Reliquiis Ecclesiæ S. Dionysij Episcopi & Martyris. Videlicet, in diebus solennibus pium hunc Regem Psalmistæ officio fungi solitum in ipsa S. Dionysij Ecclesia, cappa indutum pretiosa, sceptroque regali insignem: diuina præconia modulantibus Monachis, præcinuisse, chorûmque rexisse; sic enim ibi legitur: Qui ( Rex Robertus ) inter celebrandum diuina Missarum mysteria, stans in Choro cum Cantore ceterisque chorum tenentibus, indutus cappâ sericâ pretiosâ, quam ipse sibi ad hoc ipsum comparauerat, tenens sceptrum regale aureum in manibus, totum Chorum, imò totam Ecclesiam illustrabat, psallens cum psallentibus, & gaudens cum gaudentibus, cantando cum aliis solenniter, & alios ad cantandum hilariter exhortando. Erat enim idem Rex optimè litteratus, subtiliter intelligens, Deum ac Sanctos eius ardentè diligens. Qui suavi modulamine vocis sua cum clamore cordis ad aures æterni iudicis continuo personabat, & ita permanebat usque dum sacratissima diuini mysterij solennia finirentur. Hæc ibi.

Sicut igitur olim David præcinendo psallentibus, gessit Ephod, 4. Reg. 6. Cantoribus vsitatum: sic Rex Robertus Cappam gessit in Ecclesia, diuinas laudes summa cum humilitate ac deuotione celebrando. Cappa enim Ecclesiastica non est propriè vestis Sacerdotalis: sed ornatus omnibus Clericis, etiam Cantoribus ( quos prisci Canones Psalmistas vocant ) communis. Quo officio fungi posse fideles coniugatos, de Sacerdotali licentia, permittunt Ecclesiasticæ sanctiones, vñsque etiamnum vigens plerisque locis hoc confirmat. Nihil igitur contra ordinem sibi arrogauit Rex Robertus: etenim Rex Christianissimus, vnctione sacra delibutus, merus Laicus censerì non debet, at velut mixta quædam persona; quamobrem nonnullis prærogatiuis Ecclesiasticis honoratur, v. g. albâ induitur & dalmaticâ, & quando assistit celebranti Papæ, eidem solenniter Subdiaconi vice ministrat: inque suæ consecrationis die communicat sub vtraque specie;



alia quædam insuper habet Ecclesiastica priuilegia, quibus ut cæteris Laïcis longo interuallo antecellit: sic & ab Imperatorum multorum Orientis ( qui ante casum Imperij Christiani extiterunt ) impio fastu, & superbiâ, in rebus sacris vsurpandis intolerabili, prorsus fastidit ac abhorret.

Verùm excidere mihi hîc non patior ( dissertatio ut eò redeat quò defluxit ) de Cappa Ecclesiastica, aliam obseruationem non illepidam. Adela Comitissa Andegauensis promiserat Baldrico Abbati Burgoliensi ( circa an. Chr. 1060. ) cappam insignem, qua in Ecclesiasticis officiis se ornaret. Cùm pollicitationis Adela immemor videretur: Baldricus qui poëticiis, ut tempora ferebant, aliqua exercitatione pollebat, ansam hanc arripuit carmen ad eam scribendi, prænotatum, *Pro Cappa quam sibi promiserat*, quo sic festiuè lusit.

*Extat inter Carmina historica Baldrici Abbatis Burgoliensis, apud Quercetinum Tom. 4. Histor. Franc. &c. p. 274. & 275.*

*Quam peto, quam petij, si reddas, Adela, Cappam,  
Quæ deceat dantem, deceat simul accipientem;  
Nulla mihi maior, melior mihi fœmina nulla,  
Nam Regina mihi tu fies ex Comitissa.  
Te quoque maiorem formabunt carmina nostra,  
Carminè tu nostro latum spargèris in orbem,  
Ut te nosse queat, & Cyprus, & vltima Tyle,  
Æthiopes, Indi, Getulivæ, & insula quæque.  
Grandia dico quidem, sed grandia dicere noui  
Ex quo materiam mihi sumpsi de Comitissa;  
Ipsa mihi carmen, calamum mihi suggeris ipsa,  
Ipsa dabis flatus, os ipsa replebis hiulcum,  
Emeritas soluis mercedes ipsa Poëtis,  
Tu cogis vates taciturnos esse loquaces.  
Ergo tuum vatem, Comitissa, reuise loquentem,  
Et refer ô Domina, scribendi præmia, Cappam;  
Cappam, quæ Phrygium rutilans circumferat aurum;  
Cappam, quæ gemmis ambitum pectus honestet:  
Ut te habeat pectus, hac dum super induet artus:  
Cappam, quæ pretium Comitissæ præferat instar,  
Quam meritò valeam Comitissæ dicere Cappam.  
Sicut, & excelsis Reginas, & Comitissas,  
Sic Reginarum Comitissarumque lacernas,  
Hoc excellat opus, quod te super astra perennet.  
Magna peto, si non maiora rependere nōsses.  
Ipsa pusillanimes fastidis parua petentes,  
Non nimis alta peto, non ad nimis alta relabor,  
Quolibet ornatu debes ornare ministros,  
Et ditare simul thesauros Ecclesiarum.  
Id petiisse meum est, id te præstare tuum sit.  
Sic mihi responde, iuri ut faueas utriusque,  
Et caue ne etiam desit sua simbria Cappa.*

## CAPVT VI.

*In Dedicatione Ecclesiarum, Pontifex consecrator, non casula utitur, sed tantum Cappa, seu pluuiali.*

**M**AIORES nostri vt antiquæ traditionis semper tenaces extiterunt: sic & posteritati auctorum morum rituumque testandorum fuerunt quàm maximè solliciti. Quo feruens laudabili studio Ioannes Metropolitæ Rotomagensis, qui Gregorio VII. summo Pontifice Sedem Apostolicam conscendente, de præsulatu Abrincensi ad Prouincialem meruit apicem promoueri, libellum scripsit de Sacerdotalibus ornamentis, maximè verò de Stola & Casula, & vtriusque in Ecclesia vsu. Quem tractatum ad Lantfrancum iam Archiepiscopum Cantuariensem, illustrem, & inclytum magni pietatis sacramenti aduersus Berengarium vindicem, ipsius de eo iudicij vestigandi causâ transmisit. Qui vir, in paucis doctus, & humilis, grater quidem vtròque passus est, se ab inferiore, iuniore scilicet Archiepiscopo, & non vt ipse erat magni regni Primate, edoceri: ratâque sincero animo candidoque calamo se habere testatus est, quæ Ioannes ipse Normannorum (vt inscribit) Archiepiscopus, de stola sacra eo opusculo, memoriæ posterorum consignauerat. Quæ verò de Casulæ vsu, eodem tractatu conscripserat, minimè ferenda sibi, ac doctis quibusque, ore rotundo declarauit. *Quicquid de stola* (inquit) *sanctitas vestra scripsit, multum mihi placuit, nec unquam displicuit. Sed quod subiunxit, quia ad dedicandam Ecclesiam Episcopus processurus, sacris vestibus, ex institutione Episcopalis ordinis debeat esse indutus: atque in expositione ipsarum sacrarum vestium, casulam posuit, valde stupui. Quia tale aliquid me numquam vidisse, meminisse non potui; diversos enim diuersarum prouinciarum Præsules, Ecclesias dedicare saepe conspexi, omnibusque quæ ab eis facta sunt, quantum potui curam adhibui: qui etsi in nonnullis dissimilia egerint, omnes tamen cappis induti, vsque ad celebrationem Missæ, debita seruitia sine casula expleuerunt. Denique S. Leo Romanæ Sedis Summus Antistes, Romericensem me præente Ecclesiam dedicauit, cunctaque quæ ante Missam fieri ordo depoposcerat, sine casula consummauit.*

Mos iste tanta auctoritate, tanta constantia iam olim custoditus etiamnum in Ecclesia Catholica viridi in obseruantia perseuerat: siquidem in Pontificali Romano iussu Clementis VIII. iuxta antiqua exemplaria restituto, sub titulo *De Ecclesiæ dedicatione, seu consecratione*, signatim expressum legimus, in rubrica de Episcopi ad eam actionem apparatu: *Tunc Pontifex, &c. induens interim amictum, albam, cingulum, stolam, & pluuiale albi coloris, accipiens mitram simplicem in capite, & baculum pastorem in manum sinistram, &c. Septem Psalmis expletis, redit Pontifex cum ministris, ante fores Ecclesiæ consecrandæ. Candidum hunc Pontificalem apparatum Sugerius pridem S. Dionysij Abbas, in li.*

bro de consecratione ipsius Ecclesiæ S. Dionysij gestatum refert ab Episcopis ipsius Ecclesiæ dedicantibus : Samsonem Remensi, Hugone Rotomagensi, Guidone Senonensi, Theobaldo Cantuariensi, Metropolitæ: Gofredo Carnotensi, Iosleno Sueffionensi, Simone Nouiomeni, Elia Aurelianensi, Odone Beluacensi, Hugone Antissiodorensi, Aluifo Attrebatensi, Guidone Catalaunensi, Algaro Constantiensi, Rotroco Ebroicensi, Milone Teruanensi, Manasse Meldensi, & Petro Siluaneſtensi Episcopis. *Igitur summo mane ( inquit ) Archiepiscopi, Episcopi de propriis hospitibus, cum Archidiaconis & Abbatibus, & aliis honestis personis, ad Ecclesiam accedentes, Episcopaliter se componebant, & ad dolium pro consecratione aquarum superius inter sanctorum Martyrum sepulturas, & sancti Saluatoris altare, satis decenter, satis venerabiliter assistebant. Videres, & qui aderant non sine magna deuotione videbant tot tantorum choream Pontificum vestibus albis decoram, mitris Pontificalibus, & circinatis aurifrisus pretiosis admodum, coronatam, pastores virgas manibus tenere, circumcirca dolium ambire, nomen Domini exorcizando inuocare: tam gloriosos & admirabiles viros æterni sponsi nuptias tam piè celebrare, ut potius chorus celestis, quàm terrenus; opus diuinum, quàm humanum tam Regi, quàm assistenti nobilitati videretur apparere.*

Sanè quod tot tantique Pontifices conuenerint ad huius regalis Ecclesiæ Encænna celebranda, loci dignitas, Martyrùmque Galliæ Apostolorum præminetia, causam dedit. In aliarum siquidem Ecclesiarum dedicationibus vnus antistes peragit actionem, & quidem mitra, alba & baculo pastoralis insignis, cappaque candida decoratus, quemadmodum praxis docet, & in vetusto, quod habeo, Pontificali MSC. in membranis exarato, sub singulisque titulis, pulchris imaginibus, actionem subiectam exprimentibus viuis coloramentis delibutis, insignito conspicitur. cuius actionis figuram ad amissimam originalis delineatam, propter venerandæ antiquitatis specimen, visum est hic in lectoris gratiam subiungere.


*Episcopi Ecclesiam consecrantis prospectus, ex prisco Pontificali depromptus.*



CA-

## CAPVT VII.

*Petri Molinai Caluinista Ministri petulantia, impiæque dicacitæ circa Dei Patris imaginem, in Ecclesia Catholica pio vſu receptam, Cappa Sacerdotali, & regali corona triplici insignitam, caſtigatur.*



AVD dignus est Molinæus iste perpetuus rerum sacrarum derisor, & Catholicæ Ecclesiæ iuratus hostis, rituumque orthodoxæ Religionis ridiculus subsannator: qui à catholicis scriptoribus vsquam nominetur. ait enim Propheta de impiis: *Nec memor ero nominum eorum* Psal. 15. 4. *per labia mea.* Sed quia Hæreticorum proprium est, virus suum sub artificiosis dictæis, in simplicium animarum perniciem spargere, vnde de iis ait Apostolus: *Quorum sermo ut cancer serpit.* quia 2. Tim. 2. (ait Leo Magnus) *humiliter irrepunt, blandè capiunt, molliter ligant, latenter* Serm. 5. de iei. iunio 10. mensis. *occidunt.* Quam artem si quis sectariorum vsquam nouerit, profectò Molinæus, insignis animarum seductor, & sectæ perditionis primarius magister, longo interuallo omnibus antecellit: qui sub blando sermone sua in retia cautè vulgus allicit, cui perpetim adulatur, & quem ingeniosis scommatibus passim oblectat, blasphemiarum venena incautis mentibus sub perniciosarum facetiarum toxicato melle instillans. Ideò ne ita perditè noceat: toto hoc opere maximè secunda parte, locis opportunis, impiæ eius scurrilitati, & venenosa loquacitati congrua antidota pro viribus opponam. Hic porro quæ effutit contra imagines Dei Patris, pio vſu in Ecclesia receptas, dilucidè discutiam. Sic blatterat igitur impius scurra in sua Nouitate Papatûs, lib. 7. Controuersia 2. c. 1. sectione postrema.

*Verùm forma habitûs qua Deus Pater representatur apparatu Papali, amictus Cappa, seu Pontificali pallio, cum triplici corona: patenti nobis documento est, quem in finem eiusmodi abusus introductus fuerit. Enimuerò non eo sine inuectus est, ut Deus quo cultu decet, honoretur: sed ut Papa diuino honore potiatur. Sic enim dum populus rudis Deum intuetur insulatum & palliatum, existimat in Papa nonnihil diuinum inesse; quosdam etiam futuros ita recordes non dubito, qui Deum maiori in pretio habeant, eo quòd Papali habitu indutus effulgeat.*

At vocem dederunt nubes. nihil enim aliud sunt verba ista (præter impias ironias) quàm meræ nugæ, & inanes præstigiæ. His igitur sepositis, tria dico:

Primum est, Molinæum falsò supponere nos Deum Patrem, in forma quam essentialem arbitremur, exprimere. Siquidem personam Patris nunquam incarnatam, proinde & prorsus incorpoream: Deumque ipsum vnum in essentia, trinum in personis, esse prorsus incircumscriptum & inuisibilem constantor profiteamur. Tridentini Oecumenici Concilij, Sess. 21. tam perspicua, quàm solida doctrina est,



populum Christianum sedulò esse admonendum à suis Pastoribus; *Divinitatem figurari non posse, quasi corporeis oculis conspici, vel coloribus, aut figuris exprimi queat. Sed dumtaxat historias & narrationes sacra Scriptura repræsentari, in quibus Deus ipse sub sensibilibus figuris apparere voluit.* Apparuisset autem Filium in carne quam pro salute nostra induit: Spiritum sanctum in columbæ specie super eum descendisse, & super Apostolos in linguis igneis fuisse delapsum: Patrem verò, in forma *Antiqui dierum, cuius capilli erant velut lana munda*, conspectum à Daniele Propheta, ipsis in diuinis libris legimus, & fide certa credimus. At quis sana mente dixerit, nefas esse res gestas in Scriptura; vel eloquio referre, vel calamo, aut penicillo exprimere? Rectè Thomas Waldensis in volumine 3. de Sacramentalibus, tit. 19. ait: *Quod Scriptura facit verbis, cur artifex non faciet signis, an magis peccatum circa hanc rem incurrit penicillus, quàm penna; imago, quàm littera?*

Secundum est, coronâ triplici triplex regnum, cæleste, terrenum, & inferum designari, quod soli Deo competit; vnde dilectus eius discipulus, triumphum eius describens, asserit se cum multiplici corona redimitum conspexisse: *Et in capite eius diademata multa. Cælestium scilicet (ait Vas electionis) terrestrium & infernorum.* Porro, alba, seu poderis, vestis est Sacerdotalis, qua indutum Dei vni-genitum, Ioannes ipse in suarum reuelationum exordio se vidisse testatur. Rex igitur ipse est & Sacerdos, vt in Epist. ad Hebræos, ex Melchisedech figura, Apostolus colligit & affirmat. Quid absurdi igitur, si in ornatu regali & Sacerdotali repræsentatur? Albam autem, & cappam Ecclesiasticam, esse indicem sacerdotij, nemo prudens sciensque sacrorum rituum abnuerit: quamobrem demens sit oportet, qui hoc apparatu derogari diuinæ gloriæ contenderit, quæ passim in sacris litteris, eiusmodi titulis & insignibus sese præbuit aspectabilem & venerabilem: nam & Pater æternus visus est à Daniele, vestimento candido niuæ nitidiore indutus.

Tertium est, palam Molinæum insanire, qui à nobis sic repræsentari Deum Patrem somniat, ad persuadendum populo, in Papa quid diuinum inesse\*: vel Deum ex habitu Papæ, aliquem honorem proprio ampliorem mutuari. Antequam enim Papa tres coronas, circa mitram gestaret, (qui mos post Innocentium III. inoleuit, cum anteriores Pontifices vnicâ tantum coronâ gesserint cinctam tiam) Deus Pater regali in throno sedens, triplici diademate coronatus depingi consueuerat. Quemadmodum ex antiquis imaginibus apparet: quarum insigne specimen extat in Pontificali MSC. Gallicani ritus peruerteret, utpote ante annos 550. exarato (provt ex litania liquet, quæ infirmorum visitationi & inunctioni præfigitur: in qua neque S. Ludouicus neque S. Bernardus Confessores recensentur, cum alij plerique minoris nominis, at vetustioris notæ, ea in serie memorentur): quod fore operæpretium haud inane existimaui, hinc in monumentum piæ antiquitatis, & veritatis Catholicæ subsidium, genuinâ expressione subiicere. Ita igitur habet.

*Ioan. 1.  
Matt. 3.  
Marc. 1.  
Act. 2.*

*Daniel. 7.*

*Apoc. 19. 12.*

*Philipp. 2. 10.*

*Apoc. 1. 13.*

*Hebr. 5. 7. 11.  
&c.*

*Daniel. 7.*

\* Effetamen in Papa quid diuinum: sacrosancta illa potestas à Christo, illi in Petro tradita, qua diuina vice Ecclesiæ vniuersali præsidet, satis probat: quæ de re aliâ copiosè tractauimus, videlicet in opere nondum edito, cui titulus est, *Petrus & Paulus.*



*Ex Petro Blesensi, sermone 41. habito in synodo, dum Archidiaconi officio fungebatur.*

*Parænesis Spiritus sancti ad Sacerdotem, diuina mysteria celebrantem, de Panoplia Sacerdotali.*

**L**OQUITUR tanquam Pater ad Filium, Spiritus sanctus ad Sacerdotem celebrantem diuina &c. Astrinxisti fauces tuas amictu circumiecto, cuius initia circumducta ante pectus molliter ligasti indutus camisia linea, qua communi nomine dicitur alba: quam propter sui diffusionem circa renes fortiter astrinxisti: cuius manica adeo sunt stricta, & manibus aptata ut rugam ibi non habeant. Sed attende quod hac eadem veste Sacerdos leuiticus usus est: sed adeo stricta erat tunc, & corpori aptata, ut numquam rugam haberet, praefigurans angustias illius temporis. Acceperant enim spiritum seruitutis in timore. Circa te vero habet latitudinem, propter libertatem adoptionis filiorum, qua liberauit vos filius, & intellige fili, quatuor in te esse alligata, fauces, pectus, renes, & manus, ac si dicatur tibi: Non ascendant prauae cogitationes in cor tuum, prohibe linguam tuam à malo, & labia tua ne loquantur dolum. Sine lumbi vestri praecincti &c. Certè ligaturam pectoris desiderabat ille qui dixit: Cor mundum crea in me Deus. Nihilominus & ligaturam faucium dicens: Pone Domine custodiam ori meo. Renes quoque & manus castigari voluit, cum aiebat, Confige timore tuo carnes meas. Sed attende fili circa fauces & pectus leuem & quasi remissam esse ligaturam: circa verò renes, & manus arctissimam; motus enim animi in tua potestate non est, & ideo in his venialiter peccare potes. Elias prius clausit cælum quàm animum, existimans se solum remansisse de Prophetis Domini, cum adhuc superessent septem millia virorum qui non curuauerant genua sua ante Baal. Similiter & lingua facile labitur, quia in madido sedet. Nam & princeps Apostolorum ad vocem ancilla negauit. Et quia linguam de facili reprimere non potes, in ea venialiter potes peccare. In renibus autem fili, noli errare, ut dicas lapsum carnis venialem, tanquam naturalem motum, vel debitum uectigal naturæ. Deus enim non irridetur. Assumpsisti tibi feminalia, aperuisti os tuum in votum continentiae, mundus esto, ut mundè tractes mundi mundatorem. Cohibe ergo manus tuas, fili, non dico à furto, à rapina, & huiusmodi quæ nemini licent, sed excute manus tuas ab omni munere. Noli diligere munera. Noli

AMICTVS.

ALBA.

Psal. 50.

Psal. 140. 3.

Psal. 118. 120.

3. Reg. 19. 18.

- sequi retributionem. Gratis accepisti Sacramenta, da gratis. Comede ut euangelizes; non euangeliza ut comedas. Si fueris exactor muneris, cum accesseris ad Dominum Iesum Christum, poteris tibi dicere, Noli me tangere. Vox tua Iacob sonat, manus autem tuae, manus sunt Esau, manus sunt Briarei, non Presbyteri. Ecce in his ligaturis, fili, potes intelligere, quomodo declinare debeas à malo: quomodo autem debeas facere bonum, ex reliquis intellige ornamentis, ex sudario scilicet, & orario, & planeta. Sudarium namque, quod
- MANIPVLVS.** & manipulus dicitur, gestas in laeua. Quondam messores ob sudorem detergendum zona alligatum sudarium portabant. Intellige ergo te messorem esse. Messis quidem multa, operarij autem pauci. & ideo misit te Dominus messis ad metendum, id est ad colligendum undecumque in Ecclesia fideles verbo & exemplo, & Sacramentorum participatione. Hæc quidem messis nunc hominum est, finitima verò erit Angelorum; quando colligent omnia scandala de regno Dei. Patres antiqui sudarium ferebant ad tergendam lacrymarum affluentiam, quibus dictum est, Beati qui nunc fleitis &c. Beda dicit in Martyrologio suo, quod Pater Arsenius semper sudarium ferebat, aut in sinu, aut in manu, propter lacrymarum affluentiam. Quocirca intellige, ô fili, ex sudario quantos exitus aquarum deducere debent oculi tui. Flere namque debes pro excessibus propriis, pro excessibus gregis tui, pro incolatus prolongatione, & pro patriæ desiderio.
- STOLA.** Orarium, quod & stola dicitur, super collum geris, cuius brachia ad minus extenduntur, usque ad genua, & cancellari debent per medium pectus in modum crucis, ac si dicas: Onus Crucifixi leue, & iugum eius suauis. Orarium autem dicitur, quia propter offensas populi tui, cum humili genustensione Domino debes supplicare, tuis precibus indignationem placare. Planeta, quæ & casula dicitur, totum te circumdat & protegit, & ceteris supereminet. Hæc est charitas de qua dicit Apostolus: Alhuc supereminentiorem viam vobis demonstro, sine qua cetera cum adesse possint, prodesse non possunt, eodem Apostolo attestante, Si linguis hominum loquar & Angelorum, si fidem habuero, ita ut montes transferam, si tradidero corpus meum, ita ut ardeam: charitatem autem non habuero, nihil sum. Ergo sine charitate fili, nihil es; imò sine prædictis Sacerdos dici potes, esse autem non potes. Fortè Pastor es in facie hominum, sed raptor es in facie Angelorum, lupus es, non aries; latro, non minister. Nonne igitur Christus astans, poterit tibi dicere: Fili quomodo huc intrasti, non habens vestem Sacerdotalem? & iterum: Quis tu hic? Ecce autem asportaberis tanquam gallus gallinaceus, timeo ne ligatum manus & pedes proiciat te in tenebras exterigres. Superest, fili, ut ex his quæ coram te sunt intelligas, quid fratri tuo debeas. Vides Deum & hominem coram te in cruce pendentem, plagis liuidum, in cruce leuatum, proprio sanguine cruentatum, inclinato capite mortuum, in dextero latere lanceatum, tum dum vixit, pro crucifixoribus orantem. Et tu fili, crucem portes sequens præambulatum tuum, in compassionibus proximi, & carnis mortificatione, in hac etiam pro persequentibus orare non desinas. Si populus tuus detraxerit tibi, si debitam reuerentiam negauerit, si boui trituranti os alligauerit, debita stipendia subtrahendo: ne reddas malum pro malo, sed potiùs vince malum in bono, sed potiùs ora pro illis; dicens: Domine ignosce illis hoc peccatum, quia nesciunt quid faciunt; fortè lupus inuadit gregem tuum; & opponas te murum pro domo Israël; lupus autem, ut amoneat
- Matth. 10. 8.*  
*Genes. 27. 22.*  
*Matth. 9. 37.*  
*Matth. 13. 41.*  
*Matth. 5.*  
*1. Cor. 12. 31.*  
*2. Cor. 12. 1.*  
*Matth. 22.*  
*Isai. 22.*  
*1. Tim. 5.*  
*Rom. 12.*

te à defensione pedes tuos perforabit, id est, vernaculos & domesticos tuos qui ad negotia tua discurrent, aggreditur, & eorum, alios aperiabit, id est, pauperabit, alios in carcere vinculabit, quosdam morte afficiet. Manus quoque tuas perforabit, fructu frumenti, vini & olei priuabit, necessaria vitæ, quæ opere manuum proueniunt, dilapidabit. Latus tuum fortè aggreditur, parentes scilicet, qui os tuum & caro tua sunt, aggreditur laborans, ut offendas Deum, ne propinquum amittas; fortasse vitæ tuæ insidiabitur, sanguinem tuum sitiet. Sed inter hæc noli moueri, cum Christo crucifixus, dic tyranno: non mouebo à defensione hac in æternum. dic Domino: Domine, propter te mortificamur tota die, *Psal. 43.* facti sumus sicut oves occisionis. Hæc igitur prædicta, tu fili, & omnes animarum reges intelligite, & erudimini qui iudicatis terram. Eadem enim mensura, qua mensi fueritis, remetietur vobis. mensuram autem bonam & confertam, & co- *Luc. 6. 38.* gitatam, & superfluentem reddat in sinum vestrum, Iesus Christus Dominus noster, iudex noster, cum venerit iudicare viuos & mortuos & sæculum per ignem. Amen.



## A P P E N D I X,

## D E C A P P A P V E R I I E S V :

## S E V

*De Veste puerili Domini Seruatoris ;  
Quæ in Argentoilo Monasterio asseruatur.*

## C H A R T A

Episcoporum interioris Franciæ, de ipsa veste Domini, in eiusdem Ecclesiæ Argentoilicensis Hierogazophylacio, ab antiquis temporibus, reposita & honorata.



VNIVERSIS Catholica Ecclesiæ Patribus, H. Rothomagensis Ecclesiæ humil. Sacerdos, Sal. & gratiam diuinæ propitiationis. Ad omnium volumus notitiam peruenire, quod nos supernæ pietatis instinctu, apud Argentoilum conuenientes, adiunctis humilitati nostræ multis authenticis Reuerendiss. personis, Archiep. Senonens. Theob. Paris. Roberto Carnotensi, Aurelianiensi, Trecenti, Antissiodorensi, Cathalaunensi, Ebroicensi, Meldensi, Siluaneensi Episcopis sanctis: Abbatibus quoque, Venerabili Odo. Abbate Beati Dionysij, L. sancti Germani, God. Laciniacensi, Fossarensi, sancti Pharonis, sancti Maximini, sancti Maglorij, Ponteuarensi, Mauriniacensi, aliis etiam quampluribus: CAPPAM pueri Domini Iesu, quæ in eiusdem Ecclesiæ Thesauris, a temporibus antiquis, cum honore condigno reposita erat, ad fidelium salutem humiliter inspeximus & palam eduximus, & veneratione solenni debitam magni-



scientiæ eius reuerentiam exhibentes, illam desiderio & deuotioni populorum studio pietatis obtulimus. Aderat ibidem supereminens & sublimis præsentia illustris. Regis Francorum Ludouici, cum proceribus & optimatibus Palatinis, maxima consistente frequentia vulgi. Ob insigne igitur gratiæ cælestis, illud videlicet indumentum, quo sese humanata induere sapientia dignata fuit, ob sanctissimam præscriptorum Patrum præsentiam, Deo propitio, salubri dispositione decretum est, ut omnibus ibidem venientibus supernæ miserationis gratiam poscentibus, merces & fructus suæ deuotionis in indulgentia veniæ compensetur. Quicumque igitur hoc præsentis anno, in loco prænominato, in honorem diuinæ vestis propriam seruitutem & deuotionem obtulerint, Nos omnibus illis de clementiæ cælestis plenitudine confisi, si peccatis grauibus & maximis impliciti fuerint, vnius anni pœnitentiam relaxamus: Qui verò leuibus, id est venialibus detinentur, medietatem pœnitentiæ remittimus, oblita peccata, modo simili, condonamus: Annis verò singulis à festiuitate sancti Dionysij v̄que ad octauas eiusdem, loci ipsius & sacratissimæ vestis venerationem piè inuisentibus, quadraginta dies suæ pœnitentiæ remittimus & indulgemus: De paruulis qui baptizati, vel sine baptismi remedio, infra septem annos, pro negligentia parentum mortui sunt, totam pœnitentiam parentibus eorum remittimus, excepta feria sexta in hebdomada, in qua (ieiunabunt \*) Si ad Ecclesiam pœnitens perrexerit, qualem ei charitatem Presbyter dederit, talem habeat: Si verò infirmus fuerit, aut mulier prægnans, debilis, quæ ieiunare non possit, dicat septies Pater noster, & opere pio bonum exerceat quod potuerit. Omnibus autem & quæ iusta sunt conseruantibus sit pax & sub. Domini nostri Iesu Christi, Amen. Datum anno Verbi Incarnati millesimo centesimo quinquagesimo sexto. Felicis memoriæ Adriano Papa IV. feliciter. \*\*

\* vetustate, hoc verbum in autographo, oblitteratum videtur, vel aliud consimile.  
\*\* Super plica ipsius chartæ, scribitur, Littera de Capa Domini per H. Rothomag. Archiep.

## NOTÆ ET OBSERVATIONES IN AVTHENTICVM PRÆSIGNATVM.

### §. I.

**H**. Rothomagensis Ecclesiæ humil. Sacerdos] Littera hæc solitaria, H. (vt ex Chronologia patet, quæ ex expressis ad calcem huius instrumenti indicis elicitur) Hugonem designat 50. Archiepiscopum Rothomagensem, antea Priorem Cluniacensem, ad hanc Metropolim euectum anno 1130. annoque salutis 1164. vita & munere defunctum, pio & felici ab humanis excessu: si Sigeberti supplemento fides adhibeatur. Sed anno 1166. extremum attigisse diem Matthæus Westmonasteriensis (qui de eo meminit sub annum 1130.) asseuerat. Cui subscribit Wionius lib. 2. ligni vitæ c. 29. n. 49. vbi signanter scribit annis plus minus 36. Ecclesiæ Rothomagensi laudabiliter præfuisse; de quo extant, vt notat, Epistolæ apud Petrum Venerabilem lib. 1. & 6. Epistolarum. Eius autem reperitur Epistola ad Sugerium Abbatem S. Dionysij, regnum Franciæ in absentia Ludouici VII. cognomento Iunioris administrantem, apud Quercetanus, tom. 4. Historiæ Francorum, n. 103. Interfuit idem Hugo cum plurimis aliis Galliæ Præsulibus, detectioni & ostensioni sacrorum corporum Bea-

torum Martyrum Dionysij, Rustici, & Eleutherij solenniter facta, ad instantiam ipsius Abbatis Sugerij, ut idem denarrat lib. de Consecratione Ecclesiæ S. Dionysij, tunc ab iisdem Episcopis facta, ut videre est in eodem libello inter medium & finem.

## §. II.

*Archiep. Senon.*] Synonymus antedicto Archipræsuli Rothomagensi, synchronusque erat Hugo Archiepiscopus Senonensis, qui solium hoc Metropolitico anno 1144. conscendit, tenuitque annis 22. nam obiit anno 1166. quo & præsatus Hugo Rothomagensis mortuus est. Celebris fuit quoque nominis, ut docent Epistolæ mutæ, quæ etiamnum extant, Eugenij III. Sugerij, eiusdemque Hugonis; qui Senonis Alexandrum III. pridie Kalend. Octobris reuerenter excepit.

## §. III.

*Theobald. Paris.*] Quidam ex Chronographo Victorino, mortuum hunc Episcopum asserunt Idibus Ianuarij 1151. quod si ita esset, quomodo interesse potuisset anno 1156. ut perhibet præsens instrumentum, solenni inspectioni & exhibitioni Vestis Dominicæ, cum præindicatis Archiepiscopis Hugone Rothomagensi, & eius æquiuioco Senonensi, aliisque Præsulibus, Abbatibusque subnotatis? Sed irrepsit apud Chronographum illum error manifestus; nam omnes fatentur, Theobaldum istum sepultum fuisse in Presbyterio Ecclesiæ S. Martini à Campis ante summum altare à cornu sinistro; At in Cartulario huius Monasterij adhuc viuens signatur anno 1157. notaturque in supplemento Sigeberti obiisse 6. Idus Ianuarij anno 1158.

## §. IV.

*Roberto Carnotensi*] Successit Gollino; in cuius charta pro concessione Ecclesiæ S. Mammerti de Goullons, Monasterio S. Martini de Campis facta; cum esset decanus subscripsit. Obiisse autem signatur in Carnotensis Ecclesiæ tabulis anno 1164.

*Extat in historia  
eiusdem Mona-  
sterij. lib. 6. pag.  
114. & 115.*

## §. V.

*Aurelianensi*] Manasse de Garlanda, Eliæ depositi successore, qui anno 1146. Episcopatum exorsus, ad annos 38. supraque (ut Sausseius lib. 10. Annalium notat) Sedis huius gubernacula gessit, non sine laude eximie prudentiæ & pietatis.

## §. VI.

*Trecensi*] scilicet Henrico viro venerabili, Henrici Comitis Campaniæ consanguineo; qui Hatoni S. Bernardi amantissimo, decedenti, canonica electione suffectus est, anno 1146. annisque circiter 23. Trecensi Ecclesiæ præfuit; anno siquidem 1169. vitæ præclaris acti-

bus illustris, diem extremum peregit, Belincuriæ sepultus, ut notat Robertus in Trecentium Episcoporum Catalogo, n. 57.

## §. VII.

*Cathalaunensi*] Bosoni, ferè solo Episcopatus honore celebri; actusque huius intermoriaturâ nunquam memoriâ. de eo enim vix aliud reperitur in vulgatis huius Ecclesiæ Tabulis.

## §. VIII.

*Ebroicensi*] Rotroco, seu Rorico, qui postea fuit Archiepiscopus Rothomagensis: nimirum demortuo Hugoni prædicto, anno 1166. ob præclara merita surrogatus.

## §. IX.

*Meldensi*] Stephano, qui postmodum fuit Bituricensis Archiepiscopus. at abdicato demum onere, cum honore apud Monasterium S. Victoris prope Lutetiam, in pace quieuit.

## §. X.

*Siluanectensi*, ] Theobaldo, Beati Almarici immediato decessori.

## §. XI.

*Episcopis sanctis*, ] Titulus hic iam olim adscriptus Episcopis, etiam cum superlatiuo, ut versatis in antiquitate Ecclesiastica satis pater.

Sed his obiter obseruatis, iam inuestigandum occurrit, Cur Hugo Archiepiscopus Rothomagensis, Præses tot insignium Antistitum extiterit, in tam solenni actione, litterasque rei gestæ memoriæ posteritati consignantes, suo nomine inscripserit, cæteris Episcopis quasi sibi tantum assistentibus recensitis; cum ipse extra propriam prouinciam, diocesimque suam existens, nihil iuris hoc in loco obtineret, qui ut constat semper fuit Episcopatus Parisiensis, tumque prouinciæ Senonensis; nullusque nisi solus Ebroicensis præsentium illic Episcoporum, ei Metropolitico iure esset obnoxius; Aderet verò Hugo Archiepiscopus Senonensis, sub cuius Metropoli tunc Lutetia censebatur; adeoque ipse Episcopus Parisiensis Theobaldus, qui loci in quo res agebatur, proprius erat Ordinarius? Hic nihil aliud respondendum reor, quàm ex regula iuris, *volenti iniuriam non fieri*. Concessisse sacre huius actionis honorem, Theobaldum proprium loci Diocesenum Hugoni Rothomagensi Archiepiscopo, quo cum maxima ei necessitudo intercedebat; fuerat enim Hugo iste Prior Monasterij Cluniacensis, cuius Theobaldus alumnus erat, qui ante susceptum Episcopatum fuerat Prior Monasterij S. Martini de Campis, ubi sepultus requiescit, quemadmodum in eiusdem Cænobij Martyrologio notatur hac serie: VI. Idus Januarij, Deposito Domni Theobaldi  
Episcopi

*Episcopi Parisiensis & Prioris huius loci, officium fiat plenum per omnia, sicut de aliis Prioribus nostris &c. Hic iacet ante maius altare, ad secundam tumbam parte sinistra.* Sed cur munus tam insigne potius Metropolitano suo Hugoni Senonensi qui aderat, Theobaldus non detulit? fortè de ipsiusmet Hugonis Senonensis consensu, adeoque consilio, quòd scilicet Hugo Rothomagensis ætate prouectior esset, ordinationeque prior, insuper & insignior claritate doctrinæ & opinione sanctitatis; sed maximè id factum existimo, postulantibus ab utroque, dicecesano nimirum & Metropolitano, Argentoliaci Monachis, ne quicquam detrimenti suo Monasterio accideret ex Metropolitani vel Ordinarij Præsulis celebri adeo functione, siquidem locus hic iam iam exemptus erat, ut pote membrum regalis Abbatiae S. Dionysij, in cuius dominium & proprietatem exclusis Monialibus solutioris vitæ, non ita pridem, anno scilicet 1129. sententiâ Matthæi Cardinalis Episcopi Albanensis in Francia Legati, redintegratum fuerat. Quamobrem & huic ostensioni vestis Domini, primus inter Abbates adfuit,

## §. XII.

*Odo Abbas S. Dionysij* ] Qui in regalis illius Monasterij tabulis cognominatur de Diogillo, vico scilicet agri Parisiensis: fortè quod inde erat originus. Fuit hic amicus S. Bernardi, cuius ad Eugenium III. Papam extant duæ epistolæ pro eo scriptæ, scilicet 285. & 286. aliæque pro eodem ad Cardinalem Episcopum Ostiensem, serie 287. In quarum prima, S. Dionysij Monasterium, *rem appellat S. R. E. patrimonium Petri, summi pontificis proprietatem*; videlicet propter priuilegium, quo iam pridem exemptum, à Sede Apostolica cum suis membris immediatè dependet; ex quibus est (ut diximus) non modò iuxta iudiciū Matthæi Legati, sed à primæua fundatione ipsum Monasterium S. Mariæ Argentolicensis, quemadmodum ex Charta ipsa fundationis, data anno 3. Childeberti II. filij Clodouei III. qui incidit in annum Domini 700. Brullius insinuat lib. 4. antiqq. vrbis regię Parisiensis, pag. 1186. &c.

## §. XIII.

*L. sancti Germani,* ] Exscriptorem, hęc litteram L. pro I. inconsideranter expressisse mihi certò persuadet Chronologiæ Abbatialis notitia. Nam eo tempore Ioffridus Pratenſe Monasterium regebat, ut patet ex Continuatore Aimonij, lib. 5. c. 54. verum hæc duo elementa I & L facilè permiscuntur.

## §. XIV.

*God. Laciniacensi,* ] rectiùs exscripsisset *Latiniacensi*; quod est vetus Monasterium, non procul à Lutetia Parisiorum ad Matronam, cui S. Fursæus primus Abbas præfuit. Successorum eius editam hætenus



non vidi seriem : quamobrem de hoc Abbate mihi quod obseruandum putem non suppetit. Initiales litteræ God. vel Godonem subindicant, vel Godofredum, vel Godericum, vel Godescalcum (quæ sæculi huius vsitata sunt nomina) aut aliud eiusmodi. Cæterum Charta cuius textum excurrimus, plerosque Cænobiarchas subiungit, loco insignes quidem, sed nullo indicio proprii nominis designatos: quare de his quicquam obseruare certæ attributionis non possum.

## §. XV.

*Fossarensi,* ] rectius *Fossiteni*, scilicet S. Mauri prope Lutetiam. *Sancti Pharonis* ] Meldensis. *Sancti Maximini* ] Treuirensis. *Sancti Maglorij* ] Parisiensis. *Ponteuarensi* ] rectius *Pontessarensi*\*, in finibus diocesis Parisiensis. *Mauriniacensi* ] prope Stampas, diocesis Senonensis. *Aliis etiam quampluribus* ] Ecclesiastici videlicet ordinis.

\* *Pontessari,*  
melius.

## §. XVI.

*Aderat etiam & sublimis præsentia illustris. Regis Francor. Ludouici* ] nimirum VII. aliàs cognominati Iuuenis, ac etiam Pij; cæpit enim hic regnare anno 1137. & mortuus est anno 1180. expletis annis 43. in Francorum imperio.

## §. XVII.

*Cum proceribus & optimatibus palatinis* ] Pro more scilicet Regum Franciæ, quo eiusmodi actibus, nonnisi cum aulæ regiæ insigni comitatu interesse consueuerant. Extat liber Agilberti Abbatis Corbeiensis *de ordine sacri palatii*, quo cuiusque palatinorum procerum gradus & munera à singulis obeunda describit in conspectu regis ac obsequio; de quibus hic minutim differere, tractatiunculæ præsentis breuitas non permittit.

## §. XVIII.

*Maxima consistente præsentia vulgi.* ] Pro pietate scilicet Francis insita, quam etiam Romani suspiciunt & mirantur. Mitto priscorum Pontificum de gentis nostræ sincera fide & ardenti pietate posterorum memoriæ consignata præconia: Clemens VIII. sæculi sui (hoc est huius ineuntis) delicia, in Apostolicis litteris, quas post diuturni belli turbines, conciliata diuino munere pace, ad Episcopos regni huius direxit, hoc in sempiternum Franciæ nostræ decus protulit elogium; *Ille qui diues est in misericordia regnum nobilissimum non dereliquit, unde tot fortissimi Christi Martyres, tot sanctissimi Episcopi, tot Christianissimi Reges prodierunt &c. Multa adhuc per Dei gratiam in isto regno supersunt semina veteris pietatis & auitæ religionis & deuotionis.* Cuius deuotionis feruorem etiam non ita pridem miratus est Sanctissimus Papa Innocentius X. qui nunc Ecclesiæ Catholicæ feliciter præsidet. Is enim cum

auditor esset Eminentissimi Cardinalis Barberini Legati à latere in hoc regno Christianissimo, Urbani VIII. Pontificis Maximi, apud gloriosæ memoriæ Ludouicum XIII. Regem Christianissimum, Lutetiæ aliquando quandam Ecclesiam Paræcialem ingressus cum ipso Domino Cardinale Legato, quodam die festo, vel Dominico: non tam populi multitudinem (quæ tamen stupenda illi visa est) quàm deuotionem admiratus est, quemadmodum iam Pontifex, Romæ Patribus Dinet, & Georgio de la Haie, prouinciæ Franciæ delegatis suffragatoribus, ad Generalis Societ. Iesu electionem, visitando eiusdem Societatis Ecclesiam durante postremo Iubilæo enarrauit: Obsecro, inquit, ne scandalizemini ob populi huius in templis oscitantiam; neque enim dum sacra fiunt, ea deuotione ac attentione intersunt, quæ assistere deberent, quàmque Parisiis, cùm illic essem, non sine grandi admiratione conspexi: passim enim vidi Laïcos de geniculis orantes, cum insigni modestia & eximia pietate, dum interim Clerici psallunt magna cum grauitate & reuerentia. Deinde speciatim quæ viderat in Ecclesia S. Eustachij multa cum commendatione Gallicanæ deuotionis, enunciauit; vt redux præfatus Pater de la Haie mihi testatus est.

## §. XIX.

*Cappam pueri Jesu, quæ in eiusdem thesauris Ecclesiæ à temporibus antiquis cum honore condigno reposita est]* His ex verbis magna hîc quæstio, discutiendam se prodit.

## DIGRESSIVNCVLA POLEMICA

## CONTRA CALVINVM,

*De Veste Domini, quæ iampridem apud Argentolium digna cum veneratione seruatur.*

**H**OSTIS hic infestissimus auitæ pietatis, in libello pestilentissimo, quem aduersus sacratissima Sanctorum beatorum pignora, sub titulo *Indicis reliquiarum*, utroque idiomate Latino & Gallico euulgauit: quæ in terris supersunt partæ à Domino humanæ salutis in carne, veneranda insignia, immani odio impetere, diroque dente proscindere aggressus; dum in vestem illam Domini, quam maiorum pietas hætenus apud Argentolium tanta reuerentia coluit, inuehitur, sic arguit.

## OBIECTIO I.

*Tunicam inconsutilem Domini, super quam in eius passione sortem milites miserunt, ne scinderetur; à Papistis duplicatam fuisse ac diuisam: alteram enim aiunt seruari Argentolico in oppido diuisionis Parisiensis; alteram Treuiris.*

## RESPONSIO.

De Dominica veste Treuirensi sic Cratepolius scribit in libello de Sanctis Germaniæ sub littera M. & titulo, S. Matthias Apostolus:

*Pag. 104. edit. Colon. an. 1592.* Corpus eius S. Helena Romam transtulit; inde per S. Agritium Treuirim translatum est. Cum quoque hic sanctissimus Agritius alias reliquias sanctissimas secum in Germaniam transtulit, quæ Treuiris in summo Templo conseruantur; sunt autem hæ reliquie, Tunica Domini inconsutilis, &c.

De Argentoliacensi hæc notat Matthæus Paris, Monachus S. Albani, suo in Chronico Regum Angliæ: Anno Domini 1156. in pago Parisiensi Monasterio Argentoilo, reuelatione diuina, Tunica Saluatoris inconsutilis & subconfusi coloris reperta est; Quam (sicut littera cum ea reperta indicabant) gloriosa mater eius fecerat ei, dum adhuc puer esset. Idem tradit Matthæus Westmonasteriensis, in libro florum Historiarum, sub annum signatum.

*Pag. 247. edit. Francfordiensis anni 1601.*

Hinc de Petro legimus Ioan. 21. Simon Petrus cum audisset quia Dominus est, tunica succinxit se, (erat enim nudus) & misit se in mare.

His positis, ad cardinem difficultatis veniendum. Euthymius in Matth. 27. asserit præter tunicam quæ erat primum & internum vestimentum, loco subuculæ apud nos: duo alia vestimenta Christum habuisse, nempe tunicam superiorem, quæ internæ superposita erat, & pallium. Tunica superior lanca erat, inferior quæ & interior, lineæ, quam à matre contextam ipse Euthymius affirmat: & hanc esse super quam milites miserunt sortem, ne scinderetur, verisimile est. Ergo nihil repugnat ut Treuiris sit altera: altera verò Argentoliaci. Sed instat Caluinus, vnā enim eandemque (quæ utrobique inconsutilis dicitur) hic illicque, ostendi clamat.

## OBIECTIO II.

Et in hoc sceleratior esse Papistas (ait) quàm carnifices Domini, cum hi inconsutilem vestem discindere horruerint; illi verò iam in duas non quidem partes, sed integras vestes diffuerint?

## RESPONSIO.

Gretserus lib. 1. de Sancta Cruce c. 97. ut se hoc argumento expediat, sic respondet: Nemo Catholicorum vestem illam geminam esse affirmat; Caluini hæc est criminatio; nam quod duo loca de hac veste contendunt &c. neutiquam vnus vestis duplicatio est, sed argumentum, alterum quidem habere tunicam ad similitudinem illius primæ expressam, alterum veram & genuinam: vtra autem harum vrbium primam illam tunicam possideat, neque possum si velim, neque velim si possim definire, cum controuersia hæc pietati nihil penitus detrimenti afferat. Hæc Gretserus.

Verum alia est longè planior & solidior solutio. Diximus Christum habuisse duas tunicas, lancam quæ exterior erat & proxima pallio; aliam lineam, quæ corpori immediatè adhærebat: hanc verò esse haud temerè dici potest, quæ quòd esset inconsutilis à militibus indiuisa seruanda esse visa est. Constat certè eam quæ Argentoliaci ostenditur lancam esse, & idcirco superiorem tunicam; proinde necessarium est asserere quæ seruatur Treuiris, illam esse lineam & interiorem.

## OBIECTIO III.

Pergit dicendo Caluinus, vestem illam quæ Argentoliaci seruatur, similem esse Sacerdotum vesti quæ casula dici consuevit. Ex quo (in-

quit) *satis constat Papistas sese & sua imposturis sustentare, cum incredibile sit vestem Christi inconsutilem casula similem fuisse.*

## RESPONSIO.

De casula, seu penula quæ etiam B. Paulo in usu fuit, aliàs ex professo differuimus. Posito autem quòd hac iam ætate eiusmodi vestis usitata esset, nihil absurdi sequeretur, si quis diceret Christum etiam casulam seu penulam gestasse. Sed longè planior & expeditior patet ad obiectum Caluini responsio, ex testimonio decem illorum Episcoporum & plurimorum Abbatum qui in præsentia Regis Ludouici VII. eiusque procerum, ac confluentis multitudinis populi, detexerunt vestem illam Domini, quæ à tot sæculis in sacrario Monasterij Argentolicensis asseruatur congruenti cum honore: non esse casulam, seu mysticam vestem, at tantùm vsualem, satis constat. *Cappam* (aiunt) *pueri Domini Iesu, quæ in eiusdem thesauris Ecclesie à temporibus antiquis cum honore condigno reposita erat, ad fidelium salutem humiliter inspicimus & palam eduximus.* Inde igitur liquet Caluinum merum impostorem, & impudentem calumniatorem esse. Neque enim isti Patres aiunt vestem illam Domini, esse vestem eius Sacerdotalem, vel Sacerdotum similem, quam casulam vocitamus; quin nec esse tunicam illam eius inconsutilem, super quam dum cruci suffixus erat, milites sortem miserunt; neque tunicam illam exteriorem, cuius meminit Euthymius; imò neque Christi vllum omnino esse virile indumentum, sed tantùm *cappam pueri Domini Iesu*. Quo nomine haud dubium est illos paruam vestem innuere, qua Christus ipse Dominus adhuc puer induebatur, siue tunica sit superior, siue palliolum. Latè enim cappa significat quoduis indumentum superius, seu tunica sit exterior, seu ipsum vestimentum quo corpus & vtraque tunica circumtegitur, vt ex præfixo opusculo de Cappa, variisque eius speciebus licet elicere. Nemo verò ita demens est, vt ambigere possit, cuinam potius sit credendum, vel Episcopis decem, ac plerisque Sacerdotibus, in præsentia Regis, & circumstantis nobilitatis, affluentisque populi, vestem de qua agitur inspicientibus & exhibentibus, sanctæque quod narrant affirmantibus, quinque circiter sæculis ante ortas hæreses; vel Caluino sectæ perditionis auctori, qui sacrarum omnium reliquiarum, maximè verò Dominicorum pignorum iuratus hostis, quicquid furor suggerit, impudenter effutit, sine vlllo discrimine vel delectu veritatis aut mendacij. Cui tamen reor hoc modestiæ locò in ipso quo feruet pruritu maledicendi, referendum, quod vestem Domini quam dicit similem esse casulæ Sacerdotali, sese vidisse non asserit. Hinc enim colligendum videtur, ex relatione farinae suæ hominum id accepisse. Neminem proinde arbitror tam iniquum fore iudicem, qui Caluini ipsius, vel eorum quorum relatione nititur, dicta, testimonio tam illustri præcipuorum Episcoporum Gallicanæ Ecclesiæ, in conspectu adeoque cum adstipulatione Regis Christianissimi, & procerum eius ac affluentis populi, vestem illam sibi exhibitam inspicientis, ante annos ferè 500. edito, & longè maioris



quam laudant antiquitatis auctoritate suffulto, de veritate huius sacratissimi pignoris; anteferenda, quin vel vlllo modo æquiparanda esse, existimare possit.

Cæterum parcendum hîc videtur Matthæo Paris, & eius synonymo Westmonasteriensi, narrantibus tunicam Domini quæ Argentoliaci anno signato reperta est, illam esse quæ passim inconsutilis prædicatur. Neque enim ex visis loquuntur: At verò Episcopi quorum proferimus Authenticum, de re à se gesta & conspecta ipso tempore expressum ferunt testimonium. Sed Matthæus Paris sponte sua in viam rectam se recipit, dum agnoscit vestem illam quæ apud Argentolium iamdiu reposita, ab Episcopis solenniter reſerata est, anno 1156. eam esse, *Sicut litteræ (ut notat) cum ea reperta indicabant, quam beata eius Mater ei texuerat*: Ex quo sequitur non esse virilem, sed puerilem Christi vestem: quod & arcula in qua includitur quæ permordica est, satis ostendit. Porro Matthæus Westmonasteriensis, non procul ab hac sententia deflectit, fatetur enim eam esse vestem, quam Christo puero mater eius benedicta fecit; id vnum peculiare sibi subiicit, quod hæc ipsa vestis Domino crescente creuerit, scilicet ut persuadeat illam ipsam esse in quam milites, ne discinderetur, sortem miserunt. Huius autem additamenti nullam Westmonasteriensis affert probationem, quamobrem inter anilia commenta hoc refert Brullius lib. 4. Antiqq. Paris. p. 1194. Attamen non video cur ideo Westmonasteriensem de ridiculis excipiam. Nec enim miraculum quod ex pia autumatione inducit, sine exemplo, illoque authentico profertur. Dicit Dominus Israëlitis per Moysen, Deut. 29. *Adduxit vos quadraginta annis per desertum: non sunt attrita vestimenta vestra, nec calciamenta pedum vestrorum vetustate consumpta sunt.* Quærit hîc Abulensis, vnde tot millia paruulorum qui nati sunt in deserto habuerunt suas vestes? Respondet pueriles plerasque vestes Hebræos extulisse secum ex Ægypto, easque sensim cum pueris crescentibus creuisse. Non longè est ab hac mente Tertullianus, qui lib. de Resurr. carnis c. 58. hanc observationem elicit: *Ha figura nostræ fuerunt (inquit) ut Dominum potentiores credamus omni corporum lege, & carnis magis utique conseruatorem, cuius etiam vestimenta & calciamenta protexit.* Quo posito defendi potest à simili, illa opinio Matthæi Westmonasteriensis.

## OBIECTIO IV.

*Miles (inquit Calvinus) cui forte tunica inconsutilis obtigit, eam utique sui iuris fecit; aut ergo suum in usum vertit, aut pretio alienauit. At quis ille fuerit mercator qui pretio vestem hanc redemit, apud Euangelistas certè nihil de hac emptione legimus.*

## RESPONSIO.

Neque de illo mercatore, à quo Maria Magdalena & aliæ piæ mulieres emerunt aromata, ut corpus Iesu in monumento ungerent. Neque de illo alio à quo Iosephus ab Arimathia sindonem mundam comparauit, qua sepeliuit ipsum Christi corpus. Declarat sanctus Ioannes in

Euangelio non omnia scripta esse quæ à Christo, vel circa eum facta sunt : ideòne non acta, quia non scripta? Rectè (ait S. Hilarius) in Dei rebus non esse humano more loquendum; Mystica illa vestis inconsutilis, quæ indissolubilem in Christo significabat vtriusque naturæ vna in persona vnionem, & corporis Ecclesiæ cum ipso suo capite inseparabilem compaginem, diuinæ prouidentiae curæ fuit, ne periret, sed monumento perenni superesset, mysticæ illius significationis. Certè ante mille annos & quinquaginta, agnita & exulta fuit à Christianis, vt notat Sigebertus in Chronico, sub annum 593. cui adstipulatur auctor Appendicis ad Gregorij Turonensis libros de Historia Francorum, c. 11. & Aymonius lib. 3. Francorum itidem Historiæ c. 78. Porro translata paulopost Hierosolymis vbi reperta fuit, Galatheam prope Constantinopolim, argumento sunt quæ ipse Gregorius Turonensis de ea memoriæ prodidit lib. 1. Miraculor. c. 8. *De hac verò (inquit) immaculati agni tunica, quæ à quibusdam audiui, silere nequeo; Ferunt autem in ciuitate Galathea in Basilica quæ ad sanctos Archangelos vocatur retineri. Est enim hac ciuitas ab urbe Constantinopolitana quasi millibus centum quinquaginta; in qua basilica, est sanè crypta abditissima, ibique in arca lignea hoc vestimentum habetur inclusum, quæ arca à deuotis atque fidelibus cum summa diligentia adoratur: non immeritò digna quæ hoc vestimentum retinet, quod Dominicum corpus vel contingere meruit, vel velare.* Atque hæc notare operæpretium fuit, pro tunicæ illius inconsutilis diuinæ prouidentiae conseruatae, & iamdudum à fidelibus honoratae vindiciis, aduersus Ioannis Caluini calumnias.

At verò Cappa Domini puerilis, superno etiam nutu tot sæculis conseruata, atque iampridem reposita & reperta, tantoque splendore exhibitæ publicis regni conspectibus in Monasterio Argentolicensi, bonæ fidei possessionem iure merito nobis equidem vendicamus. Afferunt enim Episcopi illi ex notorietate rei, sacri eiusdem pignoris germanitatem; Cappam (inquiunt) pueri Domini Iesu, quæ in eiusdem thesauris Ecclesiæ, à temporibus antiquis cum honore condigno reposita erat, ad fidelium salutem humiliter inspeximus & palam eduximus, & veneratione solenni debitam eius magnificentiae reuerentiam exhibentes, illam desiderio & deuotioni populorum studio pietatis obtulimus. Addit Matthæus Paris præter hanc notorietatem possessionis antiquæ, & publici cultus continua deuotione exhibiti, aliud genus probationis: expresse etenim notat *Litteras cum hac sacra veste repertas* patenti fuisse eius ingenuitatis indicio. Si coniectari licet, haud temerè possem opinari, fuisse sacratissimam hanc pueri Iesu vestem Argentoliaci repositam à Carolo Magno, qui ab Oriente multa sibi sacro-sancta eiusmodi pietatis Christianæ pignora dari & transmitti summo studio procurauit, quando scilicet exclusis ex illo Cœnobio sanctæ Deigenitricis Monachis, Virgines hinc sanctimoniales collocauit, quibus filiam suam Theodradam Abbatissam præfecit, vt Guillelmus de Nangiaco Monachus S. Dionysij in sua Chronographia commemorat. Cæterum de Caluianis technis & calumniis, hætenus accuratim expensis & confutatis, satis superque.

## CONTINUATIO NOTARVM.

## §. XX.

*Ob insigne gratia cælestis ] Memoriale scilicet diuinæ Incarnationis, quæ maxima est Dei gratia data hominibus. hinc Apostolus, 1. Timoth. 3. Et manifestè (ait) magnum est pietatis Sacramentum, quod manifestatum est in carne. S. Augustinus hoc concussus ineffabili mysterio diuinæ in nos misericordiæ & bonitatis, ad Deum se toto corde conuertit: Non satiabar (inquit lib. 9 Confess. c. 6.) illis diebus dulcedine mirabili, considerare altitudinem consilij tui (ô Deus!) super humani generis salutem. Succinit mellifluus Bernardus, ep. 109. Nemo hominum nouit, nec ad plenum noscere potest, quid boni ad gratiam, quid congruentiæ ad sapientiam, quid decoris ad gloriam, quid commodi ad salutem, penes seipsam continet huius mysterij altitudo.*

## §. XXI.

*Illud videlicet indumentum, quo sese humanata induere (d.) sapientia dignata fuit. ] Nihil frequentius apud Patres ac Theologos, quàm quod Incarnatio, vestitio sit Verbi diuini; hoc & Ecclesia in Hymno Natalis Domini profitetur, dum sic concinit:*

*Beatus auctor sæculi*

*Seruile corpus induit:*

*Vt carne carnem liberans,*

*Ne perderet quos condidit.*

Hoc ipsum S. Augustinus egregiè docet lib. 83. qq. q. 73. tom. 4. Hoc ergo (inquit) nomine habitûs, satis significauit Apostolus quemadmodum dixerit in similitudinem hominum factus, quia non transfiguratione in hominem, sed habitu factus est, cum indutus est hominem; quem sibi uniens quodammodo atque confirmans, immortalitati, æternitatiq; sociaret. Et infra: Quo nomine habitûs oportet intelligi, non mutatum esse verbum susceptione hominis, sicut nec membra veste mutantur &c. Sed quantum verba humana rebus ineffabilibus coaptari possunt, ne mutatus intelligatur Deus humanitatis assumptor, electum est; ut Græcè ἡμεῖς, & Latine diceretur habitus, illa susceptio. Deus igitur factus est homo, non quòd Verbum transformatum sit in carnem, id est hominem, sicut Eutychiani volebant, sed quòd factum sit caro sicut ferrum sit ignitum, & sicut aurum sit statua vel imago aurea; quia manens Verbum quod erat, cœpit esse quod non erat, etenim ad se humanitatem assumpsit, eamque quasi vestem induit, imò sibi in consortium indiuiduum, & vnitatis indiuiduæ copulauit; quapropter vestitio illa substantialis fuit. At vestitio qua Verbum incarnatum humanitatem velabat, erat tantum accidentalis. De hac postrema vestitione Episcopi isti loquuntur, dum vestem puerilem seu cappam (vt aiunt) pueri Domini Iesu, indumentum appellant, quo sese humanata d. sapientia induere dignata fuit. Familiare est Theologis dum tractant de Sacramenti Eucharistiæ adoratione, exemplum assumere

assumere indumentorum Christi, hoc enim modo species Sacramentales coli posse ac debere docent; quo Christi vestimenta ab eius adoratoribus honorabantur: nec enim per se aut propter se colebantur, sed propter humanitatem Verbi, cui cohærebant, ideóque propriè non adorabantur, sed coadorabantur propter vnionem illam accidentalem, & propter immediatum contactum corporis Domini: ita & species propter vnionem Sacramentalem, quam habent cum ipso Christi corpore quod tegunt, inuoluunt & complectuntur; qua de re infra plenius in proprio tractatù de adoratione Eucharistiæ.

## §. XXII.

*Ob sanctissimam præscriptorum Patrum præsentiam, Deo propitio salubri dispositione decretum est.*] Mos fuit antiquus Episcoporum Galliæ, cum quadam occasione alicubi conuenissent, inter se de rebus Ecclesiasticis consultationes inire, communique consensu statuere quæque pro ratione rerum & temporum ipsis opportuna videbantur. Hoc modo Arausici II. Concilij canones editi fuerunt, sicut hac patet ipsius Synodi Prælocutione: *Cùm ad dedicationem Basilicæ, quam illustrissimus Præfectus & patricius, filius noster Liberius, in Arausica ciuitate fidelissima deuotione construxit, Deo propitiante & ipso inuitante conuenissemus, & de rebus quæ ad Ecclesiasticam Regulam pertinent, inter nos spiritualis fuisset oborta conlatio, peruenit ad nos esse aliquos qui de gratia & libero arbitrio per simplicitatem minus cautè, & non secundum fidei Catholica regulam, sentire velint. Vnde &c.* Sed & Concilium IV. Arelatense quod triennium ante consedit, eadem occasione suas edidit sanctiones. Quamobrem qui aderant Episcopi sic præfati reperiuntur, in ipso Decretorum limine: *Cùm in voluntate Dei ad dedicationem Basilicæ sanctæ Mariæ in Arelatensi ciuitate, Sacerdotes Domini conuenissent, congruüm iis & rationabile visum est, ut primum de obseruandis canonibus attentissima sollicitudine pertractantes, qualiter ab ipsis Ecclesiastica regula seruaretur, salubri consilio definirent.* Decem illi Episcopi qui cum plerisque Abbatibus, Rege præsentem, cum proceribus regni, & magno populi concursu, apud Argentolium conuenerunt, ad vestis puerilis Domini inspectionem & ostensionem, antiquæ huius consuetudinis memores, chartam hanc synodicam ediderunt, qua non modò huius sacri pignoris germanitati testimonium authenticum perhiberent, sed & rei gestæ, in actione tam solenni, seriem posterorum memoriæ consignarent; præterea verò præsentibus spiritualia munera impertirent, ritumque sacrum tunc vigentem tam pœnitentiæ, quàm indulgentiæ, genuinis characteribus canonicæ praxis, irent expressum.

## §. XXIII.

*Vt omnibus ibidem venientibus, supernæ miserationis gratiam poscentibus merces & fructus suæ deuotionis, in indulgentia veniæ compensetur.*] In indulgentiarum concessione tria requirunt Theologi, videlicet vt sit

Y



\* scilicet, in  
curfu visitatio-  
nis.

in concedente auctoritas, in causa pietas, in suscipiente charitas. Quoad auctoritatem spectat, hanc esse plenissimam in summo Pontifice Christi Vicario, Petrique successore (cui ab ipso Domino data est summa & generalis potestas ligandi & soluendi, Matth. 16.) omnes Catholici doctores summo consensu Docent, quod & ius decernit Canonicum, siquidem cap. *Cum ex eo. de pœnit. & remiss.* declaratur in summo Pontifice ad indulgentias concedendas, esse plenitudinem potestatis. Competere etiam Episcopis in sua cuique diœcesi (& Metropolitans in sua propria prouincia \*) ius indulgentias conferendi, patet ex antiquis Conciliis, Ancyrano, can. 5. Laodicensi c. 2. Nicæno I. generali, c. 12. & ipso Iure Canonico cap. *Cum ex eo. & cap. Nostro. de pœnit. & remiss.* constantique vsu Catholicæ Ecclesiæ. Quod si vnus Episcopus in sua diœcesi potest indulgentias concedere, maiori ratione plures iuncti conferre possunt, sicut iam olim passim factum constat in Ecclesiarum dedicatione, ad quam plerique Antistites inuitari & conuenire solebant: vt notum est peritis antiquitatis Ecclesiasticæ. Cuius consuetudinis iurisque memores decem isti Episcopi, qui ad solennem refectionem, inspectionem, & ostensionem vestis Domini, ex communi voto Regis, Cleri & populi conuenerunt, hanc indulgentiam communi consensu concesserunt. Sed vt rata eorum coram Deo esset indulgentia, (quia requiritur vt sit *in causa pietas*) sapienter hoc in ipso suo diplomate, se rationabili causa moueri, expressum esse voluerunt. Cum igitur Theologi eam solam piam esse causam indulgentiæ concedendæ definiant, quæ ad honorem Dei cedit & Ecclesiæ vtilitatem: adesse huiusmodi causam suæ huic concessionem solerter insinuauere; dicunt enim, tam iis qui impræsentiarum ad hanc piam & celebrem actionem conuenerant, quam quibuscumque aliis, hanc gratiam se impertire, qui in posterum pari die eandem vestem piè inuiserent, quo præsentis anno refectionis illa solennis facta fuerat.

S. Thom. in 4.  
dist. 20. q. 1. & 3.  
quæstiuncula 2.  
Durandus, &  
Paludanus in  
ead. dist. 20. q. 4.  
S. Antoninus 1.  
part. tit. 10. c. 3.  
§. 1.

## §. XXIV.

*In honorem diuinæ vestis, propriam seruitutem & deuotionem obtulerint*] Quo nomine cultum diuinum, humilium orationum obsequium, elemosynas, cæteraque pietatis officia facta intuitu & reuerentia diuinæ incarnationis, veste hac pueri Domini Iesu, memoriæ, oculisque insipientium renouatæ, satis euidenter significant, simulque se niti legitima auctoritate innuunt, subiungendo: *Nos omnibus illis de clementiæ cælestis plenitudine confisi.* Cæterum nec tertiam partem seu conditionem prætereunt, videlicet vt sit in suscipientibus congrua dispositio. Nam quid aliud sibi volunt hæc verba, quibus hoc pium indultum præmuniunt? *Supernæ miserationis gratiam poscentibus, vt merces & fructus suæ deuotionis in indulgentia veniæ compensetur;* nisi hoc ipsum quod in recentioribus indulgentiarum formulis soleat interferi, *Verè pœnitentibus, & confessis, sacræque communionis refectionis, &c.*

## §. XXV.

Si peccatis grauibus & maximis impliciti fuerint. ] Quænam sint peccata illa grauia & maxima, libri pœnitentiales indicant apud Patres vsitati; quos collegit, & notis breuissimis, sed doctis illustrauit Antonius Augustinus Archiepiscopus Tarraconensis, ediditque Venetiis anno 1584. sub titulo Canonum pœnitentialium, quos his sex libellis seu tractatibus complectitur. Primus est *Pœnitentiale Romanum*. Secundus est *Codicellus Venerabilis Bedæ, de peccatorum remediis*. Tertius est *Pœnitentium liber Rhabani Mauri Archiepiscopi Moguntinensis*. Quartus est *Epistola canonica S. Gregorij Nisseni Episcopi ad S. Letoium Melitensem Episcopum*. Quintus, *Epistola S. Gregorij Neocæsariensis, Thaumaturgi vocitati, canon ultimus*. Sextus, *Canones pœnitentiales qui cum Gratiani libro edi solent, & ex Summa Astensi, lib. 5. tit. 32. desumuntur*. Cæterum Pœnitentiale Romanum, quod reliquis est ordinatius, varios in titulos est digestum. Primus est de homicidio, diuersisque huius criminis speciebus. Secundus de periuriis & de pœnitentia eorum. Tertius de fornicatione & incesto diuersi generis, & de pœnitentia utriusque sexûs & diuersæ ætatis. Quartus titulus inscriptus est de prædatoribus, & furibus, ac incendiariis, & pœnitentia eorum. Quintus de crapula & ebrietate. Sextus de incantatoribus & auguribus, de diuinis, & sortilegiis, & variis illusionibus diaboli, & de maledicis. Septimus, de variis criminibus, qui in capita 30. & vnum distinguitur. Octauus itidem de variis criminibus. Nonus iterum de variis criminibus, & pœnitentiis eorum. Qui sanè canones si in vsum redirent, auctoritas Ecclesiæ in integrum restitueretur, mundi superbia detumesceret, disciplina Christiana vires (iam ferè excisas) reciperet, peccatorum profluvia magna parte sisterentur, & antiqua illa Christianorum sanctimonia vbique refloresceret. Optauit sacro-sancta synodus Oecumenica Tridentina, vt Sacerdotes (quantum fieri posset) iuxta canonicam disciplinam, pœnitentias imponerent, vt videre est sess. 6. c. 14. & sess. 14. c. 8. quo sic eosdem admonet officij: *Debent ergo Sacerdotes Domini quantum spiritus & prudentia suggererit, pro qualitate criminum, & pœnitentium facultate, salutare & conuenientes satisfactiones iniungere, ne si fortè peccatis conuiueant, & indulgentiùs cum peccatoribus agant, leuissima quædam opera pro grauissimis delictis iniungendo, alienorum peccatorum participes efficiantur. Habeant autem præ oculis, vt satisfactio quam imponunt, non sit tantum ad nouæ vitæ custodiam & infirmitatis medicamentum, sed etiam ad præteritorum peccatorum vindictam & castigationem: nam clauis Sacerdotum non ad soluendum dumtaxat, sed & ad ligandum concessas etiam antiqui Patres credunt & docent. De publicè peccantibus, publicâ pœnitentiâ constringendis videri potest quàm sapienter statuit idem Concilium, sess. 24. c. 8.*

## §. XXVI.

Vnius anni pœnitentiam relaxamus. ] Libri pœnitentiales præsignati, qui sacris ex canonibus contexti sunt, pro grauibus & maximis cri-

minibus annos 12. aut 9. aut 7. aut 5. aut 3. ut minimum rigida pœnitentiæ peccatoribus imponunt. Quando igitur vnum annum pœnitentiæ vel plures, summus Pontifex vel Episcopi relaxabant, hac ex parte pœnitens exonerabatur, reliquòque tempori suæ pœnitentiæ præfixo tantum remanebat obnoxius. Secundum priscos Canones potestas Episcoporum laxior erat quam posterioribus sæculis esse cœpit; poterant enim plures annos pœnatum minuere per modum indulgentiæ, nec intra anni vnus circulum, aut quadragenæ vnus exiguam mensuram (ad quam demum astricti sunt) eorum auctoritas coarctabatur, sed necessarium fuit tandem ad hoc remedium deuenire propter vsus huius potestatis excessum, qua plerique Præsulum abutentes, vigorem disciplinæ Ecclesiasticæ & saluberrimum rigorem pœnitentiæ canonicæ penitus eneruabant. In Concilio igitur Oecumenico Lateranensi, anno 1215. celebrato sub Innocentio III. c. 62. hæc constitutio promulgata est, qua ordinariorum potestas intra certam mensuram legitimi vsus fuit restricta: *Ad hæc quia per indiscretas & superfluas indulgentias, quas quidam Ecclesiarum Prælati facere non verentur, & clauēs Ecclesiæ contemnuntur, & pœnitentialis satisfactio eneruatur: Decernimus ut cum dedicatur Basilica non extendatur indulgentia extra annum, siue ab vno solo, siue à pluribus Episcopis dedicetur. Ac deinde in anniuersario dedicationis tempore quadraginta dies de iniunctis pœnitentiis indulta remissio non excedat. Infra hunc quoque dierum numerum indulgentiarum litteras præcipimus moderari, quæ pro quibuscumque causis aliquoties conceduntur, cum Romanus Pontifex, qui plenitudinem obtinet potestatis, hoc in talibus moderamen consueuerit obseruare. Nec est quòd quis hinc obiiciat, decem illos Episcopos, quorum Chartam munificam expendimus, modum Canonicum excessisse, cum extra casum præfixum, scilicet dedicationem Ecclesiæ, vnus anni indulgentiam concesserint. Lex hæc etenim nondum edita erat, quæ scilicet facta est annis ferè centum postquam illi Episcopi indulerunt eiusmodi remissionem.*

## §. XXVII.

*[Qui verò leuibus, id est venialibus derinentur.]* Distinctio illa inter grauiora peccata & leuia, seu venialia nupera non est, neque à Scholasticis Theologis inuenta, ut neoterici hæretici calumniantur. Et enim sancti Patres litteris sacris inhærendo hoc ipsum discrimen passim agnouerunt & docuerunt. S. Chrysostomus hom. 24. in Matth. discernit inter paruulas culpas & maxima crimina: Cassianus eius discipulus, Collat. 20. c. 11. *minuta vocat, & grauiora peccata.* S. Ambrosius lib. 2. de pœnit. c. 10. distinguit inter quotidiana, leuioræque peccata; & grauiora. Sic & S. Hieronymus in cap. 3. Malachiæ. Idem verò ad c. 7. Matth. dicit quædam esse mortalia crimina, quædam minora peccata, hæcque notat à Domino festuca in oculo; illa verò trabis magna molis comparari. Quæ sanctus Augustinus lib. de Spiritu & littera, c. 36. *horrenda facinora & flagitia nuncupat; alia verò leuiora.* Et in Enchiridio, cap. 17. *quotidiana, breuiora, & leuiora delicta.* Eadem dist. vitur Innocen-

rius I. Pontifex Romanus, epist. 1. c. 7. posteriorésque Patres & Doctores passim.

## §. XXVIII.

*Medietatem pœnitentiæ remittimus.*] Axioma Theologorum est, venialia peccata esse materiam sufficientem confessionis, sed non necessariam: aliis enim mediis & remediis eiusmodi peccata remittuntur. Dato tamen quòd in confessione cum intento petendi absolutionem à Sacerdote, declarentur, Sacerdos ab iis confitentem non nisi iniunctâ ipsi pœnitentiâ, regulariter absoluit. Huius igitur pœnitentiæ medietatem relaxant præfati Antistites, prudenter & scienter locuti.

## §. XXIX.

*Oblita peccata modo simili condonamus.*] A peccatis occultis & oblitis, de quibus contritio formalis haberi nequit, Theologi docent, nos liberari per virtualem displicentiam, modò diligens inquisitio præcesserit; item per Eucharistiam, siquidem S. Thomas 3. p. q. 79. a. 3. expressè docet eum qui fortè habet peccatum mortale, sed non habet affectum, neque conscientiam, quia post diligens examen, ei non occurrit, & si occurreret, proculdubio operam daret, ut per Sacramentum pœnitentiæ expiaretur, & dolorem habet omnium peccatorum suorum; licet iste dolor non sit respectu illorum peccatorum, quæ lapsu memoriæ non deprehendit contritio perfecta: hunc inquam hominem asserit non indignè nec inutiliter accedere ad Eucharistiam, imò planè vtiliter & fructuose, quia quamvis hoc Sacramentum non sit institutum ad peccata mortalia remittenda, tamen gratiam confert gratum facientem, & consequenter delet etiam peccata mortalia, siquæ inueniatur in eo, qui eo modo quo dictum est, accedit. Gratia enim cum peccato mortali simul manere nullo modo potest. Sed Axioma Catholicum est, per indulgentias neminem absolui, vel solui à reatu culpæ vllius, id est nec lethalis nec venialis, ut probat Cardinalis Bellarminus lib. 1. de indulgentiis, c. 7. Proinde quando Pontifices dicunt se per indulgentias *absolvere peccatores à peccatis*, vel condonare omnia peccata, vel dimidiam, aut tertiam partem peccatorum, semper intelligendi sunt de peccatis quoad pœnam, non quoad culpam: nullo enim ministerio humano nisi per Sacramenta, culpa non modò lethalis, sed nec venialis remitti potest; sed alia sunt (ut præmissum est) remedia, quoad culpam peccatorum mortalium, quæ à memoria exciderunt. Nempe in Sacramento pœnitentiæ per virtualem displicentiam, & per susceptionem Eucharistiæ, quæ fit eo modo quo dictum est secundum doctrinam S. Thomæ, cui Theologi passim consentiunt. Antequam verò S. Thomas hoc docuisset, id ipsum Episcopi isti decem, rectè censuerunt, quamobrem admodum limatè & solerter eloquuntur; Neque enim



dicunt se absolutè remittere peccata oblita, sed simili modo quò mediam partem pœnitentiæ se dimittere præfati sunt, iis qui leuioribus peccatis detinentur: sic enim manifestum est non eos loqui de reatu culpæ, sed dumtaxat de pœna, eaque temporali, cuius indulgentia iudicialis est relaxatio seu condonatio, quemadmodum à Theologis definitur; qua de re olim ex professo disseruimus, scilicet in Apologia pro Iubilæo & reliquis indulgentiis, aduersus Molinæum aliósque Calvinianæ sectæ Ministros &c.

## §. XXX.

*Annis verò singulis à festiuitate S. Dionysij ad octauas eiusdem*] Festum S. Dionysij à Maioribus olim eximia solennitate solebat celebrari, adeo ut & Episcopi ex variis regni partibus ad eius Monasterium prope Parisios conuenirent, ut splendidiori cultu ipsa eius festiuitas perageretur. Cuius moris eodem tempore qui florebat meminit Sugerius, libro de rebus in administratione sua gestis, ubi agit de altaris sancti cognominati in ipsa Basilica S. Dionysij solenni visitatione, sacrarumque reliquiarum in hoc sacrario reconditarum tam insigni ritu, quam apparatu facta resecratione atque ostensione: *Assumens*, inquit, *ex deuotione audaciam, & antiquitati honorem veritatis conseruans, modum & diem detegendi ipsas sanctas reliquias elegimus, sacratissima videlicet die martyrii beatorum Martyrum Dominorum nostrorum, octaua scilicet Idus Octobris. Aderant siquidem diuersarum prouinciarum Archiepiscopi & Episcopi, qui gratantissimè quasi ex debito Apostolatus Galliarum ad tantæ solennitatis celebrationem pia vota deferre accesserant; Archiepiscopi scilicet Lugdunensis, Rhemensis, Turonensis, & Rothomagensis: Episcopi verò Sueffoniensis, Beluacensis, Siluaneensis, Meldensis, Redonensis, Alethensis & Venetensis: Abbatum etiam & Monachorum, siue Clericorum, atque Optimatum conuentus, sed & populi promiscui sexus turba innumerabilis. Videtur hac occasione Episcoporum illorum decem, & Abbatum, sacrarumque virorum qui detectioni vestis sacræ puerilis Domini Iesu apud Argentolium interfuerunt, in præsentia Regis & Optimatum regni, conuentum esse factum, concursumque illum vulgi copiosum. Nam penitiùs intuenti chartam illam Episcopalem nulla apparet diei & mensis notula, sed anni dumtaxat, eo quod scilicet isti Præsules dum anniuersariam memoriam solennis huius inspectionis perpetuis indulgentiarum muneribus insigniunt, signanter aiunt se xenia hæc spiritualia concedere fidelibus, annis singulis à festiuitate S. Dionysij usque ad octauas eiusdem, Ecclesiam ipsam Monasterij Argentolij piè visitantibus. Qua expressione satis euidenter indicant hoc ipso quod signant tempore, solennem illam resecrationem à seipsis peractam fuisse.*

## §. XXXI.

*Loci ipsius & sacratissimæ vestis venerationem &c.] Paterna vestis & an-*

*Apud Quercetannum. Tom. 4. Collectionis Scriptor. Historie Francor. p. 347.*

ac siquid eiusmodi (ait S. Augustinus lib. 1. de Ciuit. Dei, cap. 13. s.) tanto charius est posteris, quanto erga parentes maior existit affectus. to igitur amore & cultu nos prosequi par est indumentum il-  
quo sese diuina sapientia humanata (vt Episcopi isti paulo antè  
intur) induere dignata est, propter salutis nostræ operationem?  
gero *simbriam vestimenti eius*, (aiebat infirma mulier) *salua ero?* Si  
cum fide vestem illam, quæ contactu corporis Domini sancti-  
a est, qui venerabundi Argentolium veniunt eam oscularentur;  
ias non dubito plerasque hinc perciperent, iustoque titulo indul-  
giam à religiosissimis his Episcopis, hanc piè inuisentibus im-  
itam, proculdubio consequerentur: sed veniunt passim vt videant,  
vt credant; non vt pignus diuinum condigno cultu venerentur,  
vt oculos pascant; cæterum de re ipsa censeant, prout collibuerit.  
ud mirum igitur si qui tepidi veniunt, frigidi redeunt; Christi vox  
est in Euangelio frequens, *fiat tibi sicut credidisti*, ideo qui non credit,  
nihil itidem promeretur. *Tactus Saluatoris* (ait Venerabilis Beda) *opus*  
*est salutis, quem tangere est in ipsum credere, à quo tangi est fidei munere firmari.*  
Defectu igitur fidei qui laborat, nec tangit Dominum, nec tangitur  
à Domino: quamobrem etsi eius vestem perspiciat & osculetur, ni-  
hil tamen hinc gratiæ aut virtutis eius sibi conciliat.

*Math. 14.  
Marc. 5.*

*Lib. 2. Comm. in  
Luc. 6.*

## §. XXXII.

Piè inuisentibus, *quadragenta dies sua pœnitentiæ remittimus & indulge-*  
*mus.*] Quadragenæ indulgentia hæc dicitur, qua pœnitentia remitti-  
tur, quæ quadragenta continuatis diebus in ieiuniis aliisque labo-  
riosis operibus agenda fuisset. Hæc *quadragenta* quando imperabatur,  
acrior, ita vt solo pane & aqua contenti esse deberent qui eam per-  
agebant, *carena* dici solebat \*: quòd videlicet carentiam omnium ci-  
borum contineret. Eiusmodi carenam præmitti solitam ante septen-  
nem pœnitentiam testatur Concilium Triburiense, cui Burchardus  
succinit, & subinde cæteri Canonistæ. Cum rariores essent indul-  
gentiæ, hæc quæ 40. dierum appellatur, vltimior erat, etiam apud  
Romanos Pontifices, tum enim indulgentiæ non per annos, sed per  
dies, qui vt plurimum quadragenta erant, aut ad summum centum,  
numerabantur. Urbanus IV. etsi augendæ solennitatis festi Corpo-  
ris Christi ardenti desiderio ferueret, tamen valde moderatè in con-  
cessione indulgentiarum, quas hoc obtentu largitus est, se gessit:  
Omnibus enim verè pœnitentibus & confessis qui Matutinali officio huius festi  
præsentialiter in Ecclesia ubi celebraretur adessent, centum dies: qui verò Missæ,  
totidem; illis autem qui interessent in primis ipsius festi vespertis, similiter centum:  
qui verò in secundis, totidem. Eis quoque qui Primæ, Tertiæ, Sextæ, Nonæ,  
ac Completorii adessent officiis, pro qualibet horarum ipsarum quadragenta. Illis  
verò qui per ipsius festi octauas in Matutinalibus, Vespertinis, Missæ ac præ-  
dictarum horarum ipsarum officiis præsentibus existerent, singulis diebus octauarum  
ipsarum centum dies de iniunctis sibi pœnitentiis relaxando, indulgentiam tribuit  
perpetuis temporibus duraturam. vt qui tum clarebat, & qui mandato ip-

\* Ita Bellarmin.  
lib. 1. de Indul-  
gent. c. 9. Quem  
falli tamen li-  
quet ex Ponti-  
ficali Rom. præ-  
signato, cuius  
Tit. 2. de homi-  
cidio, c. 34. sic  
legimus: *trafa-  
ciendum est tibi  
ut pro psalmista,  
40. dies in pane  
& aqua, quod  
Thauidicè ca-  
rina vocatur,  
cum septem  
segg. annis pœ-  
nicias.* Catina  
igitur Germa-  
nicæ vox est, nec  
à Latino caren-  
di verbo deri-  
uatur.

quam laudant antiquitatis auctoritate suffulto, de veritate huius sacratissimi pignoris; anteferenda, quin vel villo modo æquiparanda esse, existimare possit.

Cæterum parcendum hîc videtur Matthæo Paris, & eius synonymo Westmonasteriensi, narrantibus tunicam Domini quæ Argentolici anno signato reperta est, illam esse quæ passim inconsutilis prædicatur. Neque enim ex visis loquuntur: At verò Episcopi quorum proferimus Authenticum, de re à se gesta & conspecta ipso tempore expressum ferunt testimonium. Sed Matthæus Paris sponte sua in viam rectam se recipit, dum agnoscit vestem illam quæ apud Argentolium iamdiu reposita, ab Episcopis solenniter referata est, anno 1156. eam esse, *Sicut litteræ* (vt notat) *cum ea reperta indicabant, quam beata eius Mater ei texuerat*: Ex quo sequitur non esse virilem, sed puerilem Christi vestem: quod & arcula in qua includitur quæ permordica est, satis ostendit. Porro Matthæus Westmonasteriensis, non procul ab hac sententia deflectit, fatetur enim eam esse vestem, quam Christo puero mater eius benedicta fecit; id vnum peculiare sibi subiicit, quod hæc ipsa vestis Domino crescente creuerit, scilicet vt persuadeat illam ipsam esse in quam milites, ne discinderetur, sortem miserunt. Huius autem additamenti nullam Westmonasteriensis affert probationem, quamobrem inter anilia commenta hoc refert Brullius lib. 4. Antiqq. Paris. p. 1194. Attamen non video cur ideo Westmonasteriensem de ridiculis excipiam. Nec enim miraculum quod ex pia autumatione inducit, sine exemplo, illoque authentico profertur. Dicit Dominus Israëlitis per Moysen, Deut. 29. *Adduxit vos quadraginta annis per desertum: non sunt attrita vestimenta vestra, nec calcamenta pedum vestrorum vetustate consumpta sunt*. Quærit hîc Abulensis, vnde tot millia paruulorum qui nati sunt in deserto habuerunt suas vestes? Respondet pueriles plerasque vestes Hebræos extulisse secum ex Ægypto, cæque sensim cum pueris crescentibus creuisse. Non longè est ab hac mente Tertullianus, qui lib. de Resurr. carnis c. 58. hanc observationem elicit: *Ha figura nostra fuerunt* (inquit) *vt Dominum potentiores credamus omni corporum lege, & carnis magis utique conseruatorem, cuius etiam vestimenta & calceamenta protexit*. Quo posito defendi potest à simili, illa opinio Matthæi Westmonasteriensis.

#### OBIECTIO IV.

*Miles* (inquit Calvinus) *cui sorte tunica inconsutilis obigit, eam utique sui iuris fecit; aut ergo suum in usum vertit, aut pretio alienauit. At quis ille fuerit mercator qui pretio vestem hanc redemit, apud Euangelistas certè nihil de hac emptione legimus.*

#### RESPONSIO.

Neque de illo mercatore, à quo Maria Magdalena & aliæ piæ mulieres emerunt aromata, vt corpus Iesu in monumento ungerent. Neque de illo alio à quo Iosephus ab Arimathia sindonem mundam comparauit, qua sepeliuit ipsum Christi corpus. Declarat sanctus Ioannes in

Euangelio non omnia scripta esse quæ à Christo, vel circa eum facta sunt : ideòne non acta, quia non scripta? Rectè (ait S. Hilarius) in Dei rebus non esse humano more loquendum; Mystica illa vestis inconfutibilis, quæ indissolubilem in Christo significabat vtriusque naturæ vna in persona vnionem, & corporis Ecclesiæ cum ipso suo capite inseparabilem compaginem, diuinæ prouidentix curæ fuit, ne periret, sed monumento perenni superesset, mysticæ illius significationis. Certè ante mille annos & quinquaginta, agnita & exulta fuit à Christianis, vt notat Sigebertus in Chronico, sub annum 593. cui adstipulatur auctor Appendicis ad Gregorij Turonensis libros de Historia Francorum, c. 11. & Aymonius lib. 3. Francorum itidem Historiæ c. 78. Porrò translata paulopost Hierosolymis vbi reperta fuit, Galatheam prope Constantinopolim, argumento sunt quæ ipse Gregorius Turonensis de ea memoriæ prodidit lib. 1. Miraculor. c. 8. *De hac verò (inquit) immaculati agni tunica, quæ à quibusdam audiui, silere nequeo; Ferunt autem in ciuitate Galatheæ in Basilica quæ ad sanctos Archangelos vocitatur retineri. Est enim hæc ciuitas ab vrbe Constantinopolitana quasi millibus centum quinquaginta; in qua basilica, est sanè crypta abditissima, ibique in arca lignea hoc vestimentum habetur inclusum, quæ arca à deuotis atque fidelibus cum summa diligentia adoratur: non immeritò digna quæ hoc vestimentum retinet, quod Dominicum corpus vel contingere meruit, vel velare. Atque hæc notare operæpretium fuit, pro tunicæ illius inconfutibilis diuinæ prouidentix conseruatæ, & iamdudum à fidelibus honoratæ vindiciis, aduersus Ioannis Caluini calumnias.*

At verò Cappæ Domini puerilis, superno etiam nutu tot sæculis conseruatæ, atque iampridem repositæ & repertæ, tantoque splendore exhibitæ publicis regni conspectibus in Monasterio Argentolicensi, bonæ fidei possessionem iure merito nobis equidem vendicamus. Afferunt enim Episcopi illi ex notorietate rei, sacri eiusdem pignoris germanitatem; Cappam (inquiunt) pueri Domini Iesu, quæ in eiusdem thesauris Ecclesiæ, à temporibus antiquis cum honore condigno reposita erat, ad fidelium salutem humiliter inspeximus & palam eduximus, & veneratione solenni debitam eius magnificentix reuerentiam exhibentes, illam desiderio & deuotioni populorum studio pietatis obtulimus. Addit Matthæus Paris præter hanc notorietatem possessionis antiquæ, & publici cultus continua deuotione exhibiti, aliud genus probationis: expresse etenim notat *Litteras cum hac sacra veste repertas patenti fuisse eius ingenuitatis indicio. Si coniectari licet, haud temerè possem opinari, fuisse sacratissimam hanc pueri Iesu vestem Argentoliaci repositam à Carolo Magno, qui ab Oriente multa sibi sacro-sancta eiusmodi pietatis Christianæ pignora dari & transmitti summo studio procurauit, quando scilicet exclusis ex illo Cœnobio sanctæ Deigenitricis Monachis, Virgines hinc sanctimoniales collocauit, quibus filiam suam Theodradam Abbatissam præfecit, vt Guillelmus de Nangiacō Monachus S. Dionysij in sua Chronographia commemorat. Cæterum de Caluianis technis & calumniis, hætenus accuratim expensis & confutatis, satis superque.*



## CONTINUATIO NOTARVM.

## §. XX.

*Ob insigne gratiæ celestis*] Memoriale scilicet diuinæ Incarnationis, quæ maxima est Dei gratia data hominibus. hinc Apostolus, 1. Timoth. 3. *Et manifestè* (ait) *magnum est pietatis Sacramentum, quod manifestatum est in carne.* S. Augustinus hoc concussus ineffabili mysterio diuinæ in nos misericordiæ & bonitatis, ad Deum se toto corde conuertit: *Non satiabar* (inquit lib. 9 Confess. c. 6.) *illis diebus dulcedine mirabili, considerare altitudinem consilij tui (ô Deus!) super humani generis salutem.* Succinit mellifluus Bernardus, ep. 109. *Nemo hominum nouit, nec ad plenum noscere potest, quid boni ad gratiam, quid congruentiæ ad sapientiam, quid decoris ad gloriam, quid commodi ad salutem, penes seipsam continet huius mysterij altitudo.*

## §. XXI.

*Illud videlicet indumentum, quo sese humanata induere (d.) sapientia dignata fuit.*] Nihil frequentius apud Patres ac Theologos, quàm quod Incarnatio, vestitio sit Verbi diuini; hoc & Ecclesia in Hymno Natalis Domini profitetur, dum sic concinit:

*Beatus auctor seculi*

*Seruile corpus induit:*

*Vt carne carnem liberans,*

*Ne perderet quos condidit.*

Hoc ipsum S. Augustinus egregiè docet lib. 83. qq. q. 73. tom. 4. *Hoc ergo* (inquit) *nomine habitus, satis significauit Apostolus quemadmodum dixerit in similitudinem hominum factus, quia non transfiguratione in hominem, sed habitu factus est, cum indutus est hominem; quem sibi uniens quodammodo atque confirmans, immortalitati, eternitatiue sociaret. Et infra: Quo nomine habitus oportet intelligi, non mutatum esse verbum susceptione hominis, sicut nec membra veste mutantur &c. Sed quantum verba humana rebus ineffabilibus coaptari possunt, ne mutatus intelligatur Deus humanitatis assumptor, electum est; ut Græcè ἡμεῖς, & Latine diceretur habitus, illa susceptio. Deus igitur factus est homo, non quòd Verbum transformatum sit in carnem, id est hominem, sicut Eutychiani volebant, sed quòd factum sit caro sicut ferrum fit ignitum, & sicut aurum fit statua vel imago aurea; quia manens Verbum quod erat, cœpit esse quod non erat, etenim ad se humanitatem assumpsit, eamque quasi vestem induit, imò sibi in consortium indiuiduum, & unitatis indiuiduæ copulauit; quapropter vestitio illa substantialis fuit. At vestitio qua Verbum incarnatum humanitatem velabat, erat tantum accidentalis. De hac postrema vestitione Episcopi isti loquuntur, dum vestem puerilem seu cappam (vt aiunt) pueri Domini Iesu, indumentum appellant, quo sese humanata d. sapientia induere dignata fuit. Familiare est Theologis dum tractant de Sacramenti Eucharistiæ adoratione, exemplum assumere*

assumere indumentorum Christi, hoc enim modo species Sacramentales coli posse ac debere docent; quo Christi vestimenta ab eius adoratoribus honorabantur: nec enim per se aut propter se colebantur, sed propter humanitatem Verbi, cui cohærebant, ideóque propriè non adorabantur, sed coadorabantur propter vnionem illam accidentalem, & propter immediatum contactum corporis Domini: ita & species propter vnionem Sacramentalem, quam habent cum ipso Christi corpore quod tegunt, inuoluunt & complectuntur; qua de re infra plenius in proprio tractatù de adoratione Eucharistiæ.

## §. XXII.

*Ob sanctissimam præscriptorum Patrum præsentiam, Deo propitio salubri dispositione decretum est.*] Mos fuit antiquus Episcoporum Gallix, cum quadam occasione alicubi conuenissent, inter se de rebus Ecclesiasticis consultationes inire, communique consensu statuere quæque pro ratione rerum & temporum ipsis opportuna videbantur. Hoc modo Arausici II. Concilij canones editi fuerunt, sicut hac patet ipsius Synodi Prælocutione: *Cùm ad dedicationem Basilicæ, quam illustrissimus Præfectus & patricius, filius noster Liberius, in Arausica ciuitate fidelissima deuotione construxit, Deo propitiante & ipso inuitante conuenissemus, & de rebus quæ ad Ecclesiasticam Regulam pertinent, inter nos spiritualis fuisset oborta conlatio, peruenit ad nos esse aliquos qui de gratia & libero arbitrio per simplicitatem minus cautè, & non secundum fidei Catholicæ regulam, sentire uelint. Vnde &c.* Sed & Concilium IV. Arelatense quod triennium ante consedit, eadem occasione suas edidit sanctiones. Quamobrem qui aderant Episcopi sic præfati reperiuntur, in ipso Decretorum limine: *Cùm in voluntate Dei ad dedicationem Basilicæ sanctæ Mariæ in Arelatensi ciuitate, Sacerdotes Domini conuenissent, congruū iis & rationabile visum est, ut primùm de obseruandis canonibus attentissima sollicitudine pertractantes, qualiter ab ipsis Ecclesiastica regula seruaretur, salubri consilio definirent.* Decem illi Episcopi qui cum plerisque Abbatibus, Rege præfente, cum proceribus regni, & magno populi concursu, apud Argentolium conuenerunt, ad uestis puerilis Domini inspectionem & ostensionem, antiquæ huius consuetudinis memores, chartam hanc synodicam ediderunt, qua non modò huius sacri pignoris germanitati testimonium authenticum perhiberent, sed & rei gestæ, in actione tam solenni, seriem posterorum memoriæ consignarent; præterea verò præsentibus spiritualia munera impertirent, ritumque sacrum tunc vigentem tam pœnitentiæ, quàm indulgentiæ, genuinis characteribus canonicæ praxis, irent expressum.

## §. XXIII.

*Vt omnibus ibidem venientibus, supernæ miserationis gratiam poscentibus merces & fructus suæ deuotionis, in indulgentia veniæ compensetur.*] In indulgentiarum concessione tria requirunt Theologi, videlicet ut sit

\* scilicet, in  
curfu visitatio-  
nis.

S. Thom. in 4.  
dist. 20. q. 1. & 3.  
questiuncula 2.  
Durandus, &  
Paludanus in  
ead. dist. 20. q. 4.  
S. Antoninus 1.  
part. iii. 10. c. 3.  
§. 1.

in concedente auctoritas, in causa pietas, in suscipiente charitas. Quoad auctoritatem spectat, hanc esse plenissimam in summo Pontifice Christi Vicario, Petrique successore (cui ab ipso Domino data est summa & generalis potestas ligandi & soluendi, Matth. 16.) omnes Catholici doctores summo consensu Docent, quod & ius decernit Canonicum, siquidem cap. *Cum ex eo. de pœnit. & remiss.* declaratur in summo Pontifice ad indulgentias concedendas, esse plenitudinem potestatis. Competere etiam Episcopis in sua cuique diœcesi (& Metropolitans in sua propria provincia \*) ius indulgentias conferendi, patet ex antiquis Conciliis, Ancyrano, can. 5. Laodicensi c. 2. Nicæno I. generali, c. 12. & ipso Iure Canonico cap. *Cum ex eo. & cap. Nostro. de pœnit. & remiss.* constantique usu Catholicæ Ecclesiæ. Quod si vnus Episcopus in sua diœcesi potest indulgentias concedere, maiori ratione plures iuncti conferre possunt, sicut iam olim passim factum constat in Ecclesiarum dedicatione, ad quam plerique Antistites inuitari & conuenire solebant: vt notum est peritis antiquitatis Ecclesiasticæ. Cuius consuetudinis iurisque memores decemisti Episcopi, qui ad solennem resecrationem, inspectionem, & ostensionem vestis Domini, ex communi voto Regis, Cleri & populi conuenerunt; hanc indulgentiam communi consensu concesserunt. Sed vt rata eorum coram Deo esset indulgentia, (quia requiritur vt sit in causa pietas) sapienter hoc in ipso suo diplomate, se rationabili causa moueri, expressum esse voluerunt. Cum igitur Theologi eam solam piam, esse causam indulgentiæ concedendæ definiant, quæ ad honorem Dei cedit & Ecclesiæ vtilitatem: adesse huiusmodi causam suæ huic concessionis solerter insinuauere; dicunt enim, tam iis qui impræsentiarum ad hanc piam & celebrem actionem conuenerant, quam quibuscumque aliis, hanc gratiam se impertire, qui in posterum pari die eandem vestem piè inuiserent, quo præsentis anni resecratio illa solennis facta fuerat.

## §. XXIV.

*In honorem diuina vestis, propriam seruitutem & deuotionem obtulerint*] Quo nomine cultum diuinum, humilium orationum obsequium, elemosynas, ceteraque pietatis officia facta intuitu & reuerentia diuinæ incarnationis, veste hac pueri Domini Iesu, memoriæ, oculisque insipientium renouatæ, satis euidenter significant, simulque se niti legitima auctoritate innuunt, subiungendo: *Nos omnibus illis de clementiæ cælestis plenitudine confisi.* Cæterum nec tertiam partem seu conditionem prætereunt, videlicet vt sit in suscipientibus congrua dispositio. Nam quid aliud sibi volunt hæc verba, quibus hoc pium indultum præmuniunt? *Superna miserationis gratiam poscentibus, vt merces & fructus suæ deuotionis in indulgentia veniæ compensetur; nisi hoc ipsum quod in recentioribus indulgentiarum formulis soleat interferi, Verè pœnitentibus, & confessis, sacræque communionis refectis, &c.*

## §. XXV.

Si peccatis grauibus & maximis impliciti fuerint. ] Quænam sint peccata illa grauia & maxima, libri pœnitentiales indicant apud Patres vsitati; quos collegit, & notis breuissimis, sed doctis illustrauit Antonius Augustinus Archiepiscopus Tarraconensis, ediditque Venetiis anno 1584. sub titulo Canonum pœnitentialium, quos his sex libellis seu tractatibus complectitur. Primus est *Pœnitentiale Romanum*. Secundus est *Codicellus Venerabilis Bedæ, de peccatorum remediis*. Tertius est *Pœnitentium liber Rhabani Mauri Archiepiscopi Moguntinensis*. Quartus est *Epistola canonica S. Gregorij Nisseni Episcopi ad S. Letoium Melitensem Episcopum*. Quintus, *Epistola S. Gregorij Neocæsariensis, Thaumaturgi vocitati, canon ultimus*. Sextus, *Canones pœnitentiales qui cum Gratiani libro edi solent, & ex Summa Astensi, lib. 5. tit. 32. desumuntur*. Cæterum Pœnitentiale Romanum, quod reliquis est ordinatius, varios in titulos est digestum. Primus est de homicidio, diuersisque huius criminis speciebus. Secundus de periuriis & de pœnitentia eorum. Tertius de fornicatione & incesto diuersi generis, & de pœnitentia vtriusque sexûs & diuersæ ætatis. Quartus titulus inscriptus est de predatoribus, & furibus, ac incendiariis, & pœnitentia eorum. Quintus de crapula & ebrietate. Sextus de incantatoribus & auguribus, de diuinis, & sortilegiis, & variis illusionibus diaboli, & de maledicis. Septimus, de variis criminibus, qui in capita 30. & vnum distinguitur. Octauus itidem de variis criminibus. Nonus iterum de variis criminibus, & pœnitentiis eorum. Qui sanè canones si in vsum redirent, auctoritas Ecclesiæ in integrum restitueretur, mundi superbia detumesceret, disciplina Christiana vires (iam ferè excisas) reciperet, peccatorum profluvia magna parte sisterentur, & antiqua illa Christianorum sanctimonia vbique refloresceret. Optauit sacro-sancta synodus Oecumenica Tridentina, vt Sacerdotes (quantum fieri posset) iuxta canonicam disciplinam, pœnitentias imponerent, vt videre est sess. 6. c. 14. & sess. 14. c. 8. quo sic eosdem admonet officij: *Debent ergo Sacerdotes Domini quantum spiritus & prudentia suggererit, pro qualitate criminum, & pœnitentium facultate, salutare & conuenientes satisfactiones iniungere, ne si fortè peccatis conuiueant, & indulgentiùs cum peccatoribus agant, leuissima quædam opera pro grauissimis delictis iniungendo, alienorum peccatorum participes efficiantur. Habeant autem præ oculis, vt satisfactio quam imponunt, non sit tantum ad nouæ vitæ custodiam & infirmitatis medicamentum, sed etiam ad præteritorum peccatorum vindictam & castigationem: nam clauis Sacerdotum non ad soluendum dumtaxat, sed & ad ligandum concessas etiam antiqui Patres credunt & docent. De publicè peccantibus, publicâ pœnitentiâ constringendis videri potest quàm sapienter statuit idem Concilium, sess. 24. c. 8.*

## §. XXVI.

Vnius anni pœnitentiam relaxamus. ] Libri pœnitentiales præsignati, qui sacris ex canonibus contexti sunt, pro grauibus & maximis cri-



minibus annos 12. aut 9. aut 7. aut 5. aut 3. vt minimum rigida pœnitentiæ peccatoribus imponunt. Quando igitur vnum annum pœnitentiæ vel plures, summus Pontifex vel Episcopi relaxabant, hac ex parte pœnitens exonerabatur, reliquóque tempori suæ pœnitentiæ præfixo tantum remanebat obnoxius. Secundum priscos Canones potestas Episcoporum laxior erat quam posterioribus sæculis esse cœpit; poterant enim plures annos pœnarum minuere per modum indulgentiæ, nec intra anni vnus circulum, aut quadragenæ vnus exigua mensuram (ad quam demum astricti sunt) eorum auctoritas coarctabatur, sed necessarium fuit tandem ad hoc remedium deuenire propter vsus huius potestatis excessum, qua plerique Præsulum abutentes, vigorem disciplinæ Ecclesiasticæ & saluberrimum rigorem pœnitentiæ canonicæ penitus eneruabant. In Concilio igitur Oecumenico Lateranensi, anno 1215. celebrato sub Innocentio III. c. 62. hæc constitutio promulgata est, qua ordinariorum potestas intra certam mensuram legitimi vsus fuit restricta: *Ad hæc quia per indiscretas & superfluas indulgentias, quas quidam Ecclesiarum Prælati facere non verentur, & clauēs Ecclesiæ contemnuntur, & pœnitentialis satisfactio eneruatur: Decernimus vt cum dedicatur Basilica non extendatur indulgentia extra annum, siue ab vno solo, siue à pluribus Episcopis dedicetur. Ac deinde in anniuersario dedicationis tempore quadraginta dies de iniunctis pœnitentiis indulta remissio non excedat. Infra hunc quoque dierum numerum indulgentiarum litteras præcipimus moderari, quæ pro quibuscumque causis aliquoties conceduntur, cum Romanus Pontifex, qui plenitudinem obtinet potestatis, hoc in talibus moderamen consueuerit obseruare. Nec est quòd quis hinc obiiciat, decem illos Episcopos, quorum Chartam munificam expendimus, modum Canonicum excessisse, cum extra casum præfixum, scilicet dedicationem Ecclesiæ, vnus anni indulgentiam concesserint. Lex hæc etenim nondum edita erat, quæ scilicet facta est annis ferè centum postquam illi Episcopi indulserunt eiusmodi remissionem.*

## §. XXVII.

*Qui verò leuibus, id est venialibus detinentur.]* Distinctio illa inter graua peccata & leuia, seu venialia nupera non est, neque à Scholasticis Theologis inuenta, vt neoterici hæretici calumniantur. Et enim sancti Patres litteris sacris inhærendo hoc ipsum discrimen passim agnouerunt & docuerunt. S. Chrysostomus hom. 24. in Matth. discernit inter paruulas culpas & maxima crimina: Cassianus eius discipulus, Collat. 20. c. 11. minuta vocat, & graua peccata. S. Ambrosius lib. 2. de pœnit. c. 10. distinguit inter quotidiana, leuioræque peccata; & grauiora. Sic & S. Hieronymus in cap. 3. Malachiæ. Idem verò ad c. 7. Matth. dicit quædam esse mortalia crimina, quædam minora peccata, hæcque notat à Domino festuca in oculo; illa verò trabis magna molis comparari. Quæ sanctus Augustinus lib. de Spiritu & littera, c. 36. horrenda facinora & flagitia nuncupat; alia verò leuiora. Et in Enchiridio, cap. 17. quotidiana, breuiora, & leuiora delicta. Eadem dist. vtitur Innocen-

tius I. Pontifex Romanus, epist. 1. c. 7. posterioresque Patres & Doctores passim.

## §. XXVIII.

*Medietatem pœnitentiæ remittimus.*] Axioma Theologorum est, venialia peccata esse materiam sufficientem confessionis, sed non necessariam: aliis enim mediis & remediis eiusmodi peccata remittuntur. Dato tamen quòd in confessione cum intento petendi absolutionem à Sacerdote, declarentur, Sacerdos ab iis confitentem non nisi iniunctâ ipsi pœnitentiâ, regulariter absoluit. Huius igitur pœnitentiæ medietatem relaxant præfati Antistites, prudenter & scienter locuti.

## §. XXIX.

*Oblita peccata modo simili condonamus.*] A peccatis occultis & oblitis, de quibus contritio formalis haberi nequit, Theologi docent, nos liberari per virtuales displicentiam, modò diligens inquisitio præcesserit; item per Eucharistiam, siquidem S. Thomas 3. p. q. 79. a. 3. expressè docet eum qui fortè habet peccatum mortale, sed non habet affectum, neque conscientiam, quia post diligens examen, ei non occurrat, & si occurreret, proculdubio operam daret, ut per Sacramentum pœnitentiæ expiaretur, & dolorem habet omnium peccatorum suorum; licet iste dolor non sit respectu illorum peccatorum, quæ lapsu memoriæ non deprehendit contritio perfecta: hunc inquam hominem asserit non indignè nec inutiliter accedere ad Eucharistiam, imò planè vtiliter & fructuosè, quia quamvis hoc Sacramentum non sit institutum ad peccata mortalia remittenda, tamen gratiam confert gratum facientem, & consequenter delet etiam peccata mortalia, siquæ inueniat in eo, qui eo modo quo dictum est, accedit. Gratia enim cum peccato mortali simul manere nullo modo potest. Sed Axioma Catholicum est, per indulgentias neminem absolui, vel solui à reatu culpæ vllius, id est nec lethalis nec venialis, ut probat Cardinalis Bellarminus lib. 1. de indulgentiis, c. 7. Proinde quando Pontifices dicunt se per indulgentias *absolvere peccatores à peccatis*, vel condonare omnia peccata, vel dimidiam, aut tertiam partem peccatorum, semper intelligendi sunt de peccatis quoad pœnam, non quoad culpam: nullo enim ministerio humano nisi per Sacramenta, culpa non modò lethalis, sed nec venialis remitti potest; sed alia sunt (ut præmissum est) remedia, quoad culpam peccatorum mortalium, quæ à memoria exciderunt. Nempe in Sacramento pœnitentiæ per virtuales displicentiam, & per susceptionem Eucharistiæ, quæ fit eo modo quo dictum est secundum doctrinam S. Thomæ, cui Theologi passim consentiunt. Antequam verò S. Thomas hoc docuisset, id ipsum Episcopi isti decem, rectè censuerunt, quamobrem admodum limatè & solerter eloquuntur; Neque enim

dicunt se absolutè remittere peccata oblita, sed simili modo quò mediam partem pœnitentiæ se dimittere præfati sunt, iis qui leuioribus peccatis detinentur: sic enim manifestum est non eos loqui de reatu culpæ, sed dumtaxat de pœna, eaque temporali, cuius indulgentia iudicialis est relaxatio seu condonatio, quemadmodum à Theologis definitur; qua de re olim ex professo disseruimus, scilicet in Apologia pro Iubilæo & reliquis indulgentiis, aduersus Molinæum aliòsque Calvinianæ sectæ Ministros &c.

## §. XXX.

*Annis verò singulis à festiuitate S. Dionysij ad octauas eiusdem] Festum S. Dionysij à Maioribus olim eximia solennitate solebat celebrari, adeo ut & Episcopi ex variis regni partibus ad eius Monasterium prope Parisios conuenirent, ut splendidiori cultu ipsa eius festiuitas perageretur. Cuius moris eodem tempore qui florebat meminit Sugerius, libro de rebus in administratione sua gestis, ubi agit de altaris sancti cognominati in ipsa Basilica S. Dionysij solenni visitatione, sacrarumque reliquiarum in hoc sacrario reconditarum tam insigni ritu, quam apparatu facta resecratione atque ostensione: Assumens, inquit, ex deuotione audaciam, & antiquitati honorem veritatis seruans, modum & diem detegendi ipsas sanctas reliquias elegimus, sacratissima videlicet die martyrii beatorum Martyrum Dominorum nostrorum, octaua scilicet Idus Octobris. Aderant siquidem diuersarum prouinciarum Archiepiscopi & Episcopi, qui gratantissimè quasi ex debito Apostolatus Galliarum ad tantæ solennitatis celebrationem pia vota deferre accesserant; Archiepiscopi scilicet Lugdunensis, Rhemensis, Turonensis, & Rothomagensis: Episcopi verò Suessonensis, Beluacensis, Siluaneënsis, Meldensis, Redonensis, Alethensis & Venetensis: Abbatum etiam & Monachorum, siue Clericorum, atque Optimatum conuentus, sed & populi promiscui sexus turba innumerabilis. Videtur hac occasione Episcoporum illorum decem, & Abbatum, sacrarumque virorum qui detectioni vestis sacræ puerilis Domini Iesu apud Argentolium interfuerunt, in præsentia Regis & Optimatum regni, conuentum esse factum, concursumque illum vulgi copiosum. Nam penitiùs intuenti chartam illam Episcopalem nulla apparet diei & mensis notula, sed anni dumtaxat, eo quod scilicet isti Præsules dum anniuersariam memoriam solennis huius inspectionis perpetuis indulgentiarum muneribus insigniunt, signanter aiunt se xenia hæc spiritualia concedere fidelibus, annis singulis à festiuitate S. Dionysij vsque ad octauas eiusdem, Ecclesiam ipsam Monasterij Argentolij piè visitantibus. Qua expressione satis euidenter indicant hoc ipso quod signant tempore, solennem illam resecrationem à seipsis peractam fuisse.*

## §. XXXI.

*Loci ipsius & sacratissimæ vestis venerationem &c.] Paterna vestis & an-*

*Apud Quercet-  
tanum, Tom. 4.  
Collectionis  
Scriptor. Histo-  
ria Francor. p.  
347.*

nulus, ac siquid eiusmodi (ait S. Augustinus lib. 1. de Ciuit. Dei, cap. 13. tom. 5.) tanto charius est posteris, quanto erga parentes maior existit affectus. Quanto igitur amore & cultu nos prosequi par est indumentum illud, quo sese diuina sapientia humanata (vt Episcopi isti paulo antè loquuntur) induere dignata est, propter salutis nostræ operationem? Si tetigero simbriam vestimenti eius, (aciebat infirma mulier) salua ero? Si tanta cum fide vestem illam, quæ contactu corporis Domini sanctificata est, qui venerabundi Argentolium veniunt eam oscularentur; gratias non dubito plerasque hinc perciperent, iustoque titulo indulgentiam à religiosissimis his Episcopis, hanc piè inuisentibus impertitam, proculdubio consequerentur: sed veniunt passim vt videant, non vt credant; non vt pignus diuinum condigno cultu venerentur, sed vt oculos pascant; cæterum de re ipsa censeant, prout collibuerit. Haud mirum igitur si qui tepidi veniunt, frigidi redeunt; Christi vox est in Euangelio frequens, fiat tibi sicut credidisti, ideo qui non credit, nihil itidem promeretur. *Tactus Saluatoris* (ait Venerabilis Beda) opus est salutis, quem tangere est in ipsum credere, à quo tangi est fidei munere firmari. Defectu igitur fidei qui laborat, nec tangit Dominum, nec tangitur à Domino: quamobrem etsi eius vestem perspiciat & osculetur, nihil tamen hinc gratiæ aut virtutis eius sibi conciliat.

Math. 14.  
Marc. 5.

Lib. 2. Comm. in  
Luc. 6.

## §. XXXII.

Piè inuisentibus, quadraginta dies suæ pœnitentiæ remittimus & indulgemus.] Quadragenæ indulgentia hæc dicitur, qua pœnitentia remittitur, quæ quadraginta continuatis diebus in ieiuniis aliisque laboriosis operibus agenda fuisset. Hæc quadragena quando imperabatur, acrior, ita vt solo pane & aqua contenti esse deberent qui eam peragebant, *carena* dici solebat\*: quòd videlicet carentiam omnium ciborum contineret. Eiusmodi carenam præmitti solitam ante septennem pœnitentiam testatur Concilium Triburiense, cui Burchardus succinit, & subinde cæteri Canonistæ. Cum rariores essent indulgentiæ, hæc quæ 40. dierum appellatur, vltatior erat, etiam apud Romanos Pontifices, tum enim indulgentiæ non per annos, sed per dies, qui vt plurimum quadraginta erant, aut ad summum centum, numerabantur. Urbanus I V. etsi augendæ solennitatis festi Corporis Christi ardenti desiderio ferueret, tamen valde moderatè in concessione indulgentiarum, quas hoc obtentu largitus est, se gessit: Omnibus enim verè pœnitentibus & confessis qui Matutinali officio huius festi præsentialiter in Ecclesia ubi celebraretur adessent, centum dies: qui verò Missæ, totidem; illis autem qui interessent in primis ipsius festi vespers, similiter centum: qui verò in secundis, totidem. Eis quoque qui Primæ, Tertiæ, Sextæ, Nonæ, ac Completorii adessent officiis, pro qualibet horarum ipsarum quadraginta. Illis verò qui per ipsius festi octauas in Matutinalibus, Vespertinis, Missæ ac prædictarum horarum ipsarum officiis præsentibus existerent, singulis diebus octauarum ipsarum centum dies de iniunctis sibi pœnitentiis relaxando, indulgentiam tribuit perpetuis temporibus duraturam. vt qui tum clarebat, & qui mandato ip-

\* Ita Bellarm. lib. 1. de Indulgentiæ. 9. Quem falli tamen liquet ex Pontificali Rom. præsignato, cuius Tit. 2. de homicidio, c. 34. sic legimus: Ita faciendum est tibi vt pro psalmista, 40. dies in pane & aqua, quod Thematicè carina vocatur, cum septem seqq. annis pœnitescas. Carina igitur Germanicæ vox est, nec à Latino carenti verbo derivatur.



fius Pontificis officium huius festi & octavarum contexuit, S. Thomas, expresse refert Opusc. 57. At deinceps multiplicatis peccatis indulgentiæ etiam auctiores esse cœperunt, ut etiam videre est in hodierno usu, quo plenæ, imò plenissimæ indulgentiæ passim à summis Pontificibus conceduntur.

## §. XXXIII.

*De paruulis qui baptisati, vel sine baptismi remedio infra septem annos pro negligentia parentum mortui sunt, totam pœnitentiam parentibus eorum remitti- mus.*] In veteri Romano Pontificali ab Antonio Augustino edito extat sub tit. de homicidio, c. 29. huius tenoris: *Oppressisti infantem tuum sine voluntate tua, aut pondere vestimentorum tuorum suffocasti, & hoc post baptismum factum fuerit: quadraginta dies in pane & aqua & oleribus pœniteas atque leguminibus, & à coniuge te abstineas donec illi quadraginta dies pertranscant. Post tres annos pœniteas per legitimas ferias & tres quadragesimas in anno obserues. Quod si ante baptismum infans oppressus fuerit, proximos 40. dies ut supradictum est pœniteas, postea verò quinquennium expleas. Eodem titulo can. sequens de eadem re expressus est, hoc dempto quod quinquennis pœnitentia ad triennem mitigatur. Cap. autem 31. eiusdem tit. Sacerdotem respicit, cuius negligentia infans obierit sine baptismi susceptione, sic enim statuit canon ille pœnitentialis: *Infans infirmus & paganus commendetur Presbytero, si moritur (infans) absque baptismo, (Presbyter) deponatur. Subinde verò temperatur parentum pœnitentiæ duratio: quæ enim est quinquennis aut triennis priori dispositione, annua tantum definitur. hac enim clausula explicat ultimum istud capitulum, Si per negligentiam parentum fuit, annum unum \* pœniteant.**

\* Malè in textu edito Venetiis legitur pœniteat.

\*\* In 8. Synodo fer. 6. commendatur, eo quodd in eavetus Adam fuerit plasmatus, & Christus novus Adam conceptus & crucifixus: quæ doctrina prius à Clemente Alexand. 6. Stromatum tradita est, ubi ait: *Sexta die dicitur factus homo, qui fuit fidelis ut Dominica benedictis quierem acciperet. Tale quid ostendit hora 6. salutaris Oeconomia, qua novus homo fuit consummatus.*

## §. XXXIV.

*Excepta feria VI. \*\* in hebdomada.] Quæ semper ob passionis Dominicæ memoriam, rigidioris in Ecclesia fuit observantiæ, ut patet ex canone 68. Apostolorum, S. Clemente lib. 5. Apostolicar. Constitutionum c. 16. 19. & ultimo, S. Ignatio epist. ad Philippens. Tertulliano lib. de ieiunio aduersus Psychicos, Clemente Alexandrino lib. ult. Stromatum, paulopost medium, Origene hom. 10. in Leuit. S. Epiphanio, hæres. 75. & 80. necnon in compendiaria doctrina illius, S. Hieronymo in cap. 4. ad Gal. S. Augustino epist. 86. ad Casulanum, & aliis sacris auctoribus sequentium ætatum. Vide can. *Ieiunia.* de Consec. dist. 3. & c. de esu carniū. eadem dist.*

## §. XXXV.

*In qua ..... (exciderunt hinc aliquot characteres, nimia vetustate deleti.) Si ad Ecclesiam pœnitens perrexerit, qualem ei charitatem Presbyter dederit.] Est enim in Sacerdotis arbitrio qui pœnitentium confessiones excipit, pœnas satisfactorias mitigare, & benignius cum ipsis peccatoribus agere, quos viderit de admissis reatibus maiori dolore correptos.*

correptos. Aptè verò & eleganter hanc mitigationem vocat Hugo Rothomagensis Archiepiscopus, cum assistentibus sibi Episcopis, *charitatem*, siquidem non ex iustitia, sed ex misericordia procedit. Extat insignis Epistola increpatoria sancti Dionysij ad Demophylum Monachum, qui bonum Sacerdotem conuictus fuerat, quòd miseratus fuisset pœnitentis, ipsùmque delicta sua cum intimi doloris indicio confitentem, benignè excepisset. Rectè enim functum hunc Sacerdotem asserit suo ministerio; cuius proprium est plebis ignorantias tolerare, aliorum infirmitates sua ex infirmitate metiri, Christi mansuetudinem imitari, qui summa semper benignitate & misericordia peccatores ad se venientes complexus est, proque suis occisoribus à Patre veniam in cruce, mira pietatis instantia postulauit; digna est illa Epistola, quæ à Sacerdotibus, audiendis confessionibus pœnitentium incumbantibus, sedula meditatione versetur, ingentes enim ad commiserationem præcordis legentium ingerit aculeos, Christi quæ mansuetudinis eximios imitationis affectus in animis parit.

*S. Dionysij ep. 8. quæ ad Demophylum est directæ.*

## §. XXXVI.

*Hanc habeat*] Angelus in Summa, verbo, *Indulgentia*, n. 5. & Bartholomæus Fumeus itidem in Summa, eodem titulo, n. 2. docent omnes Parochos, aliòsque Sacerdotes, qui ius habent confessiones audiendi, posse in ipso Sacramento confessionis indulgentias concedere, remittendo id quod superest expiandum, quando minor pœnitentia iniungitur quàm vt sufficiat, ad totam pœnam peccatis debitam exhaustiendam, & adducunt pro hac sententiâ Innocentium in Comment. cap. *Cum ex eo*. de pœnit. & remissionibus, Panormitanum in cap. *Sicut dignum*, de homicid. volunt. & alios Iuris Canonici interpretes. Cardinalis Bellarminus hanc tamen opinionem non recipit, at refellit, cum ex eo quod stet in aduersum sententia communis, tum ex cap. *Accedentibus*, de excessib. Prælatorum, vbi habetur non licere Abbatibus, neque aliis quibuscumque inferioris ordinis, quàm Episcopalis, indulgentias concedere. Fatetur tamen hoc posse Sacerdotes ex commissione Pontificis Maximi & Episcoporum: quo sensu accipienda videntur hæc verba indulti huius Episcopalis, *Qualem ei charitatem Presbyter dederit, talem habeat*. Datò enim, quòd Presbyter audiendo pœnitentis huiusmodi confessionem, iniuncta modica pœnitentia, ipsi reliquum satisfactionis, commiserationis paternæ affectu remiserit, ratum habent Episcopi isti hoc indultum: quod sic Sacerdos non tam sua, quàm illorum auctoritate his collata litteris, concesserit.

*Lib. 1. de Indulgent. c. 11.*

## §. XXXVII.

*Si verò infirmus*] Infirmitas causa est excusationis legitima, cap. *Tenor*, & ibi glos. 1. de re iudicat. & glos. infirmitate in cap. 1. de procurat.

sed repugnare videtur can. *Si verò*, qui 56. est dist. 50. quo decernitur infirmo non posse pœnitentiam delictorum imponi, vsque ad conualescentiam. Verùm hoc intelligendum est non de absolutione Sacramentali, sed de pœna satisfactoria, cuius executio pœniten- ti infirmo iniungi debet adimplenda quando conualuerit: exonerari tamen potest virtute indulgentiæ, quam isti Præsules concedunt pœniten- ti infirmo, modò leuem aliquam satisfactionem, quam infrà signant, persoluat.

## §. XXXVIII.

*Aut mulier prægnans debilis.*] Vide cap. officij, de pœnit. & remiss. Mi- tiùs semper agitur cum hoc sexu, propter naturalem imbecillitatem, maximè verò cùm grauidæ sunt, & vterum ferunt, conceptæ prolis intuitu: quo tempore longè sunt infirmiores & debiliores. Quæ- ritur si extra hunc statum, Clericum adeo grauiter percusserint vt inciderint in Canonem, *Siquis suadente Diabolo*, num ad Papam remitti debeant, petendæ absolutionis ipsi reseruata causa? Respondent Ca- nonistæ ex cap. *Mulieres*, de sent. excomm. in 6. remittendas non esse, sed posse ab Episcopo licitè & competenter absolui.

## §. XXXIX.

*Quæ ieiunare non possit*] Axioma est Iuris Canonici, *ieiunium agro- tus si fregerit, reus voti non habetur*. De regulis Iuris in antiq. cap. 4. vide cap. *Licet*, de pœnit. & remiss.

## §. XXXX.

*Dicat septies pater noster*] Hæc oratio compendiosis verbis, septem peti- tionibus, (ait S. Augustinus serm. 182. de temp.) omnes species orationis comprehendit: sic Christus orare docuit, citò vt postulata præstaret. Quid mirum? (ait magnus Tertullianus lib. de orat.) Deus solus docere potuit, vt se vellet orari. Ab ipso igitur ordinata religio orationis & de spiritu ipsius, cùm ex ore diuino ferretur, animata suo priuilegio ascendit in cælum, commendans patri quæ filius docuit. Filius scilicet vnigenitus in quo pater sibi complacuit. Spem igitur habemus obtinendæ causæ nostræ, (idem ait S. Augustinus lib. 50. homiliar. hom. 42.) quando talis Iuris spiritus nobis preces dictauit, qui sedet ad dexteram patris, ipse est aduocatus noster &c. Valere eandem ora- tionem ad leuium culparum remissionem, idem B. Augustinus docet c. 7. Enchiridij ad Laurentium, *Delet* (inquit) *omnino hæc oratio, mini- ma & quotidiana peccata*. Piè igitur & sapienter Episcopi isti docent, ieiunij deliquium accidens per impotentiam, oratione Dominica compensari: culpa enim magis obstringit reum peccati cuiuscumque, etiam minimi, quàm ieiunij votum aut præceptum, hoc enim vbi vires deficiunt non obligat, cùm ad impossibile nemo teneatur. Vn- de illa compensatio est potius congruentiæ vel æquitatis, quàm iu- stitiæ. Glos. *Denarium*, in can. final. dist. 82. fas fidei esse docet,

dare denarium pro se ieiunanti, ut seipsum redimat à ieiunio \*. Quanto magis igitur qui ieiunare nequit propter vtrium imbecillitatem, immunis fiet ab obligatione ieiunij, si orationem illam Deo patri obrulerit, quam ad placandam eius maiestatem, conciliandamque eius misericordiam dictavit nobis ipsius dilectus filius? Dum prece, (ait S. Cyprianus libello de orat. Dominica) *Oratione, quam filius docuit apud patrem loquimur, facilius exaudimur, &c. agnoscit enim pater filij verba, cum prece facimus.* Quod verò Præsules isti ieiunium oratione Dominica commutando, septies illam præcipiunt recitari, hoc fanè faciunt pio mysteriorum huius numeri intuitu, quæ breui epilogo completitur ac denotat glos. fin. in cap. 1. de celebrat. Missarum, & glos. *Septenarium* in proœmio lib. 6. &c. Consulendus Bungius in lib. cui titulus est, *Numerorum Mysteria*, sub epigraphe de *Septenario numero*, ubi quicquid est humanæ litteraturæ & sacræ eruditionis, summa ingenij solertia compilauit.

\* Transeat hic ista glossa sine approbatione.

## §. XLI.

*Et opere pio bonum exerceat quod poterit.]* Spectârunt, ut reor, isti Patres ad hæc verba Angeli Raphaelis, vtrumque Tobiam docentis, quæ sint potissimum opera Deo grata & accepta pro pœnarum quæ debitæ sunt pro peccatis, expiatione; *Bona ist oratio cum ieiunio & elemosyna, magis quàm thesauros auri recondere, quoniam elemosyna à morte liberat, & ipsa est quæ purgat peccata, & facit inuenire misericordiam & vitam æternam.* Tob. 12. 8. & 9. Non iniungunt tamen isti Antistites hæc tria simul opera, sed dumtaxat decernunt, ut qui cuiusdam illorum exercendi non habet facultatem, ad alterum, vel alterum vtriusque recurrat, v. g. qui ieiunij impotens est, elemosynam largiatur; qui pauper est saltem oret instantius, ut humili deprecatione sua sibi conciliet diuinam clementiam; *Habemus enim multa subsidia, (ut ait S. Ambrosius lib. de Elia & ieiunio c. 20. circa finem tom. 1.) quibus peccata nostra redimamus.*

## §. XLII.

*Omnibus autem & quæ iusta sunt conseruantibus sit pax & . . . . . Domini nostri Iesu Christi, Amen.]* Phrasis erat illis temporibus admodum vsitata, ut in Pontificiis diplomatibus passim circa finem legitur: Tamen si in litteris Apostolicis ampliùs extenderetur, sic enim erat expressa; *Cunctis autem eidem loco iusta (ista) seruantiibus sit pax Domini nostri Iesu Christi, quatenus & hic fractum bonæ actionis percipiant, & apud districtum iudicem præmia æternæ pacis inueniant. Amen.* Videntur sanè Pontifices, hanc suarum litterarum clausulam ex hac Apostoli formula, quæ extat in fine epistolæ ad Galatas, desumpsisse: *Et quicumque hanc regulam secuti fuerint, pax super illos, & misericordia, & super Israel Dei.*

Vide Bullam Paschalis II. in antiquitatib. S. Dionys. p. 474. & 475. & Bullam Innocentij II. pag. 485. & 486.



## §. XLIII.

*Datum anno Verbi incarnati millesimo centesimo quinquagesimo sexto.]* Variam ab Ecclesiæ ortu fuit ratio, numeros annorum computandi. Placuit initio Christianis Ecclesiastica monumenta ex Consularibus fastis perpetuæ memoriæ commendare. Iussit deinde Iustinianus per Imperatoris, Indictionis & Consulum nomina annos consignari. Galli ab obitu S. Martini, Itali à fundatione non quidem deinceps Urbis, sed Romanæ Ecclesiæ censere annos voluerunt. Ægyptij à Martyrum sub immani Diocletiani persecutione passorum coronatione, annos diu dinumerarunt: qui mos etiam in Occidente aliquando obtinuit, vbi à temporibus ipsius Diocletiani, passim anni numerabantur. At Dionysius cognomento Exiguus natione Scythæ, sed moribus Romanus, qui doctrina & sanctitate præstans claruit circa annum 525. sub Ioanne I. & sequentibus aliquot Pontificibus, Iustinoque & Iustiniano Impp. laudèque cum magna scripsit Cyclum Paschalem omissa profana hac numerandi ratione, sprete memoria Diocletiani impij fidelium persecutoris, annos numerare cœpit ab Incarnatione Domini nostri Iesu Christi. Qui vsus sensim inualuit, tandèmq; toto orbe Christiano summo consensu receptus est, hætenusque in viridi obseruantia perdurat.

## §. XLIV.

*Felicitis memoriæ Adriano Papa IV. feliciter.]* Successit hic Pontifex Anastasio IV. creatus Romæ, Nonis Decembris, à 32. Cardinalibus consonis suffragiis, ingenti cum Cleri populique lætitia & applausu, quamvis ex Anglia oriundus erat. Sedit autem annis 4. mensibus 8. diebus octo supra viginti: obiit verò Anagninæ anno 1159. Kal. Septembris. Vnde liquet, cum charta hæc facta est ab Hugone Archiepiscopo Rothomagensi & cæteris Episcopis in ea designatis, ipsum Adrianum egisse Pontificatus sui annum 2. Quamobrem est quòd fortè mireris in huius chartæ vltima clausula illum dici felicitis memoriæ. At non est quòd accipias verba hæc eo sensu, vt de defuncto dicta sint, sed de viuente, cui imposterum ab his Episcopis felix memoria exoptatur. Sic illo ipso tempore Ioselus Episcopus Sarisberien-sis scribens ad Sugerium Abbatem pro impetrandis S. Dionysij reliquiis, petitionem suam his verbis terminat, *Noster Archidiaconus fructum ex parte reportet, reliquias scilicet S. Martyris Dionysij, per quas non solum in nobis, sed in Ecclesia Sarisberien-si, perpetua nominis vestri memoria viuat.*

## COROLLARIUM.

Hætenus seriem secuti sumus Chartæ illius Episcopalis, quam minimè supposititiam, sed veram & germanam notationes adhibitæ, singulis quibus constat periodis, palam indicant. Ex quibus etiam

nonnulla aliàs obscura, sed quæ plurimùm conferunt ad vocum, praxeumque huius temporis, circa pœnitentiæ disciplinam & sacrarum veniarum vsum notitiam, elucidantur, & quo sensu intelligenda sint, vt ad præsentis ætatis placita, morèsque adæquari possint, perspectum & liquidum euadit. Cæterum in tergo seu parte obuersa eiusdem chartulæ hæc inscriptio legitur, *Littera de capa Domini, per H. Archiepisc. Rothomag.* Ex quo videre licet, hanc vestem Domini quæ in Argentolio Monasterio asseruatur, non esse eius indusium vel interulam, seu vestem intimam inconsutilem, quæ proximè carti adhærebat, sed vestem superiorem, qua & tunica illa interior, & quæ vestis eidem superposita erat, velut toga, cooperiebatur. Cappa enim, seu Capa, dici solebat indumentum illud superius, quo duæ subiacentes tunicæ circumtectæ erant: adeo vt fuerit instar pallij, quod cætera vestimenta sub se includit. Qua acceptione sumi cappam consueuisse eodem labente sæculo, licet elicere ex Cæsare Heisterbacensi, lib. 1. c. 38. & lib. 4. c. 97. & lib. 5. c. 16. Dialogorum, de miris rebus sui temporis; aliisque Auctoribus paulò vetustioribus & etiam coævis, necnon paululum posterioribus, quos alibi opportuniùs recensuisse memini.






PRIMÆ PARTIS  
**PANOPLIÆ**  
**SACERDOTALIS**  
 LIBER VIII.  
 DE SANCTO CALICE.

CAPVT PRIMVM.

*De nomine Calicis, & eius origine, ac significatu.*

V. Plautum in  
 Captiu. scen. 3.  
 2. 4.



**C**ALICIS vocabulum à matèria, è qua olim pocula conficiebantur, ligno scilicet, esse deductum Isidorus existimauit, Originum lib. 20. c. 5. Calices & calathi, inquit, & cetera poculorum genera, antea ex ligno facta, inde & vocata. Græci enim omne lignum ξύλον dicebant. At Latinam nominis huius esse originem alij arbitrantur: ita enim dictum volunt hoc poculi genus, quòd veteres eo calidam biberent: nam & calidam & frigidam adhibebant in conuiujs. Rectius censuisse visi sunt, qui calicis nomen aiunt descendere à Græco κύλιξ, quæ vox eam appellationem habet, quasi κύκλιξ, quòd circuli in modum calix sit rotundatus. Qua ex sententia Ioannes Fungerus in Etymologico trilingui existimat hanc vocem Festo restituendam: cum κύλιξ, inquit, urnam significet, aut bouem, qui alterum cornu habet contortum. Aliquibus tamen dici videtur κύλιξ, quasi χύλιξ, ὅθεν πὶ χύει, fundendo, vt & magnum Etymologicum docet.

Apud probatos auctores, vt plurimum ponitur calix pro poculo, maiorique vase: Quò spectat illud Ciceronis, lib. 1. Tuscul. cap. vlt. Quid huic calix mulsi? impingendus est, vt plorare desinat; Illudque Plauti Sc. 3 a. 4. Aulas, calicesque omnes confregit, nisi quæ modiales erant. Parui erant tamen aliqui calices: vnde caliculi nomen inoleuit, quo & vsus est Cato de re Rust. c. 108. Vinum, inquit, si voles experiri, daratu-

*rum sit, necne, potentiam grandem, dimidium acetabuli in calicula nostrum indito.*

Phiala, seu patera, rotunda in modum rosæ germinantis, seu lilij repandi, amplioris, diffusiorisque calicis est species. Apud Hebræos eiusmodi calix, כוס Chos dicitur, id est calix habens operculum. Sunt & calices duas habentes ansas, quæ crateræ dicuntur. De his Isidorus ubi supra, Cratera calix est duas habens ansas, & est nomen Græcum. declinatur autem apud eos, hic crater, nam Latinè hæc cratera dicitur, sed Seruius ait: Crater, nomen est Græcum, Cratera, Latinum ἀπὸ τοῦ κρατῖν, quod est tenere, capere, nomine deducto. Vastierant calices, (quos Galli Coupes, & Tasses vocare solent) de iis Virgilius,

*Pocula bina nouo spumantia lacte quotannis,*

*Crateresque duos statuam tibi pinguis oliui.*

Et rursus, *Crateres magnos statuunt, & vina coronant.*

Et Statius, *Bacchus in altis crateras, paterasque redit.*

Sed à profanis, ad sacra pergamus. Sanè in Scriptura sacra vox calicis significare solet non modò vas aptum ad continendum vinum: sed & potum ipsum vini in vase contentum: vnde Psal. 22. *Calix meus inebrians, quàm præclarus est!* Græcè est ποτήριον οἶν, poculum tuum. Sumitur autem calix materialiter pro ipso vase; Genes. 40. 11. *Calix Pharaonis.* 3. Reg. 7. *Labrumque eius quasi labium calicis & folium repandi lilij, duo millia batos capiebat.* 2. Paralip. 4. 5. *Porro vastitas eius habebat mensuram palmi, & labrum eius erat quasi labium calicis.* 4. Esd. 14. 39. *Et aperui os meum, & ecce calix plenus porrigebatur mihi: hoc erat plenum sicut aqua: color autem eius ut ignis similis.* Ierem. 35. 5. *Et posui coram filiis domus Rechabitarum sciphos plenos vino, & calices &c.* 51. 7. *Calix aureus Babylon.* Matth. 23. 25. *Mundatis quod de foris est calicis & paropsidis &c.* Marc. 7. 8. *Baptismata calicum & vireorum &c.* Frequentiùs in sacris paginis ponitur calix pro ipso potu, Isa. 51. 17. *Bibisti de manu Domini calicem iræ eius: usque ad fundum calicis soporis bibisti, potasti usque ad feces,* Ierem. 25. *Accepi calicem de manu Domini, & propinaui cunctis gentibus ad quas misit me Dominus.* Matth. 10. 42. *Calicem aquæ frigida.* Luc. 22. 20. *hic calix nouum Testamentum est:* nam ibi manifesta metonymia est, qua continens ponitur pro contento; neque enim vas ipsum nouum Testamentum erat: sed poculum ipsum, imò potiùs in calice contentus, sanguis scilicet Domini, nouum erat Testamentum: vnde apud Matthæum legimus, c. 26. Christum accepto calice gratisque actis, dixisse: *Hic est sanguis meus noui Testamenti:* Sanguis inquam ille de quo ipse Dominus antè dixerat, *Caro mea verè est cibus, & sanguis meus verè* Ioan. 6: *est potus. Nisi manducaueritis carnem filij hominis, & biberitis eius sanguinem, non habebitis vitam in vobis.* Sed tantum donum ab ipso solo nobis conferri poterat, quamobrem (vt Ecclesia concinit) in suæ passionis procinctu,

*Dedit fragilibus corporis ferculum,*

*Dedit & tristibus sanguinis poculum,*

*Dicens, accipite quod trado vasculum,*

*Omnes ex eo bibite.*



Vbi conuenienter omninò vasculum ponitur pro calice, poculum pro sanguine.


## CAPVT II.

*Antiqui nummi, seu sicli Hebraïci, mystica ad formam Calicis figura, & inscriptionis dilucidatio, urna insuper, in qua manna seruabatur, ad formam Calicis efficta (figurâ in alio siclo expressa) descriptio.*



ENIT in manus meas, dono Cæsaris Poyrier, pro-  
auunculi mei, pridem Canonici Ducalis Ecclesiæ S.  
Georgij Nanceicensis, necnon Caroli & Henrici Du-  
cum Lotharingiæ primi Eleemosynarij, viri summa  
pietate conspicui, & litterarum etiam Hebraïcarum  
scientia præstantis: vetus numisma argenteum, seu  
siclus Hebraïcus, in cuius antica parte, calicis figurâ conspicitur, è  
quo sacer cruor recens infusus, ac quasi ebulliens, fumum è fundo  
sursum emittit: in postica lauri apparet ramusculus. verbis Hebraïcis  
in circuitu vtriusque partis eiusdem nummi epigraphæ est expressa:  
cuius hîc ectypon in pij lectoris gratiam exhibemus vtroque pro-  
spectu.

Siclus argenti  
apud Hebræos  
ponderabat tã-  
tum, quantum  
quatuor rega-  
les Hispanici  
quinque stufe-  
rorum, & quasi  
vnus florenus  
Brabanticus: si-  
clus verò auri,  
erant quatuor  
coronati Fran-  
cici, qui æqui-  
parantur 12.  
florenis Bra-  
banticis.



Vt rectus sensus ex eiusmodi nummo eliciatur, notandum ante  
omnia venit, moris fuisse apud Hebræos, vt calens victimæ sanguis  
vasculo exciperetur, è quo deinde vel effunderetur coram Domino,  
vel contra propitiatorium aspergeretur, ita enim lex habet Leuit.  
16. Offeret vitulum (pro peccato) & rogans pro se & pro domo sua immola-  
bit eum, assumptoque thuribulo, quod de prunis altaris impleuerit, & hauriens  
manu compositum thymiama in incensum, ultra velum intrabit in Sancta: ve  
positis super ignem aromatibus vapor operiat oraculum, quod est supra testimo-  
nium, vt non moriatur. Tolle quoque de sanguine vituli, & asperget digito se-  
pties contra propitiatorium ad Orientem; Cùmque mactauerit hircum pro pecca-  
to, inferet sanguinem eius intra velum, sicut præceptum est de sanguine vituli,  
vt aspergat è regione oraculi & expiet sanctuarium ab immunditiis filiorum Israël  
&c. Cum autem exieris ad altare quod coram Domino est, oret pro se, &  
sumptum sanguinem vituli, atque hirci, fundat super cornua eius in gyrum,  
aspergensque digito septies expiet & sanctificet illud, &c. Nec modò hirci  
& vituli, sed cuiusvis hostiæ in holocaustum immolatæ, Sacerdos san-  
guinem

guinem in sanctuarium ad offerendum Domino inferebat : quem-  
admodum absolutè docet Apostolus, Heb. 13. *Quorum enim animalium*  
(inquit) *infertur sanguis pro peccato in sancta per Pontificem*, horum corpora  
cremabantur extra castra ; propter quod & Iesus, ut sanctificaret per suum  
sanguinem populum, extra portam passus est. Quia ipse verò simul hostia &  
pontifex erat, ne coacta fuisse eius videretur oblatio, antequam pa-  
teretur, ut hostium impetum violentum anticiparet, sese ultro, spon-  
tèque sua, noui paschæ mystico sacrificio, seipsum immolauit, pa-  
trique in sacrificium corpus & sanguinem suum obtulit in vltima  
cœna: qua suis Apostolis secum discumbentibus communicandum  
dedit ipsum corpus suum & sanguinem: *Et accepto pane* (refert S. Lu-  
cas c. 24.) *gratias egit & fregit, & dedit eis dicens: Hoc est corpus meum quod*  
*pro vobis datur: Hoc facite in meam commemorationem. Similiter & calicem*  
*postquam cœnauit dicens, Hic est Calix nouum Testamentum in sanguine meo.*  
Quasi diceret, Hoc in calice est sanguis meus, quem mox pro vobis  
effusus sum in pretium : hunc itidem vobis propino in poculum.  
Cuius figura fuerat sanguis hostiarum, quem in veteri Testamento  
Pontifex pro suis, & populi peccatis, exceptum vase mundo in san-  
ctuarium inferebat adhuc calentem & fumidum, ut coram Domino  
effunderet in sacrificium propitiatorium, atque etiam aspergeret su-  
per altare & sanctuarium, delictorum populi expiandorum gratiâ.  
Quo ex ritu per Christum longè efficacius expleto, Apostolus Heb.  
9. argumentum assumit pro meritorum eius super nos applicatione  
validissimum: *Si enim, inquit, sanguis hircorum & taurorum, & cinis vi-*  
*tule aspersus, inquinatos sanctificat ad emundationem carnis:* ( neque enim  
nisi per modum signi, pertingebant vsque ad purgationem animæ )  
*quanto magis sanguis Christi, qui per Spiritum sanctum semetipsum obtulit im-*  
*maculatum Deo, emundabit conscientiam nostram ab operibus mortuis ad ser-*  
*uiendum Deo viuenti? Et ideo noui Testamenti mediator est &c. ut repro-*  
*missionem accipiant qui vocati sunt aeternæ hereditatis.*

Hinc facillè erui potest figuræ expressæ in mystico numismate su-  
prà delineato genuinus sensus, mystici scilicet libaminis hîc adum-  
brari speciem. Ramus asperforium est : Calix vasculum quo sanguis  
victimæ adhuc calens & emittens vitales spiritus, continetur. Quem  
typum Christus in vitæ suæ exitu consummauit fuso sanguine in pre-  
tium redemptionis, in Cruce: quem per calicem mystici libaminis,  
ipsum vtrique vitæ poculum, & gratiæ sanctitatisque spiraculum no-  
bis communicauit ad salutem.

Porro hîc prætermittere piaculum foret, urnam auream, in  
qua huius Sacramenti typus ( scilicet Manna ) olim iussu Domini  
asseruatus est, calicis formam habuisse. Id porro perspicuum fie-  
ri ex siclo illo Iudaico habente in vno latere virgam Aaron: in  
altero prædictum vasculum mannae. Extat eius effigies sculpta in  
Bibliis Regiis per Plantinum. In descriptionibus siue delineatio-  
nibus ciuitatis Hierusalem, siclus expressus est huiusmodi formâ.

f. 136. Prior facies




Posterior



## CAPVT III.

*De materia & forma Calicis, quo Christus Eucharistiam instituendo, usus est. Deque loco, quo is nunc usque observatur.*



ARDINALIS Baronius tom. 1. Annalium, sub annum Christi 34. n. 63. id ex Bedæ Venerabilis insigni testimonio patenter satis insinuat. Non præterimus, inquit, tamen dicere, quòd calix ille, in quo redemptor noster Iesus Christus sacratissimam Eucharistiam consecrauit, ut egregium tante rei monumentum, à communi usu selectus, ac summa industria

\* Delocis Sanctis, c. 2.

adseruatus, adhuc Bedæ temporibus Ierosolymis visebatur. De quo ipse \*: In platea quæ martyrium & Golgotha continuat exedra est, in qua calix Domini scriniolo reconditus, per operculi foramen tangi solet & osculari: qui argenteus calix hinc inde duas habens ansulas, sextarij Gallici mensuram capit, in quo est illa sponsia potus ministra. Hactenus ex Beda Baronius.

Vide libellum Cornelij à lapide de ponderibus & mensuris, voce sextarius &c.

Ex cuius verbis inferri posse videtur, calicem quo usus est Dominus in hoc summo pietatis Sacramento, fuisse huius speciei quam crateram vocitant: hæc enim ut suprâ ex Isidoro docuimus, calix est, duas habens ansas hinc inde, patulæ ideo capacitatis, cum sextarij Gallici haberet mensuram. Fateor me fugere quænam esset mensura sextarij Gallici, cum ipsius commune nomen neutiquam occurreret mihi in libris quos euoluerim editis, vel MSS. Reperi quidem sextarij Romani frequentem mentionem: itidem Hebraici & Attici. Sunt qui censeant Romanum cum Attico & Hebræo æqualem esse. Rectius sentiunt qui docent esse diuersos: Romanum enim continuisse uncias viginti: Atticum quindecim; Hebræum tredecim dumtaxat. Gallicum tum fuisse eundem cum Romano, persuadet Galliarum quæ Romanis subactæ iam erant, cum Romani imperij politia consensus. Sed vix probabile mihi videtur Christum in conuiuio Paschali usum Romanis mensuris, seu vasculis ad morem Romanum confectis, cum ex Euangeliiis pateat semper Iudæos abhorruisse à Romanis moribus & vsibus, ac æconomia. Si igitur Calix Dominicus sextarij mensuræ erat, longè verisimilius est sextarij fuisse Hebraici, qui tredecim uncias continebat. Vncia verò est pars duodecima libræ, quæ octo efficit drachmas.

Calicem porrò cœnæ Dominicæ fuisse huius capacitatis quæ liquorem contineret, è quo duodecim & suprâ conuiuæ qui aderant, commodè sumere possent : Ex Euangeliiis planè liquet, sic enim apud Matthæum legimus, c. 26. *Et accipiens calicem gratias egit & dedit illis dicens, Bibite & hoc omnes.* Addit Marcus c. 14. *Et biberunt ex illo omnes.* Cæterum Lucas hunc in modum scribit, *Et accepto calice gratias egit, & dixit : Accipite & diuidite inter vos.* Ex quibus verbis conici potest huius fuisse amplitudinis, quæ par esset turbæ discumbentium communi poculo. Atque hæc de mensura calicis mystici libaminis tunc primum à Domino consecrati : Iam de materia aliquid subiungendum.

Ait Beda, calicem Domini esse argenteum. At è lapide fuisse pretioso coloris punicei & cærulei, quem Agatham vocant, & in Templo Valentiniæ ciuitatis (quæ Sedes Archiepiscopalis, & Academia, & Caput est regni in Hispania ad mare Mediterraneum) asseruari asserit Ioannes à Carthagenâ olim Rômæ Theologiæ Professor, illuc iussu Pauli V. ex Academia Salmanticensi in Hispania, accersitus, lib. 9. in vniuersa Christianæ Religionis arcana, qui de augustissimo Eucharistiæ Sacramento inscriptus est, hom. 26. paulo post initium. *Daturusque*, inquit, *eisdem* (Apostolis suis Dominus) *calicem sui sanguinis, non contentus argenteo poculo, lapidem elegit pretiosum coloris punicei, & cærulei quem vocant Agatham, quæ nostrâ adhuc ætate in templo Valentiniæ ciuitatis in Hispania asseruatur.* Nec negare ausim, oculato teste id firmante tam grauiissimo suffragio, calicem eiusmodi apud Valentiam asseruari : num verò is ipse sit calix Domini, quo in vltima cœna suum propinavit discipulis sanguinem, hinc ire definitum, vt ingenuè dicam, nequeo.

Voluit non ita diu Hadrianus Mocbertius Diestensis, vtramque conciliare sententiam, de calice Domini argenteo, aut ex agatha gemmeo, Scalæ purpureæ Gradu 2. Collat. 1. §. 2. pag. 313. col. 2. post medium, *An fortè*, inquit, *calix è pretioso lapide ad honorem & splendorem argento inclusus atque munitus?* At certè mihi probabile non videtur; argento enim simplici agatha tantæ magnitudinis longè nobilior est. Quicquid sit, Bedæ tempore totus hic calix argenteus erat. Vix vllus auctor est ante Ioannem à Carthagenâ huius sæculi scriptorem, qui scripserit calicem ipsum Domini, ex agatha pretioso lapide fuisse efformatum. Potuit hic ipse vetustissimus, qui sub præclaris adeo titulis Valentiniæ ostenditur, calix esse sanctissimi cuiusdam loci Antistitis; abhincque in religione habitus pro ipso Dominico calice existimari. Nisi fortè, quia trinum Pascha Dominus cum suis celebrauit discipulis (tribus enim annis cum ipsis conuersatus est) triplici quoque vsus calice censeatur. Vnde dici posset ille qui ex agatha lapide constat, vnus fuisse ex tribus. Quamuis certò diiudicari non possit, an isto, vel argenteo Christus fuerit vsus, cum suis discipulis dedit supremum sui pignus amoris, eisque tradidit noui & æterni testamenti mysteria celebranda.

De loco denique vbi asseruatus hætenus existat ipse Domini calix



etiam difficultas occurrit. Beda enim suprâ laudatus asserit ætate sua adhuc seruatum fuisse Ierosolymis. Recentior suprâ itidem designatus auctor, apud Valentiam in Hispania affirmat summo in Templo custodiri. Calvinus (qui quod fidei iuratus hostis, indignus meritò videri potest qui hîc censeatur, tamen quod sacra Ecclesiarum pignora per summissos emissarios, malo animo quo plenus erat, scilicet ut noceret, Sanctuaria ferè omnia Europæ scrutari fecit) in suo reliquiarum indiculo, calicem Domini in Gallia esse insinuat. Sed ut calumniam inde struat, duplici ait integrum utrobique asseruari loco, *Cuppa*, inquit, seu calix quo suis Apostolis dedit sanguinis sui Sacramentum, prope Lugdunum ostendi solet in templo Dominae nostræ de insula: atque ipse idem in quodam fano Augustinensium Monachorum.

\* Extat inter eius opuscula Genevæ edita anno 1566. p. 726. &c.

\*\* In indiculo cui titulus est, *Ecclesia nonnulla reliquiarum. Roma in æde Lateranensi servatur calix & catena S. Ioannis Apostoli*. Extat ad calcem Topographiæ sanctorum Martyrum. Ipse igitur calix, quia iungitur catenæ sancti Ioannis Apostoli, esse videtur ille, quo hausit pro martyrio Christi, propinatum sibi, Domitiani Cæsaris impij iussu, venenum.


Hîc verò observâsse non superuacaneum fuerit eundem Calvinum in ipso reliquiarum indiculo \*, calicem S. Ioannis Apostoli recensuisse: *Nequid rerum eius excideret*, inquit, *obtruderunt nobis calicem, è quo haurire venenum, sibi propinatum iussu Domitiani compulsus est. Sed quia unus ipsis satis non erat, duos habere voluerunt: vel igitur assentiri nos oportet alchymistis de sua multiplicatione, quod eis lubet comminiscantibus: vel pro certo tenere, Papistas suis imposturis mundo illudere. Duorum horum calicum alter Bononia ostenditur, alter Romæ in Ecclesia S. Ioannis Lateranensis \*\*.*

Verùm quod hîc garrit Calvinus, ex mero scatet pruritu calumniandi Ecclesiam Catholicam, reliquias Sanctorum summo pietatis studio & reuerentiæ affectu colligentem. Quid enim quæso absurdi, quò duplex fuerit & etiamnum supersit calix S. Ioannis: alter, quo diuinum mysterium celebrare soleret, alter, quo toxicatum potum ebibere fuerit à Domitiano compulsus? Porro Christum trino Paschali calice vsum, tametsi vno tantùm Eucharistico, suprâ animaduertimus. Addi potest Ioannem (qui Pontifex, ut Apostolus, fuit: ideoque teste apud Eusebium & sanctum Hieronymum, Polyehrate eius discipulo, ac in Ephesiorum cathedra successore, laminam auream in fronte gessit) pluries novi Testamenti sacrificium celebrasse: proinde nonnullis vsum fuisse calicibus ad hoc diuinum mysterium peragendum. Idem de Paulo dici potest, qui 1. Cor. 11. ait: *Calicem benedictionis cui benedicimus &c.* Siquidem non vni tantùm calici benedixit, nec vno duntaxat loco, ut nec vno die. At hoc πῦρ. Verum tamen satis inde patet, quàm impius in sua doctrina ac ineptus in suis argutiis, Calvinus fuerit: qui nihilominus omnes alios, sui etiam temporis Doctos, tamquam bardos, & asinos, scurrâsque & rabulas deridebat: ut eius scripta peruolenti, euadit prorsus compertum.



## CAPVT IV.

*An Calices fuerint passim vitrei in primitiua Ecclesia, stata lege, vsuque passim recepto?*



ELBRE decretum Zepherini Papæ & Martyris, qui anno 203. Ecclesiæ præesse cœpit, consignatum in Ecclesiasticis extat monumentis. Id notauit Pontificalis liber, hic fecit constitutum, ut patenas vitreas ministri ante Sacerdotes portarent &c. quò spectasse videtur Martinus Polonus in Chronico sub annum Domini 213. Fecit, inquit, statutum in Ecclesia, ut omnia vasa altaris essent vitrea vel stannea.

## ARTICVLVS I.

*An id statuerit Zepherinus Pontifex?*

VITREOS fuisse olim calices ex decreto Zepherini Papæ, qui vetuit ex ligno confici, communis est recentiorum existimatio: Platina id disertè scribit in vitis Pontificum in ipso Zepherino his verbis: *Statuit item ut consecratio diuini sanguinis in vitreo vase, non autem in ligneo, ut antea, fieret.* Quæ verba seriatim Ioannes Funccius (ex heterodoxis) suos in commentarios chronologicos transcripsit lib. 6. p. 95. Idem fermè doctissimus Genebrardus (durissimus ille hærescon malleus) notat lib. 3. Chronographiæ sub annum 206. sed & Stephanus Duranti eruditissimus rituum Ecclesiæ Catholicæ expiator idem Zepherino Papæ refert institutum, lib. 1. c. 7. vadésque designat huius suæ assertionis Radulphum Decanum Tungrensem, de *Can. obseruat. proposit. ult.* Walfridum Strabonem de rebus Ecclesiast. c. 4. Damasum in Pontificali, adeoque vetustissimum Tertullianum lib. de pudicitia; quos etiam Genebrardus suos signat adstipulatores, cum Martino Polono in Chronico.

Sed vitrea hæc suffragia, ut candidè dicam, mihi prorsus videntur: nec enim, si attentius considerentur testium signatorum dicta, id axioma confirmant, cuius producuntur assertores. Radulphus Martinum Polonum dumtaxat exscribit: Porro iste sic memoriæ consignat, sub annum Domini 213. *Fecit statutum in Ecclesia, ut omnia vasa altaris vitrea essent:* Vbi de calicibus nihil nisi genericè, & quæ dicie Chronologus nimis latè patent, ut vera & solida habeantur: Nunquam enim mos in Ecclesia fuit ut omnia vasa sacri ministerij fierent ex vitro. At verò Damasus, seu quisquis sit Pontificalis auctor, rem aliter refert, sic enim ait in ipso Zepherino, *Fecit constitutum de Ecclesia ut patenas vitreas ministri ante Sacerdotes portarent, dum Episcopus missas celebraret.* Vbi de calicibus nihil: de patenis verò solum loquitur, quæ ferebantur à ministris coram Sacerdotibus celebrante Episcopo; vnde sequitur exceptio perspicua: illo non præsentè eius-

modi patenas non fuisse in usu. Cæterum Tertullianus de vitreis calicibus nusquam meminit. Citato libro de pudicitia, c. 7. meminit quidem calicum Ecclesiæ Catholicæ, in quibus Christus sub specie boni pastoris ouem perditam suis humeris referentis, depictus erat: *Procedant ipsæ picturæ*, inquit, *calicum vestrorum, si vel in illis perlucebit interpretatio pecudis illius &c. Adhuc Dominus pecudis perditæ restitutionem cui alij configurasse credendum est, quàm ethnico perduto &c. sed ouis propriè Christianus & grex Domini, Ecclesiæ populus, & pastor bonus Christus.* Hic quidem Tertullianus de calicibus exteriùs picturatis apertè meminit, sed nihil de vitreis planè scribit. At infra subindicare forsitan videtur calices illos mysticos fuisse vitreos, nam fragiles fuisse innuit, ait enim c. 10. *At ego eius pastoris quem in calice depingu, scripturam haurio quæ non potest frangi*, scilicet ut calix ille vester vitreus: Verùm de vitro silet ubique Tertullianus, nec necesse est ut quicquid fragile est vitreum sit, calix aureus frangitur & argenteus, magisque ligneus, quin & corpora nostra fragilia vocat Apostolus, quamuis non vitrea, 2. Cor. 4. 7. *Habemus thesaurum in vasis fictilibus*, Græcè *ὄψαρις*, testaceis, luteis, fragilibus, caducis; Quamobrem nihil hinc ad scopum vitreorum calicum Tertullianus.

Nec urgere iuuat Zepherini Papæ, cui coæuus ipse Tertullianus erat, de calice vitreo institutum, de quo ait Duranti præfatus, *Porro Zepherinus Papa statuerat consecrationem diuini sanguinis non fieri in vase ligneo, ut antea, sed vitreo.* Ex Tertulliano enim facilè elici potest non promanasse eiusmodi decretum ex huius dictamine Pontificis, siquidem Tertullianus, cum ipsum Zepherinum sibi aduersum sentiret, hæresim Montani amplexo, quæ pœnitentiam lapsis fidelibus præcludebat: ubicumque illum carpendi occasionem quærebat, adeo ut vix etiam à calumniis abstineat, ubi vel exilis rimula suis se prodit intentis: hinc illud ironicum contra ipsius Zepherini sanctionem, qui lapsis fidelibus ad gemitum conuersis pœnitentiam denegari, iuxta Dominicum istud, *Venientem ad me non eiiciam foras*, piè ac rectè prohibuerat; *Audio edictum*, inquit, *esse propositum, & quidem peremptorium, Pontifex scilicet maximus, Episcopus Episcoporum dicit, Ego mæchiæ & fornicationis delicta, pœnitentiâ functis, dimitto. O edictum, cui adscribi non poterit bonum factum!* Quis hinc non perspiciat, si ritus auctor fuisset Zepherinus efformandi vitreos calices in quibus cœpisset Christus in specie pastoris depingi, ouem perditam in humeros baiulantis, non hoc præteritum acrem adeo scriptorem sine aculeo? Nec instare licet paulò post, capite nimirum 13. ipsum Tertullianum, eundem Pontificem hac ex pictura insectari, his scilicet verbis: *Bonus pastor, & benedictus Papa in parabola ouis, tuas capras quæris, tua ouis ne rursus de grege exiliat.* Siquidem probasse has picturas illum Pontificem verba hæc indicant, instituisse non probant, præsertim cum ipse Tertullianus satis ostendat hunc nouum non fuisse morem, nec Romanæ Ecclesiæ proprium, at Ecclesiarum iam communem; *Procedant*, inquit, *picturæ calicum vestrorum*, quos autem alloquitur & inuadit psy-

IOAN. 6. 37.

chicorum nomine, nisi Catholicos omnes, nemo est eruditorum qui inficietur. Vnde se adoriri ipso ferè in opusculi limine insinuat, quibuscum retro habuerat societatem, quam vocat, cap. 10. versus finem, *commune Ecclesiarum Concilium*, seu *omne Ecclesiarum nostrarum Concilium*.

His ex observationibus patet nihil solidi ex Tertulliano sumi posse pro vitreis calicibus, decreto Zepherini Papæ institutis loco ligneorum in Ecclesia Romana & Catholica.

Locus Damasi, seu cuiusvis libri Pontificalis auctoris, neutiquam quoque ad rem facit, nihil enim de calicibus disertè dicit, sed de patenis dumtaxat, iisque non promiscuè vſitatis, at gestandis solum à ministris ante Sacerdotes, Episcopo celebrante. cum enim exceptio in cæteris ius firmet, hinc patet harum vſum in sacrificio non fuisse communem, sed Episcopi diuinis operantis præſentiâ circumscriptum.

Martinus Polonus speciatim calicis non meminit; at latè nimium diuagatus generatim ait, sancitum fuisse à Zepherino vt omnia vasa altaris essent vitrea vel stannea. Quod absurdum & impossibile, nunquam porro in Ecclesiâ obseruatum, vt sacræ antiquitatis non imperitis constat.

Walfridus Strabo castigatiùs loquitur, statutum enim Zepherini ad solas patenas restringit, nulla calicum mentione facta: erant siquidem patenæ quædam secretæ à calicibus, & ipsis longè ampliores; vasa enim erant corporis Christi sub specie panis, sub qua omnes communicabant, cum non omnes Sacramentum sumerent sub specie vini de calice. Hinc calices quidam parui, quibus soli Sacerdotes utebantur in sacrificio; alij ministeriales, quibus salutis poculum fidelibus communicabatur. Quamobrem lex ferri potuit de patenis, quæ ad consecrationis calices non spectarent, ideoque cum referente Strabone, decretum Zepherini de patenis præcisè sit, ad calices extendi non debet, quòd hæc inuicem sint distincta. Nec quicquam expressiùs dici potest ex Radulpho, is siquidem verbis penè iisdem Strabonem exſcribit; à quibus testimoniis cum planè discesserit Platina asserens Zepherinum statuuisse vt consecratio diuini sanguinis in vitreo vase fieret: eius fuerit suos vades arcessere, quibus placitum suum vndique nutans suffulciat.

## ARTICVLVS II.

*Alicubi vitreos calices, quin etiam crystallinos fuisse in vſu circa sæculum 4. Ecclesiæ, & infra.*

**A**RETII in *Thuscia* (Martyrologij Romani verba sunt, 7. Idus Augusti) natalis S. Donati Episcopi & Martyris, qui inter cætera virtutis opera (vt scribit B. Gregorius PP.) fractum à paganis calicem sanctum orando instaurauit. Is in persecutione Iuliani apostatæ à Quadratiano Augustali comprehensus, cum idolis sacrificare renuisset, gladio percussus mar-



*tyrum consummauit.* Arctius at refert S. Gregorius mirum hoc opus S. Donati, quem imitatum narrat Nonnosum Præpositum Monasterij in monte Soraëtis, vitreæ lampadis instauratorem, rupisque motorem mirificum: *Sicque duobus miraculis* (inquit lib. 1. Dialogor. c. 7. §. alio quoque) *duorum Patrum virtutes imitatus est: in mole scilicet saxi factum Gregorij* (Neocæsariensis) *qui montem mouit: in reparatione verò lampadis, virtutem Donati, qui fractum calicem pristina incolumitati restituit.* Quam rem diuinè gestam refert proculdubio S. Gregorius ex actis ipsius B. Donati Episcopi Arctini à Seuerino Episcopo, qui quartus ab eo huius Ecclesiæ Præsul fuit, conscriptis, vbi hæc copiosè leguntur.

Eodem sæculo vergente in exitum, clauit Tolosæ S. Exuperius Episcopus, de quo inter cæteras laudes, S. Hieronymus ep. 4. quæ dirigitur ad Rusticum, hæc memoriæ piæ posteritatis commendat: *S. Exuperius Tolosa Episcopus, viduæ Sareptensis imitator, esuriens pascit alios, & ore pallente ieiuniis, fame torquetur aliena, omnemque substantiam Christi visceribus* (id est pauperibus) *erogauit. Nihil illo ditius, qui corpus Christi canistro vimineo, sanguinem portat in vitro.* Sunt qui hunc locum proferant ad probandum vsum calicum vitreorum esse antiquissimum, fuisseque olim communem: at abs re profectò: nam quòd antiquitatem spectat, S. Exuperius non nisi labente 4. sæculo clauit, quo etiam elapso sine sancto migravit ad Christum. Porro eius factum à S. Hieronymo profertur vt exemplum singulare; quod nec ad communem legem neque vsum trahi potest. Causa facti hæc erat: Premente plebem graui annonæ penuria, sanctus Exuperius eo commiserationis affectu suppeditandæ opis afflicto populo concussus est, vt non solum quicquid facultatum erat in pauperum solatium distraxerit, sed nec sacris pepercerit vasis, at omnia vendiderit, vt ex conflato pretio egenis subsidium impertiret. Aureis igitur vasculis distractis eò deuenit pius Episcopus, vt corpus Domini in canistro, sanguinem verò portaret in vitro. Rarum hoc erat exemplum, quamobrem à S. Hieronymo tanta commendatione celebratur: unde subdit tam raræ virtutis incutiens imitationem, *huius te è vicino sectare vestigia, & cæterorum qui virtutum illius similes sunt; quos Sacerdotium & humiliores facit & pauperes.*

Meminit autem Cyprianus vitæ scriptor S. Cæsarij Arelatensis Episcopi, qui sæculo 5. excurrente clauit, tum vigentis vsus gerendi poculi salutaris in vase vitreo: *An non in vitro habetur sanguis Christi?* lib. 1. c. 14. Et verò qui fractim ita locum istum legerit, communem hunc fuisse morem poterit facile suspicari: Sed si integrè perspiciatur, tum euidenter apparebit, & S. Cæsarij peculiarem fuisse morem, & eandem vel certè consimilem habuisse causam quam habuit S. Exuperius; ferendi in vitro Christi sanguinis: iam scilicet in captiuorum redemptionem & afflicte plebis solatium pretiosis vasis Ecclesiæ conflatis, rem enim gestam sic ipse auctor commemorat: *Porro Arelatem Gothi cum innumera captiuorum turba reuertentibus, replentur sacræ basilicæ, repletur Ecclesiæ domus infidelium multitudine, & cum multa inopia labo-*

Extant apud  
Surium Tom.  
8. die 17. Augu-  
sti.

laborarent, quæ ad victum vestitumque pertinerent, affatim eis præbuit vir beatus, donec omnes ab ipso essent redempti, eo argento quod venerabilis Eonius antecessor eius, Ecclesie mensæ reliquerat. Hoc autem sanctum opus ita persecutus est, ut etiam ab illis quæ ad diuini ministerij dispensationem pertinent, non abstinere, thuribulis, calicibus, patenis pro eorum redemptione datis, excussisque è cancellorum columnis ornamentis argenteis. Dicebat enim, ne homo rationalis, Christi sanguine redemptus, amissa libertate, & dura pressus seruitute, aut Arianus efficiatur, aut Iudeus, aut ex ingenuo seruus, aut ex seruo liber. Ornauit igitur & defendit, non deformauit Ecclesiam: patere voluit filiis viscera matris, non præcludi, hoc sapissime dicens: Velim respondeant mihi plerique Domini Sacerdotes, & reliqui è Clero, qui nescio quo superfluitatis amore, nolunt dare insensibile argentum & aurum ex Christi donariis, pro mancipiis Christi, velim, inquam, dicant mihi, si quo casu ipsi in eam calamitatem inciderent, vellente eiusmodi insensibilibus donariis in libertatem vindicari, aut potius sacrilegij loco haberent, si quis eis ex diuinis munusculis subueniret? Equidem non puto id ingratum esse Deo, de suo ministerio redemptionem parari, qui seipsum pro nobis omnibus redimendis dedit. Sic ille. Nos verò videmus quosdam laudare in sancto viro quod ita fecerit, nec tamen ullo pacto velle imitari: An non in vitro habetur Christi sanguis? an non in ligno suspensum fuit eius sacratissimum corpus nostræ salutis causâ? Quasi diceret hic Auctor, qui factum sancti Cæsarij ex charitate profectum pio animo defendit, etsi vasa aurea argenteave distraxerit Beatus Cæsarius, ut extremæ pauperum inopiæ subueniret, ut captiuos redimeret, ut animas à patenti perditionis periculo liberaret, non tamen venditis pretiosis calicibus & patenis cultum Christi corporis & sanguinis neglexit. Reposuit enim in vitro quod antea gerebatur in auro vel argento. Atqui vitrum etsi non ita pretiosum, non minùs tamen nitidum, purum, ac mundum est: fuit corpus Christi suspensum in ligno, quæ igitur indecentia, si in vitro collocetur, præsertim vbi legitima necessitas cogit, auri loco vel argenti, vitrum adhibere? Ita sanè ratiocinatur Cyprianus, ex cuius dictis rectè intellectis perspicuum fit, vsum quidem S. Cæsarium vitro in ministerio altaris, sed aureis iam & argenteis diuenditis calicibus & patenis, thuribulisque, ut extremæ miseræ fidelium opitularetur. Vnde etiam elici potest tantum abesse à vero, ut conficiendi Christi corporis & sanguinis in vitreis calicibus mos antiquus fuerit; quin potius ex argento & auro sacra fuisse passim vasa conflata: nec vitrea vsurpata, nisi illorum defectu. Factum verò S. Cæsarij etsi laudabile, ab iis tamen ipsis Episcopis & Clericis, à quibus laudabatur, potius laudandum, quàm imitandum existimatum esse, ut pote nouum & insolitum, quòdque tametsi charitati erga pauperes eximie tribuendum (ut hinc certè profectum erat:) attamen non vsquequaque anteferendum pietati, qua honorificentius tractando Christi Domini adorando corpori sanguinique pretiosa ex auro & argento vasa iam olim recepto vbique vsu, Ecclesia consecrauerat. \*

\* Huc refertur potest satis ad rem, c. 22. Concil. Rhemensis tempore Theodori Papæ, & Dagoberti II. Regis Francor. ann. 645. Si quis Episcopus, excepto si euenerit ardua necessitas pro redemptione captiuorum: ministeria sacra frangere pro qualicumque conditione presumpserit, ab officio cessabit Ecclesie. Vbi frangere non ad vitrum refertur; quæ enim ex hoc contractu utilitas, ut inde impendi pretium potuerit in redemptionem captiuorum?

Verum hinc opponi potest Cardinalis Baronij sententia, in nota-

Bb

tionibus ad 7. Idus Augusti. A temporibus Apostolorum (inquit) vitreus calix in usu fuisse videtur; unde Marcus hæresiarcha illis temporibus proximus, & ipse æmulatus Catholicam Ecclesiam, vtens calice vitreo in suis sacris, impostura quadam per magicam artem exhibita, populum dementabat, dum vini color albus, qui foris apparebat in vitro, quibusdam præstigiis mutabatur in rubrum, adeo vt vinum conuersum in sanguinem videretur. De his Epiphanius in Panario, hæresi 34. Et ego iam olim equidem has Marci hæresiarchæ præstigias & imposturas in Historia Chronologica Eucharistiæ obseruasse memini, part. 1. qua Genealogiam hæreticorum Sacramentorum descripsi hæretico x. i. sub annum salutis 152. sed miror unde Baronius acceperit illum impostorem æmulatum fuisse Catholicam Ecclesiam vtendo in suis sacris vitreo calice; Epiphanius enim quem designat testem, neque huius moris Ecclesiæ Catholicæ, neque Marci hac in re æmulationis vel minimam mentionem facit; quæ etiam alto silentio præterit S. Irenæus lib. 1. aduersus hæreses, c. 9. vbi etiam de huius Marci impiis dogmatibus, malisque artibus differit, de ipsis eius calicibus præstigiolis, etsi disertè meminit, vitreos tamen fuisse neutrquam insinuat. Vbi est igitur mos ille Ecclesiæ de calicibus vitreis, quem à temporibus Apostolorum viguisse ait Baronius; & unde quæso elicit quod ibidem subiungit, in hoc usu Marcum ipsam Ecclesiam Catholicam fuisse æmulatum? De hac enim æmulatione, ipsoque usu Catholico ne minimū quidem vestigium extat apud citatos Patres.

\* Passus est die  
26. Augusti.

Apud Gratianum de Consec. dist. 1. Can. *Vt calix*, qui signatur desumptus ex can. 6. Concil. Rhemensis, expressè statuitur, vt nullus in ligneo vel vitreo calice Missam cantare præsumat. At si calicis vitrei vsus à Zepherino Papa institutus fuerat, vel vt censuit Baronius, ab Apostolorum temporibus fuit in usu Ecclesiæ Catholicæ: quomodo prouincialis synodus abrogare præsumpsisset vel decretum Zepherini Papæ & Martyris\*, vel vsum ab Apostolorum ætate receptum, & qui vniuersæ tamdiu placuisset Ecclesiæ? Longè igitur probabilius est fuisse hunc morem particularem, nec vnquam ab Apostolis deriuatum, aut à Zepherino institutum, aut ab Ecclesia Catholica approbatum tanta obseruatione, sed dumtaxat toleratum in quibusdam locis ex nimia rerum penuria, quam excitauerat vel persecutionum atrocitas, vel Barbarorum incurio, vel alia quæuis occasio publicæ vel priuatæ calamitatis\*.

\* Vide homil.  
Leonis IV. Pa-  
pæ tom. 21. C6-  
cil. p. 570. vbi  
mentio fit plu-  
bei calicis.

In causa tamen fuit priuatus ille localisque vsus vitreorum calicum, vt chrySTALLINIS qui longè nitidiores, pulchriores, pretiosiores erant, locus fieret. De his enim apud Gregorium Turonensem lib. de gloria Martyrum, c. 46. historia relatu digna legitur hac ad verbum serie: *Est enim apud eandem urbem (Mediolanensem scilicet) basilica S. Laurentij Leuita, cuius suprâ meminimus, ibique admirabili pulchritudine calix chrySTALLINUS habebatur. Acta verò quadam solennitate dum per Diaconum ad sanctum altare offerretur, elapsus manu in terram ruit, & in frusta comminutus est; At Diaconus pallidus & exsanguis collectus diligenter fragmenta*

vasculi super altare posuit, non diffusus quod eum possit virtus Martyris solidare. Denique in vigiliis, lacrymis, atque oratione, deducta nocte, requisitum calicem reperit super altare solidatum. Quæ virtus cum populis nuntiata fuisset, tanta animos deuotione succendit, ut à Sacerdote peterent noua in honore eius Deo solennia celebrari. Tunc Pontifex loci, suspensio super altare calice, ex tunc agens & impostum per singulos annos deuotissime festa instituit celebrari. Hæc Gregorius Turonensis.

## CAPVT V.

*Num lignei Calices, usu fuerint ab Ecclesia pridem recepti?  
ubi obiter etiam de cornibus.*



**A**POPHTHEGMA celebre hoc circumfertur S. Bonifacii Episcopi Moguntini & Martyris, quondam Sacerdotes aurei ligneis calicibus utebantur: nunc econtrà lignei Sacerdotes aureis utuntur calicibus. Quæ sententia cum laude recitata est in Concilio Triburiensi, habito sub Formoso Papa, anno 895. can. 18. hoc tenore: *Vasa in quibus sacro-sancta conficiuntur mysteria, calices sunt & patenæ. De quibus Bonifacius Martyr & Episcopus interrogatus si liceret in vasculis ligneis Sacramenta conficere, respondit, Quondam Sacerdotes aurei ligneis calicibus utebantur; nunc contrà, lignei Sacerdotes aureis utuntur calicibus. Zephirinus XVI. Romanus Episcopus, patenæ vitreis Missas celebrari constituit. Tum deinde Urbanus XVIII. Papa, omnia ministeria sacra fecit argentea: in hoc enim sicut & in cæteris cultibus magis & magis per incrementa temporum, decus succreuit Ecclesiarum. Nostis enim diebus qui serui patris-familias sumus, ne decus matris Ecclesiæ imminuatur, sed magis cumuletur & amplifietur: Statuimus ut deinceps nullus Sacerdos sacrum mysterium corporis & sanguinis Iesu Christi Domini nostri in ligneis vasculis ullo modo conficere præsumat, ne unde placari debet, inde irascatur Deus. Qui canon celebris in commune ius Ecclesiæ relatus est integra serie, de consec. dist. 1. Can. Vasa.*

Nouatores passim hunc S. Bonifacii effatum contra Catholicos Sacerdotes iactare solent, sed quàm ineptè. Aiunt, displicuit huic Sancto Romana pompa in Sacramentis, sciebat enim quòd ab initio non fuit sic, sed quòd in ligneis tantum calicibus Christiana simplicitas diuina mysteria celebraret. ipsum meritò dolebat, sensim sic abusu effectum, ut nescio quo splendoris ambitu, aurum & argentum sacris ministeriis adhiberetur; hæc igitur cum ethnico Poëta inclament,

*Dicite Pontifices! In sanctis quid facit aurum?*

Ineptè profectò & longè prorsus à mente sancti Bonifacii Pontificis & martyris gloriosi; is enim suo apophthegmate non negat bonum esse diuinòque honori ac venerationi magis consentaneum, sacro-sancta Christi mysteria, vasis quàm augustissimis peragi, sed primò quidem de seipso, sui que deinde similibus, quibus aurei iam suppeditabant



calices loquitur, quasi ad primos nascentis Ecclesiæ Sacerdotes (quæpet summam temporis tyrannidem, pretiosi habere nihil ferè poterant) tam ipse quàm alij comparati essent lignei. Vetus est querela, præsentia tempora, præteritorum comparatione culpæ. Sic quondam Ovidius lib. 1. Metamorph.

*Aurea prima sata est ætas, quæ vindice nullo,  
Sponte sua, sine lege fidem rectumque colebat:  
Pena metusque aberant, nec vincla minacia collo  
Ære ligabantur, nec supplex turba timebat  
Iudicis ora sui, sed erant sine iudice tuti.  
Non galeæ, non ensis erat.*

Sed brevius, at nitidius Boëtius, de Consol. lib. 1. met. 5.

*Felix nimium prior ætas  
Contenta fidelibus armis,  
Facili quæ sera solebat  
Ieiunia soluere glande.*

Quo sensu Trithemius vsus est in Chronico Hirsaugiensi cùm scripsit: Veteres olim monachi cellas quidem, Ecclesias, & alias mansiones habebant tenebrosas; sed eorum corda erant valdè lucida in amore Dei omnipotentis & in scientia diuinarum scripturarum: nostri autem Ecclesias, cellas, domosque & omnes mansiones iam lucidissimas fabricant, sed corda eorum vitius & desidia plena, tenebrosa sunt: Quoniam nec Deum sicut debuerant, diligunt, nec lectionibus scripturarum animum intendunt. Ita quoque cùm calices essent cuprei, Sacerdotes aurei fuerunt: Hodie calices sunt aurei, & cuprei Sacerdotes. Planè ad eum modum dixit olim S. Bonifacius; Sacerdotes aurei quondam ligneis calicibus utebantur: nunc contra lignei Sacerdotes aureis utuntur calicibus. Nihil aliud insinuans eiusmodi verbis, quàm comparatione priscae ætatis Sacerdotum, qui aurei planè erant moribus & doctrina; præsentis temporis ligneos esse, præ inscitia & indignitate.

1. Reg. 16. 7.

\* NOTÆ.

Sed insuper hoc pronunciato vniuersè totum ordinem Sacerdotalem admonebat: Enitatur potius aureos ad sacro-sanctum Dei altare mentes ac mores, quàm patenas, calicisque aureas asferre, iuxta hoc diuinum oraculum, *homo videt ea quæ parent, Deus autem cor intuetur*. Nam alioquin nullum tempus signari potest \* quo receptus fuerit in Ecclesia vsus calicum ligneorum, ut dici verè & propriè possit passim Sacerdotes pridem in calicibus ligneis poculum salutis consecrâsse. Quin ex dicendis sequenti capite facilè constabit, aureos argenteosve calices in Ecclesia Catholica, etiam sub persecutionum ethnicarum procellis, diuinis in mysteriis frequentatos esse. Quamobrem cùm alicubi, vel ex rerum penuria, vel pastorum incuria, intrusi fuissent calices lignei vel vitrei: meritò tandem prohibiti sunt, ut qui Sacramentorum dignitati & primitiæ praxi Ecclesiæ vniuersalis omnino derogarent, nonnihilque detraherent diuinis mysteriis reuerentiæ, prætereaque nauscam & fastidium mouerent accedentibus ad sacram synaxim. hinc can. Vasa. de Conf. dist. 1. *Ne decus matris Ecclesiæ imminuat, sed magis cumuletur & amplifietur, statuimus, ut deinceps*

nullus Sacerdos sacrum mysterium corporis & sanguinis Domini Nostri Iesu Christi in ligneis vasculis conficere præsumat, ne unde placari debet, irascatur Deus. Et Can. Vt calix. eadem dist. De ære aut aurichalco non fiat calix, quia ob vini virtutem, æruginem parit, quæ vomitum prouocat. Nullus autem in ligneo aut vitreo calice præsumat Missam cantare. Ibi Glos. in ligneo: quia lignum porosum est. Et Glos. vitreo: quia vitrum fragile est, & immineret periculum effusionis.

Vetus etiam fuit Calicis cornei vsus in veteri Concilio Calchutensi in Anglia sub Hadriano I. Pontifice, Gregorio Episcopo Ostiensis, & Theophilacto Tudertino, eius Legatis præsidentibus anno 787. vt constat ex eiusdem synodi capitulo x. vbi Patres, *Vetimus* (inquiunt) etiam ne de cornu bouis, calix aut patena fieret ad sacrificandum &c.

Tom. 18. maior. Concil.  
p. 231.

## CAPVT VI.

*Aureos & argenteos calices vsitatos in Ecclesia primitiua, etiam furente aduersus fideles ethnica superstitione; Postmodum verò constanti ritu fuisse aureos, argenteos, vel saltem stanneos, abrogatis quibuscumque ligneis, vitreis, cupreis &c.*



**C**ALICEM, quo sanguinis sui Sacramentum venerabile Dominus vltima in cœna dedicauit, fuisse argenteum suprâ iuxta Bedam Venerabilem ostendimus. Nec mirum, cum Christus ipse Dominus ad nouum pascha celebrandum, quo suis seipsum manibus incruenta oblatione immolaret, alium locum non delegerit quàm cenaculum grande stratum, ad mysterij tanti scilicet commendandam dignitatem, quod ibi initiaturus erat.

Parum igitur exempli huius Dominici memor fuit Honorius Augustodunensis, qui lib. 1. de antiq. Miss. ritu c. 89. scribere non dubitauit *Apostolos in ligneis calicibus Missas celebrasse*: nihil enim magis absurdum quàm opinari Apostolos ab exemplo Domini qui in calice argenteo celebrauit, ita sua sponte desciuisse, vt vilis ad eò materiæ ac ligneæ vsum in mysterio adhiberent, quod Christus ipse in pretioso vase (calice scilicet argenteo) instituerat. Laminam auream in fronte, coronæ Sacerdotalis loco gestasse sanctos Apostolos Iacobum & Ioannem in libro nostro de mitræ antiquitate c. 3. ex peremptoriis testimoniis, Polycratis Ephesiorum Episcopi apud Eusebium lib. 5. hist. Eccles. c. 23. & sancti Epiphaniij hæres. 78. necnon Clementis Alexandrini, cuius & Eusebij auctoritate nititur hæres. 29. demonstrauimus. At quis credat diuinos hos homines sanguinem Domini in vase ligneo consecrâsse, qui coronas in fronte aureas ad sui Sacerdotij indicium, pariter & monumentum sacrificij, à se perferendas censuerunt?

Certè S. Ambrosius lib. 2. offic. c. 21. disertè meminit calicum aureorum Ecclesiæ veterum, & nouorum etiam initiatorum, id est

consecratorum. Et reuera ſauiente aduerſus veræ pietatis cultores impiorum tyrannide, fuiſſe in Eccleſiæ myſteriis vſitatos pretioſos calices, cæteraque diuini miniſterij adminicula; Prudentius, Homerus Eccleſiæ, qui Martyrum agones in ſuo de coronis libro celebrauit, euidenter ex ipſorum monimentis actorum denunciat, hymno de S. Laurentio, vbi ita effatur ex perſona ethnici iudicis B. ipſum Laurentium ſic alloquentis.

*Hunc eſſe veſtris orgiis  
Morémque & artem proditum eſt,  
Hanc diſciplinam fæderis  
Libent ut auro antiſtites.  
Argenteis ſcyphis ferunt  
Fumare ſacrum ſanguinem;  
Auróque nocturnis ſacris,  
Aſtare fixos cereos.*

Vbi cùm de more loquitur, palam eſt vſum non recentem ſubindicare. Conſuetudo enim eſt vſus cum iure; ſine quo vſus non tam eſt quàm abuſus. Porro conſuetudo ſecundùm Iuriſperitos dari nequit, niſi ſit ipſa & longæua & rationabilis. Cudendorum calicum pretioſorum conſuetudo pro diuinorum myſteriorum honorificentia, ipſa ratio naturalis perſuadet, quia Deum ſuper omnia colere, & meliori modo, deque meliori bono quo poſſumus, iure quocumque obſtringimur. Reſtat igitur vt longæua ſit, nam quod nouum, id eſt conſuetum, abſque implicanti iudici nequit. Proinde ſi tempore S. Laurentij qui ſub Sixto Eccleſiæ Romanæ Archidiaconus, diſpenſauit calicem Domini, habendorum aureorum calicum, cæterorumque adminiculorum diuinæ ſynaxis, mos iam inolitus erat, diu antè profectò cœperat. Ex quo fit conſecrancium ſub ipſis perſecutionum turbini- bus pretioſa vaſa Eccleſiam habuiſſe, maximè verò calices quibus Chriſti ſacrificium maiori decore celebraretur. Ardenter inhiabant huic prædæ Eccleſiæ perſecutores, vt ex Actis Martyrij ipſius S. Laurentij conſtat. Refert S. Auguſtinus lib. 3. contra Creſconium Donatiſtam, c. 29. acta publica, quibus Syluanus partis Donati Episcopus Cortenſis, cum aliis plerisque in Diocletiani perſecutione non tantùm ſacros codices, ſed & calices & cætera vaſa miniſterij diuini tradidiſſe impiis exactoribus conuincebatur: *Et legit Nundinius exceptor, Diocletiano octies & Maximiano ſepties Coſſ. quartodecimo Kalend. Iunij ex actis Munacij Felicis flaminis, perpetui curatoris cateruæ Cortenſis, cùm ventum eſſet ad domum in qua Chriſtiani conueniebant, Felix flamen, perpetuus curator Paulo Episcopo dixit, Proferre ſcripturas legis, & ſiquid aliud hic habetis, vt & præcepto & iuſſioni parere poſſitis: Paulus Episcopus dicit, Scripturas Lectores habent &c. Sedente Paulo Episcopo & Montano & Victore de Caſtello, & Catullino & Syluano &c. contra ſcribente Victore, Auſidij in breue ſic: Calices duo aurei, item Calices ſex argentei &c. Et poſteaquam apertum eſt, in Bibliotheca inuenta ſunt ibi armaria inania, ibi protulit Syluanus capitulatam argenteam, & lacernam argenteam, quod diceret ſe poſt aram inueniſſe eas: Victor Auſidij*

*Syluano dixit, mortuus fueras, si non illas inuenisses.*


Cæterum si persecutionum tempore, calices erant aurei & argentei in Ecclesia: facile est inde colligere, sedatis harum tempestatum turbinibus, Solis Euangelij iam vbique sine nebula coruscante splendore, triumphante toto orbe Ecclesia, diuini cultus fuisse decus, non minutum, at longè auctum: proinde suppellectilem sacram maiori decoro fuisse nitentem; cuprei inde calices prohibiti, lignei, vitrei; at verò aurei & argentei tantum sacro in ministerio probati: stannei vix tolerati, vbi decrat pretiosi metalli copia, quemadmodum videre est in sacrorum canonum codicibus, gestisque & decretis summorum Pontificum, quæ quoniam hîc minutim retexere fastidiosum foret, itidemque superuacaneum, eiusmodi ab inductione ideo supersedemus, cum iam regula sit in Ecclesia celebris & vbique recepta, quæ in ipso ritu celebrandi missam, art. 1. præscribitur, *Calix debet esse, vel aureus vel argenteus, aut saltem habere cuppam argenteam intus inauratam, si fieri potest, & simul cum patena ab Episcopo consecratus.* (Stanneus in necessitate tantum toleratur) Quæ regula quàm rigidè iam olim vindicata fuerit, ex Capitulis patet Hincmari Rhemensis, quibus de rebus Magistri & Decani per Ecclesias, (Presbyteros) inquirere & Episcopo renunciare debeant: art. 8. iubentur speciatim inquirere, quo ex metallo sit calix & patena; aut qua diligentia custodiantur: aut si habent pixidem vbi congruè possit recondi sacra oblatio reseruanda ad viaticum infirmis. Sed & in regulis ab Innocentio IV. præscriptis in controuersia orta inter Archiepiscopum Nicosiensem Latinum, ex vna parte, & Episcopos Græcos regni Cypri, ex altera: art. 13. ita decernitur, *Cæterum unusquisque Sacerdos in aureo vel argenteo scilum, aut saltem stanneo calice sacrificet, habens corporale de lino candidum & nitidum, & altare mundis velamentis opertum.*

*Tom. 22. Cont.  
P. 512.*

*Tom. 20. Cont.  
P. 405.*

## CAPVT VII.

*Gemmatos fuisse dudum quosdam Calices.*



**P**HRASIS est apud Anastasium peruia, *Calices in gemmis, seu gemmei, nam erant non solum aurei, sed gemmis etiam micantes.* In Ioanne I. *Huius temporibus Iustinus Imperator obtulit patenam auream cum gemmis pensantem libras 20. calicem aureum cum gemmis pensantem libras 5.* In Gregorio III. anno 731. *patenam & calicem aureum paratum in gemmis.* Et infra. *Et calicem cum gemmis pensantem lib. 34.* Et in Leone III. *patenam auream maiorem cum gemmis & ansis duabus: & calicem maiorem cum gemmis & ansis duabus pensantem lib. 36.* Et in Stephano V. *Fecit calicem de auro cum gemmis, & patenam de argento de super deauratam.*

Neque verò Romæ solum fulserunt pretiosi lapides in calicibus aureis. Sanè mense Iunio nuper elapso \*, cum essem apud Kalam, an-

\* anno scilicet 1651.



## PANOPLIÆ SACERDOTALIS PARŚ I.

riqum & nobile Virginum Monasterium in diœcesi Parisiensi, mihi sacras reliquias inuifenti, à Virginibus sacristiæ præfectis inter alia templi cimelia, ostensus, & in manus datus est ad contingendum, calix S. Eligij Episcopi Nouiomensis & Confessoris, ipsius operâ fabricatus, totus ex auro purissimo, gemmis per circuitum cuppæ in parte exteriori decoratus, atque etiam in inferiori parte. Est porrò pedalis ferè altitudinis, ab imo ad summum sacræ pateræ, est orificium paulò arctius quàm nostrorum iam esse soleat: sed vas tamen altius & capacius, adeo ut heminam ferè contineat. Quod in pignus piæ recordationis, dedit illis sacris Virginibus S. Bathildis Regina, insignis huius Monasterij fundatrix, cuius ipsemet S. Eligius, dum in terris viueret præcipuus Consiliarius, & venerabilis in Christo pater ac doct̃or extiterat. Cuius etiam Regina Clodouei II. coniugis piâ munificentia acceptum, sacræ illæ Virgines eiusdem sancti Pontificis sacrum caput possident, specioso lipsanodochio inclusum. Integrum eius corpus sancta Bathildis eò transferre voluerat: sed diuino signo prohibita, in templo quod ipsi Nouiomi ædificauerat, condigno cum honore reposuit: impetrato tamen capite, quo suum ipsum monasterium, ut tanti cœlitis patrocinio muniretur, honorificauit: adiuncto eiusdem gloriosi antistitis præmemorato calice, cuius ectypon ob venerandæ antiquitatis specimen, & raritatem formæ, placuit hic accuratim expressum exhibere, in pij Lectoris gratiam.

CALIX

S. ELII







## CAPVT VIII.

*Calices pretiosos iam olim Deo offerri consueuisse, ad altaris celebrandum venerabile mysterium.*

**D**E Constantino Magno refert liber Pontificalis Damaso adscriptus: In basilica Constantina fecit altaria septem ex argento purissimo, pensans singulum libras 260. patenas aureas septem pensantes singulas lib. 30. scyphos aureos septem, qui pensant singuli lib. 10. Scyphum singularem ex metallo, quod corallo ornatum undique de gemmis prasinis & hyacinthinis auro interclusum &c. calices minores ex auro purissimo quadraginta, pensantes singulos libras singulas. calices ministeriales 30. pensantes singuli libras binas. Fecit basilicam B. Petro Apostolo in templo Apollinis. Et infra, Calices aureos tres cum gemmis prasinis & hyacinthinis, qui habent gemmas 45. pensantes singuli lib. 12. Metretas argenteas duas, pensantes lib. 200. Calices argenteos 20. pensantes sing. lib. 10. Amias aureas duas, pens. sing. lib. 10. Amias argenteas 5. pens. sing. lib. 3. Patenam ex auro purissimo unam cum turre & columba ornatam gemmis prasinis & hyacinthinis, quæ sunt numero cum margaritis albis 215. pens. lib. 30. patenas argenteas 5. pens. sing. lib. 15.

In tractatu de Translatione S. Sebastiani, & repositione apud Sueslionense monasterium facta à Ludouico Pio Imp. & Francorum Regē: cuius relationis monachus anonymus Sueslionensis auctor fuit: quem libellum typis cudendum curauit non ita diu Petrus Chiffletius Societ. Iesu, ex veteri manuscripto Codice Vesuntionensi, sic legitur c. 19. (cuius hæc inscriptio est, Ludouici Pij & coniugis erga S. Sebastianum pietas.) Igitur aulam tantæ sublimitati prouisam introgressi, Imperialia & ea quæ tunc cultiora fuere ornamenta resumpsit, & diademate comptus Missarum solennia Cæsar consistorium scandens, in honore Martiris fecit decantari; Qui cum ad Euangelium ventum est, calicem aureum cum patena, patris sui magni Caroli monogrammata insignita, manibus propriis interlegendum, ponderis ingentis tenuit, & cum oblatione sacrandæ, eidem dedicauit, &c. Textum deinceps sacrorum Euangeliorum aureis characteribus exaratum, laminisque metalli eiusdem absque admixtione cuiusdam materie includsum, thymiamateriumque quadraginta & octo siclorum eiusdem speciei, & vastam olei amphoram ad luminaria concinnanda, mente promptissima obtulit.

In actis S. Farij Confessoris quiescentis Cremonæ, à Ferrario editis, de calice quem fecerat (aurifaber erat enim vir ille sanctus) & pro munere dederat Ecclesiæ Cathedrali, hæc habentur: Opera quedam ex argento quæ adhuc monstrantur, Ecclesiæ Cathedrali dono dedit, in quibus calix est, qui rebus pretiosioribus ab igne in sacrario accenso consumptis diuinitus seruatus est, & quod magis mirandum in Ecclesia ad altare B. Mariæ Virginis repertus fuit incolumis. Hæc ibi.

Sed mihi hîc excidere ferè oscitanter passus fueram illustre pietatis S. Remigij Archiepiscopi Rhemensis, Francorumque Apostoli, de

Cc

Colitur die 18.  
Ianuarij.



consimili dono monumentum. Memoriz id prodidit Hincmarus & ipse Rhemensis Antistes, in vitæ eius quam conscripsit, c. 5. *Merito*, inquit, igitur eum *Remedium* fuisse nominatum in baptismo crederemus, nisi emendatioribus gestis illum oraculo diuino per S. Montanum Remigium vocari debere cognosceremus. Sed & in versibus metricis ab ipso compositis, & iussione illius in quodam vase ab eo consecrato sculptis, ita legimus,

*Hauriat hinc populus vitam de sanguine sacro,  
Iniccto æternus quem fudit vulnere Christus;  
Remigius reddit Domino sua vota Sacerdos.*

Quod vas ( subiungit Hincmarus, & ex eo verbatim Flodoardus lib. 1. hist. Eccles. Rhemensis c. 10.) usque ad nostra tempora perdurauit, donec fustum in redemptionem datum est Christianorum, ut à ministris diaboli Normanis redimeret precium argentei calicis, quos de potestate tenebrarum redemerat effusus sanguis calicis, Christi videlicet passionis.

In testamento sancti ipsius Remigij quod refert idem Flodoardus c. 18. Rhemensi Ecclesiæ legat sanctus ipse Pontifex calicem confluendum ex vase aureo quod ipsi Clodoueus Rex donauerat: *Illud quoque vas aureum*, inquit, *decem librarum*, quod mihi sæpe nominandus dominus, illustrisque memorie Ludouicus Rex, quem ut prædixi de sacro fonte suscepi, donare dignatus est, ut de eo facerem, quod ipse voluissim, tibi heredi Ecclesiæ meæ suprâ memoratæ, iubeo turriculum ( id est ciborium forma turriculata effectum ) & imaginatum calicem ( scilicet fuscis imaginibus insignem ) fabricari, & epigrammata, quæ Lauduni in argenteo ipse dictaui, in hoc quoque conscribi volo. Quod faciam per me si habuero spatium vitæ, si autem clausero ultimum diem, tu fili fratris mei Lupe Episcopo, species antè dictas, tui ordinis memor efficies.

## CAPVT IX.

*Calices recenseri inter præcipua Ecclesiarum ornamenta & religiosè seruari, atque pro sacra pompa ad altare maius appendi & ostentari in solennioribus Festis.*



A Christo magnum pietatis Sacramentum dedicante, calicem nos accepisse notum, testatùmque omnibus est. Inde mos inoleuit, ait Paschasius lib. de corpore & sanguine Domini c. 10. quod sanguis Christi nunquam in Catino, nunquam in cratera vel alio vase, quàm in calice consecratur. In Ecclesiis erat ideo sacrorum vasorum custos, siue Cimeliarcha, ut patet ex gestis S. Laurentij, & B. Euthymij Abbatis, politiæque Ecclesiasticæ monumentis. At inter vasa calices & patenæ potiori honore ac obseruantia habebantur: ut enim ait vetus Concilium Triburiense: *Vasa quibus sacra conficiuntur mysteria calices sunt & patenæ*, can. 18. de quibus ideo Damasus & Anastasius in

Pontificali libro frequentem recensionem faciunt, donaria enumerantes quæ à Pontificibus vel principibus fuerunt sacris locis collata. Constat ex S. Augustino lib. 3. contra Cresconium Grammaticum, c. 29. ipso persecutionum tempore fuisse calices inter Ecclesiæ pretiosa vasa in indiculum relatos: ex Nicephoro autem fuisse ædiculam in Ecclesia, in qua calices cum cæteris vasis sacris asseruabantur; narrat enim lib. 13. c. 21. quod S. Ioanne Chrysostomo in exilium relegato, diuina vindicta templum Constantinopoli concrematum fuerit, excepta illa ædícula, in qua ipsa diuini ministerij adminicula asseruabantur. Extat apud Cassiodorum, epistola 20. lib. 12. de sacris vasis pignori datis restituendis, quæ reddi iussisse etiam Alaricus Rex Arianus, in deprædatione vrbis, cum laude memoratur; illicque nota dignum quod Rex Theodoricus vasa ipsa, seu vt ait, ministeria, *Leuitarum* (inquit) tractanda manibus, toto orbe adoranda esse. Illustre eiusmodi pietatis exemplum edidisse Clodouicum nostrum Regem nondum sacris Christianis initiatum commemorat Gregorius Turonensis, auctórque vetus vitæ MSS. S. Remigij Rhemorum ciuitatis Episcopi, quæ edidit Quercetanus tom. 1. Scriptorum historiæ Francorum sub ipso Clodoueo Rege, sic enim ibi legitur: *Transitum autem Rex faciens secus ciuitatem Rbemi, per viam, quæ vsque hodie propter Barbarorum per eam iter, Barbarica nuncupatur, noluit in eandem ciuitatem introire, ne ab exercitu suo aliquod malum ibi fieret. Sine voluntate autem & conscientia ipsius, pars quedam indisciplinatorum, quoniam non eras potestas temporalis inhabitantium, quæ eis resisteret, eandem ciuitatem intrauit, & quadam ornamenta atque sacra vasa inde rapientes, vt pradones solent, asportauerunt, inter quæ vrceum miræ magnitudinis atque pulchritudinis rapientes tulerunt: Sanctus autem Remigius missos suos ad Regem Chludouicum direxit, deprecans vt si aliud de sacris vasis Ecclesiæ recipere non mereretur, vel illum vrceum missis suis reddere iuberet. Hæc audiens Rex, ait ad missos Ecclesiasticos: Sequimini nos vsque Sueßionis ciuitatem, quia ibi cuncta quæ acquisita sunt diuidenda erunt. Cùmque mihi vrceus ille in partem obuenerit, quæ Episcopus postulat, adimplebo. Veniens autem Sueßionis ciuitatem, cunctam prædam quæ asportata, vel acquisita fuit, rogat afferri in medium. Cùmque omnia fuissent in præsentiam Regis allata, dixit: Rogo vos, o fortissimi pugnatores, vt mihi dare istum vrceum non negetis. hoc Rege dicente, illi Franci, qui bono animo fuerant, aiunt, Omnia gloriose Rex quæ cernis, tua sunt, & nos tuo dominio sumus subiecti, quod tibi bonum videtur, hoc fac: nullus enim tuæ potestati resistere audet. Cùm hæc illi benignè dixissent, vnus Francus leuis cum vociferatione, eleuata bipenna, quæ alio nomine appellatur francisca, percussit vrceum illum, dicens, Tu nihil hinc accipies Rex, nisi quod tibi fors vera donauerit. Obstupefactis omnibus, rex iniuriam suam patienter sufferens, acceptum vrceum nuncio Ecclesiastico reddidit, seruans iram in corde absconditam. Transacto anno, Chludouicus Rex vt omnium armorum nitorem videret, omnem exercitum iussit cum armorum apparatu venire secundum morem in campum Martium, sic enim conuentum illum vocabant à Marte, quem pagani Deum belli credebant, à quo & mensem Martium, & tertiam feriam diem Martis*

Vide de hoc Alarici pio facto, Orosium lib. 7. hist. c. 39

appellauerunt. Quem conuentum posteriores Franci Mai campum, quando Reges ad bella solent procedere, vocari instituerunt. Verum ubi Rex cunctum exercitum circuit, venit ad hominem illum qui vrceum praterito anno cum bipenna percusserat, & ait ad eum, Nullus hic tam inculta & sordida arma habet sicut tu habes, quia neque clypeus, neque lancea, neque bipenna est utilis? accepit autem Rex franciscam eius, quae vocatur bipenna, & proiecit in terram; cum autem ille se inclinasset eam recolligere, Rex statim eleuata manu franciscam suam in caput eius defixit, & ait: Sicut tu in Sueffionis ciuitate superiore anno in vrceo illo fecisti, sic & facio tibi; mortuoque illo, exercitum Rex de ipso campo iussit ad propria discedere. Grandis timor & paupr pro hac causa in Francorum populo consurrexit.

Notandum hic verò iam olim calices non solum potiore habitos loco honoris, inter vasa Ecclesiastica, sed quosdam non ita y sui fuisse datos ac ornatui. Sic in Leone IV. signat Anastasius: *Fecit in basilica B. Pauli Apostoli calices maiores fundatos ex argento purissimo ex ipsius Apostoli donis, qui pendent in arcu numero 10. & alios, qui pendent inter columnas maiores dextra leuâque 40. pensantes simul lib. 267.* Et in Paschali I. *fecit calices maiores ex argento pendentes numero 42. qui omnes simul pensant lib. 281.* Et in Leone IV. obtulit etiam B. Petro Apostolo calices de argento qui sedent super circuitu altaris numero 18. pens. lib. ... Verum etiam calicem pendentilem cum catenulis & delphinis (pro ansis scilicet) pens. lib. ... Sacra ista vasa, aliâque cimelia festis diebus, vt idem scribit Anastasius in Leone IV. in circuitu altaris maioris dependebant. Huiusmodi calix ille erat de quo infra dicit: *Huius (Pontificis) temporibus Michael filius Theophili Constantinopolitane Urbis Imperator, ob amorem Apostolorum, misit ad B. Petrum Apostolum &c. per manum Lazari monachi &c. Euangelium de auro purissimo cum lapidibus pretiosis. Calicem verò similiter de auro & lapidibus circumdatum, reticulo pendente, de gemmis albis pretiosis (id est vnionibus seu margaritis) miræ pulchritudinis decoratum, & parua coopertoria ipsius Calicis, sicut mos Græcorum est.*



## CAPVT X.

*Sacro ritu consecratos Calices, non posse sine sacrilegij piaculo temerari. Plexosque non semel ultione diuina eorumdem, & ceterorum vasorum sacrorum violatores.*

## ARTICVLVS I.

*De calicis Eucharistiae consecrandae dedicandi, propria consecratione, à solo Episcopo facienda, ordinario iure: extraordinario autem à simplici Sacerdote, Papæ auctoritate suffulto.*



**P**LERAQVE instrumenta, & vasa ex auro & argento habemus (inquit sanctus Augustinus in Psal. 113.) in usum Sacramentorum, quæ ipso ministerio consecrata, sancta dicuntur. Idem docet S. Hieronymus in quadam Epistola ad Theophilum: *Discant, inquit, qui ignorant calices sacros & cætera quæ ad cultum Dominicæ pertinent passionis, non quasi inania & sensu carentia sanctimoniam non habere, sed ex consortio corporis & sanguinis Domini.* Quibus locis duo isti Patres censuisse videntur in calicibus & cæteris vasibus Ecclesiæ sacrandis non opus esse benedictione speciali, sufficere enim contactum pretiosi corporis & sanguinis Domini, quo sanctificantur. Sed isti Patres hoc non dicunt, at dumtaxat docent etiam si calices solenni ritu non benedicerentur, tamen ex ipso contactu corporis & sanguinis Domini vim sanctificationis contracturos.\*

Tametsi verò in Pontificio Iure nullus canon à me repertus sit, vel decretum signatum, quo facultas consecrandi calicem soli Episcopo, eique diocesano, vel alteri de eius tamen consensu, reſeruata sit: tamen mos antiquus Ecclesiæ sufficit ad ius cuiusmodi confirmandum. Cui accedit præscriptus in Pontificali, ritus consecrationis calicis ab Episcopo faciendæ: cuius hæc est præliminaris rubrica, *Pontifex ad consecrationem calicis, vel cuiuslibet indumenti seu ornamenti Ecclesiastici, procedere volens, debet semper stolam circum collum habere & mitram tenere ubi conuenit &c.* Ex qua tamen elici posse videtur calicis consecrationem benedictioni ornamentorum æquiparari. Proinde sicut proprio quidem iure nequeunt meri Sacerdotes, id est Presbyteri, benedicere vestimenta Ecclesiastica, at ex commissione seu summi Pontificis, vel Episcopi permissu, id licite & valide possunt. Ita prorsus accedente ipsius Papæ mandato, vel licentia Episcopi, à Presbyteris posse calices consecrari.

Cui opinioni fauere videntur Canonistæ nonnulli in Clement. *Attendentes de statu regularium. §. Statuimus.* Vbi sentiunt non quidem iure sed consuetudine, Abbates saltem & Priores, qui vtuntur insignibus Episcopalibus, & iurisdictionem Episcopalem obtinent, calices posse

\* Iam enim tempore S. Ambr. cuius synchroni ipsimet SS. Hieronymus & Augustinus extiterunt, solebāt calices consecrari. Vnde ipse distinctionē adhibet inter initiatos & non dedicatos, lib. 2. off. cap. 28. *Opus est, inquit, ut de Ecclesia mystici poculi forma non exeat, ne ad usus nefarios, sacri calicis ministeriū transferatur. idco intra Ecclesiam primò (instante graui necessitate) quæstia sunt vasa quæ initiata non essent, deinde comminuta, postremo conflata per multas erogationes dispensata egentibus, captiuorum quæque pretiis profecerunt. Quod si desint noua & quæ neque initiata videantur, in eiusmodi usus quos supra diximus, arbitror omnia pie posse conueriti. scilicet urgente calamitate publica.*



consecrare, saltem accedēte indulto summi Pontificis. Contra quos alij docent etiam hoc modo, id fieri non posse: distinguendum enim inter ea quæ ordinis Episcopalis sunt, & quæ sunt iurisdictionis: posse enim ea quæ spectant iurisdictionem Episcopalem, Pontificio privilegio acquiri; verum quæ sunt ordinis munera non posse vlllo modo aliis competere, nec posse vlla præscriptione, vel consuetudine comparari. Quæ ratio si valeat, inde quoque sequitur non posse simplicem Sacerdotem, quamvis sit Abbas infulatus, etiam de mandato summi Pontificis Sacramentum Confirmationis absente Episcopo conferre, quin nec promouere quempiam ad vlllos ordines: ista promotio etenim actus est ordinis Episcopalis, non meræ iurisdictionis. Verum quàm hæc opinio defultet à præcipuorum Theologorum placitis, superfluum est hoc loco demonstrare, longèque rationi magis consentaneum est admittere, posse simplicem Sacerdotem indulto Apostolico suffultum, calices consecrare, quàm id inficiari: siquidem aliàs sequeretur errare Pontificem qui indultum eiusmodi, vel mandatum concessisset. quod nullatenus dici debet: aliàs Abbates, qui Tonsuram conferunt vel quatuor minores, etiàmque Subdiaconatum ex privilegio Apostolico, illuderent à se promotis: hique de gradu suo periclitarentur, & iniuriam Ecclesiæ grauem ex hoc abusu pateretur; quæ omnia consecutanea, quàm absurda sint non cæcis facillè patet.

Audiui quondam insignem Theologum discrimen notabile, planèque discretium vt aiebat, assignantem inter benedictiones quæ sunt ordinis Episcopalis, simplicisque, vt aiunt, Sacerdoti competere nequeunt: & illas benedictiones quas iure suo eiusmodi Sacerdos conficere potest, vel saltem ex Papæ aut Episcopi licentia. Dicebat igitur, quotiescumque in benedictione Chrismate opus est, officium esse antistitis hanc efficere: nec posse merum Sacerdotem iure suo saltem eiusmodi benedictionem peragere. At vbi non ingreditur chrisma, posse Presbyterum etiam non Paræcum, quamcumque benedictionem exequi, ideoque vñctionem recipere in manibus cum ordinatur; sic Episcopo deprecante: *Consecrare & sanctificare digneris Domine, mahus istas, per istam vñctionem & nostram benedictionem, ut quæcumque benedixerint benedicantur, & quæcumque consecrauerint consecrentur & sanctificentur, in nomine Domini Nostri Jesu Christi.* Porro ingreditur Chrisma in benedictionem calicis, ideoque actionem Episcopalis ordinis, at verò Sacerdotalis non esse. Sed si ita est, nec campanam posset benedicere simplex Sacerdos, quia & Chrisma in ea adhibetur, at praxis est Ecclesiæ communiter recepta, vt campana benedicantur à simplici Sacerdote: vixque inuitatur Episcopus ad eiusmodi officium. Nec respondere iuuat Presbyterum non iure suo benedictionem campanæ inire, sed Episcopi iussu vel permissu. Tum enim reponere licet, igitur accedente Episcopi auctoritate poterit Sacerdos benedicere calicem, quamvis chrisma in eiusmodi consecratione applicetur.

Vt quid sentio, ingenuè aperiā, certè axioma illud, quod

Episcopi speciale mandatum intercedere debet, in quacumque benedictione chrisma à Sacerdote adhibetur, mihi verum non videtur. Nam linit infan-tem vel adultum quemuis sacro chrismate in baptismo simplex Sacerdos, iure vniuersa in Ecclesia communi, & vbi-que stabili, sine vlla Episcopi licentia; quin solenni ritu dum in vigilia Paschæ Sacerdos aquam benedicit, infundit sacrum chrisma cum oleo sancto in fontem, suo ex officio in Missali præscripto, absque vilo speciali indulto Episcopi vel Papæ. Ratio igitur cur iure communi Sacerdos simplex non consecrat calicem, ea non est quòd chrismate opus sit in consecratione eiusmodi; nec quòd munus istud sit actus proprius ordinis Episcopalis, nec quòd canones Ecclesiastici hoc decreuerint Episcopo reseruari: sed quia sic longæua consuetudo obtinuit. Consuetudo autem immota manere debet, quæ nec contra fidem Catholicam, nec contra bonos mores quicquam vsurpare dignoscitur. Can. *Nos consuetudinem dist. 12.* Porro præsignata consuetudo est eiusmodi, nihil enim inducit contra fidem orthodoxam, neque bonos mores; sed confert nonnihil ad commendationem dignitatis Episcopalis, cuius decus \* est robur & ornamentum Ecclesiæ, maioremque conciliat consecratis calicibus reuerentiam ex dignitate agentis. Potest tamen generali huic consuetudini auctoritate Romani Pontificis derogari: & proinde accedente Papæ mandato vel indulto ritè & validè calix à Presbytero benedici. Exemplum habemus huius concessionis in Gallia spectabile: Innocentius siquidem IV. concessit Amedeo, Abbati S. Stephani Diuionensis, facultatem consecrandi calices & benedicendi corporalia, pallas & vestes Sacerdotales, diplomate dato Lugduni, Pontif. anno 8. 6. Idus Martij: Sed in ipso tantum monasterio, & dummodò Episcopi ei manus imposita fuerit. Quod etiam successoribus liceat. Quo munere fungi quosdam Abbates, Episcopalibus vtentes insignibus, notat Fumus in Armill. voce *Calix*.

\* S. Hieronymus in dialogo cont. Luciferianos.

## ARTICVLVS II.

*Consecratos Calices solenni Ecclesiæ ritu, reuerenter à piis semper seruatos: At è contrà impiorum fuisse iam olim morem eos depradari, profanare, diripere: sed vt plurimum non sine vindictiua Dei iustitiæ patenti indicio.*

**O**PTATVS Mileuitanus ingenti cum lacrymarum profluuio, Donatistarum scelera detestatur, qui in Africa sacra profanis miscuerant: *Quid est tam sacrilegum (inquit lib. 6.) quàm altaria Dei, in quibus & vos aliquando obtulistis frangere, radere, remouere: In quibus vota populi & membra Christi portata sunt, quo Deus omnipotens inuocatus sit, quo postulatus descendit Spiritus sanctus, unde à multis pignus salutis æterna & tutela fidei & spes resurrectionis accepta est? Quid enim est altare nisi sedes corporis & sanguinis Christi? Quid vobis fecerat Deus, qui illic inuo-*

• cari consueuerat? Quid vos offenderat Christus? cuius illic per certa momenta corpus & sanguis habitat, &c. Hoc tamen immane facinus geminatum est dum fregistis etiam Calices Christi corporis portatores, quorum species reuocastis ad massas, mercedem nefarius nundinis prouocantes, ad quam nec emptores eligere voluistis sacrilegi, dum inconsiderate vendidistis. Passi etiam estis comburi manus vestras, quibus ante vos eosdem calices tractabatis. Eam rem iam passim vendidistis ere. Emerunt forsitan in usus suos sordida mulieres, emerunt pagani facturi vasa in quibus incenderent idolis suis, ô scelus nefarium! ô facinus inauditum! auferre Deo quod idolis prastes, subducere Christo quod proficiat sacrilegio. Hæc Optatus de Donatistis.

S. Ioannes Chrysostomus orat. in S. Philogonium. Maximinus cum suam (inquit) insaniam licentiosius contra nos prodidisset; ausus impuris manibus sacra vasa contingere, hoc etiam scelere non contentus, sed contumelia ulterius progressus (vasis enim his vniuersis super pauimentum collocatis & extensis ita super ea defecit) è vestigio illegitima huiusce sessionis penas luit; illius enim verenda corrupta vermiculos generarunt, ita ut morbum diuinitus illatum constaret: ad quem curandum medici, aues pingues, easque peregrinas interficiebant, quibus ad putrefacta membra admotis vermiculos euocabant, illi verò cum non morentur, mordicis putridis partibus inhærebant; atque illum ita demum multis diebus absumptum perdiderunt.

Victor Vticensis de persecutione Wandalica lib. 1. Gensericus, inquit, Proculum quemdam misit in prouinciam Zempitanam, qui coarctaret cunctos Domini Sacerdotes ad tradendum ministeria diuina, vel libros cunctos, ut primò armis nudaret, & ita facilius inermes hostis callidus captiuasset. Quibus se non posse tradere clamantibus, ipse rapaci manu cuncta depopulabatur &c. Qui tandem Proculus huius rei executor, frustatim sibi comedens linguam in breui turpissima consumptus est morte.

Vide Conc.  
Tyrium tom. 2.  
mag. Conc.

Inter conficta scelera, de quibus Ariani pridem aduersus S. Athanasium in Conciliabulo Tyriensi expostularunt: contracti ab eo, vel eius iussu à Machario Presbytero Alexandrino, mystici calicis piaculum grauissimum censebatur, atque homicidio Arsenij Diaconi quod eidem impingebant, non impar. Quamobrem cum Concilij Alexandrini Patres rem discussissent diligentius, insontemque tanti reatus, ut aliorum flagitiorum ipsum Athanasium reperiissent, sua in Synodica eius innocentiam omnibus testatam ut facerent, apologiam hac de re pro eo accuratam ediderunt, qua ipsum à labe sceleris tanti purum & immunem prorsus testificantur. Poculum autem mysticum, quod, aut quonam, inquirunt, in loco à Machario fractum est? Id enim sursum ac deorsum obuolitantes iactitant. Atqui Athanasium, ne accusatores quidem ausi fuissent eius criminis incescere, nisi ab ipsis summissi, instructique fuissent. Sed tamen illi summam huius criminis in Athanasium referunt, quod ne in Macharium quidem qui victus non est, referri debet. Nec pudet eos coram Catechumenis, & quod peius est, coram ethnicis ita de mysterijs tragicari. Et infra; Atqui locus ille in quo contractum poculum iactitant, Ecclesia non erat, nec quæquam Presbyterorum ei loco vicinus, nec dies qua id factum à Machario voluit Dominica. Cum igitur neque Ecclesia ibi esset, neque sacra fierent, neque dies hoc

hoc ipsum requireret, quale, aut quando, aut ubi, mysticum illud poculum fractum est? pocula multa passim in ædibus atque adeò in medio foro haberi nemini dubium, quæ collisa collidentem non impiant. Mysticum autem poculum, quod *Epist. Synodi-  
ca Concil. Ale-  
xandrini ibidè.* impium eum reddit, qui id ultro frangit, nusquam nisi apud legitimos Ecclesiæ Præsides inuenias: hic enim unus usus est calicis, & præter eum alius nullus, eoque solo vos legitimo ritu propinatis populo, eumque vos pro canone Ecclesiastico accepistis, idemque dumtaxat penes eos habetur qui Ecclesiis præsumt; solum enim vestrum est propinare sanguinem Christi, & præterea nullius. Ceterum impius est, qui hunc calicem mysticum frangit, ita multo magis impius est, qui sanguini Christi contumeliam facit. Contumeliam autem facit, qui præter Ecclesiasticam institutionem calice illo abutitur.

En, ex sanctorum illorum Episcoporum iudicio, quantum scelus sit calicem mysticum frangere: cum id flagitium impietatis esse crimen reatumque contumeliæ Christi sanguini irrogatæ, & vindictam coram Deo clamanti adæquandam arbitrentur. Quid igitur sancti illi Ecclesiæ præsides, vindicæque Christi gloriæ, & impietatis ultores, de nuperis nostris sectariis censuissent, quorum furor, & rabies eò profiliit, ut ultra progredi non potuerit, quoad rerum sacrarum profanationem, vasorum sanctorum direptionem, calicum imprimis; (quos portatores Christi sanguinis rectissime Optatus appellabat) & patenarum execrandam confractionem, & exsufflationem. Acta Ministrorum edita ab Adriano Behotio, venerabilis memoriæ maiori Archidiacono Rothomagensi, id luculentis verbis, sed funestis exemplis propalam faciunt. Locus hic esset (nisi ei præscripta tractationis præpediret angustia) luctuosas has hæreticorum Galliæ in sanctuaria Dei eruptiones seriatim describendi: plus æquo sed quia eiusmodi campus dilataretur, breuitatis gratiâ, lubens me recipio intra arctiores eiusmodi actorum nefandorum limites.

Audiat, qui instar plurimorum testium, dignitate, doctrina, rerum peritia, atque ipsarum omnium ferè spectator rerum, quas enarrat, vnus esse debet, Carolus Sausseyus, Decanus pridem Aurelianensis, Mathurini de la Saussaie Aurelianensis Episcopi ex fratre meritisissimus nepos: is enim barbaros, impiósque Calvinistarum, ea in ciuitate motus, circa res, & ædes sacras, tragico, at veraci stylo luculenter descripsit, in suis Annalibus Ecclesiæ Aurelianensis, lib. 15. sub Ioanne X. Antistite. Necdum (inquit) Aprilis expirauerat (anni 1562.) & iam tum Ecclesias aggrediuntur, altaria sacra diruunt, Christi, & Sanctorum venerandas imagines iactant in præceps. Dein 11. Maij vasa sacra, calices, cruces, tabulas, imagines, librosque argento compactos, & reliquiarum capsas, & iocalia, è maiore, & aliis Ecclesiis mandatu Principis in turrim nouam elata, in usum suum paucis ab hinc diebus constant, & Nihil iam libidini eorum, nihil cupiditati exceptum, nullum sauitia genus & intus, & foris omisit illorum proteruitas. Tunc diuina officia, sacras synaxes, Missarum solennia intermittere oportuit, Sacerdotes, plebes, ciuitate, & laribus clanculum excedere, quia morari sine periculo non dabatur; nouas sedes Parisiis, Carnuti, Turonibus, Andegauis, ubiuis locorum querere, quauis aduerso pati



oportuit, ne cultu religionis priuarentur. Nec erit incongruens sigillatim recensere, quos thesauros Ecclesiæ nostræ sacrilega manu rapuerint, è scriptis suo ipsorum calamo consignatis, præter alia vasa & capsas, nempe Calicem aureum, auro purissimo conflatum à temporibus S. Euurtij ad hæc usque tempora ( id est per annos supra 1200. ) conseruatum, Capsam Osannorum, capsam item sanctorum Dorothei & Seueri, & capsulam gutta sanguinis Domini, & alia quæ nos latent.

Inuentarium reliquiarum Ecclesiæ sanctæ Crucis factum 2. Maij anno 1562. in turrim nouam illatarum.

*Duodecim calices, & octo patena argentea.*

*Duo urcei argentei, &c.*

*Duo magni urcei argentei deaurati, &c.*


*Patena una argentea deaurata effigiem Ascensionis Domini expressam habens.*

*Cuppula argentea cum catenulis.* Intercido hîc fusam cimeliorum, lipsanodochiorum, aliorumque sacrarij nobilis illius Ecclesiæ iocalium ( si Sausseyi vocula uti licet ) recensionem: ne Lectori fastidio sim tantorum sacrilegiorum fusiori enumeratione. Subdit tandem quod vice corollarij hîc lubens quoque subiicio: *Ex harum omnium reliquiarum thecis ossa Sanctorum demum extracta die 15. Maij. Tandem verò omne aurum ponderis 49. marcharum & argentum 833. & eo amplius; quin & vestes omnes, & ornamenta sacra, auro & argento pretiosissimisque colorum fucis prætexta, profano sacrilegio direpta sunt: eodémque modo per omnes Ecclesias Urbis, Diœcesis, & totius propè Galliæ ab eis factitatum est, incredibili & luctuoso honoris Dei, & Ecclesiæ sponse suæ dehonestamento detrimentoque, conflata ex illis moneta publica.*

Vox est Apostoli, *si quis violauerit templum Dei, disperdet illum Deus, 1. Cor. 3. 7.* haud mirum igitur si paulò post omnes illi perierint perditissimo exitu, Sanctuarij Dei direptores, prædonésque nefarij, qui ut in se diuinam iram prouocarent sacris mysteriis illudentes, & ministeriis diuinis ausu sacrilego abutentes: captum in agro Carnotensi subinde Sacerdotem, ad altare patenam præbere sibi in offertorio osculandam, coëgerunt, pro munere, illum singuli alapis percusserunt, deinde & calicem fœtido lotiô impletum exhaurire compulerunt, hisque execrandis delusum modis, in ordinis odium, & Dei cuius minister erat, contemptum, dira nece interfecerunt, affixum scilicet cruei Ecclesiæ, quam cum imagine Saluatoris, ipsûmque Sacerdotem sclopis confectum, in rogum coniecerunt, flammisque voracibus absumperunt. Quid mirum igitur si paulò post tam nefarij, scelerati impiique homines, quin potius non homines, sed meræ belluæ, non belluæ sed dæmones, calicem iræ Dei usque ad fæces ebiberunt, proclamante præcone diuino, Apoc. 16. *Iustus es Domine, qui es, & qui eras sanctus, qui hæc iudicasti, quia sanguinem Sanctorum effuderunt, & sanguinem dedisti eis bibere, digni enim sunt.*

## CAPUT XI.

*An calicis benedictio seu consecratio sit immobilis, quandiu integer perseverat, quacumque ex materia sit conflatus?*



XIOMA est S. Thomæ 1. 2. q. 39. art. 3. Omnes consecrationes Ecclesiæ esse immobiles manente re quæ consecratur. Cui suffragatur Canonici iuris titulus, de sacramentis non iterandis, apud Greg. lib. 1. ubi tamen non de sacramentis tantum agitur, sed etiam de sacramentalibus: nam sub eo titulo c. à nobis. inquirenti Lon-

doniensi Archiepiscopo, an vestimenta cum quibus Schismatici celebrarunt, vel altaria in quibus sacrificium obtulerunt, iterum debeant consecrari? negativè respondet summus Pontifex Honorius III. Nec alia est ratio, nisi quod Ecclesiastica benedictio sit immobilis, re quæ benedicta est integra permanente: ex quo principio idem asserit S. Thomas 2. 2. q. 88. a. 11. calicem nullius superioris auctoritate posse fieri profanum, quandiu integer manet.

Sed si vera est aliorum opinio, quæ censet consecrationem calicis in superficie consistere, & ideo si pereat superficies, desinere consecrationem, unde si calix inauratus consecratur, deinde nudetur auro, *Indiget* (ut volunt) *denuò consecrari*. Quæ doctrina mihi vera non videtur, nec enim aurum benedixit Pontifex, sed calicem, cuius attendi debet materia principalis, nam si sit quoad substantiam argenteus, quoad decorationem aureus, amoto accessorio, principale perseverat, calix enim semper est, etsi non sit aureus: constans ex propria forma, & legitima solidæque materia. Verum est quidem quod Pontifex dum consecrat calicem, unctione chrismatis solam superficiem attingit: sed vis benedictionis vas totum penetrat atque sanctificat, quod se intelligere innuit Pontifex dum orat, *Ut quod arte vel metallo effici non potest altaribus dignum, fiat tua benedictione sanctificatum*. Et dum præterea dicit, *Consecrare, & sanctificare digneris Domine Deus calicem hunc per istam unctionem, & nostram benedictionem in Christo Iesu Domino nostro*, significans scilicet materiam superficiem per sacrum liquorem ungi, at totam vasculi substantiam benedictione consecrari. Proinde si exterior deficiat ornatus, aurum scilicet quo calix decoratus erat, nihil decidente de ipsa vasis substantia, vis in eo benedictionis effectusque sanctificationis semel infusæ perseverat.

Secus est, si vi vel arte auro nudetur: id enim cum fieri non possit sine igne, vel ictu, & aurificis manuum violento contactu, hoc ipso pollutus videtur: At si usu dumtaxat aurum paulatim minuat, & tandem deficiat, integer nihilominus manet calix quoad materiam unde constat, & formam, proinde retinet consecrationem quæ ab accessorio ornatu non pendet.

At alius casus ex aduerso contingere potest: Quærent enim Cano-

nistæ quidam, si calix argenteus postquam consecratus fuit inauretur, eo ipso sit profanus, nouaque consecratione indigeat? Volunt siquidem nonnulli consecrationem amittere: At alij è contrà retinere, perinde ac parietes Ecclesiæ consecratæ si dealbentur, aut quibusdam picturis obducantur, consecrationem retinent, faueréque sibi aiunt cap. *Ecclesiis. de consec. dist. 1.* quo pròhibetur iterum consecrare Ecclesias quæ Deo semel consecratæ sunt. Verùm caput istud quod ex Nicæno Concilio sumptum inscribitur, non docet absolute indelebilem esse consecrationem: imò in quibusdam casibus indicat illam perire, ita enim habet, *Ecclesiis Deo consecratis non debet iterum consecratio adhiberi, nisi aut igne exusta, aut sanguinis effusione, aut cuiuscumque semine polluta fuerint.* Vbi gloss. *exusta*: rectè subiungit, pro maiori parte, aliàs secus arg. ff. de contrah. empt. dom. *Cum si ita comburatur, quòd destruat vel decrustetur interius, & exterius, tunc execratur.* Consecratio enim Ecclesiæ maximè consistit in vñctione exteriori & coniunctione, & dispositione lapidum: ex quo non licet tanquam à pari arguere de calice consecrato, post benedictionem deaurato, nam superficies non destruitur, sed augetur & melioratur, partes verò non diuiduntur at manent coniunctæ: vnde igitur potest excidere consecratio? sanè ex profana contrectatione per manus laici artificis; Laici, inquam, nam si v. g. S. Eligius, qui ante promotionem ad Episcopatum, aurifaber erat sua ætate præstantissimus, postquam euasit Episcopus calicem merè argenteum consecrasset, & postea decorationis gratiâ eundem inaurasset, sine contusione vasculi, & læsione vlla, cum sine ictu aurum applicari possit: sanè eiusmodi calicem qui tam forma quàm materia integer perstitisset, dixerit nemo æqua ratione, rursus fuisse consecrandum: sed dempto exemplo eiusmodi, (vel non admodum absimili) quia deauratio sine ictu, tunsione, & violentia vix adhiberi potest, & contrectatione laicæ manus artificis; idcirco in euentu eiusmodi, haud prorsus inficior non fore immobilem calicis consecrationem, quapropter tutius videri in illo casu illam iterare. Nec eadem est ratio picturæ adhibitæ venerandis Ecclesiæ parietibus, & deaurationis calicis; sacræ enim picturæ seu imagines, parietum templi sanctificationem adaugent, cum ipsæ sunt veneratione dignæ. At aurum quo illinitur calix consecratus, nullo cultu dignum est, merum est metallum, quod calicem sanctificare non potest: at ex quo ei applicatur, & inhæret fit particeps illius sanctificationis, quamdiu calix inuiolatus ac integer perseverat. Nec enim, ait Dominus, *aurum sanctificat templum, sed templum sanctificat aurum*, Matth. 23. 17. Minutæ sunt aliæ quæstiones quas hîc ne progrediamur nimium, non excutiendas censuimus. At hanc non debeo prætermittere, an calix consecratus, consecrationis formam amittat cum scyphus eius à pede separatur, & iterum illi coniungitur? distinctio autem adhibenda est, nam si frangitur calix, adeò vt pes à scypho in totum separetur, tunc perit consecratio, quia amplius non est integer, nec inseruire

potest diuinis usibus, ad quos consecratus erat. At si fuerit calix ita ab initio elaboratus arte, ut scyphus à pede amoueri, & iterum coniungi sine læsione, & fractura possit, si disiungatur ad tempus consecrationem non amittit: verum quandiu pes scypho non hæret scyphus sacrificio inservire non potest, quia scyphus sine pede, non est calix, at non licet consecrare sanguinem Domini in alio vase, quam calice integro & consecrato.

## CAPUT XII.

*A quibusnam Calix licite possit contrectari?*



Laicis non posse tangi calicem sine eius consecrationis detrimento, res est apud rerum sacrarum tractatores rata & explorata, quæ etiam nititur *can. illud. dist. 50.* ubi glos. *instrumenta*, explicat utensilia, & ministeria ordinis. Nec tantum hoc Laicis nefas, sed etiam inhibatum est Clericis, qui sacris ordinibus initiati non sunt, *can. in sancta. de Consec. dist. 1.* hoc tenore, *In sancta Sede Apostolica à nobis, & reliquis Episcopis, ceterisque Domini Sacerdotibus statutum est, ut sacra vasa non ab aliis quam à sacerdotibus, Dominoque dicatis contrectentur hominibus: indignum enim valde est, ut sacra Domini vasa, quæcumque sint, humanis usibus seruiant, aut ab aliis, quam à Domino famulantibus eique dicatis tractentur viris, ne pro talibus presumptionibus iratus Dominus plagas imponat populo suo, & hi etiam qui non peccauerint mala patiantur, aut pereant, quia perit iustus sapissime pro impiis.* Simeon Metaphrastes in vita S. Euthymij Abbatis, sacrorum Vasorum pollutionem & profanationem hoc tempore crebrescentem, ob delicta populi à Deo permissam indicat: unde in ipsum populum diuina ira magis efferuescit. Et verò quam stricto iure ista vasorum sacrorum contrectatio sit Laicis prohibita, ex eo licet colligere, quod minoribus Clericis, tam multiplici, constantique canonum auctoritate sit interdicta. In Concilio II. Rom. sub Siluestro act. 1. *can. 9.* sic legitur constitutum: *Nullus Lector vel Ostiarius vasa sacra contingat. Nullus Acolythus rem sacram à Presbytero iam alio porrigat.* In Concilio Agathensi ita etiam fuit sancitum c. 66. relato apud Gratianum *dist. 93.* *Non oportet in sacros ministros licentiam habere in secretarium ingredi, (quod Græci Diaconion appellant) & contingere vasa Dominica.* Quid quod Subdiaconis vetuisse id videtur antiquissimum Concilium Laodicenum, *can. 21.* *Non oportet Subdiaconos locum habere in Diaconio, & vasa contingere Dominica.* Sed de vasis sacris quibus diuina mysteria imposita sunt, hoc intelligi debet decretum, nam alioquin vasa sacra contrectare vacua, licite posse ex *can. 5.* elicitur Concilij IV. Carthaginensis: *Subdiaconus cum ordinatur, quia manus impositionem non accipit, patenam de manu Episcopi accipiat vacuum, & calicem vacuum: de manu verò Archidiaconi accipiat urceolum cum aqua, manile, & manutergium.* Consonat Romanæ

Dd iij



Ecclesiæ vigens hodièque praxis huic antiquæ theoriæ, sic enim habet Pontificalis liber, post Episcopalem ad promouendos Subdiaconos admonitionem : *Deinde Pontifex accipit & tradit omnibus calicem vacuum cum patena vacua superposita, quem successivè manu dextera singuli tangunt, Pontifice dicente, Videte cuius ministerium vobis creditur &c.*

\* Extat in ordine Romano, Ordo ad Diaconam faciendam, tom. 10. Bibl. SS. PP. p. 162.

At hîc inquirere, videtur præfixo lemmati consentaneum, an fœminis Deo sacratis liceat calicem & cætera vasa sacra tangere? sanè fuerunt etiam in Ecclesia Diaconissæ ordinatæ \*, quæ circa mulieres vicem Diaconorum supplerent propter honestatem & necessitatem, ut patet ex epistola S. Ignatii ad suos Antiochenos, qua Diaconissas salutat; & S. Clemente lib. 8. Constit. Apost. c. 26. quo ritum describit earundem ordinationis, sanctoque Epiphanio hæres. 79. quæ est Collydidianorum, & in Compendiaria doctrina sub finem. quæ Diaconissæ cò vsque præsumpsisse videntur, ut ferè eadem munera quæ Diaconis competunt sibi arrogarent, adeò ut ingredi ad altare, in sacrificio ministrare Sacerdoti, manus ad pallas Dominicas apponere, contingere vasa Dominica, ipsamque nuda manu Eucharistiam accipere & ministrare, eas non puduerit, ut patet ex epistola Gelasij I. ad Episcopos Lucaniæ &c. Concilio Autissiodorensi can. 36. & 37. Parisiensi III. lib. 1. c. 45. &c. Ea propter tandem abrogatæ sunt publico Ecclesiæ iudicio, sæpe sæpius promulgato. Siquidem Diaconissas ampliùs non ordinandas cum Concilium I. proto-Oecumenicum decrevisset c. 19. crescente earum contumacia & non tolerandis ausibus. Idem latis legibus statuerunt Concilium Arausicanum I. c. 26. Epaonense can. 21. Turonense II. c. 21. Aurelianense II. c. 18. &c.

Sed longè diu post has canonicas sanctiones S. Clara memoratur aliquod, quod videri possit his decretis aduersum, sibi quæ sanctimonialis erat, & conuentus monialium mater, circa vasorum sacrorum ipsiusque Eucharistiæ gestationem insigne factum vendicasse. Irruente enim exercitu Friderici feri perfidique Cæsaris in Assisij oppidum, iamque muros ferè superante, exiisse refertur ad portas monasterij, vbi pauidæ Virgines tanquam ouiculæ luporum incursum perterritæ, impiorum militum rabiem & injurias pertimebant; ostensoque venerabili Sacramento eos in fugam conuertisse, suamque hac præsentia Domini Maiestatis, ab imminente clade stragèque ciuitatem liberasse. Hinc morem inoleuisse pium, sanctam hanc Virginem passim depingendi, cum Eucharistia quam gerit in vasculo solari specie radiantem. Sed quicquid sit de hac figura, ex re gesta profectò constat, S. Claram vasculum in quo Eucharistia condita erat non arripuisse, nec gestasse manibus, sed tantùm armatam fide, suisque sororibus exterritis & consternatæ ciuitati commiseratam, et se infirmam corpore exiisse ad portam monasterij, prælatoque corpore Domini, ipsum ingenti spiritus ardore deprecaturam, ut sacris sibi Virginibus in tanto discrimine adesse dignaretur, nec eas permitteret in impiorum manus incidere.

Extat vita S. Claræ iussu Alexandri IV. Papæ conscripta, cum

eam in Sanctorum catalogum retulisset, in qua rei huius historia ita ad verbum describitur: *Cumque in Assisium hostilis semel furor irrueret, & ipsis portis exercitus appropinquaret, Sarraceni, gens pessima, (horum auxiliis Fridericus utebatur) sanguinem semper sitiens Christianorum, apud S. Damianum intra loci terminos, imò intra claustrum Virginum confluerunt. Liquefunt Dominarum corda timoribus, & ad matrem referunt fletus suos. Quae se infirmam impavido corde ad hostium agmen duci iubet, & ante hostes poni, precedente eam capsula argentea, in qua erat Sacramentum Eucharistiae: cumque se totam in oratione substraxisset, Christo cum lacrymis ait, Placene tibi mi Domine inermes ancillas tuas; quas tuis amoribus innutriti, manibus ecce tradi paganorum? Custodi Domine has famulas tuas, quas ipsa in presenti articulo custodire non possum. Mox, vox quasi puerilis de nona gratiae propitiatorio ad aures eius intonuit, dicens: Fideiubeo pro vobis filiola, quòd nihil patieminioni? nec mora, statim canum illorum repressa pauescit audacia, & per muros quos ascenderant, descendentes celeriter exeunt, orantis virtute deturbati. Breuius res gesta in Breuiario Romano sic narratur: Saracenis Assisium obsidentibus, & monasterium cui illa praeerat, inuadere conantibus, agra se ad portam afferri voluit, unaque vas in quo sanctissimum Eucharistiae Sacramentum erat inclusum; ibique oravit in hunc modum: Ne tradas Domine bestiis animas consistentes tibi, sed custodi famulas tuas, quas pretioso sanguine redemisti; in cuius oratione ea vox audita est, Ego vos semper custodiam. Saraceni autem partim se fugae mandarunt, partim qui murum ascenderant capiti oculis, praecipites ceciderunt. Quaevis utriusque series deligatur, inde fit manifestum, S. Claram non pertulisse vasculum in quo esset corpus Domini, sed ante se portari utique à Sacerdote fecisse. In Breuiario Cardinalis Quignonij, Paulo III. dicato, simpliciter habetur; Clara licet egrotans ad portam se iubet deportari in hostium conspectu, cum capsula qua Sacramentum Eucharistiae continebatur. Vnde patet ipsam aliorum manibus portatam, Eucharistiam verò delatam fuisse ante eam, cuius v-nico praesidio nitebatur.*

Refert hanc vi-  
ram ad verbum  
S. Antoninus,  
3. part. Chron.  
tit. 13. c. 6. Ea-  
dem est quae  
extrat apud Su-  
rium tom. 8.  
dic 12. Augusti.

12. Augusti  
2.


Sed dato quòd Virgo tantae sanctitatis in tanto periculo Eucharistiae vasculum in manus accepisset, ad impijs istis grassatoribus, celsuturum insuperabile, diuinum hoc munus opponendum: tum ut casus esset singularis: dicendum existimarem, illam ex diuino motu & impulsu sic fecisse, quod factum ideo foret mirandum, potius quàm imitandum.

Ceterum picturae & imagines, quae S. Claram referunt Eucharistiam in dextera sub solari specie deferentem, non euincunt planè, quòd sic diuini pignoris sacrarium manu gestauerit: sed quòd in huius venerabilis Sacramenti ope & virtute confusa, quasi ineluctabili propugnaculo castitatis, intrepidè obuiam processerit impiorum cuneis, eosque tanto freta praesidio depulerit à sui monasterij incursu, quod tanto furore inuadebant: & ab ipsius ciuitatis strage, inuisibili virtute, at visibili, mirabilique victoria coërcuerit, in fugam è muris repentè collapsos. Itaque regulariter prohibetur quibuscumque personis, nisi Clericis qui sint sacri ordinis honore praediti, vasa

sacra, & specialiter calicem & patenam contrectare; nec nouo iure id inuectum, siquidem in libro Pontificali Damasi Papæ, signanter de Xisto I. legitur, qui in Pontificali confessu septimus à Petro sedit, *Hic constituit, ut ministeria sacra non tangerentur, nisi à ministris sacratis.* Extat hoc decretum in epistola eiusdem Xisti II. ex qua depromptus est can. *In sancta Sede.* suprâ descriptus. Cui concinunt nonnullæ aliæ canonicæ sanctiones, v. g. §. ult. capitis vnici *de sacra unctione.* & can. *sanctas.* can. *non liceat.* & can. *oportet.* dist. 23. quos hic non vacat per seriem retexere: satis enim esse possunt firmandis huius tractatuli lemmatibus, quæ fuerunt auctoritates superius inductæ.

## CAPVT XIII.

*An pœna aliqua canonica immineat Sacerdoti, diuina mysteria celebranti, in vase non consecrato?*



**A**FFIRMATIO est certa, & elicitur ex Innocentij III. responsis, c. 13. & postremo, *De celebratione Missarum.* apud Gregorium lib. 3. tit. 41. hoc verborum contextu: *Litteras tuas recepimus continentes, quod cum super excessibus Presbyteri Ecclesiæ S. Brigide Brixienfis inquireretur, confessus est quod cum quadam die hostiam & calicem non haberet, in pane fermentato & scypho ligneo Missarum solennia celebrare præsumpsit &c.* Cum igitur, vel ex aperta malitia, vel nimia desipientia peccasse probetur: *Mandamus quatenus officio & beneficio, perpetuo eum priues.*

Grauis est certè Sacerdotis illius punitio, cum pœna sit perpetua, eaque duplex, scilicet absolutâ priuatio officij, & beneficij: quæ non solet nisi reis infligi grauissimorum delictorum. In pane fermentato Latinæ Ecclesiæ Presbyter consecrare nequit, absque piaculo mortali, legendus Bellarminus lib. 4. de Eucharistia, c. 7. 8. & 9. Porro in calice non consecrato conficere diuina mysteria scienter, non leuem esse reatum: grauitas ipsa præcepti, tot iterati canonibus, sparsim toto hoc libro indicatis palam euincit. Accedit responsum ipsum Innocentij, quo reatum hunc censuit, pœna duplici, eaque perpetua vindicandum, nempe depositione ab officio ordinis, & totali beneficij priuatione: siquidem vnâ in re grauis admodum momenti Sacerdos ille peccauerat. Primum quod non in calice sacro, sed in vase profano consecrauerat: insuper quod in scypho ligneo, quod lex canonica districtè prohibet, c. *Vasa,* & c. *causa,* &, *ut calix* de consec. dist. 1. quibus sancitum, ut calices nec ex ligno fierent propter raritatem, nec ex vitro propter fragilitatem, nec ex ære propter retrum saporem, nec ex auricalcho quia æruginem facit, & excitat vomitum.

In culpa igitur erat inexcusabili hic Sacerdos: si enim inops ita erat ut calicem argenteum habere non posset, fas ipsi erat stanneum qui

qui leui pretio comparari potest, in vsum assumere : siquidem præcitato can. *Calix.* disertè decernitur, quòd si calix cum patena non sit aureus, omnino tamen ex argento fiat : si autem ita pauper est Sacerdos, saltem stanneum calicem habeat. Quæ regula iterùm promulgata reperitur ab Innocentio IV. epistola ad Othonem Episcopum, Cardinalem Tusculanum, super controuersia orta inter Archiepiscopum Nicosiensem Latinum, & Episcopos Græcos regni Cypri art. 13. hoc tenore : *Ceterùm unusquisque Sacerdos in aureo, vel argenteo solum; aut saltem stanneo calice sacrificet.*

## CAPVT XIV.

*De unitate Calicis in altari. Vbi obiter obseruatur, pluries in una, eadèmq; Ecclesia eodem die sacrificium Eucharistia, fuisse oblatum à diuersis Sacerdotibus, sub ipsis primis Ecclesia sæculis. Et varia species calicum recensentur, tam ratione materiae & forma, quàm denominationis & vsus. Erant enim calices sancti, calices ministeriales, calices præcipui, pendentiles, fundati, maiores, minores, aurei, gemmei, argentei, deaurati; Calices baptismi, & pœnitentia, calices reticulati, catenati, ansati, &c.*

## ARTICVLVS I.

*De unitate Calicis in missa &c.*



REGORIVS II. epistola 13. qua respondet ad B. Bonifacij varias interrogationes, & consulta : eam ad quæstionem, qua perquisierat ipse Bonifacius, an fas esset plures calices in altari ponere? sic respondet epistolæ art. 5. *In missarum solenniis illud obseruandum est, quod Dominus noster Iesus Christus sanctis suis tribuit discipulis, Accepit namque calicem dicens, Hic calix noui Testamenti in meo sanguine, hoc facite quotiescumque sumetis. Vnde congruum non est, duos, vel tres calices in altario ponere cùm missarum solennia celebrantur.*

Porro eadem est ratio panis ac calicis : at de pane mystica benedictione consecrato ait Apostolus 1. Cor. 10. *Quoniam vnus panis, vnum corpus multi sumus, omnes qui de vno pane participamus.* \* Igitur & vnus calix, de quo paulò antè singulariter dixerat, *Calix benedictionis cui benedicimus, nōne communicatio sanguinis Christi est?* Venerabile hoc Sacramentum in qualibet specie, signum est unitatis, Idèoque ( vt ait Augustinus tract. 26. in Ioannem ) Dominus noster Iesus Christus corpus & sanguinem suum in eis rebus commendauit, quæ ad vnum aliquid rediguntur : namque aliud in vnum ex multis granis conficitur, aliud in vnum ex

\* Quamuis plures sint hostiæ consecratæ ab vno eodèmq; Sacerdote, in eodem sacrificio super vnū ac idem altare: vnica nihilominus est hostia

E c



salutaris, & vnus panis vitæ. Sicut quamuis sint plurimæ guttæ in calice consecrato, (quæ si seiungerentur, tantum singulæ seorsim, quantum omnes simul continerent) vnus tamen est idemq; sanguis Domini: proinde & vnus calix. Ad quod innuendum in eodem sacrificio vnicus tantum calix super altare ponitur. Axioma Catholicum est: Quamuis Eucharistiæ Sacramentum habeat duplicem materiam & duplicem formam, non plura tamen, sed vnum est duntaxat sacramentum. ita docet Pius V. in Catechismo. \*\* S. Dionysius de cœlesti Hier. c. 3. part. 3. de Sacerdote populo communionem ministrante dicit: *Panem indiuiduum, & singularem calicem omnibus impartiens, unitatem signanter multiplicat.*

*multis acinis confluit.* Quapropter ad innuendam, seruandamque my-  
sticæ unitatis significationem \*\*, qua per hoc Sacramentum fideles inter se & cum suo capite in vnâ coalent corporis compaginem, adeoque eiusdem spiritus vnionem prouehuntur: vnus calix in altari esse debet, si enim duo, vel tres, vel plures ponerentur, cessaret symbolum unitatis, diuisionisque hinc signum oriretur; siquidem, vt rectè ait S. Bernardus; *Vbi unitas, ibi perfectio: reliqui numeri perfectionem non habent, sed diuisionem, recedentes ab unitate*, lib. de Consid. 2. cap. 8.

Verum si ita est, cur iamdudum plurimi vna in Ecclesia calices erant, etiam persecutionum tempore? suprâ etenim ex S. Augustino relatum est, c. 6. apud Cyrtensem ciuitatem in Africa, sub persecutione Diocletiani, fuisse reperi-  
tos in Ecclesiæ Bibliotheca, quo absconditi fuerant direptionis metu, *duos calices aureos, & sex argenteos.* Et ex gestis Pontificalibus didicimus Constantinum dedisse Romanæ Ecclesiæ calices ex auro purissimo 40. & calices minores ministeriales 50. Sanè ista calicum pluralitas non leui est indicio multiplicationis Missarum in ipsa primitiua Ecclesia: si enim eodem die vna vice tantum celebratum fuisset sacrificium, & ab vno tantum Pontifice, vel Sacerdote in vna tantum Ecclesia, non opus fuisset tot calicibus, cum vnus satis esse potuisset. Atqui in vna Ecclesia, basilica scilicet Constantiniana, erant Siluestri tempore, ex Constantini pia munificentia calices 90. videlicet aurei 40. & 50. argentei qui dicuntur minores ad maiorum differentiam, qui eadem in basilica habebantur. Fauet quod ibidem notat liber Pontificalis, Constantinum in præmemorata Basilica fecisse altaria septem ex argento purissimo.

Sed auspiciatò hîc mentio incidit calicum ministerialium: quorum etiam in sua interpretatione multarum vocum Ecclesiasticarum, quæ obscuræ vel barbaræ videntur, meminit Onuphrius, à quo si quis inquirat quid intelligendum sit per vocabulum Calicis ministerialis? Respondet, Ministeriales calices sic dictos, quod ministrando sanguinem Christi populis deferuissent. Idipsum censet Azorius part. 1. Institut. Moral. lib. 10. cap. 28. In vitis Pontificum Siluestri, Damasi, & Anastasij Bibliothecarij frequens mentio est calicum maiorum, minorum, & ministerialium quos Pontifices & Imperatores Ecclesiæ donabant. Ministeriales dicti sunt, quia in his sanguis Domini populo ministrabatur. Duranti lib. 1. de Ritibus Ecclesiæ Catholicæ, cap. 7. n. 3. idem totidem verbis dicit.

Qui vir reuerà doctissimus cum ægrè admittat vsum calicis pri-  
dem populo fuisse concessum, excipit etsi quandoque factum fuerit, tamen ab ipso Apostolorum sæculo & infrâ, susceptionem sub vna tantum specie celebriorem ac frequentiore fuisse, idque existimat confirmari hoc argumento; quod ex libro Pontificali sub Siluestro, patinas, seu patenas ad 30. libras ponderasse, scyphos

ad 10. duntaxat singulos calices ad vnam; unde consequens est, inquit, multo plures communicasse sub vna, quàm sub vtraque specie, in eadem Ecclesia. Quæ ratio (cùm tanti viri bona venia dictum velim) mihi vsquequaque solida non videtur; nam quod ait calices ministeriales singulos ponderasse duntaxat ad libram vnam, manifestè refellitur: nam eodem loco quem signat, disertè habetur, Constantinum dedisse calices minores ministeriales 50. pensantes libras binas; & infra, calices argenteos decem, pensantes lib. 5. Et in Bonifacio I. calices minores argenteos duos, pens. lib. 4. Ex quo colligitur maiores ad plures libras ponderasse: proinde calice Sacerdotali, quo fiebat Dominici sanguinis consecratio, ministerialem etiam paruum duplo capaciores fuisse. Quod autem ait patenas fuisse longè ampliores & ponderosiores calicibus, absolutè non est verum, siquidem vt erant calices maiores & minores, sic & maiores & minores patenæ. Et sicut erant patenæ quædam capaciores quibusdam calicibus, ita etiam erant vicissim calices patenis ampliores, nonnulli verò æquales. Exempla singularum specierum ex Anastasio damus: En exemplum æqualium, in Leone III. *Fecit calicem aureum præcipuum, diuersis ornatum lapidibus pretiosis, pens. lib. 28. similiter & patenam auream pens. lib. 28.* Alia notari possunt sub Hadriano I. sic enim ibi: *Fecit patenam & calicem in Basilica B. Petri Apostoli pro quotidianis ministeriis ex auro purissimo, pens. simul lib. 24.* Item in Ecclesia S. Pauli, & in Ecclesia S. Deigenitricis Mariæ ad Præseppe, & in Ecclesia S. Laurentij. Quod verò calices essent qui patenas amplitudine excederent vt pondere, in Leone III. illustre extat monumentum, sic enim scribit Anastasius de Carolo Magnò: *Sed in confessione eiusdem Petri Apostoli Carolus iam imperator obtulit vnà cum filio suo præcellentissimo Rege & filiabus, diuersa vasa ex auro purissimo in ministerium ipsius mensæ argentea &c. Et patenam auream cum gemmis diuersis pens. lib. 30. Et calicem maiorem cum gemmis & ansis duabus pens. lib. 58.* En calix ferè duplo maior patenâ. Proinde fallit regula Duranti, qui pro constanti supponit longè maiores semper fuisse patenas calicibus. Fallitur etiam ipse in hoc quòd omnes calices censeat fuisse ad vsum Eucharistiæ, & eò spectasse omnes calices ministeriales. Contrarium infra patebit. Interim addi potest quod nemo fortè antehac obseruauit, nec ipse Duranti aduertisse eodem loco visus est: Non omnes itidem patenas fuisse ad ministerium Eucharistiæ, erant patenæ ad alios vsus, v. g. sacræ vñctionis, nam in eodem Pontificali sub ipso Siluestro, legimus de ipso Constantino: *Obtulit &c. scyphos argenteos duos pensantes singulos lib. 9. Patenam argenteam Chrismalem singularem pens. lib. 10. peluim ex argento ad baptismum pens. lib. 20.* Quòd si scyphi sunt calices ministeriales, (à quibus tantum ab Anastasio in Sixto III. manifestè distinguuntur) erant certè quidam tanti ponderis, vt patenæ patientiores vix pari pondere constarent; sic enim ibi scribit Anastasius: *Scyphum aureum purissimum pensantem lib. 50. Calices ministeriales argenteos decem, pensantes singuli lib. 3.*

Quibus ex obseruationibus videre est assertionem Duranti mini-

mè firmam esse, neque hanc eius conclusionem: *Vnde apparet, inquit, panis vasa, ampliora & capaciora fuisse vini poculis &c. cum non omnes patenæ essent vasa ad diuinum excipiendum panem, & essent quædam pocula longè capaciora patenis, nonnulla his paria, nonnulla vt ostendimus duplo ampliora.*

Vt quæ sentio hac de re aperiam, dico calices ministeriales non esse restringendos ad vsum sacræ Communionis, proinde nihil ex his certi pro vna, vel vtraque specie dici posse. Notandum igitur quod Duranti non obseruauit, fuisse pleraque vasa ad vsum baptismi. Hinc in Sixto III. Leonis Magni antecessore, idem Anastasius, *Omnia vasa baptismi fecit argentea.* At inter vasa baptisterij erant etiam calices: de iis idem Anastasius in Innocentio I. *Obtulit &c. calices argenteos baptismi numero tres, pensantes singuli lib. 2. &c.* Sed puto, pia cupido Lectorum incendit, noscendi cui vsui in baptismo destinati essent hi calices, qui calices baptismi appellabantur? Lubenter igitur huic desiderio satisfaciam. Notandum itaque lac & mel tunc datum ex more baptizatis, quæ ad hoc consecrabantur & commiscebantur, imò lac & vinum mixtim etiam: lac ad significandam innocentiam recens baptizatorum: vinum quod dulce erat, suauitatem fidei Christianæ. De quo vtroque ritu, quod luculenter & ex professo scripserit Vicecomes lib. 5. de antiquis baptismi ritibus & cæremoniis, c. 41. & 42. 43. 44. citatis ex Patribus expressis testimoniis vtriusque Clementis Romani & Alexandrini, Tertulliani, Origenis, S. Hieronymi, S. Chrysostomi, Seueri Alexandrini &c. Item ex actis S. Susannæ Virginis, & Concilij III. Carthaginensis decretis, ac Ordinis Romani ritibus, formulis & praxibus aliarum Ecclesiarum &c. tamque Occidentalis quàm Orientalis Ecclesiæ moribus, hoc est consensu prisce orbis Christiani; superuacaneum puto iis exponendis nouam operam infumere. Sed hoc ex principio deducimus vnde dicti essent calices baptismi, videlicet quod liquores vini, lactis & mellis neophytis impertiendi, in his poculis consecrarentur & ministrarentur. Quamobrem etiam dicebantur calices ministeriales, quia in iis commixta vinum & lac, seu mel & vinum, nuper regeneratis propinabantur. Fiebat illa commixtio super altare ritu solenni, vt ex præcitato III. Concilio Carthaginensi patet, c. 24. *Vt in Sacramentis corporis & sanguinis Domini nihil amplius offeratur, quàm ipse Dominus tradidit, hoc est panis, & vinum aqua mixtum: primitiæ verd, seu lac & mel, quod vno die sollemnissimo pro infantum mysterio solet offerri, quamuis in altari offeratur, habet propriam benedictionem, vt à Sacramento corporis & sanguinis Domini distinguatur.* Propriæ huius benedictionis formula etiamnum expressa legitur in veteri Ordine Romano, tit. de Sabbato Paschæ, sub quo extat benedictio lactis & mellis, *Benedic Domine has creaturas, &c.*

Tom. 10. Bibliot.  
SS. PP. p. 87.

Calices ministeriales erant etiam qui dicebantur Pœnitentiæ. De his Anastasius in Sixto III. *Ministerium ad baptismum, vel pœnitentiam ex argento pensan. lib. 5.* Si coniectari licet, calices pœnitentiæ erant vascula



aquæ benedictæ qua aspergendos esse pœnitentes reconciliatos vetus Ordo Romanus præscribit, sicut & incenso thurificandos, ita enim habet: *In officio Cœna Domini post absolutionem singularem: hic aspergat eos aqua benedicta & thurificet &c.* Calices igitur eiusmodi atque thuribula, ministeria erant pœnitentiæ, quæ Sixtus III. argentea dedit &c.

Erant igitur calices varij vsus vt nominis, diuersæque formæ & materiæ; siquidem apud ipsum Anastasium memorantur Calix sanctus, calix ministerialis, calix præcipuus, calix pendentilis, calix fundatus, calix maior, calix minor: calix aureus, gemmeus, argenteus, deauratus: calix baptismi, calix pœnitentiæ, calix reticularis, calix catenatus, calix ansatus, calix imaginatus &c. Operæ pretium fore putoque in Lectoris gratiam de singulis testimonium proferre peremptorium.

## ARTICVLVS II.

*Varias referens Calicum species, & denominationes.*

## §. I.

*Calix sanctus.*

**D**E Calice sancto, præfatus Anastasius in Gregorio III. *Idem beatissimus vir fecit in Ecclesia sancta Dei Genitricis ad Præsepe, patenam, & Calicem sanctum, ex auro obrizo pens. lib. 20. fecit in basilica S. Pauli patenam ex auro obrizo cum calice sancto, pens. simul lib. 15. sed & in titulo S. Marci nutritori suo fecit patenam, & calicem sanctum de auro purissimo pens. lib. 15. & calices argenteos 4. pens. lib. 12. Et in Leone IV. obtulit patenam ex argento purissimo auro superinductam colore cum crucis trophæo, Saluatorisque effigie, & Sanctorum Apostolorum pulchro schemate decoratam, pens. lib. 7. similiter Calicem sanctum, auroque perfusum Euangelistarum habentem iconam, & crucem, pens. lib. 20 & uncias 7.*

Quæstio hîc necessariò discutienda occurrit, quisnam esset calix, qui sanctus propriè, & absolutè dicebatur? Claudius Sanctesius Annot. 10. de Communionem sub vtrâque specie, æquè rectè monet, ac prudenter aduertit, sanguinem Domini non fuisse sacratum in calicibus ministerialibus, sed in alio quodam, & ex illo deinde transfusum in ministeriales ad vsum populi. Quam opinionem suam in ius Duranti præfatus transcribit. At se implicat tamen, vt enim vult patenas fuisse patentes calicibus, quia plures sub vna specie, scilicet panis, quàm sub vtrâque communicabant. Ita etiam asserere par esset ministeriales calices longè capaciores eo fuisse, in quo consecratio fiebat, quia in ipso solus communicabat sacerdos; in ministeriali promiscua fidelium multitudo. At vix hoc concipi potest, si enim calix in quo fiebat consecratio, minor erat ministeriali, quomodo poterat continere sacrum liquorem, qui posset populo sitiienti vitæ fon-



tem, sufficere? Æqualis igitur reor fuisse capacitatis, utrumque, & fuisse calices consecrationis maiores & minores; itémque ministerij maiores & minores: sed calicem, in quo fiebat consecratio propriè, & absolutè dictum SANCTVM CALICEM; tum metonymicè, quia, quod per excellentiam sanctum est, continebat. unde vox in mysteriis primitiua in Ecclesia frequens, SANCTA SANCTIS: tum quod ad Christi conficiendum continendúmque sanguinem consecratus erat: tum denique quod velut è fonte sanctitatis, in calicem ministerialem (quo potandus erat populus fidelis) riuulos gratiæ effundebat. Nec dubium, quin fuerint ab initio illi calices sancti in Ecclesia, siquidem cum Eucharistia cœperunt: sed quòd ministeriales fuerint calices, in ordine communionis Dominici sanguinis ad populum, vix illi concessuri sunt, qui communionem sub vtraque specie, stabili vsu receptam vnquam fuisse in Catholica Ecclesia inficiantur. Qui contrà sentiunt, opponunt pleraque, à quibus referendis libens abstinco, cum huius loci non sit eiusmodi quæstionem dirimere, quæ tractatum proprium, eundémque amplum exigit. Verba S. Laurentij ad B. Sixtum, in Ecclesia celebria sunt: *Vide utrum ministrum idoneum elegeris, cui commisisti Dominici sanguinis dispensationem.* Acta S. Marcelli Episcopi Parisiensis, à Fortunato conscripta, fluxæ non sunt auctoritatis: *Cum Subdiaconali (inquit) ordine fungeretur in die Epiphaniarum, hauriens aquam de fluuio Sequana, dum B. Prudentio Episcopo manibus abluendis offerret, mutatis elementis, vini sapor inuentus est; Quo viso obstupescens Pontifex, iussit ex ipso urceo in calicem sacrum fundi, unde vniuersus populus, missâ celebratâ, ad communionem accepit, &c.* Extant adhuc apud Hincmarum, versus à S. Remigio Archiepiscopo Rhemenfi dictati, & calici ministeriali, quo communicandus erat populus, inarati,

*Hauriat hinc populus vitam de sanguine sacro.*

Lindanus lib. 4. Panopliæ Euangelicæ, c. 46. testatur calices in plerisque Ecclesiis vsque in illum diem extare, quibus sanguis Domini populo communicabatur. Et ego ipse, qui hæc scripsi memor sum vidisse in hac mea Parœciali Ecclesia Sanctorum Lupi & Ægidij, cuius fundatio 500. fermè annos attingit, calices eiusmodi ministeriales duos argenteos deauratos, cum propria cuiusque patena: differentes autem à calicibus sanctis in quibus fit consecratio sanguinis Domini, in eo quod illis erant summissiores, sed patenteriores: patenis figura crucis ab vtraque parte erat insculpta, quadringentorum saltem annorum antiquitatem referebant; nec tamen dicebantur à Clericis calices, sed cuppæ seu pateræ; quarum in solo Paschali diè ad mensam Domini vsus etiamnum consuetus erat, non quidem ad populo sanguinem Domini impertiendum, sed duntaxat pauxillum vini exhibendum iis qui ad diuinam synaxim accesserant, hostiæ scilicet faciliùs sumendæ & traiciendæ in stomachum gratiâ, sumebat eiusmodi poculum qui volebat; monebantur tamen omnes nequaquam Christi sanguinem in his pateris contineri. Quia tamen periculum erat, ne simplices sibi perperam persuaderent delibari ex eiusmodi po-

culis Christi sanguinem, cautius agendum censui: sustuli igitur hunc morem propinandi vinum populo à mensa Domini redeunti, & istos calices seu pateras propter venerandam antiquitatem spectabiles, reponi feci non inter sacros calices, sed in Ecclesiæ gazophylacio inter alia pleraque eiusdem Ecclesiæ vetustæ formæ cimelia. Casu deinde contigit, ut quidam ædituus seu matricularius videns pocula illa Ecclesiastica nulli tam esse vsui, me inconsulto, suisque ipsius Collegis plerisque titulis maioribus, eadem vasa vendiderit, pretio in res vtiliores, ut postea dixit, & magis necessarias impenso. Carolus Sausseyus in annalibus Ecclesiæ Aurelianensis, lib. 6. ubi describit solennitatem Iubilæi sæcularis ea in vrbe celebrati, anno 1600. ex concessione Clementis VIII. summi Pontificis, morem illum exhibendi populo mox post sumptam diuinam synaxim, vinum in vasisculis non sacris viguisse adhuc in Ecclesia Aurelianensi, his verbis testatur: *Post imperitiam, inquit, è summo altaris communicatis generalem absolutionem, Corpus Dominicum in vasis argenteis deauratis, quique* (id est Sacerdos diuinæ huic dispensationi præfectus) *sua ex parte descendentes ad mensam summa reuerentia ori singulorum porrigebant, inde vero ad summum altare redeuntes, deposita Eucharistia & de geniculis adorata, benedictionem communicatis impertiebantur, & missionem faciebant. Erant qui postmodum vinum pralibarent \* ex profano vase, quod nemo nisi ex libitu accipiebat, certus sub altera specie recepisse se integrum Christi corpus, ut docent Conciliorum sacra & indubitata constitutiones. Qua de communione sub vna tantum specie memini me aliquando libellum scripsisse apologeticum contra importunas argutationes huius temporis sectariorum, vulgari idiomate, sed ex quo meis è manibus exiit rogantibus amicis commodatus, cum hætenus recuperare non potui, nec mihi minima de eo schedula superest, quia ipsum autographum dedi præcipuo cuidam amico perlegendum, qui rursus commodauit alteri, & hic iterum alteri: & sic transmissum de manu in manum à me prorsus amissum est. Verum hoc *ἔστω*, Satis pro instituto de Calice, qui Sanctus iam pridem propriè dicebatur ad cæterorum discrimen, in quibus non fiebat consecratio Dominici sanguinis.*

## §. II.

*Calix Ministerialis.*

DE calice ministeriali iam suprà disseruimus satis pro opusculi huius modulo. Plerisque locis apud Damasum & Anastasium, ut innuimus, fit mentio calicum ministerialium: erantque hi, ut etiam præsignauimus, facti ad diuersos vsus. Hæret mihi aqua ex his verbis Anastasij in Gregorio III. *Item fecit patenam, & calicem in basilica S. Petri Apostoli pro quotidianis ministeriis ex auro purissimo pens. simul lib. 24.* Siquidem disquirendum venit, quænam sunt illa quotidiana ministeria? hæc sanè de sacrificio intelligi non possunt, nam calix qui diuino mysterio seruebat, dicebatur calix sanctus, ad ministe-

rialium differentiam, reliquorūque communium, ut exemplis suprà ipso ex Anastasio productis planè constat. Nec itidem de ministeriali calice quocumque accipi debet. Nam quotidie Sacramentum chrismatis, (vnde vocabantur pateræ chrismales; & proinde calices) scilicet confirmationis Sacramentum, non ministrabatur. Baptismus quidem omni die ministrari potest, sed non ingruit quolibet momento eius necessitas: tūque calix baptismi fuisset, non Eucharistiæ. At verò Ordo Romanus (ex quo, & dictis Anastasij elicitur) solennem dumtaxat pœnitentiam spectat, quæ fieri consueverat die cinerum in capite ieiunij; feriâque s. in Cœna Domini terminabatur: qua die solenni ritu reconciliabantur pœnitentes. Nihil superest igitur suspicari, quàm quotidiana illa ministeria pertinuisse ad Eucharistiæ dispensationem: fauet tum materiæ præstantia, nam calix ille aureus erat cum maiori parte, reliqui argentei dumtaxat essent. Tum auitus Romanorum ritus quotidie communicandi, cuius testis est S. Hieronymus in epistola ad Lucinum, ordine 28. qua sic scribit: *De sabbato quod quæris utrum ieiunandum sit, & de Eucharistia, an accipienda quotidie, quod Romana Ecclesia & Hispanica observare perhibentur. Scripsit quidem & Hippolytus vir disertissimus &c.* Non tamen velim sic morem istum Lector accipiat, ut de necessitate præcepti esset Romæ illa communio, (Nam Anacleti quod fertur hac de re decretum, ut sonat, numquam in usu fuit, sicut cum Cardinale Bellarmino in nostra Panoplia Clericali notandum monuimus) vel quòd etiam propria sponte omnis populus Romæ quotidie communicaret, sed pars non modica, adeo ut nonnullis piis personis (quemadmodum nuper ferè ubique mos ipse laudabilis feliciter repullulare cœpit) frequens ipsa communio esset in usu. Quapropter erat ille calix datus ad quotidianum ministerium, scilicet dispensationis Dominici sanguinis. Quòd si quis urgeat numerum pluralem, *quotidiana ministeria*, tum dicam etiam ad ministerium baptismi fuisse destinatum, mos enim tunc erat regeneratis, ut chrismatis conferretur, hoc est confirmationis Sacramentum; moxque Eucharistia communicaretur. Habui non ita diu penes me vetus Pontificale ad usum Ecclesiæ Trecensis: in quo præscripta formula iubet ut recens baptizati (adulti, ut reor) *si adest Episcopus continuo sacro chrismate confirmentur, si abest, à Presbytero corpore & sanguine Domini communicentur.* Accedit etiam mos antiquus impertiendi recens baptizatis vinum dulce, mel & lac, quibus propinandis calix ipse destinatus quotidianis ministeriis etiam inserviret. Atque hætenus de ministeriali calice.

## §. III.

*Calix præcipuus.*

ANASTASIUS meminit non semel calicis præcipui. In Leone III. *Fecit, inquit, calicem aureum præcipuum, ornatum lapidibus pretiosis pens. lib. 28. similiter & patenam auream &c. Fecit B. Petro nutritori suo calicem aureum præ-*

*præcipuum spatioclystum &c. pens. lib. 30. pari modo fecit & patenam auream spatioclystam similiter ornatam pretiosis lapidibus pens. lib. 25. Idem verò sanctissimus Præsul Spiritus sancti illustratione perfusus, fecit B. Petro Apostolo nutritori suo calicem aureum præcipuum tetragonum spatioclystum diuersis ornatum lapidibus pretiosis pens. lib. 32. Necnon fecit & patenam auream spatioclystam miræ magnitudinis decoratam pens. lib. 25. & uncias 9. Vnde verò calices isti præcipui dicantur? puto à magnitudine, pretio, pondere, decore, quo sensu etiamnum dicimus in Ecclesiis Parisiensibus, *Lebeau calice*; id est ille, qui inter cæteros præstantior est, materiæ pretio & elegantia formæ. Sic in scriptura Esther 1. *vinum præcipuum* appellatur, quod magis suaue ac generosum erat: *Vinum quoque, ut magnificentia regia dignumeras, abundans & præcipuum ponebatur.* Præcipuum sanè id omne denotat, quod excellit & propter excellentiam singulare dici potest. Sed hoc nemo est tantisper sciens, qui ignoret, quam obrem haud opus habet hoc vocabulum vlla interpretatione.*

## §. IV.

*Calix pendentilis.*

IDEM Anastasius commemorat de Leone III. Calices qui pendent in arcu & alios qui pendent inter columnas. Nempe non omnes calices ad ministerium facti erant, sed etiam ad diuini sanctuarij ornamentum. Paulinus eiusmodi cimelia *sacri pompæ ministerij* appellat ep. 12. ad Seuerum, qua hunc in modum modulatur de arcula, quæ erat à parte dextra absidis.

*Hic locus est veneranda penus ubi conditur, & qua  
Promitur alma sacri pompa ministerij?*

Pompa, rerum progredientium ordo est, vel etiam solennis apparatus & ostentatio in triumpho. Origine Græca est dictio, nam *πομπή* est deductio, *ὁδὸς*, qualis solet fieri in triumpho, aut publicis supplicationibus. Huc spectat istud Virgilij,

*Ad delubra iuuat solennes ducere pompas.*

Cum admodum essem iuuenis, Nanceyum profectus sum, ad visendum proauunculum meum, Cæsarem Poyrier, primum Ducis Lotharingiæ Eleemosynarium: eundóque & redeundo transitum feci apud Tullum Leucorum; quod sedes est Episcopalis, inter Galliæ illustres Ecclesias non postrema. Contigit ut essem illic Dominica in octaua Pentecostes, qua celebratur festum sanctissimæ Trinitatis, sacrisque ut interesset iuxta Ecclesiæ præceptum, summum huius ciuitatis adij Templum, quod memoriæ Beati protomartyris Stephani sacratum est. Erat illud tunc in decore suo propter sanctorum dierum continuam ferè solennitatem, sed maxime pars Ecclesiæ sacratior appendentibus per funiculos pretiosis lipsanodochiis, calicibus, Sacerdotalibus ornamentis, & speciosis, quibusque cimeliis miro ornatu radiabat. Perquisiui num nouo more, vel veteri ritu,



hoc in ea Ecclesia obseruaretur? Responsum est à senioribus Canonicis morem hunc fuisse à maioribus ad posteros pia obseruatione transmissum, conferreque plurimum ad insignium festiuitatum ecclebritatem; his enim indiciis designari insigniorum solennitatum excellentiam, diuinum splendescere cultum, & Ecclesiæ promentis è suo thesauro noua & vetera, erga sponsum suum, amorem & reuerentiam demonstrari.

## §. V.

*Calix fundatus.*

H VIVS nuncupationis mentio frequens occurrit apud ipsum Anastasium, v. g. in Hadriano I. *Fecit in basilica S. Petri calicem fundatum argenteum pens. lib. 5.* In Leone III. *Et in basilica S. Priscæ fecit isdem Antistes calicem fundatum superauratum unum, & coronas tres. Fecit in basilica B. Pauli Apostoli, calices maiores fundatos ex argento purissimo, ex ipsius Apostoli donis.* Ex quibus verbis nominis huius ratio videtur posse elici. Siquidem hîc insinuatur Pontificem hos calices quidem non dedisse, sed fieri curasse ex conflatis ex eiusdem templi donariis, seu ex fundo, vel pecunia Ecclesiæ. Hinc illæ aliæ phrasæ Anastasianæ, in ipso Leone III. *fecit in Ecclesia S. Martyris Sabina vestem de fundato.* Sic & in Stephano V. *fecit vela de fundato &c.* In oratorio, *S. Barbaræ fecit vestem de fundato*, id est de Ecclesiæ rebus & donis.

## §. VI.

*Calices maiores & minores.*

ERANT huiusmodi calices in qualibet specie: Nam ex Anastasio præfato in Leone III. *Fecit calices maiores fundatos: Et antehac, fecit calicem maiorem cum gemmis & ansis duabus pens. lib. 58. in basilica B. Pauli Apostoli mensam argenteam minorem cum diuersis vasis argenteis, quæ ad usum ipsius mensæ pertinent.* Et in Stephano V. *Fecit calices maiores ex argento pendentes numero 42. qui omnes insimul pens. lib. 281.* Cæterum ad calices minores quod spectat scribit Damasus in Siluestro, *Constantinum dedisse calices minores ministeriales quinquaginta pens. lib. binas.* Et Anastasius in Bonifacio I. *Calices minores argenteos duos pens. lib. 4.* Maiores igitur, minoresve dicebantur, non à præstantia materiæ, vel dignitate vsus, sed magnitudine vel paruitate vasis, ponderisque grauitate vel leuitate.

## §. VII.

*Calix aureus.*

DE calicibus aureis superfluum esset hîc ponere indicem, cum ex citatis Damasi & Anastasij locis colligere sit, vix fuisse dudum Ro-

De calice maiore sic habes in Ordine Rom. tit. de officio Missæ p. 19. tom. 10. Biblioth. SS. PP. Archidiaconus verò post eum amulas suscipit, & in calicem maiorem quem Subdiaconus regionarius sequens portat vacuum, refundit, qui cum fuerit repletus refunditur in cyphum, quem ibi tenebit sequens Acolythus.

mx Ecclesiam, in qua calix aureus vnus hícque præcipuus, quinetiam plures aurei maiores, minorésve haberentur. Nota est apud Prudentium in hymno S. Laurentij, persecutoris querela, Christianorum mystas in aureis poculis solitos sacrum cruorem libare, ait enim:

*Hac disciplina fæderis,  
Libent ut auro Antistites.*

Calix sancti Eligij qui seruatur Kalæ regali monasterio diœcesis Parisiensis, totus est ex auro, infixis gemmis in exteriori superficie. Quin canones superiùs citati decernunt calices ex auro passim esse debere, aut saltem ex argento.

## §. VIII.

*Calices gemmei.*

NIHIL itidem frequentius in Pontificali libro Damasi, vel Anastasij, quàm calicum insignium gemmis recensio, & lapidibus fulgentium pretiosis. Iámque supra tot signatæ sunt speciales eorum descriptiones, in Ecclesiarum qui extabant sacrariis, vt ludere operam sit híc suggerendis hac de re testimoniis fixo pede immorari; Repetenda quæ supra diximus c. 6. cuius prænotatio est, gemmatos calices dudum fuisse.

## §. IX.

*Calices argentei.*

CALICE argenteo vsum fuisse Dominum, in sacra Eucharistiæ institutione, supra ex Beda commemorauimus. Hinc Sacerdotes diuino in ministerio argentea pocula sacra vsurpasse, impius iudex vel ipse testis est, apud Prudentium in S. Laurentij Epinicio, quo in persona ethnici iudicis ita canit,

*Argenteis scyphis ferunt  
Fumare sacrum sanguinem.*

Millies apud Damasum & Anastasium reperitur, argenteos calices ab Pontificibus, Cæsaribus, aliisque summatibus viris, Christi aris oblatos & susceptos. Legimus de S. Bernardo, quòd tam fuerit amans paupertatis, vt in ipsa sua Ecclesia Claræuallensi nihil aureum, argenteúmve esse voluerit, nisi calicem tantùm, quem propter reuerentiam Dominici sanguinis permisit fratribus habere argenteum. Nec dubito quin huc spectarit Bernardus Abbas Bonæuallis, lib. 2. de vita ipsius B. Bernardi, c. 1. *Rediens*, inquit, *Claramuallem* Leodio, *Dominus Papa* (Innocentius II.) *per seipsum voluit visitare, ubi à pauperibus Christi, non purpura & bysso ornatis, nec cum deauratis Euangelis occurrentibus, sed pannosis agminibus, scopulosam baiulantibus crucem, non tumultuantium classicorum tonitruo, non clamosa iubilatione, sed suppressa modulatione, affectuosissimè susceptus est. Flebant Episcopi, flebat ipse summus Pontifex, mirabatur congregationis grauitatem, quòd in tam solenni gaudio, oculi omnium humi defixi,*

Imò ipse dedif-  
se perhibetur  
Monasterio  
Aureæ Vallis  
nuper fudato,  
cui primū Ab-  
batē Constan-  
tinum charum  
sibi discipulum  
præfecerat, de-  
auratum calicē,  
quemadmodū  
ex istius Mona-  
sterij monimē-  
tis refert Chry-  
sostomus Hen-  
riquez, in Me-  
mol. Cisterciē-  
si, 6. Idus De-  
cembris p. 409.  
col. 2. in med.

nusquam vagabunda curiositate circumferrentur, sed demissis palpebris, ipsi ne-  
minem viderent, & ab omnibus viderentur. Nihil in illa Ecclesia vidit Roma-  
nus quod cuperet, nulla ibi supellex eorum sollicitauit aspectum, nihil in ora-  
torio nisi nudos viderunt parietes. Porro non est tamen quòd inde quis-  
quam existimet S. Bernardum, ornatum Ecclesiarum splendidum, ar-  
genteamque, aut auream sanctuarij supellectilem reprobasse: censuit  
dumtaxat austeritati monasticæ non conuenire: *Ceterum alia* (in-  
quit) *causa est Episcoporum, alia monachorum: excitandos à Prælati-  
bus fatetur* *populos corporalibus ornamentis, at nihil tale monachis competere. Pa-*  
*tiamur* (inquit) *& hac fieri in Ecclesia, quia etsi noxia sunt vanis & aua-*  
*ris, non tamen simplicibus & deuotis. Ceterum in claustris coram lugentibus fra-*  
*tribus, quid hoc facit?* Ita S. Bernardus longèque plura alia in Apolo-  
gia ad Guilielmum Abbatem: qua quorundam etiam Abbatum fa-  
ctum reprehendit aculeato stylo, qui parum de Dei gloria solliciti,  
eò usque luxûs prosiliebant, ut vix principes exteriorum rerum splen-  
dore illis esse pares viderentur. Locus insignis est, dignusque qui re-  
citetur: *Mentior, inquit, si non vidi Abbatem sexaginta equos, & eo am-*  
*plius in suo ducere comitatu: dicas si videas eos transeuntes non patres esse mo-*  
*nasteriorum, sed dominos castellorum, non rectores animarum, sed principes*  
*prouinciarum. Tum deinde gestari iubentur, mappule, scyphi, bacini, cande-*  
*labra, & mantica suffarcinata, non stramentis sed ornamentis lectulorum. Vix*  
*denique quatuor leucis à sua quispiam domo recedit, nisi cum tota supellectili*  
*sua, tanquam sit iturus ad exercitum, vel transiturus per desertum, ubi non va-*  
*leant inueniri necessaria: an non posset eodem vasculo, & aqua manibus ver-*  
*gi, & vinum bibi? An non posset ardens lucere lucerna, nisi in tuo quod por-*  
*tas candelabro, & hoc aureo, vel argenteo?* *P*oh pudor! rigida adeò ob-  
seruantia professores aurum & argentum superfluis hisce rebus quis-  
quiliisque insumere. At, oro, dicas, si cum tantum fastum luxum-  
que reprehendebat S. Bernardus, quispiam ex illis Cœnobiarchis,  
vanitatis pertæsus, conflasset eiusmodi candelabrum argenteum, aut  
aureum, in patenam, & calicem, quibus corporis, & sanguinis Do-  
mini mysteria honorificentius celebrarentur: an factum hoc sanctus  
ille Pater reprehensione dignum existimasset, vel potius insigni com-  
mendatione? Laudasset profectò plurimum, aliosque ad eiusdem imi-  
tationem quantum potuisset, equidem fuisset hortatus. Cum ipse pau-  
pertatis, simplicitatis, modestiæ adeò studiosus vasculum nihilomi-  
nus consecrationis diuinorum mysteriorum, non alio inferiori me-  
tallo, quàm argenteo, suo in Monasterio esse pateretur.

## §. X.

*Calix argenteus deauratus.*

ANASTASIUS in Leone III. huiusmodi calicis hunc in modum  
meminit: *Est in basilica S. Priscæ fecit isdem Antistes calicem fundatum superau-*  
*ratum unum, & coronas tres. Basilica hæc B. Priscæ titulus est Cardina-*  
*lis, quem pridem in ius Galliæ transtulit Alexander II. summus Pon-*

tifex, propriumque fore in perpetuum decreuit Abbatum Monasterij sanctissimæ Trinitatis Vindocinensis. Ita enim statuit magnifico, & munifico diplomate ad Odericum illius loci Abbatem: *Concedimus etiam omnibus huius loci Abbatibus Ecclesiam B. Priscæ cum dignitate Cardinali, sancti Spiritus iudicio decernentes, ut nulla deinceps Ecclesiastica secularisve persona prædictam B. Priscæ Ecclesiam, seu Ecclesiæ dignitatem eis auferre qualibet occasione præsumat. Dat. MLXII.* Videndus Sirmondus in notis ad lib. 1. epistolarum Godeffridi Abbatis Vindocinensis Cardinalis S. Priscæ ep. 9.

## §. XI.

*Calices Baptismi, & Pœnitentia.*

DE his suprâ diximus, citatis ipsius Anastasij testimoniis hoc ipso capite, art. 1. à medio ad finem.

## §. XII.

*Calix reticulatus.*

Huius speciei calicis idem Anastasius isto modo meminit: *Huius (Leonis IV.) temporibus Michaël filius Theophili Imperatoris Constantinopolitane urbis, ob amorem Apostolorum, misit ad B. Petrum Apostolum, donum per manum Lazari Monachi &c. id est Euangelium de auro purissimo cum lapidibus pretiosis. Calicem verò similiter de auro, & lapidibus circumdatum reticulo pendente, de gemmis albis pretiosis miræ pulchritudinis decoratum, & parua coopertoria ipsius calicis, sicut mos Græcorum est.*

## §. XIII.

*Calix catenatus.*

IDEM S. R. E. Bibliothecarius, in ipso Leone IV. *Obtulit etiam, inquit, B. Petro Apostolo calices de argento, qui sedent super circuitu altaris, num. 16. pens. lib. Verum etiam Calicem pendentilem cum catenulis, & delphinis, pens.*

## §. XIV.

*Calix ansatus.*

CAROLVS Magnus Imperator, *Item dedit Basilicæ S. Petri patenam auream, cum gemmis diuersis, pens. lib. 30. & Calicem maiorem cum gemmis, & ansis duabus, pens. lib. 58. In Ordine Romano Tit. de Off. Missæ, Leuat Archidiaconus de manu Subdiaconi regionarij calicem, & ponit eum super altare iuxta oblatam Pontificis à dextris, atque cum offertorio in cornu altaris posito, inuoluens per ansas calicem, stat post Pontificem. Et infra; Cùm dixerit Pontifex, Nobis quoque peccatoribus, surgunt Subdiaconi: cùm dixerit, Per quem hac omnia Domine, surgit Archidiaconus solus; Cùm dixerit, Per*



ipsum & cum ipso, leuat Archidiaconus cum offertorio Calicem per ansas, & tenet exaltans illum iuxta Pontificem.

## §. XV.

*Calix Tetragonus, seu quadrangularis.*

IDEM verò ( inquit Anastasius in Leone III. ) sanctissimus Presul, Spiritus sancti illustratione perfusus, fecit Beato Apostolo nutritori suo calicem aureum præcipuum tetragonum ( id est quadrangularem ) spanodystum diuersis ornatum lapidibus pretiosis pens. lib. 32. Necnon fecit, & patenam auream spanoclystani miræ magnitudinis decoratam, pens. lib. 25. & uncias 9.


## §. XVI.

*Calix imaginatus.*

IN testamento S. Remigij quod refert verbatim Flodoardus, hist. Eccles. Remens. lib. 1. c. 18. legati Calicis eiusdem fit mentio, hac dictorum serie: Illud quoque vas aureum decem librariū, quod mihi sæpe nominatus Dominus illustrisque memoria Ludonicus Rex, quem ut prædixi, de sacro fonte suscepi donare mihi dignatus est, ut de eo facerem quod ipse facere voluisset, tibi heredi meæ Ecclesie suprâ memorata iubeo turriculum, & imaginatum calicem fabricari, & epigrammata quæ Lauduni in argenteo ipse dictaui, in hoc quoque inscribi volo. Vbi per imaginatum calicem, intelligi constat calicem sculptis sacris imaginibus insignitum. Nec mos ille tunc primū cœpit, ut sacri calices piis imaginibus decorarentur. Siquidem ipso tempore Tertulliani, quem S. Hieronymus eius in elogio, lib. de Scriptoribus Ecclesiasticis iure nuncupat, vicinum Apostolicorum temporum, vsu receptum in Ecclesia fuerat, ut calicibus mysticæ imagines appingerentur. Meminit enim vetustissimus hic auctor, lib. de pudicitia, c. 7. calicis in quo figura boni pastoris ouem suis humeris impositam ad gregem proprium reuchentis: *Procedant, inquit, ipsæ picturæ calicum vestrorum* ( Catholicos hîc alloquitur, quibus iam infestus erat ) *si vel in illis perlucebat interpretatio pecudis illius, &c.* Et infrâ. *Grege Domini, Ecclesie populus, & pastor bonus Christus, & ideo Christianus in oue intelligendus, qui ab Ecclesia grege errauerit.* Et c. 10. *Cui si fortè patrocinabitur pastor, quem in calice depingis. De quo nihil libentiùs bibas, quàm ouem penitentia secunda. &c.*



## CAPVT XV.

*De positione, & situ Calicis sancti in altari.*

**I**N Dei rebus, inquit S. Hilarius, humano non est sensu loquendum: nec in sacris mysteriis quicquam inordinatè faciendum. Vult Apostolus in Ecclesia omnia cum ordine fieri, etiam minima, quantò maxima magis? sacrificium verò Eucharistiæ, est (vt ait S. Dionysius) omnium diuinorum diuinissimum; decenter igitur, & ad rectæ rationis normam in eo omnia debent fieri, nihil casu, nihil temerè, aut incongruè, & indecenter admitti.

*Lib. 8. de Trinitate ante medi-*

Calix benedictionis præcipuum est mysterij pietatis instrumentum: quamobrem sicut de eius materia, & ritu consecrationis iam pridem Ecclesia præfixit leges; ita & de eius collocatione, & situ in altari regulas certas constituit, quas firmavit vsus, Ecclesiæque perennis consensus obsignauit.

In descriptione Ritus celebrandi Missam, circa positionem calicis in altari, à Græcorum more Latinus vsus nonnihil dissonat. Art. 1. siquidem, cuius est inscriptio de præparatione Sacerdotis celebraturi, *Ingrediens Sacerdos ad altare à cornu Euangelij sistit calicem, extrahit de bursa corporale, &c. quod extendit in medio altaris, & super illud præparat calicem &c. super os eius ponit purificatorium mundum, & super illud patenam cum hostia integra &c.*

*In Miss. Rom.*

Si est consecraturus plures hostias pro communionem faciendam, quæ ob quantitatem super patena manere non possunt, locat eas super corporale ante Calicem, aut in aliquo calice, vel vase mundo consecrato ponit eas retro post calicem, & alia patena seu palla cooperit. Porro tit. de offertorio, & aliis vsque ad canonem, sic habet celebrandi Ritus:

*Imposita aqua in Calice, & finita oratione, Deus qui humanæ substantiæ: accipit manu dextra calicem discoopertum, & stans ante medium altaris ipsum ambabus manibus eleuatum tenens, videlicet cum sinistra pedem, cum dextera autem nodum infra cuppam intentis ad Deum oculis offert, Offerimus tibi Domine &c. Qua oratione dicta facit signum crucis, cum calice super corporale, & ipsum in medio post hostiam collocat, & palla cooperit. Græcorum mos ab hoc Latino ritu differt collocationis Calicis sancti, in quo nimirum fit consecratio Dominici sanguinis. Non enim in longum coram se, sed in transuersum panem, & vinum in prothesi ipsi Græci ordinant, vt quod nunc figuratè agitur, peracta consecratione, omni veritate certius (iuxta sanctum Chrysostomum hom. 24. in ep. 1. ad Cor.) τὸ ἐν τῷ ποτηρίῳ ὡς ἐκείνῳ τῆς παύρας πίπτει. quod est in calice, id quod è latere fluxit, esse credatur.*

Apud Latinos obtinuit dudum idem ritus collocandi calicem non in medio ipso altaris, sed à parte dextera hostiæ super ipsum altare

Tom. 10. Bibliot.  
SS. PP. p. 20. B.

eodem Tom. p.  
237.

impositæ, id est non in longum, sed in transversum. Id verò facile colligi potest ex Ordine Romano, Tit. Qualiter sit celebrandum sacrificium Missæ? Quo sic legimus. Deinde Archidiaconus suscipit oblatas Pontificis de oblationario (id est de prothesi) & dat Pontifici, quas dum posuerit Pontifex in altari leuat calicem Archidiaconus, de manu Subdiaconi regionarij, & ponit eum iuxta oblatam Pontificis à dextris, atque cum offertorio in cornu altaris posito, inuoluens per ansas calicem, stat post Pontificem. Ex quo loco Micrologus de obseruationibus Ecclesiasticis c. 10. cuius titulus est, de oblatione in altari componenda. Ita autem (inquit) iuxta ordinem Romanum in altari componenda sunt, ut oblata in corporali posita, calix ad dextrum latus oblata ponatur, quasi sanguinem Domini suscepturus, quem de latere Dominico profluxisse credimus; nam oblatam sive panem in verum Christi corpus, sicut & vinum in sanguinem Dominicum conuerti non dubitamus.

Quo ex ritu firmatur admodum illa celebris opinio, quòd Christi dextrum latus, non verò sinistrum lancea apertum fuerit. Fauent antiquissimæ picturæ; fauet & nummus ille peruetustus (quem ab Henrico Imperatore Constantinopoli in Galliam Belicam, anno 1208. missum didicimus) nunc usque asseruatus in Monasterio Lætiensi; cuius ectypon expressit ac efformauit Lipsius in not. ad c. 10. lib. 2. de Cruce, & post illum Gretserus, lib. itidem 2. de S. Cruce c. 4. & nos hic damus ab vtroque acceptum,



Inscriptio in eo est, *κόπια τὸ λύτρον αἵμα τῷ Χριστῷ λόγου*: *Mundi redemptio sanguis diuini Verbi.* In hoc perspicitur Christus crucifixus cum quatuor clauis, & suppedaneo. Astante Virgine eius sanctissima genitrice à dextro latere, & S. Ioanne à sinistro: pone quem cernitur expressus ille miles, qui Christo sitienti spongiam aceto plenam cum hyssopo exsuggendam obtulit. At à dextro latere prope beatam ipsam Deiparam alius spectatur ille miles, qui lanceâ latus eius iam mortui aperuit (Ioan. 19.) vnde mox exiuit sanguis ex aqua. Hinc mos Græcis solennis lanceolâ pungendi calicem situm super altare, ut prænotauimus, prope hostiam in latere dextro, ita enim præscriptum habent in Liturgia S. Ioannis Chrysostomi, in primo offertorio. *At Diaconus præparat sacra, sanctum quidem discum \* ad partem sinistram, calicem verà ad dexteram, & alia cum ipsis. Dehinc venerationem ter ante propositionem exhibentes (Sacerdos scilicet & Diaconus) dicit unusquisque: Deus propitius esto mihi peccatori. Et redemisti nos à maledicto legis pretioso tuo san-*

V. Euchologiū  
Græcorū nuper  
editum Parisiis  
p. 60. & 116.  
\* Id est patenā.  
Index reliquiā-  
rum præcita-  
tus: Genuæ ser-  
uatur catinum  
smaragdinū, in  
quo Dominus  
cum Apostolis  
cenauit.

sanguine, cruci affixus & lanceâ perforatus, immortalitatem tanquam ex fonte præbuit hominibus, Saluator noster, gloria tibi.

Et Diaconus dicit, *Benedic Domine*. Et Sacerdos, *Benedictus Deus noster perpetuò, nunc & semper & in sæcula sæculorum, Amen*. Post hæc sumit Sacerdos sinistra quidem manu, dextra verò sanctam lanceam, & cum ea signum crucis faciens super sigillum oblatae, dicit ter, *In memoriam Domini, Deique & Salvatoris nostri Iesu Christi*, & statim infigit sanctam lanceam in dexteram partem sigilli (id est crucis super speciem panis efformatae) & seindens dicit, *Tanquam ovis ad occisionem ductus est*: in sinistra verò similiter inficiens sanctam lanceam dicit, *Et ut agnus mansuetus coram tondente se obmutescens, sic non aperiet os suum*. In superiore verò parte sigilli rursus inficiens sanctam lanceam dicit, *In humilitate eius iudicium eius sublatum est*. In inferiori autem parte sigilli inficiens iterum sanctam lanceam, dicit, *Generationem autem eius quis enarrabit?* At Diaconus in qualibet incisione dicit, *Dominum precemur*, tenens etiam dextera manu stolam. Dehinc dicit, Diaconus, *Tolle Domine*, & Sacerdos immittens sanctam lanceam ex obliquo dexteræ partis oblatae, extollit sanctum panem sic dicens, *Quoniam tollitur de terra vita eius, perpetuò, nunc, & semper & in sæcula sæculorum, amen*. Et ponens supinum in sancto disco, postquam dixit Diaconus, *immola Domine*, Sacerdos sacrificat illum in modum crucis dicens, *immolatur agnus Dei qui tollit peccatum mundi, pro mundi vita & salute*. Et conuertit aliam partem quæ habet sursum crucem, & dicit Diaconus, *Punge Domine*. Sacerdos verò ipsum in dextera parte pungens sancta lancea, dicit, *Et unus militum lancea latus eius aperuit, & statim exiit sanguis & aqua*.

Scilicet ex latere dextro: In hoc enim percussum fuisse Dominum probabilior est sententia, quam amplexus S. Bernardus serm. 7. in psal. *Qui habitat*. Dextrum, inquit, propter me, passus est latus findi: quod videlicet nonnisi de dextera mihi propinare vellet, non nisi in dextera, locum parare refugij. Atque hætenus de situ Calicis in altari.






## CAPVT XVI.

*Miscellanea de Calice.*

## §. I.

*Ex Calice sancto sanguinis Domini instillandi in os infantum, mos fuit primitiue Ecclesie: quem insigni miraculo illustratum refert S. Cyprianus in celebri sermone, de lapsis.*



COMMUNICABANT Veteres aliquando infantes: sed sub vna tantum specie, nimirum non sub specie panis, quia infantes non possunt cibum aliquem solidum sumere. sed instillando in os eorum, aliquid sanguinis Domini, Diaconi ministerio, qui Episcopo vel Sacerdoti sacrificanti ex officio assistebat: testis est sanctus Cyprianus huius ritus sua adhuc ætate observati, hac æterna memoria digna, rei gestæ sub suo conspectu, enarratione. *Præsentem, inquit, ac teste meipso accipite quod euenerit. Parentes forte fugientes, dum trepidi minùs sibi consulunt, sub nutricis alimento paruulam filiam reliquerunt, relictam nutrix detulit ad magistratus. Illi ei apud idolum quo populus confluebat, quod carnem necdum possit edere per ætatem, panem mero mixtum, quod tamen & ipsum de immolatione prætereuntium supererat, tradiderunt. Recepit filiam postmodum mater. Sed facinus puella commissum tam loquitur & indicare non potuit, quàm nec intelligere priùs potuit nec arceret. Ignorantia igitur obreptum est, ut sacrificantibus nobis eam secum mater inferret. Sed enim puella mixta cum sanctis, precis nostræ & orationis impatiens, nunc ploratu concuti, nunc mentis æstu cepit fluctuabunda iactari, & velut torture cogente, quibus poterat iudicii conscientiam facti simplicibus adhuc annis, rudis anima fatebatur. Vbi verò solennibus adimpletus calicem Diaconus offerre præsentibus cepit, & accipientibus ceteris locus eius aduenit: faciem suam paruula instinctu diuinæ maiestatis auertere, os labiis obturantibus premere, calicem recusare. Perstitit tamèn Diaconus, & reluctanti licet de Sacramento Calicis infudit. Tunc sequitur singultus & vomitus, in corpore atque ore violato Eucharistia permanere non potuit, sanctificatus in Domini sanguine potus, de pollutis visceribus erupit. Tanta est potestas Domini, tanta maiestas! secreta tenebrarum sub eius luce detecta sunt, Sacerdotem Dei nec occulta scelera fefellerunt. Hoc circa infantem, quæ ad eloquendum alienum circa se crimen, necdum habuit ætatem. Hactenus S. Cyprianus. Ex cuius verbis palam est antiquissimum ritum fuisse in Africa communicandi pueros, adeoque infantes, instillato de sancto calice illorum in os, statim à baptismo sanguine Domini. Proinde S. Augustinum, quem auctorem huius praxis plerique faciunt recentiores Theologi, non fuisse reuera illius auctorem, sed tantum assertorem, cum Innocentio I. summo Pontifice, eodem quo ille claruit sæculo Apostolicæ Sedi præsidente. Quorum tamen sententia minùs probabilis Ecclesiæ visa est, cuius consuetu-*

dine, & communi sensu effectum, ut mos iste, quem ambo laudant, sensim exoleuerit. Sed mirum quomodo post hunc abrogatum, Hugo à S. Victore, dictus alter ætate sua Augustinus, in eum ita propenderit, ut non obscure senserit quasi postliminij iure, ad praxim Ecclesiæ reuocandum, hoc nixus axioma, quod Eucharistia omnibus sit prorsus necessaria ad salutem: propter verba illa Domini, *Nisi manducaueritis carnem filij hominis, & biberitis eius sanguinem, non habebitis vitam in vobis*: Ioan 6. ita enim ait lib. 1. de Sacram. c. 20. ubi de ritu scribit baptismi: *Exinde datur baptizato vestis candida: ad ultimum datur cereus ardens. Omnibus his nouus homo in utero matris Ecclesiæ inchoatur, prouehitur, consummatur, & vniuersali Ecclesiæ aggregatur: hoc est, corporis Christi membrum efficitur; unde si eius valetudinis est, Sacramenta unitatis, id est, corpus & sanguinem Christi accipere debet. Pueris recens natis idem Sacramentum in specie sanguinis est ministrandum, quia tales naturaliter sugere possunt.* Augustinus ad Bonifacium, contra hæresim Pelagianam. *In Ecclesia saluatoris, paruuli credunt, sicut ex aliis quæ in baptismo dimittuntur peccata, traxerunt. Nec igitur cogitetis eos vitam habere posse, qui sunt expertes corporis & sanguinis Christi, dicente ipso Domino, Nisi manducaueritis carnem filij hominis, & biberitis eius sanguinem, non habebitis vitam in vobis. Ergo (si sine periculo fieri potest) iuxta primariam Ecclesiæ institutionem, Sacramentum Eucharistiæ in specie sanguinis est tradendum pueris. Unde ignorantia adhuc formam retinens, sed non rem, dat eis loco sanguinis vinum, quod penitus superuacaneum arbitraret, si sine scandalo simplicium dimitti posset. Si autem in reseruando sanguinem Christi, vel ministrando pueris, immineat periculum, potius supersedendum videtur.* Ita ad verbum Hugo. Cuius optatis attamen Ecclesia non assensit: at suppresso quem ait veteri more, contrarium stabiliuit, qui hodièque toto orbe Christiano perseverat. Nec locus Ioannis 6. *Nisi manducaueritis &c.* ad priorem illam obseruationem cogit, vel praxi tandem ubique receptæ, quæ etiamnum ubique viget, vlllo modo repugnat, quemadmodum Cardinalis Toletus dilucidè ostendit in Commentariis super ipsum S. Ioann. Euangelium, ad citata verba Domini, annot. 28. ubi etiam veram declarat S. Augustini hac de re sententiam, nequaquam hodiernæ praxi contrariam, ex lib. 1. eiusdem B. Augustini de peccat. merit. & remiss. c. 20. & seqq. Ceterum insuper probat nec aliter sensisse Innocentium I. in epist. ad Patres Mileuitani Concilij, quæ extat inter ep. ipsius S. Augustini, num. 92. Ex quibus testimoniis dicit ipse Cardinalis Toletus, verba quidem Domini etiam paruulos comprehendere, adeo ut aliquo modo necesse sit istos sacræ Eucharistiæ fieri participes, non quidem per actuale Sacramenti communionem, cuius incapaces sunt, quod careant proprio actu voluntatis ac motu, nec ea discretionem præditi sint, quam Apostolus exigit in sumentibus ad diiudicandum corpus Domini, 1. Cor. 11. sed quod per Sacramentum regenerationis, Christi corpori mystico incorporati, fiant modo aliquo Eucharistiæ participes, nempe quantum ad rem significatam; hoc enim sacramentum huius unitatis my-

stici corporis proprium est signum. Ita ex mente S. Augustini, & Innocentij I. isto loco Toletus. At satis hac de re, de qua fusiùs Scholastici Theologi & Polemici qui scripserunt aduersus Bohemorum errores.

## §. II.

*Calicem sanctum non manu, sed ore dumtaxat Laici, etiam summates contingebant.*

CANONES, ut suprà demonstrauius, Laicis districtè prohibent sacra vasa contrectare, maximè verò calicem, qui cæteris quævisque vasis semper habitus est sacratior; ori dumtaxat admouere ipsis Imperatoribus licebat, quemadmodum ex verbis elicitur S. Ambrosij ad Theodosium Magnum, quæ in historia tripartita expressa leguntur, lib. 9. c. 30. Accedenti siquidem Theodosio ad Communionem, patrata cædis nondum susceptâ pœnitentiâ, sanctus ipse Ambrosius occurrisse, & ita illum compellasse memoratur: *Quomodo huiusmodi manibus recipies sanctum Domini corpus? qua temeritate sacrati sanguinis poculum ore tuo suscipies?*

## §. III.

*Quotidiano ministerio, calice scilicet & patena parua, cum Euangeliorum Codice ad collum appenso, seruatus fuit à naufragio S. Maximus discipulus S. Martini, deinde Abbas Cainonensis in diœcesi Turonensi.*

Ex Gregorio Turonensi de glòria Confessorum, c. 22.

FUIT autem quidam Religiosus, (ait præfatus Gregorius Turonensis) & virtutibus & nomine Maximus, & ut liber vitæ eius docet, quam versu conscriptam legimus, nostri fuit Martini discipulus. Qui oculere quod erat cupiens, apud insulam Barbaram Monasterij Lugdunensis peregrinari expetiit. Manifestatus autem & ibi, ad patriam redire disposuit. Denique cum Ararim fluium transire cuperet, naue impleta demergitur, ac ipse Sacerdos pelago operitur, habens ad collum cum Euangeliorum libro, ministerium quotidianum, id est patenulam parua, cum calice. Sed pietas diuina non pertulit perire quod suum est, (nempe Euangelium, calix, & patena) ita de hoc periculo, Domino iubente restitutus est littori, ut nec vitæ damna perferret, nec rerum (sacrarum) detrimenta lugeret: impletiūque est illud quod Psalmographus Spiritu sancto influente cantauit, Cum ceciderit iustus non collidetur, quia Dominus firmat manum eius. Hæc Gregorius. Ex cuius dictis habes Sacerdotes iam in Gallia solitos singulis diebus sacrificare: ideoque Euangelium secum, calicem & patenam circumtulisse; quæ ideo scitè & congruenter Gregorius nuncupat ministerium quotidianum, quemadmodum ipsa Eucharistia in Dominica oratione Panis noster quotidianus appellatur.

## §. IV.

*Subdiaconus acetum supponens in sancto Calice pro vino, diuinitus detegitur.*

Ex eodem Greg. Turon. eodem lib. c. 65.

Duos in hac urbe (Lugdunensi) fuisse ferunt, virum scilicet & coniugem eius, senatoria ex gente pollentes. Sed vir prius obiit, in basilica S. Maria sepultus est. Mulier vero per annum integrum \* ad hoc templum degens, assidue orationi vacabat, celebrans quotidie Missarum solennia, & offerens oblationem pro memoria viri, non diffisa de Domini misericordia, quod haberet defunctus requiem; in die qua Domino oblationem pro eius anima delibasset, semper sextarium gazeti vini praeiuit in sacrificium Basilica sanctae, sed Subdiaconus nequam, reseruans gula gazetum, acetum vehementissimum offerebat in calice: muliere non semper ad communicandi gratiam accedente. Igitur cum fraudem hanc Domino placuit reuelare, apparuit vir mulieri dicens, Heu! heu! dulcissima coniux, defluxit labor meus in saeculo, ut nunc acetum in oblatione delibem? Cui illa, verum (inquit) quia charitatis tuae non immemor, semper gazetum potentissimum obtuli pro requie tua in sacrario Dei mei. Expergescens autem admirans visionem, eandemque obliuioni non tradens, ad matutinum secundum consuetudinem surrexit. Quibus expletis, celebratisque Missis accedit ad poculum salutare: qua tam feruens acetum hausit ex calice, ut putaret sibi dentes excuti, qua nequiter fuerat defraudata. Sed nec hoc miraculum sine operis boni merito gestum puto. Haecenus Gregorius Turonensis.

\* Nota anniuersarij Missalis pro defunctis consuetudinem, ante annos 1000. vsitatam in Gallia.

## §. V.

*Anathema scriptum aduersus Pyrrhum Constantinopolitanum Antistitem, Monothelitarum haeresis antesignanum, à Theodoro Papa: intincto calamo in sancto calice, & pretioso liquore Dominici sanguinis vice atramenti, ad sacrorum apicum exarationem, infuso.*

Cum Paulus regiae urbis Constantinopoleos Antistes, (quem Patriarcham dicunt) praecipuus fautor Monothelitarum haeresis, non semel admonitus à Theodoro Papa ac plerisque Conciliis Africanis, ut ad cor rediret, damnataeque à Sede Apostolica, & omnibus fere Ecclesiis, tam perniciosae haeresis defereret defensionem; istanta pertinacia in sua impietate nihilominus persisteret, ut etiam Imperatorem contra Catholicæ fidei impelleret assertores: edito typo quo iis silentium imponebat, Theodorus Papa pio zelo animatus, synodum Romae habuit, in qua totius huius nequitiae Paulum pseudo-patriarcham diro anathemate percussit. Refert in annalibus Theophanes, sub. ann. 20. Heracl. ipsum Theodorum Papam ad sepulchrum S. Petri accedentem diuina mysteria celebrasse, & ex calice distilla-

Anno 648. ubi vide Baronium.



to in atramentarium, de Christi sanguine, Pyrrhi eiusdem ciuitatis Pseudopatriarchæ, qui iam antè ob hæresim depositus fuerat, & abiurata Romæ hæresi in præsentia ipsius Papæ, cui pœnitentiæ obtulerat libellum, dehinc in illam fuerat relapsus; vnâque Pauli excommunicationem, & abdicationem conscripsisse.

Quod mirum sanè! haud enim aliqua huiusmodi maledictionis in ritibus sacris Ecclesiæ Romanæ Lex præscripta, vel vllum editum antehac, nec pòst à summis Pontificibus similis execrationis exemplum. At Anastasius Bibliothecarius, qui fulminati anathematis à Theodoro Papa, aduersus Pyrrhum, & Paulum, Constantinopolitanos Præsules, historiam describit, ritus adeò insoliti ac formidabilis nullam facit mentionem. Græcis tamen fuisse hunc in vsu, aliquot exemplis Theodoro Papæ, vt reor, innotuerat, quem morem ad detestationem tam execrabilis perfidiæ, vsurpandum aduersus Græcum hunc hominem vt pote damnatione, & æterna maledictione dignum, ad incutiendum terrorem hæresiarchis, & hæreticis relapsis, non abs re Theodorus Pontifex existimauit. Veruntamen factum eiusmodi, vt à nullo eius Antecessorum editum, ita à quoquam successorum eius nusquam reperitur in vsu fuisse traductum. Quod ideo propter ipsam eius singularitatem hic annotandum arbitrati sumus.

## §. VI.

*In Calicem S. Lupi Archiepiscopi Senonensis sacrificantis, speciosa gemma cælitus immissa.*

\* Apud Surium  
tom. 8. de SS. 1.  
Septemb. 6. 11.

\*\* Rectius  
Briamone,  
quod ad se spe-  
ctans hæredi-  
tario iure, cum  
plerisque aliis  
possessionibus,  
Ecclesiæ Seno-  
nensi testamē-  
to legauit, vbi  
& diem suum  
clausit extre-  
mum.

QUODAM Dominico die (sic enim gesta ferunt ab anonymo quodam, sed vetusto, & digno fidei auctore conscripta\*,) in \*\* Bardone prædio; Eucharistiæ mysterium illo consecrante coram Sacerdotibus & Leuitis, gemma cælitus labebatur in calicem, inter manus illius, corporis, & sanguinis Domini commixtionem celebrantis. Quæ gemma radio micante pulcherrima, diu apud Senones conseruata, Rege iubente inter reliqua Sanctorum pignora in eius palatio reposita est. Apparet hinc, quàm Christus cum charum habuerit, inter cuius mantus præclarissimum edidit miraculum.

## §. VII.

S. Leo IX. summus Pontifex diuinitus euocatus ab Episcopatu Tullensi, ad summum Ecclesiæ principatum, quot annis sessurus esset in sede Apostolica, & aliquot eius successores: per symbolum aureorum calicum, quos Beatus Petrus ipsi apparens in manus dedit, accepit mysticum indicium.

IN hac ergo pia intentione (scribit Wibertus Archidiaconus, in eius vita, lib. 2. c. 1.) quadam nocte soporatus per visum ad principalem Ecclesiam Wangionum est adductus: ubi contemplatur quasi concrecentem infinitam multitudinem albatorum, quorum maior pars videbatur esse Sacerdotum: inter quos unum

recognoscebat quondam sibi familiarem Bezelinum Archidiaconum, qui huius tomes in Romano itinere exuerat hominem. Quem interrogans quæ esset tanta multitudo? audiuit hos omnes mundanam finisse vitam in principis Apostolorum seruitio. De hoc intra se miranti, veluti cælorum clauiger B. Petrus superueniebat, & illam multitudinem sancta communionis eius manibus participaturam esse aiebat. Quem Pontificaliter indutum idem B. Petrus, cum Protomartyre Stephano ad altare prædictæ Ecclesiæ, cum ineffabili cantus melodia deducebant, & sacris peractis officiis omnes de eius manibus viuificum munus percipiebant. Visum quoque ei fuerat quod post sacram communionem, ipsi S. Petrus quinque Calices aureos conferret: alteri verò se subsequenti tres, tertio verò unum calicem tribueret. Hæc ergo suis familiaribus referens, quid portenderent secum mirabatur. sed quis eorum fuerit exitus in sequentibus loco suo dicitur. Nimirum eiusdem libri 1. c. 6. sub finem, ubi hæc habentur. Exemptus est autem hic vir magnificus ab huius vite laboribus quinquagenarius, anno Incarnationis Domini M. LV. Leucorum Episcopatus XXVIII. Apostolatus autem VI. siquidem Roma sedii annis V. adiectis duobus mensibus, & nouem diebus, impleta visione quam supra de reuelatione Calicum retulimus. Nam quinque calices ei à B. Petro collati signabant quinquennale vite eius spatium. Reliqui tres successoris sui Victoris triennium: sequens unus, beata memoria Fræderici (fuit is Stephanus X.) in Apostolatu unius anni cursum. Hactenus Wibertus.

## §. VIII.

*Henricus II. Imperator tam graui morbo affectus, ut ipsi vix adhuc in pectore vitalis halitus superesset: repente sanatus est à S. Laurentio sibi apparente, & e calice aureo, aquam refrigerantem super eum aspergente.*

TEMPORE Conradi patris, à quodam Clerico, Henricus ille fistulam tulerat argenteam, qua pueri aquam iaculantur, pactus Episcopatum cum foret Imperator. Adultus repetenti pollicitum impigre dederat. Nec multò post aspera valetudine correptus decubuit. Morbo crescente triduo exsensus, & mutus iacuit, cum in solo pectore vitalis halitus palpitaret. Nec aliud vite indicium erat, quàm quod manu ad nares apposita quantuluscumque sentiebatur anhelitus. Episcopi præsentis triduano indicto ieiunio, lachrymis & votis pro vita regis, superos pulsabant. Quibus, ut credi fas est, remedii conualescens, accitum Episcopum quàm iniuste fecerat, sententia Concilij deposuit: professus se toto triduo demones infestos vidisse, flammam in se per fistulam iaculantes adeò pertinacem, ut noster ignis in comparatione illius leuis putetur, & nil calere. Iuuenem inter hæc spectauit vstulatum, latum aduentasse, ferentem immense magnitudinis calicem aureum aqua plenum: cuius visione, & laticis aspergine delinitum extinctis ardoribus in sanitatem euasisse. Ephæbum illum beatum fuisse Laurentium, cuius Ecclesiæ tectum longa carie dissolutum compaginauit, & præter alia xenia, calice aureo honorificauit. Ita ad verbum refert Willelmus Malmesburiensis de gestis Regum Angliæ, lib. 2. c. 12. Ex quo idem recitat Cardinalis Baronius tom. 10. Annal. sub annum 1047. n. 10.

## §. IX.

*Victore II. celebrante, toxico imbutus Calix, in quo consecratus erat sanguis Domini, de more ut adoraretur leuari non potuit ab ipso Pontifice: unde veneficus hippodiasconus confestim arreptus à demone, reatum suum fateri compulsus est: Pontifexque fide subnixus, immunis à preparato sibi veneno, diuina virtute euasit.*

anno 1055.

MIRVM dictu! quò prorumpit latentis inuidiæ, & impietatis ausus? quàm periculosa sunt hominum absque Dei metu ingenia! Ausus est homo Christianus, professione Clericus, gradu Subdiasconus, patri Christiani orbis, cruentâ mente, sacrilega manu, venenum in ipso salutis sacrificio, non semel propinare. Sed cordi Deo fuit vita Pontificis, & parricidam insigni miraculo prodidit.

Celebranti mysterium pietatis Victori II. vini ampullam hippodiasconus veneno infectam porrexerat. Pontifex cum cœlestibus Christi verbis calicem consecrasset, eundem de more leuaturus, tollere de altari, quamuis sæpius conatus non potuit. Demiratus quid id esset, cum nec cogitatione rem posset assequi, quòd innocentia Pontificis tantum ab altero scelus concipi posse vix arbitraretur, cœpit cum populo publicis Deum votis exorare, vellent aperire, quæ res ea esset, quamobrem leuare pretiosum filij eius dilectissimi sanguinem non posset, cum illicò sceleratus parricida, qui stygiam cum vino aquam, etiam Pontifici miscuerat, à demone correptus, & immanissimè tamdiu cruciatus est, donec sacrilegum parricidium palam confessus, rursus per Pontificis, & populi preces ab tartareo carnifice liberaretur. Impium sanè factum erat, & mille culeis, & rotarum suppliciis expiandum, voluisse per salutis azilum salutem adimere ei qui pro omnium salute, & ipsius qui scelus exequabatur, salutari hostia litabat. Verùm pius Pontifex, cuius vicem gerebat, morem quoque voluit imitari: indulsit nefario ministro, & pro eius à dæmonio ereptione preces cum lachrymis ipso in altari fudit: ne verò tormentis ab hominibus in ultionem tanti facinoris torqueretur, summa sua auctoritate prohibuit. Cæterùm Papa calicem cum sanguine Dominico, cuidam altari iussit includi, & pro reliquiis in perpetuum conservari.

Conradus Abbas Urspergensis in Chronico rem gestam paucis his verbis denarrat. Anno, inquit, M. LV. Leoni Papa Gebhardus, qui & Victor Eihastatensis Episcopus successit. Huic cum Diasconus eius venenum in calicem misisset: calicem de altari leuare non potuit. Pro hoc populo orante, Diasconus à dæmonio vexatur, confessoque crimine liberatur, calixque cum sacramentis in quodam altari pro reliquiis includitur. Hæc Urspergensis, qui sceleratum illum veneni propinatorem ad altare, Diasconum facit. At Lambertus Subdiasconum tantum denominat. Causa tentati tam impij sceleris inui-

inuidia fuit, delatæ homini extero, Germano scilicet, Apostolicæ tiaræ; quemadmodum non rudis auctor his versibus, quibus elogium Victoris II. complexus est, insinuat.

*Me flamen sanctum triplici diademate cinxit,  
Communemque orbis fecit in urbe patrem.  
Consilium sceptris dederam prius, atque regebam  
Cæsareos fasces, Cæsareamque domum.  
Velabat nostram tunc simplex insula frontem:  
Nec lituum fulgens irradiabat onyx.  
Tergeminam nobis inuidit Roma tiaram:  
Sed cum fata volunt, nulla cicuta nocet.*

## §. X.

*In Calicem iniectis Cardinalium schedulis, electionis Pontificis Romani fieri scrutinium: ita enim habet Ceremoniale Romanum, approbatum speciali decreto à Gregorio XV. Pontifice Max. Constitut. 19. edita anno 1621. quæ incipit Decet Romanum Pontificem &c.*

SEQUITUR secunda Actio, quæ nomine scrutinij appellata fuit. Ocho sunt huius Actionis actus; videlicet, delatio schedulæ, iuramenti præstatio, positio schedulæ in calicem, schedularum mixtio, earum enumeratio, scrutinij publicatio, schedularum in filum insertio, earumque depositio seorsum.

Delatio schedulæ, & duo sequentes actus qui melius simul describuntur ob eorum connexitatem, hoc modo fient. Quilibet Cardinalis propriam schedulam, postquam illam scripserit, obsignauerit & complicauerit, duobus primis digitis sumet, ac eleuata manu palam deferet ad altare, penes quod stant scrutatores, in quo est calix magnus ad recipiendas schedulas paratus, & patena cooper-tus, ibique genuflectens aliquantulum orabit, deinde surgens, alta & intelligibili voce iurabit in hanc formam, quæ in tabella super altari posita habetur descripta: Testor Christum Dominum, qui me iudicaturus est, me eligere quem secundum Deum iudico eligi debere: & quod idem in accessu præstabo. Post hæc schedulam in patenam ponet, & per patenam mittet in calicem: quo facto, inclinabit se ad altare, & ad suum locum reuertetur. Et hæc seruanda erunt si Cardinalis ad altare pergere possit: nam si ob infirmitatem non possit, & præsens in capella sit, ultimus scrutator discum cum schedulis ad eum deferret, ex quo Cardinalis infirmus vnâ accipiens, eam in loco suo discrete, ut supra dictum est conficiet, deinde præuio iuramento prædicto, schedulam obsignatam & complicatam eidem scrutatori tradet, qui eam palam deferet ad altare, & sine oratione & iuramento in patenam ponet & per eam in calicem mittet. Quæ omnia obseruanda erunt per ultimum scrutatorem erga eos Cardinales, qui in Capella præsentés, ob valetudinem ad altare pergere non poterunt: si verò aliqui Cardinales in suis cellis infirmi sint, tres Cardinales infirmarij, ut supra extracti ad eos accedent cum capsula altitudine vnus palmi, in cuius superiori parte sit rima, seu foramen eius magnitudinis, ut per illud schedula complicata possit per suam latitudinem intus capsulam transmitti.



ti: quam capsulam, antequam scrutatores infirmariis tradant, aperient palam, ut ceteri Cardinales possint eam inanem & vacuam conspicerere: deinde claudent, & clauem ponent super altare: deinde infirmarij cum capsula clausa & cum paruo disco tot schedulas continente quot sunt infirmi Cardinales, ad unumquemque eorum accedent, & infirmi acceptas ex disco schedulas secreto scribent, obsignabunt, & complicabunt, & prauio iam dicto iuramento, in capsulam per rimam mittent. Quod si infirmi scribere non possint, alij eorum arbitrio deligendi, praestito de secreto seruando in manibus infirmiorum iuramento, praedicta facient: atque hi aduertere debent quod non solum iuramenti vinculo tenentur seruare secretum, sed etiam in excommunicationem latae sententiae, si contra fecerint, incurrunt. His peractis, infirmarij ad capellam reuertentur cum capsula: quam scrutatores aperient, & schedulas in ea contentas palam numerabunt, & tot repertas quot sunt infirmi, ponent sigillatim in patenam, & per patenam simul omnes in calicem. Ne autem nimis in longum protrahatur scrutinij actio, infirmarij poterunt proprias schedulas post decanum conficere, & in calicem ponere, deinde dum ceteri Cardinales scrutinium agunt, ad infirmos pergere, ad accipienda eorum suffragia, eo modo quo supra dictum est.

Quartus actus scrutinij, est schedularum permixtio, quae fiet per primum scrutatorem, calice in quo ipsae schedulae posita fuerunt, patena cooperto, pluries agitato.

Quintus actus, est numeratio schedularum, quae palam fiet per ultimum scrutatorem, capiendò sigillatim unamquamque schedulam ex calice, eamque ponendo in alium, qui ad hoc paratus sit, calicem vacuum. Quod si numerus schedularum non respondeat numero Cardinalium, omnes comburendae sunt, & iterum, id est secundà vice, ad suffragia statim est deueniendum: si verò numerus schedularum, numero Cardinalium respondeat, proseguendi sunt alij actus scrutinij.

Sextus actus, est publicatio scrutinij, quae per scrutatores qui sedent ad mensam ante altare positam, fiet hoc modo: primus scrutator accipiet unam schedulam, eamque intactis sigillis explicabit, & viso in ea Electi nomine, eam tradet secundo scrutatori, qui pariter eodem Electi nomine perspecto, eandem tradet tertio, qui eam alta & intelligibili voce perleget, ut omnes Cardinales praesentes notare possint suffragium in folio impresso quod penes se habebunt cum nominibus omnium Cardinalium. Notabit autem iuxta nomen Cardinalis ex schedula recitati; idem faciendum erit de schedulis in calice positis usque ad ultimam. Quod si in scrutinij publicatione inueniant scrutatores duas schedulas ita complicatas, ut ab uno tantum datas fuisse appareat, siquidem unus & idem in utraque electus fuerit, schedula praedicta habebuntur & notabuntur pro uno suffragio; si verò diuersi fuerint nominati, neutrum suffragium validum erit, prout in Bulla Gregoriana statuitur de illa schedula in qua plures nominati sunt, scrutinium tamen neutro casu vitatur. Ceterum suffragia praedicta, finita scrutinij publicatione, poterunt à Patribus iuxta nomina Cardinalium qui ea obtinuerunt, in unam summam redigi, vel in separato folio notari, hoc modo: Reuerendissimus D. Cardinalis A. habet suffragia 20. & Reuerendissimus D. Cardinalis B. habet suffragia 15. & sic de aliis: quod fit ne Cardinales, cum opus est, cogantur semper numerare suffragia, quae iuxta numerum Cardinalium notantur.

Septimus actus scrutinij, est schedularum in filum insertio, quæ ut schedula ipsæ cautiùs conservari possint, excogitata fuit. Hac autem insertio fiet per ultimum scrutatorem, inferendo schedulam unamquamque postquam eam perlegerit, acu cum filo ad hunc effectum parato in loco ubi est verbum, Eligo.

Octauus & postremus scrutinij actus, est depositio schedularum, seorsum, quæ similiter fiet per ultimum scrutatorem, qui finita insertionem schedularum omnium in filum capita fili nodo iunget, & schedulas omnes ita colligatas in alium calicem vacuum, vel mensa seorsum ponet.

Sequitur octava & postrema Actio, quæ postscrutinium appellata fuit, cuius actus si secuta sit Electio per scrutinium, tres tantum sunt, videlicet, numeratio schedularum, recognitio suffragiorum, & schedularum combustio: de quibus inferiùs suis locis dicitur: Si verò per scrutinium non sit secuta electio, actus sunt septem, videlicet, Accessus, sigillorum & signorum aperitio: eorum annotatio; suffragiorum examen; suffragiorum scrutinij, vel scrutinij & accessus numeratio: eorum recognitio & schedularum combustio. Hæc ibi, aliæque nonnulla quæ ad præsentem tractationem non faciunt, cum circa Calicem non versentur. Cæterum ritus hos omnes circa electionem summi Pontificis non probavit tantum Gregorius XV. præsignata Constitutione, at etiam Urbanus VIII. propria sanctione, quæ incipit, *Ad Romani Pontificis providentiam &c.* Pontificatus anno 3. qui fuit Domini 1625. 5. Kal. Februarij, id est die 28. Ianuarij: Quæ extat in nouo Bullario, tom. 4. p. 61.

## §. XI.

*Rex Francorum Christianissimus in die consecrationis suæ Rhemis, communicat post Missa sacra solennia ad summum altare, de manu Archiepiscopi Rhemensis, sub utraque specie: Etenim post sumptum sub specie panis adorandum corpus Domini, itidem sumit sanguinem, ab ipso Archiepiscopo sibi exhibitum in Calice sancto, quo communicavit ipse Pontifex cum ministris.*

RITVS hic in continua fuit hætenus praxi, viridique, ut aiunt, permanet observantia. De quo obiter legitur, *In ordine ad consecrandum & coronandum Regem Franciæ, qui editus extat lib. 5. Decretorum Ecclesiæ Gallicanæ Tit. 2. c. 1. sub finem. Post offertorium, Pares deducunt Regem ad altare, coronam eius sustinentes: Rex autem debet offerre panem & vinum, vinum in urceo argenteo, tredecim bisantios aureos &c.* Et in eundo, & redeundo gladius nudus deferitur coram Rege. Finita Missa iterum Pares adducunt Regem coram altari, & ibi communicat corpus & sanguinem Domini de manu Archiepiscopi Missam celebrantis. Hæc ibi.

Hoc privilegio solus Rex Francorum præstat; quod facile colligi potest ex Pontificali Romano, sub titulo, de benedictione & coronatione Regis, cuiusvis scilicet, qui vngi & coronari debeat: non autem Regis Franciæ, cuius initiatio non dicitur simplex benedictio,

sed consecratio, proprioque ritu celebrari solet, ab hoc communi diuerso: sic enim præscriptum extat in ipso Pontificali, titulo prænotato: *Postquam Metropolitanus se de corpore, & sanguine Domini (quem totum sumere debet) communicauerit, Rex detecto capite de thalamo suo accedit ad altare, coram quo in supremo gradu genu flectit, & Metropolitanus conuersus ad Regem, ipsum communicat: Rex prius quam communionem sumat, osculatur manum dextram Metropolitanam, & sumpta communione ex calice de manu Metropolitanam, se purificat, & purificatus ad thalamum suum reuertitur.* Cæterum quamuis Francorum Rex solus, hoc priuilegio gaudeat, semel tantum hoc utitur, nempe ipso die consecrationis suæ: postea nonnisi eo more quo solent Laici fideles, diuinam Eucharistiam sumit, videlicet sub vna panis specie.

In Concilio Tridentino, cum quæstio de communione sub utraque specie ventilaretur: intercessit Lansacus Christianissimi Francorum Regis Caroli IX. Legatus: ne quicquam decerneretur, quod in præiudicium huius priuilegij iam pridem Francorum Regibus concessi, & hætenus conseruati, verti posset: qua de re monimento sunt ipsius Legati litteræ ad ipsum Regem Carolum directæ 19. Iulij anni 1562. inter instructiones, & rescripta Regum, & eorundem Legatorum, ad prædictum Concilium spectantia. sic porro scribit\*: *No-uerit etiam Maiestas vestra Christianissima, nos sedulo intercessisse, ne quæcumque à Synodo, hac de re sanctiones emanabunt, ullatenus derogent laudabili consuetudini, qua solet Maiestas vestra in die coronationis suæ recipere sub utraque specie, ipsum venerabile sacramentum. Nec quicquam itidem fiat, in præiudicium aliquot monasteriorum regni vestri, in quibus mos idem ex longæua obseruatione retinetur.*

\* Patrio quidē idiomate: at hīc fideliter Latīa phrasī reddīto.

## §. XII.

*In regali Monasterio sancti Dionysij in Francia, ministri altaris, Diaconus, & Subdiaconus communicant ex speciali priuilegio, cum Abbate, vel alio Sacerdote celebrante, Corpus & Sanguinem Domini sub utraque specie, hausto de sancto Calice ipso sanguine sacro per canulam auream consecratam, Papali scilicet more, de quo constat in Cæremoniali Romano.*

Ex Antiquitatibus Abbatiae S. Dionysij in Francia à Iacobo Dubletio, eiusdem loci Cœnobita patrio idiomate editis lib. I. c. 48. quo tractat de Cæremoniis insignioribus eo in Monasterio, in diuino officio obseruari solitis.

\* Ita & hīc. Nam Dubletius Gallicè scripsit.

\* *Post Euangelium, decantato symbolo, Cantor, Procantor, Subcantor intonant offertorium. Tum Prior magnus cappa pretiosa insignis, sua è sede ad altare, quod portatile vocant, (Romani Credentiam appellant) procedit, velamenque quo operitur Calix eleuat, humeroque sinistro imponit: dextraque hoc amictu inuoluta, sacrum assumens vino iam delibutum poculum, leua verò patinam, cum tribus superpositis hostiis, Abbati has offerendas continuò defert. Manu ipsius Prioris vinum è priori vase sacro in alterum aquè pretiosum ef-*

funditur in calicem, per meatus aurei colearis plerisque locis perforati, ne quid impuri effluat in ipsum calicem sanctum, qui aliàs dicitur consecrationis. Tum Abbas aquam benedicit, effunditque in calicem, quem in medio altaris constituit, patenâque cooperit sacrata, hostiis impositis; totâque hanc sacrificij materiam solenni verborum formula diuinæ offert Maieitati. Istiusmodi colear cum canula aurea ritu solenni benedictum, purificatur Religiosi ministerio, quem focum vocitant, quia veste auriphrygiata, à tergo aperta, ipsâque à posteriori parte profusiori, quæ focus Latinis dicitur, indutus est. A quo venerabili Asceta, Cœnobiarcha presentatur calix precipuus cum urceolo aqua pleno, quæ infundi debet in ipsum calicem. Facto offertorio, Abbas manus lauat in pelui argentea sibi exhibita à foculato illo ministrante, aquam in manus Abbatibus alter duorum Diaconorum qui ei assistunt, effundit, alter manutergium eidem ministrat. Capellanus quem honorarium vocitant, mystici libri folia versat, & alius mitram quandoque imponit, & demit quando decet. Cum diuina hostia, calixque benedictionis ad latriæ cultum attollitur, Diaconus qui Euangelium, Subdiaconus qui legit Epistolam, accensa intorstitia tenent, iidem duo Diaconi suffragantes, & quatuor nouitij. Interim dum Agnus Dei concinitur, venerabilis Abbas solennem benedictionem eo more formulâque qua Episcopi solent, munus benedictionis astanti Clero, populoque impendit. Tum Prior magnus, sumptâ pace de mobili altari, quoad usque Abbas celebrans pacis osculum Diacono, hîcque Subdiacono impertierit, expectat: mox verò osculandum tribus illis præbet gradatim, & hinc ad sedem suam reuertitur. Procidunt tunc in genua Diaconus, & Hippodiasconus, orantque aliquantulum, fusâque prece consurgunt. Sacra dum sit synaxis, Religiosi quatuor, totidem candelabra argentea, in hisque defixos cereos, & accensos, quos de minori altari leuauere, hinc inde gerunt, & ante maius altare procidunt, donec sacra Communio peracta fuerit, qua expleta, suum quisque locum repetit.

Communio autem hoc solenni ritu fieri solet. Postquam sumpsit Corpus Domini venerabilis Abbas: Diaconus sacram canulam in calicem ponit, tum Abbas aspirando sumit partem pretiosi sanguinis: reliquum in calice Diacono tradit, quem ille suscipiens cum profunda reuerentia, reponit super minus altare, Subdiacono eum comitante; mox de geniculis diuina munera adorant; factâque confessione, à Celebrante absoluuntur; surgit subinde Diaconus, & ad altare procedit, ubi Corpus Domini sumit de calice cum sanguine, cuius haurit cum sacra canula dimidiam partem: Subdiaconus eodem modo alteram hostiæ partem quæ erat in calice accipit, & quod superest Dominici sanguinis assumit. Vterque enim Diaconus, scilicet & Subdiaconus sub utraque specie communicant singulari priuilegio, quod unica S. Dionysij Abbatia reor esse concessum. Dum verò sacri duo ministri diuinæ synaxi participant, hincinde Nouitij duo sericeum pannum simbrius aureis in utraque ora decoratum, sub eorum ore extensum tenent. Peracta Communione, qui socii officio fungitur, vinum fundit in calicem sanctum, quo scilicet consecratio facta est, datque Diacono, deinde Subdiacono, qui id è canula sacra hauriunt, eoque modo tam calicem, quàm ipsam canulam purificant, adeò ut nihil omnino sacri liquoris supersit. Et sic Missâ peractâ solenni ritu, à Diacono alto præconio canitur, Ite Missa est.



## §. XIII.

*S. Philippi Nerij mira circa sanctos Calices deuotio.*

VITA eius à Petro Iacobo Baccio Aretino, Congregationis Oratorij Sacerdote conscripta nitido ac eleganti stylo, Romæ edita prodit typis Vitalis Mascardi, anno 1645. in qua speciatim memoratur vir sanctus in calicibus tangendis consueuisse ingenti consolatione spiritali repleti: calicem ferè semper impleisse, nec quantumuis esset senio vel infirmitate debilis, vnquam guttulam vini, vel minimam sanguinis effudisse. Cùm verò Dominicum sanguinem sumeret, eo vsque calicem lambere solitum, dentibusque premere, vt non solum auream superficiem sugendo passim abrauerit, sed etiam dentium vestigia argento impresserit, lib. 2. c. 1.

## §. XIV.

*Calix sanguine Martyrum imbutus, ab Angelo ostensus est in signum persecutionis Anglicana Ecclesia, futuraque eius pacis cùm impletus fuerit, indicium.*

IN hoc onete Præfecturæ Ecclesiasticæ Parisiensis, & Vicariatus Generalis, quo immeritus perfungor, multa per sæpe contingunt, quæ vix euentura quandoque possent existimari. Vix biennium elapsum est \*, ex quo ad me venit vir Ecclesiasticus: à quo cùm percontatus fuisset cuiusnam rei causâ me conueniret? Adij te, inquit, muneris tui publici necessitate, vir Anglus sum origine, professione Catholicus, Sacerdos dignitate. Quantas verò calamitates Ecclesia Anglicana ab hæreticis perpetiatur multis abhinc annis, reor non te latet. Cùm vix adolecerem, mea ex patria exiui, vt meæ saluti consultum irem, spretis hæreticorum impiis legibus, Romam adij, vbi quandiu necessum fuit, in seminario enutritus, Deique speciali dono, gradatim ad Presbyteratum prouectus, hinc Galliam perlustrandam adij, regni non tam splendore, quàm Parisiensis Academix desiderio, illuc impulsus. Iam redeo in patriam iuuandæ in Christo gentis nostræ, supra modum afflictæ ab hæreticis, cupiditate feruens. Verùm prius quàm me viæ accingerem, petendam benedictionem ab illustrissimo Archiepiscopo regiæ huius Urbis apud me constitui, quo regressus mei faustus sit successus. Verùm abesse didici ab hac regia Ciuitate illustrissimum Præantistitem: procrastinari verò reditum meum vltra non valeo, quamobrem tuam reuerentiam, quæ vices gerit tanti Præfulis adeundam censui, supplex petiturus cum benedictione, patrium regrediendi in solum, licentiam; tùmque mea ad genua corruit. Substiti parumper, hominem adeò pium, & feruentem pro fide tuenda, & saluanda gente propria, benignè intuitus; mox vt surgeret in pedes eum admonui, grauari me contestatus tanta eius demissione, qui martyrij candidatus, ad coronam Deo duce,

\* Hoc scripti  
anno decur-  
rente 1650.

ut sperabam, præclari ineundi certaminis, tam alacriter properabat. Acquieuit monenti satis illibenter: surrexit tamen: tumque re quæ vertebatur, accuratius perpensâ, ipsum de statu regni Angliæ olim florentissimi in fide Catholica, iam verò tetra hæresis perniciæ desolatissimi, non sine suspirio, & gemitu inquisivi, num scilicet res melius se haberent, vel secus, post tantas Catholicorum misérias? Nichil, inquit, adhuc nobis tandiu desideratæ tranquillitatis affulget: tum ego: Persæpe de eo apud me miratus sum, unde vestra genti tanta acciderit calamitas, quum de illa dici non immerito possit, quod olim Gennadius Constantinopolitanus Patriarcha dixisse legitur \* de Græcia tunc nuper oppressa, tam fœda, quàm crudeli Turcarum tyrannide. Natio nostra fuit inter ceteras sapiens, clara, generosa, prudens, fortis, & quæ regna nonnulla suo subegit imperio; præterea virtutis studio plerasque supergressa gentes, ieiuniis, vigiliis, orationibus, eleemosynis, & ut uno dicam verbo, veluti sponsa omnem hausit virtutem, Deo semper accepta. Unde igitur tantus in eam diuini furoris ardor exarsit, qui neque post annos centum deferbuit, at etiamnum tanto cum persecutionis æstu perdurat? Tum ille: Rectè cecinit cœlestis Psalmographus, iudicia Domini abyssus multa: verum misericordias suas, sua in ira non semper, ut speramus, Dominus continebit; affulget iam nobis aliqua spes serenioris auræ, suscepto quodam prænuncio diuinæ benignitatis. Digna res est quæ memoriæ commendetur.

\* *Lection. 15. expos. pro Concil. Florent. quæ extat in Biblioth. SS. PP. 10. 4. p. 1047.*

Contigit non ita diu nostra in Anglia (meliori iam insignienda nomine) ut quidam probata vitæ Sacerdos ab hæreticis in odium fidei Catholicæ, quam Apostolico planè spiritu asserebat, extremo supplicio addiceretur: triduo antequam iniret gloriosum agonem, nocte dum oraret in antro carceris, totus effusus in suspiria & lacrymas, Dominum obsecrabat, ut afflictæ tamdiu gentis dignaretur aliquando demum misereri, nec diutius pateretur suam ab impiis hæreditatem fœdis vestigiis conculcari. Cum ingenti ardore spiritus ita vir pius precaretur, adfuit repente Angelus Domini, magna luce circumfusus, qui verba eius interceptiens, Sine, inquit, quo usque anxiaris? Miserebitur Dominus regni huius tandem, sed nondum venit tempus miserendi. At excessus tui ecce imminet dies, Dominus enim te vocat, & dicit tibi, veni: expectant te fratres tui in gloria, qui pro Domini testamento & Ecclesiæ fide forziter hætenus sanguinem profuderunt; illic videbis in diuino lumine, cur gentem istam Dominus tanto tempore permiserit his in fluctibus conflictari: & quo tempore mutabit procellam in auram, surgens enim imperabit ventis & mari, & fiet tranquillitas magna. Accingere igitur, alacriter progredere ad paratum tibi certamen, nec amplius grauet te hæc sollicitudo quæ te premit. Tum ille, Obsecro Domine mi, pro consolatione mea & afflictorum fidelium, antequam moriar, dic mihi, si tempus diuinæ propitiationis adhuc multum optato ab euentu distat? Accessit tunc propius cœlestis Nuncius, detegensque calicem pretiosum quem dextera gerebat, Inspice, inquit, & vide quantum sit in hoc calice sanguinis, quantumque desit? non enim cessabit persecutio, donec vas totum usque ad summum repleatur. Tertia superest persecutio ventura, quæ calicem implebit, tumque cessabit ira Dei, & pax populo tuo orietur, & redibit Ecclesiæ huius tamdiu afflictæ decor,

requies, & felicitas antiqua. Respexit in sacrum vasculum vir ille sanctus, & aduertit longè plus ultra medium in eo iam ascendisse cruorem; vix supereffe tertiam partem vacuum, quâ repletâ tempus quoque huius pressura intellexit consummatum iri. Gratias igitur Deo egit quamaximas, & confestim discessit Angelus ab eo. Qui hac visione latificatus, paulopost alacriter, fortisque animo, certamen fidei feliciter consummauit: sicque supernas ad sedes euolauit laurea martyrij coronatus.

## §. XV.

*Hostia, qua consecratur feria v. in Cœna Domini, ad communionem Sacerdotis in die Parasceues, (qua ex præsantificatis tantum licet diuinis participare) non in vase solari, sed sancto Calice asseruari debet.*

Ex Manuali sacrarum Cæremoniarum iuxta ritum S. R. E. parte 5. c. 9.  
De feria v. in Cœna Domini.

**HODIE** Celebrans consecrat duas magnas hostias, quarum unam sumit de more cum toto pretioso sanguine; & alteram reseruatur pro die sequenti, in quo non dicitur Missa, reseruatur etiam quasdam particulas pro infirmis, & alias consecrat pro communionem fidelium etiam hac die facienda.

Itaque ad oblationem duæ magnæ hostiæ super patenam positi offeruntur, atque etiam particula in pixide, vel alio calice, in numero sufficiente, prout supra. Et ideo in Missa solenni paulo ante oblationem pixis prædicta, vel calix affertur ad altare per Subdiaconum, aut alium prope crucem &c. Dicto Agnus Dei, ministri statim mutant loca, Diacono accedente ad librum, & Subdiacono ad dexteram celebrantis, sumpto pretioso sanguine à celebrante diligentius, statim Subdiaconus tegit pallâ calicem, eumque collocat super corporale versus cornu Euangelij: tum facta genuflexione vadit ad credentiam, vel alius, & inde calicem supradictum vacuum ex pulchrioribus, cum palla, patena & velo pulchro paruo, sine purificatorio affert ad altare, quem tradit Diacono, qui interea accessit ad dexteram ipsius celebrantis, & eum discooperit & tenet ante celebrantem apertum: qui facta genuflexione in eo ponit reuerenter supradictam hostiam dextera; ita ut faciliè & commodè illam possit extrahere sequenti die absque manuum contactu &c. Tum iterum genuflectit, & Diaconus prædictum calicem collocat in medio corporalis, illumque palla prius, tum patena inuersa, denique paruo velo cooperit, & postea illum propius ad crucem altaris ponit, & pixidem, seu aliud vas cum particulis consecratis in medio collocat pro communionem.

Finita Communionem, celebrans infuso tunc vino in suo calice, sumit purificationem & ablutionem, non extra gradus altaris, sed in loco solito, factis tamen debitis genuflexionibus &c. Tum Diaconus, calicem in quo est hostia collocat in medio corporalis, & pixidem post prædictum calicem prope crucem altaris, & super corporale, vel in tabernaculo quod claudit; & celebrans facta genuflexione accedit ad cornu Epistolæ ubi legit communionem. Subdiaconus verò calicem Missæ tegit ut solet etiam, suo velo paruo ab aliquo Acolytha allato de

cre-

*credentia, eumque defert ad credentiam cum debitis genuflexionibus.*

Art. 3. eiusdem cap. describitur ordo Processionis solennis, quæ fieri debet tantum intra Ecclesiam à summo altari ad locum præparatum, pro repositione hostiæ consecratæ. Eiusdem autem art. §. 9. sic habetur: *Posito incenso in duobus thuribulis celebrans genuflectit ut prius, deinde Diaconus tradit primum thuribulum sine osculis celebranti genuflexo, qui facta inclinatione ter incensat SS. Sacramentum suo velo tectum, in silentio; Ministris eleuantibus partes anteriores pluuiæ & se inclinantibus cum celebrante, antè & post. Deinde celebrans reddit thuribulum Diacono à dextris genuflexo &c. postea surgit Diaconus, ascendit ad suppedaneum altaris, genuflectit aliquantulum se vertens ad cornu Epistolæ, ne terga vertat celebranti, erigit se, & reuoluit anteriorem partem veli parui super calicem, & postea partem posteriorem eo modo: itaque eundem calicem ambabus manibus reuerenter arripit, dextra nodum tenens, sinistra pedem, & conuersus per eam partem, quæ respicit cornu Euangelij, stans ipsum calicem porrigit celebranti genuflexo, qui illum capit sinistra per nodum velo paruo circumdatum & dexteram super velum paruum ponit, cuius partem posteriorem ipse Diaconus prius explicuit, ita ut calix sit undique coopertus velo paruo excepta parte anteriori quæ est ante celebrantem: deinde ipse Diaconus extremitates veli super manum celebrantis extendit, & iterum genuflectit, & surgit.*

*Celebrans accepto calice surgit & ad planum supremi gradus ascendit, ibique ad populum se conuertit, & interim Diaconus & Subdiaconus mutant loca sua, ut ille in processione incedat à dextris & ille à sinistris hinc inde, & ambo assistentes simbrias anteriores pluuiæ, & cum opus est brachia eius subleuant, celebrans erectus conuertit se ad populum, & tunc, & non prius Cantores parati, si sit consuetudo adhuc genuflexi intonant deuotè hymnum, Pange lingua gloriosi corporis mysterium &c. Sequitur Processio &c.*

*Celebrans ergo sub baldachino procedit, tenens eleuatum calicem ferè ob oculos, quos defixos semper deuotè habet in eum: Thuriferarij verò præeuntes hinc inde procedunt, quasi conuersa facie ad se inuicem, ita ut ne terga minimè vertant SS. Sacramento, &c. Postquam ingressi fuerint capellam, Thuriferarij cessant à thurificatione, & Celebrans & Ministri ascendunt ad secundum gradum altaris, & Diaconus ascendit super suppedaneum, ubi genuflectit quasi vertens renes ad cornu altaris in parte Epistolæ, & Celebrans stans porrigit illi calicem, quem reuerenter accipit, deinde surgit & conuersus ad Celebrantem paululum expectat, donec Celebrans adorauerit SS. Sacramentum, quod semper in simili casu facit, deinde ponit deuotè calicem super corporale in medio altaris explicatum &c. Et undique cooperit calicem, tum facta genuflexione descendit ad celebrantem adhuc genuflexum cum Subdiacono, & ambo remouent velum oblongum ab humeris Celebrantis, quia non est daturus benedictionem.*

*Postea surgit Celebrans & eodem modo, quo supra, ad altare ponit incensum in primo tantum thuribulo ministerio Diaconi sine osculis: tum idem genuflexus sumpto thuribulo, ter sanctissimum Sacramentum incensat cum inclinationibus solitis antè & post, & interim & non prius, chorus incipientibus Cantoribus cantat, O salutaris hostia; vel, Tantum ergo Sacramentum &c. facta incensatione, reddito thuribulo Diacono, qui illud statim reddet Thurife-*



vario, ipse Diaconus ascendit ad altare, genuflectit, imponit calicem in capsula super corporale, in ea prius explicatum, & cum tegit undequaque, interim genuflectit, capsulam claudit, & obserat clauem, quam dat Sacristæ, vel Cæremoniarario &c.

Et cap. 10. De feria VI. in Parasceue, Art. 3. §. 32. Tum procedunt omnes ad locum ubi est calix cum SS. Sacramento per viam breuiorem, hoc ordine: Præcedunt Thuriferarij cum thuribulis & suis nauiculis, deinde Subdiaconus cum cruce medius inter Ceroferarios, tum Cæremoniararius secum portans velum oblongum pro Celebrante, &c. postea Clerici bini cum candelis extinctis, ultimo Celebrans cum ministris præcedentibus manibus iunctis, nudo capite. Art. 4. §. 1. Cum Celebrans & omnes alij ad sacellum peruenerint, ipse & ministri sacri statim ac sacellum ingressi fuerint, genuflectunt, surgunt, & ad altare accedunt, ante quod iterum genuflectunt &c. Sicque parumper orant deuotè, & interim accenduntur faces & candelæ Clericorum, & aliorum, quæ remanent accensæ usque ad communionem celebrantis inclusiue. subiunctis verò quibusdam intermediis cæremoniis, additur §. 2.

Tum solus Diaconus surgens ab oratione, & facta genuflexione aperit capsulam in qua est SS. Sacramentum, sumpta claue &c. Deinde Processione descripta §. 8. Celebrans cum peruenerit ad altare, stans in secundo gradu tradit calicem Diacono genuflexo super suppedaneum altaris &c. & facta incensatione, & reddito thuribulo, Sacerdos ascendit cum ministris ad altare: ubi iterum genuflectunt; Diaconus amouet paruum velum de calice, quod per aliquem Acolythum portatur super credentiam, facta genuflexione, & similiter remouet patenam & pallam desuper cum debitis genuflexionibus. Tum idem Diaconus accipit & tenet patenam eleuatam super corporale coram celebrante. Hic verò calicem accipiens, ex eo deponit hostiam sacram super dictam patenam quam tenet Diaconus, ambo aduertentes, ut nullo modo hostiam tangant, & eundem calicem reponit in loco solito &c. Reliqua siquidem quoad cultum & vsum hodiernum venerabilis Sacramenti in Missali sunt expressa.

Prolixius autem hunc ritum profecuti sumus, ut mori nupero iremus occursum, quem ferè passim irrepisse in plerasque Ecclesias etiam Urbicas animaduertimus, collocandi scilicet Venerabile Sacramentum feria V. in cœna Domini consecratum ad communionem Sacerdotalem sacræ diei Parasceues, in vasculo, pretioso quidem, at solari decore insigni: quum præscriptæ huius diei, tam in Missali, quàm Cæremoniali formulæ tanta auctoritate decernant, tanta instantia incutiant, Hostiam sacrosanctam, quæ pro feriæ VI. mysteriis destinatur, in calice sancto collocandam esse. Certè dies tam lugubris, tetrisque tenebris offusa, nihil cum sole suo in decore rutilanti affinitatis habet. Eclipsim passus est die ista sol iste naturalis: mysticus verò qui Sol est Iustitiæ, hodie tot liuoribus cooperatus, in cruce occasum diræ mortis perpeffus est. Nihil igitur diei huic adeo funesto cum solis specie commercij intercedit. At calicis nomen atque symbolum optimè cum huius diei mysterio congruit, qui Christi passi mortuique anniuerfariū est. Eucharistia memoriale

crucis & mortis est Domini, quæ quotiescumque calix sanguinis ipsius Domini in altari proponitur, annunciari debet; at hac die potissimum, quæ mortis ipsius est propria commemoratio. Accedit quòd passionem suam Christus, & calice mystico dedicauerit, dicens: *Hic est calix sanguinis mei, qui pro multis effundetur in remissionem peccatorum:* & calicis nomine designauerit: *Pater, si fieri potest, transeat à me calix iste. Simon, calicem quem dedit mihi pater, non vis ut bibam illum?* Et filiis Zebedei, *Potestis (ait) bibere calicem, quem ego bibiturus sum?* Præ amore, quem erga nos habet, passionem suam, horam nuncupavit: & tot dolorum amaritudines, quas, mortem pro nostra salute oppetendo passus est, intra calicis circulum conclusit. Quasi parum esset quicquid propter nos perpeffus est, præ amoris magnitudine, qua nos prosequitur. Optimè Theophilaëtus super Matthæum & Lucam annotavit, Christum calicis nomine suam passionem nuncupasse, vel propter somnum quem facit, vel quod nostræ lætitiæ causa sit & salutis, enarrat. ad eap. 26.

Matth. 27. 28.

## §. XVI.

*Calices esse indicia Sacerdotij, didicit cælesti visu, sancta Lidev-  
vigis virgo, quæ sub Eugenio IV. vitæ admirabilis  
cursum feliciter consummauit.*

Ex lib. I. vitæ eius sub finem.

SED quantum placuerint Deo eleemosynæ huius virginis; cælesti quadam visione ei reuelatum est posita in excessu mentis. Vnde cum raperetur in paradysum, videbat frequenter primò mensas collocari, ac viridibus & sericis mappis operiri. Deinde eleemosynas suas, quasi de cælestibus depositas, super mensas easdem reponi, nec tamen aliquando minui, sed potius augeri. Potum verò quem in amphoris lapideis solebat largiri, videbat in amphoris ad modum crystalli perlucidis ibidem præsentari. Videbat etiam gloriosum conuentum Beatorum singulos in ordine suo per gradus distinctos, quasi causa refectionis ad mensam in tempore debito procidere: atque Presbyteros CALICES ERECTOS tenere, & ceteros secundum dignitatem suam armaturas congruas deferre.

Nihil certè signando Sacerdotio aptius sancto calice esse potest: quo Sacerdos, omnipotentiae Christi organum (vt S. Hieronymus loquitur) magnum consecrat pietatis sacramentum, fideique præcipuum mysterium. Hinc mos iamdudum celebris fuit cum Sacerdotes sepeliuntur, eos non modò induendi Sacerdotali ornatu: at specialiter calicem ponendi in eorum manibus, sed sine sacrificij materia. Quem morem secutus proauunculus meus Cæsar Poirier, Caroli, deinde & Henrici Ducum Lotharingiæ primus quondam eleemosynarius, insignisque Ecclesiæ S. Georgij apud Nanceium Canonicus supremis tabulis ordinavit, se quidem in Ecclesia S. Georgij sepeliendum: porro cum Sacerdotali habitu & calice; quæ res ne

cederet in Ecclesiæ detrimentum, legauit Capitulo præcipuum suum calicem cum casula holoserica rubea: ea tamen lege vt minoris pretij apparatus sibi à Capitulo accommodaretur, vt patet ex codicillis eiusdem Nancei exaratis 12. Septembris an. sal. 1622. quorum apographum penes me extat. Cæterum huius ritus sepeliendi Sacerdotes insignitos sacra Panoplia, Calicem verò in manibus habentes: monumento sunt antiquæ eorum imagines ipsorum tumulis insculptæ. Quæ passim in antiquis Galliæ nostræ templis conspiciuntur. Quarum nonnullas videre est in ipsa Ecclesia Parisiensi, vbi plerasque eiusmodi effigies obseruauimus.

## CAPVT XVII.

*Quæstio, de signis quæ fiunt super calicem sanctum, de eiusque eleuatione, & repositione, ab Iuone Carnotensi, & Micrologo, discussa.*



INTER Epistolas Iuonis Carnotensis extat ( quæ numero censetur 231. ) perinsignis ad Pontium Cluniacensem Abbatem, de præfixo lemmate, hoc sub contextu: *Quasiuit à paruitate mea prudens diligentia & diligens prudentia vestra, quid mihi significare videatur, Calicis eleuatio, & eiusdem repositio? quid significent illa consignationes quæ fiunt super calicem, & intra & extra, quæ prætermissa videntur in libello, quem composui de conuenientia veteris & noui Sacerdotij\*. Quæ ideo prætermissa mihi, quia ad illam conuenientiam de qua in opusculo illo agebatur, parum aut nihil pertinere videbantur. Cum verò per se considerantur ista, mysticum aliquid continere videntur\* præter illas consignationes, quæ distinctè ante istas in tribus locis frequentantur; in his enim specialiter ostenditur vt illa dona, quæ iam vocantur sacrificia, in Christi corpus & sanguinem commutentur, vel commutata, salutaria nobis efficiantur. Cum autem panis & calix adhibito Diacono eleuatur, exaltatio Christi corporis in cruce commemoratur. Quòd verò cum hostia iam consecrata, intra vel supra calicem signum crucis imprimatur à latere calicis orientali vsque ad occidentalem, & à septentrionali vsque ad australem: hoc figurari intelligimus, quod ante passionem Dominus discipulis suis prædixit in commendationem suæ passionis: Cum exaltatus fuero, omnia traham ad me ipsum. Hostia quoque, quæ iuxta calicem consignatur, sic debet esse posita, vt sua & calicis positione dextrum Christi latus representet, de quo manauit sanguis redemptionis & aqua baptismatis, quæ utraque in calice contineri prudentia vestra non ignorat. At cum cooperante Diacono calix deponitur, & hostia in suo loco reponitur, & corporali palla\* cooperitur, hoc commemoratur quod Ioseph, & Nicodemus accepta licentia à Pilato corpus Christi de cruce deposuerunt, & venerabiliter sepultura mandauerunt. Hac de iis sentio, non respiciens si quis de iis altiora\* & secretiora ex auctoritate, vel diuina inspiratione, dicere valuerit.*

\* Extat hodie editus inter Sermones Iuonis.

\* propter

Ioan. 12.

\* De ratione huius cooperaturæ extat in vlt. cod. quæstio Valentini Episc. Nuremberg. cum responsione Anselmi Archiepiscopi Cantuariensis.

\* sacratiora

De iisdem mysticis signis super sanctum Calicem, auctor Micrologi, qui ferè ante annos 600. claruit, ipsique Iuoni fuit coætaneus, caput proprium contexit, serie sui opusculi de observationibus Ecclesiasticis, 14. De signis autem quæ super oblationem à diuersis diuersè sunt; Nos, inquit, ab Apostolica Sede potissimum formam sumere decreuimus, unde totius religionis Christiana ordinem & originem suscepimus, nam & illi se-

di, nostro tempore talem Deus gubernatorem reuerende inquam memorie Gregorium Papam imposuit, qui sub decem antecessoribus suis à puero Romæ nutritus & eruditus, omnes Apostolicas traditiones diligentissimè inuestigauit, & inuestigatas studiosissimè in actum referre curauit: hunc ergo doctorem religionis & auctoritate præcipuum, imò Apostolicam traditionem per ipsum in consecrandis mysteriis potissimum imitari decreuimus: sicut nos ipsi per ipsum & per Episcopos qui eum imitati sunt, accepimus, impari numerum semper in dispensatione signorum super oblationem obseruamus, videlicet unam crucem, vel tres, vel quinque faciendo, & hoc utique non sine acti causa mysterij, nam in una & tribus, unum & trinum Deum intimamus; in quinque autem, quinque partitam Domini passionem significamus. Merito autem impar numerus in Ecclesiasticis officiis frequentatur, quia nunquam in duo aequalia unitate impediante diuiditur, sicut unitas sanctæ Ecclesiæ nullatenus eam in duo secari patitur. Imprimis ubi dicitur, hæc dona, hæc munera, hæc sancta sacrificia, tres tantum cruces super panem, & vinum communiter facimus, nec unquam panem à calice separamus in consignatione, nisi ubi separatim nominatur in Canone. Ita autem illa communiter signamus, ut erecta pars crucis tantum super panem, transversa autem super calicem protendatur, nam erecta pars crucis corpus Dominicum sustinuit, transversa autem ipsius brachia distendit: unde & calix congruè sub \* brachio eius collocatur, quasi de latere Dominico sanguinem Domini suscepturus. Cum dicimus, hanc igitur oblationem, usque ad altare inclinamur, ad exemplar Christi, qui se humiliavit pro nobis usque ad mortem crucis. Erecti autem cum dicimus: benedictam, ascriptam, ratam: tres cruces super utrumque semel facimus; non enim hic sola oblata signanda est, ut quidam faciunt, sed utrumque signatur in oblatione; nam sequitur: ut nobis fiat corpus & sanguis: subauditur hæc oblatio; & hoc cum dicitur, quarta crux super panem, & quinta super calicem separatim imponitur. Congruè autem prius tres cruces tantum super utrumque fecimus \*, licet quinque voces ad signa facienda æquipollentes haberemus, id est benedictam, ascriptam, ratam, rationabilem, acceptabilem videlicet, ut quinarium numerum non excederemus, & quintam crucem super calicem, quasi quinti vulneris indicem, unde sanguis profluxit, competenter faceremus.


Gregor. Papa  
VII.

Signorum impar numerus  
semper obseruandus.

\* brachia

Inclinatio usque  
ad altare.


\* facimus





## CAPVT XVIII.

*In forma consecrationis Calicis Domini, cur potius quàm in consecratione panis Eucharistia dicitur, **Mysterium fidei**, cum dua species non conficiant nisi unum idemque sacramentum?*



XPOSTULANT Nouatores, quòd Romana Ecclesia in forma consecrationis Calicis præter Euangelistarum consensum, & S. Pauli adstipulationem, verba hæc addiderit, *Mysterium fidei*? Respondet Cardinalis Bellarminus, lib. 4. de Eucharistia, c. 14. §. vlt. *Mysterium fidei* rectè vocari calicem sanguinis Domini, cum nulla in re alia magis, & frequentius exercenda sit fides, quàm in hac, reclamantibus omnibus sensibus. Tamen Ioannes Lorinus epithetum istud existimat esse fundatum in Scriptura: *Ecclesia* (inquit comm. in Act. c. 6. v. 3.) *in forma consecrationis calicis, hæc verba, Mysterium fidei, ex Apostolo Paulo mutuata est*, scilicet 1. ad Timoth. 3. quam sententiam amplexi sumus atque astruximus in nostro opere de *Galliæ Scriptoribus mysticis*, in beato Paulo, Ritu 2. Sed hæc præfixam quæstionem non dirimunt, quia hîc non quæritur, an ista nuncupatio vera, pia, & legitima sit, nec vnde verba eiusmodi Ecclesia acceperit? At cur potius calici Dominici sanguinis, quàm hostiæ sacræ sub specie panis, hanc attribuerit insignem denominationem? Certè S. Dionysius edoctus à Sancto Paulo, dehinc Sancti, Basilii, Chrysostomi, Cyrilli, sacram Eucharistiam vocant passim non modò *mysterium fidei*, sed antonomasticè *mysterium*; cæteri autem Patres *tremendum mysterium* appellitant, quæ cum Eucharistiæ tribuant, æquè venerabili sacramento sub specie panis ac sub specie vini sanè conueniunt; cur itaque Ecclesia in sola forma consecrationis calicis hæc usurpat?

In Paulo mystico superiùs citato, ego equidem hanc rationem assignavi, quòd ex dispensatione Apostoli speciale sit Diaconorum munus, ministrare populo fideli calicem sanguinis Domini: quapropter de iis dixerit Apostolus scribens ad Timoth. c. 3. *habentes mysterium fidei in conscientia pura*, id est portantes, seu dispensantes sanguinem Domini in sancto calice cum illæscæ conscientiæ testimonio: sed hæc doctrina ostendit quidem calicem Eucharistiæ à S. Paulo fuisse nuncupatum *Mysterium fidei*, non autem difficultati propositæ satisfacit, quare potius eiusmodi titulum inscripserit, calici Christi sanguinis, quàm corpori eius sub panis specie consecrato? Propius igitur ut ad scopum accedam, reuoco in memoriam hîc, insigne illud S. Hieronymi pronunciatum: *Nisi verum esset Euangelium, sanguine non defenderetur*. Obsignauit Christus obedientiam quam præstitit Patri profusione sanguinis, *Vt cognoscat, inquit, mundus, quia diligo patrem, & ut mandatum dedit mihi pater, sic facio*. Obsignauit & doctrinam

Ioan. 14. 31.

suam eodem testimonio; unde Apostolus ad Timoth. ep. i. c. 6. *Præcipio tibi, inquit, coram Deo, qui viuificat omnia, & Christo Iesu, qui testimonium reddidit sub Pontio Pilato, bonam confessionem, ut serues mandatum, &c. irreprehensibile usque ad aduentum Domini nostri Iesu Christi, id est eius Evangelium tibi creditum defendas usque ad extremum vitæ spiritum, & ultimam sanguinis profusionem, sicut ipse fecit. At eodem signaculo obsignauit ipse Christus eximiam suam in nos dilectionem: quamobrem hoc institutioni sacramenti sui amoris, scilicet Eucharistiæ, S. Ioannes præludium indidit, *Cum dilexisset suos qui erant in mundo, in finem dilexit eos*; id est usque ad supremum testimonium amoris. Huc spectabat Apostolus cum ad Ephesios scripsit, *Christus dilexit Ecclesiam, & tradidit semetipsum pro ea*: copula hæc videtur causalis, adeò ut Apostolus dicat, Christus dilexit Ecclesiam, nam tradidit semetipsum pro ea: & singulariter *qui dilexit me* (ait idem vas electionis Paulus) *tradidit semetipsum pro me*. Si de morte dumtaxat, cui in cruce occumbendo se tradidit pro nobis Christus, hoc intelligi deberet; minùs in ea amoris esse videretur, quàm doloris: quia nimirum cruenta Christi immolatio, nescio quid violenti habere videbatur; quamobrem, ut solerter, & acutè scripsit Gaudentius Episcopus Brixiensis, S. Hieronymi synchronus, *Christus, ut anticiparet inimicorum suorum impetum violentum, sponte semetipsum ultima in cæna obtulit*. Corpus quidem verum sub panis specie: sanguinem verò ipsum in calice, quem fusurus in cruce mox erat; ergo erat in calice sanguis; sanguis inquam noui testamenti, nam nouum Testamentum propriè in Christi sanguine, siue visibiliter in cruce effuso, siue incruentè oblato in calice, dedicatum fuit. Hinc apud Matthæum ait Christus, c. 16. *Hic est sanguis meus noui Testamenti*, ita & Marcus habet c. 14. Lucas verò c. 22. *Hic est Calix nouum Testamentum in sanguine meo*, ita & Paulus 1. Cor. 11. *Hic est Calix nouum Testamentum in sanguine meo &c.* Ergo calix Christi sanguinis, noui Testamenti est sigillum, & signaculum, est munus & pignus. De corpore idem non dicitur, at de sanguine solùm, quia ut ait Apostolus, *sine sanguinis effusione* (siue cruenta, siue incruenta) *non fit remissio*, & Christus futurorum bonorum assistens Pontifex, per proprium sanguinem introiuit semel in sancta, æterna redemptione inuenta, Heb. 9. Non tam in corpore igitur quàm in sanguine, non tam in pane, quàm in calice consummatum est mysterium nostræ redemptionis. Quapropter calix ille salutaris rectè *Mysterium fidei* per excellentiam appellatur: nam hoc pignore Christus exoluit fidem, quam de saluando humano genere, suæ mortis merito & sanguinis pretio, Patri æterno obstrinxerat, suumque in nos immensum amorem hoc condito testamento, quod consecratum est in sanguine, potissimùm testatus est: fideique omnia mysteria hoc sigillo effusi, spontaneo, incruentoque sacrificio sanguinis obsignauit, nòsque consimili sibi deuinxit fidei oppigneratæ nexu, fundendi scilicet sanguinis pro eius nomine & gloria, quoties necessitas postulabit. Pulchrè ac eleganter hoc theorema incurrit S. Cyprianus, ep. 53. *At**

Ioan. 13. v.

Ephes. 5.


verò (inquit) nunc fortibus & viuentibus communicatio à nobis danda est, ut quos excitamus & hortamur ad prælium, non inermes & nudos relinquamus, sed protectione sanguinis & corporis Christi muniamus. Et cum ad hoc fiat Eucharistia, ut possit accipientibus esse tutela, quos tutos contra aduersarium volumus, munimento Dominica saturitatis armemur: nam quomodo docemus, aut prouocamus eos in confessione nominis Christiani sanguinem suum fundere, si eis militaturis Christi sanguinem denegamus? Hactenus S. Cyprianus.

## CAP V T XIX.

*De arcanis Calicis, & Tropologia; seu, de diuersis Calicibus in sacra Scriptura designatis, eorūque tam bona quàm mala significatione.*

## ARTICVLVS I.

*De calicis in diuinis litteris mystica moralique theoria, in bono sensu.*



**C**ALICIS frequens est mentio in diuinæ veritatis Codicibus: tumque in bono, tum in malo etiam sensu nomen istud in iis usurpari solet; siquidem sacras euoluenti paginas occurrit in bono sensu ac significato, calix hæreditatis, calix inebrians, calix salutaris, calix passionis, calix Domini, calix benedictionis, calix denique per excellentiam sine adiuncto cognomine, quia in omnibus præclarus est. De iis singulis obiter hinc aggredimur differere.

## §. I.

*Calix hæreditatis.*

**D**OMINVS pars hæreditatis mea & calicis mei, (ait diuinus Psalmographus Psal. 15. 5.) tu es qui restitues hæreditatem meam mihi. Cuius scilicet calix ipse pignus est. Certè hinc opportunè monet doctissimus Genebrardus, hebraismum esse: apud Hebræos enim duo substantiua pro vno substantiuo & adiectiuo usurpari solent; igitur pars hæreditatis idem est ac pars mea & hæreditas mea, seu pars mea, seu pars mea hæreditaria: & pars calicis, nihil aliud est, quàm pars calicea & pocularis. Calix autem pro mercede & retributione sacris in litteris accipitur: hinc de reprobis Psal. 15. 7. Ignis & sulphur & spiritus procellarum, pars calicis eorum, id est retributio & supplicium, eorum flagitiis debitum. Pars igitur est Dominus iustorum hæreditatis, quemadmodum ait ad Abraham, Ego sum merces tua magna nimis, Genes. 15. 1. Quò spectat istud responsum S. Thomæ Aquinatis, qui cum ante Crucifixum oraret, ipsi inquirenti, Benè scripsisti de me Thomas, quam ergo mercedem recipies? Respondit, Non aliam Domine, quàm te ipsum; Tu enim es spes mea, merces mea, amor meus, gaudium meum & omnia.

## §. II.

## §. II.

*Calix inebrians, quàm præclarus!*

PARASTI in conspectu meo mensam aduersus eos qui tribulant me. Et calix meus inebrians quàm præclarus est! Ad Eucharistiæ sacramentum verba hæc prophetica Dauidis passim referunt Patres. Cyprianus ep. 63. Origenes tract. 35. in Matth. Cyrillus Hierosolymitanus Catech. 4. Augustinus lib. 2. cont. litt. Petill. c. 47. Paulinus ep. 9. quin & S. Basilius & Theodoretus hoc asserunt adeo esse perspicuum, vt nulla declaratione indigeat: & S. Ambrosius succenset iis, qui aliter locum tam insignem interpretantur. Per mensam potrò, in qua apponitur panis, qui confortat cor hominis, quemadmodum ipsi Patres conuiuium Christi corporis: ita per inebriantem calicem poculum eius sanguinis specialiter exponunt. Inebriat certè iste calix vigore pleno spiritus, quem influit in eorum corda, qui illo perfunduntur. Hoc musto spirituali Apostoli pleni erant, Act. 2. *Quasi homines maddi vino* *in facie Domini*, Ierem. 13. 9. Orátque Ecclesia\*, vt

*Leti bibamus sobriam*

*Ebrietatem spiritus*

Est quædam profectò ebrietas bona. Commendatur siquidem in diuinis litteris in statu gratiæ: vnde sponsa in Cantic. c. 5. *Comedite amici, & bibite, & inebriamini charissimi*. ea est quæ virtutem generat, meritæque parit. At alia est quæ præmiis gaudet, gloriæque donis exuberat, de qua ait Psalmographus, *Inebriabuntur ab ubertate domus tuæ & torrente voluptatis tuæ potabis eos, quoniam apud te est fons vitæ*. In statu gratiæ quot sunt Spiritus sancti dona, quot Sacramenta Christi: tot pocula, tótque spiracula vitæ. At in his calix sanguinis Domini præcipuus est. Egregiè Cyrillus Hierosolymitanus voces illas Psalmistæ, *Et calix meus inebrians quàm præclarus est*, de calice sanguinis Christi explicat. Et rectè diuinus ille potus pleno mero calici comparatur: quia, vt inquit S. Ambrosius, serm. 18. \* *Sicut calix letificat cùm bibitur, ac omnis humor noxius eius calore decoquitur: ita & Christi sanguis haustus omnes peccatorum facies expurgat, cordi præstat letitiam, calorem fidei, animæ puritatem*. Pulchrè Beda expendens hanc Psalmistæ vocem, *Et calix meus inebrians, quàm præclarus est!* iungit, id est præcellens, speciosus, eximius, desiderabilis, fortis, viuus. Sicut patet in sancto Laurentio ipsius calicis sancti ministro & particeps, qui totus inebriatus & tanquam dementatus isto diuino potu, ignis ardores non sentiebat.

*Postquam vapor diutinus  
Decoxit exustum latus,  
Vltro è catastra iudicem  
Compellat affatu breui.  
Conuerte partem corporis  
Satis crematam iugiter:*

*Et fac periculum, quid tuus  
Vulcanus ardens egerit.  
Præfectus inuerti iubet:  
Tunc ille, coctum est, deuora!  
Et experimentum cape,  
An cridum, an assum, suauius.*

KK

*Psalm. 22.*

\* In hymno  
Ambrosiano;  
*Splendor paterna gloria &c.*  
quem canit feria 2. ad Laud.

*Psalm. 35. 9.*

*Catech. 4.*

\* Siue de S.  
Cyprian.

*Prudent. Periseph. hymno  
de S. Laurentio.*



Lib. 1. de Vir-  
ginib.

Eodem musto inebriata S. Agnes puella fortis, de pœnis & minis ludebat : quàm graphicè eam descripsit S. Ambrosius, didascalus Virginum : *Non sic ad thalamum nupta properaret, ut ad supplicij locum, lata successu, gradu festina, virgo processit. Flere omnes, ipsa sine fletu : mirari plerique quod tam facillè vita suæ prodiga quam nondum hauserat, iam quasi perfuncta donaret : stupere uniuerſi, quod iam diuinitatis testis existeret, quæ adhuc arbitra sui per atatem esse non posset. Quanto terrore egit carnifex, ut timeretur, quantis blanditiis ut suaderet, quantum vota ut ad nuptias perueniret ? At illa : Et hæc sponsi iniuria est expectare placituram, qui me sibi prior elegit, accipiet : Quid percussor moraris ? pereat corpus quod placere potest oculis quibus nolo. Stetit, orauit, ceruicem inflexit. Cerneret trepidare carnificem quasi ipse addictus fuisset, tremere percussoris dexteram, pallere ora, alieno aimentis periculo, cùm puella non timeret suo. Amore enim Christi cuius sanguinem suxerat, erat inebriata. Mel & lac, inquit, ex ore eius suscepi, & sanguis eius ornauit genas meas. Hinc tanquam vitta coccinea labia eius, & genæ eius erant tanquam fragmen mali punici.*

Cant. 4. 3.

Paulus Vas electionis, eodem calice, quem vocat calicem benedictionis, 1. Cor. 10. inebriatus quoque erat : quo incensus idcirco has in voces erumpit, *Charitas Christi urget nos. Cor nostrum dilatatum est, os nostrum patet ad vos Corinthij : Quis scandalizatur, & ego non uror, Quis (ait ad Romanos c. 8.) nos separabit à charitate Christi ? tribulatio ? an angustia ? an fames ? an nuditas ? an periculum ? an persecutio ? an gladius ? in his omnibus superamus propter eum qui dilexit nos. Certus sum enim, quia neque mors, neque vita, neque Angeli, neque Principatus, neque virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Iesu Domino nostro. Cecidit super Petrum mentis excessus, Act. 10. ipsèque Paulus diuinos raptus se passum fatetur ; quin Sanctos extaticos omnes appellat. Mente, inquit 2. Cor. 5. 13. excedimus Deo ; quem locum versans Theophilaëtus, Si insanimus Dei causa, ita insanimus, ut vos ad eum perducamus : insaniebat itaque Paulus amatoriam quadam insaniam Deum amans, ac amatoris instar illi viuens, nempe ab amato extra seipsum raptus, ac totus in Deum translatus, nec suam amplius ipsius vitam viuens, sed illius quem amat, amatoriam planè dilectam & valde charam.*

\* Prudentius  
lib. de Coro-  
nis :  
*Mors Christi-  
anis ludus est.*

Homil. 61. ad  
pop. Antioch.

In calice sancto Christum nobis dedisse ignem simul & sanguinem, S. Chrysostomus alicubi scribit, vnde primi Christiani tam altos spiritus imbibebant, ut ad martyria currebant, extremâque pati ludum putarent \*, Christi nimirum sanguine tanquam inebrianti poculo inflammati. Exhibant à sacra mensa, tanquam leones ignem spirantes, facti mundo & diabolo terribiles : calix enim ille præclarus superiorum spirituum, in fidelium præcordiis æstum accendit. Testis est porro S. Dionysius in cœlesti hierarchia, c. 7. Amorem Seraphim calidum esse, acutum, superferuentem : Vrit calore, acumine per-rumpit omnia, feruore supereminenti supremos illos spiritus ardenti in Deum affectu liquefacit. Sic pro vitæ huius statu & naturæ modulo, haustus à fidelibus Christi sanguis illos inflamat, pene-

trat & transfundit erga Deum in ipsos sanctos affectus, ebrisque prorsus consimiles facit: Amor siquidem ebrietati similis est: sicut enim videmus qui vino madent, sua liberaliter profundere, vestimenta ipsa abiicere, non curare de illatis sibi iniuriis, in prælium audacius prosilire, in conflictu non sentire ictus & vulnera: ita planè hæc mirificè omnia calix iste inebrians dum amorem infundit sumentium cordibus, in iis operatur: Quamobrem rectè inebrians appellatur, & quia tam mira facit, super omnes potus certè præclarus est, seu ut verti potest ad verbum ex Hebræo, *perfectò bonus est*: quin ex Græco, *quàm optimus est*, cùm nihil esse possit melius. Huc spectasse videtur Zacharias Propheta dum ait, *Quid enim bonum eius est, & quid pulchrum eius, nisi frumentum electorum, & vinum germinans virgines.* Zach. 9. 17.

§. III.

*Calix aquæ & ignis, qui est intellectus & sapientiæ.*

ESDRAS calicis huius meminit, quem ait sibi datum à Domino: *Esd. 4. 14.* Ecce vox, inquit, vocavit me dicens, Esdra aperi os tuum & bibe, quate potauro: & aperui os meum, & ecce calix plenus porrigebatur mihi; hoc erat plenum sicut aqua; color autem eius ut ignis similis. Et accepi & bibi, & in eo cum bibissem, cor meum cruciabatur intellectu, & in pectus meum increfcebat sapientia. Nam spiritus meus conseruabatur memoria, & apertum est os meum, & non est clausum amplius. Hoc calice potati sunt non tantum priscæ legis Prophetæ, sed & Ecclesiæ Doctores: quapropter de eorum singulis cum memoriam eorum recolit venerandam, ipsa canit Ecclesia, *In medio Ecclesiæ aperuit os eius, & impleuit eum Dominus spiritu sapientie & intellectus.* Primus omnium ille repletus est dilectus discipulus, qui super pectus Domini in suæ passionis conuiuio recumbens, inde fluenta cælestis sapientie, qua inundauit Ecclesiam, pleno hau-  
stu potauit.

§. IV.

*Calix mixtus:*

QVONIAM Dominus Iudex est, hunc humiliat & hunc exaltat, quia Psal. 74. 7. 8. 9. calix in manu Domini vini meri plenus mixto; & inclinavit ex hoc in hoc. Præclare de temperamentis diuinæ iustitiæ & misericordiæ, vitæ-que humanæ per diuinam prouidentiam iustis & benignis vicissitudinibus, hæc scribit S. Ioannes Chrysostomus, hom. 8. in Matth. ante med. \* Misericors Deus, mæstis rebus quædam etiam iucunda permiscet: quod certè in sanctis omnibus facit, quos neque tribulationes, neque iucunditates finit habere continuas, sed tum de aduersis, tum de prosperis iustorum vitam quasi admirabili varietate contexit. Nec peccatores etiam finit perpetua prosperitate frui, alternat eorum vices, vt tædio tam peccati, quàm mundi huius fucatæ felicitatis afficiantur; hunc igitur humiliat, &

Kk ij

Ps. 74.

*hunc exaltat Dominus (ait verè Propheta) quia calix in manu Domini plenus mixto; & inclinavit ex hoc in hoc; verumtamen fœx eius non est exinanita, bibent omnes peccatores terræ.*

## §. V.

*Calix salutaris, seu salutis.*

Ioan. 18. 18.

Matt. 20. 22.

HEBRÆI veteres pro traditione habuerunt, in conuiuio iustum fore, vt nemo calicem benedicere audeat, nisi solus Dauid. Christus hic Dauid est, qui cœnantibus Apostolis accepit calicem, ac benedixit, atque hoc ipsum facere in sui commemorationem præcepit. Putatitius Hieronymus scribit, in Hebræo haberi, calicem Iesu accipiam, siue acceptum scilicet, siue datum. Acceptus à Patre hic erat, de quo dicebat Petro, *Calicem quem dedit mihi pater, non vis vt bibam illum?* Eundem & nobis obtulit Christus, nam participes nos esse voluit suæ passionis, quapropter ante pugnam quærentibus victoriam, gloriâque ante laborem aculeatè dixit, *Potestis bibere calicem, quem ego bibiturus sum?* neque enim sedere licet in regno meo, nedum meam ambire dextram vel sinistram, nisi calix iste laboris, doloris, angustiae & amaritudinis priùs deliberetur.

Marc. vlt.

Catech. 4.

Calicis protrita est notio pro morte, quoniam veneno plenus olim porrigebatur damnatis, vt ebibentes interirent, quemadmodum Socrati datum constat. Ioanni Apostolo & Euangelistæ fuit iussu Domitiani intoxicatus eiusmodi calix propinatus, sed dispari longè exitu, Socrates enim hausto veneno è calice protinus occubuit: Ioannes priuilegio diuino potitus, immunis hausto etiam venenato potu euasit, quemadmodum Christus suis discipulis promiserat, *Et si mortiferum quid biberint, non eis nocebit.* Verùm hic potus non est calix salutaris; quid enim ex se parit quàm ebibentis perniciem & mortem? sed Saluator nobis suo in calice vitam & salutem offert: huc, si Chaldaico interpreti adhibeatur fides, spectant verba Dauidis, vbi enim vulgata legit, *Calicem salutaris accipiam*, Chaldaicè habetur, *Calicem redemptionis portabo*; Hebraicè nomen est plurale, *Calicem salutum*, nomen multitudinis denotat ingens auxilium, singulare beneficium, & salutem insignem. Opponit ideo S. Cyrillus Hierosolymitanus nouum testamentum veteri, quòd in antiquo essent quidem panes propositionis, sed neutiquam viuificantes, poculâque nonnulla, at quæ itidem nihil ad vitam, neque salutem conferebant, *Sed in nouo Testamento, panis (inquit) est cœlestis, & calix salutaris, qui & animam & corpus sanctificant.*

## §. VI.

*Calix passionis, seu martyrij.*

SANCTVS Ambrosius lib. 5. Comm. in Luc. c. 6. præcitatum Io-

cum ex Psal. 115. ad passionem & martyrium traducit, quod summum Dei donum esse ac beneficium arbitratur: *Tu dic de omnibus quæ retribuit tibi Dominus, calicem salutaris accipiam, hoc est passionem: Vnde etiam illis qui ad dexteram vel ad sinistram sedere cupiebant ait, Potestis bibere calicem, quem ego bibiturus sum? usque in finem te ducit, usque ad martyrium prosequitur. Ibi constituit beatitudinum palmam. Sed si ita res se habet, quotuli sunt, qui hoc tempore ad hanc palmam peruenire possint, cum persecutiones pro fide iampridem magna orbis parte cessarint? Sanè martyrium in voto, est de præcepto. Cum res enim tulerit, persecutiones, tribulationes, tentationes, mortemque ipsam omnis Christianus tenetur pro Christi fide & gloria subire, seque interim offerre in sacrificium & oblationem; siquidem monet Apostolus, ut exhibeamus corpora nostra hostiam viventem (proinde non sine anima) sanctam, Deo placentem, rationabile obsequium nostrum. Præclare huc spectans Clemens Alexandrinus 4. Stromatum ait: Quicumque seruatoris mandata exequuntur, in unaquaque actione sunt Martyres &c. cum cruci carnem affixerint cum vitiis & concupiscentiis. Nec minùs piè, quàm eleganter S. Hieronymus, Non solum effusio sanguinis in confessione reputatur, sed deuota quoque mentis seruitus, quotidianum martyrium est.*

ep. 27.

Vocamus calicem S. Eligij, non in quo dumtaxat consecrabat Christi sanguinem, sed quem ad hoc fecit aurifaber egregius, ut ipsi consecrationi dedicaretur. Fecit sibi calicem Christus, impleuitque illum amaritudine: erat enim ut ait Propheta, vir dolorum. At non tantum vsui suo hunc addixit, nobis secum voluit esse communem; Accipite, inquit, & diuidite inter vos. Nemo erit regni eius particeps qui partem amaritudinis, fellis & aceti paratas cuique guttulas non ebiberit aut exfuxerit. Inuitat nos ad hoc symposium Christus, simulque etiam allicit, Potestis, inquit, bibere calicem quem ego bibiturus sum? Expende quæso attentius; non dixit, quem vobis porrecturus sum; sed quem ego bibiturus sum: Ego, inquam ipse, qui vester sum magister & dominus. Mira res! si seruus in poculum vel labra infingere detrectaret, quod eius rex & dominus, eius amore & commodo, auido ferè ebibisset hiatu?

Hic mihi penè exciderat memorabilis narratio de martyrio S. Andreæ, illi reuelato sub titulo calicis, quem proximè tandem bibiturus erat. Sequenti nocte (sic legitur lib. 3. hist. Apost. \*) vidit per quietem B. Andreas visionem quam fratribus enarrauit dicens: Audite somnium meum dilectissimi. Videbam, & ecce mons magnus erat in sublime elatus, qui nihil super se de terrenis rebus habebat, nisi quod luce resplendescbat in tantum, ut mundum putaretur illuminare. Et ecce adstiterunt mihi dilectissimi fratres Petrus & Ioannes. Et Ioannes quidem extensa manu Petro Apostolo, leuabat eum in verticem montis, & conuersus ad me rogabat ascendere post Petrum dicens, Andrea poculum Petri bibiturus es. Et extensis manibus subdidit; Appropinqua mihi & extende manus tuas, ut coniungantur manibus meis, & caput tuum capiti meo societur: quæ cum fecissem, inuentus sum breuior esse Ioanne. Et posthæc ait mihi, vis cognoscere imaginem huius rei, quam cer-

\* Quæ Abdie Babylonico Episcopo passim ascribitur.



Ad ann. Do-  
mini 69. n. 34.

*Calix Benedictionis.*

Observat doctissimus Genebrardus in Psal. 115. ad illa verba, *Calicem salutaris accipiam*: nullam oblationem sine libatione, & nullum festum celebratum, siue conuiuium, pridem apud Hebræos extitisse, in quo calix vini non benediceretur, & in orbem non daretur conuiuantibus gustandus in gratiarum actionis, charitatis & communionis sacrae symbolum. Præter sacrificiorum libamen, (vini enim libamina super hostiam solebant offerri effundique, Num. 28. 7. 14.)

mos receptuserat, calicem circumferendi conuiuialem ad gustandum, in symbolum fœderis & amicitiae inter sacrificantes: cæterum hic est gratiarum actionis & benedictionis erga Deum. Calix iste igitur rectè ab Apostolo *Benedictionis* appellatur, quia est fons omnium benedictionum, omniumque est causa gratiarum: quapropter etiam dicitur calix salutaris, hoc est salutis, quoniam nos ab inferni hiatus ereptos, in æternæ felicitatis aditum introducit.

## §. VIII.

*Calix Domini.*

CALICEM Domini Apostolus opponit calici dæmoniorum, i. Cor. 10. *Non potestis*, inquit, *calicem Domini bibere, & calicem dæmoniorum*. Diabolus, ut rectè Tertullianus notat, est simia Dei: Et hic quoque (inquit lib. de baptismo c. 5.) *studium diaboli cognoscimus, res Dei amulantis.* & in præscript. c. 40. *Ipsas quoque res Sacramentorum diuinorum, in idolorum mysteriis amulatur. Tinguunt & ipse quosdam, utique credentes & fideles suos, expiationem de lauacro repromittit &c. signat in frontibus milites suos, celebrat & panis oblationem.* Non porro sine calicis proprii libatione. Iam ætate Apostoli hoc erat, qui idcirco ad Corinthios scribit, res oppositas esse calicem Domini & calicem dæmoniorum, fierique non posse, ut quis sit calicis Domini particeps, idemque dæmoniorum delibet poculum. Cur verò? id porro docet idem Apostolus 2. Cor. 6. *Quæ enim, inquit, participatio iustitiæ cum iniquitate, aut quæ societas luci ad tenebras, quæ autem conuentio Christi ad Belial? Qui autem consensit templo Dei cum idolis?* proinde nec calicis Christi, cum calice diaboli. Sunt tamen apud Christianos qui utrumque delibant. In Ecclesia Christi sunt, nec tamen prorsus extra Synagogam Antichristi. Volunt siquidem utriusque ciuitatis esse municipes, cœli scilicet & mundi, veritatem fidei cum mundi vanitate amplecti: Christi quidem calicis aliquando meditari amaritudinem, at mera cogitatione, non re ipsa fellis & absynthij eius esse participes. Cæterum calicis diaboli, aurei poculi Babylonis philtrea, ita ardentem exsitiunt, ut pleno haustu ebibant, neque satis vnquam (tam suaue hoc venenum est) inde delibasse putant, nisi his immergantur extitiosis illecebris. Hæc euomant oportet venenata pocula, si Christi calicis, ex quo vita fluit, salutiferis volunt fluentis potari. Non magis mors vitæ aduersatur, quàm diaboli calix, calici Domini: quamobrem diuino planè oraculo ait Apostolus, *Non potestis calicem Domini bibere, & calicem dæmoniorum*, quemadmodum salutare pharmacum, ut vim salutiferam retineat, non debet venenosæ cicutæ immisceri.

Insignia magnatum calicibus, ipsorum capellæ seu facelli insculpi solent, quibus ipsorum esse res pateat, ab alienisque discernantur. Calix Christi æuo Tertulliani, qui vicinus fuit Apostolicorum temporum, imagine boni pastoris ouem perditam humeris impostam cum gaudio ad caulas suas reuehens insigniri consueuerat:

Ab opposito igitur calix diaboli figura lupi rapientis ouem, insigniri deberet, sicut enim Christi proprium opus est quærere & saluum facere quod perierat : ita diaboli perpetuus est conatus rapere, deglubere quodcumque falcatis vnguibus e grege boni pastoris auferre potest. Sed de calice dæmoniorum iterum infra.

2. Reg. 12

Psal. 15.

Ceterum signum ingentis est amoris, quod Christus calicis nos sui participes effecit. Meminerimus parabolæ Nathan ad David de ouicula dilecta, quam vir ille bonus emerat, & nutrierat, & quæ creuerat apud eum cum filiis suis, *simul de pane illius comedens & de calice eius bibens, & in sinu illius dormiens, eratque illi sicut filia*. Ita enim Christus animas nostras diligit, quas omnes ut vnica sibi computat. Fovet nos paterno planè amore, quiescere facit in sinu suo, pane vitæ nutrit, & calice salutis refocillat, imò carne sua alit, potat sanguine, titulo nobilitat adoptionis, calicis denique hæreditatis suæ candidatos facit in statu gratiæ, ut in statu gloriæ regni sui demum præstet esse participes. Huc spectabat David cum gratulabundus cecinerat, *Domine pars hæreditatis meæ & calicis, tu es qui restitues hæreditatem meam mihi*. Calix enim Domini iam noster est, quia ipse dedit : hinc Psal. 12. ubi vulgata habet, calix meus inebrians, quàm præclarus est ! Græcè est *ποτήριόν σου* poculum tuum; quemadmodum etiam legunt ex Latinis S. Cyprianus, ep. 63. S. Ambrosius lib. de Elia, S. Augustinus lib. 2. cont. litt. Petil. c. 47. Sed tamen LXX. & Hebræi & omnes interpretes constanter legunt, calix meus &c. Verum hoc nihil refert, quia Christi est, & noster iste calix. Eius quidem iure proprietatis ideo dicitur Calix Domini; noster verò eius beneficio largitatis; *accepto enim calice* (ait S. Lucas) *gratias egit & dixit: accipite & diuidite inter vos, quia totum inter vos, ut inter conuiuas, fratres & amicos meos, quin & filios dispertiendum do & trado, ut pignus hæreditatis æternæ, quam ipse meo sanguine vobis comparauit*.

## ARTICVLVS II.

### *De calicis sequiori in scriptura sacra significatiōne.*

#### §. I.

#### *Calix ira Dei.*

Psal. 10.

Satis frequens est in Scripturis, calicis iræ Dei interminatio vel immissio, Isa 51. 17. *Consurge Ierusalem quæ bibisti de manu Domini calicem iræ eius, usque ad fundum calicis soporis bibisti & potasti usque ad faces.* & Apoc. 14. *Siquis adorauerit bestiam & imaginem eius & acceperit characterem in fronte sua, aut in manu sua, hic bibet de vino iræ Dei, quod mistum est mero in calice iræ ipsius, & cruciabitur igne & sulphure in conspectu Angelorum sanctorum &c.* De hoc eodem calice iræ Dei, diuinus etiam scripsit Psalmographus, *pluet super peccatores laqueos ignis, & sulphur & spiritus procellarum pars calicis eorum*. Et iterum Apoc. 16. 19. *Babylon*

bylon magna venit in memoriam ante Deum, dare illi calicem vini indignationis iræ eius. Vbi notare iuvat non dixisse, dare illi calicem iræ indignationis, sed calicem vini indignationis iræ, ardentissimæ scilicet, & quæ ex æterna indignatione procedit. Sed cur vino plenus hic dicitur calix? sanè ad vim feruentis iræ Dei designandum: Sed quo vino? eo scilicet quod appellat Amos Propheta *Vinum damnatorum*, Amos 2. 8. quod scilicet non refrigerat sitim, sed accendit, facitque ut quò plus potant impij, ipsorum ardor eò ampliùs augeatur.

## §. II.

*Calix furoris Domini.*

APUD Ieremiam de hoc calice sic legimus, c. 25. Sic dicit Dominus Exercituum, Deus Israël: *sume calicem vini furoris huius de manu mea, & propinabis de illo cunctis gentibus, ad quas mittam te, & bibent & turbabuntur, & insanient &c. & accepi calicem de manu Domini, & propinaui cunctis gentibus ad quas misit me Dominus, Jerusalem & ciuitatibus Iuda, & regibus eius, & principibus eius, & ut darem eos in solitudinem & in stuporem, & in sibilum, & in maledictionem &c.* Quæstio hîc moueri potest non ineptè, quanam sit differentia inter calicem iræ Dei, & calicem furoris? ista synonyma non esse ex Psal. 6. colligitur, ubi furor & ira distinguuntur sicut res diuersæ, *Domine ne in furore tuo arguas me, neque in ira tua corripas me.* Sanctus Bernardus hunc versans locum serm. 69. in Cant. furorem ait esse quo Angelum extollentem se in cœlo arguit, iram qua hominem in paradiso corripuit. S. Gregorius furorem refert ad damnationem æternam; iram ad purgatorium. Econtra S. Augustinus existimat iram ad correptionem temporalem spectare, furorem pertinere ad æternam damnationem, *Furor enim, inquit, plus videtur esse quàm ira.* quod & Ieremias præsignato loco subindicare videtur: ne enim temporalibus tantùm flagellis eos plectendos censeremus qui verbo diuino rebelles sunt, vim ultionis qua percellendi sunt maledictione concludit, quæ damnationis æternæ indicium est. Enarrat. in Ps. 6.

## §. III.

*Calix dextera Domini, id est potentia peccatores punientis.*

DE hoc Habacuc locutus est, vaticiniorum suorum c. 2. *Repletus es, inquit, ignominia pro gloria; bibe tu quoque & consopire, circumdabit te calix dextera Domini & vomitus ignominie super gloriam tuam.* de dextera Domini Psalmista canit, *Iustitia plena est dextera tua.* Dextera videtur Psal. 47. 11. læuâ validior ad percutiendum, ideo iustitiæ vindicatiue flagella, Propheta ponit in dextera Dei, quia est effectus non tantùm eius iustitiæ, sed & potentie.



## §. IV.

*Calix inebriationis.*

HIC calix à Jeremia in Threnis ita memoratur : *Filia Edom, quæ habitas in terra Hus, ad te quoque perueniet calix ( inebriationis ) inebriaberis, atque nudaberis; Nihil fœdus in fœmina quàm ebrietas, quia nihil tunc ei superest pudoris, magnùmque ipsa discrimen incurrit castitatis ac pudicitiae. In viris quoque vini immoderatus vsus admodum turpis & periculosus est : quamobrem in dotibus Episcopi, Apostolus maximè sobrietatem exigit, vinolentum verò excludit à pontificatu & sacerdotio. Nihil magis sapientiae officit quàm vini excessus : huc illud collineat Isaia 28. Verùm hi quoque præ vino nesciunt, & præ ebrietate errauerunt : Sacerdos & Propheta nescierunt præ ebrietate, absorpti sunt à vino. Hinc hæreticorum pugnae ac emotiones; Paulus eos vbique fluxos, vacillantes, oculisturgidos, iudicii que solidi ( quemadmodum ebrij solent ) prorsus expertes facit : Volentes, inquit, esse legis doctores non intelligunt, neque quæ loquuntur, neque de quibus affirmant. 1. Timoth. 1. 7. Euauerunt in cogitationibus suis, putantes se esse sapientes, stulti facti sunt. Et sicut vbique titubant & impingunt qui vino madent, sic sectarum magistri, qui vento inflantur superbiae, tument, nutant, omnemque in ventum persuasionum futilium circumferuntur. Eleganter illorum ridiculos circuitus exprimit Propheta : Stulti facti sunt, inquit, principes Taneos, emarcuerunt principes Memphis, deceperunt Aegyptum, angulum populorum eius. Dominus miscuit in medio eius spiritum vertiginis, & errare fecerunt Aegyptum in omni opere suo, sicut errat ebrius & vomens.*

Rom. 1. 21.

Isa. 19. 13.

## §. V.

*Calix soporis.*

IDEM Isaias huius calicis meminit : *Bibisti, inquit, de manu Domini calicem iræ eius, usque ad fundum calicis soporis bibisti. Effectus est sopor ebrietatis, quasi diceret, Ex quo inebriata es vino furoris iræ Domini, facta es quasi stupida & immobilis; de tua salute nihil cogitas amplius, siquidem obdurata in malo, quasi graui somno depressa in sceleribus tuis obdormiisti; quamobrem desperata est salus tua, ebibisti fundum ipsum calicis, venisti usque ad profundum malorum culpæ, ideo & pœnæ, in qua etiam induruiisti.*

## §. VI.

*Calix demoniorum.*

IAM suprâ, vbi de calice Domini, ad illa Apostoli verba, *Non potestis calicem Domini bibere, & calicem demoniorum*, de isto calice nonnulla prænotauimus, pauca hîc eo subiunctum : loco isto spectat

1. Cor. 10. 20.

Apostolus verum Dei cultum, & idolorum culturam, cuius dæmones erant artifices: opponit igitur sacrificium Eucharistiæ, sacrificiis infidelium; mensam Domini, mensæ idolorum; calicem Domini, calici dæmoniorum: siquidem vt Tertullianus ait lib. de baptismo, c. 5. *celebrat diabolus, diuinæ maiestatis amulator, & panis oblationem: calicis etiam, S. Cyprianus subiungit in serm. de lapsis. Illi (puellæ nimirum à nutrice sua ad impia sacrificia perlata) apud idolum quò populus consuebat, quòd carnem necdum posset, edere per etatem panem mero mixtum, quod tamen de immolatione pereuntium supererat, tradiderunt. At deinde à matre pia fœmina, portata ad fidelium conuentum puellula, calice diaboli inquinata, particeps Christi calicis esse non potuit, vt suprâ narrauimus c. 16. §. 1. tam verum est quod ait Apostolus, Non potestis bibere calicem Domini, & calicem demoniorum. Quæ sententia etiam ad mores spectat, nam qui philtris diaboli inebriatus est, Christi Sacramenta & Spiritus sancti nequit dona percipere.*

## §. VII.

*Calix Babylonis, seu abominationis.*

DE eo insigniter meminit Ieremias propheta: *Calix aureus Babylon* (inquit) *in manu Domini, inebrians omnem terram, de vino eius biberunt gentes, & ideo commota sunt luculentius dilectus Iesu discipulus reuelationis suæ c. 17. Abstulit me (ait) spiritu in desertum, & vidi mulierem sedentem super bestiam coccineam, plenam nominibus blasphemiarum &c. Et mulier erat circumdata purpura & coccino, & inaurata auro & lapide pretioso & margaritis, habens poculum aureum in manu sua, plenum abominatione, & immunditia fornicationis eius. Et in fronte eius nomen scriptum, Mysterium: Babylon magna, mater fornicationum & abominationum terræ. Et vidi mulierem ebriam de sanguine Sanctorum & de sanguine Martyrum Iesu, & miratus sum cum vidissem illam admiratione magna. Quæ verba pulchrè & appositè sic edisserit Richardus à S. Victore part. 2. lib. 4. Comm. in Apoc. c. 9. Babylon (inquit) per confusionem, magna per elationem, mater fornicationum & abominationum terræ per inuentionem vitiorum abominabilium, quibus fœdantur omnes qui se inuoluunt terrena cupiditate. pergit verò expendens verba Angeli ad sanctum Ioannem: Quare miraris? quasi diceret, Noli mirari, sed intellige quid sit, ego dicam tibi sacramentum (seu mysterium) mulieris & bestie, id est ostendam tibi quid sit vtraque: Nempe bestia, diabolus est: mulier, meretrix, vniuersitas reproborum. Sed quid calix aureus, nisi omnium iniquitatum colluies, illecebrarumque carnis & peccati intoxicata confectio?*

## §. VIII.

*Calix ignominie, mæroris, atque tristitie.*

MINATUR apud Ezechielem Dominus hoc tristi poculo, potare Ierusalem, vt Samariam. *In via sororis tuæ ambulasti, (inquit) & dabo*

Ll ij

calicem eius in manu tua. Hæc dicit Dominus Deus: Calicem sororis tuæ bibes, profundum & latum: eris in derisum & subsannationem, quæ est capacissima. ebrietate & dolore compleberis: Calice mæroris & tristitiæ, calice sororis tuæ Samariæ, & bibes illum, & epotabis usque ad fæces & fragmenta eius deuorabis, & vbera tua deuorabis ac lacerabis, quia ego locutus sum, ait Dominus Deus. Quasi diceret, idem cum Samaria, cuius impietatem sectata es, supplicium feres; calicem eius bibes, profundum pœnarum magnitudine, latum amplo tempore captiuitatis scilicet septuaginta annorum; ideo calicis huius amplitudo dicitur capacissima. Vbi verò Latina versio habet calicem mæroris & tristitiæ, ex Hebræo alij legunt solitudinis & vastationis. At sic etiam erit calix mæroris atque tristitiæ. Et potabis usque ad fæces, quia scilicet totum calicem pœnarum hauries, extrema mala patieris, quin & fragmenta eius deuorabis: siquidem exhausto calice, fractoque, etiam guttulas quæ in fragmentis manserint, lambere cogeris usque ad vltimam eius guttulam. Grauis sanè erat illa interminatio, sed quæ ex iusto Dei iudicio procedebat. Exasperauerat Ierusalem Deum suum, patrem misericordiarum innumeris peccatis. Patientia nimis læsa fit furor; eoque igitur se Deus ostendit iratum, vt vindictam acerrimam propè sit inflicurus. Nolite errare (ait Apostolus Gal. 6. 7.) Deus non irridetur. Horrendum est in eius manus incidere, Heb. 10. 31.

## CAPVT XX.

*Arcana quadam sacri Calicis ex Scriptura, Patribus & Theologis, ac Historia Ecclesiastica.*

## ARTICVLVS I.

*Prophetia Iacob de sanguine vuæ.*



VENIET qui mittendus est, & ipse erit expectatio Gentium, ligans ad vineam pullum suum, & ad vitem, ô fili mi, asinum suum: lauabit in vino stolam suam, & in sanguine vuæ pallium suum. Genes. 49. Hoc vaticinium Iacob Patriarchæ filiis in sua cuiusque tribu, ventura quæ tandem erant afflatu diuino prænunciantis: pertinere ad Christum nasciturum de tribu Iuda, vniuersus sanctorum Patrum chorus summo consensu asseuerat. Loci non est huius singula minutim expendere, his dumtaxat verbis hæreo, lauabit in vino stolam suam, & in sanguine vuæ pallium suum. Lectorem non multis morabor. S. Ambrosij, locum hunc doctè, accuratim & solerter interpretantis, præclara expositio audiatur (lib. de benedictionibus Patriarcharum c. 4.) vbi per sanguinem vuæ, Christi sanguinem intelligit, per stolam verò Ecclesiam, quam Christus ab omni sorde & næuo, suo emendauit cruore, lauit Iesus stolam suam, non vt suam quæ non erat, sed

ut nostram quæ erat, sordem ablueret. Et in sanguine vuae anaboladium, id est pallium suum; hoc est in passione corporis sui diluit gentes suo sanguine, &c. Et bene vuam dixit, quia sicut vua pependit in ligno; ipse est vitis, ipse est vua; vitis ligno adhærens: vua, quia lancea militis apertum latus emisit aquam & sanguinem: aqua ad lauacrum, sanguis ad pretium: aqua nos abluit, sanguis nos redemit. Verum sanguis eius non modò nos redemit, sed nos etiam abluit, nutrit, potat & sanctificat: Sanguinem suum fudit (ait S. Thomas op. 57.) in pretium simul & lauacrum, quin etiam in poculum dedit, cum scilicet transiturus de hoc mundo ad patrem, postquam cœnauit accipiens calicem gratias egit, & dedit *Matt. 25.* discipulis suis dicens, Bibite ex hoc omnes; hic est enim sanguis meus noui testamenti, qui pro multis effundetur in remissionem peccatorum. Ecce igitur in calice sancto quem dedit, sui sanguinis pretium & poculum, remissio & lauacrum, quo peccata purgantur, quoniam remittuntur: sanguis autem iste, quamuis sit verus Christi sanguis, idemque qui pro nobis in cruce effusus est, nihilominus ut ex pane fit corpus Christi, & ex vino sanguis; iste sanguis qui est in calice, dicitur sanguis vuae, quia ex vino vitis tamquam ex materia transeunte conficitur: lauat verò stolam suam Christus, id est carnem suam, ut exponit loco signato S. Ambrosius, in sanguine vuae, per commistionem quæ fit in calice, carnis cum sanguine. Licet etenim sub vnaquaque specie sit integer Christus: quia tamen vi verborum sub sola specie panis est caro, sub sola specie vini est sanguis, cum particula hostiæ calici immiscetur, lauat & immergit Christus stolam suam in sanguine vuae, id est carnem in sanguine suo; quamobrem Sacerdos minister huius permixtionis sic orat: *Hæc commixtio & consecratio corporis & sanguinis Domini nostri Iesu Christi fiat nobis in vitam æternam.* Sic fit enim ut calix Domini totam plenitudinem contineat Sacramenti: cuius virtute ita per mysticam copulationem adunata, Sacerdos, misericordiæ Dei minister adprecatur Ecclesiæ pacem, id est benedictionem perfectam, tam in præsentis statu gratiæ, quàm in futuro regno gloriæ: Pax enim Christi, omnis piæ actionis & boni desiderij, perfectio est.

## ARTICVLVS II.

*Cur passionem suam & memoriale mortis suæ poculum, scilicet sui sanguinis, Christus Calicis nomine insignierit?*

**O**RAVIT Christus in procinctu suæ consummationis, ut à se calix transiret. Patres vnanimiter intelligunt hanc deprecationem de eius passione & cruce: sed mirum videtur, cur passio vel tormentum dicatur calix? verumtamen congruenter admodum hoc nomine Christus passionem suam designavit; quia passiones & oblectamenta ab anima imbibuntur sicut pocula varia à corpore: quapropter dicebat Christus Dominus, *Tristis est anima mea usque ad mortem.* Accedit quod *Matt. 26. 38.* passio illa fuit veluti medicina quædam à capite Christo, pro cæte-



ris membris sumenda. Hinc tam enixè orauit patrem, vt omnes vnum essent in eo, siquidem medicina ab ipso capite sumpta omnibus membris illi coniunctis prodesse potest: sed non prodest membris à capite abscissis, vel diuulsis à corpore, sicut anima non prodest membro secto; sed vnitis omnibus, motum, & cætera vitæ beneficia impertit. Diuino prorsus acumine S. Ignatius in epistola ad Ephesios vocauit Eucharistiam *antidotum mortis, & immortalitatis pharmacum*. Calice enim salutari, poculo scilicet Christi sanguinis, mors esu pomi vetiti ab Adamo delibata, & in nos omnes transfusa destruitur, & vita infunditur sumentibus, immortalitate perpetua.

## ARTICVLVS III.

*Calix plenus mixto, iustitiæ & misericordiæ Dei hieroglyphicum.*

\* Extat Chron.  
Lerin. part. 2. p.  
13.

**I**D notat Pierius lib. 3. c. 25. hieroglyph. ex Psal. 74. sibi (vt ait non signato loco) Eucherio præcinente\*, qui quidem in intelligentiæ spiritualis formulis ita describit, *Merum, sinceritas iudicij aut veritatis, vel calor fidei, vt in Psal. vini meri plenus mixto*. Vbi Eucherius nihil de misericordia meminit; nisi per calorem fidei intelligat charitatem, cuius proles ipsa est misericordia; sed planè S. Hieronymus calicem meri vini plenum misto de iustitia, & misericordia diuina temperatis, exponit in Malach. c. 3. *Christus est ille, inquit, Angelus testamenti, quem vos queritis, cui mala non placent, qui personam in iudicio non accipit: qui nulla, nec misericordia, nec seueritate mutatur: Calix enim in manu Domini vini meri plenus misto, & inclinauit ex hoc in illud: id est misericordia iustitiam temperat, & iustitia misericordiam*. Et rursus in Oseam, c. 2. *Duos calices, inquit, in 74. psalmo legimus; Calix in manu Domini vini meri plenus misto, & inclinauit ex hoc in illum: de iustitiæ calice in calicem misericordiæ, & rursus de calice misericordiæ in calicem iustitiæ: si iniquitates obseruaueris Domine, Domine quis sustinebit, quia apud te propitiatio est*. Et verò calicem temperat Deus, & iustis, & iniustis, nam peccatoribus quidem semper aliquid de pœnæ atrocitate detrahit, iræque meracum benignitate temperat, adeo vt semper ex seueritate ad lenitatem inclinet, iuxta illud, *cùm iratus fueris, misericordiæ recordaberis*. At iustorum etiam Deus tribulationes moderatur; calicem tenet de manu sua, tantùmque ex eo illis dat ad bibendum, quantum nouerit expedire, nec enim vnquam finit supra id quod possunt tentari: *Fidelis Deus*, ait Apostolus 1. Cor. 10. 13. *qui non patietur vos tentari supra id quod potestis, sed vt possitis sustinere, facit etiam cum tentatione prouentum*.

Tob. 3. 13.

## ARTICVLVS IV.

*Calix sanguinis Domini, symbolum etiam diuinæ iræ, & gratiæ.*

**I**SIDORVS Pelusiota, lib. 2. epistolarum didacticarum in sacram Scripturam (in quibus præmisso semper eximiæ interpretationis acu-

mine, præclaris sententiis & breuibus adhortationibus, lectoribus suis aliquem aculeum ad virtutem mira dexteritate infigit. ) ep. 172. directæ Isidoro Presbytero, eos notanter reprehendit qui celebria illa verba Davidis : *Quoniam calix in manu Domini vini meri plenus misto, & inclinavit ex hoc in illud*, de calice Eucharistiæ interpretantur : Nam quod quidam, inquit, de mystico poculo ( *τὸ ἐκ τοῦ μυστικοῦ ποτηρίου* ) Psalmistam vaticinatum asserunt, eorum opinionem & Judæi & gentiles, ceterique omnes qui huius expertes sunt refutant, atque etiam eos maximè Psalmista ipsemet refellit, ut qui antè hæc verba dixerit, Deus iudex est, hunc humiliat & hunc exaltat.

Atqui in Eucharistia hoc diuinum iudicium insigniter exercetur : Nam qui indignè sumit, iudicium sibi manducat & bibit, reusque sit corporis 1. Cor. 11. & sanguinis Domini : at qui peccatorum pœnitens, & seriæ conuersionis appetens de hoc calice bibit, & de pane illo comedit, gratiam inuenit & misericordiam, dicente Domino, *Qui manducat meam* Ioan. 6. 55. *carnem, & bibit meum sanguinem, habet vitam æternam. Ex eodem fonte nunquid, ait S. Iacobus, emanare potest aqua amara & dulcis ? At de calice Domini dulcedo & amaritudo, iustitia & misericordia, ira & gratia, mors & vita, benedictio & maledictio dimanant, vnde hoc de tremendo mysterio Ecclesia concinit.*

*Mors est malis,*

*Vita bonis :*

*Vide paris*

*Sumptionis*

*Quam sit dispar exitus.*

Idemque sanguis Domini in cruce effusus, hoc in calice propinatus, clamat vindictam & misericordiam : vindictam aduersus incredulos, impios suis in peccatis obduratos, qui nihilominus audent diuina ad mysteria (ad quæ ipsi Angeli pauent & contremiscunt) sine vlllo terrore accedere. At verò misericordiam humilibus & contritis corde, iisque præsertim qui diuinum hoc munus non indignè suscipiunt, scilicet ut ait Apostolus 1. Timoth. 1. 5. *de corde puro, & conscientia bona, & fide non ficta.*

#### ARTICVLVS V.

*In sancto Calice, mysterium lateris Christi in cruce percussæ representatur.*

**E**X TAT editus Parisiis anno salutis 1533. libellus, cui titulus est *Alphabetum Sacerdotum* ; in quo ordo continetur ad dicendam Missam more Ecclesiæ Gallicanæ : cuius in exordio postquam Sacerdos parumper orauit genuflexus ad gradus altaris, benedicit vinum & aquam & imponit in calicem dicens : *De latere Domini nostri Iesu Christi exiit sanguis nostræ redemptionis, & aqua pariter baptismatis in remissionem peccatorum*, deinde fundendo vinum & aquam, ait, *Com-*

Capit. Aquisgr.  
edit. sub Carolo  
Magna c. 30.

*mixtio vini & aquæ pariter fiat in nomine Patris & Filij, & Spiritus sancti, Amen.* Erat superioribus sæculis ex longæva obseruantia, in Ecclesia Parisiensi hic ritus in usu, ut ex antiquis Missalibus constat; in nouis at verò suppressus fuit, quoniam ad Romanum morem propius quàm olim accessum est; laudabili sanè studio, & à Carolo Magno pridem intento perfectæ vnanimitatis & conformitatis cum Romana Ecclesia communi omnium matre & magistra, non modò in dogmatibus fidei, sed etiam in sacris ritibus & cæremoniis, iuxta hoc ipsius Caroli Magni pragmaticum: *In memoriam B. Petri Apostoli, honoremus sanctam Romanam Ecclesiam & Apostolicam Sedem, ut quæ nobis Sacerdotalis mater est dignitatis, esse debeat Ecclesiastica magistra rationis.*

Certè in vsitato Romano Ordine, fit itidem vini & aquæ benedictio & commixtio: sed non ante introitum Missæ, at in offertorio; tum enim Sacerdos fundendo aquam in calicem, cui iam vinum infudit, his verbis orat: *Deus qui humanæ substantiæ dignitatem mirabiliter condidisti, & mirabilius reformati, da nobis per huius vini & aquæ mysterium eius diuinitatis esse consortes, qui nostræ humanitatis dignatus est fieri particeps, Iesus Christus filius tuus Dominus noster, qui tecum & Spiritu sancto uiuit & regnat Deus in secula seculorum, Amen.* Vbi vides incarnationis tantùm hîc fieri mentionem, cuius extensionem, Eucharistiam esse iamdudum S. Chrysostomus memorabili oraculo pronunciauit. Ritus igitur Romanus optimus & aptissimus est; attamen Gallicanus mos vetus, sua quoque laude dignus erat, non quidem in eo quod ante sacrificium inchoatum Sacerdos vini & aquæ, benedicendo vtrumque, mixtionem faciebat, at in eo quod orando commemorabat mysterium aquæ cum sanguine fluentis è latere Domini aperto in ara Crucis: mos enim iste commemorandi in hac commistione mysterium percussæ Christi lateris, antiquus est, atque etiamnum à Græcis ex antiqua traditione constanti in usu retinetur; siquidem hodièque Sacerdos apud Græcos, dum vinum & aquam miscet in calice, recitat illa verba S. Ioannis, & continuo exiit sanguis & aqua; tùmque vtraque simul in calicem infundit: Quæ non muta cæremonia, & sanguinem esse verum Christi in calice, quoad substantiam, & ad eum modum esse quo ex latere fluxit, quoad repræsentationem significat.

Ioan. 19. 34.

Patres vno eodémque respectu, calicem, cum Christi latere in cruce aperto, spectarunt, idémque esse in calice quod ex latere ipso defluxit, summa auctoritate inculcarunt; duos dumtaxat hîc, sed præcipuos audire operæ pretium esse reor: vnum è Græcis; ex Latinis alterum.

S. Ioannes Chrysostomus, homil. 24. in priorem ad Corinthios, *Ὁ ἐκ τοῦ πνεύματος ὁ, καὶ τὸ δὲ πνεῦμα ἔκλειψεν τὸ πνεῦμα ῥῶτον.* Quod est, inquit, in calice, est id quod ex latere fluxit.

S. Augustinus in sermone ad Neophytos, *Hoc, inquit, accipite in pane, quod pependit in cruce: Hoc accipite in calice, quod manauit de Christi latere.*

Hîc

Hic notare iuvat in Missa S. Chrysostomi, lanceolam adhiberi, cuius manubrium factum est ad formam crucis, reliquum lanceæ figuram habet, vice illius quæ latus Domini effudit; dicitur etiam cultellus, quia hac non modo pungitur calix, sed & panis ad consecrandum propositus eadem pungitur, & diuiditur; sic verò ritus ille solet celebrari, ut videre est in Græcorum Euchologio, in quo ipsa S. Chrysostomi Liturgia, authenticis ex Codicibus refertur.

Εἴτα λαμβάνει ὁ ἱερεὺς ἐν ῥήτῃ τῇ ἀριστερᾷ χεὶρὶ τὴν παροσφορὰν, ἐν δὲ δεξιᾷ τὴν ἀγίαν λόγχην, καὶ σφραγίζει ἐπὶ αὐτῇ ἐπὶ τῇ τῆς σφραγίδος τῆς παροσφορᾶς τοῖς λέξι.

Ἦς ἀνάμνησιν τοῦ κυρίου, καὶ θεοῦ, καὶ σωτῆρος ἡμῶν Ἰησοῦ Χριστοῦ.

Καὶ διὗτος πηγνίσκει τὴν ἀγίαν λόγχην ἐν τῇ δεξιᾷ μέρει τῆς σφραγίδος, ἢ ἀνατίμνω λέξι.

Ὡς παροβατοὶ ἐπὶ σφάλλῃ ἤρθη.

Εἰ δὲ τῇ ἀριστερᾷ ὁμοίως πηγνίσκει τὴν ἀγίαν λόγχην, λέξι.

Καὶ ὡς ἀμνὸς ἀκακὸς ἐσαύτοι τῷ χειρῆτος αὐτὸν ἀφωτος, οὕτως ὅτε ἀνοίξῃ τὸ στόμα αὐτοῦ.

Εἰ δὲ τῇ αὐτῇ μέρει τῆς σφραγίδος πηγνίσκει τὴν ἀγίαν λόγχην, λέξι.

Εἰ τῇ ταπεινώσει αὐτοῦ ἡ κρίσις αὐτοῦ ἤρθη.

Εἰ δὲ τῇ κατώ μέρει τῆς σφραγίδος, πάλιν πηγνίσκει τὴν ἀγίαν λόγχην, λέξι.

Τὴν δὲ ἡμετέραν αὐτοῦ πῶς διηγῆσεται;

Ὁ δὲ Διάκονος ἐν ἐκείτῃ ἀνατομῇ λέξι.

Τοῦ κυρίου δεηθῶμεθα. κρατῶν δὲ τὸ ὠφέλιον αὐτοῦ ἐν τῇ δεξιᾷ.

Μετὰ τοῦτα λέξι ὁ Διάκονος Ἐσθροὶ δέσποτα;

Καὶ ὁ ἱερεὺς ἐμβάλλων τὴν ἀγίαν λόγχην ἐκ πλαγίου τῇ δεξιᾷ μέρει τῆς παροσφορᾶς, ἐπαίρει τὸν ἄγιον ἄρτον, λέγων οὕτως.

Ὅτι αἴρεται ἀπὸ τῆς γῆς ἡ ζωὴ αὐτοῦ, πᾶντοτε, νῦν, καὶ εἰς τοὺς αἰῶνας τῶν αἰώνων, Ἀμήν.

Καὶ ὑψαίς αὐτοῦ ἐν τῷ ἀγίῳ δίσκῳ ὀπίον, εἰπόντος τῷ Διακόνῳ Ὁυσοὶ δέσποτα. Ὁ ἱερεὺς θύει αὐτὸν σπυριδαῶς, λέγων.

Post hæc sumit Sacerdos in sinistra quidem manu panem: dextera verò sanctam lanceam, & cum ea signum crucis faciens super sigillum oblatae, dicit ter:

In memoriam Domini, & Dei, & Salvatoris nostri Iesu Christi.

Et statim infigit sanctam lanceam in dexteram partem sigilli, & scindens dicit:

Tanquam ovis ad occisionem ductus est.

In sinistra verò similiter infigens sanctam lanceam dicit:

Et ut agnus mansuetus, coram ton-dente se obmutescens, sic non aperiet os suum.

In superiore autem parte sigilli rursus infigens sanctam lanceam, dicit:

In humilitate eius, iudicium eius sub-latum est.

In inferiore verò parte sigilli infigens iterum sanctam lanceam, dicit:

Generationem autem eius quis enar-rabit?

Ac Diaconus in qualibet incisione dicit:

Dominum precemur. tenens etiam dextrâ manu stolam eius.

Dehinc dicit Diaconus; Tolle Domine?

Et Sacerdos immittens sanctam lanceam in dextram partem oblatae ex obliquo, extollit sanctum panem, sic dicens:

Quoniam tollitur de terra vita eius, perpetuò, nunc, & semper, & in sæcula sæculorum, Amen.

Et ponens illum in sancto disco supi-num, postquàm dixit Diaconus, im-mola Domine: Sacerdos sacrificat il-



Θύεται ὁ ἄμνος τῷ θεῷ ὁ ἄγων πλεῖ ἁμαρ-  
τίας τῷ κόσμῳ, ὡς τῆς τῷ κόσμῳ ζωῆς,  
καὶ σωτηρίας.

Καὶ ἐπέφθι τὸ ἔπειθι μέρος τὸ ἔχον ἐπα-  
νω τὸ σπασθῆναι, καὶ λέγει ὁ Διάκονος, Νύξον  
δύσσωτε.

Ὁ δὲ ἱερεὺς ἐν πλάτῃ αὐτὸν ἐν τῷ δεξιῷ  
μῦρῳ μὲν τῆς ἀγίας λογχῆς, λέγει,

Καὶ εἰς τὴν σπασθῆναι λογχῇ πλεῖ πλυν-  
θῆναι αὐτὸν ἐν ὕδατι, καὶ ὁ ἱερεὺς ἐξήλθεν ἀγ-  
μα, καὶ ὕδαρ.

Ὁ δὲ Διάκονος ἐγγίζει ἐν τῷ ἀγίῳ πο-  
τείῳ ἐν τῷ ναμάτος, καὶ ὕδατος, πρὸς  
τῷ πρὸς τὸν ἱερέα εἰπὼν, Εὐλόγησον δι-  
σσωτε.

Καὶ ὁ ἱερεὺς ἐλόγηται. Εἶτα λαβὼν ὁ ἱε-  
ρεὺς δούτερον πρὸς σπασθῆναι, λέγει.

Εἰς πλεῖ καὶ μνήμῃν ὡς ὁ δόξα διὰ τῶν ἡμῶν ἡσυχίας,  
καὶ αἰεὶ πρὸς τὴν Μαρίαν, ἥς τῆς πρὸς σπασ-  
θῆναι πρὸς δόξα καὶ ὕδατι πλεῖ ἡσυχίας τῶν  
εἰς τὸ ὡς σπασθῆναι σε ἡσυχίας τῶν.

lum in modum crucis, dicens, Immo-  
latur Agnus Dei, qui tollit peccatum  
mundi, pro mundi vita, & salute.

Et conuertit aliam partem quæ habet  
sursum crucem, & dicit Diaconus, Pun-  
ge Domine?

Sacerdos autem ipsum pungens in  
dextera parte sanctâ lanceâ, dicit:

Et vnus militum lanceâ latus eius a-  
peruit, & statim exiliuit sanguis, & a-  
qua.

Diaconus autem infundit in sanctum  
calicem vinum, & aquam simul, cùm  
prius Sacerdoti dixerit, Benedic Do-  
mine.

Et Sacerdos benedicit; dehinc ca-  
piens Sacerdos secundam oblatam, di-  
cit:

In honorem, & memoriam super om-  
nes benedictæ, & gloriosæ Reginæ no-  
stræ, Deiparæ, & semper Virginis Ma-  
riæ; cuius precibus suscipe Domine, sa-  
crificium istud in supercœleste tuum  
altare.

## ARTICVLVS VI.

### *De Communione intincta, probatane, vel damnata fuerit?*

**C**OMMUNIO intincta, est qua species panis consecrati, in cali-  
cem sanguinis Domini immittitur, ipsoque tingitur, & sic ex-  
tra sacrificium communicanti cuique fidelium traditur. Ante annos  
ferè 1300. cœpisse vsurpari in Ægypto patet ex epistola Iulij Papæ I.  
directa Episcopis per Ægyptum constitutis, quam refert Iuo Carno-  
tensis potiori ex parte, decreti parte 2. sub titulo, de sacramento cõr-  
poris & sanguinis Domini, c. 11. cuius non omnia, sed ea tantum  
quæ magis ad rem faciunt, hîc retexam. *Audiuimus* (ait Pontifex)  
quosdam schismatica ambitione detentos, contra diuinos ordines, & Apostolicas  
institutiones, lac pro vino in diuinis sacrificiis dedicare: alios quoque intinctam  
Eucharistiam populis pro complemento communionis porrigere: quosdam etiam  
expressum vinum in sacramento Dominici calicis offerre: alios verò pannum li-  
neum musto intinctum per totum annum reseruare, & in tempore sacrificij, a-  
qua partem eius lauare, & sic offerre. Quod quàm sit Euangelicæ atque Apo-  
stolicæ doctrinæ contrarium, & consuetudini Ecclesiasticæ aduersum, non diffi-  
cile ab ipso fonte veritatis probabitur, à quo ordinata ipsa sacramentorum my-  
steria processerunt. Et infra, enarrata Eucharistiæ institutione, subiungit:  
Illud verò quod pro complemento communionis, intinctam tradunt communio-  
nem populis, nec hoc prolatum ex Euangelio testimonium receperunt, ubi A-  
postolis corpus suum, & sanguinem ( Dominus ) commendauit; seorsum enim

panis, & seorsum calicis commendatio memoratur: nam intinctum panem aliis Christum præbuisse non legimus, excepto illi tantum discipulo, quem intincta buccella Magistri proditorem ostenderet, non quæ sacramenti huius institutionem signaret &c. Et rursum infra: Et ideo nulli deinceps licitum erit, aliud in diuinis sacrificiis offerre, nisi iuxta antiquorum sententiam Conciliorum, panem tantum, & calicem vino & aqua permixtum: de cætero aliter quàm præceptum est faciens, tamdiu à sacrificio cessabit, quamdiu legitima pœnitentie satisfactione correptus, ad gradus sui officium redeat, quod amisit. Refertur hoc Iulij I. decretum à Burchardo, lib. 5. c. 1. & à Gratiano, de Consecr. dist. 2. can. *Cum omne crimen. num. 7.*

At contrà est can. *Omnis presbyter*: relatus ab Iuone, Decreti parte 2. *De sacram. Corp. & sanguinis Domini. c. 19.* hac sub serie: *Omnis presbyter habeat pixidem, aut vas tanto sacramento dignum, ubi corpus Domini cum diligentia recondatur ad viaticum recedentibus de sæculo. Quæ tantum sacra oblatio debet esse intincta in sanguine Christi, ut veraciter presbyter possit dicere infirmo, Corpus & sanguis Domini nostri Iesu Christi proficiat tibi in remissionem peccatorum, & vitam æternam, &c.* Eundem recenset can. Burchardus, lib. 5. c. 9. ex Concil. Turonensi, c. 4. Volui, & reuolui Turonenses canones ac Synodos, nec quicquam huic affine quod allegant Iuo, & Burchardus, in iis reperire licuit. Glossa *Eucharistiam.* in can. *presbyter*, dist. 3. de consec. dicit licere Eucharistiam intinctam dare causâ necessitatis; & Burchardum citat lib. 5. c. *Ut omnes*; (rectius, *Ut omnis*) quem Burchardus ipse notat depromptum ex Concilio Turonensi c. 4. at in Turonicis Conciliis, ut præmonuimus, nihil tale reperitur. Cæterum Glossa *intinctam*, in prædictum canon. *Cum omne crimen*, insinuat, auctore Hugone, illud fuisse abrogatum, sed à quo, ubi, quando? non indicat Glossista. facilius est humores mouere, quàm discutere.

Ad hæc igitur dico tria responderi posse, 1. à Concilio Turonensi nullo, cuius memoria conspicua sit, canonem illum emanasse, qui apud Burchardum & Iuonem recensetur. 2. Etiam si inueniretur, nihilominus canonem eiusmodi esse erroneum, falsum enim apertè continet, dum supponit non posse Sacerdotem (nisi hostia sit intincta) veraciter dicere infirmo, cui viaticum porrigit; Corpus & sanguis Domini nostri Iesu Christi proficiat tibi in remissionem peccatorum, & vitam æternam: Axioma enim Theologicum est, imò etiam dogma Catholicum, totum Christum sub vtraque specie, & earum qualibet contineri; tametsi vi verborum sub specie panis sit tantum corpus, & sub vini specie sanguis: quandoquidem ex quo Christus resurrexit, iam non moritur, viuumque ideo sit eius corpus in Eucharistia, & consequenter integrum ac indiuisum: vnde sicut ab anima corpus nequit esse disiunctum, ita nec à carne abesse sanguis, alioquin diuisus esset Christus, & non viuus, quod manifestè absurdum est. 3. Denique ritum, seu potius morem communicandi Laicos, & infirmos quosuis sub communionem intincta fuisse potius abusum, quàm vsum quandam legitimum: enimuerò falso fuisse nixum principio, ut ex dictis

*Est Paschalis II.  
epist. 32.*

patet; & insuper tamen alicubi forsitan fuerit usurpatus, nunquam ab Ecclesia probatum, nec receptum, imò potius reiectum & reprobatum fuisse, statim ex quo ad Sedis Apostolicæ peruenit notitiam. Ipso enim sæculo quo pseudo-canonem illum *Omnis presbyter*, suam in collectionem retulit Burchardus, & ex eo in suam luo retexit, damnatum fuisse usum communionis intinctæ constat, à Paschali II. Pontifice, speciali rescripto, quod Pontio Cluniacensi Abbati directum est hac sub epigraphe, *De non porrigenda communione intincta*, sic enim dicit Pontifex; *Scribens ad Cacilium Beatus Cyprianus ait: Quando aliquid Deo inspirante & mandante præcipitur, necesse est Domino seruus fidelis obtemperet, excusatus apud omnes quod nihil sibi arroganter assumat, ne aliud fiat à nobis, quàm quod pro nobis Dominus prior fecit; igitur in sumendo corpore, & sanguine Domini, iuxta eundem Cyprianum, Dominica traditio seruetur, nec ab eo quod Christus magister, & præcepit, & gessit, humana & nouella institutione discedatur; nouimus enim per se panem, per se vinum, ab ipso Domino traditum. Quem morem sic semper in sancta Ecclesia conseruandum docemus, atque præcipimus, præter in paruulis ac omninò infirmis qui panem absorbere non possunt.*

Eodem sæculo vixit Micrologus ( siquidem sub Gregorio VII. se vixisse ipse insinuat ) qui c. 26. de *Ecclesiasticis obseruationibus*, de vitanda intincta Communionem, sic scribit; *Non est authenticum quod quidam corpus Domini intingunt, & intinctum pro complementis communionis, populo distribuunt. Nam Ordo Romanus contradicit, imò diuinus, vt ex Sancto Cypriano Paschalis Pontifex ostendit; quin diu ante eum ex Euangelio Iulius I. definierat. At contra hanc definitionem duo obici posse videntur: 1. est quòd Paschalis non absolutè prohibet intinctam communionem, cum paruulis dari, & valde infirmis permittat; at si res esset per se mala, & iure diuino prohibita, diuinæque institutioni repugnans, nullo in casu, nullòque respectu à Papa, vel Ecclesia concedi posset, vt notum est. Verùm vt Paschalis Pontificis exceptio ab hac obiectione sit immunis, obseruare iuuat, intinctam communionem dupliciter considerari posse; vel enim intingebatur buccella consecrata in sanguine Domini, vel dumtaxat vino communi imbuebatur, ad solidæ speciei commodam facilèmq; sumptionem: Priorem modum reiicit Pontifex: alterum pio intuitu infirmitatis sumentium recipit. Secundum argumentum ex ipso Missæ solenni ritu elicitur, nam post orationem, *Libera nos Domine ab omnibus malis*, & sacræ hostiæ fractionem, tertiam partem hostiæ Sacerdos in calicem sanguinis Domini immittit dicens, *Hac commixtio, & consecratio corporis, & sanguinis Domini fiat accipientibus nobis in vitam æternam.* At si eiusmodi intinctio est mala, vt pote ( sicut docent Iulius & Paschalis Pontifices ) diuinæ contraria institutioni, quomodo in ipso sacrificio Missæ ritu adeò celebri à Sacerdote obseruatur? Cuius probatæ vniuersa in Ecclesia praxis testes sunt cum veteri ordine Romano Amalarius Fortunatus lib. 3. de Eccles. offic. c. 31. Micrologus de Ecclesiasticis obseruationibus c. 23. Radulphus Tungrensis de obseruatione canonum*

propos. 23. Huic obiectioni priusquam satisfaciam, præsupponere convenit, dici à Sacerdote fieri commixtionem corporis, & sanguinis Domini, non secundum suas vires ac reales essentias ut scholastici loquuntur, sed secundum formas, & species sacramentales, sub quibus corpus, & sanguis Christi realiter continetur. Quia verò (air Gabriel Biel) specierum sacramentalium fit in calice commixtio, dicitur hinc fieri commixtio rerum contentarum; frequenter enim multa quæ ad species pertinent, usus loquendi tribuit rebus contentis sub ipsis speciebus; sic corpus Domini frangi dicitur, quamvis non frangatur res ipsa, sed sola species panis sub qua veraciter existit. Hac supposita doctrina quæ ad euellendam omnis absurditatis suspensionem necessariò debuit præstitui, iam respondeo aliter Eucharistiam spectari in sacrificio, aliter in sacramento: licitè quidem communicatur sub vna tantum specie; at sine sacrilegio sacrificium celebrari nequit, nisi sub utraque, quemadmodum iam pridem definiuit Gelasius Papa in rescripto ad Maioricum, & Ioannem Antistites, hoc decreti tenore, *Comperimus autem quòd quidam sumpta tantummodo corporis sacri portione, à calice sacri croris abstineant, qui proculdubio (quoniam nescio qua superstitione dicuntur obstringi) aut integra Sacramenta percipiant, aut ab integris arceantur, quia diuisio unius eiusdemque mysterij sine grandi sacrilegio non potest provenire.* Mors enim Christi in Missæ sacrificio non solum recolitur, at etiam mystico ritu repræsentatur: Fractio igitur fit in sacrificio, quæ in Sacramenti communione non usurpatur. At verò passio Christi, ut decet, non exprimitur, nisi corpus, ut immolatum est, & sanguis ut effusus est, repræsentetur: Debet igitur seorsum offerri corpus, & sanguis seorsum, quo melius Christi morientis in cruce referatur oblatio. Pari ratione intinctio in Sacramenti dispensatione prohibita est, quia Christus ipse, cum primum dedit Eucharistiam suis discipulis, in calicem corporis sui hostiam non intinxit: At secus est in sacrificio, quo non modò recolitur eius mors, sed mysticè celebratur. Quia igitur Christus in passione sua attritus vulnere super vulnus, suo veluti sanguine inundatus fuit, quin antequam suffigeretur in cruce, dum oraret in horro sanguineo maduit sudore: Eapropter in sacrificio quo annunciatum eius mors & passio quasi præsentanea & recens, immergitur ipsius corpus in sanguinem congruenter ipsius Christi verbis, qui suam ipsius passionem baptismi nomine designavit: *Baptismo, inquit, habeo baptisari, & quomodo coarctor, donec perficiam.* Et Isaia vaticinio, ipsum propter cruorem quo patiens coopertus erat, sic interpellantis, *Quare rubrum est indumentum tuum, & vestimenta tua sicut calcantium in torculari?* Respondet verò, *Torcular ego calcaui solus, & de gentibus non est vir mecum.* Accedit quòd Christus ipse Dominus in passione sua coccinea chlamyde fuit in derisionem amictus: Reuocatur in memoriam hoc ludibrium ritu commixtionis hostiæ cum sanguine, ita enim fit ut ipse Dominus spon- sus sanguinum, sit non tantum in hoc sacrificio candidus, sed etiam rubicundus.

*Refertur de Cö-  
secrat. dist. 2. c.  
Comperimus. se-  
rie 12.*

*Isa. 63.*



*In sancto Calice esse vinum quod lætificat cor hominis.*

\* Lib. de sanguinis missione.

**I**NTER eximia Dei erga hominem beneficia; quæ Psal. 103. diuinus Citharædus suauissimis decantat modulis, illud non postremum videtur, quod ipsius hominis sustentationem spectat, *Vt educas panem de terra* (inquit) *& vinum lætificet cor hominis.* Ad litteram, verba hæc denotare videntur alimentum hominis præcipuum: Pane enim, & vino potissimum humana vita sustentatur; de pane aliàs: de vino hîc parumper differendum. Sanè calor est lætitiæ parens, capropter qui complexionem habent sanguineam, cæteris sunt alacriores, viget enim in iis natiuus calor; sanguis enim vt docet Galenus\*, non tantum præbet animalibus alimentum, sed etiam natiui caloris perseuerantiam: Vnde Aristoteles lib. 3. de partibus animalium c. 4. Cor, inquit, sicut caloris natiui, ita etiam lætitiæ fontem facit; Atque hæc eadem est causa cur vinum lætificet cor hominis, quia scilicet calidum cum sit, vitales reficit spiritus & cor ipsum calore fouet & recreat, vt deducitur ex Aristotele problemate 1. 5. 30. si namque non per calorem, sed per qualitatem aliam eam hilaritatem causaret, sanè cum multum est non redderet homines tristes: reddit autem, idque quia eos frigefacit, vt ait præfatus Philosophus, consumpto videlicet calore natiuo à vehementiori calore vini: Quod si moderatè & cum iusto temperamento sumatur, excitat & acuit ipsum calorem naturalem, & lætitiâ parit. Hinc Genebrardus Comm. ad locum signatum diuini Psalmographi, *Et vinum lætificet cor hominis.* Vinum (ait) tristitiâ & socordiam pellit, & ad lætitiâ excitat hominem, dum vitales reparat spiritus, membrisque indit vigorem. Atque hæc de sensu litterali.

Verum in mystico sensu (qui certè in psalmis præcipuus est) vinum istud, non est de genimine vitis naturalis, sed spiritualis qui Christus est, quique de se ait: *Ego sum vitis vera*, Ioan. 15. 1. propter fructus copiam. 2. propter fructus suauitatem. 3. propter expansionem & diffusionem, siquidem Christus ipse Dominus

*In cruce distentus totum sibi colligit orbem.*

4. propter vinum quod ex eius fructu conficitur: cuius utilitas quanta sit, vix vnquam satis homines prædicarunt. Duo sunt in hoc liquore omnium præstantissimo commoda præcipua, quod sit nempe simul medicina & alimentum, sanat enim & nutrit, purificat & sustentat. Christi vitis veræ sanguis, nos in cruce effusus sanat: in Eucharistia propinatus nutrit & lætificat. Præclare de se vitis ait, Iudicum c. 9. v. 13. *Nunquid possum deferere vinum meum quod lætificat Deum, & homines?* Christus illa est vitis vera singularis, cuius vinum, id est sanguis, sacrificium simul est, & sacramentum. Effusus in cruce sanguis hic pretiosus lætificauit Deum, ascendit ante eum in odorem suauitatis, placauit eius iram, nobis conciliauit gratiam, & misericordiam, omnia nostra delicta deleuit, omnia dona, & beneficia impetrauit. Quotidie verò in sacrificium religionis oblatus, diuinæ Ma-

iestati, supremum rependit cultum, honorem, gloriam & obsequium: nec enim excellentiori munere, quàm hostiæ huius oblatione Deus ab homine potest honorari & glorificari. Et quia ipsum hoc sacrificium omnes differentias continet hostiarum, simulque eucharisticum est, & propitiatorium, expiatorium & impetratorium: his omnibus titulis nobis proficit, siquidem mortis ipsius Christi meritum nobis confert, sedat Dei indignationem, impetrat veniam, obtinet gratiam, auxilia, & dona omnia nobis necessaria ad salutem æternam, & ipsius vitæ temporalis solatium impendit. Ut sacramentum verò, quàm vberes salutarésque nobis eius sint fructus vix exprimi potest; dat enim augmentum habitualis gratiæ; dum animam nutrit & corroborat; passionis Christi applicat meritum, cuius perenne memoriale est, effundit in cor spirituales delectationem, venialium peccatorum sordes abstergit, reatumque remittit, præservat à mortali-bus, reprimat concupiscentiæ fomitem, animam coniungit Christo per amorem, imò per naturalem, ut ait S. Hilarius, *unionem, & societatem germanissimam*; insuper fidem auget, spem corroborat, charitatem inflamat, metum gehennæ minuit, gloriæ excitat fiduciam, denique etiam pignus confert vitæ & felicitatis æternæ. Quid mirum igitur si vinum hoc calicis salutaris, lætificat cor hominis? id est præcordia animæ ineffabili gaudio lætitiæque perfundit? *Epoto isto calice* (ait diuinus Martyr Cyprianus) *mæstum ac triste pectus, quod prius peccatis argentibus premebatur, diuinæ indulgentiæ lætitiâ spirituali resoluitur.* Dicitur tamen iste calix inebrians, quòd sic scilicet bibentes inebriet, ut sobrios faciat, ut mentes ad spirituales sapientiam redigat, ut à sapore isto seculari ad intellectum Dei, unusquisque resipiscat. Vini igitur in calice mentio est, & ideo ponitur, ut Domini sanguis vino intelligatur, & quod in calice Dominico postea manifestatum est, prophetis annunciantibus prædicetur. Torcularis quoque calcatio, & pressura taxatur: quia quomodo ad potandum vinum veniri non potest, nisi botrus calcetur antè & prematur: sic nec nos sanguinem Christi possemus bibere, nisi Christus calcatus prius fuisset & pressus, & calicem prius biberet, quem credentibus propinaret. Atque id est, quod perspicimus in Sacramento calicis contineri.

*Lib. 8. de Trinit. & S. Cyrill. Alex. lib. 4. c. 17. in Ioan.*

*ep. 63.*

## ARTICVLVS VIII.

*De lacteo Calice, seu vino quod germinat virgines.*

**M**EL & lac ex Christi ore suscepi, (ait fortis puella Agnes) & sanguis eius ornauit genas meas. Christus mel in ore, melos in aure est, inquit mellifluus Bernardus; lac nobis in sacra mensa propinat. Necessè erat, ait magnus pater Augustinus, ut ista mensa lactesceret, nam mater hoc fecit. A matre enim virgine Christus sumpsit carnem & sanguinem: carnem sub specie panis, sanguinem sub vini specie nobis dedit. Porro vinum cum sanguine habet aliquam similitudinem (ait S. Cyrillus Hierosol.) At quid quæso affinitatis, siue colorem, siue saporem spectes, vel vini cum lacte, vel vtriusque cum sanguine, & tamen inuitat nos per Spiritum sanctum, Propheta; Venite, inquit, emite absque argento, vel vlla commutatione vinum & lac; scilicet de fontibus saluatoris quæ effluunt vinum & lac. Olim vtrumque recens baptisatis dabatur, sed lac præcipuè: hinc

*Catech. 4. Myrag.*


*Isa. 55. 1.*

Isa. 66. 11.

tanquam infantes, hortatur nos S. Petrus, *ut lac concupiscamus*. Et S. Chrysostomus ad Domini mensam, ut ad fontem lactis inuitat. *Nōne videtis* (inquit hom. 60. ad populum) *quanta promptitudine paruuli papillas capiunt, & quanto impetula labia uberibus insigunt. Accedamus nos quoque cum tanta alacritate ad hanc mensam, & ad vbera poculi spiritualis: quinimō cum longē maiori trahamus (tanquam infantes lactentes) spiritus gratiam, & unus sit nobis dolor, hac esca priuari. Certē lac simul est cibus & potus, & in calice sancto non tantū est Christi sanguis, sed & tota caro, anima & spiritus: sic animas lactat, Ad vbera, inquit, mea portabimini, quanquam in sponsam, animam ducit, materno tamen amore lactat: Ego, inquit, ducam eam & lactabo eam*. En quot sententiis hanc lactis metaphoram inculcat? sanē puritas est in lacte, simplicitas & innocentia: in vino est luxuria; quomodo hæc itaque coniunguntur, & æquiparantur? sed est vinum quod accendit concupiscentiam, & vinum quod castitatem parit; vinum illud scilicet, de quo ait Zacharias Propheta; *Quid enim bonum eius est, & quid pulchrum eius, nisi frumentum electorum, & vinum germinans virgines*; 39. 17. *Virginitas est flos Ecclesiastici germinis* (ait S. Cyprianus.) *In altari* (ait S. Ambrosius) *sacrificium virginitatis offertur*; immaculata scilicet Christi caro sumpta de purissimis visceribus Beatissimæ Virginis Deigenitricis, eiusque sanguis: Quid mirum igitur si incorruptus iste cibus potusque in iis à quibus sumitur, incorruptionem generat: & lacteus iste sanguis, vinūque veræ vitis in calice sancto quem benedixit Christus, Virginis filius, & virginum sponsus, ipsēque agnus sine macula, sumentibus infundit de sua puritate mundiciam, ac integritatem de sua incorruptione instillat, imō virgines parit & conseruat? Acutē equidem & præclarē omnino S. Hieronymus (cuius hoc die felix celebratur ad Christum migratio) *Sapientia* (inquit ep. 2. ad Nepot.) *impolluta est, virginitatisque perpetua, & quæ in similitudinem Mariæ, cum quotidie generet atque parituriat, incorrupta est*. Quomodo quæso Deipara Virgo, quæ semel tantū Christum peperit, quotidie generat & parit? Hic auspiciatō occurrit os aureum Ioannes Constantinopolitanus Episcopus, dicens: *Est Eucharistia extensio Incarnationis*. Iam igitur mysterium capio. Per Eucharistiam quotidie beatissima Virgo Deigenitrix generat & parit animas, easque per hoc mysterium sanctificatas in puritate, cum filio suo nutrit carne sua, nam *caro Christi est caro Mariæ*: & sanguis Mariæ Christi sanguis, qui velut lac in Eucharistia sugentibus animabus piis influitur. Sic factum ut lactesceret hæc mensa, nam mater hoc fecit, itaque fit ut virgo semper generet & pariat virgines: per sacrificium enim Virginitatis quod filius de sua substantia offert, animas quas lactat hoc esu & potu castificat, accenditque ad perennem integritatis amorem: has omnes velut filias, dilectissimo filio Virgo benedicta in die nouissimo, quo sedebit in sede maiestatis suæ, summa cum lætitia offeret ac præsentabit. *O quantis illa Virginibus occurret?* (ait Virginum Doctor Ambrosius) *quantas complexa ad Dominum trahet! dicens, Hæc thorum filij mei, hæc thalamos nuptiales immaculato seruauit pudore.* (lib. 2. de Virginibus) Atque hæc obiter notata volui, ut innotesceret quale sit illud poculum, qualēque sit vinum quod germinat virgines.



PRIMÆ



PRIMÆ PARTIS  
**PANOPLIÆ**  
**SACERDOTALIS**  
 LIBER IX.  
*DE PATENA SACRI CALICIS.*

CAPVT PRIMVM.

*Patena quid, & unde dicta?*



SV communi patena sumitur pro operculo calicis; sed nomen hoc apud veteres latioris est significationis: Patena enim est vasis genus à patendo dictum, vel, ut ait Varro lib. 4. de lingua Latina, patenas à patulo dixerunt, quòd his libarent cœnis patellas: inde patellæ vasa, pocula parua sacrificiis apta, auctore Festo. Hinc Patellarij Dij\*, qui his vasis placabantur. Veteres aliquid de cœna libabant Diis, illudque patellæ imponebant.

\* Apud Plautum in Cistellaria.

inde Ouidius in Fastis:

*Fert missos Vestæ parua patella cibos.*

Isidorus lib. 20. Originum c. 4. non poculis adhibet patenas, sed escis, numerat enim non inter vasa potatoria, sed inter vasa escarum; *Patina*, inquit, quòd *dispanfis patentibusque oris sit*. Sic sumitur pro disco: apud Græcos etiamnum discus vas illud dicitur in quo panem sanctum ponunt: in ipsorum Euchologio, vbi de sacrorum donorum in propositionis mensa differunt præparatione, vas illud vocant τὸν ἀγίον δίσκον, lancis enim, & disci profundioris figuram habet, inquit doctissimus Goarius, in suis ipsum in Euchologium eruditissimis Scholiis. At constanti usu vasculum, in quo consecrata hostia poni-


Nn



tur inter sacrificandum, à Latinis Patena appellatur: cuius rei & nominis frequens est mentio non solum apud rituum sacrorum interpretes, sed etiam quosvis Scriptores Ecclesiasticos, qui de Calice meminerunt; cui adeo affinis est patena, ut potius pars quædam calicis quàm appendix esse videatur. Tamen in Pontificali Romano sub titulo *de Patena & Calicis consecratione*, seorsim consecratur, hac sub verborum formula, *Ꝗ. Adiutorium nostrum in nomine Domini. R. Qui fecit calum & terram. Oremus. Fratres charissimi, ut diuina gratia benedictio consecret & sanctificet hanc patenam, ad confringendum in ea Corpus Domini nostri Jesu Christi, qui crucis passionem sustinuit pro nostrum omnium salute. Tum Pontifex deposita mitra dicit, Dominus vobiscum, R. Et cum Spiritu tuo. Oremus. Omnipotens sempiterne Deus, qui legalium institutor es hostiarum, quique inter has conspersam similaginem deferri in patenis aureis & argenteis ad altare tuum iussisti, benedicens, sanctificans, & consecrare digneris hanc patenam in administrationem Eucharistiæ Jesu Christi filij tui, qui pro nostra omnium salute seipsum tibi Deo patri in patibulo crucis elegit immolari, ac tecum uiuit & regnat in unitate Spiritus sancti Deus, per omnia secula seculorum, Amen.* Tum Pontifex, accepta mitra facit cum pollice dexteræ manus chrismate intincto, crucem super patenam, & mox linit & perungit totam eius superficiem cum ipso pollice, dicens, *Consecrare & sanctificare digneris Domine Deus, hanc patenam per istam unctionem & nostram benedictionem, in Christo Iesu Domino nostro, qui tecum uiuit & regnat in unitate Spiritus sancti Deus, per omnia secula seculorum, Amen.*

## CAP V T II.

*Patena consecrata, in sacrificio Eucharistiæ usus solennis.*



**S**UBDIACONVS in Missa solenni, hora competenti cum Diacono accedit ad Ecclesiam, ubi aliquantulum orat, vel in sacristia: quo facto Epistolam perquirat in libro suo, eam perlegit & signaculo suo notat. Tum lauat & tergit manus. Calicem aptat, purificatorium super expandens, super quod ponit patenam cum hostia integra, ac bene terfa, deinde pallam, postea velum paruum ac bursam desuper, cumque cum libro Epistolarum & aliis necessariis asportat ad credentiam.

In offertorio, dicto *Oremus* à Celebrante, genuflectit & ad credentiam accedit, ubi à Cæremoniario vel alio imponitur humeris eius velum oblongum sericeum & pulchrum, coloris paramentorum, ita ut à latere dextro longius pendeat, & accipit calicem &c. manu nuda sinistra per nodum. Et parte illa longiori veli deposita eundem calicem regit, super quam partem extensam apponit manum dextram, & cautè aduertens ne aliquid decidat procedit ad altare per breuiorem viam, id est per latus Epistolæ à dextris Cære-

moniarj, ibique deponit calicem, quem Diaconus discooperit, ea parte longiori deposita, & ipse Diaconus dat patenam celebranti &c.

Post oblationem calicis, Diaconus illum tegit, quo tecto ab eodem Diacono, accipit Subdiaconus in dextera manu nuda patenam, quam ipse Diaconus oblongi veli extremitate ab eius humeris dependentis adiuuante Ceremoniario tegit, ita vt pars interior ipsum Subdiaconum respiciat. Quo facto sine genuflexione redit post celebrantem ad medium altaris in plano, vbi facta prius genuflexione stat Subdiaconus subtinens eandem Patenam eleuatam ob oculos, vsque ad finem orationis Dominicæ.


Cum in oratione Dominica Celebrans dicit: *Et dimitte nobis debita* &c. accedit ad celebrantem cum Diacono per viam breuiorem à cornu Epistolæ ad dextram ipsius Diaconi, & ibi stat, illique offert patenam, quam ipse Diaconus detegit velo, & eam extersam purificatorio præbet celebranti, inter pollicem & indicem manus dextræ ipsius celebrantis illam ponens: qui postquam dixerit Amen, Diaconus cum osculo ipsius patenæ, osculatur manum ipsius celebrantis.

Celebrans antequam dicat, *Da propitius pacem*, eleuat manu dextera patenam de altari, & seipsum cum ipsa signat à fronte ad pectus, dicens, *Da propitius pacem in diebus nostris.* Cum signat se, manum sinistram ponit infra pectus, deinde patenam ipsam osculatur & prosequitur, *vt ope misericordiae tuæ adiuti* &c. submittit patenam hostiæ, quam indice sinistro accommodat super patenam, discooperit calicem, & genuflexus sacramentum adorat, tum se erigens accipit hostiam inter indicem & pollicem dextræ manus, & cum illis ac pollice & indice sinistræ manus, eam super calicem tenens reuerenter, frangit per medium dicens, *Per eundem Dominum nostrum Iesum Christum Filium tuum*, & mediam partem quam inter pollicem & medium digitum dextræ manus tenet, ponit super patenam. De alia media, quam sinistra manu tenet, frangit cum pollice & indice dextræ manus particulam, prosequens, *Qui tecum viuit & regnat*, & eam inter ipsos dextræ manus pollicem & indicem retinens, partem maiorem, quam sinistra tenet, adiungit mediæ super patenam positæ, & interim dicens: *In unitate Spiritus sancti Deus*, & particulam hostiæ quam in dextera manu retinuit tenens super calicem, quem in sinistra per nodum infra cuppam retinet, intelligibili voce dicit, *Per omnia secula seculorum. &c. Amen.* Et nunc ipsâ particulâ signans ter à labio ad labium calicis, dicit *Pax Domini sit semper vobiscum.* Responso per ministrum, *Et cum Spiritu tuo*, particulam, quam in dextera manu tenet, immittit in calicem, dicens secretò, *Hac commixtio & consecratio &c.*

Si verò adsint consecratæ super corporale positæ, facta prius genuflexione reponit eas in vase ad hoc ordinato, & diligenter aduertit ne aliquod fragmentum quantumcumque minimum remaneat

super corporale, quod si fuerit, reponit accuratè in calicem. Post extersionem patenæ iunctis pollicibus & indicibus, calicem dextera manu infra nodum cuppæ accipit, & sinistra patenam, dicens, *Calicem salutaris*: & signat se signo crucis cum calice dicens, *sanguis Domini nostri Iesu Christi &c.* & manu sinistra supponens patenam calici, stans reuerenter sumit totum sanguinem, cum particula in calice posita. Quibus sumptis dicit secreto, *Quod gre sumpsimus*, & super altare porrigit calicem ministro in cornu Epistolæ: quo vinum fundente se purificat, deinde vino & aqua abluit pollices & indices super calicem, quos abstergit purificatorio, interim dicens, *Corpus tuum Domine quod sumpsi &c.* ablutionem sumit & extergit os. Quo facto Subdiaconus accedit ad cornu Euangelij genuflectens in medio plani cedens locum superiorem Diacono, ibique calicem mundat purificatorio, patena & palla eum cooperit, plicat corporale quod reponit in bursam, & accepto paruo velo plicato ab Acolytho, extendit illud super prædictum calicem, tum superimponit bursam, super quam velum replicat in parte anteriori, solusque sine socio reportat illum ad credentiam, facta genuflexione in plano super infimum gradum per viam breuiorem.

## CAPVT III.

*De usu Patenæ in administratione Corporis Domini.*

**I**N Communionem quæ fit in Missa, Sacerdos post communionem sanguinis, antequam se purificet, facta genuflexione ponit hostias consecratas in pixide, vel si pauci communicandi sunt super patenam, nisi ab initio posita fuerint in pixide seu alio calice, quàm quo diuinis operatus est. Datâque absolutione, factâque benedictione super eos qui ad diuinam synaxim accedunt, genuflectit, accipit deinde manu sinistra pixidem seu patenam cum Sacramento, dextera verò sumit vnâ hostiam quam inter pollicem & indicem tenet aliquantùm eleuatam super pixidem, vel super patenam &c. & more solito illos communicat. Omnibus diuino munere resectis, reuertitur ad altare nihil dicens, & non dat illis benedictionem, quia illam daturus est in fine Missæ. Si particula seu parua hostia consecrata posita erant super corporale, extergit illud cum patena, & si qua fuerint in eo fragmenta in calicem immittit, quæ sumit cum ipsa purificatione &c.

## CAPVT IV.

*De patena & pixidis differentia, patenarumque, etiam quoad  
usum Eucharistiae diuersitate: ubi etiam de columbis aureis  
aut argenteis, & ciboriis pretiosis, in quibus super altare Cor-  
pus Domini reponi ad cultum consueuerat.*

**E**RANT olim præter paruas patenas, quæ sancto cali-  
ci conformes erant, & quibus Sacerdos in ipsius sa-  
crificij diuina actione utebatur: aliæ patenæ magnæ  
in quibus diuina munera collocabantur, quibus po-  
pulus communicandus erat, quia enim tunc commu-  
nio erat frequentior & in Ecclesia maiore fideles si-  
mul communicabant, vt plurimum in fine Missæ Episcopalis: pate-  
næ magnæ conficiebantur, vt Eucharistiam pro tanta multitudine  
suscipere capaces essent, hinc in libro Pontificali, patenarum fre-  
quens mentio occurrit, ingentis ponderis, quod earum magnitudi-  
nis euidens est indicium: quemadmodum dignitas materiæ & for-  
mæ præstantia earundem, patenti sunt argumento eximiæ fidelium  
in sacram Eucharistiam reuerentiæ, simulque eiusdem summæ ex-  
cellentiæ, nixæ verâ præsentia Christi Domini in ea realiter exi-  
stentis. Exempli gratiâ, in Pontificali, de Gregorio III. memoriæ  
proditum est, *Hic fecit patenam auream magnam, (expende hanc vocem  
qua clarè indicat alias fuisse minores) cum diuersis lapidibus pens. lib.*  
*27. & de Hadriano I. fecit patenam & calicem in Basilica S. Petri pro quo-*  
*tidianis ministeriis ex auro purissimo, pens. simul lib. 24. In basilica S. Pauli*  
*patenam ex auro obrizo &c. pens. lib. 20. Et in Leone III. de Carolo*  
*Magno ibidem: Obtulit patenam auream cum gemmis diuersis, pens. lib. 30. Et*  
*de ipso Leone PP. Fecit in basilica S. Pauli patenam auream, pens. lib. 28. &*  
*uncias 9. Et infra, Hic fecit B. Petro &c. calicem aureum præcipuum &c.*  
*pari modo fecit & patenam auream spanoclystam similiter ornatam pretiosis*  
*lapidibus, pens. lib. 25. Et infra iterum; Necnon fecit & patenam auream*  
*spanoclystam miræ magnitudinis decoratam, pens. lib. 25. & uncias 9. Et in*  
*Leone IV. Obtulit patenam ex argento purissimo, aureo superinductam colo-*  
*re cum crucis trophæo, saluatorisque effigie & sanctorum Apostolorum pulchro*  
*schemate decoratam, pens. lib. 7. Quæ omnia notanter sunt ex Anastasio.*  
At Damasus in Siluestro, iam hoc tempore insinuat vastæ magni-  
tudinis fuisse pateras quasdam, earum enim meminit quæ lib. 30.  
ponderabant. Anastasius in Sixto III. *fecit patenas argenteas tres pensantes*  
*singul. lib. 20.* Hæ verò quæ miræ magnitudinis dicuntur & ingentis  
ponderis, non erant in vsu sacerdotis consecrantis; Patenam enim  
calici sancto quo diuinum mysterium celebrabat, habebat propor-  
tionatam, quæ minor erat: ad cuius differentiam, vt ex præmissis  
constat, patena quæ distribuendæ populo Eucharistiæ vas erat pro-



prium, patena magna dicebatur. Et de iis patenis intelligendus est canon qui Zepherino attribuitur à Damaso, ex illo enim cæteri deriuârunt: *Fecit constitutum de Ecclesia, ut patenas vitreas ministri ante sacerdotes portarent.* Quamobrem verba ista Concilij Triburiensis sub Formoso, cap. 18. *Zepherinus XVI. Romanus Episcopus patenis vitreis Missas celebrari constituit*, ad hunc sensum reuocanda sunt: ut de patenis intelligantur, non quibus sacrificabat sacerdos, sed quibus populo fidei sacra impertiebatur communio. De calicibus enim vitreis nihil (ut superius euidetur) Zepherinus constituit. Vnde decretum eius de patenis quæ sancti calicis opercula erant, & super quæ confecta diuina hostia imponebatur, accipi non potest. Nam sancti calicis patena, ut constat ex Pontificum gestis, eiusdem materiæ & ornatus, cuius ipse calix, esse consueuerat.

\* Ab luone tamen memoratur, decreti part. 2. tit. de Sacramentis corp. & sang. Domini, c. 19. ex Concil. Turonico, c. 4.

Pixidem verò quam vocant, hoc nomine designatam apud veteres non inuenimus \* in ipso Pontificali Romano: in hoc enim seorsim à consecratione patenæ & calicis, assignatur propria benedictio Tabernaculi seu vasculi pro Sacro-sancta Eucharistia conseruanda: quod tamen nec chrismate, nec oleo sancto delinitur, sed sola fide verbali benedictione.

*De columbis argenteis, aureisque, in quibus recondebatur  
Corpus Domini.*

Can. 2.

SACRAM Eucharistiam iam olim collocari consueuisse super altaria, ad adorationem, ex S. Paulini elicitor epistola 12. ad Seuerum, *Seruabatur autem diuinum munus sub titulo crucis, etiam super altare erecta*, ut ex hoc canone patet II. Concilij Turonensis, habiti anno 570. Ioanne III. Pontifice: *Vt corpus Domini in altari, non in imaginario ordine, (id est inter imagines, ne figura ideo putaretur) sed sub crucis titulo componatur.* Quibusdam in locis tamen in columbis aureis vel argenteis (quarum fuit paulatim frequentior vsus etiam in Gallia) appensis super altare includebatur. Vetustissimum de iis est monumentum in vita S. Basilij, Amphiloquio Episcopo Iconij ascripta. Refert enim, S. Basilium Dominum obsecrasse, ut daret ei gratiam, sapientiam & intellectum sacrificij offerendi, & mysticæ scribendæ Liturgiæ, viso noctu cum Apostolis Domino propositionem panis in altari faciente, eumque exaudiente & excitante, surgentem ad altare accessisse, celebrasse officium, post orationum finem, panem exaltasse, eumque in tres diuisisse partes, quarum vnâ cum timore multo communicauerit, alteram columbæ aureæ super altare pendenti imposuerit &c.

De his columbis, earumque in Ecclesiis vsu, aliquanto post, in V. Synodo extat hoc testimonium, Act. 1. *Queruntur Clerici & Monachi Antiocheni contra Seuerum eius urbis non iam pastorem, sed lupum, sic inter cætera, Nec sanctis ille pepercit altaribus neque sacris vasis, ea constans & suis similibus erogans. Præsumptum est & hoc ab eodem, ô beatissimi. Nam*

columbas aureas, & argenteas in formam Spiritus sancti super diuina lauachra & altaria appensas, unà cum aliis sibi appropriauit. Relegit hanc querimoniam in II. Synodo Nicæna act. 5. Antonius Monachus. Testis est Espencæus lib. 2. de Eucharistiæ adoratione c. 5. non defuisse adhuc ætate sua (superiore autem sæculo claruit) in Monasteriis columbarum instar scriniola in vsum Eucharistiæ super altare appendendæ; talèque à se visum in Monasteriolo seu Prioratu Conuentuali Vallis Dei non procul à Sesanna in Trecensi agro. Ex quo tamen tetra hærese in recentiorum caligo, Eucharistiæ maiestatem offundere tentauit: Ecclesia quæ fabulis hæreticorum (scitè vt ait Theodoretus) aduersatur, venerabile sacramentum ad cultum patriæ ipsi debitum in vasculis ad Solis rutilantis effigiem efformatis, exponere cœpit, ad indicandum tanti sacramenti splendorem, vt iubar fulgentissimum toto orbe coruscare, hæreticorumque longè latèque dispellere claritate sua perfidiam; aduersus apertissima Christi verba non satis dolenda obcæcatione disputantem. Sed hoc *περὶ τοῦ*. Prosequamur aliorum vasculorum, quibus includebatur Corpus Domini super altare collocatum, descriptionem.

*De turriculis, seu turribus pretiosis, in quibus reponi itidem consueuerat.*

Hæc verba sunt Testamenti S. Remigij, quod refert Flodoardus lib. 1. c. 18. histor. Eccles. Rhemensis: *Illud quoque vas aureum decem librarum, quod mihi saepe memoratus Dominus, &c. Ludovicus \* Rex, &c. donare dignatus est, tibi heredi meæ Ecclesiæ supra memoratæ (Rhemenſi scilicet) iubeo turriculum, & imaginatum calicem fabricari, & epigrammata quæ Lauduni in argenteo ipse dictaui, in hoc quoque conscribi valo.* Sunt qui censeant legendum thuribulum; sed thuribulum fieri ex auro vix mos tulit Ecclesiasticus vnquam, Cl. Brissonius igitur meliori iudicio existimat legendum esse turriculum\*: quia ex ipso Flodoardo constat diuinam Eucharistiam super altare reponi consueuisse in parua turre argentea vel aurea, sic enim lib. 2. c. 6. scribit de Laudone Archiepiscopo: *Turrim quoque auream quam ad votum suum fabricari fecerat, super altare posuit S. Mariæ Rhemenſis Ecclesiæ, & patenas tres\*, &c. Lau-*

\* Clodonius

\* rectius tamen Turriculam.

\* Idem porro Flodoardus lib. 2. c. 3. *Quorum quidam in Ecclesia signorum deaurata conspiciens relucere metalla, cupidus auri pecunie, templum conscendit Basilica, visusque dissipare turriculam, subito delapsus ad terram corruit, membrisque confractis interiit.*

*Quàm benè iuncta decent, sacrati ut corporis agni  
Margaritum ingens, aurea dona ferant.  
Cedant Chrysolitis Salomoniam vasa metallis;  
Ista placere magis ars facit atque fides.  
Qua data Christe, tibi Felicis munera sic sunt,  
Qualia tunc tribuit de grege pastor Abel.  
Et cuius tu corda vides, pietate coequas,  
Sarapta merito, quæ dedit æra duo.*

Similis turris in qua ministerium Dominici corporis habebatur, meminit Gregorius Turonensis lib. 1. de gloria Martyr. c. 86. ubi narrat miraculum, quomodo turris ex impuri Diaconi manibus elapsa, se sponte per aëra ad altare Domini receperit.

*De Ciboriis etiam pretiosis, &c.*

\* melius iugurium,


IN gestis veterum Pontificum Romanorum passim occurrit mentio ciboriorum eiusmodi, in quibus mos erat super altare splendido cum ornatu reponere Corpus Domini: Anastasius in Symmacho: *Infra ciuitatem Romanam (ait) Basilicam Sanctorum Siluestri, & Martini à fundamento construxit, ubi & super altare iugurium\**, (in margine Ciborium) argenteum fecit, pens. lib. 120. Idem in Gregorio II. *Hic maximam partem Basilicae B. Pauli Apostoli, quae ceciderat, allatis de Calabria trabibus cooperuit, & altare à nouo fecit, & Ciborium argenteum quod fuerat ruina quassatum. In Leone III. In Ecclesia Beatorum Martyrum Nerei & Achillei obtulit ciborium ex argento purissimo, pens. lib. 215. calicem, & patenam ex argento purissimo deauratos, pens. libras duodecim, & uncias 10. Hic renouauit tectum Sancti Chrysogoni Martyris, & cameram siue parietum picturas, ciborium autem de argento, &c. Idem Anastasius in Paschali I. In Ecclesia S. Mariae Dominae nostrae de Dominica, obtulit ciborium de argento, pens. lib. 332. & propitiatorium sacri altaris ex laminis argenteis promptè decorauit. Et in Leone IV. In Ecclesia S. Petri fecit mirae magnitudinis, ac pulchritudinis super illius venerandum altare, ciborium, & columnas, ac lilia exaurata ex argento purissimo pens. lib. 1606. Nam & super ciborium obtulit coronas quatuor, & calices sexdecim ex auro mundissimo, &c. Et infra, *Ad honorem, & gloriam ipsius, ciborium fecit, calicisque, & coronas numero 46. pens. lib. 22. & uncias 7. necnon & super columnas ipsius ciborii fecit cophinos numero quatuor, pens. lib. 42. Idem fuisse videtur turricula altaris, & ciborium; sed aliquando super turriculam appendebat columba, in qua corpus Christi inclusum erat; in turre verò, ut ait Gregorius Turonensis, ministerium Dominici corporis, scilicet calix sanctus cum patena. Huc spectat istud Bulengeri, lib. 2. de donariis Pontificum, c. 3. Constantinus fecit patenam ex auro purissimo cum turre, & columba, ornatam gemmis prasinis, & hyacinthinis quae sunt numero cum margaritis albis ducentis, & quindecim, pensantem lib. 15.**

Erant porro quoad dignitatem materiae, & decorem formae spectat, quemadmodum calices, sic & patenae aureae, argenteae, gemmatae; erant quaedam planae, & nulla scriptura, aut imagine notabiles: erant & sculptae, & imaginibus decoratae: haec eiusmodi erat de qua Anastasius memoriae prodidit in Paschali I. *Patenam obtulit ex argento purissimo, aureo superinductam colore cum crucis trophaeo, Saluatorisque, sanctae Deigenitricis, & sanctorum Apostolorum pulchro schemate decoratam, pens. lib. 7. Erant magnae & minores, ut notaui supra. Erant etiam modicae, qualis ea erat, de qua, & calice conformi idem ait Anastasius, in Leone IV. Obtulit patenam, & calicem sanctum modicum de argento, pens. lib. 1. & semis. Haec pro sacrificio erat, nam appendix erat calicis*

licis non cuiusvis, sed sancti, in quo consecratur sanguis Domini.

Maiores patenæ, in quibus hostiæ consecratæ poni consueverant ad communicandum populum, potius disco similes erant, propter amplitudinem, & profunditatem, quàm patenis quæ apud nos passim in usu sunt. Græci parvis eiusmodi patenis non utuntur, sed discis, ut suprâ ex eorum Euchologio observauimus. Minores & modicæ, calicum minorum & modicorum, quorum quoque meminimus, pridem appendices erant, quarum adminiculum dumtaxat in diuini sacrificij celebratione usurpari solebat. Vestigium eiusmodi patenarum ampliorum, ad officium communionis populi, Romæ etiamnum quoddam superest in Missa Papali; siquidem post communionem summi Pontificis, & eius assistentium, data ab ipso Papa pag. 36. absolutione, Diaconus sumit vas chrySTALLINUM de altari, in quo hostias reponit quæ accedentibus ad diuinam mensam impertiendæ sunt, sicut legisse iam olim memini in Tractatu de Cæremoniis, & sacris ritibus Romæ usurpari solitis in diuinis officiis, & sacris confessionibus, &c. Qui mos chrySTALLINI vasculi vsitati ad sacram synaxim prodiiisse videtur ex veteri Zepherini Papæ instituto sæpius suprâ memorato: *Fecit constitutum de Ecclesia, ut patenas vitreas (non calices) ministri (id est Diaconi &c.) ante Sacerdotes portarent*, quibus scilicet Sacerdotes imponderent sacras particulas, quibus populus communicandus erat. Pixidis igitur vsus qualis nunc est ad communionem sacram, dudum non fuit, sed patenarum, earumque maiorum, & quæ à patenis diuersæ erant minoribus, quibus inter sacrificandum Sacerdos utebatur. Non enim primus vsus pixidum eiusmodi, communionem spectabat, sed dumtaxat repositionem, & asseruationem corporis Domini in tabernaculo, quod veteres itidem tugurium, turriculam, & ciborium appellabant, ut suprâ demonstraui. Hinc in Pontificali Romano sub titulo de benedictione tabernaculi, seu vasculi pro Eucharistia conseruanda, orat duntaxat Pontifex (seu Sacerdos vice eius defungens) *Omnipotens sempiterne Deus, maiestatem tuam supplices deprecamur, ut vasculum hoc pro corpore filij tui Domini nostri Iesu Christi, in eo condendo fabricatum, benedictionis tuæ gratia dicare digneris. Per eundem Dominum, &c.* Tum aspergit illud aqua benedicta. Commodioris vsus gratiâ, fateor eiusmodi pixides receptas demum fuisse, quæ etiam deferendæ infirmis diuinæ Eucharistiæ aptiores sunt. Sed miror, cum tantæ rei destinatæ sint, cur non ut patenæ consecrentur, sed simplici tantum benedictione dedicentur?

Parisiis editus  
prodiit, auctore  
M. Claudio  
Vaure Doctore  
Theologo, anno  
1623.





## CAPVT V.

*De Patenis Chrismalibus.*

VPRÆ ex Damaso, & Anastasio, fuisse calices ministeriales ad varios vsus ostendimus, nec enim duntaxat ad dispensationem Eucharistiæ fuisse adhibitos, sed etiam chrismatis, aliósque vsus tam baptismi, quàm pœnitentiæ. Porro iisdem testimoniis palam fecimus fuisse ad diuersa ministeria etiam dispositas patenas, maximè verò ad sacri chrismatis dispensationem, quæ potissimum fieri solet in Baptismo, & Confirmatione, de qua specie Damasus in Siluestro, *Patenam argenteam chrismalem Constantinus obtulit auro cinctam.* Nescio quomodo contigit vt mos iste inualuerit, qui in Ecclesiis Galliæ, maximè verò Parisiensibus, passim viget, vt Sacerdos ad liniendum in vertice baptizatum adultum vel infantem, sacrum chrisma ex vasculo quo inclusum seruatur, eliciat argenteo baculo sacrum liquorem, quo nuper tinctum salutari lauacro leniter inungit. At Rituale Romanum morem antiquum retinet, nam sic præscribit: *Deinde Sacerdos intingat pollicem in sacrum chrisma, & perungat verticem electi in modum crucis dicens, Deus omnipotens, &c. Tunc bombacio vel re simili pollicem tergit; sic in Pontificali Romano. In ritu Confirmationis conferendæ, Pontifex summitate pollicis dextræ manus chrismate intincta dicit, Signo te signo crucis, &c. Omnibus confirmatis Pontifex tergit cum mica panis pollicem, & manus super peluim, &c. Ita fit etiam in ordinatione Presbyteri, & consecratione Episcopi. At vt commodè tingere posset pollicem in sanctum chrisma, patena quouis alio vase commodior erat. Pauxillum igitur effundebatur olim sacri liquoris in patenam, quo facilè pollicem imbuebat, dispensatòque sacramento, siquid supererat chrismatis, in vasculum è patena confestim refundebatur; si vix quicquam superesset, tergebatur mox patena bombacio, &c.*

\* Extat inter  
decreta Ecclesiæ  
Gallicanæ, lib. 5.  
Titul. 2.

Fundendi chrisma super patenam, ad Pontificis pollicem faciliiori negotio sacra vnctione imbuendum, illustre certè vestigium extat in Ordine consecrationis Christianissimi Regis Francorum \*, hac sub epigraphe, *Hic preparatur vnctio.* Incipit Cantor,

\* B. Remigius

*Gentem Francorum inclytam  
Simul cum Rege nobili\*  
Sumpso cœlitus chrismate  
Sancto sacrauit gurgite.  
Spiritus sancti munere,  
Qui in columba apparuit  
Diuinum chrisma cœlitus  
Ministrauit Pontifici.*

¶. Ora pro nobis B. Remigi. r. Vt digni efficiamur, &c. Oremus. Deus, qui


populo tuo aeternae salutis B. Remigium ministrum tribuisti: presta quaesumus, ut quem Doctorem vitae habuimus in terris, intercessorem habere mereamur in caelis. Per Christum &c.

Hic debet fieri mistio de chrismate, & oleo caelitus misso.

Chrisma ponitur in altari, super patenam consecratam, & Archiepiscopus sacro-sanctam ampullam, quam Abbas sancti Remigij attulit, super altare debet aperire, & inde cum acu aurea aliquantulum de eo caelitus misso attrahere, & chrismati parato in patena diligentius cum digito immiscere, ad inungendum Regem, qui solus inter uniuersos reges terrae hoc glorioso praefulget priuilegio, ut chrismate misto cum oleo caelitus misso, alio modo, quam ceteri Reges singulariter inungatur.


Vbi notandum, diligenter cum digito immiscere, non cum baculo: quia nimirum, vbi digitus Sacerdotis, vel Pontificis, ibi digitus Dei est: est enim Pontifex, quin & Sacerdos, ut eleganter ait S. Hieronymus, *omnipotentiae Dei organum*: quae ratio est cur Sacerdos inungitur, in manibus à Pontifice dum ordinatur, hoc modo: Pontifex cum oleo Catechumenorum inungit unicuique (quem promouet ad presbyteratum) ambas manus simul iunctas in modum crucis producendo cum pollice suo dextro (non baculo) in dictum oleum intincto duas lineas, videlicet à pollice dexteræ manus, usque ad indicem sinistræ, & à pollice sinistræ usque ad indicem dexteræ, vngendo mox totaliter palmas, dicens dum quemlibet inungit: *Consecrare, & sanctificare digneris Domine, manus istas, per istam unctionem, & nostram benedictionem, ut quaecumque benedixerint benedicantur, & quae consecrauerint consecrentur, & sanctificentur, in nomine Domini nostri Iesu Christi.* In consecratione Episcopi, illius manus non inunguntur, quia in presbyterali ordinatione iam inunctæ fuerunt, sed solum caput. Pontifex (sic habet formula) pollicem suum dextrum intingit in sanctum chrisma, & caput electi coram se genuflexi inungit &c. Vbi vides semper pollicem consecrantis imbui sacro liquore.

In veteri Pontificali MS. ad vsum Ecclesiae Parisiensis aperte legitur, infundendum in eiusmodi unctionibus esse sacrum oleum in patenam, ita enim expressum est in ordinatione Presbyteri: *Amouet Episcopus chirothecas &c. & accipit oleum sanctum cum chrismate super unam patenam mixtum faciens crucem super ambas manus &c. quibus manibus consecratis iungat eas, & habeant digitos sacratos, non tangentes non sacratos, & sustentatores, usque ad resolutionem casulae.* Hoc facto lauet Episcopus manus suas, & post recipiat de manibus Capellani sui, calicem cum vino & aqua, & patenam cum pane desuper positam, & singulis inter digitos sacratos simul iunctos, & non consecratos tradat & ponat, cuilibet dicendo, *Accipe potestatem offerendi sacrificium, &c.* At de his satis.



## CAPVT VI.

*Patena quasi thalamus est Corporis Christi, è cruce depositi, in sancto die Parasceues.*



VM Celebrans incipit *Pater noster*, Diaconus genuflectit, & descendit post ipsum, vbi stat ante Subdiaconum stantem in plano vsque ad eleuationem hostiæ. Sacerdos verò dicto sub silentio à seipso *Amen*, eadem voce qua dixit *Pater noster*, absolute, sine oremus, in tono ferialis orationis dicit *libera nos*: manibus extensis vsque ad finem, non signans se cum patena, vt aliàs, quia tum Christi corpus consideratur vt è cruce depositum, patena velut gremium Virginis, vel locus eius depositionis, vbi ad sepeliendum vnctum fuit, vel exaltationis eius in sua humilitate, de peccato, dæmone, & inferno triumphantis: quamobrem Sacerdos illa die, per patenam signum crucis non efformat.


Oratione dicta Celebrans genuflectit deuotè, atque erectus postea submittit patenam hostiæ, quam dexterâ tantum accipiens eleuat, ita vt à populo videri possit, figens semper in illam oculos, & aduertens ne limites corporalis, quod instar est sindonis mundæ qua Christi corpus inuolutum fuit, excedat; non tamen eleuat patenam cum ea, sed eam sinistra tenet super corporale, &c.

Eleuatâ hostiâ, Celebrans eadem manu reponit eam super patenam, &c. statim iterum genuflectit, & surgit, & ministri sacri cum eo. Denique ritu præscripto sumit Corpus Domini, &c.

## CAPVT VII.

*Exhibito Corpore Domini super patenam, S. Bernardus demonem expellit; & Guilielmum Pictaviæ Comitem, Deo, & Ecclesia rebellem prostermit, & conuertit.*

Ex lib. 2. de ipsius vita, per Bernardum Abbatem Bonzuallis conscripta, c. 3.



VLIER grandæua, cuius Mediolanensis, & honorata quondam matrona, vsque ad Ecclesiam B. Ambrosij, post beatum virum à multis tracta est, in cuius pectore pluribus annis Diabolus federat, & iam ita suffocauerat eam, vt visu, & auditu, & verbo priuata, monstrum non femina videretur, sordida ei facies, vultus terribilis, flatus fætidus, inhabitantis Sathanae colluuiæ testabantur. Hanc cum accepisset Vir Dei, nouit inhaerentem ei, & inuisceratum Diabolum, nec facile egressurum de domo, quam tanto possederat tempore: conuersus ad populum (cuius innumera aderat multitudo) orare iubet attentius, & Clericis, & Monachis secum iuxta altare consistenti-

bus, mulierem ibidem iubet constitui & teneri; illa verò reluctans, & vi diabolica, non naturali virtute recalcitrans, non sine aliorum iniuria ipsum Abbatem pede percussit; quem diaboli ausum mansuetè ille contempsit, & ad expulsionem non indignatione iræ, sed pacifica, & humili supplicatione Deum inuocat adiutorem, & ad immolationem hostiæ salutaris accedit; quotiens tamen eandem sacram hostiam signat, totiens ad mulierem quoque conuersus, eodem signo crucis edito, spiritum nequam athleta fortis impugnat, &c. Expleta autem oratione Dominica, efficacius hostem aggreditur vir beatus. Patenæ siquidem calicis sacrum Domini corpus imponens talia loquebatur, Adest, inique spiritus, iudex tuus, adest summa potestas, iam resiste si potes: adest ille qui pro nostra salute passurus, nunc inquit princeps mundi huius eiicietur foras; Hoc illud corpus est quod de corpore Virginis sumptum est, quod in stipite crucis extensum est, quod in tumultu iacuit, quod de morte surrexit, quod videntibus Apostolis ascendit in cælum: in huius ergo maiestatis terribili potestate tibi, spiritus maligne, præcipio ut ab hac ancilla eius egrediens contingere eam deinceps non præsumas. Cùmque eam inuitus deferens, & manere ultra non valens, affligeret, tam magnam iram, quàm modicum tempus habebat. Rediens pater sanctus ad altare, fractionem hostiæ salutaris ritè complenit, diffundendâque in populo pacem ministro dedit, & confestim pax, & salus integra mulieri reddita est.

## Ex eodem libro c. 6.


DIV per internuncios protractus est sermo, & dum vicissim verbis se mutuò occupant, vir Dei efficaciora arma corripiciens, ad altare sanctum oblaturus & supplicaturus accedit; intrauerunt Ecclesiam quibus licebat diuinis interesse mysteriis: Comes sustinebat pro foribus. Peractis igitur consecrationibus, & pace data & diffusa in populum, homo Dei iam non se agens ut hominem, corpus Domini super patenam ponit, & secum tollit, atque ignea facie & flammeis oculis, non supplicans, sed minax foras egreditur, & terribilibus aggreditur verbis Ducem: (non solum enim erat Pictaviæ Comes, sed etiam Dux Aquitaniæ) Rogauimus te, inquit, & spreuisti nos: supplicauit tibi in altero, quem tecum habuimus, conuentu seruorum Dei ante te adunata multitudo, & contempsisti: Ecce ad te processit filius Virginis, qui est caput & Dominus Ecclesiæ quam tu persequeris: Adest iudex tuus, in cuius nomine omne genu curuatur cælestium, terrestrium, & infernorum: Adest iudex tuus, in cuius manus illa tua anima deueniet: Nunquid & ipsum spernes? nunquid & ipsum sicut seruos eius contemnes? Lachrymabantur vniuersi, & orationibus intenti præstolabantur exitum rei: & omnium suspensa expectatio, nescio quid diuinum fieri cælitus expectabat. Videns Comes Abbatem in spiritu vehementi incedentem, & sacratissimum Domini corpus ferentem in manibus, expauit & dirigit, membrisque tremebundis metu dissolutis, quasi amens solo prouoluitur: eleuatus à militibus rursus in faciem ruit, nec cuiquam aliquid loquens, aut intendens in aliquem, saluius in barbam defluentibus, cum profundis efflans gemitibus epilepticus videbatur. Tum vir Dei ad eum propius accedit, & pede pulsans, accliuum surgere iubet, & stare supra pedes, & Dei audire sententiam: Præsens est, inquit, Pictaviensis Episcopus, quem ab Ecclesia sua expulisti, vade & reconciliare ei, & in osculo sancto pacis cum eo



iungito fœdera, & ipse ad sedem suam eum reducito, & satisfaciens Deo, redde pro contumelia gloriam, & in uniuerso principatu tuo diuisos & discordes ad charitatis reuoca unitatem; subdere Innocentio Papæ, & sicut ei uniuersa obedit Ecclesia, tu quoque electo à Deo, tanto pare Pontifici. Audiens hæc Comes, auctoritate Spiritus sancti, & sanctorum Sacramentorum præsentia victus, non audebat respondere, nec poterat, sed statim occurrit & in pacis osculo recipit Episcopum, & eadem qua eum abiurauerat manu, cum totius exultatione ciuitatis ad sedem reduxit, sed & deinceps Abbas cum Comite iam familiaris, & suauis loquens, paternè eum monuit, ne Dei patientiam tantis irritaret flagitiis, ne pacem factam in aliquo violaret. Hæc ibi.

## CAPVT VIII.

*De mysteriis patena sacra ex priscis interpretibus Ecclesiasticorum rituum sanctæ Romanæ Ecclesiæ.*



N libello, qui Ordo Romanus inscribitur, quando inchoatur Canon, venit Acolythus habens sub humero sindonem in collo ligatam, tenens patenam ante pectus in parte dextra vsque ad medium canonem. Tunc Subdiaconus sequens suscipit eam super planetam, & venit ad altare spectans, quando eam suscipiat Subdiaconus regionarius: finito verò Canone, Subdiaconus regionarius stat cum patena post Archidiaconum, quando dixerit (Pontifex) & ab omni aduersitate securi, vertit se Archidiaconus, & osculatam patenam dat secundo Diacono; sed extra Papæ præsentiam, Subdiaconus & Diaconus repræsentant patenam, quam Sacerdos accipiens osculatur, & cum ea signum crucis facit in facie. At ubi Sacerdos solus celebrat, dum dixerit ab omni perturbatione securi, eam de sub corporali absconditam recipit, & osculatam in altari deponit, ut hostiam in ea confringat.

Amalarius Fortunatus, lib. 3. de Eccles. offic. c. 27. cuius titulus est de præsentatione patenæ, illa omnia quæ fiunt circa patenam, significare censet piæ sollicitudinis officia, quæ mulieres circa Domini sepulchrum præstiterunt. Micrologus idipsum arbitratur de Ecclesiasticis obseruationibus c. 17. Honorius Augustodunensis rem eandem cæremoniis eiusmodi ait insinuari, quas sic explicat lib. 1. de antiquo Missæ ritu, c. 48. inscripto, De Acolytho qui patenam tenet, quod Nicodemum figuret; sic porro theoriam illam elucidat: Acolythus infra Canonem, patenam inuolutam tenet, quam hic Subdiaconus defert; Subdiaconus præbet Archidiacono, quam ipse osculatam, uni de Diaconibus ad tenendam, & corpus Domini in ea confringendum porrigit. Acolythus qui patenam tenuit formam Nicodemi gerit, qui myrrham; & aloë ad sepulturam Domini attulit. Porro Subdiaconus, & Diaconus cum alio Diacono patenam tenenti, tres Marias præferunt, quæ cum aromatibus ad monumentum venerunt. Dum septem

petitiones in Dominica oratione dicuntur, Diaconi inclinati stant, & communione confirmati expectant, quia Apostoli septem hebdomadas post mortem Christi firmari à Spiritu sancto expectabant: Subdiaconi interim quiescunt, quia mulieres in Sabbato quæ septima dies est, siluerunt. Hæc Honorius, qui potius ingeniosè quàm solidè mihi videtur ritus eiusmodi perferuari. Innocentius III. lib. 6. Mysteriorum Missæ inhæret quidem eidem sententiæ, quòd ritus circa patenam sepulturæ Domini significet mysteria: hæc verò sic exponit: *Hi (scilicet ministri) tam numero quàm obsequio, inquit, sanctas illas mulieres significant, de quibus narrat Matthæus, quòd vespere Sabbati, quæ lucebat in prima Sabbati, venit Maria Magdalene, & altera Maria videre sepulchrum. Præsentemus ei patenam, id est cor patens latitudine charitatis in obsequium sepulturæ, iuxta quod legitur, quia mulieres emerunt aromata &c. Hanc ergo patenam, id est cor amplum latitudine charitatis Sacerdos accipit, id est Christus acceptat. Quia verò crucifixus ardenti desiderio quærebatur, iuxta quod Angelus inquit mulieribus, scio quod Iesum queritis crucifixum, idcirco crux cum patena signatur in facie Sacerdotis &c. ita Innocentius.*

Cæterùm de patenæ mysterio, nemo est, qui melius mihi ratio- cinatus videatur Hildeberto Archiepiscopo Turonensi, qui in in- signi Carminè de Missæ officio atque mysteriis, sub finem, ita cecinit de cruce, calice, patena & sindone, ipsòque Domino mystico ritu immolato:

*Fit cibus hic ovis in ligno, leo fortis in urna,  
Ales ad astra volans, Rex super astra sedens.  
Nève putes illi tumultumve, crucemque deesse,*

*.....  
Ara crucis, tumuli que calix, lapidisque patena,  
Sindonis officium, candida byssus habet.*

Tametsi in quibusdam exemplaribus ultimi versus, huius sint tex- turæ,

*Ipsè calix tumultum denotat\*, ara crucem.  
Utque fides adsit, terrorque recedat & horror,  
Fit cibus ipse caro, panis imago manet.*

Haftenus Hildebertus; cuius Carmen prædictum extat ad calcem eius epistolarum, Biblioth. Sanctorum Patrum tom. 3. Alluisse ad hos Hildeberti modulos mihi videtur Petrus Blesensis, annos circiter cen- tum illo posterior, in poëtico tractatu de sacro-sanctis Venerabilis Eu- charistia mysteriis; cuius opusculi c. 25. penultimo scilicet, ita cecinit, tametsi incultiori verborum serie, & metrico nexu parumper ru- diori:

*Christum cottidie deuotio presbyterorum  
Mactat in altari, mactator, & ipse sacrorum,  
Panis fomentum vitæ, vinumque sacratur,  
In cruce suspensus Saluator commemoratur.  
Ara crucis lignum, signatque calix monumentum:  
Hic obit, hic dormit Christus, dat utrumque momentum;*

Oo iiij


\* Hic cum cali- ce patenam in- telligit, quæ e- ius est pars quædam indi- uisa.

*Agnus in hac, leo fortis in hoc surrexit, & ales  
Astra petens; aquilas ad se trahit spirituales.*

Facem utrique prætulisse, mihi Rabanus Maurus videtur, sic scribens lib. 1. de Instit. Clericorum, c. 33. *Immittitur super altare corporalis pallium, quod significat linteum quo corpus Christi inuoluebatur, &c. Ponuntur quoque tunc vasa sancta, quod calix est & patena, super altare, quæ quodammodo Dominici sepulchri typum habent, quia sicut tunc corpus Christi aromatibus unctum in sepulchro nono, per officium condebatur: ita modò in Ecclesia, mysticum corpus illius, cum unguentis sacre unctionis conditum, in sacris vasibus ad percipiendum fidelibus per Sacerdotum officium administratur. Hæc Rabanus. Cæterum si calix, & patena Christi tumuli typum gerunt: quid convenientiùs quàm calicem sepulchro, patenam verò lapidi superposito, comparare?*

## CAPVT IX.

*De Mysteriis patenæ, ritu Græco, secundum theoriam  
S. Basilij: necnon etiam Syriaco more, &  
iterum Latino vsu.*



**I**N Anaphoris S. Basilij, quæ Andreas Masius ex vetustissimo Codice, Syriaca lingua & caractere scripto, Latinum in stylum traduxit: postquam Sacerdos fregit hostiam, de ea particulam demittit in calicem sanguinis Domini, ac deinde patellam cum corpore Christi sustollit, veluti ostendit populo; tumque Diaconus inuitat populum ad sacram synaxim. Hæc eleuatio hostiæ super patenam, vt testatur Moses Mardenus, in litteris ad præfatum Andream Masium suum discipulum, apud Syros non est in vsu. Eleuant quidem corpus Domini, sed nudum nunquam, at opertum sindone sacra. Apud Latinos autem eleuatio hostiæ fit quoties sacrificium celebratur, sed corpus Domini solùm attollitur, nec imponitur patenæ in exaltatione ipsa, nisi in die Parasceues; sic enim seruandum notat Manuale sacrarum cæremoniarum, titulo de Feria sexta in Parasceue, art. 15. §. 18. *Dominica oratione dicta, celebrans genuflectit deuotè, atque erectus postea submittit patenam hostiæ, quam dextera tantùm accipiens eleuat, ita vt à populo videri possit, &c.* Quid patena significet, habes suprà ex Hildeberto Turonensi, calicem esse instar sepulchri, at verò patenam lapidis, quo tumulus ipse Domini fuit opertus. Tamen si attendamus Græcorum ritum, qui Liturgiam S. Chrysostomi sequentes, quotidie hostiam sustollunt cum patena: eiusmodi exaltationem fieri reor in memoriam Domini Ascensionis, qua ad dexteram patris clarificatus conscendit; Patenam verò hostiæ suppositam, esse symbolum nubis, de qua prædixerat Propheta, *Qui ponis nubem ascensum tuum*, vnde S. Lucas Act. 1. signatim obseruat, & *nubes suscepit eum*

ab oculis eorum. Cæterum eleuatio hostiæ quæ fit super patenam in die sancto Parasceues apud Latinos, fieri in memoriam exaltationis Domini in cruce; ideoque cum primum patenæ imponitur à Sacerdote ante orationem Dominicam, Cæremoniale monet, contra quotidianum morem, non efformandum super eum signum crucis per patenam, nec cum dixit orationem *Libera nos Domine ab omnibus malis, non signat se cum patena* (habet sacer ordo) *ut aliàs*. Cuius rei aliam non esse causam existimo, quàm hac die spectari Christum ut in cruce pendentem: patenam verò vicem tenere ipsius crucis, in qua Dominus ipsa die immolatus est.

## CAPVT X.

*De patena mysteriis iuxta ordinem diuini officij Gothici Mustarabum.*




EXTRAT istius officij Ordo excerptus, & in Latinum sermonem conuersus ex Hispanico libro, de vita & rebus gestis Francisci Ximenis Cisnerij S. R. E. Cardinalis, & Archiepiscopi Toletani scripta ab Eugenio Roblesio Parocho Toletanæ Ecclesiæ, editus ex Bibliotheca perillustri Domini Renati Poterij Episcopi Bellouacensis, tom. 6. Bibliothecæ sanctorum Patrum In hoc autem, sub titulo de sacrificio Missæ, Muzarabico more, eiúsque cæremoniis, ritus est memorabilis, de fractione hostiæ, eiúsque diuisione in nouem partes, singularumque collocatione super patenam; sic autem habet ritualis illa series.

In festis duplicibus, annique Dominicis, Sacerdos loco antiphona ad confectionem panis, ait, Dominus semper vobiscum, statimque subdit, fidem quam corde credimus ore autem dicamus. Tunc sacramentum præ manibus habens supra calicem, Sacerdos, quem Chorus in hac parte comitatur, recitat symbolum Apostolorum, Credimus in unum Deum patrem omnipotentem, &c. Et quia multi simul symbolum recitant, ideò dicunt, credimus, non credo, sicut in officio Romano obseruatur. Est autem locus hic admodum proprius ad fidem profitendam, cum adoratione veri corporis Domini nostri. Symbolo Apostolorum recitato, vel dum in Choro illud absoluitur, frangit hostiam Sacerdos, & patenæ imponit, neque tantum in tres partes eam diuidit, ut est mos officij Latini, verum in nouem eam dispergit\*, secundum præcipua nouem fidei nostræ mysteria in symbolo quod absoluitur contenta: dumque singulas partes frangit, ad earum quamlibet mysterij plena quædam profert, illasque illo, quem dicturi sumus ordine in patena disponit,

\* dispergit.




\* est Incarnatio.




\* Epiphania.

Et ponuntur buccellæ, seu particula hostiæ sic diuise in nouem fragmenta hoc ordine super patenam. Fractâ hostiâ, sicque dispositâ, Sacerdos sacramentum respiciens meminit uiuentium, & in eo Memento quod profert, omnes fideles Christianos Christo commendat, nominatim uerò eos qui sacro interfunt. Commemoratione peracta dicit Sacerdos, Oremus, cum oratione una, quæ propriè capitulum dici potest, estque quasi præfatio quædam, & via ad Dominicam Orationem non discrepans ab ea, quæ in officio Romano incipit, Oremus, præceptis salutaribus moniti. Præfatio uerò hac orationi Dominica connectitur, & sub eorum finem respondetur Amen, ut superius dictum est: finis autem Dominica orationis est, liberati à malo, confirmati semper in bono &c. Cum uerò ait Sacerdos, Pone Domine finem peccatis nostris, pectus semel percutit &c. His dictis Sacerdos ultimam partium patenæ impositarum, REGNUM appellatam accipit ordine, & modo prædictis, dicensque hæc uerba, Sancta Sanctis, & coniunctio corporis & sanguinis, calici iniicit, eaque sanguini tunc commiscetur. Res autem notatu dignissima isthic obseruatur, quòd scilicet à Paschate ad Pentecosten, & in festo Corporis Christi, Sacerdos præ manibus habens, tenensque supra calicem præfatam particulam REGNUM, ter alta uoce effert, quasi canens hæc uerba, quæ Christo quasi mortis victori celeberrimo gratulari videntur: vicit leo de tribu Iuda, radix Dauid; quibus respondetur singulis vicibus, qui sedes super Cherubim, radix Dauid, Alleluia. Statim uerò Sacerdos, aut Diaconus populum hortatur, ut humilitatem exhibeat in benedictione suscipienda his uerbis, Humiliate vos benedictioni. Sacerdos uerò eam impertit cum tribus ordinariis petitionibus, quarum cuilibet respondetur Amen. Ita ibi.



## CAPVT XI.

*De mystico ritu Patena, apud Indos.*

IN Missa qua vtuntur antiqui Christiani Episcopatus Angamalenfis, in montanis Malabarici regni apud Indos orientales, expurgata ab erroribus, & blasphemis Nestorianorum, ab illustrissimo Domino Alexio Macresio Archiepiscopo Goano, Indiae Primate, in Synodo Diocesana Angamalæ anno 1559. è Syriaco in Latinum sermonem conuersa, &c. quæ edita extat Tom. 6. Bibliothecæ sanctorum Patrum, sub hac inscriptione: *Missa Christianorum apud Indos. Sacerdos frangens hostiam per medium dicit; Accedimus, Domine mi, fide veritatis nominis tui, ad hæc sancta mysteria, ac pietate tua frangimus, & misericordia tua signamus corpus, & sanguinem Saluatoris nostri Iesu Christi, in nomine Patris, & Filij, & Spiritus sancti; tum Sacerdos partem hostiæ, quam manu sinistra tenet imponit patenæ, aliam verò sanguine intingit vsque ad medium dicens, Signetur sanguis pretiosus corpore sancto Domini nostri Iesu Christi, in nomine Patris, & Filij, & Spiritus sancti: & particulâ sanguine inductâ signat alteram partem, & superponit patenæ dicens, Signetur corpus sanctum sanguine propitiationis Domini nostri Iesu Christi, in nomine Patris, & Filij, & Spiritus sancti. Et coniungens ambas particulas ad inuicem dicit, Prædestinata sunt, consecrata, perfecta, absoluta, & coniuncta ad inuicem, mysteria hæc supergloriosa, sancta, & viuificantia, & diuina, in nomine venerabili, & præclaro Trinitatis supergloriosa, vt sint nobis, Domine mi, in propitiationem delictorum, & in spem magnam resurrectionis ex mortuis, & innouationem vitæ in regno caelesti. Hæc ibi.*

## COROLLARIUM.

*De Patena.*

IN veteri libello iam citato, cui titulus est, *Alphabetum Sacerdotum*, quo Ordo Missæ ritu Gallicano describitur, mos iste obseruandus signatur in fine Missæ, vt postquam Sacerdos dixerit *Ite Missa est*, Placeat tibi sancta Trinitas, &c. osculetur altare, deinde dicat, *Ps. Adiutorium nostrum in nomine Domini. Ps. Qui fecit cælum & terram. Ps. Sit nomen Domini benedictum. Ps. Ex hoc nunc & vsque in sæculum. Tum faciat crucem cum Patena & dicat, Oremus, Benedicat vos omnipotens Deus, Pater, & Filius, & Spiritus sanctus, Amen.*

## FINIS PRIMÆ PARTIS.

*Soli Deo honor & gloria.*





PANOPLIÆ  
SACERDOTALIS

PARS POSTERIOR,

QUÆ EST

DE MULTIPLICI

SACERDOTUM MUNERE

AC OFFICIO IN ECCLESIA DEI.

PP



THE UNIVERSITY OF CHICAGO  
LIBRARY


1000  
1000

1000  
1000

## PRÆFATIVNCVLA.

**R**ECTE, sapienter, ac prorsus diuinè S. Carolus, alter ille superioris sæculi Ambrosius, cuius zelo, pietate, & doctrina, Ecclesiæ decor (qui lapsu temporis nonnihil emarcuerat) toto ferè orbe Christiano reffloruit; in Concilio V. Mediolanensi, modum examinis præscribens, quo qui ad Ordines promouendi sunt, interrogari debent: hæc de iis qui ad Presbyteratum aspirant, examinandis constituit: *Vt ab iis qui Sacerdotio initiari volunt, hæc sigillatim perquirantur: an piè ac fideliter in ministeriis antea actis se gesserint, an spectata pietate, atque castis moribus, an præclarum bonorum operum exemplum, & vitæ documenta ab iis expectari possint? Hæc præterea quarantur: Quid sit Missæ sacrificium, qui illius effectus, quæ eiusdem partes, quæ necessaria in eo insint, quæ sacrarum vestium significationes, quæ in eo sacrificio offerendo requirantur; ubi, & quando illud fieri non licet, quæ dubia aliquando incidere possunt, quæ explicatione opus habeant, ut illud rectè fiat? tum experimentum eorum, ex præscriptis infra regulis, &c.* Loci huius non est singula hæc accuratim expendere, cùm priora quæsitæ, non tam sint de iure, quàm de facto. Nam si Ordinandi ad Sacerdotium, se in inferioribus gradibus & officiis, piè ac fideliter gesserint, si spectata pietate atque castis moribus: hoc non pendet solum ab Ecclesiastica theoria, neque à praxi præscripta à sacris Canonibus, & Pontificiis monitis; sed maximè ab usu, actibusque particularibus Clericorum, Sacerdotij candidatorum, Canonice disciplinæ consonis, vel aduersis. Si verò præclarum bonorum operum exemplum, & vitæ documenta ab iis expectari possint, inquisitionis est Examinatorum, quorum curæ ac diligentiae officium est, prænotionem optandi huius successus, ex spectatis circumstantiis, personarum, loci, & temporis elicere. Cæterum quoad sacrarum vestium significationes, illas priori parte huius operis luculenter explicauimus. Porro quid sit Missæ sacrificium, Polemici Theologi, aduersus huius temporis Hæreticos copiosè docent; qui sint eius effectus & partes, Scholastici demonstrant; denique quænam in ipso sacrificio ritè offerendo requirantur, Theologi Morales, Doctoresque sacrorum Canonum, fusis tractationibus exponunt. Eapropter nihil ferè nobis hîc superesse

videtur, quo de re tam diuina impræsentiarum differamus, cum abundè ac sufficièter, à tot tantisque Scriptoribus de ea fuerit hætenus pertractatum. Sed verò operis ratio non permittit, vt de diuini huius muneris mysterio, eiusedmque ministerio penitus hîc conticeamus. Frustra enim Sacerdotem Panopliâ sacrarum vestium in priori parte huius operis instruximus, nisi in hac altera ipsos actus, ad quos significandos ornatus ille totus destinatur, operam demus ad amussim exprimere doctrinæ ac disciplinæ Ecclesiæ Catholicæ. Communis est equidem omnibus Sacerdotibus noui Testamenti, sacrificandi potestas, quorum hæc summa dignitas est, & sacra corona. Quamobrem cuilibet promouendo ad tam sublime munus, dicit ordinator Pontifex: *Sacerdotem oportet offerre, benedicere, præesse, predicare, & baptizare.* Igitur offerre est fons, radix & apex actuum omnium Sacerdotij nostri. Cæterum huius potestatis vsus (ingentis cum sit momenti) nos pleraque nosse expostulat: primum ratione subiecti, & rei oblatæ: item & obiecti sacrificij, deinde consideratione finis propter quæ offertur: postmodum etiam respectu principij, & auctoris huius sacrificij, denique ratione vsus & officij; siquidem vt vicariam Christi personam hîc gerit Sacerdos, sic eius intentum sequi, & exemplum gnauiter imitari debet. Hæc sunt quæ primo hoc libro alterius partis huius Panopliæ, statuto ordine explicanda, diuino confidentes auxilio (sine quo nihil sumus, nihil possumus) ad æternæ Maiestatis gloriam, Ecclesiæ decus, Sacerdotum instructionem, & totius populi Christiani vtilitatem, vtrò iam aggredimur, aurei illius moniti Vincentij Lerinensis nusquam immemores: *Depositum custodi (ait Apostolus) id est talentum Catholice fidei inuiolatum illibatumque conserua: aurum accepisti, aurum redde; ne plumbum, ne aramenta supponas: eadem qua didicisti, ita doce, adorna, illustra, vt cum dicas nouè, non dicas noua.* Tantum enim abest vt noua hoc in opere ingeramus: quin potius Nouatores (vocum scilicet profanarum, quas horret Apostolus, propolas) sacro-sanctæ antiquitatis auctoritate, acerrimoque diuinæ veritatis gladio, viriliter (vt pio & erudito Lectori, dissertationem istam attentè, & seriò peruoluenti, palam fiet) à sacri altaris venerandis adytis, temerandis; aduersus quæ vt sordidi muli, magno Antonio pridem (indicante Deo) visi, ferociter calcitrant, ab hoc insano impetu coërceamus: *Sanctæque*, procul missis profanis, *Sanctis*, vt pium, & æquum est, vindicemus. Apud nos enim inconuulsis radicibus Catholicæ fidei, viuit antiquitas, cui sacri Canones, ab initio, in Ecclesia perenniter obseruati, inuiolabilem sanxerunt reuerentiam.



# PANOPLIÆ SACERDOTALIS PARS ALTERA.

## LIBER I.

*DE OFFICIO SACERDOTIS:  
quatenus ad offerendum Deo sacrificium  
ordinatur.*

### CAPVT PRIMVM.

*Corpus & sanguinem Domini, esse id sacrificium quod in Missa  
proprie offertur & sacrificatur.*



SACRIFICIA omnia seu ratione materiæ, seu ratione formæ, aut modi quo offeruntur, seu ratione principij, aut ratione finis, vsusque, & officij quo celebrari solent ac debent, considerantur. Hoc præfixo generali theoremate, hic imprimis dicendum respectu materiæ, seu rei oblatae, quid sit sacrificium quod noui Testamenti Sacerdotes ex iniuncto diuinitus munere, iugiter Deo offerunt in Ecclesia. Huius quæstionis solutio in præsentis capitis inscriptione sufficienter exprimitur: siquidem (vt præsignauimus in titulo) corpus & sanguis Domini est id sacrificium, quod in Missa proprie offertur & sacrificatur. Dogma hoc est Catholicum, ab Apostolis traditum, ab Ecclesia semper & ubique creditum & prædicatum; denique aduersus hæreticos assertum, & confirmatum, in postrema Synodo Oecumenica, sess. 22. c. 1.



&c. vbi sacrosanctum Concilium ait: *Dominus noster Iesus Christus, corpus & sanguinem suum sub speciebus panis & vini, Deo patri obtulit; ac sub earumdem rerum symbolis, Apostolis (quos tunc noui Testamenti Sacerdotes constituuebat) ut sumerent, tradidit; & eisdem, eorumque in Sacerdotio successoribus, ut offerrent praecepit per hæc verba, Hoc facite in meam commemorationem, vti semper Ecclesia Catholica intellexit, & docuit. Quæ verba Nouatores et si nonnisi cum fremitu audiant: tamen ab Apostolicorum discipulis, eorumque auditoribus iam olim pronunciata, non est quod inficietur, sic enim ante annos 1500. edoctus in Apostolicorum virorum schola scripsit S. Irenæus, lib. 4. contra Hæreses, c. 32. Eum qui est ex creatura, panem (Dominus) accepit, & gratias egit dicens, Hoc est corpus meum, & calicem similiter qui est ex ea creatura, quæ est secundum nos, sanguinem suum confessus est, & noui Testamenti nouam docuit oblationem, quam Ecclesia ab Apostolis accipiens offert Deo in vniuerso Mundo.*

## ARTICVLVS I.

*Vnicum, & proprium noui Testamenti sacrificium esse Christi corpus & sanguinem; nec aliâ potuisse hostiâ legem gratia consecrari & propagari. Ad quam oblationem legis antiquæ omnia sacrificia, ut ad rem umbra, ad archetypum figura referebantur, & in ea consummantur.*

**E**RANT quid em in lege veteri, variaz sacrificiorum species, sed ad quatuor capita præcipua referebantur, quæ videlicet hæc erant: holocaustum, mincha, hostia pacifica, & victima pro peccato.

I. Victima holocausti, secundum legem (Leuit. 7. 8.) mascula esse debebat & integra, totâque Deo comburebatur, excepta pelle, quæ Sacerdoti cedebat sacrificanti. Sumebatur verò ex bobus, vel ouibus, aut capris, aut ex turturibus, & columbis, Leuit. 1. Tamen ex solis agnis fieri poterat iuge sacrificium: præceptum enim diuinum erat, ut quotidie in holocaustum duo agni offerrentur, alter mane, alter vespere (qui tota nocte cremabatur) cum decima parte ephi similæ, quæ conspersa esset oleo, quartæ partis Hin, cui infundebat Sacerdos eiusdem mensuræ vini quartam itidem partem. Num. 28. 3.

II. Mincha sacrificium erat farreum, quod offerebatur, vel ex simila, vel ex spicis, vel panibus coctis siue clibanò, siue sartagine, siue craticulâ, Leuit. 2. Sale, Mincha condiebatur, eique infundebatur oleum, & imponebatur thus, sed sine fermento, & absque melle offerebatur. Ex ea pugillus cremabatur Deo, reliquum Sacerdoti cedebat.

III. Hostia pacifica, erat bos, ovis, aut caprâ. Ex ea primò sanguis, & adeps cum renibus, & cauda si esset ovis, Deo adolebatur. Secundò pectus, & armus dexter erat pro parte Sacerdoti sacrificanti, sed caro reliqua cedebat lucro offerenti, Leuit. 3. Immundus non

comedeat ex ea. Leuit. 7. 20. sed soli mundi, tam mares quàm feminæ, idque primo die, si esset hostia gratiarum actionis: vel etiam secundo die, si esset hostia votiuæ & spontaneæ, si quid superesset tertio die, igne comburebatur. Leuit. 7. 15.

Hostia pro peccato per ignorantiam commisso à Pontifice, vel populo, erat hircus: à plebeio, erat hircus, vel capra, aut ovis. Leuit. 4. Ex hac sanguis, adest, renes, & cauda Deo cremabantur, reliquam partem comedeant Sacerdotes cum pueris masculis. Leuit. 6. 6. Qui calumniam aut iniuriam proximo fecerat, offerebat pro peccato arietem.

Cæterum victima quælibet debebat esse integra, sine macula, nec admitti poterat, si esset cæca, fracta, scabiosa, &c. Leuit. 22. si esset ex carne, libamina sua habebat, similam, oleum, vinum, thus, ea mensura quæ Num. 15. 4. præscribitur. Erant insuper solennes oblationes primogenitorum, primitiarum, & decimarum. Et offerre poterant filij Israel pro fabrica, & ornatu Tabernaculi, aurum, argentum, æs, hyacinthum, purpuram, coccum byssum, pilos, caprarum, pelles arietum, ligna Setim, oleum, aromata, lapides onychinos, & gemmas. Exod. 25. Varia denique erant sacrificia pro Nazaræis consecrandis, pro leprosis expiandis & emundandis, pro mulieribus menstruatis, pro hæmorrhoidis, & quibuslibet immundis. Leuit. 15. &c. præter sacrificium vitulæ rufæ, quæ solenni ritu cremabatur à Pontifice extra castra, cum ligno cedrino, cocco bis tincto & hyssopo, cineresque eius super populum cum aqua lustrali spargebantur, Num. 19. Heb. 9. Et sacrificium agni Paschalis, Exod. 12. quod semel dumtaxat quolibet anno offerebatur. Erat præterea peculiare sacrificium in festo Expiationis, quod à solo summo Sacerdote offerri poterat. Leuit. 1. Materia igitur sacrificiorum quorumlibet, duplicis generis erat; nam erat ex rebus animatis, vel ex rebus inanimatis. Non omne genus animantium poterat Deo sacrificari, sed octo dumtaxat quæ tantum sibi offerri præscripserat. Hæc erant, ovis, capra, hædus, bos, vitulus, columba, passer, & turtur.

Res inanimæ quæ sacrificabantur, vel erant liquidæ, vt sanguis, vinum, oleum: hæc effusione offerebantur; vel erant solidæ, vt panis, simila, sal, thus, manipulus spicarum virentium, & triticum: hoc leuabat Sacerdos in altum, varièque conficiebat & immutabat; in qua immutatione consistebat ratio sacrificij: nam panis in frusta dissecabatur; simila sartagine, clibano, vel craticula coquebatur; sal vrebatur, thus adolebatur, manipulus spicarum torrebatur, triticum conterebatur.

De horum sacrificiorum virtute & efficaciâ, disputationem mouerunt Nouatores; docent enim per sacrificia vetera æquè ac per nouæ legis sacramenta homines fuisse reconciliatos, peccata expiata, beneficia impetrata, Deoque gratum æquipariter fuisse cultum redditum. Ratione hac nituntur, quod etiam nostra sacramenta gratiam ex opere operato non conferant, sed fides quam ipsa excitant,

ceui motiua, indicia, & sigilla gratiæ; tam noua etenim, quàm vetera sacramenta, seu sacrificia non iustificare nisi per fidem quam excitant pari modo. Quod dogma hæreticum est, nam è diametro pugnat cum vniuersa Apostoli doctrina, maximèque cum tota eius epistola ad Hebræos, in qua disertè ait c. 7. *reprobationem factam fuisse prioris mandati propter infirmitatem eius, & inuitilitatem; nihil enim ad perfectum legem adduxisse, fuisse verò introductionem melioris spei, per quam peruenimus ad Deum. Tabernaculum prius fuisse umbratile, & figuratiuum, respectu noui quod fixit Deus & non homo, c. 8. sacrificia vetera (quæ alibi vocat egena & infirma elementa, Gal. 4. 9.) deseruisse sicut umbras nouis quæ ipsorum exemplaria sunt, quin & illa terrena fuisse, ista porro esse cælestia, Christum longè meliùs quàm Aaron, & eius sequaces Pontifices & Sacerdotes, sortitum fuisse ministerium, noui esse Testamenti Mediatorem, quod in melioribus promissionibus sancitum est. Hoc nouo Deum veterasse prius, quod iam ob imperfectionem per ipsum nouum antiquatum est. Tabernaculum vetus fuisse parabolam temporis instantis. c. 9. iuxta legem oblata fuisse munera, & hostias quæ non poterant secundum conscientiam perfectum facere seruientem, solummodò fuisse illa sacrificia in cibis, & in potibus, & variis baptismatibus, & iustitiis carnis, usque ad tempus correctionis impositis &c.*

*Heb. 10. 1. &c.* ibidem. *Legem habuisse umbram, & futurorum bonorum, non ipsam imaginem (seu vt legit Syrus interpres, Kenuma, substantiam) rerum: vel vt ex autographo intelligit sanctus Chrysostomus, veritatem: & solidè prorsus ac perappositè, nam vt ait Ioannes Baptista apud Euangelistam, Lex per Moysen data est, gratia, & veritas per Iesum Christum facta est. Ioan. 1. 16. Multum est igitur discriminis inter sacrificia, sacramentaque legis Mosaicæ, & legis gratiæ, cuius auctor, & mediator est Christus. Nec verum est parem vim reconciliationis, placationis, expiationis, propitiationis, impetrationis habuisse priscæ legis sacrificia atque sacramenta, ac nostra: fatentur tamen Theologi vim quandam expiationis, veniæ, & propitiationis, quin & impetrationis fuisse ex antiquis illis religionis adminiculis, priscæ legis cultoribus impertitam. Sacrificia enim veteris Testamenti valebant ad expiationem peccati quoad pœnam temporalem, & quoad immunditiam legalem, non quoad culpam, & pœnam gehennæ, nisi per modum signi, vt mox dicitur. Hæc porro ratio est cur lex non instituerit sacrificia pro omnibus peccatis, sed solum pro peccatis ignorantia, præsertim contra cæremonias legis, vt patet Leuit. 4. & 5. & etiam pro peccatis in damnum proximi, in rebus externis, & pro periurio, ex cupiditate habendi res alienas prolato. Leuit. 6. Pro alijs peccatis grauioribus, vt pro blasphemia, adulterio, idololatria, nullum inuenitur sacrificium, quia gratia remissionis peccatorum sub Euangelio tantum ex merito Christi speranda & obtinenda erat.*

*Vide Cardinal.  
Bellarm. lib. 2.  
de sacramentor.  
effectu c. 18. int.  
init. & med.*

Sed neque vim illam habebant expiationis peccati, quoad pœnam temporalem, & quoad legalem immunditiam, aut impetrationis beneficii cuiuscumque, vetera sacrificia, nisi quantum signa erant futuri sacrificij Christi. Piè, aptè, & pereleganter hoc insinuat theorema

rema S. Chrysostomus serm. 25. in epist. ad Hebræos ; Sicut, inquit, regnantium statua, quæ sine sermone atque anima sunt nonnunquam ad se confugientibus hominibus anima atque ratione decoratus subuenire consueuerunt, non quia sunt ex ære confectæ, sed quia retinent imaginem principalem; ita & sanguis ille animalium, qui irrationalis fuit, animas habentes homines liberauit, non quia sanguis fuit, sed quia Christi sanguinis præsignabat aduentum. Sanguis agni Paschalis fusus super postes domus cuiusque Hebræorum, eos præseruauit ab excidio, percussorémque Angelum ne feriret quemquam ipsorum sua reuerentia cohibuit. Non virtute sua hoc effecit iste sanguis, sed quia sanguinis Christi veri agni qui effundendus erat sub lege gratiæ in remissionem peccatorum, signum mysticum erat. Sic enim habet sacer textus Exod. 12. 12. *Et transibo per terram Ægypti nocte illa, percutiámque omne primogenitum in terra Ægypti ab homine usque ad pecus, & in cunctis diis Ægypti faciam iudicia: ego Dominus; erit autem sanguis vobis in signum in aedibus in quibus eritis, & videbo sanguinem & transibo vos (dicam enim, vt ait alio loco, Angelo percutienti, cesset híc manus tua.) Nec erit vobis plaga disperdens, quando percussero terram Ægypti.* Quasi diceret, sanguis hic vobis salutis viæ erit signum, & telsera, quòd non percutiet vos Angelus vastator, non quòd hoc signo corporeo indigeat, ipse enim per se satis videt quæ sint domus Hebræorum, in quibus comeditur Phasce, & quæ Ægyptiorum; sed quòd vos hoc signo tutelam, custodiam & salutem expectate velit, idque ob typum agni eius, qui sanguine suo liberabit vos ab ira ventura & morte æterna.

Verùm híc elabi contendunt Nouatores, speciosæ distinctionis effugio: fatentur enim agnum Paschalem fuisse figuram Christi, agni veri pro mundi salute immolati, sed excipiunt hanc figuram fuisse impletam in cruce, in qua pro salute mundi factus obediens patri usque ad mortem, oblatus est. Porro non abnuunt Theologi Christi sacrificium in cruce fuisse per immolationem agni Paschalis figuratum, proinde typicum illum agnum ad Christum oblatum in cruce, sicut signum ad rem signatam referri. Sed dicunt nihilominus ipsum agnum Paschalem typum fuisse Eucharistiæ, quin principalius, & immediatiùs figurasse Christum in sacrificio Missæ quàm in sacrificio crucis, idque patet ex circumstantiis in lege præscriptis. 1. Agnus Paschalis decima quarta die primi mensis ad vesperam immolari debuit, Exod. 12. At passio Christi non incidit in diem 14. nec in vesperam, sed in meridiem diei 15. Verùm Eucharistiam instituit Christus die 14. primi mensis circa vesperam. 2. Agnus immolabatur in memoriam transitus Domini, & liberationis populi de Ægypto: atqui Christus non fuit crucifixus in memoriam transitus alicuius aut liberationis, sed Eucharistia celebratur in memoriam transitus Domini per passionem, ex hoc mundo ad Patrem, & liberationis nostræ de potestate diaboli, quæ facta est per ipsam Christi mortem. 3. Agnus immolabatur vt manducaretur, & esset quasi viaticum peregrinorum, nam ad hoc significandum manducabatur



à Iudæis habitum peregrinorum præ se ferentibus , cum baculis , & calceis &c. Porro Christus non fuit crucifixus ut manducaretur , nec fuit ullus tunc , qui eum sic immolatum manducauerit : sed verò Eucharistia nihil aliud est quàm refectio , & viaticum peregrinantium ad supernam ciuitatem , & vitam æternam. 4. Denique Agnus non poterat manducari , nisi à circumcisis & mundis hominibus , & in Ierusalem. Ita Eucharistia rite , & fructuosè non potest sumi nisi à regeneratis , & emundatis , & intra Ecclesiam Catholicam existentibus : Christus verò non in domo , nec Hierosolymis , sed extra ciuitatem in cruce oblatus est , tam pro Iudæis , quàm gentibus & vniuerso modo. His de causis communi consensu sancti Patres docent Agni Paschalis immolationem fuisse propriè , & adæquatè figuram , & signum mysticum sacrificij incruenti , quo Christus verus , & immaculatus Agnus in altari Deo offertur , & nobis datur , & communicatur. Quò spectans Apostolus nos ad huius sacrificij participationem inuitat dicens , *Pascha nostrum immolatus est Christus , itaque epulemur.* Quæ verba perpendens S. Ambrosius Com. in cap. 1. Lucæ , *Quando sacrificamus , inquit , Christus adest , Christus immolatur , etenim Pascha nostrum immolatus est Christus.* Eadem mente S. Cyprianus in serm. de Cœna Domini. *Cœna disposita ( inquit ) inter sacramentales epulas obuiuerunt sibi antiqua instituta & noua ; & consumpto agno , quem antiqua traditio proponebat , inconsumptibilem cibum Magister apponit discipulis.* Idem docet S. Gregorius Nazianzenus orat. 2. de Pascha ; magnusque eius discipulus B. Hieronymus in c. 26. Matth. item S. Augustinus lib. 2. cont. litteras Petiliani c. 37. Isichius in Leuit. lib. 2. c. 8. Gaudencius tract. 2. in Exod. S. Chrysostomus hom. de prodicione Iudæ , tom. 3. *In ipsa mensa ( inquit , vltimæ Cœnæ Dominicæ ) utrumque Pascha & typi , & veritatis , celebratum est.* Et homil. 83. in Matth. *Veritatem figuræ adiunxit.* Sed elegantissimè S. Leo serm. 70. de Passione Domini. *Vt ergo umbra cederent corpori , & cessarent imagines sub præsentia veritatis , antiqua obseruantia nouo tollitur sacramento , hostia in hostiam transit , sanguinem sanguis excludit , & legalis festiuitas , dum mutatur , impletur.* Hinc clarè patet Agnum Paschalem antiquæ legis , typum Christi in Eucharistia immolati fuisse proprium , tantumque ab hoc sacrificio differre illud Pascha typicum , quantum umbra à corpore , & figura à re ipsa , per eam adumbrata longè distat.

Alia omnia sacrificia prisce legis eiusdem sacrificij nostri signa quoque , & figuræ erant. Longum hoc esset per singula demonstrare. Strictim igitur hîc aliqua , sed præcipua hac de re puncta notabimus.

I. Holocaustum se obtulit Christus in cruce profusa anima , vita , & toto sanguine , passusque in anima & corpore , in honore , denique ut ait Apostolus , tentatus per omnia , *Tradidit semetipsum pro nobis oblationem & hostiam Deo , in odorem suauitatis.* Hinc peracto suo sacrificio cum iam spiritum emissurus erat , alta voce clamauit *Consummatum est* , quia nihil reliquum erat quod facere , vel pati pro huma-

no genere amplius iam posset, sic una oblatione consummauit in sempiternum sanctificatos, Heb. 10. Ergo inferunt Nouatores, iam non relinquitur pro peccato hostia, ergo superflua Missa est, nec sacrificium esse potest, ut mundo hactenus fuit persuasum. Verum toto cœlo aberrant, iisque rectè aptari potest quod Christus olim dixit Saducæis, *Erratis nescientes scripturas*, si enim seriò attenderent quid importet figura holocausti, à Christo adamussim impleta secundum diuinæ legis præceptum, facilè deprehenderent quàm grauitè impingant, & miserè hallucinentur.

Nihil solennius erat in veteri lege quàm iuge sacrificium, quod quotidianum holocaustum erat, præceperat enim Deus Exod. 29. Num. 28. singulis diebus duos agnos in holocaustum offerri, vnum mane, & alterum vespere, quod idcirco iuge sacrificium appellabatur. Hanc figuram Christus impleuit, semel siquidem in cruce visibiliter & cruentè seipsum agnum immaculatum patri acceptissimum obtulit in holocaustum, quasi sacrificium matutinum: nobis autem se sub speciebus panis & vini, modo incruento, iugiter vsque ad sæculi consummationem, quasi sacrificium vespertinum, cuius tota nocte crematio perdurabat (Leuit. 6.) æterno Patri offerendum reliquit. Vnde signanter scribit Apostolus: *In qua nocte tradebatur, accepit panem, & gratias agens fregit & dixit, Accipite & manducate, hoc est corpus meum quod pro vobis tradetur, hoc facite in meam commemorationem. Similiter & calicem postquam cœnauit dicens, hic calix nouum Testamentum est in meo sanguine, hoc facite quotiescumque bibetis in meam commemorationem. Quotiescumque enim manducabitis panem hunc, & calicem bibetis, mortem Domini annuntiabitis donec veniat. I. Cor. 11. &c.*

Nec obstat quòd duo agni diuersi olim mane & vespere seorsim offerebantur in holocaustum, fieri enim non poterat ut qui mane immolabatur, & consumptus fuerat ab igne, rursus ad vesperam sacrificaretur, & tota nocte cremaretur: at Christus qui in cruce oblatus est, idem est qui in Eucharistia immolatur; modus est quidem dissimilis, nam visibiliter, & cruento modo crucifixus fuit, sed in Eucharistia inuisibiliter, & incruenter se obtulit, offerendumque in perpetuum præcepit mortem suam annunciando, hoc est memoriam matutini (id est prioris) sacrificij in cruce peracti, hac in vespertina, seu posteriori oblatione iugiter celebrando. Sed agnus est idem prorsus qui utroque modo immolatur: qui etsi fuerit verè in cruce mortuus, in sepulchro tamen non corruptus, surrexit post triduum gloriosus, & nunc in Eucharistiæ sacrificio viuus & incorruptibilis perenni oblatione immolatur; quod egregiè S. Andreas sua in passione professus est, dum Ægeæ Proconsuli; qui eum ad nefaria sacrificia impellebat respondit: *Ego omnipotenti Deo qui vnus & trinus est, immolo quotidie, non taurorum carnes, nec vitulorum sanguinem, sed immaculatum agnum in altari: huius carnem posteaquam omnis populus credentium manducauerit, Agnus qui sacrificatus est, integer perseuerat & viuus.* Eò spectauit Gaudentius Episcopus Brixienfis, contemporaneus S. Am-



*angustia passionis agonizans, prius propriis manibus Deo patri semetipsum immolauit.*

II. *Mincha* quoque figura fuit sacrificij Eucharistiæ. Vbi vulgata habet, *Leuit. 2. 1. Anima cum obtulerit oblationem sacrificij Domino;* iuxta Hebræicum exemplar legitur; Oblationem *Mincha*, quod Aquila vetus interpret vertit *donum de frumento*. *Mincha* enim Hebræis propriè est sacrificium, quod ex farre aut simila fit, siue cocta clibano vel sartagine aut craticula. Communis est hîc Patrum observatio, scilicet quod sicut victimæ animalium iugulatorum, hostiæque cruentæ significabant sacrificium Christi in cruce occisi; ita sacrificium *Mincha* significabat sacrificium ipsius Christi in Eucharistia sub speciebus panis & vini. Hoc enim est illud sacrificium *Mincha* sacrificium purum & oblatio munda, quod Malachias in omni loco totorque orbe à Gentibus offerendum prædixit c. 1. 11. Quid enim purius Christi corpore, quod virtute Spiritus sancti de Virgine natum est? Corpus illud incruentè hoc in mysterio immolatum oleo perfusum est misericordiæ, in clibano coctum, quoniam in ligno crucis assatum fuit igne ardentissimæ charitatis; thure fumigatum est, quia offertur Deo in odorem suauitatis; sale aspergitur, quia est summa cum reuerentia & discretionem offerendum & sumendum, sine melle ob amaram memoriam Dominicæ passionis; sine fermento, quia hic agnus innocens & impollutus ac absque vlla macula immolatur, non nisi puris corde apponitur ex ipsa sacrificij lege: *Expurgate vetus fermentum* (inquit Apostolus 1. Cor. 5. 7.) *ut sitis noua conspersio sicut estis azimi. Er enim Pascha nostrum immolatus est Christus, itaque epulemur, non in fermento veteri neque in fermento malitiæ & nequitia, sed in azimis sinceritatis & veritatis.* Quærent Rabbini, cur post tot ac tanta sacrificia victimarum, Deus hoc sacrificium *Mincha* seu farreum instituerit? Varia varij dicunt, sed aptior & simplicior hæc videtur eorum responsio qui aiunt, *propter pauperes*; Non enim omnium facultatis erat emere & offerre oues, capras, hædos, boues, vitulos, columbas, turtures, &c. Sed facile erat pugillum similæ, & pauculum olei, thuris & salis inuenire, Deoque offerre, qui non tam pretium oblationis quàm offerentis pium affectum respiciebat. Quàm rara esset Eucharistiæ oblatio, si materia ex qua conficitur, tanto esset pretio ut non nisi à diuitibus comparari posset? Prospexit eò diuina bonitas & sapientia rem pretiosissimam omnibus donans, (*Sic enim Deus dilexit mundum ut filium suum unigenitum daret.* Ioan. 3.) & exiguam à nobis exigens oblationem; tantillum panis & vini offerimus; Deus ea æquè tam à paupere quàm diuite acceptat. Sed omnipotentia sua transmutat in dilectissimi filij sui corpus & sanguinem; quod oblatum suscipit de manibus Sacerdotis in memoriam beneficiorum, in remissionem peccatorum, in gratiarum actionem, in summi cultus & reuerentiæ testimonium, in gratissimum munus & suauissimum sacrificium. At de hac sacrificij specie pro instituto satis.

III. Iam verò pacifica hostia, quid magis meliusve præsignabat  
Qq iij



S. Hieronymus  
in epist. ad Eua-  
grium, de Mel-  
chisedech.

quàm sacrificium illud incruentum secundùm ordinem Melchisedech, qui pane & vino simplici puròque sacrificio Christi dedicauit Sacramentum? Melchisedech, inquam, Rex ille iustitiæ & Rex pacis, quem viuam fuisse Christi imaginem Apostolus in epist. ad Hebræos perspicuis demonstrat argumentis, adæquatísque conuenientiis insinuat. Pulchrè ad hæc gloriosus Martyr & pontifex Cyprianus lib. 2. ep. 3. *Quis magis Sacerdos (ait) Dei summi, quàm Dominus noster Iesus Christus? qui sacrificium Deo patri obtulit, & obtulit hoc idem quod Melchisedech obtulerat, id est panem & vinum, suum scilicet corpus & sanguinem.* Nec minùs disertè & appositè S. Augustinus lib. 16. de Ciuitat. Dei c. 22. *Ibi primum apparuit sacrificium, quod nunc à Christianis offertur Deo toto orbe terrarum.*

IV. Hostia pro peccato, nostri etiam sacrificij fuit typus. Repugnare tamen videtur ipse delectus hostiæ, quia quæ pro peccato commisso per ignorantiam, vel à Pontifice, vel à populo offerebatur, hircus erat. Christus verò est agnus; Et agnus quidem immaculatus & purissimus, à quo longè differt hircus, qui animal fœtidum est & impurum, vnde electi per agnos & oues, reprobi per hircos in Euangelio designantur, Matth. 26. Nihilominus per hircum Christus potuit bono sensu significari, quemadmodùm dicitur leo, serpens, bos, vel vitulus. Siquidem bos appellatur non propter crassitudinem & stupiditatem, sed propter constantiam & patientiam; vitulus propter innocentiam; ita & serpens, non quidem propter serpentis malitiam, sed propter prudentiam; sic etiam dicitur leo neutiquam respectu furoris & rapacitatis, sed fortitudinis & magnanimitatis; sic & hircus Christum quidem non signat in quantum ipse hircus animal est petulcum & lasciuum, sed propter alias rationes, scilicet ob laudabiles qualitates quæ mysticè Christum eiusque sacrificium tam in cruce quàm in altari designant. Tritum est quod Naturalistæ de sanguine hirci tradiderunt, adeo scilicet esse calidum, ut emolliat adamantem, cuius duritiam nec ferrum domare potest, Sic charitate filij Dei (quam maximè in cruce testatus est, quotidieque in altaris sacrificio, suique amoris Sacramento nobis demonstrat) liquefacta est duritia mundi (ait S. Aug.) ut agnosceret beneficium suæ redemptionis, qua non agnouerat beneficium suæ creationis. Insuper clausi erant cæli, quorum aditum nobis aperuit Christi sanguis: *In sanguine suo cælorum nobis initiauit viam.* Mira longè plura dicunt de hirci sanguine, nimirum quòd hirci hederâ nutriti miro modo calculum dissoluit sanguis, cornu eius exustum fugat serpentes & vlcera corrodit, fel eius visum clarificat, iecur iuuat contra morsum canis rabidi, vrina cum felle leprosis salutem confert & lentigines tollit. Longè magis mira Christi sanguis operatur in nobis. *Sanguis Christi* (ait dilectus Apostolus) *emundat nos ab omni peccato*, proinde & omni pœna peccati: huius sanguinis meritum & virtus in sacrificio Missæ nobis applicatur; vbi fit agnus immolatus, vera & vnica hostia pro peccato. *Clamat multo melius iste sanguis, quàm sanguis Abel;* hic enim vin-

Plin. lib. 28. c. 4.

Sed sensim longiùs progredior quàm putaram. Redeo igitur ad theorema præfixum, quòd nempe varia illa sacrificia veteris legis fuerint omnia, typi & figuræ Evangelici sacrificij quod in Eucharistia celebratur. Sicut itaque figuræ ad res signatas referuntur, lineæ omnes à circulo tendunt in centrum, & hoc vnico puncto connectuntur; sic planè, magnus ait Chrysostomus in Psal. 95. *Omnia ve-*

† Eò ſpectans  
Eccleſia, Do-  
minica 16. poſt  
Pent. ſic orat  
in ſecreta Miſ-  
ſæ, *Deus qui le-  
galiū differen-  
tias hoſtiarū,  
unius ſacrificij,  
perfectiōne ſan-  
xiſti. &c.*

\* το εὐσεβὲς μὲν καὶ  
φεικώδης ἐστι καὶ τὸ  
πρὸς τῆς χάριτος,  
ὅτι οἱ κἀδοντες, οἱ  
βίβλαν, οἱ λίδιν αὖ  
ὅτι τῷ πόντῳ, οἱ  
τῆς ἐπιθυμίας, ἡ μῆ-  
τρα, ἡ κίβητος, ἡ  
ποδὺς, τὸ πύτα-  
λιθὸν τοῦ χειρουργοῦ, τὰ  
ἀγκύλη ἀγκύρη, ἡ  
πολλὰ ὅτι ἴσθιν ἡ-  
ριώα, ἀλλ' ἐπὶς τὰ  
τῆς χάριτος ἐξέτι-  
σις, μὴ αὖ οἷα δι-  
ρῶσι τὰ εὐσεβὲς καὶ  
φεικώδης ἐστι καί-  
να καὶ τὸ πρὸς τῷ τό-  
μῳ λαχθῆναι, καὶ  
θαῶτα ἀναστῆναι οὐ.  
ὅπ' οὐ διδίδεσται τὸ  
ἀλξασμίνον ἐν  
πύνῳ τῷ μέρει, ἱ-  
νικὴν τῆς ἀνθρα-  
κούσης διέξω. ὅταν  
γὰρ ἴδῃς τὴν χάρι-  
τον, καὶ καί-  
μενον, καὶ τὴν ἰσ-  
χίαν τῷ πόντῳ,  
καὶ ἐπιθυμίας.  
\* \* \* Ἐπεὶ γὰρ ὁ ἱ-  
ερεὺς, οὐ πύρκα πύ-  
ρκα, ἀλλὰ τὸ  
πνεῦμα τὸ ἅγιον καὶ  
τὸ ἱερατικόν ἐπὶ  
τοῦ πύρκατος, οὐκ  
ἴσται πύρκατος ἀ-  
ναστῆναι ἀφ' αὐτοῦ  
ἐκταλόμενος τὰ πύ-  
ρκατος, ἀλλ' ἴσται  
ἐκταλόμενος ἐκ  
τοῦ πύρκατος δι' ἐκ-  
ταλόμενος τὰς ἀπώτων  
ἀναστῆναι ἐκταλόμενος.  
S. Chrysost. lib.  
3. de Sacerdotio.

*Propter eximiam hostiæ dignitatem, quæ à Sacerdotibus novi Testamenti iugiter immolatur, iisdem, & inferioribus altaris ministris, perpetuam continentiam fuisse iniunctam.*

**S**I quod offertur in tremendis Mysteriis Sacerdos tanti sacrificij ministerio fungens attentius respiciat, bone Deus! quanta hinc, etiam plusquam Angelica, sanctitas requiritur? \* *Terribilia atque horrida fuerunt, quae gratiae tempus praecesserunt, (ait S. Chrysostomus lib. 3. de Sacerdotio) quod genus fuerunt tintinnabula, mala punica, lapides petri Sacerdotis, itemque alij humeris eiusdem superpositi, mitra, strophium, vestis ad pedes usque demissa, lamina aurea, Sancta Sanctorum, ingens intus quies atque silentium; at verò si quis ea quae gratiae tempus aduexit examinet, terribilia atque horrida quae dixi iudicabit esse admodum leuia; ac quod de lege à Paulo dictum est, hinc demum esse comperiet, quandoquidem ne glorificatum quidem fuit, quod glorificatum est in hac parte, propter eminentem gloriam, nam dum conspicias Dominum immolatum, Sacerdotem sacrificio incumbentem ac preces fundentem &c. Etiam te ne inter mortales versari censes? Mox etiam Eliæ confert Sacerdotem, imò praefert dicens: \*\* *Adest Sacerdos non ignem gestans, sed Spiritum sanctum; is preces diuturnas fundit, ut flamma caeli delapsa, sacra apposita absumat, sed ut gratia in sacrificium influens per**

*illud omnium animos inflammet.* Ideò idem sanctus Doctor orat. 4. contra Iudæos, hoc à Malachia, purum sacrificium dicitur nuncupari, quia cum Mosaicis collatum, purum solum dici & censerì debeat. Argumentis non est opus ut quantum sit discriminis inter corpus Christi, & cruentas illas victimas, quæ in veteri lege de carne, & sanguine brutorum animalium offerebantur, cuiquam vel mediocriter sensato persuaderi possit. Idem os aureum Ecclesiæ, hom. 28. in 1. Cor. 11. non sine indignatione ferre potest huius differentię discussionem, sed tamen

\* Εἰ γὰρ μάλιστα  
ἀπὸ τοῦ τίς ποτὶ  
ἐστὶ ὁ σωματικὸς  
καὶ τίς ὁ πνευμα-  
τικὸς διδόναι, οὐδὲ  
τίς ἐστὶν ὁ λόγος  
ἀλλ' ἀπὸ τοῦ  
οὗ τῶν ἡμῶν ἀπο-  
στασὶς ἐστὶν ὁ μὴ  
ὁπότε ἡμεῖς ἀνα-  
παύομεθα.  
Hom. 28. in 1.  
Cor. 11.  
Scapletonus &  
alii, &c.

unicam inducit considerationem, \* Si didiceris, inquit, diligenter qui sit propositus, & quis ille seipsum exhibet, nullius alterius indigebis ratione, sed hoc tibi ad omnem sobrietatem sufficiet, nisi sis omnium ignavissimus. Et hom. 83. in Matth. hoc ex principio Sacerdotes aggressus: Quos (ait) radios solares, non deberet excedere manus illa, quæ hanc carnem pertractat? Fuerunt in Ecclesia magni viri qui stuperent vehementer, quæ fiat ut Sacerdotes tam parum solliciti essent de condigno suo ad tantum sacrificium accessu, ad nonnullorumque temeritatem attoniti putarent Sacerdotes illos manifestè se à fide excidisse prodere, qui rem sacratissimam, mysteria tam tremenda, sordidè & sceleratè pertractare non perhorrescunt. Characterem (inquiunt) habemus Sacerdotalem, proinde legitima potestate fungimur: nec de re dubitamus, nam credimus nos etsi peccatores verum Christi corpus recipere. At Sanctus ipse Chrysostomus his friuolis argutiis rectè & solerter occurrit. Cum fide enim accedere (inquit) non est ut propositum corpus tantum recipias, verum multò magis ut mundo corde tangas, ut sic adeas quemadmodum ad ipsum Christum.

S. Augustinus.

Si priscis Leuitis, & Sacerdotibus diuino dudum oraculo dictum est, *Mundamini qui fertis vasa Domini?* At non hinc vasa Domini, sed ipsum Dominum ferunt Sacerdotes. Christus etenim instituendo Eucharistiam, seipsum ferebat in suis manibus: quod fecit, Sacerdotibus ut hoc ipsum facerent præcepit. Idcirco rectè à S. Cyrillo Hierosolymitano Cateches. 4. *ἑλισσόμενοι* dicuntur. Ferant igitur Dominum puris manibus, si ex huius nominis & muneris, Angelis ipsis tremendi & reuerendi, velint merito gloriari. Docet S. Basilus in brevioribus Regulis ad interrogat. 172. & post eum S. Cyrillus Alexandrinus lib. 4. in Ioann. c. 17. Fidem sacrificij veritati adhibitam, mirabiliter & incredibiliter excitare sacrificantis charitatem. Vigor ille Sacerdotalis, qui in primitivæ Ecclesiæ Episcopis, Presbyteris, Diaconis, & cæteris altaris ministris dudum inter Martyria refulsit, hoc ex fonte defluxit. At ex opposito tepor, imò frigiditas, quæ nunc in plerisque Sacerdotum ac ministrorum conspicitur, inde profectò manat, quòd fides eorum emortua, charitatis ignem nutrire non possit.

Impuritas etiam multum officit ne tanti sacrificij fructum percipiant, qui diuini altaris sunt ex credito munere participes. Quàm eximia reuerentia huic debeat sacrificio, docuit Saluator quum ante plenam huius institutionem discipulorum pedes lauaret in si-  
gnum



gnum perfectæ puritatis, qua cum id celebrare ac dispensare conuenit. Hinc ortus ille ritus est, quo hodièque sacrificaturi Sacerdotes, manus ad altare lauare solent. Meminit huius obseruationis antiquissimus Pater Dionysius Areopagita in sua Ecclesiastica Hierarchia, c. 3. p. 3. \* *Astans coram signis sanctissimis* ( inquit ) *Pontifex manus lauat cum honestissimo Sacerdotum ordine: quod quidem iuxta Saluatoris eloquium, is qui totus lotus est nulla alia, nisi tantum summitatum, extremitatumve suarum lotione indigeat, &c.* Eos enim qui ad sacramenta cœlestia conficienda procedunt, eâ oportet esse munditiâ, ut ipsas quoque animæ extremas imagines purgatas habeant, sicque ad reuerenda mysteria ( quantum fas est ) similitudine puritatis accedere. Et in epistola ad Demophilum, num. 8. \*\* *Si Sacerdotum sanctus ordo is est, qui illuminat, procul dubio ille à Sacerdotali ordine, & virtute prolapsus est, qui illuminans non est, multoque sanè magis qui neque illuminatus est.*

Ob sacrificij Christiani excellentiam fuisse cœlibatum sacris Ecclesiæ ministris iniunctum, Patres & Theologi passim docent. Annexum enim volunt iure Apostolico sacris ordinibus perpetuæ continentiae debitum multas ob rationes; v. g. quia matrimonium impedit studium orationis & lectionis, officium prædicationis, curam pastorem, pauperum solatium, ipsamque sacramentorum administrationem: sed causa præcipua cur cœlibes esse Sacerdotes, primariisque eorum administratos Apostoli voluerunt, Synodi decreuerunt, Patres docuerunt, præcipuo Sacerdotij officio quod sacrificium est Eucharistiæ, nititur, & ex hostiæ quam offerunt dignitate elicitur. S. Clemens epist. 2. ad Iacobum ( seu potius Simonem ) fratrem Domini, à Sacerdotio & altari arcendos statuit quoscumque mysterij Dominici ministros qui continentiam non seruant; Adeò ut si post ordinationem, ministro altaris contigerit proprium inuadere cubile uxoris, sacrarij ( inquit ) non intret limina, nec sacrificij portitor fiat, nec altare contingat, nec ab offerentibus holocausti oblationem suscipiat, nec ad Dominici corporis participationem accedat, nec aquam Sacerdotibus porrigat ad manus &c. urceum siue calicem ad altare non ferat.

Origenes primus Ecclesiæ post Apostolos magister, hom. 4. in Leuit. Ante omnia ( inquit ) Sacerdos qui diuinis assistit altaribus, castitate debet accingi. Idem hom. 23. in Num. adducto illustri loco Apostoli, 1. Cor. 7. Nolite fraudare inuicem, nisi fortè ex consensu ad tempus, ut vacetis orationi. sic infert, Certum est, quia impeditur sacrificium indefinens iis qui coniugalibus necessitatibus seruiunt; unde videtur mihi quod illius est solius offerre sacrificium, qui iugi & perpetua se vouerit castitati. Eusebius Cæsariensis lib. 3. demonstr. Euangelic. c. 9. Veruntamen eos qui parati, & sacrati sint, atque in Dei ministerio cultuque occupati, continere deinceps à commercio uxoris decet. Siricius Papa in celebri epistola ad Tarracon. ex qua Canonem collegit Gratianus, dist. 82. c. Plurimos, insigni decreto perpetuâ sacrorum hominum continentiam vindicatâ, signanter ait: *Vt integritate fulgentes acceptabile Deo munus offerant; laudatâque Apostolica de hac obseruantia traditione, aliisque Ecclesiasticis sanctionibus, Quorum,*

Rr

\* Εὐθὺς ἐπὶ τοῖς  
σημαῖς ἀρχιερέων  
καὶ ἱερέων, ἵσταται  
ὁ πόντιφex ὁ ἱε-  
ραρχὸς ὁ πᾶσι καὶ  
τοῖς συμποσώμε-  
νοις τῶν μαρτύρων.  
Οὐ γὰρ εὖν, ὡς τὰ  
λαϊκά φησιν, ὁ λε-  
γουμένος οὐ δύναται  
πίνειν ἱερεὺς, εἰ μὴ  
τὰς ἑαυτοῦ ἀφαιρήσῃ  
τοὺς ἰσχυροὺς ἰσχυ-  
ρῶν, νύμφης, &c.

Τοῦ γὰρ ἐπὶ τῶν  
παιαντῶν τῶν ἱερῶν  
ἱερευρέων, ἀποκα-  
χεῖσθαι δεῖ καὶ  
τὰς ἰσχυροὺς τὰς ψυ-  
χὰς φαρμακείας καὶ δι-  
ὀμοιοῦσθαι αὐτῇ καὶ  
τῷ δυνάτει σαρκοῦ  
καὶ σαρκὸς.

S. Dionys. A-  
reopag. de Eccl.  
Hierarch. c. 3.

\*\* Εἰ τίς ποτε ἢ ἡ  
ἱερωσύνη διακρίματα  
ἔστιν ὁ φωνητικὸς,  
πνευματικὸς ἀποστή-  
μις καὶ ἱερατικὸς  
τάξις καὶ δυνά-  
μις, ὁ μὴ φωνητι-  
κός, ὁ ποῦ καὶ μάλ-  
λον ὁ ἀφαιρῶν.

Idem epistol. ad  
Demophilum 8.



inquit, sanctionum Sacerdotes omnes atque Leuitas insolubili lege constringimus, ut à die ordinationis nostræ, sobrietati ac pudicitiae, & corda nostra mancipemus & corpora, dummodo per omnia Deo nostro in iis, quæ quotidie offerimus sacrificiis placeamus. Sunt inter Nouatores quidam, huius epistolæ qui sinceritatem impugnant, verum prorsus abs re: siquidem pro genuina agnita est ante annos ferè 1200. à Patribus Agathensis Concilij, qui can. 9. iis eam verbis commendant: *Placuit ut si Presbyteri, vel Diaconi coniugati, ad thorum uxorum suarum redire voluerint, Papæ Innocentij ordinatio, vel Siricij Episcopi auctoritas, &c. seruetur.* Et infra, *Si qui autem scisse formam viuendi à Siricio sancto Episcopo ( editam ) deteguntur &c.*

Vixit eodem tempore quo sedebat Siricius Papa, sanctus Ambrosius, ( cuius etiamnum extat epistola, scripta ad ipsum Siricium ) is porro lib. 1. de officiis, c. vlt. Sacerdotes, & ministros altaris debito obstrictos continentiae perpetuæ docet; quo inoffensum, & immaculatum Deo ministerium exhibeant.

S. Hieronymus eiusdem S. Ambrosij synchronus, lib. 1. cont. Iouin. citato etiam loco Apostoli suprâ signato; *Si Laicus ( inquit ) & quicumque fidelis orare non potest, nisi coniugali careat officio, Sacerdoti cui semper pro populo offerenda sunt sacrificia, semper est orandum, semper carendum matrimonio; nam & in veteri lege, qui populo hostias offerebant, non solum in domibus suis non erant, sed purificabantur, ab uxoribus separati, & vinum & siceram non bibebant, quæ solent libidinem prouocare.*

S. Gregorius Nyssenus lib. de Virginit. c. vlt. \* *Quomodo, inquit, Dei Sacerdotio fungeris qui ad hoc ipsum ut munus offerres unctus es? quomodo hæc ipsa Deo offerres, qui legi non obtemperas prohibenti, ne sacra impurus faciat? &c.*

\*\* Circa hoc tempus, Concilium II. Carthaginense habitum est, in quo edita est hæc celeberrima sanctio, can. 2. *Aurelius Episcopus dixit. Cum in præterito Concilio de continentiae & castitatis moderamine tractaretur; Gradus isti tres conscriptione quadam castitatis per consecrationem annexi sunt. Episcopos, inquam, Presbyteros, & Diaconos. Ita placuit ut condecet sacro-sanctos Antistites, & Dei Sacerdotes, necnon & Leuitas, vel qui sacramentis diuinis inseruiunt, continentes esse in omnibus, quo possint simpliciter quod à Deo postulant impetrare, ut quod APOSTOLI DOCVERVNT, & ipsa seruauit antiquitas, nos quoque custodiamus. Ab vniuersis Episcopis dictum est, omnibus placet, ut Episcopi, Presbyteri, & Diaconi, vel qui sacramenta contrectant, pudicitiae, castitatisque custodes, etiam ab uxoribus se abstineant? Ab omnibus dictum est, placet: Ut in omnibus, & ab omnibus pudicitia custodiatur, qui altari seruiunt: Versio Græco-Latina hanc clausulam paulo aliter refert, hac scilicet serie: Faustinus Episcopus Ecclesiæ Polentinae, prouinciæ Piceni, Legatus Romanæ Ecclesiæ dixit; Placet ut Episcopus, Presbyter, & Diaconus, vel qui sacramenta contrectant, pudicitiae custodes ab uxoribus se abstineant? Ab omnibus Episcopis dictum est, placet, ut in omnibus pudicitia custodiatur, qui altari deseruiunt. Vbi patet continentiae perpetuam obseruantiam sacris viris indictam*

Florebat sanctus Gregorius Nyssenus. circa ann. 380.

\* Πῶς ἡ ἐκκλησία  
Θεῷ, καὶ τοῖς ἀνθρώποις  
τίμιον ἔσται, εἰς  
τὸ ἐκτελεσθῆναι τὸ  
ἐν τῷ Θεῷ; Πῶς  
οὖν ταῦτα ἐκτελε-  
σθῶσι Θεῷ, ὃ μὴ ἀ-  
καίωτον ἐκκαλεῖται  
τὸ ἁγίον.

S. Gregor. Nyss.  
de Virginit. c.  
vlt.

\*\* Habita est  
hæc Synodus  
anno 397.

fuisse reuerentiæ sacrificij salutaris intuitu, idque ex Apostolorum institutione constantique traditione ab hinc vsque perenni vsu custodita. *Placuit enim sanctis Patribus* (inquit S. Isidorus lib. 2. de diuinis officiis, c. 10.) *ut qui sacra mysteria contrectant casti sint & continentes; & ab omni carnali immunditia sint liberi.* Profusiori igitur inductione canonum aut testimoniorum sanctorum Patrum, quibus id axioma firmeretur haud opus est, cum ex adductis verustiorum Patrum testimoniis, & hoc solenni decreto secundum Apostolicam traditionem, & vniuersæ Ecclesiæ vnanimem consensum, & perpetuum ab initio vsum promulgato, hoc sit satis superque comprobatum.

Id porrò cum non ignorarent sectarum recentiorum auctores, difficilèque posse aduerterent viros Ecclesiasticos suas in partes abduci, stante illorum perpetua continentia, omnibus quos potuere modis, iis persuadere nisi sunt tyrannicum esse ipsum cœlibatûs decretum, iugum enim imponere naturæ prorsus contrarium, adeoque viribus humanis insupportabile: sed quia tamen videbant Sacerdotes diuino metu, hac in obseruantia contineri, & religionis causâ se credere huic debito esse obstrictos, falso id niti fundamento clamauerunt, nimirum ipsius officij Sacerdotalis dignitatîsque futili persuasione: inductum siquidem fuisse cœlibatum hoc obtentu, quòd viri Ecclesiastici altari diuino ministrantes consecrarent, offerrent, & dispensarent verum Christi corpus & sanguinem. Negârunt igitur vllum verum sacrificium, & proinde Sacerdotium in Ecclesia esse, perfractèque inficiari sunt Christi corpus & sanguinem verè & realiter in Eucharistia contineri. Abs re igitur propter realem hanc præsentiam & sacrificij officium, viros Ecclesiasticos huic obligationi astringi, quæ his duabus columnis innixa, iis euersis funditus cor-  
ruebat, proinde illos ab eiusmodi debito, iam hoc admissio dogmate, esse prorsus exemptos; licere igitur iis honesto matrimonio copulari, deliciisque frui omni humano generi, ex æquo à natura concessis.

Nota.

Funestum sanè, sagâxque nihilominûs diaboli inuentum! quo seducti & illecti quotquot à sanctæ Ecclesiæ gremio viri sacri, ad sectariorum partes transfugerunt, in libidinem laxatis habenis, nefariis sese nuptiis propudioso ausu, luctuoso casu, exitiali exemplo in-nexuerunt. Andreas Carolstadius Archidiaconus Wittembergensis, primis ex discipulis Lutheri vxorem publicè duxit cum esset Sacerdos, in cuius facti commendationem Canonici Wittembergenses iam hæresis Lutherana infecti contagio, Missam propriam concinnarunt, cui hanc Collectam intexere illos non puduit: *Deus qui post tam longam & tam impiam Sacerdotum cecitatem, Beatum Andream Carolstadium ea gratia donare dignatus es, ut primus nulla habita Papistici iuris ratione, vxorem ducere ausus fuerit: da quasumus, ut omnes Sacerdotes recepta sana mente, eius vestigia sequentes, eiectis concubinis, aut iisdem ductis, ad legitimum consortium thori conuertantur. Per Dominum &c.* Ioannes Oecolampadius & Huldricus Zuinglius, mox Carolstadij sunt funestum hoc exem-

Vide Cochleû in actis Lutheri.

Nota.

plum consecrati. Sed antequam eò impudentiæ proflirent, cœlibatûs fundamentum subruerunt, siquidem negârunt in Eucharistia esse Christi corpus, nisi vt in signo & figura. Et quia sanctorum Patrum imagines quæ eorum oculis iugiter obuersabantur, stimulos eorum conscientiiis perennes incutiebant proditæ fidei, temerati voti, & desertæ sacræ militiæ, eos ipso suo obiecto coarguentes, cùm constaret quotquot fuerunt sancti Episcopi & Sacerdotes, realem Christi corporis in Eucharistia præsentiam credidisse & docuisse, incruentum sacrificium ex suscepto diuinitûs munere obtulisse, continentiam ideo perpetuam coluisse & seruâsse: ne diutiùs aculeis conscientiæ, conspicuis sibi vbique memoriæ Sanctorum monumentis pungerentur, impuri illi apostatæ deturbandas esse omnes Sanctorum imagines contenderunt, confringendâsque aut delendas omni studio procurârunt. Quod stupendo ausu ipse Carolstadius de facto primus aggressus est: eueris Wirtembergæ aut erasis sacris quibusque imaginibus, vt fidem Sanctorum cum signis illorum venerabilis memoriæ sub æterna obliuione sepeliret, seque suosque symystas sic à stimulis interioribus quibus torquebantur, tandem eximeret.

Stapler. tom. 2.  
p. 564.

Docet deplorabile hoc exemplum Sacerdotes, quanto cum animæ periculo in lapsum carnis deuoluantur, oblita sui officij dignitate, & tremendi quod tractant quotidie Mysterij reuerentiâ. Infelices illi quos memorauimus, hæresis antesignani, cœlibatum abrogari non posse censuerunt, nisi Sanctorum memoria & cultus oblitteraretur, qui perpetuam continentiam summo studio in Sacerdotio seruauerunt: ac præsertim nisi ipse Christus præsens in Eucharistia realiter existere penitus negaretur, & sacrificium ac Sacerdotium simul tollerentur, quibus nititur debita ab altaris Dei ministris carnis & spiritus intemerata puritas atque munditia. Attonitum me fecit hæc grauissimi Doctoris pronuntiatio: *Mihi dubium non est eos Sacerdotes fide carere, & persecutionis hæreticæ tempore ad hæreses transituros, qui perfunctoriè hoc sacro munere funguntur.* Si qui perfunctoriè, quid ij qui impiè? quid, qui sceleratè?

Durus sanè est hic sermo, & quis potest eum audire? audire, inquam, sine fremitu, sine terrore, sine metu? Absit vt hæc dicta velim in solum Sacerdotum terrorem! Mitiganda est prædictæ sententiæ asperitas, sat enim esse arbitror dicere, ingens esse misericordiæ Dei beneficium, quòd Sacerdotes impurè viuentes, & sacra nihilominus ministrantes, naufragium non faciant circa fidem: periculosum esse tamen, diu hæc Dei bonitate & patientia abuti: *Qui enim diuitias bonitatis eius, & patientiæ, & longanimitatis contemnunt, nec attendunt quoniam Dei benignitas ad pœnitentiam eos adducit, (ait Apostolus Rom. 2.) secundum duritiam suam, & impœnitens cor, thesaurizant sibi iram in die iræ.*

Verùm hîc fortassis quispiam respondebit plus exigi ab homine, quàm humana conditio patiatur, si ea requiratur puritas in Sacer-

dote celebrante sacrificium Domini, quæ huic mysterio & eius per-  
functioni sit condigna; Apostolum quidem docere omnis Pontifi-  
cis & Sacerdotis esse officium, dona & munera offerre pro peccatis,  
assumi enim ex hominibus & pro iis constitui quæ sunt ad Deum.  
talem enim esse debere *ut condolere possit iis qui ignorant & errant, quo-* *Hebr. 5.*  
*niam & ipse circumdatus est infirmitate.* Vbi duplicem intelligit infir-  
mitatem, priorem naturæ, secundam concupiscentiæ & culpæ; utrâ-  
que igitur est Sacerdos & Pontifex omnis circumseptus. Quamobrem  
non est exigenda in Episcopo, vel Presbytero &c. tanta puritas quæ  
Angelorum munditiæ par esse possit. Cum nec si tantam quis habe-  
ret, tamen dignus esset tam diuino munere perfungi, quale est sacri-  
ficiu corporis & sanguinis Domini.

Verum nec hoc Ecclesia ab vlllo Sacerdote deposcit, ut par sit  
Angelis puritate, quin nec ut sanctis quibusdam hominibus coæque-  
tur: v. g. S. Carpo, de quo refert B. Dionysius ep. 8. ad Demoph.  
tam miræ fuisse, ac Deo gratæ sanctitatis, ut nunquam celebrare  
diuinum mysterium inciperet, nisi prius habita aliqua sacra visione:  
aut S. Epiphanio, qui nunquam oblationem perficiebat, nisi Spiri-  
tum sanctum descendentem super proposita munera intueretur. Sat  
sit in præsentī tempore quod vel in omni Christiano dudum exige-  
bat Apostolus, nempe *ut mente seruiat legi Dei, ut non regnet peccatum* *Rom. 7. 8.*  
*in corpore suo mortali, ut hoc mundo utatur quasi non utatur; ut vas suum possi-* *1. Cor. 7.*  
*deat in sanctificatione.* Sed ut candidè dicam, æquum est ut Sacerdos *1. Cor. 10.*  
sit populo perfectior; proinde longè maior puritas in eo requiri-  
tur quàm in populo, ne ei quod ait propheta exprobetur, *ut populus* *Isa. 54. 2.*  
*sic Sacerdos.* Admonet in Tito & Timotheo Episcopos, Presbyteros,  
& Diaconos Apostolus, de virtutibus, ministerio sanctificationis  
propriis; sed nihil est quod instantius in iis quàm castitatem depo-  
scat; Oportet Episcopum, inquit, &c. *sobrium esse &c. pudicum; similiter &* *1. Timoth. 3.*  
*Diaconos pudicos, habentes mysterium fidei* (quod est Eucharistiæ venera-  
bile sacrificium) *in conscientia pura &c.* Et infra \*, *Exemplum esto fide-* *\* c. 2. 12.*  
*lium in verbo, in conuersatione, in charitate, in fide, in castitate.* Idem ve-  
rò ad Titum c. 1. *Oportet Episcopum sine crimine esse &c. sobrium, iustum*  
*sanctum, continentem &c.*

Dices, sed nemo potest esse continens, nisi Deus det? Sap. 8. 21. ita est  
sanè. Verum pete, & accipies. Media sunt diuersa, quibus castitas  
comparari potest.

1. est humilitas. *Nisi antea fundata fuerit humilitas vera* (inquit Cas-  
sianus lib. 6. instit. c. 1.) *nullus poterit vitij vnquam triumphus acquiri &c.*  
etenim castitatem seniores dicunt apprehendi non posse, nisi prius humilitatis  
in corde fundamenta fuerint collocata. Et S. Gregorius lib. 21. Moral. c. 3.  
*Si vel castitatem humilitas deferat, vel humilitatem castitas relinquat, apud au-*  
*ctorem humilitatis & munditiæ prodesse quid præualeat vel superba castitas, vel*  
*humilitas inquinata?*

II. Medium est castigatio corporis per ieiunia, vigilias, chameu-  
nias, flagellationes spontaneas.



III. Contritio spiritus, mortificatio passionum.

IV. Fuga occasionum &c. S. Cyprianus in lib. de singularit. Clericorum asserit se diuina reuelatione cognouisse, ne Clerici cum fœminis commorentur; dignus est totus liber qui legatur: (hunc porro esse genuinum partum sancti ipsius Episcopi & Martyris clarè & solidè Baronius demonstrat tom. 2. Annal.) Alia sunt pleraque media, vt custodia sensuum, maximè visus, gustus & tactus, item confessio & communio frequens, nouissimorum meditatio, lectio sacra, exemplorum sanctorum consideratio. Sed medium omnium efficacissimum est oratio: quamobrem cum Sapiens loco suprâ citato dixisset, *Sciui quoniam aliter non possim esse continens, nisi Deus det*; continuò subiungit, *Et idcirco adij Dominum & deprecatus sum illum, dixi ex totis precordiis meis, Deus patrum nostrorum &c.* Hinc Paulus Apostolus cum stimulis carnis pungeretur refugium habuit ad preces, *Datus est mihi stimulus carnis meæ Angelus Satana qui me colaphizat: propter quod ter Dominum rogaui ut discederet à me.* Sic gratiam resistendi huic tentationi impetrauit, nam à Domino responsum est, *sufficit tibi gratia mea.* Ideo S. Cyprianus lib. de bono pudicitiae, vbi pleraque media signauit, quibus possit comparari virtus castitatis, tandem orationem, summum esse concludit, *Sed inter hæc, imò & ante hæc omnia de diuinis castris auxilium petendum est.* Hoc medio sanctus Augustinus castitatis donum obtinuit, quemadmodum lib. 10. Confessionum c. 29. his verbis declarat: *Tota spes mea, nonnisi in magna valde misericordia tua Domine: O amor qui semper ardes & nunquam extingueris! Charitas Deus meus accende me? continentiam iubes, da quod iubes, & iube quod vis.* Ipsum Eucharistiæ sacrificium fons est castitatis. Ex hoc igitur, qui sitit, hoc donum potest profluuio haurire. Hinc in Missali Romano orationes propriæ ad impetrandam castitatem assignantur; Et præliminares ad sacrificium Sacerdotis preces passim spirant obtinendæ castitatis affectum. Alba qua Sacerdos induitur, candore suo, munditiam & puritatem qua par est Sacerdotem totum nitere designat. Zona qua præcingitur, proprium est continentiae indicium. quapropter hanc lumens Sacerdos hunc in modum orat; *Præcinge me Domine cingulo puritatis, & extingue in lumbis meis ardorem libidinis; ut maneat in me tenor continentiae & castitatis.*

## CAPVT II.

*De obiecto sacrificij Christiani, videlicet, Quòd Deo uni & trino, solique debetur & offertur.*



INTER diuersas sacrificij definitiones, quæ à Theologis Scholasticis hætenus traditæ sunt, nulla mihi videtur istâ vberior, aptior & apertior quam Cardinalis Bellarminus assignat lib. 1. de Missa c. 2. §. *His ergo: Quamuis à Gabriele Vasquez rigidius excussa, tacito nomine auctoris, minùs probetur.*

*Sacrificium est oblatio externa soli Deo facta\* ; qua ad agnitionem humanae infirmitatis & professionem diuinæ Maiestatis , à legitimo ministro res aliqua sensibilis & permanens , ritu mystico consecratur & transmutatur.* Bellarminus (& ex illo Vasquez) partes singulas huius definitionis accuratè expendit & declarat. Quamobrem hîc prætermissa partium earum explicatione , quæ materiam oblationis , ministrum , mutationem & ritum mysticum spectant : iis solùm terminis inhærebimus , quibus exprimitur proprium sacrificij obiectum , videlicet *sacrificium est oblatio externa facta soli Deo , ad agnitionem humanae infirmitatis & professionem diuinæ Maiestatis.*

Dicendum igitur , quòd gratum hominem esse Deo , à quo tot bona , esseque ipsum accepit , iustum & æquum erat. Patres sollicitè perquisierunt , quodnam fuerit primum hominis peccatum ? fueruntque de hac re varia ipsorum placita : quidam etenim fuisse gulam & intemperantiam : quidam immoderatum Adæ erga suam coniugem amorem : quidam utriusque infidelitatem ; quidam ambitum & superbiam : quidam inobedientiam & præsumptionem , diuersis nixi argumentis asseuerârunt. Verùm non minùs rectè quidam alij censuerunt fuisse ingratitude. *Creatus est homo à Deo ut esset precipuum diuinæ clarificationis organum* ( ait S. Irenæus lib. 4. c. 24. ) & *exceptorium totius eius bonitatis.* Qui perpenderit quantis hominem beneficiis Deus ab initio cumulârit , obstupefcet profectò ad eius erga Deum ingratitude ; *Creauit* ( ait Sapiens , c. 2. 23. ) *Deus hominem inextermabilem , & ad imaginem similitudinis suæ fecit illum.* Dedit ei adiutorium simile sibi ; minuit illum paulò minùs ab Angelis , gloria & honore coronauit eum , & constituit eum super opera manuum suarum : *Omnia subiecit sub pedibus eius , oues & boues uniuersas , insuper & pecora campi , volucres cæli , & pisces maris.* Crescite ( ait Adæ & vxori eius ) & multiplicamini & replete terram , & subiicite eam , & dominamini piscibus maris & volatilibus cæli , & uniuersis animantibus , quæ mouentur super terram. *Formatis igitur Deus de humo cunctis animantibus terræ & uniuersis volatilibus cæli , adduxit ea ad Adam , ut videret quid vocaret ea.* Omne enim quod vocauit Adam animæ viuientis , ipsum est nomen eius. videlicet in signum excellentiæ & dominij quod ei Deus super illa contulerat. Sed quid hæc ad cætera bona quibus amator hominis Deus ipsum repleuerat ? insignierat eum sua imagine , decorârat similitudine , creauerat rationis participem , desponsauerat in fide , dotaauerat in spiritu , deputârat cum Angelis , instruxerat omnibus donis gratiæ , capacem fecerat beatitudinis , hæredem bonitatis & gloriæ designauerat , in horto voluptatis interim collocauerat. Quid ad hæc homo ? Animaduertite quæso , si vel vnum verbulum homo emisit , quo gratias vel minimas tam munifico suo conditori referret ? tacuit ingratus , nec ipsi creatori suo tulit esse subiectus. Id verò prudenter notauit S. Irenæus loco superius laudato ; *Neque* ( inquit ) *Deus cessat aliquando in benefaciendo & locupletando hominem , neque homo cessat beneficium accipere & ditari à Deo.* *Exceptorium enim bonitatis & organum clarificationis eius homo , gratus ei qui*

\* S. Aug. l. 1. c. de ciuit. Dei. c. 4. cuius titulus est: Quòd vni vero Deo sacrificium debeat. Nam ut alia , inquit , nunc taceam quæ pertinent ad religionis obsequium ; sacrificium certè nullus hominum est qui audeat dicere , deberi , nisi Deo soli.

ps. 1.

Genes. 1.

Genes. 2.

S. Bern. in med.

*se fecit (si fuisset.) Et iterum: exceptorium iusti iudicij eius, homo ingratus & spernens plasmatores, & non subiectus verbo eius.*

*Genes. 4.*

Lapsus igitur hominis, ab hac labe descendit, quòd Deo fuerit ingratus. Causam verò suæ infelicitatis hanc fuisse non diu postea ignoravit. Sacra narrat historia, Cain & Abel, Adam & Eux filios sacrificia Deo obtulisse. *Factum est ut offerret Cain de fructibus terra munera Domino, Abel quoque obtulit de primogenitis gregis sui, & de adipibus eorum.* Vnde eis quæso hic solennis ritus Deum per sacrificia honorandi, eiúsque gratiam sacris eiusmodi muneribus sibi conciliandi? Appositè hîc respondet S. Athanasius, Tract. seu sermone in hoc Dominicum pronunciatum, *Omnia mihi tradita sunt &c.* Cain & Abel didicisse ab Adamo suo parente religionem & ritum sacrificandi: hîncque rectè inferri Adamum primum omnium hominum, Deo sacrificasse.

Vnde patet rectè ratiocinatum fuisse Durandum, in 4. dist. 14. q. 2. n. 2. &c. ubi docet vnam & eandem virtutem iustitiæ versari erga proximum reddendo illi debitum, & circa Deum, reddendo illi honorem, neque esse specialem aliquam virtutem religionis à iustitia distinctam. Proinde sacrificium esse quoddam peculiare opus iustitiæ erga Deum. Hoc bene agnoscit palàmque profitetur Ecclesia in vero mysticòque Eucharistiæ sacrificio: nam Sacerdos antequam tremendam incipiat actionem, sic populum ad reddendum Deo hoc iustitiæ debitum inuitat, *Sursum corda*, respondet populus, *Habemus ad Dominum*, tum Sacerdos instat, *Gratias agamus Domino Deo nostro*, cui respondet populus, *Dignum & iustum est.* inde infert Sacerdos, *Verè dignum & iustum est, æquum & salutare, nos tibi semper & ubique gratias agere, Domine sancte, pater omnipotens, æterne Deus, per Christum Dominum nostrum,* qui scilicet noster est Sacerdos & sacrificium, quod eius mandato, ad referendum tibi debitas pro immensis beneficiis gratias, ad reddendum Maiestati tuæ cultum supremum, ad impetrandam peccatorum nostrorum veniam, & necessaria nobis ad salutem æternam consequendam, tuæ omnipotentis auxilia, gratiæque dona, tibi offerimus. Quia scilicet dignum & iustum est; *dignum*, pro excellentia tuæ æternæ Maiestatis; *iustum*, pro susceptis de tua bonitate tot & tantis beneficiis; *æquum*, pro servitutis nostræ debitis obsequiis; *salutare*, pro gratiæ quæ poscimus per hanc Christi filij tui dilectissimi incruentam, sed veram corporis & sanguinis oblationem, cuique nostrum necessariis subsidiis.

S. Augustinus alta mente perpendens sacrificij huius institutionem, iustitiæ per id satisfieri debito passim agnoscit & docet. *Theosebia* (inquit lib. de spiritu & littera, c. 11.) *si ad verbi originem Latine expressam interpretaretur, Dei cultus dici poterat, qui in hoc maxime constitutus est, ut anima ei non sit ingrata; unde & in ipso verissimo & singulari sacrificio, Domino Deo nostro gratias agere admonemur.* Delibârat hanc doctrinam ex eo fonte Petrus Venerabilis Abbas Cluniacensis, cùm aduersus Petrobrusianos sacrificium Euangelicæ legis propugnans insignem hanc

*Vide eundem  
ep. 120. ad Honoratum, c. 19.  
tom. 3.*

hanc sententiam enunciat, illos qui Ecclesiæ sacrificium auferre contenderent, id facere diabolo suggerente, ut gens illa præ omnibus aliis Deo sit ingrata quæ plura & maiora ab eo beneficia accepit.

Deo igitur iure debetur sacrificium, & quidem Deo soli: orare possumus homines & reuereri, verum sacrificare non licet nisi soli Deo; est enim sacrificium externus actus religionis continens supremum patriæ cultum, solique Deo debitum: hinc lex diuina Exod. 22. *Qui sacrificat diis, occidetur, præterquam Domino soli.* Neque id solum scriptura docet, sed etiam id ipsum naturali lumine omnes gentes agnouerunt. *Quis verò* (inquit S. Augustinus, lib. 10. de Ciuit. Dei, c. 4.) *unquam sacrificandum censuit, nisi ei quem Deum aut sciuit, aut putauit, aut finxit.* Et lib. 1. cont. aduersar. legis & prophetar. c. 18. *Demon sibi sacrificium non exigeret, nisi Deo vero deberi sciret; Nam obsequia cetera quæ diuinitati exhibentur, ausi sunt sibi etiam superbiæ fastu homines arrogare, rarissimi autem commemorantur, qui sibi ut sacrificaretur cum regia potestate possent, ausi fuerint imperare; Quicumque tamen ausi sunt, per hoc se Deos haberi voluerunt.*

Ea est ratio cur in definitione sacrificij superius assignata, expresse dicitur quod sit *oblatio externa soli Deo facta, ad agnitionem humanæ infirmitatis, & professionem diuinæ Maiestatis.* Sacrificia sunt ergo velut tributa, quibus supremum Dei dominium in nos profiteamur, dominatoremque mortis & vitæ auctorem eum agnoscimus, nostramque ipsi subiectionem declaramus & attestamus.

Nec obstat quod Missæ sacrificium in Sanctorum honorem celebretur: nec enim eis offertur sacrificium, sed pro eorum victoriis & triumphis, quæ Dei dona sunt, sub eorum memoria & patrocinio Deo soli sacrificium offertur. Præclare id docet plerisque locis S. Augustinus, lib. 8. de Ciuit. Dei, c. 27. *Quis audiuit fidelium aliquando stantem Sacerdotem ad altare dicere in precibus, Offero tibi sacrificium Petre, vel Paule, vel Cypriane, cum apud memorias eorum offertur?* Et lib. 22. c. 10. *Vni Deo & Martyrum & nostro sacrificium immolamus; Ad quod sacrificium sicut homines Dei qui mundum in eius confessione vicerunt, suo loco & ordine nominantur; non tamen à Sacerdote qui sacrificat inuocantur; Deo quippe, non ipsis sacrificat, quamuis in memoria sacrificet eorum, quia Dei Sacerdos est, non illorum.* Et lib. 20. cont. Faustum, c. 21. *Nulli Martyrum* (inquit) *quamuis in memorias Martyrum, constituimus altaria.* Et infra, *Quod offertur, Deo offertur, qui Martyres coronauit.*

Nec modò ratione actûs sacrificij, sed & causæ materialis, seu hostiæ quæ offertur in Missa, soli Deo debuit victima nostra immolari: Corpus enim & sanguis Christi est. At verò Christus nulli creaturæ æquè potest offerri: Filius enim soli Patri defert, cui refert omnia quæ habet, tanquam proprio & naturali principio. Et hæc ratio est huius Ecclesiasticæ praxis, ut orationes quæ in sacrificio fiunt, ad Patrem dirigantur. Pridem hoc in Concilio III. Carthaginensi, c. 23. sancitum est, ut nemo in precibus vel Patrem pro Filio, vel Filium pro Patre nominet; & cum ad altare assistitur, semper ad Patrem di-



rigatur oratio. hinc clausula communis collectarum, *Per Dominum nostrum Iesum Christum filium tuum*, &c.

Qua ex regula cùm Breuiarium Parisiense non ita diu recenseretur, ego qui ex Recognitoribus ab illustrissimo D. Archiepiscopo deputatis (cum simul Capituli delectis) vnus eram, admonui collegas meos (eo in confessu qui in palatio Archiepiscopali agebatur) Antiphonam, quæ cantari iam olim consueuerat in i. Vesp. festi S. Thomæ Apostoli, aliqua emendatione indigere, in hoc scilicet quod habebat, *O Thoma Dydime, per Christum quem meruisti tangere, te precibus rogamus &c.* melius enim videri sic pronunciarī posse, *O Thoma Dydime, qui Christum meruisti tangere*, &c. Quoniam scilicet ex can. Carthaginensi, nemo rogatur per Filium nisi solus Pater: huic suggestioni mex acquieuit vniuersus ille confessus, sicque correctio facta est, prout in nouo Breuiario adhibita conspicitur.

*Vide Arcudium  
lib. 3. c. 9.*

Sed vt ad rem è diuerticulo redeamus, hîc obseruâsse operæpretium erit, apud Græcos morem esse perantiquum, vt sacrificaturi Sacerdotes varias particulas offerant, & primam quidem paulò maiorem particulam offerunt in memoriam Saluatoris, alteram & minorem portionem offerunt in memoriam, & honorem sanctissimæ Deiparæ Virginis Mariæ, tertiam B. Ioannis Baptistæ, quartam Apostolorum, quintam Martyrum, sextam in honorem Sancti cuius pro tempore natalis festiuitas celebratur. Emotæ mentis is erat, qui non ita diu suasit nobilissimæ matronæ Ruthenæ, ne ampliùs Eucharistiam sumeret à Russorum presbyteris, eo quòd vt dicebat non distribuerent corpus Domini, sed corpus B. Mariæ, & corpus B. Nicolai, ratus videlicet, eo quod Græci has particulas offerunt in memoriam Sanctorum easdem ab iis consecrari, & virtute consecrationis transmutari in illorum corpus Sanctorum, quorum memoriam sacris in mysteriis venerantur. Audiendus hîc Arcudius Corcyreus Presbyter, lib. 3. de Concordia Occidentalis & Orientalis Ecclesiæ, in administratione septem sacramentorum, qui inscriptus est de sacramento Eucharistiæ, c. 9. §. postremo circa medium. Hanc esse (inquit) antiquam Orientalis Ecclesiæ consuetudinem, (offerendi *meidas*) qua vitur illa Ecclesia ad declarandos varios fines sacrificij, &c. varia item membra corporis mystici, &c. quæ significantur in hoc sacrificio, nec enim eas offert veluti corpora Sanctorum viuorum & mortuorum; quare S. Germanus in fine suæ Theoriæ in Liturgiam, non particulas, quæ alioquin extra sacramentum minimè distribuuntur populo: sed panem vnde sumitur maior particula in memoriam Christi, *vocari typum virginalis corporis*, & panem corporis Deiparæ: vt enim ex purissimis sanguinibus Virginis formatus est Christus, ita etiam ex illo pane sumitur particula in corpus Christi transmutanda; vnde ille panis gerit sanctissimæ Virginis Deiparæ figuram.

Sed corpus Virginis benedictæ verè, & propriè in sacrificium non offertur, nisi eo sensu quo ait S. Augustinus, *Caro Christi est caro Mariæ*. quo sensu eleganter dixit S. Ambrosius in altari sacrificium Virgi-

nitatis immolari, quia scilicet purissimum Christi corpus à Virgine immaculata desumptum sine sorde & cruore, sub externa elementorum omni macula expertum formâ, à Sacerdote cœlibe quotidie Deo soli omnis sanctitatis & puritatis fonti, ritu sacratissimo offertur; hanc doctrinam diffusius explicat Sanctus ipse Doctor, in Comm. sup. c. 9. ep. ad Heb. ad illa verba. *Omnis Pontifex. ubi ait, Dum (Saluator) in sempiterna diuinitatis suæ natura non habuit quid offerret, sumpsit ex nobis quod pro nobis offerre potuisset, id est carnem humanam. Quid tam aptum immolationi quàm caro mortalis pro mortalibus? Et quid tam mundum pro mundandis \* vitiis mortalium, quàm sine ulla contagione carnalis concupiscentiæ caro nata ex utero virginali. Et quid tam græte offerri, & suscipi possit quàm caro sacrificij nostri, corpus effectum Sacerdotis nostri? Et quoniam quatuor considerantur in omni sacrificio, cui offeratur, à quo offeratur, quid offeratur, pro quibus offeratur. Nec alicui sacrificium debetur nisi soli vero Deo, proinde Pontifex pro nobis semetipsum offerebat, idem Sacerdos, & sacrificium. Et infra, Propter hoc etiam omnia sacrificia veteris Testamenti (facta) leguntur, ut hoc unum sacrificium designarent, per quod vera est remissio peccatorum, & mundatio animæ in æternum.*

\* malè in editis Com. legitur mundanis

Ex tam insigni sententia præsertim hæc verba perpendo, *Quid tam græte offerri?* Nihil enim Deo acceptius hac hostia esse potest, quæ corpus & sanguis est vnigeniti filij sui. Et caro quidem non mortua, sed viua, animæ utpote vnita, & æterno Verbo personaliter coniuncta: hac denique hostia, quæ totus est Christus, de quo Pater ipse ait, *Hic est filius meus charissimus, Filius, inquam, (ut Leo Magnus eleganter enuntiat) qui mecum esse sine tempore est, &c. Filius meus dilectus, quem à me non separat Deitas, non diuidit potestas, non discernit æternitas. Hic est filius meus dilectus non adoptiuus, sed proprius, non aliunde creatus, sed ex me genitus, non de alia natura factus mihi comparabilis, sed de mea essentia mihi natus æqualis.*

Homil. de Transfig. Dom.

Quæ ratio est cur incruenta illa, quæ fit in Missa æterno Patri oblatio, tantæ sit excellentiæ, ut qui offert principaliter, & realiter offertur, ipsi Patri cui offertur æquipariter adæquetur: nulla alia hostia inueniri poterat, quæ Maiestati cui offertur non solum grata esset, sed & condigna. Quod in spiritu diuinus Psalmographus mirè agnouit & cecinit dicens, *Quid retribuam Domino pro omnibus quæ retri-*

Psal. 115.

*buit mihi? calicem salutaris accipiam & nomen Domini inuocabo.* Propter versiculum hunc præsertim recitatur iste psalmus ab Ecclesia in festo Corporis Christi, eundemque usurpat Sacerdos priusquam sumat sanguinem Domini. S. Hieronymus calicem hunc de Eucharistico etiam intelligit, in epist. ad Hedibiam 150. Præclare Hugo à S. Victore, triplicem malum calicem distinguit, fraudis, & hæresis (quem vocat aureum Babylonis poculum) & soporis. Primum inebriare vim rationabilem, secundum irascibilem, tertium concupiscibilem. Contra primum valere calicem Eucharistiæ inebriantem, sed præclarum: contra secundum, eum qui est in manu Domini plenus mixto: contra tertium, eum quem bibit Christus, scilicet de quo dicebat Petro, Ca-

SS ij

*Ioan. 18. 11.*

*licem quem dedit mihi Pater, non vis ut bibam illum?* Bibit igitur, sed antè gratias egit, & benedixit; vnde quem dedit Apostolis ebibendum calicem in vltima cœna, in perpetuam memoriam passionis suæ, vocari voluit calicem benedictionis.

*Manh. 26.*

Hebræi veteres dixerunt in conuiuio iustorum fore vt nemo calicem benedicere audeat, nisi solus Dauid. Christus hic Dauid est (vt passim scripturæ docent) qui cœnantibus Apostolis gratias agens calicem accepit & benedixit. Ad hoc enim sacrificium istud instituit, vt gratiæ Deo condignæ per nos referri possent, & gratiæ quælibet impetrari. Maius beneficium quod contulit vnquam homini Deus, ipse filius eius est vnigenitus, vnde ait Ioan. 3. *Sic Deus dilexit mundum vt filium vnigenitum daret.* Et Paulus Apostolus ad Rom. 8. *Deus qui proprio etiam filio suo non pepercit, sed pro nobis omnibus tradidit illum, quomodo non etiam cum illo omnia nobis donauit?* Non erat in hominis potestate quicquam offerre Deo, eius maiestati condignum, vel tantis quæ ab eius accepit bonitate beneficiis adæquatum? Iustum tamen erat vt tale munus quod Deo dignum esset & acceptum, & eius donis commensuratum, homo eius Maiestati offerret. Moyses cum tot sacrificiis & oblationibus, earumque adminiculis, præstare hoc nunquam potuerat. At hoc nobis contulit Christus, quando accepto pane gratias egit & fregit, deditque suis discipulis dicens, *Hoc est corpus meum quod pro vobis datur* (id est offertur:) *hoc facite in meam commemorationem*, id est ipsum donum offerte eius auctori, in eius gloriæ testimonium & condignam gratiarum actionem. Pater dedit vobis filium suum per eius incarnationem: ipsum ei filium reddite, illum offerendo in tanti beneficii recordationem, quod omnia cætera & complectitur & transcendit. S. Ioannes Chrysostomus eleganti & longa oratione demonstrat quàm sit difficile, atque etiam impossibile gratias referre pares, obsequiæ diuinis beneficiis, quæ nec modum habent, nec numerum, nec terminum. Negat sensum sufficere nobis ad inuestigandum, scientiam suppetere ad laudandum, quia immensitas superat cogitationes sensuum, & innumera multitudo omnem copiam verborum; nec si totum vitæ tempus eius obsequia occupent, laudes teneant, gratiarum actiones insistant, posse quemquam eorum quæ debet aliquam partem persolvere. Subdit quod istis verbis quærit Propheta sanctissimus, quibus muneribus aut officiis beneficia diuina compenset? quo famulatûs genere dona percepta coæquet? quibus obsequiis possit tantis muneribus respondere? nihil sibi tandem ait suppetere, nisi hoc summum & singulare sacrificium, quo Deo offertur donum illud pretiosum, quod eius beneficiis non modò satisfacit omnibus, sed & eius gloriæ ac Maiestati adæquatur. *Quid retribuam*, inquit, *Domino pro omnibus quæ retribuit mihi? Calicem salutaris accipiam & nomen Domini inuocabo.* Id est, condigno colam honore, & acceptissimo gratissimoque omnium munere, pium & placabilem, beneuolum & beneficum mihi vt se præbeat efficiam. *Igitur Ecclesiæ oblatio* (inquit S. Irenæus \*) *quam Dominus docuit offerri in vniuerso mundo,*

*Luc. 22.**1. Cor. 11.*

*Tom. 1. hom.*  
Quod primus  
homo omni  
prælatus sit  
creaturæ.

\* *Lib. 4. c. 33.*  
*in ipso initio.*

purum sacrificium reputatum est apud Deum, & acceptum est ei, quoniam glorificatur in eo. Est enim hoc sacrificium λατρευτικόν, seu σεβαστικόν, id est honorarium, quod se teneat ex parte holocausti, quo veluti re omnium excellentissima Deum honoramus, veneramur & colimus; & ἱλαθῆναι expiatorium, quo diuinum numen placamus & propitium reddimus quando pro peccatis illud offerimus: Et ἐπιτιμωτικόν, impetratorium, quo cœlestem opem imploramus, assequimurque, cum in eo repræsentetur Christi passio, & ideo aptissimum sit ad impetrandum omnia bona quæ Christus nobis sua passione promeruit; denique εὐχαριστικόν, quo debitas gratias Deo pro acceptis beneficiis, adeoque pro hoc eodem sacrificio, tanto beneficio, referimus.

Vtinam hoc seriò apud se perpenderet Sacerdos, qui Christi vice, hoc in admirabili sacrificio fungitur. Salomon Rex ille omnium sapientissimus cum templi illius admirabilis quod toto orbe celeberrimum fuit, structuram meditaretur, maiestate Dei attonitus cui hæc domus consecranda erat: *Domus* (inquit 2. Paral. 2.) *quam edificare cupio magna est, magnus enim Deus noster, super omnes Deos: Quis ergo poterit prauallere, ut ædificet ei dignam domum? si cælum, & cæli cælorum capere eum nequeunt, quantus ego sum, ut possim ei ædificare domum? sed ad hoc tantum ut adoleatur incensum coram illo.* Si ergo ad hoc ædificata fuisset, non ut fumus incensi, sed veritas & substantia corporis & sanguinis vnigeniti filij Dei in summo & singulari Eucharistiæ sacrificio offerretur? Quanta quæso & loci magnitudine, & offerentis dignitate ac sanctimonia fuisset opus? quanto terrore, quantave reuerentia? Appositè hîc omnino S. Chrysostomus lib. 3. de Sacerd. \* *Non mortalis quispiam, non Angelus, non Archangelus, non alia quæuis creata potentia, sed ipse paracletus ordinem eiusmodi disposuit, qui mortalibus hominibus, etiamnum in carne manentibus auctor fuit, ut Angelorum ministerium animo conciperent. Idcirco necesse est Sacerdotem sic esse purum, ut si in ipsis cælis collocatus inter cælestes illas virtutes medius staret. Nec minùs aptè S. Gregorius Nazianz. alludens ad solennia illa verba quæ præfatur Sacerdos in ipso diuinæ actionis limine, Laudant Angeli &c. Cum quibus & nostras voces ut admitti iubeas deprecamur. Quis perinde atque è luto quodam, hodierno die finget eum qui veritatis curam gerat, Angelis assistat, cum Archangelis Deum glorificet, & sacrificia sursum ad altare cæleste destinet, ac cum Christo Sacerdotium peragat, figmentum Dei refingat, imaginem Dei restauret, & (ut quod maius est dicam) Deus existat & homines Deificet, Nouicuius sumus ministri, & quo loco positi, & quò dirigamur.*

\* Οὐ γὰρ ἄνθρωπος, ἢ ἄγγελος, ἢ ἀρχάγγελος, ἢ ἄλλη τις κτλ. διωκεται· ἀλλ' αὐτὸς ὁ παρὰ κλητος τοῦ τῶν δευτέρου & ἀκολουθίου, ἐπὶ τῶν ὁρίων τοῦ ἱεροῦ πλὴν τῶν ἀγγέλων αὐτοῦ ἐξουσίαν διακονῶν διὰ τῆς ἱεροσύνης αὐτοῦ ἐπὶ αὐτοῖς ἐστὶν τοῖς οὐρανῶν μετὰ τοῦ θεοῦ διωκεται αὐτῶν οὐκ ἔστιν ἡ δακτύλος. S. Ioan. Chrys. 3. de Sacerdotio, c. 3.






## CAPVT III.

## DE MINISTRO HVIVS SACRIFICII.

*Vbi demonstratur, quòd licet Christus sit qui præcipuè illud offert, tamen Sacerdos propriè quoque id offerat, sed Christi nomine, cuius vices gerit, & personam repræsentat.*

\* Sess. 22. in  
qua traditur do-  
ctrina de sacri-  
ficio Missæ c. 2.



QVONIAM in hoc diuino sacrificio, quod in Missa peragitur (ait sancta Trident. Synodus\*) idem ille Christus continetur & incruentè immolatur &c. una eadèmq̃ue est hostia, idèmq̃ue nunc offerens, Sacerdotum ministerio, qui seipsum in cruce obtulit, sola offerendi ratione diuersa.

Hac positâ Concilij Oecumenici sententiâ, mirum non abs re videri debet, quid visum fuerit quibuldâ recentioribus in quæstionem vocare, num Christus actu impræsentiarum offerat, sitque principalis Sacerdos in sacrificio Eucharistiæ? cùm ex verbis Concilij citatis id clarum & liquidum prorsus euadat: Nam si Christus idem est offerens qui obtulit sacrificium in cruce, nempe seipsum, nec negari possit ipsum fuisse in cruce actu & re ipsa Sacerdotem: futile est contendere hîc solùm remotè & ratione solius institutionis sacrificij Eucharistiæ, offerre. Cùmque subiiciat Concilium ipsum Christum offerre nunc, Sacerdotum ministerio: vnde sequitur esse primum & principalem offerentem; Durum profecto videri debet, aduersus tam expressam & perspicuam Concilij declarationem, quosdam niti euietum ire, solum Sacerdotes proximè & actu hoc sacrificium offerre, ita vt illius immolatio ipsis solùm tanquam ministris tribui possit; Christum autem tantùm offerre remotè & ratione solius institutionis qua præcepit vt hoc sacrificium in memoriam ipsius & in persona eius immolaretur. Qua in voluntate, vt ratum sit sacrificium etiamnum perseverat. Verùm enim pugnat hæc doctrina cum perpetuo Christi Sacerdotio, Christus est Sacerdos in æternum secundum ordinem Melchisedech. Ps. 109. Vnde sequitur quòd sacrificium perpetuò offerre debeat; Omnis enim Pontifex constituitur vt offerat dona & sacrificia pro peccatis &c. Heb. 5. Nec valet illa responsio per modum deductionis ad absurdum: Necessè igitur fore vt offerat etiam post mundi consummationem, tunc enim causa cessabit remanente effectu. At nunc multiplex instat necessitas cur actu Christus per ministros offerat. Nec rursus illa valet obiectio: Christus non est ampliùs in statu merendi, ergo actu non potest offerre. nam verum est quidem Christum mereri non posse ampliùs, sed tantùm potest impetrare, quæ vis est præcipua sacrificij Missæ, quia sacrificium Missæ (ait Cardinalis Bellarminus\*) præcipuam vim habet, vt à Christo summo Sacerdote offertur. Christus autem nunc, nec mereri, nec satisfacere quidem po-

Vasquez in 3.  
p. S. Thom. q.  
83. a. 1. disp.  
235. c. 2.

\* Lib. 2. de  
Missæ. 4. circa  
med. 5. secundo  
probatur.

Tract. 6. in Ioan.  
ante med.

\* Οὐκ ἔστιν ἀνθρώπος  
 πῶς δυνάμενος  
 ἔρξαι τὰς ἐπιταγὰς  
 ταύτας· ὁ γὰρ πᾶσι  
 τοῖς ἰσχυροῦς ἐν ἀνθρώποις  
 τὸ ἀγαπᾶν αὐτοὺς καὶ  
 τὴν αὐτὴν ἐργάζε-  
 σθαι ἡμᾶς ἐπιταγὴν  
 τὰς ἑνὸς ἔχει·  
 ὁ δὲ ἀγαπᾷ αὐτὴν  
 καὶ ματαευδίζοντα  
 αὐτοὺς.  
 S. Ioan. Chrys.  
 homil. 82. in  
 Matthe.

ficat. Nos ministrorum locum tenemus, qui verò sanctificat & immutat, ipse est. S. Ambrosius lib. 1. Offic. c. 48. in fine, *Antè agnus offerebatur, offerebatur vitulus, nunc Christus offertur, sed offertur quasi homo, quasi recipiens passionem, & offert se ipse tanquam Sacerdos, ut peccata nostra dimittat.* Idem porro in Ps. 38. ad illa verba, *Veruntamen uniuerſa vanitas omnis homo viuens.* Vidimus (inquit) principem Sacerdotum ad nos venientem; vidimus & audiuiſimus offerentem pro nobis sanguinem ſuum: ſequamur, ut poſſumus Sacerdotes, ut offeramus pro populo ſacrificium, eſſi infirmi merito, tamen honorabiles ſacrificio, quia eſſi nunc Chriſtus non videtur offerre, tamen ipſe offert in terris, quando Chriſti corpus offertur; imò ipſe offerre manifeſtatur in nobis, cuius ſermo ſanctificat ſacrificium quod offertur. Idem docet S. Auguſtinus lib. 4. de Trinit. c. 14. & lib. 10. de Ciuit. Dei c. 6. vocat Chriſtum Sacerdotem magnum, qui victima noſtra & ſacrificium eſt, qui offert, & oblatus eſt. Et c. 20. eiſdem lib. Per hoc, inquit, Sacerdos eſt, ipſe offerens, ipſe oblatio; cuius rei ſacramentum quotidianum eſſe voluit Eccleſiæ ſacrificium &c. Huic ſummo veròque ſacrificio cuncta ſacrificia falſa ceſſerunt.


Nimius forem ſi coaceruandis aliorum Patrum conſonis hac de re ſententiis ampliorem operam vellem inſumere. Sat quæ ſunt citata eſſe poſſunt inſigniorum illorum Patrum ſuffragia, adeò enim clara, & aperta ſunt, ut ne minimam effugiorum nebulam poſſint admittere. Fixo igitur & ineluctabili hoc manente axiomate, quòd Chriſtus in Miſſæ ſacrificio præcipuus ſit Sacerdos, qui illud primariò, & principaliter offerat, quotieſcumque peragitur, ſeu à quocumque miniſtro offeratur, ſiue bono, ſiue malo, ſiue ſummo, ſiue infimo Sacerdote. Aliud hinc ſubſequitur theorema, videlicet Sacerdotem, non modò Chriſti eſſe miniſtrum, qui per eum ſe offert: at ſic eiſ obire vicem, ut locum teneat, perſonam induat, verbis vtatur, & omnipotentiam exequatur.

## CAPVT IV.

*Quo enucleatiùs agitur de ipſo Sacerdotali miniſterio.*

## ARTICVLVS I.

*Sacerdotem Deo offerre ut Chriſti miniſtrum, eiſdemque populo fideli diſpensare ex officio hoſtiam ſalutarem.*



**Q**UAMVIS Sacerdos actu, & proximè (ut aiunt in ſcholis Theologi) conſecret & offerat, tamen non primariò nec principaliter hoc facit, ſed Chriſtus, cuius miniſter eſt, & cauſa inſtrumentalis, ut dicunt, non coniuncta quidem, ſed ſeparata. Pater id manifeſtè ex eo quod non tantum ex Chriſti inſtitutione & mandato ſpeciali hoc agit, ſed etiam ex eiſ virtute, & poteſtate, qua Chriſtus velut prima cauſa efficiens, actu inſluit in effectum: idque ſatis

satis constat ex dictis. Verum hinc iuuat expendere quanta hinc dignitas Sacerdoti conferatur.

Tertulliani laudatum passim dictum est, *Dignitatem esse, seruum esse potentis*; gloriatur Sacerdos hoc nomine in tremendo ipso sacrificio, ubi hunc sibi titulum arrogat quasi sibi proprium atque præcipuum. *Hanc igitur oblationem* (inquit) *seruitutis nostræ, sed & cunctæ familiæ tuæ.* Et post consecrationem: *Vnde & memores Domine, nos serui tui, sed & plebs tua sancta, &c.* Quamuis enim omnes fideles sint serui Dei, quapropter cum Græci baptizant, hoc eos nomine insigniunt, *Baptizetur N. seruus Iesu Christi in nomine, &c.* Tamen excellenti priuilegio dignitatis, Sacerdotes titulo illo perfruuntur, quo & Apostoli, ut insigniori nomine sese in epistolarum suarum exordio passim inscripserunt: sic B. Paulus orditur epistolam suam ad Romanos, *Paulus seruus Iesu Christi, &c.* Et ad Philipenses, *Paulus, & Timotheus serui Iesu Christi.* Et ad Titum, *Paulus seruus Dei, Apostolus autem Iesu Christi.* Sic & B. Petrus, ep. 2. *Simon Petrus seruus & Apostolus Iesu Christi.* Et S. Iacobus, ita enim præfatur, *Iacobus, Dei & Domini nostri Iesu Christi seruus.* Sic & S. Iudas cognomine Thadæus, *Iudas, Iesu Christi seruus, frater autem Iacobi.* Sed & dilectus Domini discipulus potiore hanc esse dignitatem palam insinuat, Apoc. 1. *Quæ oportet, inquit, fieri citò significauit, mittens per Angelum suum seruo suo Ioanni.* Mirum dictu hoc vltimum exemplum! Quid enim? Eum vocauerat Iesus tonitruum filium, ubique Ioannes eius audit dilectus discipulus, imò discipulus quem diligebat Iesus. Simon quoque, Petrus cognominatur, petræque ipsa esse iudicatur, super quam Ecclesia ædificanda erat. Mirum sanè, & singulare priuilegium! cuius obrentu S. Hilarius hanc in vocem erumpit: *O in nuncupatione nominis felix Ecclesiæ fundamentum, dignæque adificationis illius petra, quæ infernas leges & tartari portas, & omnia mortis claustra dissolueret!* Tamen his omissis omnibus prærogatiuis, quæ eius ex cognomento, adeo admirabili, resultabant, se Christi Iesu seruum simpliciter deprædicat. Et Paulus nihili ducit *Apostoli* titulum, *vasisque electionis* eximiam nuncupationem, propter *serui Christi* incomparabile decus. Iudas Thadæus frater erat Iacobi, qui frater Domini dicebatur, ipsæque in Euangelio dicitur frater Domini. Et tamen tam augustum nomen quasi nimis angustum esset, postponens, vnicum ambit Christi serui elogium, quasi omnium amplissimum & illustrissimum. Vnde tanta quæso seruitutis gloriatio? cum nihil foedius seruitute censuerint veteres, quia ad libertatem nati sumus; verum est tamen Tertulliani pronunciatum, *Dignitas est seruum esse potentis.*

*Marc. 3.*

*In Matth. can. 16.*

*Genes. 18. 27.*

*Ioan. 15. 14. 15.*

Quæ vox ut intelligatur, obseruasse semel operæ pretium fuerit, olim fuisse tres seruorum gradus. Primi & vilissimi erant mancipia, qualem sese Abraham coram Deo fatebatur, *Cum sim, inquit, pulvis & cinis loquar ad Dominum.* At hoc loco Christus discipulos suos consistere non passus est, *Iam enim non dicam vos seruos sed amicos.* Secundi dicebantur mediastini, ut sunt iam famuli ciuium & nobilium. Ter-



tij honorarij, vt sunt actores, dispensatores, æconomi, vicarij, qui Hebræis *Mefcacetim* dicuntur: huius generis sunt Christi serui, Sacerdotes, qui dum Christo seruiunt, verè regnant; quamobrem & corona insigniuntur, & Sacerdotium regale appellatur; Rêxque ideo dicitur Christus, Regum, vt princeps est Sacerdotum. Aptè & acutè more suo S. Augustinus enarratione in Ps. 44. ad illa verba, *Pro patribus tuis nati sunt tibi filij: constitues eos super omnem terram.* Quid est (inquit) pro patribus tuis nati sunt tibi filij? Patres missi sunt Apostoli, pro Apostolis filij nati sunt tibi, constituti sunt Episcopi. Et etiam Presbyteri, quia scilicet, hi illique soli sunt propriè Sacerdotes, vt idem S. Augustinus disertè ait, lib. 20. de Ciuit. Dei, c. 10. *Soli Episcopi & Presbyteri propriè vocantur in Ecclesia Sacerdotes, inde & principes super omnem terram: Ecclesia enim Catholica est, vniuersaliter scilicet toto orbe diffusa.* Non sunt igitur serui, id est mancipia, nec mediastini, id est famuli tantùm & domestici, sed sunt ministri, actores, rectorèsque regni Dei.

Ita B. Paulus suam & collegarum suorum noui Testamenti ministrorum denunciat omnibus hominibus suspiciendam esse dignitatem: Sic, inquit, nos existimet homo vt ministros Christi & dispensatores mysteriorum Dei. Quasi diceret: Tanti fecit Regina Saba seruorum Salomonis qui ei assistebant & ministrabant in mensa felicitatem, vt ei palam diceret, *Beati serui tui qui stant coram te semper.* 3. Reg. 10. Sed sicut Salomonis ad Christum nulla comparatio esse potest (Ecce *Matth. 12. 42.* enim \* plusquam Salomon hic.) ita & seruorum Salomonis ad Christi ministros nulla fieri debet æquiparatio. Ministrabant Salomoni serui eius, vel ei astabant in mensa discumbenti. At Christus longè digniori loco statùque suos ministros habet, his enim vltima incœna dixit, *Iam non dicam vos seruos, sed amicos &c.* Et ego dispono vobis sicut disposuit mihi pater meus regnum, vt edatis & bibatis super mensam meam, in regno meo. Assident Christo, cum eo epulantur, eiùsque mensæ faciunt quoscumque volunt participes, & calicem eius quem de manu eius accipiunt, delibant ipsi & cæteris propinant, vt summi eius regni administri, & bonorum eius dispensatores: Sic igitur nos existimet homo, vt ministros Christi, & dispensatores mysteriorum Dei.

Dicebat dudum Moyses Sacerdotibus & Leuitis: *Audite filij Leui, num parum vobis est, quod separauit vos Deus Israël ab omni populo, & iunxit sibi, vt seruiretis ei in cultu Tabernaculi, & staretis coram frequentia populi, & ministraretis ei?* Tanto sanè eos Deus extulerat honore: sed quid hoc est ad noui Testamenti Sacerdotum gloriam; *Habemus altare* (ait Apostolus Heb. 13. 10.) *de quo edere potestatem non habent, qui tabernaculo deseruiunt,* his enim animalium carnes mactare, sanguinem fundere, victimas cruentas immolare, panes propositionis offerre & amouere, incensum Deo adolere datum fuit. At veri agni corpus & sanguinem consecrare, cùmque in sacrificium Deo gratissimum offerre & populo dispensare, nullatenus illis concessum est, cùm neque iis fas sit de hoc diuino sacrificio tantillum participare. At noui Testamenti Sacerdotes, vt ministri Dei, Christi corpus & san-

guinem sacro ore conficiunt, diuinæ Maiestati offerunt, sibi sumunt & fideli populo distribuunt, cum summa admittendi, vel ar-  
cendi ab hoc diuino altari, quoscumque vel dignos, vel indignos iudi-  
carint, potestate; hinc apostrophe hac insigni os aureum Orientalis  
Ecclesiæ illos compellat & hortatur: *Ad vos ministrantes, sermonem con- uertere necessarium est, ut multo cum studio hæc dona distribuatis; Non parua vobis imminet ultio, si quem cuiuspiam conscius nequitiae, huius mensa participem esse concedatis, sanguis eius de manibus vestris exquiretur; siue dux militiae sit, siue Praefectus, siue Princeps diademate coronatus. Indignè autem accedat prohibe, maiorem illo potestatem habes; propterea vos Deus hoc insigniuit honore, ut talia discernatis, hoc vestra dignitas est, hoc securitas, hoc omnis corona.*

*S. Chrysost. hom. 60. ad popul.*

Omnem Ministrorum Christi potestatem, Neoterici sectarij in sola prædicandi diuini Verbi facultate constituunt: sed eos malè habet quod Apostolus citato ad Hebræos loco disertè dicat *nos habere altare*. Hinc enim à relatis elicitur, ergo habemus sacrificium, proinde & Sacerdotium. Vbi vulgata fert editio, habemus altare, in Græco est *θυσιαστήριον*, id est sacrificatorium, in quo nimirum sacrificatur & offertur hostia illa diuina, quæ Iudæis communicari non potest, solis fidelibus dispensatur, videlicet à Sacerdote, qui consecrandæ huius oblationis, immolandæ & distribuendæ diuinam à Christo potestatem accepit. Eapropter in postrema Synodo Oecumenica, sess. 23. sub titulo de Sacramento Ordinis, aduersus Nouatores sententia hæc promulgata fuit, c. 1. *Sacrificium & sacerdotium ita Dei ordinatione coniuncta sunt, ut utrumque in omni lege existerit. Cum igitur in nouo Testamento sanctum Eucharistiae sacrificium visibile ex Domini institutione, Catholica Ecclesia acceperit: fateri etiam oportet in ea nouum esse, visibile & externum Sacerdotium, in quod vetus translatus est\**. Hoc autem ab eodem Domino sal-  
uatore nostro institutum esse, atque Apostolis, eorumque successoribus in Sacerdotio potestatem traditam consecrandi, offerendi, & ministrandi corpus & sanguinem eius, nec non & peccata dimittendi & retinendi, sacra littera ostendunt, & Catholica Ecclesia traditio semper docuit. Cæterum de hac præ-  
eminenti & diuina Ministrorum Christi potestate, infra proprio loco, articulo scilicet 4. huius capitis opportuniùs differemus.

*\* Hebr. 7.*

## ARTICVLVS II.

*Vicem Christi gerit summi Sacerdotis, Episcopus, ac Presbyter, in hoc sacrificio.*

**S**ANCTVS Ignatius in Epistola ad Magnesianos, Episcopum ait præsidere *ὡς ὑπὲρ τοῦ θεοῦ*, in locum Dei, in quantum scilicet omnia lustrat, regit, pascit, & gubernat. Hinc Pius Papa & Martyr, ep. 1. quam scripsit ad vniuersos Christi fideles, Episcopos *Dei oculos* eleganter appellat, scilicet in visibili Ecclesiæ regimine. Tamen quemlibet Sacerdotem, siue maiorem, siue minorem, in præcipuo ordinis sacri munere, quod augustum & planè diuinum est Eucharistiae sacrificium, Episcopi locum tenere & eius obire vicem, immo Christi,

*Extat tom. 1. Concil. part. 1.*

T t ij

certo certius est. Nec probatione ferè est opus, cùm superiori articulo planè demonstratum fuerit, Christum nunc quoque illo in mysterio se offerre ministeriò Sacerdotum; si enim illi, tametsi actu & proximè offerant, non suo nomine, sed Christi voluntate, mandato, munerèque faciunt: consequens est eos vices eius agere & locum implere. Non tamen hoc sic intelligendum venit, vt agant has partes, sicut mortalium regum aut principum ministri, qui Proreges dicuntur, Legatique ac Vicarij sui principis, sed absentis. At Christus semper præsens est in altari, quia ipse est hostia quæ offertur, & summus Sacerdos qui seipsum offert inuisibiliter, sed qui visibiliter à Sacerdotibus immolatur tanquam suis ministris & Vicariis, à se ad hoc institutis, cum quibus actu & influxu concurrat; *Sacerdos in altari vice Christi fungitur*, (ait S. Cyprianus ep. 63.) Inter potiora Apostolorum elogia hoc Ecclesia refert, quod Christus sua vice vt fungerentur illis concesserit, *Quos operis tui Vicarios eidem contulisti præesse pastores*. Præcipuum opus Christi est Eucharistia, vnde ait diuinus Psalmographus, *Memoriam fecit mirabilium suorum, misericors & miserator Dominus*. Hoc est enim opus exquisitum in omnibus voluntatibus eius: quia est non modò summum, sed cæterorum omnium epitome atque compendium. Petit à sanctissima Trinitate Sacerdos in Missa, *vt suscipiat hanc oblationem in memoriam passionis, resurrectionis, & ascensionis Domini nostri Jesu Christi, seque in ipsa sacra actione memorem esse ait, tam beatæ passionis, gloriose resurrectionis, & ascensionis eiusdem Domini nostri, &c.* Et verò in hoc opere inesse videtur quicquid in aliis operibus mirabile est, siquidem in eo existit opus quoddam creationis, tum quando gratia producitur, tum quando conuersio & transubstantiatio fit; quadam ratione reperitur etiam incarnatio, quatenus Christus per illam vnā semel factam vnionem hypostaticam homo factus, vnit se speciebus Sacramentalibus, quasi Deificans illas, & coniungit se sumentibus ipsum, *Qui manducat, inquit, meam carnem & bibit meum sanguinem, in me manet & ego in eo*. Idcirco S. Chrysostomus eleganter Eucharistiam appellat *incarnationis extensionem*. Clemens V. Papa \*, non minù aptè vocat idem mysterium, præcipuum opus gratiæ & insigne memoriale amoris diuini erga nos eximij, quia scilicet est mnemosynon Dominicæ passionis & humanæ redemptionis, huius enim vnio & pretium nobis, hoc per salutare sacrificium applicatur. Tanti porro operis Christus fecit suos Apostolos Vicarios, quin & omnes posteros ministros, qui eis succedunt in Sacerdotio. Fuit olim eximia dignitas Vicariorum sub imperio Romano, Urbicus vice sacra principis iudicabat, Senatoria ideo honestatus dignitate; chlamyde militari induebatur, & carpento utebatur, vt colligi potest ex Cassiodoro lib. 6. in Form. Vic. Urb. Rom. Sed Vicarij Imperatoris, seu Præfecti Prætorio Urbis, ad Dei Christi que Vicarium nulla est comparatio. Atqui Sacerdos in altari, offerens Eucharistiæ sacrificium Christi locum tenet; eius enim, vice sacra sacrificat, iudicat, & diuinas largitiones distribuit,

Ps. 110.

Ioan. 6.

\* Clement. Si  
Dominum de  
reliq. & ven.  
Sanctorum. in  
Concil. Vien-  
nensi promul-  
gata.

Vide Notitiam  
imperij, c. 48.  
de Vicario Vr-  
bis Rom.

ideo Senator regni Dei est, chlamyde sacra induitur, id est casula quæ chlamydis illius purpureæ, qua indutus sua in passione fuit Christus, indicium est, ceu insigni vicariæ potestatis, quam pro Christo gerit: & si non vehitur carpento, Christum ipse portat dum offert & ministrat in tremendis mysteriis, quibus assistunt Angeli ipsum Sacerdotem comitantes, quin & ei ministrantes & diuinas vices gerenti, & diuina operanti. Pulchrè dixit Hugo à S. Victore (dictus æui sui Augustinus) lib. 2. Miscell. tit. 28. Sacerdotes *deambulare, sedere, docere.* Docent quidem, quia animarum sunt pædagogi, verba vitæ æternæ proferentes: deambulant, omnia quæ fiunt in regno Dei respicientes atque dirigentes: sedent, in Ecclesia præsidentes; Præsumt enim, teste Apostolo, Presbyteri, & *qui bene præsumt, duplici* (inquit) *honore digni sunt.* Sed altari adstant vt superni illi Spiritus qui sunt circa thronum Dei: altare enim *Christi sedes est*, ait Optatus, & adstant sedenti Christo vt regi suo, sed honorificentissima statione: dicere enim non abs re potest, Sacerdos dum sacrificat, cum Raphaele Archangelo, *Ego enim sum vnus ex iis qui astamus ante Dominum.* Stare coram Deo honos est singularis; vnde prostrato Eliæ dicit Angelus, *Quid hîc agis Elia? Egredere & sta in monte coram Domino.* Sic stetit Phinees, & placauit, & cessauit quassatio, Pl. 105. Sic v. 30. stetit Moyses; *Et dixit Dominus vt disperderet eos si non Moyses electus eius stetisset in confractione, in conspectu eius.* Ibidem. Quin & Christus v. 23. ipse stare visus est à dextris Dei, vt Stephanum pro se dimicantem adiuuaret. Act. 7. 55. Sic etiamnum coram Patre assistit ad interpellandum pro nobis: *Introiuit in ipsum cælum* (ait Apostolus Heb. 9. 24.) *vt appareat nunc vultui Dei pro nobis.* Quod per se in cælo facit, hoc in terris efficit per Sacerdotem vices suas gerentem, in summo & singulari Eucharistiæ sacrificio.

## ARTICVLVS III.

*Sacerdos in noui æternique Testamenti sacrificio,  
personam Domini induit.*

**A**NGELOS plerumque hominum effigiem induisse, satis superque ex diuinis litteris vtriusque Testamenti fit compertum: in quibus humana forma, habitûque & aspectu permultis apparuisse memorantur; vicèque versa, Sancti aliquot Angelica specie visi sunt effulgere, sic Moysen olim dum tabulas legis de monte ad populum deferret; sic subinde S. Stephanum dum pro gloria Christi Domini in synagoga peroraret, ac B. Laurentium dum craticulæ ignitæ superponeretur, eluxisse splendido vultu ac planè Angelico, Aurelius Prudentius, Christianus ille Maro & Homerus, in hymno triumphali de ipso S. Laurentio, eleganter cecinit:

*Hæc fante Præfecto, truces  
Hinc inde tortores parant*



*Nudare amictu Martyrem  
 Vincire membra & tendere.  
 Illi os decore splenduit,  
 Fulgôrque circumfusus est,  
 Talem, reuertens legifer  
 De monte, vultum detulit &c.  
 Talemque & ille prætulit,  
 Oris corusci gloriam  
 Stephanus per imbrem saxeum,  
 Cælos apertos intuens.*

Die 22. Nouéb.  
 8. 8.

De eo siquidem sic sacer textus Actuum expressè commemorat ( c. 6. v. 15. ) *Et intuentes eum omnes qui sedebant in Concilio, viderunt faciem eius tanquam faciem Angeli.* Eadem specie S. Urbanus Pontifex & Martyr emicuit. Vnde in officio S. Cecilie Virg. & Martyris canit Ecclesia, *O beata Cecilia quæ duos fratres conuertisti, Amalachium iudicem superasti, Urbanum Episcopum in vultu Angelico demonstraſti &c.* Nec adeo mirum cum sancti & iusti sint fratres Angelorum, quibus & in futuro sæculo prorsus assimilabuntur. *Erunt enim sicut Angeli in calo;* Matth. 22. 30. Et quia moribus eis fuerunt similes in terra, ideo participatione anticipata iam quamdam gloriæ illorum speciem visi sunt aliquoties, externa tantum & transitoria similitudine ( non tamen lucidæ huiusmodi imaginis ambitu, sed metu diuino ) imitari, quo Angelicæ virtutis puris suis mentibus insitæ adæquatio in ipsis manifestaretur; sic est rota in medio rotæ, & facies aquilæ & facies hominis in curru similitudinis gloriæ Domini, mira connexionе concurrunt. Amatores hominum sunt Angeli, quamobrem eorum forma & similitudine delectantur. Gestit homo qui paulominus factus est ab Angelis, eisdem assimilari; quantum igitur potest enititur assequi illorum imaginem. Sed quod Angelus diuinam appetat similitudinem, aut homo affectet etiam in hac imitatione eidem æquiparari, vix vlla ratione concipi potest. At nihilominus Angelus sæpe sæpius in scripturis, non modò Dei gessit imaginem, sed & nomen, & personam assumpsit. Accepit Moses ab Angelo legem quam populo tradidit. Hinc S. Stephanus ad Iudæos Act. 7. 52. *Accepistis, inquit, legem in dispositione Angelorum, & non custodistis.* Et Apostolus ad Gal. 3. 19. *Lex ordinata per Angelos in manu Mediatoris,* id est Moyſis, qui inter Deum & populum sequester & internuntius erat. Angelus tamen qui Moyſi legem dedit, loquebatur vt Deus, ferebátque nomen Domini, quia eius personam sustinebat. Quemadmodum & Angelus qui ipsi apparuit in medio rubi; vnde ait scriptura, *Apparuit ei Angelus in flamma ignis de medio rubi, & ait, Ego sum Deus patris tui, Deus Abraham, & Deus Isaac, & Deus Iacob.* Philo visam tum fuisse Moyſi memorat formam quandam pulcherrimam, simulachrum planè diuinum, & luce fulgens præclarissima, vt suspicari posset Moyſes Dei esse imaginem. Tamen fuisse Angelum qui Dei sub nomine & persona Moyſi apparebat, docent sancti Patres, Iustinus contra Triphonem, Tertullianus lib. 2.

Exod. 19.  
 Exod. 3.

contra Marcionem, S. Hilarius lib. 4. de Trinitate, S. Ambrosius lib. 1. de fide, S. Chrysostomus in Act. 7. Qui etiam censent in his repræsentationibus seu apparitionibus, fuisse filium repræsentatum. Quod & Ecclesia patenter agnoscit hac insigni apostrophe, venturum propè Christum compellans & obsecrans: *O Adonai, & Dux domus Israel! qui Moyse in igne flammæ rubi apparuisti, & ei in Sina legem dedisti, veni ad redimendum nos in brachio extento.* Et tamen ut constat ex dictis, non ipse Dei filius, sed Angelus erat, per quem apparebat & loquebatur Dei filius. unde Angelus ipse eius ferebat nomen, quia personam repræsentabat, quemadmodum & alius ille Angelus qui descendit cum Azaria & sociis in fornacem, & excussit flammam ignis, vidit eum Rex Nabuchodonosor, attonitusque ait: *Ecce video quatuor viros solutos & ambulantes in medio ignis, & nihil corruptionis in eis est, & species quarti similis filio Dei, id est Christo.* Unde tempore Paschali lætabunda canit Ecclesia, *Surrexit Christus de sepulchro, qui tres pueros liberavit de camino ignis ardentis, Alle-luia.* Et tamen non ipse Christus erat, sed Angelus, ut expressim sacer textus Danielis innuit. Quem in locum scite & appositè S. Hieronymus: *Ceterum in typo præfigurat iste Angelus, siue filius Dei, Dominum nostrum Iesum Christum, qui ad fornacem descendit inferni, in quo clausa &c. anime tenebantur, ut absque exustione & noxa sui, eos qui tenebantur inclusi mortis vinculis liberaret.* Pulchrè & eleganter ad hæc S. Chrysostomus, hom. de tribus pueris, *O quibus triumphis te incorrupta fides extendis! adest tibi amica Maiestas, ut innocentia liberetur, patitur se Deus cum pueris in supplicio numerari: & potest videre Dominum (Rex) sacrilegus, sed non permittitur nosse, ut crescat gloria puerorum.* Vbi manifestè eorum liberatorem Christum fuisse insinuat, quemadmodum Tertullian. lib. 4. contra Marcioni & S. August. in Concione ad Catechumenos, qui putant cum SS. Iustino & Hilario, ipsum fuisse Christum, qui hac mira specie in fornace spectabilis apparuit: quia scilicet Angelus ille eius mandato venerat, nec modò ipsius nomine agebat, sed eius personam sustinebat, cuius & gloriam præ se ferebat, & exercebat virtutem.

Planè sic præfert Sacerdos in Missa vestes regias, quia sunt regalis Maiestatis insignia. Hæc nemo gestat, nisi Rex ipse. unde Proreges neque sibi imponunt diadema, neque ferunt sceptrum, quod indicium est regis potestatis. At Sacerdos in diuina actione, quia Christi gerit personam, ipsius Christi insignia sumit. Est hoc sacrificium *magnum pietatis Sacramentum.* Et quia memoriale mortis Christi, ita & amoris eius in nos eximij, quem sua potissimum passione testatus est. *Hoc facite,* ait Apostolis (quibus Sacerdotes successerunt) *in meam commemorationem, Annunciantes.* (ut Vas electionis ait) *mortem Domini donec veniat.* Ideo totus apparatus ille Sacerdotalis, nihil aliud est quàm Christi schema patientis, ut Sacerdos intelligat, & agnoscat populus, illum Christi sustinere personam, cuius mystica insignia gerit. Quid enim quæso, Amictus refert, nisi triste illud velamen, quo ut expiaret Eux primæ nostræ matris exitiosos obtutus, in Paralce-

Daniel. 3. 49.

&amp; 92.

Nota.

1. Timoth. 3. 16.

Luc. 22. 19.

1. Cor. 11. 25.

ue suæ tragicæ immolationis, sacra eius facies obducta fuit? Quid Alba aliud, quàm tunicam illam candidam repræsentat, qua in Herodis palatio inter aulicorum cachinnos, & Phariseorum furores, ludibrij causâ, at innocentia patienti indicio fuit indutus? Zona quid, nisi vincula & indignos nexus illos refert, quibus Rex ipse omnium tam Angelorum, quàm hominum, quasi vile mancipium, imò turpis crucifer ab impiis constrictus est? Manipulus (quem manipulam veteres Mystæ vocitabant) sudores illos à nobis abstergendos perpetuis lachrymarum profluuiis, nonne in memoriam reuocat, quos ipse Dominus factus in agonia vsque ad sanguinem exundauit? Casula seu planeta, nonne illius vestis est species purpureæ, seu radiosæ, at infamis chlamydis, qua illum Pilatus illudendum exposuit? Dixerim Pontificale pedum, arundinis illius esse loco, quam Christus ipse portauit sceptri ridicula specie, vt sapientia ipsa æterna, abscondita in carne, tot probrorum nebulis, in oculis hominum stultitia putaretur. Crux ipsa per se loquitur, quæ Casulæ hæret insignis: nam illius signaculum est, quæ ipsi Christo (cùm velut agnus innocens ad lanienam duceretur) ab impiis imposita, sanguineque eius in aram consecrata, omnia mundi peccata eluit; & scala cœli, clavis paradisi, speique omnis nostræ & felicitatis columna, basis, anchora, alucus, fons, & scatebra totius benedictionis effecta est. At quid signat illa Corona quæ in vertice Sacerdotis adeo insigniter expressa conspicitur, quàm ludibriosum & funestum illud ferrum, confertum ex spinis, quibus hostia illa salutis nostræ parens, sua in immolatione passa est insigniri?

Isa. 53.

Nec exteriori tantùm hoc habitu, qui totus mysticus est, Christum refert Sacerdos dum diuinis mysteriis operatur, sed virtutem & auctoritatem exerit, ipsamque eius personam internis actibus non minùs quàm externis gerit. Sublimi hoc acumine mentis aduertit & graphicè expressit mysterium, Petrus Blesensis dictus, Bathoniensis dudum Archidiaconus, serm. 41. paulo ante med. *Loquitur inquit, tanquam Pater ad Filium, Spiritus sanctus ad Sacerdotem celebrantem diuina, quando scilicet expansis manibus tanquam crucifixus, vero crucifixo astat, imò cùm in crucem ante se positam, imaginem crucifixi visibiliter inuatur.* Sed hanc ipsam obseruationem accuratiùs expendit & fusiùs prosequitur in tract. Rythmico de SS. Eucharistia, c. 7. Cuius est titulus, *Quod Presbyter in consecratione sacrificium (crucis) commemorans & imitans cum lacrymis passionem Christi, sit Christus, & sacrificans & sacrificatus.* Quo sub lemmate, Auctor ille sic eloquitur.

*Adsisens aræ pro sacris Presbyter orat,  
Mensam cœlestem Deus implet, gratia rorat:  
Compluit à superis diuina prouidentia totum,  
Quicquid Presbyteri sacrat admirabile votum.  
Nihil aliud sacrificex est quàm Christi simulachrum,  
Dum tractat corpus Christi cum sanguine sacrum.  
Dúmque suos oculos in cælum cordaque figit,*

Exten-

Extendendo manus & brachia se crucifigit;  
 Et dum quæ fuerit mors Christi flendo retrahat,  
 Facta suæ carnis Domino velut in cruce maculat.  
 Sic Christum Christus offert, homo victima factus:  
 Sicque crucem patitur dum commemorat crucis actus  
 Qui recto Christus, quomodo crucifixus & vinctus,  
 Per fidei membrum cum Christi corpore iunctus.

Hildebertus celebris ille Cenomanensis Episcopus, dehinc Turonensis Metropoli-  
 ta, qui non minùs raræ eruditionis gloriâ, quàm  
 eximiæ pietatis laude sub Urbano II. emicuit, præclaros versus ce-  
 cinnit de mysterio Missæ, qui editi supersunt & extant tom. 4. Biblio-  
 thecæ SS. Patrum; in his insignis ille auctor totus est in ea demon-  
 stratione explicanda, Quòd Presbyter sacrificans, & voce, & actu,  
 & habitu Christum Dominum offerentem seipsum tam in cruce, quàm  
 in vltima cœna, repræsentet, adeoque personam gerat mysticam.  
 Paucula, sed selecta, ex aureis eius dictis hîc referam, quibus hæc  
 specialiter conuenientia declaratur.

Secreta siquidem procedit ab ade Minister;  
 Ortus secreto venit ad ima Deus.  
 Vestibus ille sacris tegitur; textit caro Verbum,  
 Tota carens macula, tota sacrata Deo.

Tum enarratis singulis quæ diuinam ipsam actionem præcedunt, sub-  
 iungit.

His ita præmissis, secreto Presbyter orat  
 Secretas memorans assimilansque preces.  
 Quas egit Christus, cum te non Iuda remoto  
 Abscessit modicum tæque precatus ait

His actis populum sublimi voce salutat  
 Presbyter, & sursum corda leuare monet.  
 Inde patri grates per Christum semper agendas  
 Afferit, & posthæc dona sacrandæ sacrat.  
 Si benè cuncta notes, hoc totum filius egit  
 A prece discipulos, inde petendo crucem.

Tempore quo supplex assistit Presbyter aris,  
 Maculatûrque patri filius ipse manens.  
 Æthra patent, cœlestis adest chorus, ima supernis  
 Iunguntur: sunt auctor & actus idem.

Tanquam sub nebula sacra dona frequentat & offert  
 Quisquis agit Christi, Christus & ipse, vices.  
 Hoc etenim virtus, hæc efficientia verbi &c.

Hoc sanè totum verbis confertur in illis  
 Quæ subdit sacrificex non sua sed Domini.  
 Quippe recensurus quæ protulit ille, vel egit,



*Cùm cœnans idem, cœna beata fuit.  
Panis in hoc verbo sed adhuc communis ab ara  
Sumitur, & sumptum tollit utraque manu.  
Presbyter hinc idem cùm peruenit ad Benedixit,  
Imprimit elato mystica signa crucis.  
Nec prius in mensam demittit quàm tua Christe  
Verba representans explicat ista super.*

*Sub cruce, sub verbo, natura nouatur & aram  
Panis honorificat carne, cruore calix.  
Presbyter idcirco, cùm verba venit ad illa  
In quibus altari gratia tanta datur,  
Tollit utrumque, notans quòd sit communibus escis  
Altior, & quiddam maius utrumque gerat.*

*Hinc sequitur panis infractio tradita nobis  
A Domino, quoddam legis & ipsa gerens.  
Legis præcepto minui similago iubetur,  
Nonnisi frustatim sacrificanda Deo.  
Sic sacrum panem, cœnans fregisse Redemptor  
Dicitur, & fractum distribuisse suis.  
Nos quoque non frustrà legem Christumque sequentes  
Aptè partimur dona dicata Deo.*

*Fit cibus hic ex pane caro, Deus ex elemento,  
Mysterio simplex, utilitate triplex.  
Fit cibus hic ouis in ligno, leo fortis in urna,  
Ales ad astra volans, Rex super astra sedens.  
Nève putes illi tumultumve crucemve deesse:  
Ipse calix tumultum, denotat ara crucem.  
Utque fides adsit, terrorque recedat & horror,  
Fit cibus ipse caro, panis imago manet.*

Hæc aliâque perplura Hildebertus, qui quod passim inculcat sacro hoc poemate, Sacerdotem, Christi obire vicem, personam gerere, proferre vocem, facta eadem agere, mirabilia eadem operari, non ex genio poetico lusûque versuum effudit, sed ex sacra penu Ecclesiæ, nimirum venerandi Patrum confessus sententiis delibauit. Nam Sanctus Cyprianus epist. 63. ad Cæcilium signanter ait: *Verè Sacerdotem in altari Christi voce fungi, idque quod fecit Christus imitari; & sacrificium verum & plenum in Ecclesia offerre Deo Patri, offerendo secundum quod ipsum Christum constat obtulisse.* Sanctus Chrysostomus hom. 60. ad populum, *Non ipsum consideres hoc facientem, sed Christi manum inuisibiliter extensam.* Et hom. 8. in Matth. *Qui tunc in illa cœna confecit, ipse tunc operatur, qui enim sanctificat, & immutat ipse est.* Hæc est illa mensa, & minus nihil habet, non enim illam quidem Christus, hanc autem homo perfecit; verum & hanc ipse quoque. S. Ambrosius lib. 4. de Sacram.

c. 4. Hoc igitur astruamus, quomodo potest qui panis est corpus esse Christi? consecratione. Consecratio igitur quibus verbis est, & cuius sermonibus? Domini Iesu, nam per reliqua omnia quæ dicuntur, laus Deo defertur, oratione petitur pro populo, pro regibus, pro cæteris? ubi venit ut conficiatur venerabile Sacramentum, iam non suis sermonibus Sacerdos, sed utitur sermonibus Christi. Et infra: Vides ergo quàm operatorius sit sermo Christi &c. ipse dixit & facta sunt, ipse mandavit & creata sunt. Ergo ut tibi respondeam, non erat corpus Christi ante consecrationem; sed post consecrationem dico tibi quod iam corpus est Christi, ipse dixit & factum est, ipse mandavit & creatum est. At verò nec ibi videtur Christus offerens, nec loquens auditur. loquitur tamen & offert per Sacerdotem, non tantum ut vicarium & ministrum: sed quasi per proprium suppositum, nempe per seipsum, quia Sacerdos hoc diuino munere fungens, personam eius assumit, profert verba, auctoritate nititur ac omnipotentiam eius exequitur. Ideo diuino honore potitur Sacerdos in sacrificio: Quid enim sibi vult sollemnis iste ritus quo in Missa celebri iubetur Diaconus postquam thurificauit altare & librum Euangeliorum, etiam flexis genibus thurificare Sacerdotem? eius osculari dexteram plerisque vicibus, & alia id genus indicia diuini cultûs ei exhibere? nisi quod tunc Sacerdos non ut homo mortalis consideratur, sed ut ipse Christus, cuius personam tremenda in illa actione repræsentat. Quod dudum in serm. 2. in Nat. S. Petri dicebat S. Leo, *Petrum in consortium indiuiduæ unitatis Dominus assumpsit*; de sacerdote quoque tremenda mysteria celebrante meritò dici potest: vox enim eius Christi vox est, manus ipsa Christi dextera, idem actus, idem opus, eadem virtus & potentia, ut sequenti articulo vberius demonstratur. Fixum interim maneat hoc Spiritus sancti voce editum in Concilio Florentino oraculum, *Sacerdos, in persona Christi, hoc conficit Sacramentum.*

## ARTICVLVS IV.

*Sacerdotem celebrantem diuina mysteria, verè esse omnipotentia Christi organum.*

**S**ANCTVS Augustinus in serm. de adlectione Eradij, Presbyteri ordinationem signanter appellat opus Dei: *At illi propter opus Dei clamauerunt, nec enim ordinationem Presbyterij, non dixero opus Dei*, scilicet propter quandam singularem excellentiam Sacerdotij, quod reuera Deo dignum opus est, adeoque inter eius opera rarum & admiratione dignum: haud dubium enim Sacerdotium puri hominis excogitari non posse, etiam pro libera & absoluta potentia Dei, quod perfectius sit, imò ei exæquari possit, quo nunc gaudent noui Testamenti Sacerdotes. Ratio est, quia sibi inuicem respondentia seu relata sunt sacrificium & Sacerdotium: vnde quo sublimior est dignitas sacrificij, eo maior est dignitas Sacerdotij. Quòd si nec diuina virtute esse potest nobilius sacrificium, (ut suprà euidenter ostendimus) nec fingi poterit nobilius Sacerdotium. Quare cum nec manu

Hesychius l. 4.  
in Leuit. c. 9.  
Sacerdotes noui Testamenti ait Christi esse ministros & cooperatores.

V u ij

## 344 PANOPLIÆ SACERDOTALIS PARS II.

Dei fieri, nec aliter considerari queat sacrificium perfectum, perfectius & illustrius eo quod in Eucharistia peragitur: consequens est, ut nec puri hominis Sacerdotium à Dei potentia fieri valeat huic nostro præponendum, aut adæquandum. Porro nec obiici potest Episcopos, & maximè summum Pontificem, Presbyteris qui sunt meri Sacerdotes, nullòque alio titulo insigniuntur absolutè antecellere, siquidem ut abnuī non debet, Episcopos, & præcipuè Romanum Pontificem, quoad potestatem æconomicam, & quæ in mystici corporis regimen destinatur, superiores esse & illustriores aliis Sacerdotibus. Sic ingenuè fatendum est quoad nudum munus Sacerdotij, in se præcisè considerati, æquales esse: idem enim Christus est, & Sacerdotium vnum est, nec dispar esse potest, cum æqualis sit dignitas sacrificij siue à Presbytero, siue ab Episcopo, siue à summo Pontifice oblato, *In omni enim Sacerdote* (ait S. Hieronymus \*) *corpus Christi est perfectum: nec maius est quod Episcopus, minus verò quod Presbyter benedicit.* Gradus igitur Ecclesiasticæ Hierarchiæ penes mysticum Christi corpus locum habent, non autem circa verum & reale incruentè offerendum in Eucharistia; inde enim in Sacerdotes æqualis omnino dignitas restagnat, & quæ etiam de potentia Dei nequit esse inæqualis.

\* *Tract. de 7. ord. Eccles. Gradus 6. eius operum tom. 9. qui libellus est foris non sit S. Hieronymi, ex eius testimonio dictis est contextus.*

Hæc dignitas adeo sublimis est, & potestas tam admirabilis, ut sancti Patres quicquid aliud magnum & excelsum censeretur, hac inferius esse vnanimi iudicio arbitrentur; tritum est quod passim Regiæ potestati Sacerdotalem anteponant S. Ambros. lib. de dignitate Sacerdotali, c. 2. Gregorius Nazianz. orat. ad popul. metu perculsum, & S. Chrysostomus hom. 4. in c. 6. Isaïæ. At ulterius progrediuntur, etenim supra omnem humanam potestatem non modò Sacerdotalem efferunt; verum etiam supra vim & dignitatem attollunt Angelicam: *Presbyteris data est potestas* (inquit S. Chrysostomus \*\*) *quam Deus nec Angelis, nec Archangelis concessam esse voluit; Operantibus enim illis, tum sacra hæc quæ dico perficiuntur, (nempe consecrationis mysteria) & eorum precibus hominum peccata remittuntur.* Porro S. Epiphanius, hæres. 79. quæ est Collyridianorum, eximiam hanc potestatem, nec beatissimæ Virgini concessam fuisse, observare & asserere non dubitat.

\*\* *Lib. 3. de Sacerd. c. 1. 6. & hom. 51. & 83. in Matth. & 60. ad populum.*

Et verò tanta est hæc Sacerdotalis potestas, ut quanto penitius introspicitur, tanto magis admirabilis & ineffabilis appareat. Paucis de excellentia Sacerdotis multa miræque complexus est Petrus Blefensis præcitatus, serm. 47. quem habuit in synodo ad Sacerdotes & Prælatos; ubi quibusdam præmissis de legitimo per sex gradus ad Presbyteratum ascensu subiungit: *Tanquam per cantica graduum ascenditur ad Sacerdotium; hic est thronus eburneus cuius reclinatorium aureum est, ad quem ascenditur sex gradibus purpureis, media charitate constrictis propter filias Hierusalem, ubi Sacerdos Dei summi ascendit ad dignitatem familiaritatis; in opere creationis non fuit qui adiuvaret spiritum Domini, aut consiliarius eius esset: in mysterio autem redemptionis nostræ voluit habere coadiutores dicens, hoc fa-*

cite in meam commemorationem. Est ergo Sacerdos coadiutor redemptionis, consiliarius Domini Sabaoth &c. hic dapifer mensæ Christi, &c. cuius verbum accedit ad elementum, & fit Sacramentum. Verbum, inquam, diuinum prolatum ore Sacerdotis, quasi ore proprio ipsius Domini. Quod in Tract. Rythmico prænotato, non inconcinnè explicat idem Petrus Blesensis, c. 8. dicens:

*Non alius celebrat quamuis alius videatur,  
Mysterium sacrum; verbum Deus hoc operatur;  
Verbum namque caro factum sacra verba magistrat,  
Et per sacrificem, carnem de pane ministrat.  
Hic opus, hic opifex Deus est, sacrat atque sacratur,  
Fuitque creatura, per quem res cuncta creatur;  
Nam res quæ panis pridem substantia mansit,  
In Christi carnem deitatis munere transit.  
Nescit homo, nescit, stupet Angelus hoc ita factum,  
Arcanique sacri pauet inscrutabile pactum.  
Nescit quo modulo, quo virtutis documento,  
Rex elementa creans, prodit Deus ex elemento.  
Sed dextra excelsi talis mutatio cedit,  
Qua viget omne quod est, cui mundus & æther obedit.*

Mirum dictu! Sacerdos ut os Christi est eius proferendo verbum, sic conficiendo Sacramentum eius dextera est. \* (Cum Sacerdotem vi- *Vide supra.*  
deris (ait magnus Chrysostomus) offerentem, ne ut Sacerdotem esse putes hoc facientem, sed Christi manum inuisibiliter extensam. videlicet sub visibili manu Sacerdotis, quæ manum Christi repræsentat, & vim eius habet ac elicit. Manus Hebræis dicitur *Jadh* à verbo *Iadhan* manauit; quoniam vigorem habet à brachio, ut brachium à capite vim suam omnem mutuatur. Theologi scholastici ubi tractant de causa efficienti Sacramentorum, dicunt Deum esse causam primam, quia potestatem habet auctoritatis, Christum ut hominem esse causam instrumentalem coniunctam, quia homo ipse verbo vnitur, & ideo potestatem habet excellentiæ: porro Sacerdotem esse meram causam instrumentalem, sed separatam, ut quæ non influat in effectum per se & tanquam primum principium, sed ut organum & adminiculum, quod nihil per se agit aut influit, sed virtute & influxu causæ efficientis, primæ atque præcipuæ. Igitur ut manus dependet à brachio, & brachium à capite, sic Sacerdos à Christo, & Christus à Deo; sed Christus agit in Sacramentis ut Deus est iure suo, & secundum quod homo est, ut causa instrumentalis coniuncta primæ causæ efficienti: Sacerdos verò duntaxat ut causa instrumentalis seiuncta, sicut est calamus respectu manus qua homo scribit; ita isti Theologi. Verum Patres pluris faciunt in diuinis Mysteriis Sacerdotis concursum: Christum enim spectant ut causam primam, *Auctor Sacramentorum quis est nisi Dominus Iesus?* ait S. Ambrosius lib. 4. de Sacramentis, c. 4. Proinde Sacerdotem considerant ut causam secundam, seu ut causam instrumentalem coniunctam & non separatam. Hinc; os Christi Sacerdo-



346 PANOPLIÆ SACERDOTALIS PARS II.  
tem agnoscit eodem loco S. ipse Ambrosius; hincque Fortunatus ca-  
nit, lib. 4. vitæ S. Martini.

*Immaculata Deo cùm dona imponeret aræ,  
Et pater attonitus ceremonia diua sacraret  
Munera, vel Christi benediceret ore Sacerdos.*


Porrò S. Chrysostomus, *manum Christi Sacerdotem appellat*; manus autem  
est instrumentum coniunctum & non separatum, ideo dicitur à S.  
Thoma, *organum organorum*, quia facit omnia instrumenta, & est  
loco omnium instrumentorum, 3. p. q. 83. a. 5. *Mira res!* ait S. Hiero-  
nymus in dialogo contra Luciferianos, *Ecclesia non est quæ Sacerdotes non  
habet*. Etenim nec habet sacramenta, nec sacrificia, sine quibus  
nulla potest constare religio. Quapropter scitè & eleganter Sacer-  
dos appellatur *Omnipotentia Dei organum*. Omnem enim potestatem  
suam Dominus, discipulis suis (& eorum successoribus) dedit, quando  
eos Sacerdotes noui & æterni Testamenti constituit.

De 7. gradibus  
Ecclesiasticis.

## CAPVT V.

*Qualiter Sacerdos offerre debet, vt dignè & fructuosè suo  
officio defungatur.*

Ep. 1. inter init.  
& med. tom. 1.  
& refertur dist.  
40. c. non est. &  
2. q. 7. c. non  
omnes.



ON est facile ( scribit præfatus S. Hieronymus ) stare lo-  
co Pauli, tenere gradum Petri cum Christo regnantium. unde  
S. Bernardus ad suum Eugenium ep. 237. *Terribilis  
prorsus ( inquit ) terribilis est locus iste? locus in quo stas terra  
sancta est, locus Petri est, locus Principis Apostolorum, ubi  
steterunt pedes eius.*

Sed si loco Petri stare vel sedere, non modò difficile, sed terribile  
est? quàm formidabile debet esse Sacerdoti diuina Mysteria cele-  
branti! stare loco Christi, vicem eius obire, personam gerere, & non  
modò eius loco offerre: sed ipsum offerre & sacrificare æterno Patri  
pro totius mundi expiatione & salute? Hoc enim opus omnium di-  
uinorum est profectò diuinissimum, vt edoctus à Paulo Dionysius  
verè & conuenienter appellat: qui ideo acriter succenset hoc tan-  
tum, tamque tremendum officium temerè aggredienti\*: *Qui audeat  
( inquit ) scelestas blasphemias suas ( neque enim preces dixerim ) sacris aris in-  
ferre, easque super signa illa diuina ad Christi similitudinem dicere: non est Sa-  
cerdos, non est, sed infestus, atrox, dolosus, illusor sui, & lupus in Dominicum  
gregem ouina pelle armatus.* Ita inuehitur diuinus Dionysius in Sacerdo-  
tem impurè tractantem cœleste hoc mysterium, acerbè quidem, sed  
iustè & piè, & vt verbo utar S. Augustini, verè Episcopaliter.

\* Καὶ πολλὰ τὰς  
ἐκείνης αὐτῆς δεισι-  
μίας ( οὐ γὰρ ἐπι-  
μνηστικῆς ) ἐπὶ  
τὰ διὰ τὴν ἐκείνην  
χρηστικὴν ἐπι-  
την. Οὐκ ἔστι οὐ-  
τε ἱερὸς, οὐκ ἔστι  
ἀλλὰ δεισιμὸς,  
δύσλος, ἐμπύκτος  
καὶ, ὅτι αὐτὸς ἐπὶ  
τὴν θεὸν λατρεῖ τῷ  
κατὰ τὴν ἀδελφείαν  
αὐτοῦ.

S. Dionys. A-  
reopag. epist. ad  
Demophilum. 5.  
2.  
Ep. 88. sen 1. 1.  
ep. 3.

Quo spiritu, tametsi leuioribus verbis S. Cyprianus, periculi sui Sacer-  
dotes admonebat inclytus Dei Martyr & Pontifex, vbi ait Sacerdotibus  
maximum laborem incumbere in asserenda, propitianda, procuranda  
Dei Maiestate erga homines; neque enim etsi sacrificium ipsum, maxi-  
mè autem apud Deum vim habeat, ex ipso ( vt loquuntur Scholastici )

opere operato, tamen operantis Sacerdotis, aut nulla, aut exigua hinc pars esse censenda est. Sacrificium enim Missæ, seu tota actio sacrificialis non rem tantum oblatam dicit, non ipsum præcisè corpus & sanguinem Christi: sed hæc quatenus certo & solenni ritu Deo offeruntur; at sacrificij huius diuinissimi ratio, nec à ritibus & cæremoniis adiunctis, nec ab ipsius sacrificantis blanda aliqua ac deuota supplicatione: sed à sola elementorum consecratione qua hostia conficitur Deoque sistitur, vim ac naturam suam accipit. At usum eius ac finem, cum respicimus, ut hac confecta, oblataque Deo hostia aliquid à Deo impetremus: hinc sacrificantis actio, pietas, deuotio, humilisque & supplex obsecratio, valent plurimum. Quamuis itaque res Deo sacrificata & per hoc oblata Deo infinitæ sit virtutis, non tamen cuiusuis Sacerdotis sacrificalis actio, paris etiam & infinitæ virtutis erit, sed certus est applicationis gradus operi Sacerdotis connexus, sicut & deuotioni quoque ipsorum pariter offerentium, id est ad oblationem illam à Sacerdote factam piis votis ac desideriis concurrentium. Quemadmodum enim Sacramentum etsi infinitæ sit semper virtutis, tamen non nisi dignius sumentibus magis prodest, & quemadmodum Christi in cruce sacrificium sufficientissimum fuit ex se ut omnium peccata deleret: efficax tamen non est nisi per Sacramenta & per hoc maximè sacrificium: denique quemadmodum ut fiat omnino sacrificium, operantis Sacerdotis intentio prorsus necessaria est, ita planè ut ad certos usus ac fines magis proficit sacrificium, ut magis sit efficax à parte ministri, deuotio Sacerdotis admodum proficit, est enim hoc sacrificium non commemoratio tantum, sed & applicatio passionis Christi per ministerium Sacerdotis.

*Accedentem igitur ad altare Sacerdotem, luminis instar (ait S. Chrysostomus) uniuersum orbem lustrantis, animum splendentem habere oportet.* *lib. 6. de Sacerd.*  
Tunc lucerna super candelabrum collocatur, cum Sacerdos ad offerendum Deo sacrificium, accedit ad sanctuarium, diuinumque altare ingreditur. In veteri Testamento lucernæ, quæ super candelabrum ante propitiatorium accendebantur, erant lampades aureæ, quæ ponebantur super extremitates brachiorum & hastilis candelabri luminis, quod totum ex auro conflatum erat. Antiquissimus est candelabrorum in Ecclesia usus, nam huius meminit S. Clemens ep. 2. ad Iacobum (seu potius Simonem) fratrem Domini. Et S. Athanasius ep. ad Orthodoxos, ubi exprobrat Arianis quod candelabra Ecclesiæ ad parietem apponerent, & certis idolis in fidei derisum adolerent. S. Augustinus serm. 17. in dedicat. Ecclesiæ candelabra fuisse refert *circa fin. 10. 19.*  
solenni ritu benedicta, his verbis: In Christo ædificatur Ecclesia, quæ abscondi non potest, neque accendunt lucernam & ponunt sub modio, sed super candelabrum, ut luceat omnibus qui in domo sunt; bene occurrit lectio quando candelabra dedicantur, ut sit qui operatur lucerna posita in candelabro. Sic Sacerdos in sanctuario fulgere debet: nam Christus ait Apostolis suis, quos primos Sacerdotes

ordinauit, *Vos estis lux mundi*; Et per Prophetam ait Deus, *parauit lucernam Christo meo*: Porro Sacerdotalis ista lucerna est, quia per hanc vniuerso mundo Christi nomen, fides & gratia innotuit. Lucernarum tunc vsus adhibetur cùm sol recessit, sic Sacerdotes remoto iam Christo & se secundùm visibilem præsentiā remouente, mundum cœperunt illuminare, vnde Apostolus 2. Cor. 2. 14. *Deo gratias* (inquit) *qui semper triumphat, nos in Christo Iesu & odorem notitiæ suæ manifestat per nos in omni loco*. Non notitiā modò, sed cultum per sacrificium incruentum, quo *mors Domini* in omni loco *quotidie annuntiatur*: Quam oblationem (inquit Beatus Irenæus lib. 4. c. 32.) Ecclesia ab Apostolis accipiens offert Deo in vniuerso mundo, sicut per Malachiam prænunciatum erat. Sed vt redeam ad propositum, lucerna vt aliis lucere possit, priùs in se ardet: sic accedens ad altare Sacerdos, vt fideles illuminare possit, priùs in se exardescere debet igne charitatis & ardore pietatis, *Ambulat enim hic vt Cherub in medio lapidum ignitorum*. Putant plerique Sacerdotes, si pretiosa panoplia fulgeant cùm introeunt in Sancta, multum decori hoc ornatu splendido afferre religioni, astantesque fideles sacro hoc apparatu plurimùm ad diuini mysterij reuerentiā commouere. Et valet quidem splendida hæc panoplia ad conciliandum rebus sacris decorum; sed hæc non est præcipua ratio, qua Sacerdos in fidelium animis pietatis affectus ingenerare possit. *Non vt albam & splendidam tunicam* (ait sanctus Chrysostomus hom. 60. ad populum) *circumeatis induti, Deus hoc vos insigniuit honore. Sacerdotes eius* (ait Propheta Ps. 133.) *induantur iustitiam, & sancti eius exultatione exultabunt*. Nam Angeli & beati spiritus gaudent in cœlis, cùm Sacerdotem conspiciunt introeuntem in Sancta, puritate, innocentia, pietate, fide, charitate exornatum. interior ille ornatus præcipuus est, quo accedens ad altare Sacerdos effulgere debet. Dicitur de S. Ioanne Bapt. *Erat hic lucerna ardens & lucens*. Ad hæc S. Bernardus suo modo, appositè & eleganter serm. in natiuit. B. Ioan. Bapt. *Est tantùm lucere vanum, tantùm ardere parum, ardere & lucere perfectum*; Magis tamen conuenit Sacerdoti intus feruere, quàm foris fulgere, quia Deus cor intuetur, nec curat de externa specie. Quamobrem idem B. Bernardus ingeniosè & sapienter, *Quid lucere festinas? nondum enim aduenit illud tempus, in quo fulgebunt iusti vt sol in regno patris eorum, interim perniciosus est iste appetitus lucendi, feruere enim multo melius*. At verò in Sacerdote vtrumque necessarium est, feruere coram Deo ardore deuotionis; fulgere coram hominibus splendore bonæ opinionis & integræ famæ; *Sic luceat lux vestra coram hominibus*, (ait Dominus) *vt videant opera vestra bona, & glorificent Patrem vestrum qui in cælis est*.

Verùm quia de vtroque ornatu hîc sermo incidit, excidere mihi non patior monitum non contemnendum: Non ita diu opus in lucem emisi, cuius titulus est *Panoplia Episcopalis*, seu de sacro Episcoporum ornatu libris VII. cum Analectis. In hoc totus sum, vt per sacra hæc dignitatis insignia, quibus Christiani antistites summo decore collu-

cent,

cent, eos debita cum obseruantia commonefaciam interioris ornatus, quo par est illos Dei in populo effulgere. De Clericis me suggessisse idem theorema liquet eo in opere quod *Panoplia Clericalis* inscripsi, seu *de Clericorum tonsura & habitu*, scilicet magni Hieronymi documentum secutus: *Vetus lex noua congruit, id ipsum Moses quod & Apostolus, ille Sacerdotis scientiam ornat in vestibus, iste Timotheum & Titum instruit disciplinis &c.* Tum vno verbo omnia complexus: *In Sacerdote necesse omnia vocalia esse asserit, ut veritatem mente concipiat (non inanem virtutis speciem) & toto eam habitu resonet & ornatu, ut quicquid agit, quicquid loquitur, sit doctrina populorum; absque tintinnabulis enim & diuersis coloribus & gemmis, floribusque virtutum, nec Sancta ingredi potest, nec nomen Antistitis possidere.* Quo ex monitu habet certè Sacerdos ingrediens in Sancta, per sacra ipsa insignia quæ gerit, vnde sibi graues aculeos incutiat, ad piè & sanctè, ac prorsus salubriter diuino officio perfungendum. Nicolaus Aurificus, tract. de dignitate Cleric. ex incerto Auctore refert quosdam versus, Sacerdotum memoriæ non inutiliter infigendos.

*Tu quicumque voles Missam celebrare, Sacerdos,  
Sis memor, & tota deuotus mente reuoluas,  
Qualia sit Christus pro te certamina passus,  
Velatum capite & derisum signat amictus:  
Linea vestis item, quod sit despectus in alba,  
Vincula significant fera, tortæque zona, manipulus;  
Est stola imago crucis, quam humeris gestauit Iesus,  
Cernis amictus, atque inde quater tu cernis in alba  
Signa terebrati capitis, manuumque pedumque,  
Purpurea spectans casulam vestis memor esto,  
Ut rubro fuerit perfusus sanguine Christus.*

Tumque verba vertens ad fidelem sacrificio assistentem, breuiter sic cum affatur:

*Cumque Sacerdotem cernis ad aram properantem,  
Tunc voluas animo memori ut conscenderis ultro  
Caluarie montem moriturus de cruce pro te, &c.*

S. Irenæus lib. 4. aduersus hæres. c. 34. mirificè instruit Sacerdotem, qualiter sacrificium hoc singulare & per omnia admirandum offerat, nempe, *Mundè*, (inquit) & rectè, & legitimè. inter init. & med.

## ARTICVLVS I.

*Sacrificium Eucharistie, est mundè offerendum.*

## §. I.

*De cordis & manuum offerentis munditia.*

**B**EATI mundo corde, quoniam ipsi Deum videbunt. Munditia cordis Math. 5. 8.  
duplex est, scilicet ab affectionibus inordinatis per virtutes &





puritatis perfectionem sit adeptus; eniti tamen pro virili quisque debet, ut nonnisi mundato intellectus oculo & cordis affectu diuinam ad aram accedat; Si enim (inquit idem B. Dionysius \*) *Sacerdotum sanctus ordo, is est qui illuminat, proculdubio ille à Sacerdotali oràine & virtute omnino prolapsus est, qui illuminans non est, nulloque sanè magis qui neque est illuminatus.* Hinc in Latina Ecclesia tot Sacerdotis expurgatio num ritus, hinc bina ante sacrum mysterium Sacerdotis confessio, secreta seu Sacramentalis, & publica seu generalis, cum ministris & populo in ipso ad altare sacrum ingressu; bina manuum ablutio, antequam scilicet sacris vestibus induatur; deinde cum præambulis quibusque expletis; diuina iam mysteria auspicatur; tot insuper super se Sacerdos efformat salutiferæ crucis signacula, tot preces ingeminat, quibus nihil instantiùs quàm ab omni labe munditiem oris & cordis puritatem diuinitus sibi concedi expetit. Iisdem ferè modis Sacerdos in orientali Ecclesia sese diuinam ad synaxim apparat, siquidem in Liturgia S. Chrysostomi hæc præparatio assignatur: *Sacerdos diuinum mysterium peracturus, ante omnia confiteri, & cum omnibus reconciliatum se habere debet, necnon cor à prauis cogitationibus custodiuisse &c. & usque ad sacrificij tempus vigilasse; tempore verò sacrificij instantie, postquam Præsidi quæ fieri consuevit, reuerentiam exhibuerit, templum ingreditur, & Diacono iunctus, ter simul adorant ad orientem coram Saluatoris & sanctissimæ Deiparæ imagine, & ad utrumque chorum pariter semel inclinant, quando autem adorant, secreto hanc orationem dicunt: \*\* Emitte Domine manum tuam de excelso habitaculo tuo, & confirma me ad propositum ministerium tuum, ut inculpatè tremendo tuo tribunali adstans, incruentum sacrificium peragam. Quia tua est potentia & gloria, in secula seculorum. Amen.*

\* Εἰ τοῖσι τῶν ἱερῶν διακονούντων ἐστὶ ἡ φωτιστικὴ, πᾶσι τοῖς ἀποπνεύματι τῆς ἱερουργίας τοῦ ἱεροῦ, ὁ μὴ φωτισθεὶς ἂν τοῦ γε ἀλλοτρίου ἀποπνεύματος.

Idem. ep. ad Demophilum quæ est serie 8. §. 2.

\*\* Κύριε ὁ θεὸς ἡμεῶν, ἡ ἐκ τοῦ οὐρανοῦ τῶν χειρῶν σου ἐξ ἁγίου κατοιικηθεὶς σου, καὶ ἀγαθὸς καὶ ἡμεῖς τῶν σπουδαίων σου, ἵνα ἀναπαύσῃς τὸ πνεῦμά σου ἐν ἡμῖν, καὶ τῶν ἀναμάρτων ἡμετέρων ἐπιτάξιόν, τῷ πνεύματι σου, καὶ αἰὶν, καὶ εἰς τοὺς αἰῶνες τῶν αἰώνων. Ἀμήν.

Liturg. S. Chrysostomi.

## §. II.

*De Confessione à Sacerdote Missam celebraturo præmittenda.*

**C**OMMUNICARE volenti (ait Oecumenicum Concilium Tridentinum, sess. 13. c. 7.) reuocandum est in memoriam Apostoli præceptum; Probet se ipsum homo; Ecclesiæ autem consuetudo declarat eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa Sacramentali confessione, ad sanctam Eucharistiam accedere debeat. Quod à Christianis omnibus, etiam ab iis Sacerdotibus, quibus ex officio incubuerit celebrare, hac sancta synodus perpetuò seruandum esse decreuit, modò non desit copia Confessoris. Sic docet, sic decernit sapientissimum illud Concilium.

Et sanè necesse habuit expressim declarare, Sacerdotes qui ex officio celebrare tremendum illud sacrificium obstringuntur, non ideo si conscientes se nouerint grauis reatus, ab illo debito excusari, ut priusquam ad altare Dei accedant, suam expurgent conscientiam per Sacramentalem confessionem ab illa exitiali imputitate. Erant enim plerique, qui prætextu obligationis celebrandi ex iniuncto officio, sese

immunes putabant à confessionis præmittendæ debito, sat esse dicentes, si actu interno dolerent de peccatis admissis; cuius actus cum nec Ecclesia iudex esse possit (nam Ecclesia non iudicat de occultis) de ipso nec eliciendo curabant, & sic cum euidenti animæ exitio, & aliquoties cum graui scandalo, præsumebant ad Sancta Sanctorum introire.

\*Steph. Duranti, de ritib. Eccles. Cathol. s. 42. §. 4.

Hic mihi in memoriam redit pium & præclarum illud viri doctissimi \* ad Sacerdotes monimentum, *Hac in parte* (ait perpendens illa verba sacri Canonis: Hostiam puram, hostiam sanctam, hostiam immaculatam) *Sacerdotes admonitos velim, quàm purè & castè, quàm diligentè præparatione, & sincera deuotione accedere debeant ad hanc hostiam puram, sanctam, & immaculatam, panem vitæ & calicem salutis perpetuæ oblaturi, ne si peccatis obnoxij offerant, eorum oblatio sit quasi qui victimat filium in conspectu patris. Eccles. 34.* Non possum non grauissimè commoueri, non dolere & non gemere, videns Missæ sacrum ipsis quoque virtutibus cælorum adorandum, hoc infelicissimo sæculo à quibusdam Ministris indignè, summæque incuria fieri.

Ethnici sacrificuli surgent in iudicio aduersus segnes & impuros illos Christianæ religionis Sacerdotes; quandoquidem ad nefanda illa sacra quæ diis fictitiis, & inanibus simulacris faciebant, magno cum metu & reuerentia accedebant; nec enim illa aggrediebantur nisi seria dispositione & studiosa præparatione adhibita. Hinc illa solennis apud ipsos proclamatio, *Ad diuos adeunto castè, pietatem adhibento, opes amouento; qui secus faxit, numen erit vindex.* Nec dicas, verbi causâ & perfunctoriè hoc præcedebat monitum. summâ enim curâ hunc satagebant morem gerere; siquidem Ægyptij Sacerdotes negotiis omissis, nunquam mulieribus indulgebant, carnibus & vino abstinebant, Gymnosophistæ ita erant continentes, vt pomis solùm, orizâ & farinâ alerentur, Hierophantæ Atheniensium, post susceptum Sacerdotium, vt castè & sanctè sacrum facerent, cicutæ sorbitione sese operi coniugali reddebant inhabiles; ita & matris Deorum Sacerdotes. De Numa Pompilio narrant cum pro frugibus sacra faceret, vsu carniū & venere abstinuisse. Sacris Isidis initiandi per decem dies carnibus & vino abstinebant, solitique erant priusquam sacrificarent, noxarum pœnitere, admissa fari, vultu & habitu ad omnem modestiam composito sacris operari; sordes etiam corporis abluebant. Hinc Æneas nisi lotus sacrificare noluit, ait enim Æneidos 6.

————— *Donec me flumine viuo,*  
*Abluero.* —————

Triumphales viri, & qui magistratum gesserant, in triumphali ornatu aut in prætexta sacrificabant, fronde coronati, lotis manibus, nudis pedibus, vt Plutarchus testatur. Addit Virgilius.

————— *Fontémque ignémque ferebant,*  
*Velati lino, & verbenâ tempora vincti.*

Apud Græcos, Sacerdos sacrificaturus, præfabatur, Quis hîc? qui

intererant sacris respondebant : πολλοὶ καὶ ἀγαθοὶ, id est multi & boni, unde tritum illud Virgilij,

——— *Procul hinc, procul este profani!*

6. *Æneid.*

Sed si pudet Ethnicorum pietate vinci; his prætermisiss, ad Hebræos Sacerdotes, quibus omnia in figuram nostri contingebant, considerationis nostræ aciem conuertamus. Vmbram habebat lex futurorum bonorum non ipsam substantiam rerum, tamen Pædagogica nostra ad Christum fuit, etenim eius omnis disciplina fuit doctrinæ ac politiæ nostræ quædam præfiguratio, & typus. Quemadmodum enim sacrificia eorum nostri singularis fuerunt antitypa, sic Sacerdotium eorum nostrum præfigurauit; & ideo quicquid eis pro officij sui digna perfunctione fuit lege præscriptum, erat adumbratio quædam atque præludium nostræ instructionis ac œconomix. Sanè quamuis illorum sacrificia typica & figuratiua tantum essent, tamen ob relationis quam habebant ad nostrum, tanquam prototypum, religionem & reuerentiam, Sacerdotes sacrificaturi non temerè sese diuino huic officio ingerebant, at se disponebant certis modis & ritibus, quibus vt decet præpararentur.

*Hebr. 10. 1.*

I. Abstinebant à vino & omni potu qui inebriare potest; Sic enim lex ferebat, *Leuit. 10. 8. Vinum & omne quod inebriare potest non bibetis: Tu (Aaronem alloquitur) & filij tui quando intrabis in tabernaculum testimonij, ne moriamini: submonendo vt passionum carnalium tumidos æstus & vanitatum sæculi fumidos ambitus prorsus deponerent, crapulam & quicquid mentem hebetat, sedulo fugerent, ad Dei altare accessuri.*

II. Abstinebant à coniugij vsu, omniq; libidine, vt Deo castè ministrarent.

III. Nudis pedibus accedebant ad sacrificium offerendum, exutâ scilicet omni terrenarum rerum cogitatione & affectu, insuper profitendæ coram Deo humilitatis causâ. Hinc illud Pythagoricum, *Nudus pedibus sacrisca.* nam ex libris Moyse, Pythagoras pleraque dogmata arcanâque desumpsit.

IV. Purificabant se aqua cinerali vitulæ rufæ, si essent immundi, vt habetur *Num. 19.* quò spectans Apostolus, *Heb. 9. 13.* hinc colligit: *Si cinis vitulæ aspersus inquinatos sanctificat ad emundationem carnis, quanto magis sanguis Christi qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis ad seruandum Deo viuenti?*

V. Denique iuxta legem, pedes & manus lauabant. *Exod. 30. 19. Et missâ aquâ è labro aeneo, lauabunt in ea manus suas & pedes, ne fortè moriantur. Si fortè illoti, cum sordibus præsumerent ad sacrificium offerendum prodire.*

Hæc omnia antiquæ legis Sacerdotum præparatoria ad sacrificium officia, Sacerdotes nouæ legis, qui sacrificio infinitè digniori deseruiunt: longè etiam amplioris curæ & operæ adhibendæ ad se tanto muneri præparandum, commonefaciunt. Christus antequam Apo-



stolos suos admitteret ad incruenti sui sacrificij cōuiuium, eorum lauit pedes, quo nimirum admoneret eximiae puritatis & munditiæ, quam habere debent diuinis his mysteriis vel operaturi, vel communicaturi. Porro quia in nouo Testamento calceati celebramus, transfudit Ecclesia lotionem pedum ad manus ablutionem, quam bis Sacerdos facit antequam diuinam oblationem conficiat; nam antequam sacras induat vestes, abluit manus in sacristia, & rursus ad altare post offertorium, cum præfationem ad Canonem incepturus est. Nec mos iste nouus, siquidem S. Cyrillus Hierosolymitanus Catech. 5. Mystag. *Vidistis*, inquit, *Diaconum aquam lauandis manibus Sacerdoti porrigentem?* Et S. Chrysostomus hom. 61. ad popul. Antiochenum, *Dic mihi, illotis manibus ad sacrificium eligeres accedere? Non puto. Quin & antiquior utroque*, S. Clemens lib. 8. Constitut. Apostolic. c. 11. *Vnus*, inquit, *Subdiaconus aquam Sacerdotibus ministret ad lauandum manus, quod est signum puritatis animarum quæ Deo dicata sunt.* Eundem finem notat huius ablutionis S. Cyrillus citato loco, ubi ait, *Ablutio nobis Sacerdotibus innuit, ut puri conscientia, mente & cogitatione, quæ sunt manus animarum nostrarum, cum timore & mansuetudine & omni clementia ad sanctam mensam accedamus.* Et S. Germanus in theoria rerum Ecclesiasticarum, *Lauat* (inquit) *Sacerdos manus hostiam oblaturus, ut significet se lauare, & purgare debere conscientiam lachrymis pœnitentiæ.* Hinc aqua cineralis vaccæ rufæ (de qua supra) cum hyssopo, quæ propter amaritudinem pœnitentiæ symbolum est, aspergi consueuerat. quò spectat & illud Dauidicum, *Asperges me Domine hyssopo, & mundabor &c.* Innocentius III. lib. 1. Mysterior. Missæ, c. 49. *Sacerdos celebraturus*, inquit, *manus lauat ut spiritaliter mundet actus.* Signum est igitur externa illa ablutio interioris purificationis, sine qua exterior purificatio nihil prodest. Nam *Deus in- tuetur cor*, ideo ait, *Fili, præbe mihi cor tuum?* mundum scilicet & purum, nam pollutum Deus odit & reiecit. Porro quia ista mundities est ad opus & vsum salutarem huius sacrificij planè necessaria, cauere summopere debet Sacerdos, ne sine hac veste nuptiali accedat, ad diuini huius mysterij sacrificium celebrandum; nisi enim conuenienter dispositus accedat, diuinam non placabit maiestatem; at Dei in se indignationem potius prouocabit.

*Psal. 50.*

*1. Reg. 16.  
Pron. 23. 26.*

Potest autem hæc dispositio requiri aut ex parte animi, aut ex parte corporis. De dispositione corporali, seu externa, puta de Sacerdote quòd sit ieiunus, quòd sacris indutus vestibus, quòd loci & temporis præscriptas à sacris Canonibus leges exactè custodiat, iam fuit superius satis pro instituto dissertatum: de interna autem iam etiam plerisque libri huius locis dictum est; idcirco hîc propriè nonnisi de ea quæ in præfixo huius Articuli lemmate figætur, mihi incumbit tractandum. Sunt qui putant non alia ratione Sacerdotem obstringi præmittendæ confessioni ante sacrificium, quàm quia in eo communicaturus est. Ego non sic censeo: Eucharistia enim dupliciter consideratur, ut est sacrificium, & prout est Sacramentum: In quantum est sacrificium, Deo offertur: ut est Sacramentum, nobis

*Jerem. 17. 15.*

1. Cor. 11.

Οππὶ ( ὁ θεὸς ἰ-  
εράτης ) ἐλαβὼς  
τὴν αἰα καὶ ἱεραρχ-  
κῶς μὲν τοῖς ἱεροῖς  
ὅθ' ἐστουράων ὑμ-  
εῖς, καθ' ἡν ἐκ  
ἀποτὸν ἱεραρχίας ἀ-  
πολογεῖται, ἀνέπ-  
ρην ἱερεῶν ὡς ἀν-  
τὶν ἀδελφῶν, Σὺ  
εἶπας, Τοῦτο ποι-  
εῖτε εἰς τὴν ἐκείνῃ  
ἀνάμνησιν.  
*De Eccl. Hie-  
rarch. c. 3. §. 12*

*Domine memor venerandæ passionis tuæ, accedo ad altare tuum, licet peccator, ut offeram tibi sacrificium quod tu instituisti & offerri præcepisti in commemorationem tuam, pro salute nostra. Et feria 5. Non in iustificationibus nostris prosternimus preces ante faciem tuam: sed in miserationibus tuis multis, aufer à nobis iniquitates nostras.* Per similes preces extant in Liturgiis sanctorum Iacobi, Basilij, Chrysostomi: quibus datur intelligi emundationem illam quam expetit Sacerdos à peccatis suis, directè ad sacrificium referri, & eius obtentu expressè postulari.

Sed dices: Concilium Tridentinum ubi suprà, Sacerdotes ad confessionem non obligat nisi ratione perceptionis Sacramenti? Responsio est perua: Non agit hoc loco Concilium de celebratione sacrificij, sed de usu Sacramenti, ut patet ex titulo Capitis, de ea quæ adhibenda est, præparatione, ut dignè quis sacram Eucharistiam percipiat. Et quia de solis Laicis sancita fuisse hæc lex videri potuisset, verebaturque Concilium ne aliqui Sacerdotes minùs de propria solliciti salute, ad se hoc non pertinere Decretum existimarent, hoc prætextu quòd non ut laici communicarent ex mera deuotione, sed ex officij necessitate: sacra Synodus ad præuertendum eiusmodi effugium, suo decreto expressè Sacerdotes comprehendit; *Quod (inquit) à Christianis omnibus, etiam ab iis Sacerdotibus, quibus ex officio incubuerit celebrare, hæc sancta Synodus perpetuò seruandum esse decreuit.* At verò sess. 22. in decreto de obseruandis, & euitandis in celebratione Missæ, idem Oecumenicum Concilium specialiter de feria præparatione adhibenda in tanti sacrificij oblatione Sacerdotes omnes admonuit. *Quanta cura adhibenda sit (ait hæc Synodus) ut sacrosanctum Missæ sacrificium omni religionis cultu ac veneratione celebretur, quiniis existimare poterit, qui cogitarit in sacris litteris maledictum eum vocari qui opus Dei facit negligenter.* Quod si necessariò fatemur nullum aliud opus adeo sanctum ac diuinum à Christi fidelibus tractari posse, quàm hoc ipsum tremendum mysterium, quo viuifica illa hostia qua Deo patri reconciliati sumus, in altari per Sacerdotes quotidie immolatur, satis etiam apparet omnem operam & diligentiam in eo ponendam esse ut *quanta maxima fieri potest cordis munditia & puritate atque exteriori deuotionis ac pietatis specie peragatur.* Quibus verbis satis superque datur intelligi à sacro Concilio, Sacerdotes grauissima auctoritate interpellari, intentæ sollicitudinis ineundæ, seipsis ad tam diuinum munus dignè exequendum præparandis; præter etenim metum & reuerentiam quam maximam exigit: insuper ab eis sacra synodus postulat summam cordis munditiam & puritatem tam formidando obeundo ministerio, ab iis cum omni diligentia adhiberi. Quæ sanè tam studiosa præparatio, sine rigido conscientie examine, & quæsito morbis eius (præsertim si qui graues dignoscuntur) remedio à nemine comparari potest. Vnde resultat districta Sacerdotum obligatio recurrenti ad poenitentiae Sacramentum, priusquàm accedant ad altare rem diuinam acturi, si quo lethali piaculo se senserint præpeditos.

Idcirco duriusculè dictum arbitror à nupero, quamuis insigni Auctore,

Etore, Sacerdotem non ita strictè obligari ad se exactè præparandum circa sacrificij celebrationem, ac laicus tenetur se accuratè disponere ad sacram communionem. \* *Neque enim ad celebrandum quotidie,* (inquit) *eam requiri sanctitatem, quam ad communicandum quotidie, aut bis in hebdomada in laicis requirimus.* Maiorem enim dispositionem ad sacrificandum requiri, quàm ad communicandum, absolutè loquendo suprà demonstratum est. Igitur quoties celebrat Sacerdos, perfectiùs semper, quàm laicus communicans, præparatus esse debet.

\* Vasquez disp.  
232. q. 83. a. 3.  
sine tom. 3. in 3.  
p. S. Thom. p.  
482.

Nec valet ratio ab illo Doctore (quem alioqui multa cum veneratione suspicio) ibidem assignata, eo quòd Sacerdoti conuenit munus sacrificandi, non tantùm in suam, sed etiam in populi vtilitatem: & ita propter vtilitatem publicam dubitare non debet quotidie celebrare, etiam si non communicaret, si laicus esset cum eadem animæ dispositione, vtilitatis enim publicæ intuitu non tenetur quotidie celebrare, igitur cùm mera ex voluntate hoc faciat, ad aliquid admittendum non vrgetur, quòd ipsimet sibi detrimentum afferat; at verò accidit eiusmodi dispendium, si minùs sibi quàm proximo consulit, & minùs Deo placere curat quàm proximo prodesse. Adde quòd in culpa est Sacerdos, si minùs piè & purè præparatus frequenter accedat ad sacrificium offerendum, quàm laicus ad communicandum: tum quia frequens celebratio quæ sine communionem non fit nec fieri potest, debet parere Sacerdoti maius incrementum sanctitatis, quàm laico fidei simplex communio, *Qui enim bene ministraverit,* (ait Apostolus 1. Timoth. 3. 13.) *gradum bonum sibi acquirat.* Plus igitur meriti est in bene offerendo, quàm in bene communicando tantùm. Tum quia peculiarem gratiam habet Sacerdos ex vi suæ ordinationis ad officio Sacerdotali rectè & fructuosè fungendum, iuxta illud Apostoli ad Timotheum, *Admoneo te ut resuscites gratiam Dei quæ in te est per impositionem manuum mearum.* 2. ep. 1. 6. Et 1. ep. 4. 14. *Noli negligere gratiam quæ in te est &c. cum impositione manuum Presbyterij.* Negligit autem si ea non vtitur: at si vtitur bene, crescit illa gratia, est enim talentum illud mysticum, quod ad multiplicandum datum est. Sicut igitur Sacerdos qui non celebrat, vel raro admodum celebrat sacrificium, hoc augmentum perdit, sic è contra qui quotidie vel frequenter celebrat, augmentum gratiæ Sacerdotalis acquirit, proinde si bene dispositus hodie celebrat, crastina die si iterum celebrat, maiorem gratiæ gradum consequetur ad perfectiùs postea se disponendum, meliùsque ideo celebrandum. Quia igitur per hanc gratiam Sacerdotalem quæ officio annexa est, & per ordinationem confertur, sese potest perfectiùs disponere, ad hoc tenetur: Etenim si minus perfectè, ipsi imputabitur qui negligit charisma gratiæ, quod in se est. hæc enim ut ea non vtendo minuitur, sic vtendo augetur. At istud donum Sacerdoti proprium est. quamobrem Sacerdos non excusatur à culpa, si minus rectè dispositus accedat ad celebrandum, quàm laicus præparatus sit ad communicandum.

Porro de dispositione multiplici, quam debet Sacerdos celebra-

Y y



turus adhibere, passim hoc libro differitur secundum rerum variarum occurrentiam, quæ ad officium spectant offerentis; sed hoc loco de confessione duntaxat esset agendum ex instituto, ut præfixus fert titulus. Verum de illa dispositione tot tantique Theologi & sacri Iuris periti pertractarunt, ut mouere nauscam sit Lectori, crambem toties coctam & recoctam rursus recoquere. Fateor me ipsum tædio affectum longas & prolixas nonnullorum DD. disputationes hac de re perlegentem, quorum si omnes hic ratiocinationes referendæ essent, liber iste qui de primario actu Sacerdotali (videlicet de sacrificio) specialiter tractat, huius recensitionis accessione, tantum accresceret, ut plerisque nimium prolixus merito videretur. Breuiter igitur hanc rem conficiam, resectis ambagibus & superfluis quæstiunculis quibus res ipsa potius intricatur quam dilucidatur. Lex est (ut præsignauimus) ab Oecumenico postremo Concilio constituta, ut nullus sibi conscius peccati mortalis, quantumuis sibi contritus videatur absque præmissa Sacramentali confessione, ad sanctam Eucharistiam accedere debeat, hocque à *Christianis omnibus, etiam ab iis Sacerdotibus quibus ex officio celebrare incubuerit*, perpetuò seruandum ipsa sancta Synodus decreuit. Et can. 11. eiusdem sess. statuit ac declarauit iterum eadem sancta Synodus illis quos conscientia peccati mortalis grauat, quantumcumque etiam se contritos existiment, habita copia Confessoris necessariò præmittendam esse confessionem Sacramentalem: Siquis autem contrarium docere, prædicare, vel pertinaciter asserere, seu etiam publicè disputando defendere præsumpserit, eo ipso excommunicatum esse sancta illa Synodus expressè denunciavit.

Ad dignam igitur Eucharistiæ perceptionem iam non satis est status gratiæ & iustitiæ, sed etiam Sacramentalis Confessio in eo requiritur qui peccati mortalis conscius est. Veruntamen Theologorum concors est sententia, non ita strictè penitus præceptum hoc obligare, quin ob aliquam legitimam causam occurrentem, eius obligatio interdum relaxetur. Præceptum enim istud positium est; ac verò præcepta positua seu affirmatiua etsi semper obligent, tamen non pro semper, ut omnes passim fatentur. Hoc verò in præcepto de Confessione Sacramentali, ab iis qui reatus grauis conscij sunt, ante communionem præmittenda, id speciale intendit Concilium ipsum Trident. à quo emanauit, duosque assignat casus in quibus hæc obligatio cessat, nempe si necessitas urgeat, & desit copia Confessoris: hæc enim sunt expressa verba Concilij sess. 13. c. 7. in fine, *Hæc sancta Synodus perpetuò seruandum esse decreuit, modò non desit illis copia Confessoris. Quòd si necessitate urgente Sacerdos absque præuia confessione celebrauerit, quamprimùm confiteatur.* Sed circa primum quæritur, quis sit idoneus Sacerdos, ex cuius defectu liceat Eucharistiam sumere, confessione non præmissa? Multi multa dicunt: verum breuiter respondeo, illum idoneum esse Sacerdotem, cui possit pœnitens legitime ac integrè confiteri: siquidem Sacerdos qui iurisdictionem non

habet, vel qui notoriè suspensus, aut excommunicatus est, idoneus non est Confessor, quia ut legitimè non potest absolvere, ideo nec legitimè potest pœnitens si hoc sciat, confiteri. Item si quis foret peccata confessurus, casus haberet superiori reservatos: tum enim ab inferiore absolui non posset; quapropter Sacerdos ille inferior non foret Confessor idoneus. At verò quamvis pœnitens non haberet casus reservatos, & qui adesset Sacerdos, iurisdictione seu ordinaria, seu delegata sufficienter fulciretur, nec vllâ censurâ esset, quod nosci posset, irretitus; nihilominus si metus impenderet infamiæ aut periculi cuiusdam, ex eo quod vel Sacerdos iste odio esset præoccupatus, vel silentij parum tenax, cum nemo teneatur prodere seipsum: meritò censeretur, tum etiam præsentē tali Sacerdote, communicare volentem copiam non habere Confessoris; quemadmodum & cum eo idiomate nequit peccata declarare, quod à Sacerdote ceterà idoneo possit intelligi.

De necessitate urgente, cuius occurſu Concilium immunem reddit à piaculo communicantem Sacramentali confessione non præmissa, Theologi passim conveniunt, his in causis locum habere.

i<sup>a</sup>. Si instet mortis periculum ei qui communicaturus est, & Sacerdos non adsit, sed Diaconus tantum, qui potest quidem in hoc casu dispensare corpus Domini, at absolvere non potest defectu clavis ordinis; hæc necessitas non solum magna, at etiam maxima est.

ii. Cui hæc proximè accedit, si quis versetur in periculo mortis imminente, & petit viaticum: tum enim Sacerdos præsens, si adesset ad consecrandum hostiam, celebrare sacrum teneretur, ad hostiam consecratam illi in extremis constituto communicandam; hæc enim proximi necessitas gravis est & spiritualis, & ex charitatis debito obligat Sacerdotem laboranti fidei in tali discrimine subuenire.

iii<sup>am</sup> Imminere censere est, si quis non possit celebrationem omittere, vel communionem sine gravi infamia, quam vitare non possit aliam probabilem excusationem prætexendo.

iv<sup>a</sup> est, si sequatur scandalum ex omissione celebrationis vel communionis.

v<sup>a</sup> est, necessitas absoluendi inchoatum sacrificium. Tum enim maximè si Sacerdos dicta præfatione meminerit alicuius peccati mortalis, quod in confessione non expresserit, nihilominus est ei progrediendum; actu tamen quantum potest contritionis tunc & ibi elicitō. Similiter & laicus si iam ad altare communicaturus est, & porrectâ sibi hostiâ, vel proximè porrigendâ, peccati huiusmodi omissi in confessione recordetur, à sacra mensa recedere non debet, aiunt plerique, quia non decet, nec enim fieri posset citra scandalum circumstantium. Verum causa hæc tenuis texturæ mihi videtur, quia longè facilius est laico recedere sine scandalo à mensa Domini, communionē non suscepta, quàm Sacerdoti ab altari, Missâ iam inceptâ, & nonnihil post initium productâ.

VI. causa; Quando Sacerdoti incumbit ex officio celebrare, maximè die Dominica vel festo, quibus populus sacrum audire de præcepto tenetur: Quæ causa vrgentis necessitatis à Concilio Tridentino specialiter indicatur, *Quod si* (inquit) *necessitate vrgente Sacerdos* (cui ex officio incumbit celebrare) *absque præuia confessione celebrauerit, quamprimùm confiteatur.* Sic enim illum in eo casu excusat, quamuis subinde obstringat quamprimùm confiteri.

Jerem. 48. 10.

Apud S. Hier.  
ep. 60. ad Ioan.  
Hierosol.

Sed circa illud aduerbium, *quamprimùm*, oritur quæstio, an pariter laicus qui communicauerit confessione non præmissa, propter aliquam ex causis prædictis, teneatur etiam facta communione, quamprimùm confiteri? sed omissis peculiaribus D D. nonnullorum placitis, satius est respondere ex decreto Tridentino non teneri, in quo hæc capitis clausula manifestè de solis Sacerdotibus subiungitur. Sed tamen ab hoc debito laicus non fit immunis, cui aliunde obnoxius est, nempe obligatione reparandi quo citiùs potest grauis illius defectûs, tantùm ex certa occasione pro hîc & nunc tolerati, & animæ suæ securitati & saluti promptè & sincerè prospiciendi, *Maledictus est enim qui facit opus Dei negligenter;* Et qui facta sic communione deinceps sedulo non curaret abstergerendi eiusmodi peccati, haud omnino foret immunis in Dei iudicio à reatu imminutæ religionis erga diuinum hoc Mysterium, quod vt ait S. Epiphanius, *præcipua nostra salus est.*

Porro illud, *quamprimùm*, non ita tamen, etiam Sacerdotis celebrantis respectu, strictè intelligendum venit, vt statim peracto sacro, relictis omnibus, necesse sit illum perquisitum ire Confessorem idoneum, cui mox abdita conscientia exactè aperiat; tum enim ex hæc festinatione suspicio facilè suboriretur, haud fortè citra scandalum, quòd in expiata conscientia sacris fuisset operatus. Adde quod in pagis & vicis, vbi vt plurimùm vnus est solùm Sacerdos, huic non suppetit facultas eo instanti quo absoluit sacrum, parochiâ exeundi ad quærendum sibi idoneum Confessorem, eo quod scilicet præpediatur alia necessitate obeundi sui pastoralis officij, circa infirmos in extremis laborantes, aut pueros baptizandos, aut quia ipse Sacerdos sit senio grauis, aut aliqua infirmitate debilis, & sic nequeat promptè & expeditè aliò proficisci: tunc enim sufficit si quamprimùm confiteatur, scilicet tempore commodo & opportuno, quod arbitrio boni viri, sincerè, secundùm veras circumstantias temporis, loci, & personæ iudicantis, arbitror esse relinquendum.

Cur autem sapientissimum Concilium Tridentinum indulserit Sacerdotibus, quibusex officio necessitas celebrandi incumbit, vbi deest copia idonei Sacerdotis Confessoris, confessione non præmissa sacrum facere: quamuis ratio cuique pateat ex causis præsignatis; alia insuper quæ magni momenti est, hîc annotanda venit, nempe vt occursum iret periculo quod olim contigit misero cuidam Sacerdoti, cuius luctuosum facinus refertur ab Innocentio III. de celebratione Missarum, lib. 3. Decret. Greg. tit. 41. cap. de homine. *Quasiuisitis,*

(inquit, rescribendo Rectoribus fraternitatis Romanæ) quid de incauto Presbytero videatur, qui cum se sciat in mortali crimine constitutum, Missarum solennia quæ non potest propter necessitatem quamlibet intermittere, propter sui facinoris conscientiam dubitat celebrare, peractisque cæteris circumstantiis, Missam celebrare se fingit, & suppressis verbis quibus conficitur corpus Christi, panem & vinum tantummodò purè sumit; ita credens per id quod prætendit, populo satisfacere, ut per hoc quod intendit, Deum non debeat prouocare. Cum verò falsa sint reiicienda remedia, quæ veris sunt peccatis grauiora &c. Licet is qui pro sui criminis conscientia reputat se indignum, peccet grauius, si se ingerat irreuerenter ad illud, grauius tamen videtur offendere qui sic fraudulenter illud præsumpserit simulare, cum ille in solius misericordis Dei manum incidat; iste verò non solum Deo (cui non veretur illudere) sed populo quem decipit, se astringat.

Utrumque extremum voluit sacra illa Synodus Oecumenica suo decreto præcidere. Quamobrem districtè iniunxit Sacerdotibus, illis etiam qui ex officio celebrare tenentur, prius conscientiam eluere, (si labe mortalis piaculi sint affecti) per Sacramentalem Confessionem; sed tamen quamuis eiusmodi peccati conscij sint, si desit copia idonei confessoris & necessitas urgeat, nihilominus sine reatu violatæ religionis possint sacrificium celebrare declarauit, dummodò ipsi postea quamprimùm confiteantur; Proinde operando sacris sint in voto confitendi, & si non actu pœniteant, saltem affectu conterantur.

## ARTICVLVS II.

## Rectè.

**I**N scripturis sacris rectum pro iusto passim sumitur; hinc iusti, & recti pro synonymis accipiuntur. Rectum aliàs sumi potest pro eo quod planum & æquale, nullaque parte curuatum est aut distortum. Sic linea dicitur recta, cuius medium vtrique extremitati æquali productione responderet. Quo sensu Sanctus Ioannes Præcursor Domini clamabat Iudæis, *Parate viam Domini*, *Rectas facite in solitudine semitas Dei nostri.* id est curate non solum ne quid habeat sordidi, & cuiusdam asperitatis, sed etiam indecentiæ ac inæqualitatis: sed ut nitida, & speciosa sit complanataque ad lineam, & perpendiculum. In moralibus rectitudo dupliciter attenditur: altera est enim circa exteriora, altera quæ dicit debitum ordinem ad finem & ad legem Dei: prior est iustitiæ, secunda verò omnis virtutis. Quo sensu boni & iusti homines recti sunt & dicuntur. S. Hilarius ad illa verba Psal. 124. 4. *Benefac Domine bonis & rectis corde;* intelligit de iis qui probitatem facti & voluntatis habent. S. Augustinus exponit eadem de iis qui bona bene agunt & sunt cum Dei voluntate iudicioque concordēs. Item S. Chrysostomus, pro iis qui simplices sunt, non ficti, nihil habentes adumbratum, simulatum, varium, artificiosum, vafum, dolosum, peruersum,



distortum, obliquum: sed planam, expeditam, sinceram, āpertam, nitidam, solidam, constantem & conformem diuinæ legi viuendi rationem.

Hic igitur rectè offerre sacrificium Deo Sacerdotem dicimus, si recta intentione & fine debito, suo officio defungatur. Et verò si prolixitatis amantes essemus, facile esset latè hic admodum exspatiari differendo de necessitate intentionis ministri, tam in sacrificio quàm in omnibus Sacramentis, item de qualitate huius intentionis: sed quia quæstio hæc tam à polemicis Doctoribus, quàm Canonistis copiose admodum fuit hætenus pertractata, superuacaneum fore censui eandem hic quasi nouam reficere, & crambem, vt aiunt, recoquere; nam eruditorum nauseam & fastidium prouocarem. Porro de intentione recta quæ finem debitum respicit, finèque ipso legitimo (quæ rectæ intentionis propria est regula) opportuniùs infra dicendum erit, vbi scilicet de sacrificij Eucharistiæ fine & effectu multiplici nobis incumbit ex instituto differendum. Nihil igitur hic superest, quàm obiter calumniis respondere Nouatorum, maximè verò Petri Molinæi eorum hoc sæculo antesignani, acerrimi Ecclesiæ Catholicæ Apostolicæ & Romanæ hostis, Christianique Sacerdotij oppugnationis infestissimi; is enim datâ operâ, sub finem immanis illius voluminis quod *Nouitatem Papatus* inscripsit: *Controuersia* 13. c. 1. cuius est titulus, *De priuatis Missis & pudendo earundem Missarum commercio*, modis omnibus satagit ipsum augustissimum sacrificium in contemptum & derisum traducere, hoc fucis suis, neniùsque Caluinisticis, ac calumniis putidis & propudiosis sarcasmis artificioso colore adhibito, quòd Sacerdotes non alio fine Missas celebrent, quàm causâ turpis lucri, & victus sibi comparandi ex hac indigna nundinatione feruenti desiderio. Locus hic exigit igitur, vt quæ dicit, obiicitque petulantissimus hic Minister, & efrons calumniator fratrum nostrorum, sacrarumque rerum perpetuus subsannator & irrisor ridiculus seriò discutiamus, Sapientis sententiæ celebris nequaquam immemores, *Ne respondeas stulto iuxta stultitiam suam, ne ei similis efficiaris. Responde stulto iuxta stultitiam suam, ne sibi sapiens esse videatur.*

*Prov. 16. 4. 5.*

#### DIGRESSIVNCULA

*Aduersus Petrum Molinaum, intentionem Sacerdotum, Missæ sacrificium celebrantium, ad turpe lucrum & pudendum commercium, impudenti calumnia detorquentem.*

MOLINÆVS.

**P**ARISIIS cùm degerem, non sine commiseratione aliquà me pridem conspexisse memini, pauperculorum Sacerdotum turbam non modicam ante valuas Ecclesiæ sancti Ioannis in Grauiâ consistentium, victum sibi ex Missarum eiusmodi priuatarum mercimonio querentium, auidèque expectantium si fortè veniat quispiam, qui tandem eos hoc ad opus conducatur.

## RESPONSIO.

OPORTET mendacem esse memorem. Ecclesia S. Ioannis non sita est in Graua. Urbicum palatium, aditum omnem ad eius valuas intercludit, quin & basilicæ totum operit conspectum. Patet quidem Ecclesiæ Spiritus sancti maior porticus, qua in Ecclesia ob perennem populi concursum Missæ plurimæ quotidie celebrantur à Sacerdotibus, matriculæ sacræ ipsius ædis adscriptis; non vagis, non in platea otiantibus, neque auidè inhiantibus ad sese conducentis occursum: sed in Secretario seu sacristia sedentibus, & sua quique vice vocari consuetis ad diuini muneris officium.

## MOLINÆVS.

SI quis vspiam negotiorum causâ profecturus est, aut claudum vel morbidum habet equum, vel vineæ suæ à gelu vel procella timet, vel suorum affinium, vel amicorum aliquem habet, qui morbo quouis periclitetur, conuenit quendam ex his Sacerdotibus sacrificulis, & pactâ pecuniolâ, obtinet ut missam in altariolo aliquo (eorum quæ plerisque in angulis huius Ecclesiæ sunt erecta) decantet eo fine, ut sibi felix faustaque sit mox ineunda profectio, aut iumentum ne pereat, vel ut amicus de morbo conualeseat. Et hac Missa angularis, incredibili celeritate expeditur, nec opus est, ut is pro quo canitur, huic intersit: siue enim absit siue dormiat semper ei prodest, dummodo nullum ex sua parte afferat obicem qui effectum prapediat.

## RESPONSIO.

BEATVS vir qui non abiit in concilio impiorum & in via peccatorum *Psal. 1.* non stetit, & in cathedra \*pestilentiae non sedit. Vbi in vulgata legitur in cathedra pestilentiae, S. Hieronymus ex Hebræo vertit, in cathedra derisorum; quos Aquila vetus interpretes *χλευαστῆς* dixit. isti enim morbi sunt, qui irridendo bonos, \* animis operantur errorem, mentesque corrumpunt. Graphicè profectò his verbis Molinæum eiusque similes Propheta depingit pestilentis doctrinæ satores, & derisores non modò bonitatis & iustitiæ, sed etiam pietatis; & pessimi animarum corruptores. Salsè ait S. Chrysostomus, *Risus in Ecclesia diaboli opus est.* Molinæus igitur, auctore diabolo, res sacras in ridiculum semper & ubique conuertit. Hic verò quàm impiè ioculetur, perditèque & impudenter tremendum Ecclesiæ sacrificium, altarisque Dei ministros derideat, nemo non videt. Si diabolus in assumpto corpore loqueretur, possèrne magis impiè, magis scurriliter rebus diuinis illudere, putidioribusque ludibriis, & scommatibus magis virulentis, noui & æterni Testamenti Sacerdotes subsannare? Minutim quæso singula, quæ suprâ effutiit, expendamus.

\* quæ est hæresis.

\* S. Amb. in Ps. 1. v. 1. in fine.

Hom. 15. in ep. ad Heb.

Missas vtiuas diæteriis suis primùm aggreditur, ridetque, quòd offerantur hæc sacrificia pro peregrinantibus, pro serenitate, pro hominum sanitate, pro vinearum conseruatione, pro animalium integritate, pro quacumque necessitate. Quid dicturus esset hic Minister ironicus, si aliqua esset humana necessitas pro qua Missæ sacrificium non posset offerri? Decurtatæ esse virtutis mox garrirer. Grunnit

Ioan. 14.

enim & ægrè fert, quòd pro quacumque necessitate hoc sacrificium celebretur. At Christi facta Ecclesiæ authentica hæc est promissio, *Quicquid petieritis Patrem in nomine meo dabit vobis.* Quo nixa promisso sacro die Parasceues, quo passionem Domini solenni ritu commemorat; à patre misericordiarum in filij eius dilectissimi nomine, adeoque per eius sanguinem qui ea die effusus est, instanter obsecrat pro vniuersi generis humani necessitatibus, tam generalibus quàm priuatis, spiritualibus & terrenis, subsidiisque & solatiis tam temporalibus quàm æternis. Recitata siquidem Domini passione, *Oremus* (inquit Sacerdos) *dilectissimi nobis pro Ecclesia sancta Dei, ut eam Deus & Dominus noster pacificare & custodire dignetur toto orbe &c.* Tumque orat generaliter pro omnibus Ecclesiæ ordinibus, pro Pontificibus, Sacerdotibus, Regibus, atque pro omni populo sancto Dei: *Insuper pro Catechumenis, & etiam pro hæreticis & schismaticis, pro Iudeis & paganis:* quibus omnibus fidei & gratiæ lumen suppliciter adprecatur, auxiliæque ad æternam salutem necessaria postulat. Tum etiam petit in eodem Christi nomine & per eius sanguinis meritum, ut Deus cunctis mundum purget erroribus, morbos auferat, famem depellat, aperiat carceres, vincula dissoluat, peregrinantibus reditum, infirmantibus sanitatem, nauigantibus portum salutis indulgeat. Quæ omnia & singula beneficia obtinere se posse certò credit & confidit, per virtutem & pretium Dominicæ passionis. Quapropter ad cuiusque Collectæ finem, quasi sigillum regale gratiarum quas deposcit, hanc adhibet obtestationem ad Patrem æternum: *Per eundem Dominum nostrum Jesum Christum filium tuum.* Qui nimirum illa die sese pro nobis obtulit in cruce, *sacrificium & oblationem Deo in odorem suauitatis.* Sed verò Missæ sacrificium quod incruentum quidem, sed quotidianum est, omnem vim à sacrificio crucis mutuatur, in cuius commemorationem & applicationem fuit à Domino institutum, quapropter non tantum est eucharisticum & latreuticum, sed etiam impetratorium & propitiatorium. Quin ut suprà ostendimus potiorrem suam vim & efficaciam habet in eo quod impetratorium est; Nam sic valet ad malum omne depellendum, & quodcumque beneficium obtinendum. Quæ causa est cur orans in canone Missæ Sacerdos dicit se offerre hoc sacrificium laudis pro omnibus orthodoxis & fidei Catholicæ cultoribus, qui itidem per ipsum id offerunt, pro se suisque omnibus, pro redemptione animarum suarum, pro spe salutis & incolumitatis suæ: Ac paulopost rogat ut hanc sacram oblationem Pater æternus accipiat, diésque nostros in sua pace disponat, atque ab æterna damnatione nos eripi & in electorum suorum iubeat grege numerari, *Per eundem Christum Dominum nostrum.* Deinde & pro fidelibus defunctis enixè deprecatur, ut Deus locum refrigerij & pacis illis indulgeat; denique pro seipso Sacerdote & assistentibus sibi ministris diuini altaris preces adiungit. Et quia sacrificium istud in quo Christus est ipse victima & Sacerdos, est sicut fons patens domui Iacob, ex quo haurire omnibus licet quæcumque auxilia necessaria sunt ad salutem, vique impetratoria quæ maximè valet subsidia quæque præstare potest, tam vitæ præsentis quàm futurae.

turæ. In Codice Liturgico Missæ assignantur ad diuersos fines, vt Missa ad tollendum schisma; Missa tempore belli; Missa pro pace; Missa pro vitanda mortalitate; Missa pro infirmo; Missa pro agonizante; Item pro peregrinantibus & iter agentibus. Missa pro quacumque necessitate. Et orationes etiam propriæ ad diuersa, v. g. contra persecutores Ecclesiæ, ad petendam pluuiam, ad postulandam aëris serenitatem, pro fructibus terræ, pro peste animalium, pro remissione peccatorum, pro petitione lachrymarum, pro publicè pœnitentibus, pro tentatis & tribulatis. Ad postulandam continentiam, ad poscendam humilitatem, patientiam, charitatem, pro inimicis, pro carceratis vel captiuis, pro nauigantibus, pro salute viuorum, pro requie defunctorum; pro regno, vel ciuitate, & congregatione &c. pro benefactoribus, denique pro quacumque gratia impetranda. Sic Ecclesia Deum vt auctorem & largitorem omnium bonorum agnoscit; sic Christum vnicum Mediatorem redemptionis, fontemque omnis gratiæ & salutis confitetur; sic per eum omnia beneficia à Patre petit & expectat, sic in omnibus Deum honorificat, per Iesum Christum, ipsius vnigenitum Do- Pet. 4. 11.

His positis, facile est dicteria & argutias Molinæi refellere; Nam quæ garrit de Missis votiuis quæ Deo offeruntur ad diuersa auxilia & beneficia impetranda, pro necessitate propria offerentium, futilia sunt & impia, cùm culpari non possint quin diuinus cultus reprobetur, & refugium nostrum ad Deum Patrem omnipotentem per Iesum Christum, qui noster Sacerdos summus & æternus est, vnica hostia & sacrificium auferatur. Quo submoto nihil superest quàm vt genus humanum hoc destitutum singulari auxilio & solatio, totum pereat. Nec enim alia nobis relicta est hostia pro peccato, nec alia patet via qua ad Deum recurramus; *Nemo enim venit ad Patrem nisi per me*, ait Dominus, *qui factus omnibus obtemperantibus sibi* (inquit Apostolus) *causa salutis æternæ. Per quem habemus accessum ad Deum.* Cùm igitur per sacrificium corporis eius & sanguinis, vel peccatorum veniam, vel opem aliquam, aut quæuis beneficia postulamus, nihil aliud facimus quàm id quod nos Apostolus docet vbi sic hortatur, *Accedamus ergo cum fiducia ad thronum gratiæ, vt misericordiam consequamur, & gratiam inueniamus in auxilio opportuno.* Quòd si veteres Hebræi in tribulationibus suis & quibusuis necessitatibus ad Deum per vota & sacrificia recurrebant, pròque ope & auxilio quo indigebant, aut beneficio quod postulabant, varias oblationes & hostias offerebant, non inani piæ suæ in Deum fiduciæ successu: Cur Christianis fas non erit in periculis, in angustis, in quibuscumque necessitatibus diuinam opem & gratiam implorare? per summum & singulare sacrificium quod omnes imolet differentias hostiarum? Memor sui par erat vt fuisset Molinæus, qui eiusdem lib. c. 3. vbi eludere tentat clarissima Patrum testimonia, quibus docent & asserunt Eucharistiam esse verum, & plenum, summumque sacrificium quod antiquis omnibus sacrificiis successerit, coactus demum euidentiâ veritatis, dicit & fateretur, sic censuisse Patres, quòd Christi mors & passio in sacra cæna re-

Ioan. 14. 6.  
Heb. 5. 9.  
Ephes. 2. 18.

Hebr. 10. 4.



\* P. 911. A-  
gnoscat rectè à  
Patribus Eu-  
charistim sacri-  
ficium fuisse  
appellatum;  
quia in sancta  
cœna, inquit,  
offerimus Deo  
sacrificium Iesu  
Christi depre-  
cantes, ut pro  
peccatis nostris  
acceptare velit  
eius mortis pre-  
tium.

\*\* Ioan. 16. 23.

presentatur, in qua offerimus Deo Filij sui unigeniti passionem, supplicantes, ut illam pro redemptione nostra velit suscipere. pag. 900. \* Cur non igitur & pro consolatione nostra in afflictionibus, & pro auxilio impetrando in oportunitatibus? Ait certè Dominus, \*\* *Siquid petieritis patrē in nomine meo, dabit vobis.* Si in nomine, quanto magis in sanguine, qui illo in sacrificio effunditur, ut corpus eius pretiosum pro nobis datur, & immolatur?

Ridiculum porrò est quod tam augustum sacrificium minui putat, si non in magno, sed paruo altari offeratur, si non in choro, sed in sacello (nam Templi sacella, *angulos* per ludibrium vocat) celebratur & à Sacerdote non bene nummato. Dignitas enim Sacerdotij & sacrificij ex hostiæ summa excellentia pendet, non ab externis circumstantiis, idem Christus in præsepio, idem in cœlo, idem in summo altari vel minimo, idem oblatas ab infimo Sacerdote, vel ab Episcopo, aut ab ipso summo Pontifice.

Mirum verò nonnihil est, quod qui passim sanctam Romanam Ecclesiam calumniatur, quasi mortis Christi merito non satis tribuat: ipsemet tamen inficietur, sacrificium quo mors Christi applicatur, & quod corpus eius ac sanguinem continet, ex opere operato proficere, hoc est ut ipse exponit, *ex ipso Christi facto & merito*: si enim contrarium verum esset, sequeretur non solum sacrificium Eucharistiæ, sed & cætera omnia sacrificia non à Christi merito sumere suam virtutem, sed omnem suam efficaciam habere ex merito sumentis aut offerentis.

#### MOLINÆVS.

*AVARITIA & turpe lucrum hunc abusum introduxit, (scilicet quod sacrificanti Sacerdoti aliquid pecuniolæ in laboris præmium tribuatur) Eapropter is pro quo speciatim Missa dicitur, priuatim etiam honorarium soluit celebranti. Et qui Missas vult annuales habere, censum etiam annuum constituere debet, siquidem Missa priuata nunquam pro eo cantatur qui nihil persoluit.*

#### RESPONSIO.

1. Cor. 9. 13. 14.

INSIGNIS sententia est Apostoli; *Nescitis quoniam qui in sacrario operantur, quæ de sacrario sunt edunt, & qui altari seruiunt, cum altari participant. Ita & Dominus ordinauit iis qui Euangelium annunciant, de Euangelio viuere.* Quid igitur hîc carpere potest Calvinista Minister, si Sacerdos de altari viuat, honorarium de sacrificio, idque valde modicum recipiat, non tamen exigit? Nónne ipse Molinæus & eius symmystæ, tametsi Euangelij hostes, de Euangelio quamuis à se corrupto, lautè viuunt, & vxores suas, liberósque & domesticos suos de stipendiis sustentant, quæ de suo percipiunt ministerio, quamuis animas seducant, suisque venenatis concionibus trahant in perditionem? Mirum quomodo quæ Molinæus addit, Missam priuatam nunquam pro eo cantari, qui nihil persoluit, cum superiori hoc eius dicto, *Sæpe offerri Missam pro eo qui dormit, aut qui abest, & de hoc sacro nihil scit aut cogitat, cohæreant?* ipse viderit. Certè multi sunt Sacerdotes qui sæpe sapius Missas celebrant ex mera deuotione & aliquando pro amicis, qui nihil de ipsa celebratione nouerunt; alij quoque in ipsis

sacrificiis quæ rogati offerunt pro particularibus, peregrinantibus, vel infirmis, aut quouis modo afflictis, aliorum sunt ipsa in oblatione memores atque solliciti, qui ipsi sacrificio non interfunt, & pro iis rogant in scitis pij huius officij; à quibus ideo nihil expectant muneris pro hac suffragatione.

## MOLINÆVS.

*SI Eucharistia non celebraretur nisi in publico conuentu fidelium, difficile esset tot assistentibus manum in crumenam immittere, ad pretium ex collatitia pecunia soluendum Sacerdoti: vixque ipse posset Missam hanc generalem accommodare priuato commodo & intentioni singulorum assistentium.*

## RESPONSIO.

IN Missa Parœciali, in qua fit (vt aduersarij fatentur) publicus Ecclesiæ conuentus, fideles qui adsunt, oblationes suas ad altare faciunt, singulique fiunt huius sacrificij participes, sicque orat pro omnibus Sacerdos, vt pro singulis etiam accommodatè ad eorum propriam cuiusque intentionem preces Deo supplicationesque offerat. *Memento*, inquit, *Domine famulorum famularumque tuarum, N. & omnium circumstantium*, quorum tibi fides cognita est, & nota deuotio, pro quibus tibi offerimus, vel qui tibi offerunt hoc sacrificium laudis, pro se suisque omnibus, pro redemptione animarum suarum, pro spe salutis & incolumitatis suæ, tibi que reddunt vota sua æterno Deo viuo & vero. Et infra, vt quotquot ex hac altaris participatione &c. Porro in Missa quæ Parœcialis vel pontificia non est, nec sollemnis, sed quæ fit feriali die ex speciali deuotione in altari non summo, à Sacerdote, sine celebri apparatu & affluentia plebis, hæ ipsæ preces ex Canone à Presbytero diuinæ Maiestati offeruntur, ideoque eius qui celebrat, intentio semper & vbique accommodatur fidelium tam generali quàm propriæ intentioni & vtilitati. Ex quo sequitur meras esse nugas & chimæras quæ Molinæus ex ioculandi genio, vel carpendi pruritu, sectione huic responso præfixa, effuriit. Quo spiritu impotenter abreptus, nihil frequentius toto hoc capite quàm contra *Missas priuatas*, seu vt contemptim ait, *angulares*, declamitat. Ad quas eius importunas vociferationes putidasque calumnias, vt paucis verbis satisfaciam, dicam, de industria ipsum Molinæum insanire, nec velle sanari, sed duntaxat rixari & cauillari, & in ignorantia cœno sponte sua volutari. Si enim vellet instrui, & doceri se pateretur, peruium profectò erat apud Cardinalem Bellarminum inuenire plenam & perfectam doctrinæ Ecclesiæ Catholicæ de illis Missis, quas priuatas Nouatores vocant, rationem, lib. 2. de Missa, c. 9. Ex quo quia præsentem rem spectat visum est sequentem articulum hoc loco transcriptum ire. *Tertiò dici potest Missa priuata à fine, quo nimirum pro particulari homine, vel negotio celebretur, vt pro hoc aut illo defuncto, pro ista vel illa necessitate. Et quidem si Missa aliqua uni soli applicaretur, excludendo omnes alios homines, tum verè priuata dici posset; sed talis nulla est, aut fuit vnquam in Ecclesia: nam omnis Missa offertur à Ministri publico, & publico nomine pro tota Ecclesia, tum quæ in terris, tum quæ in cælis, vel quæ in purgatorio est, nam horum omnium in qualibet Missa mentio*

*habetur, &c.* Hæc Bellarminus qui eodem capite doctè & luculenter ostendit, licitam & ab Apostolicis temporibus in Ecclesia vsitatam fuisse Missam, quam priuatam Nouatores vocitant, quæ in aliquo oratorio seu particulari sacello, & die non festo ac speciali fine, & non coram omni populo, sed paucis fidelibus, vel etiam in templo extra solennem Liturgiam, & in qua communicat solus Sacerdos, celebratur. Vidit hæc erudita Cardinalis Bellarmini scripta Molinæus, vel non vidit: Si primum, peccat contra propriam conscientiam oppugnando compertam veritatem: Si postremum, est quòd ignorantia suæ ipsum pudeat. At si instrui velit, non est quod ad tam diues doctrinæ Catholicæ promptuarium, ocyùs recurrere vereatur.

## MOLINÆVS.

*Ex pacto pretij eiusmodi à Sacerdote cum laico Missam poscente inito, sequeretur quòd Deus secundum regulam iustitiæ ab his dominis Doctoribus præscriptam, obstrictus foret, gratiam suam huic homini impertire, qui pretium illud persoluerit. Aliàs pauperculus hic cliens data à se pecunia fraudaretur à Sacerdote, qui gratiam huiusmodi specialem per Missam à se dicendam spondit. si enim ille, cui promisit, pecuniam non habuisset, & Missam illam non emisset, Deus ad concedendam ei hanc vel illam gratiam non teneretur.*

## RESPONSIO.

THEOLOGI sua doctrina leges Deo non præscribunt gratiæ vel iustitiæ, sed ex quo res iusta est secundum legem Dei, qui auctor est legis & fons iustitiæ & gratiæ: docent duntaxat, Sacerdotem pacto quod init cum aliquo de celebranda Missa, ad hunc vel illum finem legitimum & à Deo ordinatum obligari. Deum verò Ecclesiæ suæ per Sacerdotem fufas exaudire preces, sui filij vnigeniti nomine & sanguine obsignatas, aut quod melius sibi visum est, & supplicanti conducibilius ad salutem: vel ad maiorem conferre gloriam sui nominis, semper ex sua misericordia consueuisse, vbi & quando necesse est concedere.

## MOLINÆVS.

*HINC fit quod Missa plus aut minus veniant pro splendore apparatus, & maiori & minori ornamentorum qualitate.*

## RESPONSIO.

NVNQVAM Missæ vlli pretio cedunt: res enim infiniti valoris & excellentiæ quale est Christi corpus & sanguis, eiusque meritum quod immensum est, nullo potest pretio compensari. Hoc Ecclesia credit & docet, sed hoc ipsum non impedit, quòd sicut in Missa solenni plures sunt ministri qui sacrificio assistunt & Sacerdotem adiuuant, plures cerei qui accenduntur, maiorque ornatus altari & celebrantibus ministris adhibetur, quàm in Missa non solenni, pro ratione laboris & expensarum, Cantorùmque etiam sustentatione qui diuina officia modulantur, honoraria ampliora referantur, maiorésque expensæ fiant ad diuini cultus maius decorum. quamobrem tantum abest, vt hinc Dei honor minuat, quin potius admodum ampliatur, nec sub legibus humanis diuina Maiestas

coarctatur, at secundum leges suas ab hominibus supremo cultu honoratur.

MOLINÆVS.

ET cur (dicant quæso Sacerdotes) priuata istæ Missæ applicantur contra gelu & turbines, aut aduersus animalium pestilitatem, vel pro felici itinerationis successu, nisi ut undique emungatur pecunia, ex turpi illa huius officij nundinatione?

R E S P O N S I O.

Ex dictis satis patet præmissis, finem celebrationis specialium Missarum nunquam fuisse pecuniæ corrogationem, sed Dei honorificationem, & hominum tam priuatum quàm commune solatium, semper in ordine ad æternam salutem. Quod si qui essent tam rudes, imperitique Sacerdotes, qui præcipuam intentionem suam eò dirigerent, ut laboris mercedem tanto ex sacrificio adipiscerentur: accessorium sanè ante principale ponerent, dignique essent qui utroque priuarentur. Nihil tamen hinc excideret supplicum fidelium piæ expectationi, quæ ex diuina institutione sacrificij, & intentione Ecclesiæ semper in bonum finem directæ, pium & iustum ac vtilem effectum consequeretur.

MOLINÆVS.

AT præò Christus sacram Cœnam instituit, in remissionem peccatorum, & ad suam mortem annunciandum donec veniat. 1. COR. II.

R E S P O N S I O.

HOC quidem verissimum est: nec Ecclesia alium in finem quàm ad quem à Christo institutum est, diuinum Eucharistiæ sacrificium vnquam deflexit. Nam ut est Sacramentum, proprios habet fines & diuersos effectus, quorum præcipui sunt, nutritio animæ, augmentum gratiæ habitualis, remissio peccatorum venialium, præseruatio à mortalibus, repressio fomitis & concupiscentiæ, vnio cum Christo, tam per amorem, quàm carnis & spiritus coniunctionem. Sed præter id quod est Sacramentum, est insuper sacrificium. Iam verò præmonuimus Missam non modò esse sacrificium eucharisticum & laetuticum, sed præterea esse propitiatorium & impetratorium, habet enim per applicationem Christi mortis vim Deum placandi, ac reconciliandi peccatis nostris offensum: id patet ex verbis institutionis: *Hoc est corpus meum quod pro vobis datur; hic est sanguis meus qui pro vobis effunditur in remissionem peccatorum.* Legunt diuina hæc verba hæretici, & tamen negant Eucharistiam esse verè sacrificium propitiatorium & impetratorium. Mirus profectò stupor & pertinacia! Quam vnanimi sententia Patres condemnant. Nam S. Cyprianus serm. de Cœna Domini, Eucharistiam prædicat holocaustum ad purgandas iniquitates & infirmitates sanandas. S. Cyrillus Hierosolymitanus, Catech. 5. Mystag. Postquàm confectum est (inquit) spirituale illud sacrificium & cultus ille incruentus, obsecramus Deum super ipsa propitiationis hostia, pro communi pace Ecclesiarum. Et paulò post, Offerimus Christum pro nobis mactatum, ut Deum nobis & defunctis propitium reddamus. S. Hieronymus in 1.

Luc. 22.  
Marc. 14.

Zz iij



cap. epist. ad Titum, Sacerdotem ait pro suis populique peccatis illibatas Deo victimas offerre. S. Augustinus lib. 1. cont. Cresconium, c. 26. docet Eucharistiam esse unicum sacrificium pro salute nostra; & q. 57. in Leuit. *Vetera*, inquit, sacrificia unum hoc nostrum sacrificium figurabant, in quo sit vera remissio peccatorum. S. Ioannes Damascenus lib. 4. de fide orthodoxa, c. 14. ait: *Incruentam hanc & puram hostiam offerri ab ortu solis ad occasum, ut sit omnis nocuenti reparatio & sordis omnis purgatio.* Editus est iampridem typis, Missalis seu Liturgicus liber sanctæ Ecclesiæ Catholicæ Apostolicæ & Romanæ: voluant & reuoluant sacrum hunc Codicem, sacrificij Christiani, proinde & noui ac æterni Christi Testamenti negatores: & attentè perspiciant, si Missa alios in fines quàm hos à Christo præscriptos, & ab Apostolis traditos, atque ab Ecclesia ipsa primitiua, totaque hætenus sequente, semper & vbique obseruatos, ipso in Missali assignetur? si vlla extet collecta vel minima precatiuncula quæ ab hoc scopo desultet, vlla vocula in Canone, quæ optimè & ad amussim cum his finibus à Christo præfixis, ab Apostolis traditis, & ab Ecclesia constantissimo vsu seruatis non cohæreat?

MOLINEVS.

*DENIQUE quando Presbyter quisspiam facit Christum, in quodam angulo Ecclesiæ, pro vili pretio, videlicet quinque aut sex solidis Turonicis, si nullus est qui communicet, vendit Christum quem non tradit. aut si quisspiam communicat, sicut Judas loqui potest, qui dicebat, Quid vultis mihi dare, & ego eum vobis tradam?*

RESPONSIO.

*INDIGNA est prorsus, atrox & horrenda hæc diuini sacrificij, & Sacerdotum irrissio, quæ aliis verbis refellatur, quàm iis quibus Montani Hæresiarchæ impia paradoxa S. Hieronymus olim refutauit: Hac sunt (ait) quæ redargutione non indigent, perfidiam enim eorum indicasse, superasse est.*

MOLINEVS.

*O quàm lepidum negotium, & factum fuisset spectatu & memoria dignum! si S. Paulus Apostolus postquam ministrauerat cœnam Domini, Act. 20. mox se in angulum recepisset, & sacram Cœnam decantasset in gratiam cuiuspiam particularis pro conducto pretio: Proculdubio hoc lucrum illi fuisset percommodum, atque à labore manuum, scenofactoriæque artis opere, eum facile exemisset, quò vitam ipse diebus singulis sustentabar.*

RESPONSIO.

*IAM ex S. Chrysostomo animaduertimus, Risum in Ecclesia, rebûsque Ecclesiasticis, esse opus diaboli. Si Molinæus delectaretur videre B. Paulum, vas electionis, Cœnam pro pecuniola decantare, quia hoc ipsi sancto Apostolo foret admodum conducibile ad se hoc onere eximendum, propriis manibus, ex scenofactoria arte sibi victum & vitæ necessaria comparandi: certè sanctus ipse Apostolus qui omnia propter Christum detrimenta censuit, hoc tripudio, quo Minister diaboli exilit & saltitat, non oblectaretur, at intimo ex pectore*

deploraret tam impiam hominis adeo perditæ dicacitatem & stupendam cæcitatem, qui non videt se eodem argumento quo Sacerdotibus insultat & Apostolum perstringit, arctius irretiri. Munusculum pro labore, & necessario vitæ subsidio Sacerdos recipit, non exigit. Porro Apostolus nec admisit nec recusavit, non quod non posset, sed quod nollet, maioris boni quod sibi præstituerat intuitu: *Quis enim* (scribit ad Cor. ep. 1. c. 9. v. 7. &c.) *militat suis stipendiis unquam? Quis plantat vineam & de fructibus eius non edit? Quis pascit gregem & de lacte gregis non manducat? nunquid secundum hominem hæc dico? An & lex hæc non dicit? Scriptum est enim in lege Moysi, Non alligabis os boui trituranti? nunquid de bobus cura est Deo? at propter nos utique hoc dicit? nam propter nos scripta sunt. quoniam debet in spe qui arat arare, & qui triturat in spe fructus percipiendi: si nos vobis spiritualia seminauimus, magnum est si nos carnalia vestra metamus? si alij potestatis vestra participes sunt, quare non pot. u. nos? sed non usi sumus hac potestate, verum omnia sustinemus, &c.* At verò Ministri Calvinistici stipendium non ministerij salutis, sed seductionis animarum, patulis vlnis & manibus recipiunt, quin summo iure exigunt, nec annuis stipendiis contenti, quoties aliquas sui officij partes in priuatorum gratiam obeunt, prælitæ operæ mercedem ultra meritum percipiunt. Præterea opulentis connubiis quibus auidè inhiant, ut plurimum locupletantur, liberis susceptis non grauantur, nam selectæ cura est eorum filias nobiles elocare, filios à pueritia in academiis enutrire, instructos litteris humanioribus & heterodoxæ doctrinæ principiis, ad ministerium promouere. Tantum abest profectò hæc Ministrorum nundinatio ab Apostolorum moribus, quantum nox à die differt, & quantum tenebrarum Angeli Angelis lucis sunt dissimiles, infernûsque distat à cælo Empyreo. Cesset igitur Molinæus cæterique Ministri, Sacerdotibus Catholicis impropere tantillam quam pro sacrarum functionum honorario recipiunt à fidelibus remunerationem, & qui festucam in quorundam eorum oculis tam acutè perspiciunt, trabem ingentem quæ ipsorum obtutus inumbrat, maturè auertant, ne mole eiusdem elidantur. Cæterum Ecclesiæ Sacerdotes hac digressiuncula edocti, sedulò caueant ab omni re quæ ansam aduersariis præbeat pro quorundam imprudentia, calumniandi vniuersum sacrum ordinem, diuinisque mysteriis ob illorum indecora facta illudendi; at moniti huius Apostolici semper sint memores; *Nemini demus ullam offensionem, ne vituperetur ministerium nostrum* \*.

## ARTICVLVS III.

*Legitimè.*

**V**T ritè rectèque diuinum Missæ sacrificium celebraretur, necessum erat ut certa quædam præscriberetur formula, qua omnes Sacerdotes vterentur semper & vbique ad vniuniformiter \*\* sacra hæc mysteria peragendum. *Cum sancta sanctè administrari conueniat, (ait sa-*

\* Vide Gregor. Nazianz. Apolog. tom. 1. p. 5.

\*\* Concil. Mileuit. II. c. 12. Placuit etiam illud, ut preces vel orationes, vel Missæ, quæ probata fuerint in Concilio, sine præfationes, sine commendationem, sine manuum impositiones (id est benedictiones) ab omnibus celebrentur.

\* Sess. 22. in  
doctrina de sa-  
crificio Missæ  
c. 4.

pietissimum Concilium Tridentinum \*) sique hoc omnium sanctissimum sacrificium, Ecclesia Catholica, ut dignè reuerentièrque offerretur ac perciperetur, sacrum Canonem multis antè sæculis instituit ita ab omni errore purum, ut nihil in eo contineatur quod non maximè sanctitatem & pietatem quandam redoleat, mentèsque offerentium in Deum erigat. Is enim constat cum ex ipsis Domini verbis, tum ex Apostolorum traditionibus, ac sanctorum quoque Pontificum piis institutionibus.

### DIGRESSIVNCULA

#### De Canone Missæ.

**E**TYMON huius nominis ( Canonis videlicet ) hîc non inquirimus, quis enim nesciat hoc vocabulum regulam significare: ad hoc igitur fuisse assumptam ab Ecclesia hanc vocem, ut innueret formulam sacram quæ hoc nomine insignitur, regulam esse fixam & stabilem, qua venerandum Eucharistiæ mysterium, hoc est summum & admirabile noui Testamenti sacrificium, semper & ubique, ac ab omnibus Christi Sacerdotibus debet celebrari. S. Augustini insignis sententia hîc notanda venit, ep. 118. ad Ianuarium, c. 5. & 6. *Saluator* ( inquit ) *quo vehementius commendaret mysterij huius altitudinem, ultimum hoc voluit insigere cordibus & memoriæ discipulorum, à quibus ad passionem digressurus erat: Et ideo non præcepit quo deinceps ordine sumeretur, ut Apostolus per quos Ecclesias dispositurus erat, seruaret hunc locum. Talis est regula, ut Eucharistia sumatur à ieiunis, cum tamen Christus post cenam (ob noui Paschæ mysterium) eam instituerit. Rursum ut aqua vino misceatur, ut S. Cyprianus insinuat ep. 63. ad Cæcilianum; insuper ut Missa pro defunctis offeratur. Ab Apostolis* ( inquit S. Chrysostomus hom. 69. ad populum ) *non temerè hæc sancita fuerunt ut in tremendis mysteriis defunctorum agatur commemoratio, sciebant enim illis inde multum contingere lucrum, multamque utilitatem. Idem docet hom. 3. in epist. ad Philipp. idem quoque S. Gregorius Nyssenus & alij Patres à S. Ioanne Damasceno citati in oratione pro defunctis. Præterea ut Sanctorum Beatorum solennis memoria in ipsa sacra actione fieret, ut testatur S. Clemens lib. 8. Constit. Apostol. c. 17. & S. Dionysius de Eccles. Hierarch. p. 2. c. 3. Denique ut certus ordo precationum seruaretur. Signatim enim statuerunt ut oratio Dominica recitaretur, quemadmodum monet S. Hieronymus scribens aduersus Pelagianos; & S. Gregorius 64. lib. 7. ubi irrepsisse voculam exclusiuam, solummodò, perspicuum est; quod enim Apostoli ad solam orationem Dominicam, oblationis hostiam consecrarent, verè dici non potest, cum verba ipsa institutionis Domini recitarent, ut ex Apostolo constat 1. Cor. 11. & memoriam imprimis eius passionis facerent, iuxta illud Mortem Domini annuntiabitis donec veniat. & Sanctorum cum Christo regnantium agerent specialem commemorationem: denique etiam pro defunctis offerrent & orarent, ut superius sit euidenter manifestum. Nec sola hæc particula, solummodò, hanc in epistolam irrepsit*

Ibid.

repsit, sed etiam verbum istud, *comprimere*, vbi refertur quorundam querimonia aduersus ipsum S. Gregorium, dicentium, *Quoniam Ecclesiam Constantinopolitanam disponit comprimere, qui eius consuetudines per omnia sequitur.* Quis enim hîc non facilè perspicit verbum, *comprimere*, contra ipsam loquentium intentionem fuisse inuectum? potiùsque contrarium, v. g. commendare vel imitari, aut exprimere, legendum esse.

Cæterùm vt particulam illam *solummodò*, iterum, at accuratiùs expendamus: hanc vel addititiâ esse, vel in solido sensu defendi non posse, indubitanter fatendum est; nec enim modò S. Hieronymi illam auctoritas proscribit, qui loco citato, ait quidem, Apostolos ad orationem Domini solitos fuisse consecrare Eucharistiam, sed ad *solam* non dicit. At insuper S. Augustini testimonium, exclusiuam hanc particulam euidenter refellit epist. 59. ad Paulinum, vbi posteaquàm de precationibus, orationibus, & postulationibus pro Regibus &c. quas Apostolus commendat 1. Timoth. 2. 1. verba fecit, mox subiungit: *Sed eligo in his verbis hoc intelligere, quod omnis, vel penè omnis, frequentat Ecclesia, vt precationes accipiamus dictas quas facimus in celebratione Sacramentorum, antequam illud quod est in mensa Domini incipiat benedici; cum benedicitur & sanctificatur, & ad distribuendum comminuitur. Quanto tam petitionem, ferè omnis Ecclesia, Dominica oratione concludit.* Constans verò est eiusdem S. Augustini sententia: Quod vniuersa seruat Ecclesia, nec ab vllis Conciliis legitur fuisse institutum, non nisi ex Apostolorum traditione credendum est prodiisse. Si igitur tot aliæ preces ante orationem Dominicam in celebratione diuini mysterij fieri consueuerant ex Apostolorum traditione, quam S. Pauli scripta confirmant: longè abest à vero, quod Apostoli diuinam hostiam ad solam precem Domini consecrarent. Denique si tot preces vbique ferè in Ecclesia, Dominica oratione concludebantur, mera est illorum illusio, qui S. Gregorio absolutè tribuunt Dominicæ ipsius orationis super diuina oblatione recitationem: cum iam tempore S. Augustini, hoc est ducentis circiter annis ante S. Gregorium, Liturgicæ orationes ex vetusto ritu, ipsa oratione Dominica consueuissent concludi. Vt stet igitur S. Gregorij inconcussa narratio, dicendum est quidem, ipsum reperisse orationem Domini inordinate à quibusdam diuino in sacrificio recitari, scilicet vel ante sacram oblationem, vel diu post sanctificata diuini altaris munera: sapienti igitur eius prouidentia factum esse, vt loco congruo ipsa Domini oratio diceretur, videlicet non ante consecrationem Eucharistiæ, sed super ipsam sacram oblationem, mox ac solennis illa oratio quam Canonem vocitant, fuisset terminata. *Quia orationem Dominicam mox post Canonem dici statuit,* vt refert ipse B. Gregorius ex quorundam dictis, qui factum eius non probandum censebant. Hinc enim constat, locum illius orationis dumtaxat mutasse, seu potiùs eandem, loco cui ab Apostolis vel eorum proximis successoribus pro sacræ oblationis clausula adscripta fuerat, & vnde sensim fuerat submota, aptè & decen-



ter restituisse: eundem nempe in ordinem, quo iam tempore S. Ambrosij dici consueuerat, quo & huc vsque consistit, vt videre est in Ambrosiana Missa: vbi pro iis verbis quæ habemus in Missali Romano, *Præceptis salutaribus moniti, & diuina institutione formati, audemus dicere, Pater noster qui es in cælis* &c. hæc consimilia leguntur: *Diuino magisterio edocti & salutaribus monitis instituti, audemus dicere, Pater noster qui es in cælis.* Cuius ritus meminit expressè idem S. Ambrosius de Sacram. lib. 5. c. 4. sed redeamus hoc ex diuerticulo, in viam rectam.

Ep. ad Demoph.  
c. 1. & 3.

Eccl. Hier. c. 4.

\* Berno Augien-  
sis c. 1. de offic.  
Missa.

\*\* Strabo de  
rebus Eccles. c. 2.

Apostoli igitur certam orationum theoriam, quibus sacrificium Eucharistiæ celebraretur, proculdubio statuerunt: quæ hinc pleraque nomina recepit. Ordinem vocat sanctus Clemens ep. 2. ad fratrem Domini; *Te, inquit, ex ordine nos decet instruere, qualiter tenere debemus de Sacramentis quæ in sanctis geruntur.* Linus Pontifex in Actibus S. Petri, *Oratione in nocte, inquit, celebrata, valedicens fratribus, & cum benedictione illos commendans Deo, solus profectus est.* Eusebius, *Liturgiam qua docentur Sacerdotes, quomodo sua officia expleant & ministeria exhibeant.* Alexander Monachus in vita S. Barnabæ Apostoli: *Ipse verò (ait) quum panem & calicem sumpisset, & diuinæ Liturgiæ ordinem totum compleuisset, unà cum fratribus Sacramentorum Eucharistiæ factus est particeps.* Dionysius Areopagita, *Sacrorum ait mysteriorum ritum. Et precum ad altare Dei sacrum.* Vnde fortè audire sacrum, pro Missæ interesse, defluxit. *Et sanctissimorum mysteriorum morem ac institutum.* Alij precationem Sacerdotalem \*. Alij & quidem frequentissimè *Actionem* \*\* ( vnde liber Liturgicus etiamnum habet, *infra Actionem:* ) quia opus Dei maximum est, & actio diuinarum diuinissima, qua Sacramenta à Sacerdote, vt Dei omnipotentis organo conficiuntur, & gratiarum actio diuinis beneficiis adæquata, Deo ab Ecclesia rependitur. Præterea iam olim ab Optato Mileuitano dicitur *Legitimum.* Nam quis dubitat ( inquit ) vos illud legitimum in Sacramentorum mysterio præterire non posse, offerre vos Deo dicitis pro Ecclesia quæ una est, lib. 2. contra Parmenianum. Et lib. 3. *Di- xistis & vos illud legitimum, nec præterire potestis.* Insuper Isidorus lib. 1. de offic. diuinis &c. c. 15. *Ordinem vocat precum, quo oblata Deo sacrificia consecrantur.* At à mille annis & suprâ longè celebratissimo nomine, Canon Missæ, seu absolutè Canon: quod nomen iam tempore S. Gregorij vsu communi Græcorum & Latinorum erat receptissimum; vnde cum orationem Dominicam recitari in sacrificio sanctus ipse Pontifex præcepisset, ipso teste ei subinfensi murmurabant, *Quia orationem Dominicam mox post canonem dici statuistis.* Vbi non reprehendebant absolutè quòd recitari iussisset, sed eo quòd mox post Canonem, cum fortè ante vel longiùs post Canonem dici ex minùs probato vsu consueuisset. Quicquid sit, patet ex hoc vsu loquendi quòd *Canonis* nomen pro mysticis precibus quibus actio diuina celebratur, iam tunc passim receptum erat; quæ diuinæ actionis celebrior nuncupatio, quàm apta sit & propria ipso ex natiuo significato patet. est enim regula, ordo, formula, ac ritus solennis, quo sacratissima hæc oblatio fieri debet, & quam vel prætermittere vel mutare nemini licet. Idcirco enim sic præ-

scripta hæc regula fuit, tam diuina lege quàm Apostolica traditione & Ecclesiæ auctoritate ac constanti usu, ut ex nullius penderet priuato arbitrio, sed necessariâ iste ritus obseruantia teneretur, adeo ut qui secus facerent, eo ipso contra sancitam tanta auctoritate legem censerentur præuaricari, & legitimum Christianum haud sine graui reatu temerare.

At contra obiiciunt Nouatores: Si Canon iste à Domino & Apostolis fuisset institutus, ab Ecclesia fuisset susceptus communi consensu, & vniiformiter vbique seruaretur. Verùm in Oriente nunquam usum habuit, vbi etiamnum aliæ sacrarum mysteriorum formulæ stabili in obseruantia perseuerant. Vtuntur enim Ecclesiæ Græcæ Liturgiis S. Basilij & S. Chrysostomi; Hierosolymitana S. Iacobi, Ægyptiæ S. Marci, & aliæ aliis; nullæ ibi sunt verò quæ vtantur Romana. Addere possent hæretici, etiam in Occidente Canonem Romanum vbique non teneri; Nam Ecclesia Mediolanensis seruat Ambrosianum ritum: Toleti in Hispania, Liturgia vetus, quam Mozarabum vocitant, publico in usu est. Porro hoc non negamus, sed dicimus Liturgias esse quidem verbis diuerfas, rebus ipsis non dissonas, sed planè conformes, ut inspicientibus patet; in singulis enim & omnibus sunt, sicut Apostolus præcipit, *orationes, obsecrationes, postulationes, 1. Tim. 2. pro omnibus hominibus, gratiarum actiones*; maximè verò consecratio, oblatio, mortis Domini commemoratio & applicatio, Sanctorum memoria, oratio pro defunctis; scripturarum lectio, præter caeremoniarum generalem conuenientiam, ab omnibus enim & vbique adhibentur sacræ vestes, altare, benedictiones per signum crucis, luminaria, incensum siue thymiana, cantus quando Missa est solennis, & cætera omnia generatim, quæ in Romana Ecclesia vsitantur.

At instant nostri temporis heterodoxi; in Canone, est Missæ medulla, adeoque Missæ ipsa essentia. Qui igitur Canonem adinuenit & composuit, Missæ auctor fuit; atqui ante sextum sæculum elapsum canon iste nondum conscriptus erat. Testis est enim S. Gregorius qui Romanæ Ecclesiæ anno 590. præesse cæpit, ipsum Missæ canonem à Scholastico quodam fuisse compositum. Respondeo: Canonis Missæ proprio in significato, quo accipimus & intelligimus pro ordine præscripto diuinæ oblationis, citato loco S. Gregorius meminit: & precationis cuiusdam à Scholastico concinnatæ, quæ iam recitari super ipsa oblatione consueuerat. At sua ætate quòd composita fuerit, & in usu esse cæperit neutiquam dicit, nec ex eius dictis quis iste Scholasticus fuerit, vel vtrum hoc nomen pro proprio, vel appellatiuo acceperit, videlicet pro nomine personæ vel officij, aut meriti elogio, facile colligi potest: quicquid sit, manifestè satis canonem ab hac prece distinguit, quæ potius canoni adiectitia, atque ideo ab ipso S. Gregorio suppressa, inducta eius in locum Dominica oratione, fuisse videtur.

Et verò nequit fieri ut priuatus homo, adeoque anonymus, aut certè qui proprio nomine Scholasticus diceretur, recenti inuento cum

Lib. 7. ep. 64.

hæc scriberet sanctus Gregorius ad Ioannem Syracusanum Episcopum, canonem composuerit. Ratio est, quia constans est Romanæ Ecclesiæ traditio, quod ipsam Liturgiam, seu ritum celebrandi Eucharistiæ sacrificium ab ipso S. Petro Apostolorum principe, parente suo acceperit; testatur id S. Clemens ipsius B. Petri discipulus, coadiutor & successor, ep. 2. ad fratrem Domini, ipsæque lib. 2. Constit. Apost. ritum modumque describit primitivæ illius Liturgiæ, quæ omnes partes habet quæ etiamnum nostra in Missa Romana reperiuntur. S. Ilidorus disertis verbis hanc traditionem confirmat; *Ordo, inquit, Missæ, vel orationum quibus oblata Deo sacrificia consecrantur, primum à S. Petro est institutus*, lib. 1. de divinis offic. c. 15. idem asserit Walfridus Strabo de rebus Eccles. c. 22. *Romani quidem (ait) usum observationum à B. Petro Apostolorum principe accipientes, suis quique temporibus, quæ congrua iudicata sunt, addiderunt.* quorum morem ideo in rebus sacris tam multæ gentes imitantur, quia & tanti magisterij ex apice Apostolico primordiis clarent, & nulla per orbem Ecclesia æquè ut Romana \*, ab omni fæce hærescan cunctis retro temporibus pura permansit. Idem scribit Hugo à S. Victore lib. 2. de Sacram. part. 6. c. 14. & passim denique recentiores. Nec modò Latini hoc testantur, sed & Græci litteris id etiam prodiderunt, scilicet Simeon Metaphrastes in vita ipsius B. Petri ex vetustis monumentis collecta, & Simeon quidam Græcus auctor à Turriano repertus & citatus Dogm. Charact. lib. 3. præter Egesippum de excidio Ierusalem lib. 3. c. 2. aliósque.

\* Calvinus hoc ipsum vel inuirtus fateretur, Institur. lib. 4. c. Vbi fuisse Romanam Ecclesiam apud veteres summa in venerati ne dicit, quod doctrina semel accepta fuerit tenacior.

Sed obiiciunt contra hanc traditionem Nouatores, fieri non posse ut vera sit. Constat enim Canonem fuisse à multis Pontificibus compositum: Nam ut Polydorus Virgilius scribit lib. 5. de rerum inuentoribus, c. 10. *Canonis partem, Te igitur, quæ dein initium esse cepit, Gelasius dedit, sicut ante eum Syricius, Communicantes, quod nunc tertio loco ponitur. Alexander I. qui Gelasium & Syricium longo temporis intervallo præcessit, ob memoriam passionis Christi posuit, Qui pridie quàm pateretur &c. Leo deinde adiecit, Hanc igitur oblationem, usque, placatus accipias: Gregorius tres subiunxit postulationes, &c, Diesque nostros in tua pace disponas, &c. Eiusdem quoque primi Leonis est, sanctum sacrificium, immaculatam hostiam: sic alij alia addiderunt.* Hæc Polydorus, de cuius dictis inferunt hæretici: igitur falsum est quod S. Petrus Missæ Romanæ auctor fuerit, imò quod ipsa ab Apostolorum vlllo prodierit. Quibus respondeo: Si Alexander, Syricius, Leo, Gelasius, Gregorius auctores fuerunt nostri Canonis, multæ illum antiquitatis esse oportet, proinde procul à vero est quod Scholasticus quidam versus initium septimi sæculi canonis ipsius, ut contendunt Nouatores, fuerit inuentor. Deinde dico: prænominati Pontifices, etsi vulgò existimentur has partes quas notat Polydorus, in canonem inuexisse: tamen canonis auctores esse non potuerunt, tum quòd canon ipse antè constaret, tum quòd ipsæ partes à Polydoro notatæ, essent in usu diu antequam Pontifices isti existerent. Quod facili inductione probari potest. Enimverò dicit Polydorus à



Gelasio ( qui sedere cœpit anno Christi 492. ) primam canonis partem, in qua *pro vniuersa Ecclesia, pro regibus, pro omnibus hominibus oratur, fuisse editam, Te igitur.* At extat in Missa Ambrosiana, & huius partis discretè meminit ipse sanctus Ambrosius lib. 4. de Sacram. c. 4. Quin & S. Augustinus ep. 59. ad Paulinum. S. Chrysostomus homil. 6. in 1. ad Timoth. & hom. 7. S. Cyrillus Hierosol. Cateches. 5. Mystag. S. Basilii in Liturgia sua; quin & obiter Athenagoras in fine Apologia pro Christianis ad Marcum Aurelium Antoninum & Aurelium Commodum. Dicit idem Polydorus tertiam partem Canonis à Syricio, qui S. Ambrosio erat cœtaneus, fuisse additam, sed hoc non est verum, nam S. Clemens lib. 8. Constit. Apostol. c. 17. discretè scribit Apostolos tradidisse, vt ante sacrificij completionem *Sanctorum nomina recitarentur*; cuius obseruationis meminit S. Dionysius lib. de Eccles. Hierarch. c. 3. part. 2. Sanctus Cyprianus lib. 3. ep. 6. & lib. 4. ep. 5. S. Cyrillus Catech. 5. Mystag. S. Epiphanius hæres. 75. S. Chrysostomus in Liturgia & hom. 22. in Acta. Porro quod dicit Polydorus Alexandrum I. Pontificem qui sextus sedit à Petro, addidisse memoriam Dominicæ passionis, tam procul à vero est, quàm illum instituisse Missam, hoc est diuinum Eucharistiæ sacrificium quod Christus instituit in suæ ipsius mortis commemorationem: vnde ait Apostolus ( qui vt ipse testatur, *accepit à Domino quod & tradidit nobis* ) quotiescumque hoc diuinum mysterium celebrabitis, *mortem Domini annuntiabitis donec veniat.* Quapropter rectè asserit Alcuinus lib. de diuinis offic. c. de celebrat. Missæ, partem illam canonis, quæ incipit *Qui pridie quàm pateretur &c. vsque ad, in mei memoriam facietis,* Apostolos, ab Ascensione Domini, in vsu habuisse. Et reuera S. Clemens memoriæ passionis expressim meminit lib. 3. c. 17. Et Patres omnes præcipuam hanc esse diuinæ oblationis partem summo consensu docent ac testantur, fidèlesque Catholica essentialem hanc esse mortis Domini in ineruento sacrificio commemorationem constantissimè profitetur. Quod Polydorus addit inuentam à Leone I. fuisse partem canonis quæ incipit, *Hanc igitur oblationem seruitutis nostræ,* etiam friuolum est, apertè falsum ne dicam, siquidem hæc eadem pars reperitur verbis æquiualentibus apud S. Clementem, & in Liturgiis S. S. Basilij, Chrysostomi, & Missa S. Ambrosij, cuius & verbis expressis confirmatur lib. 4. de Sacram. c. 5. & cognita fuisse legitur S. Augustino, apud Gratianum, can. *utrum.* de Consecrat. dist. 2. Est igitur antiquior S. Leone. Hac itaque ex inductione tantisper oculato rerum inspectori satis profectò patet, meras esse nugas & chimæras quæ Polydorus, & eum secuti Nouatores dicunt de Canone, ab his quos memorant Pontificibus successiuè composito: cum oblatio & consecratio ipsa, quæ pars potissima & sola Missæ essentialis est, fuerit, vt ex Eūangelio & B. Pauli testimonio patet, ab ipso Domino instituta, & sic semper ab Ecclesia obseruata: Cæteræ verò quæ sunt integrantes, & post essentialem illam præcipuæ, videlicet Oratio pro Ecclesia vniuersa, pro regibus, & omnibus orthodoxis, Sanctorum Beatorum commemora-

1. Cor. 11.



tio, præliminarisq[ue] oratio ad diuinam actionem, & mortis, resurrectionis, ascensionisq[ue] Domini commemoratio, iteratq[ue] beatorum Christi testium recordatio, & solennis illa supplicatio pro defunctis, deinde ipsa pro celebrante Sacerdote & ministris ipsi assistentibus deprecatio, Dominicæq[ue] orationis recitatio, & (ut vno verbo omnia complectar) sacra illa formula, quæ Canon dicitur, non ab ullo Pontifice, sed ab ipsis Apostolis fuerit præscripta & tradita, ab hincq[ue] constantissimo vsu in vniuersa Ecclesia, tam Græca quàm Latina, Orientali & Occidentali, vbique & semper obseruata.

Quasdam vocolas tamen minutasq[ue] particulas fuisse insertas à quibusdam sanctis Pontificibus ipsi Canon per modum interiectionis seu appendiculæ, aliquot locis: at quæ nullam partem notabilem Canonis efformat, ultro & candidè confitemur: v. g. ab Alexandro I. paucula hæc verba, *Qui pridie quàm pateretur.* (sequentia enim sunt ex Euangelio desumpta) à Syricio autem, non ipsam beatissimæ Virginis & aliorum Sanctorum commemorationem, sed solum ista verba, *Communicantes & memoriam venerantes.* (apud S. Clementem dicitur simpliciter, *Memores*) siquidem, ut bene notauit Cardinalis Bellarminus, non est diuersa oratio, sed pars tantum & continuatio primæ: quia illud, *Communicantes*, non haberet vllum sensum nisi continuaretur cum præcedentibus. Positæ sunt igitur tantum hæc vocolæ emphasis causâ, videlicet ad maiorem commemorationis Sanctorum illustrationem. Sic Gelasius, ut Carthaginensi canoni satisfaceret, quo statutum fuit, omnes Ecclesiæ orationes dirigendas esse ad Patrem, per Christum, qui vnus Dei & hominum mediator est, præliminarem hanc ad Patrem æternum apostrophem & compellationem addidit, post finem Trisagij, *Clementissime pater, per Je'um Christum filium tuum Dominum nostrum;* cum ex primordiali serie dicto ter, *Sanctus, Sacerdos* absolutè sic canonem inciperet; *Te igitur supplices rogamus ac petimus &c.* Sic Leo Magnus ad hanc orationem, *Hanc igitur oblationem,* interiecit *seruitutu nostra, sed & cunctæ familie tue:* cum antea legeretur simpliciter, *Hanc igitur oblationem quaesumus Domine, ut placatus accipias;* subiunxit deinde sanctus Gregorius, *diésque nostros in tua pace disponas.* Sicut & antea S. Leo ad finem orationis, *supra quæ, propitio ac sereno vultu &c.* proximè post illa verba, *summus Sacerdos tuus Melchisedech,* addidit pro corollario, *sanctum sacrificium, immaculatam hostiam.* Verum modicæ exilésq[ue] hæc particulæ Canonem nec constituunt, nec vllam efficiunt partem eius integrantem, at illum ornant duntaxat, concinniorémq[ue] reddunt: quamobrem possunt adesse & abesse sine mutatione canonis, qui sine his totus & integer, quoad essentiam, & partes integrantes, subsistit. Quamuis ex quo interiectiones hæc pauculæ auctoritate Pontificum in contextum eius insertæ fuerunt, & communi Ecclesiæ vsu & consensu receptæ, ac probatæ, fas non sit Sacerdoti eas præmittere: quod si lubens faceret, immunis non foret à non leui reatu.

Cæterum ex præmissis liquidò patet, quàm verum sit quod Ocu-

Lib. 2. de Missa  
c. 21. §. Prima  
igitur.

menicum Concilium Tridentinum docuit loco suprâ signatō, Canonem nempe constare cūm ex iis ipsis Domini verbis, tum ex Apostolorum traditionibus, ac sanctorum quoque Pontificum piis institutionibus. Calumniantur horum temporum Aristarchi, sacrosanctum illud Concilium, quasi commentum nouum & hætenus inauditum, de hac Canonis, adeoque antiqua & authentica institutione, his verbis pronunciauerit. Sed falluntur apertè, vel fallere nuntur. Id vt palam faciam, non multis eos verbis morabor. Vixit Innocentius III. annis circiter 350. ante inchoatum Concilium Tridentinum. Is verò inquisitus à Ioanne Archiepiscopo Lugdunensi \*, de quibusdam verbis Canonis, luculento responso (quod extat apud Gregor. lib. 3. tit. 41. de celebrat. Missarum. c. 11. incipitque, Cūm Martha) doctè & accuratè ei satisfaciens hac insigni peroratione demum concludit: *Credimus igitur quòd formam verborum sicut in canone reperitur, & à Christo Apostoli, & ab illis eorum acceperint successores.* Sed neque Innocentius III. hoc à seipso dixit, vetustior enim longè fuit hæc de Canonis origine indubitataque prorsus in Ecclesia traditio: siquidem Vigilius Papa, qui annis 25. S. Gregorium in Pontificatu antecessit, epist. ad Eutherium c. 5. se Missæ canonem ex Apostolica traditione accepisse, apertè, palamque testatur: *Ordinem quoque precum in celebritate Missarum, nullo nos tempore, nulla festiuitate significamus habere diuersum, sed semper esse eodem tenore, oblata Deo munera consecrare.* Et paulò infrà, *Quapropter & ipsius canonice precis exitum dixerimus subter directum; Quem Deo propitio, ex Apostolica traditione suscepimus.* Id ipsum asseuerat luculentiori testimonio S. Cœlestinus Papa, cuius vice & auctoritate S. Cyrillus Occumenico Concilio Ephesino præfuit: sic enim scribit sanctissimus hic Pontifex, ep. 1. ad Episcopos Gallix, aduersus Pelagium & Cœlestium nouæ hæresis inuectores: *Obsecrationum Sacerdotalium Sacramenta respiciamus, quæ ab Apostolis tradita in toto mundo, atque in omni Ecclesia Catholica uniformiter celebrantur, vt legem credendi lex statuat supplicandi. Quum enim sanctarum plebium Prasules, mandata sibi met legatione fungantur, apud diuinam Clementiam, humani generis agunt causam. Quia scilicet sacrificium interuentum offerendo, preces, supplicationesque fundunt pro vniuersa Ecclesia: pro regibus, pro omnibus fidelibus, imò & in die sancto Parasceues (vbi mortis Domini memoria solennis ritu speciali recolitur) etiam pro infidelibus. Ineluctabili igitur hoc principio permanente, iam superest, vt ad Sacerdotes dissertatiunculæ huius seriem conuertamus. Canon tremendi sacrificij à verbis Domini, ab Apostolorum traditione, à coæuo Christianæ Religionis usu, & vnanimi Ecclesiæ consensu, suam originem ac obseruationem mutuatur. Hinc substantiuè, *Legitimum*, à Patribus appellatur, quia lex est inuiolabilis, qua ritè & legitimè diuinum hoc mysterium ab omnibus & vbique celebrandum est. nec enim tam diuina actio debet à cuiuscumque Sacerdotis nutu & arbitrio pendere, vt qualiter sibi visum fuerit pro voluntate sua oret & offerat: sed omnia ad gnomonem, ad amussim, ad perpendiculum sacræ*

\* Qui ciurata dignitate, factus est subinde Monachus Claræ-nallensis.

Vigil. Ep. 3.  
tom. 11. Concil.  
regie edition.  
p. 512.

huius formulæ, quam præscriptam ab Apostolis Domini accepimus, oportet exæquari. non licet amplius addere, neque tantillum minuere ex quo typus hic sacro-sanctus vniuersi orbis consensione, stabilem in vsum receptus, tantæque Ecclesiæ reuerentiâ ac obseruantia consecratus est. Gestit semper humana conditio, noui quicquam inuenire, mutationeque semper aliqua delectatur, nec in sacris plerumque abstinet ab hac prurigine nouitatis. Argutantur hinc Ecclesiæ inimici: Liturgiæ canon à Deo nec est, nec esse potest; siquidem quæ sunt à Deo, ordinata sunt, firma etiam & immutabilia, semper & v-bique perseverant. *At sacrificij ordo quem perperam Papistæ, (vt aiunt heterodoxi) iactitant esse à Deo vel Christi Apostolis, constat sapè sapius fuisse mutatum, alteratumque variis additionibus, detractionibus, & sectionibus, aut nuperis inuentis & institutis: quin ex toto mutatum. Vnde fit vt alia sit Liturgia Romana à Mediolanensi, Ambrosiana ab Hispanica (quæ Mosarabum appellatur:) alia Liturgia Basilij, alia Chrysostomi, alia Marci, alia Iacobi, & sic de cæteris, quæ sunt omnino ab his & illis diuersæ. Igitur rei adeo mutabilis, variæ & multiplicis, origo nequit esse diuina, quin nec Apostolica; Apostoli enim acceperunt à Domino, quæ tradiderunt nobis. Verùm hîc miserè hallucinantur Ecclesiæ hostes, licet enim quædam Liturgia dicatur Basilij, alia Chrysostomi, alia Ambrosij, alia Gelasij, alia Gregorij, (nostra videlicet Romana) alia Isidori, non tamen isti auctores Liturgiam composuerunt: sed ausu quorumdam, priuatòque arbitrio, locis quibusdam alteratam, natiuam in formam redegerunt: vel detrahendo siquid irrepsit minùs conueniens, vel addendo aliquid, modicum tamen, sed valde consonum summæ Mysterij dignitati: sic tamen vt substantiales partes Liturgiæ ab Apostolis institutæ, integræ permanerent. Sic S. Gregorius (quem Ioannes Diaconus memorat Codicem Gelasij coarctasse, lib. 2. vitæ eius c. 17. scilicet quia quædam inde irreptitia resecurit) lib. 7. ep. 73. refert se restituisse in Missa antiquas consuetudines, & sustulisse quædam, quæ sensim irrepsissent. Itaque (vt verbis utar Cardinalis Bellarmini, lib. 2. de Miss. c. 19. §. Vbi illud) auctor fuit non institutionis Liturgiæ, sed eius reformationis. Gregorius VII. plus quàm 400. postea annis emendauit officium Ecclesiasticum, sed vt ipse testatur, non nouum instituit, sed antiquum reduxit. Quod non ita diu fecit etiam Pius V. vnde prodiit Missale & Breuiarium Romanum, ex decreto sacro-sancti Concilij Tridentini restitutum &c.*

*Can. in die de  
Consec. dist. 5.*

Vigili igitur semper oculo Præsides Ecclesiæ prospexerunt, ne in sacram Liturgiam quicquam inordinatum, superfluum, inconueniens, fictitium, minùs pium, minùs certum, aut probatum, quorundam priuata auctoritate, seu potiùs temeritate, vel etiam superstitione irreperet. Et quotiens id reppererunt, falce Apostolica superfluas huiusmodi excretiones, sedulò amputauêre.

Matthias Illyricus, ex heterodoxis, Missam edidit, antiquam (vt ait) ex Bibliotheca Palatina depromptam. Hanc puram & sinceram, nullisque aspersam mendis, aut refertam additamentis arbitratur: Sed quàm



quàm fœdè hallucinatur, hoc maximè exemplo fit perspectum. Vbi in vera & primitiua Ecclesiæ Liturgia simpliciter legimus: *Vnà cum famulo tuo Papa nostro N. & Antistite nostro, & Rege N. & omnibus orthodoxis, atque Catholica & Apostolica fidei cultoribus.* Canon Illyricianus hanc amplificationem habet, *Et pro omnibus orthodoxis atque Apostolica fidei cultoribus, Pontificibus, Abbatibus, Gubernatoribus, & rectoribus Ecclesiæ sanctæ Dei, & pro omni populo sancto Dei; suppresso proprii Episcopi & Regis specialis nomine.* Item ubi canon originalis habet simplici serie, *Memento Domine famulorum, famularumque tuarum N. N. & omnium circumstantium.* Canon Illyrici effluit in hæc verba: *Cunctorum scilicet consanguinitate mihimet, vel familiaritate & amicitia coniunctorum, cunctorumque mihi peccata sua confitentium, meque in tuo nomine bonis reficientium, & omnium circumstantium.* Rursus ubi canon authenticus hæc tantum continet, *Hanc igitur oblationem seruitutis nostræ, sed & cunctæ familiæ tuæ, quasumus Domine, ut placatus accipias; mutat verba Illyricianus Canon, hocque exuberat additio tenore: Hanc etiam oblationem humilitatis meæ & deuotionis quam tibi offero pro peccatis meis & criminosis actionibus meis castigandis & dimittendis, pro caca & lapidea cordis mei duritia dissoluenda & illuminanda: quaeso Domine ut placatus accipias, & sinum pietatis super me expandas, meque illumines, sensum aperias, spiritum corrigendi tribuas, & ad te misero mihi redeundi aditum per lamenta penitentiae concedas. Per Christum Dominum nostrum.* Quæ verba, etsi mala non sint, superflua tamen & per manifestam interpolationem, (sequitur enim post eorum clausulam, *Quam oblationem tu Deus quasumus ut placatus accipias*) primordialem in contextum intrusa fuisse, meridiana luce clarius est. Est in mea supellectile libraria vetus Missalis liber, item MSS. in membranis exaratus antiquis characteribus maiusculis litteris aureis sparsim expressis, imaginibusque magnam pietatem & antiquitatem spirantibus diuersis locis insignitus, in cuius limine extat Kalendarium, singulis anni diebus natalicia Sanctorum proferens consignata; inter quæ nulla notata conspiciere est nomina Sanctorum, quia 600. vel 700. annis existerunt, neque festorum posterius institutorum vlla indicia. Ex quo specimine conicere licet librum hunc Liturgicum, huius esse notæ quæ annos sexcentos superat, nam 700. attingit: porro Canon concinnè eo in Codice descriptus est, adeo ut eius exordium litteris aureis membranæ, tinctæ liquore purpureo inaratis ac admodum eleganter expressis conspicuum effulgeat. Tota porro huius series maiusculis characteribus Latinis passim exornata, Romanæ Ecclesiæ Canonem verbatim refert accuratiùsque descriptum nulla syllaba sumnota vel mutata vsque ad finem orationis, *Supplices te rogamus omnipotens Deus, iube hæc perferri per manum sancti Angeli tui.* Hic enim post huiusmodi clausulam, *Omni benedictione cælesti, & gratia repleamur. Per Christum Dominum nostrum.* reperitur hoc insigne additamentum: *Memento mei quaeso Domine, & miserere mei, & licet hæc sancta indignè tibi sancte Pater omnipotens æterne Deus, meis manibus offerantur, qui nec inuocare sanctum ac venerabile nomen tuum dignus sum, sed quæ in honore dilectissimi*



*filijs tui Domini nostri Iesu Christi offeruntur, sicut incensum in conspectu diuinae Maiestatis tuæ cum odore suauitatis accendantur.* Tum sequitur memoria defunctorum, & subinde oratio ista postrema, *Nobis quoque peccatoribus famulis tuis &c.* Quæ addititiā quam ad verbum mox expressimus, superfluatam esse prorsus euincit. Inueniuntur alia antiqua Missalia, in quibus ubi Sanctorum Beatorum fit tam ante actionem quàm post, commemoratio: Sancti cuius Natalis vel festiuitas illo die occurrit specialis fit memoria. Quod ex ritu Græcorum sumptum esse patet ex Liturgia S. Basilij, quæ in hoc differt à Romana, quòd hæc Beatissimæ Virginis, Apostolorum & Martyrum tantummodò nomina in Canone sancto recitat, nec eo loco sanctorum Confessorum commemorationem admittit, eo quod celebratur hoc in mysterio memoria passionis Domini, cuius Martyres mortem & amorem pro eius fide & gloria profuso sanguine imitati sunt. At feruentior quàm discretā quorundam deuotio, hanc regulam non seruauit, siquidem patronos præcipuos Ecclesiarum, vel Monasteriorum, quibus addicti erant professione aut incolatu, post Sanctorum in authentico canone expressorum nomina veneranda addiderunt. Sic in quibusdam Missalibus vetustis, videlicet Rhemenſi post sanctorum Martyrum Dionysij, Rustici, & Eleutherij specialem mentionem, subnectitur statim memoria Sanctorum Confessorum, Hilarij, Martini, Remigij &c. Benedicti. Et in codice Ratoldi Abbatis Corbeiensis, qui ante annos 650. clauit, legitur expressa series nominum Sanctorum Nicasij, Hilarij, Martini, Benedicti &c. Amandi, Remigij. In Sagiensi itidem vetusto Codice Liturgico, sanctorum Martyrum Geruasij & Protasij, quorum patrocinio hæc Ecclesia est consecrata. Consimiles additiones in plerisque libris Missalibus MSS. antiquis sæ notæ; in contextum sacri Canonis irrepsisse inuenire peruium est. Quæ quamuis nec malæ essent, nec malo genio inuectæ in sacram Missæ formulam, tamen quia hoc priuato ausu factum fuerat, & à sacro-sancta regula diuinæ oblationis ab initio præscripta exorbitabat, Ecclesia quoties actum animaduertit, continuo rescidit ac reiecit. Hinc præsignatæ Codicis sacri vindiciæ prodierunt, verè Pontificiâ curâ ac summa auctoritate initæ à Gelasio I. Gregorio Magno, Gregorio VII. & non ita diu à Pio V. & Clemente VIII. sacro-sancti Concilij Tridentini pijs ac necessarijs decretis (Sess. 11. & 25.) laudabili zelo inhærentibus.

Scribens ad Corinthios Apostolus præcipit, vt in Ecclesia omnia cum decenti ordine fiant. 1. Cor. 14. 5. Quo theoremate Apostolico edoctus sanctus Martyr & Pontifex Ignatius, directis litteris ad Smyrnenſes ait, *Omnia in vobis decenti ordine perficiantur in Christo.* Rectè S. Thomas 1. p. q. 5. a. 5. ex S. Augustino docet, omnem rem siue omne bonum habere primò mensuram, qua omni rei certum modum ex determinatione principiorum suorum efficientium & materialium præstat. quo ex principio præfatum Concilium Tridentinum diuinæ oblationis canonem rectè ac necessariò factum deducit. Cum,

inquit, sancta sanctè administrari conueniat, sitque hoc omnium sanctissimum sacrificium, ut dignè reuerentèrque offerretur ac perciperetur, sacrum Canonem multis antè seculis instituit, ita ab omni errore purum, ut nihil in eo contineatur quod non maximè sanctitatem ac pietatem quandam redoleat, mentèsque offerentium in Deum erigat; is enim constat cum ex ipsis Domini verbis, tum ex Apostolorum traditionibus, ac sanctorum quoque Pontificum piis institutionibus.

Ritus ille solennis, iure ideo Canon dictus est, quia statuta sit lex & regula pro sacris mysteriis dignè & decenter ab omnibus semper & ubique celebrandis, quam nemini liceat transgredi, siue addendo, siue minuendo, siue tantillum quid immutando. Hinc dilecto Iesu Discipulo, Apoc. ii. 1. *Datus est calamus virgæ similis, ut metiretur templum Dei, & altare, & adorantes in eo.* Ad significandum quod mysteria quæ in templo Dei celebrantur, & sacrificia quæ super altare offeruntur, à diuinæ Maiestatis piis & verè timoratis ministris atque cultoribus, certo ritu & ordine peragi debent, statutæque & determinatâ mensurâ contineri, quam excedere vel minuere absque graui piaculo, virgâ diuinæ ultionis vindicando, nemo potest. Est igitur quod summa cura ac diligentia Sacerdotes inuigilent præscriptæ sibi tanta districtione regulæ obseruandæ, ne verbulum quidem è sacro Canone sibi oscitanter sinant excidere, ne syllabam vllam prætereant, sed accuratè & adæquatè tam verba quàm ritus custodiant, quibus diuinum illud sacrificium, ut Deo gratum & acceptum sua ex parte esse possit, ab ipsis debet offerri: *Deus enim non irridetur.* sed sanctè & timoratè ab omnibus fidelibus, maximè verò à suis Sacerdotibus & ministris vult adorari, & ea præsertim in actione, qua supremus illi cultus & reuerentia exhibetur. Scitè dudum sanctèque à B. Bernardo dictum est, *nuga in ore Laicorum, sunt in ore Sacerdotis blasphemia.* Alludere si licet, dicere non verebor, leues quæ sunt in humanis moribus culpæ, si à Sacerdote in sacrificio admittantur, graues reatus censendi sunt: *Si rides* (ait Chrysostomus) *dum Sacerdos orat in Ecclesia, quando erit salus?* Porro si Sacerdos in ipso tremendo sacrificio otiaitur, si attentè non cogitat quæ Dei sunt, si regulam sibi sacræ oblationis præscriptam negligenter transgreditur, vel lubens mensuram sibi determinatam exactè seruare vllò modo contemnit, quando placare sibi Deum poterit, & sibi populòque reddere propitium, quem in ipso propitiationis sacrificio irritat & offendit? absit ut sic cuiquam Sacerdotum contingat. Canon Missæ est *Legitimum Christianum*: summa igitur religione ab ipsis seruandus est, de quibus ad Angelos suos Spiritus sanctus per prophetam ait, *Congregate illi sanctos eius, qui ordinant testamentum eius super sacrificia.* Sancti erunt Sacerdotes & ministri altaris, *Si portent mysterium fidei in conscientia pura,* Si populo vnusquisque illorum verè dicat cum Apostolo, *Quod accepi à Domino, hoc & tradidi vobis,* seu quod salutis ministerium eius mandato obeunt secundum institutionis eius præceptum, & Apostolorum eius præscriptum, ritè & legitimè exequantur. Hoc præclare


docet S. Cyprianus, ep. 63. ad Cæcilianum, inter med. & finem, ubi sic ait: *Quòd si nec minima de mandatis Dominicis licet soluere, quanto magis tam magna, tam grandia, tam ad ipsum Dominicæ Passionis & nostræ redemptionis Sacramentum pertinentia, fas non est infringere, aut in aliud quàm quod diuinitus institutum sit, humana traditione mutare?*

## CAPUT VI.

*Sacerdotem acceptius Deo sacrificium offerre non posse, quàm si Christum offerentem in ipsa sui immolatione imitetur.*

## ARTICVLVS I.

*Sacerdos offerendo Christi corpus & sanguinem, eius non tantùm præceptum implere debet: sed & exemplum sequi, ut suum sacrificium sit plenum & perfectum.*



ECCLESIAM Catholicam calumniari recentiores hæretici non verentur, quasi summam Christianæ Religionis in externis duntaxat cæremoniis & sacrificio merè repræsentatiuo, exque certis ritibus & formulis tantùm constanti, collocaret. Non puduit Martinum Kemnitium in pestilenti suo libro, quod Examen Concilij Tridentini impudentissimè prænotauit, doctrinam Romanæ Ecclesiæ de Missæ sacrificio, breui hoc axiomate perstringere: *Sacrificulum debere mimicis gestibus, ritibus & actibus, in pane & vino repræsentare passionem Christi, & illam actionem esse sacrificium Deo gratum pro uiuis & mortuis.* Quæ quàm atrox impostura sit, opus non est proluxa demonstratione euincere; palam enim, & euidenter Romana Ecclesia se credere profitetur, Christum in vltima Cæna corpus suum & sanguinè verè ac realiter sub specie visibili panis & vini Deo patri obtulisse, & id ipsum iussisse fieri ab Apostolis & eorum successoribus vsque ad mundi consummationem: proinde illud incruentum, & (vt Patres vocant) verum, plenum, & summum sacrificium, quod ad rei substantiam in sola corporis & sanguinis Domini oblatione situm esse, facta à Sacerdote ritè ordinato, secundùm Christi præceptum & exemplum.

Quæ fides & doctrina quàm vera & sincera sit, vel ex eo patet quòd eadem fuerit in primitiua Ecclesia inter ferrum & ignes prædicata & credita, atque ab ipsis Martyribus qui pro Christi nomine & testamento sanguinem profuderunt constanti testimonio obsignata: sic enim tot Martyrum dux, & doctor Beatus Martyr & Pontifex Cyprianus, disertis verbis docet & prædicat in insigni illa Epistola quam scripsit ad Cæcilium, de Sacramento Calicis Domini, ep. 63. post medium. *Si Iesus Christus, Dominus & Deus noster, ipse est summus Sacerdos Dei Patris, & sacrificium Patri seipsum primus obtulit, & hoc fieri*

in sui commemorationem praecepit, utique ille Sacerdos vice Christi fungitur, qui id quod fecit Christus imitatur, & sacrificium verum & plenum tunc offert in Ecclesia Deo patri, si sic incipiat offerre, secundum quod ipsum Christum videat obtulisse.

Licet enim ad intrinsecam sacrificij rationem sufficiat, quod Sacerdos ut Christi minister legitime ordinatus, cum intentione debita panem & vinum in corpus & sanguinem Domini per eius verba consecrauerit, eademque Deo Patri obtulerit; (neque enim sacrificij huius essentia pendet à ritibus & caeremoniis adiunctis, nec ab ipsius sacrificantis ministri, bonitate, vel malitia, sed à sola elementorum consecratione, qua hostia conficitur, Deoque sistitur, vim suam ac naturam accipit: Quia hoc sacrificium non in merito consecrantis, sed in verbo efficitur creatoris:) tamen si nudum Sacerdos ministerium præbeat, nec aliud quicquam ex sua parte afferat, sacrificium quidem erit verum, sed non erit plenum & perfectum ex parte ministri ipsius operantis. Nec enim ad hoc tantum requiritur ab eo, ut Christi impleat præceptum: sed necesse est ut exemplum etiam imitetur. unde recte ac vere S. Cyprianus dicit: Sacerdos vice Christi fungitur, qui id quod fecit Christus imitatur; & sacrificium verum & plenum tunc offert in Ecclesia Deo patri, si sic incipiat offerre, secundum quod ipsum Christum videat obtulisse.

## ARTICVLVS II.

*Christi exemplo offerat Deo Patri Sacerdos incruentam hostiam, in odorem suauitatis.*

CHRISTVS equidem dixit Apostolis, & in iis ipsorum successo- Luc. 22. 19.  
ribus in Sacerdotio, *Hoc facite in meam commemorationem.* Igitur 1. Cor. 11. 24. 25.  
ut dignè & congruè Sacerdos hoc ministerium impleat, non sufficit  
ut dicat quod Christus dixit, sed ut faciat quod ipse fecit; Christus Luc. 22.  
verò non dixit duntaxat, *hoc est corpus meum*: sed sic dicendo (ait ma-  
gnus Tertullianus) *acceptum panem corpus suum effecit.* nec nobis tan-  
tum dedit, sed pro nobis, *hoc est*, inquit, *corpus meum quod pro vo-* Ibid.  
*bis datur.* Nam (ut ait Apostolus Ephes. 5. 2.) *tradidit semetipsum pro*  
*nobis oblationem & hostiam Deo in odorem suauitatis.* oblationem in cœ-  
na, hostiam in cruce, in odorem suauitatis: scilicet victimam, &  
pacificam, & pro peccato, in gratiarum actionem simul & propi-  
tiationem. Duo enim hæc istis verbis Apostolus complectitur & spe-  
ctat: Erant duo altaria in lege, altare holocaustorum, & altare thy-  
miamatis: seipsum obtulit holocaustum in cruce Christus, quam-  
obrem totus ibi decoctus, crematus & consumptus exclamauit, *Con-* Ioan. 19. 30.  
*summatum est.* nihil enim supererat quod pati posset, se etenim &  
omnia sua aeterno Patri in testimonium perfecti obsequij & amoris  
obtulerat. In cœna verò etiam semetipsum obtulit quasi incensum  
suauissimum, quodque sua puritate & fragrantia totum oppleret san-  
ctuarium, & ascenderet non tunc modò, sed in perpetuum coram



Deo in odorem suauitatis, vbi legimus Leuit. 1. *in odorem suauitatis*; Hebræus textus habet לִרְיַח נִיחֹחַ *lereach nicoach*, id est *in odorem quietis*, quo scilicet suauissimè pascitur odoratus, in eoque iucundissimè & placidissimè conquiescit. Deus hoc vnicum filij sui vnigeniti sacrificium desiderabat. Cætera antiqua omnia fastidiuit (vt docet Apostolus Heb. 10.) quapropter hoc vno instituto illa omnia abrogauit, vnde & istud oportuit esse iuge & perpetuum, *Mortem Domini annuntiabitis* (inquit 1. Cor. 11. 26. quotiescunque hoc facietis) *donec veniat*. Non cessabit hæc oblatio, nec in fumum vnquam conuertetur, sed permanebit in perpetuum: Et ascendet semper coram Deo in odorem suauitatis. *in odorem redolentia* (vt S. Hieronymus vertit) & bonæ fragrantia quæ fœtorem peccatorum nostrorum à naribus Dei amouebit, & ipsum placabit, & ipsum nobis propitium efficiet, suauissimo meritorum filij sui vnigeniti odore delinitum.

Thymiama in veteri lege Sacerdos bis adolebat quolibet die, scilicet manè & vespere: erat autem confectum expresso Dei iussu, Exod. 30. ex staete, onyche, galbano & thure lucidissimo, v. 34. *Dixitque Deus ad Moysen, sume tibi aromata, staeten & onycha, galbanum boni odoris & thus lucidissimum, aequalis ponderis erunt omnia, faciesque thymiama compositum opere vnguentarij, mixtum diligenter & purum, & sanctificatione dignissimum. Cùmque in tenuissimum puluerem vniuersa contuderis, pones ex eo coram tabernaculo testimonij, in quo loco apparebo tibi. Sanctum Sanctorum erit vobis thymiama. Talem compositionem non facietis in usus vestros, quia sanctum est Domino.* Figura enim erat sacrificij purissimi atque sanctissimi, quò Christus se pro nobis immaculatum Deo obtulit, deditque seipsum oblationem & hostiam in odorem suauitatis. Staete est lachryma myrrhæ (seu flos myrrhæ, vt LXX. & S. Hieronymus ep. ad Principiam vertunt). liquor myrrhæ est fragrantissimus, vnde condiendis cadaueribus aptus est. Oblatamque fuisse ideo dicunt Patres à Magis myrrham Domino, in signum mundæ eius sepulturæ & gloriosæ resurrectionis: Verùm etiam propinatum ei fuit mox crucifigendo *vinum myrrhatum* propter amaritudinem, ideoque myrrham symbolum esse aiunt interpretes mortificationis carnis, & repressiōis passionum nostrarum. Porrò onycha est ostreola parua redolens, instar vnguis humani, quam ideo Dioscorides vocat *unguem odoratum* lib. 2. c. 28. dicitque esse conchylij indumentum in nardiferis Indiæ paludibus, ideoque suauem spirare odorem eo quòd conchyliis puri nardi pabulo vescantur. Galbanum autem succus est ferulæ nascentis in Syria, valde est efficax suo appositu vel suffitu ad partum felicem accelerandum: insuper aduersatur toxicis, necat serpentes, deuoratur ad tussim mitigandam, difficultatem spirandi sedat, aliæque confert pleraque remedia. Cæterùm notat Plinius lib. 12. c. 14. thus nasci in Arabia felice, illudque quasi parturiri & coqui æstiuis caloribus, colligique in autumnno iam concoctum, illudque est lucidissimum, album enim est & candidum. At quod hyeme colligitur ex corticibus thuriferæ arbusculæ incisis, id rufum est, nec priori & puriori illico m-

Marc. 15. 23.

parandum. Thus est diuini cultus & religionis symbolum. hinc thus à *ἑὸς*, id est sacrificando deducunt, quòd thus in sacrificiis Deo offerri soleat ex communi hominum sensu. Ex Ethnicis Ouidius lib. 4. *Metamorph.*

*Templa tibi statuam, soluam tibi thuris honores.*

puta diuinos, téque vt Deum colam & vt verum numen cui soli thus debetur, honorabo. hinc Martyres olim sine dubitatione habiti, qui quòd thus pseudo-numinibus offerre noluerunt, agonem extremum cruenta morte obiere. Et è contra thurificantes inter impios censiti, qui vt se morte eximerent, thus diis falsis adolere non exhorruissent. Nec alia de causa Magi in cunabulis Christum adorantes, thus illi primùm inter pretiosa munera obtulerunt, quàm vt diuinitatis eius fidem profiterentur, ideo canit Prudentius:

*Regem, Deúmque annunciant,  
Thesaurus & fragrans odor  
Thuris Sabai, ac myrrheus  
Puluis sepulchrum prædocet.*

Arctiùs quidem, sed non minùs eleganter Iuuenius:

*Thus, aurum, myrrham, Regique, hominique, Deoque  
Dona ferunt.*

nimirum thus Deo, aurum Regi, myrrham homini in cruce morituro.

Christus itaque semetipsum obtulit Deo pro nobis oblationem & hostiam in odorem suauitatis, quia vt thymiama perfectum in lege figuratum, seipsum Patri sacrificauit. Piè, præclare & appositè S. Bernardus, serm. i. in die sancto Paschæ: *Christus in passione sua* (inquit) *patientiam exhibet, humilitatem commendat, obedientiam implet, charitatem perficit. His virtutum gemmis quatuor cornua crucis ornantur, & est supereminetior charitas, à dextris obedientia, à sinistris patientia, in profundo radix virtutum humilitas.* At non in cruce solùm, sed in vltima quoque Cæna Christus Sacerdos in æternum secundùm ordinem Melchisedech se Patri pro nobis obtulit in odorem suauitatis; hâsque quatuor virtutes suo in sacrificio adhibuit, quibus thymiama Deo adoleret suauissimum atque purissimum: Thus videlicet feruentissimæ in nos charitatis, *cùm dilexisset suos in finem dilexit eos.* Staeten obedientiæ, *Si-* *Ioan. 13. 1.*  
*cut enim mandatum dedit mihi pater, sic facio.* Myrrham patientiæ, *Qui* *Id. 14. 31.*  
*intingit mecum manum in paropside, hic me tradet.* Matth. 26. Galbanum humilitatis: nam *quis maior est, inquit, qui recumbit, an qui ministrat: nōne qui recumbit? Ego autem in medio vestrum sum sicut qui ministrat;* Luc. 22. 27. *Cæpit enim lauare pedes discipulorum suorum: Qua de stupenda humilitate attonitus Petrus dixit ad eum, Domine tu mihi lauas pedes! Cui respondit Iesus, nisi lauero te, non habebis partem mecum? Cùm igitur in Missa idem offerat sacrificium Sacerdos quod obtulit Christus, sitque in hoc diuino officio eius minister & vicarius, eiusque ipsam gerat personam, acceperitque ab eo mandatum, vt quemadmodum fecit, itidem faciat, hoc facite in meam commemorationem: hoc est in perennem memoriam suæ passionis, cuius diuinum ipsum Missæ sacri-*

ficiū vera representatio est quoad actionem, & res eadem quoad sacram oblationem: profectò Sacerdos non solum vestibus & signis externis, sed virtutibus & actibus internis, ac etiam exterioribus exemplis Christum ipsum imitari debet; proinde summopere intendere ut iisdem virtutibus quas in ipso incruento sacrificio Christus exhibuit, insignitus effulgeat: scilicet ut imprimis ardenti deuotione & feruenti charitate, deinde perfecta obedientia in diuinorum placitorum sedula obseruatione, patientia insuper eximia, & ingenti, Christo compatiendi desiderio; denique vera humilitate ex sui ipsius serio ac sincero despectu instructus quantum assequi potest, piis affectibus tremendum hoc mysterium celebrare aggrediatur, aureum hoc dictum S. Gregorij memoriā recogitans, *Thymiama ex aromatibus compositum facimus, cum in altari virtutum multiplicitate redolemus.* Lib. 1. Moral. c. 39.

*Psal. 140.*

S. Basilius in cap. 1. Isaia, thymiamata quod Sacerdos adolere debet, ad altare Dei, ingenioso non minus artificio concinnat. Thymiamata hoc, inquit, est corporis sanctimonia per temperantiā, & frænum rationis in corpus, quod quatuor elementis constat: statim ad aquam refertur, (& signat effusionem lachrymarum & cordis compunctionem) thus ad aërem (& indicat rerum supernarum meditationem) onyx ad terram, ob ariditatem (& castitatem ac continentiam denotat:) galbanum ad ignem, ob calorem perferuidum, & innuit feruentem deuotionem: de qua dicit Propheta, *Dirigatur Domine oratio mea sicut incensum in conspectu tuo.* Ferunt Rabbini inter templi Hierosolymitani mirabilia, quòd ex altari thymiamatis fumus aromatum incensorum rectà in cælum sic ascendebat, ut nunquam ullo turbine, flatu, imbre, vel pluuia in obliquum tantisper ageretur aut flecteretur; hūcque alluisse sponsum, dum de amica sua dicit in Canticis 3. 6. *Qua est ista qua ascendit per desertum, sicut virgula fumi ex aromatibus myrrhae & thuris & uniuersi pulueris pigmentarij?* videlicet ob staturam rectam & proceram, odoremque suauissimum ex eius vestibus exhalantem, vnde sequitur c. 4. 11. *Odor vestimentorum tuorum, sicut odor thuris.* Sed latius patet quod superiori loco superadditur, *Et uniuersi pulueris pigmentarij*, propter virtutum diuersam congeriem, qua fragrare debet anima quæ cupit Deo cui approximat, complacere. Eleganter S. Gregorius hom. 6. in Ezech. fasciculum hunc virtutum sub diuersorum florum symbolis ac appositè describit: *Aliter enim (ait) olet flos vnae, quia magna est prædicatorum virtus & opinio, qua inebriat mentes audientium; aliter flos oliuae, quia suaue est opus misericordiae, quod more olei feruet & lucet. Aliter flos rosae, quia candida vita carnis est de incorruptione virginitalis. Aliter flos violae, quia magna est virtus humilium, qui ex desiderio vltima loca tenentes se per humilitatem à terra in altum non subleuant, & cælestis regni purpuram in mente seruant. Aliter redolet spica cum ad humilitatem perducitur, quia bonorum operum perfectio ad satietatem eorum qui iustitiam esuriunt, preparatur.*

Iacob vestimentorum primogeniti fratris sui, quibus indutus erat sua-

suaueolenti odore, ut demulset sensum patris sui Isaac, sic eius gratiam & benedictionem sibi conciliauit, *Statimque ut sensu (Isaac) vestimentorum illius fragrantiam benedicens ei ait, Ecce odor filij mei sicut odor agri pleni cui benedixit Dominus.* Certè si Sacerdos ingrediens altare Dei, Christi habitus & virtutes suo in apparatu præ se ferret, facile æterni patris oculis complaceret, cuiusque in se paternos concitaret affectus: Ait Pater cœlestis de vnigenito suo, *Hic est filius meus dilectus, in quo mihi bene complacui*: Induantur itaque Sacerdotes salutari, ut dicere valeant cum Apostolo, *Christi bonus odor sumus.* Tunc enim gratum erit & acceptum diuinæ maiestati quod offerunt in nomine & persona Christi sacrificium, si Christi quoque fragrantissimos halitus sedula imitatione redoleant, cuiusque vestigia pro modulo virium, aut donorum mensura, quæ per eius merita acceperunt, piè & generosè consecretur.

## ARTICVLVS III.

*Sacerdos offerendo incruentum Missæ sacrificium, passionem Domini potissimum imitetur.*

I. OMNIS Sacerdotalis apparatus, meditationis mortis Domini hoc in sacrificio seriò ineundæ tacitè admonet Sacerdotem. Nec enim sacram Panopliam induere potest, quin multis salutiferæ crucis signaculis, in manipulo, stola & casula expressis visus afficiatur, sensusque interior iisdem indiciis excitetur, ad mortis Domini mysterium attenta mente recolendum. Mysticam præterea hanc panopliam induendo, fieri potest, si tantisper oculos in singulas eius partes defigat, quin ipsi veniat in mentem summus ille & verus Pontifex Christus Iesus, cuius acerbissimos cruciatus ac fœda ludibria, & mortem crudelissimam hæ sacræ vestes reuocant in memoriam, ipso suo aspectu & indutu. In amictu, velum est facile agnoscere, quo benignissimos Christi patientis oculos milites occluserunt, cum excussissimas palmas infligentes, *Dic nobis quis te percussit*, velut de coniectore quærebant. In podere seu alba, vestem candidam qua illum Herodiani traduxerunt. Cingulum, manipulus, stola, vincula referunt & funes, quibus in patibularij morem constrictus ad supplicium raptatus est. Casula purpuream vestem exprimit; crux in ea contenta crucem, sub cuius onere in via ad Caluariam gemit; corona Sacerdotis, spineam eius coronam; altare, Caluariæ collem; linea vella seu mappæ & corporalia (ut vocant): sudaria & lintea quibus pretiosissimum corpus eius est obuolutum cum sepulchro mandatur.

\* Vide S. Aug. serm. 19. de SS. & serm. 18. de tēpore, ac tract. 118. in Ioan. Fortunat. lib. 3. in vita S. Martini Epist. Episcoporum. à Synodo apud Carisiacū ad Lud. Germaniæ Regem c. 15. Iuonem Carnotensem, ep. 233.

II. \* Signum crucis quo se munit Sacerdos ingrediendo in Sancta, quodque plerisque vicibus efformat in ipso sacrificio super hostiam & calicem salutarem, seque ipsum passim consignat: cuius quæso rei monumento est, quàm crucis & passionis Domini alta mente meditandæ & intimis Sacerdotis infigendæ præcordiis, in diuini huius

Ccc



sacrificij celebratione? Quod ideo salutare signaculum, non leuiter & præcipitanter Sacerdos efformare debet, sed decenter & attentè exprimere: quemadmodum Synodus quæ sub S. Vldarico Augustano Episcopo habita est, Sacerdotes grauius admonet & docet can. 19. *Calicem & oblatam, (ait sacer ille contextus) recta cruce signate, id est non in circulo & variatione digitorum, ut plurimi vestri faciunt, sed strictis duobus digitis & pollice intus recluso, per quos Trinitas innuitur. Hoc signum rectè facere studete, non aliter enim quicquam potestis benedicere. Hoc enim signum nisi adhibeatur, siue frontibus credentium, siue sacrificio quo aluntur, nihil eorum rite perficitur,* ait S. Augustinus tract. 118. in Ioan. Signum certè illud, vnicum salutis chirographum à Christianis in omnibus rebus adhibendum est, ex traditione Apostolica, ut Tertullianus docet & testatur lib. de Corona militis, ubi ait *ad omnem progressum atque promotum, ad omnem aditum atque exitum, ad vestitum, ad calceatum, ad mensas, ad lauachra, ad lumina, ad cubilia, ad sedilia, quandocumque nos conuersatio exercet, frontem crucis signaculo terimus.* Quod si in omnibus rebus saluiferum hoc signaculum ab omnibus Christianis exprimendum est. Quanto magis à Sacerdote memoriam crucis, passionis, & mortis in eo mysterio celebrante, quod in perennem mortis Domini commemorationem ab ipso Domino fuit institutum? Aptè ad hæc Iuſ Carnotensis serm. de Conuenientia veteris & noui Testamenti, *Quid est inter ipsa mysteria (inquit) rebus sacratis vel sacrandis signum crucis superponere, nisi mortem Domini commemorare?* Addere liceat, quid est Dominicum hoc signaculum fronti vel pectori imprimere, nisi menti & cordi infigere Christi pro nobis initam in cruce passionem?

III. Sed his pius commemorandi & practicæ intelligentiæ consignandi tanti beneficii affectus Ecclesiæ, terminis non stetit: ubique in oculis Sacerdotis & assistentis Cleri & populi fixit & appinxit crucem. Nec satis hoc ei fuit, ut efficacius sacrificantem ipsum commoneret, ac etiam commoueret piissimo hoc obiecto, ab humeris super casulam crucis figuram attexuit, cuiusque obtutibus super altare positam Christi crucifixi imaginem exposuit. Quo de ritu differit ex professo Innocentius III. lib. 2. Mysteriorum Missæ cap. 21. cuius titulus est, de Candelabris & cruce, quæ sub medio collocatur altaris.

IV. Fuit & alius ritus apud maiores nostros sollemnis, ut Presbyter sacrificans manus extenderet ad modum crucis. Qui mos hodie passim exoleuit. Nam Sacerdotes à cubito brachia tantum versus altare protensa ferunt, manibus etiam expansis sed non in crucis modum. Fortè quòd incongruum iis qui recensuerunt sacros ritus visum fuerit, Sacerdotem sic exporrectis brachiis & manibus orare. Sed fortè non satis perpenderunt hoc sub solenni pridem ritu latens mysterium. Attigit id solerti acumine ante annos ferè 500. Petrus Blesensis, qui in tractatu de venerabilis Sacramenti Eucharistiæ mysteriis c. 7. expresso lemmate demonstrat, quòd Presbyter in consecratione sacrificium commemorans & imitans cum lacrymis passionem Christi,

fit Christus & crucifixus, & sacrificans & sacrificatus; ait verò in subiuncto tenore:

*Nihil aliud sacrificex est quàm Christi simulachrum,  
Dum tractat corpus Christi cum sanguine sacrum,  
Dùmque suos oculos in cælum cordaque figit,  
Extendendo manus, & brachia se crucifigit:  
Et dum quæ fuerit mors Christi flendo retractat,  
Facta sua carnis Domino velut in cruce maculat.  
Sic Christum Christus offert homo victima factus,  
Sicque crucem patitur dum commemorat crucis actus,  
Qui recto Christus quomodo crucifixus & unctus,  
Per fidei membrum cum Christi corpore iunctus.*

v. Cæterum insigni alio, & ab initio huc vsque permanenti exitu Sacerdos Christi conficiendo Sacramentum, & offerendo sacrificium admonetur memoriæ excitandæ crucis & mortis Domini; mox enim ac consecrauit hostiam salutarem, hanc solet Sacerdos attollere & populo ostendere, isque antiquus ac Apostolicus mos est: de quo ætate Apostolica vsitato, illustre hoc extat Sancti Dionysij, B. Pauli discipuli, luculentumque testimonium, Pontifex cum diuina munera laude profecutus fuerit, sacratissima & augustissima mysteria conficit, & quæ antè laudauerat venerandis operta signis, atque abdita in conspectu agit, diuinæque munera reuerenter ostendens ad sacram communionem & ipse conuertitur. Idem testatur Sanctus Basilius lib. de Spiritu sancto, c. 27. Inuocationis verba: *cùm ostenditur panis Eucharistiæ, & poculum benedictionis, quis, inquit, Sanctorum nobis scripto reliquit?* Hæretici neoterici hunc ritum Apostolicum magno odio insectantur, ut quid? quia nimirum ex eo elicitur adoratio Eucharistiæ, ita est reuerà: sed cùm adoratio Christi ubique, & semper sit licita, imò ut fatetur, quin & contendit Calvinus contra Wesphalium Lutheranum, necessariò ex præsupposita reali præsentia consequatur; *nec deest præceptum*, ait, etenim scriptum est: *In nomine Jesu omne genu flectatur; At si in nomine, multo magis in sanguine flectendum est.* Sed non ex hac causa tantum Eucharistia extollitur, populòque ostenditur; *Elatio siquidem in altum sacro-sancti corporis Christi* (inquit sanctus Germanus Constantinopolitanus Archiepiscopus, in theoria rerum Ecclesiasticarum) *Christi in cruce exaltationem & mortem in ea, sanguinisque effusionem calicis itidem exaltatio repræsentat.* Falsò igitur & impiè Calvinus scribere haud erubuit, *Non potest erigi altare, nisi euertatur crux Christi;* ut enim dicebat dudum Iudæis Apostolus, Rom. 3. 31. *Legem per fidem destruimus? absit, sed legem statuimus.* Sic licet nobis Caluino & eius asseclis respondere, Crucem per Missam destruimus? absit, sed crucem exaltamus; Neque enim fieri poterat ut Christi crux & passio mórisque salutifera alia ratione, modòque vltò melius annuncietur, honorificaretur, & magnificaretur, quàm hoc diuino sacrificio, in quo verbis, signis, rebus, ac ritibus, Christi ipsius immolatio mirè exprimitur, verè repræsentatur, realiter exhibe-

tur, ac piè & suauiter commemoratur. Hinc rectè ait S. Gregorius hom. 17. in Euangelia, *Quoties Christo hostiam suæ passionis offerimus, toties nobis ad absolutionem nostram, passionem illius reparamus.* Et alibi, videlicet Dialog. lib. 8. c. 58. *Pensemus quale pro nobis sit hoc sacrificium, quod pro absolutione nostra, passionem unigeniti filij Dei semper imitatur.*

## ARTICVLVS IV.

*De ipsa ratione, modoque imitationis mortis & passionis Domini, quibus uti debet Sacerdos celebrando in cruentum Missæ sacrificium.*

**Q**UID dignius & salubrius fieri potest, (ait magnus Alcuinus lib. de diuinis officiis, cap. de celebrat. Missæ) quàm ut hac mysteria frequentando, memor sit Ecclesia beatæ passionis, quæ totius mundi peccata deleuit? Est igitur imprimis necessarium ut Sacerdos vice Christi & pro Ecclesia mysterium hoc diuinum aggressurus, apud se sedulò recogitet & animo perpendat, quid Christus ipse fecerit, & quomodo ad hoc sacrificium comparatus accesserit.

## §. I.

*Imitandum ante omnia feruens Christi desiderium.*

Luc. 22. 15.

Ioan. 2.

Luc. 12.

Ioan. 18.

Idem 17. 1. &  
10. 17.

Marc. 10. 31.

1. Cor. 5. 7.

**DESIDERIO desideravi** (ait Dominus discipulis suis) *hoc pascha manducare vobiscum, antequam patiar.* Mortis suæ diem, quin & horam toto vitæ decursu Christum vehementer exoptasse sancti Euangelistæ passim commemorant. Apud quos ipsius Domini has insignes voces ex eius intimo pectore sæpè erumpentes, veluti ex fornace ardentissimo emicantes scintillas licet aduertere: *Nondum venit hora mea. Baptismo habeo baptizari, & quomodo coarctor usque dum perficiatur? Calicem quem dedit mihi pater, non vis ut bibam illum? Pater venit hora, clarifica filium tuum, ut filius tuus clarificet te. Propterea diligit me pater, quia ego pono animam meam &c. Nemo tollit eam à me ipso.* Hinc ait propheta, *Ob-latus est quia ipse voluit.* Isa. 53. Imò quia desiderauit: eapropter *cucurrit ut gigas ad currendam viam.* Ps. 44. Et cum demum ascenderet Hierosolymam, ut impleret omnia quæ prædicta erant de ipso, *Præcedebat discipulos suos, & stupebant ac timebant sequentes eum.* Præcurrebat enim ardore patiendi, spreto omni ludibrio & cruciatu, ex ingenti amore quo se ipsum tradebat pro nobis. Illi verò verbum crucis de eo nec audire ferebant; *Sitio*, ait, iam cruci affixus, quia nihil ardentius quàm mori pro viuificatione nostra desiderabat, semperque concupierat. At hinc aliud desiderium ostendit, *Desiderio desideravi*, inquit, *hoc pascha manducare vobiscum antequam patiar.* Quid hoc quæso, erat quod intentissimo desiderio hætenus exoptauerat? Hoc pascha nobiscum manducare, de quo Paulus ait, *Pascha nostrum immolatus est Christus.* Nam Dominus Iesus (ait maximus Ecclesiæ Doctor Sanctus Hieronymus, in ep. ad Hedibiam, q. 2.) *ipse conuiuia est, atque conuiuium,*

ipse comedens & qui comeditur. Sic & qui immolat & qui immolatur. Vnde S. Ambrosius in cap. 1. Luc. *Quando sacrificamus, Christus adest, Christus immolatur. Etenim Pascha nostrum immolatus est Christus*, cruentur in cruce, incruenter in cœna, utrobique idem, sed diuerso modo. Persecutorum manibus fuit immolatus in cruce, quamuis interiori affectu semetipsum offerret: at instituendo Eucharistiam se solus ipse obtulit, ut sacrificium suum ostenderet prorsus liberum & voluntarium, sicut antè per Prophetam dixerat, *Voluntariè sacrificabo tibi*: & de eo alius Prophetas, *Oblatus est quia ipse voluit*; Ideo sacrificium Eucharistiæ instituit, antequam morti addictus esset in ipsa nocte in qua tradebatur; & ut sacra habet Liturgia, *pridie quàm pateretur, ut spontaneæ suæ oblationis esset perenne monumentum*: ideo dicebat, *desiderio desideravi hoc Pascha manducare vobiscum antequàm patiar*, quia non tantùm mox passurus sum pro vobis, sed etiam quia instituo sacrificium ad fructum passionis meæ vobis applicandum: perpetuum erit memoriale mei in vos amoris, & thesaurus semper inexhaustus, ac omnibus apertus meritorum meorum: denique oblatio perpetua, Deo gratissima ad laudem, gloriam & honorem ei referendum pro infinitis suis in vos beneficiis, & ad conciliandam vobis in æternum eius misericordiam & gratiam; propterea *hoc pascha desideravi manducare vobiscum antequàm patiar*. Hoc certè Christi desiderium feruentissimum, accedens Sacerdos ad altare Dei, debet sedula mente reuoluere, ardorisque huius scintillas suo in pectore pro affectu imitationis Domini sui (cuius vicem & typum gerit) excitare. Prædixit Zachariæ Gabriel Archangelus de filio ei nascituro, *Ipse præcedet ante Dominum in spiritu & virtute Eliæ*, Luc. 1. 17. Fuit Ioannes Christi præcursor; at Sacerdos Christi debet esse sectator & imitator. Satagat igitur oportet, cùm eius vicariam obit personam, venire post eum ad altare Dei, in ipsius Christi spiritu & virtute. Virtus Christi propria, charitas est, quam ideo rectè appellat magnus Augustinus, *Discipulorum Christi characterem*, seu speciale symbolum ac signaculum; spiritus eius est desiderium humanæ salutis. Oret igitur imprimis Sacerdos, cùm Christi sacrificium oblaturus est, Spiritum sanctum, ut in suis præcordiis hunc Christi ignem, hunc Christi ardorem accendere dignetur, ut dicere cum Domino verè possit fidelibus suo assistentibus sacrificio, *Desiderio desideravi hoc pascha manducare vobiscum antequàm moriar*, quasi moriturus iam propè esset, proque ouibus Christi animam sicut ipse fecit positurus. Sitiuit Christus in cruce, sed quid? *Sitio*, inquit; Aptè & solerter S. Bernardus, *Cur Domine de cruce siles, & de siti clamas?* Nempe quia siti acutissima adurebatur: Quid sitiebat? respondet (apud S. Augustinum) *Sitis mea salus vestra est, sitis mea redemptio vestra, sitio fidem vestram, gaudium vestrum, plus animarum vestrarum salus quàm corporis mei cruciatus me tenet*, & semper reuera tenuit: arsit enim semper hoc vehementissimo desiderio quod in vltima vitæ suæ nocte testatus est, *desiderio desideravi hoc pascha manducare vobiscum*. Utinam Sacerdos aggressus idem sa-

Psal. 53. 8.

Isa. 53. 7.

1. Cor. 11.

Serm. 1. in Ramis Palmar. &amp; in Psal. 33. &amp; 61.



## 394 PANOPLIÆ SACERDOTALIS PARS II.

crificium eodem æstu & desiderio humanæ salutis inflammetur ! Prima hæc est (postquam animæ sordes absterferit) dispositio, qua tanto mysterio Deo dignè & acceptabiliter offerendo, sese potest præstare idoneum.

### §. II.

#### *Agonia Christi, contritio Sacerdotis.*

PRÆCLARE Hildebertus in suo pereleganti Carmine de Missæ mysterio notat Christum à prece & agonia in horto, holocaustum quod obtulit in passione sua inchoasse.

*A prece discipulos, inde petendo crucem.*

*Nam ter humi strato, contritio cordis, & ille*

*Sanguineus sudor, crux fuit ante crucem.*

*Heb. 5. 1.*

*Heb. 5. 7.*

*Isa. 2. 17.*

*Psal. 50.*

Torqueat se Sacerdos antequam sacrificium Missæ exordiat in timore cordis dolore pro suis & populi peccatis ; Apostolicum illud axioma seriò recogitans : *Omnis Pontifex ex hominibus assumptus pro hominibus constituitur ut offerat dona & sacrificia pro peccatis ; qui condolere possit illis qui ignorant & errant, quoniam ipse circumdatus est infirmitate. Et propterea debet quemadmodum pro populo, ita etiam pro semetipso offerre pro peccatis.* Christus peccata non habuit pro quibus doleret vel offerret ; at peccata nostra horruit, fleuit, eluit, sua agonia & acerbissima passione : *Qui in diebus carnis suæ (id est mortalitatis) preces supplicationesque cum clamore valido & lachrymis offerens, exauditus est pro sua reuerentia.* At Sacerdos propriis oneratus peccatis, insuper populi peccatis aggrauatur. Sat est Laïco antequam ad diuinam mensam accedat, ut probet (hoc est expurget) semetipsum, & sic de pane illo edat & de calice bibat ; at hoc non sufficit Sacerdoti, necesse est ut non solum pro suis, sed & populi delictis doleat, conteratur, anxietur, lugeat, oret, & offerat, si exoptat suo dignè officio perfungi. Agoniam igitur Christi in horto sanguineum sudorem exundantis attentè meditetur, ac pro virili imitetur hanc Domini ad suum holocaustum insignem parasceuen. Totus oculuse esse debet Sacerdos, non modò ut internas, externasque labe exactè perspiciat, verum etiam ut suas effusè lugeat & alienas noxas. Idem priuatim & secretò sua peccata confiteatur antequam sacris incipiat operari : tum illam Confessionem generalem quæ fieri solet ante Missæ introitum sic corde & ore faciat, ut memor sit circumstantis populi pro quo intercessor accedit, peccata eorum cum suis, adeoque ut sua propria exhorreat, cordèque contrito & humiliato veniam sibi & illis indulgeri obnixè à Domino deprecetur : vox digna est Sacerdotis, *Parce Domine, parce populo tuo !* Vox digna est peccatoris pœnitentis, *Auerte faciem à peccatis meis, & omnes iniquitates meas dele.* Vtramque personam Sacerdos sustinet publicam & priuatam : utroque igitur munere æquanimiter defungatur, *Si est Sacerdos* (ait S. Ambrosius) *oret pro populo.* At ne sui ipsius immemor sit, quæ enim homo, peccator est.

Agoniam Christi in horto sudorémque sanguineum, quo orando patrem madefactus apparuit, plerique interpretum adscribunt pugnam quam pertulit sensualitatis, meritò horrentis mortem proximam eamque turpissimam & acerbissimam, & rationis ipsam acceptantis: Putant enim agoniam hanc fuisse colluctationem quandam sensus & naturæ Christi delicatissimæ exhorrescentis mortem, cum ratione superiori ad Dei gloriam & humani generis salutem, ipsam mortem ultro suscipiente & de illo metu & formidine sensitivæ partis triumphante. Cæterum hoc non inficior, sed solam hanc fuisse causam, seu præcipuam rationem huius extremi Christi doloris (agoniam enim definiunt, extremam conturbationis speciem:) non censeo: Spiritus sancti oraculum est ore S. Petri pronunciatum, *Christum peccata nostra in corpore suo pertulisse*. Cui verba Isaïæ consonant, *Verè languores nostros ipse tulit, & dolores nostros ipse portavit. Attritus est propter scelera nostra, & liuore eius sanati sumus. Omnes nos quasi oves errauimus &c. Et posuit Dominus in eo omnes iniquitates omnium nostrum. Propter scelus populi sui, Dominus percussit eum*. Hoc pondere igitur Christus in procinctu suæ passionis degrauatus, & omnium mundi peccatorum quæ sanguine suo mox expiaturus erat super crucem, ingenti horrore correptus sudauit & arsit, usque ad lachrymas & sanguinem, ipsamque agoniam, qua affectus discipulis suis dicebat, *Tristis est anima mea usque ad mortem*. In hac angustia quam horror diuinæ offensionis & peccatorum totius generis humani grauitas & magnitudo excitabat, apparuit ei *Angelus Domini confortans eum*: Sed tali confortatione, (ait Beda in cap. 22. Luc.) *quæ dolorem non minuit, sed magis auxit; confortatus enim est ex fructus magnitudine, non subtracta doloris amaritudine*.

*S. Cyrill. l. 4.  
in Ioan. c. 1. S.  
Damascen. l. 3.  
orthodox. fid.  
c. 20. S. Bon. sup.  
c. 12. Luca &c.*

Sacerdos ingrediens in Sancta, hanc Christi agoniam & confortationem Angelicam, vtinam æqua lance apud se perpenderet! Primum enim conciperet, non dubito, in corde suo immensum de peccatis totius mundi dolorem & horrorem, quo pro Dei amore ea omnia & singula detestaretur, seque intra se, præ confusione & penitudine absorberet, vt in se illud Prophetæ impleretur, *Magna est velut mare contritio tua*. LXX. vertunt, *Magnum est poculum, seu calix contritionis tuæ*. Quis calix magnus, nisi ille qui præclarus est? Nisi ille de quo Christus dicebat Petro, *calicem quem dedit mihi pater non vis vt bibam illum?* Calix, inquam, ille, de quo dicebat ipse duobus fratribus Zebedæis, *potestis bibere calicem, quem ego bibiturus sum?* possumus, aiunt, & quidem *calicem Domini biberunt & amici Dei facti sunt*. Hunc ipsum calicem bibit Sacerdos in tremendo illo sacrificio, quod in memoriam offert passionis & mortis Domini. Sanè si alta mente considerat, sanguinis Domini plenum hoc esse poculum, non poterit cruorem istum pretiosum sanguinémque pro se & toto mundo effusum delibare, quin causæ huius horrendæ effusionis, suorum scilicet & mundi vniuersi delictorum recordetur, & sic amaritudine repleatur, Dominoque suo compatiatur cum tanto dolore crucifixo, atque tanto ex amore, quo nos dilexit, & vt redimeret in tam diram se mortem tradidit, immolato.

*Thren. 2. 19.*

*Ioan. 18. 11.*

*Matth. 20. 22.*

## §. III.

*Christus in procinctu suæ passionis confortatus fuit ab Angelo. Opem Angelicam Sacerdos tremenda mysteria celebraturus imploret, qua indiget plurimum.*

*Idem hom. 22.  
in Acta.*

QVIS fidelium (ait S. Gregorius Dialog. l. 4. c. 58.) habere dubium possit in ipsa immolationis hora ad Sacerdotis vocem cælos aperiri, in illo Iesu Christi mysterio Angelorum choros adesse, summis ima sociari, terrena cælestibus iungi, unum quoque ex visibilibus atque inuisibilibus fieri. Constans est hæc sanctorum Patrum sententia, Angelos in Missæ sacrificio venerabundos adesse, Christum adorare, diuina mysteria mirari, Sacerdotem comitari, spectare Clerum, speculari populum, templum perlustrare, circumcingere altare, implere sanctuarium. S. Ambrosius in c. 1. Lucæ, *Vtinam* (inquit) nobis quoque adolentibus altaria, sacrificium deferentibus, Angelus assistat, imo præbeat se videndum! non enim dubites assistere Angelum quando Christus assistit, Christus immolatur. S. Chrysostomus hom. 3. in ep. ad Ephesios. Contemplare obsecro (inquit) adstat mensa regia, adsunt Angeli mensæ huius ministri, adest Rex ipse. Et rursum hom. 3. contra Anomæos. Tempore illo (sacrificij) scilicet non solum homines &c. sed etiam Angeli Domino genuflectunt & Archangeli rogant &c. habeat ut sibi sacram illam actionem in fauore. Et hom. 36. in ep. 1. ad Corinth. Et tu igitur ante illud horrendum tempus, animo tremisce, animo commoueat, priusquam vela reducta, & chorum Angelorum progressum vides, in ipsum vltro cælum ascende. Et lib. 6. de Sacerdotio. Per id tempus & angeli Sacerdoti assidentes, & cælestium potestatum vniversus ordo, clamores excitat, & locus altari vicinus in illius honorem qui immolatur, Angelorum choris plenus est. Ne verò oratorio more loqui os illud aureum quisquam arbitretur, sed ex rei compertissima veritate, ipsum audire iuuat, huic de se opinioni, verbis huiusmodi occurrentem. Ego (inquit ibidem) commemorantem quendam audiui, cum diceret senem quendam virum admirabilem, ac cui reuelationum mysteria multa diuinitus fuissent detecta, sibi narrasse, se tali olim visione dignum habitum à Deo fuisse: ac per illud quidem tempus derepente Angelorum multitudinem conspexisse (quatenus humanus aspectus ferre poterat) fulgentibus vestibus indutorum, altare ipsum circumdantium, denique sic capite inclinatum, ut si quis milites præsentem Rege stantes videat. Affine narrationi huic est, quod refert Cyrillus Anachoreta in vita sancti Euthymij, cum scilicet frequenter vidisse terribilem Angelorum visionem vnà secum Deo ministrantem, & sacra contrectantem. Gesta Sanctorum innumeris referta sunt huiusmodi exemplis. Quibus profectò Sacerdos admonetur quanto cum timore & reuerentia diuino huic sacrificio celebrando se debet præparare ac illi incumbere. Ad Angeli vnus conspectum Daniel ita stupefactus est, ut corruerit protinus ferèque spiritu toto defecerit. Dilectus quoque ille discipulus qui in vltima cœna recubuerat super pectus Iesu, videns



dens Angelum apparatu mirabili sibi apparentem, exterritus ad pedes eius cecidit tanquam mortuus: Quin Angelus apparente ad sepulchrum Domini, præ timore eius exterriti sunt custodes, & facti sunt velut mortui. *Apoec. 1. 17.* Matth. 28. 4. Quanto igitur terrore & tremore Sacerdotem concuti par esset, ad horrendum hoc mysterium accedentem, cui tot Angeli assistunt, immò ubi Rex ipse Angelorum adest cum omni cœlesti militia, id est beatorum spirituum choris, ipsa maiestate (quam vix intueri audent) percussis, quemadmodum ipse Sacerdos in præfatione ad hanc terribilem actionem, agnoscit & prædicat: *Per Christum, inquit, Dominum nostrum. Per quem maiestatem tuam laudant Angeli, adorant dominationes, tremant potestates. Cœli cœlorumque virtutes ac beata Seraphim, sociâ exultatione concelebrant, &c.* Audis hîc Angeli non modo laudes concinunt, sed & cum eis Dominationes adorant: at etiam tremunt potestates, cœli, cœlorumque virtutes ac beata Seraphim &c. Quid igitur hîc faciet Sacerdos tantò indignissimus officio, vilis vermiculus, pulvis & cinis, miserrimus peccator? stupebant quidam olim videntes Saul inter choros prophetarum, divina cantica modulari: *Quendam res (aiebant) accidit sibi. Cui? num? Saul inter prophetas?* *1. Reg. 19. 11.* Quid coruorum cum columbis? homini peccatori cum Angelis? reo inferni & gehennæ cum cœli civibus; Dei domesticis & ministris purissimis, potentissimis, ac beatissimis? Perterritus olim Dauidem vehementer Angelus cum gladio visus euaginato ad percutiendum populum. Multi indignè accedentes ad tremenda mysteria, ab Angelis sacri altaris custodibus sæpe percussi sunt, iamque suo tempore Apostolus multos propterea variis infirmitatibus contabuisse testatur, multosque præpropere morte affectos; *Idè, inquit, inter vos multi infirmi & imbecilles & dormiant multi.* *1. Cor. 11.* Nec exempla desunt Sacerdotum impura mente, præcidendisque manibus (ut verbis Tertulliani vri liceat) diuinam hanc hostiam immolantium, quos diuina ultio cum per bonos Angelos, tum quandoque per malos inflicta extemplo, non sine publica reorum infamia percelluit. At verò demus quod æquanimius est credere: Sacerdotum accedere neminem ad altare Dei, sacrificium vt offerat incruentum, qui non prius rirè expurgata mente & lotis \* manibus (vt aiunt) se ad tam diuinum opus pro virili præparauerit: Apostolis sanè nullus purior esse potest, quorum tamen antequam sacri huius conuiuij participes Christus efficeret, pedes abluere voluit: *Qui enim lotus est (inquit) adhuc indiget vt pedes lauet vt sit mundus totus.* Tantam enim mundiciem exigit hoc tremendum mysterium, vt satis purus esse nemo possit, ad cœlestis huius muneris dignam participationem. Nec dubium quin maior puritas in celebrante requiratur, quam in communicante tantum desideratur: plus est enim sacrificare, quam de sacrificio participare; offerre & consecrare quam sacrificio assistere: fungi vico Christi, quam puri hominis partes agere; Sacerdotis exequi verendum ipsis Angelis officium, quam in turba plebis censerì, & in ultimo Ecclesiæ loco consistere. *Paute ad sanctuarium meum, ait Deus* *Leuit. 26. 2.*

\* Vide Gregor. Naz. Apolog. seu orat. 1. tom. 1. paulo post init. p. 3. Ioan. 17. 10.



Sacerdotibus. Christus ipse in procinctu suæ immolationis pauere cœpit & rēdere: in agoniam vsque descendit, hoc est extremam doloris speciem; sudauit & arsit, lachrymatus est, orauit, clamauit, in clamore valido *& lachrymis offerens, exauditus est pro sua reuerentia*, qua scilicet patrem æternum cui se offerebat, reuerabatur. Vertunt Nouatores, *ex suo metu*. Esto. sed Christus non sibi, sed nobis metuebat, quos nimirum præuidebat magna ex parte fore ingratos, fructūque ideo priuatos iri suæ redemptionis. Timebat ministris suis, quibus tanti sacrificij officium sui vice committebat, ne scilicet impurè id exequendo, ipsi exciderent à gratia & benedictione, quam cæteris dispensarent, & vnde haurire sibi salutem potuissent, subimet parerent perniciem. Memores sint igitur semper diuinæ huius interminationis, *Sacerdotes qui accedunt ad Dominum sanctificentur, ne percutiat eos. Exod. 19. 21.*

At bene est, quod Angeli non modò altari assistunt, vbi Christus Rex gloriæ & auctor ac fons gratiæ immolatur: sed etiam assistent Sacerdoti, quin (vt sæpe visi sunt) eidem reuerenter subministrant. Docet S. Ioannes Chrysostomus hom. in Encæniis, Angelos offerre cum Sacerdote, & tempore sacrificij ipsum corpus Domini adorantes, rogare pro omni genere humano, dicentes; *pro iis, Domine, obsecramus, quos tu adeo dilexisti, ut pro eorum salute mortem obires, animam efflares in cruce; pro iis supplicamus, pro quibus ipse tuum largitus es sanguinem: pro iis oramus, pro quibus corpus hoc immolasti.* Quod si rogant pro plebe, quanto magis pro Sacerdote ipso, cuius ore consecratur Christi corpus & offertur? Eiusdem S. Chrysostomi doctrina est insignis, Angelos precum suarum similitudines in mente Sacerdotis transformare, hanc illustrare, & fraternæ societatis affectu, precum eius imbecillitatem sua viuacitate adiuuare, totòque quo sacris operatur tempore ipsi adesse, & iugiter comprecari. Huc spectat illa Sacerdotis oratio, qua in canone, hunc in modum precatur: *Supplices te rogamus omnipotens Deus, iube hac perferri per manus sancti Angeli tui in sublime altare tuum, in conspectu diuinæ maiestatis tuæ.* Sic enim petit & exoptat Angelorum intercessione iuuari, & commendari suum Deo obsequium & cultum, quem (hostiam hanc pretiosam offerendo) exhibere desiderat.

Ipsemet S. Chrysostomus Sacerdotem offerentem corpus Domini, ac illud dispensantem, eleganter appellat *Angelum Seraphicum*: alludendo scilicet ad Seraphim, qui calculo ignito sumpto per forcipem, ab altari diuino, tetigit labia Isaïæ & eum mundauit. Calculus iste carbunculus erat (secundum S. Hieronymum) lapis nimirum pretiosus flammeo & igneo colore collucens. Ignis enim cœlestis quo Dei altare ardet, non carbonibus ligneis, sed pyropis nutritur & carbunculis, scilicet quia inextinguibilis est. Arcano igitur Isaïæ purificationis per Seraphim peractæ, Sacerdos officij sui admonetur, vt discat hominem exuere cū ad altare procedit, leuare se supra se, Angelum induere, Seraphim imitari: etenim purus & feruens vt Seraphim esse

S. Cyril. lib. de Incarnat. unigeniti c. 8.

debet; ut corpus Christi ab altari capiat, illudque dispense, sed verò capiat forcipe mystica quæ bifida est, fide scilicet constans & charitate, vel gemina legis perfectione, Dei nimirum dilectione & proximi. Tunc tradat diuinum illud pignus Isaia, id est peccatori confesso, plangenti, & venerabundo. At Sacerdos etsi officio sit Angelus, imò Seraphim dignitate comparetur, natura tamen homo est, & fragilitate peccator. Opus igitur habet ope Angelica, atque Seraphica puritate, ut dignè obeundo tanto mysterio præparetur. Dicat igitur intenta mente cum ad tremendam aram accedit, *Deus qui labia Isaia propheta calculo mundasti ignito &c.*

## §. IV.

*Sanctorum etiam suffragiis postulet adiuuari, cum & Christus, qui passionem suam ab oratione incepit, Petrum, Iacobum, & Joannem orare & vigilare secum voluerit, ad præbendum exemplum expetenda Sanctorum comprecationis, quando sacrificium Deo est offerendum.*

*SI bene cuncta notes, hoc totum filius egit,  
A prece discipulos, inde petendo crucem.  
Primum iussit eos vigilare statimque precari,  
Post dormire, dehinc agnus & ara tulit.*

*Hildeb. in  
Carmino de  
Myster. Missæ*

Species tibi datur, & forma præscribitur, quam debeas æmulari (ait S. Ambrosius lib. 5. Comm. in Lucam) *Quando vis officium pietatis adoriri, Christi exemplum sequi debes; qui cum Apostolis orauit; Sic autem orauit non propter suffragium sed propter exemplum. Ideò Ecclesia, ne propriis fidat meritis, Sacerdoti præscribit assistentium sibi ministrorum, plebique circumstantis orationes postulare, antequam diuinam ipsam actionem exordiat. Orate fratres, (inquit) ut meum ac vestrum sacrificium fiat acceptabile apud Deum patrem omnipotentem. Sic expetit suffragia Ecclesie militantis: verum quia in hoc mysterio summis ima sociantur, terrena cœlestibus iunguntur: aduocatis in vnum Angelis cum hominibus, Sanctorum etiam beatorum (hoc est Ecclesie triumphantis) opem & communionem deposcit. Communicantes, inquit, & memoriam venerantes, imprimis gloriosa semperque Virginis Mariae, Genitricis Dei & Domini nostri Iesu Christi, sed & beatorum Apostolorum ac Martyrum tuorum Petri & Pauli, Andreae, Iacobi, Ioannis, &c. & omnium Sanctorum tuorum, quorum meritis precibusque concedas, ut in omnibus tue protectionis muniamur auxilio. S. Cyrillus Hierosolymit. Cateches. 5. hanc precem his verbis recitat, Rogamus te nos omnes, & hoc sacrificium tibi offerimus, ut meminerimus etiam eorum qui ante nos obdormierunt: primum Patriarcharum, Prophetarum, Apostolorum & Martyrum, ut Deus orationibus illorum & deprecationibus suscipiat preces nostras. Nempe rectè intelligit Sacerdos, fauorabile Dei consilium hoc esse, & eius misericordiae benignum artificium, ut ad Sanctorum suffragia,*

Ddd ij

qui cū hīc viuerent, ei fide & opere placuerunt, auxiliij sui facilius impetrandi causa confugiamus. Acutē id ac perappositē dudum S. Chrysostomus obseruauit (hom. de pœnit. & confess. quæ incipit, obsecro, flagito, supplico, tom. 5. circa finem.) *Mihi, inquit, aliud maius est indicium diuinæ misericordiæ, quod dicam: Cū enim non inuenit homines viuos & fiducia præditos, qui possint intercedendo veniam obtinere, confugit ad defunctos, & per illos, inquit se remissurum peccata, quemadmodum Ezechia dicit 4. Reg. 19. & Isa. 37. protegam ciuitatem hanc propter me & propter Dauid puerum meum.* iam olim enim Dauid mortuus erat. Recurrit igitur Sacerdos hoc inductus documento, ad Sanctorum qui mortalitatem exuerunt, charas Deo supplicationes, quibus Deum fore mortalibus indulgentiorem non immeritō confidit. Petrus beatus Apostolorum princeps propē migraturus ē corporis tabernaculo, opem suam apud Deum fidelibus vltro promisit. *Certus sum, inquit, quia velox est depositio tabernaculi mei, secundum quod Dominus noster Iesus Christus significauit mihi. Dabo autem operam & frequenter habere vos post obitum meum, vt horum memoriam faciatis.* 2. Pet. 1. 14. 15. Fidenter igitur cum potest Sacerdos interpellare vt suæ sponfionis memor sit, det operam apud Deum, vt mortis Domini perennem & salutarem hoc in mysterio commemorationem faciamus, & commoriamur, con crucifigamur, consepeliāmur, cum eo resurgamus ē tumulo, & in cœlum conscendamus. Sic & Paulus vas electionis exorandus est, vt qui quod accepit à Domino tradidit nobis, de hoc ineffabili mysterio: hoc ipsum, vt Christus ipse instituit ad amissim eius mandati exequamur. Cupiamus dissolui & esse cum Christo, & interim mortem eius donec veniat annunciemus. Rogandus Andreas, amator crucis, vt mortis Domini perennem memoriam, & ipsi compatiendi desiderium illud ardentissimum quo flagrauit, animæ nostræ præcordiis altē infigat, illudque sacrificium quod per singulos dies Deo omnipotenti tanta puritate, fide, charitate offerebat, impetret nobis secundum suum exemplum immolare. Iacobus mundi supplantator & desiderator feruidus calicis Domini, obsecrandus est, munus conciliet, vt mundi spurcitiis proculcatis, fontem aquæ viuæ, qui Christus est, ardenti pectore sitiamus. Ioannes eius frater, dilectusque Domini discipulus, qui supra pectus eius in cœna recubuit, dignus est qui etiam interpelletur, suis vt ipsum Dominum gratissimis precibus pro nobis exoret, vt ad stare secum ipsi Crucifixo nobis obtineat; concito cursu & præcordiali affectu eum in sepulchro quærere, aliena specie obuclatum fide viua agnoscere, & colere; ipsum amare super omnia, terrena despiciere, cœlestia meditari, Dominique in gloria aduentum pro desideriorum cumulo exoptare. Hac ratione quotquot sancti Apostoli & Martyres, qui in sacro Canone nominatim recensentur, gratiam qua dignum Deo sacrificium & salutiferum nobis supremæ eius maiestati offeramus, impetrent, interpellari possunt.

## §. V.

*Imprimis gloriosa semperque Virginis Mariae Deigenitricis  
suffragia imploranda sunt, à Sacerdote celebrante.*

ÆQUVM certè erat, ut sanctissima Virgo Deigenitrix hîc in apice omnium Sanctorum collocaretur: quæ scilicet regina facta est omnium creaturarum, cum regis omnium effecta est mater. Sensit hanc singularem prærogativam beatissimæ Virginis, diuino afflatu irradiata Elisabeth, cum ad ipsius salutationem stupefacta hanc in vocem erupit: *Et unde hoc mihi, ut mater Domini mei veniat ad me?* Nempe Domina ad ancillam suam, siquidem mater Domini mei, mea Domina est. Ideo non modò Angelorum, sed & Sanctorum omnium Regina, beata ipsa Deigenitrix, ab Ecclesia prædicatur: quia omnibus præeminet dignitate, honore, auctoritate, loco, donis, meritis, titulis, gratiæ plenitudine, & gloriæ splendore ac magnitudine. Hinc S. Epiphanius oratione de eius laudibus, *Solo Deo excepto, cunctis superior existis.* Et meritò quidem. Matris Dei etenim dignitas est incomparabilis, incomprehensibilis, & immensa: habet enim hoc titulo dignitatem quandam infinitam ex bono infinito quod est Deus, ut ait Theologorum apex 1. p. q. 25. a. 6. ad 4<sup>m</sup>. Hac de causa igitur in Canone prima omnium ponitur veneranda eius memoria, *Communicantes & memoriam venerantes, imprimis gloriosa semperque virginis Mariae genitricis Dei & Domini nostri Jesu Christi.* Luc. 1. 43.

Sed primo loco non tantum, at etiam principaliter, in Canone commemoratur: quia nimirum, tametsi Sanctis quibusque in omnibus antecellat, hoc in mysterio post Christum præcipuum ius habet. *Caro Christi est caro Mariae.* hostia igitur quæ in hoc sacrificio immolatur, est caro de carne eius, & os de ossibus eius. Præclare S. Augustinus, *Quia, inquit, horribilius est carnem humanam comedere quàm occidere, & sanguinem bibere quàm fundere: necesse erat ut hæc mensa lactesceret, nam mater hoc fecit.* Supponit enim quod ad vitandum horrorem Christus hîc nobis dederit corpus suum & sanguinem, non in aperta specie, sed panis & vini accidentibus obuclatum: sicut mater suum sanguinem infanti communicat in lac transformatum: hoc est coloratum albedine, & suavi sapore conditum, ut ab infante libentiùs exsugatur. At sicut mel opificium est apìs, sic mensa hæc lactea (qua alimur ad vitam æternam) opus est Virginis Deiparæ: nam ex ea Verbum diuinum carnem & sanguinem assumpsit, quem hoc in sacrificio sumendum nobis exhibet, quasi lac ad sugendum. Hinc gratulabunda de hoc sanctissimo diuinoque beneficio, canit Ecclesia:

*Pange lingua gloriosi  
Corporis mysterium,  
Sanguinisque pretiosi,  
Quem in mundi pretium  
Fructus ventris generosi*

Ddd iij



*Rex effudit gentium.  
Nobis datus, nobis natus  
Ex intacta Virgine.*

Ideo in officio festi & octavarum sanctissimi Sacramenti, ad Primam &c. breue hoc assignatur, *Qui natus es de Maria Virgine, miserere nobis*: Et Præfatio in Missa dicitur de Christi natiuitate, *Quia per incarnati Verbi mysterium*. Appositè prorsus. Etenim Eucharistia teste S. Chrysostomo nihil aliud est, quàm *Incarnationis extensio*. Sed & Hymni Tertiar, Sextar, & Nonar, & Completorii per totam octauam venerabilis Sacramenti, hoc versiculo terminantur,

*Gloria tibi Domine,  
Qui natus es de Virgine, &c.*

Aurea est S. Anselmi sententia, lib. de Excell. Virg. Mariæ c. 6. *Nihil utilius post Deum, memoriâ matris eius*. Hinc mystica illa theoria ortum duxit, vt in sacris officiis frequentissima sit venerabilis memoria ipsius Beatissimæ Virginis. Ecclesia hanc habet in desiderio animæ: idcirco generales fiunt aut quotidianæ eiusdem commemorationes in Breuiario & Missali Romano. Et in Choro, paruum quotidie ipsius recitatur officium. Sabbato officium proprium de ea agitur. Quotidie in fine Laudum, & Vespertini officij, antiphona dicitur de ea specialis, tempori quod occurrit accommodata. Pulsus campanæ mane, meridie & vespere ad eius honorem institutus est. In Concionibus ad eius opem implorandam angelica salutatione honoratur. Plerisque solennibus per annum festiuitatibus colitur. Dies Sabbati cuiusque hebdomadæ illi consecratus est. In præliminari Sacerdotis Clerique ac populi ad sacrificium confessione, nomen eius honorificè profertur, eiusque suffragium inuocatur: *Confiteor Deo omnipotenti, & Beata Maria semper Virgini &c. ideo precor Beatam Mariam semper Virginem*. Commemoratur in Symbolo, *Natus ex Maria Virgine &c.* Nec satis hoc fuit Ecclesiæ deuotioni. in festis propriis beatæ ipsi Virgini peculiarem assignauit præfationem: nec his adhuc stetit sui pij affectus iudiciis. quotidie Sacerdos cum oblata ad consecrationem disposuit, secretò orat, in medio altaris inclinatus: *Suscipe beata Trinitas hanc immaculatam hostiam in memoriam passionis, resurrectionis & ascensionis Domini nostri Iesu Christi, & in honorem beata Virginis Mariae &c.* Deinde præfatione recitata, decantato Trisagio, incepto Canone, paulo antequam diuinam actionem (consecrationem videlicet) aggrediatur, insignem hanc precationem inter diuinæ Maiestatis conspectu pronuntiat: *Communicantes & memoriam venerantes imprimis gloriosæ semperque Virginis Maria Genitricis Domini nostri Iesu Christi &c.* Nec est cur Nouatores, colendæ Virginis benedictæ memoriæ semper infesti, morem hunc esse Romanæ tantum Ecclesiæ cauillentur: patet etenim, nec sine diuino consilio, & perpetuo orbis Christiani consensu factum est; vt in veterum non modò Latinorum, sed & Græcorum Liturgiis quæ extant, honorifica mentio beatæ ipsius Deiparæ habeatur, eiusque commemoratio, quo eius

meritis & precibus possimus iuuari, passim interponatur. In Missa S. Iacobi, quæ est propria Ecclesiæ Hierosolymit. post lectiones de utroque Testamento, Sacerdos ait: *Commemorantes sanctissimam, immaculatam, gloriosissimam D. N. Matrem Dei & semper Virginem Mariam, cum omnibus sanctis & iustis, nos ipsos & mutuo inter nos & omnem vitam nostram Christo Deo commendemus.* Et iterum post preces pro omnium necessitatibus, *Commemorationem agamus sanctissimæ, immaculatæ, gloriosissimæ, benedictæ Domine nostræ matris Dei & semper Virginis Mariæ, ac omnium Sanctorum & iustorum, ut precibus & intercessionibus eorum indulgentiam consequamur.* Et in Liturgia Alexandrina quæ dicitur S. Marci: *Aue Maria gratia plena Dominus tecum, benedicta tu in mulieribus, & benedictus fructus ventris tui, quia peperisti servatorem animarum nostrarum.* Et elata voce: *Imprimis sanctissimæ, intemeratæ & benedictæ D. N. Deigenitricis & semper Virginis Mariæ.* Et in Missa S. Basilij Sacerdos dicit, *Fac ut nemo nostrum ad iudicium & condemnationem sit particeps sancti corporis & sanguinis Christi tui, sed ut inueniamus misericordiam & gratiam cum omnibus sanctis qui tibi à seculo placuerunt &c. præcipue sanctissimæ, impollutæ, perquam benedictæ, gloriosæ D. N. Deiparæ & semper Virgine Mariæ.* Et in Liturgia S. Chrysostomi, cum accepit Sacerdos secundam oblationem dicit: *In honorem & memoriam insigniter benedictæ & gloriosæ D. N. Deiparæ & semper V. Mariæ, cuius intercessionibus, suscipe Domine sacrificium hoc in cæleste tuum altare.* Et infra prosequitur Sacerdos: *Præterea offerimus tibi rationabilem hunc cultum &c.* Et memoratis Sanctorum ordinibus hoc addit corollarium, *Præcipue sanctissimæ, intemeratæ, supra modum benedictæ, gloriosæ D. N. Deiparæ semper Virgine Mariæ.* In Missa S. Cyrilli, ubi Sacerdos etiam cuiuscumque ordinis Sanctorum gradus expressit, continuo subiungit: *Maximèque sanctæ & gloriosæ semper Virginis Deigenitricis Mariæ.* Item in Missa Mosarabe, seu ordine diuini officij Gothici Mustarabum; *Per gloriam nominis tui, Christi filij Dei viui, & per intercessionem V. Mariæ, B. Iacobi, & omnium Sanctorum, auxiliare & miserere indignis seruis tuis.* Item in Missa Christianorum apud Indos. \* *Commemoremus autem beatissimam Dominam Mariam matrem Dei viui & Saluatoris ac redemptoris nostri &c. Memoriam etiam veneremur Prophetarum, Apostolorum, ac Martyrum, Confessorumque.* Constantissima sanè illa omnium gentium conspiratio, tanto cum venerationis affectu commemorandi etiam in intima diuinæ Liturgiæ parte beatissimam Deigenitricem Virginem Mariam: manifesto indicio est, grauem admodum subesse rationem, cur tam insigni loco, verbisque adeo honorificis benedictæ ipsius Virginis memoria fiat. Ut causa hæc pateat, supponendum est commune Sanctorum theorema. *Nihil Deus nos habere voluit, quod per Mariam manus non transiret* \*, seu *Nihil à throno Dei, diuini muneris defluere* \*\*, quod per Mariam ad nos non descendat. Hic verò ipsam hostiam salutarem quæ offertur, de ipsis castissimis eius visceribus productam esse manifestum est. Causa hæc est igitur cur in hoc sacrificio tanta cum veneratione recolitur: *In hac veneranda communionem Sanctorum* ( inquit Florus Magister, qui sub

P. 9.

P. 34. in fine  
P. 52.

P. 62.

P. 8.

Tom. 6. Biblioth. SS. PP. col. 96. versus finem.  
Ibid p. 103.  
\* Ibid. col. 134.\* Ita iisdem verbis S. Bernard. serm. 3. de vigiliæ Natiuit. Domini.  
\*\* Richard. à S. Victore apud Pelbartum l. 1. p. 4. a. 10. c. 1. qui erat etiam S. Anselm.

# 404 PANOPLIÆ SACERDOTALIS PARS II.

Tom. 6. Biblioth. SS. PP. col. 168. & 169.

Missa Aethiopum co. 2. Bibl. SS. PP. col. 46.

Carolo Caluo claruit, in exegeſi ſeu expoſitione Miſſæ ) beata Virgo Maria prima ponitur, per quam & illi nos auctorem vitæ meruimus ſuſcipere. Et iterum exponens orationem quæ Dominicæ ſubnectitur: *Libera nos Domine ab omnibus malis, & intercedente pro nobis beata & glorioſa ſemper Virgine Deigenitrice Maria, & beatis Apoſtolis tuis Petro & Paulo atque Andrea*: Subiungit Florus, Hoc autem pauciſſimis, ſed eminentiſſimis ſanctis nominatis, à Deo (Sacerdos) exorat, videlicet, ut intercedente imprimis Deigenitrice, per quam humano generi ſalus exorta eſt. Hinc in Liturgia Aethiopica quæ peruectiſta eſt, Sacerdos exclamat: *venere-rabundus, ad ipſam glorioſam Virginem, Latart Domina, quia ſalu-tem deprecamur, O Virgo in omni tempore, Mater Chriſti & Dei effer ſur-sum & in alium orationem noſtram!* Et cum incenſat altare Sacerdos di-cit, *Salve Virgo Maria Deigenitrix, tu es ſturibulum aureum, quæ carbo-nem ignitum portasti &c. qui peccata remittit & culpam delet, & ex te homo factus eſt, & patri ſciſpum verum incenſum, & pretioſum ſacrificium obtulit.* Deinde coadiutor Sacerdotis, alius à Diacono, alta voce inclamat: *Omnes qui non amant Dominum noſtrum, & in natiuitatem ſuam minime credunt, & in ſanctam Mariam Virginem, Anathema ſit uſque ad aduentum eius.* Vnde quaſo tantus Sacerdotis ſacrificantis zelus: niſi quia poſt Chriſtum, primam omnium Beatiffimam Virginem eius genitricem colimus, ex qua natum ipſum conſitemur: per quam ipſum Chriſtum agnum hinc immolatum pro mundi ſalute, hoſtiam viuam & viuificam ſuſcipimus. Non immerito igitur, qui benedictam ipſam Virginem non amat, qui opem eius non implorat, qui in eius interceſſionibus non confidit, anathema ſit. Cæterum ſi uſquam eius ſunt poſtulanda ſuffragia, hinc certe & nunc poſitiſſimum depoſcenda ſunt, ubi victima illa ſalutaris, quam nobis peperit, æterno patri offerimus, in tanti beneficii gratitudinem, in remiſſionem pec-catorum, ad omnis mali depulſionem, denique ad gratiæ, omniſque boni temporalis & æterni impetationem. Pulchrè omnino S. Ber-nardus in ſerm. de aquæductu, eam ſic ideo compellat, *Inueniſti (ait Angelus) gratiam apud Deum, ſemper hanc inuenies gratiam, & ſola eſt gra-tia qua egemas.*

\* In ſerm. qui habetur apud Auguſt. 35. de SS. & in appen-dice. Sed iandè inter Fulberti genuinos ſer-mones eſt.

Gratius eſt Deo obſequium quod Mariæ impenditur (inquit For-tunatus antiquus ille Pictauienſis Epiſcopus) quàm quod ſanctorum cuiſibet exhibetur. At Fulbertus ſanctiſſimus Carnotenſis Antistes, etiam obſequium quod Deo per Virginem impenditur, gratius ei ac acceptius eſſe quàm quod per alios ſanctos deſertur, egregiè docet: *Inter hæc (inquit) fratres, cum toto mentis affectu, beatiſſimæ Virginis nos inter-ceſſionibus committamus, omnes eius patrocinia omni niſu imploremus, &c. Ne-que enim dubium, quæ meruit pro liberandis proferre pretium, poſſe plus omni-bus liberatis impendere ſuffragium.* Inde igitur iam liquidò conſtat, quàm aptè atque vtiliter Sacerdos tremenda offerens myſteria, Virginis beatiffimæ commemorationem, aliorum omnium ſanctorum memo-riæ anteponat, præſertimque ambiat eius fauore ac patrocinio com-muniri. Communicantes & memoriam venerantes, imprimis glorioſe ſemper que

Vir-



*Virginis Mariae &c.* Mirum hic in modum succinit Arnoldus Carnotensis: *Vna est Maria & Christi caro, unus spiritus, una charitas, & ex quo dictum est ei Dominus tecum, inseparabiliter perseveravit promissum & donum, ideo filij gloriam cum matre non tam communem iudico, quam eandem.* Tract. de laud. Virginis.

Tu igitur ô Sacerdos! agnum Dei immolaturus, qui tollit peccata mundi: auspicato sub eius beatissimæ Deigenitricis præsidium confugito, eamque cum tota animi deuotione obsecrato, tibi ut tam arduum aggredienti opus, subsidium conferre opportunum dignetur. Astitit Christo filio suo vnigenito, in ara crucis se hostiam Deo patri & oblationem pro mundi totius redemptione immolanti. Enixè igitur illam interpella, tibi quoque ut adsit, idem sacrificium, licet incruentum, offerenti, teque Christo sistat, alterumque ut castissimum Ioannem sibi in comitem & filium cooptare velit, efficereque apud Dominum, ut de te illi misericorditer dicat, *Ecce filius tuus*; tibi- *Ioan. 19. 26. 27.* bique *Ecce mater tua*. Sufficit hoc tibi pro omni gratia, nam si filius es Mariæ, frater Christi eris: si compassus fueris Christo patienti, & compatiens suæ beatissimæ parenti, stanti ante crucem: etiam conglorificaberis\*. Etenim quisquis est socius Christi passionum, erit & consolationis, 2. Cor. 11. 7. Dic igitur huic beatissimæ Virgini, magno cum pietatis affectu.

\* Vide S. Leon. serm. 9. de Quadr.

*Sancta Mater istud agas,  
Crucifixi fige plagas,  
Cordi meo valide.  
Tui nati vulnerati,  
Tam dignati pro me pati,  
Pænas mecum diuide.  
Fac me verè tecum flere,  
Crucifixo condolere,  
Donec ego vixero.  
Juxta Crucem tecum stare,  
Te libenter sociare  
In planctu desidero.*

## §. VI.

*Christum sese totum hoc in sacrificio (ut in Cruce) aeterno Patri offerentem, Sacerdos celebraturus potissimum imitetur.*

\* Ταῦτα αὐτὸς εἶπεν ἰσχυρῶς, ὡς ἐν μυστικῇ ἀρχῇ τοῦ μαρτύρου ὁ Θεὸς ὁ διὰ τῆς ἁγίας, ὅτε μὴ περὶ τῆς ἰατρικῆς παρὶς τοῦ Θεοῦ διὰ τῆς ζωῆς ἀρχῆς, μὴ δὲ τῆς λογικῆς λειτουργίας, ἀλλὰ ἐν τῇ ἰσχυρίᾳ τοῦ Θεοῦ διὰ τῆς αἰνιγτικῆς καὶ μυστικῆς

SENTENTIA admodum illustris, & à Sacerdote diuinum offerente sacrificium, præcordiis animæ altè incutienda, ea profectò est quam de seipso scripsit S. Gregorius Nazianzenus, Theologus per excellentiam à Patribus vocitatus, & os Christi, à B. Hieronymo qui se eius fuisse discipulum non immeritò gloriatur; \* *Quum scirem (inquit in Apologetico, seu orat. 1. to. 1.) quod nemo magno illo, vel Deo, vel sacrificio, vel pontifice dignus esset, qui non prius semetipsum Deo sacrificium vinum & sanctum obtulit, & ut rationalem cultum, Deo acceptum exhi-*

Ecc



πρωτομύειος,  
 ὡς μὲν οὖν ὁ πᾶσι  
 δοῦναι αὐτοῦ παρ'  
 ἑμῶν θυσιῶν, πῶς  
 ἱμᾶλλον διαβῆναι  
 περὶ τῶν αὐτῶν  
 τιμῶν ἐξῆδεν, τίμῳ  
 ὅτι μὲν μάλιστ' ἐν  
 εἰσὶν αὐτοῦ πῶς  
 πῶς ἱερῶς ἡμῶν  
 ἔνομα ἡσυχάζει,  
 ὅτι οὐκ ἐστὶν ἱερῶς  
 πληροῦται τῆς χά-  
 ρος; &c.

S. Gregor. Na-  
 zianz. orat. 1.  
 tom. 1. p. 38. no-  
 na edit. Paris.

buit, & sacrificium laudis & spiritum contritum immolavit: Quomodo ausus fuisset externum illi sacrificium offerre, quod magnorum est mysteriorum arcano, aut quomodo mihi Sacerdotis speciem & nomen vendicasset, priusquam operibus sanctis manus meas consecrasset?

## PUNCTVM I.

*Quaestio celebris, de re in qua consistit sacrificij Missae formalis ratio?*

ANTEQVAM doctrina haec ad sensum quem spectamus, adaptec-  
 tur, hac obseruatione opus est, celebrem verti apud Theologos qua-  
 stionem, *In qua parte Missa proprie sita sit sacrificij essentia?* Sunt enim  
 qui volunt essentiam huius sacrificij in oblatione panis & vini po-  
 sitam esse. Alij in oblatione verbali corporis & sanguinis Domini,  
 quae fit post consecrationem per illa verba, *Vnde & memores &c.*  
*offerimus praeclarae maiestati tuae, de tuis donis & datis, hostiam puram, hostiam*  
*sanctam*: Alij in fractione hostiae: Alij in specierum commixtione;  
 alij in distributione & participatione; alij denique in sola consecra-  
 tione corporis & sanguinis Domini, asserunt consistere totam sacri-  
 ficij essentiam. Si quaestionem huiusmodi hic minutim discussum ire  
 vellem, multorum esset dierum opus, nec vnica hac sectione tanta  
 posset disceptatio comprehendi. Breuiter vt rem totam complecta-  
 mur, 1. Statuendum venit, in panis & vini oblatione sitam esse non  
 posse essentiam sacrificij nostri; si res enim ita se haberet, antiqua sa-  
 crificia hoc ipso nobiliora forent: Nam agnus paschalis v. g. pane aut  
 vino simplici sua natura ritumque ipso immolationis, non nihil antecel-  
 lit. Adde quod sit de fide, corpus & sanguinem Domini esse id quod in  
 Missa proprie offertur & sacrificatur, prout definiuit Occumenicum  
 Concilium Tridentinum, sess. 22. c. 1. Falsum est igitur quod sacri-  
 ficij huius essentia in oblatione panis & vini consistat. Tamen si enim an-  
 te Canonem sacrum, oblatio fiat in Missa panis & vini, tamen panis &  
 vinum non offeruntur vt sacrificium perfectum, sed vt sacrificium in-  
 choatum, & perficiendum per substantialem panis & vini in corpus &  
 sanguinem Domini transmutationem: Proinde proprie id quod offer-  
 tur non est panis & vinum, sed corpus Christi, (id est caro & sanguis  
 eius) sub speciebus panis & vini, & ex pane & vino, vt ex materia trans-  
 eunte consecratum. 2. Essentia huius sacrificij in verbali oblatione, quae  
 profertur post consecrationem per verba designata, non constat: Hac  
 enim Christus non vsus est, vt ex Euangelistis & Apostolo patet; &  
 tamen vt omnes Catholici fatentur, verè obtulit & sacrificauit.  
 3. Nec in fractione hostiae, essentia seu formalis ratio sacrificij sita esse  
 potest; siquidem de fide est, quod Ecclesia solenni praconio profitetur.

*Nulla rei fit scissura,*

*Signi tantum fit fractura,*

*Qua nec status nec statura*

*Signati minuitur.*

Si igitur in hac fractione consisteret sacrificij essentia, cum fractio sit signi tantum & non rei, sacrificium quoque signi esset & non rei; Proinde nec sacrificium esset verum, nec reale, sed tantum significatiuum, seu repræsentatiuum. Quæ quanta sit absurditas, aures eruditæ (vt verbis loquar S. Augustini) in Ecclesiæ magisterio, sine monitore facillè deprehendunt. 4. Nec in commixtione specierum panis & vini, quando particula hostiæ mittitur in calicem. Etenim canon Missæ statim post consecrationem disertè declarat iam sacrificium in altari existere, *hostiam puram, hostiam sanctam, hostiam immaculatam*, &c. Et infra, *sanctum sacrificium, immaculatam hostiam*. Igitur sacrificium à commixtione non pendet, quæ post expletum Canonem, & recitatam orationem Dominicam, pacisque salutationem populo à Sacerdote impertitam fieri consuevit. Adde quòd illa mixtio fuit ab Ecclesia instituta, vt omnes fatentur, propter mysticam quandam significationem, neque ex Euangelio, aut Christi exemplo de quo liqueat, colligi potest. Accedit quòd Christus corpus suum Apostolis dederat, priusquam calicem consecraret; *Cenantes enim illis accepit Iesus panem &c. similiter & calicem postquam cenauit &c.* Ergo non miserat hostiam in calicem sed seorsim dedit: proinde in illa mixtione non constituit sacrificij substantiam. 5. Nec in comestione, quam etsi ad integritatem sacrificij pertinere fateamur, ad essentiam tamen spectare abnuimus, etenim manducatio ad vsum potius & effectum Eucharistiæ refertur, quàm ad formalem eius rationem, & potius necessaria est de necessitate præcepti, quàm de necessitate Sacramenti, vel etiam sacrificij; Vnde Diaconus potest quidem in necessitate Eucharistiam sumere & distribuere, sed consecrare & sacrificare non potest: aliud est enim sacrificium offerre, aliud de sacrificio participare; aliud hostiam consecrare, aliud eandem dispensare.

Dico igitur formalem sacrificij rationem duplici in actione, coniuncta & inseparabili, esse constitutam: Scilicet in perfecta consecratione & reali oblatione. Dico in perfecta consecratione, siquidem quando sola hostia consecrata est, consecratio est adhuc imperfecta, nec perfici potest nisi itidem fiat consecratio \* calicis. At quia consecratio præcisè sumpta facit tantum hostiam præsentem quam constituit in altari, & tamen de fide est quod Christus Eucharistiam instituendo obtulit & sacrificauit, necesse est asserere illum & consecrando obtulisse, & offerendo consecrasse: aliàs Eucharistiæ Sacramentum ex diuinis litteris probaretur, sed non sacrificium, quia eum constaret consecrasse, sed non constaret obtulisse, at verò oblatio de intrinseca ratione sacrificij est. Nec obstat quòd graues Theologi, puta Card. Bellarminus, Vasquez, Lessius, Gammachius &c. contendunt oblationem quæ immediatè consecrationem sequitur, non pertinere ad essentiam sacrificij, sed ad integritatem tantum, siquidem distinguendum est inter oblationem verbalem & oblationem realem; verum est quidem oblationem illam verbalem quæ post consecrationem à Sacerdote pro-

Mat. 26.

Marc. 14.

Luc. 22.

Gammach.

Com. in 3. p. S.

Thom. c. 5. p.

473.

\* Vide Bellarm.  
in recognitione  
libror. de Missa  
ad l. 1. c. ult. §.  
Denique man-  
ducatio.

nunciatur, non esse de sacrificij essentia, neque in ea sitam esse sacrificij substantiam, nam Eucharistiam offerendo Christus hanc orationem non adhibuit: vnde verba illa non dicuntur in persona Christi, sed in persona Sacerdotis eius ministri, & Ecclesiæ diuino huic mysterio consentientis. At oblatio realis, quæ fit in ipso instanti consecrationis & mentaliter & de facto à Sacerdote, est de ratione intrinseca sacrificij; aliàs siquidem formalis ratio sacrificij quæ in oblatione reali sita est, in Eucharistia deesset. Nec hanc doctrinam Theologi illi impugnant, si penitiùs inspiciantur & attentius audiantur.

Cardinalis Bellarminus lib. 1. de Missa, c. 27. *Manducatio seu sumptio* (inquit) *non videtur propriè sacrificium, cum non fiat à solo Sacerdote: Et quamvis ad essentiam sacrificij pertineret, non potest tamen in ea sola essentia sacrificij constitui, nam sine oblatione & dedicatione præcedente sacrificium esse non potest. Atque hæc est ratio cur apud Catholicos feria VI. maioris hebdomadæ non censeatur sacrificium Missæ propriè celebrari, licet vera hostia adsit, & frangatur, & consumatur, quia videlicet consecratio & oblatio deest. Et §. Quarta propositio, apertè fatetur aliquam oblationem ad essentiam sacrificij necessariò requiri. Et §. Secundò in consecratione, expressè ait, rem sacram ex profana per diuina verba effici, Deoque offerri. Et continuò agnoscit oblationem realem cum consecratione concurrere, nam victimam in altari ponere, est reipsa illam Deo offerre; & quia vi consecrationis fit vt corpus Christi & sanguis incipiat reipsa esse super altare, mediante manu Sacerdotis, ideo verbis consecrationis vera & solennis oblatio celebratur.*

Vasquez disput. 221. q. 88. art. 1. §. 2. idem, quamvis aliorum referendo sententiam hoc axioma recenseat, *Omne sacrificium est oblatio quadam, eo quod sub oblatione tanquam species sub genere continetur*: subinde propriam aperiens mentem, *Ego verò, inquit, non modò contra doctores priùs memoratos censeo in sola illa oblatione quæ post consecrationem verbis illis (vnde & memores nos serui tui) fit à Sacerdote, totam sacrificij*  
 » *essentiam sitam non esse*: verùm etiam contra posteriores eam oblationem (verbaalem scilicet) ad essentiam sacrificij nullo modo pertinere, sed solùm verbis illis oblationem priùs in ipsa consecratione facta denotari. Vidit igitur iste Doctòr sicut olim propheta *Rotam in medio rota*, scilicet perfectam consecrationem in reali oblatione, & realem oblationem in perfectà ipsa consecratione, sicut suprà exposuimus.

Cæterùm Lessius, in opere de perfectionibus moribùsque diuinis lib. 12. de misericordia Dei c. 13. cuius est titulus *de venerabilis Eucharistiæ beneficio, vt est sacrificium & quomodo peragatur*: Et Gammachius Commentarior. in 3. p. S. Thom. c. 5. *In qua actione formaliter situm sit Missæ sacrificium?* solùm negant verbaalem illam oblationem quæ fit post consecrationem, dicente Sacerdote, *Vnde & memores*, non esse essentialem in Missæ sacrificio: at satis apertè concedunt oblationem realem in eodem sacrificio formalem & intrinsecam esse. Hac autem



præstituta doctrina, iam peruium est ad moralem Sacerdotis instructionem præmissum S. Gregorij Nazianzeni documentum reflectere.

## PUNCTVM II.

*Consecratio & oblatio Sacerdotis Missæ sacrificium celebrantis.*

DICIT hic diuinus Doct̃or & venerabilis Pater, neminem esse tanto sacrificio idoneum qui non prius semetipsum Deo sacrificium viuum & sanctum obtulerit: Scilicet quemadmodum fecit Christus, qui semetipsum obtulit Ephes. 5. 2. hostiam & oblationem Deo in odorem suauitatis, Apostolisque suis & eorum in Sacerdotio successoribus præcepit vt facerent quod fecit, hoc, inquit, facite in meam commemorationem: vtique etiam secundum eius modum offerendi & distribuendi. Porro actio sacrificij Christi Eucharistiam instituentis & celebrari mandantis in sui memoriam, consistit, vt demonstrauius, in perfecta consecratione & reali oblatione. Consecratio nostra est repetitio illius primæ quæ à Christo facta est, quæ causa est cur Sacerdos in persona Christi, adeoque eius ipsissimis verbis consecrationem facit. Id porro efficit ipsa consecratio, vt qui panis antè erat sit verum Christi corpus. Causa conuersionis huius est ipsa consecratio, cuius instrumenta sunt verba ex diuina institutione à Sacerdote pronunciata, quæ habent vim conuertendi tanquam sacra & efficacia organa diuinæ gratiæ & virtutis. Luculenter id S. Ambrosius docet lib. de iis, qui mysteriis initiantur, c. 9. Potior est lux quàm umbra, veritas quàm figura, corpus auctoris quàm manna de cælo. Fortè dicas, aliud video (panem videlicet) quomodo tu mihi asseris, quòd corpus Christi accipiam? Et hoc nobis superest vt probemus. Quantis igitur utimur exemplis vt probemus hoc non esse quod natura formauit, sed quod benedictio consecrauit, maioremque vim esse benedictionis quàm naturæ, quia benedictione etiam natura ipsa mutatur. Et lib. 4. de Sacram. c. 4. Quomodo potest qui panis est corpus esse Christi? consecratione: consecratio igitur cuius verbis est, & cuius sermonibus? Domini Iesu, &c. Iussit Dominus & omnis natura generata est: si ergo tanta vis est in sermone Domini Iesu, vt inciperent esse quæ non erant, quanto magis operatorius est, vt quæ erant in aliud commutentur? ipse dixit & facta sunt, ipse mandauit & creata sunt. Ergo vt tibi respondeam non erat corpus Christi ante consecrationem, sed post consecrationem dico tibi quia corpus est Christi. Calvinistæ contra expressum Christi verbum negant hanc perspicuam veritatem, volunt enim nullam realem hîc effici mutationem, sed tantum Christi corpus esse in Eucharistia tanquam in signo. quamuis nescio quam energiam per fidem dicant hinc deriuari. Lutherani realem præsentiam in ipso Sacramento agnoscunt, sed tantum in vsu, negantque Eucharistiam vt est Christi corpus rem esse permanentem. Fides Catholica vtramque illam hæresim condemnat, sed non satis est, vt Sacerdos firmiter teneat hanc orthodoxam fidem, at si rectè sacro officio fungi velit, debet practicè ab utroque illo errore diligenter cauere. Si extrinsecè tantum Christum imitetur, vestitum scilicet mystico & externa tantum specie Christum repræsentet, quoad

Doctrina notabilis.

Ecc iiij



fictionem, falsi scilicet signi impressionem, Caluinistarum fit suspectus erroris, quibus externa duntaxat placet panis conuersio. At debet in Eucharistia ipsa natura mutari, vt loquitur organum Spiritus sancti Ambrosius, proinde conuersio panis & vini in Christi corpus & sanguinem debet esse realis. Et Sacerdotis quoque, qui Missam celebrans à peccatorum confessione auspicatur, seque proinde peccatorem confitetur, conuersio esse debet vera, realis, intrinseca, & non tantum externa, adeo vt peccator esse & actu & affectu desinat, qui consecratione panem & vinum in verum Christi corpus & sanguinem transmutauit; *Nihil enim aliud efficit hæc mensa*, (ait S. Leo) *nisi vt in id quod sumimus transeamus*. Huc etiam S. Ambrosius conuersionem refert, quæ fit à Sacerdote per consecrationem, virtute verbóque Domini. \* *Ipse dixit & factum est* (ex pane Christi corpus) *ipse mandauit & creatum est*. Tu ipse eras, sed eras vetus creatura; posteaquam consecratus es, noua creatura esse coepisti. Vtinam sic reipsa conuertatur Sacerdos actu sacrificans, vt cum Apostolo dicere verè possit, *Christo confixus sum cruci*. *Viuo ego iam non ego, uiuit verò in me Christus*. Mori enim hîc debet sibi Sacerdos, vt Christo uiuat, mori culpæ, vt uiuat gratiæ.

In serm. de pass.  
Domini.

\* Citato loco l. 4.  
de Sacram. c. 4.

Gal. 2. 19.

Col. 3. 9.

Doctrina item  
in signis.

Vide Bell. l. 4.  
de Sacram. Eu-  
char. c. 3. 4.  
& 5.

*Amplius peccator non est* (ait S. Hieronymus) *qui iustus esse coepit*, desinat Sacerdos esse quod est in se, incipiat esse totus in Christo, vt sit quod Christus est, *Expoliando veterem hominem cum actibus suis, induat nouum hominem qui renouatur &c. secundum imaginem eius qui creauit illum*.

Sed parum tamen hoc fuerit, si fiat per modum actus transcuntis. Dogma Catholicum est, Eucharistiam rem esse permanentem: Nam ex quo consecratio facta est Christi corpus & sanguis permanet sub speciebus, quamdiu subsistunt, tam in usu quàm extra usum. Hoc mysterio Sacerdos edocetur conuersionem suam non debere esse transitiuam & instantaneam, sed permanentem & stabilem, ita vt extrema quæque potiùs oppetat quàm admittat vllò deinceps crimine à Christo separari. Leonis Magni ad quemlibet fidelem est egregia parænesis, serm. 1. de Natiuitate Domini: *Agnosce ô Christiane dignitatem tuam, & diuinæ factus consors naturæ, noli in veterem vilitatem degeneri conuersatione redire; Memento cuius capitis & cuius corporis sis membrum! Reminiscere, quòd erutus de potestate tenebrarum translatus es in Deilumen & regnum! Quòd si omnis Christianus tanta obseruantia cauere debet ne à Christo cui per fidem, charitatem & sacramenta, maximè verò per Eucharistiam coniunctus est, aliquando separetur: quantò magis Sacerdos qui in hoc sacrificio celebrando Christi personam gerit, & non tantum hîc eius corpus & sanguinem sumit, sed consecrat, efficitque vt est viuum diuinæ omnipotentiae organum, quod Christus ipse consecratione semel facta, hîc non solum realiter adest, sed sub signis visibilibus firmiter existere perseuerat; studere debet sic Christo ipsi per hoc sacrificium coniri, vt inseparabiliter cum eo postmodum permaneat, promissumque Christi in se impleatur, qui *manducat meam carnem & bibit meum sanguinem in me manet, & ego in eo*. Ioan. 6. Hanc certè gratiam, vt ipso ex sacrificio Sacerdos consequatur specialis*

hæc, recitanda paulò ante Communionem in Missali, eidem præscripta est reliquas inter petitiones deprecatio: *Domine Iesu Christe fili Dei viui, qui ex voluntate Patris cooperante Spiritu sancto per mortem tuam mundum viuificasti: libera me per hoc sacro-sanctum corpus & sanguinem tuum ab omnibus peccatis meis & vniuersis malis, & fac me tuis semper obedire mandatis, & à te nunquam separari permittas. Qui cum Deo patre & Spiritu sancto viuis & regnas in secula seculorum. Amen.*

Mos fuit celebris persecutionum tempore, vt fidelibus extremum agonem pro fide propè inituris, diuina hostia ad eis robur mentis & corporis impertiendum, dispensaretur. Hinc S. Cyprianus ep. 54. & 56. *At verò nunc fortibus & viuentibus communicatio à nobis danda est, vt quos excitamus & hortamur ad præliam, non inermes & nudos relinquamus, sed protectione sanguinis & corporis Christi muniamus: & cum ad hoc fiat Eucharistia vt possit accipientibus esse tutela, quos tutos quoque contra aduersarios volumus, munimento Dominica saturitatis armemur. Nam quomodo docemus, aut pronocamus in confessione nominis Christiani sanguinem suum fundere, si eis militaris Christi sanguinem denegamus? Quòd si tanta vis est Eucharistiæ, vt hac resecti primi fideles, alacriter horrenda quæque tormenta, ipsamque mortem atrocissimam pro fidei assertionem oppeterent: quid facere oporteret Sacerdotem quotidie sacrificantem, & carne & sanguine Domini nutritum & resectum pro eius fide & gloria? Nónne centies & millies si fieri posset, quæque terribilia potiùs deberet perpeti, quàm vllum actum committere, quo à Christo, eiusque amore & gratia diuelli posset? ita planè animatus erat Apostolus, cuius vox ex affectibus intimis profecta, hæc sublimis erat: *Quis nos sepa-* Rom. 8. 35.*

*rabit à charitate Christi? tribulatio, an angustia, an fames, an nuditas, an periculum, an persecutio, an gladius? sed in his omnibus superamus propter eum qui dilexit nos. Certus sum enim, quia neque mors, neque vita, neque Angeli, neque principatus, neque virtutes, neque instantia, neque futura, neque fortitudo, neque alitudo, neque profundum, neque creatura alia poterit nos separare à charitate Dei, quæ est in Christo Iesu Domino nostro. Hinc rectè admonet fideles sanctus Chrysostomus (hom. 61. ad popul.) perpendens causam præcipuam ob quam se nobis in hoc sui amoris mysterio, Christus tanta dignatione communicat: Propterea Dominus, corpus suum in vnum contemperauit, vt vnum quid efficiamur, tanquam corpus capiti coaptatum, ardentem enim amantium hoc est. Tanquam leones igitur ignem spirantes ab illa mensa recedamus facti diabolo terribiles; & caput nostrum mente reuoluentes, & charitatem quam nobis exhibuit. Expendo illud præsertim, Tanquam leones ignem spirantes, facti diabolo terribiles, ab hac mensa recedamus. Illudque in mentem reuoco beatorum ciuium decantatum Christo, triumphale præconium: *Vicit Leo de tribu Juda.* Apoc. 5. 5.*

Christus hic Leo est, qui vincit & regnat. In tremendo sacrificio Sacerdos eius personam gerit, vt leo igitur exeat de altari, quo Christi regalem potestatem & fortitudinem inuictam, triumphumque de carne, mundo, diabolo, & inferno perpetuum, victoriam suam incessu repræsentet; fiat diabolo terribilis, ignemque ardentis in Deum &

Luc. 12. 49.

proximum charitatis spiret, & longè latèque diffundat, ut dicere possit cum ipso Domino, *Ignem veni mittere in terram, & quid volo nisi ut ardeat?* Omnia (ut eleganter Tertullianus ait) Dei, ignea sunt: *Eliam succrenisse* (ait Scriptura) *quasi ignem*: Traduntque Hebræorum magistri, pastum fuisse ab Angelis in infantia sua globulis igneis: ideo velut *facula verbum eius ardebat*. Christus dedit Sacerdoti (ait B. Chrysostomus) haurire spiritum in altari, ignem & sanguinem. Spiritum igitur vitæ, ignem amoris, sanguinèque fortitudinis hauriat quidem, sed diffundat; diffundat, sed non exhauriat: at sic effluat, ut ipse non exsicceatur; memor utique illius arcani, nempe quòd sacrificium istud, quod ad aram Christi celebrauit, ut fons est limpidissimus & inexhaustus, qui nunquam arefcit, sed spiritus gratiæ & salutis perenni fluxu dimanat. Constat enim Eucharistia in re permanenti. Atque hæc de consecratione, quæ non pars solùm integrans, sed essentialis est sacrificij Missæ, ut superiùs ostendimus.

Ezech. 1.

Iam de oblatione, quæ altera *rota est in medio rote*, in hoc mystico curru gloriæ Domini: quiddam superest quod ad mores itidem spectet, differendum. Inter maxima mirabilia, quæ omnipotentia Verbi incarnati hoc in mysterio operatur, hoc non postremo loco Theologi recensent, quod Christus realiter in Sacramento altaris existit, id est non solùm eius corpus & sanguis, sed ipsum corpus & sanguis cum anima, eaque cum tota sua sanctitate, cum visione & amore beatifico, denique cum omnibus suis ornamentis & dotibus naturalibus & supernaturalibus, imò non sine ipsa vnione hypostatica, qua caro & anima Verbo diuino personaliter vniuntur: estque hoc dogma fidei, in Oecumenico Concilio definitæ. Siquidem sacro-sancta Tridentina Synodus, sess. 13. c. 1. sic ait: *Principio docet sancta Synodus & aperte ac simpliciter profitetur, in almo sanctæ Eucharistiæ Sacramento post panis & vini consecrationem, Dominum nostrum Iesum Christum verum Deum ac hominem, verè, realiter, ac substantialiter sub specie illarum rerum sensibilium contineri, scilicet per concomitantiam*. Ita enim ista coniuncta sunt in Christo, ut separari nequeant sine eius dissolutione: porro ipse dissolui iam post resurrectionem nullo modo potest. Quapropter ipsum generale Concilium diserte declarat, non ex vi quidem Sacramenti ista omnia hoc in mysterio existere, sed vi naturalis illius connexionis. Verba eius sunt, sess. 13. c. 3. *Quia sunt ibi vi naturalis illius connexionis & concomitantia, qua partes Christi Domini (qui iam à mortuis surrexit non amplius moriturus) inter se copulantur*. Non tamen tam necessitate physica, quàm morali hæc concomitantia constat: nequa scilicet imperfectio aut aliud minùs dignum in glorioso illo Christi corpore poneretur. Quamobrem non solùm tota gloria illius corporis, sed etiam anima, & tota animæ sanctitas, sapientia, & gloria est in hoc Sacramento per illam connexionem. Poterat verò efficere Christus ut solùm sua caro & sanguis, ex quibus corpus constat, hoc in Sacramento reperiretur, sed ex abundantia sui in nos amoris, ut se totum pro nobis in pretium redemptionis tradidit in cruce; sic se totum &



integrum hoc in mysterio nobis dedit in animarum nostrarum alimentum & perennem suarum gratiarum thesaurum. At verò quod nobis per Sacramentum hoc dedit, Patri hoc obtulit sacrificium lacteum, eucharisticum, propitiatorium & impetratorium, prout in libri huius exordio demonstraui. Quo ex principio Sacerdos offerens incruentum hoc sacrificium admonetur, ut aliquam vicem Christo rependat pro tantis beneficiis, sese totum debere hoc in sacrificio ipsi immolare & offerre, corpus, animam, iudicium, voluntatem, actus omnes & affectus, & omnes sensus, nihilque prorsus relinquere quod sibi proprium supersit. Recordetur enim quòd sacrificium sit *oblatio non modò externa, sed longè magis interna, facta soli Deo, qua ad agnitionem humane infirmitatis & professionem diuine Maiestatis, res qua ritu mystico offertur Deo, consecratur, & transmutatur.* Manca igitur & hiulca & aliqua parte mutila esse non debet, (victimas idcirco aliquem defectum patientes Deus in priscae legis sacrificiis respuebat) sed integra, tota, & perfecta, ut Deo grata esse possit. quæ causa est cur S. Gregorius Nazianz. suprà auditus, signatim docet, nullum Sacerdotem magno illo, vel Deo, vel sacrificio, vel Pontifice (qui Christus est) dignum esse, qui non prius semetipsum Deo sacrificium viuum & sanctum obtulerit, & ut rationalem cultum Deo acceptum exhibuerit, & sacrificium laudis, & spiritum contritum immolauerit. Verba hæc præsertim notanda sunt, sacrificium viuum, sanctum, & rationale: siquidem Sacerdos se imprimis Deo offerre debet hostiam viuam non mortuam, instar bouum & ouium veteris Testamenti. Agnus qui in altari incruenter quotidie immolatur, ait S. Andreas, integer perseverat & viuus: sic & Sacerdos, qui Christi vicem & typum gerit in altari, seipsum debet Deo offerre, hostiam viuam non mortuam, quia caro vitiis dedita mortua est; viuâ igitur est virtutibus, debita charitate formata, spiritu Christi animata: non mortua quidem, sed tamen mortificata; quia mors & vita hoc in mysterio mirabili quodam modo concurrunt: mors, quia Christi mors & passio non tantum recolitur, sed etiam per suam efficaciam nobis applicatur; vita, quia Christus qui via, veritas & vita est nostra, hinc se nobis ad nos viuificandum communicat: *Panis enim* (inquit Ioan. 6.) *quem ego dabo caro mea est pro mundi vita.* Mortificatio autem ex vita constat & morte, nam est viuâ quædam mors, facit enim in corpore mori concupiscentias carnis, dum eas truncat per viuos continentie, abstinentie, patientie, & poenitentie actus: ita ut corpus propriè sit hostia mortua, quia moritur suis vitalibus concupiscentiis, easque mortificat, occidit, & immolat Deo: Sit tamen id ipsum hostia viuâ per viuos contrariarum actionum, virtutum videlicet motus & actus. Offerat igitur Sacerdos seipsum oportet, exhibendo cor & corpus suum Deo hostiam viuam, quod perinde fit si mortificationi corporis, eiusque passionum refrænationi instantet incumbit, atque ad vitam quietam, sanctam & perfectam, adeoque ad martyrium si opus sit pro Christo & pietate subeundum comparatus, ut verè possit



Prov. 23. 26.

Luc. 22. 42.

Matth. 26. 39.

Isa. 53. 7.

Nota.

dicere cum Apostolo, 2. Cor. 4. 10. *Mortem Iesu in corpore circumferimus, ut & vita Iesu in corpore nostro manifestetur.* Breui tamen compendio totum hoc Sacerdos consequi potest. Scitè Petrus Blesensis suprà laudatus ait, in altaris mysterio *Spiritum sanctum loqui ad Sacerdotem quasi patrem ad filium.* sed quid ei dicit? *Fili,* (inquit) *præbe mihi cor tuum,* sicut Christus cor suum patri suo tradidit; *Non mea* (inquit) *voluntas, sed tua fiat:* *Non sicut volo, sed sicut tu.* Idcirco ait Propheta, *Oblatus est quia ipse voluit.* Meritum eius oblationis fuit in suæ abrenunciatione voluntatis. Christum igitur ut Sacerdos imitetur, super omnia hoc præstare debet, ut Deo præbeat cor suum, nihil cupiat, nihil velit, nisi secundum Dei beneplacitum; imò verò nihil nisi quod gratum & acceptum est coram Deo, nihil nisi quod Deus voluerit siue per voluntatem signi, siue per voluntatem beneplaciti, petat & exoptet, aut quærat. Hebræorum est Rabbiorum non contemnendum scitu theorema, quòd si quis partem aliquam animalis immolare deuoverit, tum nexu voti iure solutum iri, si armum animalis, vel pectusculum, aut aliquod eius membrum notabile Deo obtulerit: verum si cor animalis offerre vouerit, tum à lege voti liberum non fieri, nisi totum animal ac integrum obtulerit in sacrificium, in corde enim vitæ esse sedem, radicemque omnium partium animalis. Recogitet hoc apud se Sacerdos, ut sese præbeat Deo hostiam viuam & integram, cor imprimis cum omnibus affectibus, votis & desideriis suis, omnibusque animæ facultatibus & toto corpore singulisque eius partibus ac sensibus sciat esse offerendum. Dicit ei Spiritus sanctus, *fili præbe mihi cor tuum.* si dederit Deo hoc quod tanta dignatione Deus ipse petit, diuinæ tum Maiestati complacit; nam si hoc obtulerit quod Deus quærit & optat, omnino satis erit.

Genes. 27. 22.

1. Reg. 16. 7.

Verum addit Gregorius Theologus, *sacrificium sanctum*, hoc est purum & illibatum: offerat igitur corpus suum Sacerdos hostiam mundam & impollutam per intentum studium castitatis & puritatis: sed sanctum adhuc idem est, quod Deo & eius cultui dicatum & consecratum, & ab omni secretum profano usu. Quid iuuat aures offerre puras ad altare, si mens sit offerentis impura? linguam mundam, si procaces & lubrici sunt oculi? manus lotas efferre in Sancta, si conscientia sit polluta, & cor carnalium passionum affectibus coinquinatum? Dare linguam Deo, sed cor mundo carnisque appetitum concupiscibilem habere deditum, & curis sæcularibus desideriisque carnalibus immersum? In altari semper sunt casta, pura, & sancta eloquia Sacerdotis, quia omnia ex præscripto tenore dicit; sed caueat si manus inquinatas aliquo malo opere ferat, audire hanc à patre luminum vocem; *Vox quidem, vox Iacob est, manus autem sunt manus Esau. homo respicit faciem, sed Deus cor intuetur, nec admittit ullam hostiam, nisi quæ lota fuerit & mundata intus & foris.* Studeat Sacerdos cum ad Deum accedit, & Christum & seipsum immolaturus est, ne aliqua labes, aliqua macula sibi insita sit. Ex parte Christi semper Deo gratum & acceptum est sacrificium: sed ex parte Sacerdotis tum

fit ingratum, si antequam se sistat coram Deo, quicquid sordium habebat, lachrymis suis non eluerit, & nisi fontis pœnitentiæ puris laticibus absterferit labe & maculas quæ puros Dei oculos offendunt; ut sacrificium sit sanctum & non profanum, debet Deo totum esse consecratum, & ab omni sorde secretum, seu mundatum, & purificatum.

Addit iterum S. Gregorius Nazianzenus Sacerdotem dum sacrificat, debere Deo offerre *cultum rationabilem*: talem scilicet qualem creatori suo debet creatura rationalis, qualem eum decet qui pro omni humano genere apud Deum, vice summi mediatoris intercedit. Rationabilis profectò cultus, est quem dicitur recta ratio, vera fides, Christiana in Deum fiducia & charitas non ficta: Deus enim (ut egregiè S. Augustinus docet in Enchirid. c. 2.) *fide, spe, ac charitate colendus est*. In Missa orat Sacerdos ante consecrationem ut oblationem suam Deus facere dignetur *benedictam, adscriptam, ratam, rationabilem & acceptabilem*: quæ voces neutiquam synonymæ sunt; *Benedicta* enim dicitur, id est consecrata, iuxta illud Apostoli, *Calix benedictionis cui benedicimus*. *Adscripta*, id est in numerum munerum quæ Deus probat & recipit, admissa: *Rata*, id est obsignata sigillo diuinæ virtutis, & perpetua firmitate munita: *rationabilis*, cum iustitia & pietate acta: *acceptabilis*, hoc est grata, beneplacens, & perfecta: In Liturgia S. Petri legimus pro rationabilis *εὐαλόγητον*, excusabilem, quia scilicet Sacerdos infirmitatis suæ conscius se indignum tanto munere confitetur. Sensum hunc elicio diuinis ex dictis S. Dionysij Areopagitæ, qui in lib. de Hierarch. Eccles. c. 3. p. 3. referens Sacerdotis suam indignitatem agnoscentis, iustam ac piam excusationem: \* *Pontifex* (inquit) *quod hostiam salutarem, quæ supra ipsum est litet, se excusat ad ipsum exclamans, Tu dixisti, hoc facite*. Sed satis huc usque de consecratione & oblatione ex parte ipsius Sacerdotis offerentis: Déque modo, quo diuino hoc munere congruè & utiliter debet perfungi.

\* *Vide supra  
textum Græcum.*

## CAPUT VII.

*Pro quibusnam Missa sacrificium offerri potest?*

**P**ONTIFEX ordinando Sacerdotem, sic eum affatur dum ei calicem cum vino & aqua, patenamque cum hostia superposita, solenniter tradit: *Accipe potestatem offerre sacrificium Deo, Missasque celebrare, tam pro viuis quàm pro defunctis*. Diuisio est adæquata, nullum enim medium inter hæc assignari potest. Sed quæstio hinc oritur necessariò discutienda: utrum pro omnibus hominibus qui viuunt, vel cunctis qui mortui sunt, sacrificium istud venerabile & salutiferum queat offerri? S. Augustinus lib. 1. de origine animæ c. 9. hanc breui axiomate dissoluisse videtur: *Quis offerat sacrificium corporis Christi, nisi pro iis qui membra sunt Christi?* Inde enim sequi-

F ff ij

tur (vt apparet) offerri non posse, nisi pro Christianis, & iis quidem qui Catholici sunt, Christi que corpori mystico, quod est Ecclesia, vt huius corporis partes integrantes, coniuncti. Attamen non sic se res habet, nec id in hunc sensum dicere intendit S. Augustinus. Spectabilis est in hunc locum S. Thomæ distinctio in 4. dist. 12. q. 2. ad 4. sacrificium Eucharistiæ offerri nec posse, nec debere, nisi pro iis qui membra sunt Christi actu, vel potentia, id est qui reipsa hoc sunt, vel esse possunt. Porro homines qui viuunt, aut sunt iusti, aut peccatores, aut fideles, vel impij & infideles. Qui mortui sunt, alij in cælo iam beati degunt, alij sunt in purgatorio, alij in inferno. De singulis hîc seorsim & obiter dicendum.

## ARTICVLVS I.

*De Sanctis in cælo Beatis.*

*In Nouitate  
Papatus, Con-  
trouersia 3. c. 1. p.  
572. &c.*

**P**V TAT Molinæus rigidorum Caluinistarum præcipuus signi-  
fer, ex hoc euictum ire, discessisse Romanam Ecclesiam ab anti-  
quæ Ecclesiæ moribus & placitis, quod Sanctos beatos colat & oret,  
cùm verus Ecclesia pro iis ipsis oraret atque etiam offerret; idque  
probat ex S. Clemente lib. 8. Constit. Apostolic. c. 18. sic enim le-  
gitur ibi: *Adhuc offerimus tibi pro omnibus Sanctis, qui a sæculo tibi placuerunt;  
Patriarchis, Prophetis, iustis, Apostolis, Martyribus, Confessoribus. Sed mi-  
ser hic minister Caluinisticus non aduertit, hîc quidem offerri pro  
Sanctis illis glorificatis, at non pro iis orari. Offerri pro Sanctis bea-  
tis rectè potest, pro iis autem non licet orare, quia axioma est Ca-  
tholicum, Iniuriam irrogare Martyri qui orat pro Martyre; offerri  
potest verò pro iis sacrificium, non quatenus propitiatorium est &  
impetratorium, quasi pro iis qui iam beati sunt, aliquid quod eis de-  
sit ad salutem, postuletur: Sed offerri potest sacrificium ipsum, vt  
est latreuticum & eucharisticum, ad Deum cum eis adorandum, &  
pro iis glorificandum, cuius gratia ad æternam gloriam per tantas  
victorias & triumphos peruenerunt; quæ Dei dona sunt & gratiæ ac  
bonitatis eius opera gloriosa. Quamobrem S. Augustinus Tract. 84.  
in Ioan. & serm. 17. de verbis Apostoli rectè monet, *In Ecclesia sacrifi-  
cio honorificam Sanctorum memoriam fieri, sed non orari pro illis*, offertur e-  
nim pro eorum honore, sed non pro eorum salute; scimus enim quod  
ait Apostolus: *Sancti per fidem vicerunt regna, operati sunt iustitiam, adepti  
sunt repromissiones. Ideo apud ipsum Clementem, quem vel Molinæus  
non legit, vel si legit malignè dissimulat, proximè sequenti capite  
disertè ait Pontifex in altaris ipso mysterio, Memoremus Martyres san-  
ctos, vt mereamur certaminis eorum participes fieri. At pro iis qui purgantur  
adhuc post mortem, addit continuò, Precemur quoque pro iis qui in fide  
requiuerunt, pro iis, inquam, quia nondum beati sunt, sed expetunt  
Sanctis in gloria sociari. Cæcus est igitur Molinæus, qui hoc discrimen non videt apud eundem auctorem. Citat verò perperam in sui  
delirij munimentum, antiquas Liturgias & Patres, qui ei ex diametro**



aduersantur. Quamobrem cautè abstinuit à verborum eorundem expressione, sed facile est fraudem eius palam facere, in Liturgia S. Iacobi sic Sacerdos ait: *Sanctissima, intemerata, gloriosissima, benedicta Domina nostra Deigenitricis & semper Virginis Mariae, & omnium SS. qui tibi à seculo placuerunt memoriam celebrantes, nosmetipsos & inuicem atque omnem vitam nostram Christo Deo commendamus.* Vbi manifestum est honorificam tantum de iis mentionem fieri, & non pro iis orari, sed pro nobis sub eorum obtentu & patrocinio, vti etiamnum in Liturgia Romana dicimus post Sanctorum commemorationem, *quorum meritis precibusque concedas ut in omnibus protectionis tue muniamur auxilio. Per eundem Christum Dominum nostrum.* Sic in Liturgia S. Marci, oratur pro fidelibus defunctis per Sanctorum beatorum memoriam, & interuentionem Deo gratam, his scilicet verbis: *Animabus patrum & fratrum nostrorum, qui antea in Christi fide obdormierunt, dona requiem Domine Deus noster: memor Maiorum nostrorum, qui à seculo sunt, Patrum, Patriarcharum, Prophetarum, Apostolorum, Martyrum, &c. Imprimis sanctissima, intemerata, & benedicta Domina nostra, Dei genitricis & semper Virginis Mariae.* Porro in Liturgia S. Basilij, quam nominatim notat Molinæus, Sacerdos sic orat secretò: *Fac ut nemo nostrum ad iudicium vel condemnationem sit particeps sancti corporis & sanguinis Christi tui, sed inueniamus misericordiam & gratiam cum omnibus Sanctis, qui tibi à seculo placuerunt &c. Patriarchis, Prophetis, Apostolis &c. præcipue sanctissima, impolluta, perquam benedicta gloriosa Domina nostra Deipara & semper Virgine Maria.* Idem disertè habetur in Liturgia S. Chrysostomi, quam etiam Molinæus indicat, siquidem cum accepit Sacerdos secundam oblationem dicit: *In honorem & memoriam insigniuer benedicta & gloriosa Domina nostra Deipara & semper Virginis Mariae, cuius intercessionibus suscipe Domine sacrificium hoc in caeleste tuum altare &c. Venerandi quoque gloriosi propheta, præcursoris & Baptista, Sanctorum gloriosorum & omni ex parte benedictorum Apostolorum, sanctorum Patrum &c. Protomartyris Stephani &c. & omnium Sanctorum Martyrum &c. & iustorum Deiparentum Ioachim & Annae, Sancti N. cuius hodie festum agitur, & omnium Sanctorum, quorum precibus protege nos Deus.* Porro in Missa qua Æthiopes communiter vtuntur, quæ etiam appellatur, *Canon vniuersalis*, hac apostrophe Sacerdos Beatissimam Virginem Deiparam venerabundus compellat: *Letare Domina quia salutem deprecamur: O Virgo mater Dei & Christi in omni tempore effer sursum & in altum orationem nostram, apud electos \* filij tui, ut remittantur peccata nostra. Letare Domina, quia peperisti nobis lumen verum Iesum Christum Dominum nostrum; ora pro nobis apud eum ut misereatur animæ nostræ; ora pro nobis in conspectu throni filij tui Iesu Christi.* Deinde memoriam Sanctorum subiungit, & per eos Deum sic obsecrat: *Visita nos, & fac nos participes orationum eorum omnium.* In Missa antiquorum Christianorum apud Indos \* (qua vtuntur Christiani Episcopatus Angamallensis in montanis Mallabarici regni, apud Indos Orientales) Sacerdos postquam superposuit altari oblata sub silentio dicit: *Gloria Patri & Filio, & Spiritui sancto; super altare sanctum fiat commemoratio Virginis Mariae ma-*

\* Id est, inter electos, vel cum electis.

\* Extat correctio tom. 6. Bib. SS. PP. edit. Paris. an. 1624. p. 131. &c.

Notandum quod fuerit à Syriaco in Latinum sermonem conuersa &c. ann. 1599.



tris ipsius Dei & Domini nostri Iesu Christi. Diaconus respondet, *A seculo & usque in seculum, Amen & Amen*; Apostoli ipsius filij Dei & amici unigeniti, orate ut fiat pax in creatura. Sacerdos addit: *Dicat omnis populus Amen & Amen*: Subiungitque S. Thomæ Indorum proprii Apostoli specialem commemorationem, & supplet: *super altare sanctum cum iustis qui vicerunt, & Martyribus qui corona donati sunt*. Tantum verò abest, ut quicquam pro eis à Domino deposcat, qui cum de SS. Martyribus &c. facit etiam commemorationem, precem sic concludit: *Oremus ut ipsorum precibus & passionibus quas sustinuerunt, faciat nobis Deus cum eis spem optimam ac salutem: efficiamur quoque digni eorum commemorationibus benedictis & vniis ac veris promissionibus in regno celorum*. Sic & de SS. Doctoribus, ubi memoriam fecit, adiicit pro corollario: *Oremus, ut ipsorum intercessionibus veritas pura & sincera doctrina, quam ipsi docuerunt & professi sunt in omni Ecclesia sancta custodiatur, usque ad seculi consummationem*. Sed imprimis venerabilem agunt memoriam sanctissimæ Virginis, dicit enim Sacerdos: *Commemoremus autem Beatissimam Dominam Mariam, matrem Dei viui & Saluatoris ac redemptoris nostri: Oremus igitur ut Spiritus sanctus qui in ea habitauit, gratia sua nos sanctificet, & voluntatem suam in nobis impleat & veritatem suam in nobis signet, omnibus diebus vitæ nostræ*. Missa Mosarabe, qua Christiani ritus S. Isidori in Hispania olim Arabibus permixti, passim utebantur, & quæ etiamnum Toleti in Cathedrali Ecclesia & sex parochiis obseruatur, incipit hoc tenore, dicit Sacerdos indutus vestibus sacris: *Per gloriam nominis tui, Christe fili Dei viui, & per intercessionem Virginis Mariae, B. Iacobi, & omnium Sanctorum, auxiliare & miserere indignis seruis tuis, & esto in medio nostri Deus noster. Qui viuis & regnas in secula seculorum*. Respondetur, *Amen*. Atque de Liturgiis, quarum serie frustra errorem suum fulcire contendit Molinæus, satis superque. Iam verò quod Patres spectat, æquè peruium est ostendere, quam procul sint ab ea mente quam ipsis idem Molinæus appingit. S. Cyprianus ep. 24. morem Ecclesiasticum circa Martyrum solennem memoriam, hunc fuisse scribit, *Sacrificia pro eis* (loquitur autem de Celerina & aliis non ita diu coronatis in Africa) *semper, ut meministi offerimus, quoties Martyrum passiones & dies, anniuersaria commemoratione celebramus*. Ansam hinc arripuisse videtur Molinæus asserendi veterem Ecclesiam pro Sanctis etiam martyrio coronatis vota & preces ad Deum fudisse: sed quàm longè à mente ipsius B. Cypriani hinc palam est, quòd idem S. Cyprianus non vno loco docet Christi Martyres statim gaudiis supernis frui, v. g. ep. 16. & 26. hâcque ipsa epist. 24. ubi quos prædicat Martyres, aperte dicit, *palmas & coronas commeruisse*. Quid igitur amplius pro iis postulasset suis in sacrificiis Ecclesia? nisi duntaxat quod diebus eorum natalitiis, de eorum victoriis & triumphis, gratias Deo ipsorum coronatori referebat, ipsorumque memoriam sacris honoribus, perennique posterorum memoriæ ac venerationi obseruandam commendabat? Eundem ritum paucis insinuat verbis sua iam ætate florentem, magnus Tertullianus in libello aureo de Militis corona:

*Ibid. p. 105. &c.*

Oblationes, inquit, pro natalitiis annua die facimus. non dicit pro Sanctis ipsis, sed pro eorum natalitiis, id est pro eorum coronis & triumphis, quos Ecclesia speciali honore annuatim ipsa die qua victores de hoc mundo exierant, recolebat. Cyrillus Hierosolymitanus Cateches. 5. Mystag. luculentum profert nobis testimonium de vero hoc offerendi pro Sanctis gloriosis sacrificij sensu, à prece pro ope eis aliqua postulanda certè remotissimo, cum & ipsos tam celebri more fuisse commemoratos, ut nos suis orationibus apud Deum adiuuent, patenter doceat & testificetur: *Et hoc sacrificium tibi offerimus* ( inquit, verba ipsa Liturgiæ Hierosolymitanæ seriatim referens ) *ut meminerimus etiam eorum qui ante nos dormierunt, imprimis Patriarcharum, Prophetarum, Apostolorum & Martyrum, ut Deus orationibus illorum, & deprecationibus suscipiat preces nostras.* S. Augustinus idem prorsus monet & asseuerat Tract. 84. in Ioan. *Ideo, inquit, ad mensam Domini non sic Martyres commemoramus quemadmodum alios qui in pace requiescunt, ut etiam pro eis oremus: sed magis ut ipsi orent pro nobis.* & serm. 17. de verbis Apostoli, *Habet, inquit, Ecclesiastica disciplina, cum Martyres eo loco recitentur ad altare Dei, ubi non pro eis oratur.*

Sed hinc fortè quispiam pro Molinæo instabit. In Romana Ecclesia oratur in ipso sacrificio pro sanctis defunctis, scilicet paulo ante Canonis præfationem, hac Sacerdotis deprecatione: *Suscipe sancta Trinitas &c. hanc oblationem quam tibi offerimus in memoriam passionis, resurrectionis, & ascensionis Domini nostri Iesu Christi, & in honorem B. Virginis Mariæ, B. Ioannis Baptiste sanctorum Apostolorum Petri & Pauli, & istorum* ( quorum scilicet hinc sacræ reliquæ positæ sunt ) *ut illis proficiat ad honorem, nobis autem ad salutem.* Item in hac collecta post communionem, *Sumpsimus Domine sancta mysteria, quæ sicut Sanctis tuis profuerunt ad gloriam, ita nobis quæsumus proficiant ad medelam.* & in vigilia S. Andreæ Apostoli: *Perceptis Domine Sacramentis suppliciter exoramus, ut intercedente Beato Andrea Apostolo tuo, quæ pro illius gerimus veneranda passione, nobis proficiant ad medelam.* Verùm non difficilis est ad hanc objectionem responsio. Innocentius III. in cap. *Cum Martha.* de Celebrat. Missarum. rectè dicit, *Non prodesse sacrificium Sanctis ut saluentur, cum iam sint beati: sed ad hoc ut magis à fidelibus in terris glorificentur.* Nec est quòd in odium Sedis Apostolicæ, responsum hoc Innocentij Papæ Nouatores aspernentur, atque ut accommodatum ad superstitiones, ut dicunt, Romanæ Ecclesiæ reiiciant: idem enim Græcis sensus ac consensus eadem de re prorsus est. Audiendus Nicolaus Cabasilas in Exposit. Liturgiæ c. 33. *Sunt, inquit, Ecclesiæ agendarum Deo gratiarum causa, pro iis offert rationabilem hunc cultum tanquam Deo gratiarum actionem.* Et infra; *Propterea nihil pro eis orat Sacerdos, sed potius eos orat ut ab eis orationibus adiuuentur; quia non ad supplicationem, sed ad gratiarum actionem ut dictum est pro ipsis donorum oblationem facit, in eorum gloriam.* scilicet externam, non verò essentialem, quam feliciter sunt adepti: ideo in oratione recitata S. Andreæ, oblatum Deo sacrificium legimus pro eius veneranda passione: *Festinitates enim Sanctorum A-*

Extat Biblioth.  
SS. PP. tom. 2.  
Gracolat. edit.  
Parif. ann.  
1624. p. 243.  
col. b. in med.

*postolorum & Martyrum* (inquit S. Augustinus lib. 20. cont. Faust. c. 22.) *antiqui Patres in venerationis mysterio celebrari sanxerunt ad excitandam imitationem, & ut meritis eorum associemur, atque ut orationibus adiuuemur; ut Deo (sicut alio loco dicit) gratias debitas referamus pro illorum victoriis & triumphis. Populus Christianus memorias* (inquit lib. 20. contra Faust. c. 21. & lib. 8. de Ciuit. Dei, c. 27.) *Sanctorum Martyrum religiosa solennitate concelebrat, ut ea celebritate, & Deo vero de illorum victoriis gratias agamus, & nos ad imitationem talium coronarum atque palmarum, eodem inuocato in auxilium, ex eorum memoria renouatione adhortentur.*

## ARTICVLVS II.

*De fidelibus defunctis in Purgatorio detentis.*

**C**VM Pontifex ordinando Sacerdotem ei dicit, *Accipe potestatem offerre sacrificium Deo, Missasque celebrare, tam pro viuis quam pro defunctis.* dubium esse non potest, quin de iis defunctis propriè intelligat qui in recta fide obierunt, atque nihilominus quibusdam leuibus piaculis aspersi in purgatorio emundantur, donec ab omni labe expiati diuinæ sint tandem quam summoperè exoptant, visionis & fruitionis compotes. Negant (ut cuique notum est) temporis huius sectarij purgatorium, negant & sacrificium. Quapropter nec mirum est si subsidium & solatium quod defunctis fidelibus ex sacrificio comparatur & conciliatur, pertinaciter abnuunt & impugnant. Iam anni 1200. & supra sunt, cum auctor huius hæresis, quam renouant, primus apparuit. Fuit hic Aërius qui in furorem abreptus, eo quod Episcopatum obtinere nitendo, repulsam passus fuerat: docere cœpit Episcopos & Presbyteros esse omnino æquales, indicta ab Ecclesia ieiunia & festa seruanda non esse, denique neque sacrificium esse offerendum pro defunctis, quemadmodum testatur S. Epiphanius hæres. 75. & S. Augustinus hæres. 53.

Hæresis est igitur ab antiqua Ecclesia in Aërio condemnata, asserere quòd pro fidelibus defunctis non sit orandum nec offerendum. Nouatores sectarij hoc ipsum dicunt & contendunt; iudicio igitur primitiæ Ecclesiæ notâ hæreseos sunt inusti. Sed Molinæus ut hoc dedecus amoliat, enixè contra Cardinalem Perronium laborat, nititurque variis effugiis & artificiis S. Epiphaniij testimonium eludere. Fatetur primùm numerari inter hæreticos Aërium, & inter eius hæreses hanc recensere, quòd docuerit preces quæ fiunt pro defunctis fidelibus, inutiles & superuacaneas esse. Quæ confessio sufficit ad Molinæum cum suis asseclis damnandum hæreseos, ex iudicio primitiæ Ecclesiæ, idem enim prorsus cum Aërio & suis similibus sentit: accedit porro ad robur latæ sententiæ quod ipse S. Epiphanius \* suo ex priuato arbitrio non loquitur, sed refert duntaxat iudicium peremptorium Ecclesiæ, quemadmodum & S. Augustinus & S. Damascenus, qui eadem ducti auctoritate iudicij Ecclesiæ vniuersalis, Aërium propter hoc impium dogma vnanimiter inter hæreticos recensuerunt, non ut Do-

\* Aërius adhuc, cum hæc de eo scriberet S. Epiphanius, in viuis erat, ut ipse S. Epiph. loco signato scribit.



ctores aut iudices, sed vt testes omni-exceptione maiores, sensûs & consensûs Ecclesiæ Catholicæ.

Vnde ridiculum est quod subinde Molinæus ait, S. Epiphanium dissertatione subiuncta, nihil dicere quod purgatorium suadeat aut confirmet, his enim argumentis ritum confirmare orandi pro mortuis.

I. Vt qui viuunt, hinc sibi planè persuadeant, mortuos nostros viuere, nec in nihilum esse redactos, sed existere adhuc, atque apud Deum viuere. ita quidem; sed quid tum? Nónne hoc Ecclesia Catholica etiamnum non credit? quæ in inuitatorio nostro officij defunctorum, tanta celebritate pronunciat, *Regem cui omnia viuunt, venite adoremus*. Sanè defuncti, pro quibus preces & sacrificia offeruntur, si essent in nihilum redacti, *superfluum & vanum videretur orare pro mortuis*, prout liber 2. Machabæorum (c. 2.) à Molinæo ipso allegatus rectè concludit.

II. Quia addit S. Epiphanius religiosissimum hoc dogma prædicandum esse, quo qui pro fratribus precantur, bene de iis sperare constat, quasi peregrè profectis. At hoc ipsum dogma orandi & offerendi pro ipsis confirmatur; si enim adhuc sunt in via, ergo nondum in patria, quamobrem, vt ad finem quò tendunt citò perueniant, piè & conuenienter oratur.

III. Ait Epiphanium dicere, quæ concipiuntur preces pro mortuis, iis utiles esse, tametsi non omnes culpas extinguant. At hoc ipsum Ecclesia docet, viuorum suffragia pro defunctis, leuioribus culpis medelam afferre; Porro reis grauium peccatorum, id est in mortali reatu de hac vita egressis, non conferre subsidium. Iuxta quod S. Ioannes scribit esse *fratris peccatum non ad mortem, pro cuius venia unusquisque orare potest, nam dabitur venia*. *Si sit autem peccatum eius ad mortem, non (inquit) dico pro illo, vt roget quis*. Diuinè ad hæc S. Augustinus serm. 34. de verbis Apostoli: *Orationibus sanctæ Ecclesiæ & sacrificio saluari & eleemosynis, quæ pro eorum spiritibus erogantur: non est dubitandum mortuos adiuuari, ut cum eis misericordiùs agatur à Domino, quàm eorum peccata meruerunt*. HOC ENIM A PATRIBVS TRADITVM VNIVERSA OBSERVAT ECCLESIA, vt pro eis qui in corporis & sanguinis Christi communionem defuncti sunt, cum ad ipsum sacrificium loco suo commemorantur, oretur, ac pro illis quoque offerri commemoretur. Cum verò eorum commemorandorum causâ, opera misericordie celebrantur, quis eis dubitet suffragari, pro quibus orationes Deo, non inaniter allegantur? Non omnino ambigendum est ista prodesse defunctis; sed salibus qui ita vixerunt ante mortem, vt possint iis hæc utilia esse post mortem. Nam qui sine fide quæ per dilectionem operatur, eiusque Sacramentis, de corporibus exierunt, frustra illis à suis huiusmodi pietatis impenduntur officia, cuius dum hîc essent, pignore caruerunt, vel non suscipientes, vel in vacuum suscipientes Dei gratiam, & sibi non misericordiam thesaurisantes, sed iram.

IV. Ait Molinæus, Epiphanium docere quòd preces quæ pro defunctis fiunt, indicio esse, illos cum hîc viuerent, ad perfectionem non peruenisse, sed imegisse sapius. Ita quidem est, nam Ecclesia pro iis orando, veniam leuium eiusmodi culparum deposcit, purgandisque quibus aspersi sunt maculis, docet ideo adhiberi. Hæc sanè est



fides Ecclesiæ, hancque & genuinè refert & graphicè depingit S. Epiphanius, iis ipsis verbis, quæ legit quidem Molinæus, sed non intellexit.

\* Οὐρανὸν δὲ καὶ ἅ-  
ντ' αὐτῶν (παιδ-  
ποιστῶν) ἱερομόν-  
αχον, οἱ δὲ τὰ ὁ-  
λα ὅτι αὐτοὺς ἀποκα-  
τοῦν μὴ ἀποκατα-  
σῆναι, καὶ διὰ τὸ  
πολλὰ καὶ ἐν κέ-  
σθαι ὁμοῦς ὅτι τὰς  
συνάλλακτας ἀπο-  
σῆναι τὰς ἐκκλησίας,  
ἵνα τὸ ἐκκλησιαστικόν  
σημαίνει. καὶ γὰρ δι-  
καιοὶ πνευματικῶς  
τῶν καὶ ὁμοῦ, καὶ ἁ-  
μαρτωλοῦν. καὶ ὁ  
μὲν ἁμαρτωλὸς, καὶ ὁ  
καὶ ἱεὺς Θεοῦ  
διόμνηται.  
S. Epiphanius. he-  
res. 75. quæ est  
Aerij.  
2. Timoth. 1.

\*Ceterum quæ pro mortuis concipiuntur preces, iis utiles sunt, tamen si non omnes culpas extinguant (si quæ essent scilicet mortales,) verum ex eo pro sunt quod plerumque dum adhuc in terra degimus, sponte aut inuiti ritabemur, ut id quod perfectius est, significetur; nam & iustorum pariter & peccatorum mentionem facimus: ut iis à Domino misericordiam imploremus. Quæ verba perfidè Molinæus refert, Regardans (ait) à la miséricorde de Dieu. Cum vertere debuisset, Pour leur implorer la miséricorde de Dieu. Quid pro fidelibus peccatoribus per preces, & sacrificia iuuandis ad impetrandam diuinam misericordiam expressius dici potest? Veruntamen hinc adhuc Molinæus cauillatur, sic enim sancti Epiphaniij apertum sensum corrumpit & in transuersum detorquet: Quoad alios (à Prophetis, Apostolis, Martyribus) dicit Epiphanius pro iis quidem orari habito respectu ad diuinam misericordiam, siue quam sunt iam consecuti, siue quam iis facturus est in die iudicij, quemadmodum scribit ad Timotheum Sanctus Paulus, det misericordiam Dominus Onesiphoro (seu ut habet textus Apostoli, Onesiphori domui) quia sæpè me refrigerauit, det illi Dominus misericordiam inuenire à Domino in die illa? Sed delirat hinc planè Molinæus, loquitur enim hic Apostolus de homine viuento & eius domesticis; At S. Epiphanius de fidelibus defunctis, pro quibus ait misericordiam imploramus. Non igitur illam quam iam consecuti sunt, ut insulsè Molinæus exponit, nec quæ ad diem vsque iudicij proteletur, sed quæ præsentaneam confert opem & promptum in pressura positis solatium. Nam loquitur Epiphanius de tempore præsentis. Ceterum, inquit, quæ pro mortuis concipiuntur preces, iis utiles sunt &c. Et paulò infra dicit: Nos pro illis oramus, ut iis à Domino misericordiam imploremus; Quos scilicet à Sanctis beatis manifestè distinguit, hos quidem vocans iustos, illos autem peccatores, quia scilicet pœnis quibus ob peccata sua obstricti sunt (iam licet culpâ remissâ) affliguntur.

Porro ex accurata descriptione testimonij S. Epiphaniij planè patet, Molinæum qui de singulari mentis acumine tantoperè gloriatur, hinc prorsus hebetem, vel certè cæcum se prodere. Quid (inquit) in Epiphaniij dictis conferat pro purgatorio non perspicio. At quisquis non videt S. Epiphanium, doctrinam Ecclesiæ de purgatorio, præximque eius totam orandi & offerendi pro fidelibus defunctis toto loco quem expressimus, asserere & confirmare, planè cæcum esse & stupidum oportet, ut constat ex dictis.

Pergit tamen Molinæus, & ab Epiphanio transit ad Dionysium Hierarchiæ Ecclesiasticæ auctorem, quem etsi non Arcopagitam agnoscit, fatetur tamen auctorem esse perantiquum, suspicaturque circa annum 400. floruisse, doctumque & utilem esse ait. Ceterum ex cap. 3. Hier. Eccles. locum affert, ex quo persuadere nititur ex quo oratum fuisse in diuino mysterio, deprecatione quæ fiebat super sacra diptycha: pro Sanctis iam beatis & aliis fidelibus carne exu-

tis. *Ex dictis Dionysij palam est, inquit, quòd illa oratio quæ tum fiebat pro mortuis, pro personis sanctis & iam beatis fieri consueverat: & non ad extrahendum illas ex purgatorio &c.* Semper enim Molinæus in crasso illo errore versatur, quem superiori articulo confutauimus, commemorationem Sanctorum beatorum quæ fiebat in diuina Liturgia fuisse consimilem deprecationi quæ pro aliis fidelibus defunctis proferri à Sacerdote consueuerat. adeo ut non vereatur hoc paradoxum SS. Patribus, præsertim verò S. Epiphanio imponere. Immunem ab eo Epiphanium iam ostendimus, Dionysium quoque eius expertem haud minùs facile est demonstrare; sanè toto loco quem citat Molinæus, nihil nisi de Sanctis beatis & gloriosis S. Dionysius eloquitur, pro quibus fundi preces à Pontifice, vel Sacerdote ne minimo quidem verbo diuinus hic auctor significat. Integrum locum \* ex Græco in margine descripsimus, ut imposturam Molinæi studiosus veritatis lector perspiciat. Tantum verò abest ut B. Dionysius pro iis orari vel offerri consueuisse ad eos iuuandum insinuet, quin potius honoris tantùm causâ & imitationis in diuino sacrificio eosdem commemorari disertissimè testatur, quos prædicat nequaquam mortuos, sed ex morte ad vitam diuinissimam translatos, in iisque impletum ait hoc diuinum oraculum: \*\* *Preiosa in conspectu Domini, mors Sanctorum eius, morte eorum pro sancta consummatione accepta; qua indiuiduam cum Deo coniunctionem & unionem sacratissimam & supermundialem (id est cœlestem) adepti sunt.* At longè propter aliam rationem pro aliis fidelibus defunctis orationem fudisse Pontificem, S. ipse Dionysius eodem lib. de Eccles. Hierarch. c. 7. part. 3. ex virenti praxi declarat, his verbis, \*\*\* *Accedens deinde venerandus Antistes, præcem sacram super mortuum peragit, (exequias enim ritu Christiano recitat) precatur oratio illa diuinam clementiam, ut cuncta dimittat per infirmitatem humanam admissa peccata defuncto, cùmque in luce statuat & regione viuorum.*

Ad S. Augustinum hinc progreditur Molinæus (sibi tamen hac in causa inuisum:) *S. Augustinus*, qui scribebat (inquit) circa annum 420. primus fuit qui docuit, non esse orandum pro SS. mortuis. Et quod quisquis pro Martyre rogat, ipsi Martyri irrogat iniuriam: Ideoque nihil aliud esse preces quæ fiunt quum ad altare nominantur, quàm meras gratiarum actiones. Sed hoc falsum esse superiori articulo, ubi agimus de Sanctorum beatorum in diuino sacrificio commemoratione, manifestè euicimus. Quamobrem haud necessum est tâ apertæ imposturæ refellendæ diutius hîc immorari.

Pergit iterum attamen Molinæus: Hoc, inquit, quod de Augustino dixi, verum esse ex eo patet, quod veteres orabant pro iis animabus quæ in placido somno dormiebant, proinde quæ in tormento ullo esse nequiquam credebantur. Quæ precationis formula etiamnum superest Canoni Missæ his verbis inserta. Quotidie enim Sacerdos dicit, *Memento Domine famulorum famularumque tuarum, qui nos precesserunt in signo fidei, & dormiunt in somno pacis.* Quæ dum fit deprecatio, submissa voce mortuorum nomina recitat, pro quibus propinqui vel amici pecuniam aliquam dependerunt, ut Missa illa proficiat,

[illegible]

G g g ij

\* Τῶν δ' ἱερῶν πινυ-  
χόντων μὲν ἐξ ἑλάνης  
ἀνέβησαν, ἀνακα-  
ρίπτεται δὲ οἷον βι-  
βιωκότας, καὶ πρὸς  
ἰσχυρίτου ζωῆς πι-  
νύοντων ἀμυταχά-  
τοι ἀφικερμόους ἡ-  
μας εἰ, ὅτι τὴν δι-  
ομολογητὸς αὐτῶν  
μακαρίσιν ἔστιν  
θροιστὴν ἡλίου πα-  
ρῆσιν, καὶ χροισ-  
ταχόους, τὸν δ' ὡς  
ζῶντας ἀνακρυπτι-  
σαι, καὶ ὡς διολογία  
φῆσι, ἡ περὶ διό-  
της, ἀλλ' οἱ δὲ διολο-  
γῆται τὴν ζωὴν ἐν δι-  
ομολογίᾳ μεταφυσί-  
σται. Σκόπει δὲ,  
ὅτι καὶ μεμνησμένοι  
ἱστορίας ἀνατίθενται,  
καὶ διὰ μάλιστα ὡς  
ἀφροσύνης ἐν τῇ  
τῇ μεμνηστικῇ πα-  
ρῆσι διολογίας,  
ἀλλ' ὡς αὖτε περὶ  
διολογίας, καὶ τῇ  
ἐν τῇ τῇ περὶ δι-  
ολογίας διολογίας πρ-  
ομῆς καὶ ἀμυταχά-  
τοι. Εἴρηκα δὲ  
(ἱστορία λέγεται) πᾶς  
οἷος αὐτῶν.

\*ΚΑΙ ΤΙΜΩΣ ΕΣΤΙ-  
ΝΟΝ ΚΑΙΝΑ ΘΕΟΛΟΓΙΑΣ  
Τ' ΕΣΤΙΝ ΑΝΤΙΤ' ΑΝ-  
ΤΑΤΟΥ Τ' ΕΣΤΙΝ ΑΝΤΙ  
Τ' ΕΘΕΟΘΕΤΗΤΑΙ ΛΟ-  
ΓΙΣΤΕΣ ΗΡΕΜΩΝ. ΚΑΙ  
ΤΕΤΟΙ' ΙΕΡΩΝ ΘΕΟΘΕ-  
ΣΤΗΝ, ΟΠΠΙΘΙΝΤΩΝ  
ΤΩ ΘΕΩ ΣΥΝΑΝΤΗ-  
ΣΙΝ ΣΕΒΑΣΜΩΝ  
ΣΥΜΒΟΛΩΝ, ΔΙ' ΑΥΤΟ  
ΧΕΙΡΩΣ ΣΗΜΑΙΝΕΙ) Ε-  
ΜΠΙΣΧΕΤΑΙ, ΠΕΡΙΤΟ  
ΑΔΙΑΣΤΩΣ Η Τ' Α-  
ΓΙΣΤΗ ΑΠΟΧΑΡΑ, ΤΟ  
ΣΑΝΤ' ΑΔΥΝΑΜΕΩΝ ΑΝ-  
Τ' ΑΔΙΑΥΡΙΤΩΣ ΕΜ-  
ΦΑΝΙΣΑΤ' ΑΝΤΙΣ ΑΝ-  
ΤΩΝ ΑΝΤΙΘΕΣΑΙΝ Ε-  
ΙΕΡΩΝ ΕΝΘΕΣΤΩΣ. S.  
Dionys. c. 3. de  
Eccl. Hierarch.  
edit. Anmerp. p.  
294. & 295. §. 9.  
Comm. SS. quid.  
\*\*\* ΕΙΤΕ ΘΕΟΘΕ-  
ΣΤΗΝ ΙΕΡΕΙΩΣ, ΕΥ-  
ΧΛΩ ΙΕΡΩΝ ΕΠΙ ΤΩ  
ΚΑΘΕΜΕΝΩΝ ΠΟΙΕΙ-  
ΤΑΙ ΕΥΧΕΤ' ΕΥΧΛΩ  
ΑΥΤΟΣ ΤΟ ΙΕΡΕΙΩΣ  
ΑΝΤΩΝ ΑΝΤΙΤ' ΕΙ, ΕΙ

afferatque solatium iisdem spiritibus defunctorum, qui in igne purgatorio cruciantur. Clausula hæc non sine arcano Dei nutu in Missa permansit ad purgatorium condemnandum, neque enim ulla est scintilla rationis, cur quoduis pretium tribuatur, ad excitandum animas quæ in somno pacis requiescunt: aut qua quisquam sibi persuadere possit, animas quæ in igne torquentur septies usuali nostro ardentiore: in tanto hoc cruciatu, posse in somno pacis conquirere? Hæc Molinæus qui præter ironias & impiam dicacitatem nihil noui isto loco dicit. Lutherus enim (hæreticorum omnium recentiorum antesignanus) in lib. de abroganda Missa, verba illa canonis, *Memento etiam Domine famulorum, famularumque tuarum N. qui nos precesserunt in signo fidei, & dormiunt in somno pacis &c.* Sic impugnat ut secum pugnare hanc orationem & seipsam destruere argutetur. Nam sic oratur, inquit, pro iis qui dormiunt in somno pacis & qui in Christo requiescunt, & tamen eis Sacerdos bene precatur locum refrigerij, lucis & pacis; si dormiunt ac requiescunt, quid illis refrigerium petit; si pacem habent, cur pacem illis postulat? Cui obiectioni hunc in modum Cardinalis Bellarminus solita perspicacitate & soliditate respondit: Pacem illi quandam & quietem habent, quia certi & securi sunt de præmio æternæ felicitatis, & quia liberi sunt à bello tentationum & concupiscentiæ, & ab omni opere malo: Sed nondum pacem & quietem habent à tormentis & à desiderio visionis diuinæ. Nec poterat aptius hæc oratio componi, ut solis iis conueniret qui in purgatorio degant; Nam qui sunt in gehenna, ij nullam pacem & quietem habent; ij qui sunt in regno omnem pacem & quietem possident; qui in purgatorio exercentur, ita in somno pacis requiescunt, ut adhuc refrigerio & pace indigeant. Hæc doctè & appositè Bellarminus. Cuius dictis, maior tantum illustrationis causâ addi potest, sic Dominum ipsum, ut Ecclesiam hæreticæ in hac parte canonis reprehendunt, in suo Euangelio ab iis posse reprehendi. Dicit Apostolis Dominus, paulò ante passionem suam, *Pacem meam do vobis, pacem meam relinquo vobis*, Ioan. 14. 27. & mox eisdem dicit c. 15. *Amen dico vobis, quia plorabitis & flebitis vos, mundus autem gaudebit.* Si enim pacem habent, & quidem Christi pacem (quæ, ut ait vas electionis, exuperat omnem sensum) quomodo & cur plorabunt & flebunt? si ita futuri sunt tristes & mæsti, afflicti & angustia, ut mulier quæ parit, prout dicit ibidem Dominus: quomodo tantum gaudium ac donum pacis possidebunt? quod ut promittit eis Dominus, ab ipsis nemo possit auferre. Pugnare hæc profectò inuicem videntur: sed tamen non pugnant, at bene conueniunt, ut ex sequentibus Domini verbis colligitur: *Hæc (inquit) locutus sum vobis, ut in me pacem habeatis; in mundo autem pressuram habebitis, sed confidite, ego vici mundum.* Ioan. 15. 33. Pacem igitur habebant cum Deo, sed bellum cum mundo; pacem in corde, bellum in corpore; pacem à vitiis & animi perturbationibus, bellum cum impiis & persecutoribus, à quibus ob Christi nomen & fidem tanta odia, tanta tormenta erant perpeffuri. Sic planè in sacro canone animæ fidelium pro quibus oratur, dicuntur dormire in somno pacis, non quia exemptæ sint à purgatorij pœnis, sed quia iam animi nulla perturbatione vexantur, nul-

Philipp. 4. 7.



lis vitiorum stimulis agitantur, & quamuis sic paternis flagellis exerceantur, vitam æternam nihilominus cum omni securitate expectant.

Hac ratione & comparatione, quicquid effutiit suprà Molinæus aduersus celebrem illam precationem pro defunctis, facile euanesceat; Sed hinc tamen habeo quo Sacerdotes admoneam. Carpit eos passim hic scurra Calvinisticus, de turpi lucro; arguitque semper auaritiæ, & ex hoc in contemptum traducit, quòd Missæ sacrificium nonnisi illecti vili pretio concelebrent. Hic taxat insuper crudelitatis impiæ, nimirum eò quòd eorum dumtaxat fidelium defunctorum in loco generalis commemorationis memoriam faciant, quorum propinqui aut amici propter hoc conciliandum suis consanguineis aut amicis solatium, ipsis Sacerdotibus pecuniam persoluerunt; cæteris defunctis qui propinquorum diuitum cura & subsidio destituuntur, in prefura flammæ sine vlla compassione perpetuam in obliuionem relictis. Absit vt de iis mihi hoc persuadeam, *qui corpus sanguinemque Domini sacro ore conficiunt*, & Christi vicem gerunt, sùntque ab eo ministri humanæ reconciliationis, & dispensatores non modò mysteriorum Dei, sed etiam donorum ac munerum constituti; si qui sunt tamen, qui minus officij sui hætenus fuerint hac in parte memores, quàm par esset: eos enixè oratos velim, vt tenorem sacri Canonis accuratiùs attendentes, apud se recogitent, non esse intentionis Ecclesiæ vt tantùm pro specialibus amicis defunctis, aut iis qui ab aliis sibi nominatim commendati sunt, fundant preces. Canon enim disertè habet post quosdam nominatos arbitrio Sacerdotis, vt suppleat generaliter pro aliis cunctis fidelibus piam & feruentem obsecrationem, sequitur enim, *Et omnibus in Christo quiescentibus, locum refrigerij, lucis, & pacis, vt indulgeas, deprecamur.* Si remunerationem præstiti pauperculis his animabus solatij cupit, *quæ hominem non habent, à quo immittantur in piscinam:* Ioan. 5. pergat nihilominus & non desinat his suâ prece opitulari: Dominus enim qui dixit Abrahæ, *ego sum merces tua magna nimis*, illi officium Genes. 18. charitatis retribuet abundanter, iuxta promissum suum, ait enim per Prophetam, *Beatus qui intelligit super egenum & pauperem, in die mala liberabit eum Dominus.* Psal. 40.

Cæterùm egenæ illæ ipsius opis & pauperes animæ, liberatæ è suo carcere aliquando per misericordiam Dei, à Sacerdote pio hoc suffragio & optimo subsidio conciliatam, ei non erunt ingrata, sed iunctæ Deo in regno gloriæ, vicem ei ultro rependent, deprecantes intercessione sedula, pro ipsius salute, *mensuram bonam, & confertam, & coagitatam, & superfluentem dabunt in sinum eius.* Luc. 6. 38. Exemplum illustre huius gratitudinis in nostro Martyrologio Gallicano, & obseruationi præsentium, & memoriæ piæ posteritatis consignauimus 8. Kal.

\* Octobris, vbi de S. Isarno Abbate Massiliensi, hac verborum serie: \* 24. Septemb. *Qui patria Tolosanus per gradus humilitatis ad virtutum culmen conscendit, charitatèque feruens immensa, Lerinenses Monachos captiuos deductos in Hispaniam ab impia seruitute redemit; miseratusque eorum qui à carnificibus interficiuntur, procurando illorum spirituum solatio, sacrificia diuinæ Maiestati fre-*



quenter obtulit; *Qua pietate meruit, ut pleraque absoluta à purgatorij carcere animæ, ipsi gratias rependerent dum liberata ad cælum euolarent.*

## ARTICVLVS III.

*De Damnatis.*

*In 4. sentent.  
dist. 45.*

**S**UPERVACANEVM esse videtur discutere, An pro damnatis orandum sit & offerendum, cùm vnanimis sit Theologorum sententia, his illos suffragiis non posse iuari, nec aliis quibuscumque subsidiis, scilicet quia & culpæ damnatorum sunt irremissibiles, & pœnæ æternæ. De culpis patet ex Scriptura, Eccles. 14. 17. *Ante obitum tuum operare iustitiam: quoniam non est apud inferos inuenire cibum; id est gratiam & vitam. cui consonat illud Euangelicum, Venit nox quando nemo potest operari.* Ioan. 9. 4. Et Matth. 12. 13. *Qui peccauerit in Spiritum sanctum, non remittetur ei neque in hoc sæculo, neque in futuro.* Peccatum igitur impœnitentiæ, in qua reprobi moriuntur, perpetuò est irremissibile, & proinde non potest in inferno culpa illa remitti. Quòd verò pœna, cui ideo addicti sunt, sit æterna, Scripturæ itidem passim & euidenter docent. Ps. 48. *Sicut oves in inferno positi sunt, mors depascet eos; non dicitur eradicabit, sed depascet, quia pœnæ eorum in æternum pullulabunt.* Isa. 66. *Vermis eorum non morietur, & ignis eorum non extinguetur.* Et Iob. 10. *Vbi \* sempiternus horror inhabitat.* Iudith 16. *Dubit ignem, & vermem in carnes eorum, ut urantur & sentiant usque in sempiternum.* Hinc Dominus ad reprobos, Matth. 25. *Ite maledicti in ignem æternum?* Hinc Patres disertè dicunt nullis posse suffragiis damnatos adiuuari: S. Clemens lib. 8. Constit. c. 13. & seqq. S. Dionysius de cœlesti Hierarchia: S. Augustinus lib. 21. de Ciuit. Dei, c. 13. & seqq. & lib. de cura pro mortuis, c. 1. & 18. inde etiam Concilia prohibent vel preces vel sacrificia pro reprobis offerri; siquidem Concilium Bracharense I. \* c. 34. & Triburiense, c. 31. expressè decernunt, ne pro iis qui decedunt in actuali peccato, vllum adhibeatur suffragium: *Nulla pro iis in oblatione commemoratio fiat, (ait Bracarenensis Synodus) neque cum psalmis ad sepulturam eorum cadauera deducantur.* Et can. seq. *Item placuit, ut Catechumenis sine redemptione baptismi defunctis, simili modo, non oblationis commemoratio, neque psallendi impendatur officium.* Triburiensis verò Synodus loquens de peccatoribus impœnitentibus, qui in suis sceleribus moriuntur. *Nullus pro eo (qui est huiusmodi) præsumat orare aut eleemosynam dare &c.* B. Augustinus de talibus horribilem profert sententiam dicēs, *Nemo te post mortem fidelium redimit, quia tu te redimere noluiisti.*

\* Sub Ioan. III.  
Papa ann. 563.  
inter Capitula  
canonibus sub-  
iuncta est n. 16.

## ARTICVLVS IV.

*De Infidelibus, & Impiis.*

**M**ISSA est sacrificium vetum, sacrificij crucis representatiuum & applicatiuum; propitiatorium ideo & impetratorium. Quibus ex titulis consequitur offerri posse pro iis omnibus pro quibus

Christus in cruce oblatus est. Atqui Christus sese Patri obtulit & immolauit pro omni genere humano; *Christus enim pro omnibus* (ait Apostolus 2. Cor. 5. 15.) *mortuus est*, non tantum igitur pro iis qui sibi adhærebant, & qui credebant in eum: sed etiam pro Iudæis incredulis & Romanis, Ethnicis ac infidelibus, unde de iis promiscuè ait dum erat in cruce, *Pater dimitte illis quia nesciunt quid faciant*; ad quæ diuina verba scitè S. Leo Luc. 23. 34. *serm. 10. de passione Domini, Admisit in se* (inquit) *impias manus fuerunt, quæ dum proprio incumbunt sceleri, famulata sunt redemptori. Cuius etiam circa interfectores suos tanta erat pietatis affectio, ut de cruce supplicans Patri, non se vindicari, sed illis postularet ignosci. Quinam erant Christi interfectores? Iudæi sanè & Romani, sed dissimili modo: de Iudæis notum est illud B. Stephani increpantis eos, Quem prophetarum non sunt persecuti patres vestri? & occiderunt eos qui prænuñciabant de aduentu iusti, cuius nunc vos proditores & homicidæ fuistis. Act. 7. 52. Sic ad eisdem Petrus: Petistis virum homicidam donari vobis, auctorem verò vitæ interfecistis, Act. 3. 15. sed quomodo interfecerunt? Non licet nobis* (aiebant) *interficere quemquam: Et de facto eum non crucifixerunt. Quomodo igitur eum occiderunt? Appositè ad hoc postulatum respondet S. Augustinus, sup. Ps. 63. ad v. 1. Non dicant* (inquit) *Iudæi non occidimus Christum. Etenim propterea eum tradiderunt Iudæi Pilato. Ille dixit in eum sententiam, & iussit eum crucifigi, & quasi ipse occidit. Et vos ô Iudæi occidistis: unde occidistis? gladio linguæ. Acuistis enim linguas vestras; Et quando percussistis? nisi quando clamastis crucifige, crucifige. At S. Petrus ut eos facilius ad poenitentiam inducat, spem eis facit veniæ; Et nunc fratres scio* (inquit) *quia per ignorantiam fecistis, sicut & principes vestri. quasi diceret, animum tamen propter tantum facinus ne despondeatis; Peccastis scio, per ignorantiam. ideo ipse Christus qui morte sua nobis peperit vitam, etiam pro vobis in cruce postulauit à patre indulgentiam: Pater* (inquit) *dimitte illis quia nesciunt quid faciant. At non pro Iudæis tantum incredulis qui gladio linguæ ipsum occiderunt, Christus patiens in cruce Patrem obsecrauit, sed etiam pro militibus Romanis, ethnicis & infidelibus qui ipsum de facto, manibúsque propriis crucifixerunt: Oravit enim* ait S. Leo, *pro interfectoribus suis. at isti fuerunt qui eum cruci affixerunt, & pro quibus tanta cum pietate rogabat, ignosce illis Pater* (ait) *quia nesciunt quid faciant. Doctè hîc & eleganter Simon Cassianus, lib. de pass. Sciunt, quia crucifigunt: ignorant quem crucifigunt, Romani enim erant, aut de gentibus incircumcisis ministri & milites Pilati qui hoc ministerium exercebant, & nutriti sub cultura perfidiæ quæ dicebatur seruitus Idolorum, nec assueti erant vaticiniis Prophetarum, ut coniectare possent aliquando Dei filium potuisse in carne venire: unde omninò nesciebant quem crucifigebant. Quamobrem misericorditer subuenit eis gratia Saluatoris, & omnis culpa est mitior, faciliusque meretur veniam quæ ab ignorantia, quàm quæ à malitia sumit exordium. Hac ex doctrina satis abundè patet Christum in cruce cum lachrymis offerentem, orasse Patrem pro infidelibus, militibus scilicet gentilibus qui ipsum crucifixerant. Cùm autem Missa sit imitatio crucis & passionis Domini,*

non dubium quin possit in ea Sacerdos qui Christi ipsius se offerentis vicem ac personam gerit, orare pro infidelibus, idololatriis & quibuscumque paganis; pro quibus die sancto Parasceues quo solenni ritu specialiter Ecclesia passionem Domini repræsentat ac recolit, hæc inter cæteras preces profertur à Sacerdote supplicatio: *Omnipotens sempiterne Deus, qui non vis mortem peccatorum, sed vitam semper inquiris: suscipe deprecationem nostram, & libera eos ab idolorum cultura, & aggrega Ecclesie tue sanctæ, ad laudem & gloriam nominis tui. Per Christum &c.*

1. Tim. 2. 1. &c.

Præcedit autem hæc ad populum fidelem exortatio: *Oremus & pro paganis, ut Deus omnipotens auferat iniquitatem à cordibus eorum, ut relictis idolis suis, conuertantur ad Deum viuum & verum, & unicum filium eius Iesum Christum Deum & Dominum nostrum &c.* Atque hæc fuit praxis primitiue Ecclesiæ; Nam Apostolus scribens ad Timotheum sic præceperat: *Obsecro igitur primum omnium fieri obsecrationes, orationes, postulationes, gratiarum actiones pro omnibus hominibus, pro Regibus, & omnibus qui in sublimitate sunt &c. hoc enim bonum est, & acceptum coram saluatore Deo nostro, qui omnes homines vult saluos fieri, & ad agnitionem veritatis venire.* At hoc tempore Reges nulli Christiani erant, sed omnes infideles, & imprimis Imperator qui omnibus præminebat. Tamen hoc Apostolico monimento fideles edocti, in ipsis diuinis mysteriis preces pro salute imperatoris offerebant. Quod testatur Tertullianus libro ad Scapulam, c. 2. *Sacrificamus, inquit, pro salute Imperatoris.* Insuper, S. Clemens, lib. 8. Constit. Apostol. c. 18. scribit Apostolos obtulisse sacrificium pro Regibus sui temporis, & etiam pro Catechumenis, (viuentibus scilicet, qui ritus etiamnum seruatur in officio Parasceues & Sabbati sancti. At verò Bracarenfis synodus, orare & offerre vetat pro Catechumenis mortuis, qui scilicet Baptismum sua culpa differendo sine Sacramento regenerationis excesserunt) & pro reductione eorum qui versabantur in errore. Verum est quidem sanctionibus Canonicis sub pœna excommunicationis, aliisque grauissimis, Christianis esse prohibitum arma deferre ad Sarracenos, aliosque infideles. cap. *Ita quorundam*, & ibi glos. 2. *De Iudeis*, Et in Extrauag. *Copiosus*, Ioannis XXII. quia scilicet hoc fit in detrimentum fidei & Ecclesiæ: sed iuuare infideles quosvis precibus & sacrificiis apud Deum, ut conuertantur ad fidem & cultum Christi, tantum abest ut vetitum sit aut esse possit, quin potius (ut ex doctrina Apostoli superius inducta patet) hoc suffragium Deo gratum est & acceptissimum. Quamobrem tamen in Missali Romano multæ speciales sint & propriæ hac de re assignatæ orationes, præter illam solennem deprecationem quæ fit quotannis in die sacra Parasceues: tamen sunt aliæ preces quibus implicitè infidelium ad Deum conuersio postulatur, v. g. feriâ 2. post Dominicam passionis, Sacerdos ita orat, *Vt diebus nostris, & merito, & numero populus Deo seruiens augeatur.* Non potest autem augeri, nisi infideles conuertantur; vnde fit ut in ipso canone dum sic Sacerdos supplicat pro Ecclesiæ pace, vnitæ & incremento: *Hæc dona, (inquit) hæc munera, hæc sancta sacrificia illiba-*

ta, imprimis quæ tibi offerimus pro Ecclesia tua sancta Catholica, quam pacificare, custodire, adunare & regere digneris toto orbe terrarum. His verbis profectò, quibus fidelium multiplicatio petitur, implicite infidelium conuersio postulatur, qua sola Ecclesia amplificari toto orbe potest; Sed & quotidie Sacerdos in oblatione calicis expresse rogat ut sacrificium quod oblaturus est pro totius mundi salute coram Deo cum odore suauitatis ascendat. Cæterum aduersus hanc praxim & theoriam obiici potest quod S. Augustinus lib. de orig. animæ signanter docet, c. 9. *Non esse offerendum sacrificium corporis Christi, nisi pro iis qui sunt membra Christi.* Sed responsio est in promptu, hinc illum agere de paruulis qui sine baptismo defuncti sunt: quia reuera nec sacrificium, nec vlla oratio eis prodesse potest, non tam quia membra Christi non sunt, quàm quòd fieri Christi membra nunquam possunt propter strictum decretum diuinæ iustitiæ. Obiici etiam potest sententia S. Thomæ, 3. p. q. 79. a. 7. ad 2. ubi ait *Sacrificium Missæ non habere effectum nisi iis qui coniunguntur Christo per fidem & charitatem: Atqui pagani non ita uniuntur.* Ad hoc respondendum est, non habere effectum integrum & perfectum; aut potius sacrificium non habere pro infidelibus effectum immediatè: sed tamen habere posse mediatè, impetrando illis dispositiones, quibus eorum intellectus illuminetur, cor emolliatur, & ad fidem & pœnitentiam conuertatur. Atque hætenus de paganis satis superque.

## ARTICVLVS V.

*De Judæis incredulis.*

**F**X principiis præmissis rectè colligitur, pro Iudæis incredulis iure orari posse, proinde & offerri; Christus enim pro iis non modò orauit, sed & in cruce passus est, vnde sic S. Augustinus more suo acutè & piè ratiocinatur, tractat. 31. in Ioan. ad c. 19. *Non debant (Iudæi ipsi Christicidæ videlicet) desperare, pro quibus in cruce pendens Dominus est dignatus orare, Pater ignosce illis, quia nesciunt quid faciunt: videbat suos inter multos alienos, illis iam petebat veniam, à quibus adhuc accipiebat iniuriam, non enim attendebat quod ab ipsis moriebatur, sed quia pro ipsis moriebatur. Multum est quod illis concessum est, ab ipsis, & pro ipsis: ut nemo de sui peccati dimissione desperet, quando illi veniam meruerunt, qui Christum occiderunt.* Hinc animatus spiritu S. Paulus vas electionis, mirum in modum in populi huius excæcati illuminationem ac conuersionem ardebat: *Veritatem dico (ait Rom. 9. 1. &c.) in Christo, non mentior testimonium mihi perhibente conscientia mea in Spiritu sancto: quoniam tristitia mihi magna est, & continuus dolor cordi meo. Optabam enim ergo ipse anathema esse à Christo pro fratribus meis, qui sunt cognati mei secundum carnem, qui sunt Israëlita, quorum adoptio est filiorum & gloria, & testamentum, & legislatio, & obsequium, & promissa, quorum patres, & ex quibus est Christus secundum carnem, qui est super omnia Deus benedictus in sæcula, Amen.* Poteratne Apostolus verbis feruentioribus intimum animi sui dolorem & sensum, indèque eximium suum in eos amorem ostendere?

Hhh



Verba hæc non tam sunt verba quàm fulmina, tanta est Pauli charitas, ut absque culpa damnari vellet, modò ij saluarentur, *Optabam* inquit, *ego ipse anathema esse à Christo pro fratribus meis.* Pulchrè hîc beatus Chrysostomus & appositè, *Quid Paule ais? Nónne iam dixisti, Quid nos separabit à charitate Christi? imò quia amo Christum, inquis, cupio separari à fruitione Christi, scilicet ut Christus à pluribus glorificetur, & eo tandem potiantur.* Magna res est & Christo longè acceptissima, ardere feruentissimo affectu animarum salutem; imò miserabilis huius populi exoptare & postulare conuersionem, quem adeo Christus dilexit, ut ex iis carnem sumeret, & suos Apostolos eligeret, suàmque Ecclesiam primùm efformaret; & fidem exinde & gratiam totum per orbem diffunderet, *Salus enim* (ait Ioan. 4.) *ex Iudeis est.* Idcirco sancta mater Ecclesia ipso die Parasceues, quo infelix hic populus gladio linguæ Christum vitæ & salutis auctorem interfecit, pro iis nihilominus hoc ipso die quo Christi sanguinem tanto odio, tanto furore effuderunt: ipso inquam die, quo Ecclesia horrendam hanc tragœdiam (*Christus patiens*) recolit ac repræsentat, quo cruentatam ipsam crucem sanguine innocentis ipsius agni suspicit & ostendat, quo funestas miseræ huius gentis audit vociferationes, *Tolle, tolle, crucifige eum! sanguis eius super nos & super filios nostros?* Illo, inquam hoc ipso die, inter ipsa sacra officia ad altare Dei, ubi crucem Christi adorat, passionis mysterium tanto cum mœrore celebrat, mortem eius tam profuso gemitu lamentatur, nihilominus solenni obsecratione diuinam pro huius populi salute clementiam, voce Sacerdotis interpellat: *Oremus* (inquit) *& pro perfidis Iudeis, ut Deus & Dominus noster auferat velamen de cordibus eorum, & ipsi agnoscant Iesum Christum Dominum nostrum.* *Oremus, Omnipotens sempiternus Deus, qui etiam Iudaicam perfidiam à tua misericordia non repellis, exaudi preces nostras, quas tibi pro huius populi obsecratione deferimus, ut agnita veritatis tue luce que Christus est, à suis tenebris eruantur. Per eundem Christum.*

Dicit hîc fortè quispiam: dicit hoc quidem Sacerdos ex præscripta formula Ecclesiæ, sed ad hanc orationem populus, ut fit in omnibus aliis orationibus, non respondet, *Amen.* Sic igitur ratam non habet hanc precem, suoque silentio indignationem suam aduersus miserum hunc populum manifestè demonstrat. Respondeo, silet reuerà populus, quia interim Christus loquitur, ipsèque Patrem pro hoc ipso populo interpellat, *Pater, inquit, ignosce illis quia nesciunt quid faciunt.* Sanguis enim Christi melius loquitur, quàm Abel: Quid clamabat Abel nisi vindictam contra fratrem suum? At sanguis Christi clamat etiamnum pro eis in quotidiano Missæ sacrificio (quod mortis suæ perenne Mnemosynon est) veniam, gratiam & misericordiam. At instabit fortè aliquis, ad hanc supplicationem, non dicit Diaconus sicut in reliquis, *Flectamus genua*, nec populus se inclinat? verum est, sed sufficit quòd pro eis sese humiliavit ipse Christus, nec nostra opus est genuflexione, ubi Christus puras & innocentes manus ad patrem suum pro iis tanta cum instantia pie-

Marc. 15. 13.

Luc. 23. 21.

Ioan. 19. 15.

Luc. 23. 34.

tatis extendit, & cum voce spiritum & sanguinem pro iis in odorem suauitatis effundit: *Dirigatur*, ait ad Patrem pro illis, *oratio mea, sicut Psal. 140. 2. incensum in conspectu tuo: Eleuatio manuum mearum sacrificium vespertinum;* nam vespere oblatum est & consummatum pro ipso incredulo & crudeli populo, qui vt rabiosi canes & feroces lupi agni ipsius sanguinem fuderant, sed sanguinem iustum & salutarem tam ipsis, quàm nobis, vniuersoque mundo.

Instabit iterum quispiam. Sed Ecclesia hac sola die passionis Christi orationem Deo pro perfidis ipsis Iudæis defert: reliquo toto anni tempore silet, nec vlla est pro Iudæis in Missali assignata deprecatio, quæ ad libitum Sacerdotis pro hac misera gente usurpari possit? Verum Ecclesia ore Sacerdotis dum orat pro vniuerso orbe, pro infidelium conuersione, in his precibus Hebræos quamuis à Christo adhuc per cecitatem auersos comprehendit, & suis votis commendat, patentique indicio in ipso sacrificio Missæ ostendit quanto cum affectu populi huius obsecrati irradiationem & conuersionem percipiat. Sub finem etenim diuini mysterij codicem Euangelicum refert ad sinistrum cornu altaris, vt innuat sub finem sæculi, Iudæos tandem qui tum erunt, ad cor redituros, Christumque quem patres eorum negauerunt pro vero redemptore ac Domino, veroque Dei filio agnituros & adoraturos, iuxta vaticinium Osæ Prophetæ 3. 4. *Dies multos sedebunt filij Israel, sine rege & sine principe, & sine sacrificio & sine altari, & sine ephod, & sine theraphim: Et post hæc reuertentur filij Israel & quærent Dominum Deum suum, & David regem suum, & pauebunt ad Dominum & ad bonum eius in nouissimo dierum.* Vsq̃uedum hæc fiant, semper licebit exoptare vt citò compleantur; si enim Christi gloria, humanaque salus nobiscordis est, debemus utique vt Apostolus admonet (1. Tim. 2. 1. 2. &c.) *facere obsecrationes, orationes, postulationes, pro omnibus hominibus, &c. quia hoc bonum est & acceptum coram Salvatore nostro Deo, qui omnes homines vult saluos fieri & ad agnitionem veritatis venire.* Igitur in Christo non est Iudæus, neque Græcus, non est seruus neque liber. Gal. 3. 18. Omnium gentium salus, vt desiderari debet, sic postulari potest. Accedit hoc speciale de Iudæis, quòd nulla fieri potest pro infidelibus deprecatio, quæ Christo magis grata sit & accepta, ea quæ pro Iudæis fit incredulis, quorum salutem tanto ardore pietatis in ara crucis immolatus exstiuuit. Romæ Pontifices maximi sinunt Iudæos sub aliqua pace viuere, atque cum eis misericorditer agunt, vt hac pia arte illos inuident ad fidem, Christi que in ipsos mansuetudinem & benignitatem illis in mentem reuocent. Religiosam hanc industriam Sacerdotes ad altare potissimum studeant imitari. Docuit nos Christus tam verbo quàm exemplo pro inimicis orare. Oremus igitur vltro pro Iudæis, ipsius Christi Domini nostri inimicis, & hostibus nostris, ea intentione qua pro incredulis & infidelibus, orare Timotheum suum beatus Apostolus admonebat (2. Timoth. 2. 25. 26.) *vt det illis qui resistunt veritati Deus, penitentiam ad agnoscendam veritatem, & respiciant à diaboli laqueis, à quo captiui tenentur.* Etenim in hoc Christus maximè

Hhh ij

Heb. 13. 16.

glorificatur, quod pro peccatoribus quotidie immolatur. Nec suppetit nobis ab eo lectio moralis magis efficax, quàm si in ipso magno mysterio pietatis eorum iuuandorum simus memores; qui minùs digni sunt, at magis indigent illa ope: *Talibus hostiis promeretur Deus*, Christus delectatur, & fides ac religio nostra de prostrata (summa benignitate) perfidia, mirificè triumphat.

## ARTICVLVS VI.

*De Hæreticis, & Schismaticis.*

**H**ÆRETICO & omni homini, qui Catholicæ Ecclesiæ unitatem non tenet, non prodest Baptismus, nec eleemosyna, nec martyrium etiam pro Christi nomine, vel quodcumque bonum: quoad hoc vt vitam æternam consequatur, Cap. *Firmissimè tene.* lib. 5. tit. 5. de hæreticis ex dictis S. Augustini. Porro si hæreticis & schismaticis nihil prodest eleemosyna, nec baptismus, nec ipsum martyrium ad salutem; nec igitur oratio, nec sacrificium. Adde quòd licet in necessitate (ex Glos. *Habebunt*, in can. *Subdiaconus.* & glos. in can. fin. 24. q. 1.) ab hæretico baptismum suscipere, at non Eucharistiam: tum quia non potest Eucharistia sine communione recipi, nam est ipsa synaxis, tum quia passim in baptismo formam seruant legitimam, sed in Eucharistiæ mysterio solent formam Ecclesiæ peruertere: Adde quòd hæretici recentiores hostes sunt Sacerdotij Evangelici, & præfractè negant, ac funditùs destruere nituntur noui Testamenti sacrificium; indigni sunt igitur, qui sacrificio iuuentur, & pro eis ad altare Domini supplicetur. Accedit quòd omnes hæretici manifesti præsertim, sunt ipso iure excommunicati, eodem titulo de *Hæreticis* Cap. *sicut ait B. Leo*, & cap. *ad abolendum*. Verùm Ecclesia districtè prohibuit orare pro excommunicatis, Cap. *A nobis. de sent. Excommunicationis*. Et consequenter pro hæreticis, itidémque pro schismaticis, nam isti illis æquiparantur c. 3. de *hæreticis*, & glos. *constat*, & glos. seq. in can. *Esaiam* 98. §. *Constat* 1. q. 1. licet certa ratione differant, nam peccat hæreticus contra fidei veritatem, schismaticus verò aduersus Ecclesiæ Catholicæ unitatem: peccant igitur vix impari crimine. Hæreticus omnis schismaticus est, sed non continuò conuertitur glos. 1. in can. *inter hæresim* 24. q. 3. At schismaticus initio turbat Ecclesiæ pacem, tum doctrinam corrumpit, & paulatim in apertam hæresim erumpit: Quamobrem vix schisma sine hæresi serpit (glos. in can. *Per Isaiam* 98. &c.) in quam demum apertè degenerat; ideóque horret Ecclesia Catholica & tanquam hostes & pestes à suorum schismaticos repellit filiorum consortio; schismaque maximè docet fugiendum can. *qua dignior* 24. q. 1. insuper prohibet cum eis orare, can. *non liceat* 67. q. 1. nec communionem de eorum manibus recipere, can. *superueniente* 72. 1. q. 1. His igitur ex principiis sequitur pro eis orare aut offerre haud esse licitum.

*Verumtamen pro hæreticis & schismaticis Ecclesia solenniter orat in ipso die*

*sacro Parasceues* : Oremus (inquit Sacerdos) & pro hæreticis & schismaticis, ut Deus ac Dominus noster eruat eos ab erroribus uniuersis, & ad sanctam matrem Ecclesiam Catholicam atque Apostolicam reuocare dignetur. Oremus. dicit Diaconus, *Flectamus genua, leuate*. Tum Sacerdos persequitur, *Omnipotens sempiterne Deus, qui saluas omnes & neminem vis perire, respice ad animas diabolica fraude deceptas, ut omni hæretica prauitate deposita errantium corda resipiscant, & ad veritatis tuæ redeant unitatem. Per Dominum &c.* Porro Ecclesia non aliter canit, aliter credit; aut aliter sentit, aliter facit. Orat specialiter ad altare pro hæreticis & schismaticis: Sic igitur apertè docet ac profitetur pro illis orari & offerri posse; quamuis excepta illa oratione in die sancto Parasceues, nullibi expressè pro hæreticis & schismaticis orat, imò in Canone Missæ videtur hæreticos intelligere exceptos, signatim enim Sacerdos ait se offerre *pro omnibus orthodoxis atque Catholica & Apostolica fidei cultoribus*. Indicat igitur exclusos esse omnes heterodoxos & segreges ab huius sacrificij fructu: Tales enim quia recta fide & vnione carent, neque Christo capiti, neque cæteris Ecclesiæ membris connectuntur, ut docet S. Thomas 3. p. q. 79. a. 7. Gabriel Biel super can. Missæ lect. 25.

Cæterum hæc, quæ dissona videntur, facilè conciliari possunt. Card. Bellarminus lib. 2. de Missa c. 6. §. *Sed quamuis*, dicit sacris canonibus prohibitum quidem esse offerre pro hæreticis & schismaticis sacrificium directè & expressè, concedit igitur licitum esse indirectè & implicitè. Et §. rursus eodem cap. ubi quærit, *utrum liceat hoc tempore sacrificium offerre pro hæreticorum & aliorum infidelium conuersione?* Respondet se id fas esse arbitrari, modò nihil addatur ad Missam, sed solum per intentionem Sacerdotis applicetur sacrificium conuersioni infidelium siue hæreticorum, *Idque pios & doctos viros habere*, ait, *in praxi, quos reprehendendos non putat, cum neque contra extet expressa Ecclesiæ prohibitio*: Censet tamen tutissimum esse quod alij faciunt, qui intentionem suam ita moderantur, ut directè intendant offerre pro augmento, vnitate, & pace illius Ecclesiæ quæ inter hæreticos, schismaticos aut infideles quosuis conuersatur: Qui enim ita offerunt eundem effectum quem superiores habent; Non enim potest augeri, & vniri, ac pacificari Ecclesia in illis locis, nisi hæretici aut infideles conuertantur: Quem morem alteri superius indicato Ecclesiæ sensui magis conuenire existimat.

Si Patrum sententia perquiratur, lux magna huic quæstioni affulgebit: in primis S. Augustinus in Ps. 65. *Quicumque*, inquit, *in Ecclesia estis, nolite insultare eis qui non sunt intus, sed orate potius, ut & intus sint*. Et serm. 50. de verbis Domini circa finem, *Orate & pro dispersionibus, veniant & ipsi agnoscant, & ipsi ament*. Et in Psal. 82. versus finem hortatur, *ut impendamus in eos magnam charitatem & abundantem misericordiam in deprecando Deum pro illis*. Cæterum S. Leo hac elegantissimi piæque parænesi admonet fideles de eodem officio pietatis his miseris exhibendo, serm. 4. de solennitate Epiphaniæ: *Ecclesiasticum sanè* (inquit) *atque diuinitus institutum non solum inhibemus, sed etiam incitamus*



affectum, ut etiam pro talibus (de hæreticis agit) nobiscum Domino supplicetis; quorum & nos deceptorum animarum minus cum fletu & mœrore miseremur, exequentes Apostolica pietatis exemplum, ut cum infirmantibus infirmemur, & cum flentibus desleamus: speramus enim exorandam misericordiam Dei multis lacrymis & legitima satisfactione lapsorum; quia dum in hoc corpore viuitur, nullius desperanda reparatio, sed omnium est optanda correctio. Mediatus eius antecessor Cœlestinus I. cuius auctoritate Oecumenica synodus Ephesina consedit, epistola i. ad Episcopos Gallix contra Pelagium & Cœlestium, id ipsum his verbis docuerat: *Sanctarum plebium Prasules* (inquit) *mandata sibi met legatione funguntur, apud diuinam clementiam, humani generis agunt causam & tota secum congemiscente Ecclesia postulant & precantur ut infidelibus donetur fides, ut idololatræ ab impietatis suæ liberentur erroribus, ut Iudæis ablato cordis velamine lux veritatis appareat, ut hæretici Catholica fidei perceptione resipiscant, ut schismatici spiritum diuinæ charitatis accipiant, ut lapsis remedium pœnitentiæ conferatur, ut denique Catechumenis ad regenerationis Sacramentum perductis, cœlestis aula misericordiæ referetur.* Subscribunt huic doctrinæ alij Patres præcipui. S. Chrysostomus hom. de Adam & Eua, & hom. 6. ad c. 2. ep. 1. ad Timoth. Et S. Epiphanius epist. ad Ioannem Hierosolymitanum, & plerique posteriores &c. Cæterum ad huius doctrinæ concentum reuocandi sunt canones præsignati, ita ut benignè intelligantur, non absolutè vetuisse offerri aut orari pro hæreticis & schismaticis, sed specialiter tantum aut directè, non autem generaliter & indirectè. Quamuis etiam specialiter & directè (per modum suffragationis) illis hæc pia subsidia ad salutem præstari posse, piâ magis sententiâ plerique arbitrentur: quorum iudicio, non obstare (ut reor) canonicas sanctiones, proximè sequenti Articulo fiet satis perspectum.

## ARTICVLVS VII.

*De excommunicatis, atque induratis peccatoribus.*

**P**OTIOR ratio, quæ nonnullos eam in opinionem induxit, ut absolutè esse prohibitum legibus Ecclesiasticis censerent orare, vel offerre pro hæreticis & schismaticis, ex hoc principio sumitur, quòd ij omnes ipso iure excommunicati sunt. At verò cap. *sacris*, & cap. *à nobis extra de sententia excommunicationis*, pro excommunicatis orare prohibetur. Sed modificatio est adhibenda, quam Concilium Constantiense subiunxit, scilicet *si fuerint nominatim à iudice excommunicati, vel notorij Clericorum percussores.* Vnde sequitur quòd quamuis hæreticus excommunicatus sit à iure, seu à canone, (quando hæresis non est purè mentalis) tamen non censeatur excommunicatus ab homine donec à iudice lata fuerit nominatim in eum sententia, quemadmodum luculentius docet Nauarrus lib. de oratione & horis Canonice, c. 19. conclus. 6. & in Manuali c. 27. n. 36. Proinde sequitur nec hæretici, nec schismatici, nec alij quicumque excommunicati hoc decre-

to contineri de non orando pro ipsis, nisi inciderint in duos casus expressos à Concilio Constantiensi quod veteris iuris asperitatem temperavit. Cui consonant Extrauag. Martini V. *ad euitanda*. qua declaratur excommunicatus etiam à iure, quando de excommunicatione non patet: Et cap. *cum non ab homine. de sententia excommunicationis* in 6.

Nec obstat quòd nulla pro excommunicatis in Missali extet oratio, nec quòd etiam Ecclesia quæ pro infidelibus & idololatriis, perfidis Iudæis, hæreticis & schismaticis in sacra Parasceue solenniter orat, nullam pro excommunicatis proferat specialem orationem. Responsio enim est aperta, siquidem excommunicatus (etiã si sit hæreticus,) etiã si sit extra Ecclesiam: tamen characterem semper vel baptismi, vel ordinationis &c. retinet, & habet aptitudinem ad redeundum in gremium sanctæ matris Ecclesiæ, cuius membrum est in potentia, etsi non in actu. Excommunicatus autem, qui nec hæreticus, nec schismaticus est, sed tantum peccator induratus: censeretur non debet hæretico, vel schismatico, aut Iudæo, aut idololatra, aut infideli quouis deterior, pro quibus tamen Ecclesia propriè & specialiter orat; non est igitur vero simile Ecclesiam illa die à pietatis suæ maternæ visceribus, excludere excommunicatos, qui filij sui sunt, etsi immorigeri & rebelles, atque donec ad cor redeant, è domo paterna propter suam inobedientiam eiectioni.

Pro iis igitur etiam Ecclesia orat, saltem sub his clausulis generalibus: *Oremus dilectissimi nobis, pro Ecclesia sancta Dei, ut eam Deus & Dominus noster pacificare & custodire dignetur &c. Oremus, Flectamus genua, leuate. Omnipotens sempiterne Deus qui gloriam tuam omnibus in Christo gentibus reuelasti, custodi opera misericordiæ tuæ, ut Ecclesia tua toto orbe diffusa stabilis in confessione tui nominis perseveret. Per eundem Dominum nostrum Iesum Christum &c. Oremus dilectissimi nobis, Deum patrem omnipotentem, ut cunctis mundum purget erroribus, morbos auferat &c. vincula dissoluat &c. Omnipotens sempiterne Deus, qui saluas omnes, & neminem vis perire &c.* Et id genus aliis obsecrationibus, quibus omnium salutem (præter damnatorum dumtaxat) profusis charitatis visceribus, & quantâ potest pietatis instantiâ desiderat & postulat. Quia (ut ait loco superius signato Leò Magnus) *dum in hoc corpore viuitur, nulla desperanda reparatio, sed omnium est optanda correctio.* Et ea ratio est cur Cardinalis Bellarminus, cum obiectioni responderet factæ à Kemnitio ex S. Thoma, Paludano & Gabriele, qui asserunt Missam prodesse etiam illis ex opere operato, qui non habent in corde pœnitentiam: dicit hos Doctores loqui de sacrificio, non de Sacramento; porro sacrificium prodesse impœnitentibus, per modum impetrationis, quia impetrat illis conuersionem & pœnitentiam, quomodo etiam orationes nostræ, licet non tam efficaciter id faciant, lib. 2. de effect. Sacramentorum, c. 1. §. *Quinto probat ex S. Thoma.*



## ARTICVLVS VIII.

*De fidelibus uiuentibus, seu populo sancto Dei.*

**A**S SISTENS Sacerdos altari (inquit S. Chrysostomus) pro *uniuerso orbe terrarum, pro absentibus atque presentibus, pro iis qui ante nos fuerunt, pro iis qui postea futuri sunt, sacrificio illo proposito, Deo nos gratias (& preces) iubet offerre; Tametsi verò hoc sacrificium pro omnibus offeratur, etiàque pro infidelibus, pro Iudæis, pro hæreticis, pro schismaticis &c. (saltem ut diximus) indirectè, & per modum piæ postulationis & desideratæ impetrationis: Attamen directè & principaliter offertur pro fidelibus & orthodoxis, & Catholica ac Apostolica fidei cultoribus, ut canon disertè habet. Hæc pars generis humani illa est, quam Patres plebem sanctam appellabant, seu populum sanctum Dei. Quæ nomina etiamnum permanent in usu, siquidem die sancta Parasceues ait Sacerdos; Oremus, *Et pro omnibus Episcopis, Presbyteris, Diaconibus, Subdiaconibus, Acolythis, Exorcistis, Lectoribus, Ostiariis confessoribus; Virginibus, viduis, & pro omni populo sancto Dei. Oremus, Flectamus genua, Leuate. Omnipotens sempiterne Deus, cuius spiritu totum corpus Ecclesie sanctificatur ac regitur, exaudi nos pro uniuersis ordinibus supplicantes, ut gratia tuæ munere ab omnibus tibi gradibus fideliter seruiatur. Per Dominum.* Et quotidie in canone statim post calicis consecrationem & eleuationem, Sacerdos dicit, *Vnde & memores Domine nos serui tui, sed & plebs tua sancta, id est fidelis, Catholica, consistens in sinu & gremio sanctæ matris Ecclesiæ, in Christiana pace &c. Dicuntur autem omnes fideles sancti, non quòd omnes sint sancti actu, sed vocatione, professione, debito. Quamobrem Ecclesia etsi continet sua in communione mixtim bonos & malos, iustos & peccatores, vocatur nihilominus sancta, non tantùm propter inhabitantem in se Spiritum sanctum, non tantùm respectu capitis scilicet Christi, qui est Sanctus Sanctorum & sanctitas ipsa, non solùm quia semper habet fideles sanctos & sanctificatos actu: Sed quia respectu etiam sui totius, est cœtus & congregatio fidelium qui vocati sunt ad sanctitatem, & ipsam fide & religione profitentur. Hinc Apostolus in exordio epist. ad Rom. Omnibus (inquit) qui sunt Romæ, dilectis Deo, vocatis Sanctis. Et in principio Epist. 2. ad Corinth. Ecclesie Dei quæ est Corinthi, sanctificatis in Christo Iesu, vocatis sanctis. Inter hos tamen plerique erant peccatores, ut patet ex his eius verbis, c. 13. Ecce iam tertio venio ad vos, in ore duorum vel trium testium stabit omne verbum. Prædixi & prædico ut presens & nunc absens, iis qui antè peccauerunt & cæteris omnibus, quoniam si venero non parcam? Et re ipsa, 1. ep. 5. eos de variis delictis reprehendit, utque cæteros terreret, incestuosum graui animaduersione corripuit. Habet igitur Ecclesia filios bonos & malos, sanos & infirmos, iustos & peccatores. Pro iis autem omnibus orat & offert in diuino sacrificio: quapropter Sacerdos in sacro Canone disertè proficitur se offerre sacrificium pro redemptione animarum nostrarum, & ut ab æterna dam-**

damnatione nos iubeat Deus hac immaculata hostia placatus cripi, & in electorum suorum grege numerari. Per eundem Dominum &c. Verum est quidem illum orare & offerre generaliter pro omni populo Christiano, specialiter autem pro quibusdam sibi commendatis. At neminem prorsus excipit qui sit membrum Ecclesiæ. Hanc igitur oblationem servitutis nostræ, sed & cuncta familia tuæ, quæsumus Domine, ut placatus accipias. Odo Cameracensis in expositione Canonis hæc verba, cuncta familia tuæ, sic exponit, Id est, inquit, totius assistentiæ collectæ. At arctius quam par sit: Sacerdos enim in exordio Canonis etsi commendat specialiter circumstantes, etiam quoslibet orthodoxos sua deprecatione complectitur, sic enim orat, Et pro omnibus orthodoxis, atque Catholicæ, & Apostolicæ fidei cultoribus. Memento etiam Domine famulorum, famularumque tuarum NN. & omnium circumstantium, &c. Melius igitur Stephanus ipsa verba Et cuncta familia tuæ, de uniuerso omni cœtu fidelium intelligit, Tract. de Sacram. altaris c. 13. Hæc oblatio (inquit) non tantum est Sacerdotis, sed cuncta familia, id est cleri & populi, & non tantum astantis familiæ, sed totius Ecclesiæ. Nec obstat quod in forma calicis ab ipso Domino tradita expressim habeatur, qui pro vobis & pro multis effunditur: trita enim est ac vetus Theologorum distinctio, effusus est sanguis Domini pro multis efficaciter, at pro omnibus sufficienter. Vnde S. Leo ep. 83. directæ ad Palæstinæ Episcopos circa med. Effusio pro iniustis sanguinis iusti tam potens fuit ad priuilegium, tam diues ad pretium, ut si uniuersitas captiuorum in redemptorem suum crederet, nullum tyrannica vincula retinerent. Et infra loquens de sanctorum martyriis & Christi salutifera passione, Quamuis (inquit) multorum Sanctorum in conspectu Domini pretiosa mors fuerit, vnius tamen infantis occisio, propitiatio fuit mundi. Acceperunt iusti, non dederunt coronas, & de fortitudine fidelium exempla nata sunt patientiæ, non dona iustitiæ: singulares quippe in singulis mortes fuerunt, nec alterius quisquam debitum suo sine persoluit. Cum inter filios hominum vnus solus Dominus noster Iesus Christus extiterit, in quo omnes crucifixi, omnes mortui, omnes sunt etiam suscitati. Cur non igitur omnes salui fiunt? Leonis ipsius sanctissimi Pontificis egregius discipulus, scriba, & interpres, Prosper dictus Aquitanicus, ex eius & totius Ecclesiæ mente rectè & appositè respondet, \* Quod ad magnitudinem & potentiam pretij, & quod ad vnā

qui hoc sæculum sine fide Christi & sine regenerationis Sacramento pertranscunt, redemptionis alieni sunt. Poculum quippe immortalitatis quod confectum est de infirmitate nostra & virtute diuina, habet quidem in se ut omnibus prosit. Sed si non bibitur, non medetur. Proinde sanguis Christi effusus est pro omnibus quoad sufficientiam, at pro multis tantum quoad efficaciam, nisi enim bibitur, non medetur: non proficit nisi applicetur. Patet hoc euidenter ex ipsis Domini verbis, Hic est, inquit, calix, nouum Testamentum in sanguine meo, qui pro vobis fundetur. Luc. 22. 20. Atqui Iudas vnus ex iis erat. Vnde Marc. 14. 18. Amen dico vobis, quia vnus ex vobis tradet me. Igitur pro eo effusus est Christi sanguis, & tamen


\* In respons. ad  
1. obiect. Vin-  
centij.





to Domine Deus noster, & in omnes effunde diuitem tuam misericordiam omnibus præbens petitiones, quæ spectant ad eorum salutem, & quorum nos mentionem non fecimus propter ignorantiam, vel obliuionem, vel nominum multitudinem, ipse Deus recordare, qui scis uniuscuiusque ætatem & appellationem, qui nosti unumquemque ex utero matris suæ. Tu enim Domine es auxilium eorum qui carent auxilio, spes desperatorum, eorum qui tempestate agitantur seruator, nauigantium portus, ægrotorum medicus: ipse omnibus omnia sis &c. In Missa S. Chrysostomi fermè eadem habetur deprecatio, pag. 81. Idem spiritus vbique spirat. Latina Liturgia hæc omnia quamuis aliis verbis etiam habet: nam præter collectas pro omnibus ad quamcumque necessitatem dispositas, & Missas proprias quæ in Missali Romano continentur, quotidie in Canone dicit Sacerdos ante consecrationem, se offerre, & à fidelibus quibusque secum offerri hoc sacrificium pro se suisque omnibus, pro redemptione animarum suarum, pro spe salutis & incolumitatis suæ &c. Et paulò infra precatur, Vt hanc oblationem Deus placatus accipiat, diēsque nostros in sua pace disponat, atque ab æterna damnatione nos eripi & in electorum suorum iubeat grege numerari. Post consecrationem orat generaliter & singulariter pro defunctis, & expleto canone ac Dominica oratione recitata, immediatè hanc orationem subiungit: *Libera nos quæsumus Domine ab omnibus malis præteritis, præsentibus, & futuris, & intercedente pro nobis Beata & gloriosa semperque Deigenitrice Virgine Mariacum beatis Apostolis tuis Petro & Paulo atque Andrea, & omnibus Sanctis tuis, da propitius pacem in diebus nostris, ut opem misericordie tue adiuti, & à peccato simus semper liberi, & ab omni perturbatione securi. per eundem Dominum nostrum Iesum Christum filium tuum, &c.* Tam Agnum Dei præsentem ac inuentum immolatum obnixè sic compellat & orat, *Agnus Dei qui tollis peccata mundi, miserere nobis; omnibus scilicet, nullis exceptis, maximè qui Christiana professione censentur.* Quod fit etiam in sacra die Parasceues, solennibus illis precibus quas Sacerdos recitata Domini Passione fundit; Orat enim pro vniuersa Ecclesia, pro Papa, pro omnibus Episcopis, Presbyteris, & cunctis Ecclesiasticis Ordinibus, omni que populo sancto Dei, specialiter pro Rege, & deinde generalem hanc supplicationem adiungit: *Oremus dilectissimi nobis Deum Patrem omnipotentem, ut cunctis mundum purget erroribus, morbos auferat, famem depellat, aperiat carceres, vincula dissoluat, peregrinantibus reditum, infirmantibus sanitatem, nauigantibus portum salutis indulgeat.* Oremus, Diaconus dicit, *Flectamus genua, leuate.* Sacerdos persequitur, *Omnipotens sempiterne Deus, mæstorum consolatio, laborantium fortitudo, perueniant ad te preces de quacumque tribulatione clamantium; ut omnes sibi in necessitatibus suis misericordiam tuam gaudeant adfuisse.* Per Dominum nostrum Iesum Christum filium tuum &c. In vetusto codice Missali, ritu Gallicano Missa extat propria pro peccatis, cuius introitus est eiusmodi: *Misereris omnium Domine, & nihil odisti eorum quæ fecisti, dissimulans peccata hominum propter penitentiam, & parcis illis, quia tu es Dominus Deus noster.* Secreta sic habet, *Hostias tibi Domine placationis & laudis offerimus, ut & delicta nostra miseratus absolvas, & nutantia corda tu dirigas.* Per Dominum nostrum Iesum Christum filium tuum &c.

## CAPVT VII.

*Quo sine Missa sacrificium offerendum est.*

X distinctione quadruplici sacrificij huius venerabilis, quadruplex etiam finis præcipuus, ob quem offerri debet vel potest, haud difficilè colligitur: siquidem hoc cœleste & planè diuinum sacrificium consideratur, vel *νελατρευηκὸν*, seu *σεβαστικὸν*, quasi dixeris honorarium, & *ἱλασθῆναι*, expiatorium, & *ἐπιτευκὸν* impetratorium; & *ὡχαριστικὸν*, quo debitas Deo gratias referimus.

## ARTICVLVS I.

*Missa sacrificium offertur præsertim, ad Deum colendum, summo obsequio & honore.*

**H**ONORARIVM igitur hoc sacrificium primò appellatur, quia primarius finis huius actionis & obsequij, est Deum immediatè colere, videlicet cultu latriæ illi soli debito: ideo S. Cyrillus in epist. ad Nestorium rectè appellat Eucharistiam, *Latriam incruentam*, nam cruenta in crucis sacrificio peracta fuit; tunc enim etsi Christus ediderit perfectissimas actiones charitatis, patientiæ, fortitudinis, humilitatis, obedientiæ, vt Apostolus prædicat Rom. 5. Philipp. 2. Heb. 12. tamen mors eius fuit propriè actus religionis, nam Christus se præcipuè in mortem obrulit, vt esset oblatio, & sacrificium Deo ad satisfaciendum eius iustitiæ pro peccatis totius mundi, & ei gloriam & honorem suum restituendum, quem homo ipsi per peccatum (quantum fuerat in se) abstulerat; vnde Apostolus ait, *Tradidit semetipsum pro nobis oblationem & hostiam Deo in odorem suauitatis*, id est in odorem suauissimum, gratissimum, & acceptissimum, quia se totum obtulit in holocaustum perfectissimum & purissimum, effuso toto sanguine, ipsòque profuso spiritu, & immolato super lignum crucis, in extremis doloribus, suo immaculato corpore. Fuit igitur hæc latria cruenta & sacrificium Deo dignum, quia nunquam excellentius holocaustum oblatum Deo fuerat, vel vnquam potest magis dignum & pretiosum diuinæ Maiestati exhiberi. At Eucharistia est latria incruenta, quia eadem prorsus est hostia, idemque summus Sacerdos, idemque sacrificium quoad rei oblata, ac præcipui offerentis essentiam, dignitatem & excellentiam. Institutum enim fuit hoc sacrificium non solum in commemorationem Christi passionis & mortis, eiusque meriti circa nos applicationem: sed vt esset religionis præcipuum & perenne officium, quo ad agnitionem nostræ infirmitatis, & professionem Dei supremæ Maiestatis, rem eiusmodi omnium excellentissimam ipsòque dignissimam ei offerremus, sicque supremo venerationis actu & affectu ipsum coleremus.

*Ephes. 5. 2.*

Religionis Christianæ excellentia potissimum in septem rebus consistit. 1. In sublimitate & rectitudine doctrinæ. 2. In perfectione & sanctitate legis. 3. In perpetua assistentia & gubernatione Spiritus sancti. 4. Quod omnia opera iustorum & fidelium faciat ipsius diuini Spiritus (per gratiam inhabitantis) virtus, esse non tantum bona, & Deo grata, sed etiam meritoria vitæ æternæ. 5. In præstantia & efficacia Sacramentorum: habent enim vim delendi peccata, constituendi nos filios Dei, eiusque regni legitimos hæredes & perpetuos possessores. 6. In excellentia Sacerdotij; nam Sacerdotium nostrum continet duplicem potestatem prorsus diuinam, ac ideo cœlestibus Spiritibus stupendam: nimirum potestatem consecrandæ hostiæ sacræ seu Eucharistiæ, & potestatem condonandi peccata. Quanta res est dimittere peccata quantumlibet grauissima, liberare à morte æterna, sanctificare animas, & tribuere ius vitæ æternæ? Potestas attamen consecrandi longè magis est stupenda, adeo ut cum potestate creandi conferri, eique non immeritò possit æquiparari; nulla itaque dignitas, nulla potestas siue Regia siue Imperatoria, nec ipsa quidem totius mundi Monarchia, cum Sacerdotali dignitate & potestate, vlla ex parte conferri potest. Hæc sanè quanto magis consideratur, tanto plus admirabilis & stupenda deprehenditur. 7. Præstantia Christianæ religionis constat in excellentia eius sacrificij, sacrificium enim est primarium religionis munus, præcipua perfectio, & absolutum complementum: decebat igitur vt excellentissima Religio nobilissimum haberet sacrificium, quale est sacrificium Eucharistiæ, à quo ipsa Christiana religio præcipuam suam excellentiam mutuatur, hoc enim Deus summè colitur, nec maiori aut digniori sacrificio honorari potest, sicut in huius libri c. 1. liquidò fuit demonstratum. Spiritus sanctus qui adorare Patrem per Filium, totamque simul Trinitatem in hoc diuino mysterio, quod cultus summus est, Ecclesiam vniuersam perpeti suo afflatu edocuit: Eò spectare illud religionis munus præcipuum inspirauit, quo diuina ipsa Maiestas, propter supremam suam excellentiam, rectè & adæquatè (vt ita dicam) coleretur. Spiritus hic sese manifestè prodit & indicat in omnibus Liturgiis, in quibus semper Sacerdos Deum glorificat, colit, & asserit laudandum & adorandum ab omnibus, in omnibus, per omnia, & super omnia propter suam summam excellentiam, bonitatem, iustitiam, sapientiam, omnipotentiam, sanctitatem, æternitatem, maiestatem, magnificis præconiis. In Liturgia S. Iacobi fratris Domini, Sacerdos cum primùm assistit altari, laudis & honoris sacrificium his verbis intonat atque auspicatur: \*Gloria Patri, & Filio, & Spiritui sancto, trino & uni lumini diuinitatis, quod est singulariter in trinitate, & quod sine diuisione diuiditur. Trinitas enim Deus vnus omnipotens, cuius gloriam cœli enarrant, terra verò eius dominationem, & mare eius omnipotentiam, & omnis creatura, siue ea sensu aliquo sentiat, siue ratione tantum intelligatur, eius magnificentiam semper predicat; quia cum omnis gloria, honor, potentia, magnificentia, & decus decet nunc & semper &

Tom. 2. Græco-  
Lat. Bibliot. SS.  
PP. p. 1. & 2.  
\* Δόξα τῷ πατρὶ  
καὶ τῷ υἱῷ καὶ τῷ ἁ-  
γίῳ πνεύματι, τῷ  
τριάδι καὶ ἰνιάμῳ  
φωτὶ καὶ ζωῇ, καὶ  
τῷ τριάδι μοναδι-  
κῶς ὑπαρχόντι, καὶ  
διαιρεσίῳ ἀδιαι-  
ρίτῳ τριάδι ᾧ ἵε-  
ροῦ παντοκράτορι  
οὐδὲ θεῷ οἱ οὐ-  
ρανοὶ διακονοῦντι  
καὶ ᾧ αὐτῷ δια-  
τίκῃ καὶ ἰσχύϊ  
καὶ πνεύματι αἰδου-  
μένῳ καὶ ἰσχύϊ  
καὶ πνεύματι αἰδου-  
μένῳ καὶ ἰσχύϊ  
καὶ πνεύματι αἰδου-  
μένῳ καὶ ἰσχύϊ



[illegible]

Ναὶ οὗτος ἐπὶ βα-  
σίλει, Μωϋσῆς καὶ  
λαὸς σου ἠγάπησεν  
Ἰσραὴλ καὶ αὐτὸς  
ἐξῆλθεν. οὐκ ἔστι  
σὺ τὸ θυμὸν αὐτοῦ  
καὶ τὸ κράτος αὐτοῦ  
ἐπὶ τοὺς υἱοὺς αὐ-  
τοῦ, αὐτὸς ἡμᾶς ἀ-  
γάπησεν ὅτι οὐκ ἔστι  
τὸ θυμὸν αὐτοῦ  
ἐπὶ τοὺς υἱοὺς αὐ-  
τοῦ, αὐτὸς ἡμᾶς ἀ-  
γάπησεν ὅτι οὐκ ἔστι

[illegible]

nia fecisti per sapientiam tuam & lucem veram, unigenitum filium tuum Dominum & Deum & servatorem nostrum Jesum Christum, per quem tibi cum ipso & Spiritu sancto gratias agentes, offerimus rationabilem & incruentam oblationem hanc, quam offerunt tibi Domine omnes gentes ab ortu solis usque ad occasum, à septentrione ad meridiem, quia magnum nomen tuum in gentibus, & in omni loco incensum offertur nomini tuo sancto, & sacrificium, & oblatio munda. In Liturgia S. Basilij in ipso Missæ exordio, statim ac ingressus dixit Sacerdos orationem propositionis, hanc clausulam subiungit alta voce: Quia sanctificatum & glorificatum est undequaque pretiosum & magnificum nomen tuum, &c. in sacula &c. Tumque dicit etiam elata voce, \* Benedictum regnum Patris & Filij & Spiritus sancti, nunc & semper, & in sacula seculorum. respondet populus, Amen. Et infra ibidem alta voce, Quia te decet omnis gloria, honor, & adoratio &c. Tum dicto sacro ad præsentem monitu, Sursum corda &c. subnectit, \* Domine Deus pater omnipotens adorande, verè aquum & iustum est & tua sanctitatis magnificentia conueniens, te laudare, te celebrare, te benedicere, te adorare, tibi gratias agere, te verè glorificare, qui verè Deus solus es, & tibi offerre in corde contrito, & spiritu humilitatis rationalem hunc cultum nostrum. In Liturgia sancti Chrysostomi eadem passim habentur, at post consecrationem adiungit Sacerdos: Te laudamus, te benedicimus, tibi gratias agimus, & oramus te Domine Deus noster: Praterèa offerimus tibi hunc rationabilem & incruentum cultum. Et infra Diaconus inclinato capite dum videt Sacerdotem adorantem, & ipse adorat, Sacerdos autem orat secretò proferens adorationis formulam; Gratias agimus tibi (inquit) Rex inuisibilis qui infinita tua potentia omnia fabricatus es &c. Ipse Domine è cælo respice ad eos qui inclinauerunt tibi capita sua, non enim inclinarunt carni & sanguini, sed tibi veritati, terribili Deo: Et dum suffumigat sanctam mensam: Exaltare super cælos Deus & super omnem terram gloria tua, perpetuò, nunc & semper, & in sacula seculorum, Amen. Tibi gloriam & gratiarum actionem & adorationem offerimus &c. In Missa Mosarabe in Hispaniis dudum peculiari more recitata, quæ Toleti etiamnum in Cathedrali Ecclesia & nonnullis Parochiis seruatur, Sacerdos à diuina glorificatione incipit dicens: Gloria & honor Patri & Filio & Spiritui sancto in sacula seculorum, Amen: Et post decantatum hymnum Angelicum, Gloria in excelsis &c. expletisque aliis precibus & ritibus præparatoriis ad diuinam oblationem, alta voce dicit, Hagios, Hagios, Hagios, Domine Deus æterne tibi laus & gloria. In Missa Christianorum apud Indos, Deo trino & vni cultum latriæ sic Sacerdos defert, Adoretur & glorificetur, honoretur & exaltetur, laudetur, & benedicatur in cælo & in terra supergloriosum nomen Trinitatis tuæ præclarissimæ, omni tempore rerum, omnipotens Pater & Filius & Spiritus sanctus, Amen. Sancte Deus, sancte fortis, sancte & immortalis miserere nobis. Deinde mixta aqua cum vino Sacerdos ait: Expectans expectaui Dominum, panem sanctum, & calicem pretiosum super sanctum altare offerimus, timore pariter & honore, & cum Angelis clamemus Sanctus, Sanctus, Sanctus Dominus Deus noster &c. Offeratur & gloria imoletur Trinitati tuæ supergloriosa in sacula

ἱεροῦ, ὡς δὲ δι-  
κὰ κὺναι διέ,  
πᾶσι τῶν πατρῶν,  
οἱ αἱρεῖ, οἱ ἱεροῦ,  
οἱ εὐχαριστῶν,  
&c. πᾶσι τῶν ἱερο-  
ῦ διὰ τὸ οὐκ οὐ-  
φίαι, τὸ φῶς, τὸ  
ἀλλοθῆ, τὸ μῆ-  
γῆς οὐ κῆρ, τὸ  
κῆρ οὐ κῆρ, &  
οὐκ ἔστι ἡ μῆρ ἱεροῦ  
Χριστοῦ, διὰ τὸ οὐκ  
αὐτῶν ἀγῶν πᾶ-  
σαι εὐχαριστῶ-  
ναι, ἀλλὰ ὡς ἡ  
τὸ λογικῶν ἀγῶ-  
ματων λατρίαν  
ταῦτων τῶν ἀγῶ-  
φῶν οἱ κῆρ  
πᾶσι τῶν ἱεροῦ ἀπὸ  
ἀνατολῆς ἑλίου &  
μῆρς ἀνατολῆς ἀπὸ  
ἀνατολῆς & μῆρς  
ἑλίου, ὡς μῆρς τὸ  
ἱερόν σου ἐν πᾶσι  
τοῖς ἱεροῖς, & ἐν  
ταῖς τῶν πᾶσι δι-  
κῆμα ἀγῶφῶν  
τῶν ἱεροῦ πᾶσι ἀ-  
γῶφῶν, & διὰ τὸ  
ἀγῶφῶν. Li-  
urg. S. Marti  
& pag. 32.

\* P. 42.

\* P. 79.

P. 83.

P. 86. &amp; 87.

Tom. 6. Bibliot.  
SS. PP. p. 103.

P. 134. 135.

## 444 PANOPLIÆ SACERDOTALS PARS II.

seculorum. Et Iesus Christus Dominus noster Dei filius, qui oblatiis est pro salute nostra, & præcepit nobis ut sacrificemus in memoriam passionis, mortis, sepulturae, & resurrectionis eius, suscipiat sacrificium hoc de manibus nostris per gratiam & amores suos in secula seculorum. Deinde superponens altari oblata sub silentio dicit, *Constituantur & ordinentur mysteria hæc super gloriosam & sanctam, vitam conferentia super altare sanctum Christi, usque ad gloriosum & cælo ipsius aduentum, cui est, laus, & gloria, & adoratio, modo, & omni tempore, & in secula seculorum.* Latina Liturgia nihil altius spirat, quam cultum hunc latreuticum. Incipit sacrificium à diuina glorificatione, in introitu enim gloriam Patri, & Filio, & Spiritui sancto Sacerdos pronuntiat: Hymnus Angelicus paulopost sequitur, in quo cultus supremi hæc præconia personant, *Laudamus te, benedicimus te, adoramus te, glorificamus te; gratias agimus tibi propter magnam gloriam tuam: Domine Deus Rex cælestis, Deus Pater omnipotens; Domine Deus unigenite Jesu Christe. Cum sancto Spiritu in gloria Dei Patris Amen.* Porro in celebri illo præconio quod præfationem appellamus, ubi iubemur à Sacerdote, sursum corda erigere, gratias Domino Deo nostro dignas & iustas agere, directâ tum ad Patrem qui prima persona est summæ & indiuiduæ Trinitatis apostrophe, hac clausula, quæ choros Angelicos cum humanis iungit, hanc ita concludit celebrem glorificationem: *Per Christum Dominum nostrum; per quem Maiestatem tuam laudant Angeli, adorant dominationes, tremunt potestates; cæli calorûmque virtutes, ac beata Seraphim socia exultatione concelebrant; Cum quibus & nostras voces, ut admitti iubeas deprecamur, supplici confessione dicentes.* Tum Clerus & populus pleno concentu Trisagium modulantur, *Sanctus, Sanctus, Sanctus, Dominus Deus Sabaoth. pleni sunt cæli & terra gloria tua, Hosanna in excelsis, Benedictus qui venit in nomine Domini, Hosanna in excelsis.* Et hæc quidem omnia ante Canonem. Sed in ipso canone nihil tam elucet, quam supremus ille cultus: siquidem sacrificium hoc Sacerdos sæpe sæpius profitetur sese, cum vniuersa Ecclesia, & pro omni Ecclesia, & cunctis fidelibus offerre, soli Deo in ipsius maiestatis honorem, gloriæ eius confessionem, nominis magnificationem, bonitatis prædicationem, gratiæ & misericordiæ implorationem, omnipotentis & supremi rerum omnium imperij agnitionem ac adorationem: ideo dicit se, & omnes fideles hanc immaculatam hostiam offerendo, non tantum verbis illum colere, *Sed reddere vota sua æterno Deo viuo & vero.* Et post consecrationem, *Offerimus* (inquit) *præclaræ maiestati tuæ de tuis donis ac datis hostiam puram, hostiam sanctam, hostiam immaculatam, panem sanctum vitæ æternæ, & calicem salutis perpetuæ.* Et infra, *sanctum sacrificium, immaculatam hostiam.* Denique mysticam illam formulam hac coronide concludit: *Per ipsum* (Christum scilicet) *& cum ipso, & in ipso, est tibi Patri omnipotenti, in unitate Spiritus sancti omnis honor & gloria, Per omnia secula seculorum. Amen.* Factâque communionem & absoluto sacrificio sic demum Sacerdos perorat: *Placeat tibi sancta Trinitas hoc obsequium seruitutis meæ, & præsta ut sacrificium quod oculis tuæ Maiestati indignus obtuli, tibi sit acceptabile, mihiq; & omnibus pro*

*pro quibus illud obtuli sit te miserante propitiabile.* Ex qua diuini mysterij clausula, meridiana luce clariùs apparet sacro-sanctum illud sacrificium, à primario ac præcipuo fine laetuticum & honorarium esse, vt pote institutum & destinatum, ad cultum patriæ, adoratione illa perfectissima, & dignissima hostia, diuinæ Maiestati referendum: quamuis & alios fines speciales habeat, vt superiùs expositum est, & mox adhuc patebit.

## ARTICVLVS II.

*Idem offertur, ad Deum placandum, & peccata nostra expiandum.*

**D**ICITVR ideo Missa sacrificium *ἱλασθῆναι*, expiatorium, quo scilicet numen diuinum placamus & propitium reddimus, quando illud offerimus. Paucis quidem sed luculentis verbis hoc docet & declarat postrema Oecumenica Synodus, sess. 22. c. 2. *Huius* (inquit) *oblatione placatus Dominus, gratiam* (scilicet excitantem) *& donum pœnitentiæ concedens crimina & peccata etiam ingentia dimittit: Vna enim eadēque est hostia, idēque nunc offerens Sacerdotum ministerio, qui seipsum tunc in cruce obtulit, sola offerendi ratione diuersa.* Hæc est fides & doctrina constantissima Catholicæ Ecclesiæ. A qua præcipuè hoc in articulo omnes recentiores sectarij dissentiunt, sed potissimùm Calvinistæ: in colloquio siquidem Pissiacensi, tametsi aliquam spem Catholicis fecerint de concordia quoad sacramentum ineunda, adeo vt proximè accesserint ad realis præsentia corporis Christi in ipso Sacramento, confessionem: de sacrificio tamen vt aliqua ex parte conuenirent nullatenùs persuaderi potuerunt. In hoc articulo tamen diuersas, aduersasque opiniones temporis successu tenuerunt; primùm siquidem, quia ipsorum fidei confessio, vnicum Christi sacrificium art. 17. quod in cruce obtulit, agnoscebat, penitùs denegârunt vllum in Ecclesia dari posse externum sacrificium, ipsamque Eucharistiam simplex esse Sacramentum, porrò nullatenùs sacrificium existimandum, summa pertinacia contenderunt. Deinde vi auctoritatum & rationum compulsi, quas Catholici ad asserendum Eucharistiæ sacrificium afferunt, sensim eò deuenerunt, vt Eucharistiam esse sacrificium faterentur: sed latè & improprie sumptum; postmodùm etiam concesserunt esse verè & proprie sacrificium, sed laudis & gratiarum actionis. Tandem etiam esse sacrificium commemoratiuum passionis & mortis Domini, imò etiam repræsentatiuum sacrificij crucis (sed neutiquam applicatiuum) inuitè licèt, aperte tamen concesserunt.

Quamobrem Petrus Molinæus qui ætate nostra (licèt ætate haud parum nobis prouectior) Calvinismum summa industria, nec minori acrimonia contra præcipuos Ecclesiæ Catholicæ defensores, Eminen-



tissimos Cardinales Robertum Bellarminum & Iacobum Peronium propugnauit, in eo totus est vt Missam seu Eucharistiam, quam libentius Cœnam appellat, sacrificium propitiatorium esse & expiatorium, seu applicatiuum sacrificij crucis, inficietur: nullumque lapidem non mouet, quo articulum huiusmodi (qui sectæ suæ fastigium est) stabiliat atque persuadeat. In libro siquidem suæ Nouitatis (quam Papatûs vocat) decimam Controuersiam de sacrificio Eucharistiæ instituit, cuius caput inscripsit primum de statu quæstionis, quam ne attigisse quidem vbi maximè oportebat Cardinalem Peronium criminatur, ait enim illum præfixo à scopo penitus delapsus in fuitiles narratiunculas totum euagari; probare etenim frustra contendere, Missam esse verè & propriè sacrificium cùm hac in quæstione cardo non vertatur, sed ad duo tantum capita reuocanda sit, *Num scilicet Christus verè in Eucharistia immoletur? Et an ipsa sit sacrificium propitiatorium?* assumendo autem pro concessio quod maximè ipsi denegatur: *Constare pro certo* (inquit) *nec verè, nec realiter Christum in Missa seu Cœna immolari. Porro nec verè ullum aliud quàm Christi crucis & mortis dari Christianis sacrificium propitiatorium seu expiatorium.* Quia etenim Christi verum corpus realiter existere in Eucharistiæ Sacramento, cum Caluino eiusque sectariis non credit, haud mirum si offerri ipsum Christi corpus ac immolari hoc in mysterio confiteri detrectat: hostia enim debet esse præsens vt immoletur, absurdumque est asserere ibi posse immolari, vbi ipsa non adsit. Sed hæc prior quæstio potius ad Sacramentum, quàm sacrificium refertur, quamobrem polemicæ Theologi contra hæreticos de Eucharistia scribentes, controuersiam de reali præsentia, vbi de Sacramento Eucharistiæ agunt, pertractare solent; ipsique etiam heterodoxi disputatores eò reuocant celebrem hanc quæstionem: Quam præfatus magnus Cardinalis Peronius accuratè discussit, solutisque omnibus illorum argumentis plenè & superabundè pertractauit luculentò hoc opere, cuius titulus est, *Tractatus de sancto Eucharistiæ Sacramento, Tres in libros digestus. Quibus plena refutatio continetur libri P. Plessæi Mornai contra Missam; vnàque refelluntur cætera quæque aduersariorum Ecclesiæ Catholicæ opera; Tam per collationem Sacramentorum nouæ legis cum Sacramentis antiquæ, quàm per expressionem historicam fidei vniuersalis ipsius Ecclesiæ Catholicæ circa hoc Sacramentum, & singulas eius partes, secundum omnium sæculorum continuam seriem, & iuxta doctrinam sanctorum eiusdem Ecclesiæ Patrum, ac cæterorum auctorum; Adiuncto insuper examine omnium Liturgiarum, necnon accurata demonstratione vsus & praxis ipsius Ecclesiæ Catholicæ, circa consecrationem, transubstantiationem, adorationem, ac reliquos ritus venerabilis altaris Sacramenti.* Si ex hoc limpidissimo fonte aquas vitæ & veritatis Molinæus, sui que similes haurire voluissent, qui ipsis è domo Dei patebat: venenum certè vel inuicti iam iam euomissent, quo inflati fidem impugnant & Ecclesiam efferato spiritu persequuntur. Paucis multa dicam; Cuique homini nullis scientiis suffulto, sed prædito tantum quo homines vt plurimum valent sensu communi (si quæ Cardinalis Peronius scri-

psit insigni illo in opere de Eucharistia, voluerit quadam cum attentione perlegere; non posse quin vera realisque Christi corporis & sanguinis in venerabili Sacramento præsentia prorsus certa & manifesta appareat, digitoque Dei obsignata, & vniuersi orbis ab ortu fulgentis Euangelij ad hæc vsque tempora, quibus nouitas ista exorta est, patienti consensu obfirmata. Desinat igitur Molinæus Cardinalem Peronium calumniari, quod parçè & arètè nimis hanc quæstionem pertractarit, & ne attigerit quidem nodum ipsius quæstionis. Quod si tam luculentum & copiosum opus piget Molinæum eiusque symystras asseclâsque peruoluere, quod an si in lucem prodierit vnquam ad suam peruenisse notitiam solita arte passim dissimulauit, in promptu via facilior & longè breuior conspicua vel inuitis occurrit. Prodiit his ipsis diebus (cùm hæc scribo) opus prorsus incomparabile, æternæque dignum memoria, inscriptum, *Tractatus, Methodum completens, haud minùs planam & facilem, quàm certam & securam ad deuos quosque conuertendum, qui se ab Ecclesia gremio & sinu segregarunt. Auctore Eminentissimo Cardinale de Richelieu. Qui quidem vbi lib. 1. & 2. de vera Christi Ecclesia eiusque genuinis notis doctè & accuratè siquis vnquam disseruit, lib. 3. particularia ad dogmata progressus, ex professo tractat de præsentia reali Christi Domini in Eucharistia.* Agit sub hoc programme vir ille per omnia magnus, cum aduersariis, ipsoque Molinæo ex propriis eorum principiis: adeoque solidè & perspicuè ipsam veram existentiam demonstrat, tot tantisque rationibus & testimoniis confirmat, vt qui legerit, si sapit quicquam, haud acquiescere non possit. Satis enim hic vnus esse potest Tractatus, tamen si mole tenuis, ad Catholicum dogma vndequaue comprobandum. Quamobrem superuacaneum foret hîc nouam de re tanta lucubrationem inire, cùm hæc quæstio tamdiu ab hæreticis agitata, tôtque libris à Catholicis explicata, atque à Conciliis plerisque etiam generalibus definita, adeo feliciter fuerit ab inclyto hoc auctore pertractata, discussa & absoluta, vt nihil deinceps circa eius dilucidationem desiderari possit. Vincit sic veritas, & in æternum aduersus omnia hæreticorum mendacia præualebit. Cæterùm manente cum ineluctabili firmitate hoc Catholicæ fidei articulo, de reali Christi corporis & sanguinis præsentia in venerabili Eucharistiæ Sacramento, nihil aduersariis superest, quo Missæ sacrificium queant inficiari. Hôspiniâno ardentissimo Calvinista asserente, corporali & reali stante præsentia, sacrificium nostrum euerti non posse, part. 2. hist. Sacram. fol. 5. & 131. Esset igitur cur hîc perpetuum silentium Molinæo iure imponerem; sed tamen quia perfractè adeo negat vllum sacrificium propitiatorium, nisi solum sacrificium crucis, admittendum esse; contenditque speciatim Eucharistiam, eiusmodi sacrificium nec esse nec probari posse: vt ægro cerebro illius, belleborum afferamus, patienter quicquid graui hac infania laborans effutiit, audiemus, eiusque quàm futiles & pudendæ sint ineptiæ propalam faciemus tam breui quàm sincero argutiarum eius examine.

## DIGRESSIVNCULA POLEMICA.

*Pro vero Eucharistia sacrificio, eoque propitiatorio.**Contra Pet. Molinæum.*

**H**OC supposito Axiomate : *Cui non convenit definitio, nec convenit definitum*, Molinæus nititur proposita sacrificij definitione ad suum genium efficta, euctum ire Eucharistiam esse non posse sacrificium propitiatorium. *Omnis oblatio (inquit) est actio quadam religiosa instituta à Deo, qua hostia vel res visibilis ipsi consecratur & offertur, eademque destruitur sine in expiationem peccati, siue in gratiarum actionem.* Definitio enim & essentia sacrificij hæc quinque continet & includit. 1. *Ut sit actio religiosa instituta à Deo.* 2. *Ut sit oblatio visibilis.* 3. *Ut ab offerente sit Deo consecrata.* 4. *Ut dum sit sacrificium destruat.* 5. *Quod si sacrificium fuerit propitiatorium, necessum est, ut pretium redemptionis offeratur & immoletur siue in re & effectu, siue in commemoratione & figura.* Vnde patet omnino esse impossibile quòd Missa in qua Christum immolari Pontificij volunt, verè sit & propriè sacrificium, quia scilicet caret his quinque principiis, ex quibus eiusmodi sacrificium essentialiter constat. Hactenùs Molinæus. Tametsi verò in hac sacrificij definitione nonnulla sint quæ meritò reprehendi possent: tamen absque aliarum definitionum quas Catholici Theologi longè rectiùs præscribunt, minimo præiudicio, ut cum aduersario agam suis ex principiis, sicque arctiùs eum suis propriis laqueis & nexibus constringam; ex hac ipsa quam assignat sacrificij veri & propitiatorij definitione, Missam esse verè & propriè sacrificium propitiatorium, breui quidem, sed non minùs solida quàm perspicua demonstratione patefaciam, eodem ordine quo ipse Molinæus sua proposuit argumenta.

## PRIMA OBIECTIO MOLINÆI.

**NULLA** ratione Missa potest esse verum sacrificium, & quidem propitiatorium: quia Deus, sacrificare Christum nunquam nobis præcepit.

## SOLUTIO.

**CHRISTVM** Deum esse verum, neque Lutherani, neque Calvinistæ hactenus abnuerunt: necesse est igitur fateantur quicquid iussit Christus diuinum esse mandatum: At quum obtulisset Christus Deo corpus suum & sanguinem in vltima cœna, in gratiarum actionem & remissionem peccatorum, Apostolis suis (& sic eorum successoribus) præcepit ut hoc ipsum facerent in perpetuum: *Hoc facite in meam commemorationem*; igitur seipsum præcepit sacrificari, qui præcepit offerri, nam quod fecit, facere commendavit. Præsentit Molinæus hoc responsum, atque sic eludit Concilium Tridentinum sess. 22. can. 2. *Ut probet (inquit) ista synodus Eucharistiam esse verum sacrificium corporis Christi: allegat pro omni confirmatione hæc verba Domini: Hoc facite in meam commemorationem, dicitque anathe-*

ma omnibus & singulis qui negatum ire ausi fuerint, iis verbis Domini, ordinem Sacerdotalem contulisse, simulque mandatum dedisse suis Apostolis realiter sacrificandi corpus suum. Nullum est isto deplorata causæ evidentius indicium, quam in id genus futilium probationum angustias adigi? violentior ullane potest aut ineptior dari interpretatio verborum Domini, Hoc facite in meam commemorationem, quam hoc est glossema, Constituo vos Sacerdotes, hoc est sacrificatores ad sacrificandum corpus meum pro viuis & pro mortuis. An verò Concilium hoc Oecumenicum, cui aperta facie refragari Molinæum non pudet, sic nudè & crudè exponat Christi verba, textus ipse canonis 2. 22. sess. quem signatim citat Molinæus, patenti indicio esse potest, ita verè se habet: Si quis dixerit illis verbis (ait ipsa synodus) hoc facite in meam commemorationem, Christum non instituisse Apostolos Sacerdotes, aut non ordinasse ut ipsi aliique Sacerdotes offerrent corpus & sanguinem suum, Anathema sit. Habet profectò duas partes canon iste, alteram quòd Christus Apostolos & eorum successores Sacerdotes tunc constituerit, alteram quòd ipsis offerre suum corpus & sanguinem præceperit. Sed dato quòd tunc Christus suum corpus & sanguinem obtulerit, rectè sequitur quòd ipsum offerre illis mandauerit dicens, Hoc facite &c. & consequenter eos Sacerdotes constituerit. Quæstio igitur solum in hoc cardine vertitur, an Christus se tum Patri obtulerit in sacrificium? negat cum Caluino & aliis hæreticis Molinæus; asserit Concilium Oecumenicum, cui imponit vaser ille Minister, quòd verba Domini manifestè corrumpat nouo ac inepto (ut ait) glossemate. Verùm fraudulenter ipse Molinæus Concilij doctrinam exponit, siquidem Concilium non docet ex his solis verbis, Hoc facite &c. immediatè elici Eucharistiæ sacrificium: sed hoc fuisse & factum & intentum Domini declarat ex perpetuo intellectu, & vnanimi consensu Ecclesiæ Catholicæ, sicut enim expresse docet Concilium illud sapientissimum, c. 2. præsignatæ sessionis: Is igitur Deus & Dominus noster, etsi semel in ara crucis morte intercedente Deo patri oblaturus erat, in cæna nouissima qua nocte tradebatur, ut dilectæ sponse suæ Ecclesiæ visibile, sicut hominum natura exigit, relinqueret sacrificium, quo cruentum illud in cruce peractum reputaretur, eiusque memoria in finem usque sæculi permaneret, atque illius salutaris virtus in remissionem eorum quæ à nobis quotidie committuntur peccatorum applicaretur: Sacerdotem secundum ordinem Melchisedech se in æternum constitutum declarans, corpus & sanguinem suum sub speciebus panis & vini Deo patri obtulit, ac sub earundem rerum symbolis, Apostolos quos tunc noui Testamenti Sacerdotes constituabat, ut sumerent tradidit, & eisdem eorumque in Sacerdotio successoribus ut offerrent præcepit per hæc verba, Hoc facite in meam commemorationem, uti semper Ecclesia Catholica intellexit & docuit. Igitur nec ex solis verborum syllabis, sed ex sensu, neque ex violento ac inepto (ut ait Molinæus) glossemate: sed ex perpetuo intellectu Ecclesiæ Catholicæ vnanimique consensu, Concilium hoc colligit & declarat.

Hic hæreat Molinæus pede fixo iam oportet. Nititur Concilij definitio verbis Christi semper & ubique ab Ecclesia, sicuti docet;



intellectis; vel hoc admittit Molinæus, vel negat. Si admittit Ecclesiam Catholicam perpetuo consensu sic verba Domini intellexisse: cōne temeritatis progredietur, ut sibi contrarium asserenti suisque affectis potius acquiescendum esse velit, quàm Catholicæ Ecclesiæ, *Quæ basis & columna est veritatis*, cui iuxta promissum Domini *datus est Spiritus sanctus, spiritus veritatis, ut maneat cum ea in æternum, illamque omnem veritatem edoceat*, de qua ideo Christus altè pronunciat, *Qui Ecclesiam non audierit, sit tibi sicut ethnicus & publicanus*. Necessè est igitur si Ecclesiæ magisterium Molinæus audire, vel hoc solo nomine detrectet, esse cum impiis & infidelibus relegandum. At fortè si inficias ierit, Ecclesiam Catholicam semper sic ut asserit Concilium verba Domini intellexisse, ac docuisse: iam tunc quæstio non de iure, sed de facto erit, probaturque facile fuerit sic ab Ecclesia semper creditum & traditum, ut Concilium docet & declarat, scilicet quòd Christus dicendo Apostolis, *Hoc facite in meam commemorationem*. ut offerrent ipsum corpus suum & sanguinem sicut obtulerat, præceperit. S. Irenæum fuisse auditorem B. Polycarpi S. Ioannis Apostoli & Euangelistæ discipuli nequit Molinæus, si frontem habeat, diffiteri. Hic verò Apostolicis edoctus oraculis, suo tempore Ecclesiam toto orbe martyriis purpuratam sic censuisse, sic docuisse testatur, lib. 4. aduersus hæreses, c. 32. in fine. *Acceptus (Iesus) panem & gratias egit dicens, hoc est corpus meum, & calicem similiter &c. suum sanguinem confessus est, & noui Testamenti nouam docuit oblationem, quam Ecclesia ab Apostolis accipiens offert Deo in vniuerso mundo*. S. Cyprianus itidem Martyr gloriosus & Pontifex epist. 63. ad Cæciliam: *Quòd si nec minima (inquit) de mandatis Dominicis licet soluere, quanto magis tam magna, tam grandia, tam ad ipsum Dominicæ passionis, & nostræ redemptionis Sacramentum pertinentia, fas non est infringere? aut non in aliud quàm quod diuinitus institutum sit humana traditione mutare: nam si Iesus Christus Dominus & Deus noster ipse est summus Sacerdos Dei patris, & sacrificium patri seipsum primus obtulit, & hoc fieri in sui commemorationem præcepit. Vtique ille Sacerdos vice Christi verè fungitur, qui id quod Christus fecit imitatur, & sacrificium verum & plenum tunc offert in Ecclesia Deo patri. Si sic incipiat offerre secundum quod ipsum Christum videat obtulisse. Hinc Iustinus Martyr in Dialog. cum Triphone, Certò, inquit, constat quòd huius nominis sacrificia quæ Iesus Christus tradidit, hoc est Eucharistiam panis & poculi ubicumque terrarum apud Christianos fiant, Deus accipiat, & sibi grata esse testetur*. Hippolytus Martyr Episcopus Portuensis, Clementisque Alexandrini discipulus, qui inter insignes Ecclesiasticos scriptores ab Eusebio Cæsariensi lib. 6. Hist. Eccles. c. 22. & à S. Hieronymo in Catalogo de Ecclesiasticis quoque scriptoribus recensetur, oratione de consummatione mundi (quo tempore iuge sacrificium ab Antichristo eiusque emissariis sublatum iri iuxta Danielis prophetæ vaticinia insinuat) Christum eiusdem sacrificij auctorem, iis verbis ad Sacerdotes loquentem inducit: *Venite Pontifices & Sacerdotes, qui pretiosum corpus & sanguinem meum quotidie immolastis*. S. Ambrosius in Ps. 83. ad

Lib. 2. epist. 9.

Vide *suprà* textum Græcum.

\* ΠΑ ΘΙ ΑΙΜΑΤΟΣ  
 ΙΠΔΥΜΑΤΙΣ, ΦΙΣΙ,  
 ΜΗ ΤΙ ΕΙΔΩΛΩΝ ΒΛ-  
 ΜΩΝ Τῷ Τῇ ΑΛΟ-  
 ΓΩΝ ΦΟΒΩ, ΑΛΛΑ Τὸ  
 ΔΥΣΚΑΤΕΙΟΝ Τὸ Ε-  
 ΜΩΝ Τῷ ΕΜΩ ΦΟΒ-  
 ΟΝΤΙ ΑΙΜΑΤΙ.

*S. Ioan. Chryf.  
in 1. Cor. hom.  
24.*

\* \* Τί δὲ ᾄψο ἔ-  
 σιν; ἢ ἀποροῦν ἢ  
 αὐτὴ ἐσιν, καὶ Πί-  
 στος, ἢ αὐτὴ ἐσιν,  
 ὡς ὁ Χερὶς τῆς  
 μεθυστικῆς ἰδου, ὃ  
 ὡς γὰρ οἱ ἱερεῖς ποί-  
 ουσιν. Ἐνί, αὐτὴ ἰ-  
 λάθων ἐκείνης, ὅ-  
 τι καὶ τὸ πᾶν ἐκ  
 ἀποροῦς ἐκείνης  
 αὐτὴ ἐσιν ὃ καὶ ἐ-  
 κείνη ἀνέκτος.  
*Idem hom. 2. in*  
*2. Tim. tom. 12.*

in Pl. 33. Conc. 2. *Ipsē de corpore & sanguine suo sacrificium instituit secundum ordinem Melchisedech.* Et quia ad hoc sacrificium offerendum Episcopi & Presbyteri, Sacerdotes in Apostolis à Christo instituti sunt, ideo hos solos propriè Sacerdotes esse idem Sanctus Doctor asserit lib. 20. de Ciuit. Dei c. 10. & lib. 10. c. 20. *Christus (inquit) Sacerdos est ipse offerens, & ipse oblatio, cuius rei Sacramentum quotidianum esse voluit Ecclesie sacrificium: hoc si voluit itidem instituit & præcepit.*

Innumera eiusmodi Sanctorum Patrum testimonia proferri possent quæ perennem hac de re apertissimè probant Ecclesie fidem, sed minimè opus est ampliori inductione: Aduersarij enim stare aduersum se hac in causa fatentur Sanctorum Patrum confessum, Ecclesieque Catholicæ consensum, tantumque vsum constanter per orbem obseruatum. Luther. lib. de Capt. Babyl. c. 1. Calvinus lib. 4. c. 18. §. 1. Rectè igitur Concilium Tridentinum declarauit Eucharistiae sacrificij institutionem & Sacerdotij nostri originem ex facto & verbis Christi rectè elici, *Vti semper Ecclesia Catholica intellexit & docuit.*

Accedit quòd ex ipsa Christi actione verbisque sacris, si accuratim expendantur, huiusmodi institutio satis apparet. Dicit Apostolis, *hoc est corpus meum, quod pro vobis datur*, Luc. 22. vel vt habet Paulus 1. Cor. 11. *quod pro vobis frangitur*: Et de calice sanguinis sui, *qui pro vobis*, inquit, *effunditur in remissionem peccatorum.* Omnia ista clamant, hoc sacrificium à Christo institutum, loquitur enim in præsenti. Negari non potest corpus & sanguinem Christi esse salutis nostræ vnicam hostiam, hanc verò fuisse hinc oblatam verba ista manifestè docent, *pro vobis datur, frangitur, effunditur in remissionem peccatorum.* Nonne quod pro nobis datur, pro nobis offertur? Fatetur Calvinus fractionem de qua in cœna loquitur Christus, veram immolationem fuisse in 1. ad Cor. 11. v. 24. tom. 5. c. 392. Quis verò neget vbi sit sanguinis in remissionem peccatorum effusio, verum ibi sacrificium esse? Hoc splendore perstrictus Kemnitius, quo elabi possit, quærit effugium, dicit versiones aliquas habere effundetur; proinde verba Christi de sacrificio crucis intelligenda esse. Sed euasio hæc est futile, siquidem in originali Græco 1. Cor. 11. fatentur plerique Ministri Calvinistæ, ipsæque Molinæus legendum esse in præsenti effunditur, τὸ πρὸς τὸ πρῆναι ἐν τῷ αἵματι μου ὅτι τὸ δὲ ἵπῃς ἐκχυθὲν. Item, *frangitur* apud ipsum Apostolum: *Datur*, apud Lucam constanter ab omnibus legitur. Et licet apud Matthæum legamus, vt habet vulgata editio *effundetur*, sicque legerit S. Cyprianus lib. 2. ep. 3. nihil aliud tamen hoc probat, quàm vtramque locutionem esse veram: quod & nos fatemur, fustum enim fuisse Christi sanguinem in cruce agnoscimus, & hoc respectu dicere potuit Christus *effundetur*; sed fustum etiam fuisse in calice asserimus, proinde iam tunc Deo libatum & immolatum: vnde signanter ait Dominus apud Lucam: *Hic est calix nouum Testamentum in sanguine meo*, Qui calix (hoc enim præcisè Græcus habet contextus, vt ipse Beza fatetur) *pro vobis fundetur*; fustus igitur

tur iam erat sanguis in calice; qui effusus adhuc erat in cruce, vel perpetuis temporibus fundendus erat in quotidiano Ecclesiæ sacrificio, quod tunc iam Christus offerebat, & facere in suam commemorationem expressè præcipiebat. At instat Molinæus, Christus hanc suam actionem non appellavit sacrificium? Respondeo neque itidem vocavit Sacramentum. Sed quomodo elicitur ex manifestis principiis & circumstantiis tunc Eucharistiæ Sacramentum à Christo institutum fuisse, eadem ratione colligitur tum fuisse quoque sacrificium ab ipso institutum & commendatum, quemadmodum iam liquet ex dictis.

## SECUNDA OBIECTIO MOLINÆI.

*HOSTIA quam Pontificij contendunt Deo offerri in Missa, Christus videlicet, hic non apparet, neque videtur; Ergo esse non potest oblatio visibilis, proinde nec externum sacrificium.*

## SOLUTIO.

ADMITTIMVS antecedens, sed consequentiam negamus. Christus enim etsi in specie propria hic non offertur, verè tamen adest, & sub signo visibili, panis scilicet & vini symbolis immolatur. Sic enim fieri hoc in sacrificio oportuit, quia Eucharistia non solum sacrificium, sed etiam Sacramentum est; est autem de essentia Sacramenti, ut sit signum visibile, & res quæ sub signo exhibetur sit invisibilis: quia in omni Sacramento aliud videtur, aliud creditur; species hic est panis quæ videtur, at corpus Christi later quod creditur & adoratur. Satis est ut oblatio externa quæ Deo fit, sit aliqua ex parte visibilis. In cruce Christus obtulit patri corpus & animam suam, nam se ipsum obtulit immaculatum Deo, at solum corpus erat visibile, anima verò erat invisibilis; sic in Eucharistiæ sacrificio, quod simul Sacramentum est, pars aliqua oblationis cedit assistentium aspectibus, signum scilicet visibile specierum: aliqua oculis non patet, corpus scilicet Christi his speciebus sensibilibus obvelatum. Appositè hic sanctus Augustinus, hoc est quod dicimus sacrificium scilicet Ecclesiæ duobus confici, duobus constare, visibili elementorum specie, & invisibili Domini nostri Jesu Christi carne & sanguine, Sacramento & re Sacramenti, id est corpore Christi: sicut Christi persona constat & conficitur ex Deo & homine. Diu ante S. Augustinum S. Irenæus idem fermè docuit lib. 4. con. hæreses c. 32. iam signato. Id ipsum postea docuerunt Paschasius lib. de Corpore & Sanguine Domini statim ab initio, & Lanfrancus lib. de Eucharistia contra Berengarium.

## TERTIA OBIECTIO MOLINÆI.

*ACCEDIT quòd hostia quæ hoc in mysterio esse supponitur, à sacrificante Deo non consecratur, quia \*Deus ab homine consecrari non potest.*

Canon, hoc est quod dicimus. De Consecrat. dist. 2. ex dictis S. Aug. in lib. sent. Prosperii.

\* Christus

## SOLUTIO.

SI verbum consecrari assumit Molinæus pro verbo offerri, manifestè fallitur in ratiocinatione sua; cum enim suprà fuerit euidenter probatum, Christum semetipsum in Eucharistia æterno Patri obtulisse, atque ut facerent eius discipuli quod ipse fecerat, eisdem præcepisse dicendo, hoc facite in meam commemorationem, inde rectè sequitur à



# 454 PANOPLIÆ SACERDOTALIS PARS II.

Christi discipulis & ministris Christum ipsum posse legitimè Deo offerri & consecrari. At si capit verbum *consecrari* pro eodem ac sanctificari, ultro concedimus Christum à nullo homine posse consecrari. De se ait Christus, *Quem pater sanctificavit, & misit in mundum.*

Joan. 10. 36. &  
17. 19.

Iterumque de se ipso & membris suis: *Pro eis* ( inquit ) *sanctifico meipsum ; ut & ipsi sanctificati sint in veritate. Sanctifico meipsum*, inquit, id est me in hostiam & sacrificium offero, nunc inruenter quidem per Eucharistiam : mox verè cruentè per mortem, ut sint illi sanctificati per Spiritum sanctum quem eis missurus sum, qui est spiritus veritatis, spiritus gratiæ & salutis. Christus à nulla creatura sanctificatur, sed ipse omnes qui sanctificantur sanctificat, suis meritis, suo spiritu, sua gratia ; attamen à sanctissima Virgine ipsius parente, & B. Ioseph, aliquo sensu sanctificatus est. Lex diuina dudum iubeat Exod. 13. *Sanctifica mihi omne primogenitum* : ideo ( scribit S. Lucas, c. 2. ) *secundùm legem Moysi tulerunt illum in Ierusalem ut sisterent eum Domino* : Sanctificauerunt igitur iuxta legem, dum eum Domino præsentârunt & obtulerunt ; sic à Ioanne voluit ipse Dominus baptisari, quamuis Ioannes ipse sese ab hoc officio excusaret, sic ab Angelo confortatur, tametsi ipse sit, *qui omnia portat verbo virtutis suæ*, Heb. 1. 3. proinde & Angelos & homines confortat : sic consecratur à Sacerdote in magno pietatis suæ sacramento, non quòd à Sacerdote ullam recipiat sanctitatem, sed quòd per eius ministerium acquirat sub elementorum signis nouam præsentiam, & nouam ad Deum relationem ; quia per Sacerdotem Deo offertur & immolatur ; *Offerimus præclare Maestati tuæ* ( ait ipse Sacerdos Deo Patri ) *hostiam puram, hostiam sanctam, hostiam immaculatam*, quæ nimirum ex se talis est, & quam Sacerdos ut talis esset non fecit. Quomodo igitur ( instabit Molinæus ) dicitur consecrare corpus Christi ? Non certè quia sacrum facit, sed quod verbo diuino & potestate sibi diuinitus tradita efficit, ut panis iam non communis, sed consecratus, sit corpus Christi, materialisque & vsualis esse prorsus desinat ; Quapropter mox subiungit, *panem sanctum vitæ æternæ* ( quod certè antè non erat ) *& calicem salutis perpetuæ*. Adde quòd si etiam Christus in altari consideratur ut victima & hostia, Deo oblata & immolata : nihil repugnat quin à Sacerdote dedicari, consecrari, & offerri censeatur, nam & Paulus ait Apostolus, *Mysticum calicem benedici* ; *Calix benedictionis cui benedicimus* ( inquit ) *nonne communicatio sanguinis Christi est ?* In Græco ὁ ποτήριον τῆς ἐνδοξίας καὶ ἐνδοξοῦ υἱοῦ. Calix benedictionis quem benedicimus, Christus hoc nos docuit ipse ; & factò, & mandato hoc nos facere præcepit. *Benedixit* ( Matth. 26. Luc. 22. 1. Cor. 11. ) *benedicimus ; frangit frangimus ; consecrauit, consecramus ; ipse est comedens & qui comeditur, ipse offerens & qui offertur, ipse consecrans & qui consecratur, id est Deo dicatur, offertur, & immolatur. à quo ? à seipso & Sacerdote ; à seipso ut summo Sacerdote principaliter : à Sacerdote ministerialiter ; à seipso inuisibiliter, à Sacerdote visibiliter : à seipso per se ut prima causa efficaciter, à Sacerdote tantùm instrumen-*

1. Cor. 10. 16.

taliter. Hinc S. Chrysostomus hom. 60. ad populum, *Non sunt humana virtutis opera proposita, nos ministrorum locum tenemus; Qui verò sanctificat & immutat ipse est.* Et hom. 2. in 2. ad Timoth. \* *Sacra ipsa oblatio, siue illam Petrus, siue Paulus, siue alius cuiusvis meriti Sacerdos offerat, eadem est quam dedit Christus ipse Discipulis, quamque Sacerdotes modò conficiunt; Nihil habet ista quàm illa minus, cur id? quia non hanc sanctificant homines, sed Christus qui illam antè sacraverat.* Idem docet S. Augustinus hac celebri sententia, *hoc sacrificium non in merito consecrantis, sed in verbo efficitur creatoris: quemadmodum etiam passim S. Ambrosius, cum in libro de iis qui Mysteriis initiantur, tum de Sacramentis asseuerat.*

\* Vide suprà  
text. Græc. in  
solut. Obiect. 1.

## QUARTA OBIECTIO MOLINÆ.

ADDE quòd in Missa Christus non destruitur, at nec quicquam patitur in se, neque in specie; id est neque in re, neque in signo.

## SOLVTIO.

FIDE Catholica credimus & profiteamur Christum in Eucharistia neque mori, neque pati in se vllò modo; *Christus resurgens à mortuis* Rom. 6. 9. (ait Apostolus) *iam non moritur, mors illi ultrà non dominabitur.* Et ideo filios suos alto præconio monet Ecclesia, quando Eucharistiam frangi à Sacerdote conspiciunt, ne fracturam huiusmodi cadere in ipsum corpus Christi, quod viuum & viuificans est, immortale & impassibile sub iis ipsis speciebus, quæ patent oculis, arbitrentur, siquidem

*Nulla rei fit scissura,  
Signi tantum fit fractura,  
Qua nec status nec statura  
Signati minuitur.*

S. Tho. præd.  
Lauda Sion.

Non hinc tamen sequitur quod infert Molinæus, *Ergo non immolatur; Igitur Missa* (etiam posita reali præsentia corporis Christi in Sacramento) *Christi corporis & sanguinis sacrificium verum esse non potest.* Negatur inquam hæc consequentia: sed Molinæus altiori ex principio forsitan instabit: Nam vt Deus, sicut auctor vitæ, & mortis Dominus, per veram oblationem verumque sacrificium honoretur: omninò necessarium est, vt quod offertur Deo in sacrificium, destruat, & ita mutetur, vt quod erat desinat esse: vnde Theologi in definitione veri sacrificij externi mutationem illam includunt, dicunt enim: *Sacrificium est oblatio externa soli Deo facta, quoad agnitionem humane infirmitatis & professionem diuinæ Maiestatis à legitimo Ministro, res aliqua sensibilis & permanens ritu mystico consecratur & transmutatur.* Quod certè de Christi corpore non fit in Eucharistia, nam facta consecratione, fractione, & sumptione, *Agnus* (vt dixit S. Andreas) *integer persueuerat & viuus;* proinde non sacrificatur.

Et verò speciosam hanc esse argumentationem non abnuo, at inficior solidam: dato enim hoc axioma, *Sacrificium rem esse quæ per sui immutationem Deo offertur, seu etiam mutationem rei Deo oblata.* Dicunt Theologi plerique ad essentiam sacrificij minimè requiri vt res quæ dicitur offerri in sacrificium immutetur, sed (quamuis frequen-

tiùs id accadat) fieri posse vt absque vlla physica sui immutatione Deo offeratur in sacrificium, dummodò aliquod sacrum circa illam fiat, quoad sacros vsus censeatur humano more dedicari. Atque huiusmodi sacrificia sine aliqua physica sui mutatione etiam in lege Moyssi fuisse instituta existimant, v. g. sacrificium panum propositionis, Leuit. 23. & 24. sacrificium panis & vini à Melchisedech oblatum, Genes. 14. In his enim sacrificiis nulla legitur realis facta mutatio, sed tantum cæremonialis, & tamen hæc vera fuisse sacrificia nemo negat. Potest etiam efficacius responderi haud opus esse etiam si realis mutatio esset necessaria, quòd sit totalis, satis esse siquidem quòd sit in re oblata mutatio realis, quoad partem eius, neque enim vt sit quoad totum sacrificium, id requiri. Exempla insignia sunt, 1. Sacrificij duorum passerum pro emundatione leprosi, quorum alter occidebatur, & effusus sanguis aspergebatur cum ligno cedrino & coccino, alter hoc aspersus cruore viuus dimittebatur, vt liberè auolaret, Leuit. 14. &c. 2. Alterum, de duobus hircis quorum alter mactabatur, alter verò imprecationibus onustus, eiiciebatur in desertum, Leuit. 16. Certum enim est quòd siue duo hirci, siue duo passeris, vnum idemque constituebant sacrificium mystico suo binario; Et tamen vtriusque non tota oblatio destruebatur, sed media tantum. Ex quo sequitur satis esse ad rationem veri sacrificij, vt immutatio non sit de toto, sed de parte: in Eucharistia porro partis oblationis fieri realem immutationem, nam elementa panis & vini verè & substantialiter in corpus & sanguinem Domini transmutantur, adeoque destruuntur, quia desinunt prorsus esse quod prius erant, quin & ipsa signa destruuntur per fractionem & consumptionem specierum; re quæ sub signis latebat nempe corpore & sanguine Domini in suo esse & statu immutabiliter permanente.

Cardinalis Peronius in eleganti, pererudito, & luculento suo opere de Eucharistia aduersus Plessæum Mornæum lib. 2. auctore 54. qui est Petrus Lombardus Episcopus Parisiensis, vulgò dictus Sententiarum Magister, insignem ponit differentiam inter sacrificia Hebræorum, & sacrificium Christianorum; illa enim realia quidem erant, inquit, quoad immolationem, occisionem & destructionem hostiarum; at hostiam veram non habebant, qua peccata verè & re ipsa expiari possent, sed hostiam tantum figuratiuam & repræsentatiuam. Porro sacrificium Ecclesiæ Christianæ continet quidem realiter & substantialiter hostiam veram & vnicam, qua peccata delentur: at immolationem, occisionem & destructionem non habet nisi repræsentatiuam. Cæterum differre sic hoc sacrificium à sacrificio crucis quoad modum actionis, licet quoad rem ipsam oblatam idem omnino sit: utrobique enim Christus realiter immolatur, cruentur in cruce, incruenter in Missa. Idque bene animaduertisse & rectè docuisse præfatum Petrum Lombardum, qui lib. 4. sent. dist. 12. hunc in modum concludit, *Ex his colligitur esse sacrificium & dici quod agitur in altari, & Christum semel oblatum, & quotidie offerri: sed aliter tunc, & aliter nunc.*

Cæterum quæstio occurrit hîc notabilis, *Cur Christus qui fracturam non admisit in cruce, eam tamen in mysterio Eucharistiæ adhibuit?* Quæstio insignis. Fractio (ipso Caluino fatente) indicium est immolationis: cur igitur Eucharistiam fregit Christus & frangendam præcepit? unde Apostolus 1. Cor. 11. panis quem frangimus nōne participatio corporis Christi est? Sanè ut signaculum immolationis proprium apponeret: præuidebat enim orituros aliquando ita ingratos homines, ut omne sacrificium externum tollere in Ecclesia niterentur, ipsamque Eucharistiam quam instituebat, ut esset perenne suæ passionis & mortis mnemosynon, & proprium noui Testamenti sacrificium, latreuticum, propitiatorium, impetratorium & eucharisticum, negarent, vlllo titulo, at præsertim propitiationis & impetrationis sacrificium esse. Hanc ut hæresim ipsius institutionis auctoritate præcideret, omnia quæ sacrificij huiusmodi indicio sunt manifesto, adhibuit, factisque & dictis vsus est, quibus talis sacrificij veritas palam ostenderetur. *Corpus suum dari pro nobis, sanguinem effundi pro nobis in remissionem peccatorum* expressis verbis asseruit; ut sicut effusio sanguinis est hostiæ immolationis patens indicium, eiusdem hostiæ (quam post verba benedictionis & gratiarum actionis discipulis porrigebat) fractione, innueret se perfectum instituere sacrificium. Alto mentis acumine hoc arcanum præuidit, verbisque expressit ante annos ferè 1300. S. Gregorius Nyssenus hom. 1. de Resurrect. Christi: *Cum corpus suum discipulis congregatis edendum & sanguinem bibendum præbuit, tunc aperte declarauit agni sacrificium veri, scilicet* (huius siquidem de quo Paulus ait *Pascha nostrum immolatus est Christus, itaque epulemur*) iam esse perfectum. Nempe etiam antequam in cruce visibiliter fuso cruore immolaretur. Rationem verò affert eximiam, *Quia* (inquit) *victimæ corpus non est idoneum; si animatum sit, quare cum corpus edendum & sanguinem bibendum dedit, iam victima arcano & inuisibili modo erat immolata.* Explicant sic graues Theologi arcanum hunc & inuisibilem modum, *Quod non solum in Eucharistiæ sacrificio mors Christi, quam in cruce passus est commemoretur. Sed etiam quia mystico quodam modo hîc Christus occiditur, dum per modum hostiæ occisæ, seorsim vi verborum, corpus & sanguis in altari exhibentur. Quo pacto sit ut hoc peragatur sacrificium non malleo, aut gladio materiali, ut olim vetera sacrificia, sed gladio verbi Dei, qui est omnipotens: sicut enim olim fiebat sacrificium quando hostia gladio mactabatur, nempe agnus vel vitulus, & sanguis separabatur à carne, ita nunc sit sacrificium quando, vi verborum consecrationis, corpus & sanguis ponuntur seorsim, tanquam rei occisæ & immolatæ: corpus sub specie panis, & sanguis sub specie vini. unde verba consecrationis sunt instar gladij: Corpus Christi quod nunc est in cælo viuum, est instar hostiæ viuæ & immolanda: corpus ut positum sub specie panis, & sanguis sub specie vini, se habent ut corpus & sanguis agni tunc immolati. Quamuis enim per concomitantiam totus Christus sit sub vna & vtraque specie, tamen præcisè ex vi consecrationis sola caro est sub specie panis, & solus sanguis sub specie vini, sicque diuino nutu factum est ad plenam expressionem sacrificij, in quo hostia realiter vel mysticè*

Matth. 26.  
Luc. 22.

Lessius lib. 12.  
de perfection.  
diuinis c. 13.



maetata, & sanguis reipsa vel mysticè effusus esse debet. Quæ causa est cur Ecclesia dispensat populo Eucharistiam, ut sacramentum est, sub vna tantum specie, sub qua integrum esse Christum per necessariam partium connexionem proficitur: at sacrificium nunquam celebrat, nec docet celebrari posse nisi sub utraque specie, quia includit hoc sacrificium expressam repræsentationem Christi mortis, in qua sanguis effusus à carne seiunctus erat, & hostiam quam veram habet continet ut immolatam. Quamobrem Gelasius declarat can.

*De Consec. dist. 2.* *Comperimus. sine grandi sacrilegio, Sacerdotes Christi corpus absque sanguine accipere non posse in altari: cum tamen ex viua praxi Ecclesiæ illis liceat in priuata communione, Eucharistiam sumere sub sola specie panis,*

quia tunc non sacrificant, sed dumtaxat participant Eucharistiæ sacramento: cuius integritas propter concomitantiam solidè sub vna specie consistit. Cæterum cum docent Theologi vi verborum, Christum mystica occisione immolari, non intelligunt quod sic Christus in seipso vllatenus patiatur, vel moriatur, sed tantum mystico ritu qui huius sacrificij præcipuus est. Quod enim hic Christus non moritur, id non solum ex ipsius statu procedit, quo iam est impassibilis, & immortalis: sed potissimum quia hoc non permittit ratio sacramenti, in quo Christus inuisibilis & indiuisibilis, proinde & impassibilis esse debet; sic res igitur se habet in Eucharistia ut sacrificium est. Christus qui verè adest sub signis verè offertur, & immolatur, sed non in se patitur, quia ibi est ut in sacramento, id est realiter quoad substantiam, spiritualiter quoad specialem existendi modum; corpus enim hic cum tota sua mole suisque qualitatibus diuina virtute eleuatur, & accipit modum existendi spiritalem, quo veluti in punctum contrahitur, & simul continuè per speciem ita diffunditur, ut instar substantiæ spiritualis, sit totum v. g. sub tota specie panis, & totum sub singulis eius partibus, sicut anima rationalis est tota in corpore, & tota simul in singulis eius partibus. Addi potest hic Christum non posse pati, neque diuidi, neque mori; nec itidem opus esse ut hic denuò patiatur & moriatur, quia mortuus est semel, sufficique eius occisio in cruce facta ad redemptionem nostram, pro qua moriendo sese patri obtulit, ad cuius meriti fructum, & pretij applicationem satis est ut in hoc sacrificio verè quidem patri offeratur, & nobis realiter communicetur, sed mysticè tantum, quoad actionem, immoletur: vnde Patres Eucharistiæ sacrificium rectè appellare solent *mysticam & veram oblationem*, est enim mystica quoad ritum, sed vera, & realis quoad ipsam sacrificij materiam, hostiam videlicet illam ipsam, quæ pridem in cruce maetata est; hæc est enim non tantum in altaris mysterio vera, sed etiam tota, & integra cum omnibus donis, & meritis suis; nam ut Spiritus sanctus in Concilio I. Oecumenico (Niceno I. nimirum) expressè docet\*, *Indiuidua illa mensa Agnus Dei, qui tollit peccata mundi situs est, incruentè à Sacerdotibus immolatus, cuius pretiosum corpus, & sanguinem nos verè sumimus.*

\* In actis Vaticanis, qua seclarij vniuersi esse facti sunt.

Vide Bellarm. lib. 2. de Eucharist. c. 10.

Accedit insuper quod in mysterio Eucharistiæ Christus realiter

existens duplex esse habet, alterum naturale, alterum sacramentale. Porro in esse naturali nec frangitur, nec patitur, nec mutatur, nec destruitur. At secundum esse sacramentale, quo sub speciebus panis, & vini consistit, frangitur & immutatur, certoque modo destruitur; sumptio enim sacramenti est de essentia sacrificij: at verò per consumptionem esse Christi sacramentale destruitur, desinit enim sub speciebus existere, & istæ species per sacramenti sumptionem realiter consumuntur. Falsum igitur est quod ait Molinæus, Christum in hoc sacrificio non immolari, nec in re, nec in specie, sed verum est quod antea dicit, requiri in sacrificio maximè propitiatorio, ut res oblata ad peccati expiationem destruat, siue in re, siue in commemoratione, aut rei sacrificatæ figura, aut in effectu; hæc enim conditio in Missæ sacrificio superabundè reperitur, sicut ex dictis sit planè perspectum.

## QVINTA OBIECTIO MOLINÆI.

DENIQUE *Missæ verè esse non potest sacrificium propitiationis; cum ipsa P. 296. & 297. mors non sit Domini, quæ sola pretium est redemptionis nostræ.*

## SOLVTIO.

FATEMUR mortem Christi solam esse pretium, & quidem plenissimum nostræ redemptionis; sed negamus hinc sequi Missam non esse sacrificium propitiatorium. Mira est sanè hæreticorum cæcitas! Clamant ubique standum Dei verbo, hîcque ipse Molinæus contendit inhærendum esse institutioni à Domino factæ. Annuimus. Verba ipsa Christi quæ perspicua sunt, iis obiicimus. At quasi talpæ cæci sunt, ut vim sensumque Christi verborum clarissimorum non percipiant; dicit Christus, *Hoc est corpus meum quod pro vobis datur*, Luc. 22. *Hic est calix sanguinis mei, qui pro vobis, & pro multis funditur in remissionem peccatorum*, Matth. 20. Marc. 14. Luc. 22. Ex quibus hæc ratiocinatio rectè colligitur. \* Vbi est victima, & sanguis effusus in remissionem peccatorum, ibi est sacrificium propitiatorium. Atqui in Eucharistia est victima, nempe Christi corpus, & sanguis effusus in remissionem peccatorum. Igitur Eucharistia est sacrificium propitiatorium. Nec derogat sacrificio crucis, quin potius illud confirmat, & commendat: siquidem ut in cruce Christus pro omnibus mortuus est, eiusque sanguis visibiliter tunc effusus, est propitiatio pro peccatis nostris, non tantum pro peccatis nostris, sed etiam pro totius mundi: sic Christus ipse hîc incruentè immolatur, & eius sanguis effunditur in remissionem peccatorum, pro multis: quam particulam addidit Christus, ut innueret hanc esse differentiam inter sacrificium Crucis, & Eucharistiæ sacrificium, quòd illud pro omnibus peractum fuerit, quoad sufficientiam, hîc verò offeratur pro multis quoad efficaciam, quia scilicet ad hoc institutum est, ut vim, & meritum sacrificij crucis efficaciter multis, iis scilicet qui verè sunt eius redemptionis participes, singulariter applicaret.

Melius hoc ut intelligatur, aduertendum est sacrificium Missæ & sacrificium crucis in quibusdam differre, & in quibusdam conuenire.

\* Nota.  
Argumentum  
firmissimum  
pro sacrificio  
propitiatorio  
in Eucharistia.

1. Ioan. 2.

Differt 1. In externa specie, nam Christus in propria specie, scilicet forma humana, in cruce immolatus est: At in altari sub specie panis & vini, quæ latentis veræ hostiæ signa sunt, offertur. 2. In cruce per realem mortem oblatus est, sed in Missa per mysticam oblationem immolatur. 3. Vtrobique offert Christus seipsum, sed in cruce se solus obtulit Patri. At in Eucharistiæ sacrificio, tametsi sit simul Sacerdos & principaliter offerens, vitur ministerio Sacerdotum. Porro in tribus etiam conuenit sacrificium incruentum Missæ cum cruento sacrificio crucis. 1. In re oblata, in utroque enim offertur Christus vt victima: vnde vt eandem esse innueret hostiam quæ in Eucharistia datur, cum illa quæ in cruce fuit immolata, ait *hoc est corpus meum, quod pro vobis tradetur*. 2. In principali offerente, nam ipse est in utroque principalis Sacerdos & Pontifex, vt supra demonstraui. 3. In fine, oblatus scilicet Christus est utrobique pro peccatis nostris, quia sicut *in cruce ad destructionem peccati per hostiam suam apparuit*, Heb. 9. 24. ita per eandem hostiam in altaris mysterio peccata destruit. Quapropter hîc quoque sanguinem suum effundi quoque asserit in remissionem peccatorum. Sed in hac conuenientia aliqua discrepantia est.

Etenim sacrificium crucis se habet ad remissionem peccatorum, vt causa vniuersalis, meritoria nostræ redemptionis, & gratiæ quæ nobis communicatur. Sacrificium autem Missæ se habet in eundem finem per modum causæ particularis, per quam fructus sacrificij cruenti, qui fons est redemptionis nostræ singulariter nobis applicatur. Quapropter fatemur sacrificium crucis vim infinitam & sempiternam habere ad sanctificandum, ideóque non esse opus alio sacrificio meræ & originalis redemptionis, aut eiusdem repetitione: neque enim opus est, vt aliud pretium pro peccatis persoluatur, aut alius Christus moriatur, vel vt ipse iterum patiatur: sed tamen necesse est, vt mortis eius meritum & redemptionis huius pretium, & passionis eius virtus & efficacia nobis applicetur. Hoc fit autem per sacrificium Eucharistiæ quod ad hunc finem directè inter varios respectus institutum est, quemadmodum egregiè definit & declarat Concilium Tridentinum, sess. 22. c. 1. vbi ait sacrificium hoc à Christo Ecclesiæ suæ in procinctu suæ mortis relictum fuisse, quo cruentum illud semel in cruce peractum repræsentaretur, eiusque memoria (tantum beneficium erat) in finem sæculi permaneret, atque illius salutaris virtus in remissionem eorum quæ quotidie à nobis committuntur peccatorum, applicaretur. Albertus Piggius Controuers. 9. §. *Et nos per omnia*, hoc signanter ait, hoc sacrificium relictum fuisse Ecclesiæ ad tollendum impedimentum noui peccati, per quod influxus Christi passionis impeditur, scilicet quoad effectum: siquidem virtus passionis Christi per modum causæ vniuersalis meriti vim habet ad tollendum omnia peccata, videlicet originale & actuale, mortale & veniale, præterita & futura quæ quouis tempore committuntur; sed vis ista sufficiens & superabundans, effectus suos particulares, vt actu exerat, per hoc fit sacrificium quod om-

omnem suam virtutem & efficaciam, ex illo fontali mutuatur; *Poculum enim istud salutare* (ait eleganter S. Prosper) *nisi bibatur, non medetur.*

At hinc insurgit Molinæus obicitque, plus nos quàm dicimus Missæ sacrificio tribuere: fateri nos siquidem pretium nostræ salutis fuisse à Christo persolutum in cruce, & partem proinde Christi morte plenam redemptionem. At nihilominus aliam nos agnoscere, quàm in Missa conferri nobis credimus: siquidem Sacerdos in canone dicit à se & reliquis fidelibus hoc sacrificium offerri *pro redemptione animarum suarum, pro spe salutis & incolumitatis suæ.* Sed hoc rationari non est, at tricare & quærere, ut aiunt, nodum in scirpo. Ecclesia satis ostendit quomodo debeat ista redemptio rectè accipi, & iuxta Dominicam institutionem intelligi: in festo enim Christi corporis, quo institutionis mysterij huius specialem agit celebritatem, sic sanam & rectam quam de eo profitetur fidem declarat: *Deus qui nobis sub Sacramento mirabili passionis tuæ memoriam reliquisti, tribue quasumus ita nos corporis & sanguinis tui sacra mysteria venerari: ut redemptionis tuæ fructum in nobis iugiter sentiamus.* Vbi apertè insinuat redemptionem ipsam fluxisse è cruce Christi, tanquam ex primordiali fonte: sed ad nos eius vim & effectum per incruentum hoc sacrificium & mirabile Sacramentum summo Dei beneficio, & ut scitè ait Cæsarius Arelatensis, *singulari diuinæ misericordiæ artificio* in nos derivari.

Instat Molinæus, *Si eo quod per Missam seu Eucharistiam mortis Christi virtus nobis applicatur in remissionem peccatorum, & mortis eiusdem memoria annuntiatur, Missa est verum & propitiatorium sacrificium: à pari, baptisma & prædicatio Evangelij erunt vera & propitiatoria sacrificia, quia in eis mors Christi nobis annuntiatur & applicatur.* Argumentum istud ex Caluini Institutione (lib. 4. c. 18. §. 1.) Molinæus arripuit, quamvis suum esse simulat: quia igitur à Caluino suo hoc accepit argumentum, non est quòd grauetur sibi reponi eandem solutionem, quam Cardinalis Bellarminus ipsi Caluino dedit lib. 1. de Missa, c. 25. *Eodem argumento* (inquit) *probare possem superuacaneam esse Cœnam Domini, quia fructus crucis satis applicatur per baptismum: imò & baptismum superuacaneum esse, quòd sola prædicatione verbi possit excitari fides per quam* (solam; ut aduersarij volunt) *applicatur fructus crucis.* Addere mihi liceat nec ipsam prædicationem sic fore necessariam, nam lectione sacræ scripturæ, quæ ut volunt, omnia continet scitu ad salutem necessaria, fides facile poterit excitari, & sic percipi fructus mortis & passionis Domini: *Placuit igitur Deo varia media instituere, quibus facilius, suauius, ac plenius fructum crucis consequeremur.*

*Euangelium est* (ait Apostolus) *virtus ad salutem omni credenti; quia fides ex auditu, auditus autem per verbum Dei.* Baptismus est lauachrum aquæ in verbo vitæ, quo regeneramur per gratiam ad salutem. Eucharistia est cibus nutriendus ad vitam æternam, antidotum mortis, pharmacum immortalitatis. Axioma Theologorum est, omnia Sacramenta operari & suam mutuari virtutem ex merito passionis Christi.

M m m

Rom. 10. 17.



Eludere nititur Molinæus hanc rationem ex eo quod sæpè mo-  
neant Patres, Missam esse sacrificium commemoratiuum mortis Do-  
mini, quod ipse tandem non diffiretur: Sed inde perperam infert  
esse sacrificium dumtaxat typicum & figuratiuum, seu repræsentati-  
uum; siquidem iam explicuimus, quomodo Patres vocant Eucha-  
ristiæ sacrificium, veram & mysticam oblationem; mysticam res-  
pectu ritus oblationis, veram propter hostiæ identitatem. Quapropter  
ne quis putaret Christum hîc mysticè tantum offerri, epitheta passim  
addiderunt, quibus docerent verè & realiter hîc adesse & offerri per  
modum victimæ & sacrificij incruenti. Hinc S. Cyprianus lib. 2. ep.  
3. vocat *plenum & verum sacrificium*: S. Chrysostomus hom. 60. ad po-  
pul. & cæteri Græci Patres passim nuncupant *sacrificium tremendum &*  
*adorandum*: S. Augustinus lib. 10. de Ciuit. Dei c. 20. vocat *summum*  
*& verissimum sacrificium*: & lib. de Spirit. & lit. c. 11. *verissimum & sin-*  
*gulare sacrificium*: quin & Eusebius Cæsariensis lib. 1. demonstrat. Eu-  
angelicæ, *sacrificium Deo plenum*.

Urgebit forsitan Molinæus, quæstionem hîc non tam verti de ve-  
ro ex mente Patrum sacrificio, quàm de propitiatorio, in quo fiat re-  
missio peccatorum. Verùm Sancti Patres inhærendo institutioni Do-  
mini, qui calicem sui sanguinis asseruit in hoc mysterio effundi in  
remissionem peccatorum, summo consensu hoc sacrificium expiato-  
rium & propitiatorium agnoscunt, asseruntque in eo veram pecca-  
torum fieri remissionem. S. Iustinus in Dial. cum Triphone, ait Eu-  
charistiæ sacrificium offerri *pro peccatorum expiatione*: Origenes hom.  
13. in Leuit. dicit, *Inuenies quòd ista oblatio sola est, quæ facit Deum propi-*  
*tium hominibus*. S. Athanasius in orat. de fidelibus defunctis, citata à  
S. Ioanne Damasceno, Oratione eiusdem tituli, dicit, *Incruentum hoc*  
*sacrificium, eiusque oblationem Deum placare ac propitium reddere*. S. Basilii  
in Liturgia haud procul ab initio, dicit *hoc tremendum sacrificium abolere*  
*delicta nostra*. S. Chrysostomus in Liturgia sic orat, *Idoneos nos redde ad*  
*inferenda tibi dona & sacrificia pro peccatis nostris & populi ignorantibus*. S. Cy-  
prianus in serm. de Cœna Domini, *Eucharistiam dicit esse holocaustum ad*  
*purgandas iniquitates*. S. Ambrosius lib. 1. de offic. c. 48. de ipsa Eucha-  
ristia loquens ait, *Offert seipsum Christus quasi Sacerdos, ut peccata nostra*  
*dimittat*. S. Cyrillus Hierosolym. Cathech. 5. \* vocat Eucharistiam \* Mystag.  
*hostiam propitiationis*; S. Hieronymus, Sacerdotes ait dum hoc magnum  
pietatis mysterium celebrant, *quotidie illibatas Deo victimas pro peccatis of-*  
*ferre*; S. Augustinus lib. 20. de Ciuitate Dei, c. 25. scribit *hoc sacrifi-*  
*cium pro peccato offerri in Ecclesia, usque ad diem iudicij, sed non ulterius,*  
*quia post eum diem non erunt peccata quæ possint remitti*: & lib. 1. contra Cres-  
conium dicit *Eucharistiam unicum esse sacrificium pro salute nostra institu-*  
*tum*: serm. 11. de Sanctis qui est 4. de SS. Innocentibus, ait ibi *pro pec-*  
*catoribus Christi sanguinem effundi*: Quæst. 57. in Leuit. omnem amplio-  
ris disputationis & pertinaciæ ansam præcidens Molinæo & cæteris  
huius summi & salutaris sacrificij negatoribus, expressè scribit, *In mul-*  
*tis sacrificiis quæ pro peccatis offerebantur, unum hoc nostrum sacrificium signi-*  
*ficari, in quo sit vera remissio peccatorum*. Sacrificium autem in quo fit

vera peccatorum remissio, necesse est, esse verum & propitiatorium.

\* P. 911. Premièrement (dit-il) pource qu'en la sainte Cene nous offrons à Dieu le sacrifice de Iesus-Christ, le supplians qu'il accepte pour nos pechez, le merite de sa mort.  
\*\* Ayant égard à la mort de Iesus Christ représentée en la S. Cene, en laquelle nous offrons à Dieu la mort de son Fils, prians qu'il la veuille accepter pour nostre redemption.

Tandem verò vel inuitus hoc ipsum Molinæus agnoscit & fatetur; cap. enim 6. signatæ Controuersiæ, perquirendo rationes propter quas Patres Eucharistiam sacrificium tam constanti vsu & consensu appellârunt, primam & præcipuam hanc esse dicit, \* *Quod in sancta Cœna Deo offerimus sacrificium filij sui, obsecrantes ut acceptum habeat pro peccatis nostris eius mortis meritum*: antea dixerat \*\* *Passionem Christi in sancta Cœna representari, in qua Deo filij sui mortem offerimus, supplicantes eam ut acceptam habere velit pro redemptione nostra*. Cæterum quid hoc est nisi per oblationem incruenti huius sacrificij sibi applicari postulare, vim & meritum Christi passionis in peccatorum remissionem, & proinde agnoscere Eucharistiam esse verum & propitiatorium sacrificium. Fatetur igitur demum vltro Molinæus, quod antè tanto cum æstu contentionis negauerat. At de hac controuersia hætenus satis superque.

## ARTICVLVS III.

*Hoc ipsum sacrificium impetratorium esse.*

**F**IXO igitur hoc stante principio, scilicet quòd Eucharistia sit sacrificium verum & propitiatorium, negare non possunt aduersarij, id ipsum impetratorium esse, quin suprâ fatetur Molinæus qui admittit sacrificium esse commemoratiuum sacrificij crucis: in ipsa actione sanctæ Cœnæ nos Deo eius filij sacrificium posse offerre, & offerèdo supplicare, ut mors eius hîc representata, ab eo acceptetur in remissionem peccatorum nostrorum, nostrarumque redemptionem animarum. Et si igitur non concedat in hoc mysterio sacrificium expiatorium reperiri, (quod nihilominus suprâ probauimus) fatetur tamen per commemoratiuum illam oblationem nos posse postulare, fructum sacrificij crucis nobis applicari in peccatorum remissionem & animarum salutem. Quamobrem negatiuam partem, quòd scilicet non sit sacrificium impetratorium, sibi tuendam non assumpsit. At hoc caput intactum relinquens, suo hoc spontaneo silentio satis innuit, minimè hac de re se mouere velle vllam controuersiam. Nec adeo mirum, cum Caluinistici Ministri in formula suæ Cœnæ celebrandæ incuriant populo hoc in mysterio *Pignus dari nobis virtutis, passionis, & mortis Domini*: proinde ius par eum petendi hoc & impetrandi, quod nobis necessum est ad salutem. Dicunt insuper hîc excitandam esse fidem de veritate promissionum Christi: atque insignis est Domini pollicitatio, *Amen amen dico vobis, siquid petieritis Patrem in nomine meo, dabit vobis*, Ioan. 16. 23. Si in nomine, quanto magis in sanguine, qui hîc ut ipse Dominus dicit, *effunditur pro nobis in remissionem peccatorum*? (clamat (ait Apostolus, Heb. 12. 24.) *sanguis Christi melius quàm Abel*. Siquidem sanguis Abel clamat vindictam, Genes. 4. 10. sanguis verò Christi clamat misericordiam, gratiam, remissionem peccatorum & omnium bonorum largitatem. Ideo Apostoli statuerunt, ut in incruenti huius sacrificij oblatione oratio Dominica, quæ peccatorum remissionem & omnium auxiliorum quæ nobis tam in ordine ad salutem æternam,

quàm vitam temporalem necessaria sunt petitiones continet, à Sacerdote recitaretur, sed ita statuerunt, sic à Christo ut facerent edocti prout id testatur S. Hieronymus lib. 3. aduersus Pelagianos, *Sic docuit Christus Apostolos suos, ut quotidie in corporis illius sacrificio, credentes audeant loqui, Pater noster qui es in cælis.* Id ipsum asserit S. Augustinus in lib. 50. homiliar. hom. 42. *In Ecclesia (inquit) ad altare Dei quotidie dicitur ipsa oratio Dominica, & audiunt illam fideles, quam scilicet publico voto & nomine Sacerdos alta voce pronuntiat.* Eiusdem traditionis Apostolicæ testis est S. Gregorius lib. 7. ep. 61. ubi ait, *morem fuisse Apostolorum ad ipsam orationem Dominicam hostiam immolationis consecrare.* Tertullianus his omnibus antiquior, eò spectans lib. de orat. c. 9. solerter notat & admonet, post ita recitatam orationem Domini, fas esse (ut fieri solebat) alias subiungere speciales petitiones; *Præmissa legitima (inquit) & ordinaria oratione, quasi fundamento accidentium, ius est desideriorum.* Ius est superstruendi extrinsecus petitiones; Huncque ipsum morem à Paulo Apostolo traditum fuisse volunt Patres, sic enim eundem Apostolum intelligunt dum ad Timotheum (1. ep. c. 2.) ait, *Obsecro primum omnium fieri obsecrationes, orationes, postulationes, gratiarum actiones pro omnibus hominibus, pro Regibus, & omnibus qui in sublimitate sunt, ut quietam & tranquillam vitam agamus in omni pietate & castitate.* Ad quæ Apostolica monita mentem reflectens S. Cyrillus Cateches. 5. Mystag. Deinde (inquit) postquam confectum est illud spirituale sacrificium, & ille cultus incruentus, super ipsa propitiationis hostia obsecramus Deum pro communi Ecclesiarum pace, pro tranquillitate mundi, pro Regibus &c. Et S. Chrysostomus hom. 6. in 1. ep. ad Timoth. *Quasi communis quidam totius orbis pater (inquit) Sacerdos est. Dignum igitur est, ut omnium curam agat, omnibusque provideat, sicut & Deus, cuius ministerio seruit & fungitur vice, idcirco ait (Apostolus ad Timotheum) Obsecro igitur primum omnium fieri obsecrationes & orationes &c. Quid sibi autem vult, primum omnium? in obsequio scilicet quotidiano, perpetuòque diuine religionis ritu.* Idem notat in hunc ipsum locum Apostoli S. Ambrosius: *Hæc regula, inquit, Ecclesiastica est tradita à Magistro Gentium, qua utuntur Sacerdotes nostri, ut pro omnibus supplicent:* Et lib. 4. de Sacram. c. 4. explicans diuinæ synaxis theoriā, & ad Missæ canonem spectans ait: *Nam per reliqua omnia quæ dicuntur, laus Deo defertur, oratione petitur pro populo, pro regibus, pro cæteris: ubi venit ut conficiatur venerabile Sacramentum, iam non suis sermonibus Sacerdos, sed utitur sermonibus Christi.* Luculentius locum hunc ipsum Apostoli tractat S. Augustinus, ep. 59. ad Paulinum, q. 5. *Eligo (ait) in iis intelligere quod omnis vel penè omnis frequentat Ecclesia, ut preces accipiamus dictas quas facimus in celebratione Sacramentorum, antequam illud quod est in Domini mensa, incipiat benedici, orationes, cum benedicuntur & sanctificantur, & ad distribuendum comminuitur &c.* Singulas deinde explicat Apostoli voces, obsecrationes, orationes, postulationes, gratiarum actiones &c. quas fieri ait in *Dei omnipotentis cultu & participatione corporis & sanguinis Domini, qui Dei & hominum vnus mediator est.* Hæc est igitur ratio cur hæ preces fiant, (ut ait S. Cyrillus) super ipsam propitiationis hostiam: quia hæc nimirum ita est Deo grata & accepta, ut eius intuitu peccatoribus noxas indulgeat, gratiam conce-

## 474 PANOPLIÆ SACERDOTALIS PARS II.

dat, beneficia quæque largiatur. Si respexit Deus Abel & ad munera eius, nonne respiciet in faciem Christi sui, vnigeniti sui? de quo ipse ait, *hic est filius meus dilectus in quo mihi bene complacui*. Graphicè vim huius Deo gratissimæ oblationis incruenter super altari immolatæ, exprimit hæc directa ad patrem æternum piissima supplicatio.

Oratio insignis, dicenda in Missæ sacrificio, à fidelibus qui ei assistunt: ut eius possint fructû, per efficaciam impetrationis quam habet, copiosum percipere.

Omnipotens pater, qui sic dilexisti mundum, ut filium tuum vnigenitum dares, ut omnis qui credit in illum non pereat, sed habeat vitam æternam: per hunc dilectum filium tuum, cuius beatissimam passionem, & gloriosam resurrectionem, & in cælos ascensionem recolimus, te oramus ut de excelsa throno gloria tuæ super hoc altare oblatam tibi purissimam & pretiosissimam victimam paterno vultu respicias, quem enim alium dirigeremus ad te intercessorem, nisi hunc agnum immaculatum, qui est propitiatio pro peccatis nostris. Ecce aduocatus noster ad te Deum patrem, ecce Pontifex summus qui non alio eget cruore expiari, quia proprio refulget perfusus sanguine. Ecce hostia sancta, beneplacens & perfecta, oblata tibi in odorem suauitatis. Ecce pater optime, pater sancte, agnus ille innocens sine macula, qui inter manus tondentium obmutuit, sed nunc te pro nobis in voce sui sanguinis interpellat. Hic est filius tuus dilectissimus, qui alapis cæsus, sputis illitus, opprobriis affectus, pro suis persecutoribus tanta pietatis instantia misericordiam tuam postulauit, & qui peccatum non fecit, qui peccata nostra pertulit, qui languores nostros tanta charitate portauit, qui se pro nobis redimendis hostiam, & oblationem impendit, ac cruentam suam immolationem in hoc incruento sacrificio quotidie renouari pro gloria tua, & reconciliatione nostra, in Ecclesia sua renouari voluit. Tribue nobis quasumus clementissime misericordiarum pater, huic tam admirando quàm salutari mysterio piè & reuerenter interesse, ac eius participatione & fructu gaudere, ut & nominis tui & gloria in gentibus toto orbe celebretur, & nos per filij tui vnigeniti pretiosum corpus & sanguinem, plenam delictorum remissionem, gratie tue munera, infirmitatis nostræ auxilia, & bona verè salutaria consequamur, tibi-que semper placeamus, & fideliter seruiamus. Per eundem Dominum nostrum Iesum Christum filium tuum.

Theologi Scholastici hoc sacrificium adeo esse impetratorium docent, ut eius efficientia propria sit impetrare, & vim præcipuam habeat per modum impetrationis. Quid autem impetrari possit per hoc sacrificium, ita luculenter definit & declarat Occumenica Synodus Tridentina, ut dilucidius nequeat explicari: *Et quoniam* (inquit) *in diuino hoc sacrificio quod in Missa peragitur, idem ille Christus continetur, qui in ara crucis semel seipsum cruentè obtulit: docet S. Synodus sacrificium istud verè propitiatorium esse, per ipsumque fieri, ut si cum vero corde & recta fide, cum metu & reuerentia contriti ac pœnitentes ad Deum accedamus, misericordiam consequamur & gratiam inueniamus in auxilio opportuno: huius quippe oblatione placatus Dominus gratiam & donum pœnitentiæ concedens, crimina & peccata etiam ingentia remittit, una enim eadèque est hostia, idèque nunc offerens Sacerdotum ministerio, qui seipsum in cruce obtulit, sola offerendi ratione diuersa: cuius quidem oblationis (cruentæ inquam) fructus per hanc incruentam uberrimi percipiuntur, tantùm abest ut illi per hanc quouis modo derogetur; quare non solum pro fidelium viuorum peccatis, pœnis, satisfactionibus & alia necessitatibus: sed & pro defunctis in Christo, nondum ad plenum purgatis, ritè iuxta Apostolorum traditionem, offertur.*



Hic tamen multa quæri possunt, quæ in scholis à Theologis agitantur, v. g. 1. *An profit hoc sacrificium ex opere operato, vel ex opere operantis, aut utroque modo?* Assertio certissima est, vim præcipuam habere ex opere operato, hoc est ex parte Christi principaliter offerentis: habere tamen etiam ex opere operantis, scilicet ministri offerentis, scilicet Sacerdotis sacrificantis. 2. *An ex parte Christi sit hoc sacrificium meritorium & satisfactorium?* Sunt qui censeant neque meritorium, neque satisfactorium esse ex hac parte, quia Christus cum amplius non sit viator, nec mereri, nec satisfacere potest, sed tantum impetrare. Verum cum Christus hoc instituit sacrificium adhuc viator erat, & mereri, & satisfacere poterat prout fecit. Hæc autem incruenta oblatio eadem est ac illa prima: dici igitur potest hoc sacrificium, & meritorium & satisfactorium esse; meritorium quoad culpam, & remissionem eius: satisfactorium quoad pænæ debitum; non quod nunc Christus ut fecit in cruce mereatur, & satisfaciat de facto: sed quod meritum & satisfactionem, quam in vita, & morte sua operatus est, nobis per hanc suam veram & mysticam oblationem applicet, impetrando per antecedentia illa merita & satisfactiones, ut fructus suæ passionis nobis ad hos effectus communicetur. Hoc clarè insinuat Apostolus, Heb. 7. *Christus sempiternum (inquit) habet Sacerdotium, unde & saluare in perpetuum potest accedentes per semetipsum ad Deum; semper viuens ad interpellandum pro nobis.* Et ad Rom. 8. *Christus qui mortuus est & resurrexit, qui est ad dexteram Dei, qui etiam interpellat pro nobis;* oratione scilicet interpretatiua, repræsentando desiderium animæ suæ, offerendo se Patri ut est Sacerdos & mediator noster, exhibendo cicatrices suas quas in passione acceptas adhuc seruat, sua merita, suos labores, suas passionis allegando; & hoc est quod docet Apostolus, *Introiuit in ipsum cælum ut appareat nunc vultui Dei pro nobis.* Hebr. 9. 24. quemadmodum sancti Patres intelligunt ac docent, Gregorius Nazianzen. orat. 4. de Theologia, Sanctus Chrysostomus in loca Apostoli indicata, Sanctus Augustinus in Ps. 29. Sanctus Gregorius in Ps. 5. pœnitent. & lib. 1. Moral. c. 24. 3. Sed hinc quærunt Theologi: *An omnia Christi merita & satisfactiones nobis actu per hoc sacrificium conferantur? vel an fructus Missæ sit finitus vel infinitus?* Cardinalis Bellarminus lib. 2. de Missa, c. 4. asserit valorem sacrificij Missæ esse finitum, hancque esse ait communem Theologorum sententiam, quam probari confirmat ex usu Ecclesiæ. Nam si Missæ valor infinitus esset, frustra multæ Missæ præsertim ad rem eandem impetrandam offerrentur: Si enim vna infiniti valoris est, certè ad omnia impetranda sufficiet, quorsum igitur aliæ? Et confirmat iterum ex sacrificio crucis, quod non alia de causa vnum tantum fuit, neque vnquam repetitur, nisi quia illud vnum infiniti valoris fuit, & pretium acquisiuit pro omnibus peccatis præteritis & futuris remittendis. Sed tamen quia mirum videtur cur valor sacrificij huius sit finitus, cum idem sit hoc sacrificium cum sacrificio crucis; & cum ipsa hostia & offerens Christus infinito modo sit Deo grata? Ad quem

*Vide Vasquez  
tom. 3. in 3. p.  
S. Th. 9. 83. a. 1.  
dist. 230. cuius  
est titulus De  
magnitudine  
valoris huius sa-  
crificij, c. 1. &c.  
p. 465. & seqq.*

*Comment. in 3.  
p. S. Tho. de  
Sacerdotio, c. 8.  
p. 481.*

excutiendum scrupulum, aliquot affert rationes, quarum postrema quam potiore iudicat, sumitur ex ipsa Christi voluntate & mero beneplacito; *Nam etiamsi, inquit, possit Christus per unam oblationem sacrificij incruenti, qualibet à Deo & pro quibuscumque impetrare: tamen petere noluit, nec impetrare, nisi ut pro singulis oblationibus applicetur certa mensura fructus passionis suæ, siue ad peccatorum remissionem, siue ad alia auxilia quibus opus nobis est ad salutem, siue ad alia beneficia quibus in hac vita quomodoque indigemus; videtur autem Christus id voluisse, tum ut hoc modo frequentaretur hoc sacrificium, sine quo religio consistere non potest: tum quia id requirebat ordo diuinæ providentiæ, quæ omnia disponit suauiter.* (Addi poterat ne fierent homines desidiosus, sed salutis suæ magis essent solliciti, huiusque sacrificij forent feruentiores cultores, & huius acceterorum Sacramentorum bonorumque operum studiosiores.) Doctrina hæc Cardinalis Bellarmini solida est, clara & sincera: Sed Gammachius loquendi modum in hoc non admittit, quod habet, finitum esse valorem sacrificij Missæ: nec enim censet hîc dici posse ratione hostiæ & principalis offerentis; distinguendum igitur esse inter pretium & valorem sacrificij in se, quoad rem oblatam, & primum Sacerdotem, cum externo eius effectu (id est cum gratia, quæ per illud nobis impetratur): aliud enim esse loqui de virtute, aliud de operatione præsertim in moralibus, quæ non ex necessitate physica & naturali, sed libera voluntate & institutione pendent, ut in pactio- ne Testamenti quod Christus fecit in vltima Cœna: non enim Christus agit necessario, quantum potest, sed solum quantum vult & prope vult. Confirmat autem iste Doctor hoc sacrificium finiti esse effectus, quatenus à Sacerdote offertur, siue in persona propria, siue in persona & nomine totius Ecclesiæ; non enim merita Sacerdotis, imò nec Ecclesiæ cum meritis Christi vlllo modo comparari possunt: nec vllam cum ipsis proportionem habent, & nullius sunt momenti, nisi quatenus Christi meritis innituntur. Quæ quidem dicta vera sunt, & in re ipsa à scitis Bellarmini non discrepant. Lessius tamen cum aliis plerisque asserit sacrificium Missæ vim semper habere quodammo- do infinitam, quia non est determinatum ad certum numerum personarum; siue enim loquamur de viuis in Ecclesia, siue de defunctis, siue de assistantibus sacrificio: non minus quisque particeps est fructus illius dum plures sunt, quam cum paucioribus; nec plus ad singulos peruenit, cum pauciores, quam cum plures sunt.

Obiiciet hîc verò quispiam. Igitur quid iuuat sacrificium curare pro se, aut pro alio singulariter à Sacerdote offerri? Responsio est, quia etsi sacrificium prodesse possit omnibus, quamobrem re ipsa pro omnibus offertur, (sicut supra probatum est) tamen iis magis prodesse potest pro quibus singulariter offertur. Applicatio ista ab intentione pendet Sacerdotis offerentis: at non pendet ex ipsius intentione determinatio fructus; quem quisque, ipseque pro quo singulariter offert, debet percipere: siquidem hoc Christus auctor huius sacrificij, hostia & præcipuus Sacerdos, suo beneplacito prorsus reservauit.

Distin-

Distinguendum tamen hîc quidam arbitrantur; de fructu sacrificij ratione operis operati, id verum esse; haud secus tamen ratione operis operantis. Nam ex communi usu Ecclesiæ, qui curat Sacerdotem pro se vel suis Missam celebrare, expectat non modò fructum, quem habet sacrificium per se, sed etiam quem habet ex deuotione offerentis. Ex quo sequitur, non posse Sacerdotem plura stipendia pro vno sacrificio accipere, quia qui curat sacrificium pro se offerri, totum fructum expectat, quem Sacerdos per sacrificium conferre potest, iuxta receptum Ecclesiæ morem.

Hinc verò est quòd Sacerdos apud se perpendat, quanti sit momenti sacrificium offerre non tantùm pro se, & pro vniuersa Dei Ecclesiâ, sed speciatim, & singulariter pro iis, qui ad eius opem & ministerium confugerunt. Certa res est quòd Sacerdos solus sit immediatus, & visibilis minister sacrificij Missæ, quòdque ex parte operis operantis plerisque possit clientibus, siue æternæ salutis subsidia, siue vitæ præsentis solatia, in ipso sacrificio impetrare, *Si cum vero corde* (vt loquitur Concilium Tridentinum) *& recta fide, & cum metu & reuerentia, nec non in spiritu contrito, & humiliato ad hoc tremendum mysterium peragendum, & salutare sacrificium Deo offerendum, accedat.* Si secus igitur sacro hoc munere defungatur, haud dubium, quin grauis piaculi sese obstringat reatu. Sententia celebris est venerabilis Bedæ, *Sacerdos non legitimè impeditus celebrare omittens, quantum in se est, priuat sanctam Trinitatem laude & gloria, Angelos letitia, peccatores venia, iustos subsidio & gratia, in purgatorio existentes refrigerio, Ecclesiam Christi speciali beneficio, & seipsum medicina & remedio.* Porro si ex simplici omissione extralegitimum impedimentum, tantum incurrit reatum: quanto piaculo sit obnoxius, qui diuinum hoc munus cum impura conscientia, & sine metu & reuerentia, sine fide, sine contritione & confessione, sine deuotione, & vero diuinæ charitatis affectu, celebrare aggreditur? *Fit ei procul dubio oratio in peccatum, atque in sacrilegium vertitur eius sacrificium: conculcat enim* (vt ait Apostolus Heb. 10. 29.) *Filium Dei, & sanguinem Testamenti pollutum ducit, in quo sanctificandus erat, & spiritui gratie contumeliam facit.* Qui sic voluntariè peccat, non relinquitur hostia pro peccato. Caueat Sacerdos igitur, hoc extremum scelus quanto cum horrore fieri potest, sibi que (quia de anima sua agitur) tota intentione consulat, supplèxque & humilis diuinam Maiestatem deprecetur, vt sibi quæ auxilia necessaria sunt ad dignè hoc officio perfungendum concedere dignetur; discat sic orare cum S. Ambrosio in tam tremendæ actionis procinctu: *Ego Domine, memor venerande passionis tuæ accedo ad altare tuum (licet peccator) vt offeram tibi sacrificium, quod tu instituisti, & offerri præcepisti in commemorationem tui pro salute nostra; suscipe illud quæso summe Deus pro Ecclesiâ sancta tua, & pro populo quem acquisisti sanguine tuo. Et quoniam me peccatorem inter te, & eundem populum medium esse voluisti, licet in me aliquod boni operis testimonium non agnoscas: officium saltem dispensationis credita non recuses, nec per me indignum, eorum salutis pereas pretium pro quibus victima salutaris dignatus es*

esse redemptio. Profero igitur Domine (si digneris propitius intueri) tribulationes plebium, pericula populorum, captiuorum gemitus, miseria orphanorum, necessitates peregrinorum, inopiam debiliū, desperationes languentium, defectus senum, suspiria iuuenum, vota virginum, lamenta viduarum: Tu enim misereris omnium Domine, & nihil odisti eorum quæ fecisti. Atque hætenus de sacrificio impetrationis.

## ARTICVLVS IV.

*Esse etiam sacrificium laudis, & gratiarum actionis.*

**E**VCHARISTICVM idcirco appellatur, siquidem *ἑχαριστία*, dicitur *ἐν τῇ ἑχαριστίᾳ* quod gratias agere significat, prout fecit Dominus instituendo noui Testamenti sacrificium: *Accepto pane* (scribit S. Lucas c. 22.) *gratias egit, & fregit, & dedit eis dicens, hoc est corpus meum, quod pro vobis datur,* (ita & Apostolus 1. Cor. 11.) *Et accipiens calicem* (inquit S. Matth. c. 26.) *gratias egit, & dedit illis dicens, bibite ex hoc omnes, Hic est enim sanguis meus noui testamenti, qui pro multis effundetur in remissionem peccatorum.* Propter quæ euidentia testimonia aduersarij (scilicet Lutherani & Caluinistæ) non negant in hoc mysterio agendas Deo gratias esse, & inde ipsum diuinum mysterium nomine Eucharistiæ, rectè & propriè appellatum: quin etiam ea ratione sacrificium iure dici posse, & reuera esse: at sacrificium tantummodò laudis, & gratiarum actionis, sic apertè docet Melancthon in Apologia Confessionis Augustanæ, art. de Missa, Calvinus lib. 4. Institut. cap. 18. Martinus Kemnitius 2. part. Exam. Concil. Trident. & nouissimè Petrus Molinæus in Nouit. Pap. Controuers. 10. c. 6. vbi quasdam assignat rationes cur à sanctis Patribus Eucharistia constanter appelletur sacrificium. Primò, inquit, quia est commemoratio sacrificij Iesu Christi: siquidem in sancta Cæna Deo offerimus Iesu Christi sacrificium, obsecrando, vt meritum eius mortis pro peccatis nostris acceptare dignetur. Secundò, inquit, *sancta Cæna sacrificium est gratiarum actionis*; quod & Patres indicârunt, quum Eucharistiam vocitârunt, & consequenter sacrificium Eucharisticum, hoc est *sacrificium gratiarum actionis*. Canon Missæ hoc ipsum confirmat, etenim appellat quod offert Sacerdos, *sacrificium laudis*. Non est igitur hac de re nobis cum illis circa hoc controuersia, nisi in eo quod volunt sanctam Eucharistiam esse dumtaxat labialem oblationem, non realem, & esse quidem sacrificium laudis, sed tantum sacrificium laudis, non autem religionis neque propitiationis. Quod tamen suprâ fuit apertissimè demonstratum, & satis superque comprobatum. At verò passim ludit Molinæus in hoc nomine. Quod enim Patres & Canon Missæ appellant hoc sacrificium laudis, inde infert esse tantum laudis sacrificium. Quæ illatio quàm sit inepta, ipsa quam edidit Logica, facilè ipsum docebit. Sanè Patres vocant hoc mysterium, sacrificium laudis: sed vocant itidem *Latriam incruentam, hostiam propitiationis, corpus Christi, veram immolationem, victimam pretij nostri, sacrificium*



tremendum, adorandum, sacrificium summum, singulare, sacrificium verum, plenum, perfectum, sacrificium Deo plenum: ita & canon Missæ eodem loco quem citat Molinæus, appellat quidem incruentam hanc Christi oblationem, sacrificium laudis, sed continuò prædicat expiatorium, & salutiferum sacrificium; sic enim Sacerdos ait: *Pro quibus tibi offerimus, vel qui tibi offerunt hoc sacrificium laudis pro se suisque omnibus, pro redemptione animarum suarum, pro spe salutis, & incolumitatis suæ. & post consecrationem, offerimus præclaræ maiestati tuæ hostiam puram, hostiam sanctam, hostiam immaculatam, panem sanctum vitæ æternæ, & calicem salutis perpetuæ. & infra, sanctum sacrificium, immaculatam hostiam.* Mira sanè hîc est Molinæi, & cæterorum aduersariorum cæcitas vel pertinacia! Agnoscunt hoc mysterium, & rectè vocari, & verè esse sacrificium laudis, quia gratias agendo Christus illud instituit\*: cur non igitur ipsum fatentur esse sacrificium propitiatorium & expiatorium, cum Christus se illud instituere pro nobis expressè dixerit in remissionem peccatorum; idèoque fractionem adhibuerit in consecrato pane, effusionemque fieri sui sanguinis in calice testatus sit? Fractio secundum Calvinum est *genuinum indicium immolationis*; effusio sanguinis immolatae victimæ, secundum Apostolum, signum est expiationis, & remissionis peccatorum: quam fieri in hoc mysterio, ut præmonuimus, Christus ipse disertis verbis edocuit. Sed nemo magis cæcus est, eo qui posset videre si vellet, at non vult sibi oblatum lumen aspicere; summa hæc enim dementia est, seu malitia. Quamobrem Spiritus sanctus de impiis conspicuæ veritatis impugnatoribus, apud Sapientem signatim dicit c. 2. 20. *Hæc cogitauerunt, & errauerunt, excæcauit enim illos malitia eorum.* His igitur dimissis, instructionem Sacerdotis circa Missæ sacrificium ut est sacrificium laudis, & gratiarum actionis, recto tramite persequamur.

\* Nota insignem obseruationem.

Heb. 9.

Christus instituens Eucharistiæ sacrificium, gratias egit, iussitque nos quod ipse tum fecit, semper imposterum facere in suam commemorationem. hinc praxis Ecclesiæ perpetua, in hoc sacrificio gratias Deo debitas referendi, & populum voce sacrificantis Sacerdotis ad eas agendum interpellandi. *Gratias (inquit) agamus Domino Deo nostro.* respondet populus, *Dignum & iustum est*: tum infert Sacerdos, *Verè dignum & iustum est, æquum & salutare, nos tibi semper & ubique gratias agere, Domine sancte, Pater omnipotens, æterne Deus, Per Christum Dominum nostrum.* Quæ diuinæ actionis præfatio in omnibus Liturgiis tam Græcis, quàm Latinis ferè iisdem verbis, at ubique consono sensu reperitur, iamque ab initio in usu, & praxi fuisse Catholicæ Ecclesiæ passim videre est apud Patres, S. Irenæus lib. 3. c. 34. *Igitur, inquit, Ecclesiæ oblatio, quam Dominus iussit offerri in vniuerso mundo purum sacrificium reputatum est apud Deum, & acceptum est ei, &c. Oportet enim nos oblationem Deo facere, & in omnibus gratos inueniri fabricatori Deo &c.* Et longius post prædicta; *Et hanc oblationem Ecclesia sola\*, puram offert fabricatori, offerens ei cum gratiarum actione.* Sed quænam ista est oblatio? Ipse sanctus Martyr, eiusdem lib. 3. c. 32. in fine indicat, *sed & suis discipulis Do-*

Matth. 26.  
1. Cor. 11.

\* Calvinistarum igitur hæresis apertissima nota est, quod hoc sacrificium non habent, ac negant, & sublatum ite cum Antichristo conantur.

Nnn ij

minus dans consilium primitias Deo offerre ex suis creaturis &c. ut ipsi nec infructuosi, nec ingrati sint: eum qui ex creaturis panis est accepit & gratias egit dicens hoc est corpus meum, & calicem similiter, qui est ex ea creatura quæ est secundum nos, suum sanguinem confessus est, & noui testamenti nouam docuit oblationem, quam Ecclesia ab Apostolis accipiens: Deo offert in uniuerso mûdo, sicut fuerat prædictum à Malachia Propheta (cuius recitata post oracula mox subiungit) manifestissime significans, per hæc quoniam prior quidem populus cessauit offerre Deo; omni autem loco sacrificium offertur Deo, & hoc purum, nomen autem eius glorificatur in gentibus: scilicet quia per hoc sacrificium Deus adoratur supremo cultu, & laudes pro suis immensis beneficiis, gratiarumque actiones hoc solenni ritu purissimi sacrificij referuntur. Hinc S. Cyprianus serm. de orat. Dominica, versus finem, *Ad hæc*, inquit, *inter sacra mysteria, ad gratiarum actiones reuertitur.* S. Cyrillus Hierosolymitanus Catech. 5. Mystag. Postea, inquit, clamat Sacerdos, *Sursum corda*; vos respondetis, *Habemus ad Dominum*, deinde dicit Sacerdos, *Gratias agamus Domino Deo nostro.* S. Chrysostomus homil. 18. in 2. ad Cor. *Nec solus Sacerdos gratias agit, sed etiam omnis populus: prius enim accepta illorum voce, deinde congregatis illis, ut dignè & iustè hoc fiat, incipit Eucharistiam.* Idem homil. 26. in Matth. *Ideo assistens Sacerdos pro uniuerso terrarum orbe, pro absentibus atque presentibus, pro iis qui ante nos fuerunt, & postea futuri sunt, sacrificio illo proposito, Deo nos gratias iubet offerre.* Succinit sanctus Augustinus lib. de spirit. & litt. cap. 11. ubi ait: *In ipso verissimo & sanctissimo sacrificio, Deo nostro gratias agere admonemur.* Et epist. 120. cap. 19. *Hinc gratias agimus Domino nostro, quod magnum est Sacramentum in sacrificio noui testamenti; sacrificium enim istud ad hoc institutum est, ut habeamus quo dignas Deo gratias perpetuò rependamus, pro innumeris ac ingentibus eius in nos beneficiis, sed redemptionis præcipuè.* Tanta enim beneficiorum eius immensitas, tam insolitæ & inauditæ omnibus sæculis miserationes, singularem quoque & inauditam gratiarum actionem à nobis postulabant: At nulla poterat esse maior aut præstantior gratiarum actio, quàm quæ oblatione huius sacrificij perficitur: partim quia nihil præstantius aut gratius & acceptius pro omnibus beneficiis acceptis offerri Deo poterat isto sacrificio, cuius hostia tam pretiosa, tam digna est, ut sola sit, quæ maiestati eius, cui offertur, valeat adæquari, unde illud Psalmographi, Psal. 115. *Quid retribuam Domino pro omnibus quæ retribuit mihi? calicem salutaris accipiam, & nomen Domini inuocabo:* partim etiam quia nulla alia re magnitudinem beneficiorum eius magis commemorare ac commendare poteramus. Testamur enim non modò eum esse rerum omnium creatorem, sed & auctorem redemptionis & salutis nostræ; profiteamur etenim Patrem misisse Filium in carnem ad nos redimendos, liberandos, saluandos, & omni benedictione cumulandos: eum verò ipsius voluntate pro nobis suscepisse crucem, fudisse spiritum & sanguinem, ipsamque eiusdem vnigeniti mortem in hoc sacrificio repræsentamus, eandemque hostiam in tanti beneficii gratitudinem offerimus. Solerti mente, id est solito acumine, hoc attigit arcanum expressitque sanctus Augustinus lib. 2. de bono persecuerantiæ, c. 13. *In Sacramentis fidelium dicitur, (ait)*

ut sursum habeamus corda, quia munus est Domini, de quo munere ipsi Domino Deo nostro gratias agere à Sacerdote admonemur. Et de bono viduitatis cap. 16. Et ideo sequitur VT DE HOC TANTO BONO &c. NON NOBIS GLORIAM &c. SED DOMINO DEO NOSTRO GRATIAS AGAMVS. Eucharistia est operum Dei mirabilium anacephalæosis. Quapropter ait Propheta de hoc mysterio, *Memoriam fecit Dominus mirabilium suorum*: non naturæ modò, sed potissimum gratiæ. Est *extensio Incarnationis*, & totius Domini dispensationis, nostræque redemptionis ab ipso peractæ. Et ideo facta consecratione ac eleuatione salutaris hostiæ & calicis, Sacerdos ait: *Vnde & memores Domine tam beate Passionis, nec non ab inferis resurrectionis, sed & in cælos gloriosa ascensionis offerimus præclara Maiestati tuæ de tuis donis ac datis hostiam puram, hostiam sanctam, hostiam immaculatam, panem sanctum vitæ æternæ & calicem salutis perpetuæ.* Quia nimirum summum Dei beneficium est, & donum, & datum, quo cætera omnia Dei erga nos beneficia coaceruantur, hocque supereminenti munere cumulantur. Nullum igitur donum aut munus nobis suppetebat, quo sicut *dignum & iustum est* Deum honorare & gratias pro immensis suis beneficiis, hocque singulari, summoque dono diuinæ eius bonitati rependere: quàm hoc ipsum diuinum planè & cœleste munus ipsi offerendo, seu potius tanquam auctori eius & largitori referendo. Quod notauit obiter quidem, sed scitè & sapienter S. Irenæus lib. 3. cap. 34. in fine, *Offerimus autem Deo &c. gratias agentes donationi eius.* aliter etenim non poterant eius erga nos beneficia compensari, nec dignæ ipso grates referri. Præclare idcirco monet sanctus Augustinus: *Quid sacratius est, inquit, laudis sacrificium, quàm in gratiarum actione?* Et unde maiores Deo agenda sunt gratia, quàm pro ipsius gratia per Dominum nostrum Iesum Christum? Quod totum fideles in Ecclesia sacrificio sciunt, cuius umbra fuerunt omnia priora genera sacrificiorum. Nec minus aptè & scienter S. Chrysostomus, homil. 16. in Matth. ad cap. 8. *Reuerenda (inquit) & salutaria illa mysteria quæ in omni Ecclesiæ congregatione celebramus, Eucharistia \**, id est gratiarum actio nuncupantur, sunt enim beneficiorum recordatio plurimorum, caputque ipsum diuinæ in nos charitatis ostendunt, nosque faciunt debitas Deo gratias semper exoluere. Porro homil. 26. in Genes. insignem obseruat hac in re, Dei in nos munificentiam, *Non ut nostra (inquit) gratiarum actione opus habens, sibi vult gratias agi: sed ut quicquid lucri est, iterum ad nos redeat.* Quæ sanè, mira Dei in nos bonitas est & misericordia.

Psal. 110.

Lib. 1. cap. 18. cont. aduers. legis &amp; Prophetarum.

\* Origen. lib. 8. contra Celsum, dicit, Eucharistiam singulare bonum; gratiam de qua, &amp; per quam, conuenienter Deo gratias agimus.

Mira est etiam Ecclesiæ industria ad gratias propterea Deo debitas rependendum, scilicet nouerat hominem impeditioris esse linguæ, ad Deum prout oportet laudandum & glorificandum. Aduocat igitur Sacerdos ad supplendum quod vniuersum humanum genus non sufficit persolvere, dignæ & iustæ collaudationis debitum. Ideo cœlestis militiæ exercitus, suos ut nostris præconiis iungant concentus, piè & deuotè interpellat: *Maiestatem (inquit) tuam laudant Angeli, adorant dominationes, tremunt potestates, cæli cælorumque virtutes, ac beata Seraphim*

socia exultatione concelebrant. Cum quibus & nostras voces ut admitti iubeas deprecamur, supplici confessione dicentes, Sanctus, Sanctus, Sanctus Dominus Deus Sabaoth. Sed nec ullæ hominum voces, nec cœlestium ordinum quantumuis pura & suavis modulatio diuinæ Maiestati grata esse potest, nisi Agni cantico coniungatur. Absoluta auctoritas est. 1. Pet. 4. 11. Oportere nos in omnibus Deum glorificare, per Iesum Christum Dominum nostrum. Sine verbo factum est nihil, sine Christo nulla laus potest æterno Patri complacere; *Hic est* (inquit) *filius meus dilectus, in quo mihi bene complacui.* Aduocatis ideo in concentum diuinæ glorificationis Angelis & Archangelis, cunctisque supernæ militiæ ordinibus, decantatoque cum Seraphim & Cherubim trifagio, Sacerdos totum hoc præconium gratissima hac Deo melodia complet: *Te igitur clementissime pater per Iesum Christum filium tuum Dominum nostrum supplices rogamus ac petimus.* Vbi miro pietatis artificio duo subordinatim coniungit; cultum etenim se Deo supremum hac solenni per Christum glorificatione referre profitetur: tūmq̃ue in eius nomine quæque nobis salutaria deprecatur, oblatæque subinde ad efficaciter impetrandum quod postulat, hostia propitiationis & salutis (quæ ipse Christus est) circumlūm perficit mysticum: etenim ad laudem & gratiarum actionem, vnde diuinum mysterium inchoauerat, hac clausulâ redit, *Per Christum Dominum nostrum: per quem hæc omnia Domine, semper bona creas, sanctificas, viuificas, benedixisti & præstas nobis, per ipsum, & cum ipso, & in ipso, est tibi Deo Patri omnipotenti, in unitate Spiritus sancti, omnis honor & gloria per omnia secula seculorum, Amen.*

Ioan. 1.

Matth. 12.

## CAPVT VIII.

## De loco sacrificij.



EMPLUM, altare, & sacrificium correlata sunt, & ita coniuncta, ut sese mutuò complectantur. Templum est locus altaris, altare situs est hostiæ immolatæ, & proprius locus sacrificij. Hac de causa Nouatores qui omne sacrificium externum in Ecclesia tollere nituntur; & templis & aris bellum implacabile indixerunt. Quamobrem cum primū grassari cœperunt, quotquot potuerunt templa & altaria suo furori subiecere, impio ausu, manibūque sacrilegis ubique euerterunt. Haud dubium quod si in ipsum cœlum possent irruere, templum & altare quod ibi est (nam hīc remanet sacrificium incensi, id est summi cultus & honoris) essent proculdubio (nisi Angeli obsisterent) funditus euersuri. *Datus est mihi calamus* (ait S. Ioannes Apoc. II. 1.) *similis virgæ, & dictum est mihi, surge & metire templum Dei, & altare, & adorantes in eo: Quasi diceret, metire* \*id est considera attentius structuram & proportionem templi & altaris superni. Calamo metire inquam, sed percute virga diuini furoris impios, qui templum & altare de regno Dei auferre atque subruere

\*Nota.



re moliuntur. Superiori sæculo patres nostri non sine gemitu & lachrymis templa & altaria à Calvinistis nefando ausu, sathanico impulsu & impetu, totâ ferè Europâ, solo æquari conspexerunt. Ruderâ quæ iacent plerisque locis, in aceruum testimonij, etiamnum patent, dispersique lapides sanctuarij in medio platearum, abominationem desolationis factam in loco sancto, à prodromis filij perditionis, ubique indicant & testantur.

Attamen Calvinistæ postquàm demum deferbuerunt, pudore facti tam execrabilis eò deueniunt, ut templa per se non esse mala faterentur, ipsique habere incepterunt (Conuenticulorum enim suorum locis, Templi nomen passim indiderunt,) contendentes non usum, sed abusum templorum à se reprehendi. Erigi enim debere (ut eos docuit Calvinus lib. 1. Instit. c. 11. §. 13. & lib. 3. c. 20. §. 30.) *ad communes preces fundendas, ad habendas conciones, ad Sacramenta ministranda, non verò ad sacrificium offerendum.* Quæ capitalis omnium recentiorum sectariorum hæresis est, superius patentis impietatis conuicta. In Germania Lutherani vim templis non intulerunt, quoad fabricam & structuram, quam suis conuenticulis sarram rectam seruari voluerunt. At omnia altaria inde submouerunt, prorsusque abstulerunt, quia sacrificium Christianum omnino totis viribus amoliuntur. Hic igitur nobis quæstio cum illis non est de templis: at de altari & sacrificio. Quin probatò iam copiosè ac euidenter sacrificiò externò, vero & propitiatorio: vix quæstio superesse potest de altari. Vbi-cumque enim est eiusmodi sacrificium nemo negat, aduersariorum etiam rigidiorum, huic celebrando & offerendo altaria erigenda esse. Vix igitur quicquam restat de altari etiam nobis cum eis disputandum; sed pauca quædam refellenda, quæ Molinæus aduersus Ecclesiæ Catholicæ altaria, nuper obiecit.

## ARTICVLVS I.

## Seu DISCEPTATIVNCVLA

*De altarium antiquissimo in Ecclesia usu: materia, forma, sine, situ, singularitate, & pluralitate.*

*Aduersus Petrum Molinæum, Calvinistarum rigidiorum, in Gallia, antesignanum.*

## §. I.

*An altaris nomen pro primordiali Mensæ vocabulo sensim irrepserit?*

## MOLINÆI RATIVNCVLA.

**I**STE Minister (c. 17. Contr. 16. lib. sue *Novitatis*) ubi suo ex genio describit primitivæ Ecclesiæ circa celebrationē diuinæ Eucharistiæ mores ac

ritus, ait: *In locis sacratis, ubi populus conueniebat ad audiendam verbi predicationem & Sacramentorum administrationem: collocabatur in medio mensa lignea, quæ mobilis erat, & transferri poterat. Primis sæculis (inquit) mensa vocabatur, sed demum paulatim irrepsit usus, ut altare appellaretur.*

## RESPONSIO.

QVOT verba hîc habet Molinæus, tot ferè profert mendacia. Nam 1. falsum est quod persuadere gestit, olim ædes sacras, ecclesias, seu templa Christianorum tantum fuisse instituta ad Concionem audiendam, vel Sacramenta suscipienda: nam ad sacrificium Domini incruentum offerendum Deo, primum omnium destinabantur, quemadmodum toto hoc libro demonstraui. Siquidem ex hoc constat manifestissimè, semper in Ecclesia Eucharistiæ sacrificium, ex diuina institutione celebratum, creditumque idem semper & ubique sacrificium verum & propitiatorium: in huncque finem & usum erecta fuisse altaria & sacra loca ex consequenti dedicata. Inuidiâ diaboli Ecclesiæ hostes eam calumniabantur, quòd simul in sacris locis sanctorum Martyrum reliquias venerandas reponeret, & nihilominus sacrificium celebraret: (adeo ut etiam altaria illorum sepulchris superponerentur) diuinos honores, sacrificia scilicet, ipsis Martyribus impendere. At sancti Patres hanc calumniam forti semper relictatione repulerunt. Breui responso plurima dicta sanctus Augustinus complexus est lib. 8. de Ciuit. Dei c. ult. cum dicit, *Non autem ista esse sacrificia Martyrum nouit, qui nouit unum, quod Deo illic offertur, sacrificium Christianorum.* 2. Nec omnino verum est quod Molinæus subiungit, mobilem fuisse tralatitiâque hanc mensam, quam altare appellamus. Vt sit enim, quod quibusdam locis ubi persecutiones magis feruebant, amobilia fierent altaria, sicut etiamnum altaria quædam sunt, quæ portatilia dicuntur. Vbi tamen commodè fieri poterat, fixa esse, & in locis Deo consecratis firmiter constitisse, nemo tantisper versatus in Sanctorum Patrum libris, Historiæque Ecclesiasticæ monumentis ignorare potest. Sed hac de re iterum inferius, ubi etiam de materia tractabimus. 3. Nec itidem verum est quod tantâ audaciâ dicit, *Primis sæculis mensam appellatam; deinde paulatim irrepsisse nomen altaris*: Siquidem etsi abnutum ire nolumus, mensæ vocabulum aliquando usurpatum: prius tamen aut frequentius inualuisse quàm altaris nomen, prorsus inficiamur. Eucharistia est Sacramentum & sacrificium: ut Sacramentum est diuinum epulum siue conuiuium, quo ad vitam æternam pascimur; respectu igitur Sacramenti mensa dicitur. At respectu sacrificij, in quo corpus & sanguis Christi Deo à Sacerdote offertur, altare nuncupatur. Et quidem utrumque Apostolico documento & exemplo, nam B. Paulus 1. Cor. 10. 20. *Non potestis (inquit) mensæ Domini participes esse & mensæ Demoniorum.* Ad Heb. autem c. 13. *Habemus altare (inquit) de quo edere non habent potestatem, qui tabernaculo deseruiunt.* Pro altari, in Græco est *θυμιαστήριον*, quasi dicas sacrificatorium, in quo scilicet sacrificatur, seu sacrificium offertur; ideo hunc locum Apostoli Patres de

de sacrificio Eucharistiæ intelligunt; Theophylactus hîc monet agi de sacrificio incruento : idem docent S. Chrysostomus, Theodoretus, Oecumenius, Sedulius, Primasius, aliique plures; igitur ab Apostolis habemus vtrumque vocabulum, altare & mensam: Altare propter singulare hoc noui Testamenti sacrificium; Mensam ob vñum Sacramenti. Quia tamen Sacramentum est sacrificij participatio & effectus, semper & vbique in Ecclesia nomen altaris fuit acceptius & vsitatus mensæ vocabulo, quod nonnisi rarò videre est à Patribus vsurpatum, cùm altaris appellatio sit apud eos adeo frequens & solennis, vt perennis meritò dici debeat. S. Ignatius Apostolorum discipulus in epist. ad Philadelph. quam Molinæus ipse hoc ipso loco citat, *Ecclesiam vnum altare habere testatur.* S. Dionysius, quem perantiquum & vtilem scriptorem Molinæus passim fatetur, c. 3. Hierarch. Eccles. altaris expressè meminit. Apostolorum canones 3. & 4. altare Domini in Ecclesia positum indignant. S. Irenæus *vicinus Apostolorum*, vt pote B. Polycarpi Martyris S. Ioannis Apostoli auditoris discipulus, lib. 4. c. 20. *omnes Domini Apostolos asserit fuisse Sacerdotes*, quia Deo & altari semper seruebant. idcirco in Actis c. 13. vbi Vulgata legit, *Ministrantibus autem illis Domino*, Erasmus aliàs satis gratus sectariis, euidentiâ textus originalis conuictus intrepidè vertit, *Sacrificantibus illis Domino.* Tertullianus Latinorum Patrum antiquissimus, passim meminit altaris, lib. de pœnit. inter alia signa humilitatis pœnitentium, hæc duo recenset, *Presbyteris aduolui, aris Dei adgeniculari.* Et in lib. de orat. sub extremam oram, *Solennior, inquit, eris statio tua, si ad aram Dei steteris.* Eusebius Cæsariensis lib. 4. Demonstr. Euangelicæ, de altari Ecclesiæ pleraque dicit. S. Cyprianus eo nomine nullum frequentius habet; non est necesse simul & vbique commemorare omnia: breuiter igitur dicta clarissima illius subindicabo, Epist. 40. *Deus, inquit, vnus est, & Christus vnus, & vna Ecclesia, & Cathedra vna super Petrum Domini voce fundata: Aliud altare constitui aut Sacerdotium nouum fieri præter vnum altare & vnum Sacerdotium, non potest; quisquis alibi collegerit, spargit.* Et ep. 55. *Quid superest (Nouatiano) quàm vt Ecclesia Capitolio cedat, & recedentibus Sacerdotibus, ac Domini altare remouentibus, in Cleri nostri sacrum venerandùmque confessum, simulachra atque idola cum aris suis transeant.* Et ep. 63. ad Cæciliū, qua ex professo de mysterio tractat Dominici calicis; altaris Domini & eius Apostolorum, eius ministrorum insignem facit mentionem. Ep. 64. edicit, *ne incesti, perfidi, profani, sacrilegi, apud altare consistant; ne ad altaris impiamenta & contagia patrum per suum concursum reuertantur.* Denique ep. 69. ad Florentium, vocat Episcopum, *Antistitem & rectorem altaris.* Posteriorum Patrum testimonia, scilicet Optati, Chrysostomi, Ambrosij, Gregorij Nysseni & Nazianzeni, Hieronymi, Augustini, notat insignia Card. Bellarminus lib. 1. de Missa c. 16. vbi probat sacrificium propriè dictum, ex sacro altarium ritu. Quibus addere possem Conciliorum de iisdem sanctiones, Carthag. V. c. 4. Rom. I. c. 13. Africani c. 5. Constantinopolitani III. c. 22. Aurelian. I. c. 14. Aure-

ἀποστολικῶν καὶ  
ἀπὸ τοῦ κυρίου.  
Act. 13.

## 468 PANOPLIÆ SACERDOTALIS PARS II.

*Vide Vasquez  
tom. 3. in 3. p.  
S. Tb. 9. 83. a. 1.  
dist. 230. cuius  
est titulus De  
magnitudine  
valoris huius sa-  
crificij, c. 1. &c.  
p. 465. & seqq.*

*Comment. in 3.  
p. S. Tho. de  
Sacerdotio, c. 8.  
p. 481.*

excutiendum scrupulum, aliquot affert rationes, quarum postrema quam potiore iudicat, sumitur ex ipsa Christi voluntate & mero beneplacito; *Nam etiamsi, inquit, possit Christus per unam oblationem sacrificij incruenti, qualibet à Deo & pro quibuscumque impetrare: tamen petere noluit, nec impetrare, nisi ut pro singulis oblationibus applicetur certa mensura fructus passionis suæ, siue ad peccatorum remissionem, siue ad alia auxilia quibus opus nobis est ad salutem, siue ad alia beneficia quibus in hac vita quomodo-  
documque indigemus; videtur autem Christus id voluisse, tum ut hoc modo frequentaretur hoc sacrificium, sine quo religio consistere non potest: tum quia id requirebat ordo diuinæ providentiæ, quæ omnia disponit suauiter.* (Addi poterat ne fierent homines desidiosii, sed salutis suæ magis essent solliciti, huiusque sacrificij forent feruentiores cultores, & huius acceterorum Sacramentorum bonorumque operum studiosiores.) Doctrina hæc Cardinalis Bellarmini solida est, clara & sincera: Sed Gammachius loquendi modum in hoc non admittit, quod habet, finitum esse valorem sacrificij Missæ: nec enim censet hîc dici posse ratione hostiæ & principalis offerentis; distinguendum igitur esse inter pretium & valorem sacrificij in se, quoad rem oblatam, & primum Sacerdotem, cum externo eius effectu (id est cum gratia, quæ per illud nobis impetratur): aliud enim esse loqui de virtute, aliud de operatione præsertim in moralibus, quæ non ex necessitate physica & naturali, sed libera voluntate & institutione pendent, ut in pactione Testamenti quod Christus fecit in vltima Cœna: non enim Christus agit necessariò, quantum potest, sed solum quantum vult & prope vult. Confirmat autem iste Doctor hoc sacrificium finiti esse effectus, quatenus à Sacerdote offertur, siue in persona propria, siue in persona & nomine totius Ecclesiæ; non enim merita Sacerdotis, imò nec Ecclesiæ cum meritis Christi vlllo modo comparari possunt: nec vllam cum ipsis proportionem habent, & nullius sunt momenti, nisi quatenus Christi meritis innituntur. Quæ quidem dicta vera sunt, & in re ipsa à scitis Bellarmini non discrepant. Lessius tamen cum aliis plerisque asserit sacrificium Missæ vim semper habere quodammodo infinitam, quia non est determinatum ad certum numerum personarum; siue enim loquamur de viuis in Ecclesia, siue de defunctis, siue de assistantibus sacrificio: non minùs quisque particeps est fructus illius dum plures sunt, quàm cum paucioribus; nec plus ad singulos peruenit, cum pauciores, quàm cum plures sunt.

Obiiciet hîc verò quispiam. Igitur quid iuuat sacrificium curare pro se, aut pro alio singulariter à Sacerdote offerri? Responsio est, quia etsi sacrificium prodesse possit omnibus, quamobrem re ipsa pro omnibus offertur, (sicut supra probatum est) tamen iis magis prodesse potest pro quibus singulariter offertur. Applicatio ista ab intentione pendet Sacerdotis offerentis: at non pendet ex ipsius intentione determinatio fructus; quem quisque, ipseque pro quo singulariter offert, debet percipere: siquidem hoc Christus auctor huius sacrificij, hostia & præcipuus Sacerdos, suo beneplacito prorsus reservauit.

Distin-



Distinguendum tamen hîc quidam arbitrantur; de fructu sacrificij ratione operis operati, id verum esse; haud secus tamen ratione operis operantis. Nam ex communi usu Ecclesiæ, qui curat Sacerdotem pro se vel suis Missam celebrare, expectat non modò fructum, quem habet sacrificium per se, sed etiam quem habet ex deuotione offerentis. Ex quo sequitur, non posse Sacerdotem plura stipendia pro vno sacrificio accipere, quia qui curat sacrificium pro se offerri, totum fructum expectat, quem Sacerdos per sacrificium conferre potest, iuxta receptum Ecclesiæ morem.

Hinc verò est quòd Sacerdos apud se perpendat, quanti sit momenti sacrificium offerre non tantum pro se, & pro vniuersa Dei Ecclesia, sed speciatim, & singulariter pro iis, qui ad eius opem & ministerium confugerunt. Certa res est quòd Sacerdos solus sit immediatus, & visibilis minister sacrificij Missæ, quòdque ex parte operis operantis plerisque possit clientibus, siue æternæ salutis subsidia, siue vitæ præsentis solatia, in ipso sacrificio impetrare, *Si cum vero corde* (vt loquitur Concilium Tridentinum) *& recta fide, & cum metu & reuerentia, nec non in spiritu contrito, & humiliato ad hoc tremendum mysterium peragendum, & salutare sacrificium Deo offerendum, accedat.* Si secus igitur sacro hoc munere defungatur, haud dubium, quin grauis piaculi sese obstringat reatu. Sententia celebris est venerabilis Bedæ, *Sacerdos non legitimè impediens celebrare omittens, quantum in se est, priuat sanctam Trinitatem laude & gloria, Angelos latitia, peccatores venia, iustos subsidio & gratia, in purgatorio existentes refrigerio, Ecclesiam Christi speciali beneficio, & seipsum medicina & remedio.* Porro si ex simplici omissione extra legitimum impedimentum, tantum incurrit reatum: quanto piaculo sit obnoxius, qui diuinum hoc munus cum impura conscientia, & sine metu & reuerentia, sine fide, sine contritione & confessione, sine deuotione, & vero diuinæ charitatis affectu, celebrare aggreditur? *Fit ei procul dubio oratio in peccatum, atque in sacrilegium vertitur eius sacrificium: conculcat enim* (vt ait Apostolus Heb. 10. 29.) *Filium Dei, & sanguinem Testamenti pollutum ducit, in quo sanctificandus erat, & spiritui gratiæ contumeliam facit.* Qui sic voluntariè peccat, non relinquitur hostia pro peccato. Caueat Sacerdos igitur, hoc extremum scelus quanto cum horrore fieri potest, sibi que (quia de anima sua agitur) tota intentione consulat, supplèxque & humilis diuinam Maiestatem deprecetur, vt sibi quæ auxilia necessaria sunt ad dignè hoc officio perfungendum concedere dignetur; discat sic orare cum S. Ambrosio in tam tremendæ actionis procinctu: *Ego Domine, memor venerandæ passionis tuæ accedo ad altare tuum (licet peccator) vt offeram tibi sacrificium, quod tu instituisti, & offerri præcepisti in commemorationem tui pro salute nostra; suscipe illud quæso summe Deus pro Ecclesia sancta tua, & pro populo quem acquisisti sanguine tuo. Et quoniam me peccatorem inter te, & eundem populum medium esse voluisti, licet in me aliquod boni operis testimonium non agnoscas: officium saltem dispensationis creditæ non recuses, nec per me indignum, eorum salutis pereas pretium pro quibus victima salutaris dignatus es*

esse redemptio. Profero igitur Domine (si digneris propitius intueri) tribulationes plebium, pericula populorum, captiuorum gemitus, miseria orphanorum, necessitates peregrinorum, inopiam debiliū, desperationes languentium, defectus senum, suspiria iuuenum, vota virginum, lamenta viduarum: Tu enim misereris omnium Domine, & nihil odisti eorum quæ fecisti. Atque hætenus de sacrificio impetrationis.

## ARTICVLVS IV.

*Esse etiam sacrificium laudis, & gratiarum actionis.*

**E**VCHARISTICVM idcirco appellatur, siquidem *ἑχαριστία*, dicitur *ἀπὸ τοῦ ἑχαρίζω* quod gratias agere significat, prout fecit Dominus instituendo noui Testamenti sacrificium: *Accepto pane* (scribit S. Lucas c. 22.) *gratias egit, & fregit, & dedit eis dicens, hoc est corpus meum, quod pro vobis datur,* (ita & Apostolus 1. Cor. 11.) *Et accipiens calicem* (inquit S. Matth. c. 26.) *gratias egit, & dedit illis dicens, bibite ex hoc omnes, Hic est enim sanguis meus noui testamenti, qui pro multis effundetur in remissionem peccatorum.* Propter quæ euidentia testimonia aduersarij (scilicet Lutherani & Caluinistæ) non negant in hoc mysterio agendas Deo gratias esse, & inde ipsum diuinum mysterium nomine Eucharistiæ, rectè & propriè appellatum: quin etiam ea ratione sacrificium iure dici posse, & reuera esse: at sacrificium tantummodò laudis, & gratiarum actionis, sic apertè docet Melancthon in Apologia Confessionis Augustanæ, art. de Missa, Calvinus lib. 4. Institut. cap. 18. Martinus Kemnitius 2. part. Exam. Concil. Trident. & nouissimè Petrus Molinæus in Nouit. Pap. Controuers. 10. c. 6. vbi quasdam assignat rationes cur à sanctis Patribus Eucharistia constanter appelletur sacrificium. Primò, inquit, quia est commemoratio sacrificij Iesu Christi: siquidem in sancta Cæna Deo offerimus Iesu Christi sacrificium, obsecrando, vt meritum eius mortis pro peccatis nostris acceptare dignetur. Secundò, inquit, *sancta Cæna sacrificium est gratiarum actionis*; quod & Patres indicârunt, quum Eucharistiam vocitârunt, & consequenter sacrificium Eucharisticum, hoc est *sacrificium gratiarum actionis*. Canon Missæ hoc ipsum confirmat, etenim appellat quod offert Sacerdos, *sacrificium laudis*. Non est igitur hac de re nobis cum illis circa hoc controuersia, nisi in eo quod volunt sanctam Eucharistiam esse dumtaxat labialem oblationem, non realem, & esse quidem sacrificium laudis, sed tantum sacrificium laudis, non autem religionis neque propitiationis. Quod tamen suprâ fuit apertissimè demonstratum, & satis superque comprobatum. At verò passim ludit Molinæus in hoc nomine. Quod enim Patres & Canon Missæ appellant hoc sacrificium laudis, inde infert esse tantum laudis sacrificium. Quæ illatio quàm sit inepta, ipsa quam edidit Logica, facilè ipsum docebit. Sanè Patres vocant hoc mysterium, sacrificium laudis: sed vocant itidem *Latriam incruentam, hostiam propitiationis, corpus Christi, veram immolationem, victimam pretij nostri, sacrificium*

tremendum, adorandum, sacrificium summum, singulare, sacrificium verum, plenum, perfectum, sacrificium Deo plenum: ita & canon Missæ eodem loco quem citat Molinæus, appellat quidem incruentam hanc Christi oblationem, sacrificium laudis, sed continuò prædicat expiatorium, & salutiferum sacrificium; sic enim Sacerdos ait: Pro quibus tibi offerimus, vel qui tibi offerunt hoc sacrificium laudis pro se suisque omnibus, pro redemptione animarum suarum, pro spe salutis, & incolumitatis suæ. & post consecrationem, offerimus præclaræ maiestati tuæ hostiam puram, hostiam sanctam, hostiam immaculatam, panem sanctum vitæ æternæ, & calicem salutis perpetuæ. & infra, sanctum sacrificium, immaculatam hostiam. Mira sanè hîc est Molinæi, & cæterorum aduersariorum cæcitas vel pertinacia! Agnoscunt hoc mysterium, & rectè vocari, & verè esse sacrificium laudis, quia gratias agendo Christus illud instituit\*: cur non igitur ipsum fatentur esse sacrificium propitiatorium & expiatorium, cum Christus se illud instituere pro nobis expressè dixerit in remissionem peccatorum; idèoque fractionem adhibuerit in consecrato pane, effusionemque fieri sui sanguinis in calice testatus sit: Fractio secundum Calvinum est genuinum indicium immolationis; effusio sanguinis immolatae victimæ, secundum Apostolum, signum est expiationis, & remissionis peccatorum: quam fieri in hoc mysterio, ut præmonuimus, Christus ipse disertis verbis edocuit. Sed nemo magis cæcus est, eo qui posset videre si vellet, at non vult sibi oblatum lumen aspicere; summa hæc enim dementia est, seu malitia. Quamobrem Spiritus sanctus de impiis conspicuæ veritatis impugnatoribus, apud Sapientem signatim dicit c. 2. 20. *Hæc cogitauerunt, & errauerunt, excacauit enim illos malitia eorum.* His igitur dimissis, instructionem Sacerdotis circa Missæ sacrificium ut est sacrificium laudis, & gratiarum actionis, recto tramite persequamur.

\* Nota insignem oblationem.

Heb. 9.

Christus instituens Eucharistiæ sacrificium, gratias egit, iussitque nos quod ipse tum fecit, semper imposterum facere in suam commemorationem. hinc praxis Ecclesiæ perpetua, in hoc sacrificio gratias Deo debitas referendi, & populum voce sacrificantis Sacerdotis ad eas agendum interpellandi. Gratias (inquit) agamus Domino Deo nostro. respondet populus, *Dignum & iustum est*: tum infert Sacerdos, *Verè dignum & iustum est, æquum & salutare, nos tibi semper & ubique gratias agere, Domine sancte, Pater omnipotens, æternæ Deus, Per Christum Dominum nostrum.* Quæ diuinæ actionis præfatio in omnibus Liturgiis tam Græcis, quàm Latinis ferè iisdem verbis, at ubique consono sensu reperitur, iamque ab initio in usu, & praxi fuisse Catholicæ Ecclesiæ passim videre est apud Patres, S. Irenæus lib. 3. c. 34. *Igitur, inquit, Ecclesiæ oblatio, quam Dominus iussit offerri in vniuerso mundo parum sacrificium reputatum est apud Deum, & acceptum est ei, &c.* Oportet enim nos oblationem Deo facere, & in omnibus gratos inueniri fabricatori Deo &c. Et longius post prædicta; *Et hanc oblationem Ecclesia sola\*, puram offert fabricatori, offerre ei cum gratiarum actione.* Sed quænam ista est oblatio? Ipse sanctus Martyr, eiusdem lib. 3. c. 32. in fine indicat, *sed & suis discipulis Do-*

Math. 26.  
1. Cor. 11.

\* Calvinistarum igitur hæresis apertissima nota est, quod hoc sacrificium non habent, ac negant, & sublatum ire cum Antichristo conantur.

Nnn ij

minus dans consilium primitias Deo offerre ex suis creaturis &c. ut ipsi nec infructuosi, nec ingrati sint: eum qui ex creaturis panis est accepit & gratias egit dicens hoc est corpus meum, & calicem similiter, qui est ex ea creatura quæ est secundum nos, suum sanguinem confessus est, & noui testamenti nouam docuit oblationem, quam Ecclesia ab Apostolis accipiens: Deo offert in uniuerso mûdo, sicut fuerat prædictum à Malachia Propheta (cuius recitata post oracula mox subiungit) manifestissime significans, per hæc quoniam prior quidem populus cessauit offerre Deo; omni autem loco sacrificium offertur Deo, & hoc purum, nomen autem eius glorificatur in gentibus: scilicet quia per hoc sacrificium Deus adoratur supremo cultu, & laudes pro suis immensis beneficiis, gratiarumque actiones hoc solenni ritu purissimi sacrificij referuntur. Hinc S. Cyprianus serm. de orat. Dominica, versus finem, *Ad hæc*, inquit, *inter sacra mysteria*, ad gratiarum actiones reuertitur. S. Cyrillus Hierosolymitanus Catech. 3. Mystag. Postea, inquit, clamat Sacerdos, *Sursum corda*; vos respondetis, *Habemus ad Dominum*, deinde dicit Sacerdos, *Gratias agamus Domino Deo nostro*. S. Chrysostomus homil. 18. in 2. ad Cor. *Nec solus Sacerdos gratias agit, sed etiam omnis populus: prius enim accepta illorum voce, deinde congregatis illis, ut dignè & iustè hoc fiat, incipit Eucharistiam*. Idem homil. 26. in Matth. Ideo assistens Sacerdos pro uniuerso terrarum orbe, pro absentibus atque presentibus, pro iis qui ante nos fuerunt, & postea futuri sunt, sacrificio illo proposito, Deo nos gratias iubet offerre. Succinit sanctus Augustinus lib. de spirit. & litt. cap. 11. ubi ait: *In ipso verissimo & sanctissimo sacrificio, Deo nostro gratias agere admonemur*. Et epist. 120. cap. 19. *Hinc gratias agimus Domino nostro, quod magnum est Sacramentum in sacrificio noui testamenti; sacrificium enim istud ad hoc institutum est, ut habeamus quo dignas Deo gratias perpetuò rependamus, pro innumeris ac ingentibus eius in nos beneficiis, sed redemptionis præcipuè*. Tanta enim beneficiorum eius immensitas, tam insolitæ & inauditæ omnibus sæculis miserationes, singularem quoque & inauditam gratiarum actionem à nobis postulabant: At nulla poterat esse maior aut præstantior gratiarum actio, quàm quæ oblatione huius sacrificij perficitur: partim quia nihil præstantius aut gratius & acceptius pro omnibus beneficiis acceptis offerri Deo poterat isto sacrificio, cuius hostia tam pretiosa, tam digna est, ut sola sit, quæ maiestati eius, cui offertur, valeat adæquare, unde illud Psalmographi, Psal. 115. *Quid retribuam Domino pro omnibus quæ retribuit mihi? calicem salutaris accipiam, & nomen Domini inuocabo*: partim etiam quia nulla alia re magnitudinem beneficiorum eius magis commemorare ac commendare poteramus. Testamur enim non modò eum esse rerum omnium creatorem, sed & auctorem redemptionis & salutis nostræ; profiteamur etenim Patrem misisse Filium in carnem ad nos redimendos, liberandos, saluandos, & omni benedictione cumulandos: cum verò ipsius voluntate pro nobis suscepisse crucem, fudisse spiritum & sanguinem, ipsamque eiusdem vnigeniti mortem in hoc sacrificio repræsentamus, eandemque hostiam in tanti beneficii gratitudinem offerimus. Solerti mente, id est solito acumine, hoc attigit arcanum expressitque sanctus Augustinus lib. 2. de bono persecuerantiæ, c. 13. *In Sacramentis fidelium dicitur, (ait)*



ut sursum habeamus corda, quia munus est Domini, de quo munere ipsi Domino Deo nostro gratias agere à Sacerdote admonemur. Et de bono viduitatis cap. 16. Et ideo sequitur VT DE HOC TANTO BONO &c. NON NOBIS GLORIAM &c. SED DOMINO DEO NOSTRO GRATIAS AGAMVS. Eucharistia est operum Dei mirabilium anacephalæosis. Quapropter ait Propheta de hoc mysterio, *Memoriam fecit Dominus mirabilium suorum*: non naturæ modò, sed potissimum gratiæ. Est *extensio* *Incarnationis*, & totius Domini dispensationis, nostræque redemptionis ab ipso peractæ. Et ideo facta consecratione ac eleuatione salutaris hostiæ & calicis, Sacerdos ait: *Vnde & memores Domine tam beatæ Passionis, nec non ab inferis resurrectionis, sed & in cælos gloriosæ ascensionis offerimus præclara Maiestati tuæ de tuis donis ac datis hostiam puram, hostiam sanctam, hostiam immaculatam, panem sanctum vitæ æternæ & calicem salutis perpetuæ.* Quia nimirum summum Dei beneficium est, & donum, & datum, quo cætera omnia Dei erga nos beneficia coaccruntur, hocque supereminenti munere cumulantur. Nullum igitur donum aut munus nobis suppetebat, quo sicut *dignum & iustum est* Deum honorare & gratias pro immensis suis beneficiis, hocque singulari, summoque dono diuinæ eius bonitati rependere: quàm hoc ipsum diuinum planè & cæleste munus ipsi offerendo, seu potius tanquam auctori eius & largitori referendo. Quod notauit obiter quidem, sed scitè & sapienter S. Irenæus lib. 3. cap. 34. in fine, *Offerimus autem Deo &c. gratias agentes donationi eius.* aliter etenim non poterant eius erga nos beneficia compensari, nec dignæ ipso grates referri. Præclare idcirco monet sanctus Augustinus: *Quid sacratius est, inquit, laudis sacrificium, quàm in gratiarum actione? Et unde maiores Deo agenda sunt gratiæ, quàm pro ipsius gratia per Dominum nostrum Jesum Christum? Quod totum fideles in Ecclesiæ sacrificio sciunt, cuius umbræ fuerunt omnia priora genera sacrificiorum.* Nec minus aptè & scienter S. Chrysostomus, homil. 16. in Matth. ad cap. 8. *Reuerenda (inquit) & salutaria illa mysteria quæ in omni Ecclesiæ congregatione celebramus, Eucharistia \**, id est gratiarum actio nuncupantur, sunt enim beneficiorum recordatio plurimorum, caputque ipsum diuinæ in nos charitatis ostendunt, nosque faciunt debitas Deo gratias semper exoluere. Porro homil. 26. in Genes. insignem obseruat hac in re, Dei in nos munificentiam, *Non ut nostra (inquit) gratiarum actione opus habens, sibi vult gratias agi: sed ut quicquid lucri est, iterum ad nos redeat.* Quæ sanè, mira Dei in nos bonitas est & misericordia.

Psal. 110.

Lib. 1. cap. 18. cont. aduers. legis &amp; Prophetarum.

\* Origen. lib. 8. contra Celsum, dicit, Eucharistiam singulare bonum; gratiam de qua, &amp; per quam, conuenienter Deo gratias agimus:

Mira est etiam Ecclesiæ industria ad gratias propterea Deo debitas rependendum, scilicet nouerat hominem impeditioris esse linguæ, ad Deum prout oportet laudandum & glorificandum. Aduocat igitur Sacerdos ad supplendum quod vniuersum humanum genus non sufficit persolvere, dignæ & iustæ collaudationis debitum. Ideo cælestis militiæ exercitus, suos ut nostris præconiis iungant concentus, piè & deuotè interpellat: *Maiestatem (inquit) tuam laudant Angeli, adorant dominationes, tremunt potestates, cæli cælorumque virtutes, ac beata Seraphim*

## 474 PANOPLIÆ SACERDOTALIS PARS II.

Ioan. 1.

Matth. 12.

*socia exultatione concelebrant. Cum quibus & nostras voces ut admitti iubeas deprecamur, supplici confessione dicentes, Sanctus, Sanctus, Sanctus Dominus Deus Sabaoth. Sed nec ullæ hominum voces, nec cœlestium ordinum quantumvis pura & suaui modulatio diuinæ Maiestati grata esse potest, nisi Agni cantico coniungatur. Absoluta auctoritas est. 1. Pet. 4. 11. Oportere nos in omnibus Deum glorificare, per Iesum Christum Dominum nostrum. Sine verbo factum est nihil, sine Christo nulla laus potest æterno Patri complacere; Hic est (inquit) filius meus dilectus, in quo mihi bene complacui. Aduocatis ideo in concentum diuinæ glorificationis Angelis & Archangelis, cunctisque supernæ militiæ ordinibus, decantatōque cum Seraphim & Cherubim trisagio, Sacerdos totum hoc præconium gratissima hac Deo melodia complet: Te igitur clementissime pater per Iesum Christum filium tuum Dominum nostrum supplices rogamus ac petimus. Vbi miro pietatis artificio duo subordinatim coniungit; cultum etenim se Deo supremum hac solenni per Christum glorificatione referre proficitur: tūmq̃ue in eius nomine quæque nobis salutaria deposcit, oblatāque subinde ad efficaciter impetrandum quod postulat, hostia propitiationis & salutis (quæ ipse Christus est) circumlūm perficit mysticum: etenim ad laudem & gratiarum actionem, vnde diuinum mysterium inchoauerat, hac clausulā redit, Per Christum Dominum nostrum: per quem hac omnia Domine, semper bona creas, sanctificas, viuificas, benedicis & præstas nobis, per ipsum, & cum ipso, & in ipso, est tibi Deo Patri omnipotenti, in unitate Spiritus sancti, omnis honor & gloria per omnia sæcula sæculorum, Amen.*

### CAPVT VIII.

#### *De loco sacrificij.*



**T**EMPLUM, altare, & sacrificium correlata sunt, & ita coniuncta, ut sese mutuò complectantur. Templum est locus altaris, altare situs est hostiæ immolatæ, & proprius locus sacrificij. Hac de causa Nouatores qui omne sacrificium externum in Ecclesia tollere nituntur; & templis & aris bellum implacabile indixerunt. Quamobrem cū primū grassari cœperunt, quotquot potuerunt templa & altaria suo furori subiecere, impio ausu, manibꝫque sacrilegis vbique euerterunt. Haud dubium quod si in ipsum cœlum possent irruere, templum & altare quod ibi est (nam hic remanet sacrificium incensi, id est summi cultus & honoris) essent proculdubio (nisi Angeli obsisterent) funditus euersuri. *Datus est mihi calamus* (ait S. Ioannes Apoc. 11. 1.) *similis virgæ, & dictum est mihi, surge & metire templum Dei, & altare, & adorantes in eo: Quasi diceret, metire* \*id est considera attentius structuram & proportionem templi & altaris superni. Calamo metire inquam, sed percute virga diuini furoris impios, qui templum & altare de regno Dei auferre atque subruere

\*Nota.

re moliantur. Superiori sæculo patres nostri non sine gemitu & lachrymis templa & altaria à Calvinistis nefando ausu, lathanico impulsu & impetu, totâ ferè Europâ, solo æquari conspexerunt. Ruderâ quæ iacent plerisque locis, in aceruum testimonij, etiamnum patent, dispersique lapides sanctuarij in medio platearum, abominationem desolationis factam in loco sancto, à prodromis filij perditionis, ubique indicant & testantur.

Attamen Calvinistæ postquàm demum deferbuerunt, pudore facti tam execrabilis eò deueniunt, ut templa per se non esse mala faterentur, ipsique habere incepterunt (Conuenticulorum enim suorum locis, Templi nomen passim indiderunt,) contententes non usum, sed abusum templorum à se reprehendi. Erigi enim debere (ut eos docuit Calvinus lib. 1. Instit. c. 11. §. 13. & lib. 3. c. 20. §. 30.) *ad communes preces fundendas, ad habendas conciones, ad Sacramenta ministranda, non verò ad sacrificium offerendum.* Quæ capitalis omnium recentiorum sectariorum hæresis est, superius patetis impietatis conuicta. In Germania Lutherani vim templis non intulerunt, quoad fabricam & structuram, quam suis conuenticulis factam rectam seruari voluerunt. At omnia altaria inde submouerunt, prorsusque abstulerunt, quia sacrificium Christianum omnino totis viribus amoliantur. Hic igitur nobis quæstio cum illis non est de templis: at de altari & sacrificio. Quin probatò iam copiosè ac euidenter sacrificiò externò, vero & propitiatorio: vix quæstio superesse potest de altari. Vbi cumque enim est eiusmodi sacrificium nemo negat, aduersariorum etiam rigidiorum, huic celebrando & offerendo altaria erigenda esse. Vix igitur quicquam restat de altari etiam nobis cum eis disputandum; sed pauca quædam refellenda, quæ Molinæus aduersus Ecclesiæ Catholicæ altaria, nuper obiecit.

## ARTICVLVS I.

## Seu DISCEPTATIVNCVLA

*De altarium antiquissimo in Ecclesia usu: materia, forma, sine, situ, singularitate, & pluralitate.*

*Aduersus Petrum Molinæum, Calvinistarum rigidiorum, in Gallia, antesignanum.*

## §. I.

*An altaris nomen pro primordiali Mensa vocabulo sensim irrepserit?*

## MOLINÆI RATIVNCVLE.

**I**STE Minister (c. 17. Contr. 16. lib. sue Nouitatis) ubi suo ex genio describit primitiæ Ecclesiæ circa celebrationē diuinæ Eucharistiæ mores ac

de sacrificio Eucharistiæ intelligunt; Theophylactus hîc monet agi de sacrificio incruento : idem docent S. Chrysostomus, Theodore-  
tus, Oecumenius, Sedulius, Primasius, aliique plures; igitur ab A-  
postolis habemus vtrumque vocabulum, altare & mensam : Altare  
propter singulare hoc noui Testamenti sacrificium; Mensam ob v-  
sum Sacramenti. Quia tamen Sacramentum est sacrificij participatio  
& effectus, semper & vbique in Ecclesia nomen altaris fuit acceptius  
& vsitatus mensæ vocabulo, quod nonnisi rarò videre est à Patribus  
vsurpatum, cùm altaris appellatio sit apud eos adeo frequens & so-  
lennis, vt perennis meritò dici debeat. S. Ignatius Apostolorum di-  
scipulus in epist. ad Philadelph. quam Molinæus ipse hoc ipso loco  
citât, *Ecclesiam vnum altare habere testatur.* S. Dionysius, quem peran-  
tiquum & utilem scriptorem Molinæus passim fatetur, c. 3. Hierarch.  
Eccles. altaris expressè meminit. Apostolorum canones 3. & 4. alta-  
re Domini in Ecclesia positum indignant. S. Irenæus *vicinus Aposto-  
lorum*, vt pote B. Polycarpi Martyris S. Ioannis Apostoli auditoris  
discipulus, lib. 4. c. 20. *omnes Domini Apostolos asserit fuisse Sacerdotes*,  
quia Deo & altari semper seruebant. idcirco in Actis c. 13. vbi Vul-  
gata legit, *Ministrantibus autem illis Domino*, Erasmus aliàs satis gratus  
sectariis, euidentiâ textus originalis conuictus intrepidè vertit, *Sacris-  
cantibus illis Domino.* Tertullianus Latinorum Patrum antiquissimus,  
passim meminit altaris, lib. de pœnit. inter alia signa humilitatis  
pœnitentium, hæc duo recenset, *Presbyteris aduolui, aris Dei adgenicu-  
lari.* Et in lib. de orat. sub extremam oram, *Solennior, inquit, erit sta-  
tio tua, si ad aram Dei steteris.* Eusebius Cæsariensis lib. 4. Demonst.  
Euangelicæ, de altari Ecclesiæ pleraque dicit. S. Cyprianus eo no-  
mine nullum frequentius habet; non est necesse simul & vbique com-  
memorare omnia: breuiter igitur dicta clarissima illius subindicabo,  
Epist. 40. *Deus, inquit, vnus est, & Christus vnus, & vna Ecclesia, &  
Cathedra vna super Petrum Domini voce fundata: Aliud altare constitui aut  
Sacerdotium nouum fieri præter vnum altare & vnum Sacerdotium, non potest;  
quisquis alibi collegerit, spargit.* Et ep. 55. *Quid superest (Nouatiano) quam  
vt Ecclesia Capitolio cedat, & recedentibus Sacerdotibus, ac Domini altare re-  
mouentibus, in Cleri nostri sacrum venerandūque confessum, simulachra atque  
idola cum aris suis transeant.* Et ep. 63. ad Cæcilium, qua ex professo  
de mysterio tractat Dominici calicis; altaris Domini & eius Aposto-  
lorum, eius ministrorum insignem facit mentionem. Ep. 64. edicit, *ne  
incesti, perfidi, profani, sacrilegi, apud altare consistant; ne ad altaris im-  
piamenta & contagia patrum per suum concursum reuertantur.* Denique ep. 69.  
ad Florentium, vocat Episcopum, *Antistitem & rectorem altaris.* Po-  
steriorum Patrum testimonia, scilicet Optati, Chrysostomi, Ambro-  
sij, Gregorij Nysseni & Nazianzeni, Hieronymi, Augustini, notat  
insignia Card. Bellarminus lib. 1. de Missa c. 16. vbi probat sacri-  
ficium propriè dictum, ex sacro altarium ritu. Quibus addere possem  
Conciliorum de iisdem sanctiones, Carthag. V. c. 4. Rom. I. c. 13.  
Africani c. 5. Constantinopolitani III. c. 29. Aurelian. I. c. 14. Aure-

ἀντιστοιχῶν δὲ  
αὐτοῦ καὶ ἐκείνου.  
Act. 13.



## 468 PANOPIÆ SACERDOTALIS PARS II.

*Vide Vasquez  
tom. 3. in 3. p.  
S. Th. q. 83. a. 1.  
dist. 230. cuius  
est titulus De  
magnitudine  
valoris huius sa-  
crificij, c. 1. &c.  
p. 465. & seqq.*

*Comment. in 3.  
p. S. Tho. de  
Sacerdotio, c. 8.  
p. 481.*

excutiendum scrupulum, aliquot affert rationes, quarum postrema quam potiore iudicat, sumitur ex ipsa Christi voluntate & mero beneplacito; *Nam etiamsi, inquit, possit Christus per unam oblationem sacrificij incruenti, qualibet à Deo & pro quibuscumque impetrare: tamen petere noluit, nec impetrare, nisi ut pro singulis oblationibus applicetur certa mensura fructus passionis suæ, siue ad peccatorum remissionem, siue ad alia auxilia quibus opus nobis est ad salutem, siue ad alia beneficia quibus in hac vita quomodoque indigemus; videtur autem Christus id voluisse, tum ut hoc modo frequentaretur hoc sacrificium, sine quo religio consistere non potest: tum quia id requirebat ordo diuinæ providentiæ, quæ omnia disponit suauiter.* (Addi poterat ne fierent homines desidiosos, sed salutis suæ magis essent solliciti, huiusque sacrificij forent feruentiores cultores, & huius ac cæterorum Sacramentorum bonorumque operum studiosiores.) Doctrina hæc Cardinalis Bellarmini solida est, clara & sincera: Sed Gammachius loquendi modum in hoc non admittit, quod habet, finitum esse valorem sacrificij Missæ: nec enim censet hîc dici posse ratione hostiæ & principalis offerentis; distinguendum igitur esse inter pretium & valorem sacrificij in se, quoad rem oblatam, & primarium Sacerdotem, cum externo eius effectu ( id est cum gratia, quæ per illud nobis impetratur): aliud enim esse loqui de virtute, aliud de operatione præsertim in moralibus, quæ non ex necessitate physica & naturali, sed libera voluntate & institutione pendent, ut in pactione Testamenti quod Christus fecit in vltima Cœna: non enim Christus agit necessariò, quantum potest, sed solum quantum vult & prout vult. Confirmat autem iste Doctor hoc sacrificium finiti esse effectus, quatenus à Sacerdote offertur, siue in persona propria, siue in persona & nomine totius Ecclesiæ; non enim merita Sacerdotis, imò nec Ecclesiæ cum meritis Christi vlllo modo comparari possunt: nec vllam cum ipsis proportionem habent, & nullius sunt momenti, nisi quatenus Christi meritis innituntur. Quæ quidem dicta vera sunt, & in re ipsa à scitis Bellarmini non discrepant. Lessius tamen cum aliis plerisque asserit sacrificium Missæ vim semper habere quodammodo infinitam, quia non est determinatum ad certum numerum personarum; siue enim loquamur de viuis in Ecclesia, siue de defunctis, siue de assistantibus sacrificio: non minùs quisque particeps est fructus illius dum plures sunt, quàm cum paucioribus; nec plus ad singulos peruenit, cum pauciores, quàm cum plures sunt.

Obiiciet hîc verò quispiam. Igitur quid iuuat sacrificium curare pro se, aut pro alio singulariter à Sacerdote offerri? Responsio est, quia etsi sacrificium prodesse possit omnibus, quamobrem re ipsa pro omnibus offertur, ( sicut supra probatum est ) tamen iis magis prodesse potest pro quibus singulariter offertur. Applicatio ista ab intentione pendet Sacerdotis offerentis: at non pendet ex ipsius intentione determinatio fructus; quem quisque, ipseque pro quo singulariter offert, debet percipere: siquidem hoc Christus auctor huius sacrificij, hostia & præcipuus Sacerdos, suo beneplacito prorsus reservauit.

Distin-

Distinguendum tamen hîc quidam arbitrantur; de fructu sacrificij ratione operis operati, id verum esse; haud secus tamen ratione operis operantis. Nam ex communi usu Ecclesiæ, qui curat Sacerdotem pro se vel suis Missam celebrare, expectat non modò fructum, quem habet sacrificium per se, sed etiam quem habet ex deuotione offerentis. Ex quo sequitur, non posse Sacerdotem plura stipendia pro vno sacrificio accipere, quia qui curat sacrificium pro se offerri, totum fructum expectat, quem Sacerdos per sacrificium conferre potest, iuxta receptum Ecclesiæ morem.

Hinc verò est quòd Sacerdos apud se perpendat, quanti sit momenti sacrificium offerre non tantùm pro se, & pro vniuersa Dei Ecclesiâ, sed speciatim, & singulariter pro iis, qui ad eius opem & ministerium confugerunt. Certa res est quòd Sacerdos solus sit immediatus, & visibilis minister sacrificij Missæ, quòdque ex parte operis operantis plerisque possit clientibus, siue æternæ salutis subsidia, siue vitæ præsentis solatia, in ipso sacrificio impetrare, *Si cum vero corde* (vt loquitur Concilium Tridentinum) *& recta fide, & cum metu & reuerentia, nec non in spiritu contrito, & humiliato ad hoc tremendum mysterium peragendum, & salutare sacrificium Deo offerendum, accedat.* Si secus igitur sacro hoc munere defungatur, haud dubium, quin grauis piaculi sese obstringat reatu. Sententia celebris est venerabilis Bedæ, *Sacerdos non legitimè impediens celebrare omittens, quantum in se est, priuat sanctam Trinitatem laude & gloria, Angelos letitia, peccatores venia, iustos subsidio & gratia, in purgatorio existentes refrigerio, Ecclesiam Christi speciali beneficio, & seipsum medicina & remedio.* Porrò si ex simplici omissione extralegitimum impedimentum, tantum incurrit reatum: quanto piaculo sit obnoxius, qui diuinum hoc munus cum impura conscientia, & sine metu & reuerentia, sine fide, sine contritione & confessione, sine deuotione, & vero diuinæ charitatis affectu, celebrare aggreditur? *Fit ei procul dubio oratio in peccatum, atque in sacrilegium vertitur eius sacrificium: conculcat enim* (vt ait Apostolus Heb. 10. 29.) *Filium Dei, & sanguinem Testamenti pollutum ducit, in quo sanctificandus erat, & spiritui gratia contumeliam facit.* Qui sic voluntariè peccat, non relinquitur hostia pro peccato. Caueat Sacerdos igitur, hoc extremum scelus quanto cum horrore fieri potest, sibi que (quia de anima sua agitur) tota intentione consulat, supplèxque & humilis diuinam Maiestatem deprecetur, vt sibi quæ auxilia necessaria sunt ad dignè hoc officio perfundendum concedere dignetur; discat sic orare cum S. Ambrosio in tam tremendæ actionis procinctu: *Ego Domine, memor venerande passionis tuæ accedo ad altare tuum* (licet peccator) *vt offeram tibi sacrificium, quod tu instituisti, & offerri præcepisti in commemorationem tui pro salute nostra; suscipe illud quæso summe Deus pro Ecclesia sancta tua, & pro populo quem acquisisti sanguine tuo. Es quoniam me peccatorem inter te, & eundem populum medium esse voluisti, licet in me aliquod boni operis testimonium non agnoscas: officium saltem dispensationis credite non recuses, nec per me indignum, eorum salutis pereas pretium pro quibus victima salutaris dignatus es*

esse redemptio. Profero igitur Domine ( si digneris propitius intueri ) tribulationes plebium, pericula populorum, captiuorum gemitus, miseriae orphanorum, necessitates peregrinorum, inopiam debilium, desperationes languentium, defectus senum, suspiria iuuenum, vota virginum, lamenta viduarum: Tu enim misereris omnium Domine, & nihil odisti eorum quæ fecisti. Atque hætenus de sacrificio impetrationis.

## ARTICVLVS IV.

*Esse etiam sacrificium laudis, & gratiarum actionis.*

**E**VCHARISTICVM idcirco appellatur, siquidem *ἔχαρις*, dicitur *ἐν τῇ ἑχαρίᾳ* quod gratias agere significat, prout fecit Dominus instituendo noui Testamenti sacrificium: *Accepto pane* (scribit S. Lucas c. 22.) *gratias egit, & fregit, & dedit eis dicens, hoc est corpus meum, quod pro vobis datur,* (ita & Apostolus 1. Cor. 11.) *Et accipiens calicem* (inquit S. Matth. c. 26.) *gratias egit, & dedit illis dicens, bibite ex hoc omnes, Hic est enim sanguis meus noui testamenti, qui pro multis effundetur in remissionem peccatorum.* Propter quæ euidentia testimonia aduersarij (scilicet Lutherani & Caluinistæ) non negant in hoc mysterio agendas Deo gratias esse, & inde ipsum diuinum mysterium nomine Eucharistiæ, rectè & propriè appellatum: quin etiam ea ratione sacrificium iure dici posse, & reuera esse: at sacrificium tantummodo laudis, & gratiarum actionis, sic apertè docet Melancthon in Apologia Confessionis Augustanæ, art. de Missa, Calvinus lib. 4. Institut. cap. 18. Martinus Kemnitius 2. part. Exam. Concil. Trident. & nouissimè Petrus Molinæus in Nouit. Pap. Controuers. 10. c. 6. ubi quasdam assignat rationes cur à sanctis Patribus Eucharistia constanter appelletur sacrificium. Primò, inquit, quia est commemoratio sacrificij Iesu Christi: siquidem in sancta Cæna Deo offerimus Iesu Christi sacrificium, obsecrando, vt meritum eius mortis pro peccatis nostris acceptare dignetur. Secundò, inquit, *sancta Cæna sacrificium est gratiarum actionis*; quod & Patres indicârunt, quum Eucharistiam vocitârunt, & consequenter sacrificium Eucharisticum, hoc est *sacrificium gratiarum actionis*. Canon Missæ hoc ipsum confirmat, etenim appellat quod offert Sacerdos, *sacrificium laudis*. Non est igitur hac de re nobis cum illis circa hoc controuersia, nisi in eo quod volunt sanctam Eucharistiam esse dumtaxat labialem oblationem, non realem, & esse quidem sacrificium laudis, sed tantum sacrificium laudis, non autem religionis neque propitiationis. Quod tamen suprâ fuit apertissimè demonstratum, & satis superque comprobatum. At verò passim ludit Molinæus in hoc nomine. Quod enim Patres & Canon Missæ appellant hoc sacrificium laudis, inde infert esse tantum laudis sacrificium. Quæ illatio quàm sit inepta, ipsa quam edidit Logica, facile ipsum docebit. Sanè Patres vocant hoc mysterium, sacrificium laudis: sed vocant itidem *Latriam incruentam, hostiam propitiationis, corpus Christi, veram immolationem, victimam pretij nostri, sacrificium*

tremendum, adorandum, sacrificium summum, singulare, sacrificium verum, plenum, perfectum, sacrificium Deo plenum: ita & canon Missæ eodem loco quem citat Molinæus, appellat quidem incruentam hanc Christi oblationem, sacrificium laudis, sed continuò prædicat expiatorium, & salutiferum sacrificium; sic enim Sacerdos ait: *Pro quibus tibi offerimus, vel qui tibi offerunt hoc sacrificium laudis pro se suisque omnibus, pro redemptione animarum suarum, pro spe salutis, & incolumitatis suæ. & post consecrationem, offerimus præclaræ maiestati tuæ hostiam puram, hostiam sanctam, hostiam immaculatam, panem sanctum vitæ æternæ, & calicem salutis perpetuæ. & infra, sanctum sacrificium, immaculatam hostiam.* Mira sanè hîc est Molinæi, & cæterorum aduersariorum cæcitas vel pertinacia! Agnoscunt hoc mysterium, & rectè vocari, & verè esse sacrificium laudis, quia gratias agendo Christus illud instituit\*: cur non igitur ipsum fatentur esse sacrificium propitiatorium & expiatorium, cum Christus se illud instituere pro nobis expressè dixerit in remissionem peccatorum; ideòque fractionem adhibuerit in consecrato pane, effusionemque fieri sui sanguinis in calice testatus sit? Fractio secundum Calvinum est *genuinum indicium immolationis*; effusio sanguinis immolatae victimæ, secundum Apostolum, signum est expiationis, & remissionis peccatorum: quam fieri in hoc mysterio, ut præmonuimus, Christus ipse disertis verbis edocuit. Sed nemo magis cæcus est, eo qui posset videre si vellet, at non vult sibi oblatum lumen aspicere; summa hæc enim dementia est, seu malitia. Quamobrem Spiritus sanctus de impiis conspicuæ veritatis impugnatoribus, apud Sapientem signatim dicit c. 2. 20. *Hæc cogitauerunt, & errauerunt, excacauit enim illos malitia eorum.* His igitur dimissis, instructionem Sacerdotis circa Missæ sacrificium ut est sacrificium laudis, & gratiarum actionis, recto tramite persequamur.

\* Nota insignem observationem.

Heb. 9.

Christus instituens Eucharistiæ sacrificium, gratias egit, iussitque nos quod ipse tum fecit, semper imposterum facere in suam commemorationem. hinc praxis Ecclesiæ perpetua, in hoc sacrificio gratias Deo debitas referendi, & populum voce sacrificantis Sacerdotis ad eas agendum interpellandi. *Gratias (inquit) agamus Domino Deo nostro.* respondet populus, *Dignum & iustum est*: tum infert Sacerdos, *Verè dignum & iustum est, æquum & salutare, nos tibi semper & ubique gratias agere, Domine sancte, Pater omnipotens, æterne Deus, Per Christum Dominum nostrum.* Quæ diuinæ actionis præfatio in omnibus Liturgiis tam Græcis, quàm Latinis ferè iisdem verbis, at ubique consono sensu reperitur, iamque ab initio in usu, & praxi fuisse Catholicæ Ecclesiæ passim videre est apud Patres, S. Irenæus lib. 3. c. 34. *Igitur, inquit, Ecclesiæ oblatio, quam Dominus iussit offerri in vniuerso mundo purum sacrificium reputatum est apud Deum, & acceptum est ei, &c. Oportet enim nos oblationem Deo facere, & in omnibus gratos inueniri fabricatori Deo &c.* Et longius post prædicta; *Et hanc oblationem Ecclesiæ sola\*, puram offert fabricatori, offerensei cum gratiarum actione.* Sed quænam ista est oblatio? Ipse sanctus Martyr, eiusdem lib. 3. c. 32. in fine indicat, *sed & suis discipulis Do-*

Matth. 26.  
1. Cor. 11.

\* Calvinistarum igitur heresis apertissima nota est, quod hoc sacrificium non habent, at negant, & sublatum ire cum Antichristo conantur.

Nnn ij



minus dans consilium primitias Deo offerre ex suis creaturis &c. ut ipsi nec infructuosi, nec ingrati sint: eum qui ex creaturis panis est accepit & gratias egit dicens hoc est corpus meum, & calicem similiter, qui est ex ea creatura quæ est secundum nos, suum sanguinem confessus est, & noui testamenti nouam docuit oblationem, quam Ecclesia ab Apostolis accipiens: Deo offert in uniuerso mûdo, sicut fuerat prædictum à Malachia Propheta (cuius recitata post oracula mox subiungit) manifestissime significans, per hæc quoniam prior quidem populus cessauit offerre Deo; omni autem loco sacrificium offertur Deo, & hoc purum, nomen autem eius glorificatur in gentibus: scilicet quia per hoc sacrificium Deus adoratur supremo cultu, & laudes pro suis immensis beneficiis, gratiarumque actiones hoc solenni ritu purissimi sacrificij referuntur. Hinc S. Cyprianus serm. de orat. Dominica, versus finem, *Ad hæc*, inquit, inter sacra mysteria, ad gratiarum actiones reuertitur. S. Cyrillus Hierosolymitanus Catech. 5. Mystag. Postea, inquit, clamat Sacerdos, *Sursum corda*; vos respondetis, *Habemus ad Dominum*, deinde dicit Sacerdos, *Gratias agamus Domino Deo nostro*. S. Chrysostomus homil. 18. in 2. ad Cor. *Nec solus Sacerdos gratias agit, sed etiam omnis populus: prius enim accepta illorum voce, deinde congregatis illis, ut digne & iuste hoc fiat, incipit Eucharistiam*. Idem homil. 26. in Matth. *Ideo assistens Sacerdos pro uniuerso terrarum orbe, pro absentibus atque presentibus, pro iis qui ante nos fuerunt, & postea futuri sunt, sacrificio illo proposito, Deo nos gratias iubet offerre*. Succinit sanctus Augustinus lib. de spirit. & litt. cap. 11. ubi ait: *In ipso verissimo & sanctissimo sacrificio, Deo nostro gratias agere admonemur*. Et epist. 120. cap. 19. *Hinc gratias agimus Domino nostro, quod magnum est Sacramentum in sacrificio noui testamenti; sacrificium enim istud ad hoc institutum est, ut habeamus quo dignas Deo gratias perpetuo rependamus, pro innumeris ac ingentibus eius in nos beneficiis, sed redemptionis præcipue*. Tanta enim beneficiorum eius immensitas, tam insolitæ & inauditæ omnibus sæculis miserationes, singularem quoque & inauditam gratiarum actionem à nobis postulabant: At nulla poterat esse maior aut præstantior gratiarum actio, quàm quæ oblatione huius sacrificij perficitur: partim quia nihil præstantius aut gratius & acceptius pro omnibus beneficiis acceptis offerri Deo poterat isto sacrificio, cuius hostia tam pretiosa, tam digna est, ut sola sit, quæ maiestati eius, cui offertur, valeat adæquari, unde illud Psalmographi, Psal. 115. *Quid retribuam Domino pro omnibus quæ retribuit mihi? calicem salutaris accipiam, & nomen Domini inuocabo*: partim etiam quia nulla alia re magnitudinem beneficiorum eius magis commemorare ac commendare poteramus. Testamur enim non modò eum esse rerum omnium creatorem, sed & auctorem redemptionis & salutis nostræ; profiteamur etenim Patrem misisse Filium in carnem ad nos redimendos, liberandos, saluandos, & omni benedictione cumulandos: eum verò ipsius voluntate pro nobis suscepisse crucem, fudisse spiritum & sanguinem, ipsamque eiusdem vnigeniti mortem in hoc sacrificio repræsentamus, eandemque hostiam in tanti beneficii gratitudinem offerimus. Solerti mente, id est solito acumine, hoc attigit arcanum expressitque sanctus Augustinus lib. 2. de bono perseuerantiæ, c. 13. *In Sacramentis fidelium dicitur, (ait)*

ut sursum habeamus corda, quia munus est Domini, de quo munere ipsi Domino Deo nostro gratias agere à Sacerdote admonemur. Et de bono viduitatis cap. 16. Et ideo sequitur VT DE HOC TANTO BONO &c. NON NOBIS GLORIAM &c. SED DOMINO DEO NOSTRO GRATIAS AGAMVS. Eucharistia est operum Dei mirabilium anacephalæosis. Quapropter ait Propheta de hoc mysterio, *Memoriam fecit Dominus mirabilium suorum*: non naturæ modò, sed potissimum gratiæ. Est *extensio Incarnationis*, & totius Domini dispensationis, nostræque redemptionis ab ipso peractæ. Et ideo facta consecratione ac eleuatione salutaris hostiæ & calicis, Sacerdos ait: *Vnde & memores Domine tam beatæ Passionis, nec non ab inferis resurrectionis, sed & in cælos gloriose ascensionis offerimus præclaræ Maiestati tuæ de tuis donis ac datis hostiam puram, hostiam sanctam, hostiam immaculatam, panem sanctum vitæ æternæ & calicem salutis perpetuæ.* Quia nimirum summum Dei beneficium est, & donum, & datum, quo cætera omnia Dei erga nos beneficia coacervantur, hocque supereminenti munere cumulantur. Nullum igitur donum aut munus nobis suppetebat, quo sicut *dignum & iustum est* Deum honorare & gratias pro immensis suis beneficiis, hocque singulari, summoque dono diuinæ eius bonitati rependere: quàm hoc ipsum diuinum planè & cæleste munus ipsi offerendo, seu potius tanquam auctori eius & largitori referendo. Quod notauit obiter quidam, sed scitè & sapienter S. Irenæus lib. 3. cap. 34. in fine, *Offerimus autem Deo &c. gratias agentes donationi eius.* aliter etenim non poterant eius erga nos beneficia compensari, nec dignæ ipso grates referri. Præclare idcirco monet sanctus Augustinus: *Quid sacratius est, inquit, laudis sacrificium, quàm in gratiarum actione? Et unde maiores Deo agenda sunt gratiæ, quàm pro ipsius gratia per Dominum nostrum Iesum Christum? Quod totum fideles in Ecclesiæ sacrificio sciunt, cuius umbra fuerunt omnia priora genera sacrificiorum.* Nec minus aptè & scienter S. Chrysostomus, homil. 16. in Matth. ad cap. 8. *Reuerenda (inquit) & salutaria illa mysteria quæ in omni Ecclesiæ congregatione celebramus, Eucharistia \**, id est gratiarum actio nuncupantur, sunt enim beneficiorum recordatio plurimorum, caputque ipsum diuinæ in nos charitatis ostendunt, nosque faciunt debitas Deo gratias semper exoluere. Porro homil. 26. in Genes. insignem obseruat hac in re, Dei in nos munificentiam, *Non ut nostra (inquit) gratiarum actione opus habens, sibi vult gratias agi: sed ut quicquid lucri est, iterum ad nos redeat.* Quæ sanè, mira Dei in nos bonitas est & misericordia.

Psal. 110.

Lib. 1. cap. 18. cont. aduers. legis &amp; Prophetarum.

\* Origen. lib. 8. contra Celsum, dicit, Eucharistiam singulare bonum; gratiam de qua, &amp; per quam, conuenienter Deo gratias agimus.

Mira est etiam Ecclesiæ industria ad gratias propterea Deo debitas rependendum, scilicet nouerat hominem impeditioris esse linguæ, ad Deum prout oportet laudandum & glorificandum. Aduocat igitur Sacerdos ad supplendum quod vniuersum humanum genus non sufficit persolvere, dignæ & iustæ collaudationis debitum. Ideo cælestis militiæ exercitus, suos ut nostris præconiis iungant concentus, piè & deuotè interpellat: *Maiestatem (inquit) tuam laudant Angeli, adorant dominationes, tremunt potestates, cæli cælorumque virtutes, ac beata Seraphim*

Nnn iij


*socia exultatione concelebrant. Cum quibus & nostras voces ut admitti iubeas deprecamur, supplici confessione dicentes, Sanctus, Sanctus, Sanctus Dominus Deus Sabaoth. Sed nec ullæ hominum voces, nec cœlestium ordinum quantumvis pura & suavis modulatio diuinæ Maiestati grata esse potest, nisi Agni cantico coniungatur. Absoluta auctoritas est. 1. Pet. 4. 11. Oportere nos in omnibus Deum glorificare, per Iesum Christum Dominum nostrum. Sine verbo factum est nihil, sine Christo nulla laus potest æterno Patri complacere; Hic est (inquit) filius meus dilectus, in quo mihi bene complacui. Aduocatis ideo in concentum diuinæ glorificationis Angelis & Archangelis, cunctisque supernæ militiæ ordinibus, decantatōque cum Seraphim & Cherubim trisagio, Sacerdos totum hoc præconium gratissima hac Deo melodia complet: Te igitur clementissime pater per Iesum Christum filium tuum Dominum nostrum supplices rogamus ac petimus. Vbi miro pietatis artificio duo subordinatim coniungit; cultum etenim se Deo supremum hac solenni per Christum glorificatione referre proficitur: tūmq̃ue in eius nomine quæque nobis salutaria deposcit, oblatāque subinde ad efficaciter impetrandum quod postulat, hostia propitiationis & salutis (quæ ipse Christus est) circumlūm perficit mysticum: etenim ad laudem & gratiarum actionem, vnde diuinum mysterium inchoauerat, hac clausulā redit, Per Christum Dominum nostrum: per quem hæc omnia Domine, semper bona creas, sanctificas, viuificas, benedixisti & præstas nobis, per ipsum, & cum ipso, & in ipso, est tibi Deo Patri omnipotenti, in unitate Spiritus sancti, omnis honor & gloria per omnia secula seculorum, Amen.*

Ioan. 1.

Matth. 12.

## CAPVT VIII.

## De loco sacrificij.



**T**EMPLUM, altare, & sacrificium correlata sunt, & ita coniuncta, ut sese mutuò complectantur. Templum est locus altaris, altare situs est hostiæ immolatæ, & proprius locus sacrificij. Hac de causa Nouatores qui omne sacrificium externum in Ecclesia tollere nituntur; & templis & aris bellum implacabile indixerunt. Quamobrem cum primum grassari cœperunt, quotquot potuerunt templa & altaria suo furori subiecere, impio ausu, manibúsque sacrilegis ubique euerterunt. Haud dubium quòd si in ipsum cœlum possent irruere, templum & altare quod ibi est (nam hîc remanet sacrificium incensi, id est summi cultus & honoris) essent proculdubio (nisi Angeli obsisterent) funditus euersuri. *Datus est mihi calamus (ait S. Ioannes Apoc. II. 1.) similis virgæ, & dictum est mihi, surge & metire templum Dei, & altare, & adorantes in eo: Quasi diceret, metire* \*id est considera attentius structuram & proportionem templi & altaris superni. Calamo metire inquam, sed percute virga diuini furoris impios, qui templum & altare de regno Dei auferre atque subruere

\*Nota.

re moliuntur. Superiori sæculo patres nostri non sine gemitu & lachrymis templa & altaria à Calvinistis nefando ausu, sathanico impulsu & impetu, totâ ferè Europâ, solo æquari conspexerunt. Ruedera quæ iacent plerisque locis, in aceruum testimonij, etiamnum patent, dispersique lapides sanctuarij in medio platearum, abominationem desolationis factam in loco sancto, à prodromis filij perditionis, ubique indicant & testantur.

Attamen Calvinistæ postquàm demum deferbuerunt, pudore facti tam execrabilis eò deueniunt, ut templa per se non esse mala faterentur, ipsique habere inceperunt (Conuenticulorum enim suorum locis, Templi nomen passim indiderunt,) contententes non usum, sed abusum templorum à se reprehendi. Erigi enim debere (ut eos docuit Calvinus lib. 1. Instit. c. 11. §. 13. & lib. 3. c. 20. §. 30.) *ad communes preces fundendas, ad habendas conciones, ad Sacramenta ministranda, non verò ad sacrificium offerendum.* Quæ capitalis omnium recentiorum sectariorum hæresis est, superius patentis impietatis conuicta. In Germania Lutherani vim templis non intulerunt, quoad fabricam & structuram, quam suis conuenticulis sartam rectam seruari voluerunt. At omnia altaria inde submouerunt, prorsusque abstulerunt, quia sacrificium Christianum omnino totis viribus amoliuntur. Hic igitur nobis quæstio cum illis non est de templis: at de altari & sacrificio. Quin probatò iam copiosè ac euidenter sacrificiò externò, vero & propitiatorio: vix quæstio superesse potest de altari. Vbi-cumque enim est eiusmodi sacrificium nemo negat, aduersariorum etiam rigidiorum, huic celebrando & offerendo altaria erigenda esse. Vix igitur quicquam restat de altari etiam nobis cum eis disputandum; sed pauca quædam refellenda, quæ Molinæus aduersus Ecclesiæ Catholicæ altaria, nuper obiecit.

## ARTICVLVS I.

## Seu DISCEPTATIVNCVLA

*De altarium antiquissimo in Ecclesia usu: materia, forma, sine, situ, singularitate, & pluralitate.*

*Aduersus Petrum Molinæum, Calvinistarum rigidiorum, in Gallia, antesignanum.*

## §. I.

*An altaris nomen pro primordiali Mensa vocabulo sensim irrepsit?*

## MOLINÆI RATIVNCVLE.

**I**STE Minister (c. 17. Contr. 16. lib. sue Nouitatis) ubi suo ex genio describit primitiux Ecclesiæ circa celebrationē diuinæ Eucharistiæ mores ac



de sacrificio Eucharistiæ intelligunt; Theophylactus hîc monet agi de sacrificio incruento : idem docent S. Chrysostomus, Theodoretus, Oecumenius, Sedulius, Primasius, aliique plures; igitur ab Apostolis habemus vtrumque vocabulum, altare & mensam: Altare propter singulare hoc noui Testamenti sacrificium; Mensam ob vñum Sacramenti. Quia tamen Sacramentum est sacrificij participatio & effectus, semper & vbique in Ecclesia nomen altaris fuit acceptius & vsitatus mensæ vocabulo, quod nonnisi rarò videre est à Patribus vsurpatum, cùm altaris appellatio sit apud eos adeo frequens & solennis, vt perennis meritò dici debeat. S. Ignatius Apostolorum discipulus in epist. ad Philadelph. quam Molinæus ipse hoc ipso loco citat, *Ecclesiam vñum altare habere testatur.* S. Dionysius, quem perantiquum & vtilem scriptorem Molinæus passim fatetur, c. 3. Hierarch. Eccles. altaris expresse meminit. Apostolorum canones 3. & 4. altare Domini in Ecclesia positum indignant. S. Irenæus *vicinus Apostolorum*, vt pote B. Polycarpi Martyris S. Ioannis Apostoli auditoris discipulus, lib. 4. c. 20. *omnes Domini Apostolos asserit fuisse Sacerdotes*, quia Deo & altari semper seruiebant. idcirco in Actis c. 13. vbi Vulgata legit, *Ministrantibus autem illis Domino*, Erasmus aliàs satis gratus sectariis, euidentia textus originalis conuictus intrepidè vertit, *Sacrificantibus illis Domino.* Tertullianus Latinorum Patrum antiquissimus, passim meminit altaris, lib. de pœnit. inter alia signa humilitatis pœnitentium, hæc duo recenset, *Presbyteris aduolui, aris Dei adgeniculari.* Et in lib. de orat. sub extremam oram, *Solennior, inquit, erit statio tua, si ad aram Dei steteris.* Eusebius Cæsariensis lib. 4. Demonstr. Euangelicæ, de altari Ecclesiæ pleraque dicit. S. Cyprianus eo nomine nullum frequentius habet; non est necesse simul & vbique commemorare omnia: breuiter igitur dicta clarissima illius subindicabo, Epist. 40. *Deus, inquit, vnus est, & Christus vnus, & vna Ecclesia, & Cathedra vna super Petrum Domini voce fundata: Aliud altare constitui aut Sacerdotium nouum fieri præter vñum altare & vñum Sacerdotium, non potest; quisquis alibi collegerit, spargit.* Et ep. 55. *Quid superest (Nouatiano) quàm vt Ecclesia Capitolio cedat, & recedentibus Sacerdotibus, ac Domini altare remouentibus, in Cleri nostri sacrum venerandumque confessum, simulachra atque idola cum aris suis transeant.* Et ep. 63. ad Cæciliū, qua ex professo de mysterio tractat Dominici calicis; altaris Domini & eius Apostolorum, eius ministrorum insignem facit mentionem. Ep. 64. edicit, *ne incesti, perfidi, profani, sacrilegi, apud altare consistant; ne ad altaris impiamenta & contagia patrum per suum concursum reuertantur.* Denique ep. 69. ad Florentium, vocat Episcopum, *Antistitem & rectorem altaris.* Posteriorum Patrum testimonia, scilicet Optati, Chrysostomi, Ambrosij, Gregorij Nysseni & Nazianzeni, Hieronymi, Augustini, notat insignia Card. Bellarminus lib. 1. de Missa c. 16. vbi probat sacrificium propriè dictum, ex sacro altarium ritu. Quibus addere possem Conciliorum de iisdem sanctiones, Carthag. V. c. 4. Rom. I. c. 13. Africani c. 3. Constantinopolitani III. c. 29. Aurelian. I. c. 14. Aure-

ἀντιπροσώπων δὲ  
αὐτῶν κρείσσων  
Act. 13.

lian. III. c. 15. Aurel. V. c. 8. Hispal. II. c. 7. Agathens. c. 14. Narbon. c. 10. Antissiodor. c. 10. & aliorum posteriorum. Sed vltra progredi superuacaneum foret, cū habeamus reum confitentem. Molinæus enim qui testimonia primæ antiquitatis hīc notata reperiet; dat manus quoad sequentis antiquitatis consensum. A tempore enim Constantini Magni altarium constantem vsum, prout nunc est agnoscit. Vnde est quod non nihil ipsum pudeat falsæ suæ assertionis, qua dicere non erubuit, primis sæculis mensæ obtinuisse nomen, at paulatim tandem altaris vocabulum pro mensæ titulo irrepsisse; hoc enim, vt patet ex citatis testimoniis, mendacium est crassissimum.

## §. II.

*An Altaria primis Ecclesiæ sæculis fuerint tantum lignea?*

MOLINÆVS.

DIXI ( inquit c. 18. Controu. 16. ) *primis sæculis Mensam sacram ligneam passim fuisse. Hoc didicimus ab Athanasio in epistola ad solitariam vitam agentes: ubi queritur quod inimici sui Ariani combusserint ante valuas Ecclesiæ subsellia, thronum, mensam, quæ lignea esset, vela Ecclesiæ, &c.* \*

\* Tom. I. ep. ad  
solitar. vitam a-  
gentes p. 847.  
in fine, & 848.  
initio.

R E S P O N S I O.

SANCTVS Athanasius florebat sæculo 4. circa ann. 330. & teste S. Hieronymo obiit sub Valente, qui regnare cœpit an. 364. mirus est igitur Molinæus Chronologus & solers disputator, qui probatum ire pollicetur, primis Ecclesiæ sæculis non fuisse lapidea altaria, sed lignea; mensæque non altaris nomine solita esse vocitari. Quàm bellè id præstet, videamus? Omissis primis sæculis, scilicet ipso 1. 2. & 3. solum ad 4. recurrit: & in probationem adducit, quod in quæstione non vertitur, sic enim arguit: *Teste Athanasio, in Ecclesia Alexandria erat mensa lignea, quam Ariani flammis iniecerunt: ergo ibi nullum erat altare lapide excisum.* Consequentiam hanc esse nullam quis non videt? S. Athanasius dicit Arianos combussisse vela Ecclesiæ, thronum, & mensam, quæ lignea erat; quæ additio satis clarè insinuat fuisse aliam, quæ lignea non erat, alioquin hac distinctione opus non erat. Nam hos hæreticos narrat extulisse extra Ecclesiam quæ poterant transferri, flammis intulisse quæ poterant absumi; cætera verò in Ecclesia intacta reliquisse, quæ utique fixa & saxea erant: addit enim consultò & cætera quæ poterant &c. Neutiquam igitur dicit quod Molinæus supponit. Tantum verò abest, vt testetur suo tempore destinatam fuisse tantum mensam, & non altare, ad Mysterium diuinum celebrandum: qui in disputatione habita contra Arium in Concilio Niceno, disertè ait, *Christum vt Gentiles brutos & Dei ignaros ad verum Dei cultum vocaret, plenos Spiritu sancto misisse Apostolos suos, propositâ mensâ, NIMIRVM SACRO ALTARI, in quo panem caelestem &c. omnibus vitam donantem, sanctum videlicet & sacro-sanctum corpus suum exhibuit.* Altare igitur sua ætate dictam esse illam sacram mensam, in qua cultus ille

summus Dei veri celebratur, hocque nomine Apostolis à Christo traditam, ab iis ad posteros transmissam palam asseuerat. Quid quod eadem pagina Molinæus fatetur ipsius S. Achanasij duo altaria fuisse lapidea, vt infra parebit.

## MOLINÆVS.

AVGVSTINVS epistola 50. eandem querimoniam contra Donatistas instituit his verbis, *Lignis altaris effractis, immaniter (inquit) ceciderunt.*

## RESPONSIO.

SI ætate nostra vixisset S. Augustinus, de Calvinistis easdem, aut multum amariores querimonias deprompsisset, qui Christi altaria vbicumque potuere grassari, tanta impietate, quanta ferocia euerterunt & confregerunt. At interim Molinæo Calvinistæ testimonium suum petenti S. Augustinus non præstat. Tametsi ex lapide fierent altaria, lignis poterant ad nitorem & decorem cooperiri: hæc Donatistæ confregerunt. Addere debuit quod idem S. Augustinus testatur, *Ipsos Ecclesias flammis incendiisse?* Ideone erant lignæ? Ridiculum. Sed altare vocat S. Augustinus sacrificij locum, nõ mensam, ibidemque repositum venerabile Christi corpus disertè asserit. Porro lib. 20. contra Faustum Manichæum c. 21. *In altari (inquit) Christi corpus offertur, sanguisque eius pro peccatoribus effunditur.* Et Serm. 11. de Sanctis, *Corpus Christi (inquit) est in altari. Quantum igitur scelus est, quantum sacrilegium! altare Dei euertere?* Augustino antiquior Optatus Mileuitanus (auctorem istum quod ligna operta linteamine, initio lib. 6. commemorat, altaria omnia fuisse vbique de ligno Molinæus testari, perperam asserit) lib. eodem 6. cont. Donatistas altare appellat *sedem corporis & sanguinis Christi.* Quid igitur (ait) tam sacrilegium, quàm altaria Dei frangere, radere, & remouere? In quibus vota populi & membra Christi portata sunt? Raditur lapis, frangitur, euersus etiam remouetur. Quid hîc tantum ligneum? Saxeus sit oportet planè Molinæus, si his se testimoniis vt saxi obrui non sentit. Accipiat & illud S. Augustini (serm. 19. de Sanctis) ad plenum cumulum, *crucis charactere Basilicae dedicantur, altaria consecrantur, altaris Sacramenta cum interpositione Dominicorum verborum conficiuntur, Sacerdotes & Leuitæ per hoc idem signum ad sacros ordines promouentur.* Et ep. 106. *Quando (inquit) audis Sacerdotem Dei ad altare exhortantem populum Dei, ora pro incredulis.* Et lib. de cura promortuis c. 1. *Non parua est vniuersæ Ecclesiæ quæ in hac consuetudine claret auctoritas, ubi in precibus Sacerdotis, quæ Domino Deo ad eius altare funduntur, locum suum habet etiam commendatio mortuorum.* Audis Augustinum, altare Dei quo offertur Eucharistia passim nuncupantem, ligneam verò mensam, nullibi appellantem. Hîc mihi excidere non patior Molinæum passim in hac disceptatione Lectori ludificari: vbicumque enim offendit ligna altaris apud Patres, putat hæc de ipso altari, quod ex ligno compactum esset intelligi: At toto cælo aberrat, ligna enim altaris, accipit pro lignis ex quibus altare esset confectum: sed apud scriptores Ecclesiasticos non ponuntur pro ipso altari, sed

## 480 PANOPLIÆ SACERDOTALIS PARS II.

pro cancellis altaris. Id ex eo patet, quod Eusebius agens de insigni templo Tyriensi à Paulino extructo memoriæ prodidit lib. 10. c. 4. Hist. Eccl. ista res sit, \* *ut à plebe & multitudine eò non possit accedi; cancellis è ligno fabricatis circumdedit.*

\* Nota.

MOLINÆVS.

AVGVSTINVS lib. qq. veteris & noui Testamenti scribit officium fuisse Diaconi, altare deportare.

R E S P O N S I O.

FALLITVR, vel fallere cupit Molinæus, hoc testimonium dum inducit: nam liber ex quo petitur non est S. Augustini, sed cuiusdam hæretici, quemadmodum accuratè probat Card. Bellarminus lib. de Eccles. scriptorib. in Augustino. Attamen quia Molinæus eiusdem auctoris se testimonio niti gloriatur: æquum est vt se eius iudicio etiam subiiciat. At verò plurimùm ipsi incommodat, dum eodem loco, altare ad diuina mysteria testatur erigi, mensas verò pro mysteriis Ecclesiæ celebrandis non sustinet appellari, *Nolo*, inquit, *dicere mensas*. At vrgebit fortassis. Auctor iste dicit munus esse Diaconi portare altare & vasa eius & aquam in manus fundere Sacerdoti? Respondeo, verba illa omnia olent sacrificium & sacerdotium quæ Molinæus eiusque asseclæ tanto odio persequuntur. Cæterùm vixit iste auctor, vt ex eius libro elicit præfatus Cardinalis Bellarminus, annis 300. ab excidio Hierusalem; sub finem igitur persecutionum extitit, quo tempore fuisse ob persecutionum impetus portatilia quædam alicubi altaria, non negamus. Vbique, vel passim, & cum maximè diuina mysteria sine metu infidelium celebrari possent, prorsus inficiamur.

MOLINÆVS.

VERVM esse tamen non diffiteor iam à tempore Constantini Magni, sub quo Christiani magnifica templa extruere cæperunt; in Ecclesiis quibusdam præcellentibus, ortum fuisse morem altaria ex lapide conficiendi.

R E S P O N S I O.

IAM igitur S. Athanasij tempore altaria lapidea erant. Quomodo igitur suprà ausus est Molinæus asserere tempore S. Athanasij non altaria, sed mensas ad mysteriorum celebrationem fuisse appositas? Quæ tametsi altaria etiam dicerentur, nihilominus non ex saxo fierent, sed ex lignis tantùm compingerentur? Vixit sanè B. Athanasius tempore Constantini Magni; si itaque tum altaria ex lapide fabricabantur in Ecclesiis insignioribus, fatendum utique, ætate etiam S. Athanasij altaria fuisse ex lapide confecta, & speciatim Alexandria quæ vna ex Regiis sedibus, atque Patriarchalium Ecclesiarum secunda erat, à Romana omnium principe. Quamuis verò hanc confessionem manifesta plus nimium veritas ex ore aduersarij extorserit, dimidiam tamen non solidam vt ille debuerat veritatem agnouit: scilicet quia inuitus loquitur, quotiescumque de veritate quæstio est: certè enim ante Constantinum solida, & fixa altaria erant, quemadmodum & templa plurima, quæ Diocletianus religionis Christianæ



odiò, ubique gentium, ut testis est Eusebius, subruì, & æquari solo mandavit. Adde quòd persecutionum metu Christiani hac tempestate in cryptis, & locis subterraneis ad sacra conueniebant, in quibus excisa è lapide altaria consistebant, quemadmodum Romæ etiamnum cernitur in eiusmodi priscis Christianorum latibulis, quæ liber, cui titulus est *Roma subterranea*, propatulo exponit. Parisiis extat non absimile monumentum; sanè etenim anno salutis 1611. die 13. Iulij cum in declivi montis Martyrum, ubi S. Dionysius cum beatis sociis gloriosam mortem passus est, ad capellæ nimis angustæ aliquam faciendam accretionem, iussu venerabilis Abbatissæ Mariæ de Beauvillier, foderetur; inter cauandum apparuit specus sub rupe, seu crypta veterima, priscorum Christianorum latibulum, ubi sacros ritus, mysteriæque sua, nascente adhuc religione pij secretò peragebant, athletæque in pugna fidei coronatos ritu Christiano funerabant. Quò in antro ara quædam seu altare, non ligneum, sed de lapide admodum rudì, non ferro, nec alia instrumenti arte dolato, vel polito, ad partem speluncæ dextram quæ solem orientem conspicit, repertum est, visæque in eo crucis figuræ, sparsim insculptæ, nec non peruetusti in cryptæ lateribus signati characteres, tantæ caducitatis, ut vix ad legendum possint dignosci præter hos pauculos apices: MART. CLEMENTE DIO. qui soli supersunt conspicui, cæteris penitus oblitteratis præ nimia vetustate. Nemini inspicientium dubium hætenus hæsit, has litteras à proto-Christianis in rupe ad monumentum exaratas, Martyres Clementem, Dionysiumque ab eo missum, hocque in monte passum, commemorare. Altare verum excisum in petra crucis signaculis ruditer expressis insignitum, indicio esse perspicuo Apostolici huius moris, altaria è lapide construendi, aut exsculpendi. Ritus ille etiam perantiquus, super Martyrum sepulchra incruentum Christi sacrificium offerendi: cuius meminit S. Hieronymus scribens aduersus Vigilantium (Tom. 2. p. 409. a. 1.) *Super ossa Apostolorum offeri Deo sacrificia, & eorum tumulos Christi arbitratur altaria* \*: eodem argumento est, super altaria, quæ sunt ex lapide, primis Ecclesiæ sæculis consuevisse diuinam oblationem celebrari. Accedit Decretum vetus, *Altaria si non fuerint lapidea, chrismatis unctione consecranda non esse*. quod renouatum est in Concilio Epaunensi. Cæterum si aduersus tam manifestam veritatem pertinaciter contenderet Molinæus lignea fuisse ab initio altaria, non video quid tum posset pro sua hæresi colligere. Glossa *Altaria* in canonem præcitatum, ferri insinuat, Romæ, Lateranensis Basilicæ altare esse ex lignis compactum? at non minùs hîc creditur esse altare Christianum, & super illud verum sacrificium offerri corporis & sanguinis Christi, quàm si altare lapideum esset. Nec ritus ille, altaria ex petra construendi, adeo immobilis est (licet antiquissimus) & alio longè annosior, totòque ferè orbe ab initio receptus, ut nihilominus non possit in eo dispensari, sicut à Summis Pontificibus factum constat, in ipsa Ecclesia Lateranensi. Ferunt Lucianum Martyrem, & Presbyterum, supinum vinctum in carcere defectu al-

*Vide lib. nostrum de Myst. Gallie Scriptor. p. 799.*

\*Loquitur S. Hieronymus de Rom. Pont. Extat apud Grat. de Consec. dist. 1. n. 31. can. Altaria. Vide Crepetium, ubi Enaristo, & Higinio hoc decret. attribuit.

taris consecrati, super proprium pectus; gratissimum Deo sacrificium obtulisse. At hætenùs satis de altaris materia. De forma videndum.

## §. III.

*De forma altaris, atque sine, ad quem eriguntur: ac itidem de situ.*

## MOLINÆVS.

CONTENDIT ad formam conuiuialis mensæ tabulam sacramentorum fuisse confectam, sequitur enim Caluini paradoxum, lib. 4. Instit. c. 18. §. 12. *Mensam, inquit, dedu nobis Christus, in qua epulemur, non altare super quod offeratur victima.*

## RESPONSIO.

SED quæ dicta sunt de altaris antiquissima nuncupatione, & perenni eiusdem ad sacrificium vsu, ex ipsa Christi institutione, & constanti Apostolorum ritu, morèque vbique iam ab hinc recepto, manifesto sunt ac ineluctabili argumento discriminis, quod inter sacrificatorium nostrum, ( altare Euangelicum sic vocat Apostolus Heb. 13. ) & mensam communem ad conuiuia, & symposia profana dispositam, intercedit. Dicit quidem Apostolus *nobis esse epulandum*, sed quia *Pascha nostrum immolatus est Christus*: incruentè quidem nobis appositus in cibum vitæ æternæ, sed tamen verè oblatus in remissionem peccatorum, *Super altare*, videlicet quod habemus, & de quo edere non habent potestatem, ij qui tabernaculo deseruiunt, quandiu scilicet increduli sunt Christo, & vetus Pascha comedunt, quod veri nostri tantum typus erat. Si conuiuialis mensa esset Christianis propria, & non altare, vt Eusebius Emislenus nominat, reuerendum, Chrysostomus tremendum: cur tam splendidus ornatus à Patribus huic adhibitus est? facta cœna, vt hanc faciunt Caluinistæ sine vllò apparatu, tabulam ligneam amouere, & in angulum deponere, vt assolent, satis erat. At Theodoretus notæ fidei auctor est lib. 1. Hist. c. 10. (& histor. Trip. lib. 3. c. 5.) Constantino Magno imperante, sanctaque probante Ecclesia, altare Basilicæ maioris Hierosolymitanæ regiis stromatis, idemque vasis aureis & gemmatis, fuisse exornatum. Eusebius lib. 10. hist. c. 4. sic altaris Templi, à Paulino Tyriensi Episcopo ædificati, situm & dispositionem repræsentat: *Altari denique tanquam Sancto Sanctorum in medio sanctuarij sito.* Et infrà, *Augustum porrò ingens & vnum altare.* Sanctus Hieronymus in Epitaphio Nepotiani, laudat eum quòd curam gereret sedulam, *vt altare nitidum & decorum esset.* In magnis solennitatibus ampliùs exornari altaria, priscum fuisse morem testatur, & celebrat S. Paulinus, Natali 3. S. Felicis, hoc tenore,

*Te prius alma pio celebrans altaria cultu  
Presbyter instituit . . . . .*

*Aurea nunc niueis ornantur limina velis  
Clara coronantur, densis altaria lychnis, &c.*

Heb. 13.

Hom. 4. de Pascha.

p. 540. 541.

## §. IV.

*Quòd eisi plerumque vnum, tamen plura iam olim in Ecclesia altaria erant.*

## MOLINÆVS.

VNUM quondam in qualibet Ecclesia erat altare tantum; non autem incon- p. 1026 post med.  
grua altariolorum multitudo extructorum in templorum angulis; quemadmodum  
hodie in Romana Ecclesia licet conspiciere.

## RESPONSIO.

NIHIL speciosius profert Molinæus quo assertum suum fulciat, quàm hoc S. Ignatij dictum ad Philadelphenses, *Vniuersa Ecclesia vnum habet altare*: sed totum hîc, & integrum locum placet reponere; quò genuinus S. Ignatij sensus cognoscatur, & fraus Molinæi palam appareat. Sic igitur ait S. Ignatius loco citato: *Scribo ad vos, monéque ut vna fide, vna predicatione, vna Eucharistia utamini; vna est enim caro Domini nostri Iesu Christi, vnus illius sanguis, qui pro nobis effusus est: vnus item panis omnibus confractus, & vnus calix qui omnibus distributus est; vnum altare omni Ecclesie: & vnus est Episcopus cum Presbyterorum collegio, & Diaconis conseruis meis. Quandoquidem est vnus ingenitus Deus & Pater, & vnus vnigenitus Filius Deus Verbum & homo, vnus Paracletus Spiritus veritatis, & vna predicatio, & fides vna, & vnum baptisma, & vna Ecclesia.* Precor te quisquis hæc legis, agítne hîc Molinæus bona fide? Loquitur Ignatius de Ecclesia, non vt materiale ædificium est, sed vt Christi corpus est mysticum: traducit hoc Molinæus ad templum materiale, & sic ad altare, quod hinc infert vnicum esse oportere in qualibet Ecclesia, hoc est in quacumque æde sacra; si ita est, dicit ibidem Ignatius vnum esse in omni Ecclesia calicem: igitur in Ecclesia toto orbe diffusa vnus sit tantummodo calix materialis, ex quo Christi sanguis vniuerso generi humano distribuatur. Apage has nœnias! Miror quí fieri potest vt sic in re sacra, ideóque seria admodum, non pudeat Molinæum tam pueriliter nugari; quin adeo ineptè & ridiculè argutari, suóque Lectori sic turpiter illudere? Pergit tamen, obiicitque non feliciori lusu, hoc S. Hieronymi in cap. 3. Amos pronunciatum, *Non vnum altare quod habet Ecclesia, sed altaria hæreticorum plurima.* Quia igitur citat Hieronymi testimonium, loquentem Hieronymum ore proprio, & plena verborum serie sensúque germano nobiscum audire non grauetur: sic igitur ait S. Hieronymus super hæc verba Domini apud Oseam Prophetam, c. 3. *Visitabo super altaria Bethel, & amputabuntur cornua altaris, & cadent in terram. Non vnum altare quod habet Ecclesia, sed altaria hæreticorum plurima, tot enim habent altaria quot schismata.* Vbi manifestum est non damnare morem plura altaria vna in sacra æde constituendi; hæc enim licèt plura sint mole materiæ, sunt tamen vnum & idem vsu, fine, & significatione. Nihil frequentius apud Patres, quàm Ecclesiam esse vnâ, eiúsque esse vnâ fidem, vnum baptismum, vnum Deum, vnum Dominum, vnum templum, vnum altare, vnum sacrificium; licèt reuerà si lo-

cum, & materiam spectemus, plura sint templa, plura sint altaria. At hæretici, qui filij subtractionis facti sunt, se ab Ecclesiæ unitate separantes, altare contra altare excitârunt, & postea inter se diuisi, plurima altaria aduersa. & contraria erexerunt. Hic est sancti Hieronymi sensus, vt hæc clausula perspicuè ostendit, *Tot enim habent altaria, quot & schismata*; Nam aliud est altare Valentini, aliud Marcionis, aliud Montani, aliud Nouatiani, aliud Macedonij, aliud Iouiniani, aliud Donatistarum, aliud Manichæi, aliud Arrij, aliud Pelagij, aliud Nestorij, aliud Eutychetis. At in Ecclesia non sic, *Deus vnus est* (ait S. Cyprianus) *& Christus vnus, & vna Ecclesia, & cathedra vna super Petrum Domini voce fundata. Aliud altare constitui, aut Sacerdotium nouum fieri præter vnum altare, & vnum Sacerdotium, non potest; quisquis alibi collegerit, spargit. Talis omnis hæreticus est, qui hostis altaris, aduersus sacrificium, Dei rebellis, pro fide perfidus, pro religione sacrilegus, &c. contemptis Episcopis, & Sacerdotibus derelictis, constituere audet aliud altare, precem alteram illicitis vocibus facere, Dominicæ hostiæ veritatem per falsa sacrificia profanare.* Bone Deus! quàm viuis coloribus hîc videmus Molinæum cum Caluino suo depictum? Qui sanè citans S. Hieronymi sententiam contra diuersa hæreticorum schismata, sacrilegâque altaria, seipsum gladio, quem strinxit, iugulauit.

MOLINÆVS.

PRUDENTIVS lib. contra Symmachum, impropere Ethnicis, quòd in templis suis vnusquisque coram se proprium altare haberet.

*Omnibus ante pedes posita est sua cuique venusta*

*Arula . . . . .*

RESPONSIO.

QVID hoc contra Ecclesiam facit? An omnes Catholici vnicuique sibi proprium altare in Ecclesia extruunt? An plures Deos colunt? an aduersa inuicem sacra celebrant? Ridiculum est hoc dicere. Perperam igitur Molinæus quod Prudentius ait de Ethnicis, multorum numinum cultoribus, variorum sacrificiorum immolatoribus, Catholicæ Ecclesiæ attribuit. Longè aptiùs sibi suisque similibus probrum hoc applicasset, qui quot falsa dogmata finxerunt, sibi tot erexerunt idola, tótque altaria eisdem monstris extruxerunt.

MOLINÆVS.

HÆC est, quam facit Judæis Deus per Oseam Prophetam, exprobratio: *Multiplicauit Ephraim (inquit) altaria ad peccandum.*

RESPONSIO.

INEPTE omnino, & contra apertissimum Scripturæ sensum. Queritur siquidem hîc de Hebræis Deus, quòd postquam propter scelera sua in captiuitatem ducti fuissent, peccata sua, non vt par erat, suis lachrymis, & seria emendatione eluerunt: sed auxerunt potiùs falsis numinibus, idolisque seruientes, moréque gentium cum quibus degabant, singulis his monstris immolantes, & propria cuique altaria erigentes, super quæ propria itidem sacrificia offerebant. Quæso Molinæum, vt qui S. Hieronymum super Amos interpretem proximè alle-



allegavit, eundem expositorem Osee non illibenter audiat. Ad hæc igitur verba Prophetæ, c. 8. *Quia multiplicavit Ephraim altaria ad peccandum*, S. Hieronymus sic ait, *Ducti in captiuitatem &c.* Et hoc patitur, quia Ephraim princeps eorum multiplicauit altaria, non in quibus immolaret Domino, sed in quibus peccatis peccata coniungeret. Quæ altaria, id est aræ (victimis scilicet cruentis infectæ) vertuntur ei in delictum, scilicet propter idololatriam, non propter altarium quantum ad materiam fabricæ spectat, pluralitatem. Si enim vni vero Deo hæc altaria dicata fuissent, & sacrificium secundum eius præcepta super iis fuisset altaribus ipsius Maiestati immolatum, populus hic non peccasset. Culparatur enim quod multiplicauerit altaria ad peccandum, id est ad sacrificandum idolis, non ut immolaret Domino. Si frontem habet Molinæus, est sanè quod hic ingenti pudore erubescat. Ex verbis enim Prophetæ, quæ in calumniæ suæ confirmationem adduxit, impostura eius non modò aperta patet, sed & perspecta sit insania, cum nihil minùs Propheta dicat & sentiat, quàm quod ei imponit, & Ecclesia Catholica prorsus abhorreat ab ea impietate Iudaica, quam illi impudenter impingit.

## MOLINÆVS.

CONSVETUDO ista pluralitatis altarium Romana in Ecclesia cepit, quando mos inoleuit agendi *Missas solitarias & priuatas*, sine ullis communicantibus; Quæ festinanter dici solent in angulis cuiusque Ecclesiæ passim, pro dimidiato quindenario Francico\*.

\* Demy-teston.

## RESPONSIO.

ANTEVERTIMVS suprà quæ hic item effutit Molinæus, contra Missas non publicas (ut sunt Parochiales) in quibus non communicant Laici, dictæque eius virulenta de Sacerdotum in iis festinatione, & vili quo eos ad hoc conduci pretio comminiscitur. Quamobrem dicta repetere superuacaneum puto: verum nefas arbitror id quod dicit de pluralitatis altarium in vna Ecclesia origine (quam nuperam asserere non veretur) sine responso, & quidem solido, & perspicuo præterire. Certè enim illa pluralitas altarium in singulis Ecclesiis non est noua, nisi annorum supra mille & quinquaginta antiquitas Molinæo insanienti pro nouitate computanda videatur. Enimuerò S. Gregorium cognomento Magnum, maiorem merito, maximum dignitate anno 590. creatum fuisse Summum Pontificem, ire inficiatum (ut omnes nôrunt & fatentur) quantumuis deploratâ sit audaciâ Molinæus, ipse non audebit. At S. Gregorio sedente in Cathedra B. Petri, plurâ altaria iam ex vsu probato erigebantur. Hoc patet ex eiusdem sancti Pontificis ep. 50. lib. 5. scripta ad Palladium Episcopum Santonensem, qui in vna eademque Ecclesia altaria tredecim construxerat, quibus consecrandis Ecclesiastico ritu, Sanctorum reliquias sibi donari à beato ipso Gregorio per proprium internuncium Episcopus ille petierat. *Veniens lator præsentium Leuparicus Presbyter vester*, (ait S. Gregorius) *insinuauit nobis fraternitatem vestram, Ecclesiam in honore B. Petri & Pauli Apostolorum, nec non Laurentij & Pancratij Mar-*

Ppp

tyrum construxisse, atque illic tredecim altaria collocasse: Ex quibus quatuor necdum consecrata comperimus remansisse, ob hoc quod superscriptorum Sanctorum reliquias illic collocare Deo annuente disponitis. Et quia reliquias sanctorum Petri & Pauli, nec non Laurentij atque Pancratij Martyrum cum veneratione præbuimus, hortamur ut eas cum reuerentia suscipere & collocare auxiliante Domino debeatis &c. Sed diu antea multorum altarium in vna eademque Ecclesia ritus inoleuerat. Multa enim fuisse Nolæ in Ecclesia sancti Felicis, eiusdem Ecclesiæ Præsul S. Paulinus B.B. Hieronymo & Augustino amicitia coniunctissimus, eiusdem Martyris Natali 19. circa medium insinuat, dum illud templum & reliquias ibi Sanctorum honoratas describit.

*Quos hic ad sancti iustum Felicis honorem  
Duxerit orandi studium non cura bibendi:  
Nam quasi contignata sacris cænacula tectis  
Spectant de superis altaria tota fenestris  
Sub quibus intus habent Sanctorum corpora sedem.*

En multa altaria in vna Ecclesia ante annos mille & ducentos, sanctus enim Paulinus anno 420. florebat. Certè Molinæus nouitatis doctus se valde imperitum sacræ antiquitatis ostendit. Patiatur itaque se doceri, discereque vel serò non vereatur iam olim ut & nunc in vno eodémque templo & vnum altare & multa altaria extitisse. Quæ res in causa est cur sancti Patres sacræque historici aliquando altare vnum, aliquando altaria in plurali passim memorentur. In vnaquaque ciuitate erat vna Ecclesia & plures Ecclesiæ. Ecclesia maior seu matrix, absolutè Ecclesia propter suam præminentiam vocitari, ut nunc fit, à Maioribus consueuerat; cæteræ titulorum propriorum vocabulis censebantur. Sic in vnaquaque Ecclesia & æde sacra erat vnum altare quod nos nunc summum appellamus, & absoluto nomine altaris designamus, reliqua propriis quæque vocabulis à summo illo erant distincta, quod cancellis circumseptum eminentiori loco templi positum & insigniùs decoratum erat. Eiusmodi altare quod in Tyriensi Ecclesia Paulinus loci huius Antistes construxit, Eusebius suprâ citatus, *ingens & augustum appellat*. Minora altaria vbi erigebantur, tanto ornatu non splendebant, solum altare maius hac etiam prærogatiua pollebat, quòd Eucharistia super id & ad venerationem & ad fidelium pastum asseruabatur: in arcuola enim sub cruce composita Christi corpus adorandum conditum erat. Quo de ritu testis est S. Paulinus, epist. 12. ad Seuerum describens Epigrammata quæ ipse ad ornatum Basilicæ S. Felicis dictauerat, sic enim ait:

*Compositis sacra cum cruce Martyribus,  
Cuncta salutiferi coeunt Martyria Christi,  
Cruz, corpus, sanguis Martyris, ipse Deus.*

Quem morem commendans Synodus Turonensis anno 570. celebrata, statuit ut corpus Domini in altari non in imaginario ordine, sed sub crucis titulo componatur. Fortunatus laudat Felicem Nan-

netensem Episcopum lib. 3. Carm. 25. qui sacram Turriculam ad pretiosum Christi corpus honorificentius custodiendum fecerat: nec tamen vasculum, quantumvis auro & gemmis micans, thesauro recondito innuit comparandum.

*Quàm bene cuncta decent, sacrati ut corporis agni*

*Margaritum ingens, aurea dona ferant.*

*Cedant Chrysolitis Salomonias vasa metallis*

*Ista placere magis, ars facit atque fides.*

*Quæ data, Christe, tibi Felicis munera, sic sunt:*

*Qualia tunc tribuit de grege pastor Abel.*

*Et cuius tu corda vides, pietate coæquas*

*Sarapta merito, quæ dedit æra duo.*

At verò diuina Eucharistia super altari summo tantum collocabatur, quod rectè ideo ab Optato vocatur, corporis & sanguinis Christi sedes: qua de causa, altare religioso honore venerandum asserit & monet S. Chrysostomus hom. 20. in 2. ad Cor. In cæteris altaribus Christi corpus non seruabatur, sed in iis erat, ut Optatus loquitur, *certis momentis*, scilicet eo tantum tempore quo sacrificium offerebatur. Et idcirco locus ille quo situm erat, altare maius, *Sanctuarium*, & *Sancta Sanctorum*, speciali consueuerat priuilegio nuncupari, in quo solenne & publicum sacrificium fieri solebat, sicut etiam nunc obseruatur. Cæterum, iamdudum in Gallia mos iste viguit: extat siquidem libellus verè aureus ante annos 700. conscriptus de Sanctis & Ecclesiis Claromontij, quem doctissimus Sauaro fideliter ex perueustis membranis descriptum, & notis eruditis insignitum, in lucem edidit, & piæ memoriæ Francisco Cardinali Rupifucaldio, Aruernensi tum Episcopo nuncupauit. Titulus M S C. Codicis, ut Sauaro ipse reponit hic erat: *De Ecclesiis. Et altaria \* quæ in Claromonte consistunt.* I. *\* rectius, & altariis*

*Imprimis in Domoniatus Ecclesia (quæ B. Virginem patronam colit) est altare S. Mariæ, & sanctorum Agricola & Vitalis, & altare S. Crucis, altare S. Gervasij, altare S. Ioannis Baptistæ, altare S. Iuliani Martyris, & altare S. Angeli. II. In Ecclesia S. Mariæ principalis, primum altare S. Mariæ, altare S. Iuliani, altare S. Priuati, altare S. Sulpitij, ubi requiescunt S. Auitus, S. Garius, & S. Sigo. III. In Ecclesia S. Laurentij &c. IV. In Ecclesia S. Boniti, altare S. Mauritiij, altare S. Angeli, altare S. Petri, & S. Mariæ, ubi requiescit S. Bonitus in corpore. V. In Ecclesia S. Christophori, altare S. Christophori, altare S. Hilarij, altare S. Martini &c. X. In Ecclesia sancti Venerandi, altare sancti Iuliani & sanctæ Basilissæ Antiochena; altare S. Quintini, & sancti Dionysij, altare S. Mariæ &c. XI. In Ecclesia sancti Illidij, altare S. Clementis, altare S. Mariæ &c. XVII. In Ecclesia S. Petri, altare sancti Petri, altare S. Mariæ, altare sancti Genesij &c. Confamilia licet toto hoc libello perlegere. Nec enim hic opus est descriptum ire singula, quæ sanè antiqui ritus Ecclesiastici, in eodem templo extra maius altare seu primum (ut suprà dicitur) alia minora construendi patenti indicio sunt: quamuis si eiusmodi testimonia cessarent, & nos taceremus, lapides loquerentur, etenim tot templa quæ*

superfuit post recentium hagiomachorum furorem, sacrae huius praxis quam tuemur, conspicua sunt monumenta: Ita ut (sicut ait Apostolus 1. Thess. 1. 8.) nobis non sit necesse quicquam loqui. Abeat igitur profanae nouitatis amator, sed sacrae antiquitatis hostis Molinæus, & quia non agnoscit veritatem, & quæ vera sunt, & loqui nescit; tacere saltem cum serio, at sero, sed utili pudore aliquando incipiat, *Pharmacum enim mali* (ut priscus sapiens scitè dixit) *silentium est.*

## ARTICVLVS II.

*An in omni loco, ritè & canonicè sacrificari possit?*

*Malach. 1.*

**M**ALACHIAE, de sanctissimo Missæ sacrificio, hoc esse perillustre vaticinium, summo consensu Patres tam Græci quàm Latini asseruerunt; *Non mihi voluntas in vobis* (Iudæis videlicet) *dicit Dominus exercituum, & munus non suscipiam de manu vestra, ab ortu enim solis usque ad occasum magnum est nomen meum in gentibus. Et in omni loco sacrificatur, & offertur nomini meo oblatio munda, quia magnum est nomen meum in gentibus, ait Dominus exercituum.* Iustinus Martyr in Dialogo cum Triphone, hoc ei pro sacrificio Eucharistiæ, diuinum obiicit oraculum, specialitèrque ista verba ponderat: *In omni loco sacrificatur.* Nam Iudæi certo quodam loco, scilicet Hierosolymis, tantum sacrificabant. At vbique gentium & in omni loco ab Ecclesia sacrificatur & offertur Deo oblatio munda: *De nostris gentium* (inquit) *quæ in omni loco offeruntur sacrificiis, hoc est pane Eucharistiæ & poculo similiter Eucharistiæ, iam tum locutus Malachias prædixit, nos quidem glorificare nomen eius, vos autem profanare.* Idem obseruat ex eodem Malachia testimonio S. Irenæus lib. 4. contra hæreses, c. 32. in fine, vbi hoc vaticinium eius manifestissimè impletum esse asserit: *Quoniam prior quidem populus cessauit offerre Deo, omni autem loco sacrificium offertur Deo, & hoc purum; nomen eius sic glorificatur in gentibus.* Hanc ipsam particulam solerter more suo expendit S. Augustinus, lib. 18. de Ciuit. Dei, c. 36. vbi ait, *Hoc sacrificium per Sacerdotes secundum ordinem Melchisedech, cum in omni loco à solis ortu usque ad occasum iam videant offerri, sacrificium Iudæorum de quibus dictum est, Non est mihi voluntas in vobis, iam cessare, negare non possunt, &c.* Igitur notanda hîc venit memorabilis S. Leonis sententia: *Nunc Domine carnalium sacrificiorum varietate cessante, omnes differentias hostiarum una corporis & sanguinis tui implet oblatio; quoniam tu es verus Agnus Dei, qui tollis peccata mundi, & ita in te vniuersa perficis mysteria, ut sicut vnum est pro omni victima sacrificium, ita vnum de omni gente sit regnum.* Hac enim ex doctrina sequitur, quòd sicut regnum Christi vniuersale est & omnes orbis partes continet, omnesque gentes completitur, sic eius sacrificium quod pro omni genere humano institutum est, in omni loco, vbi viuentes sunt homines, possit ac debeat offerri.

*Lib. 8. de pass. Domini.*



## §. I.

*An Missæ sacrificium possit in naui, supra mare, vel super flumen celebrari?*

VASQUEZ hanc quæstionem obiter attingit tom. 3. Comment. in 3. part. S. Thomæ q. 83. a. 3. disp. 233. §. *Ceterum*, hancque resoluit negatiuè. Cui libenter quidem assentirer, si rationum momentis quibus nititur, persuasionem eius viderem validè confirmari. Sed cum hæc quæstio libera sit; & ipsemet fateatur, nulla lege Ecclesiastica, minus autem diuina, hoc ne fiat prohiberi, mihi que positiua sententia probabilior appareat: sine vlllo præiudicio veritatis, hanc mihi impræsentiarum asserendam, haud absque rationabili persuasionem, ut censeo equidem, aggredior.

Quod dixit S. Carolus Borromæus in aureo illo opusculo, cui titulum indidit *De Concionatorum instructione*, hinc à me haud temerè usurpari posse existimo: *Prædicationis munus* (inquit) *nullo neque tempore, neque loco Christus præfinit: neque Apostoli item, qui omni loco omni-que tempore sacrum Euangelium disseminârunt.* Constat etenim quòd Christus incruentum hoc sacrificium instituendo locum nullum præscripserit, neque diem, aut tempus vllum determinârît, sed vtrumque reliquerit Ecclesiæ suæ arbitrio: dixit enim simpliciter, *Hoc facite in meam commemorationem*, nec vbi, nec quando, vlllo verbo expressit.

De loco, nec Apostoli, nec Ecclesia præceptum aliquod ediderunt: *An supra mare inter nauigandum*, Eucharistiam consecrârint & dispensârint fidelibus qui eos comitabantur, me legisse, ingenuè fateor, vspiam non memini. Beatus Paulus cum è Iudæa in Italiam ut sisteretur Cæsari, nauigio veheretur, suscepto inter procellas Angelico nuncio de omnium qui secum in vase erant incolumitate & salute, vbi illos bono ut essent animo cohortatus esset, *Quia* (inquit) *nullius vestrum capillus de capite peribit.* Cum hæc dixisset (scribit qui aderat S. Lucas, Act. 27. 34. 35.) *sumens panem gratias egit Deo, & cum fregisset cepit manducare.* Auctor operis imperfecti apud S. Chrysostomum hom. 17. in Matth. hunc locum de Eucharistia explicat. Fauent verbum *ἄρτους* & frangendi, quæ ex vsu Ecclesiastico, ad Sacramentum sunt accommodata: & quia prius gratiæ actæ sunt quàm cibus sumeretur. Cum autem cibus est communis, gratias post pastum agere solemus, ut passim Christus ipse fecit. Nec infringitur hæc ratiocinatio, ex eo quod subinde omnes qui erant in naui cibum sumpserunt; distributiue enim, & per quandam conuenientem accommodationem hæc debent intelligi: ita ut scilicet Paulus, per mystici panis consecrationem ordiri voluerit, quem gratias agendo benedixit, fregitque, & suis comitibus Christianis, sua manu porrexit, ut ait præfatus auctor. Tum cibum cum eis communem sumpserit, & eius exemplo & hor-  
tatu, cæteri omnes qui erant in naui. Vnde subiunxit ipse S. Lucas,

P p p iij

## 490 PANOPLIÆ SACERDOTALIS PARS II.

*Animaquiores autem facti omnes, & ipsi sumpsērunt cibum.* At Auctoris Imperfecti sententiam tantum indico, quam ne ut certam incutiam, facit veri Chrysostomi ac Bedæ Venerabilis, & aliorum Sanctorum insignium auctoritas, qui hunc locum Actorum interpretantes, de communi pane & cibo vltali exponunt. Hinc tamen semper remanet huius loci genuinus sensus ambiguus, nec lector alteri, potius quam alteri, interpretationi sequendæ obstringitur. Sed ad certiora iam argumenta progredior.

S. Ambrosius ( tom. 4. p. 315. ) testis est in libello *de Satyri fratris sui obitu*, morem fuisse fidelium nauigantium diuinam Eucharistiam apud se reconditam seruare. Imminente igitur naufragio, Satyrum qui adhuc Catechumenus erat, ab iis quos nouerat initiatos mysterioriis, diuinum illud Sacramentum fidelium poposcisse, ut non curiosos oculos inferret arcanis, sed ut fidei suæ consequeretur auxilium: *Datum sacrum pignus fecit* ( inquit ) *ligari orario, atque orarium inuoluit collo, & ita se deiecit in mare, non requirens de naui compage resoluta, tabulam cui supernatans iuuaretur, quoniam fidei solius arma quaesierat. Nec inani fiducia: primus enim seruatus ex undis & in portum terrena stationis euectus, Presulem suum ( Christum utique ) cui se crediderat, sibi adfuisse recognouit.*

S. Ludouicus Francorum Rex, morem hunc antiquum fidelium habendi in naui pro vnico praesidio atque solatio pretiosum corpus Domini, solita pietate seruauit. Testis est enim qui aderat, conspectaque suis oculis memoriae prodidit Ioannes Ianuillæ Toparcha, & Campaniæ Senescallus, in historia sancti ipsius Regis, ( edit. Paris. ann. 1617. in 4. p. 240. ) cum ipse ab Oriente rediret, cum Regina sua coniuge, & tribus liberis, multisque regni proceribus, orta graui tempestate, circa insulam Cypri, & Regem & omnem comitatum eius, adeo grauiter periclitatos, ut iudicio nautarum vix vlla spes salutis superesset: tum verò omnes ante Christi corpus procidentes, diuinam opem in tanto discrimine, cum gemitu & lachrymis deprecatos: *Il y en auoit plusieurs deuant le corps de nostre Seigneur, qui estoit en la Nef, tous adorans & crians pardon à Dieu, car chacun s'attendoit de noyer.* At diuino auxilio Rex cum suis saluus & incolumis, ab hoc periculo mox emerfit, diuinòque beneficio, & patenti miraculo suam suorumque salutem retulit, profusa gratiarum actione, laudem Deo rependit.

At fortè quispiam ad hæc exempla respondebit, insignia quidem & perenni memoratu digna esse, veruntamen nihil conferre ad praesentem quaestionem: etenim hæc probare quidem morem iam olim inoleuisse, ut fidelis praesidij causa corpus Domini sub solida specie panis secum in naui perferrent: non autem quòd fas sit in nauigio celebrare Missæ sacrificium. Causam enim esse euidentem, cur portare diuinum Sacramentum liceat, sacrificium verò fas non sit offerre: posse siquidem Sacramentum sub vna specie ( panis scilicet, quæ solida est ) in naui sine periculo seruari, at sacrificium debet necessariò sub duabus speciebus confici, nec aliter fieri potest. *At in mari*

(inquit Vasquez) aut in fluuio supra nauim, est aliquod periculum, nam potest facile motu nauis sanguis effundi. Qua etiam ratione nituntur Angelus, Syluester, Gabriel, Nauarrus, ac plerique alij Canonistæ & Summistæ. At hæc ipsa ratio mihi sanè videtur leuis esse momenti, hæcque non obstante morem fuisse pridem facile est ostendere in Ecclesia receptum, vt nauigantes fideles non solùm corpus Domini sub specie panis præsidij causa apud se seruarent, sed etiam instante submersio- nis periculo, vt ad diuinæ synaxis sub vtraque specie sumptionem confugerent, quæ sine sacrificio ibidem celebrato fieri non poterat: Nam etsi olim persecutionum tempore, sacra Eucharistia fidelibus traderetur, qua se ipsos munirent communicantes, in ipso agonis procinctu, tamen eis dari nunquam consueuerat sub vtraque specie, sed tantùm sub specie panis, ne sanguis scilicet Domini casu aliquo effunderetur, aut fluida species quæ citiùs solidâ corrumpitur, tem- poris breui spatio deperiret. Igitur cùm se nauigio fideles commit- terent, etsi fieri poterat vt eis Eucharistia sub specie panis ad pignus & munimen consignaretur: tamen vt sanguis Domini è calice illis vnâ daretur, nunquam admisit Ecclesiæ politia. Si igitur perillustri & digito Dei obsignato exemplo, iam euincam fideles extremo in periculo naufragij constitutos in ipsa naui communicasse corpus & sanguinem Domini sub vtraque specie, illic sacrificium fuisse cele- bratum, quo vtraque species consecraretur, & mox dispensaretur peri- clitantibus ad corporis & animæ munimentum & salutem, absque vl- la cōtrouersia fatendum erit. Iam igitur Ioannem Diaconum audiamus lib. 1. vitæ S. Gregorij, c. 32. miraculum insigne sic factum recitantem:

*Maximianus Abbas, qui postea Syracusanus Episcopus extitit, ad venera- bilem Leuitam Gregorium (tempore scilicet Pelagij Papæ) in regia urbis (Constantinopolitanæ) palatio pro responsis Ecclesiasticis desudantem, visi- tationis gratiâ cum fratribus venit: & dum ad monasterium eius sibi quoque commissum, Romam rediret, in mari Adriatico nimia tempestate deprehensus, in- æstimabili ordine atque inusitato miraculo erga se cunctosque qui secum aderant, omnipotentis Dei & iram cognouit & gratiam. Nam cùm in eorum morte ven- torum nimietatibus fluctus eleuati sauirent, ex naui clauis perditæ, arbor abscissa est, vela in undis proiecta, totùmque vas nauis nimis quassatum fluctibus, ab om- ni sua fuerat compage dissolutum. Rimis itaque patentibus intrauit mare, atque usque ad superiores tabulas impleuit, ita vt non magis nauis inter undas, quàm unda intra nauim esse viderentur. Tunc in eadem naui residentes non iam ex mortis vicinia, sed ex ipsa eius præsentis visione turbati omnes sibimetipsis pacem dederunt, corpus & sanguinem Redemptoris acceperunt, Deo se singuli commen- dantes, vt eorum animas benignè susciperet quorum corpora ita pauenda morti tradidisset: sed omnipotens Deus qui eorum mentem mirabiliter terruit, eorum quoque vitam per meritum Gregorij famuli sui, pro cuius speciali amore ve- nerant, mirabiliter reseruauit. Nam diebus octo nauis eadem usque ad supe- riores tabulas aquis plena, iter proprium peragens enatauit. Nono autem die ad Crotoniensis castri portum deducta est. Hæc Ioannes Diaconus.*

His positis iam peruium est iis rationibus, quas Vasquez pro suæ

opinionis defensione ac confirmatione assignat, satisfacere. Duas in totum adducit: Prima, est periculum euerſionis calicis, sed ex dictis non valet; addique potest, esse lucida interualla quibus in mari vel flumine cessat eiusmodi periculum, & quandiu non imminet, tutò sacrificari potest. Contendunt Casuistæ & Summistæ prædicti fas esse celebrare Missæ sacrificium in littore maris, sub tentorio, quin etiam sub dio modò tempus sit serenum, *Tunc enim* (aiunt) *non obstat, quia non instat periculum euerſionis seu altaris, seu calicis.* A pari idipsum dici posse de oblatione sacrificij in naui, aspirante aura serena, & fulgente cœlo tranquillo. Secunda ratio quam præcipuam Vasquez existimat, ea est: *quòd hoc fieret contra communem consuetudinem.* Respondeo, *consuetudinis obtentu non licet venire contra sanctorum Patrum constitutiones, proinde neque contra Sanctorum exempla, minùs verò contra miracula probata, quæ certa Dei sunt testimonia.* cap. *cùm satis, de off. Archid.* Accedit axioma S. Isidori in synonym. lib. 2. *Consuetudo auctoritati cedat.* Item *vsus ratio vincit.* Quia omnis consuetudo vt longæua, sic rationabilis esse debet cap. 1. *de Consuet.* Ius enim contra rationem nullum est. At verò consuetudo quam Vasquez obtendit nec longæua est, quia noua & opposita est antiquæ; nec rationabilis: nauigantes enim fideles in imminente periculo constitutos iis priuat auxiliis, quibus fideles dudum, quum contrario more vterentur, diuino fauore potiti sunt; Consuetudo autem quæ est contra utilitatem Ecclesiæ debet abrogari, nam contra consuetudinem (tamen si antiqua sit) ex rationabili causa fieri potest nouum statutum. cap. *cum M. Tit. de constitut.* Et vsus qui irrepsit sine iure magis verò contra ius cognitum, tolli debet. Adde quòd consuetudines quando varix sunt, debet seruari illa quæ est magis rationabilis: atqui ea quam tuemur origine præstat, antiquitate præualet, ratione superat; nam nititur primordiali traditione, & Sanctorum factis diuino indicio confirmatis. Fatetur Vasquez nostræ sententiæ nullam legem Ecclesiæ refragari; etenim in iure non excipi quoad locum sacrificij, neque nauim supra mare, neque nauiculam super flumen. Adicere debuisset, neque suæ fulciendæ opinioni vllam suppetere canonicam auctoritatem, neque solidam rationem, vt constat ex dictis.

## §. II.

*De altari portatili.*

*Ex Concil. Tri-*  
*burienſi.*

*Desumptus est*  
*ex epist. 1. Fe-*  
*licis Papæ ad*  
*omnes Ortho-*  
*doxos.*

ANTIQVO iure strictæ obseruationis erat, Missæ sacrificium celebrandum esse dumtaxat in locis consecratis, sicut patet ex *can. 12. dist. 1. de Consecrat.* qui sic habet, *Missarum solennia non ubique, sed in locis ab Episcopo consecratis &c. celebranda esse censemus.* Expressior est *can. 11. eiusdem dist.* qui hac serie constat: *Sicut non alij quàm sacriati Domino Sacerdotes debent Missas cantare, nec sacrificia super altare offerre: Sic nec in alijs quàm Domino consecratis locis, id est in tabernaculis diuinis, precibus à Pontificibus delibutis Missas cantare, aut sacrificia offerre licet &c. in domibus*

*tamen*



tamen ab Episcopis siue Presbyteris oblationes celebrari nullatenus licet. Canon hic, ergo &c. qui (eadem dist. n. 14.) S. Clementi tribuitur, idem strictè decernit, & canon immediatè sequens adscriptus Syluestro Papæ, in generali Synodo residenti, cuius est titulus, *Abiiciantur Sacerdotes, qui in locis non sacratis, Missas celebrare præsumunt*; est autem tenoris huiusmodi: *Nullus Presbyter celebrare præsumat, nisi in sacratis ab Episcopo locis, qui sui particeps de cetero voluerit esse Sacerdotij.*

Verùm rigidior plus æquo nonnullis forsitan videbitur hæc canonum disciplina; quin & aduersari Apostolorum & Martyrum exemplis: Nam de Apostolis quidem testis est sanctus Lucas Act. 2. 42. & 46. *Illos perseverantes fuisse in communicatione fractionis panis, & orationibus.* Et orationibus quidem, in templo instituisse: at quia hic non poterant Christi mysteria celebrare, *Fregisse circa domos panem.* Syrus interpres sic vertit: *& domi frangentes erant munus benedictum*: quemadmodum etiam legunt Biblia regia. Martyres etiam in cryptis & latibulis Eucharistiam consecrâsse & dispensâsse, acta eorum passim perhibent; quin & S. Petrus in carcere diuinum sacrificium immolauit, sic enim legimus in actis sanctorum Martyrum Processi & Martiniani: *Baptisati quia sunt beatus Processus & Martinianus ab Petro Apostolo; hoc ut viderunt cuncti qui aderant in custodia, prostrauerunt se ad pedes B. Petri Apostoli, & baptisati sunt promiscui sexus & diuersæ ætatis numero 47. obtulit autem pro eis sacrificium laudis, & participes eos fecit corporis & sanguinis Domini nostri Iesu Christi.* Sic S. Stephanus Papa, ut eiusdem gestis commemoratur: *Cum ad signatam cryptam venisset, Inuenti sunt illicitam mares quam fœmina 108. quos illo ipso die Pontifex in nomine Domini nostri Iesu Christi, sanctissimo baptisate, & aliis diuinis Mysterijs consecrauit &c. & sacrificium obtulit, sicque omnes sacrificiorum participes facti sunt.* In Actis S. Susannæ Virginis & Martyris, neptisque S. Caij Papæ, quæ passa est sub Diocletiano xi. Augusti: *Postquam piâ eius instantiâ, baptisati fuissent ab eodem Pontifice, Claudius, Prædigna, Alexander, Cuthia, & Maximus, obtulit pro eis (Antistes sanctissimus) sacrificium in eadem domo, & consecrauit corpus & sanguinem Domini nostri Iesu Christi &c. participauitque cum omnibus mysterium Dei.* Sexcenta supràque longè plurima consimilia exempla sanctorum Martyrum ex eorum gestis & passionibus, si opus esset, possent proferri, quibus eos constat in cryptis, speluncis, carceribus, domibusque priuaris Pontifices, & Sacerdotes non solum baptizasse, sed & tremendum Eucharistiæ sacrificium celebrasse; sed quæ signauimus ad rem, quam agimus, satis pro multis esse possunt.

Verùm hæc exempla facilè queunt eum canonibus præindicatis conciliari, si temporum diuersitatem, ut æquum est perpendamus; *Distingue tempora* (aiebat magnus Augustinus) *& concordabis scripturas.* Siquidem aliquo tempore quædam permittuntur, quæ alio prohibentur. v. g. Licuit dudum fidelibus acceptam à Sacerdotibus tempore persecutionum Eucharistiam, in domos suas transferre, & illic seruare, in occurso persecutionis pro cœlesti viatico sumendam pro-

*Acta S. Steph.  
PP. & Marty-  
ris apud Meta-  
phr.*

priis manibus. Verùm sopitis persecutionum incendiis id ipsum quod tunc fas erat, Ecclesia prohibuit, quia causa cessabat, & hac licentia apud plerosque reuerentia Sacramenti huius venerabilis nonnihil minuebatur. Sic planè sub attritis illis persecutionum turbinibus, fas Sacerdotibus erat ubicumque occasio requirebat, diuina mysteria consecrare & dispensare, sine locorum discrimine, vel delectu. At rebus Ecclesiæ tandem diuina benignitate compositis, pacèque tot Martyrum agonibus ac triumphis feliciter parta: quia vt monuerat vas electionis Paulus, omnia in Ecclesia cum ordine fieri oportebat? Ecclesiæ Præsides religionis decoro & diuinorum mysteriorum reuerentiæ magis conferre censuerunt, si hæc licentia restringeretur. Et vt tempus certum, sic & locus proprius, sacris muneribus obeundis, maximè verò incruento sacrificio offerendo specialiter assignaretur. Hinc igitur prodierunt illæ sanctiones, quibus nulli Sacerdotum licere statutum est sacrificium celebrare, nisi in locis Deo consecratis, mysticisque ritibus, qui in canonibus præscribuntur. Sed tamen illa prohibitio ita nunquam fuit absoluta, vt nulli exceptioni locus esset relictus; nam ipsi canones suprà citati quasdam clausulas exceptiuas continent, siquidem in can. *Sicut notat* *ulij*, post illa verba, *sic nec in aliis, quàm Domino sacratis locis &c. sacrificia offerre licet*, immediatè sequitur, *nisi summa coegerit necessitas &c.* Et mox infrà, *nisi pro summa contingat necessitate, quoniam necessitas legem non habet.* Et in can. *Missarum solennia*, & post illa verba, *sed in locis ab Episcopo consecratis*, subiungitur, *vel ille permiserit*, supple *ubi*. Exemplum illustre celebrandi venerabile Missæ sacrificium extra Ecclesiam, & locum specialiter consecratum in casu grauis necessitatis refert S. Augustinus lib. 22. de Ciuit. Dei c. 8. his verbis: *Tribunitius Hesperius, qui apud nos est, (inquit) habet in territorio Fussalensi fundum Zubedi appellatum; Vbi cum afflictione animalium & seruorum suorum, domum suam spirituum malignorum vim noxiam perpeti comperisset, rogauit nostros, me absente, presbyteros, vt aliquis eorum eò pergeret, cuius orationibus cederent. perrexit vnus, obtulit ibi sacrificium corporis Christi, orans quantum potuit, vt cessaret illa vexatio; Deo protinus miserante, cessauit. Nec erat in illo loco Ecclesia, at nequidem oratorium vt ex verbis S. Augustini subsequenter patet. igitur obtulit iste Presbyter in loco non sacro urgente necessitate, quemadmodum & plerosque sanctos Episcopos fecisse iam pridem, ex eorum gestis fit perspectum. At non sic tamen intelligas, vt super communem mensam incruentum sacrificium sancti illi Antistites celebrauerint, at Presbyter ille, cuius sacrificium Deo gratum fuisse S. Augustinus commemorat, altare, vt reor, viaticum seu portatile à suo Episcopo consecratum ad hoc attulit, & sancti illi Episcopi, vel consimile attulerunt, aut sanè inuenerunt in locis illis priuatis, vbi diuinam actionem obierunt: vel denique ibidem prius quàm mystica munera offerrent consecrârunt, sicut in ipsis fidelium domibus Apostoli & Martyres leguntur factitasse, vnde prodiit illud Chrysostomi, *Tum fidelium domos, paruas Ecclesias fuisse*, quia scilicet in illis domibus locum*

Vide Bellarm.  
lib. 2. de Missa  
c. 9. vbi ex pro-  
fesso tractat de  
Missis priuatis  
§. *Nec solum.*

aliquem Pontifices diuinis officiis dedicabant, altariaque vel fixa, vel mobilia ibidem consecrabant, prout in eorum actis peruium est aduertere.

Hinc natum priuilegium Episcopis, altaria viatica, quæ portatilia vocant, secum circumferendi: quod ex more antiquo iurèque delibatum dispositio canonica confirmans vt vsu fixum permaneret in VI. Decretalium promulgauit. *Quoniam Episcopi, eorumque superiores, se Lib. 5. tit. de*  
*habent diuersis ex causis, à iuis Ecclesiis, & Diocesisbus absentare frequenter, privileg. cap. 12.*  
*nec semper possunt commodè ad Ecclesias accedere, pro Missa celebranda vel au-*  
*dienda: (sine qua, eos transire non decet absque causa rationabili ullam diem)*  
*præsenti constitutione indulgemus eisdem, vt altare possint habere viaticum, &*  
*in eo celebrare ac facere celebrari, ubicumque absque interdicti transgressione*  
*illis permittitur celebrare, vel audire diuina.*

Quin & vt aliis fidelibus etiam laicis possint indulgere, vt stata oratoria habeant honestè & decenter disposita, in iisq; à Presbyteris non vagis & ignotis, sed cognitis & probatis ab ordinario sibi celebrari diuina faciant, in altari eiusmodi debitè consecrato, non fracto sed integro, illibato & impolluto, certis diebus & præscriptis modis ac iustis limitationibus, Ecclesiæ communis consuetudo, quæ viget vbique, permittit. Verùm plerique abusus circa eiusmodi indulta passim (quod nonnihil dolendum est) irrepsērunt, quibus vt mēderetur, sacro-sancta Synodus Tridentina, hanc sanctionem adhibuit sess. 22. in Decreto de obseruandis & euitandis in celebratione Missæ. Deinde vt irreuerentia vitetur, singuli (Episcopi) in suis diocesisbus interdiciant, ne cui vago & interdicto Sacerdoti Missas celebrare liceat &c. Nēve patiantur priuatis in domibus, atque omnino extra Ecclesiam, & ad diuinum tantum cultum dedicata oratoria, ab eisdem Ordinariis designanda & visitanda, sanctum hoc sacrificium à secularibus aut regularibus quibuscumque peragi, &c. Quæ quàm oscitanter seruetur Synodalis constitutio, nimis profusâ oratoriorum eiusmodi indulgentiâ, & altarium portatiliū promiscua ferè iam omnibus concessio, non sine sanctissimæ religionis detrimento, piarum animarum scandalo, & diuini sacrificij cultus diminutione, satis est hoc luctuoso sæculo manifestum.


Quis qualisque fuerit vsus apud Maiores nostros, altarium huiusmodi portatiliū, apud Iuonem Carnotensem Antistitem sanctissimum, iurisq; sacri peritissimum inter legendum eius erudita scripta deprehendi. Percontatus ab eo fuerat G. S. Wandregesili Abbas, Si altare motum denuò debeat consecrari? sic autem respondit, *Consu-*  
*luit paruitatem meam dilectio vestra, vtum tabula altarium aliquando conse-*  
*crata cum translata fuerint, & super nouam struem lapidum posita denuò sint*  
*consecranda; quid nobis ex auctoritate & ratione faciendum videtur, cum canon*  
*dicat: altare si motum fuerit, Ecclesia denuò consecratur; Quòd si Ecclesia*  
*propter motionem solius altaris denuò est consecranda, quanto magis altare quod*  
*motum est? præterea cum signa similitudinem habeant earum rerum quarum si-*  
*gna sunt, sicut fides caput & fundamentum est sacre religionis, immobilis debet*  
*esse & manere in credente, sic visibile altare quod figuram gerit fidei, debet*

Qq ij

Iuo Carnot. ep.  
72.

manere immobile: & sicut à fundamento fidei si quis motus fuerit per manus impositionem, corpori Christi quod est Ecclesia reconciliandus est; sic mensa altaris, fidei typum gerens si mota fuerit, iterum sacris mysteriis imbuenda est. Nec satis similis ratio est, quam quidam fratres nobis obiciunt, quòd altaria portatilia, licet de loco ad locum moueantur, non tamen denuo consecrantur. Hæc enim altaria non aliter consecramus nisi vel in tabulis ligneis, vel aliquo competenti substratorio compacta & firmiter sint affixa, unde licet de loco ad locum portentur, non tamen de loco in quo consecrata sunt mouentur: à quo si euulsa fuerint, sicut cetera altaria denuò sunt consecranda. Hactenus Iuo Carnorensis. Ex cuius verbis discere licet longè maiori cautela, eiusmodi altaria olim solita fuisse consecrari, & parciùs admodum quàm nunc fit, concedi & transferri de loco ad locum consueuisse. Quod verò Laïcis ad libitum hæc habere aut transferre liceret, sicut iam passim usu, vel potius abusu inoleuit: nullum vestigium volaticæ huius facultatis reperire licuit vsquam, vel apud Iuonem, vel alios, seu ei coæuos, seu ipso vetustiores auctores Ecclesiasticos. In antiquo ordine Romano, & Sacramentorum libro S. Gregorij, nihil habetur de consecratione altaris portatilis, sed dumtaxat altaris fixi, in loco sacro positi extat consecrandi præscriptus ritus. Extat tamen in M S C. Pontificalibus quibusdam, ipsa consecrationis formula altaris portatilis, quæ in nouo Pontificali Romano auctoritate Clementis Papæ VIII. restituto legitur expressa tit. *de Consecrat. altaris portatilis*; De cuius usu legitimo Canonistæ & Summistæ differunt, quos Sacerdoti officij sui studioso operæpretium fuerit consulere: quamuis quæ hîc obiter ea de re diximus, nonnullo ei subsidio esse possint, si attentè ab ipso considerentur.

## CAPVT IX.

*De legitimo sacrificij Missæ celebrandi tempore.*

SACRA Tridentina Synodus sess. 22. speciali decreto præscribens, quæ obseruanda & euitanda sunt in celebratione Missæ, hæc de circumstantia temporis specialiter ordinauit: *Postremò ne superstitioni locus aliquis detur, edicto & pænis propositis (Ordinarij) caueant ne Sacerdotes aliis quàm debitis horis celebrent.* At hoc mirum cuiuspiam fortè videbitur, cum de horis tantum legem ferat Concilium, cur de diebus tacuerit? Inquirendum hîc igitur est imprimis,

## ARTICVLVS I.

*Vtrum omni die liceat Sacerdotibus, diuinum Missæ sacrificium celebrare?*

APOSTOLVS sanctissimi huius Mysterij institutionem, prout eam acceperat à Domino, referens, semper quamdiu mundus



durabit fas esse ipsum venerabile sacrificium celebrare, satis euidenter docuit, his verbis: *Quotiescunque* (ait 1. Cor. 11.) *hoc facietis, mortem Domini annuntiabitis donec veniat.* Quæ causa est cur incruentâ noui Testamenti oblatio, iuge sacrificium à Daniele (c. 8. & 11. & 12.) appellatur; quod auferet quoad vsum publicum Antichristus: *A tempore* (inquit) *cum ablatum fuerit iuge sacrificium*; Syrus interpres habet, *A tempore quo transibit oblatio*, sed Græca versio habet *ἐν ἀλειχσμοῖς*, id est *continuitas*, siue continuus Dei cultus qui est Eucharistiæ iuge sacrificium, vt intelligunt S. Irenæus lib. 3. contra hæreses, Hippolytus Tract. de consummatione sæculi, S. Hieronymus in hunc locum, Theodoretus ibidem, & Primasius in c. 11. Apoc. Et rectè quidem. hoc enim est Dei cultus summus & perennis, sacrificiûmque indeficiens: nam Missa quotidie in Ecclesia toto orbe celebratur, sicut olim quotidie offerebatur iuge sacrificium agni, Exod. 12. qui Christi agni immaculati in Missæ sacrificio per singulos dies incruenter immolati, typus erat. De iugi ideo, quotidianæque sacrificij Christi in Missa celebratione, hic can. 2. Cabilonensis Concilij, n. 39. in sacri iuris codicem relatus est, De consec. dist. 2. n. 72. *Visum præterea nobis est, vt in omnibus Missarum solennibus, pro defunctorum spiritibus loco competenti Dominus deprecetur; sicut enim nulla dies excipitur, qua non pro uiuentibus & pro quibuslibet necessitatibus Dominus deprecetur, ita nimirum nulla dies excipi debet, quin pro animabus fidelium preces Domino in Missarum solennibus fundantur, &c.*

## ARTICVLVS II.

*An sint aliqui dies, quibus vetitum sit lege aliqua, diuina vel Ecclesiastica, offerre incruentum Missæ sacrificium?*

**D**IVINA lex prohibitiua nulla prorsus suppetit, qua id vetitum ostendi queat. De Ecclesiastica disquirendum. Inter Canonistas rituûmque sacrorum tractatores, conuenit, omnibus anni diebus, paucis admodum exceptis, hoc licere: etenim de tribus tantum diebus vertitur inter eos controuersia; scilicet de Feria 5. in Cæna Domini; Feria 6. in Parasceue, & Sabbato sancto in vigilia Paschæ.

## §. I.

*De Feria V. in Cæna Domini.*

**S**ANCTI Francisci fertur epistola ad omnes fratres suos, in qua iubet, etiamsi in suis Monasteriis plures Sacerdotes adsint, *vnâ nam celebrari Missam, adeo vt vnus sit qui celebret, cæteri communicent.* Hanc epistolam Eckius in Enchiridio, vt S. Francisci genuinam, ait non agnosci, ab eius ordinis professoribus, nec à se tamen reici: loqui

Qqq iij

enim auctorem, non de quolibet die, sed de Feria v. in cœna Domini tantum. in qua scilicet Ecclesiæ Catholicæ vetus est consuetudo, ut in vnaquaque Ecclesia, Missa solennis, à solo qui præest Sacerdote, celebretur, reliquis Sacerdotibus si in ea plures sunt, sola communione vel assistentia (ut aiunt) contentis. Elicitur priscus ille mos ex ordine Romano, ante annos fermè 800. edito, vbi sub titulo de Cœna Domini hæc habentur: *Fractis autem oblatis, communicent Presbyteri primò, postea Diaconi, & ceteri omnes, & ita perficiatur Missa.* Antea florebat Alcuinus, qui in libro quem conscripsit *de diuinis officiis*, ex veteri Ecclesiæ politia, cap. de Cœna Domini, expressè scribit: *Dum cantatur Antiphona ad Communionem, interim Clerum & omnem populum communicare.* Cui consonat liber Sacramentorum sancti Gregorij, vbi expleta Christomatis consecratione, peractisque mysteriis, hæc rubrica subiungitur: *Pontifex vadit ante altare, & communicat omnis populus in ordine suo.* Et verò hac die, qua Christus Eucharistiæ sacrificium instituit, solus ipse sacrificauit, cæteri omnes qui ei in mensa assidebant (quauis tunc fuerint ab eo Sacerdotes ordinati) ipso porrigente diuinum munus susceperunt. Ob reuerentiam igitur Christi solius hac die celebrantis, & suis manibus discipulos communicantis, conueniens esse nemo pius & prudens negauerit, ut ipsa die, qualibet in Ecclesia, vnica Liturgia celebretur ab vno, eoque primario Sacerdote, reliquis discipulorum instar assistentibus & summa modestia & humilitate de eius manibus suscipientibus corporis & sanguinis agni immaculati (qui pascha nostrum immolatus est) Sacramenta veneranda. Cæterum & huic fauet consilio id quod Marcus Francolinus in libro de horis canonicis c. 30. n. 4. narrat suo tempore accidisse: scilicet Cardinalem Sauellium Pontificis Vicarium in Vrbe, quibusdam Sacerdotibus sacrificare volentibus in die Cœnæ Domini, prohibuisse ne ea die sacrificarent. Porro Parisiis contrarium morem vsurpari conspiciamus, & passim in Gallia, dicunt etiam in Hispania. At an procedat de facto, vel de iure, ipsi viderint qui faciunt. Excusari tamen censeo, ex tolerantia Episcopi, qui videt nec prohibet. Vasquez fatetur congruentius esse, ut eo die reliqui omnes Sacerdotes præter Præpositum (aut qui eius legitime impediti, vices gerit) à celebratione abstineant, & ad imitationem Apostolorum de manu illius, tanquam de manu Christi, Eucharistiam accipiant. Addit & monitum optimum (vbi vsus præualet, nimirum ut Sacerdotes singuli sacrum faciant feria 5. in Cœna Domini) ea die, solum licere celebrare, antequam Missa solennis finiatur, & corpus Christi in locum designatum recondatur: nam postea mox incipit officium Parasceues cum statim vespere dicantur, & in Parasceue in memoriam mortis & sepulturæ Domini à celebratione sacrificij sit abstinendum. Ita Vasquez Comment. in 3. part. S. Thomæ disp. 232. c. 2. q. 83. art. 2.

## §. II.

*De Feria VI. in Parasceue.*

**N**EMO Clericorum tam rudis est, qui nesciat in Feria 6. maioris hebdomadæ quæ dicitur *sancta Parasceue*, Missas non celebrari, officiūque quod fit in altari sic esse dispositum extraordinario ritu: ut tamen sine consecratione & oblatione, recolatur piissimis cæremoniis, memoria passionis Domini illa die solennis. Nec est quod quispiam existimet morem hunc singularem, esse in Ecclesia à paucis sæculis obseruatum, cum Innocentius I. qui sedere cepit anno Domini 402. in epistola ad Decentium, manifestè testetur, antiqua hoc Ecclesiæ traditione seruari, ut biduo ante Dominicæ Resurrectionis triumphum, scilicet in memoriam mortis & sepulture eius, sacra mysteria non celebrentur. Nam utique constat Apostolos, biduo ipso, & in mœrore fuisse, & propter metum Judæorum se occuluisse. Quod utique non dubium est, in tantum eos ieiunasse biduo memorato, ut traditio Ecclesiæ habeat isto biduo, SACRAMENTA PENITVS NON CELEBRARI. Quæ Innocentij verba seriatim cum antecedentibus quibusdam & subsequentibus recensentur, de *Consecrat.* dist. 2. can. *Sabbato.* n. 13. Verum Amalarius Fortunatus, qui eadem refert ex Decretalibus Innocentij, lib. 1. de Eccles. off. c. 13. paulo longiùs post medium, luculentiùs ea recitat, quàm apud Gratianum extant locò citatò: siquidem rationem reddens ex auctoritate ipsius Innocentij, cur Missa non cantetur in sexta Feria & in septima, hoc est in Parasceue, & in Sabbato sancto: post illa verba, *Vt traditio Ecclesiæ habeat, isto biduo Sacramenta penitus non celebrari*, subiungit hæc continuo nexu, tanquam ipsius Pontificis propria: orationes tantum leguntur, Missæque ob hoc non canitur hodie, quia in hac die Dominus seipsum obtulit, & ipsa oblatio sufficit ad salutem credentium. Hancque clausulam, Melchior Hittorpius, qui Amalarium cum cæteris diuinorum officiorum Tractatoribus edidit, in exemplari M S C. quod secutus est excudendo, intermisit quia ibi non inuenit.

In constanti vsu, vetus hæc traditio perseuerat, quoad feriam illam sextam maioris hebdomadæ, in qua non fit consecratio nec oblatio, sed tantum communio Sacerdotis, ex præsanctificato Sacramento die præcedenti, ut omnibus notum est.

At ob stare videtur quod habet Amalarius libro citato c. 15. se in veteri ordine Romano scriptum inuenisse: *Vt in die Parasceues duo Presbyteri afferant, post salutationem crucis, corpus Domini, quod pridie reseruatum est, & calicem cum vino non consecrato, quod tunc consecretur, & inde communicet populus.* De qua obseruatione, inquit, interrogavi Romanum Archidiaconum, Theodorum hunc nominat lib. de ord. Antiphon. c. 44. Et ille respondit, *In ea statione ubi Apostolicus (hic est Papa) salutat crucem, nemo ibi communicat. Qui iuxta ordinem libelli per commixtionem panis & vini consecrat vinum, non obseruat traditionem Ecclesiæ, de qua dicit Innocentius isto biduo Sacramenta penitus non celebrari.* Hæc Amalarius loco signato.

Verum necesse est illum nactum fuisse exemplar ordinis Romani non exactè descriptum: siquidem in eo qui nunc editus extat tom. 10. Biblioth. SS. PP. hæc verba, *Quòd tunc consecretur &c.* prorsus non extant, sed sic ad verbum legitur: *Post orationem, libera nos quæsumus Domine ab omnibus malis, dicto Amen; Sumit (Pontifex) de sancta, & ponit in calicem nihil dicens. nisi fortè aliquid secretò dicere voluerit, Pax Domini non dicit, quia non sequentur oscula circumstantium; sanctificatur autem vinum non consecratum, per sanctificatum panem.* Quibus verbis non intelligit conuerti vinum in sanguinem Christi, hoc enim non potest fieri sine expressa consecratione, quæ fit verbis Domini: sed aliquo modo sanctificari contactu & commixtione corporis ipsius Domini, vt bene censuit Willelmus Durandus in Rationali diuinorum officiorum c. 75. n. 5. Non autem vnitur vinum istud corpori Christi, quoad veram & realem eius essentiam, sed tantum quoad formam & speciem Sacramentalem: Vnde etsi sub specie panis sit corpus verum & integrum cum toto sanguine, vinum tamen illud cui hostia sancta immiscetur, nec Christi corpus est, nec sanguis est. Quamobrem rectè dici nequit, quòd hac commixtione vinum consecretur: sed tantum aliquid sanctificationis passiuæ excipit, velut linteum seu sindon, qua inuoluit Ioseph Christi corpus de cruce depositum, vt in monumento sepeliretur, nam & calix ipse sepulchri Domini quædam est figura, vt Hildebertus in fine Carminis sui sacri *de Missæ mysteriis*, insinuat.

Verum hæc quæstio superest discutienda: Num Clericis & laicis hoc die communicare liceat? Distinguendum est ante omnia de statu & valetudine personarum. Nam assistentibus siue Clericis, siue Laicis diuinis officiis in Ecclesia, & omnibus aliis qui prospera vtuntur valetudine, illa die non licet diuinam synaxim petere vel recipere, cum sit proprium Sacerdotis diuino fungentis officio, die ipso, sacram communionem sumere, & quidem sub vna specie tantum. Sed qui ita infirmi sunt, vt de vita periclitentur, his licet diuinam hostiam petere & suscipere pro viatico. Planum & perspicuum hoc euadit ex rubrica Missalis Romani, quæ sic habet; *Feria v. in Cæna Domini. Hodie reseruat Sacerdos in loco honesto & conueniente vnâ hostiam consecratam, pro die sequente, in quo non conficitur, vel etiam plures si necesse fuerit pro infirmis.* Licet igitur infirmis, qui nimirum grauiter ægrotant, sanctam communionem impertire. At aliis fas non esse, (non obstante corruptela quadam, cuius extant etiamnum apud Alcuinum & Amalarium, ordinemque veterem præcitatum non obscura vestigia) probare haud difficile fuerit. Quamuis enim dicat Vasquez (loco superius signato §. *Quibus omnibus expensis*) ius aliquod scriptum se non inuenire, quo laica prohibeatur communio in die sancto Parasceues. Ego quidem ius illud satis expressum elicio ex canone sexto Toletani Concilij IV. vbi de Feria 6. passionis Domini hunc in modum statuitur: *Ideoque oportet eodem die, mysterium crucis, quod ipse Dominus cunctis annunciandum voluit prædicari, atque indulgentiam crimi-*

num.



num clara voce omnem populum postulare, ut pœnitentiæ compunctione muniti, venerabilem diem Dominicæ resurrectionis remissis iniquitatibus, suscipere mereamur, corporisque eius & sanguinis Sacramentum, mundi à peccato sumamus: ubi particula oportet, vim habet præcepti: & patet tenore canonis, legem ferri, qua decernitur die illa propter mœstitiâ, & pœnitentiæ gemitus, præcellentisque mysteriorum crucis venerationem singularem: abstinendum esse à communione Eucharistiæ, atque eius susceptionem usque in festum Dominicæ resurrectionis esse differendam: Eadem observatio confirmatur ex can. 8. Concil. itidem Toletani XVI. ubi expressè dicitur, *Excepto passionis Dominicæ die, quando altaria nudata persistunt*, statim scilicet post communionem Sacerdotis, qui solus illa die communicat pro omni Ecclesia. Insuper id expressè probatur ex generali & constantissima Ecclesiæ Catholicæ consuetudine, ubique tandem recepta. Hanc autem, vim præcepti habere, negari nulla ratione potest.

## §. III.

*De Sabbato sancto, in vigilia Paschæ.*

STANTIBVS his quæ nuper præstituimus: mouendam hîc non esse de Sabbato sancto quæstionem, nonnullis nec immeritò videretur. Attamen plana adeo non sunt omnia, sed scrupuli quidam haud spernendi, imò scopuli non minimi supersunt. Vsu enim duo ritus inualuerunt, nimirum ut Missa eaque solennis Sabbato sancto ab Ecclesiæ cuiusque Præposito, vel qui eius gerit vices, celebretur, & quod omnes Sacerdotes pro deuotione sua in quacunque Ecclesia locum habent, Missam dicant priuatam: utique & mos ille etiam quo laici quotquot volunt illa die communicant, canonicæ dispositioni & rectæ rationi suprâ inductæ, ut apparet, repugnat. Quoad communionem laicam, nihilominus iam licitam fuisse tempore S. Gregorij, eius ex libro Sacramentorum elici potest, in quo sub titulo huius Sabbati legitur, *Infantes adultosque qui hoc manè regenerati sunt, communionem sacra statim rescindendos esse*. Cui ritui oratio quæ dicenda signatur post communionem Missæ, euidenter adstipulatur, sic enim habet, *Presta quæsumus omnipotens Deus, ut diuino munere satiati, & sacris Mysterijs innouemur, & moribus; Per Dominum &c.* quæ verba non propria sunt Pontificis & Sacerdotis, sed iis qui nuper renati sunt pariter communia. Postcommunio quæ hodie in usu est huic antiquæ ad amussim concordat, est enim huius formulæ, *Spiritum nobis Domine tuæ charitatis infunde, ut quos Sacramentis paschalibus satiaisti, tua facias pietate concordare. Per Dominum &c.* Ipsa autem oratio quæ hodie est in usu, ipso Sabbato sancto sicut in die Paschæ, haud nupera censenda est: nam extat ipso Sabbato sancto in Codice Sacramentali Ratoldi Abbatidis Corbeiensis, qui obiit anno 986. suumque Sacramentale ex antiquis collegit monumentis: illic enim ipso sacro die vigiliæ Paschæ, postquam Episcopus diuinam sumpsit synaxim, interim dum com-

municat populus, inchoat Cantor, *Alleluia*, Psal. *Laudate Dominum omnes gentes*. Antiphon. *Vespere autem Sabbati*. Posthæc surgit Episcopus, pergensque ad altare dicit, *Spiritum nobis Domine tuæ charitatis infunde, ut quos Sacramentis Paschalibus satiaasti, &c.* Postea dicit Diaconus, *Ite Missa est*. Sic iam tunc, & antè fieri solebat ritu Gallico, qui tandem passim in Ecclesia inoleuit, etiamnumque perdurat. De Communionem igitur laica Sabbati sancti, quæstio iam non debet moueri.

At de Missa est inter doctos non leuis disceptatio; Canon enim Innocentij I. suprâ citatus, & in codicem iuris relatus, disertè dicit: Traditione Ecclesiastica Sacramentorum celebrationem biduo mortis & sepulturæ Domini penitus prohiberi. Non celebrari autem Sacramenta, idem est ac non consecrari; ubi autem cessat consecratio, sacrificium deficere necesse est. Non igitur ritè & canonicè potest Missa celebrari die Sabbato in vigilia Paschæ, sicut nec feria 6. in Parasceue, inferet quispiam ex præmissis principiis. At facilè potest hæc conciliari controuersia, dummodò distinctio adhibeatur, inter Missam propriam de die huius Sabbati, & Missam specialem de vigilia Paschæ. Nulla est enim propria Missa in die Sabbati sancti, quamobrem vsurpari non potest, at specialis semper fuit Missa in vigilia Paschæ, quæ ut in vigilia Natalis Domini (Pascha autem, secundum Domini Natalem, Gaudentius eleganter appellat) media nocte apud Patres celebrari consueuerat: vnde Collecta solennis, *Deus qui hanc sacratissimam noctem, gloria Dominica Resurrectionis illustras, &c.* At superioribus aliquot sæculis vsus inualuit, ut nocturna synaxis vigiliæ resurrectionis Domini anticiparetur; quia enim ieiunium desiit protrahi ad occasum solis, canonésque vetant antiqui, ieiunium solui ante vesperam; ritè autem celebrari vespertinum officium nequit, nisi post peracta altaris mysteria: ideo Missa solennis vigiliæ resurrectionis Domini, de nocte Sabbati sancti, ad ipsam diem tracta est, adeo ut cum abbreviato vespertino officio, quod sacræ Liturgiæ facit clausulam, ante meridiem celebretur; vel saltem in ipsa meridie terminetur. Nec vetus obstat Canonica dispositio, quia contraria consuetudine abrogata est, iam passim in Ecclesia recepta & obseruata. Sed iterum hic venit adhibenda distinctio, inter Missam solennem, & Missam priuatam: Nam Missa solennis propter prædictas rationes & diei celebritatem, licitè potest, imò debet ab Ecclesiæ Præpositis (propria in cuiusque Ecclesia) celebrari; at priuata Missa à simplici Sacerdote dici non debet antiqui ex iuris præscripto, quia cessant eius respectu rationes, quæ Missæ solennis sunt propriæ. Vnde Sabbato sancto pro vigilia ponitur tantum Missa solennis, cuius officium à benedictione Cerei Paschalis, Prophetiarum lectione, & benedictione fontium, sine alio vllò introitu inchoatur, & breuì vespertina synaxis absoluitur; quæ omnia in priuata Missa expleri non possunt. Quamobrem Missa propria, quæ priuatim extra summum altare & publicum populi conuentum, à quocumque Sacerdote dici possit, illa die in

Missali non assignatur. Secus est in Vigilia Pentecostes, ubi extra publicum sacrum (quod cum prophetiarum lectione & benedictione fontium, ut in Sabbato sancto, celebrari consuevit) Missa ponitur seorsim, quæ à quolibet Sacerdote dici queat, etiam proprio ad hoc officium assignato introitu. Cæterum nihilominus plerisque locis, ex Episcoporum nescio qua tolerantia, iam iam usus inualuit ut etiam die Sabbati sancti Missa priuatim à singulis Sacerdotibus, præter Missam solennem in una eademque Ecclesia celebretur, at ex mera indulgentiâ tantum: quamobrem qui ea utitur non peccat, quamvis melius facit, qui non utitur.

## ARTICVLVS III.

*De hora Canonicè præscripta, ad ritè celebrandum venerabile Missæ sacrificium.*

**I**N Missali Romano Rubrica extat singularis de hora celebrandi Missam, in qua statuitur, ut post auroram quacumque hora diei (nempe usque ad meridiem) priuatæ Missæ celebrari possint. *In sacrificio Missæ* (ait rubrica) *offertur Christus qui est candor lucis æternæ, & qui de seipso ait, Ioan. 9. Me oportet operari opera eius qui misit me, donec dies est, sitque hoc sacrificium legis gratiæ: idcirco die dumtaxat celebrandum est, scilicet ordinariè ab aurora usque ad meridiem.* Et hæc Rubrica passim est in praxi, quamvis ipsa regula certis occasionibus relaxari soleat; causa enim communicandi ægrotum grauitè laborantem, legitima est, ad hoc ut Missa priuata anticipetur, accedente præsertim Episcopi, si præsens sit, aut superioris loci licentia: sin autem absque eiusmodi licentia, celebrari posse Nauarrus existimat. Antoninus verò, Paludanus & Gabriel, aliique hanc licentiam haud necessariam esse censent, sufficere enim aiunt solam necessitatem ægroti. Aliis de causis Episcopi dispensare possunt circa eandem regulam, summusque Pontifex de facto dispensauit cum quibusdam regularibus, ut ante auroram una hora & dimidia, vel circiter, priuatim possint Missam celebrare; quin & usus inoleuit in Germania, & Gallia præsertim, ut hyemali tempore circa horam sextam à media nocte (qua hora nondum aurora ut plurimum incipit) Missa priuata celebretur, in gratiam famulorum & operariorum qui vix horis possent aliis sacro interesse. At quæstio hinc insurgit, si quemadmodum hora Missæ licitè anticipatur aliquando ante auroram, sic post meridiem, quæ ordinaria est clausula temporis sacrificij, fas sit aliquando celebrationem Missæ protelare? Nauarrus in Summa c. 25. n. 85. in hac est sententia singularis, quòd scilicet opinetur fas esse cuilibet Sacerdoti Missam celebrare toto die usque ad horam nonam diei, quæ tertia est post meridiem, modò ante ipsam horam nonam inchoetur, & dummodo hoc sine scandalo fiat.

Et verò si de antiqua Ecclesiæ politia sermo sit, facilius potest hæc Nauarræ opinio defendi, quàm mos ille nouus (secluso priuale-

gio, dispensatione, aut consuetudine legitimè approbata) celebrandi nocte ante auroram. Rigida enim admodum fuit olim Ecclesiæ politia, ut nocte sacrum celebrare non liceret. Celebre est Decretum Telesphori Papæ & Martyris de Liturgia in nocte Natalis Domini solenniter celebranda. Sic porro refertur de Consec. dist. 1. c. 48. *Noctē sancta Natiuitatis Domini Saluatoris Missas celebrent Presbyteri, & hymnum Angelicum in illis solenniter decantent, quoniam & eadem nocte ab Angelo pastoribus nunciatus est &c.* Reliquis verò temporibus Missarum celebrationes ante horam diei tertiam minimè sunt celebrandæ, quia & eadem hora Dominus crucifixus est, & super Apostolos Spiritus sanctus descendisse legitur. Walfridus Strabo lib. de rebus Eccles. c. 21. luculentius hoc decretum recitat, *Hic (inquit) statuit Pontifex, ut in die Natali tres Missæ celebrarentur.* Excipit hic Vasquez, hoc in decreto Telesphori non haberi: Et reuera expressè non habetur, at habetur implicite, sicut enim refertur sanxisse Telesphorus ab Anastasio in lib. Pontificali; *Hic, inquit, constituit, ut natali Domini Missæ nocte celebrarentur:* Et Abbo Floriacensis in Epitome de vitis Pontificum, *Ut in natali Domini Missæ per noctem celebrarentur.* Quo plurali numero satis datur intelligi Telesphorum indulsisse, non solum ut vna Missa, sed diuersæ in ea sacratissima nocte celebrarentur, scilicet prima in ipsa media nocte: (quam ideo singulari numero Luitprandus Ticinensis in opusculo de vitis eorundem Pontificum n. 9. designat) Secunda in aurora vel circiter auroram: Tertia verò in ipso die sancto Natiuitatis Domini hora legitima & consuetra. Hinc S. Gregorius hom. de ipsa Christi Natiuitate, quæ 8<sup>a</sup>. est in Euangelia, *Quia (inquit) largiente Domino Missarum solennia hodie ter celebraturi sumus, loqui diu de Euangelica lectione non possumus.* Platina hoc institutum disertè Telesphoro Papæ tribuit: quin & Funccius quamuis ex segregibus, id perspicuè fatetur lib. 5. Comment. in suam Chronolog. sub ann. 122. In decretis eiusdem Telesphori decreto 2. *Tres Missas in die Natalis Christi manè celebrandas sanxit.* ubi per mane intelligit, à media nocte ad meridiem. Ecclesia subinde hoc priuilegium festi Natalis Domini ad festum triumphale eius resurrectionis extendit, sicut quidam ex Canone, quod à Patribus, dist. 75. n. 4. ex epistola non 79. ut notatur, sed 81. \* eliciunt. Sed præter has duas sanctissimas noctes, altaris mysteria aliis peragere canonica fuit pridem disciplina stricta interdictione prohibitum. Vnde Telesphorus Pontifex signatim suum Decretum sic concludit: *Reliquis verò temporibus Missarum celebrationes, ante horam tertiam minimè sunt celebrandæ.* Anastasius hanc clausulam ita reddit, *Cum omni tempore ante horam tertiam cursum, nullus præsumeret Missam celebrare; qua hora Dominus noster ascendit crucem.* Luitprandus paulò aliter hanc refert sanctionem: Reliquis autem temporibus, ante horam diei tertiam, celebrari prohibuit ex ritu scilicet qui iam antè vigeat: Nam ut refert Anastasius, ante Telesphori indultum pro Natalis Domini nocturna synaxi, nullus ante horam tertiam celebrare præsumebat.

\* Leonis magni ad Dioscor. c. 1. Vide can. Solent eadem dist. & Valfridum Str. de Eccles. off. c. 23.

Sunt qui opinentur Decretum Telesphori Papæ, de Missis dum-



taxat solennibus, non autem de priuatis intelligendum esse. Rectius Vasquez, disp. & q. suprà designatis c. 3. §. *Obiiciet quis, Ego verò* (inquit) *puto de omnibus intelligi*. Sed à rigore huius canonis, contraria eaque satis iam inueterata consuetudine, nonnihil est discessum, quod spectat ad Missas priuatas. Nam Amalarius Fortunatus lib. 3. c. 42. *Vidi* (inquit) *Leonem Apostolicum* (IV. Pontifex huius nominis erat) *diluculo intrare ad Missam, nescio utrum causa necessitatis intercedente, hoc ageret, an sola potestate*. Mos ille tum nuperus erat, quamobrem vt singularis, etiam in Papa, ab Amalario notabatur. Paulatim hic vsus frequentior esse cœpit, adeo vt Episcopis, vt diluculo, necnon paulò ante lucem celebrare possint, fuit concessum, vt notat Gloss. in cap. fin. de priuilegiis: Imò & aliis Presbyteris, pro communi populi commoditate vel alia iusta de causa permissum est, vt Canonistæ docent, Antonin. 3. p. Tit. 13. cap. 6. §. 4. Angelus & Siluester in voce Missa, Nauarrus lib. de orat. cap. 21. n. 31. & in Enchirid. Confess. cap. 25. num. 85.

At quod post meridiem vsque ad horam nonam, Missæ celebratio sit licita, (vt aduersus Ioannem Andream eiusque sententiam asserit Nauarrus) distinctionem adhibendam esse reor. Nam si iuxta priscam Ecclesiæ disciplinam hæc quæstio discutatur, imprimis fatendum fuerit, tempore ieiuniorum hoc in praxi dudum fuisse, vt hora nona, antequam fas non erat soluere ieiunium, Missa celebraretur: cuius rei vestigium hoc superest, vt in quatuor temporibus & maioribus ieiuniis nona anticipetur, dicaturque ante prandium. Porro antiquitus tempore ieiunij solennis, nona dici ante Missam consueuerat, sicque non meridie fiebat sacrificium, sed ad horam nonam, vt etiam elicitur ex can. *Quando. & Can. Solent*, dist. 1. de consec. Extræque etiam ieiuniorum dies, tempore Amalarij præfati, qui anno 830. Ecclesiæ Treuirensi præsidebat, nonnulli erant Sacerdotes, qui post horam nonam faciebant sacrum. Hi verò (ait loco suprà signato) *qui ante horam tertiam, vel post horam nonam necessario offerunt sacrificium Deo, amore diuino inflammati, vt non prætereant dies sine illorum sacrificio, non hoc agunt quasi petulanter contra instituta Apostolica, sed habent causam seriam qua excusare probabiliter se possint, &c.* Nauarrus qui huiusmodi factum tuetur, iurèque innixum contendit, has tres rationes assignat. Prima est, quia secundum Ioannem, Christus in cruce immolatus, hora nona (quæ incidit in tertiam nostram pomeridianam) expirauit. At incruenta Christi oblatio, cruentæ eius immolationis repræsentatio est: Mystério igitur huic recolendo aptè conuenit vt Missa celebretur ad nonam, sic enim adæquatè mors Christi annuncietur, vt Apostolus commendat. Secunda est, quia nulla est ratio, neque auctoritas, quæ id prohibeat. Tertia, quia olim sic fuit seruatum, maximè tempore ieiuniorum, vt suprà iam insinuatum est. Cæterum has tres rationes haud validas esse censeo. 1. enim nimium probat, quia si solidè reciperetur, neque tertia hora, neque sexta, neque alia quàm nona hora Missæ sacrificium conuenienter posset celebrari, non est certè necesse ad annunciandum in Missa Christi mortem,

ut hæc circumstantia de hora & momento eius expirationis in cruce exactè obseruetur, satis est ut eadem hostia imoletur, at diuerso modo, ut ait Concilium Tridentinum, nempe incruento, dummodo id fiat in commemorationem Christi passionis & mortis, quæ in hoc sacrificio potissimum recolitur. Adde quòd etsi Christus expirauit in cruce hora nona, tamen cruci affixus fuit hora sexta, vel paulò post. Porro hora tertia, lingua Iudæorum crucifixus est, (ut in Psal. 63. obseruat S. Augustinus) dum clamabant ad Pilatum præsidem, *Tolle, tolle, crucifige eum*. Quinimò manè factò in Parasceue Paschæ, Christus iudicio Sacerdotum, reus mortis iudicatus, Pontio Pilato ab iis traditus fuit, ut scribit S. Matth. c. 27. 1. Incepit igitur saltem hoc mane eius passio, ergo mane licebit ipsam commemorare passionem illo sacrificio, quod ad eius repræsentationem & celebrationem ac applicationem fuit ab ipso institutum Christo Domino: Nec enim mortem Domini solùm in perenni sacrificio recolimus, sed totam ipsius passionem. Quamobrem facta hostiæ consecratione, cuiusque ac calicis sacri eleuatione, Sacerdos ait, *Vnde & memores tam beatæ passionis, &c.* Sed etiam hoc in mysterio fit expressa memoria institutionis huius ipsius sacrificij, ideòque Sacerdos mox consecrationem factururus signanter ait, *Qui pridie quàm pateretur, accepit panem &c.* Atqui hoc nocte factum est, ut Apostolus expressè notat. *Quoniam, inquit, Dominus Iesus in quâ nocte tradebatur accepit panem.* Si congruentia igitur temporis necessariò seruanda foret, nocte tantùm esset Missæ sacrificium celebrandum, quod tamen nunquam in Ecclesia locum habuit, ut constat ex superius dictis: habuit siquidem Christus causas speciales, cur nocte hoc sacrificium primùm celebrauerit. Quod etsi quoad rei substantiam faciendum ut fecerat id instituendo præceperit, tamen ad circumstantiam temporis non astringit Apostolos nec Sacerdotes, ut ex eius verbis satis apparet. Ita concidit ducta ex circumstantia temporis Nauarri ratiocinatio. Porro ad secundam eius rationem quod spectat, iam dicere nemo potest, nullam extare rationem & auctoritatem qua prohibeatur Missam celebrare hora nona, seu tertia pomeridiana. Quia quicquid sit de vetustis canonibus aut moribus, certum est Concilium Oecumenicum Tridentinum mandare Episcopis, ut edicto & pænis propositis, caueant *ne Sacerdotes aliis quàm debitis horis Missam celebrent*: At verò Missale Romanum ex decreto ipsius Concilij restitutum, in rubrica, De hora celebrandi Missam, prohibet Missam post meridiem celebrari; Obstat igitur iam publica Ecclesiæ auctoritas, quæ sine ratione esse nequit, imò inagni semper momenti ratio habita est. Nec excipi potest de Missis priuatis hoc intelligendum esse: rectè enim Vasquez asserit communem iam Ecclesiæ vsum habere, ut Missæ omnes tam priuatæ quàm solennes non possint post meridiem inchoari, nisi ex priuilegio, hancque Ecclesiæ consuetudinem quæ legem facit inueteratam esse. Quod & Gabriel fatetur Lect. 14. littera C. vbi postquam sententiam illam attigisset de Missa saltem solenni circa ho-

ram nonam celebranda, candidè ait, huic aduersari generalem & planè oppositam Ecclesiæ consuetudinem. De tertia ratione Nauarri, sufficit respondere Ecclesiam ipsam relaxâsse obtentu humanæ infirmitatis rigidiorẽ ieiuniorum obseruationem. Licere enim iam ex longæuo vsu constat, ieiunium ad meridiem soluere, quod pridem fas non erat: & idcò Missa quæ tempore ieiunij, horâ nonâ celebrari poterat, vel etiam consueuerat, ad meridiem reuocata est, vt etiamnum passim seruatur. Tenax tamen semper Ecclesia sui decori & sacræ antiquitatis obseruatiæ, in pristini ritûs reuerentiam atque memoriam, ieiunij tempore, Missam solennem seriùs celebrare solet, quàm diebus aliis, nam totâ Quadragesimâ Missam non incipit nisi post Nonam (intelligo non horam physicam, sed Canonicam) in Choro decantatam, dictâque Missâ vespertinum officium continuò exoluit, quod explicit circiter meridiem. Extra Quadragesimam verò, Nonam semper in quatuor temporibus & aliis solennibus ieiuniis, ad finem Missæ maioris, circiter meridiem concinit. Vsus Ecclesiæ Parisiensis est, vt in vigiliis etiam quæ fiunt sine ieiunio, Nona dicatur ante prandium. Antiqui igitur moris semper quoddam vestigium perdurat.

Atque hæc breuiter dicta de hora rite celebrandi sacrificij Missæ, sat esse possunt, ad Sacerdotem circa hanc circumstantiam instruendum. Est hîc tamen quod per modum Corollarij ipsum admoneamus, hæc omnia quæ de hora legitima celebrandi diuinam Liturgiam diximus, sic intelligenda esse, dummodo quacumque hora Sacerdos sacrum facit, vel sollemniter, vel priuatim, siue mane, siue meridie, siue etiam ex indulto & priuilegio aliquantulum post meridiem: sit ieiunus; nam si illa die ederit aliquid quantulum idcumque sit, ex Apostolorum instituto & constantissimo more vniuersi orbis Christiani, hoc est traditione & vsu perenni Ecclesiæ Catholicæ, sacrificium offerre, vel etiam communicare prohibetur. Quæ de sacra traditione intemeratè seruanda testimonia ferunt, Tertull. lib. 2. ad uxorem, Sanctus Cyprianus lib. 2. ep. 3. Gregorius Nazianzenus orat. in S. Baptisma: S. August. ep. 118. ad Ianuarium, S. Chrysost. ep. 3. ad Cyriacum. Videnda etiam dist. 1. de Consec. apud Gratian. Decretum Eutichiani Papæ & Martyris apud Burchardum lib. 1. c. 25. & Iuonem part. 2. cap. 45. &c. & Concil. Carthag. III. c. 29. Africanum c. 8. Matiscon. II. c. 6. Bracarense II. 10. Tolet. VII. c. 2.



## CAPVT X. ET VLTIMVM.

*De Sacerdotali debito offerendi : Seu de obligatione singulorum  
Presbyterorum, Missa celebrandi sacrificium, ex  
officio Ordinis.*

## ARTICVLVS I.

*Quo discutitur questio scitu non indigna, num Presbyter, sit Sacerdos?*



NOVATORES, qui visibile sacrificium in religione Christiana non admittunt, tametsi Presbyteros noui Testamenti ministros esse legitimos abnuere non audeant : quorum nomen, munus, & auctoritas passim in Apostolorum scriptis commemorantur : illos tamen iure vlllo Sacerdotes dici posse, si proprio sensu expendatur Sacerdotis vocabulum, prorsus inficiantur. Ethnicorum hinc neque vsum, neque scita aiunt, recipimus, à quibus prorsus oportet cultores Christiani nominis abhorreere : sed diuina oracula consulenda sunt, in quibus nomen & officium Sacerdotis verè, proprièque legimus traditum ac expressum. Sanè in veteri Testamento septem erant munera Sacerdotum qui sub Pontifice, seu summo Sacerdote, tabernaculo deseruiebant; ipsorum enim officium erat 1. olea conseruare, quorum nonnulla pro lucernis Sanctuarij, alia pro vñctionibus sacris vsui erant. Num. 4. Secundò vasorum, quorum in sacris vsus erat, curam gerere\*. Tertiò, quotidie vnà cum Sacerdote magno incensum offerre super altare thymiamatis, & absque Pontifice etiam super altare holocaustorum thus adolere. Num. 4. & 1. Paralip. 6. & 26. Quartò, pelles victimarum detrahere, quæ in holocaustum offerebantur. Quintò, sacrificia facere quæ pro singulis festis in lege erant præscripta. Exod. 29. Leuit. c. 9. Num. 28. Sextò, si quando pro populo vel priuatis personis præter consuetum ordinem offerendum esset, sacrificium id offerre. Leuit. 17. 2. Paralip 29. Septimò, quotidiana offerre sacrificia. Num. 4. Quò spectans Apostolus, Heb. 10. 11. ait : *Et omnis quidem Sacerdos præsto est quotidie ministrans, & easdem sæpe offerens hostias.* Sed iuge sacrificium quod singulis diebus offerebatur, Sabbato duplum fiebat, Num. 28. præceperat enim Deus Exod. 29. & Num. 28. singulis diebus duos agnos in holocaustum offerri, vnum mane, alterum vespere, quod idcirco iuge sacrificium est appellatum. Erat autem hoc insignius : nam & vespertini agni concrematio tota nocte perdurabat Leuit. 6. Ex quibus perspicuum est præcipuum munus Sacerdotis, ipsum fuisse sacrificium, vnde & accipit nomen : Nam is est Sacerdos, qui Deo dicatus est ad sacrificia facienda, *Ex hominibus assumptus* (ait Apostolus) *pro omnibus constituitur in iis, quæ ad Deum sunt, ut offerat dona, & sacrificia pro peccatis.* Heb. 5. 1.

\* *ibid.*

*Vide Philone. lib. de Victimis.*

Hæc



Hæc verò septem antiquæ legis Sacerdotum munera, Presbyteris neque ex officio competunt : neque iis in nouo Testamento tribuuntur. Si enim loci omnes spectentur in quibus Presbyterorum fit mentio in legis gratiæ Codice, illos fuisse institutos ad docendum & regendum populum Dei, prorsus est manifestum, vt videre est Act. 14. 23. 15. 2. 1. Timoth. 5. 17. Tit. 1. 5. Iacob. 5. 14. De officiis porrò Leuiticorum Sacerdotum, ne vllum quidem extat verbum in toto nouo Testamento : quoniam hæc ad vmbra & figuras Mosaicæ legis, quæ fulgente Euangelij sole euauerunt, vel ad ritus & cæremonias quas Christus suppressit, constat pertinere. Cæterùm cùm prisca legis Sacerdotum præcipuum munus esset, sacrificia & oblationes indefinenter offerre, nihil minus quàm id officium fuisse in iunctum Presbyteris ex signatis locis satis superque liquet. Quin addunt Nouatores dogma esse Apostolicum *non superesse hostiam pro peccato*, postquàm Christus generis humani Redemptor & solus Pontifex secundùm ordinem Melchisedech, semetipsum pro reconciliatione mundi æterno Patri in ara crucis obtulit : *Hæc enim oblatione* Heb. 10. 14. 9. (ait Apostolus) *consummauit in æternum sanctificatos* : Nec sæpè offert<sup>13.</sup> semetipsum, quia *per proprium sanguinem semel introiuit in Sancta, æterna redemptione inuenta.*

Sic passim Nouatores argutantur, summoperè contendentes, noui & æterni Testamenti iuge sacrificium, Euangelicùmque Sacerdotium penitus abolere, sed frustrà. Stat enim æternùmque stabit, fremente licèt vniuersa sectariorum caterua, Testamentum illud quod Christus incruento corporis & sanguinis sui sacrificio obsignauit, inque perenne mortis suæ monumentum, vbique donec veniat celebrandum præcepit, dicens Apostolis, eorùmque successoribus : *hoc facite in meam commemorationem.* Sic (ait S. Irenæus B. Polycarpi auditor lib. 4. aduersus hæres. c. 32. ) *Noui Testamenti nouam docuit oblationem, quam Ecclesia ab Apostolis accipiens offert Deo in vniuerso mundo.* Diuinæ huius theoriæ & Apostolicæ praxis sole clariora sunt toto orbe testimonia atque monimenta, quibus apparet *ab initio vsque ad præsens tempus* ( vt verbis S. Augustini lib. 3. de peccat. merit. & remiss. c. 7. vtamur ) *quo nouitas ista orta est, hoc apud Ecclesiæ fidem tanta constantia custoditum.* Ipsique inimici sunt iudices, quorum antesignanus Lutherus lib. de Capt. Babylon. c. 1. *Missa creditur passim sacrificium* ( inquit ) *quod offertur Deo. Accedunt his dicta sanctorum Patrum, tot exempla, tantusque usus, per orbem constanter obseruatus.* Cuius rei euidentia Calvinum alterum sectariorum ducem, compulit fateri, sanctos Patres ( quos veterum nomine indigitat ) sacrificium in Eucharistia non solùm agnouisse, sed & celebrasse mystica immolationis Christi renouatione, lib. 4. Institut. c. 18. §. 8. Adeo vt Kemnitius eadem veritatis claritate coactus palam agnoscat negari non posse, sanctos Patres tremendam illam mysterij Christiani actionem titulis designasse sacrificij, immolationis, hostiæ, victimæ, adeoque ministros eiusdem Sacerdotes nuncupasse. Exam. p. 782. Vtteriùs progressus Erasmus,

quem ipsi Nouatores non leui in pretio habere solent, sanctos Apostolos Paulum & Barnabam, sacrificatorum officio cum viris Apostolicis qui cum ipsis Antiochiæ erant, perfunctos, ipso ex sacro codice Actuum Apostolorum demonstrat, siquidem ex Act. c. 13. vbi vulgata habet ministrantibus illis Domino, vertit vocem illam, λειτουργοῦντων sacrificantibus, tam ex vi vocis, quàm vsu scripturæ, vbi verbum λειτουργία ponitur absolutè pro ministerio sacrificij, vt patet Luc. 1. Heb. 2. 8. 9. & 10. Vnde Græci sacrificium Eucharistiæ, quod noui Testamenti vnicum ac proprium est, λειτουργία appellat. Longè igitur à veritate abest, nullum ex Scriptura sacra probari posse in Ecclesia esse sacrificium, & ministrorum noui Testamenti, quos Presbyteros esse ex Scripturis constat, & Nouatores inficiatum ire non possunt, offerendi & sacrificandi munus non esse. Ad quid enim haberemus altare, vt docet Apostolus Heb. ult. de quo edere non habent potestatem qui tabernaculo deseruiunt? Siqui Deo ministrant in lege gratiæ Presbyteri, officio conficiendi sacrificij legitimo non perfungerentur: Apostolus ad Heb. 7. ait, translatam fuisse legem cum Sacerdotio, igitur cum sacrificio, quemadmodum præclare Leo Magnus serm. 8. de passione Domini obseruat & ostendit; *Scisso templi velo (inquit) Sancta Sanctorum ab indignis Pontificibus recesserunt, ut figura in veritatem, prophetia in manifestationem & lex in Euangelium verteretur &c. nunc enim carnalium sacrificiorum varietate cessante, omnes differentias hostiarum una corporis, & sanguinis tui (Domine) implet oblatio, quoniam tu es verus agnus Dei, qui tollis peccata mundi, & ita in te vniuersa perficis mysteria, ut sicut vnum est pro omni victima sacrificium, ita vnum de omni gente sit regnum.* Verùm hîc quispiam eodem ex loco S. Leonis, dicam inter ipsos Catholicos forsitan mouebit. Dato enim quòd sit in Ecclesia visibile sacrificium, idque vnicum & singulare, videlicet incruentum illud sacrificium corporis & sanguinis Domini, quod quotidie in Missa sacro-sancto ritu immolatur: itidémque quòd sacrificium istud venerabile, nonnisi per legitimos ministros offerri possit. Tamen ex præfati Pontificis sententia non omnes ministri altaris censerî debent Sacerdotes: sed soli tantùm Episcopi: Sic enim Ecclesiasticos gradus & officia distinguit ibidem S. Leo, *Nunc enim & ordo clarior Leuitarum, & dignitas amplior seniorum, & sacratiores unctio Sacerdotum;* Vbi manifestum est per Leuitas Diaconos, per seniores Presbyteros, per Sacerdotes verò Episcopos propriè designari, proinde Presbyteros à Sacerdotibus distingui, idèoque nec esse, nec dici posse propriè Sacerdotes.

\* Bellar. de Sacram. ord. lib. 1. c. 5. §. 2. *Veteres (inquit) nomine Sacerdotis, absolutè Episcopum intelligebant.*

Et verò si de nomine agitur, non anxie concessero, si vsum primitiuæ Ecclesiæ spectemus, passim nomen Sacerdotis solis Episcopis fuisse pridem attributum \*. Vulgare est quod Sixto Pontifici inclamabat ipso in procinctu martyrij S. Laurentius, *Quò progredieris sine filio pater, quò Sacerdos sancte sine Diacono properas, nunquam sine ministro sacrificium offerre consueueras?* Eundem Sixtum Sacerdotis nomine designat Prudentius in Hymno de ipso S. Laurentio.

*Fore hæc Sacerdos dixerat,  
Iam Sixtus adfixus cruci,  
Laurentium flentem videns,  
Crucis sub ipso stipite.*

Sic idem nuncupat Fructuosum Tarraconensem Episcopum, cum Diaconis suis Augurio & Eulogio fidei agonem incuntem.

*Accisus quia præsidis repente  
Iussu, venerat ad forum Sacerdos  
Leuitis comitantibus duobus.*

Et infra,

*Quosdam de populo videt Sacerdos.*

Sic Rufinus in præfatione super Apologeticum pro Origene, vocat Ioannem Episcopum Hierosolymitanum: *Hæc (inquit) in Hierosolymis in Ecclesia Dei à sancto Sacerdote eius Ioanne prædicantur.* Ita & S. Cyprianus appellat B. Cornelium, non tantum Sacerdotem, sed insuper verum Sacerdotem ep. 67. & 68. *Sacerdotem pacificum & iustum, ipsiusque sedem, Petri locum & Cathedram Sacerdotalem* ep. 51. Qui in epistolis sancti huius Martyris tantisper versatus fuerit, facile animaduertet constanti vsu Sacerdotale nomen & dignitatem ipsum Episcopis adscribere, vix vnquam verò tribuere Presbyteris, quos continuo more Presbyterij titulo simplici commemorat: Diaconis autem passim iungit, quamuis vbique iisdem præponat, at subiungat Episcopis, solida perpetique sacrorum graduum recensione. Idem ep. 79. quæ est ad Pupinianum, se non modò Sacerdotem passim appellat, sed Sacerdotum nomine solos designat Antistites; insignis est in hac epistola locus iste, quo falsam Pupiniani opinionem refellit, argumento ducto ab impossibili aut saltem ab absurdo: *Ecce iam sex annis (si verum est nempe quod obiicis) nec fraternitas haberet Episcopum, nec plebs præpositum, nec Ecclesia gubernatorem, nec Christus Antistitem, nec Deus Sacerdotem.* Quid quod ibidem sic Ecclesiam definit, *Est plebs Sacerdoti adunata, & pastori suo grex adhærens: Vnde scire debet (inquit) Episcopum in Ecclesia esse, & Ecclesiam in Episcopo, & si quis cum Episcopo non sit, in Ecclesia non esse.* Idem verò scribens ad Cornelium, Episcopum esse vnum ac singularem Sacerdotem docet, cui secundum magisteria diuina vniuersa fraternitas obtemperare debet. S. Ambrosius & S. Chrysost. libros insignes scripserunt de Sacerdotio, sed in iis tractant de Episcopis non de Presbyteris, prout patet perlegenti. Idem S. Ambrosius ep. 13. ad Valentinianum Augustum, loquens de electionibus Episcoporum, *Taceo (inquit) quia pater pietatis tue quietem futuram spondit, si electus susciperes Sacerdotium.* Et epist. sequent. ad Marcellinam sororem initio, *Respondi quòd erat ordinis mei, Templum Dei tradi à Sacerdote non posse.* Id est ab Episcopo. Et circa med. *Ad imperatorem palatia pertinent, ad Sacerdotem Ecclesia.* Et infra, *Veteri iure, à Sacerdotibus, donata imperia non usurpata,* quia scilicet reges à Pontificibus vnguntur, consecrantur, ac coronantur. Apud Leonem Magnum, extat Epistola Flauiani Episcopi Con-

Extat post ep.  
S. Leoninam.

\* est ipsa 8.

stantinopolitani ad ipsum Leonem de blasphemii Eutychetis, eiusque excommunicatione, in qua simpliciter illum Presbyteratu deiectum denuntiat, Sacerdotij nulla mentione facta, licet esset Archimandrites, hoc est Præses Regiæ Urbis Ascetarum: Quin ipse S. Leo in 1. sua ad Flavianum ipsum epistola \*, disertè Episcopos Sacerdotes appellat; Eutychetem verò Presbyterali dumtaxat commemorat titulo, cum præmemoratus Presbyter libello proprio sit professus &c. Porro Flavianus in 2. ad ipsum Leonem sic eum affatur, *Fiducialiter age secundum quod Sacerdotio competit.* Cæterum idem Leo scribens ad Theodosium iuniorem, Episcopos omnes seque ipsum Sacerdotali nomine loquentes inducit, *Et hoc (inquit) indefessis precibus diuinam misericordiam posco, ut cordi vestro id quod est veritatis inspiret &c. à me autem atque ab omnibus Catholicis Sacerdotibus, quæ Euangelij pietas defendat. Satis plenè, ac lucidè litteris meis &c. arbitror vos accepisse.* Ipse verò Theodosius cum Valentiniano III. rescribens ad Verum præfectum prætorio, pro debita reuerentia Episcopis & Clericis conseruanda, absolutè Episcopos Sacerdotum insignit honorifico nomine. *Audemus quidem sermonem facere, solito plus timore correpti de sanctis & venerabilibus Sacerdotibus.* Et infra *Quoniam in Sacerdotibus Ecclesia constat.* Marcus Diaconus in vita sancti Porphyrij Episcopi Gazæ apud Metaphrastem, *Illa verò nocte (inquit) accessit beatus Ioannes Gazæ & dixit eis, Parati estote ad exitum, hodie enim accipietis Sacerdotem, virum quem ostendit Dominus.* Cum fuisset autem mane rapientes B. Porphyrium ordinauit eum Episcopum Gazæ. Sidonius epist. 9. lib. 7. ad Perpetuum Turonensem Confessum Sacerdotum, id est Episcoporum, patenter à Presbyterorum ordine secernit. Gregorius Turonensis longè apertius Presbyteratum à Sacerdotio distinguit, libro de gloria Confessor. c. 89. vbi agit de miraculis sancti Marcelli Episcopi Parisiensis; *Ad cuius tumulum (inquit) cum Ragnemodus Presbyter, qui nunc eius municipij habetur Sacerdos, quartano typo laborans, veniens decubasset, totaque die ieiunio & orationi vacasset, facto iam vespere obdormiuit: Expergescens verò post paululum, à somno, incolumis surrexit à tumulto: Fuit is Episcopus Parisiensis XXI. sanctique Germani immediatus successor.*

Plura hinc coaceruare possem alia sacræ antiquitatis testimonia atque monimenta; sed quæ adducta sunt confirmando præfixo lemmati de Sacerdotali nomine passim à Patribus Episcopis adscripto, Presbyteris verò de more recepto non tributo, satis superque esse videntur; *Neque enim (scitè ut ait sanctus Hieronymus in epist. ad Fabiolam de veste Sacerdotali) necesse est ubique dicere omnia.*

Cæterum tametsi præmissa inconcussa subsistant, certum est tamen Presbyteros esse veros & legitimos Sacerdotes, hocque titulo in ipsa primitiua Ecclesia demumque semper potitos, & officio functos, quod ipsis competit, non ex Episcoporum concessione, aut aliqua consuetudine, aut lege Ecclesiastica, sed ex ipsa institutione diuina & ordinis Presbyteralis natiuo & primordiali iure.



Id ut fiat perspectum, præstituendum est hîc S. Augustini pro fundamento Axioma, lib. 20. de Ciuit. Dei c. 10. circa finem, *solos Episcopos & Presbyteros propriè vocari in Ecclesia Sacerdotes*, nimirum quia soli ut verbis S. Hieronymi utamur *sacro ore corpus & sanguinem Domini conficiunt*, & soli offerunt Deo visibile & incruentum, salutiferumque hoc sacrificium. Quam potestatem obtinent ex æquo tam Episcopi quàm Presbyteri; nec enim isti hac in re sunt illis inferiores, aut his illi maiores, potestas enim conficiendæ Eucharistiæ offerendæque Deo & dispensandæ fidelibus, diuersa esse non potest, cum tota & indiuisa à Deo tam Presbytero quàm Episcopo conferatur. Hinc illud sancti ipsius Hieronymi celebre pronunciatum, *Presbyteri in benedictione cum Episcopis consortes ministeriorum sunt; nulla in conficiendo corpore Christi ac sanguine inter eos & Episcopos distantia est, & Eucharistiam iampridem per Presbyteros benedictam, si usus exegerit Episcopi accipere debent, ac se Christo ac plenitudini eius communicare cognoscere: Nam si quis ad iniuriam reuocet aut putet se accipere non debere Eucharistiam quam Presbyter benedixit, is profectò peruersus, est credens Dominum duo corpora habuisse, unum maius & unum minus, maius quod Episcopus conficit, minus verò quod Presbyter. Hic Christum diuidit, eique facit iniuriam. Quantum igitur ad munus sacrificandi, quod propriè est Sacerdotale, pares sunt Presbyteri Episcopis, & nihil magis habet aut potest Episcopus præcisè quoad consecrationem, oblationem, dispensationem Eucharistiæ quàm Presbyter, ut passim Theologi, Ecclesiæ consensum & scripturæ oracula sequentes, vnanimiter docent. Et hinc est quod Episcopatus Presbyteratum includat, *Sine quo est* (inquit Card. Bellarminus) *nomen sine re, & merum figmentum*. Esse enim non potest Episcopus qui non sit Presbyter, & si quis ordinaretur Episcopus, qui Presbyterij non recepisset ordinem, nec Episcopalem consecrationem reciperet, quæ essentialiter requirit Presbyteralem ordinem & supponit illum: summa enim potestas ordinis in consecratione Eucharistiæ consistit; fluitque potestas in corpus mysticum Christi, à summa illa potestate in verum Christi corpus: & quamuis ea potestas in corpus mysticum, in Episcopo magis quàm in Presbytero dilatatur, pendet tamen ab hoc primo principio, sine quo nec dari nec esse potest. Cum dicunt igitur Theologi differre Episcopatum à Presbyteratu, intelligunt differre quidem non genere, nec specie, sed gradu tantum, ut rectè præfatus Cardinalis Bellarminus admonuit in recognitione ad lib. de Sacram. ord. 6. in eodem cap. ubi quod ei incautiùs irrepserrat, sic correxit, *Vbi dixi (inquit) Episcopatum & Presbyteratum esse unum ordinem, sed genere non specie*. Et paulò infrà, *Presbyteros & Episcopos esse duas species Sacerdotum, rectiùs dixissem esse unum ordinem, sed gradus diuersos. Nam tam Episcopus quàm Presbyter, Sacerdos & dicitur & est, sed ille maior, iste minor*. Quare in libro Pontificali, ubi traditur ritus ordinandi Presbyteros, dicuntur *Presbyteri secundi ordinis Sacerdotes*.*

*Lib. de 7. ordinib. Ecclesiæ, ubi de Sacerdotibus.*

Doctrina hæc est verissima, ipsaque ex definitione Episcopi con-

SSC iij

In vet. & non.  
rest. q. 101.

\* Vide auctore  
Comment. in  
epistolas S.  
Pauli apud Am-  
brosium in c. 3.  
prioris ad Ti-  
march.

firmatur: si quis petat à S. Augustino, quid sit Episcopus? hoc responsum accipiet, *Quid est Episcopus, nisi primus Presbyter, hoc est summus Sacerdos* \*? Quo nomine ac honore, dignitatēque prædicantur Episcopi à Patribus, sancto Dionysio de Ecclesiastica Hierarchia, Tertulliano libro de baptismo c. 17. Ambrosio epist. 34. Hieronymo epist. 99. ad Asellam, Gaudentio in tract. ordinationis suæ, Sidonio Apoll. lib. 4. epist. 11. aliisque; Hoc enim ex præstituto axioma manifestè sequitur, Presbyterum esse verè ac propriè Sacerdotem, cum Episcopus non sit Sacerdos, nisi quia est Presbyter: nec possit esse Sacerdos maior, nisi aliquis sit Sacerdos inferior, nec reuerà possit esse Presbyter, secundi gradus Sacerdos, nisi sit ipse verè ac propriè Sacerdos. At verò Presbyterum esse secundi ordinis seu gradus Sacerdotem, theorema est apud Patres, Theologosque constantissimum, adeoque exploratum, ut in ordinatione Presbyteri, id non semel Episcopus profiteatur. Hic tamen notare iuvat Episcopum, magnum vel summum Sacerdotem non ideo nuncupari, quod sit magis Sacerdos quàm Presbyter, sed quod dumtaxat sit maior extensiuè non intensiuè: sicut vir maior est homo quàm puer, non autem magis homo, nam Episcopatus est Presbyteratus perfectus; Presbyteratus verò, Episcopatus est imperfectus; non quod quicquam Presbytero, quoad verum Sacerdotium, desit, sed quod quædam possit Episcopus circa corpus Christi mysticum, non autem circa corpus Christi verum, quæ non potest Presbyter, qui est simplex Sacerdos. Nam Episcopus ordinare potest, Presbyter non potest; Confirmat Episcopus iure suo ut minister ordinarius, Presbyter de mandato dumtaxat Apostolico. insuper Episcopus ordinat Presbyterum, at verò Presbyter Episcopum ordinare non potest. Alia sunt quoque munera quædam, quæ non ex diuina institutione, sed ex Ecclesiæ usu & canonica dispositione Episcopo reseruantur, qui insuper ea iurisdictione pollet, qua caret Presbyter, qui est minor Sacerdos, sed tamen verus Sacerdos, ob ineffabilem & independentem illam potestatem consecrandi, offerendi, & dispensandi corpus & sanguinem Christi: Quo in munere, summa Sacerdotij Christiani sita est vis, & supereminens operatio ac facultas; idcirco SS. Patres Presbyterum passim Sacerdotem verum prædicant & agnoscunt: Hippolytus Martyr in orat. de Antichristo sic Christum inducit Sacerdotes suos alloquentem; *Venite Pontifices & Sacerdotes, qui pretiosum corpus & sanguinem meum quotidie immolastis*. Vbi dum ipsos Sacerdotes à Pontificibus distinguit, Presbyteros expressim Sacerdotes appellat. Quo nomine & Episcopos & Presbyteros Tertullianus solos designat & comprehendit in exhortatione ad castitatem c. 7. *Vbi Ecclesiastici ordinis est confessus & offert & tinguit Sacerdos qui est ibi solus*. Idque eleganter vocat ius Sacerdotis, & honoris, per ordinis confessum sanctificati à Deo, imò *Sacerdotis actionem*. S. Cyprianus plerisque locis Presbyteros appellat Sacerdotes, sic epist. 35. de Numidico ordinato Presbytero, ex merito Dominicæ confessionis, Dei nutu ait

cum ad hunc honorem prouectum, *ut cum clero nostro*, inquit, Dominus adiungeret, & desolatam per lapsum quorundam Presbyterij nostri, copiam gloriosis Sacerdotibus adornaret. Et epist. 40. distinctè post Episcopos Sacerdotes commemorat. Et epist. 66. de Victore, qui Faustinum Presbyterum tutorem suo testamento instituerat: *Non est*, inquit, *quod pro dormitione eius apud vos fiat oblatio &c. nequis Sacerdotes & ministros Dei altari eius & Ecclesie vacantes, ad seculares molestias deuocet.* Clarè hinc enim Faustinum Presbyterum Sacerdotibus annumerat. Apud S. Dionysium frequens est illa nuncupatio toto lib. de Eccles. Hierarch. præsertim c. 1. in fine, ubi Episcopum seu summum Sacerdotem plena diuinæ dispensationis arcana, ut non communicet hortatur, nisi sui similibus, Deiformibus Sacerdotibus, nempe Presbyteris, qui eius sunt consortes, in diuinis muneribus eisdem demandatis. Idem in epist. ad Demophilum ait, Sacerdotes (scilicet Presbyteros) post Antistitem esse diuinorum iudiciorum interpretes. Obiterque sic Hierarchiæ Ecclesiasticæ gradus describit, *Ordo Pontificum*, deinde *distinctio Sacerdotum*, quos deinceps, *ministeriorum subordinatio* sequitur. Sicque eorum definit actus, *ut proprium sit Diaconorum purgare, Sacerdotum illuminare, Episcoporum perficere.* S. Ambrosius lib. 4. de Sacram. c. 4. Presbyterum simul cum Episcopo connectit in ministerio consecrationis corporis Christi, vnoque Sacerdotis nomine vtrumque designat. *Vbi venit, ut conficiatur venerabile Sacramentum, iam non suis sermonibus Sacerdos, sed Christi utitur sermonibus.* Et in orat. præparatoria ad Missam, vtrumque sic inducit deprecantem, *Doce me seruum tuum, indignum quem inter cetera dona tua, ad officium Sacerdotale vocare dignatus es &c. doce me quæso per Spiritum sanctum tuum, tantum tractare mysterium ea reuerentia, & honore quibus oportet & decet.* S. Paulinus vir ille admirabilis & planè Apostolicus, SS. Hieronymo & Augustino amicissimus, mox ac ordinatus fuit Presbyter scripsit ad Amandum Episcopum se inuitum creatum fuisse Sacerdotem. *Placuit* (inquit ep. 23. quæ est ad Amandum 4.) *nunc Domino in vase fictili ponere thesaurum sanctum, qui me vocauit per gratiam suam, suscitans de terra inopem & de stercore erigens pauperem ut collocaret eum cum principibus populi sui, & inter Sacerdotes indueret salutare.* Et infra, *Præuenti igitur à Domino &c. deseruius altario Dei, & mensis salutaribus ministramus, iam nomine officioque seniores; id est Presbyteri.* quoloco, ut euidenter apparet, seniores esse Presbyteros (quemadmodum ipsa ferunt vocabula) & Presbyteros seu seniores, Sacerdotes esse constat: eo maximè nomine quòd Christi altario deseruiunt, in quo ipse Christus ab iis offertur Deo, & populis fidelibus immolatur. S. Hieronymus in Dialogo contra Luciferianos insignibus verbis Presbyteros Sacerdotes esse insinuat, dum sic inducit orthodoxum Luciferiano respondentem, inter med. & finem, *Hilarius cum Diaconus de Ecclesia recesserit, neque Eucharistiam conficere potest, Episcopos, & Presbyteros non habens; neque baptisma sine Eucharistia tradere. Et cum iam homo mortuus sit, cum homine periit pariter & secta &c. Ecclesia enim non est, quæ non habet Sacerdotes, videlicet Episcopum & Presbyteros, quos*

Ep. 290. lib. 2.

Ep. 393.

antè simul designauerat. S. Augustinus cùm plerisque locis, tum maximè loco præsignato de ciuit. Dei, Presbyteros pro veris Sacerdotibus agnoscit, hosque cum Episcopis, solos vero ac legitimo Sacerdotio fungi in Ecclesia docet ac prædicat. Isidorus Pelusiota Presbyter ille doctissimus, qui sub Theodosio Iuniore claruit, aureisque suis epistolis Orientem illustrauit, cùm audiisset Theodosium quendam ordinatum fuisse Presbyterum, breuem quidem, sed elegantem illi epistolam scripsit, qua docet quatenus in Sacerdotio agere debeat, ostenditque oportere Sacerdotem omnigenis virtutibus esse ornatum, & fortem in periculis, pro pietate sese exhibere. Idem ep. 311. lib. 5. in Auëtuario Hieracem Presbyterum breuiter, sed grauitèr admonet, Sacerdoti vitanda esse scandala: ep. 322. eidem indicat, Sacerdotum, quàm laicorum, grauiora esse delicta. Iterum ep. 323. docet Sacerdotem esse ideo constitutum vt non suam modò, sed & subditorum procuret salutem. Idem verò exprobrat Zozimo Presbytero, prauis cum moribus deturpare Sacerdotium, quin nec illud legitimo titulo possidere, quod simonia, nundinationibusque fuerat adeptus. Sidonius lib. 4. ep. 24. de Maximo Palatino, post conuersionem Presbytero creato; Cùm, inquit, *surgeremus, clam percontor astantes quod genus vitæ de tribus arripuisset ordinibus, monachum ageret an Clericum, penitentemue? dixerunt nuper impacto Sacerdotio fungi &c.* Vbi luce meridiana est clarius, Sacerdotium pro Presbyteratu sumi. Idem epist. seq. Ioannem electum Cabilonensem Episcopum, post susceptos obitòsque seriatim Ecclesiasticos gradus, ipsùmque Archidiaconatus munus, diu iam fuisse ait *secundi ordinis Sacerdotem*: quo loquendi more diu antè Optatus Mileuitanus in Africa Episcopus vsus fuerat lib. 1. aduersus Parmenianum, vbi notanter ait, Presbyteros in secundo Sacerdotio constitutos. Gregorius Turonensis lib. 7. hist. Francorum c. 38. Presbyteros, Sacerdotes & Diaconos expressim vocat ministros. Idem lib. 4. c. 6. Auitum Presbyterum, Abbatemque Nivcratensem appellat *magnum sui temporis Sacerdotem*. S. Gregorius, non tam cognomento quàm merito magnus, passim in epistolis cæterisque suis Tractatibus, Presbyteros Sacerdotum nomine cohonestat. Quin in lib. Sacramentor. vbi ordinationem Presbyteri describit, hanc ex veteri praxi Ecclesiæ recitat orationem: *Exaudi nos quasumus Domine Deus noster, & super hunc famulum tuum benedictionem sancti Spiritus, & gratia Sacerdotalis effunde virtutem, vt quem tuæ pietatis aspectibus offerimus consecrandum, perpetua muneris tui largitate prosequaris, per Dominum &c.* Et infrà, dum nouo Presbytero casulam Episcopus imponit sic orat, *Benedictio Patris & Filij & Spiritus sancti descendat super te, vt sis benedictus in ordine Sacerdotali, & offeras placabiles hostias pro peccatis atque offensionibus populi omnipotenti Deo, cui sit honor & gloria in sæcula sæculorum.* Quæ oratio etiamnum in Presbyterorum ordinatione, ab Episcopo recitatur & extat in Pontificali Romano (plurali numero dumtaxat pro singulari adhibito) sub tit. *de ordinatione presbyteri*, in fine.

Verùm



Verum contra hanc inductionem (quam facile esset per ætatum singularum seriem ad hæc usque tempora pertextere) obiici posse videtur non inde sequi quod Presbyter sit verè & propriè Sacerdos, alioquin & Diaconum eodem honore censerì posse, cum & ipse à nonnullis Patrum Sacerdotali titulo decoretur. Optatus lib. 1. contra Parmenianum: *Quid commemorem, inquit, laicos qui tunc in Ecclesia nulla fuerunt dignitate suffulti, quid ministros plurimos, quid Diaconos in tertio, quid Presbyteros in secundo Sacerdotio constitutos, ipsi principes & apices omnium Episcopi?* Vbi patet Presbyterum gradu Sacerdotij tantum antecellere Diacono, quantum Episcopus Presbytero præcellit. S. Leo Beatum Laurentium quem Diaconum fuisse tantum nemo nescit, inter præditos Sacerdotio Ecclesiæ ministros patenter recenset, sermone habito in ipsius sancti Martyris natali: *Cum furor Gentilium potestatum* (inquit) *in electissima quæque Christi membra sauiet, ac præcipue eos qui ordinis erant Sacerdotalis impeteret, in leuitam Laurentium qui non solum Sacramentorum ministerio, sed etiam dispensatione Ecclesiastica substantiæ eminebat, impius persecutor efferbuit.*

Sed dux istæ Patrum illorum sententiæ, Sacerdotium propriè dictum Diacono neutiquam tribuunt. Manifestè enim à S. Leone, ordo Sacerdotalis usurpatur pro statu Ecclesiastico & ordine Clericali; sic epist. 11. ad Iulianum Episcopum Coensem contra errorem Eutychianæ impietatis; vniuersum Clerum sub Sacerdotali nuncupatione designat, quem eo titulo à laicorum promiscua turba distinguit; *Præsertim iam* (inquit) *cum per nostras ad fratrem Flavianum sufficientes litteras miserimus, ad confirmandum animos non solum Sacerdotum, sed etiam laicorum.* Porro Diaconus esse dicitur ab Optato in tertio Sacerdotio, quemadmodum dici posset Subdiaconus in quarto\*. Hic enim potius spectat dignitatem Optatus quàm ordinem strictè sumptum, ut ex loco patet, intendit enim ostendere violatam fuisse ab hæreticis Donatistis in sacris ministris Ecclesiæ maiestatem. Quapropter prætermittis laicos quos tragicè tractauerant, rectè ac decenter commemorat Ecclesiæ gradus præcipuos impiè ac ferociter ab his monstros proculcatos: *Quid commemorem, inquit, laicos, qui tunc in Ecclesia nulla fuerunt dignitate suffulti, quid ministros plurimos, (Ostiarios scilicet, Lectores, Exorcistas, Acolythos, Subdiaconosque) quid Diaconos in tertio, quid Presbyteros in secundo Sacerdotio constitutos; ipsi principes & apices omnium Episcopi?* Ascendendo etenim progreditur; & sicut in primo gradu Ecclesiasticæ dignitatis Episcopos esse constitutos asseuerat, sic Presbyteros in secundo, & Diaconos esse ait in tertio, quia nihil certius quàm Diaconum dignitatis titulo proximè Presbyterum attingere, non quod sit Sacerdos, sed quod primus sit sub Episcopo & Presbytero sacrorum munerum dispensator; baptizare enim potest, prædicare, sacrificanti Episcopo, & Presbytero assistere, ut præcipuus eorum minister, corpus etiam Domini distribuere fidei populo, tametsi consecrare nec offerre possit, unde Sacerdos nec est, nec propriè dici potest, caret enim charactere ipso Sacerdotali, quo

\* Quo loco eū reponit S. Leo ep. 84. c. 4. ubi loquens de virorum sacrorum continentia: *Quod si in ordine, qui quartus à capite est, inquit, dignum est custodiri? quanto magis in primo, aut secundo aut tertio seruandum est?* &c.

potestas tribuitur consignato, super utrumque corpus Christi, verum scilicet & mysticum ad consecrandum & offerendum hostiam & Eucharistiam, peccatâque remittendum.

Refertur de  
Consec. dist. 5.  
c. Non oportet  
&c.

Quæ ratio est cur antiquissimum Concilium Laodicenum c. 41. Presbyterum Sacerdotem purè & simpliciter appellat, Diaconum verò Clericali duntaxat comprehendit nuncupatione, quòd non oporteat Sacerdotem, vel Clericum sine litteris proficisci Canonicis, & apertius can. seq. *Quòd non oporteat Sacerdotem vel Clericum præter iussu- nem sui proficisci Pontificis*; Sicut enim euidenter hîc Pontificis nomi- ne designat Synodus Episcopum, sic titulo Sacerdotis Presbyte- rum, Clerici verò Diaconum & cæteros inferiores Ecclesiæ mini- stros indigitat. Porro sacrum Concilium Nicenum, primum Oe- cumenicum c. 16. Diaconum consecrare Eucharistiam non posse declarat, quia hoc proprium munus est Presbyteri & non Diaconi, Presbyteris enim data est hæc gloria, quamobrem Synodus Diaconum inter Presbyteros sedere districtè prohibet sub pœna excommunicationis & depositionis; mandat verò ipsis Diaconis ut sint memores Episcopo & Presbyteris honorem debitum deferendi, suique esse officij ministrare Episcopo & Presbyteris. *Cum verò Eccle- sia sit plebs Sacerdoti adunata* \*: Gangrense vetustissimum Concilium, quod scilicet sub Siluestro iridem coaluit, nefas esse decernit Dia- conis & cæteris Clericis populum congregare, huicque præesse, sed solum hoc esse munus Episcopi & Presbyteri, *Siquis extra Ecclesiam seorsim conuentus celebrat, & despiciens Ecclesiam ea qua sunt Ecclesiæ volue- rit usurpare, non conueniente Presbytero, iuxta decretum Episcopi, anathema sit*. Prolixior est hic canon in versione Isidori Mercatoris, quæ sic habet, *Siquis extra Ecclesiam &c. non conueniente Presbytero iuxta decre- tum Episcopi, ipsamque Ecclesiam apud se sine consilio Episcopi & sine Presby- tero agat, anathema sit*; Vbi perspicuum est non esse fas Diacono, nec alij inferiori Clerico populum ad sacra congregare, scilicet quoniam hoc ius Sacerdotale est, solis competens Episcopis & Presbyteris, quamquam analogicè, & iure subordinato.

\* Ex dictis S.  
Cypriani.

Dist. 30. c. Siquis  
extra Ecclesiam  
&c.

Sed quid moramur commemorandis sacræ antiquitatis oraculis, cum Carthag. IV. Concilium anno 398. celebratum, clarè ac præcisè can. 4. hanc litem definierit his verbis, *Diaconus cum ordinatur, solus Episcopus qui eum benedicit manum super caput illius ponat, quia non ad Sa- cerdotium sed ad ministerium consecratur*. Quæ lex antiqua ex traditione de- sumpta \*, in vsum continuum, etiamnumque virentem defluxit; Nam in libro Sacramentorum à Gelasio Papa antiquis ex formulis colle- cto, atque à S. Gregorio recognito, disertè habetur in ordinatione Diaconi, *Solum Episcopus qui eum benedicit manus super caput illius ponat*. Qui ritus in priscis libris Pontificalibus passim exprimitur, atque vi- gens huc vsque in viridi Ecclesiæ Catholicæ obseruantia perseuerat. Siquidem in Romano Pontificali Clementis VIII. iussu restituto, hæc rubrica post solennem diuini auxilij inuocationem consigna- tur: *Hic solus Pontifex manum dexteram extendens, ponit super caput cuiusli-*

\* Apostolica  
hæc traditio vi-  
detur, nam tra-  
ditur expressim  
ex hoc fonte, à  
S. Dionysio c. 5.  
lib. de Hier. Ec-  
cles.

bet ordinandi & nullus alius, quia non ad Sacerdotium, sed ad ministerium ordinantur & consecrantur. Verùm in ordinatione Sacerdotum signatim habetur in fine admonitionis Episcopi ad ordinandos, Pontifex &c. imponit simul utramque manum super caput cuiuslibet ordinandi successuè, idèmq; faciunt post eum omnes Sacerdotes qui adsunt, iuxta antiquam Ecclesiæ traditionem: sic in IV. Concilio Carthag. ex usu probato promulgatam: Presbyter cùm ordinatur Episcopo eum benedicente & manum super caput eius tenente, etiam omnes Presbyteri, qui præsentes sunt, manus suas iuxta manum Episcopi super caput illius teneant. Quæ lex in ius sacrum Ecclesiæ verbatim est relata dist. 23. can. Presbyter cùm ordinatur. Vnde liquet Presbyterum non ad simplex ministerium vt Diaconus, sed ad verum Sacerdotium promoueri.

Nec verò obstant huic Catholico axiomati citatæ suprâ sanctorum Patrum auctoritates, quæ tametsi Episcopo nomen Sacerdotis absolutè propter eius gradus Pontificalis excellentiam tribuant, quia est (vt suprâ ait S. Augustinus) *primus Presbyter & summus Sacerdos*, ipsosque ordinat Sacerdotes, nihilominus illi ipsi Patres, Presbyteros etsi minores Episcopis, veros tamen & propriè dictos Sacerdotes agnoscunt & testantur, vt plerisque eorum sententiis fuit suprâ demonstratum. Nec S. Leonis auctoritas, qua Seniores id est Presbyteros à Sacerdotibus distinguere videtur, in aduersum opponi potest, cùm ipse Presbyteros etiam Sacerdotes esse fateatur. Epistola siquidem quinta, quæ scripta est ad Dorum Beneuentanum Antistitem, qui perperam nouellum à se creatum Presbyterum, cæteris ordinatione prioribus prætulera, in sacro confesso: *Quòd si* (inquit S. Leo, facti huius condemnans iniustitiam) *ambientis intentio, aut imperita fauentium studia*, id quod nunquam habuit consuetudo, poscebant, vt incipiens, emeritus, & nouellus præponeretur antiquis: *tua fuerat industria atque doctrina vt iniuste petentium desideria cohiberes, ne quem in Sacerdotali properè promeuebas honore, ad iniuriam eorum quibus sociabatur inciperet.* Vbi manifestè Presbyteratum appellat Sacerdotalem honorem; quæ ratio est cur Renatum Presbyterum fratrem vocat, Hilarium verò Diaconum, filium suum epistola celebri ad Flavianum contra Eutycherem in fine, & ep. 15. ad Episcopos apud Ephesum congregatos; rursumque ep. 23. ad Clerum & plebem Constantinopolitanæ Urbis, in qua Eutyches funestus Presbyter & Abbas suæ virus perfidiæ primùm sparserat, propterea suo ab ordine deiectus: *Nec quisquam sibi audeat* (ait S. Leo) *de Sacerdotali honore blandiri, qui potuerit in execrandi sensus impietate conuinci, &c.*

Porrò Gregorius Turonensis, qui ex usu sui æui locutus Ragnemodum Presbyterum Parisiensem distinguit ab ipso Ragnemodo Parisiensi Sacerdote, propter Episcopatus supra Presbyteratum eminentiam: nihil id nobis prorsus officit, nam Presbyteros passim ipse agnoscit Sacerdotes, videlicet lib. de gloria Confessorum, ubi agit de Maximo Presbytero, discipulo S. Martini c. 22. *Dum*, inquit, *Ararim fluvium transire cuperet naue impleta demergitur, at ipse Sacerdos pe-*

\* sessiones.

lago operitur, habens ad collum cum Euangelio ministerium quotidianum, id est patenulam parvam cum calice: sed pietas diuina non permisit perire quod suum est; ita de hoc periculo Domino iubente restitutus est litori, ut nec vitæ damna perferret, nec rerum detrimenta lugeret. Hæc ibi. Et cap. seq. eiusdem lib. agens de Ioanne Presbytero Confessore, Custodem eius oratorii sic inducit loquentem, *Va mihi, quia peccaui, ut arborem quam talis Sacerdos propria manu plantauit, ego ad diuersas necessitatum utar sessiones* \*, &c. Idem c. 48. de Presbytero Reontij Villæ in Aquitania verba faciens, Sacerdotem illum absolutè inscribit, *Cùmque* ( inquit ) *adueniret Vigilia Paschæ, hic cùm hæreticorum Arrianorum Sacerdotes, paruulos in Ecclesia nostra tangebant, ut negato scilicet Sacerdoti aditu baptizandi, facilius ad hanc sectam populus implicaretur.* Et enarrato miraculo subiungit, *Quod videntes hæretici, & domum suam, Ecclesiam fieri timentes, Presbytero suam Ecclesiam reddiderunt, Catholico utique Presbytero, quem absolutè Sacerdotem antea nuncupauerat.* S. Gregorius Magnus B. Gregorio Turonensi coætaneus erat: hic verò suis in scriptis Presbyterum propriè esse Sacerdotem, propter Missæ sacrificij diuinum munus ab ipso ex vi sui ordinis obeundum, infinitis propè locis insinuat. At inter tot eius testimonia istud est locupletissimum & manifestissimum, quod legitur libro 7. eius Regesti ind. 2. ep. 72. ad Passium Episcopum Firmanum, cui mandat consecrare oratorium S. Sauini Martyris in fundo Vrsiano; *Predictum oratorium* ( inquit ) *absque Missis publicis solenniter consecrabis, ita ut in eodem loco, nec temporibus futuris baptisterium construatur, nec Presbyterum constituas Cardinalem, ( id est parochum ) nihil tale à quolibet alio Sacerdote ullatenus præsumatur; sanctuaria verò suscepta ( id est sacrarum reliquiarum vascula ) sui cum reuerentia collocabis.* Et eodem libro ep. 77. ad Chrysanthum Episcopum Spoletanum, qua præcipit Ecclesiæ Wiuiantiensi Presbyteros ordinari, *Vt hac prouisione* ( inquit ) *populus illic degens, communionem qua se priuatos, ob Sacerdotum necessitatem, flebiliter conqueruntur, se recepisse gaudeant, & in Ecclesiis illis sacra Missarum solennia cessare non debeant.* Monet subinde ipsum Episcopum illuc se cùm opus fuerit conferat, ut infantes consignet, scilicet Confirmationis Sacramento, quod Episcopi proprium munus est. Possem equidem, nisi prolixitas Lectori fastidio foret, innumera hincinde testimonia eiusmodi vndequaue congestum ire: sed quia satis esse videntur quæ notata sunt, lubens ab ampliori indagine supersedeo.

## ARTICVLVS II.

*An Sacerdos quilibet teneatur ex officio, saltem aliquoties in anno, Missa sacrificium celebrare?*

**S**VNT qui contendunt, quemlibet Sacerdotem ad offerendum quotidie diuinum sacrificium obligari: quibus fauere videtur insignis hæc S. Gaudentij sententia Tract. 2. in Exod. Dominus ( inquit ) Discipulis fidelibus mandat, quos primos Ecclesiæ suæ constituit Sacerdotes, ut



indefinenter ista vitæ æternæ mysteria exercerent, quæ necesse est à cunctis Sacerdotibus, per singulas totius orbis Ecclesias celebrari. Nam si cunctis Sacerdotibus hoc Christus præcepit, ut indefinenter sacrificium illud offerrent, certè non aliquot dierum vicibus, sed diebus singulis à cunctis Sacerdotibus tam Episcopis quàm Presbyteris, sacrificium necesse est celebrari, ut Domini adimpleatur mandatum.

At sunt ex aduerso, qui liberam adeo esse Sacerdoti volunt celebrandi sacrificij functionem, ut nullo iure, nec vlla ratione obstringatur, vllò prorsus tempore, sacrificium Missæ offerre: adeo ut possit totâ vitâ sine vlla conscientiæ culpa aut reatu, abstinere ab offerendo venerabili ipso sacrificio.

Alij adhuc è contra, qui non modò fas esse contendunt cuilibet Sacerdoti Missam quotidie celebrare: at ex officio teneri volunt, quacumque die, vbi necessitas occurrerit, hoc sacro officio perfungi.

## §. I.

*Vtrum omnis Sacerdos, ad celebrandum quotidie teneatur?*

QVOD attinet ad primam opinionem, est sanè quod fateamur, exemplis. Sanctorum plurimis, iisque conspicuis niti. Celebris est S. Andreæ Apostoli hæc ad Proconsulem, qui eum ad nefanda sacrificia sub diræ necis interminatione compellebat, responsio; *Ego omnipotenti Deo qui vnus & verus est, immolo quotidie, non taurorum carnes, nec hircorum sanguinem, sed immaculatum agnum in altari, cuius carnem posteaquàm omnis populus credentium manducauerit, agnusque sanctificatus est, integer perseuerat & viuus.* Sic fecit S. Petrus ipsius S. Andreæ germanus, ut auctor est Simeon vetus auctor Græcus apud Turrianum. Quem morem ab ipso S. Petro, S. Potentianus missus Roma in Galliam euangelizandi causa perdidit, & religiosè seruauit, quemadmodum coram iudice Seuero testificatus est dicens, *Nos Deum in cælis habemus, cui quotidie offerimus sacrificium laudis.* Sic & Carpus ille Apostolorum assecla sanctissimus, qui diebus singulis sacrificium celebrans, verba consecrationis numquam proferre consueuerat, nisi priùs sacra visio apparuisset, ut S. Dionysius commemorat ep. i. ad Demophilum. Et Sanctus ipse Dionysius adeo frequenter diuinam synaxim offerre consueuerat, ut nec in carcere quidem, ab incruento ipso sacrificio celebrando abstineret. S. Cyprianus eundem morem seruauit: ep. 54. hoc ex ritu sic monet Sacerdotes, *Vt Sacerdotes qui quotidie sacrificium Dei celebramus, hostias Deo & victimas præparemus.* S. Cassius Episcopus Narnicensis (teste in Dialogis \* S. Gregorio) quotidie sacrificabat, cui per visionem diuinitus dictum est, *Age quod agis, operare quod operaris.* S. Ambrosius singulis itidem diebus semper celebrabat, non præproperè, sed summa diligentia adhibita, magnâque cum animi præparatione, & præmeditatione sanctissimi Mysterij: sicuti luculenta illa oratio præparatoria ad Missam per singulos hebdomadæ dies di-

*Dogm. charact. lib. 3.*

*Acta S. Potentiani. apud Guilel. Brugensem.*

*In vita S. Dionysij apud Hil. duinum.*

*\* Lib. 3. c. 6. & lib. 4. c. 36. ac homil. 37. in Euang.*

*Vide Martyr.  
Gall. Kal. Iulij.*

*Idem Martyr.  
prid. Non. Iulij.*

*In ep. ad Tit. c.  
1.*

*Lib. 18.*

gesta, perenni est monimento. S. Carilefus Presbyter qui sub Clodo-  
uæi Magni filiis Confessor insignis emicuit, vbi in solitudine sedem  
fixisset cum germano suo Daumero, & Gallo eiusdem voti con-  
sorte, in ædícula prope tuguriolum suum erecta, tremendi sacrificij  
quotidianum diuinæ Maiestati cultum, cum officiorum Ecclesiasti-  
corum penso, piissimè persoluebat. S. Goar Sacerdos & Eremita,  
qui in diocesi Treuirensi, ingenti gloria sanctitatis affulsit, hanc  
consuetudinem habebat, vt omni die Missarum tremenda mysteria  
celebrans, sacrificium corporis Christi pro vniuerso Ecclesiæ statu  
offerret, insuper & psalterium ex integro intentè orando comple-  
ret. S. Thomas Archiepiscopus Cantuariensis, & tandem inclytus  
Martyr, singulis diebus celebrabat ad galli cantum, diuque post sa-  
crum peractum in oratione perseuerabat. Sic & S. Ludouicus Epi-  
scopus Tolosanus. Et ex recentis memoriæ Sanctis, B. Carolus Bor-  
romæus Missæ sacrum facere quotidie nunquam omisit, nisi morbi  
necessitate, eaque nonnisi graui, à cœlesti hoc officio supersedere  
cogeretur, aliósque ( quotquot persuadere poterat ) & verbo, & e-  
xemplo, ad eandem consuetudinem excitabat. S. Hieronymi celebris  
est super Apostolum sententia, Episcopos pro suis populique pecca-  
tis hostiam salutarem debere immolare: *Si Laïcis* ( inquit ) *imperatur*  
*vt propter orationem abstineant se ab vxorum amplexu, quid de Episcopo*  
*sentiendum sit, qui quotidie pro suis populique peccatis, illibatas Deo oblaturus*  
*est victimas?* Nec sic solùm de Episcopo censuit, at etiam de Sacer-  
dotibus quibusque. Vnde ait lib. 1. aduersus Iouinianum, *Si Laïcus,*  
*quicumque fidelis orare non potest, ( iuxta consilium Apostoli ) nisi ca-*  
*reat officio coniugali: Sacerdoti cui semper pro populo offerenda sunt sacrificia,*  
*semper orandum est: si semper orandum est, ergo semper cendum matrimonio.*  
Idem lib. 2. in Isaiam c. 5. *Quotidie, inquit, cœlesti pane saturati, dicimus*  
*( populo utique ) fidei, gustate & videte, quàm suauis est Dominus.* Et in  
Ezechiel. c. 45. *Offerat semper Deo sacrificium, vt verus Sacerdos sit.* Et q.  
2. ad Hedibiam, *Quotidie in sacrificiis, illius bibimus sanguinem.* Hæc om-  
nia vera sunt, sed tamen primam illam sententiam non fulciunt,  
quia exempla non sunt leges, nec consilia sunt præcepta. Fatendum est  
vtique morem hunc esse Deo longè acceptissimum, si Sacerdos quo-  
tidie incruentum illud, & summum, ac singulare sacrificium omni-  
bus quibus potest titulis offerat supremæ eius maiestati. Neminem  
tamen Sacerdotum vlllo præcepto diuino, vel Ecclesiastico obstrin-  
gi, vt quotidie munus hoc exequatur. Cedit reuerà hoc sacrificium  
in cultum maximè Deo debitum, ideoque quo ei frequentius exhi-  
betur, magis ac magis eius maiestas honoratur. Est etiam valde vtile  
fidelibus, præsertim verò Presbytero sacrificanti fructuosum, vnde  
resultat satis perspicuè, positis ponendis, id est dispositione in of-  
ferente requisita: melius esse sacrificare frequenter, quàm rarò; &  
diebus singulis, quàm quibusdam dumtaxat. Accedit quòd hæc bo-  
ni natura est, vt quo meliùs eo diffusiùs, & è contra. Cùm igitur sa-  
crificium Missæ tantæ sit excellentiæ, vt nihil Deo offerri possit di-

gnius, & acceptius hominibúsq; salutaris, nec soli profit Sacerdoti offerenti, sed vniuersæ insuper Ecclesiæ, & omnibus, & singulis eius membris, quibus per modum impetrationis applicatur: Hinc sequitur profectò sua id natura exigere, vt quo frequentius offerri potest celebretur. Addit Suarez Tom. 3. disp. 80. sect. 2. q. 83. art. 2. Quòd, cum sit quilibet Sacerdos ad hoc munus consecratus, & habeat proprium ac peculiare ius ad offerendum, & habeat speciale diuinum auxilium vt piè, sanctè & fructuosè conficiat: talentum igitur sibi creditum in terram abscondere non debet, hoc est inaniter retinere, sola ordinis potestate contentus, actu verò & re ipsa, mero ex suo libitu seu oscitantia priuatur. Sed Suarez prudenter, & circumspectè subiungit, Per hoc tamen non intendimus negare quominus ea reuerentia, & timore aliquando hoc munus intermittere possit, esse bonum & vtile, & alicui fortè consulendum iuxta diuersas personarum condiciones, & varias Spiritus sancti diuisiones gratiarum. Cæterum quispiam fortassis obiiciet; Manifestum est Presbyterum in Episcopo contineri, eandem enim formam habet, sed Episcopus quotidie celebrare tenetur, vt legere est in c. fin. de priuileg. in 6. proinde & Presbyter. sed inutilis est hæc obiectio, quia hoc ibi ponitur per modum consilij, non autem præcepti, & alternatiua est clausula, nimirum *vt Episcopus singulis diebus Missam dicat, vel Missam audiat.*

## §. II.

*An liceat cuilibet Sacerdoti plures Missas eodem die, præter diem Natalis Domini, celebrare.*

DE iure diuino hîc non quæritur, quod conspicuum, & præcisum extare nuspiam, Doctores Scholastici, & Canonistæ passim fatentur: sed agitur dumtaxat de iure Ecclesiastico, an enim constet, quæstio esse potest.

Putant plerique expressum in hoc Decreto Alexandri II. quod refertur de Consec. dist. 1. c. 53. contineri: *Sufficit Sacerdoti vnâ Missam in die celebrare, quia semel Christus passus est, & totum mundum redemit. Non modica res est vnâ Missam facere, & valde felix est qui vnâ dignè celebrare potest. Quidam pro defunctis vnâ faciunt, & alteram de die si necesse fuerit. Qui verò pro pecuniis, aut adulationibus \* secularium vna die præsumunt \* oblationibus plures facere Missas, non æstimo euitare damnationem.* Verùm hi Doctores prohibitionem quam fundatam volunt esse in hoc canone, non satis perspectè ex eo cliciunt, contextus enim canonis determinatè non loquitur per modum definitionis, sed solùm per modum moralis doctrinæ & piæ persuasionis, vt ex inspectione patet. Quin verbum æstimo, quod est in fine, simplicem opinionem innuit, non certam definitionem. Adde quòd consuetudinem eorum qui duas Missas in die celebrant, alteram de ipso die, ( si festum est ) alteram pro defunctis, commemorat, porrò nec laudat, nec vituperat. Eorum ve-

rò qui pro pecuniis alterum sacrum faciunt, aut vt laïcis personis adulentur, reprobatur quidem abusus, vsum verò ipsum duas dicendi Missas absque eiusmodi motiuo non reprehendit.

Recurrunt igitur alij ad alias canonicas auctoritates magis expressas; quæ duæ sunt, & lib. 3. Decretal. apud Gregor. Tit. 41. de Missarum celebratione referuntur; Prior est Innocentij III. eodem tit. c. 3. directâ ad Wigorniensem Episcopum, cui hoc modo respondet, *Consulisti, &c. Et infra, Respondemus quòd excepto die Natiuitatis Dominicae ( nisi causa necessitatis suadeat ) sufficit Sacerdoti semel vno die vnâ Missam solummodò celebrare.* Altera est Honorij III. ipsius Innocentij proximi, & immediati successoris: Qui Archiepiscopo Sipontino sic rescribit tit. signato c. 12. *Te referente.* Et infra, *cùm cuilibet Sacerdoti, quacunque dignitate praeferat, vnâ in die Missam celebrare sufficiat, nam & valde felix est qui celebrat dignè vnâ, &c. fraternitati tuae mandamus, &c.* Quæ verba habere vim legis, & præcepti conueniunt illorum capitulorum interpretes. Horum opinionem non rigidiùs excutiam. Sed hac admissa sententia, quæstionem quam proposuimus hinc sufficienter dissolui non video, nam Honorius III. Alexandri II. responso suprà citato tantùm inhæret, iisdem fermè vtendo verbis, at Innocentius III. manifestè excipit casum necessitatis: quæ exceptio quàm latè patet, extendique potest ad plerosque casus. Paludani celebris est circa hos casus opinatio, quos ad quinque tantùm restringit. 1. est funus defuncti. 2. vt de viatico, infirmo grauiter ægrotanti prouideatur. 3. pro peregrinis præsertim in diebus festis. 4. pro nuptiis, vt scilicet matrimonio iunctis benedictio Sacerdotalis impertiatur, secundùm laudabilem consuetudinem, quam prætermittere haud oportet. 5. est quando Sacerdos Paræcialis habet duas Ecclesias in diuersis oppidis, & propter paupertatem Vicarium habere non potest. Cùm enim vnusquisque populus iure possit velle in sua Ecclesia audire sacrum, in die quo ad hoc tenentur de præcepto poterit vnus idemque Sacerdos duas Missas in eadem die celebrare. Nauarrus in summa c. 25. n. 87. sententiam Paludani in omnibus admittit. Idem facit quoque Siluester, verbo Missa 1. q. 7. quin alium etiam casum recipiunt à Wilclmo Durando lib. 4. Ration. diuinor. officior. c. 1. n. 25. inter alios quosdam satis leues assignatum, scilicet si post Missam celebratam nobilis aliquis superueniret, qui Missam non audiisset, tunc enim licere volunt Sacerdoti iterum celebrare. Qui postremus casus quàm raræ sit texturæ, & quot incommodis, scandalis, & abusibus præbeat aditum nemo prudens est qui non perspiciat. Tolerabilem hunc casum existimarem, si de Regibus, maximè verò de Christianissimo Rege nostro, qui Ecclesiæ primogenitus est, & propter cælestis vñctionis prærogatiuam singularem, speciali reuerentia est in Ecclesia dignissimus, intelligeretur: At si extendatur non dicam ad inferioris classis nobiles, sed etiam ad Comites, Marchiones, qui sunt innumeri in hoc regno, palam est eiusmodi extensione plurimum absurditatis sequi: sed nec si extendatur ad

In 4. dist. 12. q.  
1. a. 4. post 4.  
Conclus.



ad inferiores principes & duces, tunc enim Regis honor qui singularis esse debet periret. Cæterum rectè Vasquez, Victoriæ, Suarem, aliósque recentiores secutus, reliquos etiam casus à Paludano assignatos reiicit, vîmque veræ necessitatis, obiter sed solerter ostendit hos nequaquam includere: porrò vltimum tantùm valere, quem solùm rationem habere veræ necessitatis, esseque hunc vnicum ab Innocentio intentum loco signato. Verùm idem Innocentius cap. *ex parte* eodem titulo districtè & absolutè decernit, ieiunum debere manere Sacerdotem, vt iterum quacumque ex necessitate celebrare possit, ita enim P. Magalonensi rescribit, *Postulationi vestræ taliter respondemus, quòd semper Sacerdos perfundere debet, postquam totum acceperit Eucharistiæ Sacramentum: nisi cum eodem die aliam Missam debuerit celebrare: Nec si fortè vinum perfusionis acciperet, celebrationem aliam impediret. Quam sanctionem vnanimi consensu sequuntur DD. Scholastici, iurisque sacri Tractatores.*

## §. III.

*An vera sit eorum opinio, qui Sacerdotem volunt, celebrando aliquoties venerabili Missæ sacrificio, nullo iure astringi?*

Vix hîc cohibere possum motum animi mei, impatienter etenim fero, semperque tuli, eorum disputatorum garrulitatem, qui plus æquo solertes, & nimium curiosi disquirunt, *Num Sacerdos aliquo saltem vitæ suæ die, Missa sacrum facere teneatur?* Sed longè mihi intolerabilior visa est semper eorum opinio, qui asserere nituntur, *Nullum esse præceptum obligans Sacerdotes sub peccato mortali, imò nec fortè veniali, ad sacrificandum aliquando?* Et ideo quamuis Sacerdos in vita sacrum nunquam faciat, dummodò in Paschate, more laico communicet, mortali piaculo & fortè veniali etiam nullatenus irretiri. Parco magni nominis Auctoribus, qui nuper hoc summo cum animi enixu paradoxum, adeo Ecclesiæ incommodum, noxiùmque vt veriùs dicam, propugnatum ire contenderunt, longèque maioris nominis Doctoribus quasi principibus huius persuasionis adscribere non dubitarunt: hos enim certum est eos vel non satis attentè perlegisse, vel minùs aptè intellexisse, aut certè benignè minùs quàm par sit eorumdem esse mentem interpretatos. Cæterùm dato etiam quod pro certo constaret, illos insigniores Doctores fuisse eam in opinionem propensos, nihilominus quoniam verenda patrum operire decet, reuelare non licet, à recentioribus illis disquisitoribus excusandi erant, potiùs quàm cum aliquo eorum memoriæ næuo, traducendi in sententiæ huius minùs piæ & probabilis (& vt reor non veræ nec solidæ) assertionem, seu defensionem.



## PUNCTVM I.

*Præceptum dari peremptorium, quo singuli Sacerdotes Missæ sacrificium, aliquoties saltem, celebrare obligantur.*

CHRISTVM summum Sacerdotum principem, habuisse à patre præceptum moriendi, & se in hostiam propitiationis & redemptionis super aram crucis offerendi, res est ex diuinis ipsis oraculis compertissima: *Factus est obediens usque ad mortem* (ait Apostolus Philip. 2. 8.) *mortem autem crucis. Et didicit ex eis quæ passus est obedientiam*, Heb. 5. 8. Porro obedientia mandatum supponit. Hoc autem præceptum Christus à patre accepit, & disertis verbis agnoscit, Ioan. 10. 17. *Propterea diligit me pater, quia ego pono animam meam &c. hoc mandatum accepi à patre meo. & Ioan. 14. 31. Ut cognoscat mundus quia diligo patrem, & sicut mandatum dedit mihi pater, sic facio.*

Sacrificium porro Missæ, est commemoratiuum sacrificij crucis, itidemque applicatiuum: siquidem ad hoc institutum est, ut fructum immolationis agni quæ in cruce facta est, nobis perpetim communicaret, & memoriam cruenti ipsius sacrificij (cum digna & iusta gratiarum actione) perpetuam conseruaret, simulque eius virtute & merito nobis necessaria quæque auxilia ac beneficia à Deo impetraret. *Quod de nostro assumpsit* (ait rectè S. Thomas opus. 57.) *totum nobis contulit ad salutem: corpus namque suum pro nostra reconciliatione in ara crucis hostiam obtulit Deo patri, sanguinem suum fudit in pretium simul & lauachrum &c. Et ut tanti beneficii iugis nobis maneret memoria, corpus suum in cibum & sanguinem suum in potum, sub specie panis & vini sumendum fidelibus dereliquit.* Ex verbis istis Domini, *Nisi manducaueritis &c.* & his, *hoc facite*, omnes agnoscunt & fatentur, præceptum communicandi omnibus fidelibus directum: Igitur ex iisdem necessariò mandatum sacrificandi omnibus Sacerdotibus præscriptum colligendum est. Axioma enim est Apostoli 1. Cor. 10. *Qui edunt hostias, participes sunt altaris*, igitur Sacramentum Eucharistiæ sacrificio nititur, & sine sacrificio istud Sacramentum non conficitur: Cessante igitur sacrificio Sacramentum deficeret. Porro si Sacerdotes nullo præcepto obligarentur ad sacrificium celebrandum, res eis esset adiaphora & prorsus libera sacrificare, vel non sacrificare, Sacramentum conficere, vel non conficere, nec iure cogi possent, quia iure non tenerentur: igitur si vellet, mero eorum nutu & libito Eucharistia deficeret, tam ut est sacrificium, quàm ut est Sacramentum; & interim laici ac inferiores Clerici præcepto obstringerentur diuino ad communicandum, quod eis foret impossibile. Proinde hoc absurdum censi debet.

Adde quòd non est vlla scintilla rationis, existimare Christum accepisse præceptum à patre, ut se immolaret in cruce per mortem, & Sacerdotes qui eius ministri sunt non accepisse ab eo mandatum offerendi sacrificium incruentum, quod cruenti illius sacrificij propria & perennis est commemoratio: nam in hoc sacrificio mors eius

annuncianda est donec veniat. Tanti est momenti sacrificium Eucharistiæ, ut sine eo Religio deficeret, fructus Christi mortis nobis non applicaretur, debitæ Deo gratiæ pro ineffabili beneficio redemptionis non rependerentur, auxilia quæ virtute huius sacrificij impetrantur, non adessent, memoria mortis Domini excideret. Estne igitur vero simile tantam rem Christum reliquisse adiaphoram, & à mero nutu humano pendentem, & non potius rigido præcepto & mandato astrinxisse Sacerdotes (suos ad hoc speciales Vicarios, & ministros) ad tam necessariæ actionis perfunctionem? Mirum est profectò quod Christus acceperit à Patre præceptum pro salute nostra moriendi, & quòd Sacerdotes nullum acceperint præceptum offerendi sacrificium illud, quod in mortis eius memoriam, & meriti eiusdem circa nos applicationem, partæque ab eo salutis præcipuum influxum, ab ipso principaliter institutum fuit.

Accedit, hæreticos negare sacrificium Eucharistiæ, quia sacrificium eiusmodi (ut aiunt) nec Christus instituit, nec celebrari mandavit. Aduersus hanc hæresim Ecclesia pro ineluctabili principio & certo Christi mandato, hæc opponit verba ipsius Domini, *Hoc facite in meam commemorationem.* Ex quibus & ipsam institutionem & solidum mandatum indubitanter colligit & astruit, sic enim declarat & decernit in Concilio Oecumenico postremo, sess. 22. sub titulo, *Doctrina de sacrificio Missæ, c. 1. paulò ante medium: Christus, Sacerdotem secundum ordinem Melchisedech se in æternum constitutum declarans, corpus & sanguinem suum sub speciebus panis & vini Deo Patri obtulit, ac sub eorumdem rerum symbolis, Apostolis quos tunc novi Testamenti Sacerdotes constituabat, ut sumerent tradidit, & eisdem, eorumque in Sacerdotio successoribus ut offerrent PRÆCEPIT, per hæc verba, hoc facite in meam commemorationem, uti semper Ecclesia Catholica intellexit & docuit. Quæ fides Ecclesiæ sacræque traditio, huic Sacramento innixa, adeo conspicua est in sanctorum Patrum monumentis, ut ipso sole meridiano sit clarior. S. Irenæus Virorum Apostolicorum auditor, lib. 4. c. 33. recitatis verbis Domini hoc sacrificium instituentis, sic disertè ait, Christum novi Testamenti novam docuisse oblationem quam Ecclesia ab Apostolis accipiens offert Deo in uniuerso mundo. & initio c. 34. Igitur Ecclesiæ oblatio quam Dominus docuit offerri in uniuerso mundo, purum sacrificium representatum est apud Deum. Porro ne quis excipiat, S. Irenæum non dicere Christus iussit, sed Christus docuit, facile est ex ipso S. Irenæo euictum ire per verbum docuit, eum intelligere, iussit vel præcepit, etenim ad calcem eiusdem expressè dicit, Sic & ideo nos quoque offerre vult munus ad altare frequenter sine intermissione. Qui vult enim, tantum non docet, sed iubet & statuit. S. Cyprianus ep. 63. ad Cæciliam inter med. & fin. Nam si Jesus Christus Dominus & Deus noster, ipse est summus Sacerdos Dei*

Luc. 22.  
1. Cor. 11.

Lib. 1. ep. 3.

dentius Episcopus Brixienſis, qui anno 390. claruit, tract. 2. in Exod. Dominus (inquit) *discipulis fidelibus mandat, quos primos Ecclesiæ ſuæ conſtituit Sacerdotes, ut indefinenter iſta vitæ æterna myſteria exercerent. Quæ neceſſe eſt à cunctis Sacerdotibus per ſingulas totius orbis Eccleſias celebrari.* Hæc eſt igitur fides Eccleſiæ, hæc eſt fides Patrum, quæ in iſtis verbis Domini, *Hoc facite*, præciſum mandatum eius ad Apoſtoloſ & poſteros quoſque Sacerdotes, ſacrificium corporis & ſanguinis ſui ſub ſpeciebus panis & vini offerendi agnoſcit, docet & propugnat.

Non igitur audiendi ſunt, qui tam conſtanti & perſpicuam Eccleſiæ doctrinam, ut vim tanti præcepti amoliantur, ſic putant emolliſſe: *Licet gratis admittamus* (aiunt) *ibi contineri aliquod præceptum, non eſt neceſſe ut illud obliget ſingulos Sacerdotes, ſed in communi Eccleſiam, ad cuius providentiam ſpectat curare, ut in ea ſit uſus huius ſacrificij.* Quæ cura ad Paſtores præcipuè pertinet, non verò ad Sacerdotes ſingulos. Verùm cum uni-verſalia non exiſtant niſi in ſingularibus, quomodo Paſtores poſſent mera ſollicitudine ſua efficere, ut uſus huius ſacrificij eſſet perennis in Eccleſia? Maxima pars Sacerdotum muneris paſtoralis expers eſt; ſoli Paſtores non ſufficiunt, aliquando abſunt, vel infirmantur plerumque, moriuntur, vacant Eccleſiæ aliquando diutiùs, ſi qui dicitur ſimplex Sacerdos nullo iure teneretur ad ſacrificium Miſſæ celebrandum, nunquam poſſet iure compelli ad hoc obeundum munus. Et ſi nemo cogi poſſet, & porro nollat, Eccleſiæ cura eſſet inanis: hoc onus enim unusquiſque in aliorum humeros reiiceret, ſubire refugeret. Neceſſarium igitur fuit mandatum Domini, idque diſtriſtum quod omnes & ſingulos, ſaltem quandocumque opus eſt, obligaret. Quamobrem rectè S. Gaudentius ex verbis Dei iuxta communem Eccleſiæ ſenſum ſic exponit, *Ut neceſſe ſit à cunctis Sacerdotibus, per ſingulas totius orbis Eccleſias, hæc ſalutis æternæ myſteria celebrari.* At fruſtrà alio effugio contra hanc obligationem ſentientes, elabi nituntur.

*Vel denique* (aiunt) *hæc obligatio ſequitur, velut ex natura rei, id eſt ex munere Sacerdotali, & hæc etiam conſecutio nulla etiam ſufficienti ratione oſtendi poteſt.* Sed contra, doctrina hæc eſt expreſſa Apoſtoli, *Omniſ Pontifex*, (quo nomine contineri Sacerdotem, quoad munus ſacrificandi nemo negat) &c. *conſtituitur in iis quæ ſunt ad Deum, ut offerat dona & ſacrificia pro peccatis.* Heb. 5. 1. & c. 8. 3. *Omniſ Pontifex ad offerendum munera & hoſtias conſtituitur.* Vnde infert, neceſſe eſſe ut Chriſtus quatenus verus Sacerdos offerat, & aliquid habeat quod offerat. Ratio igitur formalis Sacerdotij, ſacrificium eſt, ipſumque ſacrificium, proprium eſt officium Sacerdotis, & finis ſpecialis ad quem ordinatur. Quamobrem Concilium Nicenum c. 14. Diaconos diſtriſtè prohibet offerre, quia non acceperunt poteſtatem ſacrificandi, nec enim ad Sacerdotium ordinati ſunt, ſed tantùm ad miniſterium, ut docet Concilium IV. Carthag. c. 4. Hinc igitur conſectaneum eſt, obligationem offerendi ſacrificium, qua tenetur Sacerdos, fluere ex natura rei, ipſoque principio intrinſeco Sacerdotalis ordinationis.



At instant, *Licet Sacerdotibus ex vi sui muneris detur potestas sacrificandi, tamen ex potestate non oritur necessitas, quia potestas ex se latius extenditur, quàm necessitas?* Respondeo, verum est potestatem latius patere quàm necessitatem, alioquin cùm absolutè possint Sacerdotes non solum quolibet die, sed qualibet hora, & quocunque temporis instanti consecrare Eucharistiam; ideoque hanc offerre: sequeretur eos ad id semper & pro semper hunc ad actum obligari, quod absurdum. Sed dico tantum, cùm ex vi ordinis detur potestas Sacerdoti sacrificandi, hinc oriri obligationem qua tenetur offerre necessariò, saltem aliquando, non solum pro sui executione ordinis, sed maximè pro Dei cultu & honore, & Ecclesiæ utilitate, etiàmque pro sui ipsius & proximorum salute, & quotiescumque publica necessitas occurrerit, vel etiam priuata, quæ sit admodum vrgens & grauis; v. g. Si in loco ubi non adest Pastor, vel alius Sacerdos, & sunt infirmi qui in extremis laborant, & viaticum salutis æternæ expetunt, tunc verò ibi non sit hostia vlla consecrata: certè negari non potest tunc quemlibet Sacerdotem Catholicum, à censuris immunem, medio actu contritionis, obligari ad Missam celebrandum, in qua viaticum conficiat pro infirmo, vel pro infirmis, ne scilicet incidat in iudicium Dei & grauissimum peccatum, dicente Domino per prophetam, *Paruuli petierunt panem, & non erat qui frangeret eis.* In casu necessitatis conueniunt Theologi eleemosynam esse de præcepto iuxta illud S. Augustini celeberrimum dictum, *Si non paupisti, occidisti.* Quantò magis igitur tunc Sacerdoti imminet stricta celebrandi obligatio: vt fideli morienti & suppliciter expetenti conferat antidotum mortis, pharmacum immortalitatis, mysterium fidei, spem resurrectionis, tutelam animæ & pignus æternæ salutis? Accedit quòd in ipsa ordinatione Sacerdos de sua obligatione ad diuinum hoc sacrificium celebrandum, vt actu necessariò suæ potestatis, disertè à Pontifice (qui tum Spiritus sancti oraculum est) edocetur, vt patet ex hac eius allocutione ad ordinandos: *Consecrandi filij dilectissimi in Presbyteratus officium, illud dignè suscipere ac susceptum laudabiliter exequi studeatis, Sacerdotem etenim oportet offerre &c.* Et infra, *Agnoscite quod agitis, imitamini quod tractatis, quatenus mortis Dominice mysterium celebrantes, mortificare membra vestra à vitiis & concupiscentiis omnibus procuretis.* Et posteaquàm singulis dixit Ordinator Pontifex, *Accipe potestatem offerre sacrificium Deo, Missasque celebrare tam pro viuis, quàm pro defunctis in nomine Domini: Amen.* Expletis omnibus quæ ad ordinem pertinent, vt ostendat Episcopus hanc potestatem quam acceperunt necessariò debere reduci ad actum suum legitimum, iisdem quasdam Missas quantocyùs celebrare speciali præcepto iniungit: *Ad Presbyteratum ordinati (inquit) post primam vestram Missam, tres alias Missas, videlicet vnā de Spiritu Sancto, aliam de B. Maria semper Virgine, tertiam pro defunctis dicite.* Non autem est eis liberum ab his sacrificiis abstinere, præcepto enim speciali astringuntur, & obedituros se Episcopo suo in ipsa sua ordinatione expressis verbis sponponderunt.

Nihilominus adhuc, qui contrà sentiunt, arguantur: *Quia potestas*

*ipsa Sacerdotibus tradita offerendi sacrificium Deo in Ecclesia, est veluti priuilegium quoddam ipsius Sacerdotis, seu quoddam dominium, vel ius quoddam: ex vi autem priuilegij nemo cogitur illo uti, nec dominium seu ius in, vel ad rem per se inducit necessitatem utendi re propria; sed potest aliquis cedere iure suo. At non tam mirè quàm miserè claudicant eiusmodi comparationes. Primò enim etsi hanc esse prærogatiuam propriam Sacerdotum, nemo Catholicorum inficiatur, Eucharistiam consecrare & Missæ sacrificium celebrare, vnde in Concilio Lateranensi sub Innocentio III. cap. *Firmiter*. legimus, *Nemo hoc sacrificium vel Sacramentum conficere potest nisi Sacerdos rite ordinatus*. Et in Concilio Florentino sub Eugenio IV. in decreto vnionis, *Sacerdos in persona Christi hoc conficit Sacramentum*; Quamobrem Ecclesia in solennitate Corporis Christi, altò præconio concinit de Christo instituyente diuinum hoc Mysterium.*

*Sic sacrificium*

*Istud instituit,*

*Cuius officium*

*Committi voluit*

*Solis Presbyteris,*

*Quibus sic congruit,*

*Vt sumant, & dent cæteris.*

Sed hoc priuilegium, non est merum, at coniunctum cum onere: suscipit enim Sacerdos hanc potestatem, non vt ex ea honoretur & de ea extollatur, sed vt ea utatur secundum præfixum finem, non in proprium decus & priuatam tantum vtilitatem, sed præsertim in publicum commodum: debet enim *Missas celebrare in nomine Domini*, (hoc est ad eius gloriam & honorem) *pro viuis & defunctis*: Et ideo cum promouendus ad Sacerdotium Episcopo præsentatur, dicit Archidiaconus nomine Ecclesiæ, *Reuerendissime Pater, postulat sancta mater Ecclesia Catholica, ut hunc præsentem Diaconum ad onus Presbyterij ordinetis*; Non ait ad dignitatem & decus Sacerdotij, sed ad onus Presbyterij; quia non est mera dignitas, sed officium, honorabile quidem, at ita cum onere coniunctum, vt ipsum quod Presbytero exequendum committitur munus, sit onus reuera, cui ferendo ordinatus de ipsius officij necessitate obstringitur. Adde quod priuilegium ipso iure reuocatum censetur, *Si incipit enormiter esse nociuum*, Cap. *Suggestum*, & ibi gloss. fin. de *Decimis*. At si Sacerdotes solâ dignitatis prærogatiuâ contenti, abstinerent ab officio sacrificij, Ecclesiæ fieret priuilegium istud enormiter nociuum, vt res per se patet. Non igitur credendum est à Christo Sacerdotij fonte, qui sapientia diuina est, eiusmodi priuilegium suis in offerendo Ministris fuisse concessum, vt si vellent sacrificium humanæ reconciliationis & salutis celebrarent; si nollent, nullatenus ad id agendum obligarentur. De dominio autem quod adiicit ratiocinatio præsignata, breuiter responderi potest, neutiquam à Christo collatum fuisse suis discipulis & eorum successoribus, Sacerdotium per modum dominij: sed tantum ministerij, vt suprâ demonstratum est; & ministerij quidem non inanis, sed efficacis &

actiuosi, præcipuè circa sacrificij munus; vnde Dominus non tantùm ait, hoc dicite, hoc meditamini, sed *hoc facite*, &c. Admonet autem Apostolus, *Vide ministerium quod accepisti, vt adimpleas illud.* Col. 4. 17. Ludicrum est autem quod obiectio præstituta deducit de iure dominij, quod eo iure cedere potest, quisquis illud habet: nam sic sequeretur Sacerdotem posse ius Sacerdotij transferre in quemlibet inferiorem Clericum, vel etiam fidelem Laicum, sed obstat character. Adde quòd vt præmonstrauimus, Presbyteratus onus est, onera autem personalia sunt, & debent ab eo cui ferenda incumbunt, personaliter sustineri.

Obiiciunt rursus, *Datur etiam Sacerdoti potestas remittendi peccata, & tamen nunquam tenetur vti illa, etiamsi aliàs iurisdictionem etiam recipiat, dummodò Pastoris officium non recipiat.* Respondeo, non est par ratio, nam in officio remittendi peccata, proximi tantùm consulitur particulari salutì: at Missæ sacrificium non ordinatur tantùm ad auxilia impertienda vnicuique in necessitatibus suis, Ecclesiæque generaliter concilianda solatia, & beneficia tam spiritualia quàm temporalia per influxum, & applicationem passionis Christi: sed insuper ad debitas Deo gratiarum actiones, quin & supremum patriæ cultum referendum. Est igitur Sacerdos arctiori obligatione astrictus officio celebrandi, & offerendi Deo sanctissimum Missæ sacrificium, quàm peccatorem absoluendi. Accedit quòd minimè verum sit, Sacerdotem nunquam teneri potestate vti remittendi peccata, nisi susceperit officium pastoris. Sicut enim in casu necessitatis (quando scilicet aliquis de vita periclitatur) omnis Sacerdos fit Papa quoad potestatem absoluendi, tunc enim nullus casus reseruatus est, vel Episcopo, vel Papæ; à quo simplex Sacerdos absolvere non possit: sic in casu huiusmodi necessitatis omnis Sacerdos tenetur etsi pastor non sit, vbi abest pastor, vel alius eius gerens vicem, si rogatus fuerit audire pœnitentis confessionem, eique absolutionem impertiri, & si hoc præstare negaret in illo casu solatium, peccaret grauiter, reusque fieret in vtroque foro ingentis criminis: maximè si qui ita periclitaretur, sine confessione sacramentali, & diuino viatico moreretur. Ergo procul est à vero nunquam teneri quemlibet Sacerdotem potestate vti remittendi peccata, quam in ordinatione sua recepit.

Denique dicunt: *Similiter per gradum magisterij datur alicui facultas explicandi scripturam, quod tamen facere non tenetur.* Sed quàm absona, & dissimilis fit rei cui applicatur ista comparatio, nemo est tantisper videns qui non perspiciat. Magisterium (in iure, vel Theologia,) & Sacerdotium, tantùm differunt quantum ens rationis, & ens reale. Magisterium est simplex declaratio capacitatis in obtinente, cum licentia ei facta legendi, & interpretandi Canones, vel Scripturam, at sine mandato & onere. Sacerdotium autem longè in alio statu Presbyterum constituit: nam sacræ potestatis characterem imprimit in anima ordinati, & non nisi cum mandato, & onere confertur offerendi Deo sacrificium Latreuticum, & Eucharisticum, propitia-

toriumque & impetratorium corporis, & sanguinis Christi Domini, vnici generis humani redemptoris.

Cæterum est iam quòd ab iis qui dicunt nullum esse ius diuinum, aut Ecclesiasticum obligans Sacerdotes ad sacrificandum aliquando: & ideò quamuis Sacerdos nunquam in vita sacrum faciat, dummodò in Paschate communicet, absolutè loquendo, nulli propterea piaculo, graui præsertim, illum obnoxium fieri; ab iis est, inquam, quòd postulem: cur itaque cœlibatus perennis, seu perpetua continentia, vi ipsius ordinationis Sacerdotibus omnibus (etiàmque ad eorum obligationis maiorem declarationem, reliquis altaris ministris, Diacono & Subdiacono) indicta est? Certe si Sacerdos nulla lege toto vitæ decursu ex quo ordinatus est, teneretur ad Missæ sacrificium celebrandum, non esset cur tanto rigore, & sub reatu voti, ad vitam cœlibem altringeretur, sufficeret enim quòd ij qui vellent actu sacrificare, eam continentiam profiterentur; cæteris suo arbitrio relictis, modò Missam non celebrarent, cui officio aliquando in vita exequendo nullatenus forent obstricti. Relaxauit iamdudum rigorem Canonis, imò traditionis Apostolicæ de perpetua continentia Sacerdotum, quoad Presbyteros, Orientalis Ecclesia. Qua de re sæculo 4. labente S. Epiphanius conquerebatur: sed tamen huic relaxationi in Græcia prætextus aliquis locum dedit; quia nimirum sæpè Græci non offerunt, sed celebrant Liturgiam plerisque diebus de præsanctificatis: nec quotidie, nec frequenter Presbyteri sacrificant, at quibusdam vicibus tantum, vt antiquæ legis faciebant Sacerdotes; ideo tempore vicis suæ à coniugibus abstinent, alio verò tempore matrimonio ante ordinationem inito, ex indulgentia vtuntur. Sic tulit corruptela huius Ecclesiæ, quæ sensim irrepsit. At in Occidentali Ecclesia semper Apostolicæ traditionis obseruatio vigorem suum retinuit. Hinc antiqui Concilij I I. Carthag. can. 2. *Omnibus placet, vt Episcopi, Presbyteri, Diaconi, vel qui sacramenta consecretant, pudicitia custodes etiam ab vxoribus abstineant. Vt quod Apostoli docuerunt, & ipsa serauit antiquitas, nos quoque custodiamus.* Audiendus hinc Cardinalis Bellarminus lib. 1. de Clericis c. 19. Denique (inquit) ex lib. 1. Paral. cap. 24. & Luca 1. colligitur Sacerdotes veteris Testamenti per vices suas ministrare solitos, & toto eo tempore quo ministrabant in tabernaculo, à domo, & vxore absuisse. Ex quo deducunt Siricius Papa in epist. ad Himericum, & Innocentius I. in epist. ad Victricium, nec non Beda in c. 1. Luca, quòd si illi tempore quo ministrabant ab vxoribus abstinebant: omnino decere vt Sacerdotes nostri, qui non per vices sed semper ministrant, semper ab vxoribus se continent. Quod argumentum Humbertus Syluæ candidæ Episcopus (ex Canonico Tullensi) & S. R. E. Cardinalis, ac Legatus Leonis IX. ad Græcos, fusè ac neruosè prosequitur aduersus Necetæ Presbyteri, & Monachi Monasterij Studij, contra Latinos calumniosum libellum. quo inter cætera grauis erroris eos arguebat, ob legem perpetui cœlibatus Sacerdotibus impositam: quam aculeatè Humbertus defendit, adductis in medium pro traditione Apostolica à Latinis seruata Con-

Con-



Concilij Nicæni, & Neocæsariensis Synodi canonibus, summorum-  
que Pontificum Clementis, Siricij, Innocentij I. & Leonis Magni  
decretis. Innocentij porrò ratio ducta ex differentia Sacerdotum an-  
tiquæ legis, & nouæ sic habet, *Nam priscis temporibus, de templo Dei,  
anno vicis suæ non discedebant, sicut de Zacharia legimus, &c. quanto magis hi  
Sacerdotes, vel Leuitæ ex die ordinationis suæ seruare debent, quibus Sacerdo-  
tium, vel ministerium sine successione est, (carnali) nec præterit dies qua vel à  
sacrificiis diuinis, aut baptismatis officio vacent? Nam si Paulus ad Corinthios  
scribit, abstinete vos ad tempus, ut vacetis orationi, & hoc utique Laicis præ-  
cipit, multo magis Sacerdotes, quibus & orandi, & sacrificandi iuge est offi-  
cium, semper debebunt ab huiusmodi consortio abstinere.* Urget pressius hoc  
argumentum ex dignitate hostiæ quam iugi officio offerunt nostri  
Sacerdotes, præfatus Humbertus versus finem dissertationis suæ.  
Sed nihilominus hinc fortè tricandi ansam arripient contradictores  
nostri ex Innocentij Papæ præcitatis verbis: Dicent siquidem eum  
loqui tantum de Sacerdotibus qui curam animarum gerebant, ut pa-  
teret, quia non de sacrificio solum ab iis offerendo, sed & baptismo  
conferendo verba facit. Et fateor quidem vix alios tum fuisse Sacer-  
dotes, quia canones ipsi vetabant vllum Presbyterum sine titulo Ec-  
clesiastico ordinari. Multitudo succreuit postea Sacerdotum, qui ad  
titulum, vel patrimoniam, vel curæ animarum non addictum ex in-  
dulgencia ordinantur; at tantum abest ut hi eximantur à debito sa-  
crificandi frequenter, quin (in bono sensu hoc dico) magis huic of-  
ficio obeundo sunt ipso ex statu suo obnoxij; minus enim occupa-  
tionum habent Ecclesiasticarum, & immunes sunt à pondere diei,  
& æstus, quod pastoribus perennes excubias circa creditas sibi oues  
agentibus, & indefinente labore curaque defatigatis incumbit. Æ-  
quum est sanè, ut qui non pugnant cum Iosue, saltem cum Moyse  
fundant pro certantibus preces, manusque frequenter in sancta ex-  
tollant, ut auxilia ac solatia illis promereantur. Titulo patrimonij,  
vel fortè etiam beneficij non obligantur ad sacrificium iuge offeren-  
dum, sed ad hoc tenentur vi ordinationis suæ, fluentique ex iniun-  
cto sibi munere, & suscepto à se onere Sacerdotij debito. Hinc ab-  
solutè S. Gregorius Nyssenus lib. de Virginitate, arguens Sacerdo-  
tes minus memores officij; *Quomodo (inquit) Dei Sacerdotio fungeris,  
qui ad hoc ipsum, ut munus offerres, vinctus es?* Rectè & solerter insinuans,  
indignum esse vel solo Sacerdotis nomine, qui castè non viuit, nec  
offert sacrificium Christi purissimum, cui celebrando consecratus  
est. At hætenus satis de huiusmodi obligatione.

*Extat apud  
Henric. Cani-  
sum Tom. 6.  
antiq. Lell. à p.  
163. ad 193.*

## PUNCTUM II.

*Præceptum illud obligare sub peccato mortali.*

PRÆCEPTUM cum de re graui imponitur, transgressio eius culpa  
leuis esse non potest, ut morales Theologi, & Canonistæ fatentur.  
At verò præceptum esse peremptorium demonstrauiamus, quo vnus-

XXX

quisque Sacerdos legitimè non impeditus obligatur Missæ sacrificium aliquoties celebrare. Igitur Sacerdos qui huic præcepto non satisfacit, quando potest, & oportet; incurrit grauis culpæ reatum, nec venialis tantùm, eius culpa debet existimari.

Eapropter cùm Caietanus sup. 2. partem S. Thomæ q. 22. a. 10. scripssisset Sacerdotem nunquam celebrantem, mortalis piaculi minimè damnandum esse, sed ad summum veniali culpa teneri, Pius V. sanctissimus Pontifex, in impressione Romana S. Thomæ hunc locum Commentarij Caietani, quæ oppositam textui S. Thomæ sententiam continebat, obliterari & expungi iussit: scilicet quòd censeret non ferendam, sed reprobendam, ut periculosam, & veritati ac pietati contrariam. Et verò qui attentè perpenderit, quanti momenti sit ille neglectus, quo tota sua vita Sacerdos, vel per annum, omittit Missæ sacrificium celebrare, facilè deprehenderit, non leui noxa, sed graui admodum propter hanc spontaneam omissionem illum constringi. Primò ratione officij: nam seruus ille qui talentum domini sui fodit in terram, non solùm eo priuatus est, sed ut seruus nequam à domino iudicatus, eiectus est è domo domini sui, & tractus ad pœnam. Potestatem Sacerdotalem consecrandi corpus, & sanguinem Domini esse talentum pretiosum, & donum Dei singulare atque præcipuum, inter gratias gratis datas, nemo est Theologorum qui inficietur. Porro ut ait S. Gregorius, *quando crescunt dona, rationes etiam crescunt donorum*. Non dubium igitur quòd qui hanc adeo præcellentem potestatem otiosam retinet, nec vmquam ad actum reducit, propter honorem Dei: quia officij sui debitum non persoluit, gratiam Dei in vacuum recipit, ingratitude crimen incurrit, fitque reus tanti neglectus, cuius piaculum, nonnisi grauissimum esse potest. Secundo, ratione grauitatis materiæ præcepti, quod volens & lubens transgreditur. Breui compendio hanc rationem Venerabilis Beda expressit, *Sacerdos non legitimè impeditus (inquit) celebrare omittens, quantum in eo est priuat sanctam Trinitatem laude & gloria, Angelos letitia, peccatores venia, iustos subsidio & gratia, in purgatorio existentes refrigerio, Ecclesiam speciali Christi beneficio, & seipsum medicina & remedio*. Considerate, quæso, hæc omnia publica & priuata dispendia, quæ sanè grauissima sunt, & spontaneâ accidunt culpâ Sacerdotis sacrificium hoc salutiferum celebrare detrectantis, quod ei offerendum ex proprio officio incumbit, & quod districto præcepto celebrare tenetur. Nunquid igitur leuia hæc piacula sunt censenda, quibus tot effectus diuinæ misericordiæ impediuntur, tot fructus Christi passionis pereunt, & Deus debito cultu, Ecclesia tanti beneficij vtilitate, singuli fideles tam viui quàm defuncti auxiliis & solatiis, quibus hinc iuari possent \* priuantur? Hic igitur meritò perpendenda venit insignis, S. Ambrosij sententia, quam B. Thomas, & plerique Theologi passim proferunt ad grauitatis tanti peccati demonstrationem: *Graue est quod ad mensam tuam mundo corde, & manibus innocentibus non venimus; sed grauius est si dum peccata metumus,*

Homil. 9. in Evangelio.

Ex dictis V. Bedæ recitatur in Breuiario Paris in limine præparat. ad Missam.

\* Nota hic insignis dictum S. Cyrilli Alex. lib. 2. in Ioan. c. 9. Vtilitatis reuerentia semper affert detrimentum.

*etiam sacrificia non reddimus?* Quibus verbis innuit ultimam esse in Sacerdote ingratitudinem, grauēque scelus, qui immemor officij, Missam omittere, vel diu, vel semper, paruipendit. Neque enim valet Gabrielis Vasquez exceptio, hanc sententiam in Ambrosio non reperiri, proinde confirmandam non esse, satis est enim non solum quod sanctus Thomas inuenerit, sed quod insuper eam veram & solidam censuerit, qui sanè rectitudinis ipsius sententiae iudex competens erat. Pluris enim apud prudentes fieri debet S. Thomae iudicium, quàm disputatorum quorumlibet ingeniosae magis quàm solidae exceptiones atque argutiae. III. Grauitas huius culpae elicitur ex cap. *Dolentes*. lib. 3. apud Gregorium, tit. 41. de celebratione Missarum, c. 9. Vbi Innocentius III. loquens à Cathedra in Concilio generali Lateranensi, eos grauitè reprehendit Prælatos & Presbyteros qui vix in anno quater Missas celebrabant: prohibetque penitus talem negligentiam, sub pœna suspensionis, quæ sanè pro leui culpa seu veniali peccato, nec à iure, nec ab homine delinquentibus infligi consuevit. Sed sunt qui nodum hîc in scirpo quærunt: Aiunt enim Pontificem hîc non modò queri de iis qui quater vix in anno Missæ sacrum faciunt, at de iis etiam qui sacrificio interesse non curant, & iis quoque qui in choro tempore diuini officij intendunt colloctionibus laicorum\*. Sed tamen hæc etiam Pontifex in Sacerdotibus reprehendat, non ea tantum sub hac pœna prohibet, verum etiam & illum propudiosum neglectum frequentius celebrandi: loquitur enim collectiue de iis omnibus & singulis scandalis, hæcque sententia vniuersa concludit, *Hæc igitur & similia sub pœna suspensionis penitus inhibemus* &c. Nec dubium quin tandem hæc res in axioma transierit. Siquidem illustriores Theologi, & Canonistæ, vt rigidam nimium illorum DD. opinionem arbitrantur qui dicunt, *non celebrare quotidie esse peccatum mortale*: sic hanc iudicant verissimam sententiam, *Nunquam celebrare esse mortale peccatum, nisi Sacerdos legitimo aliquo impedimento excusetur*. Ita censent S. Thomæ 2. p. q. 22. a. 10. & clariùs in 3. dist. 13. q. 1. a. 2. quæstiuncula 1. ad 2. Durandus ibid. q. 2. Paludanus dist. 11. q. 2. Maior q. 5. Antoninus 3. p. tit. 13. c. 16. §. 12. Syluester, verbo Missa, 1. q. 7. Angelus num. 44. Nauarrus in Summa cap. 25. num. 88. Petrus Soto lect. 13. de Eucharistia circa finem, & Gloss. cum Iuris sacri peritis, in cap. prædictum, *Dolentes*, &c.

\*In opere nostro nondum edito de horis Canonicis, quæ hæc delicta graua sint in Clericis, palam fecimus.

## PUNCTUM III.

*Num sufficiat Sacerdoti, ad muneri suo præceptoque satisfaciendum, de celebrando, aliquoties saltem venerabili Missæ sacrificio, si ter, vel quater tantum in anno, hoc munus diuinum exequatur.*

MIROR sapientissimos Theologiæ Magistros ac Iuris sacri interpretes, Dominicum à Soto in 4. dist. 12. a. 1. Conclus. 1. & Nauarrum

Xxx ij

citato loco, in ea fuisse sententia, quæ censet Sacerdotem officio suo (& præcepto etiam) de celebrando sacrificio Missæ satisfacere, qui ter aut quater in anno ipsum sacrum celebrauerit. Nempe propter verba Innocentij III. in dicto Cap. *Dolentes*, expressa: quæ haud satis fuisse ab iis perpenſa tam certum quàm perspectum habeo. Nec enim Pontifex hanc quorundam Prælatorum & Sacerdotum consuetudinem laudat vel approbat, sed reprehendit euidenter eam referens cum pudore & gemitu. *Dolentes referimus* (inquit) *quòd non solum quidam minores Clerici, verum etiam aliqui Ecclesiarum Prælati, circa comestiones superfluas & fabulationes illicitas* (vt de aliis taceamus) *serè medietatem noctis expendunt. Sunt & alij qui Missarum solennia vix celebrant quater in anno &c.* Et infra, *Hæc igitur & similia sub pœna suspensionis penitus inhibemus.* Igitur ex iudicio Pontificis, & Concilij generalis (cui tunc præsidebat) non satis est Sacerdoti cuilibet, quater in anno sacram Missæ celebrationem peragere; sed aliquid amplius requiritur, vt Sacerdos suæ obligationi de celebrando satisfaciatur.

Æquabilior igitur longè est S. Thomæ, art. 10. præsignatæ quæst. 22. 2. p. sententia, qua asserit, *Sacerdotes quoscumque sub præcepto teneri celebrare Missam in præcipuis festis: at in iis maxime, in quibus religiosiores laici ex deuotione communicare consueuerunt: quibus diebus si quis Sacerdos non celebret, Syluester & Soto, peccare mortaliter existimant, nisi legitimo impedimento excusetur.*

Laudasse mihi videtur sacrum Trident. Concilium, B. Thomæ sententiam, quin & dilucidius explicasse sess. 23. in Decreto de Reformat. c. 14. hac verborum serie: *Qui piè ac fideliter in ministeriis antea actis se gesserint, & ad Presbyteratus ordinem assumuntur, bonum habeant testimonium.* Et infra, *Curet Episcopus vt ij saltem diebus Dominicis ac festis solennibus, si autem curam habuerint animarum, tam frequenter, vt suo muneri satisfaciant, Missas celebrent.*

Et quidem de die Dominica, ratio apertissima est, quia hoc die præcipuè Apostoli sacra mysteria, horumque exemplo primitiuæ Ecclesiæ Sacerdotes celebrârunt. De Apostolis habemus exemplum S. Pauli, Act. 20. *Vna Sabbati, cum conuenissemus ad frangendum panem:* Syrus interpres vertit *Prima die hebdomadis*, quæ sanè est dies Dominica, nam & Christus resurrexisse dicitur ab Euangelistis vna Sabbati, qua scilicet hebdomada incipit. Hinc vsu nostro dies lunæ dicitur feria secunda, quòd videlicet Dominica dies pro prima numeretur. Porro verba illa *ad frangendum panem*, de Eucharistiæ consecratione & immolatione intelligunt SS. Patres, Chrysostomus in hunc locum, Augustinus epist. 86. hinc glossa interlinearis desumpta ex verbis Bedæ, *Cum conuenissemus ad mysteria celebranda.* Porro primitiuæ Ecclesiæ etiam mos iste fuit, nam Iustinus Martyr in fine Apologiæ 2. expressè scribit, die solis, id est die Dominicâ, Christianos solitos fuisse ad sacrificium Eucharistiæ conuenire. Cui testimonio S. Augustinus etiam suffragatur epist. 118.

Festa autem solennia, non solum diebus Dominicis æquiparari:



at quædam etiam eis antecellere, v. g. festum Natiuitatis Domini, Pascha Resurrectionis, festum Ascensionis ipsius Domini, festum Pentecostes, seu illapsus Spiritus sancti, & subinde festum Corporis Christi, & festa præcipua Beatissimæ Virginis: nemo tam rudis praxeos Ecclesiæ Catholicæ, qui ambigere possit. His igitur diebus sacratissimis, quemque Presbyterum, etiamsi non astrictum animarum regimini, sacrum teneri celebrare non solum insinuat Concilium Oecumenicum præfatum, sed insuper mandat Episcopo, vt curet sua in terminatione à singulis Presbyteris obseruari. Nec audiendi sunt, qui Concilium hoc mandare volunt per modum consilij dumtaxat: quia quando cadit præceptum in rem grauissimi momenti (sicut in hac de qua agitur, cadere demonstrauius) consilium simplex non adhibetur, & si monitum nihilominus accesserit, hoc pro præcepto districtius commendato prudentiores iuris interpretes docent accipiendum esse. Patet hunc genuinum esse sensum ipsius Concilij Tridentini. Nam superiori cap. vbi agitur de Subdiaconis & Diaconis ait Concilium: *Sciântque maximè decere, si saltem diebus Dominicis & solennibus cum altari ministrauerint, sacram communionem perceperint; Quibus* verbis innuit se loqui sancta Synodus per modum simplicis documenti, adhibetque verbum decere, vt patenter innuat hoc non esse de necessitate, sed tantum de decentia, & meliori more ac vsu. At verò cum agit de sacrificio celebrando diebus Dominicis & præcipuis solennitatibus à singulis Presbyteris, sic non loquitur, sed mutat sapientissimum Concilium vocem, proptérque debitum officij Sacerdotum, Episcopi interpellat diligentiam & adhibet auctoritatem: *Curet Episcopus vt ij saltem diebus Dominicis ac festis solennibus &c. Missas celebrent.* Mens igitur Concilij non est hoc esse de simplici decentia, sed de debito officij Sacerdotalis: alioquin si res esset libera, frustra, & præterius, Episcopi auctoritatem ad effectum practicum huius sanctionis eliciendum à subditis Presbyteris, interpellaret.

Accedit præmissis auctoritatibus & argumentis alia ratio, ducta ex differentia quæ extat inter sacrificium crucis, & sacrificium Missæ. Sacrificium crucis oblatum est semel, vt passim Apostolus insinuat in Ep. ad Hebræos. At verò sacrificium Missæ, quia est sacrificium religionis, gratiarum actionis, propitiationis, impetrationis, commemorationis, applicationis sacrificij crucis, sæpe repetitur, & frequenter celebrari debet, (*Hoc facite* (inquit Dominus) *in meam commemorationem. Mortem Domini annuntiabitis*, ait Apostolus, *donec veniat:*) ideóque quo sapius celebratur, Deo est honorificentius, & Ecclesiæ vtilius. Frequens igitur celebratio eius est proprietas genuinissima. Hinc sequitur, quòd ij Sacerdotes qui rarò admodum, vt vix quater in anno, multo magis qui tota vita, nec vna vice, Missæ sacrum faciunt: quantum in se est memoriam mortis Christi euacuant, institutionem huius sacrificij euertunt, fructum eius impediunt, Religionem imminuunt, formalémque ipsius sacrificij rationem, quæ in frequenti celebratione consistit, amoliuntur.

LUC. 22.  
1. Cor. 11.

Denique Domini oraculum est : *Va homini illi per quem scandalum venit.* At Sacerdos qui ter tantum , aut quater in anno Missam celebrat , longè magis qui per annum nec semel , & adhuc multo magis qui nullo vnquam tempore celebrat , eiusmodi sacri muneris neglectu , imò ( vt non temere præsumitur ) sacrificij contemptu , suspicionem de se excitat non solum malæ vitæ , sed etiam non sanæ fidei , & ingens scandalum , hoc aduertentibus parit , sicut insignes Theologi rectè obseruant & fatentur. ( Suarez disputat. 80. sect. 2. §. *hæc res* , & Vasquez disp. 232. c. 1. §. *restat* ) Igitur maledictionem quam Christus Dominus in auctores scandali prædicta sententia pronunciauit , hac sua culpa incurrit , quæ ideo non nisi grauissima esse potest. Prodiit Romæ anno 1606. insignis liber , cui titulus , *Manuale Pastorum* , auctore Marco Antonio Montis Marani Episcopo , qui opus hoc ipsum Paulo V. Pontif. Max. dedicauit. Cap. 12. inscriptum est , *de obligatione Episcopi celebrandi Missam* : Quo sub iemmate , duo præsertim docet , Episcopum debere Missam celebrare frequenter ; sanctosque Antistites quotidie Missæ sacrificium facere consueuisse , raroque ab hac praxi quotidianæ oblationis se dispensasse. Adductisque selectis exemplis & argumentis demum sic concludit : *Saltem negari non potest Episcopum rarissimè celebrantem præbere aliis suspicionem malæ vitæ , quam euitare debet : ac mali exempli aliis Sacerdotibus , quos nescio qua fronte poterit hortari , ad sæpe celebrandum , si ipse non celebrat.* Hæc ille Episcopus , pius sanè & doctus in sacra Iurisprudencia , vt ex eius opusculo satis patet.

## PUNCTVM IV. ET VLTIMVM.

*Qua ratione Sacerdos legitimè excusari potest , non solum à quotidiana , sed etiam à frequenti adeo celebrationis obligatione.*

DVRVM nimis fortè videbitur præceptum de sacrificando aliquoties , saltem per singulos annos , vniuersis Sacerdotibus indictum asserere : cum exempla pleraque suppetant in sacra Historiæ monumentis multorum Sanctorum , qui Sacerdotio initiati sacrum mysterium præ summa humilitate , qua se indignos prorsus censebant tanti officij , celebrare refugerunt , adeo vt inuenti sint qui nunquam de facto celebrârunt. Hinc viri plerique sanctissimi postulati ad Sacerdotium , suscipere ordinem renuerunt. Alij vel inuiti ordinati , statim solum verterunt , & in solitudinem , ne fungi Sacerdotio compellerentur , aufugerunt : Alij in loco suo persistentes , à sacrificandi munere quod summoperè formidabant , abstinerunt. Extat inter Epistolas S. Hieronymi epistola S. Epiphaniij numero 60. qua respondet Ioanni Episcopo Hierosolymitano , aduersus eum conquerenti , quòd extra propriam diæcesim , in Monasterio Eleutheropolitano , Paulinianum fratrem S. Hieronymi ordinâset Diaconum , deinde etiam Presbyterum consecrâset : cuius facti rationem reddens sanctus

Epiphanius, inter cætera motiua huius promotionis (quæ non fuerat facta in diœcesi Hierosolymitana, vt Ioannes ille supponebat) præcipuè assignat instantem Monasterij illius necessitatem, *Quia videlicet sancti Presbyteri, Hieronymus, &c. ibi degentes propter verecundiam & humilitatem refugiebant nomini suo debita sacrificia exercere, & formidabant laborare in hac parte ministerij, quæ Christianorum præcipua salus est.* Illustre sanè est hoc exemplum; aliæque nonnulla huic affinia hîc congestum ire possem si opus esset, verùm prolixiori à recensione abstinco, quòd facta hæc Sanctorum eius sint generis, quæ non tam sunt imitanda, quàm miranda. Multa etenim Sancti interdum operantur ex speciali Spiritus sancti motione, quæ eos à communi lege dispensat, ideòque minimè trahi debent in exemplum: *Spiritus enim ubi vult spirat.* Quapropter, si etiamnum quispiam ita humilis ac timoratus, vt S. Hieronymus fuit, aliæque sancti Sacerdotes quondam extiterunt, reperiretur, hócque motiuo ductus pia conscientia teste, ab officio Sacerdotali abstineret, damnare eum peccati equidem non auderem: sed quia ex hac causa patet illusioni aditus, consulerem Sacerdoti adeo timido, & de se tam submissè sentienti, vt ipse sibi non crederet, sed piorum & sapientum iudicio hoc referret, ex quorum arbitrio non suo priuato, decerneret quid sibi foret agendum. Abuti possent insuper vitiosi Sacerdotes hoc specioso prætextu, si enim eis probro verteretur quòd rarò, aut nunquam celebrarent, haberent hanc in promptu excusationem, se timore & humilitate cohiberi, nè tremenda hæc mysteria celebrare præsumerent: esse quidem multos qui quanti sit res momenti hoc conficere diuinum sacrificium non satis perpendant, ideòque frequentius quàm par sit eo formidabili munere defungantur, de iis tamen nolle acerbius iudicare, ac sibi satis esse, si conscientia suæ arbitrio relinquantur. A plerisque, qui impuræ vitæ aut dubiæ fidei suspecti sunt, hoc prætextu culpam suam obuclari passim competimus. Quibus hoc vnum verbum Apostoli incutiam, *Deus non irridetur, etenim scrutatur corda & renes, & tandem aliquando iudicia faciens cognoscetur.* Absit igitur, *vt queramus excusationes in peccatis;* His enim artificiis falli possunt homines; sed Deus qui nec falli, nec fallere potest, fucatos hos prætextus damnat perfidiæ, & duplici pœna peccatum illud falsa veri specie obductum, sua in iracundia solet vlcisci. At in præmissis decisionibus hoc non semel adhibuimus temperamentum, nisi subsit legitimum impedimentum, vel nisi adsit causa iustæ excusationis, iuris enim est regula receptissima, *in mora illum non esse censendum, (nec itidem in culpa) qui se potest legitima excusatione tueri.* Illustre hîc mihi in mentem exemplum venit (Leuit. 10. 1.) Cùm Nadab, & Abiud filij Aaron propter temeritatem suam percussi fuissent à Domino repentina morte: *Expostulauit Moyses postridie contra Eleasar & Ithamar fratres eorum, cur non comedissent hostiam pro peccato, in loco sancto, quæ data erat eis, vt portarent peccatum multitudinis, & rogarent pro ea in conspectu Domini? Cui Aaron pro filiis respondens ait, Mihi accidit quod vides, (sci-*

licet filiorum duorum repentinus interitus) *quomodo potui comedere hostiam, aut placere Domino in caeremoniis mente lugubri? Quod cum audiisset Moyses, accepit satisfactionem.* Ea est Dei benignitas, ut infirmitatis humanæ facile misereatur. Præcepta sua affirmatiua voluit quidem nos obligare semper, at non pro semper: etsi noui Testamenti incruentam hostiam præceperit suis Sacerdotibus frequenter immolare, reum tamen non tenet præuaricationis, qui non ex neglectu officij, vel sacrificij contemptu, at aliqua de causa rationabili distulerit pro aliquo tempore oblationem. Legitimum enim impedimentum excusat à peccato, Cap. Ordinarij. Cap. *quod si forte.* de officio ord. lib. 6. Porro cum vitæ humanæ varij sint euentus, nonnulli plerumque occurrunt, etiam pio Sacerdoti, & officio suo fungi piè & purè desideranti, quibus ministerium suum, hac in parte præsertim, implere præpeditur.

Quod si quærās quænam sint illa incommoda quæ pro impedimentis legitimis hac in re censi debent? Respondeo, diuersa esse, v. g. Siquis excommunicationis vinculo obstrictus est, aut tenetur pœna canonicæ suspensionis vel interdicti, debet quidem quanto-cyùs potuerit absolutionem suam petere, & procurare modis omnibus quibus necesse est & conuenit: at interim abstinere. Item si quis est in carcere, & in vinculis tum priuatis, tum publicis detinetur, quandiu in hoc statu est excusatur à sacro faciendo. At si per carceris custodem non cohibetur munus diuinum peragere, illique oratorium cum altare, calice, & toto apparatu sacro exhibetur, ministræque etiam qui suffragetur, dubium videri potest, an data hac opportunitate in die Dominica vel festo solenni Sacerdos carceri mancipatus celebrare possit aut debeat? Distinguendum puto, nam si ab hæreticis, vel schismaticis odio religionis vel ordinis hanc captiuitatem patitur, data hac occasione uti potest, imò, si potest commodè & sine periculo, uti debet: Sic enim sancti Martyres, & nominatim S. Dionysius sacrum celebrauit in carcere, gratumque fuit Domino illius sacrificium, qui diuina manu sua illi corpus suum pretiosum impertiuit. At si pro quouis crimine in vincula coniectus est, abstinere tum debere non dubium est, quia Sacerdos & Pontifex sine crimine esse debet. Locum hîc igitur habet singulare S. Petri monitum, *Nemo vestrum patiatu: ut homicida, aut fur, aut maledicus, aut alienorum appetitor: Si autem ut Christianus, non erubescat; glorificet autem Deum in isto nomine.* Porro si Sacerdos sit liber & à censura quauis immunis, nec sibi conscius est grauis peccati: aut si conscius, tamen vult & potest commodè sua hoc tempore peccata sacramentaliter confiteri, Sacerdoti Catholico non itidem suspenso, vel interdicto: At locus ubi existit interdictus est, nisi priuilegium habeat, excusatur à sacro faciendo. Qui præterea graui aliquo negotio, pio tamen aut iusto occupatur, quod in aliud tempus differri nequit sine dispendio non leui. Aut si Ecclesiæ, vel Reipublicæ causa impeditur, ubi eius cura & opera, quin & præsentia necessaria est,

1. Pet. 4. 16.




est, valet tum excusatio. Item si ita ægrotat, ut prohi piique medici iudicio nequeat sine periculo grauioris infirmitatis Missam celebrare, sine scrupulo peccati abstinere potest tamdiu, quandiu medicus censuerit abstinendum. Item tempore hostilitatis quum periculum impendit Sacerdoti, vel mortis, vel captiuitatis, vel grauis cuiuspiam incommodi, fas tum ei est sibi prudenter consulere, nam persecutionis tempore sancti Cyprianus & Athanasius latebras quæsierunt, hîcque pro fuga sua, insignem Apologiam scripsit, qua factum hoc suum iustitiæ, pietatis, ac necessitatis titulo tueretur: & quæ insuper in casu consimili, monumentô ad posteros permaneret. Alia sunt legitima impedimenta, quæ iudicio boni viri relinquenda sunt, propter quæ Sacerdos ab exequendo sacro munere iis diebus quibus hoc fungi de præcepto tenetur, licitè abstinere potest. Sed his cessantibus, memor sit insignis huius sententiæ B. Epiphaniij \*, iam præsignatæ, officij esse Sacerdotis, *Laborare in hac parte ministerij, Quæ Christianorum præcipua salus est.*

\* Apud S. Hieronymum ep. 60. circa med. Tom. 2.

FINIS.

SOLI DEO HONOR ET GLORIA.





# PANOPLIÆ SACERDOTALIS

PARTIS POSTREMÆ

LIBER II.

DE MŪNERE BENEDICENDI.

*Ex Pontif. Rom. Tit. de Ordine Presbyteri, in admonitione  
ad ordinandos:*

OPORTET SACERDOTE BENEDICERE.

CAPVT PRIMVM.

*Diuerſa verbi, benedicere, ſecundum ſacram Scripturam  
acceptio.*



BENEDICERE generaliter loquendo, haud aliud insinuat, quàm bene ominari, fausta precari, & animi fauorem, studiūque iuuandi declarare: aut laudando & glorificando, beatre vel beatificare. Hinc apud Hebræos ברכה *Beracha*, à verbo *Barac*, ברך, precatus est, benedixit, beatum prædicauit, deriuatur. At tamen *Barac*, est in lingua sacra verbum medium: sumitur etenim in vtramque partem, adeo vt non solum beatificare, aut glorificare, sed etiam aliquando maledicere significet; in quo usu ancipiti est peculiaris Hebraismus, & ὀφθαλμοὺς quando rem infaustam, modesta voce, vel αἰὲς ἐξαρᾶς exprimimus; sic maledicere, benedicere dicunt Hebræi, ne vocis asperitas sit auribus offendiculo. Vt dolo impiæ Iezabelis, Nabot viro innoxio imponitur, quòd *benedixerit Deo* & Regi. 4. Reg. 21. 13. id est ea pronunciauerit quæ propter dicti

ἄλλοι


horrorem silentio sint obruenda. sic & Iob c. 1. Diluculo offerebat holocausta pro singulis filiis, dicebat enim, Ne fortè peccauerint filij mei, & benedixerint Deo in cordibus suis. Et c. 2. Satan ait de Iob ad Deum, Mitte manum tuam & tange os eius & carnem, & tunc videbis quod in faciem benedicat tibi, id est per antiphrasim, maledicta etiam contra te ipsum proferet. At rarò in sacris Scripturis verbum benedicere, in sequiorem illam partem vertitur: sed ferè semper vsurpatur in illo bono significato, quem initio expressimus.

Hoc igitur in sensu, multiplex in Scripturis sacris reperitur benedictio: Ea videlicet qua Deus benedicit homini, cum, quoad naturam, Genesis 1. Masculum & fœminam creauit eos, benedixitque illis Deus, & ait, v. 27. Crescite & multiplicamini & replete terram. Et c. 9. 1. Benedixitque Deus Noë & filiis eius &c. Et Ps. 131. Viduam eius benedicens benedicam: pauperes eius saturabo panibus. tum quoad gratiam, vnde Apostolus Ephes. 1. Benedictus sit Deus & Pater Domini nostri Iesu Christi, qui benedixit nos in omni benedictione spiritali, in cœlestibus, in Christo Iesu. Et ea, qua homo, ex debito gratitudinis Deo benedicit, secundum quam ait Propheta Ps. 33. Benedicam Dominum in omni tempore; semper laus eius in ore meo. Datur & tertia benedictionis species, qua scilicet homo benedicit homini. Sic Leuit. 9. Extendit Aaron manus suas ad populum, & benedixit eis. Quarta est alia, qua frugibus & inanimatis rebus Deus hominis intuitu benedicit. De hac Isaac dicit ad Iacob, Genes. 37. 27. Ecce odor filij mei sicut odor agri pleni, cui benedixit Dominus. Et ad Esau; In pinguedine terræ & in rore cœli desuper erit benedictio tua. v. 40. Ita & Christus vt turbam pasceret in deserto, panes & pisces benedixit, suæque hac illos benedictione multiplicauit. Denique alia est benedictio, qua res vel Dei cultui, vel hominum vsui solatioque destinatas, Sacerdos diuino nomine benedicit: hanc spectat illud Apostoli, Omnis creatura sanctificatur verbo Dei & oratione, 1. Timoth. 4. 5. Cæterum de benedictione Sacerdotali, qua vel Deum Sacerdos benedicit & glorificat, vel hominibus benedicit, vel creaturas alias sanctificat, hic agere, ex opusculi huius proprio instituto, diuina aspirante gratia, sine qua nihil sum, nihil possum, quo decet ordine constitui.

Matt. 14. 19.

## CAPVT II.

## Ordinari Sacerdotem ad benedicendum.



**S**ACERDOTIO & regno, omnia quæ in mundo sunt administrari, Deum voluisse, rectè dudum Gelasius Papa ad Imperatorem Anastasium scripsit, can. Duo sunt, dist. 96. c. 10. adeo vt quæ diuina & spiritalia sunt, per solos Sacerdotes; quæ verò humana & temporalia, per Reges tantum, seu sæculares principes, gubernari, diuina ipsa prouidentia ( quæ omnia cum ordine facit ) per-

peti lege constituerit; siquidem ut sapiens quidam postremæ huius ætatis non inconcinne cecinit.

Vide Lib. nostrum  
de Episcopali  
Monogam.  
part. 2. causa 70.  
& ult. p. 352.

*Cæsaris haud eadem fateor, quæ munera Petri,  
Distinctique Iovem dirimunt à principe fasces,  
Vna nec imperij in Cleram populūque potestas:  
Sed quia stat geminis fultum diadema columnis,  
Religione ac iustitia, in superosque virosque:  
Sacra Sacerdoti curanda, Politica Regi;  
Ut canonum hic custos sit, quorum conditor ille, &c.  
Mutuo ut auxilio subiecta commoda gentis  
Curent, communem & foueant hinc inde salutem.*

Pietate Sacerdos, Rex iustitiæ, sacra & ciuilia gubernacula moderantur. Hinc ille stolâ venerabilis est, iste gladio terribilis & metuendus existit. De Rege enim scribit Apostolus ad Rom. 13. 3. *Principes non sunt timori boni operis, sed mali. Vis autem non timere potestatem? bonum fac, & habebis laudem ex illa. Dei enim minister est tibi in bonum. Si autem malum feceris, time: non enim sine causa gladium portat, Dei enim minister est, vindex in iram ei qui malum agit. Ideo Rex cum coronatur, vngitur in brachio dextro inter iuncturam manus, & iuncturam cubiti, atque inter scapulas: Ut sit (sicut orat inaugurator Pontifex) fortis, iustus & indefessus regni gubernator, impiorum expugnator, iustitiæ cultor, meritorum & demeritorum remunerator. Ideo cum Pontifex, Regi euaginatū de altari gladium tradit, eum sic affatur: Accipe gladium de altari sumptum, per nostras manus licet indignas, vice tamen & auctoritate sanctorum Apostolorum consecratum, tibi regaliter concessum, nostraque benedictionis officio, in defensionem sanctæ Dei Ecclesiæ, diuinitus ordinatum &c. ut in hoc per eandem vim æquitatis exerceas, molem iniquitatis potenter destruas, & sanctam Dei Ecclesiam, cuiusque fideles propugnes & protegas, nec minus sub fide falsos, quam Christiani nominis hostes exeres ac dispergas, viduas & pupillos clementer adiuues ac defendas, desolata restaures, restaurata conserues, ulciscaris iniusta, confirmes bene disposita, quatenus hæc agendo virtutum triumpho gloriosus, iustitiæque cultor egregius, cum mundi saluatore sine fine regnare merearis, &c. Suscipit igitur Princeps gladium à Deo, ad pugnandum, ad puniendum; Dei enim minister est, vindex in iram eis qui malum agunt.*

Heb. 5. 1. 2.

At Sacerdos non est Dei minister in iram, sed pacis, gratiæ, veniæ, & misericordiæ impetrator, nuncius & dispensator: Sacerdotis officium (inquit sanctus Ambrosius lib. de viduis) officium est Spiritus sancti; siquidem Spiritus sanctus adiuuat infirmitatem nostram, & postulat pro nobis gemitibus inenarrabilibus, Rom. 8. 17. sic & Sacerdos constituitur pro hominibus in iis quæ ad Deum sunt, ut offerat dona & sacrificia pro peccatis, qui condolere possit iis qui ignorant & errant. Quoniam est vicarius amoris Christi erga homines; ideo Sacerdotis opera (ait S. Gregorius) debent charitate decorari: nec magis pudicitia fœminam ornat, quam mansuetudo Sacerdotem. Non pugnamus, (ait magnus Ambrosius ad Valentinianum Augustum) sed oramus, arma Sacerdo-



cum lacrymæ sunt, quas pro suis & populi delictis, debent cum gemitu columbæ coram Deo indefinenter profundere. Omnis Sacerdotis petitio debet esse postulatio pietatis, sollicitatio diuinæ gratiæ & misericordiæ, humanæque miseriæ solatium; idcirco manus eius gladio non armatur, sed oleo misericordiæ ungitur. Audiatis Episcopum ordinantem Sacerdotem, cum ambas eius manus inungit, hunc in modum ait & orat: *Consecrare & sanctificare digneris Domine, manus istas, per istam unctionem & nostram benedictionem, Amen.* producitque manu dextera, signaculo crucis super manus ordinandi, sic profecquitur: *Ut quæcunque benedixerint, benedicantur, & quæcunque consecrauerint, consecrentur & sanctificentur, in nomine Domini nostri Iesu Christi. Amen.* Primarium igitur munus Sacerdotis est benedictio: quam per benedictionem, omnia quæ diuina auctoritate agit, semper & ubique operatur, hoc igitur ad eum, oraculum spectat, Num. 23. *Ad benedicendum adductus sum, benedictionem prohibere non valeo.* Necessè est enim ex suscepto officio, ut Sacerdos benedicat, quia est non modò organum diuinæ omnipotentiae, sed & exceptorium, alueusque totius in nos eius bonitatis. Præclare hoc pridem enunciauit S. Prosper, ex cuius aureis planè dictis sexta Synodus Parisiensis, sub Ludouico Pio habita, excelsa Sacerdotij præconia, c. 11. his verbis perpetua dignis memoria promulgauit: *Sed & hoc illis, filiis utique & proceribus vestris, ad memoriam reducendum est, qualiter B. Prosper in libro quem de contemplatiua & actuali vita scripsit, laudem Sacerdotum comprehenderit; ipsis enim, inquit, id est Sacerdotibus, propria animarum curandarum sollicitudo commissæ est, qui pondus populi sibi commissi viriliter instruunt, pro peccatis ouium, velut pro suis infatigabiliter supplicanti Deo, ut velut quondam Aaron incensum contriti cordis & humiliati spiritus offerentes, quo placatur Deus, auertant iram future animaduersionis à populo. Qui post diuinam gratiam, diuinæ voluntatis sunt indices, Ecclesiarum Dei post Apostolos fundatores, fidelis populi duces, veritatis assertores, prauæ doctrinæ hostes, omnibus bonis amabiles &c. Patres in fide Catholica regeneratorum, prædicatores cælestium præmiorum, exempla bonorum, documenta virtutum, & forma fidelium: ipsi sunt decus Ecclesiæ, in quibus amplius fulget Ecclesiæ; ipsi columnæ firmissimæ, quibus in Christo fundatis, innititur omnis multitudo credentium, ipsi ianua ciuitatis æternæ, per quas omnes qui credunt ingrediuntur ad Christum, ipsi ianitores quibus datae sunt clauæ regni cælorum. Insigne est quod Beatissimæ Virgini Deiparæ tribuit S. Bernardus serm. 3. de Vigilia Natiuitatis Domini, prorsusque memorabile elogium: *Nihil nos Deus habere voluit, quod per Mariæ manus non transiret.* Cui succinit & illud Richardi à sancto Victore: *Nihil à throno Dei diuini muneris defluit aut descendit, quod per Mariæ manus non pertransierit.* Quia scilicet Virgo benedicta in æternum, de suis castissimis visceribus Deum nobis protulit, & hominem. Quo vno singulari munere, omnia nobis protulit diuinæ in nos largitatis beneficia. Liceat dicta hæc ad nostrum propositum parumper inflectere. Nihil nos Deus habere voluit, quod per Sacerdotum manus (quæ suæ in nos munificentiae & omnis benedictionis organa*


*Pomificale  
Rom. ordinat.  
Presbyt.*

sunt) tanquam per cœlestes alueos, non transiret. Sic nos (inquit Apostolus 1. Cor. 4.) existimēt homo, ut ministros Christi & dispensatores mysteriorum Dei. Vbi vulgata habet, *dispensator*, in Græco exemplari est *œconomus*, qui domini sui curam domûs habens, in ea omnia regit, distribuit, ordinat, quin & donat, aut relaxat ad heri beneplacitum, domesticorumque opem & solatium. Sic vult Spiritus sanctus, qui fons viuus est omnis gratiæ & benedictionis, sua per Sacerdotes, œconomos utique suos, munera dispensari. *Posuit enim in ipsis verbum reconciliationis; id est ministerium omnis gratiæ & salutis.*

2. Cor. 5.

## CAPVT III.

*Primarium esse munus Sacerdotis, Deo benedicere.*



SACERDOTVM in veteri lege pleraque erant officia, v. g. 1. Olea conseruare, quorum nonnulla pro lucernis Sanctuarij, alia pro vnctionibus sacris vsui erant, Num. 4. 2. Vasorum curam gerere, quibus in tabernaculum utebantur, ibidem. 3. Quotidie vnâ cum Sacerdote magno, incensum offerre super altare thymiama- tis; & absque Pontifice etiam super altare holocausti. Num. 4. & 1. Paralip. 6. & 26. 4. Quotidiana offerre sacrificia, Num. 4. 5. Siquando pro populo vel priuatis personis præter consuetum ordinem, offerendum esset sacrificium, illud offerre. Leuit. 17. 2. Paralip. 29. 6. Sacrificia facere quæ pro singulis festis præscripta erant, vt ex Scripturis obseruauit Iosephus lib. 6. de bello Iudaico. 7. Clangere tubis, cymbalisque personare diuina præconia, Num. 10. 8. *Filij autem Aaron Sacerdotes clangent tubis, eritque hoc legitimum sempiternum.* Et infra: *Canetis tubis super holocaustis & pacificis victimis, ut sint vobis in recordationem Dei vestri, Ego sum Dominus Deus vester.* Et Num. 29. 1. *Mensis etiam septimi prima dies venerabitur & sancta erit vobis, quia dies est clangoris & tubarum, offeretisque holocaustum in odorem suauitatis.* 1. Paralip. 15. 24. *Sacerdotes clangebant tubis coram arca Dei; Et 2. Par. 7. Porro Sacerdotes canebant tubis &c. cunctusque Israël stabat.* Et c. 13. *Clamauit (Iuda) ad Dominum, ac Sacerdotes tubis canere cæperunt.* Hic verò quis fortè percontabitur, cur tot diuini Codicis locis, Spiritus sanctus notatum esse voluerit, munus hoc proprium fuisse Sacerdotum, tubis clangere in sacrificiis & reliquo cultu diuino? At euidentis est obseruationis huius ratio: sic scilicet placuisse Spiritui sancto, ad significandum, Sacerdotes esse organa diuinæ glorificationis, sicque ex hominibus assumptos, & constitutos pro hominibus in iis quæ ad Deum sunt vt offerant dona, & sacrificia pro peccatis; vt meminerint se etiam diuinis præconiis esse præfectos, vt laude scilicet & glorificatione perpetua Deum colere & venerari puro ore & deuota mente, pro iniuncto officio, sedulò recordentur.

Hebr. 5.

De hac Sacerdotum obligatione disseruimus non ita diu luculen-

ter in opere nostro nondum typis edito *De horis Canonicis*: Quamobrem hîc fore superfluum puto, de iis iteratò tractare; paucula duntaxat analecta hîc subiunctum ire, haud abs re futurum arbitror.

Libro præcedenti quo de sacrificandi officio pertractauimus, Missæ sacrificium esse non modò propitiatorium & impetratorium, sed etiam latreuticum & eucharisticum planè, copiosèque demonstrauimus: quod scilicet eo fine institutum sit, vt per id officij supremus Deo cultus latriæ, à Sacerdotibus pro omni humano genere exhibeatur, simulque honor & gloria eius Maiestati per ipsum laudis sacrificium rependatur, religione perpetua. Hoc autem officium solis Sacerdotibus, id est Episcopis & Presbyteris ritè ordinatis, diuina institutione fuisse attributum, eodem libro de sacrificio, vbi de eius ministro tractatum est, ostendimus. Huic dogmati subscribunt Patres; S. Clemens lib. 3. Constitut. Apostol. c. 10. *Immo (inquit) neque laico permittimus facere aliquod opus Sacerdotale, vt sacrificium, &c.* Et paulò post, huiusmodi autem gratia per impositionem manuum Episcopi datur: *Qui verò non est ad eam electus, seu potius eam sibi rapuit, hic supplicio Ozia afficietur.* Tertullianus de exhortatione castitatis c. 7. *Differentiam (inquit) inter ordinem & plebem constituit Ecclesiæ auctoritas, & honor per ordinis confessum sanctificatus à Deo, vbi Ecclesiastici status & ordinis est confessus, offert & tinguit Sacerdos ipse solus.* S. Fabianus Papa & Martyr ep. 2. *Sacerdotes quoque sibi Dominus elegit, vt ei sacrificent & offerant oblationes Domino; Leuitas quoque sub eis esse iussit in ministeriis eorum.* S. Cyprianus ep. 60. ad Cæcilium; *Nam si Christus Dominus & Deus noster ipse est summus Sacerdos Dei patris, & sacrificium Deo patri ipse primus obtulit, & hoc fieri in sui commemorationem præcepit: Vtique ille Sacerdos vice Christi verè fungitur, qui id quod fecit Christus imitatur, & sacrificium verum & plenum tunc offert in Ecclesia Deo patri, si sic incipiat offerre secundum quod ipsum Christum videat obtulisse.* Prima Synodus Oecumenica, Nicæna scilicet, c. 18. sic congruenter decernit; *Peruenit ad sanctam Synodum quòd in nonnullis locis, & ciuitatibus Diaconi dant Presbyteris Eucharistiam, quod neque canon, neque consuetudo tradidit, vt qui offerendi potestatem non habent, iis qui offerunt dent corpus Christi.* Huc spectat & illud S. Hieronymi, fastum Diaconorum se perperam extollentium supra Presbyteros retudentis: *Quid habet mensarum & viduarum minister, vt super eos se tumidus efferat, ad quorum preces corpus sanguisque Christi conficitur?* S. Epiphanius ep. 60. apud eundem S. Hieronymum, qua rationem reddit Ioanni Hierosolymitano Episcopo, de Paulino à se ordinato Sacerdote, in Monasterio quo ipse B. Hieronymus degabat; *Quia (ait) sancti Presbyteri Hieronymus & Vincentius, propter verecundiam & humilitatem nollent debita nomini suo (id est officio Sacerdotali) exercere sacrificia, & laborare in hac parte ministerij, quæ Christianorum præcipua salus est.* Hac ex constanti doctrina & fide Ecclesiæ aduersus hæreticos neotericos, hic anathematismus prodiit à postrema Synodo Oecumenica pronunciatus, sess. 22. Can. 2. *Siquis dixerit*

illis verbis, hoc facite in meam commemorationem, Christum non instituisse Apostolos Sacerdotes, aut non ordinasse ut ipsi aliqui Sacerdotes offerrent corpus & sanguinem suum, Anathema sit. Iam anni 500. effluxerunt ex quo Petrobrussiani hæretici, horum recentiorum prodromi & præcursores, Missæ sacrificium submotum ire efflictim tentauerunt. Contra hos scripsit aculeatum tractatum pro sacrificij ipsius piis ac necessariis vindictis, Petrus cognomento Venerabilis, Cluniacensis Abbas, in quo inter cætera præclara, piè, grauitè, ac insignitè ait, *Eos qui tollere diuinum hoc sacrificium nitebantur, hoc facere diabolo suggerente, ut gens illa (Christiana videlicet) præ cæteris omnibus, Deo sit ingrata, quæ ab eo plura & potiora beneficia accepit.* Sacrificium enim hoc inter cæteros fines propter quos institutum est à Christo, cò maximè spectat, ne genus humanum de innumeris & immensis à Deo per Christum nobis collatis beneficiis, ingratum sit: sed pro iis debitas diuinæ Maiestati referat gratiarum actiones, laudèsq; immortales per hanc incruentam hostiam rependat. Eapropter Euangelistæ in institutione huius Sacramenti expressè signant, Dominum gratias agendo Patri Eucharistiam consecrâsse, & prout fecerat, Apostolis & eorum successoribus præcepisse ut facerent. Ideo in ipso canone Sacerdos disertè proficitur se offerre Deo hoc sacrificium laudis, pro vniuersa Ecclesia sancta Dei: quin & solenni præconio quod Præfationem vocitamus, Gratiarum laudes Sacerdos, priusquàm diuinam ordiatur actionem, Deo refert. *Gratias agamus Domino Deo nostro; Excitatisque insigni documento fidelibus, Angelos ad idem sacrum munus inuitat, quin potius suas eorum canticis adiungi precatur pias voces. Per quem (Christum scilicet Dominum nostrum) maiestatem tuam laudant Angeli, adorant dominationes, tremunt potestates: Cæli cælorumque virtutes ac beata Seraphim socia exultatione concelebrant: Cum quibus & nostras voces ut admitti iubeas deprecamur supplici confessione dicentes, Sanctus, Sanctus, Sanctus Dominus Deus Sabaoth.* Nec ad has laudes. prosequendas audet Clerus, nec populus, concurrere, nisi præeunte & præcinente Presbytero, qui scilicet Christi non modò manus est, sed vox quoque, quin & ipsum os sacratissimum. Hinc S. Chrysostomus hom. 69. ad populum Antiochenum: *Verùm & tu laice (ait) cùm videris Sacerdotem offerentem, ne ut Sacerdotem putes esse hoc facientem, sed Christi manum inuisibiliter extensam.* Et hom. de prodicione Iudæ, *Non homo est (inquit) qui proposita in mensa Domini, consecratione corpus Christi facit & sanguinem, sed ille qui pro nobis crucifixus est, Sacerdotis ore verba profert, suæque virtute consecrat & gratia.* Nec minùs verè quàm eleganter S. Gregorius Nazianzenus in Apologetico, Sacerdotis enarrans dignitatem; *Sacerdotem (ait) cum Angelis stare, cum Archangelis Deum glorificare, ad supernum altare sacrificia transmittere, & cum Christo sacrificio fungi.* Quod verbum mirum quidem, sed prorsus verum est, ut superiori libro, palam fecisse propriò locò, non me fugit.



## CAPVT IV.

*Sacerdotem benedicere populo, vice Christi.*

NSCITE & perperam prorsus hæretici nuperi blaterant, Paulum Apostolum in Epistola ad Heb. sacrificij Melchisedech nullam expressisse mentionem: finis enim sacrificij diuina est & humana benedictio; Dei, inquam, glorificatio & cultus, hominis autem inde sequens sanctificatio & beatificatio. Paucis verbis utrumque reperiri in Sacerdotio Melchisedech, Apostolus c. 7. Epistolæ ipsius ad Hebræos insinuat: *Hic enim Melchisedech, inquit, Rex Salem, Sacerdos Dei summi, qui obuiauit Abraham regresso à cæde Regum, & benedixit ei &c. Sine autem contradictione quod minus est à meliore benedicatur.* In codice Græco *ἡρώδης* maiore, digniore, præstantiore. A benedictione igitur quam Abraham Melchisedech impertiuit, non solum Apostolus infert, & eius ordinis decus & eiusdem personæ præcellentiam: sed insuper effectum eius sacrificij hanc benedictionem fuisse subsequenter declarat; Christi fuit figura Melchisedech, *assimilatus* (ait Apostolus) *filio Dei*. Ad quem ideo Pater æternus dicit per Prophetam; *Tu es Sacerdos in æternum secundum ordinem Melchisedech*; Qui scilicet Sacerdos fuit Dei summi, qui panem & vinum obtulit, qui Abraham benedixit: *Sed quis magis Sacerdos Dei summi*, (inquit S. Cyprianus ep. ad Cæcilium, lib. 2. ep. 3.) *quàm Dominus noster Iesus Christus, qui sacrificium Deo Patri obtulit, & obtulit hoc idem quod Melchisedech obtulerat, suum scilicet corpus & sanguinem. Et circa Abraham benedictio illa præcedens ad nostrum populum pertinebat. Quamobrem Christus post peractum tam cruentum quàm incruentum sacrificium suum, cum victor ad gloriam Patris ascenderet, Ecclesiam suam in suis discipulis benedixit: Eleuatis manibus benedixit illis, & ferebatur in cælum.* Luc 24. 50. Vicem Christi obeunt Sacerdotes, quibus ideo munus benedicendi populum in Christi nomine diuinitus concessum, Ecclesia semper agnouit & suscepit.

*Heb. 7. 1. 7. 8.  
Genes. 14. 19.*

*Heb. 7. 3.  
Psal. 109.*



## CAPVT V.

*De iis personis, quibus ex officio Presbyter benedicit.*

## ARTICVLVS I.

*De Catechumenis adultis, & regenerandis infantibus.*

ENEDITIONES & consecrationes cum crucis salutiferæ signaculo consueuisse iam olim adolescente adhuc Ecclesia, fieri & impertiri, in ipso ferè limine libri nostri de sacro ritu præferendi crucem maioribus Ecclesia Prælati propalauimus. Baptismus est ianua salutis.

Porro in Sacramenti huius præludiis, ipsoque mysterio peragendo, morem ab initio vsuuenisse, ut Presbyteri benedicerent, seu signo crucis consignarent Christianismi candidatos, res est tam certa, quàm certissima. In Actis S. Benigni Presbyteri & Martyris, quem S. Polycarpus S. Ioannis Apostoli præcipuus discipulus, ab Oriente in Galliam ad fidem Christi propagandam misit, legitur de eo ad Aurelium Imperatorem, titulo accusationis, fuisse relatum: *Tonsum vertice hominem, veste peregrina Diuionem venisse, illicque novos spargere mores, Deorum sacra execrari, auitas carimonias insectari, magicis artibus populum dementare, abductumque à religione Maiorum, ad novos ritus cultumque crucifixi hominis, quem Deum unicum prædicat, quotidie traducere, audientes abluere aqua, balsamo linire, cruce signare, ac in cætum vocatos ritibus initiare incognitis.* Ritus hic etiamnùm Apostolicus persecerat, ut Presbyteri adultos baptismum postulantes Sacerdotali benedictione præmuniant; sic enim post interrogationem de Symbolo, Sacerdos Catechumeno dicit: *Accipe signum crucis tam in fronte, quàm in corde, &c.* subindèque orat, *Te deprecor Domine sancte Pater omnipotens, ut huic famulo tuo viam veritatis & agnitionis tuæ iubeas demonstrari, quatenus reseratis oculis cordis sui, te unum Deum Patrem in Filio, & Filium in Patre & Spiritu sancto recognoscat, atque huius confessionis fructum hic & in futuro seculo percipere mereatur. Per Christum Dominum nostrum.* Deinde signat illum signo crucis cum pollice in fronte, dicens, *Signo tibi frontem †, ut suscipias crucem Domini.* In auribus; *Signo tibi aures †, ut audias diuina præcepta.* In oculis, *Signo tibi oculos †, ut videas claritatem Dei.* In naribus, *Signo tibi nares †, ut suauitatem odoris Christi sentias.* In ore, *Signo tibi os †, ut loquaris verba vitæ.* In pectore, *Signo tibi pectus †, ut credas in Deum.* In scapulis, *Signo tibi scapulas †, ut suscipias iugum seruitutis eius.* In toto corpore, illud non tangens, manu producit signum crucis, & dicit, *Signo te totum, in nomine † Patris, & † Filij, & † Spiritus sancti, ut habeas vitam æternam, & viuas in secula seculorum.*

Ex Rituali Rom.  
tit. de Sacra-  
mento Baptismi.

Infantes pariter cum benedictione excipit Sacerdos, exemplo Domini nostri Iesu Christi, de quo Marc. 10. 14. 15. *Sinite paruulos (dice-*

bat discipulis suis ) venire ad me, & ne prohibeatis eos , talium est enim regnum Dei &c. Et complexus eos & imponens manus super illos benedicebat eos. Sic Sacerdos oblatum sibi infantem ad baptizandum suscipit, consignans eum signo crucis in fronte & in pectore , moxque cum diuinæ pietati fusa prece commendans, expleto baptismo eum cum hac benedictione dimittit, *Vade in pace, & Dominus sit tecum.*

## ARTICVLVS II.

*De Energumenis.*

CANON ille Eliberitani Concilij rigidior plerisque viris doctis & piis visus est, quo ad altare suscipi Energumenorum oblatio, aut nomen recitari prohibetur. c. 29. *Energumenum qui aberratico spiritu exagitur, huius nomen, neque ad altare cum oblatione esse recitandum.* Attamen tempore Apostolorum pro iis ad altare fiebant preces specialiter : nam apud S. Clementem lib. 8. Const. Apost. c. 8. extat propria obsecratio pro energumenis in ipso sacrificio recitanda. Benignior fuit circa hos afflictos, Gallicana quàm Hispanica Ecclesia, siquidem in Arausicano I. Concilio c. 14. eos iuari posse non solum orationibus, sed & sacra communione indulgetur. Ita enim statuit antiqua illa Synodus. *Energumeni iam baptizati, si de purgatione sua current, & se sollicitudini Clericorum tradant, monitisque obtemperent, omnimodè communicent, Sacramenti ipsius virtute, vel muniendi ab incurso demonum quo infestantur, vel purgandi, quorum iam ostenditur vita purgatio. Quin & baptismo regenerandos, decernit, si petierint, qui iam erant Catechumeni. c. 15. Energumenis Catechumenis in quantum, vel necessitas exegerit, vel opportunitas permiserit, de baptismate consulendum.* Porro liberandos & expurgandos esse Sacerdotalibus precibus, exorcismis, & benedictionibus docet & decernit suo in Rituali Romana Ecclesia, tit. *de exorcizandis obsessis à demonio.* Quos in ipso Exorcismi limine per crucis signaculum benedictione muniendos, sacra ipsa praxis præscribit ; dicit igitur Sacerdos : *Deus conditor & defensor generis humani, qui hominem ad imaginem tuam formasti, respice super hunc famulum tuum &c. Repelle Domine virtutem diaboli, fallacisque eius insidias amoue, procul impius tentator aufugiat ; ( in fronte ) sit nominis tui signo † famulus tuus munitus, & in anima tuus & corpore.* Tum facit super eius pectus tres cruces dicendo, *Tu pectoris huius † interna custodias ; tu viscera † regas : tu cor † confirmes, &c. Da Domine ad hanc inuocationem sanctissimi nominis tui gratiam.* Subinde verò exorcismos omnes, editis passim crucis signaculis peragit, & liberatione obsessi demum impetratâ, hac prece qua diuinam super liberatum hominem petit effundi benedictionem, totam hanc sacram actionem concludit ; *Oramus te omnipotens Deus, ut spiritus iniquitatis amplius non habeat potestatem in hoc famulo tuo, sed ut fugiat, & non reuertatur. Ingrediatur in eum Domine te iubente bonitas, & pax Domini nostri Iesu Christi, per quem redempti sumus, & ab omni malo non timemus, quia Dominus nobiscum est : Qui tecum viuit & regnat in unitate Spiritus sancti Deus, per omnia secula seculorum. Amen.*

## ARTICVLVS III.

*De Pœnitentibus.*

Tom. 10. Bibb.  
SS. PP. col. 28.

**P**RESBYTERIS aduolui, aris Dei adgeniculari, iam olim in primitiua Ecclesia consueuisse pœnitentes, magnus Tertullianus commemorat. Huius obseruantia patens manet indicium in veteri ordine Romano, in ordine *Feria 4. in capite ieiunij Quadrages.* vbi sic pœnitens suam confessionem exorditur, *Confiteor tibi Domine Pater cœli & terræ, tibi que bone, & benigne Iesu Christe unâ cum sancto Spiritu, coram sanctis Angelis tuis, & coram Sanctis tuis, coram hoc altari, & Sacerdote tuo.* Nec excidit adhuc mos iste à praxi communi Ecclesiæ, siquidem pœnitens prostratus ante Sacerdotem, in Ecclesia pro tribunali sedentem, primùm omnium benedictionem ab eo exposcit, ait siquidem: *Benedic pater quia peccaui.* Tum verò Sacerdos dicit, *Dominus sit in corde tuo & in labiis tuis, ut verè & integrè confitearis omnia peccata tua, in nomine Patris † & Filij † & Spiritus sancti †,* manu producens signum crucis super caput pœnitentis. In citato ordine Rom. post auditam pœnitentis confessionem & datam ei à Sacerdote absolutionem singularem, aspergebat eum Sacerdos aqua benedicta & suffumigabat incenso: quo putores peccati discussos, & absterfas animæ labeles, diuinæ gratiæ roris influxu significaretur, iuxta illud Apostoli 1. Cor. 6. 11. *Et hæc quidem fuistis aliquando, sed abluti estis, sed sanctificati estis, sed iustificati estis in nomine Domini nostri Iesu Christi, & in Spiritu Dei nostri.*

## ARTICVLVS IV.

*De coniugio copulandis.*

Sess. 24. in decreto de Matrimonio.

**H**IC grauem illam quæstionem de Ministro Matrimonij discutiendam non suscipio, an sit Sacerdos, vel mutuò contrahentes? Hanc enim post Concilium Tridentinum agitare, videtur iam non licere, cùm Theologi ex doctrina ipsius Concilij certum esse eliciant, materiam, formam & ministrum eo in Sacramento concurrere: Proinde Sacramenti ipsius, Sacerdotem etiam si benedictionem coniugibus nuptialem impertiatur, non esse propriè ministrum. Ab hac communi & passim iam ferè recepta sententia discessum ire nolim, etiam si Canonistæ conglobatim refragentur. Ac ex Theologis Scholasticis Melchior Canus Doctor percelebris lib. 8. de locis Theologicis, exertis viribus contendat illorum placitum asserere ac tueri, tam à sacræ Scripturæ auctoritatè, quàm Patrum consensu, veteribusque summorum Pontificum decretis, insigniorumque aliquot Theologorum antiquorum suffragiis, & multiplici ratione Theologica. Quibus omnibus argumentis magnus Cardinalis Bellarminus doctè & accuratè respondit: quamuis, nisi præualeret Concilij generalis auctoritas, Melchioris Cani rationibus, Bellarmini solutiones haud solidas & irrefragabiles vndequaue esse, forsitan posset euinci.



At hoc non intendo , sed præstituta illius sententiæ quam ex Concilij oraculis deducit Theologorum Schola , firmitate ; ad nostri lemmatis ostensionem , quæ loci huius propria est , ultro progredior. \*

\* Vide tamen  
Estrin in 4. sent.

Perpetua constansque Patrum est sententia , ad legitimum inter Christianos matrimonium constituendum , benedictionem Sacerdotalem desiderari. In gestis S. Matthæi Apostoli proditum est , ipsum Apostolum testificatum esse populo , has esse nuptias Deo charas , quæ per benedictionem Sacerdotis consecrantur. Et in gestis S. Thomæ legitur , ipsum ad petitionem Indiæ Regis , sponso & sponsæ in thalamo benedictionem nuptialem contulisse. Sed missis his exemplis quæ authentico testimonio non nituntur , cùm Abdiæ historia apocrypha censeatur , eandem doctrinam certis Patrum testimoniis & Conciliorum ac Pontificum decretis peruium est certam & indubitatam ostendere. Sanè Tertullianus lib. 2. ad uxorem circa extremum , disciplina & praxi Ecclesiæ edoctus , ita scribit , *Vnde sufficiam ad enarrandam felicitatem matrimonij , quod Ecclesia conciliat , & confirmat oblatio , & obsignatum Angeli renunciant?* Canon Euaristi Papæ & Martyris in Codicem iuris sacri relatus , c. *Legitimum* , dist. 35. hoc expressius confirmat , *Aliter legitimum (ut à Patribus accepimus , & à sanctis Apostolis , eorumque successoribus traditum inuenimus) non fit coniugium , nisi ab iis qui super ipsam faminam dominationem videntur habere , & à quibus custoditur uxor petatur , & à parentibus aut propinquiorebus sponsetur , & legibus dotetur , & suo tempore Sacerdotaliter , ut mos est , cum precibus & oblationibus à Sacerdote benedicatur.* Moris huius testis est etiam sanctus Ambrosius lib. 3. in Luc. c. 3. sed & in Conc. IV. Carthag. cui interfuit sanctus Augustinus , idem ritus seruandus præcipitur c. 23. his verbis , *Sponsus & sponsa cùm benedicendi sunt à Sacerdote , à parentibus suis , vel à paranympis offerantur , qui cùm benedictionem acceperint , ea nocte pro reuerentia huius benedictionis in virginitate permaneant.* Innocentius I. qui hoc ipso tempore vniuersali Ecclesiæ præsidebat , ep. 2. ad Viëtricium Episcopum Rothomagensem c. 6. benedictionis huius Sacerdotalis originem diuinam esse ostendit. *In paradiso (inquit) cùm parentes humani generis coniungerentur , ab ipso Domino sunt benedicti. Hanc formam etiam seruare Sacerdotes omnes , usus ipse demonstrat Ecclesiæ.* Nicolaus I. ad consulta respondens Bulgarorum ( ut etiam refert Gratianus 30. q. 5. can. *Nostrates* ) postquam descripsit sponsalia , demum subiungit , *Ambo (sponsus & sponsa) ad nuptialia fœdera perducuntur. Et primum in Ecclesia Domini cum oblationibus , quas offerre debent Deo per Sacerdotis manum , statuuntur , sicque demum benedictionem & velamen cœleste suscipiunt.* Alexander III. rescribens Vigilensi Episcopo , ut legitur p. 9. Concilij Lateranensis , cui præfuit , c. 1. *Vir , inquit , vel mulier ad bigamiam transiens non debet à Presbytero benedici , quia cùm alia vice benedicti sint , eorum benedictio non debet iterari.* Oecumenicum Concilium Tridentinum , stricti esse iuris illam benedictionem declarauit sess. 24. in Decreto de reformatione Matrimonij c. 1. *Parochus , viro & muliere interrogatis & eorum mutuo*

Apud Abdiam  
lib. 7.

Refertur 3. q.  
5. can. sponsus  
& dist. 23.

\* Consonat liturgica hæc oratio, quæ in fine Missæ pro benedictione coniugum, eorumque coniunctione dici solet: *Exaudi nos omnipotens & misericors Deus: ut quod nostro ministratur officio, tua benedictione potius impleatur. Per Dominum &c.*

*consensu intellecto, dicat: Ego vos in matrimonium coniungo in nomine † Patris & Filij & Spiritus sancti.* \* Et infra: Statuit benedictionem à proprio Parocho fieri, neque à quoquam, nisi ab ipso Parocho vel ab Ordinario licentiam ad prædictam benedictionem faciendam, alij Sacerdoti concedi posse. Atque hætenus satis de sacro hoc ritu benedictionis Sacerdotalis. In rituali Rom. præscribitur hæc eadem observatio, cum adiuncta formula benedictionis annuli & thalami conjugalis. In veteri ordine Romano extat ordo ad benedicendam sponsam, in quo eadem preces quæ etiamnum in vusu sunt, ferè ad verbum præscribuntur. tom. 10. Biblioth. sanctorum Patrum.

## ARTICVLVS V.

*De Lectoribus, sacras Lectiones in diuino Officio recitantibus.*

**L**ECTORES quibusdam in locis aliquando præsumpsisse salutare populum, dicendo *Dominus vobiscum*, vt solent Sacerdotes, colligitur ex can. 4. Concil. III. Carthag. relato can. *Placuit, dist. 77. Vt Lectores populum non saluent.* Vbi Glos. Solebant fortè lecturi in pulpito aliquam salutationem nobis ignotam præmittere, vel dicebant, *Dominus vobiscum: vbi modò dicunt, iube Domne benedicere.* Qui abusus inoleuisse videtur in Africa, vbi à Patribus hoc canone coërcetur; nam Romæ accuratior erat, etiam circa Lectores sacras lectiones obeuntes, disciplina, vt ex epistola Nicolai I. Papæ ad Michaellem Imperatorem, cuius initium est, *Proposueramus*, colligitur: vnde excerptus can. 6. dist. 21. cuius hæc est series, *Denique si in Epistola ad Hebræos legimus quòd minor à maiore benedicitur.* Et infra, *Prouidam in Ecclesiis consuetudinem tradiderunt, hodièque in Romana Ecclesia, quæ magistra est omnium Ecclesiarum imprætermissa seruatur, ita vt nullus Sacerdos, maiore suo non innuente (aliàs iubente) confacerdote, cuiuslibet rei benedictionem dare nitatur, sed & anterior stans ad pronuntiandam aliquam lectionem, benedictionem quidem postulat, sed ei quilibet inferior non audet penitus benedicere.* At contra hunc Canonicum ordinem valuisse morem passim in plerisque Galliæ Ecclesiis conspiciamus, vt minor maiori benedicat, siquidem in præconiis matutinis, solennioribus diebus quibus solent dignitates Cathedralium Ecclesiarum lectiones dicere; semper hanc, qui lecturus est, petitionem præmittit, *Iube Domne benedicere*, tumque vel simplex Canonicus digniori, vel qui minori dignitate fulget, ei qui maiori præstat (puta maiori Archidiacono vel Decano) benedictionem impertit: quam (reuera) si ex studio humilitatis maior vult petere, non debet minor proferre. Et dudum quidem lectiones à minoribus Clericis (dempra homilia super Euangelium) consueuerant recitari. Vnde ordo congruus exigebat, vt à Sacerdote sacris officiis præsidente, veniam legendi cum benedictionis gratia deposcerent; Quam eis ultro, decentique ac præscripta verborum formula conferebat.

Petrus tamèn Cardinalis Damiani libello cui titulum indidit *Domini vobiscum*, morem hunc Ecclesiasticum accuratiùs expendens sic exponit: *Lecturus*, inquit, *magnæ humilitatis gratiâ non à Sacerdote, sed ab eo cui Sacerdos iusserit, se postulat benedici, dicens, Iube Domne benedicere, Sacerdos autem ut tantæ humilitati vicem reddat non subiecto cuiquam delegat benedictionis officium; non per semetipsum benedictionem dare præsumit, sed potiùs à Deo qui est super omnia benedictus ut prerogatur, exposcit. In Lectionibus autem diurnis (id est in Capitulis, quæ lectiones sunt breues) non petitur benedictio à maiore, quoniam superior qui vicem Christi gerit, eas recitat. Cæterum mos benedicendi lectores, videtur ab Apostolis prodiisse, nam sic legimus apud S. Clementem lib. 8. Constit. Apost. cap. 28. de lectoribus: Ego Matthæus qui & Leui, olim publicanus, dispono, qui lectorem constituit imponens ei manum & orans dicat, Respice super famulum tuum, qui promouetur ad legendum tuas sanctas scripturas populo tuo, da ei Spiritum sanctum, spiritum propheticum, quo seruum tuum Esdram instruxisti ad legendum leges populo tuo, & nunc inuocatus à nobis instrue seruum tuum, & da ei ut laudabiliter perfecto commisso sibi munere, altiori gradu dignus efficiatur. Lectores autem Presbyteri olim constituebant, aliòsque inferiores Ecclesiæ ministros, prout ex actis S. Benigni Presbyteri & Martyris Burgundiæ Apostoli, aliàs obseruauimus lib. de Episcopali Monogamia part. 2. causa 3. p. 110. & 111. in margine. De ritu autem benedictionem Sacerdotalem impertiendi lectoribus, officio suo in Ecclesia functuris, scilicet cùm Lectiones sacras dicturi sunt, disseruimus ex professo, in fuso nostro opere de Horis Canonicis lib. 10. quo de partibus agimus diuini officij sub lectionum titulo: quamobrem diutiùs hîc non reor huiusmodi ritui dilucidando immorandum.*

## ARTICVLVS VI.

*De Diacono, Euangelium in venerabili Missæ sacrificio pronunciante.*

**D**IACONVS (ait S. Clemens lib. 8. c. 34. Constit. Apostol.) non benedicit, non dat benedictionem, accipit autem à Presbytero, vel Episcopo; ritusque ex hac Apostolica lege manauit, ut Diaconus in sacrificio pronunciaturus Euangelium, genuflexus à Sacerdote, siue Episcopo, siue Presbytero benedictionem petat & accipiat; non modò peculiari Latinæ Ecclesiæ more \*, sed etiam antiqua praxi Ecclesiæ Orientalis, ut constat ex Liturgiis sanctorum Basilij & Chrysostomi. Sed iste ritus reuerà vetus & insignis, nonnullis occasionem dedit inquirendi, cur potiùs Diaconus lecturus Euangelium, benedictionem à Celebrante Sacerdote deposcit, quàm Subdiaconus Epistolam in Missa solenniter dicturus? Quidam respondent in causa esse, Euangelij præminentiam, quia doctrinam Christi continet proprio eius ore traditam & authenticam historiam eius gratiæ dispensationis: hinc legitur in altiori loco \*, longè digniori apparatu cum accensis hinc inde cereis & incenso; liber ipse siquidem incensatur, osculo Epi-

\* Vide Amal. Fortunat. de Eccl. off. lib. 2. c. 12. & lib. 3. c. 18.

\* Apud eundem Amal. de ascensione Diaconi in tribunal. l. 3. c. 18.

scopi vel Sacerdotis excipitur; quin & tanquam Christus ore proprio loquens adoratur, qui honos non habetur reliquis sacri eloquij libris, ut ex praxi Ecclesiæ omnibus conspicua patet. Accedit & alia ratio, quæ tamen huic affinis est & consuetanea, supposita siquidem Euangelij tam sublimi dignitate, Diaconum officij sui ex hoc intuitu commonefacit, quemadmodum sapienter obseruauit Amalarius Fortunatus lib. de Ecclesiasticis officiis, c. 18. *Post hoc (inquit) scilicet post thymiama ab Episcopo, vel Presbytero benedictum, Diaconus petit à Sacerdote benedictionem; Sacerdos ei dicit, Dominus sit in corde tuo & in labijs tuis &c. Intendat diligenter Diaconus, ut cor eius cum Dominicis verbis vadat, & non sit infructuosa oratio Sacerdotis; Dominum in mente teneat quem suscepit per benedictionem Sacerdotis: & ut non exhalent verba imposita, néve introeant nocua, signo crucis facto manu Sacerdotis super caput ipsius munitur.* Addit & aliam causam Innocentius III. lib. . . de mysteriis Missæ c. 38. scilicet Diaconum petere à Sacerdote benedictionem ad pronuntiandum Euangelium, ut hoc scilicet indicio innuatur, neminem legitimè prædicare Euangelium, nisi ad hoc à superiore mittatur, qui Christi gerit vices. Cui rationi fauet quod legitur Isaïæ 6. Prophetam non potuisse Dei concinere præconia cum supernis symphoniis, nisi postquam purgata fuerunt eius labia per Seraphim, appositione carbunculi desumpti ex altare Dei. Cæterum præter has rationes alia mihi in mentem venit ex verbis Apostoli, *Quæ à Deo sunt, ordinata sunt.* Hinc hierarchicus ordo diuinitus in Ecclesia constitutus, si seruetur, rectè se habent omnia, at si eueritur, hinc motus & scandala oriuntur. Voluit autem Deus ut Diaconi tanquam sacri ministri Sacerdoti subessent, qui Christi ipsius vice fungitur, cuiusque, ut Diuus ait Ignatius, *& locum tenet & typum.* Diaconi quoniam Sacerdoti proximi sunt gradu, & pridem Ecclesiæ facultates dispensabant, multaque ex delegatione Episcopi faciebant, qui sui non quidem ordinis ac regiminis aliquas eis functiones committebat, non tanquam Presbytero magis dignis, sed tanquam minùs occupatis. Ex hoc cœperunt Presbyterorum non modò honorem æmulari, sed eo usque vanitatis typho inflati intumuerunt, ut se eis non modò exæquare, nam ut ex Concil. Niceno patet, quibusdam locis offerre, id est sacrificare præsumpserunt, & confessum cum Presbyteris ambierunt, ut videre est in epist. S. Hieronymi ad Euagrium de Diaconorum non ferendo fastu; at super Presbyteros etiam se extollere non exhorruerunt, adeo ut Corpus Christi eis porrigere quibusdam in locis ausi fuerint, & coram eis, quos præ multitudine contemnebant, & in Ecclesia, & extra, benedictiones fundere. Contra multiplicem hanc Diaconorum temeritatem, Concilia iam olim canones plerosque ediderunt, sanctique Patres summo studio contenderunt & illos suæ conditionis admonere, & intra propriam mensuram continere, refragantes verò cogere passim in ordinem. Ex hoc igitur ritus ille, qui ab initio inoleuerat, sed Diaconorum ambitu, quibusdam locis usu exciderat, visus est stricto iure vbique obseruandus,

Isa. 6. 7.

Rom. 13. 1.

Vide Conc. IV.  
Carthag. c. 38.



duſ, vt Diaconus ſacro miniſterio ad altare fungens, Euangelium nunquam annuntiaret, quin ſupplex & genuflexus non tantum ab Epifcopo, ſed etiam à Presbytero ſacrificium celebrante poſtularet benedictionem, quo ſe nimirum intelligeret, & ab omni Clero & populo circumſtante cognosceretur, tam Presbyteri, quàm Epifcopi eſſe, & agere miniſtrum, prout etiam ſacris canonibus hauſ ſemel declaratum eſt.

## ARTICVLVS VII.

*De populo, venerabili Miſſa ſacrificio aſſiſtente.*

CELEBRIS eſt Patrum Concilij Agathenſis tempore Symmachii Papæ habiti, anno 506. illa ſanctio, qua Presbytero prohibent populo in Eccleſia benedicere, can. 44. Irreperat iam tempore S. Hieronymi in quaſdam Galliarum diœceſes mos ille, vt fundere benedictionem ſuper populum, Presbytero ab Epifcopis non permitteretur. Quem morem fuiſſe conſuetudini fermè vniuerſalis Eccleſiæ & rectæ rationi contrarium, idem S. Doctor in Epiftola ad Ruſticum Narbonenſem, teſtatur; *Si Presbyter, inquit, Chriſtum conſecrat, cùm in altario Chriſti Sacramenta benedicit, benedicere populo non debet qui Chriſtum meruit conſecrare?* Et paulo infra; *Hoc in Eccleſiis ſuis faciant quod Romæ, ſive quod in Oriente, quod in Italia, quod in Creta, quod in Cypro, quod in Africa, quod in Illyrico, quod in Hiſpania, quod in Britannia, quod etiam ex parte per Gallias, quod in omnibus locis ubi humilitas perſeuerat.* Vbi vides ſolas Gallias circa hanc conſuetudinem vacillâſſe, & in quibusdam partibus Epifcopos vetuiſſe Presbyteris munus benedictionis in Eccleſia; Alibi verò, & fortè maiori ex parte, ſecundum Urbis & orbis conſuetudinem, hoc fruendi honore illis fuiſſe licitum. Et verò Concilium illud Agathenſe non fuit generale Galliarum, ſed ex aliquot dumtaxat collectum prouinciis. Præſedit Cæſarius Arelatenſis, interfuit Cyprianus Burdegalenſis, Clarus Eloſanus, Tetradius Bituricenſis: Capraſius Narbonenſis ſubſcripſit per Auilium Presbyterum ad hoc miſſum, Verus Turonenſis per Leonem Diaconum cum 20. Epifcopis diuerſarum ſedium, qui vix tertiam Præſulum Galliarum partem conſtituebant. Nec Epifcopi, nec miſſi prouinciarum Viennenſis, Lugdunenſis, Senonenſis, Rothomagenſis, Rhemenſis, Veſontionenſis, nec cæteri, ibi comparuerunt nec vocati fuerunt.

Correctus videtur hic Canon paulopòſt in Concilio I. Aurelianenſi anno Chriſti 511. celebrato, cui idem præfuit Cyprianus Burdegalenſis Metropolitæ, (qui quinquennium ante prædicto Concilio Arelatenſi ſubſcripſerat) ſed & Tetradius Bituricenſis, Licinius Turonenſis, Léontius Eluſanus, Gildardus Rothomagenſis Metropolitanus cum 27. Epifcopis; in hoc enim ſaltem abſente Epifcopo permiſſum fuit Presbyteris c. 26. completa Miſſa benedictionem impertire. Nec enim legendus hic canon, vt refertur tom. 3. Concilior.

Gallizæ editorum anno 1629. hoc scilicet tenore : *Cum ad celebrandas Missas in Dei nomine conuenitur , populus non antè discedat quàm Missæ sollemnitas compleatur , & ubi Episcopus fuerit , benedictionem accipiat Sacerdotis.* At sic legendus est vt à Gratiano describitur, de Consec. dist. 1. hac serie, *Cum ad celebrandas Missas in Dei nomine conuenitur , populus non antè discedat , quàm Missæ sollemnitas compleatur : Et ubi Episcopus non fuerit , benedictionem accipiat Sacerdotis.* Quo contextu verbatim etiam refertur à Burchardo lib. 3. c. 29. & Iuone p. 3. c. 34.

Mihi in mentem (bene omnibus perpensis) venit, mendum quoque irreplisse in præfatum can. 44. Concilij Agathensis. Nam idem Concilium c. 47. contrarium prorsus constituit his verbis; *Missas die Dominico secularibus totas audire speciali ordine præcipimus , ita vt ante benedictionem Sacerdotis egredi populus non præsumat , quod si fecerint , ab Episcopo publicè confundantur.* Hic enim manifestè Episcopus à Sacerdote distinguitur: cum igitur prohibetur populo qui Missæ assistit, de Ecclesia exire priùs quàm benedictionem accipiat Sacerdotis, & qui se-  
cus fecerit ab Episcopo puniatur, expressè iam tunc morem fuisse receptum hinc apparet, vt Presbyter sacrò celebratò, daret in fine populo assistenti benedictionem. Canon autem iste in ius sacrum totidem verbis relatus est, de Consec. c. *Missas.* Ideòque vel corruptum fuisse Canonem eiusdem Concilij 44. quo id Presbyteris prohibetur, oportet, vel in eodem Concilio Antinomiam manifestam reperiri.

Si tamen penitiùs Canon ille 44. consideretur ad harmoniam cum can. 47. eiusdem synodi, mihi videtur reuocari posse. Ait ista Synodus, *Benedictionem super plebem in Ecclesia fundere , aut penitentem in Ecclesia benedicere Presbytero penitus non licebit.* Dico enim hic non loqui Concilium de benedictione Sacerdotali, quam completa Missa Presbyter solebat impertire, vt idem Concilium disertè testatur can. 47. Sed loqui de benedictione quam Episcopi extra sacrificium, cum in Ecclesia procedunt pontificio apparatu, vel occurrenti, vel confluenti populo dare consueuerunt. Hunc sensum elicio, ostendòque genuinum & legitimum ex can. 5. Concilij Rhegiensis Sixto Papà III. Sedi Apostolicæ præsidente anno 439. quo disertè statuitur fas esse Presbyteris priuatim benedicere desiderantibus. Sic ad verbum illa sanctio habet &c. *Visum est, omni Presbytero, per familias, per agros, per priuatas domos pro desiderio fidelium facultatem benedictionis aperire.* Conciliatur itaque can 44. Concilij Agathensis cum eiusdem can. 47. eò modo vt dicatur in priore quidem loqui hanc Synodum de benedictione extra Missarum solennia, qualem fundere solent Episcopi sacro in ornatu procedendo in Ecclesia, etiam extra sacrificium. At can 47. verba facere de benedictione ordinaria, quam Sacerdos finito sacro effundit super plebem circumstantem, & hanc quidem decernere concessam esse Presbytero, illam verò non esse permissam.

Variatum aliquatenùs tamen circa eundem ritum benedictionis

Sacerdotalis, inde patet, quòd nunc Sacerdos non benedicit populo nisi postquam ipse, vel Diaconus, *Ite Missa est*, nunciauit, dictâ ante precatiunculâ, *Placeat tibi sancta Trinitas*. At olim dabat Sacerdos benedictionem statim post communionem & vltimam collectam; sic enim memoriæ prodidit sui sæculi morem Amalarius Fortunatus lib. 3. de off. Eccles. c. 36. *Hunc morem tenet Sacerdos, ut post omnia Sacramenta consummata benedicat populo atque salutet, deinde reuertitur ad Orientem, dicique Diaconus, Ite Missa est*. Nec dissimiliter Rabanus Maurus lib. 1. de institut. Clericor. c. 33. *Post communionem ergo & post eiusdem nominis canticum.* (id est antiphonam, seu breue Responsorium: quod orationem ad complendum facta communionem immediatè præcedit) data benedictione à Sacerdote ad plebem, Diaconus prædicat Missæ sacrificium esse peractum, dans licentiam abeundi.

Micrologus c. 21. in can. illum 44. Agathensem impexit, ea quæ prænotauimus, ad genuinum eius intellectum non callens. Quocirca cum commodè nequiret illum canonem interpretari, eo deuenit ut diceret: quicquid sit de eius sensu, certum esse, si prohibeat Presbytero post sacrum populo benedicere, usu fuisse contrario Ecclesiæ abrogatum. At præmissis quæ suggestimus, haud opus est, se has in angustias coniicere, ut abrogatum illum canonem contrario usu asseramus, siquidem canon iste sanum & commodum sensum recipit quem assignauimus, & diu admodum antequam conderetur, mos erat vniuersa in Ecclesia receptus (sicut probatum est,) ut Presbyter completò sacrificiò benedictionem populo circumstanti impertiretur. Merito itaque contendit signato loco ipse Micrologus, non solum ipsis Episcopis, sed & Presbyteris, fas esse post Missam benedicere populo: virtute etenim peracti sacrificij, illa benedictio assistentibus fidelibus datur, cuius sacrificij, haud minus quàm Episcopus, Sacerdos legitimè est minister. Cæterum S. Isidorus lib. 1. de Eccles. off. c. 17. rectè obseruauit benedictionem, quam nostri Sacerdotes peractis diuinis mysterijs effundunt super populum, fuisse in lege veteri præfiguratam. *Benedictionem* (ait) *in populo dari à Sacerdote, antiqua per Moysen benedictio pandit & comprobat; quia benedicere populo sub Sacramento trine inuocationis iubetur. Ait enim Dominus ad Moysen, Num. 10. 6. Sic benedices populum tuum, ut benedicam illos. Benedicat te Dominus &c.* Porro non tantum Pontifici populo benedicere, sed & inferioribus Sacerdotibus ex officio competebat, sic enim lex ferebat Num. 7. *Locutusque est Dominus ad Moysen dicens, loquere ad Aaron, & filijs eius, sic benedicetis filiis Israel, & dicetis eis: Benedicat tibi Deus & custodiat te. Ostendat Dominus faciem tibi & misereatur tui. Conuertat Dominus vultum suum ad te; & det tibi pacem, inuocabuntque nomen meum super filios Israel, & ego benedicam eis.* Quid mirum igitur, si Sacerdotibus noui Testamenti eadem facultas competit; quorum sanè ut longè est Aaronico excellentius Sacerdotium: sic etiam benedictio longè efficacior, si ea qua par est deuotione & fide suscipiatur. Nec hîc mihi excidere patior pium eorum morem, qui etiam extra sacrificium &

Ecclesiam benedici sibi ab obuiò Sacerdote postulant. Sanè etiam his infelicissimis temporibus, quibus fermè periit Religio in Anglia, hunc morem apud Catholicos (præsertim nobiles) tot pressuris angustiatos, nihilominus vigenti in obseruantia superesse: vt ingrediente domum Sacerdote, se cum tota familia in terram prosteruant, ab eoque supplices benedictionem efflagitent. Nec abs re, etenim magnum hinc solatium Dei gratia Sacerdotalibus precibus aspirante, passim experiuntur. Nec nuperus mos iste dici potest: suprà enim insinuauimus ex Concilio Rhegiensi ante annos 1200. habito, omnes Presbyteros per familias, per agros, per domos priuatas, piè poscentibus fidelibus benedictionem fuisse impertitos.

## ARTICVLVS VIII.

*De infirmis.*

**M**EMINIT Tertullianus quarundam fœminarum, quæ eò vsque temeritatis prosliebant, vt docere, baptizare, infirmos oleo ungere, iis manus imponere & sanitatem polliceri, præsumerent: ab hæreticis mulieribus, hoc attentatum, perditis mente, corruptis circa fidem, non vsque adeo miror. Sed fœminas Catholicas, easque virgines, & sanctimoniales, & sanctimonialium præfectas ausas quid simile sibi arrogare, vix adduci possem vt crederem, nisi me graui rei gestæ testimonio æquum esset compelli. Carolus Magnus in Capitularibus suis (Legis Francicæ lib. 1. c. 71.) certum hoc facit, vbi sic Episcopos alloquitur: *Auditum est aliquas Abbatissas, contra morem sanctæ Dei Ecclesiæ, benedictiones cum manus impositione & signaculo sanctæ crucis super capita virorum dare, nec non & velare virgines cum benedictione Sacerdotali. Quod omnino sanctissimi Patres in vestris Parochiis, interdiciendum esse scitote.* De benedictione Virginum, ab Abbatissis quibusdam contra canonicas sanctiones vsurpata, aliàs disseruimus: scilicet in opusculo nondum typis mandato, *de triplici Velamine.* At hîc obiter dicendum de more illo, quem meritò Carolus Magnus potissimum reprehendit, impositionis manuum super virorum capita cum crucis signaculo, ætate illa à quibusdam Abbatissis arrogatæ. Certè haud sacrilega præsumptione, id ab eis puto factitatum, sed alia ratione. In actis S. Genouefæ Virginis, regis Urbis Parisiorum Tutelaris, legitur ipsam cum miraculorum dono polleret, & maxime gratia sanitatum, ne virtus sibi hæc & operatio tribueretur, consueuisse oleo benedicto ab Episcopo vel Sacerdote ungere infirmos, etiàmque Energumenos, & sic eis expetitæ sanitatis aut liberationis solatium contulisse. In Commentariis super nostrum Martyrologium Gallicanum, in natali huius Virginis sanctissimæ de pio hoc eius more, ex instituto tractauimus, atque plerisque aliis locis meminimus eiusdem vel consimilis moris, à sanctis plerisque virginibus & Abbatissis obseruati, quæ insigni sanctitatis gloria Ecclesiam Dei variis locis & temporibus illustrarunt. Ex quo factum est, vt de



sacris Deo Virginibus & præsertim Abbatissis magna sanctitatis opinio, passim ab omnibus Christi fidelibus conciperetur: hæcque impulsis persuasione contigit, ut plerique, morbis affecti ad earum orationes confugerent, sibi que ab iis quæ solenni ritu Christo erant consecratæ & benedictæ, manus imponi ad subsidium infirmitatis flagitarent. Quibus cum ex pietate & commiseratione sexui insita, sacræ illæ Virginum præfectæ annuerent: ne tamen, si optata à supplicibus gratia sanitatis succederet, ipsarum merito adscriberetur, sed diuinæ virtuti & gloriæ rependeretur; piæ Virgines cum precibus signum crucis adhibebant, quod non nescirent esse fontem salutis & signum benedictionis\*. Nostræque ætate moris huius superesse vestigium in quodam illustri Monasterio diocesis Parisiensis, ubi Martyrologium Galliæ scribebam, oculis meis conspexi. In pagis & vicis circumvicinis, si quis ægrotaret, quempiam ex suis ad Venerabilem Abbatissam (inclytæ stirpis, magnæque pietatis\*) mittebat supplicatum, ut vnguentum quoddam, quod solebat ex usu loci infirmis poscentibus dare; dignaretur tribuere, quo infirmis per experimentum didicerant, leuamen, solatiûmque non modicum afferri. Vnguentum istud, oleum erat vino commixtum aspersum aqua benedicta, quod petentibus impertiendum pia Abbatissa, signaculo crucis super idem efformato, implorata diuina ope consignabat, tradebaturque cum verbis consolatoriis, personæ pro infirmo, satagenti. Vidi plurimos adhibito cum fide eiusmodi lenimento, sanitate recepta, ad monasterium venire Deo gratias pro suscepto solatio persolutum, piæque Abbatissæ, de charitate eius gratulatum, eximia cum deuotæ mentis significatione.

Et verò res in Ecclesia non noua est, ut qui sanctitatis gloria irradiantur, tamen nec Episcopi, nec Sacerdotes, nec Clerici sint, fusca benedictione super infirmos, cæterosque afflictos, solatium ab eis poscentes, eis opitulentur. Exempli causâ refert S. Hieronymus in vita S. Hilarionis, Sarracenos gregatim cum vxoribus & liberis viro huic sanctissimo obuiam processisse, submittentes colla, voce Syra, *Barach*, hoc est *Benedic*, inclamantes: sed & ipsos concurrisse Episcopos, Presbyteros, Clericorum & monachorum greges, matronas, potentésque viros ac iudices, ut benedictum ab ipso B. Hilarione panem, vel oleum acciperent, quo sanari confidebant, & experti erant opem nonnullam impertiri. Insuper benedicto eiusmodi oleo, vniuersos circumquaque agricolas & pastores, à venenatis animalibus percussos, certam salutem resumpsisse. Nolim impræsentiarum congestum ire plurima quæ consignari possent eiusmodi benedictionis à Sanctis editæ exempla: quæ potius admiranda sunt, quàm imitanda. Nec enim hîc locus est de Sanctorum miraculis tractatum inire. De Sacerdotali tantum benedictione super infirmos, ordinis auctoritate impertita, hîc agere mihi, ex præfixo lemmate huic articulo, incumbit.

Sanè Dominus non tantum duodecim Apostolis, sed & 72. disci-

\* *Aimonius l. 5. c. 37.*

\* Monasteriû illud est Hederesc, seu de Hedera, O. S. Benedicti d. Paris. Illustris autem & pia illa Abbatissa, erat R. Domina Catharina Alfonsina Luxemburgica, de Vrsinis: de cuius pia administratione, & religioso obitu litteras funebres, Conuētus nomine, anno 1637. typis editas apud Edm. Martinii, Parisiis euulgauimus.

pulis suis, (quibus Presbyteri, ut Apostolis Episcopi successerunt) curam infirmorum iniunxit, ferendæque opis eisdem suo in nomine gratiam pollicitus est, *Designauit Dominus* (scribit S. Lucas c. 10. 1.) & alios 72. & misit illos binos ante faciem suam &c. Ite, ait illis, & in quamcumque domum intraueritis dicite, Pax huic domui &c. Et curate infirmos & dicite illis, appropinquauit in uos regnum Dei. Ab hoc Euangelico mandato, ritus visitationis infirmorum, & fundendæ à Presbyteris super eis benedictionis Sacerdotalis proculdubio emanauit. Cuius officij monimento est liber sancti Augustini de *visitatione infirmorum*, & quædam homilia, quæ extat eadem de re ad Pastores, apud S. Hieronymum tom. 4. At modum & formulam qua à Presbyteris obeunda est infirmorum visitatio, Nannetense vetus Concilium ex priscis Agendis Ecclesiasticis accuratè describit can. 4. hoc verborum tenore: *Cum Sacerdos audierit aliquem infirmari ex sua plebe, quàm citius ad eum pergat, & ingressus cubiculum, aquam benedictam super eum & per omne cubiculum aspergat, cum antiphona, Asperges me &c. & versu Exurge Deus &c. deinde dicat orationem, Deus qui Sacerdotibus tuis tantam præ ceteris gratiam contulisti &c. deinde cantes septem psalmos cum precibus pro infirmis. Posthac omnes iubeat extra cubiculum secedere, & appropinquans lecto, quo infirmus decumbit, eum blandè lenitèrque alloquatur, ut omnem spem suam in Deum ponat, ut flagellum Dei patienter toleret, ut hoc ad purgationem & castigationem suam prouenire credat, ut peccata sua consteatur, ut emendationem promittat, si Dominus vitam concesserit, penitentiam pro culpis commissis spondeat, ut substantiam suam dum adhuc sensus & ratio in eo vigent, disponat, ut peccata sua elemosynis redimat, ut iis qui in se peccauerunt indulgeat, ut rectam fidem & credulitatem teneat, ut de Dei misericordia nunquam desperet. Cum hoc & huiusmodi allocutionibus fuerit mens infirmi releuata, data benedictione recedat Sacerdos, non post multum reuersurus, detsque locum, ut agrotus de peccatis suis cogitare possit.* Hæc ibi, quæ ferè ad amussim imitatur Rituale Romanum editum iussu Pauli V. Pontif. Max. ut videre est sub titulo, de *visitatione & cura infirmorum*: Quæ tamen nonnihil serie prolixior, hac clausula explicat:

\* Vide Concil.  
Epaunense c. 28.  
Moguntinū II.  
c. 26. Oxoniense  
c. 2. de cura  
infirmorum E-  
piscopis & Pre-  
sbyteris iniuncta.

Completa oratione ultima, Sacerdos imponat dextram manum super caput infirmi, dicens, super agros manus imponent & bene habebunt. Iesus Marie filius, mundi salus & Dominus, meritis & intercessione sanctorum Apostolorum suorum Petri & Pauli, & omnium Sanctorum, sis tibi clemens & propitius. Amen. Postea dicat v. Dominus vobiscum. R. Et cum Spiritu tuo. v. Initium sancti Evangelij secundum Ioannem. R. Gloria tibi Domine. In principio erat verbum &c. plenum gratiæ & veritatis. R. Deo gratias. Postea benedicens infirmum subiungat dicens, Benedictio Dei omnipotentis Patris †, & † Filij & Spiritus S. † descendat super te, & maneat semper tecum. Amen. Deinde aspergat eum aqua benedicta. Quod verò hæc benedictio Sacerdotalis, precèsque illæ quas ex officio Presbyter pronunciat, non sint ut plurimum efficares, non aliunde procedit quàm ex eo quòd non cum plena fide & corde puro semper proferantur, nec infirmus ipse ut par est dispositus sit, ad eandem effectum consequendum.

## CAPVT VI.

*De rebus, quas in subsidium humani generis, in ordine ad salutem animæ, vel corporis sanitatem, Sacerdos benedicit.*

## ARTICVLVS I.

*De Benedictione rerum inanimatarum in genere.*



**V**ETEREM in Ecclesia morem sequimur, (dicit quartum Concilium Moguntinum c. 39.) dum salem, aquam, & ceteras quasdam res in vsum fidelium per orationes in verbo Dei præparamus. Quem morem nemo reprehendet qui secum reputauerit Ecclesiam inter cetera salutis & utilitatis suæ tum augenda, tum conseruanda præsidia, etiam exorcizandi potestatem contra insidias demonum; aliâsque noxias pestes auertendas accepisse: quam potestatem cum per res externas ad utilitatem fidelium exercet Ecclesia, nimirum in eo sanctorum imitatur exempla, qui ad eliciendos quosdam effectus, diuino iussu res corporales adhibuisse leguntur: quem morem in Ecclesiis præcipimus conseruandum; dummodo populum pastores sedulo doceant, effectus qui inde petuntur, non ipsarum rerum efficacie, diuinæ sed virtutis operationi, per fortissimi Dei nominis inuocationem, tribuendos esse, & cauerint ne rebus talibus ad impias superstitiones abuti quisquam præsumat.

Math. 10.  
Luc. 10.

## ARTICVLVS II.

*De benedictione Aqua.*

## §. I.

*De benedictione Aqua baptismalis.*

**R**ITVM hunc Apostolicum esse, & ab Apostolorum ætate in hunc vsque diem inuiolabili vsu fuisse in Ecclesia Catholica obseruatum, res est si quæ alia in Ecclesiæ moribus notissima, quam tamen si quis perspectius nosse voluerit, extat iam ab annis 36. Mediolani editus eruditissimus liber Iosephi Vicecomitis Collegij Ambrosiani professoris, de Ecclesiasticis obseruationibus: in quo de antiquis baptismi ritibus & cæremoniis luculentè differit, cuius Tractatus caput 14. totum est de aquæ baptismalis consecratione, cuiusque antiquitate, deque eius vsu, & fine propter quem instituta est: vbi inter cætera ostendit consecrationem aquæ baptismalis ab Apostolis institutam, ad nos continua traditione peruenisse, duasque præcipuas causas assignat cur aqua baptismi destinata, solenni benedictione consecratur. Cap. 15. demonstrat quibus cæremoniis hæc fieret apud Patres consecratio: vbi tractat imprimis de exorcismo;

de aquæ per manum Sacerdotis diuisione, de crucis signaculi super aquam efformatione, de cerei in fontem immersione, de Sacerdotis ad baptisterium sanctificandum solenni supplicatione, de infusione Chrismatis in aquam baptismalem, de solennis huius benedictionis in Sabbatho sancto, & Vigilia Pentecostes celebratione. Cap. 16. insinuat reliquos minutiores sacræ huius cæremoniæ ritus; ut quod consecrans baptismalem aquam stans ad fontem mysticum orabat, populus circumstabat, qui hac aqua ibidem aspergebatur, acceptamque, domum asportabat. Ex qua deinde agri & domus aspergi solebant; reliquum verò in vasculis seruari consueuerat.

His igitur suppositis, (quæ cum adeo sint accuratè tractata, superuacaneum foret repetere) nihil hoc loco superest disquirendum, quàm à quo Ministro diuinæ Maiestatis, hæc aquæ baptismalis consecratio fieri possit aut debeat?

Et verò si de usu & praxi primitiuæ Ecclesiæ sermo sit, ut solus Episcopus baptismum solenniter ministrabat in Vigilia Paschæ & Pentecostes, sic ipse solus benedictionem illam vitalis fontis stipatus clero, circumstante populo celebrabat. Sed tamen extra hos duos solennes dies, ut quotiescumque opus erat Presbyter baptizabat, (non tantum in Ecclesia, sed & in domibus priuatis vel aliis locis) ita etiam aquam prius quàm Catechumenum baptizaret, benedicere consueuerat. Exempla sunt hac de re perspicua in sanctorum Martyrum actis. Sanè in actis S. Susannæ Virginis & Martyris à Notariis Romanæ Ecclesiæ conscriptis, Gabinius Presbyter, Claudium cum uxore & filiis fidem Christi professum, non antè baptizauit quàm aquam benediceret: *Eadem hora catechesi eos instruxit, & cum aquam benedixisset, baptizauit.* Absente Presbytero qui baptizabant Diaconi, aquam etiam benedicere solebant, quemadmodum in gestis S. Cyriaci & B. Laurentij legitur à Surio collectis. Non tamen fas vnquam fuit Diaconis aquam solenni ritu benedicere cum infusione chrismatis, sicut fieri consuevit in vigilia Paschæ & Pentecostes: sed ex quo multiplicato fidei populo, baptisteria in parochialibus Ecclesiis habere propria Presbyteris concessum est: iisdem quoque solenniter fontem baptismalem benedicere etiam cum infusione chrismatis & cæteris ritibus, quibus quondam solus Episcopus vnicum generale baptisterium in sua matrice Ecclesia consecrabat, datum fuit. Mòsque hic iam à plerisque sæculorum curriculum inuectus, huc vsque in usu passim recepto perseuerat, quemadmodum in ipso Rituali Romano, libroque Missali patet expressum.

## §. II.

*De aqua piaculari, quæ benedicta vulgò dicitur, ea scilicet quæ cum salis permixtione, diebus Dominicis, in parochiis à propriis earum Sacerdotibus benedicuntur.*

AQVAM sale conspersam populis benedicimus, ut ea cuncti aspersi sanctificentur



*ificentur ac purificentur, quod & omnibus Sacerdotibus faciendum esse mandamus.* Verba sunt B. Alexandri Papæ & Martyris, quæ relata sunt in Codicem iuris Ecclesiastici de Consec. dist. 2. can. *Aquam*. Quod mandatum sancti huius Pontificis agnoscunt, eiusque genuinum esse Decretum expressis testimoniis prodiderunt Damasus vel Anastasius in Pontificali libro, Rabanus de institut. Clericor. lib. 2. c. 55. Walfridus Strabo de rebus Ecclesiasticis c. 29. Sigebertus in Chronico ad annum 588. Micrologus de observationibus Ecclesiasticis c. 41. & 46. aliique plurimi rerum Ecclesiasticarum tractatores, qui tamen etsi hoc decretum Alexandri (qui 5. à Petro sedit) referunt, ritus huius tamen potius promulgatorem, quam auctorem fuisse verba ipsa innuunt quibus ipse Canon expressus est. Rem nouam etenim ille sanctus Pontifex non edicit, sed dumtaxat morem refert ætate sua in Romana Ecclesia iam seruatum, quæ Schola Apostolorum (non ita diu uiua voce, ipsam docentium) toto orbe illustrissima erant; *Aquam, inquit, sale conspersam populis benedicimus &c. Quod & omnibus Sacerdotibus faciendum esse mandamus.* Vbi illud, *omnibus Sacerdotibus*, ideo ponitur ut non solum Episcopis, qui maiores sunt Sacerdotes, sed Presbyteris quoque qui Sacerdotes secundi sunt ordinis, benedictionis huius facultas communis esse intelligatur.

Congruenter huic instituto, quod ab Apostolica ætate, in hanc usque deriuatum est, III. Concilium Mediolanense, præside S. Carolo, titulo de iis quæ ad Sacramentalia & Sacramenta generatim pertinent; parochis omnibus commendat, ut ritus huius seruandi, quàm diligenter sint memores: *Singulis diebus Dominicis, Sacerdos Missæ parochialis sacrum facturus, antequam illud inchoet, aquam sale aspersam benedicendo renouet, eamque ut moris est aspergat.* Nec sanè mirum! Si tantum pietatis instantia huiusmodi benedictio & aspersio aquæ commendatur, quæ verbo Dei & oratione, signoque crucis, insperso cum sale sanctificata plurimum valet, ut præfatus Pontifex & Martyr S. Alexander suo in Decreto declarat, ad labes animæ eluendas, diaboli auertendas insidias, phantasmata depellenda, sterilitatem, procellas, aliæque iræ diuinæ flagella auerruncanda, curandas infirmitates, ac pleraque alia hominibus conferenda solatia, quæ per hoc sacrum adminiculum confidentibus in Deo, summa eius bonitas impertitur, quemadmodum plerisque experimentis compertum est; quæ à S. Epiphanio hæres. 30. Cassiano Collat. 15. c. 14. Theodoret. lib. 5. Histot. Eccles. c. 21. & in hist. Patrum c. 8. in Aphraate: Cypriano in vita S. Cæsarij Arelatensis c. 19. S. Gregorio Magno lib. 1. Dialogor. c. 10. S. Bernardo in vita S. Malachiæ circa medium, aliisque insignis memoriæ auctoribus, enarrantur: quibus & pleraque alia exempla accedunt, quæ in nostro Martyrologio Gallicano ex nostratum Sanctorum gestis sparsim consignauimus.

Cæterum Presbyter in Missa aquam alio fine & usu benedicat, quæ nimirum admixta vino consecranda est in sancto Calice. At ritus ille notissimus est, nec hoc loco debet à me, ut proprio, explicari.

## ARTICVLVS III.

*De Benedictione salis.*

**S**AL adhibetur ab Ecclesia Catholica in baptismo, & in aqua piacularis benedictione, non tamen sine Sacerdotali aliqua consecratione, qua ad effectus quosdam spirituales præparatur.

In Rituali Rom. sub titulo de Sacramento baptismi, extat specialis benedictio salis qui in os Catechumeni mox baptisandi inferendus est: incipit illa benedictio, *Exorcizo te creatura salis, in nomine Dei Patris omnipotentis †, & in charitate Domini nostri Iesu Christi †, & in virtute Spiritus † sancti &c.* Qua dicta oratione Sacerdos modicum ipsius salis benedicti in os Catechumeni, seu infantis, seu adulti immittit dicens, *Accipe sal sapientiæ &c.* & dicto *pax tecum*, aliam orationem de ipsius salis mystica applicatione subiungit.

Porro ritus ille antiquissimus est: imò ab ipsius Christi Domini institutione procedit; vnde in salis exorcismo Sacerdos ait, *Qui te ad tutelam humani generis procreauit, & populo venienti ad credulitatem per seruos suos consecrari precepit.* Et verò de hoc eius in Sacramento regenerationis perpetuo vsu constat ex Patrum authenticis testimoniis. De eo etenim ritu expressè meminerunt, Orig. hom. 6. in Ezech. S. Ambros. ad c. 22. Lucæ, S. Augustinus lib. 1. confess. c. 11. Patres Concilij III. Carthaginensis c. 5. S. Gregorius Magnus in lib. Sacram. in ordine ad Catechumenum faciendum, Deusdedit Papa Epistola ad Gordianum, Isidorus Hispalensis lib. 2. de diuinis officiis c. 20. Venerabilis Beda supra libros Regum, & in Esdram lib. 2. c. 9. omnesque passim sacrorum rituum tractatores, Alcuinus, Rabanus, Walfridus, Beruo Augiensis, Iuo Carnotensis, aliique posteriores.

Nota.

Nec sine mysterio in baptisate, sal Catechumeno gustandus in os immittitur, *Sal in se vno* (ait S. Hilarius Comment. in Matt. c. 5.) *continens est aquæ & ignis elementum.* ideòque diuini Verbi incarnationis arcanum insinuat. Deus ignis consumens est, nos autem sicut aqua dilabimur in terram. Coniunxit infirmitatem nostram suæ diuinæ virtuti Dei filius, quando in vtero intemeratæ Virginis operatione Spiritus sancti homo factus est. *Tunc enim venit suscipere infirmitates nostras, & suas nobis conferre virtutes, humana querere, præstare diuina, accipere iniurias, reddere dignitates, ferre tædia, referre sanitates.* A nobis accepit aquam, scilicet ærumnas, sudores, lachrymas & gemitus; nobis verò dedit spiritum & ignem, spiritum gratiæ, ignem amoris, spiritum vitæ, ignem fidei, spei lumen, & charitatis ardorem: sal vtrumque hoc signat, quia ex duobus vnum cum sit elementum, fidei quoque & charitatis geminum includit Sacramentum.

S. Chrysol. serm. 150.

Aliæ sunt mysticæ ac morales significationes huius ritus, quarum 1. est, vt saporem rerum cœlestium Catechumenus degustet, terrenarumque fastidiat, vnde pro illo orat Sacerdos, *vt hic primum pabulum*

salis gustantem Deus vniuersæ conditor virtutis, non diutius esurire permittat quo minus caelesti cibo repleatur. 2. Ut donum sapientiæ & prudentiæ accipiat, de quo Apostolus, *sermo vester in gratia sale sit conditus, quomodo vos oporteat singulis respondere.* Ideo Sacerdos Catechumeno ait, *Accipe sal sapientiæ &c.* 3. Ex salis præcipua proprietate desumitur; Sal (ait sanctus Hilarius) in omnem usum humani generis effectus, incorruptionem corporibus quibus fuerit aspersus impertit; & ad omnem sensum conditi saporis aptissimus est. Apostoli verò (& Sacerdotes) sunt æternitatis velut satores, immortalitatem omnibus, quibus eorum sermo aspersus fuerit conferentes. Sacerdos igitur dat salem fidei in os candidati, ut scilicet bono Christi odore repleatur, omnique fœtore careat iniquitatis. 4. Ex eo quod legimus in scripturis (ait S. Hieronymus, lib. 1. Comment. in Matth. c. 5.) *urbes quasdam ita victorum sale seminatas, ut nulum in ipsis germen oriretur: sic fecisse Achimelech, cum Salem ciuitatem Sichimorum ad solum deduxisset, à Iosepho proditur lib. 5. antiq. c. 8. Extruit diabolus in anima, quam possidet arcem: Christus igitur cum intrat in animam, diabolum extrudit, eiusque munitionem euertit (quo suam ibi ædificet ciuitatem) ideo Sacerdos exorcismo salis pellit dæmonem, & arcem eius anathemate prostermit, sedem & arcem in anima Catechumeni hac victoria & triumpho parat. 5. Sal fœderis & amicitiae symbolum est: hinc Leuit. 1. *Non auferas sal fœderis Dei tui in sacrificio tuo: Quò spectat illud Euangelicum Marc. 9. 49. Omnis victima sale salietur; habete sal in vobis, & pacem habete inter vos: Sed maximè cum Deo, quo cum Catechumenus in amicitiam receptus init pactum, fœdusque percutit. Mirificè hinc quadrat illud 2. Paralip. 13. quod Deus dedit regnum Iuda filiis David, in pactum salis; sic nouo fidei Deus suum regnum promittit, salisque pacto confirmat. Sacerdos verò fœderis huius conciliator est, quamobrem salem hunc obsignando adhibet, mystica prece & diuini nominis inuocatione benedictum.**

✠ Cæterùm de sale qui aquæ benedicendæ in parochiis à Sacerdote admiscetur, non est cur alias rationes assignemus, quàm eas ipsas, quæ in eius exorcismo à Sacerdote prædicantur. *Exorcizo te, inquit, creatura salis per Deum viuum, qui te per Elizeum prophetam in aquam mitti iussit, ut sanaretur sterilitas aquæ, ut efficiaris sal exorcizatum in salutem credentium, & sis omnibus te sumentibus sanitas animæ & corporis, & effugiat atque discedat ab eo loco in quo aspersum fueris, omnis phantasia & nequitia diabolica fraudis, omnisque spiritus immundus adiuratus, per eum qui venturus est &c.* Deinde mittit Sacerdos sal in aquam in modum crucis, dicendo semel submissa voce, *Commixtio salis & aquæ pariter fiat in nomine Patris †, & Filij †, & Spiritus † sancti, Amen*



## ARTICVLVS IV.

*De Benedictione ignis.*

**I**VDÆI olim festum diem instituerunt, posteritati perpetua memoria & solenni pompa celebrandum, quando sacrum inuenerunt ignem, qui multis annis absconditus fuerat durante captiuitate, vt refertur 2. lib. Machab. c. 1.

Vmbris legis antiquæ discussis, fulgentis solis gratiæ splendore: ignis celebritas longè illustrior, nouæ Pentecostes sacratissimo die vniuerso orbi illuxit: cùm scilicet Spiritus sanctus, in ignearum linguarum specie super Christi discipulos descendit. *Aduenit ignis diuinus non comburens, sed illuminans, non consumens sed lucens, & inuenit corda discipulorum receptacula munda, & tribuit eis charismatum dona:* Hic ille ignis est, de quo Dominus paulo ante passionem suam Apostolis suis dixerat, *Ignem veni mittere in terram, & quid volo, nisi ut ardeat*, fidei scilicet lumine & charitatis feruore. qui scilicet ignis Spiritus sancti in Ecclesiam illapsus, per totum orbem diffusus est, hactenúsque fulget & ardet, ab eodem Spiritu perenni influxu succensus, *qui fons est viuus, ignis, charitas & spiritalis vñctio.* Festum igitur ignis apud Christianos etiamnum perdurat, & quamdiu in terris Ecclesia constabit, perenni cultu celebrabitur.

Luc. 12. 49.

Ignis verò etiam superni alia post ortum Euangelicum solem, spiritumque diuinum Ecclesiæ missum, extitit Hierosolymis celebritas, ex quo scilicet annis singulis in Dominicæ Resurrectionis Ecclesia, Sabbatho sancto, incipiente officio, ignis consueuerat de cælo omnium in fidelium conspectu descendere, qui lampades lucernasque omnes Ecclesiæ ob mœrorem passionis Domini à feria quinta extinctas, miro fulgore accendebat, nec magis luce splendidissima spectantium illustrabat oculos, quàm ingenti lætitia mentes replebat, ob triumphum hoc cœlesti decore coruscantem Victoriæ Christi Domini resurgentis. Ferunt etiamnum miraculum illud Hierosolymis perseuerare, videntibus non modò Christianis, sed Turciseriam aliisque infidelibus. Qua de re aliàs disseruisse me non fugit, in Parthenia scilicet Hierosolymitana, nondum mandata typis, parte 1. &c.

Sed ignis mystici in Ecclesia Catholica quotannis Sabbato sancto ritus est benedictionis solennis, de cuius videlicet lumine paschalis cereus solet illuminari. Extat insigne huius accensionis cerei testimonium Zachariæ Papæ epistola eius 12. ad Bonifacium, vbi ita scribit, *De igne Paschali quod inquisisti, à sanctis priscis Patribus, ex quo per Dei & Domini nostri Iesu Christi gratiam, & pretioso sanguine eius Ecclesia dedicata est, quinta feria Paschæ \* dum sacrum Chrisma consecratur, tres lampades magnæ capacitatis, ex diuersis candelis Ecclesiæ oleo collecto, in secretiore Ecclesiæ loco ad figuram interioris tabernaculi insistente, indeficienter, cum multa di-*

\* id est ante Pascha.



lignitia inspecta ardebunt; Ita ut oleum ipsum sufficere possit usque ad tertium diem. De quibus candelis Sabbato Sancto, pro sacri fontis baptismo, ignis per Sacerdotem renouabitur; Subinde tamen ignis reseruari cepit tantum à die sacra Parasceues, sicut colligitur ex hoc loco Amalarij Fortunati, de ordine Antiphonarij, c. 44. Reseruetur ignis de sexta feria, ut illuminetur cereus qui ponitur in vice columnæ ignis ad benedictionem, qui ab initio benedictionis illuminatus est; & cum benedictus est ab eo illuminetur secundus cereus. Cetera luminaria extincta permaneant usque ad nouissimam Litaniam, quæ pertinet ad officium Missæ de Resurrectione Domini; Tunc accendantur Luminaria Ecclesiæ, & neophytorum, ut significetur resurrectione Christi de terra, illuminandum orbem terrarum. Cui succinit Alcuinus, lib. de Diuinis officiis c. de Sabbato Sancto Paschæ.

At ritus ille temporis successu nonnihil immutatus est, eo scilicet recepto more, qui etiamnum vigenti in usu perseverat. Hora competentis cooperiuntur altaria, & dicuntur horæ, candelis altaris extinctis usque ad principium Missæ. Interim excutitur ignis de lapide foris Ecclesiam, & ex eo accenduntur carbonēs. Nona dicta Sacerdos indutus amictu, alba, cingulo, stola & pluuiali violaceo, vel sine casula, astantibus sibi ministris, cum cruce, aqua benedicta, & incenso, ante portam Ecclesiæ si commodè potest, vel in ipso aditu Ecclesiæ benedicit nouum ignem dicens, *Ps. Dominus vobiscum. R. Et cum Spiritu tuo. Oratio, Deus qui per Filium tuum, angularem scilicet claritatis tuæ ignem fidelibus tuis contulisti, productum è silice, nostris profuturum visibus ignem sanctifica, & concede nobis ita per hæc Festa Paschalia cælestibus desideriis inflammari, ut ad perpetuæ claritatis puris mentibus valeamus festa pertingere. Per eundem Christum Dominum nostrum. Amen. Oremus, Domine Deus Pater omnipotens lumen indeficiens &c. Oremus, Domine Sancte Pater omnipotens æternæ Deus, benedicientibus nobis hunc ignem in nomine tuo, & Unigeniti Filij tui Dei ac Domini nostri Iesu Christi, & Spiritus Sancti, cooperari digneris, & adiuua nos contra ignita tela inimici, & illustra gratia cælesti. Qui uiuis & regnas cum eodem unigenito tuo & Spiritu Sancto Deus, Per omnia sæcula sæculorum. Amen, &c.* Interim omnia luminaria Ecclesiæ extinguuntur, ut de igne benedicto postmodum accendantur, &c. Et Acolythus deferens candelam accensam de nouo igne accendit unam ex illis tribus candelis desuper positis in arundine. Et Diaconus eleuans arundinem genuflectit, similiter & omnes alij cum eo præter Subdiaconum crucem ferentem, & cantat solus, *Lumen Christi.* Et procedens ad medium Ecclesiæ, ibi accenditur alia candela, & iterum genuflexus ut supra, alius cantat, *Lumen Christi.* Tertiò procedit ante altare ubi accenditur tertia candela, & rursus genuflexus ut prius, adhuc alius dicit, *Lumen Christi. R. Deo gratias.* Postea benedicto Cereo Paschali, huicque infixis quinque granis incensi benedicti, ad illa verba, *Sed iam columnæ huius præconia nouimus, quam in honorem Dei rutilans ignis accendit: Diaconus accendit cereum, cum una ex tribus candelis in arundine positis. Fontemque baptismali solenniter benedicto, dum Sacerdos cum ministris induit paramenta pro Missa solenniter celebranda, luminaria interim accenduntur in altari. Hæc cæremonia seruatur Ritu Romano, quemadmodum in Missali legitur; Nec porro nupera do-*

bet existimari, ad hanc enim formulam propè accedit Agenda in die Sabbati Sancti, quæ in Codice M. S. Sacramentorum collecto ante annos ferè 700. à Ratoldo Abbate Corbeienfi xxvi. qui obiit anno Domini 986. præscripta est, in qua ad verbum hæc habentur, *Inbeat* (Sæctorum Præses) *adquiri nouum ignem, cum ampulla, à Sole inluminatum, siue à silice excusum: deinde faciat crucem de incenso in cereo, & scribatur annus Domini, atque A, & Ω, & tunc portetur cereus ante Episcopum, cum processione cum candelabris & thuribulis, tamen sine lumine, &c. Inde Leuita petens benedictionem ab Episcopo, eat ad cereum & consecret, &c. Interim Episcopus sedendo benedicat ignem & incensum, ut audiant circumstantes, cereus verò non inluminetur, usque dum peruenierit Diaconus, Ignis accendit. Qui ritus coincidit cum Romano superiùs descripto; hoc dempto quod apud Ratoldum munus hoc ab Episcopo impletur, quod in Missali Romano, à Sacerdote peragitur.*

## ARTICVLVS V.

*Benedictio Incensi.**Herodot. l. 2.*

**T**HVS in funeribus apud Veteres non adhibebatur. At Catholica Ecclesia in exequiis Saluatoris, sui sponsi vtitur incenso, tametsi non benedicto à Sacerdote, ex præsanctificatis communicante, siquidem Feria 6. in Parasceue post lectionem primæ & secundæ Prophetiæ & Passionis Domini, solemniùmque orationum illius diei recitationem, & adorationem Crucis peractam, Sacerdos vbi cum ministris & processione Cleri accessit ad locum, vbi Corpus Domini repositum est feria 5. consecratum, orat aliquantulum: postea surgens absque benedictione imponit incensum in duobus thuribulis, Diacono nauiculam ministrante, & genuflexus incensat Sacramentum; duo autem Acolythi cum thuribulis ipsum Sacramentum, dum à Sacerdote sub baldachino ad altare defertur, incensant. Collocato postea super altare Corpore Domini, cum Calice, vino cum aqua infuso, Sacerdos imponit incensum in thuribulo absque benedictione, & incensat oblata & altare, more solito genuflectens antè & post, & quoties transit ante Sacramentum. Cùm incensat oblata dicit: *Incensum istud à te benedictum ascendat ad te Domine, & descendat super nos misericordia tua.* Cùm incensat altare dicit, *Dirigatur Domine oratio mea, sicut incensum in conspectu tuo, eleuatio manuum mearum sacrificium vespertinum, &c.* quando reddit thuribulum Diacono dicit, *Accendat in nobis Dominus ignem sui amoris & flammam aeternæ charitatis.* Et ipse non incensatur.

Porrò Sabbato Sancto postquam Sacerdos benedixit ignem nouum, excussum è silice, benedicit quinque grana incensi ponenda in cereo, dicens absolutè hanc orationem: *Veniat quæsumus omnipotens Deus super hoc incensum larga tuæ benedictionis infusio, & hunc nocturnum splendorem inuisibilis regeneratore accende, ut non solum sacrificium quod hac nocte litatum est, arcana luminis tui admixtione refulgeat, sed in quocunque loco ex huius sanctificationis mysterio aliquid fuerit deportatum, impulsa diabolica*

*fraudis nequitiâ, virtus tuæ Maiestatis assistat. Per Christum Dominum nostrum. Amen.* Dum benedicit grana incensi, Acolythus assumens de carbonibus benedictis ponit in thuribulo, & finita oratione supradicta, Sacerdos de nauicula ponit incensum in thuribulo benedicens illud more solito; deinde prædicta grana incensi & ignem ter aspergit aqua benedicta &c. & ter adolet incenso. Cæterum circa medium præconij Paschalis, seu formulæ solennis benedictionis cerei, Diaconus infigit quinque grana incensi à Sacerdote benedicti, in cereo, in modum crucis.

Quo scilicet ritu datur intelligi cereum ipsum paschalem ex opere apum purissimo confectum, symbolum esse corporis Christi, de Spiritu sancto in visceribus Virginis immaculatæ concepti, & die hesternæ oblati super aram crucis Deo patri omnipotenti, in odorem suauitatis pro redemptione mundi: quinque verò grana incensi benedicti significare quinque vulnera ipsius Domini Saluatoris, quibus sanguinem suum pro nostra salute cum extremo spiritu in pretium nostræ redemptionis profudit.

Mysticus est certè quinquarius numerus in sacris paginis. Lex enim quinque libris continetur: Cherubim templi, alæ singulæ quinque cubitorum erant. Ipsi verò templi quinque bases ad dexteram partem & totidem ad sinistram. Altare holocausti erat quinque cubitorum, sic & templi vestibulum, Ezech. 40. Piscina probatica quæ erat Hierosolymis quinque porticus habebat. Christus ex quinque panibus hordeaceis quinque millia hominum satiauit. Regnum cælorum simile esse quinque Virginibus prudentibus prædicauit. Gratiæ dona quibus bona merita comparantur, quinque talentis comparauit. Sed nihil est quo magis numerus iste illustratur, quàm quinque plagæ, quibus Christus in cruce confixus salutem nostram operatus est. Quamobrem postquam à mortuis victor cum triumpho surrexit, plagarum istarum cicatrices vt sibi charissimas, quia nobis salutiferas & Deo patri gratissimas, suo in corpore iam impassibili & glorificato remanere voluit. Pulchrè hæc ipsius Domini rediuiui verba ad suos discipulos expendens S. Ambrosius, *Videte manus meas & pedes, Luc. 24. 38. Nam quomodo non corpus, (inquit lib. 10. Comm. in Luc.) in quo manebant insignia vulnorum, vestigia cicatricum quæ Dominus palpanda obtulit: in quo non solum fidem firmat, sed deuotionem acuit, quod vulnera suscepta pro nobis cælo inferre maluit, abolere noluit, vt Deo patri nostræ pretia libertatis ostenderet.* Hæc igitur quinque vulnera Deo sub symbolis quinque granorum incensi benedicti, cereo paschali mystico ritu infixorum, Ecclesia Deo patri, & suffitum suauissimum & munus omnium gratissimum ac pretiosissimum offert, ipso Sabbato sancto Paschalem Triumphum celebrare incipiens, dum solennes gratiarum actiones pro salute nostra à Christo hesterno crucis sacrificio feliciter parta, supplex & deuota rependit.

Summi vnus erat Sacerdotis, cum ingrediebatur sanctuarium, specialis compositionis thymiama Deo offerre, Leuit. 16. 12. solius Chri-

fit fuit per proprium sanguinem ingredientis in Sancta, hoc suorum vulnere incensum in thuribulo crucis pro litro nostræ redemptionis Deo patri adolere, cuius suauissimo odore iram eius placaret, & nobis eius conciliaret gratiam & propitiationem. Ad quod arcanum innuendum sapienter prospexit Ecclesia, ut quamuis Sabbato sancto Diaconus cereum paschalem consecret, non tamen quinque grana incensi benedicat; sed solus Sacerdos, qui Christi gerit vicem.

Nec modò hac die sacra Sabbati in Vigilia Paschæ Sacerdos benedicit incensum: at quotiescumque ad altare in sacrificio thus adoletur, id ritu mystico Sacerdos benedicit: nam in Missa solenni celebrans antequam legat introitum, benedicit incensum dicens, *Ab illo bene & dicaris, in cuius honore cremaberis.* Et accepto thuribulo à Diacono incensat altare. Et post oblatores præparationem (scilicet dicto offertorio & precatiunculis subiunctis) rursus benedicit incensum dicens, *Per intercessionem Beati Michaelis Archangeli stantis à dextris altaris incensi, & omnium electorum suorum, incensum illud dignetur Dominus benedicere & in odorem suauitatis assumere, Per Christum Dominum nostrum &c.* Et accepto thuribulo à Diacono incensat oblata modo in rubricis generalibus præscripto dicens, *Incensum istud à te benedictum, ascendat ad te Domine, & descendat super nos misericordia tua;* deinde incensat altare dicens, *Dirigatur Domine oratio mea sicut incensum in conspectu tuo &c.* Et dum reddit thuribulum Diacono dicit, *Accendat in nobis &c.* ut suprâ. Postea incensatur Sacerdos à Diacono &c.

Cæterum extra sacrum Missæ, etsi offeratur incensum ad altare, non benedicitur, sed simpliciter adoletur, at non ab alio quàm Sacerdote, quoniam oblatio thuris actus est religionis & cultus diuini, qui adeo Sacerdotis proprius est, ut lepra percussus fuerit Rex Osias à Deo, quòd temerè præsumpsisset manus in thuribulum iniicere & offerre Deo incensum, nec Sacerdoti summo ipsius temeritatem reprehendenti voluisset morem gerere. Græci eò adulationis erga suum Imperatorem proripuerunt, ut ipsi fas esse voluerint haud minus quàm Presbyteris & ipsi Patriarchæ, incensi suffitum ad altare Deo adolere. Quod quidem sacrilegium Deus seuerè ultus est, non modò Imperatoribus Græcorum profano ausu sibi Sacerdotalia, quin & Pontificalia munera arrogantibus stirpitùs excisis, sed ipso Orientis impetio prorsus euerso & destructo. At de hoc aliàs fusiùs. Verùm de thuris usu inter sacra & Ecclesiastica officia, nonnulla iam in hoc opere notauimus, ac alibi plura obseruauimus. Sed ex professo de eo tractauit ac eruditè more suo Ioannes Stephanus Duranti lib. 1. de Ritibus Ecclesiasticis c. 9. sed & de eorum usu apud priscos Romanos Alexander ab Alexandro disseruit lib. 6. c. 6.



## ARTICVLVS VI.

*Benedictio panis in Missa parochiali.*

**C**ONCILIVM Nannetense, quod alij sub Formoso, alij sub Vitaliano \* Papa celebratum volunt, can. 9. sic habet: *Vt de oblationibus quæ offeruntur à populo & consecrationi supersunt, vel de panibus quos offerunt fideles ad Ecclesiam, vel certè de suis Presbyteriis, conuenienter partes incisas habeat (Presbyter) in vase nitido, ut post Missarum solennia, qui communicare non fuerint rati, Eulogias omni die Dominico & in diebus festis exinde accipiant. Et illa vnde Presbyter Eulogias daturus est, antè in hæc verba benedicat: Domine, sancte Pater omnipotens æterne Deus, benedicere digneris hunc panem tua sancta benedictione, ut sit omnibus salus mentis & corporis, atque contra omnes morbos & vniuersas inimicorum insidias tutamentum. Per Dominum nostrum Iesum Christum filium tuum, panem vitæ qui de cælo descendit, & dat vitam ac salutem mundo, & tecum viuit & regnat, &c.* Canon iste videtur esse tamen antiquioris Decreti renouatio. Nam apud Burchardum, lib. 5. c. 27. & Iuonem, part. 2. c. 3. Pio Papæ & Martyri qui x. à Petro sedit, tribuitur.

\* Vide tom. 15 Concilior. Regiæ edit. vbi signatur hoc Concilium Vitaliani PP. iussu coactum, à Nuardo Archiep. Remensi anno Domini 638. si tamen idem sit cuius canones x. x. feruntur, qui in eadem collectione Conciliorum leguntur sub Formoso.

Nec est quòd quis miretur tantæ antiquitati referri panis benedicti vsum, extra diuinæ participationem synaxis & Eucharistiæ sumptionem: siquidem Apostolis fuisse vsum hunc familiarem in quorundam eorum actis legimus. Refert Abdias, vel alius quisque sit, vetus auctor, ex sibi tum compertis monumentis, lib. 1. Certaminis Apostolici, S. Petrum Romæ extra sacra, benedixisse panem, quem cum ostendisset Simonis Magi canibus, protinùs disparuerunt. Idem verò lib. 3. hæc de beatissimo ipsius sancti Petri germano commemorat: *Beatus Andreas Cratino & uxore eius sanatis ab ægritudine, cum gratias egisset frangens panem dedit eis, quo accepto, Domino crediderunt.* Nec vlla subest legitima suspicio quòd panis iste Eucharistia fuerit. Nam Sanctus hic Apostolus præceptum Domini non ignotabat, *Nolite sanctum dare canibus*, id est infidelibus qui ius ad mensam Domini quæ filiorum est dumtaxat, nullum habent. At verò isti coniuges nondum erant baptizati, nondum enim credebant; sed accepto hoc pane ab Apostolo cum benedictione ipsis dato, tunc primùm crediderunt & mox fuerunt salutari fonte ab ipsomet Apostolo expiati. Idem auctor lib. 9. recenset S. Thomam Apostolum, pane à se benedicto dæmoniacas mulieres sanasse.

Math. 7. 6.

Ex factò S. Andreæ Apostoli suprà memorato processit forsitan vetus Ecclesiæ ritus, ut Catechumenis panis benedictus (sicut fideibus Eucharistia) impertiretur. huc spectat celebris ille locus S. Augustini lib. 2. de peccatorum meritis & remissione, c. 26. vbi interonens discrimen inter ipsam Eucharistiam & panem illum, eius in icem benedictum & datum Catechumenis, ait: *Non huiusmodi est sanctificatio, nam & Catechumenos secundum quendam modum suum, per signum hrisi (id est crucem) & orationem manûs impositionis puto sanctificari, &*

CCcc

quod accipiunt quamvis non sit corpus Christi, sanctum est tamen & sanctius quàm cibi quibus alimur. Quibus verbis innuit Eucharistiam quidem Catechumenis denegari, at Eulogiam, seu benedictum panem, eius loco iis tradi, ex praxi fuisse communi in Ecclesia receptum: idem insinuat lib. 1. de peccat. remiss. c. 20. & tract. 11. & 106. in Ioan-nem.

At non tantùm Catechumenis, sed etiam (temporum successu) ipsis fidelibus panis benedictus dari cœpit, cùm scilicet pietate frigescente, Christiani qui dudum quotquot sacrificio interessent, communicare consueverant, rariùs cœpissent ad diuinum mysterium accedere; quibus vt stimulus adderetur lex lata est, vt singulis diebus Dominicis communicarent. *Can. Non iste.* & *can. Quotidie, de consecrat. distinct. 5.* Sed rursus tamen inualecente populi negligentia, statutum in Concilio Agathensi iam sæpius memorato, vt quorannis ter saltem diuinum munus acciperent, scilicet in Natali Domini, festo triumphali eius Resurrectionis, ac sacro Pentecostes die. Cui legi cùm nec morem gererent, tandem in Concilio Lateranensi sub Innocentio III. *can. Omnis utriusque sexus*, strictiori præcepto fuit constitutum, vt saltem semel in anno, & quidem in festo Paschæ Resurrectionis Domini, quicunque fideles communicarent diuinæ Eucharistiæ, sub pœna excommunicationis in vita, & priuationis in morte Christianæ sepulturæ. Tùmque frequentior vsus panis benedicti esse cœpit: visum enim satius esse vt iis quibus rarior erat ad sacram mentem accessus, diebus saltem Dominicis, panis ille ad hoc specialiter oblatus, à Sacerdote parœciali benediceretur, & Missæ assistentibus fidelibus, non excommunicatis impertiretur in vicem diuinæ Eucharistiæ, vt Durandus notauit lib. 4. Rationalis diuinorum officiorum c. 53. In Græca tamen Ecclesia praxis hæc antiquior fuit, si fides adhibeatur Balsamoni sic loquenti ad *can. 2. Concilij Antiocheni*: *Puto autem ex hoc canone esse inuentam & excogitatam Antidori distributionem, vt necesse haberent ij etiam qui non possunt sanctorum & viuificorum mysteriorum esse participes, ad finem usque diuini mysterij perseuerare & ipsum è manu Sacerdotis ad sanctificationem accipere.* Constanter seruatus fuit ab illis priscis temporibus mos iste apud Græcos, vnde Cabbasilas in expositione diuinæ Liturgiæ c. 53. signatim obseruat Sacerdotem sacrificio peracto oblatum panem, ex quo sacrum panem abscidit, in multa diuisum fidelibus tradere, vt qui sanctus sit, vt pote ad altare præsentatus, & ad suppeditandam misericordiam diuini muneris dedicatus. Quo ex more Ferrariæ, vbi Græci cum Latinis conuenerant ad synodum Occumenicam quæ Florentiæ absoluta est, Dominica quæ Concilio proxima erat, Iosephum Patriarcham extra sacrificium panem benedixisse, & in signum Ecclesiasticæ pacis Marchioni Ferrariensi eiusque ciuibus, meridas ex eo, id est particulas distribuisse.

Certè diu antequam rarior adeo apud Latinos esse cœpisset Eucharistiæ participatio, saltem longè antequam canon, *Omnis utriusque*

*sexus*, conditus fuisset ab Innocentio III. in generali Concilio Lateranensi, panis benedictus populo diebus Dominicis sacro Missæ sacrificio assistenti, dari consueuerat, ut patet ex Decreto Pij I. suprâ signato, & canone Concilij Nannetensis itidem memorato: cui accedit Canon 50. Concilij Maticensis seu Matisconensis, à Burchardo citatus lib. 3. c. 32. & Honorij Augustodunensis, qui diu antequam celebraretur Concilium Lateranense ab Innocentio III. clauit; siquidem hic auctor Ecclesiasticarum Theoriarum non imperitus lib. . . Gemmæ animæ seu de mysteriis Missæ c. 67. ait, stata lege esse præceptum, ut panis post Missam à Presbytero benedicatur, & pro gratia communionis dispergiatur.

In praxi Catholicæ Ecclesiæ mos ille constanter hætenus obseruatus perseuerat, quemadmodum ipsa obseruantia patet ex Rituali Romano, iussu Pauli V. recognito, in quo benedictio panis à Sacerdote facienda præscribitur hoc tenore, *ψ. Adiutorium nostrum in nomine Domini. R. Qui fecit cælum & terram. ψ. Dominus vobiscum. R. Et cum Spiritu tuo. Oremus. Domine Jesu Christe, panis Angelorum, panis viuus æterna vitæ, bene† dicere dignare panem istum sicut benedixisti quinque panes in deserto, ut omnes ex eo gustantes, inde corporis & animæ percipiant sanitatem. Qui viuus & regnas in secula seculorum, Amen. Et aspergat aqua benedicta. Alia ibidem subiungitur orationis formula, quæ non alia est ab ea quam suprâ descripsimus ex Concilio Nannetensi, vnde ad verbum est desumpta, quamuis in ipso Rituali non notetur.*

## ARTICVLVS VII.

*Benedictio Vini, Lactis, & Mellis.*

**V**ENITE, emite absque argento & absque vlla commutatione vinum & *Isa. 55.* lac, ait Spiritus sanctus, inuitans per Isaiam gentes ad Christianæ regenerationis mysteria. Vnde mos fluxit, ut recens baptizatis daretur vinum suaue ac dulce cum lacte mixtum: cuius ritus sic expresse meminit S. Hieronymus in Commentariis suis super Isaiam ad cap. 55. *Prouocat nos (inquit) non solum ut vinum emamus, sed & lac, quod significat innocentiam paruulorum.* Qui mos & typus in Occidentis Ecclesiis hodie vsque seruat, ut renatis in Christo vinum lacque tribuatur, de quo lacte dicebat & Paulus, *Lac vobis potum dedi non escam: 1. Cor. 3.* Et Petrus, *Quasi modò nati paruuli lac desiderate. Nec tantum in Occi- 1. Petr. 2.* dente mos iste, sed etiam in Oriente dudum inoleuit, ut patet ex hoc loco Clementis Alexandrini lib. 6. *Pædagogi*, c. 6. *Porro autem, inquit, miscetur quoque lac vino dulci. Lac enim à vino ferescit & scinditur, & quicquid eius est adulterinum, id tanquam per aquæ ductum educitur. Eodem autem modo se habet spiritualis fidei societas in hominem patibilem, & ferescere enim faciens carnales concupiscentias, hominem ad aternitatem contrahit, diuinis immortalem efficiens.*

Mel etiam dari consueuerat tam infantibus quàm adultis sacro regeneratis fonte. huc spectat Tertullianus lib. de corona militis

Meminit quo-  
que mellis Cle-  
mens Alexandr.  
loco signato.

c. 3. dum ceremonias baptismi referens ait, deinde ter mergitatur, inde suscepti, lactis & mellis societatem prægustamus. Et lib. 1. aduersus Marcionem c. 14. disertè meminit aquæ qua Deus suos abluit, & olei quo suos ungit, & lactis & mellis quo suos infantat, &c. Ideo gratulabunda sibi Beata Agnes annorum 13. puella, iam matura martyrio, coram tyranno dicebat, *Induis me Dominus cyclade auro texta & immensis monilibus ornavit me. Mel & lac ex ore eius suscepi, & sanguis eius ornavit genas meas.* Meminit huius infusionis lactis & mellis in baptismo, S. Hieronymus in Dialogo contra Luciferianos, ubi de Traditionibus Ecclesiæ disserens ait: *Multa alia quæ per traditionem in Ecclesiis observantur auctoritate sibi scriptæ legis usurpauerunt, velut in lanachro ter caput mergitare, deinde egressos, lactis & mellis prægustare concordiam, ad infantie significationem.*

Cæterùm pabula hæc mystica renatis fonte baptismatis, non nisi prius benedicta à Sacerdote vel Episcopo dari consueuerant; unde in actis sanctæ Susannæ Virginis & Martyris, neptis S. Caij Papæ, à Notariis Romanæ Ecclesiæ conscriptis legimus: *Eadem hora B. Caius Episcopus liniuit eum, (Claudium scilicet Susannæ patrum) chrismate, baptizauitque eius uxorem Præpedignam & filios Alexandrum & Cuthiam, quos Gabinus Presbyter à baptismo suscepit. Obtulit verò pro eis sacrificium in eadem domo & consecrauit corpus & sanguinem Domini nostri Iesu Christi, & lac, & mel, & fontem, participauitque cum omnibus mysterium Dei.* Sed & eiusdem ritus benedictionis lactis & mellis mentionem expressam faciunt Patres Concilij III. Carthaginensis c. 24. hac verborum serie: *Vt in Sacramentis corporis & sanguinis Domini nihil amplius offeratur, quàm ipse Dominus tradidit, hoc est panis & vinum aqua mixtum: primitiæ verò seu lac & mel, quod vno die sollemnissimo, pro infantium mysterio solet offerri, quamuis in altari offeratur, suam tamen propriam habet benedictionem, ut à Sacramento corporis & sanguinis distinguatur.* In veteri ordine Romano illius benedictionis lactis & mellis formula, hac serie extat descripta; *Benedictio lactis & mellis, sub tit. de Sabbato sancto: Benedic Domine has creaturas lactis & mellis, & pota famulos tuos fonte perenni, qui est spiritus veritatis, & enutri eos de hoc lacte & melle. Tu enim Domine promisisti patribus nostris; Abraham, Isaac & Iacob dicens: Introducam vos in terram repromissionis, terram fluentem lacte & melle. Coniunge Domine famulos tuos spiritu charitatis & pacis, sicut coniunctum est hoc lac & mel, in Christo Iesu Domino nostro, qui tecum viuit & regnat &c.* Hæc ceremonia tandem apud Occidentales Ecclesias exoleuit, sed hodie vsque apud Æthiopes perdurat, ut videre est in eorum mysteriorum ordine qui sic habet: *Diaconus deinde dat eis lac & mel, & dicit; lac & mel immaculatum in regenerationem, Amen. Sacerdos autem dicit; lac & mel immaculatum per Iesum Christum. Amen.*

## ARTICVLVS VIII.

*Benedictio Olei.*

**N**ON hîc de Chrismate, vel oleo infirmorum, aut oleo Catechumenorum, (quia hæc benedictio ad solum Episcopum pertinet)



tractare statuimus, sed de simplici oleo quod à Presbytero benedici Ecclesia voluit, pro multiplici fidelium solatio, quantum ad rem spectare potest intendimus differere. Sic igitur legimus præscriptum in Rituali Romano de benedictione olei simplicis. *ψ. Adiutorium nostrum in nomine Domini. R. Qui fecit cælum & terram. Exorcismus. Exorcizo te creatura olei per Deum Patrem † omnipotentem, qui fecit cælum & terram, mare & omnia quæ in eis sunt. Omnis virtus aduersarij: omnis exercitus diaboli & omnis incurfus: Omne phantasma Satana eradicare & effugare ab hac creatura olei, ut fiat omnibus qui eo usuri sunt, salus mentis & corporis in nomine Dei Patris † omnipotentis, & Iesu Christi † filij eius, Domini nostri, & Spiritus sancti † paracleti, & in charitate eiusdem Domini nostri Iesu Christi qui venturus est iudicare viuos & mortuos & sæculum per ignem. Amen. ψ. Domine exaudi orationem meam. R. Et clamor meus ad te veniat. ψ. Dominus vobiscum. R. Et cum spiritu tuo. Oremus. Domine Deus omnipotens cui astat exercitus Angelorum cum tremore, quorum seruitium spirituale cognoscitur, dignare respicere & benedicere † & sanctificare hanc creaturam olei, quam ex oliuarum succo eduxisti, & ex eo infirmos inungi mandasti, quatenus sanitate percepta, tibi Deo viuo & vero gratias agerent: præsta quæsumus ut ij qui hoc oleo, quod in tuo nomine benedicimus †, usi fuerint, ab omni langore omnisque infirmitate atque cunctis insidiis inimici liberentur, & cunctæ aduersitates separentur à plasmate tuo, quod pretioso sanguine filij tui redemisti, ut nunquam ledatur à morsu serpentis antiqui. Per eundem Dominum nostrum Iesum Christum filium tuum. Qui tecum viuunt & regnat in unitate Spiritus sancti Deus, per omnia sæcula sæculorum. Amen. Aspergat oleum aqua benedicta.*

Ex verbis huius exorcismi & orationis, satis patet quò fine oleum istud benedicatur. Sed hîc quæri potest, cur hoc oleum dicatur oleum simplex? fortè ad differentiam Chrismatis, quod mixtum est ex oleo oliuarum & balsamo, seu potiùs quia non ad vsum vllius Sacramenti benedicitur, ut sit illius materia, ut oleum infirmorum extremæ vnctionis, chrisma Confirmationis, & oleum Catechumenorum, appendix & accessorium Baptismi, sed tantùm ad hunc effectum ut infirmis solatium afferat, dæmonibus terrorem incutiat, hósque expellat, & fideles aduersus eorum insidias ac insultus, & contra aduersa quæque tueatur, & per modum deprecationis tantùm, non verò ut sit per Sacramenta, per modum operis operati.

Quæri etiam potest, vndenam colligitur quod in oratione illius benedictionis legitur, videlicet, quòd iusserit Deus oleo infirmos inungi? si enim hîc fiat respectus ad illa verba Iacobi 5. *Infirmatur quis in vobis. Inducat Presbyteros Ecclesiæ & orent super eum ungentes eum oleo in nomine Domini.* Oleum istud à Presbytero benedictum esset materia Sacramenti extremæ vnctionis, quod alienum ab Ecclesiæ vso & consensu: ex quo liquet nonnisi Episcopo licere oleum infirmorum benedicere, quòd sit materia illius Sacramenti. Dico igitur diuinum hoc mandatum elici ex c. 6. S. Marci, vbi refert, missos à Domino discipulos, prædicasse pœnitentiam, & dæmonia multa cie-

cisse, additque, *Et ungebant oleo multos infirmos, & sanabant.* Sicut igitur Christi mandato prædicabant, dæmonia expellebant, ita etiam sanabant ægros ungentes eos oleo, per modum opitulationis corporalis, non tamen virtutis Sacramentalis, quæ per Sacramentum extremæ vnctionis adhibetur, cui annexa est gratia spiritualis, nam scriptura dicit, *& oratio fidei saluabit infirmum &c. & si in peccatis fuerit remittentur ei.* Quod minimè fiebat per vnctionem illam quam commemorat S. Marcus, huius enim effectus circa corpora tantum versabatur, quamobrem de ea dumtaxat ait, *Et ungebant oleo multos ægros, & sanabant.*

*In Relig. Hist.*

Quo exemplo vsus inualuit apud Sanctos qui dono curationum diuino munere præditi erant, ut (ne sibi sanitatum solatia tribuerentur, sed diuinæ virtuti ac beneficio) infirmos oleo benedicto inungerent; sic fecisse S. Hilarionem meminit in eius vita S. Hieronymus, sic Theodoretus S. Simeonem Stylitem, *Ferunt (inquit) coniungem Regis Persarum petiisse oleum eius benedictione consecratum: turmatim & multi alij rogantes ut essent participes olei benedicti.* Idem refert de Aphraate Anachoreta. Eiusmodi oleo Proculum Christianum curasse Seuerum Imperatorem testis est Tertullianus ad Scapulam; Sulpitius lib. 1. de vita S. Martini c. 15. & Dialog. 3. c. 2. insignia miracula refert ab ipso B. Martino peracta, olei benedicti perfusione super infirmos. Sic S. Genouefam ægrotos sanasse, energumenos liberasse ab infestatione dæmonum, in eius Actis legimus; suæque ætate testatur Palladius fuisse complures sanctos Abbates, qui morbos oleo benedicto depellebant. Nosque in Martyrologio Galliæ plerisque locis nonnulla eiusmodi exempla, ex authenticis Sanctorum nostratium gestis obseruauimus, quæ hîc tædiosum foret minutim recensere. Notata reperiet Lector, in rerum insignium indiculo, sub voce *oleum.*

Sed vbi donum opitulationum minùs in Ecclesia frequens esse cœpit, tum in infirmorum gratiam, mos ille crebriori vsu receptus est: ut citra Sacramentum extremæ vnctionis, ægrotis variis langoribus vexatis, oleum concederetur, non quidem ab Episcopo, sed à Sacerdote in hunc vsum benedictum, quo sanitatum solatia, si cum fide hoc lenimentum adhiberent, consequerentur, sicut plerisque contigisse piè hoc subsidio vtentibus, experientia longæua docuerat.

*Serm. de Vnct. Chrismal.*

Sic etiam Ecclesia censuit, gliscenti non ferendo abusui sacri Chrismatis occurrendum, insignis est sententia B. Cypriani, *Non hac mendendis corporibus est vnctio instituta &c. sed virtus diuina potentiùs operatur; nimirum ad supernaturales circa animæ salutem effectus.* Fuerunt tamen qui chrismate sicut remedio corporali abutebantur, aliisque modis, quos ut præcisum iret III. Turonense Concilium sub Carolo Magno, can. 10. sic decreuit: *Presbyteris iniungendum est ne sacrum Chrisma foras conclaue dimittant, vbi à quolibet attingi possint; nam criminofos eodem Chrismate vnctos aut potatos, nequaquam ullo examine deprehendi posse, à multis putatur.* Alij ad alios longè deteriores vsus sacrum

ipsum chrisma detorquebant. Quamobrem Canones districtè Presbyteris præcipiunt, id sub vigili & tuta custodia asservare, quemadmodum conspiciere licet in Concilio IV. Arelatensi sub Leone III. & Carolo Magno c. 18. Moguntino I. can. 27. Metensi sub Arnulpho Imperatore c. 3. Lateranensi Oecumenico sub Innocentio III. c. 20. Et Pontificali Romano, sub tit. de officio in v. feria Cœnæ Domini, in fine, ubi iubet Episcopus Presbyteris attentè, ut iuxta Canonum traditionem, chrisma & olea ab ipso Episcopo illa die consecrata fideliter custodiant, & nulli sub prætextu medicinæ, vel maleficij, tradere præsumant, alioquin honore priuentur.

At secus est de oleo à Presbyteris benedicto, hoc enim in vsum medicinalem laicis concedi posse censuit Ecclesia, videlicet iuxta Innocentij I. epist. 1. Decretalem, qua dicit cap. 8. *Oleo sancto posse uti non solum Sacerdotes, sed etiam Laicos, in suis & suorum necessitatibus.* Cui sententiæ subscripserunt Patres Concilij Wormatiensis can. 72. At de oleo simplici à Sacerdote benedicto, satis hîc dictum, de quo iterum dixisse memini in commentariis ad *Martyrologium nostrum Gallicanum* die 3. Ianuarij.

*Vide Bedam in c. 6. Marci.*

## ARTICVLVS IX.

*Benedictio Cerei Paschalis.*

**I**AM ubi suprâ de benedictione aquæ baptismalis, & ignis, & incensi nonnulla disseruimus; prælibauimus quædam de Cerei Paschalis benedictione. Quamobrem aliqua hoc loco analecta tantùm subiicienda videntur, ubi primùm de auctore huius ritus quæ ad rem conferunt, fuerint annotata. Sanè Alcuinus in lib. *de diuinis officiis* tit. *de Sabbato sancto*, & Amalarius lib. *de officiis Eccles.* c. 18. Cerei Paschalis Zozimo tribuunt institutionem. Hos recentiorum quidam secuti sunt, non aduertentes ritum Paschalis cerei, esse in Ecclesia longè Zozimi Papæ Pontificatu antiquiorem: cùm apud Aurelium Prudentium celeberrimus hymnus extet, decantandus ad incensum Cerei Paschalis; cuius initium est:

*Tom. 8. Biblioth. SS. Patrum p. 476. & seqq.*

*Inuentor rutili, dux bone, luminis,  
Qui certis vicibus tempora diuidis,  
Merso sole chaos ingruit horridum.  
Lucem Christe tuis redde fidelibus?*

At vir quidam pius & cum primis eruditus, exceptionem istam refellit, ad rem hanc non facere ratus: *Ex eo quòd ille hymnus (inquit) non sit de Cereo Paschali, sed hymnus vespertinus sit, de lumine qui olim vespere quotidie in Ecclesia solenni quodam ritu accendebatur.* Verùm, cum pace tanti viri dixerim, satis accuratè hymnum illum non perspexit, præter titulum enim qui reperitur in omnibus exemplaribus MSS. & editis, quique proprium hunc hymnum esse innuit solennitati Paschali, & non quotidiano lumini, quod lucernariâ horâ accendebatur, sed illi Cereo, qui cum balsamo & incenso offerebatur: certè tota series

*Menard. in Notis & obseru. in lib. Sacramentor. S. Gregorij Papa p. 90.*

huius hymni, Paschalem Christi triumphum, myfteriorumque omnium commemorationem, quæ spectant renouationem mundi factam per Christum, spirat. Meminit enim auctor rubi incombusti in quo Deus olim Moyfi apparuit, missionis ipsius Moyfis in Ægyptum ad populum Israel liberandum; educationis populi; maris rubri transitus, submersionis Pharaonis & eius exercitus, aquæ è siliceeductæ, manna & cæterorum quæ facta sunt post egressionem populi ex Ægypto mirabilium, educationis Patrum è limbo, Christi ab inferis cum triumpho resurgentis, &c.

*Illâ nocte sacer quæ rediit Deus*

*Stagnis ad superos ex Acheronticis.*

Quin & excussionis ignis è silice :

*Incussu silicis lumina nos tamen*

*Monstras saxigeno lumine querere*

*Et. . . . .*

*In Christo Domino querere iugiter,*

*Quem petram loquitur Doctor egregius.*

Ritus porro ille excussionis ignis è silice ( vt suprâ ostendimus ) proprius est Sabbati sancti; nec mirum igitur si noctis illo in hymno sit mentio, siquidem cæremonia hæc nocte fieri consueuerat, Missaque ipsa Sabbati sancti nocte celebrabatur. Quamobrem etiamnum oratio ipsa Liturgica Sabbati sancti sic habet, *Deus qui hanc sacratissimam noctem, gloria Dominicæ resurrectionis illustras.* Et Paschalis cerei benedictio, quæ hodie vsque in vsu perseverat, noctem ipsam hoc mysterio illuminari prædicat, *O beata nox quæ sola meruit scire tempus & horam, in qua Christus ab inferis resurrexit.* Tum affixis cereo à Diacono quinque granis incensi in modum crucis, Diaconus ipse subiungit, *In huius igitur noctis gratia, suscipe sancte Pater incensi huius sacrificium vespertinum, quod tibi in hac cerei oblatione solenni, per ministrorum manus, de operibus apum, sacro-sancta reddit Ecclesia.* Ad hunc ritum igitur respexit Prudentius cùm hymnum hunc suum inscripsit, *ad incensum Cerei Paschalis.* Cuius hymni tota series ( vt constat ex dictis ) indicat Paschalem solennitatem, & triumphantis Christi de morte & inferis, suumque populum liberantis trophæum illustrissimum decantat. Accedit quod Prudentio synchronus fuit S. Ambrosius, qui eodem quo ille tempore aduersus Symmachum Præfectum prætorie Urbis ethnica sacra repetentem, aculeatum pro defensione Christianæ religionis stylum strinxit. Extant vtriusque egregia illa opuscula Apologetica, Prudentij versu, S. Ambrosij soluta oratione contexta. At verò sicut Prudentius eximium illum hymnum ad incensum Cerei Paschalis cecinit, ita Ambrosius in Liturgicis suis officiis, formulam piam & elegantem expressit, quæ extat in Sabbato sancto præstituta, *ad benedictionem Cerei paschalis per Diaconum.* Prostat verò edita per Pammelium in Latinis Liturgiis, sub hac epigraphe, *Ritus & ordo Ambrosiana Missæ.*

Sunt qui censeant S. Gregorium Papam, cognomento Magnum, auctorem

*Tom. 1. p. 344.  
&c.*



ctorem fuisse huius formulæ benedictionis Cerei Paschalis, quæ etiamnum in usu est: *Et reuera in libro Sacramentorum ipsius B. Gregorij, habetur verbatim expressa; librum autem istum esse genuinum opus S. Gregorij, maior doctorum senatus agnoscit, quamuis si audiat Ioannes Diaconus, in ipsius sancti Pontificis vita, non composuisse ipsum Sacramentorum librum, at tantum recensuisse, fatendum sit. ait enim: Gelasianum Codicem de Missarum solenniis multa subtrahens, pauca conuertens, nonnulla superadiiciens, in vnius libelli volumine coarctauit. Quod etiam asserit Walfridus Strabo, lib. de Rebus Eccles. c. 22. Gelasium verò nec ipsum ordinem Liturgiæ & diuini officij primum contexuisse constat, sed dumtaxat emendasse, aut in integrum restituisse, periti Ecclesiasticarum Theoriarum & praxeon asseuerant, diu enim ante Gelasium Ecclesia precationum, rituûmque sacrorum præscriptas formulas habebat, vt colligitur ex S. Augustini epist. 59. ad Paulinum, q. 5. & ep. 106. ad Vitalem fautorem Pelagianorum; Exerce, inquit, contra orationes Ecclesiæ disputationes tuas. Quin & lib. de bono perseuer. c. 22. Atque utinam, &c. sic audirent, (tardi corde & infirmi) vel non audirent in hac quaestione disputationes nostras, vt magis intuerentur orationes, quas semper habuit & habebit Ecclesia ab exordiis suis, donec finiatur hoc saculum. Et satis apertè meminit orationum illarum solennium, quas in sacro die Parasceues Ecclesia pronuntiat pro omni genere humano, pro cuius salute Christus illa die profudit spiritum & sanguinem: Quando (inquit) audis Sacerdotem Dei ad altare exhortantem populum Dei, ora pro incredulis, vt eos Dominus conuertat ad fidem, & pro Catechumenis, vt eis desiderium regenerationis inspiret, & pro fidelibus, vt in eo quod esse cœperunt, suo munere perseuerent. Id ipsum insinuat Cœlestinus I. sub cuius pontificatu B. Augustinus obiit, epist. 1. ad Episcopos Galliæ contra Pelagium & Cœlestium, vbi ait: Quum enim sanctarum plebium Præsules mandata sibi met legatione funguntur, apud diuinam clementiam humani generis agunt causam, & tota secum ingemiscente Ecclesia, postulant & precantur, vt infidelibus donetur fides, vt idololatra ab impietatis suæ liberentur erroribus, & Iudeis ablato cordis velamine, lux veritatis appareat, vt heretici Catholica fidei perceptione resipiscant, vt schismatici spiritum rediuiuæ charitatis accipiant, vt lapsis pœnitentiæ remedium conferatur, vt denique Catechumenis, ad regenerationis Sacramenta perductis cœlestis aulæ misericordia referetur. Hinc igitur meridiana luce clarius euadit: idem officium, easdem preces, eosdem ritus qui nunc vsque feria 6. in Parasceue obseruantur, iam tunc fuisse in usu; vnde consuetaneum fit, & Sabbati sancti officium eodem tenore iam tunc quoque fuisse dispositum, proinde illam solennem formulam benedictionis Cerei Paschalis, esse non tantum B. Gregorio Magno, sed & Gelasio, quin & Cœlestino, imò & Zozimo antiquiorem. Nam extat magna ex parte apud S. Ambrosium loco citato, incipit enim ab illis verbis celeberrimis, Exultet iam Angelica \* turba calorûm; Et seriatim procedit vsque*

\* euba

ad hæc (Diaconi excusationem): Vt qui me non meis meritis intra Lenita-

Vide eundem S.  
Aug. hares. 88.

*rum numerum dignatus est aggregare &c.* Et hinc usque ad inuitationem illam, *Sursum corda, &c. Gratias agamus.* Quæ verò sequuntur, etsi verbis sint à reliquo tenore formulæ Gregorianæ diuersa, sensu tamen ita huic affinia sunt, ut ab eodem spiritu dictata non abs re videantur. Fieri potuit ut quæ infra primam Ambrosianam seriem leguntur, fuerint à S. Gregorio composita; sed quicquid sit, non dubium quin ritus ille benedicendi Cerei Paschalis, sit longè antiquissimus, quamuis in eodem seruando formulæ fuerint alicubi à Romana diuersæ, ut vel ex eo patet quòd apud Ennodium Episcopum Ticinensem, qui obiit anno 521. hoc est annis ut minimum sexaginta antequam S. Gregorius Sedi Apostolicæ præesset, duæ Cerei Paschalis extant benedictiones eleganti stylo conscriptæ in opusculis miscellaneis 9. & 10. Sed quæ usu exciderunt, postquam formula Romana fuit à S. Gregorio texturâ fortè aut elegantiori aut pleniori illustrata: studiosi enim semper fuerunt admodum summi Pontifices, ut vniformitas in rebus & ritibus Ecclesiasticis vbique seruaretur, môsque Romanus apud omnes Ecclesias diffusus obtineret; quemadmodum iam dudum satagebat Innocentius I. epist. 1. ad Decentium Episcopum Eugubinum, qua dicit: *Si instituta Ecclesiastica, ut sunt à beatis Apostolis tradita, integra vellent seruare Domini Sacerdotes, nulla diuersitas, nulla varietas in ipsis ordinibus & consecrationibus haberetur: Sed dum unusquisque non quod traditum est, sed quod sibi visum fuerit, hoc æstimat esse tenendum, inde diuersa in diuersis locis vel Ecclesiis, aut teneri aut celebrari videntur.*

Sed ut ad Zozimum Papam redeamus, non leuiter hallucinantur, (ut constat ex præmissis) qui dicunt ritum benedicendi Cerei Paschalis ab eo fuisse inuectum. Anastasius in historia Pontificali, ei Zozimo nonnullas tribuit editas sanctiones: *Concessa* (inquit) *licentia per Parochias cereum paschalem benedici.* Ante Zozimum itaque benedicebatur, sed tantum in matricibus Ecclesiis, quas nunc Cathedrales appellamus. At Zozimus permisit illum etiam in Parœcialibus benedici, quibus etiam sensim baptisterium habendi proprium, facultas concessa fuerat. Nec modò Catholici scriptores præcipuæ classis hoc indultum Zozimo adscribunt, at etiam heterodoxi, ex quibus Funccius lib. 7. Comment. in Chronologiam suam, ait, *Concessit item, ut in parœciis Cerei Sabbato sancto benedici possent.*

Cur autem illo die, cerei, qui ideo dicitur Paschalis, solennis benedictio fiat, docet Concilium IV. Toletanum, can. 8. hac verborum serie: *Lucerna & Cereus in præiigiis Paschæ apud quasdam Ecclesias non benedicuntur, & cur à nobis benedicantur, inquirunt. Propter gloriosum enim noctis ipsius Sacramentum, solenniter hæc benedicimus, ut sacræ resurrectionis Christi mysterium quod tempore vortuæ huius noctis aduenit, benedictione sanctificati luminis accipiamus, usque hoc obseruetur præcipimus. Nulli autem impune erit qui hæc contempserit, sed regulis Patrum subiacebit.* Erat igitur ritus ille authenticus & canonica auctoritate suffultus, adeo ut qui hunc obseruare negligerent, secundum Patrum Decreta, Ecclesiasticis pœnis fierent obnoxij.

Cæterum de benedictione Cerei Paschalis, huiusque ritus antiquitate, satis pro operis nostri instituto. vnum superest obiter annotandum, cur inter benedictiones Sacerdotales, Cerei Paschalis benedictionem numeremus, cum hæc benedictio fieri soleat à Diacono, non autem à Presbytero? Verum hoc nihil obstat quominus inter Sacerdotales hæc benedictio referatur, quia quamvis à Diacono expleri debeat, consueueritque hætenus: hoc tamen sacrum munus à Diacono haud licite obiri potest, nisi Presbytero præsentem & iubente, adeoque postulanti humiliter ipsi Diacono in hæc verba, *Iube Domne benedicere*, suam benedictionem palam & publicè impertiente. Diaconus igitur sic vice Sacerdotis, eiusque mandato cereum benedicit, cui ut sanctificationem conciliet applicat quinque grana incensi à Presbytero prius benedicta, & in hunc finem Diacono ipsi tradita.

## ARTICVLVS X.

*Benedictio Cereorum & Candelarum in festo Purificationis  
intemerata Virginis Sanctissima Deigenitricis  
Maria.*

**D**E festi Euangelici Purificationis beatissimæ Virginis Deigenitricis institutione, proprio loco verba fecimus, nempe in Commentariis ad nostrum Martyrologium Gallicanum 4. nonas Februarij. Hic tantum igitur de Cereorum ac Candelarum benedictione, quæ solenni ritu à Sacerdote fieri in festo hoc consuevit, superest ut quædam pro amica breuitate consignemus, huius articuli inscriptioni conuenientia. Sanè gestatio accensorum luminum cum solenni Cleri & populi concursu atque processione in Ecclesia tam Orientali, quam Occidentali, antiquissima est. Extat homilia S. Cyrilli Hierosolym. de hac ipsa solennitate, ubi sic ait, *Latere valde filia Sion; prædica lætitiā filia Ierusalem? hodie enim gloriosa dicta sunt de te ciuitas Dei &c. Hodie cælestis sponsus cum thalamo Dei matris venit in templum. Filia Ierusalem egredimini in occursum eius. Lampades alacriter accendamus vero lumini &c. Gentium populi lucem ferentes occurramus in templo, ad Deum Christum conueniamus &c. Læti hodie lampades ornemus, tanquam filij lucis ceras veræ luci Christo offeramus? quoniam lumen ad reuelationem gentium mundo apparuit; ideo lumina ex lumine supra niuem resplendeamus supra lac dealbati, supra saphyrum illuminati, supra immaculatas columbas in cælum euolantes &c. Hodie dilecti festi cursum perpetuò peragamus, cum Angelis choros ducamus, cum pastoribus illuminemur, cum orthodoxis adoremus, cum Bethlehem festum agamus, cum templo sanctificemur, cum Virgine festum agamus, cum Simeone Christum vlnis amplectamur. Sic & S. Gregorius Nissenus in oratione de eodem mysterio, ab initio non procul, concionatur; *Honorificum (inquit) parans comitatum, præsentem sancto festo Domini, ad excipiendum Regem gloriæ. Ita etiam Methodius Martyr Episcopus Patarensis, quem passum consignat S. Hieronymus sub Decio & Valeriano, in homilia de hodierno occursum Domini, Vnà, inquit, cum Christi grege festi huius studioso**

latitiam iungentes, choreas saltem ducere libet &c. festum agimus non ex Græcorum vanis fabulis, ridiculum, attonitumque Deorum conuiuium adducens, sed eius Dei cuius gloria immensa est. Sed & Ecclesiæ Æthiopum eodem ritu festum Purificationis colunt, quem vocant ideo *Candelarum*, hocque festum ferunt vnum esse ex nouem ab Apostolis institutis, sicque accepisse ex octo libris synodorum, profitentur in generalibus commemorationibus S. Mariæ c. 6. Porro in Latina Ecclesia, cereorum in solennitate hac gestatio, mediæ non est ætatis (vt quidam volunt) institutum: ante annos mille siquidem erat in vsu. S. Hildephonsus huius est testis veritatis in sermone de Purificatione S. Mariæ, vbi ait, *Simile quid olim, quod ad cereorum accensorum delationem, fuisse à Romanis factitatum ipso mense Februario, quem sic à Februo \* id est Plutone vocitarunt, quem potentissimum purgationis existimabant; februlare enim purgare dicebant. Quo mense lustrabatur ciuitas. Sed hanc lustrandi consuetudinem congruè & religiosè Christiana mutauit Religio, cum eodem mense, die scilicet ipsa 2. in honore sanctæ Deigenitricis & perpetuæ Virginis Mariæ, non solum Clerus, sed & omnis plebs Ecclesiarum loca cum cereis & diuersis hymnis lustrantibus circumeunt.* S. Eligius Episcopus Nouiomensis, qui eodem sæculo, quo B. Hildephonsus, viuebat, (obiit enim vt notat Sigebertus in Chronico anno 665.) sermonem habuit in festo Purificationis sanctissimæ Virginis, quo luculenter differit de Cereorum mysterio. Beda idem memoriæ consignat quod S. Hildephonsus, lib. de temporum ratione c. 10. Cæterum Rituum sacrorum Ecclesiæ interpretes de solenni huius diei processione cum cereis accensis & candelis, eorumque significatione tractant, scilicet Alcuinus lib. de diuinis officiis c. 7. Amalarius Fortunatus Archiepiscopus Treuirensis, lib. 3. c. 43. Rabanus Archiepiscopus Moguntinus lib. 2. de institut. Clericor. c. 33. Fulbertus Carnotensis serm. ad populum de Purificatione B. Mariæ; S. Bernardus serm. 1. & 2. de eadem solennitate, Rupertus Abbas lib. 3. de diuinis offic. c. 25. Innocentius IV. sermone de eadem, aliique posteriores.

Alcuinus notat Romæ fuisse sua ætate morem, vt à Pontifice cerei darentur Clero & populo: quorum cereorum benedictio extat in Ordine & Missali Romano, nec formula vetus ab ea quæ hodie vsque seruat, discrepat, nisi pauculis tantum verbis. Nam in Codice Rotaldi Abbatis Corbeiensis qui anno 980. obiit, sub titulo, *Benedictio super candelas*, eadem habetur deprecationis formula, excepto tantum exordio quod sic habet, *Domine Iesu Christe, creator cæli & terræ, Rex Regum & Dominus Dominantium.* Cætera sunt consona.

Sunt verò causæ nonnullæ scitu dignæ huius Cercorum benedictionis & gestationis.

Prima ex ipso Cantico elicitur Simeonis, quod Christus hodie in templo Hierosolymis præsentatus, velut lumen desideratissimum omnibus hominibus illuxit, & tenebras mortis depulit vitæ aditu patefacto: *Nunc dimittis* (ait) *seruum tuum in pace, quia viderunt oculi mei salutare tuum. Quod parasti ante faciem omnium populorum. Lumen ad reuelationem gentium & gloriam plebis tuæ Israel.*

\* Vide S. Isidor. lib. 5. c. 32. quin & S. Aug. lib. 12. cont. Faustū c. 5.



Secunda est à S. Fulberto citato sermone indicata. *Volumus*, inquit, *vobis breuiter exponere fratres, unde cœpit solennitas purificationis, quam hodie celebratis, & quid significant cerei quos offertis* (Tunc enim non solum fideles cereos in processione accensos gerebant, sed in Missa eosdem ad altare offerebant.) Et infra, *Christum in cereo accenso docet nos oportere meditari. Per lumen* (inquit) *cerei diuinitatem, per ceram significantes carnem ipsius Virginalem; Apis enim & cera & mellis opifex, sine coitu maris & semina procreatur.* Hanc rationem accuratiùs explicat & de Christo & de nobis Petrus Episcopus Exquilinus lib. 3. Catalogi c. 71. Tertiò, inquit, propter mysticam significationem & in capite & in membris, in capite enim candela accensa Christum significat, in cereo enim tria sunt, quæ denotant tria quæ in Christo fuerunt. Nam cera quam apes gignunt sine ulla commixtione, significat carnem Christi natam de Virgine, lychnum in cera latens significat animam candidissimam in carne latentem; ignis verò siue lumen significat diuinitatem, quia Deus noster ignis consumens est. In membris verò quia per hoc instruimur quomodo coram Deo purificari debemus, ut scilicet habeamus fidem veram, actionem bonam & intentionem rectam, nam candela accensa est fides integra, cum operatione bona, quia sicut cera sine lumine mortua est, sic & fides sine operibus mortua est. lychnum autem in cera occultatum, est intentio recta in opere latens.

Tertia causa est, ut qui per Christi gratiam sunt purificati, hac cæremonia admoneantur, prudentes illas Virgines (quarum B. Virgo Maria caput est) imitari, quæ ut habet parabola Euangelica, lampadibus accensis sponso occurrentes intrauerunt cum eo ad nuptias. Hanc rationem notat Honorius Augustodunensis lib. 3. Gemmæ animæ, c. 24.

Quarta, ut fide & felici gaudio nos iusto Simeoni conformemus, & cum eo aliquatenus participemus, qui Christum infantem gestans in vlnis suis vitæ æternæ gaudia prægustauit, nullumque iam videre lumen præoptauit ex quo suis oculis conspexerat vnicum mundi Saluatorem: in quo omnem suam spem defixit, omnibus mundi rebus contemptui & fastidio iam habitis. Causam hanc signauit Rupertus Tuitiensis Abbas, loco citato.

Quinta spectat beatissimæ Virginis Mariæ perpetuò conseruatam integritatem; Sicut enim caro Christi (ait Iuo Carnotensis serm. de Purificatione) de mundissimo & bono odore virtutum referta carne processit, & nec in conficiendo, nec in egrediendo matris integritatem violauit: sic cera quæ hodie gestatur fidelium manibus, de mundis & odoriferis floribus collecta fructus est apìs, virginis videlicet animantis, cuius sexum ut legitur, nec masculi violant, nec fatus quassant.

Sexta, eaque multiplex desumitur ex publicis precibus quibus vtitur Sacerdos in benedictione cereorum, orans Deum ut qui iussu suo, per opera apum, hunc liquorem ad perfectionem cerei peruenire fecit, Has candelas ad vsum hominum & sanitatem corporum & animarum benedicere & sanctificare dignetur, ut eas gestantes igne charitatis succensi, in templo sancto gloriæ ipsius representari mereantur. Insuper ut corda hominum Spiritus sancti splendore illustrata, omni vitiorum cecitate careant, mentes co-

rum illuminentur, & eiusdem sancti Spiritus gratia illuminati atque edocti, Deum veraciter agnoscant & fideliter diligant, quatenus per huius sæculi caliginosa discrimina, ad lucem indeficientem peruenire mereantur.

Denique non solum hodie Virgo intemerata puerperium suum in lege præscriptum absoluit, filium suum vnigenitum templo intulit, primogenitum redemit, munus suum obtulit Sacerdoti, at à Simeone benedictionem accepit. Est quòd singuli fideles, hos actus sanctissimæ Virginis Deiparæ sedulò meditentur atque eosdem imitentur; sed etiam quòd Sacerdos benedictionis munere fungens, ut huic siue suscipiendæ, siue impertiendæ sese dignum cum Simeone venerabili sene studeat exhibere, qui vir iustus & timoratus erat, ideòque plenus Spiritu sancto, donisque gratiæ copiosis, enunciatur.

Extat in Rituali Romano, Ordo benedictionis candelarum, extra diem candelarum, seu Purificationis B. Mariæ Virginis, hac serie concinnatus. *℣. Adiutorium nostrum &c. ℞. Qui fecit cælum & terram. ℣. Dominus vobiscum. ℞. Et cum spiritu tuo. Oremus. Domine Iesu Christe, fili Dei viui, bene † dic candelas istas supplicationibus nostris: Infunde eis Domine per virtutem sanctæ crucis †, benedictionem cælestem, qui eas ad repellendas tenebras humano generi tribuisti, talémque benedictionem signaculo sanctæ † crucis accipiant, ut quibuscunque locis accensæ siue positæ fuerint, discedant principes tenebrarum & contremiscant & fugiant pauidi cum omnibus ministris suis, ab habitationibus illis, nec præsumant amplius inquietare aut molestare seruientes tibi omnipotenti Deo; Qui viuis & regnas in sæcula sæculorum. Amen. Postmodum aspergantur aqua benedicta.*

#### ARTICVLVS XI.

##### *Benedictio Cinerum, Feria 4. in capite ieiunij.*

**P**ŒNITENTIVM super capita cineres aspergi omni tempore, quo ad publicam pœnitentiam in Ecclesia admittebantur, ritus fere cum Religione Christiana exortus est. Hinc illud Tertulliani lib. de Pœnitentia, *In asperitudine saxi, & horrore cineris*. Idèò S. Isidorus lib. 2. de officiis Eccles. c. 16. obiter describens ritum solennis pœnitentiæ, *Cinere autem (inquit) asperguntur, ut sint memores, quia cinis & pulvis sunt.*

Cùm autem facti essent Christiani segniores, salutisque minùs longè quàm olim solliciti, Ecclesia maternam de iis curam gerens diem indixit, quo peccatores canonibus obnoxij, pœnitentiam publicè deposcerent. Hinc illud apud Burchardum Theorema lib. 19. c. 2. *Presbyteri debent admonere plebem subiectam, ut omnis qui se sentit mortifero peccati vulnere sauciatum, Feria 4. ante Quadragesimam cum omni festinatione recurat ad viuificatricem matrem Ecclesiam, ubi quod malè commisit cum omni humilitate & contritione cordis simpliciter confessus, suscipiat remedia pœnitentiæ secundùm modum canonicis auctoritatibus præfixum.*

Attamen in veteri ordine Romano, ubi titulus est, Ordo in Fe-

ria 4. Quadragesimæ, quæ est in capite ieiunij, omnes promiscuè ad petendam pœnitentiam inuitantur; sic enim ibi legimus, FERIA 4. id est in capite ieiunij: *Veniunt ad collectam. Hac die, flectamus genua*, pronunciante Diacono super populum cum inclinatione capitis; imprimis prænere debet Sacerdos omnes Christianos ex sacris scripturarum testimoniis, ad veram confessionem, veramque pœnitentiam festinantiùs accedant.

Ad ritum imponendi cineres illa die super capita fidelium: S. Gregorius morem illum addidit, ut unicuique à Sacerdote diceretur, *Memento homo quia pulvis es, & in puluerem reuerteris*. Quæ Dei verba sunt ad Adam dicta post eius peccatum; hoc notauit Durandus Mimatenfis, lib. 6. Ration. diuinorum officior. c. 28. Et ex eo refert Arnoldus Wion, lib. 5. ligni vitæ c. 12. vbi de S. Gregorio I. Emblemate 1. tabulæ ad sinistram, his verbis: (postquam Emblemata explicatum est) *Quo notatur S. Gregorium feriam 4. post Quinquagesimam, adiectis tribus diebus sequentibus, caput esse Quadragesimæ constituisse, eamque multis caremoniis & Sacramentis celebrem reddidisse, in quibus est illa qua in recognitionem humane conditionis, ut populis cineres à Sacerdote darentur ordinauit, eodem sententiam Domini terribilem, ac semper animo meditandam pronuntiantem, Memento homo quia pulvis es, & in puluerem reuerteris. Quo fit ut cuncti generatim mortales semel saltem in anno reddantur mortis memores, quod facit ut rectius viuamus, certo scientes nobis esse moriendum. Qua de re insigne nobis monimentum suggerit S. Augustinus in sent. sententia vltima, vbi ait: Diuitiis & maiorum nobilitate te iactas, & exultas de patria & pulchritudine corporis & honoribus, qui tibi ab hominibus deferuntur, respice teipsum quia mortalis es, & quia terra es & in terram ibis: Circumspice eos qui ante te similibus splendoribus fulsere; ubi sunt quos ambiebant ciuium potentatus? ubi insuperabiles Imperatores? ubi qui conuentus disponebant & festa? ubi equorum splendidi inuectores? ubi exercituum duces? ubi satrapæ tyranni? Nunc omnia pulvis, nunc omnia fauilla, nunc in paucis versibus memoria eorum est. Respice sepulchra, & vide, quis seruus, quis dominus, quis pauper, quis diues? discerne si potes vinctum à rege, fortem à debili, pulchrum à deformi? Memor itaque nature ne extollaris aliquando: memor autem eris: si teipsum respexeris. Huc spectat insigne & illud monitum egregiæ pœnitentis B. Mariæ Ægyptiæ. Cùm enim Zozimas Presbyter, redeunte Paschate reuersus esset ad locum, ab illa Sancta condictum, eam iacentem & mortuam reperit, ac pone illam in terra scriptum, *Sepeli Abba Zozima, misera Mariæ corpusculum, terram redde terræ, & puluerem pulueri*. Utinam salutiferi huius documenti omnes, ut par esset, memores essemus! Eo sanè fine sanctus Gregorius instituit, ut in capite ieiunij Sacerdos imponens capitibus nostris cineres, nos nostræ mortalitatis admoneret, iis ipsis verbis, quibus Deus olim Adamum communem generis humani parentem, post eius lapsum miseriæ & corruptionis cui iam obnoxius erat, cum omni posteritate memoriam semper præsentem in mente habere iussit, *Pulvis es & in puluerem reuerteris*.*

Nihil est quod citiùs euanescat, quàm pulvis & cinis, vnde quic-

Psal. 1.

quid leue & inane est dicitur in Scriptura : *Tanquam pulvis quem proiicit ventus à facie terra ; Nos autem assimilati sumus fauilla & cineri*, Iob. 30. Sed tamen ita fumus veritatis huius (cuius Deus nos ab incunabulis conscios esse voluit) memoria & recordatione tenaces, vt quamuis feria 4. Cinerum in capite ieiunij omnes certatim accurrant, Sacerdotis genibus prouoluti, caput inclinent in signum seriae humilitatis & pœnitentiæ, cineres sibi pro more Ecclesiastico, imponi suppliciter deposcentes, audiântque cum nonnullo specimine pietatis, terribilem hanc Dei omnipotentis in vniuersum genus humanum, ab initio mundi prolatam, repeti & inculcari sententiam, *Memento homo quia cinis es, & in cinerem reuerteris* : Vix egressi ab Ecclesia sumus, quin mox cum cinere capitibus insperso, omnem memoriam diuini & Sacerdotalis huius monimenti excutiamus; nec enim magis quàm antehac de morte, & cæteris nouissimis cogitamus, Ethnicis hac in parte deteriores, qui veram hominis sapientiam haud aliud esse quàm mortis meditationem, non tantùm verbis censuerunt, sed factis etiam præclaris se seriò credere prodiderunt.

Quæ causa est cur Ecclesia non solùm nostris capitibus solenni hoc ritu, (qui vbique seruatur quotannis feria 4. in capite ieiunij) cineres, à Sacerdote pronunciante nobis diuinum de morte nostra decretum, imponi voluit : sed vt cinerum ipsa mysticâ aspersio fieret nobis efficax & utilis, ad mortis meditationem altè nostris animis insigendam, precibus hanc gratiam pro nobis à Deo Sacerdotis ore postulandam, ipsosque cineres antequam nobis imponantur, ab ipso Sacerdote solenni benedictione consecrandos constituit, quin etiam aqua benedicta aspergendos.

Nec nouo quidem hæc more fiunt; nam tempore Optati Mileuitani, iam in vsu fuisse ex acri Donatistarum aduersus Ecclesiam Catholicam contentione & maligna æmulatione satis fit perspectum. Hos enim (Virgines Catholicas quòd cogerent pœnitentiam suscipere) reprehendens, *Consecratas Deo* (inquit) *asperfistis immundis cineribus, crines iussistis etiam aqua falsa perfundi*. aquam subindicans puram & verè benedictam, cineresque mundos ad veræ pœnitentiæ opus, non nisi in Ecclesia Catholica reperiri.

Lib. 6. aduersus  
Parmenianum.

Refert Burchardus lib. 19. c. 26. hoc Agathensis Concilij Decretum, quo solennis illa pœnitentiæ disciplina breuiter quidem sed genuinè describitur; *Tunc surgens* (Sacerdos) *ab oratione iuxta quod Canones iubent, manus eis imponat, aquam benedictam super eos spargat, cinerem prius mittat, deinde cilicio capita eorum cooperiat*. Eundem agnoscit & recitat Canonem Iuo Carnotensis part. 15. Decreti c. 45.

In veteribus libris Sacramentorum, vbi ordo Ferie 4. in capite ieiunij exprimitur, post dictos Psalmos speciales, precésque actioni accommodatas, subiungitur : *Benedictio cineris*, Sacerdote dicente, *Deus qui non mortem, sed pœnitentiam desideras peccatorum, fragilitatem conditionis humane benignissime respice &c.* Subinde verò, *Omnipotens sempiterne Deus,*  
parce



parce metuentibus, propitiare supplicibus, & mittere digneris sanctum Angelum tuum de cœlis, qui sanctificet † cineres istos &c. Tūque immittit cineres super capita eorum, cum aqua benedicta. Hoc tempore super capita fidelium, quibus imponuntur cineres à Sacerdote Feria 4. in capite ieiunij, aqua benedicta non aspergitur, quia cū Sacerdos cineres ipsos super altare positos præscriptâ formulâ benedicit, eosdem sacra aqua aspergit. At de hoc insigni ritu Catholicæ Ecclesiæ, satis hîc pro instituto.

## ARTICVLVS XII.

*Benedictio palmarum, seu ramorum, Dominicâ quæ Pascha resurrectionis Christi proximè antecedit, solito more à Sacerdote peragenda.*

**D**OMINICA illa quondam (vt legitur in Ordine Romano) tritiori vocabulo dicebatur, *Dominica indulgentiæ*, postea dicta est *Pascha petitem*, (seu desideratum) & *Pascha Competentium*, *Capitalium*, *Dominica Osanna*: At stabili tandem nomine iamdudum dicta est, & hodie vsque dicitur *Dominica in ramis palmarum*, imò à Græcis festum palmarum, εὐχρη τῶν βαλάν\*, apud quos quàm sit vetus illa solennitas, in eaque ramorum palmæ seu oliuæ, aut aliarum arborum gestatio, in memoriam triumphalis ingressus Christi Domini in sanctam ciuitatem paulo antequam pro mundi salute mortem in cruce, sua ex ineffabili erga nos bonitate ac misericordia oppeteret, testis est S. Cyrillus Hierosolymitanus Catechesi 10. vbi ait, *Palma, quæ est in valle testatur, ramos exhibens his qui nunc benedicunt*. Quibus verbis subindicat ex ipsa palma adhuc superstiti, è qua Hebræorum turmæ quæ Christo occurrebant, ramos quos ouantes deferrent ante eum, exciderunt: sui sæculi fideles consueuisse eas frondes excerpere, quas gerere manibus, mos abhinc inolitus erat in illa Dominica, quæ salutaris illius ingressus Domini quotannis rediuuiam reddit memoriam. Porro de solenni processione quæ fit die illa singulis annis in sancta ciuitate cum antiquis præclarisque cæremoniis, dixisse mihi accuratim in Parthenia Hierosolymitana, quæ nondum est excusa typis, aliquando in lucem auspice Christo proditura.

\* Vide Codicum  
Curopalatam in  
lib. de officiis.

In Latina Ecclesia Dominica ista semper in magna reuerentia fuit, etiamnumque in insigni religionis celebritate perseuerat: de qua complures præter sermones Patrum, & Doctorum quæ extant conciones, sacrorum interpretes rituum satis copiosè pertractârunt. Non est huius loci singula recensere, sed duntaxat ritus benedictionis & gestationis ramorum seu palmarum in solenni processione, quæ fit ad salutarem ingressum Domini properantis ad mortem in Ierusalem, recolendum, cæremoniam explicare, in quantum ad rem quæ vertitur, spectat. Agimus hîc enim tantum de munere benedicendi, Sacerdoti proprio, solennibusque benedictionibus, quas ex officio recensere & facere consuevit.

S. Isidor. l. 1. de  
diuinis officiis c.

27.  
Alcuinus sub  
tit. festi Ramo-  
rum palmarum.  
Amalar. Fortu-  
natus lib. 1. de  
Eccl. off. c. 10.  
&c.

In ritu & ordine Ambrosianæ Missæ tam in maiori quàm minori Ecclesia fit officium Liturgicum, cum duplici præfatione propria, & orationibus super populum, super sindonem, & super oblata, in utraque verò præfatione mentio fit occursum turbarum ante Dominum cum ramis oliuarum. Sed de benedictione ramorum huiusmodi, nihil in hoc ordine est expressum: quamvis titulus huius diei sic prænotetur, *Dominica in ramis oliuarum*, & in precationum serie, satis appareat à Clero & populo frondes & ramos hac in celebritate gestari.

\* Dominica ista dicebatur etiã Dominica Indulgentiæ, ut supra notatum.

In libro Sacramentorum S. Gregorij, hæc ipsa dies inscribitur, *Dominica in Ramis palmarum*, cui propria collecta assignatur in Missa, *Omnipotens sempiterne Deus, qui humano generi ad imitandum humilitatis exemplum, &c.* Deinde oratio super oblata, *Concede quæsumus Domine, ut oculis tuæ Maiestatis munus oblatum, &c.* Præfatio specialis & plus solito brevis, *Verè dignum &c. Per Christum Dominum nostrum, per quem nobis indulgentia \* largitur, & pax per omne sæculum prædicatur, traditur cunctis credentibus disciplina, ut sanctificatos nos possit dies ventura recipere. Et ideo cum Angelis &c.* Moxque hæc subiungitur benedictio, non quidem super ramos, sed super populum, hoc breui tenore: *Benedicat vobis omnipotens Deus, cui & ieiuniorum maceratione & præsentium dierum observatione placere studetis. Amen. Concedatque vobis ut sicut ei cum ramis palmarum, caterarumque frondium præsentari studuistis, ita cum palma victoriæ & fructu bonorum operum post obitum apparere valeatis. Amen. Quique unigeniti filij eius passionem puro corde creditis, mente deuota venerari studetis, ad resurrectionis eius festa & vestræ remunerationis præmia ipsius fulcimurimur veniatis. Amen. Quod ipse præstare dignetur &c.* tum subiicitur oratio ad complendum *Præsta nobis. & alia super populum, Da misericors Deus.*

Verùm hic ordo Missæ tantum mihi videtur esse præscriptus. Nec obstat quin extra hoc Liturgicum officium, alius ordo seruaretur pro cæteris huius diei cæremoniis, videlicet benedictione ramorum & processione solenni; siquidem in Ordine Romano quem antiquissimum esse doctè & perspicuè Melchior Hittorpius, in præmonitione ad lectorem super collectione librorum complurium Scriptorum veterum de diuinis Ecclesiæ Catholicæ officiis, esse ostendit: atque primùm ex priscis Romanæ Ecclesiæ theoriis, sacrisque praxibus à Gelasio I. collectum & dispositum fuisse per anni circulum. Extat ordo in die Palmarum luculentissimus: vbi postquam varia insignis illius diei vocabula obiter annotata sunt, statio ad S. Ioannem in Laterano indicitur; vbi finitâ tertiâ, dictâque litaniâ, & expositis in medio palmarum, vel oliuæ, seu aliarum arborum ramis, primùm benedicit Sacerdos salem & aquam &c. Deinde dum canitur *Osanna, benedictus qui venit &c.* Sacerdos dicit orationem: *Deus quem diligere. hinc sequitur lectio ex cap. 15. Exodi, Venerunt filij Israel in Helim. Qua dicta, cantatur Responsorium Collegerunt, deinde à Diacono legitur Euangelium secundum Matthæum, Cùm appropinquasset Iesus Hierosolymis. Et si adsit Episcopus, facta ab eo concione ad po-*

pulum de Euangelio & præfati festiuitate, sermone peracto, benedicuntur rami, dicitque Sacerdos orationem, *Adesto nobis omnipotens Deus*, &c. Sequitur Exorcismus florum frondium, & benedictio frondium oliuæ & palmarum per orationem, *Domine sancte Pater omnipotens*, &c. duabûs aliis breuioribûs subiunctis. Quibus dictis fit benedictio solius oliuæ duabus orationibus, *Petimus te*, &c. *Auge fidem*. Et mox simul benedictio oliuæ & ramorum. Hinc coniunctim benedictio palmarum & oliuarum hac deprecatione, *Benedic quæsumus Domine hos palmarum seu oliuarum ramos*, & *præsta ut quod populus tuus tua veneratione, hodierna die corporaliter agit, hoc spiritualiter summa deuotione perficiat, de hoste victoriam reportando, & opus misericordiæ summo-perè diligendo. Per Christum* &c. Additur & alia palmarum & ramorum benedictio, aliæque ramorum siue oliuarum. Qua dicta cantatur à Sacerdote præfatio specialis; Cui subiungitur Oratio, *Deus qui filium tuum*: Qua expleta, spargitur aqua benedicta super ramos palmarum, oliuarum & aliarum arborum. Post aspersam aquam & thurificationem factam dicit Sacerdos orationem, *Deus qui filium tuum unigenitum*, aliâque quæ incipit, *Omnipotens genitor*. Qua finita dat Sacerdos palmas ad populum, cantando hanc Antiphonam, *Ante sex dies solennitatis Paschæ*. Mox dicit orationem, *Omnipotens sempiterne Deus qui Dominum nostrum Iesum Christum* &c. post cuius clausulam rubrica hæc signatur: *Deinde expansis palmis vadunt ad Ecclesiam ubi Missam debent celebrare, cantantes per viam antiphonas processionales*. Prolixus est admodum harum omnium orationum & benedictionum contextus, sed eleganti constans serie mysticis & moralibus sensibus refertus, quem qui fusè ut extat digestus voluerit perlegere, reperiet integra serie descriptum tom. 10. Bibliothecæ sanctorum Patrum à columna 46. ad 50. imò ab ipsa 50. adhuc vsque 54. siquidem non tantum palmarum & ramorum benedictio Sacerdotalis hîc refertur, sed & pontificia Papæ processio accuratè describitur. Verum non hîc è re nostra visum, tam fustum ordinem tetexere.

Hodie in Missali Romano ordo extat tam benedictionis quàm processionis nonnihil breuior, prolixior tamen cæterarum Ecclesiarum formulis. nihil est ferè in hodierno isto Romano Ordine, quod non sit in antiquo, sed quicquid est in yeteri in hodierno non extat, in quo ab initio ponitur Antiphona *Osanna*, oratio *Deus quem diligere*, Lectio ex c. 15. Exodi. 32. *Collegerunt*, cum eo quod incipit, in monte Oliueti. Deinde legitur à Diacono Euangelium, *Cum appropinquasset*. Quo dicto sic benedicuntur Rami, stans Sacerdos in cornu Epistolæ dicit in tono orationis ferialis, *Ps. Dominus vobiscum*. 32. *Et cum Spiritu tuo. Oremus. Auge fidem in te sperantium Deus*, & supplicum preces clementer exaudi; *veniat super nos multiplex misericordia tua, bene dicantur & hi palmites palmarum seu oliuarum, ut sicut in figura Ecclesiæ multiplicasti Noë egredientem de Arca, & Moysen exeuntem de Ægypto cum filiis Israhel, ita nos portantes palmas & ramos oliuarum bonis actibus occurramus obuiam Christo, & per ipsum in gaudium introeamus æternum*, &c. Hæc

oratio desumpta est ex veteri ordine Romano, sed præfatio quæ ei subiuncta est, alia prorsus est ab ea, quæ in illo veteri continetur; Est fusior, pulchrior, totaque est triumphalis: trophæum enim decantat clarificati à Patre æterno nominis eius filij vnigeniti, redemptoris mundi. Cui præconio Trisagium succedit, Clero concinente, & populo acclamante, *Sanctus, Sanctus, Sanctus &c. Benedictus &c. Hosanna.* Et tum dicit Sacerdos quatuor orationes, quarum prima desumpta est ex suprascripto veteri Ordine Romano, *Petimus te sancte Domine &c.* Sed quæ sequitur *Deus qui dispersa congregas.* tertiæque incipiens, *Deus qui miro dispositionis ordine.* & quarta *Deus qui per oliuæ rammum &c.* hodierni ritus Romani sunt propriæ: postrema benedictio cuius initium est, *Benedic† quasumus Domine*, deprompta est ex veteri ordine, vt refertur suprâ. Postea sequitur rubrica antiquæ illi praxi ferè consona ad amussim, sic enim habet, *Hic celebrans ponit incensum in thuribulum: deinde ter aspergit ramos aquâ benedictâ, &c. & ter adolet incenso, subiunctaque oratione, Deus qui filium tuum &c.* ramos Clero & populo congruo ordine modoque distribuit, vt in ipso Missali Rom. præscriptum est.

At verò his præmissis de forma benedictionis ramorum, non inane fuerit operæpretium hic pauca quædam, circa materiam subnotare. Israëlitas obuiam Christo procedentes detulisse ramos palmarum S. Ioannes speciatim testatur c. 12. *acceperunt ramos palmarum, & processerunt obuiam ei.* S. Matthæus, & S. Marcus aliarum arborum sine ullo discrimine illos portasse ramos memorantur, *Cadebant ramos ex arboribus, & sternebant in via.* S. Matthæus c. 21. 8. Et S. Marcus c. 11. 8. *Fron-des cadebant de arboribus & sternebant in via.* Sed cùm veniens Ierosolymâ Christus Dominus descenderet de monte Oliueti (vt disertè notant iidem sancti Euangelistæ) hinc valde verisimile est, obuiantes ipsi Domino turbas, ramos oliuarum, quibus hic locus copiosuserat, accepisse, & coram eo pertulisse; & inde est quòd Ecclesia illa die, qua recolit triumphalem illum ingressum Domini, disertè in orationibus ait, *Deus qui &c. populis obuiam Iesu ramos portantibus benedixisti, benedic etiam hos ramos palma & oliuæ, quos tui famuli ad honorem nominis tui fideliter suscipiunt.* Nec sine mysterio, quod sequenti oratione, *Deus qui miro dispositionis ordine &c.* ipsa sancta mater Ecclesia his verbis enunciat: *Da vt deuota tuorum corda fidelium salubriter intelligant, quod mysticè designet in factò, quod hodie cælesti lumine afflata, Redemptori obuiam procedens, palmarum atque oliuarum ramos vestigiis eius turba substrauit. Palmarum igitur rami de mortis principe triumphos expectant; surculi verò oliuarum spiritualem unctionem aduenisse &c.* Et ideo talia obsequens administravit, quæ in illo triumphos victoriæ, & misericordie pinguedinem declarauit.

Accedit quòd illa die Ecclesia passionis Domini recolendæ mysterium exorditur. At verò palma & oliua huius non obscura monumenta sunt, duo enim fuerunt ex lignis quatuor, quibus Crux ipsius Saluatoris fuit composita, vnde antiqui hi versus:

*Quatuor ex lignis Domini crux dicitur esse:*



*Pea crucis est cedrus, corpus tenet alta cupressus.*

*Palma manus retinet, titulo letatur oliua.*

Hinc collineat glossa in Clementinam primam de summa Trinitate, hoc carmine vulgarem de lignis crucis Domini complectens sententiam.

*Ligna crucis, palma, cedrus, cupressus, oliua.*

Quod sic ipsa glossa explicat, Ponit verò cedrum in stipite, palmam in palo per longum, cupressum in ligno ex transuerso, oliuam in tabula super crucem. circumferuntur eadem de re, hi duo meliori mente, quàm arte conferti versus:

*De cedro truncus crucis est, stipésque cupresso,*

*Brachia de palma, pars est oliua suprema.*

Christianus igitur hodie palmam & oliuam gerens, crucis & mortis Domini recordetur, dicat cum sponsa Cantic. 7. *Ascendam in palmam & apprehendam fructus eius. Surgit oleum oliuæ* (ait S. Hieronymus) *ex amaritudine radice.* Ita & nostra salus ex amaritudine passionis Domini processit; *Non enim ex operibus iustitiæ quæ fecimus nos, sed secundum misericordiam suam saluos nos fecit. Quia enim Christus dilexit nos, tradidit semetipsum pro nobis oblationem & hostiam Deo in odorem suauitatis.* Tit. 3. Ephes. 5.

### ARTICVLVS XIII.

#### *Benedictio Agni in Pascha.*

**V**ETVS est mos iste in Latina saltem Ecclesia. Nam Nicolaus I. in epistola ad Hincmarum Rhemensem Metropolitam & ceteros Episcopos in regno Caroli constitutos, qua exponit causas odij & inuidiæ Græcorum aduersus Latinam Ecclesiam, inter putidas calumnias quibus eam onerabant, hanc recenset. *Mentiuntur quoque nos &c. agnum in Pascha more Iudæorum super altare pariter cum Dominico corpore, benedicere & offerre.* Ansam illi schismatici inferendæ nobis huius calumniæ, ex ritu illo non satis à se explorato arripuerunt, quo annis singulis in Pascha, transacto iam passionis Domini mœrore & pœnitentiæ luctu ieiunique rigore, agnus solet non in altari collocari, nec cum corpore Domini consecrari, aut offerri, sed simpliciter benedici, non ab Episcopo, sed à Presbytero, non in sacrificium sed in subsidium humani victus, vt patet ex hac formula, quæ hodie vsque est in vsu, & extat ad calcem Missalis Romani inter benedictiones diuersas: *Sacerdos (posito agno super mensam) dicit v. Adiu- torium nostrum in nomine Domini. R. Qui fecit calum & terram. Oremus, Deus qui per famulum tuum Moysen in liberatione populi tui de Ægypto agnum occidi iussisti, in similitudinem Domini nostri Iesu Christi, & utrosque postes domorum de sanguine eiusdem agni perungi præcepisti, ita benedicere, & sancti- ficare digneris hanc creaturam carnis, quam nos famuli tui ad laudem tuam sumere desideramus, per resurrectionem eiusdem Domini nostri Iesu Christi, Qui tecum viu- it & regnat in sæcula sæculorum. Amen. Et aspergit aqua benedicta.*

Tom. 3. Con-  
clior. Gall. p. 331.  
ep. 70.

Anno 867.

## ARTICVLVS XIV.

*Benedictio ouorum & casei in solennitate Paschali.*

**M**OS iste notabili indicio non caret, siquidem in citato sæpiùs veteri Romano Ordine, ad oram officij quodà Papa solenniter celebratur Sabbato sancto in Vigilia Paschæ, sic legisse me ante plures annos memini: *Tunc finitis omnibus, descendat Pontifex cum omni decore vsque in cubiculum suum cum pace & gaudio.* Eodem die Dominus Papa & cæteri Romani, oua manducant & formatigium, id est caseum, cuius benedictio continuò subiungitur sub hac epigraphæ, *Benedictio casei in eodem Sabbato. Dignare Domine &c.* Nec dubium quin oua etiam benedicebantur, cum alumnis S. R. E. mos sit constantissimus nunquam cibum sine benedictione sumere. Ex huius igitur obseruationis imitatione, mos vbique defluxit, vt oua post præconia Dominicæ resurrectionis in Sabbato sancto præscripto ritu à Sacerdote benedicantur; vnde, dare oua Paschalia, vsus dicendi inoleuit. Forma autem huius benedictionis, quæ etiamnum extat in Missali Romano, sic ad verbum habet, *ψ. Adiutorium nostrum &c. R. Qui fecit cælum &c. Oremus, Subueniat quasumus Domine tuæ benedictionis gratia huic ouorum creatura, vt cibus salubris fiat fidelibus tuis, in tuarum gratiarum actione sumentibus, ob resurrectionem Domini nostri Iesu Christi, Qui tecum viuit & regnat in secula seculorum. R. Amen. Et aspergat aqua benedicta.*

## ARTICVLVS XV.

*Benedictio vuae, fabæ, frumenti, & nouarum frugum.*

*Anastasius in lib. Pont. vbi de S. Eutychiano.*  
\* fabas & vnas.

**D**E S. Eutychiano Papa & Martyre in gestis Pontificalibus legitur, *Hic instituit fruges, fabæ & vuae \* in altario benedici.* Quæ cæremonia olim fieri consueuerat (vt patet ex lib. Sacramentorum S. Gregorij) 8 Idus Augusti, in natali S. Sixti Martyris & Pontificis: in quo tamen solius vuae benedictio signatur, hac cum deprecatione ante postcommunionem siue orationem ad complendum: *Benedic Domine & hos fructus novos vuae, quos tu Domine rore cæli & inundantia pluuiarum & temporum serenitate atque tranquillitate ad maturitatem perducere dignatus es, & dedisti eos ad vsus nostros cum gratiarum actione percipi, in nomine Domini nostri Iesu Christi, Per quem hæc omnia &c.* At in Sacramentorum lib. collecto à Grimoaldo Abbate ex opusculis sanctorum Patrum, inter plerasque benedictiones, sine die certo consignatur num. 122. *Benedictio vuae, vel fauæ, more scilicet veterum, apud quos dicebatur faua pro faba, & disiunctiua passim ponebatur, pro copulatiua.* Hæc benedictio eadem est cum Gregoriana, hoc excepto quòd tam fabæ quàm vuae benedicendæ sit eadem prece expressio. Post quam formulam alia immediatè sequitur, sub hac epigraphæ, *Benedictio ad fruges nouas, hac contexta serie, Domine sancte Pater omnipotens aterne Deus, qui cælum & terram, mare & omnia creasti, te supplices*

quæsumus, ut hunc fructum novum benedicere & sanctificare digneris, & multiplicare abundanter offerentibus tibi, ut repleas eorum cellaria cum fortitudine frumenti & vini, ut latantes in eis referant tibi Deo omnipotenti laudes & gratias, Per Dominum. In rituali Romano sub titulo benedictionis novorum fructuum, post dictum *Ps. Adiutorium nostrum &c. &c.* Qui fecit cælum &c. *Ps. Dominus vobiscum. &c.* & cum Spiritu tuo, hæc benedictio verbis arctior legitur, *Benedic Domine hos novos fructus N. ut qui eis in tuo sancto nomine vescantur, corporis & animæ salute potiantur, Per Dominum &c.* Et aspergit Sacerdos novos fructus aqua benedicta.

Græcis idem ritus olim celebris fuit, etenim in Quinisexta Synodo, quam Trullanam vocant, can. 28. decernitur, ut primitiæ vuae & frumenti offerantur in altari, benedicendæ suæ peculiari benedictione: quæ in ipsorum Euchologio eodem die quo apud Latinos faciendæ signatur, eademque ferè verborum serie secundum Græcam expressionem. In Africa idem mos viguit, ut patet ex can. 3. Concilij III. Carthaginensis, ubi vuae & frumenti fit mentio, quæ in altari benedicantur. Ab Apostolis fluxisse ille ritus videtur, quorum can. 4. sic habet, *Offerre non licet aliquid ad altare præter novas spicas & vuas, & oleum ad luminaria & thymiama, id est incensum, tempore quo sancta celebratur oblatio: Can. 3.* his verbis constat: *Siquis Episcopus, aut Presbyter, præter ordinationem Domini, alia quadam in sacrificio offerat super altare, id est aut mel, aut lac, aut pro vino siceram, aut confecta quadam, aut volatilia, aut animalia aliqua, aut legumina, contra constitutionem Domini faciens, congruo tempore deponatur. Atamen can. 5. quæ ad altare offerri non possunt, statuit ad domum Sacerdotum posse à fidelibus deferri: reliqua poma omnia. Ad domum, primitiæ, Episcopo & Presbyteris dirigantur; non offerantur in altari &c.*

At huic Canoni Eutychianus Papa sua constitutione præmemorata videtur aduersari, instituit enim fruges, fabæ & vuae, in altario benedici: At Apostolorum Canon nullatenus hoc decretum Eutychiani repugnat. Prohibuerunt enim legumina & cæteras fruges præter spicas & vuas (quæ panis & vini, ex quibus conficitur sacrificium, elementa sunt) super altare in sacrificio offerri: non vetuerunt ad altare extra sacrificium pro alimento hominum benedici. Quod solum Eutychianus Papa & Martyr constituit, studiosa scilicet pietate sanctoque affectu, referendi Deo pro beneficio susceptionis novarum frugum debitas gratiarum actiones, diuinamque benedictionem tam super ipsos fructus, quàm super iis utentes Christi fideles impetrandi.

## ARTICVLVS XVI.

*Benedictio ad quodcumque comestibile.*

**O**MNIS creatura Dei bona est (ait Apostolus 1. Timot. 4. 4.) & nihil reiiciendum quod cum gratiarum actione percipitur; sanctificatur enim per verbum Dei & orationem. Hac ex Apostolica doctrina, prodiit Christianus ritus omnia benedicendi, quæcumque ad cibum & po-

tum, hoc est alimentum humani generis assumi possunt; cuius benedictionis hæc formula extat in rituali Romano, *ψ. Adiutorium, ψ. Qui fecit &c. ψ. Dominus vobiscum. ψ. Etcum Spiritu tuo. Oremus. Benedic† Domine creaturam istam N. ut sit remedium salutare generi humano, & presta per inuocationem sancti nominis tui, ut quicumque ex ea sumpserint, corporis sanitatem, & animæ tutelam percipiant. Per Dominum &c. Amen.* Aspergat id aqua benedicta. Cum signo crucis fieri solet, & iam olim in ipsa primitiua Ecclesia fieri consueuerat eiusmodi benedictio: ut ex Tertulliano constat lib. de Corona Militis c. 3. & S. Chrysostomo in prædictum locum Apostoli, ubi corripiens illorum superstitionem, qui quidem alimenta sumere ex inani metu immunditiæ renuebant, sic effatur: *Demus quòd quidpiam sit immundum, sed habes medicinam, signa, gratias age, glorifica Deum, & defecit immunditia, nam gratiarum actio cuncta purgat, qui verò ingratus est immundus est & pollutus.* Pulchrè id declarat Aurelius Prudentius, in hymno ante cibum, dum sic concinit:

*Te sine dulce nil Domine,  
Nec iuuat ore quid appetere,  
Pocula ni priùs atque cibos,  
Christe, tuus fauor imbuerit.*

Et infrà,

*Omnia sanctificante fide  
Fercula nostra Deum sapiant,  
Christus & influat in patinas,  
Seria, ludicra, verba, iocos,  
Denique quod sumus atque agimus  
Trina superna regat pietas.*

Et sub finem,

*Da locuples Deus hoc famulis  
Rite precantibus, ut tenui  
Membra cibo recreata leuent,  
Neu piger immodicis dapibus  
Viscera tanta grauet stomachus,  
Sospitet ut iecur incolume.*

Propter hominum enim intemperantiam, & prodigiosam erga Deum ingratitude, (plerique enim sunt qui Epicureo more edunt & bibunt, sine moderatione vlla, & quod peius est, sine vlla recognitione beneficiorum Dei creatoris mundi) vsurpârunt sibi dæmones nonnihil potestatis in cibos, qua plerumque iusto Dei iudicio ipsis carnalibus & ingratis hominibus valde nocent, ut docet sanctus Augustinus lib. 18. de Ciuit. Dei c. 17. & 18. exemplòque notat insigni sanctus Gregorius lib. 1. Dialog. c. 4. dum narrat dæmonem inuâsisse Monialem, quæ lactucam sumpserat sine præuia benedictione. Hinc à SS. Patribus & Eremitis panes, mel, lac, vinum & cætera alimenta statim formulis benedicebantur, ut diaboli vis & potestas ex iis expelleretur, & per has benedictiones fieret sanitas men-

tis



tis & corporis, iis qui illis utebantur, vnâque Deo vt omnium bonorum vero principio gratiarum actiones de beneficiis suis rependerentur: Ecclesia semper hanc disciplinam seruauit, ac quo efficacior foret benedictio, vbi adesset Sacerdos, speciali formula quæ suprà recitata est, illam fieri ordinauit.

## ARTICVLVS XVII.

*Benedictio Mensæ.*

**I**OSEPHI lib. 1. de bello Iudaico, c. 7. locus insignis est de hoc ritu ante Christi aduentum, obseruato ab Essenis Hebræorum ascetis: *Voce* (inquit) *Sacerdos cibum anteuertit, neque fas est gustare quicquam, nisi prius Deo celebretur oratio. Post finem quoque prandij vota repetunt; nam & cum incipiunt, & cum desinunt, quasi datorem victus Deum laudibus canunt.*

Quicquid alimenti vel sumpsit Christus, vel distribuit, cum gratiarum directâ Deo patri suo actione, illud semper benedixit: sic Marci 6. 41. *Acceptis quinque panibus & duobus piscibus, intuens in cælum, benedixit.* Luc. 9. 16. *Respexit in cælum & benedixit illis, & fregit & distribuit discipulis suis vt ponerent ante turbas.* Ita & post resurrectionem suam cum discumberet cum duobus discipulis suis, *Acceptis panem & benedixit ac fregit, & porrigebat illis.* Luc. 24. 29.

Mos inde passim apud Christianos inoleuit, vt nunquam sumant cibum, nec ad mensam accedant, quin prius benedictione facta, cum signaculo crucis, & post pastum reddita Deo per Christum glorificatione. Huc spectat sanctus Athanasius lib. de Virginitate seu Meditatione, dicens: *Vbi sedes ad mensam & inceperis frangere panem, te eum consignans, his verbis gratias age, gratias agimus tibi pater noster &c.* Et cum surrexeris à mensa &c. tribus vicibus dicens, *Miserator & misericors Dominus escam dedit timentibus se, Gloria Patri & Filio & Spiritui sancto.* Idem docent S. Basilii epist. ad Gregorium Nazianzenum, S. Chrysostomus, hom. 50. in Matth. ad c. 12. & homil. 57. ad popul. Antiochenum, S. Hieronymus ep. 22. ad Eustochium de custod. Virginitatis: *Nec cibi sumantur à te* (inquit) *nisi oratione præmissa, nec recedatur à mensa nisi referatur gratia Creatori.* Sed & vetustissimus Tertullianus, lib. de corona militis c. 3. testis est, morem fuisse vbique Christianis ad mensas, ad lumina, ac sedilia crucis signaculum præmittere. Extrat illustre hac de pia praxi exemplum Christianorum sub Iuliano Apostata militantium, apud Theodoretum lib. 3. hist. Eccl. c. 16. & S. Gregorium Nazianzenum orat. 1. aduersus ipsum Iulianum, sed prolixitatis declinandæ gratiâ, historiam illam etsi præclaram, hîc solùm indicamus, narrare vel obiter prætermittimus.

Ad propositum nostrum quod maximè facit, mihi videtur esse Bulgarorum directâ inquisitio, ab illo sapientissimo Pontifice sciscitanti sunt, *utrum liceat mensæ signaculum crucis adhibere, si desit Sacerdos, aut*

- ” *Diaconus*? Quibus respondit Pontifex, proculdubio licere: Nam omnibus datum est (inquit) ut & omnia nostra hoc signo munire debeamus ab insidiis diaboli, & ab eius omnibus impugnationibus in Christi nomine triumphare. Superest tantum ut cum potior adest, inferior hoc sibi nisi iussus, non audeat arrogare.

Solenne ergo fuit, ut Presbyter, vel Diaconus si adessent, mensam benedicerent fusa prece, salutarisque crucis expresso super signaculo: non autem id debet presumere Diaconus in ræsentia Sacerdotis. Sine contradictione (ait Apostolus, Heb. 7.) *quod minus est à meliore benedicitur*. Vnde sanctus Hieronymus merito Diaconos reprehendit, qui in domesticis conuiuiis, & mensæ, & Presbyteris benedictionem dare præsumebant, epist. 85. *Discant* (inquit) *qui hoc faciunt se non rectè facere*. In locis ubi Diaconi mensuram suam melius agnoscebant, mos ille vigeat, ut Diaconi ipsi supplicarent Sacerdoti si adesset, ut vel ipse benedicere dignaretur, vel sibi iuberet benedicere, Græci dicebant, *ὁ δὲ πρεσβύτερος κούρει*, pro quo Latini, *Iube Domne benedicere*.

Vbi præsens, erat Episcopus ipse benedictionem faciebat; sed ubi non erat Episcopus, at aderat Presbyter, sine controuersia benedicendi munus, quod maximè spectat ad Sacerdotale officium, ipsi deferbatur. Si Presbyteri plures eodem in loco adessent, senior & dignior benedicebat: ubi hæreses grassabantur, sæpe contentio propter prærogatiuam obeundi huius muneris incidebat inter Catholicum Sacerdotem & eum qui hæreticorum partes tenebat, præsertim quod Catholicus refugeret benedictos cibos ab hæretico quouis attingere. Refert Gregorius Turonensis, lib. 1. Miraculorum, c. 8.\* exemplum super hoc dignum memoria ac scitu periucundum: *Semper* (inquit) *Catholicorum inimica est hæresis, & ubicumque potuerit tendere insidias, non omittit, sicut illud est quod quodam loco factum celebre fama refert. Mulier quadam erat Catholica, habens virum hæreticum, ad quam cum venisset Presbyter nostræ religionis, valde Catholicus, ait mulier ad virum, Peto charitati tuæ, ut pro aduentu huius Sacerdotis, qui me visitare dignatus est, letitia habeatur in domo nostra, ac preparatum dignis impendiis epulemur cum eo, promittente autem viro eius, sic se ut illa flagitabat facturum: aduenit & aliushæreticorum presbyter, dixitque vir mulieri, Duplicata est letitia hodie, eo quod sint Sacerdotes utriusque religionis in domo. Discumbentibus autem ad conuiuium vir ille cum presbytero (suo) dextræ partis cornu occupat, Catholicum ad sinistrum statuens, positâque ad laeuam eius sellula, in qua coniux eius resideret, dixit vir ad presbyterum hæreticum, Si consenseris dictionibus meis, exercebimus hodie cachinnum de hoc Romanorum Presbytero, ut scilicet apposito ferculo tu celerius signare festines, cumque ille manum non posuerit illo tristante nos cum letitia comedemus cibum; cui ille, Faciam, inquit, quod præcipis; Tumque veniente disco cum oleribus signauit hæreticus, posuitque primus manum suam; Quod cernens mulier ait, Ne feceris quia ingrâte fero iniuriam Sacerdotis. & exhibito alio cibo sumpsit Catholicus. In secundo verò & tertio ferculo similiter fecit hæreticus; Quar-*

\* Vide eundem  
in histor. lib. 3.  
c. 1.

io autem exhibito festinans hæreticus priusquam ferculum illud vel mensam tangeret, eleuata manu signat, statimque ipsum cochleare sumit non intelligens an caleret, feruentemque cibum velociter inglutit; protinus accenso pectore aestuare cæpit, & cum suffirio immenso nequam spiritum exhalauit, ablatiisque de conuiuiio locatus in tumulto, terrena molis congerie est opertus. Tum exultans Presbyter nostræ religionis ait, Verè vltus est Deus seruos suos, & conuersus ad virum ait, Perit huius memoria cum sonitu & Dominus in æternum permanet. Tunc homo ille perterritus, pronolutusque ad pedes Presbyteri, conuersusque ad fidem Catholicam credidit cum domo sua. Hæc Gregorius Turon. ex cuius dictis patet tunc viguisse morem non solum vt Presbyteri præsentibus conuiuiio mensæ benedicerent, sed etiam vt super vnumquodque ferculum, crucis signaculum pro singulari benedictione exprimerent.

Hodie in magnatum conuiuiis mos adhuc perdurat, vt à Sacerdote domestico, quem Eleemosynarium, vel Capellanum vocant, mensa benedicatur; quem tamen ita despectui habent, vt mensæ cui benedixit dignum non censeant secum discumbere: mancipij enim instar, plerique habent Christi Sacerdotem, nec memores sunt conditionis suæ, scilicet quantumuis in sæculo magni sint, meri tamen sunt laici, plebæque in Ecclesia faciunt; & si verè sunt fideles, debent certè sententiæ Domini ad suos Apostolos recordari, *Qui vos* Luc. 10. 16; *honorat me honorat, & qui vos spernit, me spernit.* Referri hîc posset non prorsus ineptè illustre factum S. Martini in mensa, cum Presbytero suo confidentis, Maximi Imperatoris: sed quia admodum notum est, hîc non mihi visum operæpretium illud recensere. extat integra serie apud Seuerum Sulpitium.

Verùm hîc corollarij vice, satis appositum fore censeo, præclarum referre Thomæ Mori olim Angliæ Cancellarij, at demum quod longè maius est, Martyris illustrissimi documentum. Hic igitur vir sanctus & tot titulis inclytus, in expositione passionis Domini, circa principium ardenti spiritu pietatis, eos Catholicos arguit, qui nedum perniciose multa in mensa confabulantur, sed & nullis actis gratiis largitori Deo, \* immemores & ingrati à mensa discedunt. Eodem loco refert Paulum Burgensem ex Iudæo Christianum, idoneis coniecturis probare Christum post cœnam psalmum Laudate pueri Dominum, & sequentes vsque ad psalmum, Beati immaculati, cecinisse, Iudæosque cum à cœna surgerent eundem psalmum recitare consueuisse. At nos (ait Morus) quos dicere soliti sumus in agendis gratiis & benedicenda mensa, diuersis temporibus hymnos diuersos, eosque tempori accommodos, nunc vniuersos permisimus exolescere, & tribus verbis qualibuscumque contenti, eisdemque perfunctoriè mussitatis oscitanter, abimus. Quod sanè pudendum, nec minùs dolendum. Sed surdis canimus. Abiit enim hodie magna parte apud eos, qui tamen fidem Catholicam profitentur, vera pietas in derisum; iam iam enim infelicissima illa tempora adueniunt, de quibus Apostolus (2. Timoth. 3.) olim prædixerat. Tempora, ait, periculosa quibus futuri erant homines seipsos amantes, elati, superbi, blasphemij, ingrati, scelesti &c. voluptatum amatores magis quàm Dei, habentes quidem speciem pietatis, virtutem autem eius abnegantes.

\* S. Chrys. hom. 83. in Matth. Audiant, inquit, omnes qui quasi porci, cum iam comedierint, euerfa mensa remulenti confurgunt: quum agere gratias debent, & in hymnum à mensa deuenire. huc spectat illud Euangelicum, & hymnq. dicto.  
Matth. 26.  
Matth. 14.

## ARTICVLVS XVIII.

*Benedictio segetum, & vinearum.*

**I**N Gallia passim, & signatim in diœcesi Parisiensi, mos hic iamdudum receptus est, vt ab octaua Paschæ vsque ad Ascensionem Domini, fiat alicubi singulis diebus, alicubi bis, tēve qualibet hebdomada à Sacerdote parœciali, tum per agros, tum per vineas, vñ cum vexillo sanctæ crucis & aqua benedicta, assistentibus Clericis & populo, vel parte populi, processio: ad petendam Domini super virentes adhuc segetes, & virescentes vites, ac pascuales herbas benedictionem, sine qua nihil est quod nobis, vllo vitæ subsidio esse possit.

Multiplex verò est vsus Sacerdotalis benedictionis circa humana alimenta, vel ipsa alimentorum principia, vt patet ex superioribus sectiunculis, & ex praxi variis in locis obseruata benedicendi in die Paschatis, lac, mel, carnes, oua &c. in die S. Marci segetes; in die S. Ioannis Baptistæ vineas, in die S. Stephani pascua, in die Assumptionis B. Mariæ Virginis herbas, plantas, radices, arborum fructus: vt eis deinceps adsit vis diuina, non solum vt temperato imbris & caloris influxu, congruam ad maturitatem perueniant, sed ne eis diabolica obsit nequitia.

Videmus crucis Domini trophæa passim per agros, in biuiis & triuiis &c. erecta: stupidus sit oportet, qui visis his signaculis passionis Domini non recordetur, qua & nos redemit, & orbem sanctificauit, mundi que principem profligauit. Cœpit mos iste erigendi per publicas vias & compita cruces, præualente fide aduersus ethnicas spurcicias & superstitiones: crux etenim idololatriam pessumdedit, fremente diabolo contra tam illustrem crucis toto orbe fulgentis victoriam. Virus at diu conceptum tandem euomuit circa sæculum Christianæ religionis octauum, quo eius instigatione Constantinus Copronymus Orientis Imperator, iconoclasta, cruces quæ in triuiis pro fidei gloria, Christi que honore figebantur, impiè deiecit. Nostris infaustis temporibus hæretici Calvinistæ noua veterum iconoclastarum progenies, tota Anglia, ac plerisque locis Galliæ, vbi grassabantur nefandis ausibus præscindendis que manibus, quotquot obuias reperere, non sine graui nominis Christiani contumelia deturbârunt & confregerunt, vel combusserunt: quas subinde pietas Catholica in Gallia reflorescens, insigniores iisdem locis quibus dudum maiorum illas fixerat deuotio, reposuit.

Non solum autem ad recolendam Domini passionem, venerandæque eius insignia, cruces tot locis erectæ patent. Ad retundendam insuper diaboli nequitiam, magorum maleficia coercenda, vel dissipanda: hæc Christi Regis gloriæ salutifera trophæa vbique erecta conspiciuntur; solebant etenim ethnici in triuiis sortilegia & ve-

Refert Constantinus Episcopus Paphlagoniæ, orat. de inuent. reliquiarum S. Euphemie.



neficia exercere: purgamentorum quoque sordes in triuia iactabant, non sine anxia superstitione & veneficiorum artibus. Diu post receptam in orbe fidem, ethnica superstitiones, præsertim apud rusticos incolas pullulârunt, quarum infausta quæ supererant plerisque locis germina, studiosè ab Episcopis, in sua cuiusque terminatione eradicauda, synodica sanctiones antiquæ crebrò præcipiunt, quæque stirpitùs euulsum ire summa pietatis instantia contendebant SS. Gallicarum Antistites, ut ex eorum gestis in Martyrologio Gallicano passim admonui. Citat Iuo Carnotensis part. II. c. 45. dignum hoc memoria, antiqui Concilij Rothomagensis de iis maleficiis, non tantùm districtè prohibendis, sed & summa cura extirpandis, Decretum: *Perscrutandum est si aliquis bubulcus, siue venator, vel ceteri huiusmodi, dicat diabolica carmina super panem, aut super herbas, aut super nefaria quadam ligamenta, & hæc aut in arbore abscondat, aut in biuio, aut in triuio proiciat, ut sua animalia liberet à peste & clade, & alterius perdat. Quæ omnia idololatricam esse nulli fidelium dubium est.*

*Æschyli Scholastes. Apud Athenienses (inquit) mos erat, ut expiantes domum testaceo sturibulo in triuiis abiicerent testam, & non conuersi recederent.*

Ad hæc igitur auerruncanda maleficia, cruces sparsim in viis, biuiis & triuiis erectæ sunt: eodémque fine instituta non infrequens circa agros & vineas Ecclesiastica processio, & adhibita super segetes & fructus quoscumque benedictio Sacerdotalis, qua diabolica expelleretur nequitia, & diuini auxilij ac protectionis gratia, quæ antidotum est vnicum omnis mali: tam super homines, quàm quibus aluntur rebus, diffunderetur, etiàmque ad animalia vsque seruanda nutriendâque pertingeret, quæ diuina bonitas in generis humani subsidium atque solarium procreauit. Quamobrem non solum segetes & vineæ, sed herbæ & cætera pascua Sacerdotali oratione benedicuntur. Formulæ in Ritualibus editis præscriptæ sunt, quas igitur ne prolixior sim hîc omitto.

## ARTICVLVS XIX.

*Benedictio noui putei.*

**I**N Ritualibus vulgatis non extat illius benedictionis formula, sed apud Grimoaldum Abbatem in Sacramentorum libro reperitur, hæcque constat serie: *Deprecamur Domine clementiam pietatis tuæ, ut aquam putei huius cælesti benedictione sanctifices, & ad communem vitam concedas salubrem: & ita ex eo fugare digneris omnem diabolicæ temptationis incursum, ut quicumque ex eo ab hinc hauserit, biberitve, vel in quibuslibet necessariis vsibus hausta aqua vsus fuerit, totius virtutis ac sanitatis dulcedine perfruatur, ut tibi semper sanctificatori & Saluatori omnium Domino, gratias agere mereatur. Per Dominum nostrum &c.*



## ARTICVLVS XX.

*Benedictio noua domus, & cuiuslibet loci.*

Luc. 10.

**A** mandato Domini, quo iussit suis Apostolis, vt ingrediendo domum quamlibet pro salutatione hospitem pacem iis annuntiarent: mos ille Ecclesiæ manauit, quo Sacerdotes ministerium humanæ sanctificationis ineuntes, in cuiusvis habitaculi ingressu dicere consueuerunt, *Pax huic domui*, Clerico respondente, *Et omnibus habitantibus in ea*. Nemo est, vt reor, Catholicorum qui hoc nesciat. Ab eodem itaque præcepto Domini ortum esse ritum satis in Ecclesia celebrem, vt domus nuper extructa pro fidelium habitatione, supplicatione solenni à Presbytero benedicatur, consentaneum est credere: cum pacem precari, Christi nomen super quemcumque hominem, vel hominis domicilium inuocare, & benedicere, pro re eadem esse accipiendum nemo sit in sacris Litteris & Patrum schola vel mediocriter eruditus, qui non fateatur.

Apud Svirium  
tom. 6.

Exod. 12.

Vide Eustachii  
in vita S. Euty-  
chij, & ex Patri-  
bus lege opus-  
cul. S. Ephrem  
de pœnit. c. 3.  
& S. Chrysost.  
vbi suprâ. & S.  
Aug. epist. 153.

Sanè iam olim apud Christi cultores illa obtinuit pia consuetudo, vt domorum postes, ostia, limina, parietes & fastigia, triumphali crucis titulo signaculoque salutari communirentur. *Crucem celebrari ubique videre licet* (ait S. Chrysostomus orat. quòd Christus sit Deus) *in viis, in solitudine, in foro, in domibus*. Beatus Nilus scribens ad Olympiodorum proconsulem (epist. citata in VII. Synodo Aët. 4.) optare se ait, vt non tantum in singulis domibus, sed quarumcumque domorum habitaculis singulis statuatur imago crucis: vt memoria crucifixi semper recens in fidelium animis vigeat, & vt salutari hoc pignore habitatores, & ipsa loca, à Christo seruatore omnium protegantur. Legimus in actis Martyrum Nicomedien- sium, quòd cum præfectus totam illorum domum curiosius excuteret: imaginem Christi crucifixi repererit, cum Euangeliorum codice. Mos erat in domorum liminibus super postes Crucem Domini affigere, cum hac epigraphe, CHRISTVS NOBISCVM, STATE? *id est transite, Angeli percussores viso agni immolati salutifero signaculo*. Quæ figura & inscriptione fugatas pestilentes, compressos terræ motus, fulgura dissipata & aduersa quæque repulsa, præclaris exemplis referunt Ecclesiastici scriptores, Ruffin. lib. 2. c. 29. Euagrius lib. 4. c. 6. & 8. Nicephorus lib. 17. c. 3. Gregorius Turonensis Hist. lib. 4. c. 5. In horum qui versatus est lectione & cæteris antiquitatis Ecclesiasticæ monumentis, Patrumque libris, non ignorat tempore persecutionum fas fuisse fidelibus, post susceptam sacram synaxim in Ecclesia, concreditam sibi particulam ad sumendum instante martyrio, domum deferre. Quæ quantam benedictionem ipsis priuatis domibus, & multo magis in iis habitantibus conciliaret, haud opus est dicere, sed vt ait S. Chrysostomus, *tunc fidelium domus, parua Ecclesiæ erant*, ob incolarum pietatem, & ad diuinum beneplacitum studiosè compositos mores, eximiâque vitæ puritatem. Deinde mutatus est co-

lor optimus, & frigefcente hoc ferventi proto-christianorum spiritu, cessantibusque persecutionum procellis, synodicis decretis (quæ ali-  
bi notauimus) prohibitum fuit diuinam Eucharistiam in domos  
priuatas deferre; sed sancitum, vt omnes de Sacerdotis manu di-  
uinum munus sumerent tantùm in Ecclesia, & ore quidem, non sua  
manu.

Ne tamen benedictio elongaretur à fidelium ædibus, mos dein-  
ceps productus est, vt quotiescumque domus noua extructa foret,  
non priùs in ea fideles habitarent quàm fuisset precibus Sacerdotis  
benedicta. In lib. Sacramentorum excerpto à Grimoaldo Abbate  
ex sanctorum Patrum opusculis, vt inscriptio præfert, extat benedi-  
ctionis domûs hæc antiqua formula: *Adesto Domine supplicationibus no-  
stris, & hanc domum serenis oculis tuæ pietatis illustra, descendat super habi-  
tantes in ea gratia tuæ largæ benedictio, vt in his manufactis habitaculis cum  
salubritate manentes, ipsi tuum semper sint habitaculum. Per Christum Domi-  
num nostrum. Amen.* Cui hæc altera subiungitur: *Exaudi nos Domine  
sancte Pater omnipotens, eterne Deus, vt siqua sunt aduersa, siqua contraria  
in hac domo famuli tui N. auctoritate maiestatis tuæ pellantur. Per Dominum  
&c.* In Rituali Romano sub titulo *Benedictio loci*, hæc formula quæ  
tam loco quàm nouæ domo applicatur, legitur expressè: *℣. Adiuto-  
rium nostrum. ℟c. R. Qui fecit cælum &c. V. Domine exaudi orationem  
&c. R. Et clamor meus &c. V. Dominus vobiscum. R. Et cum Spiritu tuo.  
Oremus, Benedic Domine Deus omnipotens locum istum (vel domum istam)  
vt sit in eo (vel in ea) sanitas, castitas, victoria, virtus, humilitas, bonitas &  
mansuetudo, plenitudo legis & gratiarum actio Deo Patri, & Filio, & Spiri-  
tui S. Et hæc benedictio maneat super hunc locum & super habitantes in eo,  
nunc & semper, &c. R. Amen.* Et aspergat Sacerdos locum, vel domum a-  
qua benedicta. Sequitur alia benedictio domus nouæ, *℣. Adiutorium,  
vt suprâ &c. Te Deum Patrem omnipotentem suppliciter exoramus pro hac do-  
mo & habitatoribus eius ac rebus, vt eam benedicere †, & sanctificare †, ac  
bonis omnibus ampliare digneris. Tribue eis Domine de rore cæli abundantiam,  
& de pinguedine terræ substantiam, & desideria voti eorum ad effectum tuæ mi-  
serationis perducas. Ad introitum ergo nostrum bene † dicere & sancti † ficare  
digneris hanc domum, sicut benedicere dignatus es domum Abraham, Isaac, &  
Iacob; & intra parietes domus istius Angeli tuæ pacis inhabitent, eamque &  
eius habitatores custodiant. Per Christum Dominum nostrum. Amen.* Deinde  
aspergat aqua benedicta.

Cæterum sicut B. Nilus exoptabat, non solùm in domibus singu-  
lis, Christi crucifixi imaginem collocari; at insuper in cuiusque do-  
mus habitationibus singulis crucem pingi, vel appendi; sic effecit  
Maiorum deuotio, vt non solùm singulæ domus benedictione Sacer-  
dotali communirentur, sed cuncta domûs cubicula, & habitacula  
ac receptacula, eadem sanctificatione fulcirentur. Hinc in lib. Sacra-  
mentorum præcitato Grimoaldi Abbatis, formulæ diuersæ extant,  
quæ singulis domus magnæ, præsertim verò Monasteriorum locis be-  
nedicendis sunt accommodatæ, siquidem eo fine disposita ibi legi-

tur oratio proferenda à Sacerdote in *sacrario*, alia in loco ubi *vestimenta conseruantur*, alia in *refectorio*, alia in *dormitorio*, alia in *cellario*, alia in *scriptorio*, alia in *hospitali*, alia in *domo infirmorum*, alia in *area*, alia in *granario*, alia in *pistrino*, alia in *coquina*, alia in *lardario*, alia in *caminata*, alia in *introitu portæ*. Verùm illarum vsus exoleuit, nam non extant in Rituali Romano, neque in propriis Diœcesæon Manualibus quæ hæcenus viderim. Ex quo Vicarij generalis munere fungor in Vrbe & Diœcesi Parisiensi, & etiam antea de speciali mandato Illustrissimi D. Archiepiscopi Paris. nonnulla Sanctimonialium monasteria benedixi solenni ritu, & in iis singula loca regularia, imò vniuersas Monialium cellulas aspersi (iis hoc piè flagitantibus) aqua benedicta. Cùm verò nullæ suppeterent propriæ orationes ad benedicendum singula loca regularia, vt sunt Capitulum, refectorium, dormitorium, externum & internum collocutorium, hortus, area, in singulis his locis generalem orationem benedictionis loci repetebam, & singula aspergebam aqua benedicta; At cellulas Monialium aqua benedicta duntaxat sine illa oratione communi, quæ in aditu dormitorij pro toto loco fuerat à me pronunciata, respondentibus Sacerdotibus & Clericis qui mihi assistebant. Operæpretium igitur foret, in Rituali, vel Manuali proprias has preces intexere, quæ singulis locis sunt benedicendis adaptatæ.

Dolendam porrò nonnihil esse censeo laicorum hac in parte negligentiam; nunquam fuerunt Parisiis nouarum domorum ædificationes frequentiores, quàm sunt hoc tempore, quarum structura cum palatiorum amplitudine ac pulchritudine certat, at cùm fabrica ad colophonem perducta est, picturis quidem & pretiosis stromatibus parietes decorantur, splendida supellectile tota adornatur domus: de adsciscendo Sacerdote in cuius Parœcia insignis illa ædes sita est, ad eam fusis ad Deum precibus more Christiano benedicendum, nemini in mentem subit vel minima cogitatio. Quid mirum si Deus super hanc domum non respiciat, à cuius encæniiis absuit sancti sui nominis & adiutorij inuocatio, ubi nulla fusa est à Sacerdote benedictio, ubi ethnico more, vel planè Epicureo vt plurimum habitatores viuunt sine Dei metu, sine Dei cultu; ubi innumera flagitia diu noctûque ab incolis & aduenis perpetrantur. Hinc proh dolor! videmus repentinis casibus eiusmodi ædes tametsi recens constructas non sine stupore spectantium corruere, multosque ibi subitaneo ædificiorum lapsu obrutos interire absque vllo pœnitentiæ indicio, & proinde sine pignorum salutis æternæ subsidio. Faxit Deus vt nostri homines sese Christianos esse ab ortu suo reminiscantur, Maiorûque pietatis memores diuinum adiutorium per preces Ecclesiæ & benedictiones Sacerdotales, super se, liberos, & domesticos suos, ipsasque ædes quas inhabitant, priusquam has incolant, curent auspicatorè postulare.



## ARTICVLVS XXI.

*Benedictio nauis.*

**B**ENEDICTIONES omnes apud Christianos consueuisse à primis Ecclesiæ sæculis, cum crucis signaculo celebrari, suprà plerisque locis insinuauimus. Crux signum est benedictionis & salutis, quamobrem vbicumque ponitur, diuini adiutorij inuocationis spectabile est monimentum. In nauibus verò solebat iamdudum, vt hoc esset indicio collocari; *crucem vbique videre licet* (ait S. Chrysostomus orat. quòd Christus sit Deus) *in mari, in nauigiis, in insulis.* Ideo sanctus Paulinus cùm Nicetam Dacorum Episcopum ex Italia domum redeuntem, faustis acclamationibus prosequeretur, hoc modulamine canebat, *carm. in reditum Nicetæ,*

*Et rate armata, titulo salutis  
Victor antenna crucis, ibis undas  
Tutus & austris.*

Et S. Ephrem sermone de cruce, ea de causa quòd sit in undis salutis signum & pignus, appositè vocat nauigantium gubernationem. Et S. Ambrosius in psal. 47. *Bene nauigant* (inquit) *qui in nauibus Christi crucem sicut arborem præferunt, atque inde explorant flabra ventorum, vt corpora sua dirigant ad sancti Spiritus gratiam, in ligno Domini tuti atque securi.* Figura enim Sacramenti quædam est (ait S. Maximus serm. 56.) *velum suspensum in arbore, quasi Christus sit exaltatus in cruce, atque adeo confidentia de mysterio veniente, homines ventorum procellas negligunt, peregrinationis vota suscipiunt.*

Superiore libro, vbi de sacrificij loco disputauimus, Eucharistiam in nauibus à quibusdam Sanctis consecratam, aut saltem collocatam & dispensatam fuisse demonstrauius. At verò sine benedictione loci corpus Domini hîc fuisse depositum, nauigantiumque expositum adorationi & communioni, absolum mihi videtur à recta ratione; absurdum etiam esse reor nauem pelago adeo periculosè committi, huicque qui Christiani sunt, se vehendos finire imponi, quæ nulla benedictione suffulta, tot elementorum discriminibus exposita est. Auxilio igitur diuino inuocando, quo naufragiis occurratur, Ecclesiastico iampridem fuit vsu receptum, vt in locis maritimis statim ac naues fabricatæ sunt, & postquam pelago imponuntur, Sacerdos vasa illa quibus hominum non solum fortunæ, sed & vita committenda est, solenni ritu benedicat, cuius est præscripta formula in Rituali Romano, hoc modo. *ÿ. Adiutorium nostrum &c. R. Qui fecit &c. ÿ. Domine exaudi &c. R. Et clamor meus &c. ÿ. Dominus vobiscum. R. Et cum Spiritu tuo. Oremus. Propitiare Domine supplicationibus nostris, & benedic nauem istam dextera tua sancta, & omnes qui in ea vehentur, sicut benedicere dignatus es arcam Noë ambulantem in diluuio: porrige eis Domine dexteram tuam, sicut porrexisti B. Petro ambulanti supra mare, & mitte sanctum angelum tuum de cælis qui custodiat & liberet eam à periculis vniuersis, cum omni-*

bus quæ in ea erunt: famulos tuos repulsis aduersitatibus, portu semper optabili, cursuque tranquillo tuearis, transactisque ac rectè perfectis negotiis omnibus, iterato tempore ad propria, cum omni gaudio reuocare digneris. Qui uiuis & regnas &c. in unitate &c. Aspergat nauim aqua benedicta.

## ARTICVLVS XXII.

*Benedictio campanæ, seu tintinabuli.*

**B**ENEDICVNTVR campanæ (dicit Concilium III. Colonienſe c. 14. part. 9.) ut ſint tubæ Eccleſiæ militantis, quibus vocetur populus ad conueniendum in templum & audiendum uerbum Dei, Clerus uerò ad annuntiandum manè miſericordiam Dei & ueritatem eius per noctem, ut per illarum ſonitum fideles inuitentur ad preces, & ut in eis creſcat deuotio fidei; quamuis etiam Patres aliò reſpexerint, uidelicet ut demones tinnitu campanarum Chriſtianos ad preces concitantium terreantur, quin potiùs precibus ipſi perterriti diſcedant, illiſque ſubmotis, fruges, mentes, & corpora credentium ſeruentur, ut procul pellantur hoſtiles exercitus & omnes inſidiæ inimici, fragor grandinum, procellæ turbinum, impetus tempeſtatum & fulgurum temperentur, inſeſta tonitrua & uentorum flamina ſuſpendantur, ſpiritus procellarum & aëriæ poteſtates proſternantur. Breuiter, ut audientes confugiant ad ſanctæ matris Eccleſiæ gremium, ac ante ſanctæ Crucis vexillum, cui ſelectitur omne genu &c.

Porro non tantùm pro uiuis benedictæ pulſantur campanæ, ſed etiam pro defunctis: ideo pulſantur in exequiis defunctorum, ut eorum neceſſarij, ipſorum obitûs præmoneantur, & ſic excitentur, aliſque pij ciues aut incolæ, ad præſtanda eis pietatis officia, qui campanarum flebili ſonitu, uiuis fidelibus inſclamare uidentur, *Miſere-mini mei, ſaltem uos amici mei, quia manus Domini tetigit me.* Hæretici ideo qui ſuffragia pro defunctis prohibent, benedictiones Eccleſiæ contemnunt, ſacrificia eius & Sacramenta, canonicæque præconia oderunt, Sarracenorum & Turcarum imitatione campanas benedictas execrantur, aduerſus quos Catholici Doctores pro uſus eiufmodi vaſorum diuino cultui celebrando præſertim dedicatorum, deſenſione, diuerſa opuscula ediderunt, inter quos præcelluit Stanislaus Hoſius dictus Cardinalis Warmienſis, quem conſulas ſi libet lib. 5. de Eccleſia Catholica, contra Brentium.

Nihil frequentius intorquent contra ritum iſtum heterodoxi nuperi, quàm horrendam eſſe ſuperſtitionem campanas baptizare, ut ſit (inquiunt) in Romana Eccleſia: Chriſtum enim inſtituiſſe baptiſmum pro ſolis hominibus quos redemit ſanguine ſuo; *Ite,* (inquit Apoſtoliſ) *docete omnes gentes, baptizantes eos in nomine Patris & Filij & Spiritus ſancti.* Abuti igitur baptiſmo nefario auſu Sacerdotes, qui ætea tintinabula baptizant. Ortum hunc abuſum ante aliquot ſæcula, quæm Carolus Magnus exciſum ire uoluit ſuis in Capitularibus, prohibendo Clocas baptizari. Porro & id etiamnum Eccleſia uetat, ſicut Carolus Magnus olim prohibuit. Vitus Amebar-

Iob. 19.

Matth. 28.

chius hoc Capitulare Caroli Magni rectè monet sic esse intelligendum, ut hoc prohibeatur superstitio, non autem Ecclesiastica benedictio vel consecratio, *Nec enim baptizantur* (inquit) *Sacramentali baptismo, quæ remissio peccatorum confertur, & Dei gratia animabus humanis infunditur ad salutem & vitam æternam consequendam, sed quia cultui diuino dicantur & ad abigendos malignos spiritus applicantur, eas visum est patribus lauare, benedicere & ungere, ut sacras aedes, Ecclesiastica ornamenta, & his similia religionis adminicula, siquidem ut docet Apostolus, omnis creatura sanctificatur verbo Dei & oratione. Quia videt vulgus campanas lauari, ungi, benedici, & nomine aliquo insigniri, dicitur ab usu vocabulo eas baptizari: sed Ecclesia quæ ut veræ pietatis semper est tenacissima, omnis verò superstitionis inimica, vulgi eiusmodi nugamentis graui occurrit præmonitione. In Rituali Parisiensi ad Romani formam expresso, editionis anni 1646. sub titulo de *Benedictione Campanarum*, hæc illi cæremoniæ animaduersio præfigitur, *Dabit operam Parochus, ne populus iam in eo errore versetur, ut putet campanas ullo modo baptizari, neve earum benedictionem baptismum quasi Sacramentum appellet, ideoque omne & patrinorum & matrinarum nomen prorsus tollatur. Honorificè tamen populi nomine elegantur, qui ex publica deuotione nomen alicuius Sancti vel Sanctæ assignent. Doceat quoque Parochus ablutionem ex aqua benedicta, & Sancti chrismatis unctionem quæ adhibetur in iis benedicendis, esse tantum cæremoniam quandam Ecclesiasticam, quæ illæ ad usum diuini cultus consecrantur, puta ut sint tubæ Ecclesiæ militantis, & cætera quæ suprâ habentur expressa ex Concilio III. Colonienfi. Sequitur autem, Curabit etiam ne iis res ulla profana insculpatur, inscribatûrve, sed tantum Crux & sacra aliqua imago, utpote S. Patroni Ecclesiæ, vel cuius nomen imponitur, piæ ac honestæ aliquæ inscriptio: Nec verò etiam ea in turrim campanilem sustollantur, antequam precibus & benedictione ritè consecratæ sint. Cauebit denique ne in iis conslandio aut benedicendis quicquam à populo supersticiosè fiat, utpote si eas certis vicibus subeant aut inscendant, aut saltu transilient, aut alia eiusmodi.**

Forma huius cæremoniæ tota ex Pontificali Romano est desumpta, duobus tantum exceptis; Primò, quod in Rituali Parisiensi præmittitur benedictio metalli ad conslandam campanam; altero, quod ritu Romano benedictio campanæ Episcopo tribuitur, atque adeo in Romano Rituali, quod continet ea munera quæ à Sacerdote ministrante Sacramenta, vel quædam Sacramentalia peragente præstari solent, Benedictio campanarum non habetur; sed extat in Pontificali Romano part. 2. tit. 24. Verum multa sunt in Pontificali, quæ etsi Episcopo tribuantur, ut qui eminentiori iure hæc sibi officia vendicare potest, attamen à Presbytero æquè peragi possunt, quoad ipsum benedictionis effectum: Episcopo scilicet permittente, vel saltem non prohibente, nec enim istæ benedictiones v. g. crucis, imaginis, campanæ, primi lapidis nouæ Ecclesiæ, cæmeterij, tabernaculi, vasculi pro Eucharistia, & exorcismi dæmonum, locustarum, ita sunt Episcopo propriæ, ut nonnisi ab ipso fieri possint aut debeant. Quædam sunt sic Episcopo propria, ut ordinatio Sa-

cerdotum, & chrisimatis consecratio, ut nequaquam à simplici Sacerdote peragi queant, & si ab eo attententur, non solum is grauer offendat, sed etiam nihil hoc aggrediendo prorsus efficiat. At secus est de illis actibus, qui in Rituali signantur ab Episcopo vel ab eo qui facultatem habet eliciendi vel exercendi, hos enim (qui Episcopalem characterem non requirunt) ut rite obeat Sacerdos superioris licentiam debet expetere: si non petat & tamen hoc aggrediatur extra casum necessitatis, peccat quidem vel ex crassa oscitantia, vel ex superioris neglectu aut contemptu: Attamen non est irritum & inane quod fecit, sed reuera benedictum est quod benedixit, nam hanc potestatem accepit in ordinatione sua, dicente sibi Episcopo, cum manus eius mystica unctione & oratione consecraret, *Consecrare & sanctificare digneris Domine manus istas, per istam unctionem & nostram benedictionem. Amen. Ut quaecumque benedixerint benedicantur, & quae consecrauerint consecrentur, & sanctificentur in nomine Domini nostri Iesu Christi. R. Amen.* Adde quod istarum rerum benedictiones, seu mysticae illae functiones nullatenus Presbytero diuino iure prohibentur, nec earum pleraque ullo iure positiuo, vel sanctione canonica, sed sola tantum consuetudine non ubique solida, nam v. g. benedictio campanae quae in Pontificali Romano Episcopo adscribitur, in Ritualibus localium dioceseon & signatim in Parisiensi, ordinario more exequenda, si non cuiuslibet Sacerdoti, saltem parocho, seu eius Vicario assignatur: nec verò absque causa legitima, siquidem si à solis Episcopis campanae benedicerentur, complures Ecclesiae ex rei difficultate plurimum grauarentur, haud enim peruium est (praesertim in vicis & pagis) Episcopum ad hoc munus inuitatum accedere, & huius accessus defectu contingeret, campanis quibus in sacris non licet sine prauiua benedictione uti, Ecclesias illas diu admodum carere. Insuper si ad omnium campanarum benedictionem obeundam, necessarium esset Episcopum huc illucque proficisci, Episcopi sane nomen vilesceret ex frequentiori hoc usu: at verò plurimum hoc pontificiae dignitati derogaret. Consultius igitur visum est passim Presbyteris, parocciarum saltem rectoribus id esse muneris concedendum. At de campanarum benedictione haecenus satis pro subiectae materiae argumento, quo de aliis iterum copiosius tractauimus, scilicet in libris de horis Canonicis, & Commentariis in Martyrologium Gallicanum.

## ARTICVLVS XXIII.

*Benedictio thalami coniugalis.*

**I**AM supra de Sacerdotali coniugum benedictione proprio titulo disseruimus: sed praeter personarum sponsi & sponsae nuptialem benedictionem, in Agendis Ecclesiasticis benedictio thalami eorundem specialiter assignatur. In Romano quidem Rituali brevis formula istius benedictionis extat, hac nimirum serie, *Ps. Adiutorium nostrum &c. R. Qui fecit caelum &c. Ps. Dominus vobiscum. R. Et cum Spi-*



ritu tuo. Oremus. Benedic † Domine thalamum hunc, & habitantes in eo, in tua pace consistant & in tua voluntate permaneant & senescant & multiplicentur in longitudinem dierum, & ad regna cælorum perueniant. Per Christum Dominum nostrum. R. Amen. Postea aspergatur thalamus aqua benedicta. At in Rituali Paris. recentius edito, benedictio thalami quæ fit post celebratas nuptias, est nonnihil extensior, sic enim præscribitur à Sacerdote faciendâ. Sponso & sponsa iuxta lectum nuptialem stantibus Sacerdos indutus superpelliceo & stola, unâ cum suo Clerico aspergat eos aqua benedicta, & lectum similiter, dicens, Oremus, Visita quæsumus Domine habitationem istam &c. Deinde alternatim cum Clerico suo dicet psalmum Beati omnes qui timent Dominum &c. Gloria Patri &c. Kyrie eleison &c. V. Ostende nobis Domine &c. R. Et salutare tuum &c. V. Saluum fac seruum tuum & ancillam tuam. R. Deus meus sperantes in te. V. Mitte eis auxilium de sancto. R. Et de Sion tuere eos. V. Benedicamus Patrem, & Filium cum sancto Spiritu. R. Laudemus & superexaltemus eum in sacula. V. Domine exaudi &c. R. Et clamor meus &c. V. Dominus vobiscum. R. Et cum Spiritu tuo. Oremus, Bene † dic Domine &c. vt suprâ ex Rituali Romano. Sed in Parisiensi post iteratam aquæ benedictæ asperfusionem super coniuges & thalamum ac assistentes in cubiculo, sequitur exhortatio, qua Sacerdos docet, quod thalami nuptialis benedictio eo fine instituta sit, vt omnes spiritus impuri, spurcitia & æstus intemperantis lasciuie comprimantur; subindèque monet ipsos coniuges & assistentes vt risus effrenes aut ludicra inhonestas sacris non admisceant, ne per eiusmodi actus illicitos & profanos sanctitatem sacri connubij fœdere aliqua ratione videantur &c. Ritus verò istius benedictionis neutiquam nuperus est, sed cum Religione Christiana censeri potest exortus, siquidem in actis S. Thomæ Apostoli legimus ipsum sanctum Apostolum ad petitionem Regis Indiæ \*, sponso & sponsæ in thalamo benedixisse. Plura notari possent circa hunc ritum: sed quia iam multos titulos benedictionum Sacerdotalium congesimus, ne pio lectori prolixitas tædio sit, iam ad huius Capituli finem non illibenter properamus.

\*Vide Abdiam  
lib. 9. Certami-  
nis Apostolici.

## ARTICVLVS XXIV.

*Benedictio sepulchri.*

## §. I.

*De benedictione sepulchri Sanctorum, seu loculi, aut arcule, cui sacra eorum reliquia ad seruandum debito cum honore, in altaris meditullio includuntur.*

**V**IDI subtus altare (inquit Christi dilectus Apoc. 6. 9.) animas intersectorum propter verbum Dei & propter testimonium quod habebant. Hinc mos antiquus ortus est, reliquias Sanctorum in ipso altari recondendi, seu vt ferunt antiqua Pontificalia in confessione altaris. Pontificale nouum habet in sepulchro, hocque de ipsa confessione seu

## 610 PANOPLIÆ SACERDOTALIS PARS II.

martyrio, id est testimonio Sanctorum interpretatur, sic enim expressum legitur in ordine de Ecclesiæ dedicatione seu consecratione, iam expletis plerisque caeremoniis, Tum Pontifex accepta mitra intingit pollicem dexteræ manus in sanctum Chrisma, & cum eo signat confessionem, id est sepulchrum altaris in quo reliquie sunt reponendæ in quatuor angulis, faciens in singulis signum crucis & dicens, Confe + cretur & sancti + ficetur hoc sepulchrum in nomine Pa + tris, & Fi + lij, & Spiritus + sancti. Pax huic domui. Deinde deposita mitra, recondit veneranter vasculum ipsum cum reliquiis, & aliis prout hesternæ die per eum fuit sigillatum, in sepulchro altaris. Quibus reconditis Pontifex inchoat, schola persequitur antiphonam, sub altare Dei &c. Interim Pontifex sine mitra incensat reliquias inclusas, & quibusdam dictis & peractis dicit hanc orationem, Deus qui ex omnium cohabitatione Sanctorum, æternum maiestati tuæ condidisti habitaculum, da ædificationi tuæ incrementa cælestia, ut quorum hinc reliquias pio amore complectimur, eorum semper meritis adiuuemur. Per Christum Dominum nostrum. Amen. Tunc accepta mitra Pontifice prius incipiente: Camentarij cum cemento benedicto firmanz ipsam tabulam seu lapidem super sepulchrum, deinde Pontifex intingit iterum pollicem dexteræ manus in sanctum Chrisma, & cum eo format signum crucis super eandem tabulam seu lapidem dicens, signe + tur, & sancti + ficetur hoc altare, in nomine Patris +, & Filij +, & Spiritus + sancti. Pax tibi. Idem ritus, tametsi breuiori modo, seruatur in consecratione altaris portatilis; Nec mos iste nouus, de quo scilicet S. Paulinus sanctorum Hieronymi & Augustini synchronus & amicus epist. 12. ad Seuerum, Quorum (inquit) venerandus cinis si sine crucis consortio subiiciatur altaribus, hic opertos titulus indicabit.

*Pignora sanctorum diuinæ gloria mense*

*Velat Apostolicis edita corporibus.*

Et infra de Encenais Basilicæ Fundanæ:

*Ecce sub accensis altaribus ossa priorum*

*Regia purpureo marmore cuncta regit.*

Verum de hoc ritu alibi, nec raro, nec obiter, antehac tractasse memini\*. Non exigit porro hic locus ampliorem de hoc dissertationem, maximè cum spectet ad Pontificias benedictiones, hinc verò de Sacerdotalibus tantummodò sermo sit. Certè apud Græcos idem mos & antiquus, & hodie vsque celebris est, ut ex eorum Euchologio sit perspectum.

*In Comment.  
sup. Martyr.  
Gallie.*

### §. II.

#### *De Benedictione sepulchri fidelium.*

**S**EPULCHRA fidelium benedictione Sacerdotali, iam olim consueuisse consecrari testis est sanctus Gregorius Turonensis lib. de gloria Confessorum c. 106. Eriamnum mos iste viget in Ecclesia Catholica: nam in Rituali Romano titulo de exequiis in rubricis præliminaribus hæc regula præscribitur: *Ceterum nemo Christianus in communionem fidelium defunctus extra Ecclesiam aut Cameterium rite*

*benedictum sepeliri debet; deinde antequam corpus è domo efferatur in Ecclesiam, illud cum feretro aspergit Sacerdos aqua benedicta, & suffragiis in Ecclesia persolutis, cum funus ad locum prope est sepulturae, Sacerdos sepulchrum benedicit ( si non est benedictum ) dicens hanc orationem, Oremus, Deus cuius miseratione animae fidelium requiescunt, hunc tumulum benedicere dignare, ei que sanctum Angelum tuum deputa custodem, & quorum quarumque corpora hic sepeliuntur, animas eorum absolue ab omnibus vinculis peccatorum, ut in te semper cum Sanctis tuis sine fine latentur. Per Christum Dominum nostrum. R. Amen. Dicta oratione Sacerdos aqua benedicta aspergat, &c.*

Sed in fine Rubricæ generalis quæ officio exequiarum præfixa est, hæc extat regula notabilis, si necessitas cogat ex aliquo euentu aliquando ad tempus aliter fieri ( scilicet ut fidelis defunctus in loco non sacro sepeliatur ) curetur ut quatenus fieri poterit, corpus in locum sacrum quamprimùm transferatur. Et interim semper crux capiti illius apponi debet, ad significandum illum in Christo quieuisse.

Quem ritum esse in Ecclesia antiquissimum, verba S. Hieronymi subinducant in vita S. Pauli Eremitæ, quem S. Antonius sepeliuit prope eius tuguriolum in deserto: Cùmque ad eius cellam peruenisset inuenit genibus complicatis, erecta ceruice, extensisque in altum manibus corpus exanime, quod pallio obuoluens hymnosque & psalmos ex Christiana traditione decantans, in foueam à duobus leonibus qui eò occurrerant effossam, sanctum corpus intulit, & iniecta humo tumulum ex Christiano more composuit, infixoque videlicet signo crucis ex ligno confecto, quod fidei & spei Christianæ singulare est signaculum. Morem enim hunc esse Christianum, antiquorum tumulorum formæ testantur, in quibus insculptæ cruces patent; Quin & Euthymius ex actis S. Gregorij Martyris & Præsulis maioris Armeniæ, de eo refert, ipsum super tumulos Martyrum Armeniæ cruces statuuisse. Idem Gregorius mira quædam narrat de pretiosa cruce ad sepulchrum S. Iuliani Martyris affixa. Apud Bedam ( qui lib. de locis sanctis c. 2. narrat sua ætate culmen Domini sepulchri fuisse magna aurea cruce insignitum ) legimus de translatione corporis S. Anthelmi Episcopi, à S. Eguino peracta, non solum sepulchrum eius fuisse hoc salutari signo exornatum, sed & loca quæque, ubi vel paululum quieuerat, eodem insignita: Concitoque gradu ( ait apud Bedam, Hist. Anglic. lib. 5. c. 19. ipse S. Eguinus ) ad locum ubi sacrum corpus iacebat, quinquaginta fere millibus ultra Meldunense Monasterium positum deueni, & ad sepulturam adduxi, honorificèque sepeliui, mandauique ut quibuscumque locis sacrum corpus dum assportaretur, quiesceret, sacre crucis signa statuerentur, quæ quidem adhuc permanent, nec ullam vetustatis sensere iniuriam.

Cæterum manibus defunctorum infixas fuisse cruces, ex Sophronio didicimus in Prato spirituali, c. 27. at breuitatis causâ pleraque hic omittimus, aliàs opportuniùs obseruanda.

## ARTICVLVS XXV.

*Benedictio cuiuscumque rei, ad hominis subsidium utilis.*

**A**PVD Grimoaldum Abbatem, iam non semel citatum in Sacramentorum libro excerpto ex Sanctorum Patrum opusculis, extat ad hunc usum oratio generalis sub hac prænotatione, *Benedictio ad omnia quæ volueris: hac serie autem est expressa: Benedic Domine creaturam istam ut sit remedium salutare generi humano, & præsta per invocationem nominis tui, ut quicumque ex ea sumpserit, corporis sanitatem & animæ tutelam percipiat. Per Christum Dominum nostrum. Amen.*

Nec putandum quòd hæc sit benedictio aut deprecatio Sacerdotis inefficax, aut extra potestatem presbyteralis ordinis præsumpta, quandoquidem cum Episcopus ordinat Sacerdotem, eius ungendo manus sacro liquore, ita dicit: *Consecrare & sanctificare digneris Domine manus istas, per istam unctionem & nostram benedictionem. &c. Amen. Ut quæcunque benedixerint benedicantur, & quæcunque consecrauerint consecrentur & sanctificentur, in nomine Domini nostri Iesu Christi. Amen.*

Non est tamen quòd Sacerdos de hac adeo magna potestate gloriatur, sed dignum & iustum est, omnem gloriam & honorem Deo Opt. Maximo, à quo, mero dono gratiæ hanc accepit, inde referat, in cuius nomine atque virtute quicquid facit, ex officio operatur. Curret igitur corde puro, mundisque manibus benedictiones has omnes efficere ad laudem Dei & generis humani solatium. Pij verò homines qui tot tantæque sibi animæ & corporis subsidia benedictione Sacerdotali, sibi vident aliisque à Deo pro sua infinita bonitate impertiri, exempli turbæ diuina ac benefica Christi opera admirantis, imitandi sint memores, *Uidentes autem turbæ* (ait S. Matthæus c. 9. v. 8.) *timuerunt, & glorificauerunt Deum, qui dedit potestatem talem hominibus.*

## CAPVT VII.

*De Absolutione Sacramentali, quam Patres pœnitentium benedictionem appellabant.*



**Q**UITER iam egimus c. 5. a. 3. de pœnitentibus, quibus in ipso limine confessionis Sacerdos benedicit, nimirum cum eius ad genua pœnitens prouolutus ait, *Benedic pater quia peccaui: Sacerdos autem ei responderet, Dominus sit in corde tuo, & in labiis tuis, ut verè & integrè confitearis omnia peccata tua. In nomine Patris, & Filij, & Spiritus sancti.* Verum isto loco de benedictione illa præcipua, quæ absolutionem formaliter includit, quædam dicere, libri huius argumento consentanea, statuimus.

Sanè in operis huius exordio præmonuimus munera Presbyteratûs hac



hac allocutione Episcopi ad promouendos, contineri; *Oportet Presbyterum offerre, benedicere, præsse, baptizare, prædicare.* Constans est autem Theologorum doctrina omnem potestatem Sacerdotalem versari, vel circa corpus Domini verum, vel super corpus mysticum. At verò potestatem quæ circa corpus verum Christi exercetur, verbo offerendi designari, quatenus scilicet Sacerdos celebrando sacro-sanctum Eucharistiæ mysterium, corpus Christi consecrat, atque in verum & mysticum immolat sacrificium. At quæstio vertitur quo verbo potestas denotetur, quæ Christi spectat corpus mysticum, Ecclesiam videlicet quæ membrorum Christi, hoc est fidelium sub ipso omnium capite coniunctione constat. Non dubium est verò potestatem illam potissimum per facultatem absoluendi à peccatis lapsos fideles post baptismum, exerceri: sicut enim potestatem consecrandi, Apostoli & eorum in Sacerdotio successores à Domino acceperunt per illa eius verba, *Hoc facite &c.* ita prorsus & potestatem absoluendi per illa ipsius verba Domini, *Quorum remisistis peccata, remittuntur eis.* Quæ ritur itaque quonam præsignatorum quinque verborum Episcopi, *Oportet Presbyterum offerre, benedicere, præsse, baptizare, prædicare,* illa potestas remittendi peccata, quæ extenditur super mysticum corpus Christi quod est Ecclesia, designatur? Verum ex Concilio Agathensi c. 44. elicio, sub verbo *benedicere*, contineri, dicunt enim Patres, *Pœnitentem in Ecclesia benedicere* (scilicet præsepte Episcopo, nisi annuerit) *Presbytero penitus non liceat.* Vbi *benedicere* manifestè pro *absolvere* sumitur. Nam can. 47. eiusdem Concilij, ita licet Presbytero benedictionem post Missam sæcularibus quibusque præsentibus impertire, ut adiiciat Synodus illa, *Ante benedictionem Sacerdotis egredi populus non præsumat: Quod si fecerint, ab Episcopo publicè confundantur.* Benedicere igitur pœnitentem in Ecclesia, est illum reconciliare & absolvere sua peccata confitentem.

Ut rem istam paulo accuratius pertractemus, supponendum est; axioma esse Catholicum, Sacerdotalem benedictionem seu absolutionem, esse formam essentialem Sacramenti pœnitentiæ. Absolutionis autem debere determinatam esse sententiam: verba autem non ita strictè esse determinata, ut (dummodò eundem efficiant sensum quoad veram absolutionem pœnitentis, etsi diuersa sint) legitimæ formæ rationem habere censeantur. Nihil enim refert si dicat Sacerdos siue Latine siue Græcè, siue alio idiomate, *absoluo te*, vel *remitto tibi peccata tua*, vel *remittuntur*, aut *sis absolutus*, aut alia verba æquivalentia.

Fuit quidem olim controuersia inter S. Thomam & quendam Magistrum de forma absolutionis: hoc asserente eam esse non iuridicam sed deprecatoriam, & quòd vix triginta anni essent, quod omnes hac sola forma utebantur, *Absolutionem & remissionem tribuat tibi omnipotens Deus.* At B. Thoma contrà contendente, esse enuntiatiuam seu indicatiuam per hæc verba, *Ego te absoluo &c.* quæ iudiciariam Sacerdotis potestatem indicarent.

Quicquid sit de antiquis formulis, (nam quòd variæ fuerint ex veteri Ordine Romano, librisque aliis Ritualibus vetustis, & Pœnitentiali libro 6. Halitgarij Cameracensis Episcopi, satis constat) sanè à duobus Conciliis Occumenicis declaratum est formam Sacramenti pœnitentiæ esse hæc verba Sacerdotis. siquidem Concilium Florentinum in instructione ad Armenos loquens de pœnitentiæ Sacramento, ita docet ac decernit, *Forma huius Sacramenti est, Ego te absoluo &c. Minister huius Sacramenti est Sacerdos &c.* Porro Concilium Tridentinum sess. 14. cap. 3. quo agit de partibus & fructu huius Sacramenti disertè ait: *Docet præterea sancta Synodus Sacramenti pœnitentiæ formam, in qua præcipuè vis eius sita est, in illis Ministri verbis positam esse, ego te absoluo &c. Quibus quidem de Ecclesiæ sanctæ more præces quædam laudabiliter adiunguntur, ad ipsius tamen formæ essentiam nequaquam spectant. Et can. 9. Si quis dixerit absolutionem Sacramentalem Sacerdotis non esse actum iudicalem, sed nudum ministerium pronunciandi & declarandi remissa esse peccata consentienti, modò tantum credat se esse absolutum, anathema sit.*

Quæstio igitur iam nulla circa hoc inter Theologos superest. Nec dubium quin qui ex antiquis Scholasticis deprecatoriam esse formam censuerunt; si post horum Conciliorum decreta vixissent, ut antè extiterunt: acquiescissent omnino Synodicis illis definitionibus, & iis congruenter asseruissent formam illam pœnitentiæ Sacramenti, quæ in signatis verbis Sacerdotis absoluentis sita est, esse indicatiuam, actumque innuere iudiciariæ potestatis.

Sed hîc aliqua difficultas oriri potest ex præmissis principiis: si enim in ordinatione sua Presbyter duplicem accipit à Deo, per ministerium Episcopi, consecratoris potestatem, alteram super corpus Christi verum, nempe per illa Pontificis, *Accipe potestatem offerre sacrificium Deo, Missæque celebrare*: Alteram super corpus Domini mysticum verbis istis, *Accipe Spiritum sanctum, quorum remiseras peccata, remittuntur eis &c.* Quid sentiendum est de ordinatione antiqua Presbyterorum, in qua nulla verba fiebant ab Episcopo, de tradita à se, illi quem ad Presbyteratum promouebat, vtraque hac potestate, sicut videre est in libro Sacramentorum S. Gregorij. At etsi post consecrationem Presbyteri in antiquo Ordine Romano instrumenta ordinatis traderentur ab Episcopo dicente, *Accipite potestatem offerendi sacrificium &c.* tamen de potestate remittendi peccata nihil prorsus ab Antistite dicebatur. Idem notari potest in vetustis libris Ritualibus qui ante annos 800. vel 700. erant in usu? Responsio non est tamen ad hanc obiectionem difficilis, nam certum est per ordinationem presbyteralem conferri Sacerdotalem characterem ordinato: Ordo verò, & character Sacerdotalis diuersas potestates includit, ut ex Euangelio constat, & ex fide & praxi perpetua Ecclesiæ. Traditur autem vtraque illa potestas præcisè & formaliter per manuum Episcopaliū impositionem, ut liquet ex Apostolo scribente ad Timotheum 1. epist. 4. 14. *Noli negligere gratiam quæ in te est cum*

*impositione manuum Presbyterij. Et ep. 2. t. 6. Admoneo te ut resuscites gratiam Dei quæ est in te per impositionem manuum mearum. Hac impositione sola, sine instrumentorum porrectione, etiamnum apud Græcos Presbyteri ordinantur, quos tamen sancta Romana Ecclesia pro veris Presbyteris agnoscit & semper agnuit. Verba igitur ista, Accipe potestatem offerre sacrificium &c. Et hæc sententia, accipe Spiritum sanctum, quorum remisit peccata; adiuncta sunt impositioni manuum, ad manifestius declarandum per ordinationem Sacerdotalem, Presbytero utramque potestatem ex institutione diuina conferri. Porro antequam exprimerentur ab Episcopo hæc verba, nihilominus utraque illa potestas per impositionem manuum Episcopaliū, tradebatur ordinato, ex ipsa vi ordinationis, quæ unico Sacerdotali charactere, utramque ipsam potestatem includit; sicuti hodie non dicit Episcopus dum ordinat Presbyterum, Accipe potestatem vngendi infirmos oleo sancto in nomine Domini, &c. Et tamen eo ipso ac ordinatur Presbyter, sine illa expressione, hanc potestatem accipit ex institutione diuina, quæ à sancto Iacobo tanquam oraculo Spiritus sancti, promulgata est epist. suæ c. 5. v. 14. &c. Adde quòd in ordinatione Episcopi, quæ extat apud S. Gregorium, in Sacramentorum lib. Episcopo non confertur potestas sacrificandi, neque potestas peccata remittendi. Vnde fit manifestum utramque illam datam supponi in ordinatione Presbyterali. Accedit quòd Episcopus in ordinatione Presbyteri prorsus non præterit sub silentio hanc absoluendi à peccatis potestatem, eam enim Patres, ut mox ostendimus ex Concilio Agathensi, nomine benedictionis designabant, cum enim de ministerio reconciliationis peccatorum loquuntur, dicunt hoc esse benedicere pœnitentes. At verò Episcopus ordinaturus Sacerdotem, & in præliminari admonitione dicit: *Consecrandi filij dilectissimi, in Presbyteratus officio, istud dignè suscipere, ac susceptum laudabiliter exequi studentes: Sacerdotem etenim oportet offerre, benedicere, præesse, baptizare, & prædicare. Titulo igitur benedictionis, potestatem absoluendi pœnitentes insinuat, simulque potestatem vngendi infirmos, seu conferendæ Extremæ vnctionis includit.**

## CAPUT VIII.

*De modo utendi potestate, qua Deo reconciliantur pœnitentes, per absolutionis & benedictionis Sacerdotalis officium.*



**P**OST stupendam illam ipsis Angelis, quam dedit Dominus hominibus Sacerdotibus suis, potestatem consecrandi Corpus suum & sanguinem, ac offerendi in incruento Eucharistiæ sacrificio: nulla maior potestas ea esse potest, qua illos honorauit, cum posuit in eis (ut ait Apostolus) *verbum reconciliationis*, quando scilicet 2. Cor. 5. 19. propè rediturus ad Patrem iam opere consummato redemptionis

HHhh ij

Ioan. 20.

Luc. 7. 49.  
Marc. 2.

Ioan. 20.

nostræ, *insufflauit super Apostolos suos* (quibus Episcopi & Presbyteri in Sacerdotio successerunt) *dicens eis, Accipite Spiritum sanctum, sicut misit me Pater & ego mitto vos, quorum remiseritis peccata remittuntur eis, & quorum retinueritis retenta sunt.* Ea enim tam admirabilis est potestas, ut non tam mirarentur Iudæi cum Christus cæcos illuminaret, paralyticos sanaret, mortuos suscitaret, demones eiiceret, ventis & mari imperaret; quàm cum peccata condonabat: dicebant etenim, *Quis est hic qui etiam peccata dimittit?* diuinæ scilicet rati hoc opus esse omnipotentis, quæ ideo puro homini nullo iure competeat; nec dubium quin Christus ideo passim iis quibus palam opitulabatur, sigillatim dicere consueuerat, *dimittuntur tibi peccata tua*, ad insinuandum, se Deum esse verum: veri siquidem Dei filium vnigenitum, Patrique per omnia coæqualem, quemadmodum verbo & opere sese indies declarabat. Sicut igitur Patres in conficienda Eucharistia Spiritus sancti virtutem interuenire cum ministerio Sacerdotis vnanimiter agnoscunt & prædicant, cum aliter fieri non posset, ut panis & vinum sola voce hominis in Christi corpus & sanguinem substantialiter transmutarentur. Vnde sciscitanti quomodo tam stupenda res fieri queat? rectè & appositè respondet S. Ioannes Damascenus, *Spiritus sanctus obumbrat Sacerdotem, & hæc operatur.* Sic Christus ut innueret remissionem peccatorum non solum esse opus gratiæ & misericordiæ, sed diuinæ prorsus virtutis, conferendo hanc potestatem suis Apostolis, Spiritum sanctum eis ad hoc obeundum diuinum opus impertiuit, *Accipite, inquit, Spiritum sanctum, quorum remiseritis peccata remittuntur eis, & quorum retinueritis retenta sunt.* Axioma Theologicum est, Spiritum sanctum dici dari hominibus quando ipsius dona & virtutes infunduntur. Inter dona & virtutes Spiritus sancti facultas remittendi peccata ab ipso Domino numeratur. Quæ tanta est potestas, ut ante eius aduentum, hominibus nunquam fuerit concessa: hanc autem concedendo Apostolis suis & eorum successoribus, se verum Deum esse demonstrauit: tum quia nemo potest dare Spiritum Dei, nisi Deus ipse cuius spiritus est: tum etiam quia promiserat Deus per Isaiam prophetam c. 44. Spiritum sanctum se daturum; *Effundam spiritum meum* (inquit) *super omnem domum Israel.* Dicens igitur Apostolis, *Accipite Spiritum sanctum*, ostendit se dare quod promisit, proinde ipsum esse Deum qui promiserat, ut doctè & acutè notat S. Ambrosius ep. 2. ad Simplicianum; sed S. Basilii lib. 5. contra Eunomium, cui subscribit ipse S. Ambrosius lib. 3. de Spiritu sancto c. 19. & S. Chrysostomus hom. 6. sup. 2. ad Corinthios his ex ipsis Christi verbis, *Accipite Spiritum sanctum* &c. eliciunt Spiritum sanctum verum esse Deum. Dei enim veri solius est suprema illa potestas dimittendi peccata, & per ipsum communicatur hominibus; ad hoc itaque datus est Spiritus sanctus Apostolis, ut per eum tanquam principium sanctificationis, illis tanquam suis ministris communicaretur. Maior igitur non potuit auctoritas hominibus conferri, quàm potestas remittendi peccata, quæ prorsus diuina est, & ut



auctorem eius Deum declarat, homines quibus ipsa communicatur, Dei Vicarios, id est vice-Deos inter homines constituit.

Hac supposita doctrina, perpendant quæso, apud se Sacerdotes, quanta cum fide, quanta cum puritate, quanto cum metu & reuerentia hæc ab eis potestas administrari debeat? Agant igitur ut monet Apostolorum princeps, *Sicut boni dispensatores multiformis gratiæ Dei.* 1. Pet. 4. 10. *Siquis loquitur (ait) quasi sermones Dei, si quis ministrat tanquam ex virtute quam administrat Deus.* Indignus sum qui doceam Dei Sacerdotes, ubi remittunt peccata; *Digitus Dei est hic.* Spiritus sanctus Dei dexteræ est digitus, qui hanc potestatem Presbyteris in ipsorum ordinatione infudit, digitus inquam, qui tangit pœnitentium corda, qui Sacerdotis linguam & affectum mouet, qui veniam & remissionem quam dat Sacerdos obsignat, qui per eum animæ sanctificationem mirabilem operatur; ab eo igitur solo tantæ gratiæ dispensatores edoceri possunt, aut ab eis quos impleuit spiritu sapientiæ & intellectus, spiritu consilij & fortitudinis, spiritu scientiæ & pietatis, & spiritu timoris Domini. Exod. 8. 19. Talis fuit superiori sæculo S. Carolus Borromæus S. R. E. Cardinalis, & Archiepiscopus Mediolanensis, alter dictus sua ætate Ambrosius, imò alter Paulus, alter Elias propter zelum eximium quo exarsit pro domo Domini. *Sacerdos verè ille magnus*, qui ut ait Scriptura, *in vita sua suffulsi domum, & in diebus suis corroborauit templum. Qui curauit gentem suam, & liberauit eam à perditione.* Isai. 61. 2. Cum enim probè intelligeret vir ille sanctus, potiorẽ hominis salutem, ut ait S. Augustinus, in remissione peccatorum sitam esse, quæ nonnisi verè pœnitentibus conferri potest; Porro nisi moueatur aqua piscinæ ab Angelo, vim medicam huic non infundi, id est nisi à Sacerdote qui Angelus Domini Exercituum est, peccator ad veram & sinceram confessionem excitetur & adiuuetur, vix (nisi interno motu Deus ipse in anima obdurata immediatè operetur) serias lachrymas & veros gemitus ab homine peccatis grauato elici posse. Non ita verò Deum gratè cooperari cum ministro impio aut impuro, aut crediti muneris ignaro, quàm cum eo qui piè, purè, attentè ac scienter, commissio sibi ministerio perfungitur; Sacerdotis enim munus tam in altaris mysterio, quàm tribunali pœnitentiæ officium esse Spiritus sancti, rectè à Patribus dictum. Ideo, inquam, S. Carolus pro ardenti desiderio quo feruebat salutis animarum, ut quilibet Sacerdos qui pœnitentium incumbit confessionibus excipiendis, ritè & fructuosè, Deoque gratè officium hoc sacro-sanctum exequeretur, *Methodum* conscripsit egregiam, rectè obeundi salutiferi huius muneris, quam hîc mihi visum fore haud minimum operæpretium in gratiam Confessorum verbatim subtexere, tam quòd non satis hætenus fuerit plerisque Sacerdotibus cognita, quia non peruia; dictata etenim ab auctore sanctissimo lingua materna, hoc est Italico idiomate, diu antequam verteretur in Latinum sermonem, intra Italiæ fines delituit. Ac postquam Latino stylo fuit instructa, cum duobus aut tribus aliis aureis verè

opusculis, Colonia anno 1587. typis edita, vix Gallias ab hinc penetravit: quicquid sit à nostris Typographis, qui tot libros magna parte inutiles quotidie excudunt, vix quod sciam huc vsque prælo commissa est, vnde in Sacerdotum nostrorum commodum, atque totius Ecclesiæ Gallicanæ vtilitatem copiosam, publicam in lucem exiret: tum quòd ipsum istud opusculum, dignissimus sit tanti reuera parentis fœtus, qui nonnisi afflatu Spiritus sancti, cuius viuum fuit his postremis temporibus oraculum, hoc dictasse, vt cætera pleraque scientiæ salutis quæ reliquit monumenta, meritò videatur. Debuerat sanè gemma tam pretiosa scriniolo prorsus aureo inseri, non autem in hoc meum opus quod totum luteum aut plumbeum est, induci. Cæterum aurum manet aurum in luto, & adamas vili panniculo inuolutus, suum pretium & decorem conseruat: nihil decidet igitur tam pretioso margarito sui decoris vel pretij, etiamsi vili huic scriniolo includatur.

## INSTRVCTIO CONFESSARIORVM,

### SEV METHODVS,

*Ad, ritè, Pœnitentiæ Sacramentum administrandum.*

A sancto Carolo Borromæo, titulo S. Praxedis Cárdinale, ac Mediolanensi Archiepiscopo, in suorum gratiam Italicè conscripta; deinde verò à religiosis doctisque viris Latinè reddita.

**V**T Confessarij pœnitentiæ Sacramentum administrent eo cum fructu qui maximus esse possit: is verò in sincera vitæ emendatione positus est; ne ve in tanti ponderis negotio cum propria conscientie summo onere conuenientem non adhibuisse diligentiam videantur, (id quod summopere timendum est multis, ne scilicet in grauem reprehensionem inciderit eorum industria, cum de tanto numero confitentium tam exiguam emendationem videamus in iis qui toties multis abhinc annis hoc Sacramentum frequentârunt) præceptiones ac admonitiones nostras omnes iampridem diuersis temporibus hac de re datas, in vnum contulimus, atque alias quasdam iis adiunximus quas in hunc finem viles & necessarias esse sumus arbitrati. Quamobrem per viscera misericordiæ Domini nostri Iesu Christi eos exhortamur, vt quemadmodum eorum officium & vocatio requirit hac in causa & negotio quod ad animarum salutem vsque adeo pertinet, summa cum diligentia nostræ sollicitudini cooperari velint, nostramque intentionem in eo positam, vt populus Christianus, quem Dominus nobis regendum tradidit, in viam salutis commodè dirigatur, promouere pro sua virili studeant.

Nullus neque secularis neque regularis Sacerdos, pœnitentiæ Sacramentum aggredi præsumat, si non approbationem & licentiam antè nostram, in scriptis habeat, vt ritè Concilium Tridentinum ordinauit; sin aliter fecerit, excommunicationis pœnam ipso facto, iuxta primi Concilij nostri provincialis decretum incurrisse se nouerit. Et si sacrum Missæ officium postea celebret, irregularis erit.

Caveat autem sibi quisque hac in re, ne prae-textu minoris ætatis; se abduci à recto patiat, quasi pueri sint, qui nondum ad usum rationis pervenerint, quorum audit confessiones: solet enim usu venire, ut in pueris etiam quamvis in ætate sint adhuc tenera, peccata mortalia inveniuntur. Ac verò nemo per speciem necessitatis alicuius se falli sinat, ac necessitatem interpretetur pro quavis ægritudine, etiamsi gravis & periculosa illa sit, cum ad proprium Pastorem, aut alium Confessarium à nobis approbatum recurri potuisset. Imò nullus huic se negotio pergat interponere, quamvis à pastore eius qui confiteri cupit, vel Vicariis nostris, consensum obtinuerit; nisi tales ij sint qui specialem à nobis acceperint potestatem, ut eam concedere alteri deinde possint.

Sacerdotes autem qui confessiones audiendi licentiam à nobis obtinuerint cum definita temporis, loci, certarumque personarum limitatione, videant ne potestatis concessæ limites ullo modo excedant.

Prima cum opportunitate Regularium Superiores catalogum Confessariorum, quos ad hoc officium elegerint, quive in hac ciuitate, vel Diœcesi nostra habitant, nobis exhibeant, quo eorum nomina, cognomina & natale solum habeantur; sed quia sæpius contingit, ut per suorum obedientiam mutantur, idcirco bis in anno prædictum catalogum nobis ostendent, primum quidem ad primam septimanam Adventus, secundum deinde primis feriis Quadragesimæ. Confessarii autem qui in nostra Diœcesi versantur, Pastoribus aut Vicariis foraneis testimonium admissionis suæ, qua ad huiusmodi munus idonei esse iudicati sunt, quotiescumque ab eis exigetur, ne recusent ostendere. In templis verò in quibus plures sunt Confessarii, in foribus Sacrarum tabula suspensa habeatur, quæ omnes eius templi Confessarios à nobis approbatos contineat, quæ toties mutanda erit quoties alij deligentur.

Confessarii, qui à censuris & casibus reservatis potestatem absolvendi à nobis habent, summa cum prudentia eam exercent, ut sit adificationi potius quam destructioni locus. Quamobrem si in utilitatem & auxilium penitentis, qui in aliquod eiusmodi peccatum inciderit, iudicent expedire ad nos eum remittere, admoneatur ut id facere debeat.

Omnes Confessarios quamvis à nobis ut idonei semel admissi fuerint, tamen ob graves & diversos scrupulos, qui penitentibus in dies occurrunt, & plurimas difficultates sibi coherentes habent, præmonitos volumus, ut bonos & classicos auctores nonnullos qui casus conscientie ex professo tractant, manibus continè teneant. Quod si non videantur sibi satis iudicii & doctrinæ comparasse, ut possint quæstiones obiectas resolvere, meminerint adire doctiores & in talibus melius versatos. Sciant autem nos in hunc finem dedisse speciatim eas partes Penitentiario maiori Ecclesiæ nostræ Metropolitanae, ut cum Theologis & Iuris Canonici peritus si qua dubia & controuersa circa res conscientie in hac nostra diœcesi obueniant, de iis conferat & diligenter discutiat, ut postquam res gravioribus nobis communicarit, omnem dubitationem eximat iis, qui ipsum consulendi causa accedent.

Examinent præterea vires ingenij & scientiam quam habent, nec se temerè ad confessiones audiendas eorum ingerant, quos censuris ita quibusdam inuolutos esse suspicentur, ut sese inde satis explicare nesciant.

Bonam habeant notitiam censurarum & casuum reservatorum, particulatim

verò Bullæ In cœna Domini legi solitæ : similiter Canones pœnitentiariorum & nostras has admonitiones sæpius legant.

Cùm dubium non sit quin is qui peccato mortali infectus Sacramentum quodvis administrat, nouo se scelere obstringat, diligenter obseruent qui Confessarij partes agunt, ne cum peccati mortalis conscientia confessiones audiant, multò verò minùs id audeant si qua censura teneantur Ecclesiastica ligati.

Qui verò feruidi animi Confessarius est, animarumque salutis studio tenetur, ut eas ad virtutes inducat, diuinisque remediis adiuet, quibus contra peccata vel pœnitens utatur, vel ab eisdem abstrahatur, qui doceat itidem demonis astutias perspectas habere, qui demum pœnitentem exuere veterem hominem, & nouum induere laboret, ac confingere in eo formam aliquam speciẽque perfecti Christiani : non satis id sibi habere debet, si nulli peccato mortali obnoxius, Sacramentum pœnitentia ministret, sed cùm facillè cognoscat magnopere referre ad præstandum ea quæ dicta sunt, priùs in se ipso exprimere, quæ in altero videre desiderat, quandoquidem plus exempla, quàm verba commouent animos, neque quis aliorum animis ingenerare virtutem potest, quam antè non in se possideat ; idcirco perfectionis suæ totus amore ferueat necesse est, atque iis in virtutibus acquirendis operam diligentem ponat, quibus ipsa perfectio acquiritur.

Sed quoniam Regulares cùm ad Confessiones audiendas emittuntur, solum examinari solent sintne sufficientes, & doctrinam iustam habeant, neque nos aliter perspectos mores eorum & bonitatem vitæ probatam tenere possumus : ideo Superiorum eorum conscientias oneramus, ut ad huiusmodi prouinciam non alios nobis in publicum deducant, quàm qui probitate, atque integritate vitæ tales sint, qui laudabiliter hoc Sacramentum exhibere queant, cuius quidem rei scripto nobis fidem dabunt, nec aliter eos admittemus.

Prompto ac parato animo ad confessiones audiendas accedant, euitentque diligenter non solum ad subterfugiendum laborem, ne submoueant intempestiue venientes ad se confitendi gratiã, sed neque signo, aut verbis ullis præ se ferant egrè se grauatoque animo confessiones eorum excipere ; quin potiùs ita se comparent, ut intelligant pœnitentes, eos salutis eorum causa multum solatij & gaudij ex iis laboribus haurire.

Ex hac eorum alacritate nascetur etiam hoc commodi, ne pœnitentes excusationem iustam prætexere possint, se non esse confessos, maximè quibus temporibus ad id tenentur, per speciem quasi commoditatem non habuerint. Præterea autem admonemus confessarios, si vel ad exequias, vel quæuis alia ecclesiastica munia illos euocari contingat, nisi causa sit prorsus necessaria, ut ne confessiones iis diebus propterea vel interrompant, vel intermittant, quibus frequentiores solent occurrere, maximè octiduo, aut amplius ante Natalem D. N. Jesu Christi, in Quadragesima, & præcipuè circa medium illius usque ad octauam Paschæ, nonnullis etiam diebus cùm Iubileum promulgatum est, aliisque solennioribus festis, quibus ut plurimum populus, vel omnis, vel ex maiori parte ad confessionis Sacramentum confluit.

Cupimus etiam in hunc finem Superiores Regularium certiores ea de re redditos, ut prædictis temporibus procurent quantum poterunt numerum maximum Confessariorum, qui doctrina & timore Domini insignes, atque à nobis approbati, in suis Ecclesiis pœnitentes audiant. Quo-



Quoties Regulares ad agrotantium confessiones excipendas accersuntur, si necessitas aliud non suadeat, ex Pastore prius intelligant, quæ conditio & status sit agroti, ut tanto diligentius animadvertant, si quid alleuamenti conscientie illius præberi valeat, præsertim in summo temporis illius articulo, in quo velut in cardine vertitur aut animæ salus, aut perditio æterna: quod si temporis breuitas non patiatur ante confessionem id fieri, saltem ab audita confessione quàm citissimè fiat, ut tam ipse Confessarius, quàm Pastor in procuranda hominis infirmæ salute suo officio non arguantur defuisse.

Cum primum Sacerdos Sacramentum penitentiae cuipiam agrotoministravit, in schedula subscribat, quæ qualis esse debeat infra dicitur; eaque fateatur se pœnuentis confessionem excepisse: quod ideo fit, ne medici curam suam subtrahere infirmis cogantur, iuxta Bullam felicitis memoriæ Pij quinti, & Decretum primi nostri Concilij Provincialis, & ne per negligentiam Confessariorum in dicta fide præstanda, sumant occasionem excusandi se ab obseruantia præfata Bullæ, & Decreti.

Popularium in domibus Confessiones nemo audiat, nec virorum, nec fœminarum, cuiuscumque vel ordinis, vel conditionis illi fuerint, nisi dum agrotant; quod cum sit, & mulierum confessiones Sacerdos excipit, osium apertum sit, ita ut ab iis qui in vicinis locis agunt, conspici possit.

Extra eam necessitatem confessiones mulierum non audiant, ne etiamsi vel leuiter illæ reconciliari tantummodo vellent, præterquam in templo, & sedilibus ad id destinatis, sed neque tum quidem eo loco, nisi post ortum solis, & ante eius occasum audiantur.

In illis ipsis sedilibus quotidiano ritu confessiones audientur, etiam virorum, si qui solent in templo confiteri: hanc ob causam omnibus in templis sedes huiusmodi tam multe construuntur, quàm multi solent esse Confessarij: sint autem omnes ad eam formam exædificatæ, quemadmodum ordinauimus generatim eas debere construi.

Constituuntur autem prædictæ sedes loco tam aperto, ut ex omni parte conspici possint: quod si præterea locus haberi talis possit, ut obstaculum aliquod intercedat, ut dum quis confitetur, interea ceteri à spatiis plus æquo propinquis arceantur, id fiat; ubi verò malus mos aliud obtrinet, Confessarij partes erunt sedem ipsam loco mouere, simul & populum nimis vicinum antequam confideat, propellere: quod item faciet, dum in confessionibus versatur, si occasio requireret.

Confessarius in huius Sacramenti administratione sic animi sui propositum ordinet ac dirigat necesse est, ut nullus eum intuitus humanus eò protrahat, sed sola Dei gloria, & animarum salutis desiderium: quocirca quoties vel euocabitur ad Confessiones audiendas, vel ad eas sese conferet, totus in Deum erectus cum ipso opere mentis oculos in hunc finem coniciat, & diligenter attendat, se eò pergere, ut pœnitentes pretiosissimo Seruatoris nostri Iesu Christi sanguine abluat ac mundet.

Sed quia in huius Sacramenti tractatione multa inueniuntur pericula, ne scilicet errent in variis quæstionibus & obligationibus decidendis, quæ in illud forum veniunt, vel absolutionis gratiam reipsa indignis impertiant, vel aliquo modo animam suam inquinent, dum multorum inquinamenta fœditatésque au-

dire necessarium est, nunquam ad tantum hoc officium sese Confessarius accingat, quin prius breui aliqua oratione prout res feret, lumen & gratiam à Domino petat, ut non solum in nullam reprehensionem, vel errorem incidat, verum aliorum sordes sic abstergere valeat, ut se ipse non polluat: simul etiam Deum orabit pro vera emendatione eorum quorum confessiones auditurus est. Habeant igitur singuli versiculos illius psalmi 50. & orationem antiquis temporibus ab Ecclesia usitatam penes se in scriptis, cuius quidem alterum exemplar in sacrario cuiuslibet templi, (in quo sunt Confessarii) deinde alterum introrsus in ipsis sedilibus volumus affigi, ut antequam ad Confessiones aggrediantur, eam vel similem aliquam, prout cuiusque pietas feret, apud se legant.

Ÿ. Cor mundum crea in me Deus. R. Et spiritum rectum innoua in visceribus meis.

Ÿ. Ne proiicies me à facie tua. R. Et spiritum tuum ne auferas à me.

Ÿ. Redde mihi lætitiā salutāris tui. R. Et spiritu principali confirma me.

Ÿ. Docebo iniquos vias tuas. R. Et impij ad te conuertentur.

Ÿ. Libera me de sanguinibus Deus Deus salutis meæ.

R. Et exultabit lingua mea iustitiam tuam.

ORATIO. Domine Deus omnipotens propitius esto mihi peccatori, ut dignè possim tibi gratias agere, qui me indignum propter magnam tuam misericordiam, ministrum fecisti officij Sacerdotalis, & me exiguum, humilèmq; mediatorem constituisti ad orandum, & intercedendum ad Dominum nostrum IESVM Christum filium tuum pro peccatoribus, & ad pœnitentiam reuertentibus: Ideoque dominator Deus, qui omnes homines vis saluos fieri & ad agnitionem veritatis venire, qui non vis mortem peccatorum, sed ut conuertantur, & viuant; suscipe orationem meam quam fundo pro famulis & famulabus tuis, qui ad pœnitentiam venerunt, ut des illis spiritum compunctionis, resipiscant à Diaboli laqueis, quibus astricti tenentur, ut ad te per dignam satisfactionem reuertantur. Per eundem Dominum nostrum Iesum Christum.

*Sacerdotes saculares non nisi toga & stola decenter amicti pœnitentes audient: quod etiam tum fieri volumus cùm aegrotantium excipiunt Confessiones, licet id faciant apud ipsos domi.*

*Nullorum accipiantur Confessiones, nec in ciuitate, nec verò in tota diœcesi nostra, sine nostra, vel vicariorum foraneorum expressa licentia, post Dominicam Palmarum vsque ad diem integrum Paschæ peractum, nisi eorum qui paulo antè confessi sunt, aut saltem à Quinquagesima præcedenti: excipimus semper agrotos: ceterorum verò confessiones infra octauam Paschæ differantur secundum Constitutionem nostram Pastoribus datam, idque graues ob causas in ea declaratas.*

*Si quem deprehenderint, qui sine ratione legitima Confessarium suum deserat, qui quidem perappositus erat alioqui ad illum in viam salutis dirigendum, conentur eundem peropportunè reducere, tum reprehensa perniciofa hominum negligentia, qui Confessarium doctum & prudentem sibi deligere negligunt, tum quasi noxia & vitiosa frequenti mutatione Confessarij detestata: quemadmo-*

dum enim medici, qui naturam temperamentumque corporis in infirmis perspetum habent, non facile permutari solent, quod morbis necessaria facilius inuenire remedia norint; sic neque videntur penitentes, nisi magno delectu, à medicis suis discedere debere, cum ij melius animarum vulneribus adhibere opportuna ac utilia instituta possint. Si tamen iusta de causa Confessarius aliquem ad se venire permittat, qui pij & prudentis alterius in confitendo consiliis antè utebatur, utile erit id cum illo ipso communicare, vel saltem dare operam, ut penitens ab eo abeundi honestam licentiam nanciscatur.

Confessarij omnes præcipuè si qui in nostra diœcesi eo munere funguntur, curare debent, ut inter eos & Parochos locorum ubi confessiones audiunt, bene conueniat, siue cum illorum ibi sint monasteria in propinquo, siue cum ob habitas conciones, siue ob aliam quamcumque causam confessiones audiunt. Itaque non absoluant eos, qui vel ob exempla vitæ impie, & in eo statu perseuerandi pertinaciam, vel quod ad penitentias publicas, siue legata pia, vel similia quædam tenebantur; atque ideo à Pastoribus suis absoluti non fuerint. Proinde sæpius Regularium Superiores suos admoneant huius rei necesse est: præcipuè autem ad animorum concordiam, quæ ad ædificationem quoque plurimum valet, diligenter eos exhortentur, præmoneantque, si in quæstionis alicuius explicatione inter eos & Pastores sentiendi quædam accadat diuersitas, ut ea cum prudentia sese gerant, ne ad vulgi aures ea perueniant, quin statim ad nos potiùs pro rei controuersæ definitione accurrant.

Meminerint ad Sacramentum penitentiae non permittere venire eos, qui sine conuenienti tum exteriori, tum interiore animi præparatione volunt accedere: quin magis verbis charitatem spirantibus, pro captu cuiusque tales alloquantur, & dicant, ubi sese melius prodignitate tanti Sacramenti disposuerint, ita demum ad se reuertantur.

Itaque mulierum earum confessiones non audiantur quæ carussata veniunt, quæ fucus vtuntur, quæ faciem stibio depingunt, quæ ex auribus monilia gestant, quæ leuibus & vanis ornamentis, quæ pannis aureis, alijsve similibus lasciuijs promptè ac compè accedunt, & ut semel omnia dicam, quæ vestes modestas non habent, nec simplici cultu incedunt, nec in capite velum aliquod gerunt, quod notabiliter non transpareat, quæve saltem operimentum ex lino, lanæve confectum, vel peplum sobrij alicuius coloris non habent: sic enim huius Sacramenti reuerentiam decet, & ita prorsus cognitioni peccatorum, & de iisdem dolori intimo consentaneum est, cum scilicet cogitare debeant, quod ante tribunal, & iudicium Domini Dei sui se sistant, ac quasi peccatrices misericordiam & veniam suppliciter de eisdem imploraturæ veniant.

Idem necesse est in viris obseruetur, ut videlicet ad confessiones non admittantur, qui vestitu viro indecenti, qui auro intextis palliis vtuntur, qui lasciujs pileorum ornamentis induti sunt, qui item cum armis aut similibus rebus, accedunt.

Ataius multò studium Confessarius ponat in interiore animi præparatione, quando necesse est, prudenter inquirenda; ea enim planè ad hoc Sacramentum requiritur cet niturque maximè in seria & solida peccatorum examinatione, quæ ad unumquemque pertinet; ita ut vniuersi quantum in se est, cum animi dolorem qui iure in hoc Sacramento requiritur, habere conentur, cum firma ac constanti de-

liberatione animi, tum pro præteritis satisfaciendi, tum vitam in posterum emendandi. In quibus igitur eam præparationem desiderari animadvertent, verbis benivolis persuadere conabuntur, ut denuò conscientiam suam diligentius examinent, ac rectè sese præparent.

Signa autem ex quibus coniectura capi potest, eos sine iusta præparatione ad Sacramentum venire, hæc sunt, si ad confessionem properant, quasi ab ipsa occupatione rerum suarum auulsi, nullo temporis spatio prius in orationem collocato, vel si eos peccatorum nullam habere cognitionem appareat: deinde si Confessarius iam tum præsciat, quòd à confessione nihilominus ac antè suis in peccatis sint perseveraturi, siue quòd in se peccatum mortale quoddam teneant, vel quòd occasionem quæ ad mortale pertrahat, amplexi teneant, nec ei valedicere velint, siue quòd aliena bona cum possint, restituere negligant.

Aduertat tamen Confessarius, si pœnitentes studij nonnihil à se præstitisse ad eam præparationem, de qua dictum est, consequendam viderit & obseruet; tamen vel ob eorum ruditatem, vel quid aliud, necessario aliquid iis deesse, ut ipsemet quod deest suppleat sua industria, & ad cognitionem maiorem eos inducere adlaboret: quod fiet optimè si peccati turpitudinem & gravitatem ponat illis ob oculos, quippe quod Deo aduersetur vel maximè ac damnationis æterna malum peccanti infinitum adferat, atque hoc pacto pœnitentem inflectere, & sic effingere conetur, ut de vniuersis & singulis peccatis mortalibus tam acrem animi dolorem persentiat, ut securè eis absolutionis beneficium imperire possit.

Præterea pœnitentes, sed eos præcipuè qui rariùs confitentur, pro iudicio & necessitate cuiusque, rationem ac methodum quandam bene confitendi diligenter edoceant, ac speciatim quantum intersit, ut integra sit confessio, aliàsque circumstantias quæ ad eam requiruntur, & quam vim iidem habeant, exponant.

Consuetudo honesta est, puerulos, etiamsi quintum aut sextum ætatis annum necdum exceßerint, ante Confessarium adducere, ut sic incipiant paulatim instrui ac manu quasi in cognitionem, atque usum huius Sacramenti transferri: caueant tamen accuratè Sacerdotes, ne absolutionem cum Sacramento iis præbeant, in quibus nec idonea materia, nec ea rationis plenitudo reperitur; ut citra controuersiam iudicare possint eos huius Sacramenti capaces esse: operam tamen maiorem collocabunt cum iis qui septimum aut octauum annum iam attigerunt, quantum puerilis ætas ferre videbitur, ut huius Sacramenti necessitatem & virtutem, nec non modum quo suscipitur, perspicuè intelligant.

Qui verò confessiones audiunt puerorum aut puellarum, qui iam annos decem vel duodecim numerant, quos proinde aptos ad venerabile Sacramentum altaris propediem fore existimant, solerter videant ne vel sua, vel parentum negligentia & sôcordia, absque gustu tanti thesauri spiritualis eos patiantur adolescere: quin potiùs quanto minori cum productione temporis, quànque diligentissimè fieri poterit, doceant eos, quæ ad hoc Sacramentum percipiendum necessaria sunt, fructusque innumerabiles inde manantes, tum quanta animi demissione, ac reuerentia, quàmque magna conscientie puritate opus sit.

Ceterum postquam iterum atque iterum eorum confessiones iam audierint,



vel per se venerabile Sacramentum eis porrigant, illisque rei fidem scripto faciant, ut Pastori suo exhibeatur, quo deinceps in Paschate ad communionem Pastor eos cum ceteris adiungat, vel ad eam sumendam instructos & idoneos esse scriptis declarent, atque proprium ad Pastorem amendant.

In ipso auditu confessionis, antequam peccata sua quis enumerare pergat, Confessarius, maxime si cum rudioribus hominibus agit, qui ve rariùs confitentur, debet quædam interrogationes præmittere, quibus in decursu confessionis omnia commodius cedent: sunt autem interrogationes eiusmodi. Primum si certum non habet pœnitentem ex eorum numero esse quos absolvere rectè possit, interroget quomodo id sit; si non esse talem inueniat, quamprimum ad alium qui absolvendi potestatem habet remittat; si aliter est, & tamen nihilo secius pœnitentem satis non agnoscit: quærat secundo loco, quo in statu res eius sint, cuius ipse conditionis sit, quam professionem aut artem tractet, quod officij genus ve plurimum exerceat; interrogabit deinde quantum temporis intercessit quod confessus est, interim in memoriam ei redigens, quàm magnum emolumentum parere soleat crebrò iterata confessio: tum petet utrum pœnitentia nuper præscripta sibi fecerit satis, quæret etiam si norit articulos fidei, præcepta Decalogi & S. matris Ecclesiæ: quod si nesciat, tum se geret eo modo cum pœnitente quem inferius indicabimus.

Quærat utrum diligentiam atque industriam congruentem in conscientia bene examinanda collocarit, quæ sanè tanta requiritur, quanta in negotio quovis maximi ponderis inesse solet: res enim verè operosissima est ad Sacramentum pœnitentiæ ritè accedere; atque hoc loco si necessitas efflagitat, eum de vili quodam modo examen conscientia faciendi instituat, quamnam ratio sit ad memoriam revocandi peccata commissa, cum iis quæ circumstant omnia; nimirum ut ingrediatur in seipsum, vitæque tempora speciatim percurrat, initio quidem, quantum ad ætatum momenta, pueritiam scilicet, iuventutem, & cetera pertinet: Secundo quantum ad status mutationem; quod si uxorem duxerit, quomodo ante, quomodo post matrimonium contractum sese gesserit; tertio quantum facit ad vicissitudines humanæ vitæ, in rebus prosperis videlicet & adversis, in sanitate & aegritudine, tempora varia, officia diuersa quæ exercuit, sodalitia, loca, regiones in quibus egit & versatus est: circa hæc omnia videat, an corde, lingua, vel opere peccauerit aliquando.

Ad hæc conditiones quæ ad confessionem perfectam requiruntur, quanta poteris breuitate & facilitate illi proponet: poterit verò ad quatuor, vel quinque præcipuas reducere illas sedecim à Doctõribus sæpe commemoratas, quæ his versibus continentur.

Sit simplex, humilis confessio, para, fidelis,  
Atque frequens, nuda & discreta, libens, verecunda,  
Integra, secreta, & lachrymabilis, accelerata,  
Fortis & accusans, & sit parere parata.

Rogabit an recordetur se, vel in casum aliquem reservatum, vel excommunicationem incidisse, vel quod aliud impedimentum habere, à quo probabiliter arbitretur quòd absolui non possit: Si quid eiusmodi in exordio, vel in ipso decursu confessionis reperiat, ne procedat ulterius, sed significet pœnitenti eum à se absolui non posse, verum necessarium esse, ut aut nobis, aut Pœnitentiario ma-

iori Ecclesia nostræ metropolitana, aut alteri, cui à similibus casibus absoluen- di potestas collata est, se exhibeat: si tamen ratio aliqua subsit, cur Con- fessarius non expedire iudicet, ut pœnitens id agat, tum ipsemet ad Pœ- nitentiarium, vel ad nos pro absoluen- di potestate impetranda recurrat. Si pœnitens extra ciuitatem sit, talèque negotium sit, ut ipse Confessarius à vica- rio nostro foraneo, aut alio in iis locis ad similia decidenda à nobis deputato sub- delegari possit, ab eis absoluen- di potestatem legitimam impetret, vel pœnitentem ad eos remittat, nisi forte nec ipsi à casibus reseruatis absoluen- di potestatem à no- bis habeant, aut casus iste sub eorum licentia comprehensus non sit: hoc tempore si pœnitens Mediolanum venire possit, hortetur eum, ut id faciat; quòd si ad id inducere non possit, petat ab eo veniam dictum casum nobis, vel Pœniten- tiario maiori, litteris, aut verbis indicandi, quatenus absoluen- di ab eis potesta- tem impetret: quod cum faciet, & rem ipsam litteris committet, prudentiam cautionemque summam adhibeat necesse est, ne ullo modo in aliorum notitiam venire possit: at verò si causa tanti momenti esset, ut si litteræ vel perdantur, vel intercipientur, maius aliquod pœnitenti incommodum immincat, tum Me- diolanum Confessarius iubeat ipsum proficisci, nisi forte consultum videatur, ut ipse veniat alterius nomine.

Caterum in negotiis similibus prudentius facient, si rectà ad Pœnitentiarium maiorem, quàm quoquam aliò recurrant, vel eò pœnitentes suos dirigant: spe- cialiter enim à nobis ad id constitutus est ille cum ampla etiam potestate alios sub- delegandi in iis omnibus negotiis, quæ pro casuum reseruatum absolutione dif- ficilia occurrunt. Quòd si nec ipse Pœnitentiarius à tali casu possit absolvere, tum modum illi præscripsimus, vel à nobis, vel aliunde unde necesse sit, remedia ta- libus negotiis opportuna adhibendi.

Si pœnitentem aliquo excommunicationis vinculo reperiat ligatum, serid commonefaciet eum pœnæ excommunicationis, & quæ grauitas illius, quàm- que periculosum in ea perseuerare, quantaque cum diligentia fugienda sit ex- communicationis: quod commodè fiet, si effectus illi demonstret nonnullos excom- municationis.

Interroget utrum sciat hæreticum aliquem, vel de hæresi suspectum, vel si- mile quippiam, quod iuxta vel nostra edicta, vel eorum qui Inquisitiones vo- cantur, leges denunciare teneatur: quòd si pœnitentem ad tale quid aperiendum cognouerit teneri, curet ab eo satisfieri: & si negligentia suâ factum est, post- quam apud eum hæretici vel suspecti de hæresi alicuius notitia fuit, ut terminus his denunciationibus præfixus transferit, eo articulo iubebit, ut licentiam impetret, qua absolui possit; non enim satis tempestiuè perfecit denunciationem ut debebat.

Circa confessiones antegressæ vitæ, debent eæ interrogationes fieri quæ sunt ad cognoscendum necessaria; num aliquo in peccato erratum sit ab integritate con- fessionis, ob quod nullius ponderis neque virtutis extitissent ceteræ confessiones, ac proinde reiterandæ essent. Exempli gratiâ si pœnitens alicui confessus sit, qui eum absolvere non potuerit, vel qui legitima absolutionis forma usus non fuerit; vel Sacerdoti adeò indocto, ut ea quæ ad hoc Sacramentum administrandum requiruntur, nec intellexerit, nec sciuerit; vel etiam si ipsemet aliquod peccatum mortale sciens subticuerit, vel confessionem diuiserit, enumerata parte peccatorum suorum uni Confessario, alteri altera; vel ad extremum, si nullo penitus cum

cum dolore de peccatis suis nullo deliberato emendandi proposito, confessus sit; vel, quod etiam contingit interdum, si nullam omnino diligentiam in memoria peccatorum refricanda videatur contulisse.

Et quoniam cernere est negligentiam maximam in confessionibus rite faciendis sæpenumero committi, præcipue verò eo tempore quo quidam repudiato à se Dei timore, vel minimam prorsus, vel nullam animæ suæ curam gerere putantur, ut potius veniant ad confessionem ex certa quadam agendi consuetudine, quàm quòd peccatorum suorum agnitione eò perducantur, & vitam emendandi vera desideria susceperint: in uniuersum quidem ob summam commoditatem quæ ex confessione generali redundat, tum præsertim cum ex animo quisquam statuerit in posterum vitam in melius commutare & totum se ad Deum conuèrtre; Confessarij pro cuiusque personæ qualitate, opportuno tempore & loco ad generalem quandam confessionem pœnitentes exhortentur, ut per hanc proposita omni præterita vita sibi ob oculos, maiore cum alacritate redeant ad Dominum, ac omnes errores qui potuissent in præcedentibus confessionibus accidere, resarciant.

Hiscæ interrogationibus finitis, quæ confessionis veluti præambula quædam, & præludia sunt, Confessarius pœnitentem inducat, ut ipsemet omnia peccata sua quæ recordatur, exprimat per se: quod ubi fecerit, si perspiciat adhuc (quod sæpenumero accidere solet) eum aliis interrogationibus indigere, per quas multorum quæ oblitus sit, reducatur in memoriam, vel ea quæ prius confuse dixerat, distinctius consideret, volumus interim præmonere Confessarium, ut peccatorum mortalium numerum semper quàm poterit exactissimè inquireat, & quamuis fieri posset, ut non usque adeo præcisè & velut ad unguem omnia referantur à pœnitente, nihilominus tamen paulò plus minúsve eum numerum indicet, quem ad veritatem magis accedere arbitretur.

In his interrogationibus ordinem sequatur oportet, initio ducto à præceptis Domini, ad quæ tametsi omnia alia de quibus interrogationes habentur, computari possint, nihilominus si cum personis, quæ rarò ad confitendum accedunt, agatur, utile erit etiam per septem capitalia peccata, quinque sensus exteriores, & opera misericordiæ discurrere.

Confessarius non minori vigilantia ac prudentia pollere debet in iis maxime peccatis inuestigandis, quæ homines eius statûs conditionisque cuius est pœnitens, communiter perpetrare solent.

In peccatis verò luxuriæ, summam animi solertiam cum pari circumspèctione verborum debet usurpare. Itaque cum in iis speciem peccati & circumstantias quæ multum prægrauant illud, satis intellexerit, ulterius nihil studeat inquirere: in hunc finem circumstantiæ quæ peccati speciem ab una in alteram mutant, vel id plurimum deprimunt, plenè perfectèque à Confessario sciri debent: quandoquidem hæ duæ circumstantiarum species necessariò inter confitendum explicandæ sunt; idcirco ad summas accurrendum erit, in quibus plerumque hoc versu illæ continentur:

Quis, quid, ubi, quibus auxiliis, cur, quomodo, quando?

Præ cæteris tamen prouidus, cautiúsque sit oportet, ac modum congruentem sciat quo pueri ac puellæ interrogentur, ne fortè quæ prius ignorabant, eos doceat: verbis autem adeò commodis interrogationes suas circumloqui nitatur, ut

pœnitentis animus non offendatur: quin etiam dum aurem admouet alicuius confessioni audiendæ, caueat omni modo peccati grauitatem à se auditi g. stus corporis, vel nutu capitis circumstantibus prodere, vel etiam pœnitentem ita terrefacere, ut propterea aliud graue peccatum subiceat; imò contrà, animum ei addat, ut omnia quantumuis enormia & turpia peccata aperire non vereatur.

Confessarius qui priuilegium aliquod, facultatem, vel auctoritatem habet pœnitentium vota commutandi, ea non nisi in alia opera pia maiora, Deoque acceptabiliora, vel saltem equalia commutabit: in quo negotio diligenter attendet expensas, labores, aliâque difficultates, quas sustinere necesse fuisset, si vota à se nuncupata primo modo debuisset persolvere.

Quamuis verò per Iubileum, aut litteras Apostolicas priuilegium aliquod ei concessum sit ab omnibus peccatis quantumuis enormibus, ac pœnis censurisque Ecclesiasticis absoluedi, pramonemus tamen quòd dispensare cum eis non possit qui irregularitatem incurrerint, nisi in ipsis litteris expressa huius fiat mentio.

Vt Confessarij plenius instruantur, nec absolutionis beneficium iis impartiantur, qui eo reuera indigni sunt: (id quod vel incuriâ vel negligentia, vel alia de causa saepe accidit, ac proinde multi in eisdem semper peccatis hærent cum animarum suarum lamentabili ruina) idcirco ex plurimorum Theologorum, cum secularium, tum regularium diuersorum Ordinum consensu, quedam quæ in frequentiori consuetudine agendi à Confessariis obseruanda erunt, inferius notauimus: quandocumque verò ab iis Pœnitentes vel absoluent, vel relinquent ligatos, volumus ut secundum id quod infra dicetur, sua consilia dirigant.

Itaque quandoquidem quilibet qui iam ad rationis usum peruenit, sub peccati mortalis periculo articulos omnes fidei scire & intelligere (saltem generaliter) tenetur, nec non Decalogum & sanctæ matris Ecclesiæ præcepta ad peccatum mortale obligantia, quæ communiter in scholis cum Catechismo doceri solent: si Confessarius deprehendat pœnitentem ignorare ea quæ diximus, nec ad ea quam citissime poterit perdiscenda appositum, non debet eum absolvere: si verò ad ea mandandum memoriæ paratum se se exhibeat, si tamen aliàs à Confessario (siue ipsemet is sit, siue alius) vel speciatim à Pastore suo hac de re admonitus fuerit, (debebit autem hæc recordari ut commodius interroget) neque tamen tantum studij adiunxerit, quantum debuit pro capacitate suæ personæ, cuiusque absolutionem differat, donec aliquo modo satisfaciat: verum si hac de re admonitus à nullo fuerit, postquam eum in supradictis ita generaliter instruxerit, ut eo tempore reddatur absolutionis capax, poterit eum absolvere.

Si patres aut matres-familias fuerint, qui curæ suæ subditos siue filios & filias, siue seruos & ancillas (quæ particulatim interrogare meminerit) cum rudimenta fidei non teneant, addiscere non compellunt, vel non aduigilant ut Decalogi & Ecclesiæ Romanæ præceptis obediant, vel quod peius est, ab eorum obseruatione eosdem prohibeant; ut faciunt qui seruos & ancillas usque adeò occupatos diebus profestis detinent, ut propria necessitate urgente, diebus festis operari quodammodo cogant, vel temporis tantum non tribuant, ut secundum Ecclesiæ præceptum, sacro officio Missæ interesse queant, aut qui nescientes quinam eorum qui



qui in familia sua degunt, legitimum habeant impedimentum, promiscuè tempore quadragesimali, aut aliis ieiuniorum diebus, cœnam, vel tempore antemeridiano escam ante horam debitam in adibus suis præbent, vel dari patiuntur: aut si quando hæc præcepta transgrediuntur, eos non reprehendunt, nec corrigunt; vel si serui corrigi nolint, & cæteris scandalo sint, è domo sua non quamprimum eos ablegant.

In omnibus his peccatis, nisi reipsa præstent officium suum, negligentiamque in familia administratione commissam, quantum ad ea quæ dicta sunt attinet, in posterum se se emendare promittant, nullo modo eos absoluat: quod si in se recipiant ea se facturos, nec horum admoniti unquam à Confessario vel Pastore, præscripto modo fuerint, poterit eos absolvere: quod si sæpius fuerint reprehensi, nec sese correxerint, tamen absolutio differatur, donec promissi appareant, veraque emendationis argumenta aliquo temporis spatio ostenderint.

Confessarius eundem cum eis modum seruabit, qui contra Conciliorum nostrorum prouincialium, præcipuè verò tertij Constitutiones ac alios canones nostros, diebus festis operantur, vel à venditionibus, & similibus quæ in illis prohibentur, non abstinent. Idem etiam seruetur cum iis qui in immoderato corporis ornatu & fastu mortaliter peccant.

Ac verò cum hac tempestate luxus vestium ad summum quò conscendere potuit, verticem videatur euasisse, idque magna ex parte culpa & negligentia Confessariorum accidat, qui vel ex inconsiderantia, vel fortè dum leuiter penitentes peccare existimant, nullo cum scrupulo eos absolunt; capita quedam in medium afferemus, quibus propter ornatum, & luxum in vestitu, fastumque animi ingentem, plerumque mortaliter hodie peccatur, ut cum absolutio danda erit, secundum eas regulas actiones officij sui metiantur.

Si quis igitur vestitu splendidiore induitur, vel eo sese ornat ob finem peccati mortalis, utique mortaliter peccat: ad hæc qui vestimenti sumptuosi gratia, vel ipse delinquit, vel alij eius nomine præceptum Domini vel Ecclesiæ transgrediuntur, ita ut ne vestis non conficiatur, festis diebus sartori operandum sit, vel ipse certè faciat eum operari, aut sacrum Missæ officium omittere, vel ut alij omittant præbetur ab eo occasio; vel si causam præstet coniugi, iisve ad quos spectat eius sustentatio, ut plus quàm priuatæ opes ferunt, in vestitum impendant; vel si prauidet, ut meritò debet prauidere, aut saltem probabiliter dubitat, quòd odia vestium causa gignantur, dissensionésve in adibus fiant, vel quòd indumenti causâ coniux, aut aliorum quispiam blasphemias euomat, aut lucra contractusque illicitos exerceant: His adde eos qui ornatus gratia non sine peccato mortali supersedent eleemosynis necessariis, aut legata pia non exequuntur, aut similia quibus obstricti sunt, complere negligunt, vel qui pro veste mercedem operariis denegant soluere, vel differunt, aut ære alieno sic se obruunt, ut cum tempore, soluendo non sint futuri. In hoc etiam ordine ponendi sunt, qui ut se splendide vestiant, detrimentum proximo notabile inferunt; vel ita se exhauriunt, ut filias cum ad ætatem nubilem peruenerint, in matrimonio collocare non possint, qua ex re magna damna solent existere: ad extremum cum pudenter colligi possit, quòd non mediocria peccata similia iis quæ dicta sunt, inde prodibunt, aut dubitatio verisimilis habeatur, quòd accidere possent qualia ferè solent sumptuosum & insolentem earum usum comitari. In omni-

*Itaque si pœnitentem iis aut similibus impedimentis irretitum esse perspexerit, ipsaque occasio talis sit, quæ tum etiam reipsa existat, veluti quod concubinam alit, vel quid huiusmodi, Confessarius eum absolueri non debet, nisi prius illam ipsam occasionem prorsus abscindat.*

*In aliis verò, ut alea ludere communiter, in venereis aspectibus diu esse, conuersari periculose cum fœminis, perdurare in tactibus impudicis, si eis nuncium remittere non polliceatur, vel si spondeat, alias tamen cum de eodem fidem fecerit, vitam non emendauerit, absolutionem differat usque eò dum emendationis quadam argumenta videbit.*

*At verò cum vsuuenire possit, ut ex omnibus quæ solers ac circumspèctus Confessarius excogitauerit, nullum remedium tamen potuerit habere cur pœnitens absque periculo & scandalo magno debeat occasionem præscindere, utatur Confessarius his viis.*

*Primò absolutionis beneficium eo usque extrahat, donec emendationis indicia videat, maximè si absolutio citra aliquod illius periculum vel infamiam procrastinari possit, cæque doloris signa perspiciat, eam animi dispositionem, promptitudinèque suscipiendi omnia quæ pro eius emendatione necessaria Confessarius iudicabit, quo tempore remedia huiusmodi pœnitenti proponet, quæ magis opportuna magisque necessaria apparebunt: verbi gratia præscribet ei, ne solus unquam cum sola versetur, ut orationes augeat, corporis macerationem subeat aliquam, quòdque præcipuum est, ut frequenter confiteatur, aliæque similia, quæ si pœnitens recipiat in se poterit absolui.*

*Contrà verò si ab illa diligentia, quam vel ille, vel alius Confessarius iamdiu adhibuit, non se emendauerit, non absoluator, donec impedimentum sustulerit, vel nisi quid aliud à nobis acceperit quod conuenire videatur, ad quos in tali negotio recurreret, ut factum nobiscum expendat, ita tamen ut nulla fiat mentio peccantis.*

*Alterius generis occasiones, quæ videlicet ex conditione peccantium sumuntur, ea facta sunt; quæ etiam si per se licent, tamen probabiliter timetur, ne is qui confitetur, in eadem ipsa quæ olim admisit peccata relapsurus sit; si in eisdem operibus in quibus antea versatus est perseueret: tales ob mundi corruptelam plurimis solent in castris esse, mercaturam sequi, magistratus obire, aduocati & procuratoris officia exercere, aliæque id genus; quæ dum quis tractat, sit sæpe ut vocibus blasphemis, furtis, iniustitia, calumniis, odiis, fraudibus, periuriis, & aliis eiusdem farinae sceleribus, quibus Deus offenditur, tantam sibi eorum consuetudinem asciuerint, ut coniectari liceat, si in eisdem officiis maneant, cum se rursus eadem illæ oblatura sint occasiones, quòd fortiozem animum ad resistendum peccatis non opponent, quàm hæcenus fecerint, quòdque inde sequitur, in idem lutum ex integro prolabantur. Omnes qui sunt huiusmodi secundum D. Augustinum, vel negotium ipsis periculosum deponant, vel saltem absque licentia & obedientia p̃y ac probati Sacerdotis non exercent; qui quidem hominem eo modo constitutum absolueri non debet, si existimat ad eadem peccata rediturum, quandiu in antiqua consuetudine perseuerat: sed æquum est ut vitæ emendatio, & quadam illius approbatio per temporis interuallum expectetur. Atqui hic vigilandum est eò diligentius, quòd manifestum est hac in parte Confessarios incuriâ suâ maximam præbere causam, cur in omnibus ferè opificiis &*

exercitationibus publicis peccata grauissima inueniantur, & abusus intolerabiles, sine quibus multi hodie existimant nec res etiam per se acquisitas rectè exerceri posse.

Exempli gratia in magistratu adeundo & aliis officiis assumendis multa iuramenta reperiuntur, quæ seruari debeant; quæ tamen postea non seruantur.

Inter Consiliarios, Aduocatos, Procuratores, clientum pernicii ac damnis incumbitur, contra id quod propria conscientia dicat faciendum.

Idem fit in bello, ubi duellis locus datur, ubi odiis, homicidiis plena sunt omnia. Inter ludendum maledicta vigent, rapina, questus meretricij. Apud mercatores hæc regnant, usura, mercium fraudes, cum vel eas miscent, vel malas pro bonis in manum porrigunt, multoque pluris quam pretium iustum est, eas distrahunt; nec desunt periuria, mendacia, vectigalium fraudulenta auersio, aliæque eius ordinis permulta.

Plerique opifices festis æquè ac profanis diebus ita occupantur, ut nunquam neque cultui diuino vacent, neque conciones frequentent, nec se solum, sed ad similem modum totam distentam familiam habent.

Quamobrem magno numero inueniet Confessarius inter eos qui talia exercent, omnem vitam ferè in peccatis mortalibus duxisse, qui quidem absolutionis capaces existimari non debent, nisi diligentia prius accedat, qua simul & ab inuolucris huiusmodi liberentur, & fortiores contra peccatum reddantur.

Quod si Confessarius posuerit maiorem industriam in iis examinandis, non dubium est, quin plures deprehendet, qui numquam ut oportuit Sacramento penitentia peccata sua expiarint: quod cum fuerit ab eo animaduersum, ostendat eis præterquam quod de emendatione maiorem probationem facere debebunt, vel opificij genus in quo sunt, deferere, etiam totius vitæ confessionem instituerè, ac studio vehementi in salutem suam incumbere tenebuntur.

Multò magis Confessarius circa ea officiorum actionumque discrimina extirpanda allaborare debet, quæ nullam vel necessitatem Reipublicæ, vel utilitatem secum ferunt; quæ quamuis ex priori ordine rerum non sint, (illæ enim per se ad mortale peccatum inducunt, ac propterea necessario à quouis homine quocumque in statu relinqui debent) nihilominus tamen ad malè agendum inflentur, ac facillimo negotio sæpius ad diuersa peccata trahunt, ut choreis interesse, agere cum blasphemis, versari cum scurris, malorum se sodalitatibus hominum adiungere, tabernas frequentare, otio indulgere, similesque actiones in quibus ut plurimum peccare mortaliter homines solent, qui quidem antè non debent absolui, nisi animo abalienato penitus illa ipsa se deserturos esse polliceantur.

Et quidem si probabiliter sibi Confessarius persuadeat, posse se fidem primæ vel secundæ à penitente sibi promissioni factæ dare, eum promissionis intuitu absoluat; sin autem fidem semel atque iterum fregerit, ac tertio iam idem polliceatur, absolutionem differat, usque dum reipsa videat penitentem se omni peccato liberaffe in quo prius vixerat.

Eos propterea qui contractus nostris Conciliis prouincialibus nominatim prohibitos, vel per se aliàs illicitos exercent, non absoluat nisi prius rescindantur, satisfactioque conueniens pro eis præstetur. Si contractus dubij sint, antequam absoluat, ad Penitentiarium maiorem rem totam reiiciat, qui quidem illius ex-

plicationem ampliorem penes nos inueniet; sed hoc tempore, si pœnitens sufficientem dederit cautionem, quod futura definitioni sententieque acquiescet, poterit eum absolueret, & ad communionem admittere.

Sed ne quidem Iubilei alicuius tempore, qui ea quæ ex edicto publico, monitoriove Papali, vel Archiepiscopali notificare tenebantur, subticuerint, nullo modo absoluantur, nisi denunciationem ritè prius fecerint, ac omnibus quæ ob damnum inde secutum, obligati sunt, satisfecerint. Caterum ante restitutionem debitamque satisfactionem eos non absoluant, qui aliquatenus ad tale quid astricti sunt, modò id facere possint: eos tamen excipimus, qui ex graui periculosaque infirmitate decumbunt, quibus tamen præcipiat Confessarius, onereturque, ut quamprimum poterint, satisfaciant.

Postquam Confessarius omnibus suis præscriptis remediis diligenter usus fuerit, si impedimentum aliquod non videat, ob quod negare, vel differre debeat absolutionem: dicat pœnitenti, ut de peccatis omnibus quæ confessus est, reliquisque in vniuersum, quæ verbo, cogitatione, opere, vel omissione commisit, quorum non recordatur, culpam humiliter suam dicat, confessionemque claudat.

Quod ubi factum est, Confessarius ei, maximè si talis est qui rariùs confiteri solet, peccatorum grauitatem ostendat, ac speciatim ad ea sensim descendat, quibus eum nouerit magis inuolutum, iisque remediis contra eadem armet & muniat, quæ conuenientissima esse iudicabit. Proderit autem hac in parte Methodum Confessariorum bene tenere, vel Directorium, atque eiusmodi argumenti libros sibi facere familiares.

Deinde si fuerit necessarium, iniunget ei ut satisfaciat & restituat rem, famam, vel honorem, quæ proximo abstulerit; tum ubi præscripserit salutarem pœnitentiam, quemadmodum infra dicetur, eum absoluet.

Si forè pœnitens aliquam censuram incurrerit, à qua eum absolueret possit, antequam conferat absolutionem à peccatis, eam debet quæ è censuris datur præmittere; multum autem iuuat ad cautelam, si semper eadem præmittatur, quatenus scilicet potestatem habet, ac pœnitentem indigere arbitratur. Similiter si pœnitens casu aliquo reseruato teneatur, nisi licentiam absoluendi habeat, eum non absoluat; alias enim in excommunicationem incideret à Synodo nostra diocesana latam. Nec ipsi Regulares, quantumuis priuilegio quod Mare-magnum vocant, vel aliis quibusvis indultis gaudeant, à prædictis casibus, absque peculiari nostra licentia absolueret possunt: quemadmodum Gregorij XIII. Pontificis maximi sanctitas ex Cardinalium consilio, ad quos Concilij Tridentini interpretatio pertinet, declarauit.

Multò minus sese ingerent ad absoluendum à casibus in Bulla In cœna Domini contentis, vel aliis Sedi Apostolicæ reseruatis.

Atque ut omnes qui in nostra versantur Diœcesi, vnâ eandemque absoluendi formam obseruent, hoc quo sequitur modo absolutionem proferent. Sed interim admonemus omnes seriò ne verba ea omittant, in quibus tota Absolutionis vis consistit, videlicet: Ego te absoluo. Hic itaque omnibus sit præfixus absoluendi modus.

Misereatur tui omnipotens Deus, & dimissis omnibus peccatis tuis, perducatur te ad vitam æternam. Amen.



## 634 PANOPLIÆ SACERDOTALIS PARS II.

Indulgentiam, absolutionem, & remissionem omnium peccatorum tuorum tribuat tibi omnipotens & misericors Dominus. Amen.

Dominus noster Iesus Christus te absoluat, & ego auctoritate ipsius absoluo te ab omni vinculo excommunicationis, suspensionis & interdicti, si quod incurristi, quantum possum, & indiges. Deinde Ego te absoluo à peccatis tuis, in nomine Patris, & Filij, & Spiritus sancti. Amen.

Passio Domini nostri Iesu Christi, merita B. Mariæ semper Virginis, & omnium Sanctorum, & quidquid boni feceris, & mali sustinueris, sint tibi in remissionem peccatorum, augmentum gratiæ, & præmium vitæ æternæ. Amen.

*In satisfactionibus vel pœnitentiis, Confessarius circumspiciendus esse debet, ne adeo leues illæ sint & faciles, ut potestas clauium in contemptum veniat, ipseque particeps fiat, & consors aliorum peccatorum; neque nimis graues aut longæ iubeantur, ut vel recusent eas exequi, vel etiamsi acceptas habent, postea tamen plenè non perficiant.*

*Idcirco Confessarius canones pœnitentiales ad vnguem sciat oportet: nam quamuis illi possint & debeant secundum prudentis & morati Confessarij arbitrium mitigari, prout pœnitentis contritio, personarum qualitas, diuersaque conditio, aliæque circumstantiæ ostendent: utilissimum tamen est semper ipsos canones præ oculis habere, adque eos tanquam ad amissum respicere, quantum conueniens erit: & quidem Confessarius etsi pro modo antiquo canonum pœnitentiam non habet sequi, tamen pœnitenti nonnunquam articulos in iis explicatos tractabit, ut sic ad maiorem dolorem adducatur, pœnitentiæque leniusculam quam ipsi dedit, alacrius exequatur: & interim hæc quoque perspicietur utilitas, quæ proficiscitur ex benignitate quam hodie sancta Mater Ecclesia cum pœnitentibus obseruat, quando disciplinæ ecclesiasticæ rigorem eis tantoperè moderatur. Curet etiam ut satisfactiones peccatis commissis respondeant. Itaque aduersum peccata carnis, vigiliæ, peregrinationes, cilicia, aliæque similia imponet quæ macerare ac castigare possunt carnem. Contra auaritiæ peccata, præter restitutiones, quæ fieri debent, apponet opera misericordiæ pro facultate & modo cuiusque. Peccata superbiæ quæ in spiritu hærent, oratio comprimet, quæ sub potenti manu Dei homini humiliato fortitudinem animique constantiam acquireret. Præcipiet contra negligentiam in iis ediscendis quæ ad verum pertinent Christianum, conciones sacras, tum etiam ut ad certum tempus scholas & Catechistas Christianæ religionis frequentent. Remissis hominibus, quique in rebus conscientie suæ salutaribus frigide se gerunt, præcipiet ut adeant templa, diuinisque officiis assistant, multasque usurpent orationes.*

*At verò blasphemis & sacrilegâ linguâ in Deum & Sanctos petulanter maledicis, pœnitentias graues & difficiles iniungent, quæque culpæ grauitati respondeant. Qua in re Canonibus sacris, Pontificiis decretis, Concilio Lateranensi ac nostrorum Conciliorum statutis sese conformabunt. Verùm hac in parte integro iudicio & personarum delectu utentur: non enim omnibus omnia conueniunt: quare non mandent pauperibus, ut liberaliter tribuant eleemosynas, neque iis qui diurnis sudoribus victum sibi suisque quæritant, ieiunia prolixa; ac simile iudicium in reliquis pœnitentiis usurpabunt & sequentur. Videndum est*

etiam, ut qui publicis vel scandalis, vel sceleribus delinquant, non absoluantur priusquam satisfactionem item publicam, ac penitentiam peccato congruentem iis iniunxerint, ut simul cum emendatione vitæ malefacta publica benefactis resarciant; qua in causa Concilij Tridentini præscriptum observabunt, ac institutionem nostram super hac re in primo ac tertio provinciali nostro latam, qui etiam penitentias publicas in alias secretas non commutabunt, nisi expressam à nobis huius rei habeant potestatem.

Ut liberior sit Confessarius in exequendo officio quod illi cum penitente est, maioréque apud eundem in auctoritate habeatur in decernendis iis omnibus quæ ad penitentis salutem referuntur, non solum fugiet studiosè avaritiam, sed etiam omnem eius vel minimam suspicionem. Nominatim autem pecunias, vel aliquid huiusmodi pro Confessionum audientia non petet, etiamsi occasio se præbeat, ac ne signum quidem vel minimum eius ostendat, quin potius voce & re ipsa declaret animum se prorsus abhorrentem à talibus habere. Cum penitenti iubebit ut Missæ sacrificium faciat uspiam peragi, nec rectè nec obliquè significet, quasi velit ipse celebrare, vel in sua Ecclesia, aut monasterio curare celebrari.

Idem faciat in satisfactionibus iis, cum penitens vel debita incerta reddere pauperibus, vel pro votorum commutatione aliquid solvere debebit.

Sed neque pecunias aliâve quæ à penitente restituenda sunt propriis dominis, in se provinciam reddendi assumat, nisi necessitas id requirat, ut videlicet hoc modo penitens non prodatur: quod cum erit ab eo factum, curet ut is cui rem restituit chirographum suum in testimonium ei tribuat, ut illud penitenti consignet, ac planè eo modo procedat, ut omnem speciem ac signum avaritiæ subterfugiat. Præ omnibus autem Confessarius caucat ne verbis vel signis, vel quocumque alio modo peccatorem vel peccatum ipsum, vel aliquam circumstantiam personæ, cum qua peccatum perpetratum est, prodatur; denique verbum nullum ex ore eius excidat, ex quo aliquo modo, in peccati quantumvis levisimi, quod in Confessione dictum sit, notitiam veniri possit.

Cumque pro rei alicuius controuersæ quæ in confessionem incidit, clariore definitione consilium ab aliquo petendum erit, summa ad id prudentia adhibeatur necesse est: tractetur igitur vel cum iis hominibus, ac modo tali, ut is qui peccatum commisit nullo modo deprehendi possit. Ideoque consultum videtur, ut nullam planè apud alios mentionem faciat ullo tempore peccatorum, quæ in confessione audiuerit: quod si postea necessitate coactus, cum ipsomet penitente de peccatis loqui contingat, id nonnisi præfata venia faciat, & ipsum colloquium obtinebit vim confessionis quantum ad secreti silentium attinet. Si penitens à Confessario postulet, testimonium sibi dari, quo se eius confessionem audiuisse fateatur, quod illud dicat se velle Pastori suo ostendere, quod semper in confessione Paschali facere tenetur, eam secundum formam, quæ infra ponitur, scribat. Atqui eo quod attestatorum harum multa exemplaria impressa singulis dabuntur Confessariis, curet Confessarius, ut suas præ manibus habeat, nullisque eas tradat, nisi quorum confessiones audiuerit.

Attestationis formula hæc erit. Anno v. g. 1574. die .... mensis ..... Sacramentum penitentiae administraui N. .... habitanti in Parochia ..... Scribat in primo albo diem quo penitens confessus fuerit, secundo mensem, tertio

nomen & cognomen, quarto parochiam in qua pœnitens habitat. In calce Confessarius nomen & cognomen suum subscribat, cum titulo beneficij vel officij Ecclesiastici à quo communiter denominari solet, veluti Rector, Vicerector, Canonicus, vel Sacellanus Ecclesie N. .... vel si Regularis sit, habitans in monasterio N. .... Atqui quidquid in attestationum albis scribendum est, totum id ipsiusmet Confessarij manu scribatur, vel saltem dies mensis ac ipsius Confessarij subscriptio. Vtile præterea erit si Confessarij omnes in tabulis nomen & cognomen scribant eorum quibus dictas attestationes subscriptas tradiderunt, seruientque eas tabulas penes se, vel post Octauam Paschæ nobis, aut si in diocesi sint, vicariis nostris forensibus exhibeant, idque ut exactius animaduertere possimus, num fraus aliqua in dictis attestationibus à non confesso quodam facta sit.

Pro maiore Confessariorum instructione, atque in iuuandis eorum animabus, quibus pœnitentiæ Sacramentum ministrarunt, ut certa quadam forma vtantur, qua pœnitentes in gratia accepta perseuerare ac progressum facere doceant, inscriptas adiunximus admonitiones.

Confessarij omnes, quemadmodum Patres spirituales decet, circa pœnitentes suos summam prudentiam adhibeant necesse est, ut instruantur diriganturque paulatim ad virtutes Christiano homine dignas. Peculiariter autem industriam & studium suum erga eos magis explicare debebunt, qui in Patres sibi Confessarios suos cooptant, ut ad eos in dubijs & controuersis suæ conscientie rebus quotidie, tum pro consilio, tum pro expiandis peccatis possint accurrere. Qui quidem ad eum modum filios suos spirituales in bono proposito confirmare nitantur, ut constantissimè sibi proponant, potiùs quàm diuinam Maiestatem offendant mortaliter, non solum bona ac honores, sed etiam vitam profundere, viuùmque præferant & salutare desiderium secundum sanctissimam Dei voluntatem totam vitam suam expendere.

Quare finem ob quem creatus est homo eis ob oculos crebrò ponat; qui quidem est, seruire & obedire in hac vita diuinæ Maiestati, & in altera in omnem eternitatem eadem frui, aliâque similia; ac proinde debere hominem exsuscitare animum & vires sibi sumere, salutisque suæ cooperari, atque eatenus rebus omnibus uti, vel abstinere, quatenus ad hunc finem consequendum adminiculo, vel impedimento esse possit; ad extremum huc se totos, actionesque suas, atque vniuersa quæ in hac vita possident, destinare, ita ut in victu, vestitu, consuetudine vitæ, negotiis, omnibusque aliis exercitationibus ita sese gerant, ut omnia quasi quadam adiumenta eis esse possint ad vltimum finem cui conditi sint, consequendum.

Ceterum ipsi pœnitentes paratos sese exhibeant, non solum in earum rerum usu prudentiæ ac salutari consilio Confessarij libenter acquiescere, verum etiam si ille omnia planè vel aliqua ex iis quæ habent, deferenda esse iudicet, causa salutis eorum semper ei obediunt. Confessarius tamen iuxta vniuscuiusque conditionem ac statum ad finem supradictum eos diriget.

Proponat eis etiam modum orandi ut feret singulorum capacitas, & pro religiosa consuetudine omnes nitantur bis saltem in die facere preces ad Dominum, manè videlicet cum surgunt, ac vespere dum cubitum concedunt.

Deinde exhortabitur eos ut singulis diebus sacrum audiant, & diebus Dominicis diuina officia frequentent.

Par-

Particulatim autem modum eis præscribet orationes mentales faciendi, siue viri siue mulieres sint, modò tamen capaces sint : rudioribus autem ostendent quomodo Rosarium siue Coronam, Officium B. Virginis, Septem Psalmi pœnitentiales, aut similes aliæ orationes legi debeant.

Quod amplius est, omnes suæ fidei concreditos eò inducet, ut examen conscientie quotidie faciant : tempus autem huic rei accommodatum erit dum vesperti signo publico campanæ simul cum tota familia ad preces inuitantur. Admoneat quoque eos de frequenti confessione & communione, & paulatim eos secundum D. Augustini consilium, in sanctam eam consuetudinem adducat, ut diebus Dominicis communicent. Quando autem aliquem nacti erunt quem ad hoc præstandum esse videant inidoneum, conabuntur eum paulatim ac veluti per gradus quosdam eò euehere : primò hortabuntur, ut quando omnes debent percipere venerabile Sacramentum, etiam festis toto anno celebrioribus præter ipsum diem solennem Paschæ, quo debent omnes communicare, scilicet festo Pentecostes, Assumptionis B. Virginis, Omnium Sanctorum, Natalis Domini ; deinde etiam Dominica in capite Quadragesimæ, pro indulgentiis plenariis acquirendis, ac preparatione ad sanctum ieiunium Quadragesimale : paulò post superaddat aliquos dies : postea hortetur ut singulis mensibus semel id præstet. Quod si fiat, facile ad communionem octidianam erit progredi.

Speciali cura eos admonebit Confessarius, ut dies festos in honorem seruitiûmque diuinum impendant, quod ut commodius fiat, auctor eis erit ut alicui societati sese associent, quæ ex instituto proprio dies festos in orationibus piis&que operibus expendit : veluti est ea quam Scholam vitæ Christianæ dicunt. In uniuersum autem patres matrê&ve familias admoneat, ut familiam suam ad Dei honorem instituant, ac liberorum suorum curam eximiam habeant ; qui interim dabunt operam, ut visitent scholas ubi doctrina christiana docetur, modò ducant unâ secum eos festis diebus, ad conciones, ad vespertinas preces, ad prælectiones sacras, modò ad frequentem confessionem & communionem eos accommodent. Si qui ex filiis uxorem duxerint, curabunt parentes ut operâ maritorum etiam illæ Sacramenta frequentent ; vel si uxores sint, cum maritis similiter agant : qua in re in memoriam illis reducant quod S. Paulus ait : Maritus bonus (inquiens) sape uxorem Christo lucratur, similiter & mulier virum. Eis qui litteras norint, suadebunt ut libros aliquos pios & sanctè scriptos emant, (si modò faculias suppetat) quos & ipsi legant, ac faciant legi à tota familia circa vesperam, præcipuè diebus festis : tales sunt, Vita sanctorum Patrum, Gerson de Imitatione Christi, Opera F. Ludouici de Grenada, Exercitia vitæ spiritualis, & Rosarium D. Gasparis Loarte : Præctica orationis spiritualis P. F. Matthæi Capuccini, & alij similes.

Sapius diuitibus in mentem redigant eos dispensatores esse diuitiarum quas possident, quibus ordinem ac statum suum sustentare & alere possint ; verum id Christianè modestè&que faciendum esse, ut non solum in usu diuitiarum, non supra quàm eorum vires ferunt, sed potiùs infra aliquid expendere cernantur, quod etiam gentiles olim non solum verbis, sed etiam domesticis exemplis ostenderunt. Porro in eleemosynis liberaliter studeant excellere, ad hoc enim obligantur : ac ne fortè aberrant à modo conuenienti, hominum religiosè piè&que sentientium, consilium in his sequantur.




## 638 PANOPLIÆ SACERDOTALIS PARS. II. &c.

*Postremò secundùm uniuscuiusque modum & conditionem, omnibus & singulis ea præscribant adiumenta, quæ maxime necessaria, utiliâque esse iudicabunt, ut in via mandatorum Domini Dei sui ambulent & proficiant.*

FINIS.

SOLI DEO HONOR ET GLORIA.





# PANOPLIÆ SACERDOTALIS

POSTREMÆ PARTIS

LIBER III.


DE OFFICIO PRÆSIDENDI.

OPORTET SACERDOTEM PRÆESSE.

*Ex Pontif. Rom.  
tit. de ordinat.  
Presbyteri, in  
admonitione E-  
piscopi ad ordi-  
nandos.*

CAPVT PRIMVM.

*Sacerdotium, esse ordinem Principantem.*



SACERDOTIVM (ait ad Smyrnenſes diuinus Ignatius) omnium, in hominibus, bonorum ſumma eſt. Quod ideò ab initio mundi, fuiſſe reor designatum per luminare maius quod Deus creauit, ut diei præſſet. Ideo Sanctus Dionyſius, Hierarchiæ tam cœleſtis ſpeculator, quàm Eccleſiaſtica delineator ſolertiſſimus, Sacerdotium quidem huius eſſe docet decus & apicem: ſed idcirco bipartitum, quòd Pontificis ſeu Episcopi qui caput eſt, munus proprium ſit perficere, Presbyterorum verò ſeu inferiorum Sacerdotum, eos illuminare, quos Diaconorum induſtria purgando, ad illuminationem primùm, de hinc ad perfectionem Chriſtianam præparauit.

*In Epist. ad  
Smyrnenſes.*

*Genes. 1. 16.*

*Hierarch. Ec-  
cleſ. c. 5.*

Diaconi enim & inferiores Clerici ad illam Hierarchiam pertinent; ſed magnum occurrit inter ipſos & Sacerdotes diſcrimen: omnes enim ſacrorum Ordinum gradus in duo omnino genera diuiduntur, Principantium ſeu præſidentium, & miniſtrantium: Et prius quidem eſt Episcopi & Sacerdotum ſeu Presbyterorum; horum enim

LLII ij

munus est Deo sacrificium offerre, & Sacramenta conficere, præesse itidem Clero & populo, quamuis subordinatè hoc Presbyteris (videlicet sub vno Episcopo, qui omnium est vertex) competit. Alterum verò conuenit Diaconis, qui quoniam ministrantium sunt primicerij, genericum ministrorum nomen perferunt, quod ab iis in inferiores gradus defluit, propter officij sui prærogatiuam qua cæteris subordinatis ministrorum gradibus antecellunt.

Hunc Presbyterorum in Ecclesia sub Episcopo principatum tam  
*2. Timoth. 3. 17.* Apostoli docent, quàm SS. Patres agnoscunt & testantur. *Qui bene præsunt Presbyteri duplici honore digni sunt*, scribit ad dilectum suum discipulum vas electionis Paulus. Et ideo sic Presbyteros obtestatur & compellat Petrus Apostolorum princeps: *Seniores qui in vobis sunt obsecro consenior* (seu compresbyter) *& testis Christi passionum, qui & eius quæ in futuro reuelanda est, gloriæ communicatur, pascite qui in vobis est gregem Dei &c. secundum Deum &c. Forma facti gregis ex animo.* Iam verò Patres audiamus: S. Clemens lib. 6. Constitut. Apostolic. c. 2. Sacerdotes regere & præesse, eorumque potestatem regiâ præstantiorem, ex doctrina Apostolorum prædicat. Et lib. 1. c. 30. Presbyteri (inquit) *in formam Apostolorum à vobis censeantur.* Quæ doctrina est etiam S. Ignatij in Epist. ad Trallianos: Episcopo, inquit, *ut Domino subditi estote, sed & Presbyterorum collegio ut Domini Apostolis &c.* Episcopus Patris uniuersorum typus est; Presbyteri Dei confessus & cæterus Apostolorum Christi, sine iis Ecclesia Christi electa non est, non collectio sacra, non congregatio sancta. Et infra, *Quid Presbyterium? nisi collegium sacrum, Consiliarij & confessores Episcopi &c.* His qui inobediens fuerit, atheus omnino & impius fuerit, Christum contemnens & eius ordinationem imminuens. Et ad Antiochenos suos: *Mementote meritò Euodij* (primi vestri Antistitis, ab Apostolis ordinati.) *Presbyteri pascite gregem vobis commissum.* Et in epist. ad Heronem Diaconum, iubet ut ipse illis obsequatur, *Sacerdotes sunt enim, inquit, tu Sacerdotum minister, sicut Stephanus Jacobi & Presbyterorum Hierosolymis.* Origenes hom. 3. in Cantica, trabes cypressinas Episcopos existimat ceu validiores, & quibus fortitudo robustior, & suauitatis odor inest &c. Secundo horum loco, *tigna cedrina Dei domum tegunt & sustentant Ecclesiam, Presbyteri incorruptionis, virtutis, & odoris Christi scientiæ pleni signantur.* Sed & hom. 2. in Cantic. Vidit Regina Saba sedem puerorum Salomonis; *Ecclesiasticum* (ait) *puto ordinem, qui in Episcopatus vel Presbyterij sedibus habetur.* Vidit & ordinationes siue stationes ministrorum eius, Diaconorum scilicet. Vbi manifestum est, Presbyteris, quia præsunt sedes, ex more Ecclesiæ iam recepto, assignare; Diaconis verò quia tantum ministrant Episcopo & Presbyteris, standi locum concedere in illorum conspectu. Porro Tertullianus Origene antiquior, Presbyteros qui cælesti alimonia pascunt fideles & sacros regunt cæterus ex usu florenti adhuc Ecclesiæ probato, *Præsidentes* appellat, lib. de Corona Militis. Vbi etiam nominatim Episcopum, seu Antistitem ut nominat, ab his distinguit \*, S. Athanasius in Apol. 2. epist. ad

\* Videndus idē Tertullianus in Apolog. c. 39. & in præscript. c. 41. & lib. de ieiunijs, sub finem.

Prætorij in Ægypto Præfectos, asserit Presbyteri ius esse propriæ Ecclesiæ præesse, & Clericos ac populum habere sibi obsequentes. S. Chrysostomus hom. de Adam & Eva, atque etiam in sua Liturgia non semel, docet pro Presbyteris orandum esse qui post Episcopos Ecclesiæ præsident. S. Augustinus lib. de fide & operibus, c. 17. appellat Presbyteros *Ecclesiarum Præpositos*, & quamvis Episcopo inferiores, tamen cum illo hominum piscatores à Domino in Apostolis designatos. Matth. 4. 1. quia præsident Presbyteri ideo præsentē Episcopo etiam in Ecclesia sedent. Hinc Concilium IV\*. Carthaginense statuit ut in Ecclesia Episcopus quidem sublimior sedeat; intra domum verò se Presbyterorum collegam esse agnoscat, ideóque ubicumque sedet Episcopus, Presbyterum stare non patiat. Quamobrem ægrè fert S. Hieronymus, Diaconorum quorundam audaciam, qui absente Pontifice, sedere cum Presbyteris præsumebant, contra constantem ubique Ecclesiæ consuetudinem, & canonicam disciplinam; siquidem rectè & eleganter suo more ait S. Cyprianus, *Proprius Presbyteri honos est ut stet coram Domino & nobiscum sedeat*. Hinc apud Patres illa pars Ecclesiæ quæ sacrario proxima est, presbyterium appellatur, quia ibi erat presbyterorum sacris cum Episcopo operantium venerandus confessus. Quem *Senatum Ecclesiæ* scitè & appositè S. Hieronymus ea propter appellat Epist. 4. ad Rusticum; *Ecclesia* (inquit) *habet Senatum cætum Presbyterorum*. Et rursus in Isaiam c. 3. *Et nos in Ecclesia habemus Senatum nostrum, cætum Presbyterorum*. Sed ne cuiuspiam prolixior hæc inductio videatur, à fusiori auctoritatum indagine lubens abstineo; si modò dumtaxat subiunxero hanc præclaram sententiam Concilij II. Aquisgranensis, c. 5. *Presbyterorum qui præsunt Ecclesiæ Christi & in consecratione diuini corporis & sanguinis consortes cum Episcopis sunt, ministerium esse videtur ut in doctrina præsent populo & in officio prædicandi, &c. Nec in aliquo desides inuenti appareant &c.* Item, ut de omnibus hominibus qui ad eorum Ecclesiam pertinent per omnia curam gerant, scientes se pro certo reddituros rationem in die iudicij, quia cooperatores oneris nostri procul dubio esse noscuntur. Vbi duo notatione singulari digna animaduerto, scilicet quòd illa Synodus quando de consecratione Eucharistiæ loquitur, Presbyteros *consortes cum Episcopis* esse dicit: cum verò de prædicatione verbi diuini, de cura animarum, regimine Ecclesiæ & sacris religionis muneribus agit, tum Presbyteros tantum appellat *cooperatores oneris Episcopalis*. Sanè enim non incogitanter excidit istis Patribus illa diuersa Presbyterorum nuncupatio; quæ si penitiùs consideretur, medulla sensûs optimi quæ in iis verbis delitescit, facilè apparebit.

Opportunè huic enucleandæ mihi hîc occurrit Angelicus Doctor, qui cum Magistro Sententiarum, lib. 4. dist. 24. discrimen quod extat inter Episcopum & Presbyteros, perscrutando, 2. 2. q. 184. 2. 6. ad 1<sup>m</sup>. & 3. p. q. 82. a. 3. ad 3<sup>m</sup>. ubi asserit Episcopalem potestatem altiore esse Sacerdotali, quòd ad plura se extendat. Suam verò sententiam sic liquidius exponit: sicut militibus exempli gratiâ, Dux præficitur,

LLll iij

In epist. ad E.  
nag.





iudicio sint annunciaturi iustitiam. S. Cyprianus De bono patientiæ legit, *Colligite illi iustos eius*: quo nomine omnes sancti cuiusque sint status & ordinis designantur. Alij (vt sanctus Thomas) hoc extendunt oraculum ad omnes fideles, qui Deum in vera fide adorauerunt, quique in iustitia & misericordia coram eo hac in vita ambulauerunt. Verùm illa restrictio, *qui ordinant testamentum eius super sacrificia*, neque omnes sanctos, neque cunctos fideles patitur admitti.

Qui igitur per Christi Testamentum, Eucharistiam exprimunt, hoc est incruentum Missæ sacrificium, & magnum pietatis Sacramentum, aptius intelligunt, per *Sanctos*, qui diuino hoc præconio ad Christum honorificandum speciali ex officio inuitantur, Ecclesiæ Catholice Sacerdotes, quorum munus proprium est Christi testamentum super quotidiana sacrificia (quæ iugiter ad diem vsque extremi iudicii perdurabunt) rectè, piè & religiosè celebrare.

Certè S. Chrysostomus, eleganter & appositè, in tractatu *Quòd Christus sit Deus*, locum hunc Dauidicum de Eucharistiæ sacrificio, veteribus Iudæorum abrogatis per Christum, intellexit. Fauet & textus vulgatæ editionis, qui vt quædam antiqua exemplaria ferunt, non habent *Ordinant* in præsentì, sed *Ordinent* in optatiuo, quasi propheta diceret, *vt ordinent* seu ad ordinandum testamentum eius &c. In psalterio Romano legitur in præterito, *qui ordinauerunt*; sed S. Augustinus legit *qui disponunt*. S. Cyprianus præcitato loco de bono patientiæ, & 2. testim. n. 28. exscribit, *qui disponunt testamentum eius in sacrificiis*. Quasi diceret, qui administrant altare eius, & offerunt super illud noui Testamenti sacrificia, seu sacrificium illud singulare nouæ legis, quod vnum est & multiplex, quin *omnes continet* (vt scitè ait S. Leo) *differentias hostiarum*. Vnde mihi planè Psalmorum interpres non quidem antiquus, sed pereruditus placet, qui commodè proponi & tractari posse censet locum istum in Synodali sermone *ad congregatos Sanctos*, id est Sacerdotes.

Sanè Petrus Blesensis, Bathoniensis quondam in Anglia Archidiaconus, per plures sermones habuit in synodicis confessibus, qui editi extant cum aliis aureis eius opusculis. Ab illustri loco Scripturæ pro themate assumpto, singulos hos sermones exorditur, siquidem primi initium est, *Si dixerit vobis Pharaos, quod est opus vestrum? Respondete, viri pastores sumus*. Genes. 46. 34. Secundi, ex Osee 12. 13. *In manibus prophetarum assumilatus sum*. Tertij, ex Ps. 2. 10. *Erudimini qui iudicatis terram*. Quarti, ex Ioan. 15. 16. *Non vos me elegistis, sed ego elegi vos, & posui vos vt eatis, & fructum afferatis, & fructus vester maneat*. Sexti, ex Thren. 2. 10. *Sederunt in terra, conticuerunt senes custodes filia Sion*. Septimi, ex Ioan. 12. 26. *Qui mihi ministrat me sequatur*. Octauj, ex Thren. 4. 4. *Paruuli petierunt panem, & non erat qui frangeret eis*. Noni, ex Ps. 40. 1. *Beatus qui intelligit super egenum & pauperem*. Decimi, Stetit Angelus iuxta aram templi, habensthuribulum aureum in manu sua, & data sunt illi incensa multa. Vndecimi, ex Ps. 48. 13. *Homo cum in honore esset, non intellexit, &c*. Selecta sanè sunt sacra illa themata & valde apposita,

a. Is est inter  
alios 37.  
b. 38.  
c. 39.

Apoc. 8. 3.

sed locus hic pro exordio non minùs congruè vsurpari potuisset ex Pl. 49. 5. *Congregate illi sanctos eius, qui ordinant testamentum eius super sacrificia.* Hoc enim rectè Sacerdotibus conuenit, quorum dignitas sancta est, sacra vnctio, officium planè diuinum; versatur enim præcipuè circa incruentum sacrificium offerendum, cuius hostia Christus est. Non Angelis competit tam admirabile munus, sed iis hominibus quos ad hoc opus Christus ipse elegit & sanctificauit præcipuo gratiæ suæ dono; Angelos ideo Spiritus sanctus per Prophetam non compellat ad Christi testamentum super sacrificia ordinandum: sed dumtaxat ad excitandum & colligendum circa altare suum, sanctificatos illos homines qui testamentum suum exequentur, cùm quod illis commendauit dicens, *Hoc facite in meam commemorationem*, efficiunt eo quo iussit ritu, & quo par est metu & reuerentiâ.

1. Cor. II.

In veteri Ordine Romano, tit. de ordinatione Presbyteri, in allocutione præsentis Episcopi ad populum, hæc inter cætera habentur: *Nec frustra à Patribus reminiscimur institutum, ut de electione eorum qui ad regimen altaris adhibendi sunt, consulatur & populus &c. ut faciliùs quis obedientiam exhibeat ordinato, qui assensum præbuit ordinando.* In Romano Pontificali quamuis quædam in hac allocutione Episcopi mutata fuerint, citata tamen verba seriatim retinentur; ex quibus hæc præsertim nostro intento conferunt, quibus dicitur ordinandus Presbyter, *adhibendus ad regimen altaris.* Quæ loquendi formula magni ponderis est, siquidem secundum Patres & Theologos, Presbyter sacrificium offerendo, altari sacro assistit, at non tantum ordinatur, ut altari assistat & in eo offerat: sed ut ipsum altare regat & gubernet, id est superintendat & altaris decoro, & ministrorum officio, quia altaris & sacrificij est custos & præses.

Hinc dilectus Iesu discipulus, Apoc. II. refert accepisse se ab Angelo mandatum, ut non tantum templum, sed & altare, in calamo sibi dato dimetiretur: *Et datus est mihi calamus (ait) similis virgæ, & dictum est mihi, surge & metire templum Dei & altare & adorantes in eo.*

Omnia quæ sunt in mundo, aliquâ mensurâ continentur, nam Deus omnia fecit in pondere, & numero, & mensura. Sap. II. Mensura verò, id est intra cuius ambitum omnia continentur, & per quod rerum qualitates & quantitates cognoscuntur, & per quod res alteri comparatur & proportionatur. Rerum idcirco omnium aliqua propria mensura est, v. g. rerum mobilium mensura est tempus, rerum incorruptibilium æternitas; porro visibilium est mensura visus, sonorum auditus, & sic de cæteris. Sapienter Tertullianus lib. 2. aduersus Marcionem, c. 12. concentum rerum omnium in vniuersa mundi machina ad Dei bonitatem & iustitiam reuocauit: *A primordio, inquit, creator tam bonus quam iustus, pariter ad utrumque processit; bonitas eius operata est mundum, iustitia modulata est.* Quasi diceret diuina iustitia orbem veluti citharam concinnauit, creaturâsque omnes tanquam fides argutissimas suis quasque locis disposuit quodam iustitiæ iure; unde

unde Psalmista ait, *Virga æquitatis, virga regni tui*. Naturæ enim hoc Ps. 44.  
singulorum exposcebant, ut suauissimæ ex omnibus concentus, qui  
Dei tum potentiam, tum sapientiam quæ consilium est bonita-  
tis eius, sonaret, mirificè redderetur. Quemadmodum ipse Tertul-  
lianus solerti quo solet mentis acumine sensit, & his verbis quæ præ-  
signatis cohærent, pulchrè & eleganter expressit: *Iustitiæ opus est, quod*  
*inter lucem & tenebras, inter diem & noctem, inter cælum & terram, in-*  
*ter aquam superiorem & inferiorem, inter maris cetum & arida molem, in-*  
*ter luminaria maiora & minora, diurna atque nocturna, inter marem & fæ-*  
*minam, inter arborem cognitionis mortis & vitæ, inter orbem & paradisum,*  
*inter aquigena & terrigena animalia separatio pronunciata est; anima ut bo-*  
*nitatis concepit omnia, iustitia destruxit; omnis situs, habitus elementorum, ef-*  
*fectus, motus, status, ortus, occasus singulorum indicia sunt creatoris.* Ideo  
iudicis nomen in ipso principio Genesæ, Deus sibi assumpsit, ubi e-  
nim Deus primò ponitur, legitur in Hebræo *Elohim*, quod iudices in  
plurali designat, quoniam Deus scilicet vnus in essentia, trinus in  
personis, in condendis creaturis quandam distributiue iustitiæ ra-  
tionem seruârit, suos cuique gradus, ordinem & locum tribuendo  
iuxta singularium naturam.

Hoc præmissio theoremate, iam quæramus quid hoc sibi velit  
mandatum, quo iussus est dilectus Iesu discipulus, altare & eos qui Apost. ii.  
adorant in eo dimetiri?

Fuit, inquit S. Hieronymus lib. i. contra Iovinianum, *Beatus Ioan-*  
*nes Apostolus, Euangelista & Propheta, & quod singulare est, sine sanguinis*  
*effusione Martyr.* Addit Polycrates apud Eusebium, *Sacerdos & Ponti-*  
*fex;* hoc titulo ad altare diuinum accedit; eodémque iubetur metiri  
templum & altare, & eos qui adorant in eo; ad hoc ei datus est ca- Psalm. 44.  
lamus, sed similis virgæ, quæ indicium est regalis & iuridicæ potesta-  
tis, iuxta illud, *Virga æquitatis, virga regni tui*, seu sceptri tui, ut san-  
ctus Hieronymus legit, sed vulgata editio habet *virga directionis*, re-  
ctè enim in Græco habetur *ὄργανον*, quia scilicet Deus Christus gu-  
bernat iudicatque itidem iustè, purè & sincerè; quo etiam modo  
vult Apostolos suos & Sacerdotes iudicare. De hac iudiciaria potesta-  
te scribebat ad Corinthios, ep. i. c. 4. Paulus Apostolus, *In virga*  
*veniam ad vos?* Datus est igitur Ioanni, Sacerdotali iure & honore, ca-  
lamus virgæ similis ad metiendum altare Domini, & eos qui ado-  
rant in eo: quia Deus Sacerdotes suos hoc insigniuit honore, ut non  
modò sacrificium sibi excellentissimum & totum diuinum, incruen-  
tè super altare suum offerrent: sed quia facultas directiua, sine cor-  
rectiua, vel coactiua potestate prorsus est inefficax & inanis, dedit  
eis non solum virgam directionis, sed virgam quoque æquitatis at-  
que iustitiæ, & ut habetur Psalm. 109. *Virga diuinæ virtutis*, non tan-  
tùm ad arguendum, monendum & increpandum, sed etiam ad cor-  
ripiendum & percutiendum quotquot diuinis placitis & Sacerdota-  
libus monitis renituntur: *Nam arma militiæ nostræ non carnalia sunt,*  
(ait Apostolus 2. Cor. 10. 6.) *sed potentia Deo &c. In promptu habemus*




*ulcisci omnem inobedientiam.* Quamvis ideo altari Sacerdos non adfit ad dirimendas lites, certè non est tamen sine virga eadèmq̃ iuridica, nam *ius* habet *metiendi altare & adorantes in eo*, id est primùm iudicandi de altari ipso, an sit sacrum vel pollutum, fractum, vel integrum, & si suo nitore fulgeat, vel congruo ornatu careat. At etiam potest iudicare de iis qui suo sacrificio assistunt, si humiliter scilicet & modestè, piè & deuotè adsint tremendo huic mysterio, vel indignè accedant, & irreuerenter se gerant in huius diuinæ oblationis vel celebrationis, vel participationis. Proh dolor! hodie videmus eò res deuenisse, vt sacrificanti Sacerdoti nemo ausculteretur. Monet Sacerdos vt sursum corda erigamus, gratias Deo agamus, nihil nisi cœleste & diuinum meditemur: at interim plerique vagantur & nugantur, mundi & carnis illecebris defixum cor habent. Scitè hîc & appositè Beatus queritur Chrysostomus hom. 24. in Acta: *Interim alios video stare & nugari dum preces fiunt &c.* & non solum dum preces fiunt, sed etiam dum Sacerdos benedicit. O audaciam! quando erit salus! quomodo poteris Deum placare? Nescis quod cum Angelis stas, cum Angelis cantas, cum illis hymnos dicis? Et non esset mirum si fulmen demitteretur non solum in illos, sed etiam in nos, digna enim fulmine sunt hæc. Adest Rex, inspectat exercitus, & tu in illorum conspectu stas & rides, vel ridentem negligis. Verùm quamdiu obiurgamus, quamdiu reprehendimus? Nonne vt damnosos, & vt fures, vt corruptos, & perniciosos tales & innumeris malis plenos ab Ecclesia exigi oportebat? Ita sanè; sed à quo cùm abest Episcopus, nisi à Sacerdote, qui sanè in illo horrendæ horæ articulo ius habet; illos tanti sacrificij contemptores, non solum monendi, sed corripiendi & ab altari arcendi & abigendi. Dicat igitur cum Angelo: (nam & Sacerdos Angelus Domini exercituum est \*) *Foris canes, & venefici, & impudici, & homicide & idolis seruientes, & omnis qui amat & facit mendacium.* Procul, procul este profani! *Sancta Sanctis*, exclamat in Liturgia S. Chrysostomi assistens Sacerdoti Diaconus. Et sanè Sacerdos tunc si pius & timoratus est, plurimùm angitur & occupatur; sed eius vice Diaconus qui ei ministrat, cùm sit liberior, eos qui procaciter se gerunt, dum diuina fit actio, corripere debet & obiurgare. Verùm si non adest Diaconus, (vt non adesse solet nisi in Missa solenni) aut ipse sit segnior, tanta verò sit quorundam impudentia, quin & irreligio ac impietas, vt altari & sacrificio per hos grauis iniuria vel contemptus irrogetur: tunc hercle tempus non est tacendi, sed loquendi, durèque hos impios increpandi publice arguendo (vt monet Apostolus) qui publice peccant. Sic cœlesti virga iuxta imperium Dei, altare dimetietur & adorantes in eo.

\* Malac. 2.  
Apoc. ult. 15.

1. Tim. 5.



## CAPVT III.

*Sacerdotis proprium esse officium præesse sacris.*

*Si quis extra Ecclesiam, seorsum, Conuentus celebrat (ait Gangrensis per antiqua Synodus, c. 6.) & despiciens Ecclesiam, ea quæ sunt Ecclesia voluerit usurpare, non conueniente Presbytero, iuxta præceptum Episcopi, anathema sit. Præesse enim in Ecclesia absente Episcopo sacris quibusque officiis, proprium Presbyteri munus est, adeo vt qui sine Episcopo,*

*Refertur dist. 30.  
si quis extra  
Eccles.*

*vel Presbytero congregat Clerum vel populum, dignus sit, vt habet canon iste, qui Antistitis iudicio anathemate feriat, etiam si sit Diaconus, cuius sanè congregare populum, multò minùs Clerum, & diuinis præesse officiis per se ius nullum est. Hinc sanctus Clemens, lib. 2. Constit. Apostolic. c. 57. Sit solum Episcopi in medio positum, & ex utroque eius latere sedeant Presbyteri, & adsint Diaconi succincti & expediti sine multa veste: quia videlicet eorum munus est mandata Episcopi vel Sacerdotum exequi, hâcque & illac discurrere, non autem præesse sacris. Scitum est illud S. Hieronymi in Dialogo contra Luciferianos, vbi de Hilario Diacono, qui antesignanum egerat suæ partis. Cum homine periit pariter & secta, quia Ecclesia non est quæ non habet Sacerdotes. Clerus igitur Sacerdote inferior, populûsque quantumlibet numerosus conueniat, non est congregatio legitima, nec censerî potest Ecclesia, neque ille cœtus, quia Ecclesia non est, quæ non habet Sacerdotes, quibus ait idcirco Dominus, vos estis sal terræ, vos estis lux mundi, ad innuendum nihil esse plebem, vel Clerum sine Sacerdote, nisi cibum inconditum & corpus cæcum, quin & corpus truncum, vtpote acephalum.*

*Matth. 15.*

*Præsidet cuique cœtui (ait Tertullianus in Apolog. c. 39.) probati Seniores (hi sunt Presbyteri) honorem istum non pretio, sed testimonio adepti. Sed cui cœtui præsunt? paulo antè exprimit. Corpus, inquit, sumus, de conscientia religionis & disciplina unitate, & spei fadere. Coimus in cœtum & congregationem, vt ad Deum quasi manu facta precationibus ambiamus orantes. Hæc vis Deo grata est. Oramus etiam pro Imperatoribus, pro ministris eorum & potestatibus, pro statu sæculi, pro rerum quiete, pro mora finis. Cogimur ad diuinarum litterarum commemorationem &c. Certè fidem sanctis vocibus pascimus, spem erigimus, fiduciam figimus, disciplinam præceptorum nihilo minus inculcationibus densamus; ibidem etiam exhortationes, castigationes & censura diuina. Quæ omnia non solum in Ecclesia, cui præsidet personaliter Episcopus, sed etiam vbi præest Presbyter, locum habent, vt etiamnum in parochiis conspicitur, vbi sicut ait Tertullianus, præsidet quique seniores, honorem istum non pretio, sed testimonio adepti.*

*Præsidet, inquam, proprii cuique cœtui Sacerdotes, altari, sacrificio, Sacramentis, exhortationibus, correptionibus, concioni,*

MMmm ij

1. Cor. 14.

catechesi, diuinis præconiis & quibusque aliis Ecclesiasticis officiis ac sacris exercitationibus, ut omnia, sicut ait Apostolus, in Ecclesia cum ordine fiant. Nullus autem ordo esse potest, nisi ubi omnia sub vno certo principio continentur & ab eo pendent, ut rectè & conuenienter disponantur & dirigantur. Quærit S. Cyprianus, quid sit Ecclesia? sapienter verò & adæquatè respondet, *Est plebs Sacerdoti adunata, & grex pastori suo adharens*: Non enim potest aliter grex adunari, nisi vni pastori subiecta sit; nec plebs Christi vllus cœtus censeretur, nisi Sacerdoti connectatur, qui Christi vice, fideles vnum in cœtum conciliet tanquam corpus capiti coaptatum.

Sed non est hic locus latius exspatiandi, de hac Sacerdotis in sacris prærogatiua: quam quoad directionem & celebrationem diuinorum officiorum, aliàs explicauimus, scilicet in nostro opere de horis Canonicis. Quoad sacrificium, hoc in opere lib. 1. huius 2. partis. quoad officium benedicendi, lib. 2. quoad munus prædicandi, libro proximè sequenti. quoad officium catechizandi in Panoplia nostra Clericali, part. 2. lib. 8. quoad præfecturam Tribunalis penitentialis suprâ part. 2. lib. 2. in fine. Quod verò spectat ad regimen animarum, iam dicturi sumus cœpite huic proximè subiuncto.

## CAPVT IV.

*De Præfectura animarum, quibus præsidet proprius Sacerdos.*

## ARTICVLVS I.

*Debitum gregis erga Pastorem.*

Heb. vlt. 17.



Rom. 13.

**O**BEDITE Præpositis vestris & subiaccete eis. Ipsi enim peruiigilant, quasi rationem pro animabus vestris reddituri. Ut cum gaudio hoc faciant & non gementes, hoc enim non expedit vobis. Magna cum teneritudine animi, hanc obedientiam & subiectionem Christianæ plebis erga Pastores suos, Apostolus fidelibus commendat; nec enim dicit solùm obedite, ad innuendum iubendi quæ Pastoribus inest, legitimam auctoritatem, ut pote à Deo institutam, quia ut alibi ait, non est potestas, nisi à Deo: sed addit, subiaccete, scilicet non tantum propter iram, sed etiam propter conscientiam; non tantum quia necessitas vos compellit, sed quoniam multò erit vestra obedientia Deo acceptior, si spontanea fuerit & ex animo lubenti ac consentaneo prodeat. Sit igitur obedientia humilis, prompta & expedita, nec tamen gratis hæc exhibetur, debita est enim optimo iure: siquidem ipsi Pastores vigilat pro vobis. Quod si Regibus tributum, honorem, obedientiam vltro rependitis quòd corpora vestra custodiant, bonæque caduca & temporalia conseruant, dum Rempublicam tuen-

tur : quid non (obsecro) vestris Pastoribus par est vos reuerentiæ, obedientiæ & subiectionis deferre, qui pro vestra æterna salute, perennes agunt excubias, & Deo in extremo examine sunt pro vestris animabus rationem supra modum exactam reddituri. Magna est sanè Pastoris occupatio, totus enim oculus antè & retrò esse debet : sed longè maius periculum, nec enim satis est vt sibi prospiciat, de ouibus creditis saluandis non minus quàm de seipso sollicitum esse oportet : rationem enim non solum pro seipso redditurus est in tremenda illa die, qua *iustus vix saluabitur, & iudicium à domo Dei incipiet* : <sup>1. Pet. 4.</sup> sed de animabus insuper quas Christus redemit sanguine suo, quasque fidei eius commisit eo fine, vt die ac nocte illarum saluti inuigilet, earumque salutem quibusque possit modis promoueat. Vide quantum sit onus Pastorum & Rectorum, tam Episcoporum quàm Presbyterorum ; inferiori enim ordini tantum munus non imponitur. Horret animus tremendam referre sententiam, quàm magnus Doctor & Antistes Chrysostomus, Apostoli hæc verba perpendens pronunciat hom. 34. *Miror, si potest aliquis Rectorum saluari? Quæ meditatio Marcellum II. optimum Pontificem in tantas animi angustias coniecit, vt non diu tantam sarcinam ferre potens, vix adhuc in Pontificatu elapso mense, obierit, interim semper dictitans, Miror si quissiam hominum in hac sancta Sede saluari possit.* Et tamen vt ait S. Bernardus ad Eugenium : *Locus iste sanctus est : locus enim est Petri : & tot sanctorum eius successorum, qui partim martyrio, partim insigni vitæ sanctimonia, doctrinæque insignis & sanctæ sollicitudinis meritis, hinc ad superas sedes tam fortiter quàm feliciter triumphato mundo peruenierunt.* Sed de calamitosis his temporibus (vt reor) Marcellus II. hoc verbum intelligebat, quia dies adeo mali sunt, vt iam Christi Domini oraculum impleri videatur, vt *ipsi etiam periclitentur Electi.* Nec est quod <sup>Matth. 24. 24.</sup> inferiores Pastores se tutos ab hoc discrimine existiment, eo quod minus graui pondere onerentur, saluari enim poterit Pontifex, cui ferendus orbis incumbit ; & Episcopus qui hominum myriades pastoralis suæ sollicitudini subiectas habet : Et è contrà damnari Parochus, non dico, qui millia quædam animarum suam in curam susceperit, at qui vel paucas habet fidei suæ commissas ; ideo *bonus Pastor cognoscit oues suas & vocat nominatim*, quia sigillatim de vnaquaque coram Deo rationem in tremendo iudicio redditurus est. Dicit misericors ille Samaritanus stabulario, cui sauciatus à latronibus hominem commendabat, *Curam illius habet & quicquid pro eo supererogaueris, cum rediero reddam tibi.* <sup>Ioan. 10.</sup> Quid igitur, si quem curare hic debuerat, occiderit, in reditu commendatoris ab eo auditurus est, nisi, *sanguinem eius de manu tua requiram ; etenim quia non pauisti, occidisti?* <sup>Luc. 10. 35. Ezech. 3. 18.</sup>

Crescit vehementer gregis debitum erga suum Pastorem ex tanta Pastoris in gregem suum obligatione ; quamobrem Apostolus hoc mortuum pro præcipua ratione inculcauit : *Ipsi enim peruigilant quasi rationem pro animabus vestris reddituri.* <sup>Heb. vii.</sup> vrget deinde ab ipso fidelium commodo & incommodo : valde enim saluti plebis hæc eius subiectio &



obedientia conducit, *Ut cum gaudio hoc faciant*. Si enim pastoribus suis Christiani, ut par est, subiiciantur eisque alacriter obediant, hæc obedientia onus pastorale leue, suaue ac pergratum facit : at è contra longè onus aggrauat peruicacia inobedientis gregis, idcirco addit Apostolus, *ut non faciant gementes, hoc enim non expedit vobis*. Gemunt enim pastores sub onere regiminis, dum ex plebis malitia suos labores irritos & frustraneos esse conspiciunt, sic gemunt & suspirant ; ascenditque iste gemitus ad Dominum, qui iniuriam ipsis illatam ut suam propriam intuetur atque vliscitur, sicut Moysis & Aaron irrogata dudum ab Israëlitis aspexit gemitus, opprobriaque vindicauit, sicut & Samuëlis audiuit clamorem, cui respondit, *Non te abiecerunt sed me, ne regnem super eos*. 3. Reg. 8. 7. nam & Apostolis suis, eorumque in animarum regimine successoribus ait : *Qui vos audit me audit, & qui vos spernit, me spernit, & eum qui misit me*. Porro in extremo iudicio, pronunciabit, *quod uni ex his fratribus meis minimis fecistis, mihi fecistis*. Matth. 25. 40. Si suum igitur officium Pastores obeunt, graue hinc detrimentum eis qui causa sunt huius mœroris profectò impendit. Pœnam inobedientiæ & rebellionis luent apud Deum, qui quem pastorem dederat utilem, auferet ingratis, desidémque patietur constitui, *qui cæcus cæcos ducens, sese cum eis præcipitabit in exitium sempiternum*. Satiùs esset nullum habere pastorem, quàm lupum rapientem & dispergentem oues sub fucato pastoris nomine pati. Et tamen quis possit enumerare pericula atque detrimenta, quibus grex exponitur, dum pastoris destituitur solatio : grex enim qui pastorem non habet, est sicut exercitus sine duce, sicut chorus sine coryphæo, sicut nauis absque nauarcho, sicut familia sine patre. Expedit igitur ut vnaquæque diœcesis habeat suum Episcopum, & quælibet parœcia Parochum seu proprium Sacerdotem, cui ut ordo & harmonia in Ecclesia conseruetur, ab omni fidelium grege ut duci, ut coryphæo, ut nauarcho, ut patrifamilias promptè & alacriter iuxta præceptum Domini obtemperandum est.

Luc. 10.

Matth. 25.

Id. 8.

## ARTICVLVS II.

*Officium Pastoris erga gregem suum.*

**I**N Episcopali Monogamia, atque Panoplia Episcopali perplura de Episcopi officio perscripsimus. Hic de Presbyteris quibus propriæ plebes ad regendum cum parochiali Ecclesia assignantur, locus exigit ut saltem obiter tractare incipiam.

*Qui bene præsunt Presbyteri* (ait Apostolus 1. Timoth. 5. 17.) *duplici honore digni habeantur, maxime qui laborant in verbo & doctrina*. Iam enim ex quo Christi sunt Sacerdotes & Ministri, Ecclesiæ duces & custodes & animarum curatores ac pædagogi, honor non vulgaris debetur. Quamobrem Calvinus teterrimus Catholicæ Ecclesiæ hostis, postquam in Ecclesiasticorum virorum plerosque gradus, statûsque dirè debacchatus est, ubi tam de Episcoporum & Parochorum mu-

nere titulóque ei incumbit dicendum, quid sentiat, præcipitem iam impetum sistit: *Nunc*, inquit, *de Episcopis & Curionibus locus exigit ut loquamur*: Quorum ingenuè fateor, status sanctus est ac venerabilis, dummodo ritè eodem defungantur. Atque id est quod bonis omnibus est optandum; quódque Apostolus signato ad Timotheum documento maximè exigit & commendat. Præesse enim eos legitimo iure, videlicet ex institutione Domini, reuocari in dubium non potest: Sed quid iuuat gregem si præsint quidem, at non profint? honore ideo dignine erunt? ita quidem attenta ratione dignitatis, sed non operis intuitu, si sint desides & ignaui. Verùm si strenui & vigiles de sui que gregis salute ex animo solliciti, tum non simplici, sed duplici honore digni censeantur, nempe quia non solùm præsunt, sed quia bene præsumt, maximè si laborant in verbo & doctrina.

1. Tim. 5.

Hoc igitur est quod aduertant Parochi, scientiam salutis propriam eorum professionem esse: sed non sufficere, si ea præditi sint, nisi in gregis commodum ex hoc fonte fluente doctrinæ cœlestis deriuare studeant.

Quærent sacrorum Canonum interpretes, quænam scientia in eo cui confertur ab Episcopo beneficium simplex, ipso iure requiritur? Respondentque iuxta glossam communiter receptam *In Clement. Vnicum de concessione præbendæ*, satis esse, si quis sciat legere, canere & construere, id est non incongruè loqui. Cæterum in Curato seu Presbytero, qui parœciali Ecclesiæ præest, id neutiquam sufficit, sed necessariò exigitur, ut possit docere, prædicare, Sacramenta ministrare & ea explere omnia, quæ spectant ad curam animarum & creditæ sibi Ecclesiæ regimen iuxta *Clement. dudum*, tit. *de sepulturis*, Vbi Hostiensis singulas huius muneris partes exponit. Verùm de debito prædicationis ab animarum Pastore officio persoluendo Concilium Tridentinum consule sess. 5. in Decreto de Reform. c. 2. & sess. 13. in Decreto de Reform. c. 1. & sess. 14. in Decreto simili cap. 4. Sed de officio prædicandi infra ex instituto opere, libro scilicet 4. huius partis, id est immediatè sequenti, nobis tractandum erit. Et iam in Panoplia nostra Clericali de scientia & sacra lectione multiplicique eruditione in viro Ecclesiastico requisita, satis luculenter differui.

## §. I.

*Sollicitudo Pastoris.*

I AM igitur ad cæteras dotes spectandum, quibus conuenit Pastorem animarum instructum esse. Ait Apostolus *Qui præest, in sollicitudine*. Hinc cura, propriè nominatur præfectura Ecclesiæ parœcialis, quia gerendi sollicitudinem perennem pro animarum salute huic Ecclesiæ Præposito munus incumbit. Scitum est illud Bernardi, ausus temerè inuolantium ad eiusmodi officia, quæ vocant beneficia, prudenter ac appositè ad proprium huius tituli vocabulum, falsèque &

Rom. 12.

acutè carpentis, *Sunt qui Curas currunt, non ut curam habeant, sed ut uiuant sine cura.* Decimis scilicet & oblationibus sine vllolabore ac merito saginati. Non eo fine pastorale officium institutum est: *Æquum est quidem ut qui altari seruit, ipse de altari uiuat, & qui bene præest Presbyter duplici honore, id est obseruantia & subsidio potiatur; dicit enim Scriptura, non alligabis os boui trituranti. Deut. 25. Et dignus est operarius mercede sua. 1. Timoth. 5. 18.* Vnde S. Augustinus in proprio de pastoribus sermone, *Accipiant, inquit, pastores sustentationem necessitatis suæ à populo, mercedem verò suæ dispensationis à Domino. Non enim idoneus est populus, reddere mercedem illis qui sibi in charitate seruiunt. Tantum enim est onus, tam arduum est opus, ut si illud ut oportet expleant, nulla mercede possit humana compensari, si verò perfunctoriè agitur, aut ab eo cui incumbit obeundum negligitur, quisquis ille sit, ne quidem dignus est qui tantillo honoris impendio vel subsidio vitæ perfruatur.*

Certè non sine causa Maiorum pia industria effecit, ut supra Templi pinnacula effingeretur Gallus: nimirum ad significandum Pastorem qui Christi ouili præest, decere tanquam Gallum esse peruigilem, deberèque subiectarum sibi animarum vigilantiam ad studium salutis ineundum perenni sollicitudine excitare. Quam in rem Alciatus scitè & eleganter cecinit:

*Instantis quod signa canens dat Gallus Eoi,  
Et renouet famulas ad noua pensa manus.  
Turribus in sacris effingitur, ærea mentem  
Ad superos peluis quod reuocet vigilem.*

Coloss. 4.

1. Pet. 5.

2. Cor. 11.

Ibid.

Huc collineat præcitatus Apostoli locus, *Qui præest in sollicitudine, id est, in id quàm maximè studij totus incumbat, nihil magis in curis habeat quàm gregi tuendo, pascendo, regendo inuigilare, quæque omnibus & singulis profutura sunt, mente diurna, nocturnaque meditari satagere, omni conatu & affectu in hoc opus omnes sui muneris partes explere, illud Apostoli esse cogitans, Vide ministerium quod accepisti, ut impleas illud.* Nec enim satis est quasdam partes tantum obire: sed omnes & singulas necesse est persequi & peragere, est enim cura animarum circularis: *Circuit inimicus noster diabolus quærens quem deuoret: Circuire debet animarum pastor, ut eas feruet, ac vigili mente manûque tueatur, totus sit oculus, totus sit animus & cor.* Nihil ducit Apostolus quicquid asperum pro Christi nomine patiebatur, *pericula, vigilias, ieiunia, famem, sitim, nuditatem, labores, ærumnas, saxorum imbres, plagas, carceres, mortis discrimina; quasi hæc omnia leuia essent, præ animi æstu & feruore quo eius præcordia, animarum salutem spirantia adurebantur; Præter illa (inquit 2. Cor. 11. 23. &c.) quæ extrinsecus sunt, instantia mea quotidiana, sollicitudo omnium Ecclesiarum, quas, ceu vnica omnes essent, intimo amore perpetique studio opitulandi complectebatur.* Nec solum Ecclesias, sed singulos quosque fideles eodem zelo prosequabatur: *Sicut, inquit ad Philipp. 1. 7. mihi iustum est ut hoc de vobis omnibus sentiam, eo quod vos habeam*

habeam in corde & in vinculis meis : quis enim infirmatur, & ego non infirmor? quis scandalizatur, & ego non uror? hic est verè pastoralis spiritus, hic zelus quo feruere Christus eos voluit, quos animarum pastores constituit : Si diligis me (ait ad Petrum omnium Pastorum typum & ideam) pascue oves meas. His enim verbis eum non tam omnipotentia organum, quàm amoris sui vicarium (vt eleganter ait S. Ambrosius in vlt. Lucæ) erga redemptas oves proprio suo sanguine instituit. Amor est quidam ignis; porro ignis nunquam quiescit, semper est in actu; semper est in motu, omnia Dei ignea sunt. Qui igitur vices Dei gerit, in animarum regimine & tutela, totus igneus esse debet; amore Domini sui pro gregis commissi salute : semper eum vigilare oportet, ardenti studio insistere, sibi iniunctæ à Domino, exequendæ animarum, quas in curam suam suscepit ab ipso Domino, procurationi. Redeo ad illud monitum Apostoli, Coloss. vlt. Dicitur Archippo, (vel cuilibet pastori non tantum summo Pontifici, vel Episcopo : sed Parocho etiam quantumvis exigui gregis rectori, & cuilibet animarum curatori) Vide ministerium, non quidem quod meruisti, sed quod miro dono gratiæ accepisti, non ab Angelo, vel homine, sed à Domino, vt illud non quidem aliqua ex parte exequaris, sed circumquaque impleas, còque plenè & perfectè perfungaris. Domini enim agis officium, eius enim sunt hæ oves quas procuras, & sicut eas tibi credidit, ita eas à te repetet ad vltimam vsque, quantumlibet vilis & despecta tibi videatur. Hic igitur dilecti discipuli voce, bonus pastor qui animam suam posuit pro ouibus suis te iterum admonet atque interpellat, Esto vigilans & confirma quæ moritura erant (tua fortè desidiâ & incuriâ plus quàm eorum reatu) Non enim inuenio opera tua plena coram Deo. In mente ergo habe qualiter acceperis & audieris, & serua, (scilicet vigili oculo, intenta mente, & sedula manu ouiculas à me tibi commendatas) si enim non vigilaueris, veniam ad te tanquam fur, & nescies qua hora ad te veniam? Atque hæc obiter de pastoralis sollicitudine.

## §. II.

## Prudentia.

CUM Dominus suos mitteret discipulos ad oves suas toto orbe dispersas, in vnum gregem colligendum, inter cætera quæ consecranda eis virtutum studia commendauit, prudentiam iniunxit affectandam. Estote, inquit prudentes sicut serpentes; Non dixit fortes estote vt leones, veloces vt aquilæ, sed prudentes, & quidem sicut serpentes, quorum non vis, sed solertia existimatur. Virtus enim hæc primaria est animarum pastori seu hominum piscatori, quales suos discipulos Christus esse constituit.

Neminem fugit in regimine reipublicæ, prudentiæ primas defendendas esse, vt quæ iuxta Philosophum, chorum virtutum ducit, & sine qua virtus quantumvis magna & speciosa, sua à natura dege-

N N n n



1. Tim. 3. ad  
Tit. 1.

Apol. 1.

2. Tim. 3.

nerat, atque in vitium vergit; ideo inter primas dotes quas in Pastore exigit Apostolus, prudentiam assignat: mox enim ac eum esse debere irreprehensibilem & sine crimine statuit, sobrium & prudentem eligendum affirmat: nec mirum, nam ut eleganter ait S. Gregorius Nazianzenus, *Animarum cura ars est artium, scientia scientiarum*; Nihil etenim tam arduum factu quàm hominem regere, animal scilicet omnium varium & multiplex. Regere autem longè facilius est in rebus merè politicis, quia gregale est animal, quàm in Ecclesiasticis & divinis. Neque enim est omnium fides, nec facilè se flectit homo ad ea quæ suis sensibus aduersantur, qualia sunt præcepta vitæ Christianæ, quæ adeo carni repugnant & sanguini, ut S. Hieronymus dicere non dubitauerit, *Vitam hominis si secundum Euangelium instituatur, nihil aliud esse quàm perennem crucem atque martyrium*; quod aliis verbis Apostolus expressit, ubi ait, *Omnes qui piè volunt vivere in Christo tribulationem patientur*. Et eos qui Christi sunt carnem suam crucifixerunt cum vitiis & concupiscentiis suis. Gal. 5. 24. Qui enim verus est miles Christi, eiusque spiritu viuit, agitur, militat, hic carnem suam crucifixit: id est non tantum vitia & mala desideria, sed ipsam carnem corruptam, quasi fomitem concupiscentiarum castigat & crucifigit per ieiunia, cilicia, labores, honorum fugam, odium deliciarum, & diuitiarum contemptum. Hæc schola Christi est, ad quam dirigere hominem carnalem, voluptatibus immersum, diuitias appetentem, gloriæ mundi & honoribus inhiantem, res est profecto supra modum ardua ac difficilis. sanè etenim hîc opus, hîc labor est. Verùm hæc est tamen Pastoris animarum professio. Multa igitur ei opus est prudentia, industria, & patientia, ut homines adeò repugnantes vitæ eiusmodi principiis & exercitiis, ad hanc Christi scholam dirigat, eosque ad ipsius consiliorum, præceptorum, exemplorum amussim adæquare & efformare possit. vnde ait Apostolus, 2. Timoth. 4. Ne præ operis difficultate pastor despondeat animum: *Testificor coram Deo & Christo Iesu, qui iudicaturus est vivos & mortuos, per aduentum ipsius & regnum eius, prædica verbum, insta opportunè, importunè, argue, obsecra, increpa, in omni patientia & doctrina*. Bone Deus, quàm stupenda verbi fulmina! sed quàm admiranda opus est prudentia, industria atque peritia pastori, ut se in tot formas, figuræque etiam oppositas, & inuicem contrarias, quas hic depingit Apostolus, transuertat. An idem est agere opportunè, vel importunè? prædicare verbum, & simul loquendo instare operi laboriosissimo; arguere, & obsecrare, demulcere & increpare? Vtrò iam do manus B. Chrysostomo asserenti lib. 2. de Sacerdotio, *Pastori multa opus esse patientia & sexcentis etiam oculis, ut undique circumspicere possit quæ sint sibi docenda & agenda*. At non abs re fortassis subiiciam, sexcentis eidem opus esse artibus, ut queat hominibus curæ suæ commissis, quæ sui sunt muneris & eorum debiti suadere. Quamobrem ait Apostolus curandæ hominum salutis scientissimus, *prædica verbum*, non tuum, sed diuinum quod semen est æternitatis; initiûmque fidei atque iustitiæ: *insta*, clamare ne cesses, loquere quæ decent & profunt, sed

constanter, ne quiescas, sed tuis principiis insiste; *Argue coæquales, obsecra seniores; increpa iuniores?* Quin eosdem aliquando argue, aliquando demulce, & ora, aliquando etiam corripe & increpa; sed *in omni patientia & doctrina*, id est cum omni patientia, & ut Græcè est *μακροθυμία*, longanimitate: quia si toleras tantum ad momentum, nihil proficies, opus est enim patientia, eaque aliquando diuturna, nec modò proluxa patientia, sed etiam multiplici: unde ait Apostolus, *in omni patientia*, quæ scilicet modis omnibus demonstratur, operibus nimirum & verbis officiosis. Ponit verò cum patientia doctrinam, sed subordinatè, quia plerumque plus efficiet pastor animarum patiundo, quàm prædicando: sed tamen doctrina est necessaria. Et enim cum sit homo animal rationale, argumentis & rationibus, quin & exemplis ac auctoritate mouetur, sine quibus adminiculis patientia interdum parum aut nihil prodesset; opus suum Pastor igitur exequatur, *in omni patientia & doctrina*, ut docet Apostolus.

Cæterum prudentia non potest sine experientia comparari: *Qui enim non est tentatus*, inquit Ecclesiastes, *quid scit? vir in multis expertus cogitabit multa, & qui multa didicit, enarrabit intellectum.* Quamobrem iuvenes Sacerdotes, qui nullo adhuc munere perfuncti sunt, regimini animarum vix possunt esse idonei, quantumvis sint docti & eruditi. *In antiquis* Eccli. 34.  
*enim* (ait Iob) *est sapientia, & in multo tempore prudentia.* Præclare ideo S. Hieronymus suum docens Nepotianum, epist. 2. qua tractat ex professo de vita Clericorum & Sacerdotum, ait proveciorem ætatem eorum, qui adolescentiam suam honestis artibus instruxerunt, & in lege Domini meditati sunt die ac nocte, ætate fieri doctiorem, usu tritiorem, processu temporis sapientior, & veterum studiorum metere dulcissimos fructus. At sunt tamen iuvenes, quibus ut Danieli quondam, postmodum ut sancto Remigio, *dedit Dominus honorem senectutis*, Iob. 12.  
donumque prudentiæ per infusum spiritum consilij, sapientiæ & intellectus: quibus absit ut animas regendi munus inuideam, aut dissuadeam oblatam sibi sine ullo ambitu, at solo & ingenti doctrinæ & pietatis merito animarum curam suscipere, & susceptam obire: petendi tamen semper à Domino, si non ipsum donum, saltem augmentum doni sapientiæ & prudentiæ, optarim esse memores; ut enim de sanctitate morum dicit in Apocalypsi Spiritus, *Qui sanctus est, sanctificetur adhuc.* Ita & qui supra ætatem prudentiæ pollet, sibi ut augeatur prudentiæ & sapientiæ lumen pascendis animabus apprimè necessarium, non desinat à Domino postulare, Dan. 13.  
iuxta illud B. Iacobi, *Si quis indiget sapientia, postulet à Deo, qui dat omnibus affluenter, & non improperat; postulet autem in fide nihil hæsitans.* Apoc. 23.  
*Omne enim datum optimum, & omne donum perfectum desorsum est, descendens à Patre luminum.* Iacob. 1.

Sed infusa dona, studium proficiendi aliis modis legitimis non excludunt. Nemo fuit in ipsa adolescentia Timotheo Pauli charissimo discipulo sanctior & sapientior: tamen sic eum admonet Apostolus, *Dum venio attende lectioni &c. Hæc meditare, in his esto; ut profectus tuus* 1. Tim. 4.

*manifestus sit; attende tibi & doctrinæ, tibi per prudentiam, aliis per doctrinam, Attende inquam, insta in illis, scilicet meditationibus & exercitiis. Hoc enim faciens, & te ipsum saluum facies, & eos qui te audiunt. Sic theoriam & praxim coniungit, sic doctrinam & prudentiam copulat, sic ipsam prudentiam experientiæ necit.*

Ad Tit. 1.

Sacri Canones exigunt in Episcopo non solum litterarum scientiam, sed etiam prudentiam & peritiam in negotiis pertractandis. 36. dist. in summa. At verò manifestum est in Episcopo Presbyterum contineri, eandemque habere formam: quomobrem Apostolus, præmissa institutione Episcopi, rectè transit ad Diaconum, nihilque de Presbytero prorsus exprimit. Urget verò prudentiam in Episcopo, & proinde in Presbytero curam pastorem plebis gerente reperiri: Nec solum enim ait oportere esse *prudentem*, at subiungit, *domus sue bene præpositum; si enim domui sue præesse nescit, Ecclesiæ Dei quomodo diligentiam habebit?* Est enim Ecclesia velut quædam domus; omnium autem in domo cura ac regimen patrifamilias incumbit, sic & Episcopo qui toti præsidet Diœcesi, sic & Presbytero qui propriæ Ecclesiæ & subiacenti Parœciæ præest. Quamvis longè sit difficilius Ecclesiam, quàm domum regere; idcirco maior admodum in Pastore animarum, quàm in patrefamilias prudentia exigitur; hac porro si careat, regendæ Ecclesiæ haud esse poterit idoneus; *Si enim sua domui præesse nescit, Ecclesiæ Dei quomodo diligentiam habebit?* si nescit regere domesticos, res proprias dispensare, rectè in priuatis negotiis & prudenter se gerere: quomodo Ecclesiæ præesse poterit, animas regere & docere, ac quæ agenda sunt facere, quæ vitanda declinare, tam pro se, quàm commisso sibi populo?

Vt verò prudenter se gerat in omnibus quædam sunt principia, quæ scire & perpetuò sequi debet.

1. est, ut fiat *omnibus omnia, ut omnes lucrifaciat* iuxta Apostoli documentum, pariter & exemplum 1. Cor. 9. Non enim vno & eodem modo singuli tractandi sunt, quando nec à medicis vna eademque medicina ægrotantibus adhibetur: sed Pastor sese ad omnes & singulos pro eorum genio, statu, ætate, propensione, actu, vel habitu attemperabit; sit comis oportet, idemque grauis, mansuetus, & seuerus, pronus ad obsequia, ad ministerium impiger, erga probos humilis, erga audaces fortis, semper liber, sic tamen ut non ad pertinaciam declinet, nec ad seruilem submissionem se abiiciat, alios blandis verbis mulceat, alios ministerreat, eosdemque tum monendo, tum arguendo, tum rogando, tum corripiendo, à perditionis semitis, in viam salutis reuocare studeat. Egregium opus de *Cura Pastoralis* S. Gregorius conscripsit, in cuius 3. parte artem Pastori tradit admonendi spirituales oues eius curæ commissas. Cap. 1. huius partis inscriptum est, *Quo pacto pastor, auditorum ratione habita, singulos ad adificationem hortari possit*, hinc sigillatim ostendit propriis sub titulis, 1. Aliter admonendos esse viros, aliter fœminas. 2. Aliter iuuenes, aliter senes. 3. Aliter diuites, aliter locupletes. 4. Aliter qui læti sunt, aliter tristes; 5. Aliter su-

periores, aliter inferiores. 6. Aliter seruos, aliter dominos. 7. Aliter sapientes, aliter hebetes. 8. Aliter impudentes, aliter verecundos. 9. Aliter pusillanimes, aliter proteruos. 10. Aliter impatientes, aliter patientes. 11. Aliter beneuolos, aliter inuidos. 12. Aliter simplices, aliter impios. 13. Aliter incolumes, aliter ægros. 14. Aliter qui metu pœnæ innocenter viuunt, aliter qui sic in iniquitatibus induruerunt, ut neque per flagella corrigantur. 15. Aliter nimis tacitos, aliter multiloquio assuetos. 16. Aliter pigros, aliter præcipientes. 17. Aliter mansuetos, aliter iracundos; Aliter elatos, aliter humiles. 18. Aliter perinaces, aliter inconstantes. 19. Aliter gulæ deditos, aliter abstinentes. 20. Aliter qui iam sua misericorditer tribuunt, aliter qui aliena rapiunt. Longum esset per singulos titulos excurrere, sed tamen quasdam alias epigraphes, at insigniores, hîc est operæ pretium annotare. Aliter igitur monendos esse docet cœlibes, aliter conjugales; aliter peccatorum carnis conscios, aliter ignaros; aliter qui admissa peccata plangunt, nec tamen deferunt; aliter qui deferunt, sed non plangunt: Aliter qui mala quæ faciunt, etiam laudare non verentur; aliter qui accusant praua, nec tamen deuitant: Aliter qui repentina concupiscentia superantur, aliter qui in culpa ex consilio ligantur: Aliter qui licet minima illicita tamen faciunt, aliter qui se à paruis custodiunt, sed aliquando in grauioribus demerguntur. Aliter qui bona nec inchoant, aliter qui bona inchoata non perficiunt; Aliter qui mala occultè agunt, & bona publicè, aliter verò qui bona quæ faciunt abscondunt, & tamen quibusdam actis publicè, mala de se permittunt opinari. Luculenter tractat de singulis his modis admonitionis pastoralis sapientissimus Pontifex, quem si Pastor animarum legerit in hac parte & arte quæ omnium est scitu abstrusissima, factu difficillima, poterit non inani compendio erudiri.

II. est Theorema prudentiæ, ut nihil præcipitanter faciat, iuxta illud: *Oculi tui recta videant, & palpebræ præcedant gressus tuos.* Prou. 4. *Qui enim festinus est, pedibus offendit.* ibidem c. 19.

III. Ut nihil quod sit magni momenti, sine consilio aggrediatur: ait enim per os Sapientis Spiritus sanctus Eccles. 32. *Fili sine consilio nihil facias, & post factum non pœnitebis.* Mirum quod legitur in can. final. dist. 36. Quod Episcopus qui propter senectutem, vel nobilitatem erubescit discere à iuuenibus vel ignobilibus, sit velut membrum diaboli (propter superbiam) & haberi pro infideli mereatur. Concinit glossa in can. peruenit dist. 84. Quod si Episcopus consilium in arduis vel dubiis non spernere suorum inferiorum, sed quærere & auscultare tenetur, quanto magis Parochus qui in tanta dignitate non est? Pulchrè sanctus Augustinus ad illa verba Apostoli, *Oportet* 1. Tim. 3. *Episcopum esse prudentem, ornatum, pudicum, hospitalem, Doctorem obseruat. Martyr Cyprianus legit docibilem;* quia si doctus sit, sed superbus, & sui sensus semper tenax, vix populo cui præst, prodesse poterit, *Deus enim superbis semper resistit, sed humilibus dat gratiam.* Typus Presbyteri est Episcopus, si igitur Episcopus non solum doctus, sed



docilis, & ad consilia & monita auscultanda paratus esse debet, multo magis Parochus, qui tantæ gratiæ vnctionem quantam Episcopus non recepit, nec ea in sublimitate qua fulget Pontifex, constituitur. Ac-  
quiescat igitur consilio prudentum, & sit non modò doctus ad po-  
pulum erudiendum, sed docilis etiam ad prudentum consilia inquit-  
rendum & sequendum, iuxta illud Tobia 4. 19. *Fili mi, consilium sem-*  
*per à sapiente perquire.*

IV. est, vt in arduis & dubiis suum semper Episcopum consulat, iux-  
ta diuinum istud oraculum, Deut. 17. 8. *Si difficile & ambiguum apud te*  
*iudicium esse perspexeris: inter sanguinem & sanguinem, causam & causam,*  
*lepram & lepram &c. Surge & ascende ad locum quem elegerit Dominus Deus*  
*tuus, veniesque ad Sacerdotes Leuitici generis, & ad iudicem qui fuerit illo tem-*  
*pore, queresque ab eis, qui indicabunt tibi iudicij veritatem, & facies quod-*  
*cumque dixerint, qui præsunt loco quem elegerit Dominus, & docuerint te iuxta*  
*legem eius, sequerisque sententiam eorum, nec declinabis ad dexteram, neque ad*  
*sinistram.* S. Hieronymus de se testatur, fuisse Damaso Papæ adiuven-  
to ad respondendum consultationibus synodalibus tam Orientis quàm  
Occidentis, quæ ad Sedem Apostolicam deferebantur. Decretales  
libri nihil aliud sunt quàm consultationes Episcoporum, qui in ca-  
sibus difficillimis ad summum Pontificem & Sedem Apostolicam re-  
currebant, consilij, vel iudicij petendi causâ; atque ad eorum postu-  
lata Pontificis responsa aut decisiones; & hoc quidem ex stabili iure  
quo causæ maiores Sedi Apostolicæ referuantur. Porro vt oraculum  
Episcopi est Pontifex, vel Sede vacante, Apostolici Senatus col-  
legium; quo ex more S. Cyprianus durante inter-pontificio, Clerum  
Romanum frequenter consulebat; sic & Presbyteri, præsertim parœ-  
ciæ præfecti, proprium oraculum est eius Episcopus, sine cuius non  
solum consilio, sed & iussu & arbitrio sacri canones illi prohibent  
quicquam grauis alicuius momenti præsumere: sed non solum iis in  
rebus, in quibus Canones Parochum obligant adire suum Antistitem  
ad eius arbitrium postulandum vel imperium recipiendum, hoc fieri  
debere censeo; at ex æquo & bono, etiam in casibus dubiis, & E-  
piscopali audientia dignis, in quibus consilium, vel nutum Episco-  
pi sui explorare non tenetur. Tum enim quod agendum incumbit  
melius dirigetur, & Deus qui benignis oculis semper humiles respicit,  
hanc demissionem & humilitatem Sacerdotis, Episcopo etiam in a-  
diaphoris deferendis, gratissimam habebit, feliciorique compensabit,  
rei, quæ gerenda est, successu.

V. Axioma prudentiæ, id est quod tradit S. Bernardus lib. 4. de  
Consid. c. 3. videlicet necessarium esse, vt Pastor plurima nesciat,  
pleraque dissimulet, & nonnulla obliuiscatur; nec enim necesse est  
Pastori omnia scire quæ de se apud plebem dicuntur. Et melius est  
perplura dissimulare, quàm de iis quærere rationem, satiùsque esse  
plurima obliuisci, quàm memoriæ imprimere, ex quorum reminis-  
centia possent acerba vindictæ semina suboriri, ac in prauos euentus  
pullulare.

VI. à S. Gregorio, part. 2. citati eius Pastoralis assignatur c. 4. cuius titulus est, *Ut sit (pastor) discretus in silentio, utilis in verbo, ne scilicet (ut subiicit in textu) aut tacenda proferat, aut proferenda reticeat; sicut enim incauta locutio in errorem pertrahit, ita indiscretum silentium hos qui erudiri poterant, in errore derelinquit.* Fusè persequitur hoc argumentum S. Gregorius, adductis plerisque scripturæ auctoritatibus & exemplis quæ facile fuerit apud ipsum, Pastori, suæ & proprii gregis salutis studioso perlegere; quod sanè non erit sine oblectatione & fructu. Atque hæcenus de usu prudentiæ.

## §. III.

*Patientia:*

APŒSTOLVS cùm suum Timotheum docet, & in eo Pastores instituit, ab illo & iis summoperè exigit ut in patientia suum onus tam arduum quàm graue & asperum sustinere memorentur: *Pradica verbum*, inquit, *in sta opportune, importune, argue, obsecra, increpa in omni patientia & doctrina.* Non satis erat Apostolo dicere *in patientia*, sed ait *in omni patientia.* ad insinuandum non simplici patientia Pastori opus esse, at esse opus multa patientia, non solùm diuturna quæ est longanimitas, sed omni patientia quæ modis omnibus exercetur, & quibusque experimentis ostenditur. Cùm Saulum conuersum in Paulum Dominus Apostolatui gentium destinaret, *Ostendam* (inquit ad Ananiam) *quanta illum oporteat pro nomine meo pati.* Et certè tanta Paulus subinde passus est, ut nec ipse enarrare sufficiat. 1. Cor. 9. at breui epilogo, ea quæ in sola Asia perpeffus est omnia complexus. 2. Cor. 1. 8. *Nolo, inquit, vos ignorare fratres, de tribulatione nostra, quæ facta est in Asia, quoniam supra modum grauati sumus, supra virtutem, ita ut taderet nos etiam viuere.* Eadem fors omnibus illis imminet qui ad animarum regimen vocantur. Vnde mittens Apostolos Dominus, *Sicut misit me Pater, inquit, sic & ego mitto vos: non est seruus maior domino suo, nec discipulus magistro. nec domesticus filio.* *Æternus pater vnigenitum suum filium hunc in mundum misit, sed non ad gaudia & honores, verùm ad labores & dolores, ad contumelias & opprobria, ad flagella, ad crucem, & ad mortem: haud æquum erat ut suos seruulos ipse Dominus ad suauiora destinaret; nihil eis in hoc mundo, nisi persecutiones & tribulationes grauissimas prædixit, sed illos seminare in lacrymis ut meterent in exultatione, voluit.* Et notatum dignum quoniam non à dæmonibus, non ab elementis: sed ab hominibus, & quidem notis & propinquis significauit eos, contradictiones & persecutiones, molestias & tribulationes, extremæque odia forte hac in vita passuros; *Non est seruus, inquit, maior domino suo, si me persecuti sunt & vos persequentur, si meum sermonem seruauerunt, & vestrum seruabunt.*

2. Tim. 4.

Act. 9.

Ioann. 20.  
Idem 13.

Psal. 125.

Ioan. 13.

Non est igitur quòd Pastor impatienter ferat sibi immorigeros esse, quos par erat illi tanquam patri per omnia esse obse-

quentes: ille ad regimen animarum accedat (inquit S. Gregorius, Pastoralis part. 2. c. 10.) qui cunctis carnis passionibus moriens, iam spiritualiter vivit, qui prospera mundi postponit, qui nulla adversa pertimescit, qui per pietatis viscera citius ad ignoscendum flectitur, qui ex affectu cordis alienæ infirmitati compatitur. Addere liceat, qui contemptus, iniurias, contradictiones à propriis subditis pro Dei amore & gloria, & illorum procuranda conversione & salute, pati paratus est, memor illius dicti Apostolici, erit tempus quo sanam doctrinam non sustinebunt. Nec enim ideo cecidendum, sed instandum muneri, & in omni patientia & doctrina, inceptum opus salutis, etiam illis inuitis & renitentibus persequendum, iuxta monitum istud Iudæ Apostoli, Aliis autem misereamini in timore, alios saluate, de igne rapientes. Sed non est hoc opus ludicrum, at perarduum & quàm laboriosum atque difficile; Magnum quidem est, ait S. Chrysostomus, magnum, inquam, est pastoralis sollicitudo, magnum & quæ multa indiget sapientia & fortitudine. hom. 59. in Ioannem. Ideo can. Ferrum, dist. 50. Pastor sicut ferrum esse debet, quod rursionibus non cedit, sed iis ut in malleo & incude videre est, induratur. Quapropter ait Dominus ad Sacerdotem. Ierem. 1. Ego dedi te hodie in civitatem munitam, in columnam ferream & in murum æneum. Et rursus, Ecce dedi frontem tuam valentiores facieb; eorum; ut adamantem & siliem dedi faciem tuam. Ezechiel. 3.

At si ita est, cur Deus virgam Aaron, quæ pastoralis officij symbolum erat, florere derepente faciens, in flores & fructus amygdalinos erumpere voluit? nihil amygdalo suavius, nihil eius floribus tenerius, fragilius, & qui ut facile germinant, sic primâ aëris inclementiâ decoquuntur ac in pulverem solvuntur. Nihilominus aptè virga amygdalina, pastoris animarum affectus & officium repræsentat. Nam 1. sub dura cortice, seu testa lignea nucleum dulcissimum continet, & ita sub aspera vita & mortificatione plena, mansuetudinem spiritus & morum suavitatem decet pastorem suis ouibus exhibere, ait enim suis discipulis Dominus, Discite à me quia mitis sum & humilis corde, & inuenietis (in hac lenitate) requiem animabus vestris, & in patientia vestra possidebitis animas vestras. Eleganter ad hæc, S. Gregorius Nyssenus lib. de vita Moïsis, agens de hac virga Aatonica: Aspera & continens durâque debet esse exterius Sacerdotis vita, intus autem in occulto suave quodpiam edulium continere, quod tunc manifestatur &c. cum fuerit lignea testa defracta. 2. Quia amygdalus subito & penè simul turgescit, floret, & fructificat, antèque folia enata, baccas, flores & fructus producit. Quod symbolum innuit, Pastorem actiuum & vigilantem, promptum & expeditum, ad sui muneris subeundum actiones, exempla que potius virtutum, quàm eloquia pulchritudinis proferenda, at hoc non satis est. 3. Nam insuper laboriosum, strenuum, patientem, & fortem illum esse oportet; necessum est ut amygdalus quæ prima inter arbores floret, frigora quoque, ventos, pluuias, grandines excipiat, & superet. Immediatè Paræcus animas pascit & regit. Episcopus superintendit, & ut sibi Diœcesani tam Clerici quàm Laici obediant, potestare

2. Tim. 4.

Iud. 7. 23.

Matth. 23.

Luc. 21.

state præstat qua eos possit in obsequium cõgere; hinc baculum seu virgam gestat in manu, quæ indicium est non solum directiuz facultatis, sed potestatis etiam coactiuz,

*Curua trahit quos recta regit, pars ultima pungit.*

At paræciali pastori, vis coactiua non competit. Stola tantum est insignis, nullaque alia arma ei suppetunt quàm preces, hortationes & monita. Quæ si oues contemnant, nihil ultra habet quod faciat, nisi cum gemitu ad tabernaculum confugere, orationisque ad Deum solum ei superest præsidium. Cuius dum auxilium Implorat, nihil ipsi in suis pressuris & angustis, quas ex plebis malitia perpetitur, nisi sola superest patientia, quæ ut ait S. Ambrosius lib. 5. in Luc. c. 6. *perfectio est charitatis*. Præclare & eleganter Tertullianus de hac agens virtute, eam depinxit, totque ipsam lineamentis pulchram & amabilem exprimit, ut cæcus sit oportet & stupidus qui in eius amore non rapiatur: *Vultus enim* (inquit) *illi tranquillus & placidus, frons pura, nulla maroris aut iræ rugositate contracta; remissa æquè in letum modum supercilia, oculis humilitate non infelicitate deiectis, os taciturnitatis honore signatum, color qualis securis & innoxius; motus frequens capitis indubium & minax visus. Amictus circum pectora candidus & corpori impressus, ut qui nec inflatur, nec inquietatur; sedet enim in throno spiritus eius mississimus, qui non turbine glomeratur, non nubilo liuet, sed est tenera serenitatis apertus & simplex. Fatigatur ergo aliena improbitas patientia tua. Quod patientiæ incubabo non dolebo, ulcisci non desiderabo. Quod maxime pastor animarum cauere debet; nam si spiritum vindictæ habere vel minimis indiciis se prodit, odium in se vehemens subditorum excitat; & mille exponit inimicitiarum periculis: at è contrà, si se patientem & benignum præbet, pettinacium duritiem emollit, dumque æquanimiter eorum impetum tolerat, eundem ipsa sua patientia refringit & superat. Hi sunt enim actus & officia patientiæ ex eiusdem Tertulliani præconio; Patientia finem munit, pacem gubernat & dilectionem adiuuat, humilitatem instruit, penitentiam expectat; exhomologesim assignat, carnem regit, spiritum seruat, linguam frenat, iram continet, tentationes inculcat, scandala pellit, martyria consummat, pauperem consolatur, diuitem temperat, infirmum non extendit, valentem non consumit, fidelem delectat, gentilem innitat, seruum domino, dominum Deo commendat, faminam exornat, virum approbat; amatur in puero, laudatur in iuvene, suspicitur in sene. Quanto magis in Sacerdote, in Ecclesiæ præfecto, in animarum pastore? qui boni illius pastoris imaginem præ se ferre debet, qui pro ouibus animam suam ponere dignatus est, totumque sanguinem profundere. At de patientia hætenus præ-*

#### §. IV.

#### *Amor Dei.*

PASTOR qui Deum amat, omnia difficilia & aspera per hunc amo-



Can. 5.

Ioan. 21.

S. Aug. Tra-  
bat. 123. in  
Ioannem.

rem superabit. c. *Charitas de penit. dist. 2.* Ideoque Christus iam post triumphum de morte, abiturus ad Patrem, cum Ecclesiæ suæ sollicitus de constituendo in sui vicem pastore cogitaret, non de fide (ut olim fecerat) vel de constantia & fortitudine, sed de amore ipsum quem designabat interrogavit, *Dicit Simoni Petro, Simon Ioannis, diligis me plus his? dicit ei (Petrus) etiam Domine, tu scis quia amo te? dicit ei, Pasce agnos meos? Dicit ei iterum, Simon Ioannis diligis me? ait illi, etiam Domine, tu scis quia amo te. dicit ei, Pasce agnos meos? Dicit ei tertio, Simon Ioannis amas me? Contristatus est Petrus, quia dixit ei tertio amas me? & dixit ei, Domine, tu omnia nosti, tu scis quia amo te; dixit ei, Pasce oves meas.* Vbi duo maximè notatu digna sunt, scilicet interrogatio de amore, & ipsius amoris toties iterata professio: æquum enim erat palam facere cæteris discipulis, quàm dignus esset is cui tanta gubernatio committenda erat. Atque hæc capacitas non solum à fide, nec à miraculis, sed ab amoris magnitudine & sinceritate, potissimum dimetienda censetur: quia si verus sit amor, fides quoque & miranda quæque obsequia necessariò consequentur. Sunt qui accuratius singula hæc Christi verba ad Petrum expendunt. *Dicit Dominus Petro, Pasce,* non dicit rege, impera, dominare, governa ut Rex, ut Imperator, sed rege ut pastor bonus, & ut verus pater. *Pasce,* inquam, *agnos,* tenellas has animas quas in lectulo meæ crucis nuper cum extremo amoris enixu peperì: *Agnos* inquam *meos* homines veterem hominem exutos, nuper in novitatem vitæ genitos, & in me credentes, quos diligo ut filios meos, quia effeci mihi similes, omni iam peccato per lauachrum sanguinis mei purgatos, super niuem propter innocentiam dealbatos, fide candidatos, gratiæ meæ lacte enutritos, *Pasce,* inquam, *agnos meos,* id est fideles meos, non tuos, non ut rem tuam: sed ut rem meam, hoc age; propterea enim inquisivi à te, vtrum me amares, quia rem meam, eamque mihi charissimam tibi singulari fiducia volui commendare. Quem ergo amorem in me profiteris, erga agnos meos exerce, ipsisque exhibe, certus quod uni ex minimis iis amoris impenderis, mihi contuleris. *Pasce* igitur non te, ut mali illi pastores de quibus dudum Pater meus conquerebatur, dicens, *va pastoribus Israël qui seipso pascebant, & non gregem.* Ezech. 34, sed *pasce agnos meos.* Ille seipsum pascit qui ex officio pastoralis propriam quarit utilitatem & gloriam, non ipsorum fidelium salutem quos gubernat. ideo Petre si me diligis non te pascere cogita, sed agnos meos, sed oves meas sicut oves meas pasce, non ut tuas; gloriam meam in iis quære non tuam, lucra mea, non commodata tua. Et verba sanè illa Domini ad Petrum digna sunt singula quæ à quolibet pastore animarum exactè perpendantur, altaque mente expensa, præcordiis profundè defigantur, sunt enim medullâ diuinorum theorematum refertissima. Verùm præcipue verbum illud sedula meditatione versandum, *Diligis me?* perinde est enim ac si diceret cuilibet non solum Episcopo, sed & Parocho, quod & Petro qui omnium apex & exemplar erat: si me amas, meorum agnorum curam suscipe,

& quam animam pro me ultro positurum promissisti, pro iis pone, hos ama, hos pascere, hos in corde & humeris porta; te enim volo esse erga eos vicarium mei amoris; non pascere certè ut oportet, nisi diligas, si me igitur diligis, hos agniculos tenerrimos, quos viscerali affectu tibi commendo, in sinum tuum, in vlnas tuas suscipe, pro eorum tutela die ac nocte inuigila, exhibe eis fertilia pascua, corde, voce, manu illos pascere, rege, protege; hos debiles porta, lassos tolera, lapsos erige, morbosos cura, lacta paruulos, consolare tristes, mulce proteruos, compatere languidis, aberrantes quære, inuentos tuis humeris impone, in ouile meum reuehere festina, nec labori parce nec sudori. Expone te vel extremo discrimini, ut è lupi rapacis faucibus illos eripias, sanosque & incolumes mihi restituas. Repetam enim à te quotquot agnos & oues tibi commisi. Sed si diligis me, ne timeas, quia semper adero tibi, & si fiduciam tuam in me reposueris, continuò meam experieris præsentiam, & opem recipies singulis necessitatibus opportunam. Cæterum quantò plus amoris diuini in præcordiis suis habuerint animarum pastores, tantò digniores erunt qui exaudiantur à Domino: *Siquidem ipsi Sacerdotes* (ait Alexander Papa & Martyr\*, can. 91. 1. q. 1.) *quanto digniores fuerint, tanto facilius pro necessitatibus pro quibus clamant, exaudiuntur.* Ille verò Deo gravior & dignior est, qui magis Deum diligit, unde Petro non ait solum, *Simon diligis me?* sed subiungit, *plus his*, ad innuendum quod in animarum pastore non simplex, ac in cæteris dilectio exigitur, sed amor longè feruentior, quo qui ardet magis pascendo gregi Dominico idoneus est. Si igitur diligis me plus his, (ait Dominus) *pascere oues meas. Pascere enim gregem Dominicum, amoris officium est* (ait S. Augustinus tract. 123. in Ioannem.

## CAPUT V.

*Pastoris officium esse, ouibus suis, bonorum operum exemplis præire.*



**M**IRVM quod cum Christus (Ioannis 10.) boni Pastoris dotes officiæque tam dilucidè Phariseis prædicaret, ij tamen (ait S. Euangelista) *non cognouerunt quid loqueretur eis.* Nec tamen adeo mirum, quia ex iis erant, qui ut prædixit propheta Isa. 6. *videntes non videbant, & audientes non intelligebant;* (ut ipse notat S. Ioannes 12. v. 40.) *vocem Christi non nisi Christi oues audiunt, at illi de eius ouibus non erant, ut eis ipse Dominus non semel exprobrauit.* Pulchrè S. Augustinus tract. 26. in Ioannem post initium ad illa verba Domini: *Nemo potest venire ad me, nisi pater qui misit me, traxerit eum. Da amantem, & sentit* (ait) *quod dico, da desiderantem &c. da sitientem & fontem æternæ vitæ sitientem, da talem & scit quid dicam: si autem frigido loquor, nescit quid loquor.* Ita planè Pharisei & Scribæ Christum de suis ouibus & boni pa-

Ioan. 10.

2. Cor. 9.

Isa. 58.

storis insignibus ac notis differentem, quamvis perspicuè loquentem, mente non assequebantur, quia neque de ouibus erant ipsius Domini, neque ad eos boni pastoris spectabant indicia; si enim de numero bonorum pastorum fuissent, haud difficilè intellexissent quæ de dotibus & officio veri pastoris Christus ipse Dominus enuntiabat; Quid enim facilius intellectu his ipsis verbis Domini: *Bonus pastor intrat per ostium in ouile. Huic ostiarius aperit, oues eius vocem audiunt, & proprias oues vocat nominatim. Educit eas. Et cum proprias oues emisserit, ante eas vadit, & oues illum sequuntur, quia sciunt vocem eius. Alienum autem non sequuntur.* Sed ubinam Sacerdotes qui hæc verba audiunt, & ut reor intèlligunt, ea actu præstent quæ iisdem exprimuntur? Canonicè ut præficiantur Presbyteri, quibus cura animarum incumbit, necesse est ut ritè fuerint ad Sacerdotium promoti, officium pastorale sint ab Episcopo, vel Papa per institutionem authorisabilem adepti. Prælatus etenim est Ostiarius, qui eis aperit aditum in ouile; oportet propterea ut verbum diuinum quod est animarum cibus, populo sibi credito annuncient, nam si taceant maledicto supponuntur; *Vae mihi* (ait Apostolus) *nisi euangelizauero; necessitas enim mihi credita est*, videlicet ex debito officij Episcopalis, quorum parochiale munus proprium est participium. Debet igitur loqui & clamare, iuxta illud, *Clama, ne cesses.* Nam oues sui pastoris vocem audiunt. vnde Apostolus, *Quomodo audient* (inquit Rom. 10.) *sine prædicante?* Ex quo sequitur, non satis esse Pastori, si populo suo alienum concionatorem in vicem sui substituat; officium enim prædicationis pastorali muneri coniunctum est, Ephes. 4. *Ascendens Christus in altum, dedit quosdam Apostolos &c. Alios autem pastores & doctores:* Quia docendi populum illis, ex pastoralis officij intrinseca ratione, onus incumbit: ut passim canones docent, & postremum Concilium Occumenicum declarauit ac definiuit.

hom. 52. in  
Ioan.

Sed hoc adhuc non sufficit, at insuper necesse est, ut Pastor præcedat oues, ait enim Dominus, *ante eas vadit, & illa eum sequuntur.* Nec est quod quis obiiciat, solere pastores oues suas sequi, non antecedere: duplex enim pastoris est circa oues officium, eas scilicet ducere & custodire. quando ducit ad pascua, ante eas vadit, quia ad locum illis ignotum dirigit. Sed alternatim eas sequitur, scilicet ut à lupi insidiis eas custodiat, & si aliqua defessa maneat, hanc imponat suis humeris, aut si qua recedit à grege, eam in viam quâ cæteræ pergunt, reducat.

S. Chrysostomus existimat proprium Christi fuisse opus, ante oues ambulare: alios pastores solitos non esse præcedere, sed tantum sequi, quia solus Christus ad omnem veritatem & virtutem inueniendam & innuendam ouibus ducem se ostendit. Verùm hanc Domini propriam esse excellentiam, qui non ex aliquo accidentali dono (ait S. Gregorius homil. 14. in Euang.) *sed essentialiter pastor bonus est*, nequaquam inficior: sed tamen sub se Christus alios gregis sui ductores atque custodes constituit, quos operis sui Vicarios eidem contulit

præesse pastores. Qui sanè huic officio idonei esse non possunt, nisi ad sui archetypi effigiem efformentur, hoc est Christum imitentur, qui pastorum est princeps.

Christus verò parum sibi esse censuit, homines hortari verbo, nisi firmaret exemplo. *Cæpit facere & docere.* sanè Christus multo plus fecit, quàm docuit, aut dixit: in vita abscondita, quam per 30. & suprâ annos duxit, fecit tantum & non docuit. At docere à baptis-  
S. Aug. in  
ps. 63. ad v. 2.  
Ab. 1.mate incipiens, adhuc plura fecit quàm docuit, nihil enim docuit quod non fecerit, & faciendo sic docuit, ut quemadmodum rectè ait S. Augustinus, *omnis eius actio nostra fuerit instructio.*

Ad hunc archetypum oportet quicumque regimini animarum præficitur, sese accuratim componere, quantum humana ferre potest conditio. non satis est docere, agere itidem oportet, ac etiam pati. Eleganter dixit Petrus Blesensis serm. 18. Christum in vita sua operatum actionem passiuam, sed in morte passionem actiuam. usque ad extremum vitæ spiritum, debet animarum Pastor agere, docere, & pati, Christi exemplò, ut possit populo sibi commisso cum Apostolo dicere, *Imitatores mei estote, sicut & ego Christi.* 1. Cor. 11. 1. Falluntur qui solo verbo pascere gregem rationalem se posse putant. Non enim hoc fine tantum pastores fidelibus assignantur, sic enim orat Ecclesia in Presbyterorum ordinatione: *Vt gravitate actuum & censura viuendi, probent se seniores, his instituti disciplinis, quas Tito & Timotheo Paulus exposuit, ut in lege Dei tota die ac nocte meditantes, quod legerint credant, quod crediderint doceant, quod docuerint imitentur; iustitiam, constantiam, misericordiam, fortitudinem, ceterasque virtutes in se ostendant, exemplo præbeant, admonitione confirmant, ac purum & immaculatum ministerij sui donum custodiant.*

Tritum est illud Senecæ epist. 108. *Longum, ad virtutum per præcepta, breue & efficax per exempla iter est.* Quam præclaram sententiam S. Leo his suis verbis (serm. de S. Laurentio) luculentius expressit: *Facilis ad exhortandum sit ratio, efficax ad suadendum; validiora sunt tamen exempla quàm verba, & plenius est opere docere, quàm voce.* Testis est S. Chrysostomus hom. 17. in Ioannem, Gentiles non ita signis ad fidem adduci, quàm vitâ prædicatorum, & maximè Christiana charitate: qui enim miracula faciunt, deceptores ab iis appellantur, vitæ puritas nonnisi bonum arguit. *Nihil adeo Gentiles arguit quàm virtus, nihil adeo perturbat ut malitia.* De hæreticis idem iam licet experiri, qui castis Sacerdotum moribus, probitatéque exploratâ ac insigni pietate, magis flectuntur, quàm vllâ eloquentiâ, aut solertiâ eorumdem: quia enim superbi sunt, (ut omnis hæresis filia est superbiæ) vix cuiquam ingenio cedere volunt, at illustri virtute, quam meritò admirantur, haud erubescunt se vinci.

Ideo tantoperè Apostolus Rectoribus animarum, veritatísque præconibus, bonorum operum exempla commendat: *Exemplum esto fidelium* (ad suum Timotheum scribit 1. ep. 5.) *in verbo, & conuersatione, in charitate, in fide, in castitate.* Et ad Titum c. 2. *In omnibus teipsum*



*præbe exemplum bonorum operum.* Sufficit laïco ut sit bonus, at requiritur in pastore, ut optimus sit. satis est laïco si statui suo congruis virtutibus instruatur: at in Sacerdote animarum pastore, necesse est ut omnibus exornetur, adeo ut chorum virtutum ducat. Quamobrem non requirit Apostolus, ut in quibusdam præcellat, sed ut in omnibus sese præbeat exemplum & quasi speculum, in quo omnes qui respiciunt, formam quam assumere debent, contemplantur.

Oportet qui *præfunt fidelibus in Domino*, 1. Thess. 5. 12. *ut curent bonis operibus præesse.* Tit. 3. 8. id est, non modò bona opera facere, sed magisterium omnis virtutis insuper profiteri: ut si quis concentui musico præsit, non satis est ut cum cæteris symphoniis moduletur, sed necesse est præterea, ut artis musices sit ita peritus, ut non modò hanc ad vnguem calleat, sed eandem reliquos doceat, chorum ducat & moderetur, nec loco solùm, sed officio & actu præsit, ut princeps & magister quemadmodum profiteretur, possit meritò existimari.

Dicit Dominus Petro, bonorum pastorum coryphæo, *Simon, diligis me plus his?* Nónne satis erat si reuera amaret? satis erat quidem priuato homini, sed non satis animarum pastori, in quo non modò charitas erga Dominum & gregem fidelium exigitur, quæ in quocumque alio poterat esse sufficiens: sed in eo requiritur ratione muneris pastoralis virtus non vulgaris, sed heroica, videlicet intensa & supereminens charitas, fides magna, prudentia eximia, patientia singularis, castitas insignis, pietas præcipua, & sic de cæteris. Oportet siquidem illum non modò esse omnis virtutis studiosum, sed harum panopliâ ita exornatum, ut non modò iis præclaris dotibus sit præditus, at in singulis gregi quem dirigit, longo interuallo præemineat: ita sit Presbyter (ait non ineptè quidam scriptor non nuper) ut cæteris præbeat iter, ad omnem virtutem & bonam operationem: unde ait Dominus, *bonus pastor, ante oves vadit.* Quò spectasse videtur Apostolus ubi ait, *curent bonis operibus præesse*; in Græco enim legitur *προηγίζων*, quod idem est quod *stare antè*, primum esse, præstare aliis, & quasi iis palmam in studio bonorum operum præripere, seu potius iis ad iter omnis virtutis præferre facem. At satis pro breuitate instituta, de præcellentia Sacerdotis in studio & cultu perfectæ virtutis atque iustitiæ, quarum exemplar gregi cui præest, esse debet.

Ioan. 10. 4.

Tit. 3. 8.

FINIS.

SOLI DEO HONOR ET GLORIA.



# PANOPLIÆ SACERDOTALIS

POSTREMÆ PARTIS

LIBER IV.


DE OFFICIO PRÆDICANDI.

OPORTET SACERDOTEM PRÆDICARE.

*Ex Pontif. Rom.  
rit. de ordinat.  
Presbyteri, in ad-  
monitione ad or-  
dinandos.*

CAPVT PRIMVM.

*Quanta sit dignitas, prædicare verbum Dei.*



INTER potiora beneficia, quibus populum suum Israel, Deus olim pro sua immensa bonitate cumulauit, Apostolus hoc imprimis recenset, quòd legis suæ dederit eis oracula, voluntatisque suæ beneplacita manifestauerit: *Hi sunt, inquit, Israëlita, quorum adoptio est filiorum & gloria & testamentum, & legislatio, & obsequium, & promissa.* Et alio loco: *Quid ergo amplius Iudæo est, aut quæ utilitas circumcisionis? multum per omnem mo-*

*Rom. 9. 4.*

*Ibid. 5. 1.*

*dum: Primum quidem, quia credita sunt eis eloquia Dei. Quasi diceret, hoc est primum & præcipuum Dei erga eos beneuolentiæ testimonium, quòd sua illis præcepta tradiderit, & arcanorum suorum eloquia eis per Angelos suos & prophetas direxerit. Tantum beneficium antea prophetæ altis præconiis extulerant, Israelitarumque præcordiis infixum ire singulari commendatione studuerant, primus omnium Moyses Deut. 4. Scitis quòd docuerim vos præcepta atque iustitias sicut mandauit mihi Dominus Deus meus, sic facietis & obseruabitis &c. hac est enim vestra sapientia &c. Quæ est alia natio sic indyta, ut habeat caremonias in-*

staque iudicia & uniuersam legem quam propono hodie ante oculos vestros. Sic & author libri Ecclesiastici, c. 17. *Addidit illis disciplinam, & legem uitae hereditauit illos. Constituit Testamentum aeternum, & iustitiam & iudicia sua ostendit illis.* Et Baruch propheta, *Beati sumus Israel, quia quae Deo placent manifesta sunt nobis.* At longè sublimiùs Christus attollit hoc beneficium diuinum, collatum Israëlitis beatitudinis titulo, nam effert eos hoc nomine usque ad participationem quandam Deitatis, *Nonne (inquit) scriptum est in lege uestra, Ego dixi, Dij estis? si illos dixit Deos ad quos sermo Dei factus est &c.*

Baruch. 4.

Joan. 10. 35.

Exod. 34. 29.

2. Cor. 3.

At si Dij censendi veniunt ij, ad quos diuinum verbum audiendum dirigitur, quanto magis eo titulo honorandi sunt, ad quos diuinus ipse sermo, ad populo Dei annunciandum directus est? Moyses missus ad Pharaonem, præco diuinæ iussionis, decus à Deo accepit diuini vocabuli. *Ego (inquit Dominus) constitui te hodie Deum Pharaonis.* Et cum legem Dei ad ipsum populum afferret diuini splendoris decore in vultu rutilans apparuit. *Cumque descenderet de monte Sinai, tenebat duas tabulas testimonij, & ignorabat quod cornuta esset facies sua, ex consortio sermonis Domini, posuitque velamen super faciem suam, quod ingressus ad Dominum & loquens coram eo auferebat donec exiret, & tunc loquebatur ad filios Israël omnia, quae sibi fuerant imperata &c. operiebat enim faciem suam quando loquebatur ad eos.* Non poterant enim filij Israël (ait Apostolus) *intendere in faciem Moysi propter gloriam vultus eius.* Quam scilicet ex consortio suæ cum Deo colloctionis, contraxerat.

Vbi in Exodo legimus apparuisse Moysen ferentem legem Domini populo cornuta facie, Septuaginta verterunt *glorificata*, quasi iam scilicet Moyses non vultum mortalis hominis, sed immortalis & beati iamque glorificati præ se ferret faciem & speciem. Vnde hoc? ait expresse sacer textus: *ex consortio sermonis Domini.* Potestne homo mortalis cum Deo inire consortium? ita quidem, quum scilicet ab eo non tantum colloquio diuino honoratur, sed verbi ipsius ad homines fit dispensator & nuncius. Huc redit Domini præcitatum oraculum, *Illos in lege Deos vocari, ad quos sermo Dei factus est*, id est quibus creditus est, ad illum hominibus deferendum. Attamen alio sensu verba illa Exodi 34. *ex consortio sermonis Domini*, intelligi possunt. Certum est enim legem Moysi à Deo fuisse traditam, sed non immediatè, at per Angeli ministerium: hinc S. Stephanus in cycnea illa oratione, quam habuit ad Iudæos in procinctu triumphalis sui certaminis, illis probro vertit, quod legem non custodierint, *quam per dispositionem, seu dispensationem Angelorum acceperant.* Et Apostolus ad Galatas scribens, *Legem ait ordinatam fuisse per Angelos in manu mediatoris*, Gal. 3. Et quidem sunt qui non temerè arbitrentur in traditione legis plures Angelos interuenisse, qui ignem, qui coruscationem, qui buccinæ sonum, ad terrorem Hebræis incutiendum, & conciliandam legi auctoritatem diuinam ediderunt: vnum tamen inter hos fuisse qui Moysi loquebatur, & Dei vicem personamque sustineret, ideoque ipsum Dei gerebat nomen: sicut quicidem Moysi in

Act. 7. 53.

Dionys. Caribus. ad locum Apost. prae-signatum.

in rubo ardenti & non comburenti apparuerat, dixit ei, *Ego sum Deus Abraham, Deus Isaac, & Deus Iacob.* Supposito etenim S. Dionysij hoc insigni axiomate cap. 4. Hierarchiæ cœlestis, quòd omnes Dei apparitiones quæ factæ sunt in veteri Testamento, factæ fuerunt per Angelos: hic spiritus qui Moyse loquebatur, non Deus ipse, sed verus Angelus erat, qui Dei sibi assumebat nomen, quia non tantum debito obsequio fungens, nuncium ereptionis populi Moyse afferebat, sed quia Dei inspiratione loquebatur, loco & auctoritate agebat, Deique ipsius à quo fuerat missus, in tam miro apparatu, personam repræsentabat. At verò Moyse habuit cum hoc Angelo (quem Michaellem fuisse putant S. Scripturæ interpretes) ex officio dispensandi sermonis Dei consortium. Nam Angelus ad Moysem placita Dei perferebat, quæ Moyse subinde populo Dei, eiusdem nutu ac mandato denunciabat. Quò spectat illud Malachiæ prophetæ, *Labia Sacerdotis custodient scientiam, & populi requirent legem ex ore eius, quia Angelus Domini exercituum est.* Sic Angelus Domini, dilecto eius Ioanni, in habitu Sacerdotali (nam *indutus erat podere*) verbum Dei prædicandum populis & gentibus, diuino iussu detulit: *Significauit Deus mittens per Angelum suum seruo suo Ioanni:* Et tamen iste Angelus absolute dicit, *Ego sum a & ω, principium & finis;* nimirum quia similis erat filio hominis, & Christi vicem & vocem credito diuinitus munere prædicandi verbi Dei, digno cum decore gloriæ & maiestatis referebat: idcirco & Stephanus Protomartyr, Euangelium Iudæis plena in Synagoga prædicans, similis Angelo splendida facie coruscanti visus est: *Et intuentes eum omnes qui sedebant in concilio viderunt faciem eius, tanquam faciem Angeli.* Idemque contigit Laurentio in ignea craticula, tanquam è cathedra diuinæ veritatis præconia, coram tyranno, Ethnicisque circumstantibus proferenti, vnde Prudentius,

Apoc. 1.

Act. 6. 15.

*Illi os decore splenduit,  
Fulgorque circumfusus est;  
Talem reuertens legifer  
De monte vultum detulit.  
Talemque & illic prætulit  
Oris corusci gloriam  
Stephanus, per imbrem saxeum,  
Calos apertos intuens.*

In consortium igitur venit Angelicum homo, cum Dei eloquia defert ad homines, eiusque placita illis tanquam cœlestis nuncius prædicat, arcanaque eisdem manifestat: sic enim hermes salutis & dux ad beatam æternitatem euadit.

Verum ultra adhuc progredior. Sanè multi Patres arbitrantur in omnibus apparitionibus veteris Testamenti, quæ factæ sunt per Angelos, repræsentatum fuisse filium, non Patrem, non Spiritum sanctum. Ita censent Iustinus contra Triphonem Iudæum, Tertullianus lib. 2. contra Marcionem, S. Hilarius lib. 4. & 5. de Trinitate, S. Ambrosius lib. 1. de fide, S. Chrysostomus in cap. 7. Actorum.

PPpp



Cur verò filius per Angelos, potiusquàm Pater aut Spiritus sanctus appareret, non vna est ratio. Prior est, quia solus filius humanam naturam pro salute mundi assumpturus erat, capropter iam humanam præ se ferre gestiebat speciem, quam per Angelos in visione imaginaria ostendebat. Altera ratio elicitur ex iis verbis Domini, Matth. 11. 27. *Neque quis patrem nouit nisi filius, & cui voluerit filius reuelare*, scilicet quia filius, patris verbum est, è mente patris productum, permanens in patre, cuius viua, perfecta & adæquatè prorsus expressa, imago est & character, vt Apostolus appellat Heb. 1. se etenim Verbum diuinum habet ad Patrem, vt sermo ad mentem, non solùm propter generationem eius omnis passionis expertem, sed etiam propter internam coniunctionem ipsius cum patre, vimque enunciatricem, qua totum in se exprimit & monstrat genitorem, iuxta illud: *qui videt me, videt & patrem meum; nam ego in patre, & pater in me est*. Sed ab effectu etiam verbum dicitur ipse Dei vnigenitus: quia vt mentem hominis sermo eius manifestat, sic filius clarificat patrem & eius notitiam nobis impertit. scitè ideo S. Ambrosius, lib. de fide contra Arrianos, c. 6. *Filius (inquit) verbum Dei dicitur, quia ex ore altissimi processit, & pater sine eo nihil iussit aut fecit*. Hinc Apostolus ait, *Deus nobis locutus est in filio*, Heb. 1. Et dilectus discipulus; *Deum nemo vidit vnquam: vnigenitus, qui est in sinu patris, ipse (nobis) enarrauit*. Ioan. 1. 18.

Ioan. 14. 9.

Multi sunt modi Deum noscendi & videndi, 1. est in diuinis operibus, sicuti artifex aliquomodo cognoscitur cùm opus eius manifestatur: de tali notione ait Iob 36. *Omnes homines vident eum & vnusquisque procul intuetur*: Siquidem inuisibilia Dei à creatura mundi per ea que facta sunt visibilia conspiciuntur, Rom. 1. Secundus modus est in figuris & imaginibus, sub quadam corporea forma expressis, v. g. specie ignis vel hominis, quomodo patribus olim multifariam apparuit, vt ex toto veteri Testamento constat &c. Tertius modus cognoscendi Deum est per fidem: at verò auctòr fidei est Christus, filius Dei, verbum patris, qui ideo iam factus homo dicit: *Manifestaui nomen tuum hominibus. Ego te clarificaui super terram, opus consummaui quod dedisti mihi vt faciam*, docendo scilicet veritatem & manifestando gloriam tuam, verámque de Deo vno & trino fidem tradendo, & hominibus diuina mysteria reuelando, & viam salutis, meis exemplis & documentis illis demonstrando, meosque Apostolos & Discipulos (quos præcones mei Euangelij constitui) vniuersum in mundum mittendo hanc prædicatum fidem, vsque ad finem sæculi per continuam Sacerdotum successionem. Huc spectat illud Apostoli, *Finis legis Christus ad salutem omnicredenti &c.* Corde enim creditur ad iustitiam, ore autem confessio fit ad salutem; sed fides ex auditu, auditus autem per verbum Christi. Sed dico, nunquid non audierunt? Et quidem in omnem terram exiuit sonus eorum, & in fines orbis terræ verba eorum.

Ioan. 17. 4.

Rom. 10. 1. &amp;c.

Cùm Christus Apostolos suos in orbem vniuersum nuncios pacis & maiestatis suæ Legatos destinaret, insufflauit & dixit eis, Ac-

*capite Spiritum sanctum, sicut misit me pater & ego mitto vos. Et cum de fa-* Ioan. 20. 22. 23.  
*cto ad disseminandum Euangelium, eos ubique per orbem delegaret,* Act. 2. 2.  
*factus est repente de cælo sonus tanquam aduenientis spiritus vehementis, reple-*  
*uitque totam domum ubi erant sedentes. Igitur non sine flatu & sonitu Spi-*  
*ritum sanctum illis infudit; ad significandum, tam suas, quàm san-*  
*cti Spiritus vices illis committere, ad humanum genus, scientia sa-*  
*lutis, per verba vitæ æternæ (quorum viua organa eos efficiebat)*  
*imbuendum: sonus enim est verbi, ut flatus spirationis proprium*  
*vehiculum. hinc dicit eisdem Apostolis, qui vos audit me audit: Et, non* Luc. 10. 16.  
*estis vos qui loquimini, sed Spiritus patris vestri qui loquitur in vobis. Sicut* Matth. 10. 20.  
*igitur Ioannes Baptista, vox Christi propter officium præcursoris ip-*  
*sius Domini appellatus est, Ego vox clamantis in deserto: quia ut vox* Luc. 3. 4.  
*conceptum mentis per verbum expressum manifestat, sic verbum*  
*Dei in carne absconditum Ioannes ostendebat; ita planè Apostoli, &*  
*qui eis succedunt Sacerdotes, vox Christi sunt, quia Verbum incar-*  
*natum prædicant, eiusque arcana referant hominibus, quos ad ratio-*  
*nem & amissum salutaris eius doctrinæ, efformant ad salutem.*

Prædicatores idcirco Evangelici in diuinis oraculis, lingua, loque-  
 la, sonus, vox, & verbum Christi appellantur. Acutè sanè & sublimi  
 prorsus intellectu, S. Basilius lib. 5. contra Eunomium, explicando  
 promissum illud Domini de Spiritu sancto mox à se mittendo suis  
 discipulis, *De meo accipiet & annuntiabit vobis*, Ioan. 14. ipsum Spiritum  
 sanctum *verbum filij* nuncupauit, quia is quæ filij sunt, nobis afflatu suo  
 reuelat. Præsignatis igitur titulis prædicatores Euangelij in scriptu-  
 ris sacris honorantur, quia viuæ vocis oraculo, *magni pietatis Sacra-* 1. Timoth. 3. 16.  
*menti quod in carne manifestatum est, iustificatum est in spiritu, apparuit An-*  
*gelis, prædicatum est gentibus, creditum est in mundo, assumptum est in gloria,*  
*mysteria, exempla, documenta, placita, præcepta, promissa nobis*  
*annunciant. Igitur diuini splendoris & gloriæ, quondam Moyses ex*  
*confortio sermonis Domini, id est stupendo commercio, cum verbo*  
*Dei increato quidem, sed incarnato, fiunt ipso iure sui officij participes.*  
 Nonne enim scriptum est in lege, (ait ipse Dominus) de iis ad quos  
 sermo Dei factus est, *Ego dixi dii estis?* Christi enim & Spiritus san- Ioan. 10. 34.  
 cti vicem obeunt & sacro munere diuinæ legationis defunguntur,  
 mundantes Ecclesiam *lauacro aquæ, sed verbo vitæ nutrientes*, tam Sa- Ephes. 5. 20.  
 cramentali quàm Euangelico, ceu *spiraculo vitæ*, quod Deus inspiran- Genes. 2. 7.  
 do in faciem primi hominis, *fecit eum in animam viuentem.* Appo-  
 sitè igitur & pereleganter scripsit dudum ad Leonem Papam Flauia-  
 nus Constantinopolitanus Episcopus, \* *Pietate & recta prædicatione ver-*  
*bi veritatis, nihil honorabilius Sacerdotibus; Omnis enim nostra spes atque sa-*  
*lus, & repromissio promissorum bonorum, in iis est.*

\* Habetur in  
 præambulis  
 Concilij Chal-  
 cedonensis.




## CAPVT II.

*Euangelica predicationis, Episcopum præcipuum  
dispensatorem esse.*

## ARTICVLVS I.

*Quo iure, & quibus rationum momentis, Episcopus ad id  
muneris obligetur.*



**H**AUD leuis est altercatio inter scribentes, quodnam sit præcipuum munus Episcopi? Quidam dicunt esse correctionem morum populi sui, ex *Clement. unica de off. ordin.* Alij dicunt situm esse in assidua oratione, iuxta axioma illud sanctorum Patrum, *si est Sacerdos, oret pro populo.* Alij in orphanorum defensione, viduarum consolatione, & cæteris misericordiæ officiis, iuxta illud Iacobi 1. 27. *Religio munda & immaculata apud Deum & Patrem hæc est, visitare pupillos & viduas in tribulatione eorum, & immaculatum se custodire ab hoc sæculo.* Alij in laudabilis exempli exhibitione, quemadmodum suum docet Timotheum Apostolus, 1. ep. 4. 12. *Exemplum esto fidelium in verbo & conuersatione, in charitate, in fide, in castitate.* Alij in ipsa executione sui nominis: Episcopus enim dicitur speculator, quia superintendere debet circa gregem suum, ut saluetur & non pereat. vnde ipse Apostolus eodem loco; *Hæc, inquit, meditare, in his esto, ut profectus tuus manifestus fiat; hoc enim faciens, & teipsum saluum facies, & eos qui te audiunt.* Huic theoremati succinunt quæ sequuntur, probata in ipso iure nominis Episcopalis etymologia. Episcopus enim Græcè, Latine dicitur superintendens & speculator, siquidem Præpositus Ecclesiæ speculatur Cleri & populi mores & vitam. *can. Cleros 21. dist. vn-* de Apostolus ad suum ipsum Timotheum; *Tu verò vigila, in omnibus labora, tuum ministerium imple.* & ad Rom. 12. *Qui præst in sollicitudine.* Idemque ad Hebræos 13. *Obedite præpositis vestris, ipsi enim peruiigant, quasi rationem pro animabus vestris reddituri.* Et ad Cor. 1. c. 11. *Instantia mea quotidiana, sollicitudo omnium Ecclesiarum.* Graphicè pridem Salomon Regum sapientissimus, hanc pastorem sollicitudinem depinxit Prou. 6. dicens, *Fili si sponderis pro amico tuo, illaqueatus es verbo oris tui, discurre, festina, suscita amicum tuum: ne dederis somnum oculis tuis, ne dormitent palpebrae tuæ.* quæ verba optimè de Episcopo interpretantur, S. Gregorius in Pastoralis p. 3. art. 5. & S. Thomas 2. 2. q. 185. art. 5.

• Sed Concilium Tridentinum, sess. 24. quæ fuit 8. sub Pio IV. c. 4. Decreti de reformatione, declarat officium prædicationis, Episcopi esse munus præcipuum: *Prædicationis munus quod Episcoporum præcipuum est, cupiens sancta Synodus quo frequentius possit ad fidelium salutem exerceri &c.* Nihil est quod magis in nouo Testamento, ipsis Episcopis com-

Vide Cardina-  
lem Palzorum  
in suo Archie-  
piscopali.

mendetur. Christus mittens in orbem vniuersum Apostolos suos (quibus Episcopi successerunt) hoc eis primum mandatum dedit, *Euntes, inquit, docete omnes gentes.* Matth. 28. 19. *Prædicate Euangelium omni creaturæ.* Marc. 16. 15. Eò spectans vas electionis, Paulus, Ephes. 4. scribit Christum in cælum redeuntem, reliquisse vice sui, *alios quidem Apostolos, alios Euangelistas, quosdam autem prophetas: at alios Pastores & doctores ad consummationem sanctorum, in opus ministerij, in adificationem corporis sui: ne essemus sicut paruuli fluctuantes & circumferremur omni vento doctrinæ, in nequitia hominum, in astutia ad circumuentionem erroris; sed edoceremur in veritate, ut sic in charitate cresceremus.* Mundâsse enim *Ephes. 5.* Ecclesiam suam lauacro aquæ, hoc est baptismo, & nutrire, in verbo vitæ. verbum enim Euangelicum quo Christus nutrit animas ad salutem, vitæ spiritualis & æternæ primum est principium, quo nititur fides, excitatur spes, charitas in fidelium cordibus accenditur.

Ideo in Episcopi dotibus, Apostolus exigit scientiæ salutis, hoc est doctrinæ Christianæ copiosam notitiam: *Amplectatur, inquit, cum qui secundum doctrinam est, fidelem sermonem, ut potens sit exhortari in doctrina sana, & eos, qui contradicunt arguere,* ad Tit. 1. 9. ideo suum erudiens prædilectum Timotheum, signatim ait, esse quidem debere Episcopum prudentem, pudicum, hospitalem, sobrium, sed super hæc omnia necessariò requiri ipsum esse Doctorem, *διδάσκων*, id est aptum & expeditum ad docendum eo. Igitur ipsum Timotheum, igneis planè verbis ad hoc munus instanter obeundum stimulat ac impellit: *Attende, inquit, lectioni, exhortationi, doctrinæ, prædica verbum, inste opportunè, importunè, argue, obsecra, increpa in omni patientia & doctrina.* Catenam hîc auream texendam mihi haud inane reor fore operæpretium, de hac Episcoporum primaria obligatione diuinæ spargendæ sementis, seu Euangelij prædicandi, quo fidelibus à Pastoribus suarum animarum pabulum exhibetur ad fomentum spiritualis vitæ.

Apostolorum quæso discipulos, Patres, & synodos, hoc de debito Episcopalis officij audiamus, &

I. S. Clemens B. Pauli adiutor, ac B. Petri sanctissimus hæres lib. 2. Constit. Apostol. c. 20. Oportet, ait, *Episcopum peccatorum correptorem per admonitionem effici, iustitiæ scopum, preparatorum à Deo bonorum præconem, & futura in iudicio iræ nuncium.* Et lib. eodem c. 30. *Episcopus verbi minister est, scientiæ custos &c. pietatis magister, &c. princeps & dux vester.*

II. S. Dionysius, ipsius B. Pauli alumnus charissimus, munus prædicationis doctrinæ Euangelicæ passim ait non esse quidem Pontificalis officij aliquantulam partem, sed *substantiam ipsam Sacerdotij*, id est præcipuum munus functionis Episcopalis. *Nostre siquidem Hierarchy* (inquit) *eloquia esse diuinitus tradita, & veram scripturarum scientiam.*

III. S. Ignatius epistola ad Polycarpum, Angelum illum Smyrnenſis Ecclesiæ, quem Iesus triumphator mortis & inferni Réxque gloriæ, in Apocalypsi, sine vlla reprehensione, at multa cum commen-



datione salutat, c. 2. v. 8. potissimum huius officij exequendi commonefacit; *Rogo (inquit) te, in gratia qua indutus es cursum tuum producas, & omnes admoncas ut saluentur.* Monitum hoc præcordiis Polycarpi altè defixum insedit, nam ab ipsis edoctus Apostolis (ait auditor eius Irenæus, lib. 3. c. 3.) *docuit semper quæ ab eis didicerat, & valde senex gloriosissimo ac nobilissimo martyrio de hac vita exiuit.*

IV. S. Irenæus fundatam Apostolica prædicatione Ecclesiam: Episcopali quoque præconizatione conseruatam & propagatam asseuerat: *Apostoli enim Episcopis sui magisterij locum reliquerunt, quibus scilicet ipsas Ecclesias committebant; & hac ordinatione & successione, ea quæ est ab Apostolis traditio & præconium veritatis ad nos usque peruenit.* Et hæc (inquit lib. 3. c. 3.) *plenissima est ostensio, unam & eandem fidem viuificatricem esse, quæ in Ecclesia ab Apostolis usque nunc conseruata est & tradita in veritate.*

V. S. Cyprianus gloriosus Martyr & Pontifex, potio-rem officij sui partem in prædicatione diuini Euangelij & eruditione populi sui sitam esse agnouit, idèmq; huic muneri perfungendo strenuè semper incubuit; vnde librum suum sic exorditur, de disciplina & bono pudicitia: *Aliquas officiorum meorum partes non astimo præterisse, dum semper enitor vel maximè quotidianis Euangeliorum tractatibus, aliquando vobis fidei & scientia per Dominum incrementa præstare. Quid enim aliud in Ecclesia Domini utilius geri, quid accommodatius officio Episcopi potest inueniri, quàm ut doctrina diuinorum per ipsum insinuata, collataque verborum possint credentes ad repromissum regnum venire cælorum: Hoc ceriè mei & operis & muneris quotidianum, votiuum negotium, absens licet obtinere conitor, & per litteras præsentiam meam vobis reddere conor; dum vos solito more allocutionibus missis in fide interpello, ideo conuenio, ut Euangelicæ radices firmitate solidati, aduersus omnia diaboli praelia stetis semper armati.* Hæc sanctus ille Episcopus in feruenti persecutionum ardore.

\* Dicitur hæc dies Dominica, Christiano more.

VI. Iustinus Martyr in fine Apologiæ suæ secundæ pro Christianis, vbi sacros eorum conuentus graphicè repræsentat, prædicationem Euangelicam primum omnium fieri ab Episcopo consueuisse signatim meminit: *In omnibus, inquit, quas offerimus oblationibus benedicendo laudamus factorem omnium per filium eius Iesum Christum & Spiritum sanctum. Et solis qui dicitur die\*, omnium qui vel in oppidis, vel ruri degunt in eundem locum conuentus sit, & commentaria Apostolorum & scripta prophetarum quoad tempus fert; leguntur: Deinde lectore quiescente, præsidens orationem qua populum instruit & ad imitationem tam pulcrarum rerum cohortatur, habet.* Deinde ritum Eucharistiæ obiter (quia accuratiùs antea expresserat) describit, & reliquam enarrat pietatis Christianæ disciplinam. Eandem Conuentuum Christianorum œconomiam, (in quibus à seniore præsidente disciplina diuinorum præceptorum inculcatio, exhortatio, castigatio, & censura morum fiebat) recenset Tertullianus in Apologetico pro Christianis aduersus gentes c. 39.

Quod si in mediis persecutionum procellis Ecclesiæ Præsutes, nullo metu à munere obeundo prædicationis Euangelicæ cohiberi potuerunt: nam mori maluerunt quàm tacere, eo quod officij sui

Episcopalis præcipuam rationem in diuini verbi prædicatione sitam esse certoscirent; haud mirum iam diuinò beneficiò, pace tandem Ecclesiæ concessa, si qui successerunt in eorum cathedris, hoc opus sibi præcipuum esse intelligentes, omnem curam & operam, vt ministerium suum implerent, in ea re collocârunt, & opus Euangelistæ peregerunt: *Laborârunt* siquidem strenuè, vt admonet Apostolus *in verbo & doctrina*. *In doctrina*, fidem aduersus hæreticos scriptis eruditissimis ac eloquentissimis propugnando; *in verbo*, scilicet Euangelica prædicatione, Christi Ecclesiam, in dies fœtu nouæ prolis amplificando, fidelisque in fide confirmando, *in iustitia & pietate erudiendo*, quemadmodum ex Concionum indiculis quas pro pastoralis suo munere ad populum habuerunt, quæ etiamnum extant in eorum monumentis operum, clarè patet, v. g.

S. Athanasij Alexandr. Episc. hodièque superest *Oratio contra idola*; *Quatuor orationes contra Arrianos*, *contra omnes hæreses sermo*; alius *in illud, Profecti in pagum inuenietis pullum*, homilia *de semente*, alia *de passione & cruce Domini*; alia *de sanctissima Deipara Maria*, alia *in illud Euangelicum, Quicumque dixerit verbum &c.* Opera S. Cyrilli Hierosolym. nihil aliud sunt quam Catecheses Mystagogicæ & paræneticæ. Inter opera S. Basilij II. homiliæ extant *in opificium sex dierum*, *in Psalmos hom. 17.* variorumque argumentorum homiliæ 28. pietate, doctrina, & eloquentia præstantes. Extant etiamnum S. Gregorij Nazianzeni *tres homiliae de pace*, orationes *in dies festos septem*, variorum argumentorum septemdecim præter insignem illam tragædiam, cui titulus est *Christus patiens*. S. Ambrosius incomparabilis ille Episcopus Mediolanensis, ferè quotidie (vt refert sanctus Augustinus oculatus testis & auritus, in Confessionibus suis) conciones ad Clerum & populum habebat, cuius officij monumento perenni sunt 92. qui extant ad populum sub diuersis titulis sermones, præter funebres orationes de obitu Valentiniani & Theodosij Imp. de obitu Satyri, & de resurrectionis fide. Libris de virginibus insertæ leguntur ab ipso habitæ in Ecclesia affines huic inscriptioni Conciones, in hisque insignis sermo pronunciatus in Natali S. Agnetis Virginis & Martyris præclarissimæ. S. Gregorij Nissen, B. Basilij fratris Episcopi disertissimi, plerique sermones extant, scilicet *de Natiuitate Domini*, *de S. Stephano*, *de octo Beatitudinibus*, *de Pascha*, *de Christi assumptione*, *de fide sanctissimæ Trinitatis*, *de Baptismo*, *de Resurrectione*, *in dictum Domini quatenus fecistis vni ex his minimis, mihi fecistis*: Item orationes encomiasticæ *in 40. Martyres*, *in Gregorium Neocæsariensem*, *in Basilium*, *in Theodorum martyrem*, *in Basilium*, *in Meletium*, *in Placillam*, *in Pulcheriam &c.* Amphilocheus Iconij Episcopus præter librum de Spiritu sancto, homilias quas habuit in Ecclesia non paucas litteris expressas piæ posteritati reliquit. Tractatus S. Gaudentij Brixienfis, de variis inscripti argumentis, nihil aliud sunt quam pastorales ad populum declamationes, v. g. *de dedicatione Basilicæ*, *de Pascha*, *de Machabæis Martyribus*, *de promissione paraleti*, *de villico iniquitatis*, *de lectione Euangelij*. Inter Christianos Oratores S. Ioannes Chrysostomus Con-

stantinopolitanus Episcopus, sibi præcipuum decus nominis meritò comparauit. Media saltem pars eius operum, quæ totius pietatis & eloquentiæ refertissima sunt promptuaria, homiliarum titulis insigniuntur, nam nunc vsque extant homiliæ eius 67. in Genesim; porro 26. in Psalmos, in varia loca veteris Testamenti 52. in quibus quinque sunt de visione Isaïæ; in Matth. hom. 27. in eundem operis imperfecti hom. 54. in varia loca veteris Test. 52. ex quibus 5. sunt de visione Isaïæ: item in Matth. hom. 89. in eundem operis imperfecti hom. 54. in Marc. 14. in Lucæ varia loca 7. in Ioannem hom. 87. aliæ 6. in varia loca eiusdem, in acta Apostolorum 52. de laudibus Pauli nonnullæ, & quædam aliæ in diuersa eiusdem loca; Commentaria per homilias in omnes Epistolas eiusdem Apostoli, *ad populum Antiochenum hom. 80. De pænitentia sermones 12. Aduersus Iudeos & hæreticos serm. 15. contra concubenarios serm. 2. variorum argumentorum serm. 48.* Floruit eodem tempore Seuerianus Episcopus Gabalensis, qui ex iniâ cum præstaret eloquendi ad populum facundiâ, persæpè à S. Ioanne Chrysostomo & Arcadio Imperatore ad sermones habendos in Ecclesia Constantinopolitana inuitatus est, vnde B. Chrysostomo agente apud Ephesum pro speculatione Ecclesiastica, Seuerianus ille tantum sua eloquentia apud Clerum & populum Regiæ Urbis valuit, vt ipsius Chrysostomi non solum repletet locum, sed dicendi copiam, docendique solertiam & felicitatem ferè æquiparare videretur; quæ ex gloria intumescens, S. Chrysostomo nonnihil negotij facessiuit. Excellebat hic Seuerianus arte rhetorica, qua & alius, nomine Antiochus, Ptolemaidis in Syria quoque Antistes, Constantinopolim veniens, & habendis concionibus ad populum à Chrysostomo adhibitus, magnum sibi nomen pepererat, adeo vt alter Chrysostomus vulgò appellaretur; qui congestis inde opibus suam ad sedem rediit: at Seuerianus eius exemplo excitus, in urbem regiam vbi conuolâset, parique honore à S. Chrysostomo exceptus, ab ipsoque proficiscente in Asiam vice sui relictus Constantinopoli, vt ibi officium prædicationis exerceret, pleraque aduersus eum ex inuidia molitus est, nec destitit, fouendo Imperatricis odio aduersus ipsum Chrysostomum inuigilans, donec conflata inimicorum Episcoporum conspiratione, eundem sede sacra deturbasset & extra urbem eiecisset. Et erit hic fortè qui Chrysostomum non satis oculatæ mentis perstringat: cur enim externum hunc hominem, & propriæ Ecclesiæ administrationi deuinctum, habendis sui loco concionibus in vrbe regia admouit, cum præsto essent plerique ex sacro ordine viri scripturarum periti & eloquentia præstantes, quibus hoc munus absque eiusmodi periculo facilè demandare poterat? sed non absque causa sanctus Chrysostomus opera huius Seueriani, & antea præfati Antiochi vsus est in hoc obscuro munere: nam hoc Episcopale onus præcipuum censebatur, igitur vice sui committendum viro Episcopali dignitate prædito, quòd insolitum esset Constantinopoli inferiores Episcopo Clericos, officio prædicationis defungi: Addito  
 viri

virī malitiā, nam eius odium qui semper Chrysostomi se amantissimum ostenderat, haud potuit Chrysostomus præcauere. Nec enim tantum eloquentia sua ille Seuerianus Augustæ, aulicis, populoque adeo placuerit, sed assentationibus suis, blandiendi etenim artes mirificè callebat; Amârunt semper homines (rectè ait S. Augustinus) *veritatem lucentem, oderunt redarguentem*: Seuerianus suis auditoribus admodum blandiebatur, mellitisque verbis Eudoxiam, Proceres & plebem vniuersam demulcebat. At S. Ioannes Chrysostomus Ioannis Baptistæ spiritum sequebatur: clamabat, obiurgabat, ad pœnitentiam seriam populum suum impellebat, nec sæculi potestatibus adulabatur; idcirco primo die quo in Pontificali Cathedra præsentē Imperatore Arcadio, multisque Episcopis, & proceribus, frequentique Clero & populo summo cum honore collocatus fuit, sic sequentem ad eos sermonem exorsus est: *Nos qui ineffabilibus Dei rationibus, ideo ad vos venimus, ut voluntatem eius testificemur, hoc primum verbum à Christo & diuino eius Præcurfore accipientes annunciamus & suademus. Pœnitentiam agite, propè est regnum celorum; hæc neminem reuerentes neque dies timentes ad vos loquemur.* Stetit verbis vir ille sanctissimus, vnde præco pœnitentiæ meruit appellari.

*Apud Saritum.*

Onus illud prædicationis, quod Episcopale imprimis esse nouerat S. Augustinus, tamen bello à se indicto cunctis hæreticis semper implicitus, nunquam tamen sustinere prætermisit: siquidem præter multos polemicos tractatus, quibus maiori ex parte, operum eiusdem insignis Ecclesiæ Doctoris collectio constat; extant libelli plerique didascalici, quibus Christianæ plebis mores ad gnomonem diuinæ legis efformabat: At insuper sermones propè innumeri, quibus viuæ vocis oraculo auditores in Ecclesia fidelis Pastor instruebat. Sane tractatus in Ioannem meræ sunt conciones ab eo, è cathedra pronuntiæ, & subinde litteris ad posterorum eruditionem consignatæ, sic & tractatus 10. in 1. epist. S. Ioannis. At Tomus 10. operum ipsius sancti Doctoris, eius ad populum documentis è suggestu prolatis totus constat; in eo sunt enim hom. 64. de verbis Domini; 35. de verbis Apostoli; Item 50. homiliar. liber; de Sanctis hom. 51. sermones 2. de communi vita Clericorum; De quorum omnium sinceritate, vix dubium vllum esse potest. Prodiē runt tandem sermones nuper excusi ex Carthusia Parisiensi; & sermones 128. recens inuenti, quos ipsius esse S. Augustini genuinos fœtus hac ratione constat, quod vel in indiculo Possidij censentur, vel à Beda citantur, sed adeo graues & docti sunt, ut stylum & spiritum ipsius sancti Augustini planè redoleant, atque ab emunctæ naris censoribus tanto auctore dignissimi existimentur: sicut plerique ex *sermonibus de tempore*, qui eodem tomo continentur. Cæterum ex tanta copia concionum satis fit cuique perspectum, quanta cum pietatis instantia, sanctus ipse Episcopus, prædicationi verbi Dei ad diuinæ Maiestatis gloriam & Ecclesiæ ædificationem, populique vtilitatem incubuerit, qui sanè tot tantæque huius strenuæ exercitationis reliquit monumenta, ut si nihil aliud



nobis sui studij & laboris reliquisset, hoc vel titulo iure promeruis-  
set inter præcipuos Ecclesiæ Catholicæ doctores connumerari; si-  
quidem tanto sunt numero, eoque Christianæ doctrinæ & discipli-  
næ splendore micant, ut illum iis dicendis, scribendisque crederes  
totum impendisse tempus suum: nam tantum laborem vitæ longioris  
cursum potuisse ad cumulum implere; qui cætera eius opera ferè in-  
numera non perspexerit, non abs re arbitraretur.

Porrò sub tanti luminis occasum clarere cœpit S. Maximus Epi-  
scopus Taurinensis, qui plerosque sermones, luce Christianæ veri-  
tatis conspicuos, ardorem pietatis spirantes, sacræque planè eloquen-  
tia refertos apud suos populares pro Episcopalis vigilantia officio  
pronunciauit, atque æternæ memoriæ consignauit: Tituli ipsi pa-  
tenti sunt indicio, quanto zelo huic præcipuo muneri exequendo  
vir Deo plenus institerit; nam etiamnum supersunt, olim à Genna-  
dio recensiti, *serm. 2. de Aduentu Domini: De vigilia eius Natalis 1. In  
ipso Natali Domini, 6. in Circumcisione Domini 1. in Theophania 8. in Qua-  
dragesima 17. in solennitate Paschali 5. in Litanis de ieiunio 1. in solennitate  
Pentecostes 3. in Natali S. Stephani 1. in Natali S. Agnetis 1. in Natiuitate S.  
Joannis Baptistæ 3. in Natali Apostolorum Petri & Pauli 5. in Natali S. Lau-  
rentij 3. in Natali sancti Eusebii Vercellensis 2. in feriis S. Michaelis 1. in Na-  
tali Sanctorum Martyrum Tauricorum 1. in communi Martyrum 1. de expo-  
sitione symboli 1. de non metuendis carnalibus hostibus 2. de auaritia vitanda  
2. de elemosynis largiendis 2. de hospitalitate 1. &c.*

Non diu post emicuit insignis sanctitatis & sacræ eloquentiæ glo-  
riâ, Petrus Chrysologus Episcopus Ecclesiæ Rauennatensis, cuius cla-  
ræ manent 122. homiliæ, breues quidem, sed disertæ, Mysteriis E-  
uangelicis, sanctorumque natalibus accommodatæ.

S. Leo cognomento Magnus, sed merito & dignitate Maximus,  
Apostolicæ Sedi eodem tempore præfuit: cuius os in medio Eccle-  
siæ, Deus aperuit: vnde in œcumenica Synodo Chalcedonensi, tot  
personuerunt Patrum illius doctrinam admirantium & collaudan-  
tium perhonorificæ acclamationes. Præter epistolas ad diuersos, do-  
gmaticas, decretales & paræneticas ac tractatorias, in quibus de re-  
bus grauissimis singulari sapientia ac eruditione agit: homilias elo-  
quentissimas de præcipuis solennitatibus Domini & Sanctorum ha-  
buit & litteris expressit. De iis quod de S. Cypriani libris suo in Ca-  
talogo virorum illustrium dixit S. Hieronymus, non immeritò po-  
test vsurpari, *Superfluum esse harum indicem texere, cum sint ipso meridiano  
sole clariores.* Præcellunt in iis tamen *serm. 19. de passione Domini*, in qui-  
bus exhaustisse videtur, quicquid de tanto mysterio humana mente  
concupi, aut lingua quantumuis disertissima exprimi potest: vnde  
Trithemius in libro de scriptoribus Ecclesiasticis, de eo non insecitè  
dixit, *Vir fuit in scripturis diuinis eruditissimus, & in declamandis homiliis  
ad populum adeo celebris & facundus, ut superiorem Ecclesia Romana habue-  
rit neminem: quod sermones eius clarissimi testantur. Fuit Ecclesiastica dictionis  
Tullius, sacræ Theologiæ Homerus, rationum fidei Aristoteles, auctoritatis*

*Apostolica Petrus, & in Christiano pulpito Paulus; eius sermones cor penetrant, afficiunt animum, fidem Catholicam dulci breuiloquio confirmant. Nec mirum! ignem diuini amoris gestans accensum in pectore, quid aliud quàm ardentia verba loqueretur?*

S. Gregorius, suppari gloria sequitur cognominis, dignitatis & meriti: eius extant succo refertæ eximix pietatis & doctrinæ, 40. homiliae in Euangelia, quibus præcipua mysteriorum fidei solennia complexus est, documentaque organo Spiritus sancti (qui in specie columbæ hæc in eius aurem influere non semel visus est, à Petro eius Diacono) dignissima fidelibus enunciauit. Libri 38. Moralium in Iob, ex Concionibus conferti sunt, quas ad populum habuit; Item expositio in septem psalmos pœnitentiales. Porro cùm infirmitatibus plerisque grauaretur, & podagra præsertim sanctus hic Pontifex laboraret, nec posset ipse ad populum quas disposuerat conciones perorare, aliquando Diaconi, aliquando etiam Notarij vicariâ operâ utebatur, ut vocis eorum oraculo homiliæ, quas eis scribendas dictauerat, publicè in Ecclesia nomine suo recitarentur, quemadmodum ipse insinuat in prologo super homilias suas in sacro-sancta Euangelia, quin & S. Bernardus lib. 2. de Confid. ad Eugenium P. P. c. 9. hoc notatione imprimis dignum de ipso beatissimo Pontifice commemorat: *Obsidio urbi, & barbaricus ensis ciuium ceruicibus imminebat; nunquid tamen istud terruit Beatum Papam Gregorium, quominus sapientiam scriberet in otio; conamque temporis &c. obscurissimam & extremam partem Ezechielis, tam diligenter quàm eleganter exposuit.* Sacra Tridentina Synodus œcumenica præcipit Episcopis, ut diebus Dominicis & festis, maioribusque solennitatibus populo verbum Dei per seipsos annuncient, seu saltem per Sacerdotes idoneos, si ipsi legitimo quodam impedimento distineantur. Arripiunt plerique præsules hanc postremam clausulam, seque negotiis grauissimis implicitos non posse defungi aiunt per se prædicationis officio. At quæso ab eis, si pluribus maioribusque negotiis præpediantur, ab hoc obeundo præcipuo suæ dispensationis munere, quàm S. Gregorius, B. Leo aliique summi Pontifices, qui orbem vniuersum humeris suis impositum perferebant, quàm S. Augustinus aliique sanctissimi Episcopi, quibus perpetuus erat cum hæreticis conflictus, imminebat à barbaris quotidianum mortis periculum; quique scribendi, docendi, prædicandi nihilominus studio, infatigabili labore incumbabant? nunquam tamen de impedimento pastoralis officij huius præcipui querebantur.

Dicent fortassis, sanctissimos hos Patres exercitationis gratia hoc fecisse, non quòd se obstrictos crederent huic per se muneri subeundo. At contrarium facilè apparebit, si rationum momenta quibus se deuinciri huic officio personaliter exequendo censebant, ipsorum ex dictis expendamus.

1. S. Cyprianus suo iam tempore queritur, serm. 5. de Lapsis, *plures tum Episcopos* (quos ornamento cæteris esse oportebat & exemplo) *diuina dispensatione contempta, curis se secularibus immiscere*, CATHEDRA

RELICTA, plebe deserta, quam vite aeternae verbo, vero animarum cibo pascere, creditio ex officio obstringuntur.

II. S. Hilarius lib. 6. de Trinitate, *Studij*, ait, *mei & officij necessitate*, hoc, *Ecclesiae Episcopus*, *prædicationis Evangelicæ munus debeo*. Spectauit profectò sanctus hic antistes ad hæc verba Apostoli, 1. Cor. 9. 16. *Væ mihi nisi euangelizauero, necessitas enim mihi credita est*. Hinc enim Patres & Theologi colligunt, graui præcepto Apostolis præceptum fuisse à Christo *ut euangelizarent & docerent omnes gentes*, Matth. 28. 20. Marc. ult. adeo ut si neglexissent euangelizare, peccassent mortaliter. Væ igitur negligentibus hanc potissimam partem implere ministerij sui, Apostolorum successoribus, id est Episcopis, ideo Apostolus intonat quod iram Dei, & gehennæ perennis supplicium importat. Eodem præcepto sub eadem interminatione Episcopi & Pastores in iure canonico obstringuntur. hinc glos. *Criminus* in can. *plus tacet* dist. 25. notat quòd taciturnitas in Prælato est peccatum mortale. idem habetur in can. *Si rector* dist. 43. hocque probat inductione Card. de Turrecremata, ibid. & Anton. in cap. *inter cetera de officio ordin*. Nec valet effugium eorum qui satis facere eos putant, qui curant per alios negligentiam suam suppleri, remoto enim legitimo impedimento, stricto iure ad hoc opus quod præcipuum est pastoris, Episcopi obligantur, ut ex Concilij Tridentini definitione constat, sess. 5. can. 2. de reform. & sess. 24. c. 4. de eadem reform. *Vocem enim mercenarij oues libenter non audiunt, sed vocem agnoscunt pastoris, & audientes illum sequuntur*, Ioan. 10. Cæterum non est cur seuerius agi quispiam causetur cum Episcopo, illum reum fieri grauis culpæ, neglectu prædicandi, asserendo: siquidem grauitas materiæ tam graui illum piaculo obnoxium facit; nam in hoc debito sita est formalis ratio officij pastoralis. Adde quòd prædicatio verbi Dei est cibus animarum, quæ si deficiat, perire illas necesse est, ideo can. *Ephesiis* dist. 43. *Pastor qui tacet, & oues suas pabulo verbi Dei, quod est vita animæ, non reficit, eas occidit*. inde minatur Deus per Amos c. 8. *Ecce dies veniunt & emittam famem in terram, non famem panis neque sitim aquæ, sed audiendi verbum Dei*. Itæ igitur Dei signum est, ista prædicationis inopia. At qui iræ Dei seruiunt, *virga furoris eius appellantur*; his verò maledictio intentatur Isaïæ c. 10. *væ Assur, virga furoris mei!* sed alios Patres audiamus.

III. S. Ambrosius lib. officiorum c. 1. de se & reliquis Episcopis hanc insignem profert sententiam, *Effugere non possumus* (inquit) *officium docendi, quod nobis refugientibus imposuit Sacerdotij necessitudo*. verbis illis scilicet expressa Apostoli, *væ mihi nisi euangelizauero*. Ac paulò antè idem S. Ambrosius ea de lege loquens diffusius, *Nos* (ait) *quibus in verbis diuinis credita est dispensatio, quique Christi gregem nutriendum suscepimus, non sine ingentis piaculi noxa nos credimus euasuros &c. Si minimè prædicamus: ad quod licet nos retardet vitæ improbitas, inuitat tamen præcepti necessitas. Et væ iam mihi est, si minimè prædicauero, si susceptum thesaurum defodero & occulero, verbi diuini lucernam compressam retinero, non cunctorum oculis manifestauero, non humanæ imperitiæ claustra regni cælestis reserauero*.

[illegible]

\* Οὐκ ἔστιν ἀνάτ-  
τα, παρὰ τῷ πῶδ-  
ματι τῷ χειρ-  
πιάσῃ ἔχει ἐξου-  
σίαν γὰρ ὅτι τὸ ἴ-  
διον. μία αὐτῆς ἀ-  
νέγκη· ἵτα ποιμαί-  
νει ὃ ἐκκλησίας  
τοῦ θεοῦ, &c.

QQqq iii)



ep. 59. q. 4.  
rom. 2. p. 214.

lenti, quid inter Pastores & Doctores intersit, quos inter gradus & ordines Ecclesiæ à Domino constitutos Apostolus recenset Ephes. 4. respondit ep. 59. q. 4. eosdem sibi videri; *Quosdam enim ait Apostolus, dictos esse Apostolos, alios prophetas, alios Euangelistas: sed sine vlla differentia pastores & Doctores nominavit, ut non alios pastores, alios doctores nos intelligamus, sed ideo cum prædixisset pastores, subiunxisse doctores, ut intelligerent pastores ad officium suum pertinere doctrinam. Absurdum igitur censuisset S. Augustinus, Ecclesiæ indecorum, & negligentibus officij præcipuum opus, periculosum; Pastorem & Episcopum reperiri qui plebem sibi commissam ore proprio non doceret, sed retento pastoralis nomine & honore, hoc onus quod Episcopi primarium est, adeoque præcipuum, in inferiorum humeros quasi aut nimis graue, aut Episcopali dignitati minus conueniens reiiceret.*

VII. S. Gregorius lib. 1. ep. 24. differens de Sacerdotis summi in tabernaculum ingressu; *Sacerdos, inquit, tabernaculum ingrediens tintinabulis ambiri præcipitur, ut prædicationis vices habeat, ne superni speculatoris iudicium ex silentio offendant; Audiatur (ait Moyse Dominus) sonitus quando ingreditur vel egreditur sanctuarium, in conspectu Domini, ut non moriatur, Sacerdos enim ingrediens & egrediens (in ouile Domini) moritur, si de eo sonitus non audiatur, quia iram contra se occultè iudicis exigit, si sine sonitu prædicationis incedit.* Idem sanctus Pontifex part. 2. sui Pastoralis c. 4. accumulatis Scripturæ sacræ vtriusque Testamenti plerisque auctoritatibus, ductisque hinc solidissimis argumentis, apertissimè demonstrat, Pastorem iure diuino & ex intrinseca formalique pastoralis officij ratione ad opus prædicationis astringi, deque salute sua grauius periclitari, si hoc humanæ salutis præcipuum ministerium, gregi sibi commissio exhibere paruipendat, & quouis umbratili prætextu à se amoliat. Quod insigne S. Gregorij documentum igneo sanè pectore conceptum, verbisque potius Angelicis, quàm humanis expressum, tanti Ecclesia fecit, ut licet nonnihil prolixum, Codici sui iuris scriatim intexuerit, decreti 1. part. dist. 43. n. 1. can. *si rector*, &c.

Sed iam quia in Canonum mentionem incidimus, paululùm hunc in tramitem, obsecro, digrediamur. Apostoli in canonibus suis can. 77. & 78. oculo quidem orbatum, aut femore oblæsum hominem, aliàs Episcopatu non indignum, effici permittunt Episcopum: cæcum verò, aut surdum, vel mutum ab Episcopatu repellunt quamuis vitio aliquo non pollutum. Ut quid tanta districtio pro simplici imperfectione corporali? quæ (ut ibidem inquiunt) animam non inquinat? nisi quod si cæcus fuerit sacris operari nequeat, si surdus pœnitentium reconciliationi incumbere non valeat, si mutus prædicationis officium, quod imprimis debet Clero & populo suo, impendere non possit. Inde est quod can. 58. decernunt, Episcopum qui sui muneris oblitus, populum non docet, segregetur, & si in socordia perseverat, deponatur. Tantum verò abest ut primitiæ Ecclesiæ

politia indulserit Episcopis, ab officio prædicandi pro libito abstinere; quod è contra canon, *scimus autem*. n. 3. prædictæ dist. 43. prohibeat Episcopis, subtrahere ipsis persecutoribus Ecclesiæ verbum prædicationis, ex scitis Anacleti Papæ & Martyris depromptis \*. In Quinisexta Synodo can. 19. hoc titulo constat; Episcopi diebus omnibus præcipuè Dominicis docere populum debent. digna est profectò hæc sanctio, quæ hîc verbatim referatur: hoc igitur tenore sese habet. *Quod oportet eos qui præsunt Ecclesiis, in omnibus quidem diebus, sed præcipuè Dominicis, omnem Clerum & populum docere, pietatis ac rectæ religionis eloquia, ex diuina scriptura colligentes intelligentias & iudicia veritatis, & non transgredientes iam positos terminos, vel diuinorum patrum traditionem.* Sed VII. Synodi œcumenicæ can. 2. nulla ratio patitur hîc sub silentio præterire, qui ad rem quæ vertitur totus spectat, hac contextus serie, qua & refertur dist. 38. can. *Omnes psallentes. Decernimus quemlibet quidem, qui ad Episcopalem gradum est prouehendus, psalterium omnino nosse, ut ex eo omnem quoque suum Clerum ita initiari moneat. A Metropolitano autem bene examinari, an ad sacros canones diligenter, ac cum perscrutatione, non autem cursim obiterque legendos, prompto, paratòque sit animo, ET SACRVM etiam EVANGELIVM & LIBRVM DIVINI APOSTOLI, omnemque diuinam scripturam, & in diuinis præceptis versari, & POPVLVM DOCERE.* Nostre enim hierarchiæ SUBSTANTIA SVNT ELOQVIA DIVINITVS TRADITA: diuinarum scilicet scripturarum vera scientia, sicut & magnus Dionysius ostendit. Siquis autem dubius fuerit animi, & non libenter hæc facere, & docere voluerit, non ordinetur. Prophetice enim dicit Deus: Tu repulisti scientiam, & ego te repellam, ne sis mihi Sacerdos, Osee 2. Meritò igitur Symmachus Papa in VI. Romana Synodo, sic Episcopos tam præsentis quàm futuros impendentis extremi periculi ex officij prædicationis neglectu, seuerè, sed verè equidem, admonerat; *Væ erit nobis, qui ministerij onus suscepimus, si Domini veritatem, quam Apostoli prædicauerunt, prædicare neglexerimus. Væ nobis, si silentio veritatem opprimerimus, quam nummulariis erogare, id est populum docere iubemur! Quid in futuro Christi examine dicturi sumus, si sermonum eius veritatem prædicare confundimur? Quid erit nobis cum de commissis animabus & officio suscepto rationem iustus iudex exegerit? Ideo nos semper oportet nociua rescare, profutura exigere, obiurgando, hortando, suadendo, blandiendo, consolando, prodesse. Lingua nostra bonis fomentum sit, prauis aculeus, tumidos retundat, iratos mitiget, pigros exacuat, desides succendat, refugientibus suadeat, asperis blandiatur, desperatos consoletur, ut quia Doctores dicimur viam salutis gradientibus ostendamus, simus in custodia vigilantes, aditus contra hostis insidias solliciti muniamus, ut ouem perditam & de commissis gregibus errore abductam, toto nisu ad caulas Dominicas reuocantes, de Pastoris nomine quod habemus, præmium non supplicium consequamur.* Eodem spiritu Nicolaus & ipse Pontifex Apostolicæ Sedis, can. final. (ex ep. ad Michaellem Imp. cuius est initium, *Proposueramus*) dist. 43. eloquitur. *Dispensatio (inquit) est nobis cælestis seminis iniuncta, væ si non sparserimus: væ si nos tacuerimus. quod cum vas electionis formidet & clamet, quanto magis cuiuslibet exiguo metusendum est? Proinde sicut non leue discrimen incumbit*

Anacl. Epist. 1.  
ad omnes ubi-  
que Episc.

Pontificibus siluisse pro diuinitatis cultu & Ecclesiæ correctione, quod congruit: ita iis (quod absit) non mediocre periculum est, qui cum debeant parere despicunt. Hoc debitum prædicationis alta mente reuoluentes Patres Concilij Toletani XI. quod anno 675. sedente Adeodato summo Pontifice habitum est, hunc can. qui 2. est serie ediderunt, Quòd necesse sit Episcopum prædicare, & ab aliis curis cessare. Quansum quis (aiunt) præcelsi culminis obtinet locum, tantum necesse est præcedat gratia meritorum, ut in eo quod præsidet singulis, singulariter ornetur eminentia sanctitatis: HABENS SEMPER ET IN ORE GLADIUM veritatis, & IN OPERE efficaciam luminis, ut iuxta Apostolum potens sit exhortari in doctrina sana & contradicentes reuincere. Nos proinde nostri ordinis gradum, vel suscepti regiminis modum magnopere cogitare debemus, VT QUI OFFICIUM PRÆDICATIONIS SVSCEPIMVS, nullis curis à diuina lectione priuemur. Nam quorundam mentes Pontificum ita corporis \* otio, à lectionis gratia secluduntur, ut quid doctrinæ gregibus subditis exhibeat non inueniat PRÆCO MVTVS. Insistendum ergo semper erit maioribus, (id est Prælati) ut quos sub regiminis sui cura tuentur, fame verbi Dei perire non sinant. Quo in canone verba ista, ut qui officium prædicationis suscepimus, speciali sunt expensione digna. Spectarunt profectò illi Patres ad Pontificalis ordinationis ritum. Ante omnia siquidem iuxta Concilij VII. generalis suprà citatum decretum, promouendus ad Episcopatum, ab Antistite Consecratore hunc in modum compellatur. Antiqua sanctorum Patrum institutio docet & præcipit, ut is qui ad Episcopalem ordinem eligitur antiè diligentissimè examinetur, &c. Eadem itaque auctoritate & præcepto interrogamus te dilectissime frater, charitate sincera, si omnem prudentiam tuam, quantum tua capax est natura, diuinæ scripturæ sensibus accommodare volueris? Postquam annuit electus, persequitur ordinator Pontifex: Vis ea quæ ex diuinis scripturis intelligis, plebem cui ordinandus es, & verbis docere & exemplis? R. Volo. Deinde pro eo sic Pontifex orat. Sint speciosi tuo munere pedes eius ad euangelizandum pacem, ad euangelizandum bona tua. Da ei Domine verbum reconciliationis &c. Sit sermo eius & prædicatio non in persuasibilibus humana sapientiæ verbis, sed in ostensione spiritus & veritatis. Postquam verò illum inunxit, & annulo ac baculo insigniuit, accipit librum Euangeliorum de scapulis consecrati \*, & adiuuantibus eum ipsis Episcopis assistentibus, tradit eum clausum consecrato, tangenti illum sine apertione manuum: dicens ACCIPE EVANGELIUM ET VADE, PRÆDICA POPULO TIBI COMMISSO, potens est enim Deus ut augeat tibi gratiam suam. Qui vivit & regnat &c. Demum consecrator recipit consecratum ad osculum pacis &c.

\* In lib. Sacram. S. Greg. prima rubrica sic habet, Episcopus cum ordinatur, duo Episcopi ponant & teneant Euangeliorum Codicem super caput eius.



## ARTICVLVS II.

*An casus, causæque aliquot legitime subsint, quibus Episcopus fiat actualis huius obligationis expers?*

**H**OC ex ritu igitur manifestè constat, Episcopum in ordinatione sua officium Euangelicæ prædicationis solenni cæremoniâ suscipere, hocque se functurum ex iniuncto sibi Episcopalis Cathedræ debito, polliceri. Quod agnoscens sapientissimum Concilium Tridentinum, antiquos canones insequendo, hac sanctione edita sub Paulo III. anno 1546. c. 2. Decreti de reformatione, Præsules officio huic personaliter obeundo astrictos esse declarauit, utque actualiter exequantur, summa auctoritate sancit: *Quia verò Christianæ Reipublicæ (ait sacrosancta Synodus) non minùs necessaria est prædicatione Euangelij quàm lectio, ET HOC EST PRÆCIPVVM EPISCOPORVM MVNVS, statuit & decreuit eadem sancta Synodus, omnes Episcopos, Archiepiscopos, Primates, & omnes alios Ecclesiarum Prælatos teneri per seipsos, si legitime impediti non fuerint, ad prædicandum sanctum Iesu Christi Euangelium.* Et sess. 24. celebrata sub Pio IV. anno 1563. in decreto iterum de reform. c. 4. iterando idem præceptum, denuo sic decernit: *PRÆDICATIONIS MVNVS QVOD EPISCOPORVM PRÆCIPVVM EST, cupiens sancta Synodus, quo frequentius possit ad fidelium salutem exerceri, Canones aliàs super hoc editos sub felicitis recordationis Paulo III. aptius temporum vsui accommodando mandat, ut in Ecclesia sua ipsi per se, aut si legitime impediti fuerint, per eos quos ad prædicationis munus assument &c. Saltem omnibus Dominicis & solennibus diebus festis: tempore autem ieiuniorum Quadragesimæ & Aduentus, quotidie, vel saltem tribus in hebdomada diebus, si ita oportere duxerint, diuinam legem annuncient, & aliàs, quotiescumque id opportunè posse fieri iudicauerint.*

At ex exceptiua hac clausula, *si legitime impediti non fuerint*, plerique sunt qui onus prædicationis facillè excutiant, inque vicarios humeros passim deuoluant. Causantur enim se legitimo impedimento à prædicatione Euangelica, quam aliàs vltro obirent, præpediri. Quod si verum esset, & ipso rei obice, & Concilij ipsa lege, fateor iure excusarentur. Verùm ut plurimum prætextus eiusmodi umbratilis est, quicquid enim illis placet, pro impedimento obiciunt, nec satis attendunt debere esse legitimum impedimentum, ut ab hoc præstando officio, quod Episcoporum primum & præcipuum est, iustè coram Deo & hominibus excusari queant. Hos igitur, saluâ dignitatis reuerentiâ, qua in Ecclesia præfulgent, obsecro ut patres, & si velint ut principes, quatenus seriò recogitent si causa sit legitima, quæ eos à pabulo præstando suis ouibus (quod sedulò præstare debent) eos remoretur. Sanè legitimum dicitur quod iure concessum est & approbatum, vel antiqua consuetudine receptum, glos. *Generalibus in Extrinag. super Cathedram, de sepulturis inter communes*: si impedimentum quod cohiberi se volunt à præcipuo suo munere exequendo est eiusmodi



di, vadimonium quod quærunt non illibenter admitto, impedimentum enim iustum excusat quemque ab eo, quod aliàs necessario fieri debet, cap. ordinarij §. *Quod si forte de offic. ordin. lib. 6. Ad præfixum;* igitur axioma iuris expendendum est, quo casu iuste possint præfules, à prædicatione Evangelica excusari?

*Espenceus lib. 2.  
Digressionum  
&c.*

Theologus quidam insignis qui Concilio Tridentino interfuerat, de ipsius Concilij legis inobseruantia, iam tunc profectò conque-  
stus est. *Quid (inquit) emendationis sperari potest à nobis, nostra tam recens edita non obseruantibus. Noni Episcopos etiam Gracè peritos, qui se ut ad istam docendi seruitutem demittant, ad istas sordes descendant (generosi scilicet & excelsi viri!) teneri perfractè negent, quòd cùm Episcopas asscuti sunt, mos is non esset. Quasi contra perpetuam Dei legem, vlla hominum praualeat de-  
suetudo? quos cùm omnis omnium temporum natura, scriptura, Ecclesia, Con-  
cilia, Pontifices, Cæsares, \* superi, inferi accusent daminèntque, quis est qui  
absoluat?* Hac ratione excluditur omnis excusatio, quæ prætextu con-  
suetudinis seu potiùs desuetudinis allegari possit.

\* Nam de hac  
Episcoporum  
obligatione, in  
Caroli Magni  
& Ludouici Pij  
Capitularibus,  
Regùmque no-  
strorum tam  
prisca quam  
nouis pragma-  
ticis, plurima  
monita & de-  
creta conti-  
nentur.

Iam verò de iure ipso videndum. Sanè magnum illud Concilium  
Lateranense, quod præsidente Innocentio III. confedit, sanctionem  
specialem edidit cap. 9. de Prædicatoribus instituendis, cùm Episco-  
pi prædicare non valent, cuius hoc est exordium: *Cùm saepe contingat  
quòd Episcopi propter occupationes multiplices, vel inualetudines corporales,  
seu occasiones alias, (ne dicamus defectum scientiæ, quod in eis est repro-  
bandum omnino, nec de cætero tolerandum) per seipsos non sufficiunt  
ministrare populo verbum Dei, &c.* Ex hac regula igitur inspicien-  
dum, num excusatio quæ à Præsule obtenditur, legitima possit exi-  
stimari?

Diuerfa sanè sunt onera Episcopi, eaque grauissima; *Fluctus enim  
Episcopi animum concutientes* (ait S. Chrysostomus lib. 3. de Sacerdotio)  
*ventis mare conturbantibus crebriores, infestioresque esse solent.* Et lib. 6. *Si  
difficultates eas omnes (inquit) recensere vellem, quas Episcopum tolerare  
oportet, nihil aliud erit, quàm maris altitudinem emetiri.* Dolebat vicem E-  
piscoporum ideo S. Gregorius Nazianzenus, propter magnitudinem  
oneris, quod Angelis ipsis merito sit formidandum, in orat. 150. ad E-  
piscopos &c. hoc fastigium itaque adeo periculosum & inuidiosum  
esse dicit, ut arbitretur *neminem sapientem leto animo pati posse, Episcopum  
creari.* Et rectè S. Vincentius Ferrerius serm. 2. Dominicæ 2. post Pas-  
cha, admodum sibi asserit admirandum, *quomodo Episcopi possint cum  
aliquantulo gaudio viuere, cogitando onus grauissimum ac multiplex quod su-  
pra se portant.* Ideo S. Augustinus, *Nihil esse tristius, miserius, & periculo-  
sius Episcopatus officio* censebat, nisi cum ardenti charitate & sedula  
solicitudine ac opera administretur; *Nihil verò esse laboriosius, si eo  
modo exerceatur quo Deus præcipit, c. Ante omnia.* Et sanè multoculum esse  
Episcopum oportere S. Chrysostomus sapienter admonebat. Siqui-  
dem vno in nomine officia pleraque continentur. Est enim Episco-  
pus, pater, speculator, pastor, doctor, exemplar, & forma gregis  
commissi; dux, miles, præfectus, nauta, nutrix, agricultor, corre-

*vbi supra.*

Ætor, iudex, patronus, medicus, dispensator, æconomus; & ut vno  
 dicam verbo, quo vniuersa Apostolus officia generi humano salu-  
 taria complexus est, OMNIBVS OMNIA etenim *Omnia* (inquit) *omnibus* 1. Cor. 9.  
*factus sum, ut omnes lucrificam. Quis infirmatur, & ego non infirmor? quis* 2. Cor. 11.  
*scandalizatur, & ego non vror?* Quis igitur multiplices esse Episcopi  
 occupationes, æquè poterit inficiari, ob quas eum per se posse sem-  
 per præstare opus Euangelistæ, nemo sanus inficiatum ire possit.  
 S. Thomas 2. 2. q. 184. a. 5. graui monimento docet, Episcopum in  
 sua consecratione se obligare ad statum perfectionis, qui consistit,  
 ut animas sibi creditas expurget, illuminet, instruat & ad perfectio-  
 nem adducat, quem in finem grauiter peccat, si non animosè conten-  
 dit ac modis omnibus enititur, nam ad hunc effectum omnia sua  
 & vitam ipsam debet profundere. Meritò igitur S. Carolus Borro-  
 mæus cuidam Episcopo succensuit, qui ei scripserat *sibi parum negotij*  
*impresensiarum occurrere*; hanc enim vocem ut Episcopo prorsus indi-  
 gnam, grauib; ad eum missis litteris, acriter latèque reprehendit.  
 Fatendum reuerà, Episcopo graue onus diuersissimasque curas & oc-  
 cupationes impendere: & proinde ei licitum esse, imò pernecessa-  
 rium quasdam aliquando intermittere functiones, ut aliis incumbat.  
 Dicit ordinando Episcopo consecrator Pontifex, *Episcopum oportet in-*  
*dicare, interpretari, consecrare, ordinare, offerre, baptizare & confirmare.*  
 Insuper verò necessum est lustrare diœcesim, Parochis superinten-  
 dere, Clerum & populum regere, propriam sponsam nempe Ec-  
 clesiam perenni cura excolere, iura eius tueri, viduarum, orphano-  
 rum, pauperum defensionem ac sollicitudinem suscipere, synodos  
 diœcesanas celebrare, prouincialibus interesse, publicæ necessitatis  
 causâ ad comitatum proficisci, apud Regem, Procures, vel Senatum  
 intercedere, ut priuilegia Clericorum non lædantur, populus non  
 opprimatur, defunctorum suprema vota impleantur, compescantur  
 hæretici, Religio illibata conseruetur, & id genus alia innumera,  
 quæ non semel in vita, vel annis singulis agere, sed quandiu spirat  
 agere, vel conari necessum est. Et verò si vicissim his at seriò incum-  
 bat officiis, abnuere noluerim ab actuali munere prædicationis posse  
 non immeritò, sed non semper, at aliquoties dumtaxat excusari.  
 Sed cum apud me perpendo munus prædicationis, ut docet Triden-  
 tina synodus, *Episcopi esse munus præcipuum*: haud faciliè patior persua-  
 deri, illorum officiorum concursu, ipsum Episcopum penitus à præ-  
 stando Euangelicæ prædicationis officio fieri posse immunem; his  
 enim occupationibus certis vicibus obeundis debere illum equidem  
 reor incumbere, at quantocyùs potest, ad Euangelismi præconium,  
 quod animarum vita est, tanquam munus suum præcipuum, redire,  
 summo iure Episcopalis dispensationis obstringi: ut enim dicit  
 Dominus, *Illa quidem oportuit facere, sed ista* (ut pote quæ maioris  
 sunt momenti) *non prætermittere.* Matth. 23. 23.

Addit Lateranense Concilium, *inualetudines corporales*: eundem ca-  
 sum assignauit, cum causa legitimæ absentia Concilium I. Mogun-

RRrr ij

tinum, c. 25. Si fortè Episcopus non fuerit in domo sua, aut infirmus est &c. nunquam desit tamen diebus Dominicis aut festiuitatibus qui verbum Dei prædicet &c. Et Concilium Aquilgranense II. c. 11. *Ut si fortè contigerit, aliquem Episcopum, tardiloquentem esse, aut infirmitate aliqua impeditum, habeat tamen ministrum doctum, qui eius vice pabula verbi diuini populo administrare possit &c.* Prouectam ætatem non ineptè quispiam infirmitati æquiparârit. Mutum verò tametsi Episcopum canones ab Episcopatu repellant, tardiloquentem tamen non excludunt, si de cætero qui utilis Ecclesiæ reperiatur, dummodò in vicem sui sublegat verbi diuini disseminatorem idoneum, quemadmodum pridem fecit Valerius Episcopus Hipponensis, qui Augustino Presbytero suo facultatem prædicandi suo loco concessit, quòd ipse quum esset Græcus, minùs commodè Latino populo prædicare posset. Sic & Valerius Cæsaraugustanus Episcopus propter linguæ impedimentum, officium sanctæ prædicationis Vincentio Archidiacono suo delegauit, fortunatissimo delectu, hoc enim gradu Vincentius ad martyrium vsque conscendit.

Deinde Lateranense præfatum Concilium inter legitima impedimenta varias occasiones assignat, quæ nimirum expendendæ veniunt arbitrio boni viri, & Deum præ oculis suis, eo quo par est metu & reuerentia, habentis.

Denique ponit idem Concilium hanc causam: *Ubi adeo diffuse sunt diæceses, ut per se non par sit Episcopus omnem populum prædicatione sua instruere. Cùm (inquit sacra Synodus) per seipsos non sufficiunt ministrare populo verbum Dei, maximè per amplas diæceses & diffusas: generali constitutione sancimus, ut Episcopi viros idoneos ad sanctæ prædicationis officium salubriter exequendum assumant, potentes in opere & sermone &c.* Qua ex sanctione patet eam non fuisse mentem œcumenico illi Concilio, ut Episcopi propter amplitudinem propriæ diæcesis ab officio prædicationis eximerentur, sed duntaxat ut propriis & alienis concionibus gregem creditum, quantumuis copiosum, verbo vitæ pascere, vicariâ enim illâ operâ vult ipsos subleuari, non autem exonerari; vnde subiungit de iis auxiliariis prædicatoribus, *quos habebunt Episcopi coadiutores & cooperatores, &c.* Quales scilicet sub Apostolis fuisse 72. Discipulos Euangelium testatur, Pontifexque in ordinatione Sacerdotum, consimiles sibi dari cooperarios supplex à Deo deposcit. *Quapropter infirmitati nostræ (ait) Domine, qua sumus hæc adiumenta largire, qui quanto fragiliores sumus, tanto his pluribus indigemus.*

Sed dux est verbi Episcopus, primus in acie huius militiæ debet, ut cæterorum imperator apparere: ut longè maiori auctoritate præstat, sic admodum efficaciori doctrinæ salutis præconio animas populi afficiet: *Magna virtus est (ait S. Augustinus\*) nominis Episcopatus: ideo summi Pontifices, etiam postquam in Occidente constituta est sacrosancta Christi Religio, cùm ad extirpandas idololatriæ reliquias, vel barbaros mores amouendos, prædicatorum destinabant passim, eos Episcopali consecratione honorabant, non diæcesanos*

*Possidius in vita  
S. Augustini  
c. 5.*

*Ex actis S. Vincentij. Bren.  
Rom. in eius  
Natali lect. 1.  
die 22. Iannua-  
rii*

*S. Clemens  
Const. Apost.  
l. 2. c. 26. in ipso  
initio.  
\* In actis cum  
Felice Manich.  
Tom. 6.*

creando Antistites, sed regionales nuncupando Episcopos, quales plerisque fuisse viros sanctissimos, qui Evangelicis dogmatibus & præceptis Septemtrionales præsertim populos, Apostolico ore & spiritu imbuerunt, plerisque locis nostri Martyrologij consignauimus.

Eadem ratione summi Pontifices inducti, quando loca quædam illustra, quibus tamen diœcesis non hærebat, insigni aliqua prærogatiua decorare volebant: hoc solebant priuilegio eadem impertiri, ut non solum incolæ exempti essent diœcesani Antistitis imperio, sed insuper specialis ordinaretur eo in loco Episcopus, qui munus prædicationis Pontificali honore & auctoritate suffultus impleret. Sic Stephanus III. in diplomate concessio Fulrado Abbati Monasterij S. Dionysij prope Lutetiam, obiter commemorato indulto immunitatis seu exemptionis à sacra potestate ordinaria, dudum eidem Monasterio collato à Landerico Episcopo Parisiensi ad preces Clodouei Regis filij Dagoberti, eiusdem monasterij fundatoris; hoc insuper decus ipsi Monasterio accessum iri decernit: *Et habere (inquit) vobis Episcopum per singulare priuilegium concedimus, qui de vobis ab Abbate, vel à fratribus in monasterio vestro electus, & à fratribus nostris Episcopis de illa regione consecratus, illa vestra Monasteria à vobis edificata prouideat, & vice nostri nominis ubi fuerint regat, & PRÆDICATIONI, tam in ipso vestro Monasterio, quam in sibi subiacentibus deseruiat.* Cuius vestigiis inhærens Hadrianus I. in rescripto suo munifico ad Magenarium eiusdem Monasterij S. Dionysij Abbatem, idem ius confirmando sic statuit: *Vt penitus liceat ibidem habere Episcopum sicut à priscis temporibus, & usque hætenus fuit, per cuius prædicationem, populus qui diuersis regionibus deuota mente quotidie ad sancta eiusdem Monasterij limina concurrat, remedium consequi mereatur animarum &c.* Quia nolumus ut lumen quod ibidem hætenus tanto tempore per Episcoporum prædicationem claruit, ullis temporibus extinguatur. Vigebat enim adhuc hoc præclarum Pontificale decus, quod prædicatione Evangelica functio Episcopalis præcipua, & quasi Episcoporum propria esse, passim existimabatur.

*Extat apud Dn-  
bletium l. 2. an-  
1199. Monasterij  
S. Dionys. c. 3.  
p. 447. & 448.*

*Ibidem c. 4. p.  
450. & 451. & 6.*

## CAPVT III.

*Presbyteris etiam ius prædicationis competere, tam institutione diuina, quam vniuersalis Ecclesia consensu & perenni usu.*



POSTOLORVM canonem 58. supra protulimus, ad probandum Episcoporum debitum & obligationem prædicandi populo verbum Dei: sed idem canon Presbyteros quoque deuincit, tanquam eidem ipsi debito simul obnoxios; ita enim habet: *Episcopus vel Presbyter, qui cleri vel populi curam non gerit, & eos pietatem non docet, segregetur: & si in socordia perseverat, deponatur.* Nec ambigen-

RRrr iij



dum est Apostolicum hunc canonem esse: tum quòd (vt habetur initio dist. 16.) auctoritate recepti Zepherini Papæ, Canones Apostolorum legitimi sunt 60. hic verò est tam apud Græcos quàm Latinos 58. tum quòd Apostolorum doctrinæ quæ hoc canone traduntur, sunt omnino consentanea, nam Clemens Apostolorum adiutor, deinde & hæres, c. 27. lib. 2. Constitut. Apostol. ex eorum disciplina, adeoque oraculis, hanc sententiam disertè refert: *Presbyteri, nos Apostolos representare existimantur, sintque Doctores cognitionis Dei, siquidem Dominus cum Apostolos mitteret, Euntes docete, inquit, omnes gentes, baptizantes eos, in nomine Patris & Filij, & Spiritus sancti, docentes eos servare omnia quaecumque precepi vobis.* Nec porro excipi potest Presbyterorum nomen hic pro Episcopis usurpari, siquidem eo capite distinctè agitur de Episcopis & Presbyteris. Et Episcopus præesse quidem dicitur loco Dei, Presbyteros verò vices Apostolorum gerere. Vnde planum est ipsis quoque competere, Christi prædicare Euangelium, vigore mandati facti à Domino suis Apostolis, *Ite, docete omnes gentes*, sicut enim verba ista Domini ad Apostolos dicta, *Hoc facite in meam commemorationem.* & hæc alia: *Quorum remisistis peccata remittuntur eis &c.* non tantum Episcopos spectant, sed Presbyteros quoque contingunt, alioqui nec Presbyteri consecrare possent, nec offerre, nec ligare, nec solvere: sic & illa, *Euntes docete omnes gentes &c.* non solum Episcopis competunt, sed etiam conueniunt Presbyteris. Nec est quod quis obiiciat, Quænam est ergo prærogatiua Episcopi super Presbyteros? Responsio enim peruia est & facilis, dico siquidem illa Domini verba facere pro Episcopis principaliter, non tamen singulariter, ius enim consecrandi, sacrificandi, peccata remittendi, Euangelium prædicandi primariò, & præcipuè pertinere ad Episcopos, secundariò verò & cum canonica subordinatione, at legitimè tamen, ad Presbyteros spectare.

Iamque ipso Apostolorum tempore ita intellectum, & usu seruatum constat ex diuinis scripturis; siquidem Luc. 9. de Apostolis legimus: *Conuocatis autem duodecim Apostolis dedit illis virtutem & potestatem super omnia demonia &c. & misit illos predicare regnum Dei, & sanare infirmos.* Et c. 10. *Post hæc autem designauit Dominus & alios septuaginta duos, & misit illos binos ante faciem suam: Et infra, Curate infirmos & dicite, Appropinquauit in vos regnum Dei. Qui vos audit, me audit, qui vos spernit, me spernit.* Sicut autem Episcopi succedunt Apostolis, ita Presbyteros succedere 72. Discipulis, reseat apud Patres constantissima: ideo ab initio Ecclesiæ Presbyteros videmus Euangelium prædicasse; hoc indicat illud Apostoli, *qui bene præsunt Presbyteri duplici honore digni sunt, maxime qui laborant in verbo & doctrina.*

Ecclesia, opus est incarnatæ sapientiæ, quemadmodum S. Bernardus scribens ad Eugenium lib. 3. de consider. c. 4. luculenter ostendit; nihil igitur in ea inordinatum, nihil frustra institutum; omnia rectè disposita, & proprium in finem, nempe in bonum, quæque in ea sunt, ab illa diuina sapientia fuerunt ordinata. Certè si verbi di-

Math. 18. 19.

1. Cor. 11.

Joan. 10. 23.

1. Tim. 5. 17.

uini prædicatio actus esset proprius Episcopi, adeo ut ipsi vni, soli, & semper Euangelij annunciatio conueniret: nec ullam haberent Presbyteri partem in sortem ministerij huius: necessum esset Episcopatum his locorum angustiis circumscribi, quibus in fide vel disciplina Christiana instituendis, possit opera vnius tantum hominis satis esse; vel certè sequeretur cum diœceses, ut sunt constitutæ latè pateant, maximam populorum partem qui eas incolunt, famem panis spiritualis, qui verbum Dei est, ferè semper pati, & Episcopum perpetuo motu ac inquietudine agitari, discurrendo circumquaque & perpetuo labore prædicationis insudando, vel cum exiguo (præ festinatione) tanti laboris fructu, vel cum cito virium defectu vitæque imminenti periculo. Natura enim humana continuo labore frangitur, & esse semper in motu ac operatione non potest. Necessariis igitur subsidiis Dei sapientia suæ Ecclesiæ prospexit, quibus disseminationi verbi vitæ opus erat. Quod ipsa rectè agnoscens diuinæ gratiæ beneficium, in ordinatione Presbyterorum, sic voluit Pontificem eos consecrantem coram Deo & hominibus confiteri: *Æterne Deus honorum auctor & distributor omnium dignitatum, per quem proficiunt vniuersa, per quem cuncta formantur, amplificatis semper in melius natura rationalis incrementis, per ordinem congrua ratione dispositum, unde & Sacerdotales gradus atque officia Leuitarum Sacramentis mysticis instituta creauerunt &c.* Sic in eremo per 70. virorum prudentium mentes, Moysi spiritum propagasti, quibus ille adiutoribus usus, in populo innumrabiles multitudines facillè gubernauit &c. Hac providentia Domine Apostolis filij tui, doctores fidei, comites addidisti, quibus illi orbem totum secundis prædicationibus impleuerunt. Quapropter infirmitati quoque nostræ Domine quasumus, hæc adiumenta largire, qui quanto fragiliores sumus, tanto his pluribus indigemus. Et postquam eos insigniuit stola & veste induit Sacerdotali, hunc in modum orat: *Super hos famulos tuos quos ad Presbyterij honorem dedicamus, munus tuæ benedictionis infunde, ut grauitate actuum & censura viuendi probent se seniores, his instituti disciplinis quas Tito & Timotheo Paulus exposuit, ut in lege tua die ac nocte meditantes, quod legerint credant, quod crediderint doceant, quod docuerint imitentur.* In ipso autem ferè ordinationis exordio admonet illos ipse Pontifex, præcipuorum actuum Sacerdotalis quid suscepturi sunt ministerij, ne ignari sint oneris, quod ipsorum humeris diuina institutione imponitur: *Consecrandi, inquit, filij dilectissimi in Presbyteratus officium, illud dignè suscipere ac susceptum laudabiliter exequi studeatis. Sacerdotem enim oportet offerre, benedicere, præesse, prædicare, baptizare.*

Hoc diuinæ institutionis mysterium attentius perpendentes Patres Concilij II. Aquisgranensis, sub Carolo Magno celebrati, cap. 5. rectè & sapienter, sic cum præsentibus tum posteris monuerunt, Presbyterorum qui præsunt Ecclesiæ Christi, & in confectioe diuini corporis & sanguinis consortes cum Episcopis sunt, ministerium esse videtur, ut in doctrina præsentibus populis & in officio PRÆDICANDI. Sed si altiori ab antiquitate repetenda sunt sanctorum Patrum suffragia, horum sanè ad iuris

munerisque huius confirmationem, testimoniis, supra numerum abundamus; pauca hinc breuitatis causâ referemus igitur, sed è multis selecta.

S. Polycarpus in celebri sua epistola ad Philippenfes inter munera Presbyterorum, verbi ministerium præsertim recenset, cum necesse habeant OMNES AB ERRORE CONVERTERE, eisque semper providere bona coram Deo & hominibus.

S. Ignatius in epistola ad Smyrnenfes, Simonem & Gaium Presbyteros symmystas suos, *In verbo Dei ministros* appellat, quos ideo ut Christi Legatos fuisse dignè susceptos à Smyrneorum populo, eidem impensè gratulatur. Et in epistola 1. ad suos Antiochenos, Presbyterorum esse dicit officium PASCERE GREGEM DEI. Pascere autem & docere, synonyma sunt officia Sacerdotum, in sacris litteris, quemadmodum earum peritis constat.

Sanctus Dionysius capite quinto Cœlestis Hierarchiæ larè docet proprium <sup>a</sup> *Sacerdotum munus esse, mentes hominum illuminare.* Et epistola 8. ad Demophilum, magna ei auctoritate inculcat, <sup>b</sup> *Sacerdotes esse Angelos, & post Antistites, diuinorum interpretes iudiciorum.* Cuius ex mente S. Maximus in Scholiis ad c. 3. cœlestis Hierarchiæ, ad verbum istud *ἐκτελέγει*, operari, vbi docet Doctor diuinus, nihil ultra gradum diuinum proprium cuique ordini, tentandum esse, v.g. inquit <sup>c</sup>, *DOCENDVM est Presbyteris, & munus offerendum, non tamen ordinandum.*

S. Iustinus in fine Apologiæ 2. vbi diuinæ Synaxis celebrationem describit, iamiam moris fuisse insinuat, ut lectis sacris scripturis lectore quiescente, qui præerat sacris, (at præesse non poterat nisi Episcopus aut Presbyter) populum predicatione sua instrueret, & ad intelligentiam & participationem mysticarum rerum cohortaretur. Idem testatur Tertullianus c. 19. Apologetici aduersus gentes.

S. Cyprianus ep. 5. scripta in secessu ad Clerum Carthaginensem, Presbyteros hortatur, ut ipso absente, pro fide & religione, suas & ipsorum partes agere studeant, ita ut nihil ad disciplinam vel ad diligentiam desit. Clerus verò Romanus durante illo secessu S. Cypriani, pro Romanæ Ecclesiæ generali sollicitudine, eosdem officij commonefaciens, ep. inter Cyprianas 3. *Reos fore eos denunciat, si non fratres stare immobiles in fide hortarentur, & ad martyrium animare, id ipsum porro seipsos impræsentiarum facere cum omni sollicitudine & periculo seculari &c. non deferentes fraternitatem, & hortantes eos stare in fide, & paratos esse debere ire cum Domino. Se siquidem vice pastoris custodire gregem, quamobrem vereri, ne si negligentes inuenirentur, diceretur sibi quod antecessoribus negligentibus dictum est, quoniam perditum non requisuimus & errantem non correximus. Nolle se ideo officio deesse suo, nec velle, se Carthaginenses Sacerdotes, mercenarios inuenire, sed bonos pastores.* In fine verò epistolæ hoc se uti hortamento subindicant: eo quòd Romanæ Ecclesiæ proprium munus sit pro cæteris agere perennes excubias. Salutant vos fratres, inquit, qui sunt in vinculis, & Presbyteri, & tota Ecclesia, qua & ipsa

Ezech. 34.

ipsa cum summa excubat pro omnibus qui inuocant nomen Domini. Porro ipse Cyprianus, ep. 6. \* ubi se iis lætari plurimum significauit, quòd eos in fide & virtute fortes consistere cognouerit: subinde monet, vt doctrinæ & iugis ad plebem cohortationis obeundæ sint memores, vt *sciant ex vrbis, & INSTRVANTVR, & DICANT* quid secundum Scripturarum magisterium Ecclesiastica disciplina deponat. Epist. verò 10. ad eisdem, qui officij huius populo exhibendi fuerunt immemores, *Legisque diuinæ deuus significanda studio, non intendunt: perditorum casus & ruina incursum iri coram Deo reatum.* Hæc, inquit, qui subtrahit fratribus (diuina scilicet quæ commemorauit oracula) decipit miseros. Et infra, *sed nunc illi rei non sunt* (lapsi scilicet qui ad Eucharistiam sine pœnitentia profiliunt) *qui minus scripturæ legem nouerunt. Erunt autem rei qui præsumunt, (nempe Presbyteri) & hac fratribus nec suggerunt, vt instructi à prepositis faciant omnia cum Deo timore, & cum data ab eo, & præscripta obseruatione.* Sub finem verò eiusdem epistolæ, fuisse semper antea morem hunc seruatum asserit, *vt deflectentes à recta via, legisque Domini minus scientes, à Presbyteris, suggerentibus Diaconis, admonerentur, ac necessaria eius notitia imbuerentur.* Sed ep. 15. ad Clerum Romanum, nonnihil hoc nomine sanctus Episcopus gloriatur, quòd in hac parte, Presbyteris non defuerit Sacerdotalis vigor. Meminit autem idem B. Cyprianus, ep. 24. Presbyterorum Doctorum, vel doctiorum \*\*, ex quorum consilio ordinasse se ait Optatum iam censum inter lectores, *doctorem audientium*, hoc est Catechistam. Quo ex insigni loco planum est, tametsi ex vi ordinis Sacerdotalis competeret omnibus Presbyteris ius docendi, tamen exercitium fuisse demandatum specialiter doctioribus Presbyteris, hosque eapropter doctorum iam titulo consueuisse honorari. Sed de S. Cypriani hac de re sententia satis superque.

\* ad suos compresbyteros, sic enim vocat in fine epistolæ. Vide ep. 19. titulum.

\*\* Variant codices vt notat Pammelius, alij etenim habent, cum Presbyteris Doctoribus, alij verò doctioribus.

Origenes primus ille Ecclesiæ post Apostolos Magister, hom. 1. in Psal. 37. circa medium, de ipsius Ecclesiæ praxi, à se visa loquens; *Omnes, inquit, Episcopi, atque omnes Presbyteri erudiunt nos, & erudientes adhibent correptiones & verbis austerioribus increpant.* Tum eos procuratores & actores nostræ salutis subnominat, imò Angelos, quibus dispensandæ & regendæ creditæ sunt animæ nostræ. Porro ipse cæteris hoc in officio strenuè exequendo insigni exemplo fuit. Penè enim quotidie concionabatur, vt Pamphilus Martyr testatur, in Apologia pro ipso Origene, non procul ab exordio: *Et quidem (ait) quòd & honore Presbyterij in Ecclesia præditus fuerit, & vitam abstinentissimam egerit, & valde philosophicam; quòdque puræ religionis obseruauerit disciplinam, & præ cæteris verbo Dei & doctrinæ operam dederit, dubium non est, & ex iis quæ & nos laboris & studij eius certissima designamus indicia, præcipuè verò per eos Tractatus, quos penè quotidie in Ecclesia habebat ex tempore, quos & describentes Notarij ad monumentum posteritatis tradebant.*

S. Athanasius, Apologia 2. Presbyteris singulis proprias Ecclesias fuisse assignatas, cum certa plebe & subministrantibus Clericis, atque sacras synaxes, quæ nunquam fiebant sine prædicatione verbi diuini, celebrare consueuisse ex constanti Ecclesiæ usu, passim com-

SSSf





dum (quod Ecclesiæ unitatem dissolueret) sed ad innuendum sanctum hunc Episcopum, ut & reliquos Patres, inter communes Episcoporum & Presbyterorum functiones, prædicationem numerâsse, neque inter eas collocâsse, quæ soli Episcopo propriæ sunt. Porro exemplum sancti ipsius Patris, & ius & usum Presbyterorum, populo Euangelium prædicandi satis superque confirmat. Qui scilicet primum in foro versatus magna cum nominis laude, atque ab eremo ad Clericatum vocatus, Presbyter Antiochenus anno 8. Theodosij iunioris ordinatus, non sine diuinæ providentiæ patenti indicio, videlicet apparitione Spiritus sancti in columbæ specie, quæ super caput eius volitans dum consecrabatur, ab Episcopo ordinante, & plerisque tam ex Clero quàm populo circumstantibus, conspecta est. Mox talentum cœlitus sibi commissum diuini Euangelij prædicandi palam fecit. Habuit enim cùm Presbyterio fungebatur, ad populum Antiochenum diuersi argumenti homilias 80. quibus quantum diuino igne arderet, & lingua ignea (quæ diuini flaminis munus est) haud minùs quàm ore planè aureo loqueretur, longè latèque innotuit. Nec refert quòd harum homiliarum fragmenta sparsim reperiantur in homiliis super Matthæum, & Ioannem, & in Commentariis in Acta, & homiliis in S. Pauli epistolas: hæc omnia enim sunt ipsius Chrysostomi opera genuina, potuitque fieri ut hæc opera sanctus ipse Doctor in Presbyteratu exorsus sit, eadèmq; postquam Episcopus creatus est perfecit, aut suo ipse labore usus, quæ in homiliis ad populum Antiochenum dictauerat, inde postmodum excerpserit, & in posteriores tractatus suos transcripserit. Antiochiæ certè agentem in Presbyteratu, & prædicationibus habendis, & tractatibus conscribendis plerisque incubuisse, testis est Palladius Diaconus, eius discipulus in dialogo quo eius vitam descripsit: *Presbyter (ait) à sanctæ memoriæ Flauiano Episcopo consecratur inuitus &c. Permansit autem bis senis annis in officio Presbyterij, Antiochenam Ecclesiam vitæ munditia illustrans, partim vndis Spiritus recreans. Quæ sunt verò vndæ illæ Spiritus, quibus Ecclesiam illam recreabat? nisi, ut subiungit ipse Palladius, Prædicatio verbi Dei, qua fungens omnium corda mirabili facundia Scripturarum dulcedine ornata, ad se rapiebat. Quàm multos, inquit, quàm pulchros, quàm necessarios, plenosque utilitatis tractatus ediderit, quis referre sufficiat? Hos autem per Concionum modum digessit; quia scilicet catechisticæ, vel tropologicæ, & paræneticæ erant ad Clerum & populum orationes, quas è suggestu pronunciabat, & in libros sacre Scripturæ per seriem de industria compositas, deinde in fasciculum per modum Commentarij consertas, decenti ordine colligebat.*

S. Hieronymi testimonium, quo constat ius & usum fuisse Presbyteris prædicandi, hic etiam referri debet, in libro siquidem de septem gradibus Ecclesiæ, adducto Apostoli 1. Timoth. 5. clarissimo loco, *Presbyteros duplici honore dignos esse, qui laborant in verbo & doctrina; hæc verba subnectit; Prædicare eos decet & alia quadam facere, quæ præsertim in Oriente, Illyrico, Italia, Africa consuetudinis fuisse omnibus in locis*

temporibus Apostolorum, manifestum sit. Hinc amariuscule conqueritur de quibusdam Episcopis, Presbyteros prohibentibus prædicare; Presbyter Dei (inquit) amittit linguæ opus, prædicandi confidentiam non habet, perfectionem, plenitudinemque consecrationi eius competentem \* non retentat, non sine damno gregum Domini. At sanctum hunc Patrem iterum ea de re paulo infra audiemus.

\* ait enim Pontifex dum ordinat Presbyterum: Oportet Sacerdotem offerre, benedicere, præesse, prædicare, baptizare.

S. Augustinus lib. 1. de moribus Manichæorum, c. 33. ubi per oppositionem, mores Ecclesiæ recenset. Sanctissimos quammultosque Presbyteros à vitæ insigni castimonia commendans, subiungit, non sanatis magis quam sanandis hominibus præesse, atque ideo strenuè laborare ut vitia multitudinis curentur. Qua arte? nisi videlicet eo modo quo Apostolus Timotheum suum agere admonebat: Prædica verbum, (inquit) instat &c. opportunè, importunè, argue, obsecra, increpa in omni patientia & doctrina. Inter sancti ipsius Doctoris opera, sermo extat ad Presbyteros suos, quos sic hortatur: Seruum Dei non oportet rixari, inquit, sed humilem ad omnem esse patientem, doctorem in mansuetudine, erudientem eos, qui contrà mouentur. Nemo autem nescit quomodo à Valerio Episcopo Hipponensi Presbyter ordinatus sanctus ipse Augustinus, officium prædicationis, ipso Episcopo qui Græcus cum esset, populum hac lingua non imbutum commodè docere non poterat, requirente, subierit, summæque cum laude, nec minori fructu laboris impleuerit.

Serm. 36. inter serm. ad fratres &c.

S. Gregorius cognomento Magnus, Sacerdotes Christi in officio prædicationis successisse Leuiticis lib. 3. expositionum in 1. Reg. c. 1. insinuat. Cuius officij necessitatem perpendens passim suis in scriptis asserit prædicatores ipsos esse canes, boues, portas, celos, astra, nubes, torrentes, cultores, rectores, angelos, linguas, maxillam & dentes Ecclesiæ. Quæ ne de Episcopis tantum dicta quis existimet, obseruare iuuat, illum etiam propter maiorem vtilitatem Ecclesiæ, voluisse Diaconos officio prædicationis incumbere: vnde vetuit, ne Cantorum munere fungerentur, siquidem in Synodo quam Romæ tempore Mauritij Imperatoris habuit ad corpus S. Petri, sic statuisse legimus: In sancta Romana Ecclesia cui diuina dispensatio præesse me voluit, dudum est consuetudo valde reprehensibilis exorta, ut quidam ad sacri altaris ministerium cantores eligantur, & in Diaconatus ordine constituti modulationi vocis inferuiant, QVOS AD PRÆDICATIONIS officium eleemosynarumque studium vacare congruebat &c. Qua in re, præsentis decreto constituo ut in hac Sede sacri altaris ministri cantare non debeant &c. At qui volebat Diaconos officio prædicationis insistere, num tulisset Presbyteros otiosi, aut abstinere iussisset ab officio, Ecclesiæ tam salutari quàm necessario, eorumque ordini ex ipsa consecratione competenti? Tantum abest. nam obtentu huius necessitatis indulgit Candido Episcopo Maioris vrbis veteris, Monachos de propriis Monasteriis assumere, & ad Presbyteratum si cæteri digni essent, parèsq; officio tam sublimi difficilique obeundo, canonico ritu promouere: Indicauit nobis fraternitas tua se non habere Presbyteros, & ex hac causa necessitatem non modicam sustinere,

Extat l. 4. ep. 45. ubi in limine notatur hanc Synodum celebratam fuisse indictione XIII. mense Augusto.

¶ quia &c. propterea præsentibus vobis licentiam damus epistolis, Monachos de Monasteriis in tua parochia positis, cum consensu Abbatis sui tollere, & Presbyteros ordinare; sed illud præ omnibus estote solliciti, ut vitam actûsque eorum &c. subsequenter debeatis inquirere. Sed quispiam fortè obiiciet: Quid hoc ad rem præsentem? hîc enim quæstio est de officio prædicandi, de quo illa in Epistola Gregorius non loquitur, sed tantum de instanti necessitate Presbyterorum ordinandorum in Ecclesia, & cauto eorum delectu. Verum hoc ipsum innuit quod volumus, nam adeo necessarios iudicavit eos esse, ut de Monachis ordinari permiserit propter Sacerdotum penuriam; quia Episcopus nec prædicationi, nec sacrificio, nec populorum regimini solus sufficere potest, at prorsus indiget inferiorum Sacerdotum solatio: qui scilicet subsidio illi diuinitus dati sunt, ut ore ac manu illi auxiliarentur, prædicatione scilicet & Sacramentorum consecratione ac dispensatione, & bonæ operationis exemplis. Nam quod ad prædicandi munus attinet, S. Gregorius disertè docet & potenter inculcat part. 2. curæ pastor. c. 4. hoc esse de iure & necessario officio Episcopi non solum, sed cuiuscumque Sacerdotis, qui pascendi videlicet gregis Domini portionem suscepit. Ipsum quæso suis verbis loquentem audiamus: *Clavis apertionis, inquit, sermo correptionis est &c.* Hinc Paulus ait, ut potens sit exhortari in doctrina sana, & eos qui contradicunt arguere. Hinc per Malachiam dicitur, *Labia Sacerdotis custodiunt scientiam, & legem requirent de ore eius, quia Angelus Domini exercituum est.* Hinc per Esaiam Dominus admonet dicens, *Clama ne cesses, quasi tuba exalta vocem tuam.* PRÆCONIS quippe officium suscipit quisquis ad Sacerdotium accedit &c. Sacerdos ergo si prædicationis est nescius, quam clamoris vocem daturus est PRÆCOMVTVS?

S. Isidorus Episcopus Hispalensis anno 596. creatus est, qui 6. erat Pontificatus S. Gregorij: Libros porro edidit eximios & non paucos, in quibus spectabilis est Tractatus de diuinis officiis. Ibi vero lib. 7. c. 7. sic de Presbyterali ordine eiusque dignitate & officio multiplici eloquitur: *Presbyterorum ordo exordium sumpsit à filiis Aaron: Qui enim Sacerdotes vocabantur in Veteri testamento, hi sunt qui nunc appellantur Presbyteri, & qui nuncupabantur principes Sacerdotum, modò Episcopi nominantur. Presbyteri autem interpretantur seniores, quia seniores ætate, Græci Presbyteros vocant. His enim sicut & Episcopis dispensatio mysteriorum Dei commissæ est: Præsumt enim Ecclesiæ Christi, & in consecratione Domini corporis & sanguinis consortes sunt cum Episcopis, SIMILITER ET IN DOCTRINA POPVLORVM, ET IN OFFICIO PRÆDICANDI; ac solum propter auctoritatem, summo Sacerdoti Clericorum ordinatio & consecratio reservata est, ne à multis disciplina Ecclesiæ vindicata, concordiam solueret, & scandalum generaret.* Quæ verba planè aurea Aquisgranensis I. Synodus c. 8. sua fecit, ut ex collatione vtriusque contextus sit perspectum. Cæterum excursis sex primis sæculis, superuacaneum esse puto, ad posteriora progredi, cum exploratum sit sanctos plerosque Presbyteros diuini verbi prædicatione claruisse, & plurimum hoc officio suo sanctæ Ecclesiæ



profuisse: antiquum verò ius Sacerdotij, quod patet ex præmissis auctoritatibus & exemplis, (sicut fuerat ab initio) constanter fuisse custoditum, vsumque etiam diffusius receptum & propagatum, quemadmodum Sanctorum Sacerdotum quæ supersunt strenui laboris, hoc in munere exequendo, præclara monimenta docent, præsensque praxis & consuetudo Catholicæ Ecclesiæ euidenter ostendit.

## CAPVT IV.

*Obiectiones cum solutionibus:*

**T**AMEN contra hoc ius Presbyterorum, ipsūque vsum, vir quidam magnus & de Catholica Ecclesia admodum bene meritus nonnulla scripsit, quæ cum nobis obiici possint, discutienda operæ pretium esse censemus. Postquam enim probauit Diaconis etiam competere munus prædicandi, signatis exemplis S. Stephani & B. Philippi protodiaconorum, Act. 7. & 8. & S. Vincentij qui cum Diaconus esset, prædicabat, vt S. Augustinus testatur serm. 2. de ipso sanctissimo Martyre: tum in aliam partem se reflectens, hoc ad lectorem monitum confestim subiungit.

## O B I E C T I O I.

- » EST tamen obseruandum (inquit) hæc omnia, ac præsertim officium prædicandi, propria Episcoporum esse, ita vt ne Presbyteris quidem prædicare liceat, nisi ex Episcopi mandato aut consensu: Episcopi enim propriè Apostolis succedunt; Apostoli autem sunt qui Act. 6. dicunt, *Non est bonum nos relinquere verbum Dei, & ministrare mensis.*

## S O L V T I O.

*Qua, de iure Presbyteri, & Episcopi præminetia, nonnulla scitu non indigna notantur.*

**V**ERVM quidem est Apostolis Episcopos succedere, sed non ita propriè, vt ius illud sit eis proprium quarto modo, vt Dialectici loquuntur. Etsi enim hoc ipsis conuenit omnibus, & vbique, & semper; solis tamen eis non competit, in plerisque, & signatim in ea re de qua hîc vertitur quæstio: aliàs Presbyteris nec baptizare, nec sacrificare, nec peccata remittere fas esset. Dicit Dominus Apostolis suis, *Euntes docete omnes gentes, baptizantes eos in nomine Patris, & Filij, & Spiritus sancti. Item, hoc facite in meam commemorationem. Item, quorum remiseritis peccata remittuntur eis.* At triplicem hanc potestatem communem esse tam Episcopis quàm Presbyteris, Ecclesia semper credidit & docuit: & nouissimè Concilium œcumenicum Tridentinum, sess. 22. declarauit, *Christum Dominum Sacerdotem secundum ordinem Melchisedech, corpus & sanguinem suum sub speciebus panis &*

Matth. 28.  
Luc. 22.  
1. Cor. 11.  
Ioan. 10.

vini, Deo patri obtulisse, ac sub earumdem rerum symbolis, Apostolis quos tunc novi Testamenti Sacerdotes constituebat, ut sumerent tradidisse, & eisdem eorumque successoribus ut offerrent præcepisse per hæc verba, Hoc facite in meam commemorationem, uti semper Ecclesia Catholica intellexit & docuit. Ex quo Spiritus sancti oraculo; duo prorsus certa ac explorata euadunt; alterum, potestatem consecrandi & offerendi Sacerdotalem esse, proinde Episcopis & Presbyteris communem: alterum, utrosque esse Apostolorum in Sacerdotio successores. De Episcopis hoc tritum est apud Patres. de Presbyteris hoc disertè asserit ex doctrina ipsorum Apostolorum S. Clemens lib. 2. Const. c. 32. S. Ignatius in epist. ad Smyrneneses, & S. Augustinus in Psal. 44. &c. At verò ad Sacerdotium pertinet, ut Theologi passim docent, non minùs clavis scientiæ, quàm clavis potestatis. Clavis siquidem scientiæ necessaria est, ad distinctionem lepræ & lepræ, causæ & causæ; atque etiam ad interpretationem scripturæ, illuminationem animarum & doctrinæ salutis præconium. Quamobrem S. Dionysius docet Episcopi quidem esse perficere, sed Presbyteri illustrare; verùm ad Tridentini Concilij axiomata redeo; tam Episcopi quàm Presbyteri succedunt Apostolis in potestate consecrandi & offerendi, & in potestate peccata remittendi; nam Concilium Florentinum in instructione ad Armenos definiuit, Pœnitentiæ Sacramenti ministrum esse Sacerdotem. Et Tridentinum sess. 14. c. 6. circa ministrum huius Sacramenti declarat falsas esse & à veritate Euangelij penitus alienas doctrinas omnes, quæ ad alios quosvis homines præter Episcopos & Sacerdotes, clauium ministerium perniciosè extendunt. Et can. 10. eiusdem sess. 14. Si quis dixerit Sacerdotes &c. potestatem ligandi & soluendi non habere, aut non solos Sacerdotes esse ministros absolutionis &c. anathema sit. Item succedunt in ministerio baptizandi, vnde Concilium Florentinum ubi suprà, disertè docet, Minister huius Sacramenti est Sacerdos, cui ex officio competit baptizare; Igitur & in munere prædicandi, ait enim Dominus eodem præcepto suis Apostolis, Euntes docete omnes gentes baptizantes eos in nomine Patris, & Filij, & Spiritus sancti, Matth. 28. Succedunt igitur Presbyteri Apostolis communi iure cum Episcopis tam in ministerio ordinario baptismi\*, quàm in officio prædicationis. Quapropter cum Episcopus ordinat Presbyterum, ante omnia illi dicit, Oportet Sacerdotem &c. prædicare, baptizare. Proinde locus iste ab insigni illo auctore citatus; non est bonum nos relinquere verbum Dei, & ministrare mensis, probat quidem competere Episcopis prædicare, at Presbyteros non excludit, quibus hoc ipsum ex officio conuenit, ipsis in sua ordinatione imposito: sed inferiores tantùm Clericos.

\*intellige, cum  
subordinatio-  
ne legitima.

Act. 6.

Est tamen hic aduertendum aliud esse loqui de ipsa facultate prædicandi, aliud de usu & executione ipsius facultatis. Sacerdotes in ordinatione sua suscipiunt ius & onus prædicandi, sed uti illa potestate ritè nequeunt, nisi accedente Episcopi mandato & consensu; aut ubi vrget necessitas, & vel est difficilis, aut impossibilis ad Episcopum recursus, vel rati habitationis non est temeraria præsumptio,

aut summi Pontificis qui immediatè prædicatores semper & ubique misit, intercesserit auctoritas: quia nimirum aliàs violaretur dignitas Episcopi, ordo legitimus Ecclesiæ perturbaretur, & plerique abusus irreperent scandalâque plurima hac ex confusione suborirentur. S. Clemens ep. 1. ad Iacobum (seu potiùs Simonem Iacobi fratrem) referens vltima verba S. Petri: *Volebat (ait) Petrus nullum Presbyterum in alicuius Episcopi parochia aliquid agere absque eius permisso, sed & cunctos Presbyteros propriis Episcopis absque mora obediens, instituentem Domino esse debere dicebat.* Idem postea Clemens similia iniungit Presbyteris, quibus scribebat, ep. 3. In iure communi Ecclesiæ canon extat Pij I. Papæ & Martyris 11. q. 1. can. *Si quis Sacerdotum*, quo qui inobedientes fuerint Episcopo Presbyteri vel Clerici, deponendi decernuntur. In Concilio Arelatensi I. canon 19. sic habet, Presbyteri sine conscientia Episcopi nihil faciant. Simile mandat Damasus, ep. 4. ad Prosperum & cæteros Episcopos Numidiæ: *Presbyteri, ait, sine iussu Episcopi nihil agant &c. quia si vilescit nomen Episcopi, omnis status perturbatur Ecclesiæ.* Eadem statuit Concilium Carthag. II. c. 9. & Triburiense c. 32. Vernense autem c. 8. sic decernit: *Omnes Presbyteri qui in parochia sunt, sub potestate Episcopi esse debeant, & de eorum ordine nullus Presbyter præsumat in illa parochia baptizare, nec Missas celebrare sine iussione Episcopi in cuius parochia est.* Districtior est circa hanc politiam Apostolorum canon 32. cuius titulus est eiusmodi, *Presbyter contempto Episcopo, seorsim conuentus congregare non tentet; textus verò hoc tenore constat, Si quis Presbyter contemnens Episcopum suum seorsim collegerit, & altare aliud erexerit, nihil habens quo reprehendas Episcopum in causa pietatis & iustitiæ, deponatur, quasi principatus amator existens, est enim tyrannus, & ceteri Clerici quicumque tali consentiunt, deponantur, laici verò segregentur; Quia tamen non leuiter aduersum Presbyterum Episcopo agendum est, subiungit canon, Hæc autem post unam, & secundam, & tertiam Episcopi obsecrationem fieri conueniat.* Sed & canon 40. qui inscriptus est, *de dignitate Pontificis*, hac serie expressus est, *Presbyteri & Diaconi præter Episcopum nihil agere pertinent; nam Domini populus ipsi commissus est, & pro animabus eorum hic redditurus est rationem.*

Vide Gelasij I. ep. 1. ad Episcopos Lucaniz, Brutiorum & Siciliæ c. 30. & canon. Quapropter 1. 2. q.

## ARTICVLVS I.

*De obligatione predicandi, qua Presbyteri animarum regimini præfecti, ipso hoc titulo obstringuntur.*

**A**Talia est ratio Presbyterorum curam animarum habentium: alia, huius præfecturæ expertium. Qui enim plebes proprias habent, vt in partem sollicitudinis pastoralis vocati sunt, sic non modò officio, sed debito prædicationis populo suo exhibendæ, fiunt hoc ipso suo titulo obnoxij. Occumenicum Concilium Tridentinum vestigiis antiquorum inhærens, hoc expressè declarat & præcipit sess. 2. c. 2. vbi postquam de Episcoporum omnium obligatione, quod  
ratio

ratio officij necessario postulat, edixit, subiungit statim: *Archiepiscopi quoque, Plebani, & quicumque Parochiales, vel alias curam animarum habentes, Ecclesias quoquomodo obtinent per se, (vel alios idoneos, si legitime impediti fuerint) diebus saltem Dominicis & festis solennibus plebes sibi commissas pro sua & earum capacitate pascant salutaribus verbis, docendo ea, quæ scire omnibus necessarium est ad salutem, annunciandoque eis cum breuitate & facilitate sermonis, vitia quæ eos declinare, & virtutes quas sectari oporteat, ut pœnam æternam euadere, & æternam gloriam consequi valeant. Id verò si quis eorum præstare negligat, etiamsi ab Episcopi iurisdictione, quauis ratione exemptum se esse prætenderet, etiamsi Ecclesiæ quouis modo exemptæ dicerentur, aut alicui monasterio, etiam extra diœcesim existenti forsan annexæ, vel unitæ, modò reipsa in diœcesi sint, prouida pastoralis Episcoporum sollicitudo non desit, ne illud impleatur, Paruuli petierunt panem, & non erat qui frangeret eis, itaque ubi ab Episcopo moniti, trium mensium spatio muneri suo defuerint, per censuras Ecclesiasticas, seu alias ad Episcopi arbitrium cogantur &c. Idem repetitur sess. 24. c. 4. Vbi etiam, ne Parochus officio suo pascendi oues creditas verbo diuino, satisfaciens, à populo deferatur, subdit sapientissimum Concilium: *Moneátque Episcopus populum diligenter, teneri vnumquemque parochia suæ interesse, ubi id commodè fieri potest, ad audiendum verbum Dei.**

Porro non sic de Presbyteris, qui munere & officio pastoralis non sunt insigniti: his enim siue sæculares, siue regulares sint, non licet verbum Dei in vlla diœcesi prædicare, nisi de expressa licentia seu approbatione Episcopi cuiuslibet priuilegij prætextu: nam hunc in modum statuit præfatum generale Concilium Tridentinum, signata sess. 5. c. 2. paulò ante finem: *Caueant præterea Episcopi, ne aliquem vel eorum qui cum sint nomine regulares, vel Presbyterorum secularium, nisi ipsis noti sint, & moribus atque doctrina probati, etiam quorumlibet priuilegiorum prætextu, in sua diœcesi prædicare permittant. Quæ sanctio, Apostoli est prorsus documento consentanea, Quomodo audient sine prædicante, quomodo autem prædicabunt nisi mittantur? Rom. 10.*

## OBIECTIO II.

SCRIBIT etiam Possidius in vita S. Augustini, c. 5. *Valerium Episcopum concessisse S. Augustino Presbytero suo, prædicandi potestatem, quòd ipse cum Græcus esset, minus commodè Latino populo prædicare posset?*

## SOLVTIO.

LOCVS integra serie expressus faciem perlucidam rei gestæ cognoscendæ vt oportet, exhibebit. Sic igitur scribit Possidius, discipulus ipsius B. Augustini, postea Episcopus Calamensis, in eius vita, capite signato: *Sanctus verò Valerius ordinator eius, vt erat vir pius & Deum timens, exultabat & Deo gratias agebat, suas exauditas à Domino fuisse preces, quas se frequentissimè fudisse narrabat: scilicet vt sibi diuinitus homo concederetur talis qui posset verbo Dei, doctrina salubri Ecclesiam ædificare, cui rei se homo natura Græcus minúsque Latina lingua & litteris instructus, minus vtilem peruidebat. Et eidem Presbytero potestatem Dei coram se in Ecclesia Evangelium prædicandi, ac frequentissimè tractandi contra usum & consuetudi-*



nem *Africanarum Ecclesiarum*. Vnde etiam ei nonnulli *Episcopi* detrahebant, sed ille vir venerabilis ac prouidus, in *Orientalibus Ecclesiis* id ex more fieri sciens, utilitati *Ecclesie* consulens, obrectatorum non curabat linguas, dummodò *facilitaretur à Presbytero*, quod à se *Episcopo* impleri minimè posse cernebat. Vnde accensa & ardens eleuata super candelabrum lucerna, omnibus, qui in domo erant lucebat.

Ex quo liquet datam à Valerio *Episcopo*, Sancto *Augustino* potestatem prædicandi non quamlibet; habebat enim *Augustinus* ex *Sacerdotali* ordinatione sua ius prædicandi verbum Dei ad populum *Christianum*, sed *Valerius* concessit, ut pro se prædicationis officio fungeretur, adeoque in sui ipsius præsentia (quod in usu saltem in *Africa* & aliis quibusdam locis non erat) concionaretur. *Episcopi* enim tum omnes prædicabant, maximè in sua principali *Ecclesia*, vixque ut *Presbyteri* vices suas hac in re supplerent, patiebantur. Sua verò in præsentia ut prædicarent, non ferebant. Qua de re insignis est querela *S. Hieronymi* scribentis ad suum *Nepotianum*: *Pessima consuetudinis est, inquit, in quibusdam Ecclesiis tacere Presbyteros, & presentibus Episcopis non loqui, quasi aut inuideant, aut non dignentur audire. Et si alij, inquit Paulus, fuerit sedenti reuelatum, prior taceat, sic enim potestis per singulos prophetare, ut omnes discant, & consolentur. 1. Cor. 14. Gaudeat Episcopus iudicio suo, cum tales Christo elegerit Sacerdotes, qui &c. prædicare possint.* Lingua *Episcopi* vnus, totius *Dioecesis* plebes non poterat instruere: necesse igitur omnino iam tunc erat, ut *Presbyteri* in pagis & oppidulis verba salutis plebibus curæ suæ assignatis annuntiarent; ac in propriis titulis vrbis etiam *Episcopalis*, sed non in præsentia *Episcopi*, neque eius loco, sine eius iussu aut permissu, qui tamen apud *Africanas Ecclesias* in usu non erat, quamuis in *Oriente* mos ille obtineret. Nam & *Palladius* in *Dialogo* de vita *S. Ioannis Chrysostomi* refert eandem ei datam fuisse potestatem à *Flauiano Episcopo Antiocheno*: *Presbyter, inquit, à sanctæ memoriæ Flauiano Episcopo consecratus &c. permansit autem bis senis annis in officio Presbyterij, Antiochenam Ecclesiam vitæ munditiâ illustrans, partim vndis spiritus recreans. Agebat autem Episcopi vices in prædicatione verbi Dei, omniumque corda mirabili facundia scripturarum dulcedine ornata ad se rapiebat.* Quod cum sine strepitu murmurationis factum fuerit, hinc satis apparet rem hanc haud fuisse his in partibus insolitam, sed usu peruiam, & eapropter vnanimi omnium consensu, in tam illustri *Ecclesia*, quæ *Patriarchalis* erat, receptam.

Verùm quispiam fortassis obiiciet, in *Alexandrina Ecclesia*, quæ secunda erat sedes *Patriarchalis*, non licuisse *Presbyteris*, sed tantum *Episcopo* verbum diuinum prædicare? At notare operæ pretium fuerit, qua de causâ & quando mos iste cœperit in illa *Ecclesia*. Refert *Sozomenus* lib. 7. c. 19. *Histor. Eccles.* post lapsum *Arrii*, qui *Presbyter Alexandrinus* erat, haud concessum fuisse *Presbyteris* docere populum in *Ecclesia Alexandrina*, sed deinceps id muneris fuisse solis *Episcopis* attributum. Ab initio igitur non fuit sic, sed usu re-

ceptum erat ut Presbyteri doctrinam salutis populo dispensarent. Quo officio in eadem Ecclesia Clemens Alexandrinus Presbyter doctissimus, Origenisque Magister summa cum laude functus est. Extat inter insignia eius opera eiusdem patænetica ad gentes oratio, qua illos ad fidem inuitat. Libri eius Stromatum 8. & 3. pædagogi magna ex parte spirant ad fideles facta oretenus monita: sed maxime hunc spiritum redolebant explanationes eiusdem in epistolas canonicas, quarum Cassiodorus meminit lib. 1. diuinarum instituit. De Origene itidem Alexandrino superius dictum est.

## OBJECTIO III.

LEGIMVS quoque in Concilio Vasensi II. can. 2. \* factam ab Episcoporum Concilio Presbyteris potestatem prædicandi? \* aliàs i.

## SOLVTIO.

CANON ille Concilij Vasensis II. quod anno 529. confedit, sic ad verbum habet: *Hoc etiam pro adificatione omnium Ecclesiarum & pro utilitate totius populi, nobis placuit, ut non solum in ciuitatibus, sed etiam in omnibus parochiis verbum faciendi daremus Presbyteris potestatem: Ita ut si Presbyter aliqua infirmitate prohibente per semetipsum non potuerit prædicare, sanctorum Patrum homilia à Diacono recitentur &c.* Quisquis attentè ut par est canonem istum expenderit, nihil minus ex eo, dubio procul eliciet, quàm tunc primùm cœpisse Presbyteros prædicare, aut iis collatam fuisse ab Episcopis docendi fideles in Ecclesia potestatem. Quæ enim suprâ adducta sunt luculenta sanctorum Patrum testimonia, à primo Ecclesiæ sæculo ad septimum usque, pro iure & usu prædicationis Presbyteris legitimè competenti, prolata sunt, manifesto sunt assertionis nostræ fulcimento. Nec canon ille aduersatur, ab undecim dumtaxat Episcopis, qui profectò legem vniuersali Ecclesiæ non dederunt, sancitus. Decernit enim ut in pagis, sicut in ciuitatibus detur presbyteris licentia prædicandi. Quia fortè in Phocensi prouincia, cuius hæc est Antistitum synodus, quibus Cæsarius Arelatensis Metropolitæ sanctitate & doctrina celebris præfuit, ut ex eius, & eorum subscriptionibus patet, mos non erat, ut rusticani Presbyteri prædicarent, sed ciuitatenes tantum, qui doctiores erant. Sed hoc discrimen in terminatione sua Synodus illa propter plebium, ut ait, utilitatem, & omnium Ecclesiarum ædificationem, prudentissimè sustulit. Mos enim eiusmodi contrarius erat consuetudini vniuersalis Ecclesiæ, superius perspicua inductione propalata. Cui inductioni etiam illud addi potest, quod Nicephorus ex prisca monumentis, praxique etiam Alexandriæ primitus obseruata, & hætenus custodita commemorat lib. 8. c. 11. hist. Eccles. ex consuetudine antiqua omnibus Presbyteris, vnum Episcopum præfuisse: Presbyteros tamen suas ipsas rexisse Ecclesias, atque in eis populum congregatum docuisse. Isidori Pelusiota, S. Ioannis Chrysostomi auditoris, professione Monachi, eruditione doctissimi, Attico sermone disertissimi, amplius ter mille Epistolæ didacticæ & patæneticæ extant. Inter quas plures sunt ad Presbyteros diuersarum regio-

In quibusdam editionibus signatur habitum anno 445. sed in editione Sirmondi, quæ accuratior videtur, hoc notatur anno.

num scriptæ, quibus ad præconium Euangelij purè, & ornatè, ac fructuosè enunciandum eos hortatur, & instituit. Harum in supplemento epistolarum ab Andrea Scotto Presbytero Societ. Iesu edito, legitur epistola numero 4. Zozimo Presbytero directæ, qua docet concionantem Sacerdotem, plus exemplo quàm verbo ædificare suos auditores. Idem epist. 28. ad Dydimum Presbyterum super obitu Aphrodisij itidem Presbyteri, cum impensè laudat tam virtutis titulo, quàm insigni gloria prædicationis; *Cuius, inquit, in oculis habitabat pudor, suadela in labris, sapientia in lingua.* Iterum Zozimo Presbytero scribit ep. 213. *exemplis potiùs quàm verbis suadendum.* Et Theopompo Presbytero epistola 233. *opus quàm orationem magis mouere.* Item ep. 290. Heraclidi Presbytero, de commonentis officio, ubi id Ezechielis inculcat, *Tu si annunciaueris impio, & ille non fuerit conuersus ab impietate sua; in iniquitate sua impius morietur, tu autem animam tuam liberasti; si tu non annunciaueris ei, sanguinem eius de manu tua requiram.* Et ep. 475. Athanasio Presbytero scribit, *virtuti potiùs quàm fucata orationi studendum.* Hæc & alia similia monita, quæ vir ille sanctus & doctus scribit ad Presbyteros, verbum Dei passim annunciantes, satis ostendunt communi more iam fuisse receptum vt Presbyteri ordinario munere prædicarent. Proinde ius & vsum prædicandi Presbyteros non accepisse à Synodi prouincialis Vasensis (quæ longè posterior fuit) indulto; Quòd si quis Isidori huius testimonium spectare solùm Ecclesias Orientales excipiat, minimè verò Occidentales: sanè suprà nonnullas tam Orientalium quàm Occidentalium Patrum auctoritates consignauimus, quibus idem ius, idemque vsus Presbyterorum in vtraque Ecclesia Græca & Latina ab initio vigens comprobatur. Quòd si de illo ipso tempore quo in Oriente florebat Isidorus Pelusiota, testimonium aliquod in Occidente exigitur, Leonis Magni summi Pontificis qui eodem tempore quo claruit præfatus Isidorus, non Occidentali modò, sed vniuersali totius orbis Ecclesiæ præsidebat, vel vna brevis sententia huic postulato satisfaciet; *Illud sanè (inquit \*) quod ad Sacerdotalem pertinet dignitatem, inter omnia canonum statuta volumus conseruari, vt non in quibuscumque locis, neque quibuscumque castellis, ubi antè non fuerint, Episcopi consecrentur, CVM VBI MINORES SVNT PLEBES, MINORESQUE CONVENTVS, PRESBYTERORVM CVRA SVFFICIAT.* At certè sufficere non posset, si Presbyteri animarum curatores possent duntaxat diuinum officium celebrare, & Sacramenta ministrare; deesset enim panis quotidianus fidelium, qui verbum Dei est, dicente Domino, *Non ex solo pane vivit homo, sed ex omni verbo quod procedit de ore Dei.* Cuius pabuli spiritualis defectu, propheticum illud lamentum rursùm Ecclesiam contristaret, *Parvuli petierunt panem, & non erat qui frangeret eis.* Leo equidem sanctissimus & sapientissimus Pontifex, censeri non debet fidelium animas, qui in pagis, castellis, & oppidulis degunt, huic spiritualis panis penuriæ exponere voluisse, qua certè laborarent si vni tantùm Episcopo, in sede sua principali consistenti, Dei verbum euangelizare fas esset: Presbyteris verò

Ezech. 5.

\* Ep. 87. ad Episcopos Africa-  
nos, per Man-  
ritaniam Cæsari-  
ensem consti-  
tutos c. 2.

Matth. 4.

qui curam animarum iis in locis gerunt (vt plurimum ab Episcopali sede longè dissitis) idem vitæ pabulum ouiculis suis subministrare non liceret. Exigit Apostolus in Episcopo vt doct̃or sit, & potens sit exhortari in doctrina sana fideles, & eos qui ex aduerso sunt redarguere: Quo documento non solùm Episcopos, sed Presbyteros quoque instituit; Illa enim ea est B. Pauli Apostoli (ait eadem epistola S. Leo) per spiritum Dei emissæ præceptio, quia in persona Timothei omnium Sacerdotum Christi numerus eruditur. Quid quod Neophytum Episcopum ordinari Apostolus ipse non permittit, sed ex Presbyteris deligi (vt ibidem S. ipse Leo insinuat) qui per longæ eruditionis ignem, & per fornacem diurni laboris excocti, aurum probatum, & argentum purum esse meruerunt. At quisnam est ille ignis eruditionis Sacerdotum, nisi is de quo idem Apostolus ad ipsum Timotheum scribit, Attende lectioni, exhortationi, & doctrinæ, &c. Hac meditare, in iis esto, vt profectus tuus manifestus sit omnibus. Attende tibi & doctrinæ, insta in illis: Hoc enim faciens, & teipsum saluum facies, & eos qui te audiunt. Quisnam verò labor? nisi perpetuus docendi populum in scientia salutis & viis vitæ, ardor & æstus? Labor nōne ille est, de quo idem ad eundem dilectum suum Apostolus ait, Qui bene præ-  
sunt Presbyteri duplici honore digni sunt, maxime qui laborant in verbo & doctrina. At de hoc iure & honore Presbyterorum, iam satis pro præ-  
senti instituto.

1. Timoth. 4.

1. Timoth. 3. 17.

## CAPVT V.

## De ætate legitima Prædicatoris Euangelici.



ADMONENDI sunt (inquit S. Gregorius in Pastoralis, part. 3. c. 26.) quos ab officio prædicationis imperfectio & ætas prohibet, & tamen præcipitatio impellit, quod palli auium si ante pennarum perfectionem volare appetunt, unde ire ad alta cupiunt, inde in ima merguntur; quòdque structuris recentibus necdum solidatis, si iignorū pondus superponitur, non habitaculum sed ruina fabricatur: quòdque conceptæ proles, ante tempus natæ, non domos sed tumulos replent.

Vtinam iuuenes illi Concionatores, qui vixdum ex ephæbis egressi, in publicos Ecclesiarum suggestus, ausu sanè stupendo prosiliunt, istam sancti huius Pontificis admonitionem, apud se æqua lance seriæ meditationis expenderent! haud enim dubito, quin eos suæ dolendæ huiusmodi præcipitationis ita puderet, vt etiam pœniteret, suòque tanto periculo edocti, ocyùsque ab hoc periculosa præsumptionis anfractu, cui se temerè obiecerunt, pedem reflecterent, & onus longè firmioribus humeris vix ferendum, Sacerdotibus in lege Dei die ac nocte à tot annis meditantibus, & vt ait S. Leo, per longæ eruditionis ignem & per fornacem diurni laboris excoctis, vltro sustinendum relinquerent, indicto sibi tam necessariò quàm Ecclesiæ utili, imò Deo & Angelis non ingrato silentiò.

T T c ij



\* 1. Thess. 5. 19.  
Ephes. 4. 30.

Dolendum sanè, ut in Ecclesia fiat quod pridem in republica Græcorum (ut sapiens quidam querebatur) accidit. *Prodierunt oratores adolescentuli, noui, rerum imperiti, qui garrulitate sua, inconsideratisque consiliis rempublicam perdidierunt. Spiritum, ait Apostolus\*, nolite extinguere, & nolite contristare Spiritum sanctum in quo signati estis?* Declamatores sanè illi iuuenes, qui rhetoricis dumtaxat attribus parumper imbuti, ignari Theologiæ, Scripturæ sacræ imperiti, vixdum ad minores ordines promoti, nullo rerum usu præditi, neque de Dei gloria, neque de sua, neque de populi curanda salute solliciti, sed solo pruritu captandæ auræ popularis, aucupandique fauoris humani, & agglutinandi pinguis, ut aiunt, cuiusdam beneficii, æstu propudioso feruentes, imberbes & compti: Euangelicæ prædicationis sibi met munus arrogare non verentur, cathedras insigniores ambiunt, adulterantesque verbum Dei, flosculos dumtaxat artificiosæ loquacitatis, sacros in conuentus spargunt, doctrinâ Euangelicâ quasi ingrâtâ importunâque suppressâ: Spiritum sanè illum, quem Dominus, mittens discipulos suos prædicatum toto orbe Euangelium æternum, in eos insufflauit, & post ascensum suum ad dexteram Patris vberiori influxu, sub linguarum ignearum specie effudit; *quantum in se est, extinguunt, ipsique spiritui gratia, qui verba sua, verba veritatis esse voluit & cathedras Ecclesiæ constituit veritatis oracula, non prostibula vanitatis, contumeliam faciunt.*

Grauius Tertullianus de genio hæreticorum conqueritur, apud quos quilibet immeriti, & munera quælibet obeunt, & gloriam merito suo ambitu cum publicâ perniciæ promerentur; *Nusquam, inquit, citius præficitur quàm in castris rebellium, ubi ipsum illic esse, promereri est: Nunc Neophytos collocant, nunc saculo obstrictos, nunc Apostatas nostros, ut gloria eos obligent, quia veritate non possunt. Absit, ut in Ecclesia Catholica quæ castrorum acies est ordinata, quia in ea omnia, ordine diuino consistunt, & in qua ut docet Apostolus, omnia cum ordine fieri debent, temerario ausu quorundam tyrunculorum imberbium, imperatores antequàm milites fieri ambientium, lues hoc, segregum propria, locum obtineat. Apostolus vetat Neophytum Episcopum, vel Presbyterum ordinari; quia his incumbit non solum regere populum, sed & verbum Dei ex officio prædicare: *Amplectatur eum qui secundum doctrinam est, inquit, fidelem sermonem, ut potens sit exhortari in doctrina sana, & eos qui contradicunt (veritati) arguere.* Monet idem Apostolus Timotheum suum, quem theorematibus Episcopalis muneris accuratim informabat, *Ne citò cuiquam manus imponat, id est ante legitimum ordinandorum examen, tam circa mores quàm doctrinam; vel ante idoneam, tam arduo oneri ferendo ætatem. Hæc commenda, inquit, fidelibus hominibus, qui idonei erunt & alios docere.* Ista autem dispositio non solum docendi, dicendique respicit facultatem; sed ætatem insuper aptam, officioque huic omnium perdifficili congruam dignè ac fructuosè exequendo respicit.*

Ætatis ratio magni quidem hac in re est momenti: at hoc sanè

non, ut par esset, perpendunt ij, qui in præmatura ætate sese ingerunt Evangelicæ prædicationi. In lege veteri nullus Sacerdotum ante annum trigessimum ætatis tabernaculo deferuire poterat; & veteres canones prohibent Presbyterum ante hanc ætatem ordinari. Ioannes Hierosolymitanus Episcopus hac ex regula S. Hieronymo negotium faceßiuit, quasi præmatura ætate Paulinianum suum fratrem ad Presbyteratum promoueri per S. Epiphanium procurasset; quam querelam refellens S. Hieronymus, *Occidentalium*, inquit, *Sacerdotum commouit aures*, *dicens eum adolescentem & penè puerum, Presbyterum constitutum: eius autem ætatem cum ad annorum triginta spatia iam peruenerit, puto in hoc non reprehendendum, quæ iuxta numerum assumpti hominis (à Domino) perfecta est.*

Sed dicet quispiam, non hîc agi de ætate ad ordinem Sacerdotalem promouendorum, sed eorum dumtaxat Clericorum, qui habendis concionibus ætate virenti sese accingunt? Verùm cum canones superioribus Capitulis recitati, solis Episcopis & Presbyteris munus prædicationis proprium esse definiant, nec permittant Diaconis, etiam infirmo, vel absente Presbytero, (contra quam regulam non sine stupore & gemitu, passim iam hac in vrbe Regia conspiciamus Diaconos, imò & Subdiaconos, præsentibus Presbyteris è loco superiori solenniter prædicare) Dei verbum annunciare populo; sed tantùm *Sanctorum Patrum homilias* è loco inferiori perlegere: facile hinc intelligere est ætatem ad minus Sacerdotalem, ad officium prædicationis obeundum requiri. Nec tamen statim ac quispiam Sacerdotio initatus est, officio tam arduo sese debere immiscere existimo, siquidem etiam si, ex quo Sacerdos creatus est, habeat potestatem Missæ sacrificium celebrandi, monet tamen eum Episcopus, ne citò hoc Sacerdotale officium exequatur: *Moneo vos* (inquit Pontifex ad recens ordinatos Presbyteros) *ut diligenter Missæ ordinem atque hostiæ consecrationem, ac fractionem, & communionem, ab aliis iam doctis Sacerdotibus discatis, priusquam ad celebrandam Missam accedatis.* Non absimili profectò ratione, quamuis ius recipiant prædicandi, (vnde ab eis elicitur dum ordinantur, fidei Catholicæ professio: *verit enim se post communionem ad Presbyteros ordinatos Pontifex; qui ante altare, coram ipso stantes profitentur fidem quam prædicaturi sunt &c.*) munus hoc tamen Evangelicum aggredi non debent, priusquam congruo spatio temporis ad id sese sedulò disposuerint, non modò priuatim studendo, sed etiam sub doctorum Presbyterorum, & officij prædicationis peritorum magisterio didicerint, quo modo id possint rectè & ut oportet exercere.

Iam verò si conueniamus iuuenculos illos verbi Dei præcones, quo Magistro artem illam prædicandi adeo difficilem, tam breui tempore perdisserint, tamque perfectè, ut inter primæ lanuginis erumpentes pilos, sapientiæ cœlestis sese Magistros audeant profiteri: vix quempiam repereris, qui se ab alio doctore, quàm seipso instructum hac in functione, possit ostendere; at multos qui hoc ipso

nomine glorientur, quòd sibi met facem prætulervnt, ineundæ huic sublimi adeo professioni. At Christus qui est verbum & sapientia sui æterni Patris, non se ipsum huic officio ingessit, sed accepto libro Isaïæ ad interpretandum, ante omnia protestatus est, se à patre missum & instructum: *Spiritus*, inquit, *Domini super me, propter quod unxit me, evangelizare pauperibus misit me* &c. Luc. 4. 18. & Ioan. 12. 49. *Qua ego loquor, sicut dixit mihi pater, sic loquor.* Paulus vas electionis ad pedes Gamalielis Legem Moyli, & Prophetas se didicisse gloriatur. Et iam factus *Apostolus*, post *Damascum*, *Arabiámque lustratam* (ait S. Hieronymus in Epistola didactica super libros sacros ad Paulinum) *ascendit Hierosolymam, ut videret Petrum, & mansit apud eum diebus quindecim; hoc enim mysterio hebdomadis & ogdoadis, FUTVRVS GENTIVM PRÆDICATOR INSTRVENDVS ERAT.*

*Agricole*, (pergit dicere S. Hieronymus) *cementarij, fabri, metallorum, lignorumque casores, lanarij quoque, & fullones, & ceteri qui variam suppellectilem, & vilia opuscula fabricantur, absque Doctore esse non possunt quod cupiunt: quod Medicorum est promittunt Medici, tractant fabrilia fabri.* *Sola scripturarum ars est, quam sibi passim omnes vendicant, &c. hanc sophista verbosus, &c. hanc uniuerfi præsumunt, lacerant, docent, antequam discant.* Avertit autem ab hoc ausu Paulinum: *Hæc*, inquit, *à me perstricta sunt breuiter &c. ut intelligeres te in sacris scripturis, (hæc porro scientia prædicationis est) sine prænio & monstrante semitam non posse ingredi.*

Sed ad ætatem quod spectat legitimam Concionatoris redeamus. Idem S. Hieronymus in cap. 1. Ezechielis, ipsum notat anno trigesimo ætatis prophetandi officium inchoasse. Ea ætate fuisse Ioseph quando in Ægypto populo esurienti frumenta largitus est, Genes. 40. vbi glossa interlinearis habet, *ante eam ætatem neminem assumi debere ad Sacerdotium, vel officium prædicationis.*

Concilium Neocæsariense anno Christi 314. celebratum, & à Leone IV. postmodum probatum, dist. 20. de libellis, insignem hac de re canonem promulgauit serie II. qui in Codicem sacri Iuris relatus legitur, dist. 78. c. *Presbyter ante*, hoc contextu: *Presbyter ante triginta annorum ætatem non ordinetur, quamuis sit probabilis vitæ, sed obseruet usque ad præfinisum tempus. Dominus enim noster Iesus Christus tricesimo anno baptizatus est, & tunc prædicauit.*

Fateor posteriores canones priscorum rigorem nonnihil temperasse, quoad tempus ordinationis. Indulserunt enim anno ætatis 25. posse Sacerdotem promoueri. Sed nunquid ideo hac in ætate, adhuc efflorenti, & nondum graui adeo oneri matura, permisit iuuenculos illos Sacerdotes, munere ordinario Euangelium prædicare, magisteriumque cœlestis sapientiæ palam & vbique profiteri?

S. Lucas Euangelista non absque causa, annum ipsum notauit c. 3. quo S. Ioannes Baptista prædicare cœpit, qui fuit 30. eius ætatis: Quum enim Augustus Cæsar annis 57. imperauerit, & anno imperij eius 42. idem B. Ioannes natus sit, ipsi autem Augusto, Tiberio proximè succedente, ipsius anno 15. prædicare cœperit, manifestum

stum est 30. annos ætatis Beatum Ioannem ante prædicationem compleuisse, quindecim sub Augusto, & quindecim sub Tiberio, & tamen tantæ virtutis Ioannes erat, (qui repletus fuerat Spiritu sancto ab utero matris suæ, & prima ætate sanctissimè in deserto vitam duxerat) ut ante annum ætatis 25. idoneus ad prædicandum videri potuerit, imò etiam extiterit, haud tamen ante annum 30. factum est verbum Domini super eum in deserto, ut veniens in omnem regionem circa Iordanem prædicaret. Condemnat sanè hoc exemplum ambitionem & præsumptionem adolescentum nostri temporis, qui post sæculares litteras, vel minus, vel plus sanè quàm foret necessum delibatas, repentè munus prædicationis arripiunt, nec minùs indocti in libris sacris, quàm sunt imberbes, cathedras Ecclesiarum inuadunt, factique Magistri ante tempus nesciunt ut plurimum (sicut ait Apostolus) neque de quibus affirmant, neque de quibus eloquuntur. Sermone composito (ait ubi suprà S. Hieronymus) aures populi mulcent, & quicquid dixerint hoc legem Dei putant, nec scire dignantur quid Apostoli, quid Prophetæ senserint, sed ad sensum suum incongrua aptant testimonia &c. Puerilia sunt hæc, & circulatorum ludo similia, docere quod ignores, imò ut cum stomacho loquar, nec hoc quidem scire quod nescias.

S. Gregorius Nazianzenus (cuius hac die qua hæc scribo sacra memoria celebratur) hanc adolescentum nostrorum feruentiorem impetum solita eloquentia perstringens, solidis etiam rationibus retundit orat. 2. in sancta Epiphaniarum lumina, de Christi Baptismo differens: *Spiritalis*, inquit, & *corporalis ætatis perfectio*, eos tangit qui per dispensatores mysterij promouentur &c. Tangit etiam qui iuuentuti confidunt, & omne tempus doctrinæ & prædicationis esse existimant: Et tu antequam tibi genæ barba vestiantur, seniores doces, vel docere credis nec ætate nec moribus venerandus. Sed in promptu Daniel est. Verùm non quod rarò accidit Ecclesiæ lex est, quandoquidem una hirundo ver non efficit, nec linea Geometram. Et in Apologetico sic queritur, Ita fit ut ex nobis plures penè antequam primos pueritiæ pilos tondeamus, dum adhuc puerile balbutimus, vix dum Dominica atria ingressi, sacrorum librorum vix saltem nomina cognoscentes, & utriusque scripturæ auctores & characteres; sicubi duo vel tria piorum virorum verba, aut totidem ex antiquis tractatoribus sermones didicerimus, idque ex auditu magis quàm ex lectione &c. ac veste vel fusiori composita, &c. ad zonam usque philosophiam ostentantes, ita pietatis speciem appingere & faciem colorare cæperimus: Papa! quàm & dignitate & prudentia reliquos excellere & aliis præesse, admirationique esse continuò volumus? quasi Samuel aliquis iam inde à cunabulis consecrati nobis videmur, & mox sapientes & Doctores in diuinis mysteriis sublimes, inter legis scribas & interpretes nosmetipsos ordinamus, veluti cælites quidam incedimus, volentes ab hominibus vocari Rabbi. Matth. 23. Hæc aliâque in eo genere præclara, pro genio & more suo Gregorius ille, dignissimo cognomine dictus Theologus; ab ipsóque sancto Hieronymo, qui eius auditor fuit, os Christi & sacrum Spiritus sancti promptuarium.



## CAPVT VI.

*An iuuenilis atas, ex dictis, omninò, ab studio & officio  
predicationis excludatur?*



VERVM hæc seuerius plerisque dicta, hæud dubito videbuntur, qui & nonnulla sacræ auctoritatis oracula, & adolescentium quorundam insignium, qui probante Deo verbum eius prædicârunt, populoque laudabiliter præfuerunt, exempla contra superius inducta obiciunt, vnde aduersam quam tenent sententiam tueantur.

Visus est S. Bernardus ep: 42. ad Henricum Senonensem Archiepiscopum scripta, omnes, vel saltem potiores rationes, exemplaque complecti quæ iuuenibus ad præfecturas Ecclesiasticas promotis, cathedrísque regiminis & doctrinæ insidentibus, opitulari videntur, vbi enim pleraque pro superiori sententia dixisset, quasi in oppositam opinionem deflectens, per modum exceptionis subiungit: *Nec dicimus quamcunque atatem Dei gratia præmaturam, sicut nec seram. Cùm multos videamus iuniorum super senes intelligere, moribus antiquare dies, præuenire tempora meritis, & quod ætati deest compensare virtutibus. Boni pueri qui quod ætate videntur, esse student & malitia, malitia inquam, sed non sensu. Quorum iuxta admonitionem Apostoli, nemo conæmnat adolescentiam. Meliores bonæ indolis adolescentes, inueteratis dierum malorum; Puer centum annorum maledictus est, & è regione senectus venerabilis non diuturna neque annorum numero computata. Bonus puer Samuel, qui loquenti Deo promptus erat auditor, dicens, loquere Domine quia audit seruus tuus. 1. Reg. 3. Bonus & Hieremias, qui antè sanctificatus quàm natus, cùm se excusaret de pueritia, nihilominus constitutus est super gentes & regna. Bonus quoque Daniel, cuius spiritum suscitauit Deus vt conuinceret omnia iniqua iudicia & sanguinem innoxium liberaret. Denique cani sunt sensus hominis, & ætas senectutis, vita immaculata.*

Hæc quidem lubens admitto, in fauorem piæ & eruditæ iuuentutis, producta à S. Bernardo exempla & argumenta; sed cum prudenti moderamine, quod ipsemet continuò subnectit, *Sicubi huiusmodi puer senex promotus inuenitur, opus Dei est, iis qui tales non sunt mirandum, non imitandum.*

De S. Remigio, in eius actis legimus annos ipsum natum 22. ad insulas Ecclesiæ Rhemensis, Comprovincialium Episcoporum iudicio & vniuersi Cleri suffragio, plebísque gratulatione & applausu fuisse prouectum. *Et cùm ad viginti & duos ætatis suæ annos peruenit (verba sunt Hincmari historiam vitæ eius describentis \*) defuncto Bennadio Archiepiscopo in hac urbe Rhemensi, omnium generaliter votis ad Pontificij culmen raptus fuisse dignoscitur, potius quàm electus. Fit ergo concursus populi, diuersi quidem sexus, conditionis & dignitatis, nec non & ætatis, sed vnius as-*

\* c. 5. apud Suerium tom. 1. die 14. Ian.

que eiusdem sententiæ: cuncti hunc verè Deo dignum, & qui populis præfici deberet, acclamabant. Sed quædam sunt circa eius promotionem consideranda.

I. Quod quantum potuit renixus est: causatus ad obicem ponendum, præter alias rationes ipsius ætatis defectum. Cum his acclamationibus se urgere conspiceret, de infirmitatis & ætatis suæ tempore conqueri cepit, & quia Ecclesiasticus ordo infirmam ætatem, ad hanc non reciperet dignitatem.

II. Deum spectabili indicio ostendisse electionem istam à se profectam esse, etenim cum modo prædicto reniti conaretur (pergit præfatus Auctor) videntibus cunctis qui aderant, descendit subito radius noui luminis super ipsius sancti viri verticem, ac si ipse sol de cælo motus super eum ceciderit &c. Placuit etiam omnipotentie diuinæ huic miraculo aliud addere &c. etenim radio prædicto se illustrante, sensit capiti suo unguinis sacri infusum liquorem, quo totum eius delibutum est caput &c. ut qui oleum spirituale populis, quo eorum quidem capita visibili, mentes autem prædicatione, sancto Spiritu in se loquente, uncturus erat chrismate inuisibili, id est gratia eiusdem Spiritus sancti, ipse quoque prius tali unctione insigniretur.

III. His tantum significationibus diuinæ voluntatis inductum, suæ electioni consensum præbuisse. Acceptis autem talibus ac tantis auspiciis, diuinis timuit contraire statutis. Posthabita igitur omni dabitatione, unanimitate Episcoporum Rhemensis Prouinciæ, infulus induitur Sacerdotalibus, benedictione consecratur Episcopali, atque in sede Præfatus collocatur. Videlicet nec petita, nec obtenta Pontificis Romani dispensatione, quia nimirum diuina Maiestas hoc totum suum consilium & opus esse, patentibus eiusmodi indiciis ostenderat.

Si quis porro trahere voluerit hanc S. Remigij ordinationem in exemplum, hæc arceffat sibi subsidia necesse est, 1. Panopliam insignium virtutum, quibus sanctissimus hic adolescens ex repromissione natus, ab ortu suo diuinæ benedictionis signis patentibus refulgens, innocentie, pietatis, doctrinæ, charitatis, quin & austeritatis stupendæ irradiationibus conspicuis omnium in oculis emicuit. 2. Vota ardentissima vniuersi populi, Cleri totius postulationem instantissimam, Episcoporum vnanime iudicium. 3. Diuinæ Maiestatis tam splendidis signis testatam approbationem. 4. Postquam sic fuerit electus, vocatus & ordinatus, supparem diuinæ susceptæ dispensationis successum. De moribus etenim idem eius successor Hincmarus, & ipse insignis, licet non immediatus, hæc compendiosè expressit ab ingressu suo: Sic apparuit aptus & deuotus, tanquam si officio ad quod nouiter ascenderat iugiter præfuisset. Fuit itaque in eleemosynis largus, in vigiliis sedulus, in oratione deuotus, in humanitate profusus, in doctrina præcipuus, in charitate perfectus, in sermone paratus, in conuersatione sanctissimus: Quicquid ad salutem posset pertinere æternam, non minus implebat beatissimus opere, quàm SERMONIS PRÆDICATIONE DOCEBAT. Si quis ita fecerit, & docuerit, ipse quidem non pusillus, sed magnus meritò habebitur *Math. 5. 19.* in regno cælorum.

Verum plus me exigere quàm par sit nonnemo hinc obiiciet; Mul-

Joan. 14. 2.  
1. Cor. 15. 41.  
Ibid. 12. 29.

Ephes. 4. 6.

\* Serm. de la-  
pſis.

Lev. 10. 2.

*te sunt mansiones* (ait Dominus) *in regno patris mei: stella differt à stella in claritate. Nunquid omnes Apostoli? nunquid omnes Propheta? gratia Dei sumus unusquisque quod sumus, & sine gratia nihil sumus, nihil possumus: Deus autem cuique secundum propriam mensuram, gratiæ suæ dona dispensat: alij sic, alij verò sic.* Primitivæ spiritus datæ sunt Apostolis, Apostolicorumque Charismatum affluentia quæ primis sæculis Ecclesiam inundabat, paulatim decrevit. Ad ea sæcula quæ novissima sunt, & tempora illa periculosa ab Apostolo prædicta, iam devenimus, in quibus dicere possumus cum Propheta, *Saluum me fac Deus, quoniam deficit Sanctus: quoniam diminutæ sunt veritates à filiis hominum.* Pl. 11. 1. si iam enim S. Cyprianus asserit suo tempore, quo ethnicæ crudelitatis theatra, cruore Christiano adhuc madebant: frigentibus tamen iam plerisque Christianis, in medio Martyrum ardore, pristinam pietatem, charitatem, disciplinamque elanguisse\*: minimè tamen periisse, quia solis lapsis constare Ecclesiam, fidemque eam excidere, spem perdere, aut in ea charitatis spiritum extinctum iri, diuina misericordia nunquam patietur, epist. 27. Qualiacumque sint tempora, infidelitas hominum, fidem Dei non euacuabit: *Non deficiet unquam nix Libani: neque candor iustitiæ & veritatis, in Ecclesia Catholica quam supra petram Christus ædificavit, itidem deficiet. Erit semper messis multa licet operarii pauci.* Et sanctitas semper in Ecclesia permanebit, quamvis arctioribus circumsepta cancellis, ad comparisonem Apostolorum, & Sanctorum aliorum qui per temporum successionem ministerium salutis in Ecclesia gesserunt, non est quod nunc pastorum ac prædicatorum perfectionem exigamus. Indiget si vnquam aliquando opus habuit, ministris verbi vitæ sacro-sancta Ecclesia. Porro si ad antiquorum Canonum severitatem, eorum dotes ætatemque ipsa expenderet, vix iam inueniret qui subeundo huic oneri pares essent, sicque plerisque opportunis ac necessariis sese priuaret solatiis, & paruulis petentibus panem, multis in locis non esset qui frangeret, vnde ingens animarum pernicies oriretur. His igitur ut occursum ire possit incommodis, necessum habet, citius quam olim operarios ad laborem vel catechesis, vel prædicationis, onusque regiminis animarum admittere; & hoc obtentu indulgere ut iuvenes Sacerdotes dummodo docti sint, piique, & vitæ innocentia conspicui, his muneribus adhibeantur. In Panoplia nostra Clericali modum satis accuratim expressimus, quo siue à puero bonis moribus cum pietatis spiritu imbibendis, siue humaniorum litterarum studio ineundo sese quisque prout decet & oportet adaptare possit; deinde cum progressu ætatis factus Clericus, ordinibus cum minoribus, tum sacris ritè initiari queat: prouectus autem fructuosè & decenter in vnoquoque gradu infra Sacerdotium sese gerat; maximè verò quâ viâ, tam Theologiæ quàm sacrarum litterarum lectioni & meditationi, sanctorumque Patrum doctrinæ perdiscendæ se disponat. Hunc tramitem si quo par est studio ineat ac consecetur, futurum spero, ut præmatura ætas non graui sit ei detrimento; *Siquidem nulla regno Dei infirma*

est ætas, (ait magnus Ambrosius, lib. 7. Comm. in Luc. ad c. 15.) nec fides grauatür annis, ipse enim se iudicauit idoneum qui poposcit. Siquis enim indiget sapientia (ait S. Iacobus) postulet à Deo &c. nihil hæsitans, & dabitur ei. Omne enim datum optimum & omne donum perfectum desursum est descendens à patre luminum.

Iacob. 1.

## CAPVT VII.

*De auxilio diuino ante omnia expetendo Sacerdoti, ut prædicationis officium piè & feliciter aggrediatur.*



**S**ANCTI Ambrosij suspiciendum exemplum, & æterna dignum memoria documentum, ad præfixi lemmatis confirmationem, solum mihi videtur satis superque esse posse. Is igitur lib. 1. de virginibus ad Marcellinam sororem suam, rationem reddens, cur cùm plurimùm de viribus suis diffideret, arduum tamen opus prædicationis Euangelicæ, postquam Sacerdotio fungi cœpit, sit aggressus: Ingenio (inquit) diffusus, sed diuinæ misericordiæ pronocatus exemplis, sermonem meditari audeo. Nam volente Deo etiam asina locuta est; Quod si mihi, sub istius sæculi oneribus constituto assistat Angelus, ego quoque muta diu ora laxabo; potest enim impedimenta soluere imperitiæ, qui in illa asina soluit naturæ. In arca veteris Testamenti, virga floruit Sacerdotis, facile Deo est ut in sancta Ecclesia de nostris quoque nodis, flos germinet. Cur autem desperandum quòd Dominus loquatur in hominibus, qui est locutus in sentibus, nec rubum est dedignatus? Atque utinam meas quoque illuminet spinas! Erunt fortasse, qui etiam in nostris sentibus aliquem mirentur lucere fulgorem; erunt quos spina nostra non urat, erunt quibus de rubo audita vox nostra soluat de pedibus calciamentum, ut impedimentis corporalibus exuatur mentis incessus. Quod si nomen Ioannis reddidit patri vocem, ego quoque desperare non debeo, quin vocem licet mutus, accipiam, si loquar Christum.

At verò nemo potest dicere, Dominus Iesus nisi in Spiritu sancto. 1. Cor. 12. 3. Spiritus autem ille antequam quisque Christum eloquatur, summa instantiâ pietatis & orationis sedulæ ac humilis studio, postulari debet, sicut ipse per oraculum hoc suum nobis significat, Eccles. 39. Sapiens cor suum tradet ad vigilandum diluculò ad Dominum qui fecit illum, & in conspectu altissimi deprecabitur. Aperiet os suum in oratione, & pro delictis suis (quæ scilicet obicem gratiæ Dei ponunt) deprecabitur; si enim Dominus magnus voluerit, spiritu intelligentiæ replebit illum, & ipse tanquam imbres mittet eloquia sapientiæ suæ, & in oratione consitebitur Domino, & ipse diriget consilium illius.

Quàm multos agnouì, qui viribus suis innixi, omnémque suam fiduciam in industria sua reponentes, in augustioribus Regiæ vrbis cathedris in festo solenni, in frequenti auditorio, prædicationem aggressi, ingenti cum pudore repentè obmutescendo recesserunt. Nihil tamen isti industriæ prætermiserant, ut se tam insigni actioni

VVuu iij



præpararent, flosculos eloquentiæ incredibili studio collegerant, omnes ingenij neruos adhibuerant, elaborando, vt raris differendi artificijs mulcerent auditorum aures, traherent ad se affectus & sui admirationem in eorum mentibus excitarent. Frustrà tamen tota hæc eorum intentio fuit, gloria enim eorum conuersa est in confusionem ipsorum: videlicet quia in auxilio Dei spem non reposuerant, & ab oratione opus illud Domini non fuerant exorsi, impletum est in illis hoc vaticinium Prophetæ, *Deum non inuocauerunt, illic trepidauerunt timore, ubi non erat timor* (Ps. 52. 6.) *Quoniam Deus dissipauit ossa eorum qui hominibus placent; confusi sunt quoniam Deus spreuit eos.*

Clauis scientiæ, oratio est, sine qua sapientiæ Christianæ nemini patet aditus, & sacræ Scripturæ quæ fons est prædicationis, signacula non referantur. Quapropter exprobrat Pharisæis Dominus, qui neglecta Dei deprecatione, solo ducti superbiæ spiritu diuinæ legis arcana præsumebant populo exponere, incassum id eos niti, deesse enim illis sacræ orationis subsidium, sine quo nulli via ad intelligentiam sanam verbi Dei pateret. *Vae vobis legis peritis, qui tulistis clauem scientiæ; ipsi non introistis, & eos qui introibant, (id est introire volebant) prohibuistis:* Luc. 11. 51. videlicet malo exemplo, & falsa vel futili interpretatione vestra. Permittit enim iusto Deus iudicio, vt qui proprio fisci ingenio, superna neglecta ope, non glorificandi Deum, sed placendi hominibus, sibi que optata parandi, officio prædicationis, & sacræ Scripturæ expositioni se ingerunt, in funestos corruant lapsus, vtque serpentes ex floribus venena conficiunt, de verbis veritatis errores consent, *verbis legis* (ait scitè præfatus S. Ambrosius) *legem impugnent*, sicque paulatim perdentes fidem & bonam conscientiam, in sempiternum naufragium abeant præcipites. Porro qui non adeo mali sunt, sed tamen Ciceroniani magis quàm Christiani nominis laudem ambiunt, spretis Patribus, neglecta Scriptura, contempta Theologia, argutiis inanis philosophiæ & humanæ sapientiæ persuasibilibus verbis toti intenti, prorsus à scopo suo (qui vanæ mundi gloriæ studium est) excidant, & nec quod quærunt inueniant, nec quod maximè cupiunt, assequantur. *Conuersi sunt in vaniloquium* (ait Apostolus 1. Timoth. 1. 6.) *volentes esse legis Doctores, non intelligentes neque quæ loquuntur, neque de quibus affirmant.*

Christus Apostolos suos, quos primos Euangelij sui nuncios & scientiæ salutis doctores constituit, ideo admonebat, vt propriæ conscij infirmitatis nihil in verbo, vel opere vnquam aggrederentur, quin ante omnia implorassent suæ gratiæ auxilium: *Ego sum* (ait) *principium, qui & loquor vobis: Principium & finis. Ego sum ostium, sine me nemo venit ad patrem, sine me nihil potestis facere.* Quibus diuinis theorematibus instructus vas electionis Paulus, etsi ab ipso Christo Domino iam in gloria patris regnante vocatus Apostolus, Doctor gentium factus, & prædicator veritatis in vniuerso mundo, ipsoque in paradiso inter Seraphim edoctus, semper ad orationis subsidium, vt Moyses quondam ad diuinum Tabernaculum, recurrebat: neque

propriis tamen fuis meritis fidelium enixè poscebat pias ad Deum pro se iugiter effundi preces, *Obsecro vos fratres* (ad Romanos scribens c. 15.) *per Dominum Iesum Christum, & per charitatem sancti Spiritus, ut adiuvetis me in orationibus vestris pro me apud Deum.* Quo fine? nempe quem potissimum eodem capite præsignauerat, *ut sim Minister Iesu Christi, in gentibus sanctificans Euangelium Dei.* Et ad Philipenses c. 1. ubi de officio prædicationis à quibusdam rectè & secundum Deum inito: ab aliis verò tantum per inanem gloriam, vel aliam eiusmodi occasionem usurpato, quædam ex intimo corde monita deprompsisset, confestim subiungit, *Quid enim? dum omni modo siue per occasionem, siue per veritatem Christus annuncietur, & in hoc gaudeo, sed & gaudebo: scio enim quoniam hoc mihi proveniet ad salutem per vestram orationem, & subministrationem Spiritus Iesu Christi secundum expectationem & spem meam, quia in nullo confundar, sed in omni fiducia sicut semper, & nunc magnificabitur Christus in corpore meo, siue per vitam, siue per mortem: Mihi enim vivere Christus est, & mori lucrum.* O vas dignum electionis! vas honoris & gratiæ, vas decòris & virtutis, vas reuera ornatum omni lapide pretioso! Quàm mirè honoras Domini Euangelium? quàm dignè imple ministerium tuum? *In Christo enim positus sum* (ais ad dilectum tuum) *prædicator & Apostolus, doctor gentium, in fide & veritate,* 1. Timoth. 2. Non in syllogismis & fallaciis, & huiusmodi sophisticis artibus inanis philosophiæ; non in futilibus Rhetoricæ forensis figuris, non in flosculis sæcularis eloquentiæ, sed *in fide & veritate;* In fide quæ Dei gloriam manifestat, & eius misericordiam prædicat, quæ Catechumenos illuminat, fideles iustificat, pœnitentes reparat, peccatores saluat, iustos coronat. In veritate quæ diuina mysteria quæ non videt credit, quæ æternam beatitudinem assequendam omnibus certis mediis ostendit, quæ Deum verum puro & sincero cultu adorât, quæ neminem fallit, quæ unicuique quod suum est reddit; quæ non tantum verbo & lingua proximum diligit, sed opere & actu amat; quæ fidem otiosam esse non sinit, sed viam efficit & in charitate operantem. In fide denique, quia Domino meo sum fidelis; in veritate, quia mundo doctrinâ illa cœlestis, est quam prædico salutaris. At magne Paule, cum ita sit, cur securè fidem illam non prædicas? quare opem per fidelium orationes tanta pietatis instantia, tanta animi demissione deposcis? Nimirum quia sine diuinæ gratiæ auxilio tam arduo prædicationis Euangelicæ exequendo muneri mihi vires non suppetunt, sed planè deficiunt, nec dignum me puto, qui valeam hoc diuinum adiutorium meis precibus promereri: Peto igitur intercessionis fidelium apud diuinam Maiestatem subsidium, quia Dominus multorum orantium in nomine suo lubentiùs solet exaudire deprecationes. Nomen quidem suum me portare coram gentibus, regibusque & filiis Israel præcepit \*, sed ad nominis \* *Ab. 9. 15.* eius enuntiandum præconium, mihi eius gratiæ & virtutis necessarium est auxilium.

*S. Aug. de verbis Domini.*

Rectè S. Ambrosius exponens hæc S. Lucæ verba, *Exiit Iesus in* *Lib. 5. Comm. in Luc. ad c. 6.*

montem orare, & erat pernoctans in oratione Dei. Orat, inquit, Dominus non ut pro se obsecret, sed ut pro me impetret. Nam etsi pater omnia posuerit in potestate filij, filius tamen ut formam hominis impleret, obsecrandum patrem putat esse pro nobis; species tibi datur, forma præscribitur quam debeas emulari. Quid enim te pro te facere oportet quando pro te Christus in oratione pernoctat? quid te facere conuenit, cum vis aliquod officium pietatis adoriri? Christus in oratione Dei pernoctabat, & die docebat populum, ut nimirum doceret Euangelij sui præcones, ab oratione hoc ministerium esse salutis inchoandum: nec obiter orandum ut diuinæ gratiæ auxilium impetretur, sed instanter & diu ac feruenti deuotione. Christus missurus Apostolos orauit prius, ut orationem præludium Euangelicæ prædicationis esse ostenderet, & eis innueret potius orationi, quàm doctrinæ studio nuncios gratiæ, fiduciæ suæ debere anchoram ire defixum.

Hoc Dominicum documentum Apostoli alta mente retinentes, orationem prædicationi semper anteferendam esse censuerunt, decretoque insigni declarauerunt, Act. 6. *Non est (inquiunt) æquum nos relinquere verbum Dei, & ministrare mensis. Considerate ergo fratres, viros ex vobis boni testimonij septem, plenos Spiritu sancto, & sapientia, quos constituamus super hoc opus. Nos verò orationi & ministerio verbi instantes erimus.* Vbi palam est illos coniunctim quidem orationem & prædicationem, sibi Apostolico ex officio obeundam profiteri: orationem tamen prædicationi præponere, tanquam riuulo fontem, fundamentum ædificio, radicem ramo, & effectui causam.

## CAPVT VIII.

*Opem Beatissima Virginis Deigenitricis deuotè postulandam esse: etiam publicè, iuxta piam iam olim receptam Ecclesia Catholica consuetudinem.*

## ARTICVLVS I.

*Sanctissimam ipsam Virginem, Apostolorum & Euangelistarum Magistram verè extitisse.*



MARIÆ venerabile nomen vi suæ originis præclara pleraque complecti elogia, sancti Patres certatim scrutando reppererunt atque tradiderunt. Verùm inter varios significatus, quibus sacrum illud nomen excellentiam Virginis beatissimæ, gloriosissimæque Deigenitricis designat, non postremo loco reor esse acceptionem hanc referendam, qua Mariam *illuminatam* non modò, sed etiam *illuminatricem* personare sancti ipsi Patres docuerunt. Etymologiis accuratè expendendis hîc non immorandum mihi puto: cum ad Grammaticorum, maximè Hebraicæ linguæ peritorum, negotium

gotium eiusmodi iure censeam discussionem huiusmodi referendum esse. Sat esse mihi videtur quod sapientissimi Patres hoc epithetum includi, in sinu Mariani nominis, sint grauiissima testificatione professi, videlicet S. Eucherius Lugdunensis, in libello aureo de alteratione Ecclesiæ & Synagogæ, S. Isidorus, lib. 7. Etymologiarum, Venerabilis Beda, ad cap. 1. Lucæ, S. Bernardus serm. super Missus est, & serm. de Natiuit. eiusdem benedictæ Virginis; aliique nonnulli recentiores sacræ scripturæ interpretes, quos breuitatis gratiâ nominatim recensere prætermitto.

Ioannes Fungerus, in Etymologico Trilingui, sub vocabulo, *Maria*, tametsi honorificè illud exponit ad gloriam incorruptæ Virginis Deiparæ: minus tamen probat Venerabilis Bedæ & S. Bernardi sententiam, qui diuinum hoc oraculum, *Orietur stella ex Jacob*, impletum fuisse in ipsa Virgine Benedicta censuerunt, *quanquam* (ait) *conuenientius fortasse vaticinium illud de Christo intelligi possit, qui solus gratiæ suæ radiis illuminat omnem hominem venientem in hunc mundum, Ioan. 1.* Sed leuis est hic scrupulus; ad litteram enim intelligi locum hunc de ipso Christo non diffitemur, sed per accommodationem à sanctis illis Patribus, vim nominis Mariæ, & sanctæ ipsius Virginis excellentiam gratiæ considerantibus, sine vilo gloriæ eius filij detrimento, eidem Virgini adaptatum, facile est aduertere ex discrimine insigni, quo istam applicant significationem. Aiunt enim, *Mariam* simul dici *illuminatam*, & *illuminatricem*, quod Christo non quadrat, ipse enim illuminat non illuminatur: sed *ipse est lux vera quæ illuminat omnem hominem venientem in hunc mundum.* At ideo Beata virgo illuminat, quia illuminatur: eapropter *stella* dicitur quæ lumen suum à sole mutuatur. Sol iste Christus est, filius eius & Deus ac Dominus noster Apoc. 12. *Apparuit mulier amicta sole, & luna sub pedibus eius.* Sol igitur gratiæ & iustitiæ, qui Christus est, Mariam illuminat: ipsa verò susceptum à Sole lumen (vt Luna in res inferiores) sic in nos ipsa refundit, quamobrem simul est *illuminata & illuminatrix*, quia quicquid habet, & in nos deriuat, à filio suo recipit. Doctrina est sancti Dionysij sic se habere statum cœlestis Hierarchiæ, vt inferiores ordines Angelorum illustrentur à superioribus. Maria longè supereminet Angelis & Sanctis omnibus in lumine gratiæ & gloriæ, magisque his omnibus antecellit, quàm Seraphim & Cherubim Angelos ipsos inferiores hoc in lumine superant. Eapropter *exaltata super omnes choros Angelorum*, ab Ecclesia prædicatur, Sanctorumque omnium Regina ac Magistra meritò agnoscitur & prædicatur.

Huc spectat insignis sententia S. Anselmi, lib. de excel. Virg. c. 7. *Licet ipsi Apostoli per reuelationem Spiritus sancti edocti fuerint in omnem doctrinam incomparabiliter: tamen eminentius ac manifestius ipsa per eum spiritum veritatis, illius veritatis profunditatem intelligebat, & per hoc eis multa reuelabantur, quæ non solum in se simplici scientia, sed ipso effectu, ipso experimento didicerat.* Solerter igitur & egregiè Rupertus lib. 2. de gloria filij ho-



minis, inter alia præclara de B. Virgine, hæc habet: *Habuit Beata Virgo tempus loquendi & tempus tacendi: tacuit quamdiu Christus in hoc mundo vixit, cum in corde suo omnia verba diuina conseruabat & conferebat, Luc. 2. Locuta est post Christi ascensionem, cum in multis subobscuris arcanis mentes eorum illuminauit.*

Et quidem de S. Ioanne Apostolo & Euangelista, B. Ambrosius, lib. de inst. Virg. c. 7. prudentissimè arbitrat, Ioannem ipsius sanctissimæ Virginis custodem perpetuum, plura sublimiora de Christi diuinitate mysteria didicisse, & hinc Euangelium suum altiùs admodum exorsum, intonuisse, *In principio erat Verbum. Mirum non est* (ait S. Ambrosius) *præ cæteris Ioannem locutum fuisse diuina Mysteria, cui præsto erat aula cælestium Sacramentorum.*

\*Nota diligenter.

Ita & Lucam qui pleraque enarrat soli Virgini ab initio comperta, ipsiusque mentis rimatur & referat penitiores recessus: non dubito ab ea horum notitiam arcanorum delibasse. id ipse non obscurè prorsus in limine sacri sui Codicis Euangelici subindicat, *Sicut, ait, tradiderunt nobis, qui ab initio ipsi viderunt & ministri fuerunt sermonis.\** Ac sanè Apostoli ab ipso exordio, res Christi non viderunt. Quæ igitur enarrat ipse Lucas de S. Ioannis conceptione & natiuitate, de Gabrielis annunciatione, de Christi incarnatione, de Elizabeth visitatione & mysteriis tunc peractis: de Cantico illo, *Magnificat*, à Virgine pronunciato, de eiusdem partu, Christi natiuitate & circumcissione, nominis Iesu impositione, ipsius Domini in templo præsentatione, de fuga in Ægyptum, reditu in Iudæam, descensu in Nazareth, & aliis quæ vsque ad baptismum Ioannis scripsit, non ab Apostolis accepit, quia ab initio non viderunt, sed ab ipsa Virgine benedicta didicit, quæ *multiocula*, vt eleganter eam vocat sanctus Epiphanius, & *secreti cælestis conscia*, vt ait S. Ambrosius, sola ab ipso principio hæc omnia conspexit, inter quæ nonnulla cogitauit, dixit, fecit: *Verbi enim diuini incarnandi* (scitè ait Beda) *ministra facta est temporalis, sed eiusdem semper amandi & exaltandi custos manebat æterna\*.* Quæ igitur sibi soli erant cognita mysteria, haud dubium quin Apostolis & Euangelistis res Christi ab initio describere optantibus, pro eius gloria & Ecclesiæ instructione reuelauit. *Ab ipsa* (ait Eusebius Emislenus) *hæc Apostoli audierunt, & ipsa dictante scripserunt, nobisque legenda mandauerunt.* Eapropter MATREM CREDENTIVM, Abulensis obseruat à sanctis Patribus, Augustino & Bernardo, meritò fuisse appellatam, ab Ignatio autem inclyto Christi Martyre, MAGISTRAM nostræ religionis.

Lib. 4. in Luc.

c. 49.

\* hoc confirmat illud Luc.

2. 19.

Maria autem conseruabat omnia verba hæc conferens in corde suo. & ibid. v. 51. Et mater eius conseruabat omnia verba hæc in corde suo.

Ep. ad S. Ioannem Euangelistam.



## ARTICVLVS II.

*Prædicatorum esse quoque opitulatricem : & hinc pium morem exortum, ut à salutatione Angelica conciones suas auspiciantur.*

**M**EMINIT inter alios piæ huius consuetudinis S. Antoninus in Summa sua Theologica part. 4. tit. 15. c. 24. §. 3. his verbis : *Hanc quoque beatam prædicant & benedicunt omnes sermocinantes & prædicantes Christicolis, exordium pro gratia impetranda, à salutatione Angelica facientes.* Quem pium morem iniquè carpit & rodit Erasmus; sed id rectè fieri contra eum docet Albertus pius Carporum Comes, lib. 9. contra varios Erasmi locos, quos ab eo censet recognoscendos & retractandos, ubi eum ita alloquitur : *Sed quid habes quod reprehendas, censor grauissime, in more salutandi Virginem à sacris Concionatoribus piè inducto? Animaduerte & dicas quæso, Concionatorum nonne munus est Euangelium prædicare? Est quidem dices, quapropter & contendo Christum inuocandum, non Mariam.* At certè non negabis ante prædicatum Euangelium Mariam Virginem ab Angelo Gabriele fuisse salutatam. Si igitur idem faciunt Concionatores, ut prius Mariam salutent, quàm Euangelium annuncient, perperam facere dici possunt? cum Angeli morem imitantes, simul & ordinem rei gestæ obseruent? Præterea quid in ea salutatione contineatur? perpendendum. Prolatis quippe salutationis Euangelicæ verbis, celebratioque & benedictio sub nomine fructus Virginei ventris, ipso sanctissimo Domino Iesu, subiungitur, *Sancta Maria mater Dei ora pro nobis peccatoribus &c.* Interpellatur ergo, ut apud filium aduocatam agat, non ut ipsa gratiam nobis impertiat; quod & ipsi Concionatores palam protestantur dicentes, *Exoremus Virginem ut apud Dominum nos ea dicere impetret, quæ ad gloriam eius faciunt, & nobis sunt salutaria.*

S. Gregorium Episcopum Neocæsariensem, cognomento Thaumaturgum ob innumera quæ patrauit miracula: ope implorata sanctissimæ Virginis, ab ea visibiliter sibi apparente edoctum, symbolum illud fidei dictasse, quod S. Gregorius Nissenus seriatim recitat, in Panoplia nostra Clericali part. 1. lib. 7. c. 2. art. 2. qui de scientia tractat Ecclesiastica, & studio sacrarum scripturarum, piorumque librorum lectione, consignauimus. Quo loco etiam felicem vicem recensuimus Alberti Magni, beati Thomæ Aquinatis præceptoris, qui optimo quidem genere natus, indolèque proba & honesta, sed qui adeo tardo erat ingenio, & ferè hebetè memoria, ut quod infimæ sortis adolescentes nullo negotio complectebantur, ægrè vix & multo labore tandem assequeretur. Cuius stupiditatis pertæsus, seque desertum agnoscens naturæ præsidiis, quam nouercam expertus erat, ad asylum Virginis quæ supra naturam Virgo & mater Dei colitur, deuotissimæ mentis affectibus confugit, assiduisque suis precibus obtinuit donum illud sapientiæ admirabilis, quam & prædicando, & scribendo, do-

cendūque in Scholis Theologicis, palam omnibus fecit; vnde non ineptè quidam hos ad eum cecinit versus.

*Quod tibi magne Pater, natura nouerca negarat,*

*Mater celestis præstitit ingenium.*

*An sua noluerit prodi miracula mundus,*

*Nescio. Magne, tibi prodita cuncta scio.*

Sed longè illustrius exemplum ipso in Euangelio Luc. 1. legimus, *Intrauit Maria in domum Zachariæ, & salutauit Elizabeth. Et factum est ut salutationem Mariæ audiuit Elizabeth, exultauit infans in utero eius, & repleta est Spiritu sancto Elizabeth, & exclamauit voce magna, & dixit, Benedicta tu inter mulieres, & benedictus fructus ventris tui. Et vnde hoc mihi, ut veniat mater Domini mei ad me? Ecce enim ut facta est vox salutationis tuæ in auribus meis, exultauit in gaudio infans in utero meo. Hinc sancti Patres eliciunt, salutatione sanctissimæ Virginis Ioannem adhuc clausum in matris utero, dedicatum fuisse prophetam. Per vocem Virginis (ait S. Chrysologus \*) facta est sanctificatio Præcursoris. Et S. Cyrillus lib. de recta fide ad Reginas; Salutatio sanctæ Virginis Mariæ Iesum ferentis in utero, Ioannem mouit ad prædicandum. Personuisse autem ait sanctus Chrysostomus in auribus Elizabeth afflatu Spiritus sancti Mariæ vocem, ut Ioannes in prophetam ungeretur. Quis igitur iam esse potest Euangelij prædicator, qui adiutus Mariæ adeo felicibus auspiciis, rectè ac vtiliter enunciandi verbum Dei populo Christiano fiduciam ingentem non concipiat? sibi que ut ea opem ferat prædicaturo Christum cum Ioanne salutationem Virginis fore fortunato subsidio firma spe non persuadebit? Dictum Ambrosij memoria perdignum est, *Qui Ioannem loquitur, Christum prophetat. Qui igitur Mariæ vocem audit, Christi spiritu repletur, qui opem Mariæ supplex petit, Christum inuocat adiutorem.* Doctissimus Origenes alterum ab altero separari non posse arbitratur, ex quo Angelus ipsi dixit Virgini Dei paræ, *Aue gratia plena, Dominus tecum;* hincque rectissimè elicit, *Si in puncto temporis repleta est Spiritu sancto Elizabeth, & exultauit infans in utero eius, quisnam dicere audeat, per tres menses nec Ioannem nec Elizabeth ex vicinia matris Domini & ipsius Saluatoris præsentia profecisse?* hom. 9. in Lucam. Eadem est mens S. Ambrosij: *Quantum (inquit ad hunc locum S. Lucæ) putamus usum tanti temporis sanctæ Mariæ addidisse præsentiam, ita sanè Ioannes ungebatur.* Salutatione igitur Angelica qua Christus conceptus, Maria virgo genitrix eius effecta est: Nominis ipsius deuota expressione, vocis eius salutifero præconio, Euangelicæ prædicationis dedicandum exordium, conciliandūque Concionatori opportunum auxilium, ad diuinæ Maiestatis & gratiæ edisserendum mysteria, populūque proferendum conducibilia ad salutem, neminem esse iam reor pium & prudentem qui inficietur. Piè & præclare Bernardus qui mel suum ex lacte virginis delibauit, hinc nos docet, *Qui Mariam diligit, Deum honorat: qui nomen eius inuocat puro corde, quicquid postulat consequetur. sed per Christum eius filium, omnis gratiæ auctorem & largitorem.**

\* Serm. de S.  
Ioan. Bapt.

Pelbartus lib. 4.  
operis Mariani  
pars. 1. a. 1. hunc  
citatur locum S.  
Bernardi ex  
opus. de laudib.  
Virg.

## CAPVT IX.

*De morali eius dispositione qui accedit ad prædicandi verbi  
diuini ministerium.*



POSTOLVS sub finem epistolæ suæ ad Romanos, ideo gratiam illam copiosam quæ claruit à Domino accepisse insinuat, vt Euangelium sanctè & sincerè in vniuerso mundo prædicaret: *Propter gratiam* (inquit Rom. 15.) *quæ data est mihi à Deo, vt sim minister, sanctificans Euangelium Dei, vt fiat oblatio gentium accepta & sanctificata in Spiritu sancto.* Quæ verba Origenes solito mentis acumine edisserens, iis insigne hoc monumentum subiungit. Sicut Pontifices cùm offerebant, necessariò eis erat prouidendum ne macula inesset hostiæ, nec vituperationis vitium; vt posset Deo accepta esse & grata: Ita & qui Euangelium sanctificat, & verbum Dei annunciat, curare debet ne qua in prædicando macula; ne quod in docendo vitium, ne qua in magisterio culpa nascatur: sed vt ita dixerim si fieri potest, semetipsum primò immolet, se primum vitii iugulet, vt sua prius peccato membra mortificet, vt non solum doctrina, sed & vitæ exemplo discipulorum salutem, oblationem suam acceptabilem faciat Deo, sanctificata, inquit, in Spiritu sancto, quia sanctificationis fons Spiritus sanctus est. Hæc Origenes ille primus Ecclesiæ post Apostolos Magister, paucis verbis quidem, sed expressis complexus quicquid ad prædicatorem huic officio aptum, aut ineptum, Deoque vel gratum vel ingratum, & Ecclesiæ utilem vel noxium possit efficere.

Origenes l. 10.  
Comm. ad ep.  
Rom. c. 15. &c.

## ARTICVLVS I.

*Concionatori vitia prius iugulanda in seipso, quàm in  
populo infectanda:*

ANTIQVOS Philosophos de verbis curiosos quidem extitisse, de moribus autem negligentes, Lactantius Firmianus lib. 3. diuinarum institutionum c. 15. verè & prudenter pronunciat: *Nam si quis mores eorum* (inquit) *diligenter inquirat, inueniet iracundos, cupidos, libidinosos, arrogantes, proteruos, & sub obtentu sapientiæ suæ vitia celantes; domi facientes ea quæ in scholis arguissent: Fortasse mentior accusandi gratia? Nõne idipsum Tullius fatetur & queritur?* probátque Ciceronis testimonio, cui Senecam adiungit. Alius longè Magister Christus, innocens, impollutus, segregatus à peccatoribus: nam peccatum non fecit, nec dolus inuentus est in labiis eius, qui venit ad destructionem corporis peccati, transiit benefaciendo erga omnes, nihilque docuit quod prius ipse non fecerit: cœpit enim facere & docere, suosque discipulos se imitari iussit. *Vocatus me* (inquit) *Magister & Domine, & benè dicitis, sum etenim: Exemplum dedi vobis vt quemadmodum feci, ita & vos faciatis,* ideoque eis præcepit à fermento cauere Pha-



Matth. 23. 27.

risæorum quod est hypocrisis, *Dicunt enim & non faciunt, festucam conspiciunt in oculis fratrum, trabem autem in suis non vident.* Veniunt in vestimentis ouium, intrinsecus autem sunt lupi rapaces. Sepulchris sunt similes dealbatis, quæ à foris quidem parent hominibus speciosa, intus autem plena sunt ossibus mortuorum, & omni spurcitia. Quibus ideo exprobrabat vas electionis Paulus, ipsos sub specie pietatis virtutem eius abnegare, & dictis quidem fateri Deum, at verò negare factis. Acriùs autem obiurgat hac grauissima reprehensione, Rom. 2. *Gloriaris in Deo, & nosti voluntatem eius, instructus per legem confidis te ipsum esse ducem cæcorum, lumen eorum qui in tenebris sunt, eruditorem insipientium, magistrum infantium, habentem formam scientiæ & veritatis in lege.* Ironicè verò hæc eis tribuit elogia, confestim enim sequitur: *Qui ergo alium doces, teipsum non doces; qui prædicas non furandum, prædaris: qui dicis non mæchandum, mæcharis? qui abominaris idola, sacrilegium facis? qui gloriaris in lege, per præuaricationem legis Deum inhonoras? Nomen enim Dei per vos blasphematur inter gentes? Absit! ut tam horrenda monstra apud Christianos vspiciam inueniantur? Dolebat sua tamen ætate sanctus Hieronymus quid simile reperiri: *Vae nobis, inquit, miseris! ad quos Pharisaorum vitia transferunt: fastus nempe, hypocrisis, & sub pallio pietatis corrupti mores, peruersæque conscientia.* Si iam res ita se habebant, an meliùs de hoc infelicissimotempore iudicandum? Certè non aliunde ortæ sunt hæreses & schismata, quàm ex eorum peruersitate, qui vocari Rabbi, & cathedras tenere in Ecclesia, ac doctrinæ fama & singularitate aliis præferri ambiebant: non tamen alia de causa circa fidem naufragauerunt, quàm quod priùs corrupti erant mente, ac moribus impuris deprauati, subque columbino candore & ouina pelle, serpentinum virus, vlcusque perditæ conscientiæ occultabant. Aditum enim ad impietatem corruptio vitæ, mentisque rectæ peruersio parit; vnde suum sic hortatur dilectum Apostolus: *Hoc præceptum commendo tibi ut milites bonam militiam, habendo fidem & bonam conscientiam, quam quidam repellentes, circa fidem naufragauerunt.* Caueant Concionatores nostri à tam exitioso anfractu, in quem qui incidunt, abeunt tandem præcipites in æternæ perditionis abyssum. Sapienter igitur hos admonet S. Gregorius hom. 17. in Euangelia; *Quomodo nos vitam corrigere valeamus alienam, qui negligimus propriam? unde sancta Ecclesia de membris suis infirmantibus dicit; posuerunt me custodem in vineis, vineam meam non custodiui; vineæ quippe nostra actiones sunt, quas usu quotidiani laboris excolimus, sed custodes in vineis positi nostram vineam minimè custodimus: quia dum extraneis actionibus implicamur, ministerium actionis nostræ negligimus.* Nullum puto fratres, ab aliis maius præiudicium quàm à Sacerdotibus tolerat Deus, quando eos, quos ad aliorum correctionem posuit, dare exempla prauitatis cernit; quando ipsi peccamus qui compefcere peccata debuimus. Considerate, quid de gregibus agatur, quando pastores lupi fiunt? Hi enim custodiam greges suscipiunt, qui insidiari gregi Dominico non metuunt, &c.*

## ARTICVLVS II.

*An Concionator, qui extra statum gratie prædicat verbum Dei, mortalis culpæ incurrat reatum?*

**C**AJETANVS in 3. part. S. Thomæ q. 64. a. 6. in responsione ad primum: asserit prædicatorem existentem in statu grauis peccati, publicè & solenniter concionando, mortaliter peccare. Ratio eius est, quia actus prædicandi est de numero actuum consecratorum, nam est actus ad quem Minister Ecclesiasticus specialiter ordinatur; etenim eius munus ex officio primariò est Episcopi, secundariò Sacerdotis, & ex commissione, actus etiam Diaconi, quemadmodum ex dictis in superioribus capitulis fit manifestum. Videtur autem Caietanus in sua summula subinde contrariam sententiam tenuisse, (fortè à quibusdam rogatus, vt prioris sententiæ asperitatem mitigaret) fatetur enim quòd tametsi prædicator extra gratiam existens, non se exhibeat vt Dei ministrum, qualis esse deberet, tamen mortaliter non peccet. Ratio eius est, quia actus prædicandi non est secundùm se actus alicuius Sacramenti; quapropter laici etiam possunt prædicare. Verùm hæc ratio parum est efficax, nam & laici possunt etiam baptizare, sed non ex officio, at in casu duntaxat instantis necessitatis, vel absentiae Sacerdotis, aut Diaconi, inferiorisque Clerici, &c. Sic nunquam ex officio prædicant, sed solùm in eiusmodi casu necessitatis, aut absentiae, vel accedente mandato Papæ, aut Episcopi, vel Sacerdotis. Ex quo discrimine eliciunt, S. Thomas 3. p. q. 64. a. 6. ad 3. Richardus in 4. dist. 5. a. 3. q. 3. Soto dist. 1. a. 6. in fine, Silvester in verbo Baptismus 3. n. 5. &c. alique grauissimi recentiores Theologi, non teneri esse in gratia, qui in necessitate baptizant & sine solennitate lauchrum hoc mysticum administrant, dummodò semper intendant facere quod Ecclesia facit sine contemptu Sacramenti, videlicet quia tali modo baptismum conferentes non se exhibent tanquam publicos ministros ex officio, sed tantùm subueniunt necessitati patientis. A pari igitur si in necessitate per modum catechesæ prædicant, non ex officio hoc faciunt, sed duntaxat ex expressa vel tacita licentia Ecclesiæ, quæ in tali casu, maximè verò inter infideles, & vbi hæreses vigent, defuntque proprii verbi vitæ ministri & fidei Catholicæ vindices, sic fieri indulget propter salutem animarum. At verò Episcopus, vel Sacerdos quando prædicant Euangelium siue fidelibus, siue infidelibus, creditum sibi diuinitus ministerium obeunt, & soli publicè in Ecclesia tanquam dispensatores Euangelicæ doctrinæ concionari possunt ac debent. Id igitur Apostolici muneris ex officio exequuntur, quia ad hoc sunt ex diuina institutione ordinati. Formaliter agunt vt Ministri Christi, qui posuit in nobis ministerium reconciliationis (ait Apostolus) præcipiendo, *Ite, prædicate Euangelium meum &c. & docete omnes gentes. Vos estis lux mundi.* Videte igitur vt luceat lux vestra coram hominibus, vt filij lucis sitis: & quod Apo-

2. Cor. 5. 18.

Matth. 28.

stolus exigit, dici de vobis possit, *Sic nos existimet homo ut ministros Christi &c.*

Propter hoc diuinum ministerium, censuit S. Thomas in 4. dist. 19. q. 2. Sacerdotem qui in graui reatu Euangelium prædicat, mortali fieri propterea culpæ obnoxium; nec excipi potest, etiam Angelicum ipsum Doctorem docuisse, peccare mortaliter Prælatum, qui in peccato graui existens sententiam profert in subditum suum. At hanc sententiam retractasse 2. 2. q. 33. a. 5. & q. 60. a. 2. ad 3. quamuis enim ab hac opinione resilierit, quantum ad Prælatum, vel iudicem Ecclesiasticum spectat, sententiam tamen prædictam de prædicationis actu non retractauit; ratam igitur manere voluit, quia veram credidit. Et recentiores Doctores, qui posteriorem Caietani opinionem sequuntur, fatentur etiam, posse per accidens interuenire aliquando mortale peccatum, vt ratione scandali vel contemptûs, vt si quis pro nihilo ducat in statu mortalis peccati concionari, absque vlllo timore & reuerentia verbi Dei, maximè quando peccatum quo obstringitur, publicum est & scandalosum; tum enim non posse excusari à graui culpa, ratione eiusmodi scandali, vel contemptûs.

Non dubito quin ad huiusmodi periculum spectauerit S. Hieronymus scribens in c. 1. ad Galat. vbi ait, *grande esse periculum in Ecclesia loqui*; vnde & seriò monet Nepotianum suum vt hoc caueat quàm maximè prædicare Euangelium Christi si conscius sit peccati; non solum ne confundant opera ipsius sermonem; quo audito quilibet tacitus dicat, cur ergo quæ dicis ipse non facis? delicatum esse magistrum, qui pleno ventre de ieiuniis disputet: & vix ferri posse latronem, rapinam & auaritiam accusantem: sed præcipuè ne diuinam in se iram prouocet; dixit enim Deus peccatori, *quare tu enarras iustitias meas, & assumis testamentum meum per os tuum? tu verò odisti disciplinam, & proiecisti sermones meos retrorsum?*

*Psal. 49.*

De Origene refert S. Epiphanius hæres. 64. sub Deciana persecutione, cum apud Alexandriam fuisse captum, probris affectum, & cruciatibus immanibus ob constantem fidei confessionem applicatum. Cum demùm verò ei propositum fuisset, aut vt Æthiops eius corpore abuteretur, aut vt idolis sacrificaret: hoc vltimo potius electo, non tamen sponte, id egerit, sed duntaxat permiserit vt iniecto in manum thure ad aræ rogi adduceretur. Porro sic ab Alexandrinæ Ecclesiæ Martyribus & Confessoribus reiectum (& quòd etiam ibi ferre sannos exprobrantium nequiret) se Hierosolymam recepisse, ibique multùm rogatum à Sacerdotibus, vt virum summè eruditum, & præstantissimum mysteriorum Dei enarratorem, in Ecclesia docere, eiusmodi precibus compulsus, aperto libro è quo thema differendi depromeret, in eam sententiam Ps. 49. v. 16. incidisse; *Peccatori dixit Deus, quare tu enarras iustitias meas, & assumis testamentum meum per os tuum?* Non ultra progressus, sed mox volumen sacrum deposuisse, & cum fletu & lacrymis, ob lapsus, quamuis inuoluntarij,

rij, sua pungentem præcordia, memoriam confedisse, atque secum in planctum & gemitum vniuersos spectatores conuertisse. Casum hunc, Cardinalis Baronius ad ann. 253. refert ex S. Epiphanio; & additamenti ad sincerum contextum loco habet, pedèque fixo impugnat, tametsi ipse fateatur à posterioribus scriptoribus Leontio scholastico de sect. act. 10. Suida verbo Origen. Zonara Annal. lib. 2. Nicephoro lib. 3. c. 24. & aliis recentioribus Græcis & Latinis, ut rem actam, certam. & exploratam recensitum. Quicquid sit, hoc ipsum referendi locus hic iustam occasionem præbuit. De facto Origenis litem contra Baronium hic non moueo; sed tamen ipsum Origenem, ut solertem Scripturæ interpretem & studiosum, accuratūque Prædicatorum Euangelij monitorem, dignum esse qui hic audiatur, præclara dicentem & nostro instituto admodum consona suggerentem existimo; Is hom. 8. in Leuiticum, ubi obseruat *os leprosi obicgendum fuisse*, hinc rectè colligit mysticum & moralem sensum istius legis hunc esse, quod ei, qui leprâ peccati laborat, os claudatur, sermōque prohibeatur: nec enim licet auctoritate alios docendi in Ecclesia vti, qui seipsum docere non potuit; at nomen ipsum quod gerit Sacerdotis, malis suis actibus & operum prauorum scandalis deturpauit. Iure igitur in Ecclesia Catholica mos ille seruatur, ut cum solenni ritu abrogatur, Clericorum apici, Sacerdotum principi, nempe Episcopo, Sacerdotium; degradando vnus ex ministris tradat Euangeliorum librum; quem Pontifex degradator auferens de manibus degradandi dicit, *Redde Euangelium, quia prædicandi officio, quo spreta Dei gratia te indignum fecisti, te iuste priuamus.*

## ARTICVLVS III.

*Non solum purum sceleris, sed virtute præstantem; & pietate conspicuum Prædicatorem esse oportet.*

**N**ON accipiunt vestes sacras Sacerdotes, (ait S. Hieronymus ad Fabiolam differens de veste Sacerdotali) nisi lotus prius iordibus &c. præceptis Dei lauandi sumus, & cum parati ad indumentum Christi tunicas pelliceas (quæ sunt mortiferorum operum insignia) induemur, veste linea nihil in se mortui habente, sed tota candida ut cingamus lumbos in veritate, & tota pristinorum peccatorum turpitudine celetur. Vnde & David, *Beati quorum remissa sunt iniquitates, & quorum tecta sunt peccata.* Post tunicam lineam induimur hyacinthino vestimento, & incipimus de terrenis ad alta conscendere: hanc habuerunt omnes illi quibus dicitur, *In montem excelsum ascende tu qui euangelizas Sion.* Non sufficit nobis priorum ablutio peccatorum, doctrina secretior, nisi habuerimus & opera. Vnde iungitur & Ephod, id est superhumerales quod rationali copulatur, ut non sit laxum, neque dissolutum, sed hæreant sibi inuicem, & auxilio sint opera & verba, ratio enim operibus & opera ratione indigent, ut quod mente percipimus, opere perpetremus. Rationale hoc duodecim lapides habet & quatuor ordines, quos puto esse quatuor virtutes Cardinales. Cum indutus quis fuerit virtute multiplici, consequens est veritatem quam corde



tenet, sermone proferre, & ob id in rationali veritas est, ut nouerit quæ donanda & docenda sint, & manifestatio atque doctrina, ut possit instruere alios quod mente concepit. *Moses Sacerdotis scientiam ornat in vestibus: Paulus Timotheum & Titum instruit disciplinis.*

Quibusnam disciplinis? Postquam Episcopum, Sacerdotem, Diaconumque propriis characterismis depinxit, Timotheum in quo ideam perfecti ministri Dei & Ecclesiæ Doctoris efformabat, traditis etiam Christianæ fidei & iustitiæ præcipuis theorematibus, demum sic hortatur: *Hæc proponens fratribus bonus eris minister Christi Iesu, enutritus uerbis fidei & doctrinæ quam affecutus es &c. Præcipe hæc & doce, nemo adolescentiam tuam contemnat, sed exemplum esto fidelium in uerbo, in conuersatione, in charitate, in fide, in castitate. 1. Timoth. c. 4. & c. 6. Tu autem ô homo Dei, sectare iustitiam, pietatem, fidem, charitatem, patientiam, mansuetudinem: Certa bonum certamen fidei, apprehende uitam æternam, in qua vocatus es. Ad perseverantiam subinde hortatur; Præcipio tibi coram Deo, qui uiuificat omnia, & Christo Iesu &c. ut serues mandatum sine macula irreprehensibile usque in aduentum Domini nostri Iesu Christi. O Timothee depositum custodi. Altera epistola, c. 2. sic eundem monet, Tu ergo fili mi confortare in gratia quæ est in Christo Iesu, & quæ audisti à me, &c. hæc commenda fidelibus hominibus qui idonei erunt & alios docere. Labora sicut bonus miles Christi Iesu &c. Sollicitè cura teipsum, probabilem exhibere Deo, operarium inconfusibilem, rectè tractantem uerbum ueritatis &c. ut sis uas in honorem, sanctificatum & utile Domino, ad omne opus bonum paratum. Iuuenilia autem desideria fuge: sectare uerò iustitiam, fidem, spem, charitatem, & pacem cum iis qui inuocant Dominum de corde puro &c. Seruum Dei non oportet litigare, sed mansuetum esse ad omnes, docibilem, patientem, cum modestia corripientem eos qui resistunt ueritati: nequando Deus det illis poenitentiam ad cognoscendam ueritatem, &c. & c. 3. Tu uerò permane in iis quæ didicisti & credita sunt tibi &c. & c. 4. Tu uerò uigila, in omnibus labora, opus fac Euangelistæ, ministerium tuum imple, sobrius esto &c. Iam uerò Titum postquam etiam de dotibus necessariis Ecclesiæ Dei Pastoribus edocuit, ac ipsummet de sedula officij sui erga omnes dispensatione commonuit, ita subinde interpellat, *In omnibus teipsum præbe exemplum bonorum operum, in doctrina, in integritate, in grauitate.**

*Tit. 2. 7.*

Nullo glossemate hæc Apostoli monita indigere censeo, ut à quocumque prædicationis Euangelicæ candidato queant intelligi: Ita enim sunt plana, peruia, & perspicua, ut simplici sua serie longè pulchriora sint, suauiora & succulentiora, quàm si ullo artificioso commentario condiantur. Nec mirum, aqua enim in suo potata fonte, purior, & iucundior est, quàm ullo uasculo etiam aureo delibata. Verba illa Apostolica è scatebra diuinæ sapientiæ, quam in cœlo Paulus inter Cherubim hauserat dimanârunt, quapropter non uoces hominis, sed Spiritus Sancti uiua sunt oracula. Utinam ab iis quorum maximè interest, nimirum gratiæ Dei nuntiis, gloriæ & iustitiæ præconibus, eo quo par est affectu, reuerentiæ & attentionis studio exciperentur. Non foret certè necessum, cur concionatoris Euangelici efformandis ad diuinæ

maiestatis beneplacitum moribus, vel ego omnium minimus insudarem, vel alius quispiam magis idoneus operam daret; essent enim *omnes docibiles Dei*, & opus non haberent monitore, sed vñctio Dei doceret eos, quæ sanè vbertim ex prælibatis Apostoli riuulis defluit & dimanat. Præclara in multis profectò est S. Ioannis Chrysostomi de hoc Apostolo sententia, hom. 3. de Pauli laudibus, cum videlicet omnibus hominum ordinibus leges præscripsisse, omnium officiorum personas docuisse & subiisse, munerumque omnium rationes ad amussim Evangelij adæquasse. De plurimis hîc non loquor; at ex dictis satis superque patet, quàm purè, piè & exactè concionatorum virtutes, dotèsque expresserit. E Demosthenis, Tulliique schola, sæculi prodeunt oratores: ex Pauli verò vnius disciplina procedat oportet, quicquid est præconum gratiæ Dei, veritatis & iustitiæ, maiestatis & gloriæ, humanæque salutis tutelarium, illustre & præclarum in Ecclesia.

Sed ut rem quam intendo vberius patefaciam, ad axioma S. Hieronymi non illubenter redeo: ait, vbi suprà proximè notauimus, *Moysem Sacerdotis scientiam ornare vestibus, Paulum verò instruere disciplinis*. Rationale igitur esse documentorum ipsius Apostoli mysticum signaculum: quas enim virtutes Paulus in Sacerdote docente populum Dei exigit, Moysen in rationali per gemmas expressisse. *Rationale hoc* (inquit) *duodecim lapides habet & quatuor ordines, quos puto esse quatuor Virtutes Cardinales*. Nempe iustitiam, & fortitudinem, prudentiam, & temperantiam. Vnde sequitur ad has quatuor virtutes cæterarum virtutum harmoniam reuocari, & Panopliam Doctoris Evangelici ipsarum in penu contineri. De his igitur quatuor primariis virtutibus (quantum ad vsum & ornatum prædicatoris conferunt) hîc mihi est recto dissertationis tramite, sine vlla prolixitate tractandum.

## ARTICVLVS IV.

*Concionatorem quatuor virtutibus Cardinalibus præditum esse debere.*

## §. I.

*De Iustitia.*

**M**IRA est hæc profectò S. Gregorij sententia, *Iustitiam præponendam esse pietati*. Cùm enim pietas auctore S. Ambrosio virtutum omnium fundamentum sit, qui fieri potest ut vna hæc virtus quæ dicitur iustitia, ipsi pietati antecellat? Verùm duæ istæ virtutes ita intimè cohærent, ut ab inuicem nequeant diuelli, nec enim vera pietas esse potest sine iustitia, nec iustitia sine pietate consistere, ut sapienter S. Petrus Chrysologus admonet. serm. 145. De pietate infrà suo ordine dicendum erit: de iustitia hîc obiter. Rectè Lactantius Instit. diuinar. lib. 5. c. 5. docet etiam apud priscos philosophos iustitiam summam virtutem esse, aut fontem ipsius virtutis, quæ cùm omnes virtutes complectatur, duæ tamen sunt principales, quæ ab ea separari

S. Gregor. 19.  
Moral. S. Amb.  
lib. 1. de Abra-  
ham Patriar-  
cha, c. 2.

YYyy ij

\* Non hic sumitur pro virtute illa Theologica, quæ spei & charitatis sociâ est, imò mater: sed pro fidelitate, &c.

non possunt, pietas nimirum & æquitas, Nam *fides*\*, *temperantia*, *probitas*, *innocentia*, *integritas*, & *cætera* eiusmodi (inquit idem Lactantius) *vel naturâ, vel institutis parentum possunt esse in iis hominibus qui iustitiam nesciunt, sicuti semper fuerunt. Pietas verò & æquitas quasi vena sunt eius: his ex duobus fontibus constat tota iustitia.* Pietas est verus cultus Dei, ait S. Augustinus epist. 52. *Æquitas verò est proprius iustitiæ modus, quo fit, ne usus iustitiæ nimia indulgentia vilescat, & ne impensiori severitate succenseat; nimium enim rigorem & nimiam laxitatem conuenienti proportionem moderatur. Iustitia igitur* \* *Deum colit pietate: æquitate verò hominem rectè dirigit, tam erga seipsum quàm erga proximum suum.*

\* Nota.

Iustitia enim à iure dicitur. Iuris verò tria sunt præcepta, 1. honestè viuere, 2. neminem lædere, 3. unicuique suum tribuere. Quò spectans Theodidactus Bernardus, in sermonibus breuibus: *Tribue* (inquit) *tribus quæ sua sunt, superiori, æquali, & inferiori. Redde reuerentiam & obedientiam Prælato, quarum altera cordis, altera corporis est: tribue æquali consilium, quo ignorantia erudiatur, & auxilium quo infirmitas adiuuetur; tribue subiecto custodiam, ut possit cauere peccatum, & disciplinam, ut quod minimè cauet, minimè maneat impunitum.* Porro non minùs ornatè & eruditè S. Anselmus in libro, *Cur Deus homo?* Iustitia est mihi libertas, tribuens unicuique suam propriam dignitatem, maiori reuerentiam, pari concordiam, minori disciplinam: Deo obedientiam, sibi sanctimoniam, inimico patientiam, egeno misericordiam.

Vtinam hæc omnia & singula iustitiæ prædicamenta, Concionator noster Euangelicus sibi sedula mente & operâ studeat promereri! Decus profectò sibi solidæ iustitiæ non inani titulo compararet. Sed hoc ut efficacius persuadeam, alia quædam his congrua principiis documenta præsertim ex sacris deprompta litteris, & Sanctorum Patrum libris didacticis, operæpretium mihi visum est hîc pro ipso cultu iustitiæ, quæ Prædicator præstare debet, subnectere.

Sacerdotem sapientissimum esse oportere (ait S. Chrysostomus lib. de dignitate Sacerdotali) & perspicacem. In omnibus, & mille ex omni parte oculos habentem, quippe qui non solùm sibi, sed & populo viuit. Hinc Apoc. 4. 7. *Animalia illa mystica quæ sunt in circuitu sedis plena sunt oculis antè & retrò: nec modò multas singula habent alas quibus ad superna erigantur, Sed in circuitu & intus plena sunt oculis.* Vera hæc est viri Apostolici, Mystæ, Sacerdotis, Euangelistæ, Prædicatoris effigies, sursum semper mentem habere directam, & oculos non solùm circumquaque, quibus omnium circumspiciat actus, defectus, vitia, peccata, quæ zelo diuinæ gloriæ & humanæ salutis instanter fortiterque corripiat: sed intus quoque ferre lumina, ne dum aliorum emendationi inuigilat, sibimet obdormiat. Necessè est igitur non foris tantùm, sed intus multioculum esse, ut quam in excolendis proximis diligentiam ponit, eandem sibi sollicitius accommodet. Acutè hoc obseruauit S. Anselmus in præsignatum Apocal locum; *In circuitu, inquit, habeant apertos oculos, ut aliis bono exemplo luceant, & intus quan-*

tum ad seipsum; alioquin prorsus miserandum foret, prædicatorem, animarum de faucibus tartari creptarum spoliis gloriosum, suppliciis nihileminus addici interminandis, quòd erga seipsum oculos, vel non habuerit, vel clausos ipse tenuerit.

Paulus vas electionis, præco veritatis, & totius virtutis exemplar perfectissimum, hos interiores oculos vigili semper attentione in seipsum vibrabat, *Castigo*, inquit, *corpus meum & in servitutem redigo*, 1. Cor. 9. 27. *ne cum aliis prædicauerim, ipse reprobus efficiar.* Quasi diceret, proprium officium iustitiæ, est unicuique reddere quod suum est; ergo mihi quoque iustum est, de cura propriæ salutis admodum esse sollicitum: alios debeo diuini verbi censurâ corripere, ne incorrecti pereant: sed valde mihi iniustus essem, si in meipsum non animaduernerem peruigili morum operumque censurâ. Gladium fero in manibus qui est verbum Dei, gladius iste viuus est, & efficax & penetrabilior omni *Heb. 4.* *2. Cor. 10.* *Rom. 6.* gladio ancipiti, & pertingens vsque ad diuisionem animæ & spiritûs &c. hoc armatus gladio in promptu habeo omnem vlisci inobedientiam, ad destruendum corpus peccati.

Petrus qui verbo oris sui peccatores interficiebat, dum aspiceret in cælo extensum linteum magnum, in quo erant quadrupedia & serpentina terræ & volatilia cæli: diuinum mandatum accepit, ut ea occideret atque comederet, *Surge Petre, occide, & manduca.* Pulchrè & *Alb. 11. 7.* solerter Arator, eximius ille poëta Christianus, qui acta Apostolorum carminibus elegantissimis edisseruit, mandatum hoc de hominibus peccato mortificandis, & gratiæ generandis, conuertendisque, in sumentis cibum, imò eiusdem vitæ & conuersationis consortium interpretatur.

*Clauiger æthereus, cælum conspexit apertum  
Vsus honore suo, demittitur inde figura  
Vasis, ut in terris sit visio, corpore Petri  
Omnia posse capi, qui quicquid sumit edendum  
Ecclesiæ facit esse cibum. Præfertur imago  
Quatuor ordinibus, se subiuentibus, una  
Forma est Ecclesiæ, quæ quatuor eminet orbis  
Partibus, & laxat totidem PRÆCONIBVS oras  
Omne genus retinens volucrum, pecudumque, ferarum,  
Reptiliumque simul: mortalibus ista coherent  
Ex meritis vitisque suis; patet ergo quod auctor  
Iussit in Ecclesiæ transfundi viscera gentes:  
Macta, & manduca dum præcipit, abstrahere quod sunt,  
Et tibi fac similes, qui vertitur alter habetur.  
Denique Saulus obit, quia Paulus viuere capit.*

Verùm antequam prædicator mactet illa animalia & manducet, suamque in substantiam transformet, debet seipsum hostiam viuentem, sanctam, Deo placentem per rationabile obsequium, Deo cui seipsum debet, obtulisse. Sapienter id notauit Origenes in Comm. epist. ad Rom. lib. 10. c. 15. *Semetipsum (inquit) primò immolet, se primum*

YYyy iij



vitiis iugulet, ut sua prius peccato membra mortificet, ut non solum doctrina, sed & vita exemplo, discipulorum salutem acceptabilem faciat Deo. Alioquin si mactat non manducet: quia si sit pestifer & reprobus, alios sui similes sine suo & ipsorum exitio efficere non potest. At si sit fide integer, mente purus, opere ut sermone potens, Deo erit pergratum & acceptum, Ecclesiæque apprimè utile & iucundum, si occisos peccato, gladio verbi Dei auditores suum in pectus traiciat, in suamque similitudinem transformet igne charitatis decoctos. Dicit Apostolus de Rege, *Non sine causa gladium portat, Dei enim minister est.* Materialem gladium Princeps ut vindex iustitiæ, atque Dei minister, tradente sibi Episcopo, de altari suscipit\*. Sed gladium spirituale quoque recipit Sacerdos, dicente ei Pontifice, *Oportet Sacerdotem prædicare*, sic fit minister gratiæ, iustitiæ, & gloriæ Dei. Nec sine causa gladium portat: gladium spiritus qui est verbum Dei; hoc enim ferire debet, quicquid diuinæ maiestatis beneplacito repugnat, amputare pudenda putidæque carnis vlcera, foeda peccatorum monstra interimere. *Maledictus* (ait Propheta) *qui facit opus Dei negligenter, & qui prohibet gladium suum à sanguine.* Gladium quippe à sanguine prohibere (ait S. Gregorius 3. part. Pastoral. admonit. 26.) est prædicationis verbum, à carnalis vitæ interfectione retinere. Notent hoc Concionatores, qui vitia populi non castigant, sed dissimulant, aut etiam palpant: *Vae enim illis* (ait Dominus, Ezechiel. 13.) *qui consuunt pulvillos sub omni cubito manus, & faciunt ceruicælia &c. ad capiendas animas &c. confortantes manus impij, ut non reuerteretur à via sua mala, & viveret.* Summopere igitur necesse est, ut ab eiusmodi impia auditorum ludificatione & animarum perniciæ Concionator caueat: sed memor grauissimi huius sit monimenti, quo quemque præconem suæ voluntatis, Deus per eundem prophetam compellat & hortatur: *Et tu fili hominis, speculatorem tedi te domui Israel: audiens ergo sermonem meum ex ore meo, annuntiabis eis ex me; si me dicente ad impium, impie morte morieris; non fueris locutus ut se custodiat à via sua, impius in impietate sua morietur, sanguinem autem eius de manu tua requiram.* Ad quæ diuina verba, quin potius verbera, S. Gregorius aciem mentis conuertens: *Pensamus* (inquit hom. 17. in Euangel.) *qui unquam per linguam nostram conuersi, qui de peruerso suo opere nostra increpatione correpti pœnitentiam egerunt? quis luxuriam ex nostra eruditione deseruit? quis auaritiam, quis superbiam declinavit? Pensamus quod lucrum Domino fecimus nos, qui accepto talento ab eo ad negotium missi sumus.* Et paulo suprâ: *Hi qui nobis commissi sunt, quotidie permultas nequitias pereunt, & eos ad infernum tendere negligenter videmus &c. Imploremus Ieremiæ lachrymas &c. qui deplorans dicit, dispersi sunt lapides sanctuarij in medio omnium platearum.* Consimili cum gemitu Origenes hom. 7. in Iosue aduersus hanc Pastorum, Prædicatorumque desidiam, crudelémque ignauiam inuchitur: *Vides* (inquit) *ouiculas Domini ignaras, periculi ferri ad præcipitia, & per abrupta pendere, nec reuocas? non saltem voce cohibes, & correctionis clamore deterres.* His tantis nostris aliorumque periculis ut occursum eamus, S. Ber-

Rom. 13. 4.

\* Nota

Hierem. 48. 10.

Ezechiel. 33.

nardus in aureis suis sententiis, ad tria nos confugere remedia consulit, ad disciplinam, ad custodiam, ad preces: *Ad disciplinam*, propter morum correctionem, ne grex Domini propria molestia deficiat. *Ad custodiam*, propter diabolicam suggestionem, ne hostili calliditate seducatur. *Ad preces*, propter tentationum instantiam, ne vincatur à pusillanimitate: in disciplina enim rigor est iustitiæ, in custodia spiritus consilij, in prece affectus compassionis. Atque hæcenus satis pro instituto de prædicatoris iustitia.

## §. II.

*De Fortitudine:*

Hic non philosophicè de fortitudine tractatum aggredior, sed secundum Christianæ disciplinæ rationem, de fortitudine animi & constantia seruanda, in veritatis defensione, & vera ac sincera verbi Dei prædicatione obeunda; qua cum cæteris donis Spiritus sancti indutum fuisse Stephanum protomartyrem, Lucas Euangelista in Actis signatim commemorat: *Stephanus autem plenus gratia & fortitudine &c.* c. 6. 8. Siquidem ut rectè hunc ad locum notat magnus Cardinalis Petrus Damiani, ad strenuè disputandum & moriendum, fortitudine opus fuit planè singulari. *Infuso autem* (ait serm. de S. Steph.) *spiritu libertatis, ignitus animus, in lumen veritatis erumpit, nec patitur ullo pacto, rigorem iustitiæ vel submitti, aliquando vel dimitti.*

Hac virtute inter tot aliarum insignia S. Ioannes Baptista præcellenter emicuit, de quo Dominus dicebat, *Quid existis in deserto videre? arundinem vento agitatam?* calamus est vacuus & nullam habet firmitatem, & ideo quocumque flante vento huc illuc impellitur. Sic (ait S. Chrysostomus) *homo carnalis, in quo nulla est fidei medulla, nec zelus veritatis, inflectitur: Arundo igitur vento agitata Ioannes non erat, qui à veritatis prædicatione, & iustitiæ defensione nunquam potuit diuelli. Nec Herodis potentiam timuit, nec Iudæorum assentationi cessit; incestus illius reprobabat nuptias, & dicebat ei, Non licet tibi habere uxorem fratris tui? Iudæis verò blandè percontantibus, num Christus esset? candidè & sincerè respondit, neutiquam se Christum esse, confessus est, & non negavit, quia non sum ego Christus. Sic stetit Ioannes usque ad mortem ineluctabilis. Nec mirum, non enim venerat ut concionando diuitias cumularet, ut principum gratiam venaretur, ut famam eloquentiæ compararet, ut nomen illustre ex opinione sanctitatis ex splendore doctrinæ acquireret, sed ut Christum & Patrem eius manifestaret hominibus, ut pœnitentiam prædicaret, ut ad fidem & iustitiam populos vocaret; Hic venit in testi-*

*Hom. 27. oper. imperf. in Matth.*

*Ioan. 1.*

*Marc. 1. 4.*

*Luc. 1. 17.*

*Eccl. 48. 1. & 6.*

tiam eorum, & vocat eos ad pœnitentiam. Vt Achab Elias, sic Ioannes Herodi loquebatur, ideo venit in spiritu Eliæ, in spiritu ardoris, in spiritu fortitudinis, quamobrem nullo minarum turbine, nullo potentia metu, nulla Iudæorum adulatione vel impetu à veritate prædicanda, à iustitia tuenda, à virtute asserenda, à vitiis infestandis deterreri potuit,

Virgil.

*Illi velut pelagi rupis immota resistit.*

*Vt pelagi rupes magno veniente fragore,*

*Qua sese multis circumlatrantibus undis*

*Mole tenet, scopuli ne quicquam & spumea circum*

*Saxa fremunt, laterique illisa refunditur alga.*

• Ideo hæc verba Ecclesia legit in Natiuit. S. Ioannis Baptistæ: in 1. Noctur. &c. Jerem. 1.

Quod enim Ieremiæ dictum in ipso rursus à Spiritu sancto impletum est\*: Ego quippe dedi te hodie in ciuitatem munitam & in columnam ferream & in murum arcum: super omnem terram, regibus Juda, principibus eius, & Sacerdotibus, & populo terre. Et bellabunt aduersum te, & non prualebunt, quia ego tecum sum, ait Dominus, ut liberem te &c. Ideo ad omnia quæ mittam te, ibis, & vniuersa quaecumque mandauero tibi loqueris ad eos. Particula illa quaecumque, digna est quæ attentius perpendatur; sicut enim plerique Concionatores, qui quædam quæ Deus mandat, prædicant, alia verò tacent: quia illa placent, ista verò sciunt auditoribus suis minùs grata & accepta fore. Scitè ait S. Augustinus, homines amarunt veritatem lucentem, oderunt redarguentem. Nōrunt hoc passim qui concionantur. Ideo nonnulli auditorum aures mulcent, suauī vocularum tinnitu, & splendido elocutionis ornatu, sublimes in Scripturam conceptus suos explicant, magna fidei mysteria solerti acumine enunciant, quæstiones Theologicas in vtramque partem versant, & prout libet enodant, splendidis elogiis, blandisque apostrophis magnates qui intersunt, cohonestant; populi gratiam miris artificiis aucupantur. At altum silentium de moribus; non arguunt, nec increpant auditores, quibus placere omni studio contendunt, displicere timent, nitunturque per omnia assentari. Isti Concionatores mihi videntur non ineptè assimilari posse luci fulguris, quæ cum præsens est, clarescere quidem facit aërem, sed in momento transeunte hoc fulgore, aër fit, quàm antè fuerat obscurior. Ad horam etenim declamatores isti concionem suam illuminant: sed euanida luce, quæ mox deficit, & populum verbis tantum splendidis oblectatum, maiori quàm antea caligine relinquit circumfusus. Ioannes longè aliud lumen perferebat, *Erat enim lucerna ardens & lucens.* Lucebat ortum solis iustitiæ proximum indicans, viasque eius præparandas docens: at ardebat zelo iustitiæ peccatores intrepidè & audacter reprehendens, dicebat enim Herodi, *Non licet tibi habere uxorem fratris tui?* Iudæis verò in peccatis suis inueteratis improperebat, *Progenies viperarum, quis demonstrauit vobis fugere à ventura ira?* Matth. 3. Quantum Ioannes fuit in verbo Dei annunciando fortis, tantum fuit iis quos gladio isto feriebat, terribilis. Appositè ideo sanctus Ambrosius, caput ipsius Ioannis ob iustitiæ & veritatis testimonium

Ioan. 5. 35.

Ibid. 10.

nium impiè decifum, & in confpectu Herodis & pellicis eius, super mensam conuiuialem expositum, describens lib. 3. de virginibus post initium, tyrannum, sic ipsum Herodem affatur: *Intuere Rex acerbissime, tuo spectacula digna conuiuio, cerne oculos in ipsa morte sceleris tui testes, auersantes conspectum deliciarum? Clauduntur lumina non tam mortis necessitate, quàm horrore luxuria. Os aureum illud exangue, cuius sententiam ferre non poteris conticescit, & adhuc timetur.*

Confinilem fortitudinem Christus suis Apostolis & Discipulis promisit & dedit: Ego (inquit) dabo vobis os & sapientiam, cui non poterunt resistere & contradicere aduersarij vestri. Sic dedit Stephano, cum quo disputantes Iudæi, non poterant resistere Sapientie & Spiritui qui loquebatur. Act. 6. 10. Autographum addit, propterea quòd illi ab ipso redarguerentur cum omni libertate; alij vertunt cum omni fiducia. Erat enim plenus gratia & fortitudine. vtrumque igitur iungebat, clamorem & amorem: *Viri patres & fratres audite? En verbum charitatis & gratiæ? Durà ceruice & in-circumcisis auribus & cordibus, vos Spiritui sancto semper resistitis. En verbera iustæ indignationis? Clamat igitur (rectè notat Bernardus) sed amat; fauit, sed diligit. Parem vim animi indidit suis Apostolis Dominus, sed maximè Petro, quem è spuma maris eductum adamantem effecit, vniuerso orbi ineluctabilem. Postquam iam factus fuerat columna & basis Ecclesiæ: ipsi, & Ioanni denunciauerunt sub graui interminatione Iudæorum principes, ne loquerentur & docerent in nomine Iesu. At tum in spiritu ardoris constanter cum Ioanne respondit Petrus: Si iustum est in conspectu Dei vos potius audire, quàm Deum, iudicate? nos enim non possumus, quæ vidimus & audiuius non loqui? Reduces inde ad Discipulorum cætum, iis renunciatis, gratias rependerunt Domino, & sic cum sociis orauerunt: Respice Domine in minas eorum (Iudæorum,) & da seruis tuis, loqui verbum tuum cum omni fiducia. Quod factum illicò narrat continuo nexu rei gestæ S. Lucas, qui subinde refert aliud insigne exemplum Apostolicæ fortitudinis in prædicatione Euangelij: Adduxerunt Magistratus & Ministri Apostolos, & statuerunt eos in Concilio: & interrogauit eos princeps Sacerdotum, dicens, Præcipiendo præcepimus vobis ne doceretis in nomine isto, & ecce replestis Ierusalem doctrina vestra, & vultis inducere super nos sanguinem hominis istius? Respondens autem Petrus & Apostoli dixerunt, Obedire oportet Deo magis quàm hominibus. Huc refert S. Gregorius illud Psalmographi, (hom. 30. in Euang.) Verbo Domini cæli firmati sunt, & spiritu oris eius omnis virtus eorum. Cælorum (inquit) ergo virtus de Spiritu sumpta est, quia mundi huius potestatibus contraire non præsumerent, nisi eos Sancti Spiritus fortitudo solidasset. Quales namque Doctores sanctæ Ecclesiæ ante aduentum huius fuerint spiritus scimus, & post aduentum illius, cuius fortitudinis facti sunt, conspiciamus. Hinc Petrus, qui una perculsus voce mulieris, dum mori timuit, vitam negauit &c. Postea principibus & senioribus magna auctoritate respondit, Obedire oportet Deo, magis quàm hominibus.*

Pauli eandem animi fortitudinem suspicere licet, tam in eius scriptis quàm gestis. Hoc sanè donum affatim sibi dari summopere exoptauit; quapropter orare pro se fideles enixè obsecrabat, *Ut detur*

ZZzz

Luc. 21. 15.

Serm. de S. Steph.

Act. 4. 19.

Act. 4. 29.



mibi ( inquit Ephes. 6. 19. ) sermo in apertione oris mei, cum fiducia, notum facere mysterium Euangelij, pro quo legatione fungor in catena ista, ita ut in ipso audeam, prout oportet me, loqui. Consecutus est autem copiosè quod tam feruidis votis postulabat, vnde ad Corinthios ( 1. ep. c. 2. v. 4. ) scribit, *Sermo meus & prædicatio mea non in persuasibilibus humane sapientie verbis, sed in ostensione spiritus & virtutis.* Virtus hæc, fortitudo est, quæ à spiritu diuino tanquam riuulus à fonte suo dimanat. Verba enim non satis sunt ad imbuendos animos hominum ( ait Origenes cont. Celsum lib. 6. ) nisi Doctori concessa sit vis quædam, & dictis eius adsit gratiæ cœlestis energia. Et hoc est quod ait Dauid, Ps. 67. *Dominus dabit verbum euangelizantibus, virtute magna:* virtus hæc eminenter in Apostolo Paulo emicuit, ut eius acta etiam innuunt ac confirmant. Vnum ex multis hîc exempli gratiâ, fortitudinis huius in enunciatione verbi diuini indicium, ad rem quod satis conferat, consignabo. *Cum esset Paulus in vinculis apud Cæsaream, sub Felice Præsidente, veniens ipse Felix cum Drusilla uxore sua, quæ erat Iudæa, vocauit Paulum, & audiuit ab eo fidem, quæ est in Christo Iesu. Disputante autem illo de iustitia, & castitate, & iudicio futuro, tremefactus est Felix.* Act. 24. 24. &c. Sacræ huius historiæ ut nucleus aperiatur, quædam obseruare iuuat, 1. Felicem hunc, teste Tacito, scuitiæ ac libidini effusè fuisse deditum. 2. Drusillam istam filiam Agrippæ Regis, hoc nomine primò nupsisse Azizo Emesenorum Regi, quo dimisso, adhucque viuente, illicitum connubium cum Felice, plecto eius præcellenti pulchritudine contraxit, patria religione ciu-

Lib. 3. histor.  
& 21. Annal.

Magister Histo-  
ria Scholastica.

rata. Ab his igitur accersitus Paulus, ut coram de Religione Christiana differeret, Apostolus qua erat solertia, & spirituum præstabat discretionem, cum nesciret ipsos non pietatis aut religionis studio, sed fallendi temporis desiderio, & solo curiositatis pruritu, ab ipso exigere expressum iri fidei nostræ specimen: quod minimè velent isti, sed quo maximè indigebant, proposuit, & sermonem instituit de iustitia contra fraudes & latrocinia; de castitate aduersus effrænes libidines: de iudicio contra nimis liberam agendi in tanta potestate rationem. Quamuis enim morum generale compendium his tribus titulis comprehendatur, cum iustitia ea spectet, quæ ad proximum, castitas quæ ad seipsum, iudicium extremum quæ ad Deum: tamen Apostolus quæ personæ vtriusque vitiis ac peccatis antidota maximè congruebant, triplici hoc themate proposuit, nec ullo metu eorum incurrendæ indignationis, sub quorum potestate vita eius tunc erat, aut quauis alia formidine, cohiberi potuit, quin ea quibus laborabant, scelera reprehenderet, arque terrorem iræ Dei, æternique exitij, ingenti spiritus ardore ipsis incuteret. Tanta autem vi cœlestis eloquentiæ tria hæc capita persecutus est, ut Felix quamquam impius, hoc sermone, tanquam repente illapso fulmine exterritus, eiusmodi sermonem interruperit, ferre scilicet non valens tam stupendæ quàm salutaris doctrinæ prædicationem. Sic mirabili catastrophe factum, ut iudici suo formidabilis fieret reus, & ut à reo

iudex tremendam adeo sententiam audiret. Ex quo exemplo nonnullorum Christianorum peruersitas plurimum deploranda venit, qui hæc quidem dogmata quæ pronunciauit Apostolus, credunt, nec iis tamen concutiuntur: & quorundam prædicatorum ignauia, seu vt veriùs dicam, perfidia, qui de his pro concione tractare lemmatibus de industria prætermittunt, ne auditores suos exterream, eosque à se reddant præ hac formidine alienos.

Perniciosæ huius reticentiæ & propudiosi metus originem, si quæsierim, triplicem huius causam inuenio, nempe vt in arundine vento agitata, vacuitas medullæ, sic & gratiæ defectus, & insuper latens intrus peccatum, ac in propria prudentia & viribus fiducia, & à Christo seiunctio, sunt tantæ perniciæ principia. De primo ait Apostolus Heb. 13. *optimum est gratiâ stabilire cor*. Vnde enim cor mœrens? nisi ex gratiæ defectu. Gratia Dei (ait S. Bernardus serm. 53. in cantica) *cibus est anima*. Quantum igitur quis crescit in gratia, tantum in fide dilatatur\*, tantum virtute firmatur; ipsa enim dat vires non tantum ad bene viuendum, sed etiam ad bene docendum.

\* Inuictos facit quos iuuat, & laborantes coronat. \*\*\* De secundo ait Ieremias, *Peccatum peccauit Ierusalem, ideo instabilis facta est*. Quid mirum igitur si prædicator qui latentis peccati sibi conscius est, alios metuit reprehendere? Angitur testimonio propriæ conscientiz, cuius stimulis pungitur, etli non compungitur; hinc fit vt dum placere Deo non studet, hominibus displicere timeat, & ideo taceat, ne etiam propriis sermonibus condemnetur, iuxta illud Apostoli: *Qui ergo alium docet, teipsum non docet: qui dicis non furandum, furaris: qui dicis non mæchandum, mæcharis; qui abominaris idola, sacrilegium facis*. Rom. 2. De tertio dicit Dauid, Ps. 72. *Mihi adherere Deo bonum est, ponere in Domino Deo spem meam: vt annunciem omnes prædicationes tuas in portis filia Sion*. Nemo potest ponere aliud fundamentum (ait Apostolus) præter id quod positum est, quod est Christus Iesus. Qui hoc non nititur, sed suæ virtuti ac industriæ confidit, labitur, deficit, & quicquid tentat facere, frustra contendit. Sine me (ait Christus Apostolis suis) *nihil potestis facere; qui mecum non colligit, dispergit*.

Væ mihi, quia taci, ait Propheta. Et quare tacuit? quia vir pollutus labiis (inquit) ego sum. Quis verò potest hanc immunditiam purgare, & tacenti ac meticuloso Prophetae os referare, vt loquatur? En efficax illico remedium. Volauit ad me vnus de Seraphim (inquit) & in manu eius calculus quem forcipe tulerat de altari, & tetigit os meum & dixit: *Ecce tetigit hoc labia tua, & peccatum tuum mundabitur*. Et audiui vocem Domini dicentis &c. Vade & dices populo huic, audite audientes &c. Tum igitur loqui cœpit Propheta, qui antè nec audebat labia sua mouere. Calculum hunc sumptum de altari, Christum esse censet S. Cyrillus lib. de Incarnatione Vnigeniti, c. 8. huius igitur virtute, forcipe fidei apprehensa, & spiritu gratiæ applicata Deus prophetae, & prædicatori peccata remittit, & spiritu eos implet Euangelico, ac simul fiducia & magnanimitate, vt superato metu potestatum, intrepidè

\* Idem serm. 3.

\*\* S. Greg. sup.

1. Reg.

\*\*\* S. Chry-

sost. hom. 24. in

Genesim.

Thren. 1. 8.

Rom. 2. 21. 22.

Psalm. 72. 28. 29.

1. Cor. 3. 11.

Ioan. 15. 5.

Isa. 6. 5.

deinceps prædicent veritatem, & populi ac procerum arguant cæcitatem, corripiantque malitiam, ut ad pœnitentiæ gemitus conuertantur.

Sed B. Hieronymi hîc mihi occurrit apposita valde huic doctrinæ observatio, lib. 12. in Ezechiel. c. 41. in hæc verba: *Dûsque facies habebat Cherub, faciem hominis iuxta palmam ex hac parte, & faciem leonis iuxta palmam ex alia parte. Etenim sic habet intrinsecus in interioribus templi, post scientiæ multitudinem velantur & palma, in quibus signum victoriæ est, dicente Apostolo, persequor ad branium diuinæ vocationis Dei in Christo Iesu. Cherub autem quatuor facies nequaquam, ut in principio huius prophetiæ legimus, sed tantum duas, hoc est hominis & leonis, quorum primum ad rationem pertinet, sequens ad furorem. Furorem autem dicimus, non eum qui perturbationi & vitio proximus est, sed qui mentis consolidat molliem, & fortio-rem facit animum dimicantis. In principio enim subiaceamus concupiscentiæ, quæ refertur ad vitulum propter terrena opera, & alia sunt carnalia, alia spiritualia, quorum extremum aquila deputatur. Cum autem intrauerimus Sancta Sanctorum, & interiora templi possidemus, nequaquam alia re indigemus, nisi ratione atque fortitudine, quorum alterum ad pudicitiam, alterum refertur ad animi perseverantiam. Hæc S. Hieronymus. ex cuius sententia palma victoriæ duabus potissimum virtutibus, nempe prudentiæ seu rationi, & perseverantiæ seu fortitudini debetur. Sed de fortitudine prædicatoris hætenus.*

## §. III.

*De Prudentia.*

*Lib. de Consid.  
super Isaiam.  
super Ioclem.*

INVERTIMVS harum virtutum ordinem, si S. Bernardo credimus, partus enim sequitur ventrem, non præcedit. At verò (ait) *mater fortitudinis prudentia: non enim fortitudo, sed temeritas est quilibet ausus, quem prudentia non parturiuit. Sed S. Hieronymus iustitiæ & prudentiæ prolem esse veram fortitudinem existimavit: Iusti, inquit, & fortis viri est, nec aduersis frangi, nec prosperis subleuari, sed in utroque esse moderatum: Fortitudo enim via regia est, à qua declinat, ad dexteram qui temerarius est & pertinax, ad sinistram qui formidolosus est & pauidus. Tamen S. Gregorius scribens super Ezechielem, quatuor quas vocamus virtutes Cardinales, mutuis se stringere complexibus insinuat: Mensuretur (inquit part. 2. hom. 10. sup. Ezechiel.) perfectorum vita per quadrum, & tantum habet spatia solatij latus unum, quantum latera singula, quia unusquisque tantum prudens est, quantum temperans, fortis, & iustus; tantum temperans, quantum prudens, iustus & fortis fuerit. Scitè igitur & sapienter ipse B. Gregorius, lib. 12. Moralium, ait: Quatuor virtutes cardinales quando perfectæ sunt, singulas sibi coniunctas esse, disiunctas autem perfectas esse non posse, quia non est temperantia perfectæ, quæ fortis, iusta & prudens non est; nec iustitia vera quæ non fortis est, temperata, & prudens; nec genuina fortitudo quæ non est prudens, iusta & temperata; denique nec prudentia integra, quæ non sit iusta, moderata & fortis.*

Iam de iustitia & fortitudine præfati sumus : vnde difficile non est qua iustitia & fortitudine niti prudentia debet, vt vera & sincera sit, colligere. Sed quia de prudentia in genere hîc inire tractatum non aggredimur, sed dumtaxat de prudentia in quantum officium Evangelici prædicatoris spectat, differere, strictim sed nitidè intra delineatum circulum, de prudentia ipsa dicere statuimus; sed antequam exordiamur, supponendum est, hîc me de prudentia non speculatiuè, sed practicè per proprios eiusdem actus, quos censemus Concionatori necessarios, habitum ire sermonem.

Et verò virtutes manifestari per actus suos omnium sapientum concors est sententia; tunc enim virtus ex animo se prodit, cùm per actionem suam foras erumpit. Prudentia itaque cùm sit virtus, non alio modo clarescit, quàm cùm per actionem se prodit ac manifestat.

## PUNCTVM I.

*De octo virtutis Prudentiæ, Concionatori necessariis Actibus.*

## ACTVS I.

*Terrena despicere, & amare cœlestia, Deique imprimis querere gloriam,  
& propriam ac populi salutem.*

SIC namque B. Augustinus lib. 6. Musicæ, prudentiam definiuit: *Prudentia est affectio animæ, vel motus, quo quis intelligit æterna superiora esse, & inferiora esse terrena. Et ideo ista spernit, illa verò cupit, & ad ea toto enixu anhelat.* Licet enim quispiam rectè disponat media ad consequendum aliquem finem, quæ parsest non minima prudentiæ, tamen si finis ille non fuerit supermundanus, cœlestis, diuinus: taliter disponens, nequaquam verè prudens censendus erit; qui enim deteriora eligit cùm meliora possit & debeat, imprudenter agit, vt omnibus notum est. At verò quæ videntur temporalia sunt, quæ verò non videntur æterna. Spiritualia diuina sunt: carnalia verò, caduca, fœda, & corruptibilia. Hinc Doct̃or Angelicus 2. 2. q. 47. a. 13. prudentiam falsam à vera secernendam esse asserit; Prudentia, inquit, falsa per similitudinem dicta est, cùm quis bene disponit ea quæ sunt agenda propter malum finem consequendum, sic dicitur prudens latro, qui subtiles modos inuenit ad furandum & rapiendum alienum; sic laudauit Dominus villicum iniquitatis, quia prudenter fecisset, (etsi commodum suum faciens ex domini detrimento) quia filij huius sæculi prudentiores filiis lucis in generatione sua sunt, id est astutiores, cautiores, & rebus suis magis intenti. Sed tamen hæc prudentia carnis mors est. Rom. 8. 6. quia in malum finem contendit. Et hac ducitur quisquis Christum (vt ait Apostolus) prædicat, non per charitatem, sed per occasionem & inanem gloriam, vel quæstum. De pernicioso hoc abusu cathedræ veritatis loquitur Apostolus dicens 2. Cor. 2. 17. *Non enim sumus sicut plurimi, adulterantes verbum Dei.* Ad quæ verba spectans S. Gregorius, lib. 22. Moral. c. 17. *Adulterari (inquit) verbum Dei, est aut aliter de*

Luc. 16. 8.



eo sentire quàm est, aut ex eo non spirituales fructus, sed adulterinos fœtus querere laudis humane: ex sinceritate verò loqui, est nihil aliud eloqui quàm oportet, & auctoris & creatoris gloriam querere. Stultus est igitur reuera, qui ex Euangelio sibi laudes humanas, vel turpe lucrum & transitorium commodum, vel honorem & gaudium querit: hoc enim ex pessimo fine ad quem detorquet verbi Dei prædicationem, nihil veri boni sibi comparat, sed propriam animam perdit.

*Matth. 16. 26.* Quid prodest homini (ait Dominus) si uniuersum mundum lucretur, animæ verò suæ detrimentum patiatur? Prudentia igitur ista falsa est, non est ista

*Iac. 3. 15.* sapientia de sursum descendens (ait S. Iacobus) sed terrena, animalis, diabolica. Vera autem & perfecta prudentia est, quæ ad bonum finem per media proportionata tendit, eoque dirigit vota sua, consilia, iudicia, præcepta, & facta. Hæc est supermundana, cœlestis, diuina, salutaris, qua præditi sunt qui Deum amant, iustitiam colunt, terrena fastidiunt, ad cœlestia aspirant. Proinde & Concionator est fidelis & prudens, qui hac præditus, in factis & sermonibus suis Dei gloriam querit, suamque & proximorum salutem verbis veritatis, sinceròque affectu charitatis, consequi peroptat. Præclare hoc docet Apostolus, exemplum de seipso in spiritu Dei proponens: Ideo, inquit, habentes hanc ministrationem, iuxta quod misericordiam consecuti sumus, non deficiamus, sed abdicamus occulta dedecoris, non ambulantes in astutia, neque adulterantes verbum Dei, sed in manifestatione veritatis, commendantes nosmetipsos ad omnem conscientiam hominum coram Deo. Quod si etiam opertum est Euangelium nostrum, in iis qui pereunt est opertum: in quibus Deus huius sæculi excacauit mentes infidelium, ut non fulgeat illis illuminatio Euangelij gloriæ Christi, qui est imago Dei. Non enim nosmetipsos prædicamus, sed Iesum Christum Dominum nostrum, nos autem seruos vestros per Iesum. Et hæc est prudentia cœlestis, de qua S. Iacobus ait, Quæ autem de sursum est sapientia, primum quidem pudica est, deinde pacifica, modesta, suadibilis, bonis consentiens, plena misericordia & operibus bonis, sine simulatione &c.

*2. Cor. 4.*

*Iac. 3. 17.*

## ACTVS II.

Diuiinarum & humanarum rerum coniungere notitiam: vicibûsque alternis meditationi & actioni immorari.

PERITVS sit iuris oportet qui iurisprudentiam profiteatur; dialecticæ qui philosophiam; artis curandæ sanitatis, qui Medicinam; & oratoriæ facultatis qui Rhetoricam docere pollicetur. Si verò quis à me quæsierit, quænam illa est scientia, quam prædicator proficitur? paucis verbis respondebo, his omnibus disciplinis, non tam oportere illum esse imbutum, quàm rerum diuiinarum humanarumque notitia præstantem. Hinc S. Ambrosius existimat sitam esse prudentiam (quam Christus Euangelij sui nunciis tantopere commendauit) in inuestigatione veritatis. Nec longè ablusit ab hac sententia Iustinianus Augustus, qui Cod. 11. §. 1. Prudentiam diuiinarum atque humanarum rerum notitiam definiuit. Irudi igitur similem esse non ineptè dixerim, quæ simul cœlum, terramque suo iungit amplexu.

Vides arcum (ait Sapiens Ecclef. 43. 12.) & benedic eum qui fecit illum: valde speciosus est in decore suo; gyravit cælum in circuitu gloriae suae, manus excelsi aperuerunt eum. Præfatus S. Ambrosius, lib. de Noë & Arca, c. 27. Iris est (inquit) clementia Dei, quæ quasi arcus contentus, sed carens sagitta, per aduersa quæ immittit magis terrere nos vult, quàm ferire. Vnde S. Ioannes, Apoc. 4. 3. vidit thronum Dei circumdatum Iride, id est misericordia: verùm Rupertus ipsam Iridem signum esse censet Euangelicæ legis, quæ scilicet Christum prædicat Deum simul & hominem, Aduocatum & iudicem nostrum, Regem & Pontificem, gratiæ & gloriæ largitorem, auctoremque fidei & iustitiæ, quibus tota salutis doctrina continetur. Nam in hoc binario sacra illa trias tota est, qua constat Christiana Religio, fides scilicet, spes & charitas, quæ tribus Iridis coloribus exprimuntur. Color cæruleus est fides, viridis est spes, rubicundus est charitas; quas diuinæ bonitatis rorida nubes, percussa radiis solis iustitiæ ac gratiæ, in homines depluit. At tres illi colores mihi insuper significare videntur triplicem vim purgandi, illuminandi, & perficiendi, quam à Deo & Angelis, Doctores Ecclesiæ participant, quâque præcones noui Testamenti elicito ire in generis humani salutem, ipsorum sacra exigit professio. In montem Moyles ascendebat, vt à Deo doceretur, deinde descendebat ad populum vt ipsos Hebræos doceret. In Eugenio suo Theodidactus Bernardus, virum spirituales instituens, qualis non modò Pontifex, sed Sacerdos quique, & maximè Euangelij prædicator esse debet, sic temperandas ei rerum vices esse docet, vt primùm meditationi seu contemplationi, deinde actioni det operam: hocque officium esse proprium considerationis, quo nomine prudentiam, seu discretionem designat, cuiusque sic miros affectus & effectus describit: *Et primùm quidem ipsum fontem Lib. 1. de Confessum, id est mentem de qua oritur, purificat consideratio: deinde regit affectus, der. c. 7. dirigit actus, corrigit excessus, componit mores, vitam honestat & ordinat. Postremò diuinarum pariter & humanarum rerum scientiam confert. Piè tamen, Psal. 45. & prudenter monet rerum diuinarum considerationem, primo loco incundam esse. Vacate & videte quoniam ego sum Deus. Quod sanè in partibus considerationis (inquit) præcipuum est. Ita sensit & S. Ambrosius lib. 1. de off. c. 25. Fuit in Abraham primo loco prudentia, de quo Scriptura dicit, Credidit Abraham Deo, & reputatum est illi ad iustitiam. Nemo enim prudens, qui Deum nescit. Denique insipiens dixit, quia non est Deus. Idem & S. Basilius censuit hom. 12. Ipsa prudentia edificanti domum, fundamentum supra petram locare, hoc est in Christi fide fundare largitur.*

Sed idem S. Basilius in Isaiam, c. 11. obseruat Moysem ipsum omni sapientia Ægyptiorum eruditum, & quod summum est, cum Deo familiari colloquio congregientem, in rebus tamen cum hominibus gerendis, consilium à Ietro socero suo accepisse. Quo exemplo Doctor populi Dei, instruitur, non satis esse si spiritali scientia sit eruditus, sed præterea necessum esse vt peritus sit rerum humanarum, prudentumque scita perquirat & sequatur, *Sapientis est enim deliberatè gerere, glossa, Matura. in Extrauag. Quorundam: Ioannis XXII. Qui insuper mo-*

nec Extrauag. *Vas electionis*, prudentiæ propriæ innitentes in errorem sæpè corruere, quamobrem *Sapientes consulere*, esse bonitatis magnum signum dicitur, cap. 3. de præsumpt. Ideò concionator, præsertim nuperus, de seipso parum confidere debet, sed quo modo quæve ratione tam arduum exequendum sit officium, à spectatæ doctrinæ & experientiæ veteranis Magistris debet sciscitari. Insuper verò sic inter homines versari ut morum patriæ, populique cui verbum Dei prædicaturus est, ingenia & propensiones considerare, rerum ciuiliū politiam, statum, successum, & varios euentus memoriæ commendare, & quantam oportet ac decet in rebus gerendis sensus sibi comparare peritiam; quamuis nec earum ignarus & rudis debet accedere ad concionandum publicè. Inter dotes Episcopi & Sacerdotis, Doctorisque Evangelici Apostolus exigit ut prudens sit, & qui res domesticas rectè disponat ac gubernet. Ideoque in Decretis priscarum electionum, disertis verbis expressum obseruasse memini, *Electum esse gemina scientiæ prudentia pollentem*. Manifestum est in Episcopo presbyterum contineri, quibus ex officio competit populum Dei exhortari in doctrina sana, & Evangelicæ prædicationis ministerium sedula pietatis instantia adimplere. *Opus fac Euangelista* (ait Apostolus dilecto suo,) *ministerium tuum imple*, 2. Timoth. 4. 5. Prælitæ huius operæ & prudentiæ studio prætique (præeunte Dei gratia) præfatus S. Bernardus serm. 51. in Cantica, exemplo proprio, sed modesta insinuatione expresso, graphicè insinuat: *Si quando* (inquit) *comperi profecisse aliquem vestrum ex meis monitis, tunc non me piguit fateor, curam prætulisse sermonis, proprio otio & quieti. Cum enim post sermonem iracundus est mutatus in mitem, superbus in humilem, pusillanimus in fortem, in sua quisque gratia exercuisse, & qui fortè tepuerant & languebant circa spirituale studium torpentes & dormientes, ad ignitum eloquium Domini referbuisse & euigilasse videntur: Hi inquam cum de rore verbi, & pluuiæ voluntaria, quam segregauit Dominus hereditati suæ, resfloruisse probantur facti in omnibus deuoti; non est unde subeat mentem (quasi pro intermisso studio iucundæ contemplationis) tristitia, cum talibus sacro circumdatus floribus & fructibus pietatis. Patienter auellor ab infæcundæ Rachelis amplexibus, ut de Lia exuberent mihi fructus profectuum vestrorum. Minimè prorsus pigebit me intermissa quietis pro cura sermonis, cum videro in vobis germinare semen meum, atque ex eo augeri incrementa iustitiæ vestræ. Charitas enim quæ non querit quæ sua sunt, id mihi iamdudum facillè persuasit, nihil desiderabilium meorum vestris præferre utilitatibus. Orare, legere, scribere, meditari, & si quæ sunt alia spiritualis studij lucra, hæc arbitratus sum propter vos detrimenta, sentiens in hoc fore & beneplacitum sponsi, & filiorum salutem & propriam consolationem. Hactenus mellifluus Bernardus. Ex cuius scitis, dictis, & factis colligere promptum est, prudentiam, charitatis germanam sororem esse: adeo ut quamuis scientiam, imò peritiam supernarum & inferiorum rerum profiteatur, simulque ut Iris amplexetur cælum & terram, & ideo diuinarum rerum meditationi & humanarum considerationi, natiuo ex genio incumbat, tantoque intervallo diuina humanis anteferre debeat quantum ab infinito distat*

*Vide Decret.  
Electionis Hil.  
d. b. Archidia-  
coni in summ.  
Pontificem l. 1.  
ep. Gregorij VII.  
initio.*

stat quod est finitum: tamen aliquando æquum esse, quia necessarium, imò Deo gratum & acceptum, à diuinis & cœlestibus auelli, vt humanis & temporalibus studiis ac occupationibus reductiuè ad cœlestia & æterna exercitia, Præco gratiæ & gloriæ Dei immoretur. At si quis ogganniat huic documento, sic sanctus hic Pater obiectio- nem proponit, vt mox iustam & rationabilem responsionem subiiciat, eodem lib. c. 3. in fine, *Ecquid vis me facere, inquis, hoc impossibile fortasse respondebis, facilius Cathedræ valedicere posse? Rectè hoc, si rumpere, & non magis interrompere, ista hortarer.*

## ACTVS III.

*Mala cauere, & bona eligere.*

INTER diuersas definitiones prudentiæ, illa semper celebris habita est, qua dicitur esse appetendarum vitandarumque rerum scientia. In hoc enim placitum tam Philosophi, quàm Christiani Doctores conuenerunt. Aristoteles lib. 6. Ethicorum, *Prudentia* (inquit) est virtus quæ consistit in cauendis malis, & bonis eligendis; & Romanus Orator lib. 1. Offic. *Prudentia* est, (ait) rerum expetendarum fugiendarumque scientia. Porro S. Basilii in principium Prouerbiorum, dicit prudentiam, haud aliud esse, quàm agendarum omittendarumque rerum cognitionem. Quam definitionem sequitur S. Augustinus, lib. de libero arbitrio. idem verò lib. 83. qq. q. 21. solum adiaphorarum rerum notitiam superaddit, ait enim esse rerum bonarum & malarum, neutrarumque scientiam; sed lib. 19. de Ciuit. Dei, c. 4. luculentiùs rem ipsam exponit, nec enim prudentia mera est bonarum malarumque, aut indifferentium cognitio, sed etiam cautio & declinatio tam opportuna quàm necessaria. *Quid* (ait) *est illa virtus quæ prudentia dicitur? nonne tota vigilantia sua, bona discernit à malis, vt in illis appetendis, istis que vitandis nullus error obrepit. Ipsa enim docet malum esse ad peccandum consentire, bonumque esse ad non peccandum, non consentire libidini.* Ideo inter partes prudentiæ etiam Philosophi cautionem censuerunt. Macrobius inesse docuit prudentiæ, rationem, intellectum, circumspectionem, prouidentiam, docilitatem, & cautionem. Theologorum princeps idem ferè docuit, partes enim ait esse prudentiæ, docilitatem, solertiam, rationem, circumspectionem & cautionem. Docilitas est, qua vel audiendo prudentum consilia, vel legendo eorum libros, vel quadam rerum experientia discimus quid agendum sit. Solertia (secundum Philosophum 9. Ethic.) est bona & celeris coniectatio. Ratio est cognitio vnius rei ex alia per argumentationem. Circumspectio est circumstantiarum accurata consideratio. Cautio verò est prouisio conueniens aduersus mala, quæ obstare bonis possint consiliis, vnde Apostolus ad Ephes. 5. 15. scribebat, *Videte fratres quomodo cautè ambuletis, non quasi insipientes, sed vt sapientes; redimentes tempus quoniam dies mali sunt, propterea nolite fieri imprudentes, sed intelligentes quæ sit voluntas Dei.*

S. Thom. 2. 2.  
q. 49.

Memorem esse huius Apostolicæ commonefactionis iugiter esse oportet Sacerdotem, tam quoad se, quàm populum cui Euange-



lium annunciat, nam & cauere debet diligenter ab omni malo, & alios vt ab eo prorsus abhorreant, admonere: ex aduerso verò quæcumque bona sunt, sedulò conſectari, & vt alij hæc appetant & exquirant aſſiduo hortatu contendere. Iuſtitia Chriſtiana in hoc duplici cardine poſita conſiſtit, *Declina à malo, & fac bonum*, ſed

*Pſ. 36. 27.*

*Hoc opus, hic labor eſt. . . . .*

*1. Cor. 3.*

*Genſ. 8. 21.*

*Rom. 7.*

Facere enim bonum tantum abeſt vt poſſimus, cùm (ait Apoſtolus) *nec bonum ex nobis tanquam ex nobis cogitare valeamus*: declinare autem à malo, quis, oro, poteſt? non dico à malo pœnæ, cui ab ipſo ortu ſumus obnoxij, ſed à malo culpæ & reatûs, quod tanto peius quod multiplicius, quin & humanæ concupiſcentiæ & intimis hominis medullis magis hærens. *Cor hominis & cogitatio prona ſunt ad malum ab infantia ſua*. Quod & quodplex eſt hoc malum? audiendus hîc venit S. Auguſtinus, lib. 22. de ciuit. Dei c. 22. *Sunt (inquit) mordaces curæ, perturbationes, mærores, formidines, infana gaudia, diſcordiæ, lites, bella, infidiæ, iracundiæ, inimicitia, fallaciæ, adulatio, fraus, furtum, rapina, perfidia, ſuperbia, ambitio, inuidentiæ, homicidia, parricidia, crudelitas, ſauitia, nequitia, luxuria, petulantia, impudentia, impudicitia, fornicationes, adulteria, inceſta, & contra naturam vtriuſque ſexus, tot ſupra atque immundiſtiæ, quas turpe eſt etiam dicere: ſacrilegia, hæreſes, blaſphemiæ, periuria, oppreſſiones innocentium, calumniæ, circumuentiones, prauaricationes, falſa teſtimonia, iniqua iudicia, violentiæ, latrocinia, & quicquid talium malorum in mentem non venit, & tamen de vita hominum non recedit*. Ab his malis declinare primus omnium debet Sacerdos, ab iſſque cæteros hominum, auulſum ire. At quo pacto alios ab hac malorum pernecie eripiet, qui ſeipſum ab ipſis niſi gratia opitulante abſtrahere poteſt? dicit Apoſtolus, *Scio quia non habitat in me, hoc eſt in carne mea, bonum: nam velle adiacet mihi, perficere autem non inuenio; non enim quod volo bonum hoc facio, ſed quod nolo malum hoc ago: infelix ego homo! quis me liberabit de corpore mortis huius?* Si hoc Apoſtolus vas electionis, de ſeipſo dicit, quin & ſcribit, quid de ſe miſer Sacerdos, & infelix prædicator, peccatorum tanto onere deſtrautus poteſt, quæſo, præſumere? humanæ mentis diuerſa, eaque grauiffima ſunt vulnera, difficultas intelligendi naturas rerum, ignoratio ſui ipſius, ignoratio proprii finis, ignoratio mediorum ad ipſum finem, corporis craſſitudo, ipſius mentis hebetudo. Porro voluntatis adhuc ſunt vulnera grauiora; Bone Deus! quot hîc monſtra? quot portenta? inconstantia, inſtabilitas, propria in ſeipſam pugna: faſtidium proprii ſtatus, immoderatus rerum temporalium appetitus; incredibilis circa ſpirituales & æternas negligentia, *φιλαντία*, ſeu ſuiipſius inordinatus amor, difficultas quam experimur in vitiis ſuperandis & excolendis virtutibus; denique deplorable ipſius voluntatis humanæ peruerſitas; quæ tantum abeſt vt declinet à malo, & faciat bonum, quin ex aduerso bonum vel odit, vel negligit; malum etiam quod maximè noxium non ignorat, vel appetit, vt admittit etiam cum delectatione & gaudio. Ab his tantum malis grauiffimis & multiplicibus debet Dei præco, omni ſtudio decli-

nare, ab iis que populum Dei tam verbo quàm exemplo auertere, atque in bona opposita toto animi impetu ferri, aliósque ad ea omni animi enixu, quamuis rebelles gratiæ lumini, excitare. At quis *Iob. 14. 4.* *potest facere mundum de immundo conceptum semine, nōne tu Domine qui so-* *1. Cor. 3.* *lus es? Neque qui plantat, neque qui rigat est aliquid, sed qui incrementum dat Deus, à quo etiam solo manat omnis gratiæ, virtutis & meriti principium. Arguat Sacerdos, obsecret, increpet, instet opportunè, importunè; clamare ne cesset, ut tuba exaltet vocem suam, nisi Dominus dederit huic voci vocem virtutis, frustra sibi prædicator aliis que* *Pf. 67. 34.* *laborabit; nihil enim proficiet sibi cæterisque, nisi Deus ipsi adstiterit, qui dicentis auditorumque (ut eleganter ait S. Bernardus serm. 1. de Pentecoste) moneat memoriam, moueat voluntatem, doceat rationem, non modò ad falsum à vero discernendum, sed etiam malum à bono distinguendum, hoc ut eligat & faciat, illud ut caueat & fugiat.*

## ACTVS IV.

*Media ad finem rectè eligere, & ostendere, ut bonus finis qui intenditur, obtineri possit.*

PRVDENTIA est vera atque perfecta (ait S. Thomas 2. 2. q. 47. 2. 13. *quæ ad bonum finem totius vitæ, quæ sunt conducibilia indicat, & præcipit.* Tres enim sunt partes prudentiæ secundum Philosophum, 6. Ethicorum c. 9. & 10. Prima, est consilium: constituto enim fine ad quem obtinendum tendimus, voluntas mouet intellectum ut inuestiget media ad id consequendum idonea. Secunda est iudicium, quo iudicat homo quod medium sit magis opportunum. Tertia est imperium, quo imperat ratio voluntati ut exequatur quod iudicatum est. Ad has autem actiones facile, accurateque eliciendas, tres assignantur habitus, eubulia, synesis, & gnome. Eubulia seruit ad media accommodata facilius inuenienda; Synesis ad bene iudicandum de iis, quæ lege aliqua decreta & definita sunt: Gnome verò ad ferendum iudicium de iis quæ non sunt lege aliqua decreta, sed tantum in praxim & verum veniunt.

Prudentis est igitur conueniens medium inuenire ad consequendum intentum finem. Hinc prudentes dicuntur militiæ duces, prudentes iudices, prudentes negotiatores, prudentes nauarchi, qui media idonea inuenire & præparare nōrunt ad consequendum proprium finem officiorum quibus funguntur. Verum hæc prudentia est imperfecta, quia inuenit tantum media ad consequendum finem specialem alicuius negotij vel muneris; non autem ad finem vltimum totius vitæ humanæ.

Iurisperiti hoc decretum habent, *Medium sapere naturam extremorum:* sed hoc mutuati sunt ex doctrina philosophorum, qui in genere motis docent medium participare de utroque extremorum, ut liberalitas est medium inter prodigalitatem & avaritiam, avaritia est in defectu, prodigalitas in excessu, liberalitas in medio, quia dat quidem, sed non minus, neque nimis: & quod habet nec dilapidat, nec arctius

A A a a ij

quàm par sit tenet; imò à Theologis idem axioma desumptum est: dicunt enim Filium esse mediam personam Trinitatis per abnegationem, quia nec est Pater, nec Spiritus sanctus; at quia est persona media, cum Patre conuenit, quia, sicut Pater producit Spiritum sanctum, sic & Filius: conuenit etiam cum Spiritu sancto, quia sicut Filius producit, ita producit ipse Spiritus sanctus, quamuis alio modo. Ergo medium participat cum utroque extremo.

*Vide Gerson.  
Tract. 3. sup.  
Magnificat.*

Doctrinam hanc ut ad propositum nostrum reuocemus, dicere iam v. g. licet: Quisquis prædicat verbum Dei, vel hoc facit per occasionem, vel per charitatem, id est vel propter proprium honorem, aut commodum, vel propter Dei gloriam, & propriam, ac proximi salutem. Si primum, in eius affectibus & verbis amor proprius præualebit, vana gloria, scientia inflans, eloquentia turgida, inanis Philosophia, famæ & celebritatis impotens appetitus. At qui Dei honorem & gloriam prædicando quærit, suæque & generis humani saluationis curandæ seriò sollicitus est, nihil in votis & dictis nisi hunc finem spirat, eoque quicquid sapit & optat, ut in finem singulariter intentum dirigit. Docent Scholastici Theologi quadruplex esse cognitionis medium, vnum eleuans, alterum contemperans, aliud adducens, alterum coniungens. Si prædicator media hæc in rectum quem diximus finem & vsum refert; finem proculdubio quem intendit & spectare debet, iuuante Deo, consequetur.

*Matth. 19. 17.*

Medium ad æternam beatitatem assequendam, bona esse opera, Euangelium docet dicente Domino, *Si vis ad vitam ingredi, serua mandata*; Et Petro Apostolo, 2. ep. 1. 10. *Satagite, ut per bona opera vestra, certam vestram vocationem & electionem faciatis*. Igitur ad bona opera necessum est ut Concionator populum sedulò adhortetur: medium autem huic medio subalternum, sed valde conueniens & longè efficacissimum illud est, ut non solum verbo, sed & exemplo, studeat quod docet suis auditoribus ire persuasum: Etenim *sermo viuus & efficax* (ait S. Bernardus serm. 56. in Cant.) *exemplum operis est: longum est enim iter per præcepta, breue & efficax per exempla*. Plus enim ex moribus, quàm ex verbis trahimus. Christus idcirco summus Magister noster, *cepit facere & docere*; sui que imitatores suos discipulos esse voluit: *Exemplum*, inquit, *dedi vobis, ut quemadmodum feci, ita & vos faciatis*: Quem secutus Apostolus, Rom. 15. 18. *Non audeo, inquit, aliquid loqui eorum, quæ per me non effecit Christus, in obedientia gentium verbo & factis*. Verebatur enim ipse vas electionis, ne si solo verbo docuisset gentes, indignum se esse eius discipulum proderet, qui ab exemplis ineundam esse docendi rationem præmonstrauit. Rectè igitur S. Gregorius in Moral. prædicatorem compellat, ubi ait, *Nul- lum consilium melius arbitror, quàm exemplo tuo fratres docere studeas*. Cui succinens S. Bernardus, ep. 72. *Pulcherrimus, inquit, ordo est & saluberrimus, ut onus quod portandum imponis, tu portes prior, & ex te discas & doceas qualiter oportet aliis moderari*.

*Senec. ep. 6.*

*Matth. 1.*

*Joan. 13. 15.*

## ACTVS V.

*Veri finis cognitio, & usus.*

FINIS præsentis vite debet coherere vite æternæ principio, (ait idem S. Bernardus serm. 2. in die SS. Apost.) quia scilicet tota hæc vita, nihil nisi via est ad vitam æternam, quæ summum nostrum bonum & finis est ultimus ad quem diuina bonitate creati sumus. Deus enim fecit hominem (ait scitè & eleganter S. Augustinus) ut ipsum agnosceret, cognoscendo amaret, amando quæreretur, quærèdo inueniret, inueniendo possideret, possidendo frueretur, fruendòque æterna felicitate gauderet.

Hinc Apostolorum princeps, oriri docet hominum reproborum perniciem, quòd sint finis ob quem facti sunt, ignari vel immemores: Hi (inquit) velut irrationabilia pecora naturaliter in captionem & in perniciem, in iis quæ ignorant, blasphemant; (ideòque) in correptione sua peribunt, percipientes mercedem iniustitiæ: voluptatem existimantes, coinquinati, deliciis affluentes, in conuiuio suis luxuriantes, oculos habentes plenos adulteriij & incessabilis delicti: pellicientes animas instabiles, cor exercitatum auaritia habentes. Maledictionis filij, errauerunt derelinquentes rectam viam, quibus caligo tenebrarum reseruatur: libertatem promittentes, cum ipsi sint serui corruptionis. Et c. 3. apertè dicit illos tandem in Atheismum per effrahem hanc morum licentiam, & impiam Dei obliuionem deuenire, & sic futuram dari vitam impudenter inficiari. Venient (inquit) in nouissimis diebus illu-  
sores iuxta proprias concupiscentias ambulantes, dicentes, ubi est promissio aut aduentus eius? Latet enim eos hoc volentes, quia unus dies apud Dominum sicut mille anni, & mille anni sicut dies unus. Non tardat Deus promissionem suam, sicut illi existimant, sed patienter agit &c. nolens aliquem perire, sed omnes ad pœnitentiam reuerti. Ideo in hac vita assiduos instituit monitores, qui in nomine suo impios illos ab infelici tramite quem sectantur, via scilicet perditionis auocarent, atque ad fidem, pœnitentiam, & iustitiam, quæ viæ sunt beatæ æternitatis sedulò hortarentur. Hinc Apostolus Timotheum suum intentum esse huic officio, graui interpellatione præcipit, multaque vti vult patientia atque prudentia, vt ad meliorem possit frugem eos conuertere, Seruum Dei &c. (inquit 2. Timoth. 2. 24. &c.) oportet mansuetum esse ad omnes, docibilem, patientem, cum modestia corripientem eos qui resistunt veritati, nequando det illis Deus pœnitentiam ad cognoscendam veritatem, & resipiscant à Diaboli laqueis, à quo captiui tenentur ad ipsius voluntatem. Aliis verbis, sed non absimili sensu Iudas Apostolus in fine epistolæ suæ hoc commendat. Et hos quidem arguite iudicatos\*, (inquit) Illos verò saluate de igne rapientes, alij autem miferemini in timore &c. Grande hoc opus est, animas de igne rapere, de Diaboli laqueis eripere, reconciliare Deo, & de filiis iræ & maledictionis, in filios transferre gratiæ & benedictionis. Ars illa planè diuina est, quam is in cœlo didicit;

*Qui lupus antè rapax, vestitur vellere molli  
Saulus qui fuerat, sit adempto lumine Paulus:  
Mox recipit visum, sit Apostolus, ac populorum  
Doctor, & ore potens, cornos mutare columbis.*

\*Qui enim non credit iam iudicatus est.  
Ioan. 3. 18.

Prudentius in Enchiridio veter. & noui Test. &c. sub finem.



Quo pacto id fieri queat, ipse Timotheum suum edocuit, in quo reliquos omnes Dei Sacerdotes & ministros Euangelij erudiebat: *Tu verò permane in iis quæ didicisti, & credita sunt tibi, sciens à quo didiceris. Testificor coram Deo & Jesu Christo, qui iudicaturus est vivos & mortuos, per adventum eius & regnum eius. Prædica verbum, instā opportunè, importunè, argue, obsecra, increpa in omni patientia & doctrina. Quot verba, tot fulmina. Quis hac audiens, (ait magnus Augustinus lib. 1. cont. Crescon. c. 6.) si Deo fideliter seruit, si dolosus operarius non est, ab hac diligentia & instantia conquiescat? quis sub tanta testificatione segnis esse audeat?*

Isa. 6.  
1. Cor. 9.

Dolebat idem sanctus Pater magnopere Sacerdotis vicem: quia si tacet, iram Dei incurrit. (*Vae mihi! quia tacui, ait Propheta. Vae mihi! nisi euangelizauero, dicit Apostolus*) At in odium incidit hominum si loquitur ut oportet. Verum hoc odium Sacerdoti gratum & acceptum esse debet, dummodò impleat ministerium suum. Nullum enim sacrificium Deo suavius offerri potest, quàm hominibus saluandis sese totum impendere. Ideo gaudebat Apostolus, si quotidie pro hac causa immolari potuisset. Et dignum fuisse Petrum qui oues Christi pasceret, censet Bernardus serm. 20. in Cant. quia pro Domino & ouibus eius paratus erat & in carcerem & in mortem ire. Nihil fortius (ait S. Hieronymus in Marc. ad c. 1.) quàm animas saluare, quæ errorum suorum vitiis interibant. Debet propter hoc Sacerdos semetipsum impendere & superimpendere, omnibusque omnia fieri, ut omnes quantumvis induratos lucrifaciat. Nec cedere debet illorum improbitati, nec cedere labori, nec despondere animum, si diu clamans, arguens, increpans, obsecrans non perficiat, *Spiritus enim ubi vult spirat, ac etiam quando vult. Igitur prædicator os clausum tenere non debet, quia etsi semper peccatores non conuertat, satis est quod constat semper aliquos conuerti posse. Appositè S. Bernardus monet\*, munus Prælati & Prædicatoris esse, affectu medicare, non curare actū: Noli diffidere, (ait) curam exigit non curationem. Denique audisti, Curam illius habere? non autem cura, vel sana illum. Verum dixit quidam,*

Ioan. 3. 8.

S. Hieronym.  
l. 4.  
In Ezech. 6. 13.  
\* Lib. 4. de  
Consol.

*Non est in Medico, semper, releuetur ut ager.*

Paulus loquitur, plus omnibus laboravi: non ait plus omnibus profui, aut plus omnibus fructificavi, &c. unusquisque secundum laborem suum accipiet, non secundum suum prouentum. Et ob hoc in laboribus potius quàm in fructibus gloriandum putauit. Ita quæso fac tu, quod tuum est, nam Deus quod suum est absque tua sollicitudine curabit. Planta, riga, fer curam, & tuas explesti partes, sanè incrementum ubi voluerit dabit Deus, non tu; ubi forè noluerit, sibi deperit nihil, dicente Scriptura, Reddet Deus mercedem laborum Sanctorum suorum. Securus labor! quem nullus valet euacuare defectus alicuius.

Ex hoc patet quanti sit momenti, finis Euangelicæ prædicationis cognitio. Cui si conformis fuerit intentio Prædicatoris, ipsi sufficet ad salutem. Licet autem finis sit magis eligendus, quàm ea quæ sunt ad finem, media tamen quæ huc conducunt, haud debet concionator prætermittere. Fideles princeps Apostolorum hortatur, ut ipsi mediocrium ad salutis finem adhibendorum sint sedulò solliciti: *Quales oportet*

Arist. 3. Topic.

vos esse (inquit 1. ep. c. 1. 9.) in sanctis conuersationibus & pietatibus expectantes & properantes in aduentum diei Domini &c. Propter quod charissimi hæc expectantes, satagite immaculati & inuolati, ei inueniri in pace, & Domini nostri longanimitatem, salutem arbitremini. Media quibus fideles finem reportare possunt fidei suæ, quæ salus est animarum ipsorum, idem Apostolorum Primarcha initio suæ posterioris epistolæ breui quidem indiculo, at planè insigni aureoque insinuat (c. 1. v. 4. 5. &c.) Fugite, inquit, eius quæ in mundo est concupiscentiæ corruptionem. Curam autem omnem subinferentes, ministrare in fide vestra virtutem, in virtute autem scientiam, in scientia autem abstinentiam, in abstinentia autem patientiam, in patientia autem pietatem, in pietate autem amore fraternitatis, in amore autem fraternitatis, charitatem. Hæc enim si vobiscum sint & superent, non vacuos, nec sine fructu vos constituent, in Domini nostri Iesu Christi cognitione &c. Quapropter fratres magis satagite, ut per bona opera certam vestram electionem faciat. Hæc enim facientes non peccabitis aliquando; sic enim abundanter ministrabitur vobis introitus, in æternum regnum Domini nostri & Salvatoris Iesu Christi.

Officium Euangelici prædicatoris in hoc situm est cardine, ut hæc media probè calleat, his congruenter principiis se gerat, ad hæc auditores suos efformare tam verbo, quàm opere, nisu perenni elaboraret, neque desinat vnquam ab hoc enixu, quo vas electionis se anxari testatur. Gal. 4. 19. Filioli, quos iterum parturio, donec formetur Christus in vobis. Ad quæ verba Chrysostomus, Apostolus hic refert, inquit, matrem de liberis trepidantem; vides anxietatem, vides eiulatum multo acerbiorum quàm solet esse parturientium. Huc collineat illud Prophetæ, Nunquid parturientes ceruas considerasti? incuruantur ad fætum, & pariunt, & rugitum emittunt. Iob. 29. 1. Pulchrè S. Gregorius in hunc ipsum locum, Video Paulum (inquit lib. 10. Moral. c. 21.) quasi quandam ceruam, quosdam in partu suo magni laboris rugitus emittentem; ait enim, Filioli, quos iterum parturio donec formetur Christus in vobis. Consideremus quid doloris habuerit, quid laboris, quæ & postquam potuit concepta edere, rursus compulsæ est extincta suscitare.

Mulier cum parit tristitiam habet, cum peperit autem puerum, non meminit pressuræ, quia natus est homo in mundum. S. Augustinus tract. 101. in Iohannem pro solita solertia, isto loco notat non dici cum peperit puellam, sed puerum, quia masculus partus maiorem incutit dolorem quàm femina. Animam Deo vel vnicam parturire, longè multò difficilius est, quàm magnum quoduis patrare miraculum. Sed ut magna in parturitione masculus pressura est, sic & maius inde gaudium subsequitur, quo mater exultat. Similitudinem hanc matris parturientis rectè accommodari posse reor prædicatoribus verbi Dei, Prælatisque & Pastoribus, quorum interest aliorum saluti consulere, & ad Christum conuertere. Egregiè in hunc locum obseruat doctissimus Cardinalis Toletus: Qui enim (ait) alios

Ad c. 16. Ioan.  
Annot. 27.

Christolacrantur, dicuntur eos parere, & qui Deo accesserunt, filij appellantur: cum animorum conuersio non sine magnis doloribus & periculis, & sudoribus fiat; propterea exemplo hoc meritò exprimuntur Prædicatores &

Prælati, ad Gal. 4. *Filioli quos iterum parturio* &c. S. Gregorius, lib 30. Moral. c. 10. hanc doctrinam eodem Apostoli testimonio confirmat. Cyrillus in illud Isaïæ c. 26. *Sicut quæ concipit cum appropinquauit ad partum, dolens clamat in doloribus suis, sic facti sumus à facie tua, Domine, concepimus & quasi parturiuimus spiritum salutis*; Applicat Apostolis, qui spiritum salutis, id est doctrinam Euangelicam quam conceperant prius à Domino, in nobis ediderunt, parturientes magnis doloribus & laboribus animas nostras.

Ioan. 4. 38.

Rom. 8.

Daniel. 12.

Proverb. 8.

Heb. 1. 14.

At nos Sacerdotes, in eorum labores ingressi sumus, non utique in dolores, quia non iam ut Christi Apostoli, & proximi eorum sequaces, decertamus usque ad sanguinem & mortem: sed labor est ante nos; fuerunt illi plantatores & satores, nos autem messores, non tamen sine æstu & sudore: *Ingemiscimus enim & parturimus usque adhuc; sed non sunt condigna passiones huius temporis ad futuram gloriam quæ reuelabitur in nobis. Hac spe iam salui facti sumus, adoptionem filiorum expectantes. Si autem quæ non videmus speramus, per patientiam expectamus. At spiritus adiuvat infirmitatem nostram. Qui autem scrutatur corda scit, quid desideret spiritus, quia secundum Deum postulat pro sanctis: id est pro electis, quos vult conformes fieri imaginis filij sui, idcirco quos predestinauit, hos & vocauit per ministerium nostrum, qui ideo corde & ore iterum eos parturimus, donec formetur in ipsis Christus; ut sic iustificentur, ac glorificentur. Hic est scopus Euangelicæ prædicationis: Virtus est enim omni credenti ad salutem, & prædicatori ad coronam: Qui enim docti fuerint (dicit Propheta per Angelum Spiritus sanctus) fulgebunt quasi fulgur firmamenti: & qui ad iustitiam erudierint multos, quasi stellæ in perpetuas æternitates: Et iure quidem, nam, ut ait magnus Dionysius, diuinarum omnium perfectionum, diuinissima est Dei cooperatorem esse, in reductione animarum ad creatorem.*

Quantum quæso gloriari posset creatura, per quam Deus ut causam secundam cuncta creasset, quæ diceret cum diuina sapientia, licet non adæquatè, suo tamen modo: *quando preparabat celos aderam, quando certa lege & gyro vallabat abyssos, quando aethera firmabat sursum, & librabat fontes aquarum, cum eo eram cuncta componens.* Multo verò excellentius est hominem cum Deo cooperari ad gratiam conferendam, quæ multis excedit nominibus omnem naturam. Certè sicut in cælo suprema Hierarchia constat Cherubin, Seraphin & Thronis, è quibus omnis illuminatio prouenit ad inferiores Angelos: sic in Ecclesia constituit Deus supremum ordinem Hierarchicum, scilicet Sacerdotium, ad illuminandos & inflammandos inferiores homines: Angeli quantumuis summi sint, altiora exercitia non habent, quam rationales creaturas ad Deum reducere, purgando scilicet, illuminando & perficiendo; omnes enim sunt administratorij spiritus in ministerium, missi (ait Apostolus) propter eos qui hereditatem capiunt salutis. Digniori igitur officio non possunt homines adhiberi, quam ut fratrum suorum saluti inuigilent, eosque verbo vitæ & operibus iustitiæ ac Sacramentis gratiæ, deducant ad æternam felicitatem. In regno cælorum est lux non illuminata, sed purè illuminans nempe Deus,

lux

lux illuminata & illuminans, scilicet supremi Angeli, & illuminata non illuminans nimirum spiritus inferiores. In Ecclesia (quæ ad typum regni cœlestis efformata est) sic est lux merè illuminans nempe Christus, lux illuminata Doctores, quibus ipse ait, *vos estis lux mundi*; & lux merè passiva, nempe plebs quæ non illuminat, sed illuminatur. In hoc opus prædicatores à Deo assumuntur, ut fidei & iustitiæ fulgores & ardores charitatis influant in gregis Domini inferiores portiones, unde Apostolus ait 1. Cor. 3. *Dei adiutores sumus: unusquisque autem propriam mercedem accipiet secundum laborem suum. Quanto igitur plus in hoc ministerio quispiam laborauerit, tanto maiorem à Deo recipiet mercedem. Qui enim fecerit & docuerit, hic magnus vocabitur in regno celorum.* Matth. 5. 19. At qui minus laborauerit, minimus quoque hic erit.

Respicite igitur fratres vocationem vestram! Spectate finem officij huius 1. Cor. 1. ad quod vocati estis. Dedit Dominus ascendendo in altum, Ecclesia suæ Apostolos & Evangelistas, dedit pastores & Doctores: quem ob finem eos instituit? ad consummationem sanctorum, in opus ministerij, ne scilicet de cætero homines Ephes. 4. essent sicuti paruuli fluctuantes, & circumferrentur omni vento doctrinæ, sed occurrerent in unitatem fidei, & crescerent in virum perfectum, ad similitudinem Christi. Necesse est igitur, ut isti Doctores sint veraces, deque generis humani promouenda salute super omnia solliciti. Vnde subdit Apostolus, *facientes veritatem in charitate*, id est non tantum verum loquentes, sed operantes veritatem quam prædicant, propter gloriam Dei & Ecclesiæ ædificationem.

S. Bonaventura in prologo super libros sententiarum, quatit, cur hi sint conscripti? Respondet verò finem eorum esse, ut fiamus boni. Si quæras cur scriptum sit Euangelium? cur prædicatum in gentibus? cur quotidie prædicatur in vniuerso mundo? Respondeo, ut manifestum fiat magnum pietatis Sacramentum quod reuelatum est in carne, & iustificatum est in spiritu; ut glorificetur Deus ab omnibus per Iesum Christum. Insuper ut homines erudiantur ad salutem: fiant iusti & boni, sicque sint in æternum beati cum Christo & Angelis. In hunc finem vota sua Suprema ad patrem, Christus ipse in suæ passionis procinctu, conclusit, *Pater* (inquit, loquens de discipulis suis) *sanctifica eos in veritate, sermo tuus veritas est: sicut tu me misisti in mundum, & ego misi eos in mundum: Et ego pro eis sanctifico meipsum, ut sint & ipsi sanctificati in veritate. Non pro eis rogo tantum, sed & pro eis qui credituri sunt per verbum eorum in me, ut omnes unum sint, sicut tu pater in me, & ego in te, ut credat mundus quia tu me misisti.* Ioan. 17. Hic est finis Euangelij, eiusque Prædicatorum tota debet eò spectare intentio ac scopus. In cuius assecutione, & laboris sui terminum, & quietis æternæ principium, pacisque & felicitatis perennem fontem inuenient. Quapropter Timotheo suo tantopere studium adimplendi huiusmodi muneris Euangelici commendat & inculcat. *Præcipe hæc & doce*, (inquit) *attende lectioni, exhortationi, & doctrinæ &c. Hæc meditare, in iis esto, ut profectus tuus manifestus sit omnibus; attende tibi & doctrinæ. insta in illis. Hoc enim faciens, & teipsum saluum facies, & eos qui te audiunt.* 1. Timoth. 4. 15. 16.

BBbbb



## ACTVS VI.

*Præteritorum recordatio, consideratio præsentium, & futurorum præuisio.*

VETVS est apud Græcos adagium, *πρὸς τὸ πρόσωπον καὶ τὸ ὀπίσω* à fronte & à tergo: quod est diligenter inspicere, & præterita cum præsentibus & futuris conferre. Hoc prudentiæ proprium est, vnde Seneca, lib. 1. de Beneficiis, *Si prudens (inquit) fuerit animus tuus, tribus temporibus dispendetur, præterita cogita, præsentia ordina, futura prouide.* quod diu antea aliis, sed non minùs elegantibus verbis Marcellus in litteris suis ad Annibalem expresserat, ubi ait, Non est tantùm illud sapere, quod ante pedes nunc præsens est, intueri, sed quæ futura sunt præuidere, sumptis præteritis in exemplum. Sapientes sæculi ex diuinis litteris theorema tam insigne vt pleraque alia decerpserunt, Deut. 32. 28. 29. quo Moyses de populi sui imprudentia sic queritur; *Gens absque consilio (est) & sine prudentia, utinam saperent (præsentia scilicet) & intelligerent (nempe præterita) ac nouissima præuiderent!*

Tria hæc prudentiæ munera prædicator Euangelicus imprimis cal-  
lere debet, prudentia enim illi summopere necessaria est, quam ideo Discipulis suis Christus Dominus commendauit, Matth. 10. 15. 24. 45. Luc 12. 42. Nihil magis ipsis inculcabat, quàm vt eorum quæ dici ab eo audierant, aut fieri viderant, reminiscerentur. Ex rebus præsentibus docebat futura prænoscere, vt in parabola de ficu florente proximæ ætatis indicio: per signa præcedentia iudicium, aduentum suum monebat coniciendum esse: Historiam Ionæ, dies Eliæ, Salomonis prudentiam & gloriam, Reginæ Sabba ad eius sapientiam ediscendam accessum, & ex veteri Testamento plerasque alias res gestas sanctorum hominum ad imitandum, impiorum ad euitandum passim illis proponebat. Mysteria sub cortice litteræ, legis & prophetarum significata referabat, scrutandasque scripturas illis seriò commendabat, & sub parabolarum inuolucris, quas ex rerum præsentium visu vsùque eliciebat, mores efformare, nouissima præuidere & timere, illos admonebat. Denique dabat de prudentia hoc singulare documentum: *Omnis victima sale salietur; bonum est sal, habete sal in vobis*, hoc est prudentiam, qua omnes vestros actus & sermones condiatis.

Marc. 9. 48.  
49.

S. Bernardus ferm. de SS. Apostolis Petro & Paulo, hac ex virtute quæ ex tribus considerationibus coalescit, omnem vitæ humanæ œconomiam pendere insinuat. Adducto enim loco Deuter. præsignato, *Utinam saperent, & intelligerent, ac nouissima prouiderent!* subiungit; *Sic æternitatis imago reformaretur in nobis, scilicet præsentia moderaremur per sapientiam, præterita per intelligentiam diiudicaremur, nouissima prouideremus ad cautelam.* Et ep. 292. *O utinam saperes quæ Dei sunt! intelligeres quæ mundi sunt, prouideres quæ inferni sunt! profectò inferna horreret, superna appeteret, quæ sunt mundi contemneret.*

Hæc est dubio procul summa prudentiæ Christianæ, qua si caruerit Concionator, quicquid dixerit, vel fecerit, insipidum erit, ipsæque sal infatuatum, putidum, & ad omnem vsum inutile fiet. Rerum cælestium prædicatores (ait S. Hilarius in Matth. can. 5.) sunt æternitatis velut satores, immortalitatem omnibus corporibus, quibus eorum sermo aspersus fuerit, conferentes. Verum quia conuersioni homo subiacet, & solus beatus qui usque ad finem in omnibus Dei operibus permanserit; ideo eos sal terræ nuncupatos, monet Dominus in tradita sibi potestatis virtute subsistere, ne infatuati nihil saliant, & ipsi sensu saporis amisso, viuificare corrupta non possint, & proiecili de Ecclesiæ promptuariis, cum iis quos salierint, pedibus incedentium proterantur.

## ACTVS VII.

*Moderatio linguæ.*

IN moderamine linguæ prudentiam sitam esse maximam diuina oracula declarant. Prou. 10. 19. *Qui moderatur labia sua, prudentissimus est.* Et c. 17. 27. *Qui moderatur sermones suos, doctus & prudens est ac pretiosus spiritus.* Eccles. 21. 28. *Verba prudentum statera ponderabuntur, ut scilicet æquo pondere & mensura proferantur, nec excessu, nec defectu, à veritate & iustitia, ac pietate deflectant.*

Hanc ob causam mystici Scripturæ interpretes, Spiritum Sanctum sub linguarum ignearum imagine cœlitus delapsum, Apostolorum capitibus insedisse existimant, ut tanquam illustri hieroglyphico, significaret, verbum Dei prædicantibus opus esse prudentiâ & sapientiâ in loquendo. Lingua enim super caput ubi mens hominis præsidet, egregiè insinuat linguam prudenter gubernandam, quia non mentem illa, sed mens & ratio eam debet præcurrere, quod adeo verum est ut ipsa humani oris compago, id docere voluisse videatur: nam sicut Anatomistæ asserunt, à cerebro in linguam nerui influunt, quo admone-mur, quanta esse debeat linguæ cum ratione connexio, quantumque in sermonibus prædicatorum hæc necessaria sit, qui potentes esse debent Tit. 1. 9. exhortari in doctrina sana, & summo opere cauere, ne cui dent ullam omnino 2. Cor. 6. 3. offensionem, ne ipsorum vituperetur ministerium.

Socrætes lib. 1. histor. Eccles. c. 5. & 6. infausta referens Arianæ hæresis exordia, manasse hæc refert ex Arrij inconsideratione: qui Alexandrinæ Ecclesiæ presbyter & prædicator, quædam verba de generatione filij Dei cum temerè & præcipitanter, sed publicè in Ecclesia præsentem Episcopo Alexandro, & toto Clero, ac populo effutisset: quæstione inde mota, pertinaciter in errore perstitit, nec monitus, Episcopi sui salutaribus consiliis acquieuit: sed à verbis ad facta & scripta progressus, orbem ferè vniuersum suâ hæresi inflammavit. *Accensus est* (inquit Socrates) *modicâ scintillâ magnus ignis, sumptoque ab Alexandrina Ecclesia initio, malum hoc totam Ægyptum ac Libyam & superiorem Thebaidem peruagatum, imò & reliquas prouincias depastum est.*

Ab hoc exemplo discant Concionatores, nonnisi timoratè, sensatè, & prudenter in Ecclesia loqui, neque se supra se efferre sublimibus, & captum suum ac populi, superantibus quæstionibus se & auditores im-

plicare, magis quàm studere proponendis (vt oportet) sobriis, castis & salutaribus documentis. Apostolus totus est in auertendo dilecto suo Timotheo, necnon & Tito eius symmysta, ab imprudenti, infelicique verborum elocutione. Potest peccare in concione prædicator tractando ludicra & profana, hoc vitium à suggestu Evangelico profligat Apostolus, *Profana* (inquit 2. Timoth. 2.) & *vaniloquia deuota; multum enim proficiunt ad impietatem.* Item poëtica fabulamenta, *Jneptias, & aniles fabulas deuota*, 1. Timoth. 4. 7. Denique quæstiones magis curiosas quam vtilis, *stultas etiam quæstiones* (inquit) & *genealogias, & contentiones, & pugnas legis, sunt enim inutiles & vanæ.* Tit. 3. 9. Quàm etiam sint periculosæ, & plerumque exitiosæ, hac nostra infelici tempestate plus experimento discimus, quàm vllis verbis exprimere possimus. Quo spiritu agantur, nescio: vnum certè scio, *Deum esse Deum pacis non diuisionis.* Linguae quæ à Spiritu Sancto descendunt *igneæ sunt, & sedent super illorum capita*, qui eas recipiunt, eo quod à mente & ratione reguntur, & non aliunde mouentur, quàm ab igne supremæ charitatis, *Charitas enim Dei diffusa est in cordibus nostris, per spiritum sanctum qui datus est nobis.* Si igitur linguae verba irrationabilia effutiunt, & à spiritu contentionis agitantur, à Deo non sunt, nec esse possunt; hic capropter Bernardi magni gemitus est, quod non immeritò hîc vsurpem: *Non est* (inquit lib. 3. de Consid. c. 4.) *bona arbor faciens fructus tales, insolentias, dissolutiones &c. simultates, scandala, odia &c. inimicitias graues, perpetuæque discordias, quæ animas audientium non ducunt ad vitam, sed præcipitant in interitum & perditionem.* At plura dicere gestientem, ipsa charitas non finit, & licet longè sit à me prudentia, timor tamen concitandi fratres aduersus fratres, ipsaque conscientia quæ Deum timet, motus ciere me impedit, pacem Ecclesiæ sitientem.

Act. 2. 3.

Rom. 5.

## ACTVS VIII.

Rom. 12. 16.

*Non alta sapere, sed humilibus consentire\*, & ad audientium captum, sermonem temperare.*

MAGNVS Gregorius è Petri cathedra hoc docebit, sic enim eloquitur cum singulari qua præcelluit prudentia, in suo Pastoralis parte 3. c. 5. *Sciendum est prædicatori, vt auditoris sui animum ultra vires non trahat, ne, vt ita dicam, dum plusquam valet tenditur, mentis chorda rumpatur. Vnde Dominus dicit; quis putas est fidelis dispensator & prudens, quem constituit Dominus super familiam suam, vt des illi tritici mensuram? per mensuram quippe tritici exponitur modus verbi, ne cum angusto cordi incapabile aliquid tribuitur extra fundatur: hinc Paulus ait, Non potui vobis loqui quasi spiritualibus, sed quasi carnalibus; tanquam paruulis in Christo lac vobis potum dedi non escam. Hinc Moyses à secreto Dei exiens, coruscantem coram populo faciem velat, quia nimium turbis, claritatis intimæ arcana non indicat. Diu ante ipsum Gregorium, Origenes illud ipsum prudenter admonuerat, hom. 26. in c. 33. Numerorum. Cum conderet Deus mundum (inquit) innumeras creauit ciborum differentias pro diuersitatibus naturæ animalium: hinc ipsa animalia cognoscunt proprios cibos, & aliis quidem cibus vititur leo, aliis ceruus, aliis boues, aliis verò*

aves: sed & inter homines sunt quedam differentia in appetendis cibis, & alius quidem qui bene sanus est, fortem cibum requirit, si quis verò infirmiores se sentit & inualidum, delectatur oleribus, & fortem cibum pro sui infirmitate non recipit; si verò sit aliquis paruulus, etiamsi voce indicare non possit, re tamen ipsa nullam aliam quàm lactis requirit alimoniam. Cibus verò rationalis naturæ sermo Dei est. Sed sicut in nutrimentis corporis multas paulo antè dedimus differentias, ita natura rationalis, quæ natura & verbo Dei pascitur, non omnis uno eodèmq; verbo nutritur, unde ad similitudinem corporalis exempli, est aliquibus etiam in verbo Dei cibus lactis, apertior scilicet simpliciòrque doctrina, ut de moralibus esse solet, quæ præberi consuevit iis qui initia habent in diuinis studiis & prima eruditionis rationalis elementa suscipiant, at abscondita mysteria quasi non suum cibum refugiunt, utpote nec sibi conueniunt: Ita igitur operam ludunt Concionatores, qui rarsa & curiosa theorematum suis auditoribus proponunt: sublimiùmq; rerum tractatione, eos vel in stuporem, vel sui admirationem rapere contendunt: Iam ferme receperunt mercedem suam, inanem scilicet iactationem scientiæ, & futilem de se rudium hominum existimationem. At longè defle-  
 ctunt à scopo prædicationis Euangelicæ, & dum populo illudunt, semetipsos fallunt, Deus enim superbis resistit, humilibus autem dat gratiam: iustòque fit iudicio, ut dum oblectantur variis & curiosis argutiis, solida cœlestis doctrinæ scientia careant, gratiæque lumine destituantur. Hinc Dominus ait, *Confiteor tibi pater, quia hæc abscondisti à prudentibus & sapientibus, & reuelasti ea paruulis.* Math. 6. 2.  
Math. 11. 25.

## §. IV.

*De Temperantia.*

IVSTITIA querit, (ait præfatus iam pluries S. Bernardus) prudentia inuenit, vindicat fortitudo, temperantia possidet. Pax itaque & quies est in temperantia: quæ in iustitia litigante, in prudentia inquirente, in fortitudine pugnante non inuenitur. Vnde est cur illam quæstionem hîc accuratiùs expendamus, quæ disquirat, cur cùm virtutes cardinales non vno semper modo nec ordine à sacris & profanis numerentur: semper tamen temperantia postremum locum obtineat? Ratio genuina huius rei videtur, quod iuxta Philosophum lib. 1. Rhetoricor. c. 9 ex virtutes cæteris antecellant, quarum latiùs patet utilitas; patent verò diffusiùs quæ magis vergunt in commune multitudinis bonum: bonum enim publicum (eodem Philosopho teste, lib. 1. Ethicor. c. 2.) diuinius est priuato: quare cùm iustitia & fortitudo (maximè quæ in bello est) Reipublicæ bonum promoucant; prudentia verò virtutes omnes suo imperio dirigat, at verò temperantia spectet bonum priuatum cuiusque: hac ex ratiocinatione non ineptè elicitur, cæteras virtutes huic vni omnes anteferendas, eam verò, loco, dignitate & merito licèt postrema sit, reliquis tamen vim magnam, & decus non modicum concedere.

Theorema hoc adeo insigne, tamen esse non reor absolutè ve-



rum. Fateor quidem, quòd si ipsam temperantiam eo modo spectemus, quo ab Oratore Romano definitur, lib. 2. de Inventione, scilicet, *Temperantia est rationis, in libidinem, atque alios non rectos animi impetus, firma & modesta demonstratio*; vel iuxta S. Augustini sententiam lib. 1. de libero arbitrio, *Temperantia est animæ affectio coercens & cohibens appetitum ab iis rebus quæ turpiter appetuntur*. vel denique iuxta sancti Thomæ documentum 2. 2. q. 141. *est virtus moralis, earum passionum appetitus concupiscibilis, quæ circa delectabilia corporis iuxta sensum tactus in usu cibi & potus & venereorum versantur, moderatrix*. Tum si iuxta has acceptiones consideratur, priuatam esse virtutem inficiandum non est, proinde neque primam, neque præcipuam. At SS. Patres longè ampliores partes temperantiæ concedunt, volunt enim in qualibet moderatione consistere, & ideo multo plura eidem officia attribuunt: Clemens Alexandrinus 2. Stromat. Oportet, inquit, nos exercere ad ea cauenda, quæ sunt obnoxia vitiis: at hoc officium esse temperantiæ asserit, vnde concludit, eam esse donum maximum Dei, vt quæ medium virtutis teneat, & vitiorum omnes excessus vel defectus vigili cautela, suo à sacrario eliminet. Prosper ideo censet temperantiam chorum ducere virtutum, & qui ea præditus est, illarum ornatu omnium reddere insignem: *Temperantia, inquit, temperantem facit, abstinentem, parcum, sobrium, moderatum, pudicum, tacitum, serium, verecundum*. Hæc virtus si in animo habitat, libidines franat, affectus temperat, desideria sancta multiplicat, vitiosa castigat, omnia intra nos confusa ordinat, ordinata corroborat, cogitationes prauas remouet, inserit sanctas: Ignem libidinosæ voluptatis extinguit, animi teporem desiderio futuræ remunerationis accendit, mentem placida tranquillitate componit, & totum tempus ab omni vitiorum tempestate defendit, lib. de vita contempl. c. 10. Et rursus c. 19. *Temperantia est* (inquit) *quod senioribus reuerentiam exhibemus, æquales germanitus honoramus, iunioribus gratiam paternæ dilectionis impendimus, quod præstamus loquenti seniori silentium, quod ipsius ad loquendum præstolamur imperium, quod non attolimus immoderatum in colloctionibus sonum, quod risui prorumpere non permitimus in cachinnum, quod nulli detrahimus, sed detrahentes æquanimiter sustinemus*. Qua ex doctrina liquet hanc virtutem lumen & decus esse omnium cæterarum: hæcque si ideo Concionator sit præditus, æquo iure magisterium virtutis ipsum posse profiteri, quarum in se exhibebit omnibus numeris exemplar absolutum; cuius archetypum in Christo præfulgentem, suspiciendum esse, S. Bernardus exponit serm. 22. in Cantica: *Incaßum quis laborat (ait) in acquisitione virtutum, si aliunde eas sperandas putet, quàm à Domino virtutum, cuius doctrina seminarium prudentiæ, cuius misericordia opus iustitiæ, CUIUS VITA SPECVLUM TEMPERANTIÆ, cuius mors insigne est fortitudinis*.

Sed S. Ambrosius lib. 1. Offic. c. 27. aliqua temperantiæ munera assignat, quæ licet ea virtus, vt omnium collectiua, Christianis omnibus debeat esse communis: Doctori tamen Ecclesiastico, seu prædicatori Euangelico eam maximè indicant conuenire. Ait enim: *In temperantia maximè tranquillitas animi, studium mansuetudinis, moderationis*

gratia, honesti cura, decoris consideratio spectatur & queritur. Quid enim Concionatori sacro aptius conuenire potest, quàm animi tranquillitas, cum eius sit officium, præconium pacis, omniumque perturbationum animi moderatio? si decorum vsquam seruandum est, vbinam magis quàm in Ecclesia, quàm in Cathedra veritatis? si mansuetudinis studium debet in quouis Sacerdote elucere, quanto magis in eo qui Christi non modò doctrinam prædicat, sed & mores docet, sedulo mentis affectu, esse imitandos; *Discite à me* (dicit ipse Christus) *quia mitis sum & humilis corde.*

Cæterum S. Augustinus lib. de morib. Ecclesiæ c. 21. eximiè docet, & hanc esse virtutis temperantiæ functionem, vt curiositatis pruritum cohibeat, *Curiosi esse prohibemur*, (inquit) *quod magnum temperantiæ munus est.* Curiositas innatum ferè nobis, at inquietum malum est, quod humanam mentem continuo fluctu cogitationum agitat, rerumque alienarum importunum facit hominem scrutatorem, suarumque ipsarum obliuiosum. Curiosus enim animus quanto fit peritior alieni meriti (ait S. Gregorius hom. 36. in Euangelia) tantò magis fit ignarus sui. Quamobrem scitè ait S. Augustinus, *Omnem indoctum curiosum esse, & cum se ipsum ignoret, cupere tamen omnia cognoscere*, lib. de Mirab. Script. & lib. Confess. 10. c. 8. Et verò non mirum est, cur curiosus verè doctus esse non valeat: tot enim externarum rerum varietatibus, quin & contrarietatibus distrahitur, vt vix in obiecto possit vno fixus tantisper consistere; dum enim mox ad aliud diuagatur, prioris obliuiscitur, nec menti eius impressum hædere potest, quod raptim & in momento aspectum, minimè comprehenditur. At tria sunt vitia curiositatis, quæ Concionatori multum officiunt. 1. est *curiositas verborum*, quam euitandam sapienter Plato \* censet, eo quod cum selectorum verborum accuratiori indagini ac sermonis pompæ indulget orator, minus fit solidæ ratiocinationi intentus. 2. est *prurigo scrutandi arcana quæ Deus occulta esse voluit* \*. vt sunt prædestinationis, gratiæ, & iustitiæ Dei profundiora mysteria. 3. est *pudor proferendi populo simplicem Christi doctrinam quoad fidem & mores*. Multienim *plus student* (ait S. Bernardus) *alta quàm apta proferre, & erubescunt plana & humilia; vt hæc solum scire videantur.* Quot mala hæc pestis, quæ hoc tempore latè apud concionatores serpit, Ecclesiæ intulit ac quotidie infert, prudentibus nequit esse incognitum. At sapientissimorum Antistitum Ecclesiæ officij ac curæ fuerit huic tam exitioso contagio occursum ire, prædicatoribusque præcipere, vt muneris sui memores sic temperatè se gerant, vt Christi fidelibus puram eius doctrinam, quæ fidem & mores maximè efformet, planè & perspicuè, reiectis ad scholas Theologicas, quibusque magis arduis quæstionibus vel problematibus, minùs ad salutem omnium necessariis, proponere & exponere studeant. Aliàs si parere tam salubribus monitis, imò iustis & piis iussionibus paruipenderint, *vigore planè Sacerdotali*, (vt verbis S. Cypriani vtiliceat) obedire compellantur.

\* de Regno.

\* S. Prosper hoc notat lib. de uocat. gentium.



dixit eleganter Lactantius, lib. 3. diuinar. instit. Hoc uno beati hac in vita esse possumus, si fugientes illecebras voluptatum, solique virtuti seruientes, in laboribus miserisque viuamus, quæ sunt exercitia & corroboramenta virtutis; si denique asperam illam vitam difficilemque teneamus, quæ nobis ad beatitudinem patefacta est tam Christi verbo; nam regnum cælorum vim patitur & violenti rapiunt illud: quàm exemplo; Oportuit enim Christum pati, & ita intrare in gloriam suam.

Quartum medium ad virtutem strenuo labore comparandam, est Spes copiose remunerationis, nullus enim labor durus, nullum tempus longum videri debet (ait S. Hieronymus) quo gloria æternitatis acquiritur. Certè omne opus leue fieri solet cùm eius præmium cogitatur, & spes præmij solatium sit laboris. Tanto magis excitat merces ad laborem & virtutem, quanto maius est quod proponitur & speratur præmium. Pulchrè ad hæc Cassiodorus lib. 2. epp. Nutriunt præmia virtutes, nec quicquam est, quod non ad morum summa nitatur ascendere, quando irremuneratum non relinquitur, quod conscientia teste laudatur. Non sunt audiendi, qui virtutem duram & quasi ferream esse volunt, nam præmium & decus virtutis, longè laborem & æstum quibus paratur, transcendit ac superat.

Quintum medium, est Dei timor, iuxta illud Ps. 110. initium sapientiæ timor Domini. Per timorem Dei etenim (ait egregiè Cassianus lib. 4. Institut. c. 39.) & vitiorum purgatio, & virtutum custodia, his qui imbuuntur ad viam perfectionis, acquiritur. Vnde & S. Bernardus, Sicut securitas, (inquit) vel desidia causa est & mater omnium delictorum: sic timor Domini radix est & custos omnium bonorum. Et ideo Isaias in timore Dei ponit diuitias salutis, c. 33. Et ipsum timorem esse thesaurum sapientiæ & scientiæ Dei, quæ est scientia Sanctorum, dicitur Sap. 10. quæ docti Deum religiosè colunt, voluntatem eius inquirunt, ad mandata eius seruanda impelluntur, vitia odio habent, virtutes diligunt; quæ sunt mundi, fastidiunt, ad superna per ardens desiderium rapiuntur.

Sextum, est exemplorum quæ nobis Sancti, ad imitandum reliquerunt attentæ consideratio. S. Gregorius ad illa verba Iob 36. Qui effundit imbres ad instar gurgitum, qui de nubibus fluunt: Nubes viri sancti (inquit lib. 17. Moral. c. 5.) & Apostoli sunt imbres quæ \* de super aërem prætereunt; si in cæ- \* nubes lum oculos attollimus, non cælum, sed ipsas intuemur &c. Quia intellectus noster ad diuina transire non sinitur, nisi prius per exempla Sanctorum præcedentium formetur, unde aliàs dicitur, illuminans tu mirabiliter à montibus æternis &c. Ex æternis enim montibus Deus nos illuminat, quia per admirabilem vitam Patrum radio nos suæ claritatis illustrat. Ecce cùm præceptis cælestibus subdi per obedientiam cupimus, consideratis antiquorum Patrum vestigiis iuuamur: admirantes Abrahæ obedientiam, patientiam Isaac, labores Iacob, castitatem Ioseph, mansuetudinem Moysis, constantiam Iosue, benignitatem Samuelis, misericordiam David &c. More enim nubium extensa super nos Patrum vitæ tegimur, ut ad fructum sæcundi germinis infundamur. At de hoc medio, ad virtutem comparandam quàm efficaci, satis superque dictum in Martyrologij nostri Gallicani Analectis; in cuius etiam contextu innumera

CCCC



ad singulas virtutes exempla suppetunt, & ipsorum exemplorum copiosi fructus, quos pij imitatores Sanctorum perceperunt, ex ipsorum assidua meditatione, affatim expromuntur.

## CAPVT X.

*De Sede, seu Cathedra Prædicatoris.*

**P**RÆCLARE, ut cætera semper, præcipuus Ecclesiæ Doctor, Augustinus admonuit in prol. lib. 1. de Doctrina Christiana; sic complacuisse Deo, ut homines, per homines, quæ sunt salutis docerentur; ideoque summo opere esse curandum ut qui docetur, humiliter discat, & qui docet, sine superbia & inuidia tradat, quod ipse à Domino accepit.

Hoc axiomate posito, aliud subiiciam, quod est huiusmodi. Euangelium è sursum esse. Iam olim mos in Ecclesia obtinuit, ut cum Diaconus in incruento Missæ sacrificio, Euangelium lecturus esset conscenderet pulpitum, vel ambonem, qui locus erat editior, ut à Deo desuper datum salutaris huius doctrinæ munus, omnibus circumquaque audientibus significaretur: vnde illud Cypriani lib. 4. ep. 5. » Quid aliud quàm super pulpitum, id est tribunal Ecclesiæ oportebat imponi (Confessor scilicet strenuus, qui perductus ad iudicem, » spretis superatisque tormentis, fidei præconium intrepidè protulerat) » ut loci altioris celsitate subnixus, & plebi vniuersæ pro honoris sui » claritate (id est pro ordinis gradu spectabili) conspicuus legat præcepta Euangelij Domini. Quæ idem B. Cyprianus lib. 2. ep. 5. *sublimia verba* eleganter appellat: tum videlicet quòd diuina & planè cælestia, ut pote de supernis accepta; tum quod ad æterna laborum piorum præmia Christi pugiles excitant & prouehunt, hæc ipsa esse pietas Christiana proficitur. Eadem igitur ratione, qui Euangelium prædicabat, ac qui recitabat è libro, sublimiori in loco consistebat: nec enim id solum fieri mos erat, ut commodiùs Euangelizator à circumstantibus audiretur, sed ut etiam doctrinæ quam annunciabat, cælestis origo, & ipsius Concionatoris qui diuinus est nuncius, dignitas cuique innotesceret. Quò spectare videtur illud Isaïæ prophætæ, *Super montem excelsum ascende, tu qui euangelizas Sion: exalta in fortitudine vocem tuam, qui euangelizas Ierusalem.* Vnde ipse Dominus, qui ad hoc vnctus & missus suo à Patre erat, ut annum placabilem prædicaret & euangelizaret captiuis indulgentiam, daretque lugentibus tam diu desideratam consolationem: passim *docbat in monte* ut eminentiori loco residens doctrinam salutis generi humano, sito in infimis, sed ad sublimia efferendo, dispensaret; quemadmodum præfatus notat S. Augustinus lib. 1. de serm. Domini in monte sub initium, ubi etiam admonet, docendo in monte non stetisse, sed sedisse ad indicandam diuini Verbi prædicatoris dignitatem: *Docet* (inquit) *in*

*Isa. 40. 9.*

*Ibid. 61. 1.*

*Luc. 4. 18.*

monte : sedens autem docet , quod pertinet ad dignitatem Magisterij.

Et verò inter Hebræos hic vetus mos obtinuit , ut Magistri docendo sederent : quo ex usu & ipse Christus omnium Doctorum summus didascalus adhuc dum esset puer duodennis repertus est à parentibus suis in templo sedens in medio Doctorum , audiensque & interrogans eos , subindèque ad eorum postulata respondens , ita ut omnes qui aderant plurimum mirarentur. Postquam autem vir factus est & cœpit euangelizare regnum Dei , cùm doceret populum semper sedere consueuerat , Luc. 4. 20. *Ingressus Synagogam Nazareth , accepit librum Isaie Prophetæ , & ut reuoluit illum &c. sedit.* Et cap. 5. Cùm ascendisset in nauim Simonis , sedens docebat de nauicula turbas. Et Ioan. 8. 1. *Venit diluculo in templum , & omnis populus venit ad eum , & sedens docebat eos.* Erant enim in templo cathedræ pro eorum sessione qui populum docebant , ut colligitur Marc. 12. Luc. 11. & Matth. 23. dicebat ipse Dominus , *Super cathedram Moysi sederunt scribæ & Pharisei dicunt & non faciunt : Omnia ergo quacunque dixerint vobis seruate & facite.* Ad quæ verba S. Hieronymus lib. 4. Comment. in Matth. c. 23. *Per Cathedram ( inquit ) Dominus doctrinam legis ostendit , unde & illud quod dicitur in psalmo , In cathedra pestilentie non sedit : Et , cathedras vendentium columbas euertit , doctrinam debemus accipere.* Ideo Apostoli vbi locus commoduserat , in cathedris sedentes euangelizare solebant. Afferuatur adhuc Romæ in Basilica Vaticana cathedra lignea , in qua S. Petrus docendo sedisse perhibetur : sicut Ierosolymis fuisse custoditam magna cum reuerentia cathedram Iacobi Apostoli , suo adhuc tempore , testatur Eusebius Cæsariensis lib. 7. de vita Constantini , c. 19. quin & conseruatam reperimus , etiam apud veteres , cathedram S. Marci , Petri ipsius apicis Apostolorum discipuli : in qua successores ob cœlestem inde micantem mirum splendorem , insidere non audebant. S. Clemens ep. 1. ad Iacobum , ( seu potius Simeonem ) fratrem Domini , cathedræ meminit , assumens hoc nomen pro Episcopatu vel Sacerdotio , quia scilicet munus docendi primario iure competit Episcopo , deinde Sacerdoti. Quo fungendo Stephanus Papa cùm synaxim expleisset , ab emissariis Valeriani sedens in cathedra sua deprehensus , ibidem capite amputato , cathedram ipso suo sanguine consecrauit ; quam eius cruore conspersam fideles reuerenter cum eius corpore in cœmeterio Calisti condiderunt. Tempore persecutionis solebant pastores & fideles in cryptis & speluncis , aliisque campestribus latibulis ad sacra conuenire ; & ibi Episcopis , cathedræ ad docendum plebem excidebantur. Quo ex more etiamnum visitur in Parœcia de Macoso prope Agennum , S. Caprasij Pontificalis cathedra in grandi excisa lapide , sub hiatu speluncæ , in qua exterritos fideles ad se confugientes , verbi diuini pabulo recreabat , quemadmodum in Supplemento Martyrologij Gallicani notauimus 5. Idus Iunij. Post sedatos atros persecutionis turbines , Præsides Ecclesiæ insigniores cathedras habuerunt , in templis enim vbique ædificatis , & sedes Pontificales & cathedras

doctrinales, eis extruxit iam toto orbe triumphans pietas Christiana. Hinc Cassiodorus in Psal. 1. *Cathedra propriè doctōribus datur: sicut etiam iudicum tribunal, & solium Regum proprium esse memoratur.* Sidonius tamen ut tribunalia à cathedris distinguit: ipsas cathedras doctrinæ discriminat, à cathedris altarium lib. 7. ep. 9. sub finem. Sedes istæ Episcopales erant absides gradatæ, seu cathedræ velatæ, quarum meminit S. Augustinus ep. 203. ad Maximinum. Cathedræ verò è quibus sedendo prædicabant, dicebantur suggestus, pulpitum, ambon. Hinc illud Socratis de sancto Ioanne Chrysostomo, *Episcopus residens super ambonem, ubi solebat prius verba facere, homiliam inceptoriam fecit*, lib. 6. cap. 5. S. Ambrosius oratione de non tradendis basilicis, cathedras Ecclesiasticas hinc collectiuè sumit, & pro tribunali sacro, & pro ambone Euangelico, *Quid sunt (inquit) cathedræ, nisi honores*, scilicet Ecclesiæ? Quamobrem in earum ambitores acriter inuehitur S. Gregorius Nazianzenus orat. 8. quæ est in laudem S. Basilij. Eodem spectat illud Beati Apostoli Petri apud Clementem loco præsignato: *Cathedra eum qui cupit eam & audacter expetit, non requirit, sed ornatum moribus & verbis eruditum.* Cæterum Diaconis cum absente Presbytero verba ad populum faciebant, fas non erat è cathedra vel superiori loco sermocinari. Notat ex veteri disciplina Petrus Blesensis ep. 123. & 141. quòd idipsum insinuat S. Anselmus in c. 4. epist. ad Ephes. Nam nec eis propriè prædicare concessum erat, sed dumtaxat homilias SS. Patrum populo recitare, ut liquet ex can. Concilij II. Vafensis: at catechizare proprio illis iure competebar, ut ex Schola Apostolica docet & testatur S. Dionysius lib. de Eccles. Hierarchia, ubi scribit Ministrorum primum (quem Archidiaconum vocitamus) Catechumenis præfuisse. Porro non est quòd quishic obiiciat primò dicta, hoc in capite; posterioribus aduersari, quòd è pulpito seu ambone dixerim antea Diaconum, supremo loco ab altari eminentem, consueuisse iam olim recitare Euangelium: postmodum verò fas illi non esse asseram, è loco superiori, quem veteres analogium, dieterium, cathedram, ambonem &c. appellabant, populum docere. Verumenimverò ista duo rectè conueniunt: nam aliud est Euangelium legere in sacrificio, aliud autem ipsum Euangelium prædicare & explicare populo, pro suggestu. Diaconum solenniter in Liturgia Sacerdoti ministrantem diximus ex officio consueuisse Euangelium è sublimi loco legere, qui ideo dicebatur lectorium (hinc illud Anastasij in Leone IV. *Fecit lectorium argenteum*) At ei non licebat conscendere ambonem, analogium, cathedram ad prædicandum & exponendum populo Euangelium: hoc enim munus prædicationis Euangelicæ proprium Episcoporum, & subinde Presbyterorum erat. Vnde est quòd corruptos mores huius sæculi doleamus, dum videmus non tantum Diaconos, sed etiam Subdiaconos, imò minores Clericos eò audaciæ profiliisse, (conniuentibus passim iis ipsis, quos tantam temeritatem vigore plane Sacerdotali compescere oportebat) ut publicos suggestus, subli-

mes Ecclesiarum cathedras conscendere non vereantur ; atque hinc etiam circumstanti Sacerdotio , magistratibus , & populo solenniter Euangelium prædicare , insidendo cathedræ , operto capite , & ea auctoritate , qua Episcopus vel Sacerdos munus hoc Apostolicum obiret : cum sacri canones Diaconum sedere in medio Presbyterorum districtè prohibeant , ac modestiæ memorem esse & sui gradus ( qui ad ordinem principantem non spectat , sed solum ad ministrantem ) mensuram tenere sancti Patres grauissimis monitis passim adhortentur. sed adolescentuli illi prædicatores æstu præcipiti abripiuntur , pruritûque feruent sese ostentandi mundo : vnde supramodum se efferendo , de cathedra veritatis faciunt *ostentorium* vanitatis : quo nomine etiam ( fortè propter hos effrenes ausus , pudendósque illorum ambitus ) locus ille sublimior , è quo Sacerdotes diuinum Euangelium populo prædicant & exponunt , iam pridem cœpit appellari , vt videre est apud Basilium Seleuciensem lib. 2. de Thecla : qui cum altero eiusdem tituli à Petro Pantino Decano Bruxellensi , Latinus factus , typisque Plantinianis editus in lucem anno 1608. prodiit.

Verum hîc est quòd Sacerdotes admoneam : quamuis liberior ac illustrior pateat illis , quàm Diaconis , ad populum docendum aditus : non essetamen , cur de loco sublimiori adeo extollantur. Non dicam cum Bernardo ad suum Eugenium : *Gloriaris de cathedra : specula est non solum : sed quod scribit præfatus Sidonius ad Claudianum lib. 4. ep. 3. Nobis autem grandior audacia , si vel apud municipales , vel cathedrarios oratores , aut forenses rabulas garriamus. vbi per Cathedrarios oratores non eos qui hoc gradu digni sunt , intelligit : sed eos qui nescio quo typho superbiæ oratoriam artem infeliciter profitentur : & oratorum famam dum ambiunt , nihil minus quàm huic muneri satisfaciunt , cuius immeritò præseferunt facultatem. Quo acumine iamdudum Seneca , Cathedrarios Philosophos , veris & ingenuis opponebat , lib. de Breuitate vitæ. Solebat , inquit , dicere Fabianus : Non ex iis cathedrariis Philosophis , sed ex veris & antiquis. Caueant hoc quæso prædicatores nostri , qui in altum locum conscendunt , ad diuinam doctrinam populo annunciandum : Cathedrariorum oratorum ambiguum nomen , quin & non obscurum temeritatis indicium , ausibus adeo miserandis sibi comparare : Studeantque potiùs Oratores Christianos esse , quàm Cathedrarios dici. Quòd si de loco sublimiori , quod vice Christi obtinent ( dum prædicant eius Euangelium ) gloriari nihilominus voluerint , per me non stabit , quin etiam eo titulo glorientur , dicentes cum Apostolo : *Mihi absit gloriari , nisi in cruce Domini nostri Iesu Christi* Gal. 6. 14. Memores sint enim eiusdem Apostoli , præclari istius documenti : *Nihil me arbitratus sum scire inter vos , nisi Iesum Christum crucifixum.* Christi 1. Cor. 2. 2. autem crucifixi cathedra , fuit ipsa crux , in qua Apostolus omnem gloriam suam reponebat. Hinc scitè dictum S. Bernardi : *Crux patientis , cathedra fuit docentis.* Ex hoc enim excelso loco , Christus quidquid gratiæ , veritatis & salutis erat , nos affatim edocuit. Quamobrem piè , & eleganter suo more magnus Augustinus , de hoc Christi suggestu , ad cu-*



\* S. Augustinus  
vbi tractat di-  
ctum hoc Apo-  
stoli ad Galatas:  
*Mihi absq̃ glo-  
riari nisi in cru-  
ce D. N. Iesu  
Christi.*

ius exemplum erecta est Euangelici prædicatoris cathedra, dixit: *Crux quæ grande ludibrium est impiis, grande piis est mysterium. Igitur unde mundi Philosophus erubuit, ibi Apostolus thesaurum reperit. Quod illis visum est stultitia, Apostolo factum est sapientia & gloria* \*. Sit igitur crux Christi prædicatio nostra: in eaque omnis nostra exaltatio, decus, & gaudium.

## CAPVT XI.

*De scientia Prædicatoris.*

AVLVS Apostolus vas electionis dictus, quia legis & Scripturarum Sanctarum erat armarium, tuba Euangelij, vox Christi & flumen eloquentiæ Christianæ: cui præ omnibus *Sanctus data est gratia hæc, Euangelizare in gentibus inuestigabiles diuitias Christi, & illuminare omnes, quæ sit dispensatio Sacramenti absconditi à seculis in*

\* S. Hier. in ep.  
ad Paulin. sup.  
libros Bibl. &  
ep. 61. ad Pam-  
machium.  
\* Ephes. 3.  
1. Tim. 2.

Deo \*; Paulus, inquam, ille, qui à Christo positus est *Prædicator & Apostolus, Doctor gentium in fide & veritate* \*, factus repente de Saulo Paulus, singulari diuinæ omnipotentiae ac misericordiae indicio; sub ipso ferme exordio suæ conuersionis, raptus in cœlestia, (vbi, sicut placet quibusdam notæ insignioris Theologis, diuinam, exiguo licet interuallo, intuitiuè contemplatus est essentiam;) ansam nobis præbet inquirendi cur tam properè, adeoque in ipso melioris vitæ limine, ad superna regna intuenda fuerit admissus? Te Lectorem pium hoc circa non morabor. Ratio est in promptu. Quia destinabatur gentium Magister, qui latissimè per vniuersum orbem Euangelium disseminaret, Christi quæ nomen vt Dominus ipse statuerat portaret coram gentibus & regibus, & filijs Israël. Act. 9. 15. Quasi igitur beatorum donatus vrbe, (vnde dicebat, *nostræ municipatus in cælis est*) sub ipso tyrocinio monebatur, cœlestem se deinceps vt in omnibus ciuem probaret. Nihil igitur de iis quæ mundi essent cogitaret, non conuiueret ad sensuum lenocinia, non ad regnorum pompam, non ad carnis blandimenta, non ad mundi placita: sed omnia floccifaceret & computaret (sicut ipse postmodum dixit) vt stercora, nisi Christum, cui animas lucrifaceret, & in cuius encomijs vnicè disceret gloriari. Eapropter eum cœlestem omnino apparere expediebat. Siquidem quomodo mundum vniuersum doctrina & instructione ad Christi fidem traduceret, nisi populi & populorum apices, super humanum, aliquid in eo considerâssent? Non ita certè ad vocis eius tonitruum nationes deserta auorum religione, noua amplecterentur instituta, desertisque opibus, deliciis, honoribus, mutato natiuitatis solo, cremum replerent sacrorum Anachoretarum impolluta examina, nec ita alacri animo post auditam eius prædicationem ad extrema pro fide certamina, ad cruenta scilicet martyria tanto ardore current. Sed cum homines intuebantur eum humana omnia parui-

S. Thom. 1. 2. 8.  
in cap. 12. ep. 2.  
ad Cor.

pendentem, viri studia vniuersa in Deum tendere, conciliabat vitæ tenor, voxque plusquam Angelica vim eius sermonibus planè mirabilem. *Paulus in paradysum raptus* (ait ad hoc appositè S. Cyrillus Hierosolymitanus Cateches. 14.) *audiuit sanè ineffabilia verba &c.* Descendit autem rursus, non quòd dignus non esset conuersatione tertij celi, sed ut gustatis cælestibus, & honoratus descendens (ut Angelorum conciuis & Dei domesticus, ac nuntius generalis) *Christum prædicaret.*

A puero elementa scientiæ mundi didicerat, atque ad pedes Gamalielis edoctus fuerat in Legis & Prophetarum arcanis: tamen posthabitis his omnibus humanæ scientiæ principiis, vnius se nouæque & mundo inuisæ ac exosæ scientiæ professorem, declarauit: *Et ego cum venissem ad vos* (inquit 1. Cor. 2. 1.) *non in sublimitate sermonis, aut sapientiæ: non enim iudicaui me scire aliquid inter vos, nisi Iesum Christum, & hunc crucifixum.* Compendium hoc est vnicum Philosophiæ Christianæ, imò totius meæ doctrinæ promptuarium. Quis non stupeat audire tam absurdæ, ut videtur, doctrinæ professorem, qui in ea tamen ita gloriatur, ut cæteras omnes scientias, & disciplinas in quibus genus humanum præcipuum vitæ decus & fulcimentum constituit, floccifaciat?

Sunt sanè diuersa scientiarum genera; nam est scientia speculatiua & practica, seu intellectiua & moralis. Insuper scientiæ sunt quædam rationales, scilicet grammatica, logica, rhetorica; poëtica, oratoria: quædam reales, vnâque speculatiuæ, ut sunt mathematica, physica & metaphysica; & quædam solùm operatiuæ, ut sunt omnes factiuæ artes. Corinthi omnes istæ scientiæ in vsu & splendore erant, maximè autem vigeabant philosophia & eloquentia. Se inermem ab iis præsidiiis hanc celebrem urbem aggressum Apostolus fatetur; imò inde gloriatur: *Et ego cum venissem, inquit, ad vos fratres, non in sublimitate sermonis, aut sapientiæ; scilicet humanæ, quæ apud vos variis ex titulis rutilans summo est in pretio.* Sunt qui velint Apostolum hîc non absolute, sed comparatiuè tantùm loqui; nec enim se inscium prorsus litterarum sæcularium sentiebat: at se cum illis qui Corinthi erant mundi sapientibus, oratoribus & philosophis, non ideo in his disciplinis comparari posse arbitrabatur; fuisse tamen doctum in humanis disciplinis hinc eliciunt, quod aliquoties poëtas citauerit, ut Tit. 1. 12. versum Epimenidis,

Κρῖντις αἰεὶ λέγει, κακὰ βίαια, κατ' ἄρας ἀργαί.

quod Faber Stapulensis pari carmine Latino expressit,

Gnosius usque loquax, mala bestia, viscera pigra.

Citat idem Apostolus Act. 17. Arati hemistichium in Phænomenis.

... αὐτὸ γὰρ καὶ ἡμεῖς ἐσμὲν. *Ipsius enim & genus sumus.*

At S. Chrysostomus secus opinatur: siquidem hom. 6. super 1. ad Corinth. latè docet Apostolum, ut collegas eius, fuisse humanarum scientiarum, maximè autem philosophiæ & rhetoriæ, ac præcipuarum quæ in singulari mundi luce sunt, imperitum; *Ostendit* (inquit, scilicet Paulus in isto capite,) *quod non solum docuit Deus mundum per doctos & peritos, sed etiam indoctos & imperitos vocauit.* Non solum enim, inquit, disci-

*puli erant indocti, sed ego quoque qui prædicabam. Vnde Paulum ipsum, idem Chrysostomus subiunctim compellat: Quid, dic quaeso, si venire voluisses in sublimitate sermonis, potuisses-ne? Ego quidem si voluissem non potuisssem. Christus autem si voluisset, potuisset: sed noluit, ut trophæum fieret præclarius: igitur hoc non fuit Christus, quia non expediebat.*

Nec ductum ex citatione Poëtarum facta signatis locis ab Apostolo, argumentum est efficax: vna enim hirundo non facit ver. Rarò autem Paulus poëtas allegauit, nempè Epimenidem & Aratum, at hos quidem semel tantum & obiter. Multi sunt apud nos litterarum humanarum ignari, qui tamen aliquem versum, vel sententiam quam tritiorè vsu proferri Latine audierunt, memoriter tenent, & vbi occurrit occasio, illam recitant vt plurimum appositè: Doctos tamen & versatos hos in oratoribus & poëtis, proptereà nemo prudens dixerit. Hebraicarum litterarum peritiam in Paulo agnoscimus, quam imbibisse ipse testis est ad pedes Gamalielis, vnde euasit ardentior zelator Iudaicarum theoriarum & praxeon. Aliquam etiam habuisse Græcarum litterarum notitiam, ipsum quantumuis religione Iudæum, tamen in Tharso Ciliciæ natum, & origine ingenuum, vt pote Romanum ciuem, non grauati concessero. At quid hoc ad ipsarum scientiam, quam potuerit tanto cum nomine profiteri, vt de palma eruditionis, vel eloquentiæ, cum philosophis & oratoribus qui Corinthi, & passim in Græcia florebant, posset pari gloria eruditionis contendere? Nec est quòd quis obiiciat, infusam Apostolis per Spiritum Sanctum linguarum omnium notitiam, tam quoad vsum, quàm habitum: siquidem hanc cognitionem ipsis indidit Spiritus Sanctus, non quoad pompam & splendorem, sed quoad vsum dumtaxat necessarium & ipsorum ministerio congruentem, quòd animarum conuersionem spectabat, & quòd per fidei prædicationem impleri oportebat, cuius mysteria penitus sapientibus huius sæculi incognita erant; quapropter non poterant eorum ex libris delibari. Sic de scientiis, fateri debemus, per Spiritum sanctum donum scientiæ Apostolis omnibus fuisse impertitum; sed quid hoc ad sæcularium scientiarum influxum? Si quis petierit à Theologis, quid est scientia, vt est donum Spiritus sancti? Respondet ex eorum schola Gersonius part. 2. de septem donis Spiritus sancti, *Esse lumen spirituale acceptum à Deo, in quo videntur rationes operabilium pertinentium ad vitam, per quos sanctè & meritorie viuamus.* Ad hoc igitur acceperunt Apostoli donum scientiæ diuinitus infusum: insuper ad intelligentiam sacrarum Scripturarum: *Aperuit enim illis sensum, vt intelligerent Scripturas, vt omnia fidei mysteria nossent, vt eadem docerent & prædicarent, hocque modo omnem intellectum captiuarent in obsequium fidei, non per inanem philosophiam, neque per mundi sapientiam, neque per sublimitatem sermonis.* Ideo Apostolus se vt collegas suos, nihil scire de iis ex quibus mundi Sapientes superbiunt & inflantur, grauiter asseuerat. Vnum se theorema, in quo omnis sua doctrina continetur, scire & profiteri testatus: *Non enim iudicaui me scire aliquid inter vos, nisi Jesum Christum, & hunc crucifixum.* Quasi diceret, non aliam existimaui veram scientiam, & quæ digna

*Marc. 24. 45.*

*2. Cor. 10. 5.*

digna esset quæ à me ad sanguinem usque & ultimum vitæ spiritum prædicaretur & defenderetur, atque ab omnibus hominibus patulis vlnis exciperetur, ut in qua sola est omnium salus & felicitas, quàm eam quæ est de Iesu crucifixo Salvatore nostro. Vnde me ita gessi inter vos ab omni gloria humanæ scientiæ, & mundi sapientiæ abhorrentem, ut simpliciter sicut alij Apostoli prædicarem, tantùm *Christum crucifixum*. Non quòd alia fidei mysteria non annunciauerim, sed quòd præcipuè docuerim & inculcârim cum feruenti fidei & charitatis spiritu, in vna *(Christi cruce esse gloriandum)*: hinc sperandam esse iustitiam & salutem: ad hocque consequendum, crucem Christi amplectendam esse, patientiam, humilitatem, obedientiam, charitatem eius imitandam, & vitia crucifigenda ab omni homine, qui iustus in hac vita, & beatus in futura esse voluerit. Hoc Pauli & cæterorum Apostolorum prædicationis est verum & genuinum compendium, imò fundamentum, primùmque principium, ac etiam fons & riuus, clauis & thesaurus, scientiæque Euangelicæ pelagus inexhaustum.

Gal. 6. 14.

Dicet verò hîc aliquis, Ergone Prædicatorem Euangelicum, sæcularis litteraturæ & humanæ scientiæ exigis prorsus esse expertem? Minimè verò; at in iisdem terminis hîc sumus, quibus se pridem S. Bernardus constrictum sentiens, breui perspicuòque responso se expediuit. Dixerat serm. 36. in Cant. *Petrus & Andreas & filij Zebedei, cæteri- que discipuli omnes, non de schola Rhetorum aut Philosophorum assumpti sunt: & nihilominus tamen Saluator per ipsos operatus est salutem in medio terra, &c. Denique notas fecerunt mundo vias vitæ, & non in sublimitate sermonis, aut in doctis humanæ sapientiæ verbis, sed sicut placuit Deo, per stultitiam prædicationis eorum, saluos facere credentes, quia mundus eum in sua sapientia non cognouit. Præfatus ubi hoc fuit sanctus Pater, mox pro sua singulari prudentia obiectioni, quam sibi proponi posse sentiebat, solerter occurrit: Videar forsân in sugillatione scientiæ, & quasi reprehendere doctos, & prohibere studia litterarum? Absit! Non ignoro quantum Ecclesiæ profuerint & prosint litterati sui, siue ad refellendos eos qui ex aduerso sunt, siue ad simplices instruendos. Denique legi, Quia repulisti scientiam, repellam & egote, ut non fungaris mihi Sacerdotio: legi, Qui docti fuerint, fulgebunt quasi splendor firmamenti, & qui erudiunt ad iustitiam multos, quasi stellæ in perpetuas æternitates: sed & scio ubi legerim, scientia inflat; denique qui sanat contritos corde, execratur inflatos; Quia Deus superbis resistit, humilibus autem dat gratiam. Et Apostolus dicebat, Dico autem per gratiam quæ data est mihi, omnibus qui sunt inter vos, non plus sapere quàm oportet, sed sapere ad sobrietatem. Non prohibet sapere (proinde nec humanis disciplinis dare operam) sed plus sapere quàm oportet. Quid est autem sapere ad sobrietatem? vigilantissimè obseruare, quid scire magis priùsve oporteat, tempus enim breue est. Est autem quod in se est OMNIS SCIENTIA BONA, quæ tamen in veritate subnixa sit; sed tu qui cum timore & tremore, tuam ipsius operari salutem pro temporis breuitate festinas, ea scire priùs ampliùsve curato, quæ senseris viciniore salutis.*

Quid autem viciniore salutis, quàm scire & prædicare *Christum & hunc crucifixum*? Omnis scientia salutis, quæ sola scientia est San-

DDddd



etorum, ut scitè & eleganter ait Clemens Alexandrinus, in stipitem crucis, quasi in scopum, obiectum & terminum fidei & spei Christianæ, charitatísque collineat. Qui se putat aliquid scire, & hoc nescit, nihil planè scit, neque discendo quicquam aliud proficit. Mirè ad hæc B. Bernardus iam laudatus, sed nunquam satis laudatus, serm. 22. sup. Cant. *Christus factus est nobis sapientia (inquit) in predicatione, iustitia in absolutione peccatorum, sanctificatio in conuersatione quam habuit cum peccatoribus, redemptio in passione quam pro eis sustinuit.* Et paulò inferius, *Christus factus est nobis à Deo sapientia docens prudentiam, iustitia delicta donans, & sanctificatio in exemplum temperantiae continenter viuens, & redemptio in exemplum patientiæ fortiter moriens.* Vbinam quæso vera prudentia, nisi in Christi doctrina? Vnde vera iustitia, nisi de Christi misericordia? Vbi vera temperantia, nisi in Christi vita? ubi vera fortitudo, nisi in Christi passione? Vnde theodidactus ipse Pater concludit: *Soli ergo qui eius doctrina imbuti sunt, prudentes dicendi sunt. Soli iusti qui de eius misericordia veniam peccatorum consecuti sunt. Soli temperantes, qui eius vitam imitari student. Soli fortes, qui eius patientiæ documenta fortiter in aduersis tenent. Incaßsum igitur quis laborat in acquisitione (proinde & commendatione) virtutum, si aliunde eas sperandas putes, quàm à Domino virtutum: cuius doctrina seminarium prudentiæ, cuius misericordia opus iustitiæ, cuius vita speculum temperantiæ, cuius mors insigne est fortitudinis.* In cruce igitur est verbum abbreviatum omnis scientiæ & sapientiæ, quamobrem Apostolus in ea solùm se profitebatur gloriari, Gal. 6. *Mihi autem absit gloriari, nisi in cruce Domini nostri Iesu Christi.* Quæ verba verè Apostolica, S. Augustinus serm. 20. de verbis Apostoli accuratim perpendens, insigne hoc documentum ex his elicit: *Poterat Apostolus gloriari in sapientia Christi, & verum diceret; poterat in potestate, & verum diceret, sed dixit in cruce; ubi mundi Philosophus erubuit, ibi Apostolus thesaurum reperit, ut qui gloriatur in Domino gloriatur. Quo Domino? Christo crucifixo. Vbi humilitas, ibi maiestas, ubi infirmitas, ibi potestas; ubi mors, ibi vita; si vis ad illam venire, noli erubescere.*

Sunt prædicatores quibus verbum crucis importunum videtur, nimis asperum, nimis triste, nimis deiectum & humile: erubescunt de cruce Domini sui, idcirco de diuina prouidentia, de prædestinatione & gratia, de Trinitate, de Incarnatione, de maiestate, de gloria, de virtutibus philosophico more differere delectantur; in iis que tractandis summoperè gloriantur, in quibus suæ eloquentiæ splendorem, ingenij sui solertiam, doctrinæ & eruditionis copiam magis putant elucescere, sed pessimè falluntur, seque ipsos decipiunt, siquidem in iis euenit quod prædixit Apostolus, *Euanescent in cogitationibus suis, & putantes se esse sapientes stulti facti sunt;* Nam dum se, si non inimicos crucis Christi, saltem non amicos produnt; gloria eorum fit in confusionem ipsorum: neque enim quod quærunt inueniunt, neque ministerium Euangelicum, cuius titulum iactitant, obeunt; neque Deum glorificant, neque Ecclesiam ædificant, neque populum erudiunt, neque vitia eradicant, neque virtutes serunt, neque fruges iustitiæ colligunt, neque fructus metunt pœnitentiæ, nec gra-

Rom. 1. 22.


tia talenta multiplicant, nec aliud quicquam efficiunt, quàm lucernam sub modio abscondere: veram scilicet & vnicam occultando scientiam, quâ via patet salutis, & felicitatis æternæ aditus indicatur. Audiant quæso, vani isti homines, præcones verbi diuini personati (laræ sunt enim, non veri prædicatores) audiant quæso grauissimam qua per Hieremiam, c. 9. Deuseos compellat, commonefactionem: *Non gloriatur (inquit) sapiens in sapientia sua, & non gloriatur fortis in fortitudine sua, & non gloriatur dives in divitiis suis; sed in hoc gloriatur qui gloriatur, scire & nosse me?* In hoc cardine vertitur tota salus hominis, in hoc vno theoremate tota sapientiæ Christianæ disciplina continetur. *Hæc est vita æterna* (ait Dominus, Ioan. 17.) *ut cognoscant te verum Deum, & quem misisti Jesum Christum?* Nisi hæc scierit prædicator, neque docere poterit, & si non docuerit oleum & operam perdit, hoc enim summum & singulare est Christi ad ministros regni sui mandatum: *Ite, inquit, prædicate Evangelium meum:* quod Matth. 10. 27. totum in documento isto consistit. Est igitur hoc proprium Concionatorum officium, fons lucis animæ, fidei, & spei, ac charitatis solum solidumque fundamentum. Scitè igitur nec minùs piè magnus Pater Augustinus vniuersa vota sua in hoc desiderio includebat, *Brevissimè*, (inquit Soliloq. c. 1.) *ac perfectissimè sic oratur, Deus, Deus semper idem! nouerim te, nouerim me?* Hæc cognitio (ait æquè magnus Hieronymus) *omnia flagitia excludit*, in Ezech. c. 22. *Omniùmque virtutum possessio est*, in Ierem. 31. *Cognitio Dei & filij eius unigeniti* (inquit S. Cyrillus Alexandrinus) *nos ad benedictionem adducit, per quam spiritus in cordibus nostris habitat, in adoptionem filiorum Dei, & veram pietatem per vitam Evangelicam & incorruptibilitatem reformat.* Lib. 11. in Ioan. c. 17.

Enixè igitur quisquis verbi Dei se præconem profiteretur, in hac docenda vnica scientia elaboret, suasque partes omnes in hoc officio fitas esse, pro certo persuasum habeat, hasque piè & strenuè exequendo perficere opus suum, *ministerium suum studeat adimplere, quod* (si ritè vocatus est) *accepit à Domino* Col. 4. 17.

Cæterùm de scientia qua instructus debet in arenam hanc prodire, iam aliàs ex instituto disserui, scilicet in Clericali Panoplia part. 1. lib. 7. quo agitur de dispositionibus positiuis, c. 2. inscripto, de externis & actiuis suscipientis ordinem Clericalem dispositionibus, cum art. 1. *De studio humanarum litterarum*, à p. 253. ad 259. inclusiue. tum art. 2. *De scientia Ecclesiastica*, præsertim verò, *de studio sacrarum litterarum, & piorum librorum lectione*, à fine vltimò signatæ paginæ, ad extremam vsque oram pag. 376. quæ luculenta cum sit tractatio, etiam huius loci intercapedinem iusta dimensione implere poterat. Verùm quæ hîc denuò congeessimus, augmento vberiori esse possunt. Cui insuper & quæ infra dicturi sumus (vbi de subiecto & materia propria prædicationis, speciali sub lemmate tractabitur.) cumulum conferent plenior, ne quis de parcitate nimia in re tam necessaria quàm vtili, dicam mihi moueat.

## CAPVT XII.

## De Eloquentia.



**S**CIO quia tria solent in prædicatore requiri (ait Arnulphus Lexouienſis Epiſcopus, ſermone habito, in ſynodo Turonenſi, præſente Alexandro III.) plenitudo ſcientiæ, fecundior eloquentiæ vena, ſanctitas conuerſationis. Requiritur ſanctitas conuerſationis, quia niſi fuerit prædicatoris commendabilis vita, non erit prædicatio eius gratioſa, cuius enim vita contemnitur, reſtat ut & prædicatio contemnatur. Perſectio ſcientiæ quaeritur, ut habeat prædicator unde poſſit de theſauro cordis ſui proferre noua & vetera, & eruditum nouerit expectantibus explicare ſermonem, & ſecundum perſonarum qualitates temperare quod dixerit, ut ſcias quibus debeat lac potum dare, non eſcam: quibus ſolidiorem cibum debeat miniſtrare. Eloquentia deſideratur, ad quid? quia ſicut ſi non haberet ſcientiam, non habebit quid dicat, ita niſi habuerit eloquentiam, non habebit quomodo dicat; utraque neceſſaria eſt.

Iam verò nos de ſanctitate conuerſationis, vbi de morali diſpoſitione prædicatoris ſub proprio titulo actum eſt; de ſcientia ſpeciali etiam capite proximè expreſſo, diſſertauimus. Hic igitur rectus ordo poſtulat, ut de eloquentia ſeu de recta dicendi, docendique ratione, qua Concionator vti debet, ſi rectè officio fungi velit, tractatum aggrediamur.

## ARTICVLVS I.

*An Apoſtoli, & ſignatim Paulus, expertes fuerint facultatis eloquentiæ?*

**S**ANCTVS Ioannes Chryſoſtomus eadem hom. 6. in c. 1. ad Timotheum, docet Apoſtolos, & ipſum B. Paulum, fuiſſe humanæ ſcientiæ & mundanæ eloquentiæ expertes, prædicationemque eorum non in verbis ſed in oſtenſione ſpiritus & virtutis, extitiſſe, ſignis enim & miraculis ſtupendis confirmâſſe quæ prædicando docebant: Tamen & alia ſcientia, longèque excellentiori quàm humana, & eloquentia etiam magis efficaci fuiſſe præditos. Nam qui verbum (inquit) ſeminârunt, ab initio erant indocti & imperiti: ac ex ſe nihil dicebant, ſed quæ à Deo acceperant, ea toti orbi dederunt, & nos ipſi nunc non quæ à nobis ipſis habuimus diſſeminamus, ſed quæ ab eis accepimus, ea dicimus omnibus, & neque nunc ſyllogiſmis perſuademus, ſed diuinis ſcripturis &c. Neque verò ij ſolis ſignis tunc perſuadebant, ſed etiam diſſerendo. In diſſerendo autem miram habuiſſe dicendi efficaciam. hinc paulo antè probat: Quod laborioſa erant admodum præcepta, & dogmata periculosa, quæ proferebant: & qui audiebant & erant perſuadendi, in deliciis, ſemulencia, & multis vitiis erant educati. Et nihilominus doctrinam illam perſuaſerunt tanta vi ſermonis, ut orbem in ſuam ſententiam pertraxerint re-

luctantem, fidemque non solum in cordibus hominum impiorum plantauerint, sed eos de lupis agnos redemptos, ad defensionem ipsius fidei Christianæ amplectendam usque ad sanguinem & mortem crudelissimam sua prædicatione excitauerint, sui-que similes in vita & morte, in fide & iustitia effecerint, fremente quamuis undique & furente aduersus eos non solum hominum cæterorum, sed & demonum, inferorumque inuidiâ atque sæuitiâ.

Exemplo est nobis singulari Apostolicæ huius eloquentiæ vas electionis Paulus, quem ipse Chrysostomus hom. 4. de laudibus eiusdem Apostoli, verè & insigniter appellat, *mare sapientiæ profundissimum atque purissimum*. Porro, S. Hieronymus ep. 61. ad Pammachium, *tubam Euangelij, rugitum Leonis nostri, & flumen eloquentiæ Christianæ*. Et meritò quidem: admirabilem enim in eo extitisse dicendi efficaciam, orbis ferè vniuersi conuersio eius prædicatione potissimum facta, manifesto est argumento, cuius miræ efficaciz præclara licet exempla, exactis eius à S. Luca in Apostolica historia descriptis, elicere.

Die quadam Felix Iudææ Præses persuasus à Drusilla vxore sua, quæ Iudæa erat, vocauit Paulum, quem tenebat in vinculis, & *au-* Act. 24  
*diuit ab eo fidem quæ est in Christum Jesum. Disputante autem illo de iustitia, de castitate, & iudicio futuro tremefactus est Felix.* Præses inquam ille rapax, iniustus, incestus: fulmina enim verbi Pauli ore vibrata \* ferre \* S. Hier. loco in textu signato: quem, inquit, quotiescumque lego, videor mihi non verba, sed audire tonitrua.  
 sine terrore magno non potuit, quamuis tanta fretus potentia & auctoritate, quæ hîc sub solo Cæsare summa erat. Sic tamen effectum mirabili catastrophæ, vt reus suo iudici fieret formidabilis, inermisque captiuus cinctum exercitu præsidem, ipsis regibus metuendum, tanto pauore ac metu percelleret; adeo incredibili docendi vi, orationisque efficacia Paulus valebat.

Sub Festo qui Felici successit, cœlestis eiusdem facundiæ aliud portentum emicuit: Iussus est idem Apostolus coram Agrippa Rege, & Bernice Regina, ipsoque Festo pro tribunali sedente, fidei Christianæ explicare tenorem. Zelator salutis hominum Apostolus, quem ideo *vas electionis* Dominus appellauerat, tum eximiam dissertationem fecit de fide: summam eius breui, sed solido & eleganti sermone complexus: qua oratione Rex adeo concussus est, vt extra se raptus mox in hanc vocem eruperit, *Paule in modico suades me Christianum fieri?* Tantam enim ex Spiritu sancto victricem sapientiæ gratiam habebat Paulus, vt ipse iam Rex Iudæorum Agrippa (ait Cyrillus Hierosolymitanus Cateches. 17.) adeo permoueretur, vt parum abfuerit quin fidem Christianam palam susciperet, de qua intimè fuisse hoc ex sermone persuasum, ipse mox non obscure insinuauit, cum nihil morte nec vinculis dignum Paulum admisisse, ideoque debuisse dimitti, nisi Cæsarem appellasset, ipsi Præsidi restatus est. Act. 26. Ibid. 9. 19.

Licaonios ad Pauli ipsius Euangelium, vocemque in tantum fuisse attonitos refert qui aderat S. Lucas Act. 14. vt sicut numen decælo delapsum susceperent ac suspicerent, illique ac Barnabæ eius socio, sed ipsi maximè, diuinos honores, ipsumque sacrificium deferre



Act. 14. 11.

voluerint, si modò quod abhorrebat permisisset: *Dij similes nobis* (clamabat ethnicus ille populus) *descenderunt ad nos; & vocabant Barnabam Iouem, Paulum verò Mercurium, quoniam ipse erat dux verbi.*

Ad Algasiam  
9. 10.

His attentè perpensis, S. Chrysostomus Paulum fuisse *Christiane eloquentiæ miraculum* passim existimat, appellatque totius orbis terrarum oratorem sapientissimum, Orat. in 12. Apost. Dices, hoc non liquet ex eius epistolis, in quibus ipse imperitiam sermonis confitetur. At huic obiecto S. Hieronymus prudenter occurrit, *se imperitum, inquit, sermone dum affirmabat, de Græco intelligebat, cum esset in Hebræa vernacula disertissimus.* Quin & S. Augustinus hanc imperitiam soli neglectui humanæ eloquentiæ adscribit. At ipsum Apostolum alia eloquentia nimirum Christiana, quæ sæcularem mirè superat, asserit excelluisse: quin & humanam alio modo quàm oratores mundi, qui pompam sermonis, rhetoricæque flosculos, & artes super rebus quas explicant, anteferre consueuerunt. At Pauli doctrinæ, eloquentia seruebat, quamobrem non præcedebat, sed sequebatur, *Sicut Apostolum* (inquit) *præcepta eloquentiæ secutum fuisse non dicimus, ita quòd eius sapientiam secuta sit eloquentia non negamus,* lib. 4. de Doct. Christ. c. 6. & 7. *Videntur enim verba eius simplicia* (ait spectans eius epistolarum contextum S. Hieronymus) &c. *Sed quocumque respexeris, fulmina sunt: haret in causa, capit omne quod tetigerit.* Id in seipso expertum se testatur sanctus Augustinus lib. 8. Confess. c. 12. Qui tria in votis maximè habuisse fertur \*, 1. videre Christum in carne conuersantem. 2. cernere Romam in pristino imperij splendore triumphantem. 3. audire Paulum in cathedra fulminantem.

\* De his 3. votis  
S. Aug. scripsit  
Lipsius, nec non  
Ramsius, alii-  
que.

\*\* Serm. 32. in  
ep. ad Rom. in  
Moral. exhort.

Hoc ultimo desiderio flagrasse etiam S. Chrysostomum, satis eius scripta testantur, qui & Romam, \*\* non propter Urbis magnitudinem, vel antiquitatem, ædificiorumque eius pulchritudinem, amplitudinem imperij, diuitiarum copiam, resque præclare in pace & fortiter in bello gestas, in pretio habebat: sed maximè diligebat, quòd Paulus ita eam amasset, ut coram differuerit, & doctrinam suam ibi totam cum extremo spiritu profunderit; cuius vocem adhuc in scriptis resonantem, eximios in se excitare pietatis affectus & spiritualis lætitiæ motus suauissimos persentiebat. *Gaudio, inquit, exulto, tuba illa spirituali perfruens, & excitor, ac desiderio incalesco, vocem mihi amicam agnoscens, & ferè præsentem ipsum animo intueri & differentem audire videor.*

## ARTICVLVS II.

*Quibus legibus & documentis Apostolus Paulus, in  
Timotheo suo, Prædicatorem Euangelicum  
instituerit.*

**A**T dicet forsan hic aliquis, Quorsum ita latè exspatiaris Pauli gloriam in Euangelica prædicatione, qua orbem Christo subegit, celebrando? Fuit hæc illi gratia singularis, *Mihi, inquit, san-*

Etorum minimo data est gratia hæc, Ephes. 3. 8. Quamobrem quæ dixit  
 & fecit præco ille cœlestis, in verbi diuini ministerio, potius admi-  
 randa nobis sunt quàm imitanda. Cæterum nec ego hic exigo, vt  
 Concionator quem informare satagimus, Pauli excellentiam æmu-  
 letur, in idque meriti & gloriæ fastigium ambiat irrepere, quo Paulus  
 ipse conscendit. Habuerunt Apostoli primitias spiritus, & Paulus in-  
 ter eos, diuinæ sapientiæ spiritu & cœlestis eloquentiæ dono præcel-  
 luit; sed tamen in Paulo præter admiranda, plura esse reor quæ à præ-  
 dicatore Euangelico imitanda sunt, vt quod Christi crucifixi scientiam  
 vnicam professus sit, eiúsque respectu omnes mundi glorias quasi quif-  
 quilias despexerit, sapientiam carnis abhorruerit, humanam facun-  
 diam non curârit, sed doctrinam cœlestem à se prædicandam homini-  
 bus tradere stylo simplici, affectu sincero, spiritu feruenti, Deique glo-  
 riæ & humanæ salutis super omnia cupido studuerit, hæcque à Verbi vi-  
 tæ dispensatoribus affectanda esse ac sequenda summoperè desidera-  
 uerit. Non exigit à Timotheo suo vt inter cœli se efferat cardines, ter-  
 tium in cœlum vt ipse rapiatur, illícque discat arcana illa diuina, quæ  
 se ibi didicisse commemorat. Non quærit vt miracula faciat, quibus  
 eius prædicatio muniatur; neque niti præcipit, vt per eum sicut per  
 ipsum Paulum multiformis sapientia Dei, principatibus & potestati-  
 bus supernis innotescat\*. Non enim petit vt Angelos illuminet, sed  
 homines doceat: Et quidem non in sublimitate sermonis vel ostentatione  
 scientiæ, sed in fide & veritate, adeoque in omni patientia & doctrina,  
 quam vt competenter sibi comparare possit, seriò moner, vt militet  
 bonam militiam, habeat fidem & bonam conscientiam 1. ep. 1. Enutritus ver-  
 bus fidei, ineptas & aniles fabulas deuittet, exerceat seipsum ad pietatem, quæ vir-  
 tus sit ad omnia utilis, habens promissionem vitæ, quæ nunc est & futura.  
 Doceat ante omnia credentes, sperare in Deum viuum, qui saluator om-  
 nium est maxime fidelium: seipsum eis præbeat exemplum in verbo, in conuer-  
 satione, in charitate, in fide, in castitate. Dum Dominum expectat, non  
 inaniter terat tempus suum, sed sedulâ operâ attendat lectioni, ex-  
 hortationi & doctrinæ, c. 2. Hæc meditetur, in iis hæreat, vt profectus eius  
 manifestus sit omnibus; sibi attendat, doctrinæ instet, gratiam quam accepit  
 per impositionem manuum Presbyterij, non negligat, sed curet rediuiuam in  
 se adaugere. Insuper interpellat eundem suum charissimum B. Apo-  
 stolus c. 6. Vt depositum custodiat, profanas vocum nouitates deuittet. 2. ep. 1.  
 Non erubescat testimonium Domini, sed secundum Dei virtutem collaboret Eu-  
 angelio, formam conseruet sanorum verborum quæ à se veritatis prædicato-  
 re Christi Apostolo, & gentium Magistro audierat. Confortetur in  
 gratia quæ est in Christo Iesu, consignet doctrinam suam fidelibus homini-  
 bus, qui idonei sunt & alios docere. c. 2. Laboret vt bonus Christi miles, non  
 se implicet negotiis huius sæculi, sed placere Domino curet cui se probauit; sciat  
 coronam se non adepturum, nisi in agone legitime certauerit. Nolit contendere  
 verbis, quia ista contentio vergit, vt plurimum, in audientium subuersionem:  
 sollicitè igitur curet seipsum probabilem exhibere Deo operarium inconsu-  
 abilem, rectè tractantem verbum veritatis. c. 3. Deuittet autem profana & va-

\* Ephes. 3. 10.  
 vbi Chrysosto-  
 mus, Paulus,  
 inquit, Angeli-  
 rum Euangeli-  
 sta, hic eos illu-  
 minauit.

niloquia; stultas verò & sine disciplina quaestiones fugiat, quæ generant discor-  
dias & lites: audire se litigiosum caueat, sed mansuetum ad omnes se præbeat,  
docibilem, patientem, cum modestia corripientem eos qui resistunt veritati. Per-  
maneat in iis quæ didicerit, sciens à quo acceperit. Meminerit se sacras litteras  
ab infantia didicisse, quæ ipsum possunt instruere ad salutem, per fidem quæ est  
in Christo Iesu. Omnem enim scripturam diuinitus inspiratam utilem esse ad  
docendum, ad arguendum, ad corripiendum, ad erudiendum in iustitia, ut per-  
fectus sit homo Dei ad omne opus bonum instructus. Denique per Iesum Christum  
uenturum viuorum & mortuorum iudicem, & per aduentum eius & regnum  
ipsum, ipsum obtestatur, ut prædicet verbum, instet opportunè, importunè, ar-  
guat, obsecret, increpare etiam non metuat, sed cum omni patientia & doctrina.  
Vigilet assidue, in omnibus laboret, opus Euangelistæ faciat, ministerium suum  
impleat.

His documentis ac legibus Apostolus instituit dilectum suum di-  
scipulum, quibus omnem alium Euangelicum prædicatorem volebat  
identidem informari. In tam accurata autem & copiosa instructione,  
mirum de discendis Dialecticorum syllogismis, oratorumque figu-  
ris, ac poetarum fabulis, silentium! Non tamen Oratorem Chri-  
stianum, Apostolus vult expertem congrui apparatus in suggestum  
prodire; ad hoc autem conducere tria docet: Gratia Dei auxilium,  
orationis subsidium, assidue lectionis & meditationis studium:  
Quæ si adsint Sacerdoti, securè posse tum docere. *Intellige, inquit,  
quæ dico. Dabit enim tibi Dominus in omnibus intellectum.* 2. Timoth.  
2. 7.

## CAPVT . XIII.

*De recta dicendi docendique ratione à sanctis Ecclesia  
Patribus, sacro Concionatori tradita &  
præscripta.*

## PARAGRAPHVS I.

*Ex S. Cypriano, tractatu de Oratione Dominica, in  
ipso exordio.*



VANGELICA præcepta, fratres dilectissimi, nihil sunt aliud  
quàm magisteria diuina, fundamenta ædificanda spei, firma-  
menta corroboranda fidei, nutrimenta fouendi cordis, guberna-  
cula dirigendi itineris, præsidia obtinenda salutis, quæ dum  
dociles credentium mentes in terris instruunt, ad cælestia regna  
perducunt. Hæc ille magnus Episcopus & Martyr pau-  
cis verbis omnia complexus, ad quæ Euangelicus prædicator aspira-  
re, & auditores suos doctrina sua dirigere debet. Si eò tendit, finem  
attingit muneris sui proprium: si aliò spectat, prorsus deflectit à sco-  
po suo, & incassum laborat.





[illegible]

nium primum est, postremo loco dicam) diuini, inquam, verbi, & excelsi distributionem, quam omnes hac ætate profitentur: Si quis est alius, qui præfidenti animo suscipiat, aut cuiusvis ingenij esse censeat, hunc ego solertia nomine admiror, ne dicam stultiitiam. Mihi quidem res minimè vulgaris paruique spiritus esse videtur, verbi perinde ac tritici mensuram tempestiuè cuique dare, & dogmatum nostrorum utilitatem ac veritatem, cum iudicio dispensare. Hoc est ea omnia quæ sacra Philosophia de mundis, vel de mundo disseruit, de materia, de mente, de intelligentibus naturis tam melioribus quàm deterioribus: de providentia omnia constringente & gubernante, tum quæ modo rationi consentaneo euenire videntur. Quæ de prima nostra constitutione, & postrema refectione; de typis, veritate, ac testamentis, de Christi aduentu tam primo, quàm secundo; de incarnatione, & cruciatibus & reuersione, de resurrectione, de fine, de iudicio, ac retributione tam tristiore quàm splendidiorè; Et quod caput est, quacumque de principe & beata Trinitate credenda sunt &c. Hac autem idcirco in præsentia paucis commemorauimus, ut istud planum fiat, ei qui de tantis rebus disputationem habet, præsertim apud multitudinem, quæ ex variis ætatibus, animique affectionibus constata est, ac musici cuiusdam instrumenti multis fidibus constantis in modum, variis pulsibus opus habet; difficile eiusmodi orationem inuenire, quæ omnes concinnare, ac scientiæ lumina collustrare possit. Non modò quòd cum in tribus his rebus periculum versetur, hoc est in mente, & sermone, atque auditu, si non ad omnia, ad vnum certè aliquod horum offedere necesse est, aut enim MENS MINIME ILLUMINATA EST, AUT SERMO ELANGVIT, aut denique AVRIS HAVD SATIS PURGATA, minimè excipit; atque ex horum uno peræquè, atque ex omnibus veritas claudices necesse est. Verùm etiam quia id quod iis qui aliud quoddam doctrinæ genus profitentur, facilem atque plausibilem sermonem reddit, hoc est auditorum religio, in detrimentum atque periculum hinc cedit. Deinde multis interiectis quæ breuitatis studio prætermittimus, adductaque Apostoli similitudine de lacte & solido cibo, in quorum delectu debet Concionator viri prudentis officium suis auditoribus exhibere, stylum mox vertit in eos qui contrà quàm decet prædicatorem Euangelicum, verbum Dei alio quàm gloriæ eius fine ac intento disseminauit; à quorum more & genio se innuit, sui que consimiles vehementer abhorrere.

**\*\* Non enim (inquit) plerisque similes sumus, qui veritatis doctrinam adulterant, ac vinum aquæ miscunt, hoc est doctrinam cor hominis exhilarantem, cum vili & vulgari, humique serpente & euanida, frustra que & temere fluentem, (ut ipsi ex hac cauponandi ratione aliquid obiter elucentur) aliâque alio modo, cum iis qui ad ipsos accedunt, verba faciunt, omnibusque assentantur, ventriloqui sanè quidam & vaniloqui, voluptatibus suis seruientes, verbis ex terra prolatis & in terram pessum euntibus, ut maximam apud vulgus gloriam & nominis celebritatem consequantur, maximis seipsos damnis afficientes, aut etiam omnino perdentes, atque innoxium simpliciorum animarum cruorem effundentes, de manibus nostris aliquando requirendum. Et infra subindicans hoc iunioribus passim dedecus ac exitium contingere, subiungit: Prædare enim cum eo agitur, cui vel in profundam senectutem canus sermo veniat, eamque vim habens, ut recenti adhuc in pietate anima, adiumento esse possit. Nam**



cognoscere; vult enim magis virtutem sermonis commendare. Denique nolebat talem suum esse Apostolus sermonem, qui in infirmitate veniebat, ut alios saluos faceret & fortiores in timore & tremore, ut timentes nihil metuerent nisi Dominum Iesum, trementes pacem, eius tranquillitatem seruarent. Audi ergo qualem sermonem Apostolus habebat; & sermo, inquit, meus & predicatio mea non in persuasione humana sapientiae verborum, sed in ostensione spiritus & virtutis, **QVIA FIDES NON IN FORENSI SERMONE sapientiae, sed in ostensione spiritus, sed Dei virtute firmatur.** Ergo in sermone Sanctorum virtus est, in sermone autem forensi isto ac philosophico **VANITAS MVNDI.** Virtutem autem esse in sermone Sanctorum, etiam ipse Propheta te doceat, qui ait, Dominus dabit verbum euangelizantibus pacem, virtute multa; hoc est ut multa possint virtute Euangelium predicare. Probatum est ergo quod in Euangelij predicatione sit virtus; **PRÆDICATIO AVTEM EVANGELII SERMO SANCTORVM EST.**

2. Cor. 2. 4.

Psal. 67. 12.

*Ex eodem, in 1. Cor. c. 1. ad illa verba Apostoli,  
Non in sapientia verbi, ut non euacuetur  
crux Christi?*

**QVIA** predicatio Christiana non indiget pompa & cultu sermonis, idēque piscatores homines imperiti electi sunt, qui euangelizarent, ut doctrina veritas ipsa se commendaret teste virtute, ne hominum versutia & calliditate humana sapientiae acceptabilis videretur, non autem veritate, sicut disciplina ab hominibus inuenta, in quibus non ratio, non virtus, sed verborum quaeritur compositio, ac per hoc gloriam suam quaerit, qui fidem Christi sermonum verbis exornare vult, obscurat enim illam splendore verborum ut non illa sed ipse laudetur, sicut pseudoapostoli, ne stulti viderentur prudentibus mundi in sapientia hominum, Christum praedicabant duplici genere, ut eloquentiae studerent, & ea quae mundus in nobis stulta iudicat, euitarent: ut neque incarnatum Dei filium, & de virgine natum docerent, neque carnis futuram resurrectionem; quia istud mundi sapientia & ratio stultum iudicat. At per hoc Apostolus non se in sapientia hominum dicit Christum praedicare, ne euacuetur crux Christi, Quia qui in **SAPIENTIA HOMINIS CHRISTVM ANNUNCIANT**, negant predicationis veritatem.

## §. VII.

*Ex S. Hieronymo, ep. 2. quae est ad Nepotianum.*

**DOCENTE** te in Ecclesia, non clamor populi sed gemitus suscitetur; lachryma auditorum laudes tuae sint: sermo Presbyteri scripturarum lectione conditus sit. Nolo te declamatorem esse, & rabulam garrulum sine ratione, sed mysteriorum peritum & Sacramentorum Dei tui eruditissimum; verba voluere & celeritate dicendi apud imperitum vulgus admirationem sui facere, indoctorum hominum est. Attrita frons interpretatur saepe quod nescit, & cum aliis persuaserit, sibi quoque usurpat scientiam. Eadem epistola citat illud praëceptoris sui Gregorij Nazianzeni, Nihil tam facile quàm vilem plebecu-

lam & indoctam concionem linguæ volubilitate decipere, QUÆ QUICQUID NON INTELLIGIT PLVS MIRATUR.

Idem in ep. ad Paulinum super libros Bibliæ: Taceo (inquit) de mei similibus, qui si fortè ad scripturas sanctas post sæculares litteras venerint, & SERMONE composito populi AVRES MVLSERINT, quicquid dixerint hoc legem Dei putant, NEC SCIRE DIGNANTVR quid Prophetæ, quid Apostoli senserint, sed ad sensum suum incongrua aptant testimonia quasi grande sit & non vitiosissimum dicendi genus deprauare sententias & ad voluntatem suam, scripturam trahere repugnantem, quasi non legerimus Homero-centonas, & Virgilio-centonas: ac non sic etiam Maronem sine Christo possimus dicere Christianum, quia scripserit, iam redit & Virgo, redeunt saturnia regna; iam noua progenies cælo dimittitur alto. Et patrem loquentem ad filium; Nate, meæ vires, mea magna potentia solus. Et post verba Saluatoris in cruce, Talia perstabat memorans, fixusque manebat. Puerilia sunt hæc, & circulatorum ludo similia: docere quod ignores, imò ut cum stomacho loquar, ne hoc quidem scire quod nescias.

Idem sanctus Doctor scribens in cap. 34. Ezechiel. damnat eos qui cum populo persuaferint vera esse quæ fingunt, & in theatralem modum plausus concitauerint & clamores, immemores fiunt imperitiæ suæ, & adducto supercilio, LIBRATISQVE SERMONIBVS ATQVE TRVTINATIS magistrorum sibi assumunt auctoritatem.

Idem in c. 2. Oseæ negat in verbi Dei explanatione oratoriis declamationibus vtendum.

Porrò ipse scribens in cap. 9. Ecclesiastæ, grauem instituit querelam, aduersus eiusmodi nugatores, qui meris nixi sæcularis eloquentiæ artificii, Euangelicæ prædicationis munus vsurpare non verentur: Videas in Ecclesia imperitissimos quoque florere, & quia nutrierunt frontis audaciam, & linguæ volubilitatem consecuti sunt, dum non recogitant quod loquantur, prudentes se & eruditos arbitrantur, maxime si fauorem vulgi habuerint, qui magis dictus leuioribus delectatur & commouetur.

Sed magis & acrius excandescit sanctissimus ac doctissimus ille Pater aduersus abusum eiusmodi, lib. 3. commentar. in epist. ad Galatas: Iam enim (inquit) & in Ecclesiis ista quærentur, omissiæque Apostolorum simplicitate & puritate verborum, quasi ad Athenæum & auditoria conuenitur, ut plausus circumstantium suscitentur, ut oratio rhetoricæ artis fucata mendacio, quasi meretricula quædam procedat in publicum non tam eruditura populos, quàm fauorem populi quæsitura, & in modum psalterij & tibie dulce canentis, sensus demulceat audientium. Hinc fit ut auditorum nonnulli verba excipiant, & canora ac blanda voce capiantur, nec aliter iis delectantur quàm crustulariis, libariis, botulariis & similibus popinarum institoribus, qui apud Romanos mercem suam quadam & insignita modulatione vendebant, ut testis est ille Romanus, qui philosophi Christiani cognomentum promeruit.



*Ex S. Augustino, lib. 4. de Doctrina Christiana.*

Oratoris Chri-  
stiani vera idea

DEBET diuinarum scripturarum tractator, & Doctor, ac debellator er-  
roris bona docere & mala dedocere: atque in hoc opere sermonis conciliare auer-  
sos, remissos erigere, nescientibus quid agatur, quid expectare debeant, intima-  
re. Vbi autem intentos, beneuolos, dociles, aut inuenerit, aut ipse fecerit, ce-  
tera peragenda sunt, sicut causa postulat. Si docendi sunt qui audiunt, narra-  
tione faciendum est, si tamen indigeat, ut res de qua agitur innotescat: ut au-  
tem quæ dubia sunt, certa fiant, documentis adhibitis ratiocinandum est; si verò  
qui audiunt monendi sunt potius quàm docendi, ut in eo quod iam sciunt agendo  
non torpeant, cùm alij pradicent obtusè, deformiter, frigide, alij acutè, ornatè,  
vehementer: illum ad hoc opus de quo agimus iam oportet accedere, qui potest  
disputare vel dicere sapienter, etiam si non potest eloquenter, ut prosit audien-  
tibus, etiam si minus prodesset, quàm si & eloquenter posset dicere. Qui verò  
affluit insipienti eloquentia, tanto magis cauendus est, quanto magis ab eo in iis,  
quæ audire inutile est, delectatur auditor, & eum quoniam disertè dicere  
audit, etiam verè dicere existimat. Hæc autem sententia nec illos fugit qui  
artem rhetoricam docendam putarunt; fassi sunt enim sapientiam sine eloquentiâ  
parum prodesse ciuibus, eloquentiam verò sine sapientia obesse plerumque, pro-  
desse nunquam; sapienter autem dicit homo tanto magis vel minus, quanto in  
scripturis sanctis magis minúsve profecit. Sunt qui eas legunt ut teneant, ne-  
gligunt ne intelligant. Quibus sine dubio præferendi sunt qui verba earum minus  
tenent, & cor earum sui cordis oculis vident; sed utrisque ille melior qui & cùm  
volet eas dicit, & sicut oportet intelligit. Hinc ergo qui sapienter debet dicere,  
etiam quod non potest eloquenter, verba scripturarum tenere maximè necessarium  
est; quanto enim se pauperiorem cernit in suis, tanto oportet eum in istis esse  
ditiorem, ut quod dixerit suis verbis, probet ex illis; & qui propriis verbis mi-  
nor erat, magnorum testimonio quodammodo crescat: probando enim delectat  
qui minus potest delectare dicendo, QVI ELOQUENTER DICUNT SVAVITER  
AUDIUNTUR: qui sapienter, salubriter etiam audiuntur, propter quod non (ait  
scriptura) multitudo eloquentium, sed multitudo sapientium sanitas est orbis ter-  
rarum: sicut enim sapè sumenda sunt & amara salubria, ita semper vitanda  
est perniciofa dulcedo.

Sap. 6.

plenissimè

Idem sanctus Ecclesiæ Doctor, paulò infrà dicit: Sunt quedam, quæ  
sua vi non intelliguntur quantolibet & quantumlibet, quamuis planissimè \* di-  
centes versentur eloquio, qui in populi audientiam, vel rarò si aliquid urget,  
vel nunquam omnino mittenda sunt.

Idem iterum paulò inferiùs: ET HÆC SENTENTIA BONORVM INGE-  
NIORVM insignis est indoles, in verbis verum amare, non verba. Quid enim  
prodest clavis aurea, si aperire non possumus? aut quid obest lignea si hoc potest,  
quando patere nihil querimus nisi quod clausum est? Sed quoniam inter se ha-  
bent nonnullam similitudinem videntes atque discentes propter fastidia plurimo-  
rum, etiam ipsa sine quibus viui non potest alimenta condienda sunt. Dixit  
ergo quidam eloquens, & verum dixit, ita dicere debere eloquentem, ut do-

ceat, ut delectet, ut flectat. Deinde addidit, Docere necessitatis est, delectare suauitatis, flectere victoriæ. Videndus idem S. Augustinus lib. de Moribus Ecclesiæ tom. 1. de fide & symbolo tom. 3. de fide ad Petrum de Catechizandis rudibus tom. 4. de Concione ad Catechumenos tom. 6. de Vtilitate credendi, ibidem. De Correptione & gratia tom 7. Meditationum lib. 1. &c.

## §. IX.

*Ex S. Gregorio Magno, in Pastoralis part. 1. capit. 8.*

SACRVM officium non solum non diligit omnino, sed nescit qui &c. ceterorum subiectione pascitur, laude propria letatur, ad honorem cor eleuat, rerum affluentium abundantiam exultat.

*Ibidem part. 2. capit. 4.*

SÆPE dictorum virtus perditur, cum apud corda audientium loquacitatis incauta importunitate leuigatur, & auctorem suum eadem loquacitas inquinat, quæ seruire auditoribus ad usum profectus ignorat. Vnde bene per Moysen dicitur, Vir qui fluxum seminis patitur immundus erit. In mente namque audientium semen secuturæ cogitationis, est qualitas audita locutionis, quia dum per aurem sermo concipitur, cogitatio in mente generatur, unde & à mundi huius sapientibus prædicator egregius seminiuerbius est vocatus. Qui ergo fluxum seminis patitur, immundus asseritur, quia multiloquio subditus est, & ex eo se inquinat. Quod si non inordinate promeret, prolem rectæ cogitationis edere in audientium corda potuisset, dumque incautus per loquacitatem defluit, &c.

*Ibidem capit. 6. in fine.*

HOC Doctores quod Rectoribus documentum assignat, ut iis insit consolans misericordia, & piè sauiens disciplina, adeo ut sollicita circumspeditione provideant, ne aut districtio rigida, aut pietas sit remissa: miscendam enim esse lenitatem cum seueritate. Postea ducta similitudine ex arca fœderis, cui cum virga Sacerdotali manna suauissimum erat inditum, hinc assumit: Sit itaque amor, sed non emolliens: sit rigor, sed non exasperans; sit zelus, sed non immoderate sauiens; sit pietas, sed non plus quam expediat parsens &c. adeo ut qui præst (pariterque qui prædicat) corda terrendo demulceat, & tamen terroris reuerentiam demulcendo constingat.

*Ex eodem super Ezechielem.*

PENSARE debet doctor, QUID LOQVATVR, CUI LOQVATVR, QVANDO LOQVATVR, ET QVANTVM LOQVATVR; si enim unum eorum defecerit, locutio apta non erit.

Nota prudenter concionandi generalem regulam.

*Ex eodem in Moralibus.*

QVI prædicatori prædicat, tanta dispensatione componere prædicationem debet, ut nec derelicta spe, timorem subtrahat, nec spe subtracta, in solo cum timore derelinquat.

*Ex eodem in libros Regum.*

LINGVA nostra bonis fomentum sit, pravis aculeus, tumidos recondat, iratos mitiget, pigros exacuat, desides hortatu succendat, refugientibus suadeat, asperis blandiatur, desperatos consoletur; ut qui doctores dicimur, viam salutis gradientibus ostendamus.

*Ex eodem, hom. 30. super Euangelia.*

NISI Spiritus sanctus adsit cordi audientis, otiosus est sermo Doctoris. Nemo ergo homini docenti tribuat, quod ex ore docentis intelligit; quia nisi sit intus qui doceat, Doctoris lingua interius in vacuum laborat.

*Ex eodem in iam citato Pastoralis.*

UT longè antè nos reuerendæ memoriæ Gregorius Nazianzenus edocuit, non una & eadem exhortatio cunctis congruit; quia nec cunctos per morum qualitatem astringit; sæpe namque alius officiunt quæ aliis prosunt, quia plerumque verba quæ alios nutriunt, alios occidunt &c. & pastor qui viam fortium roborat, paruulorum necat. Pro qualitate igitur audientium formari debet sermo doctorum, ut sua singulis congruant, & tamen à communi adificationis arte nusquam recedant.

*Ex eodem, in homil.*

Nota.

DISPENSANDA est predicatio pro loco, & tempore, & locorum capacitate, quæ si rara fuerit, non sufficit: si assidua vilescit.

*Ex eodem in Moral. lib. 20. c. 1.*

Nota.

AD hæc verba, super ipsos stillabit eloquium meum, sic ait; Debet predicator perspicere ne plus predicet quàm ab audiente capi possit, ne dum paruis sublimia & non profutura predicat, se magis curet ostendere, quàm auditoribus prodesse.

*Idem lib. 9. Moral. c. 1.*

• Huc collineat illud celebre sancti Aug. Exaudi teipsum immani ssimo Doctor, quid mihi lingua aurea & cor ferreum. in epp.

DVM persona displicet, nec recta quæ protulerit placent\*. Ideo bonus predicator in cunctis quæ loquitur, se inspicit, ne in eo quod rectè predicat, vitiosa elatione se extollat, nè ve vita à lingua discordet &c. lib. 23. Moral. cap. 4.

## §. X.

*Ex S. Bernardo, in serm. 18. super Cantica.*

SI sapis, te concham exhibebis, & non canalem: hic siquidem penè simul & recipit & refundit; illa verò donec impleatur expectat, & sic quod superabundat sine suo damno communicat, sciens maledictum qui partem suam facit deteriore &c. Verùm canales hodie multos habemus in Ecclesia, conchas verò paucas. Tanta enim charitatis sunt per quos nobis fluentia cælestia manant, ut antè effundere, quàm infundi velint, loqui quàm audire, paratiores docere quod non didicerunt, & alius præesse gestientes, qui seipsos regere nesciunt. Deinde  
ibidem

ibidem producta ampliùs hac eadem similitudine, Concionatorem admonet, ut generet sobolem eruditam, more æterni patris qui verbum suum lumen producit absque vlla splendoris sui diminutione:

*Imitare illum* (inquit) *de cuius plenitudine omnes accepimus, discite, & tu non nisi de pleno effunde, nec Deo largior esse velis, concha imitatur fontem: non manat ille in riuum, nec in lacum extenditur nisi suis satiatur aquis. Non pudeat concham non esse suo fonte profusorem. At non proficit plenitudo, nisi rectè disposita effusio hinc sequatur: quamobrem scitè & prudenter citato Apostoli oraculo, idem serm. 37. sup. Cant. circa med. Qui se putat aliquid scire, nondam scit quomodo oporteat eum scire; egregiè subiungit, Vides, quoniam non probat multa scientem, si sciendi modum nescierit. Vides (inquam) quomodo fructum & utilitatem scientiæ in modo sciendi constituit? Quid ergo dicit modum sciendi? quid? nisi ut scias quo ordine, quo studio, quo fine quæque nosse oporteat. Quo ordine? ut id prius, quod maturius ad salutem. Quo studio? ut id ardentius quod vehementius ad amorem. Quo fine? ut non ad inanem gloriam, aut curiositatem, aut aliquid simile, sed tantum ad ædificationem tuam vel proximi; sunt namque qui scire volunt ut sciantur ipsi, & turpis vanitas est; & sunt qui scire volunt eo fine tantum ut sciant, & turpis curiositas est, &c. Et sunt qui scire volunt ut scientiam suam vendant, verbi causa pro pecunia, pro honoribus, & turpis quæstus est: sed sunt quoque qui scire volunt ut ædificent, & charitas est. Et item sunt qui scire volunt ut ædificentur, & prudentia est. Iunge & quod de scire ait, accipe pro docere.*

Idem serm. 44. in Cant. explicans verba illa, *Botrus cypri dilectus meus mihi in vineis Engaddi*, ait: *Vir Ecclesiasticus qui hunc spiritum iam accepit, curabit fratrem delinquentem instruere in spiritu lenitatis: quia verò vulnera illius qui incidit in latrones non in solo oleo, sed in vino sanitatem ceperunt, necessarium habet spirituali medicus etiam vinum feruidi zeli, cum oleo mansuetudinis. Cui sanè conuenit non solum consolari pusillanimes, sed & corrigere inquietos, si enim viderit eum qui vulneratus est, qui peccauit, blandis aut lenibus hortamentis quæ in eum prærogata sunt, minime emendatum, magis autem fortè abutentem, eius mansuetudine negligentior fieri, frustrato oleo tam suauium monitorum, oportebit sanè mordacioribus uti medicamentis, & vinum compunctionis infundere, duris increpationibus agere.*

Idem rursus serm. 62. ad hæc verba, *Vox enim tua dulcis & facies tua decora: sic inquit, Quantum sponso placeat cum puritate mentis, prædicatio veritatis, ostendit cum dicit, vox enim tua dulcis. Quia enim non placeat vox, si non placeat facies, demonstrat cum illicò subdit, Et facies tua decora. Quid internæ decor faciei, nisi puritas? in pluribus hæc absque prædicationis voce complacuit; illa absque ista in nemine. Impuris non se ostendit veritas, non se credit sapientia. Quid ergo loquuntur, quod non viderunt? Quod scimus, inquit, loquimur, & quod vidimus testamur: Id ergo tu audes testari, quod non vidisti, & loqui quod ignoras? Vanum est vobis ante lucem surgere; lux est puritas, lux charitas, quæ non querit quæ sua sunt. Hæc præcedat, & pes lingue in incerto non ponitur: non est quod se veritas deneget intuendam puro cordi, ac per hoc non eloquendam. Peccatori autem dixit Deus, quare tu enarras iustitias*



meas, & assumis testamentum meum per os tuum? Multi puritate neglecta antè loqui quàm videre conati sunt: & aut grauius errauerunt nescientes de quibus loquerentur, aut turpius viluerunt, dum qui alios docerent, seipsos non docuissent.

Rom. I. 14.

Genes. 24.

Idem lib. 1. de Confid. *Monstruosa res est (inquit) lingua magniloqua & manus otiosa, sermo multus & fructus nullus &c. Sapientibus & insipientibus debitor es, & soli negas te tibi? Stultus & sapiens, seruus & liber, diues & pauper, senex & iuuenis, vir & femina, Clericus & Laicus, iustus & impius participant te: omnes de fonte publico bibant pectore tuo; & tu sitiens stabis? sanè deriuentur aqua tua in plateas, homines & iumenta & pecora bibant ex eis, quin & camelis pueri Abraha potum tribuas, sed inter ceteros, bibe & tu de fonte putei tui.* Hæc sanctus Bernardus. Quæ dicit de Pontifice, suo etiam modo de prædicatore dici possunt, quamobrem non ineptè hîc accommodari posse censui. Videndus idem sanctus Pater serm. 30. & 58. sup. Cantica, & ep. 201. ad Balduinum Abbatem &c.


#### CAPVT XIV.

*Spiritu compunctionis, magis quàm dictionis elegantia, posse Concionatorem auditores suos commouere; ideoque potissimum in eo desiderari gemitum columbe, & vocem turturis.*

#### ARTICVLVS I.

##### *De vi & modo eloquentia sacra.*

Demet. apud  
Diog. lib. 5.



**Q**UANTVM in bello potest ferrum; tantum in republica prodesse eloquentiam, prisci sapientes non imperitè censuerunt. Hanc autem non solum in republica, sed etiam in Ecclesia multum prodesse, si quis rectè & ut decet utatur, reor haud esse ambigendum.

Scitum est illud Ciceronis 2. Tuscul. *A philosopho, si afferat eloquentiam non aspernor: si non habet non admodum desidero. A quo theoremate non longè abludam si dixerò: Si afferat Theologus vel Concionator in docendo eloquentiam, non illubenter hanc admitto: si non afferat, non puto exigendam esse.*

Psal. 4.

De vi eloquentiæ Christianæ, ut hîc verba facerem, magna eloquentia qua indigeo, opus esset. At paucis multa dicam. *Eloquentiâ Ambrosij, Augustinus liberatus est, ut ipse fatetur & enarrat lib. 5. Confess. c. 13. & 14. Et veni (inquit) Mediolanum ad Ambrosium Episcopum in optimis notum orbi terræ, & pium cultorem tuum (Domine) cuius tunc eloquia strenuè ministrabant adipem frumenti tui, & letitiam olei, & sobriam vini ebrietatem populo tuo &c. Suscepit me paternè ille homo Dei &c. & illum amare cæpi, primò quidem non tanquam doctorem veri, quod in Ecclesia tua prorsus desperabam, sed tanquam hominem benignum in me, & studiosè au-*

diebam disputantem in populo, non intentione qua debui, sed quasi explorans eius facundiam, utrum conueniret famæ suæ: an maior minorve proflueret quàm prædicabatur, & verbis eius suspendebar intentus. Rerum autem incuriosus & contemptor adstabam, & delectabar suauitate sermonis, quanquam eruditioris, minus tamen hilarescentis atque mulcentis, quàm Fausti (Manichæi) erat, quod attinet ad dicendi modum. ceterum rerum ipsarum nulla comparatio, nam ille per Manichæas fallacias aberrabat; iste autem saluberrimè docebat salutem. Sed longè à peccatoribus salus, qualis ego tunc aderam, & tamen propinquabam sensim, & nesciui: cum enim non satagerem discere qua dicebat, sed tantum quemadmodum dicebat audire &c. veniebant in animum meum simul cum verbis quæ diligebam, res etiam quas negligebam; neque enim ea dirimere poteram: & dum cor aperirem ad inspiciendum quàm disertè diceret, pariter intrabat & quàm verè diceret, gradatim quidem. Subiunctim illos gradus describit, quibus demum ad Deum, fidemque Catholicam conuersus est. Sic Ambrosius eloquentiâ suâ sacrâ, Augustinum Deo & Ecclesiæ peperit, & in vno Augustino progeniuit plusquam mille Doctores.

Regnum Christi ab oratoribus illis exordium sumpsit, quos ipse animatos igneis linguis instruxit ad suum Euangelium orbi vniuerso prædicandum,

*Spiritus ætherea descendens sanctus ab aula,  
Irradiat fulgore locum, quo stemma beatum  
Ecclesiæ nascentis erat: quibus igne Magistro  
Imbuit ora calor, dictisque fluentibus exit  
Linguarum populosa seges, &c.*

*Arator. lib. 1.  
Carm. in A&A  
c. 3.*

quæ subinde in Ecclesia toto orbe diffusa, vberrimè pullulauit. A Rostris Romanis & Græcorum Academiis, certatim oratores plerique insignes ad Christi disciplinam transierunt, fidèque duce loqui cæperunt magnalia Dei tantâ eloquentiæ gloriâ, quanto sapientiæ, doctrinæ & pietatis splendore. Obstupuit mundus, ex stipite crucis tantam exarsisse flammam, ex hac radice tantam oratorum copiam germinasse, per quos huius sæculi sapientum superbiam, ferociam tyrannorum, vitiorum tetra portenta, inferorumque potestates Christus orbis triumphator, saluatorque debellauit, mansuefecit barbaras nationes, & ad iugum suæ legis tam fortiter quàm suauiter inflexit. Hac ex arce Christianæ sapientiæ & virtutis illustrissimi illi oratores prodierunt, qui suis fulgoribus tam Orientem quàm Occidentem impleuere; hinc illuxerunt Origenes, Athanasius, Basilus, vterque Gregorius, Nazianzenus & Nyssenus, Ephrem, & incomparabilis (quem ferè præteribam) Chrysostomus, in orientali Ecclesia: in occidentali verò Cyprianus, Ambrosius, Maximus, Augustinus, Leo Magnus, Petrus Chrysologus, aliæque præclarissima eloquentiæ sacræ lumina, imò fulmina, quæ in sui stuporem, pariter ac venerationem, reges, principes, philosophos, & vniuersos mundi sapientes rapuerunt, gentèsque omnes ac populos ad suaue Christi iugum, fidei cultum, salutisque iter pertraxerunt: ipsæque sua rara eloquen-

*Att. 2. 11.*

FFFFF ij

tia persuaserunt (vt scitè ait Lactantius lib. 1.) *bene dicere quidem ad paucos pertinere, bene autem viuere ad omnes.* Hæc vis est sacræ eloquentiæ, quæ in illustrium illorum Ecclesiæ Oratorum monumentis etiamnum refulget, ac Ecclesiam in dies cùm leguntur, illuminat, perenni sapientiæ splendore, quæque iustitiæ ac pietatis cultum & amorem in Deum & homines, in iis accendit: qui homilias magnorum illorum Christi præconum vel legunt, vel audiunt, easque attentione & reuerentia, qua par est, excipiunt atque meditantur.

Verùm, non omnibus datum est adire Corinthum. At hoc sacræ eloquentiæ decus, paucissimi isti apices omnium, demeruerunt assequi: cæteri verò tentârunt potiùs quàm adepti sunt, supparem in docendo laudem. Et reuerà (vt eleganter aiebat Pius Papa II. magnus ipse orator ac poëta laureatus) *Oratio difficillima est moderatu: tumidum enim orationis genus ciuile nequaquam est: tenue verò nusquam mouet. Insuper grata quàm utilia dicere difficilior est; rariùsque est qui simul æquè possit inuenire præclarè, enunciare magnificè, aptè disponere, figurare variè, ad captum auditorum & ad reinaturam se decenter accommodare, dicendi tempus cognoscere, locum & personas ostendere congruo delectu, rariórque qui pariter queat docere & persuadere: nam & bonus Orator non semper persuadet, vt nec eximius Medicus semper sanat.*

Præclarè Tullius de opt. gen. orat. *Nemo est orator, qui non se similem Demosthenis esse velit.* A pari mihi fas sit dicere, vix vllus prædicator est, qui Ambrosio, Chrysostomo, Leoni Magno, cæterisque eloquentiæ sacræ principibus, merito & laude æquari vehementer non desideraret. At vt illa stulta foret æmulatio\*; studium tamen aliquantulæ imitationis, iure reprehendi non potest. Paucis verbis graphice litem illam expressit Aurelius Cassiodorus, sup. Psal. 73. *Eloquens est ille qui scit parua submissee, media temperatè, magna granditer dicere: Qui scit inuenire præclarè, enunciare magnificè, disponere aperte, & figurare variè.* Sed eo sæculo viuimus, quo passim qui suggestus Ecclesiarum ambiunt, se iis perornatos dotibus gloriantur. Et reuerà artificiosæ orationis apud plerosque ingens est studium: sed vereor ne illud Lactantij hîc iure liceat vlturpare: *Vtinam tam multi benefaciant, quàm multi bene loquuntur!* Erasmus dixit, præcipuam eloquentiæ partem esse, *apposita dicere.* At eloquentia Christiana in hoc officio non conquiescit, at insuper exigit in suo ptoessore pietatem, iustitiam, probitatem, sine his comitibus tantum abest vt profit, quin persæpè multum nocet. Vnde magnus Augustinus lib. 1. de anima, dicere non dubitauit, *Eloquentiam in prauo homine, venenum esse in poculo aureo, ideóque malè eloquentiam disci sine bonis moribus.* Verùm de his suprà, proprio loco diximus, ex instituto.

\* Eloquentiæ summam pauci assequuntur. S. Aug. de util. credendi.

Idem S. Aug. lib. 3. de doct. Christ.



## ARTICULVS II.

*De spiritu compunctionis, sine quo eloquentia Concionanti sacro-  
parum proficit.*

**S**ED supponamus duo hæc in Concionatore, seu Oratore Ecclesia-  
stico pariter inueniri, scilicet eloquentiam & probitatem: bina-  
rium tamen istud, feliciter vt munus suum obeat, non sufficit. Place-  
bit enim oculis & auribus prædicator probus & disertus, sed cor non  
mouebit, nisi habeat spiritum compunctionis. Dolor animi de pec-  
cato commisso, est compunctio, quam ille Spiritus excitat in nobis,  
*qui postulat pro nobis gemitibus inenarrabilibus*, id est nos per internam in- *Rom. 8. 26.*  
spirationem gemere facit, & cum lachrymis & suspiriis nos postulare  
efficit, à diuina clementia gratiam & misericordiam, seu per externam  
operationem, scilicet per vocem prædicatoris, qui nos ad horrorem  
peccati, contritionem cordis, amorem Dei, odium mundi, & cæ-  
lestis patriæ desiderium, tanquam per viuum organum suæ bonitatis  
& gratiæ efficaciter mouet ac impellit; sic enim stat ad ostium & pul-  
sat, clamâtque, vt sibi ianua cordis aperiatur. Hanc in Oratore Chri-  
stiano requirebat sanctus Hieronymus orationem, quæ non plausum  
excitaret, sed eliceret lachrymas. Prædicante Petro, qui aderant  
Christi confixores, *gladij illius spiritualis penetrabilioris omni gladio an-* *Hebr. 4. 12.*  
*cipiti, & pertingentis usque ad diuisionem animæ & spiritus*: quem in ore  
Petrus ferebat, verbis eius transfixi, aciem puncturamque saluti-  
feram persenserunt. *His auditis compuncti sunt corde, & dixerunt ad Pe-* *Act. 2. 37.*  
*trum, & ad reliquos Apostolos, Quid faciemus viri fratres* (sentiebant se  
etenim ingenti piaculo constringi,) *Petrus verò ad illos, penitentiam,*  
*inquit, agite &c.* Hæc est vox, quæ parit spiritum compunctionis &  
salutis in præcordiis auditorum. Hanc igitur si habeat prædicator  
Euangelicus animas conuertit: si non habet, aures quidem pulsat, sed  
cor non tangit: & loquitur quidem foris, sed intus nihil efficit, nam  
affectum cordis non mouet, nec Dei timorem, nec amorem in audi-  
torum animis producit. Sunt certè de prædicatorum numero, qui se-  
ria & graui oratione exhortantur, & proficua magis quàm curiosa elo-  
quuntur: fructum tamen exiguum conuersionis animarum referunt.  
Quænam obsecro huius sterilitatis occasio? quoniam licèt aliis specio-  
sè consulunt, ipsi molles & tepidi inueniuntur, homiliam quam ma-  
gno studio antè præparârunt, memoriæque demandârunt diligenter,  
bene pronunciant, suauique edisserunt effatu: sed nullis ante concio-  
nem suspiriis ad Deum ingemiscunt, nullas profundunt lachrymas,  
spiritum compunctionis pro seipsis non experunt, nec conuersionis  
animarum gratiam postulant, sine qua aërem verberant, nec mini-  
sterij sui fructum Domino referunt, vixque vllam laboris mercedem  
consequuntur.



## ARTICVLVS III.

*De gemitu columba, eiusque simplicitate, aliisque proprietatibus à Concionatore imitandis.*

*Matib. 10.*

*De columba  
mysticis dotibus  
lege S. Tho. 3.  
p. 4. 39. a. 6.*

*Isa. 60. 8.*

*Psal. 67. 10.*

**C**HRISTVS Dominus cùm Apostolos suos prædicatum mitteret vbiq̃ue Euangelium suum, iussit eos columbæ similitudinem æmulari, in cuius specie Spiritus Sanctus super ipsum, in Iordane baptizatum à Ioanne, visibiliter descenderat. Ad quam Euangelij pacis nunciorum illorum similitudinem respiciens Isaias Propheta, mirabundus exclamabat, *Qui sunt isti qui vt nubes volant, & quasi columbæ ad fenestras suas?* Apostoli siquidem & Discipuli Domini, sicut nubes torridæ quaquaversum volantes, impetu Spiritus Dei impulsæ, pluuiam illam voluntariam, quam dedit Deus hereditati suæ, vbiq̃ue effluerunt, imbrēmque Euangelicæ doctrinæ hominum mentibus infundendo, easdem fidei & salutis semine fecundârunt, & fructu bonæ operationis illas decorârunt, tanta Spiritus virtute impulsæ, vt nulla vis terrena, cursum potuerit ipsorum vllc obice sistere.

At non modò vt nubes volârunt, sed vt columbæ, nec ipsi soli, sed qui eorum sortiti sunt vices. Vnde Septuaginta vertunt, *sicut columbæ cum pullis suis.* Sunt inter ethnicas nænias & fabulas, quæ gentiles Scriptores referunt, de internuncio columbæ. Plinius siquidem lib. 10. c. 37. narrat quòd non semel columbæ internunciæ fuerint in rebus magnis, ferentes epistolas in pedibus ligatas. Eò spectare plerique putant carmen Tibulli inquentis,

*Quid referam vt volitet, crebras intacta per vrbes,*

*Alba Palestino sancta Columba Syro.*

Exempla pleraque illustria moris illius affert, ex locuplete antiquitatis penu Vlisses Aldobrandinus tom. 2. Ornithologiæ lib. 10. p. 189. & fusiùs titulo, Historica, p. 189. Necnon Raderus in Columbam Aretatz Martialis lib. 8. epigram. 32. Sed quicquid sit de profanæ antiquitatis testimonio, sanè scriptores nostri similia exempla in rebus nostris comperta referunt, inter quos Sabellicus Æneide 9. lib. 9. denarrat, quemadmodum in expeditione sacra Christianorum ad Palæstinam, interceptu columbæ, litteras volatu ferentis ad Regem Damascenorum, vt obsessis subueniret Tyriis, remissâ est eadem conficta regis nomine epistola, qua omnis auxiliij spes submouebatur, ad circumscriptos, deditaque vrbs sic nostris fuerit. Sed in sacris litteris, gerulæ huiusmodi columbæ fausti internuncij, historiam legimus in Genesi, quando scilicet emissa à Noë secundo parente humani generis, ex arca, semel & iterum, columba rediit ad eum, ramusculum oliuæ virentem suo deferens ore, in signum præteritæ orbis terrarum funestæ eluuiionis. Christus post passionis suæ superatos vortices, fluctusque longi diluij dissipatos, rediuius Apostolis suis apparens, eiusmodi ramum oliuæ sacratissimo ore suo detulit, dicens eis, *Pax vobis*, & ipsis cùm ascensuruserat ad patrem præcepit *vt euntes in mundum uniuersum*

*pacis euangelium nunciarent*, ianuâsque cœli apertas omnibus gentibus indicarent ad æternam salutem & felicitatem. S. Ephrem serm. de Passione Domini, scribit Christo moriente in cruce ac clamante, *consummatum est*, columbam candidissimam è templo euolasse, eo indicio, quòd per Christi mortem innocentia, sanctitas, veritas, omnisque virtus & sapientia, à Iudæis ad Christianos auolaret, deque Synagoga Iudæorum ad Ecclesiam gentium iusto Spiritus sancti iudicio transmitteretur. Hoc bonum nuntium, hoc æterni fœderis Euangelium, Apostoli eorûmque symmystæ ac sequaces, totum per orbem ad omnes gentes, velut virentem oliuæ raram, gratiæ misericordiæ & pacis æternæ symbolum ac pignus, pernici volatu detulerunt, in dièscule præcones Euangelij, qui per singulas Ecclesias docent populum vias vitæ, semitas iustitiæ, & ad perpetuæ beatitudinis deducunt adiutum, deferunt, dum Dei verbum piè, doctè & prudenter eloquuntur. Utinam igitur quæ insedit Christi vertici columba, super eos insideret! suamque ipsis communicaret speciem & similitudinem. Enitet in columba mirabilium proprietatum congeries, quæ bearent Concionatores nostros, si iis insignirentur. Est certè columba in volatu perseverans & constantissima, gemitum pro cantu habet, mirificè est beneuola ac mitissima, meliora grana seligit, putrida respuit, integra deglutit, sed de subtus terram illa non extrahit; in hoc gallinæ dissimilis quæ vnguibus terram quatit, si fortè consentaneum sibi cibum latentem inueniat. Quando columba grana sumit, oculos ad cœlum leuat, quasi propter præstitum sibi cibum gratias referens creatori. Mortua corpora execratur, gaudens in foraminibus petrae delitescit, alienos pullos alit, consortij & societatis est amantissima, circa aquarum fluentia libenter versatur, in quibus velut in fulgentissimo speculo impressam accipitris figuram conspiciens, rapaces eius vngues ocyus fugit; sinceritate & simplicitate prædita est, felle caret, timore & pauore facilè percellitur, carnibus non vescitur, nec immundis alitur. Ferunt sanguinem ex latere sub dextera ala latente eductum, oculis salutiferum & proficuum esse. In foraminibus petrae passim nidificat: rostro non lacerat, tota mitis, simplex, pulchra, amabilis. *Quàm speciosi pedes euangelizantium pacem!* Si cætera, ipsi sint eximiis his columbæ qualitatibus præditi! Non repant super terram, sed volent semper aspirando ad superna & æterna, ibique auditorum suorum effferant mentes; strenuè in verbo & opere laborent, *attendentes iugiter* ut monet Apostolus (1. Tim. 4. 13.) *lectioni, exhortationi & doctrinæ*. Gemebunda voce, piòque affectu; sua populique peccata defleant, seque ipsos illòsque excitent ad pœnitentiæ luctus. Sint in conuersatione benigni, in verbo piè sæuientes, & modestè blandientes. Meliora grana seligant, id est documenta promant populo salubriora. Putida dogmata ut venena animarum reiiciant & refellant, integra proferant hortamenta. Animarum alimoniam non de terra, sed de cœlo quarant. Quæ hâuserint à Deo scientiæ & pietatis lumina, spargant in populum, Deo illorum donorum auctori grates debitas referendo. Mor-

Ioan. 12. 30.

Ioan. 1. 32.

Rom. 10. 15.

Cantic. 2. 14.

tua opera execrentur, viua suadeant & faciant: *in foraminibus petra*, Christi scilicet crucifixi, cruce & vulneribus nidificent, eiúsque agoniám pro nobis, iugi cogitatione meditentur. Animas sibi creditas ad docendum, sicut filios foueant, dicentes cum Apostolo 1. Thess. 2. 7. *Facti sumus paruuli in medio vestrum, tanquam si nutrix foueat filios suos, ita desiderantes vos, cupidè volebamus tradere vobis non solum Euangelium Dei, sed etiam animas nostras: quoniam charissimi facti estis nobis. Filioli quos iterum parturio, donec formetur Christus in vobis.* Ideò sint consortij & societatis fidelium amantes, reconciliationisq; eorum cum Deo, & vnionis & mutuae dilectionis inter se solliciti. Circa aquarum decursus, limpidissima scilicet Scripturarum fluentia, assidua meditatione immorentur, patrúmque puros hinc delibatos supernæ sapientiæ latices, imbibere frequenti scriptorum eorundem lectione ac studio assuescant. Artes & machinamenta satanæ explorentur, hæcque; cautè anteuertere, vel ocys declinare, aliósque vt ea fugiant sedulò monere inuigilent; felle sic careant, vt immemores fiant iniuriæ. Timorem Dei altè præcordiis incussum semper habeant, fidelésque vt super omnia Deum metuant, cohortentur. Carnis spurcicias toto corde exhorreant; ore neminem lædant nec opere. Mites, humiles & amabiles, simul tamen & verendos ac verendos sese vnicuique exhibeant: *Nemini dantes vllam offensionem, ne suum ministerium vituperetur.*

2. Cor. 6. 3.

Sed inter tot præclaras columbæ proprietates, duæ sunt quas potissimum debet Orator Ecclesiasticus æmulari, nempe gemitum & simplicitatem.

Isa. 59. 11.  
Idem 38. 14.  
meditabor vt  
columba.

De gemitu, ait Propheta: *Quasi columba meditantes gememus*: debet qui pœnitentiam prædicat, antequam concionetur, in dolore animæ peccati horrorem in animo concipere, Dei iustitiam & misericordiam meditari; gemitu suo proprias noxas eluere, cæterósque excitare ad luctum & lacrymas. Beatum Ambrosium fuisse ad miraculum vsque eloquentem S. Augustinus eius auditor asseuerat; at subinde notat fuisse ea eloquentia præditum, quæ seriò doceret salutem, at quæ potiùs ad gemitum animas quàm ad oblectationem prouocabat. Verè & grauiter S. Hieronymus, super illud Isaia, *Popule meus qui te beatum dicunt &c.* Ille est ( inquit ) *Doctior Ecclesiasticus, qui lacrymas, non risum mouet, qui corripit peccatores, qui nullum beatum, nullum dicit esse felicem.* Idem sanctus Doctor lib. 3. Comm. in Matth. 16. vnde sortitus sit Simon Petrus Apostolus suum cognomentum, sciscitans respondet, *ex confessione sortitum esse vocabulum, quod reuelationem ex Spiritu sancto habeat, cuius & filius appellandus sit, siquidem Bar-lona in nostra lingua sonat filius columbæ?* Et aptè quidem filius columbæ appellatur, qui à Spiritu sancto confessionem fidei de Christi diuinitate & gloria doctus est. Sed quoniam spiritus ille, qui sub columbæ specie apparuit, postulat pro nobis gemitibus inenarrabilibus, quia animas excitat ad compunctionem & pœnitentiæ gemitum: Ideò Petrus eius quoque filius dici promeruit, quia donum lacrymarum habuit; post lapsum siquidem statim egressus de domo peccati, *fleuit amarè,*

Rom. 8.

Matth. 26. 75.

&amp;

& deinde auditores suos ad compunctionem excitauit, eo enim prædicante, vt refert S. Lucas, ipsi Christicidæ interno animi dolore concussi sunt; *His auditis compuncti sunt corde, & dixerunt ad Petrum: quid faciemus?* Sic impleuit Domini sui præceptum: *Conuersus confirma fratres tuos.* Nam peccatores infirmos corroborauit, & ad seriam pœnitentiam suo exemplo animauit; factus non solum Apostolorum vertex, sed & perfectus typus pœnitentium. Sic, obsecro, studeat quisque prædicator effici filius columbæ, per pœnitentiæ præconium & exemplum, qualem Petrus voce, factis, fletu & lacrymis sese omnibus exhibuit.

Denique necesse est vt columbæ simplicitatem imitetur; hoc enim ad præcones suos expressum Domini mandatum est; *Estote (inquit) simplices sicut columbæ?* Quomodo autem seruari possit à prædicatore Euangelico illa simplicitas, elegantissimè Gillebertus Abbas, serm. 27. super Cantica mihi expressisse visus est: *Utinam (inquit) istud attendant qui facturi sunt in Conuentu fratrum sermonem! Student magis alta, quàm apta dicere, facientes apud infirmas intelligentias miraculum sui, non ipsorum salutem operantes. Erubescunt humilia & plana docere, ne sola hæc scisse videantur; erubescunt vbera habere, nudare mammam, lactare paruulos. Quid est illud? ideòne confedisti in medio, cathedram tenens, vt scientiam iactes? an vt teneram subditorum lactes infantiam? subtilia texis, artem qui audiunt mirantur, eloquentiam laudant. bene quidem, tamen si gratiam sentiunt, si te disputante, audientium moueatur affectus, intellectus instruat. Alioquin quid ad præsens negotium peregrina quædam adducere, quæ auscultantes non capiant? Atque hætenus satis de columbæ gemitu & simplicitate.*

## ARTICVLVS. IV.

*De voce turturis, eiúsque à columba multiplici differentia:  
& Concionatoris, tam mystica quàm morali,  
cum turture, conformitate.*

**T**ANTVM affinitatis habent turtur & columba, vt passim in lege, & Euangelio coniungantur, vt videre est Leuit. 1. 14. 12. 6. 24. 30. Num. 6. 10. Luc. 2. 24. Quæ causa est, cur cùm Theologo insigni, Concionatorique percelebri (cui seriem huius opusculi de prædicandi munere recensebam) duo hæc lemmata de gemitu columbæ, & voce turturis ostenderem; mox ille subsistens parumper, à me sciscitatus sit, quodnam esset discrimen inter vocem turturis & gemitum columbæ? sibi enim hæc adiaphora, imò promiscua videri: quamobrem mirari se cur duos proprios articulos de turturea voce & columbino gemitu statuerem, cùm sub vno eodémque lemmate potuisset communiter, & fortasse congruentius de vtroque dissertari.

Et verò non est quòd inficier vtramque auem habere vocem in gemitu, vel gemitum pro voce: de columba iam dictum; cui & illud accedit quod S. Bernardus, Ezechia Regis dum edisserit lugubre

GGggg



Isai. 38. 14.

canticum, ad illa verba, *Sperabam usque ad mane &c.* sicut pullus hirundinis sic clamabo, meditabor ut columba. Cum gratia (inquit) matutinum arriserit, in modum hirundinis exultans & clamitans, gratias agam pro visitatione, & cum vespera ingruerit non deerit sacrificium vespertinum: cum instar columbæ lachrymas fundam in tribulatione. Mærens mærebo in vespera, quò letus fruor matutino. Placet utrumque Deo, & peccator compunctus, & iustus deuotus: cui è regione displicet tam ingratus iustus, quàm peccator securus.

Cant. 2. 12.

At consimilem gemitum in voce turturis, idem sanctus Abbas agnoscit. Quamobrem serm. 59. sup. Cant. illa expendens verba sponsi ad sponsam, *Vox turturis audita est in terra nostra &c.* Et vox quidem (ait) gementi quàm canenti similior, peregrinationis nostræ nos admonet. Illius doctoris vocem libenter audio, qui non sibi plausum, sed mihi planctum moueat. Vbi spectasse videtur ad præcitata verba S. Hieronymi, verè Doctorem esse Ecclesiasticum, qui non risum, sed lacrymas mouet. Vnde sequitur, eos indignos esse hoc nomine, qui concionando risus & cachinnos excitant scurrilitate sua: quæ tam sunt Deo exosa, quàm perniciofa hominibus. Apostolus ut hunc abusum præcideret, Titum suum monet, & in hoc vno Ecclesiasticos omnes obtestatur, ut loquatur quæ decent, sanam doctrinam, præbeat se exemplum fidelibus non solum in bonis operibus, sed insuper in doctrina, in integritate, in grauitate, adeo ut verbum eius sit sanum, irreprehensibile, &c. Ut scilicet ad Euangelij quod docet cum metu & reuerentia, auditores suos excitet obseruantiam & venerationem. Vnde illud Chrysostomi ad hæc Apostoli verba: *Supplementum sit doctrinæ, exemplar virtutis tuæ, speculum vitæ quod omnibus proponitur ad imitandum, veluti archetypus & primitiua quedam imago, in se habens, quæ bona & honesta sunt.* Et ideo ipse Apostolus Timotheum admonet quoque suum, ut exemplum sit fidelium non minùs in verbo, quàm in conuersatione. At è morali hoc diuerticulo, aduersus concionatores (si qui sunt) leues, dicaces, mordaces, mimos, ridentes, ridiculos, cachinnantes, & cathedram veritatis vertentes in scurrarum theatrum, quos omnes execratur Apostolus, qui ipsos, eorumque similes vocat adulteros cauponantes verbum Dei; iam in viam rectam redeamus, qua dicere præstituiamus de voce turturis, & de gemitu columbæ.

Tit. 2.

1. Tim. 4. 12.

2. Cor. 2. 17.

2. Tim. 4. 1.

Fatemur itaque utramque auem, vocem habere in gemitu, seu gemitum pro voce. Sed in hoc ipso differunt, quòd columba omni tempore gembundam edat vocem: at verò turtur nunquam nisi cælo sereno, vnde in hyeme vocem non edit, quin nec se humanis oculis præbet aspectabilem. Hinc illud Aristotelis lib. 8. de animalibus c. 16. Nemo (propè dixerim) vidisse per hyemem vsquam turturem dicitur. quò spectat illud Hieremiæ c. 8. *Turtur custodit tempus aduentus sui.* Hæc turturis proprietas, eiùsque à columba dissimilitudo aptissimè nostro proposito quadrat. Monet sic Timotheum Apostolus, & in eo omnes prædicatores Euangelicos adhortatur, *Testificor coram Deo & Iesu Christo &c. per aduentum ipsius & regnum eius. Predica verbum,*

instat opportunè, importunè, argue, obsecra, increpa, &c. Quid est prædicare verbum opportunè, importune? in Codice Græco legitur *ἀξίπρος*, *ἀξίπρος*, tempestiuè, & intempestiuè, Verbum enim opportunum (ait eleganter S. Augustinus) est libenter audienti, importunum inuito; utrumque tamen prædicator captare debet. Turtur gemit opportunè, nempe ut est in Canticis, quando tempus putationis aduenit: at columba importunè, nam semper est in gemitu, quem pro voce naturali habet; sic typus Concionatorum faciebat Paulus, qui Asianis dicebat (Act. 20. 18. &c.) Vos scitis à prima die qua ingressus sum in Asiam, qualiter vobiscum per omne tempus fuerim &c. quomodo nihil subtraxerim utilium, quominus annuntiarem vobis, & docerem vos publicè & per domos, testificans Iudæis atque Gentilibus in Deum pœnitentiam, & fidem in Dominum nostrum Iesum Christum &c. propter quod vigilate memoria retinentes, quoniam per triennium nocte & die non cessavi cum lacrymis monens unumquemque vestrum. Hæc vox erat gemitus columbæ, quam semper prædicator Euangelicus populo Dei præstare debet, hortando peccatores ad pœnitentiam omni tempore. Sed lucidiora sunt aliis momentis, temporum interualla. Spiritus ubi vult spirat, & quando vult spirat. Quamobrem idem Apostolus consulit Timotheo ut non nimis urgeat, suis hortatibus refragantes, sed modestè & prudenter cum eis se gerat, temporâque magis opportuna sciat deligere, quolubentius verba salutis excipiant, Seruum Dei enim oportet mansuetum esse ad omnes, cum modestia corripientem eos qui resistunt veritati; si quando det illis Deus pœnitentiam, ut resipiscant à diaboli laqueis. Temporis igitur est ratio quàm diligenter obseruanda, ut non solum importunè & intempestiuè, sed magis tempestiuè & opportunè monita salutis, hominibus proponantur. Scitè hîc & appositè S. Gregorius ait \*, Dicturus Apostolus importunè, præmisit opportunè, quia scilicet apud auditoris mentem ipsa sua utilitate se destruit, si habere importunitas opportunitatem nescit.

Cantic. 2. 12.

2. Timoth. 2. 25.

\* part. 2. passim  
vol. 10. 4.

Omnia tempus habent, sed curandæ nullum est tempus intempestium salutis: attamen sunt tempora magis aliis conducibilia ad animarum sollicitandam, urgendamque conuersionem. Paulus ipse cum adhuc Saulus esset, ab Anania eo tempore conuentus est, quo excipienda gratiæ magis aptus erat: Dixit Anania Dominus, surge & vade in vicum qui vocatur Reclus, & quære in domo Iudæ Saulum nomine, Tarsensem, ecce enim orat. Lucidum hoc erat interuallum, quamobrem præteriri ab Anania incassum non debuit: vnde & operam non lusit; Nam eo loquente, ceciderunt ab oculis Sauli tanquam squammæ, & visum recepit, surgensque baptizatus est. Pretiosa sunt instantis gratiæ momenta. Sapientissimum Concilium Tridentinum, sess. 24. c. 4. idcirco tempora quæ ad meliorem frugem excitandis hominibus magis sunt opportuna, prædicationis ministerio esse impendenda, speciali sanctione decreuit: Prædicationis munus (inquit) &c. cupiens sancta Synodus quo frequentius possit ad fidelium salutem exerceri, &c. Mandat ut Episcopi in sua Ecclesia ipsi per se; aut si legitime impediti fuerint, per eos quos ad prædicationis munus assumunt: in aliis autem Ecclesiis per Parochos, sine iis impeditis, per alios ab Episcopo,

Act. 9. 11.

GGggg ij

impensis eorum qui eas præstare vel tenentur vel solent, deputandos; in ciuitate, aut in quacumque parte diœcesis censcunt expedire, saltem omnibus Dominicis & solennibus diebus festis. Tempore autem IEIUNIORVM QVADRAGESIMÆ & ADVENTVS DOMINI, quotidie, vel saltem tribus in hebdomada diebus, si ita opportunè duxerint, sacras scripturas, diuinamque legem annuncient, & aliàs quotiescumque id opportunè fieri posse iudicauerint. Sed cur magis instanter in Aduentu & Quadragesima? nempe quia sunt tempora selectiora pœnitentiæ; vnde in eorum initio, Ecclesia classicum hoc ex Apostoli verbis intonat: *Hora est iam nos de somno surgere. Ecce nunc tempus acceptabile, ecce nunc dies salutis.* Et reuerà dies illi sunt tempus messis animarum & vindemiæ defœcatæ. Opportunè igitur est hoc tempore prædicandum, quo Doctorem & auditores iuuant plurimùm ad salutem ieiunia, orationes, ac Ecclesiæ quæ in luctu pro filiis est, profusior gemitus, lugubris apparatus, & vox illa singulis diebus in auribus Sacerdotum altè personans. CLAMA NE CESSES, quasi tuba exalta vocem tuam, & annuncia populo meo scelera eorum, & domui Jacob peccata eorum. Hoc est enim speciosum, omnique cum spiritûs læticia amplectendum tempus, de quo sponsus ad sponsam in Canticis c. 3. ait, *Surge propera amica mea, columba mea, formosa mea & veni. Iam enim hyems transiit;* (horrida scilicet tempestas bacchanalium dierum, quibus nemo ferè ferit, neque metit: sed omnes letali somno deliciarum indormiunt) *At imber abiit & recessit; flores apparuerunt* (saniorum desideriorum) *in terra nostra: Tempus putationis* (hoc est amputationis culpæ, infusionis gratiæ) *aduenit. vox turturis audita est in terra nostra.* Hæc est avis quæ in delectu temporis opportuni omnium sagacissima, nonnisi cœlo sereno & tranquillo vocem edit, vocem quidem non tam suauem quàm salutarem; mox enim ac turtur suam emittit vocem, *ficus profert grossos suos, vineæ florentes dant odorem suum;* nam prædicantibus, præsertim hoc tempore Dei ministris pœnitentiam, auditorum emolliuntur duriora præcordia, excitantur sana desideria, profluunt tanquam è percussa in deserto virgæ ictu durissima rupe lacrymæ & gemitus; florésque erumpunt bonæ operationis, ex quibus prodeunt digni fructus pœnitentiæ; adeo efficax est vox turturis opportunè edita. Columbæ verò cum sit gemitus perennis, vox etsi sit bona & plerumque utilis, tamen quia importunè, eo quod semper personat, nonnullis intempestiua & importuna videtur, proinde & minùs fit audientibus grata atque proficua.

Cæterùm SS. Patres, mysticas moralésque rationes nobis suggerunt, ob quas non solum columbæ, sed & turturis similitudinem assequi Ecclesiasticus orator percipiat.

1. S. Ioannes Chrysostomus, vt columbam simplicitatis, sic castitatis turturem symbolum esse docet; vtque communis vitæ columbam, sic & turturem solitariæ typum esse existimat. Quantum simplicitas columbina prædicatori sit necessaria, præceptum Domini quo iussit Euangelij sui nuncios simplicitatem columbæ imitari, manifesto est argumento: quo Domini oraculo, candor & sinceritas dolo contraria

Rom. 13. 11.  
2. Cor. 6. 2.

Isa. 58. 1.

Math. 10. 16.

commendatur \*. Porro castitas turturis non minus ipsum decet con-  
 cionatorem, qui & in meditando solitarius, & in prædicando com-  
 munitatis coadunator esse debet. Dignus est ipse Chrysostomus qui  
 propriis verbis audiatur: igitur de columba ad illa verba Domini:  
*Estote prudentes sicut serpentes, & simplices sicut columbae. Contra infideles (in-*  
*quit) estote serpentes, cum fidelibus autem estote columbae? Estote prudentes sicut*  
*serpentes, ut malum intelligatis & caueatis, & estote simplices sicut columbae ut*  
*non faciatis ullum malum: quia intelligere malum laudabile est, facere autem*  
*vituperabile.* De turture idem verò eleganter suo more dicit, *Turtur a-*  
*matrix eremi, quando in desertis degit locis, delectabilibus blandimentis arcesse*  
*comparem &c. Vnanimi autem mente ad inculta & prærupta rupium cubile fun-*  
*dantes, exinde suos sine ullo timore volare pullos prouocant.* Asseuerant quidam  
 turturem castam & amatricem comparis esse, ita ut si quando euene-  
 rit eius masculum ab aquila, siue aucupe capi, non soleat se commiscere  
 alteri, sed ipsum cupere, & ipsius præstolari aduentum, & in amore,  
 eius expectatione pendere &c. Talis est casta turtur Ecclesia: viro e-  
 nim suo crucifixo, & hinc ad dexteram Patris in cælis sedente, alteri  
 viro non commiscetur, sed ipsum desiderat, ipsum expectat, & desi-  
 derio eius commori cupit. Aëream turturem eleganter princeps Va-  
 rum Romanorum appellat,

*Nec gemere aërea cessabit turtur ab ulmo.*

Verus Prædicator Christi crucifixi & triumphantis, sursum aspirat,  
 cordaque auditorum suorum abstracta à terrena colluie, eò ubi spon-  
 sus animarum residet, nempe ad dexteram Patris in cælestibus euectum  
 ire toto virium enixu contendit: *Quàm dilecta tabernacula tua* (ait Ps. 83.)  
*Domine virtutum? concupiscit & desicit anima mea in atria Domini. Cor meum*  
*& caro mea exultauerunt in Deum viuum. Etenim passer inuenit sibi domum,*  
*& turtur nidum sibi ubi ponat pullos suos. Ibi enim verus prædicator an-*  
*helat, & suos discipulos, filios utique spirituales satagit quantum po-*  
*test extollere.*

II. S. Ambrosius (vel ut magis verum esse reor, Eusebius Emissenus,  
 seu quiuis huius nominis auctor vetustus & celebris) serm. de Purifi-  
 cat. de columba & turture à Doctore Christiano vel discipulo cru-  
 cis imitandis, pulcherrimam aliam insinuat persuasionem: *Non sine*  
*causa* (inquit) *sacrificium quod pro Domino mysticè oblatum perhibetur, ex*  
*turturibus & columbis fuisse* (Lucas Euangelista) *enarrat; in turture enim*  
*castitas inuenitur, & in columba charitas commendatur; turtur namque inteme-*  
*ratam seruat uni viro fidem: columba verò aliarum cohabitantium non deserit*  
*unitatem. Catholicus igitur Christianus tunc verè spiritualis turtur efficitur,*  
*si veram Trinitatis fidem firma sedulitate conseruet, & hæretica prauitatis sen-*  
*sum, tanquam fornicationis inquinamentum repudiet. Tunc verò erit columba, si*  
*longanimiter usque in finem in Catholica societate permaneat, & contra ten-*  
*tationum scandala immobili firmitate persistat: ut nec hæretica fornicatio cor-*  
*rumpat in corde fidei castitatem, nec AMARA DISSENSIO Ecclesiastica chari-*  
*tatis disperdat unitatem.*

Sed id non patior hîc mihi intactum excidere, quod turtur dicatur

G G g g g iij

\* Lactant. l. i.  
 diuin. instit.  
 S. Bern. serm.  
 71. sup. Cant.

Tom. 2. hom. de  
 virtut.



apud Hebræos תור *tor*, à תור *tur*, id est cogitare, meditari, eo quòd turtur gemebunda aus intrus loqui videatur, instar eorum qui meditantur secum loquuntur. Turtureum hoc soliloquium ut imitetur non obscure suadet Apostolus Timotheo suo, dum eum instruit ad rectè & fructuosè sese prædicationi Evangelicæ apparandum; vult enim studium sacrarum Scripturarum & meditationem præcedere, quæ sit fons sacræ & sanæ doctrinæ, & quasi mater bene dispositæ elocutionis: *Dum venio* (inquit) *attende lectioni, exhortationi & doctrinæ. Hac meditare, in iis esto &c. attende tibi & doctrinæ, insta in illis.* 1. Timoth. 4. 13. 15. &c.

Meditatio autem, pia est & affectuosa rerum sanctarum consideratio, quæ hominem ad laudandum Deum, (Christique doctrinam & virtutes Sanctorum sectandas & suadendas; ad bonum denique amplectendum & malum fugiendum efficaciter promouet. Partes eius sunt quatuor; præparatio, repræsentatio, consideratio, colloquium, seu petitio. Sed hic locus has partes sigillatim expendi non sinit, tum quòd nimium tractatio nostra, quæ iam proluxa satis videtur, excresceret, tum quòd hic ex professo de meditatione non agimus, sed obiter tantum, in quantum scilicet est necessaria Ecclesiastico Oratori, cui satis sit indicasse fontem, ut hauriat quantum sibi opus est. Memor sit igitur præmittendæ ante prædicationem seriæ meditationis, iuxta illud Sapientis consilium, *Ante orationem præpara animam tuam, noli esse quasi homo qui tentat Deum.* Eccles. 18. Hoc iaculum contra eos tendit qui temerè, haud præmisso competenti studio & meditatione vel recollectione, repentinè in cathedras insiliunt, suoque confisi ingenio declamitant quicquid in os venit, sine ullo delectu & matura dispositione. Vnde contingit ut inepta quæque, incondita, futilia, sæpèque ridicula effutiant, *non intelligentes* (ut ait Apostolus) *neque quæ loquuntur, neque de quibus affirmant.* 1. Timoth. 1. vel subito mente moti conticescant, memoriæ non tam defectu, quàm iudicii repentino deliquio, quo fit ut publico ludibrio exponantur, non sine Dei offensione & auditorum scandalo, quemadmodum nonnullis ætate nostra in frequenti concione accidisse haud sine pudore spectauimus, nec sine animi dolore impræsentiarum etiam meminimus. Quod sanè non contingeret cuipiam, si antequam conscenderent sacros suggestus, diligenti studio, seria meditatione, & fusa ad Deum in animæ gemitu deuota oratione, munus hoc Apostolicum aggrederentur, dicendo cum diuino Psalmista: *Concupiscis & deficit anima mea in atria Domini. Cor meum & caro mea exultauerunt in Deum uiuum.* Etenim passer inuenit sibi domum, & turtur nidum sibi, ubi ponat pullos suos. Ps. 83. Appositè S. Augustinus verba hæc intelligit de studio quo medulla Scripturarum à vigili scrutatore, meditando elicitur, & auditores ab Ecclesiaste sapienter instruuntur, vnde sic eos interpellat: *Rogo vos fratres charissimi, ut secundum consuetudinem fidelium, cum silentio & quiete ea quæ vobis prædicantur, accipiat; animus enim noster, quando donante Deo aliquid potueris de lectione sanctarum Scripturarum concipere, spirituales nidum in cordibus vestris desiderat inuenire. Et ideo velut castissimi*

turtures, diuina verba sancti Spiritus feruore in nidum cordis vestri fouere contendite &c. Estote, sicut ait Apostolus, spiritu feruentes. Quomodo enim columbae Rom. 12. 11. vel turtures, postquam genuerunt oua, si illa permiserint refrigerari, perdunt fructum illorum; ita & vos si conceptum verbum Dei per obliuionem refrigerari permittitis, desiderabilem fructum habere non potestis. Præstate in vobis nidum sermonibus sanctis, secundum quod scriptum est, turtur inuenit sibi nidum, Psal. 83. 3. ubi reponat pullos suos. Sed de auditione fructuosa verbi Dei in nostra Panoplia Clericali ex professo disseruimus\*, ubi de exercitiis pietatis proprium expressimus tractatum. Hic agitur non de auditu, sed de effatu & prædicatione: quam sanè vt Ecclesiastes feliciter exequatur, sicut Moyses ad tabernaculum antequam loqueretur ad populum semper confugiebat, fusâque prece diuinum deposcebat auxilium, tùmque hausto mentis lumine oracula Dei sibi credita populo annuntiabat: sic Concionator recurat ad diuinæ gratiæ sacrarium, faciat nidum in corde suo, quo diuina oracula excipiat ac meditetur, vt ea subinde populo Christiano verbum vitæ ab eius ore expectanti cum pleno spiritu sapientiæ & scientiæ, consilij & intellectus, fortitudinis & pietatis subministrare possit; sic inueniet vt turtur nidum sibi, ubi reponat pullos suos. \* Part. 2. lib. 8. c. 6. gradu 2. à p. 413. inclusiue, ad 430.

## CAPVT XV.

De subiecto, seu materia propria predicationis.

## ARTICVLVS I.

De materia ipsa in genere.

**I**NTER Rhetoricæ partes hæc prima censetur, quæ in inuentione sita est: eloquens enim ille habetur omnium consensu peritorum oratoriæ facultatis, qui scit inuenire præclarè, enunciare magnificè, disponere appositè & figurare variè. Inuentio igitur non minùs formam orationis, quàm materiam spectat. Materia est duplex, prima nimirum, & secunda; Prima est ipsum rei edisserendum argumentum, de qua tractatur, vnde ab initio dispiciendum, quid veniat dicendum, quid sit attributum, quale subiectum. Materia secunda continet rationes & probationes quæ ad illustrandum thema propositum afferuntur; petuntur autem ex locis partim communibus, partim propriis, de quibus fusè agunt Rhetorici. Forma orationis ex materiæ diuersitate confurgit, ex eoque fonte varia est; aliter enim tractatur exornatiuum genus, aliter didascalicum, aliter adhortatorium: deinde formæ varietas ex circumstantiis puta locorum, temporum & personarum differentia profluit. His præmissis Rhetorices principiis, si quis à me petierit quænam sit materia orationis Ecclesiasticæ, seu sacræ prædicationis? dicam vno verbo, Christi Euangelium esse: siquidem Rom. 1. 16. Euangelium virtus est omni credenti ad salutem: Vnde ait Dominus suis Apo-

Matth. 23.

stolis, *Euntes in mundum uniuersum, predicate meum Euangelium*. Hæc est materia non solum prima, sed & secunda Concionis; nam eius substantia ex ipso Dei verbo, seu Christi Euangelio constare debet. Licet instar accidentium modus prædicandi & adminicula probandi, & persuadendi aliunde peti possint, videlicet ex Ecclesiæ traditionibus, Conciliorum definitionibus, Pontificum Decretis, SS. Patrum qui Scripturam sacram interpretati sunt, commentationibus: ex Iure canonico, Theologiæ Scholasticæ axiomatis, Historicorum Ecclesiasticorum probatoribus monimentis: ex quibus fontibus fluunt figura, allegoria, parabola, ritus & cæremoniæ, monita, exempla, & id genus alia fulchra & ornamenta, variusque omnis apparatus sacre Concionis. Hinc elicere promptum est, inuentionis, saltem quoad materiam generalem prædicationis, delectum in concionantis arbitrio situm non esse. Digito enim Dei signata est materia, ex qua, & circa quam differendi, principium atque fundamentum est à prædicatore assumendum. *Euntes* (inquit Apostolis suis Christus & eorum successoribus in ministerio verbi) *predicate Euangelium omni creaturæ*. Quamobrem ne res adiaphora videretur, materiæ dicendi in Ecclesia delectus: ipsa prudentissima Christi sponsa edocta à Spiritu sancto, iam pridem specialem etiam materiam prædicatoribus assignauit, vnde thema Concionis petendum, ipsi, singulis per anni circulum temporibus certò cognoscerent, nec ad libitum circa hoc eis fas esset diuagari. Quemadmodum igitur (vt obseruat S. Isidorus lib. 1. de Eccles. offic. c. 10.) ex auito more apud Hebræos legitimis præfinitisque diebus, ex lege & prophetis lectiones recitare vsu receptum erat: sic & in Ecclesia, tam noui quàm veteris Testamenti paginæ, certis mysteriis, diebus festis applicari iam dudum consueuerunt, quas vt nec lectori, sic nec concionatori fas esse poterat immutare. Quò spectans S. Augustinus initio expositionis ad 1. Ioannis epistolam, signatim ait, *cas ita esse annuas, vt alia esse non possint*. Nec est quòd obicias nimias in angustias concionatorem hac lege & more coniectum iri: siquidem non ita arcta erat Euangelij aliarumque scripturarum sacrarum præscriptio, vt ex hac diuersæ periodi variorum argumentorum segetem non expromerent. Cùm in ætate florenti, Dominicis festisque diebus Parisiis in celebri cathedra S. Germani Antistiodorensis matutino tempore circa ann. 1619. & 1620. verbi diuini ministerio incumberem\*, frequenti auditorio, quia Paræcia ista, regia est, in Lupara Galliarum Augusto sedem tenente, insignis Concionator ætate prouectior potiorque meritis pomeridianis horis in eadem Ecclesia verba salutis faciebat. Cui cùm renunciatum fuisset, me ampliori auditorum frequentia frui, tamen in me esset non minime beneuolentiæ affectu propensus: ratus tamen me illi docendi materiam præcidere, quòd eandem lectionem Euangelij prior edisfererem: ipso amicitie priuilegio per communem amicum me interpellauit, vt abstinere vellem Euangelica lectione pro tempore decurrenti, Epistolarumque Liturgicarum contextum populo explicandum

\*Vbi etiam pomeridianis horis, solenniorum dierum multas habui postea conciones.

dum mihi vtrò assumerem, relicta sibi integra Euangelij curren-  
tis expositione? Monitis eius neutiquam acquicui; sed supplex o-  
raui hominem, sineret me iure meo uti: nullam ei siquidem me  
inferre, nec velle irrogatum ire iniuriam, posse siquidem vnam  
eandemque præscripti qualibet die sacra Euangelij lectionem, tam  
mihi quam illi, idoneam dicendi materiam suppeditare: didicisse  
me etenim eximio auctore sancto Hieronymo, *Scripturam sacram  
margaritam esse perfectè rotundam, quæ ex omni parte non incommode per-  
forari possit; si ab vna parte perforarem, alia posse via ipsum eandem  
scrutari & interpretari. Quamlibet enim lectionis vnius sectionem,  
sufficiens argumentum differendi de fide & moribus ad Dei gloriam  
& ædificationem Christianæ plebis, multis Euangelij præconibus sub-  
ministrare posse. Cessit vir optimus & prudens eiusmodi satisfactio-  
ni, nostròque vterque tramite, sine vlla deinceps molestia progressi  
sumus. Thema igitur multiplex ac diuersum, in vno eodémque Eu-  
angelij fragmento, signatis diebus appropriato, cuilibet Conciona-  
tori semper patet. Quapropter præscripta materia vel prima vel se-  
cunda, generalisque aut specialis, prædicatoris libertati (quæ, vbi  
Dei spiritus est, semper regnat\*) nequicquam officit.*

\* Vbi spiritus  
Domini, ibi li-  
bertas. 2. Cor. 3.

## ARTICVLVS II.

*Scripturam sacram librum esse Sacerdotalem, à Christi Ministris  
sedulo meditandum, singulariter profitendum, &  
solide, ac perspicue prædicandum.*

## PARAGRAPHVS I.

*Sacra Scriptura liber est Sacerdotalis.*

**A**PVD Hebræos peruulgata est traditio, cui ex nostris Origenes  
hom. 5. in Num. & S. Hilarius in Pl. 2. adstipulantur, Moysen  
cum lege, etiam legis explicationem in monte Sina diuinitus accepisse:  
eique præceptum esse ut legem quidem scriberet, sed legis mysteria &  
sensa Iosue reuelaret, & hic Sacerdotibus, hique vicissim suis seque-  
cibus qui arcanum depositum ad posteros transmitterent, magna re-  
ligione consignarent. Hinc Anatolius apud Eusebium lib. 7. c. 28.  
interpretes 70. Ptolemæo Philadelpho Ægypti Regi percontanti, mul-  
ta ex Moysis occultis traditionibus, respondisse narrat. Et Esdras vel  
quiuis auctor lib. 4. Esdræ (cui etsi canonica hætenus non inest  
integra auctoritas, canonicis tamen adiuncto, sua fides constat) c. 14.  
Moysi edictum refert: *hæc palam facies verba* (scilicet populo) *& hæc  
abscondes.* Quare Moyses identidem in Deuteronomio præsertim om-  
ne populi ambiguum & difficile circa legem iudicium, ad Sacerdotes  
referri præcepit. Quapropter Malachias eodem spiritu edoctus, ex-  
pressè scribit, *Labia sacerdotis custodient scientiam, & populi requirent legem*  
*ex ore eius, quia Angelus Domini exercituum est.*

Malach. 2. 7.

HHhhh



Sub Euangelio idem munus Christi Sacerdotibus creditum est. Hinc dictum Ioanni Apoc. 10. *Vade & accipe librum apertum de manu Angeli &c. Et abii (inquit) ad Angelum dicens ei, ut daret mihi librum, & dixit mihi: Accipe librum & deuora illum, & faciet amaricari ventrem tuum, sed in ore tuo erit dulce tanquam mel: & accepi librum ac manu Angeli & deuoravi illum, & erat in ore meo tanquam mel dulce, & cū deuorāsssem eum, amaricatus est venter meus, & dixit mihi, Oportet te iterum prophetare gentibus, & populis, & linguis, & Regibus multis. Liber igitur iste cœlestis, aliis clausus, at Ioanni qui prædicaturus erat, apertus, & in ore tanquam mel dulcis erat, propter diuini verbi in labiis Sacerdotis ex præscripto eius docentis suauitatem: in ventre autem amarus, propter ipsi insitam libro, carni & sanguini, ac sensualitati repugnantiam: sed mel ipso ex libro distillans in viscera, illam amaritudinem non solum mitigat, at in dulcedinem per pœnitentiam conuertit. Quia (inquit eleganter more suo magnus Ambrosius) sicut, oris amara, quæ febribus, vel aliis ægritudinibus acciderunt, mel mitigat, ita tristia corda ob delictorum pœnitentiam, diuino sermone dulcescunt. Ministerio scilicet Sacerdotis, salutis scientiam ex illo libro prædicantis.*

Cuius libri studium ideo sanctus ipse Ambrosius tam Episcopis quàm Presbyteris, adeo impensè commendare solebat, ut eum vocaret LIBRUM SACERDOTALEM, lib. 3. de fide, c. 7. Qua in re secutus est magnum illum & cœlestem Dionysium, Pauli insignem discipulum, libro de diuinis nominibus, qui asserit sacram Scripturam esse substantiam Sacerdotij nostri. Cuius rei rationem luculentius expressit lib. de Ecclesiast. Hierarch. cap. 5. vbi inquit, cur capiti Hierarchæ cū ordinatur, imponatur sacræ Scripturæ liber, sic enim huiusmodi respondet quæstioni. Cū perfectiua quæque sacri ordinis vis atque scientia, diuinis Pontificibus, à diuino principali, ordinumque originali bonitate concedatur; meritò Hierarcharum capitibus eloquia diuinitus tradita imponuntur, quæ continent exponuntque scitè omnem Theologiam, Deique cū operationem (in creatione) tum apparitionem (in carne) sacrumque sermonem & actionem, vnòque verbo diuina omnia, sacræque opera ac verba, quæ à benefico diuino principatu, SACRO NOSTRO ORDINI INDVLTA: ita ut Pontifex, Deiformis quidem omnis virtutis hierarchicæ planè particeps existat: omnium verò sacro principalium eloquiorum & operationum veritatem, diuinitusque traditam scientiam non tantum per illustrationem accepturus sit, verum etiam in alios pro cuiusque ad res sacras capacitate transfusus, nec non perfectissima quæque totius Pontificatus munia, diuinissimis scientiis sublimissimis anagogis pontificaliter celebraturus.

Viget etiamnum iste ritus adhuc in Ecclesia Catholica: sed ne mera cæremonia censeatur, vis eius insinuatur à Pontifice consecrante ipsimet Antistiti promouendo: Interrogamus te (inquit) dilectissime frater, si omnem prudentiam tuam, quantum tua capax est natura, diuinæ scripturæ sensibus accomodare volueris? Postquam annuit ordinandus, pergit ab eo inquirere Ordinator: Vis quæ ex diuinis Scripturis intelligis

*plebem cui ordinandus es & verbis docere & exemplis? R. Volo.* Postquam autem consecratus est & insignia recepit, tradit ei Pontifex Evangeliorum librum dicens, *Accipe Evangelium & vade, prædica populo tibi commissio; potens est enim Deus ut augeat tibi gratiam suam &c.* Ritus eundem impositionis Evangelij super caput ordinandi ad Episcopatum, Græci etiamnum observant, ut videre est in eorum Euchologio, in ipso ferè initio servandi ritus in ordinatione Episcopi. Ibi enim Pontifex consecrator explicat, id est apertum tenet Evangelium, & manum etiam admouentibus reliquis Pontificibus, capiti ipsius ordinati imponit, tumque pro eo supplex Deum orat, ut iugum Evangelicum dignè suscipiat.

In ordinatione Presbyteri, liber ipse Evangelij ei non imponitur; sed in Romana Ecclesia nihilominus declaratur ipsum initiatum Sacerdotio, ad munus quoque prædicationis assumi; monet etenim Episcopus ordinandum, *ipsum oportere prædicare.* Et in præfatione seu præliminari ad Deum deprecatione obnixè orat, *ut eos in vicem 72. Discipulorum sublegere velit, quos suavi providentia unigeniti sui Apostolis addidit fidei Doctores, qui totum orbem secundis prædicationibus impleverunt.* Succinit Romanæ Ecclesiæ & Apostolicæ Sedi, eo in more Ecclesia Orientalis; nam in ritu servando in ordinatione Presbyteri, qui in Euchologio describitur, signatum extat; in secreta quæ prima est pro initiando oratione, *ut Deo complaceat ingentem gratiam Spiritus sancti promouendo Presbytero infundere, ut in ipso tam magno Sacerdotali honore, veritatis suæ verbum sanctificare valeat, id est in spiritu sanctitatis Evangelium Christi prædicare, & expressius in posteriori prece sic supplicat: Deus in virtute magnus, intellectu inuestigabilis, & mirabilis in consiliis super filios hominum &c. Istum quem tibi Presbyterij gradum subire complacuit, dono sancti tui spiritus adimple, ut inculpate sancto tuo altari dignus fiat, REGNI TVI EVANGELIVM ANNUNCIARE, veritatis tuæ verbum sanctificare, dona & hostias spirituales tibi offerre &c.* Ex qua observatione fit perspectum, ipsum Evangelium pro suscepti muneris debito, à Presbytero veritatem Dei sanctificante, seu glorificante, & superno nutu iussuque disseminante scientiam salutis, esse prædicandum. Et ideo rectissimè à sancto Ambrosio sacrum ipsum Codicem diuinorum eloquiorum appellari *librum Sacerdotalem*, & à sancto Dionysio, *substantiam Sacerdotij nostri.*

## §. II.

*A Concionatore sedulo meditandus.*

OFFICIUM igitur primarium Sacerdotis est, in huius libri sacratissimi perenni meditatione versari. Ideo in Presbyterorum ordinatione Ecclesia voce Pontificis ordinantis, Deum enixè orat, *ut in Dei lege, die ac nocte meditantes, quod legerint credant, quod crediderint doceant, quod docuerint imitentur.* Hoc zelo diuinam legem perpeti studio meditandi, quantum exarserint Mosaici Sacerdotes, eruditorum nemo est

psal. 1. 2.

qui nesciat. Referunt Thalmudistæ, hac de re insigne Rabbi Ismaelis dictum, qui à sororis filio rogatus liceret-ne sibi Græcorum siue Gentilium, iam scripta legere, postquam Moysis legem percepisset? Respondit *eam solam aliis scientiis & disciplinis quam legi, impendendam esse horam, quæ nec ad diem pertineret, nec ad noctem.* Spectauit ut reor Hebræorum ille Magister, ad Regij prophetæ oraculum, qui Psal. 1. viri pij iustique dotes describens, inter has recenset iugem illam meditationem diuinæ legis, *In lege Domini (inquit) voluntas eius, & in lege eius meditabitur die ac nocte.* Ita ut (magnus ait Basilus\*) non inueniat vllum spatium, quo ad futes cogitationes euagari possit. Consulit adolescentibus qui ad lauream poëtices peruenire cupiunt, insignis quidam artis huius sectator, eorum qui in ea excelluerunt, opificia,

\* Reg. 306. in breuiorib.

Horat. de arte poet.

Nocturna versare manu, versare diurna.

Siquis ad Sacerdotalis scientiæ magisterium aspirat, & cathedras Ecclesiæ cum laude & fructu gestit aliquando conscendere, sciat non alia sibi via patere sacrosad suggestus aditum, quàm sedula Scripturæ sacræ lectione & meditatione: *Scrutamini scripturas,* (ait Dominus Ioan. 5. 39.) *illa sunt quæ testimonium perhibent de me.* Urget ad hoc intentissimum studium vehementer vas electionis Paulus dilectum suum Timotheum, in quo vno omnes Dei Ministros instituit. *Tu verò (inquit, 2. epist. 3. 14.) permane in iis quæ didicisti & credita sunt tibi, & quia ab infantia sacras litteras nôsti quæ te possunt instruere ad salutem per fidem quæ est in Christo Iesu, attende lectioni, exhortationi, & doctrinæ: hæc meditare, in iis esto, ut profectus tuus manifestus sit omnibus; attende tibi & doctrinæ insta in illis.* O Timothee depositum custodi! O Episcopo, ô Sacerdos, ô Doctor! (subiungit condecienti nexu Vincentius Lerinensis) *Talentum doctrinæ sacræ & fidei Catholica tibi creditum conserua! aurum accepisti, aurum redde, nec plumbum nec arumenta supponas.* (ut sunt poëtarum figmenta, Philosophorum sophismata, oratorum nugæ, hæreticorum blasphemix) *Eadem quæ didicisti (in Euangelij scilicet discipulatu & Ecclesiæ schola) ita doce, adorna, illustra, ut cum dicas nouè, non dicas noua.* Nam profanæ sunt in Christiana doctrina heterodoxæ vocum nouitates: tametsi (ut Dominus ait) *omnis scribe doctus in regno cælorum, è thesauro suo (qui Scripturæ diuinitus inspiratæ penus est) profert noua & vetera.*

1. Timoth. 4. 13.  
Ibid. 6. 20.

Matth. 13. 52.

Coloss. 2. 3.

1. Tim. 3. 16.

Hom. 11. in Eu.

Genes. 49. 26.

Thesaurus iste in quo sunt omnes diuitiæ sapientiæ & scientiæ Dei reconditæ, Verbum Dei est incarnatum, hoc est magnum pietatis Sacramentum, quod manifestatum est in carne: cuius scientia & doctrina hominibus reuelata, in veteri & nouo Testamento reposita est. hinc ait Dominus discipulis suis (Matth. 13.) *Simile est regnum cælorum thesauro abscondito in agro, quem qui inuenit homo &c. præ gaudio vadit & vendit vniuersa quæ habet & emit agrum illum.* Thesaurus iste (ait S. Gregorius) cæleste est desiderium, id est Christus desideratus collum eternorum: *Ager verò in quo absconditur, disciplina studij cælestis: seu ut ait S. Hieronymus lib. 2. comment. in Matth. cap. 13. Regnum cælorum prædicatio Euangelij est, & no-*

ritia scripturarum. Ad hanc igitur scientiam comparandam, qui Evangelicæ prædicationis ministerium dignè & fructuosè ut debent exequi cupiunt: omnia vendere debent, agrum ut illum sibi queant acquirere; scilicet omnes eò vertere mentis cogitationes, nec sudoribus, nec laboribus parcere, instare omni tempore, lectione, studio, oratione huic sibi comparando thesauro: Scripturæ enim vel exigua cognitio (ait magnus Augustinus) toti humanæ philosophiæ preferenda est; imò omnibus mundi diuitiis ac honoribus, rebusque quibus videtur inesse voluptas quædam & gloria, infinito est intervallo anteponenda. Vniuersa sunt enim contemnenda, modò thesaurus iste comparetur. Quædam verò sunt media, quibus acquiri posse, sancti Patres suo experimento docuerunt;

Lib. 2. de Genes.  
ad litteram.

I. Est fides. Scripturarum enim intellectus (ait S. Augustinus) est fidei præmium; Et ideo Apostolus dicit Timotheo, sacras litteras quas à puero didicit, posse eum instruere ad salutem per fidem quæ est in Christo Jesu.

Serm. 51. de verbis Domini, in Ioan. Euang.

II. Est humilitas; hinc Domini ad Patrem insigne illud suspirium: Confiteor tibi Pater Domine cæli & terræ, quia abscondisti hæc à sapientibus & prudentibus, & reuelasti ea paruulis? ita Pater, quoniam sic placitum fuit ante te. Scitè igitur ait S. Gregorius, Scripturam sacram fluium esse profundum, in quo natat agnus, & elephas mergitur, Deus enim superbis resistit, humilibus autem dat gratiam. Rectè quoque S. Augustinus lib. 2. de Doctr. christ. c. 41. Cogitat (inquit) scriptura studiosus, illud Apostolicum, Scientia inflat, charitas ædificat, illudque Christi: Discite à me quia mitis sum & humilis corde, ut in humili charitate radicati & fundati possimus comprehendere cum omnibus sanctis, quæ sit latitudo, longitudo, altitudo & profundum crucis Domini. Quia nimirum hoc est verbum abbreviatum: nam scire omnia, nihil aliud est quàm Christum scire crucifixum. Totius scripturæ veteris & noui Testamenti, hoc vnum subiectum est & prædicatum.

Matth. 11. 25.

Prefat. in lib. Moral.  
Iac. 4. 6.

1. Cor. 8. 3.

Matth. 11. 29.

Ephes. 3. 18.

1. Cor. 2. 2.

III. Est puritas cordis. Scripturarum enim intellectum impedit mens impia, & impura, ait S. Augustinus serm. 13. de verbis Apostoli.

IV. Est mortificatio. Plus enim (ait verè Cassianus) in vitiis extirpandis quàm libris euoluendis operæ ponendum esse: quod is, expulsis confestim cordis oculi cæleste lumen admittentes, sublato velamine passionum, Sacramenta scripturarum naturaliter \* incipiant contemplari.

\* mirabiliter

V. Est oratio. Iustus enim (ait auctor Ecclesiastici c. 39.) cor suum tradet ad vigilandum diluculo ad Dominum qui fecit illum, & in conspectu altissimi deprecabitur: Aperiet os suum in oratione & pro delictis suis deprecabitur. Si enim Dominus magnus voluerit, spiritu intelligentiæ replebit illum, & ipse tanquam imbres mittet eloquia sapientiæ suæ &c. Piè & præclarè ait S. Augustinus lib. 2. de Ciuit. Dei, c. 13. Scripturas nemo intelligit, qui linguam qua scriptæ sunt, ignorat. Dictauit eas Spiritus sanctus; igneas linguas ut eas interpretarentur Apostolis indidit. Ab eo igitur intellectus scripturarum petendus est, ut rectè intelligi possint, & verè explicari.

VI. Medium est lectio & in lectione & meditatione exercitatio assidua. Idem Sanctus Augustinus solerter petit, cur cum Deus auctor scripturæ lux sit, & tenebræ in eo non sint ullæ, sermo eius qui litteris

Tract. 1. expofit. super Euang. gel. Ioan. 1. Ioan. 1. 5.



sacris inscriptus est, adeo tamen obscurus sit? Respondet autem Scripturarum sacrarum obscuritatem, propter nostram exercitationem relictam esse. Porro ep. 2. ad Volusianum de hac re practicè loquens, & proprio experimento edoctus, *Tanta est (inquit) Christianarum profunditas Scripturarum, ut in eis quotidie proficerem, si eas solas ab ineunte ætate, usque ad decrepitam senectutem, maximo otio, summo studio, meliore ingenio conarer addiscere. Præter fidem enim tam multa, tamque multiplicibus mysteriorum umbraculis opaca, intelligenda proficientibus restant, tantæque non solum in verbis, verum etiam in rebus latet altitudo sapientiæ, ut animosissimis, acutissimis, flagrantissimis cupiditate discendi hoc contingat: quod eadem scriptura quodam loco habet: cum consummauerit homo tunc incipiet.*

*Ecc. 12. 6.*

Quæ ratio insigniores Ecclesiæ Patres tanto ardore inflammavit, ut certatim studio sacrarum litterarum sese totos dederint, atque ab ipsa iuuentute intenderint earum lectioni, meditationi, interpretationi, & subinde prædicationi.

1. De Origene, auctor est Eusebius, eum iam inde à puero studium illud inchoasse; solitumque patri (postea Martyri) in dies singulos, sententias aliquot sacras è memoria, velut diurnum pensum reddere. Neque iis contentum, altissimas etiam earum notiones & sensa peruestigare & interrogare cœpisse. At cum adultior factus esset, cathedraque donatus, per diem & pernox cœpta prosecutus est. Qua de causa Hebræam linguam perdidicit, & toto orbe conquiritas variorum interpretum versiones collegit, & primus nouo exemplo Hexapla & Octapla immenso labore elucubrauit, scholiisque illustrauit, dignus (si à nãuis expurgetur) qui postea singulari elogio dictus sit PRIMVS ECCLESIE POST APOSTOLOS MAGISTER.

*Ruff. lib. 11.  
hist. c. 9.*

2. & 3. Non minùs felici enixu, singulare decus præcellentis notitiæ sacrarum Scripturarum adepti sunt SS. Basilus & Gregorius Nazianzenus, qui ad Monasterij solitudinem, quierem, otiumque confugientes ipsos tredecim annos, remotis omnibus Græcorum sæcularium libris, soli diuinæ Scripturæ scrutandæ, intelligendæ, illustrandæ operam dederunt; qua via eò progressi sunt, ut Basilus quidem merito cognomentum Magni, Gregorius verò per singularem excellentiam Theologi titulum consecuti sint, quo etiamnum benedicta illorum memoria honoratur.

*• in sua vita.*

4. S. Ambrosius, admirabile illud sapientiæ Christianæ, sanctitatisque portentum, huic eidem studio non tantum vigen valensque, iugiter infudauit, sed & senescens eidem continuè incumbere adeoque immori voluit: nam usque ad ultimam ægritudinem suam (ait Paulinus \*) non cessauit unquam scribere, commentari, & prædicando & scribendo exponere sacras litteras, ac denique commentationi Psal 47. *Magnus Dominus & laudabilis nimis*, immortalus est: vnde & commentarium in eum inabsolutum reliquit, duobus eius ultimis versibus intactis. Quo tempore sphaera ignea cœlitus demissa, caput eius cingens & allambens, euidens signum & testimonium dedit, hosce eius insignes commentarios, totque igneos sermones à Deo non tantum proba-

ri, sed & diuinitus aspiratos ac suggestos fuisse.

5. S. Hieronymus sui æui phoenix & miraculum, incredibili ardore eidem studio ab ipsa ineunte ætate se applicuit. Romæ enim adulescens baptizatus & in liberalibus disciplinis à Donato & aliis viris doctissimis copiosè eruditus, discendi desiderio Galliam nostram peragrauit, vbi pios aliquot & diuinis litteris eruditos viros coluit, multosque sacros libros sua manu descripsit. Moxque se in Græciam conferens, (iam philosophiâ & eloquentiâ insigniter instructus) summorum Theologorum sese consuetudini & obseruantia addixit. Gregorio autem Nazianzeno maximè adhæsit, quo Doctore se sacras litteras didicisse passim profitetur: ex cuius disciplina maiori cupiditate sapientiæ huius incensus, seque in solitudinem Palæstinæ recipiens, tanta vi animi eum in scopum contendit, vt in hoc labore ad extremam vsque canitiem consenuerit, atque ex Hebræo Latinam Bibliorum versionem consignarit Ecclesiæ, quæ proinde eum *in exponendis sacris Scripturis Doctorem maximum*, in ipsa felicitis eius depositionis ad Deum oratione, honorificentissimè denominat.

6. Porrò S. Ioannes Chrysostomus ille Orientalis Ecclesiæ sol splendidissimus, qua ratione tantum ad fastigium sapientiæ & eloquentiæ sacra conscenderit, ipse candidè declarat in præfatione super Epistolam ad Romanos: *Neque enim (ait) quæ scimus, si quid scimus, ab ingenij bonitate atque acumine scimus, sed quòd erga hunc virum (B. Apostolum Paulum intelligit) impensè affecti, ab illius lectione nunquam discedimus.* Hinc in eius elogio, Catholica Romana Ecclesia, magnificam hanc eius nominis commendationem enunciat: *Multitudinem, pietatem, ac splendorem concionum, cæterorumque eius scriptorum, interpretandi etiam rationem & inhaerentem sententiæ sacrorum librorum explanationem, omnes admirantur, dignumque existimant cui Paulus Apostolus, quem ille mirificè coluit, scribenti & prædicanti multa dictasse videatur.*

7. De S. Augustino iam præfati sumus; imò potiùs ipse, quàm feruenti æstu animi viriùmque ingenij contentione huic studio, ac strenuo labori incubuerit vsque ad extremum vitæ spiritum, propriis verbis edixit. Quamobrem superfluum pyto, hîc minutiùs explicare, quo titulo iurèque, DOCTORIS ECCLESIE PRÆCIPVI cognomentum promeruerit.

8. Audiendus de seipso Venerabilis Beda, alter suæ ætatis Augustinus: Ego (inquit in præfatione historiæ suæ Ecclesiasticæ) *septennis monasterium ingressus, ibi tota vita omnem meditando Scripturis operam dedi, atque inter obseruantiam disciplinæ regularis, & quotidianam cantandi in Ecclesia curam, semper aut discere, aut docere, aut scribere dulce habui.* Hinc in omnes penè Scripturæ libros Bedæ extant commentaria præstantissima, per pluresque homiliæ & conciones, succo Scripturarum sacrarum plenæ: quas etiamnum Ecclesia diuinis in præconiis recitat, ingenti cum eius nominis celebritate, nec minori cum audientium fructu.

9. S. Bernardi eodem in studio gloriam, absit vt hîc silendo præter-

eam. Sanctus hic Abbas, Galliæ nostræ singulare decus, Catholicæ Ecclesiæ ætate sua præcipuum lumen ac columnen, cœlesti sapientia & mellea facundia quam omnes mirantur, excelluit; ipse verò de se passim dictitabat, se in sacræ Scripturæ scientia, *non alios quàm fagos & quercus magistros habuisse*, inter quas nimirum orando & meditando, omnem sub se positam & expositam vidisse sacram Scripturam. Consulendus idem sanctus Pater serm. 37. in Cant. vbi quomodo ipsius Scripturæ sacræ notitiam ac intelligentiam quisquam assequi possit, breuiter ac nitidè docet.

Vita S. Bern.  
l. 1. c. 4. & lib.  
3. c. 3.

10. Hoc nostro proximè superiori sæculo claruit mirâ pietatis ac sanctimonix gloriâ S. Carolus Borromæus, nouus Mediolanensium Ambrosius, qui inter potiora suæ Episcopalis sollicitudinis officia, sacræ Scripturæ lectionem ac meditationem suis Clericis & Sacerdotibus, potissimum verò pastoralis animarum curæ adstrictis, tam verbo quàm exemplo studiosè commendauit: solebat enim ipse eam assiduè & voluere & populo suo explanare, idque tanto studio, deuotione, ac reuerentia; vt sub vltimis vitæ suæ annis, sanctam Scripturam, quasi ipsissimas Dei ad homines litteras nonnisi nudo capite & genibus flexis venerabundus lecitaret: memor scilicet Augustiniani huius oraculi, *Quæ Scriptura docet, Deus dicit*, lib. 13. Confess. c. 29.\* ideoque in Scripturæ lectione non solum quod dicitur, sed etiam à quo dicitur esse obseruandum, propterea cum timore & reuerentia illam esse scrutandam. At de eius lectione & meditatione iam satis superque.

\* Item cont. Pri-  
scill. & Origen.

## §. III.

*Vnicè profitendus.*

DE eius professione Sacerdoti propria, iam pauca quidem, sed proposito satis consentanea nostro superest ire subiunctum. Tritum est S. Ambrosij dictum, *Si est Sacerdos, sciat legem Domini*, sine qua scientia nomen ipsum Sacerdotis nulla ratione subsistere posse, S. Hieronymus asseuerat in epist. ad Fabiolam de veste Sacerdot. qui rursus in Aggæum Prophetam, *Sacerdotis est scire legem Domini, & ad interrogationem respondere de lege*; De cuius proferenda scientia, magna ei contumelia est (ait S. Gregorius hom. 29. in Euang.) à quoquam admoneri, hoc enim genuinum eius est officium. Cùm Paulus & Silas essent Philippis, *Factum est* (inquit Lucas qui aderat \*) *euntibus nobis adorationem, puellam quandam habentem spiritum pythone obuiare nobis &c. Hæc subsecuta Paulum & nos, clamabat dicens; isti homines serui Dei excelsi sunt, qui annunciant vobis viam salutis?* Illustre hoc erat muneris Apostolici præconium, quod spiritus ipse nequam efferre publicè à Spiritu sancto coactus ac compulsus est; *Verum enim hoc erat testimonium* (ait S. Augustinus l. 2. de Doct. Chr.) *quod Apostolis Domini perhibuit*. Idipsum eorum etiam successoribus competit, qui in verbo Dei & doctrina laborant; sunt enim omnes serui Dei excelsi, & ab eo constituti sunt ad annuncian-  
iactan-

\* Act. 16. 16.

iactandam, non ad eloquentiam ostendendam, non ad curiosa & vana effutienda: sed ad verbum veritatis cum sinceritate tractandum, ad homines ad fidem & pœnitentiam excitandum, ad eos in pietate & iustitia edocendum, vno verbo ad Christi euangelium prædicandum. Quæ causa est huius solennis ritus Ecclesiæ, quòd cum iuxta Apostolum nemo *prædicare possit nisi mittatur*: ita etiam nullus in pulpitu ad plebem docendum publicè admittatur, quin priùs fusis ante altare precibus, & Rom. 10. supplex ac genuflexus coram Præfato Ecclesiæ, vel eius gerente vices, licentiam prædicandi poposcerit, dicit enim *Iube Domne benedicere*. cui tum Præses Ecclesiæ bene precando ait, *Dominus sit in corde tuo & in labiis tuis ad dignè & competenter annunciandum populo suo sanctum Euangelium pacis, in nomine Patris, & Filij, & Spiritus sancti; Amen.* Hæc formula benedictionis paucis quidem verbis exprimitur, sed iis tamen quæ præcisè & dilucidè missionem & officium continent prædicatoris, finemque verum indicant Concionis, quæ tota Euangelica & planè Apostolica esse debet, vt Deo grata, prædicatori meritoria, & auditoribus salutifera esse possit.

## §. IV.

*Solidè ac perspicuè prædicandus.*

AT iam de fine Concionis sacræ, suprà vbi de prudentiæ actibus actum, satis copiosè diximus: de modo etiam, vbi sanctorum Patrum hac de re protulimus perinsignem seriem, eximia documenta & exempla, infraque iterum de modo & forma prædicandi à sacris canonibus præscripta dicendum erit. Obiter igitur hîc quædam censemus annotanda. Præses Ecclesiæ cum benedictionem postulanti concionatori, licentiâque prædicandi publicè impertitur, orat diuinam clementiam, suo vt præconi dignetur adesse, gratiam eius infundendo cordi atque ori, ad *dignè & competenter* prædicandum populo suo sanctum Euangelium pacis. Duo hæc aduerbia maximi momenti monita comprehendunt.

Dignè siquidem prædicare nihil est aliud quàm quod Apostolus vas electionis, Timotheo suo summopere commendat; *Sollicitè* (inquit) *cura te ipsum exhibere Deo operarium inconfusibilem, rectè tractantem verbum veritatis*, hoc est recta intentione, & puro ore ac animo. vbi vulgata habet *inconfusibilem*, Græcè est *ἀνεπαίσχυτος*, qui non pudeat, vel erubescat prædicare *Christum, & hunc crucifixum*. Mutare sciat vocem suam, non grandia loqui, quamuis sit doctissimus & eloquentissimus: sed humilibus consentire, ad eorum captum sese accommodare vsque ad fidei rudimenta, ad Catechesim Christianam, qua potissimum plebs indiget descendere, & omnibus omnia fieri, vt omnes lucrifaciat: Aliter paululùm explicat inconfusibilem S. Anselmus, id est (inquit) quem non confundat, non pudore afficiat sua ignorantia, mala vita aut doctrina, sed talis vt sit quem non pudeat, Doctorem veritatis & destructorem peccati, suasoremque virtutis & iustitiæ, vindi-



cémque diuinæ legis & gloriæ, profiteri & agere. Addere liceat, qui metu humano non corripitur, sed Euangelium cum magna in Deum fiducia, potestatibus ipsis & principibus huius sæculi intrepidè annunciet; illis placere non studeat, sed veritatem sine hæsitatione dicat, eosque de peccatis ut oportet & quando opus est, reprehendat: ut dicere possit cum Propheta, *Loquebar de testimoniis suis in conspectu regum, & non confundebar.* Obtestatur Timotheum Apostolus ut prædicando, Christi exemplum sequatur, mundi huius magnatibus nequam blandiendo & assentiendo, sed pro veritate & iusticia testimonium ferendo irrefragabile. *Præcipio tibi coram Deo qui viuificat omnia, & Christo Iesu qui testimonium reddidit sub Pontio Pilato bonam confessionem, ut serues mandatum sine macula.* Quale mandatum? illud scilicet quod Christus à Patre accepit, & Pilato significauit dicens, *Ego in hoc natus sum, & in hoc veni in mundum, ut testimonium perhibeam veritati.* Illud inquam ipsum mandatum, quod Apostolis suis iniunxit, *Euntes* (inquit) *docete omnes gentes seruire omnia quaecumque mandavi vobis: ite, prædicate Euangelium meum.*

Competenter autem, non tam Euangelistæ personam, quàm auditorum eius spectat, *Bonum est* inquiunt *quod conuenit*; at verò conuenit audientibus Euangelicam Concionem, ut prædicator solidè ac perspicuè diuinum verbum eloquatur. Si enim leuiter thema Euangelicum tractauerit, in auras tenues facillè euanesceat quicquid pro suggestu, splendido potius sermone, quàm solida dissertatione enuncietur, audietque *Seminiuerbius*, potiusquàm Ecclesiæ Doctores in fide & veritate: si obscurè autem ea quæ prædicat edixerit, labori & oneri erit audientibus plus quàm solatio atque documento. Tritum est dictum illud prisca sapientis, *loquere ut te videam?* Qui verò ambiguè & intricatè loquitur, stylòque scabritioso, ac tenebricoso verba facit, mentem potius suam occultat quàm aperit, & suos magis obæcat quàm illustrat auditores. At verò prædicator Euangelij lucem cum pace ferre debet, caliginemque omnem ignorantia & peccati, splendore doctrinæ quam annunciat, de mentibus suorum discipulorum discutere, ut impleat ipsius diuini verbi elogium, *Lucerna pedibus meis Domine verbum tuum, & lumen semitis meis.* Monet fideles princeps Apostolorum Petrus, ut eo mentis oculo verbum Dei excipiant, quo nocte lumen lampadis accensæ solent corporaliter intueri. *Et habemus firmiorem* (inquit) *Propheticum sermonem* (Euangelicus etenim prophético longè admodum est præstantior) *cui benefacitis attendentes quasi lucerna lucenti in caliginoso loco, donec dies* (hoc est fides) *elucescat, & lucifer* (nempe Christus, stella matutina, & sol iustitiæ) *oriatur in cordibus vestris.* In hoc igitur debet prædicator quanta vi potest, intendere ut clarè & dilucidè proponat suis auditoribus verbum Dei, memor officij sui; quia ut Diaconi munus est purgare: sic Sacerdotis est illuminare animas, quas Episcopo perficere pro cumulo sanctificationis incumbit. Verùm Apostolus ubi Timotheum suum hortatur, ut sollicitè curet rectè tractare verbum veritatis, in autographo significantiùs admonet, stu-

deat rectè secare, digestum ire prudenter, ac conuenienter distribuere verbum Dei. Certè Platonis inlignè est pronunciatum, videlicet dialecticum insulsum, malum coquum esse, eo quòd rectè diuidere non calleat. Et reuera qui publicè dicit, maximè autem Ecclesiasticus Orator, non solùm quasi peritus coquus, sed potiùs vt symposiarches & ModImperator debet doctrinam suam aptè decenterque proponere. Caueat diligenter oportet, verbum diuinum quod prædicat non mutilare, non discerpere, non contra sensum torquere, sed rectè secare, diuidere, secernere, & quasi nucem rectè aperire, enucleare & exponere: vt scilicet verum sensum à falso, rectum à contorto discriminet ac secernat, cùmque aptè cuique pro suo captu & gustu exponat & communicet, vt docta doctis, communia rudibus, limpidiora populo promat & proferat. Si igitur iuxta Apostoli consilium vult esse in domo Dei *operarius inconfusibilis, rectè tractans verbum veritatis*, caueat diligenter \* ne de nuptiis disputer apud Virgines, nec apud \* Nota: conjugatos de Virginitate; pusillanimis crudè non obiciat iudicium & infernum; audacibus & tumidis gloriæ cœlestis promissionem non polliceatur. Et sic de reliquis, quæ ad prædicandum competenter conferunt sanctum Euangelium pacis. Rectè non tractat Euangelium quicumque res altas & sublimes coram pusillis proloquitur; v. g. qui de Trinitate, de prædestinatione, de gratia efficaci, vel inefficaci coram mulierculis disputat, incertaque & occulta sapientiæ Dei, coram simplici plebe tractare præsumit. Quod quantum afferat Ecclesiæ detrimentum, quotidiano sanè videre licet experimento.

## CAPVT XVI.

*De Scriptura sacra excellentia, ac multiplici utilitate.*

**O**MNIS Scriptura diuinitus inspirata, (ait ad Timotheum Apostolus) *utilis est ad docendum, ad arguendum, ad corripiendum, ad erudiendum in iustitia, vt perfectus sit homo Dei, ac instructus ad omne opus bonum.* 2. Timoth. 3. 16.

*Habet argentum venarum suarum principium, & auro locus est, in quo conflatur.* Iob. 28. 1. Si quæras quodnam sit principium sacre Scripturæ? vno verbo respondet Apostolus, non alium habere auctorem quàm ipsum Deum. Omnis enim (sacra) scriptura (inquit) *diuinitus est inspirata*; nec qui eam calamo scripserunt, auctores eius fuerunt, sed tantùm exceptores: *Voluntate enim humana allata non est aliquando prophetia, sed Spiritu sancto inspirati, locuti sunt sancti Dei homines.* Porro sicut Deus est auctor & inspirator Scripturæ, ita per eam loquitur, quotiescumque ipsa prædicatur vel legitur. Sensatè igitur pridem S. Marciarius apud Theodoretum in Philotheo, rogatus ab Episcopis dicere verbum salutis, respondit non sine intimo pectoris suspirio & columbino gemitu: *Deus quotidie nobis loquitur per creaturas suas & maximè per sacram Scripturam, & tamen paruam hinc uti-*

*litatem capimus: quâ ergo loquens vobis prodero, qui cum aliis amitto hanc utilitatem? Sed tamen sunt in Ecclesia ipso Dei nutu Presbyteri, qui in verbo & doctrina laborant, populûmque docere ex officio obstringuntur: quibus nisi id faciant imminet idem periculum quod Apostolus formidabat. Va mihi nisi euangelizauero, seu ut ait Propheta, Va mihi quia tacui, seu si conticuero? Necessitas enim imposita est Episcopis & Sacerdotibus prædicandi verbum Dei, illudque interpretandi & populo exponendi. Bene est eis si ita Domini talentum multiplicent, tum enim (ut ait Apostolus) duplici honore digni fiunt; Nam & apud Deum & homines tam strenuo quàm salutaris labore benedictionem vberem & honorem eximium promerentur. Verùm sicut in Sacramentis, quorum œconomi sunt & distributores, vnum ab eis potissimum exigitur, nempe fidelitas erga Dominum, qui sua hæc illis bona credidit. Sic nos existimet homo (ait Apostolus I. Cor. 4. 1.) ut ministros Christi & dispensatores mysteriorum Dei: sed iam quaeritur inter dispensatores ut fidelis quis inueniatur? Sic planè & in prædicatione Euangelij, vnum est ante omnia ab ministerij huius perfunctoribus requirendum: sciò scilicet ut recogitent, cuius sit verbum illud quod hominibus annunciant, Si quis loquitur (ait princeps Apostolorum) tanquam sermones Dei. Quod enim Euangelium prædicant, est ipsissimum verbum, quod ex ore altissimi prodiit, eiusque à spiritu, Prophetis, Apostolis, & Euangelistis dictatum est, quin & ore ipsius cœlestis Patris vnigeniti, prædicatum, & vice sua Sacerdotibus creditum: Docete (inquit) omnia quaecumque mandavi vobis. Et ecce vobiscum sum omnibus diebus vsque ad consummationem sæculi. Adsum enim præsentia corporali, quamuis inuisibili: Adsum spiritu, qui vos perenni afflatu suo docebit omnem veritatem, nec modò vobiscum semper erit, sed in vobis erit, idèoque non eritis vos qui loquimini, sed spiritus patris vestri qui loquetur in vobis. Igitur quando Euangelium prædicabitis, perpendite diligenter, non vestrum esse illud Euangelium, sed meum; verbûmque quod promulgatis, non esse humanum sed diuinum.*

Nota.

Eapropter erant olim in templis duo secretaria, à dextro sinistroque latere absidis posita, in quorum altero sacra Eucharistia asseruabatur, in altero verò reconditi erant sapientiæ diuinæ (scilicet sacri, propheticæ, Euangelicæ, & Apostolicæ scripturæ) Codices, vnde S. Paulinus in templo Nolano à se erecto, hos versus ad dexteram inscribi iussit,

*Hic locus est veneranda penus, qua conditur, & qua  
Ponitur alma sacri pompa ministerij.*

Hosce verò ad leuam,

*Si quem sancta tenet meditandi in lege voluntas,  
Hic poterit residens sacris intendere libris.*

Quid verò sapientissimos Ecclesiæ Patres mouerit, ut ad sanctum altare, corpus Domini & eius Euangelium, cæteraque diuina eloquia coniungerent? ratio satis est perspicua: nimirum quòd vtrumque esse nossent rationalis animæ proprium alimentum, & vtrumque diuinum,

ac à fonte æternæ bonitatis in nos defluens beneficium, idque maximum & inæstimabile. De dispensatione magni pietatis Sacramenti, quod manifestatum est in carne, sub panis & vini speciebus obuculata: verè sed aculeatè magnus Orientalis Ecclesiæ Homiliastes Chrysostomus, ad Sacerdotes ait\*. *Ad vos sermonem conuertere necessarium est, ut multo cum studio hæc dona distribuatis. Non parua vobis imminet ultio, si quemquam ullius culpæ consciū, huius mensæ participem esse concedatis, sanguis eius de manibus vestris exquiretur. Propterea vos Deus hoc insigniuit honore, ut talia discernatis, hoc vestra dignitas est, hoc securitas, hoc omnis corona.* A simili habent verbi diuini dispensatores considerare, quanto cum metu & reuerentia Christi Euangelium prædicare ipsos condeceat. Voces enim quas audiunt è throno diuinæ sapientiæ, quasque populo refundunt, *Sunt voces Dei, non hominis*: & non modica eos pœna manet, si vel oscitanter audiant, vel segniter hæc oracula sibi credita eloquantur. Maior verò longè imminet ultio, si sua non Dei verba proferant, in sacro Ecclesiæ suggestu. *Fabulæ in ore laici, meræ nugæ sunt: at in ore Sacerdotis blasphemia.* Si quis igitur Sacerdos adulterat verbum Dei, & tanto loco abusus, non Dei mysteria, mandata, promissa, iudicia, sed inuenta sua, vel sapientiæ mundi commenta, artificiæque disseminat: eiusmodi næniæ, erunt eius in ore quasi blasphemia, reusque fiet coram Deo sacrilegij & idololatriæ, quòd verat cathedram veritatis in vanitatis prostibulum, & verbum Dei super omnia pretiosum aspernando, carnalis scientiæ idolum in Ecclesia erigat. Quid enim hoc est facere? *nisi abominationem desolationis ponere in loco sancto?* faciendo nimirum *de domo Dei speluncam latronum.* Sic enim verbum Dei aboletur, & spiritui gratiæ & veritatis contumelia irrogatur. Certè abhorret Christus profanas eiusmodi cathedras in domo patris sui: quamobrem *cas euertit*, & abutentes loco sacro tam fœda nundinatione, hinc eiecit cum improprio & flagello. Sic interminatur verbi sui contemptoribus ac Euangelij sui desertoribus, in alia quàm scientia salutis gloriantibus, Osee 4. *Quia tu scientiam repulisti, repellam te ne Sacerdotio fungaris mihi.* At absit ut tantum malum suspicari possim, de iis qui sacro ore corpus sanguinèmq; Domini conficiunt, quique viuæ Spiritus sancti oracula sunt: nam nunciij æternæ salutis, per ministerium Euangelij (quod eis ad prædicandum creditum est) præcipuo gratiæ Dei munere sunt constituti. Expectamus de eis longè viciniora saluti, quamobrem eos dumtaxat commonefacimus, ut hortatus Apostolici memores sint, *si quis loquitur, tanquam sermones Dei.* In gestis Origenis apud Eusebium legimus tunc adhuc morem veterem ab Hebræis defluentem fuisse obseruatum, ut Sacerdos antequam concionaretur, librum sacri eloquij acciperet à lectore, ac sine delectu loci, aperiens Codicem, quæ fortuito occurrebant populo perlegeret, moxque interpretaretur: scilicet ut hoc ritu Sacerdos admoneretur, non aliud ei licere in Ecclesia loqui, quàm sacro-sanctum Dei verbum, videretque populus ex pura scatebra Euangelij (Ecclesia interprete) fidei iustitiæque Christianæ sumi

\* Hom. 60. ad  
popul. Antioche-  
num.

S. Bern. de  
Conf.



In Chalced.  
Conc. aB. 16.

præconium, exque Scriptura diuinitus inspirata, doctrinam quam Sacerdos annunciat, ab ipso delibari. Felicem sanè Sacerdotis sortem, cui datum sit vocem esse æterni verbi, ac Spiritus S. animatum oraculum! Legati Sedis Apostolicæ antequam Synodos auspicentur, commonitoria sibi data à Pontifice Christi Vicario legebant, ut non se quæ dicebant suo è cerebro fingere viderentur. hinc phrasis illa vñtatissima; *Si habent mandata proferant, quibus nitantur? Pro Christo legatione fungimur* (ait Apostolus) *tanquam Deo exhortante per nos.* Instructiones nostræ, sunt ipsa Dei eloquia. Hoc nostrum munus ac decus est, ab ipso Deo quæ reliquos doceamus, tanta dignatione edoceri. Non Apollinem ex tripode consulit Euangelicus prædicator, sed Deum ipsum, clariùs multo & certiùs quàm ex veteri arca è medio Cherubim audit refertque proloquentem: *Omnis enim scriptura* (quam legit è sacro Codice & exponit, iuxta Ecclesiæ sensum,) *est diuinitus inspirata, ad instructionem animarum, in ordine ad salutem.*

Eaque ratio est cur tam sit utilis & efficax ad docendum. Hanc utilitatem S. Augustinus in fine lib. 2. de Doct. Christ. graphicè exponit & mirificè commendat. *Quantum* (inquit) *minor est auri, argenti, vestisque copia, quam de Ægypto Hebraus populus abstulit, præ diuitiis quas postea Hierosolyma, maxime sub Salomone, consecutus est. Tanta est etiam cuncta scientia utilis, collecta ex libris gentium, si diuinarum Scripturarum scientia comparetur: Nam quicquid homo extra didicerit, si noxium est, ibi damnatur; & cum ibi quisque inuenerit omnia quæ utiliter alibi didicit: multo abundantius ibi inueniet ea, quæ nusquam omnino alibi, sed in illarum tantummodo scripturarum mirabili altitudine, & mirabili humilitate discuntur.* Ancillantur enim illi quasi dominæ & reginæ omnes liberales disciplinæ, omnes linguæ, omnes scientiæ atque artes, quæ certis singulæ terminis continentur. Sacra autem hæc scientia ambit omnia, completitur vniuersa, omniumque vsum suo iure sibi assumit, ut proinde quasi omnium perfectissima, omnium finis & scopus vltimo loco veniat addiscenda. Hinc doctos sui temporis scribit sanctus Hieronymus ad Paulinum, *ad scripturas sanctas, non nisi post saculares litteras venire; Quarum omnium summus apex, in ipsis sacris litteris tantum inuenitur. Utilis est igitur plus quàm omnes scientiæ, artes, & disciplinæ sæculares AD DOCENDVM, scilicet SANAM DOCTRINAM, SCIENTIAM SANCTORVM, veramque sapientiam.*

*Utilis est etiam ad ARGVENDVM:* nam officium ipsius Scripturæ sacræ professoris proprium est, arguere & reprehendere suos auditores, ut pater filios, ut magister discipulos: sed ubi Apostolus monet Timotheum (& in eo omnem alium diuini verbi præconem) suos ut arguat auditores: Græcè pro verbo, *argue*, legitur *ἐλεγεν*, id est argumentis conuince; eos nimirum qui contradicunt veritati, Evangelio repugnant, & sacris hortatibus atque consiliis, ex tætarario diuini verbi depromptis pertinaciter obsistunt: quales erant Iudæi, Ethnici, suntque etiam nunc hæretici, schismatici; etiàmque Catholici, suis in prauis habitibus innutriti, atque in peccato quique suo grauiori peruiaces.

AD CORRIPIENDVM. S. Ambrosius legit ad *redintegrandum*, proculdubio quàm appositè: officium est enim prædicatoris Euangelici, peccatores vocare ad pœnitentiam. Porro effectus pœnitentiæ (quæ secunda est post naufragium tabula) est restituere lapsos fideles in pristinum statum gratiæ; ideoque Sacramentum pœnitentiæ solum est post baptismum, quo gratia prima confertur, vel restituitur, per alia enim Sacramenta tantum conseruatur vel augetur.

Utilis est insuper Scriptura sacra AD ERVDIENDVM IN IVSTITIA. Scitè & eleganter Bernardus Theodidactus, serm. 22. in Cantica: *Vbinam quæso vera prudentia, nisi in Christi doctrina? ubi vera iustitia nisi de Christi misericordia? ubi vera temperantia, nisi in Christi vita? ubi vera fortitudo nisi in Christi passione? Quæ omnia scilicet in Scriptura sacra suggeruntur, quæ omnis iustitiæ regula & virtutum seminarium est.* Vbi legimus 5. Reg. 6. Salomonem in templo sculpsisse Cherubim & palmas, operuisseque omnia laminis aureis, opere quadro ad regulam: interpres quidam rectè ait, per Cherubim quod exponitur plenitudo scientiæ, & palmas quæ semper sunt virentes, & laminas aureas, intelligendam esse Scripturam sacram, quam perpetuam regulam iustitiæ Christus in Ecclesia esse voluit, in hac enim omnium virtutum dimensiones & mensuræ continentur, quæ in quadro expressæ sunt: quia in Evangelio omnis ratio veritatis, iustitiæ regula & virtutum documenta ac exempla sunt (mediante Ecclesiæ consensu & iudicio) præscripta.

At infelicis Achan \* qui regulam abscondit, vnde magnum ipsi & populo accidit exitium, est hîc quòd exemplum pessimum, à quibusdam qui officium prædicationis vsurpant, nostris temporibus renouari doleamus. Regulam enim iustitiæ nōne abscondunt, qui suos inanes conceptus populo prædicant; eloquentiæ humanæ, in auditorio sacro speciosos spargunt flosculos; quæstiones, quo ingenij ostentent acumen, plerasque mouent vel futes, vel admodum inutiles? Cæterum Scripturam quæ malleus est cordium conterens petras, gladius vlcera vitiorum pungens & dissecans, medicina liniens & sanans vulnera, lux veritatis proferens splendorem, semen omnem in anima germinans virtutem, nubes gratiæ rorem influens, ignis charitatem accendens, prætermittunt vel occultant, non sine graui Dei iniuria, animarum perniciæ, suoque ipsorum extremo periculo. Non sic Apostolus magnus veritatis prædicator & vas electionis, qui fidelibus dicebat: *Ad vos peruenimus in Euangelio Christi &c. Spem habentes crescentis fidei vestra: in vobis magnificari secundum regulam nostram &c. Euangelizare non in aliena regula, in iis quæ præparata sunt gloriari. Sed qui hanc regulam secuti fuerint, pax super illos & misericordia Dei.*

\* Iosue 7. 21

2. Cor. 10. 15. 16.

Gal. 6. 16.

Denique utilis est Scriptura omnis diuinitus inspirata, ut perfectus sit homo Dei, ad omne opus bonum instructus. Mira est ad panopliam Christiani hominis instruendam, verbi Dei virtus & efficacia! Nam ex lectione, vel prædicatione Scripturarum (quæ ad nostram consolationem & utilitatem scriptæ sunt) omnibus malis medela, & ad omne bonum excitamentum elici potest. Quamobrem scitè Origenes

Rom. 15. 4.

mannæ cœlesti similem esse diuinam ipsam Scripturam insinuat hom. 7. in Exod. Si tu (inquit) verbum Dei tota fide & deuotione susceperis, fiet tibi ipsum verbum quacunque desideras. v. g. si tribularis consolatur te dicens, cor contritum & humiliatum Deus non spernit: si letaris pro spe futura, cumulas tibi gaudium dicens, letamini in Domino & exultate iusti: si iracundus es, mitigat te dicens, desine ab ira & derelinque furorem: si in doloribus es, sanat te dicens, Dominus sanat omnes languores tuos: si paupertate consumeris, consolatur te dicens, Dominus alleuat de terra inopem: sic ergo manna verbi Dei reddit in ore suo saporem quemcumque volueris. Et S. Augustinus epist. ad Volusianum, de eadem Scriptura loquens: Hic salubriter (ait) & praua corriguntur, & parua nutriuntur, & magna oblectantur ingenia. Ille huic doctrinæ inimicus est animus, qui vel errando nescit eam esse saluberrimam, vel odit ægotando medicinam. Nec minùs sapidè & scienter S. Gregorius lib. 18. Moral. c. 14. ad illud Iob: Habet argentum venarum suarum principia. Argentum (inquit) est eloquijs, vel sapientiæ claritas, venæ sacra Scriptura, ac si apertè dicat, Qui ad veræ predicationis verba se preparat, necesse est vt causarum origines à sacris paginis sumat, vt omne quod loquitur, ad diuinæ auctoritatis fundamentum reuocet, atque in eo locutionis suæ formet adificium. Qui sanctorum Patrum conciones & alia monimenta peruoluerit, perenne hoc in eis studium facilè deprehendet. In quibus præter plenam scripturarum cognitionem, suspicere licet sermonem stylumque non tam Scriptura sacra infertum, quàm concinna quadam carena nexum, & contextum, mirabili quodam doctrinæ & pietatis, in iis pariter conspirantis, artificio.

Verùm sapientissimi Patres necessitatem & vtilitatem sacræ paginæ apprimè nouerant, nec nescij erant humanam ignorantiam non nisi diuina sapientia posse sanari; porrò vberrimè in ipsa scriptura inueniri, quæ menti humanæ irradiandæ, & mouendæ voluntati ad omne bonum, oblectandæque etiam pura & vera læticia, conducibilia esse possunt.

1. Est enim ipsa Scriptura diuinitus inspirata, thesaurus copiosus, & valde sapidum, nec minùs efficax ad vitam animæ rationalis, alimentum. Quòd thesaurus sit pretiosissimus, os aureum Ioannes hom. 3. in Genesim, asseuerat: Merito (ait) thesauro confertur diuinarum litterarum lectio: Nam in Scriptura sacra, indicibiles diuitias inuenire licet; idcirco mœrentem & afflictatam in triduo mortis Christi Ecclesiam adhuc paruulam & non habentem vbera, volens Spiritus sanctus consolari, intromisit eam in cellam suam vinariam. Id est (ait magnus Ambrosius\*) in omnia interiora mysteria dispensationis Christi; dedit ei clauces, vt aperiret sibi thesauros scientiæ Sacramentorum, clausas antea fores panderet, cognosceret quiescentis gratiam, defuncti somnum, virtutem resurgentis. Porro docuit nòs expressissimè Christus, quòd ipsa diuina Scriptura sit proprium animæ alimentum: Non ex solo pane (inquit) viuit homo, sed ex omni verbo quod procedit de ore Dei. De pane ad escam hoc transferens oraculum sanctus Augustinus serm. 112. de tempore: Sicut de carnalibus escis (ait) alitur caro, ita ex diuinis eloquijs interior homo nutritur & alitur, sicut

\* ad illud 1. Cant. Introduxit me rex in cellam vinariam.

Matth. 4. 4.

*Psalmista inquit, Quàm dulcia faucibus meis eloquia tua super mel ori meo.*

II. Hinc ipsa Scriptura à præfato S. Ambrosio dicitur ager ille deliciosus, in quem Isaac ad meditandum discessit. Quò spectans Ailredus, *Genes. 24.* suauissima hæc verba ad Christum cuibrat: *Quoties mihi, Iesu bone! dies vergit in vespèram, quoties parua alicui consolationi quasi luci diuina intolerabilis dolor velut nocturna caligo succedit, vertuntur, in fastidium opera, oneri sunt cuncta quæ video; si quis loquitur vix audio vix sentio, in modum silicis cor obduratur, hæret lingua, oculorum vena siccatur. Quid tunc? Ecce certè ad meditandum in agrum, SACRVM reuoluo CODICEM, cùm subito mihi occurrens Rebecca, scilicet gratia tua Iesu bone, sua luce tenebras discutit, pellit fastidium, duritatem frangit, non suspiriis cedunt lacrymæ, & lacrymas cæleste gaudium comitatur. Infelices! quos cùm tristitia aquè perturbat, non hunc agrum ingrediuntur, ut gaudeant.*

III. Nec ager amœnus tantummodò, at hortus etiam floridus & fœcundus. Deliciatur hac in cogitatione sæpe iam laudatus Ambrosius: *Paradisus est (inquit) Genesis liber, in quo virtutes pullulant Patriarcharum. Paradisus Deuteronomium, in quo legis præcepta germinant. Paradisus Euangelium, in quo arbor vitæ bonos fructus facit, & aternæ sp̃ei mandata ad omnes populos diffunduntur.*

*Lib. 4. opp. ep. 31. ad Sabinum.*

IV. Cella etiam vinaria est, vinum promensè quo germinantur virgines. Philo Carpathius: *Dum legi diuina mandata anima fidelis, & meditatur diuinas Scripturas, ex eis fructu suauissimo pascitur, & intima quadam animi suauitate repletur, adeo ut in cellam vinariam (hoc est in arcana diuinitatis contemplanda) sæpè rapiatur, indeque sic edocta, voluptates omnes rerum omnium humanarum facillimè abominatur ac fugit. Eodem spectat illud sancti Chrysostomi, hom. 22. ad popul. Versare semper (inquit) in diuinis Scripturis; sicut enim vinum dum bibitur, tristitiam sedat & cor commutat in letitiam: sic & spirituale vinum dum bibitur, in letitiam animam conuertit.*

*Cantic. 2. 4.*

V. Est puteus aquarum viuentium, quæ fluunt impetu ex Libano: hîc venustè more suo Origenes; *Nusquam receditur à patris, nunquam desistitur ab aquis; Rebecca inuenitur ad puteum; & Jacob ad puteum venit, & ibi inuenit Rachel; sed & Moyses ad puteum inuenit Sephoram filiam Raguel. An putas semper casu contingere ut Patriarchæ ad puteos veniant? & ad aquas coniugia sortiantur? Mox verò respondet: Sanctorum nuptias dico coniunctionem esse animæ cum Verbo: hanc autem coniunctionem non aliter fieri posse nisi per instructionem diuinorum librorum, qui figuraliter putei appellantur; ad quos si quis veniat, & hauriat etiam ab his aquas: id est meditando in hos sensum, intellectum percipiat altiore, inueniet nuptias Deo dignas, coniungitur enim anima eius cum Deo.*

*ibid. 4. vers. 15.*

VI. Ros est etiam sermo diuinus: *Concreseat ut pluuia doctrina mea, fluat ut ros eloquium meum. Rore quid suauius? quid tranquillius? imò quid dulcius, quando & mella parit? lætitia est segetum, camporum risus, florum alimentum. Verbo Dei scripto, lecto, prædicato, credito, roris hæc elogia conueniunt, hoc enim quicquid suaue, pulchrum aut deliciosum est, in sinu Ecclesiæ, animæque fidelis visceribus generatur & fouetur.*

*Deut. 32. 2.*

KKKKK



VII. Odor est agri pleni cui benedixit Dominus, Genes. 27. Nihil inter naturæ gazas pulchrius campo mille & mille florum pigmentis variegato: nihil etiam suaueolentius. Ex vestimentis sponsi exhalari eiusmodi fragrantiam, vates ait diuinus, *Myrrha* (inquit) & *casia* à vestimentis tuis. Nemo potest excipere eximias has exhalationes, nisi cui Spiritus sanctus nares aperit ad Christum, sub littera Scripturæ latentem, subodorandum. *Da amantem & sentis quod dico, da desiderantem, da feruentem, da in lege Dei die nocteque meditantem, da talem & scit quid loquor?* Currebant in odorem horum vnguentorum S. S. Patres, qui perenni studio sacræ Scripturæ incumbabant, non frigora, non ieiunia, non æstus sentiebant, abrepti huius lectionis & meditationis suauitate, ac incredibili, quæ de mysteriis hîc reconditis redolet, fragrantia.

*Psal. 44.*

*S. Aug. serm. 26. in Ioan. post init.*

*Cant. 1. 16. & 3. 7.*

VIII. Lectulus præterea dicitur diuinæ Scripturæ Codex sacratissimus: vnde Theodoretus ad lectulum Salomonis, de quo fit mentio in Canticis Cantic. *Lectum verò ut arbitror* (inquit) *appellat diuinam Scripturam, in qua & sponsus & sponsa conquiescentes, mutuo spiritus consuetudine coniunguntur. At sponsus quidem prabet verbi semina, sponsa autem illa suscipiens concipit, & fert in utero, & parturit, & clamat cum propheta; propter timorem tuum Domine in utero concepimus & parturimus & peperimus spiritum salutis tuæ, quem gestauimus super terram. Vicem tenet sponsi illius mystici prædicator Euangelicus, qui spiritum salutis per semen verbi vitæ, è diuinorum librorum penu desumptum, mentibus fidelium infundit. Nisi verbum igitur diuinum disseminet, sed suas inuentiones profundat; salutis spiritum influere, eorum cordibus non potest.*

Cæterum in immensum pelagus delabimur, quò enim ampliùs de Scripturæ sacræ excellentia & vtilitate differimus, eò magis crescit materia differendi: quamobrem vela cimbe nostræ necessario contrahimus, paucisque ut verbis epilogus lemmatis huius concludatur, eximiam sententiam Philonis Carpathij præfati, operæ præteritum hîc retexendam arbitramur: *Incredibile est* (inquit) *nescienti, quàm suauis sit de Deo Opt. Max. ex sacris litteris meditari & loqui; in his enim legendis peccatores de propriis erratis admonentur, quoquo modo se castigant, corrigant, ac emendent, apertissimè docentur, & quicquid homines aliter alteri vel dicere verentur, vel ignorant; hoc sacræ litteræ & sanctissimè audent, & uberrimè nouerunt. Ex his guttur nostræ mentis in Deum, admirabili dulcedine repletur.*

Quæ causa est, cur satis admirari nequeam, quî fieri possit, ut præcones ipsi Ecclesiastici, studio sacræ Scripturæ neglecto, in sæculares toti litteras diuagantur? Haud mirum igitur ex aduerso si nec sibi profunt, nec populo proficiunt, eo carentes spiritu, eo apparatu, quo deberent esse penitus instructi. Appositè hanc in rem facit Anastasij Synaitæ luculenta sententia, quæst. 78. ex iis quas in sacram fecit Scripturam: *Quamobrem* (inquit) *quicumque sunt imperiti diuinarum Scripturarum, non possunt esse patres-familias, ut qui neque à se habeant, neque ab aliis accipiant, sed seipsos decipiant pereuntes fame ignitionis. Nam quomodo fieri potest, ut terra non irrigata, etiam si millies in eam deiciantur se-*

mina, spicas ferat? Ita etiam fieri non potest ut animus diuinis Scripturis non irrigatus, etiamsi quispiam mille verba effundat, vllum fructum ostendat. Malum ergo, malum est (præsertim sacro Concionatori) ignorare Scripturas. Hinc germinauit magna pestis hæresen, hinc vitâ neglecta, labores inutiles, anima cecitas, deceptio demonis.

De Scripturæ sacræ tamen abusu, nostra hac tempestate nimis vsitato, esset reuera quòd hîc non inconuenienter nonnulla subiicerem. Sed proluxa iam huius operis series, mihi remoram iam aliàs fatiscienti iniicit. Pauca igitur dumtaxat hîc attexenda esse reor. Obiter iam meminimus regulæ illius aureæ quinquaginta Siclorum, quam concupiscens abstulit & in terra abscondit Achan, eapropter lapidibus obrutus, Iosue 7. Allegoriam exhinc duxit pulcherrimam Stephanus Cantuariensis in allegoriis, à Tilmanno recensitus: *Aurea regula est* (inquit) *sapientia, qua vitam nostram quasi regula lineam in rectum dirigit: hanc furatur qui sapientiam ad aliud retorquet, quàm sibi datur à Domino.*

Prodiit superiori anno in lucem eximius liber Tolosæ, cui titulus est, *Idea Cætus Concionatoribus informandis addicti, ad munus suum in Domino, ex voto Ecclesiæ, & ita ut oportet eos loqui, obeundum* \*. In quo doctus admodum & pius auctor (qui se Logotimum inscribit, suppresso ex affectu humilitatis proprio nomine \*\*) strenuè elaborat, indicandis vitiis quæ sæculi prauitate in sacro-sanctæ prædicationis ministerium (proh dolor!) irrepserunt: adhibendisque remediis, quibus illa animarum perniciēs amoueat, concionatorumque ac auditorum saluti, vera & sincera disciplina prædicationis Euangelicæ postliminiò tandem aliquando restituta, Concionatorum instituto informandorum prout oportet, cætu, ac velut seminario, iri queat prospectum. Inspecto opusculo quod demum Auctor ipse tum Parisiis degens, promouendi sui propositi desiderio, amico cuidam pro sua dignatione dedit, ingenti gaudio affectus sum, ipsumque opus quod auidè perlegi, & auctoris propositum summopere commendaui, illique ipsi subinde ingenuè confessus sum me ferè de eodem subiecto tractare impræsentiarum, verùm nihil obesse quin intentum ipse suum persequeretur, non enim eadem via me cum eo incedere, quamuis in eundem contenderem terminum; siquidem in votis nihil me quoque habere magis quàm Apostolicum prædicationis munus videre aliquando nitore suo restitutum; Pano- pliam at verò me cudere Sacerdotalem, cuius pars non minima sit, Concionatorem instruere, ad hanc Apostolicam militiam. Id me aggressum ex instituto, & eò vsque iam progressum esse, ut pauca quædam capitula contexenda superessent, absoluendo operi, quod ex inrimis rei quam tractabam principiis elucubraturum propediem, fauente Deo, typis me mandaturum sperabam. Hocce verò meum opus suis optatis succenturiaturum: nam vbi cætus, seu seminarium, quod ipse meditabatur, adhuc non institutum foret, aut constitui præ loci angustia, vel temporis difficultate non posset, librum hunc subsidio futurum, ipsum siquidem fore quasi ambulatorium seminarium, & portatile gymnasium sacræ huius professionis, in quo quid facere,

\* Col. 44.

\*\* Deprehendi postmodum hunc esse D. de Cambolas, Doctorem Theologum in Academia Tholosana, ibidemque nuper ad sancti Saturnini Canonicum: multorum aliorum opusculorum parentem, qui nunc Parisius propositum persequens suum, de seminario excitando, pro instituendis verbi Dei concionatoribus iuxta doctrinæ suæ theorematâ, sedem fixit. At vereor ne dum laudabili adeo conatu contendit in hunc pium finem, S. S. Apostolis quorum spiritu feruet, iure æquiparari possit, de quibus ait S. Luc. Act. 5. 13. *Magnificabas eos populus, sed nemo audebat se adungere illis.* Collaudante enim plerique hoc eximium eius studium, sed nemo illum adiuuat, nec dat ei, ut olim Petrus, Iacobus & Ioannes, Paulo & Barnabæ manus affectionis.

KKKKK ij

quid fugere, quid scire, quid docere, & quatenus sibi hoc in munere sit agendum, eius candidati perdiscerent. Annuit vir optimus his dictis meis, cœptisque vicissim congratulatus, opus ut susceptum perficerem quantocyus benignè me admonuit, dum ipse suum intentum sedula cura, nec segni operâ promoueret.

Interim est hîc, quod lectorem nostrum moneamus, ut præsignatam illam Ideam, à pio illo & erudito auctore expressam, perlustrare haud inane sibi fore operæ pretium existimet (dignus est enim totus tractatus qui legatur): sed maximè perlegere velit lib. 1. qui est de deprauato concionandi modo, signatim verò cap. 4. quo fertur iudicium de predicatoribus huius temporis, & quod potissimum ad rem præsentem facit cap. 5. Quomodo se quidam Concionatores circa sacram Scripturam gerant? necnon lib. 2. quo auctor de remediis differit huius mali, prudenter sanè & eruditè. His enim sub titulis, lector pleraque inueniet legitimo vsui sacrae Scripturae, & prædicationis officio conducibilia, & sedula obseruatione non minus quàm seria lectione, proculdubio dignissima.

## CAPVT XVII.

*De doctrina sanctorum Patrum à predicatore vigili studio  
vestiganda, atque in Concione instanter & honorificè,  
Christiano populo proponenda.*



**P**RATOREM Ecclesiasticum docere, qui Christianum populum doceat ex officio, temerarium non immeritò videretur, si proprio id iure præsumerem: sed cum ad Scripturam illum remitto, Patrèsque illum adire & ambire suadeo præceptores, haud est quod verear, à quoquam pio & prudente æquè me posse temeritatis insimulari. Multis ambagibus hîc illum non morabor: nihil enim exigam, nisi quod olim in Nepotiano, florentis ætatis & maturi meriti in ipsa ferè adolescentia Presbytero, maximus Ecclesiæ doctor (ut decus ordini Sacerdotali proprium) insigni sacrae memoriæ elogio commendauit: *Lacrymas Deo (inquit) non hominibus offerebat &c. sermo eius &c. de scripturis aliquid proponere, libenter audire, respondere verecundè, re-cta suscipere, praua non acriter confutare; disputantem magis contra se docere quàm vincere, & ingenuo pudore, qui ornabat ætatem, quid cuius esset simpliciter confiteri, atque in hunc modum eruditionis gloriam declinando, eruditissimus habebatur: illud aiebat Tertulliani, istud Cypriani, hoc Lactantij, illud Hilarij est; sic Minutius Felix, ita Victorinus, in hunc modum est locutus Ambrosius &c. lectioneque assidua & meditatione diuturna pectus suam BIBLIOTHECAM fecerat Christi.*

*S. Hieron. in  
epitaph. Nepo-  
tiani.*

Hoc vnum in Prædicatore sacro exigimus, utque nôrit dicere, & non inaniter vsurpare, densum illud mole quidem, sed discretionè

& succo plenum sanctorum Patrum præconium, quod singulis proprium decus attribuit. Pridem ab Apollinari Sidonio, insigni iudicio pronunciatum, enixè peroptamus: *Oratores Romani veterum Rhetorum & philosophorum speciales dotes, insigni hac attributorum clausula iactabant; sentit ut Pythagoras, diuidit ut Socrates, explicat ut Plato, implicat ut Aristoteles, ut Æschines blanditur, ut Demosthenes irascitur; uernat ut Hortensius, incitat ut Curio, moratur ut Fabius, simulat ut Crassus, dissimulat ut Caesar, suadet ut Cato, dissuadet ut Apius, persuadet ut Tullius.* Quibus præfatus Sidonius hanc Patrum Ecclesiæ coronam, pretiosis micantem gemmis cuique illorum propriis, mirâ mentis solertiâ, ac sublimi ingenij acumine reponit: *Iam si ad sacro-sanctos Patres pro comparatione ueniat, instruit ut Hieronymus, destruit ut Lactantius, astruit ut Augustinus, attollitur ut Hilarius, summittitur ut Ioannes, ut Basilus corripit, ut Gregorius consolatur, ut Orosius affluit, ut Rufinus stringitur, ut Eusebius narrat, ut Encherius sollicitat, ut Paulinus prouocat, ut Ambrosius perseuerat.* Vtinam singula hæc Patrum decora Concionatores nostri pio ambitu contenderent æmulari! non esset certè cur oratores Christianos hoc tempore desideraremus, quo sæculares in Ecclesiarum cathedris sub fucato titulo & umbra, intuemur ac patimur. Gestio prorumpere ex intimo dolore animi in alta profectò suspiria, dum iuuenum SS. Patres spernentium, miserandam desidiâ vel proiectam audaciam attonitus conspicio: profiliunt in sacra pulpita Catholicæ Ecclesiæ non quidem Euangelistæ, sed oratores, caufidici, pompaticè eloquentes, *subtilia multa tractantes* (ut verbis magni Augustini tract. 45. in Ioan. post initium, inhæream) *diuidentes, desinientes, ratiocinantes, acutissimè concludentes, suam sapientiam buccis crepantibus ventilantes.* De lege, de Prophetis, de Euangelio vix modicum verbum, de Patribus mirum silentium.

*Lib. 3. ep. 3. ad  
Clandianum  
post med.*

Me hîc deficiunt verba præ gemitu. Quamobrem præmemoratum Logotimum nuperum quidem Concionatorum Pædagogum, at prudentissimum Censorem, meam hîc vicem subire precor, suamque pro mea vocem interponere, luctuosum Patrum neglectum, quo passim laborant, nec minùs aculeata expressione deplorantem. Querula hæc igitur, sed iusta piâque simul ac necessaria eius est aduersus eos expositio, qui SS. Patres nedum citare in cathedra, sed nequidem in museolo legere meditarique ad discendum, vel docendum dignantur.

*Spiritus ille diuinus (inquit) de summa aternitatis arce, omnibus hominibus prospiciens, quæ singulis in quolibet sæculo apposita sunt, ut virtutibus vitam suam excolant, & ut Deum sinceræ mentis affectu diligant, & tandem beatitudinem ob quam conditi sunt, assequantur, in Scriptura sacra & in SS. Patrum monumentis, quæ illius sunt interpretamenta, plus quàm etiam necessum fuerat coaceruauit. Hîc propendet omnis armatura fortium ad hostes debellandos, hîc pharmaca omnia reconduntur ad vitia curanda &c. hîc fornax, ex qua globi ignei ad cordis duritiem expugnandam, hîc apotheca amplissima, ex qua omnia ad vitam, victum, roburque ac Christianæ pietatis perfectionem præ-*

KKKKK iiij



sente & semper inexhausto subsidio ad placitum & absque fastidio desumantur. Quid ergo his spretis, alius inhiabimus? an non potius ex iis contra vitia instruamus aciem &c. ex his pharmaci quæ singulis morbis curandis magis valent, seligentes remedia conficiamus. Denique ex hac panoplia sagittas, globos, hastilia depromamus, quibus feriatur cor & lethale vulnus in peccati sui necem infligatur. Nolim tamen negare quin liceat symbolum aliquod de suo conferre, dummodò quod adducitur genium spiret & spiritum redoleat sanctæ Scripturæ & SS. Patrum.

Porro hi de quibus nunc agimus Concionatores, huicne lectioni SS. Patrum toti incumbunt & instant in illa? Nec enim res est quæ exiguo tempore confici possit, sed totius serè vitæ negotium inuigilantiæ, dum illis legunt, ut spiritum illorum imbuant, sensane, cogitatus, affectus, motus illorum, denique genium diuinum & mirabile in se transferre satagunt? hoc sanè si fieret idipsum profectò eructarent loquentes quod SS. Patres, scilicet docerent populos veritatem sincere, nitidè, seclusis ambagibus & tricis, facis, inuolucrisque verborum, ad virtutem, Dei amorem & cultum salutisque perennem curam ex charitate, zeloque flammeo accenderent, gestum quoque corporis & omnem exterioris hominis apparatus ad modestiam & grauitatem quæ decet ministros Dei ad SS. Patrum exemplar componerent, nihil sibi pompaticum aut mundiale permittentes: Denique verbis uterentur non ad auram popularem aucupandam concinnatis, sed ignitis ad animæ sensum potius quàm ad aurium lenocinium comparandis, vno verbo verbis Dei ipsiusmet ore vel prolatis, vel si loqui dignaretur proferendis. Verum enim verò potèstne cuiquam vel parum in SS. Patrum lectione versato succurrere, ipsos, & aëreas hasce cogitationes quas aliquando audimus in pulpitis personare, & has exquisitas & fuitiles quas vocant ratiocinationum concatenationes, adeoque jejunos à Scriptura discursus, populis deprompsisse. Caterùm quis Chrysostomum, Ambrosium, Augustinum & alios, hac gestum, motuum & corporis liberioris ostentatione, nihilque diuinum prorsus, sed merè humanum, vel etiam mundanum & saculare quodpiam spirante agitatione solitos fuisse concionari, possit vel in somnio comminisci? Vellem equidem ut seriò super his suam ipsi consulerent interiùs conscientiam, & iusta iudicij sui statera, hæc omnia, hi de quibus nunc agitur ponderarent. Hæc Logotimus: qui paulò antè de SS. Patrum spiritu, scriptis & eorum vtilitate hæc piè & præclare admonuerat. Sanctos Patres nobis sensa & praxes sanctæ Scripturæ non solum commendasse, verùm etiam dilucidè explanasse, & ad minutissima quæque Christianæ conuersationis opera, singulorumque statum, & quidem felicius, copiosius & fructuosius quàm per nos fieri posset accommodasse. Tum verò diuino spiritu afflante, zeloque urgente animarum, tanta ex proprio Scripturæ tamen sanctæ genio, styloque persape, & astantibus populis deprompsisse, & ad posteros vel tanquam partus suos à se dum viuerent in lucem editos, vel posthumos, ab aliis transmittenda curasse; in iis autem quis dubitet inexhaustum tam discursuum & ratiocinationum, quàm motuum & adhortationum thesaurum adeo altè infossum fuisse, ut quasi superfluum videri possit, si quis alia ex proprio sensu & penu in medium afferre labores, ignorare verò se eos apertè conuincatur qui vel meliora, vel fortiora, vel cuique rei aut cordi aptiora, vel fini suo, cultui nempe Dei animarumque saluti conducibilia ex proprio ingenio, velut ex vberiori solo eruere se posse præsumat.

Maioribus adeo cordi fuit, doctrinæ Patrum in Concione commendatio, ut in Quini-sexta Synodo canon hic fuerit promulgatus (can. 19.) *Ne Episcopi doceant quæ nimiam continent digressionem, sed ea quæ à S. S. Patribus sunt tradita.* In Vasensi II. Concilio can. 2. *Ægrotante Presbytero, fas esse statutum est Diaconis, sanctorum Patrum homilias publicè recitare, aliàsque eorundem expositiones.* Vincentius Lerinensis in libello aureo contra profanas vocum nouitates, vult depositum hoc esse Sacerdotibus diuinitus creditum, ut seruent fidem Patrum intemeratam, illorūque sint sententiarum & totius doctrinæ feruentissimi custodes: cætera enim quæ nihil habent sacri, nihil religiosi, ut à sacra fide, Ecclesia, religione, aliena, sedulò fugienda esse: id est vocum, dogmatum, rerum, sententiarum, & consequenter sermonum nouitates.

## CAP V T XVIII.

*Vti licere sacro Concionatori, humana litteratura apparatus: sed quasi adminiculo dumtaxat, verbo Dei, & traditioni Ecclesiæ, doctrinæque Patrum inhærenti, tanquam fundamentali principio.*



**S**I quis tamen ex præmissis illatum ire volet, me Concionatorem intra arctos nimis cancellos constringere: eò scilicet adactum, ut sola sacræ Scripturæ scientiâ, Patrum doctrinâ, Ecclesiæque decretis & ritibus tantum vti possit, in sacræ prædicationis officio exequendo, me profectò iniuria afficere tentabit, nihil minùs cogitantem, quàm oratorem Ecclesiasticum in has angustias detrudere. Vti posse enim censeo sæcularis scientiæ disciplinis, at non abuti; vsum esse in recto modo vtendi, abusum in obliquo, seu etiam in quouis excessu vel defectu: fas esse siquidem Doctori Euangelico sæcularis eruditionis adminicula adhibere in asserendæ fidei & iustitiæ Christianæ subsidium; nefas autem eiusmodi accessorium transuertere in locum vicemque principalis, diuinumque lumen Euangelicæ veritatis, nebulis humanæ sapientiæ sæcularisque eruditionis offundere.

Amariuscule dictum à Tertulliano nolim ire inficias lib. de resurrectione carnis, *Quod ipsæ hæreses à Philosophia subornantur, & si hæreticis auferantur, quacumque hæretici sapiunt, & de solis Scripturis suas quæstiones sistant, stare non posse.* Verà enim Philosophia fidei Christianæ non repugnat; quamobrem nec reiicit Apostolus omnem philosophiam, sed vanam tantum & sophisticam: *Videte (inquit) ne quis vos decipiat per philosophiam & inanem fallaciam &c. secundum elementa mundi & non secundum Christum.* Colos. 2. 8. Qua de re doctè & sapienter disserit S. Irenæus lib. 2. cont. hæres. c. 9. vbi sigillatim ostendit hæreses im-

Tit. 3. 13.

Coloss. 4. 14.

pietatesque, quæ tum vigeant, à Philosophorum quos nominatim designat axiomatibus, seu potius paradoxis, ortas esse: sed non ideo Apostolus omnem damnat humanam scientiam, & litteraturam, imò neque Philosophiam, nisi quæ fallit & veritati contradicit, fidem euacuat & à Christo abducit; atque per mores perditos in sensum reprobum ac damnationem homines præcipitat. aliàs Zenam legis peritum, ut fidelem non commendasset: Lucam Medicum, Græco sermone eloquentem, in individuum comitem non assumpsisset, neque idoneum censuisset qui scriberet Euangelium, quod suum passim vocitat; Poëtas ipse non citasset in suorum dictorum suffragium, Dionysium Arcopagitam, insignem Philosophum cum Christo nomen dedit, abrenunciare philosophiæ (qua deinde cæterisque scientiis in obsequium fidei feliciter usus est) coëgisset.

Sanè Patres in hanc sententiam pleraque disputarunt; at semper in eum deuenerunt consensum, non modò innoxie posse scientiam sæcularem disci, & cum fide Christiana retineri; sed etiam hinc utilitatem multiplicem religioni & Ecclesiæ prouenire: hinc enim arma sumi ad fidei confirmationem & impietatis ac hereseon refutationem: petita enim ab aduersariis testimonia ad fidem tuendam, & debellandam perfidiam validiora sunt. Experimento suo cum hoc persensisset Iulianus Apostata, edicto veruit, ne Christiani Gentilium libros legerent, neque in poësi, oratoria arte, philosophia, cæterisque disciplinis humanis instituerentur. Qua de lege ut planè tyrannica SS. Patres Gregorius Nazianzenus orat. 1. in Iulianum, & Cyrillus Alexandrinus lib. 7. contra eundem non immeritò conqueruntur, literasque humanas in veræ religionis subsidium pariter & ornamentum rectè transcribi posse copiosè demonstrant, plurimùmque ad destructionem idololatriæ & falsæ cuiuslibet religionis proficere. Idemque ex professo docet Magnus Basilus orat. de utilit. ex Gentilium libris capiendis.

Præclare S. Augustinus hoc ipsum ostendit lib. 2. de Doct. Christ. c. 40. & lib. 22. cont. Faustum c. 91. *Nonne (inquit) aspiciamus quanto auro, & argento, & veste suffarcinatus exieris de Ægypto Cyprianus doctor suauissimus & Martyr beatissimus. Quanto Lactantius? Quanto Victorinus, Optatus, Hilarius? ut de viuis taceam.* (seipso videlicet, ac S. Ambrosio, & beato Hieronymo, aliisque magnis sui sæculi luminibus) *Quanto innumerabiles Græci? Quod ipse fidelissimus Dei famulus Moyses fecerat, de quo scriptum est, quod eruditus fuerit omni sapientia Ægyptiorum.*

In Daniel. 1. &  
refertur dist. 37.

Idem obseruat S. Hieronymus de Daniele & eius sociis; Si Daniel & tres eius socij qui cibis regis ne polluerentur vesci noluerunt, in vitio esse & contra religionem nosse doctrinam Chaldaorum, & libros eorum legere existimassent, nunquam id facere sustinuissent. Ea igitur didicerunt illi, non ut sequerentur, sed ut vanitatis & falsitatis atque impietatis conuincerent ac damnarent. Nam si quis aduersus Mathematicorum, quos Genethliacos vocant, dogmata disputarent, Matheseos eorum ignarus, risui omnium pateret, itaque tres illi pueri sapientiam Chaldaorum ea mente didicerunt, qua Moses doctrinas Ægyptiorum didicerat.

Non

Non hinc abludere putat S. Gregorius Nyssenus lib. de vita Mosis, factum Hebræorum, qui egredientes de Ægypto, opes Ægyptiorum suos in usus transtulerunt: *Quo facto Hebræorum (inquit) nos monemur, non esse negligendas doctrinarum diuitias, quas Gentes possident, moralem, naturalémque Philosophiam, Astronomiam, Geometriam, Musicam, Dialecticam, ceterásque scientias, quibus alieni ab Ecclesia florent, accipere ab illis, ac eisdem abutentes priuare, si possibile est, & in meliores usus transferre iubemur.* Reprehendebant nonnulli S. Hieronymum (virum ad miraculum usque doctum, adeo ut iure de eo S. Augustinus, præclarum hoc elogium dixerit, *Quod iste ignorauit, ceteri nescierunt*) quòd scilicet in opusculis suis sæcularium litterarum interdum poneret exempla, quasi candorem Ecclesiæ Ethnicorum sordibus pollueret. At verò acutè & sapienter respondet sanctus Doctor, ep. 84. tantum abesse, ut factum eiusmodi cedat in aliquod Ecclesiæ detrimentum, quin potius ingenti hoc ei subsidio & decoro prodesse: *Hoc enim (inquit) est extorquere de manibus hostium gladium, & Goliæ superbissimi caput proprio mucrone truncare: hoc est captiuæ mulieris radere caput, supercilia, omnes pilos & ungues corporis amputare, & sic habere in coniugio. Et ut alibi dicit, Ex uxore fornicaria generare filium Jezrael, qui vocatur semen Dei: Nonacula acuta barbam & crura radere peccantium; fornicantis tondere caesariem.* Idem verò subinde affert \* multa Latinorum & Græcorum Patrum exempla, qui scripta sua, Ethnicorum scriptionibus intermiscendo, stuporem ipsis Ethnicis sapientibus mira sua eruditione excitârunt, perque sæculi scientiam, gloriosè pro fide Christi, & cruce decertando triumphârunt. Theodoretus subsequenter sæculi sui decus præcipuum lib. i. de Græcor. affect. sub finem, his ductus exemplis, plerisque etiam aliis rationibus docet, idem rectè fieri ab eo posse, qui cum delectu faciat, ex spinis rosas decerpendo, & ex floribus mella, & ex venenatis feris atque serpentibus salutare medicinas. Eleganter & verè Basilii magnus, orat. ad adolescentes: *Sicut solent tinctorum ut perfectum purpure colore panno inducant, inferiorem alium colorem subtexere, ita se habent disciplinæ ad diuinam scientiam.*

Ep. 146.  
Os. 1. 4.  
Esa. 7. 2.  
Ezech. 5. 1.

\* ep. sup. citata  
84. lectu professorum dignissima.

Ancillari igitur debent, non imperare. Nam & colores (de quibus olim ex professio scripsimus \*) si extremi sint, aliis non possunt subterni, illique congruum subministrare fomitem. Modus itaque adhibendus est, sine quo vix fieri potest ut sæcularium eiusmodi scientiarum usus in Ecclesia quicquam utilitatis afferre possit. Quæ causa est cur Canones videantur absolutè prohibere viris Ecclesiasticis, maximè Sacerdotibus, quibus ex officio plebem docere vias salutis incumbit, humanarum litterarum studium, quemadmodum videre licet dist. 27. Can. 1. qui 16. est IV. Concilij Carthag. *Episcopus Gentilium libros non legat; hæreticorum autem pro necessitate & tempore.* Et can. *Sacerdotes*, eiusdem dist. 2. *Sacerdotes ipsi sugillantur, qui Dei omisissis Euangelis & prophetis, Virgilium tenent, & quod in pueris necessitatis est, crimen in se faciunt voluptatis.* Et can. seq. *Nonne vobis videtur, insimulantur etiam acriter viri sacri, qui secularibus occupantur disciplinis.*

\* In Panoptia Clericali pars. 2. lib. 4. à p. 536. ad 629.



Tamen can. *legimus*. ex S. Ambrosio depromptus, docet sæculares litteras legendas esse, ne ignorentur. Et can. 10. eiusdem dist. ex dictis expressus S. Hieronymi, sic habet: *Si quis autem grammaticam nouerit, vel Dialecticam, & rationem rectè loquendi habeat, & inter falsa & vera diiudicet, non improbamus. Geometria quoque, & Arithmetica, & Musica habent in sua scientia veritatem, sed non est scientia illa, scientia pietatis. Scientia pietatis est nosse legem, intelligere prophetas, Euangelio credere, Apostolos non ignorare.*

Qui hanc scientiam nouerit, docendi populi idoneuserit, in qua scientia cæteras omnes contineri identidem reperiet. In Constit. Apostolic. lib. 1. c. 6. S. Clemens idcirco docet, nec historiam desiderari in libris Regum, nec sophisticam (id est tam quæ argutè ad sapientiam refertur) in Ecclesiaste & Prouerbiis; nec poëticam in Iob, Prouerbiis & Prophetis; nec cantilenas in Psalmis; nec vetustatem originis in Genesi, nec leges in Deuteronomio &c. Hunc tramitem sequendo dicere mihi liceat, omnes scientias hac in vna Scripturæ notitia propriis in sedibus inueniri; Physicam in Genesi, in Iob, & in Ecclesiaste: Ethicam in Prouerbiis & Ecclesiastico per breuissimas gnomas & sententias; Metaphysicam maximè in Iob & Psalmis, quibus per hymnos Dei potentia, sapientia, immensitas, celebrantur; historiam & Chronologiam ab ipso mundi exordio, ad Christi vsque tempora in Genesi, Exodo, libro Iosue, Iudicum, Regum, Esdra, Machabæis, hincque à Christi ortu in Euangelio & Apostolorum Actis. Mystica Theologia in Canticis, Psalmis & Apocalypsi. Symbolica in Prophetis; Moralis & Politica ac etiam dogmatica & polemica Theologia in SS. Apostolorum Epistolis; & quid non denique in tota sacra Scriptura, Patribus, Conciliis, & Historiæ Ecclesiasticæ monumentis, quæ sunt genuini appendices ipsius Scripturæ diuinitus inspiratæ?

Nota.

Attamen can. *Relatum est*. citata dist. 37. n. 14. documentum eximium suggeritur his verbis: *Cum ex diuinis Scripturis (secundum veritatem à maioribus traditam) quis firmam doctrinæ regulam suscepit, absurdum non erit, si aliquid etiam ex eruditione communi ac liberalibus studiis, quæ fortè in pueritia attingit, ad assertionem veri dogmatis conferat, ita tamen ut ubi vera didicerit, falsa & simulata declinet.* Atque hætenus satis de recto & temperato scientiæ secularis & litterarum humanarum usu, à Sacerdote populum docente, sobriè & prudenter obseruando.




## CAPVT XIX.

*De modo & forma legitimè prædicandi, Concionatoribus  
à sacris Conciliis præscripta.*

## ARTICVLVS I.

*Ex Concilio Oecumenico Lateranensi, sub Innocentio III.  
cap. 3. cuius est titulus, Vt excommunicentur  
qui sine licentia prædicant.*



VIA verò nonnulli sub specie pietatis, virtutem eius (iuxta quod ait Apostolus) abnegantes, auctoritatem sibi vendicant prædicandi, cum ipse Apostolus dicat: Quomodo prædicabunt nisi mittantur? omnes qui prohibiti, vel non missi, præter auctoritatem ab Apostolica Sede, vel Catholico Episcopo loci susceptam, publicè vel priuatim prædicationis officium usurpare præsumpserint, excommunicationis vinculo innodentur, & nisi quantocyùs resipuerint alia competenti pœna plectantur.

Consonat synodica hæc sanctio cum Can. 33. Concilij III. Constantinopolitani, seu VI. Generalis, qui sic habet: Nulli liceat ex omnibus eorum qui in Clericorum ordinem relati, populo in suggestu diuinas Scripturas explicare; nisi is Sacerdotali ordine nexus fuerit, & benedictionem à suo pastore canonicè susceperit. Si quis Presbyter hæc facere deprehensus fuerit, deponatur &c.

## ARTICVLVS II.

*Ex Lateranensi Concilio incepto sub Iulio II. at verò  
absoluto sub Leone X. sess. 11. ubi de officio  
veri prædicatoris.*

QVONIAM B. Gregorius prædicatores vehementer hortatur, ut dicturi ad populum prudentes cautique accedant, ne dicendi impetu rapti, verborum erroribus quasi iaculis audientium corda configant, & cum sapientes fortasse videri desiderant, decepti sperata compagem virtutis insipienter discindant; sæpe namque verborum effectus amittitur, CVM LOQVACITATE IMPORTVNA, vel incauta audientium corda leuigantur. Et sanè in nullo alio hi plebem rudem maiori damno, scandaloque afficiunt, quàm cum vel tacenda prædicant, vel falsa & inutilia docendo eam in errorem inducunt. Quæ quoniam huic sacra religioni diuinitus instituta, ut noua & aliena, omninò contraria esse noscuntur, graui certè accuratòque sunt examine digna, ne scandalum populo Christiano & suorum auctorum ac aliorum animabus intentum pariant. Nos igitur sanctæ Dei Ecclesiæ uniformitatem, quantum cum Deo possumus, posthabitam reducere & reuentam conseruare cupientes, sacro approbante Concilio, statuimus, ut nullus tam Clericus secularis, quàm cuiuscumque etiam mendicantium ordinis

regularis, aut cuius alius ad quem facultas prædicandi tam de iure quàm consuetudine, vel priuilegio, aut aliàs pertinet, ad officium eiusmodi exercendum admittatur, nisi prius per superiorem suum respectiue diligenter examinatus (in qua re conscientiam ipsius superioris oneramus) ac morum honestate, doctrina, probitate, prudentia & vitæ exemplaritate ad illud aptus & idoneus reperiatur. Et hic quòcumque postea prædicaturus accesserit, de eiusmodi examine & idoneitate sua per litteras authenticas seu aliàs sui examinantis approbantisque, Episcopis & aliis locorum Ordinariis fidem legitime faciat. Mandantes omnibus qui hoc onus sustinent, quique in futurum sustinebunt **VI EVANGELICAM VERITATEM**, & sanctam Scripturam, iuxta declarationem, interpretationem, & explanationem Doctorum, quos Ecclesia, vel usus diuturnus approbavit, legendosque hæcenus suscepit & in futurum recipiet, prædicent & explanent: nec quicquam eius proprio sensui contrarium aut dissonum adiiciant, sed illis semper insistant, quæ ab ipsis sacra Scriptura verbis, & præfatorum Doctorum interpretationibus rite & sanè intellectis non discordant. Prohibemus insuper omnibus cuiuscumque gradus & ordinis existant, ne de cætero in sermonibus suis publicis tempus præfixum futurorum malorum, aduentum Antichristi, aut certum diem iudicii prædicare, cum veritas doceat, Non est vestrum nōsse tempora vel momenta quæ Pater posuit in sua potestate. Sed nec alia quacumque futura ex litteris sacris constanter prædicare, nec illa à Spiritu sancto, vel diuina reuelatione se habuisse affirmare, & alienas inanēsque diuinationes asseuerando, aut alio quocumque modo tractanda assumant, sed ex diuina vocis præcepto, **EVANGELIUM OMNI CREATURÆ** cum vitiorum detestatione & virtutum commendatione enucleent & declarent, & pacem & dilectionem mutuam à redemptore nostro tantopere commendatam ubique fontes, **NON SCINDANT VESTEM INCONSVTILEM CHRISTI**, sed ab Episcoporum & Prælatorum, ac aliorum superiorum, eorumque status scandalosa detractio, quos coram vulgo & laicis non modò incautè, sed etiam intemperanter reprehendunt & mordent, & ab eis malè gestorum expressis nominibus, aperta & manifesta redargutione abstineant. Denique Constitutionem felicitis recordationis Clementis V. quæ incipit **RELIGIOSI** &c. quam tenore præsentium innouamus & approbamus, inuiolabiliter ab eis debere obseruari decernimus, ut hac ratione ad **UTILITATEM** populi prædicantes, & cum Domino lucrificantes, talentum quod à Domino acceperunt, superlucrari & eiusdem gratiam & gloriam consequi mereantur. Si autem quibusdam forsan Deus futura reuelauerit, quoniam res magni momenti est, nec licet facile omni spiritui credere, antequam eiusmodi reuelationes & inspirationes publicentur, volumus ut lege ordinaria Apostolica Sedis examini, aut si fieri non potest, ordinario loci notificentur, ut adhibitis secum quatuor doctis & grauib. viris, huiusmodi negotio cum eis examinato quando id expedire videbunt (super quo eorum conscientias oneramus) licentiam concedere possint. Aliter præsumentes ultra pœnas à iure statutas, excommunicationis sententiam, à qua nisi à Romano Pontifice, præterquàm in mortis periculo constituti absolui possint, eos incurrere volumus. At ut eorum exemplo alij attentare similia minimè audeant, etiam eis prædicationis officium interdictum esse perpetuò decernimus; Non obstantibus priuilegiis aut indultis & litteris Apostolicis, ordinibus & personis priuatis etiam in Mari magno comprehensis, ac

etiam forsan à nobis approbatis, innouatis, vel etiam de nouo concessis, quæ Eadem verba-  
tim renouat  
Concilium Ra-  
tisbonense sub  
Laurentio Car-  
dinale c.

quoad hoc nolumus eis in aliquo suffragari. Et responderunt omnes, Placet.

## ARTICVLVS III.

*Ex Concilio prouinciali Senonensi Parisiis celebrato, Præside An-  
tonio à Prato Cardinali tit. S. Anastasie & Archiepiscopo  
Senonensi, anno 1528. sedente Clemente VII.*

## Cap. 35. de officio prædicationis.

**C**ESSENT in sanctis Concionibus profanarum legum minimè necessaria-  
rum citationes poëtarumque auctoritates superuacaneæ, subtilium quæstio-  
num & plerumque futilium inanes allegationes: A ridiculis etiam, histrionicis-  
que sermonibus (concionatores) abstineant.

## Cap. 36. ibidem.

**S**INT prædicatores iuxta Gregorium, in verbo discreti, nec vel tacenda præ-  
ferant, vel dicenda reticeant. Prædicent rursus sacrum Euangelium, innitantur  
interpretationibus sacrarum Doctorum: instruunt populum ad obseruationem præ-  
ceptorum Dei, ut fidem incontusè teneant, atque omnibus mandatis Dei & Ecce-  
lesiæ pareant, nec ab eiusdem Ecclesiæ decretis & sanctionibus deuiant. Sint etiam  
prædicatorum sermones casti & examinati, ad amorem Dei trahentes populum:  
detestentur vitia Concionatores verbi diuini, alliciântque auditores ad ample-  
xus virtutum: Habeant præ oculis pro scopo honorem Dei & profectum ani-  
marum: nihil ad gloriam & ostentationem faciant, non quæstui sint intenti,  
aut vindictæ appetentes.

Quod si secus fecerint, aut si populum more scurrarum vilissimorum dum ri-  
diculas & aniles fabulas recitant ad risus, cachinnationesque excitauerint,  
aut quod deterius est, si Prælati Ecclesiæ Sacerdotibusque detraxerint, ac tan-  
dem populum ab obedientia superiorum retraxerint &c. Nos volumus tales tam  
ineptos & perniciosos Concionatores ab officio prædicationis suspendi, & à suis  
superioribus pro modo & mensura excessus acriter puniri. Per præsens tamen  
statutum non intendimus derogare Clementinæ, Dudum, &c.

## ARTICVLVS IV.

*Ex Concilio Coloniensi sub Hermanno Archiep. celebrato  
sub Paulo III. ann. 1536. Pars 6. est tota  
de disseminatione verbi Dei.*

**C**AP. 1. est hoc ipso titulo inscriptum. Cap. 2. de eo quod Pastori me-  
ditandum est, in hoc exequendo officio. Cap. 3. & 4. Quis sit fidelis verbi dif-  
pensator. Cap. 5. De Christiana charitate, in qua sita est verbi Dei & prædica-  
tionis summa. Iterum c. 6. de summa Evangelicæ prædicationis. Cap. 7. Quan-  
ta sollicitudine in prædicatione verbi Dei viuendum. Cap. 8. Quemadmodum ser-  
mo temperandus. Cap. 9. Quid cauendum inter concionandum. Cap. 10. Nihil  
aut fabulosum aut suspectum afferendum. Cap. 11. Loquatitas vitanda. Cap. 12.

Methodus bñe-  
uis rectè & piè  
concionandi.



*haereses quomodo oppugnandæ. Cap. 13. A scommatis & conuitiis abstinendum. Cap. 14. In contentiosis dogmatibus, quomodo docendus populus. Cap. 15. Qualem oporteat esse prædicatorem in reprehendis criminibus. Cap. 16. Manifesta reprehensio utriusque potestatis vitanda. Cap. 17. Quomodo reprehendendi Magistratus. Cap. 18. Admonendus populus, ut pro Magistratibus oret. Cap. 19. Notantur qui secus docent. Cap. 20. Summa doctrina Christiana in Enchiridion contrahenda. Cap. 21. Enchiridion quæ docebit. Cap. 22. Ordo concionandi quem simplices sequuntur. Cap. 23. Sanctorum historia, quatenus attingenda. Cap. 24. Allegoria quomodo explicanda. Cap. 25. Quomodo finienda Concio.*

Augustiensis synodus sub Othone Cardinale sedis huius Episcopo habita eodem Paulo III. Pontifice anno 1548. idem ferè, sed multò concisiùs docet ac decernit, cap. 13. inscripto, *De officio Concionatoris, & diuini verbi prædicatione.*

## ARTICVLVS V.

*Ex Oecumenico Concilio Tridentino, sess. 5. sub ipso Paulo III. in Decreto de Reformatione c. 2.*

\* Lateran. sub  
Innoc. III. c. 10.

**S**I verò contigerit Episcopos, & alios prædictos legitimo detineri impedimento, iuxta formam generalis Concilij \* viros idoneos assumere teneantur, ad huiusmodi prædicationis officium salubriter exequendum. Et infra,

Diebus saltem Dominicis & festis solennibus plebes sibi commissas pro sua & earum capacitate pascant salutaribus verbis, dicendo ea quæ scire omnibus necessarium est ad salutem; annunciandoque eis cum breuitate & facilitate sermonis, vitia quæ eos declinare & virtutes quas sectari oporteat, ut pœnam æternam euadere, & cælestem gloriam consequi valeant.

Aduertendum in his verbis Concilij prædicatoribus summò opere commendari ut doceant populum, ea quæ omnibus scire necessarium est ad salutem, pro captu audientium cum facilitate & breuitate sermonis. Quod fundamentale documentum à Patribus etiam sæpè sæpiùs inculcatum, & synodicis Decretis tantopere commendatum, ab exemplo Domini desumptum est, de quo S. Marcus signanter scribit c. 4. facilioris insinuationis doctrinæ suæ gratiâ, dum instrueret populum consueuisse familiaribus uti parabolis, quia se maximè eorum captui accommodabat, *Et talibus (inquit) multis parabolis loquebatur, PROVT POTERANT AUDIRE; sine parabola autem non loquebatur eis. v. 33. 34.* Quod secutus exemplum Apostolus 1. Cor. 14. 19. familiariter etiam plebem docere solebat, & verbi diuini reliquis dispensatoribus suadebat, *In Ecclesia (inquit) volo quinque verba sensu meo loqui, ut & alios instruam, quàm decem millia verborum in lingua, id est in sermone sublimi & profundo, eloquioque exulto & eleganti, magisque auditoribus admirabili quàm vtili & fructuoso.* Quamobrem eximius Magister & perfectus typus prædicatorum Chrysostomus, ad hæc Apostoli verba, *in sensu meo*, interpretatur, in iudicio, adeo ut dicat Apostolus, *ut discretè & cum iudicio loquar & doceam; ita ut audien-*

tes licet rudes & imperiti eadem intelligere, capere & retinere possint. Eò enim spectare debent maximè, diuini verbi prudentes ac fideles dispensatores. At de hac re iam suprà non obiter dictum.

Porrò quia valde exitiosum esset Ecclesiæ, si omnes se prædicationis officio pro mero libitu Sacerdotes ingererent : & quia regulares exempti possent id faciliùs quàm alij præsumere, refranandæ huic periculosæ præsumptioni, sapientissimum idem Concilium Oecumenicum hanc legem præfixit : *Regulares verò cuiuscumque ordinis, nisi à suis superioribus de vita, moribus, & scientia examinati, ac de eorum licentia, etiam in Ecclesiis suorum ordinum prædicare non possint : cum qua licentia personaliter se coram Episcopis præsentare, & ab eis benedictionem petere teneantur, antequam prædicare incipiant. In Ecclesiis verò quæ suorum ordinum non sunt, ultra licentiam suorum superiorum, etiam Episcopi licentiam habere teneantur ; sine qua in ipsis Ecclesiis non suorum ordinum nullo modo prædicare possint. Ipsam autem licentiam gratis Episcopi concedant.* Deinde censuræ & correctioni ipsorum Episcoporum illos subiicit, si in exequendo prædicationis officio deliquerint, non obstante quocumque priuilegio. Et Episcopos subinde monet sacra synodus, vt neminem siue regularem, siue sæcularem Presbyterum, nisi ipsis noti sint, & moribus atque doctrina probati, etiam quorumlibet priuilegiorum prætextu in sua ciuitate, vel diœcesi prædicare permittant.

## ARTICVLVS VI.

*Ex Conciliis Gallicanæ Ecclesiæ post Concilium  
Tridentinum celebratis.*

1. **I**N Concilio prouinciali Rothomagensi, anno 1581. sub Carolo Cardinale Borbonio, Archiepiscopo Rothomagensi & Normanniæ Primæ celebrato ; Concilij Tridentini præcitatum Decretum circa officium prædicationis, verbatim repetitur, atque omnibus districtè præcipitur obseruandum ; addita pœna excommunicationis aduersus se aliter eidem ministerio Euangelico ingerentes. Additurque, vt etiam regulares missi ab Episcopo, prædicare volentibus iure suo Curatis, ne se opponant : at eis suam licentiam prædicandi in eorum adiumentum exhibere teneantur, accum ipsis de correctione populi, prædicationis ædificatione, atque hora & loco conuenire. Sed monentur etiam Curati cum parœcianis suis, ipsis prædicatoribus seminantibus pro ipsis spiritualia, in temporalibus pro viribus ministrare, & tanquam Angelos Dei eos suscipere.

II. Concilium etiam prouinciale Burdegalense anno Domini 1583. ab Antonio Preuotio Burdegal. Archiepiscopo cum suis Coepiscopis celebratum, statuit, vt interim dum Sacerdotes ad prædicationem verbi Dei instruentur, & fructus colligi possit, qui ex Seminariis speratur, Episcopi quilibet in sua Diœcesi, sex aut plures, paucioresve, prout magis expedire videbitur, prædicatores siue sæculares,

cap. 20. de verbi  
diuini predica-  
tione.

siue religiosos eligant, quibus id oneris imponant, vt parochias ob-  
eunt singuli in eo Archiepiscopatu, vel parte diocesis, quæ illis desi-  
gnabitur, fame (verbi diuini) propemodum eneetas Dei oues, salu-  
tari hoc pabulo reficiant; de quorum stipendiis etiam quædam ser-  
uanda decernit; subindèque officij adeo salutaris sincerè exequendi  
quolibet prædicatores commonefaciens, subiungit: *Caveant summo opere  
predicatores, ne in suis Concionibus fabulas, iocos, dicteria & scommata, qui-  
bus risus excitetur, intermisceant. Concionatoris enim est non risum mouere, sed  
lachrymas auditoribus excutere. Videant etiam ne concionando aliquid contumelio-  
sè aduersus præfectos Ecclesiasticos, ciuiles Magistratus, vnde in odium & con-  
temptum apud populum adducantur, proferant: quin potiùs auditores moneant  
vt Præpositis etiam discolis pareant & obediant, à Deo assiduus precibus effla-  
gitantes, vt eorum animos ad sui officij & ministerij partes omnes ad Dei glo-  
riam & populi sui salutem obeundas excitare & impellere, pro sua in gregem  
suum pietate & misericordia velit.*

III. Concilium prouinciale Patriarchalis Ecclesiæ Bituricensis, an-  
no sequenti habitum à Reginaldo de Beaune Archiepiscopo Bituri-  
censi & Aquitanix Primate, cum Collegis suis, consimilem superio-  
rum Synodorum Decretis circa normam prædicationis Euangelicæ  
rectè & vtiliter obeundæ politiam præscribit, Tit. 3. prænotato, de  
predicatione & expositione verbi Dei. Porro, Tit. 6. de inuocatione Sancto-  
rum &c. hanc subnectit eadem de re appendicem Can. 2. *Doceant præ-  
dicatores verum cultum Sanctorum tanquam seruorum Dei, qui tamen iam æ-  
terna beatitudine fruuntur, pro mortalibus orant, & precibus suis populi votis  
apud Deum fauent. Et can. 3. Concionatores abhorreant aniles fabulas, & quæ  
potiùs profana quàm sanctis Dei conuenientia, quæque infirmis offendiculo esse  
possunt, nec quicquam pro historia Sanctorum proferant in medium, nisi quod  
ab Ecclesia Catholica receptum sit: scandala etiam, calumnias & detractiones  
non effundant. Si contrà fecerint, ab Episcopis extraordinariè puniantur.*


IV. Concilium prouinciale Aquense ab Alexandro Canignano Me-  
tropolitano cum suis suffraganeis celebratum anno 1586. sub titulo de  
Concionibus & verbi Dei prædicationibus, iisdem superiorum Conci-  
liorum vestigiis inhæret, subnectitque hoc insuper notabile: *Dum  
vel Episcopus, vel Parochus, vel alius concionem habet, eo ipso tempore in ea  
Ecclesia eiusve aliquo sacello Missæ sacrificium ab ullo quouis Sacerdote fieri,  
aut baptismi, si modò mortis periculum non immineat, Sacramentum ministrari  
prohibemus.*

V. Concilium itidem prouinciale Narbonense sub Ludouico Ar-  
chiepiscopo habitum anno Domini 1609. cap. 4. inscripto, de diui-  
ni verbi prædicatoribus, eadem vestigia sequitur. At hoc singulare  
superaddit monumentum: *Concionatores ea tantùm prædicent quæ ad diui-  
ni verbi explanationem, virtutis laudem, vitiorum contemptum pertinent: im-  
probata fabulas, historias, & alia ad risum inuitantia, minimè proponant.  
Quod si hæreticorum dogmata aliquando tractanda fuerint, tantùm de illis di-  
cant, quantum viderint populo expedire: hæreticorum rationes proponendo ve-  
luti per contemptum, quas statim refellent, solutionibus dilucidis & explicatis,  
seuerè*

seuerè in hereticos inuehendo, ut populus dignoscere possit, quantum à via veritatis & recto fidei tramite desciverint.

## CAPVT XX.

*Regula breues, sed perapta, ad rectè prædicandum; verbi Dei Concionatoribus præscripta, à S. Carolo Borromeo S. R. E. Cardinale & legato, Mediolanensi Archiepiscopo: & promulgata in sua prouincia primis Comitibus, primo scilicet Concilio Mediolanensi. Sub tit. de prædicatione verbi Dei, paulo ante medium, & infra.*



Is autem, qui prædicandi officio, aut quacumque ratione fidelibus Christianam doctrinam tradendi munere funguntur; hanc viam & rationem ineundam proponimus.

I. Vt sacram Scripturam interpretentur eo sensu, quem Catholica Ecclesia, & consentiens sanctorum Patrum auctoritas comprobauit: neque quicquam ab Ecclesia, aut à Doctoribus Ecclesie probatis alienum proferant. Vt si quando ad auditorum utilitatem utendum erit allegorijs, eas ex receptis ab Ecclesia scriptis seligant; ne certum tempus Antichristi aduentus & extremi iudicij diem prædicent, cum illud Christi Domini ore testatum sit; Non est vestrum nosse tempora, vel momenta: neve quicquam prætereà futurum ex sacris litteris diuinare, eique euentui certam diem præfinire audeant, neque temerè id sibi diuinitus reuelatum esse affirmant. Ne historias ex apocryphis Scriptoribus populo narrent; neve miracula, quæ probata scriptoris fide non commenduntur. Si qua tamen auditoribus salutaria indicarint, ita commemorent ut à certa eorum affirmatione absterneant: ne ineptas, & ridiculas fabulas recenseant: neve superuacanea & parùm fructuosa.

II. Ne hereticorum opiniones & argumenta referant apud imperitam multitudinem: quod si alicubi necessitas postularit, ut eorum falsa dogmata accuratius ac liberius confutentur, id non longa disputatione, sed graui redargutione faciant. Quod facile assequantur, si Catholicam veritatem exponentes, sanctæ Ecclesie, Conciliorum & probata veteris consuetudinis auctoritate, ac sanctorum Doctorum, quos probat Ecclesia, testimonij roborarint, & sacra Scriptura locos, quorum sensus ab illis ad corrumpendas simplicium hominum mentes, deprauantur, & ex alijs eiusdem Scripturæ locis & ex sanctorum Patrum sententia fideliter interpretentur; sic enim fiet ut dogmatum peruersitas, quæ falsa interpretatione nitetur, Catholice veritatis vi, & rectæ interpretationis pondere corruat. Ne quid ambiguum, anceps-ve loquantur, quod auditoribus variè intelligendi occasionem præbere possit: neve concisè & obscurè quicquam exponant, quæ ex re auditorum animi expectatione incerti, & suspensi relinquuntur.

III. Ne ostentandæ doctrinæ & eloquentiæ causâ, difficiles atque inanes questiones, fucum-ve orationis & pigmenta conquirant; unde sui ipsius potius, quàm Iesu Christi prædicatores esse videantur; sed præcipuè in Euangelij, symboli, orationis Dominicæ, Angelicæ salutationis, decem præceptorum, Sacramentorum Ecclesie, & sacrorum rituum dilucida explicatione versentur; in reprehendendis

Extat eiusdem B. Caroli Borromæi insigne planèque aureum opusculum, cui titulus est, *Instructiones prædicationis verbi Dei*; insertum actis Ecclesie Mediol. dein- de per modum Enchiridij editum cum alijs opusculis opera Ioannis Francisci, Nunciij Apost. Episcopi Vercellensis, Colonie apud Maternum Chelimum an. 1587. hoc sub programme, *Pastorum, concionatorumque instructiones, ad concionandum, confessionisque & Eucharistie Sacramenta ministrandum utilissimæ*, iam pridem ab illustriissimo & Reuerendissimo sanctæ memoriæ Domino Carolo Borromeo tit. S. Prædix Cardinali & Archiep. Mediolanensi ad suam diocesis & prouinciam usum editæ. In quo locupletissimo promptuario facile fuerit cui- libet pio & muneris rectè sciendi & exequendi studio Concionatori inuenire quicquid huius officio affine ac opportunum esse potest.

MMmm



vitiis ita se gerant, ut pietatis, & charitatis studio eos adductos, non hominum odio id facere omnes intelligant. Diligentes ac vehementes sint in iis vitiis & peccatis exagitandis, in quibus magis volutatum populum, aut ad ea procliuiorem vident.

IV. In prauas etiam consuetudines inuehantur, & in eas quæ etsi malæ non videntur, tamen facile peccandi causam afferunt.

V. Ne quemquam nominatim, aut tacite illum designantes, insectentur.

VI. Ne in ordinem ullum, statum, aut vitæ genus ab Ecclesia receptum inuehantur.

VII. Ne Episcopos, alióve Prelatos, neve ciuiles Magistratus cum auditorum offensione asperius obiurgent, sed piè potiùs admoneant, populùmque doceant Præpositis suis etiam dyscolis obedire: quem etiam sæpissimè moneant ex Apostoli sententia, ut faciant obsecrationes, orationes, postulationes, gratiarùmque actiones pro omnibus hominibus qui in sublimitate constituti sunt, præsertim verò pro iis qui peruigilant quasi rationem pro animabus illorum reddituri, ut tranquillam & quietam vitam gerant in omni pietate & castitate.

1. Pet. 2. 13.

1. Tim. 2. 1.

VIII. Ita afficere studeant auditores, ut sua peccata dolenter defleant, quos interdum propositis suppliciis æterni ignis, à flagitiis & facinoribus deterreant; interdum commemoratis cælestis vitæ præmiis, ad virtutes, imprimis verò ad Dei & proximi amorem accendant.

IX. Decreta Concilij Tridentini, præsertim verò quæ ad mores & disciplinam Christianam pertinent restituendam, & has nostras Constitutiones populo studiosius inculcent.

X. Omnes hortatis & præceptis ad pietatem erudiant, & quæ cuiusque sit propria virtus; quod officium patris, filij, viri, uxoris, domini, serui, laici, clerici, priuati, magistratus, omnium denique ætatum, generum, ordinum partes & munera assiduè commemorent.

XI. Hanc præterea rationem habeant, ut non solum Dei & Ecclesiæ præcepta seruanda esse doceant, sed modum illis tractent, quo ea ex Dei voluntate seruare oporteat. Commoneant, ut non solum præceptis seruandis, sed etiam consiliis amplectendis, ad perfectiorem vitam in dies magis contendere studeant.

XII. Doceant quomodo utendum sit bonis animi, corporis, & externis; quòve modo secundis & aduersis rebus: ut ea sint illis tanquam instrumenta ad consequendam vitam cælestem.


1. Cor. 9. 27.

XIII. Maximè verò caueant, ne quod præceptis & hortatu edificant, id vita & moribus destruant? Ne cum aliis prædicauerint, ipsi reprobi efficiantur.

1. Timoth. 4. 16.

Hoc Deus optimus maximus, pro sua immensa bonitate & gratia, ab omnibus verbi sui dispensatoribus, longiùs quæso propulset & auertat; sed eis potiùs, singulisque eorum, illud summopere exoptandum Apostoli votum obtingere largiatur, Attende tibi & doctrinæ; insta in illis, hoc enim faciens & teipsum saluum facies, & eos qui te audiunt. Amen.

FINIS.



# PANOPLIÆ SACERDOTALIS

POSTREMÆ PARTIS

LIBER V. ET VLTIMVS

DE MINISTERIO BAPTISMI.

SACERDOTE M OPORTET BAPTIZARE.

*Ex Pontificali  
Romano Tit. de  
ordinat. Presby-  
teri in admoni-  
tione ad ordi-  
nandos.*

## CAPVT PRIMVM.

*An Christus Baptismi sit Minister, primus & principalis?*



POSTOLVS de Christo ad Colossenses scribit, *Ipse caput est corporis Ecclesie, qui est principium, primogenitus ex mortuis, ut sit in omnibus ipse primatum tenens.* Sanè principium corporis est caput, principium resurrectionis est Christus, quia est fons & auctor resurrectionis, eiusdemque archetypus & primum exemplar. Primas est & princeps insuper veriusque Ecclesie tam militantis in terris, quàm in cœlis triumphantis, *Ut sit in omnibus primatum tenens,*

*Coloss. 1. 18.*

originis, potestatis, dignitatis, & honoris. Quamobrem de primatu eius cœlesti idem Apostolus paulò antè ait, *qui est imago Dei inuisibilis, primogenitus omnis creaturæ, quoniam in ipso condita sunt vniuersa in cœlo, & in terra, visibilia & inuisibilia, siue throni, siue dominationes, siue potestates: omnia per ipsum & in ipso creata sunt, & ipse est ante omnes, & omnia in ipso constant.* Porro de principatu eius subcœlesti, continuò subiungit eundem esse caput corporis Ecclesie, principium eius, denique & primogenitus resurrectionis mortuorum, idcirco in omnibus primatum tenens. Etenim in ipso

*1b. 8. 17.*

MMmm ij

y. 19.

y. n.

Ephes. 4. 12.

1. Cor. 3. 4. 5.

1. Cor. 4. 1.

2. Cor. 5. 19.

complacuit (patri) omnem plenitudinem inhabitare gratiæ, sapientiæ, sanctitatis, potestatis, honoris, & dignitatis, virtutis & operationis. Hinc non est tantum pastor bonus, Ioan. 10. sed princeps pastorum, 1. Pet. 5. & Episcopus animarum nostrarum, ibidem c. 2. 25. Non tantum Sacerdos in æternum, Ps. 109. sed & Pontifex futurorum bonorum. Heb. 9. Ideo beatus ipse Paulus, postquam in epist. ad Ephes. insinuauit Christum, Ecclesiâ suâ in terris constitutâ, rediisse ad Patrem & ascendisse super omnes cælos ut impleret omnia. Sic tamen antea suæ Ecclesiæ prospexisse docet: ut ad eius regimen, tutelam, & incrementum diuersos ei Præfulum & dispensatorum gradus præfecerit, ad consummationem Sanctorum (inquit) in opus ministerij; quasi diceret, Apostolatus est quidem dignitas summa in Ecclesia Dei; Episcopatus & Sacerdotium honorum sunt & munerum omnium sacrorum apices: tamen Apostoli omnes, & ipse Petrus omnium princeps, omnes Episcopi, ipsæque Papa & cuncti Sacerdotes, ad summum nihil aliud sunt, quam Christi serui, eiusque ministri, vicarij, æconomi & dispensatores. Quid est igitur Apollo? Quid verò Paulus (cæterique omnes) Ministri eius, cui credidistis, & unicuique sicut Dominus dedit. Tale eis competit ministerium, quale & quantum cuique Dominus dedit. Non igitur in eo qui vos docuit in fide, vel baptizauit gloriandum est, sed in Christo; hi enim non sunt domini animarum vestrarum sed pastores, non auctores fidei vestræ, sed doctores, non Sacramentorum institutores aut datores, sed dumtaxat dispensatores & ministri: siquidem Christus hos adhibet circa vos, ut suæ gratiæ, potestatis, & virtutis instrumenta, per quæ quicquid sit vestræ salutis ministerio ipsemet operatur; Sic nos igitur existimet homo, ut ministros Christi & dispensatores mysteriorum Dei.

Accedit quòd Apostolus Moysen Christo opponit, ex eo quòd fuerit Moyses in domo Dei tantum minister & æconomus, Christus verò sit filius & dominus Heb. 3. 5. Censet igitur Apostolus non decere Christum serui nomen, neque munus ministri, quod quidem etsi Scriptura tribuat Angelis, asserit tamen Christo minimè conuenire, utpote qui tantò melior Angelis effectus est, quantò differentius præ illis nomen hereditauit. Heb. 1. 4.

Attamen qui rem penitiùs consideraueit, in bono sensu reperiet, Christo ministerium, in Sacramentis, iure proprio conuenire: Theologi enim triplicem causam efficientem in Sacramentis assignant, vnâ principalem & omninò independentem, in qua dicunt esse potestatem auctoritatis. Quæ causa solus Deus est, qui solus à se gratiam dare potest, & proinde Sacramenta instituere, quæ gratiam conferunt, aut infallibiliter significant. Secundam, instrumentalem, sed instrumenti coniuncti, in qua dicunt esse potestatem excellentiæ; hanc verò Christum esse, ut homo est. Christi enim humanitas est instrumentum coniunctum diuinitati vnione hypostatica, & ideo Christo tribuitur potestas ministrantis seu ministerialis à diuinitate deriuata: quamobrem potestas hæc dicitur excellentiæ, quia soli Christo competit; Hinc Apostolus ait, Deus erat in Christumundum reconcilians sibi,

scilicet per instrumentum coniunctum, humanitate siquidem sibi personaliter vnita Verbum utebatur tanquam organo coniuncto; appositè ideo S. Cyrillus ad illa verba, *Et accedens Iesus tetigit loculum, & dixit, Adolescens tibi dico, surge? Dominus*, inquit, *in miraculis suis tactum adhibebat humanitatis suæ, carne enim verbum utebatur etiam in operationibus ipsis ut cooperatrice suæ.* Luc. 7. 14.

Tertiam causam, quam Theologi in Sacramentis constituunt, vocant *simpliciter ministerialem*, utpote quæ sit merè *instrumentalis*, sed instrumenti separati: quod munus ac nomen Christo non potest convenire, sed puro homini.

Ex his liquet iam satis, Christum esse ministrum etiam Sacramentorum, sed eminenti titulo. per potestatem excellentiæ quam habet Sacramenta non solum instituendi, sed conficiendi & dispensandi, prout de facto fecisse legitur in Euangelio: nam Eucharistiam non solum instituit, sed & primus omnium consecrauit & dispensauit.

*In suprema nocte cene  
Recumbens cum fratribus,  
Observata lege plenè,  
Cibis in legalibus,  
Cibum turba duodenæ  
Se dat suis manibus.*

Tumque recumbens cum suis discipulis, *Ego (inquit) in medio vestri sum, sicut qui ministrat.* Luc. 22. 27. Ita baptizauit quosdam propriis manibus. Sanctus Augustinus, epist. 108. ad Seleucianum scribit Christum aliquos baptizasse ex suis Discipulis, per quos postmodum reliquos baptizaret, & per hos alios. S. Euodius successor S. Petri in Antiocheno Episcopatu, testatur apud Nicephorum lib. 2. hist. Eccles. c. 3. Christum singulariter primum, baptizasse sanctissimam Virginem, deinde Petrum Apostolorum primatem; quod etiam asserit ex antiqua traditione Eutymius in c. 3. Ioannis. Sed & S. Gregorius Nazianzenus orat. in sancta lumina, Christum postquam baptizatus est, eundem Ioannem baptizasse non obscure insinuat. Ex quo sequitur hallucinatum fuisse Tertullianum, dum lib. de baptismo ait, *Ecce Dominus venit & non tinxit*, etiamsi dicat S. Ioannes c. 4. *quam Iesus non baptizaret, sed Discipuli eius.* Siquidem hoc intelligit de ordinario more, aliquos enim, ut diximus, Dominus baptizauit: & ipsum suum baptistam, ut Cardinalis Bellarminus ex illis eius verbis elicit, *Ego à te debeo baptizari*, lib. 1. de baptismo, c. 23. in fine. Verum quia paucos per seipsum Dominus baptizauit, rectè dictum est quòd *ipse non baptizauit, sed discipuli eius*, scilicet ut plurimum: nam alioquin ipsum baptizaturum Ioannes ipse qui mendax esse non potuit, prædixerat, Matth. 3. *Ipse vos (inquit) baptizabit in Spiritu sancto.* Tamen & hoc etiam alio modo potest intelligi, scilicet ut per se facere censeatur, qui principaliter facit, & qui per ministros (quod ipse faceret) operatur. Et ideo verum semper est quòd Christus etiamnum baptizat. Qui enim eo funguntur munere Sacerdotes, vel quicum-

MMmm m iij



que alij in casu necessitatis, vices eius gerunt. Et sicut in Missa consecrat & offert; sic etiam in Sacramento regenerationis ipse est per ministros qui baptizat non tantum principaliter, ut causa efficiens, quia Deus est: sed etiam primario, ut summus Sacerdos, cuius alij omnes ministri sunt & vicarij. Est enim ut Verbum diuinum causa ipsa efficiens Sacramenti, sed ut homo causa instrumentalis coniuncta non separata, ut est minister purus homo. Præclare S. Augustinus Tract. 6. in Ioann. hanc Christi præcellentem in baptismo conferendo potestatem exponit: *Quid per columbam (inquit) Ioannes Baptista didicit? nisi quandam proprietatem in Christo talem futuram, ut quamuis multi ministri baptizaturi essent, siue iusti, siue iniusti, non tribueretur sanctitas baptismi, nisi illi super quem descendit columba, de quo dictum est, hic est qui baptizat in Spiritu sancto: Petrus baptizet, hic est qui baptizat. Paulus baptizet, hic est qui baptizat. Nam si pro diuersitate meritorum baptismata sanctum est, quia diuersa sunt merita, diuersa erunt baptismata: Et tanto quisque aliquid melius putatur accipere, quanto à meliore videtur accepisse. Ipsi spirituales sancti &c. boni pertinentes ad columbam, pertinentes ad sortem ciuitatis illius Hierusalem, ipsi boni in Ecclesia, de quibus dicit Apostolus, nouit Deus qui sunt eius, diuersarum gratiarum sunt, non omnes paria merita habent; sunt alij aliis sanctiores, sunt alij alius meliores. Quare si unus ab illo v. g. iusto, sancto, baptizetur, alius ab alio inferioris meriti apud Deum, inferioris gradus, inferioris continentie, inferioris vite, unum tamen par & æquale est quod acceperunt, nisi quia hic est qui baptizat?*

Ex quo principio sequitur si quis baptizetur ab homine malo, modo in Christi nomine, & eo quo præscripsit ritu, Sacramentum ministratur, validum quidem esse, nec obesse regenerato dispensatoris nequitiam. Ideoque qui à Iuda baptizati sunt, quoad vim ipsius baptismi, haud minus accepisse, quam qui à Petro aut Andrea, Iacobo aut Ioanne, aliisque sanctissimis Christi Apostolis baptismum receperunt. Quo ex axioma Patres, Donatistarum \* hæresim confutarunt exigentium in ministris baptismi dignitatem moralem, à qua non pendet virtus baptismi, quia ipse Christus est qui baptizat in Spiritu sancto.

Nec longè abludit ab hoc theoremate Tertullianus loco citato, at eò recurrit: *Ecce (inquit) venit Dominus & non tinxit; legimus enim, & tamen is non tingebat, verum discipuli eius. Quasi verò ipsum suis manibus non tincturum Ioannes prædicasset? Non utique sic intelligendum est, sed simpliciter dictum more communi, sicut est v. g. Imperator posuit edictum, aut Præfectus fustibus cecidit. Nunquid ipse proponit? Nunquid ipse cadit? semper dicitur u facere cui præministratur. Ita erit accipiendum verbum Ioannis Baptista, ipse vos tinget, pro eo quod est per ipsum, vel in ipsum tingemini. Hactenus Tertullianus.*

\* In Ioan.

Cæterum S. Augustinus quæstionem mouet, \* *Cur ipse Dominus per se vix baptismum consulerit?* Respondet at verò: *Quia si per se baptizaret, Minister forsitan crederetur Baptismi, ut ceteri sunt, idcirco ut baptismi crederetur auctor, non simplex Minister, non per se, sed in nomine suo per alios passim baptismum conferri voluit.*

## CAPVT II.

*Sitne ita necessarium, ministrum Baptismi esse hominem,  
ut Angelus hoc Sacramentum conferre  
non possit?*



**L**EGITIMVS Minister baptismi homo esse debet, non autem Angelus siue bonus siue malus: scilicet quia præter materiam & formam, ritus à Christo præscriptus, & mandatum seruari debet. Quod sanè nunquam legitur factum Angelis à Domino, sed tantum hominibus: *Euntes* (inquit Matt. 28.) *docete omnes gentes, baptizantes eos, in nomine Patris, & Filij, & Spiritus sancti.*

Quapropter mihi semper ridiculus & explausibilis Martinus Lutherus visus est, qui (lib. de Miss. priuata & vnct. Sacerdotum) docere non erubuit, *etiam diabolum validè baptizare posse, modò diabolus seruet Christi ordinationem*; siquidem vbi hanc ordinationem Christi reperire est, qua mandârit diabolo, vt Sacramentum regenerationis hominibus conferat, validumque & ratum decreuerit quicquid Sathan ipse circa hoc aggrediretur? Adde quòd bona intentio requiritur in quolibet ministro cuiuscumque Sacramenti. At quanta dementia esset asserere diabolum, qui semper Deo rebellis est, nititurque conatu perpetuo *vias Domini subuertere rectas*, habere intentionem rectam, Deique placitis consonam, quibus semper & vbique se opponit? Nec porro valet Lutheri ratiocinatio, Iudas baptizauit, & baptismus ab eo collatus, ratus & stabilis fuit. atqui Iudas membrum fuit diaboli; negari igitur non debet ipsum posse diabolum efficere, quod Iudas & cætera membra diaboli validè potuerunt. Etenim etsi Iudas fuerit membrum diaboli, & verum baptisma contulerit, non inde tamen sequitur hoc idem diabolo conuenire. Nam Iudas non vt membrum diaboli, sed vt Apostolus & Minister Christi, à quo acceperat legitimam potestatem baptizandi, administravit baptismum: at nunquam diabolo Christus hanc potestatem concessit, & gratiæ ministerium neutiquam contulit Angelis tenebrarum: qui quidem ministri sunt Dei iræ, non autem dispensatores donorum gratiæ & misericordiæ. Nec valeret eiusmodi instantia, Iudas non solum fuit instrumentum & operarius diaboli, sed diabolus ipse fuit, dicit hoc enim de eo Dominus, *Nonne ego vos duodecim elegi, & ex vobis vnus diabolus est?* dicebat autem de Iuda Simonis Ischariotis, *hic enim erat traditurus eum.* siquidem ex opposito dixit Dominus de Ioanne Baptista, *Ioannes ipse est Elias,* quod tamen de se ipse Ioannes à Phariseis interrogatus negauit. *Elias es tu? non sum,* inquit. Quam antithesim appositè S. Gregorius conciljat hom. 17. in Euangelia, hoc modo: *Ioannem venturum prædixerat Angelus in spiritu & virtute Elia: Ioannes igitur in spiritu Elia.*

Ioan. 6.

Math. 11. 14.

Ioan. 1. 21.

erat, in persona non erat. Quod ergo Dominus fatetur de spiritu, hoc Ioannes denegat de persona. A simili liceat dicere, Dominus ait de Iuda, *Vnus ex vobis diabolus est*: erat igitur Iudas diabolus non naturâ, sed nequitia. Certum est verò Theologiæ principium, imò Ecclesiæ iudicium, pronunciatum olim contra Donatistas, efficaciam baptismi & cæterorum Sacramentorum non pendere à qualitate accidentali ministri, ut est bonitas vel nequitia, sed à qualitate essentiali, sine qua non est verus minister. Qualitas autem essentialis est, ut minister sit homo, sicut ex Euangelio patet, ubi ministerium Sacramentorum solis hominibus Christus semper iniunxit: unde ait Apostolus, *Sic nos existimet homo, ut ministros Christi & dispensatores mysteriorum Dei*. Iudas autem etsi malitiâ diabolum imitaretur, & hac de causa dictus fuerit à Domino diabolus, naturâ tamen diabolus non erat, sed verus homo, & insuper Christi Apostolus, cui baptizandi ministerium, ut cæteris Apostolis Christus ipse Dominus contulerat.

\* Nota

\* Verum fortassis quispiam ex hoc axioma eliciet, *bonum Angelum æquè ac diabolum, sic à baptismi & reliquorum Sacramentorum dispensatione excludi*; si enim necessario exigitur, ut sit legitimus minister, quod sit homo; non alia quævis creatura muneris huius obeundi capax esse potest. Ut nodus hic solvatur, præmittenda sunt certa quædam theoremata.

I. *Angelos bonos reipsa quædam Sacramenta ministrasse*. Refert Nicephorus lib. II. c. 20. historiæ Eccles. ex vetustis monumentis, S. Amphilochium ab Angelis ordinatum fuisse Episcopum, & ordinationem eius ratam habitam ab Episcopis provinciæ. Eucharistiam autem ab Angelis quibusdam sanctis hominibus ministratam, in eorum actis passim legimus, exemplaque nonnulla huius facti consignauimus in nostro Martyrologio Gallicano, inter quæ hoc maxime memoratu dignum, quod notatum extat nono Kalendas Nouembris, de Angelo qui B. Maglorio Episcopo Dolensi in extremis existenti, diuinum viaticum ministravit.

II. *Circa baptismum ut plurimum curasse Angelos, ut ab Ecclesia ministris, seu præsidibus, fidei candidati Sacramentum primum omnium susciperent*. cuius rei insigne exemplum annotavi in Supplemento prædicti Martyrologij, tertio Kal. Februarij, in S. Thyrsij Martyris Africani (cuius sacræ exuviæ postmodum in Galliam Aquitanicam translatae sunt) elogio, his verbis: *Hic in Africa sub Decio Imperatore, quod Christianos mores spiraret, in ergastulum coniectus est, è quo per Angelumeductus, deductusque ad Episcopum ut baptizaretur, suscepto lauacro salutari in carcere, pugnaturus pro fide, est reductus*. Et infra, *Multis impetitus tormentis in quibus semper extitit ineluctabilis, demum fera (ut quondam Esaias) dissectus, nobile martyrium consummauit*. Sed in Actis Apostolorum, c. 10. perillustre hac de sollicitudine Angelica exemplum legitur circa Cornelium Centurionem peraetum, quem Angelus visibiliter apparens admonuit Petrum accersere Apostolorum principem, ut fidei mysteria ab eius ore perciperet, & sacro baptismo tingeretur cum omni familia sua.

III. Est, aliquando Angelum etiam ministrasse baptismum: Sanè etenim ex actis sancti Sauiniani Martyris Trecentis, 24. Ianuarij laureati, obseruasse memini, illum edoctum fuisse primum ab Angelo de necessitate baptismi, & postea reipsa baptizatum à cœlesti mysta diuinitus ad eum hanc gratiam ardentissimè sitientem, & continuis precibus flagrantem destinatum, quem fuisse Angelum, non hominem, omnes rei gestæ circumstantiæ non obscuro sunt indicio. His prænotatis,

Dico magnum esse discrimen in re quæ vertitur, *Inter bonum Angelum & Dæmonem*, si enim Angelus bonus Sacramentum aliquod ministraret, illud iure habendum esse ratum, nec dubitandum enim quin hoc diuino iussu perageret, *ministri enim sunt Dei, potentes virtute* Psal. 102. 21. *ad faciendam voluntatem eius.* At de diabolo secus est, qui nec habet ex se potestatem, nec accepit à Deo, sed hoc sibi ministerium arrogaret, non ut proderet homini, sed ut ei illuderet & eum falleret.

Cæterum contrà obiici potest: S. Chrysostomus lib. 3. de Sacerdotio, & hom. 85. in Ioan. prope finem disertè docet, *Angelis non esse concessum quod hominibus permissum est, videlicet ut Sacramenta ministrent?* Responsio est in promptu, Angelis id non esse concessum lege ordinaria, sed quando id faciunt, non suo nutu, sed diuina dispensatione, & speciali mandato Dei, munus illud humanæ salutis exercere.

## CAPUT III.

*Episcopum esse primum & principalem ministrum ordinarium Baptismi.*



**P**VLCHE Prosper Aquitanicus, lib. 2. de vita contemplatiua, c. 2. Episcoporum in Ecclesia præcellentiam, titulis ac elogiis plerisque describit. Postquam enim eos præcipuam Ecclesiæ curam gerere asseruit, eos subinde Apostolis suppare esse potestate ac honore eleganter deprædicat: *Ecclesiæ Christi sunt* (inquit) *post Apostolos fundatores, fidelis populi duces, veritatis assertores, prauæ doctrinæ hostes, omnibus bonis amabiles, & malè sibi conscius, etiam ipso visu terribiles, vindices oppressorum, patres in fide Catholica regenerantium, prædicatores cœlestium præmiorum, exempla bonorum, documenta virtutum & forma fidelium. Ipsi sunt decus Ecclesiæ, in quibus amplius fulget Ecclesiæ. Ipsi columna firmissimæ, quibus in Christo fundatis innititur omnis multitudo credentium. Ipsi ianuæ ciuitatis æternæ, per quas omnes qui credunt, ingrediuntur ad Christum.* Ratio est, quia in veteri Ecclesia baptismi dispensatio non modò quoad ius, sed quoad actum & vsum Episcopis competebat; quos ideo rectè Prosper appellat *Patres regenerantium*. S. Clemens lib. 6. Constitut. Apostolic. c. 15. lib. 7. c. 40. & 42. hanc praxim agnoscit & memoriæ posterorum consignat. *Post hanc enim* (Catechumeni scilicet)

NNnnn



promissionem, deinceps venit ad olei unctionem: benedicitur hoc oleum à Sacerdote (quo nomine liquet loqui de Episcopo) in remissionem peccatorum & preparationem baptismi. Et c. 43. Deinde venit ad aquam, benedicit & glorificat. Sacerdos Dominum Deum omnipotentem. Et post hoc baptizatum in nomine Patris, & Filij, & Spiritus sancti ungit unguento, dicens &c. Idem S. Dionysius Areopagita lib. de Hierarch. Eccles. insinuat c. de Sacram. illustr. ubi hoc officium esse Sacerdotis, quem appellat Hierarcham, euidenter ostendit. Nec modò hoc ministerium salutis Antistes implebat, sed non licere aliis hoc obire, nisi ex eius iussu vel indulto antiquissimi Patres testantur. Sanctus Ignatius epist. ad Smyrneneses, *Non liceat, inquit, sine Episcopo baptizare.* Subscribit Tertullianus lib. de baptismo c. 17. *Supereſt (inquit) ad concludendam materiolum de obseruatione quoque dandi & accipiendi baptismum commonefacere. Dandi quidem vim habet summus Sacerdos, qui est Episcopus, deinde Presbyteri & Diaconi, non tamen sine Episcopi auctoritate, propter \* Ecclesie honorem.* Idem docet S. Hieronymus in dialogo contra Luciferianos, n. 20. dicens; *Inde venit, ut sine chrismate & Episcopi iussione, Presbyteri neque Diaconi ius habeant baptizandi.* Hinc in lib. Sacramentorum sancti Gregorij qui ordinarium à Gelasio pridem recognitum recensuit, ubi solennis ritus baptismi conferendi describitur, Sabbato sancto in vigilia Paschæ, tam benedictionem fontis quàm regenerandorum siue infantium, siue adultorum unctionem, à Pontifice fieri debere legitur præscriptum; Rubrica hæc est insignis: *Inde accipiens (Pontifex) vas aureum cum chrismate fundit chrisma in fonte, & expandit aquam cum manu sua, tunc baptizantur infantes, primum masculi, deinde feminae, & tenente eo infantem à quo suscipiendus est, interrogat Pontifex &c.* Idem legitur in veteri Ordine Romano, sed paulò enucleatius. nam in ordine de Sabbato sancto, post benedictionem fontis, & chrismatis cum aqua factam à Pontifice mixtionem, baptismi ministerium per se aggreditur ipse Pontifex. Tamen ne onere nimio grauetur, ordo ille subiungit: *Deinde Pontifex baptizet unum aut duos, vel quantum ei placuerit &c. Et subinde ceteri regenerandi à Presbyteris baptizantur.* Sed ab initio non fuit sic ubique & ab omnibus Episcopis seruatum: nam Paulinus in sancti Ambrosij vita, inter eius laudes enarrat, *tanta corporis animique fortitudine in Episcopalibus muneribus obeundis, ipsum præditum fuisse, ut quod ipse solus circa baptizandos cumulatiſſimè præstabat, quinque postea Episcopi post eius obitum vix implere sufficerent.* Quod exemplum proxim illam euidenter confirmat, qua obeundi baptismatis officium solenne, Episcopo singulari prærogatiua dignitatis competeat. Vaquez disput. 147. in 3. part. S. Thomæ q. 67. a. 5. n. 21. tom. 2. p. 329. etsi parciùs de ipso actu loquitur, quia res in Ecclesia gestas antiquitus non enarrat, peculiarem tamen assignat rationem delati Episcopo specialiter huius honoris, *Quia inquit, is solus rectè & iure admittere potest ad corpus Ecclesie, qui corpori ipsi tanquam caput præest; Atqui Episcopus caput est propriæ diœcesis &c.* Igitur &c. Consimilem rationem affert Cardinalis Bellarminus lib. 2. de Sacramento Confirmationis,

\* Episcopi

c. 12. circa medium, ubi probat illius Sacramenti proprium ministrum esse Episcopum: Tertiò, inquit, probatur ratione, nam confirmatio est complementum & perfectio baptismi; proinde convenit ut à primario ministro detur, sic enim in omnibus aliis rebus forma imprimitur à primo agente: præterea in confirmatione adscribimur ad Christi militiam; adscribere autem ad militiam proprium est Ducum & Imperatorum. Quæ ratio si cuius sit momenti in dispensatione Sacramenti confirmationis, æqualis videtur esse ponderis in ministerio baptismi: Per baptismum enim Christi oves esse incipimus, ait S. Augustinus lib. 1. contra Petilianum; & hoc Sacramentum fidei signaculum est, inquit S. Ioannes Chrysostomus; hom. 5. sup. Matth. sed de hoc signaculo alibi dixisse pleraque scitu non indigna memini, videlicet in Panoplia Episcopali, lib. 3. quo de Episcopali anulo differimus, c. 8. à pagina 276 ad 285.

Nec porro est quòd quis hinc obiiciat: Scribit B. Paulus ad Corinthios, *Non misit me Christus baptizare, sed evangelizare.* Igitur baptismus non est munus Episcopi, quia nec Apostoli, sed inferioris gradus ministrorum, qui sunt Presbyteri & Diaconi &c. At Apostolus eo loci dicere non intendit, quòd sibi non liceat baptizare, ibidem enim disertè ait, *Corinthei se baptizasse Crispum & Caium & Stephanam & alios quosdam:* Eius igitur sensus est se non missum esse principaliter ad baptizandum, sed ad evangelizandum. Quò spectat hoc Domini de eo ad Ananiam, oraculum, *Vas electionis est mihi iste, ut portet nomen meum coram gentibus & regibus & filiis Israel.* Act. 9. 15. Igitur eius præcipuum munus, Evangelij prædicatio erat. Porro actualis ipsa ministratio baptismi facilè poterat per subordinatos ministros, videlicet Presbyteros, quos ubique ordinabat impleri. Sic & Petrus postquam Cornelium & domesticos eius doctrina Christiana imbuisset, *Iussit eos baptizari in nomine Domini nostri Iesu Christi.* Act. 10. Qui ritus sensim in Ecclesia receptus id effecit, ut plerisque locis maiores Sacerdotes, officio baptizandi in secundi ordinis Sacerdotes devolutò, prædicationis munus ut principale passim obirent. Sanctus Ioannes Chrysostomus in 1. ad Cor. delectum etiam hac in re habitum insinuat inter Presbyteros: refert siquidem suo tempore *baptizandi ministerium datum senioribus qui inutiliores essent.* verbi doctrinam sapientioribus & validioribus ad docendum: nam docendi labor non est sine sudore, qui senibus iam fatiscentibus & ferè cunctis noxius est.

1. ep. 1. 17.

ibid. 7. 14.



## CAPVT IV.

*Presbyterum esse etiam ordinarium & legitimum ministrum  
huius Sacramenti.*



*Matth. 28.*

SCIVT ad Sacerdotem pertinet consecrare Eucharistiam; ita etiam baptizare. Conclusio est S. Thomæ 3. part. q. 67. a. 2. cuius titulus est, *Utrum baptizare pertineat ad officium Presbyteri?* Colligitur hæc assertio ex Euangelio: nam sicut Dominus Episcopis, sic & Presbyteris, suis in Apostolis præcepit ut docerent & baptizarent; *Euntes, inquit, docete omnes gentes, baptizantes eos in nomine Patris, & Filij, & Spiritus sancti.* Hinc igitur rectè elicitur, Sacerdotes omnes ex sua consecratione potestatem habere legitimam, ut verè & licitè baptizent. Quamobrem sicut cum Episcopus consecratur, specialis illi à Pontifice consecrante fit de baptismo conferendo expressio, *Episcopum (inquit) oportet iudicare, interpretari, consecrare, ordinare, offerre, baptizare & confirmare.* Ita & Presbytero; huic enim dicitur ab Antistite ordinante, *Sacerdotem oportet offerre, benedicere, præesse, prædicare & baptizare.* Idipsum ab Ecclesiæ incunabulis videmus constanti ritu observatum, atque ex ipsa Apostolorum politia, quam referens Sanctus Clemens lib. 3. Constitut. Apostolic. cap. 11. disertè dicit: *Imò neque reliquis Clericis potestatem baptizandi facimus, ut lectoribus, cantoribus, ianitoribus, aut ministris, nisi tantum Episcopis & Presbyteris, ministrantibus Diaconis.* Et lib. 3. c. 20. *Nec Presbyterum, neque Diaconum iubemus ordinare ex laicis Clericos, sed Presbyterum tantum docere, offerre, baptizare &c.* Idque ipsum can. 50. Apostolorum insinuat, qui sic habet: *Si quis Episcopus, vel Presbyter non tria unius mysterij baptismata perfecit, deponatur.* In Epistola Paschasij Episcopi ad Leonem Papam, legimus ex more stabili Ecclesiæ, *Cum Presbyter secundum morem, baptizandi horam requireret.* Et in vita S. Ioannis Chrysostomi à Palladio conscripta: *Joannis ipsius Presbyteri quibus Dei aderat timor, in publico lauachro quod Constantianum appellatur, coactis populis vigilias inchoarunt, partim divina eloquia legentes, partim eos qui instructi erant in fide baptizantes, ut est moris in Pascha.* Ex quo iure morèque authentico S. Isidorus lib. 2. de divinis officiis hoc elicit theorema: *Vnde constat baptisma solis Sacerdotibus esse traditum, eiusque ministerium, nec ipsis Diaconis explere licitum est, absque Episcopis, vel Presbyteris, nisi illis procul absentibus, ultima languoris cogat necessitas, quod & laicis fidelibus plerumque permittitur.* Hinc in Concilio Florentino ea in instructione quæ Armenis tradita est, disertè legimus definitum, *vbi agitur de baptismi Sacramento, Minister huius Sacramenti est Sacerdos &c.*

Scholastici Theologi & Canonistæ Doctores agnoscunt Parochum, scilicet Presbyterum specialis parœciæ pastorem, esse ministrum legitimum baptismi: habere etenim ex ipso suo titulo appro-

bationem iuris, & proinde sine speciali licentia Episcopi posse suo officio fungi, ideoque non solum licite posse, sed ex ipso parochiali titulo obstrictum esse conferendo baptismo parœcianis suis, siue adultis, siue paruulis: quod tamen non fit independenter ab Episcopo, quia ipsi Parœcus subest, & ab eo, vel summo Pontifice, recipit cum onere illius subordinationis & dependentiæ animarum regimen & institutionem in officio canonicam. A qua & ipso ordine suo ius habet in suæ districtu parœciæ baptisma ministrandi, nulla deinceps tamen petita ab Episcopo licentia, quia id muneris ei ipso iure obcundum incumbit.

At secus esse de Presbyteris, qui Baptismali Ecclesiæ non præsumunt, hi etenim, quamvis ex charactere suo habeant veram potestatem baptizandi, defectu tamen subiectæ materiæ illam potentiam licite exercere non possunt. Quod si se ingerant huic ministerio validum quidem esse baptismum, sed ministrum tamen peccare, reatûque teneri violatæ Ecclesiasticæ disciplinæ. Axioma est Apostoli; *Quæ à Deo sunt ordinata sunt;* Proindèque in Ecclesia omnia debent cum ordine fieri. Rom. 13. 1.  
1. Cor. 14. 40.  
 Ordo autem non patitur, ut omnes sibi omnia arrogent, sed sua in mensura permaneant, quam eis dimensus est Deus, vel Ecclesiæ auctoritate præscripsit. Eleganter S. Ambrosius in c. 4. Epist. ad Ephes. ordinis huius Ecclesiastici necessitatem ac convenientiam describit: *Postquam locis omnibus (inquit) Ecclesiæ sunt constituta & officia ordinata, aliter composita res est quàm antè cæperat. Primum enim omnes docebant & omnes baptizabant, quibuscunque diebus vel temporibus fuisset occasio: ut ergo cresceret plebs & multiplicaretur, omnibus inter initia concessum est & euangelizare & baptizare & Scripturas explanare: At ubi omnia loca complexa est Ecclesia, conuenticula constituta sunt, & rectores, & cetera officia in Ecclesia sunt ordinata &c.* Ideò sapienter Concilium Florentinum in citata instructione ad Armenos, ubi dixerat, Minister huius Sacramenti est Sacerdos, continuò subiunxit per modum restrictionis, cui ex officio competit baptizare. At loquitur synodus, seu ex synodi consona mente Eugenius Pontifex, de ministro ordinario & extra casum necessitatis, quò non solum cuilibet Presbytero, sed & Diacono, & Clerico, quin & laico &c. baptizare licet paruulum vel adultum in necessitate versantem.

Dices, sed sic nihil habet Sacerdos plus quàm Diaconus, aut Clericus, at nec, quod laicus &c. quia ut subiungit decretum illud Florentinum, *hi omnes in eo casu baptizare possunt.* At hoc dignitati Sacerdotali repugnat, & Scripturæ sacræ obuersatur, in qua pro maledicto ponitur *Quòd sit populus, ut Sacerdos.* Verùm illa consequentia negatur, nam cum sic quicumque Presbyter baptizat, non hoc facit ut minister extraordinarius, sed ut ordinarius cui id incumbit absolutè ex officio, saluo ordine Ecclesiæ. Insuper, Presbyter quicumque in illo casu baptizare potest solenniter & chrismate verticem linire infantis vel adulti, quod non licet Diacono, multo minùs inferiori Clerico, & prorsus nefas est laico quantâvis suffulto dignitate.

NNnnn iij

Isai. 24. 2.




Sunt qui dicunt ex commissione Episcopi fas esse cuilibet Presbytero, etiamsi non Parocho ubique in diœcesi baptizare, etiam inuito Parocho loci. Non nego quidem ius esse Episcopi id muneris cui-cumque Sacerdoti committere, ut baptizet etiam solenniter in Parœcia, v. g. dummodò pastoris sit proprii solatio destituta, vel Parœcus sit interdictus aut suspensus, aut mutus, aut mutilus, aut æger, aut alio quovis modo incapax seu impeditus suo ministerio perfungendi, & nulli alij essent pro eo Vicarij Sacerdotes qui ministerium hoc explerent. Quo casu vel consimili cessante, Episcopus non potest canonicè quemquam deputare, qui hoc officium inuito Parocho exequatur, tum enim grauaret inferiorem eique iniuriam irrogaret, rixarumque & scandali non levis daret occasionem, sicque contra iustitiam & canonicam disciplinam peccaret, & materiam conquærendi daret Parocho iuxta regulam iuris, *Qui me debuit defendere, me non debuit opprimere*. Speculator & superintendens est Episcopus, ideoque proprio ex officio obstringitur prospectum ire ne Ecclesia accipiat detrimentum. Incurreret verò Ecclesia graue incommodum, si Episcopus spreto ordine & omni ratione, spoliaret sine culpa Parochum iure suo, videlicet summittendo operarios in eius messem sine vlla necessitate. Tunc enim renitente Parocho & ius quæsitum defendente, scandala orirentur; Episcopus sese exponeret inferiorum contemptui, aut certè illi in suo munere obeundo fierent pusillanimes, ab eo scilicet iniuriam querentes se pati, à quo expectare debent suo in labore solatium, atque iuris sui canonicam defensionem. Adde quòd si vrgeret committendi necessitas, quandiu in promptu essent Sacerdotes, non Monachi, exequendis parochialibus officiis, maximè verò ministrando baptismo idonei, non posset ex iure canonico Episcopus Monachos huic explendo muneri præficere, sic enim statutum habetur can. Placuit 2. 16. q. n. 1. *Placuit* (inquit in synodo Eugenius III.) *ut nullus Monachorum de monasterio exire, nefandissimo ausu præsumat, neque penitentiam dare, neque filium de baptismo accipere, neque baptizare*. At verò Episcopo non licet venire contra canones, hos enim se seruaturum in consecratione sua, speciali iureiurando promisit, neque ei licet dispensare contra ius commune Ecclesiæ, nisi in casibus quibus ipso iure concessum est. At hic casus dispensandi non suppetit quandiu præsto sunt Sacerdotes, votis monasticis non astricti: Sacerdotes tamen regulares in casu necessitatis, ubi sæculares non adsunt, ritè & validè baptisma ministrare possunt, imò ex officio Sacerdotali ad id conferendum tenentur. At hoc in casu, necessaria non est Episcopalis licentia, nisi generalis, & ex iure præsumpta.

His præmissis peruium est ad obiectiones respondere, quæ pro Episcopali prærogatiua in baptismi ipsa ministratiōe, superius ex auctoritatibus & rationibus adductis elici possunt: loca enim Patrum quæ Episcopum ordinarium ministrum baptismi esse testantur, Presbyterum non excludunt, est enim Presbyter quoque baptismi ordinarius

minister, sed secundarius, quia Episcopus primarius est. Et si quæ sunt Patrum sententiæ quæ munus baptizandi soli Episcopo tribuant, intelligendæ sunt de baptismo solenni, quando in vnaquaque ciuitate vnum templum, vnũque tantũ baptisterium erat: vel de duobus diebus solennibus, Sabbato sancto in vigilia Paschæ, vel Sabbato Pentecostes. Quæ tamen praxis erectis parœcialibus titulis seu baptismalibus Ecclesiis, & vnicuique præfecto proprio Sacerdote, sensim quidem, sed penitus demum ferè iam vbique exoleuit, iure tamen solido prærogatiuæ singularis reseruat Antistiti, quocumque & quotiescumque voluerit, actum ipsum sibi vendicandi, quia *omnes basilicæ sunt Episcopi*. Et ipse Episcopus vniuersæ diœcesis proprius est Sacerdos, eminentiori modo quàm Presbyter proprius Pastor assignatæ plebis ac determinationis Ecclesiasticæ. Ad rationem autem quam afferunt Scotus & Gabriel: *Admittere quemuis in aliquam rempublicam vel congregationem, conuenit ei qui præsidet. Atqui baptizare aliquem, eum est in Ecclesiam admittere. Ergo hæc facultas Episcopo competit*. Respondeo Sancti Bernardi verbis, rationem ipsam facere quidem pro Episcopo principaliter, sed non singulariter, ideòque Episcopum esse ordinarium ministrum baptismi præcipuum, at non solum ordinarium. Si Episcopus solus potuisset omnia explere Sacerdotalia munera, haud opus fuisset in Ecclesia multiplicare Sacerdotes: in quorum tamen ordinatione gratias Deo referens ipse Episcopus, de hoc sibi diuina bonitate accessio solatio expressim ait: *Hæc Domine providentia Apostolis filij tui, Doctores fidei comites addidisti\**, quibus illi orbem totum secundis prædicationibus impleuerunt. Quapropter infirmitati quoque nostræ, Domine, quæsumus hæc adiumenta largire, qui quanto fragiliores sumus, tantò his pluribus indigemus. Applicatio est facilis, consequentiæque manifesta. Nec proposita comparatio est obici, siquidem in ordinatione Presbyteri dicitur *oportere illum non modò baptizare, sed & præesse*. Vbicunque igitur abest Episcopus, Sacerdos, sacer dux censendus est: Præest siquidem absente Episcopo in Ecclesia, maximè si propriæ sit plebi parœciali, iure ac honore præfectus. Qua de re vberius diximus olim, in libro de *Episcopali Monogamia & Ecclesiastica unitate*.

\* Luculentum olim Commentarium scripsimus de 72. Domini discipulis, qui nòdum typis editus est: in quo, quanto fuerint subsidio Apostolis illi discipuli, quos ipse Dominus in eorum solatium designauit Luc. 10. perspicuum facimus: his autem successisse Presbyteros, Canones docent, & Patres passim asserunt.

## CAPUT V.

*Diaconum esse subsidiarium ministrum Baptismi.*

VANDO Episcopus ordinat Diaconos, sic eos antequam actionem incipiat, alloquitur: *Prouehendi filij dilectissimi ad Leuiticum ordinem, cogitate magnopere, ad quantum gradum Ecclesiæ ascenditis: DIACONVM enim oportet ministrare ad altare, baptizare, prædicare.*

At pugnare hæc doctrina videtur cum traditione Apostolica, quam S. Clemens plerisque locis Constitutionum testatur, sed disertissimè lib. 8. c. 28. *Diaconus, inquit, non baptizat, non offert &c.*

Extant tom. 1.  
Concil. Gall. p.  
589.

& c. 46. post medium; *Neque fas Diacono aut sacrificium offerre, aut baptizare.* Consonat & Can. *Constat de Consec. dist. 3.* Sed ad harmoniam hæc reuocari facile poterunt admissò temperamento, quod Canones passim interponunt, ut non liceat Diacono baptizare, nisi cogente necessitate, & ex concessione Episcopi, vel Presbyteri, ut patet citato canone, *Constat.* & Can. *Diaconos.* qui est excerptus ex Epistola Gelasij Papæ ad Episcopos Lucaniæ. & can. *Præsente* dist. 93. Verùm obstat huic concentui regula hæc Ecclesiastica, quæ septima est inter canones Romanorum missos ad Episcopos Galliæ, qua *Diaconis baptizare extra tempus Paschæ prohibetur.* Porro in Pascha hoc tantùm indulgetur propter affluentem multitudinem, quam solus Episcopus, vel Presbyteri baptizare non sufficiebant. In subsidium igitur Diaconi vocati tunc tantùm ad hoc munus arcessebantur ab Episcopo, sed sequitur in canone, ne hoc ultra diem illum quo iubente Episcopo id faciunt Diaconi præsumant, *Sed quod semel fortè contigit* (verba sunt canonis) *usurpare per necessitatem dicuntur excusati, nec postea in secunda commissum* (hoc est ab eis attentari potest) *impune.* Fulcit hunc cānonem Clementis præfati doctrina lib. 8. Constitut. c. 26. ubi cū dixisset Diaconis fas non esse baptizare, aliquibus interpositis, id confirmat exemplo Stephani Diaconi protomartyris. Ad id verò quod obiici posse videbat de Philippo Diacono, Stephani symmysta, qui Eunuchum baptizauit, respondet, non hoc fecisse ex officio, sed ex diuina dispensatione, & speciali Christi mandato, quemadmodum & Ananias, quem vult fuisse merum laicum fidelem, hic enim Christi sibi apparentis expressa iussione, Saulum baptizauit, sequente miraculo, quod commissionis eius patens erat sigillum.

Vbinam igitur est hic (dices) prærogatiua Diacono, si nihil in ministerio baptismi magis potest quàm simplex Laicus? cur ei igitur dicit Episcopus in sua ordinatione, oportet Diaconum baptizare? verba sanè Episcopi esse vera necesse est, proinde aliquid concedendum est Diacono in partē ministerij huius, quo non tantùm laicis fidelibus, sed & inferioribus Clericis antecellit.

Hoc igitur habet Diaconus ex vi sui ordinis, ut eo præsentē nullus inferior Clericus, nullusque omninò laicus baptizare omninò præsumat: quod si attentarint rei sunt grauis piaculi, nimirum sacrilegij, eo quòd in re sacrā vsurpent alienum officium. Insuper hoc habent non solùm ut in necessitate absente Episcopo & Presbytero licitè baptizent, quasi ex proprio munere, saltem in hoc instanti, sed etiam Episcopo, vel Sacerdote præsentē, dummodò ipsi iubeant hoc ministerium obire. Nec porro est in potestate Episcopi, vel Sacerdotis, si adsit Diaconus, alium inferiorem Clericum delegare, quoniam hoc habet priuilegium Diaconus ex ordinatione sua, ut tertio ordine ad hoc munus accedat, mediante tantùm Episcopali vel Sacerdotali iussione, quæ perficit facultatem inchoatam per characterem ipsum Diaconatūs, dum ad actum per hanc iussionem, licitè reducit potestatem, qua uti licitè nequit, sine mandati illius accessione.

Sed

Sed quæstio vertitur, an cùm Diaconus supplet vicem Sacerdotis in ministrando baptisate, possit solenniter baptizare? Sotus affirmat, quem sequitur Vasquez in 3. part. S. Thomæ disput. 147. c. 4. q. 67. a. 5. Et nuper Gesualdus tom. 1. Moralium operum, quo tractat de Sacramentis nouæ legis part. 1. tract. 2. de Sacramento baptismi c. 1. n. 8. quanquam obiter. Et verum quidem est in hoc sensu, quòd Diaconus possit non tantùm publicè, sed in Ecclesia ipsòque Baptisterio cum stola à dextro humero in sinistrum sub axillam dependente, baptismum ministrare tam paruulis quàm adultis, necessitate exigente, vel Sacerdote iubente. Sed si aduerbium illud, SOLENNITER, sumitur eo sensu, vt possit Diaconus omnes baptismi caremonias explere, quas ipse Sacerdos implet dum baptizat: tum dico Diaconum non posse solenniter baptizare, cùm ei non liceat aquam baptismalem benedicere, nec linire sacro chrismate verticem eorum quos baptizat: hoc enim proprium est Sacerdotum ex traditione Apostolica, quam sanctus Siluester primus speciali decreto renouauit: *Hic & hoc constituit* (scribit Anastasius in Siluestro) *vt baptizatum liniret Presbyter chrismate, leuatum de aqua, propter occasionem transitus mortis, voluitque hoc esse proprium Presbytero: sicut chrisma consecrare Episcopo, vt idem Anastasius ibidem insinuat.* Ius igitur hoc est Sacerdotale, nec Diacono competere potest &c. Verùm de Diaconum tam ordinariis quàm extraordinariis muneribus aliàs diximus ex professo, scilicet tom. 1. de Mysticis Gallia Scriptoris in Paulo, Ritu 2. & in digressiuncula post Ritu 11. §. 4. de Protodiaconis & Archidiaconis à pag. 108. ad 128.

*Anast. de Vitæ Pontif. Roman. n. 34. paulo post insinuat.*

Cæterum quod spectat ad canonem vltimo loco citatum, dico intelligendum esse extra casum vrgentis necessitatis, quo ingruente fas esse Diacono, imò & omnibus ei inferioribus baptizare, alij Canones prænotati declarant. Quin & in Concilio I. Aurelianensi, anno Christi 511. habito, canon extat serie 12. hoc tenore, *Si Diaconus, aut Presbyter pro reatu suo, se ab altaris communione sub pœnitentis professione submouerit, sic quoque si alij defuerint, & causa certæ necessitatis exoritur, poscentem baptismum liceat eis baptizare.* Quòd si Diacono reo & pœnitenti, quanto magis Diacono criminis & censuræ canonicæ experti?

## CAPVT VI.

*De inferioribus Clericis, vtrum ius quoddam habeant sui ordinis titulo conferendi Baptismum?*



DE Baptismi ministerio, nulla mentio fit in ordinatione Subdiaconi, nec in ordinatione inferioris gradus Clericorum, quia hoc officium ad ipsorum munus non spectat. Si enim ad aliquem ex inferioribus Diacono Clericis pertineret, Subdiacono sanè competeret qui gradu & honore proximus est, & eodem quo Diaconus ipse priuilegio gaudet, *Gloss. fin. in cap. Ad hæc de relig. Domibus; Quam-*

OOooo




obtemperare inter minores Ordines non censetur, *Cap. Præterea, de aetate & qualitate*. &c. Sed ad maiores refertur: quorum et si postremus, tamen unus ex tribus est, & ideo sicut Diaconus & Presbyter ad continentiam obligatur. *Cap. à multis, eodem tit. & ut canonicè ordinetur*, habere debet bonum de se testimonium, & in minoribus ordinibus probari & exerceri, quin & si per annum in officio suo versatus non fuerit, ad Diaconatum non est promouendus. Ex decreto Concilij Trident. sess. 23. c. 2. Sed quamvis sit ordo sacer *ap. fin. de Bizamis*, nullum tamen Sacramentum ei ministrandum incumbit. Neque ipse Baptismus, quem si quando ministrat, non ex officio sed ex mera necessitate, ut quilibet alius inferior Diacono Clericus, imò & laicus hoc facit; unde sequitur multo magis minores Clericos hoc Sacramentum ministrare ex officio non posse.

Aliqua tamen prærogativa hoc in casu (scilicet urgente necessitate) tam Subdiaconus quàm inferiores Clerici potiuntur: nimirum ut aliquo ex iis præsentem, non liceat cuius laico collationem sibi baptismi arrogare, si verò attentaverit, quamvis ratus maneat baptismus, *Can. Sanctum. De consec. dist. 4.* laicus tamen ipse gravi reata irretitur, propter illam præsumptionem, qua Ecclesiæ contempsit ordines, & eius perturbavit politiam. *Can. Mulier. dist. 23. & gloss. in canonem fin. 24. q. 1.* Rectus igitur ordo requirit, ut cum instat baptizando paruulo vel adulto mortis periculum, inferior \*semper cedat superiori, & sic laicus cuicunque Clerico, etiam infimæ classis. Et verò, laico mulier; & personæ baptizata, quilibet non baptizatus Iudæus vel paganus: Et minor Clericus superiori suo, v. g. Acolythus Subdiacono. Ita eliciunt ex doctrina S. Thomæ, p. 3. q. 67. a. 4. Paludanus in 4. dist. 5. q. 2. conclus. 3. n. 7. Gabriel dist. 6. q. 1. a. 2. post conclus. 2. Sotus distinct. 4. q. unica a. 2. §. Circa tertium verò, Silvester verbo *Baptismus*, non procul ab initio, Nauarrus in summa c. 22. num. 7.

\*Nota

## CAPUT VII.

*De Laicis: Num eis instante necessitate, absente Episcopo, vel Sacerdote (quibus ex officio munus baptizandi competit) quin & Diacono, ac inferioribus Clericis: baptismum ministrare liceat?*



ANCTI Augustini (si Gesualdo suprà citato credimus) occurrit hîc primùm perpendenda sententia, quæ grauis profectò est momenti; ita enim sanctum Augustinum Gesualdus ipse pronunciantem refert lib. 2. contra Parmenianum c. 13. *Soli Sacerdotes habent potestatem & ius administrandi Sacramenta, quæ ab ipsis administrari possunt, nam collatio Sacramenti est actio sacra, ad quam dignè perficiendam ministri consecrantur.*

Verùm Gesualdus morem quorundam Scholasticorum secutus est, qui quamlibet Patrum auctoritatem, ubi ab aliquo priùs citatam reperiunt, si suis intentis accommodetur, quamvis absõna à Theologia certis principiis videatur, nihilominùs ardentè arripiunt, & quasi à se apud ipsum auctorem repertam, & hinc excerptam sua in scripta inducunt, vt hoc freti testimonio, solidiùs differere, & eruditius disputare, ab inexpertis in Patrum lectione censeantur. S. Hieronymus passim eiusmodi scriptores reprehendit, qui *alienis legunt oculis*, & sic proprio parcunt labori, (qui in euoluendis Patrum libris sapientumque operibus haud leuis est) vt dum alienæ fidunt diligentia, plerumque cæci cæcum ducem sequantur. Sanè locus iste ubi citatur à Gesualdo, apud S. Augustinum non extat, quamvis caput ex quo notatur adeo prolixum sit, vt columnas duas & dimidiam insuper complectatur. Antequam sententiam ipsam cum citato originali contulissem, mihi profectò in mentem subiit, eam Augustini non esse. Constat enim terminis nimis accuratè ad Scholasticam phrasim accommodatis: quod dicendi genus recentius est, quàm vt purè Augustinianum esse possit.

Tamet si autem illa sententia, iisdem & totidem verbis quibus à Gesualdo expressa est, apud S. Augustinum, vel signato loco, vel quouis alio reperiretur: ea tamen non efficeret absolutè, vt nulli alij quàm Sacerdotes, quædam Sacramenta (quæ clauium potestatem non requirunt, v. g. matrimonium & baptismum) administrare possent. Verum est, quædam esse Sacramenta, eaque plura quæ non nisi ab Episcopis vel Presbyteris confici possunt, v. g. confirmatio, ordinatio, pœnitentia, eucharistia, & extrema vnctio; quorum duo priora, alterum, vt ministrum ordinarium, alterum vt proprium ministrum ad Episcopum pertinent: tria cætera tam ipsi quàm Presbyteris competunt: ita vt, si qui alij, vel Clerici, vel laici hæc sibi munera arrogare præsumunt, non solum sacrilegium committant, sed quod attentant, nullum prorsus & inane, hoc ipso ausu, euadat. Quamuis autem collatio Sacramenti sit actio sacra, non tamen hinc necessariò sequitur, vt non nisi à solis ministris consecratis expleri possit: cum quædam sint excepta Sacramenta, vel ob grauem necessitatem, aut aliam optimam rationem, quæ à ministris non consecratis validdè, vt baptismus, & necessariò, vt matrimonium, conferri possunt.

Verùm hîc fortè dicet quispiam: hæc nunc est doctrina communis, sed ab initio non fuit sic: Apostolorum enim tempore ministerium baptismi penitus laicis prohibitum erat, sicut testatur S. Clemens lib. 3. Constit. Apostolic. c. 10. ubi ait, *Neque laicos concedimus aliquod Sacerdotale munus exercere, veluti sacrificium, baptismum, manus impositionem, vel benedictionem magnam siue parua: non enim quis sibi sumit honorem, sed qui vocatur à Deo, & cui per Episcopi manus datur hæc dignitas, & qui ad eam promotus non est, sed eam sibi usurpat, Osia pœnam sustinebit.* Veruntamen hîc sermo est de Baptismo solenni, vel in præsentia Sacerdotis, à laico temere usurpato.

Act. 9. 10.

Nam aliàs quòd fieri licitè possit, vt non Sacerdos, nec Diaconus, nec etiam Clericus, proinde laicus, queat in eorum defectu poscenti baptismum ministrare: Clemens ipse censuit lib. 8. Constitut. c. vlt. vbi ponit exemplum Ananiæ Damasci baptizantis, tametsi nec Sacerdos, nec Diaconus, sed tantum esset (vt putat) laicus fidelis. Nec obstat quòd à S. Luca nuncupetur discipulus. *Erat autem quidam discipulus Damasci nomine Ananias.* Nam teste ipso Luca, antequam Antiochiæ sub Paulo & Barnaba, Christiani nomen vsu inoleuisset, passim *fideles, discipuli vocabantur.* Act. 11. 26. Verum tametsi fuisset Ananias tantum laicus, non posset tamen factum eius in exemplum traduci, quòd ex diuino iussu specialiter sibi factò, Ananias Saulum baptizauerit. Cæterum non fuit tantum discipulus lata acceptione, quatenus erant tum omnes credentes, siquidem discipulum Christi insignem vnum videlicet ex 72. subinde verò proprium Episcopum Damasci hunc fuisse, clarè & solidè ostendimus in nostra Septuaginta duorum Domini discipulorum Synopsi, in ipso *Anania*, cuius & Martyrium ibidem descripsimus. Seposito igitur hoc exemplo, vt quod vix ad rem faciat, palam esse dico, iam olim in Ecclesia creditum, in casu necessitatis instantis, potuisse laicos baptismum conferre. Hinc Tertulianus, *Vbi non est confessus Ecclesiasticus, tu tingis.* Nec porro illicitè. Quia (ait lib. de Baptismo) *quod ex aquo ab omnibus accipitur, ex aquo ab omnibus dari potest.* Idem dicit S. Hieronymus in Dialogo contra Luciferianos, *Scimus etiam licere laicis, vt enim accipit quis, ita & dare potest.* Idem traditur can. *Constat de Consec. dist. 4.* Vbi postquam dictum est non licere Diacono absque Episcopi, vel Presbyteri licentia, baptismi explere ministerium: continuo subditur, *Nisi illis procul absentibus, vltima languoris cogat necessitas, quod & laicis fidelibus plerumque permittitur.* Tandem hoc expressè definiuit Concilium Florentinum in admonitione ad Armenos, iam semel ac iterum laudata, praxisque generalis Ecclesiæ hoc ipsum confirmat. Nec ipsi hæretici Calvinistæ hoc reipsa inficiantur. Tametsi enim Calvinus lib. 4. Instit. c. 15. 20. 21. & 22. & in Antidoto Concilij Trident. sess. 7. Can. 10. de Sacramentis dixerit, iis qui non sunt ordinarij Ecclesiæ Ministri, minimè licere quamuis vrgeat necessitas, aliquem baptizare, non tamen asseruit, si actualiter quispiam alius à publico Ecclesiæ Ministro hoc munus obierit, nullum aut inualidum huiusmodi baptismum existimandum esse. Nec eius sectarij quamuis non nesciant in Ecclesia Catholica & Romana, laicos instante necessitate conferre aliquoties baptismum; illum propterea reiiciunt aut reiterandum contendunt. Accedit quòd Magistrum sequentes, suos Ministros meros laicos esse arbitrantur, nulla ordinatione consecratos, sed tantum ad hoc officium deputatos ex populi, vel magistratus commissione: Et verum tamen baptismum ab iis conferri volunt: Sic satis apertè baptismum posse à laicis, validè saltem ministrari, confitentur.

## CAPUT VIII.

*Mulieribus an liceat in casu instantis necessitatis baptizare?*

**C**IRCA mulieres grauior nonnihil videri potest difficultas: Patres enim in aduersum stare prorsus videntur. S. Clemens lib. 3. Constit. Apost. c. 9. Apostolos inducit sic loquentes: *De mulieribus autem an hæ baptizare debeant, significamus vobis, quod non paruum periculum imminet iis qui hoc faciunt, ideo non consulimus; periculosum est enim, imò iniquum & impium.* Et infra: *Quod si in præcedentibus eas docere non permisimus, quomodo quis eas præter naturam sacra facere concedat? Hæc est enim iniustitia ad impietatem Græcorum pertinens, fæminis deabus sacrificulas instituere.* Tertullianus verò libro de præscriptionibus aduersus hæreticos, capite 41. de hæreticis mulieribus refert ita esse procaces, ut audeant docere, exorcismos agere, curationes repromittere, & forsant tingere, hoc est baptizare. Et lib. de baptismo c. 17. *Petulantia, inquit, mulierum, quæ usurpauit docere, vtiue non etiam tingendi ius sibi pariet? nisi si qua noua bestia euenerit similis pristina, ut quemadmodum illa aufererat, ita aliqua per se eum conferat.* Per pristinam bestiam, Quintellam intelligens, contra quam librum ipsum scripsit; Hæc enim baptismum negauit, ut constat ex libri eiusdem c. 1. ubi ipse Tertullianus Christianos vocat pisciculos, qui secundum Christum in aqua nascuntur: ita in Quintilla monstrosissima, cui nec integrè quidem docendi ius erat, optimè nôrat pisciculos necare de aqua auferens, hoc est denegans illis baptismum. S. Epiphanius lib. 3. hæres. 79. quæ est Collyridianorum, ubi prohibitum asserit mulieribus sacrificare: *Si mulieribus, inquit, præceptum esset sacrificare Deo, aut regulare quicquam operari in Ecclesia, oportebat magis Mariam ipsam sacrificium perficere in nouo testamento, quæ digna facta est suscipere in propriis sinibus vniuersorum Regem, Deum cælestem, filium Dei: cuius uterus templum factum est ac domicilium, ad Domini in carne dispensationem, per Dei benignitatem, & admirandum mysterium preparatus est. At non complacuit. SED NEQVE BAPTISMA DARE conceditum est, alioqui potuisset Christus ab ipsa baptizari, potiùs quàm à Joanne.* Et hæres. 42. conqueritur de Marcione hæresiarcha, *Dat etiam mulieribus permissionem ut baptismum dent: Quem errorem etiam Marcionis sectatoribus tribuit S. Ioannes Damascenus in suo de hæresibus libro. Accedit Carthagenensis Concilij canon 100. allegatus à Gratiano de Consec. dist. 3. his verbis, Mulier baptizare non præsumat.*

Sed nihilominus asserendum est, mulieres in illo casu necessitatis vrgentissimæ, non solum validè, sed etiam licitè baptizare posse, sic enim definitum fuit ab Eugenio IV. in Oecumenico Concilio Florentino, in sæpiùs iam memorata ad Armenos instructione, ubi sic decernit de baptismo, *Minister huius Sacramenti est Sacerdos, cui ex offi-*



cio competit baptizare: in casu autem necessitatis non solum Sacerdos vel Diaconus, sed etiam laicus & MULIER, imò etiam paganus & hæreticus baptizare potest, dummodò formam seruet Ecclesiæ, & facere intendat quod facit Ecclesia.

Sanè axiomà est Christianum, circumcisionem fuisse signum & figuram baptismi: atqui circumcisio conferri poterat à mulieribus, ut patet exemplo Sephoræ, quæ laudabiliter filium suum circumcidi, Exod. 4. Ratio est, quia circumcisio quæ fuit Sacramentum legis naturæ, non autem legis scriptæ, non habebat ministrum determinatum, cuius designatio alium excluderet, ut notat Abulensis super Iosue, ad cap. 5. Et licet ut plurimum à Sacerdotibus administraretur, tamen ubi non aderant, à laicis, & mulieribus conferri poterat, ut re ipsa factum, per viros etiam incircumcisos elicitur ex Genes. 34. Et per mulieres, tam ex facto Sephoræ, suprâ memorato, quàm ex eo quod refertur 1. Machab. 1. ubi legimus à multis matribus filios circumcisos fuisse; *Mulieres quæ circumcidebant filios suos, trucidabantur, secundum iussu regis Antiochi.* v. 63. Proinde martyrij laureâ propter hoc pietatis officium, à Deo honorari meruerunt. Celebris quoque est ex ritu Hebræorum opinio; matres potius quàm patres filios circumcidisse, quoniam cum natura piæ, & animo sint teneriores, quo blandius & mitius poterant, administrabant, resecantes tantillam particulam, quantula satis esset ad ritus & legis satisfactionem. Quo ex more Catholici quidam Auctores asserunt Christum Dominum non à Ioseph, neque à Simeone, ut pictores fabulosè repræsentant, sed à propria matre Virgine beatissima fuisse circumcisu: quod ex sancto Hieronymo eliciunt in paruo opusculo, quod tom. 4. eius operum extat, imò ex S. Bernardo, qui scribit in sermone de Circumcisione Domini, Virginem eius Genitricem hoc functam fuisse officio: ait enim, *Virgo Christum genuit, lactavit, & octava die circumcidit.* Nec est quòd quis excipiat tenerioris fuisse animi erga vnigenitum suum benignissimam Virginem, quàm ut guttulam sanguinis eius vlla vi, (ut sine vi fieri nequit) effunderet: stetit enim impauida ante eius crucem, & eum pro mundi salute immolatum, quantum in se erat obtulit Deo patri, morienti ex obedientia filio suo consentiens: unde euasit suorum viscerum immolatrix, magis quàm Abraham qui fide tantum immolauit filium suum Isaac, non re ipsa sacrificauit. At fortior Virgo astitit filio suo in cruce morienti, & eius obedientiam, adæquata conformitate ad præceptum Dei patris, suo assensu obsignauit. Sic respexit ad legem, diuinumque beneplacitum, filium suum circumcidens, proinde maternam animi teneritudinem excelso compressit animo, & filij sese legi vltro subiicientis, quo Patri placeret & eum nobis placaret, sese voluntati consentientem exhibuit, à quo nunquam in re vel minima dissensit.

Hac igitur ex inductione liquet, fas fuisse mulieribus filios suos circumcidere, proindeque ministerium explere circumcisionis. Cum itaque circumcisio fuerit figura baptismi, & necesse sit figuram cum re

figurata conuenire: hinc colligere rationi consentaneum est, mulieres prorsus à ministerio baptismi non excludi, sed aliquando scilicet vbi vrget necessitas, & neque Sacerdotes, neque Clerici, imò nec laici fideles præsentes sunt, illius explere posse ministerium: quin si abessent viri Christiani, adessent tantum Iudæi, vel Sarraceni, aut quilibet alij infideles, his præferendas esse mulieres Christianas non dubito: tum quòd sexu non obstante persona quæuis baptizata dignior est alia quæuis non baptizata; tum quòd mulier Christiana magis perita est ritus baptismi, formæque & materiæ legitimæ obseruandæ secundum Ecclesiæ intentionem, capacior & studiosior præsumenda est, quàm quilibet infidelis, qui hostis fidei est quandiu in infidelitate perdurat, nec seruus Dei & Ecclesiæ esse potest filius, prius quàm fidem discat & profiteatur, baptismumque in voto, vel re ipsa suscipiat.

His præmissis, ad loca Patrum indicata facile est respondere, videlicet intelligenda esse de munere ordinario, vel ministerio publico & solenni, vel extra casum necessitatis. Nec enim in dubium reuocari potest, quin Eugenius IV. Pontifex & Patres Concilij Flórentini, qui ei assistebant in hoc generali Ecclesiæ consensu, illas Patrum sententias cognouerint & æqua lance perpenderit, proinde sic intelligendas censuerint, vt non obesse crediderint suæ definitioni, cui facem prætulerať Urbanus II. in responsali Epistola ad Vitalem Brixensem Presbyterum, ex qua excerptus est can. 4. causæ 30. q. 3. Qui sic habet, *Super quibus consuluit nos tua dilectio, hoc videtur respondendum, vt et baptismus sit, si instante necessitate famina puerum in nomine Trinitatis baptizauerit.* Cæterum Concilium IV. Carthaginense, c. 99. vel 100. non absolute prohibet mulieri baptizare, sed in conuentu, hoc est in Ecclesia, qua cum restrictione refertur idem canon de Consec. dist. 4. Can. *Mulier*, qui est huius distinctionis n. 20.

## CAPVT IX.

*De Hæreticis Baptismum ministrantibus.*

**R**E BAPTIZANTES in Africa (ait Card. Bellarminus part. 2. Chronologiæ sub annum 239.) Agrippino qui S. Cyprianum in Episcopatu Carthaginensi præcessit, auctore exorti sunt: docuerunt baptizatos ab hæreticis, iterum esse in Ecclesia baptizandos, & quamuis Agrippinus & S. Cyprianus appellari non possint hæretici, cùm Ecclesiæ communem nunquam reliquerint vnionem; tamen posterì eorum Donatistæ, qui pertinaciter anabaptismum defenderunt, meritò hæretici habiti sunt, vide S. Augustinum lib. de baptismo. Sed graphicè rem gestam, nec minùs nitidè quàm breuiter explicat S. Vincentius Lirinensis, qui decennio post S. Augustini obitum clauit in Gallia, insigni sapientiæ Christianæ splendore, in aureo illo li-

*Commonitorio*  
1. c. 9. to. 4. Bi-  
blioth. SS. PP.  
col. 59. edit. po-  
strema Paris.

bro, nunquam satis laudato, quem scripsit aduersus profanas vo-  
cum nouitates, sic enim ait: *Quondam venerabilis memorie Agrippinus*  
*Carthaginensis Episcopus*, primus omnium mortalium contra diuinum canonem,  
contra vniuersalis Ecclesie regulam, contra consensum omnium Sacerdo-  
tum, contra morem atque instituta maiorum, rebaptizandum censebat. Quæ  
presumptio tantum mali inuexit, ut non solum hæreticis omnibus formam sa-  
crilegij, sed etiam quibusdam Catholicis occasionem prabuerit erroris. Cum  
ergo undique ad nouitatem rei cuncti reclamarent, atque omnes quaquauersum  
Sacerdotes pro suo quisque studio reniterentur; tunc beata memoria Papa Stepha-  
nus, Apostolica Sedis Antistes, cum ceteris quidem collegis suis, sed tamen præ  
ceteris restitit, dignum ut opinor existimans, si reliquos omnes tantum fidei de-  
uotione vinceret, quantum loci auctoritate superabat. Denique in Epistola quæ  
tunc in Africam missa est, his verbis sanxit: nihil innouandum, nisi quod tradi-  
tum est; intelligebat enim vir sanctus & prudens, nihil aliud rationem pietatis  
admittere, nisi ut omnia quæ fide à Patribus suscepta forent, eadem fide filiis  
consignarentur, nõque religionem non qua vellemus ducere, sed potius qua illa  
duceret, nos sequi oportere, idque esse proprium Christiana modestia & grauita-  
tis, non sua posteris traducere, sed à maioribus accepta seruare. Quis ergo tunc v-  
niuersi negotij exitus? quis utique nisi vñsatus & solitus? Retenta est scilicet  
antiquitas, explosa nouitas. Hæc Auctor ille in Ecclesia semper lauda-  
tissimus. Paulopost eadem in Africa floruit sanctus Fulgentius Epi-  
scopus Ruspensis qui in libro de fide ad Petrum, cum iam res esset ex-  
tra controuersiam posita, axioma istud iam vbique receptum, po-  
sterorum memorie inuiolabiliter tenendum consignauit parte 1. cap.  
3. *Firmissime tene & nullatenus dubites, Sacramentum baptismatis non solum*  
*extra Ecclesiam Catholicam prodesse non posse, imò sicut intra Ecclesiam recte*  
*credentibus per sanctum Baptisma conferri salutem, sic extra Ecclesiam baptiza-*  
*tis, nisi ad Ecclesiam redierint, eodem baptismo accumulari perniciem &c.* Hau-  
serat istam sententiam ex scitis sancti Augustini, cuius doctrinæ te-  
nacissimus erat, lib. 2. de baptismo c. 7. *Baptismus datus in hæresi vel*  
*schismate curat, cum ad unitatem Ecclesie peruenitur, non tamen iteratur.*  
Hinc oraculum Leonis Magni ad synonymum suum Rauennatensem  
Episcopum c. 2. *Erga baptizatum ab hæreticis nullatenus Sacramentum re-*  
*generationis iteretur, sed hoc tantum quod defuit, conferatur, ut per Episcopalem*  
*manus impositionem virtutem sancti Spiritus consequatur.* Magno suo decess-  
sori, Magnus subscribit Gregorius, lib. 9. Registri, epistola 61. quæ scri-  
pta est ad Quirinum Episcopum & Episcopos Hiberniæ his verbis:  
*Ab antiqua Patrum traditione didicimus, ut quilibet qui apud hæresim in Trini-*  
*tatis nomine baptizantur, cum ad sanctam Ecclesiam redeunt, aut unctione*  
*chrismatis, aut impositione manus, aut sola professione fidei ad sinum matris*  
*Ecclesie reuocentur.* Unde Arrianos per impositionem manus, Occidens; per vn-  
ctionem verò sancti chrismatis, ad ingressum sanctæ Ecclesie Catholice Oriens  
reformat &c. Hi verò hæretici qui in Trinitatis nomine minimè baptizantur,  
sicuti sunt Bonosiaci & Cataphrygæ, quia & illi Christum Dominum non cre-  
dunt, & isti Spiritum sanctum peruerso sensu esse quendam purum hominem  
Montanum credunt, quorum similes multi sunt alij, cum ad sanctam Ecclesiam  
veniunt,

veniunt, baptizantur, quia baptisma non fuit quod in errore positi in sanctæ Trinitatis nomine, minimè perceperunt. Nec potest hoc ipsum baptisma dici iteratum, quod sicut dictum est in Trinitatis nomine non erat datum. Idem statuit Concilium III. Constantinopolitanum dictum Quini- sextum, c. 95. Moguntinum IV. c. 5. Wormariense, c. 5. apud Burchardum lib. 4. Decretorum cap. 40. Tandem Concilium generale Florentinum ex Græcis & Latinis congregatum, ore Eugenij IV. in instructione ad Armenos; denique Concilium quoque Occumenicum Tridentinum, his verbis, sess. 6. c. de baptismo: *Si quis dixerit baptismum, qui etiam datur ab hæreticis in nomine Patris & Filij & Spiritus sancti, cum intentione faciendi quod facit Ecclesia, non esse verum baptismum, anathema sit.* Ratio fundamentalis huius dogmaris est, quia in baptismo nec fides, nec probitas requiritur ministri, de Christo enim rectè dicit Ioannes, *Ille est* Ioan. 1. 33. *qui baptizat in Spiritu sancto*; sed satis est, si qui ministrat, vsum habeat rationis, linguæ, & manuum, ut possit cum recta intentione ad diuinam voluntatem conformata, & Ecclesiæ intentioni adæquata verba proferre, & aquam spargere, seu effundere.

Legisse me ab aliquot annis memini Epistolam MSC. P. Vireti ad Ioannem Caluinum, iam Geneuam (quam corruperat in fide) occupantem, qua se mirari non nihil significat\*, cur Calvinus ipse (quem ut discessionis ab Ecclesia Romana primum post Lutherum auctorem, & iam inter Nouatores antesignanum suspiciebat) postquam nouam religionem instituisset, ipsius Romanæ Ecclesiæ non solum abrogatis ritibus, sed & nonnullis fidei dogmatibus abnegatis: nihilominus baptismum concederet passim verum in ea administrari, nec auulsos ab eius sinu & gremio fideles rebaptizaret: sibi enim videri, vel baptisma Romanæ Ecclesiæ reiiciendum esse, vel recedendum ab illo Caluini principio, quod Papa sit Antichristus. Qui sanè Antichristus esse non poterat, cum traderet baptismum in nomine sanctissimæ Trinitatis, seruata forma & adhibita materia legitima, cum recta intentione faciendi in huius Sacramenti dispensatione, quod Christus Dominus suis Apostolis præceperat. Respondit Calvinus se valde fuisse propensum in eam sententiam, qua baptismus Romanæ Ecclesiæ reiiceretur, & hinc ad se accedentes rebaptizarentur: verum fuisse ab hac cogitatione obtentu ingentis incommodi deteritum, siquidem formidasse, ne sibi, sociisque, qui in Romana Ecclesia baptizati fuerant obiiceretur, si verè baptizati non essent, ius reformandi religionem & populum congregandi, pastoresque committendi, ipsis nullum suppetere; atque ideo nihil magis ad se Ecclesiæ reformandæ, prædicandique, ac Sacramenta ministrandi officium pertinere, quàm ad Iudæos, vel Turcas, aliosque infideles; abstinuisse igitur ab hoc cogitatu, neque lapidem mouisse, quem super se & socios timebat non sine clade magna ruiturum.

\* Nota



## CAPVT X.

*De Baptismo collato ab infidelibus, cum recta intentione, seruata forma, & materia legitima adhibita.*



**M**ULTÆ Pontificum auctoritates ac Patrum sententiæ sparsim relatæ sunt, de consec. dist. 4. quibus (vt apparet) baptismus ministrari ab infidelibus prohibetur, & si fortè confertur iterari debere decernitur. Hos canones, quibus alij ibidem plerique videntur obseruari, cum oppositis vel conciliat, vel more Scholastico, distinctione passim adhibita, vel explicatione commoda resoluit Vasquez in 3. part. S. Thomæ disp. 147. q. 67. a. 5. c. 2. quam necrambem recoquere videar, his iterum excutiendis, explicandis aut conciliandis non immorabor. At vt breuiter ac nitidè dicam, monitum lectorem velim, quæstionem difficilem fuisse visam S. Augustino, qui lib. 2. contra Parmenianum, c. 13. dubio proposito *an non baptizatus possit baptizare?* candidè dicit *se non audere rem hanc determinare, cum in nullo generali Concilio res fuisset eò usque definita.* idemque repetit lib. 7. de bapt. c. 53. Sed denique factum est, quod beatus Augustinus cupiebat, scilicet in Concilio Occumenico Florentino, ex Ecclesia tam Orientali quàm Occidentali congregato, vbi in instructione fidei Armenis tradita, de baptismo regula hæc statuitur, *Minister huius Sacramenti est Sacerdos, cui ex officio competit baptizare; in casu autem necessitatis non solum Sacerdos vel Diaconus, sed etiam laicus & mulier; imò etiam paganus & hæreticus baptizare potest, dummodò formam seruet Ecclesiæ, & facere intendat quod facit Ecclesia.* Res igitur in dubium nunc ampliùs non vertitur; sed cautè est attendendum, qua cum conditione id illa instructio definiat: sapienter enim Pontifex & Concilium apposuerunt hanc clausulam suo decreto, *Dummodò (paganus &c.) formam seruet Ecclesiæ, & facere intendat quod facit Ecclesia.* Quod vt rarò contingit, securiùs esse puto, baptizatum hoc modo, iterum, sed sub conditione baptizare: cum vix infidelis quispiam inueniri possit qui formam calleat baptismi legitimam, & cogitet de intentione Ecclesiæ, quam vel odit, vel ignorat. Quæ causa fuit, propter quam iam olim Gregorius II. in epist. 2. ad Bonifacium iusserit rebaptizari à paganis baptizatos: *Quos à paganis, inquit, baptizatos asseruisti, si ita habetur, vt denuò baptizes in nomine Trinitatis mandamus: & refertur can. Quos à paganis de Consecrat. dist. 4.*



## CAPVT XI.

*De intentione Ministri.*

**I**CET verba Sacramentorum habeant in se virtutem operatiuam ex Christi institutione, virtus tamen illa non operatur nisi dependenter à ministro. Tunc enim solùm verba illa virtutem habent, dum coniunguntur cum virtute eorum applicationis, quæ est in ministro; etenim ministri Sacramentorum, sunt instrumenta Dei, sed instrumenta animata & ratione vrentia: nec enim agit Deus cum homine, vel per hominem, quasi faber cum malleo, sed cum creatura rationali & libera, quæ quod agit, iudicio & voluntate operatur, iuxta illud Matth. 24. *Quis est fidelis seruus & prudens, quem constituit Dominus super familiam suam?* vbi fidelitas & prudentia indicant, talem esse hunc seruum, vt in eius arbitrio sit facere, vel non facere, prout expedire iudicauerit. Sanè cùm Christus ait Apostolis suis, *Quorum remiseritis peccata remittuntur eis, & quorum retinueritis retenta sunt*, voluit esse in eorum arbitrio peccata remittere vel retinere.

Accedit quòd sicut in Sacramentis est materia determinata, quam alià commutare non licet, ita & forma quæ constat in verbis, debet determinari & restringi ad certum significatum, sine qua determinatione, forma esset vaga & non stabilis, posset enim ad significationes diuersas pro vrentium arbitrio, atque ad varios actus extendi, v. g. *Ego te baptizo, seu abluo, & tingo aqua*. sumi potest non pro actione Sacramentali, sed naturali, qua quis lauat sordes corporis, aut infirmum refrigerat balneo. At ista indifferentia formæ restringi non potest ad sacrum lauacrum, nisi ex intentione ministri, qui illa verba profert & applicat ad vsum actûs Sacramentalis, secundum præscriptam institutionem à Domino. Præclare descripsit in actis Apostol. S. Lucas, legitimum modum tam administrandi, quàm suscipiendi baptismi, quando adultis confertur, vbi agit de Eunuchò quem baptizauit Philippus Diaconus: *Ait Eunuchus, Ecce aqua quid prohibet me baptizari? Dixit autem Philippus, Si credis ex toto corde, licet. Et respondens ait, Credo filium Dei esse Iesum Christum &c. Et descenderunt uterque in aquam, Philippus & Eunuchus, & baptizauit eum.* Vbi palam est vtrimque concurrisse intentionem tam Philippi baptizantis, quàm Eunuchi baptismum suscipientis. Porro sicut renitente suscipiente, quamuis minister fundat aquam super caput eius, & verba proferat à Christo determinata, cum actuali vel virtuali intentione faciendi, quod fieri ab eo qui hoc Sacramentum dispensat, Christus præcepit: nihil tamen verba hæc efficaciam habent, quia suscipiens ponit obicem, & non solùm non credit, sed baptizari repugnat; sic qui mimicè baptizat, & vt psittacus, verba profert sine vlla intentione actuali vel virtuali, efficiendi quod Christus præscripsit, & eius Ecclesia intendit, nihil profuse effi-

Act. 8. 36. &amp;c.

PPppp ij

cit quoad rem, et si quoad speciem, quæ sunt Sacramenti extrinseca operetur; vel etiam quamuis dissimulet corde & mente id agere, quod ore & verbo significat, & manibus exequitur.


Theologi copiosè de triplici intentione tractant, videlicet actuali & virtuali, quas solas legitimas esse volunt ad verum & validum Sacramenti ministerium: & de habituali (vt esse potest in homine dormiente, qui loquitur, vel agit ex habitu infuso vel acquisito) quam postremam non sufficere vnanimiter docent. Haud necessarium verò censui de his quæ nimis trita sunt, & peruia in libris, plures paginas operis huius (quæ vix satis esse possent) opplere. Vnum est monitum quod hîc præterire nequeo, alta mente semper à ministro baptismi reuoluendum\*: multum esse discriminis inter baptismum & cætera Sacramenta quoad intentionem ministri; si enim in Eucharistia Sacerdos malus intentionem consecrandi actualem vel virtualem non adhiberet, (vel, quod peius est, contrariam haberet) hoc tantum incommodi, quoad adorantes sequeretur, quòd signum sine re apprehenderent; veruntamen excusarentur ex recta intentione adorandi tantum sub hoc signo verum Christi corpus, quod vi consecrationis præsens esse sub illis speciebus, consecrationem bona fide supponendo, crederent: suscipientes verò et si suo desiderio sumendi, scilicet verum Christi corpus frustrarentur, deuotæ tamen mentis coram Deo merito non carerent. In pœnitentiæ autem Sacramento quamuis malus quoque Sacerdos dicendo, *Ego te absoluo*, re ipsa absolvere à peccatis non vellet, pœnitens vi clauium non esset absolutus: tamen virtute contritionis suppleri posset inuoluntarius à parte pœnitentis iste defectus, quia & ipsi rectè confitenti incognitus. Verum in Sacramento baptismi secus est, qui licet in adultis per baptismum flaminis in aliquo casu suppleri possit, nequit tamen sic suppleri in paruulis; qui sic perirent vitio non suo, sed neglectu, aut prauitate ministri. Quàm maximè igitur pius Minister studere debet, seriæ intentioni huic Sacramento conferendo, adhibendæ, ne reus fiat perditionis animarum, quarum hac in re, salus æterna ab eius ope & cura, tanquam ab instrumento animato & rationali dependet.

\* Nota

## CAPVT XII.

*De ieiunio olim à sacris Ecclesiæ Ministris, baptismum conferentibus, obseruato: & sobrietate ab iis qui etiamnum illum administrant, studiosè colenda.*

Vide S. Greg.  
Naz. orat. in S.  
Lauacrum. Et  
S. Chrysostomus  
hom. i. ad Neo-  
phytos.



**M**IRI sunt Baptismi, & diuini planè effectus: vt quòd animam quam abluit ab omni sorde peccati, pulchram efficiat & Deo dilectam, splendentem diuinis charismatibus; quòd eam obsignet Christi sigillo & imagine, quòd faciat eam hæredem Dei, quòd aperiat ei regnum cælorum. Theologi pressius docent, baptismi tres proprios & principales esse effectus. 1. Tollit re ipsa omnem cul-


pam & pœnam. 2. confert gratiam ex opere operato, & dona diuina quibus verè homo iustificatur. 3. imprimit characterem indelebilem, ob quem reiterari non potest.

Propter hos tam sublimes & salutes effectus baptismi Sacramentum semper in Ecclesia summa in veneratione fuit, etiamnumque habetur; nec immeritò. Baptismus est enim ianua vitæ & fons salutis, opus perfectissimum sanctissimæ Trinitatis, signaculum per quod oues Christi esse incipimus, character primæ gratiæ, sine quo animæ saluari non possunt, ineffabilem Christi donorum primarium munus, sigillum fidei, præcipua pars spiritus, salutis radix, & vitæ æternæ principium. Eapropter iam olim in vsu fuit, vt à ieiunis ministris in Ecclesia traderetur (& hora 9. qua Christus in cruce expirauit, & ex latere percusso aquam cum sanguine profudit) sicut legimus in veteri Concilio Paris. lib. 1. c. 33. & ex Concil. Meldensi apud Gratianum de Consec. dist. 5. Quod tamen cùm difficile videretur, propter Christianæ plebis multitudinem, & paruulorum periclitantium instantem necessitatem, visum est saltem vsum hunc seueriorem hoc pacto temperandum, vt nonnisi à sobriis Sacerdotibus eius dispensatio fieret. qua de re insignem edidit canonem, II. Synodus Moguntina c. 16. hac verborum serie: *Vt tanto mysterio debita omninò reuerentia exhibeatur, Parochos & Ecclesiarum Ministros sedulò monemus, vt manè intra officia diuina, aut mox post ea peracta, cum multa sobrietate, & accurata deuotione baptismum administrent; comessationes verò & parum sobria conuiuia, quæ quibusdam in locis post baptismum sunt, per ciuiles Magistratus inhiberi, aut saltem ad moderationem Christianis dignam reduci volumus.* Ad cuius disciplinæ imitationem S. Carolus Borromæus in III. Concilio Mediolanensi, Decreto 13. conuiuium solenni quod nonnulli post filiorum baptismum opiparè exhibere solebant, animarum curatoribus interesse prohibuit.

Elogia baptismi  
ex S. S. Patri-  
bus collecta,

## CAPVT XIII.

*De linitione Chrismatis in vertice Baptismi candidatorum  
seu infantium, seu adultorum, à Presbytero  
facienda.*



**A**LIA hæc est ab vñctione quæ fit paulò ante ipsum baptismum, ex oleo oliuæ benedicto ab Episcopo solenni ritu, quod dicitur oleum Catechumenorum: quia eo Catechumeni à Presbytero quoque in pectore & inter scapulas vngi solent post exorcismos, post Satanæ & operum eius abrenunciationem, ac sinceræ fidei professionem. Ab ipso enim Apostolorum tempore distinctam fuisse hanc vñctionem, ab ea quæ mox post collatum baptismum fit à Sacerdote, ex chrismate in vertice recens baptizati; testis est S. Clemens lib. 3. Constit. Apostol. c. 13. his verbis: *Baptismus datur*

PPppp iij



in mortem filij, aqua adhibetur pro sepultura, oleum pro Spiritu sancto, sigillum crucis pro cruce, chrisma confirmatio confessionis est. Et lib. 7. c. 23. ex Apostolica theoria sic sacrum Myſtam inſtruit: *Vnges eum* (Catechumenum videlicet) prius oleo ſancto, deinde baptizabis, poſtremo ſignabis unguento chriſmatis, ut ſit oleum vñctionis participatio ſpiritus, aqua ſymbolum mortis, unguentum chriſmatis, ſigillum pactionum. Idem ferme tradit ſanctus Dionyſius lib. de Hierarch. Eccleſ. c. 2. Idem & Iuſtinus Martyr in lib. Reſp. ad Quæſtiones &c. Tertull. lib. de reſurrect. carnis c. 8. ſanctus Baſilius lib. de Spiritu ſancto c. 27. S. Ambroſ. lib. 1. de Sacram. c. 2. S. Aug. tract. 44. in Ioannem. Theophilus Antiochenus lib. 1. ad Autolyicum, & priſci Rituales auctores, tom. 10. Biblioth. SS. PP. quæ ſtrictim notata ſufficiunt, quoad vñctionem illam primam, quæ fit ante baptiſmum. Sed accuratiùs hîc mihi incumbit diſſerere de vñctione illa, quæ fit ex chriſmate mox ac Sacerdos baptiſmum paruulis vel adultis miniſtrauit.

Et imprimis diligenter diſtinguenda eſt illa vñctio ab ea, quæ in confirmatione confertur: tamen enim vtraque ex eodem fiat liquore, ſcilicet ex chriſmate, confecto, ut notum eſt, ex oleo oliuæ & baſamo, quo odoriferum & fragrans redditur myſticum hoc vnguentum, ab Epifcopo ſolenni ritu quotannis conſecratum Feriâ v. in Cœna Domini: tamen baptiſmalis chriſmatio à Preſbytero peragitur; altera autem in confirmatione ab Epifcopo confertur. hæc Sacramentum eſt, illa verò quid Sacramentale tantum, & appendix baptiſmi. Diſtinctè de vtraque Damafus in lib. Pontif. ſeu potiùs Anaſtaſius his verbis meminit in vita ſancti Silueſtri: *Conſtituit chriſma ab Epifcopo confici: & priuilegium Epifcopis dedit, ut baptizatum conſignarent &c. Hic & hoc conſtituit ut baptizatum liniret Preſbyter chriſmate leuatum de aqua, propter occaſionem tranſitus mortis.* Quæ tamen verba benigna interpretatione indigent, nec enim S. Silueſter Epifcopis priuilegium dedit ut baptizatos conſignarent, cùm hoc eis ius competat ex Dominica inſtitutione, Apoſtolica traditione ab initio deſtinenti obſignata: Quam videre eſt à Cardinale Bellarmino accuratè deſcriptam, lib. vñico de Sacram. confirmationis c. 2. 3. 4. 5. 6. & 7. Sed S. Silueſter dedit priuilegium Preſbyteris, ut leuatos de aqua, id eſt recens baptizatos chriſmate ſacro linirent. Hoc eius inſtitutum patet ex Ritualium veterum Scriptorum venerandæ antiquitatis monimentis authenticis innixorum, exploratis testimoniis; ſiquidem Amalarius Fortunatus Archiepiſcopus Treuirenſis, lib. 1. de Eccl. off. c. 27. hoc ipſum decretum B. Silueſtri ſic obſeruat: *In geſtis Pontificalibus legitur, Silueſter Papa inſtituit ut à Preſbytero vngeretur Neophytus in cerebro &c.* Et paulò infra, *Si quis ſine iſto chriſmate migrauerit de ſæculo, periculoſum iter accipit; Hoc prauidens Silueſter Papa quantum potuit ſubuenit, & propter abſentiam Epifcopi, neceſſitate addidit, ut à Preſbytero vngerentur.* Rabanus Maurus ex Abbate Fuldenſi Archiepiſcopus Moguntinus lib. 1. de inſtit. Clericor. c. 28. idem inſinuat, ait enim: *Legimus & in geſtis Patrum, quòd Silueſter Papa in Romana Eccleſia conſtituerit, ut ſicut poteſtas & priuilegium*

apud solum Episcopum constat, quod sacrum chrisma ipse conficiat, & baptizatum per manus impositionem cum ipso chrismate consignet, propter hæreticam suasionem, ita Presbyter eodem chrismate liniat baptizatum leuatum ex aqua propter occasionem transitus mortis. Walfridus Strabo Abbas Augiensis, in lib. de reb. Eccles. c. 26. hoc ipsum commemorat dicens, *Testantur decreta Innocentij Papæ, & statuta Siluestri, quia & ipse instituit ut Presbyter baptizatum chrismate liniat, propter occasionem transitus mortis.* Rupertus Tuitiensis Abbas lib. 5. de diuinis off. c. 16. eodem tramite incedens ait: *Legitur autem in gestis Pontificalibus quod Silvester Papa constituit, ut baptizatum Presbyter liniat chrismate, leuatum de aqua, propter occasiones transitus mortis, ne propter absentiam Episcopi & difficultatem eum consequendi, siue manus impositione baptizati migrent.* Hæc Rupertus, qui tamen non satis aptè linitionem illam baptizati in vertice, manus impositionem appellat: quo nomine Patres Sacramentum confirmationis, quod solus Episcopus confert, designare solent: longè enim esse diuersam hanc vnctionem chrismatis in vertice baptizati quæ fit à Presbytero, ab ea quæ fit ab Episcopo in fronte extra baptismum, res est quàm certissima, & ab Innocentio I. epist. 1. ad Decentium expressis verbis declarata: sic enim ait c. 3. illius suæ epistolæ: *Presbyteris chrismate baptizatos ungere licet, sed quod ab Episcopo fuerit consecratum, non tamen frontem ex eodem oleo signare, quod solis debetur Episcopis cum tradunt Spiritum sanctum.* De vnctione hac in vertice extat eximium B. Ambrosij testimonium lib. 3. de Sacram. c. 7. ubi ait: *Ecce misisti, venisti ad Sacerdotem, tibi dixit: Deus pater omnipotens qui te regenerauit ex aqua & Spiritu sancto, concessitque tibi peccata tua, ipse te ungat in vitam æternam.* Et lib. eodem c. 1. *Accipis autem mysterium, hoc est unguentum, super caput, quia sensus sapientis in capite eius.*

Irrepsit mos ut Presbyter, non pollice aut indice, hoc signaculum super caput baptizati, sed aliquo adhibito instrumento efformet; sic enim in quodam nouo Rituali legitur præscriptum in ordine baptismi paruulorum: *Hic Sacerdos chrismate ungat infantem cum baculo in vertice capitis in modum crucis dicens, Oremus: Deus omnipotens &c.* At non cum baculo sed proprio pollice facere debet Presbyter eiusmodi chrismationem, sic enim legimus in sancti Gregorij libro Sacramentorum, *Vt autem surrexeris à fonte, ille qui eum suscipit offerat eum uni Presbytero, qui faciat signum crucis de chrismate cum pollice in vertice eius dicens, Deus omnipotens pater Domini nostri Iesu Christi qui te regenerauit ex aqua & Spiritu sancto, qui que dedit tibi remissionem omnium peccatorum, ipse te liniat chrismate salutis in vitam æternam.* Idem expressum reperi in veteri Ordine Romano, in ordine Sabbati sancti, ubi cum agitur de baptismo puerorum & adutorum, sic habetur, *Ille vero Presbyter facit de chrismate crucem cum POLLICE in vertice eorum, ita dicendo, Deus omnipotens pater Domini nostri Iesu Christi &c.* Quem ritum etiamnum Romana Ecclesia in viuuo usu retinet, ut videre est in Romano Rituali, Pauli V. iussu edito in ordine baptismi paruulorum, ubi expleto baptismo regula hæc legitur, *Deinde intingit pollicem in sacro chrismate, & ungit infan-*

tem in summitate capitis in modum crucis dicens, Deus omnipotens &c.

Nec adiaphora videri debet hæc formula, siquidem Sacerdotis pollex instrumentum est viuum diuinæ potestatis & gratiæ, speciali vnctione ad vsus mysticos consecratum in Sacerdotali ordinatione: at baculi eiusmodi seu virgulæ argenteæ in vasculo chrismatis intinctæ nulla sit benedictio, nouoque more in hunc vsus vsurpatur, contra venerandæ antiquitatis auctoritatem, & huc vsque vigentem Romanæ Ecclesiæ, omnium matris & magistræ, consuetudinem.

Iam verò in quem finem vnctio hæc chrismalis, quæ mox sequitur baptismum, instituta fuerit, si quis scire aueat, occurrit responsurus huic sciscitationi Theodulphus Episcopus Aurelianensis, qui sub Ludouico Pio Imperatore claruit, in lib. MSS. de ordine baptismi, c. 15. vbi ait, *Baptizatorum itaque capita chrismate liniantur, ut in regno & Sacerdotio Ecclesiæ delibuti, & Christiani nominis prærogatiuam accipiant, & eius membra qui eos redemit & eorum caput est, effici valeant.*

Quod autem à chrismate defluat venerabile Christiani vocabulum præclare docet sanctus Augustinus tract. 33. in Ioannem ad c. 8. super illa verba, *Perrexit Iesus in montem Oliueti, & diluculò iterum venit in templum:* quæ sic edisserit: *Iesus perrexit in montem Oliueti, in montem vnguenti, in montem chrismatis, ubi enim decebat docere Christum, nisi in monte Oliueti? Christi enim nomen à chrismate dictum est. Chrisma enim Græcè, Latine vnctio nominatur, ideo autem nos vnxit, quia luctatores contra diabolum fecit.*

Vngi verò ad regnum spirituale chrismate sacro fideles, Prudentius 1<sup>o</sup>. in Symmachum libro, hoc versu insinuat,

*Cætibus aut magnis Lateranas currit ad aedes,  
Vnde sacrum referat regali chrismate signum.*

Et in Psychomachia rursus regale vocat,

*Vnguentum regale datum est, & chrisma perenne.*

S. Augustinus lib. 1. de consensu Euangelistarum, c. 1. hoc mystico vnguento significari simul edocet regnum & Sacerdotium, vnde Christiani nomen & decus oritur. In Ordine Romano, chrisma quo ab Episcopo fideles dum confirmantur, inunguntur, *Chrisma dicitur principale*, non quòd si materiam respicias, aliud sit ab eo quo Presbyter statim à baptismo linat Neophyti verticem, sed quòd vnctio illa quæ fit ab Episcopo cum crucis signaculo, sit ipsum Sacramentum confirmationis, à baptismo distinctum, per quod Spiritus sanctus traditur & Christianus perficitur\*, quæ fit autem à Presbytero, sit appendix baptismi, & non quidem Sacramentum, sed quid duntaxat Sacramentale.

\* Vide can. ut  
Ieanni n. 6. de  
Consec. dist. 5.  
& ibi glos. Chri-  
stianus.

At dices, vocatur à sancto Ambrosio vnctio illa mysterium, lib. 3. de Sacram. c. 1. *Accipis autem mysterium, hoc est vnguentum supra caput.* Ita quidem est, sed improprie & adumbratiue tantum; sicut enim panis benedictus qui fidelibus dari solet non communicantibus in Eucharistiæ vicem, non est corpus Christi, sed signum eius: *Quamuis non sit corpus Christi* (inquit sanctus Augustinus) *sanctum est tamen, & sanctius quam*

\* Nota.

lib. 1. de pecca-  
tor. meritis, & re-  
miss. c. 26.

quàm cibi quibus alimur: sic vnctio illa quæ ex chrismate fit in vertice baptizati à Presbytero, non est quidem Sacramentum, sed signum & pignus quoddam Sacramenti confirmationis; nam si decretum sancti Siluestri exactius expendatur, vnctio illa Sacerdotalis relationem habet ad Episcopalem, & vicem eius quodammodo supplet; quid enim illa verba libri Pontificalis Damasi sibi volunt, *Hic & hoc constituit ut baptizatum liniret Presbyter chrismate leuatum de aqua, propter occasionem transitus mortis?* Nisi quòd absente Episcopo, cum ita citò baptizatus sacro chrismate confirmari non possit, saltem à Presbytero eodem mystico vnguento liniatur, ne fortè si præmatura mors Neophytum arriperet, ille de hoc mundo excederet adhuc chrismate non inunctus. Hæc enim actio etsi actu non conferat confirmationis Sacramentum, voto tamen, à suscipiente hoc designat exoptari, & proinde non inaniter adhibetur, sed aliqualem desiderati Sacramenti effectum suscipienti impertit; si enim aspersio aquæ lustralis suscipienti proficit, quanto magis sacri chrismatis inunctio facta à Sacerdote ex Ecclesiæ mandato, ei prodesse potest?

Plura hîc agitari possent circa canonem 1. Arausicani Concilij insertum iuri sacro de Consec. dist. 3. can. *Nullus ministrorum*, & circa can. *Presbyteri*, eadem dist. n. 120. desumptum ex Greg. Magni scitis lib. 3. \* Eadem de ep. 9. ad Ianuarium Caralitanum Episcopum: & circa can. *Peruenit* 1. dist. 95. ex dictis eiusdem B. Gregorij ad ipsum Ianuarium lib. 3. ep. 16. Sed quia res hæc est apud Theologos disceptatione celebris, nostraque ætate non sine ardore acrioris disputationis ventilata, ne sopitas iam ferè & extinctas eiusmodi controuersias iterum agitare, pruritu quodam altercandi, cuipiam fortè videar, lubens ab hac tabula manum amoueo\*; ne chrisma, cœlestis columbæ virens ramusculus, pacisquæ & benedictionis symbolum, vertatur in contentionis pudendæ inter fratres, scilicet Catholicæ Ecclesiæ filios, infavistum argumentum.

\* Eadem de causa impræsentiarum lubens prætermisi quæstionem de Ministro confirmationis extraordinario. Quam tamen alias (si Deus vires & tempus concesserit) accuratius & congruentiori loco, tractabo. vide licet in supplemento Pano- pliarum Episcopalis.

## CAPUT XIV.

*Parænesis ad Sacerdotem Baptismum ex officio ministrantem.*

RO Corollario autem huius libri, est quod officij sui hîc Sacerdos commoneatur, scilicet ut memor sit huius sententiæ sancti Cyrilli Hierosolymitani Episcopi Cateches. 2. Mystag. *Postquam ex aquis sacri lauacri ascendimus, datum est chrisma quod imaginem gerit illius quo vnctus est Christus; sed à quo vnctus nisi à Patre? iuxta illud Ioan. 10. 36. Quem Pater sanctificauit & misit in mundum.* Sacerdos igitur imprimendo signum crucis cum chrismate in vertice recens baptizati, ut mysterium vnctionis Christi à Patre æterno hac sacra linitione repræsentat, sic Patris ipsius omnipotentis gerit vicem. Memor

QQqqq



fit igitur Sacerdos dignitatis suæ, qua viuum diuinæ Maiestatis instrumentum, & ipsius Dei omnipotentia organū sine ullis meritis suis (quibusnam enim meritis homo peccator tam admirabile donum & singulare beneficium potuit promereri) constitutus est. Agat igitur sicut decet *Dispensatorem multiformis gratia Dei* & *tanquam ex virtute quam administrat Deus*. Pulchrè hîc S. Ambrosius alloquens nuper baptizatum, *Ecce* (inquit) *mersisti? venisti ad Sacerdotem? Dixit tibi, Deus pater omnipotens qui te regeneravit ex aqua & Spiritu sancto, concessitque tibi peccata tua, ipse te ungat in vitam æternam.* Deus igitur in baptismo simul est creator, regeneratur, & sanctificator, hæc autem omnia per Sacerdotem operatur, qui eius gratia minister est & omnipotentia organum. Porro utitur Deus Sacerdote in regeneratione spirituali, quemadmodum pater & matre in generatione corporali, unde fit quod Sacerdos baptizans contrahit cum baptizato primum cognationis spiritualis gradum, pater enim eius euadit spiritualis, vicissimque qui baptizatur eius efficitur filius; ex quo impletur quod Apostolus de patre æterno dicit, *A quo omnis paternitas nominatur, in cælo & in terra.* Nec enim in terris sola est corporalis paternitas, siquidem alia est spiritualis quæ emanat ex baptismo, & contrahitur inter baptizantem & baptizatum, baptizatque patrem & matrem, ut declarat Concilium Tridentinum sess. 24. de refor. Matrim. c. 2. Sanè cognatio spiritualis diuiditur inter paternitatem & filiationem, fraternitatem & sororitatem, sed se ulterius non extendit, *Gloss. 1. in summa 30. q. 3.* Fit autem pater spiritualis Sacerdos, eius quem baptizat, & ea paternitas à diuina procedit. Hinc Canonistæ docent, si laici vel inferiores Clerici in necessitate baptizent, cum baptizato nequaquam contrahere cognationem, neque cum parentibus eius, neque cum susceptoribus. At ubi Sacerdos baptismum ex officio administrat cognationem eiusmodi hinc oriri, qua Sacerdos ipse pater spiritualis efficitur illius quem baptizat, & cognationem contrahit cum parentibus eius. Defluit igitur illa paternitas à diuina, quia agit in hac regeneratione Sacerdos, ut Dei minister, & proprium eius gratia & potestatis instrumentum. Non igitur absque mysterio vetus mos ille, Mediolanensi in Ecclesia viguit\*, ut Sacerdos baptismum ministraturus ad orientem solem spectaret, quo scilicet ritu innueret à fonte lucis & gratia se hanc regenerandi animas potestatem mutuari. Dicit sanctus Chrysostomus hom. 51. in Matth. ad c. 14 *homines baptizari non à Sacerdote, sed à Deo.* Et sanctus Augustinus tract. in Ioan. *Baptizandi,* inquit, *potestatem sibi Dominus tenuit, seruis ministerium dedit.* Et verò ut creatio hominis, sic & reparatio opus est Dei: quamobrem scitè ait sanctus Augustinus contra Pelagianos, *Baptismum esse opus sanctissimæ Trinitatis:* Diuinæ enim omnipotentia & sapientia ac bonitatis opus est, cuius cum Sacerdos sit administer, ideò rectè ab Hilario Papa dicitur *assumi in diuinæ Trinitatis adiumentum;* Nec sanè insolenti vocabulo, Vas enim electionis ait 1. Cor 3. 9. *Dei adiutores sumus.* Ad quæ diuini sui magistri verba aciem mentis conuertens sanctus Dionysius,

*Ephes. 3. 13.*

\* Beroldus in  
Cærimon.  
MSC.

*Ingens hæc, inquit, Angelica, imò diuina est dignitas, Dei cooperatorem fieri in conuersione animarum, diuinamque in se operationem, in alios transfundere.* Cælest. Hierarch. c. 3.

S. Ambrosius lib. 9. in Luc. sub ipso initio loquens de Sacerdotali potestate in remissione peccatorum; *Soluit (inquit) manus Apostolica: Tales actus, talis vita. Esso talis et tu ut possis ligatos soluere.* Idem de baptismi administratione dicere mihi liceat, se idoneum præstet Sacerdos primæ Dei gratiæ ministrum, aptumque instrumentum ablu-tionis, iustificationis & sanctificationis animarum: \* Interrogat Sacerdos baptizandum de fide, curet igitur quàm maximè viuam habere fidem, & ut monet Apostolus, sanum se in fide præbere. Exorcizat salem & aquam: animam priusquàm tam sancto officio incumbat, studiosè expurget ab omni inquinamento, mundumque cor hoc obeundo ministerium afferat. Abigit dæmonem à Catechumeno, expellat prius à seipso. Abrenunciare facit fidei candidatum Sata-næ, & pompis, & operibus eius: memor sit ipse seriò huius abre-nunciationis obseruandæ; & dum baptizat, sancti Gregorij docu-mentum recogitet, *Cauendum esse Sacerdoti ne in hoc aqua baptismali sit similis, quæ animam emundat & corpus abluit, moxque in piscinam defluit, & sic se sordibus miscet.* Caro abluitur, ut anima emaculetur: caro vn-gitur, ut anima consecratur: sic igitur hoc salutis ministerium Sa-cerdos exequatur, ut dum baptizat, sui ipsius baptismi recordetur, studeâtque aquæ quam fundit imitari puritatem, chrismatisque quo vngit baptizatum, bonum odorem verbis, actibus, & sanctis affe-ctibus exhalare, ut cum Apostolo verè dicere possit: *Christi bonus odor sumus Deo, in iis qui salui sunt, & in iis qui pereunt; aliis quidem odor mor-tis in mortem, aliis autem odor vitæ in vitam.* \* Nota peruti-le documentum.

*Tertull. de Co-ron. Mil.*

*2. Cor. 2. 15. 16.*

## F I N I S

Lib. V. & postremi, secundæ partis Panopliæ Sacerdotalis.

S O L I D E O H O N O R E T G L O R I A.



## AVCTOR LECTORI.

**A**PPENDICES quæ sequuntur (pie ac erudite Lector) ad contextum libri primi secunda partis huius Sacerdotalis apparatus (quò, de munere offerendi, seu de venerabili Missæ sacrificio, latè differui) te hîc monendum arbitror, postliminiò reuocandas esse. Quæris cur hîc eas nunc annectam? cùm, dicere non putabam (ut aiunt) esse non possit sapientis: Breuiter ac ingenuè respondeo. Ne liber ille iam alioqui satis ex se copiosus, fieret prolixior: Et quòd opus ipsum, potius ministerium Sacerdotis, quàm sacrificij mysterium respiceret: huiuscemodi disputationis tractatum, me tunc de industria pratermisisse. Verùm subinde amici pij ac docti quidam me admonuerunt: non adhuc, vi bouem lassum, mihi hîc esse figendum pedem. quas enim praterieram disceptationes, eò loco non abs re desiderari posse, quo de obiecto subiectoque sacrificij, necessum mihi fuerat, cum recentioribus heterodoxis conflictari. Admoui igitur iam fatigatam manum, mentemque, nimio ex studiorum labore, & negotiorum onere depressam, huic conficiendo supplemento. Quòd cum amicis meis communicassem, è vestigio persuaserunt, hîc non inane fore operapretium ipsum subnectere. Parui monitoribus meis, non tantùm obsequij gratiâ (quod amicis debetur:) sed eo insuper quòd ab eis exigebatur, summo pietatis iure. Causabuntur aduersarij forsitan, me hanc descendisse in arenam coactum: videlicet tam virium defectu, quàm causa ipsius diffidentiâ. Sed si tibi adlibitum fuerit examinare attentius, quæ utrimque hac in lite rationum ac auctoritatum momenta proferuntur: quæ ex parte stet veritas, non ita difficile iudicabis. Ipsi verò aduersarij, quanto cum suo damno, quin & dedecore, Catholica veritati meridiano sole fulgentiori refragentur, ipsa teste conscientia (si qua tamen eis, postquam naufragauerunt à fide, superest) poterunt experiri. Nam ut aliquando sponte sua fateantur, vix mihi persuadere possum, nisi Deus pro singulari sua bonitate, votis meis aspiret. Certè maior est Deus ipse corde nostro: Siquidem (ut magnus Apostolus ad Ephesios scribit) potest omnia facere, supra id quod petimus, & intelligimus.

1. Ioan. 3. 20.  
Ephes. 3. 20.





# APPENDIX PRIOR

## DE CHRISTI INVOCATIONE, ET ADORATIONE,

*Necnon totius diuinae Trinitatis supremo cultu,  
in sanctissimo Missæ sacrificio.*

Contra Petrum Molinæum, Ministrum Caluinistam.

### ARTICVLVS I.

*Horrendam esse Molinai imposturam, quòd Carthaginensis III.  
Concilij Patres prohibuerint Can. 23. Christum Dominum  
ad altare inuocari, ac etiam adorari.*



SACRAMENTARII hæretici nihil grauius huc vsque tulerunt, quàm Christum in Eucharistia adorari. Quamobrem omnes artes adhibuerunt, virésque exeruerunt, vt hanc adorationem funditus irent sublatum. Et astutè quidem, nempe quòd facilè perspicerent adorationem corporis Christi in Eucharistia, veram & realem eius in hoc Sacramento præsentiam supponere. Inde Calvinus contra Wesphalium scribens, eius & cæterorum Lutheranorum effusè deridet insaniam: qui veram Christi in Eucharistia existentiam confidentes, nihilominus adorandum hîc esse (vbi reuera est) abnuere non verentur. Quia autem Catholici ex Christi verbis expressis, & Patrum testimoniis, Conciliorum definitionibus, perpetuâque Ecclesiæ fide: hanc realem Christi in Eucharistia præsentiam asserunt & tuentur; rursúmque ex adoratione Eucharistiæ (quæ perenni praxi in Ecclesia Catholica, ab initio huc vsque obseruata est) miro omnium gentium consensu, realem Christi Domini in hoc Sacramento existentiam, ineluctabili argumento confirmant: vt hanc formidabilem sibi machinam hæretici, si non deiicerent ac euerterent; saltem utcúmque impeterent, fictili structo in aduersum ariete: eò audaciæ proruperunt, vt non eos puduerit asserere, prisce Ecclesiæ incognitum fuisse ritum illum adorationis Christi in Eucharistia: huncque morem esse

QQqqq iij



nuperum Papæ & sequacium eius inuentum. Quam impudentem vafritiem Catholici Theologi neruosè & acriter ( vt dignum erat ) castigârunt, productis venerandæ antiquitatis plerisque testimoniis, quibus palam fieret ritum hunc adorationis, & ipsum dogma quo Christum adorandum hoc in Sacramento realiter existentem, fides Catholica proficitur, ab initio fuisse tantâ constantiâ custoditum.

Magnus Cardinalis Petonius, fidei Catholicæ vindex fortissimus, hæresisque Calvinianæ acerrimus profligator, cùm in præclaro opere de Eucharistia contra Mornæum, tum in Responsione ad Iacobum Regem Magnæ Britanniæ, dogma ipsum, ritumque perennem adorationis Christi in hoc venerabili Sacramento, defendit: non solum ex ipsis fidei principiis, Scripturæ sacræ auctoritatibus, rationibusque Theologicis; at insuper summo antiquæ Ecclesiæ consensu, & sanctorum Patrum 1. 2. 3. 4. & 5. sæculi ( nam aduersarij, posteriorum, concedunt ) patentibus testimoniis propalato & confirmato. Pupugit acriter sectarios Ministros euidentis illa demonstratio: sed nemo impotentius hanc tulit quàm Petrus Molinæus, sectæ Sacramentariæ hoc sæculo efferatior propugnator: qui ex Sophista Leideni ( vbi Logicam olim docuit & edidit ) factus huius hæresis Antesignanus patronus; suo nomini ratus non minimam accessum iri gloriam, si tam inclyto Heroi ( quantus fuit Cardinalis Peronius ) sese antagonistam opponeret; contra eum singulare certamen, vt se ambiisse innueret, ( etsi illo viuentis vix mutire ausus fuerit ) post eius luctuosum occasum, stylum ingenti cum animi acrimonia exeruit. opus enim tandem in lucem emisit inscriptum *Nouitas Papatus, seu Replicatio ad Responsum serenissimi Jacobi Regis Magnæ Britanniæ*; cui texendo operi nouennium insumpsit ab obitu ipsius illustrissimi Cardinalis; parumque demum præstitit, tametsi magnam fecisset de suo enixu expectationem; ne scilicet prouerbum mentiretur,

*Parturiunt montes, nascetur ridiculus mus.*

Ceterum vt in diatriba huiusmodi totus est in facetiis, scommatibus, ludicris cauillationibus, & sophismatibus ridiculis, tamen cap. 20. xv. Controuersia, quo de adoratione Eucharistiæ tractat, risum in furem vertit, etenim iocos & sales cohibet aliquantulum, seriūque se fingens, latentem iram, animūque malignantem ac impium prodit. *Tantum* ( inquit ) *abest vt adhuc anno 451. quo IV. Oecumenicum Concilium celebratum fuit, Eucharistia adoraretur: quin contra legimus in III. Concilio Carthaginensi canonem serie 23. quo definitum est, vt cum altari assisitur, semper ad Patrem dirigatur oratio. Quod si tunc fas non erat ad Christum in Eucharistia preces dirigere, itidem nefas erat eius corpus adorare: siquidem in Religione Christiana omnis adoratio inuocationem includit; & hinc nomen suum mutuatur, adoratio etenim quædam oratio est.*

Possem hîc Molinæum crassæ inscitæ in Chronologia Ecclesiastica arguere, cùm Carthaginense III. Concilium eodem tempore habitum existimet, quo Chalcedonense consedit; at ex Actis vtriusque patet quantus intersit annorum excursus: III. Carthaginense coactum

est sub Siricio, vt constat ex eius canone 48. At verò sub Leone Magno synodus generalis Chalcedonenſis coaluit, vt paſſim eius in actis licet diſpicere, hæcque notatur habita anno 451. at verò III. Carthagenſis; anno 398. in quem incidit conſulatus Cæſarij & Attici, qui in anteloquio Patrum illorum conſignatur; at hæc inter leuia computanda ſunt errata, quamobrem moniti tantummodo cauſa hæc obiter indicanda cenſui.

Ad rem capitalem quoad ſpectat, candidè & intrepidè dico, falſiſſimum eſſe quod Molinæus ait, Patres III. Concilij Carthagenſis prohibuiſſe (& quidem ipſo canone quem indicat) Chriſtum Dominum inuocari, proinde & adorari, quòd quæ tunc fas non fuerit ipſum Chriſtum Dominum in Euchariftia diuino cultu venerari, vel ad eum preces ſacras dirigere. Licet autem negatiuam probatum ire non ſit opus, probare etenim affirmatiuam eius incumbit aſſertori; attamen ſincero propalandæ veritatis affectu, quàm calumnioſa ſit illa Molinæi aduerſus Patres Carthagenſes accuſatio, & falſa quam ex eorum verbis ſanctionis elicit interpretatio, vltro iam in me recipio patefacere.

Dico igitur 1. ſi, vt contendit Molinæus, Patres illi Carthagenſis III. Concilij prohibuerunt Chriſtum inuocari & adorari, Deum illum eſſe verum hoc dogmate negauerunt, ergo fuerunt Arriani; atqui hoc falſum eſt poſterius, ergo & prius verum non eſt, ſed tam falſum quàm falſiſſimum. Sanè nemo pius & doctus ſine horrore audire poteſt S. Auguſtinum Arrianismo laboraſſe, vel Arrianis adhibuiſſe conſenſum: at verò conſtat ſanctum ipſum Auguſtinum huic Concilio Carthagenſi interfuiſſe ac etiam ſubſcripſiſſe cum 43. alijs Epiſcopis. ſic enim in fine legitur can. ſcilicet 50. qui poſtremus eſt, *Aurelius Epiſcopus Eccleſiæ Carthagenſis huic decreto conſenſi, & relecto ſubſcripſi. Epizonius Epiſcopus Bullenſis regionis ſubſcripſi. Auguſtinus Epiſcopus plebis Hipponæ Regienſis ſubſcripſi*: Similiter & omnes Epiſcopi 44. numero ſubſcripſerunt. Si igitur iſti fuiſſent Arriani & decretum edidiſſent Arrianæ hæreſi conſentaneum, quale eſſet dogma illud quod iis impingit Molinæus, (ſcilicet quòd prohibuerint Chriſtum inuocari & adorari.) huic hæreſi conſenſiſſet S. Auguſtinus, Arrianis adhæſiſſet & cum iis meritò veniret numerandus. Porro nec ipſum Molinæum tam deſperatæ audaciæ eſſe puto, vt tanti criminis notam S. Auguſtino velit imponere, quem ſanè luce meridiana clariùs apparet, omnibus hæreticis bellum indixiſſe perpetuum, Arrianos porro tota vi animi ſemper impugnâſſe. Cuius zeli aduerſus eos feruentiſſimi etiamnum ſunt patentiſſimo monimento libri eius quindecim de Trinitate, lib. de fide & ſymbolo, Quæſtiunculæ de Trinitate, lib. contra ſermonem Arrianorum, lib. 3. contra Maximinum Epiſcopum Arrianorum, lib. 1. contra Felicianum Arrianum. Quod ſi Patres Carthagenſis Concilij III. cum quibus ſanctus Auguſtinus conſidebat, tantiſper Arrio fauere comperiſſet, quis dubitare poteſt hos fuiſſe illico monitum vt reſiſcerent, meliùs ab ipſo edocti;

vel protinus (si reperisset pertinaces) ab horum conuentu, vt à concilio impiorum, fuisse discessurum? Hæc ratio planè conuincit, nec validè potest refelli.

Dico 2. ex ipsa serie canonis quem Molinæus allegat, eius imposturam facile dispici posse. At antequam hunc in medium proferam, obseruasse operæ pretium fuerit anno 397. Concilium habitum fuisse Hipponense, quod præambulum fuit prædicti Concilij Carthaginensis III. illic breui compendio eadem Capitula digesta leguntur; quæ non diu post in ipso Carthaginensi recitata sunt, ac prolixius expressa. Canon 23. paucis his constabat verbis, *vt in precibus nec pater pro filio, nec filius pro patre nominetur.* In Carthaginensi eodem numero hic canon promulgatus est, sed cum hac appendice, *vt cum altari assistitur, semper ad Patrem dirigatur oratio.* Infert hinc Molinæus sanxisse hos Patres nefas esse ad Christum in Eucharistia dirigere preces, proinde ipsos vetuisse eius corpus adorari, siquidem inuocatio adorationem includit à qua nomen suum mutuatur, adoratio enim quædam oratio est. Bone Deus! in canone illo, estne vltum verbum quod scintillam vel exilem Molinæo præbeat tam impiæ interpretationis. Certè in illo canone nec prohibitio vlla extat, nec inuocatio, nec adoratio etiam verbotenùs nominatur. Quibus tamen vocabulis profana illa Molinæi expressio tota constat ac nititur. Patiatur quæso, vel vt diabolicæ malitiæ virus excutiat, vel pudendæ ignorantie abluat labem, se hoc loco benignè à me edoceri, quæ mens Patribus illis Carthaginensibus fuerit, cum hæc verba pronunciârunt, *Et cum altari assistitur semper ad Patrem dirigatur oratio;* Sanè hic est genuinus eorum sensus; quia in altaris mysterio Christus est victima simul & Sacerdos, decentiæ causâ, oratio quæ fit in sacrificio illo eiusdem Domini incruento, dirigatur ad Patrem, vt differentia quædam appareat inter subiectum sacrificij & obiectum, distinctioque fiat inter rem oblatam & offerentem, cumque cui offertur; *Christus noui Testamenti mediator est:* (ait Apostolus) porro in altari noui Testamenti sacrificium celebratur, officio itaque hic Christus fungitur Mediatoris, at non vt Deus, sed vt homo mediator est, *Vnus mediator Dei & hominum* (inquit Apostolus) *homo Christus Iesus, qui dedit semetipsum redemptionem pro multis.* 1. ad Timotheum 2. Cuius redemptionis hic nobis per eius oblationem incruentam pretium, virtus & meritum applicatur. De fide est Christum secundum diuinitatem Patri esse per omnia coæqualem: secundum humanitatem verò ipse ait, *Vado ad Patrem, quia Pater maior me est.* Igitur secundum solam humanitatem Patri se ipsum offert, ipsèque offertur: & ideo piè ac sapienter Patres isti Carthaginenses statuunt vt cum altari assistitur semper ad Patrem dirigatur oratio. Sed falsissimum est quod ipsis imponit Molinæus, scilicet eos prohibuisse ne Christus inuocetur aut adoratur. Tantum abest; sanctus Augustinus, qui fuit huius Concilij præcipuum lumen & columen, nihil magis in operibus suis astruit & inculcat, quàm Filij Dei vnigeniti cum Patre in eadem essentia vni-

Hebr. 9. 15.

Ioan. 14. 28.

vnitatem, in maiestate æqualitatem: Proinde nihil constantius docet & prædicat, quàm eius inuocationem & adorationem. Ex immani quo flagrat Molinæus odio aduersus cultum venerabilis Eucharistiæ Sacramenti, hanc calumniam excogitauit: sed miser non videt quo impetu fertur in Christi adorationem, eodem abripi contra adorationem & inuocationem Spiritus sancti; si enim Patres Carthagenenses illis verbis, *Et cum altari assistitur semper ad Patrem dirigatur oratio*, censendi sunt (vt eis Molinæus impingit) prohibuisse Christum adorari & inuocari: Pariter etiam existimare hos oportet, Spiritus sancti inuocationem & adorationem illicitam docuisse? sed quàm longè fuerit tam abominabilis opinio ab Africanæ Ecclesiæ Patribus constat & illustri testimonio S. Optati Episcopi Mileuitani, S. Ambrosij (qui B. Augustinum Christo peperit) coætanei. Sic enim ait lib. 3. aduersus Parmenianum: *Neque præiudicium Filio vel Spiritui sancto comparatur, cum ad Patris personam precatio ab offerente dirigatur*; Ratio est peremptoria, quia scilicet (vt Ecclesia in symbolo S. Athanasij profitetur) Patris, & Filij, & Spiritus sancti vna est diuinitas, æqualis gloria, coæterna maiestas. Hinc axioma fidei à Damaso Papa promulgatum, *Si quis dixerit Spiritum sanctum non esse adorandum ab omni creatura, sicut Patrem & Filium, anathema sit*. Prudenter igitur dudum monuit S. Dydimus lib. 1. de Spiritu sancto: *Omnibus quidem quæ diuina sunt, cum reuerentia & vehementi cura oportet intendere, maxime verò iis quæ de Spiritus sancti diuinitate dicuntur, præsertim cum blasphemia in eum sine venia sit*. Vtinam præclarum hoc monitum Molinæus aduertisset, odio adorationis Christi non irruisset in Spiritus sancti contumeliam. Certè dum Christi diuinum cultum impetit, etiam Spiritus sancti concutit coæqualem ipsi cum Patre glorificationem.

Nec est vt blasphemix scelus à se amoliatur, quòd crimen cuius auctor est, in Patrum humeros Concilij Carthagenensis deuoluere contendat, qui nihil minùs profectò cogitarunt quàm Christi, & consequenter Spiritus sancti diuinos honores abrogare. Respexerunt dumtaxat ad sacro-sanctum Missæ Canonem, qui sic incipit, *Te igitur clementissime Pater per Jesum Christum filium tuum Dominum nostrum supplices rogamus ac petimus*. Solennem illam precationem ab Apostolistraditam, quam vt notauimus ex Optato, Patres *legitimum Christianum* appellabant, ægrè ferebant pro priuato quorundam libitu variari. Donatistæ (vt ex ipso Optato lib. citato constat) hanc apostrophem, quo Liturgica deprecatio incipit, liuidis oculis aspectabant. Alij scioli plus æquo sibi tribuentes verba illa primordialia sacri canonis demurabant, Filium pro Patre, Spiritum sanctum pro Filio, vel Patre, vel pro vtroque hoc in exordio nominantes: Cui temeritati vt Patres illi sanctissimi ac sapientissimi irent occursum, canonem Hipponensem repetendo augendóque, Decretum hoc condiderunt, *Vt nemo in precibus vel Patrem pro Filio, vel Filium pro Patre nominet, & cum altari assistitur* (agebatur enim ibi de precibus in sacrificio) *semper ad Patrem dirigatur oratio: Et quicumque sibi preces aliunde describit, non*

*Carth. III.  
Concil. c. 23.*

R R r r r



*eis utatur, nisi prius eas cum instructioribus fratribus contulerit. Vbi sermo est de Episcopis & Sacerdotibus, ad quos spectat altari (sacrificium offerendo) assistere, & quos ad amussim regulæ Ecclesiasticæ in sacris theoriis, mysticisque precibus conuenire decebat. Hoc canone igitur nihil aliud Patres illi intenderunt, quàm Donatistarum retundere malitiam, & quorundam Catholicorum Sacerdotum coercere temeritatem, aut instruere simplicitatem; ac potissimum vniformitatem mirè Deo gratam & Ecclesiæ decoram, in rebus sacris, adeoque ipso incruento sacrificio illibatam conseruare.*

## ARTICVLVS II.

*Novas hareses in Arrianismum vergere, sicque Molinaum de Sacramentaria secta, in Arrianam impietatem sensim esse delapsum.*

2. Tim. 3. 8.

**G**RAPHICE prorsus hæreticos Apostolus scribens ad Timotheum depingit, *Quemadmodum (inquit) Iannes & Mambres restiterunt Moysi, sic & hi resistunt veritati, homines corrupti mente, reprobi circa fidem, sed ultra non proficient, insipientia enim eorum manifesta erit omnibus, sicut & illorum fuit.* Neoterici hæresiarchæ sub prætextu piæ reformationis, Christianam veram Religionem peruerterunt. Iactârunt se zelo gloriæ Dei vindicandæ succendi, quicquid aggrediebantur eo fine adoriri, vt omni idololatriâ & superstitione extirpata, purus Dei cultus vbique restitueretur; sincera prædicatio diuini verbi, pura Sacramentorum administratio, recta fidei & iustitiæ Christianæ doctrina populo traderetur; Deus solus pura religione coleretur, & Christi vnici Mediatoris nomen, Euangelium, gratia, meritum, gloria vbique coruscaret. Splendida erant illa promissa, sed opera quæ inde secuta sunt, quàm à veritate procul essent verba tam speciosa paulopost prodidère. Vix enim adhuc eruperant noui illi Magistri, & statim orbis vniuersus ingemuit, seque repente Arrianum factum magna sui parte miratus est. Lutherus etsi nihil se mouere velle circa Trinitatis mysterium asseruisset, paulò post tamen se ferre non posse scripsit **CONSVBstantialis** nomen: *Anima mea, inquit\*, odit hoc verbum ὁμοούσιος.* Erasit deinde è Litaniis, solennem hanc sanctissimæ Trinitatis inuocationem, *Sancta Trinitas vnus Deus, miserere nobis;* nec deinceps illis verbis in precibus Lutherani vsi sunt. Calvinistæ ab iisdem verbis sedulò cauent, vt videre est in precationum ipsorum editis formulis, in quibus nunquam diuina Trinitas inuocatur, sed nec Filius, nec Spiritus sanctus obsecrantur, at solus Pater. nec mirum, nam parens eorum Calvinus docere non dubitauit nomen Dei, καὶ τὸ ὁμοούσιον per excellentiam quandam Patri attribui, Nicenumque Concilium durè & improprie locutum (ait) in symbolo, dicens: *Deum de Deo, lumen de lumine, Deum verum de Deo vero.* Ansam perfectò præbuit Michaëli Serueto (cum quo acriter postmodum conflixit) impugnandi mysterium sanctissimæ Trinitatis, seminaque sparsit

\* Luth. cont. Lat. eob. Latomum.

illa infausta, ex quibus impia Tritheitarum & nouorum Arrianorum germina pullularunt. Nam paulò pòst insurrexit Valentinus Gentilis qui Arrianismum renouauit, quem secutus Franciscus Dauid, Transiluanorum Ministrorum signifer, palam docere non exhorruit solum Patrem esse Deum verum: Filium & Spiritum sanctum esse virtutes Dei non distinctas à Patre, personâ, vel relatione, vel essentia; Christum esse purum hominem, sed dici verbum Dei, quia verba Dei annunciauit. Nec est quòd Lutherani & Calvinistæ Ministri dicant, se monstra eiusmodi execrari: nam qui est causa causæ, est causa causati: Lutherus & Calvinus reiectis Conciliis, proculcatis Canonibus, Patribus contemptis, Ecclesiæ auctoritate suppressa, ianuam insanis istis hominibus aperuerunt, qui solutis iam omnis ordinis ac disciplinæ repagulis, pro mero libitu impia hæc dogmata disseminarunt tam funesto rerum (quas non sine lachrymis videmus) euentu; sed non solum grassandi his monstribus & portentis hominum præbuerunt occasionem, at fauere se non nihil eorum impietati, cum præsignatis indiciis, tum aliis plerisque argumentis, ostenderunt. Nec enim solam abrogârunt inuocationis diuinæ Trinitatis in Ecclesia theoriam solennem & perantiquam, at curârunt insuper ingenti studio, ne vestigium sacræ huius praxis vllum remaneret. Trisagium Isaïæ de cultu diuino expunxerunt: Hymnum glorificationis, seu versiculum illum perinsignem, quem à tot sæculis Ecclesia, ad finem vniuscuiusque psalmi tanta pietate decantabat, *Gloria Patri, & Filio, & Spiritui sancto* &c. penitus sustulerunt; hoc enim nunquam in suis cantilenis & precatiunculis vtuntur, vt ex eorum libellis excusis formularum cantandi, precandi, Sacramenta ministrandi euidenter apparet. Molinæus hunc ipsum genium induisse se prodit, cùm audet asserere Christum non esse inuocandum ad altare, nec in Eucharistia adorandum: cùm enim sacrificium soli Deo debeatur, manifestum est dum ipse Molinæus negat Christum ad altare inuocandum esse & adorandum, proindèque sacrificiocolendum; consequenter, illum inficiatur verum Deum esse. At si hoc dogma Arrianum non est, dicat quæso Molinæus quid aliud sit cum Arrio sapere: sed vt alieno palio se tegat, Patres Carthagenensis III. Concilij, huius virulenti paradoxo auctores esse supponit. At quanta cum impudentia & falsitate, superiori articulo plenissimè ac manifestissimè fuit euictum. Vnde consecraneum fit, impiam illam sententiam Molinæi propriam esse. Quamuis enim falso illam ipsis Patribus Carthagenensibus ascribat vt veram: tamen illam proponit, hæcque nititur, & vt ex cetero principio conclusionem suam deducit, vt lectori verborum eius facile euadit perspectum.

*Vide de Arrio  
S. Epiphani. hæ-  
res. 69.  
S. Aug. hæres.  
49. Theodoret.  
de fab. hæres.  
lib. 4.*



## ARTICVLVS III.

*Christo, ut Deus est verus cum Patre & Spiritu sancto,  
iure sacrificium Eucharistiae offerri.*

**S**ACRIFICIUM corporis & sanguinis Christi, quod noui Testamenti proprium est: non solum esse commemoratiuum eius passionis (cū sit etiam exhibitium eiusdem hostiæ in ara crucis immolata): nec modò esse Eucharisticum, nec solum propitiatorium & expiatorium, seu etiam impetratorium: at insuper latreuticum, quo scilicet Deus ut omnium rerum principium & finis, auctor & dominus, supremo latræ cultu honoratur, suprâ ex professo docuimus ac demonstrauimus. Vnde cū Deus vnus sit in essentia, trinus in personis: necessariò sequitur illud sacrificium toti diuinæ Trinitati, & proinde æquipariter tribus & singulis personis diuinis offerendum esse, ideòque hoc summo religionis actu, non minùs Filium, quàm Patrem, aut Spiritum sanctum, quàm horum vtrumque vel alterum coli posse ac debere.

Ante mille quadringentos annos S. Irenæus inclytus Martyr & Episcopus Lugdunensis, qui in prima iuuentute fuerat edoctus in fide, à S. Polycarpo itidem Episcopo & Martyre, B. Ioannis Apostoli & Euangelistæ primario discipulo: hanc quam imbiberat doctrinam in fonte Apostolico, expressè prædicauit & tradidit lib. 4. aduersus hæreses, c. 33. Ibi enim persequens insigne vaticinium Malachiæ prophetæ de sacrificio Eucharistiæ, in vniuerso orbe, Deo vero à gentibus fide illustratis perenni cultu offerendo, ex eadem prophetia elicit hoc ipso sacrificio Filium Dei vnigenitum factum hominem, pro mundi redemptione, colendum & glorificandum esse. *In omni loco sacrificatur,* ait Deus per prophetam, *& offertur nomini meo oblatio munda: quia magnum est nomen meum in gentibus.* Ad hæc B. Irenæus planè sublimiter & diuinè. *Quod est autem nomen quod in gentibus glorificatur (inquit) quàm quod est Domini, per quem glorificatur pater & glorificatur homo, quoniam proprii filij eius est, & ab eo factus est homo, suum illud vocat: quemadmodum si quis Rex ipse sui filij pingat imaginem, iuste illam suam dicit imaginem secundum vtrumque, quoniam & filij eius est, & quoniam ipse eam fecit: sic & Iesu Christi nomen quod per vniuersum mundum glorificatur in Ecclesia, suum esse constitetur pater, & quoniam filij eius est, & quoniam ipse scribens id ad salutem dedit hominum: Quoniam ergo nomen filij proprium patris est, & in Deo omnipotente per Iesum Christum offert Ecclesia, bene ait secundum vtraque (nomina patris scilicet & filij) & in omni loco, incensum offertur nomini meo, & sacrificium purum.* Christus igitur ut est hostia offertur, ut Sacerdos offert: ut Deus est vnus cum Patre, hac ipsa oblatione, hoc pretioso & incruento sacrificio ab Ecclesia colitur, oratur & adoratur, ipso singulari latræ mysterio.

Quòd colendus esset autem Christus, illo summo latræ cultu pariter cum Patre, Apostolus Heb. 1. diuinis ex oraculis confirmat: Et

*Malac. 1. 11.*

cum iterum introducit primogenitum in orbem terræ, dicit, & *adorant eum omnes Angeli Dei.* Ab hominibus autem mox ac natus, cælesti nutu, in ipsis cunabulis adoratus est; sæpiusque hoc summo honore ab Apostolis & discipulis, iisque qui diuina eius beneficia persenserunt, in vita & post mortem excultus fuit, ut ex Euangelio patet. Post eius autem triumphalem in cælos reditum, B. Ioannes Apoc. 5. se vidisse testatur quatuor animalia, & viginti quatuor seniores, coram agno stantes tanquam occiso cecidisse; vocésque militiæ cælestis, & omnis creaturæ quæ in cælo, & super terram, & sub terra, & in mari se audiisse acclamantium: sedenti in throno & agno gratiarum actionem, gloriam, & honorem, laudem & benedictionem in sæcula sæculorum. Quæ cantica atque acclamationes omnes Angeli cum quatuor animalibus adorabundi & in facies suas prostrati, respondendo Amen, confirmabant. Et verò ipse Christus Iudæis prædicauit, Ioan. 5. esse voluntatem sui patris, *ut omnes honorificent filium* \* *Not* *sicut honorificant patrem.* Porro qui ita filium non honorificat, neque honorificat patrem qui misit illum. Pari igitur honore, cum patre æterno, filius ei coæternus colendus est. Si igitur pater, fide, spe & charitate colitur, si precibus & laudibus ac sacrificio honorificatur, filius quoque iisdem planè modis debet honorificari; siquidem Ego, *Iohan. 14.* inquit, & pater unum sumus. Qui videt me, videt & patrem meum. Qui me honorat, honorat & patrem meum; quo cum filius ipse vnus est substantia, licet sit personâ distinctus. Hinc in ipso sacrificio æqualibus præconiis filius cum patre glorificatur; *Laudamus te; Benedicimus te. Adoramus te, glorificamus te. Gratias agimus tibi propter magnam gloriam tuam. Domine Deus rex cælestis Deus pater omnipotens.* Moxque ad filium conuersis laudibus, *Domine fili unigenite Jesu Christe. Domine Deus agnus Dei filius patris. Qui tollis peccata mundi miserere nobis. Qui tollis peccata mundi, suscipe deprecationem nostram. Quoniam tu solus sanctus, tu solus Dominus, tu solus altissimus Jesu Christe &c.*

## ARTICVLVS IV.

*Spiritui sancto offerri pariter idem venerabile sacrificium:  
proinde & toti indiuidua Trinitati.*

## PARAGRAPHVS I.

*De Spiritu sancto.*

**P**ORRO Spiritus sanctus eodem cultu honorandus est, sicut Ecclesia proficetur in synodo Nicæna, seu Constantinopolitana, alta voce dicens se quoque credere *In Spiritum sanctum Dominum & viuificantem, Qui ex Patre Filioque procedit: Qui locutus est per Prophetas; Qui cum Patre & Filio SIMVL ADORATVR ET CONGLORIFICATVR, &c.* Nec immeritò: nam cum patre & filio, vnâ eandemque essentiam, virtutē, maiestatem habet, eodem igitur pariter honore colendus est. At mi-



seri Transilvani, qui Arianismum his infelicissimis temporibus renouârunt, filij Dei vnigeniti diuinitatem abnegantes, iidem Eunomij & Macedonij iam olim sepultam hæresim, aduersus Spiritus sancti diuinitatem, etiam ab inferis reuocârunt. Hos Theologi Catholici, fidei Apostolicæ & sanctorum Patrum doctrinæ defensores, definitionumque Conciliorum Oecumenicorum assertores, hoc egregio, singulari ac ineluctabili argumento, nouorum illorum (vt antiquorum) pneumaticorum impietatem confutârunt. Ille verus, summus ac naturâ Deus est, quem Scriptura sacra absolutè Deum vocat, cui attributa naturæ diuinæ & opera Deo propria tribuit; quem nunquam in creaturarum ordine, sed in diuinarum numero personarum ponit; quem in omni operatione coniunctum & inseparabilem à Patre & Filio demonstrat &c. Atqui Spiritus sanctus est huiusmodi, 1°. siquidem in Scriptura sacra Deus absolutè vocatur, 2. Reg. 23. 2. *Spiritus Domini locutus est per me, & sermo eius per linguam meam. Dixit Deus Israel, mihi locutus est fortis Israel, Dominator hominum &c.* Et Act. 5. 3. 4. *Anania* (ait Petrus Apostolus) *cur tentauit Sathanas cor tuum, mentiri te Spiritui sancto &c. Non es mentitus hominibus, sed Deo.* 2°. Ipsi quoque diuina attributa adscribuntur. Immensitas, *Spiritus Domini repleuit orbem terrarum, Sap. 17. & Ps. 38. Quò ibo à Spiritu tuo? &c.* Bonitas; *Spiritus tuus bonus, deducet me in terram rectam Ps. 142. 10. O quàm bonus & suauis est Domine spiritus tuus! Sap. 12. 1. Pater vester de cælo, dabit spiritum bonum petentibus se. Luc. 11. 13. Omnipotentia: Sap. 7. 23. Est spiritus intelligentiæ sanctus, omnem habens virtutem. Spiritus sanctus* (ait Angelus ad Virginem benedictam) *superueniet in te, & virtus altissimi obumbrabit tibi &c. quia non erit impossibile apud Deum omne verbum.* Sapientia: vnde Apostolus 1. Cor. 2. 10. 11. *Spiritus omnia scrutatur etiam profunda Dei. Quis enim hominum scit quæ sunt hominis, nisi Spiritus hominis qui in ipso est? ita & quæ Dei sunt, nemo cognouit nisi Spiritus Dei.* 3°. Spiritui sancto etiam opera soli Deo propria tribuuntur, Creatio: Ps. 32. 6. *Verbo Domini cæli firmati sunt, & spiritu oris eius omnis virtus eorum. Ps. 103. 30. Emittes spiritum tuum & creabuntur. Iob. 33. 4. Spiritus Domini fecit me.* Hinc ab Ecclesia compellatur sic, *Veni creator Spiritus.* Futurorum prædictio: 2. Pet. 1. 20. *Spiritu sancto inspirati locuti sunt sancti Dei homines. Act. 1. 16. Oportet impleri Scripturam, quam prædixit Spiritus sanctus.* Miraculorum patratio: *Ego in Spiritu Dei, eiicio demonia, ait Christus Matth. 12. 28. Et Apostolus 1. Cor. 12. 9. dona linguarum, sanitatum, prædictionum, interpretationum, discretionis spirituum & cætera diuina munera ac opera mirabilia, Spiritui sancto vt auctori omnium illorum assignat. Insuper iustificatio opus planè diuinum, est opus Spiritus sancti, 1. Cor. 16. Iustificati estis in nomine Domini nostri Jesu Christi, & in spiritu Dei nostri. Viuificatio seu resurrectio: Rom. 8. 11. Viuificabit mortalia corpora nostra, propter inhabitantem eius spiritum in nobis. Ecclesiæ gubernatio: Act. 10. Dixit Spiritus Petro, Ecce viri tres quærunt te, surge ergo & descende, & vade cum eis nihil dubitans, quia ego misi illos. Et c. 13. 2. Dixit Spiritus S. Segregate mihi Saulum & Barnabam in opus ad quod ego assum-*

psi eos. Et c. 15. 28. *Visum est Spiritui sancto & nobis &c.* Item Act. 16. 6. *Vetati sunt à Spiritu sancto loqui verbum in Asia.* Et c. 20. 28. *Attendite vobis & universo gregi, in quo vos Spiritus sanctus posuit Episcopos regere Ecclesiam Dei.*

4°. Nunquam Spiritus sanctus in creaturarum serie recensetur, etiam in locis illis ubi Angeli & præcipuæ creaturæ numerantur, ut videre est ex Ps. 102. Ps. 148. Daniel. 3. & Col. 1. 16. ubi memorantur nobilissimæ creaturæ; Dominationes, Principatus, Potestates. Et 1. Pet. 3. 21. Angeli, Potestates, Virtutes: ubi Spiritus sanctus nullomodo erat prætermittendus, si Deus non esset. At ubi personæ diuinæ numerantur, semper cum eis, ut vna ex eis, connumeratur; Matth. 28. 19. *Euntes docete omnes gentes, baptizantes eos in nomine Patris, & Filij, & Spiritus sancti.* Et 1. Ioan. 5. *Tres sunt qui testimonium dant in cælo, Pater, Verbum & Spiritus sanctus, & hi tres unum sunt.* 5°. In omni operatione coniunctus & inseparabilis est à Patre & Filio, v. g. Pater in Incarnatione operatus est; *Misit filium suum in similitudinem carnis peccati:* Rom. 3. Spiritus sanctus itidem operatus est, *quod enim ex ea natum est de Spiritu sancto est,* Matth. 1. 20. Pater vnxit Christum, ut hominem, quem Pater sanctificauit, *& misit in mundum,* Ioan. 10. 36. Idem fecit Spiritus sanctus, de quo Christus ipse Dominus dicit, Luc. 4. 18. *Spiritus Domini super me, propterea vnxit me, euangelizare pauperibus misit me.* Pater filio auctor fuit ut pro nobis se offerret ad mortem; *Sic Deus dilexit mundum, ut filium suum unigenitum daret,* Ioan. 3. & Rom. 8. *Proprio filio non pepercit, sed pro nobis omnibus tradidit illum.* Idem factum dicitur à Spiritu sancto Heb. 9. 14. *Christus per Spiritum sanctum semetipsum obtulit.* Denique Christus de Patre ait, *Vsq̃ue modo Pater meus operatur & ego operor.* Ioan. 5. 17. & c. 14. 10. *Pater in me manens ipse facit opera;* At ut Pater Filio cooperabatur, sic & Spiritus sanctus; vnde ipse ait, *Ego in Spiritu Dei eicio demonia.*

Ex hac igitur inductione, seu potiùs demonstratione, rectè certòque colligitur, quòd Spiritus sanctus sit cum Patre & Filio Deus verus & vnus. Pari igitur cultu honorificari debet; atqui cultus latriæ Patri & Filio debetur, & exhibetur in sacrificio Eucharistiæ, igitur sic est colendus Spiritus sanctus. Hoc vero, insuper iis rationibus accedit, Sacramentum regenerationis, quod est renouatio rationalis creaturæ, peræquè ad tres diuinas personas spectat; quapropter illa gratia pariter *in nomine Patris, & Filij, & Spiritus sancti* ministratur. Cur non igitur & sacrificium communi dignitatis honore, tres ipsæ personæ æquo iure possidebunt? Præterea cui competit templum, competit & sacrificium, sunt enim correlata, templum, altare, sacrificium & Sacerdotium. Atqui Spiritui sancto templum competit 1. Cor. 6. 19. 20. proinde & sacrificium illi conuenit & debetur. Adde quòd illud mysterium virtute Spiritus sancti conficitur; quapropter à S. Iustino, Apol. 2. ad Antonin. Imp. Eucharistia Incarnationi comparatur; quin & illa prorsus admirabilis mutatio panis & vini in Christi corpus & sanguinem, quæ fit per consecrationem, hostiæque quæ immolata fuit in cruce, vera representatio in altari, quòd sit opus Spi-

ritus sancti, Patres vnanimi consensu docent. S. Optatus Mileuitanus lib. 6. contra Parmenianum Donatist. *Quid tam est sacrilegum quàm altaria Dei, in quibus & vos aliquando obtulistis frangere, radere, remouere, in quibus vota populi & membra Christi portata sunt: quo Deus omnipotens inuocatus sit; quo postulatus descendit Spiritus sanctus: vnde à multis pignus salutis aeternæ & tutela fidei & spes resurrectionis acceptata est.* S. Aug. lib. 3. de Trinitate c. 4. dicit oblata non sanctificari, ut sint tam venerabile Sacramentum, nisi operante inuisibiliter Spiritu Dei: *Cùm hac omnia &c. Deus operetur.* Proclus Episcopus Constantinopolitanus synchronus S. Cyrilli Alexandrini, in lib. de traditione diuinæ Liturgiæ: *Per has preces (inquit, Apostoli & Patres) Spiritus sancti aduentum expectabant, ut eius diuina presentia, propositum in sacrificio panem & vinum aqua permixtum, ipsum illud corpus & sanguinem salutaris & Saluatoris nostri Iesu Christi efficeret.* S. Gregorius Papa I. teste Ioanne Diacono in eius vita sic coram populo locutus est: *Præscius conditor noster infirmitatis nostræ, ea potestate qua cuncta fecit è nihilo, panem & vinum aqua mixtum manente propria specie in carnem & sanguinem suum Spiritus sui sanctificatione conuertit.* Venerabilis Beda in serm. de Epiphania: *Panis & vini natura, in Sacramentum carnis & sanguinis Christi ineffabili Spiritus sancti sanctificatione transfertur.* S. Ioannes Damascenus lib. 4. de fide c. 14. *Panis, vinumque & aqua per inuocationem & aduentum Spiritus sancti, supernaturaliter transmutatur in corpus & sanguinem Christi, & non sunt duo, sed vnum & idem.* Theophylactus in cap. 6. sancti Ioannis: *Transformatur arcanis verbis panis ille per mysticam benedictionem & accessionem sancti Spiritus, in carnem Domini.* Cùm igitur virtute Spiritus sancti hoc sacrificium peragatur, cuius munus & opus est, & ideo, ut adsit, postuletur & inuocetur, sicut disertè dicunt præfati Patres, & ex omnibus Liturgiis planè constat: Hinc consecrante euadit dignum & iustum esse, ut hoc eius donum tam pretiosum in gratiarum actionem ipsius tanti beneficii offeratur; hocque sacrificio ipse cum Patre & Filio honoretur, quibus cum hæc operatur mysteria. *Veni hora & nunc est* (ait Dominus Ioan. 4.) *quando veri adoratores adorabunt Patrem in spiritu & veritate* \*. Atqui vult ipse Pater ut omnes honorificent Filium sicut honorificant Patrem; Proinde & Spiritum sanctum sicut se & Filium, quia scilicet *tres sunt qui testimonium dant in cælo, Pater, Verbum, & Spiritus sanctus, & hi tres vnum sunt;* sicut Filius de se & Patre ait, *Ego & Pater vnum sumus.* Idcirco Sacerdos sanctum Missæ Canonem hac coronide absoluit & concludit: *Per ipsum (Christum Dominum videlicet) & cum ipso & in ipso, est tibi Deo Patri omnipotenti, in unitate Spiritus sancti, omnis honor & gloria. Per omnia secula seculorum. Amen.*

\* Hæc verba  
SS. Chrysof.  
& Cyrill. de  
sacrificio in-  
cruento nostro  
interpretantur.

I. Ioan. 5.  
Idem 10. 30.



## §. II.

*De sancta, & indiuidua Trinitate.*

**E**X sacra igitur hac theoria & perpetua Ecclesiæ praxi, euidenter constat per hoc latreuticum sacrificium, omnes & singulas Trinitatis personas, proinde & totam ipsam diuinam Trinitatem adorari. In Missa S. Iacobi fratris Domini, oratione præmissa pro peccatorum remissione, accedens ad altare Sacerdos dicit; *Gloria Patri, & Filio, & Spiritui sancto; trino & uni lumini diuinitatis, quod est singulare in Trinitate, & quod sine diuisione diuiditur. Trinitas enim vnus Deus omnipotens, cuius gloriam cæli enarrant, terra verò eius dominationem, & mare eius omnipotentiam, & omnis creatura &c. eius magnificentiam prædicat, quia cum omnis gloria, honor, potentia, magnificentia & decus decet nunc & semper, & in secula seculorum: Amen.* Et cum Sacerdos sancta dona offert, precem suam his verbis concludit: *Quoniam sanctificatum est ac glorificatum, venerandum omni ex parte & magnificum nomen tuum, Patris & Filij & Spiritus sancti, nunc, & semper, & in secula seculorum. Amen.* Et postquam signo crucis consignauit mystica dona, sic sanctam Triadem inuocat & veneratur: *Exaudi Domine orationem meam, tu es enim qui omnia in omnibus agis, & abs te omnes querimus in omnibus auxilium & subsidium ab unigenito filio tuo, & à bono & viuificante & consubstantiali Spiritu nunc & in secula.* Deinde post orationem velaminis, dicit ad populum Sacerdos alta voce: *Charitas Domini & patris, charitas Domini & filij, & communicatio & donum Spiritus sancti sit cum omnibus vobis.* Postea in consecratione calicis dicit: *Similiter postquam cœnauit accipiens calicem &c. ac ostendens, tibi Deo & patri gratias agens sanctificans, benedicens, implens Spiritu sancto, dedit sanctis ac beatis discipulis suis, dicens &c.* Deinde vt cultum hunc diuinum se deferre sanctissimæ Trinitati profiteatur, ait: *Domine Deus omnipotens dimitte super nos & super dona hæc proposita, Spiritum tuum sanctissimum, Dominum viuificantem, vnà cum te Deo Patre & unigenito Filio tuo assidentem, simul regnantem, consubstantialem & coeternum, qui locutus est in lege, & prophetis.* Et infra: *Tu enim adorandus es & glorificatus es (scilicet hoc sanctissimo sacrificio) Deus noster, & unigenitus Filius tuus, & Spiritus tuus sanctissimus, nunc & semper &c.*

In Liturgia S. Marci à Ioanne Santandreano canonico Parisiensi, & à Cardinali Sirleto è Græco edita, vtque genuina probata à doctissimo Genebrardo anno 1583. Sacerdos immediatè ante diuinum Trisagium, ait: *Domine Deus tibi gloriam & gratiarum actionem & trisagium seu ter sanctum offerimus, Patri, & Filio, & Spiritui sancto, nunc & semper, & in secula seculorum.* Populus respondet, *Amen.* Sanctus Deus, sanctus fortis, sanctus immortalis, miserere nobis. Incensum offerimus coram sancta gloria tua &c. Et infra, *Eucharisteria suscipe Deus in sanctum altare tuum.* Demum peractis mysteriis ait: *Tu enim es sanctificatio nostra, & tibi gloriam sursum offerimus, Patri, & Filio & Spiritui sancto, nunc & semper & in secula seculorum.* Populus respondet, *Amen.*

SSSS



In Liturgia S. Basilij, Sacerdos incipit ab oratione propositionis, quam hunc in modum concludit alta voce: *Quia sanctificatum & glorificatum est, unde quaque pretiosum & magnificum nomen tuum, Patris, & Filij, & Spiritus sancti nunc & semper &c.* Et infra post secunda pacifica: *Quia bonus, benignusque, & clemens Deus existis, tibi gloriam offerimus Patri, & Filio, & Spiritui sancto, nunc & semper, &c.* Quia te decet omnis gloria, honor & adoratio &c. Quam glorificationem sæpe sæpius in illa diuina actione repetit. Postmodum in oratione oblationis, supplicat ut diuina gratia, dignus efficiatur offerre hoc rationale & incruentum sacrificium pro suis peccatis & populi ignorantibus, postulâtque ut Deus illud suscipiat in sancto altari suo in odorem suauitatis, respiciâtque ad hunc cultum &c. Tum Diaconus ait, *diligamus inuicem, ut in concordia consueamur.* Populus respondet; *Patrem & Filium & Spiritum sanctum.* Et Sacerdos ter adorat &c. Et populus subinde exclamat: *Æquum & iustum est adorare Patrem, & Filium, & Spiritum sanctum, Trinitatem consubstantialem & inseparabilem.* Et post consecrationem sanctorum munerum, Sacerdos alta voce dicit: *Tua ex tuis tibi offerimus in omnibus & per omnia.* Chorus subiungit: *Te laudamus, te benedicimus, tibi gratias agimus, te oramus, Domine Deus noster.*

Liturgia sancti Chrysostomi cum prædicta sancti Basilij magnam habet conformitatem: Sacerdos se pro Clero & populo profiteretur offerre hoc sacrificium Deo in odorem suauitatis, & inuocare nomen Patris, & Filij, & Spiritus sancti; Et post orationem propositionis postquam dedit gloriam Deo, ait Diaconus: *Gloria Patri, & Filio, & Spiritui sancto nunc & semper &c.* Et post pacifica, ait Sacerdos: *Quoniam tua est Dominatio, & tuum est regnum, & potentia, & gloria Patris, & Filij, & Spiritus sancti nunc & semper &c.* Et in oratione introitus S. Euangelij, *Quoniam te decet omnis gloria, honor & adoratio, Patrem & Filium, & Spiritum sanctum &c.* Cantores post pacifica canunt, *Qui Cherubim mysticè representamus, viuifica Trinitati ter sanctum hymnum canimus &c.* ut uniuersorum regem excipiamus, inuisibiliter stipatum Angelicis ordinibus, *Alleluia, alleluia, alleluia.* Et post consecrationem Sacerdos inclinato capite dicit: *Præterea offerimus tibi Domine Deus noster hunc rationabilem & incruentum CULTVM &c.* Porro sumens diuinam synaxim ait Sacerdos 1. in nomine Patris, 2. & Filij, 3. & Spiritus sancti.

Latina Liturgia seu Missa, trium diuinarum personarum in incruento ipso sacrificio, cultum supremum & inuocationem, tota spirat. Hanc Sacerdos siquidem à sanctæ Trinitatis inuocatione incipit, hac voce edita, cum signaculo sanctæ crucis, *In nomine Patris, & Filij, & Spiritus sancti. Amen; Et introibo ad altare Dei.* Paulo post introitum ad altare, hymnum cantat Angelicum, quo miro suauique præconio diuinam ipsam Trinitatem magnificè glorificat. Diebus Dominicis & festis solennioribus Symbolum Nicænum recitat, quo fit copiosa expressio mysterij ineffabilis ipsius Trinitatis. Ad offertorium materia præparatæ pro sacris mysteriis conficiendis, adorandam ipsam

Trinitatem his verbis deprecatur: *Suscipe sancta Trinitas hanc immaculatam hostiam, quam tibi offerimus &c.* Præfationem autem sic Trisagio concludit: *Sanctus, sanctus, sanctus, Dominus Deus Sabaoth.* Canonem porro sacratissimum hac claudit coronide; *Per ipsum* (Christum utique) *& cum ipso, & in ipso, est tibi Deo Patri omnipotenti, in unitate Spiritus sancti, omnis honor & gloria.* Demum facta communione, dictisque collectis & populo perfectione sacrificij nunciata, benedicendi gratiam à diuina Maiestate, per merita Christi deposcit, *Placeat tibi sancta Trinitas hoc obsequium seruiutis meæ, & præsta ut hoc sacrificium quod oculis tuæ maiestatis indignus obtuli, tibi sit acceptabile, mihi que & omnibus, pro quibus illud obtuli, sit te miserante propitiabile. Per &c.* Et tunc populo benedicit signo crucis expresso, solennique trium diuinarum personarum inuocatione summo cum honore pronunciata. Siquidem hoc in sacrificio Deus ab Ecclesia supremo patriæ cultu honoratur; qui tribus personis ex æquo competit. Vnde ipsa diuina Trinitas (cuius cultus religionis Christianæ proprius est) in eo ipso singulari Ecclesiæ sacrificio, tot titulis, elogiis, præconiis, precibus, acclamationibus, celebratur.


At verò solers fortè plusquam pius horum censor obiiciet, si ita se habet res, cur itaque deprecatio illa solennis \*, in qua per verba Christi ipsum Eucharistiæ sacrificium conficitur, in qua consecratur hostia, & quâ cultus ille summus, vero Deo soli, propter magnam eius gloriam exhibetur; non Filio, nec Spiritui sancto, sed Patri tantum adscribitur iuxta decretum Carthaginensis III. Concilij præcitati: ut cum assistitur altari dirigatur ad Patrem oratio? Sed de sensu genuino huius Canonis supra contra Molinæum satis superque disseruimus: Et quod spectat ad Filij personam planè satisfecimus, perspicuè rationem demonstrando, propter quam illa oratio non ad Filium dirigatur, ut pote qui eo in sacrificio nostri Mediatoris officio fungitur, offerturque ut Sacerdos, & ut victima immolatur. Porro quod pertinet ad Spiritum sanctum, specialis hæc est ratio, cur nec ei dirigatur illa deprecatio: videlicet solius itidem conuenientiæ causa: nam Spiritus sanctus donum est datumque illud optimum quod descendit à patre luminum: at verò à dono donum non petitur, sed à donante, à quo donum ipsum procedit. Insuper Spiritus sanctus non misit Filium sed Pater, de quo ideo dicit ipse Christus: *Sic Deus dilexit mundum, ut filium unigenitum daret. Proprio filio non pepercit* (ait Apostolus) *sed pro nobis omnibus tradidit illum.* Ideo ad Patrem redemptionis nostræ beneficium ita refertur, ut ipse, quem nobis dedit, filius unigenitus per hanc oblationem illi reddatur Eucharisticam, propitiatoriam & impetratoriam. Errant tamen qui putant eo quod hæc oratio & oblatio dirigatur ad Patrem, ab hac summa honorificatione Filium & Spiritum sanctum excludi. Etenim nullo modo aut Pater sine Filio, aut Filius sine Patre, aut ambo sine Spiritu sancto, aut hic sine utroque, laudari, adorari, aut vlllo diuini cultus obsequio honorari potest. Filius est enim totus in Patre, & totus Pater in Filio, & Spiritus sanctus in

\* id est canon ipse liturgicus.

Ioan. 3.

Rom. 8.

utroque, quorum nexus & amor est, & hi tres unum sunt, ait dilectus discipulus. Vnde illis est vnus idemque honor & gloria; *singula enim sunt in singulis* (ait S. Augustinus lib. 6. de Trinitate c. ult.) & *omnia in singulis & singula in omnibus, & vnum omnia.*



## APPENDIX ALTERA.

*De adoratione corporis Domini, in sacro-sancto altaris mysterio.*

Contra Molinæum.

**T**AMETSI Molinæus cum de can. 13. Concilij III. Carthaginensis ageret: impetu quo ardet impugnandi corporis Christi in Eucharistia adorationem, eo usque abreptus sit: ut sine vlla distinctione, sed absolute dixerit, Christum non esse inuocandum, nec adorandum: tamen impetu subinde quodammodo temperato, insinuat se Christum hinc non esse adorandum nec inuocandum contendere, quod non credat (nec ceteri quoque Caluini sectarij) corpus Christi verum hinc sub speciebus seu signis sensibilibus existere. Recentiores ministri Christi corpus in se adorabile esse, seu subiectum esse adorationis legitimum, planè fatentur. Et eorum Patriarcha Caluinus, scribens aduersus Westphalum Lutheranum, effusè deridet sectatorum Lutheri insaniam, qui Christi verum corpus realiter & substantialiter in Eucharistia existere credunt & asserunt: & tamen adorandum hinc esse inficiantur; posita enim vera & reali existentia sub symbolis panis & vini, adorationem necessariò concedendam esse. At Scriptura sacra verbis quàm expressissimis, Concilia, Patres, realem hanc existentiam corporis Christi in illo venerabili Sacramento euidenter docent, probantque hanc ipsam Catholici Theologi luculenter ex his principiis, summòque vniuersalis Ecclesiæ Orientalis & Occidentalis consensu, & plerisque aliis ineluctabilibus argumentis, quibus hactenùs Ministri Caluinistæ nullomodo satisfacere potuerunt, nec vnquam poterunt. Fixum igitur manet hoc Catholicum dogma, à plerisque iam sacris Conciliis definitum, atque à postrema Synodo Oecumenica confirmatum his verbis sess. 13. tit. de Sacramento Eucharistiæ can. 1. *Si quis negauerit in sanctissimo Eucharistiæ Sacramento contineri verè, realiter & substantialiter corpus & sanguinem vnà cum anima & diuinitate Domini nostri Iesu Christi: ac proinde totum Christum. Sed dixerit tantummodò esse in eo ut in signo, vel figura aut virtute, anathema sit.* Et can. 4. *Si quis dixerit, peracta consecratione, in admirabili*

## APPENDIX II. *De Eucharistiæ adoratione, &c.* 881

*Eucharistiæ Sacramento non esse corpus & sanguinem Domini nostri Iesu Christi, sed tantum in usu, dum sumitur, non autem ante vel post; & in hostiis seu particulis consecratis quæ post communionem reſeruantur, vel superſunt, non remanere verum Christi corpus, anathema ſit.*

Hoc duplici igitur axiomate præſuppoſito, ( cuius amplior demonſtratio, ad quæſtionem de reali & permanente Christi corporis & ſanguinis in hoc almo Sacramento præſentia ac exiſtentia, ſpectat ) Molinæus aliam in viam digreditur. Quia enim animaduertit Catholicos Doctores validiſſimum argumentum, pro reali & perdurante Christi corporis in Eucharistiæ Sacramento præſentia, ducere ex eiſdem in ipſa Eucharistia adoratione; ſeu etiam ipſius Eucharistiæ religioſiſſimo cultu, quem hinc exhibitum fuiſſe ſemper in Eccleſia conſtanter aſſerunt: ( quo argumento planè conuiſtus Erasmus intrepidè dixit ſe nunquam eò adductum iri poſſe, vt crederet Christum ita Eccleſiæ chariſſimæ ſuæ ſponſæ oblitum, vt eam ſiuerit tot ſæculis pro ſuo vero corpore fruſtulum panis adorare ) Molinæus vt hanc machinam, quam ſectæ ſuæ exitialem perſpicit, ſi euertere nequeat ( quod certè non poteſt ): ſaltem aliquo renixu tantisper remoretur, planè negat hoc vnquam fuiſſe in primitiua Eccleſiæ praxi & uſu, vt vel Christi corpus in Eucharistia ( tanquam ibi realiter exiſtens ) adoraretur, vel ipſa Eucharistia eiſmodi cultu quo nunc honoratur, ( ſumma videlicet veneratione ) pridem fuerit exculta. Cæterum quia magnus Cardinalis Peronius, cùm in admirabili fuſoque illo opere de Eucharistia contra Mornæum; tum in Reſponſione ad Iacobum Angliæ Regem, luculenta Patrum teſtimonia, eaque expreſſiſſima collegit ac protulit aduerſus Caluinistarum ſectariorum pertinaciam, tantum vulnus hac ex pharetra, fortique ad eò dextera, ſibi ſuiſque inſlictum, non ſine ingenti dolore perſentiens Molinæus ipſe in furorem ſe vertit, doctiſſimum & ſapientiſſimum Cardinalem plerique impetit iniuriis, nec non dictariis virulentis aſpergit. Vixq; tandem vnum pro mille reſpondens, ad quædam ſelecta à ſe ex tam ingenti numero ( quæ faciliùs obnubilari poſſe cenſuit ) obiecta, neſcio quas futiles adhibet diſtinctiones, eluſiones, exceptiones. Quibus etſi ſe tantum athletam debellare poſſe non confidat, tamen ſpectatoribus huius conſlictus puluerem ex arena in oculos iniectum ire conatur: hac vt arte fallat incautos, & dum has ſordes ab obtutibus excutiunt, ipſe ſibi interim paret elapſum. Breuiter hinc igitur, ſed ſincerè quid locis illis reſpondeat Molinæus exponam: quàmque turpiter decipiat, vel nequiter Lectorem decipere labore, palam ſubinde efficiam.

### §. I.

#### *De teſtimonio S. Dionyſij Arcopagita.*

MOLINÆVS.

**P**RO adoratione Sacramenti allegatur Dionyſius c. 3. Eccleſiaſt. Hierarchiæ dicens: *O ſanctam & diuinam cærimoniam, obductis velis*  
SSSSS iij



*anigmatum, quibus symbolicè operta es, perspicuè te nobis ostende, oculosque nostros reple singulari & non cooperto tuo lumine.*

## RESPONSIO.

LOCVS S. Dionysij sincerè expressus ex autographo sic habet ad verbum\*: O diuinissimum & sacro-sanctum Sacramentum! obducta tibi significantium signorum operimenta dignanter aperi, & perspicuè fac nobis appareas, nostrosque spirituales oculos singulari & aperto tuæ lucis fulgore imple: Vel: circumposita tibi symbolicè anigmatum operimenta reuelans, liquidò nobis manifestetur, mentalesque nostros obtutus singulari & aperta luce adimpleo.

\* Αλλὰ ὁ Διονύσιος  
ἐν τῇ ΠΙΛΕΤῇ, τὸ  
ἱερὸν καὶ ἁγίον  
μυστήριον, ὡς  
ἐκ τῶν σημείων  
καὶ τῶν ἀποκαλυ-  
φτικῶν, τὰς ψυχὰς  
ἡμῶν ἀναδείκνυται,  
καὶ τὰς νοεράς ἡμῶν  
ὁφθαλμοὺς ἐν τῇ  
ἀποκαλύψει φω-  
τὶς ἀποκαλύπτει.  
S. Dionys. A-  
reopag. 3. Eccl.  
Hierarch. Con-  
templ. 5. 3. edit.  
Antwerp.

## MOLINÆVS.

CARDINALIS Peronius vertit ΠΙΛΕΤῇ, per Sacramenti vocabulum.

## RESPONSIO.

ET tu per nomen *Cæremonia*: quod certè apud S. Dionysium non extat. Nec mirum, quia Latinum est, non Græcum: ferunt enim cæremonias appellatas à Ceritibus populis Hetruriæ; quòd hi capta & occupata à Gallis Senonibus Roma, sacra Romanorum à Vestalibus inuecta benignè receperint, atque adeo reseruârunt, donec Camillus patriam recuperâsset, Liuius ab V. C. lib. 5. *Memores ergo Quirites tanti beneficij, omnia postea ad cultum Religionis pertinentia, vocarunt Cæremonias.* Qua ex etymologia patet & nomen Latinum esse, & subdolè à Molinæo esse S. Dionysio impactum: scilicet ad innuendum exilem habuisse de Eucharistia æstimationem; quam scilicet tam lato & communi vocabulo quibusque rebus aut ritibus religiosis, quantumvis exiguis & minimis competenti deferri possit: quasi scilicet Eucharistia res quædam triuialis & foranea esset, aut certè inter sacras minima. Sed S. Dionysius ibidè disertè eam appellat diuinissimum & sacratissimum Sacramentum: nec enim iure queri potest Molinæus quòd ΠΙΛΕΤῇ, verterit per Sacramentum Cardinalis Peronius: nam cunctæ versiones hactenus editæ idem vocabulum habent pro ΠΙΛΕΤῇ, expressum. Quæ sanè versiones ab iis auctoribus editæ sunt, quos si Molinæus imperitiæ sugillet, manifestam suam faciet omnibus doctis inscitiam. Adde quòd paulò infrà Molinæus ipse agnoscit ΠΙΛΕΤῇ, significare mysterium; constat autem in diuinis rebus, vbi ponunt Græci μυστήριον, Latinos vertere Sacramentum.

## MOLINÆVS.

PER Sacramentum autem Peronius Iesum Christum intelligit. Quæ mira dementia est: etenim quænam scintilla conuenientiæ inter Christum & ΠΙΛΕΤῇ, hoc est mysterium, seu arcana & mystica cæremonia? Sic porro transtulit Faber Stapulensis, O diuinum penitus sanctumque mysterium!

## RESPONSIO.

CARDINALIS Peronius per vocem mysterij seu Sacramenti, hîc à sancto Dionysio pro Eucharistia positam, Christum, sicut Dionysius ipsemet, intelligit, vt est in Sacramento, seu sub signis illis sen-

## APPENDIX II. De Eucharistiæ adoratione, &c. 883

sibilibus, quæ cum re sub signis comprehensa, perfectum Sacramentum, seu totum Sacramentale constituunt. Adde quòd nihil absurdi est, si Christus in Eucharistia realiter existens, mysterium siue Sacramentum appellatur: Eucharistia enim nihil aliud est (vt scitè ait S. Chrysostomus) quàm *Incarnationis extensio*: Porro Incarnatio, seu Verbum Dei incarnatum, disertè ab Apostolo, hoc nomine designatur; & manifestè (inquit 1. Timoth. 3. 16.) *Magnum est pietatis Sacramentum, quod manifestatum est in carne &c.* Ideò legimus apud Isaiam; *Verè tu es Deus absconditus, Deus Israel Saluator*, c. 45. 15. In incarnatione absconditum fuit Verbum sub velamine carnis: in Eucharistia absconditum est Verbi incarnati corpus, sub specie panis. Mysterium ab Hebræis dicitur, ab absconsione, ad denotandum videlicet id quod retrusum est & absconditum. Conuenit igitur rectè Christo in Sacramento altaris vbi adest & non videtur: later vt arcanis modis gratiæ suæ dona nobis impertiatur, seque ipsum nobis verè, sed sine horrore & fastidio, communicet.

### MOLINÆVS.

NEMO tam hebes est, qui facilè non aduertat hæc à Dionysio per apostrophem seu compellationem oratoriam dici: qua figura, sæpe ad res inanimatas loqui consueuimus & personas absentes, ceu reipsa adessent. Sic Ambrosius aquæ elementum alloquitur lib. 10. in Luc. c. 22. *O aqua qua humano respersum sanguine, vt presentium lauachrorum figura præcederet, orbem terrarum lauasti, &c.* O aqua quæ Sacramentum Christi esse meruisti! Sic & Prophetæ passim compellant cælos & terram, Isa. 1. 2.

### RESPONSIO.

A Petro Martyre in lib. contra Gardinerum, Molinæus, hanc dictorum beati Dionysij per apostrophem acceptionem didicit. Sed quàm insulsa sit explicatio, mox ostendam. Ad locum ex S. Ambrosio adductum dico, verba quidem sua sanctum hunc Doctorem ad aquam dirigere per apostrophem, sed aquam non inuocare, nec quicquam ab ea petere diuinum, quod per se præstare possit. Narrat fusè toto hoc loco S. Ambrosius quæ Deus mira tam in rerum natura, quàm gratiæ mysteriis operatus est: Sed mox admonet, aquam haud esse causam horum mirabilium & beneficiorum Dei in genus humanum: at esse signum duntaxat & instrumentum mutum & inanimatum huiusmodi rerum & munerum diuinorum: *Aqua enim, inquit, ad lauachrum, sanguis ad pretium*: Aquam ideo non inuocat, nec quicquam gratiæ ab ea deposcit, sicut nec Prophetæ, quando cælum & terram obtestantur. At S. Dionysius hîc non modò ad Sacramentum Eucharistiæ verba per compellationem dirigit: at rem latentem sub signis, quam diuinissimam & sacratissimam appellat, humillima supplicatione interpellat atque deprecatur, petítque ab eo quem alloquitur tam insigni affatu, quæ à solo Deo rectè peti possunt. Vnde liquet credidisse in hoc Sacramento Christum ipsum Deum & hominem contineri, imò Christum ipsum vnà cum externis symbolis Sacramentum

esse, quod ideò veneranter affatur, nec modò sacratissimum vocat Sacramentum seu mysterium, at quod longè maius est, diuinissimum.

MOLINÆVS.

EX *Dionysij Areopagitæ auctoritate, Pontificij vim hîc faciunt: sed ut vno verbo me ab hoc argumento expediam, rotundè dico, liber iste opus non est Dionysij Areopagitæ. quod si per tempus liceret nobis, haud foret difficile probare.*

RESPONSIO.

SI res hæc ita facilis erat, cur Molinæus suas rationes, quæ in promptu erant, vbi hîc maximè opus erat, non expressit? Paginas plerasque sui huius libri impleuit nœniis & scommatibus virulentis, ac fabulamentis ridiculis. Et in re seria, tempus cum fugit. Sic non fecit magnus Cardinalis Peronius, qui in perenni memoria dignissimo opere, de Eucharistia, contra Mornæum, vbi de libris S. Dionysij Areopagitæ quæstio incidisset, validis argumentis, solidis scilicet rationibus & clarissimis veterum testimoniis, planè euicit hos libros esse, S. Dionysij Areopagitæ genuinos fœtus. Nihil quod vel tantuli sit momenti Molinæus ad hæc respondet, sed tantum hoc vrget, quod Cardinalis Peronius disiunctiuè demum loquitur; siquidem dicere, si scripta illa Areopagitæ non sint, eius tamen esse auctoris qui ante 1300. annos extiterit, hoc est à Christo Domino annos 300. Sed Molinæus vbique suum genium prodit; hîc enim imponit doctissimo Cardinali, qui sanè non ambigit de horum operum, quam tanto ardore propugnauit sinceritate, at argumento vsus ad hominem, demum ait, non ex propria sententia, sed aduersariorum concessione, saltem sublimia illa scripta, ab auctore perantiquo, qui annos 1300. exsuperet, profecta esse, non posse negari. Et rectè omninò, nam & Molinæus qui hæc opera esse Dionysij Areopagitæ non sine conscientia scrupulo & violentæ repugnantia indicio negat, demum apertis verbis concedit auctorem, multæ admodum antiquitatis esse, vt pote qui vt censet, circa annum Domini 350. vel 400. floruerit, & fuerit Christianus fide, at valde eruditus in Platonis philosophia: in qua nemo negat Dionysium Areopagitam versatissimum fuisse. Hoc igitur non exili indicio Molinæus satis dat intelligere se veritate conuictum agnoscere veritatem, at ne sibi noceat, nolle palam fateri. Cùm insuper librum esse vtilissimum agnoscat, adeo vt auctorem ipsum vehementer cupiat suas in partes traducere: quod frustra conatur, vt res per se patet, nam si suum crederet, Dionysij esse genuinum opus (vt reuera est) totis viribus contenderet asserere, nec ingeniosis argutiis niteretur, tam insignis tituli huic abrogare auctoritatem. Excutiamus quæso hîc, quod obiicit vel excipit: *Trullana synodus acta*, inquit, *anno 681. Gregorius Romanus qui scripsit circa annum 595. hæc opera directè citant, vt Peronius inculcat.* Quæ sanè non inanis est probatio, ad persuadendum, hos libros longè vetustioris antiquitatis esse. Verùm ludit hîc suo more ineptiendo Molinæus, nam Cardinalis Peronius, non iis solis nititur testimoniis, sed aliis plerisque

plerisque. hæc verò inducit tantum ut euincat iam his temporibus passim agnitos fuisse hos libros in Orientali & Occidentali Ecclesia pro sinceris S. Dionysij Areopagitæ scriptis. Obiter autem notare iuuat Molinæum ut se accuratum Chronologum iactitet, consignare Trullanum Concilium actum anno Dom. 681. at calculos imperite tractat; certo enim certius est synodum illam, quam etiam Quini-sextam vocitant, celebratam fuisse anno Domini 690. id patet ex actis, & testimonio Venerabilis Bedæ, Ætate 6. accurataque supputatione Cardinalis Bellarmini parte 2. Chronologiæ, nec non ex Annalibus Ecclesiasticis. At Molinæus hîc gradum non sistit, Budæum (viri illum doctissimum, superioris sæculi eximium lumen) non tam erroris quàm falsi sugillat, eo quòd censuerit hæc scripta nostri Areopagitæ agnita fuisse sancto Gregorio Nazianzeno, quin ab eo citata. Verum & eruditissimus Bilius in eadem cum Budæo sententia fuit, cuius hæc sunt verba \*. *Nonnulla apud Gregorium loca sunt, Dionysij Areopagitæ verbis adeò similia, ut ea ille ab ipso mutuatus esse non immerito cuiuspiam videri possit.* Deinde loca confert insignia, quibus hoc verum ostendit. At pergit tritari Molinæus, Nicolaumque Colossensem acriter perstringit, ideo quòd asseruerit se vidisse commentarios Dionysij Alexandrini (qui circa annum 254. florebat) in hos Dionysij Areopagitæ tractatus. Mentiri vult enim hunc hominem, nec esse fide dignum, quia probabile non putat tot sæculis hos Commentarios Dionysij Alexandrini in Areopagitæ opera, delituisse, & primum ab isto Nicolao repertos. Verum Nicolaus iste testis est qui loquitur ex visu; nec vnquam in suspicionem venit affectatæ falsitatis. Porro nec adeò mirum, res diu occultas tandem aliquando reuelari, sicut constat innumeris exemplis; at locus communis est à quo lubens deflecto, ne cuiuspiam ex prolixitate responsi fastidium moueatur. Cæterum hîc Molinæus finem litis facit, quæque ogganniit non eo animo à se dicta profertur, quo Hierarchiæ præsertim Ecclesiasticæ minuat æstimationem, quem librum optimum esse agnoscit, atque ante annos ferè 1300. editum. Verum se hîc benigne moneri à me patiat, ab eo prætermissa fuisse insigniora antiquitatis testimonia, quæ librum hunc & cætera opera quæ S. Dionysij Areopagitæ titulos ferunt, esse proprios eius factus, sine vlla ambiguitate confirmant. Citata enim hoc nomine reperiuntur à Leontio Bizantino qui claruit anno 540. lib. 2. contra Nestorium & Eutychetem, vbi postquam fidem Catholicam, quam tuetur, veterum Patrum testimoniis probatum ire pollicitus est, fidem dictis faciens, hunc in modum scribit: *Dionysius Areopagita ætatis Apostolorum ex lib. de diuinis nominibus; corruptio verò (ait) infirmitas natura & defectus naturalium habituum, operationum & potentiarum &c.* Et in lib. de selectis Act. 3. sub medium ait: *Fuerunt autem in temporibus à Christi natiuitate vsque ad Imperium Constantini Doctores hi & Patres, Ignatius Theophorus, Irenæus, Iustinus Philosophus & Martyr, Clemens & Hippolythus &c. Dionysius Areopagita, Methodius &c.* Insuper S. Anastasius Sinaita, Iusti-

\* Lib. 1. sacrar.  
observat. num.  
23.

Apud Henric.  
Can. f. tom. 4.  
antiq. lect.



niano Imperatori (qui regnare cœpit anno 527.) synchronus, lib. 7. Anagogicarum contemplationum in hexameron, sub ipso initio, cum insigni præconio, sancti Dionysij Arcopagitæ hæc ipsa citat opera, hac scilicet verborum serie. *Celeberrimus ergo & rerum diuinarum mysta Dionysius Arcopagita, Apostolicus Dionysius* Doctor, in sapientissima sua Theologia, quod Deus dicitur *ἁπλοῦς* ex eo quod omnia *ἁπλοῦς*, id est contemplatur. Docti insuper operum eorundem planè diuinorum nostri Arcopagitæ vindices, alia sanctorum Patrum testimonia proferunt longè illustrissima, v. g. S. Chrysostomi, in sermone de pseudo-prophetis & falsis Doctoribus, (quem vidisse Venetiis in Græco Codice MSS. Cardinalis Peronius graui testificatione asseuerat inscriptum, *Cyanea vox Chrysostomi*, cum scilicet iam ferè Constantinopoli abduceretur.) Qua in homilia omnium postrema sic ait: *Vbi Euodius ille bonus odor Ecclesie, & sanctorum Apostolorum successor? Vbi Ignatius Dei domicilium? vbi Dionysius Arcopagita volucris celi?* videlicet ob altissimæ Theologiæ quam suis in scriptis prodit sublimitatem. Item Gregorij Nazianz. & Clementis Alex. quibus diuinus hic Doctor vsu familiaris fuit, vt constat ex præclaris sententiis & selectis verbis ac similitudinibus quas eius ex scriptis manifestè depromunt & seriatim exscribunt. Sed breuitatis gratiâ, hæc tantùm obiter indigito.

At piaculum puto probationem horum sinceritatis librorum ante annos mille ducentos factam, hîc sub silentio præterire, cum circa annum Domini quadringentesimum orta esset de ipsis scriptis B. Dionysij quæstio, tunc Theodorus doctissimus scriptor, Apologeticum eximium edidit, quo hæc opera ipsius S. Arcopagitæ germana & legitima esse non solùm dilucidè confirmauit, verùm insuper argumenta dissoluit quæ contrâ obiciebantur. Hoc testatur Photius Constantinopolitanus Patriarcha (cuius insignis eruditio iudiciûmque acerrimum in recensendis libris omnes suspiciunt & fatentur) in Bibliotheca sua, Cod. 1. hac verborum serie: *Lectus est Theodori Presbyteri liber, quo docet germanum esse S. Dionysij opus. Dissoluta sunt autem eo in libro argumenta quatuor.* Theodorum verò hæc planè euicisse, validisque rationibus & testimoniis horum operum genuinitatem demonstrasse seriò censuit ipse Photius, qui hoc Apologetico persuasus, subinde eadem scripta pro germanis operibus S. Dionysij Arcopagitæ habuit & allegauit. In eadem sua Bibliotheca, Cod. 231. vbi Sophronij quoque Hierosolymitani Patriarchæ sententiæ subscribens, disertim ait: *Et Dionysius ille sermone quidem magnus, sed maior contemplatione, Pauli discipulus, & Christi martyr.* At satis hætenus pro amica breuitate dissertatum de sinceritate illorum operum S. Dionysij. Quibus iam ipsi vindicatis, cum eius testimonium de Christi Domini in Eucharistia realiter existentis inuocatione & adoratione, certum, perspicuum & ineluctabile permaneat: nihil amplius Molinæo superest, quàm agnitæ veritati iam vltro cedere, vel si sua in pertinacia perseuerat, se de industria insanire, quin & repugnare Spiritui sancto, satis superque omnibus iri velle perspectum.

§. II.

*De testimonio S. Cyrilli Hierosolymitani.*

MOLINÆVS.

» **A** VCTOREM nullum antiquiorem Cyrillo Hierosolymitano  
» Cardinalis Peronius reperit, quem profferret pro adoratione Sa-  
» cramenti. Cui Cyrillus ille (scribens circa annum 380.) fauere vide-  
» tur Catechesi 5. Mystagogica dum ait: \* *Post communionem corporis Chri-*  
» *sti, accedo ad sanguinis eius calicem, non expansis manibus, sed corpore incli-*  
» *nato ad formam adorationis & venerationis.* At istæ Catecheses supposi-  
» titæ sunt.

\* Εἶπα μὴ τῷ καρ-  
τωῇ σου σὺ τὸ σῶ-  
ματος Χριστοῦ· συ-  
σφύξου καὶ τῷ ποτη-  
ρίῳ τῆς αἱμάτων, μὴ  
ἀνατίνῃς τὰς χεῖ-  
ρας, ἀλλὰ κινῆσθαι  
καὶ ὑποτασσάμε-  
νος καὶ πρὸς θεόν  
ἀγωνιᾶν τὸ αἶμα.

RESPONSIO.

MIRA hîc est Molinæi audacia: Quomodo enim cum non p-  
det hoc scribere? Cyrillum Hierosolymitanum vetustiorē auctorem  
esse, quem Cardinalis Peronius citavit in testem adorationis Christi in  
Eucharistia; cū suprâ ipse in apice auctorum, quos Cardinalis pro-  
ducit pro illa adoratione, Dionysium Areopagitam collocavit, Apo-  
stolis cœuum & Cyrillo Hierosolymitano ducentis & quinquagin-  
ta annis antiquiorem; cuius ideo testimonium illustrissimum, omni-  
bus quas movere potuit machinis impugnavit, tametsi vndique fru-  
strâ. Quod verò præter S. Dionysium, alij Patres B. Cyrillo Hiero-  
solymitano antiquiores extiterint, qui prædictæ adorationis dogma  
ritumque præclara testificatione confirmant, inferiùs convenien-  
tiori loco palam faciam. Cæterum hoc familiare est sectariis cū Pa-  
trum auctoritate premuntur, ut dictorum ab eis fidem elevent, ipso-  
rum scripta notâ falsi configere: & præsertim tractatus è quibus te-  
stimonia Patrum eliciuntur, suppositionis partus arguere, res est pe-  
ritis controuersiarum satis superque explorata. Nec adeo mirum, cū  
ipsi sectariorum Magistri, sacræ Scripturæ libros quibus perstringun-  
tur, penitus repudiare soleant; aut si totum librum in suspicionem  
falsi adducere non audent, loca quibus magis vrgentur, corrupta  
esse cauillari. Videamus hîc porro quibus nixus rationibus Moli-  
næus S. Cyrilli Catecheses Mystagógicas supposititias esse cause-  
tur?

MOLINÆVS.

” ISTE siquidem Catecheses quæ Mystagogicæ vocitantur, longè  
” dissimili, & absono stylo contextæ sunt, à decem & octo prioribus  
” Catechesibus. Posteriores illæ etenim stylo constant presso & con-  
” ciso: cæteræ fufiori ac laxiori textura sunt confertæ.

RESPONSIO.

Si ex styli diuersitate de sinceris auctorum scriptis vel supposititiis, semper iudicium ferendum est, magna pars librorum quos Patres ediderunt periclitabitur, fidéque excidet ingenitæ germanitatis. Patres non eodem stylo semper & vbique scripserunt, alius est stylus

iuuenis : alius senis ; alius dolentis & anxij , alius sedati & tranquillitate fruentis. Materiæ etiam quæ tractantur pro diuersitate sua , styli differentiam parturiunt. Aliquando etiam de industria stylus mutatur. Quamobrem leue est hoc indicium , si solum notatur : & parum refert si stylus sit concisior , aut profusior , elegantior , vel minus excultus , modò auctoris genius , in docendo genuinus semper & vbique appareat. In scriptis S. Augustini hoc obseruatum est , à stylo non esse dispicienda , sed à spiritu. Et in plerisque Patrum idem obseruatur. Si Molinæus hîc proferret quædam doctrinæ capita , quæ dogmatibus Cyrilli ( aliis Catechesibus quas pro genuinis habet insertis ) contraria essent : suspectæ fidei , non sine veri specie , hanc quæ reliquis aduersaretur , hoc argumento redderet : Verùm hoc in signo deficit , & quod de stylo strictiori notat , adeo leue est , vt quicquam responsi non mereatur.

## MOLINÆVS.

» FALSITAS huius Catechesis non solum ex styli diuersitate se  
 » prodit , sed ex eo magis , quod auctor primæ Catechesis Mystagogicæ  
 » suos auditores increpat , quòd ad Hippodromum seu Circum cursi-  
 » tarent , vbi fiebant equitum pugnæ & curruum excursus : eodémque  
 » æstu concurrerent ad amphitheatrum , quo gladiatores cum feris bel-  
 » lûisque conflictabantur. A quibus spectaculis satagit hic auctor suos  
 » auditores auertere. Atqui huiusmodi reprehensiones Hierosolymis  
 » superuacaneæ fuissent , vbi neque hippodromus , neque amphithea-  
 » trum vllum erat ; eiusmodi ornamenta principantium Urbium , Ro-  
 » mæ vel Constantinopolis propria erant , vel aliarum quarundam in-  
 » signiorum Romani Imperij , in quibus Augustorum locumtenentes  
 » residebant. Quo splendore Antiochia in Asia fulgebat , Alexandria  
 » in Ægypto : Verùm Hierosolyma Cæsareæ Palæstinæ Metropoli sub-  
 » iacebat ; intérque minores imperij ciuitates censebatur quoad sta-  
 » tum ciuilem , seu politicum ordinem. Herodes magnus , Cæsareæ , te-  
 » ste Iosepho , amphitheatrum extruxerat , sed Cyrilli ætate frequen-  
 » tari desierat.

## RESPONSIO.

Nisi Molinæus velit pro axioma statuere , semper Cyrillum pe-  
 de fixo stetisse Hierosolymis , & ex quo factus est sedis huius Episco-  
 pus , hinc nunquam digressum , quicquid hîc dicit nullas vires habet ,  
 at totum concidit proprii fundamenti defectu. Sufficit enim eius ra-  
 tiocinationi respondere , Catechesim quidem istam esse Cyrilli E-  
 piscopi Hierosolymitani , sed alibi ab ipso pronunciatam , puta Cæsareæ ,  
 Antiochiæ , vel Alexandriæ vbi hippodromus & amphitheatrum erat ,  
 sicut Molinæus ipse memoratur. Sic S. Augustinus quamuis Episcopus  
 Hipponensis , Carthagine nonnullas conciones habuit ad populum , &  
 cum hæreticis plerasque collationes. Desiperet planè qui concionem  
 ad populum quæ incipit , *Refert historia secularis* , non esse Sidonij  
 Episcopi Aruernensis , quoniam nec Claromonte habitata est , nec  
 huic loco conuenit , sed Bituricis. Hic enim concordia

Extat lib. 7.  
 Epp. post ep. 9.

studio procurandæ inter Clerum & populum, Sidonius, cò accesserat. Non vno stetit semper Cyrillus loco, qui ab Arrianis fidei Catholicæ quam ardenti spiritu propugnabat, odiò, non semel solio deturbatus, exilia & alias acerbæ persecutiones perpeffus est. hac de re perillustre extat testimonium Concilij II. Oecumenici, in Synodica ad Damasum Papam, apud Theodoretum lib. 5. c. 9. historiæ Eccles. sic enim Patres, in hoc generali Senatu Catholicæ Ecclesiæ confidentes loquuntur; *Ecclesiæ Hierosolymitana quæ est omnium mater (videlicet origine) reuerendissimum ac sanctissimum Cyrillum Episcopum vobis ostendimus, tum ab Episcopis prouinciæ (vt canon vult) iam pridem esse creatum, tum plurima prælia aduersus Arrianos variis in locis confecisse.* Idipsum memoriæ prodidit sanctus Hieronymus in lib. de Scriptoribus Ecclesiasticis n. 123. his verbis nimirum, *Cyrillus Hierosolymorum Episcopus sæpè pulsus Ecclesiâ & receptus.* Inconcussum igitur Episcopatum non tenuit, nisi sub extremum vitæ, vt idem scribit ibidem Hieronymus; qui subiungit illum suæ has Catecheses non in senio fecisse, quum iam quietè ageret Hierosolymis: vbi sub Theodosio in pace defunctus est, sed in ætate florenti, quo tempore sede expulsus est ab Arrianis, eique successus Heraclius: hocque defuncto cum ad sedem rediisset, paulò post iterum eiectus, ipsius in locum intrusus est Hilarius: ac demum sub Theodosio cathedræ suæ restitutus fuit, penè iam senio confectus. Cæterum dum ab hæreticis Arrianis tam diris modis exagitaretur, synodo Seleuciensi interfuit, variâque per loca diuagatus, interim otiosus nuspiam, sed vindiciis fidei, & populorum documentis incumbens. Canonica disciplinæ lex erat, vt extranei Episcopi, fortuito alicubi transeuntes, ab Episcopis Cathedralicis seu diœcesanis, ad habendum concionem ad plebem inuitarentur. Sic igitur Cyrillus homiliam illam, seu Catechesim Mystagogicam s. ea in vrbe pronunciare potuit, in qua hippodromus & amphitheatrum erat, à quorum aditu & spectaculis auditores suos, loci ciues & incolas suis hortationibus auerteret. Cæsareæ fortè id contigit, vbi sicut fatetur Molinæus, Iosephi auctoritate compulsus, amphitheatrum erat ab Herode, non magno, sed seniore constructum. Quod verò idem ait Molinæus hoc amphitheatrum Cæsariense frequentari desisse, eo tempore quo florebat Cyrillus; dicit quidem sed non probat, quamobrem pro mero figmento computari debet.

## MOLINÆVS.

CÆTERAS ad Catecheses octodecim quod spectat, tametsi plures Cyrilli germanas proles esse censeam, ex iis tamen aliquot eius non esse reor: verbi gratiâ decimam octauam, hæc enim paulò ante Pascha habita fuit, & tamen auctor ita eloquitur vt si tum rigidior hyems extaret; *Nunc, inquit, tempus hyemale est, & arbores emortuæ videntur.* At Hierosolymis circa paschale tempus segetes ascendunt in spicam; & primitiæ frugum virentesque manipuli diebus vt plurimum quindecim à Pascha offerri in templo solebant. Verosimilius



» est igitur has Catecheses fuisse Constantinopoli pronunciatas, vbi a-  
» spera & diuturnæ sunt hyemes, propter Ponti Euxini proximitatem.

## R E S P O N S I O.

QVAMVIS concederem Molinæo istam Catechesim pronunciatam fuisse Constantinopoli, non Hierosolymis, hinc tamen non sequeretur eam S. Cyrilli Hierosolymitani non esse. Floruere laude dicendi S. Chrysostomi ætate Antiochus Ptolemaides & Seuerianus Gabalensis in Syria Episcopi: qui eiusdem sancti Chrysostomi permisso, quin etiam inuitatione, plurimas conciones hac in Vrbe Regia habuerunt, multo cum Cleri & populi concursu & applausu. Si quis hos sermones hodie reperiret, ederetque in lucem sub eorum nominibus; quispiam verò Molinæi ratiocinationem secutus, expungi auctorum illorum ab iis opusculis titulos contenderet, ex eo quòd quibusdam coniecturis colligeret non esse eiusmodi conciones habitas Ptolemaidi, aut Gabalis, sed Constantinopoli: nonne à sanæ mentis hominibus de ridiculis exciperetur; ex eo quòd scilicet homines viui non sint immobiles vt stipites. Idcirco quamuis Constantinopoli ij sermones habiti sint, non minùs tamen esse proprias Antiochi Ptolemaidis Episcopi, aut Seueriani Gabalitani, qui scilicet dum agerent in Vrbe Regia, sacras eiusmodi declamationes pronunciârunt. Cur non & Cyrillus Hierosolymitanus sic potuit apud Constantinopolim concionari, hancque Catechesim signatim enunciare? maxime cum & sæpe ab Arrianis sede sua eiectus necesse plerumque habuerit urbem regiam adire, vel ad causam dicendam, vel ad implorandum Imperatoris auxilium aduersus suos persecutores: tametsi & alibi vt Antiochiæ, vel Seleuciæ potuerit hanc ipsam parænesim dicere, nam nullam aliam coniecturam de hac habita Constantinopoli profert Molinæus, nisi quòd tempore Paschali imminente pronunciata fuit, cum tamen ob asperitatem aëris arbores nondum florissent.

Sed quàm ridiculè hinc eliciat Hierosolymis non potuisse hunc sermonem ab auctore cui tribuitur proferri, hinc palam est: quòd pro indubitabili principio supponat, nunquam frigus potuisse Hierosolymis adhuc vigere prope Paschæ solennitatem; quàm enim hoc non sit verum patet ex eo quod scribunt Euangelistæ, triduo ante Pascha Christum esse passum, tùmque propter frigus ignem accensum fuisse in atrio Pontificis, vbi Petrus dum Christum negauit se cum militibus calefaciebat. *Petrus* (ait sanctus Lucas c. 22. 55.) *sequebatur à longè. Accenso autem igne in medio atrij & circumfidentibus illis, erat Petrus in medio eorum.* Porro S. Ioannes, qui refert quod vidit, sic rem gestam enarrat, c. 18. 18. *Stabant autem serui & ministri ad prunas, quia frigus erat, & calefaciebant se: erat autem cum eis & Petrus stans & calefaciens se. Erat autem Pascha & Azyma post biduum,* ait S. Marcus c. 14. 1. Quid mirum igitur, si cum S. Cyrillus Catechesim illam circa Pascha habuit ad populum Hierosolymis, vis adhuc alioris vigeat? Anni post annos excurrunt, sed id hoc anno contigit, quod alio non accidit.

Plerisque annis non dubium est quòd ante Pascha, Hierosolymis ver  
amœnum affulserit: at aliis etiam evenit ut vis adhuc hyemis circa  
idem tempus nondum soluta aut remissa esset, quemadmodum illo  
anno quo Christus crucifixus est contigit.

MOLINÆVS.

» SED esto, Cyrillus has Catecheses ediderit, quid pro adoratione  
» Sacramenti faciunt? Citato loco duntaxat ait oportere accedentem  
» ad communionem Sacramenti gestum sic ferre compositum, ut actum  
» referat hominis venerabundi & adorantis; adorantis inquam non Sa-  
» cramentum, sed Deum & Christum in dextera Patris sedentem: si-  
» quidem de Sacramento nihil dicit.

RESPONSIO.

DE Sacramento altaris loquitur expressè S. Cyrillus. Et de Christo solùm adorando in dextera Patris nullum verbum facit. Glossema hoc Caluinisticum est, nam sectæ huius capitalis est hæresis à Sacramento tantùm abesse Christum, quantum à terra cælum distat Empyreum. In cælo igitur tantùm Christum in dextera Patris adorandum esse confidentem; Eucharistiam enim purum panem esse. Sed longè aliter Cyrillus populum suum docebat, ait enim Catechesi 4. Mystagoga, postquam factam à Christo venerabilis huius Sacramenti institutionem, verbatim secundùm Apostolum recitauit:

\* Cum igitur de pane pronunciaueris ac dixeris, hoc est corpus meum, quis audebit deinceps ambigere? Et cum ipse tam asseueranter dixerit, hic est sanguis meus, quis unquam dubitauerit ut dicat non esse eius sanguinem? Et paulò post, in memoriam auditorum suorum reuocata, aquæ in uinum facta ab ipso Domino conuersione, subiungit: \*\* Ad has nuptias quibus corpora copulantur, uocatus præter opinionem omnium hoc miraculum fecit, & non multo magis, sic cum corpus & sanguinem suum fruenda nobis donasse persuasum firmiter habebimus, ut ea cum omni certitudine tanquam eius corpus & sanguinem sumamus. Nam sub specie panis dat nobis corpus, & in specie uini dat nobis sanguinem, &c. Nam etsi sensus aliud tibi renunciat, fides tamen te confirmet, ne iudices rem ex gustu, sed te citra ullam dubitationem fides certum reddat &c. Hac igitur stabilita inconcussa fide, subinde monet, Christi sub Sacramenti symbolis realiter existentis tam certæ præsentiae cultum debitum referendum esse, accedendumque ad eum sumendum, non modò expansis manibus, ut supplicantium mos est: sed insuper corpore inclinato, eoque gestu qui religiosum affectum hominis pij venerantis & adorantis, palam significet ac testetur. Quid clarius pro adoratione diuinæ Eucharistiæ, seu Christi Domini in venerabili hoc Sacramento verè & realiter existentis supremo cultu à S. Cyrillo dici, quæso, potuit? Miror certè plurimum ita Molinæum cœcutire, ut tam clarum lumen Catholicæ veritatis non videat; at magis eius misereor qui ne ab aliis perspiciatur, nititur futilibus argutiis eius splendorem inumbrare, frustra tamen, quia istæ nebulæ facilè ut patet ad fulgorem tantæ lucis expositæ diffuunt & euanescent.

[illegible]



cipalis; sic Rex honoratur cum purpura, sceptro & corona quæ mera sunt insignia eius Maiestatis; species igitur quæ totum Sacramentale cum Christi corpore sub iis realiter existente constituunt, coniunctim cum eo honorantur; quamvis propriè Christi corpus adoratur & signa tantùm coadorentur, scilicet non propter se, sed quia accessoria sunt & inuolucra rei diuinæ sub illis absconditæ & delitescantis, propter fidei nostræ exercitium. Cùm igitur ait S. Gregorius Nazianzenus, sororem suam Gorgoniam ante altare procubuisse, eumque non sine suspiriis & gemitu inuocasse, qui super altare adoratur: cùm de Eucharistia dictum constet, & Christum in Eucharistia existere, ipsùmque in Eucharistia idcirco adorari; quin ipsam Eucharistiam, quæ sub extrinsecis symbolis Christum continet, rectè propterea coli, iure hinc elicimus. Nec porro euadit hunc anfractum sibi obuium vitare volens immunis à lapsu Molinæus, dum excipit, tunc cùm altæ noctis conticinio Gorgonia confugerit ad Ecclesiam, tempus non fuisse Eucharistiæ celebrandæ, præsertim cùm ipsa Gorgonia tunc sola hîc adesset. Alio enim explorato errore laborat, supponendo scilicet corpus Domini non fuisse super altare adoratum, nisi tempore sacrificij, vel sanctæ Synaxeos. Siquidem cùm Ecclesia semper firma fide crediderit, Eucharistiam consistere in re permanenti: ideo corpus Domini realiter existens sub sacris symbolis tam in vñ quàm extra vñ, tam tempore sacrificij quàm post peractum sacrificium, semper adorauit. Et ea de causa in arcula vel pixide, iam à primis sæculis, diuinum hoc munus repositum super altare (quod ideo Christi sedem Patres appellabant) collocari consuevit, cùm vt debito cultu honorificaretur, tum vt fidelibus in necessitate communicari posset. Ritus huius Ecclesiastici perantiqui innumera ferè suppetunt monumenta apud sanctos Patres; S. Clemens in ep. 2. ad Iacobum fratrem Domini (seu Simonem Iacobi) & lib. 2. Constit. Apost. c. 13. Reliquias fragmentorum corporis Domini in sacratio diligenter custodiendas esse monet; ideo *aris Dei* solebant fideles, Tertulliano teste, *adgeniculari*: Quò spectans S. Hieronymus in Dialogo contra Luciferianos scribit Episcopos reuersos à Conciliabulo Ariminensi, vbi hæreticorum Arrianorum fraude, sub specie pietatis, circumuenti fuerant: *Concurrerant Episcopi, inquit, qui Ariminensibus dolus irretiti sine conscientia ferebantur, contestantes corpus Domini, & quicquid in Ecclesia sanctum est, se nihil mali in sua fide suspicatos.* Corpus enim Domini in Ecclesia venerationis ergo seruabatur: quamobrem decepti pij Episcopi ab Arrianis ipsum corpus Domini, quod quicquid in Ecclesia sanctum est, summa sua dignitate antecellit, obtestabantur. S. Paulinus beati ipsius Hieronymi synchronus & amicus, moris illius testis est, asseruandi in Ecclesia super altare corporis Domini, cum ingenti honore sub titulo sanctissimæ crucis ep. 12. ad Seuerum. Hinc synodus Turonica II. sub Pelagio I. can. 3. decreuit, *vt corpus Domini in altari, non in armario, sub titulo crucis, componatur.* Plura de iis facile hîc esset depromptum ire, ex nostris Commentariis in Mar-



tyrologium Galliæ, vbi de arculis, turriculis, pixidibus pretiosis; columbis aureis & argenteis atque ciboriis sacris, in quibus venerabile Sacramentum ad diuinum cultum & humanum solatium honorificè seruabatur, ex instituto disseruimus; sed prolixitatis hinc declinandæ gratiâ, à fusiori indagine, seu superflua repetitione lubens supersedeo; maximè cùm nec hostes Ecclesiæ id de posterioribus sæculis audeant inficiari. \* In viam igitur vt è diuerticulo redeam, ex iis quæ dicta sunt peruium est intelligere Molinæum perperam actum Gorgoniæ Christum super altare adorantis interpretari, quasi ad ipsum realiter existentem in Eucharistia non spectâsset, vel tunc in Ecclesia ipsa Eucharistia pro iampridem recepto more super altare non fuisset, vt etiamnum sit die nocteque asseruata & adorata. Sed ritus ille adorationis Christi, in Eucharistia super altare collocati, iampridem in Ecclesia obseruatus, adeò manifestus est, vt dogma simul realis præsentia Christi in ipso venerabili Sacramento magnoperè confirmet, hæresimque Nouatorum, vtrumque impugnantium, penitus damnet & confundat.

\* Accedit quod in tractatu de S. Calice &c. de his mysticis vasculis etiam disseruimus ex professo. Qui tractatus i. part. huius Panopliæ Sacerdotalis insertus est.

## §. IV.

*De testimonio sanctorum Ambrosij, & Augustini.*

## MOLINÆVS.

» **I**DEM dico ad locum Ambrosij depromptum ex lib. 3. de Spiritu  
 » sancto c. 12. vbi enarrans illud Dauidicum, *Adorate scabellum pe-*  
 » *dum eius*, Ps. 98., ait, per scabellum terra intelligitur, per terram  
 » autem caro Christi, quam nunc in mysteriis adoramus, & quam A-  
 » postoli in Domino Iesu adorarunt. Idemque ad similem locum Au-  
 » gustini super eundem Ps. 98. *Et quia in ipsa carne hic ambulauit & ipsam*  
 » *carnem manducandam nobis ad salutem dedit, nemo illam carnem manducat,*  
 » *nisi prius adorauerit.*

## RESPONSIO.

SI idem dicit Molinæus, nihil dicit; etenim quod mox dixerat ad locum S. Gregorij Nazianzeni futile prorsus & euanidum, falsumque insuper ostensum est. Verùm dissimulat nimis fraudulenter non videre ista duo testimonia sanctorum Ambrosij & Augustini, sibi suisque in causa Eucharistiæ penitus aduersari, nec tantum pro firmanda adoratione adduci, sed etiam pro reali præsentia asserenda corporis Christi, in sacratissima Eucharistia, peremptoria esse: ait enim disertè S. Ambrosius: *Nos in tremendis his mysteriis illam Domini carnem adorare, quam Apostoli in ipso Domino dum versaretur super terram, adorauerunt.* Porro sanctus Augustinus, *ipsam carnem Christi nos manducare & adorare, in qua hic ambulauit, & quam dedit nobis edendam ad salutem.*

## MOLINÆVS.

» ISTA testimonia non docent oportere nos Christi carnem adorare

## APPENDIX II. De Eucharistia adoratione, &c. 895

sub speciebus panis, sed tantum corpus Domini esse à nobis adorandum in actione sanctæ Cœnæ. »

### RESPONSIO.

CITATA loca ne verbum quidem ullum habent de adoratione in actione Cœnæ faciendâ, stylus hic nouus & non Catholicus, sed planè Calvinisticus est. At dicit expressè S. Ambrosius *nos nunc adorare in mysteriis illam carnem, quam Apostoli in Christo hic conuersante adorauerunt*; Illa igitur ipsa caro Christi verè in his mysteriis existit, & sub speciebus realiter sita est. Debet igitur sub illis adorari, quia ubicumque est, summo illo honore colenda est. Est enim corpus Christi ut aduersarij concedunt, subiectum adorationis legitimum. Sic S. Augustinus, qui B. Ambrosij sui in fide magistri, doctrinam sequitur & dicta imitatur, absolutè ait, *Carnem ipsam in qua Christus ambulauit, & quam nobis ad salutem, manducandam dedit, esse adorandam*. at quam dedit, in Eucharistia hanc ipsam sumimus & comedimus, igitur in Eucharistia illam ipsam adorare debemus. Vnde subiungit eodem loco immediatè beatus ille Doctor, *Nemo autem carnem illam manducat, nisi prius adorauerit*.

### MOLINÆVS.

LONGE aliud est adorare Christum in sancta Cœna; aliud adorare Sacramentum sanctæ Cœnæ. »

### RESPONSIO.

VEL per sanctam Cœnam Molinæus actionem celebrationis Eucharistiae intelligit, vel rem ipsam in Eucharistia existentem. Si actionem, non contendimus, neque enim dicimus adorandam esse illam actionem, qua Eucharistiam celebramus, sed ipsam Eucharistiam: id est rem illam sacratissimam sub externis symbolis existentem, quæ corpus est Christi. Quòd si adhuc cauillatur contendendo symbola illa non esse adoranda: tum breuiter & apertè respondeo, si per abstractionem seorsim à Christi corpore & præcisè in se, illa accidentia considerentur; reuera per se subiectum adorationis idoneum non esse: sed si coniunctim attendantur \* cum re ipsa quæ sub iis continetur, \* Nota quacum totum Sacramentale constituunt, & velut accessoria sunt & inuolucra sacra corporis Christi sub ipsis latentis: tum coadoranda esse non per se, nec propter se, sed propter sacramentalem unionem quam habent cum Christo. Acutè & appositè ait sanctus Ambrosius de Incarnationis Dominicæ mysteriis: *Nunquid cum diuinitatem eius adoramus, & carnem, Christum diuidimus?* Sic dicere liceat, nunquid cum Eucharistiam adoramus, species sacramentales ab eius carne separamus? Minimè, sed coniunctas cum eius corpore, propter hanc unionem veneramus; à qua si diuina virtute diuellerentur, hocque notum nobis fieret, nulla penitus veneratione easdem iam seiunctas prosequeremur.

### MOLINÆVS.

SIC adoratur Pater in Eucharistia; sed non sub speciebus adoratur, quasi istud Sacramentum Deus Pater esset? »

V V u u u ij

## RESPONSIO.

REVERA Pater in Eucharistia adoratur, quia sacrificium ei la-  
treuticum hîc offertur iuxta Christi oraculum, *venit hora & nunc  
est, quando veri adoratores adorabunt Patrem in spiritu & veritate.* Ioan.  
4. *In spiritu* \*, quia non ut olim carnalibus victimis & cruentis ho-  
locaustis, sed hostia munda & incruenta, puroque sacrificio hic co-  
latur: *Et veritate*, quia non ampliùs in figura, sed in re ipsa, quæ anti-  
quis illis typis figurabatur, Pater cœlestis hîc adoratur. sed non so-  
lus Pater, at Filius quoque eius vnigenitus & Spiritus sanctus, ut su-  
prà demonstratum fuit. Porro nemini Catholicorum vnquam venit  
in mentem ita absurdè sentire & ineptè loqui, ut diceret, Eucharistia  
est Deus Pater, quia in Eucharistia honoratur: At est corpus Chri-  
sti, quod scilicet in ea manducatur, iuxta expressum eius verbum,  
*Accipite & manducate, hoc est corpus meum, quod pro vobis datur.* Docene  
quidem Theologi & est de fide, humanitatem Christi ab eius diuini-  
tate ex quo huic hypostaticè vnita est, non potuisse separari, at sem-  
per coniunctam permanere. Porro per circuminseccionem, vnâ per-  
sonam in alia existere, vnde ait Christus *Ego in patre, & pater in me  
est*; sic & Spiritus sanctus in utroque. In hoc igitur venerabili Sacra-  
mento sic humanitas Christi realiter existit, ut semper diuinitati sit  
coniuncta: Diuinitas autem discindi nequit. Tota Trinitas igitur  
hîc adest, sed non vi consecrationis, quâdumtaxat Christi corpus &  
sanguis sub speciebus panis & vini directè & præcisè constituuntur:  
corpus autem non est exanime, *Christus enim resurgens à mortuis  
iam non moritur*: humanitas verò diuinitati personaliter vnita est, quæ  
consequenter humanitatem comitatur: cùm autem tota Trini-  
tas sit coessentialis, vnâque persona sine alia, vel vna à duabus cæ-  
teris seiungi non possit, hinc necesse fit, ut per illam concomitan-  
tiam & circuminseccionem tota diuinitas seu vniuersa Trinitas cum  
Christi humanitate hîc adsit, quamuis diuerso modo, ut patet ex  
dictis.

## MOLINÆVS.

» FIDELIS adorabant in Eucharistia corpus Christi ad dexteram  
» Patris sedentis, & ideò admonebantur panem sacrum sumendo, sur-  
» sum corda erigere.

## RESPONSIO.

FALSISSIMUM est, admonitos sic fuisse fideles, dum Eucharis-  
tiam sumebant: illa enim celeberrima Sacerdotis ad plebem exhor-  
tatio, *Sursum corda*, præfatio ideo dicta est, quod erat isagoge,  
præparatiôque ad ipsum consecrationis mysterium; nec hoc sine fieri  
solebat, ut fideles iuberentur, non alibi Christum quàm in dextera  
Patris sedentem adorare, sed ut iam spiritu à terrenis cogitationibus  
abstracto, & ad Deum erecto corde, solum cœlestia & diuina medi-  
tarentur, quo sic expurgato animo, tremendo sacrificio mox offe-  
rendo essent ut par erat intenti. Quamobrem ut & nunc responde-  
bant Sacerdoti admonenti sursum corda extollere, *Habemus ad Do-*

\* Orig. lib. 1.  
de exor. c. 1.

Matth. 26.  
Marc. 14.  
Luc. 22. 2. Cor.  
11.

Ioan. 10. 37.

minum. Præclare id docet S. Cyprianus serm. de orat. Dominica: *Quando stamus, inquit, ad orationem, vigilare & incumbere ad preces toto corde debemus; nec quicquam tunc animus, quàm id solum cogitet quod precatur.* Idè & Sacerdos ante orationem præfatione præmissa parat fratrum mentes dicendo, *Sursum corda*: ut dum plebs respondet, *Habemus ad Dominum*, admoneatur nihil aliud se quàm Dominum cogitare debere, claudatur contra aduersarium pectus & soli Deo pareat. Hic est genuinus solennium illorum verborum sensus, quæ ante canonem & consecrationem iam tum proferri à Sacerdote solebant, nec animos fidelium auocabant ab altari & sacrificio, aut diuinæ hostiæ veneratione, sed à mundo & rebus humanis terrenisque cogitationibus; quin potius diuinis ipsis mysteriis ut intenti essent assistentes interpellabant. Cæterum S. Paulus cum esset Hierosolymis, Christus noctu illi astitit in carcere, dixitque, *Constans esto, sicut enim testificatus es de me in Hierusalem, sic te oportet & Romæ testificari*, Act. 23. 11. Illum potuit & debuit simul adorare & in carcere sibi loquentem & assistentem, & in cælo sedentem in gloria Patris. Ita & nos eundem utrobique eodem momento temporis possumus adorare, tam sursum sedentem in maiestate sua, quàm in terra sub externis symbolis panis & vini, mirè sed verè, existentem. *Attollentes mentem* (ait Concilium I. Oecumenicum) *fide intelligamus situm in sacra illa mensa agnum illum Dei, tollentem peccata mundi, incruentè à Sacerdotibus immolatum, & pretiosum eius corpus & sanguinem nos verè sumentes, credere hæc esse symbola nostræ resurrectionis, propter hoc enim neque multum accipimus sed parum, ut sciamus non ad saturitatem sumi, sed ad sanctificationem.*

## MOLINÆVS.

SED maximè notanda veniunt verba hæc S. Augustini; *Nemo carnem illam manducat, nisi prius adorauerit &c.* At multi ore manducant Sacramentum, qui Christum verè non adorant: ergo loquitur tantum de manducatione spiritali, quæ ab his tantum fit qui Christum timent ac colunt adoratione interna & spiritali.

## RESPONSIO.

FISTVLAS suas mutat Molinæus, nam de adoratione sermo est, & hac omiſſa, de orali Christi in Eucharistia sumptione disputat. Obscura non sunt verba S. Augustini, ut Molinæus ex his tergiuerſari possit. Non loquitur S. Augustinus de præcepto & modo adorandi, sed de more & actu; nec enim iubet ut omnes qui communicant adorent, sed testatur in Ecclesia hoc actu & re ipsa seruari. Sicut autem sunt qui malè sumunt Christum, ita & qui malè adorant, specie scilicet non spiritu, externo actu non interno affectu; sumunt re ipsa at sine fructu, adorant itidem, sed non cum sincero cultu. Sed hi ut iudicium sibi sumunt, reique fiunt corporis & sanguinis Domini, sua tamen culpa qua pereunt, non efficiunt ut Christi verum corpus, secundum suum expressum verbum, sub symbolis illis mysticis non existat. Proinde piè & sincerè adorari debeat à fidelibus communican-

1. Cor. II.



Psal. 21.

tibus, *Qui vera instructi fide venientes ad mensam* (ait ipse S. Augustinus in Pl. 48. *manducant & adorant*; quodque addit ibidem exponens illa verba prophetæ, *Manducauerunt & adorauerunt omnes diuites terræ*: Esse qui sumunt, & adorant, & fructum salutis non percipiunt; *Et ipsi adducti sunt*, inquit, *ad mensam Christi, & accipiunt de corpore & sanguine eius*: sed adorant tantum, non etiam saturantur, quia non imitantur.

## §. V.

*De testimonio S. Hieronymi.*

## MOLINÆVS.

» **S**ANCTVS Hieronymus in eundem Psalmum, ait; *Quod autem*  
 » *adorari debeat* (Christus,) *eo ascendente Apostoli docuerunt, cum ado-*  
 » *rantes regressi sunt in Hierusalem, sed ad crucem Dominicam, & ad ani-*  
 » *am sanctam, hæc referenda sunt*; Non igitur ad adorationem Sacra-  
 » *menti.*

## RESPONSIO.

VEL legit quem allegat locum S. Hieronymi, Molinæus, vel non legit. Si legit, debuit hunc rectè & sincerè citare: si non legit, à graui culpa non potest excusari; nam sic non solum ex crassa ignorantia peccat, sed præterea errorem imò hæresim apertam S. Hieronymo imponit, videlicet quod sanctus hic doctor censuerit & scripserit, corpus Christi existens in Eucharistiæ Sacramento adorari non debere: quod à S. Hieronymi mente, moreque, & usu, longè est alienissimum. Sanè quia Molinæus Commentaria sancti Hieronymi super Psalmos citat, ex hoc opere, sancti huius Patris indubitato fœtu, quam Molinæus ipse negat Christi corporis adorationem, in sanctissimo Sacramento facile est perspectam facere, siquidem in Pl. 21. ad illa verba, *Edent pauperes & saturabuntur* &c. hæc sanctus Hieronymus breuiter, sed clarè sic exponit; *Pauperes Apostoli edent corpus Christi.* Et paulo post, *Et adorabunt in conspectu eius*, sic interpretatur, *ET HIC ADORANT, ET IN FUTURO, quia iuxta Apostolum, ipsi flectentur omnia genua.* Denique ibidem illa verba, *Manducauerunt, & adorauerunt*, præcedentibus nectendo quoad sensum, subiungit: *Manducauerunt & adorauerunt, id est Apostoli vel ceteri sancti manducauerunt corpus Christi, ut dixit superius, scilicet adorando, nam in textu ipso duo hæc sunt coniuncta.* Sed eo ipso loco quem profert Molinæus, tam expressa est sancti Hieronymi pro ipsa adoratione corporis Christi sententia, ut ambigendi nullus super sit locus: siquidem hæc exponens verba, *Et adorate scabellum pedum eius quoniam sanctum est*: *Multa de scabello opiniones sunt*, inquit, *sed hic Propheta corpus Dominicum dicit* &c. Ad id igitur illa adoratio referenda est. Verum tricandi Molinæus ansam arripit ex sequentibus verbis; *Quod autem adorari debeat, eo ascendente Apostoli docuerunt, cum adorantes regressi sunt in Hierusalem: sed ad Dominicam crucem & ad animam sanctam hæc referenda sunt.* Infert Molinæus, non

ergo ad corpus Christi, seu Sacramentum Eucharistiæ. At perperam : nam S. Hieronymus spectat ad illa verba postrema S. Lucæ c. 24. ubi narrauit succinctè Domini ascensionem gloriosam, *Et ipsi adorantes regressi sunt in Hierusalem, cum gaudio magno, & erant semper in templo laudantes & benedicentes Deum.* Vnde elicit Christi corpus adorandum esse, idque suo exemplo Apostolos docuisse, qui non modò cum ipsis suum corpus daret, iuxta vaticinium Prophetæ superius expositum, *Manducauerunt & adorauerunt*: sed etiam *ascendentem in superna Christum adorauerunt.* Porro adorandum esse eius corpus, quia est sedes seu scabellum ipsius diuinitatis: quamuis etiam Crux Dominica, & anima iusti, eius scabellum aliqua ex analogia dici possit: dicit enim alibi Scriptura, *Anima iusti sedes est sapientiæ.* Sed peto hîc à Molinæo an fateatur crucem Christi adorandam, iuxta illud propheticum expositum à sancto Hieronymo, *Adorate scabellum pedum eius?* Cur igitur crucem Domini, eius etiam sanguine irrigatam, & sacro contactu corporis sanctificatam, adorandam esse, cum asseclis suis tanto æstu contentionis negat? at etiam tot iniuriis ipsi Calvinistæ crucem Domini afficiunt, dum conculcant, & incendunt, præ ingenti odio & contemptu? sicut edita Ministrorum acta \* abundè innuunt & testantur. Quòd si execratur illa suorum sacrilegia Molinæus, igitur cultum sanctæ crucis deinceps admittat, illudque sancti Remigij ad se dictum existimet: *mitis depone colla Sicamber, incende quod adorasti*: (Caluini hæresim scilicet, quam tanto animi ardore amplexus es) *adora quod incendiisti*, scabellum pedum Domini, crucem utrique salutiferam, quam vilis patibuli & horrendi supplicij, lignique putidi & execrandi loco nominèque hætenus habuisti, hisque contumeliis affici à tuis asseclis pro bono opere numerasti, quasi profectum esset ex zelo feruenti idololatriæ destruendæ. Idolum enim Christi vocare crucem, & quidem tetrum & horrendum, hætenus quà voce quà scriptis non veritus es. Sed pressius hominem vrgeo; vult sanctum Hieronymum sensisse adorationem à Dauid prædictam, referendam esse ad crucem Domini; sed miser non videt, ex hoc ipso sequi, sanctum illum Doctorem censuisse corpus Christi multo magis adorandum esse, hîc enim appositè dictum illud Domini referri potest: *Va vobis duces cæci, qui dicitis: Quicumque iurauerit per templum, nihil est; qui autem iurauerit in auro templi, debet. Stulti & cæci: quid enim maius est, aurum, an templum, quod sanctificat aurum?* Sic planè. Crux non sanctificat corpus Domini, sed ab eo sanctificata est; proinde si ex quo sanctificata est, sacri corporis contactu, debet crux adorari, quanto magis corpus Christi adorandum est, ex ipsa quam laudat Molinæus sententia S. Hieronymi? Sed instat Minister, adorandum est corpus Christi in cælo, non in Sacramento, non hîc & nunc, quasi existens in Eucharistia, sed tantum quando sedere in dextera Dei prædicatur vel cogitatur? At hanc ei ansam eripit S. Hieronymus ubi suprà exponendo, *Edent pauperes &c. & adorabunt in conspectu eius.* ET HIC ADORANT, inquit, & in fu-

\* ab Adriano Behorio, olim Archidiacono maiore Rothomagensi.

Math. 23. 16.  
17.

Inter Epistolas  
S. Hieronymi,  
60.

*iuro.* Id est, adorabunt occultum in diuinæ synaxis mysterio, & adorabunt manifestum in cælo, quando in eius regnum introibunt. Et factis quidem, dictis fidem fecit. Nam tantam detulit Christi corpori sacræque Eucharistiæ reuerentiam, ut præ terrore tremendi huius mysterij, hoc conficere quamuis esset Presbyter non auderet. Vnde factum ut S. Epiphanius compulsus fuerit à fratribus quibuscum ille degabat in Syriæ Monasterio, Paulinum Presbyterum ordinare: *Cum enim vidissem* (inquit ipse Epiphanius, in epistola pro se Apologetica ad Ioannem Hierosolymitanum) *quod multitudo sanctorum fratrum in monasterio consisteret, & sancti Presbyteri, Hieronymus & Vincentius Presbyteri, propter verecundiam & humilitatem, nollent debita nomini suo exercere sacrificia, & laborare in hac parte ministerij quæ Christianorum præcipua salus est: Cumque ante annum, multos eorum (fratrum) queri audissem, cur non haberent qui sibi Domini Sacramenta conficerent, & illum (Paulinum Hieronymi fratrem) suo poscerent testimonio &c.* Sed qui sic viuens tantum metu & tremore Sacramentum Eucharistiæ spectabat; demum iam etiam constitutus in extremis, quo honore, cultusque diuini actui affectuque illud venerabatur, præclare testatus est: lectulo etenim decumbens, Sacerdote ad se accedente qui Eucharistiam deferrebat, teste Eusebio in eius vita, hæc in verba prorupit: *O ferculum excellentissimum, venerandum, colendum & adorandum; glorificandum, amplectendum, & omnibus laudibus extollendum.* Non solum igitur credebat fide certissima, ibi Christum realiter adesse: sed ipsum in hoc diuino Sacramento, imò ipsum Sacramentum, tanti penum thesauri, laudauit, inuocauit, adorauit, omni que diuini cultus obsequio spectandum, suscipiendum & prosequendum tam pio, insignique præconio professus est. Iam igitur pudeat Molinæum, hic sanctum Hieronymum in suæ hæresis suffragium arcessere: à qua toto corde abhorruisse, tam in vita quam in morte, tamque factis, quam dictis & scriptis, vir ipse sanctissimus constantissimè se prodidit.

## §. VI.

*De testimonio S. Chrysostomi.*

MOLINÆVS.

**E**ODEM modo dicta Chrysostomi, hom. 7. sup. Mattheum, & hom. 24. sup. 1. ad Corinthios intelligenda sunt: ubi auditores suos Magorum exemplo, qui ex Perside Hierosolymam venerunt adorare Christum in cunabulis, ad eum in mysteriis sacris adorandum exhortatur. Oratoriæ enim sunt eiusmodi exclamations, quibus populum monet, Christum in Eucharistia venerari, non autem docet Eucharistiam adorare.

RESPONSIO.

IAM sæpè sæpius diximus, in Ecclesia Catholica adorare Eucharistiam, nihil aliud esse quam Christum adorare in Eucharistia verè & realiter existentem, sub externis symbolis, quæ realis eius præsentia signa sunt exhibitiva & accessoria corporis Domini, sacræque inuolucra,







mediate videtur aut tangitur, sed mediate per externa symbola, sub quibus videtur & tangitur, ac comeditur; ergo etiam adoratur, nam ut sapius inculcat idem B. Chrysostomus, *Id quod maxime honorandum est in cælo, in terra consistit in hoc mysterio.* Et notanda est comparatio, *Ut inquit, corpus Regis, in solio sedens;* Igitur species illæ Sacramentales, sub quibus hic verè Christus existit, sunt velut eius sedes & thronus regius: At verò, throno suo Deus nos iubet deferre eximiam reuerentiam: *Ego autem dico vobis, non iurare per cælum, quia thronus Dei est, neque per terram, quia scabellum est pedum eius, neque per Hierosolymam, quia ciuitas est Regis magni.* Matt. 5. 34. At verò non magis verè Christus dudum habitauit Hierosolymis, quàm nunc in Eucharistia existit, sub sacris symbolis. In hac sedet, ut in throno suæ gratiæ: sicut in cælo sedet, ut in throno suæ gloriæ. Singularis igitur huic throno, in quo manet noster Emmanuel: in quo sponsus ipse animarum nostrarum, respiciens velut per fenestras & cancellos, oculis suæ misericordiæ nos intuetur, & *plenas hyacinthus manus aperit & extendit, ut nobis suæ gratiæ dona & munera affatim largiatur.* Huic inquam throno gratiæ, singularis reuerentiæ honor deferendus est, nam solium est diuinæ Maiestatis. Porro quo honore thronus propter eum qui ipsi insidet, habendus est: dilectus Iesu discipulus in cælo edoctus, nos docet Apoc. 4. 10. *Seniores (inquit) mittebant coronas suas ante thronum.* Et c. 7. 11. *Et ceciderunt in conspectu throni in facies suas, & adorauerunt Deum.* Quoniam igitur secundum sanctum Chrysostomum per venerabile Sacramentum Eucharistiæ, cælum est in terra, quia ipsa Eucharistia, per externa symbola, vera est Christi sedes & thronus, eo quod in ea realiter existit & residet. Procidere igitur coram hoc throno licet, quin & oportet, & propter ipsum sedentem hoc ipsum sacro-sanctum solium, singulari cultu reuerentiæ & honoris, ab omnibus veris Christi fidelibus atque cultoribus, est merito prosequendum. Nec modò S. Chrysostomus docet Eucharistiam venerandam eo quod est thronus Christi: paulò post dicit, esse etiam ut regis purpuram & diadema; proinde vnà cum eo suscipi reuerenter debere, & simul cum eo honorari; *Nam si tibi, inquit, Regis filius cum purpura & diademate traditus esset ferendus &c. Nunc autem non hominis regis filium accipiens, sed ipsum vnigenitum Dei filium &c. non extimescis?*

Nihil frequentius repetit toto libro suæ Nouitatis Molinæus, quàm Christum non in terra ampliùs quærendum: proinde cum Patres docent, & maxime Chrysostomus, illum adorandum esse in Eucharistia, sic interpretatur ut ad præsentiam signi (nam Eucharistiam merum vult esse signum & nudum symbolum) sic adoremus, quod sepositâ omni diuini huius mysterij cogitatione, mentem in cælum erigamus, & Christum ibi duntaxat adoremus in dextera Patris confidentem. At quàm falsa sit hæc doctrinæ Patrum expositio, iam suprà spectatissimis exemplis & firmissimis argumentis demonstraui. Quàm verò ab hac sacrilega opinione Molinæi & reliquorum Calvinistarum S. Chrysost. abhorreat, licet iam ex præmissa discussione locorum

ab ipso Molinæo indicatorum clarè constet; tamen ut abundantius appareat, quædam adhuc S.<sup>o</sup> Chrysostomi axiomata proferemus. Igitur S. Chrysostomus hom. 41. in priorem ad Corinthios verba faciens de solenni quæ fit in diuino mysterio pro fidelibus defunctis deprecatione: \*

\* οὐ γὰρ ἀπαύ-  
τα ὁπινύμεθα,  
εἰδὲν ἡμῶν μυστήριον  
πολλοῦ μαζᾶ ὅτι ἐ-  
πιδεδότω ἐν τῷ  
θυσίᾳ μυστήριον, ὃ  
ἐστὶν αὐτῶν ὁμο-  
μύη, ἀλλ' ὁμοῦ ἐν  
αὐτοῦ ἡμεῖς καὶ αὐτοὶ  
λαβόντες τὴν ἐ-  
μπόνην ἡμεῖς  
ἐκ οὗ γὰρ ὅτι οὐ-  
κὲν τὰ ἡμεῖς, καὶ  
ἡμεῖς, πνεύματος  
ὃ διδάσκει τὰ  
γίνεται. S. Io.  
Chrys. in. 1. Cor.  
hom. 41. sub fi-  
nem.

*Non frustra (inquit) memoriam mortuorum inter sacra mysteria celebramus, aut accedimus, pro illis agnum illum iacentem & peccata mundi tollentem deprecantes. Hic igitur agnus ille situs est; hic eum oramus & adoramus. Nam & deprecamur, præsentem utique, & ut ait Concilium Nicænum, situm in hac sacra mensa, suoque sacrificio peccata mundi tollentem. Memor esse debet Molinæus huius suæ sententiæ: si licet Christum in Eucharistia inuocare, licet & adorare; Atqui agnum Dei iacentem in altari & purgantem peccata mundi deprecamur & inuocamus, proinde & adoramus, Molinæus enim ipse fatetur inuocationem eiusmodi, speciem esse summæ adorationis.*

Accedit quòd S. Chrysostomus sæpe nos monet Angelos studiosè imitari, qui his mysteriis tremebundi ac venerabundi assistunt, neque tantum cernunt & adorant Christum in Patris dextera sursum sedentem, sed hic cum ingenti metu & reuerentia ipsum suspiciunt atque diuinis prorsus honoribus prosequuntur. sic enim loquitur os illud aureum hom. 60. ad populum Antiochenum: *Cogita quali sis insignitus honore, qua mensa fruaris, quod Angeli videntes horrescunt, neque libere audent intueri propter emicantem inde splendorem, hoc nos pascimur, huic nos unimur. Et hom. 61. huic & supernæ potestates assistunt, quoniam & ille nobis manifestius propositorum virtutem speculantur, & inaccessibiles admirantur splendores. Et lib. 6. de Sacerdotio, loquens de hora tremenda sacrificij nostri; \*\** *Per id tempus, inquit, & Angeli Sacerdoti assident, & cælestium potestatum ordo vniuersus clamores excitat, & locus altari vicinus in illius honorem qui inuoluitur & immolatur, Angelorum choris plenus est.*

\*\* Τὸν γὰρ ἄν-  
θρωπος περιεσφαι-  
νόμενος ἐν  
τῷ μαζᾷ. ὃ  
ἐστὶν τὸ θυσιαστήριον  
καὶ ἐν τῷ  
θυσίᾳ ὁμο-  
μύη. καὶ αὐτοὶ  
ἐν τῷ μαζᾷ  
ὅτι ὁ μαζὰς  
ἐστὶν ὁ μαζὰς  
ποτα. Idem de  
Sacerd. 6. c. 4.  
edit. Paris.

At excipit Molinæus contra sanctum Chrysostomum, oratoria illum arte his in locutionibus uti: *quicquid enim dicit de adoratione Christi in Eucharistia, esse oratorias declamationes. At si ita ludere licet, nihil prorsus inest Patrum monumentis, nec etiam Scripturæ sacræ, quod eiusmodi friuolis effugiis, cludi non possit. Dudum cùm vas electionis Paulus coram Agrippa Rege & Festo Proconsule, fidem quæ in Christo est, diuinâ facundiâ explicaret, Act. 26. 24. 25. Festus orationis eius cursum interrumpens, subito exclamauit: Infanis Paule, multæ te litteræ ad insaniam conuertunt. Cui mox ait Paulus, Non insanio optime Feste, sed veritatis & sobrietatis verba loquor. Impulsu Diaboli non ferentis causam Euangelij tam excellenti præconio enunciari, Festus sic Pauli dicta interturbauit, exuberantique litterarum adscripsit cognitioni, quod Spiritui sancto in Apostolo suo loquenti,tribuendum erat. Sic planè Molinæus, tam perspicuis S. Chrysostomi testimoniis, pro reali corporis Christi præsentia, ac adoratione, in venerabili Eucharistia Sacramento, vitio ei vertit sacram eloquentiam qua pollebat. Sugillat enim nimis exultæ oratoriæ facultatis; & quæ dicit dogmaticè, vult oratoriè loqui. Quasi ubique rhetorem, nunquam verò docto-*





\* *Habes supra*  
*textum Gratii.*

MOLINÆVS.

R E S P O N S I O.

MOLINÆVS.

Digitized by Google

## APPENDIX II. De Eucharistiæ adoratione, &c. 907

veneratione, ab eo hoc verbum, Græcorum more usurpari, pro eo quod est non adorare quidem cultu diuino, sed tantum honorare & in veneratione habere ac reuerentia. Si prius, sanè Theodoretum reum efficiunt horrendæ idololatriæ, ut qui voluerit signa seu species & figuras Sacramentales, equali parique omnino cultu cum Deo ipso adorari; nec enim symbola illa, Deus sunt. At verò si Pontificij respondeant per verbum adorare à Theodoro tantum insinuari venerationem aliquam & reuerentiam. tum eum planè nobiscum & loqui, & sentire fatentur; siquidem nos hæc signa honoramus ac veneramur: At quid hoc facis pro adoratione illa suprema, diuinæque cultu quem aduersarij Sacramento deferunt?

### RESPONSIO.

PLURIMUM est differentiæ inter adorare signa, & adorare Sacramentum: qui abstractione facta externorum symbolorum à re ipsa, quæ sub iis continetur, illa quæ iam nuda forent, & ut ait Apostolus *egena elementa*, adoraret latræ cultu, longè aberraret ab Ecclesiæ fide & ritu, nec enim vnquam hoc cultu species illas externas scorsim & præcisè consideratas Ecclesia adorauit aut adorandas dixit; Sed longè aliud est adorare Sacramentum, seu Christum existentem realiter in Sacramento sub illis symbolis, quibus ad locum fidei concedendum in hoc mysterio, Christus ipse obuelatur. Hoc est porro quod Ecclesia facit & intendit: nam Sacramentum adorat quia corpus est Christi, nec refert quòd speciebus illis corpus Domini tegatur, gemma enim linteolo inuoluta, non minùs gemma est, quàm inclusa auro, suum enim semper retinet & pretium & decorem, siue in auro, siue sub palea, siue sub lancina collocetur. Verum est quòd species illæ non sint Christi corpus, sed sub ipsis est corpus Christi, & species cum eo vnum totum Sacramentale faciunt, nam ei vnione Sacramentali coniunguntur, ideòque vno eodémque actu coluntur, quamuis Christi corpus per se, primariò, & absolutè: species autem secundariò, secundum quid, & propter ipsum Christi corpus, cui coherant, quòdque comitantur, ut accessorium sequitur naturam & iura principalis. *Intelliguntur enim* (ait verè & eleganter Theodoretus) *ea esse quæ facta sunt & creduntur*; quamobrem adorantur quia creduntur illa esse, quæ sunt per consecrationem facta, non naturæ quidem potestate, sed virtute diuina. His præmissis, quicquid Molinæus argutiarum coaceruat, funditùs concidit. Sed quia eò vsque ipsum deduxit euidentia veritatis, ut signa ipsa veneranda esse & reuerenda demum fateatur, æqui bonique accipiat, si verborum suorum ipsum memor ut sit admoneamus. *Signa hæc*, inquit, *mystica honoramus & veneramur*. Sed quæso nobis edicere non grauetur quando hæc Eucharistiæ apud eos reuerentia & veneratio cœpit? longè profectò à dictis facta discrepant, nulla enim hæresis vsquam hætenus fuit, quæ tam impiè & furiosè aduersus sacra hæc mysteria ac diuina Sacramenta desæuiret. Acta Ministrorum typis edita, parenti sunt indicio, quo honore & reuerentia diuinam Eucharistiam prosequantur.

Horret animus vel recogitando quantis iniuriis ac vituperiis sanctam Eucharistiam, id est ipsum Domini corpus, affecerint ubicumque pro libitu furere potuerunt, & plusquam Turcica rabie grassari. Tempia susdeque passim subruerunt, altaria euerterunt, occiderunt in ipso sanctuario Sacerdotes; & quod omne scelus exsuperat, & omnem diabolicam audaciam longè transcendit! sacrilegis manibus ipsum corpus Domini, vel è sacrario rapuerunt, vel pedibus conculcârunt, vel in cloacas proiecerunt, vel canibus obiecerunt, vel aliis denique innumeris modis diris & execrandis profanârunt. Videndus illustrissimus Continuator Baronij tom. 3. ad annum 1561. XIX. & XXVIII. XXX. 1562. XI. 1563. LXXIV. 1566. XXII. & de Turca, his longè reuerentiore, ibidem n. VIII.

## MOLINÆVS.

CÆTERVM quia se acriter perstringi sentit Molinæus verbo *adorandi* (quod est apud Theodoretum) illud emollire modis quibusque satagit: Contendit enim cùm de Eucharistiæ cultu agitur improprie esse sumptum, sicut improprie sumitur aliarum rerum sacrarum respectu; Atque imprimis notat in Liturgia Chrysostomi, hunc ritum haberi: *Dicto à Diacono Amen, postquam ipse adorauit aut veneratus est sanctum Euangelium, per portas sacras egreditur; At nemo est (inquit) tam stupide idololatra, ut cultu latriæ Euangelij codicem adoret?*

## RESPONSIO.

ADORATUR in Euangelio, etiam latriæ cultu, quod diuinum est, non porro quod humanum est, nec quod materiale, vel quod manufactum. Neque enim charta, nec charactereshuic impressi, à Christianis summo honore coluntur, dum Euangelium adorant, sed Christi doctrina, viua voce dudum ab ipso tradita, & subinde à Spiritu sancto sanctis Apostolis & Euangelistis inspirata, qui eius afflatu eam litteris prodiderunt, in Epistola Tarasij Synodica ad Adrianum Papam è Concilio II. Nicæno, Act. 3. qua rationem reddit Actorum in hoc Occumenico Ecclesiæ Catholicæ Senatu: *Cùm omnes sedissemus (inquit) caput fecimus Christum; iacebat enim in sancta Sede Euangelium sanctum, contestans nobis omnibus viris sacris qui conueneramus, iudicium iustum iudicare.* Ex quo patet Ecclesiam, Christum in Euangelio, & per Euangelium loqui, credere, & ideo Euangelium ipsum vice Christi adorare. Ideo teste S. Hieronymo contra Vigilantium, etiam *rutilante sole luminaria accendebantur*, ideo incensi suffitus ad diuini ipsius eloquij lectionem adhibetur, & cùm Diaconus recitaturus Euangelium accedit, afferri ex prisco more consuevit thuribulum cum incenso. Osculantur etiam in signum eximie venerationis sacrum librum Sacerdos & Diaconus. Cùmque legitur Euangelium, omnes, ipsèque Episcopus reuerenter assurgere & aperto capite audire præcipiuntur, can. *Apostolorum* de consecrat. dist. 1. (ex epistola Anastasij Papæ ad Episcopos Germaniæ & Burgundiæ) *Dum sacra Euangelia in Ecclesia leguntur, Sacerdotes & ceteros omnes, Dominica verba (oportet) attentissime audire & fideliter adorare.* Hinc & alius ritus iam pridem seruabatur in Oriente,

Oriente, teste Isidoro Pelusiota lib. 1. ep. 136. ut Pontifex altari assistens, dum legebatur Euangelium, sacrum pallium deponeret, quasi præsentem ipso Christo, qui pastorem est princeps; *Nam cum ipse verus pastor* (inquit Pelusiota, S. Chrysostomi synchronus & amicus) *per adorandam Euangeliorum apertionem accedit, Episcopus assurgit, atque imitationis habitum deponit, hinc nimirum Dominum ipsum, pastoralis arvis ducem, ac Deum, & herum adesse significans.* Porro si tantus honor Evangelio defertur, quia Christi vox est in verbo signato & prædicato: quantus quæso Eucharistiæ sacratissimæ exhibendus est? cum in ipsa sit Christus, non voce vicaria, vel signo repræsentatiuo, sed re ipsa, nimirum in corporis & sanguinis sui spiritusque viuificantis veritate. sed pergit insanire Molinæus.

MOLINÆVS.

HODIE adhuc cernimus in Romana Ecclesia, Christi lachrymam, & lignum crucis, & faciem Domini in velo depictam adorari; & tamen nemo est, nisi fortè prorsus mentis emotæ, qui hæc adoret eodem cultu quo Deus adoratur.

RESPONSIO.

CVR igitur tu & socij tui, nos perpetim calumniamini, idololatriæ insimulantes, propter illarum rerum sacrarum venerationem? verum in his rebus, ut supra iam dictum est, nihil attendimus aliud quàm quod est diuinum. Id porro graphicè definit & explicat VII. Oecumenica synodus Constantinopolitana c. 3. his verbis: *Sacram imaginem Domini nostri Iesu Christi & omnium Saluatoris æquo honore cum libro sanctorum Euangeliorum adorari decernimus. Sicut enim per syllabarum eloquia, quæ in libro feruntur, salutem consequuntur omnes, ita per colorum imaginariam operationem, & sapientes & idiotæ cuncti, ex eo quod in promptu est, perfruuntur utilitate; quæ enim in syllabis sermo, hæc & pictura, quæ in coloribus prædicat, & commendat.* Ratio hæc est huius definitionis, quod idem sit motus in imaginem, & in rem significatam, ut ipsa etiam experientia testatur: nam qui statuam Cæsaris intuetur, is vnica cognitione ipsum Cæsarem, & eius statuam seu imaginem agnoscit. Sed honor est quidam motus in id quod honoratur, siue sit externus siue internus, siue vtrumque simul. ergo idem est actus honoris in imaginem & rem significatam, atque ideo in crucem, ac Christi imaginem, & in Christum, per crucem tanquam per suam imaginem, repræsentatum. Quocirca cum Christus adoretur latria, ita & crux & imago Christi eadem veneratione honoratur seu adoratur. Nec inferre hinc licet, ergo Eucharistia nec maiori honore prosequenda est, quàm Christi crux & imago; falsa enim hæc est illatio. Siquidem neque crux Christi, nec huius imago per se coluntur illa adoratione, sed relatione ad ipsum Christum qui Deus est, & cuius est crux signum, imago autem repræsentatio. At Eucharistia si in re ipsa consideretur, adoratur cultu non relatiuo, sed absoluto, quia Christus hic est verus Deus & homo. quamobrem sapientissimè Patres Concilij II. Turonensis c. 3. decreuerunt, *ut corpus Domini in altari, non in imaginario ordine, sed sub crucis titulo componatur, ne scilicet censeatur esse*

*Vide S. Thomæ  
3. p. 2. q. 25. a. 3.  
& 4. Et Caietanum,  
Capreol. & Greg. de Valentia,  
ibidem.*

YYyyy



ciales quosdam producant effectus. At secus est de Eucharistia, in qua necessario materia debuit mutari, quia auctor ipse gratia voluit se per hoc mysterium nobis vnire, se nobis corpore & animo communicare & per se immediatè nobis sua dona impertire, fieri nobiscum vnum corpus & vnus spiritus. Accedit quòd Eucharistia est anacephalæosis diuinorum mirabilium: in eo igitur miraculum omnium maximum, quod sit conuersione substantiæ panis & vini in verum Christi corpus & sanguinem fieri debuit. Insuper est Christi testamentum, & testimonium ac quasi pignus amoris Christi erga sponsam suam Ecclesiam; & ideo donum esse præstantissimum oportuit. Nihil autem potuit Christus excellentius dare, quàm seipsum, vnde ait: *Accipite & manducate, hoc est corpus meum; bibite, hic est sanguis meus.* Non autem inane signum, vt aduersarij volunt corporis & sanguinis, tum enim non donum optimum, sed exile munus vt pote umbratile tantùm hoc fuisset; Præterea ad hoc nobis se hic donat Christus, vt sit causa & semen resurrectionis nostræ, vnde ait, *qui manducat meam carnem & bibit meum sanguinem habet vitam æternam, & ego resuscitabo eum in nouissimo die*, Ioan. 6. 55. Ideo per contactum & coniunctionem corporis Deifici, cum corporibus nostris mortalibus fieri debuit hæc viuificatio. Denique Eucharistia est sacrificium Religionis Christianæ, quod præstantius vt esset omnibus sacrificiis veteris legis, veritatem proferre, umbras expellere, figuras implere & omnes hostiarum differentias vna sola præcellentissima hostia quæ Christus est, continere necessum fuit. Longè est igitur dispar ratio Eucharistiæ & baptismi; Quamobrem inepta & falsa est quam Molinæus affert huius cum illa æquiparatio, & proinde inutilis & nulla consequentia, quam inde elicit. Ridiculum est enim quod ex dictis Theophili Alexandrini scribentis ep. 1. Paschali contra Origenistas, *& aquam baptismi, & panem Dominicum per Spiritus sancti inuocationem sanctificari*, colligit æqualiter ab eo accipi vtramque sanctificationem si enim valet eiusmodi ratio, inde etiam argutari licebit parem fuisse & hordeaceorum panum, duorumque piscium: atque mystici panis in vltima cœna à Domino suis Discipulis distributi benedictionem. Verumque enim Dominus benedixit. At quis non videat ingens quod intercedit discrimen. Panes & pisces etenim Dominus benedixit vt eos multiplicaret, iisque esurientes turbas corporaliter reficeret: at panem in cœna vltima benedixit, vt cum suum corpus efficeret, quo animas in vitam æternam pascendo de seipso enutritet. *Caro enim abluitur, vt anima emundetur; caro ungitur, vt anima consecretur; caro carne & sanguine Domini alitur* (ait Tertullianus) *vt anima de Deo saginetur.* Hæc omnia autem vnus idemque Spiritus, sed diuersimodè operatur.

Adde quòd non est scopus Theophilo Alexandrino comparandi baptismum cum Eucharistia, in quantum vtrumque est Sacramentum, minus autem in quantum Eucharistia ipsa est sacrificium, nec vtriusque sanctificationem parem facere intendit, quoad rem ipsam; sed quia eo loco errorem Origenis (saltem præsumptum) refellit,

qui dicebat *Spiritum sanctum non operari, ea quæ inanima sunt, nec ad irrationalia peruenire*: Hoc verò paradoxum refutat adductis exemplis baptismi & Eucharistiæ, quæ in materia fiunt inanimata, circa quam tamen diuina omnipotentia sic agit, vt sanctificata aqua baptismalis fiat instrumentum iustificationis animæ; panis verò consecratus fiat corpus Christi. Vnde subiungit Theophilus; *Quod asserens (Origenes) non recogitat aquas in baptismo mysticas aduentu sancti Spiritus consecrari, panemque Dominicum quo Saluatoris corpus ostenditur\*, & quem frangimus in sanctificationem nostram, & sacrum calicem &c. per inuocationem & aduentum sancti Spiritus sanctificari.*

\* id est, exhibetur,

At ansam cauillandi ex eo arripit Molinæus quod Theophilus ait, *panem Dominicum quo corpus Domini ostenditur*, triumphumque hinc sibi gloriabundus apparat; *Verba*, inquit, *ista eximia sunt, nam expresse docent per panem Dominicum Christi corpus ostendi, hoc est monstrari seu significari.* Verum hic triumphus fictitiuus est, deque eo pueriliter gloriantem ridiculo exponit. si enim verbum ostendere, significare tantum importat, igitur in Scripturis cum id legimus de mero signo & figura hoc debemus interpretari. At quanta inde absurda sequantur facile est ex his exemplis perspicere Matth. 8. 4. *Vade & ostende te Sacerdoti*, id est defer Sacerdoti figuram tuam, in pictura, hæc enim te illi ostendet. Matth. 22. *Ostendite mihi numisma census*, hoc est afferte typum & figuram numismatis, non ipsum numisma. Ioan. 14. 8. 9. *Domine ostende nobis patrem*, scilicet in figura depicta, & non in se. Ioan. 20. 20. *Ostendit eis manus & latus*, id est cicatricum suarum signum & figuram in chartula tantum expressam. Act. 9. 39. *Ostendentes ei tunicas & vestes, quas Dorchas (quæ & Thabita) faciebat illis*, hoc est depictas in tabula illarum vestium formas & colores. Eccl. 1. Timoth. 6. 15. *Vsq; in aduentum Domini nostri Jesu Christi, quem suis temporibus ostendet beatus & solus potens Rex Regum, & Dominus Dominantium*: quasi dicere vellet Apostolus, Christum à Patre tunc ostensum iri electis suis in ænigmate & figura tantum; non autem reuelata facie, & in propria essentia & persona. sicut enim eiusmodi interpretationes ridiculæ sunt, ita & illa explicatio, quam Molinæus adhibet verbis Theophili Alexandrini, *panemque Dominicum quo Saluatoris corpus ostenditur*, hoc est non exhibetur reipsa, sed tantum figuratur & significatur. At demustamen ex specialissima indulgentia, hic, ostenditur, sumendum esse pro significatur, quid inde sibi Molinæus comparabit? Non negamus, corpus Domini realiter existens in Sacramento, externis symbolis seu speciebus panis & vini (quibus obtegatur) indicari, signa enim sunt, sed rei præsentis non absentis, vt corpus hominis verum est signum animæ sub eius externa forma latentis, & tamen inexistens & operantis per ipsa organa corporea quæ animat, & in actum reducit. Quod si pertinaciùs adhuc Molinæus contenderit Theophilum loqui non de pane reipsa mutato in corpus Domini, sed de pane existente tam in specie quàm substantia, qui proinde sit nudum signum & indicium corporis Christi: tum adhuc plana & peruia fue-

rit ex ipso textu Theophili responsio, illum loqui scilicet de pane ante consecrationem. Instabit forte, *sed vocat illum panem Dominicum?* Respondeo, quia assumitur ut sit materia conficiendi corporis Christi: at post consecrationem, rectè itidem ait, *per eum corpus Domini ostendi*, id est exhiberi & dari nobis sub his externis symbolis. Quamobrem notanter subiungit, illum frangi in sanctificationem nostram; *Sanctificari enim* (ut scilicet sit Domini corpus) *per invocationem & aduentum Spiritus sancti*. Cæterum quia hîc quæstio est de vero sensu Theophili Alexandrini, ipse sui ipsius interpret prodeat; is verò epistola Paschali 2. paulo ante medium verè insigniter & eleganter ait: *Ad eos solos illa verba Domini pertinere, Accipite & comedite, hoc est corpus meum; bibite, hic est sanguis meus; pro quibus Christus crucifixus est: Passus est autem pro solis hominibus, & non pro demonibus, ut Origenes somniabat*. Igitur ad solos homines spectat huius ipsius corporis quod cruci fuit affixum, & huius sanguinis qui in cruce effusus est, participes fieri; *A Domino etenim nunquam solutum iri mandatum suum, nolite dare sanctum canibus, nec mittere margaritas ante porcos*. Diabolos igitur non posse sanguinem Domini bibere, quia non pro ipsis effusus fuit ille sanguis, qui fidelibus in sacro calice propinatur. Hac igitur ratiocinatione palam est, Theophilum non figuram & signum duntaxat Christi corporis & sanguinis, sed rem ipsam nobis hîc in diuino mysterio communicari, credidisse. Quod & hoc eiusdem argumentum, quo Origenem ad absurdum deducit, patenter demonstrat. Si enim *& pro demonibus crucifixus est (Christus)* quod erit priuilegium, aut quæ ratio, ut soli homines corpori eius sanguinique communicent: *& non demones quoque pro quibus in passione sanguinem fuderit?* Subindicans effusum fuisse sanguinem in cruce, ut in calice biberetur. Eundem igitur esse sanguinem; quem ideo soli bibere possunt, pro quibus fuit effusus. Vnde notat nunquam dæmonibus dictum fuisse, *accipite & bibite*, sed hominibus tantum. At de Theophili sententia satis superque.

## §. VIII.

*De testimonio S. Hieronymi, iterum: Cuius auctoritate abuti nititur Molinaus.*

**P**ORRO Molinaus de sua causa diffusus, tribunalia mutat, & à Theophilo Alexandrino ad S. Hieronymum ocyùs transuolat, capta occasione ex epistola liminari ipsius B. Hieronymi ad præfatum Theophilum, qua Paschales eius Epistolas de Græco in Latinum conuersas sermonem, ad ipsum remittit. Ex verbis siquidem S. Hieronymi nouas argutias quærit, quibus corporis Domini in Eucharistia si non possit euertere veritatem, saltem eiusdem in hoc tremendo mysterio adorationem amoliatur.

MOLINÆVS.

MIRATI sumus (inquit Hieronymus ad Theophilum) in opere tuo utilitatem omnium Ecclesiarum, ut discant qui ignorant, eruditi testimoniis

*Scripturarum, qua debeant veneratione sancta suscipere, & altaris Christi ministerio deferuire, sacrosque calices & sancta velamina & cetera quæ ad cultum Dominicæ pertinent passionis, non quasi inania & sensu carentia, sanctimoniam non habere, sed ex consortio corporis & sanguinis Domini, eadem qua corpus eius & sanguis maiestate veneranda. Atqui (infert Molinæus) velamina & calices non debent adorari cultu latriæ, qui soli Deo debetur. Vnde patet ex S. Hieronymi sententia quod corpus & sanguis Christi, de quibus hic loquitur, non sint adoranda suprema adoratione, ideoque corpus illud non esse corpus Christi verum & naturale, sed mysticum & Sacramentale; neque enim credendum est S. Hieronymum, ita profanum fuisse aut ignarum, ut voluerit velamina & calices adorari pari & equali adoratione, quæ ipsi Christo debetur. Quamobrem non dicit hoc corpus & hunc sanguinem, uti nec calices, nec lintamina adoranda esse, sed tantum veneranda.*

## RESPONSIO.

QVID senserit & crediderit S. Hieronymus de adoratione diuinæ Eucharistiæ, seu ipsius Christi realiter in hoc mysterio existentis, supra, ubi ex instituto de eius testimonio cum Molinæo actum est, luculenter fuit demonstratum. Quamobrem hic non tam de sententia S. Hieronymi circa hanc fidem ac ritum Ecclesiæ, quàm de Molinæi impudentia & effrænata malitia mihi dissertandum incumbit. Certè vix ullus apud S. Hieronymum vel quempium Patrum locus est hoc illustrior, vel validior ad confirmandum dogma de vera & reali præsentia corporis Christi in diuino altaris mysterio, & ad hæresim Sacramentariam, quam Molinæus desperata audacia propinat funditus euertendam. Sanè incredibilem pietatis affectum in præcordiis gerebat erga diuina altaris mysteria S. Hieronymus, quæ ita reuerabatur, ut quamuis esset Presbyter non tamen auderet incruentum, sed tremendum hoc sacrificium celebrare (sicut signato loco insinuauimus) & hoc incensus deuotionis ardore, non solum ipsam sacratissimam Eucharistiam supremo honore venerabatur, sed quicquid ad eius cultum conferebat, altare, calices, velamina, vestes Sacerdotales & vniuersum diuini sacrificij apparatus ac adminicula quæque eximiâ, prosequabatur reuerentia. Cum igitur error serperet, quem plerique Origeni referebant non inesse rebus inanimatis & sensu carentibus ullam sanctitatem, proinde nec reuerentiam aliquam illis deberi, commodè accidit ut Theophilus Alexandrinus Epistolas illas Paschales contra errores Origenistarum scriberet. Græcè autem cum editæ essent, optauit Theophilus, quo in plurium notitiam peruenirent has in Latinum eloquium vetri. Laude verò peritiæ vtriusque linguæ & doctrinæ imprimis eminentis, quod sciret sanctum Hieronymum præstare secumque paradoxis Origenis aduersari, ab eo supplex poposcit, ut suas prædictas epistolas Latina phrasi donare non dedignaretur. Annuit ultro tanti Episcopi postulatis S. Hieronymus, cui & inter cetera in his epistolis præclara illud fuit pergratum, quod res etiam sensu carentes sanctificationis capaces & ideo venerationis Theophilus asserbat. Hinc enim inferri rectè censuit B. Hierony-



mus, omnia sacri altaris ornamenta, sed maximè diuini mysterij adminicula præcipua, scilicet calices & velamina magna in reuerentia apud omnes Christi fideles habenda esse. Hoc de asserto theoremate itaque Theophilo gratulatur: deque thesi ad hypothesim descendens, remque totam dilucidius exponens, insigni hac sententia concludit. Eiusmodi Theophili doctrina discere posse qui ignorant iam testimoniis Scripturarum eruditos, qua debeant veneratione Sancta suscipere & altaris Christi ministerio deferuire, sacrosque calices & sancta velamina, & cætera quæ ad cultum Dominicæ pertinent passionis, quasi inania & sensu carentia, sanctimoniam non habere: sed ex consortio corporis & sanguinis Domini, eadem qua corpus eius & sanguis maiestate veneranda. Qua in breui, sed planè insigni periodo, pleraque magna complexus; aduersus hæresim Calvinisticam, quot profert verba, tot certè vibrat fulmina. Primò etenim, cultum Eucharistiæ, quam Sancta per singularem excellentiam appellat, niti dicit testimoniis Scripturarum. Secundò, hanc non modò esse Sacramentum, sed insuper sacrificium patenter agnoscit, vnde vocat huius mysterij actionem *altaris Christi ministerium*, & cultum perpetuum eius passionis. Tertio, velamina quibus vt sindone munda in sepulchro Christi corpus inuoluitur, sancta; & calices, quibus pretiosus liquor Domini sanguinis infunditur, sacros nuncupat. Quartò, hanc sanctimoniam docet contrahere ex consortio corporis & sanguinis Domini, quæ ideo supponit hîc verè & realiter existere, esseque fontem adeo copiosum sanctitatis, vt etiam in res sensu carentes eam transpirent ac effundant. Quintò, hinc asserit meritò veneranda esse ipsa sacra adminicula, non qualicumque honore, sed eadem maiestate, qua ipsa diuina mysteria quorum celebrationi deferuiunt, quia scilicet vt per illa sanctificentur, sic propter illa eiusmodi veneratione coluntur, externa videlicet, non interna \*; relatiua, non absoluta, consequen-

Nota.

te non antecedente, effecta non causante, neque primaria sed secundaria, deriuatiua & dependente; non solida & permanente, sed transitiua, non enim semper, sed pro eo tempore tantùm quo vasa illa sacra seu inuolucra sunt in vsu, v. g. dum sanguis Domini est actu in calice, & corpus super patenam vel sindonem; tum enim, vt quid non quidem absolutè vnum, sed aliquò modo coniunctum cum ipso sanguine consideratur. Extra actuale tamen vsum, aliquod ius venerationis hac inferioris retinent, quam scilicet ex contactu corporis & sanguinis Domini, ipsoque effectû benedictionis, vel consecrationis contraxerunt.

Verùm contrà obiicit Molinæus, expressis verbis S. Hieronymum dicere, hæc ipsa adminicula diuini mysterij ex consortio corporis & sanguinis Domini eadem qua corpus eius & sanguis maiestate veneranda: quod dici verè non posset, si corpus Christi naturale, esse realiter in Eucharistia, à S. Hieronymo cerneretur. At nihil aliud intendit dicere S. Hieronymus, nisi quòd simul & coniunctim honorantur,

non eodem absolutè cultu, quamvis eodem actu externo, & hoc non per se & propter se, sed ut sunt appendices & accessoria rei principalis, hoc decus scilicet mutuari ex consortio, ut expressè ait, corporis & sanguinis Domini. De sancti Petri vinculis sanctus Augustinus sermone 28. de SS. verè & citra omnem reprehensionem dixit, meritò per omnes Ecclesias auro pretiosius haberi ferrum illud pœnarium vinculorum, quæ sacris impressa membris, vim salubritatis de ipso Apostoli corpore attrahere meruerunt. Et ne ab ipso Domino diuagemur, fimbriam vestimentorum eius propter contactum salutiferæ eius carnis, vim sanandi contraxisse mulier hemorrhoida credidit, & hanc tetigit, ut non sine fide, sic nec absque metu & reuerentia. Gratum hunc pium affectum Christus habuit, ut cultum sibi metipsi delatum; *Vade in pace* (ait) *fides tua te saluam fecit.*

*Matth. 9. 21.*  
*Marc. 5. 28.*

## §. IX.

*Molinaum falsò criminari sanctos Patres Augustinum & Hieronymum, quod fuerunt auctores distinctionis sapius ab ipso inducta ac inculcata: videlicet inter Christi corpus verum & naturale, & corpus Sacramentale seu representatiuum; quod in Eucharistia tantum esse Molinaus ipse contendit.*

## MOLINEVS.

» **V**T tandem nostra redeat vnde fluxit oratio, S. Hieronymus nos  
» docuit, duo esse Christi corpora, quemadmodum habetur can.  
» *Dupliciter*, qui ex eius Commentariis (scilicet in epist. ad Ephesios  
» c. 1.) depromptus est, & refertur, de *Consecrat. dist. 2. c. 49.* hac serie;  
» *Dupliciter intelligitur caro Christi & sanguis, vel spiritalis illa atque di-*  
» *uina, de qua ipse ait, caro mea verè est cibus & sanguis meus verè est*  
» *potus &c. vel caro quæ crucifixa est, & sanguis qui milis effusus est*  
» *lancea.*

## RESPONSIO.

» **A**POSTOLVS graphicè depingens hæreticos, acutèque perstrin-  
» gens, dicit ad Timotheum *eos non intelligere neque quæ loquuntur, neque*  
» *de quibus affirmant.* Molinæus infelici de se exemplo Apostolici huius  
» oraculi veritatem confirmat. Imponit S. Hieronymo, eum disertè do-  
» cuisse, esse duo Christi corpora distinguenda ab inuicem, alterum na-  
» turale & verum quod cruci affixum est; alterum verò Sacramentale  
» mysticum, & repræsentatiuum. Illud adorandum quidem; at verò  
» istud duntaxat longè inferiori honore venerandum. Argumentum  
» est ab auctoritate S. Hieronymi. Quærimus ubi hoc dixerit sanctus  
» ille Doctor? respondet citari ex eo canone *Dupliciter*, de *Consec.*  
» *dist. 2.* \* At hîc ne verbum quidem, quo Molinæus probet id quod S.  
» Hieronymo, appingit reperire est. Attendat quæso Molinæus verba  
» ipsa, quæ tanquam propria S. Hieronymi allegans, insignioribus cha-  
» racteribus exprimit. Non dicit S. Hieronymus Christum duo habuisse,  
» vel

\* Sumptus est  
iste canon, ex  
Commentario  
S. Hieron. sup.  
1. cap. ep. ad  
Ephes.

vel habere corpora, sed tantum dupliciter intelligendam esse Christi carnem & sanguinem. Id porro non est dicere Christum habere duo corpora (sicut supponit Molinaus) vel duplicem carnem, aut duplicem sanguinem, sed tantum duplici modo carnem eius considerari, vno modo ut erat in cruce suspensa, altero ut in magno pietatis Sacramento, Eucharistiâ scilicet nobis communicatur. Esse etenim quoad modum existendi diuersam, porro eandem in substantia vnicamque. Nam sicut nemo negat, carnem quæ in cruce immolata est, esse veram carnem Christi, veri Dei & hominis: sic ea quam nobis communicat in hoc ineffabili mysterio, & de qua dicit *Caro mea verè est cibus*, & *1. Cor. 6. nisi manducaueritis carnem meam* &c. vera est ipsa Christi caro, quam ideo diuinam S. Hieronymus appellat, sed quia alio modo exhibetur, eam itidem spirituales in scribit; non quod sit imaginaria caro, vel corpus phantasticum, aut etiam spiritus: sed quia iam gloriosa & immortalis, spirituali modo nobis datur. Sic Apostolus cum de statu loquitur mortalitatis & immortalitatis, ad Corinthios signanter de vno eodemque numero corpore dicit, *Seminatur corpus animale, surget corpus spirituale, seminatur in ignobilitate, surget in gloria*. An ideo duo re ipsa corpora, vel duplex corpus? neutriquam, sed vnum idemque duplici modo constitutum & consideratum. Ita planè S. Hieronymus ait, carnem Christi vnâ esse eandemque; cæterum propter vniõnem personalem ad Verbum, semper humanam & diuinam, dupliciter esse intelligendam, vel ut est in altari proposita, vel ut in cruce fuit immolata, sicut & sanguis ut in cruce effusus fuit lanceâ militis, utque in altari Deo litatur & nobis exhibetur ministerio Sacerdotis. Vtrobique enim re ipsa eandem esse, quamuis diuerso modo in utroque statu sit à nobis consideranda. Cæterum frustra sibi Hieronymum conciliare Molinaus contendit, qui totus noster est, ut §. 5. euidenter ostendimus. At dictis hoc illud eiusdem simplex & perspicuum testimonium accedit, ex Epist. ad Hedibiam, q. 2. *Nos audiamus* (inquit) *panem quem fregit Dominus, deditque discipulis, esse corpus Domini Saluatoris*. Absolutè nimirum & sine vlla modali distinctione, vel reali differentia. Corpus, inquam, illud Domini verum & vnicum; quod Apostoli (ut idem sanctus Doctor in Ps. 21. obseruat) *manducauerunt & adorauerunt*.

## MOLINEVS.

SIC & S. Augustinus super Ps. 98. Communicantes corpori Christi in Eucharistia eius in personâ monet: *Non hoc corpus quod videtis, manducaturi estis, & bibituri illum sanguinem, quem furi sunt illi qui me crucifigent*. Aliud igitur corpus manducant, nempe corpus mysticū & Sacramentale.

## RESPONSIO.

NOLVIT intelligere Molinaus ut bene ageret. Nam si locum ipsum Psal. 35. 4. quem citat, fideliter recitaret, facilè pateret quàm turpiter, vel fallitur, vel fallere cupit. Proximè enim sequentia B. Augustini verba aperte euincunt, longè admodum esse eius mentem ab ea persuasionem, quam ei Molinaus imponere non veretur: subiungit etenim immediatè

ZZzzz

S. Augustinus *ipsum quidem, & non ipsum, ipsum inuisibiliter*, (quia scilicet realiter sub speciebus panis & vini continetur) *& non ipsum visibiliter*; quia quoad externa illa symbola non corpus conspicitur, sed panis aut vinum apparet. Sed Molinæus de industria insignia illa verba suppressit, quibus & vera S. Augustini sententia, & sua proiecta malitia manifestè patet.

Haftenùs Molinæus, ex Sophista Leidenſi, Doctōris Theologi nomen ambierat; Iuris autem Canonici, quia iam lauream facultatis affectat, Canonum peritiā gestit profiteri, ideòque Canones, aliàs sibi multis de causis parum gratos, nunc allegat, quibus se & suæ opiniones tueri nouo quidem, sed infelici ausu conatur. Erumpit iterum igitur, & ex hoc penue canonem vibrat, qui incipit *de hac hostia*, eadem dist. 2. Audiamus ergo illum iterum, & videamus num audendo, quicquam, vel *in peius* (vt dicit Apostolus de heterodoxis) proficiat?

2. Tim. 3. 13.

#### MOLINÆVS.

CANON signatus sic habet: *De hac quidem hostia, quæ in Christi commemorationem mirabiliter fit, edere licet: de illa verò quam Christus in ara crucis obtulit, secundum se nulli edere licet. Notate, inquit, hæc verba, Non licet manducare in reipsa\*, vel in seipsa, carnem Domini immolatam in cruce. His enim apertè declaratur fas esse quidem edere de hac hostia in Sacramento seu mysterio, at manducare de ipsa hostia, in se\*\* non licere, &c.*

\* hîc est Molinæi virus.

\*\* iterum hîc

#### RESPONSIO.

SI sincerè Molinæus verba Canonis referret, responsione nulla opus esset: sed fraus, qua suam argutiam fulcit, est clara & perspicua. Si frontem habet Molinæus, si conscientiam, ingenuè agnoscat quam hîc admisit falsitatem. Dicit auctor huius Canonis (qui B. Hieronymus signatur) *de hostia quam Christus in cruce obtulit, secundum se nulli licet edere*. Mutat verba vt sensum corrumpat Molinæus, & supponit *in seipsa*, vel *reipsa*, pro *secundum se*, quemadmodum est in textu. Verùm magna est inter vtrumque differentia. Nam si non licet de hac hostia, quæ in cruce oblata est, edere in seipsa; de ea verò quæ Eucharistia est licet edere: necessarium est, vt hæc illa non sit, nec illa ista, sed sint reipsa diuersæ. At auctor Canonis, de vna eadèmq; hostia, quoad rem loquitur, quæ tamen diuerso modo consideratur, scilicet vt cruenta in cruce, & vt ineruenta in altaris mysterio. De hac edere licet, vt est ineruenta, sub speciebus panis & vini *mirabiliter* (vt ait) constituta. At de ea, vt in cruce oblata fuit, non licet edere *SECUNDUM SE*, id est secundum eum statum existendi quo in cruce erat, cruenta scilicet & dilaniata flagellis, confixa clauis, compuncta spinis, lanceâ transuerberata, totâque plagis, liuore & sanguine conspersa. Amplius non est eo in statu Christus, nam ex quo *resurrexit à mortuis*, iam non moritur, mors illi *ultrâ non dominabitur*; fuerunt priores eius *passiones* at *transitiuæ*; *posteriores verò gloria*, sed æternæ sunt, & immutabiles: vnde Apostolus, *Christus Jesus heri & hodie, idèmq; per sæcula*. In cruce igitur idem Christus erat passibilis, sed non manducabilis: at in

1. Pet. I. II.

Heb. vi.



altaris Sacramento est quidem manducabilis\*, sed impassibilis, quia iam gloriosus & immortalis, ideoque verè quidem hic ipse sumitur, sed non consumitur; estque eadem hostia quæ erat in cruce; hic etiam posita in altari, sed modo & qualitate tantum diuersa, quia scilicet incruenta & impassibilis: Et ideo, ut expressim dicitur in citato canone, *mirabiliter oblata*. Hoc est quod præclare S. Ambrosius declarat, ut ex dictis eius refertur eadem dist. 2. c. 53. *In Christo semel oblata est hostia, ad salutem sempiternam potens. Quid ergo nos &c. Nonne per singulos dies offerimus? Offerimus quidem, sed ad recordationem mortis eius; ET VNA EST HOSTIA, NON MVLTÆ. Quomodo una, & non multa? quia semel oblatus est Christus: hoc autem sacrificium exemplum est illius; Idipsum & semper idipsum; proinde unum est hoc sacrificium, alioquin, quomodo in multis locis offertur? Multi sunt Christi? nequaquam. Sed unus ubique est Christus, & hic plenus existens, & illic plenus. Sicut enim quod ubique offertur unum est corpus & non multa corpora, & ita unum sacrificium. Pontifex autem ille est qui hostiam obtulit nos mundantem; ipsam autem offerimus etiam nunc, quæ tunc oblata, consumi non potest. S. Augustinus idem omnino apud Prosperum proficitur, hac insigni sententia qua aduerbium, *mirabiliter*, positum in citato canone, de hac hostia, præclare prorsus & diuinè declarat. *Utum sub figura, inquit, an in veritate hoc mysterium, calicis Sacramentum fiat? Veritas ait, caro mea verè est cibus, & sanguis meus verè est potus. Alioquin quomodo verum erit: panis quem ego dabo caro mea est pro mundi vita; nisi sit vera caro? sed quia Christum vorari dentibus fas non est, voluit Dominus hunc panem, in mysterio (altaris) verè carnem suam & sanguinem suum creari, & quotidie pro mundi vita mysticè immolari, ut sicut de virgine per Spiritum sanctum vera caro sine coitu creatur, ita per eundem ex substantia panis & vini mysticè idem corpus Christi consecratur. Corpus Christi & veritas est & figura, veritas dum corpus Christi & sanguis virtute Spiritus sancti\* in veritate ipsa ex panis & vini substantia efficitur. Figura verò est, id quod exterius sentitur. Idem verò apud eundem ut refertur eadem dist. c. 41. Nos autem in specie panis & vini, quam videmus res inuisibiles, id est Christi carnem & sanguinem honoramus, &c. cum fideliter fateamur ante consecrationem esse panem & vinum, quod natura formauit; post consecrationem verò Christi carnem & sanguinem, quod benedictio consecrauit. Nec est quòd Molinaus excipiat loqui Augustinum de corpore mystico & repræsentatiuo seu Sacramentali, non autem de vero & naturali corpore; nam suprà proprio loco auditus ipse Augustinus expressè dixit, *Hanc carnem, quam diuino in mysterio sumimus & adoramus, esse eam ipsam Christi carnem, in qua ipse dum apud nos esset ambulauit, & quam Apostoli olim visibiliter adorauerunt: prout etiam sancti Patres Ambrosius & Hieronymus, suprà citatis locis, nixi sacra Scripturæ auctoritate, asseuerarunt.***

\* Excusabit lector hanc vocem: poterat dici, *comestibilis*, sed hæc non melior videtur. Theologi duras admittunt locutiones, modo sint veræ & orthodoxæ.

Refertur eadē dist. c. 72.

\* In virtute ipsius. Sed hæc lectio non quadrat cum præmissis.



## §. X.

*Distinctionem illam falsissimam & perniciosissimam esse.*

MOLINÆVS.

**I**STA distinctio duplicis generis corporis Domini, veri & mystici, naturalis & Sacramentalis, clavis est unica, ad Patrum dicta hac in causa rectè & appositè interpretandum. Hinc non mirum esse debet si Cardinalis Peronius ubique à scopo vero, scilicet ipsorum Patrum intellectu aberrat, plurimâque eorum testimonia incassum coaceruat. Nec enim hanc distinctionem aduertit, de qua totius sui operis nullo loco meminit.

R E S P O N S I O.

*Apoc. 9.*

*Psal. 18.*

CLAVIS illa non est clavis cœli, sed clavis abyssi, cuius puteum aperit, qui tetrum fumum euomit ad solem obscurandum. Sol enim iustitiæ, quin & gratiæ Christus est, & quia in Eucharistia realiter existit, est hoc Sacramentum velut sol militantis Ecclesiæ. Quò spectat propheticum illud, *In sole posuit tabernaculum suum*. Nam hinc vniuersam Ecclesiam splendore suæ præsentiae illuminat, suæque gratiæ virtutem in animas fideles transfundit; humanitas est tabernaculum diuinitatis, & Sacramentum hic ipsius humanitatis habitaculum, quo Emmanuel noster sese nobis manifestat & communicat: Nihil hoc tabernaculo splendidius, nam hoc est Christus verus Deus & homo; tantâque verborum claritate suam hinc præsentiam statuit, ut meridiana luce ipsa sint eius verba clariora. *Hoc, inquit, est corpus meum; hic est sanguis meus*, quid apertius dici potest? At nefanda Sacramentarium hæresis, è puteo abyssi infernalis exorta, solis huius splendorem, cimmeriis plusquam tenebris inumbrare, effusa innumerorum paradoxorum, sophismatum, ænigmatum, ambagum, præstigiorum, chimærarumque caligine, ut solem quasi de mundo sustulisse (nisi fides Catholica putidas eiusmodi exhalationes sua virtute discuteret atque depelleret) passim iam omnibus videretur. Prodiit anno 1577. libellus, in quo ducentæ numerantur istorum hæreticorum variæ interpretationes, seu potius deprauationes horum Christi verborum, *hoc est corpus meum*. Eò tamen omnes contendunt, ut Christi corporis & sanguinis veritatem hoc ex venerabili Sacramento submoueant. Compendio Molinæus videri vult certas opiniones illas omnes se amplexum: Clauem inuenit (si ei credatur) scientiæ, qua promptè & expeditè arcanum huius Sacramenti totum refferatur. *Corpus Domini, inquit, duplicis est generis, scilicet verum & naturale, quod est in cælo sedens in gloria Dei Patris: Et corpus mysticum, typicum, & representatiuum, quod in Eucharistia nobis communicatur. Hac adhibita distinctione omnia argumenta dissoluuntur, qua Theologi Romani pro asserenda vera Christi corporis in hoc Sacramento existentia proponunt, omniâque sanctorum Patrum testimonia, quæ pro hac reali præsentia ab iis afferri solent facile explicantur, & per commodè ad eum sensum reuocantur*. Sed antequam accuratiùs respondeam, peto à Molinæo, ubi hanc clauem inuenerit, & à quo illam acceperit? Certè non

est clavis David, quam Spiritus sanctus Christi propriam futuram esse per prophetas prædixerat; sed falsa clavis Salomonis\*, quam fabricauit mendacij pater, & qua filij perditionis ad omnem impietatem & opera nequitiae abutuntur; sic enim clavis ista, quam se inuenisse Molinæus gloriatur, ad euertendum magnum pietatis Sacramentum, & Christi testamentum destruendum; quo in eximij testimonium amoris Ecclesiæ sponsæ suæ dilectissimæ, corpus suum verum & proprium sanguinem dedit, in ipsa nocte qua tradebatur ad mortem, cum per passionem suam mox redemptione nostra consummata, ad patrem erat transiturus. Illa siquidem diabolica distinctio, totum hoc eius in nos ardentissimæ charitatis opus euacuat, pignusque ipsum tanti amoris pretiosissimum, & in quo quicquid Saluator ipse nobis contulit vel promisit repositum est, nobis eripit, & diripit. Asinum ferunt aliquando se pelle leonis induisse, ut leo & non asinus putaretur: sed à patulis auribus & ruditu asinino confestim apparuit, sub pelle leonina nihil aliud quam asinum existere. Distinctio illa, de qua tantopere Molinæus gloriatur, etsi terminis ad fucum de industria quæsitis composita: nihil aliud est quam mera Berengariana hæresis, sæpe sæpius ab Ecclesia Catholica, damnata, & à proprio auctore suo etiam reprobata. *Ego Berengarius* (ait in numerosa synodo\*) *cognoscens veram Catholicam & Apostolicam fidem anathematizo omnem hæresim, præcipuè eam de qua hæcenus infamatus sum, quæ astruere conatur panem & vinum quæ in altari ponuntur post consecrationem solummodo Sacramentum, & non verum corpus & sanguinem Domini nostri Iesu Christi esse.* Quid aliud dicit Molinæus, quam verum Christi corpus esse tantum in cælo, porro in Eucharistia esse corpus tantum Sacramentale & typicum seu repræsentatiuum? quid enim hoc est dicere, nisi Christum in Eucharistia non aliter esse quam in solo signo & figura; ipsamque sacram Eucharistiam nihil aliud quam purum panem esse, non autem Christi corpus, nisi dumtaxat typicè & repræsentatiuè. At quæso hinc respondeat quæstioni, ab Epiphanio olim propositæ in VII. Synodo generali Act. 3. *Vbinam hoc quod pro dogmate certo venditas scriptum in diuino codice, vel etiam in libris Patrum reperisti? Certè nunquam inuenies neque Dominum, neque Apostolos, neque Patres incruentum illud sacrificium, quod à Sacerdote offertur; imaginem dixisse, verum ipsum corpus & ipsum sanguinem.* Si habet Molinæus aurem audiendi audiat, sicque respondeat, ut quod supponit pro fundamentali dogmate, de fide tanti mysterij, verbo Dei niti ac confirmari palam faciat. Dicat quæso apertè vbinam illa distinctio de duplici Christi corpore (quorum illud, quod verum & proprium est, sursum sit tantum in dextera patris: alterum verò scilicet Sacramentale & figuratiuum, in Eucharistia solum habeatur) scripta legitur?

Axioma hoc profectò S. Augustini verissimum est: *Nihil est obscure dictum in Scripturis, quod spectat ad fidem, vel mores, quod non planissime dictum sit in aliis locis.* Negare non potest Molinæus mysterium Eucharistiae ad fidem pertinere, si ergo quod dicit de fide & doctrina huius

\* Clauicula Salomonis, liber est perniciosissimus, de quo obiter & cum horrore meminit Cardinalis Bellarminus lib. de scriptoribus Ecclesiasticis, in Salomone.

\* Romana sub Nicolao II. de qua Lanfrancus Algerus, alique contemporanei auctores.

Lib. 1. de doctrina Christiana. c. 6. & 9.

Sacramenti verum est, quonam loco veteris vel noui Testamenti consignatum sit, ostendat. si enim obscure quibusdam locis traditum est, aliis plerisque claris & perspicuis oportet fuisse explicatum.

2. Cor. ii.

At tantum abest ut hoc quod ait fundamentale dogma de fide, seu præcipuum theorema de Eucharistia: nempe discrimen illud corporis naturalis & Sacramentalis alicubi expressum sit in Scriptura, quod prorsus ipsa Scriptura contrarium plane pronunciat & conuincit. Paucis verbis, sed quam euidenti demonstratione, id ostendo. Quæso igitur nobis edicat Molinæus, qualenam corpus Christi credat fuisse pro nostra redemptione in ara crucis immolatum? Verumne & naturale, an typicum duntaxat & mysticum? absque dubio verum & naturale in cruce oblatum fuisse respondebit. Atqui Scriptura expressè testatur, idem ipsum corpus quod cruci fuit affixum, & sanguinem ipsum qui in passione effusus est, nobis in Eucharistia dari & exhiberi. Ego enim accepi à Domino (inquit Apostolus) quod & tradidi vobis, quoniam Dominus Iesus in qua nocte tradebatur, accepit panem & gratias agens fregit & dixit, Accipite & manducate, hoc est corpus meum, quod pro vobis tradetur; Igitur proprium & naturale corpus eius est, non typicum & repræsentatiuum: siquidem verum & naturale suum corpus, in cruce pro nobis tradidit & immolauit. Quamobrem & de calice ait: *Hic est sanguis meus, qui pro vobis & pro multis fundetur in remissionem peccatorum.* Atqui sanguis qui in cruce pro redemptione nostra effusus est, proprius & naturalis est Christi sanguis; vnde scribit ad Hebræos Apostolus c. 9. *Per proprium sanguinem introiit in Sancta, aterna redemptione inuenta.* Igitur idem ipse sanguis est, qui nobis in sacro calice exhibetur. Falsa igitur est Molinæi distinctio, cum sit expressis verbis Domini contraria, qui sanè melius quouis alio & scire potuit quod nobis in diuino hoc mysterio communicabat, & quibus verbis ut mentem suam nitidè aperiret, intentum suum exprimendum fuerit. Cæterum clariùs non potest loqui, ut testatum faceret se nobis ipsum corpus suum proprium dare: quemadmodum enim Ioannes Baptista dicendo discipulis suis transeunte Christo, *Ecce agnus Dei, qui tollit peccata mundi,* sine ambiguitate asserbat Christum quem videbant transeuntem, esse illum ipsum agnum qui morte sua mundum erat redempturus, nec fore alium à quo peccatorum nostrorum efficienda foret remissio. Sic Christus dicendo, *hoc est corpus meum quod pro vobis tradetur, hic est sanguis meus qui pro vobis effundetur, in remissionem peccatorum,* manifestè docuit, non aliud corpus hinc se porrigere, quam quod in cruce oblaturus erat, nec alium tunc fusurum sanguinem, ab eo quem nunc nobis in calice propinabat, proindeque utrobique rem ipsam à se exhiberi, non autem illic rem, isthic verò figuram. Tunc enim, ut ipse suis Apostolis insinuat, suum sanciebat testamentum, in quo tropis & figuris locus non est. Nam si vnquam clarè & apertè sit loquendum, tum verò maximè cum testamentum conditur: in quo testatoris postrema voluntas ac sincera intentio, verbis est apertissimis ac liquidissimis exprimenda.

Ioan. 1.



Ad Patres iam veniamus, quos ut se sensisse, de duplici corpore Domini, nempe naturali (quod solum sit in cælo) & Sacramentali seu typico (quod in Eucharistia nobis tantum communicetur :) Molinæum asserere non puduit: adeoque hoc titulo gloriari, quod illa distinctio sit clavis unica, ad sensum Patrum genuinum cognoscendum. At verò Patres, quos ut suos nominatim citauerat, vadimonium petere, & se abhorrentes ab eius impostura profiteri, supra locis propriis ostendimus. Cæteros quos conglobatim sibi iactat assentiri, non minus ipsimet aduersari, iam promptum est euictum ire. Theologi polemici qui causam fidei Ecclesiæ Catholicæ aduersus hanc hæresim propugnârunt, per singulas ætates productis Patrum testimoniis, eorum ex vnanimi sententia ipsam fidem, quam etiamnum Ecclesia Catholica profitetur, verè Christianam & Catholicam esse apertissimè demonstrârunt. Hæc verò Patrum, quam retinemus ac tuemur, intemerata fides, plerisque argumentis quæ ad certa principia reuocantur, sit perspecta\*. *Primum* est de promptum ex constanti Patrum enunciatione, perpetuoque modo loquendi quo vtuntur, dum hoc de mysterio verba faciunt, nam passim Eucharistiam appellant *corpus ipsius Domini, eiusque sanguinem, vocantque* \*\* *pretium nostrum, tremenda mysteria, pignus salutis, antidotum mortis, pharmacum immortalitatis, escam cælestem, & diuinam, nutrientem ad vitam æternam, gratia & benedictionis fontem perennem.* Longè sunt Nouatores sectarij ab his loquendi modis: Eucharistiam etenim simpliciter vocant *Cænam, panem & vinum, symbola, signa, & figuram simplicem corporis & sanguinis Domini.* *Secundum,* sumitur ex insigni differentia, quam ponebant inter sacrificia & Sacramenta veteris legis, & hoc sanctissimum mysterium: Manna etenim, agnum paschalem, panes propositionis & similia, vmbras & figuras appellabant: at verò Eucharistiam, rei, corporis & veritatis nomine insigniebant, quin rem censebant planè diuinam, cælestem, & incorruptibilem, infinita excellentia quælibet Sacramenta & sacrificia antiquæ legis exsuperantem. *Tertium* attenditur ex comparatione quam faciunt Patres huius mysterij cum mysterio Incarnationis, nam & Eucharistiam vocant Incarnationis extensionem; confirmant ex hoc mysterio cæterorum fidei nostræ arcanorum veritatem: puta diuinarum personarum circuminsessionem, animarum nostrarum sanctificationem, corporum resurrectionem, rerum non apparentium certam per fidem cognitionem. *Quartum principium* ducitur ex iis locis, quibus Patres rationes reddunt, ob quas voluit Christus sub speciebus panis & vini, & non in propria specie nobiscum manere, & ad manducandum & bibendum nobis dari, scilicet ut fides probaretur & exerceretur, & ut sine horrore caro & sanguis eius manducaretur & biberetur: manifestè enim his locis supponunt, ipsam veram carnem & sanguinem hîc præsentem adesse, verèque & realiter à nobis sumi. *Quintum,* ex eo quod vnanimiter docuerunt in hoc mysterio perficiendo interuenire magnum quoddam miraculum, & tantum quidem, ut omnipotentia Dei hoc sola operari possit, quod

\* Doctrinæ Patrum vnanimis, de veritate corporis Christi in Sacramento altaris, brevis, sed perspicua demonstratio.  
\*\* Elogia Eucharistiæ à Patribus passim enunciata.

sanè minimè necessarium esset, si Eucharistia, extrinseca solùm denominatione esset corpus Domini. *Sextum* ex illo quinto deducebant. dicebant enim, cùm esset altissimum mysterium & ineffabile miraculum, hoc non posse sine fide, eaque magna, intelligi: Quamobrem sedulò admonebant hinc non esse credendum sensibus, sed Christi verbis planè diuinis & magis efficacibus, quàm quibus facta est creatio totius mundi. *Septimum* huic ipsorum Patrum dogmati innititur, quo constanter docent Christum in hoc Sacramento non solùm fide, sed ipsa re nobis coniungi, & non solùm per voluntatum concordiam, sed etiam corporum contactum seu coniunctionem nobis copulari. Vnde cum Christo nos *concorporeos, consanguineos, & participes effici*, ideò corpora nostra resurrectura, quia vniuntur cum Christi corpore: siquidem ad hoc dedisse nobis suum corpus in cibum, suumque sanguinem in potum, vt esset in nobis, & nos in eo. Ioan. 6. *Octauum* hinc colligitur, quòd docebant non in signo & figura Christum se nobis hinc coniungere, sed ipso suo corpore, non typico & repræsentatiuo, at verò & naturali, eoque ipso quod è Virgine suscepit, quod in cruce pependit, eodemque sanguine qui pro nobis tunc in pretium redemptionis effusus est. Hinc præclarum illud oraculum Nicæni I. Concilij: *In hac sacra mensa situm agnum illum Dei tollentem peccata mundi, incruentè à Sacerdotibus immolatum, & ipsius carnem & sanguinem nos verè sumentes, credere hæc esse resurrectionis nostræ pignora.* Et hoc aliud Ephesini I. Concilij; *Hic nos sanctificari participes effecti sancti corporis & pretiosi sanguinis Christi omnium nostrum redemptoris: percipere nos hinc enim ipsius Verbi carnem propriam factam.* Quò celebre illud apophthegma S. Augustini collimat, serm. ad Neophytos; *Hoc accipite in pane, quod pependit in cruce; hoc accipite in calice, quod manavit de Christi latere.* Carnem enim Christi esse quam formâ panis opertam hoc in Sacramento accipimus, & sanguinem eius quem sub vini specie & sapore potamus. *Nonum*, tantum abest vt dicerent in cælo tantum corpus naturale ac proprium Verbi incarnati existere, porrò in Eucharistia esse dumtaxat corpus Sacramentale & typicum, seu repræsentatiuum, quin excludebant Patres inane eiusmodi signum hoc ex mysterio, asserébantque *corpus Christi quod in cruce immolatum fuit, sedet nunc verò in dextera Patris; illud ipsum esse quod hinc percipitur, & non esse duo corpora, vel plura, sed vnum idemque tantum.* *Decimum*, eodem ideo cultu latriæ ipsum in altari adorabant, & docebant esso adorandum. Nam non solùm diligentissimè cauebant, ne quid tantillum diuini huius muneris in terram decideret, ne ab Ethnicis, vel etiam Catechumenis Eucharistia videretur, ne ab aliis quàm ieiunis hominibus præuiâque seria purificatione animæ, dispositis sumeretur: sed insuper genuflexi illam accipiendo adorabant, vt constat ex Patrum expressis testimoniis, à Molinæi artificiosis ludificationibus suprâ vindicatis. Quibus & illud S. Clementis accedit lib. 2. Constitut. Apostolic. c. 61. *Cum timore & tremore, tanquam ad corpus regis accedentes, &c.* Nec non illud Origenis in diuersa loca Euangelij, homil. 5.

Quando

Quando sanctum cibum, illudque incorruptum accipis epulum, quando viue pane & poculo frueris, manducas & bibis corpus & sanguinem Domini; tunc Dominus sub tectum tuum ingreditur: & tu ergo humilians temetipsum, imitare hunc centurionem, & dicito, Domine non sum dignus vt intres sub tectum meum. Illudque prætermissum in citatis suprâ locis Chrysostomi hom. 3. in ep. ad Ephesios, Adora & communica: Quod rursus intonat lib. de incomprehensibili Dei natura hom. 3. & 4. Hocque celeberrimum S. Augustini documentum: De carne Mariæ carnem accepit, & quia in ipsa carne hic ambulauit, & ipsam carnem iam manducandam nobis ad salutem dedit. Nemo autem carnem illam manducat nisi prius adorauerit; inuentum est quomodo adoretur scabellum pedum Domini, vt non solum non peccemus adorando, at peccemus non adorando.

En quàm falsò se suprâ iactauerit Molinæus, distinctione sua adhibita de duplici Christi corpore, vero scilicet, & repræsentatiuo; naturali, & Sacramentali, Patrum omnia testimonia tanquam clauæ propria facilè referari posse, & in suam partem traduci. Siquidem ex illo compendio doctrinæ Patrum, quod mox expressimus, meridiana luce clarius & apertius euadit, Patres ab illa impia duplicatione Christi corporis & exitiali distinctione corporis veri, & typici; naturalis, & Sacramentalis prorsus abhorreere; pèrque illa decem principia seu summa capita suæ doctrinæ, ex diametro Caluinianæ hæresi obuersari, hancque suis his fulminibus vndique obruere; adeo vt nihil verius dici possit, haud magis conuenire Caluino, Molinæo, aliisque Sacramentariis cum Patribus, quàm mendacium cum veritate, cum Christo Belial, cum opacis tenebris fulgentissimam lucem. Pertinaciter si quid Calvinistæ inficiantur, vtique veram Christi existentiam in Eucharistia, seu realem eius corporis & sanguinis sub externis panis & vini symbolis præsentiam negant; & adorationem eius, in hoc magno pietatis Sacramento, sic abnuunt vt horreant, & immani odio execrentur. At è contra Patres hanc veram & realem Christi in hoc diuino mysterio existentiam & adorationem, pro indubitato fidei dogmate, præcipuòque doctrinæ Christianæ principio manifestissimè docent, constantissimè tenent & summo consensu profitentur.

Consensus Patrum, consensus est Ecclesiæ: Ecclesiæ verò consensus, manifestum est Spiritus sancti iudicium, cui repugnare, perire est; Si quis enim peccauerit in Spiritum Sanctum (ait Dominus) non remittetur ei, neque in hoc seculo, neque in futuro. Doleo hanc infelicem Molinæi vicem, quæ satis superque liquet ex suprâdictis & probatis; disputat enim contra apertam veritatem, & proinde contra propriam conscientiam, contra expressum Dei verbum, contra Spiritus S. iudicium, contra vniuersæ Ecclesiæ vnanimem consensum. Ille consensus patet ex præmissis, Spiritus S. iudicium ex tot Conciliorum definitionibus; verbum Dei ex diuinis oraculis, quibus & veritas Christi corporis in Eucharistia, & eius adoratio manifestissimè declaratur & confirmatur.

AAAaa

Matth. 12. 32.

Heb. 1. 6. &  
Ps. 96.

Philipp. 2. 10.

Matth. 4. 10.  
Apoc. 19. 10.

Dominus clarè pronunciat, *hoc est corpus meum*; Molinæus cum assecclis negat. Christum Pater æternus adorari iubet, *cùm enim introducit primogenitum in orbem terrarum*, ait: *Et adorent eum omnes Angeli Dei* Quin & homines & dæmones, etenim edictum diuinum est; *In nomine Iesu omne genu flectatur, cælestium, terrestrium, & infernorum*. Molinæus adorari verat, contenditque esse horrendam idololatriam, Christum in Eucharistia adorare. Vt quid? Nónne scriptum est, *Dominum Deum tuum adorabis, & Deum adora*. Christus verus Deus est. Ei igitur debetur omnis honor & gloria; consequenter verò eius quoque humanitas adorari debet propter vnionem hypostaticam, quam habet cum Verbo diuino, vnde fit vt vbicumque sit humanitas Christi, ibi & diuinitas adsit. Porro vbi est Christi corpus, humanitas tota & integra reperitur, nam corpus eius non potest separari ab anima, nec vtrumque à Deo. Totus igitur Christus est in Eucharistia, vnde dicit *qui manducat me, ipse viuet propter me*. Colendus hîc est igitur & adorandus, diuino cultu & suprema veneratione.

\* No 12.

Nec valet Molinæi effugium, scilicet in Eucharistia non esse verum & naturale Christi corpus, at tantum Sacramentale, typicum & repræsentatiuum. Etenim præterquam quòd illa distinctio mera chimæra est, nullo verbo Dei suffulta (nec enim in toto veteri & nouo Testamento inueniri potest) omni antiquæ Ecclesiæ incognita, quin expressæ Scripturæ auctoritati repugnans, Patrum fidei & doctrinæ manifestè contraria, patentem impietatem includit. dicit enim Scriptura, 1. Ioan. 4. 3. \* *Omnis spiritus qui soluit Iesum, ex Deo non est, & hic est Antichristus*. Atqui hæc distinctio Christum soluit & diuidit, opponit enim eum suo Verbo, diuidit eum in seipso, atque ab Ecclesia sponsa sua illum seiungit & auellit. Breui inductione, sed clara hoc patefaciamus.

Ioan. 6. 52.

Luc. 22.  
1. Cor. 11.

Primò, *opponit illum suo Verbo*, ait enim Dominus, *panis quem ego dabo caro mea est, quam ego dabo pro mundi vita*. Sed si valet illa distinctio, non dedit Christus quod promissit: nam qui dat figuram pro re promissa, fidem non liberat, sed amicus illudit; ait insuper Christus, *Accipite & manducate, hoc est corpus meum, quod pro vobis tradetur*. Sed si dedit tantum corpus typicum & repræsentatiuum, non dedit illud corpus quod pro nobis traditum est, igitur verbis non stetit, vel illa distinctio falsa est.

Secundò, *diuidit eum in seipso*, nam vnâ animam & duo illi corpora tribuit, quorum vnum est animatum, alterum inanimatum; animatum scilicet naturale; inanimatum videlicet Sacramentale: alterum viuum, & viuificans; alterum nec viuum, nec viuificatum; alterum verum & reale; alterum tantum vmbatile & phantasticum; quæ fuit hæresis Marcionis, aduersus quem & eius assecclas scripsit olim Tertullianus librum excellentissimum *de carne Christi*; Quo inter cætera, asserit Christum non habuisse aliud corpus quàm humanum, naturale & non phantasticum, & sicut in veritate carnis esse na-



tum, sic in veritate & non in phantasmate fuisse crucifixum. Sed iam responde (hæresiarcham illum alloquitur) interfector veritatis! Nōne verè crucifixus est Deus? Nōne verè mortuus, ut verè crucifixus? Falsò ergo statuit inter nos Paulus, scire eum tantum crucifixum? At Christus protestatus est se nobis in Eucharistia dare corpus illud suum, quod pro nobis cruci suffigendum erat, *Accipite & manducate, hoc est corpus meum quod pro vobis tradetur; Hic est sanguis meus qui pro vobis effundetur in remissionem peccatorum*; Ergo ipsum suum corpus verum & non phantasticum, vel typicum nobis dedit. Et qui hoc negat, recedit ab ipso Christo, & adhæret Marcioni, pro vera Christi carne nobis imaginariam & phantasticam carnem & sanguinem supponenti. Sed Molinæus non solum Marcionem sequitur, at etiam Nestorium imitatur: nam sicut hic Christum diuisit in duas personas, humanam & diuinam; sic ipse Molinæus Christum diuidit, dum duo illi corpora assignat, vnum quidem naturale & verum, quod sursum est in cœlesti maiestate & gloria; alterum verò tantum vmbratile, typicum, Sacramentale, & significatiuum, quod nobis in Eucharistia dispensatur. Disputat aculeatè Theodoretus Dialogo, cui *Inconfusus* titulus est, aduersus eos qui successiuè volebant Christum habuisse corpus primò humanum, deinde diuinum, seu in diuinum mutatum. At Molinæus hanc insaniam in hoc exuperat, quòd simul & eodem prorsus tempore Christo duplex corpus assignat, reale & symbolicum: verum & Sacramentale, citra vllum Scripturæ testimonium, imò contra expressum Christi verbum, & Ecclesiæ consensum.

Tertiò, hæc ipsa Molinæi distinctio, Christum à sua Ecclesia diuidit & separat: scribit Apostolus Ephes. 5. *Christus dilexit Ecclesiam & seipsum tradidit pro ea; ita & viri debent diligere uxores suas sicut corpora sua; nemo enim vnquam carnem suam odio habuit, sed nutrit & fouet eam, sicut & Christus Ecclesiam (quàm de se scilicet in Eucharistia nutrit:)* vnde subdit continuò Apostolus, *quia membra sumus corporis eius, de carne eius & de ossibus eius; propter hoc relinquet patrem & matrem suam & adhærebit uxori suæ, & erunt duo in carne vna; Sacramentum hoc magnum est &c. in Christo & in Ecclesia.* At si paradoxum Molinæi ratum sit, perit prorsus hoc quod magnum est in Christo & in Ecclesia Sacramentum. Etenim si Christus non proprio & vero corpore suo, sed duntaxat typico & figuratiuo Ecclesiæ suæ coniungitur & vnitur, falsum erit quòd eam de se nutriat, & quòd duo sint in carne vna, ipsaque reuera sit caro de carne eius, & os de ossibus eius (sicut erat Eua cum Adam viro suo.) nam hoc fit per Eucharistiam, ut sancti Patres ex ipso loco Apostoli obseruârunt, Irenæus lib. 5. c. 2. aduersus hæreses, Gregorius Nyssenus tract. circa illa verba, *Exiuit sanguis & aqua.* S. Chrysostomus in istum locum Apostoli. Theophylactus ibidem. at si hic sit corpus Christi duntaxat phantasticum & imaginarium, illa vnio erit tantum itidem phantastica & adumbratiua, hoc est nulla quoad rem ipsam, sed solum quoad signum & figuram. Dissoluit igitur hæc doctrina Molinæi, veram & realem vnionem Christi cum Ecclesia;

proinde reiicienda est, ut plena impietatis atque nequitiae, iuxta divinum oraculum prænnotatum, *Omnis Spiritus qui soluit Iesum ex Deo non est, sed hic est Antichristus*. Soluit autem hæretica hæc Molinæi distinctio, quia diuidit Christum à suo verbo, à seipso, & ab Ecclesiâ sponsa eius charissima; proinde & nos separat ab ipso Christo, cuius membra esse non possumus, nisi quia ei incorporamur, & Ecclesiæ, *quæ caro est de carne eius, & os de ossibus eius*.

Cæterum de Christi in Eucharistia reali existentia ac adoratione, iam satis pro operis huius instituto. At fusiùs nuper incomparabili planè facundiâ atque solertiâ, hoc argumentum magnus Cardinalis de Richelieu, aduersus Ministros Caluinistas pertractauit, propriis ex eorum principiis & confessionibus, adstruendo ipsam adorationem, calumniâsque refellendo, quibuscum ob rem, perperam & prorsus iniuste, Catholicam Ecclesiam ipsi Ministri criminantur. Nec tamen est quod me frustra, & extra rem, hac de quæstione differere rursus aggressum, quispiam existimet. Nec enim eodem omnino tramite disputationis incesse, ut inspicienti fiet (si attentius consideret meam disceptandi rationem) manifestum. Quæstio de adoratione, tam sacrificium spectat Eucharistiæ, quàm Sacramentum. Cum igitur de sacrificio, occasione ministerij Sacerdotalis quo peragitur, dissertarem, illam prætermittere, nec debui nec potui. Excellentia Sacramenti ex sacrificij præstantia declaratur, & ideo cum Theologi veritatem existentie corporis & sanguinis Christi in almo hoc Sacramento confirmare volunt, præsidium eiusmodi causæ ex locis illis mutantur, in quibus sancti Patres (nisi fundamento Scripturarum) disputant de sacrificio incruento noui Testamenti: in quo non solum panem & vinum, sed ipsummet corpus & sanguinem Domini offerri & incruentè immolari palam ostendunt. Id verò capite i. huius libri data operâ præstiti, demonstrando id quod offertur in altaris mysterio, ipsum esse Domini corpus, & pretiosum eius sanguinem, nec cultum diuinæ Maiestatis in nouo Testamento alio potuisse sacrificio celebrari & propagari. Postea instituta quæstione cuiam hoc singulare sacrificium legis gratiæ offerendum sit? & statuto imprimis axiomate, Quòd soli Deo vero cultus hic supremus debeatur: cum deprehendissem Molinæum, eo in errore versari, ut soli Patri æterno vota & preces, quæ fiunt in hac diuina actione, dirigenda esse arbitraretur, quin & ipsum, Patres Concilij III. Carthaginensis horrenda hac calumnia onerare, quòd videlicet lege lata statuerint, soli Patri sacrificium istud immolari, Filio autem prohibuerint offerri, quin & nefas censuerint illum inuocari & adorari in hoc diuino mysterio; & consequenter Spiritui sancto vetuerint hunc ipsum cultum deferri: illis Patribus ab hac falsa criminatione, ante omnia, vindicatis, planum feci & exploratum, sic singulis Personis diuinis impendi posse hoc latreuticum obsequium, ut toti simul Trinitati æquipariter sit debitum. Cæterum ea occasione, qua disputando Molinæus summum hunc honorem specialiter Personæ secundæ detraxerat, me in hanc

arenam descendere oportuit, quairem disquisitum, num filij Dei humanitati \*, hoc in sacrificio cuius est hostia & pontifex, cultus patriæ debeatur? seu an corpus eius pretiosum, hic sub inuolucris existens Sacramentalium specierum, ritè possit iurèque debeat adorari? Quod Molinæus cum asseclis penitus negat: ac ideo summo ardore contendit, ineptiæ, vel etiam falsitatis euincere, quicquid immortalis memoriæ Cardinalis Peronius olim congesserat, pro ritu dogmatèque Ecclesiæ asserendo, quæ hoc in mysterio Christum, vt realiter præsentem semper adorauit, ac etiamnum perseueranter adorat. Quò coincidit & illa quæstio, an ipsa Eucharistia hoc cultu veniat prosequenda, quo honorandam maximè Molinæus inficiatur?

\* Verbo scilicet  
coniunctæ

Cum iurato igitur hoc hoste Catholicæ veritatis, consertum ire manus, pro tuenda Verbi incarnati gloria, & orthodoxa fide, ac Ecclesiæ sinceritate & innocentia, mihi necesse fuit. Qua in disputatione, non alia vsus sum methodo, quàm ipsa eius propria. Feramenim hanc illac circumcursantem, premens eius vestigia, sum secutus. Quo labore si assecutus fuero quod quærebam: non meam sed Dei gloriam, plenam Ecclesiæ de tam infesto hoste victoriam, Catholica veritate vindicata, hæresique profligatâ, non meis viribus, sed diuino planè beneficio, me adeptum, est profectò, quod mihi lector Catholicus gratuletur. Sin minus quàm in votis erat peragere contigit, non causæ Ecclesiæ (quæ semper inuicta manet, æternùmque manebit) hunc velim referat defectum, sed meæ imbecillitati, aut potius indignitati, quæ gratiæ vberioris auxilium præpedierit.

FINIS.

SOLI DEO HONOR ET GLORIA.

*Omnia sanctæ Sedis Apostolicæ iudicio, summissa sunt.*



AAAaaa iij



# INDEX RERVM ET VERBORVM INSIGNIVM.

## A



- & a scripta olim in cereo Paschali. 570.  
Aaron exemplum dedit memorabile, cessandi aliquo in casu, à sacro faciendo. 539.  
Abbates indulgentias non possunt concedere.  
Abbates an possint calices consecrare. 205. 206.  
Abbatissarum quarundam olim vsus, vel ausus circa benedictiones impertiendas. 560.  
Abominatio desolationis in loco sancto. 809.  
Absolutio debet esse determinata sententia. 613. 614.  
de Absolutione Sacramentali poenitentium. 612. 613.  
Academia Basiliana Romæ. 102.  
Accessorium sequitur naturam principalis. 892.  
Acolythus calicem tangere prohibetur.  
Actio, cur Canon appellatur? 374.  
Actus Sacerdotales, sacrarum vestium panopliâ denotantur. 304.  
Adam primus sacrificavit. 324.  
Adz primum peccatum, quodnam fuit. 323. 24.  
Adhelais Regina munifica, sacrarumque vestium contextrix. 123.  
Adonai, Christus est. 339.  
Adorantes cum altari ipso metiri, quid sit? 646.  
Adoratio in spiritu & veritate. 676.  
Adorationes Christi in carne. 873.  
Adrianus PP. IV. felicitis memorie, adhuc vivens, dicebatur. 180.  
Adulterari verbum Dei, quid est. 737. 738.  
Ærius hæresiarum negavit orandum & offerendum esse pro fidelibus defunctis. copiose 420. &c.  
Ætas nulla informis est regno Dei. 713.  
Ætatis antiquæ frugalitas. 196.  
Æthiopes ritum benedictionis Candelarum observant in festo Purificationis B. V. 584.  
Ægrotus non ieiunans, non peccat. 178.  
Agnus paschalis Christum potius in Eucharistia quam in cruce signabat. 509.  
Agni Paschalis sacrificium semel in anno fiebat. 307.  
Agni Paschales plures erant in lege: sub Evangelio autem vnus tantum offertur. 312.  
Agnus in vna. 342.  
Agni benedicendi formula. 593.  
Agonia Christi, contritio Sacerdotis. 394. ad 396.  
Agrippa Rex. 769.  
Agripinus Ep. Carthaginensis. 851.  
Alba, seu lineatunica ralaris, explicatur toto lib. 2. primæ part. vestis prima Sacerdotalis. 13. 14.  
Alba, propria sacrorum ministrorum vestis. 20.  
Alba an idem sit quod Camisia vel Camisium? 16. 17.  
Albæ materia. 19. &c.  
Albæ antiquitas. 14. 15. origo & moralis significatio. 31. 32.  
Albæ quæ Sacerdotalis est amictus, forma. 22.  
Albæ nigra, in sacris execrandis demonum. 27.  
Alba vrbs, & Alba vestis. 21.  
Albati ad exequias. 26.  
Albertus magnus ope sanctissimæ V. implorata, scientiæ lumen obtinuit. 719. 720.  
Alberti Piggij insignis sententia, de causâ institutionis sacrificij Missæ. 460.  
Albestris lapis incombustibilis. 19.  
Ales ad astra volans Christus est, ad Patris dexteram ascendens. 342.  
Alexander I. instituit aquæ benedictionem diebus Dominicis. 365.  
Alexandri II. decretum insigne. 523.  
Altare vnum erat maius: minora plura. 483.  
Altare an vnum esse debere, S. Ignatius censet. 483.  
Altare viaticum. 495.  
Altare Ecclesiæ Tyronis. 486.  
Altare metiri cur Iohannes ab Angelo iubetur. 645.  
Altare propter sacrificium: mensa propter Sacramentum. 476. 477.  
Altare sedes corporis Christi. 487.  
Altare dicebatur etiam sanctuarium. 487.  
Altaris nomen longe frequentius quam mensa, semper in Ecclesia vsitatum fuit. 477.  
Altaris nomen an pro mensa vocabulo passim irrepsit. 475. 476. &c.  
Altaris materia sacrificio non derogat. 481.  
Altaris quænam forma apud Patres. 481.  
Altari præsidet Sacerdos & quomodo? à 642. ad 647.  
de Altari portatili. 492. 493. &c.  
Altaria portatilia persecutionum tempore. 480.  
Altaria super ossa martyrum erigebantur. 481.  
Altaria lapidea tantum, chrismate sunt ungenta. 481.  
Altaria an primis Ecclesiæ sæculis fuerint tantum lignea? 478. 479.



# ET VERBORVM INSIGNIVM.

- Altaria cur initio lignea & mobilia? 476.  
 Altaria magnificè extructa & ornata apud Patres. 481.  
 Altaria sacrilega hæreticorum. 484.  
 Altaria cancellis solebant circumcingi. 479.  
 480.  
 Altarium portatiliū vsus antiquus. 495.  
 Altarium portatiliū rarus olim vsus. 496.  
 Altarium & templorum euerſio facta à filiis perditionis. 475.  
 de Altarium antiquitate, materia, forma, fine, singularitate & pluralitate tractatus extat à p. 475. ad &c.  
 Alta potius quàm apta proferre, plerique student & affectant. 755.  
 Alta non sapere, sed humilibus consentire. 752.  
 753.  
 Aluſus Ep. Attrebat. 152.  
 Ambo quid sit? 760. &c.  
 S. Ambrosius specialem formulam scripsit de benedictione cerei paschalis. 580.  
 S. Ambrosius citatur. 27. 261.  
 S. Ambrosij eximia sententia. 534. 535.  
 S. Ambrosij præclara sententia de virtute temperantiz. 754. 755.  
 S. Ambrosij egregium documentum & exemplum. 713.  
 S. Ambrosij fortitudo in obeundis sacris officiis, maximè verò baptisinate ministrando. 838.  
 Ambrosiana eloquentia. 783.  
 Ambulat quisnam in medio lapidum ignitorum? 348.  
 Amictus, vnde dicitur. p. 1. Multipliciter accipitur. *Ibid.* Amictus Ecclesiasticus quid sit? *ibid.* amictorium & amiculum. 2. Amictus an idem ac vetus uerhumeralis vel Ephod? 2. & 3. Amictus, ornatus. 4. Amictus sacri quisnam vsus? 4. 5. eius assumendi modus, 5. 6. Crucis figura debet insigniri. 7. Amictus mysteria & moralitates, à p. 8. ad 12.  
 Amictus purpureus. 4.  
 Amigdalinx virgæ florentis mysteria. 660.  
 S. Amphilochius ordinatus fuit Episcopus ab Angelis. 836.  
 Ananias an merus esset laicus? 848.  
 S. Anastasius Sinaita citatur. 885. 886.  
 Anastasius Bibliothecarius. 238. 285.  
 Anathema scriptum sanguine Domini, sumptum de calice à Theodoro PP. 237.  
 S. Andreas quotidie sacrificabat. 521.  
 S. Andreas pane benedicto sanabat infirmos. 573.  
 S. Andreas quomodo obsecrandus? 400.  
 S. Andreæ sententia singularis de agno post holocaustum viuo & integro permanente. 311.  
 S. Andreæ martyrium cruce & calice præsignatum. 261. 262.  
 S. S. Andreæ & Petri vocatio & operatio quàm miranda. 765.  
 Andreas Carolstadius Archidiaconus Wittembergensis primus Sacerdos coniugatus. 319.  
 Angelica clientela Sacerdoti celebraturo exoptanda & petenda. 396. 397. &c.  
 Anglicanæ nationis prisca gloria. 247.  
 Angelus Seraphicus. 398.  
 Angelus in Christi resurrectione coopertus veste candida, cur? 29.  
 Angelus assistit Sacerdoti, quando Christus immolatur. 396.  
 Angelus an Baptismi nequeat esse minister? 835.  
 Angelus S. Maglorio viaticum diuinum ministravit. 836.  
 Angeli sub diuersis formis qui apparebant, in veteri lege, Christum venturum referebant. 669.  
 Angeli in antiquis apparitionibus personam filij Dei referebant. 339.  
 Angeli, ordinis Ecclesiæ magni obseruatores. 836. 837.  
 SS. Angeli Sacramenta quædam licitè ministrarunt. 836.  
 Angelorum consors, Sacerdos est. 548.  
 Angelorum ordines ad Deum nobiscum glorificandum in Missa inuitantur à Sacerdote. 473. 474.  
 Angelorum officia Sacerdotes exequuntur. 748.  
 Angelorum terribilis aspectus. 397.  
 Angelorum in Missa visæ terribiles acies. 396.  
 S. Angilbertus Parisiensis Episcopus: eiusque corporis inuentio. 123.  
 Animam vel vnam lucrari, magnum est sacrificium. 747.  
 Animarum cura est ars artium. 654.  
 Animarum quæ sunt in purgatorio, necessitas vrgentissima. 425.  
 Animas saluare opus magnæ fortitudinis & felicitatis. 746.  
 ad Animas in purgatorio iuuandas pia exhortatio. 425. 426.  
 Annulus & paterna vestis, chara sunt pignora memoriæ apud liberos. 53.  
 Annunciare Christi mortem quid sit? 339.  
 Anniversarij Missalis antiquitas. 237.  
 Annos computandi diuersa ratio. 280.  
 Antidorum, distributio apud Græcos. 374.  
 Antiochus Episcopus Prolemaidis. 890.  
 S. Antonius quomodo S. Paulum eremitam sepe liuit? 611.  
 S. Antonio diuinitus ostensi feroces multi contra altare calcitrantes. 304.  
 Apostolici Senatus Collegium penes summum Pontificem. 658.  
 Apostolus Paulus mercedem non admisit, nec recusauit. 371.  
 Apostolus an per penulam intellexerit mysticam vestem Sacerdotalem. à p. 105. ad 109.  
 Apostoli Pauli verba diuina. 726.  
 Apostoli missas in domibus fidelium celebrabant. 493.  
 Apostoli Pauli monita ad Sacerdotes. 726.  
 Apostoli quomodo postulandi sunt? 400.  
 Apostoli, ordinem sacrificij tradiderunt. 372. &c.  
 Apostolorum canones. 682. 689. 690.  
 Apostoli certam orationum theoriam ad sacrificium Eucharistiæ celebrandum ordinarunt. 374.  
 Apostolorum exemplum sacrificandi diebus Dominicis. 536.  
 Apostolorum canon 4. citatur & explicatur. 595.

# INDEX RERVM,

- Apostatarum progressus. 706.  
 Apostolorum prædicationis character. 765.  
 Apostolis succedunt Episcopi & Presbyteri. 616.  
 Apostolis an licuerit doctos fieri in humanis disciplinis. 764.  
 Apparatus Sacerdotalis mystica ac moralis interpretatio. 155. 156.  
 Apparitiones in veteri Testamento passim factæ sunt sub persona filij. 339.  
 Appendix de Cappa pueri Iesu apud Argentorium seruata. 157. 158. vsque ad 182.  
 Appetitus lucendi perniciosus, quare? 348.  
 Applicationis meritorum Christi in Missa modus. 467. 468.  
 Aquæ benedictio multiplex. 563. 564.  
 Aquæ mixtio ab Apostolis tradita. 372.  
 Aquæ benedictæ virtus multiplex. 565.  
 Aquæ infundendæ in calicem peculiaris benedictio. 565.  
 Aretium in Tuscia. 191.  
 Arator S. R. E. Subdiaconus eximius poëta, 729. eius præclari versus de S. Petro, *ibid.*  
 Arator Subdiaconus S. R. E. Poëta fuit insignis. 50. 51.  
 Arati hemistichium. 763.  
 Arboris malæ, funesti fructus. 751.  
 Archiepiscopus Nicosiensis aduersus Episcopos Græcos litigabat. 199.  
 Archippus Episcopus Colossensium. 653.  
 Arcudius illustrator recens Græcorum rituum 81. & consensus vtriusque Ecclesiæ in doctrina & vsu septem Sacramentorum. *ibid.*  
 Argentei sciphi in primitiua Ecclesia. 198.  
 Argumentum ineluctabile pro diuinitate Spiritus sancti. 874. 875. 876.  
 Argumentum firmissimum pro sacrificio propitiatorio in Missa. 459.  
 Artius initiô scintilla modica fuit. 751.  
 Artij lapsus occasio & perniciës. 702. 703.  
 Arriani S. Cyrillum Hierosolymitanum è Sede Episcopali expulerunt.  
 Arriani benedicebant cibos eumerucis signaculo. 598. 599.  
 Arriana ab hæresi quantum Patres Carthag. III. Concilij abhorruerunt. 867.  
 Arrianæ hæresis pestis. 751.  
 Arrianæ hæresis quænam fuerunt infausta primordia? 751.  
 Arrianismo iam olim proscripto, quomodo noui hæretici ianuam redeundi aperuerunt. 871.  
 Arma militiæ nostræ. 645.  
 Armati ad epulas. 26.  
 Arnoldus Carnotensis. 405.  
 Artium periti eas soli profiteri solent. 708.  
 Arsenij manipulus. 69.  
 Ascensus Sacerdotis ad altare, quid signat. 349.  
 Assisium à Saracenis inuaditur, sed diuina virtute liberatur. 215.  
 S. Athanasius citatur. 347.  
 S. Athanasij documentum insigne. 597.  
 Atheorum perditio vnde venit. 745.  
 S. Augustinus acerrimus hostis Arrianorum 867. multa contra eosdem scripsit. *ibid.*  
 S. Augustinus quanti fecit orationes Ecclesiæ? 581.  
 S. Augustinus fuit Concil. III. Carthaginensis præcipuum lumen & veracolumna. 868.  
 S. Augustinus quomodo donum continentia obtinuit. 322.  
 S. Augustinus citatur. 7. 57.  
 S. Augustinus docet sacrificium corporis Christi pro solis Christi membris offerendû. 429.  
 Idem docet S. Thomas. *ibid.*  
 S. Augustini locus supposititijs. 846. 847.  
 S. Augustini formidanda sententia de damnatis. 426.  
 S. Augustini conuersio. 782. 783.  
 S. Augustini stylus, non semper idem. 888.  
 S. Augustini querulæ voces aduersus Donatistas destructores altarium. 479.  
 S. Augustino quæstio visa difficilis. 854.  
 S. Augustinum falsè asserit Molinæus primum fuisse, qui negauit orandum esse pro SS. defunctis. 423.  
 Aurelius Episcopus Carthaginensis & eius collegæ subscribentes III. Conc. Carthag. 867.  
 Austeritas vitæ S. Ioannis Bapt. aduersus hæreticos vindicata. 48. 49. 50.  
 Axiomata duo Catholica de SS. Eucharistiæ Sacramento. 880. 881.
- B**
- B**ALDRIICI Abbatis Burgoliensis versus de Cappa, ad Adelam Comitissam Andeg. 150.  
 Balsami vsus in baptismo. 550.  
 Balthei vsus sacer. 43.  
 Balthei vsus profanus. 39.  
 Balthei nomen vnde dictum. 35. eiusdem à zona & cingulo differentia. 35. 36. quid sit. 39. 40.  
 Balthei materia & forma. 36. 37.  
 Baptismus opus est sanctissimæ Trinitatis. 862.  
 Baptismus opus est trium diuinarum personarum. 875.  
 Baptisma an sit sacrificium? ob applicationem Christi mortis. 461. 462.  
 Baptismus ab infideli administratus, an ratus esse debeat? 854. Tutius est illum sub conditione innouare. *ibid.*  
 Baptismus hæretico non proficit. 431.  
 Baptismi & Eucharistiæ ingens discrimen. 883.  
 Baptismi ritus Sacerdos hunc conferendo, meditetur, ac in se innouare studeat. 863.  
 Baptismi rectè administrandi modus legitimus. 855.  
 Baptismi ritus quidam describuntur. 838. 840. &c.  
 Baptismi minister legitimus an solus homo esse possit. 835. 836. 837.  
 de Baptismi ministerio. p. 831. & seq.  
 Baptismatis elogia, à SS. P. P. pronuntiata. 462.  
 Baptismus ab hæreticis secundum Ecclesiæ intentionē ac morem in substantia ministratum reiterare non licet. 851. 852. 853.  
 Baptismus Subdiaconus de officio non administrat. 845. 846.  
 Baptismus an ius habeant conferendi Clerici minores. 845. 846.  
 Baptis-

# ET VERBORVM INSIGNIVM.

Baptismus aliquando Angeli ministrarunt.	837.	586. 587. 588. &c.
per Baptismum Christi oues esse incipimus.	839.	Benedictio olei. 576. 577. 578. 579.
Baptizare solenniter quis possit, aut non possit?	845.	Benedictio sepulchri Sanctorum. 554. 609. 610.
Baptizare quando laici possunt licite. 846. ad	849.	Benedictio sepulchri fidelium. 610. 611.
Baptizantur homines à Deo, potius quam à		Benedictio segetum & vinearum. 600.
Sacerdote. 862.		Benedictio locorum regularium. 604.
C. Baronij de antiquitate vsus calicis vitrei, o-		Benedictio rerum quæ in subsidium humani
pinto expenditur. 194. 195.		generis datæ sunt à Deo. 563. & seqq. fusi
C. Baronij opinio de lapsu Origenis à S. Epi-		Benedictio cuiuscumque rei vtilis ad hominis
phanio, enarratur. 725.		subsidium. 612.
Basilii Seleuciensis. 761.		Benedictionem nunc aliter dat Presbyter in
S. Basilij insignis doctrina de Thymiamate.	588.	Missæ, quam olim. 559.
S. Batildis Regina pia & munifica. 200.		Benedictiones variarum rerum signatis diebus
V. Bedalibellum scripsit de septem Ordinibus.	82.	propriæ. 600.
Beda. 119.		Benedictiones diuersæ, scilicet benedictio
V. Bedæ memorabilis sententia. 469.		aquæ. 563. 564. cæteræ suprà citantur.
Bellarminus Cardinalis, quid censet de differen-		Benedictionum Episcopaliū & Sacerdotaliū
tia Episcopatus & Presbyteratus. 513.		discrimen. 206. 607. 608.
Bellarminus citatur. 407.		Beneficiorum Dei immensitas, pro quibus in
Bellarmini ad Lutheri argumentum de contra-		Missæ dignas illi gratiarum actiones referi-
ditione canonis, pulchra & apposita re-		mus. 472. 473.
sponsio. 424.		S. Benigni Apostolatus & Martyriū. 550.
Benedicere populo, est innocare super eum no-		S. Bernardus exhibitione corporis Domini su-
men Domini. 559.		per patenam, miracula faciebat. 292. 293.
Benedicere (verbum) quot modis sacra in		294.
Scriptura verbum? 542. 543.		S. Bernardus citatur. 5. 7. 9.
Benedictio Sacerdotalis in Missæ, fuit præfi-		S. Bernardus iuuenum Prædicatorum & Præla-
gurata in veteri Testamento. 559.		torum patrocinium sumere videtur. 710.
Benedictio incensi. 570. 571. 572.		S. Bernardi scopus in prædicatione. 740.
Benedictio Catechumenorum. 550. Energume-		S. Bernardi insigne ad Concionatores moni-
norum. 551. & de ea quæ datur Pœnitentibus.		mentum. 735.
552. fidelibus etiam coniugio copulandis. 552.		Bernice Regina. 769.
553. Lectoribus. 554. 555. Diacono Euangelium		Bigami ad nuptias 2. conuolantes, Sacerdotali
lecturo. 555. 556. populo Missæ assistenti. 557.		benedictione non honorantur. 553.
infirmis. 560.		Bilius laudatur. 885.
Benedictio campanæ, seu tintinabuli. 606.		S. Btrini Episcopi sacer apparatus. 57. 58.
Benedictio ignis. 568. 569. 570.		Blasphemia in Spiritum S. est sine venia. 869.
Benedictio palmarum & ramorum. 589. ad		S. Bonifacii celebre dictum de calicibus ligneis
593.		& Sacerdotibus olim aureis, excutitur. 195.
Benedictio thalami coniugalis. 608.		196.
Benedictio cerei paschalis. 579. 580. 581. 582.		de S. Bonito honorato à SS. Virgine mirifica
583.		casulâ rythmus antiquus. 136. 137. 138.
Benedictio cereorum & candelarum in festo		Boso Episcopus Cathalaunensis. 160.
Purificationis B. M. 583. 584. &c.		Botrus Cypri. 781.
Benedictionis cereorum in die Purificationis		Brachiale. 42.
septem causæ. 584. 585. 586.		Breuiarium Cardinalis Quigonij. 215.
Benedictio nouæ nauis. 605. 606.		Breuiarij Parisiensis correctio. 326.
Benedictio aquæ. 563. 564. 565. salis. 566. 567.		Breuitatis studium. 338.
Benedictio nouæ domus vnde initium sumplit?	603.	Brissonijs laudatur. 287.
Benedictio ad quodcumque comestibile. 595.		Budæus V. C. & doctissimus, aduersus Moli-
Benedictio mentæ. 597. 598. 599.		nzum defenditur. 885.
Benedictio panis in Missæ parochiali. 573.		Burchardi theorema. 586.
Benedictio vini, lactis & mellis. 575. 576.		Byssina vestis Sacerdotalis. 14. vide sub nomi-
Benedictio vix, fabæ, frumenti & nouarū fru-		ne Alba.
gum. 594. 595.		Byssinis vtendum verbis cum principe. 27.
Benedictio casei & onorum. 594.		Byssus, quid? 19. Quot sunt species. <i>ibid.</i> &c.
Benedictio Agni in Pascha. 593.		Byssus Iudaica. 19. Achaica. <i>ibid.</i> Egyptia. <i>ibid.</i>
Benedictio noui putei. 601.		Byssus, symbolum lucis. 27.
Benedictio cinerum, Feriâ 4. in capite ieiunij.		

## C

**CÆREMONIA**, Latinum est vocabu-  
lum, vnde dictum? 882.  
Cæremoniale Romanum. 128.  
Cæsar Heisterbacensis. 181.  
Cæsar Poyrier litterarum Hebraicarum scienti-

BBBbbb

# INDEX RERUM,

- tia præstans. 184.  
 Cæsar laxiore cinctura utebatur. 39.  
 S. Cæsarius sacros calices tempore publicæ e-  
 gestatis in pauperum solatia distraxit. 192.  
 193.  
 Calicetani sententiam cur expungi iussit Pius V. 334.  
 Calicetani opinio & eiusdem retractatio. 713.  
 714.  
 Calceamentum pedum & amictus capitis, in  
 Pontifice quid signant? 10.  
 Calix iræ Dei. 264. &c.  
 Calix furoris Domini. 265.  
 Calix dexteræ Domini. 265.  
 Calix inebriationis. 266.  
 Calix soporis. 266.  
 Calix demoniorum. 266. 267.  
 Calix Babylonis seu abominationis. 267.  
 Calix ignominie & mæroris. 267. 268.  
 Calicis æcana, ex Scriptura, Patribus & histo-  
 ria Ecclesiastica. 268.  
 Calix sanguinis Domini, est calix iudicii. 270.  
 271.  
 Calix iræ & gratiæ. 270. 271.  
 Calix aquæ & ignis. 259.  
 Calix intellectus & sapientiæ. 259.  
 Calix mixtus. 239.  
 Calix salutaris, seu salutis. 260.  
 Calix passionis, seu martyrij. 260. 261.  
 Calix Christi, & calix S. Eligij. 261.  
 Calix regulariter à solo Episcopo debet conse-  
 crari. 205.  
 Calix à Sacerdote simplici consecrari potest,  
 permisso Papæ. 205. 206. &c.  
 Calix lacteus: calix est vini nihilominus, qui  
 virgines germinat. 279. 280.  
 Calix à quibusnam potest contrectari? 213. &c.  
 Calix plenus mixto, iustitiæ & misericordiæ  
 hieroglyphicum. 270.  
 Calix S. Andreæ. 261.  
 Calix benedictionis. 262. 263.  
 Calix Domini. 263. 264.  
 Calix Domini an vnus sit, vel multiplex? 188.  
 Calix Christi potuit esse triplex. 188.  
 Calix diuinitus ostensus, Anglicanæ persecu-  
 tionis finem præsignat. 246. 247.  
 Calix vnicus in altari. 217. &c.  
 Calix ligneus an olim fuerit in vsu. 190. 197.  
 Calix in quo Christus consecrauit, fuit argen-  
 teus, secundum Bedam. 197.  
 Calix Sanctus. 221. 222. Calix Ministerialis.  
 223. 224.  
 Calix S. Pauli, an vnicus? 188.  
 Calix S. Ioannis Apostolici an vnus, vel multiplex?  
 188.  
 Calix & patena ad quotidianum ministerium.  
 236.  
 Calix parvus, quo priuatim Sacerdos utebatur.  
 87.  
 Calix S. Remigij, & in eo descripti versus. 202.  
 Calix S. Donati, miraculo celebris. 191. 192.  
 Calix S. Exuperij, eiusque virtutes. 192.  
 Calix S. Cæsarij. *ibid.*  
 Calix hæreditatis. 256. 257.  
 Calix inebrians, quam præclarus? 257.  
 Calix S. Eligij. 200.  
 Calix S. Eligij heminx minoris capax. 87.  
 Calix fumidus signum, Eucharistici libaminis.  
 185.  
 Calix aureus datus Sueffione à Ludouico Pio.  
 201.  
 Calix in quo Christus consecrauit, vbinam?  
 186. & 187.  
 Calix Domini an argenteus? 185. an gemmeus?  
*ibid.*  
 Calicis nomine, cur Christus suam passionem  
 designauit. 269. 270.  
 Calicis vsus pridem populo concessus erat.  
 219. 220.  
 Calicis consecratio an sit immutabilis. 211.  
 212.  
 Calicis Sancti materia & forma. 186. 187.  
 Calicis arcana & tropologia, à p. 256. ad 280.  
 Calicis materia sacris canonibus præscripta.  
 199.  
 Calicis iniuria vindicata à Clodoueo Rege.  
 203. 204.  
 Calicis contracti postulat fuit ab Arrianis S.  
 Athanasius. 208.  
 de Calicis positione & situ in altari. 231. &c.  
 Calicis Eucharistiæ virtus admirabilis. 278.  
 279.  
 de Calicis nomine, origine ac significato. 182.  
 183. 184.  
 Calice Domini inebriatus, triumphauit S. Lau-  
 rentius. 257.  
 in Calice suo Christus hauriendum nobis dedit  
 spiritum & ignem. 258.  
 in Calice hostia seruari debet ad Parasceuem,  
 non in vase solari. 248. 250.  
 de Calice sancto liber. à p. 182. ad 291.  
 de S. Calice Miscellanea. 254. &c.  
 in Calice, lateris Christi mysterium designatur  
 & repræsentatur. 270. 271. 272.  
 Calicem intoxicatum Victor II. PP. de altari  
 leuare non potuit. 240.  
 Calicem frangere vel polluere, quantum sce-  
 lus? 208. 209.  
 in S. Calicem iniectis Cardinalium schedulis,  
 sit Papæ electio. 241. 242.  
 Calicem Græci ponunt in latere dextro. 231.  
 Idem mos olim erat Romæ. 232.  
 Calices à Caluinistis veterum hæreticorum se-  
 ctatoribus direpti, Aureliis. 209. 210.  
 Calices pretiosi ab initio fuerunt in Ecclesia.  
 196. 197. &c.  
 Calices, annos Pontificatus Leonis IX. diui-  
 nitus designarunt. 238. 239.  
 Calices plures in Ecclesia vna, iam olim erant.  
 218.  
 Calices cornei prohibiti. 197.  
 Calices sanctos vendere & frangere, quo in ca-  
 su licet. 193.  
 Calices ostentatorij. 204.  
 Calices inter vasa sacra sunt sacratissimi. 205.  
 Calices & patenæ plerumque inæquales. 220.  
 nec omnes vsui Eucharistiæ destinabantur.  
 220.  
 Calices pretiosi, Deo iam olim oblati. 201. &c.  
 Calices vitrei an fuerint olim in communi vsu?  
 193. 194.  
 Calices vitrei tandem prohibiti. *ibid.*



# ET VERBORVM INSIGNIVM.

Calices an vitreos esse, Zepherinus statuerit?	189. &c.	Caluini immane odium contra Sanctos & eorum reliquias.	52.
Calices in gemmis, seu gemmei.	199.	Caluini putida calumniæ.	52.
Calices, præcipua pars erant sacræ suppellectilis.	202. 203. &c.	Caluini argumenta contra S. Petri Cathedram refutantur.	112.
Calices sunt Sacerdotij indicia.	251. 252.	Caluinistæ hæretici, baptizatos in necessitate à laicis Catholicis non rebaptizant.	848.
Calices, ministri sacri tantum contrectant.	213. 216.	Caluinistæ ministri meri Laici sunt.	848.
Calicum varia nomina & vsus. Calix sanctus.		Caluinistæ solum Patrem inuocant.	870. 871.
221. 222. Calix ministerialis. 223. 224. Calix præcipuus. 224. 225. Calix pendentilis. 225. &c. Calix fundatus. 226. Calices maiores & minores. <i>ibid.</i> Calix aureus. 226. 227. Calices gemmei. 227. Calices argentei. 227. Calix argenteus deauratus. 228. 229. Calices baptismi & pœnitentiæ. 229. Calix reticulatus. 229. Calix catenatus. <i>ibid.</i> Calix ansatus. 229. Calix tetragonus. 230. Calix imaginatus. 230.		Caluinistæ & Lutherani negantes suffragia pro defunctis, hæreseos conuicti iudicio constantissimo primitiæ Ecclesiæ. 420. 421. 422. &c.	
Calicum mystica pictura.	190.	Caluinistæ noui Iconoclastæ.	600.
Calicum consecratio quibus in casibus violatur.	212.	Caluinistæ negatores sacrificij Christiani, & altarium ac templorum euersores.	473.
Calicum benedictio quàm antiqua.	205. &c.	Caluinistæ SS. Trinitatem numquam inuocant in suis publicis precibus.	870.
Calicum profanatio semper Deo fuit execrabilis.	207. 208.	Caluinistarum insigne sacrilegium.	209. 210.
Calicum & codicum sacrorum inquisitio Diocletiano furente facta.	198. 203.	Camisia sigillatæ. 17. auro clauatæ.	18.
Calicum S. S. prædæ Ethnici feruenter inhabant.	198.	Campanæ benedicendæ formula.	606.
Calicibus ligneis num vsi Apostoli?	197.	Campanæ etiam pro defunctis pulsantur. <i>ibid.</i>	
Chalcopræteium Constantinopoli.	45. 46.	Campanarum benedictionem hæretici ridet & impugnant.	<i>ibid.</i>
Calculum in neutro.	41.	Cancellis ligneis altare circumcingebatur.	480.
Caluinus impius hagiomachus. 45. irridet Sanctos in eorum reliquiis.	45. 46. &c.	Candelabri hastile.	347.
Caluinus hostis autæ pietatis infestissimus.	163.	Candelabra Ecclesiæ.	<i>ibid.</i>
Caluinus Lutheranos deridet.	880.	Candelabra olim benedicta.	<i>ibid.</i>
Caluinus calumniatur Patres I. Nicæni Concilij, duræ circa Deum elocutionis.	870.	Candelabra aurea in Ecclesia erant, etiam persecutionum tempore.	198.
Caluinus cur baptismum Romanæ Ecclesiæ reuicere non ausus sit?	853.	Candidati omnes viri boni censentur.	14.
Caluinus non exhorruit dicere, Catholicos esse carnificibus qui crucifixerunt Dominum, sceleratiores.	164.	Canon pœnitentialis excussus de paruulis per incuriam parentum extinctis.	176.
Caluinus nesciuit quantâ ignorantia laboraret.	113.	Canon defenditur contra Molinæum, ex similibus dictis Domini.	424.
Caluinus vestem Domini quæ est apud Argentolium, rodit, sed retunditur. à p. 163. ad 168.		Canon Liturgicus variis nominibus designatur à SS. Patribus.	374.
Caluinus omnia Europæ sacra scrutari fecit, ut noceret, illo pestilentissimo indiculo quem inscripsit <i>de reliquiis</i> .	45. 188.	Canon Missæ dicebatur à PP. <i>legitimum Christianum</i> .	869.
Caluinus ansam præbuit Serueto impugnandi SS. Trinitatis mysterium.	870. 871.	Canon altaris, calamus mensuræ tam ipsius altaris, quàm templi & fidelium adorantium.	383.
Caluinus malignè notat binum Domini reperi calicem.	188.	Canon Tributienfis excussus.	78.
Calamus similis virgæ, cur datus ab Angelo S. Ioanni?	644.	Canon Arausicanus de christinatione.	861.
Caluini præsumptio & ignorantia graphicè exprimitur.	113.	Can. <i>Omnis virisque sexus</i> .	574.
Caluini impia scurrilitas.	111.	Canonis partes quas inuectas dicit Polydorus à quibusdam Pontificibus, diu erant in canone, antequam illi Pontifices nascerentur.	376. 377. &c.
Caluini insulsa ratiocinatio refellitur.	117.	Canonis paucas quasdam particulas aliqui Pontifices suppleuerunt. 378. quasnam?	379.
Caluini blasphemia.	391.	Canonis complementum & quasi sigillum, est oratio Dominica.	373.
Caluini, Sacerdotes deridentis procacitas castigatur.	114.	Canonis 23. III. Concilij Carthaginensis occasio, & genuinus sensus.	868.
Caluini digna præconia.	110.	Canonis puritas & sanctitas.	383.
		Canonis 23. Patrum III. Concilij Carthaginensis verus sensus.	869. 870.
		Canonis Missæ initium, vindicatum à Patribus Concilij III. Carthag.	869.
		Canonis Missæ antiquitas & puritas.	372.
		373. 374. &c.	
		Canonis Eucharistici dispositionem Christus suæ Ecclesiæ reseruauit.	372.
		Canonis nomen. 372. origo.	<i>ibid.</i>

# INDEX RERVM,

- Canonis ritus ab Apostolis dimanant. *ibid.*  
 Canonis constantissima observatio. 379. 383.  
 Canonem quis composuit? 375.  
 Canones obstringentes Episcopum ad munus  
 prædicationis. 682. 683.  
 Canones penitenciales antiqui si servarentur,  
 omnia apud fideles feliciter haberent. 171.  
 Canones dissoni conciliantur. 274. 275. 276.  
 & 843. 849.  
 Canonistæ tractatores. 491.  
 Cappa, non casulâ, utendum Episcopo in Eccle-  
 siarum dedicatione. 151.  
 Cappa Monastica, Laïca, Clericalis & Eccle-  
 siastica. 144.  
 Cappa S. Martini, unde dicti Capellani. *ibid.*  
 & 148.  
 Cappa introducta in vicem casulæ extra sacrifi-  
 cium. 132. 146.  
 Cappa, unde dicitur? 143. 144.  
 Cappa extra sacrificium vtilior est ornatus.  
 148. &c.  
 Cappa pro casula. 124. 125.  
 Cappa Cardinalitia. 146. Episcopalis & Papalis.  
 à p. 146. ad 148.  
 Cappa pueri Iesu, an sit tunica inconsutilis.  
 165. 166.  
 Cappæ usus quando cœpit in Ecclesia. 148  
 Cappæ diversa acceptio. 181.  
 Cappæ vocabulum inuectum à Francis. 144.  
 Cappæ variz species. 144.  
 à Cappis, ut à cereis, censita festorum varietas.  
 144. 145.  
 Caplæ Evangeliorum. 101.  
 Capsula. 102.  
 Capite sub spinato sædum est videre membra  
 delicata. 60.  
 Cardinalis Peronius defenditur aduersus  
 Molinæ. à p. 882. ad finem vsque huius  
 libri.  
 Card. Peronius respondit Iacobo Angliæ Regi.  
 881.  
 Cardinalis Bellarminus citatur. 173.  
 Cardinales virtutes explicantur. 727.  
 Cardinales Bellarminus & Baronius citantur.  
 105.  
 Cardinalium vestis intima & extima. 147.  
 Carena quid sit? 175.  
 S. Carlesus Presbyter singulis diebus sacrifi-  
 cium offerebat.  
 Carina vox Theutonica. 175.  
 Caro Christi est caro Mariæ. 401. 402.  
 S. Carolus Borromæus alter Elias, alter Pau-  
 lus. 617.  
 S. Carolus Borromæus diebus singulis sacrifi-  
 cabat. 522.  
 Carolus Magnus multas sacras reliquias ab  
 Oriente sibi transmitti curavit. 167.  
 Carolus Saussaius vir insignis. 71.  
 S. Caroli Borromæi notabilis sententia. 489.  
 S. Caroli Borromæi pia constitutio. 857.  
 Caroli Magni munificentia erga S. R. E. 229.  
 Caroli Magni edictum contra Abbatissarum  
 præsumptionem. 360.  
 Caroli Magni pia munificentia. 124.  
 Caroli Cardinalis à Lotharingia symbolum  
 Sacerdotale. 71.  
 S. Carpus vir Apostolicus celebrabat quoti-  
 die. 521.  
 S. Carpi mira ad sacrificium præparatio. 321.  
 Casamentum, casata, casati & casales homi-  
 nes. 102.  
 Casei benedictio. 594.  
 S. Cassius quotidie Missam celebrabat. 521.  
 Castè ad deos aduenio, vetus ethnicorum mo-  
 nitum. 352.  
 Casula unde dicta. 101. 102.  
 Casula explicatur. à p. 100. ad 142.  
 Casula Ecclesiam designat. 141.  
 Casula sacerdotem, ut chlamys regem, demon-  
 strat. 141.  
 Casula recens à veteri dissimilis. 125. 126.  
 Casula est præcipuum Sacerdotis ornamen-  
 tum. 119.  
 Casula dicta Tunica, qua Sacerdos utitur in  
 Christi mysterio. 102.  
 Casula diaphana. 123.  
 Casula debet tantum ad altare gestari, in sa-  
 crificio. 131. 132.  
 Casula S. Norberti. 123.  
 Casula S. Petri Parisiis miraculo comprobata.  
 109.  
 Casula S. Petri Parisiis iam olim servata 117. sed  
 furtim ablata. *ibid.* & 110.  
 Casulæ usus miraculis à Deo approbatus. 132.  
 Casulæ usus apud Græcos. 121. 122. 129.  
 Casulæ data à beatissima Virgine S. Bonito  
 historia. 135.  
 Casulæ Presbyteralis & Episcopalis apud La-  
 tinos differentia. 129. 130.  
 Casulæ veteris forma. 105. 127. &c.  
 Casulæ seu planetæ materia, à 122. ad 124. in-  
 clus.  
 Casulæ gestatio extra Ecclesiam in festo corpo-  
 ris Christi tantum. 132.  
 Casulæ & penulæ discrimen quoad formam.  
 105.  
 Casulæ seu planetæ reformatio fuit necessaria.  
 127.  
 Casulæ moralis significatio ex multis titulis de-  
 prompta. 138. 139. 140.  
 de Casulæ usu. 131. 132.  
 Casulæ à sanctiss. Virgine datæ S. Hildephonso  
 historia. 133. 134. 135.  
 Casulæ elevatio per diaconum. 128.  
 de Casula S. Petri. 109. &c.  
 Catechizare munus est Diaconi. 760.  
 Catecheses S. Cyrilli contra Molinæ de-  
 fenduntur, à p. 887. ad 892.  
 Catechumenis adultis & regenerandis infanti-  
 bus sacerdos benedicit. 550.  
 Cathedra doctrinam significat. 759.  
 Catenæ S. Pauli contra Calvinum assertæ ex  
 S. Scriptura. 51. 52.  
 Cathedra Episcopalis, non thronus est, sed  
 specula. 761.  
 Cathedra S. Iacobi fratris Domini. 111.  
 Cathedra pestilentiz. 363. Cathedra irrisorum.  
*ibid.*  
 Cathedræ S. Petri, S. Iacobi, S. Marci, sancti  
 Stephani PP. sancti Caprasij. 759.  
 Cathedræ S. Petri observatio vindicata contra  
 Calvinum. 111.

# ET VERBORUM INSIGNIVM.

Cathedra Episcoporum velata.	112.	instituit.	369.
Cathedrarum distinctio.	760.	Christus fons est omnis gratiae & salutis.	365.
Cathedrarij Oratores, spurij.	761.	Christus est refugium nostrum.	365.
Causa efficiens Sacramentorum triplex est.	832.	Christus est via qua itur ad Patrem.	365.
Causa instrumentalis Sacramentorum coniuncta, & instrumentalis separata.	832. 833.	Christus cur insufflauit super Apostolos suos.	670. 671.
Cerei Paschalis mysterium.	571.	Christus nobiscum, stare? unde dictum?	602.
Cerei Paschalis benedictio.	579. &c.	Christus semel mortuus est ad multorum exhaustiunda peccata.	438.
Cerei Paschalis immersio in fontem baptismalem.	564.	Christus pro omnibus mortuus est.	437. 438.
Cereorum & Candelarum benedictio in festo Purificationis sanctissimae Virginis.	583. 584.	Christus praecipue offert in Missa.	330. &c.
Character Sacerdotalis.	614. 615.	Christus quo in latere, lancea percussus fuit.	232. 233.
Characteris titulo mali Sacerdotes gloriantur.	316.	Christus mystica columba in sua resurrectione.	786. 787.
Charitas, dicebatur moderatio poenitentiae in foro interno.	177.	Christus cur in cruce fracturam non admisit; in Eucharistia non recusat?	457.
Charta Episcoporum Franciae de veste Domini apud Argentolium recondita describitur.	157. 158. & elucidatur.	Christus totus in Eucharistia.	412.
Cherub cur duas habet facies?	737.	Christus ut homo, mediator est & Sacerdos & hostia.	868.
Cherubim cum gladio igneo versatili, typus Sacerdotis, sacra custodientis.	72.	Christus ab homine quomodo potest consecrari & sacrificari.	454.
Chrisma cur dicitur unguentum regale?	860.	Christus agonizans, prius se propriis manibus immolauit.	313.
Chrisma sub clauae seruandum.	578.	Christus cur siluit de cruce, clamauit verò de siti?	393.
Chrisma miscetur cum caelesti oleo in consecratione Regis Francorum.	190.	Christus offerri corpus suum praecipit.	527.
Chrisma, unctionis Christi est symbolum.	861.	Christus etiam nunc baptizat.	331.
Chrisma est regni & Sacerdotij signum.	860.	Christus est victima nostra.	331. 332.
Chrisma cur appellatur principale.	860.	Christus an baptismi sit primus & principalis minister.	831. 832.
Chrisimalis unctio quae fit à Presbytero in vertice, non est Sacramentum, sed quid Sacramentale.	861. Eius cum pane benedicto comparatio.	Christus caput Ecclesiae in omnibus primatum tenens.	831. 832.
Chrisma infusio in aquam.	564.	Christus an quosdam propriis manibus baptizauit.	833.
Chrisma sunt qui aburantur.	578.	Christus in Eucharistia est Deus absconditus.	883.
S. Chrysostomi vox cynea.	886.	Christus solus baptizat in Spiritu sancto.	833.
S. Chrysostomi praecleara similitudo pro explicanda veterum sacrificiorum virtute.	308. 309.	Christus per Angelos Patribus apparebat.	668.
S. Chrysostomi assertio de SS. Apostolorum ignorantia naturali.	768. 769.	Christus Ioanni per Angelum loquebatur dum Apocalypsim illi dictauit.	689.
S. Chrysostomi insignis oratio.	398.	Christus ad captum audientium sermonem suum accommodabat.	826.
S. Chrysostomi dignum aeterna memoria ad Sacerdotes documentum.	665.	Christus Pastorum bonorum typus & speculum.	664. 665.
Christiani primum, passim dicti discipuli.	848.	Christus torcular solus calcauit.	277.
Christiani Palliati.	107.	an Christus pro zona funiculo utebatur.	59.
Christiani ut pisces in aquis nascuntur.	849.	Christus cur pernoctabat in oratione Dei?	716.
Christiani plerique porcis similes sunt.	599.	Christus in utroque agno matutino & vespertino figurabatur.	311.
Christianis olim non licebat pullas vestes in funere suorum fratrum gerere.	29. 30.	Christus in transfiguratione sua cur dealbatus apparuit?	31.
Christus cur adorandus.	872. 873.	Christus pro nobis passurus voluntario & incruento Eucharistiae sacrificio anticipauit imperum violentum.	185. 312.
Christus ante oves suas ibat: Pastores subalterni, eas sequuntur.	664.	Christus cibos semper benedicebat.	597.
Christus in procinctu mortis coepit pauere.	398.	Christus non est amplius viator, unde nec mereri potest.	467.
Christus cur alba veste fuerit indutus.	23.	Christus potest nunc impetrare, ac non mereri nec satisfacere.	467.
Christus sempiternum habet Sacerdotium.	331.	Christus an offerat remote tantum.	330. &c.
Christus cruci affixus est hora sexta: at hora nona expirauit.	506.	Christus à matre fuit circumcissus.	850.
Christus quomodo nobis exemplar & magister?	766.	Christus quem in sinem Eucharistiae sacrificium cendo sedebat?	758. 759.

# INDEX RERUM,

- Christus cur in monte docebat & in monte docebat sedendo. 758. 759.  
 Christus in Eucharistia, candidus & rubicundus. 26.  
 Christus in Missa est Sacerdos & sacrificiū. 364.  
 Christus pro Iudæis non solum orauit, sed & passus est. 429.  
 Christus in altari operatur & perficit mysterium. 345.  
 Christus se loqui quod ipsi loquitur Pater, profitetur. 708.  
 Christus in passione fuit velatus & colaphizatus. 8. & quare. *ibid.* & 9.  
 Christi sanguis, melius clamat quam sanguis Abel. 315.  
 Christi humiles operationes sunt prædicatores qui erubescunt eloqui. 766. ambiunt verò sublimes enuntiare. *ibid.*  
 Christi sanguis emundat nos ab omni peccato. 314.  
 Christi nomen à chrismate fuit. 860.  
 Christi Domini puritas & innocentia singularis. 721.  
 Christi in cruce cur, & quomodo gloriandum? 765.  
 Christi mors mystica in Missæ sacrificio. 457. 458.  
 Christi unctio à Patre. 861.  
 Christi passuri desiderium, à Sacerdote imitandum. 392.  
 Christi sacrificantis exemplum imitandum à Sacerdote celebrante. 384. 385.  
 Christi vocem, oues eius verè audiunt. 663.  
 Christi verborum explicatio genuina, *Hic est calix sanguinis mei.* 185.  
 Christum ministri sunt Apostoli & omnes Episcopi ac Sacerdotes. 832.  
 Christi & Moysis ingens discrimen. *ibidem.*  
 Christi verbi omnipotentia. 342. 343.  
 Christi agoniz & sudoris extremi mysteria. 394. 395.  
 de Christi adoratione & inuocatione, Appendix. 863.  
 Christo, in Sacramentis competit potestas excellentiæ. 832. 833.  
 Christum induere, quid sit? 141.  
 Christum crucifixum prædicare, summa est prædicatoris scientia. 765.  
 Christum offerre semper & principaliter, quinam docent Patres. 331. 332.  
 Chrysanthus Episcopus Spoletanus. 520.  
 de Ciboriis pretiosis. 288.  
 Ciborum benedictio. 595. 596.  
 Ciceronis dictum aureum. 782.  
 Cinctus Romanus. 39.  
 Cingulus erat insigne militare. 40. huius priuilegium. *ibid.*  
 Cinguli vsus in sacris litteris. 44.  
 Cinguli vsus apud profanos. 39.  
 Cingulum quid? 40. eius vterque vsus sacer & profanus. *ibid.*  
 Cingula Galarza. 39.  
 Cineres immundi à Donatistis impositi virginibus Catholicis. 588.  
 Cineres signum pœnitentiæ. 586.  
 Cinerum documenta. 587. 588. &c.  
 Cinerum benedictio. 586. &c. *fusè.*  
 Circumcisio figura erat baptismi. 859.  
 Circumcisionem, mulieres filiis suis ministrabant. 150.  
 Circumfessio diuinarum personarum. 879.  
 S. Clara, num vas S. S. Eucharistiæ manibus suis pertulerit? 214.  
 Clauis scientiæ, oratio est. 714.  
 Clauis ad Episcopos & Presbyteros solos spectant. 699.  
 Clausula vetus sacrorum diplomatum. 179.  
 S. Clemens scripsit non ad Iacobum, sed ad Simonem fratrem Domini. 347.  
 S. Clemens Metensis, patruelis erat S. Clementis PP. 85. Acta eius citantur. *ibid.* & 86. stolâ suâ draconem alligauit. *ibid.*  
 Clementis Alexandrini insigne dictum. 766.  
 Clerici & laici discrimen, quando aliquod Sacramentum administrant. 723.  
 Clerici inferiores Diacono, an ius habeant baptizandi. 845. 846.  
 Clerici inferiores quando & quomodo baptizare possunt. 845. 846.  
 Clerici, ne cum feminis commorentur prohibet reuelatio diuina. 322.  
 Clericorum instructio, & progressus. 712.  
 Cœlibatus Ecclesiastici vindicæ à p. 317. ad 322.  
 Cœlibatus cur annexus Sacerdotio nostro. 317. 318. 319. 320. 321.  
 Cognatio spiritualis unde contrahitur? 862. eius species. *ibid.*  
 Collecta non minus impia quàm ridicula Canoncorum Wirtembergensium iam hæresis infectorum. 319.  
 Color ater, in sacris prohibitus, nisi in Parasceue Domini, & exequiis defunctorum. 31.  
 Color albus signat Martyrum gloriam. 27. & seqq.  
 Color albus & niger contrarij sunt, tam in re quàm in significatu. 29.  
 Color candidus, nuptiarum agni symbolum. 26.  
 Color candidus signum innocentiz. 23. liberratis. 24. pacis. 25.  
 Color niger, mœroris index. 29.  
 Columba candidissima è templo egressa cum Christus in cruce expirauit. 787.  
 Columbæ miræ proprietates. 786. 787. 788.  
 Columbæ vox gemebunda. 789. 790.  
 Columbæ epistolarum gerulæ. 786.  
 Columbæ mysticæ dotes exponuntur. 786. 787. 788.  
 Columbæ meditatio & gemitus à 786. ad 789.  
 Columbam prædicator imitetur. 786. 787. 788.  
 de Columbæ aureis, & argenteis. 285. 286.  
 Commemoratio Sanctorum in omnibus liturgiis. 399. 400.  
 Communio intincta, probatane, vel improbat fuerit. à p. 274. ad 277.  
 Communio olim frequens, deinde facta rarior. 574.  
 Compellatio oratoria. 883.  
 Concilium commune Ecclesiarum, quid sonat



# ET VERBORVM INSIGNIVM.

Tertulliano?	191.	in domibus priuatis.	495
Concilium VII. generale. 683. Concilium Quini- ni-sextum. <i>ibid.</i> Romanum sub Symmacho. <i>ibid.</i>		Concilij Tridentini definitiua sententia de Missæ sacrificio.	306
Concilium II. œcumenicum.	889.	Concilij Tridentini doctrina de sacrificio, ad- uersus Molinæum defenditur.	448. 449.
Concilium V. œcumenicum.	286.	450. &c.	
Concil. Agathense 213. Laodicenum & Car- thag. IV. <i>ibid.</i> Carthag. III.	220	Concilij Tridentini decretum de Prædicatori- bus.	826. 827
Concilium II. Antiochenum.	374	Concilij Tridentini doctrina sancta de sacrarū imaginum veneratione.	154
Concilium Aquisgranense.	691	Concilij Valsensis II. canon de facultate data Presbyteris prædicandi, excutitur & diluci- datur.	703
Concilium Arausicanum II,	169	Concilia Gallicana, qua occasione passim cele- brata?	162
Concilium Ancyranum.	170	Concilia prouincialia Franciæ post Concilium Tridentinum celebrata, citantur pro recto vsu concionum, & Prædicatorum disciplina, v. g. Rotomagense. 827. Burdegalense. <i>ibid.</i> 828. Bituricense. <i>ibid.</i> Narbonense. <i>ibid.</i> & 829	
Concilium Arelatense IV.	169	Conciliorum Agathensis & Aurelianensis ca- nones conciliati.	557. 558
Concilium Chalcedonense, quo anno celebra- tum. 167. Carthaginense III. quando coa- ctum. <i>ibid.</i>		Concionator vt à peste, sic ab adulatione cauere debet.	730
Concilium III. Carthaginense an prohi- buerit Christum inuocari & adorari? 865. 866. 867. &c.		Concionator sit iridis imitator.	740. 741
Concil. Carth. IV.	553	Concionator quis sit fidelis & prudens.	738
Concilium Carthagin. IV. 13. Narbonense sub Pelagio II. 15. Rhemense.	16	Concionator iuuenis, seniores debet consule- re.	740
Concilium Colonienſe sub Herimanno Ar- chiepiscopo.	825. 826	Concionator conscius malæ vitæ, an peccet mortaliter, prædicando.	723. ad 725
Concilium III. Colonienſe.	606	Concionator sit oportet geminæ scientiæ pru- dentiâ pollens.	740
Concilium Hipponense fuit præambulum		Concionatores auxilium Dei sedulè implō- rare debent.	763
Concilij III. Carthag.	868	Concionatores iuuenes descripti.	705. 706
Concilium Laodicenum sub Siluestro.	79.	Concionatores iuuenes à S. Gregorio Na- zianzeno aculeatè perstringuntur.	709.
170		710	
Concilium Lateranense sub Innocentio III.		Concionatorum temeratorum pudendi la- pius.	713. 714
686.		Concomitantia.	412
Concilium III. Mediolanense.	565	Concordia discordantium canonum.	854
Concilium Nannetenſe.	562	Confanones, vexilla sunt.	63
Concilium Nicænum I.	170	Confessariorum instructio, seu Methodus à S. Carolo tradita.	618. 619. 620. vsque ad 638.
Concilium Parisiense VI.	545	Confessio Sacerdotis sacrificaturi.	358
Concilium Pictauiense.	149	Confessio cur à Sacerdote præmittenda.	354
Concilium Romanum, sub sancto Gregorio.	696	356	
Concilium Senonense, sub Antonio à Prato Cardinale ac Archiepiscopo.	825	de Confessione à Sacerdote sacrificaturo præ- mittenda.	351. 352. &c.
Concilium IV. Toletanum	81. 119	Confirmatio quid sit in se?	839
Concilium Triburiense, sub Formoso.	78	Congregatio legitima esse in sacris non potest sine Sacerdote.	
Concilium Tridentinum.	171	Conradus Abbas Vſpergenſis.	240
Concilium Turonense.	186	Consciis peccati mortalis confiteri debet an- te sacrificium, vel communionem.	358.
Concilij Agathensis canon discussus.	557. 558	Consideratio quid sit? & eius quæ sunt partes & officia?	739
Concilij Agathensis decretum insigne de cine- ribus.	588	Considerationes tres prudentiæ.	750
Concilij Alexandrini synodica.	209	Consilij capiendi quantæ necessitas & utilitas.	757
Concilij I. Bracarenſis canon expensus & con- ciliatus cum Laodicensi.	83. 84	Consilia non sunt præcepta.	522
Concilij II. Carthaginensis can. 2. pro cæli- batu, à S. R. E. probatus.	318	Constantini M. pia donaria.	201. 190
Concilij III. Carthag. c. 3.	595		
Concilij Carthag. IV. canon excussus.	1.		
Concilij Florentini insignis definitio de mini- sterio baptismi.	848. 849. 850		
Concilij Lateranensis sub Innocentio III. de- cretum de Concionatoribus.	823		
Concilij Lateranensis sub Iulio III. decretum insigne de recto Prædicatorum officio.	823		
Concilij Triburiensis formula loquendi expli- catur.	175		
Concilij Tridentini assertio de antiquitate A- postolica canonis, eiusque sanctitate confir- matur.	379		
Concilij Tridentini decretum de vsu altarium			

# INDEX RERVM.

D

**D**AMALITICÆ vsus in Ecclesia peranti-  
quus. 104  
S. Damasi Papæ sententia insignis pro adora-  
tione Spiritus sancti. 869  
Damaso Papæ adiumento fuit S. Hieronymus. 658  
pro Damnatis in inferno, nec preces, nec sacri-  
ficia fieri possunt. 426  
Danielis abstinencia & scientia mirabilis. 820  
David gessit Ephod. 149  
David caput Goliath proprio eius gladio trun-  
cantis allegoria. 821  
David solus canit in conuiuio iustorum. 318  
David Christi typus. 328  
Dealbati sunt Sancti in agni sanguine. 32  
Debitum gregis erga Pastorem. 648. 649  
Dedicatio solennis Ecclesiæ sancti Dionysij. 352  
Deposita Apostolicum. 304  
Deliderium ingens Domini, patiendi pro no-  
bis. 392. 393  
Deus glorificatur in nostro sacrificio. 328. 329  
Deus est auctor & largitor omnium bonorum. 365  
Deus colore albo delectatur. 32  
Deus maior est corde nostro. 864  
Dei & sui ipsius notitia, compendium est om-  
nis scientiæ. 767  
Deus triumphat nos in Christo Iesu. 348  
Dei benignitas humanæ infirmitatis facile me-  
feretur. 540  
Dei timoris quanta sint bona. 757  
Dei ira & gratia vix separantur. 491  
Dei essentiam per imagines Ecclesia non in-  
tendit exprimere. 153  
Dei glorificationis in Missa admirabiles ex Li-  
turgis theoriæ. 441. 442. 443  
Dei bonitas operata est mundum, iustitia mo-  
dulata est. 644  
Deo gratius est obsequium, quod sanctæ Ma-  
riæ impenditur, quàm quod aliis Sanctis. 404  
Deificare homines, munus est Sacerdotis. 29  
Diabolus est simia Dei, speciem Baptismi,  
Eucharistiæ & Confirmationis æmulatur. 57  
Diabolum validè baptizare posse Lutherus di-  
cere non exhorruit. 835. refellitur. *ibid.*  
Diaconus dispensare potest corpus Domini. 517  
at non potest consecrare. 518  
Diaconus ægrotante Presbytero, homilias SS.  
PP. in Ecclesia recitet. 819

## ET VERBORVM INSIGNIVM.

- Diaconus ordine dignitatis proximè Presbyterum attingit. 517  
 Diaconus nullatenus est Sacerdos. *ibid.*  
 Diaconus aquam non potest solenniter benedicere. 564  
 Diaconus subsidiarius est minister baptismi. 843. ad 845  
 Diaconus baptizatum non potest linire Chrismate, vt Presbyter. 845  
 Diaconi officia. 843. 844  
 Diaconi munus an esset altare quando ligneum erat, deportare. 480  
 Diaconi in Missa officium apud Græcos. 82. 83  
 Diacono præsentè, inferior Clericus non baptizatur. 844  
 Diacono sedere, in medio Presbyterorum non licet. 518. 761  
 Diaconi, latè, aliquando Sacerdotali nomine honorantur. 517  
 Diaconi sunt primicerij ministrantium. 640  
 Diaconi in Cathedra non prædicabant. 760  
 Diaconi, ne sint Cantores, cur S. Gregorius prohibuit? 696  
 Diaconorum erat, aquam Sacerdotibus ministrare. 354  
 Diaconorum fastus à Patribus retunditur. 556  
 Diaconorum præsumptionis occasio indicatur *ibid.*  
 Diaconorum quorundam veterum præsumptio à Patribus damnata. 547  
 Diaconis multæ accesserunt functiones ex indulto Episcopi. 556  
 Diaconus Ecclesiam colligere non potest. 518.  
 Diaconis olim prædicare non licebat, sed tantum recitare S. S. PP. homilias. 707  
 Dialogus cum Molino, pto sacrificio propitiatorio. 445. 446  
 Dictionarium Græco-barbarum Meurtij. 121  
 Dies albis vestibus celebrati. 29  
 Digitus Dei. 617  
 Digitus Dei in Chrismate. 291  
 Dignitas est seruum esse potentis. 333  
 Dignitatum insignia, sunt indicia virtutum. 348. 349  
 Digressiones nimix inter concionandum vitandæ. 819  
 Diocletianus iussit altaria Christianorum & sacras ædes euerti. 480. 481  
 Drogillum vicus agri Parisiensis. 161  
 S. Dionysius à S. Paulo edoctus, Sacerdotes exinde docuit. 346  
 S. Dionysius à Clemente missus, insigni monumento antiquæ cryptæ demonstratur. 481  
 S. Dionysius, Hierarchiæ cælestis speculator, Ecclesiæ delineator admirabilis. 639  
 S. Dionysius in carcere Liturgiam celebravit. 521  
 S. Dionysius versatissimus fuit in Philosophia Platonis. 884  
 S. Dionysius Areop. volucris cæli. 886  
 S. Dionysius Areop. citatur. 317  
 Dionysius Alexand. scripsit commentaria in opera S. Dionysij Areopagitz. 885  
 S. Dionysij libri, genuini eius fœtus asseruntur. 884. 885. 886  
 S. Dionysij librorum antiquitate hæretici fassentur. 884  
 S. Dionysij detectio solennis reliquiarum. 174  
 S. Dionysij testimonium pro cultu Eucharistiæ vindicatur. 881. 882. vsque ad 886  
 S. Dionysij insignis sententia. 415  
 S. Dionysij locus insignis pro iuuandis animabus fidelium: vindicatus contra Petri Molinæi patentes impossuras. 422. 423  
 S. Dionysij Ecclesia de Strata. 84  
 S. Dionysij festum, quanta cum celebritate dudum agebatur. 174  
 S. Dionysij libros qui citârunt, Patres recensentur. 884. 885. 886  
 Disciplinarum humanarum rudis & imperitus, non potest contra mundi sapientes disputare. 820  
 Discretio virtutum zonâ Sacerdotali significatur. 60  
 Discus Græcorum in Missa. 181  
 Displacencia virtualis. 173  
 Dispositio requiritur aut ex parte animi, aut ex parte corporis. 354  
 Dispositio necessaria est ad verbum Dei prædicandum. 707  
 Diuersitatis styli quænam sunt causæ. 887  
 888.  
 S. Dydimi præclara sententia de peccato in Spiritum sanctum. 869.  
 Docibiles Dei, optandum vt sint Sacerdotes. 727.  
 Doctor audientium quis erat olim? 693  
 S. S. Doctores in Missa Indorum commemorantur. 418  
 Doctores sine magistro mirabiles, perstringuntur. 707. 708  
 Documenta enarrantur, quibus S. Paulus discipulos suos instituebat. 770. 771. &c.  
 Dominica oratio solenni ritu semper recitata fuit in sacrificio Christiano. 473  
 Dominica in ramis oliuarum. 590  
 Dominicæ in ramis palmarum solennis ritus. 589. &c.  
 Dominica indulgentiæ quænam? 589  
 Dominica Osanna. *ibid.*  
 Dominicam orationem an S. Gregorius in Missam inuexerit. 373  
 Dominicis diebus fit solennis aquæ benedictio. 564. 565  
 Dominium an sit Sacerdotum potestas consecrandi? 330. 331  
 Domus nouæ benedictio. 602. 603. 604  
 Domorum nouarum benedicendarum ritus neglectus, non sine negligentium infortunio. 604  
 Donatistæ altarium euerfores. 479  
 Donatistæ Missæ canonis initium corrumpebant. 869  
 Donatistæ calicem temeratores diuinitus puniri. 207  
 Donatistarum conatus repressus à PP. Conc. III. Carthagenensis. 870  
 Donatistarum furor aduersus altaria. 876

CCCCC

# INDEX RERVM,

S. Donatus Episcopus & M.	191	Ephod, quid, & quoduplex. 3. an idem sit cum nostro amictu.	<i>ibid.</i>
Donum, non à dono petitur, sed à donante.	879	Ephod Pontificium, & simplex. <i>ibid.</i> quænam eius materia, forma & usus?	<i>ibid.</i>
Donum continentiar quibus mediis impetrari potest.	321. 322	Ephod lineum.	20
Dona infusa, studium aliàs proficiendi non excludunt.	655	Epicurei, apud nos sunt plerique.	604
Dormire in somno Pacis, animabus purgatorij quomodo conueniat?	424. 425	Epigrammata sancti Paulini.	186
Drusillæ reginæ historia.	734	Epimenidis versus à sancto Paulo citatus.	763
<b>E</b>			
<b>E</b> BRITAS salutaris.	257	S. Epiphaniij mira præparatio ad sacrificium celebrandum.	321
Ecclesia quid sit?	511	S. Epiphaniij testimonium pro suffragiis defunctorum, à Molinæi falsis explanationibus vindicatur.	421. 422
Ecclesia cur de Iudæis toto anno silet, in sola Parasceue pro eis orat?	431	Episcopalis potestatis & Sacerdotalis differentia.	641
Ecclesia indiget verbi vitæ ministris Apostolicis.	712	Episcopalis nominis magna virtus est.	688.
Ecclesia quomodo sancta appellatur.	436	689	
Ecclesia deficere non potest.	712	Episcopatus quomodo sit ordo, vel non sit, explicatur nitidè.	642
Ecclesia habet filios bonos & malos.	436	Episcopus mensam olim benedicebat.	598
Ecclesia est tanquam ciuilis domus.	656	Episcopus doctor sit oportet.	673
Ecclesia opus est incarnatæ sapientiæ.	690.	Episcopum in arduis debet semper Parochus consulere.	658
691		Episcopus contra Presbyterum leuiter agere non debet.	700
Ecclesia Gallicana typum S. R. E. semper studiose seruauit.	55	Episcopus caput est propriæ Ecclesiæ.	838
Ecclesia pro S. S. glorificatis gratias Deo agit in sacrificio.	419	Episcopatus Sacerdotij apex.	517
Ecclesia cur & quomodo pro hæreticis orat?	433	Episcopus quibus rationibus ad prædicandum obligatur.	672. & seqq. fusc.
Ecclesia non aliter canit, aliter credit.	<i>ibid.</i>	Episcopus, Euangelij præcipuus est dispensator.	à p. 672. ad 689
Ecclesia non est, quæ Sacerdotes non habet.	346. 515	Episcopus propter prædicationis officium iussu Apostolico ordinatus.	689
Ecclesiæ mos publicus, legem facit.	506	Episcopus indiget Sacerdotibus auxiliariis.	843
Ecclesiæ materialis corpus mysticum.	483.	Episcopus ex Presbyteris deligi debet.	705
Ecclesiæ Catholicæ ritus orandi & offerendi pro defunctis fidelibus, iam olim ubique seruabatur.	421. 422	Episcopus dux est verbi.	688
Ecclesiæ Patiensis usus, de Nona ante prandium celebranda ieiuniorum tempore.	507	Episcopus est baptismi præcipuus minister ordinarius.	837. 838. 839
Ecclesiæ Hierosolymitanæ dignitas.	889	Episcopus est paterfamilias.	656. item & Presbyter paræcialis.
S. Eguuinus.	611	<i>ibid.</i>	
Eliæ vestis & cinctura. 49. Ioannis eadem fuit.	<i>ibidem.</i>	Episcopus quando, & quibus de causis excusatur à munere prædicandi?	685. ad 689
Eliæ spiritus & virtus in Ioanne.	393	Episcopus grauari non debet Sacerdotes inferiores.	842
S. Eligius præstantissimus aurifaber ante Episcopatum.	212	Episcopus dispensare potest circa horam celebrationis sacrificij.	503. &c.
S. Eligius citatur.	584	Episcopus solus regulariter Calices consecrat.	205. &c.
S. Eligij Calicis figura.	200	Episcopus, summus Sacerdos, & primus Presbyter.	514
Elias Episc. Aurelian.	152	Episcopus maior est Sacerdos, non magis Sacerdos quàm Presbyter.	514
Eloquens quis sit?	784	Episcopi scientia quænam.	673
Eloquentia sancti Pauli, quàm admirabilis?	769	Episcopi dedicationem Ecclesiæ incuntes sacer apparatus.	351. 352
Eloquentia in prauo homine, venenum est in poculo aureo.	784	Episcopi prærogatiuæ super Presbyterum.	514
Eloquentiâ Ambrosij Augustinus liberatus est.	782	Episcopi rarè celebrantis, quàm graue sit peccatum.	538
Eloquentia, quænam prædicatori Euangelico conuenit.	768. &c. copiosè.	Episcopi auctoritas & potestas.	660. 661
Eloquentiæ sacræ vis & modus explicatur, à p. 782. ad 795		Episcopi & Presbyteri differentia & concursus.	698. 699
Energumeni non sunt baptismi extorres.	351	Episcopi præeminentia super Presbyteros.	699.
Episcopatus multiplicari non deet.	704	700	
		Episcopi prærogatiua singularis.	842. 843



# ET VERBORVM INSIGNIVM.

Episcopi munerum brevis recensio.	687	dicatur.	758
Episcopi stricta obligatio ad prædicandum secundum Patres. 679. & Canones.	680	Euangelium cur scriptum & prædicatum.	749
Episcopi pœnitentes reconcilians, verus representatio.	67	Euangelij virtus.	795. 796
Episcopi chrisma consecrantis prospectus.	67	Euaristi PP. decretum de nuptiis.	553
Episcopi sedes, & in circuitu sedilia Presbyterorum.	647	Eubulia, filia prudentiæ.	743
Episcopi Ecclesiam dedicantis prospectus.	152	Eucharistia, verum est sacrificium propitiatorium.	471
Episcopo cur ordinatio reservata.	697	Eucharistia, sacrificium est commemorativum, simulque verissimum.	471
Episcopo non licet venire contra Canones.	842	Eucharistia est sanctissimum & verissimum sacrificium.	471. 473
Episcopi facti Monachi, non deponunt monasticum indumentum.	15. 16	Eucharistia est extensio Incarnationis.	280. 883
Episcopi quodnam est munus præcipuum.	672. &c.	Eucharistia, æternum Christi cum Ecclesia fœdus.	26
Episcopi depositi, dicebantur Episcopatu distincti.	40	Eucharistia, quamvis duplici materia & forma constat, vnum est Sacramentum.	218
Episcopi soli indulgentias concedere possunt.	177	Eucharistia & Incarnatio multum affinitatis habent.	340. 875
Episcopi extranei ad concionandum inuitabantur.	889	Eucharistia prodest nobis ex opere operato.	366
Episcopi sunt Patres regeneratorum.	837	Eucharistia, an quotidie sumenda?	224
Episcopi olim ordinariè baptizabant potissimum in Pascha & Pentecoste.	838	Eucharistia servabatur sub titulo crucis.	286
Episcopi, sancti passim dicti.	160	Eucharistia consistit in re permanenti.	410
Episcopi & presbyteri Apostolis succedunt.	616	Eucharistia, oblatio est digna Deo.	472. 473
Episcopi sunt onera gravissima.	686. 687	Eucharistia non tantum mortis Domini, sed & resurrectionis, & regni monumentum est.	30
Episcopi Cathedralici.	889	Eucharistia pignus est vitæ æternæ, tutela fidei, & spes resurrectionis.	ibid.
Episcopi degradandi tollitur de manibus Euangelium.	715	Eucharistia in naui consecrata & collocata.	605
Episcopi qui Cathedrâ prædicationis relicta, se rebus sæcularibus immiscent, culpantur à S. Cypriano.	679. 680	Eucharistia est magnum pietatis Sacramentum.	339
Episcoporum in Ecclesia quàm sit præcellens dignitas & auctoritas.	837	Eucharistia ut à ieiunis tantum sumatur, Apostolorum est traditio.	372
Episcoporum tituli & elogia.	837	Eucharistia valde venerabile est Sacramentum secundum S. Augustinum.	876
Episcoporum potestas circa indulgentiarum concessionem, cur tandem restricta?	172	Eucharistia, singulare bonum.	473
Episcoporum privilegium de altari viatico.	495	Eucharistia, cultus Dei est incrementus.	369. 370
Episcoporum decem pius Conventus.	155. 169	Eucharistia summum, plenum & perfectissimum est sacrificium.	365
Episcopis legere Ethnicorum libros prohibetur: hæreticorum, ad eos refellendum conceditur.	821	Eucharistia à nauigantibus deferri solita.	490
Erasmus impugnans morem B. V. salutandi in concionis exordio, refellitur ab Alberto Carporum Comite.	719	Eucharistiæ adoratio, Christi in ea realem præsentiam clarè confirmat.	881
Erasmus ubi legitur, ministrantibus illis, vertit sacrificantibus illis.	477	Eucharistiæ dispensatio, quàm periculosa?	809
Espencei iusta querela.	686	Eucharistiæ præclari tituli ex Optato.	876
Esse naturale Christi in Eucharistia, & esse Sacramentale.	459	Eucharistiæ sacrificium plenissimum est, & implet omnes differentias hostiarum.	315
Esseni Hebræorum.	597	Eucharistiæ effectus, quatenus est Sacramentum.	369
Eua, quanta fuit arte à diabolo decepta.	9	Eucharistiæ sacrificij excellentia.	329
Euangelicæ prædicationis finis quinam sit.	746. 747	Eucharistiæ sacrificium cur à Christo fuit institutum ante cruentum sacrificium crucis?	312
Euangelicæ lectiones annuæ iam olim ab Ecclesia præscriptæ.	796	Eucharistiam graphicè figurabat agnus Paschalis.	509
Euangelicus codex traditur Episcopo, cum ordinatur.	798. 799	Eucharistiam à Presbytero benedictam sumit legitimè Episcopus.	513
Euangelium cur humeris Episcopi imponitur, cum ordinatur?	684	ad Eucharistiam pius accessus.	173
Euangelium è sursum est.	758	in Eucharistia quomodo mors Christi annunciat?	339
Euangelium cur è sublimi loco legitur, & præ-		Eucharisticum sacrificium.	548
		Euchologium Græcorum.	82. 121
		Eugenius P. P. III.	117
		Eulogiæ die Dominica mittendæ.	573
		Eunomij & Macedonij hæresis pridem sepulta, à Ministris Transiluanis reuocata ab inferis.	874. 875.
		Eusebius Cæsariensis laudatur.	122

# INDEX RERVM.

Euseb Cæsariensis citatur.	307	auget charitatem.	306
Eusebij Emissemi excellentissima doctrina de columba & turture.	793.	Fides mortua charitatis ignem nutrire non potest.	316
Eutyches Presbyter, depositus propter hæresim.	511. 512	Filius Dei, honorificandus est, sicut ipse Pater.	873
S. Eutychianus P. P. auctor benedictionis vuz & fabæ &c.	594. 595	Filius, & non Pater, nec Spiritus sanctus, in antiquis visionibus apparebat.	669. 670
Eutyches refellitur.	168	Finis multiplex ob quem Missæ sacrificium offertur.	439. 450. & seqq. latissimè.
Euthymius citatur.	164	Finis Evangelij.	749
Euthymij auctoritas contra Calvinum asseritur.	46. 47	Finis & mediorum cognitio.	743. 744
Examinis Sacerdotum methodus brevis.	303	Finis veri cognitio & vsus explicantur.	745
Excommunicati, an precibus Ecclesiæ iuari possint?	434. & seqq.	Flagellum de funiculis quomodo Christus contexit?	59
Excommunicantur qui sine licentia prædicant.	823	Flauiani Constantinopolitani Patriarchæ pronuntiatio insignis.	671
Excommunicationis leges.	434. 435. &c.	Flodoardus.	112. 187
pro Excommunicatis Ecclesia orat impliciter.	435	Flores quomodo diuersè olent?	388
Exempla non sunt leges.	522	Florus Magister.	403
Exorcismus frondium & florum oliuz.	591	Fœminæ dex Græcorum.	849
Exorcismus salis.	567	Fœminæ in casu necessitatis licitè baptizare possunt.	849. 850. &c.
Exorcismus olei.	577	Fons sanctificationis.	721
Exorcismi in baptismo.	551	Fontes Saluatoris.	7
Experientia quantum iuuat prudentiam?	655	Forma absolutionis, vocata in controuersiam.	613. 614.

**F**

I. <b>F</b> ABER Stapulensis.	763	Formularum olim diuerſarum benedictionis Cere-	ſua
Facies genuina Cherubim.	737	Pſchalis.	ſua
Facultas nulla eſt ſcientiæ, quæ ſacris in litte-		Formulæ ſacrorum officiorum, quàm antiquæ.	ſua
ris non tractetur.	822	ſua.	
S. Farius Confefſor. 201. eius calix,	ibid.	Fortitudo Ioannis, Stephani, Eliæ, Ieremiæ,	
Faſciola.	42	Apoſtolorum, ſpecialiter Pauli. 731. 732.	
Fauftus Manichæus vir erat mulcentis clo-	783	733. 734. 735	
quentiæ.	186. 187	Fortunatus Piſtauienſis.	404
Felix Nannerenſis Epiſcopus.	769	Foſſatenſe Monafterium.	162
Felix præſes, attonitus factus, S. Pauli prædi-	734	Fractio an ſit de eſſentia ſacrificij.	406. 407
catione.	186	Fractio eſt ſignum immolationis.	456. 457
Felix præſes, qualis.	248.	Franciſcus Ximenes, Cardinalis & primas To-	
S. Felicis Eccleſia celebris, Nolæ.	249.	letanus.	297
Feriz V. in Cœna Domini celebritas.		Franciſcus Halcrius.	121
Feriâ V. in Cœna Domini an liceat ſacrificium		Franciſcus David Tranſiluanorum Arianorum	
celebrare.	497. 498	parens.	371
Feriâ VI. in paſſeue an fas ſit celebrare ſa-	499. 500. &c.	Franciſcus Cardinalis Rupifucaldius.	187
cram ſynaxim.	176	Franciſcus quindenarius, dimidiatus quid ſit?	
Feriz ſextæ ſanctitas & reuerentia.	573	485.	
Ferrariæ inceptum Concilium, quod Florentiæ		Fraternitas, pro Preſbyterorum Collegio à S.	
finitum eſt.	536. 537	Cypriano uſurpatur.	ſua
Feſta ſolennia Dominicis diebus æquiparantur,	41	Prouerbium à fronte & à tergo.	710
quædam antecellunt.	411	Fulbertus Carnotenſis.	404
Fibula.	436		
Fideles ad martyrium per Euchariftiam anima-			
ti.	437		
Fideles omnes ad ſanctitatem vocati ſunt.	602		
Fidelium nullus excipitur à miſericordia Dei			
impetranda.	713		
Fidelium domus, olim paræz erant Eccleſiæ.			
Fides annis non grauatur.			
Fides & veritas prædicationis fundamenta.			
Fides ſacrificantis Sacerdotis, multum eius			

## G

<b>G</b> ABRIEL Naudæus selectioris litteraturæ antistes.	120
Galbanus quid signat.	387
Gallus cur ponitur super templorum pinnacula.	63
Gamaliel S. Pauli Magister.	764
Gammachius citatur & explicatur.	408
S. Gaudentius Episcopus Brixienfis.	326
Gazetium, vinum optimum.	237
Gelasius PP. scribit ad Athanasium Imp.	343
Gelasius PP. ritus & preces Ecclesiasticas recensuit.	380

ET VERBORVM INSIGNIVM.

<b>H</b>	
<b>H</b> ABITVS Sacerdotalis mysteria.	340
Hadrianus I.	285
Hadrianus Moebertus.	187
Hæresismentalis, in externo iudicio non puni- tur.	434
Hæresis nouatorum circa paritatem Sacra- mentorum veteris legis ac Euangelicæ, re- fellitur.	307-308. &c.
Hæreses vnde ortæ?	722
Hæreses dux sedulò virandæ à Sacerdote cele- brante.	409. 410
Hæreses à Philosophia subornantur.	819
Hæreticus omnis, hostis est altaris Christi	484
Hæretici num possint salutariter baptizare.	851. 852. &c.
Hæretici recentiores sunt, acerrimi Christiani Sacerdotij & sacrificij inimici.	432
Hæretici signi Domini euersores.	600
Hæretici calumniantur Catholicos, quòd cam- panas baptizent.	606. 607
Hæretici recentiores cur coelibatum abrogâ- runt.	319
Hæreticorum sermo virulentus.	353
Hæretici tot altaria excitârunt, quot schismata.	484
Hæretici non planè negant Eucharistiam verum sacrificium esse.	479
Hæretici Sacramentarij nihil acrius oderunt, quàm Eucharistiam & eius cultum.	865
Hæreticorum manifestus error de auctore Car-	

# INDEX RERVM,

nonis.	379	sus fecit insignes de sacrificio Missæ.	342
Hæreticorum genius graphicè delineatur à Tertulliano.	706	Hildeberti versus.	130. 131
Hæreticorum graphica descriptio ab Apostolo expressa.	870	Hildeberti versus de patenæ mysterio.	295
Hæreticorum mos est, Patrum libros corrumpere, vel falsi notâ conficere.	887	S. Hildephonsi Episcopi Toletani erga sanctissimam Virginem deuotio singularis.	133.
Hæreticorum recentiorum fraudulenta instantia, pie suæ intentionis.	870	134	
Hæreticorum aduersus Ecclesiam calumniæ non aliæ sunt, quàm antiquorum Eθνico-rum & impiorum.	57	Hincmarus, S. Remigij successor & encomiastæ.	711
Hæreticorum diabolicum inuentum, ad destruendum cœlibatuum Sacerdotum.	319	Hincmari Remensis munificentia aduersus Amalaricum Turonensem.	123
Haymo Episcopus Halbertatensis, auctor est commentariorum in S. Paulum, qui B. Anselmo tribuuntur.	107	Hippodromus, quid?	888
Hebræi locupletati de spoliis Ægyptiorum.	810	Hircus quomodo Christum agnum immaculatum figurabat?	314
Eiusdem facti moralis explicatio.	821	Hirci sanguinis proprietates.	ibid.
Hebræorum mos benedicendi mensam ministerio Sacerdotis.	597	Historia scitu pericunda ex Gregorio Turonensi.	598
Hebræorum mos erat, vt magistri sedendo docerent.	759	Hoc facite in meam commemorationem, ait Dominus Apostolis: verusque sensus horum verborum. 450. ex patenti Ecclesiæ consensu à SS. Patribus enunciato.	450. &c. fusc.
Hebræorum mos insignis.	809	Holocaustum se Christus obtulit in cruce.	310.
Hebræorum Sacerdotum rubricæ.	353	quomodo hæc figura accuratim fuit impleta.	311
Hederense monasterium.	561	Homini carnalis descriptio.	664
S. Helena munifica aduersus Ecclesiam Vefuntionensem.	15	Homines voluit Deus, per homines ad salutem doceri.	758
Helgaudus Monachus.	64. 123. 148	Hominum nullus est, qui aliquid non patitur.	108
Helias pastus ab Angelis igneis globulis.	412	Homini-bus concessum est, quod non est Angelis attributum.	836. 837
Henricus Episcopus Trecensis.	159	Honorificationis augmentum Ecclesia pro SS. beatis postulat in Missa.	419
Henricus II. Imp. à sancto Laurentio sanatus asperusione aquæ è calice sumptæ, quem ipse Imperator obtulerat.	239	Honorius I. Honorius III.	96
Heraclius & Hilarius, Hierosolymitani Episcopi.	889	Honorius Augustinus errat cum Strabone, & vnâ refellitur.	103
Hierarchiæ cœlestis & subcœlestis.	748	Honorij August. explicatio de patenæ expeditur.	295
Hieremias, Samuel & Daniel, boni pueri.	710	Honorij Augustodunensis paradoxum. 75. & contradictio manifesta.	ibid.
S. Hieronymus.	224	Honorij III. decretum.	514
S. Hieronymus pessimè citatus à Molinæo.	483. 484	Hora quænam sit canonicè præscripta ad celebrandum sacrificium.	2503. ad 507
S. Hieronymi humilitas mirabilis.	547	Hora nona admodum mystica apud Christianos.	505
S. Hieronymi insignis doctrina.	681. 737	Hora tertia in Ecclesia celebris.	ibid.
S. Hieronymi pulchra doctrina de habitu Sacerdotali.	725. 726	de Horis Canonicis liber noster nondum editus.	547
S. Hieronymus citatur.	3. 13. 15. 17. 23. 30. 31. 32. 36. 37. 43. 44. 57. 597.	Hostia rata, & adscripta diuersimodè.	415
S. Hieronymi querimonie contra quosdam abusus.	695. 696	Hostia rationabilis excusabilis.	ibid.
Hieronymus Prado.	19. 20	Hostia Christianorum non nisi Deo soli, offerri potest.	325. 326
Hierosolymis an Paschali tempore frigus rigeat?	889. 890	Hostia quæ Patri offertur, eidem adæquatur.	327
S. Hilarionis miracula per signum crucis.	561	Hostia nostra quomodo immolatur, & non destruitur.	455. 456
S. Hilarius, Patronus mulierum parturientium.	56	Hostia sacrificante maior est, in Ecclesiæ sacrificio.	355
S. Hilarij præclara sententia.	167. 751	Hostia in hostiam transit, sanguis sanguinem excludit.	310
Hilarius diaconus Luciferianorum signifer.	515	Hostia pacifica quomodo fuit figura Eucharistiæ?	313. 314
Hildebertus Cenomanensis, postea Turonensis illustris antistes pietate & doctrina.	110	Hostia pacifica apud Hebræos.	106. 307
Hildebertus Turonensis Archiepiscopus: ver-		Hostia pro peccato, quid erat in veteri lege?	307
		Hostia pro peccato quomodo Eucharistiæ sacrificium figurabat?	314



# ET VERBORVM INSIGNIVM.

Hostiæ destructio quomodo fit in Missa.	455.	570. 571. 572	Incensi quinque grana cur Sabbato sancto benedicuntur.	571	
Hostiæ elatio, signum est Christi exaltationis in cruce.	391		Incensum aliquando adoletur & non benedicitur.	572	
Hostiæ elevationis ritus assertus.	ibid.		Incommoda legitima quæ excusant Sacerdotem à sacrificando, quænam sunt?	539.	
Hostiam viventem sese Deo Sacerdos offerre debet.	413	540. 541	Indiculus reliquiarum, libellus Caluini pestilentissimus.	110. 111. 163	
Hostias qui edunt, participes sunt altaris.	355		Indiæ paludes, nardiferi.	386	
Hugo Episc. Ant. siod.	152		Indorum ritus circa patenam.	299	
Hugo Arch. Rothomagensis.	158. 159		Indoctus est omnis curiosus.	755	
Hugo Rothomagensis, cur in cœtu Episcoporum & Archiepiscoporum apud Argentorium præcelluit.	160. 161		Indulgentia quid sit?	174	
Hugo Arch. Senonensis.	ibid.		Indulgentiæ indiscretæ taxantur.	172	
Hugo Monachus Cluniacensis.	109		Indulgentiarum concessio, ut sit legitima, tria exiguntur.	169. 170	
Humbertus, Cardinalis ex Canonico Tullensi.	332. 333		Indulgentiarum phrasis explicata.	173	
Hymnus post cœnam.	599		Indulgentias concedere nulli inferiori Sacerdoti licet.	177	
Hypocrisis.	722		de Indulgentiis axioma Catholicum.	173	
Hypocritæ genuina effigies.	ibid.		Infans si moritur sine baptismo, quæ pœna Presbyter negligens puniendus.	176	
I			Infantium ardor ad papillas exsugendum.	180	
Iacob Christi typus.	389		Infantibus instillandi in os, Dominici sanguinis, mos fuit in primitiua Ecclesia.	234. Miraculum insigne circa hunc ritum.	ibid.
S. Iacobus Apost. dictus frater Domini, lineo amictu tantum utebatur.	14. Stola eius lineæ religiosè seruata.	14. 15	Inferior superiori deferat semper in ministrando baptismo, etiam in necessitate.	846	
S. Iacobi Cathedra.	112		Infideles an aliquando baptizare possint?	854	
S. Iacobi inuocatio.	400		Infirmas causa est legitimæ excusationis.	177	
Iacobus Brullius, antiquitatum Parisiens. scriptor.	166		Insula rubra S. Birini.	87	
Iacta cœtus Concionatoribus informandis additi, liber est nuper editus, & quo auctore.	815. 816		Ingressus triumphalis Christi in sanctam civitatem.	592	
Ieiunium olim seruatum à Sacerdotibus ante baptismi administrationem.	856.		Innocentij I. decretum de nuptiis.	553	
Iesu nomen ubique glorificatur.	872		Innocentius III.	84	
Iesu nomen quomodo os Domini nominauit.	ibid.		Innocentij III. de origine Canonis vera sententia.	379	
S. Ignatius CP. Episcopus.	86		Innocentij III. responsio notabilis.	524	
S. Ignatij de excellentia Presbyterij insignia testimonia.	640		Instita quid?	77	
Ignis benedictio, & eius mysteria.	568. 569. 570		Intentio triplex ministri. 856. quænam est sufficiens aut necessaria.	ibid.	
Ignis cælestis descensus fit Sabbato sancto Hierosolymis.	568		Intentio conferentis & suscipientis concurrere debet.	855	
Imago Dei Patris defenditur.	153		Intentio cur exigitur in ministro Sacramenti.	855	
Imagines Christi & Apostolorum, iam ipsorum ætate factæ.	116		Intentio ministri.	362	
Imagines Regum, sunt azyla.	509		recta Intentio quæ finem respicit.	ibid.	
Imaginum rectus vsus.	153. 154		Intentio quæ turpe lucrum respicit, in sacris est præsertim mala.	ibid.	
Imbecillitas humana.	742		Intentionis defectus.	856	
Imitatio Christi, perfectio est Sacerdotalis.	388		Interula.	17	
Immolatio Christi in Eucharistia quomodo fit?	457. 458		Inueterudo corporalis excusat à prædicatione Episcopum.	687	
Impij sunt indigni qui nominentur.	153		Inuidiæ virus.	240	
pro Impiis & infidelibus an orari, vel offerri possit.	426. 427. 428		SS. Ioachim & Anna commemorantur in Missa S. Chrysostomi.	417	
Impuritas multum officit sacrificanti Sacerdoti.	316		Ioachim Westphalus Lutheranus refellitur à Caluino.	880	
Incarnatio Christi magnum est pietatis Sacramentum.	10. 882		S. Ioannes Baptista quo anno prædicare cœpit?	708. 709	
Incarnatio est vestitio Verbi.	168. 169		S. Ioannes Baptista irradiatus fuit in sanctissimæ Virginis aduentu.	710	
Incensi benedictio, proprietates & mysteria.			S. Ioannes Baptista lucerna ardens & lu-		

# INDEX RERVM,

- cens. 348  
 S. Ioannis Baptiste zona defenditur, eiusque  
 pilosa vestis, & vitæ austeritas aduersus No-  
 uatores. 48  
 S. Ioannes Baptista fuit baptizatus à Christo. 833  
 S. Ioannes Baptista cur vox Domini dicebatur? 671  
 S. Ioannis Baptiste cursus & excursus. 708.  
 709  
 S. Ioannes quomodo rogandus est. 400  
 S. Ioannes Apostolus quantus erat? 645  
 S. Ioannes Chrysostomus citatur, passim. 24  
 S. Ioannis Chrysostomi Missa. 122  
 S. Ioannis Chrysostomi ardor ad prædicandum.  
 695. cum adhuc esset Presbyter. *ibid.* Vitæ  
 eius & laborum brevis recensio. *ibid.* meritò  
 os aureum appellatus est. *ibid.*  
 Ioannes Donius de vitæque penula insignem  
 dissertationem habuit Romæ. 102  
 Ioannes Fungerus fallitur. 717  
 Ioannes Ianuillæ Dominus. 490  
 Ioannes Rothomagensis Archiep. scripsit de  
 sacris vestibus, sed liber non reperitur. 131  
 Ioannes Diaconus. 491  
 SS. Ioannis & Philippi imagines antiquæ in Sa-  
 cerdotali habitu. 116  
 SS. Ioannis & Pauli reliquie. 185  
 Ioannem qui loquitur, Christum prophetat.  
 720  
 Ioffridus Pratenfis Abbas. 161  
 Ioseph CP. Patriarcha, eulogias Ferrariz bene-  
 dicit. 573  
 Iosephus Vicecomes insignis de baptismi ritibus  
 dissertator. 220  
 Ioslenus Succ. Episc. 152  
 S. Irenæus citatur. 11  
 S. Irenæi breue elogium. 872. Eiusdem diuina  
 planè doctrina de Iesu adorando nomine.  
 872  
 S. Irenæi præclara de sacrificio Eucharistiæ  
 sententia. 306  
 Iris cælum & terram complectitur. 741  
 Iris cur Dei thronum circumcingit? 739  
 Iridis colores mystico sensu explicantur. 739  
 S. Isidorus citatur. 2. 13. 16  
 Isidorus Pelusiota, sancti Chrysostomi auditor  
 Presbyteros ad conciones habendashorta-  
 tur. 703. 704  
 Isidori Pelusiotæ clara testimonia pro Presby-  
 terorum Sacerdotio. 516  
 Isidori Pelusiotæ insignis pro sacrarum reli-  
 quiarum Sanctorum veneratione sententia. 52  
 Israëlitarum priuilegia. 667  
 Iudæi maxime indigent vt pro ipsis oretur.  
 432  
 Iudæorum veterum prærogatiuæ. 429. 430  
 Iudæorum infortunia & salus. 431  
 Iudæos cur Pontifices sinant tanta quiete frui.  
 431  
 S. Iulianus Episcopus Toletanus. 134  
 Iuliani Apostatæ malignum aduersus Christia-  
 nos edictum. 820  
 Iulius I. PP. scribit ad Episcopos Ægypti. 274  
 Iuo explicatur. 104  
 Iuonis Carnotensis opinio de stola nostra, ex-  
 pensa. 74. 75  
 Iuonis Carnotensis responsio scitu digna. 495.  
 496  
 Iustinus Martyr citatur. 536  
 Iustitia an præferenda pietati. 727. 728  
 Iustitia fons est & apex virtutum. 727  
 Iustitiæ duæ veræ sunt, & quænam? 728  
 Iustitiæ triplex debitum. *ibid.*  
 Iuuenes, an prorsus à Cathedra prædicationis  
 excludendi. 710. ad 713  
 Iuuenturis in sacros suggestus irrupentis re-  
 meritas graphicè descripta. 709

## L

**L** A c pro vino offerri in Missa prohibetur. 274

- Lactis & mellis coniunctio. 576  
 Lactis benedictio. 575. &c.  
 Lacerna. 107  
 Lactantij præclaræ sententiæ. 721. 727.  
 728  
 Lactantij lactea sententia. 784  
 Læua an sit dexterâ nobilior. 68  
 Laicus baptizans, non contrahit cum baptizato  
 cognationem. 862  
 Laici Calicem sanctum non manu, sed ore  
 contingebant. 236  
 Laici an baptizare possint. 846. 847.  
 848  
 Laici, calices sacros contrectare non possunt.  
 213  
 Laici numquam ex officio prædicant, nec ba-  
 ptizant. 723  
 Laicis nullum ius Sacerdotale competit. 847.  
 848  
 Lanceolâ apud Græcos sæpius percutitur san-  
 ctus Calix, ritu mystico, cum mysticis præ-  
 cibus. 233. 273. 274  
 Lantfranci Episc. de vestibus sacris. 131.  
 145  
 Larua hæreticorum resecta. 870  
 Lateranensis Ecclesiæ altare portatile. 481  
 Latiniacense Monasterium. 161  
 Latitudo diocesis, grauat & excusat Episco-  
 pum. 688  
 Latria incruenta, est Missæ sacrificium. 440  
 Lateris Christi mysterium exprimitur in sancto  
 calice. 272  
 Laudunensis Ecclesia à sancto Remigio funda-  
 ta, & ipsi charissima. 102  
 S. Laurentius inebriatus calice Domini, quid  
 dicebat? 257  
 S. Laurentius Archidiaconus sub Sixto PP.  
 198  
 S. Laurentij M. reliquie. 185  
 Sancti Laurentij basilica vetus Mediolani.  
 194  
 S. Laurentij in tormentis facta est radiosa fa-  
 cies. 669  
 Lectorium argenteum, quid est? 760  
 Legati mandata proferant. 810  
 Legitimum, id est lex inuiolabilis Canonis.  
 379  
 Legitimum, Canon, seu regula sacrificium ce-  
 lebrandi, appellatur. 374

ET VERBORVM INSIGNIVM.

DDDDdd

# INDEX RERVM,

Manipulus index est potestatis Sacerdotalis.		nes habet.	716. 717. &c.
71		S. Mariæ Deigenitricis opem, cur & quomodo Sacerdos oblaturus debet implorare? 401.	402. 403. &c.
Manipulus exultationis,	70	S S. V. Maria Sacerdotum sacrificantium est propria tutelaris.	405
Manipulus cur in sinistra gestatur.	68	Beatissimæ Virginis zonæ nonnullæ reperiuntur.	45. 46. 47
Manipuli moralis & mystica significatio.	69	de Beatissimæ Virginis pectine.	45
Manipuli animarum.	70	S S. V. Mariam salutandi in concionis initio, mospius defenditur.	719. 720
Manipuli frugum, manipuli lætitiæ.	62	Mariam qui diligit, Deum honorat.	720
Manipuli materia. 64. & forma.	ibid.	Marianus Victorius.	418
Manipuli vsus & abusus.	65. 66	Martinus Polonus.	189. &c.
Manipulo aliter vititur Episcopus, aliter autem Sacerdos, & cur.	66	Martini Kemnitij insignis imprudentia.	384
Manumissio, nobis à Christo data.	25	Martyres cur candidati dicuntur?	18
Manus, lingua, & os Christi est in Missa Sacerdos.	345. 346	Martyres per Eucharistiam, ad agonem ineundum præparabantur.	411
Manuum bina ablutio.	351	Martyres Nicomedienses quibus indiciis deprehenfi?	602
Manuum Sacerdotis ablutio in Missa ritus est Apostolicus.	317	Martyres quòd vt Deos adoramus, vetus est Ethnicorum & hæreticorum calumnia.	57
Manuum extensio Sacerdotis in Missa. 390. 391		Martyres qua sunt ratione obsecrandi.	400
Manibus illotis ad sacrificium accedere, nefas.	354	Martyrum sepulchra, Christi sunt altaria.	28
Mappula.	63	Martyrij candida apud Tertullianum.	ibid.
Mappulæ, parua mantilia.	83	Martyrologium Gallicanum citatur.	610
Mappulæ significatio.	69	Materia prima & secunda sacræ concionis.	796
S. Marcelli Episcopi Parisiensis sepulchrum miraculis illustre.	512	de Materia prædicationis in genere. 795. 796.	797
Marcelli II. Papæ insigne pronuntiatum.	649	S. Matthæi traditio.	555
S. Marciani præclara sententia.	807. 808	Matthæus Paris citatur.	164. &c.
Marcus Diaconus.	512	Matthæus Illyricus Lutheranus, refellitur. 380	
Maria virgo quotidie generat & parit, manetque incorrupta.	280	idem Missam antiquam ( vt vocat ) ex Bibliotheca Palatina edidit. 381. sed plerisque locis vitata est ac interpolata.	381. 382
Maria, stella ex Iacob.	717	Matthæus Legatus Apostolicus.	162
Maria illuminata & illuminatrix.	ibid.	Matthæus Westmonasteriensis.	166.
S. Maria sapientior Apostolis. 716. 717. illos erudiuit in plerisque.	ibid.	164	
S. Maria habuit tempus tacendi, & tempus loquendi.	718	Mauriniacense Monasterium.	162
S. Maria illuminauit clientes suos plerumque.	719	Maximianus Abbas.	491
Virgo Maria, Sanctissima & Beatissima Deipara, calulas dat SS. Hildephonso Toletano, Bonito Claromontano, & Thomæ Cantuariensi, à p. 132. ad 138. <i>inclus.</i>		Maximinus polluens sacros calices, diuinum in se furorem excitauit.	208
S. Maria, aquæ ductus mysticus.	545	S. Maximus seruatus à naufragio, sancto calice ad collum appenso.	236. & 237
S S. Maria V. Christum filium suum circumcidit.	850	Medicus semper non sanat.	746
S. Maria arcana diuina præcordiis infixa seruabat.	718	Medium sapit naturam extremorum.	743
S. Maria mater credentium.	ibid.	Media salutis.	747
S. Maria Prædicatorum opitulatrix.	719	Media ad sacræ Scripturæ intelligentiam comparandam.	801
S. Maria cur in Canone prima omnium S S. commemoratur?	401	Media quænam sint ad virtutes Prædicatori necessarias comparanda?	756
S. Maria cur Lunæ comparetur.	717	Mediorum ad finem cognitio quàm necessaria concionatori.	743. 744. &c.
S. Mariæ vterus benedictus, factus est templum Dei.	849	Mel, opificium est apïs, Christi caro Virginis.	401
Sanctissimæ Virginis Mariæ, Apostolorum & Martyrum honorifica memoria vbique fit in sacrificio.	416. 417. 418. 419	Mellis benedictio.	575. &c.
Nihil nos Deus habere voluit, quod per manus Mariæ non transiret.	403	Mensa Eucharistiæ, sacrum altare dicta à sancto Athanasio.	478
S. Mariæ Cathedralis Ecclesia Cremonensis.	201	Mensam benedicere, dignioris est officium.	598
S. Mariæ maior Basilica Arelatensis.	169	Mentis custodia per zonam indicatur.	61
S. Mariæ invocatio illustratur, & multis titulis commendatur.	401. 402	Meridas Græci offerunt Sacerdotes, in memoriam Sanctorum.	526
S. Mariæ invocatio solennis in omnibus Liturgiis celebratur.	402. 403. 404. 417. 418	Merides apud Græcos quid.	573
Mariæ venerabile nomen, eximias significatio-			



# ET VERBORVM INSIGNIVM.

Messis semper multa, operarij pauci.	712	Missæ S. Iacobi citatur.	877
S. Methodius Martyr.	583	Missæ Ambrosiana.	590
Methodus brevis, rectè & piè concionandi.		Missæ S. Ioannis Chrysostomi.	122
825. 826		Missæ Mosarabum.	418
Methodus prædicandi à SS. Patribus tam ver-		Missæ sacrificium, an in comestione consistat.	407
bis, quàm exemplis expressa. 772. vsque ad		Missæ sacrificium in perfecta consecratione &	407
782		reali oblatione constat.	407
Methodum excipiendi confessiones S. Carolus	617. ad 638	Missæ sacrificium est Latreuticum & Eucharis-	547
edidit.		ticum.	547
Michaël Imperator Orientis.	229	Missæ quomodo assistendum?	646
Michaël Seruicus à Caluino excitatus, & exu-	870. 871	Missæ Paræciales, publicæ.	485
stus.		Missæ sacrificium pro quibus offerri potest.	415.
Micrologus. 276. eius error.	559	& seqq. copiosè.	
Miles Christi quisnam sit? 654. quænam eius	<i>ibidem.</i>	Missæ fructus an finitus sit vel infinitus?	467.
officia.		468	
Milo Ep. Teruanensis.	152	Missæ pretium inæstimabile.	368
Mincha, oblatio, quomodo fuit typus Eucha-		Missæ antiquitatem hæretici ipsi confitentur.	509
ristiæ?	313	Missam qui celebrat Sacerdos, ieiunus esse	
Mincha, sacrificium farreum Hebræorum. 306.		debet. 507. item Laicus qui sacram ad Syna-	
cur Deus olim instituit.	313	xim accedit. 507. ex traditione Apostolica.	<i>ibid.</i>
Ministri baptismi quænam esse debet intentio.	855	Missam appellari constanter à Sanctis Patri-	
Ministri Caluinistæ mercedem exigunt, suæ		bus sacrificium, Molinæus fatetur: sed nititur	
seductionis; populum quantum onerant &	371	dicta eorum sequiori explicatione corrup-	
emungunt?		pere.	470. 471
de Ministro sacrificij Christiani latè. à 330. ad	448	Missam celebrare in locis non sacris an liceat?	493
Ministeriales Calices. 218. vnde dicti, <i>ibid.</i>		Missas priuatas quàm impotenter impetit P.	
& 219		Molinæus.	364. 365. 366. &c.
Ministerium ad baptismum & ad pœnitentiam,	220. 221	Missas plures an vna die Sacerdos celebrare	
quid?		possit?	523
Ministerium reconciliationis, est Sacerdotium.	546	Missas Apostoli in locis priuatis celebrârunt.	493
Missæ, est annunciatio, & viua expressio passio-	8	Missalis liber.	564
nis Domini.		Mitella quid?	4
Missæ, sacrificium est expiatorium & propitiato-	369	Mitra Rom. Pontif.	147
rium.		Mitra Innocentij I V. Auenione seruata.	35
Missæ quomodo sit vera & mystica oblatio? 471		Moguntia lustrata & illustrata à Serario.	12
<i>signatura M m m y</i>		Molinæus. <i>Vide Petrus Molinæus.</i>	
Missæ est sacrificium impetratorium præcipuè.		Margaritæ ante porcos non proiciendæ.	350
p. 472. & seqq. fusè.		Monachi, regulariter baptizare non possunt.	842
Missæ est etiam sacrificium laudis & gratiarum	à p. 470. ad 474	Monialium cellula.	604
actionis.		Monothelitarum hæresis damnata.	237
Missæ sacrificium est ad Deum placandum. 445.	ad 448	Mores circa ritus aliquando mutantur.	494
Missæ pro omnibus necessitatibus offertur: quo		Mors Christi pretium est nostræ redemptionis.	459
axiomate, Molinæi retunditur impia dicaci-	363. &c.	Mortem Domini annuntiare quid sit?	386
tas & petulantia.		Mortificatio.	413. 756
Missæ priuata vnde differt à solenni. 367. 368.		Moyles edoctus erat in omni scientia Egyptio-	739
Iam olim in vsu. 494. eas Molinæus angula-	361	rum.	727
res procaciter appellat.		Moylis & Pauli in docendo discrimen.	727
Missæ Christianorum apud Indos.	418	Moylis cur & quomodo cornuta esset facies?	668. 669
Missæ an canonicè possit celebrari à meridie ad	505	Moylis velamen quid significabat.	9
nonam.		Moyli dictum à Deo, <i>hæc palam facies verba,</i>	
Missæ ante horam nonam olim tempore ieiunij	550	<i>&amp; hæc abscondes.</i>	797
nonam post auroram regulariter celebra-	503	Mulier Christiana præferri debet viris infideli-	851
ri potest.		bus in ministrando baptismo, vbi virget ne-	178
Missæ est sacrificium <i>λατρευτικόν</i> : id est honora-	440	cessitas.	
rium, quia dirigitur ad Deum colendum.		Mulier prægnans mitius tractari debet.	
& seqq. copiosè.		Mulieres iussu Antiochi occisæ, habitæ sunt	850
Missæ est exaltatio Crucis.	391	Martyres, & cur.	
Missas an Canones permittant Sabbato sancto	502		
celebrari?			
Missæ, an possit in naui celebrari? 189. 470.	491		

# INDEX RERVM,

Mulieres an possint in casu necessitatis baptizare. 849. 850. 851  
Mundus velut cithara. 644. 645  
Municipatus supernæ ciuitatis. 28  
Murenæ omnes sunt feminæ, & concipiunt è viperis. 38  
Murenæ præsinales, zonæ Ecclesiasticæ. *ibid.*  
Murenulæ aureæ vermiculatæ argento. *ibid.*  
Murus & surdus, aut cæcus, ab Episcopatu cur repellantur. 582  
Myrrhæ liquor fragrantissimus. 386  
*Mysterium fidei*, cur potius dicitur in forma calicis, quàm alterius speciei? 254. 255  
Mysterium & Sacramentum, sunt ferè synonyma. 882  
Mysteria ablutionis manuum. 354

## N

**N**AVCHODONOSOR vidit in fornace ignis, Dei Filium, sed non agnouit. 339  
Nauarri opinio quædam minùs probatur. 505. 555. 556  
Naufragij metus ingens. 490. 491  
Nauis benedictio. 605. &c.  
Necessitas nulla est hominum, pro qua sacrificium Eucharistiæ non offeratur. 364. 365  
Neophytus, nec Episcopus, nec Presbyter debet ordinari. 706  
Nepotianus Presbyter, S. Hieronymo charissimus, & laudatissimus. 702  
Nicetas, Græcus Presbyter. 532  
Nicolaus Aurificus, auctor libri de dignitate Clericorum. 349  
Nicolaus Colossensis defenditur. 885  
Nicolai I. præclarum documentum. 684  
Nicolai I. responsum ad Bulgarorum quæsitæ. 597  
B. Nili pium desiderium. 602. 603  
Nomen vnde dicitur? 100  
Nomina diuersa iisdem rebus passim imponuntur. *ibid.* & 101  
S. Norberti postrema translatio. 58  
Notitia diuinarum & humanarum rerum. 738  
Notitia præteritorum, præsentium & futurorum, quàm necessaria. 750  
Nouatores nituntur omnibus viribus vt Sacerdotium aboleant. 507. 508  
Nouatores contendunt tollere omne externum sacrificium. 474  
Nouatores, vocum profanarum propolæ. 304  
Nouitas in minimis etiam circa mores & ritus Ecclesiæ. 56  
Nugæ in ore Sacerdotis, sunt blasphemix. 383. 809  
Numa Pompilius. 352  
Nummus Hebraicus. 184  
Nuptiæ per Sacerdotalem benedictionem consecrantur. 553

## O

**O**BEDIENTIA mandatum supponit. 526  
Oblatio verbalis, an sit formalis ratio sacrificij nostri? 407. 408

Oblatio realis, est essentialis in sacrificio Missæ. 406. 407  
Obligatio Sacerdotis offerendi corpus Domini, demonstratur. à p. 525. ad 540  
Obiectiones grauissimæ diluuntur circa obligationem offerendi, Sacerdotibus indictam. 528. 529. 530. 532  
Oblita peccata quomodo remittuntur. 175  
Occasio captanda. 791  
Octauius Ferrarius. 147  
Octauius Ferrar. auctor insignis libelli de re Vestiaria. 103. Censet penulam aliud esse à planeta; & Casulam non esse vestem Sacerdotalem ex prisco vsu. 103. refellitur. 104  
Oculus intellectualis. 351  
Oculi intus, & foris. 728. 729  
Oculus alienis legere. 847  
Odo Episc. Bellouacensis. 152  
Odo Abbas S. Dionysij. 161  
Odo Cameracensis citatur & refellitur. 437  
Odor mortis in mortem: Odor vitæ in vitam. 863  
Odor suauitatis, odor quietis. 386  
Odoratum vnguem, quem vocat Dioscorides? *ibid.*  
Offerre pro SS. Apostolis & Martyribus quomodo intelligendum. 416  
rectè Offerre quid sit? 362  
Offerri Deo nihil potest acceptius corpore filij sui dilectissimi. 317  
Officium Prædicationis in Synodo Senonensi præscribitur. 825  
Officia Episcopi, accuratè recensentur. 687  
Oleum oliuæ surgit ex amaritudine radices. 593  
Olei simplicis benedictio. 576. 577  
Oleo Apostoli infirmos vngebant, & sanabant. 577. 578  
Olea conseruare, munus erat Sacerdotis. 546  
Oleorum vsus in veteri Testamento. 546  
Omnia tempus habent. 791  
Omnibus omnia. 687  
Onuphrius Panuinus. 84  
Onuphrius Panuinus elucidauit obscuras voces rerum Ecclesiasticarum. 100. 101  
Opitulationum donum, olim frequens, nunc rarum est. 578  
Opus operantis in Missa. 347  
Opus imperfectum in Matthæum, non est S. Chrysostomi. 490  
Operis boni perfectio. 33  
Opera bona, media sunt ad salutem consequendam. 744  
Opportunè & importunè arguere. 790. 791.  
Quidnam sit? 654. 655  
S. Oprati Mileuitani illustre testimonium pro cultu Filij & Spiritus sancti. 869  
Oprati querimonix contra Donatistas. 479  
Orale, ornatus specialis summi Pontificis. 84  
Orarium, quid? 83  
Orarium ab oratione vult Beda derivatū esse. 82  
Orarium, quoad nomen. 81. an dicendum sit aurarium? *ibid.*  
Orarij apud Græcos vnde nomen. 83. & quis vsus. *ibid.*  
Orari, & offerri posse certo modo pro infidelibus. 428. 430

# ET VERBORVM INSIGNIVM.

Oratio Dominica fundamentum est precationum in Missa.	473	Pallium fuit familiare Apostolis.	107
Oratio Dominica vt in Missa recitetur, Apostoli statuerunt.	372	Palma miraculosa.	589
Orationis Dominicæ excellentia.	178. 179	Palmarum, an oliuarum ramos Hebræi obuiam Christo portauerint?	592
Oratio insignis dicenda in Missæ sacrificio à fidelibus qui ei assistunt.	474	Palmarum benedictio, & ramorum. 589. vsque ad 593	
Oratio præludium est prædicationis Deo gratissimum, hominibus verò vtilissimum.	716	Paludani opinio, quoad partem reiecta.	524.
Oratio, ieiunium, & eleemosyna, magnæ sunt virtutis apud Deum.	179	Pamphilus Martyr, defensor Origenis strenuus,	693.
Oratio difficillima est moderatu.	784	S. Pancratij M. reliquiæ.	185
Oratio interpretatiua Christi in cælo.	467	Panis benedictus cur fidelibus datur.	574
Oratio pro defunctis in Missa, ab Apostolis descendit.	372	Panis benedictus est typus Eucharistiæ.	860.
Oratio pro Iudæis in Parasceue Domini.	429.		861
Orationis mira efficacia.	714	cui loco, dabatur Catechumenis.	573
Orationes fiunt in Missa, pro omnibus hominibus.	437. 438. 473. 474	Panis & vinum non sunt materia, ex qua constat sacrificium.	406
Generales deprecationes pro omnibus fidelibus in liturgiis extant.	438. 439	Panis benedicti virtus diuina.	573
Orationes & oblationes pro fidelibus defunctis.	420. 421. vsque ad 426	Panis benedicti antiquitas.	573. 574
Oratores mundi illustriores ad Christianos suggestus transierunt.	783	Panoplia Sacerdotalis, idea Christi patientis apparatus.	60
Oratores adolescentuli.	706	Panopliæ Episcopalis, nec non Clericalis, scopus proprius.	348. 349
Oratores Cathedrarij.	761	Papa equo albo ac palliato vestus, solenniter procedebat.	84
Ordo Romanus antiquus.	126. 590. &c.	Papæ inesse quid diuinum, verum est.	154
Ordo benedictionis Candelarum in festo Purificationis.	586	Paradoxa Walfridi & Honorij Aduentus referuntur, & refelluntur.	103. 104
Ordo Ecclesiasticus genus est militiæ.	61	Parænesis ad Sacerdotes baptizantes.	861. 862
Ordo Hierarchicus.	556	Parænesis ad Sacerdotem pro inuocatione sanctissimæ Virginis in Missa.	403
Ordo consecrationis Regis Christianissimi.	290. 291	Parænesis eximia ad Sacerdotem, ex persona Spiritus sancti.	155. 156. 157
Ordo, appellatur Missæ Canon.	374	Parasceues sanctæ ritus insignis.	248. 249
Ordo in Ecclesia quàm diligenter seruandus?	382. 648	in Parasceue cur pro hæreticis Ecclesia non orat?	435
Origines Claromontanæ.	136	Parisiensis Ecclesiæ mos antiquus.	4
Origenes citatur.	8	Parisiis erat olim celebris calula sancti Petri Antiochena.	109
Origenes primus Ecclesiæ post Apostolos magister.	317	Paræciæ, vt intersit populus ad audiendum verbum Dei, moneri debet diligenter.	701
Origenis commendatio insignis.	693	Paræcus animas immediatè pascit.	660
Origenis exemplum in signe lapsus, & pœnitentiæ.	724. 725	Paræcus habet ius legitimum baptizandi.	843
Origenis insignis doctrina.	640	Paræci quænam arma sint?	661
Origenis, pulchra doctrina de Prædicatoris puritate.	721	Paræco vis coactiua non competit.	661
Ornatûs Sacerdotalis & Episcopalis antiquitas.	56	Pascere gregem Dominicum perfecti amoris indicium est.	662. 663
<i>Os amictu non velabis</i> , Ezech. 24. quomodo intelligendum.	9	Pascha vetus, dum mutatur, impletur.	310
Oris osculum, pietatis pignus.	6	Pascha imminente, cum Christus passus est, Hierosolymis frigus erat.	891
Osculari & adorare, sunt in sacris promiscua.	<i>ibid.</i>	Pascha, secundus Domini natalis.	502
Ossium Martyris dedicatio, candidam vestem viduis reddebat.	30	Pascha nostrum immolatus est Christus.	310
Oscas explicatus.	485	Paschalis cerei benedictionis antiquitas & mysteria.	579. 580. 581. 582. &c.
Ovis in ligno.	342	Paschalis I.	286
Quorum benedictio.	594	Paschalis II. PP. decretum in signe de non porrigenda communione intincta.	276

P

**P**ALA Linostima, quid erat? 84  
Palladius Episcopus Santonenfis. 485

Passio Domini in Missa accuratè recensetur. 506  
Passionis Domini imitandæ à Sacerdote do-

DDDddd iij

# INDEX RERUM,

- cumenta. 389. 390. &c.  
 Pastor exemplar debet esse bonorum operum. 663. ad 666.  
 Pastor à spiritu vindictæ quantum abhorre-  
 re debet. 661  
 Pastor animarum, amore Dei feruere debet su-  
 per omnia. 661. 662  
 Pastoris studium. 655. 656  
 Pastoris officium erga suum gregem. 650. 651  
 Pastoris animarum quænam esse debet scien-  
 tia? 651  
 Pastoris sollicitudo. *ibid.* & 652  
 Pastoris patientia. à p. 659. ad 661.  
 Pastoris boni officium, est dissimulare plurima.  
 658  
 Pastoris quanta esse debet prudētia. 653. 654. &c.  
 Pastori opus est sexcentis oculis. 654  
 in Pastore non tam miracula sunt necessaria,  
 quàm virtutes. 665  
 Plurima nescire oportet animarum Pastore. 638  
 Pastores animarum quàm districtam sunt pro  
 eis rationem reddituri. 649. 650  
 Pastoris boni dotes, à Christo verbis & factis  
 expressæ. 663. 664. 665. 666  
 de Pastorum periculo, tremenda S. Chrysostomi  
 sententia. 649. nec non & Marcelli PP. II.  
*ibid.*  
 Pastoralis officij finis. 652  
 Patena quid & vnde dicta? 281. 282  
 Patena sacra. 282. eiusque sanctificatio. *ibid.*  
 Patena chrysalina in Missa Papæ. 289  
 Patena velut thalamus est corporis Christi de-  
 positi è cruce. 292. 293. 295  
 Patenæ cellulæ plures varia Christi mysteria  
 designant. 298  
 Patenæ mysterium ritu Græco. 296. 297  
 Patenæ mysteria explicantur. à p. 294. ad 296  
 Patenæ & pixidis differentia. 285  
 Patenæ parvæ & magnæ. 285. 286. 289  
 Patenæ consecratæ vñs sollemnis. 282. 283. &c.  
 Patenæ mysteria ex vsu Latino, Syriaco, Go-  
 thico. 296. 297  
 Patenæ Chrismales illustrantur. 290. 291  
 Patenæ mysticus ritus apud Indos. 299  
 Pater diuinus, non nisi per filium interpellari  
 potest. 325. 326  
 Pater misit filium suum, vt filius discipulos  
 suos. 659  
 Pater noster septies, vetus pœnitentiæ modus.  
 178.  
 Patri soli nomen Dei per excellentiam conue-  
 nire Calvinus docuit. 870  
 Patri cur acceptum refertur redemptionis be-  
 neficium. 879  
 Patri æterno hostia quæ offertur, Christi æ-  
 quipariter adæquatur. 217  
 ad Patrem cur in sacrificio, oratio dirigitur.  
 868  
 S. S. Patres, qui Eucharistiam esse docent sa-  
 crificium propitiatorium. 369. 370  
 S. S. Patres quibus documentis & exemplis  
 Prædicatorem instituerunt: maximè verò  
 S. Cyprianus, Origenes, S. Basilus, sanctus  
 Gregorius Nazianzenus, S. Chrysostomus,  
 sanctus Ambrosius, sanctus Hieronymus,  
 sanctus Augustinus, sanctus Gregorius Ma-  
 gnus, sanctus Bernardus. 670  
 Patres citandi mos non bonus. 846 847  
 Patres non eodem stylo semper scripserunt.  
 887 888  
 S. S. Patrum catalogus qui Episcopum ad præ-  
 dicandum asserunt præcipuè teneri. 673.  
 Eorūque dicta & exempla. *ibid.* & 674.  
 675. 676. Speciatim verò sancti Clementis  
 &c. sancti Dionysij, sancti Ignatii, sancti  
 Irenæi, sancti Cypriani, Iustini Martyris, A-  
 thanasij, Chrysostomi, Ambrosij, Augu-  
 stini, Gregorij &c.  
 S. S. Patrum testimonia, qui munus prædicandi  
 iure Sacerdotali, Presbyteris asserunt com-  
 petere. 691. 692. 693. vsque ad 698  
 S. S. Patrum qui eloquentiæ Christianæ fue-  
 runt potiora lumina, indiculus. 783  
 Patrum verenda operire decet, reuelare non  
 licet. 525  
 S. S. Patrum doctrina à Prædicatore sequenda  
 & proponenda. 816. quàm culpabilis est &  
 exitiosus eiusdem neglectus. *ibid.* & 817. 818  
 Paterna vellis & annulus, chara sunt pignora.  
 174  
 Paternitas omnis ab æterno Patre descendit.  
 862  
 Patientiæ Christi exemplum. 659  
 Patientiæ elegans iconismus. 661  
 Patientiæ Præconium. *ibid.*  
 Patina. 281  
 Pauendum est ad sanctuarium. 397  
 S. Paulinus synchronus sanctorum Augustini &  
 Hieronymi, eorūque amicus. 486  
 S. Paulinus laudatur. 610  
 S. Paulino quærenti quænam sit differentia in-  
 ter Pastores & Doctores, quid sanctus Au-  
 gustinus responderet? 681. 682  
 S. Paulus cur dictus vas electionis. 839  
 S. Paulus nonnullos baptizauit. *ibid.*  
 S. Paulus tria media Prædicatori ad dignè con-  
 cionandum innuit & commendat. 772  
 S. Paulus in cælo edoctus, cœpit iubente Deo,  
 Euangelium prædicare. 708  
 S. Paulus cur raptus in cælum. 762. 763  
 S. Paulus fuit eloquentiæ Christianæ miracu-  
 lum. 770  
 S. Paulus quomodo se dicat sermone imperi-  
 tum. *ibid.*  
 S. Paulus typus Conciliorum. 791  
 S. Paulus factus agnus ex lupo. 745  
 S. Paulus humanæ sapientiæ & scientiæ glo-  
 riam contempsit. 763  
 S. Paulus inermis adiit Corinthum. *ibid.*  
 S. Paulus an Philosophiæ fuerit imperitus?  
 763  
 S. Paulus Poëtas parçè allegat. 763  
 S. Paulus edoctus à Christo, fidelium nihilomi-  
 nus preces in auxilium implorabat. 715  
 S. Paulus & ceteri Apostoli an fuerint omnis  
 eloquentiæ expertes? 768  
 S. Paulus quomodo inuocandus? 400  
 S. Paulus inebriatus calice Domini. 258  
 S. Paulus an in naui Eucharistiam consecrâ-  
 rit? 489  
 S. Pauli zelus mirabilis. 429. 430  
 S. Pauli quanta sollicitudo pro fidelium sola-



# ET VERBORVM INSIGNIVM.

tio & salute?	652	<i>Petre amas me</i> ( ait Dominus Petro ) <i>diligis</i>	
S. Pauli charitas erga fideles.	652. 653	<i>me plus his?</i> paraphrastice explicatur. 662.	
S. Pauli primæva institutio.	763	663. 666	
S. Pauli origo & educatio.	764	<i>Petre occide &amp; manduca?</i> explicatur præcla-	
S. Pauli summa prædicationis.	<i>ibid.</i>	re. 729	
S. Pauli cælestis præconis humilitas.	714.	Petrus Martyr, hostis Ecclesiæ.	883
715		Petrus Episcopus Siluanectensis.	152
S. Pauli gratia specialis.	762.	Petrus Blesensis. 120. 129. eiusdem versus de	
S. Pauli tituli insigniores.	<i>ibid.</i>	Missæ.	130
S. Pauli gladius.	729	Eiusdem doctrina notabilis.	155. 156. 157
S. Pauli sudaria & semicinctia suo contactu		Ipsius Synodici sermones ab insigni loco	
sanabant infirmos.	51. 52. 53. 57	scripturæ semper incipiunt.	643
S. Pauli admirabilis modestia.	715	Petrus Lombardus allegatur, & illustratur.	
S. Pauli verborum fulmina.	769	456	
S. Pauli ardor pro salute Iudæorum.	429	Petrus Paulinus, Decanus Bruxellensis.	761
S. Paulus, cuius Romanus Senatorij ordinis.		Petrus Molinæus Calvinistarum rigidiorum	
107		signifer. 36. Vide sub vocabulo, Moli-	
S. Pauli Eremitæ sepultura.	610	næus.	
Paulus CP. Patriarcha.	237	enerationem zonæ S. Margaritæ, Ethnicorū	
Paulus Episc. Tyriensis.	186	superstitiosis fasciis impiè assimilatur. 36.	
Pacis symbolum est candidus color.	25	Eius hallucinatio.	<i>ibid.</i>
Peccatum mortale, obex est ferè vnicus ad sa-		P. Molinæus quàm malè interpretatur comme-	
crificium.	358	morationem Sanctorum in Missa. 416. 417.	
Peccata multis remediis expiantur.	179	418. 419	
Peccata leuia & venialia.	172	Petrus Molinæus auctor libri pestilentissimi.	
Peccata graua & maxima.	171	362	
Peccatorum vera remissio in sacrificio Missæ.		Petrus Molinæus diabolum superat in iro-	
471		niis & derisionibus factorum mysteriorum.	
Peccusculum cum armo dextro, portio erat		363	
Sacerdotis. 8. symbola erant sapientiæ &		P. Molinæus falsò Canonem Missæ criminatur.	
fortitudinis.	<i>ibid.</i>	424	
Penula contra imbres.	107	P. Molinæus S. Epiphaniij manifestè peruertit	
Penula villosa. 108. scoræa.	<i>ibid.</i>	testimonium. 422	
Penula, an sit sacra vestis.	106. 107	P. Molinæus, vel cæcum, vel hebetem se prodit.	
Penula ethnica, & Christiana.	103	<i>ibidem.</i>	
Penula an sit pallium?	107	P. Molinæus fatetur tempore Constantini M.	
Penula cuius meminit Apostolus, an sit theca		altaria fuisse lapidea. 480	
librorum?	106	P. Molinæus quàm impudenter impugnatur	
Penulæ contra frigus sunt vestes, ideòque se-		Concil. Tridentinum. 449. 450. &c.	
num.	107	P. Molinæus Nouitatis Doctor. 486	
de Penulæ, planetæ, & casulæ vocabulis.	101.	P. Molinæus insignis scurra Calvinisticus. 425.	
102		castigatur. <i>ibid.</i>	
Penulam cur Paulus expetit?	108	P. Molinæus fatetur tandem quod antè dene-	
S. Peregrini casula.	123	gauerat. 472	
Petriculum grande est, in Ecclesia loqui.	724	P. Molinæus fatetur in Eucharistia mortem	
Peronij Cardinalis commendatio. 866. Vide		Christi repræsentari, & eius passionem in	
Card. Perron.		redemptionis pretium offerri. 366	
Persecutionum tempore latebras SS. Cypria-		P. Molinæus arguitur ridiculè. 484. abuti-	
nus & Athanasius quæsierunt.	541	tur pessimè Osee Prophetæ testimonio. 484	
Perseuerantia.	34	485	
S. Petrus primus Christianorum Pontifex.		P. Molinæus olim sophista Leidenfis, antequam	
115		Minister fieret Calvinista. 866	
S. Petrus à Christo baptizatus est.	833	P. Molinæus infamis scurra, derisor perpetuus	
S. Petrus quatenus exorandus?	400	religionis Catholicæ mysteriorum, & rituum.	
S. Petrus ordinis Missæ fuit auctor.	376	866. aliquando in rabiem vertitur. <i>ibid.</i> igna-	
S. Petri Catena.	50. 51	rus in sacra Chronologia. 866. 867	
S. Petri pius stupor.	387	P. Molinæi petulantia castigatur. 485	
S. Petri Sacerdotalis amictus & effigies.		Petri Molinæi falsæ criminationes diluuntur	
115		de vitiosa intentione Sacerdotum sacrifican-	
S. Petri Cathedra vindicata.	111	tium. 362. & seqq. fusè.	
de S. Petri cingulis.	50	P. Molinæi impia dictoria refelluntur. 153.	
S. Petri barbam & reliquias Caluinus deridet.		365. 366	
111		P. Molinæi hominis perditæ impia dicacitas.	
S. Petri Basilica Parisiis, est Ecclesia S. Geno-		371	
uefæ.	109	P. Molinæi mendacia. 476	
SS. Petri & Pauli antiquissimæ imagines.	116	P. Molinæi impia dicacitas circa Dei Patriæ	

# INDEX RERVM,

Imaginem rerunditur.	133. 134	Planetæ, vnde dicta quædam sydera?	101
P. Molinzi dictum, <i>Deus ab ore consecrari non potest</i> , expenditur.	433. 434	Plebs sancta quænam sit?	436
P. Molinzi intolerabilis impostura deregitur & refellitur.	865	Plebis ad pastorem subiectio & obseruantia.	648. 649
Petri Molinzi fraus.	479. 481	Pluuiale, vnde dictum?	143. 144
Petri Molinzi malignitas castigatur, circa locum insignem S. Dionysij.	423	Poderis quidnam sit? 13. & seqq. Vide sub nomine, Alba.	
P. Molinzi impietas aduersus sanctissimam Trinitatem.	871	Pœnitentes benedicere, idem est ac eos absoluerere.	613
P. Molinzi ridiculæ cauillationis ad sacrificium destruendum, referuntur.	p. 448	Pœnitentiæ ritus.	586. &c.
449. 450. &c.		Pœnitentiæ medietas remissa.	173
Petri Molinzi putida ignorantia.	479. 480.	Pœnitentia vnius anni quid sit. 171. plurimum annorum diuersitas.	172
P. Molinzi immane odium contra Christi corporis adorationem.	869	Pœnitentiæ 40. dies remissi, iam olim ab Episcopis.	175
P. Molinzi artificia.	881	Pœnitentiæ taxatio pendet ab arbitrio Sacerdotis.	176. 177
Petri Vireti ad Caluinum epistola: Caluinique scitu digna responsio.	853	Pœnitentium exercitia.	586. 587. 588
Petrobrussiani hæretici, Christiani Sacerdotij negatores.	548	Pœnitentium reconciliatio quomodo administrari debeat?	615. 616
Phælonium, seu Phænolium.	121	Pollex Sacerdotis est instrumentum consecratum.	860
Phanon, seu Fanon.	63	Pollice S. Chrisma debet contingi & applicari.	290
Pharisæorum vitia ad Christianos transferunt.	722	de S. Polycarpi zona.	55. 54
Pharmacum pretiosum & salutiferum confectum à Christo.	7	Polydori refellitur sententia, de Canonis Missæ compositione.	376. 377. &c.
Philippus Diaconus non baptizauit ex officio, sed ex diuina dispensatione.	844	Pompa, quid est?	225
Philosophia vana & deceptuosa.	819	Pontæsanum Monasterium, in antiquis chartis dicitur Pontesarense.	161. 162
Philosophi Cathedrarij quinam sunt?	761	Pontifex summus Prædicatores potest vbique immediatè mittere, sed vix hoc facit.	700
Philosophi de verbis studiosi, de moribus negligentes.	721	Pontius Abbas Cluniacensis.	276
Philosophi veri, qui & antiqui?	761	Pontius à Leone.	119
Philosophorum aliquot axiomata perniciose sunt circa fidem.	820	Pontius Diaconus S. Cypriani.	112
Philothæus, auctor ritualis apud Græcos.	121. 127	Populus Hebræus vbi offerre desinit: populus Christianus inceptit.	472
Photius à doctrina eminenti commendatur.	386	Populi malitia.	659. 660
Phrygium Romani Pontificis.	84	S. Pirminius Episc. Metensis Legatus fuit Gregorij II.	56
Pietas virtutum est fundamentum.	727	Possidius, discipulus S. Augustini, postea Calamensis Episcopus.	701
Pietas vera emarcuit apud plerosque Christianos.	599	Potestas sacrificandi an sit merum priuilegium Sacerdotum?	530
Pignus virtutis passionis & mortis Domini, nobis dari in Eucharistiæ oblatione, hæretici tandem fatentur.	472	Potestas quando & quomodo necessitatem imponit,	529
Pisces mystici, Christiani sunt.	849	Potestas remittendi peccata, quàm stupenda sit?	616
Piscina mystica, est pœnitentiæ Sacramentum.	617	Potestas super corpus Christi mysticum respicit clauis Ecclesiæ.	613
Pius V. Caietani iussit expungi periculofam sententiam.	534	Potestates Petri & Caesaris discretæ.	544
Planeta, vestis Sacerdotalis vnde dicta. 101. an hoc vocabulum Latinum sit, vel Græcum?	125	Pontificalis Romani noui, verba quædam aliter habent quàm erant in veteri.	644
Planeta, & casula an differant.	ibid.	Pontificale MS. ad vsum Ecclesiæ Parisiensis.	291
Planeta, & orarium propria Sacerdotis insignia.	119	Pontificalis liber MS. ad vsum Ecclesiæ Senonensis.	118
Planetæ Sacerdotalis, & Episcopalis, ac Archiepiscopalis diferimen apud Græcos.	129	Præceptum communicandi obligat omnes fideles. Igitur sacrificandi omnes Sacerdotes deuincit.	526
Planetæ antiquæ forma.	105	Præceptum datur peremptorium, quo Sacerdotes aliquoties saltem celebrare tenentur.	526. 527. 528. 529. 530. &c.
Planetæ Græcorum & Latinorum differentia.	128	Præcipitatio in agendis quàm noxia.	657
Planetæ Græcorum figura.	126	Præco murus.	697
Planetæ mysteria.	140. & seqq.	Præcones Euangelij laruati.	767
		Prædi-	

## ET VERBORVM INSIGNIVM.

Prædicatio an sit munus absolutè proprium Episcopi.	691. 698	Prædicatoris reticentia & metus quàm graue malum.	735
Prædicatio & oratio, coniuncta.	716	Prædicatoris scientia ex professo declaratur.	738. 739. 762. &c.
Prædicatio, Episcopi munus præcipuum est.	672. 673. &c.	Prædicatores sunt mystica animalia, plena oculis antè & retro.	728
Prædicatio est functio Episcopalis.	689	Prædicatores cur sal mundi dicuntur?	751
Prædicatio admirabilis S. Pauli.	769	Prædicatores opem sanctissimæ Virginis sedulo postulent.	716. 717. & seqq.
Prædicationis mos varius in Ecclesia, quoad officij aut gradus dignitatem.	703	Prædicatores pariunt animas Deo.	747. 748
Prædicationis fructus.	740	Prædicatoris quàm arduum officium.	743
Prædicationis locus, neque loco, neque tempore circumscriptus.	489	Prædicatores caueant puluillos confuere.	730
Prædicationis tempus magis opportunum.	791. 792	Prædicatores cur dicuntur in scripturis, lingua, loquela, sonus, vox, & verbum.	671
Prædicatione verbi Dei nihil honorabilius Sacerdotibus.	671	Prædicatores plerique Ciceroniani plusquam Christiani.	714
Prædicationis subiectum & materia explicatur.	795	Prædicatoris periculum.	723. 724
Prædicator crucis, sursum aspirat.	793	Prædicatorum adolescentulorum genuina descriptio.	706
Prædicator cur debet curiositatem fugere.	755	Prædicatorum ex Scripturis elogia collecta à Sancto Gregorio.	696
Prædicator quomodo humilitatem seruare potest.	742	Prædicatorum synodica instructio accurata.	823. 824
Prædicator Euangelicus an debeat esse litterarum humanarum expertus?	763	Prædicatorum suo abutentium officio, crimina.	809
Prædicator cur è loco sublimi concionatur?	758.	eorundem pœnæ canonicæ.	823. 824. 825. 826
Prædicator tria nosse debet munera prudentiæ.	750. 768	Prædicatorum superborum inanis gloriatio.	766. 767
Prædicator vt generet sobolem eruditam? Patrem æternum filium generantem debet imitari.	781	Prædicare verbum Dei quanta sit dignitas.	667
Prædicator concha sit, non canalis.	780. 781	Prædicant quidam per occasionem: alij per charitatem.	744
Prædicator quomodo debet vti gladio.	729	de Prædicandi officio totus est 2. partis lib. IV.	
Prædicator seipsum immolare debet.	ibid. 730	de modo & forma legitimè Prædicandi, iuxta S. S. Conciliorum decreta. à p. 823. ad 829.	
Prædicator Columbæ sit similis, in miris plerisque proprietatibus.	786. 787. 788. 789	Præesse operibus bonis quid sit.	666
Prædicator propriæ salutis ante omnia studiosus esse debet.	729	Præfatio ante canonem est in omnibus liturgiis.	471
Prædicator quibus mediis vti debet.	747	Præfecturæ Parisiensis sacræ ingens onus, variarumque rerum notitiæ occasio.	246. 247
Prædicator etsi animas non conuertat, laborem non perdit.	746	de Præfectura animarum.	à p. 648. ad 666
Prædicator non tantum purus sceleris, sed virtute præstans esse debet.	725. 726. 727. 728. &c.	Præsanctificata.	570
Prædicator non risum mouere debet, sed lachrymas elicere.	785	Precationum & Missarum ordinatio ad Episcopos pertinet.	371
Prædicator præstanti doctrina esse debet, ac multiplici scientia.	739. 740	Precationum Ecclesiasticarum antiquitas.	581
Prædicator sit imitator turturis.	789. vsque ad 795	Preces examinandæ ab Episcopis, antequam in Ecclesia recitentur.	869. 870
Prædicatoris dignitas, labor & merces.	748. 749.	Preces & postulationes solennes Ecclesia pro omnibus generis humani necessitatibus, Deo fundit per Christum in sacra Parasceue.	338 339. 364.
Prædicatoris opus est orare, legere, scribere, meditari.	740	Presbyter an sit propriè Sacerdos, quæstio insignis.	à p. 505. ad 520
Prædicatoris Euangelici proprietas.	790	Presbyter in ordinatione sua duplicem recipit potestatem.	614. 615
Prædicatoris discretio.	751	Presbyter sine licentia Episcopi plebem non potest congregare.	700
Prædicatoris vitia & errores.	752	Presbyter est legitimus minister ordinarius Baptismi.	840. ad 843
Prædicatoris cathedra, crux est Christi patientis & docentis.	762	Presbyter ritè & canonicè populo in Missa benedicit.	557. quæstio hæc olim agitata, dirimitur.
Prædicatoris præparatio quænam?	794		557. 558
Prædicatoris fortitudo explicatur.	731. 732. vsque ad 736.	Presbyter sine licentia Episcopi aliquas benedictiones si faciat, peccat quidem: sed ratæ tamen illæ manent benedictiones, & cur?	608
Prædicatoris ætas legitima.	705. ad 710		
Prædicatoris officium.	747		

E E E c c c

# INDEX RERUM,

- Presbyter participat dispensationem perfecti-  
uam Episcopi. 642
- Presbyter solus linit chrismate baptizatos in  
fronte. 845
- Presbyter in fermentato celebrans quæ pœna  
dignus in Latina Ecclesia. 2. quando excusa-  
tur. *ibid.* &c. 697
- Presbyteri functiones. 697
- Presbyteri veri character expressus à sancto  
Basilio. 694
- Presbyteri, tigna cedrina sunt domus Dei.  
640.
- Presbyteri baptizantis, & Diaconi discrimen in  
hoc actu. 841
- Presbyteri mensam olim, aut Diaconi benedi-  
cebant. 598
- Presbyteri ordinatio est opus Dei. 341
- Presbyteri ordinatio apud Græcos 799. & apud  
Latinos. *ibid.*
- Presbyterorum quænam sunt munera. 641.  
840
- Presbyteros de Monachis ordinari cur indulgit  
sanctus Gregorius. 697
- Presbyteri ordinantur ad regimen altaris. 644
- Presbyteri sunt & dicuntur præfidentes. 640.  
& Ecclesiarum præfecti. 641
- Presbyteri recens ordinati, citò celebrare non  
debent. 707
- Presbyteri animarum curatores. 704
- Presbyteri sunt Senatores Ecclesiæ. 641
- Presbyteri (sub Episcopo) præfunt Ecclesiæ.  
*ibid.*
- Presbyteri per longæ eruditionis ignem, & per  
diuturni laboris fornacem excocti prædi-  
catione fungantur. 705
- Presbyteri sunt Episcopi auxiliarij & confor-  
tes. 515. 642
- Presbyteri confident, Episcopus sedet. 640
- Presbyteri liniunt Chrismate in vertice Neo-  
phytos ex decreto sancti Siluestri. 858. 859
- Unctio illa an sit Sacramentum? *ibid.* An ba-  
culo vel pollice Sacerdos hanc linitionem  
facere debeat. *ibid.* abusus cuiusdam corre-  
ctio. *ibid.* Cur hæc linitio in fronte fiat. 860
- Presbyteri duplici honore, qui digni sunt? 808
- Presbyteri regimini animarum præfecti prædi-  
care tenentur. 700. 701. &c.
- Presbyteri titulo paræciali non suffulti, ius per  
se prædicandi non habent. 701
- Presbyteri cuique cœtus præfidentes. 647
- Presbyteri in opus prædicationis Episcopis  
dati sunt auxiliares. 691
- Presbyteri doctores sunt populi Christiani. 690
- Presbyterorum ius prædicandi asseritur: ob-  
iectionesque in contrarium soluuntur. 698.  
699. 700. &c.
- Presbyterorum cura sufficit ubi minores sunt  
plebes. 704
- Presbyterorum ætas præfatis canonibus præscri-  
pta. 708
- Presbyterorum excellentia. 640. &c.
- Presbyteris quantum imminet periculum. 808
- Presbyteris iam olim propriæ Ecclesiæ assigna-  
ta. 693
- Presbyteris Paræciarum rectoribus, concessum  
baptismi ministerium ipso iure. 341
- Presbyteris non liceat sine stola vel oratio in  
publicum procedere. 78
- Presbyteris incumbit munus prædicandi tam  
institutione diuina, quàm usu perpetuo Ec-  
clesiæ. 689. & seq.
- Presbyteros subiectos esse Episcopo per omnia  
Christus voluit, Petrus docuit, Patres san-  
ctionibus statuerunt. 700
- Presbyteralis consecratio. 516. 518. 519
- Presbyteralis unctio olim fiebat cum Chrisma-  
te. 297
- Presbyteratus quomodo spectat ad sacrum  
principatum? 642
- Presbyteratus differt ab Episcopatu non specie  
sed gradu tantum. 515
- Presbyteratus Dei confessus est, & cœtus Apo-  
stolorum. 640
- Presbyteratus honor est Sacerdotalis. 519
- Presbyterium Romano more agere. 74
- Primicia Spiritus Apostolis data sunt. 712
- Primogeniti oblatio & sacrificium. 434
- Privilegium singulare monasterij S. Dionysij.  
689
- Privilegium sacrificandi, Sacerdotum coniun-  
ctum est cum onere. 330
- Processio solennis in die palmarum. 589. 592
- Proclus Constantinopolitanus Episcopus. 876
- Proclus persecutor Sacerdotum in Africa diui-  
nam iram perferens. 208
- Profani procul sint à sacrificio. 353
- Proles ante tempus natæ non domos, sed rumu-  
los replent. 703
- Prophetia Iacob de sanguine vultus explicata.  
268. 269
- S. Prosper, Sacerdotij paranympus. 545
- Protopapas apud Græcos, est Archidiaconus  
maior. Imperatoris benedicebat & ungebat. 6.
- Prudentia quid sit? 737. 741
- Prudentia serpentum. 653
- Prudentia præcellit in sacro & civili regimine.  
*ibid.*
- Prudentia chorum virtutum ducit. 653
- Prudentia carnis. 737
- Prudentiæ veræ & falsæ distinctio. 737. 738
- Prudentiæ in Pastore necessariæ sex theorema-  
ta. 656. 657. 658. 659
- Prudentiæ veræ curiositas aduersatur. 735
- Prudentiæ Christianæ summa. 451
- Prudentiæ filii tres. 743
- Prudentiæ variae definitiones & eius partes di-  
uersæ. 741
- Prudentiæ præclara officia. 739
- Prudentiæ Prædicatori necessariæ octo sunt a-  
ctus, de quibus à 737 ad 753
- Prudentis animi, tria tempora sunt. 750
- Prudentius, Homerus Ecclesiæ. 198
- Prudentij hymnus de cereo paschali vindica-  
tur. 579. 580
- Puer centum annorum maledicetur. 710
- Tres pueri in camino ignis per Dei filium pro-  
tecti contra ignis ardorem. 339
- Pueros communicare, in Africa mos antiquus  
fuit. 234. 235
- Pullati procedentes ad nuptias, inepti. 26
- Purgatorium & sacrificium coniunctum hæreti-  
ci negant. 420



# ET VERBORVM INSIGNIVM.

Puritas quæ & quanta in Sacerdote requiritur.	352	singularis.	524. 525
Puritatis perfectio.	350. 351	Regis Francorum vñctio cœlestis.	290
Putei noui benedictio.	601	Regi gladium Episcopus ex altari tradit.	544
<b>Q</b>			
QVADRAGENA, quid sit.	175	Reges vnguntur à Pontificibus.	511
Quæstio notabilis de indulgentiis priuatis.	177	Rhetoricæ partes præcipuæ.	795. 796. &c.
Quæstio notabilis de sacrificij Missæ ratione formali.	406. 407	Ridentes & garrientes in Ecclesia acriter sanctus Chrysostomus reprehendebat.	646
Quæstio notabilis de commixtione corporis Christi cum sanguine.	276. 277	Risus in Ecclesia, diaboli opus est.	363
Quintella mulier hæretica. 849. eius impia temeritas & furor. <i>ibid.</i> aduersus eam Tertullianus scripsit.	<i>ibid.</i>	Rituale Romanum.	562
<b>R</b>			
RABBI Ismaëlis de meditatione legis, insignis responsio.	800	Rituales libri Græcorum & Latinorum.	88
Rabbiorum traditio notabilis.	414	Rituales auctores citantur. 1. 3. 11. 14. 20. 32. 60. 61. 87. 88. 119. 120. 141. 142	
Radulfus Tungrensis.	191	Ritualium auctorum quanti sint momenti testimonia?	87
Ragnemodus Episcopus Parisiensis.	512	Ritus Papalis electionis.	240. 241. 242
Ratoldus Abbas Corbeiensis.	570	Ritus Missæ Musarabicus.	297
Rebaptizantium pisorum historia graphicè descripta.	851. 852	Ritus Ambrosianus, Romanus, Alexandrinus, Græcus, Gotthicus, Hierosolymitanus.	375
Recessus à vitiiis.	756	Ritus agni in pascha benedicendi.	593
Rectum in sacris Scripturis quid sonat?	361.	Ritus benedictionis mensæ antiquitas.	597.
Recti corde, quinam sunt.	361. 362	598. 599.	
Redimiculum.	41	Ritus Ecclesiæ aliquando mutantur, sed non sine causa.	494
Regulæ breues ad rectè prædicandum à S. Carolo Borromeo præscriptæ referuntur.	829. 830.	Ritus benedicendi panis, antiquitas & documenta.	574. 575
Regulares prædicare non possunt etiam suis in Ecclesiis, sine licentia Episcopi.	827	Ritus nauis benedicendæ.	605
Regularia loca quænam sunt?	604	Ritus cæmeterij benedicendi. 610. & tumuli.	611.
Religionis Christianæ excellentia in septem rebus consistit.	441	Ritus benedictionis ignis immutatio.	569
Reliquiæ Sanctorum in altari.	28	Ritus sacri dici palmarum recensentur.	589. 590
Reliquiæ sanctorum Martyrum dedicandis altaribus necessariæ.	485	591. &c.	
S. Remigius Clodoucum de fonte leuauit.	202.	Ritus benedictionis campanarum.	607
S. Remigij testamentum.	123	Ritus consecrationis patenæ.	282
Sancti Remigij promotio ante præteritam Canonicam, accuratè defenditur.	710. 711	Ritus benedicendi thalamum coniugalem.	608. 609
S. Remigio adhuc adolescenti Deus dedit honorem senectutis.	655	Ritus feriæ IV. Cinerum.	586. ad 588.
Remissio peccatorum opus est Spiritus sancti.	616.	Ritus & ordo nouæ domus benedicendæ.	603.
Regnum Christi in Missa celebratur.	298	Ritus visitationis infirmorum vñde ortus?	562
Reprobiorum perniciēs vñde oritur.	745	Ritus benedicendi salis, antiquitas.	566
Res quæ olim offerebantur, ad certam prædicamentam referuntur.	307	de Ritu præferendi crucem maioribus prælatis, liber citatur.	129
Rex quam ob causam gladium portat?	544	Robertus Episcopus Carnotensis.	159
Rex Christianissimus merus laicus non est.	149. 150	Robertus Rex, cappam gerens & sceptrum ferens, Cantoris officio in Ecclesiaungebatur.	149
Rex Christianissimus in die suæ coronationis sub duplici specie communicat.	243. 244	Dauidi comparatur eiusdem pia munificentia.	123. 149.
Rex cur vngitur in brachio?	544	Roma cur sancto Chrysostomo tam amabilis.	770
Regis Francorum Christianissimi prærogatiua		Roma subterranea.	481
		Romana ciuitas, catenis sancti Petri cincta, patet astris, clausa est bellis.	51. 52
		Romani Pontifices an canonem Missæ variis additis particulis & ritibus composuerint.	376
		Romani Pontifices semper fuerunt & sacri decori & vñformitatis Ecclesiasticæ studiofi.	582
		Romanus pro Catholico.	598
		Rota in medio rotæ.	408. 412
		Rotocus Episcopus Ebroic.	152. 160
		Rupertus.	120

# INDEX RERVM,

## S

**SABBATO** an ieiunandum. 224  
**Sabbato** sancto benedictio noui ignis. 568. &c.  
**Sabbato** sancto cur sit Cerei benedictio solennis? 582  
**Sabbato** sancto, vigilie Pasche officium anticipatur. 502  
**de Sabbato** sancto in vigilia Pasche, extat integer titulus. à p. 501. ad 503  
**Saccus** Sacerdotalis Græcorum. 121  
**Sacerdos** Christi locum & typum tenet. 556  
**Sacerdos** orat in Missa pro omnibus fidelibus tam presentibus, quàm absentibus. 437. & pro totius mundi salute. 429. in altari omnium curam gerit. 473  
**Sacerdos** est præses altaris. 642. 643. 644  
**Sacerdos** cultus est, & vindex altaris. 474. 475  
**Sacerdos** benedicit populo vice Christi. 549  
**Sacerdos**, alueus est diuinæ in nos bonitatis. 545. 546  
**Sacerdos** vt leo debet se gerere. 411  
**Sacerdos** est Angelus Domini exercituum. 646  
**Sacerdos**, munus offerendi quoad actum aliquando intermittere potest. 523  
**Sacerdos** in baptismo conferendo contrahit cum baptizato cognationem. 862  
**Sacerdos** debet publicè arguere publicè peccantes. 646  
**Sacerdos** baptizaturus cur ad Orientem olim respiciebat. 862  
**Sacerdos** sacrificans se totum Deo debet offerre. 385. 413  
**Sacerdos** nisi seipsum obtulerit, non potest Deo gratum sacrificium immolare. *ibid.*  
**Sacerdos** an minori cum dispositione, celebrare possit, quàm Laicus communicare? 357  
**Sacerdos** stolam alio modo gerit, quàm Diaconus, ac etiam Episcopus. 80  
**Sacerdos** est causa instrumentalis etiam coniuncta & viua in sacrificio. 346. 662  
**Sacerdos** est angelus officio. 617  
**Sacerdos** quomodo baptismi ceremonias debet imitari. 863  
**Sacerdos** Christum in altari debet imitari, & quomodo? 384. 385. 405. 406. &c.  
**Sacerdos** est dapifer mensæ Christi. 345  
**Sacerdos** quando excusatur à confessione, sacrificio præmittenda. 359. 360  
**Sacerdos** sacrificaturus ad B. V. præsidium, quomodo debet confugere. 405  
**Sacerdos** est os Christi. 345  
**Sacerdos** ordinatur ad sacrificium Deo offerendum. 304. 305  
**Sacerdos** est cooperatus Christi. 343  
**Sacerdos** in Missa repræsentat Christum in cruce. 130  
**Sacerdos** est diuinæ omnipotentis organum. 343. 346  
**Sacerdos** intrans ad altare, instar solis esse debet. 347

**Sacerdos** pietate regit : Rex verò iustitia. 544  
**Sacerdos** cur dicitur in mysteriis, causa instrumentalis separata? 345  
**Sacerdos** Angelus Seraphicus. 398  
**Sacerdos** sacris vestibus se operiens, Verbi est Incarnati simulachrum. 341  
**Sacerdos** non est Dei minister in iram. 544  
**Sacerdos** propriè offert in Missa, sed Christi nomine. 330. &c.  
**Sacerdos** omnis an quotidie ad celebrandum teneatur? 521. 522. 523  
**Sacerdos** ille habet, vt de altari viuatur. 366. 371  
**Sacerdos** dum orat, risus est damnabilis. 383  
**Sacerdos** negligens, quanto in animæ periculo versatur? 383. quot malorum reus. 469  
**Sacerdos** in casu necessitatis plures Missas celebrare potest. 524  
**Sacerdos** si plures Missas celebraturus est, ieiunus tenetur permanere. 525  
**Sacerdos** quando legitimè excusatur à sacrificio celebrando? 338. 339. 340  
**Sacerdos** an celebrare actu numquam teneatur? 525. ad 540  
**Sacerdos** in Missa, insignia Christi portat quia eius personam gerit. 339  
**Sacerdos** in Missa orat pro omnibus fidelibus Clericis & Laicis. 436  
**Sacerdos** offert & dispensat vt Christi minister. 331. 332.  
**Sacerdos**, secundi ordinis est Presbyter. 516  
**Sacerdos** in Missa est Christus sacrificans & sacrificatus. 339. 340. 341  
**Sacerdos** idoneus sacrificio rite offerendo, quis sit? 409  
**Sacerdotis** operantis in Missa etiam meritum attenditur. 347  
**Sacerdotis** tremendum ac mirabile officium. 329  
**Sacerdotis** nomine, veteres Episcopum, per excellentiam, designabant. 510. 511. &c.  
**Sacerdotis** actio supereminens, est consecratio corporis Domini, eiusdemque oblatio. 514  
**Sacerdotis** manuum consecratio. 544. 545  
**Sacerdotis** præparatio legitima ad sacrificium. 351  
**Sacerdotis** est sacris præesse. 142. 647  
**Sacerdotis** debet inter sacrificandum esse realis & permanens conuersio. 410. 411  
**Sacerdotis** primum munus, est Deo benedicere. 546. 547. 548  
**Sacerdotis** officium, munus est Spiritus sancti. 544  
**Sacerdotis** munus pacificum. *ibid.*  
**Sacerdotis** luctuosum facinus. 360. 361  
**Sacerdotes** Leuitici, ante annum 30. non poterant tabernaculo deferuire. 707  
**Sacerdotis** sanctitas aduersis probatur. 22  
**Sacerdotis** manus, Christi dextera est. 548  
**Sacerdotis** pectus quibus repleti debet. 8  
**Sacerdotis** varæ expurgationes. 351

## ET VERBORUM INSIGNIVM.

- Sacerdotis labia , vt custodiunt scientiam. 72
- Sacerdotis mysticus apparatus quantum ad puros mores. 725. &c.
- Sacerdotis prerogativa in sacris. 647. 648
- Sacerdotis ministerium quotidianum, & eius sacra supellex. 510
- Sacerdotis vox, est vox Christi in Missa. 342
- Sacerdoti celebranti in calice non consecrato, quænam intelli debet pœna? 216
- Sacerdoti an satis sit pro debito officij, ter aut quater in anno celebrare? 533. &c.
- Sacerdotis oblatio & consecratio propria, in Missa. 489
- Sacerdoti experenda Sanctorum suffragia. 399
- Sacerdotem ordinari ad benedicendum. 543. ad 546
- Sacerdotem sapientissimum esse oportet & perspicacem. 728
- in Sacerdote necesse est omnia esse vocalia. 349
- Sacerdotes inter, ac ceteros Clericos quantum discrimen. 639. 640
- Sacerdotes, Dei sunt adiutores. 862. quanta sit hæc dignitas. 863
- Sacerdotes, practicè Lutherani qui sunt? aut Calviniani. 409. 410
- Sacerdotes olim aurei. 195
- Sacerdotes ordinat testamentum Dei super sacrificia. 642. 643
- Sacerdotes propriè, soli sunt Episcopi & Presbyteri. 533
- Sacerdotes & Clerici quibus instruendi sunt disciplinis. 726
- Sacerdotes cum prædicant Euangelium, formaliter agunt, vt Christi ministri, secus est de Laïcis. 723
- Sacerdotes sacrificaturi præmittere quando opus est, confessionem tenentur. 358
- Sacerdotes mali quàm infelices. 346
- Sacerdotes quando maximè tenentur Missam celebrare. 535. 536. 537
- Sacerdotes vagi, interdicti. 495
- Sacerdotis cum peccato graui celebrantis crimina. 469. 470
- Sacerdotes indignè accedentes ad offerendum sacrificium, an excedunt à fide. 316. 320
- Sacerdotes Ethnicis quanto cum metu & reuerentia sacrificabant. 352
- Sacerdotum vntio. 510. cur vnguntur. 533
- Sacerdotum Græcorum præfatio. 352. 353
- Sacerdotum honorarium quàm modicum, stipendij Ministrorum Caluinistarum respectu. 571
- Sacerdotum mali mores tam Deo ingrati, quàm Ecclesiæ noxij. 722
- Sacerdotum præcipuum decus. 671
- Sacerdotum Prouinciæ nouitas in habitu & gestis à Cælestino I. PP. reprehenditur. 55
- Sacerdotum Hebræorum regulæ. 353
- Sacerdotum potestas quàm admirabilis. 344. 345
- Sacerdotum actio paris non est virtus. 347.
- Sacerdotum pro Episcopatu. 510. 511. 512. &c.
- Sacerdotium est in hominibus omnium bonorum summa. 639
- Sacerdotum veterum præparatio notabilis. 725
- Sacerdotum varia erant officia in veteri Testamento. 546
- Quam primum consueantur, respectu Sacerdotum: quomodo debet intelligi? 360. 361
- Sacerdotum Ægyptiorum disciplina. 332
- Sacerdotum veteris testamenti septem erant officia. 508
- Sacerdotum puritas perennis, instar vini esse debet. 32
- Sacerdotum præcipua dignitas ea est, quod sunt serui Christi. 334
- Sacerdotibus quanta olim reuerentia in Anglia deferrebat? 560
- Sacerdotalis apparatus refert Christum patientem. 339. 340
- Sacerdotalis character per ordinationem Presbyteralem confertur. 614
- Sacerdotalis zona. 59
- Sacerdotalis peritia in rebus agendis. 656
- Sacerdotale debitum offerendi explicatur. à p. 508 ad 541
- Sacerdotalis vestis & amictus: tunica linea. 21.
- Sacerdotale munus quanta cum reuerentia obeundum? 617
- Sacerdotium ordinem esse principantem demonstratur. à p. 639. ad 642
- Sacerdotium, terminus est graduum Ecclesiasticorum. 8
- Sacerdotium an rectè comparetur magisterio alicuius facultatis. 531
- Sacerdotij secundarius actus, secundum quem Presbyteri sunt Episcopo inferiores: non autem secundum primum actum Sacerdotij. 642
- Sacerdotij formalis ratio est sacrificium. 528
- Sacerdotij actus proprius est sacrificium. 8
- Sacerdotij elogia. 545
- Sacerdotio Christiano non potest aliud esse nobilius. 343
- Sacerdotio quare annexus est cœlibatus. 522
- Sacramentum non magis Sacerdoti proficit quàm Laïco. 355
- Sacramentum non nisi digniùs sumentibus, magis prodest. 347
- Sacramentum an nullum sit, quod alij à Sacerdotibus ministrare possint licitè. 847
- Sacramenti, & signi solius distinctio. 892
- Sacramenti Eucharistiæ & sacrificij differentia quoad virtutem. 435
- Sacramentorum legitimum, est ordo Missæ. 374
- Sacramentorum auctor est Christus. 831. 833
- Sacramentorum antiquorum vis minima, nostrorum intuitu. 308
- Sacramentorum est materia determinata. 855
- Sacrificari an possit vbique? 488
- Sacrificantis actio propria quid confert? 347
- Sacrificandum rectè. 361. &c.
- Sacrificialis tota actio, in quo consistit? 347
- Sacrificium soli Deo vni & trino debetur. 325. 872
- Sacrificium Sanctis numquam offertur. 325

# INDEX RERVM;

- Sacrificium est primum munus religionis. 441
- Sacrificium opus est Sacerdotale. 347
- Sacrificium quadruplex est in Missa. 329
- Sacrificium Missæ quomodo pro redemptione nostra offertur? 420. &c. *supra*. 461
- Sacrificium Missæ offertur pro viuis & defunctis. 475
- Sacrificium Missæ, præcipua nostra salus est. 360
- Sacrificium Missæ an ex parte Christi sit meritum & satisfactorium. 467
- Sacrificium propitiatorium in Missa Deo propriè exhibetur. 445. veritasque huius sacrificij contra Molinæum astringitur fortiter & accuratè. 445. 446. & seqq.
- Sacrificium Eucharistiæ omnes differentias continet hostiarum. 510
- Sacrificium Eucharistiæ, *mundè* offerendum. 349
- Sacrificium Eucharistiæ esse propitiatorium hæretici præfractè negant. 470. 471
- Sacrificium Eucharistiæ si deficeret, periret religio. 527
- Sacrificium Eucharistiæ impetrari potest pro omni necessitate. 365
- Sacrificium matutinum & vespertinum perfectum est in cruce & in Eucharistia. 311
- Sacrificium virginittis quomodo offertur in Missa. 326. 327
- Sacrificium qui nituntur tollere, quoniam auctore id faciunt? 548
- quocumque die an sacrificium celebrare liceat. 496. 497
- Sacrificium offerre licet pro Hæreticorum conversione. 433. 434
- Sacrificium commemoratiuum, verum non excludit. 471
- Sacrificium vt sit plenum quid requiritur ex parte Sacerdotis. 385
- Sacrificium crucis causa est vniuersalis redemptionis nostræ. 460
- Sacrificium crucis per agnum Paschalem figurabatur. 509
- Sacrificium quomodo potest esse visibile & æternum, cum hostia sit inuisibilis. 453
- iuge Sacrificium explicatur. 311
- Sacrificium offerendum est *legitimè*. 371. 372 &c.
- Sacrificium qui tollunt, qua suggestionem id faciunt? 325
- Sacrificij Missæ essentia in qua re consistit? 406. 407
- Sacrificij Missæ præcipua efficacia est, quod sit impetratorium. 474
- Sacrificij Eucharistiæ præclara elogia à S. S. Patribus pronunciata. 470. 471
- Sacrificij virtus ex opere operato, & ex opere operantis. 469
- Sacrificij locus demonstratur. 474. 475. &c.
- Sacrificij ratio absolutè à ritibus & cæremoniis non pender. 347
- Sacrificij vsus & finis in quo situs est. 347
- Sacrificij vera definitio. 323
- in Sacrificio minutæ culpæ, quàm periculosæ. 384
- Sacrificia Hebræorum & Christianorum quomodo differunt? 456
- Sacrificia pro omnibus peccatis lex non instituerat. 308
- Sacrificia antiquæ legis pro diuersis personis, & ad diuersos fines offerebantur. 307
- Sacrificia antiqua præcipuam vim habebant per modum signi. 308
- Sacrificia veteris legis ad quatuor species referuntur. 306. &c.
- Sacrificia antiqua quam vim habebant expiandi. 308
- Sacrificia crucis & Missæ quomodo differunt? 459. 460. quomodo conueniunt? *ibid.*
- Sacrificia omnia veteris legis typi erant sacrificij legis Euangelicæ. 310
- Sacrificiorum veterum vis & efficacia quomodo differt à nostri sacrificij pretio & virtute. 307
- Sacrificiorum materia erat diuersa. 309
- Sal in sacrificio. 567
- Sal cur aquæ admiscetur. *ibid.*
- Sal seminatæ vrbes. *ibid.*
- Salis virtutes & mytheria. 566. 567
- Salomonis vasa. 487
- Salus præcipua vbi constat. 300
- Salus ex *Iudeis* est. 430
- Salutis signum & pignus quod sit? 605
- Salutatione Angelica honoratur S. S. V. & vicem rependit. 710
- Samson Archiep. Rhemenfis. 152
- Sanctificare Euangelium quid sit? 711
- Sanctimonialibus tangere calicem non licet. 214
- Sanctitas semper in Ecclesia permanebit. 712
- Sancti quinam sunt eminentissimi. 404
- Sancti glorificati quomodo in Missa commemorantur, & an pro ipsis offeratur. à 416 ad 420
- Sancti vestiti in gloria bysso. 27
- Sancti quomodo sunt exorandi. 400
- Sanctorum exempla velut imbres. 757
- Sanctorum victoria. 28. Illorum via lactea & lucida. *ibid.*
- Sanctorum commemoratio specialis, quoad eos quorum natales agebantur. 382
- Sanctorum commemoratio in Missa, quàm necessaria & efficax? 399
- Sanctorum inuocatio & intercessio. 400
- Sanctorum honorifica mentio fit in mysterio altaris. 416
- Sancta Sanctis. 350
- Sanguis Christi meliùs clamat quàm Abel. 430.
- Sanguis Christi vinum est mirificum. 278. 279
- Sanguis Christi verè effusus in cruce, verè iterum in calice. 452
- Sanguis Christi pro omnibus effusus est. 437
- Sanguis Christi nisi bibitur, non medetur. 437.
- Sanguis victimarum cur per Pontificem inferebatur in sancta, 184. 185
- Sanguis Agni Paschalis figura fuit Christi san-



# ET VERBORUM INSIGNIVM.

guinis , hócque modo signatos seruabat.		de Sede Prædicatoris.	à p. 758. ad 762
509		rectæ Semitæ quæ sint.	361
Sanguinis Christi virtus.	185	Senatoria vestis.	107
Sapientis non est dicere , non putabam.		Senatores penulati.	ibid.
864.		Senatores veste niuea conspicui.	29
Sapientes consulere , signum est bonitatis.		Senatum habet Ecclesia.	641
740		Sepulchra Martyrum, Christi sunt altaria.	609
Sapientia diuina humanata.	168	610	
Sapientia virgo.	280	Seraphim purificans.	398
Sauaro doctissimus Præfcs & insignis scriptor.		Sermo mentem manifestat.	670
136 487		Sermo sale condiendus.	567
Saül num inter Prophetas ?	397	Sernus Christi, titulus Apostolorum principa-	
Scandali auctores, maledicto obnoxij.	538	lis.	333
Scholasticioratio in Missa, quænam à sancto		Seruorum tres gradus apud veteres erant.	ibid.
Gregorio suppressa?	375. 376	334	
Scientia omnis bona est in se.	765	Sesanna in agro Trecensi.	187
Scientia secularis per se non est mala.	820	Seuerianus Gabaliranus Episcopus.	890
Scientiæ humanæ gazas vberiores quinam PP.		Sextarius Gallicus. 186. Atticus, Hebraicus,	
spoliãunt.	ibid.	Romanus.	ibid.
Scientiæ donum infusum Apostolis.	764	Siclus Hebraicus.	184
Scientiæ donum quid sit.	ibid.	Sidonius Apollinaris citatur.	26
Scientiæ multiplicis, cuiusque mediorum defi-		Sidonij concio ad populum.	888
gnatio, qua debet Euangelij professor præ-		Sigillum Ecclesiæ Tolentanæ.	135
muniti.	767	Signaculi crucis ritè efformandi ratio.	390
Scientiarum diuersa sunt genera.	763	Signum nudum, Sacramentum non efficit.	
Schismatici & hæretici discrimen.	432	892	
Scortea, vestis.	122	Signum crucis meditationis Christi passionis	
Scriptura sacra est thesaurus copiosus. 812.		est indicium.	389
Ager deliciosus 813. Amœnus. 813. Cella Vi-		Signi crucis vis diuina.	561
naia. ibid. Ros celestis. 813. Odor agri pleni.		Signa super calicem.	389
814. Lectulus.	ibid.	eorundem mysteria.	252. 253
Scriptura sacra utilis ad docendum. 810. ad ar-		Silentij necessitas & vtilitas.	659
guendum, ad corripendum.	811. 812	Silentium perniciosum.	735
Scriptura sacra est margarita perfectè rotunda.		S. Siluester, an priuilegium Episcopis contu-	
797		lerit confirmandi neophytos.	858. 859
Scriptura sacra, liber est Sacerdotalis. 797. 798		S. Siluestri antiqua effigies.	16. 127
à concionatore sedulo meditandus. 799. 800		Simon Ep. Nouiomenfis.	152
vnice profutendus. 804. 805. solidè ac per-		Simon Thessalonicensis.	81. 121. 129
spiciuè prædicandus.	805. 806. 807	Simplex oleum cur sic dictum?	577
Scriptura sacra, substantia est Sacerdotij nostri.		Simplicitas columbæ.	789
798. 799		Sisbertus Archiepiscopus Toletanus.	135
Scripturæ sacræ neglectus in Concionatore,		Sisibotus Episcopus Toletanus, aliàs Sisber-	
quàm exitiosus ? 814. Eiusdem abusus.		tus.	ibid.
815		Sitis sancti calicis.	280
Scripturæ sacræ finis ac scopus.	811. 812	Sixtus III.	285
Sacræ Scripturæ intelligentia quibus mediis		Sixtus III. vascula sacra pro baptismo &	
acquiri potest.	801. 802	pœnitentia dedit.	221
Scripturæ sacræ continent encyclopædiam om-		Solenniter, vt intelligendum.	845
nis doctrinæ.	822	Sophistica vitanda est Concionatori.	819
Scripturæ sacræ studio quanto ardore sanctos		Sophronius.	611
Patres exarserunt. 802. 803. Maximè verò		Species Sacramentales per accidens adorantur.	
Origenes, S. S. Basilius & Gregorius Na-		892	
zianzenus, sanctus Ambrosius, S. Chryso-		Specie sub duplici communicant solennibus	
stomus, sanctus Augustinus, Venerabilis Be-		diebus Monachi Sandionysiani.	244. 245
da, sanctus Bernardus, & non ita diu san-		Specierum commixtio, an sit pars essentialis	
ctus Carolus Borromæus.	à 802. ad 804	sacrificij.	406. &c.
de Scripturæ sacræ excellentia ac vtilitate. p.		Spes copiosæ remunerationis.	757
807. ad 816		Spiritus non extinguendus.	706
Scripturarum notitiam passim omnes profite-		Spiritus sanctus cur datus sub statûs & veni	
ri non verentur.	708	symbolis.	670. 671
S. Sebastiani translatio.	201	Spiritus sanctus eadem adoratione colendus,	
Secretarium Ecclesiæ, Diaconion etiam appel-		qua Pater & Filius.	869
labatur.	213	Spiritus sanctus cur in Apostolos delapsus ad	
Secretariaduo in Ecclesia apud Patres.	808.	formam linguarum ignearum?	751
809		Spiritus fons est sanctificationis.	721
Sedes Episcoporum linteatæ.	112	Spiritus quomodo cum Patre & Filio con-	

# INDEX RERVM,

- glorificatur. 871. 872. &c.  
 Spiritus sancti opus est speciale, Eucharistia. 876  
 Spiritus sancti diuinitas ex sacris Scripturis ostenditur. 874. 875. &c.  
 Spiritus sancti virtute, Eucharistia conficitur. 875. 876  
 Spiritus sancti obumbratio. 616  
 Spiritus sancti allocutio ad Sacerdotem celebrantem. 155. 156. 157  
 Spiritus in Missa loquitur ad Sacerdotem tanquam Pater ad Filium. 340  
 Spiritui sancto sicut Patri & Filio sacrificium Eucharistiae offertur. 873. & cur? 874. 875. 876  
 Spiritum sanctum qui blasphematur, exors est venia. 869  
 de Spiritu compunctionis, quo Christianus orator affici debet. 785  
 Stapletoni sententia memorabilis de Sacerdotibus incontinentibus. 320  
 Stephanus Episc. Meldensis. 160  
 S. Stephani vultus coruscatio in synagoga. 669  
 S. Stephani protomartyris stola. 76  
 S. Stephani PP. & Martyris rebaptizantes damnantis zelus & auctoritas maxima in nouo errore extirpando. 852  
 S. Stephani PP. decretum de vestium sacrarum usu. 76  
 Stephani Duranti opinio de Laicorum antiqua communione exploditur. 218. 219. 220  
 Stephanus Duranti doctiss. Praeses & rituum sacrarum tractator, expenditur loquens de casula. 125  
 Stipendia annua exigunt Ministri Calvinistae à sectariis suis. 371  
 Stola vnde dicta. 77  
 Stola byssina. 20  
 Stola dicitur signum Domini. 80  
 Stola vti Subdiacono non licet. 79  
 Stola explicatur toto lib. V. p. 1. à p. 73. ad 100  
 Stola pro omni indumento. 73. Stola quid est? 78. Stola quatuorplex. 73. Stola Sacerdotalis quae nunc est in usu, an fuerit apud Leviticos Sacerdotes. 74. 75. vel coeperit ab ipsa Apostolorum aetate. 75. 76  
 Stola talaris, honestarum matronarum vestis erat: brevis, mulierum nota impudicarum. 73. 74. 77  
 Stola violacea insignitus Sacerdos demones adiurat & expellit. 93. 95  
 Stola cur collo reuincta? 93  
 Stola vsualis extra sacra. 79  
 Stola, ornatus praecipuus Sacerdotis sacrificantis. 79. 88  
 Stola retinetur, deposito manipulo extra altaris mysterium. 88  
 Stola S. Vincentij. 86. S. Valerij. *ibid.* S. Genibaldi, S. Birini. 86  
 Stola S. Iacobi fratris Domini. 75. 76  
 Stola & Manipulus sancti Caroli Borromaei. 71  
 Stola S. Huberti mirifica. 87  
 Stola S. Clementis Metensis Episcopi. 94. S. Marcelli Parisiensis. *ibid.* S. Mauri. 95. & 96.  
 S. Vincentij. *ibid.* & 97. sanctorum Martyrum Iuliani & Celsi. necnon SS. Fructuosi. 97. 98. S. Valerij. *ibid.* S. Huberti. *ibidem.* S. Leonis PP. I X. 99. S. Gregorij Nazianzeni. *ibid.*  
 Stola ornata Diacono prohibita fuit. 85  
 Stola in torquem mutata. *ibid.*  
 Stola ab orario distinguitur. 78. 79  
 Stola & tunica linea S. Iacobi, erant res diuersae. 76  
 Stola rectè dicitur aurarium, non orarium. 81  
 Stola signum est officij Praedicationis, iugi Domini, Sacerdotij, innocentiae, mansuetudinis, humilitatis, obedientiae, charitatis. à p. 91. ad 93  
 Stola Apostolis & Martyribus vsitata. 86  
 Stola nostrae descriptio. 78  
 Stola vis diuina. 93. & seqq.  
 Stola & orarij antiquitas. 85  
 Stola Pontificalis. 76. Stola Sacerdotalis. 77  
 Stola expandenda super capita fidelium supplicantium, mos antiquissimus. 93  
 Stola mysteria. 89. & tropologia. *ibid.* & 90. 91. 92. 93  
 Stola mentio frequens est in Conciliis & apud Patres. 87  
 S. Stephani PP. exemplum. 493  
 Stola & orarium promiscua esse vult Alcuinus. 78. item Rabanus & Honorius. *ibid.*  
 Stola cur Sacerdos inflectit super pectus. 93  
 per Stola mirae Sanctorum operationes. 93. & seqq.  
 Stola pretiosam dedit Constantinus M. Ecclesiae Hierosolymitanae. 82  
 Stolatus, vlturpatus pro honesto. 77  
 Strophium, quid? 41  
 Studiorum alternae sint vices. 741  
 Styli diuersitas quanti sit facienda? 887. 888  
 Subdiaconatus quartus est ab Episcopo, ordine ac dignitate. 517  
 Subdiaconus ex officio non baptizat. 845  
 Subdiaconus gradu & honore Diacono proximus est, & eius privilegiis honoratus. 845. 846  
 Subdiaconus ad continentiam obligatur. 846  
 Subdiaconi suo ministerio in Missa abireptis punitio. 237  
 Subdiaconi ordinatio. 213  
 Subdiaconi Praedicantes è sublimiori loco, quin & Diaconi arguuntur. 760. 761  
 Subdiaconorum officium. 354  
 Subtubulum. 41  
 Subucula, seu indusium. 17  
 Sudarium pro orario. 83  
 Sugerius Abbas S. Dionysij, eius Ecclesiae instaurator. 9. 117  
 Suggestus Ecclesiastici. 760  
 Summistae Tractatores. 491  
 Supparum. 17  
 Surplus, aliàs, Surpelis, Gallicè, quid? 17  
 S. Susanna Virg. & Mart. neptis sancti Caij PP. 493. 576  
 S. Syluestri decretum de baptizando, liniendo Chrismate à Presbytero in vertice excutitur &

# ET VERBORVM INSIGNIVM.

& dilucidatur. 858. 859  
 Symbola extrinseca sunt in Eucharistia quasi vestes Christi. 891. & velut panni quibus corpus Christi fuit in præsepio involutum. *ibid.*  
 Symmachus P P. 288  
 Symmachi P P. insigne ad Episcopos & Sacerdotes monumentum. 683  
 Syndon, non ex lana, nec serico, sed ex lino confici debet. 20. 21  
 Syndonis expansio in altari. 20  
 Synodus Quini-sexta. 595  
 Synodus diocesis Angamalz apud Indos. 299  
 Synodus apud Carisiacum. 389  
 Syricij P P. sanctio pro cœlibatu sacrorum Ecclesiæ ministriorum citatur & vindicatur. 317. 318

## T

**T**ACITVRNITAS, mala in Sacerdote. 746  
 Talentum doctrinæ & fidei cautè custodiendum. 800  
 Tamerlan Magnus. 25. tribus signis ad dedicationem obsessos impellebat. *ibid.*  
 Tela Gossypina. 19  
 Temeritas Concionatorum imperitorum à Sancto Hieronymo perstringitur. 709  
 Temeritas diuino iudicio castigata. 713. 714  
 Temperantia illustratur. 753. 754  
 Temperantia, pastoribus & doctoribus magis longè quàm aliis necessaria. 754. 755  
 Temperantia quomodo chorum ducit virtutum. 754  
 Temperantiæ definitio. *ibid.*  
 Temperantiæ ampliores partes S S. Patres, quàm Philosophi tribuunt. *ibid.*  
 Templum cui competit, eidem debetur sacrificium. 875  
 Templum sanctificat aurum, non contrā. 212  
 Tempus præteritum præsentī felicius passim existimatur. 196  
 Tempus prædicandi signatur. 791. 792. &c.  
 Tempus legitimum, sacrificium celebrandi. 496. &c. copiosè  
 Tempora instant periculosa. 599  
 Tempora distingue, & Scripturas concordabis. 493  
 Tertullianus insignem scripsit librum de pallio. 107.  
 Tertullianus conscripsit de corona militis? 70  
 Tertulliani locus pro laicis in necessitate baptizantibus. 848  
 Tertulliani locus perperam citatus à Molinæo. 56  
 Tertulliani locus elucidatus. 834  
 Thalami coniugalis benedictio. 608. 609  
 Thelephori P P. decretum de hora sacrificij illustratur. 504. 505  
 Theobaldus A. Cantuariensis. 152  
 Theobaldus Episc. Parisiensis. 159  
 Theobaldi Paris. Episc. vera nota obitus. 160. 161  
 Theobaldus Episc. Siluaneensis. 160  
 S. Theodechildis lotrensis Abbatissa. 123

Theodoretus citatur. 81. 82  
 Theodorus Balsamo. 574  
 Theodori Papæ insigne factum. 237  
 Theodori Presbyteri liber apologeticus pro operibus S. Dionysij. 886  
 Theodosius Hierosolymorum Patriarcha. 76  
 Theodosij & Valentiniani rescriptum ad Verum præfectum. 512  
 Theodrada Abbatissa, filia Caroli Magni. 167  
 Theophylactus S. Chrysostomi perpetuus selector. 107  
 S. Thomas officium sanctissimi Sacramenti contexit. 176  
 S. Thomas citatur. 173  
 S. Thomas aliquam sententiam retractauit 724  
 S. Thomæ sententia memorabilis à Concilio Tridentino probata. 536  
 S. Thomæ doctrina de forma absolutionis recepta. 613. 614  
 S. Thomæ assertio notabilis. 723  
 S. Thomæ eximia doctrina. 642  
 Theophili Aurelianensis Episcopi liber de ordine Baptismi. 860  
 Thus vbinam nascitur? 386  
 Thuris oblatio religionis est actus. 572  
 Thuris natura & mysteria. 387  
 Thymiamain lege, Sacerdos bis in die adolebat. 386  
 Thymiama quomodo conficiebatur. *ibid.* 571. 572  
 Timor Dei initium sapientiæ. 752  
 Tintinabula tunicæ Pontificis, quid signabant? 482.  
 Tonfuram gessit S. Benignus Presbyter & Martyr. 550  
 Traditio antiquissima Ecclesiæ, pro solatiis defunctorum fidelium ostenditur. 421. 422 &c.  
 Traditio Hebræorum notabilis. 297  
 Traditio Dominica de calice. 276  
 Transsubstantiatio panis & vini in corpus & sanguinem Christi, opus est Spiritus sancti, secundum Patres citatos. 875. 878  
 Tremenda sunt admodum sacrificij nostri mysteria. 315  
 S S. Trinitatis nomen & cultum recentiores hæretici non amant. 870  
 Sanctissimæ Trinitatis festum. 225  
 S S. Trinitati sacrificium Missæ offertur. 877 878. &c.  
 Trinitati diuinæ toti cur sacrificium Missæ offerri debeat? 872  
 Trisagium. 444  
 Triumphantium ritus in sacrificio. 352  
 Tullensis Ecclesiæ sacra pompa in festis solennibus. 225  
 Tullense templum Episcopale, Sancto Stephano sacrum. 225  
 Tunica Domini Treuirensis. 163. 164  
 Tunicas duas habuit Christus. 164  
 Turricula aurea & gemmata. 487  
 de Turriculis pretiosis ad condendum corpus Domini. 287. 288  
 Turtur, avis medirabunda. 793 794

FFFFf

# INDEX RERVM

Turtur temporis delectum habet.	791. 792	Vestis funebris, pulla. 29. alba signum incun-	
Turtur amatrix eremi.	793	ditatis.	<i>ibid.</i>
Turtur symbolum castitatis.	792. 793	Vestis ex lana & lino prohibita.	20
Turtur & columba quantæ sint affinitatis.	789. &c.	Vestis S. Ioannis Baptistæ pillosa defenditur.	48. 49. 50.
Turturis nidus, mysticè & moraliter applicatus.	794. 795	Vestes sacræ, virtutum Sacerdotalium sunt in-	
Turturis vox, quomodo differt à gemitu colum-	789. ad 795	dicēs.	124. 125
bx.		sacræ Vestes, Christi sunt patientis insignia.	114
Turturis & columbx sacrificium.	793	Vestium sacratum, vsum Apostoli initiârunt.	113. 114
Turturis varix proprietates recensentur, à p.	789. ad 795	Vestium sacrarum index à Roberto Rege eiûs-	
Turtureum soliloquium.	794	que matre donatorum.	123. 124
Typographia Martyrum.	188	Vestium sacrarum institutio.	75
Typus Christi sanguinis, fuit sanguis Paschalis		Vesuntio diues sacris reliquiis.	44. 45
agni.	509	Victima holocausti, prima erat sacrificij species	

## V

<b>V</b> ALENTINI Gentilis hæresis.	871	Victor II. PP. celebrans seruatus est diuina	
Valerius Episcopus Hipponensis impedi-		virtute à veneno sibi parato in calice.	240
tioriserat linguæ.	696	Vigilij PP. de origine Canonis præclara sen-	
Valerius Episcopus Hipponensis Græcus origi-		tentia.	379
ne, Latine prædicare non poterat.	710	Vincentij Lerinenſis aurea relatio de Africano-	
Vasa mysteriorum, quæ?	202. &c.	rum rebaptizantium errore.	851. 852
Vasquez auctor valde suspiciendus & insignis.	357	Vincula S. Pauli, memoratu digna, sed, Chri-	
Vasquez opinio de hora legitima sacrificij pro-		sti longè magis sunt nexus memorabiles.	60
bat. 506. 507		Vinum propinandi laicis post S. Communio-	
Vasquez opinio de sacrificij loco expenditur.	491. 492.	nem, mos antiquus.	123
Vasquez citatur, qua in re minus probatur.	330	Vini benedictio.	375. &c.
Vasquez opinio singularis notatur.	357	Vini virtus salubris.	257
Vasquez laudatur.	408	Vini vis ad lætificandum.	178
de Velamine triplici.	560	Viniduo præcipua commoda.	<i>ibid.</i>
Verbum patris, quomodo cum manifestat?	670	Violaceus color, Episcopalis.	147
Verbum incarnatum, thesaurus sapientiæ.	800	Virga multiplex.	645
Verbum diuinum quomodo humanitatem in-		Virga Apostolica & Angelica.	<i>ibid.</i>
duit?	168. 169	Virga Angelica, diuini sacrificij vindex.	474.
Verbum Dei audire, quanta felicitas.	667. 668		475
Verbum Dei, homo qui defert ad homines,		Virgæ Aaron floridæ mysteria.	660
init eum Deo consortium.	669	Virginalis corporis typus.	317
Verbi diuini ros & pluuia.	740	Virgo Maria, vide Maria virgo.	
Verbo Christi, Eucharistia consecratur.	342	Virginem sanctissimam Christus baptizauit.	853
	343	Virgines in die iudicij sanctissima V. Deigeni-	
Verba ambigua, per intentionem restringun-		trix filio suo præsentabit.	280
tur ad certum significatum.	855	Virgula fumi, quid sit?	388
Verba S. Pauli B. Hieronymo videbantur to-		Virtus nulla sine labore.	756
nitrua.	769	Virtutes quatuor Cardinales quomodo sunt	
Verba Euangelij cur sublimia dicuntur à sancto		concatenatæ?	736. 737
Cypriano.	758	Virtutes Concionatori necessariæ præter car-	
Verus inscripti in calice sancti Remigij.	287	dinales quænam sunt?	756
Vestalium sacra.	882	Virtutum Cardinalium actus connexi.	752
Vestis puerilis Domini, an eo crescente cre-		Virtutes virtutibus sociantur.	93
uerit?	166	Visitationis infirmorum formula.	562
Vestis Domini salutaris tactus.	175	Vitalis, Pelagianorum fautor.	381
Vestis puerilis Domini Saluatoris illustrata.		Virtus Amebarchius Catholicus auctor cita-	
à p. 157. ad 182		tur.	607
Vestis inconsutilis Domini.	163. 164. 165	Vnctio Sacerdotalis.	545
Vestis purpurea Domini, per casulam signifi-		Vndulatam vestem Nouatores volunt S. Ioan-	
catur.	140	nem Bapt. gestasse.	48. & seqq.
Vestis Domini reuelata diuinitus.	167	Vnguentum saluterum.	561
Vestis Sacerdotalis est casula apud sanctum		Vox Iacob, manus Esau.	414
Hieronymum.	118	Vox turturis à Prædicatore imitanda.	789. ad



## ET VERBORVM INSIGNIVM.

Vocis & verbi affinitates & mysteria.	671	Zona auro grauis. 43. Apostolis prohibita à Christo.	ibid. & 44
Urbanus IV. instituit festum corporis Christi.	175	Zona vnde dicta. 34. quomodo differt à baltheo & cingulo.	35. 36.
Vrceolum Onychinum dedit Robertus Rex Ecclesiæ Aurelianensi.	65	Zona S. Taurini violacea.	58
Vrba aurea sanctuarij.	185	Zonæ Monachorum Ægypti, Africæ & Palestinæ.	54
S. Vrsulæ & sodalium eius epinicion.	62	Zonæ B. V. festum celebre tam in Oriente quàm in Occidente.	45. 46. 47
Vtilitatis retardatio, detrimentum est.	534	Zonæ B. V. Pratenfis, Montisferrati, Aquigranensis, Attrebatensis, Succisionensis, Traiectensis.	48
Walfridi Strabonis dictum refellitur.	103	Zonæ venerandæ sanctissimæ V. Deiparæ propugnatio contra Calvinum.	45. 46. 47. 48
Watablus citatur.	7	Zonæ vsus profanus.	39
Wibertus Archidiacon. Tullensis.	147	Zonæ efformatæ ad formam murenularum, auro contextæ.	58
Vulnera Christi quinque.	171	Zonæ Sacerdotales.	55. 56
		Zonæ sacra mystica & moralis significatio.	58
			59. 60
		Zonæ in sacris vsus.	43
		Zonæ sericæ, vel aureæ vsus in sacris reprobatur, quoad significatum.	60
		Zonæ Ecclesiasticæ diuersis modis contextæ.	59
		Zonam perdidisse, verus adagium.	43
		de Zona toto lib. 3. i. part. tractatur à p. 34. ad 61	
		de Zona S. Ioannis Bapt.	47. 48. 49
		Zonarum in sacris Scripturis tropologia triplex.	61.
		de Zonis sanctorum. 44. & seqq. de Zona Domini 44. & 45. de Zona Beatissimæ V. Deiparæ.	45. 46. 47. 48.
		Zozimus PP. an auctor fuerit benedictionis cerei Paschalis.	579. &c.
		Zozimus PP. permittit in parochiis cereum Paschalem benedici.	582
		Zozimus Presbyter.	589

X

**X**IXILLA, aliàs Cixilla Episcopus Tolertanus. 133

Z

**Z**ACHARIA Papæ decretum de igne Paschali. 568  
 Zenas Legisperitus. 870  
 Zepherini PP. decretum de patena, elucidatur. 289  
 Zepherini Papæ decretum de calice sancto illustratur. 189. 190. &c.  
 Zepherini decretum de S. Calice Walfridus Strabon non ineptè refert. 191  
 Zepherinum PP. sibi aduersum passim Tertullianus iam hæreticus carpit. 190  
 Zona vnde dicitur. 41  
 Zona linea. 59. Pellicca *ibid.* Muliebris, Militaris, Sacerdotalis. *ibid.*  
 Zona S. Polycarpi. 53  
 Zona est cinctura muliebris. 37  
 Zona Pontificis Hebræorum. 37  
 Zona aurea. 37



# INDEX LOCORVM SACRÆ SCRIPTVRÆ.

## EX VETERI TESTAMENTO.

### EX GENESI.

- CAP. I.** **B**ENEDIXITQUE illis  
v. 27. *Deus, & ait, crescite, & multiplicamini, & replete terram, & subiicite eam vobis.* 323. 143
- Cap. 2. v. 7.** Inspiravit in faciem eius spiraculum vite, & factus est homo in animam viventem. 671
- v. 19.** Formatus igitur Dominus Deus de humo cunctis animantibus terra, & univrsis volatilibus celi, adduxit ea ad Adam, ut videret quid vocaret ea: omne enim quod vocavit Adam anima viventis, ipsum est nomen eius. 323
- C. 3. v. 6.** Vidit mulier quod bonum esset lignum ad vescendum, & pulchrum oculis, aspectuque delectabile, & tulit de fructu eius, & comedit, deditque viro suo. 9
- v. 19.** Quia pulvis es, & in pulverem reverteris. 387. 389
- C. 4. v. 3.** Factum est ut offerret Cain de fructibus terra munera Domino. 324
- v. 4.** Abel quoque de primogenitis gregis sui, & de adipibus eorum. 324
- C. 8. v. 21.** Sensu enim & cogitatio humani cordis, in malum prona sunt ab adolescentia sua. 742
- C. 9. v. 1.** Benedixitque Deus Noë & filiis eius. 543
- C. 15. v. 1.** Ego sum merces tua magna nimis. 256. 425
- C. 18. v. 17.** Cum sim pulvis, & cinis, loquar ad Dominum. 333
- C. 24. v. 18.** Bibe Domine mi, &c. quin & camelis tuis hauriam aquam, donec cuncti bibant. 782
- C. 27. v. 16.** Es colli nuda protexit. 7
- v. 22.** Vox quidem, vox Iacob est: manus autem, manus sunt Esau. 414
- v. 27.** Statimque ut sensit vestimentorum illius fragrantiam, benedicens ei, ait: Ecce odor filij mei, sicut odor agri pleni, cui benedixit Dominus. 389. 541
- v. 39.** In pinguedine terra, & in rore calis desuper eris benedictio tua. 543
- C. 45. v. 21.** Singulis quoque proferri iussit stolas binas. 73
- C. 49. v. 10.** Donec venias qui mittendus est, &

ipse eris expectatio gentium, ligans ad vineam pullum suum, & ad vitem, o fili mi, asinam suam: lanabit in vino stolam suam, & in sanguine vine pullum suum. 268. 269

**v. 15.** Supposuit humerum adportandum & factus est tributis serviens. 11

**v. 26.** Donec venires desiderium collium eternorum. 800

### EX LIB. EXODI.

- CAP. 7.** **E**GO constitui te hodie Deum Pharaonis. 668
- C. 8. v. 19.** Digitus Dei est hic. 617
- C. 12. v. 12.** Et transibo per terram Egypti nocte illa, percutiamque omne primogenitum in terra Egypti ab homine usque ad pecus: & in cunctis diis Egypti faciam iudicia, Ego Dominus. 309. 602
- v. 13.** Eris autem sanguis vobis in signum in aedibus, in quibus eritis, & videbo sanguinem & transibo vos. 309. 602
- C. 13. v.** Sanctifica mihi omne primogenitum. 454
- C. 19. v. 21.** Sacerdotes qui accedunt ad Dominum, sanctificentur, ne percutiat eos. 398
- C. 25. v. 3.** Hac autem sunt qua debetis accipere, aurum & argentum, & es, hyacinthum & purpuram, coccumque bistinctum, & byssum. 20
- C. 26. v. 31.** Facies velum de hyacintho purpura coccumque bistincto & bysso recorta. ibid.
- C. 28. v. 4.** Hac autem erant vestimenta qua facient, rationale & superhumerales, tunicam, & lineam strillam, ciarim, & baltheum. 34
- v. 39.** Et baltheum opere plumarij. ibid.
- C. 30. v. 19.** Et missa aqua è labro aeneo, lanabunt in ea manus suas, & pedes, ne forte moriantur. 353
- v. 34.** Dixitque Deus ad Moysen, sume tibi aromata, &c. talem compositionem non facietis in usu vestros, quia sanctum est Domino. 386
- C. 34. v. 29.** Cumque descenderet de monte Sinai, &c. 668
- v. 35.** Qui videntes faciem egredientis Moysi esse cornutam, sed operiebat ille rursus faciem suam, si quando loquebatur ad eos. 668

# SACRÆ SCRIPTURÆ.

## EX LEVITICO.

- CAP. **N**ON auferas fal fœderis Dei tui in  
2.v.13. sacrificio tuo. 567  
C. 6. v. 14. Tunicâ lineâ vestiatur, fœminalibus  
lineis verenda celabit, accingetur zonâ lineâ.  
35  
C. 7. v. 34. Pellusculum elenationis & armum  
separationis tuis à filiis Israël de hostiis donum  
pacificis, & deas Aaron Sacerdoti, & filiis  
eius leges perpetua, ab omni populo Israël. 8  
C. 8. v. 13. Et filios cinxit baltheis. 34  
C. 9. v. 22. Extendit Aaron manus suas ad po-  
pulum, & benedixit eis. 543  
Cap. 10. v. 8. Vinum & omne quod inebria-  
re potest, non bibetis in & filij tui quando intra-  
bis in tabernaculum testimonij, ne moriamini.  
353  
C. 11. v. 18. Hec sunt qua de avibus comedere  
non debetis, & vitanda sunt vobis, aquilam  
& gryphum, &c. & cycnum & onocrotalum.  
24  
v. 44. Sancti estote quoniam ego sanctus sum.  
32  
C. 16. v. 14. Aaron tunica lineâ vestietur, & ac-  
cingetur zonâ lineâ. 43  
C. 26. v. 2. Panes ad Sanctuarium meum. 32.  
397

## EX NUMERIS.

- CAP. **F**ILII autem Aaron Sacerdotes clan-  
10.v.8. gent tubis; erique hoc legitimum  
sempiternum. 546  
v. 10. Canetis tubis super holocaustis & pacificis  
victimis, ut sint vobis in recordationem Dei  
vestri, ego sum Dominus Deus vester. ibid.  
C. 16. v. 9. Audite filij Levi: Num parum vo-  
bis est, quod separavit vos Deus Israel ab  
omni populo, & iunxit sibi, ut seruiretis ei in  
cultu tabernaculi, & staretis coram frequen-  
tiâ populi, & ministraretis ei. 334  
C. 24. v. 17. Orietur stella ex Jacob. 717  
C. 29. v. 1. Mensis etiam septimi primadies ve-  
nerabitur, & sancta erit vobis, quia dies est  
clargoris & subarum, offeretisque holocau-  
stum in odorem suavitatis. 546

## EX DEUTERONOM.

- CAP. **S**CITIS quod docuerim vos præcepta  
4.v.5. atque iustitias, sicut mandavit mihi Do-  
minus Deus meus, sic facietis & observabitis,  
Hac est vestra sapientia, &c.  
v. 8. Una est alia natio sic incluta, ut habeas  
ceremonias, insulaque iudicia & universam  
legem, quam propono hodie ante oculos ve-  
stros. 668  
C. 17. v. 8. Si difficile & ambiguum apud te iudi-  
cium esse perpexeris inter sanguinem & san-  
guinem, causam & causam, &c.  
v. 9. Surge & ascende ad locum quem elegerit  
Dominus Deus tuus, veniesque ad Sacerdotes  
Leviti generis, & ad iudicem qui fuerit illo

tempore: quarisque ab eis qui indicabunt, tibi  
iudicij aequitatem.

- v. 10. Et facies quodcumque dixerint qui præsumt  
loco, quem elegerit Dominus, & docuerint te  
iuxta legem eius.  
v. 11. Sequerisque sententiam eorum, nec declina-  
bis ad dexteram, neque ad sinistram. 658  
C. 22. v. 11. Non indueris vestimento quod ex  
lana linoque confectum est. 20  
C. 29. v. 5. Adduxit vos quadraginta annis per  
desertum: non sunt attrita vestimenta vestra,  
nec calceamenta pedum vestrorum veiusitate  
consumpta sunt. 166  
C. 32. v. 2. Concresecat ut pluvia doctrina mea.  
813  
v. 28. Gens absque consilio est & absque pruden-  
tia.  
v. 29. Vinam saperent, & intelligerent, ac no-  
uissima prouiderent. 750

## EX IOSVE.

- CAP. **V**IDI inter stolia, pallium coccineum  
7.v.11. valde bonum, & ducentos siclos  
argenti, regulamque auream, &c. & concu-  
piscens absuli & abscondi in terra. 811

## EX LIBRO IUDICVM.

- CAP. **N**VMQVID possum deferere vinum  
9.v.13. mentem quod latificat Deum & ho-  
mines. 278

## EX LIBB. REGVM.

- LIB. I. c. **D**ILEXIT Ionathas David quasi  
8.v.13. animam suam, &c. expoliavit se  
tunica usque ad baltheum. 43  
C. 10. v. 11. Quenam res accidit filio Cisz num &  
Saul inter Prophetas 397  
C. 16. v. 7. Homo respicit faciem sed Deus in-  
tuetur cor, nec admittit ullam hostiam, nisi  
qua lota fuerit, & mundata intus & foris.  
196. 354. 414.  
LIB. II. c. 6. v. 14. David erat accinctus Ephod  
lineo. 20  
C. 12. v. 3. Simul de pane illius comedens & de  
de calice eius bibens, & in sinu illius dor-  
miens, eratque illi sicut filia. 624  
C. 23. v. 2. Spiritus Domini locutus est per me,  
& sermo eius per linguam meam. 264  
LIB. III. c. 2. v. 5. Dixit Deus Israel mihi locu-  
tus est fortis Israel dominator hominum. 874  
Posuit cruorem praelij, in baltheo suo, quærat  
super lumbos eius. 39. 43  
C. 7. v. 26. Labrumque eius, quasi labium cali-  
cis & folium repandi, duo millia bases capie-  
bat. 183  
C. 8. v. 7. Non te abiecerunt, sed me, ne regnem  
super eos. 650  
C. 10. v. 8. Beati serui tui qui stant coram te sem-  
per. 334  
C. 19. v. 11. Stain monte coram Domino. 337  
C. 20. v. 11. Non gloriatur equè accinctus, ac  
discinctus. 50

FFFFff iij

# INDEX LOCORVM

- LIB. IV. c. i. v. 8. Vir pilosus & zonâ pelliceâ ac-  
cinctus renibus. 49  
C. 3. v. 21. Omnes qui accincti erant baltheo. 43  
C. 19. v. 34. Protegam urbem hanc propter me, &  
propter David puerum meum. 400  
C. 21. v. 13. Benedixit Deo & Regi. 542

## EX LIBB. PARALIPOM.

- LIB. I. c. PORRO David erat indutus stola  
15. v. 17. byssina.  
v. 24. Sacerdotes clangebant tubis coram arca  
Dei. 546  
LIB. II. c. 2. v. 5. Domus quam adificare cupio,  
magna est, &c. sed ad hoc tantum ut aedificetur  
incensum coram illo. 329  
Cap. 7. v. 6. Porro Sacerdotes canebant tu-  
bis.  
C. 13. v. 14. Clamanit Iuda ad Dominum & Sa-  
cerdotes tubis canere ceperunt. ibid.  
C. 13. v. 5. Num ignoratis quòd Dominus Deus  
Israel dederit regnum David super Israel, in  
sempiternum, ipsi & filii eius in pacem salis.  
567

## EX LIBRO TOBIÆ.

- CAP. CVM iratus fueris, misericordia re-  
3. v. 13. cordaberis. 270  
C. 12. v. 8. & 9. Bona est oratio cum ieiunio &  
eleemosyna, magis quàm thesauros recondere,  
quoniam eleemosyna à morte liberat, & ipsa  
est quæ purgat peccata, & facit invenire miseri-  
cordiam & vitam æternam. 179

## EX LIBRO IVDITH.

- CAP. 10. v. 3. INDUIT se vestimentis iucundi-  
&c. 16. v. 9. tatis suæ, & induit se vesti-  
mento lætitiæ, in exultatione filiorum Israel.  
29  
C. 16. v. 10. Accepit stolam novam, ad decipien-  
dum eum. 73  
v. 21. Dabit ignem & vermem in carnes eorum  
ut urantur, & sentiant usque in sempiter-  
num. 426

## EX LIBRO ESTHER.

- CAP. VINVM quoque, ut magnificentia re-  
1. v. 7. giæ dignum erat, abundans & præ-  
cipuum ponebatur. 225

## EX LIBRO IOB.

- CAP. DILVCVLÐ offerebas holocausta pro  
1. v. 5. singulis filiis, dicebat enim ne fortè  
peccauerint filij mei, & benedixerint Deo in  
cordibus suis. 543  
C. 2. v. 5. Miste manum, & tange os eius &  
carnem: & tunc videbis quod in faciem tuam  
benedicat tibi. ibid.  
C. 10. v. 22. Vbi nullus ordo, sed sempiternus  
horror inhabitat. 426  
C. 12. v. 12. In antiquis est sapientia, & in multo  
tempore prudentia. 655

- v. 18. Baltheum Regum dissoluit, & præcingit fune  
renes eorum. 39

- C. 14. v. 4. Quis potest facere mundum de im-  
mundo conceptum semine, nonne tu Domine  
qui solus es? 743  
C. 19. v. 25. Misere mini mei, misere mini mei,  
saltem vos amici mei, quia manus Domini ta-  
ligit me. 606  
C. 28. 1. Habet argentum venarum suarum prin-  
cipium, & auro locus est, in quo conflatur.  
807. 812  
C. 29. v. 1. Numquid parturientes cernas consi-  
derasti? incurvantur ad faciem, & parvulus,  
& unguitum emittunt. 747  
v. 22. Super ipsos stillabit eloquium meum. 780  
C. 30. v. 19. Assimilatus sum fanilla & cinerè.  
587  
C. 31. v. 27. Si osculatus sum manus meas,  
6  
C. 33. v. 4. Spiritus Domini fecit me. 874  
C. 36. v. 25. Omnes homines vident eum, &  
unusquisque proculininetur. 670  
v. 27. Qui effundit imbres ad instar gurgitum.  
757

## EX LIBRO PSALMORVM.

- PS. 1. BEATVS vir qui non abiit in consilio  
v. 1. impiorum, & in via peccatorum non  
stetit, & in cathedra pestilentie non sedit. 359  
363  
v. 2. Sed in lege Domini voluntas eius, & in  
lege eius meditabitur die ac nocte. 799  
v. 3. Et cristamquam lignum quod plantatum est  
secus decursus aquarum. 788  
v. 5. Sed tamquam pulvis, quem proiciis ventus  
à facie terra. 588  
Ps. 6. v. 1. Domine ne in furore tuo arguas me,  
neque in ira tua corripas me. 265  
Ps. 7. v. 10. Scrutans corda & renes Deus.  
339  
Ps. 10. v. 7. Pluet super peccatores laqueos, ignis  
& sulphur & spiritus procellarum, pars calicis  
eorum. 256. 264  
Ps. 11. v. 1. Saluum me fac Deus, quoniam defe-  
cit sanctus; quoniam diminuta sunt veritates  
à filijs hominum. 712  
Ps. 15. v. 4. Nec memor ero nominum eorum  
per labia mea. 153  
v. 5. Dominus pars hereditatis meæ & calicis  
mei: tu es qui restituēs hereditatem meam mi-  
hi. 256. 264  
Ps. 21. v. Manducaverunt & adoraverunt omnes  
pingues terre. 898. 899  
Ps. 22. v. Parasti in conspectu meo mensam ad-  
versus eos qui tribulant me.  
Impinguasti in oleo caput meum, & calix meus  
inebrians quàm præclarus est. 183. 257  
Ps. 32. v. 6. Verbo Domini calix firmatus sunt, &  
spiritus oris eius, omnis virtus eorum. 733  
Ps. 33. v. 1. Benedicam Dominum in omni tem-  
pore, semper laus eius in ore meo. 543  
Ps. 35. v. 7. Iudicia tua abyssus multa. 247  
v. 9. Inebriabuntur ab uberitate domus tue, &  
torrente voluptatis tue potabis eos, quoniam



# SACRÆ SCRIPTURÆ.

- apud te est fons vita.* 257  
 Pl. 33. v. 8. *Gustate, & videte quoniam suavis est Dominus.* 739  
 Pl. 36. v. 17. *Declina à malo, & fac bonum.* 742.  
 756  
 Pl. 38. v. 2. *Dixi custodiam vias meas, ut non delinquam in lingua mea.* 11  
 Pl. 39. v. 7. *Sacrificium & oblationem noluisti, aures ante me perfecisti mihi.* 315  
 Pl. 40. v. 1. *Beatus vir qui intelligit super egenum & pauperem, in die mala liberabit eum Dominus.* 425  
 Psalm. 42. v. 3. *Emitte lucem tuam & veritatem tuam, ipsa me deduxerunt & adduxerunt in montem sanctum tuum, & in tabernaculum tuum.* 350  
 Pl. 44. v. 7. *Virga directionis, virga regni tui.* 645  
 v. 9. *Myrrha & gutta, & casia à vestimentis tuis.* 814  
 v. 17. *Pro patribus tuis nati sunt tibi filij.* 334  
 Pl. 47. v. 11. *Iustitia plena est dextera tua.* 265  
 Pl. 48. v. 15. *Sicut onus in inferno positi sunt, mors depascet eos.* 426  
 Pl. 49. v. 4. *Congregate illi Sanctos eius, qui ordinant testamentum eius super sacrificia.* 383  
 v. 16. *Peccatori autem dixit Deus, quare tu enarras iustitias meas, & assumis testamentum meum per os tuum.* 714. 781  
 v. 23. *Sacrificium laudis honorificabit me; & illic iter quo ostendam illi salutare Dei.* 11. 262  
 Pl. 50. v. 9. *Asperges me hyssopo, & mundabor, lavabis me, & super nivem dealbabor.* 354  
 v. 11. *Averte faciem tuam à peccatis meis, & omnes iniquitates meas dele.* 394  
 Pl. 52. v. 6. *Deum non innocuerunt, illic trepidaverunt timore, ubi non erat timor.*  
 7. *Quoniam Deus dissipavit ossa eorum, qui hominibus placent; confusi sunt, quoniam Deus spremit illos.* 714  
 Pl. 53. v. 8. *Voluntarie sacrificabo tibi.* 393  
 Pl. 67. v. 10. *Pluviam voluntariam segregabis Deus hereditati tuae.* 786  
 v. 12. *Dominus dabit verbum evangelizantibus, virtute multa.* 743. 776  
 Pl. 72. v. 28. *Mihi autem adhaerere Deo bonum est, ponere in Domino spem meam.*  
 v. 29. *Ut annuntiem omnes predicationes tuas, in portis filia Sion.* 735  
 Pl. 74. v. 8. *Quoniam Deus index est.*  
 v. 9. *Hunc humiliat, & hunc exaltat quia calix in manu Domini, vini meri plenus misto.*  
 v. 10. *Et inclinavit ex hoc in hoc.* 259. 82  
 seqq.  
 Pl. 75. v. 5. *Illuminans tu mirabiliter à montibus aeternis.* 7575  
 Pl. 83. v. 3. *Passer invenit sibi domum, & nixtur nidum sibi ubi ponat pullos suos.* 793. 82  
 seqq.  
 Pl. 90. v. 13. *Super aspidem & basiliscum ambulabis, & conculcabis leonem & draconem.* 95  
 Psalm. 96. v. 8. *Adorate eum omnes Angeli eius.* 873  
 Psalm. 98. v. 5. *Adorate scabellum pedum eius.* 894  
 Pl. 102. v. 21. *Ministri eius potentes virtute, ad faciendam voluntatem eius.* 837  
 Pl. 103. v. 3. *Qui ponis nubem ascensum tuum.* 296  
 v. 6. *Abysus sicut vestimentum amictus eius.* 1  
 v. 15. *Ut educaas panem de terra, & vinum latifices cor hominis.* 278  
 Pl. 105. v. 23. *Si non Moyses electus eius stetit in confectione in conspectu eius, ut auereres iram eius ne disperderes eos.*  
 v. 30. *Et stetit Phinees, & cessavit quassatio.* 337  
 Pl. 108. v. 19. *Sicut zona quæ semper præcingitur.* 43  
 Pl. 109. v. 5. *Tu es Sacerdos in æternum, secundum ordinem Melchisedech.* 549. 698.  
 832  
 Pl. 110. v. 4. *Memoriam fecit mirabilium suorum, misericors & miserator Dominus.* 473. 836  
 v. 10. *Initium sapientia timor Domini.* 757  
 Pl. 115. v. 3. *Quid retribuam Domino, pro omnibus quæ retribuit mihi.*  
 v. 4. *Calicem salutaris accipiam, & nomen Domini invocabo.* 262. 327. 328. 472  
 v. 5. *Pretiosa in conspectu Domini, mors Sanctorum eius.* 423  
 Pl. 118. v. 46. *Et loquebar de testimoniis tuis in conspectu regum, & non confundebar.* 806  
 v. 105. *Lucerna pedibus meis verbum tuum, & lumen semitis meis.* ibid.  
 Pl. 124. v. 4. *Benefac Domine, bonis & rectis corde.* 361  
 Pl. 125. v. 5. *Qui seminant in lachrymis, in exultatione metent.* 659  
 v. 6. *Euntes ibant & flebant mittentes semina sua.*  
 v. 7. *Venientes autem venient cum exultatione, portantes manipulos suos.* 63. 70  
 Pl. 126. v. 2. *Vanum est vobis ante lucem surgere.* 781  
 Pl. 131. v. 9. *Sacerdotes tui induantur iustitiam, & sancti tui exultent.* 348  
 v. 15. *Viam eius benedicens benedicam.* 543  
 v. 17. *Paravi lucernam Christo meo.* 348  
 Pl. 138. v. 7. *Quid ibo à spiritu tuo, & quid à facie tua fugiam.* 874  
 Pl. 140. v. 2. *Dirigatur Domine oratio mea, sicut incensum in conspectu tuo.* 388  
 v. 3. *Pone Domine custodiam ori meo.* 10. 11  
 v. 4. *Non declines cor meum in verba malitia ad excusandas excusationes in peccatis.* 539  
 EX PROVERB.  
 CAP. LONGITVDO dierum in dextera  
 3. v. 16. *ei & in sinistra illius diuitie & gloria.* 68  
 C. 4. v. 25. *Oculi tui recta videant, & palpebra præcedant gressus tuos.* 657  
 C. 6. v. 1. *Fili si super videris pro amico tuo, illaqueatus es verbis oris tui.*  
 3. *Discurre, festina, suscita amicum tuum: ne dederis somnum oculis tuis, nec dormitent*

# INDEX LOCORVM

- palpebra tua. 672  
 C. 8. v. 27. Quando prae parabat calos aeternam cum  
 eo cuncta componens. 748  
 C. 10. v. 19. Qui moderatur labia sua, praeuen-  
 tissimus est. 751  
 C. 17. v. 27. Qui moderatur sermones suos, do-  
 ctus ac prudens est, ac pretiosi spiritus. ibid  
 C. 19. v. 2. Qui festinus est, pedibus offendit.  
 657  
 C. 23. v. 26. Fili, praebe mihi cor tuum. 354. 414  
 C. 26. v. 4. Ne respondeas stulto iuxta stultitiam  
 suam, ne illi similis efficiaris.  
 5. Responde stulto iuxta stultitiam suam, ne sibi  
 sapiens esse videatur. 362  
 C. 31. v. 24. Cingulum tradidit Chanaan. 34.

## EX CANTICIS CANTIC.

- CAP. **M** VRENVLAS aureas faciemus  
 tibi, vermiculatas argente. 37.  
 38. 58. 59  
 v. 14. Borium Cypri, dilectus meus mihi in vineis  
 Engadi. 781  
 v. 15. Liliulus noster floridus. 813  
 C. 2. v. 4. Introduxit me in cellam vinariam.  
 812. 813  
 v. 10. Surge, propterea amica mea, formosa mea,  
 columba mea & veni.  
 v. 11. Iam enim hiemps transiit, imber abiit & re-  
 cessit.  
 v. 12. Flores apparuerunt in terra nostra tempus  
 putationis aduenit. 791. 792  
 Vox turris audita est in terra nostra. 790.  
 792. 793  
 v. 13. Ficus protulit grossos suos, vinea florentes  
 dederunt odorem suum. 792  
 v. 14. Columba mea, in foraminibus petra, in ca-  
 uerna maceria, &c. 788  
 Vox tua dulcis & facies tua decora. 781  
 C. 3. v. 6. Quae est ista quae ascendit per deser-  
 tum, sicut virgula fumi ex aromatibus myr-  
 rha & thuris & vniuersi pulueris pigmentarij.  
 388  
 C. 4. v. 3. Sicut vitta coccinea labia tua, sicut  
 fragmen mali panici gena tua. 258  
 v. 11. Odor vestimentorum tuorum, sicut odor  
 thuris. 388  
 v. 15. Putens aquarum viuentium, quae fluunt  
 impetu de Libano. 813  
 C. 5. v. 1. Comedite amici, & bibite, & inebria-  
 mini charissimi. 257  
 C. 7. v. 8. Ascendam in palmam, & apprehen-  
 dam fructum eius. 593

## EX LIBRO SAPIENTIAE.

- CAP. **S**PIRITVS Domini repleuit orbem ter-  
 raram. 874  
 Hoc quod continet omnia, scientiam habet  
 vocis. 11  
 C. 2. v. 23. Creauit Deus hominem inextermi-  
 nabilem, & ad imaginem similitudinis suae fecit  
 illum. 323  
 Cap. 3. v. 15. Bonorum laborum gloriosus est  
 fructus. 70  
 C. 8. v. 21. Quoniam aliter non possem esse con-

- tinens, nisi Deus det. 321. 322  
 C. 12. v. 1. O quam bonus & suavis est Domine.  
 spiritus tuus in omnibus. 874  
 C. 18. v. 24. In veste poderis quam habebat, totius  
 erat orbis terrarum, & parentum magnalia  
 in quatuor ordinibus lapidum erant sculpta, &  
 magnificentia tua in diademate capitis. 13. 14

## EX LIBRO ECCLESIASTICI.

- CAP. **A**NTE obitum tuum operare iusti-  
 tiam, quoniam non est apud inferos  
 inuenire cibum. 426  
 C. 17. v. 9. Adadidit illis disciplinam, & legens  
 vite hereditatis illos.  
 v. 10. Testamentum aeternum constituit cum illis,  
 & iustitiam, & indicia sua ostendis illis.  
 668  
 C. 18. v. 6. Cum consummaneris homo, tunc in-  
 cipiet. 802  
 v. 23. Ante orationem prepara animam tuam, &  
 noli esse quasi homo qui tentat Deum. 794  
 C. 21. v. 28. Verba prudentium statera pondera-  
 buntur. 750  
 C. 27. v. 9. Si sequaris iustitiam, apprehendes  
 illam, & indues quasi poderem honoris, &  
 inhabitabis cum ea, & prosequet te in sempi-  
 ternum. 13  
 C. 32. v. 24. Fili, sine consilio nihil facias, &  
 post factum non poenitebis. 6:7  
 C. 34. v. Quis enim non est tentatus, quid scit?  
 vir in multis experiens cogitabit multa, & qui  
 multa didicit, enarrabit intellectum. 655  
 v. 14. Quasi qui vultimat filium in conspectu pa-  
 tris. 352  
 C. 39. v. 6. Iustus cor suum tradet ad vigilan-  
 dum diluculo ad Dominum qui fecit illum, &c.  
 ipse diriget consilium eius. 713  
 C. 45. v. 9. Excelsus fecit illum, & statuit ei  
 testamentum aeternum, beatificauit illum in  
 gloria, & circumcinxit illum zona gloria,  
 stolam gloria induit eum. 43. 53. 74  
 v. 12. Stalam sanctam auro, & hyacintho, & pur-  
 purâ, opus textile. 74  
 Cap. 48. v. 1. Et surrexit Elias Propheta, quasi  
 ignis, & verbum ipsius quasi facula ardebat.  
 412  
 v. 3. Verbo Domini continuit calum, & deiecit de  
 calo ignem ter.  
 v. 5. Qui sustulisti mortuum ab inferis de sorte  
 mortui in verbo Domini Dei.  
 v. 6. Qui deiecasti reges & confregisti potentiam  
 ipsorum, &c. 732  
 C. 50. v. 1. Sacerdos magnus qui in vita sua suf-  
 fult domum, & in diebus suis corroborauit  
 templum, qui curauit gentem suam, & libera-  
 uit eam à perditione. 617  
 v. 8. Quasi thus redolens in diebus aestatis. 53  
 v. 11. Quasi oliua pullulans, & cypressus in altitu-  
 dinem se extollens, in accipiendo ipsum stalam  
 gloria, & vestiri illum in consummationem  
 virtutis. 73  
 v. 12. In ascensu altaris sancti, gloriam dedit san-  
 ctitatis amicum. 1

EX

# SACRÆ SCRIPTURÆ.

## EX ISAIA PROPHETA.

- CAP. NE** offeras ultra sacrificium frustra: 1.V.13. incensum tuum abominatio est mihi. 24
- C. 3. v. 2.** In illa die auferet Dominus exercituum à Ierusalem & Iuda, validum & fortem, iudicem & Prophetam, ariolum & senem. 694
- v. 12.** Popule meus, qui te beatum dicunt, ipse decipiunt, & viam gressuum tuorum dissipant. 788
- v. 24.** Exeas pro suavi odore, factor, & pro zona funiculus, & pro crispanti crine calutium, & pro fascia pectorali cilicium. 37. 43
- C. 6. v. 5.** Va mihi quia taci, quia vir pollutus labiis ego sum, & in medio populi polluta labia habentis ego habito, & Regem Dominum exercituum vidi oculis meis. 735. 746
- v. 6.** Et volauit ad me unus de Seraphim, & in manu eius calculus, quem forcipe tulerat de altari.
- v. 7.** Et tetigit os meum, & dixit, ecce tetigit hoc labia tua, & peccatum tuum mundabitur. 556
- v. 8.** Et audini vocem Domini dicentis, quem mittam, & quis ibit nobis? & dixi, ecce ego, mitte me, & dixit.
- v. 9.** Vade, & dices populo huic: Audite audientes, & nolite intelligere, & videte visionem, & nolite cognoscere. 663
- C. 9. v. 3.** Latabitur coram te, sicut qui latant in messe, sicut exultant victores capti prædâ, quando diuidunt spolia. 70
- v. 6.** Factus est principatus eius super humerum eius. 130
- C. 10. v. 5.** Va Assur virga furoris mei. 680
- C. 12. v. 3.** Haurietis aquas in gaudio de fontibus Saluatoris. 7. 279
- C. 19. v. 13.** Stulti facti sunt principes Tanceos, emarcuerunt principes Memphæos, decaperunt Aegyptum, angulum populorum eius.
- v. 14.** Dominus misit in medio eius spiritum veriginis, & errare fecerunt Aegyptum in omni opere suo, sicut errat ebrius & vomens. 266
- C. 22. v. 12.** Vocabit Dominus Deus exercituum, in die illa ad fletum, ad plañctum, ad calutium, & ad cingulum sacci. 34
- C. 24. v. 2.** Eterit ut populus, sic Sacerdos. 321 841
- Cap. 28. v. 7.** Verum hi quoque præ vino nescierunt, & præ ebrietate errauerunt. Sacerdos & Propheta nescierunt, præ ebrietate absorpti sunt à vino. 266
- C. 38. v. 14.** Sperabam usque ad mane, &c. sicut pullus humidinis sic clamabo: meditabor ut columba.
- C. 40. v. 3.** Parate viam Domini, rectas facite in solitudine semitas Dei nostri. 361. 790
- v. 9.** Super montem excelsum ascende in qui euangelizas Sion: exalta in fortitudine vocem tuam, qui euangelizas Ierusalem. 758
- C. 44. v.** Effundam Spiritum meum super do-

- minum Israël. 616
- v. 15.** Verè tu es Deus absconditus, Deus Israël Saluator. 10. 901. 910
- C. 51. v. 17.** Consurge Ierusalem, qua bibisti de manu Domini calicem ira eius, usque ad fundum calicis suporis, bibisti usque ad faces. 183. 264. 266
- C. 52. v. 11.** Mundamini, qui fertis vasa Domini. 315
- C. 53. v. 2.** Vidimus eum, & non erat aspectus, & desiderauimus.
- v. 3.** Despectum, & nonissimum virorum virum dolorum, &c. 261
- v. 4.** Verè languores nostros ipse tulit, & putauimus eum quasi leprosum & percussum à Deo, & humiliatum. 395
- v. 5.** Ipse vulneratus est propter iniquitates nostras, attritus est propter scelera nostra, disciplina pacis nostræ super eum, & limore eius sanati sumus. 7
- v. 6.** Omnes nos quasi oves errauimus unusquisque in viam suam declinauit. 312
- Et posuit Dominus in eo iniquitatem omnium nostrum.
- v. 7.** Oblatus est quia ipse voluit. 5. 312. 392. 393. 414
- C. 55. v. 1.** Venite & emite absque argento, vel ulla commutatione, vinum & lac. 279. 575
- C. 58. v. 1.** Clama, ne cesses, quasi tuba exaltis vocem tuam: & annuncia populo meo scelera eorum, & domui Iacob peccata eorum. 614. 697. 792
- C. 59. v. 11.** Quasi columba meditantes gememus. 788
- C. 60. v. 8.** Qui sunt isti qui ut nubes volant, & quasi columba ad fenestras suas. 786
- C. 63. v. 1.** Iste formosus in stola sua. 72
- v. 2.** Quare rubrum est vestimentum tuum, & vestimenta tua sicut calcantium in torculari?
- v. 3.** Torcular ego calcavi solus, & de Gentibus non est vir mecum. 277
- C. 66. v. 12.** Ad vbera portabimini. 38. 280
- v. 13.** Quomodo si cui mater blandiatur, ita ego consolabor vos, & in Ierusalem consolabimini. 38
- v. 14.** Videbitis & gaudetis cor vestrum. ibid.
- v. 24.** Vermis eorum non merietur, & ignis eorum non exstinguetur. 426

## EX IEREM. PROPH.

- CAP. VNIVERSA** quaecumque mandauero tibi, loqueris.
- v. 18.** Ego dedi te hodie in ciuitatem munitam, & in columnam ferream, & in murum æneum. 660. 732
- C. 2. v. 32.** Numquid obliuiscetur virgo ornamentum suum, aut sponsa fasciam pectoralis suæ. 37
- C. 11. v. 15.** Quid est quod dilectus meus in domo mea fecit scelera multa, numquid carnes sanctas auferent à te malitias tuas? 355
- C. 23. v. 9.** Quasi homines madidi vino à facie Domini. 257
- C. 25. v. 15.** Sic dicit Dominus exercituum, Deus

GGGggg

# INDEX LOCORVM

- Israël: fume calicem vini furoris huius de manu mea, & propinabis de illo cunctis gentibus, ad quas mittam te.*
- v. 16. *Es bibens, & turbabuntur, & insanient.* 265
- v. 17. *Et accepi calicem de manu Domini, & propinavi cunctis gentibus, ad quas misit me Dominus.* 183
- C. 27. v. 2. *Hec dicit Dominus ad me: fac tibi vincula & catenas, & pones eas in collo tuo.* 51
- C. 35. v. 5. *Et posui coram filiis domus Rechabitarum scyphos plenos vino, & calices.* 183
- C. 48. v. 10. *Maledictus qui facit opus Dei fraudulentem, & qui prohibet gladium suum a sanguine.* 360. 730
- C. 51. v. 7. *Calix aureus Babylon in manu Domini, inebrians omnem terram: de vino eius biberunt gentes, & ideo commota sunt.* 183. 267

## EX THRENIS.

- CAP. **P**ECCATVM peccavit Ierusalem, & instabilis facta est. 735
- C. 2. v. 15. *Magna est velut mare contritio tua.* 395
- C. 4. v. 2. *Amictus auro primo.* 1
- v. 4. *Parvuli petierunt panem, & non erat qui frangeret eis.* 704. 529
- v. 21. *Filia Edom, qua habitas in terra Hus, ad te quoque perveniat calix; inebriaberis, atque nudaberis.* 266

## EX BARYCH.

- CAP. **B**EATI sumus Israël, quia quae Deo placent, manifesta sunt nobis. 667

## EX EZECHIELE.

- C. 1. v. 16. **R**OTA in medio rota. 412
- C. 3. v. 8. *Ecce dedi frontem tuam valentior rem faciebus eorum, & frontem tuam durior rem frontibus eorum.*
- v. 9. *Vt adamantem & ut silecem dedi faciem tuam.* 660
- v. 18. *Si non annunciaris impio, &c. Sanguinem eius de manu tua requiram.* 649. 704. 730
- v. 19. *Si autem tu annunciaris impio, & ille non fueris conversus ab impietate sua: in peccato suo impius morietur, tu autem animam tuam liberaisti.* 704
- C. 13. v. 18. *Va illis qui consument pulvisillos sub omni cubito manus, & faciunt cernicalia sub capite uniuscuiusque aetatis ad capiendas animas, &c.* 775
- v. 22. *Et confortasti manus impij, ut non remeantur à via sua mala, ut viveret.* 730
- C. 23. v. 14. *Imagines Chaldaeorum expressas coloribus, & accinctos baltheis.* 43
- v. 31. *In via sororis tua ambulasti, & dabo calicem eius in manu tua.*
- v. 32. *Hec dicit Dominus Deus: Calicem sororis tuae bibes profundum & latum: eris in derisum, & in subannationem qua est capacissima.*
- v. 33. *Ebrietate & dolore repleberis: calice maroris & tristitia, calicis sororis tuae Samaria.*

- v. 34. *Et bibes illum & epotabis usque ad feces, & fragmenta eius deuorabis, & vberatus lacerabis, quia ego locutus sum, ait Dominus Deus.* 269
- C. 24. v. 17. *Amictu ora non velabis.* 9
- C. 28. v. 14. *In medio lapidum ignitorum ambulasti.* 348
- C. 34. v. 2. *Va pastoribus Israël, qui seipsum pascebant, & non gregem.* 662
- v. 4. *Quod perierat non quasisti, &c.* 692
- C. 41. v. 18. *Quasi facies habebat Cherub, faciem hominis iuxta palmam ex hac parte, & faciem leonis ex alia.* 736

## EX DANIELE.

- CAP. **P**ROPOSUIT autem Daniel in corde suo, ne pollueretur de mensa regis, neque de vino potus eius, &c.
- v. 9. *Dedit autem Deus Danieli gratiam & misericordiam in conspectu principis Eunuchorum.* 820
- C. 3. v. 49. *Ecce video quatuor viros solutos, ambulantes in medio ignis, & nihil corruptionis in eis est, & species quarti, similis filio Dei.* 339
- C. 7. v. 9. *Et antiquus dierum sedet, vestimentum eius candidum quasi nix, & capilli capitis eius quasi lana munda.* 154
- C. 8. v. 11. *Et ab eo tulit iuge sacrificium.* 497
- v. 12. *Robur autem datum est ei contra iuge sacrificium, propter peccata.* ibid.
- C. 12. v. 3. *Qui docti fuerint, fulgebunt quasi plendor firmamenti, & qui ad iustitiam erudiunt multos quasi stellae, in perpetuas aeternitates.* 748
- v. 11. *Et à tempore cum ablatum fuerit iuge sacrificium.* 497
- C. 13. v. 50. *Quia tibi Deus dedit honorem senectutis.* 655

## EX OZEA.

- CAP. **E**CCE ego lactabo eam. 280
2. v. 14. *Quia tu repulisti scientiam, repellam te, ne Sacerdotio fungaris mihi.* 809
- C. 8. v. 11. *Multiplicauit Ephraim altaria ad peccandum.* 485

## EX IOELE.

- CAP. **P**ARCE Domine, parce populo tuo. 394

## EX AMOS.

- CAP. **V**ISITABO super altaria Bethel, & amputabuntur cornua altaris, & cadent in terram. 483
- C. 8. v. 11. *Ecce dies veniunt, & emittam famem in terram* 680
- C. 9. v. 7. *Numquid non & vos filij Ethioptum estis mihi filij Israël.* 23

## EX HABACVC.

- CAP. **R**EPLETVS es ignominia pro gloria: bibe in quoque & consopire: circumdabit



# SACRÆ SCRIPTURÆ.

te calix dextera Domini, & vomitus ignominia  
super gloriam tuam. 265

## EX ZACHARIA.

CAP. QUID enim bonum eius est, & quid  
9. v. 17. pulchrum eius, nisi frumentum  
electorum, & vinum germinans virgines.  
259. 280

## EX MALACHIA.

CAP. NON est mihi voluntas in vobis, dicit  
1. v. 10. Dominus exercituum, & munus  
non suscipiam de manu vestra.  
v. 11. Ab ortu enim solis usque ad occasum, ma-  
gnum est nomen meum in gentibus: & in om-  
ni loco sacrificatur, & offertur nomini meo  
oblatio munda, &c. 488. 874

C. 2. v. 7. Labia Sacerdotis custodienti scientiam,  
& requirunt legem de ore eius: quia Angelus  
Domini exercituum est. 72. 646. 669.  
697

Cap. 3. v. 1. Angelus testamenti, quem vos  
vultis. 270

## EX LIBB. MACHABÆORVM.

LIB. I. c. E Telegit Sacerdotes sine macula, vo-  
4. v. 42. luniatem habentes in lege Dei. 24  
C. 10. v. 12. Induit se Ionathas stolâ sanctâ.  
73

LIB. II. c. 3. v. 26. Apparuerunt duo iuvenes  
virtute decori, optimi gloriâ, speciosique ami-  
cæ. 1

Cap. 12. v. 43. Nisi eos qui ceciderant, re-  
surrecturos speraret, superfluum videretur,  
& vanum orare pro mortuis. 421

# EX NOVO TESTAMENTO.

## EX S. MATTHÆO.

CAP. O x clamantis in deserto, pa-  
3. v. 3. rate viam Domini. 301.  
361

v. 4. Ipse autem Ioannes ha-  
bebas vestimentum de pilis camelorum, &  
zonam pelliceam circa lumbos suos. 48

v. 7. Progenies viperarum, quis demonstravit vo-  
bis fugere à ventura ira. 732

v. 14. Ego à te debeo baptisari. 833

v. 17. Hic est filius meus dilectus, in quo mihi  
complacui. 327. 389

C. 4. v. 4. Non in solo pane vivit homo, sed in  
omni verbo quod procedit de ore Dei. 704  
812

v. 10. Dominum Deum tuum adorabis. 926

C. 5. v. 8. Beati mundo corde, quoniam ipsi Deum  
videbunt. 349

v. 14. Vos estis lux mundi. 348. 723. 749

v. 16. Sic luceat lux vestra coram hominibus, ut  
videant opera vestra bona, & glorificent pa-  
trem vestrum qui in calis est. 348. 723

v. 19. Qui autem fecerit, & docuerit, hic magnus  
vocabitur in regno celorum. 711. 749

v. 34. Ego autem dico vobis, non iurare omnino;  
neque per calum, &c. 903

C. 6. v. 2. Amen dico vobis, receperunt mercedem  
suam. 753

v. 8. Pater noster, qui es in calis, sanctificetur no-  
mentum. 473

C. 7. v. 3. Quid autem vides festucam in oculo  
fratris tui, & trabem in oculo tuo non vides?  
722

v. 6. Nolite sanctum dare canibus. 573. 913

C. 9. v. 5. Dimittuntur tibi peccata tua. 616

v. 21. Vado in pace, fides tua te salvam fecit.  
916

C. 10. v. 9. Nolite possidere aurum, neque argen-  
tum, neque pecuniam in zonis vestris. 43

v. 16. Estote ergo prudentes sicut serpentes, & sim-

plices sicut columba. 653. 792. 793

v. 20. Non estis vos qui loquimini, sed Spiritus  
patris vestri, qui loquitur in vobis. 671.  
808

v. 42. Et quicumque potum dederis uni ex mi-  
nimis istis, calicem aqua frigida tantum, &c.  
183

C. 11. v. 25. Confiteor tibi Pater, Domine calis &  
terra, quia abscondisti hæc à sapientibus &  
prudentibus, & revelasti ea parvulis.

v. 26. Itaque pater, quoniam sic fuit placitum ante te.  
753. 801

v. 27. Omnia mihi tradita sunt à patre meo.  
324

v. 29. Discite à me, quia mitis sum & humilis  
corde. 660. 765. 801

C. 12. v. 28. Ego in Spiritu Domini eicio damo-  
nia. 788

v. 32. Qui autem dixerit contra Spiritum san-  
ctum, non remittetur ei, neque in hoc sæculo,  
neque in futuro. 426. 925

v. 42. Et ecce plusquam Salomon hic. 334

C. 14. v. 19. Accepit quinque panibus & duo-  
bus piscibus, aspiciens in calum benedixit, &  
fregit, & dedit, &c. 543. 597

C. 15. v. 14. Cæcus autem sic ceco ducatum prester,  
ambo in foveam cadunt. 650

v. 29. Et ascendens in montem sedebat ibi. 111

C. 16. v. 17. Beatus es Simon Bar-jona, quia ca-  
ro & sanguis non revelavit tibi: sed pater meus  
qui in calis est. 788

v. 26. Quid enim prodest homini, si universum  
mundum lucretur, anima verò sua detrimen-  
tum patiatur. 758

C. 17. v. 2. Vestimenta autem eius facta sunt  
alba sicut nix. 31

C. 18. v. 17. Si autem Ecclesiam non audierit, sit  
tibi sicut ethnicus & publicanus. 57. 450

C. 19. v. 17. Si autem vis ad vitam ingredi, serva  
mandata. 744

C. 20. v. 22. Potestis bibere calicem, quem ego

GGGggg ij

# INDEX LOCORVM

- bibiturum sum. 251. 260. 261. 395  
C. 21. v. 8. Cadebant ramos ex arboribus. 392  
C. 22. v. 29. Erratis nescientes scripturas. 311  
C. 23. v. 2. Super cathedram Moysi sederunt Scribae & Pharisei.  
v. 3. Omnia ergo quaecumque dixerint vobis, facite: secundum opera verò eorum nolite facere; dicunt enim, & non faciunt. 722. 759  
v. 6. Amant autem ab hominibus vocari, Rabbi. 709  
v. 16. *Va vobis duces caecorum*, &c. quid enim maius est aurum, an templum quod sanctificat aurum. 899  
v. 23. *Hac oportuit facere*, & illa non omittere. 607  
v. 24. *Mundatis quod de foris est calicis & paropside*. 183  
v. 27. *Va vobis Scribae & Pharisei*, hypocritae; quia similes estis sepulchris dealbatis, quia à foris parent hominibus speciosa, intus verò plena sunt ossibus mortuorum, &c. 24  
C. 25. v. 40. *Quamdiu fecistis uni ex his fratribus meis minimis, mihi fecistis*. 650  
v. 41. *Disceat à me maledicti*, in ignem accer-  
num. 426  
C. 26. v. 23. *Qui intingit manum meam in paropside, hic me tradet*. 387  
v. 26. *Cenantibus autem eis, accepit Iesus panem, & benedixit ac fregit, deditque discipulis suis, & ait: accipite & comedite, hoc est corpus meum*. 405. 440. 455. 891. 896. 910. 926  
v. 27. *Et accipiens calicem, gratias egit, & dedit illis dicens: bibite ex hoc omnes*.  
v. 28. *Hic est enim sanguis meum novi testamenti, qui pro multis effundetur in remissionem peccatorum*. 183. 251. 255. 287. 910. 922  
v. 38. *Tristis est anima mea usque ad mortem*. 269. 395  
v. 39. *Pater mi, si possibile est, transcat à me calix iste*. 251  
ibid. *Verumtamen, non sicut ego volo, sed sicut tu*. 414  
v. 68. *Prophetisa, quis te percussit?* 389  
v. 75. *Et egressus foras, stetit amare*. 788  
C. 27. v. 1. *Mane autem facto, concilium inie-  
runt omnes principes Sacerdotum & seniores  
populi adversus Iesum, ut eum moris trade-  
rent*. 506  
v. 51. *Et ecce velum templi scissum est*. 510  
C. 28. v. 4. *Pro timore autem eius, exterriti sunt  
custodes*. 397  
v. 19. *Euntes ergo docete omnes gentes, baptizan-  
tes eos in nomine Patris & Filii & Spiritus  
sancti*. 606. 673. 690. 693. 796. 806. 835.  
840. 910  
v. 20. *Docentes eos servare omnia, quaecumque  
mandavi vobis*. 808

## EX S. MARCO.

- CAP. **F**UIT Ioannes in deserto baptizans &  
I. v. 4. *pradicans baptismum & poenitentia*.  
731  
C. 4. v. 33. *Est talibus multis parabolis loquebatur  
eis verbum, prout poterant auire: sine parabola  
autem non loquebatur eis*. 826  
C. 5. v. 28. *Si vel vestimentum eius tetigero,*

- salva ero*. 175  
C. 6. v. 8. *Præcepit eis ne quid tollerent in via, nisi  
virgam tantum, non peram, non panem, ne-  
que as in zona*. 44  
v. 13. *Et ungebant oleo multos agros, & sana-  
bant*. 578  
v. 18. *Non licet tibi habere uxorem fratris tui*. 732  
C. 9. v. 2. *Vestimenta eius facta sunt splendentia  
& candida nimis velut nix; qualia fullo non  
potest super terram candida facere*. 31  
v. 48. *Omnis vitium salo salietur, bonum est sal,  
habete sal in vobis*. 567. 750  
C. 10. v. 14. *Sinite parvulos venire ad me, talium  
est enim regnum Dei, &c*.  
v. 16. *Et complexans eos, & imponent manus su-  
per illos, benedicebat eos*. 551  
v. 32. *Erant autem in via, ascendentes Ierosoly-  
mam, & præcedebat illos Iesus, & stipebant,  
& sequentes timebant*. 392  
C. 11. v. 8. *Alij autem frondes cadebant de arbori-  
bus, & sternebant in via*. 592  
v. 15. *Et cathedras vendentium columbas evertit*.  
759.  
C. 12. v. 25. *Sed sunt sicut Angeli in calis*. 38  
C. 14. v. 18. *Amen dico vobis, quia unus ex vo-  
bis tradet me, qui manducat mecum*. 437  
v. 24. *Hic est sanguis meum novi testamenti, qui  
pro multis effundetur*. 255  
ibid. *Et biberunt ex illo omnes*. 187. 395  
v. 65. *Et caperunt conspuere eum, & velare fa-  
ciem eius, & colaphis eum cedere, & dicere  
ei, prophetisa; & ministri alapis eum cede-  
bant*. 8  
C. 15. v. 23. *Et dabant ei bibere vinum myrrha-  
tum, & non accepit*.  
v. 34. *Et hora nona exclamavit Iesus voce magna*.  
505  
C. 16. v. 5. *Viderunt inuenem sedentem in dex-  
tris coopertum stolâ candidâ*. 25. 29  
v. 6. *Survexit, non est hic*. 29  
v. 18. *Et si mortiferum quid biberint non eis no-  
cebit*.

## EX SANCTO LVCA.

- CAP. **S**ICUT tradiderunt qui ab initio ipsi  
I. v. 2. *viderunt, & ministri fuerunt sermo-  
nis*. 718  
v. 17. *Ipse præcedet ante illum in spiritu & virtute  
Elie*. 393. 731  
v. 28. *Ane gratia plena Dominus tecum*. 720  
v. 30. *Inuenisti gratiam apud Deum*. 404  
v. 41. *Ut audiuit salutationem Mariae Elisabeth,  
exultavit infans in utero eius*. 720  
v. 43. *Et unde hoc mihi, ut mater Domini mei  
veniat ad me*. 401  
C. 2. v. 22. *Secundum legem Moysi, intravit il-  
lum in Ierusalem, ut sisterent eum Domino*. 454  
v. 19. *Maria autem conservabat omnia verba hæc,  
conferens in corde suo*. 718  
v. 32. *Lumen ad revelationem gentium*. 583. 584  
C. 3. v. 1. *Factum est verbum Domini super Ioan-  
nem in deserto, & venit in omnem regionem  
Iordanis predicans baptismum poenitentia*. 709  
v. 4. *Vox clamantis in deserto*. 771  
*Parate viam Domini*. 361

# SACRÆ SCRIPTURÆ.

Cap. 4. v. 8. Docabas in monte. 758  
v. 20. Et cum pleniſſet librum, reddidit miniſtro, & ſedit. Et omnium in ſynagoga oculi erant inſequentes in eum. 759  
C. 6. v. 12. Exiit Ieſus in montem orare, & erat pernoctans in oratione Dei. 716  
v. 38. Meſuram bonam & conſertam, & cogitatam, & ſupereffluentem dabunt in ſinum veſtrum. 425  
C. 7. v. 14. Et accedens Ieſus, tetigit loculum, &c. adoleſcens tibi dico ſurge. 833  
C. 9. v. 1. Convocatis autem duodecim Apoſtoliſ, dedit illis virtutem & poteſtatem ſuper omnia demonia, & ulceroſes curarent, &c. 90  
v. 29. Veſtibus eius albus & refulgens. 31  
v. 48. Qui minor eſt inter vos omnes, hic maior eſt. 68  
C. 10. v. 1. Designavit Dominus & alios ſeptuaginta duos, & miſit illos binos ante faciem ſuam, &c. 563  
v. 1. Meſſis quidē multa, operarii verò pauci. 70. 712  
v. 6. Pax huic domui. 605  
v. 16. Qui vos audit, me audit. 671  
Qui vos ſpernit, me ſpernit. 599  
v. 19. Ecce dedi vobis poteſtatem calcandi ſupra ſerpentes & ſcorpiones, & ſuper omnem virtutem inimici. 95  
v. 35. Curam illius habe, & quodcumque ſupererogaveris, ego cum rediero, reddam tibi. 649. 746  
C. 11. v. 23. Qui non colligit mecum, diſpergit. 735  
v. 52. Vae vobis legiſperitis, quia tulitiſtis clavem ſcientiæ. 72. 714  
C. 12. v. 35. Sint lumbi veſtri præcincti, & lucerna ardentes in manibus veſtris. 55. 56  
v. 49. Ignem veni miſſere in terram, & quid volo, niſi ut ardeat? 412. 567  
v. 50. Baptiſmo habeo baptiſari; & quomodo coartor v, que dum perfeſciatur. 177. 392  
C. 16. v. 8. Laudavit Dominus villicum iniquitatis, quia prudenter feciſſet: quia filij huius ſæculi prudentiores filiis lucis in generatione ſua ſunt. 737  
C. 21. v. 15. Ego dabo vobis & ſapientiam, cui non poterunt reſiſtere. 733  
v. 19. In patientia veſtra poſſidebitis animas veſtras. 660  
C. 22. v. 12. Ipſe oſtendet vobis cœnaculum magnum ſtratū. 197  
v. 15. Deſiderio deſideravi hoc Paſcha manducare vobiſcum antequam patiar. 391. 393  
v. 17. Accipite & dividite inter vos. 187. 262. 264  
v. 19. Accepit panem gratias egit, fregit, & dedit eis dicens: Hoc eſt corpus meum quod pro vobis datur. 185. 328. 369. 385. 470. 471. 922  
Hoc facite in meam commemorationem. Vide lu-  
pra Matth. c. 26. 339  
v. 20. Hic calix novum teſtamentum eſt in ſanguine meo qui pro vobis fundetur. 183. 185. 255. 315. 437. 455. 459  
v. 27. Quis maior eſt, qui recumbit, an qui miniſtrat? Nonne qui recumbit? Ego autem in medio veſtrum ſum, ſicut qui miniſtrat. 387  
v. 29. Ego aſſpono vobis, ſicut diſpoſui mihi pater meus, regnum, ut edatis & bibatis ſuper menſam meam in regno meo. 334  
v. 32. Et in aliquando converſus, confirma fratres

inos. 789  
v. 33. Tecum paratus ſum & in carcerem, & in mortem ire. 746  
v. 42. Veruntamen non mea voluntas, ſed tua fiat. 414  
v. 43. Apparuit autem illi Angelus de celo, confortans eum. 395  
C. 23. v. 4. Nihil inveniſti cauſa in homine hoc, &c. 23  
v. 34. Pater, dimitte illis: non enim ſciunt quid faciunt. 427  
C. 24. v. 4. Ecce duo viri ſteterunt ſecus illas in veſte fulgenti. 31  
v. 30. Dum recumberet cum eis accepit panem, & benedixit, ac fregit, & porrigebat illis. 597  
v. 39. Videte manus meas & pedes meos. 567  
v. 45. Tunc aperuit illis ſenſum, ut intelligerent ſcripturas. 764  
v. 50. Elevariſtis manibus benedixit illis, & ferebatur in calum. 549

## EX S. IOANNE.

CAP. I. IN principio erat Verbum. 718  
I. v. 1. v. 7. Hic venit in teſtimonium, ut teſtimonium perhiberet de lumine. 731  
v. 9. Erat lux vera qua illuminat omnem hominem venientem in hunc mundum. 717  
v. 16. Et de plenitudine eius nos omnes accepimus. 781  
v. 17. Lex per Moſen data eſt, gratia & veritas per Ieſum Chriſtum facta eſt. 308. 892  
v. 18. Deum nemo vidit unquam: unigenitum ſilium qui eſt in ſinu patris, ipſe enarraui. 670  
v. 29. Ecce Agnus Dei, ecce qui tollis peccata mundi. 922  
v. 32. Vidi Spiritum deſcendentem quaſi columbam de celo, & manſit ſuper eum. 787  
v. 33. Hic eſt qui baptizat in Spiritu ſancto. 331. 853  
C. 2. v. 4. Nondum venit hora mea. 392  
v. 15. Cum feciſſet quaſi flagellum de ſinictis, 59. 60  
Cap. 3. v. 8. Spiritus ubi vult ſpirat. 539. 746  
v. 11. Quod ſcimus loquimur, & quod vidimus, teſtamur. 781  
v. 16. Sic Deus dilexit mundum, ut filium ſuum unigenitum daret. 313. 328. 879  
v. 18. Qui non credit, iam iudicatus eſt. 745  
v. 20. Qui male agit odit lucem, & non venit ad lucem ut non arguantur opera eius: qui autem, &c. 23  
C. 4. v. 2. Quamquam Ieſus non baptiſaret, ſed diſcipuli eius. 833. 834  
v. 38. Et vos in labores eorum introiſtiſ. 748  
C. 5. v. 7. Hominem non habeo. 425  
v. 23. Vt omnes honorificent filium, ſicut honorant patrem. 873  
v. 35. Ille erat lucerna ardens & lucens. 248. 732  
C. 6. v. 37. Venientem ad me non eiciam foras. 190.  
v. 45. Erunt omnes docibiles Dei. 727  
v. 44. Nemo poteſt venire ad me, niſi pater qui miſit me, traxerit eum. 663  
v. 52. Panis, quem ego dabo, caro mea eſt, pro mundi vita. 413. 926

# INDEX LOCORVM

- v. 54. Nisi manducaveritis carnem filij hominis, non habebitis vitam in vobis. 526
- v. 55. Qui manducat meam carnem, & bibit meum sanguinem, habet vitam aeternam. 271. 910
- v. 56. Caro mea verè est cibus, & sanguis meus verè est potus. 183. 235. 526. 910. 917
- v. 57. Qui manducat meam carnem, & bibit meum sanguinem, in me manet, & ego in illo. 26. 336. 410
- v. 59. Qui manducat hunc panem, vivet in aeternum. 30
- C. 8. v. 1. Venit diluculo iterum in templum, & omnis populus venit ad eum, & sedens docebat eos. 739. 860
- v. 25. Ego principium, qui & loquor vobis. 714
- C. 9. v. 4. Me oportet operari opera eius qui misit me, donec dies est. 503
- Venit nox, quando nemo potest operari. 426
- C. 10. v. 2. Bonus pastor intrat per ostium in ovile, &c. alienum autem non sequuntur. 664. 668
- v. 3. Proprias oves vocat nominatim. 649
- v. 6. Illi autem non cognoverunt quid loqueretur eis. 663
- v. 9. Ego sum ostium. 714
- v. 11. Bonus pastor animam suam dat pro ovibus suis. 653
- v. 17. Propterea diligit me pater, quia ego pono animam meam. &c. 312. 392. 526
- v. 18. Nemo tollit eam à me, sed pono eam à me ipso. 312
- v. 26. Sed vos non creditis, quia non estis ex ovibus meis. 663
- v. 30. Ego & pater unum sumus. 873
- v. 35. Nonne scriptum est in lege vestra: ego dixi Deo: habetur Psalm. 81. 6. Si illos dixit Deus, ad quos sermo Dei factus est. 668. 671
- v. 36. Quem pater sanctificavit, & misit in mundum. 454
- v. 37. Ego in Patre, & Pater in me est. 996
- C. 12. v. 3. Ut filij lucis suis. 723
- v. 31. Ego si exaltatus fuero, omnia traham ad meipsum. 252
- C. 13. v. 1. Cum dilexisset suos qui erant in mundo, in finem dilexit eos. 255. 287
- v. 6. Domine, tu mihi lavas pedes? Resp. Iesus, & dixit: &c. Si non laverote, non habebis partem mecum. 6. 13. 387
- v. 10. Qui lotus est, non indiget nisi ut pedes laves, sed est mundus totus. 397
- v. 13. Vocatis me, Magister & Domine, & benedicitis, sum etenim. 721
- v. 15. Exemplum enim dedi vobis, ut quemadmodum ego feci vobis, ita & vos faciatis. ibid. & 756.
- v. 16. Non est servus maior domino suo: neque Apostolus maior est eo qui misit illum. 659. 744
- C. 14. v. 2. In domo Patris mei mansiones multae sunt. 712
- v. 6. Nemo venit ad Patrem, nisi per me. 365
- v. 9. Qui videt me, videt & Patrem, &c. quia ego in Patre, & Pater in me est. 670
- v. 13. Quodcumque petieritis Patrem in nomine meo, hoc faciam vobis. 363. 366
- v. 27. Pacem relinquo vobis, pacem meam do vobis. 424
- v. 31. Ut cognoscat mundus quia diligo Patrem, & sicut mandatum dedit mihi Pater, sic facio. 252. 387. 516
- C. 15. v. 1. Ego sum vitis vera. 278
- v. 5. Sine me nil potestis facere. 714. 735
- v. 15. Iam non dicam vos servos, &c. vos autem dixi amicos. 24. 333
- C. 16. v. 13. Cum autem veneris ille Spiritus veritatis, docebit vos omnem veritatem. 808
- v. 14. Ille de meo accipiet, & annuntiabit vobis. 671
- v. 10. Amen dico vobis, quia plorabitis & flebitis vos: mundus autem gaudet. 424
- v. 21. Mulier cum parit, tristitiam habet, cum peperit autem puerum: iam non meminit pressuræ, propter gaudium, quia natus est homo in mundum. 724. 747
- v. 23. Amen dico vobis: si quid petieritis Patrem in nomine meo, dabit vobis. 472
- v. 33. Hec locutus sum vobis, ut in me pacem habeatis; in mundo autem pressuram habebitis: sed confidite, ego vici mundum. 424
- C. 17. v. 1. Pater, venit hora, clarifica filium tuum, ut filius tuus clarificet te. 392
- v. 3. Hæc autem est vita aeterna, ut cognoscant te solum Deum verum, & quem misisti Iesum Christum. 767
- v. 6. Manifestavi nomen tuum hominibus, &c. 670
- v. 12. Nemo ex eis perit, nisi filius perditionis. 438
- v. 17. Pater sanctifica eos in veritate. 749
- v. 19. Et pro eis sanctifico meipsum, ut sint & ipsi sanctificati in veritate. 454
- C. 18. v. 11. Calicem quem dedit mihi Pater, non vis ut bibam illum. 251. 260. 328. 392. 395
- v. 12. Comprehenderunt Iesum, & ligaverunt eum. 60
- v. 18. Stabant autem ad prunas quia frigus erat, & calefaciebant se. 890
- v. 24. Misit eum Annas ligatum ad Caipham. ibid.
- v. 31. Nobis non licet occidere quemquam. 427
- v. 37. Ego in hoc natus sum, & ad hoc veni in mundum, ut testimonium perhibeam veritati. 806
- C. 19. v. 15. Tolle, tolle, crucifige eum. 506
- v. 26. Ecce filius tuus. 27. Ecce mater tua. 405
- v. 28. Dixit, filio. 392. 393
- v. 30. Consummatum est. 310. 385. 787
- v. 34. Et continuo exiit sanguis & aqua. 272. 462. 927.
- C. 20. v. 5. Et cum se inclinaret, vidit posita lintamina, &c. & sudarium quod fuerat super caput Iesu, &c. 12
- v. 22. Accipite Spiritum sanctum: sicut misit me pater, sic & ego mitto vos. 659. 670
- v. 23. Quorum remisistis peccata, remittuntur eis; & quorum retinueritis, retenta sunt. 613. 614. 616. 690. 698
- C. 21. v. 17. Dicit Iesus Simoni Petro: Simon Ioannis, diligis me plus his: dicis ei: etiam Domine, tu scis quia amo te. Dicit ei, pasc agnos



# SACRÆ SCRIPTURÆ.

meos, &c. 553. 662. 668  
v. 18. Cum esses inuicior, cingebas te, & ambula-  
bas ubi volebas: cum autem senueris, extendes  
manus tuas, & alius te cinget, &c. 50

## EX ACTIBVS APOST.

CAP. **Q**UÆ capit Iesus facere, & docere.  
1. v. 1. 344. 664  
v. 9. Et nubes suscepit eum ab oculis eorum. 296  
v. 10. Ecce duo viri astiterunt iuxta illos in vesti-  
bus albis. 32  
C. 2. v. 2. Factus est repente de caelo sonus, tan-  
quam aduenientis spiritus vehementis, & re-  
pleuit totam domum ubi erant sedentes. 673  
v. 11. Loquentes magnalia Dei. 783  
v. 42. Erant autem perscrutantes in doctrinâ ap-  
ostolorum, & communicatione fractionis panis,  
& orationibus. 493  
v. 37. His autem auditis, compuncti sunt corde, &  
dixerunt ad Petrum, & ad reliquos Apostolos:  
Quid faciemus: Viri fratres? Petrus verò ad  
illos: penitentiam agite. 789  
C. 3. v. 14. Petistis virum homicidam donari vobis,  
auctorem verò vite interfecistis. 427  
v. 17. Et nunc fratres scio, quia per ignorantiam  
fecistis, sicut Principes vestri. ibid.  
C. 4. v. 19. Si iustum est in conspectu Dei, vos  
potius audire quam Deum, iudicate: Non  
enim possumus, quæ vidimus & audimus,  
non loqui. 733  
v. 29. Respice Domine, in minas eorum, & da seruis  
tuis loqui verbum tuum cum omni fiducia. ibid.  
C. 5. v. 3. Anania, cur tentasti Satanam, &c. cor  
tuum mentiris te Spiritui sancto, &c.  
v. 4. Non es hominibus mentitus, sed Deo. 874  
C. 6. v. 2. Non est æquum nos derelinquere ver-  
bum Dei, & ministrare mensis. 698. 699  
v. 4. Nos verò orationi & ministerio verbi in-  
stantes erimus. 716  
v. 15. Et intuentes eum omnes qui sedebant in con-  
cilio, viderunt faciem eius, tanquam faciem  
Angeli. 669  
v. 51. Dura cernice, & incircumcisis cordibus, &  
auribus, vos semper Spiritui sancto resistitis. 733  
C. 7. v. 52. Quem Prophetarum non sunt perse-  
cuti patres vestri? Et occiderunt eos qui præ-  
nuntiabant de aduentu iusti, cuius vos nunc  
proditores, & homicida fuistis. 427  
v. 53. Quia accepistis legem in dispositione Ange-  
lorum, & non custodistis. 338. 668  
C. 9. v. 11. Surge & vade ad vicum qui vocatur  
Rectus, & quare in domo Iuda Saulam nomine,  
Tarcersem; ecce enim orat. &c. 791  
v. 15. Vas electionis est mihi iste, ut portet nomen  
meum coram gentibus, & regibus, & filiis Israel.  
715. 837  
v. 16. Ego ostendam quanta oporteat eum pro no-  
mine meo pati. 659  
C. 10. v. 48. Iussit eos baptizari in nomine Domini  
Iesu Christi. 839  
C. 11. v. 7. Surge Petre, occide, & manduca. 729  
C. 12. v. 8. Præcingere, & circumda tibi vesti-  
mentum tuum, & sequere me. 50  
C. 13. v. 2. Ministrantibus autem illis Domino.  
477. 510

C. 14. v. 11. Diu similes facti hominibus, descen-  
derunt ad nos; & vocabant Barnabam, Iouem:  
Paulum verò Mercurium, quoniam ipse erat  
dux verbi. 770  
C. 16. 17. Isti homines serui Dei excelsi sunt, qui  
annunciant vobis viam salutis. 804  
C. 17. v. 18. Quid vult semini-verbum hic dicere?  
806  
C. 19. v. 11. Ita ut etiam super languidos deferren-  
tur à corpore eius sudaria & semicinctia, & re-  
cedebant ab eis languores, & spiritus nequam  
egrediebantur. 52. 57  
C. 20. v. 7. Vnâ autem Sabbathorum, cum con-  
uenissemus adfrangendum panem. 530  
v. 26. Mundus sum à sanguine omnium, non  
enim subterfugi, &c. 680  
C. 21. v. 11. Virum cuius est zona hæc, sic alligabunt  
in Ierusalē Iudæi, & tradent in manus gentium. 51  
C. 22. v. 29. Tribunus timnis postquam rescivit  
quia ciuis Romanus esset. 107  
C. 23. v. 11. Constans esto: sicut enim testificatus  
es de me in Ierusalem, sic te oportet & Roma  
testificari. 897  
C. 24. v. 24. Audiuisti ab illo fidem, quæ est in Chri-  
stum Iesum, disputante autem illo de iustitia &  
castitate, & de iudicio futuro tremefactus Fe-  
lix. 734. 769  
C. 26. v. 24. Insanis Paule, te littera ad insaniam  
conuersunt; Et Paulus: non insanio (inquit)  
optime Feste, sed veritatis & sobrietatis verba  
loquor. 904  
v. 28. In modico suades me Christianum fieri. 769  
v. 29. Opto apud Deum, & in modico & in magno,  
non tantum te, sed etiam omnes qui audiunt, fieri  
tales qualis & ego sum, exceptis vinculis his. 51  
C. 23. v. 35. &c. Propter quod rogo vos accipere ci-  
bum pro salute vestra: &c. & cum hæc dixis-  
set, sumens panem, gratias egit Deo in conspe-  
ctu omnium, & cum fregisset, cepit mandu-  
care, &c. 489. 490  
C. 28. v. 20. Propter spem enim Israel, hæc cate-  
nâ circumdatus sum. 51

## EX EPIST. AD ROM.

CAP. **P**AVLVS seruus Iesu Christi. 333  
1. v. 1. v. 14. Sapientibus & insipientibus de-  
bitor sum. 782  
v. 16. Euangelium virtus est Dei omni credenti. 796  
v. 20. Inuisibilia ipsius à creatura mundi, per ea  
quæ facta sunt, intellecta conspiciuntur. 670  
v. 21. Enarrarunt in cogitationibus suis, &c. di-  
centes enim se esse sapientes, stulti facti sunt. 266  
C. 2. v. 4. An diuitias bonitatis eius, & patientiæ,  
& longanimitatis contemnis, &c. Secundum  
autem duritiam tuam & impœnitens cor, the-  
saurisas tibi iram in die ire. 320  
v. 17. Gloriaris in Deo. 18  
Et nosti voluntatē eius & probas utiliora, &c. 722  
v. 21. Qui ergo alium doces, teipsum non doces;  
qui prædicas non furandum, furaris; qui dicis  
non mœchandum, mœcharis, &c. 735  
C. 3. v. 1. Quid ergo amplius Iudæo est, aut quæ  
utilitas circumcissionis? multum per omnem mo-  
dum, primò quidem, quia credita sunt illis elo-  
quia Dei. 667

# INDEX LOCORVM

- v. 31. Legem per fidem destruimus? absit; sed legem statuimus. 391
- C. 6. v. 3. An ignoratis, quia quicumque baptisati sumus in Christo Iesu, in morte ipsius baptisati sumus? &c. 462
- v. 6. Vt destruat corpus peccati. 729
- v. 9. Christus resurgens à mortuis, iam non moritur. 455
- v. 12. Non ergo regnet peccatum in mortali vestro corpore. 321
- C. 7. v. 18. Scio quia non habitat in me, (hoc est in carne mea) bonum, &c. 742
- v. 22. Condelector legi Dei secundum interiorem hominem. 321
- v. 25. Infelix ego homo! qui me liberabis de corpore mortis huius? 321. 742
- C. 8. v. 6. Prudentia carnis, mors est. 736
- v. 22. Omnis creatura ingemiscit, & parturit usque adhuc. 748
- v. 26. Spiritus adiuvat infirmitatem nostram: nam quid oremus, sicut oportet, nescimus: sed ipse spiritus postulat pro nobis gemitibus inenarrabilibus. 344. 785. 788
- v. 32. Qui proprio filio non pepercit; sed pro nobis omnibus tradidit illum: quomodo non etiam cum illo omnia nobis donauit? 328. 879
- v. 34. Christus, qui mortuus est, immo qui & resurrexit, qui est ad dexteram Dei, qui etiam interpellat pro nobis. 475
- v. 35. Quis ergo nos separabit à charitate Christi? tribulatio? an angustia, &c. 258. 411
- C. 9. v. 4. Hi sunt Israelitae, quorum adoptio est filiorum, & gloria, & testamentum & legislatio, & obsequium, & promissa. 667
- C. 10. v. 4. Finis legis, Christus ad iustitiam omniconfidenti. 670
- v. 10. Corde creditur ad iustitiam, ore autem confessio fit ad salutem, &c. ibid.
- v. 14. Quomodo audient sine predicante: quomodo verò predicabunt nisi mittantur? 664. 701. 805
- v. 15. Quam speciosi pedes euangelizantium pacem, euangelizantium bona! 787
- v. 17. Fides ex auditu, auditus autem per verbum Dei. 461
- C. 12. v. 1. Obsecro vos ut exhibeatis corpora vestra, hostiam viuentem, sanctam, Deo placentem, rationabile obsequium vestrum. 261
- v. 8. Qui praest in solitudine. 631. 672
- v. 11. Spiritu feruentes. 795
- v. 16. Non alta sapientes, sed humilibus seruientes. 752
- C. 13. v. 1. Non est potestas nisi à Deo. 648. quae autem à Deo sunt, ordinata sunt. 556. 841
- v. 4. Non sine causa gladium portat, Dei enim minister est. 730
- v. 5. Laeo necessitate subditi estote, non solum propter iram, sed etiam propter conscientiam. 648
- v. 11. Quia iam hora est nos de somno surgere. 792
- v. 3. Principes non sunt timori boni operis, sed mali, &c. 544
- C. 15. v. 4. Quaecumque scripta sunt, ad nostram

- doctrinam scripta sunt. 711. 712
- v. 16. Vt sum minister Christi Iesu, in Gentibus, sanctificans euangelium Dei. 715
- v. 18. Non audeo aliquid loqui eorum quia per me non efficit Christus, in obedientiam Gentium, verbo & factis. 744
- v. 30. Obsecro vos fratres, per Dominum nostrum Iesum Christum, & per charitatem sancti Spiritus, ut adiungetis me in orationibus vestris pro me ad Deum. 715

## EX PRIORI AD CORINTHIOS.

- CAP. NEMINEM vestram baptisari, nisi I. v. 14. Crispum, & Caium. 839
- v. 17. Non enim misit me Christus baptizare, sed euangelizare. ibid.
- Non in sapientia verbi, ut non enucleetur crux Christi. 776
- v. 23. Nos autem predicamus Christum crucifixum: Iudaeis quidem scandalum, Gentibus autem stultitiam. 312
- v. 26. Respiciite fratres, vocationem vestram. 749
- C. 2. v. 1. Et ego cum venissem ad vos, non in sublimitate sermonis, aut sapientia. 763
- v. 22. Non enim indicami me scire aliquid inter vos, nisi Iesum Christum, & hunc crucifixum. 130. 264. 761. 801. 805
- v. 4. Et sermo meus, & predicatio mea, non in persuasibilibus humana sapientia verbis: sed in ostensione Spiritus & virtute. 734
- C. 3. v. 2. Lac vobis potum dedi, non escam. 575
- v. 5. Ministri eius cui credidistis, & unicuique sicut Dominus dedit. 832
- v. 8. Vnusquisque autem propriam mercedem accipiet secundum laborem suum. 749
- v. 9. Dei adiutores sumus. ibid.
- v. 11. Fundamentum aliud nemo potest ponere, praeter id quod positum est, quod est Christus Iesus. 735
- v. 17. Si quis templum Dei violauerit, disperdet illum Deus. 210
- C. 4. v. 1. Sic nos existimet homo ut ministros Christi, & dispensatores mysteriorum Dei. 2. Hic iam quaeritur inter dispensatores ut fidelis quis inueniatur. 334. 546. 724. 808. 832
- v. 21. In virga veniam ad vos. 645
- C. 5. v. 7. Expurgate vetus fermentum, ut sitis noua conspersio, sicut estis azymi, etenim Pascha nostrum immolatus est Christus. 310. 313. 392. 482
- v. 8. Itaque epulemur non in fermento veteri, neque in fermento malitia, sed in azymis sinceritatis & veritatis. 310. 313. 392. 482
- CAP. 6. v. 11. Hae quidem faistis: sed abluti estis, sed sanctificati estis, sed iustificati estis in nomine Domini nostri Iesu Christi, & in Spiritu Dei nostri. 552
- C. 7. v. 5. Nolite fraudare inuicem, nisi forte ex consensu, ad tempus, ut vacetis orationi. 315
- v. 31. Qui viuuntur hoc mundo, tamquam non viuuntur. 321
- C. 8. v. 1. Scientia inflat. 801
- C. 9. v. 9. Quis militat suis stipendiis unquam, &c. 371
- v. 13.

# SACRÆ SCRIPTURÆ.

- V. 13. Nescitis quoniam qui in sacrario operantur, quæ de sacrario sunt, edunt: & qui altari seruiunt, cum altari participant?
- V. 14. Ita & Dominus ordinavit iis qui evangelium nuntiant, de evangelio vivere. 306
- V. 16. Væ mihi nisi evangelizavero, necessitas enim mihi credita est. 664. 680. 746. 808
- V. 19. Omnium me servum feci, ut plures lucrifacerem. 656. 687. 746
- V. 27. Castigo corpus meum, & in servitutem redigo: ne foris cum aliis predicavero, ipse reprobus efficiar. 729. 830
- C. 10. V. 13. Fidelis autem Deus est, qui non patitur vos tentari supra id quod potestis: sed faciet etiam cum tentatione proventum, ut possitis sustinere. 270
- V. 16. Calix benedictionis cui benedicimus, nōne communicatio sanguinis Christi est? & panis quem frangimus, nōne participatio corporis Domini est? 217. 262. 454
- V. 17. Quoniam unus panis, unum corpus multi sumus, omnes qui de uno pane participamus. 217
- V. 18. Videte Israel secundum carnem. Nōne qui edunt hostias, participes sunt altaris. 355
- V. 20. Non potestis calicem Domini bibere, & calicem demoniorum. 263. 266. 267. 476
- C. 11. V. 1. Imitatores mei estote, sicut & ego Christi. 664
- V. 23. Ego enim accepi à Domino quod & tradidi vobis. 377. 383. 922
- Quoniam Dominus Iesus in quā nocte tradebatur, accepit panem, & gratias agens fregit & dixit, accipite & manducate; Hoc est corpus meum quod pro vobis tradetur. 311. 377. 448. 449. 450. 451. 452. 453. 506. 922
- Hoc facite in meam commemorationem. ibid.
- &c. 328. 385. 387. 405. 489. 509. 526. 527. 557. 613. 690. 698
- V. 25. Hic calix nūm testamentum est in meo sanguine. 253
- V. 26. Quotiescumque manducabitis panem hunc, & cal. bibetis, mortem Domini annuntiabitis, donec veniat. 6. 339. 348. 372. 462. 497. 537. 910
- V. 27. Quicumque manducaverit panem hunc, vel biberit calicem Domini indigne, reus erit corporis & sanguinis Domini. 901
- V. 28. Probet autem seipsum homo, & sic de pane illo edat & de calice bibat. 351. 355. 394
- V. 29. Qui enim manducat & bibit indigne, iudicium sibi manducat & bibit. 271. 897. 911
- V. 30. Ideo inter vos multi infirmi & imbecilles, & dormiunt multi. 397
- C. 12. V. 3. Nemo potest dicere, Dominus Iesus, nisi in Spiritu sancto. 713
- V. 29. Numquid omnes Apostoli? Numquid omnes Propheta? 712
- V. 23. Quæ putamus ignobiliora esse membra corporis, his honorem abundantiorum circumdamus. 68
- C. 14. V. 19. In Ecclesia volo quinque verba sensu meo loqui, ut & alios instruam: quàm decem millia verborum in lingua. 826
- V. 31. Potestis enim omnes per singulos prophetare:

- ut omnes discant, & omnes exhortentur. 702
- V. 40. Omnia autem honestè & secundum ordinem fiant. 648. 842
- C. 15. V. 41. Stella differt à stella in claritate. 712
- V. 43. Seminatur in ignobilitate, surget in gloria. 917

## EX POSTERIORI AD CORINTHIOS.

- CAP. **N**ON enim volumus ignorare vos fratres, de tribulatione nostra qua facta est in Asia, quoniam supra modum gravati sumus, supra virtutem, ita ut caderet nos etiam vivere. 659
- C. 2. V. 14. Deo autem gratias, qui semper triumphat, nos in Christo Iesu, & odorem notitia sue manifestat per nos in omni loco. 348
- V. 15. Christi bonus odor sumus. 389
- V. 17. Non enim sumus sicut plurimi adulterantes verbum Dei. 778. 790
- C. 3. V. 7. Ita ut non possent filii Israel intendere in faciem Moysi, propter gloriam vultus eius. 668
- C. 4. V. 1. Ideo habentes administrationem, iuxta quod misericordiam consecuti sumus, non deficiamus, &c. 738
- V. 7. Habemus thesaurum in vasis fictilibus. 190
- V. 10. Semper mortificationem Iesu Christi in corpore nostro circumferentes, ut & vita Iesu in corporibus nostris manifestetur. 414
- C. 5. V. 15. Pro omnibus mortuus est Christus. 427. 438
- V. 19. Deus erat in Christo mundum reconcilians sibi. 832
- Pesuit in nobis verbum reconciliationis. 615. 646. 723
- C. 6. V. 2. Ecce nunc tempus acceptabile, ecce nunc dies salutis. 792
- V. 3. Nemini dantes ullam offensionem, ut non vituperetur ministerium nostrum. 371. 788
- V. 11. Cor nostrum dilatatum est ad vos o Corinthii. 258
- V. 14. Quæ enim participatio iustitia cum iniquitate? Aut quæ societas luci ad tenebras? Quæ autem conventio Christi ad Belial? &c. 263
- C. 10. V. 4. Arma militia nostra non carnalia sunt, sed potentia Deo ad destructionem munitionum, consilia destruentes, &c. V. 6. Et in promptu habentes oleisci omnem inobedientiam. 646. 729
- V. 15. Usque ad vos pervenimus in evangelio Christi. 211
- C. 11. V. 23. Plus ego in laboribus plurimis in carceribus abundanti, &c. V. 28. Præter illa quæ extrinsecus sunt, instantia mea quotidiana, sollicitudo omnium Ecclesiarum. 652. 672
- V. 29. Quis infirmatur, & ego non infirmor? Quis scandalizatur, & ego non uror? 258. 653. 687

# INDEX LOCORVM

## EX EPIST. AD GALATAS.

- CAP. I.** **C**HRISTO confixus sum cruci. v. 19. 130. 405  
 v. 19. 130. *Vino autem iam non ego, vinit verò in me Christus.*  
**C. 3. v. 19.** Lex ordinata per Angelos in manu mediatoris. 668  
 v. 27. *Quicumque enim in Christo baptisati estis, Christum induistis.* 141  
**C. 4. v. 9.** Quomodo conuerimini iterum ad infirmam & egena elementa. 308  
 v. 19. *Filibi mei quos iterum parturio, donec formetur Christus in vobis.* 747. 748  
 v. 31. *Quà libertate Christus nos liberavit.* 25  
**C. 5. v. 24.** Qui autem sunt Christi, carnem suam crucifixerunt cum vitii & concupiscentiis. 654  
**C. 6. v. 7.** Deus non irridetur. 339. 383  
 v. 14. *Mihi autem absque gloriari, nisi in cruce Domini nostri Iesu Christi, per quem mundus mihi crucifixus est, & ego mundo.* 130. 762. 765  
 v. 16. *Quicumque hanc regulam secuti fuerint, pax super illos, & misericordia, & super electos Dei.* 179. 811

## EX EPIST. AD EPHESIOS.

- CAP. I.** **B**ENEDICTVS Deus, & Pater v. 3. Domini nostri Iesu Christi, qui benedixit nos omni benedictione spirituali, in caelestibus in Christo Iesu. 543  
**C. 2. v. 18.** Quoniam per ipsum habemus accessum ad Patrem. 365  
**C. 3. v. 1.** Ego Paulus vinculus Christi Iesu. 51  
 v. 18. *Ut possitis comprehendere cum omnibus sanctis, quæ sit latitudo, & sublimitas, & profundum.* 801  
**C. 4. v. 7.** Vnicuique nostram data est gratia secundum mensuram. 712  
 v. 11. *Et ipse dedit quosdam quidem Apostolos, quosdam autem Prophetas, alios verò Evangelistas, alios autem Pastores & Doctores.* 673. 682  
 v. 12. *Ad consummationem sanctorum in opus ministerij.* 832  
 v. 30. *Nolite contristare Spiritum sanctum Dei, in quo signati estis.* 706  
**C. 5. v. 2.** Christus dilexit nos, & tradidit semetipsum pro nobis oblationem & hostiam Deo, in odorem suavitatis. 310. 306. 405. 593  
 v. 25. *Christus dilexit Ecclesiam, & seipsum tradidit pro eâ, ut illam sanctificaret, mundans laqueo aquæ in verbo vite, ut exhiberet sibi gloriosam Æccl. 141. 255. 671. 673. 919. 926. 927.*  
 v. 29. *Nemo unquam carnem suam odio habuit, sed nutrit & fonet eam, sicut & Christus Ecclesiam: quia membra sumus corporis eius, de carne eius & de ossibus eius.* 26  
**C. 6. v. 19.** *Ut detur mihi sermo in apertione oris mei cum fiducia, notum facere mysterium Evangelij, pro quo legatione fungor in catena, ita ut in ipsa audeam, prout oportet mihi loqui.* 734

## EX EPIST. AD PHILIPPEN.

- CAP. I.** **S**ICUT est mihi iustum hoc sentire v. 7. *Pro omnibus vobis: eo quod habeam vos in corde & in vinculis meis.* 652  
 v. 18. *Quid enim? dum omnimodo, sine per occasione, sine per veritatem Christus annuntietur, & in hoc gaudeo, sed & gaudebo &c. mihi enim vivere Christus est, & mori lucrum.* 715  
**C. 2. v. 8.** *Facili obediens usque ad mortem, mortem autem crucis.* 526  
 v. 20. *In nomine Iesu omne genua flectantur, caelestium, terrestrium & infernorum.* 154. 391.  
**C. 4. v. 7.** *Et pax Dei qua exsuperat omnem sensum.* 424  
 v. 13. *Omnia possum in eo qui me confortat.* 68

## EX EPIST. AD COLOSSEN.

- CAP. 2.** **V**IDETE ne quis vos decipiat per v. 8. philosophiam & inanem fallaciam. 819  
**C. 3. v. 9.** *Expoliantes vos veterem hominem cum actibus suis. v. 10. & induentes novum, qui renouatur in agnitionem secundum imaginem eius qui ornavit illum.* 410  
 v. 12. *Induite vos ergo sicut electi Dei, sancti, & dilecti, viscera misericordia, benignitatem, humilitatem, modestiam, patientiam, supportantes invicem &c. Super omnia autem hac charitatem habete, quod est vinculum perfectionis.* 142  
**C. 4. v. 6.** *Sermo noster semper in gratia salis sit conditus, ut sciatis quomodo vos oporteat vnicuique respondere.* 367  
 v. 27. *Vide ministerium quod accepisti in Domino, ut illud impleas.* 531. 652.  
 v. 18. *Memores estote vinculorum meorum.* 60

## EX I. EPIST. AD THESSAL.

- CAP. I.** **I**TA ut non sit nobis necesse quid v. 8. quam loqui. 488  
**C. 4. v. 4.** *Sciat unusquisque vestram vas suum possidere in sanctificatione & honore.* 321  
**C. 5. v. 12.** *Rogamus autem vos fratres, ut cognoscatis eos, qui laborant inter vos, & praesunt vobis in Domino, & monent vos, ut habeatis illos abundantius in charitate, propter opus illorum.* 694  
 v. 19. *Spiritum nolite extinguere.* 706

## EX PRIMA AD TIMOTH.

- CAP. I.** **D**E corde puro & conscientia bona, v. 5. & fide non ficta. 271  
 v. 6. *Conuersi sunt in vaniloquium. v. 7. volentes esse legis Doctores, non intelligentes, neque quæ loquuntur, neque de quibus affirmant.* 266. 709. 714.  
 v. 18. *Hoc praeceptum commendo tibi fili Timothee, ut milites bonam militiam, habens fidem & bonam conscientiam, quam quidam repellentes, circa fidem naufragauerunt.* 722



# SACRÆ SCRIPTURÆ.

- C. 2. v. 1.** Obsecro igitur primum omnium fieri obsecrationes, orationes, &c. pro omnibus hominibus, pro regibus, &c. Hoc enim bonum est & acceptum coram Salvatore nostro Deo, qui vult omnes homines saluos fieri & ad agnitionem veritatis venire. 373. 375. 428
- v. 7.** In quo positus sum ego predicator & Apostolus Doctor Gentium in fide & veritate. 715
- C. 3. v. 2.** Oportet Episcopum irreprehensibilem esse sine crimine, sobrium, prudentem, armatum, pudicum, hospitalem, Doctorem. 24. 654. 657
- v. 6.** Non neophytum. 706
- v. 9.** Habentes mysterium fidei in conscientia pura. 254. 255. 383.
- v. 13.** Qui enim bene ministraverint, gradum bonum sibi acquirunt. 357
- v. 16.** Et manifestè magnum est pietatis sacramentum, quod manifestatum est in carne, iustificatum est in spiritu, apparuit Angelis, predicatum est Gentibus, creditum est in mundo, assumptum est in gloria. 671
- C. 4. v. 2.** Cantueriatam habentium suam conscientiam. 24
- v. 4.** Omnis creatura Dei bona est. 595
- v. 5.** Sanctificatur enim per verbum Dei & orationem. 543
- v. 6.** Hæc proponens fratribus, bonæ servus minister Christi Iesu, enutritus verbis fidei, & bonæ doctrina quam affectus est. 726
- v. 7.** Ineptas autem & aniles fabulas denita. 752
- v. 12.** Exemplum esto fidelium, in verbo, in conversatione &c. 671. 790
- v. 13.** Attende lectioni & doctrina. 33. 665. 672. 749. 787. 790.
- v. 14.** Noli negligere gratiam quæ est in te &c. cum impositione manuum Presbyterii. 357. 614
- v. 15.** Hæc meditare, in his esto: v. 16. Attende tibi, & doctrina: instat illis. 92. 800. Hoc enim faciens, & teipsum saluum facies, & eos qui te audiunt. 92. 672
- C. 5. v. 17.** Qui bene præfunt, Presbyteri, amplius honore digni habeantur: maximè qui laborant in verbo & doctrina. 650. 651. 652. 675. 690. 694. 695. 705. 808.
- v. 20.** Peccantes coram omnibus argue. 646
- v. 22.** Manus cito nemini imposueris. 706
- v. 13.** Certa bonum certamen. 33
- C. 6. v. 13.** Præcipio tibi coram Deo qui vivificat omnia, & Christo Iesu, qui testimonium reddidit sub Pontio Pilato, bonam confessionem: ut servet mandatum sine macula, irreprehensibile usque in adventum Domini nostri Iesu Christi. 255. 806
- v. 20.** Depositum custodi. 800

## EX SECUNDA AD TIMOTH.

- CAP. I. v. 6.** **A**DMONEO te ut resuscites gratiam Dei, quæ est in te per impositionem manuum mearum. 357. 615
- v. 18.** Det illi Dominus misericordiam invenire in illadic. 422

- C. 2. v. 1.** Tu verò fili mi, confortare in gratia, quæ est in Christo Iesu? 726
- v. 2.** Et quæ audisti à me &c. hæc commenda fidelibus, quidonei erunt & alios docere. 706
- v. 7.** Intellige quæ dico: dabis enim tibi Dominus in omnibus intellectum. 772
- v. 15.** Sollicitè curate ipsum probabilem exhibere Deo, operarium inconfusibilem, rectè tractantem verbum veritatis. 805. 807
- v. 16.** Profana autem, & vaniloquia denita multum enim proficiunt ad impietatem. 752
- v. 17.** Et sermo eorum ut cancer serpit. 153
- v. 24.** Seruum autem Dei non oportet litigare, sed mansuetum esse ad omnes, docibilem, patientem, 725
- v. 25.** Cum modestia corripientem eos qui resistunt veritati: nequando det illis Deus penitentiam ad cognoscendam veritatem.
- v. 26.** Et respiciant à Diaboli laqueis, à quo captivi tenentur ad ipsius voluntatem. 745. 791
- C. 3. v. 9.** Ultra non proficiet: insipientia enim illorum manifesta erit. 57
- v. 12.** Omnes qui piè volunt vivere in Christo, persecutionem patientur. 654
- v. 14.** Tu verò permane in his quæ didicisti, & credita sunt tibi scient à quo didiceris.
- v. 15.** Et quia ab infantia sacratissime nos, quæ te possunt instruere ad salutem per fidem, quæ est in Christo Iesu. 800
- v. 16.** Omnis scriptura Divinitus inspirata, utilis est ad docendum &c. 807. 810
- C. 4. v. 1.** Testificor coram Deo & Iesu Christo, &c. Prædica verbum, instat opportune, importune, argue; obsecra, increpa in omni patientia & doctrina. 654. 655. 669. 746. 790. 810
- v. 3.** Erit enim tempus, cum sanam doctrinam non sustinebunt. 660
- v. 5.** Opus fac Evangelistæ, ministerium unum imple. 33. 740
- v. 13.** Pennulam, quam reliqui Troade apud Carpum, veniens affer tecum. 101. 105. 106. 107. 108. 121

## EX EPIST. AD TITUM.

- CAP. I. v. 1.** **P**AVLVS servus Dei, Apostolus an-tem Iesu Christi. 333
- v. 9.** Amplectentem eum qui secundum doctrinam est, fideliem sermonem, ut potens sit exhortari in doctrina sana, & eos qui contra dicunt arguere. 697. 705
- C. 2. v. 7.** In omnibus teipsum præbe exemplum bonorum operum, in doctrina; in integritate, in gravitate. 665. 726
- C. 3. v. 5.** Non ex operibus iustitia quæ fecimus nos; sed secundum suam misericordiam saluos nos fecit. 593
- v. 8.** Curent bonis operibus præesse. 666
- v. 9.** Stultas autem quæstiones, & genealogias, & contentiones, & pugnas legis denita, sunt enim inutiles & vana. 752

## EX EPIST. AD HEBRÆOS.

- CAP. I. v. 2.** **L**OCUTVS est nobis in filio. 670
- v. 3.** Portans omnia verbo virtutis

HHhhhh ij

# INDEX LOCORVM

- sua. 454
- v. 14. Omnes sunt administratores spiritus, in ministerium missi propter eos qui hereditatem capiunt salutis. 748
- C. 4. v. 12. Vinum est sermo Dei, & efficax, & penetrabilior omni gladio accipiti, & perstringens usque ad divisionem animae ac spiritus. 729. 785
- C. 5. v. 1. Omnis namque Pontifex ex hominibus assumptus, pro hominibus constituitur in iis quae sunt ad Deum, ut offerat dona, & sacrificia pro peccatis. 394. 508. 528
- v. 2. Qui condolere possit iis qui ignorant & errant: quoniam & ipse circumdatus est infirmitate. 321. 544. 546
- v. 7. Qui in diebus carnis suae, preces supplicationisque &c. cum clamore valido & lachrymis offerens, exauditus est pro sua reuerentia. 394. 398
- v. 8. Didicit ex iis quae passus est, obedientiam. 526.
- v. 9. Factum est omnibus obtemperantibus sibi, causa salutis aeterna. 365
- v. 10. Appellatus à Deo Pontifex iuxta ordinem Melchisedech. 154
- C. 7. v. 1. Hic enim Melchisedech, Rex Salem, Sacerdos Dei summi, qui obuians Abraham, regresso à cede Regum, & benedixit ei. 549
- v. 3. Assimilatus autem filio Dei. ibid.
- v. 7. Sine ulla autem contradictione, quod minus est à meliori benedicitur. ibid.
- v. 12. Translato Sacerdotio. 510
- v. 18. Reprobatio quidem praecedentis mandati, propter infirmitatem eius & inutilitatem. 331
- v. 19. Nihil enim ad perfectum adduxit lex, introductione vero melioris spes, per quam proximamus ad Deum. 308
- v. 24. Sempernum habet Sacerdotium. v. 25. Unde & saluare in aeternum potest accedentes per semetipsum ad Deum, semper viuens ad interpellandum pro nobis. 331. 475
- v. 26. Talis enim decebat ut nobis esset Pontifex, sanctus, innocens, impollutus, segregatus à peccatoribus, & excelsior caelis factus. 331
- C. 8. v. 2. Sanctorum minister & tabernaculi veri, quod fixit Dominus, & non homo. 308
- v. 5. Vide, omnia facito secundum exemplar quod tibi in monte monstratum est. habetur Exod. 25. 40.
- v. 6. Nunc autem melius sortitus est ministerium, quanto & melioris testamenti mediator est, quod in melioribus repromissionibus sancitum. 308
- v. 13. Dicendo autem nouum, veterans prius. ibid.
- C. 9. v. 9. Quae parabola est temporis instantis, in qua quam munera & hostia offeruntur. &c. ibid.
- v. 11. Christus autem assistens Pontifex futurorum bonorum operum, per amplius & perfectius tabernaculum, non manufactum, id est non huius creationis.
- v. 12. Neque per sanguinem hircorum aut vitulorum: sed per proprium sanguinem introiit semel in sancta, aeterna redemptione inuentus. 255. 509
- v. 13. Si enim sanguis hircorum & taurorum, & cinis vitulae aspersus sanctificat ad emundationem carnis: quanto magis sanguis Christi &c. 185. 353
- v. 22. Et sine sanguinis effusione non sit remissio. 471
- v. 24. Sed in ipsum celum introiit, ut appareat vulni Dei pro nobis. 467
- v. 28. Christus semel oblatus est ad multorum exhaurienda peccata. 438
- C. 10. v. 1. Umbram enim habens lex futurorum bonorum, non ipsam imaginem rerum. 308
- v. 11. Et omnis quidem Sacerdos praesto est quotidie ministrans, & easdem saepe offerens hostias. habetur & Num. 4. 508
- v. 14. Vna enim oblatione consummanis in sempiternam sanctificatos. 311. 509
- v. 26. Voluntarie enim peccantibus nobis, post acceptam notitiam veritatis, iam non relinquitur pro peccatis hostia. 438. 469. 509
- v. 29. Quanto magis putatis deteriora mereri supplicia qui filium Dei conculcauerit, & sanguinem testamenti pollutum duxerit, in quo sanctificatus est, & Spiritus gratia conuulsum fecerit? 469
- v. 31. Horrendum est incidere in manus Dei uiuentis. 168
- C. 11. v. 33. Qui per fidem vicerunt regna, operati sunt iustitiam, adepti sunt repromissiones. 28. 416
- C. 12. v. 2. Aspicientes in auctorem fidei & consummatorem Iesum, qui proposito ibi gaudio sustinuit crucem, confusione contempta &c. v. 3. Recogitate cum qui talem sustinuit à peccatoribus aduersum semetipsum contradictionem: ut ne fatigemini animis vestris deficientes. 130
- v. 24. Per sanguinis asperersionem melius loquentem quam Abel. 314. 472.
- C. 13. v. 9. Optimum est gratia stabilire cor. 375
- v. 10. Habemus altare de quo edere non habent potestatem, qui tabernaculo deseruiunt. 335. 476. 482. 510
- v. 11. Quorum enim animalium inferitur sanguis pro peccato in sancta per Pontificem, horum corpora cremabantur extra castra.
- v. 12. Propter quod & Iesus, ut sanctificaret per suum sanguinem populum, extra portam passus est. 185
- v. 17. Obedite praepositis vestris, & subiaceat eis. ipsi enim peruiolant, quasi rationem pro animabus vestris reddituri, ut cum gaudio hoc faciant, & non gementes: hoc enim non expedit vobis 648. 649. 650

# SACRÆ SCRIPTURÆ.

## EX EP. CATHOL. S. IACOBI APOST.

### CAP. I. IACOBVS, Dei & Domini nostri

- v. 1. **I**esu Christi seruu. 333  
v. 4. Patientia opus perfectum habet. 22  
v. 5. Si quis autem vestrum indiget sapientiâ, postulet à Deo &c. 655  
v. 27. Religio munda & immaculata, apud Deum & Patrem, hac est: visitare pupillos & viduas in tribulatione eorum, & immaculatum se custodire ab hoc saeculo. 672  
C. 3. v. 11. Numquid fons de eodem foramine emanat dulcem & amarum aquam. 271  
C. 4. v. 6. Deus superbis resistit, humilibus autem dat gratiam. 657. 801  
C. 5. v. 14. Infirmatur quis in nobis, inducat Presbyteros Ecclesia, & orent super eum, ungentes eum oleo in nomine Domini. 577  
v. 15. Et oratio fides saluabit infirmum, & alleviabit eum Dominus: & si in peccatis sit, remittentur ei. 578

## EX EPIST. B. PETRI APOST. I.

### CAP. I. PRÆNUNTIANs eas quæ in Christo sunt passiones, & posteriores glorias.

- v. 2. Sicut modò geniti infantes, rationabile, siue dolo lac concupiscite. 280. 575  
v. 24. Quis peccata nostra, ipse pertulit in corpore suo super lignum. 395  
C. 4. v. 10. Sicut boni dispensatores multiformis gratia Dei. 617  
v. 11. Si quis loquitur, quasi sermones Dei: si quis ministras, tanquam ex virtute quam administras Deus. 617. 808. 809  
v. 11. Ut in omnibus honorificetur Deus per Iesum Christum. 365. 474  
v. 16. Nemo vestrum patiatur ut homicida, aut fur, aut maledicus, aut alienorum appetitor: v. 17. Si autem ut Christianus, non erubescat, glorificet autem Deum in isto nomine. 540  
v. 17. Iudicium à domo Dei intipiet. v. 18. Insinus vix saluabitur. 649  
C. 5. v. 8. Circuis quarens quem deuoret. 652

## EX II. EPIST. B. PETRI.

### CAP. I. FUGITE eius qua in mundo est, concupiscentia corruptionem.

- v. 4. Vos autem curam omnem subiferentes, ministrare in fide vestram virtutem. 747  
v. 14. Certus quòd velox est depositio tabernaculi mei, secundum quod & Dominus noster Iesus Christus significauit mihi. v. 15. Dabo autem operam & frequenter habere vos post obitum meum, ut horum memoriam faciatis. 400  
v. 19. Es habemus firmiorem propheticum sermonem: cui benefacitis attendentes, quasi lucerna lucenti in caliginoso loco, donec dies elucescat & lucifer oriatur in cordibus ve-

stris.

806

- v. 21. Non enim voluntate humana allata est aliquando Prophetia: sed Spiritum sancto inspirati, locuti sunt sancti Dei homines. 807. 874

## EX EPIST. S. IOANNIS I.

### CAP. I. DEVS lux est, & tenebra in eo non sunt ulla.

- v. 5. sunt ulla. 801  
C. 2. v. 2. Ipse est propitiatio pro peccatis nostris; non pro nostris autem tantum, sed etiam pro totius mundi. 459  
C. 5. v. 9. Si testimonium hominum accipimus, testimonium Dei maius est. 111  
v. 16. Qui scis fratrem suum peccare peccatum non ad mortem, petat, & dabitur ei vita peccanti non ad mortem. Est peccatum ad mortem, non pro illo dico ut roget quis. 421. 438

## EX EP. CATHOL. B. IVDÆ APOST.

- v. 23. Vos verò saluate, de igne rapien-tes: alii autem miseramini in timore. 660

## EX APOCALYPSI S. IOAN. APOST.

### CAP. I. QUAE oportet fieri citò, & significauit Deus, mittens per Angelum suum sermo suo Ioannis.

- v. 8. Ego sum A & Ω, principium & finis, ibid.  
v. 13. Vidi similem filio hominis. ibid. Vestimentum podere, & praecinctum zonâ aurea ad mamillas. 13. 35. 37. 38  
v. 17. Cecidi ad pedes eius tanquam mortuus. 397  
C. 3. v. 2. Esto vigilans, & confirma cetera, quæ moritura erant, non enim inuenio opera tua plena coram Deo meo, &c. 653  
v. 5. Qui vicerit, vestietur vestimentis albis. 28  
C. 4. v. 6. Animalia plena oculis ante & retrò. v. 8. & intus plena sunt oculis. 728  
C. 5. v. 5. Vicit leo de tribu Iuda. 411  
v. 8. Ecceiderunt viginti quatuor seniores coram agno, &c. & cantabant canticum novum dicentes: dignus es Domine, &c. 973  
C. 6. v. 9. Vidi subtus altare, animas interfe-ctorum propter verbum Dei, & testimonium quod habebant. 609  
C. 7. v. 9. Amicti stolis albis, & palma in manibus eorum. 1  
v. 14. Lanerunt stolas suas, & decibauerunt eas in sanguine agni. 28  
C. 10. v. 8. Vade, & accipe librum apertum de manu Angeli, & deuora illum, &c. & deuorauit, &c. Et dixit mihi oportet te iterum prophetare Gentibus, & populis, & linguis & regibus multis. 798  
C. 11. v. 1. Datus est mihi calamus virga similis, ut metirem templum Dei, & altare, & adorantes in eo. 383

HHhhhh iij

## INDEX LOC. SACRÆ SCRIPTURÆ.

- |   |  |
|---|--|
| <p>C. 12. v. 1. Apparuit mulier amicta sole, &amp; luna sub pedibus eius. 717</p> <p>C. 13. v. 6. Aperuit os suum in blasphemias ad Deum, blasphemare nomen eius &amp; eos qui in celo habitant. 52</p> <p>C. 14. v. 9. Si quis adoraverit bestiam &amp; imaginem eius, &amp; acceperit characterem eius in fronte sua, aut in manus sua: v. 10. hic bibet de vino ira Dei, quod mixtum est mero in calice ira ipsius, &amp; cruciabitur igne &amp; sulphure in conspectu Angelorum &amp;c. 264</p> <p>C. 15. v. 6. Exierunt septem Angeli habentes septem plagas de templo vestis lino mundo &amp; candido, &amp; pracincti circa pectora, zonis aureis. 43</p> <p>C. 16. v. 5. Iustus es Domine, quies, &amp; qui eras sanctus, qui hac indicasti; quia sanguinem sanctorum effuderunt, &amp; sanguinem dedisti</p> | <p>eis bibere, digni enim sunt. 216</p> <p>v. 19. Babylon magna venit in memoriam ante Deum, dare illi calicem indignationis ira eius. 265</p> <p>C. 17. v. 4. Et mulier erat circumdata purpura &amp; coccino, &amp;c. habens poculum aureum in manu sua plenum abominatione &amp;c. &amp; vidi mulierem ebriam de sanguine sanctorum &amp;c. 267</p> <p>C. 19. v. 12. In capite eius habens diademata multa. 154</p> <p>C. 22. v. 11. Qui sanctus est, sanctificetur adhuc. 655</p> <p>v. 15. Foris canes, &amp; venefici, &amp; impudici, &amp; homicida, &amp; idolis servientes, &amp; omnis qui amat &amp; facit mendacium. 350. 646</p> |
|---|--|



### ERRATA SIC CORRIGITO

#### In textu.

**P**A G. 1. linea 4. eius. p. 24. l. 12. cauteriatam. p. 150. l. 35. excellis. p. 160. l. 4. Bosone. p. 198. l. 24. implicantia dici. p. 212. l. 39. aurum non. p. 263. l. 33. exitiosis. p. 269. l. 27. fiat accipientibus nobis. p. 312. l. 25. nostrum. p. 316. l. 10. cui. p. 334. l. 7. eos principes. p. 392. l. 30. Psal. 18. p. 505. l. 34. nixum. p. 412. l. 4. surrexisse. p. 580. l. 38. Prætorio. p. 597. l. 4. à Nicolao l. p. 598. l. 33. permittente. p. 640. l. 14. communicator. p. 673. l. 22. docendum eos. p. 854. l. 9. obuersari. p. 869. l. 12. constat ex.

#### In margine.

**P**A G. 193. l. 14. redemptione. p. 438. l. 51. ~~ἐκ τῆς ἀνάστασης~~. p. 554. l. 3. in principio. Irrepperunt etiam nonnullæ citationes minus accuratæ in locis Sacra Scriptura, sed in tabula sacra emendantur.











